

Digitized by the Internet Archive
in 2011 with funding from
University of Toronto

COLLEGII
SALMANTICENSIS
CARMELITARUM
DISCALCEATORUM
CURSUS THEOLOGICUS

ANICII. — EX TYPIS MARCHESSOU FILIORUM

COLLEGII

SALMANTICENSIS

FR. DISCALCEATORUM

B. MARIÆ DE MONTE CARMELI

Primitivæ Observantiae

CURSUS THEOLOGICUS

Juxta miram Divi Thomæ Praeceptoris Angelici doctrinam.

TOMUS NONUSDECIMUS

CONTINENS PARTEM PRIOREM TRACTATUS XXIV
DE PŒNITENTIA.

ILLUSTRISS, ac REVERENDISS. IN CHRISTO PATRI D. D.

CAROLO AMABILI DE LA TOUR - D'AUVERGNE - LAURAGUAIS

ARCHIEPISCOPO BITURICENSIS

DICATUS

EDITION NOVA, CORRECTA



E SOCIETATE GENERALI LIBRARIÆ CATHOLICÆ
PARISIIS

VICTOR PALMÉ, RECTOR GENERALIS
76, via Sanctorum Patrum, 76

BRUXELLIS
APUD J. ALBANEL
SUCCURSALIS RECTOREM
12, via Parochianorum, 12

GENEVÆ
APUD HENRICUM TREMBLEY
SUCCURSALIS RECTOREM
4, via vulgo dicta Corraterie, 4

THE INSTITUTE OF MEDIAEVAL STUDIES
10 ELMLEY PLACE
TORONTO 6, CANADA.

NOV 6 - 1931

1097

I. M. I.

Fr. Petrus a JESU MARIA Generalis Ordinis Fratrum Discalceatorum Beatæ Mariæ de Monte Carmeli primitivæ observantiæ, de Consensu nostri Diffinitorii, ut liber cuius titulus est. Prima pars tomī duodecimi Cursus Theologici Salmanticensis de virtute pœnitentiæ, et Sacramento : a Collegio nostro Salmanticensi accurate compositus, et a gravioribus, doctisque viris nostri Ordinis (Quibus ipsum videndum, et examinandum commisimus) recognitus, et approbatus Trypis mandetur, et in lucem prodeat, tenore præsentium licentiam concedimus. In quorum fidem præsentes litteras manu nostra, ac secretarii nomine subscriptas fieri jussimus in hoc nostro Divi Alberti Conventu de Ocana die Vigesima Octava Mensis Maii anno Domini millesimo septingentesimo primo.

FR. PETRUS A JESU MARIA,
Generalis.

FR. MATTHÆUS a Sanctissimo Sacramento,
Secretarius.

23V1Q

INDEX

QUÆSTIONUM,

DISPUTATIONUM

ET DUBIORUM,

Quæ in hoc Tomo continentur.

PRÆMİUM.	Pag.		.
QUÆSTIO LXXXIV	1		
De Pœnitentia in decem articulos divisæ.	5	Dub. 5. Utrum absolutio Sacramentalis possit valide absenti scripto, vel inter-nuntio conferri.	231
Art. 1. Utrum Pœnitentia sit Sacra-mentum.	5	Art. 4. Utrum impositio manuum Sa-cerdotis requiratur ad hoc Sacra-men-tum.	241
<i>Disputatio I.</i>	5	Commentarius.	
De Pœnitentiæ Sacramento secundum se.	5	Art. 5. Utrum hoc Sacramentum sit de necessitate salutis.	247
Dub. 1. An sit in Ecclesia verum Pœnitentiæ Sacramentum, idque a Baptismo essentialiter diversum.	5	Art. 6. Utrum Pœnitentia sit secunda tabula post naufragium.	248
Dub. 2. Utrum Sacramentum Pœnitentiæ constituatur essentialiter ex actibus pœnitentis, et absolitione.	5	Commentarius.	
Dub. 3. Quænam sit Pœnitentiæ diffi-nitio, et pro quo supponat.	6	Art. 7. Utrum hoc Sacramentum fue-rit convenientur in nova lege institu-tum.	249
Dub. 4. Utrum actus pure naturales pœnitentis sint materia sufficiens Pœni-tentiæ.	29	<i>Disputatio IV.</i>	
Art. 2. Utrum peccata sint materia pro-pria hujus Sacramenti.	60	De necessitate, et institutione hujus Sacramenti.	250
<i>Disputatio II.</i>	60	Dub. 1. Utrum Sacramentum Pœni-tentiæ sit necessarium, et qualiter.	251
De materia remota hujus Sacramenti.	67	Dub. 2. An sit de jure naturali homi-nem pœnitere de culpis in illarum reme-dium.	272
Dub. 1. Quænam peccata sint materia remota hujus Sacramenti.	97	Dub. 3. An intra naturæ ordinem sint vires ad actus attritionis, vel contritionis eliciendos absque recursu ad gratiam supernaturalem solo fidei lumine præ-eunte.	280
Dub. 2. Utrum peccata commissa in ipsa receptione Baptismi sint materia Pœnitentiæ.	98	Dub. 4. Quonam tempore fuerit insti-tutum Pœnitentiæ Sacramentum et quis ejus author.	326
Art. 3. Utrum hæc sit forma Sacra-menti hujus <i>Ego te absolvo.</i>	118	Art. 8. Utrum Pœnitentia debeat du-rare usque ad finem vitæ.	341
<i>Disputatio III.</i>	141	Art. 9. Utrum Pœnitentia possit esse continua.	341
De forma hujus Sacramenti.	142	Commentarius.	
Dub. 1. Utrum hæc verba : <i>Ego te ab-solvo</i> sint conveniens forma Sacramenti.	142	Art. 10. Utrum Sacramentum Pœni-tentiæ debeat iterari.	347
Dub. 2. Quem sensum reddant, et quem effectum habeant verba absolutio-nis.	161	QUÆSTIO LXXXV	
Dub. 3. Quæ verba sint absolutio-nis essentialia.	200	De Sacramento Pœnitentiæ secundum quod est virtus.	362
Dub. 4. Utrum absolutio Sacramenta-lis, sub conditione lata sit valida, et li-cita.	221	Art. 1. Utrum Pœnitentia sit virtus.	364
		Art. 2. Utrum Pœnitentia sit specialis virtus.	366
		Art. 3. Utrum virtus Pœnitentiæ sit species justitiae.	368

BQ
6852
S2

Disputatio V.

De virtute Pœnitentiaæ.	370	Dub. 1. An Pœnitentia sit tota, et adæquata ratio proxima eliciendi contritionem.	662
Dub. 1. Utrum Pœnitentia sit virtus.	370	Dub. 2. Utrum virtus Pœnitentiaæ concurred effective ad destructionem peccati.	744
Dub. 2. Utrum Pœnitentia sit specialis virtus.	388	Dub. 3. Utrum Pœnitentiaæ insit virtus omnia peccata expellendi.	761
Dub. 3. An Pœnitentia sit eadem virtus cum Religione.	424		
Dub. 4. An Pœnitentia sit vera justitia, et a commutativa distincta.	416	QUÆSTIO LXXXVII	
Dub. 5. An Pœnitentia sit virtus per se infusa, vel sit dabilis vera virtus Pœnitentiaæ quæ sit naturalis.	503	De remissione venialium peccatum.	800
Dub. 6. An sit speciale præceptum virtutis Pœnitentiaæ, et quo jure obliget.	534	Art. 1. Utrum peccatum veniale possit remitti sine Pœnitentia.	800
Dub. 7. Quo tempore obliget præceptum Pœnitentiaæ virtutis.	574	Art. 2. Utrum ad remissionem venialium peccatorum requiratur gratiaæ infusio.	812
Art. 4. Utrum voluntas sit proprie subjectum Pœnitentiaæ.	640	Art. 3. Utrum venialia peccata remittantur per aspersiōnem aquæ benedictæ, et alia hujusmodi.	814
Commentarius articuli, et elucidatio assertiōnum.	640	Art. 4. Utrum veniale peccatum possit remitti sine mortali.	815
Art. 5. Utrum principium Pœnitentiaæ sit ex timore.	648		
Art. 6. Utrum Pœnitentia sit prima virtutum.	651	QUÆSTIO LXXXVIII	

QUÆSTIO LXXXVI

De effectu Pœnitentiæ quoad mortalia peccatorum remissionem.	658	De reditu peccatorum per Pœnitentiam dimissorum.	822
Art. 1. Utrum per Pœnitentiam omnia peccata removeantur.	658	Art. 1. Utrum peccata dimissa redeant per sequens peccatum.	822
Art. 2. Utrum sine Pœnitentia peccatum remitti possit.	658	Elucidatio articuli.	823
Art. 3. Utrum possit per Pœnitentiam unum peccatum sine alio remitti.	659	Art. 2. Utrum peccata dimissa redeant per ingratitudinem, quæ specialiter est secundum odium fraternalum, apostasiam a fide, contemptum Confessionis, et dolorem de Pœnitentia habita.	831
Art. 4. Utrum remissa culpa per Pœnitentiam remaneat reatus pœnae.	660	Commentarius.	831
Art. 5. Utrum remissa culpa mortali tollantur omnes reliquæ peccati.	660	Art. 3. Utrum per ingratitudinem peccati sequentis consurgat tantus reatus, quantus fuerat peccatorum prius remissorum.	837
Art. 6. Utrum remissio culpæ sit effetus Pœnitentiæ.	661	Art. 4. Utrum ingratitudo, ratione cuius sequens peccatum facit redire peccata prius dimissa, sit speciale peccatum.	838

Disputatio VI.

De influxu, et effectibus Pœnitentiæ sub ratione virtutis.	661	QUÆSTIO LXXXIX	
		De virtutum recuperatione per Pœnitentiam in sex articulos divisa.	838

FINIS

INDEX LOCORUM

SACRÆ SCRIPTURÆ

QUÆ IN HOC DECIMO NONO TOMO EXPLICANTUR

In quo D. disputationem. N. numerum marginalem. Q. quæstionem.
A. articulum. C. commentarium et P. paginam designant.

EX VETERI TESTAMENTO.

EX GENESI.

Cap. 4. Resperxit Dominus ad Abel, et ad munera ejus, ad Cain vero, et ad munera ejus non respexit. In Comment. ad art. 4, quæst. 87, num. 1. 815

EX DEUTERONOMIO.

Cap. 4. Si tamen toto corde quæsieris, et tota tribulatione animæ tuæ, invenies eum. Disp. 5, num. 113.

EX LEVITICO.

Cap. 16. Sabbatum requietionis est, affliget animas vestras, ab omnibus peccatis vestris mundabitini. Disp. 5, num. 282.

EX ECCLESIASTICO.

Cap. 5. Nec tardes converti ad Dominum, nec differas de die in diem: subito enim veniet ira ejus. Disp. 5, num. 317. 615

Cap. 33. Dona iniquorum non probat Altissimus, nec respicit in oblationes iniquorum. In Comment. ad art. 4, quæst. 87, num. 1. 815

EX PROVERBIS.

Cap. 21. Cor regis in manu Domini, quemque voluerit, vertet illud. Disp. 6, num. 148.

EX PSALMIS.

Ps. 31. Dixi, confitebor injustitiam meam Domino, et tu remisisti impietatem peccati mei. Disp. 5, num. 143. 470

Ps. 50. Tibi soli peccavi, et malum corram te feci. Disp. 3, num. 31. 470

Ps. 59. Cor contritum, et humiliatum Deus non despicies. Disp. 5, num. 46.

Ps. 84. Couverte nos Deus salutaris noster. Disp. 4, num. 64. 398

588

773

283

EX JOB.

Cap. 35. Si peccaveris, quid ei nocebis?... Porro si juste egeris, quid donabis ei. Disp. 5, num. 333.

628

EX JEREMIA.

Cap. 3. Convertimini filii revertentes, et sanabo aversiones vestras. Disp. 6, num. 131.

762

Cap. 31. Converte me Domine, et convertar, quia tu Dominus Deus meus: postquam enim convertisti me, egi Pœnitentiam. Disp. 4, num. 63, et disp. 5, num. 389.

283

617

EX ISAIA.

Cap. 6. Excœca cor populi hujus... ne corde suo intelligat, et convertatur, et sanem eum. Disp. 6, num. 135.

764

Cap. 55. Derelinquat impius viam suam et vir iniquus cogitationes suas, et revertatur ad Dominum, et miserebitur ejus. Disp. 6, num. 133.

763

EX EZECHIELE.

Cap. 18. Convertimini, et agite pœnitentiam ab omnibus iniquitatibus vestris. In Comment. ad art. 1, quæst. 87, num. 20.

811

EX JOELE.

Cap. 2. Reddam vobis annos, quos comedit locusta. In Comment. ad art. 1, quæst. 88, num. 11.

829

EX MICHAELA.

Cap. 2. Ascendit pandens viam ante eos. Disp. 3, num. 73.

170

EX LIB. 2 MACHABÆORUM.

Cap. 6. Orabat Scœlestus Deum, a quo non erat misericordiam consecuturus. Disp. 6, num. 134.

764

EX NOVO TESTAMENTO.

EX MATTHEO.

Cap. 12. Omne peccatum, et blasphemia remittetur hominibus. Spiritus autem blasphemiarum non remittetur. Et qui cumque dixerit verbum contra filium hominis, remittetur ei. Qui autem

<i>di xerit verbum contra Spiritum sanctum, non remittetur ei, nec in hoc saeculo, nec in futuro.</i> Disp. 6, num. 157.		<i>tens cor thesaurizas tibi iram in die iræ.</i> Disp. 5, num. 320.	617
<i>Cap. 16. Tibi dabo claves regni caelorum. Et quodcumque ligaveris, etc.</i> Disp. 3, num. 13.	779	<i>Cap. 3. Justificati gratis per gratiam ipsius.</i> Disp. 5, num. 167.	492
<i>Cap. 18. Amen, amen dico vobis quæcumque alligaveritis super terram, erunt ligata et in celis, etc.</i> Disp. 4, num. 152.	147	<i>Cap. 3. Nunquid ineredulitas eorum fidem Dei evacuabit? Absit. In Comment. ad art. 1, q. 88, num. 8.</i>	827
<i>Cap. 19. Non dico tibi septies, sed usque septuagies septies.</i> Disp. 6, num. 131.	334	<i>Cap. 5. Peccatum non imputabatur, cum lex non esset.</i> Disp. 5, num. 264.	574
	762	<i>Cap. 8. Nihil damnationis est iis, qui sunt in Christo Jesu.</i> Disp. 6, num. 144.	770
EX MARCO.			
<i>Cap. 1. Postquam traditus est Joannes, venit Jesus in Galileam prædicens Evangelium regni Dei, et dicens, Pœnitemini, etc.</i> Disp. 4, num. 162.	338		
<i>Cap. 3. Qui autem blasphemaverit in Spiritum sanctum, non habebit remissionem in æternum.</i> Disp. 6, num. 158.	779	<i>Ex 1 AD CORINTH.</i>	
<i>Cap. 16. Qui crediderit, et baptizatus fuerit, salvus erit.</i> Disp. 1, num. 44.	23	<i>Cap. 15. Abundantius omnibus laboravi, non ego autem, sed gratia Dei mecum.</i> Disp. 6, num. 39.	691
EX LUCA.			
<i>Cap. 10. Semivivo relicto.</i> Disp. 6, num. 36.	690	<i>Ex EPIST. 2 AD CORINTH.</i>	
<i>Cap. 13. Nisi Pœnitentiam habueritis, omnes similiter peribitis.</i> Disp. 5, num. 228.	545	<i>Cap. 2. Ne abundantiori tristitia aliquis absorbeatur.</i> Disp. 5, num. 62.	410
<i>Cap. 15. Majus gaudium est in celo super uno peccatore Pœnitentiam agentem, quam super nonaginta novem justis, qui non indigent Pœnitentiam.</i> In Comment. ad art. 2, quæst, 88, num. 9.	835	<i>Cap. 4. Deus hujus sæculi excœavit mentes infidelium.</i> Disp. 6, num. 135.	764
<i>Cap. 21. Vere dico vobis, quod viuda haec pauper plusquam omnes misit.</i> In Comment. ad art. 2, quæst, 88, num. 11.	835	<i>Cap. 13. Si tradidero corpus meum, ita ut drream, charitatem autem non habuero, nihil mihi prodest.</i> Disp. 4, num. 29.	266
<i>Cap. ult. Oportebat Christum pati... et prædicari in nomine ejus Pœnitentiam, et remissionem peccatorum in omnes gentes.</i> Disp. 4, num. 149, et seq.	332	<i>Ex EPIST. 2 AD CORINTH.</i>	
EX JOANNE.			
<i>Cap. 20. Accipite Spiritum sanctum, quorum remiseritis peccata, remittuntur eis, et quorum retinueritis, retensta.</i> Disp. 4, num. 148.	332	<i>Cap. 2. Ego, quod donavi, si quid donavi propter vos in persona Christi.</i> Disp. 3, num. 27.	153
EX ACTIS APOSTOLORUM.			
<i>Cap. 3. Pœnitemini igitur, et convertimini, ut deleantur peccata vestra.</i> Quæst. 87, art. 1. In Comment. num. 20.	811	<i>Ex EPIST. AD PHILIPPENSES.</i>	
<i>Cap. 8. Imponebant manus super illos, et accipiebant Spiritum sanctum.</i> Quæst. 84, art. 4. In Comment. num. 2.	245	<i>Cap. 2. Cum timore, et tremore vestram ipsorum salutem operamini. Deus enim est, qui operatur in nobis velle, et perficere pro bona voluntate.</i> Disp. 6, num. 44.	698
<i>Cap. 9. Sanet te Dominus Jesus Christus.</i> Disp. 3, num. 32.	154	<i>Ex SECUNDA AD TIMOTH.</i>	
EX EPIST. AD ROMANOS.			
<i>Cap. 2. Ignoras, quod benignitas Dei ad Pœnitentiam te adducit. Tu autem secundum duritiam tuam, et impæni-</i>		<i>Cap. 2. Ne quando Deus det illis Pœnitentiam ad cognoscendam veritatem, et resipiscant a Diaboli laqueis.</i> Disp. 4, num. 65.	284
		<i>Cap. 4. In reliquo reposita est mihi corona justitiae, quam reddet mihi Dominus in illa die justus judex.</i> Disp. 5, num. 119.	452
EX EPIST. AD HEBRAEOS.			
		<i>Ex EPIST. AD HEBRAEOS.</i>	
		<i>Cap. 6. Impossibile est eos, qui semel sunt illuminati, etc., et frölapsi sunt, rursus renovari ad Pœnitentiam.</i> Disp. 1, num. 14, pag. 1, et num. 33.	19
		<i>Cap. 6. Non enim injustus est Deus, ut obliiscatur operis vestri, et dilectionis, etc.</i> In Comment. ad art. 1, quæst. 88, num. 11.	829
		<i>Cap. 12. Non invenit Pœnitentia locum.</i> Disp. 6, num. 134.	763
EX APOCALYPSI.			
		<i>Ex APOCALYPSI.</i>	
		<i>Cap. 1. Memento, unde excideris, et age Pœnitentiam, sin minus, veniam ad te cito.</i> Disp. 5, num. 260.	572

EX EPIST. JACOBI.

Cap. 2. *Quicumque totam legem servaverit, offendat autem in uno, factus est omnium reus.* Disp. 6, num. 144.

770

EX EPIST. 1 JOANNIS.

Cap. 5. *Est peccatum ad mortem, non pro illo dico, ut roget quis.* Disp. 6, num. 161.

782

FINIS

TRACTATUS DE POENITENTIA TAM UT SACRAMENTO, QUAM UT VIRTUTE.

PRIOR PARS.

A Quæstione LXXXIV, usque ad XC, tert. Part. D. Thomæ.

PROEMIUM.

Expensis superiori volumine, quæ occurrerunt circa ineffabile, et sacrosanctum Eucharistiæ sacramentum (in quo non sine ingenti labore, nec, ut audiyimus, sine fructu, solum ad ea, quæ e suggestu vel dictari, vel disputari solent, rescissis aliis huic attentioni non adeo opportunis, plenam manum adhibuimus) : accingimur ad agendum de Pœnitentia. Et quidem ut morem geramus, tam domesticis obtentibus absque hoc Tractatu imperfектum nostrum Salmanticensem cursum permansurum ; quam exteris de nobis satis, superque benemeritis, quibus hactenus in lucem edita commentaria supra merita, ut citra invidiam dicamus, placuisse, et honori esse cognovimus. Unde licet laxis viribus, et vel ipso calamo dehiscente, consultius habuimus nobis in scribendo, et aliis in legendō novum adjicere laborem, quam propriæ tranquillitati incumbere, et jam diu conculcatam arenam tot impellentibus, non remetiri, atque incepsum opus non consummare. Nec exiguum fuit superandæ difficultatis illicium gravitas materiæ, quam aggredimur, ut interim taceamus de ejus utilitate, in quarum qualibet nulli alteri cedit.

1. Porro ut vel in ipso limine hæretorum repagula proscindamus, quibus veritatis ostium occludere satagunt, vel penitus obruere conantur, et subjectum proprium hujus nostræ expeditionis in

tuto, et palam constituamus; e re censimus præmonuisse, quid Pœnitentia nomine indicetur, ut vel sic quæstionem quid nominis extricemus. *Pœnitentia* itaque, ut selectiores græcæ et latinæ linguae docent Magistri, descendit a verbo *Pœnitere*. Pœnitere autem idem sonat, ac pœnam tenere, non qualicumque, sed præteriorum : quatenus pœnitens interne dolendo, et retroacta detestando, luit pœnam vel voluntarie adscitam, vel externe ab alio prudenter taxatam. Hinc ab Isidoro lib. 6 Ethymolog. cap. ultim. : *Pœnitentia appellata est, quasi punientia*, quia nimur punit in se homo dolendo, et patiendo, quod male gessit peccando, juxta illud D. Augustini : *Nemo voluntatis suæ arbiter constitutus, potest novam vitam inchoare, nisi eum veteris pœnituerit*. Et ut alias mittamus, puta Chrysostomum, et Hieronymum, unum et alterum in ultraque lingua versatissimum, *Pœnitentiam* pluries sub hac expressione usurpantes, necnon D. Ambrosium per tres integros libros de Pœnitentia in hac significatione contra Novatum, et Novatianos agentem, iterum audiamus Augustinum nulli nec sanctitate vitæ, nec litterarum præstantia secundum ita fantem : *Est pœnitentia bonorum et humilium fidelium pœna quotidiana, in qua pectora tundimus, dicentes : Dimille nobis debita nostra*. Cui accinere et sapientissimus Martyr Cyprianus, et Vetustissimus

D. Isi-
dor.

D. Au-
gust.

D. Chry-
sost.
D. Hie-
ron.

Nov-
tus.
D. Au-
gust.

D. Cy-
priani.

Tertullian.

Tertullianus, ille dicens : *Pænitentia minor crimine non sit*, iste asserens : *confessione pænitentia nascitur* : *pænitentia Deus placatur*. Atque ita rem se habere, nimirum pœnitentiam exprimere in sui significatione dolorem et mœstiam retroactorum, tam clare nos docet Scriptura (quidquid oggiant hæretici, delitiis, ac mollibus dediti et pœnitentiam exos) ut veluti sit in meridie offendere, vel tenuiter de hoc dubitare. Et quidem qui cuncta pro hac re ejus testimonia congerere vellet, potius ei tempus, quam materia deesset. Quocirca sufficiat unum vel alterum indicasse. Adeamus itaque patiensissimum Job de se clamantem : *Ago pænitentiam in favilla, et cinere*, et ipsummet Dominum Joel. 3 ad pœnitentiam excitantem, atque monentem : *Convertimini ad me in toto corde vestro, in jejunio et fletu, et planctu : scindite corda vestra, et non vestimenta vestra*. Consulamus sanctos Evangeliorum libros, ubi Tyri et Sidonii quam egissent pœnitentiam, si apud ipsos prædicatum fuisset Evangelium, infallibili Christi testimonio nos edocebunt, videlicet in cinere et cilicio, Auscultemus Doctorem gentium, quid in suis epistolis personam, nisi pœnitentiam, dolorem, et tristitiam importantem, qua in Dei gratiam revocemur et servitutis diabolice peccatis incursum jugum excutiamus?

Job.
Joel. 2.

Lutherus.

Exeat nunc, nescio qua fronte, Lutherus, et glorietur se, uti scribere non est veritus epist. ad Vicarium sui Ordinis typis excussa Witembergæ ann. 1518, studio eruditissimorum virorum tandem didicisse vocem *Pænitentia* non significare odium, vel dolorem præteriorum, sed amorem justitiae dumtaxat, et novæ vitae. In quo, ut recinit serm. de *Pœnitentia*, nihil amarum splendet, sed cuncta lenia, et gratissima extant. Exeat, inquam, et explicet, si explicatu facile est, quod foedus ineat pœnitentia cum luctu, mœrore, cinere, et planctu, in qua cuncta acerba, cuncta amaritudine plena sunt, quemal desribunt Scriptura, Apostolus, Evangelia, et SS. Patres, cum illa sua pœnitentia molli et dulcoris ac suavitatis plena? Et cui potius, vel ipsi, vel illis sit adhibenda fides? Profecto non longius iret, qui pro saccaro acetum, pro nectare absinthium, pro melle fel propinaret, quam eant Lutherus, et sectatores ita placidam, ita quietam, ita denique mollem

pœnitentiam Catholicis pro rigida, dura, mœsta, sed sancta, et sancte proclamata obtrudentes. Nec est inter eorum pœnitentiam, et pœnitentiam Evangelicam major quam inter lucem, et tenebras conventione.

2. Sed age, et videamus, quid sentiant auctores linguae latinæ, ad quos vocamur, et in quamnam partium suppetias veniant. Et quidem Naso tam venustæ, quam egregiæ latinitatis candidatus propriam depingens pœnitentiam lib. I de Ponto, ita occinendo fiet : *Pænitet o, si quid miserorum creditur ulli! Pænitet, et facto torqueo ipse meo. Cumque sit exilium, magis est mihi culpa dolori, estque pali pœnam, quam meruisse minus*. Ubi nec verbum est, quod pœnitentiam Lutheri tranquillam, ac lætam suboleat; quin omnia acerbitate et mœrem cordis redolere ostendunt. Nec obscurius locutus est Ausonius epigram. de occasione : *Sum Dea, quæ facti non factique exigo pœnas : nempe ut pœnitent, sic Melanæa vocor*. Quo loci nisi verba alienentur, et a propria significatione penitus extrahantur, non amorem justitiae, aut meram resipiscentiam, quas in Metanaea comminiscitur Lutherus, explicat, sed pœnam luendam ob commissionem factorum, vel omissionem faciendorum. Quid Cicerorem referam inter primarios Coriphœum? Audiant illum Lutherus, et mollioris pœnitentiæ assertores epistola ad Atticum : *Me pænitet, quod te offenderim, In Tusculanis : Sapientis est proprium, nihil, quod pœnitere possit, facere*. Et de Inventione, ubi percontatur : *Utrum sit facinus id, quod pœnitere sit necesse?* In quibus omnibus, et aliis consulto omissis tam evidens est *Pœnitentia* nomine, dolorem, animi acerbitatem, mœstiamque exprimi absque vel levissimo signo suavitatis, ac dulcedinis a Lutherò et asseclis confictarum, ut mirum sit in re adeo perspicua oculatum quem coecutire, et impingere. Unde veluti *Pœnitentia* Sycophantæ proscribendi sunt, et prorsus abiciendi.

3. Hinc quam laudem nanciscant Laurentius Valla, et Era-mus duo Lutheri et Lutheranæ fæcis, aliorumque ejusdem farraginis vexillarii, ac præcursoris facile constat. Obtendunt itaque hi duo obcæcatissimi in pœnitentiam testes, et infestissimi hostes (a quibus didicisse profitetur Lutherus eam placidam, et delicatam *Pœnitentia* significationem toties catholicis obtrusam et pro nostris hæretice proclamatam)

Nas-

Aus-

Valla-

proclamatam) eam non a pœnæ tenentia, vel punientia, originem trahere, vel ethymon sumere; sed a pone, et tenere, quasi reincidat pœnitere cum eo quod est posterius consilium tenere, vel post factum melius sapere, aut intelligere, ut loquitur Lutherus. Idque inde satis sibi fulcire videntur ex eo, quod Metanæa cuius loco nostri Panitentia vertunt, non pœnitentiam, sed resipiscentiam sonat. In resipiscentia autem nil nisi mutatio sententiae exprimitur. Atque ideo loco Pœnitentiae resipiscentiam cuiuslibet doloris, aut mœstiae expertem versam iri censem. Hinc Erasmus annot. ad cap. 3 Matthæi vocum transmutationem maxime dolet, et catholicorum cætum quos inter sanctissimos pariterque doctissimos invenies, vulgi nomine succenset his verbis: *Nostrum vulgus putat esse pœnitentiam agere, præscripta pœna quapiam, luere commissa: quod apud Christianos qui publice peccassent, ejecti e consortio propalam affligerentur: eaque satisfactio sive pœna pœnitentiarum vocari cæpta.* Qua quidem ex re non mediocris error Theologis quibusdam obrepdit (Doctores Catholicos tam urbane alloquitur) qui quod Augustinus de pœnitentia hoc est publica satisfactione scripsit, ad animi dolorem, quam contritionem vocant, deterruent. Et concludit Metanæam non rigidam pœnitentiam, sed puram resipiscentiam sonare, ubi quis lapsus re peractum demum animadverit erratum suum, absque ullo prorsus dolore, ullave errati delestatione. Quæ doctrina tam alte insedit Theodor. Bezae, annot. ad 3 cap. Matth. ut loco verborum Pœnitentiam agile verterit *Resipiscite*, adjiciens: *Quam interpretationem* (Catholicorum, legentium Pœnitentiam agit) *multas ab causas repudio; sed ob eam potissime quod multi imperiti* (tantum honorem defert sacris Doctoribus, et sapientissimis Theologis) *occasionem ex hoc dicendi genere arripuerint falsarum opinionum de satisfactione, quibus hodie agitatur Ecclesia.* Apage tamen tales ac tam strenuum Ecclesiæ pugilem, quo non tam agitatur, quam corruit totius Ecclesiæ ædificium. Nam testimonia nuper adducta satis ostendunt juxta humanas et divinas litteras tam proprium esse pœnitentiæ dolorem, luctum, ac tristitiam, ut absque illis explicari non possit, nec aliud significari, et teste Ausonio Metanæa recidit cum pœnitentia luenta commissa, et non pro pura resipiscentia solam cognitionis mutationem affe-

rente. Unde Laurentii Valla, Erasmi, Bezae et similium gannitus contemnendi sunt, et pro næniis, ac nugis habendi.

4. Sed ne plus nimio hærere videamur verbo, et in eo aliquo nodo diu irretiri, sit ita Metanæam idem prorsus, ac resipiscentiam sonare, ut voluere Valla et Erasmus. Quid inde? Eam forsitan elicient, et nobis obtrudent resipiscentiam, quam sibi blandiuntur, non mœstam, sed alacrem, non rigidam, sed mollem ac effeminatam, ac omnis mœroris expertem, quamque horum eruditissimorum virorum studio se didicisse gloriatur ubi supra Lutherus? Absit. Nam ut testatur Lactantius lib. 6, cap. 23: *Metanæam eam Græci vocant, quam nos resipiscentiam. Resipiscit autem ille quem errati piget, et se ipsum castigat dementiæ ad recte vivendum.* Ubi tot jacit jacula, quot scripsit verba, quibus eorum dentes contundantur, et obruantur ora. Quia tam evidens est ad veram resipiscentiam tedium, ac mœrom præteriorum requiri, quam est talia docentes a veritate deciscere, et toto, ut inquiunt, celo aberare. Unde coguntur vel resipiscentiam, pro qua ita viriliter decertant, deserere, vel tenentur veram pœnitentiam admittere, que luat commissorum pœnas, castigando dementiam ad recte vivendum juxta Lactantium. Faceant ergo oblatrare contra Pœnitentiam, resipiscentiam jactando; cum par sit alterutrius notio. Nam neque vera pœnitentia, neque vera itidem erit resipiscentia, que non exprimat ex vi suæ primævæ significationis mœrom, detestacionem et dolorem ob commissa cum voto in posterum recte vivendi, et novam vitam inchoandi. Quæ est definitio S. Gregorii communiter circumdata. *Pœnitere est præterita mala plangere, et plangenda iterum non committere.* Quod si eam quia Catholicam, et a sanctissimo aequo doctissimo Pontifice traditam fuerint pertæsi, vel ipsos Ethnicos non dissentientes audiant, et in primis Ovid. lib. 1 de Ponto, ubi ait: *Ovidius. Talia cælestes fieri præconia gaudent, ut sua quid valeant numina, teste probent. Sæpe levant pœnas, ereplaque lumina redditum, cum bene peccati pœnituisse vident.* Et Menandri, vel, ut alii volunt, Periandri monitum extat: *Cum peccaveris, subeat te pœnitentia, et omnium clarissime Horatius: Horat. Scelerum si bene pœnitet, eradenda cupidinis prævaræ sunt alimenta.* Et hæc tam vera quam solida de Pœnitentiæ significatione.

5. In ea vero commendanda non est

Valla.
Erasmus.

Luther.

Gregorius.

Ovidius.

Periand.

Horat.

nobis protelandum, cum nullus sit Catholicon aut Conciliorum, aut Scriptorum, qui in ejus praœconis calamo indulgere non curet. Unicum sat fuerit retulisse Lactantium epist. institut. Divin. : *Pœnitentia non minimum locum inter virtutes habet, quia sui correctio est. Magnum est pœnitentiaz auxilium, magnum solatium. Illa est vulnerum, peccatorumque sanatio. Illa spes, illa*

porta salutis, quam qui tollit, viam vitæ sibi amputat : quia nemo esse tam justus potest, ut nunquam sit ei pœnitentia necessaria. Hæc sunt victimæ, hoc sacrificium placabile; hic est verus cultus, cum homo mentis suæ pignora in aram Dei confert. Summa Dei Majestas hoc cultore latatur, hunc ut filium suscipit sibi, quia donum immortalitatis im-

partitur. Hinc a Tridentino ex Patribus nuncupatur secunda tabula post naufragium, necnon baptismus laborius, a Nazianzeno Lavacrum animarum, ab Augustino iterabilis baptismus, et in cap. ad abolendum,

sacramentum confessionis nominatum est. Nec mirum tot nominibus celebrari, cum lapsis unicum sit post baptismum remedium. Communior tamen ac frequentior, subindeque expressior nomenclatio est :

Sacramentum Pœnitentiaz, licet eam car-

sisse videatur Durandus dist. 14, cui sup-

petias tulit Jacob. Faber. cap. ultimo super Dionysium, non tam pie, quam exoticæ sacramentum remissionis appellandum fore adnitentes, ob effectum remissionis, quem ex sua institutione natum est inducere. Verum in re aeo gravi eorum postponenda, et Ecclesiæ, ac Conciliorum pærerenda est authoritas graviori fundamento munita, et communi Doctorum calculo probata. Nam ut colligitur ex D. Thom.

in 4, dist. 16, Omnes partes hujus Sacra-

menti, et pro quibus supponere infra vide-

bimus, pœnam important, contritio do-

lorem, confessio ruborem, et satisfactio

laborem. Aptius itaque nuncupatur hoc

sacramentum : Pœnitentia, quam remissio,

vel remissionis.

His erga Pœnitentiaz nomen tenui, ac

rudiori filo assutis, superest ineundam

methodum adjiciamus. Cum enim utraque

ratio, et virtutis et Sacramenti coeat in

Pœnitentia, non satis convenit inter Au-

thores, a qua earum exordium sumendum

sit, vel a Pœnitentia ut virtute, quo pacto

anteit seipsam ut Sacramentum, utpote

prior ipso et origine, et tempore, et quæ in

omni post lapsum statu viguerit? vel ab eadem sub ratione Sacramenti, in qua consideratione est totum sub se continens actus Pœnitentiaz virtutis, et solam legem gratiæ, et Christum ut sui Authorem agnoscit, ut fides adstruit, et Catholicon nullus ambigit? Hanc tamen item aliis diruendam, ac ventilandam linquimus.

Nobis autem, quibus cordi est monitum Lirinensis : *Author non debet esse, sed custos, non institutor, sed sectator, non dicens sed sequens*, et jam diu in verba Magistri juravimus (quantumvis veluti gregarii milites succensemur), via alia, quam strata, ac plane regia D. Thomæ eundum non est. Quare prius sermonem de sacramento Pœnitentiaz, quam de virtute Pœnitentiaz censuimus instituendum, quin obsit hujus antiquitas. Nam quidquid de hoc fuerit, in quo non moramur; cum nulla res valeat absque termino per se inspecto perfecte cognosci; nec pars aliqua sine toto, ad cujus constructionem ordinatur; oportet prius de ipso termino, sicut et de toto saltem in communi agere, ejusque aliqualem notitiam acquirere, quam vel de partibus, vel de tendentia sermonem texere. Et hac ratione objecta potentiarum prius investigamus; et ex eis veluti ex principiis ad ipsas potentias legitime discurrendo descendimus. Cum itaque *Pœnitentia* virtus ex Christi Domini institutione ordinetur ad sacramentum Pœnitentiaz, ita quod sine ipso vel in re, vel in voto nulla vera, et christiana virtus Pœnitentiaz sit, nec nominari possit; plane sequitur, ut absque ipsa ut sacramento non posse perfectly cognosci, atque ideo ut in ejus perveniamus notitiam, prius utcumque de ipso sacramento tractatum iri. Quam ob causam, ni fallimur, Angelicus Doctor in tractatu de D. Thom. virtutibus, inter alias Pœnitentiam non accensuit, sed usque ad hunc proprium locum veluti alte prætermisit, quasi jure exigeret ejus notitia, scientiam sacramenti Pœnitentiaz, a quo proinde exordiri est attentis omnibus convenientius. Faxit Deus, ut sub tanti Doctoris auspicio Cursui nostro in quo jam diu laboramus, opatam, ac felicem manum tandem imponamus ad Dei sempiternam gloriam, proximorum utilitatem, et doctrinæ D. Thomæ, quam veram, et catholicam semper habuimus, aliqualem elucidationem.

QUÆSTIO LXXXIV

De sacramento Pœnitentia, in decem articulos divisa.

Consequenter considerandum est de sacramento Pœnitentia. Circa quod primo considerandum est, de ipsa pœnitentia. Secundo, de effectu ipsius. Tertio, de partibus ejus. Quarto, de suscipientibus hoc sacramentum. Quinto, de potestate ministrorum quæ ad claves pertinet. Sexto, de solemnitate hujus sacramenti. Circa primum duo consideranda sunt. Primo de pœnitentia, secundum quod est sacramentum. Secundo, de pœnitentia, secundum quod est virtus.

ARTICULUS I.

Utrum Pœnitentia sit sacramentum?

Ad primum sic proceditur. Videtur quod pœnitentia non sit sacramentum. Gregor. enim dicit, et habetur in Decreto 1, quæstio 1, sacramenta sunt baptismus, christma, corpus, et sanguis Christi, quæ ob id sacramenta dicuntur, quia sub tegumento rerum corporalium divina virtus secretus operatur salutem : sed hoc non configit in pœnitentia : quia non adhibentur aliquæ corporales res, sub quibus divina virtus operetur salutem; ergo pœnitentia non est sacramentum.

2. Præterea sacramenta Ecclesiæ a ministris Christi exhibentur, secundum illud 1 Corin. 4: sic nos existimet homo ut ministros Christi et dispensatores mysteriorum Dei : sed pœnitentia non exhibetur a ministris Christi : sed interius a Deo hominibus inspiratur, secundum illud Hierem. 32: Postquam convertisti me, egi pœnitentiam. Ergo videtur, quod pœnitentia non sit sacramentum.

3. Præterea. In sacramentis de quibus jam supra diximus, est aliquid, quod est sacramentum tantum : aliquid, quod est res et sacramentum : aliquid vero, quod est res tantum, ut ex præmissis patet : sed hoc non inventur in pœnitentia ; ergo pœnitentia non est sacramentum.

Sed contra est, quod sicut baptismus adhibetur ad purificandum a peccato, ita et pœnitentia; unde et Petrus dixit Simoni, Act. 8: Pœnitentiam age ab hac nequitia tua : sed baptismus est sacramentum, ut supra habitum est. Ergo pari ratione et pœnitentia.

Respondeo dicendum, quod sicut Gregor. dicit in cap. supra dicto, sacramentum est in aliqua celebratione, cum res gesta ita sit, ut a iquid significative accipiamus, quod sancte accipendum est. Manifestum est autem, quod in pœnitentia ita res gesta sit, quod aliquid sanctum significatur, tam ex parte peccatoris pœnitentis, quam ex parte sacerdotis absolventis ; nam peccator pœnitens, per ea quæ facit et dicit, ostendit cor suum a peccato recessisse similiter etiam sacerdos per ea, quæ agit et dicit circa pœnitentem, significat opus Dei remittentis peccata, unde manifestum est, quod pœnitentia, que in Ecclesia agitur, est sacramentum.

Ad primum ergo dicendum, quod nomine corporalium rerum intelliguntur large etiam ipsi exteriores actus sensibiles, qui ita se habent in hoc sacramento, sicut aqua in Baptismo, vel christma in Confirmatione : est autem attendendum, quod in illis sacramentis, in quibus confert excellens gratia, quæ superabundat omnem facultatem humani actus, adhibetur aliqua corporalis materia exterioris : sicut in baptismo, ubi fit plena remissio

peccatorum, et quantum ad culpam, et quantum ad peccatum, et in Confirmatione, ubi datur plenitudo Spiritus sancti, et in extrema-Uncione, ubi confertur perfecta sanitas spiritualis, quæ proveniunt ex virtute Christi, quasi ex quodam extrinseco principio. Unde si qui actus humani sunt in talibus sacramentis, non sunt de essentia sacramentorum, sed dispositiive se habent ad sacramenta. In illis autem sacramentis, quæ habent effectum correspondentem humanis actibus, ipsi actus humani sunt loco materie, ut accidit in pœnitentia et matrimonio : sicut etiam in medicinis corporalibus, quædam sunt res exterioris adhibite, sicut emplastrum, et electuaria : quædam vero sunt actus sanandorum, puta exercitationes quædam.

Ad secundum dicendum, quod in sacramentis quæ habent corporalem materiam, oportet quod illa materia adhibeatur a ministro ecclesiæ, qui gerit personam Christi, in signum quod excellentia virtutis in sacramento operantis est a Christo. In sacramento autem pœnitentia, sicut dictum est, sunt actus humani pro materia, qui proveniunt ex inspiratione interna : Unde materia non exhibetur a ministro, sed a Deo interior operante : sed complementum sacramenti exhibet minister dum pœnitentem absolvit.

Ad tertium dicendum, quod etiam in pœnitentia est aliquid, quod est sacramentum tantum, scilicet actus exterioris exercitus, tam per peccatorem pœnitentem, quam etiam per sacerdotem absolventem : res autem et sacramentum, est pœnitentia interior peccatoris : res autem tantum et non sacramentum, est remissio peccati : quorum primum totum simul sumptum est cause secundi : primum autem et secundum sunt quodammodo causa tertii.

Prima conclusio : Est affirmativa.

Secunda conclusio : Actus humani pœnitentis sunt materia hujus sacramenti,

Tertia conclusio : Actus exteriori pœnitentis et absolutio sacerdotis sunt sacramentum tantum.

His conclusionibus elucidandis sequens inserviet disputatio. Unde sit

DISPUTATIO I.

De Pœnitentia sacramento secundum se.

Priusquam ad specialiora hujus Tractatus descendamus, oportet statuere saltem in communi subjectum illius, et quæsitiones *an est?* et *quid est?* determinare, ut inde ad partes, attributa, et reliqua conducentia facilius et expeditius descendere valeamus : quippe parum, aut nihil proficeret, qui plura de Pœnitentia partibus, et aliis sibi adjunctis annexeret, et longum pro eis enucleandis sermonem texeret, si saltem in communi, et rudi, ut aiunt, Minerva, quid pœnitentia esset, vel ignoraret, vel ut non ignoretur, non ex-

poneret. A quo periculo sequens dubium nos liberabit.

DUBIUM I.

An sit in Ecclesia verum Pœnitentiaæ Sacramentum, idque a Baptismo essentialiter diversum?

1. Duo, quæ in epigraphe adjunximus, adeo sunt certa inter Catholicos, ut nec minimam admittant dubitandi rationem: quippe sunt quasi prima principia, ab omnibus asserta, et plures canonice constituta in pluribus Conciliis, ac tandem omnium novissimo Tridentino, ut in decursu videbimus. Quia tamen hæretici omni, qua possunt, via eis reluctantur, et vel in ipsam lucem tenebras offundere tentant, cogit necessitas de his quantumvis certis periculum facere, et jamdiu sarcinam tectamque veritatem iterum atque iterum in examen reducere, ut frequentior veritatis confirmata assertio sit oppositi erroris uberior dissipatio. Quod ut assēquamur, aliqua prælibanda duximus.

§ I.

Prorsus necessaria ad veritatis declarationem supposita.

^{1 suppo-} 2. Ut ergo ab ipsa ratione sacramenti, quæ est conceptus genericus Pœnitentiaæ, quemque rejiciunt hæretici, sumamus exordium, supponendum est in præsenti, non fieri sermonem de pœnitentia qualibet, interna, externave ea fuerit: hoc enim tam evidens est, ut nulla sit inter Catholicos cum hæreticis controversia; quia cum vera pœnitentia possit et frequenter contingat in actibus internis reperiri, puta in actibus doloris, et detestacionis, quibus homo interne male commissa dolet, ac detestatur; profecto tales actus ex vi hujus nec Sacramentum constituunt, nec sacramentales sunt, sed pertinent ad virtutem Pœnitentiaæ, qua homo intendit Deum placare, et offensam ipsi peccando irrogatam delere, ac compensare. Nec sunt proprii hujus status, in quo vigent sacramenta, sed quovis tempore fuerunt necessarii ad reintegrandam Dei amicitiam per peccatum discessam, ut statuit Concilium Tridentinum sess. 14, cap. 1. Atque ideo non sufficiunt ad rationem sacramenti, quam investigamus, quippe quæ requirit aliquod signum

Concil.
Trident.

externum, ac sensibile, quod sit signum, vel ut hæretici inquiunt, prognosticum gratiæ insensibilis, insensibiliter communicatae. Actus autem prædicti sunt penitus insensibles, et nullatenus manifesti aliquo signo exteriori, ut omnes supponunt: non ergo sufficiunt ad rationem sacramenti sensibilis ac manifesti, ut requiritur constituendum.

3. Quod si contingat (et non raro evenit) pœnitentiam internam se in signa externa exercere, videlicet in fletus, jejunia, verberrationes, et alia, quæ sunt signa exteriora dolorem, et tristitiam internam manifestantia, non idcirco ea pœnitentia inter sacramenta illico accensenda erit. Sed est actus externus pertinens vel ad auxilium transiens, vel ad virtutem Pœnitentiaæ, a quorum alterutro vel elicetur, vel imperatur, ut a simili constat in actu fidei, quo quis non solum interne assentitur revelatis, sed etiam externe profitetur erumpens in confessionem externam, et protestationem, ad quam fidelis quisquam præcepto obligatur, ut ostendimus suo loco. Porro hunc poenitendi modum non esse proprium hujus status legis gratiæ, sed in aliis etiam legis scriptæ viguisse, quam plura exempla clare demonstrant, et Davidis lacrymæ, ac Nini-vitarum jejunia haud obscure testantur, ut pertranseamus alia cūique obvia a primo peccato ad hæc usque tempora percurrenti. In quolibet enim statu quam plurimos inveniet pœnitentiaæ exteriori maxime addicos; cum tamen ante Christi Domini institutionem Pœnitentiaæ Sacramentum non extitissem, tam certum sit, quam verum est non alium, quam Christum Dominum nostra sacramenta ut sūi Autorem, et primarium erectorem aspicere.

4. Ut ergo ad id, quod est dissidiū, accedamus, et veritatis lucem ab hæreticorum tenebris vindicemus, præ oculis habendum est, ultra prædictos actus sic quasi confuse descriptos (quin modo intersit, qui, quot, et quales illi fuerint, determinare, quod sequentibus disputacionibus reservamus) requirere Catholicos et confessionem spontaneam peccatoris: sine qua quatumvis interne, et externe esset dolor, nullatenus tamen esset, aut est verum sacramentum communiter loquendo: sed insuper desiderari absolutionem vocalem, subindeque itidem externam sacerdotis legitimam potestatem habentis, quam incomplexe

Obser-
vatio.

incomplexe vocamus absolutionem. Hac vero accedente, et supra prædictos actus pœnitentis externe significatos cadente, fit et consurgit verum sacramentum pœnitentiæ, quo remittuntur peccata media gratia sanctificante a Deo infusa et per ipsum sacramentum, instrumentaliter causata. Ad id autem cum aliis actibus ex parte pœnitentis se tenentibus concurrit absolutio sacerdotis jurisdictionem ac potestatem obtinentis veluti complementum, ac forma qua pœnitens ultimo liberatur a culpa modo inferius latius exponendo. Itaque Catholici catholice adstruimus Sacramentum pœnitentiæ ad instar judicii, in quo sine strepitu coram judice a Deo designato datur reus, qui est ipse pœnitens; accusatio, quæ est ipsa confessio, cum detestatione male commissi; et sententia a judice prolatæ, quæ est absolutio, qua ultimo conficitur, ac completetur judicium istud secrete inter reum et judicem, cum onere luendi pœnam ab ipso judice taxatam, quæ vocatur satisfactio. Hunc autem ritum externum, qui apud nos est verum sacramentum, adeo exosum habent hæretici, ut vel ipsius nomen abhorreant (ut in præfatione ostendimus) ex diversis quidem capitibus.

5. Nam Montanistæ et Novatiani veteres quidem hæretici, a Montano et Novato sic nuncupati, idcirco respuebant sacramentum pœnitentiæ quia potestatem dimittendi peccata soli Deo deferebant, et a quolibet ejus ministro ablegabant, ut constat ex D. Hieronymo lib. 2, contra Vigilantium cap. 2, dicente: *Montanus et Novatus contendunt non posse renovari per pœnitentiam eos, qui crucifixerunt sibimet filium Dei, et ostentui habuerunt.* Idemque tribuit D. Augustinus Novato lib. de Hæresibus cap. 38. Eoque tandem pervernerunt dementiae ut introitum Ecclesiæ peccatoribus denegarent, ut idem Hieronymus scribit ad Marcellam, Montani et sectatorum mentionem faciens, his verbis: *Illi ad omne delictum Ecclesiæ obserant fores: Nos quotidie legimus: Malo pœnitentiam peccatoris, quam mortem.* Hinc et Novatum ipsum, nisi mavis Novatianum, scripsisse refert Socrates lib. 4 suæ historiæ ad omnes ecclesias, ut neutiquam admitterent ad mysteria, eos, qui semel simulacris obulissent; quinimo ad pœnitentiam virtutem hortarentur, Deoque soli deferent remissionem, qui solus est potens, et habens autoritatem remittendi

delicta. Itaque convenere Montanus, et Novatus in neganda potestate delendi peccata, quæ sit in ecclesia. At vero Novatiani mitiores discernebant, et graviora dimittendi soli Deo, sibi vero leviora potestatem tribuebant, ut constat ex S. Ambrosio lib. 2 de Pœnit. Ubi eos ut a suo magistro desciscentes redarguens alloquitur: *Aiunt se exceptis gravioribus criminibus, relaxare veniam levioribus. Non hoc quidem author vestri erroris Novatianus ait, qui nemini pœnitentiam dandam pulavit: et paucis interpositis: In eo igitur patrem vestrum propria damnatis sententia, qui distinctionem peccatorum facitis, quæ solvenda a vobis putelis, et quæ sine remedio esse arbitremini.* Ex quibus omnibus liquide appetet hos omnes vel in totum, ut Montanum, et Novatum, vel in partem ut Novatianos potestatem absolvendi ab Ecclesiæ ministris explosisse. Contra quos non aptius possumus agere quam contrariam seu contradictoriam suppositionem statuere ac firmare.

6. Atque ita supponimus secundo esse in ecclesia catholica, ejusque legitimis ministris ab ipsa deputatis veram potestatem dimittendi peccata traditam a Christo Domino, primum Apostolis, deinde ejus successoribus, seu vicem in ecclesia gerentibus, quales sunt Presbyteri ad id munieris designati. Tam vera et catholica est ista suppositio, quam opposita falsa et hæretica. Et probatur ac demonstratur. Nam vel ruit tota lex Evangelica a Christo Domino instituta, vel adstruenda est in ministris ecclesiæ potestas relaxandi, et dimittendi peccata. Primum nec hæretici audebunt tenere, cum et christiani sint, et Christum utecumque, ejusque doctrinam sectari sibi videantur, ne veluti pure pagani habeantur: ergo necessario cogendi sunt ad tenendum secundum. Consequentia liquet, minor ex subinserta probatione constat; alias non inter christianos accensendi, sed paganismus annumerandi essent hæretici. Unde solum manet probanda secunda majoris pars, quæ constat ex illo Joan. 20: *Accipile Spiritum sanctum, quorum remiseritis peccata, remittuntur eis, et quorum retinueritis, retenta sunt.* Sed eo loco confertur potestas remittendi, et ligandi, seu retinendi ministris apostolicis; quales sunt soli presbyteri ad id munieris consignati: ergo adstruenda est in illis potestas relaxandi, ac remittendi peccata. Probatur minor; nam si ea verba ad

Montanus, et
Novatus,
in quo
conveni-
nerint.

D. Am-
bros.

Secunda
suppo-
sitio.

Joan.

cap. 20.

pravum sensum non detorqueantur, sed sincere et ut a Christo prolata, accipiantur, plane constat accepisse Apostolos Spiritum sanctum ad aliquod munus eis hactenus non injunctum, ut ipsa verba indicant: sed non est aliud quam munus retinendi, et remittendi peccata, ut liquet: ergo hoc munus sive officium fuit eis ex vi eorum verborum injunctum. Hoc autem non est aliud quam potestas judicandi et discernendi, quam catholici adstruunt in presbyteris: ergo vere datur in ecclesia talis potestas.

7. Confirmatur et explicatur primo. Nam si verba Christi illusoria non sunt, sed vera, et infallibilis veritas; alicubi debent compleri, et completa esse, demonstrari: sed Christus Dominus plures promisit Petro, ejusque successoribus potestatem remittendi peccata, necnon aliis Apostolis: ergo alicubi eam illis dispensavit. Sed non alibi (saltem expressius) quam loco nuper adducto: ergo eo loci concessa est ecclesiæ potestas ligandi, atque solvendi. Minor primi syllogismi constat ex

Matt. 16. illo Matth. 16: *Et tibi dabo claves regni cœlorum, et quodcumque ligaveris super terram, erit ligatum et in cœlis, et quodcumque solvearis super terram, erit solutum et in cœlis,*

Matt. 8. et ex illo ejusdem Matth. 18. Ubi quasi juramento semel, et iterum idem promisisse constat: *Amen, amen dico vobis, quæcumque alligaveritis super terram, erunt ligata, et in cœlis, et ubi non de præsenti confertur, sed promittitur conferenda judicaria solis Apostolis, ejusque successoribus. Majorem vero illius syllogismi nemo, nisi blasphemæ, audebit negare;* cum promissiones Christi non sint, nec esse potuerint deceptoriae, sed summæ et infallibilis veritatis; alias nullius essent fidei, rueretque tota lex Evangelica eis locuti solidissimo fundamento innixa juxta illud Matth. 16: *Et ego dico tibi quia tu es Petrus, et super hanc petram ædificabo ecclesiam meam, et portæ inferi non prævalebunt adversus eam.* Minor subsumpta, videlicet nullibi nisi ibi, locum habuisse promissionem Christi, constat ex ipso Evangelio, in quo licet totum consulatur, non inventitur insuflatio Christi, impartitio Spiritus sancti, et imperium judicandi solvendo et retinendo: Quæ omnia satis efficaciter, imo evidenter ostendunt ibi intervenisse aliquid specialius, quod obituri erant Apostoli præ aliis. Alioqui casuales, imo et ridiculæ forent illæ ceremoniæ, et verba

illa superflua. Non est autem imaginabile aliud, quam quod verba sonant, nimirum potestas ligandi, atque solvendi, quæ est potestas judicaria a Catholicis vere et catholice asserta: ergo hæc reperitur in Ecclesiæ.

8. Eamque post alia Concilia novissime Trident. sancvit Tridentinum. Nam sess. 14, can.

3. Ubi anathemate damnat, qui oppositum docuerit, vel contra hanc potestatem ad potestatem solam prædicandi verba hactenus expensa detorserit, his verbis: *Si quis dixerit verba illa Domini salvatoris, accipile Spiritum sanctum, quorum remiseritis peccata remittuntur eis, et quorum retinueritis tenta sunt, non esse intelligenda de potestate remittendi et retinendi peccata, in sacramento Pœnitentia, sicut ecclesia catholica ab initio semper intellexit. Detorserit autem contra institutionem hujus sacramenti ad authoritatem prædicandi Evangelium, anathema sit. Quo nihil clarius, et expressius pro suppositione facta.*

Id ipsum uno ore docuere ecclesiæ doctissimi ac sanctissimi Patres, ut constat ex Augustino cum alibi plures, maxime August. vero lib. 20 de civitate Dei cap. 19, exponendo verba illa Apocalyp. 20: *Vidi se Apocadas et sedentes super eas et judicium datum est, super quæ inquit: Nec hoc putandum est de ultimo judicio; sed per sedentes super sedes ipsi Præpositi sunt intelligendi, per quos nunc ecclesia gubernatur. Judicium autem datum nullum melius accipiendum est, quam id quod dictum est: Quæ ligaveritis in terra, erunt ligata et in cœlo. His accessit Hieronymus epist. ad Heliendorum dicens: Sacerdotes apostolico gradu succedentes Christi corpus sacro ore conficiunt: per quos et christiani sumus, qui claves regni cœlorum habentes quodammodo ante diem judicii judicent. Nec minus clare locutus est N. Cyrillus Alexandrinus lib. 12, in Joann. cap. 56, sequentibus verbis: Sacerdotes per potestatem sibi traditam a Christo duabus modis peccata remittunt: primum baptismo, deinde pœnitentia. Nam vel homines ad baptismum inducunt, vel ecclesiæ filii pœnitentibus indulgent. Ubi duplarem potestatem concessam fuisse sacerdotibus palam fatetur, et baptizandi (solemniter intellige quæ nulli [quam sacerdoti congruit] et indulgendi, quæ etiam est propria sacerdotum, et non alterius, ut male garriunt plures hæretici nostri temporis, obtendentes omnes promiscue esse sacerdotes, ac æquali gaudere potestate ad solemniter baptizandum,*

Confirmatio.

Matt. ubi supra.

Hieronym.

N. Cyri-

lius.

Joan.

baptizandum, et sacramentaliter absolvendum.

Ex quibus tandem confirmatur nostra vera et catholica suppositio. Nam de eo quod universalis ecclesia, sacra Concilia ac ecclesiæ Doctores nos firmiter docent, et universaliter tenent, non est disputandum, sed ratum, firmum, et omnino verum habendum est. Sed universalis ecclesia, sacra Concilia, et ecclesiæ Doctores universaliter docent, ac sentiunt esse in sacerdotibus in gradu Apostolis succedentibus veram ac legitimam potestatem ligandi, et solvendi peccato obnoxios, et crimini bus implexos. Ergo citra ullam prorsus dubitationem tenendum est. Atque ideo immerito Montanum, Novatum ejusque sectatores (et si qui sunt alii) soli Deo detulisse eam facultatem, et ab ecclesiæ ministris alegasse. Major est regula tradita a D. Augustino lib. 4 contra Donatistas cap. 24, et epist. 118, ubi insolentissimam insaniam dicit disputare de eo quod universalis ecclesia tenuit, et tenet. Minorem evidenter ostendunt hactenus expensa, ut interim mittamus Chrysostomum, Ambrosium, Prosperum, et aliam fere innumeram Sanctorum Patrum, ac Theologorum cohortem.

Objectio
dilutor. 9. Contra quam veritatem non est momenti, quod intendunt hæterodoxi, nimirum eam potestatem solum esse ad enuntiandum, seu Evangelice prædicandum homines esse, vel non esse a culpa solutos; non vero ad per seipso absolvendum, vel ligandum. Quod est dicere Christum Dominum solum instituisse Apostolos, ejusque successores concionatores veniæ, vel damnationis a solo Deo inferenda, non vero per eos tamquam per veros judices, et Dei ministros facienda. Ex quo solum sequitur Apostolorum successores promulgare, ut ita dicamus, sententiam a Deo solo latam, non vero ipsos ut veros judices sententiam ferre. Idque sibi suadere videntur in casu Davidis, et Nathan Prophetae, in quo iste illum absolutum declaravit dicens: *Dominus quoque translutit peccatum tuum; nullam tamen judicariam potestatem supra Davidem exercuit.* Haec (inquam) evasio nullius momenti est, in qua proinde refellenda non moramur. Tum quia in simili eam rejecimus, et data opera expugnavimus tract. de Sacramentis in genere, ad quem locum remittimus lectorem, ne cum fastidio eadem refricemus. Tum etiam, quia præoccupa-

tam reliquit decisio Tridentini anathemate Tridentini-
ferientis eos, qui ad authoritatem prædicandi Evangelium verba Joannis cap. 20, detorserit contra institutionem hujus sacramenti, ad quem solum finem fuit excogitata. Tum et maxime, quia prædicta verba eam interpretationem non sustinent; cum nec minimum signum prædicationis in eis reperiatur, sed solum jurisdictionis, et potestatis ligandi et solvendi. Quin et potestatem prædicandi jam diu acceperant Apostoli ante mortem et resurrectionem Salvatoris, dum ab ipsomet audierunt. *Prædicate Evangelium omni creaturæ et euntes ergo docete omnes gentes,* et alibi pluries, ut constat ex contextu Evangelii. Quod attendentes et alte calentes Sancti Patres merito in eo convenerunt, quod in verbis Joann. potestas judiciaria collata fuerit Apostolis, ejusque successoribus post resurrectionem, quam non apti erant accipere ante cœnam in qua ordinati sunt sacerdotes. Quocirca illi ritus externi nimurum insuflationis, effusionis Spiritus sancti, et traditionis intervenere post resurrectionem. Nec ad id conductit exemplum Davidis et Nathan, quorum tempore nondum erat institutum sacramentum Pœnitentiae, nec ulli collata judiciaria potestas usque ad adventum Christi, et ejus resurrectionem, ut suo loco dicemus.

10. His, quæ ad id solum direximus, ut aperiretur status quæstionis, contra Novatianos, ita constitutis, superest videamus, quid senserint Lutherus, et alii sectarii, ut expeditiores in disputacionis campum descendamus. Verum enim vero versipelle eorum ingenium ideo se occultit, ut facilius sit asserere quid non sentiant, quam manifeste determinare quid teneant. Nam si attendamus apoligiam confessionis Augustanae, cui sese accinxere, et in cujus verba jurarunt, inter alia sacramenta Pœnitentiam chorum agere conspiciemus: nam cap. de numero, et usu Sacramentorum ita habetur: *Si sacramenta vocamus ritus, qui habent mandatum Dei, et quibus addita est promissio gratiæ facile est judicare, quæ sint proprie Sacra- menta.* Nam ritus ab hominibus instituti non erunt hoc modo proprie dicta sacramenta; non est enim autoritatis humanæ promittere gratiam. Quare signa sine mandato Dei instituta, non sunt certa signa gratiæ, etiam si rudes fortasse docent, aut admonent aliquid. Vere igitur sunt Sacra menta Baptismus, Cœna Domini, absolutio quæ est sacramentum Pœ-

nitentia, nam hi ritus habent mandatum Dei, et promissionem gratiae, quæ est propria novi testamenti. Certo enim debent statuere corda, cum baptizamur, cum vescimur corpus Domini, eum absolvimur, quod vere ignoscat nobis Deus propter Christum. In quorum consequentiam ipsem Lutherus, negans plura quam tria Sacraenta; ex illis tribus unus numerat Pœnitentiam lib. de Captivit. Babylonica prope initium his verbis: Primo neganda sunt mihi septem Sacraenta, et tria pro tempore ponenda Baptismus, Pœnitentia, Panis. Ubi clare stat pro apologia confessionis Augustanæ, et pro vera existentia sacramenti Pœnitentiae. Si vero aliorum nos convertamus, planum erit callide ac versute fuisse locutum, ut constat ex eodem libro, in quo circa finem ad baptismum reducit Pœnitentiam vel sui immemor, vel inconstans, et quod verius est, sui pœnitens, et male resipiscens. Unde effutire non fuit veritus:

Proprie ea Sacraenta vocari visum est, quæ annexis signis promissa sunt. Quo sit ut si rigide loqui volumus, tantum duo sunt in ecclesia Dei sacramenta, Baptismus et Panis (in quod etiam impedit, ut vidimus superiori volumine tract. de Eucharistia) tum in his solis et institutum divinitus signum, et promissionem remissionis peccatorum videamus. Nam Pœnitentia Sacramentum, quod ego his duobus accensui, signo visibili, et divinitus instituto caret; et aliud non esse dixi, quam minime baptismi. Hocque illius erroneum judicium adeo in posteris suis inolevit, ut in idem venerint omnes, tam Calvinistæ

quam Lutherani, Zuingiani, et Magdeburgenses, et alii similis fecis. Hinc ne Montanistis, aut Novatianis accenseantur, Pœnitentiam admittunt: sed dum a catholicis urgentur pro vera et catholica pœnitentia, ad baptismum resiliunt, quasi vera pœnitentia ea sit in memoriam trahere sacramentum præteritum, et quodlibet aliud veluti humanam inventionem respuunt.

11. Sed ut his obviam eamus, et ad principium, a quo digressi sumus, regrediamur, duo nobis agenda incumbunt. Primum contra Novatianos: An videlicet ritus ille, et quidem inter catholicos frequentissimus, confitendi secrete propria peccata coram legiuno sacerdote veluti coram vice Dei iudice, absolvente, et pœ-

nam aliquam injungente, quæ incomplexe Pœnitentia nuncupatur, sit verum Ecclesiæ sacramentum, nec ne? Secundum est contra nostri ævi Novatores, utrum sit adæquate distinctum a Baptismo? Quæ suo ordine decidemus. Unde sit

§ II.

Ostenditur Pœnitentiam esse verum Ecclesiæ Sacramentum.

12. Dicendum est primo Pœnitentiam esse verum Ecclesiæ sacramentum. Conclusionem istam ut fidei dogma turgent ad unum omnes Catholicos. Nec mirum cum jam olim fuerit ab ecclesia definita: primo quidem in Concilio Provinciali Romano, in quo damnatus fuit primo Novatus negans esse in ecclesia potestatem judiciariam solvendi peccato obnoxios, tempore Cornelii Papæ; a quo approbata, et confirmata creditur Patrum sententia. Deinde a Concilio Constantiensi, doctrinam Joannis Hus confessionem ut sacramentum rejicientis, eadem censura inurenti. Ac tandem a Concilio Florentino post sessionem ultimam in decreto Eugenii Quarti. Idque satis constat ex Bullis Martini Quinti contra Joannem Hus, et Leonis decimi contra Lutherum. Novissime vero eandemmet conclusionem statuit, et tamdiu latam censuram innovavit Concilium Tridentinum [Tridensis. 14, can. 1, his verbis: *Si quis dixerit in ecclesia catholica, Pœnitentiam non esse vere, et proprie sacramentum pro fidelibus, quoties post baptismum in peccata labuntur, ipsi Deo reconciliandis, a Christo Domino nostro institutum, anathema sit.*

Concil. Rom.

Concil. Constantien-
se.

Floren-
tin.
Eugenii.

13. Hujus conclusionis rationem duplum tradidit D. Thomas in præsenti: Primam in argumento *sed contra*, quam ad sequentem formam reducimus. Nam Baptismus est verum Ecclesiæ sacramentum, ut vel ipsi hæretici docent, et non negarunt Novatiani: ergo etiam Pœnitentia est sacramentum inter alia ecclesiastica sacra-menta annumerandum. Probatur consequentia, quoniam ideo Baptismus est verum sacramentum, et quia est ritus de se ordinatus ad remissionem peccati originalis, cui euncti nascuntur obnoxii, ex institutione Christi; et quia sub præscripta verborum forma adjuncta debitæ materiæ, omnibus ilum suscipientibus promittitur infallibiliter conferenda gratia, et reipsa confertur, obicem non habentibus. Sed Pœnitentia

Idem
Lutherus
sibi
parum
con-
stantis.

Mani-
festa ejus
incon-
stantia.

Magde-
burgen-
ses.
Zuin-
giani,
Calvi-
nistæ,
et Lu-
therani.

Scopus
difficul-
tatis.

Funda-
mentum
ex D.
Thom.

nitentia ordinata fuit a Christo Domino in destructionem peccatorum actualium commissorum post baptismum; et sub prescripta verborum forma debitæ materiæ applicata promittitur, et re ipsa infallibiliter confertur gratia cui libet ad eam debite absque obice accedenti: Ergo penitentia est verum Ecclesiæ sacramentum. Major est tam evidens, ut neque ab ipsis lippientibus hæreticis possit negari, et constat ex illorum confessione. Minoris sunt due probandæ partes; prima, quod penitentia sit ordinata ex institutione Christi ad deletionem mortalium post Baptismum commissorum: secunda vero, quod legitime ad eam accedenti sit promissa gratia, et re ipsa detur, sub prescripta verborum forma. Et quod attinet ad primam ostenditur: tum quia sicut Baptismus in id præcipue institutus fuit a Christo Domino, ut homines ab originali ablueret, media gratia, ex meritis Christi ipsis concessa: ita Pœnitentia præcipue tendit ad delenda peccata post Baptismum commissa, ut quæ homo propria voluntate contraxit, propria itidem voluntate

t. 8. detestaretur juxta illud Act. 8: *Pœnitentiam age ab hac nequitia tua*; et illud: *nisi pœnitentiam egeritis omnes quidem peribitis*. Tum etiam quoniam si homo post baptismum lapsus nullum haberet medium, de se ad recuperandam gratiam ordinatum, pejoris fuisse conditionis post baptismum suscep-
tum, quam ante illius receptionem; quandoquidem ante baptismum poterat per ipsum baptismum in Dei gratia constitui, post baptismum vero nulla via poterat in Dei gratiam restituiri, nec amicitiam Dei per peccatum discessam reparare. Quod est stultum, blasphemum, et Dei misericordia indignum. Ne ergo hoc dicatur, asserendum est post baptismum lapsis aliquam superesse viam, qua possint amissam Dei gratiam reparare. Hæc autem non est alia quam pœnitentia: ergo Pœnitentia de se ordinatur ad delenda peccata post baptismum commissa.

14. Dicere autem quod per ipsum baptismum peccata actualia post eum commissa deleantur, et est ridiculum, et minime ad mentem Novatianorum, contra quos modo tantum agimus, ut ostendit Angelicus Doctor 4, contra Gentes, Cap. 71, ratione ultima, qua probationem nostram elucidat, et oppositam positionem evertit his verbis: *Gratia in sacramentis percepta non constituit hominem impeccabilem*; si igitur post gratiam in sacramentis perceptam

peccans ad statum justitiae redire non possit, periculosum esset sacramenta percipere; quod patet esse inconveniens: non igitur peccantibus post sacramenta percepta redditus ad justitiam denegatur. Idque probat S. Doctor ex illo Joann. 2: *Filioli mei, hæc scribo vobis, ut non peccatis: sed et si quis peccaverit, advocatum habemus apud Patrem Jesum Christum Justum, et ipse est propitiatio pro peccatis nostris*. Quæ quidem verba manifestum est, quod fidelibus jam renatis proponebantur. Cum eis quippe loquebatur Apostolus, et non cum infidelibus nondum ad fidem conversis. Ergo post baptismum renatis post lapsum superest medium reconciliationis, quo eorum peccata tergantur.

Quod vero id fieri nequeat post baptismum antea susceptum constat tum ex Apostolo ad Hebraeos 6, ubi id impossibile putat dicens: *Impossibile est eos, qui semel sunt illuminati gustaverunt etiam donum cœlestis, et participes facti sunt Spiritus sancti, et prolapsi sunt, rursus renovari ad pœnitentiam, rursus crucifigentes filium Dei sibi meti-
sis, et ostentui habentes*. Quo loci non negat D. Paulus pœnitentiam post lapsum, qua directe remittantur peccata, ut male autemarunt Novatiani; quin et Corinthium gravissimo sceleri obnoxium post baptismum ad pœnitentiam admisit; sed eam dumtaxat pœnitentiam rejicit, qua simul cum Christo in baptismo homo crucifigitur. Nam ut diligenter observat D. Thomas: *Apostolus non dixit, quod impossibile est, eos qui semel lapsi sunt, rursus revocari, vel con-
verti ad pœnitentiam: sed quod impossibile sit renovari, quod baptismo attribuere solet, ut palet ad Titum 3: Secundum misericordiam suam salvos nos fecit per lavacrum regenerationis, et renovationis*. In quo etiam sensu eum locum interpretantur August. Chrysostomus, Theodoretus, Ambros. et alii SS. PP. Tum etiam ratione plane efficaci. Nam Baptismus nec in re, nec in voto non susceptus nequit causare gratiam remissivam peccati actualis: sed per solam memoriam Baptismi, non suscipitur Baptismus in re, ut constat, nec etiam in voto, cum baptismus non sit iterabilis, et votum illius in illius susceptionem collimet: ergo neutro modo receptus baptismus nequit causare gratiam remissivam peccati actualis, quantumvis adsit illius recordatio.

Præterquam quod nullum sacramentum gaudet efficacia ad destruenda peccata post ipsum commissa, ut constat inductione, nisi per iterationem: ergo cum adhuc in

Joan. 2.

August.
Chrys.
ost.
Theodo-
ret.
Ambros.

hæreticorum sententia baptismus reiterari nequeat, consequenter inefficax erit ad delenda mortalia post ipsum commissa.

Valebit equidem ad excitandam devotionem illius recordatio, augendum dolorem, et suscitandam fidem; sed nullo horum fit justificatio, et remissio, nisi interveniat gratia intus renovans animam, ac destruens peccatorum maculam ex pravis actibus relictam, ut tract. de justificatione contra hæreticos ostendimus. Manet ergo fixum solam pœnitentiam primario tendere in destructionem peccatorum, quibus obnoxius post baptismum fuerit homo, quæ est prima pars illius minoris, quam probandam assumpsimus.

15. Secunda vero pars minoris, nimirum esse promissam gratiam, ac reipsa infallibiliter communirari cuilibet legitime accedenti ad sacerdotem, cui detegat propria delicta, eaque detestando absolutionem sub præscripta verborum forma recipiat, constat ex suppositione secunda, in qua fundamenta jecimus potestatis judicariæ, quæ inest legitimis ecclesiæ ministris ad ligandum, vel solvendum. Nam ea potestas cum non sit frustanea, in id præcipue tendit, ut peccatorem Deo in visum, et vinculis delictorum, quæ manifestat per dolorosam confessionem, obstrictum, vere absolut, ac in Dei amicitiam restitut, idque infallibiliter efficit, dum non adsit impedimentum occultum ex parte pœnitentis. Hoc autem fieri nequit absque gratia, qua tergantur peccata, ut modo supponendum est cum catholicis ex tract. de justificatione: ergo verum est promissam esse gratiam, et infallibiliter communicari cuilibet ad pœnitentiam accedenti absque obice. Major probatur, nam ea potestas est ad remittendum infallibiliter peccatum obicem non habenti, et verba sacramentalia significando efficiunt id ipsum quod significant. Idque satis liquet ex paritate Baptismi, ut ab ea cum

Disp. 1.

D. Thoma non discedamus: quoniam sicut accedenti ad baptismum absque obice infallibiliter promittitur, et confertur gratia remissiva peccati originalis, et aliorum ante baptismum perpetratorum; ita accedenti ad pœnitentiam absque impedimento promissa est, et reipsa infallibiliter dispensatur gratia remissiva peccatorum actualium post Baptismum commissorum ex meritis Christi cuius providentia non defecit in statuendo remedio pro peccatis actualibus, et originalibus. Unde concludit D. Thom. S. Doctor. opusc. 22, cap. 3: *Numquid est*

abbreviata manus Domini, ul qui in Baptismo ab omnibus peccatis mundat, in Sacramento Pœnitentia hoc non faciat? Ergo sicut Baptismus est verum ecclesiæ Sacramentum, ut vel ipsi fatentur hæretici, ita et ob eandem prorsus rationem Pœnitentia est verum ecclesiæ Sacramentum.

16. Nec momenti est triplex adversariorum effugium. Primo enim docent eam potestatem solum eo tendere, ut declareret minister Christi peccata esse deleta, et remissa a Deo; non vero ut ipse vere deleat ac remittat. Secundo sibi communiscunt eam potestatem nullatenus esse judiciale, sed exhortatoriam, aut impetratoriam, qualem fuisse constat potestatem curandi infirmos, ac languores sanandi, Apostolis promissam, et concessam. Cum tamen non hi, sed Deus male se habentes curaverit, nec infallibiliter omnes ab infirmitatibus liberati fuerint Apostolorum ministerio. Tertio tandem sentiunt ea verba, *quorum remiseritis, etc.*, pertinere ad remissionem peccatorum, qui convertuntur ad fidem ante susceptionem baptismi, ut sibi probare videntur ex cap. ult. Lucæ, ubi Dominus præcepit prædicari pœnitentiam, et remissionem peccatorum in omnes gentes, incipientibus ab Hierosolyma. Ubi non est sermo de Baptismo regeneratis, sed de omnibus ad fidem convertendis, idque adeo arrisit Calvinus, ut in antidoto Tridentini sess. 6, cap. 14, veritus non fuerit ita scribere: *Quis ignorat munus Apostolis illic fuisse injunctum, quo erga extraneos fungerentur? Ea legalio est, quæ per evangelium defertur in ecclesiam nondum cooptatis:* Non ergo ex vi eorum verborum *Quorum remiseritis, etc.*, quibus nititur totum pondus doctrinæ catholicæ in præsenti materia, infertur potestas judicaria, et absoluta remittendi peccata lapsis post Baptismi receptionem, et coaptationem in ecclesiam.

17. Non, inquam, momenti, sed tam levia, quam falsa sunt ista effugia, quies proinde evertendis non immorabitur. Et primam quidem evasionem jam diu diruerat Hugo Victorinus lib. de Pœnit. cap. 21, his verbis: *Extat quorumdam sententia tam frivola, ut ridenda potius, quam refellenda videatur. Putant enim sacerdotes non hahere potestatem solvendi, sed ostendendi solutos. Sed numquid Dominus dixit, quod solutum ostenderitis erit solutum? Dicunt sacerdotes non habere potestatem remittendi peccata, cum Dominus hoc non dicat. Et quod ma-*

Hæreti-
cum
effu-
gium.

Calvin

Præclu-
ditur 1Hugo
Victor

gis

.Thom. *gis est, D. Thomas etiam præoccupatam reliquit eam doctrinam opusc. nuper cit. cap. 2, dicens : Absit enim ut Sacraenta novæ legis solum significent, et nihil faciant, sicut veteris legis Sacraenta. Si autem sacerdos solum discernendo denuntiaret peccatoris absolutionem, nihil ficeret, sed tantum significaret : ergo facit aliquid ministerium absolutionis impendendo, atque ideo non tantum declarat absolutum, sed vere absolvit reum, licet ministerialiter. Unde licet solus Deus vere et principaliter remittat peccata, quod causantur hæretici; non idcirco excludit ministros a remissione ministeriali, et instrumentalium. Nam, ut recte ar-*

.Thom. *guit Angelicus Præceptor ibi, constat quod Dominus Lazarum suscitavit, et discipulis solvendum mandavit : ergo discipuli absolvunt. Non ergo potestas solvendi, et ligandi sacerdotibus concessa est potestas dumtaxat denuntiandi, et declarandi, sed vere efficiendi, licet instrumentaliter, absolutio- nem et remissionem.*

*Rejici-
tur 2.* 18. Secundam etiam diluit D. Thomas per hæc verba : *Potestas sanandi infirmitates erat gratia specialiter homini data, non ad sanandum, sed ad sanitatem impenetrandum. Unde non mirum non omnibus Apostolos contulisse salutem. Potestas autem clavium non computatur inter gratias gratis data, sed est virtus Sacramentalis, quæ principaliter residet in Christo, instrumentaliter autem, seu ministerialiter in sacerdotibus claves habentibus. Verba autem Sacramentalia efficiunt quod significant. Unde temerarium (imo et hæreticum) est dicere (Concludit S. Doctor) quod per claves ecclesiæ non fiat certa remissio peccatorum, ut Augustinus dicit. Hinc satis liquet, quare non omnibus contulerint Apostoli salutem corporalem, cum tamen omnibus imperiantur legitimi sacerdotes vere pœnitentibus salutem animæ, quæ est per gratiam sanctificantem : et agnoscitur differentia inter potestates languores sanandi, et delicta remittendi, quas confundunt hæretici : nam illa non semper obtinet effectum, quem intendit, ut constat in D. Paulo, qui non fuit exauditus pro stimulo carnis suæ, quia non expediebat, de quo .Thom. Præceptor Angelicus 2, 2 q. 83, art. 7 et 15. Hæc vero infallibiliter consequitur effectum, et quia est effectiva, et quia pro- venit ex meritis Christi, quæ infallibiliter applicat pœnitenti.*

*Cyrilli
xposi-
tio.* 19. Tertia tandem, cui eo magis fidunt, quo P. N. D. Cyrilum sibi suffragari

gloriamtur, dum eam potestatem remittendi extendit universaliter ad omnes gentes ante, et post Baptismum, eadem refellitur facilitate. Et quod attinet ad S. Doctorem Alexandrinum, tam clarus est, ut vindice non indigeat. Nam cap. 56 super Joannem ubi eam potestatem remittendi peccata Apostolis concessam indifferenter protendit ad omnes gentes, ita inquit : *Qua igitur ratione divinæ naturæ dignitatem, ac potestatem discipulis suis Salvator largitus est? Quia certe absurdum non est peccata remitti posse ab illis, qui Spiritum sanctum in se ipsis habeant. Nam cum ipsi remittant, aut detinent, spiritus qui habitat in eis, per eos remittit et detinet. Erit enim id per eos duobus, ut arbitror, modis; primum Baptismo, deinde Pœnitentia. Nam aut credentes, et vitæ sanctimonia probatos homines ad baptismum inducunt, et indigos inde diligenter expellunt, aut ecclesiæ filiis peccantibus, quidem increpant pœnitentibus autem indulgent. Quo nil expres- sius contra hæreticos, nec magis pius et catholicum pro veritate utriusque Sacra- menti Baptismi, et Pœnitentiae, esto sit ita ea verba Joann. 20, in ea universalitate indiscriminatim accepta iri, ut ipsi volunt, et Cyrus pie et catholice ampliavit.*

20. Sed certe communior, ac subinde germanior, est cæterorum Patrum intelligentia, unanimi consensu docentium eo loci sermonem fuisse de potestate clavium restricta ad solos fideles post baptismum in crimina lapsos. Ita D. Aug. D. Ambrosius, S. Joannes Chrysostomus, D. Thomas, Theophilactus, Euthymius, et quod pluris est, cum illis Concilia generalia, inter quæ maxime Florentinum, et Tridentinum : quia cum ibi tradita fuerit Apostolis et eorum nomine cunctis aliis legitimis sacerdotibus clavium potestas, et hæc non sit ad baptismum necessaria, quin illum supponit; plane consequitur, ibi non fuisse sermonem de Baptismo jam pridem instituto, et sub præcepto commendato, ut constat ex Matth. et Marci ultim. cap. et ex ipsomet Joann. cap. 4. Unde inutiliter repetisset S. Evangelista cap. 20, quod jam scripserat cap. 4. Eo praesertim, quia potestas judicandi, et discernendi, qualis est potestas clavium, non est ad exteriores, sed dumtaxat ad illos, qui intra Ecclesiam degunt juxta illud Apostoli 1. Corinth, 6, *Quid ad me de iis, qui foris sunt, judicare?* Sed inibi tradita fuit potestas judicaria ad

Communi-
nior
explica-
tio.

D. Au-
gust.
D. Am-
bros.
Chry-
sost.
D. Thom.
Theo-
phil.
Euthym.

Math.
Marcus.

Apost.
Cor. 1.

Bellar. judicandum, ut vel ipsi hæretici, licet inconstanter, non renuunt, et ostendit Bellarminus lib. 1 de Pœnit. cap. 10, ex eorum confessione : ergo ea potestas non tangit nisi fideles post baptismum crimine obstrictos.

Nec robur adjicit hæreticorum positioni quod asserunt ex D. Luca, quasi de eadem re, ac D. Joannes, loqueretur : quoniam ut ipse textus evidenter demonstrat, ibi solum asseritur *prædictum esse a Prophetis prædicandam esse Pœnitentiam et remissionem peccatorum ad omnes gentes in nomine Christi incipientibus ab Hierosolyma.* Quod quidem longissime distat ab eo quod Joannes refert, de insuflatione, et imperio, quo Christus dixit Apostolis : *Accipite Spiritum sanctum, quorum remiseritis peccata, remittuntur eis,* etc. Unde in primo loco nulla est mentio potestatis exhibitæ, ad remittendum, nisi ad summum prophetatæ, et prædictæ in Scripturis, secus vero in secundo, ut vel ipsa met verba satis ostendunt.

Petr. Act. 2. Nisi mavis pœnitentiam *in omnes gentes prædicandam in nomine Christi, a Prophetis prænuntiatam, distributione accommoda esse accipiendam quoad omnes gentes.* Nam ad infideles media pœnitentia ducente ad baptismum iuxta illud Petri Act. 2 : *Pœnitentiam agite, et baptizetur unusquisque vestrum.* Ad fideles vero media pœnitentia Sacramento, nondum instituto usque ad id temporis, quod Joannes refert. Qui sensus est satis legitimus, et Nostro Cyrillo consonus, ut observavit Granados in præsenti.

Instau-ratur. 21. Hinc reintegratur ratio D. Thomæ, quam hactenus expendere curavimus. Quoniam nullibi sacer textus aut formalius, aut expressius sermonem habet de Baptismo, quam de Pœnitentia, sed de utroque generaliter agit absque expressione ritus, aut formæ, ut ex dictis, et ex ipso textu liquet : et tamen adhuc in hæreticorum sententia Baptismus sub præscripta verborum forma est verum ecclesiæ Sacramentum, et a Christo Domino institutum, ut ipsi docent : ergo propter eamdem omnino rationem, nisi inconsequenter procedant, fatendum est eis pœnitentiam esse verum ecclesiæ Sacramentum, a Christo Domino institutum.

Secunda D.Thom. ratio. 22. Secunda ratio, qua Doctor Angelicus catholicam probat assertionem, talis est : Nam Sacramentum est signum rei sacræ sanctificantis nos : sed Pœnitentia

est signum rei sacræ sanctificantis nos : ergo Pœnitentia est Sacramentum. Consequentia est evidens, majorem probatam supponere debemus cum S. D. ex q. 60, art. 2. Ubi eam expendimus, et ab objectionibus vindicavimus disp. 1, dub. 3, de Sacramentis in genere, et insuper eam ostendit S. Doctor ex D. Gregorio 1. De D. Greg. cret cap. 1, ubi docet *Sacramentum esse in aliqua celebratione, cum res gesta ita sit, ut aliquid significative accipiamus, quod sancte accipiendum est.* Quia nimur nomine Sacramenti nil exprimere intenditur ; quam signum sensibile pro hominibus sensibili-ter viventibus, quo in gratiam insensibili-ter sanctificantem perveniant, eaque potantur : ut constat ex ibi dictis. Minorem etiam suadet D. Thomas ex ipsa re gesta, quoniam sive pœnitentia sumatur ex parte pœnitentis reum agentis, et simul denun-tiatorem, sive ex parte ministri, et judicis absolvantis, ac sententiam ferentis; ex utroque capite significat gratiam sanctifi-cantem : nam pœnitens per ea, quæ facit, et dicit, ostendit cor suum a peccato re-cessisse. Similiter sacerdos per ea, quæ agit, et dicit circa pœnitentem, significat opus Dei remittentis peccata; ergo hæc duo simul sumpta, quo pacto efficiunt, ac constituunt integrum judicium pœnitentiale, sunt signum rei sacræ pœnitentem sanctificantis, seu, ut cum Gregorio et D. Thoma loquamur, sunt res gesta, ex qua aliquid sanctificans significative accipiamus erga ipsum pœnitentem : quod non est, nec potest esse aliud, quam gratiæ sanctificans, qua remittuntur peccata, et media qua convertimur habitualiter ad Deum, et Deus ad nos convertit per dilectionem amicabilem.

23. Quæ ratio eo pluris habenda est, quo minus effugii relinquit hæreticorum cavillis, cum æque probet in eorum doc-trina si constantes fuerint, ut constat ex ipso Luthero lib. de captivitate Babylo-nica, et apologia confessionis Augustanæ art. de num. et usu Sacramentorum, ubi definiens Sacramentum docet esse ritum cui adsit mandatum Dei, et promissio gratiæ. Quis autem neget confessionem cum absolutione legitimi ministri esse ritum externum, ac sensibilem ? Et quis renuet in eis verbis. *Quorum remiseritis peccata, remittuntur eis,* a Christo Domino serie prolatæ, non contineri promissionem re-missionis peccatorum, ac subinde gratiæ, sine qua non stat remissio ? Latet profecto, qua

Kemn. t. **qua fronte id fieri queat.** Quod forte subo-
lens Kemnitius 2 p. exam. Tridentini
pag. 41, aliam definitionem Sacramenti
cudere tentavit, sed non feliciori omine.
Nam inter octo conditiones, quas pro illa
excogitavit, nulla est quæ nostræ poeniten-
tiæ, prout in ecclesia geritur, non apprime
conveniat, ut percurrenti constabit. Nam
primam quod adsit externum, ac sensibile
symbolum, planum est in confessione cum
absolutione reperiri. Quod vero in eo sym-
bolo sit institutio, et mandatum Dei, quæ
est secunda, liquet ex sæpe allegatis verbis :
Quorum remiseritis peccata, ubi promittit
remissio absolutis a Dei ministro. Et
talis promissio non in veteri, sed in novo
testamento fuit, facta, ut postulat tertia
eius conditio. Est etiam ritus perpetuus,
non ad tempus, tamdiu in ecclesia dura-
turus, quamdiu militans ecclesia viguerit,
ut vult quarta conditio. Intervenit etiam
promissio gratiæ, non qualicumque sed
justificantis signo illi externo alligatæ,
imo ab eo instrumentaliter productæ, et in
particulari applicatae cuilibet personæ post
baptismum lapsæ, et absque obice acce-
denti, ad Pœnitentiam, quod cæteræ con-
ditiones postulabant. Nullo ergo modo
possunt Lutherus, Kemnitius, et Sectato-
res, si consequenter loquantur, negare
veritatem Sacramenti Pœnitentiae, aut
argumentum D. Thomæ elidere, cum pro-
cedit a definitione ad definitum, adhuc
in illorum sententia : Unde necessum est
vel quod novam cudent definitionem, vel
quoi veritati cedant, et cum catholicis
asserant Pœnitentiam esse verum ecclesie
Sacramentum a Christo Domino inter alia
institutum.

**Objec-
to-
min-
issimi-
ugo ex-
lorum-
sensu.** **24. Hæc cum ita sint, et ita esse nobis**
videantur evidenter, non appareat quid in
oppositum possit adduci, cuius enodationi
insistere oporteat. Objicit tamen Lugo ex
aliorum sententia disp. 42, sect. 1, § *dicit*
Ex illo loco, cui inest totum robur
catholicæ doctrinæ, non colligi ritum sen-
sibile esse necessarium ad tollenda pec-
cata : ergo non est unde bene probetur
Pœnitentiam esse verum Sacramentum.
Consequentia constat, et antecedens pro-
batur : quoniam sacerdos posset authori-
tate divina in corde suo dimittere peccata,
sicut quilibet potest in corde suo remittere
offensas sibi illatas. Se l hæc replica con-
temnenda est, quippe quæ procedit contra
institutum hujus dubii, in quo non investi-
gamus radicem, et originem ritus externi

confessionis, et absolutionis, de quo infra
suo proprio loco : sed una et altera suppo-
sitis, eotendimus, et evincere contra hæ-
reticos existimamus, in eis simul sumptis
reperiri veram rationem Sacramenti ; quod incomplexe appellatur Pœnitentia, et ipsi
respuunt. Nec similiter disputamus an
Deus aliter potuerit res disponere erga Sa-
cramenta statuendo nimirum per actus pure
internos, et nullo modo sensibiles imper-
tiri hominibus eamdem gratiam, quam
modo largitur per symbola externa, et sen-
sibilia. De quo judicium tulimus in com-
mentario ad art. 4, q. 60, quæ est de Sa-
cramentis in genere. Fatemur itaque sic
potuisse Christum Dominum ex potestate
excellentiae sibi propria disponere; sed
tunc, vel non esset verum Sacramentum :
vel foret nedum specie, sed et genere di-
versum a Sacramentis sensibilibus præsen-
tis providentiae In qua negandum est ante-
cedens objectionis, cum sua probatione,
imo et suppositum illius, ut constat ex
supra annotatis a principio hujus dubii,
n. 2, et amplius constabit ex dicendis circa
absolutionem.

§ III.

*Pœnitentiam esse aliud a Baptismo
Sacramentum, explicatur, et probatur.*

25. Dicendum est secundo Baptismum
et Pœnitentiam esse duo Sacraamenta reali-
liter, atque essentialiter diversa. Tam de
fide est præsens, quam antecedens conclu-
sio, eamque ita clare definit Tridentinum,
ut nulla possit vel apparenti tergiversatione
in oppositum exponi. Unde nullus catho-
licorum est, qui ei refragetur.

Probabur ergo primo ratione a priori. **Ratio a**
Nam ea Sacraamenta differunt realiter, at-
que essentialiter, quæ constant ex materiis,
et formis essentialiter, ac realiter diversis : sed baptismus, et Pœnitentia con-
stant ex materiis, et formis essentialiter, et
realiter diversis : ergo Baptismus, et pœ-
nitentia sunt sacraamenta realiter, et essen-
tialiter diversa. Consequentia est in forma,
Major est tam perspicua, ut probatione
careat, et constat inductive in omnibus
compositis, sive substantialibus, sive arti-
ficialibus, tam naturalibus, quam superna-
turalibus. Minor vero præterquam quod
est evidens, suadetur ; nam baptismus
constat ex ablutione tamquam materia
proxima, et aqua ut remota, et verbis : *Ego*

**Assertio
Catho-
lica.**

te baptizo in nomine Patris, et Filii et Spiritus Sancti, tamquam ex forma : Pœnitentia vero constat ex actibus pœnitentis, quibus detegit, ac detestatur peccata coram sacerdote legitimo, et ex sententia, qua profert : Ego te absolvō, tamquam ex forma, ut inferius videbimus : sed haec sunt materiæ, et formæ realiter, et essentialiter diversæ : ergo Baptismus, et Pœnitentia constituuntur ex materiis realiter, et essentialiter, diversis. Minor hujus secundi syllogismi quam solus hæreticus potest negare, patet : nam ablutio realiter, et essentialiter differt a contritione, et confessione pœnitentis ; cum ablutio sit actio pure externa; cum tamen contrito sit actus internus externe manifestatus per confessiōnem ; quocirca illa est actio corporeæ : haec vero spiritualis, imo et supernaturalis. Aliunde vero haec forma : ego te baptizo, etc., longe dissidet ab hac : ego te absolvō, cum ista sit per modum sententiae ; secus vero illa, utpote dumtaxat importans nudam affirmationem, et enuntiationem : ergo non est unde possit inter eas negari realis, et essentialis distinctio.

Objec-
tio. 26. Nec refert, si occurratur pro hæreticis eam distinctionem quidem esse realem, et essentialiem, si unum et alterum complexum, seu compositum sumatur in esse rei, non vero si accipiatur in ratione signi, penes quam venanda est distinctio essentialis in ratione Sacramenti, et non penes illud, quod habet in esse rei.

Diluitur. Non, inquam, refert, si ita occurratur. Nam ea distinctio a nobis intenta, et catholice propugnata, non solum est distinctio in esse rei, sed etiam in ratione signi, et quod idem est, in ratione Sacramenti : ergo utroque modo distinguuntur Baptismus et Pœnitentia. Consequentia constat, et probatur antecedens : nam diversitas essentialis in ratione signi venanda est ex diverso modo essentiali significandi, et ex diversitate essentiali rei significatæ, ut videtur per se notum : sed haec diversitas reperitur inter Baptismum et Pœnitentiam : ergo inter Baptismum et Pœnitentiam adest distinctio essentialis, in ratione signi, ac Sacramenti. Probatur minor quoad modum significandi : quoniam Baptismus significat gratiam ad instar regenerationis primæ, quippe quod est prima janua, cum quo patet aditus ad ecclesiam, quin et constituitur homo intra eam, et sine quo remanet extra illam. Pœnitentia vero significat gratiam medicinalem, ac

sanativam. Constat autem diversitas in modo regenerandi, a modo sanandi, ut vel in rebus naturalibus liquet, cum ad secundum requiratur actus proprius infirmi cooperantis ad propriam salutem, et ita contingit in pœnitentia, ut docet D. Thomas 4 contra Gentes, cap. 72, secus vero in primo, ut evenit infantibus nullo modo cooperantibus ad spiritualem generationem, quam consequuntur in Baptismo : ergo inter Baptismum et pœnitentiam invenitur diversus modus essentialis significandi.

27. Quod vero ex parte rei significatæ differant, patet. Nam licet gratia per unum, et alterum significata quoad speciem, et ut ita dicamus substantiam, sit eadem in esse rei, quoad modum tamen re ipsa productum cum illa, per quem constituitur in esse termini est specie diversa, ut constat ex dictis tract. de Sacramentis in genere, disp. 1, dub. 9. Ubi ostendimus per quodlibet Sacramentum produci gratiam sacramentalem specie modali diversam a gratia alterius Sacramenti, et est expressa doctrina D. Thomæ, q. 27, de verit. art. 5 d. Thom ad 12, quam tradit his verbis : *Dicuntur enim gratiæ sacramentales, et penes has sacramenta distinguuntur, sicut penes proprios effectus. Pertinent autem illi effectus ad gratiam gratum facientem, quæ istic effectibus conjungitur : et sic cum propriis effectibus habent effectum communem, qui est gratia gratum faciens, quæ etiam per Sacramentum, et non habenti datur, et habenti augetur. Esto tamen ita non esset, quod daretur talis modus ex parte termini productus ; sufficeret tamen diversus modus producendi eamdem gratiam, ut ipsa in esse termini diversa evaderet, ut constat a paritate vitæ naturalis, quæ ut primo producta ab homine terminat generationem, ut reproducta a Deo, vel reparata terminat resurrectionem, quæ sunt actiones realiter diversæ. Et ita contingeret in præsenti. Idque magis constabit ex secundo fundamento, quod versat, et satis urget ipsummet Concilium Tridentinum sess. 4, cap. 2, Trident ubi theologice probat distinctionem Baptismi a Pœnitentia.*

28. Quoniam diversa potestas, diversus que minister concurrunt ad Baptismum et ad pœnitentiam : ergo Baptismus, et pœnitentia non sunt idem realiter Sacramentum, sed essentialiter diversa. Patet consequentia : quoniam ad unum et idem Sacramentum sicut sufficit unica et eadem materia, et forma, ita sufficit unicus, et Ejus
fundamen- tum

idem minister, ut constat a simili aliorum Sacramentorum, et ratio suadet: nam sicut Sacramentum est unicum, unoquoque ministerio exercendum, ita minister est et debet esse unicus, pro uno et eodem munere obeundo, ob connexionem quæ reperitur inter ministros, et ministeria, et postulat rerum ordo. Antecedens vero probatur: quoniam minister necessarius Baptismi, non importat potestatem clavium, et jurisdictionem ecclesiasticam; cum haec non in exteris, sed solum in filios ecclesiae, ac domesticos, ut ita dicamus, exerceri valeat, juxta illud Apostoli. 1, ad Corinth. 5: *Quid mihi de iis qui foris sunt judicare?* Minister autem pœnitentiae exigit potestatem clavium, quam solis Apostolis, eorumque successoribus largitus est Christus Joan. 20, ut supra innuimus, et infra late probatur sumus. Sine qua nullum est Sacramentum pœnitentiae, sicut est nullum judicium, nulliusque roboris sententia ab illegitimo judge prolatum. Quod signum evidens longe aliam esse potestatem baptizandi a potestate absolvendi.

Præterquam quod, ut recte observabit ^{D. Thom.} D. Thomas art. 7 præsentis questionis, si quis recte considerat, quæ Dominus dixit de necessitate Baptismi, tempore præcesserunt ea, quæ dixit de necessitate Pœnitentia. Vel ergo concedendum est eadem Evangelistas inutiliter refricasse, ac retulisse, contra ipsum, et Christi dignitatem: vel fatendum, ut reipsa est, alios ministros, aliquæ subinde potestatem pro Baptismo, et pro Pœnitentia determinasse, ac instituisse. Quæ est secundum principium distinctionis Baptismi a Pœnitentia, quam Patres Concilii in ipsomet Concilio statuerunt.

29. Tertium principium est hujusmodi. Nam sicut diversitas arborum recte et efficaciter colligitur ex diversitate fructuum, et differentia causarum non aliunde melius agnoscitur, quam ex differentia effectuum; ita distinctio Sacramentorum non aptius, nec ex alio capite venanda est, quam ex fructu et effectu, quem significant, et efficiunt: sed effectus ac fructus Baptismi longissime distat a fructu et effectu Pœnitentiae: ergo baptismus est Sacramentum longe distans in essentia a Sacramento pœnitentiae. Major cum in sexta probatione liquet, et adhuc tenet in rebus, seu instrumentis artificialibus, quibus, et diversis utitur ipse artifex pro diversis, ac determinatis effectibus, ut experientia ^{D. Thom.} constat, et docet D. Thomas supra q. 65,

Salmant. Curs. theolog. tom. XIX

art. 4, dicens, quod idem agens principali-
ter utitur diversis instrumentis ad diversos
effectus, secundum congruentiam cperum.
Et similiter virtus divina, et passio Christi
operantur in nobis per diversa Sacra-
menta, quasi per diversa instrumenta. Minor vero
probatur: nam effectus proprius baptismi
est integra et perfecta remissio omnium
peccatorum, sive originalis, sive actu-
alium ante ipsum commissorum quoad cul-
pam, et reatum cuilibet pœnæ sive tempo-
ralis, sive æternæ; quocirca vi illius
Christum induimus, et novæ prorsus in illo
efficimur creaturæ, ut docet Apostolus, ad
Galat. 3. Unde gratia baptismatis dicitur,
et vere est gratia regenerativa, . quatenus
denuo, et primo per ipsam regeneramur in
Christo, et vitam consequimur spiritualem,
qua primo ipsi configuramur, ut constat
ex ipsomet Apostolo. Et hoc per se lo-
quendo absque ulla prorsus cooperatione,
aut dispositione nostra, ut liquet in parvu-
lis, et aliis usu rationis parentibus. At
vero fructus, et effectus pœnitentiae com-
muniter loquendo, non tantus, nec talis,
quippe quem non assequimur, nisi magnis
nostris fletibus, et laboribus, et idcirco
laboriosus quidem baptismus appellatur ex
SS. Patribus a Concilio. Quo fit fructum
Pœnitentiae proportionari, et quasi attem-
perari nostris actibus, ut docet D. Thomas ^{D. Thom.}
in præsenti ad 1 et per eam per se loquendo
non conferri pœnitentibus excellentem gra-
tiam, sicut per alia Sacra-
menta, ob defec-
tum non quidem ipsius Sacramenti, sed
actuum ipsius pœnitentis, quæ habent rationem partis, et simul dispositionis. Unde
gratia quæ est effectus hujus Sacramenti
non est regenerativa, sed sanativa, et me-
dicinalis, subindeque distincta a gratia
Baptismali.

30. Quam doctrinam jamdiu ante **Con-**
cilium nos docuerat S. Thomas 4 contra ^{D. Thom.}
Gentes cap. 72, his verbis: *Quia igitur
conjunctione nostri ad Christum in baptismo
non est secundum operationem nostram, quasi
ab interiori quia nulla res seipsam generat,
ut sit, sed a Christo, qui nos regenerat in spem
vivam, remissio peccatorum in baptismo fit
secundum potestatem ipsius Christi nos sibi
conjungentis perfecte, et integre: ut non so-
lum impunitas peccati tollatur; sed etiam sol-
vatur penitus omnis pœnæ reatus, nisi forte
per accidentem in iis, qui non consequuntur effectum
Sacramenti propter hoc quod ficte acce-
dunt. Ecce Baptismi fructum, et effectum
a Concilio statutum, et a D. Thoma luculen-*

*Tertium
fundamen-
tum.*

tissime explicatum. Audiamus fructum, et effectum Poenitentiae non minus egregie descriptum: *In hac vero spirituali sanatione Christo conjugimur secundum operationem nostram divina gratia informatam: unde non semper totaliter, nec omnes æqualiter remissionis effectum per hanc conjunctionem consequuntur. Potest enim esse conversio mentis in Deum, et in detestatione peccati tam vehemens, quod perfecte remissionem peccati consequatur non solum quantum ad purgationem culpx, sed etiam quantum ad remissionem totius pœnæ. Hoc autem non semper contingit. Unde quandoque per contritionem amota culpa, et reatu pœnæ æternæ soluto, ut dictum est, remanet obligatio ad aliquam pœnam temporalem, ut justitia Dei salvetur, secundum quam culpa ordinatur per pœnam. Quid clarus et nervosius pro statuenda differentia inter Baptismum, et Pœnitentiam?*

31. Instant tamen Hæretici hæc omnia recte salvari sola memoria Baptismi. *Hic enim in re exhibitus concurrit ad causam gratiam regenerativam, ut catholici appellant. Ut autem memoria retentus queit efficere, et de facto efficit gratiam sanativam, quæ est propria pœnitentiae. Ad quid ergo pluralitas, et diversitas a Catholicis conficta inter Baptismum et Pœnitentiam?*

Verum illud effugium risu potius, quam ratione refellendum esset, si eo utentium cæcitas non magis lacrymas, quam risum excitaret. Et exploditur primo: quoniam ad memoria retinendum Baptismum receptum nulla exigitur aliqua potestas præter ipsam memoriam, quæ est potentia naturalis. Sed Christus, loco sæpe allegato, aliquam potestatem dedit Apostolis ad ligandum, et solvendum, quam non largitus est aliis; ergo non contulit eis potentiam ad memoria retinendum Baptisma; alias illi soli retinerent memoriam, et non aliis.

Secundo. Nam memoria retinere Baptismum est quid naturale; sed Christus Dominus in vi illius promissionis et potestatis non contulit Apostolis aliquid naturale; sed quod maxime referebat ad finem, et vitam supernaturem, qualis est peccatorum solutio, et remissio: ergo ex vi prædictorum verborum non tribuit Apostolis hoc quod est memoria retinere Baptismum.

Tercio. Nam solum possunt in memoriam reducere Baptismum, qui sui commones illum recepere, quoniam memoria non est

nisi eorum, quæ in nostra cognitione fuerunt, respicit enim suum objectum sub ratione præteriti, ut dicitur in lib. de memoria; sed infantes sui impotes recipiunt Baptisma: ergo his non proderit recursus ad memoriam, cum numquam in eorum fuerit cognitione recepisse Baptismum. Atque ideo vel remanent sine remedio lapsi post baptismum, vel necessarium est illis recurrere ad pœnitentiam, ut ad quid a baptismo diversum in ratione sacramenti; alias insufficenter providisset Christus de remediis contra peccatum post baptismum, quod vel ipsis hæreticis debet esse exsum, et Christi redemptione nimis indignum.

Ad hæc. Nullibi Christus Dominus magis commendavit memoriam Baptismi, quam Eucharistiae, vel assignent Hæretici, ubinam id Salvator præstiterit; quin in Eucharistia, et memoriam fecit sorum mirabilium, et ejus recordationem nobis injunxit dicens: *Hoc facile in meam commemorationem. Hæc quoliescumque feceritis in mei memoriam facietis.* Et tamen nullus hactenus adhuc ex hæreticis dixit sola memoria, aut recordatione Eucharistiae posse deleri peccata, aut ejus fructum percipi: et eadem est ratio de aliis sacramentis: ergo absque ullo prorsus fundamento id asseritur de Baptismo.

Præterquam quod proprius effectus baptismi est remissio peccati originalis: ergo si ad memoriam revocatus proprium effectum causat, utique remittet iterum peccatum originale, et toties id præstabat, quoties in memoriam redierit. Quod est falsum et omnino incredibile.

32. Deinde prosternitur illa doctrina. Quoniam si sola memoria baptismi sufficeret post eum lapsis ad justificationem, facilius ac commodius justificarentur homines post Baptismum quam ante Baptismum. Consequens est falsum, imo et absurdum: ergo falsum, et absurdum est sola recordatione baptismi homines lapsos justificari. Majoris sequela est tam clara, ut oppositum nequeat rationabiliter dici; siquidem facilius ac commodius est in mentem reducere actum præteritum, quam actum externum ablutionis, et submersionis exercere, siquidem ad illum, cum sit actus pure internus, nullus labor, nullave exercitatio, aut alteratio externa requiritur; quam tamen adesse, et requiri ad ablutionem externam, quis ibit inficias. Falsitas consequentis probatur, tum ex Concilio, et SS. Patribus communi

Instan-
tia
haereti-
corum.

Retu-
nditur
primo.

Secundo.

Refelli-
tur
tertio.

Expu-
gnatur
ultimo.

communi voce clamantibus Pœnitentiam esse quemdam Baptismum laboriosum; quod tamen numquam docuere de ipsomet Baptismo. Et rationem tradunt: quia non peragit vera pœnitentia nisi imbre lacrymarum, ac magnis nostris fletibus cum submissione ad judicem ecclesiasticum, a quo pœnitens præstolatur sententiam judicialem absolutionis, vel detentionis. Quod tamen evidentissimum est ad suscipiendum baptismum nec concurrere, nec desiderari. Tum etiam ex Apostolo ad Hebræos 6, ubi docet impossibile esse eos, qui semel post baptismum prolapsi sunt, rursus renovari ad pœnitentiam ejusdem baptismi, ut exponunt D. Thomas, et communiter SS. Patres. Hinc agnoscitur absurditas consequentis intenta. Siquidem rationi dissonum est, eum qui post acceptum Baptismi beneficium propria voluntate deliquit, et grāiam liberaliter ex Christi meritis donatam prodigit, tam commode, ac facile in pristinum statum restitui, ac discissam amicitiam recuperare, p̄e illo, qui non propria voluntate, sed aliena in lapsu ruit, quales sunt infantes rationis impotes. Quæ est doctrina Concilii Tridentini sess. 14, cap. 8 de satisfactionis necessitate, et fructu. Et quidem si ignorantia minuit voluntarium, et consequenter delictum; qua ratione Deo non indignum, ac dissonum judicabitur ignorantes amplius plectere, quam eos, qui ex propria scientia, et malitia prolapsi sunt. Ut falsa ergo, et nimis absurda explodant ea Novatorum doctrina, a Tridentino anathemate proscripta sess. 7, can. 10, his verbis: *Si quis dixerit peccata omnia quæ post baptismum sunt, sola recordatione, et fide suscepti baptismi, vel dimitti, vel veniam fieri anathema sit.* Et tenendum catholice in ministris Ecclesiae esse potestatem diversam ad baptizandum, a potestate absolvendi post baptismum. Unde D. Chrysostomus, lib. 3 de Sacerdotio, cap. 5, inquit: *Pater omne judicium dedit filio suo. Ceterum video ipsum omne judicium a Deo filio traditum sacerdotibus esse, et servorum sententiam Deus confirmat, cum dixit. Quorum remiseritis peccata, remittuntur eis.* Recolantur supra dicta n. 11.

§ IV.

Hæreticorum tela obtunduntur.

33. Prima hæresis contra primam et catholicam assertionem cum Novato nata,

non solum invaluit apud Sectatores Novatianos, sed et in plures ejusdem fæcis irrepit, ut supra vidimus. Pro qua plura congerunt testimonia nullius fere difficultatis ex sacra scriptura, et Patribus: quo circa solum quæ aliquam speciem facie tenus ostendunt proponemus, et explicare conabimur.

Objiciunt ergo primo, Apostolum ad Hebræos 6, ubi docet impossibile esse eos, qui semel illuminati sunt, et gustaverunt cœleste donum, et participes facti sunt Spiritus sancti, et prolapsi sunt, revocari rursus ad pœnitentiam: sed qui Baptismum receperunt, sunt illuminati, et accepérunt donum Spiritus sancti: ergo post baptismum nullus eis relinquitur aditus ad pœnitentiam, subindeque non est tale Sacramentum.

Respondet distinguendo majorem; impossibile est rursus renovari ad pœnitentiam medio Sacramento Baptismi, concedo majorem; medio Sacramento pœnitentiæ, nego majorem, et concessa minori, negatur consequentia. Quoniam, ut supra vidimus, mens Apostoli, non fuit, nec esse potuit, excludere Sacramentum Pœnitentiæ, sed Baptismum pœnitentiæ, quem aliqui iterare, et saepius recipere tentabant; cum tamen iterabilis non sit, quia per ipsum integre Christum induimus, et Christo conformamur. Unde semel illuminatis Baptismate, non est locus redeundi ad Baptismum, est enim prima tabula post naufragium, qua semel omissa, et per peccatum fracta, non remanet locus ad ipsam, sed ad secundam, quæ est pœnitentiæ Sacramentum, ut idem Apostolus docet cap. 10 ejusdem epist. : *Voluntarie enim peccantibus nobis acceptam notitiam veritatis, jam non relinquitur pro peccatis hostia, nimirum Baptismi.* Quæ doctrina traditur a D. Thoma in hac quæst. art. 10 ad 1. Ubi idem argumentum solvit, dicens: *Quod quia apud Judæos erant secundum legem quædam lavacula instituta, in quibus se pluries ab immunditiis purgabant, credebat aliqui Judæorum, quod etiam per lavacrum Baptismi aliquis pluries purificari posset. Ad quod excludendum Apostolus scribit ad Hebræos 6, quod impossibile est eos qui semel sunt illuminati, scilicet per Baptismum, rursum renovari ad Pœnitentiam, scilicet per Baptismum, qui est lavacrum regenerationis, et renovationis Spiritus sancti, ut dicitur ad Titum 3. Et rationem assignat ex hoc quod per Baptismum Christo homo com-*

post.

Thom.

rident.

Chrysost.

Novatiani, et Novatiorum fundatum.

moritur : unde subdit crucifigentes sibimet ipsis filium Dei.

Replica. 34. Sed contra hanc expositionem, quæ etiam est Chrysostomi, Theodoreti, Theophilati, et aliorum Patrum urgent hæretici. Nam act. 26 testatur idemmet Apostolus coram judice Agrippa se nihil extra dixisse, aut prædicasse, quam ea, quæ Prophetæ locuti sunt, et Moyses. Sed nec in Prophetis, nec in Moyse invenitur vestigium Sacramenti Pœnitentiae : ergo non est hoc Sacramentum. Et consequenter dum scribit eos, qui semel illuminati sunt, rursus renovari non posse ad pœnitentiam, penitus excludit refugium ad Pœnitentiam ut Sacramentum.

Ad hæc Apostolus post promulgationem Evangelii non aliam prædicavit pœnitentiam, quam eam, quam prædixerant, et annuntiaverunt Prophetæ ante Evangelium, ut idem Apostolus affirmat in præallegato testimonio : sed constantissimum est, et docet ipsummet Concilium Tridentinum, cui Catholici tantum deferunt, ante Evangelium non exitisse Pœnitentiae Sacramentum : ergo post promulgationem Evangelii non est ab Apostolo prædicatum sacramentum Pœnitentiae : subindeque impossibilitas reconciliationis, quam docet Apostolus in præallegato testimonio est negatio sacramenti Pœnitentiae, cuius non est mentio in testamento veteri.

35. Huic argumento occurrit Bellarminus lib. 1 de Pœnitentia cap. 11, concedendo Apostolum prædicasse Pœnitentiam virtutem, quam prædixerant, et præannuntiaverunt Prophetæ, non vero Pœnitentiam Sacramentum, quippe quod nondum erat institutum. Ex quo solum sequitur Sacramentum Pœnitentiae non fuisse in lege veteri, quod verissimum et catholicum est; non vero convincitur non esse in lege Evangelica, pro qua, et in qua Christus illud instituit.

Non satisfacit. Hæc tamen solutio non placet et quod pejus est, hæreticorum argumentum non satis diluit. Nam si ex una parte est verum quod solam Pœnitentiam, quæ est virtus prædicari Apostolus, non vero Pœnitentiam, quæ est Sacramentum, et ex alia nec in libris Moysis nec Prophetarum reperitur Pœnitentiae Sacramentum ; plane sequitur Apostolus non prædicasse sacramentum Pœnitentiae. Hinc autem vires assument Novatiani et Sectatores ad penitus abolidum prædictum Sacramentum : quippe quod uer in lege veteri a Moyse aut Pro-

phetis, nec in lege gratiæ ab Apostolo non fuit prædicatum.

Præterquam quod aliunde id urgeri potest. Quoniam incredibile omnino est, Apostolum, quem ut sui ministrum, ac dispensatorem miserat Christus Dominus ad disseminandum Evangelium, et prædicandum omni creaturæ, non prædicasse Sacra-menta apprime necessaria, inter quæ unum est pœnitentia, ad remissionem peccatorum, et potestatem, quam acceperat ab eorum authore ad eorum administrationem. Id autem non præstissetis Apostolum palam fatetur Bellarminus : ergo in neutra lege sive scripta, sive gratiæ promulgatum est sacramentum Pœnitentiae, atque ideo est denuo inventum a Catholicis, ut passim hæretici gannint. Eo vel maxime : quoniam ut constat ex Matthæi ultimo Christus dixit Apostolis : *Euntes ergo doceite omnes gentes baptizantes eos in nomine Patris et Filii, et Spiritus Sancti, docentes eos servare omnia, quæcumque mandavi vobis.* Ubi duo præcepisse constat, et baptismum, et doctrinam servandi omnia, quæ ipsis manda-verat : ergo si Apostolus non docuit in sua prædicatione Sacramentum Pœnitentiae, signum erit hæreticis prædictum Sacramen-tum non comprehendendi sub mandato Christi, subindeque esse novum figmentum Catholicorum.

36. Sed licet ista urgentia videantur contra Bellarminum, non tamen ita urgent contra veritatem Sacramenti Pœnitentiae, quam sartam, tectamque servare studemus. Et quidem quam parum, aut nihil faveant hæreticis, facile monstrabitur, si idemmet ipsorum argumentum sub eadem forma in illos retorqueamus. Quoniam eo loci affir-mat Apostolus coram judice Agrippa se nihil extra dixisse, aut prædicasse, quam ea quæ Prophetæ, et Moyses locuti sunt : sed neque in Prophetis, aut Moyse est expressa mentio Baptismi, quem esse Sacramentum profitentur hæretici, alioqui Christianorum nomine forent indigni : ergo nec Baptismus est Sacramentum, nec ut Sacramentum prædicatum est ab Apostolo, nec con-sequierter comprehensus est Baptismus sub mandato Christi, si verum est Apostolus docuisse, quæcumque Christus illi manda-vit, ut arguunt ex Matth. ultimo. Vel ergo illis fatendum est non esse sacramentum Baptismi in vi illius argumenti, quod est apud ipsos falsum ; vel concedendum recte cohærente cum illis verbis Apostoli Sacra-mentum Pœnitentiae in lege gratiæ a Christo Domino

Trident.

Solutio
Bellar-
mini.

Domino institutum, et ab Apostolis promulgatum, non minus ac ipse Baptismus ab haereticis receptus.

37. Pro vera ergo solutione animadvertendum est (id quod vel ipsi haeretici non possunt non admittere) Baptismum esse primum ecclesiae Sacramentum (quidquid sit de aliis) subindeque praecipuum Baptismi prius ligare, quam praecpta circa alia Sacra menta. Cum enim cætera alia Sacra menta supponant essentialiter Baptismum, non obligant proxime, et immediate ante Baptismi receptionem. Baptismus autem (et est secunda observatio) non supponit, sed constituit fideles, atque ideo non ministratur nisi infidelibus, sive hi sint parvuli, sive adulti. Quo fit non esse necessarium intimare, aut explicite exponere praecpta circa alia Sacra menta eis, qui Baptismi Sacramentum nondum acceperint. Sed sufficit ea implicite proponere, ac indistincte significare, instruendo nimurum convertendos, et alios quorum conversioni incumbitur, de Baptismo, quo fit integra peccatorum remissio, et de Christo legislatore, et Ecclesiae capite, ac fundatore. Et ratio est perspicua, et tam evidens, ut nec ab ipsis haereticis possit negari: quoniam praecpta, quæ respiciunt dumtaxat homines ut sunt intra Ecclesiam, non aliter proponenda, et explicanda sunt, quam ut ligant, et obligant: sed non ligant infideles nisi mediante Baptismo, et ut in Christo capite Ecclesiae continentur: ergo solum mediate et quasi virtualiter, et in radice proponenda sunt, et explicanda infidelibus nondum Baptismo Christo renatis. Sed sufficit illis exponere, ac praedicare remissionem peccatorum in nomine Christi faciendam, sine quo non est salus, nec regressus ad vitam peccatis extinc tam, ut constat ex illo act. 4: *Nec enim est aliud nomen sub calo datum hominibus, in quo oporteat nos salvos fieri.*

Porro ita rem fuisse, ac Apostolum Paulum se gessisse, evidenter constat ex eodem capite ab Haereticis allegato, immediate ante verba citata, ubi coram Agrippa et aliis quamplurimis sui rationem reddens, inquiebat: *Sed his qui sunt Damasci primum, et Hierosolymis, et in omnem regionem Iudeæ, et gentibus annuntiabam, ut penitentiam agerent, et converterentur ad Deum, digna penitentiæ opera facientes.* Post quæ subjunxit: *Auxilio adjutus Dei sto testificans minori, atque majori nihil extra dicens, quam ea, quæ locuti sunt futura esse Prophetæ, et Moy-*

ses, si possibilis Christus, si primus ex resurrectione mortuorum lumen annuntiatur est populo, et gentibus.

Ubi clare constat formaliter, et expresse intimasse Apostolum eam Penitentiam, quam esse necessariam ad conversionem gentium prænuntiarant Prophetæ, et Johannes Baptista prædicavit, non tamen exclusit Penitentiam post conversionem in ecclesia statuendam, imo jam constitutam; sed mediate et virtualiter indicavit docens Christum post suam resurrectionem lumen annuntiaturum populo, et gentibus, quatenus post resurrectionem Sacramentum Penitentiæ foret instituturus.

38. Hinc ut credimus, satis perspicue diluuntur Haereticorum argutiae, et in forma respondeatur ad replicam contra expositionem Div. Thomæ, et Patrum, concedendo absolute, et prout jacet, maiorem; sed minor est distinguenda: *Sed nec in prophetis, nec in Moyse, inventur vestigium Sacramenti Penitentiæ, formaliter, et expresse, admittimus minorem: mediate, et implicite, negamus minorem, et consequentiam cum altera subillata.* Siquidem in Moyse et Prophetis invenitur Christus præsignatus, ac prænuntiatus, ut salvator, ac institutor Ecclesiae: unde fides in ipsum explicata erat fides implicita omnium ab ipso instituendorum, et prædicatio ipsius explicita prædicatio itidem implicita omnium aliorum, quæ in Ecclesia gerenda essent, inter quæ est Sacramentum Penitentiæ.

Juxta quam distinctionem respondeatur ad confirmationem, distinguendo etiam maiorem. Apostolus post Evangelii promulgationem non aliam prædicavit Penitentiam, quam prædictam, et prænuntiatam a Prophetis, sive explicite, et implicite, concedo maiorem: explicite tantum, nego maiorem. Et concessa minori, neganda est consequentia; alias eodem conficeretur argumento Baptismum non esse verum Sacramentum, utpote quod non est a Prophetis explicite prænuntiatum, ut supra arguebamus.

39. Hinc facile conciliantur ea duo testimonia, superficie tenus opposita, re tamen ipsa satis coherentia. Nam in primo ad Hebreos 6 loquebatur Apostolus cum Hebreis jam catholicis, et in fide eruditis; sed quia apud eos irrepebat mos ad baptismum configiendi, ipsumque saepius repetendi, carpit eos Apostolus dicens in fine capituli 5: *Etenim cum magistri esse*

deberetis propter tempus, rursum indigetis, ut doceamini, quæ sint elementa exordii sermonis Dei. Et incipiens caput 6 damnat baptismatum doctrinam docens impossibile esse renovari rursus per baptismum jam receptum, et prohibet recipiendum nisi semel, ut rectissime explicuit D. Thomas cum aliis ex SS. Patribus. In testimonio autem allegato ab hæreticis ex Act. 26, reddidit rationem eorum quæ gentilibus, et aliis nationibus prædicaverat, et affirmat non esse alia, quam quæ in Prophetis continebantur. Unde expresse solum hortabatur eos ad Pœnitentiam et Baptismum; Doctrina autem de pœnitentiæ Sacramento solum pertinebat ad catholicos et actu fideles. Sed quia in Prophetis continebatur Christus, ibi mediate, et implicite continebatur doctrina Sacramenti Pœnitentiæ, fidelibus propria, non infidelibus. Atque ideo nil mirum eam ibi non explicasse. Unde iterum possunt clare, faciliter et vere distingui omnes consequentiae, quas urgent hæretici: et concedendæ omnes illæ, quæ inferunt infidelibus prædicata fuisse Pœnitentiam et Baptismum præ exactam in adultis, quæ est virtus et non Sacramentum: et similiter omnes illæ, quæ solis fidelibus tenent propositam fuisse Pœnitentiam, quæ est Sacramentum. Negandæ vero sunt, quæ oppositum enuntiant. Juxta quam distributionem non est oppositio testimoniorum; sed omnia consonant, quin oggannire possint hæretici vel apparenter.

Adde (et est adhuc clarior præcedentium confirmatio) quia cum pœnitentia virtus ex Christi institutione non sit vera virtus Pœnitentiæ, quin importet votum Pœnitentiæ ut est Sacramentum, ut in limine hujus tractatus statuimus; eo ipso quod Apostolus in suis ad gentes concionibus hortaretur ad dignos fructus Pœnitentiæ, faciendum; hortabatur virtualiter, et implicite ad ipsum Sacramentum Pœnitentiæ, sine quo saltem in voto nullus est dignus fructus Pœnitentiæ.

40. Deinde arguitur ratione in favorem Novatianorum. Quoniam omnia Sacra menta constant ex rebus et verbis juxta illud Augustini: *Accedit verbum ad elementum, et fit Sacramentum;* sed in pœnitentia non est elementum aliquod, cui accedit verbum: ergo Pœnitentia non est vere Sacramentum. Minor, quam Catholici negamus, facile probatur ab adversariis: quoniam in pœnitentia, prout geritur inter

catholicos, non interveniunt nisi actus pœnitentis, et sacerdotis: sed neutri horum sunt res, aut verum elementum: ergo in pœnitentia non est aliquid quo elevetur ut sit vere Sacramentum.

Nec sufficit, si ex D. Thoma respondeatur, actus pœnitentis habere in hoc sacramento rationem materiæ, aut elementi.

Nam contra est, tum quod ea propositio D. Augustini est doctrinalis, et ut talis in Ecclesia recepta: atque ideo proprie, et universaliter accipienda: Dicere autem quod actus dolendi, et propalandi peccata, sunt elementum, est improprissima locutio: ergo non ita improprie explicanda est. Tum etiam quia adhuc ea improprissima, et veluti metaphorica acceptio admissa, non est urgens ratio, quare verba sacerdotis, non sint elementa, sicut verba pœnitentis. Tum denique quia si esset legitima metaphorica usurpatio, protinus fieret verba ipsa sacerdotis non vere verba esse, sed metaphorica, et impropria, nec facile convinceretur oppositum docens: ergo ne hoc dicatur, asserendum est non esse locum in præsenti metaphoricae seu impropriæ locutioni, atque i^le elementi nomine, non venire actus pœnitentis.

41. Ad argumentum respondetur concedendo majorem, quam jam olim docuerunt SS. PP. definierunt Concilia plura, maxime vero Florentinum, et Tridentinum, et nos ex ipsis probatam reliquimus tract. de Sacramentis in genere disp. 2. Ubi explicuimus quæ, et qualis sit ista compositio. Minorem negamus, et diluimus cum D. Thom Solutio. Thoma in præsenti, ad primum ubi inquit: *Ad primum ergo dicendum, quod nomine corporalium rerum intelliguntur large etiam ipsi exteriores actus sensibiles, qui ita se habent in hoc Sacramento, sicut aqua in Baptismo, vel Chrisma in confirmatione.* Nec aliud voluit D. Augustinus, cuius proposicio solum intelligitur de Baptismo, in quo dumtaxat pro materia adest verum elementum, nimur aqua; secus autem in aliis ceteris sacramentis. Inde tamen protensus fuit ejus sensus ad omnia alia sacramenta, ut aliquid sensibile pro materia assignaretur, ob identitatem rationis, quippe nulum Sacramentum est quod sensibile non sit, et sensibiliter non significet. Idque satis liquet ex cap. : *Non ut apponeres, de Baptismo.* Et cap. Multi sœcularium 1, q. 1, ubi dicitur: *Ob id sacramenta dicuntur, quia sub tegumento corporalium rerum divina virtus secretius operatur salutem in eis.*

Hinc

Hinc constat ad primam impugnationem. Nam quod verum elementum sit proprie materia solum convenit Baptismo; in aliis vero sacramentis id non desideratur, sed sufficit esse rem vere et realiter sensibilem et sensibiliter applicatam, ut constat in sacramento Matrimonii, in quo consensus externe manifestatus habet rationem materiae, et formae sub diversis muneribus. Et in hoc sensu propositio illa D. Augustini est doctrinalis, et universaliter distribuens pro omnibus sacramentis; non vero in sensu, in quo primo ab ipso prolata fuit, et adversarii contendunt. Nec est tam impropria aut metaphorica locutio, qualis nobis obtrudunt: sed vera, et realis; cum actus externi confessionis, et absolutionis sint vere, et realiter a parte rei, quantumvis celeriter, et facile transentes, ut omnia alia successiva: similiter sunt satis corporei, et sensibles, ut experientia ipsa testatur.

42. Non est majoris ponderis secunda probatio opposita: Quoniam actus poenitentis non sunt omnino determinati usque dum adveniat absolutio, quae se habet ad instar sententiae in foro poenitentiali. Determinantur vero ad complete significantum per absolutionem, qua judicium illud completetur, atque ideo merito absolutio sibi vindicat rationem formae, et actus poenitentis rationem materiae, idque universaliter tenet in omni judicio, usque ad exitum sententiae, qua ultimo completetur, ac perficitur, partium processus, et litigium cessat, ac conatus.

Tertia tangit difficultatem inferius discussiandam. Modo sufficiat indicasse discrimen inter actus poenitentis, et absolvientis: nam illorum nomine non veniunt intelligendi semper actus proprie tales, sed sufficiunt nutus, aut signa externa dolorem internum aliqualiter exprimentia; quod tamen non sufficit ad judicem absolvientem. Et ratio disparitatis elicitor quoad praesens ex proxime dictis: nam quod se tenet ex parte poenitentis usque ad sententiam exclusive est determinabile ad absolutionem, vel damnationem: atque ideo patitur suam quallem indifferentiam, vi cuius jure obtinet vices materiae determinabilis per formam. Quae autem se tenent ex parte sacerdotis, est absolutio; qui quia supponit cognitionem causae, cum delictorum discretione, vel confert absolutionem, vel subtrahit, determinando, ac decernendo pro reo, vel contra ipsum. Unde ratio

formae, de cuius ratione est completere, ac determinare, postulat fieri, non utcumque, sed modo humano prolati, atque ideo per formalia verba, non vero per nutus. Cujus non aptior assignabilis est ratio a priori, quam Christi institutio universalis totius ecclesiæ traditione probata, et promulgata, de quo infra.

¶ V.

Alterius hæresis deliramenta extirpantur.

43. Secundam, eamque capitalem hæresim confundentem Poenitentiæ sacramentum cum Sacramento Baptismi, quantum illa nil aliud sit, quam Baptismum memoriter refricare, et media hac recordatione actus fidei peccatorem exercere, tenuerunt, ac pertinaciter tenent, quotquot supra dedimus, et innumeri alii, inter quos tot sunt sententiae, quot capita, ut videre est apud Bellarminum, et Valentiam. Quin et in quolibet eorum tanta est inconstantia, tantaque diversitas, ut vix nec vix quidem, unico ictu eorum placita queant præcidi, ac prosterni. Adeat, cui per otium licuerit, hos et alios controversistas, apud quos passim palinodiam canere audiet. Nobis sufficiat ejus, in quo convenient, et cui fidunt, fundamenta di-
rue. Unde.

44. Primo arguitur: nam juxta promissionem Christi sola fide, et Baptismo homines justificantur, et salvi fiunt: ergo si qua est poenitentia, neutquam conductit infallibiliter ad justificationem; nec proinde erit Sacramentum distinctum a Baptismo. Hæc secunda consequentia constat ex prima: quia nullum sacramentum est, quod quantum est ex se, non afferat promissionem divinam de gratia infallibiliter conferenda. Prima vero ex antecedenti sufficienter sibi deducere videntur: quoniam si qua poenitentia gratiam justificantem infallibiliter induceret, jam non sola fide, et Baptismo justificantur, et salvi fierent homines, quod est contra promissionem a Christo factam. Antecedens autem probant ex illo Marci 16: *Qui crediderit, et baptizatus fuerit, salvus erit: qui vero non crediderit, condemnabitur.* Ubi clare solis fidei et Baptismo defertur salus animæ in hac vita, et in futura.

Confirmatur primo ex D. Augustino id, D. Augusti dissertissime asserente lib. de Nuptiis cap. 33, ubi docet, *quod lavacro re-*

Secunda
hæreti-
corum
senten-
tia.

Arg. 1.

Marci 16.

18. 1. 1.

generationis non tantum peccata præterita, sed etiam posterius admissa remittuntur. Hoc autem fieri nequit per Baptismum pluries receptum : ergo necessarium est recurrere ad Baptismum memoria repetitum, quo' excitantur homines ad novos, eosque ferventiores fidei actus.

Fulge it. Confirmatur secundo ex D. Fulgentio lib. de fide ad Petrum cap. 30, ubi Baptismum appellat Sacramentum fidei, et Luc. 3. Pœnitentiæ juxta illud Lucæ 3 : *Venit Joannes prædicens Baptismum Pœnitentiæ in remissionem peccatorum* : ergo sensit S. Doctor in unum et idem coire Baptismum et Pœnitentiæ absque reali diversitate in ratione Sacramenti. Id quod haud obscure (et est tertia confirmatio) etiam tradidit

N. Cy-
rill. Cyril. Cyrus lib. 12, in Joannem cap. 56, ubi docens duobus modis posse peccata remitti, et per Baptismum, et per Pœnitentiæ, inquit rationem reddens : *nam aut credentes, et vitæ sanctimonia probatos homines ad Baptismum inducant, ac deinde indignos diligenter expellunt : aut Ecclesiæ filii, peccantibus quidem increpationem adhibent, pœnitentibus autem indulgent* : Ergo sola increpatione, aut indulgentia remittuntur, vel retinentur peccata post baptismum; non vero pœnitentia aliqua, quæ sit sacramentum distinctum a Baptismo.

Solvitur. 45. Hæc tamen debilissima sunt ad tantum pondus sustinendum. Unde respondeatur ad primum distinguendo antecedens : sola fide, et Baptismo homines justificantur, et salvi fiunt, post Baptimum suscep-tum, et peccatum commissum negatur antecedens : quia peccatum mortale patratum post Baptismum non remittitur nisi per Sacramentum Pœnitentiæ in re, vel voto. Quod quidem nos docuit ipsem et Christus Sacramentorum Auctor. Si autem peccata Baptismum præcesserint, et post ipsum nullum intervenerit, quo gratia Baptismi destruatur, verum est antecedens, et catholicum. Et hæc fuit Christi promissio, non autem ea, quam sibi communiscuntur hæretici. Unde illatae consequentiae sunt malæ, et male deductæ, ex illo vero fundamento, procedente dumtaxat de prima hominis regeneratione, qua homines integre, et perfecte Christo configurantur, et in ipso renascuntur. Quoniam ut inquirit D. Augustinus epist. 23 : *Si parvulus baptizetur, et grandævus factus propria incæperit habere peccata, per quam gratiam remittentur? Non regeneratione* (respondet

S. Doctor idest Baptismo), *sed alia reconciliatione resarciri posse*, nimirum Pœnitentia, ut statim videbimus.

Ad confirmationem dicimus, Baptismum peccata præcedentia delere quidem seipso media gratia regenerativa, posterius tamen commissa mediate, hoc est medio alio Sacramento Pœnitentiæ, cuius homo non est immediate capax, quin supponatur Baptismus, qui est prima janua ad alia Sacra-menta. Et in hoc sensu est vera illa propositio D. Augustini, ut S. Doctor ibi se explicat subjungens : *quod non prodesset vel ante baptismum pœnitentia, nisi Baptismus sequeretur : vel postea nisi præcesserit.* Idem docet de adulterinis conjugiis cap. 16, his verbis, si a Cathecumeno factum est homicidium, Baptismate abluitur, si a baptizato, pœnitentia, et reconciliatione sanatur. Quo quid evidenter pro veritate catholica, quam ab hæreticorum insultibus vindicamus. Hunc etiam sensum tenent verba allegata ex Fulgentio : siquidem Baptismus est sacramentum fidei respectu omnium, quia nimirum eo primo constituantur fideles, et Ecclesiæ membra. Est etiam Sacramentum pœnitentiæ, mediate, quatenus cum illo, non vero absque illo possunt accedere fideles ad Pœnitentiæ, ut a D. Augustino nuperrime audivimus.

Nisi mavis D. Fulgentium sermonem habere de pœnitentia, que in adultis antecedit Baptismum, in hoc sensu Baptismus est Sacramentum fidei immediate, et Pœnitentiæ dispositio ex parte subjecti, in quo eam supponit. Noster autem Cyrilus ineptissime allegatur, ut supra vidimus; cum recenseat catholice, quod catholici affirmant, duplum remitti posse peccata, per Baptismum, et Pœnitentiæ et ad unum et alterum esse in ecclesia potestatem, quamvis præcedant vel subsequantur objurgationes, et increpationes, quibus ad indulgentiam emoliantur, ac disponantur delinquentes.

46. Secundo a ratione arguunt. Quoniam Sacramentorum diversitas non aliunde aptius colligitur, quam ex distinctione gratiæ, ad quam causandam, et significandam sunt a Deo instituta : sed inter gratiam Baptismi, et Pœnitentiæ non est distinctio : ergo nec inter sacramentum Baptismi, et Pœnitentiæ, et consequenter sunt unum, et idem Sacramentum. Major et utraque consequentia non indigent probatione. Minorem inde probant : quoniam tam gratia Baptismi, quam gratia Pœnitentiæ est gratia

Verus
Aug.
sensus.

Exponi-
tur
Fulgent.

Argum.
ratione.

gratia regenerativa; cum utraque det pri-
mum esse homini in ordine gratiae, et utra-
que delect peccata præcedentia. Quod vero
inter ea peccata unum sit originale, et alia
actualia, ad quod configuiunt catholici, de
materiali est, et omnino impertinens ad
distinctionem, et multiplicationem Sacra-
mentorum, ut constat a simili in peccatis
venialibus, ad quæ extirpanda non est
aliquod Secramentum per se primo insti-
tutum; sed eodemmet sacramento Pœnitentia-
e, quo primario delentur mortalia, ex
consequenti, et minus principaliter remitti
docent Catholici ipsa venialia: Similiter
ergo dicendum est de Baptismo, qui licet a
sua primæva institutione, solum tendat in
expiationem originalium, ex consequenti
queibit omnia actualia destruere, quoties
ad ipsum, si non re, affectu tamen, et ex-
citatione baptizatus confugerit.

Solutio. Respondetur distinguendo minorem: Non est distinctio quoad entitatem, et ut ita dicamus, substantiam ipsius gratiae, admittimus minorem; quoad modum, et in esse termini, negamus minorem, et consequentiam. Ad minoris probationem quatenus distinctioni datae opponi videtur, dicimus quod licet utraque gratia per se loquendo det primum esse in ordine supernaturali; cum Baptismus, et Pœnitentia sint Sacraenta mortuorum, atque ideo quantum est ex ipsorum institutione supponant in subjecto mortem animæ, quæ consistit in privatione gratiae, et amicitia Dei: et ex hoc capite tam gratia Baptismi, quam gratia Pœnitentiae dent primum esse. Differunt tamen quamplurimum in modo eam conferendi: quoniam gratia Baptismi non petit per se cooperationem aliquam ex parte recipientis, ut constat in infantibus: gratia vero Pœnitentiae postulat necessario operationes pœnitentis. Unde provenit gratiam Baptismi totaliter provenire ab extrinseco, ut recte observavit D. Thomas in praesenti ad 1: gratia vero Pœnitentiae quamvis ab extrinseco etiam proveniat, proportionatur actibus humanis, quibus pœnitens ad eam disponitur. Quocirca gratia Baptismalis est gratia regenerationis, non quia dat primum esse utcumque; sed quia confert primum esse absolutum, numquam alias habitum, aut possessum et hoc absqueulla prorsus cooperatione recipien-
D.Thom. tis. Unde se habet ad instar generationis substantialis, in qua nulla est operatio proliis ad suum primum esse, et haec est ratio, quare perfecte in Baptismo Christo confi-

guramus, et nullus reatus nec culpæ, nec poenæ relinquitur. Gratia vero Pœnitentiae confertur per modum sanationis, et curationis quam infirmus non totaliter ab extrinseco, sed mediis propriis actibus, et quasi partim ab intrinseco adquirit: atque ideo supponitur amissa; non enim nisi ægrotus medicinam querit. Et multum interest inter vitam primo receptam, et vitam amissam, et reparatam, ut constat in generatione, resurrectione, et curatione, quarum termini specie differunt, esto vita quoad entitatem, et substantiam sit eadem.

Eo vel maxime quoniam ad assignatum discrimen accedit diversitas gratiae Sacramentalis, quæ est modus realiter a substantia gratiae distinctus, ut constat ex dictis de Sacramentis in genere, et docet D. Thomas locis supra allegatis, ut ex ipso n. 22 retulimus. Exemplum subinductum in argumento peccatorum venialium, tenet quoad hoc, quod sicut Pœnitentia ea minus principaliter remittuntur cum mortali-
bus, si adsint cætera requisita: ita Baptismus, quamvis primo contra originale versetur, si adsint aliqua, vel plurima actualia, ea profecto destruet ex consequenti, et minus principaliter, si fuerit eorum displicentia. Non vero tenet, ad haereticorum intentionem, ut constat ex dictis. Unde cum convenientia in esse entis gratiae unius, et alterius sacramenti stat diversitas illarum in esse termini, et in modo producendi, et significandi, vi cuius essentialiter ea Sacraenta differunt.

47. Arguitur tertio contra hactenus argum. dicta in utraque conclusione. Etenim si Pœnitentia esset verum Sacramentum, realiter a Baptismo diversum, et causaret gratiam ex opere operato, ea esset perfectior, ac sublimior, quam gratia aliorum Sacra-
mentorum. Consequens est falsum: ergo etiam est falsum asserere Pœnitentiam esse Sacramentum, et esse realiter et essentialiter a Baptismo diversum. Sequela majoris quoad primam partem est clara; siquidem sacramentorum novæ legis privilegium est præ veteribus antiquæ legis ex opere operato significare, et reipsa efficere gratiam, quam significant, ut tract. de Sacramentis in genere disp. 4 ostendimus. Quoad secundam vero liquet: quoniam perfectius est cooperari ad gratiam, quam ad illam mere passive se habere, sicut nobilis est agere, quam pati: sed in Sacramento Pœnitentiae propriis actibus concurrit homo

ad gratiam; secus vero Baptismo aut in aliis sacramentis: ergo sublimior, ac perfectior gratia erit gratia hujus sacramenti, si Sacramentum est, quam aliorum. Falsitas vero consequentis probatur: quia gratia sanans, quae est gratia propria poenitentiae, non est perfectior gratia regenerante, propria Baptismi, aut roborante, quae respondet confirmationi: et sic de reliquis sacramentis, praeter Matrimonium: ergo falsitati obnoxium est adstruere gratiam inductam per Sacramentum Poenitentiae nobilitate, et perfectione praire gratiam aliorum Sacramentorum.

Respon-
datur.

D.Thom.

Ad hoc argumentum respondetur, concessa majori quoad primam partem, negando secundam, quam non evincit adducta probatio: quia licet ex genere suo melius sit agere, quam pati, non tamen semper est melior effectus inductus per actionem alicujus, ac effectus acquisitus mere passive, ut constat in sanitate reparata ab ipso infirmo, vel a Deo restituta, et aliis pluribus exemplis. Et quoad præsens rationem disparitatis elegantissime tradit D. Thomas in hoc art. ad 1, his verbis: *Est autem attendum quod in illis Sacramenis, in quibus confertur excellens gratia, quæ superabundat omnem facultatem humani actus, adhibetur aliqua corporalis materia exterius, sicut in Baptismo ubi fit plena remissio peccatorum, et quantum ad culpan, et quantum ad pa- nam. Et in confirmatione, ubi datur plenitudo Spiritus sancti, et in extrema unctione, ubi confertur perfecta sanitas spiritualis, quæ provenit ex virtute Christi, quasi ex quodam extrinseco principio. Unde si qui actus humani (tacitam objectionem) præoccupat S. Doctor) sunt in talibus Sacramentis, non sunt de essentia Sacramentorum, sed dispositive se habent ad Sacraenta. In illis autem Sacra- mentis, quæ habent effectum correspondenteum humanis actibus, ipsi actus humani sunt loco materiæ, ut accidit in Pœnitentia, et Matrimo- nio. Sicut etiam in medicinis corporalibus, quædam sunt res exterius adhibitæ, sicut em- plastræ, et electuaria, quædam vero sunt actus sanandorum puta excitationes quædam. Ex quibus constat, quare gratia Pœnitentiae non præstet, quam gratia Baptismi, et aliorum Sacramentorum, unicum si excipiatur Matrimonium, quia minimum habet de spiritualitate, ut docuerat S. Doctor, q. 65, art. 2 ad 1, et nos cum ipso de Sa- cramentis in genere disp. 9, dub. 2, ubi dignitatem Sacramentorum inter se con- tulimus, et statuimus.*

48. Verum enim vero, quamvis hæc ita se habeant, non convenient inter discipu- los D. Thomæ, quid nomine excellentis gratiæ S. Doctor significaverit? An nimirum intensiorem gratiam, vel quid aliud a gratia diversum, et ipsi superadditum? Sunt, qui asserant per excellentem gratiam intensiorem gratiam usurpari, quasi sensus sit: per cætera Sacraenta perfectiorem gratiam produci quam per Pœnitentiam, aut Matrimonium. Ita Soto in 4, dist. 14, q. 1, art. 1, cui assentitur Prado, in præ- senti dub. 1, n. 14.

Discor-
lor
sensu
aliquo-
rum.

Soto.
Prado.

Impro-
bat
Arauxo.

Hanc tamen intelligentiam rejicit Arauxo in præsenti ut a veritate, et mente S. Doc- toris prorsus alienam, utpote ex qua duo deducantur absurdia, in doctrina D. Thomæ minime toleranda. Primum est in quolibet Sacramentorum conferri majorem gratiam, quam in Pœnitentia. Ex quo subinfertur secundum, videlicet confirmationem, extre- mam unctionem, et ordinem in ratione Sacra- menti esse Pœnitentia nobiliora. Quorum quodlibet est falsum, et contra D. Thomam. Quocirca contendit Illustrissimus gratiam Pœnitentiae, et gratiam Ma- trimonii quandoque excedere absolute et simpliciter gratias aliorum Sacramen- torum. Atque ideo discrimen inter Sacra- mentum Pœnitentiae, et cætera Sacraenta in eo constituit, quod hæc quoad modum semper, et indefectibiliter importent ex- cessum, qui quia modalis est, solum est excessus secundum quid, et ad- mittit excessum simpliciter Pœnitentiae supra alia Sacraenta, ad eum sane mo- dum, quo habitus exceditur simpliciter ab actu propter majorem actualitatem; quem tamen superat ob majorem stabilitatem et permanentiam. Nomine ergo excellentis gratiæ, quam detulit S. Doctor cæteris pro Pœnitentia Sacraentis, non major inten- sio, sed modus ipsius gratiæ intelligendus venit. Quisnam vero ille sit? non satis explicat.

49. Neutra tamen harum expositionum plene satisfacit, et utraque fallit nostro judicio in eo quod reddit non causam pro causa. Et quod ad primam refert, de in- tensiore gratia, nullum continent fundamen- tum in D. Thoma. Nullibi enim, quantum percipere licuit, nomine excellentis gratiæ significavit S. Doctor gratiam intensiorem. Tum etiam: quia licet sit omnino certum Sacraenta inter se differre, atque subinde se simpliciter excedere ut statutum reli- quimus tract. de Sacram. in genere; non est

Refelli-
tur
utraque
exposi-
tio.

est tamen ita pervium quodnam intensio-
rem gratiam producat. Nec D. Thomas ex
eo principio eorum differentiam, et excel-
lentiam deduxit; sed ex fine vitæ Chris-
tianæ, ad quem fuit eorum institutio ne-
cessaria, necnon ex diversitate gratiæ
sacramentois uniuscujusque propriæ, ut
constat ex testimonio supra n. 22, ex
D.Thom. S. Doctore allegato, ex quæst. 27, de ve-
rit. art. 5, ad 12, ubi disertissime tenet
solum penes gratias Sacramentales differre
inter se Sacraenta. Constat autem gratiæ
Sacramentalem alterius longe ratio-
nis esse ab intensione gratiæ; alias quolibet
Sacramento posset produci quælibet
gratia sacramentalis; cum nullum sit Sa-
cramentum, cui non insit vis intensiorem,
et intensiorem gratiam producendi, si ad-
sit dispositio ex parte subjecti: Non ergo
nomine excellentis gratiæ gratiam intensi-
orem significavit S. Doctor.

Præter quam quod nemini dubium est
in Baptismo, et medio Baptismo excellen-
tem gratiam communicari, ut hic affirmat
D. Thomas, et immunitas ab omni labo
tam culpæ, quam pœnæ, et integra cum
Christo configuratio per Baptismum facta
testantur. Et tamen est non minimæ dubi-
tationi obnoxium, utrum Baptismus con-
ferat remissionem gratiam præ cæteris
Sacramentis, idque vero similius appetet,
si id conjicere liceat ex gloria, quam in-
fantes ex vi illius assequuntur, quæ non
est satis magna, et intensa ut modo suppo-
nimus, si conferatur cum gloria adulto-
rum; ergo nomine gratiæ excellentis non
venit intelligenda gratia intensionis, ut voluit
Soto, cui adhæsit Prado. Sed quidquid
sit de conjectura melius et efficacius ostenditur
ex ipsamet Sacramentorum institu-
tione, juxta quam omnia Sacraenta
vivorum ex se ordinant ad perficiendam
gratiæ in Baptismo receptam, vel robo-
rando, vel nutriendo, et augendo, vel actus
hierarchicos exercendo; quibus muneribus
non est, cur intensionis gratia Baptismo
respondeat. Ergo cum minus intensa gratia
Baptismi, stat in eodem excellens gratia
a S. D. intenta: atque ideo excellens
gratiæ non coincidit cum intensioni gratia,
ut asseritur in hac prima explicatione.

50. Nec ideo approbamus quæ pro in-
convenienti objicit Arauxo contra Soto,
quippe quæ inconvenientia non sunt, sed
plana doctrina D. Thomæ, juxta quam dicendum
est extremam unctionem, confir-
mationem, et ordinem, imo et cætera alia

Sacraenta præter Matrimonium præcel-
lere absolute, et simpliciter dignitate, et
perfectione supra Pœnitentiam, ut constat
ex ipso S. Doctore supra quæst. 65, art. 3, D.Thom.
et ex ibi a nobis dictis loco sæpe allegato,
Unde secundum inconveniens, non incon-
veniens, sed veritas clara est. Et eadem
constantia fatemur quolibet Sacramen-
torum, excepto Matrimonio, conferri gratiam,
ad quam non pertingit Sacramentum Pœ-
nitentiae, quæcumque illa sit, ut hic docet
S. Doctor. Unde mirandum est occulatissi-
mum S. D. discipulum in tam perspicua
luce offendisse, dum pro obice opponit
quod nec levissimæ offenditionis tenet ves-
tigium.

Convenit itaque inter Nos et Magistrum
Prado, et Soto, contra Arauxo in eo, quod
Pœnitentia sit minoris perfectionis, ac
dignitatis inter omnia Sacraenta, unico
de facto Matrimonio omnium imperfectis-
simi, et consequenter intensionem gratiam
per se loquendo per ea produci, ac com-
municari, quam per Pœnitentiam, sed
contra ipsos asserimus non in majori inten-
sione gratiæ consistere excellentem gratiæ,
quam hic docet D. Thomas cuilibet
illorum inesse præ pœnitentia; sed alien
de id venandum esse contra ipsos judica-
mus, ut exemplo Baptismi convincitur.
Quocirca una et altera eorum explicatio
deficit in reddendo non causam pro causa.

51. Magis ad veritatem accedit Magister
Nuno in praesenti dub. 2, ubi docet per
excellentem gratiam non intelligi intensionem
gratiæ, sed aliquid nimis speciale, et
quasi extraordinarium in ordine, et natura
gratiæ. Idque explicat in donis supernatu-
ralibus, mediis quibus homo regitur supra
omnem rationem humanam adhuc regu-
latam per virtutes morales infusas; cum
dona Spiritus sancti ad id solum deserviant,
ut homo reddatur bene mobilis a Spiritu
sancto, non vero ut moveatur a ratione
supernaturali.

Quem sensum libenter amplecteremur,
Displi-
cet.
si ejus Author, quodnam sit illud nimis
speciale, et extraordinarium in ordine gratiæ
exposuisset? et inquirimus; an sit
debitum ipsis Sacramentis ex Christi ins-
titutione? necne? si est debitum: jam non
est nimis speciale respectu sacramentorum,
et gratiæ illis correspondentis. Si non est
debitum sacramentis ex Christi ins-
titutione, qua ratione semper illis inest, ut
indicare videtur D. Thomas? Et quidem si
illa excellens gratia non semper comitare-

tur prædicta Sacra menta; perperam S. Doctor constituisset discrimen inter Pœnitentiam et Matrimonium ex una parte, et cætera Sacra menta ex alia; cum nulli esset debitum illud nimis speciale, et extraordinarium in ordine gratiæ, quod nomine excellentis gratiæ a D. Thoma assertæ intelligit Nuno. Nec exemplum donorum id suadet: quia cum homo sit mobilis dupl iciter ad bene operandum, et per prudentiam humanam supernaturalem, et per voluntatem divinam supra omnem prudentiam humanam: ad unam, et alteram motionem prompte, et faciliter subeundam, oportuit ornari et virtutibus infusis, et donis supernaturalibus, ut bene sequatur instinctum divinum, ubi non sufficit instinctus rationis adhuc supernaturalis, ut docet D. Thomas 1, 2, q. 68, art. 2.

Sed hinc potius augetur, quam minuatur, aut extinguatur difficultas. Nam licet dona non debeantur homini ut bene operanti juxta regulas rationis, et prudentiæ supernaturalis; sunt tamen ipsi debita ut operanti supra omnem rationem et prudentiam supernaturalem: ergo similiter licet homini in Pœnitentia, et Matrimonio non debeatur illa excellens gratia, debetur tamen illi ex vi aliorum Sacramentorum. Si autem debetur, jam non est aliquid nimis speciale, et extraordinarium in ordine gratiæ respectu Sacramentorum. Deficit itaque in eo, quod non explicat, quidnam sit illud nimis speciale, et extraordinarium in Sacramentis, supra omnem gratiam communem? et hoc opus, hic labor est.

52. His ergo dicendi modis in sua probabilitate relictis, sedulo litteram ipsius textus consulenti, sincerior, ac plane verior erit sensus, nomine excellentis gratiæ non aliud S. Doctorem significasse, quam gratiam ipsam sacramentalem uniuscujusque Sacramenti propriam. Hæc enim juxta diversitatem Sacramentorum, et differentiam significandi applicationem meritorum Christi, diversos ac vere excellentes, effectus habet, sive intensior, sive minus intensa existat gratia sanctificans, quæ ejusdem prorsus rationis est in omnibus Sacramentis. Quoniam baptismalis gratia, non tantum excludit peccatum; quod vel minima quælibet gratia sanctificans extra Sacramentum efficit; verum præstat integrum, et perfectam peccatorum remissionem. Et hoc non ob aliud, nisi quia medio Baptismo, primum homo incorporatur Christo, fitque membrum ejus, vi ejus tota

passio Christi ipsi applicatur quoad efficaciam, ac si ipse homo sufficienter pro suis peccatis satisfecisset, ut docet D. Thomas supra q. 69, art. 2. Hoc autem habet gratia Baptismi, non quia gratia est; alioquin quælibet alia gratia id ipsum fieret, sed quia regenerativa est, et propria hujus Sacramenti. In confirmatione autem, quam appellat S. Doctor, q. 72, art. 1. Sacramentum plenitudinis gratiæ, recipitur gratia cum robore ad præstandam fidem, eamque propagandam, quatenus qui eam recipiunt (verba sunt D. Thomæ) *Christo conformati*, in quantum ipse a primo instanti suæ conceptionis fuit plenus gratia, et veritate. Et art. 5 inquit: *In confirmatione accipit homo potestatem* (media videlicet gratia Sacramentali propria hujus Sacramenti) *ad agendum ea, quæ pertinent ad pugnam spiritualem contra hostes fidei.* Unde licet homo per Baptismum accipiat potestatem ad pugnandum contra hostes invisibles; non tamen contra visibles, et inimicos fidei quo adroboretur per Confirmationem. Idem dico de extrema unctione, cuius specialis gratia extenditur non solum ad peccata, verum et ad peccatorum reliquias, vi cuius infirmus perfectam sanitatem spiritualem, imo, si expediat, et corporalem, assequi potest. Et eadem prorsus ratio est de cæteris aliis Sacramentis præter Pœnitentiam, et Matrimonium, de quibus statim. Quorum omnium tradidit rationem Angelicus Præceptor q. 72, hujus 3 p. art. 7 ad 3, his verbis: *Dicendum, quod gratia Sacramentalis addit supra gratiam gratum facientem communiter sumplam aliquid effectivum specialis effectus, ad quod ordinatur Sacramentum. Si ergo consideretur gratia in hoc Sacramento (Confirmatione) collata, quantum ad id quod est commune: sic per hoc Sacramentum non confertur aliqua alia gratia, quam per Baptismum, sed quæ prius inerat, augetur. Si autem consideretur, quantum ad illud speciale quod superadditur, sic non est ejusdem speciei cum ipsa.*

53. In quibus, nisi nostrum nos fallat judicium, evidenter continetur veritas nostra explicationis: quoniam speciales, ac præcellentes effectus Sacramentorum defert S. Doctor diversitati specificæ gratiarum Sacramentalium. Sed specialis gratia, ac excellens, quam in hoc art. ad 1, docet reperiri in omnibus Sacramentis, est ad speciales, eosque excellentes effectus Sacramentorum, ut constat: ergo juxta men-

tem S. Doctoris nomine excellentis gratiæ Sacramentorum nil aliud intelligitur, quam gratiæ Sacramentalis eorum, et consequenter coincidunt gratia excellens, et gratia Sacramentalis, et vice versa.

54. Sed dices. Etiam in Pœnitentia, et Matrimonio datur specialis gratia Sacramentalis : et tamen eam non appellavit S. Doctor gratiam excellentem, seu excellentiam gratiæ, quin oppositum statuit in his duobus Sacrementis præ cæteris : ergo ideo fuit quia ex ejus mente non coincidit excellentia gratiæ cum gratia Sacramentali, et e converso.

Respondetur concedendo majorem, quam ratio ipsa evincit, et minorem, et negamus consequentiam. Cujus disparitatem non emisit D. Thomas, sed assignavit : quoniam licet per Sacrementum Pœnitentiae, et Matrimonium producatur gratia Sacramentalis cuilibet eorum propria; hæc tamen non importat excellentiam gratiæ; secus vero aliæ aliorum Sacramentorum. Et ratio non est, quia excellentia gratiæ addat supra gratiam sacramentalem, ut intendit arguens, et indicavit Nuno. Sed quia in aliis Sacrementis descendit plenitudo gratiæ totaliter ab extrinseco, nimirum ab ipso Deo ex meritis Christi ad obeunda propria munera cujuslibet Sacramenti, dum obex non sit. In Pœnitentia vero, et Matrimonio se attemperat, ut ita dicamus, influxus actibus humanis, ut effectus non fiat nisi modo humano, non autem ex plenitudine potestatis Christi, ut in aliis Sacrementis. Quoniam, ut bene observavit Ferrara 4, contra Gentes cap.

Thom. 17, et est doctrina D. Thomæ ibi, et alibi sœpe, in spirituali sanatione per contritionem non fit remissio per solam sufficientiam passionis Christi, sed ex applicatione illius ad nos per nostram operationem liberi arbitrii. Et ideo non semper totaliter remittitur peccatum quantum ad penam, sed plus, minusve juxta majorem aut minorem conatum, et intensionem nostrorum actuum. Et quia virtus primæ causæ quantum limitationem, aut modificationem recipit in secunda, idcirco effectus non evadit adeo perfectus, ut constat in sanitate a Deo se solo restituta, vel per proprios actus reparata. Quia ergo tam gratia sacramentalis Pœnitentiae, quam Matrimonii deserviunt ad suos effectus ita restrictive inducendos, idcirco non sibi vindicant nomen aut rationem excellentis gratiæ. Cujus oppositum ob rationem omnino oppositam

evenit in gratia Sacramentali cæterorum Sacramentorum.

55. Nec te moveat, quod ad alia Sacra-
menta etiam concurrunt proprii actus, et ut in plurimum semper debent concurrere, nisi ad Baptismum et Confirmationem in infantibus. Quoniam ut diligenter prævi-
dit S. Doctor in præsenti ad primum : *Si d. Thom.
qui actus humani sunt in talibus Sacra-
mentis, non sunt de essentia Sacramentorum,
sed dispositive se habent ad Sacra-
menta. In illis autem Sacramentis, quæ
habent effectum correspondente actibus humanis (qua-
lia dumtaxat sunt Pœnitentia, et Matri-
monium) ipsi actus humani sunt loco
materia.* De ratione autem materiæ, quæ in Sacramentis concurrit simul cum forma ad effectum Sacramenti, est contrahere, coarctare, et constringere amplitudinem tum formæ, tum influxus agentis; cum unumquodque recipiatur ad modum recipientis, ut est commune proloquium. Stat ergo assignata disparitas, quare gratia Sacramentalis aliorum Sacramentorum, sit et vere appelletur *excellens gratia*, vel *gratia excellentiæ*, secus autem gratia Pœnitentiae, et Matrimonii.

DUBIUM II.

Utrum Sacrementum Pœnitentiaz constituatur essentialiter ex actibus pœnitentis, et absolutione?

Ab existentia Sacramenti Pœnitentiae, cui contra hæreticos statuendæ operam dedimus, immediate procedimus ad ejus quidditatem investigandam. Et quia id duplíciter fieri valet, vel metaphysice genus, et differentiam considerando; vel physice solum, ad materiam et formam dumtaxat attendendo, reicta quoad præsens prima consideratione, secundam assumimus prosequendam. Sed ut clarius, et expeditius procedamus, in processus limine certa ab incertis separare, et difficultatis scopum determinare operæ pretium est.

§ I.

Aperitur status quæstionis.

56. Supponendum itaque est in Sacra-
mento Pœnitentiae convenire actus aliquos
pœnitentis et Sacerdotis, idque ita esse,
et dub. 1 tetigimus, et quæstionis titulus
demonstrat, dum an ex eis componatur?

interrogat. In quo nulla est controversia inter Catholicos, imo nec apud hæreticos, nisi forsitan, quia negant actus a Catholicis assignatos ad Pœnitentiam requiri; cum ipsis alias longe diversos accenseant.

Et in primis, ut quantocius ab his expediamur, prorsus ableganda est Lutheri doctrina communis intentus incusso conscientiae remorsus, ac timores, necnon ipsam fidem, seu fiduciam de remissione conceptam, intrinsece componere Pœnitentiae Sacramentum, atque ejus partes existere. Quem errorem seu potius hæresim, damnavit, ac proscriptis Concilium Tridentinum sess. 14. cap. 3, et can. 4, et merito. Quoniam terrores incussi tormentorum, vel pœnarum ob delicta imminentia multo ante præcedunt, quin et gignunt Pœnitentiam, media qua homo eos terrores a se excutit: ergo licet præcedant ut in plurimum Pœnitentiam, non tamen eam intrinsece constituant per modum partis. Et quidem terreri daemonibus competit, ut constat ex epist. Jacob. 2: *Demones credunt, et contremiscunt, non tamen eis tribuitur pœnitere. Unde remorsus, et terror incussus, quos tolerant peccatores, attinere quidem poterunt ad timorem initialem, non vero ingredi constitutionem intrinsecam Sacramenti.*

Eadem ratione excludenda venit fides a ratione partis constituentis: quoniam vel sermo est de vera fide remissionis per Christum faciendæ, vel de remissione per Christum jam facta. Ex prima excitatur quis ad recipiendum Pœnitentiae Sacramentum, et est virtus, qua credimus omnia mysteria revelata: unde non est Pœnitentia, sed principium omnino extrinsecum illius, sicut etiam spes. Si autem ea fides sit de remissione jam facta, consequenter supponit constitutum Pœnitentiae Sacramentum, imo præteritum: non ergo queit ingredi constitutionem illius. Si vero importet fiduciam quamdam distinctam a fide, qua quis certe apud se constituat sibi esse peccata dimissa, cui parti magis adhærent Sectarii; profecto ea fiducia adeo tenax, ac secura, commentitia est, vana, et absque ullo prorsus fundamento in scriptura, et solum ad veritatem catholicam illudendam inventa.

57. Hinc etiam eliminandæ veniunt nova obedientia, mortificatio, et vivificatione cum proposito novæ vitæ, quas Calvinus nobis obtrudit. Quippe cuncta ista vel subsequuntur Pœnitentiae Sacra-

tum, vel præeunt? Si primum? Supponunt Sacramentum Pœnitentiae constitutum, imo et præteritum, atque subinde non illud constituunt, aut constituere possunt. Si secundum? iterum percontamur: an includant vel re ipsa coincidunt cum detestatione vitæ præteritæ, et proposito melioris in futurum? Vel comitentur, vel antecedant? si reincident in unum, et idem omnia illa, eam appellant Catholicæ contritionem, et non est cur hæretici nomen abhorreant, cum adsit in ipsa re convenientia. Quod vero comitentur, aut antecedant, si semel sunt quid distinctum, non infert ingredi constitutionem Sacramenti, ut de fide, et spe, timore, et aliis pluribus actibus constat. Jure ergo optime Concilium Tridentinum post rem exactissime discussam talem contra eas novitates protulit sententiam sess. 14, can. 4: *Si quis dixerit duas tantum esse Pœnitentiaæ partes terrores scilicet incusso conscientiaæ, agnito peccato, et fidem conceptam ex evangelio, qua credit quis sibi per Christum remissa peccata, anathema sit. Qua etiam Sententia ferit can. 13, docentes cum Calvino optimam Pœnitentiam esse novam vitam tantum.*

58. Rejectis hæreticorum positionibus, ut cum catholicis catholicam veritatem ad examen reducamus, convenit inter nos, Pœnitentiam sicut et cætera Sacra menta essentialiter debere constitui ex aliqua materia et forma, quidquid senserit Scotus, de quo infra. Quam suppositionem edocemur a Conciliis Florentino, et Tridentino diserte, et universaliter constituentibus Sacra menta novæ legis, ex duobus essentialiter constare, materia nimirum et forma. In quo quia pertinet ad tractatum de sacramentis in genere, ubi rem satis discussam reliquimus, non moramur. Sed quia in quolibet Sacramento duplum materiam distinguunt theologi, remotam, scilicet et proximam, dum constitutivum esse et intrinsecum investigamus in Pœnitentia, planum est non esse sermonem de materia remota; quippe quæ solum remote, et quasi mediate, nimirum mediante proxima ingredi potest constitutionem. In forma vero non est ratio ejusdem distinctionis, nec hactenus ab aliquo fuit excogitata ob actualitatem, et ultimam determinationem, quam ex se includit; cum tamen materia de se importet potentialitatem, et admittat gradualem indeterminationem, vi ejus proximus accedat, vel remotius, ad actualitatem, et ultimam completionem

Trident.

Jacobii.

Calvinus
rejici-
tur.Secunda
suppo-
sicio.Florent.
Trident.

completionem formæ. Porro cum Pœnitentia exerceatur per modum judicii, quod proximus, et immediatus ad eam concurrit, sunt actus pœnitentis se accusantis, ac dolentis, et actus Sacerdotis sententiam proferentis mediis verbis absolutionis, quidquid sit de aliis præcedentibus, vel comitantibus, vel subsequentibus, annexis tamen, de quibus infra disputandum. Quocirca difficultatis titulus ad hos, et non ad quoslibet alios porrigitur. Unde sensus illius est : utrum Sacramentum Pœnitentiae intrinsece, et essentialiter constitutatur ex dolore, et confessione cum proposito melioris vitæ in posterum tanquam ex materia, et ex absolutione Sacerdotis tanquam ex forma.

§ II.

Catholica veritas proponitur, et probatur.

Conclu-
sio.

Loren-
tin.

Riden-
tin.

Nota.

zquez.

59. Dicendum est Sacramentum Pœnitentiae extrinsece et essentialiter constare ex actibus pœnitentis, tanquam ex materia, et ex absolutione sacerdotis tanquam ex forma. Hæc conclusio vel est de fide, vel adeo fidei proxima, ut absque periculo erroris non possit oppositum defendi, ut constat ex Concilio Florentino in decreto Eugenii, ubi loquens de Pœnitentia docet esse quartum in ordine Sacramentum, *cujus quasi materia sunt actus pœnitentis, forma, ego te abservo.* Idem et fere *isdem verbis* statuit Tridentinum sess. 14, saepè citata et can. 4, ubi anathematizat quoslibet negantes *ad integrum et perfectam peccatorum remissionem requiri tres actus in pœnitente, quasi materiam Sacramenti Pœnitentiaz, videlicet Contritionem, confessionem, et satisfactionem, quæ tres partes Pœnitentiaz dicuntur.* De forma vero cap. 3, antecedenti docuerat Sacramenti Pœnitentiaz formam in qua præcipue vis sita est, in illis ministri verbis positam esse : *ego te abservo*, etc. Ex quibus in unum collectis evidentissime appareat absque fidei dispensatio negari non posse hoc Sacramentum essentialiter constitui ex actibus pœnitentis, tanquam ex materia, et absolutione sacerdotis ut forma. Unde ita docent communiter Theologi, maxime post Concilium Tridentinum, quin opus sit in re tam clara diutius immorari.

60. Est tamen notatu dignum Gabrielem Vasquez, qui pro sua erga omnes obseruantia aliorum sententias quantumvis obso-

letas, taliter linit, et ad verum sensum trahere conatur, ut nihil, aut fere nihil falsi suboleant, tam bene meritum se ostendisse de D. Thomæ dsscipulis, ut in præsenti dub. 2, n. 2, incunctanter affirmaverit : *Nam neque ex discipulis D. Thomæ aliquis dicit absolutionem esse partem hujus Sacramenti.*

61. Qua tamen fide id assertum sit, ignoramus, et testem adhibemus ipsummet Vasquez, quem post discipulos quamplurimos D. Thomæ, eosque graviores, quales sunt Soto, Nuno, Sylvius, Arauso, Serra, S. Thomas, Prado, Gonet, N. Cornejo, N. Philippus, N. Franciscus, N. Antonius, et alii, allegavimus tract. de Sacramentis in genere, disp. 2, dub. 2, § 2. Ubi cum his et aliis Vasquio non adeo exosis ostendimus omnia Sacraenta novæ legis constare materiam, et forma tanquam partibus intrinsecis, et essentialibus. Nec hactenus vidimus S. Doctoris discipulum, qui verbo, aut scripto oppositum docuerit præter Petrum de Ledesma, et Cabreram, quorum fundamenta diruimus. Si ergo ita est, ut revera est, nempe omnes hos, et alios plures S. Doctoris discipulos constanter asserere materiam, et formam esse partes intrinsecas cuiuslibet Sacramentorum : et aliunde utraque Synodus allegata docet actus pœnitentis, et absolutionem sacerdotis obtainere rationem materiae, et formæ in Sacramento Pœnitentiaz; inconsequenter, et satis ridicule posset negari absolutionem esse partem Pœnitentiaz, ut est Sacramentum, nisi negando unam ex præmissis jam concessis. Hac vero inconsistantia non audemus tot ac tales viros inurere, imo et Vasquez ab illa magis immunem desideramus. Etenim omnia Sacraenta nova legis constituuntur essentialiter ex materia, et forma, tanquam ex partibus intrinsecis, et essentialibus : sed absolutio est forma in Sacramento Pœnitentiaz, et actus pœnitentis materia : ergo tam absolutio quam actus pœnitentis sunt partes intrinsece, et essentialiter constituentes Sacramentum Pœnitentiaz. Majorem docet Vasquez disp. 129, cap. 3. Vazquez. De Mingri autem ait in præsenti dub. 2, n. 12 : *Absolutio non est pars Sacramenti, sed forma illius.* Videat nunc qua consequentia neget absolutioni rationem partis, si semel concedit rationem formæ, ut concedere tenetur, si Conciliis habeat fidem ; nisi destruendo illam Majorem a se ipso jam diu assertam, quod omnia Sacraenta

Soto.
Nuno.
Sylv.
Araus.
Serra.
Gonet.
N. Cor-
neso.
Prado.
N. Phi-
lip.
N. Fran-
ciscus.
N. An-
ton.

Ledesm.
Cabrer.

constituuntur tanquam ex partibus intrinsecis ex propria materia, et forma.

62. Sed antequam rationem a priori, et plane efficacem pro veritate assertionis construamus, ejus fundamenta jacere visum est, ut inde clarius ad intentum procedatur. Primum fundamentum sit. Quod cum Sacraenta sint signa ad placitum ex institutione divina significantia, nec aliud, nec aliter de illis tenendum, aut docendum est, quam quod eorum authorem ac insti-tutorem disposuisse constiterit. In quo nemo est, qui ambigat, et ipsa ratio naturalis cogit: quia quae unice dependent ex voluntate alterius, juxta ejusdem voluntatem pensanda, ac dirimenda sunt, et ita fieri experientia ipsa testatur in contractibus, testamentis, fundationibus; quin aliorum arbitrio relinquatur, aliter statuere, nisi quatenus verba, nutus, aut signa indicant, aut ex eis, si suboriatur dubium, conjici potest. Unde voluntas Christi ut instituentis Sacraenta non aliunde venanda est, quam ex ipsius verbis, adjuncta doctrina Ecclesiæ, in qua ut a Spiritu sancto edocta inest vera scripturæ intelligentia. Constat autem ex uno et altero capite Sacramentum Pœnitentiae ad instar judicii institutum fuisse a Christo Domino. Et primo quidem in verbis saepè allegatis: *Quorum remiseritis peccata remittuntur eis, quorum relinueritis relenta sunt.* Ubi clare constat judicio Ministrorum deferri vel absolutionem, vel retentionem peccatorum. Idque ita semper intellexisse universalem ecclesiam (quod est secundum caput) docet Concilium Tridentinum cap. 5, et omnes catholici assentienti.

63. Hoc autem judicium (et est alterum fundamentum) ut sit undequaque rectum, plura exigit, et intrinsece claudit, absque quorum quolibet imperfectum et imprudens manere necesse est. Primo quidem postulat reum criminibus obnoxium, et ab illis absolvendum, vel ob illa damnandum: si enim nullum interveniat delictum, frustranea, et omnino frivola est absolutio, vel damnatio, ob defectum materiae circa quam. Hac ergo supposita ulterius desideratur confessio delicti, non quidem coacta, ut multoties evenire constat in judicio externo vindicativo, in quo compelluntur rei ad delictorum propalationem; sed omnino libera, et spontanea, et discriminis causa sumitur ex D. Thoma in 4, distinct. 14, quæst. 1, art. 1, quæstiunc. 6, ubi docet in duobus

differre justitiam vindicativam a Pœnitentia, licet utraque versetur circa idem, nimurum, circa punitionem, subindeque extinctionem offensæ; vindicativa enim (quæ est primæ differentiæ ratio) est proprie in judice pœnam infligente, quam reus quandoque invite sustinet. At vero Pœnitentia, est in ipso reo, qui voluntarius pœnam sustinet pro culpa commissa. Secundo differunt in eo, quod Pœnitentia dumtaxat versatur circa offensam Dei, quam tendit avellere; vindicativa autem respicit quamlibet offensam. Et hinc oportet in Pœnitentia intervenire emendationem offensæ voluntarie assumptam; secus vero in vindicativa. Cujus ratio ultra assignata est, quod homo interne, voluntarie, et libere admisit se a Deo per peccatum avertere, et offensam contra ipsum incurrire et idcirco ad reconciliationem obtainendam, et discissam amicitiam restaurandam requiritur interior, voluntaria, ac omnino libera peccati detestatio, ex qua oriatur plena et humilis ejusdem manifestatio, et externa confessio facta Deo et ejus judici, ac ministro sensibili vices Dei gerenti, ut constat ex primo fundamento. Cum enim Sacramentum sit signum sensibile; sensibiliter debet confici, et ministrari.

Hinc jam elicimus duplē actum ex parte pœnitentis, et doloris, et confessionis: quoniam si confessio non oriretur ex vero dolore, sed esset pure historica delictorum narratio, qualis jactantiam magis, quam Pœnitentiam sonaret, prorsus inutilis foret ad animum offensi pacandum, ut constat: quin potius juvaret ad commendandum, et excandescendum. Elicitur etiam alter actus ex parte ejusdem pœnitentis, quem communiter nuncupamus satisfactionem: quia qui vere studet alterius reconciliationi, et amicitiae ineundis ob illatas offensas, pronus, ac promptus est, ac debet esse quamlibet exhibere compensationem arbitrio ministri, seu judicis; allioqui nec vere doleret, nec serio cuperet reintegrare amicitiam, si satisfactionem imponendam renueret. Manent ergo ex parte penitentis tres actus, dolor de retroactis contra Deum, propositum satisfactioni, et in ceterum corrigendi, et sensibilis confessio, ac voluntaria culparum manifestatio. Quam doctrinam tradidit D. Thomas infra q. 90, art. 2, dicens: *In D. Thom. Pœnitentia fit recompensatio offensæ secundum voluntatem peccantis et secundum arbitrium Dei, in quem peccatur: quia hic non queritur*

Tertia
suppo-
sitiō.

Trident.

D.Thom.

quæritur sola reintegralio aequalitatis justitiæ (sicut in justitia vindicativa), sed magis reconciliatio amicitia: quod fit dum offendens recompensal secundum voluntatem ejus, quem offendit. Sic igitur requiritur ex parte pœnitentis primo quidem voluntas recompensandi, quod fit per contritionem. Secundo quod se subjicit arbitrio sacerdotis loco Dei. Tertio quod recompenset secundum arbitrium ministri Dei, quod fit in satisfactione. Et ideo contritio, confessio, et satisfactione ponuntur partes Pœnitentiæ. Hactenus D. Thomas

64. Unde solum superest sententia judicis vel damnantis, vel absolvientis, supposita cum cognitione causæ, gravitate delictorum, tanquam materia. Quæ sententia appellari consuevit absolutio, quæ illis actibus accidenti, si non adsit aliud impedimentum, semper impeditur: si vero intervenerit obex, negatur, et hæc est tentatio a Christo assignata; in illis verbis, quorum retinueritis, retenta sunt, ut explicat Tridentina Synodus cap. 6, circa medium dicens: *Quanvis autem absolutio Sacerdotis alieni beneficii sit dispensatio, tamen non est solum nudum ministerium (videlicet absque potestate, ut volebant hæretici) vel annungiandi evangelium, vel declarandi remissa esse peccata; sed ad instar actus judicialis, quo ab ipso velut a judice sententia*

Thom. *pronuntiatur; et luculenter D. Thomas 4 contra Gentes cap. 72, dicens: Cum autem subire pœnam pro culpa judicium quodam requirat, oportet quod pœnitens, qui se Christo sanandum commisit, Christi judicium in taxatione pœnæ expectet: quod quidem per suos ministros exhibet Christus, sicut et cætera sacramenta. Nullus autem potest judicare de culpis, quas ignorat. Necessarium igitur fuit confessionem institui, quasi secundam partem hujus Sacramenti, ut culpa pœnitentis innolescat Christi ministro. Ubi annumerat S. Doctor eos tres actus n. 5, descriptos, et continguendo infert: Oportet igitur ministerium, cui fit confessio judicariam potestatem habere vice Christi (in quo hæreticorum deliria retundit) siquidem Christus constitutus est judex vivorum, et mortuorum: Ad judicariam autem potestatem duo requiruntur, scilicet authoritas cognoscendi de culpa, et potestas absolvendi, vel condemnandi. In quibus exponitur absolutio cum taxatione, vel impositione pœnae, quæ quidem absolutio ex parte sacerdotis se tenet et dirigitur ad pœnitentem.*

65. Hic itaque jactis fundamentis facile
Salmant. Curs. theolog. tom. XIX.

est veritatem conclusionis demonstrare, et ei oppositas positiones revincere. Quoniam ea sunt de intrinseca ratione, et constitutione Sacramenti Pœnitentiæ, quæ intrinsece et essentialiter immediate confluunt ad ipsum constituendum in ratione judicij apud Deum, per suum ministerium munus judicis exhibentem: sed ad Pœnitentiam in ratione judicij apud Deum mediis ministeriis exhibiti concurrunt essentialiter, et immediate recensiti actus ex parte pœnitentis, et absolutio sacerdotis judicem agentis: ergo Sacramentum Pœnitentiæ constituitur essentialiter, et immediate ex actibus pœnitentis et absolutione sacerdotis. Syllogismus est recte dispositus, et præmissæ constant ex prænotatis: unde solum interest ostendere actus pœnitentis induere rationem materiæ, et absolutionem rationem formæ. Idque eadem perspicuitate monstratur: tum ex utraque Synodo Florentina, et Trident. id asserentibus. Tum Trident.

§ III.

Singulare Recentiorum fundamentum examinatur, et rejicitur.

65. Hinc etiam constat, quanti habenda sit ea ratio fundamentalis qua utuntur aliqui Juniores, præcipue vero Lugo in præsenti disp. 12, sect. 2, ad pondus nostræ conclusionis sustinendum subsequenti forma. Illud, quo præcise ablato,

res deficit, manentibus omnibus aliis, est intrinsecum rei constitutivum; sed dolor, confessio, et absolutio ita se habent respectu Sacramenti Pœnitentiae, ut quocumque ex eis ablato, deficiat Sacramentum Pœnitentiae, etsi reliqua omnia maneant: ergo ita se habent, ut quodlibet constitutiat intrinsece, et essentialiter hoc Sacramentum. Minor constabit discurrenti per singulas illas partes. Major videtur certa; alioqui per rationes nullo argumento posset convinci, qui diceret, corpus vel unionem non esse intrinsecum hominis constitutivum, sed merum connotatum, vel conditionem, ut anima ipsa sit homo. Quam rationem sub eisdem verbis, et forma, proponit, et expendit Tyrso tom. 3 select. disp. 35, sect. unica, asserens ea uti omnes recentiores post Cardinalem de Lugo. Nomine autem recentiorum, Societatis Authores laudari crediderimus: cum ex aliis nullum inveniamus, qui ejus meminerit; quin ex Societate aliquos eam respuentes, aut videre est apud Dicastillo disp. 4, dub. 5, ubi late, et acriter eam refellit.

Tyrso.

Dicastillo.

Refellit.

66. Nec mirum: cum debilissima, et falsitati obnoxia videatur tam ratione formæ, quam ratione materiae. Ratione quidem formæ, quia æqualiter probet in aliis plurima, eaque omnino falsa, a nullo cordato admittenda, ut facile constabit *Majorem*, in qua est nervus, reassumenti: illud, quo præcise ablato, res deficit, manentibus omnibus aliis, est intrinsecum rei constitutivum: sed obscuritas in fide ita se habet, ut ea ablata, non remaneat fides, etsi reliqua omnia maneant; ergo fidei est. intrinsecum constitutivum, et essentialie obscuritas; cum tamen non sit nisi conditio objecti, obscure repræsentati, et propositi. Eodem modo evincit, si bona, et formalis est argumentatio unionem esse partem intrinsecam totius compositi, cum ea sublata, licet maneat materia, et forma, non maneat compositum, et sic de aliis sexcentis, quas facile cuique erit discurrere. Nec etiam probat ratione materiae, cui applicatur. Quoniam ut interim taceamus de intentione tam Ministri, quam recipientis, de Baptismo, de usu rationis, de ipsa voluntate Christi institutoris (de quibus omnibus idein probat), certum est absque peccatis non posse manere, ac subsistere Pœnitentiae Sacramentum: et tamen peccata non sunt partes intrinsece constituentes Sacramentum Pœnitentiae,

idque asserere absurdissimum est: ergo non omne illud, sine quo res non subsistit, est ejus rei constitutivum, licet alia permaneant; alias peccata, sine quibus non est Sacramentum Pœnitentiae intrinsece constituerent per modum partis ipsum Sacramentum Pœnitentiae.

67. Hujus impugnationis vim elevare conatur Pater Tyrso ubi nuper dupliciti effugio. Primum est, casu quo non extit peccata, quantumvis homo apud se judicet extitisse non ideo non existere Pœnitentiae Sacramentum, quia peccata non extitere, sed quia deficit vera cognitio regulans dolorem constitutivum Sacramenti, quo dolore non existente, non existit Sacramentum.

Tyrso
respon-
sio.

Sed quis non videat hoc subterfugio intactam relinquï difficultatem argumenti; quin et augeri: Quod sic ostenditur: nam in primis, sine peccatis, quæ vere peccata sunt, et fuerunt, non est Sacramentum Pœnitentiae ut est unanimi consensione receptum: et tamen peccata non sunt partes intrinsece constituentes Pœnitentiam: ergo stat aliquid essentialiter requiri ad Pœnitentiam, quo subinde deficiente, deficiat Sacramentum, quin tamen ipsum Sacramentum constitutiat. Et ut utamur eadem forma, clariss id ipsum demonstratur instaurando argumentum. Illud est constitutivum alicujus rei, quo ablato, et manentibus aliis, deficit ipsa res: sed deficientibus dumtaxat peccatis, deficit Sacramentum Pœnitentiae: ergo peccata sunt intrinsece constituentia Pœnitentiam in ratione Sacramenti. Que argumentatio procedit de peccatis existentibus, et deducit, si vera est hujus Authoris doctrina, peccata præterita intrinsece concurrere ad constitutionem hujus Sacramenti. Quid ergo refert cognitio vera, quæ regulet? Ex hac enim potius augetur, quam minuitur difficultas, ut dicebamus, insistendo eidem formæ, et principio: illud est constitutivum intrinsecum alicujus rei, quo deficiente, etsi cætera maneant, deficit ipsa res: sed deficiente cognitione, vel experimentalis certa, vel supernaturali vera, ut ipse loquitur, de peccatis vere præteritis, deficit Sacramentum Pœnitentiae: ergo cognitio vel experimentalis certa, vel supernaturalis vera est constitutivum intrinsecum Sacramenti Pœnitentiae. Et (quo plus est, et absurdius adhuc in ipsa naturali philosophia) in universu n probit intellectum, et intellectione n intrinsece constitueret voluntatem, et volitionem. Si quidem

Refelli-
tur.

quidem nec voluntatem sine intellectu, nec volitionem absque intellectione est reperire, cum nihil sit volitum quin præcongitum, ut certum est apud omnes. Non ergo hac via recte occurritur absurditatibus deducti ex ea ratione inconvenientis, sed manet in sua vi.

Secunda evasio ejusdem. 68. Hæc forsitan prævidens laudatus Magister aliud arripit iter, quod prius triverrat Lugo ubi supra, idque facilius, sed neque verius, nec solidius. Respondet itaque concedendo Majorem, et negando Minorem, in qua nullum reperit inconveniens: quia quod Pœnitentia intrinsece constituatur per peccata præterita, nihil aliud est, quam ipsam constitui per realem præteritionem peccati, quam destruere non intendit, utpote impossibile; sed solum tendit ad auferendam maculam ex præteritione relictam, et moraliter perseverantem. Præteritio autem ipsa inauferibilis est, cum ad præteritum non detur potentia. Hoc autem inconvenientis non esse, inde sibi videtur suaderi: quoniam ex terminis non magis repugnat aliquid malum constituere id quod est intrinsece bonum, quam id quod est bonum, et summe laudabile constituere intrinsece peccatum. At hoc secundum non est absurdum: ergo nec primum. Minorem probat: nam libertas in actu primo proximo constituitur per decretum Dei oblativum concursus, et libertas illa ut talis denominat liberam actionem peccaminosam in sententia communiori negante libertatem esse essentiallem actioni liberae: ac proinde talis indifferentia includitur intrinsee in illa actione ut peccaminosa; nam ut peccaminosa est libera, et ut libera constituitur per proximam indifferentiam principii, ac proinde per decretum indifferens. Hactenus citatus Junior fere ad verbum, ne aliquid responsioni demptum causetur.

Impergnatur. 69. Hæc tamen evasio haud melior est præcedenti, et plures, easque graviores inculcat difficultates. Inter quas non videtur levior succumbere inconvenienti illato, quod peccata Deo tam exosa intrinsece constituant specialissimum opus Dei, quale est Sacramentum Pœnitentiae, ad quod ut author et causa principalis immediata ipse concurrit; et quod Sacramentum a Deo institutum ad delenda, ac destruenda peccata constituitur intrinsece, et essentialiter ex ipsis peccatis. Hoc enim est Dei opere indignum, et aliunde implicatorium. Quoniam implicat contradic-

nem aliquid intrinsece constitui, ex eo, quod non est, sed fuit, siquidem constitutivum intrinsecum intrinsece permanet in ipsa re, quam constituit; alioqui esset, et non esset simul ipsa res: sed peccata non sunt, sed fuerunt, dum conficitur Sacramentum Pœnitentiae, et est in facto esse: ergo Sacramentum Pœnitentiae non constituitur intrinsece per peccata.

Ad hæc. Repugnat ex terminis aliquid constare intrinsece, et essentialiter ex aliquo essentialiter destructivo, et incompositibili cum ipso, sicut implicat vitam restitutam constitui intrinsece, et essentialiter per mortem præteritam (quo exemplum præteritionis profligemus) alias vita Lazaro restituta constitueretur intrinsece, et essentialiter ex vita adepta, et morte præterita. Quod nullus hactenus asserere ausus est. Sed Pœnitentia essentialiter tendit in destructionem peccatorum præteritorum: ergo Pœnitentia non constituitur essentialiter, et intrinsece ex peccatis præteritis.

Hinc apparet, quam futile ac nullius sit momenti occursus ad præteritionem: nam vel excluduntur peccata a præteritione, vel includuntur in ipsa præteritione? Si excluduntur, et solum intrat constitutionem nuda præteritio; remanet in suo robore prædictum argumentum, et omnino intactum: quoniam illud est constitutivum intrinsecum, quo sublato, et cæteris remanentibus, deficit res (quæ est illorum major, in qua est tota vis sui fundamenti), sed sublatis peccatis, et remanente præteritione, deficit Pœnitentia: ergo Pœnitentia intrinsece, et essentialiter constituitur per peccata, quidquid sit de præteritione. En intactum nostrum argumentum. Si autem propter hoc affirmetur secundum nimirum, in ipsa præteritione includi etiam peccata: iterum vires reassumit argumentatio facta: ergo jam non ex præteritione peccatorum, sed ex ipsis peccatis præteritis constituitur essentialiter Pœnitentia, siquidem præteritio ut includens intrinsece peccata concurrit intrinsece, ut ipsi docent, ad constitutionem essentialiem illius, atque ideo tam præteritio, quam peccata ipsa intrinsece constituant hoc Sacramentum, quod est intentum nostri argumenti, et negare videtur respondens dum distinguit præteritionem a peccatis. Præterquam quod Sacraenta sunt vera entia realia a parte rei existentia: sed præteritio non est aliquid verum ens reale

Osten-
ditur
magis
eius
debili-
tas.

a parte rei, sed ad summum denominatio extrinseca cadens supra non esse de præsenti connotando aliquando fuisse : ergo præteritio nequit per modum partis intrinsece constituere aliquid compositum verum et reale a parte rei : quia non entis nullæ sunt qualitates. Et profecto qui talia docent in vi illius fundamenti, si consequenter procedunt, non renuent concedere peccatum originale esse intrinsecam partem Baptismi, et panem conversum intrinsece constituere Eucharistiam : quandoquidem nec ista sine pane, nec ille sine peccato Originale subsistit. Quod quam bene audiat apud cordatos, aut quo fundamento possit affirmari, alii judicent.

70. Sed veniamus ad motivum, quo fulciant solutionem, a quo breviter nos expediemus ob materiam, quam tangit de Scientia media, juxta quam procedit. Et quidem mirum est, licet frequens apud adversarios, sine principiis Scientiae mediæ non posse vel in ipsis Sacramentis aliquid firmiter disputari, aut stabiliri, cum tamen

Fonseca. ad id solum eam excogitaverit Fonseca, et in lucem dederit Molina ; ut libertatem creatam cum efficacia divina conciliaret, et inter eas pacem, et concordiam iniret. De quo, et de ejus utilitate, ac veritate late egimus tractatibus de Scientia Dei, et de voluntate, et de gratia efficaci, quo lectorem mittimus, ut judicium ferat de motivo præsentis solutionis. Secundum quam decretum Dei oblativum concursus indifferentis ad bonum, et ad malum intrinsece constituit in ratione liberi sive actum bonum, sive actum pravum ; quin in hac ratione sit ratio discriminis ; cum unum, et alterum æque intrinsece, æqueque immediate constituat. Quo posito statim videtur sequi ex vi hujus concursus indifferentis (quem dumtaxat in Deo adstruunt illius scientiae Sectatores ad nostras operationes liberas relegando alium concursum ex se efficacem, et ad unum determinantem ut eversivum libertatis) non magis ; sed æque proxime concurrere concursu physico Deum ad opus pravum, quam ad opus bonum, idque testatum reliquit Molina in sua celeberrima concordia disp. 32, § Quartum, his verbis :

Consequens profecto est, ut interdum Deus neque majori, neque alio concursu concurrat ad actum virtutis, bonive moraliter, quam sit is, quo concurreret ad actum vitiū moraliter malum. Subindeque docere tenentur non magis ejus esse opus unum,

quam alterum, cum æque physice concurrat ad utrumque per concursum indifferente. Qualiter vero id cohæreat cum doctrina Concilii Trid. sess. 6, can. 6, ubi Trident. ita definit : *Si quis dixerit non esse in protestate hominis vias suas malas facere, sed mala opera, ita ut bona Deum operari non permissive solum, sed etiam proprie, et perse, adeo ut sit proprium ejus opus non minus proditio Judæ, quam vocatio Pauli, anathema sit.* Qualiter, inquam, id cohæreat cum Concilio alii judicent; nobis autem sufficit ea duo scientiæ mediæ germina, concursum videlicet indifferente, et intrinsecam eam constitutionem libertatis creatæ, et alia innumera in dies inde pullulantia, jam diu respuisse locis relatis.

71. Demus tamen respondenti eum concursum indifferente; concedamus insuper tali concursu indifferenti intrinsece constitui libertatem creatam. Quid inde? Constitueturæ actus pravus in ratione pravi, ac defectuosi per concursum illum indifferente, ut colligere videtur iste author? Minime, quin nullo modo stat ista collectio. Quoniam licet actus ille sit liber et sit pravus, non tamen qua liber est pravus, nec ex eadem radice : nam esse liberum habet a Decreto, et ex hac parte non est malus ; esse vero pravum habet ex ipso usu voluntatis, quæ realiter distinguitur a Decreto et concursu Dei, licet actus ipse non differat realiter. Quia tamen diversam radicem, diversumque principium habet qua liber, et qua pravus : idcirco in ratione liberi non constituitur per aliquid malum, sed per Decretum indifferens, quod est summe bonum in se, et in suis effectibus : libertas autem supponitur ut ratio a priori bonitatis, et malitiae : ideo enim est bonus vel defectuosus actus, quia est liber, et non e contra. In ratione vero pravi constituitur per ordinem ad voluntatem creatam non subjectam regulis morum, sed a concupiscentia illitam. Unde numquam salvator intrinsece constitui in ratione mali, aut deficientis actum pravum per decretum summe bonum, quod intendebat solutio. Et consequenter, ut ad intentum redeamus, non est unde probetur Sacramentum Pœnitentiæ, quod est opus Dei, ut supernaturaliter, et specialiter agentis intrinsece, et essentialiter constitui per peccata Deo summe exosa, et intrinsece mala.

72. Sed age, et detegamus radicem deceptionis, circa quam impingunt hi Autores

Prose-
quitur
impun-
gatio.

Dete-
gur
decep-
tio-
naris.

thores in illa Majori assumpta ad probandum communem et veram sententiam. Ut autem id clarius ostendamus, præ oculis habendum est constitutionem esse de genere boni, destructionem vero de genere mali, quandoquidem illa tendit in esse; hæc vero propendit in non esse. Et quia bonum est ex integra causa, malum autem ex quocumque defectu, propterea ad esse rei debent concurrere omnes causæ, sive intrinsecæ, sive extrinsecæ, a quibus quomodo effectus dependeat, sive per modum termini, sive per modum materiæ circa quam, sive aliter; quocirca si earum aliqua deficiat, et si aliae permaneant, non erit effectus, ut exemplis ostendi posset, si res non esset indubia non solum in respectivis, in quibus ob defectum termini, vel objecti deficit ipse respectus, sed etiam in absolutis, ut constat in unione vel accidentis ad subjectum, vel formæ ad materiam, et quod magis ad rem attinet, idem cernitur in concretis artificialibus, in quibus non est totum artificialie, partibus artificialibus non cohærentibus, et unitis.

Obser-
vatio. Præterea observandum est, aliud esse, imo et toto cœlo distare, constitutivum aliquod esse intrinsecum vel per modum predicati essentialis, vel per modum partis intrinsecæ componentis; aliud vero quodlibet extrinsecum, intrinsece tamen respectum esse intrinsecum rei intrinsece recipienti. Primum namque est omnino verum, et reperitur in omnibus rebus sive compositis, sive simplicibus. Et ratio est perspicua: quia constitutivum intrinsecum est ipsa essentia rei, quæ extrinseca sibi esse non potest; sive metaphysice, sive physice sumatur, quoniam semper constitutivum debet esse intimum, et indistinctum ab essentia, ut constat in ipsis partibus, quæ licet realiter inter se differant, simul tamen sumptæ, quo pacto constituunt adæquate totum, quodcumque illud sit, realiter a toto non differunt. Ut vero realiter distinctæ, quo pacto habent rationem partis constituents inadæquate, intrinsecæ sunt ipsi composito, quod constituent, sub ea ratione, sub qua constituent, ut constat tam in concretis substantialibus, quam accidentalibus. Secundum vero est omnino falsum: quia licet constitutivum respiciat aliquid extrinsecum, sine quo nec esse potest, nec intelligi, ut patet in respectivis; non tamen illud extrinsecum est intrinsece constitutivum, ut appareat in

objectis, et terminis, quæ non constituunt intrinsece tendentias, quas terminant, et quibus speciem tribuunt. Non enim intellectus constituitur intrinsece per verum, aut voluntas per bonum, quamvis si deficerent verum, et bonum, deficerent intellectus, et voluntas. Et idem est de sexentis aliis omissionis.

73. Ex hac autem dupli observatione nobis evidenti manifeste deducitur fallacia argumenti, quod tanti est apud Tyrso, ut eo omnes recentiores post eminentissimum Lugo utantur. Nam (ut ad rem accedamus) qua parte ad existentiam Sacramenti Pœnitentiæ (idem dicit de aliis) requiruntur non solum actus contritionis, et satisfactionis cum confessione externa, et absolutione legitimi Ministri, sed etiam peccata post Baptismum commissa, quæ detestanda, et delenda sunt, et etiam intentio tam absolvantis, quam pœnitentis; et quod uterque sit per Baptismum intra fines ecclesiæ, et alia plura, quæ discursu tractatus assignabimus; omnia ista debent convenire, ut Sacramentum verum evadat, et in re existat. Qua vero parte plura ex his sunt extrinseca, licet intrinsece, et essentialiter exacta ab ipso Sacramento; aliquo eorum deficiente, deficere necesse est et ipsum Sacramentum; et patet in Baptismo alterutrius, vel absolvantis, vel pœnitentis, qui in nulla sententia est pars intrinseca Sacramenti Pœnitentiæ; eo tamen ex parte alicujus non existente, nullum conficeretur Sacramentum Pœnitentiæ, quin inde posset inferri Sacramentum Baptismi ingredi constitutionem essentialiem, et intrinsecam Pœnitentiæ. Consimiliter in nostro casu. Licet Pœnitentia non existat, quin vere fuerint peccata per ipsam destruenda; non tamen peccata intrinsece ingrediuntur ad constituendum per modum partis prædictum Sacramentum. Et hoc non ob aliam rationem nisi quia peccata extrinseca sunt ad instar materiæ circa quam versatur ars; quin ars constituant intrinsece ex materia circa quam, sicut nec Medicina ex infirmitate, cuius curationem intendit, licet non sit practica Medicina absque infirmitate curanda. Unde argumentatio horum Doctorum simi is omnino est huic: *Illud intrinsece rem constituit, quo sublato, res deficit: sed deficiente infirmitate, deficit medicina practica: ergo infirmitas est pars intrinsece constituens artem practicam medicinæ.* Qui est fallax arguendi modus, ut pote procedens a ter-

Conclu-
ditur
impun-
gatio.

mino extrinseco, essentialiter præsupposito ad constitutivum intrinsecum intrinsece constituens ipsam rem : quia licet res respiciat intrinsece objectum, istud tamen non est intrinsecum rei : utробique enim est eadem fallacia, quam vocant accidentis ab uno in aliud genus transeundo. Stat ergo sine veris peccatis non existere Pœnitentiæ Sacramentum, quin vera peccata ipsius Sacramenti constitutionem per modum partis ingrediantur, ut suo arguento confici autumant prædicti Recentiores, subindeque illorum fundatum, ut nihil probans spernendum est.

74. Quod adhuc magis fiet perspicuum instaurando fundamentum supra num. 50, insinuatum. Etenim de Sacrementis, utpote unice pendentibus a voluntate Christi institutoris, nisi divinando, non possumus aliquid firmius statuere, quam quod Concilia Spiritu Christi ducta, et SS. PP. nos docent : sed Concilia, et PP. docent in Sacramento Pœnitentiæ materiam proximam esse tres actus pœnitentis annumeratos, formam vero absolutionem Sacerdotis, nulla mentione facta, vel peccatorum, vel intentionis Sacerdotis, aut potestatis absolvendi, quas partibus accensent hi Authores : ergo solum assignatae a Concilii habendæ sunt pro partibus, non vero aliæ. Major, et Consequentia non indigent probatione. Minorem expresse docet Concilium Tridentinum sess. sæpe allegata, et eam universaliter constituit pro omnibus Sacramentis Eugenius IV, excludens a ratione materiæ, et formæ intentionem, et potestatem ministri his verbis, quæ adducit Tyrso in sui patrocinium : *Omnia Sacraenta tribus perficiuntur videlicet rebus tanquam materiæ, verbis tanquam forma, et persona ministri conferentis Sacramentum cum intentione faciendi, quod facit ecclesia; quorum si aliquod desit, non perficitur Sacramentum.*

Quod etiam novissime statuit ac decrevit Trident. Concilium Trident. sess. 7, can. 11, dicens : *Si quis dixerit in ministris, dum Sacraenta conficiunt, et conferunt, non requiri intentionem, saltem faciendi, quod facit ecclesia, anathema sit.* Ex quibus efficacissime probatur illa Minor : siquidem utraque Synodus pro regula generali statuit ad quodlibet Sacramentum legitimate conficiendum, et ministrandum, essentialiter requiri, ut conditionem generalem intentionem ministri, et ulterius descendit ad designandam pro quolibet Sacramento

propriam materiam, et formam, ut constat : ergo quia intentio ministri non est pars intrinseca Sacramenti, nec per modum materiae, nec per modum formæ, subindeque in Sacramento Pœnitentiæ soli actus pœnitentis, et absolutio sacerdotis obeunt rationem materiae, et formæ.

Ad hæc : utrumque Concilium diserte statuit quodlibet Sacramentum rebus, et verbis tanquam materia, et forma perfici, et insuper intentione ministri : sed intentio ministri nec est res sensibilis, quæ possit obire munus materiae, nec sunt verba, vi quorum induere possit rationem formæ : ergo intentio ministri, quantumvis essentialiter exacta, non habet rationem partis in aliquo ex Sacramentis. Quinimo inde roborantur et confirmantur hactenus expensa contra adversarios : quoniam intentione ministri essentialiter requiritur ad perfectionem Sacramenti, ut nos docent Concilia : et tamen juxta eadem Concilia intentione ministri non est pars nec per modum materiae, nec ad instar formæ se habens : ergo stat aliquid esse essentialiter exactum ad perfectionem Sacramenti, quod tamen non sit ejus pars intrinseca, intrinsece constituens. Videatur D. Thomas ^{D.Thom.} supra q. 64, art. 8, ubi agit de intentione ministrorum in Sacramentis, de qua ibi late disserimus. Porro asserere, ut tandem asserit Tysrus, intentionem se tenere ex parte formæ, in ipsaque includi; præteritionem vero peccatorum, vel peccata præterita contineri virtualiter, et implicite in actu contritionis, et hoc esse de mente Concilii, non consonat cum Conciliis paam distinguentibus materiam, et formam Sacramentorum ab intentione ministri, et peccata præterita ab actibus pœnitentis.

§ IV.

Adversæ sententiæ refelluntur, et referuntur.

75. Contra nostram, et communem assertiōnem quinque refert sententias Cardinalis de Lugo in presenti sect. 2. Prima, quam defendit Scotus cum sua schola in 4, distinct. 16, q. 1, § de Pœnitentiæ Sacramento, asserit in sola absolutione salvari essentiam hujus Sacramenti, eamque ab erroris nota, qua a pluribus inuritur, vindicare conatur Vasquez dub. 2, quasi no- ^{Sententia opposita. Scoto.} luerit Scotus tantum in hac parte absolutioni deferre, ut excluserit dolorem, et confessionem a ratione dispositionis præquisitæ

requisitæ ex parte pœnitentis, ut obtineat absolutionem. Aliqui vero Scotti discipuli sui magistri temperantes doctrinam docent solum exclusisse dolorem, et alios actus pœnitentis a ratione partis essentialis, non vero negasse esse partes integrales. Neutrā tamē expositio, nec alias ab aliis adhibitas recte, et convenienter Scotti menti adaptari sensit Lugo ubi nuper. Et merito: nam ut omittamus Concilia, quibus non bene consonat, in Bulla Leonis decimi contra Lutherum damnatus reperitur quintus ejus articulus, in quo affimabat contritionem, confessionem, et satisfactionem non esse Pœnitentiæ partes. Unde Scotti sententiam Cajet. quæst. 90, art. 2, erroneous, Nuno in præsenti dub. 4, conclus. 2, improbabilem, Arauxo dub. 2, periculosam, et parum tutam in fide, alii temerariam, et plusquam temerariam censem.

Sed ut ab his nævis eam purgent alumni, configiunt ad modum loquendi Conciliorum, a quo non discessisse Leonem in præallegata Bulla credendum est. Afferunt itaque affirmare unum, et alterum Concilium Pœnitentiæ quasi materiam esse contritionem, confessionem, et satisfactionem: non ergo docent esse absolute materiam, nec partes, alias non addito diminuente Quasi uterentur.

Hæc tamen evasio alii Theologis non satisfacit. Nam per illud additum *Quasi* non excludere a ratione materiæ absolute, et essentialiter tali actus pœnitentis illa Concilia, ut constat ex Trid. sess. 14, cap. 2 et 3, in fine, ubi eos absolute et sine addito nominat materiam Sacramenti Pœnitentiæ, nam in primo ex his capitibus absolute docet Sacramentum a Baptismo materia, et forma, quibus Sacramenti essentia perficitur, longissime desidere. In secundo ita concludit: *Hæc de partibus, et effectu hujus Sacramenti tradens simul eorum sententias damnat, qui Pœnitentiæ partes inconcussos conscientiæ terrores, et fidem esse contendunt.* Ubi nullo addito diminuente usum fuisse Concilium constat. Unde eo loci, quo illud usurpavit, materiam hujus Sacramenti contra posuit aliorum materiis, quæ (nisi in Matrimonio) sunt vel elementum substantiale, ut in Baptismo, vel materia sacra, extrinsecus apposita, ut in Confirmatione, Ordine, Extrema unctione, et Eucharistia. Quæ est expositio Catechismi Romani, dicentis: *Neque vero hi actus quasi materia a*

Sancta Synoda appellantur: quia vere materiæ rationem non habeant. Sed quia ejus generis materia non sint, quæ extrinsecus adhibeatur ut aqua in Baptismo, et Chrismæ in Confirmatione.

76. Primum idque potissimum hujus ¹ fundamentum est hujusmodi: quoniam Sacramentum per se primo ordinatur ad significandam, et causandam gratiam, ut constat ex ejus institutione: sed in Pœnitentia sola absolutio, non vero actus pœnitentis causat gratiam medicinalem: ergo sola absolutio est, quæ significat gratiam, atque ideo ea tantummodo constituitur Pœnitentiæ Sacramentum. Utraque consequentia cum Majori constat, Minor vero probatur: nam id tantummodo in Sacramentis causat gratiam, cui dumtaxat convenit significare practice ipsam gratiam: sed soli absolutioni competit significare remissionem peccati, non vero actibus pœnitentis: ergo soli absolutioni convenit causare gratiam in hoc Sacramento, non vero actibus pœnitentis. Major constat ex communi et vero Theologorum principio, quod Sacraenta significando causant, et causando significant. Minor etiam patet, tum quia actus pœnitentis, sicut non absolvunt, ita nec remittunt peccata: non ergo significant remissionem peccati, quæ fit per gratiam. Tum etiam (et est ratio a priori) quoniam potestas remittendi, et absolvendi non fuit collata pœnitentibus, sed sacerdotibus, quorum interest vel absolutionem impendere, vel subtrahere: ergo exercitium acquirendi gratiam, medio hoc Sacramento non pœnitenti lugenti peccata, sed sacerdoti judicialiter, et authoritative procedenti deferendum est. Tum denique a paritate aliorum Sacramentorum, in quibus constat solos ministros conferre gratiam propriam illorum; ad idque designantur, ut ministrando sanctificant: sed pœnitens cum propriis actibus non est minister hujus Sacramenti, sed solum Sacerdos: ergo solum Sacerdos media absolutione concurrit ad gratiam hujus Sacramenti, non vero pœnitens mediis propriis actibus, atque ideo per eos non constitutus intrinsece hoc Sacramentum.

77. Confirmatur. Quoniam si actibus pœnitentis intrinsece constitueretur hoc Sacramentum, non minus hi conducerent ad obtinendam gratiam illius, quam absolutio, nec esset diversitas in concurrendo; quandoquidem esto actus com-

parati ad absolutionem obeant munus materiae, in ordine tamen ad gratiam remissivam illius propriam, non passive sed active se habent, cum ad eam instrumentaliter concurrent cum absolutione. Hoc autem esse falsum constat tum ex se, tum quia non magis Sacerdos esset minister, quam poenitens, nec magis ille absolveret, ac justificaret poenitentem, quam ipse poenitens. Quinimo verum esset asserere poenitentem se ipsum justificare, sicut est verum affirmare Sacerdotem absolvere, atque subinde sanctificare poenitentem. Quae tamen sunt absurdia legitime deducta ex communi sententia. Ne ergo ea devorremus, asserendum est solam absolutionem esse de essentia hujus Sacramenti.

Respon-
datur.

78. Ad argumentum respondetur concedendo Majorem, et negando Minorem. Ad cujus probationem iterum negatur Minor, et ut ejus probationibus majori claritate occurramus, observare decrevimus, id quod Scotus negare non poterit, nimirum nec actus poenitentis solitarie, ac veluti præcisive sumptos, nec itidem absolutionem eodem modo acceptam esse Sacramentum, atque ideo nec illos, nec istam in hac præcisione concurrere ad gratiam; alioqui quoties Sacerdos proferret absolutionem, esset, vel non esset præsens peccator, eliceret, vel non eliceret actus doloris, vel e converso, quandiu homo pectus cum dolore tunderet, et remissionem posceret, in absentia Sacerdotis, conficeretur Sacramentum. Quod est falsum, imo et ridiculum, maxime ex parte Sacerdotis, qui quasi aerem verberans non desisteret proferendo verba absolutionis, et toties conficeret Sacramentum, quoties dearticularet ea verba: *Ego te absolvo a peccatis tuis.* Requiritur ergo indispensabiliter quod simul convenient, vel physice, vel moraliter actus poenitentis (quidquid sit de modo concurrendi, de quo est difficultas) et absolutione Sacerdotis; quæ cum sententia sit, supra aliquod debet cadere, et alicui propter aliqua delicta ad forum deducta debet hic, et nunc applicari. Quod quidem tam per se notum appareat, ut nullam prorsus dubitationem admittat.

Unde ut Sacramentum Pœnitentiæ consurgat, actus poenitentis debent subjici absolutioni Sacerdotis, et hæc supra illos cadere, eosque supponere, atque approbare, vel reprobare. Et quia in hoc complexo artificiali ex voluntate Christi ita disposito, actus poenitentis, ut ratio ipsa postulat, subsunt

veluti materia absolutioni, quæ tanquam forma ultimo advenit, illosque complet, perficit, ac tandem terminat; effectus inde secutus, qui est gratia sanans, non ex æquo illis tribuitur, sed per distributionem, ut ita dicamus, accommodam, totus effectus, hoc est tota gratia, toti complexo, seu artificiali composito, et ejus partibus juxta earum dignitatem, et modum concurrendi. Porro in universum effectus totius compositi principalius attribuitur toti ratione formæ, quam ratione materiae; quia cum hæc sit, et habeat rationem potentiae, forma vero rationem actus, et activitas non potentiae, sed actui congruat; consequens est, quod principalius attribui debeat effectus compositi formæ, quam materiae. Quam observationem praesenti materiae applicatam reperimus in Angelico Praeceptore D. Tho infra q. 86, art. 6, dicente: *Actus humani, qui sunt ex parte peccatoris materialiter se habent in Sacramento Pœnitentia. Omne autem Sacramentum producit effectum non solum virtute formæ, sed etiam virtute materiæ: ex utroque enim est unum Sacramentum, ut supra habitum est. Unde sicut remissio culpæ fit in Baptismo, non solum virtute formæ, sed etiam virtute materiae, scilicet aquæ; principalius tamen virtute formæ, ex qua et ipsa aqua virtutem recipit: ita etiam et remissio culpe est effectus Pœnitentia; principalius quidem ex virtute clavium, quas habent Ministri, ex quorum parte accipitur, id, quod est formale in hoc Sacramento (ut supra dictum est) secundario autem ex vi actuū pœnitentis pertinentium ad virtutem Pœnitentia, tamen pro ut hi actus aliqualiter ordinantur ad claves Ecclesiæ. Hinc facile omnes probationes illius Minoris ener vantur.*

79. Ad primam dicimus, ita esse quod actus poenitentis non absolvunt, concurrunt tamen per modum materiae ad absolutionem, cui subjiciuntur: et in vi hujus instrumentaliter cooperantur ad peccati remissionem. Absolutio enim sine illis non proficeret, nec illi solum absque absolutione valerer. Atque ideo tam absolutioni, quam prædictis actibus respondet gratia produc'ta per Sacramentum, ut probant ratio, et exemplum D. Thomæ. Secunda Minoris probatio tantummodo evincit formam principalius concurrendi ad justificationem, quippe quæ supponit potestatem clavium in absolvente, quæ non est in recipiente Sacramentum. Non tamen excludit quin Sacramentum ratione materiae etiam concurrat

concurrat instrumentaliter, ut patet in Baptismo, et aliis Sacramentis, quæ nec significant, nec elevantur ratione unius partis divisive ab alia; sed ipsum compositum artificiale totum assumitur ad significandum, et causandum. Et ostenditur etiam in composito substantiali, in quo activitas non oritur tanquam a prima radice a materia, quæ est pura potentia, sed a forma quæ est actus, et prima agendi ratio, cum tamen actio compositi non tribuatur soli formæ, sed etiam materiae ut unitæ formæ, licet minus principaliter. Unde quod potestas judicandi, quæ est potestas clavium, sit in Ministro, non vero in pœnitente, solum concludit ministri actionem principalius se habere in hoc Sacramento, quam rei. Hoc vero etiam tenet in aliis Sacramentis, quin inde inferatur, aut legitime inferri possit in actione sola ministri salvari totam essentiam Sacramenti. Unde ista probatio in ea utentes regerenda est.

Tertia pariter est falsitati obnoxia: quoniam non solus Minister concurrit instrumentaliter ad gratiam Sacramentorum, sed ipsum Sacramentum constans ex actione Ministri, et materia propria cuiuslibet eorum. Ministro enim utitur Deus ad conficiendum Sacramentum, et hoc est quod significat, et causat immediate gratiam. In Pœnitentia vero ex actionibus ministri, et pœnitentis conficitur Sacramentum, et hæc significant, et causant gratiam remissivam, licet principalius illæ, quam istæ. Unde etiam retorquetur in adversarios, sicut præcedens. Nam quod in aliis Sacramentis concurrat Minister ad conferendam gratiam, non aufert, quin infert, quod ipsa Sacraenta eam significant, et re ipsa conferant: ergo propter eamdem omnino rationem i' em tenendum est de Pœnitentia; vel asserendum non essentialiter constitui ex materia, et forma, quod esse contra Concilia jam vidimus.

80. Ad confirmationem dicimus actus Pœnitentis, et absolutionem Sacerdotis conducere utique ad obtainendam gratiam; quia cum ex eis constituatur Sacramentum, ut manet probatum, profecto sine illis nec Sacramentum, nec Sacramenti esset gratia. Differunt tamen in constituendo ipsum Sacramentum, et in causando gratiam: nam ad constituendum concurrunt vice subjecti, et materiae pœnitentis actus, absolutione uti forma se habente. Ad causandam vero gratiam influunt quidem instrumentaliter,

sed illi minus principaliter, adhuc in ratione instrumentaliter agendi; hæc vero principalius, ut vidimus ex D. Thoma.

Nec inde inferas (ut tacite occurramus objectioni) duplēm quasi partialem concursum, duplēmve significationem partialem, quas rejicimus agentes de Sacramentis in genere; sed unus est, idemmet concursus, unicaque indivisibilis significatio correspondet toti Sacramento, et partibus, at uni videlicet formæ, principalius, quam alteri, nimirum, materiae.

Juxta quam doctrinam distinguenda est confirmationis Major, et concedenda, vel neganda. Ad ejus improbationem constat ex dictis hanc diversitatem non esse contra institutionem hujus Sacramenti, quinimo ita illi competere, ut cum fundamento oppositum sustineri nequeat. Ad alteram improb. etiam liquet, quare Sacerdos, et non Pœnitens obeat Ministri munus; cum Sacerdos gerat judicem in hoc foro, in quo proinde residet potestas ligandi, atque solvendi; pœnitens vero est reus, subindeque inferior. Atque ideo pœnitens non se ipsum absolvit, sed absolvendus est a judge, a quo etiam justificatur effective tanquam a ministro Dei, cuius vices gerit. Unde constat quem sensum possit habere ultima propositio ab objiciente illata, quod *pœnitentia se ipsum justificet*. Hæc enim absolute prolata neganda est, utpote quæ reddit sensum, vel quod pœnitens se habeat principaliter in ordine ad consequendam remissionem; vel quod concurrat ad eam obtainendam ut minister Christi, atque æqualiter cum Sacerdote absolvente. Quorum neutrum est verum. Potest tamen admitti cum restrictione, si solum significet, pœnitentem a Deo excitatum, et elevatum se disponere, ac instrumentaliter concurrere ad gratiæ reparationem, et hoc simul cum ipso Sacerdote. In quo sensu vera, et catholica est propositio, sicut in naturalibus (ut exemplo D. Thomæ utamur) homo adjutus medicina cooperatur ad infirmitatem pellendam, et sanitatem acquirendam: non tamen salus defertur infirmo, sed medico remedia, et emplastra applicanti, et ipsis remediis.

81. Sed contra hoc objicit Vega (et est secundum argumentum) lib. 13, in Tridentin. cap. 15. Ille solus concurrit ad gratiam remissivam peccati, qui dimittit ipsa peccata, sed solus Sacerdos vice Dei dimittit peccata: ergo solus Sacerdos concurrit ad gratiam remittentem peccata.

Tacita
evasio
præclu-
ditur.

Minor patet, quia pœnitens non sibi met remittit peccata, sed ea ut a Sacerdote vice Christi remittenda proponit. Et confirmatur ex D. Thoma in 4, dist. 22, q. 2, art. 1, q. 1, ad 2, ubi docet, quod *pœnitentia exterior, quæ est signum Sacramentale in hoc Sacramento, repræsentat coöperationem recipientis, et non influentiam, quæ est ex parte agentis extrinseci, et ideo non competit ei, quod gratiam aliquomodo causet*. Ergo solus Sacerdos, et non pœnitens concurrit ad collationem gratiæ in hoc Sacramento, atque ideo sola absolutione se tenente ex parte Dei constituetur essentialiter, non vero actibus ipsius pœnitentis.

Solutio. 82. Respondetur ad argumentum distinguendo Majorem: solus ille concurrit ad gratiam per modum ministerii, qui dimittit peccata, concedo Majorem; per modum cooperantis ad ipsum ministerium, nego Majorem. et sub eadem distinctione Minoris, neganda est Consequentia, vel eisdem terminis distinguenda. Itaque verum est non pœnitentem, sed Sacerdotem esse ministrum hujus Sacramenti, se tenentem ex parte Dei, cui prouide ut vice Deo competit absolvere, ac peccata dimittere, atque ideo media absolutione gratiam efficere. Et hoc modo pœnitens non concurrit ad gratiam, alias essent duo ministri unius et ejusdem Sacramenti, quod est falsum. Unde numquam concedendum absolute existimamus peccatorem media Pœnitentia sibi peccata dimittere: hæc quippe locutio sonat autoritatem, et præcipuum ministerium, quod solum in Deo est authoritative, et in Sacerdote ministerialiter, ut docet D. Thomas in præsenti art. 3 ad 3. Cum hoc tamen recte cohæret actus ipsos pœnitentis ut subsunt absolutioni, in virtute clavium simul concurrere ad coëficiendam ipsam gratiam, et excludenda peccata, ut constat exemplo infirmi cooperantis active ad propriam sanitatem, licet hoc ipsum quod est se curare, non tribuat ipsi, sed medicinæ, et medico.

Nisi mavis (et in idem recedit) aliud esse Sacramentum ratione utriusque partis simul sumptæ efficere gratiam virtute Christi, aliud vero id ei convenire ratione præcise materiae pro ut se tenet ex parte pœnitentis, et ab eo apponitur. Nam prima propositio est omnino vera et catholica, quam non impugnat objectio, nec tangit. Secunda vero est falsa: quia licet actus pœnitentis cum absolutione per modum unius signi

assumantur a Deo ad signandam, et efficiendam gratiam, et hoc pacto utrique competat elevatio, et concursus cum inæqualitate supra assignata: non tamen est verum actus pœnitentis ratione illius, quod afferunt ex ipso pœnitente, concurrere effective ad gratiam. Et idcirco de pœnitente non verificatur quod *justicet*, quod *absolvat*, vel quod remittat: quoniam prædicti actus pro ut a pœnitente procedunt, dispositive se habent ad effectum Sacramenti, et ex parte materiæ se tenent. Effectus autem non tribuitur apponenti solam materiam, sed introducenti formam, ut constat in aliis compositis. Quare de solo Ministro verificantur eæ locutiones, nimirum, quod *justicet*, *absolvat* et *remitiat*. Ipsum vero Sacramentum non influit, in gratiam, et remissionem peccati dumtaxat ratione formæ ut convincit exemplum compositi naturalis, sed ratione utriusque, quamvis unius quam alterius principalius.

Id vero notatum volumus, hoc et præcedens argumentum, quibus nititur sententia Scoti, satis debilia esse; cum plerique doceant solum formam concurrere active, in hoc et aliis Sacramentis, nemo vero illorum, nisi Scotus hactenus exclusit materiam a ratione, partis intrinsece constituentis Sacramentum. Atque ideo licet primum concederetur Scoto, et ejus scholæ, non inde evincerent in sola forma, consistere totam essentiam hujus Sacramenti, ut ipsi docent.

83. Plus negotii facessit confirmatio propter autoritatem S. Doctoris. Ea convictus Ferrara 4, contra Gentes cap. 72, § *Præmillendum tertio*, tenuit actus pœnitentis nullatenus effective influere in remissionem peccati, sed solam formam, in quo Scoto adhæsit, quamvis differat in eo, quod sentiat, et bene, actus pœnitentis esse materiam propriam hujus Sacramenti, et partem essentialiem. Quod si illi opposueris doctrinam D. Thomæ in hac tertia parte quæst. 86, art. 6, supra allegatam, respondet mentem S. Doctoris esse actus prædictos non secundum se, sed ut subiiciuntur virtuti clavium, a qua est tota efficacia, et activitas, concurrere ad causandam gratiam, atque ideo totum ratione formæ, non vero ratione alterius comparatis, illam efficere. Cajetanus vero in præsenti existimavit S. Doctorem mutasse sententiam in hac tertia parte, ubi expresse oppositum docuit.

84. Ex extraneis vero media via incedere

Obser-

Diluvio
confi-
ma-
Ferrara.

Cajetan.

arez. dere visum est Suario disp. 18, sect. 2, an. 13. Afferit itaque, quod si absoluta fuerit confessio ante prolationem formæ, sola forma influat efficienter, non vero confessio, quæ jam non est, sed fuit. Si vero contingat contritionem coexistere absolutioni, probabile judicat utrique competere efficientiam instrumentalem in gratiam. Cardinalis autem de Lugo sect. n. 34, cui libet partium concursum partiale attribuit, ex quibus resultet concursus totalis, sicut ex partibus essentialibus consurgit totum esse.

ugo. 85. Verum enim vero hi modi dicendi nobis non aridunt. Et quod attinet ad doctrinam Ferrarensis censemus eam esse contra D. Thomam loco supra allegato, ubi docet Sacramentum Pœnitentiæ, principaliter ratione formæ, et non ita principaliter ratione materiae concurrere ad remissionem peccati. Quod non posset docere, si totum influxum detulisset formæ, ut patet. Et quod magis est adversatur Concilio Tridentino (in quo etiam Scotistæ impingunt) sess. 12, cap. 3, ubi docet in forma Pœnitentiæ præcipuum ejus vim esse sitam : in quo manifeste supponit aliquam non ita præcipuum in materia esse vim. Non ergo in sola forma, sed in actibus ipsius pœnitentis ex mente D. Thomæ, et Concilii collocanda est vis gratiae causativa in hoc Sacramento. Nec conformior illis est. Suarii explicatio : quoniam quod confessio fuerit absoluta ante prolationem formæ, vel tollit, quod ex ipsis fiat vere unum numero Sacramentum, vel non ? Si impedit quod fiat unum Sacramentum Pœnitentiæ, verum quidem est actus pœnitentis non influere. Sed quid mirum ? Cum non sit verum Sacramentum. Falsum tamen est quod adstruit Suarius, formam solam concurrere ; quia forma non concurrit ad remissionem, quin prius constitutum unum cum materia, siquidem non sola absolutio absque materia ut comparte constituit : ergo ut influat, omnes partes simul debent convenire. Unde vel nihil docet, vel neutra concurrit, vel utraque, ut considerans facile deprehendet. Si autem quod absoluta fuerit confessio, non impedit, quod unum ex ea, et absolutione Sacramentum consurgat, premunt authoritas D. Thomæ, et doctrina Concilii ad cognoscendam in utraque partium activitatem, licet non ita præcipuum in una, et in alia. Et ratio est clara. Nam eatenus Sacramentum elevatur ad influendum, quatenus

est unum in se, sed quod confessio fuerit absoluta ante absolutionem, non impedit quin ex ea et absolutione fiat unum, atque idem Sacramentum : ergo nec etiam obferit quominus prædictum Sacramentum influat modo explicato, ratione utriusque partis.

86. Nec refert si respondeas esse disparem rationem. Quoniam ad constitutionem Sacramenti sufficit conjunctio moralis partium ; et haec salvatur, quamvis confessio non sit cum absolutione, dummodo præcesserit : ad influendum vero in peccati remissionem requiritur, quod sit in eodem instanti, in quo gratia infunditur pœnitenti, quia quod non est, influere non potest per hoc præcise, quod aliquando fuerit : atque ideo componitur unitas, et existentia moralis totius Sacramenti absque influxu materiæ physicæ præteritæ.

Hac (inquam) responsio non officit, sed Solutio. absque impellente corruit. Nam omissio concursu morali ipsimet Suario non grato, constans doctrina est, Sacraenta in causando se gerere ad instar successivorum de quorum ratione non est simultanea partium coexistentia; quinimo oppositum omnino necesse est asserere, ut subsistere possit eorum differentia a rebus permanentibus. Unde recurrentum est pro Sacramentorum causalitate ad ultimum instans, vel mutatum esse illorum, in quo virtute præcedentium, et cum ordine ad ea exercent causalitatem physicam, ut constat ex dictis de Sacram. in gene. disp. 4, dub. 5, et exempla alterationis, et generationis in naturalibus satis demonstrant. Quamobrem absolutio nullatenus influet, aut influere valet nisi per ordinem ad actus pœnitentis ut sui compartes. Atque ideo quod sufficit ut salvetur in eis ratio partis Sacramenti, sufficiet etiam ad causalitatem eorum physicam sustinendam. Nec est majus quid quoad hanc partem in hoc Sacramento, quam in Matrimonio, et in forma aliorum Sacramentorum successive prolata, ut consideranti erit perspicuum.

87. Nec etiam probamus sententiam Cardinallis Lugo concursus partiales adstruentis : quoniam sicut in toto unico Sacramento non datur nisi unica, eaque indivisibilis Sacramentalis significatio, ut contra Suarez ostendimus ubi supra disp. 2, dub. 2, ita non agnoscimus nisi unicum influxum principalius uni, quam alteri partium convenientem ut nos docuit D. Thomas, et in compositis aliis ita evenire

Replicatur.

Cardinalis Lugo expositio

constat. Non enim partes Sacramenti concurrent, aut elevantur ad concurrendum ut plures sunt, sed ut unum compositum constituunt, et in unummet finem collimant: non ergo duplex, sed unus influxus eis deferendus est. Etenim sicut Sacramentalis significatio non fundatur in una, aut altera parte divisive; sed in utraque collective accepta, ita et Sacramentalis causalitas non huic, aut alteri parti divisive, sed toti composito, et partibus ratione totius convenit. Quod vero significatio (ut emergent occurramus. replicæ) aliunde sumatur, ac causalitas; hæc quippe importat virtutem, et physicam elevationem, illa vero relationem ad gratiam, quæ formaliter est quid rationis, et fundamentaliter extrinseca denominatio ad placitum ex parte Dei, non interest; quoniam sicut partes non assumuntur ad significandum Sacramentaliter nisi ut sunt idem cum toto, quod constituunt, ita non elevantur ad instrumentaliter influendum in gratiam remissivam peccati, nisi ut constituunt unum, atque idem Sacramentum, atque ideo non eis debetur, aut elevatio, aut influxus nisi ratione totius: et sicut in constitudo totum principalior est forma, quam materia, ita et in influendo, et significando; quidquid sit de diversitate radicis significandi, et influendi, quam obtemperabat objectio tacite preoccupata. Quam doctrinam haud obscure tradidisse videtur

D.Thom. D. Thomas infra quæst. 90, art. 1 ad 1, dicens quod *quodlibet Sacramentum habet simplicitatem ratione divinæ virtutis, quæ in eo operatur. Sed virtus divina propter sui magnitudinem operari potest, et per unum, et per multa, ratione quorum alicui Sacramento possunt partes assignari.* Et art. 4, in corpore docet exigere ad rationem partium, *ut totum non adsit singulis partibus, neque secundum totam virtutem ejus, neque secundum totum essentiam, sed omnibus simul.*

Diruitur confir-
matio primo ex sent.
Cajetani. Quare ad confirmationem desumptam ex S. Doctore unum e duobus est necessario dicendum. Vel quod Angelicus præceptor mutavit sententiam in hac 3 parte, ut constat ex verbis a nobis allegatis, quæ clarissima sunt, et sentit Cajetanus. Quæ solutio est facilis, et S. Doctori minime injuria, aut insueta, ut constat ex pluribus locis maxime hujus tertiaræ partis, in quibus ipse S. Doctor semetipsum correxit, et ad saniores sensum reduxit in aliquibus, quæ tenuerat junior

Ali
sol
ex Pi

in sententiariis. Vel dicendum cum Magistro Prado, cui libentius assentimur, Pœnitentiae exteriori, et quatenus præcise repræsentat cooperationem recipientis, ex parte cujus se tenet, independenter ab actibus Sacerdotis, et seorsum ab illis, non competere causalitatem: et si qua ei inest, est minus principalis, et quasi secundaria in ratione instrumentaliter agendi. Et hanc esse illius mentem constat ex hac tertia parte, ubi non majorem activitatem defert actibus pœnitentis.

Cui addimus majoris explicationis gratia- Addit-
tia, actus pœnitentis externe exercitos, quæ est pœnitentia exterior, considerari posse dupliciter; vel quatenus repræsentant cooperationem ipsius pœnitentis præcise, quo pacto se tenent ex parte ipsius, et sunt effectus virtutis Pœnitentiae, vel auxilii ad Pœnitentiam moventis. Et hoc modo nec explicat dependentiam a Sacramento, nec subsunt virtuti clavum, nec elevationi Sacramentali, ut constat ex littera D. Thomæ: *Repræsentat cooperationem recipientis, et non influentiam (Sacramentalem intellige) que est ex parte agentis extrinseci.* Si ergo accipiantur sub hac reduplicatione, verum omnino est non eis competere quod aliquomodo efficienter gratiam causent, ut ait S. Doctor. Quia tamen subsunt alii considerationi, nempe ut submittuntur virtuti clavum, et Deo medio Sacramento principaliter agenti, sub hac consideratione possunt, imo et de facto influunt in gratiam, licet minus principaliter, quam forma, ut explicat D. Thomas art. 6 citatæ quæst. hujus 3 p. Juxta quam distinctionem fundatam in ipsa littera D. Thomæ, absolute prout jacet, tenet doctrina confirmationis, nimurum quod Pœnitentia exterior, quæ est signum sacramentale in hoc Sacramento, quatenus repræsentat cooperationem recipientis, et non influentiam agentis extrinseci, non habet aliquo modo efficienter causare gratiam: quin inde evincatur non id habere ut repræsentat virtutem clavum, cui subditur, et motionem agentis extrinseci, a quo elevatur simul cum forma. Unde non est oppositio, nec urget necessitas confugiendi ad retractionem, pro aliis testimoniis opportunam. Quam expositionem ne quis arbitriaram, et veluti commentitiam obtendat, audiamus D. Thomam in eodem loco paulo inferius ex 4 sent. q. 2, art. 1, quæstiun. 2, ubi hæc habentur: *Ad secundam quæstiunem dicendum, quod res Sacramenti*

Sacramenti cuiuslibet, Sacramento, cuius dicitur res, proportionatur. Exterior autem Pœnitentia quæ est Sacramentum tantum in Pœnitentia, est Sacramentum ut signum tantum ex parte actus pœnitentis : sed est signum et causa simul, si conjugatur actus pœnitentis cum actu ministri. Quæ est nostra expositione.

88. Secunda sententia quam tribuit Lugo Marsilio in 4, dist. 10, art. 1, et ex parte Phighio controv. 9, fol. 181, docet partes Pœnitentiae esse contritionem, confessionem, et absolutionem. In qua sententia non invenimus moræ motivum, nisi in eo quod non meminerit satisfactionis. Quia tamen hanc a parte essentiali hujus Sacramenti relegant communiter Theologi, et inter integrales accensent, non est cur in ea protrahamur.

89. Tertia sententia quæ est Gabrielis dist. 14, q. 2, art. 1, et Altisiodorensis apud Carthusianum disp. 14, q. 1, tenet confessionem et satisfactionem esse partes hujus Sacramenti; excludit vero contritionem, quia est Spiritualis. Hæc autem sententia quoad hanc secundam partem, coincidit cum sententia Durandi infra referenda, et enucleanda. Et quia non excludit expresse absolutionem, ab ea supercedendum duximus.

90. Quartam sententiam tribuit Suarez, ut inquit Lugo, Magistro Soto in 4, dist. 14, q. 1, quasi docuerit non absolutionem, sed dumtaxat Contritionem, Confessionem, et Satisfactionem esse partes Pœnitentiae. Dum asseruit absolutionem non esse Pœnitentiam, sed actus Pœnitentis. Falso tamen ei adscribi sententiam evidenter constat ex ipsomet Soto, qui eisdem distinctione, et quæst. diserte asserit, quod, ut Florentina Synodus affirmat, *omne Sacramentum constat ex materia, et forma.* Et ratione quarta inquit : *In Sacramentis non sola forma est signum, et causa gratiarum Sacramentalium, sed etiam materia ratione formæ.* Et in terminis loquendo de Sacramento Pœnitentiae docet quod forma Sacramenti Pœnitentiae, est *de ejus essentia, quia sine illa non perficitur Sacramentum.* Unde concludit : *Sed si rationem solam, qualenam est pars Sacramenti consideremus, principalius concurrit forma, quæ se tenet ex parte Sacerdotis clavium potestate utentis.* Quæ ideo retulimus, ex hoc sapientissimo Magistro, ut ipse sui vindex quam teneat sententiam ostendat, quin interprete indigeat. Porro deceptionis occasio, quam

oculatissimus incurrit Suarez, sumpta videtur ex eo quod dixerit actus pœnitentis esse Pœnitentiam, non vero absolutionem. Quod quidem verissimum est, nullo tamen modo adversum veræ, et communi sententiae, a qua stare evidenter ostendunt verba allegata, et tota doctrina illius distinctionis. Quoniam ut cum Soto, et aliis discipulis D. Thomæ infra ostendemus, Sacramentum Pœnitentiae (et eadem est de aliis ratio) cum sit concretum accidentale, supponit pro materia, et non pro forma. *Unde sicut Baptismus est ablutio exterior sub præscripta verborum forma, ita Pœnitentia est dolor externus sub præscripta absolutionis formæ.* Cujus radicem loco citato detegemus. Unde manet perspicuum nullam singularem sententiam in hac parte tenuisse magistrum Soto, sed inter alios communis assertionis sectatores annumerandum.

Est tamen observatu dignum, quod si quando hic Auctor vel alias, cuius auctoritati deferendum sit, contigerit indicare tres esse Pœnitentiae partes, contritionem, confessionem, et satisfactionem, nulla facta mentione absolutionis, intelligendi sunt de partibus se tenentibus ex parte materiae, et quasi unam materialem totalem integrantibus, quin excludatur forma a ratione partis essentialis. Cui observationi præluxit D. Thomas infra quæst. 90, D. Thom. art. 2, his verbis : *Dicendum quod duplex est pars, ut dicitur in 5 metaph. pars essentia, et pars quantitatis. Partes essentia sunt naturaliter quidem forma, et materia, logice autem genus, et differentia.* Hoc autem modo quodlibet Sacramentum distinguuntur in materiam, et formam, sicut in partes essentia. Unde et supra dictum est, quod Sacramentum consistunt in rebus, et verbis. Sed quia quantitas se tenet ex parte materia, partes quantitatis sunt partes materia. Et hoc modo in Sacramento Pœnitentiae specialiter assignantur partes quantum ad actus pœnitentis, quæ sunt materia hujus Sacramenti. Unde non quia aliquis partes materiae anumeret, non accensita forma absolutionis ; quasi eam amandans emundendus est, et inter excludentes formam a ratione partis computandus.

§ V.

*Durandi sententia proponitur, et ejus occasio-
ne duo dicendi modi enucleantur.*

Quinta sententia. 91. Quintam sententiam docentem solas confessionem, et absolutionem esse partes essentiales hujus Sacramenti tenuit Durandus in 4, dist. 14, q. 3 et dist. 16, quæst. 1, ubi expresse excludit contritionem internam a ratione partis intrinsecæ. Per hoc tamen non intendit negare internum dolorem essentialiter præsupponi ad veritatem Sacramenti, ut constat ex eodem Durando dist. 17, ejusdem libri q. 43, docens non valere Sacramentum, sed iteratum iri, quoties abfuerit verus dolor de peccatis. Quocirca Vasquez in præsenti existimat solum in modo loquendi, differre Durandum a cæteris Thomistis, atque idem sentit de Scoto, et Gabriele, sed minus recte quoad istos, quidquid sit de illo.

Fundamentum. Fundamentum Durandi est hujusmodi : quidquid est de integritate essentiali Sacramenti, oportet quod sit aliquid sensibile : sed contritio non est hujusmodi : ergo contritio non est de integritate essentiali hujus Sacramenti. Majorem probat ex definitione Sacramenti, quod est signum sensibile gratiæ sanctificantis, et ex eo quod modo, ut ipse inquit, loquimur de eo, quod est Sacramentum tantum. Minorer ut notam improbatam relinquit. Unde subinfert : *Non est ergo pars intrinseca Sacramenti Pœnitentia; sed præexistit necessario ad hoc ut pœnitens sit dispositus ad suscipiendum effectus Sacramenti.* Si vero pars (subjungit in fine illius quæstionis) sumatur large pro omni eo quod requiritur ad debitam confessionem, sive antecedenter, sive consequenter, sic contritio, et satisfactio possunt dici partes Pœnitentia.

Frequens solutione. 92. Frequens hujus argumenti solutio est bisariam posse accipi contritionem (sub qua etiam attritio comprehenditur), vel quatenus est pars Sacramenti, vel quatenus est effectus; vel quasi effectus illius. Primo modo importat actum elicitum virtutis Pœnitentiae, vel auxilii (quod est verius), ad Pœnitentiam moventis, simul cum confessione externa, a qua redditur, et fit sensibilis et ipsi pœnitenti, et Sacerdoti judicanti, cuiilibet enim illorum fit sensibilis, et externe manifestatur dolor internus per signa externa, et sensibilia in confessione concurrentia. Secundo au-

tem modo addit supra seipsam priori modo acceptam rationem dispositionis ad gratiam Sacramentalem, ut explicat N. SS. Cornejo de Eucharistia disp. 2, dub. 5, N. (mejor) vel ut malunt alii, quandam perfectionem modalem, vel formaliter, vel modaliter diversam ab entitate ipsius contritionis, vel attritionis, vi cuius concurrit ad gratiam ex opere operato causandam. Juxta quam distinctionem eadem met contritio sub ratione partis manifestat, subindeque habet rationem signi : nam ut sensibilis redita per actus externos veluti per proprios effectus est pars intrinseca ipsius Sacramenti, et est absolute pars sensibilis constitutus signum adæquate sensibile cum absolutione. Est autem res hujus Sacramenti, et significatur per ipsum sub alia consideratione, secundum quam addit supra se ipsam vel rationem dispositionis, vel modalem aliquam majorem perfectionem. Et cum non sit inconveniens eandem rem sibi met ipsi secundum diversas consideraciones presupponi, et subsequi, inde est, quod contritio, ut significans sensibiliter cum confessione et absolutione est prior se ipsa ut manifestata, sub qua ratione importat vel rationem dispositionis, vel indicatam modificationem.

93. Si autem opposueris, de ratione Sacramenti esse quod sit signum externum adæquate sensibile : contritio autem sub ea reduplicatione non est sensibilis, nisi ad summum per aliud : atque ideo non est per se signum, et consequenter nec pars, nisi ut plurimum per aliud, et quasi per accidens. Si (inquam) ita objecceris, facile se expendiunt, dicendo de ratione Sacramenti esse quod sit signum sensibile adæquate, non tamen totaliter, et ratione cuiuslibet partis secundum se acceptæ. Idque bene explicant in homine, qui totus est sensibilis, et corporeus, quin spirituallitas animæ rationalis fuerit obicis. Quin inde contra Durandum reassumunt vires. Nam bene cohæret totum esse corporeum, absque eo quod quælibet ejus pars sit corporealiter, ut exemplum hominis demonstrat : ergo ut Sacramentum Pœnitentiae sit absolute et simpliciter sensibile, sufficit, totum esse absolute sensibile, quamvis aliqua ejus pars se ipsa immediate non sit sensibilis. Juxta quam doctrinam ad argumentum Durandi facillime responderetur, distinguendo Majorem, quod constituit intrinsece Sacramentum debet esse sensibile per se, et ratione sui, neganda est

est Major : vel ratione sui immediate, vel ratione alterius a quo immediate procedat, conceditur : et sub ea lem Minoris distinctione negatur Consequentia. Quum distinctionem non diruit probatio Majoris, quia licet loquamur de Sacramento tantum ipsam contritio ut conjuncta cum confessione externa, quo pacto est pars Sacramenti tantum, significat seipsum ut modicatam, vel ut habentem rationem dispositionis ad gratiam Sacramentalem ; qua ratione est res, et Sacramentum simul. Atque ideo non refert, quod fiat sermo de Sacramento tantum.

94. Hæc est communis solutio extra scholam D. Thomæ, ut videre est apud Suarez, Vasquez, Valencia, Dicastillo, et alios in præsenti. Eam etiam tradunt ex discipulis S. Doctoris, Arauxo, Joannes a Sancto Thoma, Gonet, et Labat. Nosque ea usi sumus tractat. de Sacramento. in genere, disp. 2, dub. 7, ubi ejus examen ad hunc usque locum remisimus, et tract. de Eucharistia disp. 2, dub. 2, ubi ea ducti evidentem (ut crelimus) rationem disparitatis assignavimus inter corpus Christi latentis sub speciebus, et actum contritionis, ad hoc ut illud non sit pars intrinseca sacramenti Eucharistiae, secus vero iste respectu Pœnitentiae. Eamque etiam modo subsistere recognoscimus : quoniam corpus Christi in Eucharistia nec per se immediate, nec per aliquid sui mediate est sensibile ; contritio autem in omni sententia est sensibilis ratione actus externi, cuius illa est causa, et ipse naturaliter signum, sicut fumus est signum ignis : ergo ex vi hujus legitime excluditur Christus a ratione partis Sacramentalis Eucharistiae, et adstruitur contritio pars intrinseca Sacramenti Pœnitentiae ; quin facile appareat, unde possint authores, contra quos ibi agebamus, ab uno in aliud arguere, ut ex ibi dictis liquido constat. Quia tamen non erat ejus loci determinare, quid illa sensibilitas mediata valeret ad tuendam rationem partis sensibilis, qualem desiderat Sacramenti ratio : maluimus eam ex aliorum placito supponere, et inde nostram sententiam roborare, quam de ea ibi periculum facere, et alibi suo proprio loco dicenda inordinate præripere. Id quod in nostri Cursus processu non semel observare curavimus, et re ipsa observasse diligens Lector animadverteret. Unde superest, videamus quid veritatis contineat, et an ea doctrina sit consona menti D. Thomæ,

quæ ut communis extra ejus scholam circumfertur, et cui suppetias eunt aliqui, licet pauci, discipuli ?

95. Ut ergo a mente D. Thomæ, quam aequi semper in votis habemus, sumamus exordium, supponenda est ea celebris divisio, quam in tractatibus de Sacramentis in genere, et de Eucharistia tetigimus, et amplectuntur omnes Theologi (quidquid sit de ejus origine, et authore, quod late examinat Vasquez, in præsenti, et nostra non refert) de Sacramento tantum, de re, et Sacramento simul et de re Sacramenti tantum. Nomine Sacramenti tantum illud intelligimus (et usurpant cuncti alii rem agentes) quod significat, et nullatenus significatur, Sacramentaliter, et est illud cui primo ut ita dicamus, insidet vis significandi, et causandi. Res autem et Sacramentum simul est illud, quod significatur, et causatur a Sacramento tantum ; quo pacto est res ipsius Sacramenti ; et quia etiam significat ulteriore effectum ejusdem Sacramenti, videlicet gratiam, nuncupatur etiam Sacramentum. Res vero Sacramenti tantum est ipsa gratia quæ ita appellatur, quia cum sit finis ipsorum Sacramentorum, ita per ea significatur, ut proxime et immediate non aliud significet.

Circa secundum membrum hujus distinctionis, quod est rei et Sacramenti simul, supponentum etiam est, rem, quæ est simul Sacramentum, non esse ex vi hujus partem intrinsecam in recto constituentem ipsum Sacramentum ; sed supponit ipsum in ratione Sacramenti ex suis partibus intrinsecis adaequate constitutum ut constat in caractere Baptismi, et in omnibus aliis Sacramentis. Ab hac tamen regula eximitur Pœnitentia, cujus materia proxima sunt actus ipsius pœnitentis, in quibus est specialis difficultas, an possint habere rationem partis intrinseca constituentis Sacramentum tantum, et simul esse rem per ipsum Sacramentum significatam ? Porro prædictos actus, ut sunt pure interni, et remanent intra potentiam, non posse de facto intrinsece constituere Sacramentum sensibile, tam certum est, quam quod nostra Sacraenta sint symbola externa sensibus objecta. Nec est minus certum actus pure externos absque internis neutiquam ad Sacramenti constitutionem sufficere, nec plus valere quam si a Psithaco verba proferrentur. Unde solum est difficultas, aut diversitas opinandi in hac parte, de actibus internis

Verior
ex D.
Thom.
solutio.

Prima
supposi-
tio.

Supposi-
tio.
secunda.

externe significatis, vel vice versa de actibus externis actus internos manifestantibus. Primum tenet Authores pro prima solutione relati existimantes ipsos actus internos ut sensibiles ly ut reduplicante sensibilitatem, ut conditionem, vel connotatum exterius, pertinere in recto, et per modum partis intrinsecæ ad constitutionem Pœnitentiae. Secundum vero docent Thomistæ infra referendi, et quod pluris est, D. Thomas, ut jam ostendimus. Unde subinferunt contritionem internam solum intrare ad constitutionem hujus Sacramenti, ut objectum manifestatum, et in obliquo, non vero in recto ut alii autument. Idque ita esse probatur.

D.Thom.

96. Primo ex Angelico Praeceptore in 4, dist. 27, q. 2, art. 1, ubi inquirit : *Utrum exterior Pœnitentia sit Sacramentale signum?* Quod reipsa coincidit cum eo quod sit *Sacramentum tantum*, ut, infallimur, nemo ambiget. Huic autem interrogationi postquam constituit differentiam hujus Sacramenti ab aliis, in eo dumtaxat quod proprii actus concurrant ad curationem animæ, ad eum sane modum quo natura se habet cum medicina ad restitutionem sanitatis, respondet S. Doctor his verbis : *In Sacramento Pœnitentia, quod ad prædictam reparationem ordinatur Sacramentale signum, non est aliqua materia exterius opposita, sed exteriores actus, quibus homo ad salutem suam cooperatur, et complementum reparationis ab extrinseco significatur per absolutionem Sacerdotis, sicut materia in aliis Sacramentis per ministri sanctificationem efficaciam Sacramentalem recipit.* Et ideo exterior pœnitentia est Sacramentale signum in Sacramento Pœnitentia. Eadem repetit solut. ad 2 argumentum. Ubi non est differentia inter Pœnitentiam et alia Sacra menta, in eo, quod in illo non sit æque sensibilis materia, ac in cæteris, sed in eo dumtaxat, quod materia, quæ non minus sensibilis est in omnibus ac forma, in Pœnitentia apponitur ab ipso penitente, in aliis vero a ministro. Sed materia in omnibus aliis est per se, et immediate sensibilis, ut constat : ergo etiam in Pœnitentia. Hoc autem solum convenit actibus externis ut significantibus interiores : ergo solum actus externi ut significantes internos, eosque manifestantes sunt materia proxima hujus Sacramenti. Consequentia suppositis præmissis, est legitima. Majorem monstrat ipsa littera D. Thomæ, in qua, ut totum articulum legenti, et meditanti

D.Thom.

constabit, nec vestigium est alicujus dis criminis inter materiam hujus et aliorum Sacramentorum, nisi in eo, quod materia hujus Sacramenti apponitur a pœnitente vel recipiente Sacramentum, secus vero in aliis : ergo sicut materia aliorum Sacramentorum est in seipsa immediate sensibilis, et externa per seipsam, ita, et ob eandem prorsus rationem materia hujus Sacramenti. Et constat ex eodem Angelico D.Thom Praeceptore dist. 14, qu. 1, art. 1 ad 1, ubi docet : *Quædam requirunt essentialiter et per se actum ejus, qui Sacramentum recipit ad essentiam Sacramenti, sicut patet in Pœnitentia, et Matrimonio. In illis ergo Sacramentis, quæ sine actu nostro compleuntur, est materia, quæ causat, et significat, quasi medicina exterius apposita. In illis autem Sacramentis, quæ actum nostrum requirunt, non est talis materia; sed ipsi actus exterius apparentes hoc idem faciunt, quod materia in aliis Sacramentis.* Minor autem primi syllogismi non indiget probatione, sed inductione, cuiquam facile. Nec est minus perspicua Minor subsumpta, quandoquidem actus externi ut significant, et manifestant internos, sunt quid corporeum, et sensibus perceptibile, et tota spiritualitas se tenet ex parte principii, et radicis, a qua prodeunt, nimurum actuum internorum, quos sensibiliter manifestant. Porro hi non constituant intrinseco actus externos, sed se habent per modum objecti significati, et per modum principii extrinseci imperantis, et efficientis, quod est non pertinere in recto ad actus externos, ut est per se notum in cæteris aliis objectis et potentiis.

97. Secundo probatur idem assumptum ex eodem D. Thoma ibi quæstione 2, ejusdem articuli, in qua dubitat S. Doctor : *Utrum interior Pœnitentia sit res hujus Sacramenti?* Et respondet affirmative dicens : *quod res Sacramenti cujuslibet, suo Sacramento, cuius dicitur res, proportionatur. Exterior autem Pœnitentia, quæ est Sacramentum tantum in Pœnitentia, est Sacramentum ut signum tantum ex parte pœnitentis.* Ex quibus verbis efficax conficitur argumentum : nam illud est pars intrinseca Sacramenti, quod ipsum constituit in ratione Sacramenti tantum : sed exterior Pœnitentia ut significans interiorem, ab eaque ortum ducens constituit Sacramentum istud in ratione Sacramenti tantum, ut clare docet D. Thomas : ergo solum Pœnitentia exterior, non aut emerior est pars intrinseca, et immediata Pœnitentia.

Nec

Altera
probatio
ex D.
Thom.
D.Thom.

Nec est momenti distinctio contritionis in seipsam, ut habet rationem virtutis, et rationem dispositionis ad gratiam, sub quarum prima est pars, et sub secunda res hujus Sacramenti. Nam eam distinctionem alias veram, ad intentum non bene esse applicatam ostenditur ex eodem Thom. D. Thoma in eodem loco, ubi cum sibi objecisset in 3 argumento quod Pœnitentia interior videtur esse idem, quod contritio, sed contritio non est res hujus Sacramenti, cum sit pars hujus Sacramenti: ergo interior Pœnitentia non est res hujus Sacramenti. Quo nihil clarius, et urgentius in favorem adversæ sententiae. Cui arguento respondet S. Doctor omnes tres partes Pœnitentiae interioris, quo pacto sunt res hujus Sacramenti, inveniri sensibiliter manifestatas in Pœnitentia exteriori, et hac ratione sunt partes hujus Sacramenti ut tantum est Sacramentum. Sed esse sensibiliter manifestatas est esse objectum sensibilis manifestationis; esse autem objectum sensibilis manifestationis non est esse partem sensibilis manifestationis, sed terminum omnino extrinsecum illius, ut est per se notum. Ergo ad sensibilem manifestationem non ingrediuntur actus interni ut partes intrinsecæ, sed solum ut objectum extrinsecum, et terminus: quod est non ingredi in recto, sed in obliquo. Verba hom. D. Thomæ sunt: *Ad tertium dicendum, quod tres partes Panitentiarum sunt et in Panitentia exteriori et interiori, quia confessio, et satisfactio, quæ videntur tantum ad exteriorum Pœnitentiam pertinere, inveniuntur in Panitentia interiori, quantum ad propositum, et præmeditationem eorum (quod est contineri virtualiter tantum tamquam in radice, et causa, ut patet) et contritio etiam, quæ videtur tantum interioris Panitentiarum esse, invenitur in Panitentia exteriori secundum quædam signa, quibus sensibiliter manifestatur vel alii, vel saltem ipsi pœnitenti, qui dolorem sensibilem percepit in se ipso.* Unde rursus urgetur, et fulcit nostra sententia. Quoniam ut in omnium sententia confessio sit pars hujus Sacramenti, sufficit et requiritur, quod dicat ordinem ad confessionem internam, in qua ut in proposito continetur; quin confessio interior in proposito habita sit pars intrinseca, sed tantummodo complementum per modum radicis, et objecti: sed contritio exterior id ipsum habet respectu contritionis internæ: ergo contritio exterior ut dicens ordinem ad interiore, quam reddit sensibilem, est

pars intrinseca hujus Sacramenti, non vero ipsa contritio manifestata: alioqui etiam confessio interior, imo et satisfactio interior essent partes intrinsecæ Pœnitentiae, quod nullus dixit.

Tertio probatur ex eodem D. Thoma Tertia etiam in praesenti, ubi comparat actus interioris Pœnitentiae cum Christo existente probatio sub speciebus sacramentalibus: sed species D. Thom. sacramentales ut Christum continent, non vero ipse Christus in illis contentus, constituunt essentialiter Sacramentum Eucharistiae: ergo vel nulla est comparatio D. Thom. vel ejus mens fuit actus Pœnitentiae externæ ut significantes Pœnitentiam interiore, non vero ipsum actum internum, esse partem hujus Sacramenti. Consequentia bene infertur ex præmissis. Majorem docet D. Thomas, et explicatur D. Thom. per haec verba: *Ideo interior Pœnitentia est res exterioris Pœnitentiarum, sed ut significata tantum per actus pœnitentis: ut significata, et causata per actus eosdem adjuncta absolute ministri, per quam aliquomodo homo ad gratiam disponitur: sicut etiam in Sacramento Eucharistiae corpus Christi verum est res significata tantum per species panis, et vini, sed causata per verbum ministri, et illa duo simul conjuncta (nimirum species, et verba) sunt signum, et causa. Minorem supponimus assertam, et probatam loco supra citato de Eucharistia.*

98. Cui arguento respondent oppositum opinantes esse ingentem, et satis notam disparitatem inter Corpus Christi respectu specierum, et pœnitentiam interiore compareat ad exteriorum: nam corpus Christi nec est causa specierum, nec consequenter redditur per eas sensibile, et manifestum. Unde non mirum ita esse rem Sacramenti Eucharistiae, ut nul latenus sit ejus pars intrinseca. At vero pœnitentia interior est causa exterioris, et consequenter redditur manifesta, et sensibilis per eam, ut per suum proprium effectum, veluti ignis innotescit sensibiliter per vaporem fumi: atque ideo ita est res hujus Sacramenti, quod etiam est ejusdem pars intrinseca.

99. Vera quidem est paritas, qua et nos usi sumus loco citato ad eam stabilieram sententiam: sed ad præsens insufficiens, ut constabit si D. Thomam audiamus, D. Thom. quem non præterit haec difficultas. In hac ergo quæstiuncula 2, articuli sæpe citati, in qua inquirit: *Utrum pœnitentia interior sit res hujus Sacramenti?* Contra suam et nos-

tram assertionem primum objicit argumentum sub hac forma : *Res Sacramenti numquam est causa sacramentalis signi, sed e converso quandoque : sed pœnitentia interior est causa exterioris : ergo non est res ejus.* Quam difficultatem diluit S. Doctor dicendo pœnitentiam interiorum non pertinere ad hoc Sacramentum, quatenus est causa pœnitentiae exterioris, sed quatenus signatum, et effectum illius in ratione Sacramenti : sed signatum, et effectus, sub ratione signati, et effectus non constituant intrinsece sed dumtaxat extrinsece, et terminative, ac completie signum, et causam, ut est per se notum, maxime in causis, et effectibus extrinsecis, quales sunt eæ, de quibus loquimur : ergo contritio interior, quæ est signatum Sacramenti tantum non constituit illud intrinsece per modum partis, sed dumtaxat extrinsece per modum objecti, effectus, aut termini. Majorem in qua est vis solutionis infirmantis disparitatem, et ejus insufficienciam quoad præsens ostendit docet clare S. Doctor his verbis : *Ad primum ergo dicendum, quod pœnitentia interior potest considerari dupliciter, uno modo prout est actus quidam virtutis : et sic interior pœnitentia est omnino causa exterioris, sicut etiam in aliis virtutibus actus interiorum sunt causæ exteriorum. Alio modo prout est actus operans ad sanitatem peccati, et sic pertinet ad Pœnitentia Sacramentum. Et ita interior pœnitentia non est causa exterioris, sed effectus, vel signatum ipsius. Non enim habet efficaciam operandi contra morbum peccati, nisi ex suppositione propositi exterioris pœnitentia, et absolutionis desiderio.* Ex quibus aliud elicetur argumentum contra disparitatem, qua se fulciunt adversæ sententiae adhærentes. Quoniam contritio nequit esse pars hujus Sacramenti, nisi quatenus est causa contritionis externæ, et aliorum actuorum externorum, vel quatenus per eos manifestatur : sed juxta D. Thomam neutrò modo est pars hujus Sacramenti : ergo absolute non est pars intrinseca hujus Sacramenti. Major continet doctrinam adversam. Minor vero probatur ex D. Thoma, quoad utramque partem : quia quatenus est causa actuum externorum non pertinet ad hoc Sacramentum magis quam aliae virtutes, cum quibus est illi commune efficere actus externos; quatenus vero manifestatur per illos, est effectus Sacramenti, quod proinde supponit ex suis partibus adæquate constitutum, sicut quilibet effectus suam propriam causam : non ergo est

caput, unde queat intrinsece hoc Sacramentum constituere.

Confirmatur, et urgetur amplius. Quoniam ea disparitate supposita, ut re vera eam supponit, et docet S. Doctor, adhuc salvat et tenet contritionem internam ita esse rem hujus Sacramenti, sicut Christus in Eucharistia. Constat vero Christum in Eucharistia non esse ejus intrinsecam partem; sed id solum competit speciebus ut Christum continentibus : ergo idem omnino dicendum est de contritione externa respectu internæ, quin obsit, aut ad oppositum valeat ea disparitas.

100. Dices aliud superesse caput indicatum a D. Thoma, nimirum, quatenus contritio interior continet propositum contritionis externæ, confessionis, et aliorum, quo pacto est causa effectiva istorum actuorum ad extra, licet sit posterior ipsis in generе cause exemplaris, seu objectivæ.

Sed contra. Nam contritio interior cum proposito confessionis externæ vel importat intentionem confitendi et conficiendi Sacramentum, et cum ea re ipsa coincidit? Vel aliquid aliud? Si primum, ut revera dicendum videtur, non est pars Sacramenti; sed quid omnino essentialiter præsuppositum, pro quolibet Sacramento, non enim intentio absolvendi, est absolutio, aut pars ejus, nec intentio baptizandi est forma, aut pars baptismi, ut supra ostendimus contra Lugo, et uberioris tract. de Sacramentis in genere, statuenio universalem doctrinam, quod quantumvis exacta essentialiter sit intentio ad veritatem cuiuslibet Sacramenti; nullius tamen est intrinseca pars, sed conditio communis, licet essentialis, sicut est existentia in omni, et quolibet agente. Si vero importet aliquid aliud, quidquid illud fuerit, est quid internum, externis actibus significatum, et manifestatum ; quod proinde se habet ut objectum et terminus significationis, et non est nec valet esse pars intrinseca significans.

Confirmatur et explicatur ex eodem Angelico præceptore solutio ad 2, ubi ait : *quod quamvis pœnitentia interior ut est actus quidam virtutis, naturaliter significetur per exteriorum; tamen inquantum est sanativus morbi (quo pacto esset pars hujus Sacramenti, quod est morbi curativum) sic ex institutione habet per hæc signa causari, et significari.* Constat autem ad utramque istam significationem se habere contritionem internam ad instar objecti, et termini : ergo

confi-

Respo-

Alter
confi-
matur

ergo sub neutra significat aut constituit intrinsece per modum partis sacramentalis sacramentaliter significantis.

Demonstratur.

101. Et ut rem indubie omnino ex mente D. Thomae conficiamus, audiamus S. Doctorem in hac 3 p. Et quidem in hoc primo articulo hujus quæstionis, ubi tam diserte loquitur, ac fuerat in sententiis locutus, ut constat ex solutione ad tertium, ubi ait : *Ad tertium dicendum quod etiam in pénitentia est aliquid quod est Sacramentum tantum, scilicet actus exterius exercitus tam per peccatorem pénitentem, quam etiam per Sacerdotem absolventem.* Nec est minus perspicuus infra q. 90, art. 2, ad primum docens, quod contritio secundum essentiam quidem est in corde, et pertinet ad interiorum pénitentiam; virtualiter autem pertinet ad exteriorum pénitentiam, in quantum scilicet implicat propositum confundi, et satisfaciendi. Non ergo contritio interior est pars intrinseca pénitentiae ut hæc est Sacramentum tantum; sed actus externi ut significantes pénitentiam interiorum, in qua virtualiter tanquam in radice, et causa continentur. Quamobrem hanc sententiam ut indubie de mente D. Thomæ amplecten-

Cajetanus tuncur Cajetanus ad hunc articulum quæst. Paludan. 90, art. 2 ad 1. Paludanus in 4, dist. Capreol. 16, q. 4, art. 2, n. 19. Capreolus ibi terrara. dem, Ferrara 4 contra Gentes cap. 72,

§ Ad evidentiā notab. 2, et § Ad cuius dissolutiōnē. Petrus de Ledesma de Pœnitentia cap. 1, concl. 3. Nuno in præsenti quæst. 84, art. 1, dub. 4, concl. 3, et quæst. 90, art. 2. Candid. disquisit. 24,

Cornejo art. 2, dub. 5. N. Cornejo de Eucharistia nejō. q. 73, art. 1, disp. 2, dub. 5, ubi etiam N. Gabriel a sancto Vincentio et in præ-

Gabriel. Martinez senti disp. 3, quæst. 2. Martinez de Prado de Pœnitentia dub. 2, eam dicens esse Thomistarum communissimam senten-

Arauxo. tiām. Favet etiam Arauxo in præsenti dub. 4, asserens, *ex istis duabus partibus per prius, et essentialius concurredit confessio, utpote quæ est per se sensibilis: contritio autem est sensibillis ratione illius, ac per consequens magis illa, quam ista pertinet ad essentiam signi sensibilis, et consequenter ad essentiam Sacramenti.*

102. Cujus fundamentum sæpe insinuatum inter expendenda D. Thomæ testimonia ad hanc brevem formam reducitur. Quoniam de ratione Sacramenti est quod sit signum sensibile ad placitum voluntatis divinæ: sed hoc convenit actibus externis pœnitentis, ut manifestantibus in-

ternos sub absolutione Sacerdotis: ergo actus externi ut significantes internos cum absolutione Sacerdotis constituunt verum, et adæquatum Sacramentum pœnitentiae in ratione Sacramenti tantum: non ergo contritio ut significata, et contenta ingreditur in recto ejus constitutionem. Major constat ex diffinitione Sacramenti; quod quidem institutum est ad manifestandum Gratiam insensibiliter sanctificantem, sed mediis rebus sensibilibus, et sensibiliter significantibus, ut constat ex dictis de Sacramentis in genere. Minor vero probatur, et explicatur: quoniam hoc ipso quod Sacramenta sint ejusdem conditionis, melius explicatur in illis ratio signi sensibilis, et consequenter Sacramenti, quando utraque pars est sensibus objecta per seipsam, quam si una sit sensibilis, et altera insensibilis per se; hoc enim pacto Sacramentum non est totum, et totaliter signum sensibus objectum. Sed in hoc complexo actus externi ut manifestantes interiorē, utraque pars est in recto sensibus objecta, ut constat: secus vero in hoc *actus internus sensibilis per externos*, quandoquidem rectum illius est quid spirituale, et sensibilitas est obliquum, vel solum conditio. Ergo actus externi ut significantes interiorēs constituunt intrinsece, et in recto per modum partis hoc Sacramentum; non vero actus interni sensibiles redditi per externos. Unde manet probata utraque consequentia.

103. Confirmatur et explicatur primo. ¹ confirmatio. Nam de ratione Sacramenti tantum est quod ita significet, ut non significetur, id est quod sit purum signum, quippe quod est ad id solum institutum: ergo id solum constituet Pœnitentiam in ratione Sacramenti tantum, quod proximus, formalius, et immediatus, id præstare valebit: sed actus externi, ut connotantes internos, eosque ut objecta repræsentantes id præstant per se ipsos proxime, formaliter, et immediate, non vero actus ipsi interni sensibiles redditi: ergo actus externi ut prædicto modo significantes constituunt Pœnitentiam intrinsece in ratione Sacramenti. Cætera constant præter Minorem subsumptam, tum ex se tum ex illo communi principio: sicut se habet simpliciter ad simpliciter, ita magis ad magis: ergo si Sacramentum est signum sensibile quo proximior, formalior, et immediator fuerit sensibilitas eo formalius, et immediatus constituetur Sacramentum in ratione signi sensibiliter

significantis. Jam probatur facile Minor subsumpta : quoniam actus externi ita significant, ut nullatenus significantur; actus vero interni ratione sui significantur quidem, sed neutquam possunt significare, nisi ratione alterius, et per aliud : ergo illis et non istis deferenda est totalis, et adæquata ratio significanti, subindeque et constituendi in recto poenitentiam in ratione Sacramenti tantum.

^{2 confir-}
^{mat.} Confirmatur et urgetur secundo dete-
gendo latentem æquivocationem adverse
opinantum. Quoniam actus contritionis
ut sensibilis, quo pacto in eorum sensu,
est pars intrinseca in recto hujus Sacra-
menti, eatenus obit rationem partis consti-
tuentis Sacramentum in ratione Sacramenti
tantum, quatenus constituit Sacramentum
in ratione significantis, ut de se constat :
sed non constituit in recto Sacramentum in
ratione significantis : ergo dumtaxat illud
constituit in obliquo. Consequentia con-
stat. Et probatur Minor : quoniam actum
contritionis reddi sensibilem nihil aliud
est, quam quod sit objectum, ac terminus
actus sensibilis, subindeque quod ipse
significetur sensibilius non vero quod sen-
sibilius significet ratione sui : sed ut si-
gnificetur sensibilius, se habet in obliquo,
nimurum per modum objecti, aut termini :
ergo solum concurret in obliquo ad ratio-
nem signi sensibilius significantis. Patet
consequentia, siquidem solum constituit
Sacramentum, in ratione signi ut sensibili-
lis factus.

Additur. Ad hæc. Quod est sensibile per aliud,
non est per se signum sensibile, ut constat
in substantia, quæ juxta veram philos-
ophiam, quam docent N. Complut. de Ani-
ma disp. 8, quæst. 1, est sensibilis per
accidens, quantumvis per propria acciden-
tia, veluti per proprios effectus reddatur
sensibilis; et idem videre est in igne, qui
nequit esse sui ipsius signum, quamvis per
fumum uti per proprium effectum reddatur
manifestus. Sed contritio interior sig-
nificantur per actus externos secundum
unam, et alteram sui acceptiōnem, ut sup-
ra vidimus ex D. Thoma, et negare non
possunt adversarii. Ergo contritio interior
nequit ut sensibilis facta ingredi in recto
constitutionem Sacramenti in ratione signi
significantis tantum, qualis est ratio es-
sentialis Sacramenti tantum.

<sup>N. Com-
plut.</sup> Aliquo-
rum
efflu-
gium.

104. Ab his tamen, et aliis ex D. Thoma
adductis, et expensis facile se evadere ju-
dicant oppositum tenentes ex Patribus, et

Conciliis, quorum doctrina præferenda est
discursui, et authoritati licet maximæ D.
Thomæ. Constans autem est Patrum, et
Conciliorum doctrina, inter quæ maxime
Florentinum, et Tridentinum accensentur, ^{Trident.}
contritionem, confessionem, et satisfactio-
nem requiri ex parte poenitentis ad digne
recipiendum hoc Sacramentum, esseque
prædictos actus materiam, vel quasi mate-
riam illius, ut docet ipsum Tridentinum
sess. 14, cap. 13, et can. 4 ; ergo cum
contritio absolute supponat pro actu in-
terno doloris, non vero pro illius manifesta-
tione sensibili ; illa, et non ista intelligenda
veniet nomine partis intrinsecæ hujus
Sacramenti a Conciliis constituta, et de-
terminata, non vero ista, nisi violentiam
ingeramus Conciliis.

105. Sed profecto haec solutio tantum ^{Diu-}
abest, ut quæ ex D. Thoma, et ratione
adduximus, diruat, quod potius eis robur
adjicit, et novum fundamentum ministrat,
ut ex ipsorummet doctrina monstratur.
Quoniam Concilium ibi annumerat tres
actus poenitentis, nimurum, contritionem,
confessionem, et satisfactionem ut mate-
riam, vel quasi materiam hujus Sacra-
menti : sed confessio, et satisfactio sunt
actus externi, quamvis supponant es-
sentialiter actum internum confessionis,
et voluntatem satisfactionis : ergo etiam
contritio, quam illis accenset, debet esse
contritio externa, seu interna ut externe
significata. Sed contritio interna externe
significata est objectum contritionis ex-
ternæ, ad quam solum pertinet in obli-
quo, et per modum termini. Ergo ex
mente Concilii contritio interna solum per-
tinet in obliquo ad constitutionem hujus
Sacramenti. Cætera constant ex dictis
præter primam consequentiam, quæ ex
præmissis facilis est probationis : quoniam
ibi Concilium loquebatur de Sacramento
ut signo sensibili sensibilius significant :
quocirca recurrit ad confessionem, et sa-
tisfactionem externas, supponentes tamen
essentialiter, ut omnes catholice supponi-
mus actus internos confessionis, et satis-
factionis saltem in voto, et affectu : ergo
ut consequenter loquatur de signo, altera
pars, nimurum contritio, debet esse contri-
tio externa contritionem internam es-
sentialiter supponens, eamque sensibilem
reddens, et oppositum asserere est volun-
tarium, et petitio principii.

Confirmatur et explicatur hoc : nam in
præsenti ea sententia est amplectenda,
quæ

quæ conformior est menti Concilii, et modo procedendi illius : sed sententia docens actum externum contritionis, ut connotantem internum, eumque objective significantem, esse partem intrinsecam hujus Sacramenti in recto est conformior præ alia, menti Concilii, et modo procedendi ipsius : ergo hæc est sustinenda. Major et consequentia non indigent probatione. Suadetur Minor. Etenim Concilium unum supponit, et alterum docet. Docet quidem (et Catholici cuncti catholice profitemur) requiri ex parte poenitentiae actum internum doloris, non qualiscumque, sed supernaturalis, ut ostendemus infra, quem alii multi præcedunt, ut constat ex tract. de justificat. sess. 6. Supponit vero Sacra-
menta utpote signa sensibilia sensibiliter constituta iri per aliquid quod sit sensibile; quocirca non sistit in actibus internis, sed se porrigit usque ad externos sensibiliter manifestantes internos; et annumerat eos tres actus, quorum meminit responsio, et auctores nostræ sententiae non obliviscuntur. Porro hoc totum sua sponte fluere in nostra sententia, secus vero in adversa, facile constat unam alteri conferendo; quoniam ex una parte supponimus, et supponunt etiam dissidentes, actus internos et contritionis, et amoris, et plerosque alios a Concilio requisitos : deinde (hinc incipit dissidium) rationem totalem et adæquatam significandi tribuum actibus externis; et hinc consequenter eisdem deferimus rationem formalem constituendi intrinsece signum sacramentale tantum, ad quam actus interni nequeunt pervenire per se ipsos. At vero opposita sententia rationem constituendi intrinsece Sacramentum applicat actui interno, et rationem significandi actui externo : quod est quasi dividere rationem partis a ratione signi, in quo vehementer patiuntur deceptionem. Quoniam in Sacramento tantum, quod est essentialiter signum, ratione illius, quo constituitur in ratione sensibilis, constituitur etiam in ratione signi, absque ulla prorsus diversitate, cui nullum tribuit fundamentum Concilium. Sed in ratione sensibilis constituitur per actus externos tamquam per partem materialem, non autem per contritionem, quæ ratione sui non est sensibilis. Ergo etiam in ratione signi Sacramentalis constituetur in recto per prædictos actus externos, connotando in obliquo, et per modum termini comple-

tis actus internos, quos sensibiliter repræsentant.

106. Deinde. Nam Concilia et Patres tamquam fidei dogmaca constituant omnia sacramenta novæ legis essentialiter constare ex materia, et forma sensibilibus; quæ propositio est universalis, et distribuit pro quolibet Sacramento, quin sit fundamen-
tum extrahendi materiam, et formam pœnitentiae : sed in nostra sententia totum, quod se tenet ex parte materiæ in recto, est per se, et ratione sui immediate sensibile, secus vero in opposita, ut est perspicuum : ergo conformior est nostra sententia Conciliis, et Patribus, quam adversa. Eo vel maxime : quoniam si quod consti-
tuunt discrimen ex parte materiæ in Pœnitentia, solum consistit in eo, quod hæc apponenda est a suscipiente Sacramentum mediis propriis actibus, secus vero in aliis : non autem in eo quod non sit per se ipsam sensibilis, sicut forma : sed in nostra sententia est vere, et realiter per se ipsam sensibilis : et spiritualitas, et insensibilitas se tenet in obliquo, ut objectum, et terminus : ergo magis adhaeret doctrinæ, et menti Conciliorum nostra sententia, quam contraria, atque ideo illa, et non ista est sustinenda.

107. Hinc constat ad fundamentum eva-
sionis supra relatæ, cui palam, et constan-
ter assentimur in eo, quod tenet, et tenere
debemus omnes catholici, requiri tres ac-
tus internos, et externos annumeratos ex
parte pœnitentiae ad hoc Sacramentum, ut
nos docent Concilia. Fatemur insuper
contritionem absolute sumptam supponere
pro interna, quæ essentialiter præsupponit
ut principium, et radix actuum exter-
norum, quia tamen ibi Concilium lo-
quitur de illis, ut actualiter cum forma
constituentibus Sacramentum, et ad hoc
in omni sententia debent fieri sensibles,
et manifesti, quod per se ipsos non obti-
nent, sed per actus externos ; hinc ulterius
progrediendo deducimus actus ipsos ex-
ternos ut internos significant, et manifes-
tant (quo pacto isti se habent in obliquo,
illi vero in recto), intrinsece, et immediate
concurrere ad constituendum signum Sa-
cramentale pœnitentiae ; actus vero interni
solum mediate, et per modum objecti ter-
minantis significationem.

108. Liquet etiam nullius ponderis esse
objectionem, quam prodixit Lugo contra
hanc doctrinam sect. 2, n. 24 et 30, quasi
ex ea sequeretur, positis actibus externis

Oppo-
si-
tum
fa-
da-
men-
diri-
tur.

Lugo.

pœnitentis, et sacerdotis, absque dolore interno, posse subsistere Sacramentum pœnitentiaæ, quod est falsum.

Hæc, inquam, objectio nullius roboris est, nec magis valet, quam ista : *Effectus non constituitur essentialiter, et in recto per suam causam, nec potentia per objectum extrinsece se habens : ergo non existentibus aut causa, aut objecto, existeret tamen effectus, vel potentia.* Quæ consequentia est mala, quia quamvis nec effectus constitutatur intrinsece per suam causam efficientem, nec potentia per objectum; unus tamen, et altera respiciunt intrinsece, et essentialiter causam ut dantem esse, et objectum ut specificans, ac extrinsece terminans respectum intrinsecum potentiae. Cum ergo asseramus actus externos ab internis procedere effective, in eosque ut in objecta significata collimare, non est unde possit colligi absque illis posse subsistere Sacramentum pœnitentiaæ. Si autem contingat (et dabilis est casus), aliquem ficte dolere in foro exteriori, aut cum fraude confiteri absque contritione interna; abs dubio nullum esset Sacramentum; quia dolor sensibilis debet esse verus, et a vero dolore interno procedens, ipsumque manifestans.

Patet tandem ex dictis ad fundamentum primæ solutionis n. 91 relatam, et ab ejus exemplum dicimus aliud esse quod totus homo sit corporeus, aliud vero quod totus, et totaliter corporeus sit. Ex quibus prima propositio absolute prolatæ est vera; ad cuius veritatem sufficit partem aliquam, et unionem cum altera comparte, esse corpoream, ut revera est, et docent N. Complut. in phys. d. 6, q. 3. Secunda vero est falsa, cum una pars sit incorporea. In nostro autem casu Sacramentum tantum, ex parte materiae, et formæ debet esse sensibile, ut nos docent Concilia, et Patres, atque ideo partes in recto ingredientes debent esse sensibus objectæ, ac perceptibles; quod per se ipsam non habet contritio interior, sed id competit exteriori, atque ideo hæc est pars intrinsece, et in recto ingrediens constitutionem Sacramenti tantum. Si autem (idque maxime animadverti optamus) locutio non sit restricta, sed absoluta de toto Sacramento, ut ita dicamus, substantialiter sumpto, et sine ulla limitatione; profecto actus internos, et externos sub eodem comprehendimus, et partes nuncupavimus ex parte materiae se tenuentes; siquidem omnes

concurrunt vel in recto, vel in obliquo (quod parum refert ad absolutam locutionem) vel ad integrandum, et complendum, vel ad constituendum. Quo sensu omnia quæ includuntur in hoc Sacramento. sive in recto, sive in obliquo, vel consequenter ut complementum illius, ejus partes nuncupantur, ut constat ex verbis Concilii annumerantis partes pœnitentiaæ contritionem, confessionem, et satisfactionem, et immediate subjunxit: *Quæ qualen in pœnitente ad integratorem Sacramenti, ad plenamque, et perfectam Sacramenti institutionem requiruntur, hac ratione partes Pœnitentiaæ dicuntur.* Cum tamen in nulla sententia satisfactio exterior sit pars essentialis, sed integralis dumtaxat, sine qua proinde multoties reperitur essentia Sacramenti.

109. Reliquum est ut argumentum Durandi, cujus occasione hæc dictæ sunt, videamus. Et quidem quia in consequentiis subillatis videtur innuere contritionem solum requiri ad hoc ut pœnitens sit dispositus ad suscipiendum effectus Sacramenti, ut etiam requiritur aliquis actus in adultis ad percipiendum fructum aliorum Sacramentorum, distinguendæ sunt præmissæ, quæ superficie tenus communem Thomistarum doctrinam hactenus propugnatam subolere videbantur. Quocirca distinguimus Majorem: debet esse sensibilis, eo modo quo ingreditur ad rationem partis, concedimus: alio modo negamus. Et ad Minorem dicimus contritionem non esse sensibilem per se, et in recto, bene tamen per modum objecti, et termini complentis signum sensibile, ex quo solum sequitur habere rationem partis sensibilis in obliquo, quod fatemur; non vero in recto, ut declaratum est.

§ VI.

Præcedentis doctrinæ consecularium.

110. Ex dictis in hoc, et antecedenti dubio absque novo examine, et labore decisæ manent aliae minoris momenti quæstiunculae, quæ partim ad modum loquendi pertinent, partim vero ad rem; arbitrarie tamen, ut Gonet, et alii autumant. Quamobrem e re esse duximus nec intactas, et omnino indecisas relinquere, nec in eis plus juxto immorari, sed sub eodem filo præcedentibus, quibus annexantur, assutas

assutas proponere. Ex quibus magis præcipuam huic paragrapho addicimus.

illatio. Infertur itaque primo in Pœnitentiam rem, et Sacramentum simul esse contritionem internam. In quo convenienter communiter Doctores tam intra, quam extra scholam D. Thomæ, si per paucos excipiamus, eosque veteres, qui in hoc, et in Matrimonii Sacramento vel non admittunt vel non inveniunt nisi Sacramentum, vel rem Sacramenti. Eos refert, et refellit

alod.
matos
teitari.

Paludamus in 4, dist. 14, quæst. 1, art. 2. Antiquorum etiam sententia fuit in omnibus Sacramentis, quibus, non inest vis characterem imprimendi, reperiri aliquem ornatum, quo anima reddebatur disposita ad recipiendam Sacramenti gratiam. Quæ Thom. quidem vigebat tempore D. Thomæ scribentis super sententias, cujusque S. D. meminit in 4, dist. 1, quæst. 1 ad 4, quæstiunc. 1. Eam tamen ut a veritate alienam, nullique solido fundamento innixam rejiciunt his temporibus communiter Theologi, quibus præivit D. Thomas, ut constat ex dictis in hoc dubio, ubi in nullo ex testimoniosis allegatis nec levissimum nobis dedit vestigium talis ornatus, sed semper ad penitentiam internam ut ad rem, et Sacramentum firmiter se recepit. Quocirca mirum est insignes discipulos D. Thomæ Capreolum, et Paludanum, quos pro prædicto ornatu refert Arauxo in præsenti dub. 5, tam clare a suo Magistro descivisse. Quidquid vero de hoc sit, res est adeo perspicua, ut de hoc dubitare sit in ipso meridie offendere, ut constat ex articulo primo hujus quæstionis, in quo ad probandum Penitentiam non esse Sacramentum, sic objicit S. Doctor terio : *In Sacramentis, est aliquid, quod est Sacramentum tantum : aliquid, quod est res, et Sacramentum : aliquid, quod est res tantum ut ex præmissis patet. Sed hoc non invenitur in Panitentia : ergo Panitentia non est Sacramentum.*

hom. Solutio S. Doctoris est, *quod in Panitentia est aliquid, quod est Sacramentum tantum, scilicet actus exterior exercitus tam per peccatorem panitentem, quam etiam per absolventer. Res autem, et Sacramentum est panitentia interior peccatoris : res autem tantum, et non Sacramentum est remissio peccati. Quorum primum totum simul sumpturnum est causa secundi, nimis contritionis interioris. Primum autem, et secundum, scilicet actus exterior, et panitentia interior, sunt quodammodo causa tertii,*

nempe remissionis peccati, quatenus concurrunt instrumentaliter ad gratiam Sacramenti, qua media fit remissio peccati. In qua doctrina tam constans fuit S. Doctor, ut nullus sit ambigendi locus de ejus mente, ut haec tenus expensa testimonia satis clare ostendunt, et favet manifestatio. Quoniam per rem, et Sacramentum nihil aliud intelligunt Theologi nisi id quod immediate significatur per Sacramentum tantum, et simul concurrit ad significandum cum ipso Sacramento ultiore, et principaliori effectum illius, qualis est gratia : sed hoc convenit contritioni internæ : ergo contrito interna est res, et Sacramentum in penitentia. Major et Consequentia constant, et Minor probatur, et explicatur clare ex dictis : quoniam contrito interna significatur, et fit sensibili per contritionem, seu dolorem externum : ergo ex hac parte jam est res significata. Rursus ipsa contrito interna, cum contritione externa, quam complet in ratione partis, et absolutione significat, et causat gratiam remissivam peccati, quæ est res, in quam adipiscendam præcipue hoc Sacramentum concurrit.

111. Sed contra hanc adeo perspicuum Communis objectio communis. Quoniam contrito interior est causa exterioris, sicut omnis actus internus, est causa, et principium exterioris, maxime si sit humanus, qualis est, et debet esse externa confessio dolorosa : ergo actus exterior nequit esse causa interioris, alioqui essent mutuo causa et effectus suimet in eodem genere cause.

Et confirmatur præripiendo, et occludendo tacitam solutionem : nam actus exterior, cum sit effectus interioris est signum naturale illius, sicut fumus est signum ignis, et quilibet effectus suæ causæ a qua procedit : ergo actus exterior nequit esse signum Sacramentale actus interni, cum longe diversa sit ratio signi naturalis a ratione signi Sacramentalis : nam ad primum sola pura ratio signi, ad secundam causalitas effectiva desideratur.

Objectio est ista, tam varie a variis interpretibus D. Thomæ soluta, ut nec facile, nec utile sit tot dicendi modos in fascem reducere, et multo minus examinare, tot enim distinctiones aliqui aggerrunt, in quo eminet Cajetanus, ut rem jam diu a D. Thoma explicatam, tenebris potius offundant quam illustrant. Quocirca illis omnibus rescissis, vel apud

Non est
idem
modus
ei occur-
rendi.

Cajet.
Ferrara.
Arauxo.
Soto.
Suarez.
Dicas-
tillo.
Vera
D.Thom.
solutio.

Cajetanum, Ferrarensis, Arauxo, Soto, Suarez, Dicastillo invicem divisos, cui per otium licuerit, videndis, nobis sufficere videtur objectam difficultatem S. Doctorem prævidisse, ac diluisse. Cui autem illius solutio non placuerit, investiget meliore, si se viderit doctorem. Responsio ergo S. Doctoris, cujus verba dedimus supra, est actum contritionis internum posse considerari duplum, vel ut est actus virtutis Pœnitentiae, vel ut est actus cooperans ad depulsionem peccati. Primo modo est causa exterioris, et iste signum naturale illius, ut bene probat confirmatio objectionis, et docuit Angelicus Præceptor inibi ad 2 dicens, *quod quamvis Pœnitentia interior, ut est actus quidam virtutis, naturaliter significetur per exteriorem; tamen in quantum est sanativus morbi* (quæ est secunda ejus consideratio) *sic ex institutione habet per hæc signa causari.* Unde constat duplex ejusdem contritionis acceptio, secundum quarum unam contritio interior non est causa, sed effectus contritionis exterioris conjunctæ cum absolutione, quo pacto est actu pars ipsius Sacramenti : et secundum aliam, quæ est prima, contritio interior est causa exterioris. Juxta quam doctrinam haud obscure intelligitur in una et altera contritione interiori; et exteriori inveniri sub diversa ratione, et rationem causæ, et rationem effectus : siquidem contritio interior ut sanativa peccati, est effectus contritionis externæ, quæ cum absolutione concurrit, et quasi elevat contritionem internam, ut cum effectu, quantum est de se, nisi fuerit ob ex, inducat gratiam : et hoc modo significatur Sacramentaliter, et ad placitum per contritionem externam. Ipsam vero interior contritio secundum quod contritio est, et non explicat vim sanativam peccati medio Sacramento, est quidem causa contritionis externæ secundum se itidem acceptæ, quin explicet conjunctionem cum Sacramento, et vim sanativam Sacramentalem illius. Et hac ratione significatur naturaliter, et non sacramentaliter per contritionem exteriorum.

Objec-
tio.

112. Nec intererit, quod objicias, hinc committi circulum vitiosum omnino vitandum, atque ideo vel solutionem D. Thomæ esse nullam, vel non bene explicatam, et applicatam. Assumptum facile probatur : etenim in hac providentia nulla est vera contritio, nec vera virtus pœnitentiae, quæ non tendat in hoc Sacramentum ut me-

dium unicum in re, vel in voto ad remissionem peccati, ut docet Angelicus præceptor, et nos ex ipso supposuimus ad limen hujus tractatus cum communi et vera sententia : quocirca censuimus prius actum iri cum Angelico Præceptore de Pœnitentia ut Sacramento, quam de eadem ut virtute : ergo in hac providentia non est locus distinctioni de contritione secundum se, et de contritione ut conjuncta cum Sacramento, vel quod in idem recidere videtur, ut sanativa morbi medio Sacramento : quandoquidem nulla est pœnitentia, quæ non sit morbi sanativa, seu peccato non aduersa cum ordine ad Sacramentum : ergo sub eadem consideratione, et est causa et effectus pœnitentiae exterioris, atque ideo vel committitur circulus minime admittendus vel solutio D. Thomæ ut falsitatis arguitur, et convincitur.

113. Non, inquam, interest talis replica ; ad quam neganda est sequela, quæ minime suadetur inducta probatione. Nam licet verum sit, quod assumit, ut constat ex loco allegato, et docent communiter Authores; non inde infertur intentum argumentis, sed oppositum convincitur; quoniam quod Christus Dominus ordinaverit virtutem pœnitentias ad hoc Sacramentum, sicut non abstulit ab ea prædicata essentialia, quinimo retinuit, et ordinationem accidentalem ex suo beneplacito adjecit; ita non obstitit, quo minus posset considerari actus pœnitentiae secundum prædicata essentialia, quo pacto oritur a virtute essentialiter accepta, et est signum naturale illius : et insuper secundum ordinem accidentaliter adjectum a Christo Domino, sub qua ratione importat votum ipsius Sacramenti, non vero actualem ipsius elevationem, motionem, et significacionem; hæ quippe non nisi in ipsius Sacramenti exercitio, et mediis actibus exterioris sub absolutione ei adveniunt. Et secundum hanc ultimam considerationem, secundum quam supra seipsam primo modo acceptam addit prædictas elevationem, motionem, et significacionem, et insuper rationem dispositionis quantum est de se, ad gratiam Sacramentalem, ad quam extra Sacramentum non est dispositio, habet rationem effectus Sacramenti, et partium sensibilium ejus, et est res illius. Est vero causa actuum exteriorum secundum se, vel ut important præcise votum Sacramenti, non vero elevationem, motionem, et significacionem Sacramentalem, quæ

quæ solum reperiuntur intra Sacramen-tum. Inter hæc vero datur distinctio realis, et incidentis ab incluso, et ad minus modalis, vel entitativa, quarum quælibet excludit vitium circuli, ut constat in aliis causis, et quod magis ad rem pertinet, in Sacramento Eucharistiae in quo Christus concurrit instrumentaliter ad se ipsum constituendum sub speciebus, ob eandem, et non majorem distinctionem.

Quam doctrinam hausimus ex Angelico Preceptore solutione ad 3 sæpe allegata, ubi satis profunde, nec minus compendiose eam contineri nostro judicio est clarum. Etenim postquam respondit actum exterius exercitum tam ex parte pœnitentis, quam ex parte Sacerdotis absolvantis esse Sacramentum tantum, rem vero et Sacramentum esse pœnitentiam interiorum, illico subjunxit, *quorum primum totum simul sumplum est causa secundi*. In quibus verbis non defert causalitatem actibus externis pœnitentis, quod intendit objiciens, seorsim ab actibus absolvantis, sed toti complexo, ex utrisque coalescenti, ubi clare elucet distinctio realis incidentis ab incluso sufficiens ad causalitatem realem absque periculo includendi circulum vitiousum. Id quod adhuc patentius expli-catum reliquerat S. Doctor distinctione non semel citata 17, ex 4 sent. art. 1, quæstiunc. 2, dicens: *Exterior pœnitentia, quæ est Sacramentum tantum in pœnitentia, est Sacra-mentum, ut signum tantum ex parte actus pœ-nitentis* (en ubi solum agnoscit in actibus pœnitentis seorsim absoluzione rationem signi), *sed ut signum, et causa simul, si con-jungatur actus pœnitentis cum actu ministri*, ubi toti complexo attribuit primarium, ut ita dicamus, influxum, et partibus ratione totius, ex quibus sicut potior est forma, ita, et ejus influxus. Unde concludit: *et ideo interior pœnitentia est res exterioris pœ-nitentia, sed ut significata tantum per actus pœnitentis: ut significata autem et causata per actus eosdem adjuncta absolutione minis-tri*. Cum autem ut Sacraenta causent, sit necessaria motio elevans physice instrumentum, de cuius ratione est agere ut motum, ut modo supponendum est ex vera philosophia, et doctrina D. Thomæ, plane convincitur actus externos ut elevatos, et motos realiter esse distinctos a se ipsis ut non elevatis, quomodo sunt effectus ac-tuum interiorum, subindeque intervenire distinctionem realem in nostra solutione indicatam.

Confor-mator ex
Thom.

Quod si ulterius progrediendo addamus Additio-
eam motionem, et elevationem tendere præcipue ad causandam gratiam ex opere operato, et simul ex opere operantis, ar-duum non erit in ipsa pœnitentia interiori recognoscere rationem dispositionis ad majorem gratiam ex uno, et altero capite obeundam; quæ nequit esse aliud quid, quam modus aliquis vel majoris intentionis in ipso Sacramento receptæ, vel majoris perfectionis, aut alterius formalitatis, ratione cujus adsit distinctio modalis in eadem contritione interiori ut est effec-tus Sacramenti a se ipsa ut est causa ac-tuum exteriorum. Unde remanet omnino vera solutio D. Thomæ, quin vel vitii, vel falsitatis redarguantur, ut redargui faciliter possunt ab aliis excogitatæ, nisi ad hanc omnium solidissimam et planissimam re-ducantur.

114. Nec etiam obest, si rursus objicias Altera
contritionem sub omni consideratione ad-
versari peccato, et in ipsius destructionem
conari: atque ideo male distingui in ea
illam duplarem acceptionem. Nam contra Refelli-
tur.
est, quod contrito ut est actus virtutis
solum ex opere operantis tendit ad exclu-dendam maculam: ut vero est pars Sacra-
menti ex opere operato habet esse sanati-vam, et ei ut proprius effectus respondet
gratia Sacramentalis, modaliter distincta
ab essentia gratiæ. Et hoc pacto additur
etiam novum augmentum gratiæ sacra-
mentaliter ex opere operato productæ;
alioqui Sacraenta non majorem induce-
rent gratiam ex opere operato, quam
conveniret actibus pœnitentis ex opere
operantis: quod esse falsum nemo ambi-git. Unde liquet intervenire realem dis-tinctionem et ratione gratiæ Sacramentalis,
et ratione intensioris gratiæ. Et hæc
distinctio in termino supponit assignatam
distinctionem in ipsis actibus pœnitentis.

¶ VII.

Alia corollaria deducta.

115. Infertur secundo has partes per ordinem ad diversa esse integrales, et essentiales: nam si omnes simul sumptæ referantur ad formam, cum qua totum Sacramentum conficiunt, proculdubio inter partes essentiales accensendæ sunt: quia cum materia, et forma sint partes essen-tiales cuiuslibet Sacramentorum, et con-tritio, confessio, et satisfactio se teneant Alia
consec-taria.

ex parte materiæ, profecto partes essentiales dici debent, unica dempta satisfactio propter speciale rationem statim subjiciendam. Si vero ipse partes unicam totalem materiam constituentes invicem conferantur, sunt partes integrales ejusdem materiæ. Cujus rationem egregiam tradidit D. Thomas infra q. 90, art. 2, in corpore, quia cum quantitas se tenet ex parte materiæ; vice versa, quæ se tenent ex parte materiæ, partes quantitatis nominantur. Cum enim in materia nulla partium diversitas reperiatur nisi per quantitatem, ut docet Philosophus, et ostendunt N. Complut. de Generat. disp. 5, q. 1, quælibet ratio formalis partis integralis in quantitatem reducitur ut in sui originem, et præcipuum causam. Quocirca analogice loquendo de partibus Sacramenti, quæ totalem materiam constituent, partibus integralibus, quæ sunt propriæ individuae quantitatis, annumerandæ sunt. Et ita se habent contritio, confessio, et satisfactio inter se collatae; quin illis ob sit, quod sint inter se longe diverse rationis: nam etiam caput, brachia, et cætera hominis membra inter se satis dissita constituunt unum, et eundem hominem in ratione totius integralis naturaliter: quanto magis constituent totum articiale, quale est Sacramentum, partes diversæ rationis? Et eadem ratio est quoad hoc de toto, ac de partibus, quoniam sicut totum est, ut ita dicamus ethærogeneum, ita et pars ipsum constituens, ut liquet in eodem homine, et aliis viventibus, nec non (quod nostra magis refert) in cunctis compositis articulibus.

Lugo. 116 Qua observatione retunditur, vel ad sanum sensum reducitur modus loquendi Cardinalis Lugo, et aliorum absolute docentium partes pœnitentiae esse tres. Quæ tam absoluta locutio est falsa maxime in illius, et illorum sententia, qui non distinguunt suppositionem Sacramenti ab ejus significatione. In hac enim sententia Pœnitentia sicut non significat nisi compositum coalescens ex materia, et forma, ita non supponit nisi pro una, et altera unitis, et consequenter non potest de illa affirmari, nisi quod constet ex dupliciti parte, materia, nimurum, et forma. Atque ideo est absolute falsum pœnitentiae partes esse tres, nisi restrictior sit locutio ad partes materiæ, ut revera restringunt predicti authores si vere loquantur. Inde tamen coguntur asserere non esse idem pro quo

supponit, et quod significat Sacramentum, quod ipsi negant non distinguentes suppositionem artificialium a significatione, de quo infra.

117. Ex quo subinfertur tertio ex his tribus partibus materiam essentiali hujus Sacramenti constituentibus, satisfactionem solum esse partem integrali illius; sine qua proinde potest reperiri essentia Sacramenti, licet non integra integritate suarum partium; sed quasi mutila, et manca, qualis esset homo sine digitis, vel pedibus, aut alia parte ipsum integraliter perficiente. Ratio hujus exceptionis est clara: quoniam sine confessione, et vero dolore non salvatur verum Sacramentum Pœnitentiae, cum tamen sine satisfactione in re exhibita, imo sine explicito illius voto conficiatur verum Sacramentum, ut constat in moribundo, vel sensibus destituto, qui est incapax satisfactionis, vel emitendi votum satisfaciendi, aut illam desiderandi: ergo licet contritio, et confessio sint partes essentialis Sacramenti Pœnitentiae non vero satisfactio: ergo cum alias inter partes accenseatur a Patribus et Conciliis, dicendum est solum inter partes integrales esse computandam.

Nec est eadem omnino ratio (ut insurgent occiditur oculi) de confessione, quæ aliquando deficit, et solis nutibus, vel alii signis, fit (imo in aliquorum sententia, quolibet exteriori signo deficienti), exhibetur absolutio, et consequenter conficitur Sacramentum. Nam ad confessionem non requiruntur determinate verba, ut constat in multis loquendi incapacibus, sed sufficienti natus, et externa signa, quibus dolor internus exprimatur, et significetur utcumque; haec enim vicem verborum subeunt, et sufficientem tribuunt absolutionis materiam, ut docet Rituale Romanum Pauli V. Casu autem quod nullum exhibeat pœnitens, nec exhibuerit signum, admissa pro nunc illa sententia (de qua suo loco), sicut non conferenda est absolutio absolute, sed tantummodo conditionate, si extiterit capax illius, ita non requiritur materia, et confessio nisi conditionata, et quæ moraliter prudentum judicio præsumitur esse in quolibet Christiano in eo articulo constituto. Quod quidem non tenet in satisfactione, vel quia non adimpletur nisi post confectum Sacramentum, vel quia non imponitur pœnitenti ob impedimentum, quo adstringitur. Cum quo tamen bene componitur, ut recte observat Gonet,

Tertia illatio.

Tacita
occidiatur
objectione.

Rituale
Romanum.

Gonet, ipsum Sacramentum, quantum est de se, semper exigere satisfactionem ex parte penitentis, eamque radicare; licet per accidens non sit, nec in se, nec in ejusdemmet voto explicito, ut contingit in casu positivo, et aliis pluribus non raro evenientibus. Et quia verba in definitione non dicunt actum, sed aptitudinem, in hoc sensu non renuemus satisfactionem exactive, et quasi radicaliter esse de essentia hujus Sacramenti, sicut in hoc etiam sensu risibilitas est de essentia hominis, et inherentia de conceptu essentiali accidentis.

118. Quarto infertur multiplicem intervenire compositionem in hoc Sacramento juxta multiplicitatem partium ejus constitutionem ingredientium. Nam primo componitur ex genere, et differentia, quae est compositio metaphysica; ultra quam habet etiam compositionem physicam ex materia et forma. In una et altera nihil explicatur proprium hujus Sacramenti, cum id sit commune omnibus aliis Sacrementis novae legis. Ex parte autem materiae componitur ex partibus hactenus significatis, quarum ordinem, et compositionem explicat Angelicus Doctor infra quest. 90, art. 3, per haec verba: *Ad tertium dicendum quod omnes partes integrales habent ordinem quemdam adinvicem. Sed quædam habent ordinem tantum in situ; sive consequenter se habeant sicut partes exercitus: sive se tangent, sicut partes acervi: sive etiam colligentur, sicut partes domus: sive continuenter sicut partes lineæ. Quædam vero habent insuper ordinem virtutis, sicut partes animalis, quarum prima virtute est cor: et alias quædam ordine virtutis dependent ab invicem. Tertio modo ordinantur ordine temporis, sicut partes temporis, et motus. Partes igitur Pænitentiæ habent adinvicem ordinem virtutis, et temporis, quia sunt actus; non autem ordinem situs, quia non habent positionem.* Quocirca earum compositio est ad instar successorum, de quorum ratione non est habere partes simul, sed invicem succedere, et quod pars posterior agat in virtute præcedentium, ut supra diximus, et constat in ipsam absolutione, cuius verba important successionem, quamvis posteriora non prosint, quin præextinent priora, nec ista absque ordine ad illa, ut sui complementum, efficaciam habent.

119. An vero ex parte formæ detur etiam pluralitas, ita quod sit duplex forma

partialis, altera tangens actus ipsos pœnitentis quos immediate afficit moraliter: alia vero quæ versetur circa satisfactionem, sitque realiter diversa ab absolutione? Disquirit Lugo in præsenti disp. 12, sect. 2, n. 42 et non satis expendit, aliqua commiscens, quibus examinandis nec libet, nec vacat incumbere. Non enim tales judicamus difficultatem, quæ prolixam postulet discussionem. Unde breviter respondeatur quod si semel satisfactio est pars integralis Pænitentiæ, ut re vera constat ex dictis, et cum ipso Lugo docent omnes Theologi autoritate Patrum, et Conciliorum coacti (quidquid dixerit Petrus de Osma a Sixto IV damnatus in Bulla directe contra ipsum expedita, quam citant Lugo, et referunt alii) non est necesse multiplicare formas; quinimo adversari videtur modo loquendi Patrum, et Conciliorum nullam aliam formam constituentium in hoc Sacramento præter absolutionem Sacerdotis. In quo abs dubio diminute processissent, si opus esset alia forma partiali pro satisfactione. Unde illorum silentium argumentum efficax est non existentie illius.

Quapropter tenendum est solam absolutionem esse formam hujus Sacramenti, eaque unica affici, perfici, et quasi actuari tam partes essentiales, quæ præcedunt ipsum Sacramentum, quam integrali in re subsecutam, qualis est satisfactio. Quod enim haec subsequatur, et supponat applicatam formam (quod ostendebat Petrus de Osma) non interest: tum quia non conferatur absolutio nisi per ordinem ad satisfactionem jam impositam, quando est capax illius subjectum, et postea suo tempore exhibendam; prius enim imponitur satisfactio, quam absolutio proferatur, et applicetur. Tum etiam, quia satisfactio post peractum Sacramentum executa respicit Sacramentum præteritum, cui conjungitur moraliter, vi eius trahitur ad idem esse totius, atque ideo subit rationem partis integralis, de cuius ratione non est adhuc in naturalibus, quod supponatur ad formam, ut constat in unguibus, dentibus, capillis, imo et portionibus substantiæ nutritione comparatis; sed quod trahatur ad idem esse cum toto, vel physicæ, vel moraliter juxta qualitatem partium.

120. Nec refert, absolutionis verba significare præsentaneam peccatorum remissionem, nondum inchoata satisfactione, subindeque ante ipsam supponi Sacramentum peractum, ac omnino perfectum. Quia Diruitur.

Catechism.
Roman.

inde solum infertur esse quidem peractum, ac perfectum Sacramentum perfectione essentiali, ultra quam postulat perfectionem integralem media satisfactione obeundam. Id quod et docet Catechismus Romanus, et ratio propria judicii quæ intervenit in hoc Sacramento exposcit : nam Catechismus ita rem explicat : *Pœnitentia ex hisce tribus partibus ita constituitur, ut quamvis quoad ejus naturam attinet, contritio, et confessio, quibus homo justus efficitur, salis sit; tamen nisi teria etiam pars, id est satisfactio accedit, aliquid ei omnino ad perfectionem desit, necesse sit.* Quod vero id ad integratem, et propriam judicij rationem hujus Sacramenti pertineat, constat ex iudicio humano, ad eujus instar est hoc Sacramentum : quoniam accusatio testium, sententia judicis, pœnam luere taxatam procul dubio de integritate sunt eujuslibet perfecti iudicij, quod proinde non est undequaque consummatum donec omnia ista fuerint exhibita : cum tamen simul non sint, nec omnia sententiam iudicis præcedant, ut constat in solutione pœnæ, cui nullus adstringitur, nee potest adstringi ante sententiam. Stat ergo satisfactionem supponere absolutionem, quin inde excludatur a ratione partis integraliter perficiens hoc Sacramentum : nam, ut inquit D. Chrysostomus hom. 29 ad populum Antiochenum : *Pœnitentia ut consummata sit, debet in corde contritio, in ore confessio, in opere humilitas, et fructifera satisfactio inveniri.*

Replica.

121. Si vero insistas, quod satisfactione nec se tenet ex parte materiae, nec etiam ex parte formæ : ergo alia forma opus est satisfactionis propria. Primum facile probabis : quoniam materia in hoc Sacramento apponitur ab ipsomet recipiente ; recipiens autem non sibi imponit satisfactionem, sed impositam a iudice acceptat. Secundum etiam liquet, siquidem, et absolutio præcedit satisfactionem, et in absolutione nec levissimum exprimitur satisfactionis vestigium : nullatenus ergo subest ratione sui absolutioni : sed ad aliam formam est recurrendum. Si, inquam, obiciatur ita, facile respondeatur esse partem integralem ex parte utriusque se tenentem : ex parte quidem absolutionis quoad impositionem a Sacerdote iudice proprio ad absolutionem satisfactionem taxante, et imponente. Ex parte vero pœnitentis, et quoad voluntatem satisfaciendi quæ comittatur contritionem, et confessionem, vel in

Expo-
gnator.

ipsis includitur ; et quoad acceptationem, et tandem executionem : hæc enim tria ad pœnitentem, et non ad absolventem pertinent. Unde satisfactio absolute ex parte materiae, et aliquomodo nimirum quoad determinationem ex parte formæ se habet. Quod non obscure, paucis explicit Angelicus Doctor infra quæst. 90, art. 2, dicens : *Sed in pœnitentia fit recompensatio offensæ secundum voluntatem peccantis, et secundum arbitrium Dei, in quem peccatur.* Unde sequitur, quod recompenset secundum arbitrium ministri Dei, quod fit in satisfactione.

122. Nec inde inferas satisfactionem oœ gratiam ex opere operato causare, quippe quæ est vera pars Sacramenti : et sacramentum reipsa committere, eam in peccato lethali peragenter. Nam primum jam diu repulit D. Thomas in 4, distinct. 16, quæst. 1, artic. 1, quæstiunc. 2 ad 3, dicens : *Ex proposito satisfaciendi gratia conferitur, quamvis satisfactio actualis gratiam presupponat.* Unde tota gratia hujus Sacramenti ligatur, ut ita dicamus, ad ipsius administrationem, quin reservetur aliquis illius gradus ex opere operato dispensandus in vi satisfactionis postea peragendæ : sed si quis forsan confertur, satisfaciens post transactum, ei obvenit ex opere operantis ratione novi fervoris, et actus charitatis, vel alterius virtutis inibi denuo exerciti, ut indicat D. Thomas infra quæst. 90, art. 2 ad 2, inquiens : *Satisfactio confert gratiam prout est in proposito, et auget eam prout est in executione, sicut etiam Baptismus in adultis, ubi se refert S. Doctor ad quæst. 68 et 69 in quibus art. 2 et octavo majori devotioni tribuit majus augmentum gratiæ. Unde quando docet quod satisfactio auget gratiam sensus est, vel quod eam augeat ex opere operantis, ut dicebamus : vel quod augeat extensive ad eum sane modum quo actus exterior auget bonum, vel malum, quin actus exterior addat malitiam, vel bonitatem actui interiori.*

123. Si autem inquiras : Quid ergo præstat satisfactione ? Respondeatur ex eodem S. Doctore ubi supra quod pœnitens per satisfactionem consequitur perfectum effectum gratiæ peccatum abolentis (en augmentatione extensivum a nobis dictum) quia liberatur totaliter a reatu peccati. De quo fusius suo loco.

Hinc secundum, quod obtrudebatur, clare evanescit. Quia cum satisfactione supponat,

inter-
gatio
Respon-
sio

D. Th.

Über-
resp-
sio

ponat, et Sacramentum, et totam gratiam Sacramenti; si forte in ejus adimpletione, vel ante poenitens in peccatum ruerit, non idcirco eam peragendo sacrilegii reus erit, siquidem nullum re ipsa conficit Sacramentum satisfaciendo. Quinimo bene agit adimplendo præceptum, quo adstringitur eam exequendi. Non est ergo caput, unde sacrilegii arguatur satisfactioni in peccato incumbens, quin ad eam monendus est, ut citius a peccato resurgat, et iram Dei in se concitatam in misericordiam, et lenitatem flectat: *afflictiones enim pœnitentiaz, ut inquit D. Greg. lib. 3, in 1 Reg., ad delenda peccata tum demum, idoneaz sunt, cum sacerdotis fuerint judicio imperatæ.*

DUBIUM III.

*Quænam sit Pœnitentiaz definitio?
et pro quo supponat?*

124. Duo conjungimus in hoc dubio, quæ ex dictis facilem vindicant expeditionem; quocirca potius supponenda, quam ventilanda essent, nisi peregrinæ aliquorum positions (quibus vel ipsa prima principia, inter quæ accenseri debebat rei definitio, lubrica reddunt), in oppositum cogeret. Non enim sat ducunt in conclusiōnibus illatis, seu inferendis dissentiri, nisi usque ad ipsas rerum essentias, et prima elementa regrediantur: unde eam sibi quisque definitionem cudit, easque regulas bonæ diffinitionis conflat, quas sibi proficias ad proprieæ opinionis fulcimentum autumat ut tract. de Sacrament. in genere disp. 1, dub. 3 præmonuimus, et in qualibet disputatione experientia edocemur. A quo procedendi modo hactenus abstinimus, et in posterum abstinere curabimus, eas rarum diffinitiones, illasque bene diffiniendi regulas retinentes, quæ solum antiquis doctoribus, maxime D. Thomæ arrisisse conspeximus, et apud ipsos magis probatas invenerimus.

Porro omnibus illis conditionibus, loco nuper citato explicatis impræsentiarum præmissis, ut primam difficultatis partem expediamus, supponere volumus unitatem nedum specificam, sed etiam numericam hujus Sacramenti, quas egregie statuit ac probat D. Thomas 4, dist. 22, quæst. 2, art. 2, quæstiunc. 1, contra aliquos sui temporis eas relegantes ob plures actus eosque specificè distinctos, tam ex parte pœnitentis quam ex parte Sacerdotis in

ejus administratione concurrentes. Hoc tamen illorum motivum nullius esse roboris ostendit S. Doctor sequenti discursu tanti ponderis, ut jam nullum inveniamus, qui ei non suffragetur. Etenim quotiesquis effectus procedere petit, et reipsa procedit ex pluribus in unum coeuntibus, tunc nulla earum est causa per se divisive ab alia; sed omnes sunt una causa, et talis censemur, sicut patet detrahentibus navem: sed remissio peccati actualis, qui est proprius effectus Pœnitentiaz, petit procedere et de facto procedit ex actibus pœnitentis, et Sacerdotis absolvētis: ergo omnes isti actus censendi sunt una causa totalis, et per modum unius influentis in prædictam remissionem. Consequentia legitima est. Majorem præter exemplum illi insertum a D. Thoma, convincit aliud principium non minus certum ex doctrina Philosophi, et a S. Doctore plures usurpatum: quoniam ubi sunt plura propter unum, non tam dicenda sunt plura, quam unum, in quem ut in finem collimant, et a quo mutuantur speciem formalem, quidquid sit de diversitate materiali, qua in esse rei, et inter se collata potiuntur, ut constat in pluribus actibus ejusdem potentiaz, habitus, vel virtutis, inter se satis dissitis, formaliter tamen unicam speciem tribuentibus potentiaz, habitui, vel virtuti: quo pacto non plures, sed unum sunt in specificando. Minor etiam liquet; quandoquidem nec soli actus pœnitentis, nec solæ actiones absolvētis assequuntur gratiam remissivam peccati, sed omnes simul debent concurrere, ut sit Sacramentum, et ut effectus Sacramenti sequatur: ergo quidquid sit de eorum pluralitate, et distinctione in esse rei, sicut constituunt in significando unum, et idem formaliter signum, ita et eodem modo in causando non constituunt nisi unam numero causam: *quia Sacraenta (concludit S. Doctor) efficiunt signando: D. Thom. ideo etiam omnia habent rationem unius signi, dum unumquodque incomplete significat illum effectum, et propter hoc omnia sunt unum Sacramentum.*

His itaque unitatibus sive specifica, sive numerica citra controversiam in Pœnitentiaz Sacramento constitutis. Quia rursus duplice subest considerationi; physicæ, qua ratione ejus partes physicas, vel quasi physicæ dumtaxat consideramus; et metaphysicæ, quomodo genus et propriam ipsius differentiam attendimus, duplēcē ei oportet assignare diffinitionem, ut ejus es-

Aliquo-
rum
ratio.

sentia ex omni capite, quantum fas est, maneat explicata. Unde sit

¶ I.

Duplex Pœnitentia definitio et earum explicatio.

Prima
conclu-
sio.

Arauxo.

Ratio.

N. Com-
plut.

Objec-
tio.

125. Dicendum est primo quidditatem hujus Sacramenti physice acceptam recte explicari per hoc, *quod sit confessio dolorosa oris exterius facta sub præscripta verborum forma*. Ita communiter discipuli D. Thomæ in præsenti; a quibus non dicit Arauxo dicens *esse compositum ex actibus pœnitentis cum legitima absolutione sacerdotis*: quia re ipsa idem ac per primam significare intendit, licet deficiat a rigore definiendi concreta artificialia, seu accidentalia, qualem præscribunt Logici. Quocirca primam ut formaliorum, et arti conformiorem amplectendam censemus.

Et ratio est: quoniam, ut docent communiter discipuli D. Thomæ, et bene explicant N. Complut. in logica cap. de Genere, in definitione concreti accidentalis materia collocatur loco generis, et in recto, forma vero vice differentiæ, et in obliquo: sed Sacraenta sunt concreta accidentalia: ergo eorum materia obtinet in eorum definitione physica rationem generis, et forma rationem differentiæ. Cum ergo ex dictis constet dolorem sensibiliter manifestantem dolorem internum media confessione esse materiam propriam, et proximam hujus Sacramenti, absolutionem vero legitimam Sacerdotis esse formam; plane consequitur optime, et artificiose definiri hoc Sacramentum per hoc quod *sit confessio dolorosa exterius facta sub præscripta verborum forma*. Quoniam per eas dictiones, *confessio dolorosa exterius facta*: explicatur tum actus interior doloris, sive sit contritio, sive attrito, quarum qualibet sufficit ad valorem Sacramenti; tum etiam ipsa confessio exterior, quæ supt duas partes essentiales hujus Sacramenti ex parte materiae se tenentes ut constat ex hactenus dictis. Per illam autem particulam, *sub præscripta verborum forma*, significatur absolutio legitimi sacerdotis, qua essentialiter completer judicium, et perficitur Sacramentum. Unde etiam agnoscitur nec superflue, nec diminute in ea procedi, quod est præcipuum bopæ definitionis præceptum.

126. Sed objicies primo, Sacramentum

non est compositum physicum, sed morale. Compositum autem morale non admittit physicam diffinitionem, sed dumtaxat moralem: ergo nec Sacramentum, atque ideo inane prorsus est illi definitionem physicam affigere, et regulas bonæ definitionis pro accidentibus physicis observare.

Respondetur ad objectionem concedendo Majorem in sensu superiori volumine tract. de Sacramentis in genere disp. 1, dub. 2, § 3, explicato, negando Minorem, cuius evidentem falsitatem satis superque ostendunt diffinitiones juxta rigorem dialecticum ibi traditæ, et quæ passim de rebus moralibus a Theologis traduntur. Unde si reliqua Sacraenta, quantumvis entia moralia sint, strictam ac juxta regulas diffinitionem admittunt, non est vel apparenſis disparitatis ratio in hoc Sacramento, cuius unitatem specificam et numericam statuimus, et ex D. Thoma firmavimus initio hujus dubii.

127. Secundo et melius replicabis, ex tradita diffinitione sequi absolutionem solum in obliquo, non autem in recto esse partem hujus Sacramenti. Consequens et est in se falsum, et hactenus dictis minime cohærens: ergo tradita definitio admittenda non est. Sequela constat: quia cum definitio, ut bona sit, debeat explicare naturam, et essentiam rei, eo prorsus modo quo aliquid explicatur per diffinitionem, pertinet ad essentiam rei definitæ: sed absoluſio in præjecta definitione explicatur in obliquo non autem in recto: ergo solum in obliquo, non vero in recto pertinet ad essentiam hujus Sacramenti.

Respondetur ad hanc replicam negando sequelam majoris, quam non evincit illius probatio; quia licet definitio explicet quidditatem rei, non eodem modo res constituitur, ac explicatur per definitionem: siquidem constitutio regulatur penes id quod quis habet in esse rei; definitio vero penes modum concipiendi, et significandi. Et non semel aliter se habet res in se, ac a nobis concipitur, et explicatur, de quo plura suppetunt exempla, cuique obvia. Et ne longius evagemur, constat in Baptismo, cuius forma sunt ea verba: *Ego te baptizo, etc.*, cum tamen in ejus physica diffinitione non importentur nisi in obliquo: *Baptismus enim est ablutio exterior, facta sub præscripta verborum forma*; ut communiter illum definiētes docent. Idem cernitur in omnibus aliis concretis accidentibus, et artificialibus, in quorum physicis diffinitionibus materia ponitur loco generis, et ipsa forma

Respo-
lio.

Altera
objec-

Solutio-

forma vel accidentalis, vel artificialis loco differentiae; non enim est statua, nisi lignum, vel aes sub tali, vel tali figura. Ex quo nullus infert figuram statuae non constituere in recto ipsam statuam; quin est tota ejus essentia. In quo differt a forma artificiali sacramentalis, quae non est tota essentia physica illius, sed dumtaxat pars essentialis, et potior ipsius Sacramenti.

128. Dicendum est secundo omnium optimam hujus Sacramenti diffinitionem metaphysicam esse hanc: *Pænitentia est Sacramentum novæ legis significans gratiam remissivam peccati actualis post Baptismum.* Quod enim sit bona diffinitio constat, quia exacte explicat essentiam hujus Sacramenti, prout ab aliis differentis, et cum eo convertitur. Alijunde vero traditur per immediatum genus, quod est ratio *Sacramenti omnibus aliis Sacramentis communis*, et per propriam ipsius differentiam, nimurum quod sit remissivum peccati actualis post Baptismum, in quo ab omnibus illis differt: est ergo recta, et artificialis illius diffinitio. Quod vero sit omnium optima, ut asseruimus, non aliter, nec melius probari potest, quam ab aliis traditas in medium adducendo, ut ipsæ seipsas prodant, et illarum collatio sit verior nostræ diffinitionis probatio, et uberior approbatio.

129. Et ut ab antiquiori incipiamus, Scotus in 4, dist. 4, ita Pœnitentiam diffinit: *Est absolutio hominis pœnitentis facta certis verbis, cum debita intentione prolatis a Sacerdote jurisdictionem habente ex institutione divina efficaciter significantibus ablutionem animæ a peccato.* In qua ipsamet verborum prolixitas ejus ineptitudinem manifestat: quoniam ut docuit Aristoteles I, post text. 5: *Definitio debet esse brevisima communis animi conceptio*, et Cicero lib. 4 Rhetic. tenuit debere esse brevem, circumscriptamque rei explicationem, a quorum quolibet longissime abivit Scotus in a se proposita definitione ut patet. Præterquam quod diminutissime alias processit excludendo, vel reticendo materiam proximam hujus Sacramenti, pro qua stant uniformiter Concilia et Patres docendo omnia Sacraenta constare ex materia, et forma, ut supra vidimus.

130. Succedit Suarez in presenti disp. 18, sect. 2, n. 9, hanc diffinitionem formans: *Est compositum morale, seu artificiale constans ex actibus pœnitentis, et*

verbis sacerdotis, institutum ad significandum, et conferendam gratiam remissivam peccati post Baptismum commissi. Hæc tamen magis videtur sapere politam rhetorice descriptionem, quam methodicam et scientificam definitionem; quippe quæ non fert eam congeminatam verborum disjunctio nem omnino superfluam, et quantum fas fuerit, vitandam, ut nuper audivimus ab Aristotele, et Cicerone, a quibus præcepta recte definiendi accepere omnes Scholastici. Deficit etiam apponendo loco generis illam dictionem. *Compositum morale, seu artificiale*, (in quo etiam labitur Arauxo, ut supra innuimus), quia licet verum sit quod omnia Sacraenta sint composita, et moralia, et artificialia; ratio tamen compositi non convenit illis ex parte formæ totalis, quæ est sacramentalis significatio, sed ex parte subtracti ipsius significantis. Quamobrem proprium et proximum genus Sacramentorum non est ratio *compositi*: sed ratio *signi* ut oculatissime observavit Angelicus Præceptor supra quæst. 60, art. 1, dicens: *Specialiter autem nunc loquimur de Sacramentis, secundum quod important habitudinem signi, et secundum hoc Sacramentum ponitur in genere signi.* Unde per rationem *signi*, non vero per rationem *compositi* definienda sunt.

Quod forsan præsentiens P. Suarez aliam regulis conformiorem in fine illius numeri 9, tradidit definitionem, addens: *Dicemus ergo hoc Sacramentum esse confessionem legitime in foro pœnitentia factam, et absolutione judicis formalam.* Hæc tamen definitio vitavit quidem prolixitatem primæ, sed evasit diminuta, nullam faciens mentionem do'oris; confessio enim non dolorem exprimens, sed historice referens non est pars hujus Sacramenti, nisi forte illum voluerit exponere per eas particulas, *legitime in foro pœnitentia factam*: quod non est facile creditu. Sed sit ita; non evasit aliud vitium prorsus a bona definitione ablegandum nimurum quod definitum ipsum ingrediatur suimet definitionem, quod est contra regulas. Etenim per illa verba, *in foro pœnitentia*, nihil aliud videatur in cognitionem venire, quam ipsum Sacramentum Pœnitentia. Quid namque est aliud *forum pœnitentia*, quam judicium exercitum in Sacramento Pœnitentia? Et quid aliud est judicium exercitum in Sacramento Pœnitentia, quam intransitive ipsummet Sacramentum Pœnitentia? Commissit ergo nugationem idem per se ipsum

definiendo, cum sensus sit, Sacramentum Pœnitentiaæ est confessio legitime facta in Sacramento Pœnitentiaæ. Ne autem quis obtendat se gessisse P. Suarez ut Theologum, ad majora conversum et puerilia rudimenta non curantem; non vero ut dialecticum, consulat ipsummet in citato loco cuius principium est: *Ultimo concluditur ex dictis Sacramentum Pœnitentiaæ dialektico more loquendo, etc.*

Dicas-
tillo-
impul-
gnat.

131. Aliam duplēcēm diffinitionem tradit Dicastillo, sed non undequaque conformem tract. 8 de Sacrament. Pœnitentiaæ, disp. 4, dub. 3, n. 24. Prima, eaque metaphysica per genus et differentiam metaphysicam, ut ipse loquitur talis est: *Est signum efficax gratiæ remissivæ peccati post Baptismum commissi.* In qua non est quod duplicat, nisi quod assumit genus intermedium qualis est ratio *signi*, non vero proximum, quod est ratio *Sacramenti*. Diffinitiones autem, quantum res permisserit, per genus proximum, et immediatum, non vero per subalternum, et medium tradenda sunt: hac enim via melius explicatur quidditas specifica rei diffinitæ. Cum ergo ratio *Sacramenti*, sit conceptus immediatus, in quo omnia *Sacmenta* univoce convenient, supra quam est ratio *signi*, melius collocatur ad diffinitionem cuiuslibet *Sacramenti* ratio *Sacramenti*, quam ratio *signi*: sicut melius definitur homo per hoc quod sit *animal rationale*, quam per hoc quod sit *corpus rationale*. Unde merito ipsem Dicastillo immediate subjecit: *Vel si mavis, est Sacmentum remissionis peccati per modum judicii.* Qui si adjecisset: *actualis post Baptismum ad particulam peccati, evaderet omnino perfecta definitio nihil a nostra differens.* Dum tamen illa verba non addidit, imperfecta remansit non explicans propriam materiam hujus *Sacramenti*, quæ est peccatum actuale post baptismum.

Altera
ejusdem
definitio
displi-
cket.

Non ita placet secunda definitio physica immediate apposita, quæ est hujusmodi: *Est Sacmentum in quo peccata rite confessa per legitimam absolutionem Sacerdotis injuncta pœnitentia remittuntur.* Quia definitio physica debet assignari per partes physicas, et non per metaphysicas, ne confundantur partes physicae, et metaphysicae, et similiter definitiones: sed ratio *Sacramenti* non est pars physica pœnitentiaæ, sed conceptus genericus metaphysicus illius: ergo non bene apponitur in diffinitione physica. Nec insuper observat

regulam recte definiendi concreta accidentalia, in quibus materia, vel subjectum ponitur loco generis. Ratio autem Sacramenti non est subjectum aut materia Pœnitentiaæ, sed conceptus genericus per modum totius potentialis continens sub se omnia Sacraenta. Præterea superfluit illa dictio *injuncta pœnitentia*, cum absque ejus impositione salvetur essentia hujus Sacraenta, ut constat in moribundo, et aliis casibus occurrentibus, et exigentibus absolutionem ministri absque injunctione pœnitentiaæ, quos inter ipsummet Dicastillo admittere infra videbimus.

132. Eisdem subjacet defectibus, quam Granados de Pœnitentia controv. 7, tract. 1, disp. 2, per hæc verba: *Pœnitentia est Sacmentum novæ legis constans ex actibus pœnitentis, et absolutione sacerdotis, conferensque gratiam, qua peccatum post baptismum commissum remitti possit.* Hæc autem definitio partim est metaphysica, quatenus prima particula, subit rationem generis, et revera ita est, ut constat ex dictis. Partim vero physica, in quantum declinat ad partes physicas, vel quasi physicas hujus *Sacramenti*, easque collocat vice differentiæ. In quo deficit a regula recte concreta accidentalia definiendi, juxta quam materia, et quæ vicem illius gerunt, loco generis collocari debent: quod in hac definitione non observari manifestum est. Quapropter tam istæ, quam aliæ annumeratae diffinitiones potius inter descriptiones, quam inter strictas, et juxta regulas artis definitiones accenseri debent. Quo contra se gessit Angelicus Doctor in hoc primo articulo, miro artificio concludens Pœnitentiam esse Sacmentum significans gratiam remissivam peccati *actualis post Baptismum*, ut constat ex syllogismo quem format ad probandum esse Sacmentum. Etenim Sacmentum non est aliud, quam res gesta significans gratiam, ut constat ex Gregorio: sed Pœnitentia est res gesta ex parte pœnitentis, et Sacerdotis, et significat gratiam: ergo Pœnitentia est verum Sacmentum significans gratiam, non qualecumque, sed remissivam peccati *actualis post Baptismum*. Minorem probat S. Doctor: nam pœnitens per ea, quæ facit, et dicit, ostendit cor suum a peccato recessisse: similiter etiam sacerdos per ea, quæ agit, et dicit circa pœnitentem, significat opus Dei remittentis peccata, non qualiacumque, sed sacerdoti manifestata, quæ sunt peccata actualia. Ex quo imme-
diata

Granados

definitio

tur.

Repelli

tur.

diate consequitur gratiam per hoc Sacramentum significatam esse medicinalem, ac remissivam peccati actualis post baptismum quod solum cadit sub confessione, et consequenter Pœnitentiam esse Sacramentum remissivum peccati actualis post Baptismum, seu (et in idem recidit) significans gratiam remissivam illius. Quæ est legitima illius definitio metaphysica eruta ex visceribus doctrinæ hujus articuli

§ II.

Pro quo Pœnitentia supponat, ostenditur.

^{suppo-} 133. Ut secundam dubii partem de se non arduam, sed aliquorum dictis satis implexam, decidere, et in lucem eruere valeamus, duo præmittenda duximus superiori volumine tract. de Sacramentis in genere disp. 2, dub. 2, n. 15, et n. 38, jam indicata, hic autem apprime opportuna. Primum est in hoc Sacramento (et eadem est ratio in aliis) duplicum formam reperiri; aliam totalem, et adæquatam totius Sacramenti, quæ proinde supponit tam materiam, quam formam, quas hactenus recensuimus. Hæc autem non est aliud, quam ipsam Sacramento significatio, seu relatio signi ex institutione divina significantis gratiam medicinalem propriam, Pœnitentiæ. Cum enim nec sola materia a pœnitente apposita, nec sola absolutio a Sacerdote exhibita sit integrum Sacramentum, sed utraque conjuncta illud adæquate constitutat, planum est relationem signi, seu (quod idem quoad præsens est) significationem Sacramentalem nondum intelligi, donec intelligatur fundamentum proximum prædictæ relationis, quod est artefactum consurgens ex actibus pœnitentis, et absolutione Sacerdotis. Id quod satis liquet in compositis naturalibus, et artificialibus: non enim humanitas, quæ est forma totalis hominis, consurgit nisi ex unione materiæ cum forma, nec figura domus, quæ est forma illius adæquata coalescit ex quolibet cubiculo, sed ex omnibus partibus ipsius domus simul sumptis.

Alia est forma partialis, illa nimirum quæ actuat materiam sui comparatem, qualis est in præsenti absolutio. Hæc vero dicitur forma partialis, non quia non constitutat cum alia compare materiali Sacramentum adæquate, ad eum sane modum quo anima rationalis se habet respectu

Salmant. Curs. theolog. tom. XIX.

hominis, quo sensu supra statuimus non esse plures partiales formas in hoc Sacramento. Sed ideo ita nuncupatur, quia comparative ad significationem Sacramentalem, quæ est totalis forma, sicut humanitas respectu hominis, et forma domus respectu ædificii, est vera pars partialiter cum materia constituens integrum subjectum, et fundamentum significationis, seu signi Sacramentalis.

134. Quo fit primo, duplex intercedere Concretum: alterum coalescens ex materia et absolutione, quæ est forma directe cädens supra materiam: alterum vero consurgens ex forma et materia simul sumptis, et relatione signi Sacramentalis. Fit secundo itidem duas esse significationes distinguendas: unam quæ convenit formæ, seu verbis per ordinem ad materiam, et exprimitur illis verbis: *ego te absolvo*, quibus enodatio a peccati nexibus indicatur: aliam vero, quæ est propria totius Sacramenti, et idcirco dicitur Sacramentalis, quia nimirum supervenit ad materiam et absolutionem. Et est relatio signi ad placitum ex institutione Christi, duo importans. unum alteri prævium, et denominationem extrinsecam, et formam rationis, ut constat ex dictis de Sacram. in genere disp. 1, dub. 1, § 3. Harum autem prima significatio propria formæ, quamvis sit formalis per ordinem ad materiam, quam determinat, et moraliter afficit; dicitur tamen, et revera est fundamentalis relate ad significationem Sacramentalem, quæ est forma vel quasi forma totalis ipsius Sacramenti, et qua ultimo completur signi Sacramentalis ratio. Et constat a simili artificiali naturalis, in quo et tectum, et cubicula suis constant figuris partialibus sibi propriis; cum tamen hæ omnes convenient, ut ex eis, vel, ut proprius loquamur, cum eis consurgat tota, et completa domus figura. Idem liquet in statua, et in quolibet alio composito artificiali ex partibus ethrogenieis coalescenti.

135. His, quæ ita nostro judicio sunt perspicua, ut in dubium reduci non possint, addimus secundum magis abditum, sed non minus certum: nimirum in concretis accidentalibus, qualia esse Sacra menta nemo ambigit (quidquid sit de substantialibus nostra non referentibus) aliud esse suppositionem a significatione, id est pro alio supponere, et aliud significare, siquidem supponunt pro subjecto, seu materia, et significant formam accidenta-

Illatio
prima.

Illatio
secunda.

Secunda
suppo-
sitio.

lem vel naturalem, vel artificialem juxta concretorum diversitatem. Hanc tamen distinctionem vel non admittunt, vel rejiciunt communiter recentiores extra scholam D. Thomæ, ut videre est apud ipsos, præcipue vero Lugo in præsenti disp. 42, sect. 1, ubi inquirit: *Quid importetur in recto per Sacramentum Pœnitentiarum?* Ubi nihil certi statuit, sed ad voces omnia reducens modo significationem cum suppositione confundit, modo ampliat, modo restringit, et tandem omnes dicendi modos in concordiam reducit, quin aliquid fixum inde eruere possimus, nisi quod potuerit significari in recto materia, et in obliqua forma; et vice versa, et omnes partes simul sumptae, et aliqua illarum, prout cumque libuerit Pœnitentiam concipere, et ejus partes significare.

136. Hoc tamen illius, et aliorum in hac parte posthabito iudicio, magis credendum est alii gravissimis, et omni exceptione majoribus Theologis inter quos eminent D. Augustinus et D. Thomas, qui certum modum, ac fixam regulam circa concreta accidentalia constituunt quoad suppositionem, et significationem, constanter docentes pro uno supponere, et aliud significare, ut jam videbimus, et ratio suadet: quoniam suppositio est proprietas termini propositionis; significatio autem convenit nominibus independenter a propositione: quamobrem differre debent, et non pro eodem usurpari. Nam ut docet Philosophus cap. de substantia, *nomen albi nisi qualitatem nihil significat.* Quo respiciens Ang. Doctor. in 1, dist. 18, quæst. 4, art. 2 ad 3, dixit: *Subjectum non includitur in significatione nominis significantis accidens concretive.* Et ratio est evidens: quoniam ut docent N. Complut. in Log. disp. 4, quæst. 3, hæc prædicatio est in materia contingentia, et omnino accidentalis: *homo est albus:* ergo etiam significatum formale illius, est homini accidentale? si autem significatum non esset albedo, sed ipsum subjectum, prædicatio non esset omnino accidentalis, sed vel essentialis omnino, vel ut minimum mixta ex essentiali, et accidentalili, quod est inauditum. *Et ideo* (verba sunt D. Thomæ 7 Metaphys. lect. 1) *unumquodque talium nominum, quæ significant accidens in concreto, videntur importare prædicamentum substantiarum: non ita quod prædicamentum substantiarum sit pars significationis talium nominum; album enim ut in*

prædicamentis dicitur, solam qualitatem significat: sed in quantum hujusmodi nomina significant accidentia ut inhærentia substantiarum.

137. Porro suppositio convenit terminis accidentalibus per ordinem ad subjectum, ex quo habent esse, et cui inhærent, ut constat ex ultimis verbis D. Thome modo relatis, et liquet in qualibet prædicatione accidentalis. Quando namque asseritur vel album currere, vel musicum disputare, cursus vel disputatio non tribuitur aut albedini, aut musicæ, sed subjecto albo, vel musico pro quo stat suppositio, et cui applicatur vel cursus, vel disputatio. Similiter quando dicitur hominem esse album, albedo applicatur homini, ex quo albedo habet substerni aliis prædicatis, non vero ipsimet albedini, alias esset propositio identica, et non formalis. Unde *album significat albedinem in subjecto, pro quo, et non pro albedine supponit.* Quod alte callens D. Augustinus, et ad rem nostram aptissime applicans tract. 15, in Joannem cap. 4, asserit quod *Baptismus est linctio in aqua verbo vita sanctificata.* Quem imitatus Angelicus Præceptor in 4, dist. 3, q. 1, dixit: *quod Baptismus simpliciter est in genere ablutionis, sed secundum quid, scilicet in quantum est Sacramentum, est in genere relationis, ex parte nimurum significationis.* Et rationem tradit S. Doctor: quoniam artificialia non ponuntur in genere ex forma simpliciter significata, sed ex materia; non enim dicimus quod domus sit absolute in genere qualitatis, nisi ex parte figuræ, sed dicitur absolute esse in genere substantiarum, pro qua stat suppositio, et non pro forma, seu figura domus.

138. Hinc jam haud arduum est veritatem elicere, et principia tradita, quæ universalia sunt, nostro instituto applicare. Unde asserendum existimamus, quod si fiat sermo de primo concreto primaque significatione, coalescentibus ex actibus pœnitentis, et absolutione Sacerdotis dumtaxat; Pœnitentia supponit in recto pro actibus pœnitentis, et in obliquo pro absolutione Sacerdotis, et ita eam definivimus § proxime antecedenti cum communi Thomistarum. Et ratio ex dictis est clara, quoniam concreta accidentalia significant formam nudam, supponendo pro materia, et subjecto: Sed Pœnitentia est concretum accidentale; ergo ita debet significare formam, quod supponat pro materia ipsius propria. Hæc autem non est aliud

Lugo.

D. Au-gust.
D.Thom.

Philoso-phus.

Angel.
Doctor.

N. Com-plut.

D.Thom.

Quali-
bit sup-
positi-
onem
rura
accide-
taliū

D. Au-gust.

Asser-tio
enucle-
ta.

Ratio.

Confirmatio. aliud quam actus ipsius pœnitentis sæpius enumerati; forma vero est absolutio: ergo Pœnitentia supponit in recto pro actibus pœnitentis, et in obliquo connotat formam, a qua determinantur et complentur.

Altera assertio- Et confirmatur: quoniam concreta artifcialia, ad quorum instar se habet hoc Sacramentum, significando artificiosam formam non supponunt pro ea, sed pro materia, in qua introducta est forma, ut patet in artefactis, et exemplis supra productis: ergo similiter Pœnitentia ita significabit absolutionis formam, quod pro ea non supponat in recto, sed pro materia, quæ sit illi propria, quales sunt actus pœnitentis.

Fundamen- 139. Si vero redigatur sermo ad secundum concretum, ob eandem prorsus rationem, tenendum est hoc Sacramentum supponere in recto pro actibus pœnitentis, et absolutione sacerdotis simul sumptis, et importare in obliquo significationem Sacramentalem, quæ est veluti forma totalis hujus Sacramenti. Fundamentum hujus assertionis est omnino idem cum præcedenti. Quoniam concretum artificiale supponit pro substracto significando formam propriam per ipsum significatam: sed proprium et adæquatum substractum significationis sacramentalis, seu totalis sunt actus pœnitentis, et absolutio Sacerdotis simul sumpti, et uniti: ergo pro eis simul sumptis, et unitis supponit hoc Sacramentum in secunda consideratione acceptum.

Confirmatur. Confirmatur, et explicatur urgendo instantias, et exempla adducta. Quoniam substratum adæquatum totius domus, vel statuæ non est hæc, aut illa pars determinata, puta tectum, pectus, vel quid simile, sed omnes ejus partes simul sumptæ, cum quibus figura domus, vel statua consurgit, ut testatur experientia: ergo hanc analogiam servando in Sacramentis, quæ ex beneplacito Dei constat esse concreta accidentalia, palam deducitur substractum proximum, et immediatum significationis Sacramentalis non esse nec solos actus pœnitentis, nec solam absolutionem Sacerdotis, sed hanc, et illos in unum coalescentes. Atque ideo attendendo ad regulam suppositionis traditam concretorum accidentalium, suppositio non stat pro uno, aut altero divisive, sed pro omnibus simul sumptis, quo pacto, et non aliter subsunt significationi sacramentali.

T sati- 140. Si autem inquiras, quid dicen-

dum sit absolute, et sine restrictione loquendo? Respondemus breviter, absolute loquendo hoc Sacramentum supponere pro actibus pœnitentis in recto connotando absolutionem in obliquo, ut constat ex diffinitione supra constituta. Et ratio est quia absolute loquendo nec Concilia, nec Patres formæ hujus totalis meminere, sed Theologis explicandam detulerunt, unde consequenter docent omnia Sacraenta ex materia, et verbis ut forma constare, quin ad Sacramenti alicujus constitutionem opportunam judicaverint eam significationem Sacramentalem nimis abditam, et fidelium eruditioni non nimis necessariam. Quocirca in præsenti sicut nomine Sacramenti Pœnitentiae non intelligimus Catholici, nisi concretum ex actibus pœnitentis, et absolutione legitimi Sacerdotis; ita non asserimus, nec asserere debemus supponere pro alio, quam pro actibus pœnitentis, ut subsunt absolutioni Sacerdotis, sicut statua non supponit nisi pro ligno, vel argento ut subest tali, vel tali figuræ. Recolantur quæ diximus de Sacram. in genere locis supra allegatis.

Contra quam doctrinam nihil opponit Vasquez oppositam tenens juxta regulas Vazquez, quas ipsem sibi cudit absque alio duce. Unde non est cur eis moremur. Sit ergo

DUBIUM IV.

Utrum actus pure naturales pœnitentis sint materia sufficiens Pœnitentiae?

Ut hanc disputationem, et quæ in hoc primo articulo docuit D. Thomas, omni ex parte absolvamus, opere pretium censuimus præsentem excitare, ac decidere difficultatem. Cum enim ostensum sit actus pœnitentis esse materiam proximam hujus Sacramenti, sine quibus proinde ejus essentia subsistere nequit, illoco pungit animum inquirere, utrum illi actus debeat intra ordinem naturæ contineri, vel ad supernaturalem elevari?

§ I.

Status difficultatis aperitur.

141. Nomine elevationis non intelligimus eam, qua Sacraenta sicut instrumenta Dei indigent ad producendam gratiam, tum quia hæc est communis omnibus aliis Sacramentis; tum quia de hac nulla

Decla-
ratio
difficul-
tatis.

est quoad præsens specialis difficultas, utpote pertinens ad tractatum de Sacramentis in genere, ubi eam discussimus, et vindicavimus. Unde quæstio præsens devolvitur ad actus ipsos pœnitentis quoad entitatem consideratos, omnino independenter ab elevatione supervenienti. Urgetque dubitandi rationem aliquos intercedere actus pœnitentis proxime ad Sacramentum se habentes, quos citra ullam controversiam ad ordinem pertinere naturalem nemo ambigit, quales sunt externa verborum prolation tam ex parte ipsius pœnitentis, quam ex parte Sacerdotis absolvientis, et cæteri actus externi, qui ex sua specie, et quatenus a suis principiis proxime elicientibus ortum ducunt, naturalem ordinem non transcendunt. Quocirca si quam supernaturalitatem quis velit ipsis adscribere, ea profecto dumtaxat erit pure extrinseca, et ex parte radicis, seu principii extrinsece tantummodo dirigentis, et ordinantis in finem supernaturalem; non vero intrinseca et entitativa.

Idemque censuimus tract. de Fide disp. 5, dub. 2, § 5 (et modo judicamus) de intentione interna tam suscipiendi, quam ministrandi Sacraenta; quippe quæ est generalis conditio ad omnia ea rite, et recte conficienda. Ibi namque universaliter statuimus nullum actum vere supernatural posse contrahere deformitatem malitia, nedum ex parte operis, sed neque etiam ex parte operantis, ut aliqui, nec contempnendæ authoritatis, arbitrabantur. Cum vero vel ipsa experientia constet intentionem vel suscipiendi, vel ministrandi Sacraenta non semel ob distortum finem inanis gloriæ, lucri, vel alterius labis vitiari; plane consequitur eam intentionem ex sua specie neutquam in ordine supernaturali collocari, sed intra naturæ ordinem adæquate contineri. Quapropter tantummodo directive, aut regulative ordinem supernaturalem attingit. A qua doctrina non excipimus intentionem hoc Sacramentum suscipiendi ob inanem gloriam vel alium finem venialiter pravum; dummodo talis intentio præsuppositiva, et omnino concomitanter, seu materialiter se habeat; quin ejus deformitas quoquo modo refundatur in attritionem, et cæteros actus proxime concurrentes ad absolutionem; a quibus sicut non aufer veram rationem materiæ proxime, ita nec impedit valorem, et fructum Sacramenti, ut bene animadvertis Suarez.

disp. 20, sect. 3, n. 5. Quod si contigerit eum finem venialiter pravum influere in actus proxime ad fructum Sacramenti disponentes, asserendum omnino est juxta principia loco citato constituta nullum in eo eventu fieri Sacramentum nec quoad fructum, nec quoad valorem, et essentiam. Non quidem quia peccatum veniale impedit, aut excludat gratiam, ut aliqui male obtrudunt, et obtundent, inter quos Sylvester verbo Confessio: § 7, quem impugnat Soto in 4, dist. 17, q. 3, art. 3; sed quia deficit vera materia ad Sacramentum exacta, nimirum dolor honestus, et finem supernaturalem pertingens, ut infra magis declarabimus. In quo quidem non est aliquid durius, aut absurdius, quam in eo quod non conficiatur verum baptismum, aut vera Eucharistia, si non adsit verus panis triticeus, vel vera aqua naturalis, culpabiliter, vel inculpabiliter id contigerit.

142. Illis ergo actibus naturalibus ex parte pœnitentis suppositis, difficultati obnoxium est, an idem tenendum sit de aliis actibus proximis, ad Sacramentum se habentibus. Et quia inter eos potissimum sibi vindicat locum dolor, seu detestatio peccatorum, in qua ut docet D. Thomas ^{D.Thom} infra quæst. 90, art. 3, ad 2, sicut in fundamento, et virtute continetur tota pœnitentia, idcirco difficultatis pondus eo devolvitur, ut examinet: an dolor naturalis ex motivo naturali elicitus sit materia sufficiens hujus Sacramenti, necne?

Porro sicut Sacramentum stat dupliciter: vel quoad essentiam cum fructu, nimirum gratia, qua ratione importat nemus integrum constitutionem ex veris materia, et forma, sed etiam ipsam gratiam, et idcirco appellatur Sacramentum fructuosum: vel quoad essentiam, seu valorem, præscindendo a fructu, quo pacto tantummodo includit materiam, et formam, ut partes sui essentiales, et adæquate ejus essentiam constituentes, quin ex vi hujus considerationis fructum aut concernat, aut excludat (quod ideo advertimus, ne hanc cum alia de Pœnitentia informi graviori difficultati obruamus) imo præscindit, et negative se habet. Consimiliter dupliciter possumus excogitare materiam proximam esse sufficientem: vel quoad Sacramentum fructuosum, seu gratiæ conjunctum: vel quoad essentiam, seu valorem, quidquid sit de ejus fructu, a quo præscinditur. Et utroque modo examinan-

Sylves-
ter.

Aperi-
tur
difficil-
tas.

Duplex
accepti-
Sacra-
menti.

dam, ac decidendam assumimus difficultatem, quæ bimembris est. Una, an dolor pure naturalis sit materia proxime sufficiens ad Pœnitentiam cum fructu suscipiendam? Altera et potior, an saltem sufficiat ad rite quoad valorem recipientum?

Quid debeat supponi. Verum enim vero ad quamlibet harum difficultatum, ut prorsus indubiam supponimus existentiam alicujus doloris circa peccata in confessione detecta; qui si deficerit omnino, nullum inde consureret Sacramentum, sive ignoranter, sive scienter id fieri contingeret. Et ratio est tum, quia, ut docet Concilium Tridentinum sess. 6 de *Justificatione*, et sess. 14 de *Sacramento Pœnitentiae*, ad hoc Sacramentum necessaria est illa pœnitentia, quam quis tempore oportuit agere ad obtinendam a Deo veniam, et consequendam, ac reintegrandam cum eo amicitiam: sed ad hoc nullo non tempore fuit necessarius dolor, ut ibidemonstrat Concilium ex sacra pagina, et SS. PP.; ergo etiam modo debet interesse ad veritatem Sacramenti, quomodo libet accipiatur. Tum etiam, quia pœnitentia se habet ad instar judicii, in quo ipsem pœnitens agit reum, delatorem, ac promotorem contra seipsum, spe veniam consequendi, et discussam societatem cum Deo reineundi: quod quidem nisi serio fiat, et cum animo finis assequendi, futile et totaliter vanum est. Nequit autem serio, et cum spe fieri ab illo quem non pœnitit de culpa commissa, ut adhuc in humanis constat: potior ergo titulo necessarius est dolor et detestatio ad reconciliationem cum Deo offenso. Tum denique, quoniam historica narratio absque dolore magis iram, quam veniam ciet. Quid enim offenso injurius delicti narratione, quæ magis complacentiam, quam displacentiam redoleat, qualis est delictorum absque illorum dolore detectio, et manifestatio? Juxta illud Chrysostomi hom. 13, super Matth.: *Non dolere, quia peccaveris, magis indignari, alque irasci facil Deum, quam illud peccatum, quod ante commiseris.*

P. Suarez. 143. Quocirca recte P. Suarez oppositum aliquibus tribuens, ut temerarium, et improbabile rejicit ubi supra sect. 1, quin obsit illorum effugium obtentendum sufficere confidentem dolere de eo ipso, quod vere de peccatis non doleat. Contra quod stat: nam dolor ille de non dolore vel est aliquis verus dolor circa peccata, vel non? Si hoc secundum asseratur, neu-

tiquam est sufficiens materia Pœnitentiae, ut constat ex Tridentino exigente dolorem, et detestationem peccatorum, et docet D. Thomas infra quæst. 84, art. 5 et 7, nec non quæst. 85, art. 3, ubi tradit ad veram pœnitentiam opus esse animo vero, et non factio compensandi; animus autem compensandi originem dicit a dolore, et contritione cordis, sine qua proinde vera pœnitentia non erit, sed *inutilis*, ut eam nuncupat D. August. de vera et falsa pœnit. cap. 2, vel *ficta*, ut idem S. Doctor declarat de Cathe. rud. cap. 17. Unde quem dolere de eo ipso quod vere non doleat in Pœnitentia, nihil aliud videtur esse quam pœnitere, quod non se ipsum pœniteat, et consequenter fateri propriam indispositionem, et parentiam materiæ proximæ ad rite suscipiendum Sacramentum. Hoc autem non sufficere constat in aliis Sacramentis, et quod magis urget, in matrimonio consensum postulante in quo desiderium habendi consensum, si revera nullus consensus sit de presenti, neutrum prodest ad veritatem Matrimonii. Si vero affirmetur primum, nimurum dolorem illum quasi reflexum de parentia veri doloris, quem illi comminiscuntur, esse verum dolorem veramque peccatorum detestationem, habemus intentum, et nostra suppositio vel ipsorum iudicio permanet vera. Unde reliquum est, speciem, et ut ita dicamus, qualitatem illius doloris investigemus: An nimurum oporteat esse supernaturale? vel naturalis sufficiat?

144. Nomine autem doloris naturalis nihil aliud quoad præsens intelligendum venit, quam detestatio peccati, quæ sistat intra ordinem naturæ, et nullatenus supernaturalem attingat, quale est odium peccati vel ob ipsius supernaturalem turpitudinem, vel ob cum recta ratione dissonantiam, aut alia motiva satis honesta, quæ plurima, iisque nobiliora suppetunt, utputa quia est contra Deum principium, et finem totius ordinis naturalis, contra honestatem virtutis, contra regulas prudentiae, et cætera hujusmodi, quæ vel ipsos Ethnicos non latuere, ut constat ex Seneca de se asserente: *etiam si scirem hominem nescitum, Deum ignoscitum, adhuc non peccarem.* Cum namque peccatum sit contra inclinationem naturæ rationalis de se in bonum honestum propense, nedum importat deordinationem, et repugnantiam circa supernaturalia, sed etiam circa ipsa naturalia, quæ vulnerat, hebetat, et detor-

D. August.

Dolor
natura-
lis qui-
sit.

quet, ut tract. de peccat. disp. 1 latius explicuimus: atque ideo intra hunc ipsum ordinem supersunt motiva satis efficacia ejus detestationis, et quidem honestæ, ac laudabilis.

Debent supponi actus fidei, etc.
Trident. Catech. Rom.
D.Thom.

Nec ideo excludendæ sunt ab hac disputatione actus supernaturales fidei, et spei, quin potius supponendi, ut omnino prærequisiti ad omnia novæ legis Sacra-
menta, maxime vero ad hominis reconciliati-
onem cum Deo, quæ intenditur in hoc Sacra-
mento, ut constat ex Concilio Tridentino, et clare exposuit Catechismus Ro-
manus jussu Concilii editus part. 2, cap.
5, ubi assignat gradus, quibus ad veram poenitentiam ascenditur, videlicet fide, spe,
ac timore; id quod jam diu ante præsti-
terat D. Thomas, ut questiones sequentes legenti constabit: Hi tamen actus, et si qui sunt alii, quos infra memorare necesse erit, sicut non sunt materia proxima hujus Sacra-
menti, ita remote se habent ad proximam elicientiam aliorum deservientium ad materiam proximam, de quibus est con-
troversia. Cujus legitimus sensus est: An suppositis actibus fidei, spei, et aliis ordi-
nis supernaturalis, quos in natura lapsa post Baptismum esse prærequisitos nemo ambigit, ad fructum et valorem hujus Sa-
cramenti requiratur insuper dolor supra-
naturalis, qui est potior inter actus obeuntes rationem materiæ proximæ, et ut a facilio-
bus expediamur, sit

§ II.

Doloris supernaturalis necessitas ad fructum Pœnitentie monstratur.

Assertio prima. 145. Dicendum est primo ad obtinendum fructum hujus Sacramenti necessarium omnino esse dolorem supernaturale. Conclusio prout jacet, est adeo communis, et vera, ut nullum invenerimus, qui ei refra-
getur, nec mirum, cum videatur expresse tradita, et edocta a Concilio Tridentino sess. 14, cap. 4. Nec ex illis, qui longe ante Concilium scripsere, aut dolorem a ratio partis excludunt, uti sunt Scotistæ cum suo Magistro, ut supra vidimus, aliquis est, qui non assentiatur, quapropter catalogum authorum texere inutile arbitramur.

1 ratio ex Trident. Primum, et plane efficax assertionis fun-
damentum continetur in Concilio Tridentino ubi proxime, cujus doctrinam ad se-
quentiam formam reducimus. Nam ut

Ponitentiae Sacramentum sit fructiferum, seu (quod in idem reddit) gratia formatum, ex parte pœnitentis unum e duobus desideratur, vel perfecta contritio, vel imperfecta quæ tamen excludat voluntatem peccandi, cum spe venia: sed utraque earum est supernaturalis: ergo actus proxime requi-
sus ex parte pœnitentis ad obtinendum fructum hujus Sacramenti est supernatu-
ralis. Consequentia constat. Praemissas docet ipsummet Concilium: majorem quidem distinguens duplēm contritionem: aliam perfectam, et charitate formatam, quæ tantæ est virtutis ut extra Sacramentum cum voto tamen illius, afferat gratiam, et excludat culpam: aliam vero non adeo nobilem utpote ex non ita perfecto motivo prodeuntem, quæ proprie non est contritio, sed attritio. Hæc autem licet actualem vol-
untatem peccandi excludat, nec expellit peccatum habituale, aut statum illius, nec est de se sufficiens ad consequendam gratiam, nisi cum Sacramento et virtute illius, ut ad finem allegati capit is determinat Concilium. Minorem vero in verbis se-
quentibus, ubi primam statuit esse charitatem formatam, secundam vero procedere ex motione, et impulsu Spiritus sancti, nondum inhabitantis, et esse donum Dei, et impulsu Spiritus sancti. Hoc autem stare nequit, quin utraque earum sit super-
naturalis: ergo juxta mentem Concilii omnino asserendum est quamlibet earum esse supernaturalem. Probatur hæc Minor. Et quod attinet ad contritionem perfectam, vel prorsus ableganda est existentia entium supernaturalium, contra communissimam, et irrefragabilem Theologorum sententiam; vel omnino asserendum Charitatem, sicut et gratiam, inter entia supernaturalia ac-
cessas iri, ut contra Scotum et asseclas tract. de Gratia latius prosecuti sumus, ostendentes unam, et alteram esse participa-
tiones immediatas, et formales naturæ, et voluntatis divinæ prout est in se, quod est esse quoad entitatem supernaturales.

146. Confirmatur, et explicatur hæc ea-
dem pars ex Catechismo Romano 2 p.
cap. 28, ubi ait: *Eundem Charitatis, et con-
tritionis modum statuendum esse, ac eodem
loquendi genere Charitatis, et contritionis
magnitudinem in sacris litteris significari?* ut Deut. 6: *Diligite Dominum Deum tuum ex
toto corde tuo; Joel. 2: Convertimini ad me
in toto corde vestro. Sed actus Charitatis,
quo Deus super omnia diligitur, abs dubio
est quoad entitatem, et ut ita dicamus,
substantiam*

Conf. ex
Cath.
Row.

substantiam supernaturalis in omnium sententia; vel nullus est, aut potest esse supernaturalis; ergo eadem prorsus ratione, actus perfectæ contritionis, quo homo perfecte conteritur, et ad Deum ex toto corde convertitur, est, et esse petit supernaturalis.

Si autem hinc inferre volueris dependentiam essentialem actus contritionis a gratia, qualem statuimus inter ipsam, et actum charitatis tract. de Justific. disp.², dub. 6, et disp. 3, dub. 4, inficias non ibimus, imo libenter annuemus, quia verum vero consonat, et unum alterum fovet, et confirmat.

Quod vero attritio disponens ad fructum hujus Sacramenti sit, et debeat esse supernaturalis (quæ est secunda pars Minoris probandæ) haud obscurius eruitur ex eodem textu Concilii asserentis eam esse donum Dei, et impulsu Spiritus sancti nondum inhabitantis permanenter mediis gratia et virtutibus eam comitantibus, sed moventis, et impellentis, ut pœnitens viam sibi ad justitiam paret, et media virtute Sacramenti remissionem obtineat. Ex quo plane sequitur attritionem, de qua est sermo, non posse non esse supernaturalem.

Tum quia actus pure naturalis nec est nec vere dicitur donum Dei, ut contra Pelagium saepè urgebat Augustinus, gratiam creationis (quam esse communem sideribus, et inanimatis nemo ambigit, et hæreticus obtrudebat, ut gratiæ defensor appareret), a ratione gratiæ, seu gratiæ doni penitus rejiciens, eo quod gratia supponit naturam, et ineptissime, sicut hæretice inter dona gratiæ, debita naturæ computantur. Tum etiam: quia ea motio, illeque impulsus, quæ Concilium tribuit Spiritui sancto, in id collimant, ut homo viam paret, seque ad gratiam justificationis disponat, ut de se constat, et clare Concilium affirmat: hoc vero nec fit, nec fieri valet per actus viribus naturæ elicitos, sed dumtaxat competit actibus supernaturalibus, ut tract. de Gratia fuse ostendimus, et firmavimus: ergo attritio, quæ vi illius motionis elicetur, et in finem salutis præparat, ac disponit, nequit non evadere supernaturalis.

147. Confirmatur et explicatur ex eadem Synodo in eodem capite. Quoniam eadem met contritio, quæ quovis tempore fuit necessaria in adultis ad rectam susceptiōnem Baptismi, est etiam modo opportuna, et exacta ad dignam hujus Sacramenti re-

ceptionem: Illa vero abs dubio erat supernaturalis: ergo etiam ista, ad fructum Pœnitentiae requisita. Consequentia est evidens, Major est expressa a Concilio in Trident. illis verbis: *Fuit autem quovis tempore ad impetrandam veniam peccatorum hic contritionis motus necessarius, et in homine post baptismum lapso ita demum præparat ad remissionem peccatorum, ubi non loquitur de contritione perfecta, seu charitate formata, quam paulo inferius docet sufficere ad nanciscendam gratiam sine Sacramento in re, cum voto illius dumtaxat; sed de conceptu quasi communi contritionis præscindentis a perfecta, et imperfecta, quarum quasi differentias ibi inferius exponit. Minor vero probatur ex eodem Concilio de Trident. justificat. sess. 6, cap. 5, ubi docet initium justificationis in adultis medio baptismo desumi a præveniente, excitante, atque adjuvante Dei gratia, et inde can. 3, diffinit neminem posse credere, sperare, diligere, aut pœnitire, sicut oportet ad justificationis gratiam obtainendam absque præveniente Spiritus sancti adjutorio. Disponitur autem homo, ut oportet ad fructum pœnitentiae per attritionem excludentem voluntatem peccandi cum spe veniæ. Ergo hæc est supernaturalis, et aliter nequit ad fructum Pœnitentiae disponere.*

§ III.

Duplex solutio enucleatur.

148. Hujus fundamenti duplex excogitatum est effugium. Alterum est requiri quidem dolorem attritionis, non quidem qui semper reipsa sit supernaturalis; sed qui probabiliter existimetur talis, sive ea existimatio fundetur in ignorantia vincibili, ac subinde culpabili, sive invincibili, atque ideo a culpa immuni: qualibet quippe earum stante probabili judicio, digne acceditur ad Sacramentum, et fructum illius percipiendum. Cum quo stat per se loquendo Sacramentum exigere attritionem vere supernaturalem, ut fructum remissionis impendat. Pro quo refert Suarez ubi supra sect. 2. Cano relict. de Pœnit. part. 5, et Vega lib. 13, in Trident. cap. 34.

Secundam solutionem tribuit idem Pater Suarez sect. 3. Magistro Soto in 4, dist. 18, quæst. 3, art. 3, asserenti ad fructum hujus Sacramenti sive contritionem, sive attritionem elicitas viribus naturalibus cum Sacramento sufficere. Quas quidem ut fal-

Prima
evasio.

Suarez
alios
referens.

Secunda
evasio.
Suarez
Sotom
refert.

sas, et omnino improbabiles rejicit ipse Suarez locis citatis.

Vindicat Nuno. 149. Porro unum et alterum Sapientissimum Magistrum vindicat Nuno in addit. ad 3 p. quæst. 1, art. 1, et ad verum sensum redigere conatur, quasi nimis arduum, et difficile creditu*r* ipsi, et aliis tam præclaros viros, qui adstitere ipsi Concilio Tridentino, in re tam clara ita impeditus. Unde illorum mentem non eam fuisse prætendit quam verba sonare videntur, sed alium vere catholicum, et nulla censura dignum, videlicet contritionem, seu attritionem viribus naturæ elicitas, imperatas tamen, et regulatas per actus supernaturales præcedentes, utputa fidem, spem, timorem servilem, et excitationem divinam, quo pacta actus ipsi naturales elevantur, et aliquod participium ordinis supernaturalis intrinsece accipiunt, sufficere cum Sacramento ad fructum obtinendum. In quo sensu nihil a veritate alienum, aut censura dignum docuere laudati Magistri, sed eis subscribunt ex a nobis visis citatus Nuno, Candid. tom. 2, disquisit. moral. tom. 2, disp. 24, Dicastillo de Pœnit. disp. 6, dub. 1. Nec nobis displicet, quin favet, et fovet doctrinam tract. de Charit. et Merito pluribus stabilitam de virtutibus naturalibus ex imperio Charitatis aliquid intrinsecum contrahentibus, quo earum actus ad præmium supernaturale assequendum evanescunt. Quocirca propositio ista: *Attritio naturalis supernaturalis intrinsece aliquo participio ordinis supernaturalis, dummodo alia non desint ad Sacramenti essentiam, et valorem, sufficienter disponit ad fructum Sacramenti, nulla censura digna est.* Et si iste fuit eorum sensus, minus recte a P. Suarez ut improbabilis suggillata fuit prædictorum Magistrorum doctrina.

Cano. 150. Et profecto quod legimus apud Cano relect. de Pœnit. editionis Complutensis parte illa 5 a Suarez allegata pag. 41, § ad secundum, hæc sunt: *At non quælibet attritio sufficit ut accedens ad Sacramentum pœnitentiae gratiam consequatur.* Et paulo inferius: *Et si quæras quando ex attrito fiat contritus virtute Sacramenti. Respondeo, id primum evenire, quocumque attritionis genere homo sit attritus; si existimet sese præstilisse, quod necessarium erat, ignoratque invincibiliter se non habere sufficientem dispositionem, quia is non ponit obicem, sed bona fide accedit ad Sacramentum. Quæ an satis cohærent cum eo quod ipsi tribuit P. Suarez, vel lippi videbunt.*

Quod attinet ad Magistrum Soto, verum est ita asseruisse, ut sonant illa verba: *Delestatio peccati sub ratione offendæ Dei, sub quacumque intentione, est contritio, quæ si fiat per speciale auxilium Dei per se sufficit ad gratiam: si vero per vires naturales, arbitror cum Sacramento satis esse, sicuti attritionem.* Statim vero non post viginti lineas, loquendo de timore ob detrimenta temporalia ex peccato obvenientia, puta honoris, infamie, bonorum jacturæ, et similium, subtexuit: *At vero probabilius fortasse dicitur, quod cum ille timor sit bonus, quia illa sunt vere mala, et a Deo, licet per causas naturales inficta, illa attritio, dummodo existimetur contritio adjunctio Sacramento sufficit.* An vero excluderit, vel excludere mens fuerit influxum supernaturalem ex parte Dei ad eos actus, non est hinc colligendum, sed ex antea dictis.

Enim vero dist. 14, quæst. 2, art. 5, (ubi se refert ad dicenda in hac, et præcedenti distictione), § *Supposita primum omnium motione Dei corda nostra tangentis, diserte asserit quilibet nostram dispositionem sive proximam, sive remotam, ad gratiam initium trahere ex auxilio supernaturali Dei.* Et hinc ulterius assurgit ad docendum sine vera contritione, vel existimata ut tali (ut liquet ex verbis nuperime adductis), nullum se recte ad gratiam adhuc in Sacramento disponere. Quamobrem cogimur unum e duobus asserere: vel nimis inconsequenter locutum; quod nimis arduum nobis videtur, nec satis dignum tantæ authoritatis, et sapientiae magistro: vel quod semper supponit, ut ipse testatur, motionem Dei corda nostra tangentis, et supernaturaliter excitantis; quibus actus ipsi naturales elevantur, ut attingant finem supernaturalem, et vi hujus disponunt pœnitentem ad recipiendam gratiam in Sacramento.

151. Ut vero ad punctum, a quo dígressi sumus, regrediamur, neutra illarum evasionum, cuiuslibet eæ fuerint, prout jacent, sustineri potest. Non quidem prima: quoniam ad fructum Sacramenti nihil refert, aut confert pœnitentis existimatio, vincibili, aut invincibili nitatur ignorantia: ergo ad fructum Sacramenti perpetram fit recursus ad supernaturalitatem existimatam, altero ex his modis ignorantiam. Consequentia constat, et Antecedens probatur. Tum quia existimatio, sicut et ignorantia, se tenet ex parte pœnitentis, et

Punctum
difficili-
tatis.

et nullo modo ex parte Sacramenti, cui nihil aufert, aut confert: ergo veritas, tum Sacramenti, tum ejus fructus non mensuranda, nec regulanda est penes existimationem recipientis, sed penes id quod ipsi Sacramento convenit, et competit a parte rei, et coram Deo, quidquid sit de judicio vero, vel falso poenitentis. Sed Concilium ad fructum Sacraimenti exigit eam ad minus attritionem quæ vere sit donum Dei, et ex impulsu Spiritus sancti proveniat. Ergo si haec deest, quantumvis existimetur non deesse, revera a parte Dei, et coram Deo nullus erit Sacramenti fructus: atque subinde prorsus inutilis est existimatio, vera, vel falsa, culpabilis, aut inculpabilis ea existat. Tum etiam a paritate omnium aliorum Sacmentorum, quorum fructus unice pendet, supposita divina voluntate id promittente, a veritate materiae exhibitæ, nullatenus vero ab existimatione; non enim conficietur verum Baptisma cum fructu, nec vera Eucharistia, per hoc quod quis existimet, vel apud se in dubium habeat vere abluisse aqua naturali, vel panem triticeum consecrasse, si revera defuerit vel vera aqua, vel verus panis triticeus, et eadem ratio de omnibus aliis Sacramentis. Et ratio a priori est, quam innuimus: quoniam Deus nec promisit, nec alligavit suum influxum ad fructus Sacmentorum hominum iudicio, aut existimationi, sed veritati, et existentiae veræ materiae, et veræ formæ illorum, quarum aliqua deficiente, existimabitur quidem Sacramentum, sed vere Sacramentum non erit, et consequenter nec ejus fructus.

uid
ferat
isti-
cio ad
era-
tum.

152. Quod ergo existimetur, vel non existimetur, nec refert, nec confert ad fructum Sacramenti, nec ad veritatem illius. Intererit tamen quam plurimum ad hoc ut hominem vel immunem a nova culpa, vel illi obstrictum reddat. Etenim si ignorantia fuerit inculpabilis, inculpabiliter etiam accedit ad Sacramentum: si vero imputabilis fuerit, tantum abest ut fructum Sacramenti assequatur, quod potius ei novum obicem adjicit, quo se indignorem gratia reddit. Unde in quolibet eventu non accedit ad fructum obtinendum: in primo quidem ob defectum negativum parentiae veræ materiae, licet inimputabilem: in secundo vero ob hunc eundem defectum non appositæ veræ materiae, et ob culpam denuo incursam voluntarie accedendi ad Sacramentum absque

vera materia. Hinc ad id quod addebatur in fine solutionis, satis constat, quandoquidem in nullo casu quantumvis accidentali, et irregulari, est, aut potest esse verum Sacramentum, quin constet veris suis partibus, ut patet in forma, quæ quolibet eventu deficiat ignoranter, aut scienter, culpabiliter, aut inculpabiliter, nullo modo admitteretur verum Sacramentum, nec aliquis ejus fructus inde proveniret ex opere operato.

153. Secunda vero solutio deficit, et Secunda solutio
displacet in eo quod asserit, et in eo quod rejicitur.
Et quoad primum refellitur efficaciter ex eodem motivo doctrinæ Concilii innitenti. Quoniam Concilium pro materia proxima ad fructum Sacramenti dumtaxat enumerat, ac constituit contritionem perfectam, aut imperfectam, quarum quilibet esse donum Dei evidentissime constat ex ejus verbis plures in hoc dubio expensis. Sed contritio, et attritio pure naturalis sicut non transcendit limites naturæ, ita non ei competit quod sit donum Dei, quod sonat gratiam supernaturalem, et pro ea a Theologis usurpatum, ubicumque agatur de gratia. Ergo attritio, quæ sit solum naturalis, non est materia proxima, quam postulat Concilium ad fructum Poenitentiæ.

Confirmatur et explicatur rursus eadem doctrina. Siquidem illa attritio, quæ ad fructum Sacramenti obit rationem materiæ proximæ, simul habet rationem dispositionis ad gratiam; sed attritio pure naturalis nequit esse dispositio ad gratiam adhuc in Sacramento: ergo nec etiam vera materia proxima illius. Major constat ex ipsomet Concilio sess. 6, de justificat. cap. 6, cuius initium est: *Disponuntur autem ad ipsam justitiam, etc.*, nec non ex D. Thoma, alibi frequenter, maxime vero in hoc praesenti articulo, ubi constituit discrimen actuum poenitentis ad hoc Sacramentum præ ceteris ad alia Sacra menta; quod ad haec cum fructu suscipienda actus humani sunt tantummodo dispositiones ex parte subjecti removentes obicem peccati; in hoc tamen unum, et alterum obtinent, et disponere, et vices materiae, seu materiam agere, ut superius dicta satis ostendunt. Minor est tam vera quam communis inter Theologos catholice negantes nullum actum pure naturalem proxime aut remote disponere ad gratiam consequendam, de quo et nos egimus tract. de Gratia disp. 3 per totam, maxime

Confr.
matio.Concil.
Trid.

vero dub. 6, ubi qua potuimus diligenter eamdem veritatem firmavimus.

Ulterior
confir-
matio.

154. Confirmatur et explicatur ulterius diruendo offendiculum; quod aliquis causari posset ad eam solutionem utcumque sustinendam. Quoniam naturalis attritio nec secundum se, neque cum Sacramento est, aut valet esse dispositio proxima, vel remota ad gratiam: ergo nullatenus ei competit esse materiam proximam ad fructuosa poenitentiam. Consequentia constare videtur, quandoquidem altero ex his modis tantummodo queit ipsi competere concurrere ad gratiam. Antecedens autem quoad primam partem est ita certum, et exploratum ut catholice negari non possit: siquidem nullus actus pure naturalis proxime vel remote potest positive et directe conducere ad gratiam supernaturalem, ut in confessu est apud omnes contra Pelagii doctrinam agentes, et fuse ostendimus loco citato, ubi dub. 7 examinavimus celebre illud axioma: *Facienti quod est in se, Deus non denegat gratiam*, et ejus legitimum et catholicum sensum sinistre ab aliquibus explicatum in lucem eruimus. Quoad secundam vero partem, in qua stat offendiculum diruendum, probatur: tum ex ipso contextu Concilii, quoniam attritio ut obire possit rationem partis, debet oriri ex impulsu Dei, et motione Spiritus sancti; quod quidem non habet ex conjunctione ad Sacramentum, sed pro priori ad Sacramentum id debet habere: non enim quia est pars Sacramenti est donum Dei, aut effectus ejus motionis; sed e converso, quia est donum Dei, et proprius ejus effectus, ut moventis ad justitiam, idcirco assumitur ad rationem partis, ut Synodus ipsa aperte testatur; alioqui non oportebat exponere eam attritionem esse donum Dei, nec reddere hominem hypocritam, et cætera alia ibi expensa. Tum etiam ratione, siquidem attritio ex conjunctione ad aliam partem, nimur formam non recipit nisi elevationem, seu virtutem instrumentariam ad producendam effective gratiam, ut videtur per se notum: sed per hanc elevationem non constituitur attritio in ratione doni Dei, nec in vi hujus redditur, ac constituitur magis spiritualis, aut supernaturalis, quam antea erat, ut constat evidenter in ipsa forma, et in materia aliorum Sacramentorum, quæ quantumvis eleventur ad instrumentaliter producendum gratiam, non idcirco aut sunt, aut vere dicuntur donum

Dei. Et ratio est clarissima: quia sola elevatio est donum Dei et effectus proprius ipsius, ut supernaturaliter agentis; non vero subtractum aut quasi subtractum elevationis, hoc enim sicut est extra essentiam ipsius elevationis, ita est in praesenti extra causalitatem elevantis prout elevans; alioqui nullum esset Sacramentum, cujus materia et forma non esset supernaturalis; quandoquidem nullum est, quod non indigeat elevatione, ut tract. de Sacramentis in genere probatum remanet. Non ergo attritio ex conjunctione ad Sacramentum efficitur donum Dei speciali aliqua ratione sibi propria, quam secundum se non habeat. Ergo si attritio naturalis secundum se est omnino inepta ad fructum Sacramenti percipiendum, ut constat ex prima Antecedentis parte legitime probata, nec id sortiri valebit ut subjecta absolutioni sui comparti in Sacramento.

155. Sed age, et detegamus jam suppositionem, et illius falsitatem. Supponit equidem in natura lapsa, imo et in homine peccato obnoxio, reperiri posse amorem Dei authoris naturalis super omnia, qui sit omnino efficax, et absolutus, cui innaturat contritio itidem naturalis offensæ Dei authoris pure naturalis, quæ in hoc ordine sit similiter efficax, et absoluta; ex quo etiam motivo admittit attritionem de se sufficientem ad excludendum quemlibet affectum peccandi lethaliter.

Hanc vero doctrinam esse falsam, subindeque perperam supponi in praesenti ostenditur duplifter. Primo juxta satis probabilem doctrinam plurium Thomistarum quos retulimus tract. de Gratia disp. 2, dub. 4, docentium hominem lapsum nec potentia antecedenti nec consequenti gaudere ad diligendum Deum ut finem naturalem super omnia; imo nec in natura pura ea potiturum, si in ea, ut condit potuit, constitutus fuisset, constanter affirmant. Secundo juxta probabiliorem, cui suppetias ivimus adstruentem in natura pura, licet non integra integritate naturali possibilitatem amoris Dei authoris naturæ super omnia, ut constat ex ibi dub. 3, ad longum expensis. In vi cuius dub. 4, immediate sequenti statuimus in natura lapsa mansisse in homine potentiam antecedentem ad praedictam dilectionem secundum se, utpote quæ non excebat vires naturæ infirmæ, ac debilis languore ex peccato contracto. Repulimus vero potentiam

Seconda
pars
impugna-
tio-

Suppo-
tio fal-
repel-
tur.

tentiam consequentem seu omnino expeditam, qua homo exeat in eam dilectionem ob invincibile naturae viribus impedimentum peccati vel originalis, in primo instanti usus rationis, vel actualium decursu temporis incursorum. Quo maluimus lectorem mittere ejus fastidio, et temporis jacturæ consulentes, quam hic reiterato producere, et non ita digesta, et enucleata proponere.

156. Porro juxta primam sententiam non est concedendum homini lapso, quod ipsi negatur in statu naturae purae ab omni impedimento immuni, ut de se liqueat, siquidem ruina in peccatum non auget; quin potius minuit, et vulnerat vires potentiae naturalis: sed homo conditus in puris non haberet potentiam naturalem ad diligendum efficaciter Deum ut finem naturalem super omnia: ergo multo minus est ei deferenda in natura lapsa inferiori, ac debiliore. Unde fit consequens eam contritionem, quam vocant naturalem, esse etiam falsitatem obnoxiam, imo et impossibilem. Non enim est possibilis in aliquo ordine dolor, seu detestatio, quæ sit major, aut efficacior amore; sed juxta hanc sententiam non est possibilis in neutro statu naturae sive puræ, sive lapsæ amor absolutus, et efficax Dei ut finis naturalis super omnia: ergo nec est possibilis contritio, seu detestatio peccati contra Deum authorem naturæ, quæ sit super omnia absoluta, et efficax. Cætera constant præter Majorem, cuius veritatem satis declarant verba supra relata ex Cathechismo Romano docente, eundem charitatis, et contritionis modum statuendum esse. Quæ licet ad charitatem, et contritionem supernaturales referantur: proportione tamen servata, sua energia gaudent in naturalibus tum argumento a paritate unius ad alterum ordinem, quod facile quisque formabit. Tum etiam ratione: quoniam amor est principium et radix omnium aliorum affectuum voluntatis, ut nemo ambigit, et docet D. Thomas 4 p. q. 19, loquens de actibus voluntatis divinae, ubi disserens de affectibus voluntatis talem ordinem constituit, quod omnes exordium trahant ab amore, et tandem in amorem reducantur. Quæ doctrina si locum habet, maxime in naturalibus, ubi omnes affectus radicantur in virtute naturali voluntatis, cuius proinde prior sicut nobilior, ita et efficacior cæteris debet evadere: atque ideo si in voluntate non est efficacia naturalis ad naturaliter diligendum

Deum ut finem naturalem super omnia, nec etiam erit potens ad detestandum super omnia peccatum, ut requiritur ad contritionem. Quo usi sumus arguento, tract. de virtutibus in earundem arbore § 9, ad statuendum indisponsabilem nexum inter charitatem, et pœnitentiam virtutem.

157. Secundam viam, eamque probabiliori premendo, juxta quam magis acceditur ad doctrinam quam impugnamus, siquidem admittimus possibilitatem prædicti amoris in utroque statu, imo et existentiam illius, cum discrimine loco citato assignato, nimur in statu purorum absque recursu ad aliquid superiorius, quod sit de linea gratiæ, aut indebitum naturæ in puris, debilem tamen, et satis imperfectum ex parte subest; qui proinde non persistet in præsentia gravis tentationis, ut ibi statuimus § V. In natura vero lapsa cum dependentia ab ipsa gratia, non ut a principio elicienti, quippe ad quod sufficit facultas naturalis; sed ut a removente obicem peccati, quo per gratiam excluso, ipsa naturalis potentia exeat, et erumpat in amorem naturalem, ut docuimus loco allegato dub. 4, § 4 per totum. Hanc itaque viam ibi jam stratam sequendo adhuc refellenda est doctrina illius solutionis. Et statu purorum relicto ad naturam lapsam aciem convertendo, plane evincitur non esse dabilem amorem Dei authoris pure naturalis, qualis desideratur ad consequendam gratiam, qualisque describitur a solutionis patrono. Etenim homo lapsus in statu lapsi, quem per se petit hoc Sacramentum mortuorum, nequit erumpere in amorem absolutum, et efficacem Dei authoris naturæ, quin a se excutiat obicem peccati; sed obex peccati nequit auferri absque gratia sanctificante, aut actu ferventi amoris Dei super omnia: ergo prædictus amor nequit inveniri in homine existente in peccato. Discursus est legitimus, cuius præmissæ constant ex loco citato dictis, et ex tract. de justificatione, ubi incompossibilitatem peccati cum gratia, et illius absque ista irremissibilitatem ostendimus, quin in præsenti opus sit in eo diutius immorari.

158. Sed quia fortasse fiet suppositio de homine non in statu naturæ lapsæ, sed in gratia existenti, quo pacto non utendo auxiliis gratiæ, sed viribus naturalibus per ipsam gratiam expeditis, elicere posse acutum naturalem prædictæ dilectionis statui-

Quid
tenen-
dum
juxta
hanc
verioreu-
senten-
tiam.

Quid,
si fiat
alia
supposi-
tio.

mus, et ut certum tenemus; dubitari potest, an id sufficiat ad fructum Sacramenti obtinendum?

Et quidem si vera sunt, ut vera esse arbitramur, quae tract. de Merito disp. 4, dub. 5, communī D. Thomae discipulorum calculo approbata, docuimus, nimur omnes actus humanos hominis existentis in gratia, qui ex aliquo capite pravi, aut demeritorii non sint, ex imperio vel formaliter, vel virtualiter charitatis in finem supernaturalem referri: atque ideo proprium meritum a charitatis merito diversum ipsis respondere, ac retribui, consequens nobis videtur partem affirmativam esse tenendam. Et ratio id suadet: quoniam actus attingens Deum ut finem supernaturalem, et præmio æterno condignus est proxime sufficiens ad obtinendam gratiam: sed talis est actus amoris naturalis Dei vel formaliter, vel virtualiter imperatus a charitate: ergo prædictus actus sufficiens est ad gratiam in Sacramento. Eo vel maxime, quoniam iste actus independenter a Sacramento meretur augmentum gratiæ: qua ergo ratione cum Sacramento ipso non erit sufficiens ad gratiam ipsius Sacramenti? quandoquidem non fit deterior, quin efficacior ex coniunctione ad Sacramentum, ut constat in attritione supernaturali, quæ ut docet Tridentinum, secundum se non proxime disponit ad gratiam, secus vero Sacramento adjuncta: ergo e converso actus sufficiens secundum se, et independenter a Sacramento ad augendam gratiam, efficacior evadet ad ipsum ut Sacramento conjunctus. Cum enim ex una parte sit donum Dei, quatenus oritur vel formaliter, vel virtualiter a gratia, et rursus in quantum in se continet, et contrahit quoddam charitatis participium, quo intrinsece afficitur. Et ex alia sit ex se satis bonus, nullius foeditatis nævo sordescens, prorsus latet motivum rationabile eum ab illo munere excludendi.

Quod fiet magis perspicuum urgendo argumentum sub hac forma. Nam admissum pro nunc, de quo infra, possibilitate contritionis naturalis, qui accedit ad Sacramentum cum contritione naturali formaliter, vel virtualiter ordinatur in Deum, ut ultimum finem supernaturalem, nullum ponit obicem Sacramento, aut gratiæ Sacramenti: ergo sic accedens utrumque recipit, et Sacramentum; et gratiam Sacramenti. Consequentia est evidens, et Antecedens videtur verum et probatur a

paritate, et exemplo attritionis supernaturalis excludentis omnem affectum peccandi, quam quidem docet Concilium sufficere ad fructum Sacramenti. Sed contrito naturali, si semel datur, excludit omnem affectum peccandi, et alias attingit vel formaliter, vel virtualiter Deum sub ratione ultimi finis ex imperio charitatis, quod non invenitur in attritione, imo ei repugnat facta suppositione peccati non expulsi, ut constat ex tract. de ultimo fine, ubi nullum actum peccatoris quantumvis supernaturalem admisisimus, nec admittunt alii, qui Deum sub ratione ultimi finis (quod in solidum charitati convenit) attingat: ergo sicut attritio supernaturalis non ponit obicem gratiæ, ita, et urgentiori titulo, nec contritio naturalis in Deum relata ut in ultimum finem. Idemque-judicium ferimus de attritione naturali hominis existentis in gratia ob eandem prorsus rationem si referatur etiam in Deum, ut referri necesse est; quo pacto utraque jam est virtualiter ipsa charitas supernaturalis, et consequenter sufficiens dispositio ad intensiorem gratiam extra, et intra Sacramentum percipiendam. Quem sensum tenuisse videtur D. Thomas quæst. 28, de veritat. D. Th. art. 8, dicens, quod *omnis dolor de peccato in habente gratiam est contritio*. Atque ita sentiunt ex pluribus quos vidimus, pauci qui rem attingere, Nuno, Candidus, et Di-castillo, ubi supra, nec credimus alios dis-sensuros, si ipsis occurrisset.

159. Si autem quis nos accingi voluerit ad aliorum sententias vel non admittentium nisi influxum, aut imperium morale ex parte charitatis, vel unum, et alterum absolute negantium, Respondebimus vel nostra non interesse omnium doctrinas cum vera conciliare, sed propriis id autho-ribus incumbere: vel (ne videamur difficultati succumbere) verius nobis apparere nullum confici Sacramento. Et ab ultimo dicendi modo incipiendo, in quo nullus charitatis influxus admittitur. rem esse plusquam certam arbitramur. Etenim in ea sententia vel homo sciens et prudens accederet ad Sacramentum cum ea contritione pure naturali cognita; vel omnino igno-ranter, et inculpabiliter: quilibet horum modorum adierit nullum conficitor Sacramento: ergo juxta prædictam sententiam nullum prorsus fieret Sacramento. Syllogismus est recte dispositus. Major constat, quandoquidem necesse est bonam, vel malam fidem intervenire in accidente ad Sacramentum.

Num
Cand
Dica
tille
Qui
affir
man
jux
alio
dicer
modi

Sacramentum. Minor in casu scientiae, seu quod idem est quoad præsens, malæ fidei probatur. Quoniam qui scienter, seu mala fide vel non ponit materiam certam, vel apponit dubiam injuriam irrogat Sacramento: sed contritio pure naturalis non est materia certa sed maxime dubia in Pœnitentia, ut communis sententia docet: ergo qui sciens, et prudens cum ea ad pœnitentiam accederet, injuriam irrogaret Pœnitentiæ, et consequenter Sacramentum non reciperet. Cætera constant præter hanc Consequentiam subillatam, quæ facile suadetur, tum quia ex diametro opponeretur fini speciali hujus Sacramenti, qui est reconciliatio cum Deo medio Sacramento; qui autem injuriam irrogat ipsi Sacramento sciens, et prudens, nec intendit serio reconciliationem, nec est ea dignus. Tum et maxime: quia implicat veram contritionem adhuc naturalem habere, qui actualiter peccat mortaliter contra ipsam legem naturalem: sed qui injuriam irrogat Sacramento, contra ipsam legem, et finem naturalem etiam delinquit: non ergo accedere potest cum vera contritione naturali, et consequenter non solum non ponit materiam dubiam, sed nullam, atque ideo nullum revera recipit Sacramentum.

Si autem bona fide, quæ excludat peccatum, accederit, quæ est secunda pars illius Minoris, et quæ forsitan aliquibus arridebit ad adstruendam veritatem Sacramenti absque fructu, de quo suo loco, adhuc sustinendum duximus revera verum Sacramentum non esse. Et ut rem unico verbo absolvamus contra utrumque dicendi modum sive admittentem influxum dumtaxat moralem charitatis, sive renuentem; cum in nullo eorum sit verus actus supernaturalis pro materia proxima Pœnitentiæ, quem esse essentialiter requisitum sequenti assertione probare conabimur; plane conficitur in neutro illorum casuum salvari veritatem Sacramenti Pœnitentiæ ob defectum essentialiem materiae. Et quod certius est, in nullo illorum eventuum aderit fructus Sacramenti, qui esse non potest absque actu supernaturali, et hoc ad assertiōnem tuendam est sufficiens. Unde si quam vim habet illorum ita docentium doctrina; directius statim stabiliendam, quam jam stabilitam oppugnat. Ut ergo ad illam deveniamus, sit

§ IV.

Ad valorem Pœnitentiæ supernaturalis dolor ostenditur necessarius.

160. Dicendum est secundo ad valorem hujus Sacramenti omnino necessarium esse dolorem seu quod idem est, attritionem supernaturalē. Sensus hujus assertionem satis constat ex in limine prænotatis, eamque tuerint, ac docent communiter extra scholam D. Thomæ, quotquot negant Sacramentum informe Pœnitentiæ, ut videre est apud Tyrso in suis selectis tom. 3, P. Tyrso. Vasquez, et Lugo. Ex adstruentibus vero Vazquez. Lugo. Suarez. Dicastillo. Valentia. in præsenti. Inter discipulos D. Thomæ illam absolute propugnant Cajet. tom. 1, P. Cajet. Opusc. tract. 5. Soto in 4, dist. 8, licet quandoque aliter contingere significant. Soto. Arauxo. Joaun. a Arauxo in præsenti dub. ultimo, Joannes a sancto Thoma art. 4: *Quæ sit materia, Martinez de Prado, Labat, Gonet etiam in præsenti, Vincentius Baronius part. 2. Manuduct. ad Moralem Theologiam disp. 4, sect. 1, § 2. Contenson dissert. unica de Pœnitent. cap. 1, § Respondeo Theologorum non esse.* Nec dissentit quin imo aperte suffragatur Petrus de Ledesma male a Joanne a S. Thoma allegatus pro opposita sententia, ut ejus verba diserte testantur, quæ transcribere oportet, ut fidem implant cap. 7. Ergo de Pœnitentiæ post tradita trium attritionum discrimina, sextam assertionem subsequentibus verbis proponit: *La primera manera de attricion es meramente natural, y aun no es suficiente para constituir verdadera essencia de Sacramento de Pœnitencia, aunque informe. Desuerte que no solamente no tiene razon de suficiente disposicion para que el Sacramento de la Penitencia haga su efecto; pero aun no es parte, con la qual se pueda hacer verdadero Sacramento. Esta conclusion tienen todos los discipulos de santo Thomas con el mismo Santo que ensena, que las obras del penitente, que son materia de este Sacramento han de fer sobrenaturales.* Unde liquet hunc Sapientissimum Magistrum minus recte pro parte adversa allegari, nec non aliquos ex discipulis D. Thomæ. Si qui vero aliquando eam indicaverint, non id ex propria sententia, sed ex aliorum placito tenuisse credendum est. Quis namque facile credit Illustrissimum Arauxo absolute, et ex propria mente asseruisse attritionem pure naturalē sufficere ad valorem hujus Sa-

Absolvi-
tur
diffical-
tas.

ola
ona
les.
alia
ciant,
pro-
est.

cramenti, ut indicat in solutione ad 5 argumentum dubii supra citati, cum asseruerit, et pro conclusione statuerit ad essentiam Poenitentiae prorsus, et omnino necessariam esse attritionem supernaturalem? Et unde ejus mens (idem intelligito de aliis) aptius indagari potest, vel ex verbo incidenter, et quasi obiter dilapso, ut non intricetur hac vel illa sententia? An ex conclusione asserta, roborata et probata. Sed quidquid sit de hoc nostram sententiam novissime tenuit N. Franciscus a Jesu Maria tract. de Pœnit. cap. 5, dub. 1, n. 17, et pro ea refert decretum SS. D. Innocentii XI edito et promulgato die secunda Martii ann. 1679, ubi inter 64 propositiones ab ipso proscriptas, damnat quinquagesimam septimam, quæ est hujusmodi: *Probabile est sufficere attritionem naturalem modo honestam*, quæ fuit Bonaciniæ, et aliorum paucorum.

Propositionis
damnatae
sensus.

161. Porro in vi hujus decreti Pontificii conclusio § præcedenti stabilita tanti roboris est, ut contra eam nulla maneat probabilitatis vel apparens ratio, siquidem damnatur esse probabile sufficere attritionem naturalem modo honestam, atque ideo ut certum decernitur eam attritionem non sufficere, ut minimum ad fructum Sacramenti percipiendum, quod statuimus in prima conclusione. An vero etiam extendatur Pontificis determinatio ad valorem Sacramenti, ut asserimus in secunda, erit forte qui dubitet, quia cum proposicio damnata sit indefinita, duplumque sensum admittat, nimirum vel quod attritio pure naturalis modo honesta sit sufficiens ad Sacramentum cum fructu; vel tantummodo ad Sacramentum; et in proscriptione nullus ejus sensus determinetur, poterit quis obtendere (et obtendisse compemus) ex damnatione unius alterius damnationem non inferri, et consequenter esse falsam, et recte sugillatam in primo sensu, remanere tamen veram in secundo.

Propositio
multi-
plex.

Nobis tamen in uno, et altero sensu fuisse damnatam, atque ideo in nullo esse sustinendam, et ut probabilem habendam, inde probatur. Tum quia Pontifex eam absolute, et prout jacet absque ulla restrictione proscribens, absolute etiam, et absque ulla restrictione docet ejus contradictionem esse veram, nimirum *attritio naturalis modo honesta non sufficit*. Sed ex hac ita absolute accepta, recte, ac legitime infertur, nec ad valorem nec ad

fructum sufficere: ergo ita asserendum est. Probatur Minor quia negatio est, ut aiunt, malignantis naturæ, destruens, ac removens totum prædicatum a communicatione subjecti: sed totum prædicatum absolute importat sufficientiam et ad valorem, et ad fructum: ergo ex vi negationis rejicitur ad unum, et alterum sufficientia. Tum etiam a paritate, nam ex eo quod definiebit Ecclesia contra Pelagium, et alios sectarios vires naturales non sufficere ad gratiam, recte, et efficaciter colligunt Theologi, nec physice, nec moraliter ad id valere opera naturalia: ergo pariter in re præsenti, quæ etiam dogmatica est, et non longe distans a materia gratiae, ut infra ponderabimus. Tum etiam a simili aliarum propositionum (quo magis explicabitur præcedens probatio) siquidem ex hac propositione absoluta: *Homo non est albus*, recte descenditur ad negandum de homine hanc, et il'am, et illam albedinem: et convincitur nu'la albedine esse album, quia prædicatum supponit distributive: ergo similiter semel absolute, et absque ulla restrictione negata sufficientia attritionis naturalis, bene colligitur nullam in ea remanere sufficientiam.

Eo vel maxime: quoniam si in utroque Urget sensu non subjaceret damnationi et censure, tam vera esset propositio absoluta post censuræ notam, quam ante illam, nihilque Pontifex suo decreto fuisse assentitus; consequens est falsum imo et ridiculum: ergo et illud ex quo sequitur. Sequela videtur clara: nam ante sententiam judicis solum poterat esse probabilis illa propositio quoad valorem tantum, non vero quoad fructum, ut constat ex communis, et uniformi Theologorum assensu, stantium pro nostra prima conclusione; quin obsit huic communi sensui unius, aut alterius adversum judicium si quis forte fuit, qui id absolute, et determinate docuerit. ut constat ex ibi dictis: sed hoc idem habet post damnationem, siquidem absolute verum est attritionem naturalem modo honestam sufficere, dummodo subintelligatur ad valorem tantum: ergo tam vera est post latam in eam sententiam, quam erat ante illam: atque ideo utilis, et omnino vacua redditia est Pontificis determinatio.

Rursus ex duplice sensu, quem continet illa propositio absolute, si unus est verus, nimirum probabile est attritionem naturalem modo honestam sufficere ad valorem;

alter

alter vero falsus, videlicet, probabile est sufficere ad fructum; neuter determinatur, nec in ipsa propositione, nec in censura, qua inuritur: non ergo est ratio eam absolute improbandi, quandoquidem absolute verum sensum continet. Reprobatur vero absolute ut constat: ergo quia absolute nullum verum sensum admittit, et consequenter in vi damnationis non solum excluditur attritio naturalis ad fructum Sacramenti, sed etiam ad valorem ipsius: et hoc quidem potissime, siquidem post Tridentinum non fuit dissidium inter scholasticos circa fructum, sed circa valorem. Et haec est communis illius propositionis acceptio, et explicatio, ut videre est apud N. Lumbier, Hores, Lastra, Corella, quos refert, et sequitur Emmanuel a Conceptione tract. de Poenit. disp. 2, q. 23, n. 285.

§ V.

Expenditur primum fundamentum ex Tridentino.

162. Primum assertionis fundamentum nos docuit Tridentinum sess. 14, sæpe citato cap. 3, ubi sermonem habens de partibus hujus Sacramenti, statuit illius materiam proximam esse actus ipsius poenitentis, nempe contritionem, confessionem, et satisfactionem. Ex qua doctrina sic formatur argumentum: quoniam ea censenda est materia proxima hujus Sacramenti, et omnino ad ejus valorem necessaria, quam determinat Concilium: sed materia proxima quam determinat Concilium ut omnino necessariam ad essentiam seu valorem hujus Sacramenti est supernaturalis: ergo materia proxima, et omnino necessaria est supernaturalis, atque subinde attritio ad illum requisita. Prima consequentia constat. Haec secunda subtilata evidenter infertur ex prima, siquidem constantissimum est attritionem esse prorsus necessariam in foro poenitentiae, qua quis proxime accelerere possit ad recipiendum Sacramentum, ut in confessio est apud omnes; alias absque ullo dolore posset quis verum Poenitentiæ Sacramentum recipere: ergo si materia proxima hujus Sacramenti debet esse supernaturalis, ut ex prima consequentia infertur, attritio quæ est materia proxima indispensabilis, itidem erit, et exiget esse supernaturalis. Major est per se nota; quandoquidem materia et forma Sacramentorum

non pendet a discursu, vel arbitrio aliquius, nisi solius Christi eorum institutoris: cuius voluntatem alte calluisse Tridentinum firmissime credendum est; cum erga alias maxime vero circa materiam, et formam Sacramentorum, quæ sunt potiora instrumenta gratiæ, ut procul abigeretur occasio tot talesque illorum materias, et formas in dies assignandi, quot sunt hominum genia, et ingenia, nihilque firmum habendi in re adeo ad salutem opportuna. Minor, cui soli est difficultas, probatur: nam contritio a Concilio assignata bipartitur ab ipsomet Concilio cap. 4, immediate in contritionem perfectam, et imperfectam, quæ est attritio: sed quælibet earum est supernaturalis, ut constat ex eodem Concilio, et ex supra dictis: ergo materia proxima a Concilio determinata, ut prorsus necessaria ad valorem hujus Sacramenti est, et esse debet supernaturalis.

163. Que statim sese offert hujus argumenti solutio, concedit Majorem, et negat primi syllogismi Minorem, ad cuius probationem concessis præmissis, negat Consequentiam, illegitime illatam, utpote in illis non contentam: siquidem Concilium, ut ex contextu liquet, sermonem habet de Sacramento cum fructu; et ad hoc bene docet (nec est inter Catholicos qui non annuat) requiri attritionem supernaturalis, quam ibi describit, ut supra in prima assertione communis, et vera sententia firmavit. Hinc autem ineptam fieri illationem ad essentiam seu valorem ipsius Sacramenti absque fructu, vel ut a fructu præscindens (in quo sensu procedit quæstio, ut constat ex in limine animadversis) satis perspicuum est cum a paritate aliorum Sacramentorum, in quibus plus ad fructum, quam ad eorum valorem desideratur: tum a ratione quoniam in adultis ad percipiendum fructum Sacramentorum est prorsus necessaria dispositio ex parte recipientis, siquidem libere, et spontanee recipiuntur. Quælibet vero dispositio ad gratiam, sive proxima, sive remota est supernaturalis. Ergo ad fructuose recipientum Sacramentum prorsus necessaria erit dispositio supernaturalis. Hanc autem non desiderari ad valorem Sacramenti manifestum est: atque ideo ex eo quod sacra Synodus ad Poenitentiam cum fructu suscipiendam attritionem supernaturalis postulari docuerit, perperam deducitur etiam ad valorem esse necessariam.

Respu-
tur.

164. Speciosa quidem responsio sed minus solida, utpote quæ Concilii mentem non calluit. Quod ut clarius ostendamus, duo illa utentibus ultronei concedimus, ut ad id quod est dissidii unanimes descendamus. Primum est, plus requiri ad Sacramentum cum fructu, quam ad valorem Sacramenti, ut objiciens bene probat, et exemplum aliorum Sacramentorum facile suadet. Secundum sit Concilium fructum a Sacramento non exclusisse, nec locis citatis, nec tota sessione de Pœnitentia : id quod etiam observavit agens de aliis Sacramentis, quæ sunt instrumenta gratiæ, quam per se loquendo, et ex sua primæva institutione et causant, et significant de facto, nisi per accidens aliquis obex interveniat. Unde necesse est, fateamur, et fateantur illi in doctrina Concilii allegata contineri, ac comprehendendi Sacramentum cum fructu, de quo non est lis, vel minima controversia.

Sed non inde negandum est Concilium explicasse essentiam Sacramenti, nec subinde veram, et essentiale illius materiam proximam determinasse ; quin potius omnino asserendum, ne cogamur dicere nullibi sacrosanctum Concilium determinatam materiam, eamque essentialiter exactam ad hoc Sacramentum a Christo Domino institutam decrevisse, quod est absurdum a nullo catholico devorandum, et constat a simili aliorum Sacramentorum, de quibus semper locutum est Concilium ut inducentibus gratiæ fructum, et nusquam ut eam excludentibus, aut ab ea præscindentibus, ut illud attente percurrenti palam fieri. Cum tamen constantissimum sit in eodem Concilio reperiri expositas, ac determinate explicatas materias proximas aliorum Sacramentorum nedum quoad fructum, verum, et quoad ipsorum valorem. Ergo idem, et ob eamdem prorsus rationem tenendum est de Sacramento Pœnitentiae, quin absit exceptioni locus, quæ omnino voluntaria (ne dicamus commentitiam) non sit.

Instau-
ratio-
rationis.

165. His absque lite constitutis, efficaciter ut credimus, refellenda venit præfacta solutio, instaurando argumentum factum, et quæ diximus pro prima assertione huic secundæ applicando. Etenim non aliæ partes ex parte pœnitentis attribui debent huic Sacramento, quoad ejus valorem, et essentiam, quam quæ assignantur a Concilio : sed attritio quam assignat Concilium ad ejus essentiam, est attritio supernatura-

lis : ergo attritio quæ est pars essentialis hujus Sacramenti, est supernaturalis. Consequentia legitime infertur ex præmissis. Major est certa, siquidem constitutio, ac determinatio partium in quolibet Sacramento pendet unice a voluntate Christi illam instituentis, ac decernentis : voluntas autem Christi non alibi, nec aliunde melius innescit, quam in Conciliis Spiritu sancto ductis, ac directis ad statuendum, et decernendum, quid fugiendum, quid vero tenendum sit in rebus fidei, et ad Sacraenta pertinentibus. Minor etiam constat ex ipsomet Concilio non aliam ibi agnoscente, aut indicante attritionem, quam quæ sit donum Dei, et proveniat ex influxu speciali Spiritus sancti, nondum inhabitantis, sed moventis, et impellantis, atque ideo quæ sit supernaturalis.

166. Confirmatur et explicatur primo ex unitate, ac conformitate procedendi ipsius Concilii in hoc Sacramento, et aliis : quoniam ut nuper animadversimus, semper ac sermonem habuit de Sacramentis, ea explicat in ordine ad fructum proprium cuiuslibet eorum, et tamen assignat, et exponit proprias eorum materias essentiales, et invariabiles : ergo idem observasse in hoc Sacramento tenendum est, nisi aliunde aliud constiterit. Non autem constat, nec constare potest ex aliquo textu, canone, aut capite ipsius Concilii ut patet : ergo absolute, et firmiter docendum est solam attritionem supernaturalem agnoscere Concilium, ut materiam omnino necessariam hujus Sacramenti.

Confirmatur, et explicatur secundo ex concessis ab omnibus, quos pro prima assertione retulimus, quorum aliqui forsitan secundæ dissentient : siquidem ad Pœnitentiam cum fructu requiritur attritio supernaturalis : ergo etiam ad eandem sine fructu, vel ut a fructu præscidentem, quo pacto importat dumtaxat essentiam, seu quod idem est, valorem. Probatur Consequentia, tum a paritate aliorum Sacramentorum, quorum materiæ proximæ sunt omnino eædem absque ulla variatione sive adsit, sive desit Sacramenti fructus. Tum etiam ratione, in hac paritate inclusa : quia essentia Sacramenti non subit eam mutationem, quam subit fructus, a quo essentia non dependet, ut in universum constat in qualibet causa sive instrumentalis, sive principali, quæ eadem persistit, sive exeat, sive non in lucem prodeat effectus : ergo eadem essentia Sacramenti

Pœnitentiae

Confi-
matio
primi

Secun-
dæ
matr.

Penitentia est, sive adsit, sive desit ejus fructus, et consequenter eadem partes essentiales: sed quando adest fructus, ejus pars essentialis est attritio supernaturalis: ergo eadem omnino erit, in absentia fructus; alias variaretur Sacramentum ad diversitatem materiae proximae, sicut universaliter variatur compositum ad diversitatem cuiuslibet partium. Quamobrem quo fundamento repellendus, ac amandandus esset, qui aliam materiam in Baptismo sine fructu, ac cum illo introlucere vellet, aut in quolibet alio Sacramento, eodem prorsus rejiciendus est, qui attritionem naturalem pro Poenitentia sine fructu, et supernaturalem cum fructu assignare voluerit, cum non sit solidius ad unum, quam ad alterum fundamentum.

167. Nec refert, si occurras, rationem disparitatis hujus ab aliis Sacramentis esse, quod in attritione convenient duo, et esse dispositionem ad fructum Sacramenti, et esse partem illius: unde singula singulis tribuendo, ad rationem dispositionis postulatur supernaturalitas in attritione, secus vero ad rationem partis. Cum ergo in Sacramento sine fructu, non importetur gratia, sed dumtaxat ejus essentia, ut ita dicamus, nuda; non est necesse adstruere nisi attritionem, quae obeat rationem partis, ad quod sufficit attritio naturalis, reflecta supernaturalitate ad rationem dispositionis pro fructu.

168. Nam contra est primo, quod juxta praemissam distributionem nulla est differentia ex parte materiae proximae quoad esse, vel non esse naturalem hujus Sacramenti ab aliis: consequens est falsum: ergo et illud ex quo sequitur. Sequela Majoris constat, siquidem cætera alia Sacra-
menta ut cum fructu recipientur, postulant in ea recipientibus dispositionem supernaturalem; secus vero quando ob obicem impeditur fructus, idque manifestius apparet in matrimonio ad cujus validam susceptionem sufficit consensus naturalis, ad fructuosam vero desideratur actus supernaturalis, quo ad percipiendam gratiam contrahens disponatur. Falsitas consequentis, præterquam quod est contra D. Thomam, ut infra videbinus, ostenditur ex ipsomet Concilio, disertis verbis id asserente, dum ait: *Sunt autem quasi materia hujus Sacramenti ipsius pœnitentis actus, nempe Contritio, Confessio, et satisfactio. Qui qualenus in pœnitente ad integratorem Sacramenti, ad plenamque, et perfectam*

peccatorum remissionem ex Dei institutione requiruntur, hac ratione partes Pœnitentia dicuntur.

Ex quo manifeste duo sequuntur. Primum est, quod intendimus, nimur esse falsitati obnoxium actus pœnitentis ut supernaturales, solum concurre ut dispositiones, et non ut partes ad hoc Sacramentum, ut contingit in aliis Sacramentis. Secundum est eos solos actus ex institutione Christi ad hoc Sacramentum desideratos esse ejus partes essentiales quoad ipsius integritatem; quorum neutrum reperitur in aliis Sacramentis. Sed nullum est fundamentum ad adstruendum attritionem naturalem ex Christi institutione requiri ad integritatem hujus Sacramenti, nec ad perfectam, ac plenam remissionem peccatorum; quin oppositum est omnino verum, et catholice assertum contra Pelagium: ergo nullum est fundamentum ad asserendum attritionem naturalem esse partem hujus Sacramenti adhuc quoad essentiam, seu integritatem.

Ad haec: juxta doctrinam Concilii hoc additur. est maxime proprium, ac peculiare hujus Sacramenti præ ceteris aliis, quod ipsi actus pœnitentis ex parte ipsiusmet requisiti ad plenam remissionem, et ad integritatem Sacramenti, assumantur ex Dei institutione ad rationem partis Sacramentalis: sed attritio pure naturalis nunquam fuit requisita, nec ex parte pœnitentis sufficiens ad plenam, et perfectam peccatorum remissionem: ergo attritio naturalis ex Dei institutione non fuit assumpta ad rationem partis Sacramentalis. Atque ideo licet sit vera ea distinctio ejusdem attritionis in rationem partis, et in rationem dispositionis, est tamen falsa et omnino voluntaria facta distributio; quandoquidem illamet attritio quæ habet rationem partis essentialis, quantum est de se habet rationem dispositionis; imo prius est dispositio saltem remota, quam habeat rationem partis.

169. Secundo refellitur ea distributio ex eodem Concilio. Quoniam Christus Dominus hoc Sacramentum instituens non condidit novam Pœnitentiam, sed antiquam, et omni tempore homini lapso necessariam determinavit, eique novum ordinem adjecit, eam Sacramento subjiciendo, quatenus sine ejus voto nec ipsi perfectæ contritioni adscribi possit reconciliatio, ut expresse affirmat Concilium cap. 4, illis verbis: *Docet præterea et si contritionem hanc aliquando charitate perfectam esse*

contingat, hominemque reconciliare Deo, priusquam hoc Sacramentum actu suscipiat, ipsam nihilominus reconciliationem ipsi contritioni, sine Sacramenti voto (quod in illa includitur) non esse adscribendam. Sed Pœnitentia omni tempore necessaria fuit supernaturalis. Ergo hanc, et non pure naturalem assignavit, ac determinavit Christus Dominus pro materia necessaria hujus

Sacramenti, cui eam subjecit. Majorem tenet, et probat ipsummet Concilium toto cap. 1, sessionis 14, ex pluribus Sacrae Paginæ testimoniis docens, quovis tempore fuisse necessariam eam pœnitentiam a se ibi descriptam universis hominibus, qui se mortali aliquo contaminassent. Minor etiam

Idem. constat ex ipso Concilio sess. 6 de Justificatione cap. 5 et 6, ubi docet, et statuit modum, ac necessitatem preparationis ad illam non ab alio exordium sumere quam a Dei excitante, et præveniente gratia, et timore Dei, quo utiliter concutiuntur peccatores ad viam salutis capessendam. Quæ omnia supernaturalia esse nemo ambiget, et consequenter dolorem inde ortum ducentem, cuius proximum principium, quando est attritio, est timor servilis, ut docet D. Thomas quæst. sequenti, quæ est 85.

Uberior probatio. Rursus probatur eadem Minor ex doctrina a nobis tradita tract. Justificat. disp. 2, dub. 7, ubi ostendimus nullum peccatum adhuc in puris commissum remitti posse absque gratia habituali nec subinde absque dolore supernaturali. Quod quidem argumenti est attritionem pure naturalem nullo unquam tempore fuisse opportunam medicinam peccati, nec proxime aut remote disposuisse ad obtainendam gratiam: non ergo eam Christum in lege gratiæ determinasse ut materiam sufficiensem ad Sacramentum Pœnitentiae credendum est; sed eam dumtaxat, quæ quovis tempore, ut loquitur Concilium, fuit necessaria, quam constat fuisse et esse supernaturalem. Ratio a priori hujus ultimæ Consequentie est, quam supra tetigimus, et modo reassuminus sub hac forma: quoniam Sacramentum formatum, et informe solum differunt penes fructum vel carentiam illius ratione impedimenti obsistentis existentiae gratiæ; non vero penes qualitatem materiæ, aut formæ, ut exemplo aliorum Sacramentorum, et ratione evicimus. Sed ad Pœnitentiam cum fructu nemo ambigit determinasse Christum Dominum attritionem supernaturalem quovis tempore necessariam: ergo eandem, et non aliam

assignasse tenendum est ad pœnitentiam sine fructu, quippe quæ est idem Sacramentum quoad speciem, et oppositum adstruere est voluntarie, et absque fundamento discurrere, et ansam præbere cuilibet pro suo libito materias, et formas Sacramentorum, quod vel Ecclesie ipsi non conceditur, immutandi, et alias pro aliis subcisciendi.

170. Hinc iterum evidentius appetat in eademmet attritione coire rationem partis, et rationem dispositionis, ut bene supponit objiciens; aliter tamen, et aliter ac ipse distribuit: nam rationem dispositionis obit ex se, et ex suis prædicatis intrinsecis, ex quibus utpote supernaturalibus remote habet disponere ad gratiam, quatenus nimis dolet supernaturaliter de peccatis commissis, licet imperfecte. Rationem vero partis induit ex institutione Christi eam subjicientis clavibus ecclesiæ. Quo fit hanc subjectionem esse attritioni accidentiarum, sine qua proinde esse potuit ante legem gratiæ: atque ideo intelligi posse attritionem hanc sine ratione partis Sacramentalis, secus vero sine conceptu dispositionis remotæ ad gratiam. Fit deinceps neutiquam admissam iri utpote falsam, et prorsus voluntariam distributionem factam in evasione, quam diruere intendimus; siquidem attritio, quæ semel est pars hujus Sacramenti, denudari non potest, nec a conceptu supernaturalis, nec a ratione dispositionis remotæ ad gratiam, quandoquidem ideo queit ex institutione Christi munus partis obire in hoc Sacramento, quia est supernaturalis, et remote conductit ad gratiam, et non e converso. An vero eam semper assequatur medio Sacramento, necne? Alterius negotii est, cui intra incumbere, et in hoc eodem dubio aliquid delubare opere pretium erit. Fatemur equidem difficultatem inde subortam, quæ quamplurimos deterruit, et in satis dissimilatos dicendi modos abire coegit circa informantatem hujus Sacramenti. Sed in ea sumus, et semper fuimus sententia, ut non sint neganda vera ut extricentur difficilia: quia cum verum vero consonet, unius asserti veritas alterius quantumvis astrusæ non impedit, quin fovet expeditiæ, quam Deo favente, et luce D. Thomæ præeunte, suo proprio loco aggrediemur, et explanare pro tenuitate nostra curabimus.

Ratio a priori.

§ VI.

Eadem veritas ex D. Thoma probatur.

171. Secundum communis assertionis fundamentum jam diu ante Tridentinum a D. Thoma sancitum invenitur, cuius hactenus in hoc dubio non meminisse, non incuriae, sed studii ac initi fuit consilii, ut ejus testimonia sub uno capite collecta plus roboris, quam disversa, huic veritati concilient. Primum ergo S. Doctoris testimonium desumitur ex hoc primo articulo solutione ad primum ubi docet, *in illis Sacramentis, quæ habent effectum correspondentem humanis actibus, ipsos actus humanos esse loco materiæ, ut accidit in Pœnitentia, et Matrimonio.* Et solutione ad secundum affirms predictos actus, qui habent in hoc Sacramento rationem materiæ proximæ, provenire ex inspiratione interna, et a Deo interius operante. Ex qua duplice propositione immediate consequitur attritionem, quæ inter actus pœnitentis est potior ex parte materiae, provenire ex inspiratione divina, et a Deo interius operante, atque ideo debere esse supernaturalem.

172. Ab hoc tam expresso S. Doctoris testimonio non alio se quis poterit expeditre effugio, quam saepe in praecedentibus reficato, et repulso de Sacramento cum fructu, quasi de hoc tantummodo sermonem habuerit S. Doctor; non vero de Sacramento quoad essentiam, et ut a fructu præscindenti, de quo non meminisse opus erat. Idque vel ab ipso S. Doctore allato exemplo Matrimonii confirmari poterit sequenti ponderationi: quoniam inter omnia Sacraenta hoc quod est habere actus humanos pro materia ita est proprium Pœnitentiae, quod etiam convenit Matrimonio præ ceteris aliis, ut expresse affirms Angelicus Doctor, et est per se notum apud Catholicos: sed in Matrimonio dumtaxat ad fructum, secus vero ad essentiam, sunt et debent esse actus contrahentium supernaturales: ergo similiter dumtaxat ad fructum non vero ad essentiam Pœnitentiae erunt supernaturales actus pœnitentis: vel inepit D. Thomas comparavit quoad hoc Matrimonium Pœnitentiae.

173. Hoc tamen effugium nullius est momenti, et manifeste opponitur D. Thomæ, ibi immediate ante docenti, quod si qui actus humani sunt in talibus Sacra-

mentis (nimirum alis a Pœnitentia distinctis) non sunt de essentia Sacramentorum; sed dispositive se habent ad Sacraenta. Ex quo discrimine manifeste eliditur vis distinctionis saepe inculcatæ sub sequenti forma: nam actus humani, qui ad reliqua Sacraenta cum fructu suscipienda se habent pure dispositive, et quoad hoc essentialiter exacti, in Pœnitentia obeunt rationem partis, seu materiae essentialis: sed actus illi sunt, et esse debent supernaturales; alias sine illis reciperent adulti Sacraenta cum fructu, quod est falsum: ergo actus pœnitentis per modum partis essentialis requisiti ad Sacramentum sunt, et esse debent supernaturales; alioqui non subsisteret discrimen a D. Thoma hujus præ aliis Sacramentis constitutum.

174. Sed dices differentiam a D. Thoma Replica. intentam consistere in eo quod Matrimonium et Pœnitentia postulant pro materia actus humanos, qua humanos, non vero qua supernaturales: quod aliis Sacramentis non competit. Unde mens S. Doctoris solum est Pœnitentiam habere pro materia essentiali actus hominis detestantis peccata, quod nulli alteri Sacramento congruit. Quod vero illi actus sint supernaturales, non exigitur ab essentia Sacramenti, desideratur tamen ad percipiendum fructum.

175. Sed contra hanc doctrinam est, quod juxta illam hoc Sacramentum non aliter postulat supernaturalitatem attritionis, seu doloris, quam cætera Sacraenta, nimirum per modum dispositionis ad fructum, non vero per modum partis essentialis; sed hoc est expresse contra D. Thomam oppositum disertissime asserentem: ergo male, et contra D. Thomam asscribitur actus humanos, qua humanos, non qua supernaturales esse partes essentiales hujus Sacramenti. Consequentia est bona supposita veritate præmissarum. Major est ipsamet objicientis doctrina. Et Minorem illi oppositum docet satis perspicie Angelicus Praeceptor ubi solutione ad 2, ubi quæ ad primum dixerat, formalius iterans inquit: *In Sacramento autem Pœnitentiaz (sicut dictum est) sunt actus humani pro materia, qui proveniunt ex inspiratione interna. Unde materia non exhibetur a ministro, sed a Deo interius operante.* Quoniam nihil clarissimum pro objecta expositione obruenda, et ut aduersa D. Thomæ explodenda, siquidem illos eosdemmet actus humanos, quos pœnitens exhibet pro materia necessaria Sacramenti, exhibet etiam

Rejici-
tur.

D.Thom

pro materia ipsemet Deus, et ut interne operans in homine, et itidem interne inspirans, ut expresse asserit S. Doctor: non ergo se jungit, aut separat materiam necessariam a supernaturalitate, sed annexit, et inseparabiliter conjungit.

Occurrit
prima
confirma-
tioni.

Nec plus negotii facessit confirmatio primæ evasioni addita, sed eadem perspicuitate, ac veritate retunditur, utpote quæ procedit ex non penetrato discursu D. Thomæ, qui est hujusmodi. Matrimonium et Pœnitentia in eo convenientiunt, quod pro materia exigunt actus humanos; quod est proprium ipsorum, et nulli alteri Sacramento congruit ex institutione Christi. Actus autem humani, quos exhibet pœnitentis pro materia necessaria, fiunt ex inspiratione divina, et ab ipsomet Deo interne in pœnitentie operante: ergo isti actus sunt ordinis supernaturalis. In quo discursu, qui legitimus est, statuit S. Doctor convenientiam, et differentiam utriusque Sacramenti cum a reliquis, tum inter se. A cæteris quidem in eo quod unum, et alterum postulat actus humanos pro materia, quæ est horum duorum Sacramentorum convenientia in majori propositione constituta, in quo etiam ab aliis differunt. In minori vero propositione assignat discrimen Pœnitentia a Matrimonio docens actus humanos pœnitentis esse ex inspiratione divina, et a Deo interiori operante, quod nec uspiam docuit de Matrimonio. Unde ponderatio facta si quas vires exerit, in ea utentem regerenda est. Siquidem stante convenientia Matrimonii et Pœnitentia quoad actus humanos ex parte materiæ, constat ex D. Thoma actus pœnitentis esse supernaturales; quod tamen non constat ex actibus ad contractum Matrimonii desideratis: ergo absque ullo fundamento in doctrina S. Doctoris negatur actibus pœnitentis supernaturalitas a S. Doctore illis delata, nec alio majori fit paritas quoad hoc unius ad alterum Sacramentum.

Expen-
ditur
mens
D.Thom.

176. Si autem hujus discriminis altiorem quæsieris radicem, ea est: quia nimis contractum matrimoniale, qui erat de se pure naturalis, elevavit Christus in lege gratiæ ad rationem Sacramenti. Unde sicut ad contrahendum non requiruntur nisi actus humani omnino naturales, ita neque ad matrimonium sub ratione contractus, nec sub ratione Sacramenti; siquidem idemmet actus qui obeunt rationem partis in ratione contractus, sunt etiam partes

ejusdem in ratione Sacramenti. Si qui vero alii altioris originis debent intervenire, non ad essentiam sed ad gratiam Sacramenti obtinendum necessarii sunt: ex quorum proinde defectu non deficit Sacramentum, sed tantummodo gratia Sacramenti; secus vero ex defectu priorum At vero circa pœnitentiam aliter se gessit Christus Dominus, modum ei imponendo, ac determinando, ne aliter esset proficia, nisi quantum subjiceretur clavibus ecclesiæ, in qua erat potestas ligandi, atque solvendi. Unde non novam Pœnitentiam instituit, nec veterem elevavit, sed determinavit. Quo respiens rectissime docuit D. Thomas in 4, D.Thom. dist. 22, q. 2, art. 3, quod *Sacramentum Pœnitentia consistit in determinato modo agendi pœnitentiam: qui quidem modus non est similiter apud omnes nec in omni tempore*, sed tempore dumtaxat legis gratiæ, ut constat ex quæstiunc. 2, ejusdem articuli, ubi ait: *Dicendum, quod quando variatur aliquid, quod est de essentia rei, non est eadem res numero*. Unde cum determinatus modus, qui in ecclesia a pœnitentibus observatur, sit de essentia hujus Sacramenti, hoc Sacramentum non fuit, antequam iste modus pœnitendi esset; et quia iste modus non fuit ante Christi adventum, ideo nec *Pœnitentia Sacramentum antea fuisse debet dici*. Ubique totam et adæquatam differentiam nostræ pœnitentiae a veteri reducit Angelicus Doc- D.Thom. tor ad novum modum determinationis, et subjectionis ad ministros ecclesiæ, et ejus claves quarum neutram in particuli habebat Pœnitentia veteris legis, ut ibi latius prosequitur Sanctus Præceptor. Determinatio autem non extrahit, aut elevat ad altiorem ordinem, ut per se patet, quin contrahit, et restringit ad speciale modum intra illum ordinem. Atque ideo cum Pœnitentia veteris legis non fuerit elevata, sed tantummodo determinata, et novo ordine induita, recte deducit S. Doctor, et nos ex ejus mente, eadem esse quoad ordinem ex parte pœnitentis illam cum ista. Atque subinde unam, et alteram esse supernaturalem. Unde quoad hoc nulla est paritas Sacramenti Matrimonii ad Sacramentum Pœnitentia. Quin imo retorquendum est argumentum contra oppositum discurrendi modum: Etenim ad valorem, seu essentiam Sacramenti Pœnitentiae concurredit, et concurrere debet ex parte pœnitentis ille dolor, qui lapsis erat necessarius in veteri lege, licet modificatus, determinatus, et novo ordine induitus: sed iste

Altior
doctrinæ
radix.

iste ex uno, et altero capite est supernaturalis : ergo dolor ad hoc Sacramentum necessarius est undique supernaturalis. Unde quod hoc nec Matrimonii, nec alterius Sacramenti paritas urget : quia hoc quod est habere pro materia proxima actus supernaturales, non competit huic Sacramento ex conceptu generico, in quo convenit cum Matrimonio, et aliis, sed ex conceptu differentiali, quo ab eis differt : et paritas solum tenet in eo in quo convenient, non vero in eo quo differunt. Porro licet communis illis sit constare materia, et forma; quodlibet tamen sibi vindicat materiam et formam essentialiter diversas ut de se constat : atque ideo inepte conficitur illatio ex uno, ad aliud, quoad hanc partem.

^{Iterum stimo- nium Thom.} 177. Secundum testimonium D. Thomæ ad eandem veritatem comprobandum de- promittit ex hoc eodem articulo solutione ad primum, ubi analogiam constituit S. Doctor salutis corporalis ad spiritualem in modo unam, et alteram obtinendi, vel totaliter ab extrinseco, vel partim ab intrinseco, et partim ab extrinseco : atque ita accidere in salute medis Sacramentis ob- tenta expresse affirmat. Unde concludit : *Sicul eliam in medicinis corporalibus quædam sunt res exterius adhibitæ, sicut emplasta, et electuaria : quædam vero sunt actus sanandorum puta exercitationes quædam.* Ex quo testimonio sequens conficitur argumentum sub hac forma : Inter Sacraenta ad nostram salutem ordinata unum est pœnitentia, quo illam acquirimus non totaliter ab extrinseco, seu (quod idem quoad præsens est) ex meritis Christi, ut accedit in Baptismo, et cæteris aliis nobilioribus Sacramentis; sed partim ab extrinseco, id est ex meritis, et gratia Christi, et partim ab intrinseco nimirum ex propriis actibus : ergo salus inde obveniens correspondet, et meritis Christi, et actibus intrinseco eliciti a pœnitente : sed haec salus est supernaturalis : ergo etiam actus pœnitentis quibus partim correspondet. Cætera constant ex littera D. Thomæ. præter Minorem (cujus probationi non est locus inter catholice sentientes, cum certo certius sit salutem importatam media gratia cuiuslibet Sacramenti esse supernaturalem) et Consequen- tiā, quæ non minus efficax, ac catholica est : siquidem gratia supernaturalis nullatenus vel proxime vel remote correspondet actibus naturalibus, ut Ecclesia contra

Pelagianos jam diu sancivit : ergo si, ut docet D. Thomas, gratia pœnitentiae cor- respondet dolori ipsius pœnitentis, plane conficitur prædictum dolorem debere esse supernaturalē, idque S. Doctorem suo discursu intendisse, ac probasse. Vel ana- logia qua utitur salutis corporalis ad spi- ritualem, nullius ponderis, aut momenti est, quod apud cordatos male audiet, et absque contemptu S. Doctoris non potest admitti.

178. Quod quidem argumentum tam Robora- tur alte menti S. Doctoris insedit ut eo sem- per usus fuerit, sive in sententiis, super ulterius ex eo- quas juvenis scripsit ut constat ex 4 sent. dist. 14, quæst. 1, art. 1, sive in hac 3 p. quam maturior ac provectione dictavit, nec non 4, contra Gentes cap. 12, § *Con- siderandum est autem, quod corporalis sa- natio, ubi demonstrat spiritualem sanatio- nem nec totaliter ab extrinseco, nec totali- tur ab intrinseco provenire possé, atque ideo oportere, in Pœnitentiâ Sacramento spi- ritualem salutem, et ab interiori, et ab exte- riori procedere nimirum a recta ordina- tionē mentis in Deum, et a Deo sua gratia adjuvante, et convertente.* Unde concludit, quod in hac spirituali sanatione *Christo coniungimur secundum operationem nos- tram divina gratia informatam.*

179. Porro licet quoad speciem, et ^{Expen- ditur amplius.} superficie tenuis solum videatur procedere ejus discursus de Sacramento cum fructu, quo pacto sine offendiculo currit, nec nisi cæcus in illum impiget, aut pertinax caviliari poterit; altiori tamen, ac sublimiori nititur principio, siquidem non latuit S. Doctorem, et naturam hujus Sacra- menti, et fructum ejus realiter ab ipso separabilem, et de facto separatum, ut contingere docuit in casu informitatis positivæ, in quo absque fructu reperitur, et Sacramentum, et omnia quæ ad ejus essentiam ex Christi institutione desiderantur. Et ratio id suadet: tum quia causa maxime efficiens, et instrumentalis non constituitur per effectum a se productum, aut producendum, atque ideo sive adsit, sive desit effectus ob superadditum ob- cem ex parte subjecti, in quo erat effectus introducendus, vel ob quamlibet aliam circumstantiam accidentalem, undecum- que ea proveniat; non idecirco destruitur, aut non permanet natura, et essentia causæ, ut vel in naturalibus cernitur: Tum etiam, quia cum Sacraenta sint libere instituta a Christo Domino, ut instrumenta

gratiæ, pro priori ad istam, imo, et independenter ab illa consideranda, ac explicanda est eo um natura, et essentia, qua possunt; et per se ordinantur ad inducendum quantum est ex se effectum; esto quandoque contingat per accidens effectum non esse, ut patet in aliis Sacramentis, quæ ex eo quod aliquando proprium effectum non sortiantur, non idcirco non habent, quæ Christus habenda decrevit, sed totus defectus revocatur in impedimentum occultum, et non in defectum alicujus ex Christi institutione ad essentiam, et id quod ex natura rei supposita ipsius institutione requiritur.

Animadversio-

Et quidem sermonem D. Thomæ esse doctrinalem, et maxime formalem nemo ibit inficias, atque ideo in re adeo gravi non tam attendisse ad casum contingenter, quam ad id quod convenit Sacramento ex sua institutione, et per se, omnino fatendum est. Quocirca in testi moniis aliatis, et expensis non fuit locutus de gratia ut actu producta, quæ per accidens impediri potest, ut testantur exempla inconcussa aliorum Sacramentorum; nec consequenter de Sacramento ut actu eam producente: sed de eo quod ei convenit secundum se, et ex institutione divina, a qua accepere esse productiva gratiæ omnia Sacra menta, quidquid fuerit de actuali et exercita productione, de qua formalis ac doctrinalis sermo non curat.

Enuclea-
tur
ad huc
D. Thomæ
doctrina.

180. Quaenam fallimur, observatione mens D. Thomæ enucleatur, et quæ ex ipso retulimus testimonia, satis efficaciter probant in omni eventu, atque subinde essentialiter actus pœnitentis, quibus in Sacramento, et medio Sacramento cooperatur quantum est ex se ad fructum illius, quamvis per accidens aliquando frustretur effectus, esse indispensabiliter supernaturales. Etenim hoc Sacramentum ex Christi institutione accepit, atque ideo essentialiter, esse causativum gratiæ supernaturalis, que partim fit ab extrinseco, et partim ab intrinseco: hoc autem subsistere nequit, quin actus pœnitentis ad ejus essentialiem constitutionem prærequisiti, ex parte materiæ proximæ sint supernaturales: ergo hoc Sacramentum ex sua institutione accepit, ad suimet constitutionem essentialiem habere pro materia proxima actus supernaturales. Consequentia recte infertur ex præmissis. Majorem docet, et probat S. Doctor in testi moniis adductis, eamque explicat per analogiam ad salutem corpo-

ralem mediis electuaris, ac exercitatione infirmi obtentam, quæ subinde correspondere debet, et naturæ, et arti, seu virtuti medicamentorum, et actibus propriis sanandorum. Minor vero efficaciter probari videtur ex eademmet radice a Sancto Doc tore detecta, et a nullo Catholicorum non admissa: nam eo ipso actus pœnitentis debent esse talis conditionis, ut illis partim correspondere possit ex vi institutionis Christi saltem in actu primo (quidquid sit de actu secundo exercito) salus spiritualis, ad quam ordinantur: sed si essent actus naturales, nec in actu primo posset illis correspondere salus spiritualis: ergo non recte cohæret illis correspondere gratiam supernaturalem, ad quam ordinantur, et non esse supernaturale ex mente D. Thomæ. Major hujus syllogismi constat ex doctrina D. Thomæ constituentia differentiam hujus ab aliis Sacramentis in eo quod istud Sacramentum per se, ordinatur ad nanciscendam gratiam partim ab intrinseco, partim ab extrinseco, idque habet ex sua institutione, et in actu primo essentialiter acceptum: et consequenter in eodem prorsus sensu idem suo modo debet convenire actibus pœnitentis ex parte materiæ proximæ ad hoc Sacramentum concurrentibus; alioqui non magis hoc Sacramentum fuisset per se institutum ad gratiam partim ab extrinseco, partim ab intrinseco nanciscendam, quam cætera alia; nec discrimen a D. Thoma intentum, et præscriptum teneret. Minor etiam liquet, tum ex se, tum ex paritate aliorum Sacramentorum, in quibus et si concurrunt plures res naturales, quas Deus elevat ad efficiendam gratiam, nullum tamen est fundamentum ad illis deferendum influxum in gratiam, vel correspondentiam cum illa; sed totum, et totaliter tribuitur, et tribuendum esse constat virtuti elevanti: ergo si hoc est speciale huic Sacramento, ut ex ejus primaria institutione probat, et deducit Angelicus Praeceptor, quod salus, in quam collimat, actibus pœnitentis, et gratiæ Christi correspondere possit, et debeat, signum evidens est ex S. Doctoris mente talis actus ex vi institutionis essentialiter exactos esse supernaturales.

181. Hinc autem monitum optaremus lectorum, ne inde inferendum censeat concursum partiale liberi arbitrii in gratiam, ut sonare videntur verba, qua usi sumus de correspondentia gratiæ hujus Sacramenti tribuendum partim actibus pœnitentis, partim meritis,

*Illatio
præca-
venda.*

meritis, et virtuti Christi, cuius Sacra menta sunt instrumenta. Quem quidem concur rendi modum ut veritati, ac D. Thomæ, et SS. Patrum doctrine prorsus adversum exosum semper habuimus. Unde germanus dictorum sensus est, quem supra dedimus ex Tridentino nimirum gratiam medio hoc Sacramento comparandam ultra causalitatem, quam per se, et essentialiter supponit ex parte materiæ proximæ, licet minus principalem in ratione instrumenti respectu formæ, ut explicuimus dub. 2, hujus disp. insuper exposcere causalitatem dispositivam, quæ reducitur ad genus causæ materialis. Unde actus humani sicut obeunt et munus materiæ proximæ, et munus dispositionis ordine exposito, ita duplum exhibent influendi modum, unum in alio fundatum : primum communem cujuslibet Sacramenti materiæ, alterum vero sibi proprium, quod est disponere. Et sicut in his eisdem actibus coeunt, et ratio dispositio nis, et ratio materiæ proximæ, ita et in eadem numero gratia adest corresponden tia, et actibus humanis, et toti Sacramento, ut nos docuit D. Thomas, quin sit locus partialitati influxus a junioribus male inventæ, et pejus fundatæ.

objicetur
Thom. 182. Sed ut vel minimus dubitandi scrupulus procul abigatur, objiciemus aliud S. Doctoris testimonium, ne quem in illum offendere contingat, et nobis adversum ob trudat. Ait ergo S. Doctor loco supra citato ex 4, dist. 14, quæst. 1, art. 2 : *quod quia humani actus non procedunt ex necessitate, sed ex libero arbitrio, ideo non potest assignari causa ex parte nostra alicujus actus nostri, ex quo semper procedat; sed ex quo ut in pluribus contingit propter dispositionem existentem in nobis, ad hoc quod tamen non necessario inclinal.* Unde omnes sermones morales sunt tales, ut *Philosophus in 3 Ethicorum dicit, quod ut in pluribus oportet eos intelligere.* Ex quo D. Thomæ principio hactenus dicta in toto hoc dubio redargui possunt sub hac forma : nam ut sarta, tec taque doctrina moralis servetur, sufficit moraliter, et ut in pluribus eam intelligere, ac tenere : sed doctrina de hoc Sacramento tradita a Concilio, et a D. Thoma moralis est; ergo ad eam sartam, tectamque ser vandam sufficit ut in pluribus eam contингere, atque ideo per se loquendo ita evenire, quod actus humani pro materia hujus Sacramenti sint supernaturales; per accidens tamen, et in casu non ita communi sint naturales, quod et nihil amplius intendet,

cui oppositus dicendi modus arriserit. Ad Conserm. hæc sicut nullum est fundamentum adstruendi ex parte liberi arbitrii fixam radicem, ex qua actus humani prodeant, ut testatur D. Thomas, et docet experientia : ita absque fundamento asseritur attritionem ad hoc Sacramentum indispensabili ter exactam debere esse supernaturalem ; sed sufficiet quod ut in plurimum supernaturalis evadat ut ex doctrina, hujus testimonii colligi videtur.

183. Verum hoc testimonium, quod Exponi ta nude acceptum, et propositum rem confecisse videbatur contra veritatem, quam vindicare conamur, tam longe abest, ut rem consiciat, quod potius pro nobis est : ut si illi prout jacet admisso adjunxeris, quæ immediate subtexuit Angelicus Prae ceptor, evidenter constabit : Inquit ergo S. Doctor doctrinam allegatam suæ, et nostri intentioni applicando : *Cum autem Pænitentia sit revocatio a peccato ut Damascenus dicit, oportet originem ejus in nobis accipi secundum dispositionem existentis in peccato. Ille autem qui in peccato est, non habet gustum sanum, ut ex dulcedine divinæ bonitatis a peccato revocetur : sed habet affectum infectum amore sui inordi natio : et ideo per pœnas, quæ naturæ suæ contrariantur, et voluntati, a peccato revocatur : et ideo in eis ut in pluribus ex timore Pænitentia initium sumit, quamvis etiam in aliquibus ex amore pænitentia inchoatur.* Ubi non agit S. Doctor de Pœnitentia ut Sacramento, sed de Pœnitentia virtute, de qua fuerat articuli epigraphæ, *Utrum (scilicet) virtus Pænitentia timore concipiatur?* Et de hac docet, et recte, non semper procedere ex amore divinæ bonitatis, sed aliquando, imo et ut pluribus ex timore pœnarum. Quocirca tota illius articuli doctrina, unam alteri annexendo, reduci potest ad hanc formam : principium pœnitentiaæ virtutis in nobis sumendum est ex libero arbitrio infecto, seu obstricto peccato, non secundum quod in paucioribus, sed secundum quod ut in pluribus evenit : sed quod ut in pluribus evenit homini existenti in peccato, est operari, et agere ex timore pœnarum, non autem ex amore divinæ dulcedinis, ut vel ipse Philosophus docuit 4 Ethic.; ergo principium pœnitentiaæ in nobis ut in plurimum provenit ex timore pœnarum, et non ex amore divinæ bonitatis. Qui Syllogismus rectissimus, et efficacissimus est ad intentum D. Thomæ, nihil vero

probat ad mentem objicientis, quin penitus adversatur, ut palam fiet inde subsumendo : sed attritio quæ est pars essentialis hujus Sacramenti, procedit a timore servili, qui est supernaturalis : ergo ex mente D. Thomæ attritio quæ est pars essentialis Pœnitentiae est supernaturalis. Minor subsumpta est Angelici Doctoris simul cum Consequentia in hac 3 p. quæst. 85, art. 5, ubi idem interrogat, et examinat, ac in loco, quem versamus ex 4 sententiarum : *Utrum principium Pœnitentia sit ex timore?*

Diluitur
argument.

Unde constat ad argumentum ex doctrina D. Thomæ formatum, cuius Major nec est ad mentem S. Doctoris, nec in se vera, quandoquidem non procedit nisi de Pœnitentia quæ est virtus moralis, atque ideo fallit, eam Pœnitentiae ut Sacramento applicando. Plura quippe ad Pœnitentiam ut Sacramentum concurrere necesse est, quæ omnino impertinentia sunt ad Pœnitentiam ut virtutem morallem. Et quidem eodem arguento posset confici non semper sed ut in pluribus essentialiter postulari determinatam absolutionis formam verbis externis prolatam, ut considerans facile apprehendet, quod absque insignis temeritatis ut minimum nota dici non potest. Nec verior est Minor, siquidem Concilium in decernendo formas, et materias Sacramentorum, non se gessit ut ethicus, moraliter, seu ut in plurimum eas explicando, sed determinate assignando ut interpres divinæ institutionis, quod cuique eorum erat essentialiter proprium, et indispensabiliter exactum ad eorum diversas essentias; alioqui nihil firmum aut stabile esset in Ecclesia circa Sacramentorum essentias, sed eas quæque posset sibi, et aliis comminisci, quæ pro temporum, ac occasionum diversitate magis congruere viderentur. Quo quid amplius mallent hæretici?

Qualiter
se gesse-
rit
Conci-
lium
in expli-
candi
Sacra-
mento-
rum
formis.

Quid
inde
seque-
tur.

Et quidem his nœvis inuri oppositum (si qui sunt) sentientes, facile constat : siquidem unum e duobus coguntur asserere : vel quod materia essentialis hujus Sacramenti sunt actus humani, qua humani, non vero ut supernaturales reducitive; quod supra ex Concilio, et D. Thoma improbatum est : vel duplēcē materiam essentialiter diversam, nimirum actus supernaturales pro Sacramento cum fructu; et naturales pro eodem absque fructu constituere tenentur : quod etiam rejecimus supra ratione, et exemplis alio-

rum Sacramentorum in quibus non variaatur nec materia, nec forma penes fructum, vel parentiam fructus. Quamobrem ut voluntarie, et absque fundamento, eorum assertum amandandum est. Nec plus roboris est in confirmatione, ut expendi constabat, a quo proinde superseedendum duximus.

§ VII.

Eadem veritas ratione fulcitur.

Probatio
a ratio-
ne.

184. Ratio fundamentalis, et quasi a priori hujus sententiæ non semel in tota hac disputatione insinuata, ad sequentem formam potest reduci : Nam hoc Sacramentum institutum est per modum judicij reconciliativi hominis cum Deo : sed eo ipso reconciliatio ex parte hominis debet esse supernaturalis: ergo dolor ex parte hominis desideratus debet esse supernaturalis. Consequentia constat. Major ut principium per se notum inter catholicos supponenda est, quam insuper experientia demonstrat, quando quidem nullus est, qui ad hoc Sacramentum accedat, quod non, quantum est ex se, intendat se in pristinam cum Deo amicitiam revocare, Deumque peccatis offendens sibi infensum, et pacatum reldere mediis dolore, satisfactione, et aliis ad hujus Sacramenti essentialiem constitutionem concurrentibus. Minor vero præterquam quod ex dictis constat, suadetur : nam eo ipso quod homo intendat non joco, sed serio novam inire cum Deo amicitiam et offensam compensare medio hoc judicio, debet elicere, et offerre actus quantum est de se ordinatos ad finem sibi præstitutum consequendum : actus autem naturalis nec ex se, nec ex Dei institutione neutiquam conducit, et quantum est ex se nullatenus in eum finem pervehit, ut constat : ergo necessario exigitur in vi institutionis hujus Sacramenti, quod actus hominis pœnitentis ad illud omnino desideratis, sint supernaturales.

185. Confirmatur, et explicatur primo præoccurrendo tacite responsioni jam supra ex aliis principiis repulsæ : quoniam de essentia hujus Sacramentalis judicij non est actu reconciliare hominem cum Deo, sicut non est de essentia cuiuslibet alterius Sacramenti actu conferre gratiam, sed esse quantum est de se, et ex parte Christi instituentis, gratiae collativum, juxta vulgare, sed verum proloquium, quod verba in diffinitione

Confir-
mat.

definitione non dicunt actum, sed aptitudinem. Ergo quamvis non postulet essentialiter actu constitui illis actibus, quibus de facto actu consequatur, et obtineatur remissio, et reconciliatio, quales sunt vel perfecta contritio, vel omnino absoluta, et efficax attritio a Tridentino descriptae : petit tamen actu, et essentialiter constitui illis actibus, qui quantum est ex se, et ex Christi voluntate in eam propendant, inclinant, ac permovere; alias non esset iudicium quantum est de se reconciliativum : attritioni autem naturali, sicut et cuilibet actu hujuscemodi ordinis non tantum repugnat actu reconciliare, verum, et esse de se, aut ex divina institutione nobis in hac providentia manifesta, reconciliativum : ergo attritioni naturali repugnat esse partem intrinsece constitutivam, et essentialiem hujus Sacramentalis judicii. Cætera videntur constare præter Minorem subsumptam, quæ nobis indubia est ; quoniam ut supra opposuimus, attritio naturalis secundum se accepta nullo unquam tempore fuit de se potens potentia, ut ita dicamus, antecedenti ad removendam offensam gravem Dei, quam semper fuisse ordinis supernaturalis constat ex loco supra citato de justificatione : atque ideo nec prout sic valuit in reconciliationem ab homine intentam propendere, ac provehere. Sed neque id habet in lege gratiae ex institutione Christi, de qua non constat, sicut nec de approbatione Ecclesiae, et Theologorum suffragiis ; quin potius oppositum est communis sensu, et Theologorum calculis approbatum, ut constat ex dictis : ergo omnino asserendum est attritioni naturali non competere, imo et repugnare, esse partem essentialiter constitutivam hujus Sacramentalis judicii in eam reconciliationem inclinantis, ac promoventis.

186. Confirmatur et explicatur secundo urgenter replicam disjicio. Quoniam ea potissimum ratione attritio naturalis sortiri posset rationem partis essentialis in hoc pœnitentiali judicio, quia nimis est judicium humanum, et humano modo procedens. Ex quibus capitibus admittit cum bona fide fallentiam doloris re ipsa supernaturalis ad perfectionem Sacramenti necessarii : stante autem bona fide doloris existimati supernaturalis, sed re ipsa dumtaxat naturalis, arduum imo, et durissimum esse obtendunt asserere Sacramentum esse nullum, et consequenter manere pœnitentem obnoxium confessioni bona fide

factæ iterandæ. Sed haec ratio est nulla, neque magis urget in Sacramento quam in aliis : ergo non est ratio adstruendi pro parte essentiali hujus Sacramenti attritionem naturalem quantumvis bona fide existimatam supernaturalem, atque ideo tendendum est re ipsa oportere esse supernaturalem. Hæc secunda Consequentia constat ex prima, quæ etiam ex præmissis legitima est. Major continet doctrinam, quam quis causari poterit ad illi sententiæ adhærendum. Prima Minoris pars de nullitate hujus motivi, colligitur ex secunda; quandoquidem omnia alia Sacra menta et recipiuntur, et ministrantur humano, et non angelico modo; cum tamen nullus inde intulerit arduitatem, aut duritatem in asserendo nullitatem Sacramenti casu, quo deficiat aliquod ex illis essentialia, quantumvis adsit bona fides, vel suscipiens, vel ministrantis. Et ratio est, quam supra urgebamus : quia bona fides conducte quidem quam plurimum, ut hominem a novo peccato eximat; neutiquam vero facit ad id, quod re ipsa ex vi institutionis Sacramentum a parte rei postulat; quippe quod non pendet ab hominum judicio, sed a reali partium existentia, ut vere existat. Unde sicut nec durum, nec arduum est nullum esse baptismum, non existente vera ablutione aquæ naturalis, vel vera Trinitatis invocatione (idem est de aliis juxta cuiusque propriam materiam, vel formam) ita nihil duri, aut ardui continet nullum esse Pœnitentiae Sacramentum, non existente vera attritione supernaturali.

187. Rursus nullitas Minoris ostenditur ex illomet, quod in Majori supponitur, videlicet non sufficere attritionem naturalem ut cognitam, sed ulterius desiderari quod bona fide apprehendatur ut supernaturalis. Ex qua suppositione liquet ex vi suæ institutionis postulari ad valorem hujus Sacramenti supernaturalitatem vel veram, ut tuemur, ex parte attritionis, vel invincibiliter, ut autem existimatam. Aliunde vero constat Christum Dominum pro suo beneplacito formas, et materias omnium Sacramentorum determinasse quoad speciem omnino independenter ab hominum, imo, et Ecclesiae, judicio : ergo magis rationi, et Christi intentioni consonum est, veram supernaturalitatem attritioni deferre, quam auferre : siquidem ad primum sunt satis urgenter fundamenta, ex autoritate Concilii ex D. Thoma, ex majori ac

Amplus
ostendi-
tur
Minoris
falsitas.

meliori Theologorum parte, ex paritate aliorum Sacramentorum, nec non ex ratione Theologica desumpta : nullum tamen ex his ad secundum reperitur, nec hactenus est repertum : ergo primum, et non secundum est asserendum.

Ultima
Minoris
improba-
tio.

Tertio probatur illius Majoris falsitas directe destruendo principium in illa contentum : quoniam judicium exercitum inter poenitentem, et ministrum magis est divinum, quam humanum, ut constat ex fine, ex sigillo tam severe in eo servando, ut nec eum vite dispendio, et omnium bonorum jactura possit vio'ari (nec enim quae ibi revelantur, homini patefiunt, sed ipsi Deo) et ex aliis inibi concurrentibus. Quocirca S. Pacianus epistol. 3, Novatiano simile quid objicienti ita reponit : *Non mihi plane, sed Deo soli, qui et in baptisme donat admissum, et paenitentium lachrymas non repellit : Cælerum quod ego facio, id non meo jure, sed Domini. Sive baptizamus, sive ad paenitentiam cogimus, sive veniam petentibus relazamus, Christo id authore tractamus.* Aliunde vero poenitentes serio ei se subjiciens eam exhibere debet attritionem, qua sperare possit nanciscendam intentam reconciliationem. Constitut autem ad id muneric ineptam omnino semper fuisse attritionem naturalem; atque ideo ex ratione judicii reconciliativi, quod intervenit in hoc Sacramento, recte deducitur exigentia attritionis supernaturalis pro ejus valore.

S. Pa-
cianus.

§ VIII.

Diruuntur argumenta in oppositum.

Opposita
senten-
tia.

Cajet.
Victoria.
Cuno.
Ledes-
ma, an
bene
allegen-
tur.

Le nos.

188. Pro adversa sententia (si vere sententia dici potest) refert Illustrissimus Arauxo loco supra citato aliquos Theologorum, suppressis eorum nominibus. Eamque aut tenuisse, aut indicasse Cajet. Victoriam, Cano, Ledesmam, et alios affirmat Magister a S. Thoma in praesenti art. 4. Apud quos omnes non invenimus, nisi que ex ipsis consultis supra transcriptissimus, eaque quadam pietate ductos illa dictasse asseruit Franciscus Suarez eos allegans. Sed quidquid sit de hoc, non praetermittendum putamus cordatissimi pariterque Sapientissimi Magistri Thomæ de Lemos in hac parte judicium, super hanc, si velis, sententiam tom. 3, suarum dissertat. lib. 3, tract. 2, cap. 36, ubi ita habet : *Dicendum illam quidem omnino*

falsum esse, et minus prædictæ doctrinæ Concilii conformem, nec tute defendi posse. Quæ ideo referimus, ut prudenti lectoris judicio relinquamus, quid, et quantum alteri harum partium sit deferendum, ut ab acriori interim abstineamus censura.

Argum.
primo.

Arguitur itaque primo : Nam inter materialiam, et formam Sacramentorum, quantum res tulerit, debet servari proportio : sed absolutio, quæ est forma hujus Sacramenti, potest esse, imo de facto est, more naturalis : ergo etiam materia illius proxima, quæ immediatus subjicitur formæ, qualis est attritio. Major videtur per se nota. Minor vero probatur, quoniam absolutio potest impendi ex solo motivo naturali proferendi verba, imo et viliori, aliquid lucri temporalis, et si mavis turpi male cum poenitenti agendi : sed in his omnibus nulla splendet supernaturalitas ex parte formæ : ergo non alia requiritur ex parte materie proximæ, si semel inter eas servari debet proportio, quam Major præ se fert.

Dissol-
vitur.

189. Respondetur hoc argumentum ut nimis probans contemptum iri, quandoquidem si vere concluderet, pariter evinceret attritionem pure naturalem, imo et peccaminosam sufficere nedum ad valorem, sed etiam ad fructum, sicut sufficere constat absolutionem quolibet illorum finium impensam, dummodo ex aliis capitibus cætera ad Sacramentum cum fructu non desint. Quod tamen est plusquam falsum. Unde ad ejus formam admissa Majori de proportione, quæ vel ex natura rei competit materie, et formæ in ratione actus et potentiae (ut contingit in compositis naturalibus; secus vero in esse entis, ut constat in animali); vel ex voluntate artificis, ut liquet in artefactis, et potiori titulo servari debet in Sacramentis unicam Christi voluntatempro sui constitutione habentibus. Et concessa, prout jacet Minori, cuius veritatem, supra ex alibi a nobis dictis supposuimus, neganda est Consequentia. Ratio disparitatis est manifesta : quoniam ad veram absolutionem sufficit, et requiritur vera potestas in absolvente cum vera itidem intentione ea potestate utendi, seu, quod idem est, absolvendi : quæ duo naturalia absolute esse vel in hujus disputationis limine statuimus, quidquid sit de fine ministri ex opere operantis, a quo Sacramenti veritas non dependet, ut exemplo caracteris, consecrationis, et aliis loco ibi citato explicuimus. Absolu-

Assu-
tur
dispari-
tas.

tionem

tionem itaque dupli illa circumstantia ornataam Deus elevat ad instrumentaliter inducendum remissionis gratiam, quin ob-sunt alii peculiares nævi ex pravo ministri fine contracti, ob quos sacrilegio delinquit, quamvis Sacramentum sit validum, imo et fructuosum respectu pœnitentis. Hic enim non justificatur penes sanctitatem, aut malitiam absolvantis; sed penes virtutem Christi pravo instrumento ad suæ gratiæ distributionem internum utentis. At vero pœnitens, cuius interest reconciliatio cum Deo, cuique serio debet incumbere, sicut propria voluntate discessit, et cum ipso Deo inimicitiam peccando contraxit; ita propria voluntate debet dolere; et dolore quidem, qui de se tendat in offensæ destructionem, et ejus finem aliquo modo attingat, ut debita proportio inter offensam, et compensationem servetur. Quocirca rectissime Christus Dominus, cuius voluntas est ratio, statuit dolorem pœnitentis reconciliationem serio intendentis debere esse ordinis supernaturalis nedum ad fructum: sed etiam ad valorem hujus Sacramenti, non admisso aut excluso dolore pure naturali neutiquam ex se ad eum finem conducenti.

190. Sed contra hoc replicatur (et est secundum argumentum) a paritate aliorum Sacramentorum, in quibus materia proxima sunt actus naturales ministri, ut in Baptismo ablutio, in Confirmatione signatio, et sic de cæteris: ergo pariter in hoc Sacramento, quoad hoc discurrendum est, subindeque asserendum in actibus doloris, et confessionis vocalis pure naturalibus ejus essentiam consistere; supernaturalitate, si quæ interveniat, ad solum fructum desiderata.

Hæc tamen replica in objicientem regrenda est, et ab ipso expedienda, si quidem in omni sententia materia proxima hujus Sacramenti non sunt actiones exteriores ministri absolvantis, sed dolor interior sensibiliter manifestatus pœnitentis: si ergo quoad hoc non est paritas cæterorum Sacramentorum ad istud, quain obtrudere possunt rationem ad eam tenendam quoad esse naturale materiæ proximæ? Porro disparitatem quam assignare possunt ad hoc, ut in isto Sacramento actus pœnitentis sint materia proxima, secus vero in aliis, ex ratione judicli hic intervenientis sumenda est; quandoquidem in omni Foro judiciali manifestatio delicti vel per testes, vel per ipsius rei spontaneam, aut coactam,

confessionem, vel uno, et altero modo facta habet rationem materiæ respectu sententia a legitimo judice ferendæ. Cum ergo Christus Dominus hoc Sacramentum instituerit ad instar judicij divini inter Deum, et homines, quo medio non intenditur pure vindicatio delicti, sed instauratio amicitiae supernaturalis, quam disciderat peccatum, et aliqualis pœnitentis compensatio; plane evincitur actus pœnitentis et esse partes hujus Sacramenti (in quo stat disparitas ab objiciente assignanda) et insuper debere esse supernaturales (in quo nos affirmamus etiam ab aliis differre) siquidem nullus actus naturalis queit, quantum est de se, neque in actu primo, ad eum finem conducere, ut supra arguebamus: nec similiter gratia sanativa, seu medicinalis, qualis est ea, in quam per se primo collimat hoc Sacramentum, potest habere adhuc in actu primo proportionem cum actu naturali; cum tamen eam habere debeat cum actibus pœnitentis, ut supra a D. Thoma audivimus. Unde compellimur ex his et aliis principiis in hoc dubio sparsim jactis supernaturalitatem attritionis adstruere in hoc Sacramento pro ejus valore, admissa et concessa pure naturali materia proxima in aliis, in quibus nulla vel apparet similis ratio militat.

Et quidem si res ita non se haberet, nec Christus omni tempore necessariam pœnitentiam (abs dubio supernaturalem) ad speciale modum determinasset, nec eam a Deo interius operante, et inspirante bene statuisse Concilium. Unde constat inter hoc, et alia Sacraenta quoad hoc non esse tenendam paritatem, quippe quæ in eo, in quo convenient, non in eo quo essentialiter differunt, servari debet.

191. Sed adhuc non quiescit animus, et instatur urgendo idem motivum: nam quod quem pœniteat de peccato vel propter peinas inferni, vel propter ipsiusmet peccati turpitudinem, vel ob cum recta ratione dissonantiam (quæ omnia, et alia quamplurima ipsum comitantia absone non sunt naturæ intellectuali) non excedit vires naturales. Nec similiter eas superat, peccata alteri detegere, ac impositam satisfactiōnem executioni mandare. Quid ergo vatat, aut impedit interesse verum Sacramentum, non deficiente, ut non deficere supponit arguens, ordinatione divina? Unde urgeatur in forma: Sacramentum est signum sensibile gratiæ sanctificantis nos: sed hic

est signum sensibile gratiae sanctificantis nos : ergo hic est verum Sacramentum ; non aliud a Pœnitentia, ut constat : ergo hic est verum Sacramentum Pœnitentiae. Minor primi syllogismi, quæ sola nutare poterat, probatur facile : nam supposita divina ordinatione, ac promissione, quem ita pœniteret, abs dubio reciperet gratiam, et per illa sensibilia signa nedum in ejus cognitionem veniret, sed etiam in assecutionem, ut recte probat aliorum Sacramentorum exemplum rebus sensibilibus gratiam inducentibus.

Confirm. Et confirmatur : quia nulli dubium est potuisse Deum actus pure naturales assumere ad instrumentaliter pro lucendam gratiam, ut pluribus ostendi posset, si res tam clara non esset : sed Sacraenta sunt instrumenta physica gratiae : ergo nulli debet esse dubium dolorem naturalem posse elevari a Deo ad instrumentaliter eam efficiendam, imo et de facto, ita esse elevatam, atque ideo esse verum Sacramentum. Patet hæc Consequentia, quoniam ad verum Sacramentum sufficit res sensibilis cum virtute elevante ad efficiendam gratiam a Deo destinata, et sensibiliter proposita : quod totum invenitur in præsenti, et consequenter etiam vera Sacramentis ratio.

Retor-
quetur. 192. Verum argumentum illud plus apparentiae, quam soliditatis habet utpote procedens ex principio universalissimo, et adeo vero, ut nisi delirans illud negare nemo audet. Quis enim, nisi vecors, ibit inficias, rem, ut depingitur ab objiciente, disponere Christum valuisse? In quo eventu Sacramentum profecto foret; sed certe non hujus, sed alterius providentiae, de qua impertinens est disputare, vel exemplum sumere ad præsentem, in qua solum debeamus procedere juxta regulas a Deo præscriptas, in Ecclesia acceptas, et a sanctis Patribus traditas, nihil curando de illis, quæ alias subsunt, et subesse potuere potentiae, et providentiae alterius rationis a præsenti. Fatemur insuper ultronei illas, et alias plurimas in peccato detestandi rationes, quæ captum naturalem non prætergrediuntur, in quarum vi vel pluribus ethnicorum fuit exosum, ut supra vidimus ex Cicerone.

Detecto-
tor
argu-
menti
debilitas. Sed hinc argumenti vires dehiscunt descendendo absque fundamento ad hoc Sacramentum illi præscribendo materiam non a Christo decretam, sed arbitriam, quæ aspernitur, et rejicitur eadem facili-

tate (solidiori tamen motivo) qua destruitur. Unde ad ejus formam concessa Majori neganda est Minor, vel claritatis gratia distinguenda : et si sensus illius fuerit in altera providentia futurum esse Sacramentum, concedatur si Deus ita disposisset ; secus vero si loquatur, ut revera loquitur, de præsenti, in qua sicut non probat attritionem naturalem sufficere ad fructum Sacramenti, ita nec conficit esse veram illius partem. Et quidem utrumque probare, si semel probat, manifestum est ejus formam consideranti, et præmissarum nervos attendentи. Eodem pede claudicat confirmation, utpote quæ solum conficit potuisse Deum assumpsisse attritionem naturalem ut instrumentum productionis gratiae, sicut et quamlibet aliam rem ; non tamen suadet ita de facto fuisse, quo arguens indigebat.

193. Ratio ergo negandi unam, et alteram illationem argumenti, et confirmationis est quia Christus materias, et formas Sacramentorum non Theologorum arbitrio determinandas aut cujusque judicio statuendas reliquit; sed seipso decrevit, ac constituit. Quod est apud ipsos Theologos per se notum. Quid autem in speciali ad ea consideranda descendendo, circa quodlibet eorum determinaverit, aut stabilierit, non aliud melius innotuit, quam ex Concilio, ex D. Thoma, in quo SS. Patrum sensus elucet, et ex fine cuiuslibet eorum, ut sæpe dictum est. Ex quibus omnibus constat non quemlibet dolorem, sed cui sanitas mentis (quam gratia medicinalis propria Pœnitentiae importat), proportionetur saltem in actu primo, esse partem essentialiem hujus Sacramenti ; quod tamen nec convenit, sed neque convenire potest attritioni naturali : ergo graviori ac solidiori fundamento nixi negamus attritioni naturali, quod illi attribuere nituntur absque fundamento, nimirum esse partem essentialiem, et essentialiter sufficientem ad ejus valorem. Quin maneat recursus ad casum per accidens, bonam fidem, et alia sexcenta, quæ aggeruntur : quippe ista omnia se tenent ex parte pœnitentis, et solum conferunt ad eum vel innoxium, vel noxiū servandum ; nihil vero referunt ad veritatem Sacramenti, ut supra ostendebamus, et evidenter constat in aliis Sacramentis, in quibus omnia alia possunt coire cum nullitate Sacramenti a parte rei, quamvis existimetur verum esse. Quamobrem sicut in cæteris a nullo admittitur casus, in quo sit Sacramentum verum, quod vera materia et forma sibi propriis

Dispel-
ratio-
ne
confir-
matio-

Tradit-
ratio-
ne
negati-
ve
illa-
tionis
opposi-
tas.

Conci-

D. Tho-

propriis non constet, sic nec admittendum censemus verum Sacramentum Poenitentiae, quod attritione supernaturali, quæ vere supernaturalis est, non constituatur.

§ IX.

Difficile argumentum enodatur.

194. Tandem arguitur ab inconvenienti aliquorum iudicio indeclinabili. Nam juxta hactenus dicta Sacramentum Poenitentiae nequit reperiri sine fructu. Consequens est falsum, et contra expressam Angelici Praeceptoris doctrinam : ergo et falsum est ad hujus Sacramenti valorem non sufficere attritionem naturalem. Minor constat ex D. Thoma in 4, dist. 17, quæst. 3, ubi docet hoc Sacramentum aliquando esse informe, et consequenter sine fructu, cui major, ac melior Theologorum pars suffragatur, ut infra eos referendo erit per viuin Consequentia etiam liquet, siquidem absque attritione naturali, vix, aut ægre quidem potest salvari informitas hujus Sacramenti, ut ex probatione Majoris liquidius fiet. Igitur Majorem probare sibi visus est Vasquez infra quæst. 92, art. 2, dub. unico ex doctrina Concilii ipsi, et nobis communi. Primo, quoniam eundem, et non alium dolorem constituit Concilium pro fructu, ac valore hujus Sacramenti : ergo idem dolor qui sufficit ad valorem, erit etiam ad fructum sufficiens, atque ideo attritio supernaturalis, quæ juxta dicta ad ejus essentiam est necessaria, sufficiet etiam ad eundem cum fructu recipiendum. Utraque Consequentia constat ex antecedenti contento in Concilio sess. 14, cap. 3 et 4, ubi illum dolorem quem cap. 3 determinat esse materiam proximam, cap. 4, docet disponere ad justificationem : ergo ex mente Concilii non aliud requiritur dolor ad rationem partis Sacramentalis, quam ad percipiendum fructum, et consequenter ex uno legitima fit illatio ad alterum.

Secundo : quoniam ex mente Concilii attritio quæ disponit ad fructum, excludit voluntatem peccandi. Sed attritio, quæ requiritur ad essentiam, excludit omnem voluntatem peccandi : ergo eadem attritio, quæ juxta doctrinam Concilii requiritur ad hujus Sacramenti essentiam, sufficit ad ejus fructum : subindeque non remanebit locus informitati hujus Sacramenti, quod est intentum. Quæ duæ probationes ur-

geri, et explicari possunt ex Concilio Florentino in decreto Eugenii, ubi ad Pœnitentiam contritio assignatur ut pars; cum tamen ad Baptismum solum designetur ut dispositio : quol etiam postea docuisse Tridentinum constat ex a nobis supra dictis, et allegatis ex sess. 6, cap. 6, et sess. 14, cap. 3 et 4; ergo contra dicta, et quod magis est, contra unum et alterum Concilium est separare rationem partis a ratione dispositionis, atque subinde valorem Sacramenti, ab ejus fructu.

195. His, quibus commiserat Vasquez suæ non adeo communis sententiæ totum pondus, novissime Tyrus non satis fidens duo alia subjunxit quibus fulcirentur tom. 3, select. disp. 37, sect. 2. Primum est, eatenus dolorem esse partem hujus Sacramenti, quatenus requiritur ad plenam, atque perfectam peccati remissionem : ergo ex vi ejusdem habet esse partem, et dispositionem ad fructum Sacramenti : atque ideo non est dabilis in ratione partis, quin simul sit dispositio, nec consequenter dabile erit Sacramentum non actu fructiferum. Urget secundo : nam contritio, quæ est pars Sacramenti, duo secum trahit, et dolorem retroactorum, et in posterum non amplius deficiendi propositum : hoc autem propositum esse debet universale omnia, et singula peccata vitandi : ergo prædicta contritio universaliter disponit ad fructum Sacramenti, sine quo proinde nequit in Sacramento reperiri.

Materia hujus argumenti gravissimam, ac satis diffusam sibi vindicat disputatorem, infra hinc, et inde plenam manu exagitandam. Quamobrem ab ea in praesenti supersedendum est, et ea dumtaxat delibanda, quæ ad ostendendum sequelæ defectum, nec ita esse illationem indeclinabilem, qualem juniores aliqui judicant, sufficere videantur.

Et quidem negandam esse Majorem juxta a nobis dicta in toto integro dubio, haud obscure constabit recolenti, quæ expendimus ex D. Thoma, et ratione probavimus. Ex quibus liquet non esse de essentia nec hujus, nec alterius Sacramenti actu inferre gratiam, aut semper illam inducere, sed dumtaxat esse inductivum, et illativum illius, quantum est ex vi suæ institutionis. Cum quo optime cohæret aliquoties subesse impedimentum occultum, quod lateat pœnitentem culpabiliter, vel inculpabiliter (de quo nil modo) ratione cujus Sacramentum de se potens inducere gratiam, actu eam

Concil.
Flor.

Urget
P. Tyr-
sus ..

Urget

secundo.

Remis-
sio
difficul-
tatis.

Interina
respon-
sio.

non efficat. Id quod satis constat non solum in causis naturalibus, puta, calore, et aliis, quæ retardantur ab introductione effectus in passum, quantumvis illi applicentur; sed etiam in aliis Sacramentis, et quod magis est, in omnium nobilissimo Eucharistiae, in quo nullus ambiget ob crimen penitus oblitem de quo nullus fuit, aut est dolor, similem defectum intervenire absque nova culpa recipientis. A qua regula generali absque ullo firmo fundamento praedicti juniores, et alii ipsis familiares Pœnitentiam excipiendam ducunt; cum tamen in ea ex fragilitate hominum saepius tale impedimentum incurrendi urgeat periculum.

196. Porro si in aliis, in hac re adeo gravi posthabendam aliorum quantumvis doctorum auctoritatem auctoritati Sanctissimi, ac Sapientissimi Doctoris D. Thomae, testantur, et numero, et sapientia prætantissimi viri, tam exteri, quam domestici ab eo in hac parte induvsi, quibus magis standum, quam unius, aut alterius, et si mavis, aliquorum singulari, aut non ita communis opinioni. Et quidem Angelicum Præceptorem pro necessitate doloris supernaturalis ad valorem Sacramenti stetisse compertum est ex ab ipso acceptis ubi supra et ex unanimi discipulorum consensu, quos jam dedimus. Aliunde vero diserte S. Doctorem asseruisse aliquando contingere hoc Sacramentum recipi absque fructu, atque ideo esse informe, constantissimum est, vel ex Vasquez, Thyrso, et adversariorum confessione, quin S. Doctorem consulere opus sit. Unde vel S. Doctorem vim illationis unius ad alteram conclusionem non satis calluisse dicendum est; vel inconsequenter processisse, aut Palinodiam recantasse. Quorum quolibet satis deprimit, ac pessundat D. Thomae auctoritatem, ac maximam, quæ ipsi in tota Ecclesia exhibetur, reverentiam. Quæ ideo diximus, quia unius asserti veritatem alterius veritati non repugnare cum D. Thoma existimamus, cum quo rationabilius negavimus sequelam Majoris, nimirum *ex nostra*, et *D. Thomæ sententia sequi non posse hoc Sacramentum valide absque fructu recipi.*

D. Thom.
mens vel
ex eo-
dem
Thyrso
decepcta. Et ut offendiculum Concilii, quod obrudunt, et obtendunt, diruamus, supponenda est doctrina D. Thomae, quam tradit, et approbat ipsem Thyrso ubi supra disp. 50, sect. 6, n. 73, referens S. Doctorem, de duplice dolore supernaturali,

quorum alias est omnino efficax, et sufficiens cum Sacramento, alter vero inefficax, insufficiens ad fructum; sed qui sufficit ad valorem. Hanc autem fuisse mentem D. Thomae contendit laudatus Magister, et in vi hujus docuisse aliquando affirmat de essentia hujus Sacramenti esse contritionem, et confessionem. Quo loci, qui est in 4, dist. 17, quæst. 3, art. 3, quæst. 1 ad 1, juxta ipsiusmet allegationem, sermo debet esse de contritione non perfecta, quæ absque Sacramento in re sufficit, sed de attritione efficaci, et cum Sacramento sufficienti ad gratiam obtainendam. Aliquando vero docuit eum, qui non contritus confitetur, validum, et non iterandum, confidere Sacramentum, ut habetur articulo 4 ejusdem quæstionis, ubi solum exclusisse dolorem omnino efficacem; et inefficacem retinuisse constat, ex ipso S. Doctore eadem dist. quæst. 3, art. 4, d. Tgo quæstiunc. 4, dolorem, et confessionem esse de necessitate hujus Sacramenti asserenti. Omnino consone ad hanc doctrinam ibi docuisse constat stante affectu ad peccatum stare posse valorem Sacramenti, ratione doloris imperfecti, seu inefficacis, nec non distinct. 21, quæst. 3, art. 1; quæstiunc. 1 ad 1, ubi ita loquitur: *sicut Baptismus est Sacramentum, quamvis quis fictus accedit, nec est mulandum propter hoc aliquid de essentialibus Sacramenti. Ita confessio non desinit esse Sacramentalis, quamvis ille, qui confiteatur, emendationem non proponat.* Ex quibus clare constat dolorem ut efficacem solum requiri ut dispositionem ad gratiam Sacramenti, non vero ut partem essentialiem illius; alioqui enim non subsisteret veritas Sacramenti absque dolore efficaci: atque ideo solum dolorem inefficacem esse illius partem essentialiem, utpote sine quo esse non potest.

197. Sed age, et videamus, an eandem distinctionem inveniamus in Concilio, quod ab esse promulgant, et toties juniores proclaimant. Quod si ita res fuerit, ipsamet sui confessione cogetur Pat. Tyrso, et alii vel inviti fateri maximam D. Thomae cum doctrina Concilii coherentiam, et sui argumenti efficaciam: atque ideo quam optime stare ex una parte existentiam doloris supernaturalis ad valorem Pœnitentiae, et ex alia non semel sine fructu reperiri. Profecto Concilium post explicatam perfectæ contritionis indolem, dicendo, *et si contritionem hanc aliquando charitate perfectam esse contingat, hominemque*

nemque Deo reconciliare, priusquam hoc Sacramentum actu suscipiantur; ipsam nihil minus reconciliationem ipsi contritioni sine Sacramento voto (quod in illa includitur) non esse adscribendam, immediate, et absque nulla alterius sententiae interpositione subnexuit: Illam vero contritionem imperficiam, quæ attritio dicitur, quoniam, vel ex turpitudinis peccati consideratione, vel ex gehennæ, et pœnarum melu communiter concipiatur, si voluntatem peccandi excludat, cum spe venia, declarat, etc. Ubi manifestissimum est unum exponere Concilium, et aliud supponere. Exponit quidem hanc attritionem eis conditionibus praeditam, esse donum Dei, et simul efficacem quantum excludit omnem affectum peccandi, vi cuius cum ipso Sacramento in re suscepto ultimo hominem disponit ad impenetrandam gratiam remissivam. In quo jam habemus a Tridentino expressum dolorem efficacem, et consequenter in quo splendent, et ratio partis essentialis, et munus ultimæ dispositionis; quod quidem munus illi secundum se non competit nisi ratione ipsius Sacramenti. Quæ fuit doctrina

*quid
ponat
denti-
tum.*

*Thom.
dent.*

Supponit vero Concilium aliam attritionem minus perfectam, utpote inefficacem, et quæ voluntatem omnimo lam peccandi non excludat, cui subinde non conveniat nec intra, nec extra Sacramentum ultimo ad gratiam disponere; bene autem remote, quippe quod ei convenit ex conceptu doloris supernaturalis, et independenter a Sacramento, et ante ejus institutionem, ut supra dicebamus. Et ratio id suadet: quia si sensisset Concilium nullam aliam esse attritionem christianam vere supernaturalem præterclare expositam, inutiliter, et omnino superflue tot particulas cumulasset, Communiter, et si voluntatem peccandi excludat; quandoquidem omnis, ac quælibet vera christiana attritio ea sibi omnia vindicaret, ac jure posceret: ergo illas apponendo supposuit esse attritionem christianam vere supernaturalem, quæ non semper ex illis motivis concipitur, nec voluntatem peccandi penitus excludit. Hancque appellavit D. Thomas, et ex eo P. Tyrsus, dolorem inefficacem. Quod ergo est dissidium inter doctrinam D. Thomæ, et Concilii? Profecto nullum, nisi in eo quod D. Thomas ut Theologus dearticulatus, ac distinctius, Concilium vero ut definiens, ac determinans compendiosius se gessit,

utpote cui solum fuit curæ haereses pullulantes percellere, ac profligare. Re tamen ipsa doctrina Concilii eadem prorsus est cum doctrina D. Thomæ, atque ideo ex utriusque mente concedere tenemur, et tenentur adversarii duplē illum dolorem, alterum efficacem, utpote excludentem voluntatem peccandi, aliam vero inefficacem eam voluntatem compatientem, ex quibus primus ita est pars, quod simul sit dispositio ad gratiam cum Sacramento; secundus vero obire poterit rationem partis, quin habeat rationem dispositionis proximæ, seu ultimæ ad gratiam ratione obicis, quem non excludit, nimirum affectum peccandi, modo suo loco amplius exponendo.

198 Interim tamen præ oculis habendum est (quo tandem Concilii mens manebit magis perspicua) informitatem hujus, aut cujuslibet alterius Sacramenti non posse, nec debere probari positive ex aliquo Conciliorum, quibus mos semper fuit inconcusse, observata, explicandi quæ ad essentiam Sacramentorum cum perfectione desiderantur, et quæ catholicam plebem edocere oportebat, nisi aliud necessitas postulasset. Et quia circa informitatem Sacramentorum salva eorundem essentia, nulla hactenus exorta fuit haeresis prosternenda, idcirco unico, ut ita dicamus, ictu, atque sub eodem titulo exposuit, quæ pertinent ad utrumque, nimirum essentiam, et fructum. Quod observandi specialis ratio in Pœnitentia viguit, in quo actus pœnitentis habent rationem materiæ, et rationem dispositionis. Cætera autem subtilius discutienda Theologis commisit, quorum interest doctrinaliter a Concilio tradita enucleare, et singula singulis deferre.

Gum ergo ex Concilio habeamus duplē dolorem, alterum expositum, cui simul conveniat ratio partis, et dispositionis ad Sacramentum cum fructu, de quo Concilium agebat: alterum suppositum, nimirum inefficacem, cui nec dispositionis proximæ munus congruat; et D. Thoma cum quampluribus aliis constet hunc esse partem essentialem hujus Sacramenti absque fructu, ut vel ipsi adversarii fatentur; plane evincitur hanc illationem non esse contra mentem Concilii, sed maxime illi consentaneum, ac conformem. Convenientia quippe in principiis, quam adesse inter D. Thomam, et Concilium monstravimus, adstruit convenientiam in conclusione legitime illata, ex eisdem principiis.

Duplex dolor ex Concilii mente, nec non ex

Dispeli-
luntur
objecta.

199. Unde unico verbo dissipantur, quæ ex Vasquez et Tyro objecta sunt, asserendo loqui Concilium de Sacramento cum fructu, ad quod verum est requiri eam attritionem ibi expositam, cui duo convenient, et munus partis, et munus dispositionis proximæ. Sed quia ad Sacramentum sine fructu sufficit primum munus; non autem desideratur secundum pro solo fructu requisitum, idcirco recta ratione ducti asserimus sufficere eam attritionem, quam supposuit Concilium, ac subindicavit, quæ quidem supernaturalis est, deficiente prima ad fructum exacta.

Formalis
argu-
menti
respon-
sio.

Sed ne videamur a forma deficere, respondeatur ad argumentum negando Majoris sequelam utpote adversam veritati, ac D. Thomæ. Ad cujus primam probationem distinguendum est Antecedens : eundem, et non alium dolorem constituit pro valore, et pro fructu simul, concedimus, pro valore distincto a fructu, negamus Antecedens, et suppositum illius. Quia Concilium simul explicuit valorem cum fructu, nec separavit unum ab altero, ut separare necesse est ad argumentum. Unde explicuit simul essentiam, et fructum; nusquam tamen docuit idem omnino requiri ad essentiam sine fructu, atque cum illo, quo indigebat argumentum, nec illo utentes possunt probare. Quin imo ex ipsomet Concilio redarguendi sunt : siquidem ex Concilio constat esse necessariam attritionem supernaturalem ad valorem, seu essentiam Pœnitentiae : aliunde est evidens aliquid amplius desiderari ad Sacramentum cum fructu, quam ad ipsum absque fructu : ergo certum debet esse aliquid ibi statuisse Concilium necessarium pro fructu, non autem exactum ad ejus essentiam. Hoc autem non est aliud (vel assignetur) quam quod jam diu ante Concilium explicuerat D. Thomas, ut constat ex adversariorum confessione : ergo hoc ut certum in se, et ex mente Concilii tenendum est. Hinc. ad secundam probationem ex Vasquez patet negandam esse Minorem, siquidem attrito quæ ad valorem sufficit, cum non sit efficax, non excludit voluntatem peccandi, et consequenter non disponit ad fructum. Nec plus roboris est in confirmatione desumpta ex Florentino, in quo solum docetur alteram ex dictis attritionibus esse partem Pœnitentiae : et quidem si fuerit perfecta, erit utique et pars, et dispositio ad fructum; si autem imperfecta, proderit quidem ad valorem, non

vero ad fructum. Ad Baptismum vero nunquam induit rationem partis sub neutrō illorum munerum, quod solum intendebat Concilium.

199. Hinc etiam corrunt, quæ in fulcimentum addiderat Thyrus : nam prima propositio, nimurum *eatenus dolorem esse partem hujus Sacramenti, qualenus requiritur ad plenam, atque perfectam peccatorum remissionem*, non alium sensum reddit, quam explicatum, videlicet illum perfectum dolorem sub utroque munere esse necessarium ad fructum Sacramenti nanciscendum. Similiter propositum in secunda probatione contentum necessarium est ad percipiendum fructum; sed ex his nec sequitur, nec probatur Concilium docuisse idem omnino desiderari ad valorem, ac ad fructum. Quin imo oppositum sequi videatur, ut convincitur hoc syllogismo : Etenim ad plenam atque perfectam peccatorum remissionem requiritur dolor efficax, qui excludat voluntatem peccandi, ut nos docet Concilium : sed in Sacramento informi non confertur actualis plena, atque perfecta peccati remissio, alias non esset informe : ergo nec sequitur talis, ac tantus dolor, qualis, ac quantus esse debet quando obtinetur remissio. Quippe evidentissimum est ex terminis plus ad causam ut effectum inducentem requiri, quam ad eam fructu, seu effectu, spoliatam, undecimque id proveniat, quod nostra non refert.

Secundo retorquetur argumentum ex eodemmet Concilio sess. 14, cap. 3, ubi distinguens integritatem Sacramenti, et ejus effectum, inquit : *Qui quatenus in pœnitente ad integratatem Sacramenti (en integritas a fructu diversa) ad plenamque, et perfectam peccatorum remissionem (ecce fructum) ex Dei institutione requiruntur, hac ratione partes Pœnitentiae dicuntur.* Ubi duo copulat et integritatem, et fructum. Ex quo nemo bene arguet affirmative (ut arguunt adversarii) ad unum determinate, nisi arguendo a copulativa ad disjunctivam determinate, qui est fallax arguendi modus : atque ideo bene sequitur non totum quod requiritur ad utrumque simul, desiderari ad primum absque secundo ut constat in hac argumentatione : *Concilium docet ad baptismum cum fructu in adultis requiri attritionem : ergo ad baptismum absque fructu requiritur attritio.* Quæ illatio illegitima est; sed inferendum, et bene, eam attritionem quæ ad utrumque desideratur,

Tyrsi
objec-
tiones
enervan-
tur.

Diluitur
secunda
probatio.

Respon-
detur
confi-
mationi.

Ex Tri-
dentino
reto-
rato-
argu-
mento

ratur, non esse necessariam ad baptismi integratatem. Ex quo liquet conformitas illationis Thomistarum cum doctrina Concilii.

200. His occasione hujus argumenti circa informitatem Pœnitentiae ita in communi assertis ex D. Thoma, ex eodem S. Doctore pœscriptam habemus viam infra suo proprio loco ineundam ad illud operiosius stabilendum. Non enim sat duximus S. Doctoris vestigia premere in statuenda informitate hujus Sacramenti, sed cordi semper est modum a S. Doctore indicatum tenere, ac pro viribus propugnare. Nec enim minoris authoritatis, doctrinæ, aut sanctitatis est Angelicus Praeceptor ad veritatem Sacramenti informis in communi statuendam, quam ad fundandum, ac prescribendum modum informitatis, et consequenter unum, et alterum nobis prosequendum, et totis viribus vindicandum suscipiemus.

Thom. Cum enim ex D. Thoma constet (id etiam supponente Concilio) dari attritionem supernaturalem non omnino efficacem, quæ omnem effectum peccandi non excludat quippe quæ nec formalem, et expressam compatiatur; quamvis admittat virtualem, seu implicitam complacentiam; profecto qui ad Sacramentum accederet vel invincibiliter ignorans illam sufficeret, vel invincibiliter existimans se esse sufficienter dispositum; cum tamen reipsa non sit, ut Sacramentum postulat, verum reciperet Sacramentum, si non desint alia: alias gratiam Sacramenti non reciperet ob defectum doloris efficacis, excludentis, vel excludere debentis omnem affectum peccandi, ut statuit Tridentinum: ergo qui sic accederet, Sacramentum informe acciperet. Ad cuius clariorem lucem observare oportet hanc attritionem supernaturalem de se esse dispositionem remotam ad gratiam, ut supra dictum est, cui supervenit ex ordinatione divina ratio partis Sacramentalis ex subjectione actuali ad claves. Ut vero obtineat rationem proxime dispositionis ad gratiam adhuc in Sacramento, requiritur quod sit efficax modo a Tridentino explicato: atque ideo hac efficacia illi deficiente obibit quidem rationem dispositionis remotæ, et partis Sacramentalis, quod sufficit ad Sacramentum informe; non vero habebit rationem proximæ dispositionis, quod requiritur ad consequendum fructum, et ut Sacramentum fructuosum evadat. De quo infra, ubi plura, eaque sa-

tis gravia, opponentur. Pro hac dispositione dicta sufficient.

ARTICULUS II.

Utrum pœccata sint propria materia hujus Sacramenti?

Ad secundum sic proceditur. Videtur quod pœccata non sunt propria materia hujus Sacramenti. Materia enim in aliis Sacramentis per aliqua verba prolata sanctificatur, et sanctificata effectum Sacramenti operatur pœccata autem non possunt sanctificari, eo quod contrariantur effectui Sacramenti, qui est gratia remittens pœccata: ergo pœccata non sunt materia propria hujus Sacramenti.

2 Præt. Augu. dicit in lib. de pœnitentia, nullus potest inchoare novam vitam, nisi eum veteris vita pœnitiat: sed ad vetustatem vite pertinent non solum pœccata, sed etiam pœnaliates præsentis vitae: non ergo pœccata sunt propria materia pœnitentia.

3 Præt. Peccatorum quoddam est originale, quoddam mortale, quoddam veniale: sed pœnitentia Sacramentorum non ordinatur contra originale peccatum, quod tollitur per Baptismum, neque contra peccatum mortale, quod tollitur per confessionem peccatoris, nec etiam contra veniale, quod tollitur per tensionem pectoris, et per aquam benedictam, et alii hujusmodi: ergo pœccata non sunt propria materia pœnitentia.

Sed contra est, quod Apostolus dicit 2 Cor. 12: Non ergerunt pœnitentiam super immunditia, et fornicatione, et impudicitia quam gesserunt.

Respondeo Dicendum, quod duplex est materia, scilicet proxima, et remota: sicut statuæ proxima materia est metallum, remota vero, aqua: dictum est autem quod materia proxima hujus sacramenti sunt actus pœnitentis: cuius materia sunt pœccata, de quibus dolet, et quæ confitetur, et pro quibus satisfacit. Unde relinquitur, quod remota materia pœnitentia, sint pœccata, non acceptanda, sed detestanda, et destruenda.

Ad primum ergo dicendum, quod ratio illa procedit de proxima materia Sacramenti.

Ad secundum dicendum, quod vetus et mortalis via est objectum pœnitentie; non ratione pœcae: sed ratione culpe annexa.

Ad tertium dicendum, quod pœnitentia quodammodo est de quolibet peccatorum genere: non tamen eodem modo, nam de peccato actuali mortali, est pœnitentia proprie, et principaliter: proprie quidem quia proprie dicimus pœnitere de his, quæ nostra voluntate commisimus: principaliter autem, quia ad deletionem peccati mortalis, hoc Sacramentum est principaliter institutum. De peccatis autem venialibus est quidem pœnitentia proprie, in quantum sunt nostra voluntate facta: non tamen contra hæc principaliter est hoc Sacramentum institutum. De peccato vero originali pœnitentia, nec principaliter est (quia contra ipsum non ordinatur hoc Sacramentum, sed magis baptismus) nec etiam proprie: quia peccatum originale non est nostra voluntate peractum, nisi forte inquantum voluntas Adae reputatur nostra, secundum modum loquendi, qui Apostol. dicit Rom. 5: In quo omnes peccaverunt: inquantum tamen large accipitur pœnitentia pro qualcumque detestatione rei præteritæ, potest dici pœnitentia de peccato originali, sicut loquitur Aug. in lib. de pœnitentia.

Conclusio est affirmativa.

DISPUTATIO II.

De Materia remota hujus Sacramenti.

Explicata materia proxima hujus Sacramenti, jure pergit D. Thomas exponere Thomas. materiam remotam, ut inde quidquid se tenet ex parte materiæ in Pœnitentia maneat enucleatum. Quocirca conclusionem quasi indefinitam statuit asserendo peccata .

esse materiam remotam Pœnitentia, et ea directe satisfacit articuli quæsito. Sed quia peccatum quasi generice sumptum plures sub se continet species subalternas, nimirum originale et actuale; hoc autem in mortale, et veniale subdividitur, sub quorum quolibet pene innumeritas peccatorum species infimas est reperire, mira dexteritate Praeceptor Angelicus in solutione ad tertium, ad species subalternas aciem direxit, missis speciebus infimis ad proprios tractatus; et docet Pœnitentiam quodammodo esse de quolibet peccatorum genere, licet non aequa, sed diversimode pro eorum diversa indole, seu natura. Nam primo, et principaliter versatur circa peccatum mortale, quod actuale, seu personale dicitur; secundario autem, et minus principaliter erga peccata venialia. Porro peccatum originale utpote non propria, sed aliena voluntate contractum sub neutra illarum considerationum pertinet ad Pœnitentiam, sive ut est virtus, sive ut superinduit rationem Sacramenti; quippe quæ dumtaxat propria voluntate commissa abolere intendit. Large tamen accipiendo Pœnitentia nomen prout importat displicantiam, aut detestationem rei præterite bono oppositæ, potest esse pœnitentia de peccato originali, ut constat ex Augustino lib. de vera, et falsa Pœnitentia, cap. 8, et lib. de Pœnitentia medicina cap. 2. Sed pro horum clariori elucidatione sequentia dubia subjicienda duximus, et a facilitioribus incipiendo primum sit

D. Au-gust.

DUBIUM I.

Quænam peccata sint materia remota hujus Sacramenti.

Quid
suppo-natur.

2. Supponit titulus aliqua peccata esse materiam remotam Pœnitentia, et dumtaxat investigat, quænam illa sint? Ratiosuppositionis nos docet S. Doctor in hoc articulo; quoniam illa est materia remota, ex qua constituitur, vel circa quam versatur materia proxima: sed materia proxima Pœnitentia versatur circa peccata: ergo peccata sunt materia remota Pœnitentia. Majorem probat, et explicat D. Thomas exemplo statuæ, cuius materia proxima est metallum, remota vero ex qua ipsum metallum constat, est aqua. In quo exemplo non omnimodam similitudinem quæsisset Vasquez in præsenti in annot. ad hunc articulum, si animadvertisset dif-

ferentiam a se desideratam præoccupatam ab Angelico ingenio in fine sui discursus D. Thom in illis verbis: *Unde relinquitur, quod remota materia Pœnitentia, sint peccata non acceptanda, sed detestanda, et destruenda.*

Ex quibus colligitur materiam remotam esse duplē, vel acceptandam, vel destruendam. Sub acceptanda continetur, duplex alia in qua, nimirum, et ex qua: Ad harum primam reducitur subiectum, vel quasi subjectum Sacramenti, quod esse peccatorem nemo ambigit, et testatur D. Thomas opuscul. 22, cap. 4, dicens: *Ipse autem peccator confitens, est quasi materia in hoc Sacramento. Unde verba absolutionis super eum prolata efficiunt Pœnitentia Sacramentum.* Materiæ autem ex qua remotæ in hoc Sacramento nusquam meminit D. Thomas, nec aliquis alias Doctor, cuius autoritati standum sit. Et ratio est clara quia in hoc solo Sacramento, et Matrimonio assumuntur pro materia actus humani, qui non sunt compositi, sed qualitates simplices; secus vero accedit in aliis Sacramentis, in quibus materia remota est aliqua substantia materialis, cui proinde ratio materiæ ex qua remotæ queit adaptari.

Unde rejicienda est sententia cujusdam Joseph Januarii, cuius meminit Mag. Prado ad quæst. 90, dub. 2, § 2, asserens materia remota hujus Sacramenti, esse ipsos pœnitentis actus, quos se habere ad illud veluti aquam ad Baptismum docuit Angelicus Doctor in præsenti art. 1 ad 1, ex quo subinferredi sibi vult prelaudatus Magister 1 p. resolut. 25, ex mente S. Doctoris esse actus pœnitentis non aliter ad pœnitentiam, quam aquam ad Baptismum concurrere. Constat autem aquam solum ut materiam remotam se habere in Baptismo: ergo etiam actus pœnitentis in Pœnitentia.

Joseph
Janua-
rius
rejectus
Martinez
de
do.

Hujusmodi vero illatio frivola, et ineptissima est, utpote contra expressam doctrinam S. Doctoris a nullo Theologorum non acceptatam art. 1 et 2, hujus quæsitionis, ubi non semel docet actus pœnitentis esse materiam proximam hujus Sacramenti. Unde comparatio, qua usus est, aquæ ad actus pœnitentis solum est, quantum ad esse sensibile illorum, non vero quoad munus materiæ ut ipso textu evidenter monstratur.

3. Ad alterum membrum ex supra assignatis reducitur materia, quæ communiter appellatur circa quam, et est etiam duplex: vel

Materiæ
circa
quam
hujus
Sacra-
menti.

vel quæ sit stirpanda, ac penitus des-truenda, quo pacto se habet combustibile ad ignem, infirmitas ad medicinam, et co-minus accedendo, triticeus panis ad transubstantiationem. Vel quæ sit perficienda, et ad perfectiore statum reducenda, uti se habent æs, aut lignum ad statuarium. Ad quod quidem membrum nequeunt pertinere peccata quorum extinctionem intendit pœnitens medio Sacramento Pœnitentiæ, sed necessario collocari debent sub D.Thom. altero, ut constat ex verbis, quibus S. Doctor discursum clausit, et jam retulimus. In quorum consequentiam infra quæst. 90, art. 1 ad 3, inquit : *Peccata sunt materia remota Pœnitentiæ, inquantum scilicet, sunt materia, vel objectum humanorum actuum, qui sunt propria materia Pœnitentiæ, prout est Sacramentum.* Unde reliquum est, ut ad id, quod titulus directe inquirit, deveniamus. Pro quo animadvertere oportet ultra distributionem a D. Thoma ubi supra indicatam, peccata actualia tripliciter se posse habere ad Baptismum; vel ita ut omnino ipsum præcedant, vel penitus consequantur, vel tandem illum comitentur, quoad illorum fieri, et Baptismi administrati. Et de omnibus procedit difficultas, per suas partes decidenda. Pro quo sit

§ I.

Excluduntur a ratione materiæ peccata ante Baptismum commissa.

Dicendum est primo nec peccatum originale, nec alia quælibet ante Baptismum commissa obire rationem materiæ remotæ in hoc Sacramento. In quo convenienter communiter Theologi cum D. Thoma, quin opus sit aliquem in particulari referre.

Potissimum hujus assertionis fundamen-tum desumitur ex Concilio Tridentino sess. 14, cap. 1 et 2, ubi docetur ad hoc Sacramentum solum pertinere ea peccata, quæ committuntur intra Ecclesiam : sed nec Originale, nec cætera actualia præcedentia Baptismum committuntur intra ec-clesiam : ergo nec Originale, nec actualia peccata ante Baptismum pertinent ut ma-teria ad pœnitentiam. Consequentia liquet. Majorem explicat, et probat ipsummet Con-cilium ex Apost. 1, ad Corinth. 3, *quid mihi de his, qui foris judicare.* Et ratione demonstrat, siquidem judicium, quale exer-ceri in hoc Sacramento Concilium ibi do-cet, et hactenus dubiis præcedentibus dicta

satis ostendunt, nequit exerceri ab Eccle-sia, nisi in sibi subditos. Fiant autem subditi homines Ecclesiæ ratione baptismi, qui est prima, et unica janua ad introitum in ipsam : ergo judicium eorum, quæ ante baptismum commissa sunt, uti sunt origi-nale, quod ex vitia radice contrahitur, et insuper actualia propria, ac depravata vol-luntate commissa, non pertinet ad Eccle-siam, nec subinde ipsius sacerdotum juris-dictioni subjacet, atque ideo nequeunt dici, aut esse materia remota pœnitentiæ.

Ad haec : sicut Baptismus ex Christi ins-
titutione in id solum principaliter collimat, ut peccatum originis deleaf ; ita Pœnitentia eo tantummodo tendit, ut post Baptismum patrata scelera tergit, ac extirpet, ut pas-sim docent SS. PP. et affirmant universi SS. PP. Theologi : sed Baptismus in communi sententia nullatenus se porrigit nisi ad destruendum originale, et actualia ante ip-sum contracta : ergo pœnitentia nullatenus queit ad eademmet pretendere ; alioqui confunderentur et fines, et ministeria horum Sacramentorum invicem distinctorum, ut relinquimus probatum superiori dispu-tatione dub. 4.

5. Nec refert, si objicias, hinc solum Objec-probari ante baptismum reipsa susceptum, peccata ante ipsum commissa non esse tio. materiam Pœnitentiæ, quod verum est, nee ab ullo Catholicorum negatur. Non vero deducitur peccata actualia ante bapti-smum inculta non posse esse materiam hujus Sacramenti homini post Baptismum ecclesiæ membrum existenti. Quod tamen erat necessarium ad veritatem hujus funda-menti, et eo non probatur.

6. Sed contra est : nam si semel peccata Enerva-fuere ante baptismum perpetrata, semper tur primo. salvatur fuisse extra ecclesiam commissa adhuc post ingressum in illam medio bapti-mate : ergo adhuc supposito Baptismo remanent extra judicium Ecclesiæ, quod non est de iis, quæ foris sunt ; atque ideo idem omnino judicium ferendum est de illis ante, ac post baptismum. Rursus : Refelli-
Peccata, quæ medio baptimate, possunt, tur secundo. et petunt deleri, nullatenus pertinent ad Sacramentum pœnitentiæ, nec eo possunt auferri, ut constat in peccato originali : sed peccata ante baptismum possunt, et petunt deleri per baptismum : ergo nullatenus pertinent ad Sacramentum supponens essentialiter baptismum, qualis est pœnitentia. Major constat ex differentia utriusque Sacramenti supra constituta, et a nullo

Catholicorum non asserta. Minor etiam liquet : quoniam peccata actualia praecedentia baptismum nequeunt aliter dimitti, quam vel per baptismum in re, vel in voto, vel per Sacramentum Pœnitentiae in re, vel in voto : sed Sacramentum Pœnitentiae nec in re, nec in voto potest haberi ante baptismum re ipsa susceptum : ergo peccata ante baptismum nequeunt Sacramentaliter deleri per Pœnitentiam, quin præcedat baptismus re ipsa susceptus : atque ideo, per baptismum et non per pœnitentiam debent Sacramentaliter dimitti. Quo^{rum} circa Concilium Tridentinum loquens de peccato originali, et aliis ipsum quandoque comitantibus sess. 5, sub anathemate damnat negantes per Baptismi gratiam reatum peccati originalis dimitti, et asserentes eo non auferri totum id, quod veram, et propriam rationem peccati habet. Qua quidem comminatione licet immediate solum haeretici negantes totam maculam deleri, et adstruentes dumtaxat radi, aut quasi tegi, maneant percursi; non tamen eam omnino evadunt, qui ausi fuerint asserere peccata actualia extra Ecclesiam commissa, simul, et totaliter quoad culpam, et poenam medio baptimate non auferri.

Ricard. 7. Nec ejus rigorem leniunt, aut elevant Ricardus in 4, dist. 17, art. 2, quæst. 4, et Angelus verbo *Confessio* 2, n. 2, docentes teneri sub divino præcepto hominem baptizatum confiteri peccata actualia ante baptismum commissa. Tum quia, ut bene Vazquez. animadvertis Vasquez tom. 4 in 3 p. q. 90, ar. 2, dub. 2, n. 10, adversantur Trident. Concilio Tridentino docenti materiam hujus Sacramenti tantummodo esse peccata post Baptismum commissa, ut constat ex sess. 14, cap. 2 et sess. 6, cap. 14. Tum etiam quia irrogatur inuria baptismo, quasi eo supposito reliquum aliquid sit anteactæ vitæ delendum. Tum denique quia communisuntur præceptum divinum, de quo non constat, cum dumtaxat reperiatur duplex in hac parte, et recipiendi baptismum, ac pœnitendi juxta illud act. 2 : *Pœnitentiam agite, et baptizetur unusquisque vestrum*, et post lapsum in baptimate Sacramentaliter confitendi. Concedunt insuper potestatem judicariam supra peccata extra Ecclesiam incursa, quam Christus Sacramentorum institutor denegavit, aut positive suis ministris non concessit. As signant denique pro materia hujus Sacramenti, et quidem necessaria, quam vere

materiam non esse Ecclesia testatur, docens solum peccata post Baptismum esse materiam hujus Sacramenti ex Christi Domini institutione. Quæ omnia satis absurdas sunt, et indigna a Catholicis Doctoribus devorari.

8. Duo tamen possunt objici pro illorum Objicie- positione (cui erroris notam affigit Illus- Arauxo in præsenti dub. 2 et ante ipsum Vasquez). Primum deponit ex doctrina D. Aug. lib. de vera et falsa pœnit. cap. 8 et de medicinali pœnit. cap. 2, docentis hominem pœnitere debere peccati originalis, ac potiori titulo actualium ante baptismum utpote propria, et non aliena voluntate perpetratorum.

Nec effugiet difficultatem, qui respondeat omnia esse per baptismum dimissa, et consequenter nihil relinqui per pœnitentiam Sacramentalem remittendum. Nam contra est. Tum, quod etiam peccata actualia post baptismum media pœnitentia condonantur; quin obsit ut iterum, atque iterum, Ecclesiae clavibus subjiciantur, et saepe saepius ab illis absolvantur novo incremento gratiae, ut catholice creditur, et omnes Theologi testantur juxta infra in hoc dubio dicenda : ergo etiam si per baptismum sint omnia dimissa, tam originales, quam actualia, non idcirco non erit locus ea iterum, atque saepe detestandi, et ab homine intra Ecclesiam constituto per baptismum ecclesiæ clavibus submittendi. Tum etiam (et est secunda objectio) quia de illis peccatis, maxime actualibus (ut vis non fiat de originali) potest esse vera attritio, imo et perfecta contritio : sed quilibet illarum est materia proxima Sacramenti Pœnitentiae, ut constat ex dictis : ergo cum quilibet illarum, quæ de illis habeatur potest verum confici Pœnitentiae Sacramentum.

9. Hæc vero tam levia sunt, ut facile dispeluntur objecta. Ad primum ex Augustino constat ex ejus fidelissimo discipulo D. Thoma in hoc articulo ad 3, ubi pœnitentiae nomine circa peccatum originale, non veram pœnitentiae virtutem, et multo minus Sacramentum usurpat; sed quamdam detestationem, et displicantiam, quæ large, et minus proprie pœnitentia dicitur, ut luculentius se explicuerat S. Doctor in 4, dist. 16, quæst. 1, art. 2, quæst. 2, per verba sequentia : *Large autem potest dici Pœnitentia omnis displicantia mali præteriti : et sic in eo qui liberum arbitrium habet, debet esse pœnitentia de originali : quia ex hoc ipso,*

Arauxo.
Vazquez.
D. Au-
gust.

Effu-
giu-

Occlu-
di-
tur.

Seconda
replica.

Dispel-
luntur
objecta.
D.Thom.

D. Au-
gust.Joan. de originalis (ut causatus est Joann. de Me-
dina Cod. de Pœnit. tract. 1, quæst. 3,cujus doctrinæ suffragatur Vásquez, veram
esse affirmans in præsenti art. 2, num. 6),
satis perspicuum est. Unde licet verum sit
non esse præceptum aliquod positivum de
pœnitentia originalis; ut tamen falsitati
obnoxium non posse, imo debere, essetristitiam, ac displicantiam de ipso pec-
cato, et in se, et in suis effectibus, quos
in hac mortalitate experimur, et sustine-
mus. Quod negavit immerito Medina, cui
Vazquez. Opitulatus est Vasquez. Quoniam ut ar-
guunt SS. prælaudati Doctores, ex desi-
derio æternæ felicitatis cuilibet rationi
compositi oritur displicantia cuiuslibet im-
pedientis, aut ab ea positive avertentis,
quale fuisse peccatum originale in se ipso,
nemo ambigit, et in effreni concupiscentia,
seu peccati fomite proprio originalis ef-
fectu, testatur experientia, in quo nisi
vecors complacere nequit: atque ideo se-
mel atque homo elicere debeat actum ali-
quem circa peccatum originale, is necessa-
rio debet esse displicantiae, ac detestationistam ejusdem, quam effectuum ex eo re-
lictorum. Nec interest remissio totius pec-
cati originalis, et quoad culpam, et quoad
quemlibet reatum ad pœnam facta per
baptismum, ut illi obtendunt. Nam adhuc
ea supposita, et catholice concessa, de fide
esse manere in baptizatis, concupiscenti-
am, vel fomitem, quæ ex peccato est, et
ad peccatum inclinat, Tridentina Synodus
testatur sess. 5, in decreto de Peccato ori-
ginali, can. ultimo, de qua proinde tam
in se, quam in sua radice nulli est placen-

dum, sed potius dolendum, ac tristandum :
quin inde inferatur Pœnitentia virtutem,
aut Sacramentum circa originale versari.
Quare propositio affirmans, *quod homo debet agere tota vita pœnitentiam, pro peccato originali*, proscripta, et sugillata est ab
Alexandro VIII inter alias plures decretum
in alias expedito die 17 Decembbris, anno
1690, quod ad litteram refert N. Fran-
ciscus a Jesu Maria tom. 1, nostri Cur-
sus moralis, cum aliis emanatis ab Alexan-
dro VII et Innocentio XI.

Alexand.
VIII.
N. Fran-
ciscus.
Alexand.
VII.
Inno-
cent. XI.

10. Alia ratio est peccatorum actualium
(ut secundam objectionem dispellamus). Hæc enim, si semel ante baptismum fuerint commissa, sunt quidem materia Pœnitentia ut virtutis, neutiquam vero ut Sacramenti. Et ratio discriminis est, quoniam pœnitentia ut virtus latius patet, quam ipsam ut Sacramentum; quandoquidem comitatur gratiam sanctificantem non alligatam huic statui novæ legis, sed pro omni et quolibet statu necessariam ad æternam felicitatem comparandam. Sa-
cramentum autem Pœnitentia est proprium hujus status supponens Christum Redemptorem, et ipsiusmet instituto-
rem.

Quo fit pœnitentiam virtutem quoad sui
essentiam absolute consideratam non con-
necti cum Baptismo; alioqui nec fuisset in
Adamo, nec in aliis sanctis Patribus
veteris legis. Secus vero est de Pœnitentia
ut Sacramento, quod est, vocatur a SS. SS. PP.
PP. secunda tabula post naufragium.
Quippe hoc supponit essentialiter baptis-
mum, qui est prima tabula, et janua ad
cætera Sacraenta, rite, et digne susci-
pienda; quo proinde deficiente in subjecto,
nullatenus est capax nec Pœnitentia, nec
alterius Sacramentorum. Fit deinceps Pœ-
nitentiam virtutem pro hoc statu differre a
se ipsa prout fuit in veteri lege penes no-
vum ordinem ipsi adjectum ad claves ec-
clesiæ. Cum enim institutum fuerit a
Christo hoc Sacramentum ut medium ne-
cessarium in re, vel in voto homini post
baptismum lapso ad sanitatem restauran-
dam, consequenter voluit nullius esse val-
oris, quemlibet actum pœnitentiae, qui vel
formaliter, vel virtualiter non referretur ad
prædictum Sacramentum. Atque ideo pœ-
nitentia hujus status, ut salutifera sit, sem-
per tendit in Pœnitentia Sacramentum,
medio quo Ecclesiæ clavibus se subjicit pœ-
nitens, ut innuimus ad limen hujus trac-
tatus, et uberioris infra prosequitur. Hoc

Secunda
illatio.Refelli-
tur.

Subruit
tacita
objectio.
Non
converti
tur
Poeni
tentia
virtus
cum
Poeni
tentiae
Sacra
mento.

tamen non reperiebatur in poenitentia ut virtute veteris legis ut de se liqueat.

11. Sed neque ideo (aliam objectiunculam diluimus) in praesenti statu legis gratiae convertuntur, aut invicem adæquantur Pœnitentia virtus, et Sacramentum; quandoquidem ut Sacramentum supponit essentialiter peccata reipsa exercita, seu aliquando commissa post baptismatis regenerationem: quæ tamen ut virtus essentialiter non supponit, sed sufficit esse invincibiliter existimata, nam eo ipso potest quis, et tenetur de illis conteri, imo et confiteri; cum tamen si re ipsa peccata non fuerint, nullatenus ad ea se porrigit Sacramentum de quo iterum infra. Unde apparet objectionis defectus, dum materiam virtutis Pœnitentiae, quæ latissima est, et ambit omnia peccata actualia cujuscumque status, sive ante, sive post Baptismum, coincidere intendit cum materia Pœnitentiae ut est Sacramentum, quod quidem solummodo postulat peccata actualia post Baptismum, et ea quidem re ipsa vere commissa, et omnia alia essentialiter excludit. Concedimus itaque Majorem argumentum, quod possit homo baptizatus elicere actum perfectæ contritionis de peccatis actualibus ante Baptismum commissis. Sed negamus Minorem, nimirum eam esse, aut esse posse materiam proximam hujus Sacramenti, cuius efficacia sistit in dumtaxat, post baptismum incurrit, aliis quibuslibet per baptismum delendis.

Porro peccatum originale excluditur a ratione materiae virtutis pœnitentiae, quatenus non propria, sed aliena voluntate fuit commissum, quocirca jure optimo non postulat ad sui remissionem, dolorem proprium: secus vero est de peccatis actualibus propria voluntate contractis post rationis usum. Quæ est ratio Angelici Doctoris art. 2, quæst. 1, in addit. ob quam etiam rationem, et simul quia est commissum, et contractum extra Ecclesiam non obit, aut obire valet munus materiae adhuc remotæ hujus Sacramenti: et consequenter est duplex titulus illud excludendi; cum tamen peccata actualia ante baptismum, dumtaxat, quia extra ecclesiam fuerint perpetrata a ratione materiae excludantur.

Unde non urget paritas quæ tangitur in objectione, de peccatis post baptismum. Quæ quidem ultranei fatemur iterum atque iterum denuo subjici posse novo excitato dolore clavibus Ecclesiæ, atque obire

D Thom.
Ex dupli
titulo
originale
non est
materia
Sacram

Dispa
ritatis
ratio.

munus materiae in hoc Sacramento. At vero peccata actualia conjuncta cum originali nec semel quidem ob hactenus dicta possunt subjici Pœnitentiæ ut Sacramento. Nec ideo inficias ibimus servari suo modo paritatem erga peccata actualia ante baptismum respectu Pœnitentiæ virtatis, cujus sunt propria materia absque ordine ad claves: atque ideo posse pluris hominem post baptismum exerceri odio, ac contritione peccatorum actualium post originale factorum. Quod quidem laudabile, imo et proficuum esse putamus ad incrementum gratiae, et ad magis, ac magis firmandam, voluntatem in bono, et elongandam a malo.

§ II.

*Gabriel Vasquez refertur, et mens
D. Augustini enucleatur.*

12. Quæ hactenus pro indubia veritate sunt expensa, solum procedere videntur per se loquendo, quo pacto semper cum originali dimittuntur adulti peccata actualia medio baptimate digne suscepto. Venientum superest ad casum per accidens, non tamen adeo insolitus, ut aliquoties non contingat, nimirum quando quis adulorum ad Baptismum accedit absque dolore peccatorum actualium, imo cum ipsorum complacentia, vi cuius obicem ponit gratiae baptismali. Unde sumitur argumentum contra veram et catholicam doctrinam supra stabilitam. Nam peccata quæ non delentur per Baptismum aboleri debent medio Sacramento Pœnitentiae: sed peccata hominis ficte modo explicato suspiciens Baptismum non delentur per Baptismum: ergo pertinet eorum abolitio ad pœnitentiam. Consequentia bene infertur ex præmissis, quarum Major est perspicua, si quidem in præsenti providentia nec peccatum originale, nec actualia possunt auferri nisi vel per baptismum in re, vel in voto, vel per pœnitentiam itidem vel in re, vel in voto; cum quodlibet eorum sit necessarium necessitate medii ad justificationem, ut ex Concilio Tridentino docent Trident. ac tenent Doctores Catholicæ. Minor autem constare videtur: quoniam fictio impediens fructum baptismi, qualis est ea, de qua agit argumentum, non aufertur per Baptismum, sed per Pœnitentiam sequentem, ut docent D. Thomas supra, quæst. 69, D. Thomas art. 10, et omnes Scholastici, quibus subscripsimus tract. de Sacrament. in genere: ergo

ergo nec peccatum originale, nec actualia taliter accendentis, queunt per baptismum fidei susceptum condonari. Patet hæc Consequentia, quia unum peccatum nequit absque alio deleri; sed omnia, vel nullum dimittenda sunt, ne gratiae consortium tribuatur cum peccato. Cum ergo peccatum originale, et actualia simul reperiatur cum fictione impediente gratiam baptismalem; consequens fit, solum ad poenitentiam revocandam esse eorum remissionem, cum jam non sit locus nec baptismu iterum recipiendo, nec ejus voto rursus ineundo.

*Vera
solatio.* 13. Æque veram, ac communi plausu receptam hujus argumenti solutionem dedit Angelicus Praeceptor loco nuper citato, Minorem docens esse falsam, subindeque omnino negandam: quia licet Baptismus cum obice fictionis susceptus tunc impe diatur ab inducenda gratia remissiva peccati originalis, et actualium comitantium; ablato tamen obice per poenitentiam reassumit ipsem Baptismus vires, et quasi reviviscit, ac pullulat ad gratiam denuo inducendam, qua originale, et actualia ipsum comitantia omnino deuentur virtute ejusdem baptismatis præteriti, et impediti. *Thom.* Ex quo subinfert S. Doctor duo ibi Sacra menta coire, et baptismi remanentis in caractere et poenitentia in re, vel in voto, media perfecta contritione. Unde singula singulis tribuendo ad poenitentiam pertinet submoveare fictionem, et si quæ alia post eam contracta peccata: quibus semotis expeditur homo et expeditus relinquitur Baptismus; ille quidem ad recipiendam gratiam baptismalem; hic vero ad eam inducendam, et communicandam, et de facto inducit, ac communicat, licet dependenter a poenitentia, ut a removente prohibens. Unde fit consequens simul et semel infundi homini illi gratiam propriam Baptismi, quæ est regenerativa, et gratiam sanativam, seu medicinalem propriam Poenitentiae. Non quia sit duplex gratia entitative diversa; sed quia major, et intensior ratione utriusque Sacramenti; et insuper specificie diversa quoad modum in ratione gratiae Sacramentalis juxta dicta tract. de Sacramentis in genere, ubi ostendimus gratias Sacramentales modaliter specificie inter se, et a gratia differre. Fit demum Poenitentiam non remittere peccatum originale, et actualia ipsum comitantia in ullo eventu; sed id insolidum Baptismo competere, modo explicato. Quam doctrinam

cum aliis amplectitur ut communem ac veram Suarez tom. 3, in 3 p. disp. 28, Suarez sect. 4.

Hæc, inquam, est tam vera, quam communis solutio diserte tradita a D. Thoma loco supra citato ex hac 3 p. q. 69, art. 10, eamque accepisse constat a D. Augustino in margine allegato lib. de Baptismo contra Donatistas cap. 12, ubi ita habet: *Tunc valere incipit ad salutem, cum illa fictio veraci confessione recesserit.* Ex quibus intulit D. Thomas ut de mente Augustini D. Thom., Sacramentum Baptismi recedente fictione vel per contritionem, vel per Sacramentum Pœnitentiae, concurrere instrumentaliter ad remissionem peccati originalis, et actualium sub ipso factorum, ratione permanentis caracteris, esto baptismus fuerit elapsus, et jam diu ante præteritus. Eamque intelligentiam ut penitus genuinam, et consonam amplexati sunt utriusque Doctoris discipuli quin sit inter illos dissensio, nisi quoad modum, vel physice, vel moraliter concurrendi, quod impræsentiarum nostra non refert, sed pertinet tract. de Sacramentis in genere, hanc difficultatem versavimus. Quod adeo verum est, ut vel ipse Durandus, cui familiare Durand. fuit D. Thomæ sensa non tanti habere, nec nimis probare, in 4, dist. 4, qu. 4, glossam Joannis Andree aliter D. Augustinum interpretantis, respuerit, quasi textus corruptricem. Cui postea subscripsere Palud. ibi quæst. 5. Cajet. super art. 10, quæst. allegata, et refert ac signat Soto in 4, dist. 6, q. 1, art. 8.

14. Hac tamen tam vera, quam communi sententia posthabita, Gabrieli Vasquez visum est glossæ illius expositionem, cui lubrice adhæsit Scotus, oppositam, et communem problematice defendens ut ejus alumnus Delgadillo testatur tract. de Poenit. cap. 14, non solum non adversari menti Augustini, verum et recte illi convenire, ut videre est apud ipsum tom. 2, in 3 p. ad quæst. 69. D. Thomæ disp. 159, cap. 4, ubi docet ex mente D. Augustini esse, homini fidei baptizato omnia peccata dimitti per poenitentiam, nullum vero per Baptismum. Unde S. Doctoris sensum in testimonio a D. Thoma allegato, et a Theologis post ipsum recepto fuisse autumat baptismum recedente fictione pro desse quidem ad salutem, vel tanquam observationem necessariam præcepti divini, vel tanquam fundamentum omnino necessarium ex parte hominis ad reci-

Veræ
solutio
nis
testes.
D. Thom.
D. Au
gust.

Joann.
An
dræz.
Palud.
Cajet.
Soto.

Non
placet
Vasquio,
Scotus.

Delga
dillo.

Vazquez
contra
D. Au-
gusti-
num.

Ref. li-
tur
Vazquez.

D. Au-
gust.

pienda ecclesiæ Sacraenta, ad quæ sine Baptismo non esset capax : vel demum ad diluendam pœnam temporalem, quæ post remissionem culpæ, et æterne pœnie inductam per poenitentiam remaneret. Neutquam vero intendere S. Augustinum aliter valere posse Baptismum fictie susceptum : *Nam ut Augustinus* (Verba sunt ipsius Vasquez, in fine capituli tertii illius disp.) *hoc privilegium Baptismo tribueret, fundamentum aliquod aut traditionis, aut definitionis Ecclesiæ, aut Scripturæ, aut rationis denique habere debuisse*? Ipsomet Augustino asserente ex evangelio proferre certa documenta, quibus Domino adjuvante demonstrat contra Donatistas neutquam iterandum esse baptismum extra ecclesiam susceptum, sed ipsummet extra Ecclesiam receptum in Ecclesia valere ad salutem, recedente fictione seu schismate.

15. Verum enim hanc Vasquez interpretationem omnino alienam esse, ac longissime abire a mente, et scopo D. Augustini non melius ostendi potest, quam S. Doctorem in medium proferendo, et ejus argumenta contra Donatistas explicando. Ut vel inde constet ipsi Vasquez, et ejus asseclis, quam recte, quamque consone D. Thomas Augustinum allegaverit, et suam doctrinam inde efficacissime, ne dicamus evidenter, deduxerit. Et in primis, ut vel in ipso limine Vasquez fidem cum verbis ipsius D. Augustini conferamus, audire necesse est S. Doctorem lib. 1 contra Donatistas, cap. 7, ubi postquam capitibus præcedentibus retulerat originem controversiæ inter ipsummet, et Donatistas, istis asserentibus, et quod extra Ecclesiam verus non recipiebatur baptismus, et quod Ecclesiam ingredientes iterum baptizandi essent, Augustino vero reclamante, et oppositum constantissime propugnante, quod successu temporis definitum est a Concilio, acerrimus Ecclesiæ defensor cap. 7, incipiente : *Jam enim ne videar humanis argumentis agere, ita i&nit: ex Evangelio profero certa documenta, quibus Domino adjuvante, de monstro, quam recte placuerit, et vere secundum Deum, ut hoc in quo quum schismatico, vel hæretico ecclesiastica medicina curaret, in quo vulnere separabatur. Quæ verba non tam dicta, quam usque ad litis decisionem dicenda, et contra Donatistas asserenda comprehendunt, ut de se constat.*

Quorsum ergo Vasquez argumentatio ? Vel qualis ei est adhibenda fides, dum asserit : *ut Augustinus hoc privilegium tribueret Baptismo, fundamentum aliquod aut traditionis, aut definitionis Ecclesiæ, aut Scripturæ, aut rationis denique habere debuisse*? Ipsomet Augustino asserente ex evangelio proferre certa documenta, quibus Domino adjuvante demonstrat contra Donatistas neutquam iterandum esse baptismum extra ecclesiam susceptum, sed ipsummet extra Ecclesiam receptum in Ecclesia valere ad salutem, recedente fictione seu schismate.

16. Recte, inquies ex Vasquez, id Augustinus protulit, et ita Ecclesia recepit, ac definivit, sed adhuc est difficultas in explicando modo, quo baptismus valet ad salutem, quem quidem modum nec Ecclesia definivit, nec Augustinus ex aliquo firme principio traditionis ecclesiasticæ definitionis, aut rationis monstravit.

17. Optime belle quidem, et veniamus ad modum, et perscrutemur, an sub eodem filo asserat D. Augustinus etiam modum, quo baptismus male susceptus valeat. Elapsis itaque tribus capitibus septimo, octavo, et nono in urgendo, et expendendo testimonia ex evangelio promissa in verbis supra relatis, cap. 10, quod-incipit : *Sed videntur sibi argutissime querere, cum percontarentur Donatistæ : Utrum generet filios Baptismus Christi in parte Donati, an non generet?* Ut inde coegerent S. Doctorem, confiteri veram esse Ecclesiam, et non schismaticam Donatistarum, utpote in qua Christi Baptismus veros filios generaret. Vel si id renuisset, compelleretur asserere iterandum esse baptismum, ut medio illo renascerentur in Christo, qui ex Donatistis, inter quos baptizati erant, ad ecclesiam transvolasset. Respondit S. Doctor per hæc verba : *Itaque est una Ecclesia, quæ sola Catholica nominatur, et quidquid suum habet in communionibus diversorum a sua unitate separatis, per hoc, quod suum in eis habet, ipsa utique general, non illæ. Quorum planissimus, et non nisi tergiversatione eludendus sensus est Ecclesiam per suum baptismum, quod habet, in quocumque sive hæretico, sive Catholico impendatur, generare filios Dei, non vero per quælibet alia, ut evidenter demonstrant verba inferius adjuncta, et in vi illationis ex antecedentibus apposita. Ergo ipsa general, et per uterum suum (nimirum intra Ecclesiam) et per uteros ancillarum*

Vazquez
soluto.

Retundi-
tur
ex eo-
dem
D. Au-
gust.

August.

ancillarum ex eisdem Sacramentis tanquam ex viri sui semine. Hoc est, virtutem dignandi Dei filios, quae inest Ecclesiae, non alibi quam in Baptismo contineri, cui proinde deferri debet virile semen Christi ad regenerationem spiritualem, et non alteri, ut ipsem S. Doctor manifestius se explicuit cap. 15, dicens : *Ecclesia quippe omnes per Baptismum parit, sive apud se, id est, ex utero suo, sive extra se, de semine viri sui.* Quo nihil aut clarius, aut evidentius, ut pateat quam consequenter, quamque firmiter semper interrogationibus captiosis Donatistarum obsistebat Augustinus, constanter tenens, et baptismum extra Ecclesiam collatum esse validum, et medio baptimate reperiri in ecclesia virile semen Christi regenerativum in filios Dei

ppone-
bant
eretici.

18. Sed adhuc obluctabantur haeretici inquirentes, et urgentes : Utrum peccata dimittantur per baptismum in parte Donati? Et quidem nimis captiose, ut Augustinum in sermone caperent. Nam si responderet affirmative, protinus inferabant : ergo in parte Donati est vera ecclesia, vel, ut ipse ait illorum detegens, ac eludens cautionem, *Communio nostra est Ecclesia Christi*, atque subinde perperam haerezeos accersimur, et damnamur. Si vero affirmaret non ibi peccata dimitti, ex templo obtrudebant, ut ipsem refert Augustinus : ergo non est illic (in parte Donati) verus baptismus, et propterea quos a nobis suscipitis, vos baptizare debetis. Contra id quod intendebatur ex parte Augustini, Catholicorum vindicis, et Patroni. Porro hanc technam, qua irretitus videbatur S. Doctor, in ipsos retorsit, et disjiciendam remisit, alia solidissima, et efficacissima adversarios illaqueans, ab illis querendo : *Utrum dimittantur peccata, ubi charitas non est?* Ut qualibet eorum responsione sive affirmando, sive negando, eos configeret, et obrueret. In quo totum illud caput, quod in ordine est undecimum, peractum ac consumptum est, quin se ab objectione Augustiniana extricare, aut expedire, in quodcumque latus se vertent, valerent haeretici, ut illud percurrenti fiet obvium.

Ejus
entis
infe-
atio.

19. Quae omnia ita ad longum, et prolixius forsitan, quam par erat, ideo recapitulando recensuimus ut controversiae status innotesceret, et D. Augustini processus, et filium cuilibet patescerent, ut vel sic quo ejus discursus collimaret, et vera illius

mens detergeretur, nemini foret ambiguum, ut Vasquez cui et summe difficile visum est, dum asserere non metruit nullum fundamentum fuisse D. Augustino ad asserendum Baptismum seipso tanquam semine virili Christi regenerare in filios Dei, ablato per poenitentiam schismate. Ex quo intulit D. Thomas sola peccata actualia D. Thom. post baptismum pertinere ad Poenitentiam, cetera vero alia ad Baptismum, cuius est in solidum regenerare et a veteri vita exuere. In quo profecto unico ictu duo fecisse videtur Vasquez, et Augustino restitisse, et D. Thomae illationem, et autoritatem pessundasse, dum alterum id asseruisse absque fundamento nec Scripturæ, nec traditionis, aut rationis contendit, alterum vero non recte, sed ex sinistra Augustini intelligentia intulisse affirmat.

20. Sed age, et nos rem ipsam peragamus ad mentem D. Augustini, cuius vindicias in hac parte solius veræ doctrinæ zelo gerendas sumpsimus. Exhaustis itaque Donatistarum technis, ac captionibus, et a S. Augustino expeditis, prosequitur S. Doctor cap. 12, cuius initium est : *Quid si ad Baptismum factus accessit, dimissa sunt ei peccata, an non sunt dimissa?* In qua quidem quest. Donatistarum arbitrio relinquit, quid respondere velint. Nam si fateantur dimitti, urget contra eos Scripturam, *quomodo ergo, inquiens : Spiritus Sanctus disciplinæ effigiet factum, si in isto facto remissionem operatus est peccatorum?* Si vero affirment, quod revera tenendum est, nimirum non esse dimissa peccata homini facto, rursus alia interrogatione aliam veritatem ab illis extorquet, utrum videlicet, *si postea fictionem suam corde concusso, et vero dolore fateretur, denuo baptizandus esset?* Quod quidem dementissimum esse inquit. Unde tandem post tot interrogations eo tandem ventum est, ut vellent, nollent, coacti fuerint affirmare quem baptizati posse vero baptismu Christi, quin tamen cor baptizati in malitia, vel sacrilegio perseverans sineret abolitionem peccatorum fieri, atque ideo in Donatistarum parte reipsa evenire.

21. Sed quia adhuc haerent hæretici, Nutanti-
quomodo aut quando baptismus male bus
susceptus proficeret ad renascendum in hæreti-
Christo, siquidem fuerat obice impeditus eis
ut lapidem istum offenditionis amoveret,
statim subjunxit : *Atque ita intelligant in occurrit*
communionibus ab ecclesia separatis posse
hominem baptizari, ubi Christi baptismus ea-
August.

Prose-
guitur
August.

dem Sacramenti celebratione datur, et sumitur: qui tamen tunc prosit ad remissionem peccatorum (en Baptismum nunc prodesse se ipso ad remissionem peccatorum ad quem non profuerat stante obice) *cum quis reconciliatus unitati sacrilegio dissensionis exiuit, quo ejus peccata tenebantur, et dimitti non sinebantur*, utique ab obice, quo sublato, statim baptismus resilit in id, quod sibi erat proprium, videlicet peccatorum originalis, et actualium sub ipso remissionem.

*Quæ
inferat
S. Doct.*

22. Ex quo infert S. Doctor tria fieri, primum fictie baptizatum non denuo baptizatum iri, in quo caput hæresis Donatistæ jugulavit. Secundum hominem illum ficte baptizatum veraci confessione purgari; ab obice quidem, quo, ut supra dixerat, in ipsa vera confessione exiuit. Tertium (et quod maxime intererat ad pellendum dubium, in quo hærebant adversarii) *tunc valere incipere baptismus, quod ante datum est, ad salutem, cum illa fictio veraci confessione recesserit*. Ubi luce clarius ostendit confessioni veraci solum tribui fictionis recessum, seu amotionem; baptismus vero originalis, et originale comitantium ante baptismum remissionem.

Alioqui enim extra rem egisset cum hæreticis, nec eorum expostulationibus satisficerisset, quandoquidem illi nec vel levissime addubitabant de impletione præcepti baptismi, nec de capacitate eo mediante ad reliqua Sacraenta, et nec tandem de remissione poenæ temporalis, ad quæ tria capita refugit Vasquez. Sed toti ac constantes semper erant in urgendo, et extorquento ab Augustino: *Utrum Baptismus generet filios in parte Donati, neçne?* Ut constat ex cap. 10 supra memorato. Cui S. Doctor respondet affirmative docens in Baptismo esse virile semen Christi in dignendum filios. Rursus premebant, et inquirebant: *An in parte Donati per baptismum dimittantur peccata?* Ubi profecto nulla fit mentio illorum trium, vel cuiuslibet eorum, quorum meminit Vasquez.

23. Responsio S. Doctoris fuit, quam ibi fideliter retulimus, illaqueando adversarios, et cogendo usque ad asserendum non fieri remissionem, ubi non est charitas, sed schisma obsistens remissioni: quasi assereret stante, ac perdurante peccato non fieri remissionem a baptismo, vel per baptismum, ut demonstrat caput undecimum ibi nuper citatum. Tandem ventum est ad fictionem, in cap. 12, et asseruit

D. Augustinus valere Baptismum ad id idem, ad quod antea non valuerat ob impedimentum: non valuerat autem ad remissionem peccati originalis: ergo modo valet ad ipsam. Non quidem ut putat Vasquez, per modum adimpletionis præcepti, aut expeditionis, quod est valere dumtaxat per modum conditionis præsuppositæ: sed prorsus quidem per modum causæ instrumentalis vere causantis, et influentis in peccatorum remissionem, quod ipse inficiatur. Nam exuta fictione, delitul Augustinus Baptismo id, quod stante illa, præstare instrumentaliter Baptismus non poterat: sed hoc solummodo erat non regenerare instrumentaliter, seu remissionem non inducere: ergo hoc illi concedit post exutam fictionem.

Ad hæc stante obice, jam valuerat Baptismus ad impletionem præcepti, si quidem per ipsius sitam, licet non rectam susceptionem fuerat adimpletum; si quod erat præceptum de sumendo Baptismo; similiter profuerat ad constituendum hominem capacem Pœnitentiae, et cæterorum Sacramentorum post pœnitentiam: ut in confessio erat apud dissidentes Augustinum et Donatistas, circa neutrum illorum contendentes: ergo quando asseruit incipere valere Baptismum, ad remissionem, seu salutem, non fuit locutus de valore præcepti præexistenti, nec similiter de capacitate præsupposita; hoc quippe nimis ridiculum esset, et tam acri concertatione indignum. Sed audiamus ipsummet Augustinum seipsum clarus exponentem lib. 3, cap. 13, ubi se referens ad capita in præsenti relata, inquit: *De remissione autem peccatorum, utrum baptismum apud hæreticos fuit, quid mihi videretur, in alio jam volumine scripsi*, videlicet lib. 1 capitibus citatis, et post pauca attexuit eandem sententiam sub his verbis: *Tunc incipit valere idem baptismus ad dimittenda peccata, cum ad Ecclesiaz pacem venerint*. Non equidem dixit ad adimpletionem præcepti, nec ad recipiendum alia Sacraenta, nec ad extinctionem poenæ, sed ad dimittenda peccata. Qua ergo facie oppositum asserendum est nisi vel textum corrupendo, vel prorsus alienando, ut bene observarunt Durandus, et alii supra memorati.

Præterea, Hæretici non disputabant de pœnitentiae effectu, erant autem valde anxii, ac solliciti de effectu Baptismi, ut vel ipsorum quæstiones, ac interrogations argutæ

*Augus-
tini
verba.*

*Hæreti-
corum
instan-
tia.*

*Augus-
tini
respon-
sio.*

obtend:
Vazque:

Aug.

argutæ (ut affirmat Augustinus) testantur : ergo vel Augustinus illis non satisfecit, nec subinde ab eorum technis se expedivit, quod nequit admitti, utpote absurdissimum, et summe ejusdem S. Doctoris authoritatis depressivum : vel confiteri oportet asseruisse valere baptismum ut causam ad remissionem peccatorum, ad quam non valuerat stante fictione.

Eo vel maxime : quoniam operari non competit conditioni puræ, ut constat in omni alia conditione sine qua non existit effectus, ut puta existentia, et approximatione ad agendum, et sic de reliquis. Constat autem ex serie capitum allegatorum sœpe D. Augustinum detulisse baptismum hoc quod est operari salutem, obice sciso, aut exuto. Ergo juxta S. Doctorem baptismus non se habet ad remissionem originalis post ablatum obicem ut conditio presupposita, sed ut vera causa instrumentalis expedita ad proprium effectum, qualis est originalis, et aliorum actualium cum ipso extirpatio. Et hæc de doctrina D. Augustini, se teste, ut supra audivimus, non aliunde quam ex Evangelio eam proferentis, missis humanis argumentis.

24. Quo l' vero id absque ulla ratione non asseruerit (ut obtendit Vasquez non absque injuria tanti Doctoris) facile probatu est. Quia in illis principiis, ac testimoniis non modicam argumentorum segement subministravit S. Doctor ad obruenda hæreticorum ora. Docet namque Baptismum esse opus Dei, et non hominis ex una parte, et ex alia statuit Baptismum, ex quo habet esse primam januam Ecclesiæ, relinquere characterem in anima, uti relinquens circumcisio signaculum corporeum, ac tandem iterari non posse. Ex quibus principiis sua sponte fluit baptismum per se primo ordinari ad expiationem peccati originalis, esseque prorsus necessarium necessitate medii, in re, vel in voto ad illius ablutionem, ut temporis decursu decreverunt Concilia, et novissime Tridentinum sess. 7, can. 5, anathemate feriens oppositum docentes. Ac tandem consequitur in nullo casu posse condonari in hac providentia peccatum originale nisi per baptismum in re vel in voto tanquam per propriam sui causam expulsivam, quin ad hoc concurrat poenitentia nisi ut removens prohibens. Id quod evidenter constabit ex rationibus Theologicis satis, imoclare efficacibus, quas Angelicus Doctor a suo Sapientissimo, ac sanctissimo Magistro

didicit, et ad formam cum ipso statim redigemus. Quocirca Vasquio reponenda duximus, quæ ipsi Parenti Augustino minus recte opposuit, uno dumtaxat verbulo immutato : nam ut Gabriel Vasquez, *hoc privilegium baptismō denegaret, fundamentum aliquod aut traditionis, aut definitionis Ecclesiæ, aut Scripturæ, aut rationis denique habere debuisset : Ecclesiæ autem traditio nem usque ad sua tempora fuisse minime constat, nec ipse eam allegat : definitionem præterea ecclesiæ, aut Scripturæ testimonium nullum esse est manifestum* (plura pro se refert Augustinus, et Concilium Nicænum, ut constat ex cap. 7, lib. 1. *Denique nullam esse rationem, quæ ad id asserendum cogat, præsertim cum illud pendeat ex Dei voluntate, qui aliter potuisset statuere, constat ex dictis in hoc capite* (et amplius ex dicendis constabat). *Unde igitur Gabriel Vasquez hoc privilegium baptismi, quod ex sola voluntate Dei pendet, negare potuit?*

§ III.

Eadem veritas ratione fulcit, et a Vasquez oppugnationibus vindicatur.

25. Prima ergo ratio desumpta ex prima radice, a D. Augustino constituta ad sequentem reducitur formam. Quoniam peccata extra Ecclesiam commissa nec per se, nec per accidens delentur nisi per baptismum aut ipsius votum : sed peccatum originale, et alia actualia sub ipso committuntur extra Ecclesiam : ergo nec per se, nec per accidens expiantur medio alio Sacramento, quam baptismino in re vel in voto, atque ideo in nullo eventu pertinent ad poenitentiam. Utraque Consequentia cum Minoris constat; et Major, quam negat Vasquez, probatur : tum ex supra dictis. Tum etiam a paritate ipsius baptismi, qui nec per se nec per accidens queit tollere peccata commissa intra Ecclesiam, ut omnes concedunt, nec dissentit Vasquez : ergo e converso nullum peccatum extra Ecclesiam commissum potest deleri nisi per Baptismum in re, vel in voto. Constat autem peccatum originale ficte baptizati non posse deleri per votum baptismi, utpote qui superponitur valide susceptus, et non admittit iteratam susceptionem : ergo necessarium est asserere deletum iri per baptismum sacrilege susceptum, sed tamen expeditum media poenitentia. Quam rationem paucis complexus fuit Angelicus Doctor in 4, D.Thom.

dist. 4, quæst. 3, art. 2, q. 3, arguens sub hac forma : *Cuilibet culpæ in statu viæ potest remedium adhiberi : sed contra originalem culpam non est aliud remedium, quam baptismus : ergo cum facte accendentibus originale non remittatur, oportet baptismum iterari; si recedente fictione baptismus effectum suum non haberet, quod est inconveniens, et hæreticum.* Unde constat evidenter quam alte insederit menti D. Thomæ doctrina Augustini, ut unum e duobus asserendum inferat, vel quod Baptismus rite sed tamen facte, suspectus deposita fictione, deleat originale, uti delevisset, non stante fictione : vel quod incidentum sit in hæresim reiterationis baptiſmi, quod intendebant contra Augustinum Donatistæ. Nec est minus perspicuum, vel quod Augustinus compulſus fuit deferre hanc efficien‐tiam in originali Baptismo, retenta ut semper catholice retinuit, non rebaptizatione, vel quod Donatistis non efficaciter, et consequenter occurrit sed succubuit, et virtus recessit, quod apud cordatos male audit.

**Majoris
alia
probatio**

Hinc rursus constat veritas illius Majoris, quam assumpsimus, et in qua est nervus totius discursus : siquidem Baptismus in re, vel in voto est medium necessarium ad expiationem peccati originalis, juxta unum, et alterum S. Doctorum, et est sub anathemate sancitum in Concilio Tridentino ubi supra : sed in casu quæſtionis non est recursus ad votum Baptismi, quippe qui supponitur valide receptus : ergo ne incidatur in hæresim rebaptizantium, necessarius est recursus ad influxum, et causalitatem jam suscepti baptiſmi, dempto impedimento. Nam ut docuit Angelicus Præceptor ubi nuper art. 3, ad 1: *Baptismus sanguinis, et pœnitentia non valent ad regenerationem, nisi ei qui habet baptiſmum aqua in proposito.*

**D.Thom.
Insurgit
Vazquez.**

26. Sed adhuc perstat Vasquez in proprio judicio negando illationes factas ut male deductas ex illarum præmissis. Unde istis concessis, autumat verum esse peccatum originale remitti non posse sine baptismo in re, vel in voto, quin in casu fictionis præstet ipse baptismus aliquem influxum ad expiationem peccatis originalis. Nam sicut baptismus in voto nihil aliud est, quam contritio cum ordine ad baptismum futurum suo tempore suscipiendum, quin baptismus ipse ex opere operato, aut per modum Sacramenti aliquid efficiat; sed tota, et adæquata virtus

revocatur in actum contritionis cum voto, explicito, vel implicito baptismi : ita ut vice versa poenitentia obsistens obici nihil aliud importat, quam attritionem connotantem, aut supponentem validam suspicionem baptismi. Et ideo expulsio peccati originalis non baptismō sed pœnitentiæ ut connotanti, ac supponenti baptismum deferrī debet. Et ratio ejus est : quia contritio ejusdem rationis est ante baptismum ac post baptismum : sed contritio ante baptismum cum solo ipsius voto, seu proposito, se sola sufficit ad remissionem originalis, quin baptismō aliquis alius influxus tribuatur, aut tribui possit, præter esse in voto, illum tempore debito recipiendi: ergo etiam contritio ipsa sufficiens erit ad eundem effectum connotata, vel supposita illius vera receptione, quin Sacramentum jam diu receptum alium præstet influxum, præter esse receptum valide.

Ex quo subinfert (et bene) unicum tantummodo Sacramentum, nimirum Pœnitentiam concurrere ad justificationem illius hominis, baptismō presuppositive se habente, ut expediente dumtaxat ad recipiendam absolutionem, cuius esset incapax absque a baptiſmate reipsa vere suscepto.

27. Hæc tamen doctrina insufficiens est ad elevandum pondus rationis factæ, quam relinquit in suo robore, ut eam expendiens, ac penetranti constabit. Porro ex illa sequitur hominem ita justificatum non fuisse renatum ex aqua, et Spiritu sancto : consequens est immediate oppositum illi sententiæ Christi Domini apud Joann. 3: *Nisi quis renatus fuerit ex aqua et Spiritu sancto, non potest introire in regnum Dei,* ac proinde minime sustinendum : ergo nec illud ex quo sequitur. Probatur illatio : ex Concilio Tridentino sess. 6, cap. 4, Trid. et can. 5, docente post promulgationem Evangelii sine lavacro regenerationis in re, vel in voto neminem posse renasci ex aqua, et Spiritu sancto juxta sententiam Christi allegatam : sed ille homo nec in re, nec in voto renasceretur ex aqua, et Spiritu sancto, non quidem in re, cum baptismus illud fuerit sacrilegum, et deposito sacrilegio nihil operatur, sed permanet mortuum, et inefficax, uti a principio. Nec etiam in voto, quod est de re futura, et nondum habita; baptismus autem nequit iterari : ergo de baptismō sacrilege suscepto non est, aut esse potest aliquod verum votum. Jam ergo aliquis non renatus

isitas
muse-
cens.

Vasquez.

terum
con-
ziens.

ident.

tus ex aqua, et Spiritu sancto posset introire in regnum Dei, vel, ut ait Concilium, absque regenerationis lavacro in re, vel in voto. Absurditas vero Consequentis est clara, quandoquidem Christi propositionis est universalis neminem excipiens post promulgatum Evangelium a virtute baptismi in re, vel in voto. Quam vero intulimus ex doctrina Patris Vasquez, et vere probamus, est particularis excipiens hominem illum, si non a Baptismo, bene tamen ab ejus virtute, et efficacia, quibus homo renascitur spiritualiter per gratiam regenerativam. In quo sensu (et non pure grammaticalici cum Vasquez) eam usurpasse Christum Dominum constat ex allegatis testimoniorum Tridentini, et communis acceptatione SS. PP. et Theologorum, inde legitimate inferentium, et docentium baptismum in re, vel in voto esse prorsus ad salutem necessarium, necessitate medii, et non solius praecetti. Quo loquendi modo non tam ipsam materialem ablutionem, et verba baptismi; quam eorum energiam, et virtutem explicari manifestum est ex communis Catholicorum sensu, et aliorum Sacramentorum exemplo, quibus non ea virtus aut efficacia in ordine ad proprios effectus tribuitur.

28. Deinde sequitur homini illi non dimitti peccata ante baptismum perpetrata quoad omnem poenam. Consequens itidem est falsum, et minime admittendum: ergo etiam est falsa doctrina, in qua fundatur. Sequela Majoris constat ex doctrina eiusdem Tridentini sess. 14, cap. 2, ubi statuens discrimen inter Baptismum, et Poenitentiam, docet medio illo consequi hominem plenam, et integrum peccatorum omnium remissionem; quod tamen denegat Poenitentiæ, utpote cum qua *sine magnis nostris fletibus, divina id exigente justitia*, ad id pervenire non possumus; quocirca semper, vel ut in plurimum, remanet reatus poenæ temporalis exolvendus. Sed homo ille non justificaretur per baptismum, nec consequenter ornaretur gratia baptismali; sed solius dumtaxat Poenitentiæ, ut opinatur Vasquez: ergo homini illi non remitteretur omnis poena debita peccatis actualibus sub originali commissis. Patet Consequentia: siquidem remissio totius poenæ juxta doctrinam, quam statuit Concilium, nec debetur cuilibet gratiæ, alias quælibet gratia alterius Sacramenti fieret eadem remissio; nec est effectus alterius Sacramenti a baptismo ut

constat: sed homo ille numquam adipisceretur gratiam baptismalem, quæ est regenerativa, plene, et integre renovans hominem; sed dumtaxat sanativam, et medicinalem propriam Pœnitentiæ: ergo homini illi non fieret remissio totius poenæ temporalis, sed aliqua superesset luenda media satisfactione propria. Porro effectus proprius gratiæ Sacramentalis vel ipsi juxta Christi Domini institutionem debitus non percipitur, quin prius gratia ipsa Sacramentalis percipiatur, ut constat a simili aliorum Sacramentorum, et ratio suadet: quandoquidem suavis Dei providentia postulat, et observat absque propria causa, non dare esse effectui: ergo valde inconsequenter procederet qui adstrueret unum sine altero, et ut absque fundamento procedens amandandus esset. Falsitas illati Consequentis negari nequit a viro catholicō; alioqui imponi posset homini ita justificato opus satisfactorium pro delictis actualibus ante baptismum, quod ecclesia non sustinet, nec admittit Vasquez ipse.

29. Hinc quam nullum negotium faces sat suæ positionis fundamentum liquido appetit. Nam vel loquitur de contritione ante institutum baptismum, cuius distinctionem a se ipsa post Baptismum tetigimus in hoc eodem dubio § 1, num. 7, ibi videndum? ex quo nihil contra nos. Vel est sermo de contritione post institutionem baptismi, ante ejus realem, ac validam receptionem? Et quidem licet quoad hoc quod est recipere baptismum convenienter; longe tamen differunt in modo respiciendi: nam contrito ante baptismum receptum respicit ipsum suo tempore recipientum, et consequenter futurum: Contritio autem post baptismum receptum, licet infructuose, respicit illum ut præteritum; et virtute manentem in charactere. Hinc oritur diversitas in modo concurrendi: nam prima respicit baptismum, ut objectum, et finem, cui subordinatur, et in quam collimat, unde concurrit ad remissionem in virtute illius ut finis: nam ut docet D. Thomas in 4, dist. 4, quæst. 3, art. 3 ad 1: *Poenitentia non valet ad regenerationem, nisi ei qui habet baptismum aquæ in proposito, et sic quodammodo agit in vi baptismi aquæ, ut objecti videlicet, et finis.* Quia tamen causalitas finalis, et objectiva non pertingit ad causalitatem efficientem, de cuius ratione est existentia causæ, vel in se, vel in sua virtute; idcirco media contritione ante baptismum non producitur character

Diruitur
funda-
mentum.Quid
valeat
contritio
ante
Baptis-
mum.

D.Thom.

baptismalis, nec reipsa infunditur gratia baptismalis, sed dumtaxat gratia communis, quæ quoad speciem est incompossibilis cum quolibet peccato, sive originali, sive actuali. Nec consequenter dimittuntur peccata actualia, quoad totam poenam temporalem ex opere operato, sed solum ex opere operantis juxta contritionis gradus.

30. Altera vero contritio sicut supponit baptismum valide receptum, ita connotat ipsum ut potentem agere, non quidem per se ipsum immediate, cum jam diu præterierit, sed per sui virtutem, quæ est character, quantum est ex se disponens ad gratiam, ut mirifice docuit Angelicus Preceptor ubi nuper art. 2, questiunc 3, dicens : *quod in baptismo imprimitur character, qui est immediata causa disponens ad gratiam. Et ideo cum confitio non auferat characterem, recedente fictione, quæ effectum characteris impedit, character qui est præsens in anima, incipit habere effectum suum.* Quo quid clarius, aut solidius? Quocirca, dicta recapitulando, prædicta contritio differt a se ipsa primo modo accepta penes hoc, quod primo modo respicit Sacramentum operaturum; in secunda vero ut existentem virtualiter, et actualiter operantem. Et est simile de Christo ut futuro, qualis fuit creditus in veteri lege, et de Christo existente, qualiter cadit sub nostra fide. Unde sicut non bene arguitur ab uno in alium statum, sed est paralogizare; nec ab una ad aliam fidem, nec consequenter ab illius ad istius legis Sacraenta, ita quoad formam male arguit Vasquez ab una in aliam contritionem. Juxta quem sensum explicatis suæ rationis præmissis, negatur Consequentia, et id quod subinferebatur. Quin imo novum et satis urgens consurgit argumentum quo tota ejus doctrina refellitur, ac diruitur, ut jam subjungimus.

31. Probatur itaque secundo alia ratione, qua hactenus dicta fulciuntur, et explicantur. Nam quod Pœnitentia in casu fictionis Baptismi se extendat ad remissionem originalis, et actualium peccatorum, secluso instrumentaliter influxu ipsius Baptismi ficte suscepti, solum queit provenire, vel ex eo quod Baptismus, quia præteritus ad id non valeat : vel quia Pœnitentia ipsa, connotata reali susceptione (esto ficta) Baptismi ad id est sufficiens : vel quia in vi unius Sacraenti, nimurum Pœnitentiae jam superponerentur omnia deleta, quin aliquid superresset delendum per aliud, scilicet per Baptismum. Sed nullum horum, nec simul

conjuncta obsunt quominus sit proprius effectus Baptismi, originalis, et actualium sub ipso expiatio, sicut et Pœnitentiae fictionis expulsio : ergo nullum est fundamentum oppositum asserendi, et consequenter ruit ratio doctrinæ Vasquez structura. Utraque Consequentia constat. Major continet omnia motiva, quæ congerit P. Vasquez. Minor probanda est, *Vazquez*, quoad singulas ejus partes. Et suadetur quoad primam tum ex verbis relatis D. Thomæ, quæ clarissima sunt pro hac parte. Tum etiam ratione communi omni causæ efficienti, sive principali sive instrumentaliter, de quarum ratione ad efficiendum non est actu formaliter in se ipsis existere, sed solum virtualiter in effectu relicto, ut constat in viventibus medio semine a se decisso generantibus, quantumvis ipsum generans e vita exciderit. In quo ut omnino evidenti non moramur, ut interim audiamus iterum D. Thomam D. Thom hanc veram philosophiam præsenti materiae applicanter supra quest. 69, art. 10, per verba sequentia : *Baptismus est quædam spiritualis regeneratio. Cum autem aliquid generatur, simul cum forma recipit effectum formæ, nisi sit aliquid impediens, quo remolo, forma rei generalæ perficit suum effectum : sicut simul cum corpus grave generatur, movetur deorsum.* (Existat, vel non existat formaliter generans) *quo remo' statim incipit moveri deorsum.* Et similiter quando aliquis baptizatur, accipit characterem quasi formam (nimurum qua homo fit Christianus, et disponitur ad gratiam, non qua sanctus evadat, et spiritualiter genitus sit, ut bene animadvertis Cajet. ibi) et consequitur proprium effectum, qui est gratia remittens omnia peccata. Impeditur autem quandoque per fictionem, unde oportet, quod remota ea per pœnitentiam, Baptismus statim consequatur suum effectum. Quo discursu ducti asseruimus tract. de Sacramentis in genere, et modo iterum affirmamus solis Sacramentis inducentibus characterem inesse privilegium efficiendi instrumentaliter physice gratiam, secluso obice : et quoad præsens evincitur præteritionem Baptismi non obesse, quominus valeat concurrere physice ad inducendam gratiam, quam usque ad ablationem obicis non induxerat, ratione characteris remanentis, quo est homo dispositus ad illam si removeatur obex fictionis.

32. Quod vero Pœnitentia, supposito etiam baptismo, nequeat adhuc indirectere probatur.

Centrionis
valor
post
Baptis-
mum.

D.Thom

Secunda
conclu-
sionis
ratio.

Secunda
Minoris
pars
probatur.
ad

ad originalis remissionem se porrigere (quæ est altera Minoris pars, in quam nervos exerit P. Vasquez) probatur ex dictis, quæ non diluuntur a Vasquez. Tum quia Pœnitentia nec indirecte attingit ea peccata, quæ sunt extra Ecclesiam, sicut nec Baptismus adhuc indirecte valet ad remissionem eorum, quæ sunt intra ecclesiam, de quo nemo hactenus dubitavit. Sed peccata illa supponant, vel non supponant baptismum bene, vel male receptum, semper est verum fuisse extra Ecclesiam commissa: ergo numquam est verum dicere indirecte pertinere ad Sacramentum de se ordinatum ad ea, quæ fiunt intra ecclesiam, qualis est Pœnitentia. Porro sicut in sententia P. Vasquez disp. citata cap. 3, n. 34, adhuc indirecte non pertinent ad materiam hujus Sacramenti, in nostra (et consequentius) adhuc indirecte ipsius excludunt efficaciam. Tum etiam: quoniam nullum peccatum remittitur adhuc indirecte per aliquid Sacramentum, nisi cum ordine, seu voto illius Sacramenti, ad quod pertinet per se: sed peccata tam originale, quam comititia non petunt per se deleri nisi a Baptismo: ergo nec per accidens, seu indirecte possunt remitti a Pœnitentia; quin sit votum, seu propositum suscipiendo iterum baptismum, quod est impossibile, supposita ejus non iteratione. Vel incidendum in Donatistarum doctrinam, ut urgebat supra Angelicus Praeceptor, a D. Augustino refutatam, et ab Ecclesia damnatam. Tota difficultas hujus probationis stat in Majori, quam esse veram constat in Sacramentis vivorum, quæ si per accidens, vel quod idem est, indirecte peccata aliquando excutiant, id non fit absque ordine, et voto alterius Sacramenti, ad quod pertinent per se videlicet Pœnitentia, cui subjicienda sunt. Et hoc ideo quia Pœnitentia in re, vel in voto est medium necessarium ad remissionem omnium actualium post Baptismum, qualiter ipsum Baptismum esse necessarium ad delendum originale, et actualia sub ipso, nemo Catholicorum ambigit.

Rursus, effectus proprii aliorum Sacramentorum ita ipsis respondent, ut nec per accidens ab aliis Sacramentis causari, aut effici valeant, sed cuilibet gratiæ Sacramentali proprius effectus tribuitur: sed hoc quod est renasci media remissione peccati originalis, est effectus proprius Baptismi, et ejus gratiæ Sacramentali respondet: ergo nec per accidens alteri Sacramento-

rum debet attribui, sicut nec gratia baptismalis, qua Baptismalis. Quorum non aliam rationem possumus assignare, quam voluntatem Christi ita instituentis, nobis manifestam per Ecclesiam, Concilia, et Patres, a qua periculoso est aliquantulum deviare in re tanti momenti; quidquid alii nec sanctiores, nec doctiores Augustino, et Thoma senserint, quibus nihil est Sacramentorum vim ad sua sensa, et sententias invertere, contrahere, vel porrigere. Quis enim neget alia, et aliter Christum Dominum instituere potuisse Sacra menta, ut Augustino obtrusit Vasquez? Sed quid inde? Est idcirco discurrendum, ac Theologizandum de his, quæ sunt, et quæ instituit, ac suam Ecclesiam docuit, ac de illis, quæ possunt fieri, et fierent in alia rerum serie? Absit; alioqui eodem conficeretur, vel non esse Sacra menta, ut non fuisse potuit, vel nulla per ea extingui peccata, ut non extingui potuit Deus velle, et voluisse. Quamobrem in hac parte non procedit doctrinaliter, qui confugit vel ad alteram providentiam, vel ad potentiam Dei absolutam. Cum ergo constet ex duobus Sacramentis de se ordinatis ad delenda peccata, alterum sibi vindicare intra Ecclesiam commissa ut expienda; alterum vero extra ecclesiam incursa; et aliunde sit certum neutrum adhuc per accidens attingere propriam materiam alterius nisi cum voto illius, cuius est propria, ut constat ex probationibus adductis; plane conficitur in hac rerum serie nec per accidens valere Pœnitentiam se sola remittere originale utpote proprium Baptismi.

33. Tertia pars solum erit ardua illis quibus infensa fuerit mutua prioritas di versarum causarum, in qua multi offendunt, nescio quid monstruosum, et horrendum in illa concipientes; cum tamen sit plane Peripatetica veritas, vel solius naturalis rationis lumine nota, quam sœpe usurpavit Angelicus Doctor ad plura, ea - D. Thom., que aliter non satis pervia, sive naturæ, sive gratiæ mysteria explananda, interim videndus 12, quæst. 113, art. 8, ad 1, ubi eam statuit, et manifestis exemplis illustrat, docens, quod *ex parte solis prius est illuminare, quam tenebras removere, et ex parte aeris illuminandi prius est purgari a tenebris, quam consequi lumen, ordine naturæ, licet utrumque sit simul tempore.* Ex quibus constat ex pluribus causis simul concurrentibus ad eandem prorsus illumini-

Tertia
pars
suade-
tur.

nationem aeris, stare prioritatem cuiuslibet eorum in proprio genere, siquidem ex parte solis efficienter concurrentis prior est illuminatio activa, cuius est effectus purgatio tenebrarum media luce exclusarum : ex parte autem aeris illuminandi prius est in genere causae materialis purgari a tenebris, quam luce perfundi ; alias coirent simul tenebrae, et lux in eadem parte aeris, quod est repugnans, et sic de aliis innumeris exemplis, tam vere, quam frequenter usurpati ab utriusque S. Doctoris discipulis. Nec inde sequitur (ut aliqui obtendunt plus quam par est imaginationi deferentes) aut unum sine altero esse, vel fieri, aut bis eandem illuminationem produci. Sed quod sequitur est in eodem prorsus instanti produci effectum a pluribus causis, unaquaque earum diverso modo concurrente, juxta uniuscujusque conditionem, et ut sic dicamus indolem.

Quæ doctrina a fortiori teneri debet, quando in effectum inducenda sunt plures rationes extra sphæram cuiuslibet earum causarum. Cum enim nulla causa in eo genere, in quo est causa, possit exhibere quod in se non habet, nec consequenter metas propriæ virtutis excedere, quin aliunde juvetur, aut foveatur vel per additionem virtutis, vel per consortium alterius causæ potentis ad id, ad quod ipsa est impotens; consequens fit, ut necessario exigatur concursus alterius principii, cum ex parte ipsius causæ impotentis, tum ex parte effectus, exigentis concurrentiam plurium causarum, in quibus simul influentibus, quælibet in suo genere, totus effectus præcontineatur, ut constat in portantibus lapidem, et (quod est apud Adversarios commune, licet falsum) in actu supernaturali exigente ex parte principii virtutem naturalem partialiter proxime influentem, et virtutem supernaturalem similiter cum concursu partiali, quin una sine consortio, et influxu alterius potens sit ad efficiendum amorem Dei supernaturalem, aut alium actum vitalem prædicti ordinis, et in aliis sexcentis brevitatibus causa omissis, et quia tam evidens est quod supponimus, ut ulteriori non videatur probacione indigere.

34. Cum ergo ex dictis habeamus duo genera peccatorum simul in eodem instanti excludendorum, quandoquidem unum sine alio nequit remitti, et cuilibet eorum generum sit speciale Sacramentum destinatum a Christo Domino; necessarium est

Fictio
unde se
teneat

unum et alterum simul concurrere in eodem instanti; alias non sequeretur effectus; siquidem Baptismus solum se extendit ad originale, et ipsum comitantia extra Ecclesiam, quin indirecte adhuc valeat ad actualia post Baptismum (ut concedit, et bene Vasquez, et male negat Lugo de Sacramentis in genere disp. 9, sect. 3, num. 38), nec Pœnitentia, ut probatum est, se potest extendere adhuc per accidens nisi ad peccata intra Ecclesiam commissa. Quocirca operæ pretium est unum et alterum simul influere. Et quia fictio impediens effectum Baptismi, quæ erat gratia regenerans, se tenet ex parte subjecti, atque ideo pertinet, et reducitur ad genus causæ materialis; idcirco remotio fictionis pertinens ad pœnitentiam est prior in genere causæ materialis, quam regenerationis correspondens Baptismo, quæ est prior absolute in genere causæ efficientis, ut evidenter constat in exemplo solis illuminantis, et aeris illuminati, et clarissim in motu gravium et levium, qui non tribuitur amoventi impedimentum, sed generanti, licet generans non possit causare motum, quin ab alio removeatur impedimentum. Unde remotio impedimenti se tenet ex parte materiæ expediendæ ad motum, motus vero ipse tribuitur absolute generanti ut causæ prius et principalius agenti.

Nec inde sequitur totam remissionem tributam iri Pœnitentiæ excluso Baptismate, nec totam Baptismo ablegata Pœnitentia, ut voluit Cardinalis de Lugo incidens in Scyllam cupiens vitare Carybdim, sed in cuilibet eorum juxta accommodam distributionem.

35. Ex his non tam probatis, quam superpositis ex doctrina tam vera, quam communis D. Thomæ jam probatur tertia illa pars præacti discursus, scilicet aliquid superesse baptismō remittendum præ Pœnitentia in casu fictionis. Nam juxta communem, et suavem Dei providentiam, et juxta exigentiam effectus debent concurrere causæ sive principales, sive instrumentales ad ejus existentiam, quæ intenditur, necessariæ : sed in instanti justificationis hominis facte baptizati effectus prætentus, qui est remissio peccati originalis, et actualium cum fictione postulat concursus Baptismi, et Pœnitentiæ: ergo utrumque simul debet concurrere ad prædictam justificationem, et consequenter nec sola Pœnitentia, nec solus Baptismus sufficit. Utraque Consequentia constat ex præmissis,

sis, quarum Major videatur per se nota, et probatur Minor : quoniam Baptismus solum sibi vindicat ex institutione Christi remittendum originale cum cæteris extra Ecclesiam commissis. Pœnitentiæ vero dumtaxat competit ad ea, quæ intra Ecclesiæ fuerunt facta, qualis est fictio, et cætera post Baptismum, expellenda concurre : ergo ad totalem, et adæquatam justificationem hominis baptizati in eodem instanti faciendam utrumque Sacramentum immediate, et simul debet influere : atque ideo prædicta justificatio tribuenda est Pœnitentiæ ut removenti fictionis obicem, et alia actualia post Baptismum; huic vero originalis dimissio, et aliorum ante ejus receptionem sacrilegam.

^{inform.} 36. Confirmatur et explicatur. Causæ que adinvicem pendent in causando, licet sub diversa ratione influant, non solum sunt, sed etiam intelliguntur in eodem signo rationis *in quo*, altera ut dependens in illo signo, ac subinde posterior, altera vero ut independens, atque ideo prior prioritate *a quo*, seu naturæ; sed Baptismus, et Pœnitentia pendent ad invicem ad inducendam remissionem omnium peccatorum hominis facte baptizati. Ergo nullum est signum adhuc rationis *in quo*, baptismus intelligatur sine Pœnitentia, nec Pœnitentia sine Baptismo; atque ideo non adest locus ad hoc, quod pœnitentia dimittat aliquod peccatum sine dependentia a Baptismo, vel e converso. Patet hæc Consequentia ex prima : siquidem in illo priori, in quo Pœnitentia removet fictionem, adhuc intelligitur ibi Baptismus ut dependens a Pœnitentia atque ideo posterior; et eadem ratio est de Baptismo respectu Pœnitentiæ, ordine inverso. Non ergo unum eorum aliquod peccatum remittit sine dependentia alterius, licet in diverso genere. Major cui soli inest difficultas, est communis et vera Thomistarum doctrina nunquam labefactata, nec labefactanda, quantumvis adversantium impetu conquatiatur, eamque præclare explicant N. Complut. abbreviati 2 physicorum disp. 8, quæst. 2, § 1, n. 6, his verbis : *Unde licet aliqua duo sint in eodem instanti reali imo in eodem signo rationis, nihilominus id quod non dependet, dicilur secundum illam rationem prius, id vero quod dependet, appellatur posterius.* Quare in hoc genere prioritatis non valeat hæc Consequentia. A est prior natura quam B, ergo A, in illo priori est sine B, sed ita debet inferri : A est prius natura quam B,

^{Salmant.} Curs. theolog. tom. XIX.

ergo in illo genere, seu priori A non dependet a B, sed B, dependet ab A. Quocirca rectissime admonent hæc prioritatis genera maxime observanda esse, utpote ex cuius ignorantia non levis confusio in rebus arduis generari solet.

Unde liquet insigniter paralogizasse Gabrielem Vasquez, dum urget Pœnitentiam in illo priori excludere fictionem : fictio nequit auferri absque gratia, quæ est incompossibilis cum cæteris aliis peccatis : ergo in illo priori, et vi illius intelliguntur dimissa omnia peccata : non ergo superest aliquod dimittendum pro posteriori a Baptismo nisi asseratur bis eadem peccata remitti, quod est falsum, et ridiculum. Afferendum itaque est omnia per pœnitentiam deleri.

Hoc, inquam, argumentum, non argumentum sed sophisma est, quia nullum est signum adhuc rationis *in quo*, Pœnitentia intelligatur sine Baptismo; licet intelligatur prior prioritate *a quo* seu natura, quam Baptismus ut dependens a Pœnitentia ut ab amovente fictionem, et ibi sistit hæc prioritas : cui succedit alia prioritas Baptismi, in qua etiam intelligitur Pœnitentia, ut dependens ab ipso Baptismo, atque ideo posterior. Et huic prioritati, quæ est propria Baptismi respondet gratia baptismatis, sicut alteri gratia medicinalis, seu sanativa propria Pœnitentiæ. Atque ideo respondet in forma distinguendo Majorem : Pœnitentia in illo priori excludit fictionem connotando Baptismum, et illum inferendo, concedo Majorem; illo non connotato nec illato, nego Majorem. Et concessa absolute Minori, negatur Consequentia cum subillatis, in quibus fit transitus a non amplio ad amplum, seu ab eo quod competit alicui in signo præcisionis ea vi causalitatis unius causæ ad id, quod habet in re, extra omnes causas, et causalitatis modos. Quod esse evidenter falsum constat manifeste. Unde relinquuntur non bene arguisse P. Vasquez et absque fundamento urgenti a communi, et vera sententia D. Thomæ, et Theologorum communiori, quam supra num. 10 retulimus, et explicuimus, discessisse.

§ IV.

Ostenditur peccata post Baptismum esse propriam materiam Pœnitentiæ.

37. Dicendum est secundo omnia pec.

Assertio
secunda.

cata post Baptismum commissa, sive mortalia, sive venialia, sive pure interna, sive simul externa esse materiam propriam hujus Sacramenti. Conclusio est universalis, sed non æque universaliter procedit de omnibus peccatis in ea enumeratis, inter quæ est latum discrimen quoad rationem obeundi munus materiæ, et consequenter non eodem modo de omnibus illis intelligenda venit assertio.

Materiæ
divi. 10
in liberam, et
necessaria-

Porro esse materiam stat dupliciter, vel necessariam, vel liberam. Necessaria iterum est duplex. Vel quæ sit necessario exhibenda, et subjicienda formæ absolutionis, ita quod ipsum Sacramentum per se, et essentialiter postulet illam determinatam materiam, sine qua non salvetur ejus veritas. Et in hoc sensu, dumtaxat peccatum actuale post Baptismum sive sit mortale, sive sit veniale, est materia propria et essentialis Pœnitentiæ, siquidem aliquod illorum postulat, et neutrum determinat. Et hæc necessitas se tenet ex parte ipsius Sacramenti essentialiter exigentis pro materia aliquod peccatum actuale vase, quod vere ac determinate peccatum sit. (Quocirca ut ridicula, et prorsus fabulosa rejicienda est narratricula confessionis Beatissimæ Virginis cum B. Joanne, in qua nullum erat peccatum confessioni exponendum.) Vel ita ut necessitas se teneat ex parte peccati, non quod necessario sit, aut petat esse, sed quia semel atque sit, necessarium Sacramento submitti, et citra culpam scienter non omitti in confessione. Et hoc modo sola peccata lethalia non prius confessa sunt materia necessaria confessionis, utpote quæ absque injuria Sacramenti scienter prætermitti non debent, quantumvis interna, et occulta sint. Cujus oppositum, teste Baronio ad annum 1479, tempore Sixti IV affirmare, et in publicum edere ausus est Petrus Oxomensis in Salmanticensi academia Theologiæ professor, cuius meminimus, in quodam confessionis libello, ubi prima conclusio erat : *Peccata mortalia quantum ad culpam et pñnam alterius sæculi delentur per solam cordis contritionem sine ordine ad claves.* Altera, et in ordine tertia fuit, quod *pravæ cogitationes confiteri non debent, sed sola disciplentia delentur sine ordine ad claves.* Hunc autem libellum has, et alias non minus perniciose assertions continentem utili hæreticum igni tradendum censuit Toletanus Antistes D. D. Alfonsus Carrillo, et

de facto commisit post auditâ suffragia quinquaginta duorum Doctorum, et aliorum plurium eruditissimorum, ut refertur in Bulla prædicti Pontificis factum approbantis, et sententiam confirmantis, quam ad litteram refert Baronius ubi supra.

38. Ea vero est, et dicitur materia libera hujus Sacramenti, quæ absque ejus injurya, vel periculo frôstrandi, potest apponi, vel omitti ad nutum pœnitentis. Ad hanc pertinent peccata venialia cognita ut talia, et etiam peccata gravia jam remissa ex vi alterius confessionis, in qua sunt patefacta. Diximus *peccata venialia cognita ut talia*, nam sub ioto dubio, an sint altioris malitiæ ad veniale? necessarium est ea ut dubia manifestare, ut proprio loco videbimus.

Hinc haud obscure constat sensus nostræ conclusionis, quæ virtualiter est bimembris, in quorum primo statuit omnia peccata mortalia post baptismum esse materiam necessariam, et necessario apponendam in hoc Sacramento, dummodo rite alias non fuerint confessa, et alteri Pœnitentiæ Sacramento subjecta. In altero vero affirmat nec peccata gravata rite alias confessa, nec determinate venialia esse materiam necessariam, sed posse libere ad arbitrium confitentis vel apponi, vel omitti absque præjudicio Sacramenti, et fructus illius : esse tamen illius materiam sufficientem. Reliquum est, ut singulas ejus partes suo ordine comprobemus, idque quam brevissime, utpote nullum intra ecclasiæ in hac parte adversarium habentes, nec fundamentum aliquod, in quo di-ruendo cogamur immorari.

39. Probatur ergo prima pars, seu membrum nostræ catholice assertionis : quoniam hoc Sacramentum non est minus necessarium lapsis post Baptismum, quam nondum regeneratis est necessarius Baptismus : sed non est necessarium propter delenda venialia, quippe quæ aliis remedii remitti possunt ; nec etiam propter originales et actualia sub ipso patrata, utpote ad quæ non se porrigit Pœnitentia, sed attinent ad Baptismum, ut constat ex haec tenuis expensis : nec similiter propter mortalia post Baptismum legitime manifestata in alia confessione : ergo solum est necessarium propter peccata actualia post Baptismum, et alias non confessa : atque ideo hæc tantummodo sunt materia necessaria, id est necessario exhibenda. Major est certa, et docetur expresse in Concilio Tridentino

Quæ si
materiæ?

Sensus
quæstio
nis.

Suade-
tur.

Baron.

Petrus
Oxonensis.

Alfonsus
Carrillo.

dentinae sess. 14, cap. 2, illis verbis : Est autem hoc Sacramentum Pœnitentia lapsis post Baptismum ad salutem necessarium, ut nondum regeneratis ipse Baptismus. Minor etiam constat ex se, et ex eodem Concilio ibi, ubi statuit hoc Sacramentum fuisse institutum ad instar judicii reconciliativi domesticis fidei in medicinam vulnerum, et quorumlibet criminum, quibus post Baptismum se fideles contaminaverint. Sed nullum crimen est, quod necessario posstulet ad sui melelam hoc Sacramentum, nisi peccata actualia gravia, et non confessa, ut constat ex probationibus subinservit in Minoris : ergo haec tantummodo sunt in quorum remedium fuit institutum, et ad quæ est omnino nece sarium in re, vel in voto, uti Baptismus.

Confirmatur, et explicatur ex D. Thoma in hoc art. sol. ad 3. Nam hoc Sacramentum fuit principaliter institutum propter peccata exclusientia Dei gratiam, sicut Baptismus ob originale : sed sola peccata letalitia excludunt ab homine Dei gratiam : ergo haec dumtaxat sunt ei necessario subjicienda ut debeat, sensu vero alia, quæ nec amicitiam cum Deo dicunt, nec unico dumtaxat remedio purgantur, qualia sunt venialia, vel alias rite confessa, vel esto, non fuerint quoad culpam expiata, ut contingit dum fit informe hoc Sacramentum, adhuc non sunt necessario iterum confitenda, utpote jam rite, sed non recte clavibus subjecta.

Secunda pars assertionis, quæ ambit peccata venialia, et mortalia alias legitime confessa non est minus certa quam præcedens, et suadetur quoad venialia determinate, ex doctrina ejusdem Concilii can. 7, de Pœnitentia, ubi damnavit Lutherum, et alios asserentes non esse licitum confiteri venialia. Et cap. 5, illius sessionis docuerat taceri tamen citra culpam, multisque aliis remedis ea expiari posse : ergo ex una parte sunt materia libera, et ex alia ut sufficiens materia hujus Sacramenti sunt habenda ; alioquin enim vel non esset licitum ea confiteri, cum sola confienda sint materia remota, et sufficiens ; vel non essent materia libera, et consequenter non possent alia via, quam medio hoc Sacramento expiari ; quorum quodlibet est contra doctrinam Concilii.

40. Sed objicies Concilium dumtaxat statuisse peccata venialia licite posse retineri, et manifestari, in confessione; quod quidem verum est, et catholicum assertum,

pro hominum usu comprobatum, ut Concilium loquitur, et optime salvator in eademmet confessione mortalium, in qua licite, et citra culpam venialia posunt vel manifestari, vel taceri. Ex hoc tamen non infertur ipsa sola esse materiam sufficientem in hoc Sacramento, et constat a simili, et quidem urgentiori, peccati gravis dubii, quod est confitendum ; et tamen non est materia, nec sufficiens hujus Sacramenti. Ergo ex eo quod peccata venialia possint licite confiteri ut bene statuit Concilium, non bene infertur, ea esse ilius materiam sufficientem ; sed debet apponi alia materia gravior, cum qua conficiatur Sacramento, et sine qua non valet.

41. Hac objectione Franciscum de Ossuna motum suspicamus ad asserendum in suo Alphabete secundo tract 4, cap. 5, litt. D. peccata venialia non esse materiam sufficientem hujus Sacramenti ac subinde, in soiuis peccati venialis confessione nullam gratiam conferri ex opere operato a Sacramento : imo tenetur asserere nullum reipsa confici Sacramento, si consequenter loquatur.

*Ejus tamen sententia in hac parte male audivit apud supremum Tribunal, et ut hæretica expungi jussa est ab Illustrissimo Domino Antonio de Soto Major in expurgatorio anni 1640. Nec mirum cum ex diametro pugnet cum doctrina Concilii, et frequentiori doctissimorum, ac sanctorum hominum usu, qui nullis gravibus culpis præpediti de solis venialibus concutiuntur, et magno fructu confitentur. Et hoc sufficeret ad ejus tam exoticam refellendam positionem. Sed veniamus ad Concilium, ejusque mentem quæ clarissima est. Agebat enim contra Lutherum, qui, ut refertur in Bulla Leonis X contra ejus erroris expedita, disseminabat peccata venialia nullatenus esse confitenda. Cujus Luther. erroris fundamentum erat alius error : *Dum volumus (inquiebat) confiteri pure omnia peccata, nihil aliud facimus, quam quod misericordia Dei nihil volumus relinquere ignoscendum.* Ex quo vel ut principio inferebat perverse, venialia relinqui debere misericordia Dei ignoscenda atque subinde Ecclesiæ judicio non submittenda. Huic dupliciti veneno, ne amplius serperet, duplex antidotum opposuit Tridentinum citato capite, et quod peccata venialia recte, utiliter, et citra omnem præsumptionem confessioni exponantur, ut piorum hominum usus demonstrat, et quod dum omnia, quæ memo-*

Ossuna
succu-
buit
objec-
tioni.

Refelli-
tur.

Soto
Major.

Leon. X.

Trident.

riæ occurruunt, peccata Christi fideles confiteri student, proculdubio omnia divinæ misericordiæ ignoscenda exponunt. Ubi solum statuit differentiam in eo, quod peccata venialia libere possint omitti, non vero quod non possint utiliter Sacramento subjici. Et ratio quam tradit pro mortalibus, etiam militat pro venialibus : quia dum quis ea confiteri studet, proculdubio divinæ misericordiæ ignoscenda exponit. Alias venialia sunt vera peccata veroque dolore indigentia ad sui remissionem : quid ergo vetat se sola esse materiam remotam vero Sacramento expiandam? Nec est simile de peccato dubio, quod sub ratione dubii non importat determinatam materiam, qualem postulat Sacramentalis absolutio; atque ideo non admittit materiam dubiam, sed debet apponi certa Unde retorquetur objecto ; siquidem venialia sunt peccata certa, propria voluntate commissa, et vero, ac supernaturali dolore lugenda ; quod totum requiritur, et sufficit ad materiam proximam, et remotam hujus Sacramenti : non ergo est fundamentum ad asserendum cum ea non posse vere, et cum fructu confici : licet enim Pœnitentia (insurgentem aliam objectionem præoccupamus) sit principaliter instituta in remedium peccatorum gravium post baptismum, ut constat ex dictis, id non officit quominus, supposita ejus institutione, et carentia peccati gravis, se porrigit ad peccata venialia excludenda quæ proprie sunt ejus materia, licet minus D.Thom. principaliter, ut affirmat D. Thomas Sol. ad 3.

Quod enim sit Sacramentum mortuorum tantummodo infert, ante ipsum in re, vel in voto, præcedere peccatum mortale ut in plurimum; non vero probat ante ipsum in re susceptum semper existere, ac comitari ; siquidem queit homo per ejus votum justificari, et in Baptismo appareat, qui etiam est Sacramentum mortuorum, et ex sua institutione tendit in destructionem originalis ; cum tamen in re susceptus non semper ipsum expellat, ut contigit in Cornelio, de quo in actibus Apóst. et aliis ante realem susceptionem baptismi in gratia existentibus. Porro in Pœnitentia viget specialior adhuc ratio ad id asserendum : quia cum sit instituta ad instar medicinæ, non solum sanat, aut sanare potest a morbis lethaliis, sed etiam a levibus, quæ cum leves sunt, ad lethales disponunt, et se ipsi sauciant, et vulnerant animam. Unde licet principalius se in

lethalium medelam exerat, non excludit venialia, sed ut medenda admittit, vel seorsim, vel gravioribus associata, neutrum positive excludendo, nec alterum positive determinando, ut in limine suppsuimus.

42. Quod vero idem asserendum sit de mortalibus rite alias confessis, constat primo ex Benedicto XI in Extravaganti de Privilegiis, ubi declarat non esse quidem necessarium confiteri peccata semel per Sacramentum Pœnitentia remissa ; salubre tamen, et valde utilem fore hujusmodi confessionem : idque approbat piorum hominum non qualiumcumque, sed doctissimorum consuetudo. Verba Pontificis hæc sunt : *Licet de necessitate non sit iterum eadem confiteri peccata : tamen quia propter erubescientiam, quæ magna est Pœnitentia pars, ut eorumdem peccatorum iteretur confessio, reputamus salubre.*

Constat insuper : Nam quod peccata semel confessa iterum atque iterum manifestentur, et ecclesiæ clavibus subjiciantur, cedit quam plurimum in commendationem hujus Sacramenti ; quod cum medicinale sit, sæpius repetitum magis et magis sanitatem affirmat, auget, et promovet, excitando ad ferventiores Charitatis, et Pœnitentia actus, mediis quibus voluntas firmius adhæret summo bono, et declinat promptius a quolibet malo. Unde nascitur simul urgere in utilitatem frequentius eo utenti : quia licet non remittat peccata alias remissa, de quo infra, auget tamen gratiam sanantem, et minuit reatum ad poenam temporalem ex peccatis condonatis relatum, qui quidem non omnino tollitur quilibet Sacramentali penitentia, nisi accesserint magni nostri fletus, et labores, ut supra nos docuit Concilium Tridentinum. Valde ergo proficuus est usus Sacramentalis pœnitentia circa peccata rite alias confessa, nec est caput ea excludendi a ratione materiae remotæ hujus Sacramenti, quoties penitens ea voluerit apponere.

Accedit quod Concilium in eodem cap. 2, præmisserat hæc verba : *Ante hoc tribunal tamquam reos sisti voluit, ut per Sacerdotem sententiam non semel, sed quoties ab admissis peccatis ad ipsum pertinentes confugerint, possent liberari.* Ubi licet directe loquatur de non confessis; haud obscure insinuat, vel ad minus non positive excludit, quoties accesserint cum peccatis admissis, posse liberari in sensu explicato.

Quid de mortalibus jam confessis Bene-dict. XI.

Confir-matur primo.

Con-firm. 2. Trident.

Urgetur. Eo vel maxime quod nova adsit, et adesse debeat materia proxima scilicet **nova contritio**, nova confessio, et nova etiam satisfactio. Unde ergo excludetur a ratione veri Sacramenti ob partium essentialium defectum? Quocirca audiendi non sunt, quin ab omnibus rejiciuntur, Ricardus in 4, dist. 18, art. 2, quæst. 4 et Guillelmus de Rubione dist. 15, quæst. 2, docentes peccata confessa non esse materiam Pœnitentiæ, sed adjicendum novum aliquod peccatum saltem veniale pro materia sufficienti.

Ricard. Guillelmus de Rubione dist. 15, quæst. 2, docentes peccata confessa non esse materiam Pœnitentiæ, sed adjicendum novum aliquod peccatum saltem veniale pro materia sufficienti.

Obiectio. 43. Sed objicies: Forma hujus Sacramenti nequit bis cadere supra eadem peccata: ergo eadem materia nequit iterato subjici ipsius formæ. Antecedens constat a paritate Eucharistiae, in qua non est locus iterum consecrandi species consecrata, et simul a ratione, quoniam ut salvetur forma hujus Sacramenti, debet verificari vera absolutio a peccatis; cum tamen jam alias sint remissa: ergo in forma hujus Sacramenti neutiquam potest verificari quod bis cadat supra eadem peccata.

espon-
suo. Respondeatur nezandum esse Antecedens, loquendo, ut loquimur, de materia remota, qualia esse peccata supponitur. Cujus probatio etiam fallit, nam (ut exemplum alio duplici retundamus exemplo) eadem aqua Baptismi possunt plures successive baptizari; et (quod æque urget) eisdem calice ac patena, quæ sunt materia remota, pene innumeri sacris ordinibus insigniuntur, quin inde aliquis collatorum ordinum nullitatem ausus fuerit suspicari, aut eorum collationem ambiguam reddere. Et ratio est prorsus eadem utrobique: etenim Sacraenta exigunt quidem essentialiter materiam sui remotam; non tamen ex materia remota essentialiter constituuntur, sed ex proxima, et ex forma. Unde stante eadem materia remota, variata proxima, variatur, et subsistit Sacramentum, ut proxima exempla demonstrant. Quod autem id non in omnibus Sacraementis reperiatur, ut in Eucharistia non reperiri constat, non provenit ex ratione communi Sacraenti, sed ex alia radice juxta qualitatem materiæ. Ad secundam Antecedentis probationem distinguenda est Major: debet verificari vera absolutio a peccatis, apertitudinalis, et quantum est ex vi Sacraenti, conceditur. Neganda est tamen si loquatur de actuali, et exercita solutione: quoniam hoc Sacramentum in absentia

obicis petit quidem, et reipsa infallibiliter consert, augere gratiam, et eminus impedimenta revellere; non vero postulat essentialiter actualiter excludere jam exclusa, nisi ad summum in radice, quatenus auget gratiam medicinalem, in qua inest tanquam in causa formalii peccatorum remissio. In quo sensu salvatur vera absolutio a peccatis medio gratiæ incremento per Sacramentum inducto, quatenus illud augmentum de se aptum erat peccata confessa depellere, et abjecere, si non alias fuissent abjecta, et depulsa. Unde concessa, vel explicata ad hunc sensum Minor, neganda est Consequentia. De qua infra prolixior sermo redibit tractando de absolutionis sensu.

44. Sunt qui occasione hujus quæstionis longiorem aliam disputationem texant circa peccata dubia, an sint, vel non sint materia remota hujus Sacramenti? Quibus in hac parte morem genere non placet, cum res sit alterius loci, a quo non potest divelli, quin doctrinæ ordo citra causam invertatur. Sive enim asseratur peccata dubia non esse necessario explicanda, ut aliqui paucis abhinc annis veriti non sunt asserere, despctis antiquis, et solidissimis fundamentis; sive oppositum affirmetur, ut revera affirmandum est, numquam est verum peccata dubia ut dubia fore materiam remotam hujus Sacramenti: quandoquidem in omni sententia confitendum est aliquod peccatum certum supra quod cadat absolutio. Quod si deficiat, conditionate tantummodo proferenda erit, de quo in tractatu de Confessione, ubi propriam sidem sibi vindicabit hæc difficultas. Modo sufficiat determinasse qualiter se habeat hoc Sacramentum circa peccata ante Baptismum, et post Baptismum juxta communem ac veram doctrinam. Contra quam nulla est relatu digna sententia, nec argumentum, quod ex dictis non sit facile diruere. Sed ut nihil relinquamus intactum, superest, explicemus quid sentiendum de peccatis in ipso Baptismo commissis; ad quodnam videlicet horum Sacraementorum pertineant, vel ad Baptismum, cui coexistunt, vel ad Pœnitentiam, quam anteverunt? Quod quidem sequenti dubio examinare studebimus.

Quid de
peccatis
dubiis.

DUBIUM II.

*Utrum peccata commissa in ipsa receptione
Baptismi sint materia Pœnitentia?*

Præli-
baada.

45. Ad clariorem hujus difficultatis expeditionem recolenda sunt, quæ circa causalitatem Sacramentorum tomo præced. tract. de Sacramentis in genere scripta reliquimus, ubi examinata est illa quæstio: *Quandonam Sacraenta causent gratiam, vel in tempore, vel instanti?* Ubi etiam explicuimus quale sit hoc instans, qualiterque se habeat ad partes successivatemporis antecedentis, quibus probatio verborum in confectione Sacramentorum respondet; quandoquidem non instantanea, sed successive proferuntur, atque ideo illis assignari debet et tempus, et instans terminativum, seu quod idem est, ultimum mutatum esse illorum, sicut cuilibet alii motui de genere successivorum.

Infer-
tur 1. Ex quibus duo quoad præsens satis opportuna elicuntur. Primum est dupliciter posse intervenire peccata in celebratione Baptismi; vel ita ut committantur toto tempore, aut aliqua parte illius, seu in instantibus intermedii, quin perduret actus peccandi, usque ad ultimum mutatum esse verborum, sed ante ipsum finiatur. Vel taliter, quod in eodemmet instanti, in quo complendus, ac perficiendus erat Baptismus, homo delinquit graviter, nec amplius duret, sed verum sit affirmare hæc duo: *Nunc est peccatum actuale, et immediate ante non fuit: Nunc est peccatum actuale, et immediate post non erit,* quidquid sit de macula habituali ex peccato actuali relictâ, quæ tandi durare potest, quandiu actus pravus vel formaliter, vel virtualiter non retractetur.

Elatio 2. 46. Habemus secundo pravos actus elicitos intra Baptismum, non tamen pertingentes ad ultimum ejus instans, in quo habet effectum, vel habere petit, absolute non opponi ipsi Baptismo: cum contingere possit in ipsomet instanti elicere baptizatum actum displicantæ, et retractationis actuum antecedentium. In quò casu ut bene vidit Lugo de Pœnitentia disp. 16, sect. 1, non fraudaretur Baptismus fructu, nec pœnitens maneret in peccato. Unde ut locus sit quæstioni in hac parte, debet a disputantibus supponi prædicta peccata non esse retractata vel ante instans, vel in ipsomet instanti perfectionis Baptismi,

intra cujus celebrationem fuerunt commissa modo dicto.

Porro ultra prædicta peccata, vel baptismi tempore, vel in ipsomet instanti terminativo incursa, quæ possunt esse diversarum specierum, utputa injustitiæ, luxuriæ, vel alterius vitii, superest aliud speciale peccatum, quod incomplexe nominatur *Fictio*, et explicatur a D. Thoma in 4, dist. 4, quæst. 3, art. 2 ad 1, his verbis: *Fictio proprie est, cum aliquis aliquid ostendit dicto, vel facto, quod non est in rei veritate. Hoc autem contingit dupliciter. Uno modo, quando ex hac intentione aliquid dicitur, vel fit, ut aliud ostendatur, quam rei veritas habet, et tunc fictio est speciale peccatum, et sic non accipitur hic; Alio modo quando aliquid ostenditur, quod rei veritas non habet, dicto, vel facto; etiam si non propter hoc dicitur, vel fiat, et sic accipitur hic fictio. Quicunque etiam ad Baptismum accedit, ostendit se veteri vita abrenuntiare, et novam inchoare: unde si voluntas ejus, adhuc in velutate vita remaneat, aliud ostendit, quam sit in rei veritate et ideo est fictio.* Ubi, ut vides, quoties quis accedit rationis compos ad Baptismum cum effectu ad peccatum grave, si non illum deponit, et anteactæ vitæ ipsum pœnitit ad minus per veram attritionem, ut docent Theologi in materia de Baptismo, non digne, sed fictie accedit, inchoando vitam, et veterem non exuendo; adhuc supposita, ut semper debet supponi, recta intentione accipiendi verum Sacramentum, sine qua nec fructum, nec ipsum Sacramentum recipere. In quo quidem eventu ultra illud peccatum, cui manebat obstrictus, aliud profecto committit specialius irreligiositatis, seu sacrilegii, voluntarie accipiendo Baptismum cum indispositione positive contraria ad fructum. Ex quibus primum est fictio materialis, quam dicit D. Thomas non esse speciale peccatum, hoc est specialiter oppositum virtuti veritatis, ut constat ex argumento, cui occurrit. Secundum vero est fictio formalis contra reverentiam debitam Sacramento, quod indigne recipere intendit. De quo asseruit D. Thomas in hac 3 p. quæst. 69, art. 9, quod fictio hæc quodammodo includit omne peccatum, quatenus per se supponit aliquod peccatum, non determinans quod sit hujus, vel illius malitiæ. Cui quidem accedit voluntas Sacramentum recipiendi absque vera attritione illius, quæ est formalis fictio, oppo-

Fictio
quid sit.

sita

Lugo.

sita non Sacramento, quod vere intendit recipere; sed illius fructui, quæ est gratia.

Cum quo tamen cohæret (interveniente ignorantia invincibili, et consequenter bona fide vel circa necessitatem attritionis ad digne accedendum; vel circa ejus existentiam revera non appositam, licet falso existimetur apponi) per accidentis non committi novum illud peccatum formalis fictionis. In quo eveniu impeditur fructus Sacramenti a peccato præexistenti non detestato, et labitur homo in fictionem pure negativam, non tamen voluntariam, et positivam, ut accidit in prima, quæ est frequentior.

47. Unde satis constat, quodnam sit subjectum, seu materia circa quam hujus dubii nimirum peccata inter baptismum celebrandum patrata, et peccata, in ipso instanti terminativo, et co ipletivo commissa, ac tandem formalis fictio, seu voluntas Baptismum sacrilege, et absque fructu recipiendi. Quocirca ad illi plene satisfaciendum triplex statuenda, et stabilienda erit assertio. Sed ut a facilitioribus nos expediamus sit

§ I.

Difficultatis decisio quoad peccata inter baptizandum commissa.

48. Dicendum est primo peccata primo modo comitantia Baptismum non esse materiam Pœnitentiae, sed pertinere ad Baptismum, a quo sunt delenda Hanc assertionem docent communiter discipuli Thomæ, et docere tenentur alii extra ejus schoolam, si consequenter loquantur, dum asserunt omnia peccata ante Baptismum non pertinere ad Pœnitentiam. Eamque ut minimum evincunt testimonia Concilii, D. Augustini, et D. Thomæ supra allegata, ex quibus omnibus habetur peccata, quæ sunt materia Pœnitentiae, supponere Baptismum re ipsa susceptum: sed prædicta peccata non supponunt Baptismum re ipsa susceptum, sed tota illorum malitia completa, et terminata est ante instantis perfectivum, ac terminativum illius: ergo prædicta peccata non possunt esse materia per Pœnitentiam destruenda.

Ad hæc peccata quæ committuntur ante characterem impressum in anima, non sunt hominis Christiani: sed peccata re censita perpetrata sunt ante impressionem characteris: ergo ea peccata non sunt pec-

cata hominis Christiani: sed peccata hominis non Christiani non delentur, nisi per Baptismum, ut constat ex dictis toto dubio præcedenti: ergo prædicta peccata ut delenda non pertinent ad pœnitentiam, sed ad Baptismum. Cætera constant præter Minorem, de qua anceps Cardinalis de Lugo ubi supra: nam character Baptismi non producitur in anima tempore intermedio Baptismi, aut in instanti continuativo partium, sed in ultimo, quod est terminativum, ut contra ipsum, et alios probavimus loco supra citato de Sacramentis in genere: sed peccata, de quibus est sermo, commissa sunt, ut supponitur ante instans terminativum, seu ultimum mutatum esse prolationis formæ Baptismi: ergo prædicta peccata non pertinent ut delenda nisi ad Baptismum.

49. Hoc autem fundamentum, quatenus Replica, nititur in doctrina Concilii, dirui videtur aliquorum doctrina, quos suppressis nominibus refert Lugo, disp. 16, sect. 1, Lugo. num. 12, docentium Concilium statuisse quod certum erat, videlicet peccata post Baptismum esse materiam Pœnitentiae; non vero determinasse, quod ambiguum, et sub opinione, quin imo ab eo abstinuisse. Erat autem in opinione, an peccata in Baptismo commissa sint materia Pœnitentiae? Et hanc indecisam reliquit Theologorum examini, et probationibus. Et quod attinet ad mentem D. Thomæ sunt etiam, qui apud Granados de Pœnit. contr. 7, disp. 3, num. 6, respondeant S. Doctorem solum comprehendisse peccata habitualia existentia cum Baptismo, non vero actualia in ejus celebratione admissa. Hinc vero haud obscure detegitur debilitas, et fallacia præacti fundamenti, utpote quod procedit ex sinistra Tridentini, et D. Thomæ intelligentia.

50. Utraque tamen ista evasio frivola est, et nimirum distorta contra expressam, et valde perspicuam doctrinam. Nam in primis Concilium Sacramentum cum Sacramento, et materiam unius cum alterius materia conferendo, de Baptismo asserit esse institutum in remedium peccati originalis, atque ideo ejus materiam expellendam esse peccatum originale cum actualibus, de quibus, quia foris sunt, nequit Ecclesia judicare. De Pœnitentia vero docet esse prorsus homini necessariam, si aliquo se post Baptismum criminis contaminaverit. Ex his autem principiis immediate, et rectissime subsumitur,

sser-
to 1.

Thom.
i scie-
nti.

Bonil.
rid.
Au-
gust.

nfirm.

Granad.

Repelli-
tur.

omnia illa peccata, quæ antecedunt Baptismi effectum indispensabilem, qualis est character, accensenda fore inter peccata Baptismum præcedentia atque ideo medio Baptismo, et non alio Sacramento esse pellenda, et expianda. Et similiter omnia illa, quæ supponunt Characterem, unice Pœnitentiae auferenda servari. Et hac distributione servata, singula singulis distribuendo legitime infertur per consequentiam nostro judicio necessariam, peccata inter Baptismum admissa pro priori ad ejus effectum, qualia sunt, quæ ad hanc pertinent considerationem, non ad Pœnitentiam, sed ad Baptismum ut extirpanda pertinere. Quod enim ita clare in Concilio non sit definitum, ut obtenditur in evasione, nostra non refert; sed sufficit ex doctrina Concilii legitime inferri; alias dumtaxat in Conciliis expresse statuta, ac definita possent firmiter sustineri, quasi non essent consequentiæ Theologicæ, et evidentes licet in Conciliis non expressæ, ex illorum tamen principiis efficaciter il-latae.

Nec nutat, aut fallit nostrum fundamen-tum ex eo quod supponat Sacra-menta non in tempore, sed in instanti, et hoc, terminativo, inducere suum effectum, ut iterum possit obtendi: nam illud principium satis, superque firmatum relinquimus suo proprio loco, et authoritate, et ratione, a quo iterum agendo supersedendum est hic, il-luc mittendo lectorem.

Et quidem quibus tantopere placet op-nandi licentia, explicent legitimum sensum verborum illorum Tridentini sess. 14, cap. 2: *Cum Ecclesia in neminem judicium exerceat, qui non prius in ipsam per Baptismi januam fuerit ingressus.* In quo non loqui de judicio externo, et quasi forensi ad compellendum per censuras (ut aliqui arbitrari videntur) sed de judicio Sacra-mentalii, evidentissime apparet ex epigra-phe ipsius capitis, de differentia Sacramenti Pœnitentiaz, et Baptismi, quin ulteriori pon-deratione indigeat. Et profecto qui hac nostra via non incesserint, fatendum erit illis *Ecclesiam judicium exercere in ali- quem, qui non prius in ipsam per Baptismi januam fuerit ingressus;* quæ propositio contradictrorie opponitur propositioni Con-cilii.

Vindica-
tur
D.Thom.

51. Nec est firmior explicatio doctrinæ D. Thomæ, quandoquidem non loqui de peccato habituali multo ante commisso (de cuius existentia cum originali in adul-

tis irrationali omnino esset dubitare), sed de actu intra Baptismum perpetrato, ipse textus demonstrat, dicens solutione ad se-cundum illius articuli decimi sæpe allegati ex quæst. 69: *Baptismus aufert culpam, et reatum omnium peccatorum præcedentium Baptismum* (ecce peccata habitualia ante-derter facta) et *etiam simul* (en actualia) *existentium cum Baptismo.* Clarior adhuc est solutio ad 3 immediate subjuncta, ubi habetur, quod *effectus Baptismi non est tolle-re peccata futura, sed præsentia, vel præterita.* Quæ distinctio esset ineptissima, si loqueretur de peccato habituali tantum, siquidem quoad maculam tam præsentia sunt, nec magis præterita crimina jam diu facta ante Baptismum, quam in ipso Baptismo admissa, ut constat. Non ergo locu-tus est Angelicus Doctor de peccatis D.Thom habitualibus tantum, quæ præcesserant Baptismum, sed etiam de actualibus, quo-rum in ipsa Baptismi celebratione contin-git hominem reum fieri.

52. Aliud potest esse effugium, ex doc-trina Scoti in 4, dist. 4, quæst. 5, ubi propositionem illam universalem, quod *Pœnitentia dumtaxat se exerit in peccata post Baptismum,* cui adæquate innititur prædictum fundamentum, explicat intel-lectum iri vel de peccatis post Baptismum, vel de ita inhærentibus, ut de illis nec attritio, nec contritio fuerit in Baptismo, vel ante Baptismum. Juxta quam doctri-na ad Pœnitentiam pertinent non tantum peccata, in quæ incidit homo post Baptis-mum, verum, et omnia illa, jam diu com-missa, quorum non pœnituit hominem; vel ante, vel in ipso Baptismo: siquidem omnia ista sunt causa ficte accedendi. Se-cus vero est, si præcesserit aliquis eorum dolor attritionis, vel contritionis, in quo casu non ad Pœnitentiam, sed ad Baptis-mum pertinent. Ita Scotus ubi nuper, quem refert, et sequitur Delgadillo de Pœ-nit. cap. 14, dub. 4, num. 6, asserens esse plurim aliorum.

53. Verum, effugium istud facile occlu-ditur instaurando et urgendo doctrinam Concilii, in quo distribuitur universaliter inter peccata ante Baptismum; et inter ip-sum supponentia, et hæc spectare docemur ad Pœnitentiam, illa vero ad solum Baptis-mum. Quæ distributio falleret, si aliqua peccata ante Baptismum ad Pœnitentiam spectarent. Rursus jam Ecclesia exercret judicium in delicta extra ecclesiam com-missa; quod contradictrorie opponitur pro-positioni

Scoti

evasio.

Scotus

Delga-dillo.

Conf.

positioni universalis negativae Tridentini, ut supra intulimus. Praeterea, quia non est majus fundamentum ad illa, quam ista excludenda, siquidem omnia supponuntur commissa extra Ecclesiam; quando homo non erat Christianus. Quod enim in Baptismo, vel ante baptismum contrahantur, dummodo sit antequam charactere homo insigniatur, non refert; siquidem verum est fieri ea peccata ab homine non Christiano, et consequenter non subdito iudicio Ecclesiae. Nec similiter quod ea peccata sint causa fictie accedendi, interest; quandoquidem aliud est formalis fictio, quae coincidit cum sacrilega, et irreverenti susceptione, aliud peccatum ipsam antecedens. Et ex eo quod fictio subjaceat jurisdictioni Ecclesiae, utpote supponens Baptismum de quo infra, neutiquam bene colligitur, peccatum fictionis causam Baptismum supponere, ut de se liquet. Semel autem atque illum non supponat, est verum non esse intra Ecclesiae jurisdictionem; atque ideo verum etiam est non pertinere ad poenitentiam quae solum in ecclesiæ filios vires exerit.

Quod tandem causatur Scotus, et magnifici discipuli, de dolore antea habitu, vel non habito ante Baptismum, ad alia excludenda a Baptismi efficacia, alia ipsi reponenda; omnino impertinens est ad presentem quæstionem: siquidem quod aliquorum præcesserit dolor, neutiquam vero aliorum, non infert, nec inferre potest, aliqua fuisse dimissa ante Baptismum vel in ipso Baptismo, retentis aliis, quorum non fuit dolor, ut vel ipse Scotus supponit, et supponere debent alumni: alias vero omnia sunt facta ante Baptismum, et Baptismi effectum, et æque sunt præsentia quoad maculam relictam. Nullum ergo est fundamentum ad inter ea ita discernendum, sed omnia, vel nulla pertinent ad Baptismum, vel ad Pœnitentiam: non ad istam, ut constat ex doctrina Concilii id non permittente: ergo cuncta illa peccata absque distinctione diluenda sunt per Baptismum, et nullum illorum per Pœnitentiam. Id quod ex sequenti conclusione a fortiori constabit.

§ II.

Quid tenendum de peccatis in ipso Baptismo instanti.

on
de in-
S istæ.

Sunda
stio.

54. Dicendum est secundo peccata com-

missa in ipsomet instanti terminativo Baptismi non esse materiam Pœnitentiae. Hæc assertio non est æque communis, et certa, ac præcedens, cum contra se habeat graves Authores tam intra, quam extra scholam D. Thomæ. Est tamen conformior doctrinæ Tridentini, D. Augustini, et D. Thomæ, cui proinde subscribunt ex domesticis Cajet. in commen. ad art. 10, saepius citatum, Soto in 4, dist. 6, quæst. 1, art. 8. Nuno in præsenti, et ad prædictum art. dub. 2. Martinez de Prado ibi dub. 5, § 3, n. 21, dicens esse communem inter Thomistas (quod etiam fateatur Cardinalis de Lugo) Parra, N. Gabriel a sancto Vincentio disp. 8, q. 4, et alii. Ex extraneis vero Suarez tom. 3, in 3 p. disp. 28, sect. 5, post tertiam conclusiōnem, § Sed quæres, Henriquez lib. 1, de Pœnit. cap. 9, § 6. Diana 3 p. tract. 4, resolut. 44. Valentia tom. 4, disp. 4, quæst. 4, punct. 2. Vasquez disp. 160, cap. 2. Granados controv. 7, de Pœnit. diff. 3.

Porro ut ejus fundamentalem, et satis efficacem rationem construamus, præ ocu- lis habendum est principium non semel insinuatum, quod in hac parte est veluti basis omnium, vel fere omnium conclusiōnum, scilicet in hac materia Sacramen- torum rem non tam ratione, quam autho- ritate actam iri. Cum enim Sacraenta sint signa ad placitum ex mera Christi vo- luntate pendentia, non aliud, nec aliter potest humana ratio de illis asserere, quam quod ex Christi Domini instituentis volun- tate constiterit, vel legitime deduci potue- rit. Unde in hac parte vitandæ, et prorsus abjiciendæ ac repellendæ sunt omnes illa- tiones, quæ potentiam vel absolutam, vel alterius ordinis concernunt, utpote nullæ, et omnino extra casum, siquidem non de potentia institutoris, sed de eo quod de facto ab ipso institutum est, disputatur. Nec similiter quisque pro suo libito debet eorum efficaciam, aut, ut ita dicamus, activitatis sphærām porrigit, aut coarctare, quasi arbiter illorum finis; cum hic non dependeat ex cuiuslibet ratiocinatione, et discursu; sed ex sola, et omnino libera, semper tamen rectissima Christi designa- tionē, qua cuiilibet eorum prestituit me- tam, quam non transgredientur, quam- tumvis aliorum discursibus protrahantur.

Verum enim vero Christi voluntas in se ipsa nos latuerit nec fuerit quoad hoc ex- pressæ revelata, non aliunde eam aptius

Cajet.
Soto.
Nuno.
Martí-
nez de
Prado.

Lugo.
Parra.
N. Ga-
briel.
Suarez.
Henri-
quez.
Diana.
Valen-
cia.
Vazquez.
Granado-
sos.

Praeli-
banda.

D. Au-
gust.
D. Thom.

venari concessum est, quam per doctrinam Concilii, quod est veluti organum divinæ mentis, et sanctorum Patrum, præcipue vero D. Augustini, et D. Thomæ, qui accuratius hanc materiam discusserunt, et ad unguem examinarunt. Quocirca illa sententia erit amplectenda, et pro viribus propugnanda, quæ vel certo deducitur, vel conformior apparer eorum assertis, et consequenter illa respuenda, et rejicienda, quæ magis distat, vel non ita consonat cum eorum doctrinis. Hac jacta, et a nemine, ut credimus, neganda, basi

55. Probatur nostra conclusio sequenti discursu : etenim ea dumtaxat peccata sunt, et assignari debent pro materia remota Sacramenti Pœnitentiæ, quæ constiterit assignari a Concilio, vel ipsi conformius extiterit, nec non doctrinae DD. Augustini, et Thomæ. Hæc autem non sunt peccata in ipsomet instanti Baptismi commissa : ergo peccata, in quæ quis fuit lapsus in ipsomet instanti Baptismi, non sunt materia Sacramenti Pœnitentiæ. Consequentia est in forma. Major constat ex fundamento præmisso, cui nullus Catholicorum apud quem non præstet libertas opinandi, quam Conciliorum, et SS. PP. doctrina, refragari audebit. Minor, ad quam devolvitur difficultas, probanda est quoad singulas partes, et primo quoad primam ex Concilio Tridentino sess. 14, cap. 1, ubi loquens de necessitate, et institutione hujus Sacramenti post Baptismum inquit : *Illi Christum Dominum remedium contulisse, qui se postea in peccati servitatem, et dæmonis potestatem tradidissent, Sacramentum videlicet Pœnitentiæ, quo lapsis post Baptismum beneficium mortis Christi applicatur.* Ubi tota necessitas, et utilitas Pœnitentiæ reducitur ad peccata post Baptismum, nulla facta mentione aliorum, quæ possunt ipsum comitari in instanti, utpote quæ manebant inclusa in antecedentibus pertinentibus ad Baptismum. Quam sententiam iterum usurpat prope finem illius capituli docens universorum Patrum consensu semper intellectum fuisse communicatam Apostolis potestatem remittendi peccata hominibus post Baptismum lapsis. Non ergo concessa illis fuit ad peccata remittenda in Baptismi susceptione. Probatur hæc Consequentia ex eodemmet Concilio cap. immediate sequenti, ubi quamlibet tergiversationem excludit docens : *Ecclesiam in neminem judicium exercere, qui non prius in ipsam per Bap-*

tismi januam fuerit ingressus. Sed homo lapsus in ipsomet puncto terminativo Baptismi non fuit prius in ipsam ecclesiam per Baptismi januam ingressus. Ergo non est in ecclesia potestas in illum pro illo instanti judicium Pœnitentiale exercendi : et consequenter ex mente Concilii peccata illius instantis non sunt materia Pœnitentiæ, sed pertinent ad Baptismum.

56. Confirmatur, et explicatur id ipsum : quoniam si ea peccata forent Pœnitentiæ materia, proculdubio essent media illorum confessione; non enim per se loquendo aliter queunt sub Pœnitentiam cadere. Sed iuxta doctrinam Concilii ea peccata non cadunt sub confessionem : ergo nec consequenter sub Pœnitentiam. Probatur Minor ex cap. 5 et can. 1, illius sess. ubi docetur Christum Dominum integrum peccatorum confessionem instituisse pro omnibus post Baptismum lapsis, eisque hoc pacto jure divino necessariam existere. Quæ doctrina cum universalis, et doctrinalis sit, virtualiter continet exclusivam alterius peccati, quod non fuerit post Baptismum. Sicut quando in eodem Concilio asseritur, aquam naturalem esse materiam Baptismi, et triticeum panem Eucharistie, sensus legitimus est nullam aquam, quæ non fuerit vere naturalis, nec ullum panem non vere triticeum esse materiam illorum Sacramentorum. Ergo dum tam universaliter statutum Concilium necessitatem confessionis pro lapsis post Baptismum, sensus proprius ejus est nullum aliud preter post Baptismum commissum esse materiam confessionis, ac subinde Pœnitentiæ.

57. Occurrit tamen Lugo dicens Concilium non asservuisse, quod non possit Ecclesia judicare de peccato, quod antequam fieret, homo non fuisset in Ecclesiam ingressus, sed solum dicit, quod homo debet esse in Ecclesiam ingressus, prius quam Ecclesia exerceat judicium in ipsum. Ita ille ad verbum, ubi totam posterioritatem a Concilio statutam reducit ad judicium, non vero ad peccatum.

Sed quis non videat hanc explicationem disjunctim esse distortam, et ab scopo Concilii penitus abeuntem? Tum quia ea expositio nequitquam adaptari potest verbis, quæ restulimus ex cap. 1, ubi clarissimum est posterioritatem referri ad peccatum post Baptismum, non vero ad judicium siquidem lapsis post Baptismum, statuit adhibitum esse remedium Pœnitentiæ, et confessionis nulla facta mentione judicii. Quin

imo

imo consequenter ad ibi dicta, cap. 2, immediate iterum docuit, voluisse Christum ante tribunal Pœnitentiæ eos omnes sisti, qui se postea (id est postquam medio Baptismo facti sunt membra Christi, ut ibi habetur) *crimine aliquo contaminaverint*. Ubi sole clarius est posterioritatem cadere supra peccatum subsecutum ad Baptismum, et non supra judicium. Præterea; nam ipsum Concilium vel leviter salutanti, satis perspicue apparebit, quod unum et alterum intendat, et revera doceat, cum ecclesiam in nominem exercere judicium Pœnitentiale qui non prius in ipsam non fuerit ingressus: tum et ipsa peccata post Baptismum non commissa ad hoc tribunal non pertinere, ut constat ex verbis illico appositis, in quibus docet eos qui postea quam facti sunt membra Christi, aliquo se crimine contaminaverint, ante hoc tribunal sisti debere. Ubi non reliquit effugium ad prioritatem, vel posterioritatem judicii, sed clare posterioritatem peccato detulit, quod debeat esse post Baptismum.

Et quidem si sensus Concilii tantum esset, ut obtendit Lugo, quod homo debet esse in ecclesiam ingressus, prius quam ecclesia exerceat judicium in ipsum; plane conficeretur posse ecclesiam judicare de peccatis retro ante Baptismum, in homine baptismo insignito; quod est contra ipsum, et contra communem Theologorum assertum. Ex quo rursus fieret omnia peccata jam diu retro ante admissa non remitti totaliter, et quoad culpam, et quoad poenam per Baptismum. Porro unum, et alterum sequi constat: nam ut ecclesia judicet hominem solum desideratur, quod homo debeat esse intra ecclesiam priusquam ecclesia in ipsum suum exerceat judicium. Hæc autem propositio æque vera est, sive diu ante, sive paululum, sive in ipsomet instanti Baptismi lapsus fuerit homo: ergo in vi illius Concilium non exclusit peccata ante Baptismum, sed solum absolute asseruit, hominem debere esse intra ecclesiam, etiam si peccata extra illam sint facta. Quod vero alterum inferatur sic ostenditur: nam pro peccatis judicio Pœnitentiæ expositis debetur aliqua satisfactio, quamvis contingat eam aliquando ob penuriam vel temporis, vel alterius circumstantiæ non imponi: quod est signum a posteriori ea non penitus esse deleta, quoad omnem reatum pœnæ temporalis; idque supponitur ab eodem Con-

cilio in fine illius capituli dicente, quod Sacramentum Pœnitentiæ pervenire non potest ad integratatem et perfectam novitatem vitae, qualem consequimur in Baptismo, nisi magnis nostris fletibus, et laboribus. Sed juxta glossam illam Lugonis ecclesia potest judicare de peccatis extra ecclesiam commissis in foro pœnitentiali in hominem intra ecclesiam existentem: ergo et imponere illi satisfactionem pro delictis, in qua fuerit lapsus ante Baptismum: non ergo ea remittenda quoad culpam, et poenam relinquuntur Baptismo, si quidem subjacent Pœnitentiæ

58. Confirmatur, et explicatur ad hominem. Nam juxta Concilium, et rei veritatem omnia peccata reducuntur in duas classes, quarum una est eorum, quæ sunt ante Baptismum, altera illorum quæ sunt post Baptismum, ut fatetur ipse Lugo: et cuilibet earum provisum fuit a Christo Domino speciale, ac proprium remedium, primæ videlicet Baptismus, secundæ vero Pœnitentia. Sed pœnitentiæ assignat ipsum Concilium dumtaxat peccata post Baptismum, ut constat evidenter ex ejus verbis. Ergo omnia alia censuit Concilium ad Baptismum pertinere alias, diminute processisset, non dinumerando omnia peccata ad Pœnitentiam spectantia, siquidem aliqua non post Baptismum erant ejus materia.

Ad hæc. Norma in hac parte vere theologizando, ut supra ex omnium sententia præmonuimus, non est proprius discursus, ad quem Concilia, et Patres detorqueamus, et vel invitos trahamus; sed e converso illorum verba, et sensa tenenda sunt, et ex illis nostra argumenta deducenda. Sed ex Tridentino constat evidenter peccata post Baptismum fuisse a Christo Domino Pœnitentiæ destinata: ergo non procedit ad mentem Concilii ejus doctrinam amplians ad peccatum non post Baptismum. Quaenam enim facilitate sine fundamento in Concilio id asseritur, eadem cum magno fundamento repellitur.

59. Hæc forte præsentiens prædictus author, et impugnatæ explicationi parum fidens confugit ad aliam dicens Concilium ibi non loqui de omnibus baptisatis, sed de iis solis, qui digne baptizantur, et consequenter gratia profunduntur. Hi autem utpote viva, et perfecta Christi membra, si postea lapsi fuerint, remedio indigent Pœnitentiæ, de quibus prouide recte, et absque offendiculo currit doctrina Concilii.

Alia
Gardina-
lis de
Lugo
solutio.

Quam quidem non protrahendam existimat ad indigne suscipientes Baptismum; quippe qui eo non efficiuntur proprie, et simpliciter membra Ecclesiæ, sed imperfecte: quorum ideo non meminit Tridentinum. Unde ejus legitimus, ac genuinus sensus est, eos, qui in Baptismo sunt membra Christi, non indigere Pœnitentia, nisi ad peccata, quibus decursu temporis se contaminaverint; secus est de aliis Baptismo non sanctificatis, de quibus Concilium non egit.

Enervatur.

60. Hoc tamen effugium imbecillius est præcedenti, et claudicare videtur ex alio capite: siquidem doctrinam generalem illius coartat ad membra viva, et absque autoritate, et ratione excludit alia membra proprie talia, qualia esse habentia fidem, licet in peccato mortali existentia docuit D. Thomas supra quæst. 8, art. 3 et ex ipso, et communis discipulorum doctrina statuimus ibi agentes de gratia capitali, ubi ad veram rationem membra Christi, seu, quod idem est, ecclesiæ, solam convenientiam in uno credito satis esse monstravimus; alioqui non essent modo in ecclesia propria membra nisi quæ essent in gratia. Quod esse falsissimum vel inde constat, quod summus Pontifex utpote caput et Vicarius Christi vere est ex membris ejus potius, imo et potissimum absque ulla dubitate ratione: cum tamen lateat, an sit membrum vivum? Non ergo ad rationem veri et proprii membra Ecclesiæ requiritur gratia, sed sola fides. Constat autem hanc, sicut et spem Theologicam simul cum charactere infundi indigne, vero tamen baptismo abluti: ergo efficiuntur vera et propria membra ecclesiæ, quin obsit peccatum indigne susceptionis.

Urgetur fundam.

61. Et hinc reassumunt vires nostræ probationes, et simul detegitur debilitas interpretationis oppositæ. Siquidem Tridentinum docet a vere, et proprie membris ecclesiæ post Baptismum commissa delicta fore subjicienda judicio Pœnitentiali, nulla facta mentione alterius delicti: sed indigne baptizati sunt vere, et proprie membra Ecclesiæ, licet non ita perfecta, ut viva: ergo ab illis peccata post Baptismum commissa sunt Pœnitentia subjicienda, quin ad aliud teneantur, nec teneri docuit Concilium, vel assignetur textus, quoad amplius cogantur. Et quidem stultum esset in dubium vertere, Christum non potuisse hoc privilegium Baptismo conferre. Illud autem de facto contulisse col-

ligimus ex vera doctrina Concilii, juxta quam in tota illa sess. fit recursus ad Pœnitentiam pro diluendis peccatis post Baptismum. Ex quo videtur supponere cuncta alia ad Baptismum spectare, vel diminute processit, quod non debet concedi.

Rursus. Si Tridentinum non comprehendere voluit nisi membra viva, exclusis membris mortuis, ut oponatur Lugo: ergo in vi Concilii nec monentur, nec obligantur membra mortua ad quærendum remedium Pœnitentia, si resipiscere voluerint, siquidem cum illis sermonem non habuit: hoc autem est absurdissimum, et ab omni veritate alienum: ergo et illud ex quo infertur. Probatur Minor ex eodem Tridentino cap. 2, ubi hæc habentur post verba supra allegata, *de iis, qui foris sunt, etc.* Secus est de domesticis fidei, quos Christus Dominus lavacro Baptismi sui corporis membra semel effecit (Videat Lugo, an peccatores fideles, et indigne baptizati inter domesticos fidei debeant accenseri). Nam hos, si se postea criminis aliquo contaminaverint, non jam repetito Baptismo ablui, cum id in ecclesia Catholica nulla ratione liceat, sed ante hoc tribunal tanquam reos sisti voluit. Et clauditur capitulum his verbis: *Est autem hoc Sacramentum Pœnitentia lapsi post Baptismum ad salutem necessarium, ut nondum regeneratis ipse Baptismus.* Ubi docetur pro omnibus, et singulis Ecclesiæ membris necessitas Pœnitentia post Baptismum. Quod ergo fundamentum est in Concilio, vel ad retrotrahendam pœnitentiam ad Baptismum, vel ad exponendum ejus universalem doctrinam de membris vivis, et non de peccatoribus, quibus opportunior est Pœnitentia? Remanet ergo ex mente Tridentini sola peccata post Baptismum esse materiam Pœnitentia.

§ III.

Probatio ex D. Augustino et D. Thoma.

62. Veniamus jam ad probandam Minorem principalis argumenti ex D. Augustino. Etenim in sententia S. Doctoris in indigne suscipiente Baptismum tantummodo peccatum fictionis formalis pertinet ad Pœnitentiam: sed peccata quæ possunt fieri in ipso instanti Baptismi sunt longe alterius rationis a formalis fictione: ergo juxta mentem Augustini peccata ipsius instantis Baptismi, quæ non fuerint formalis fictio, non sunt materia Pœnitentia.

Consequentia

Consequentia est legitima, Minor etiam liquebat ex prælibatis in limine hujus quæstionis. Major invenitur asserta a S. Doctori loco supra citato ex lib. I, contra Donatistas cap. 12, per verba sequentia : *Sic non impeditur Baptismi gratia, quomodo omnia peccata dimittat, etiam si odium fraternalum in ejus, cui dimittuntur, animo perseverat. Solvit enim hesternus dies, et quidquid supra est, solvit, etiam ipsa hora, momentumque arte Baptismum, et in Baptismo.* Et in hoc sensu prædictum testimonium allegatur a D. Thoma supra quest. 69, art. 10, ad probandum solam fictionem pertinere ad Pœnitentiam, non vero ejus causam, quæ coincidit cum peccatis in eo instanti concurrentibus, ut infra videbimus. Porro D. Augustinum eo loci solam formalem fictionem reduxisse ad spheram Pœnitentiæ clarissima est, quam probatione indiget, siquidem præterita, præsentia, et in ipso momento Baptismi facta, sub ipsius Baptismi efficacia comprehendit.

63. Unde refellitur aliquorum expositio obtendentium solum modo fuisse locutum de peccatis inter Baptismum, non in ipso Baptismi instanti commissis. Quod si esset verum, non bene pro sola fictione ad Pœnitentiæ medicinam recurrisset, nec melius asseruissest omnia peccata per Baptismum dimitti excepta fictione. Quod tamen in eodem capite assuererat docens, *tunc valere incipere ad salutem, cum illa fictio veraci confessione recesserit.* Hinc etiam dispellitur Cardinalis de Lugo interpretatione assertentis S. Doctorem non fuisse locutum ita metaphysice de peccatis illius instantis, sed de illis, quæ quandiu ministratur Baptismus, fieri contingit, ut constat ex dictis pro nostra prima conclusione, quam nequit non prædictus Author hoc testimonio probatam, vel illo compulsus fateri.

Hæc (inquam) intelligentia, et coincidit cum præcedenti, et eisdem motivis dispellitur, ut ea expendenti constabit. Præterquam quod quæ major metaphysica desiderari poterat in D. Augustino, quam distinguere tempus præteritum a præsenti, et hoc ultra inter partes, et momenta dividere, et facta divisione, solam fictionem Pœnitentiæ purgandam excipere, alii ibi concurrentibus, et concurrentibus ipsi Baptismo adscriptis? Profecto nec in ipso Lugo satis metaphysicæ addictio reperiatur major. Hoc autem opere implevisse S. Au-

gustinum constat ex contextu totius capituli, et evidentius erit aliorum effugium præcludendo.

64. Occurrunt ergo alii in illis verbis non contineri mentem D. Augustini, si quidem arguebat contra Donatistas, et ex illorum assertis, quamvis falsis, eos urgebat, et compellebat. Hinc causantur prædicti Authores, quibus prælatus Lugo ubi supra, nec ea sententia nostram assertionem fulciri, nec consequenter recte D. Augustinum a D. Thoma pro sua conclusione allegari: siquidem D. Augustinus non ex propria mente, et judicio, sed ex mente Donatistarum, contra quos agebat, fuit locutus.

65. Solutio hæc, quatenus tangit men- Vindica- tem D. Augustini, et eodem ictu pungit tur D. Thomam, eum oscitantæ, aut minoris fidelitatis in prædicta allegatione argundo, majoris momenti est, nec proinde dissimulari, aut prætermitti digna ab illis, quibus cordi est magna S. Doctoris veracitas cum æquali, et in callendo, et in allegando D. Augustinum felicitate, et fidelitate. Quocirca illis S. Doctorem exui nec suffert reverentia cultus, nec permittit præclarum authoritatis pondus, quo in Ecclesia pollet. Quo respiciens Granados æquisimè docuit, superque authoritatis, ut illi deberemus stare, conciliasse D. Thomam, esto testimonium allegatum non esse ex mente D. Augustini, ut sonare videtur. Et hoc quidem sufficere videbatur ad elendam evasionem. Sed quia hæc responsio urbanior quam solida est, et prætensus nævum non radicitus expungit.

Secundo et verius refellitur concedendo Enuc'eas- S. Doctorem ibi agere contra Donatistas tur mens intendentes vel iterationem Baptismi, vel Augus- in ecclesia Donati esse verum Baptisma, medio quo suscipiebatur vera peccatorum remissio: ex quo subinferebant, Donatistarum esse veram Ecclesiam, ut supra contra Vasquez expensa, et fideliter relata clare demonstrant. Augustinus itaque strenue decertans contra repetitionem Baptismi totus erat, in asserendo Christi Baptisma in parte Donati, sed ultra docebat, et urgebat egregie tale Baptisma in parte Donati non proficere ad salutem illis, qui manentes in sua discordia, et divisione ab Ecclesia, non deponebant odia fraterna, et peccata actualia, quæ obici erant gratia Baptismi, et infusioni Spiritus Sancti. Unde quousque peccatum impediens depeneretur, et veraci purgaretur confessione

(quod non esse poterat nisi in vera Ecclesia) manebat suspensus fructus Baptismi. Semel vero atque auferrentur, illa obstantia, et impedientia, jam Baptismus antea male susceptus incipiebat esse fructuosus, et faciebat omne id, quod a principio fecisset, si non fuisset impeditus, vires exerens in peccata ante Baptismum, et in Baptismo, unica dumtaxat fictione excepta, veraci, ut ipse loquitur, confessione purganda.

Ut autem id clarius ostenderet S. Doctor, nihili fecit captiunculam Donatistarum, qua possent obtrudere baptizatis in sua Ecclesia etiam infundi Spiritum Sanctum in ipsomet instanti Baptismi; sed quia manebat fictio, illico recedebat, et præterita peccata redibant. Sed perstitit S. Doctor eos urgendo illis verbis : *Si ergo hoc dixerint, hoc etiam in eis intelligent fieri, qui extra Ecclesiarum communionem, sed ecclesiarum Baptismate baptizantur, quod ubique fuerit, sanctum est per se ipsum, et ideo non est eorum (Donatistarum) qui separantur, sed ejus (Ecclesiarum) unde se separant : valet tamen, et apud eos hactenus, ut per ejus lucem transeant ad dissensionis suæ tenebras, continuo redeuntibus peccatis, quæ Baptismi sanctitas in illo temporis puncto dimiserat.*

66. Adhuc tamen eo ex ipsorum mente præmisso, nihil inde confici pro eorundem dogmate, nec consequenter contra veram D. Augustini doctrinam, probare pergit exemplo illius parabolæ Matth. 18, de servo cui Dominus centum denariorum debitum remiserat, cum tamen servus ille alii conservo decem denarios remittere noluisset. Et hinc vehementissime premit adversarios inquiens : *Tempus ergo quo accipitur indulgentia per Baptismum, tempus est reddendæ rationis, ut omnia debita, quæ inventa fuerint, dimittantur.* Sed illi servo remissio centum denariorum non profuit, quominus in peccatum iterum incidet, et alia, ut illi volebant, redirent, nec peccatum illud obstitit, quominus quantum erat ex parte Domini, vera fuisset centum denariorum condonatio : ergo similiter in Baptismo. Quod non profuerit condonatio, probat S. Doctor dicens : *Melius quidem fuerat, atque hoc potius congruebat tanto debitori reddituro rationem, et expectanti misericordiam Domini sui, ut prior ipsi conservo dimitteret, quod ei debebatur, et sic ad rationem reddendam, ubi misericordiam Domini imploranda erat, accederet.*

D. Au-
gust.

Matt. 18.

D. Au-
gust.

Quod vero peccatum illud non remittendi conservo decem denarios non obstiterit remissio quantum est ex parte Domini factæ (quaer erat secunda pars Minoris) ostendit per hæc verba : *Nec tamen illud quod nondum conservo dimiserat, impedivit Dominum ejus, quominus in illo tempore accipienda rationis dimitteret ei omnia, quæ debebat.* Hoc autem totum verum est non solum ex mente Donatistarum, sed ex ipsa parabolæ historia, qua illos urgebat Augustinus, quamque utpote evangelicam non poterat non veram censere. *Sed quid profuit* (subtexuit S. Doctor non quidem approbando, sed respondendo eam sanctificationem instantaneam, et continuo disperdente ut prorsus commentitiam, et inutilem) *quandoquidem in caput ejus propter odiorum perseverantiam, rursus omnia continua replicata sunt.*

67. In quo quidem processu manifeste apparet ex propria mente fuisse locutum, et solum illis permisso redditum peccatorum. Unde totam illam argumentationem, et veritatem in ea contentam applicans Baptismo subnectit immediate verba supra relata, et allegata a D. Thoma, et concludit capitulum dicens : *et hæc sæpe continent in Ecclesia, nimirum recipi Baptismum cum peccato, quin peccatum obsit remissio fiendæ per Baptismum, semper sanctum, licet non sancte receptum : nec non post Baptismi gratiam redire iterum peccata, non ad sensum Donatistarum plane haereticum, sed per novum lapsum in illa, vel alia. Hinc mens D. Augustini satis perspicue monstratur : nam ex duabus assertis Donatistarum, et sanctitate instantanea, et recidivis peccatis, alterum ut inutilem repudiavit, alterum ad sanorem sensum reduxit S. Doctor. Nullum ergo est fundamentum asserendi ex ipsis, et non ex propria mente fuisse locutum, nec consequenter sigillandi allegationem in hac parte factam. Et rursum habemus D. Thomam effucaciter vindicatum a nota, qua inurebatur, siquidem in sensu ab Augustino intento, et ex propria sententia obfirmato ipsum allegavit, et consequenter non Pœnitentiam, sed Baptismum valere ad omnia peccata in puncto Baptismi existentia, excepta formalis fictione, ut constat ex verbis illis D. Augustini : *quæ Baptismi sanctitas in illo temporis puncto dimiserat.* Quibus assonant alia : *Tempus ergo, quo accipitur indulgentia per Baptismum, tanquam tempus redendæ**

Augu-

D. Tho-

dendæ rationis est, ut omnia debita, quæ inventa fuerint, dimittantur, videlicet in puncto Baptismatis, ut convincit exemplum parabolæ domini instantaneæ dimittentis debitum quod reperiebat centum denariorum.

68. Ex quibus efficaciter instauratur Minoris principalis probatio ex D. Augustino sub hac forma. Quoniam ea peccata, quæ dimituntur per Baptismum, non sunt materia Pœnitentiæ : sed juxta mentem D. Augustini omnia peccata existentia ante Baptismum, et commissa in ipso puncto Baptismi, excepta fictione, pertinent ad Baptismum : ergo nulla præter fictionem sunt materia Pœnitentiæ. Præmissæ constant ex dictis, et Consequentia legitime infertur ex illis. Quem discursum corroborat testimonium D. Thomæ, quod subjungimus. Dicendum (inquit S. Doctor art. 10, sæpe allegato ad 2) quod *fictio non removetur per Baptismum, sed per Panitentiam subsequentem, qua remota, Baptismus auferit culpam. et realum omnium peccatorum præcedentium Baptismum, et etiam simul existentium cum Baptismo Unde Augustinus dicit lib. de Baptismo : Solvitur hesternus dies, et quidquid superest, solvitur, et ipsa hora, momentumque ante Baptismum, et in Baptismo. Deinceps autem continuo reus esse incipit.* Et in solutione ad 3 addit: *quod effectus Baptismi non est tollere peccata futura, sed præsentia, vel præterita.* Unde manet probata Minor illa principalis ex utroque S. Doctore, siquidem uterque S. Doctor defert Baptismo efficaciam ad præterita, et ipsi præsentia peccata remittenda: et nulla magis præsentia, quam quæ in puncto Baptismi committuntur.

§ IV.

Alia conclusionis ratio.

69. Probatur deinceps conclusio ratione alia, qua oppositæ sententiæ fundamentum diruitur. Quod enim peccata illius instantis ad pœnitentiam, et non ad Baptismum pertineant, non aliunde provenit, aut provenire queit, nisi vel quia eadem est ratio de illis, ac de fictione formalis; vel quia sunt hominis existentis intra Ecclesiam: vel quia opponuntur ipsi Baptismo, cuius effectum retardant. Sed nullum horum obstat, quominus spectent ad Baptismum: ergo peccata illius instantis non sunt ma-

teria Pœnitentiæ, sed attinent ad Baptismum. Consequentia est legitima, Major continet omnia adversariorum motiva, et Minor probatur: Tum, quia formalis fictio est posterior Baptismo, posterioritate saltem naturæ: siquidem ejus malitia consistit in indigna susceptione Baptismi: indigna autem Baptismi susceptio habet pro materia, et objecto baptismum male receptum; cum ergo objectum, seu materia circa quam versatur actus, præcedere debeat ipsum actum, consequitur fictionem formalem supponere Baptismum indignè receptum, quem respicit, et supra quem cadit. Tum etiam: quia fictio directe, et formaliter respuit gratiam Baptismalem, quam non vult expresse, et formaliter recipere: ergo intendit baptismum sine fructu, et consequenter impedit effectum illius: ergo Baptismus ut indignè receptus est objectum, et materia fictionis: ergo illa fictio non est materia Baptismi, sed alterius Sacramenti. Patet hæc Consequentia: quia nequit esse materia Baptismi peccatum illud, quod est fortius ipso Baptismo, ipsi formaliter adversatur, quoad fructum, et nullatenus ab eo potest destruiri. Sed hæc omnia convenient fictioni, non autem cæteris peccatis ibi accidentaliter comitantibus, ut ea conferenti constabit: ergo specialis ratio est recurrendi ad Pœnitentiam pro fictione, præ aliis peccatis illius instantis.

Hinc facile apparet non obesse secundum: nam quod peccata illa sint hominis primo existentis intra Ecclesiam, solum probat peccatum sacrilegii; non tamen evincit, quod omnia peccata illius instantis sint sacrilegia, siquidem non committitur nisi unum sacrilegium indignè receptionis, ad quam omnino impertinenter se habet, quod sint duo, vel viginti peccata, nec similiter quod sint hujus vel alterius speciei; siquidem idem formaliter sacrilegium committitur, sive plura, sive pauca, sive illa, sive ista sint. Et constat a simili allorum Sacramentorum, quibus accidentiarum omnino est ad rationem sacrilegii, quod homo v. g. celebret, vel absolvat sacrilege cum pluribus, vel paucioribus peccatis. Unde retorqueri potest, et bene, argumentum contra adversarios, ut consideranti constabit.

Nec similiter evincit illud motivum, quod peccata illius instantis sint aliquo modo posteriora Baptismo, ut supposuitus initio dubii. Alias sunt priora ipso

Secundum
obex re-
jicitur.

Baptismò. Ergo quod ea peccata sint hominis primo incipientis esse in ecclesia, non bene infert ad Pœnitentiam pertinere. Probatur efficaciter Minor ex doctrina tam vera, quam communi omnium discipulorum D. Thomæ, juxta quam dispositio coaptans ad formam, et ab ipso effective procedens, est prior ipsamet forma in genere causæ materialis, ex cuius parte se tenet. Quod quidem principium absque ulla exceptione procedit quoties dispositio non procedit effective a forma; et eodem prorsus modo currit in indispositione; quippe cum eadem ratio utriusque sit, tam dispositio aptans quam indispositio retardans, aut impediens se tenent ex parte subjecti. Quo ut per se noto supposito urgetur illa Minor: nam sicut dispositio ad formam non procedens a forma totaliter, et adæquate se tenet ex parte subjecti, et materiae et in vi hujus est prior ipsa forma prioritate naturæ: ita et indispositio ob identicam omnino rationem. Sed peccata illius instantis ut distincta a formalis fictione sunt hujusmodi. Ergo præcedunt Baptismi susceptionem in genere causæ materialis, quin a Baptismo procedant. Sunt ergo illo priora prioritate naturæ in genere causæ materialis absolute. Non est ergo eadem ratio de illis ut pertineant ad Baptismum, ac de fictione, quæ est posterior Baptismo, ut fictio sit, modo explicato.

Confirm.

70. Confirmatur ad hominem contra Thomistas in hac parte adversos: quoniam ex una parte Baptismus se exerit in præterita delicta, et in præsentia, ut constat ex D. Thoma: alias peccata illius instantis sunt præsentia ipsi Baptismo, illoque priora: ergo non debent pertinere ad Pœnitentiam omnino posteriorem Baptismo, sed ad ipsum Baptismum, quem præcedunt, si standum est principiis D. Thomæ.

Urgetur.

Philoso-phus.

Urgetur secundo ex eisdem principiis: nam quod ultima dispositio, anteeat, et subsequatur formam, a qua procedit, non obest, quominus exclusio impedimenti tunc occurrentis sit effectus ipsius formæ, ut constat in generatione naturali, in qua exclusio formæ præcedentis est effectus ipsius generationis, ut supponimus cum adversariis juxta illud Philosophi: *Generatio unius, est corruptio alterius*: sed peccata illius instantis ex una parte sunt priora Baptismo, et ex alia ab ipso non procedunt: ergo potiori titulo pertinent ad Baptismum, et sub ejus efficacia ut ex-

cludenda cadunt. Nam quod in eo instanti non removeantur, ut aliquis posset obtendere, est omnino per accidens, sicut per accidens illis est esse in illo instanti. Nec est eadem ratio (ut aliam replicam submoveamus) de fictione ipsa formalis in eodem instanti occurrenti, quippe quæ ab intrinseco petit esse in illo instanti, et esse posteriorem Baptismo, in quem ut indigne suscipiendum ut in objectum collimat. Qua propter huic soli servarunt D. Augustinus, et D. Thomas, quod veraci confessione purgaretur. Quod ergo homo in illo instanti incipiat esse intra Ecclesiam, sicut non aufert prioritatem respectu Baptismi explicatam, ita non infert ab ejus efficacia fore excludenda, remoto obice formalis.

71. Jam non obesse tertium ostenditur; quia nimirum illa peccata impedire effectum Baptismi competit illis ex oppositione communi, cum gratia sanctificanti, quæ provenit ex generica ratione peccati mortaloris, non vero ex peculiari repugnantia cum Baptismo, et ejus proprio effectu. Eam vero non obesse, quominus cadant sub efficacia Baptismi ostenditur; nam casu quo ille homo cum illis peccatis, eisdem numero, bona fide Baptismum susciperet, invincibiliter existimans furandiv. g. animum, in quo erat, non impedire effectum Baptismi, et consequenter invincibiliter ignorans necessitatem attritionis supernaturalis ad fructuosam receptionem (in quo casu non esset formalis fictio juxta ea, quæ supra prælibavimus) non esset necessarium illi homini pro illorum remedio Sacramentum Pœnitentiae (siquidem non commiserat novum peccatum fictionis, nec aliud post Baptismum, ut supponitur) ut ex communi sententia docet Prado de Baptismo dub. 5, § 4, referens pro ea Nuno, Cabreram, Sylvium, Suarez, Coninchum, Lugo nobis adversum, Bonacinan, Henriquez, Dianam, Aversam, Candidum, et posset plures alios referre. Sed sufficeret supernaturalis attritio, absque recursu ad Pœnitentiae Sacramentum, ut cum relatis docet Arauxo supra q. 68, et docere tenentur alii omnes admittentes ignorantiam invincibilem in adultis aliquorum ad dignam susceptionem præexcitorum. Quo quidem exemplo nobis et adversariis in hac parte communi, satis demonstratur peccata inibi occurrentia non opponi directe, et formaliter Baptismi gratiæ, nec excludi ab ejus causalitate, et efficacia; nisi quatenus excludunt attritionem

tionem supernaturalem, quæ est dispositio
ad gratiam baptismalem juxta illud Act.
2 : *Penitentiam agite, et baptizetur unus-
quisque vestrum*, et consequenter inferunt,
vel causant voluntariam, et indignam sus-
ceptionem Baptismi. Siquidem hac defi-
ciente, licet illa sint, non idcirco perti-
nent ad Penitentiam, sed ad Baptismum.
Numquam ergo per se opponuntur Baptis-
mali gratiæ, nisi ob communem ratio-
nem incompossibilitatis cum gratia, quæ
importatur ex communi ratione peccati
mortalis, et gratiæ, nec pertinent conse-
quenter ad Penitentiam, nisi sub ratione
communi peccati, vi cuius inducunt fictio-
nem formalem, non stante ignorantia, seu
bona fide.

§ V.

Duplex consectarium præcedentis doctrinæ.

plex 72. Quo fit primo sic cum prædicta
sola-
tum. ignorantia accedenter sola attritione indi-
gere ad remissionem peccatorum; ob cujus
sum. solius defectum irremissa mansere, et Sa-
cramentum evasit infructuosum. Unde ea
posita, ipsem Baptismus absque alio Sa-
cramento se exerit, et explicat in illorum
extinctionem, sicut et in alia retro antea
commissa. Quod consectarium ut legitime
quez. illatum probant, et approbat contra Vas-
quez disp. 160, cap. 2, cuncti alii nostræ,
et alterius sententiæ patroni et suadet
ratio, tum quia ad hoc ut Sacramentum
modo efficiat, quod dum perageretur, non
fecerat, sufficit, adesse eam dispositionem,
ob cujus defectum suspensus fuit effectus,
et non adsit aliud novum impedimentum
obsistens: sed in eventu de quo disputa-
mus, adest vera attritio, quæ defuerat, et
non intervenit novum aliud impedimen-
tum, quandoquidem non committitur novum
peccatum ob invincibilem ignorantiam
generantem bonam fidem: ergo in
eo eventu non requiritur contritio, sed
sufficit vera attritio. Diximus veram re-
quiri attritionem, quia existimata non
sufficit; quippe solum deseruit ad excusationem legitimam illius, si forsitan fuerit
obligatio; non vero ad obtinendam ve-
niā. Tum etiam ob discrimen hujus Sa-
cramenti ab aliis, quæ sunt Sacra-
menta vivorum, et consequenter non postulat, ut
ista, contritionem perfectam ex parte sus-
tinent. cipientis, ut constat ex Concilio Triden-
tino, et communi doctrina Theologorum;
quez. a quibus immerito recessit Vasquez; licet

concedere teneatur in Penitentia, de qua
adhuc est expressior doctrina in ipso Tri-
dantino.

73. Fit secundo fictione formalis acceden-
tem ad Baptismum nec teneri, nec debere
manifestare in confessione nisi peccatum
sacrilegæ suspicionis subticerdo alia. Et
ratio est clara ex dictis, tum quia sola
fictio formalis vera confessione purganda
est, ut supra ex D. Augustino audivimus,
et ejus discipulo D. Thoma. Tum etiam
quia cætera peccata non opponuntur gra-
tiæ Baptismali, nisi quatenus sunt peccata
gravia quasi generice, non vero ex propria
cujusque specie: ergo ad penitentiæ fo-
rum non sunt deferenda, nisi quatenus
gravia, et obici fuerunt, non vero quoad
proprias eorum species. Atque ideo sufficit
dicere se suscepisse Baptismum sciens, et
volens in peccato mortali, quin ad amplius
teneatur. Hoc consectarium est omnium
Authorum nostræ sententiæ, quos omnes
anteivit Cajet. ad art. 10, q. 69, hujus 3
partis. Cajet.

74. Hæsit tamen Suarez, ratus hanc
veritatem pure metaphysicam, et vix, aut
ne vix quidem ad præmix reducibilem ra-
tione suboriundi dubii, an excesserint illi
actus peccaminosi brevem illius instantis
morulam, vel non? Quo etiam scrupulo
subactus videtur Cardinalis de Lugo dum
asseruit disp. 16, sect. 1, n. 2, in præmix
certum esse omnia illa peccata fore expli-
canda in Confessione sequenti tanquam
materiam necessariam ob incertitudinem
durationis vel in solo illo instanti, vel
tempore aliquo sequenti. Suarez
dubitatio.

75. Sed quod attinet ad Cardinalem Lugo
immerito quidem, nec satis consequenter
tam formidolose se gessit, et illam in
præmix certitudinem statuit, siquidem vel
Antesignanus fuit, vel ad minus viam stra-
vit ad opinandum peccata dubia non esse
necessario confitenda, ut patet ex sect. 2,
immediate sequenti § 3, n. 58, et sequen-
tibus ubi plura pro ea positione argumenta-
conficit, unde arma ita sentientes sum-
psero, et ad cum eo sentiendum, et in sui
patrocinium advocatione moti esse viden-
tur. Unde non illico appetet qua ratione
tantam, et tam indubiam certitudinem sta-
tuere potuerit ratione suboriundi dubii de
peccati duratione, si semel peccata dubia
non sunt necessario in confessione expli-
canda. Sed quidquid de hoc sit, quod ad
præsens non multum refert, et suo loco
examinabimus. Excludi-
tur
Lugo.

Disjici-
tur
scrupu-
lus.

Suarez.
Lugo.

Aliquo-
rum
limita-
tio.

Nuno.
Soto.

76. Non ita urget scrupulus, quo isti Authores punguntur, ut ob illum eam limitationem approbemus. Tum quia nobis solum incumbit metaphysice veritatem indagari, quin ad proximū descendere compellamur (de quo summistae, et practicam Poenitentiae docentes) quod et fecisse utrumque Ecclesiae Doctorem Augustinum, et Thomam constat. Tum etiam quia idem scrupulus, eademque dubitandi ratio æque potest urgeri in peccatis ante instans commissis inter ministrandum Sacramentum, imo et paulo ante administrandum : et consequenter ea limitatio foret amplianda non solum ad peccata illius instantis, sed etiam ad alia præcedentia, ut quilibet attente considerans facile deprehendet. Quod non intendit Suarez, nec Lugo admittit. Tum etiam, quia veritas metaphysica quam plurimum deserviet ad pacandum animum Pœnitentis, et illum a novo onere eximendum, si aliqua via ipsi constiterit, ut constare posse non erit ita arduum, pro solo instanti durasse actum peccaminosum. Tum denique : nam esto ita esset, quod quis in prædicti dubii scrupulo angeretur, teneretur quidem fateri ea peccata, quoad sui continuationem, quo pacto Ecclesiae judicio submittebantur, non vero quoad sui inceptionem, et primum esse, sub qua ratione ad Ecclesiam non pertinere constat ex Concilio, D. Augustino, et D. Thoma, cum hactenus expensis.

77. Vero similius alii limitare adoruntur nostram conclusionem ad ea sola peccata, quæ non specialiter pugnant cum ipso Baptismo, de quibus recte procedunt hactenus dicta. Quia tamen sunt aliqua peccata directe in ipsum tendentia, utpote cum quis animo furandi in eodem Baptismo accedit ad ipsum, vel ut per eum simoniace obtineat beneficium, vel aliis modis, quos docet malitia ad abutendum Sacramentis. Idecirco videtur esse de istis diversa ratio, quandoquidem sunt specialiter sacrilegia directe pugnantia nedium contra dignam Baptismi receptionem, sed etiam contra reverentiam ipsi Sacramento in se ipso debitam. Hæc ergo eadem prorsus ratione, ac ipsa formalis fictio, excludenda veniunt ab sphæra Baptismi, contra quem militant, et adscribi Pœnitentiae debent. Pro quo refert Nuno tom. 1 in 3 p. quæst. 69, art. 7, dub. 2, conclus. 3, Sapientissimum Magistrum Soto in 4 sent. ubi ita docuisse videtur.

78. Sed, ut verum fateamur, non sa-

tis percipimus Sapientissimum Magistrum apud quem dist. 6, q. 1, art. 8, § *Ex quo fit consequens* hæc verba reperimus. Quapropter caute legendus est D. Thomas in solutione secundi, ubi ait quod *Baptismus, remota fictione, auferit culpam, et realum omnium peccatorum præcedentium Baptismum, et simul existentium cum Baptismo.* Intelligit enim ille ea, quæ cum complacentia usque ad Baptismum sicut susceptum permanerunt, Baptismo deleri : non tamen ipsam perversam susceptionem. Unde ut bene hic notavit Cajelanus illa præcedentia peccata possunt considerari uno modo in se, atque altero qualenus causa extiterunt prævaræ susceptionis Baptismi. Baptismus ergo illa secundum rationem priorem delet, non autem pravam susceptionem. Quare, inquit, dum fictus postea fictionem confletur, satis est dicat suscepisse Baptismum in peccato mortali sine expressione illius peccati. Ubi Cajetani sententiae subscribere videtur, Cajetani autem sententia non admittit eam limitationem, sed loquitur induulse de omnibus peccatis usque ad instans perfectivum Baptismi inclusive, excepta sola fictione formalis. Et in hoc sensu eum sentiunt contrarium, et ut tales allegant Authores opposite sententiae nec nos aliud sentimus, aut docemus, quam quod in hac parte sensit, ac tenuit Cajetanus, et eam esse mentem D. Augustini, et D. Thomæ existimamus. Non ergo admittenda est limitatio adhibita juxta mentem SS. Doctorum, et quod magis est Concilii Tridentini uniformiter docentium sola peccata post Baptismum commissa esse materiam Pœnitentiae. Præterquam quod ea complacentia, quam dicit Soto, non est præcisæ habitualis, sed nova, et actualis, atque subinde novum peccatum. Si autem est novum peccatum, eadem ratio militat in hoc ac in aliis, quocirca voluntaria est limitatio.

79. Nec faciendam cogit casus ibi descriptus, qui non est tam exhorbitans a communī hominum fragilitate, ut prudenter judicare possimus S. Doctores latuisse, aut supervolasse. Et tamen absolute, et absque ulla prorsus limitatione docent nullum præter fictionem peccatum ante Baptismum, et in ipso momento Baptismi excludi ab ipso Baptismo, et ejus efficacia : nullum ergo est fundamentum in sanctis Doctoribus eorum universalem doctrinam limitandi, aut coarctandi. Eo præsertim, quoniam æque premit adversarios, et omnium

Decidi-
tur
casus.

nium sententiam, juxta quam absque controversia omnia peccata ante Baptismum pertinent ad Baptismum, et non ad Pœnitentiam. Demus ergo biduo, aut triduo ante Baptismum habuisse eam pravam intentionem, quam nec tempore, nec in instanti Baptismi retractavit. Pertinebit ne ad Baptismum, vel ad Pœnitentiam? Profecto ad Baptismum in omni sententia. Et hoc non ob aliud nisi quia juxta doctrinam Concilii, D. Augustini, et D. Thomæ, omnia peccata præcedentia Baptismum sunt materia diluenda Baptismo, et non Pœnitentia. Quid ergo refert, quod fiat in ipso instanti Baptismi, si ex una parte præcedit ipsum in genere cause materialis, ut clare ostendimus, et ex alia habemus ex D. Augustino, et D. Thoma efficaciam Baptismi ad præterita et præsentia, non vero ad futura porrigi, idque videtur approbasse Concilium solum post Baptismum commissa adscribi Pœnitentiae? Non ergo ex hoc capite restringi debet nostra sententia; sed absolute, et prout a D. Augustino, et D. Thoma fuit proposita, amplectenda, et propugnanda est. Et ad dubitand rationem dicitur, quod semel atque furtum fit in eodem instanti, licet sit sacrilegium contra Baptismum, non tamen opponitur per se primo Baptismo ratione sui, sed ratione fictionis adjunctæ, qua deficiente abs dubio Baptismus deleret furtum illud sacrilegum ob virtutem quam habet ad præterita, et sibi præterita expurganda, a qua dumtaxat excluduntur futura. Id quod etiam instari potest in ipsa Pœnitentia, quæ quia in sententia satis communi rece donde fictione causat gratiam, nedum remittit alia peccata, sed etiam contra ipsam commissa præter peccatum mortale irrever renter accedendi, quod solum aliam confessione purgandum relinquitur.

80. Nisi mavis negare suppositum argumenti, quia illa peccata non sunt nisi post Baptismum ob rationem in eo tactam de fictione formalis, ad quam sequuntur atque ideo inepte ob ilia limitatur conclusio. Ad cuius lucem observandum est intentionem illam furandi in Baptismo tria importare, quæ oportet distinguere, supposito ut supponi debet, non fuisse retractatam, nam alias non impediret fructum Baptismi, itidem est de fictione, quæ si retractaretur, in ipsomet punto Baptismi, non esset fictio nec impediret fructum illius. Requiritur itaque primo vera intentio recipiendi Baptismum, et medio ipso se Ecclesie

subjiciendi, quæ si deficiat nullus erit Baptismus. Deinceps intervenit intentio furandi, quæ est finis operantis, et movet finaliter ad furtum, ad quod assumitur ut medium susceptio Baptismi. Nam ut inquit D. Thomas : quæst. 8, de malo art. D. Thom. 15, *aliquis non denominatur fur, vel mæchus ex actu, vel passione, sed ex habitu, sicut de injusto Philosophus dicit in 5. Et hic. Intentio autem hominis provenit ex habitu, et ideo quando aliquis furatur, ut mæchetur, committit quidem actu peccatum furti ; sed tamen intentio procedit ab habitu, et ideo non denominatur fur, sed mæchus.* Juxta quam doctrinam homo intenders furtum in Baptismo, non tam est sacrilegus, quam fur, licet fiat reus sacrilegii. et furti. Unde quod est ibi formalius est furtum, non vero sacrilegium, ut constat ex doctrina, quam tradidimus de Bonitate et malitia disp. 6, dub. 4, ubi ostendimus bonitatem, aut malitiam actus desumptam ex fine operantis esse formaliorum illa, quæ provenit ex objecto immediato ; hæc enim est materialis, et quasi subtractive se habens respectu illius, ut late ad mentem D. Thomæ ibi expendimus, præcipue vero § 4 et 5. Unde consequitur hominem intendentem furtum media sacrilega susceptione Baptismi, non prius furari posse, quam commiserit sacrilegium : atque ideo furtum illud supponere sacrilegam susceptionem Baptismi, et consequenter fictionem formalem, quæ nihil aliud est quam voluntaria in ligna susceptio talis Sacramenti, ad quam sequatur furtum.

81. Hinc jam dehiscit viribus illud motivum, et detegitur ineptitudo vel ad coartandum, vel ad oppugnandum vere universalem conclusionem statutam. Tum quia in ea fit sermo de peccatis, quæ sunt causa, non utcumque in intentione, sed quæ in executione fundant formalem fictionem, et sunt quasi subtractum illius. Cujus oppositum evenit in præsenti, quandoquidem nec extenditur sacrilegium, nec exercetur nisi per ordinem ad furtum, quod est finis operantis. Tum etiam (et fere in idem recedit) quia quando adest furtum, jam in executione prius erat commissum sacrilegium indignæ receptionis. Quocirca illud peccatum furti medio Baptismo cum sequatur ad fictionem, quam ex intentione operantis debet supponere, planum est pertinere ad Pœnitentiam posteriori titulo quam ipsa fictio, quæ supponitur.

Et instatur manifeste in ipsa fictione formalis, quæ quia non completur, imo nec est, nisi in ipsa receptione Baptismi (quidquid sit de voluntate jam pridem antecedenti, an fuerit, vel non fuerit retractata) non dimittitur per Baptismum, respectu cuius semper intelligitur subsequens, et posterior, siquidem non est fictio, si non cernat Baptismum indigne susceptum. Cur ergo furtum medio Baptismo perpetratum non supponit Baptismum male receptum, et consequenter non pertinebit ad Pœnitentiam, quin inde derogetur veritati nostræ assertionis?

§ VI.

Ultimæ difficultatis resolutio.

*Ultima
conclu-
sio.*

82. Tertio, et ultimo dicendum est peccatum quod vocant fictionis, esse materiam Pœnitentiae. Hæc conclusio est adeo communis, et certa, ut merito dixerit Pater Suarez a nullo negari posse, et Nuno oppositum temerarium judicaverit. Quapropter ab allegandis Authoribus abstinemus.

*Funda-
mentum.*

Fundamentum hujus conclusionis de-
promittit ex hactenus dictis. Nam quodlibet peccatum mortale per se loquendo remittitur aliquo ex duobus Sacramentis ex Christi institutione ad peccatorum remissionem ordinatis: sed fictio non remittitur per Baptismum, cuius fructum impedit: ergo necessario consequitur remissum iri per Pœnitentiam, atque ideo per se ut ejus materiam ad hoc Sacramentum pertinere. Utraque Consequentia constat, et præmissæ non indigent ulteriori probatione: nam Major satis superque demonstrata manet ex Concilio Tridentino, ex quo constat duo esse remedia a Christo Domino instituta pro duplici genere peccatorum, originalis, et actualium, unde catholice nequit negari. Minorem expresse asseruere D. Augustinus, et

*D. Au-
gust.
D.Thom.*

D. Thomas, ut constat ex testimoniosis supra allegatis, ipsaque ratio suadet: tum quia fictio directe, et per se excludit gratiam baptismalem, quæ in adultis esse debet voluntarie recepta, et media fictione voluntarie abjicitur. Tum etiam, quia fictio est posterior Baptismo, quippe quæ aliter non subsistat, quin supponat, aut præexigat ipsum absque debita dispositione, seu quod idem est, cum indigna receptione. In quo differt ab aliis

peccatis illius instantis, quia licet ex parte subjecti se teneat aliquomodo præcedendo; tamen ex sua speciali ratione afferit esse impedimentum gratiæ Baptismalis, et inducere ejus privationem; quod non habent alia peccata ibi comitantia accidentaliter. Et quia hoc modo non opponitur cum charactere, aut cum virtutibus fidei, et spœi informium, nec illum, nec istas excludit. Quocirca objectum ut ita dicamus, fictionis est indigna receptione Baptismi, quod non competit aliis peccatis ibi omnino accidentaliter concurrentibus. Et hinc potius computatur fictio inter peccata, quæ subsequuntur Baptismum, quam alia. Unde nec formaliter, nec concomitanter pertinet ad Baptismum. Non quidem formaliter ob oppositionem explicatam. Nec etiam concomitanter; nam ad hoc erat necessarium, quod ipse Baptismus alia peccata deleret stante fictione: hoc autem est falsum, et solum a Donastitis excogitatum, sed a D. Augustino catholice expugnatum, et rejectum: ergo non est caput, unde pertinet ad Baptismum, subindeque solum spectat ad Pœnitentiam.

83. Nec refert, si objicias hinc recte Repli-
probari fictionem non abstergi per ipsum-
met Baptismum dum actu indigne suscipi-
tur ob impedimentum præsens indebetæ
dispositionis. Non vero convincitur non
posse auferri, et purgari stante vera attritione,
quam solam sufficere ad auferendam
fictionem, et alia peccata cum Baptismo
recepto constat ex § V hujus dubii.

Si autem hujus reddatur ratio, quod ad Solutio-
Baptismi fructum non requiritur major
dispositio, quam vera attritio supernatur-
alis, atque ideo ea stante Baptismum
proprium effectum inducere, et consequen-
ter a fictionis peccato, sicut a cæteris ibi
existentibus mundare.

84. Contra utrumque stat, et imprimis contra primum. Quoniam fictio, de qua loquimur, est peccatum grave sacrilegi: sed nullum peccatum grave sacrilegi post Baptismum remittitur nisi vel per attritionem cum Sacramento in re Pœnitentiae, vel per contritionem, in quia includitur ejusdem votum: ergo non potest auferri fictio, quin interveniat Sacramentum Pœnitentiae, in re vel in voto, alioquin Pœnitentia non esset necessaria in ratione Sacramenti lapsis post Baptismum, cuius oppositum definiuit Concilium Tridentinum, ut supra vi-
dimus. Numquam ergo Baptismus est potens tollere fictionem. Hinc diruitur se-
cundum:

cundum : quandoquidem ea ratio solum tenet in casu supra posito de fictione solummodo negativa, in qua non est peccatum aliquod grave in susceptione commisum, sed bona fides sine attritione, ut ibi explicuimus, et docent unius, et alterius sententiae patroni. Secus vero ob oppositam rationem quando intervenit novum delictum, ut ex jam dictis constat : hoc enim deleri nequit per veram attritionem separata a Sacramento.

replica. Nec etiam obest si iterum replices ex Lugo ubi supra majorem videri esse rationem de peccato fictionis ut pertineat ad Baptismum, quam de cæteris actualibus. Tum quia omnia sunt hominis baptizati : omnia ergo, vel nullum ad Pœnitentiam debent pertinere. Tum etiam quia prava voluntas indigne suscipiendi Baptismum potest diu ante Baptismum præcedere, et post ipsum subsequi alia quamplura peccata. Tum denique, quoniam in eo instanti nequit Ecclesia prohibere indignam susceptionem Baptismi homini illi, qui aliunde subditus non supponitur, siquidem nequit præcipere homini non subditu, ut fiat subditus, et consequenter nec præcipere, aut prohibere susceptionem dignam, vel indignam Baptismi. Cum tamen prohibere possit cætera peccata in illo instanti. Major ergo ratio esse videtur excludendi peccatum fictionis a Pœnitentiæ foro, quam alia actualia.

illitur. Non, inquam, obest ista objectio, cuius assumptum est prorsus alienum a veritate, ut manifestat censura, qua inuritur a Suarez, et Nuno in conclusione allegatis. Nec oppositum convincunt inductæ probatio[n]es. Nam prima fallit solum attendens ad instans, in quo ea peccata sunt, quin distinguat in modo essendi ; nec iterum observat contrarietatem diversam ab illis importatam respectu Baptismi, in qua est nervus totius doctrinæ, et vi cuius expresse exclusere D. Augustinus, et D. Thomas ab influxu baptismi, et ad Pœnitentiæ forum relegarunt, ut constat manifeste ex eorum testimoniis sæpe inculcatis : cætera vero alia illius instantis delicta Baptismo assignarunt. Quod absque urgentiori ratione unius præ aliis fecisse non est facile creditu.

Ulterior imputatio. Unde refellitur insistendo principiis traditis. Nam licet omnia ea peccata sint in illo instanti, non tamen omnia sunt per se illius instantis, hoc enim essentialiter competit fictioni, ut fictio sit, aliis vero

accidentaliter. Unde ista dumtaxat sunt comitantia, nec extra jurisdictionem Baptismi, nisi ratione fictionis, ut constat evidenter in bona fide accendentibus, quibus posita suo tempore attritione sola, adhuc in sententia Cardinalis Lugo, Baptismus ipse remittit peccata. Rursus (et sequitur ex præcedenti) peccata primi generis non adversantur Baptismi effectui directe, et per se, nec habent pro objecto directe attacto sacrilegam, seu indignam receptionem ; secus vero fictio, ut vel ipse Lugo nequit negare. Major ergo aliqua ratio est in fictione, ut spectet ad Pœnitentiam, quam in aliis : atque ideo esto omnia peccata existentia in illo instanti sint hominis baptizati, non tamen, et eodem modo, ut infra explicabimus.

84. Imbecillior est secunda probatio, et Enervatur procedere ex non satis penetrata natura fictionis quoad præsens. Quippe ad probatio[n]em diu ante Baptismum, vel immediate ante ipsum fuerit. Unde quod temporis duratione Baptismum præcesserit, non tollit quominus posset, si in instanti Baptismi retractaretur, vel in ipsius mora, vel ante, per Baptismum deleri ; sicut nec alia peccata toto tempore intermedio usque ad instans Baptismi ; siquidem voluntas recipiendi Baptismum non reddit hominem Christianum, nec baptizatum. Et consequenter sive antecedant, sive subsequantur innumera delicta post pravam voluntatem sacrilege accedendi ad prædictum Sacramentum omnia utpote hominis existentis extra Ecclesiam, Baptismo, et non Pœnitentia abstergi debent; quin et ipsa fictio, si retractaretur, ut dicebamus : in quo eventu jam non esset fictio, et est falsum suppositum. Esto tamen diu ante mansisset voluntas prava, durassetque usque ad proprium instans impediendi fructum Baptismi, peccata intermedia ad Baptismum pertinerent utpote facta ante Baptismum ; secus vero fictio prout consummata in ipso instanti, in quo solum reipsa obsistit fructui Sacramenti, non vero prout antea præcesserat. Et ratio est sæpe tradita, quia fictio ut fictio sit, determinat ipsummet instans receptionis gratiae, quam excludere intendit. Gratia autem Baptismi non dispensatur per voluntatem sive bonam, sive malam ipsum suscipiendi antecedentem ; sed penes voluntatem quam reperit in subjecto in instanti causalitatis Baptismi, quod supponi-

mus esse ultimum terminativum, seu mutatum esse verborum, et ablutionis simultaneæ : ergo fictio ut fictio sit, non mensuratur per alia tempora, seu instantia antecedentia, quæ omnino impertinentia sunt; sed per indivisibile terminativum Baptismi, in quo necessario petit esse; alias non esset fictio. Porro eo ipso ab intrinseco habet esse sacrilegium in Baptismo contra Baptismum ipsum, quo est fortior, ut supponitur, et consequenter ipsius judicium judicio Ecclesiæ summitti debet, cuius est irrogatas contra ipsam, ut ejus Sacraenta injurias solvere, vel ligare medio Sacramento Pönitentia. Cætera autem peccata, ut sæpe dictum est, non habent esse sacrilegia ratione sui, sed ratione fictionis adjunctæ. Et ideo quantumvis ipsi instanti sint præsentia, pertinent ad Baptismum, quem præcedunt ex parte subjecti, et in genere causæ materialis.

Tertiae probatio-nis solutio-

85. Tertia probatio tangit difficultatem longe alterius instituti, nempe quid possit, vel non possit Ecclesia prohibere? quod nostra non refert, nec vacat examinare. Quod ad præsens attinet, dicimus peccatum fictionis non esse malum, quia prohibitum; alias secundum se sacrilegium non esset illicitum. Ex peccatis vero, in quæ quis posset labi in ipso instanti Baptismi, aliqua possunt committi ideo mala quia prohibita, uti consensus in esum carnium die veneris; alia vero e converso, sicut accessus ad non suam, vel consensus in rem venereum. Quælibet autem eorum sint, prohibita, vel non prohibita ab Ecclesia, si vere peccata snt, quoad forum internum præscindunt, et a censuris, et ab eo quod Ecclesia potest, vel præcipere, vel prohibere in foro exteriori. Quocirca in præsenti solum interius forum, et remedium coram Deo examinamus. Ad quid ergo recursus ad censuras externas, ad quas non semel in eodem dubio prædictus Author refugit?

86. Hic disputant aliqui, ad quod pertinet sacramentum peccata venialia? Respondetur sub distinctione præmissa. Et enim si fieri contigerit ante Baptismum, vel tempore intermedio, vel in ipso instanti Baptismi, per ipsummet Baptismum abluuntur, sicut cætera præter fictionem; si vero ipsam fictionem suposuerint, non habent aliud remedium, quam remedium fictionis: quod est sacramentum Pönitentia in re, vel in voto. Et ratio est, quia peccatum veniale non remittitur absque

mortal cum quo est: sed fictio quæ est peccatum mortale, et gravissimum sacrilegi, nequit ablui absque Sacramento Pönitentia, in re vel in voto: ergo nec peccatum veniale.

Nec inde inferas, vel ad remissionem peccati venialis requiri semper novam infusionem gratiæ, vel solo Sacramento Pönitentia in re, vel in voto, semper dimitti venialia. Utrumque enim est falsum, et minime sustinendum. Non primum: quia sicut peccatum veniale per se non excludit gratiam, sed tantummodo minutus ejus fervorem; ita ad sui ablutionem non postulat per se gratiæ infusionem; sed dumtaxat incrementum fervoris sibi oppositi; contraria enim contrariis curantur, ut fert proloquium in vera philosophia fundatum. Nec etiam secundum. Tum, quia si ita eset, nullum veniale remaneret post Pönitentiam, cum non sit major ratio unius, quam alius; quod esse falsum constat. Tum etiam ob rationem factam: quia gratia medicinalis propria Pönitentia non opponitur directe et per se nisi peccatis gravibus, in quorum remedium fuit principaliter promissa medio Sacramento. Non autem fuit promissa pro venialibus, pro quibus sunt plura alia remedia, ut supra nos docuit Tridentinum. Requiritur ergo, ut extinguantur medio hoc Sacramento, quod in illo manifestentur, et insuper sit de illis verus dolor. Qualis vero, et quantum is debeat esse, non est hujus loci examinare. Recolantur quæ scripsimus tract. de Justificat. disp. 2, dub. 8, ubi viam stravimus satis D. Thomæ conformem.

§ VII.

Principalior sententia contraria refertur.

87. Contra nostram primam assertionem nullam judicamus esse sententiam relatu dignam: nec etiam contra tertiam. Quæ enim contra illas militare videntur potius sunt modi dicendi, et explicandi, quam reipsa sententiae: et si quod pro illis est fundamentum, inter dicendum, et explicandum manet dirutum, et ejus Authores allegati.

Præcipua ergo sententia directe secundæ nostræ assertioni opposita non distinguit inter peccatum fictionis, et alia illius instantis terminativi, sed omnia docet absque ullo discrimine esse materiam Pönitentia, subindeque in confessione explicanda, non solum

illegi
tim
præcl
ditu
conse
cutio

Præci
pua
senten
tia.

solum secundum rationem communem in qua fundant fictionem ut tenet nostra, et huic adversa sententia; sed etiam secundum rationes cuiuslibet specificas, furti v. g. luxuriae, etc. Hanc sententiam, et ita explicatam defendunt aliqui tam intra, quam extra scholam D. Thomae, quos referunt, et sequuntur Arauxo in praesenti dub. 2, et N. Franciscus a Jesu Maria in cursu Morali tom. 1, tract. 6, cap. 4, punct. 1, n. 15, et quidem si tam clare esset de mente Concilii, D. Augustini, et D. Thomae, quam est in se ipsa expedita, libenter ei subscriberemus. Sed quia quod magis habet claritatis in se ipsa, minus habet cohærentiae cum doctrina Concilii, et utriusque Sancti Doctoris, ut constat ex dictis, ab ea recedendum existimamus, illud præ oculis semper habentes apud Theologum utpote principiis fidei innitem, non semper præstare, quod utecumque clarius est, sed quod principiis fidei, et SS. Patrum fuerit conformius. Nec enim adhuc in aliis scientiis, quod clarius, semper verius; sed multa sunt falsa probabiliora veris, ut vel ipse Philosophus naturalis docuit.

88. Pro hac ergo sententia solum stat unicum, idque non imbecille fundamentum desumptum ex doctrina tertiae conclusionis, et reducitur ad sequentem formam. Nam juxta doctrinam D. Augustini, et D. Thomae ab omnibus admissam formalis fictio pertinet ut propria materia ad Sacramentum Pœnitentiae: sed eadem omnino ratio est de aliis peccatis comitantibus fictionem: ergo hæc non ad Baptismum, sed ad Pœnitentiam pertinent. Major et Consequentia sunt perspicuae. Minorem probat Arauxo tripliciter. Primo quia illa peccata prout sunt in illo instanti terminativo, etiam habeant repugnantiam cum gratia baptismali de facto, et eam impediunt: ergo non minus quam fictionem ea oportet confessioni exponere. Secundo: quia prout sunt in instanti terminativo, sunt post Baptismum: Baptismus enim (inquit ille) terminatur extrinsece, eo quod desinit per primum non esse, ita ut sit verum dicere: *Nunc non est Baptismus, et immediate antea erat.* Tertio, quia illa peccata sunt peccata hominis jam existentis intra Ecclesiam, siquidem sunt peccata hominis baptizati: sed peccata commissa ab homine intra Ecclesiam pertinent ad claves Ecclesiæ: ergo ad Pœnitentiam.

Ad hoc ergo argumentum, constat ex

dictis negandam esse Minorem, cujus fastidatatem hactenus expensa non leviter ostendunt, ob speciales rationes, quæ convenienti fictioni, et aliis non congruant, quin repugnant, ut ostensum est in discursu hujus dubii maxime vero § 4, per totum. Et ad primam probationem in oppositum iterum negandum est esse oppositionem exactam cum gratia baptismali, ut baptismalis est, et illis peccatis, nisi quatenus substant materialiter fictioni formalis, qua proinde deficienti, ut defuit accedenti cum bona fide, adhuc in opposita sententia, ad eorum ablutionem sufficient attritio absque novo Sacramento. Unde constat totam rationem oppositionis intentæ, tandem in fictionem revocari, aliis peccatis ibi concomitanter, et omnino de materiali se habentibus. Et ratio est clara: nam semel atque homini insit prava voluntas sacrilege suscipiendo Baptismum, non detestando peccata præterita, cuncta alia quæ ibi committit, nec influunt in fictionem, nec sunt illius circumstantiae; sed dumtaxat se tenent ex parte operantis; ex quo oritur illud sacrilegium in eo unice situm, quod homo cum dispositione contraria ad fructum Sacramenti sciens, et volens ad ipsum recipiendum accedit. Prava autem seu contraria illa dispositio nullam importat habitudinem ad Baptismum, si secundum se consideretur, si non adesset ulterior voluntas sacrilege illum recipiendi. Et in vi hujus non tot committuntur ibi sacrilegia, quot fuerint peccata; unum dumtaxat sacrilegium, ut supra dicebamus ex communi sententia, et manifeste apparet in aliis Sacramentis. Porro non quilibet oppositionem aut incompossibilitatem sufficere in praesenti perspicuum est; alias nullum peccatum habitualē expelleretur per Baptismum; cum quodlibet peccatum ejus gratiæ opponatur. Unde argumentum si aliquid probat, pariter evincit contra Arauxo, Soto, et alios in hac parte adversos de complacentia peccatorum multo ante baptismum non interrupta ad usque ipsum instans inclusive ut consideranti constabit: cum tamen id negent, ut verba supra relata ex Magistro Soto satis ostendunt. Et ratio est eadem omnino: quoniam sicut complacentia non interrupta non est causa fictionis, sed prava voluntas suscipiendo indignæ, et sacrilegium committendi; ita peccata ibi commissa non sunt causa fictionis formalis, licet eam comitentur: et

D.Thom. consequenter non directe opponuntur Baptismo, aut ejus effectui, sed pure concomitanter se habent. Et cum aliunde proprium sit Baptismi excludere sibi praesentia, et directe non opposita, ut docet D. Thomas, jure optimo ea Baptismo delenda assignamus; et fictionem Poenitentiae.

Seconda probatio explícata. 89. Ad secundam probationem distinguenda est Major: illa peccata sunt post Baptismum, si Baptismus sumatur adæquate, negatur Antecedens: baptismo inadæquate, seu quod idem est, quoad partes successivas, sumpto, conceditur Antecedens. Contra quam distinctionem non urget probatio: nam licet verum sit, quod in illo instanti sit verum dicere: nunc non est Baptismus quoad sui partes successivas, ut sunt ablution, et verborum prolation; est tamen prorsus a veritate alienum illudmet instans non esse intrinsece completivum, et terminativum Baptismi, quippe quod est instans intrinsecum ejus causalitati, et ultimæ perfectioni, sine quo nec est absolute Baptismus; neque homo dicitur, aut revera est baptizatus, ut evidenter constat ex doctrina ipsi Arauxo.

Arauxo. et omnibus Thomistis communi, juxta quam homo in illo instanti decedens non migraret e vita baptizatus, nec medio baptismate, quod in illo instanti non est, sed immediate antea fuit, purgaretur a peccato originali. Non ergo illud instans totaliter computandum est extra essentiam Baptismi, nec consequenter sine illo est homo absolute, et simpliciter baptizatus. Et consequenter peccata illius instantis non sunt totaliter hominis jam baptizati, et intra ecclesiam existentes: quippe hoc solum competit homini post illud instans. Et hinc constat ad tertiam probationem.

D.Thom. Porro in unam, et alteram insurgo sub hac forma. Nam juxta doctrinam D. Thomæ Baptismi efficacia protenditur ad peccata non solum præterita, sed etiam præsentia: sed peccata illius instantis sunt præsentia ipsi Baptismo: ergo ea peccata subesse possunt efficaciam Baptismi, et immerito relegendam Poenitentiae. Rursus ex Tridentino roboratur id ipsum. Nam in ejus doctrina solum peccata post Baptismum sunt materia Poenitentiae: sed peccata illius instantis non sunt peccata post Baptismum: ergo peccata illius instantis non sunt materia Poenitentiae. Major continet expressam Concilii doctrinam. Minor debet supponi ab omnibus utriusque sententiae Authoribus; nemo quippe illorum

inficias it peccata post Baptismum esse materiam Poenitentiae: quocirca controversiæ cardo solum devolvitur ad peccata illius instantis non protracta post illud: si namque ultra illud pretendantur, ex hac parte pertinere debent ad Poenitentiam, non quidem quoad primum fieri illorum, sed ratione continuationis, ut etiam docuit Arauxo ubi supra. Cum ergo peccata illius instantis sint in ipso Baptismo, et non post Baptismum, quin ante illum anterioritate naturæ, ut probatum relinquimus, plane conficitur non posse juxta Tridentinum Poenitentiae adscribi, sed Baptismo.

90. Nec refert si objicias contra solutionis exemplum: casu quo homo in illo instanti decederet, per accidens non fuisse gratiam baptismalem homini infusam, quia nimis defecit subjectum baptizatum in eodemmet instanti, in quo illi erat gratia infundenda. Quamobrem abiit e vita absque gratia baptismali.

Hoc, inquam, non obest, nec minuit, Dilitor sed aggerit difficultatem. Quoniam si illud instans esset totaliter extra essentiam Baptismi, ut adversarii affirmant, ille homo migraret baptizatus absolute, et simpliciter; cum nihil Baptismi, vel ad ejus essentiam pertinens illi defecisset: et tamen damnaretur cum non decesserit in gratia: ergo rite, et essentialiter baptizatus absque ullo actuali peccato incurriteret damnationem æternam, quod est absurdum, et piarum aurum offensivum. Deinde, subjectum immediatum gratiæ non est homo sed anima; si ergo illud instans est totaliter extra Baptismum absolute sumptum, jam anima quæ permanebat, et ut unita fuerat baptizata, poterat recipere gratiam baptismi: quid ergo refert, quod defecisset homo, si non deficiebat anima, quæ est proximum, et immediatum subjectum gratiæ. Præterea, illud absque quo Baptismus non est undequaque perfectus intrinsece, nequit non esse ipsi intrinsecum absolute loquendo, ut constat in puncto respectu lineæ, et in aliis, quæ absque terminatione incompleta manent: sed Baptismus absque illo instanti est essentialiter incompletus: ergo instans illud intrinsece concurrit ad complendum absolute Baptismum. Ad hæc: Baptismus absolute, et simpliciter sumptus importat nedum partes successivas motus, sed etiam ipsum instans completivum, et terminativum illius, ut vel ipsi adversarii tenentur concedere: ergo dum Tridentinum, D. Augustinus, et

Objec-

Con-

Con-

Robora-
tur.

firm.

2

D.

D. Thomas absolute docent peccata post Baptismum esse dumtaxat materiam Pœnitentiae, non excludunt, quin includunt ipsum instans completivum Baptismi, utpote pertinens ad Baptismum absolute acceptum : atque ideo limitatio ab adversariis intent aut omnino voluntaria rejicienda est.

Arguitur secundo (et est replica contra præmissas solutiones), nam malitia fictionis fundatur in peccatis ipsius instantis secundum proprias cujusque species, utputa vel luxuriæ, vel injustitiae et in vi hujus inducunt sacrilegium : ergo et sunt sacrilegia, et pertinent ad Pœnitentiam, uti et ipsa fictio. Antecedens est perspicuum, quandoquidem formalis fictio fundatur in peccatis illius instantis, quæ nequeunt non ad aliquam peccati speciem pertinere. Consequentia vero probatur. Tum quia causa peccati reducitur ad eandem speciem ad quam pertinet peccatum cuius est causa, ut patet in actu, qui est causa omissionis. Tum etiam quia gravius est sacrilegium recipere Baptismum cum pluribus iisque gravissimis peccatis, quam unico dumtaxat; ut de se constat : ergo ut pœnitens in confessione manifestet gravitatem fictionis, opus omnino erit detegere omnia illa peccata quibus redditur gravius, et enormius; alioqui enim non posset Sacerdos rectum, ac prudens judicium formare de gravitate sacrilegii in Baptismo commissi. Tum denique : quia omnia illa peccata, et quodlibet illorum, injuriam irrogant Sacramento, cuius fructum impediunt: omnia ergo sortiuntur rationem sacrilegii, et omnia sunt propria materiae Pœnitentiae.

Respondetur ad argumentum negando absolute Antecedens; cuius falsitas constat ex supra dictis, siquidem stare potest formalis fictio, quin in ipso instanti aliud committatur peccatum præter ipsam fictionem, per hoc solum quod accedentem non pœnitent de peccatis præteritis et impœnitens velit Sacramentum recipere absque eorum detestatione. Ubi non est aliud peccatum actuale præter voluntatem recipiendi indebite Sacramentum, quæ est formalis fictio : atque ideo falsum est absolute, fictionem fundari in peccatis illius instantis. Si vero Antecedens intelligatur determinate de peccatis, quæ supponuntur fieri in ipso instanti, distinguendum est, et concedendum de fundatione pure materiali, quæ coincidit cum identica, et est insufficiens ad intentum, ut constat in

peccatis præteritis, quorum non est dolor, quæ licet supponantur et prærequirantur ad formalem fictionem, nec eam fundant, nec in illam influunt; sed omnino pertinent ad Sacramentum Baptismi in omnium sententia. Si vero in alio sensu usurpetur, negari debet, et simul Consequentia illata, cuius probationibus ut occurramus.

91. Recolenda est distinctio in dubiis limine explicata, de fictione formalis, et materiali. Quarum potior, imo unica, ratio discriminis est, quod sicut fictio materialis, ut ibi nos docuit D. Thomas, includit omne peccatum, quatenus nullum determinat nec quoad speciem, nec quoad numerum, sed potest cum unico dumtaxat, vel cum pluribus reperiri. Ita formalis fictio, quia consistit in indivisibili voluntate male recipiendi Sacramentum, solum postulat peccatum grave pro subtracto, et materia; quin excludat, quod sint plura, vel pauciora, quippe quod est ipsi fictioni accidentarium, et omnino materiale : siquidem eademmet numero fictio formalis esset, sive quis accederet cum uno, sive cum pluribus peccatis, hujus, vel alterius speciei. A qua quidem observatione discedere non debent Authores oppositi, apud quos est satis frequenter usurpata distinctio fictionis in formalem, et materialem, nomine *materialis* intelligendo peccata illa, de quibus non est dolor; et nomine *formalis* ipsam pravam, et super adjectam voluntatem directe accedendi ad Baptismum. Ex quo nostro judicio recte colligitur neutrum esse causam, aut circumspectantiam alterius, sed utrumque esse simul in illo instanti cum prioritatis supra assignatis. Nam si peccata sint præterita, licet non retractata, solum interveniunt ibi habitualiter in ratione privationis, quin alium influxum præstent in fictionem formalem, ut vel ipsi adversarii docere tenentur si consequenter loquantur; alias in eorum sententia, non ad Baptismum, sed ad Pœnitentiam pertinerent. Si vero sint peccata actualia, cum non directe aduersentur Baptismo, sed se teneant ex parte subjecti, ex hoc capite pertinent ad fictionem materialem, et constituunt materialiter magis indignum, quin alium influxum præstent in formalem fictionem, cui omnino accidentaliter conjunguntur in illo instanti. Unde solum tenent ex parte personæ operantis pure concomitanter.

Hinc facile diruitur utraque probatio illius Consequentiae : nam prima solum

Com-
men-
da-
tur
dis-
tinc-
tio.

D.Thom.

Dirutio
utrius-
que
proba-
tionis.

tenet in causa moraliter influente, qualis est actus, qui est causa omissionis; non vero quando est pura causa materialis concomitante se habens, ut constat in eodem exemplo omittentis jejunium v. g. præceptum, qui quidem, et omittit, et pravam cogitationem admittere potest in eodem instanti quin una sit causa, vel circumstantia in alteram influens. Secunda etiam deficit quia illa major indignitas solum se tenet ex parte subjecti. non vero refunditur in formalem fictionem, respectu cuius de materiali se habet. Unde solum est gravius sacrilegium gravitate materiali, non vero gravitate formalis. Non enim trahitur ad aliam speciem sacrilegii, ut constat, nec multiplicatur ratio sacrilegii contra Baptismum, cum ejus ratio consistat in accessu indigno ad Baptismum, quæ ibi unica, et indivisibilis est. Et quidem constans est hominem plura peccata omittentem in Confessione non committere nisi unicum, et indivisibile sacrilegium; cur ergo pluribus actualiter irretitus cum unica solum voluntate indigne recipiendi Baptismum, plura sacrilegia perpetrabit? Et ratio videtur eadem: quia voluntas omittendi plura peccata in eadem confessione non partitur, aut multiplicatur nec physice, nec moraliter juxta numerum peccatorum, quæ omittuntur, quippe qui materialis est, et de materiali se habet: similiter ad voluntatem recipiendi Baptismum indigne, de materiali est, quod adsint plura, vel pauciora peccata, atque ideo non est ratio multiplicandi sacrilegium.

Retor-
quetur.

Porro argumenti debilitas detegitur rectorquendo ejus formam. Nam qui jam pridem ante Baptismum innumeræ, eaque enormissima peccata commisisset, accidens sine eorum detestatione profecto indignus accederet, et majus, ac gravius committeret sacrilegium, quam si cum uno dumtaxat peccato reciperet: et tamen in nulla sententia foret cogendus ad ea in confessione explicanda: non ergo omne quod utcumque gravat, vel auget sacrilegium, in confessione explicandum est, sed dumtaxat illud, quod formaliter auget, vel moraliter multiplicat.

Confirm. Id quod etiam liqueat in veriori, et communiori sententia deobliganti a manifestandis circumstantiis intra eandem speciem aggravantibus, in quibus æque urget motivum argumenti, quin compellat ad eam sententiam vel deserendam, vel non veriorum judicandam.

§ VIII.

Incidens enodatur difficultas.

92. In hujus disputationis calce superest Quid d
decidenda quæstiuncula de peccatis erroneis peccati:
vel alia invincibili ignorantia existimatis,
re tamen vera non commissis, an sint ma-
teria hujus Sacramenti? Et quidem esse
obligationem gravem ea confitendi, inter-
rim atque homo eo errore, vel ignorantia
laboret, nemini potest esse dubium, cum
juxta prescriptum Tridentini teneatur
homo omnia peccata detegere, ut ea habet
in conscientia post diligentem perscruta-
tionem: sed laborans errore vel ignorantia
invincibili (imo esto esset vincibilis, dum
modo non esset deposita) existimat ea
fuisse vere commissa: ergo tenetur sub
culpa gravi ea confiteri; alioqui stante tali
ignorantia invincibilis, committeret sa-
craliegum. Et si esset vincibilis, dum tam
non vinceretur, eidem se exponeret
pericolo. Qualibet ergo ignorantia laboret,
sive vincibili, sive invincibili, quandiu ea
non deponatur, explicanda in confessione
sunt, ob præceptum manifestandi omnia
peccata gravia, prout sunt in conscientia.

93. Nec obstat judicium illud esse er-
roneum, ac subinde falsum: ergo in vi
illius nequit homo vere obligari ad confi-
tenda ea peccata. Nam concessò Antecep-
denti, neganda est absolute Consequentia,
quia licet nec judicium sit verum, nec pec-
cata revera sint coram Deo; sunt tamen
in hominis apprehensione ac notitia vere
commessa. Unde operaretur ea non mani-
festando contra conscientiam, ac si revera
fuissent, et consequenter committeret sa-
craliegum subticendo, quæ conscientia pro-
palanda dictaret. Nam licet conscientia
erronea per se, et absolute nequeat obli-
gare ad opus; bene tamen per accidentis,
facta illius suppositione, donec vincatur,
et deponatur. Quæ est doctrina D. Thomæ D. Thomæ
quæst. 18, de veritate art. 4, ubi in cor-
pore articuli docet, quod quamvis talis con-
scientia, quæ est erronea, deponi posset,
nihilominus tamen dum manet, obligatoria
est, quia transgressor ipsius de necessitate
peccatum incurrit. Diversimode tamen recta
conscientia, et erronea ligat: recta quidem
ligat simpliciter, et per se; erronea autem
secundum quid, et per accidentis: Ille enim,
cui dictat conscientia, quod teneatur ad for-
nicandum, non est obligatus, ut fornicatio-
nem sine peccato dimittere non possit, nisi

*Interior
represa.
Eius
aditio.*

sub tali conditione, si talis duret conscientia.

Quod si iterum urgere velis vel prudentiam illam confessionem non imperare, vel aliquando ad falsum concurrere, quod est contra ejus rationem, cum sit virtus intellectualis. Respondetur neutrum sequi ex nostra solutione, sed asserendum semper est confessionem illam esse imperatam a prudentia, et banc semper attingere infallibiliter verum. Ratio utriusque est: quia prudentia non dirigitur illo iudicio erroneo ad imperandam confessionem; sed alio dictamine omnino vero, pertinentem ad Synesim virtutem sibi adjunctam ad recte hic et nunc judicandum, quale est, *esse obtemperandum legitimate præcipienti, seu præceptum esse adimplendum.* Et inde subsumit: *Tridentinum præcipit omnia peccata prout sunt in conscientia, confessioni exponendo.* In quo profecto nihil falsum apparet, et in vi hujus præcipitur confessio illorum, quæ errore contingit judicare esse commissa: atque ideo error ille quasi accidentaliter presupponitur aliunde, quin influat in ipsam confessionem, aut eam regulet. Id quod etiam liquet in hostia non consecrata publicæ adoratiōni exposita, quam prudentia tam recte, quam vere jubet esse adorandam, quin a vero practice attingendo deficiat. Nam, ut loco nuper citato docet

Thom. D. Thomas: Ille qui conscientiam erroneam habet, credens eam esse rectam, alias non erraret, nec inhæret conscientiæ erroneæ propter rectitudinem, quam in ea credit esse: inhæret quidem per se loquendo reclamæ conscientiæ; sed erroneæ quasi per accidens, in quantum hanc conscientiam, quam credit esse rectam, contingit esse erroneam. Credere autem conscientiam illam erroneam est quid presuppositum ad prudentiam, et ad omnem ejus actum, et proprie attinet ad partem speculativam, in qua reperitur error, quin descendat ad virtutes practicas, ut explicuimus tract. de virtutibus post disp. 2, q. 57, in comment. ad art. 5.

94. Unde ad excitatam difficultatem respondetur nullatenus ea peccata existimata esse materiam hujus Sacramenti. Et ratio jam supra indicata est: nam materia hujus Sacramenti, sicut et cuiuslibet alterius, non dependet ex nostra apprehensione, sed ex eo quod Christus assignasse constiterit: Constat autem ex Concilio

Tridentino, materiam hujus Sacramenti Trident. esse peccata vere commissa post Baptismum: ergo haec dumtaxat et non falso imaginata sunt vere hujus Sacramenti materia.

Et confirmatur 1º. Nam vera medicina Confirm. non instituitur pro morbis imaginariis, et falso apprehensis: sed Pœnitentiae Sacramentum est medicina pro peccatorum remedio a Christo instituta: ergo pro veris, et non falso existimatis peccatis.

Confirmatur 2º. Etenim quia aqua naturalis (et est eadem prorsus ratio de propriis aliorum Sacramentorum materiis) est propria materia Baptismi, nulla alia quantumvis apprehensa ut naturalis, est vera materia. Cujus ratio a priori est, quoniam apprehensio, seu judicium humanum dumtaxat tribuit objecto esse apprehensum; non autem esse naturale a parte rei: ergo quod peccata apprehendantur ut vere commissa solum infert esse apprehensum illorum; non vero a parte rei fuisse commissa, et consequenter non sunt vera hujus Sacramenti materia.

Unde primo fit consequens, casu quo nullum aliud peccatum praeter ea, quorum est error, aut ignorantia, in Confessione explicaretur, nullum confici Sacramentum, nec subinde adimpleri præceptum confessionis. Siquidem nequit stare veritas Sacramenti absque vera materia, nec similiter adimpletur præceptum confessionis absque vera confessione: sed in hypothesi facta defecisset vera materia Sacramento, et similiter confessioni: ergo nec esset verum Sacramentum, nec adimpleretur præceptum illius.

Fit secundo deposito illo errore adimplendum esse præceptum confessionis annuae (de qua est sermo) quandoquidem præceptum urget, et cognoscitur non fuisse observatum sola confessione apprehensa, et non vera: ergo ne contraveniatur præcepto, ejus observationi standum est alia vera confessione. A quo quidem onere non liberat bona fides ante habita: haec quippe solum valet, ut ea stante, homo non deliquerit nec in defectu materiæ, nec in observando præceptum. Unde ea denuo non existente, stat possessio pro obligatione præcepti, cui ea bona fide non satisfecisse constat.

95. Sed contra resolutionem objicies. Quoniam ad veram rationem Sacramenti sustinendam sufficit (nec amplius requiritur) quod constet ex vera materia, et forma

Infer-
tur 1.

Infer-
tur 2.

Objec-
tio.

cum vera intentione ministri, et recipientis : sed hæc omnia salvarentur in hypothesi facta : ergo in ea conficeretur verum Sacramentum Pœnitentiaæ. Probatur Minor quoad materiam, in qua esse potest difficultas : nam materia proxima Pœnitentiae sunt actus ipsius pœnitentis, nimirum contritio ut significata, et sensibilis facta per confessionem : sed in prædicta hypothesi daretur contritio sensibiliter explicata in confessione : ergo in illo casu daretur materia propria hujus Sacramenti. Probatur Minor : quia Sacramentum non aliter exigit pro materia remota peccata, nisi ut objecta destruenda, et detestanda per contritionem : sed in illo casu ea contritio versaretur circa peccata existimata, eaque haberet pro objecto, quod detestaretur : ergo in prædicta hypothesi salvaretur vera ratio contritionis, consequenterque asserendum videtur esse ibi materiam sufficientem hujus Sacramenti. Major hujus syllogismi videtur expresse asserta a D.Thom.

D. Thoma infra quæst. 90, art. 1 ad 3, per haec verba : *Peccata sunt materia remota Pœnitentiaæ, inquantum scilicet sunt materia, vel objectum humanorum actuum qui sunt propria materia Pœnitentiaæ, prout est Sacramentum* : ergo eatenus ea peccata sunt materia Sacramenti, quatenus sunt objectum, seu materia contritionis : sed ut sunt materia, seu objectum contritionis, sufficit esse existimata : ergo etiam ut sint materia Pœnitentiaæ; alioqui enim aliter ad unum, quam ad alterum concurrerent ; quod est contra D. Thomam in verbis modo relatis.

Respon-
detur. 96. Ad hanc objectionem constat ex supra dictis ubi assignavimus discrimen inter Pœnitentiam virtutem a se ipsa, ut est Sacramentum. Unde ad ejus formam neganda est Minor primi syllogismi, et distinguenda Major secundi : *Materia proxima Pœnitentiaæ sunt actus pœnitentis, ut concernunt peccata vere commissa, conceditur*; alias negatur, et sub eadem distinctione Minoris neganda est Consequentia. Ratio distinctionis sumitur ex dictis : quia non quælibet contritio est pars hujus Sacramenti; alioqui enim contritio delictorum ante Baptismum esset vera pars hujus Sacramenti, quod esse falsum constat ex communi Theologorum doctrina. Nec similiter contritio peccatorum, quorum est tantummodo existimatio, est pars proxima illius : siquidem ratio Sacramenti non salvatur in præcisa nostra existimatione, sed in

veritate omnium, quæ Christus instituit. Non instituit autem Pœnitentiam pro peccatis apprehensis, sed pro vere commissis, et consequenter non decrevit quamlibet contritionem pro materia, sed eam, quæ versaretur circa vera peccata contra Deum, qualia non sunt apprehensa. Unde in hypothesi facta nullum esset Sacramentum defectu utriusque materiæ tam proximæ, quam remotæ. Hujus quidem, ut supponitur, illius vero ob defectum materiæ remotæ : qui a materia proxima non est, nec dicitur talis, nisi cognata, aut supposita materia remota : qua proinde deficiente, non remanet materia proxima in ratione talis.

Ad eliciendam vero contritionem non requiritur vere fuisse peccatum, sed sufficit illud ut vere factum apprehendere, ut (interim usque ea falsa apprehensio non deponatur) ipsius hominem pœniteat. Tum quia sicut præceptum, supposita ignorantia, obligat ad sui adimplitionem, ita et præceptum doloris. Tum etiam, quia dolor non regulatur fide, sed prudentia, quæ supposito errore, imperat detestationem peccati, sicut imperat adorationem hostiæ non consecratae, quæ publice adoranda proponitur; quæ quidem adoratio est actus virtutis supernaturalis Latriæ. Ratio a priori desumitur ex doctrina D. Thomæ 12, quæst. 64, art. 2, ubi docet medium virtutum moralium esse medium rationis, hoc est, a recta ratione præstitutum, quod non semper conformatur rei, prout in se, sed prout dictat prudentiæ ratio, ut explicuimus in annot. ad prædictum articulum loco supra citato de virtutibus. Huic autem doctrinæ non adversatur probatio ex testimonio D. Thomæ, cuius sensus est tam planus, quam verus, utpote procedens de peccatis vere commissis : hæc enim non aliter pertinent ad Pœnitentiaæ Sacramentum, nisi quatenus sunt objectum actuum humanorum ea detestantium. Non tamen inde bene infertur e converso omne quod est objectum humanorum actuum esse materiam Pœnitentiaæ ut est Sacramentum, ut constat in dolore post Baptismum de peccatis ante Baptismum.

97. Sed replicabis. Non stat contritio esse actum Pœnitentiaæ, et non posse esse partem ejusdem Sacramenti : ergo vel non est actus Pœnitentiaæ prædicta contritio, vel potest esse pars Sacramentalis illius. Consequentia constat, et probatur Antecedens ex Concilio Tridentino sess. 14, Tride-

Contr
tio
suppo
sita
ignora
tia
necess

cap. 4, ubi docet in qualibet perfecta contritione hujus status includi votum Pœnitentiae ut est Sacramentum, imo nulla est, aut esse potest vera virtus Pœnitentiae in hac rerum serie, in qua non intelligatur ordo ad hoc Sacramentum, ut vel in ipso tractatus limine supposimus : ergo non stat vera contritio, nec vera pœnitentia virtus, quæ non in hoc Sacramentum collimet, et consequenter, quæ non sit, aut possit esse vera pars illius.

Ad replicam respondetur negando Antecedens, cuius falsitatem satis manifestat instantia contritionis habitæ post Baptismum de peccatis ante ipsum perpetratis. Et ad ejus probationem concedimus ita esse, et quod Pœnitentia ut virtus respicit seipsum ut Sacramentum, utpote necessarium necessitate medii in re, vel in voto, et quod istud includitur in contritione perfecta prædictæ hypothesis, in qua, supposito errore, urgebat præceptum Confessionis. Sed aliud est, et satis diversum, quod in vi erroris peccati commissi urgeat præceptum, et quod homo teneatur ad confitendum, quæ duo ultronei concedimus; aliud vero, quod confessio sit veri peccati, et consequenter quod coram Deo sit verum Sacramentum. Et hoc negamus ob defecatum materiæ intervenientem. Sicut aliud est quod quis ex ignorantia teneatur in periculo mortis baptizare puerulum cum quolibet liquore, aliud vero quod Baptismus sine vera aqua naturali sit verus. Primum omnes concedunt, nullus vero secundum admettit. Unde in prædicta hypothesi, quod nullum aliud sit peccatum præter erronee existimatum, ex parte pœnitentis; contritio quidem tenderet in Sacramentum, ad quod homo accederet, et accedere tenetur; sed quia deficeret verum peccatum deficeret veritas Sacramenti, et consequenter neutra materia sive proxima, sive remota haberet rationem partis ob rationem dictam.

ARTICULUS III.

Utrum hæc sit forma hujus Sacramenti :
Ego te abservo?

Ad tertium sic proceditur. Videtur quod hæc non sit forma hujus Sacramenti: Ego te abservo. Formæ enim Sacramentorum ex institutione Christi et ecclesiæ usu habentur: sed Christus non legitur hanc formam instituisse, neque etiam in communione usu habetur, quinimum in quibusdam absolusionibus, que in ecclesiæ publice flunt, sicut in prima, et completorio, et in cena Domini, absolvens non uitior oratione indicativa, ut dicat: Ego vos abservo, sed oratione deprecativa, cum dicit: Misereatur vestri omnipotens Deus, vel absolusionem, et remissionem tribuat

vobis omnipotens Deus. Ergo hæc non est forma hujus Sacramenti: Ego te abservo.

2. Præt. Leo Papa dicit quod indulgentia Dei, nisi supplicationibus sacerdotum nequit obtineri: loquitur autem de indulgentia Dei, que p̄statur pœnitentibus. Ergo forma hujus Sacramenti debet esse per modum deprecationis.

3. Præt. Idem est absolvere a peccato, quod peccatum remittere: sed solus Deus peccatum remittit, qui etiam solus interius hominem a peccato mundat, ut Augustinus dicit super Joan. ergo videtur quod solus Deus a peccato absolvat, non ergo debet sacerdos dicere: Ego te abservo, sicut non dicit: Ego tibi peccata remitto.

4. Præt. Sicut Dominus dedit potestatem discipulis absolvendi a peccatis, ita etiam dedit eis potestatem curandi infirmitates, et ut diabolus ejicerit, et ut languescunt, ut habetur Math. 10 et Luc. 9; sed sanando infirmos Apostoli non utebantur verbis his: Ego te sano, sed Sanet te Dominus Jesus Christus, sicut Petrus dixit paralyticu, ut habetur Act. 9; ergo videtur, quod sacerdotes habentes potestatem Apostolis a Christo traditam, non debeant uti haec forma verborum: Ego te abservo, sed Absolutionem tribuat tibi Christus.

5. Præterea. Quidam haec forma utentes, sic eam expoununt: Ego te abservo, id est, absolutum ostendo: sed nec hoc sacerdos facere potest, nisi ei divinitus reveletur: unde legitur Math. 16, antequam Petro diceretur. Quodcumque solveris super terram, etc., dictum est ei: Beatus es. Simon barjona: quia caro, et sanguis non revelavit tibi, sed Pater meus, qui est in celis: ergo videtur quod sacerdos, cui non est facta revelatio, presumptuose dicat: Egote abservo, etiam si exponentur, id est, absolutum ostendo.

Sed contra est, quod sicut Dominus dixit discipulis Math. ultim. Euntes docete omnes gentes, baptizantes eos, ita dixit Petro. Math. 16: Quodcumque solveris super terram: sed sacerdos auctoritate illorum verborum Christi fatus dicit: Ego te baptizo. Ergo eadem auctoritate dicere debet in hoc Sacramento: Ego te abservo.

Respondeo dicendum, quod in qualibet re peccato tribuitur forma: dictum est autem supra, quod hoc Sacramentum perficitur per ea quæ sunt ex parte sacerdotis. Unde oportet quod ea, quæ sunt ex parte pœnitentis, sive sint verba, sive facta, sive quadam materia hujus Sacramenti, ea vero, quæ sunt ex parte sacerdotis se habeant per modum formæ: cum autem Sacramenta nova legis efficiant quod figurant, ut supra dictum est, oportet, quod forma Sacramenti significet id, quod in Sacramento agitur, proportionaliter materiæ Sacramenti, unde forma baptismi est: Ego te baptizo, et forma confirmationis est: Consigno te signo crucis, et confirmo te christum salutis, eu quod hujusmodi Sacramenta perficiuntur in usu materiæ: in Sacramento autem Eucharistia, quod consistit in ipsa consecratione materiæ, exprimitur veritas consecrationis, cum dicitur: Hoc est corpus meum. Hoc autem Sacramentum, scilicet Pœnitentiae, non consistit in consecratione alieujus materiæ, nec in usu alieujus materiæ sanctificatæ, sed magis in remotione eujusdam materiæ, scilicet peccati, prout peccata dicuntur esse materia Pœnitentiae, ut ex supradictis patet. Talis autem remotione significatur a sacerdote cum dicitur: Ego te abservo. Nam peccata sunt quædam vincula, secundum illud Proverb. 5: Iniquitates sua capiunt impium, et funibus peccatorum suorum quisque constringit: unde patet quod hæc est convenientissima forma hujus Sacramenti: Ego te abservo.

Ad primum ergo dicendum, quod ista forma assumitur ex ipsis verbis Christi, quibus Petro dixit: Quodcumque solveris super terram, etc., et tali forma ecclesia utitur in Sacramentali absolutione: hujusmodi autem absolutions in publico factæ non sunt Sacramentales, sed sunt orationes quædam ordinatae ad remissionem venialium peccatorum. Unde in Sacramentali absolutione non sufficeret dicere: Misereatur tui omnipotens Deus, vel absolusionem et remissionem tribuat tibi Deus: quia per hæc verba sacerdos absolusionem non significat fieri, sed petit ut fiat: præmittitur tamen etiam in Sacramentali absolutione talis oratio, ne impediatur effectus Sacramenti ex parte pœnitentis, cuius actus materialiter quodammodo se habent in hoc Sacramento, non autem in Baptismo, vel in confirmatione.

Ad secundum dicendum, quod verbum Leonis est intellegendum, quantum ad deprecationem, quæ præmittitur absolutioni: non autem removet quin Sacerdotes absolvant.

Ad tertium dicendum, quod solus Deus per auctorita-

tem, et a peccato absolvit, et peccatum remittit: Sacerdotes tamen utrumque faciunt per ministerium, in quantum scilicet verba Sacerdotis in hoc Sacramento instrumentaliter operantur in virtute divina, sicut etiam in aliis Sacramentis. Nam virtus divina est, quae interius operatur in omnibus Sacramentalibus signis, sive sint res, sive verba, sicut ex supra dictis patet: unde et Dominus expressit utrumque, nam Matth. 16 dixit Petro: Quodcumque solveris super terram, etc., et Joan. 20 dixit discipulis: Quorum remiseritis peccata, remittuntur eis. Ideo tamen Sacerdos potius dicit: Ego te abservo, quam: Ego tibi peccata remitto: quia hoc magis congruit verbis, quae Dominus dixit, virtutem clavum ostendens, per quas Sacerdotes absolvunt: quia tamen Sacerdos sicut minister absolvit, convenienter apponitur aliquid, quod pertineat ad primam auctoritatem Dei scilicet ut dicitur: Ego te abservo, in nomine Patris et Filii, et Spiritus sancti, vel per virtutem passionis Christi, vel auctoritatem Dei, sicut Diony. exponit 3 c. cœlest. hierar. Quia tamen hoc non est determinatum ex verbis Christi, sicut in Baptismo, tali apposito relinquitur arbitrio Sacerdotis.

Ad quartum dicendum, quod Apostolis non est data probatio ut ipsi sanarent infirmos: sed ut ad eorum orationem infirmi sanarentur. Est autem eis collata potestas operari instrumentaliter, sive ministerialiter in Sacramentis: et ideo magis possunt in formis Sacramentalibus exprimere actum suum, quam in sanationibus infirmatum. In quibus tamen non semper modo deprecative utebantur, sed quandoque modo indicativo, et imperativo: sicut Act. 3 legitur, quod Petrus dixit clando: Quod habeo, hoc tibi do: in nomine Jesu Christi Nazareni surge, et ambula.

Ad quintum dicendum, quod ista expositio: Ego te abservo, id est, absolutum ostendo, quantum ad aliquid quidem vera est, non tamen est perfecta: Sacraenta enim novæ legis, non solum significant, sed etiam faciunt quod significant. Unde sicut Sacerdos baptizando aliquem, ostendit hominem interiori ablutione per verba et facta, et non solum significative, sed etiam effective, ita etiam cum dicit: Ego te abservo, ostendit hominem absolutum non solum significative, sed etiam effective: nec tamquam loquitur quasi de re incerta; quia sicut alia Sacraenta novæ legis habent de se certum effectum ex virtute passionis Christi, licet possit impediti ex parte recipientis, ita etiam et in hoc Sacramento; unde Augustinus dicit in lib. de adult. conju. Non est turpis, nec difficultis post patrata et purgata adulteria reconciliatio conjugij, ubi per claves regni cœlorum non dubitatur fieri remissio peccatorum: unde nee Sacerdos indiget speciali revelatione sibi facta, sed sufficit generalis revelatione fidei, per quam remittuntur peccata. Unde revelatio fidei dicitur Petro facta fuisse: sed autem perfectior expositio: Ego te abservo, id est, Sacramentum absolucionis tibi impendo.

Affirmat Conclusio.

DISPUTATIO III.

De Forma hujus Sacramenti.

Exposita altera parte hujus Sacramenti, quæ est materia, sive proxima sive remota, in hoc articulo tertio instituit Angelicus Doctor disputationem de forma, quæ et in hoc, et in aliis compositis sive naturalibus, sive artificialibus, sicut actualior, ita potior, et perfectior existit. Quocirca ejus vestigiis inhærentes tertium locum damus huic controversiae, in qua ejus convenientiam, sensum, effectus, ac conditiones generatim explicare curabimus, rescissis aliis non ita propriis, hujus considerationis, quæ pertinent ad tract. de Sacramentis in genere, ubi tota disp. 2, universaliora principia jecimus, eaque

communia cunctis aliorum Sacramentorum formis; quo adire consulimus lectorem, ut ex ibi assertis, et hic asserendis pleniora hujus Sacramenti assequatur notitiam.

DUBIUM I.

Utrum hæc verba: Ego te abservo, sint conveniens forma hujus Sacramenti.

1. In ipso disputationis vestibulo duo ut 1 ^{supp} certa supponimus; alterum (infra examinandum) est prædicta verba esse formam, et idcirco solum quoad ejus convenientiam quæstionem excitamus: aliud vero formam hujus Sacramenti debere esse verba aliqua, eaque non ad cuiusque natum apposita, vel apponenda, sed omnino certa, et determinata, et quoad formalem sensum invariabilia. Et hanc suppositionem ut Theologis communem satis superque firmatam relinquimus loco nuper allegato ex Conciliis Florentino, et Tridentino, nec non ex SS. PP. ex quibus dub. 1 et 2, ostendimus omnia novæ legis Sacraenta duabus essentialiter perfici ac compleri, rebus scilicet, et verbis. Porro ab hac generali doctrina non est ratio extrahendi formam hujus Sacramenti. Tum quia illa motiva generalia, et generatim pro omnibus Sacramentis a Conciliis tradita, inventimus diserte ab eisdem Conciis iis huic Sacramento applicata, docendo formam hujus Sacramenti esse illa verba: *Ego te abservo*, etc. Nec mirum, cum æque utробique urgeant. Tum etiam, quia ex opposito gravissima, et absurdissima incommoda pullularent, et devorarentur contra perennem Ecclesiæ doctrinam ininterrupta praxi obsfirmatam, et approbatam, quorum aliqua paulo inferius indicabimus.

Unde audiendi non sunt Joan. de Medina. Cod. de Confess. § Quartum dictum fol. 64. Sylvester verbo *Confessor*. 3 et 4. Adrian. in 4, q. 1. Navar. cap. *Quem pannilet de Poenit.* dist. 1, quibus subscribere videntur Palud. in 4, dist. 17, q. 2, art. 4. Fagundez in 2 *Præceptum* lib. 2, cap. 10. Trullench. lib. 4. Praxis Sacramentorum, cap. 2, dub. 4. Joan. Pont. in suo cursu Theologico disp. 46, q. 2, concl. 2, cum suo Magistro Scoto in 4, dist. 14, q. 4, art. 3. Gabriel. ibi quæst. 2. Rosella verbo *Absolutio*. Angles art. 1, diffinit. 4, conclus. 2, et si qui sunt alii docentes ad formam hujus Sacramenti sufficere, vel quælibet verba indifferenta,

Joao.
Medina.

Sylves-
ter.
Navarr.

Palud.

Fagu-
ndez.

Troll.

Joao.
Pentif.

Scoto.

Gabriel.

Rosella

Angles.

rentia, quibus actus absolvendi significetur, vel signa, et nutus, quibus innuat Sacerdos solutionem, quin opus sit aliqua verborum prolatio.

Unum enim, et alterum rejicimus ut a veritate alienum, et oppositum ut omnino certum supponimus. Et a secundo, in quo affirmatur sufficere signa; et verba non requiri, incipiendo, veritas nostræ suppositionis ostenditur. Tum ex modo allegata doctrina, quæ cum communis sit omnibus Sacramentis, immediate, et directe distribuit pro hoc, et pro aliis, dum non militet specialior aliqua ratio in hoc præ aliis, qualem intervenire in Matrimonio est perspicuum, ut jam videbimus. Tum etiam, quia tam efficaciter colligitur ex Evangelio necessitas verborum pro forma solutionis, quam pro forma Baptismi: sed ad formam Baptismi adhuc in horum Authorum sententia necessario requiruntur verba, et non bene audiret apud Catholicos oppositionem affirmare: ergo ob eandem rationem etiam requiruntur essentialiter verba ad solutionem. Cætera constant præter Majorem, quæ facile probatur: nam sicut Matth. ult. dicitur: *Euntes docete omnes gentes baptizantes eos*, ita Joann, 20 affirmatur: *Quodcumque solveris super terram*, etc.; sed ex primo loco efficaciter colligitur necessitas illorum verborum: *Ego te baptizo pro forma Baptismi*: ergo etiam ex secundo eadem deducitur efficacia pro Pœnitentia illa forma verbis expressa: *Ego te abservo*. Idque satis appareat in aliis Sacramentis, quæ ad sui formam requirere verba nemo ibit inficias, quin Conciliorum doctrinæ aduersetur. Juxta quam solum de Matrimonio regulariter verbis perfici instituimur, cum tamen in aliis cæteris aliis nulla opponatur limitatio. Quod argumentum est dumtaxat in Matrimonio non desiderari verba, secus vero in aliis. Nam *exceptio firmat regulam in contrarium*, ut est frequens regula juris. Sed Concilium Florentinum in decreto Armenorum sub Eugenio IV universaliter decernit omnia Sacraenta perfici rebus, et verbis, nulla interposita limitatione, nisi in Matrimonio: ergo cuncta alia Sacraenta præter Matrimonium verbis perficienda sunt juxta mentem Concilii, alioqui enim diminute processisset. Unde sicut absque ullo fundamento quis intenderet nec in Baptismo, nec in Eucharistia pro illorum formis desiderari verba, et eminus amandandus esset, ita et ob eandem prorsus rationem

audiri non debent, qui idem in Pœnitentia adstruant, vel introducere voluerint.

Et sane illorum motiva debiliora sint, quam rei pondus exigere videtur, et tantum abest, ut intentum promoveant, aut fulciant, quod potius dissipent, et in eorum authores intorqueantur, ut ea expendendo, et vel leviter percurrendo fiet perspicuum. Nam primum, quod obtrudunt de Matrimonio, quod quidem ut in plurimum verbis, non semel tamen perficitur nutibus, aut signis, imo aliquoties alterius conjugum taciturnitate juxta illud juris: *qui lacet consentire videtur*, et inde gradum faciunt ad Pœnitentiam, quasi idem de ea posset, et debet concedi. Hoc, inquam, est prorsus ineptum: nam alias eodem arguento possent confidere inter omnino absentes, et procul, ac remotissime distantes exerceri judicium Pœnitentiale. Quod nondum est falsum, sed satis absurdum, et pluribus absurdis implexum, atque ideo damnatum, et severe prohibitum a Clemente VIII anno 1602, cuius verba infra referemus. Est etiam contra Concilium Tridentinum, docens pœnitentem ipsum sisti debere ante hoc tribunal, ut de eo judicium ferat minister, et poenas delictorum taxet, et pro arbitrio ipsius luat. Fieret insuper vel per internuntium, vel per procuratorem, vel aliis modis, quibus contractus matrimonialis celebratur, posse etiam a ministrari Pœnitentiam, quod est inauditum, et minus decens authoritati, et institutioni hujus Sacramenti. Unde sicut ex Matrimonio non bene arguitur ad alia Sacraenta, utputa, quod vel absque verbis, vel absque physica præsentia vel baptizandi, vel panis consecrandi, vel sacris ordinibus initiandi possit puer baptizari, panis consecrari, et sacris ordinibus initiari, ita non aptius paritas Matrimonii protrahitur ad Pœnitentiam.

3. Et ratio est penitus eadem: quoniam actiones Sacramentales, quia Sacramentales sunt, postulant exerceri inter ministrantem, et recipientem, in cuius utilitatem cedunt, et hoc quidem ex ipsa Christi institutione, et apostolica traditione ab ecclesia recepta, et approbata, ex quibus inconcusse constat desiderari utriusque physicam præsentiam, et quod minister vel absolvat, vel consecret, aut baptizet compos rationis, modo humano proferendo verba illius ministerii propria. Quod adeo verum est, ut non desint, qui in vi hujus asserant Matrimonium contractum inter

absentes, non obire rationem Sacramenti, quousque præsentes sint, et personaliter ratam mutuo habeant sui traditionem scripto, aut internuntio initam, ut videre est apud Delgadillo de Pœnit. cap. 12, dub. 7, ubi pro ea refert Scotum in 4, dist. 14, q. 4, vers. *sed hic est*, et Gonet in præsenti se referens ad quos tract. de Matrimonio disp. 2, art. 2, § 1. Quidquid vero de hoc sit, ratio disparitatis inter Matrimonium, et alia Sacra menta est perspicua : quoniam Christus non instituit contractum matrimoniale, sed ipsum jam pridem vel ab ipsa lege naturæ institutum elevavit ad rationem Sacramenti novæ legis. Cum autem de jure naturæ ad paciscendum, et contractum iniendum non aliud requiratur, quam mutuus paciscentium consensus ipsis invicem manifestus, sive verbis, sive signis, sive litteris id fiat, ut constat ex aliis contractibus naturalibus, experientia ipsa teste ; plane consequitur aliter quoad hoc esse theologizandum de Matrimonio, quam de cæteris Sacramentis. Quod alte callens Florentinum statuit ad Matrimonium *regulariter tantummodo*, secus vero ad alia Sacra menta, verba requiri.

Florent.
Discursus
adversus.

4. Secundum illorum motivum deprimitur ex propria hujus Sacramenti ratione, quam esse judiciale, seu ad instar exerceri judicii nemo ambigit, et Concilium Tridentinum expresse docet. Ad absolvendum vero in judicio nulla requiruntur verba, sed sufficit, vel scripto, vel nutibus, aut signis sententiam proferre : ergo similiter ad absolutionem Sacramentalem Pœnitentiæ, licet ut in plurimum convenientis sit intervenire verba, non tamen id erit omnino necessarium, sed eorum loco possunt substitui signa. Hanc Consequentiā probare sibi videntur, cum a paritate Antecedentis, tum ab urgentia necessitatis proximo extrema necessitate laboranti subveniendi : quippe contingere valet hunc in extremis positum, et in ipsam met confessione, vel ea immediate peracta, Sacerdotem repente voce destitui, nec posse verba proferre : in quo casu durissimum est non posse subveniri ægroto eum, si jam non voce, nutibus saltem absolvend. Tum denique ab exemplo ipsius pœnitentiæ, qui quidem si verbis detegere non valet propria delicta, ea ut potuerit, signis manifestare licet : ergo etiam Sacerdos absolutionem, quandoquidem ad veritatem, et essentiam hujus Sacramenti non minus

illorum confessio, quam absolutio exigatur, Tride^{ta} nam ut docet Concilium Tridentinum sess. 14, capitul. 5, *quod ignorat medicina non curat.*

5. Hanc tamen ratiocinationem pessum ire constat ex opposito principio, quod ea non labefactatur. Siquidem non est fundamen^{Dispel tur.} tum excipiendi hoc Sacramentum a generali regula aliorum Sacramentorum, quorum formis necessaria esse verba (si Matrimonium excipias) hactenus indubitatum est. Nec oppositum ex conceptu judicii probatur : quia licet ad rationem judicii utcumque non requirantur verba, sed sufficient vel nutus, vel litteræ, ut experientia ipsa testatur; secus vero in judicio Sacramentali, qua Sacramentale est. Et ratio disparitatis, supposita ut principali radice institutione Christi, sumitur ex dictis disp. 4, quia in judicio humano proceditur ad judicandum ex motivo justitiae vindicativæ, ex qua (omissis aliis de jure requisitis) advocantur testes, et processus formatur contra voluntatem delinquentis, eique non creditur, sed legitimis testibus, quorum testimonio vel invitus ipse damnatur, et punitur. In judicio vero Sacramentali contingit oppositum, siquidem est judicium reconciliativum hominis cum ipso Deo offenso, cui ipsem homo se voluntarie subjicit, puniendo in se, et detestando delictum ante commissum. Et ex hac parte homini creditur pro se, et contra se, dum sistit personaliter ante tribunal Christi, a quo expectat veniam, quin adsit strepitus forensis, sed solum vera confessio, et cordis attritio. Unde sicut ex hoc capite desciscit hoc judicium a judicio pure humano ; ita etiam ex parte judicis, quippe qui procedit, non ut homo, sed ut minister Christi, atque ideo vice illius absolvendo, et perfecte absolutionem significando. Hoc autem non perfecte fit per signa, aut nutus exteriores, bene autem per verba; ut tradidit D. Augustinus lib. 2 de doctrina Christiana cap. 3, *quia verba obtinuerunt inter homines principatum significandi*, et addit D. Thomas q. 60, art. 6, hujus tertiae partis, *quia verba diversimode formari possunt ad significandos diversos conceptus mentis : et propter hoc per verba magis distincte possumus exprimere, quod mente concipimus. Et ideo ad perfectionem significacionis Sacramentalis necesse fuit, ut significatio rerum sensibilium per aliqua verba determinaretur : aqua enim (idem dicit de nutibus proportione servata) significare potest,* et

Rati^{dispar}
tatis.

D. At
gust.

D. Tho

et

*Rerum
quaestio.
et ablationem per humiditatem, et refrigerium per frigiditatem.*

6. Porro si illud principium proficeret eo utentibus, pariter evinceret intervenire posse, imo et debere, quæ eveniunt in judicio humano, et hæc omnia sufficere, ut puta quod scriptis feratur sententia, quod absens absolvatur, et alia sexcenta, quæ introducere in foro pœnitentiali coram Deo absurdissimum foret. Decipiuntur itaque arguendo affirmative a judicio in communī ad judicium Sacramentale, vel paralogizant vehementer a judicio pure humano ad judicium Sacramentale longe diversæ rationis ab illo. Unde concessso absolute Antecedenti neganda est illata Consequentia, cuius disparitas constat ex dictis. Et ad alteram probationem in casu urgentis necessitatis, respondetur nihil in eo contineri, quod non similiter contingere possit in Baptismo, qui est magis necessarius, quam Pœnitentia, ad hunc sensum, quod defectus Sacramenti Pœnitentiae queit suppleri perfecta contritione, secus vero defectus Baptismi ante usum rationis. Sicut ergo non est durum puerum mori, non baptizatum coram elingui, aut totaliter impotenti; ita non abhorret, quod ægrotus decedat non absolutus post confessionem ob impedimentum superveniens, et humano modo inevitabile. Tertio etiam probatio corruit propter disparitatem inter pœnitentem, et Sacerdotem, quam tradit D. Thomas in 4, dist. 17, q. 3, art. 3, quia homo solum tenetur ad confitendum exterius, ut valuerit, vel lingua, vel nutibus, quibus dolor internus externe significetur, quia significatio ex parte pœnitentis, cum se teneat ex parte materiæ, quæ est indeterminata, et confusa, non est perfecta nec ultimo determinata; ultima enim determinatio, et perfecta significatio proveniunt a forma: atque ideo sicut in actuando, ita et significando petit excedere, ut etiam docet S. Doctor art. supra citato ex quæst. 60. Unde stat pœnitentem, rite, et recte confiteri signis, non tamen ministrum posse absolvere absque verbis.

7. Hæc cum ita sint, stabilienda superest altera suppositionis pars, nimur non quælibet verba indifferentia, sed aliqua determinata omnino desiderari ad veritatem formæ absorptionis. Cujus contrarium obtendebant, et autumabant preallegati Theologi, quorum princeps fuit Scotus ubi supra asserendo ad veritatem hujus Sacramenti quælibet verba sufficere, dummodo

Salmant. Curs. theolog. tom. XI.

eis exprimatur vera sententia judicis absolvantis. Nam sicut aliter judex de Theodoro Martyre dixit: *jubeo ignibus tradi, alias vero de Cypriano: Gladio animaverli placet;* cum tamen uteque damnatus evaserit: ita e converso in Pœnitentia, quælibet verba de se sufficientia ad authoritative explicandam absorptionis sententiam, consequenter sufficient ad rationem formæ, et verum perficiendum Sacramentum. In quam sententiam relabitur Vasquez in præsenti dub. 3, num. 41, ubi immerito reprehendit Scotum, asseritque peccare ministrum insuetis verbis utentem contra communem ecclesiæ consuetudinem; confidere tamen verum Sacramentum, eo quod semper se gereret ut judex, et ejus verba essent judicialis sententia significativa.

8. Veram contra hanc doctrinam directe militare videtur doctrina Concilii Tridentini sess. 14, cap. 3, statuentis: *Sacramenti Pœnitentiae formam, in qua præcipue ipsius vis sita est, in illis ministri verbis positam esse: Ego te absolvo,* etc. Hæc autem verba satis determinata, et expressa sunt, quin pateat aditus illi indifferentiæ ab Scoto indicatæ, et a Vasquez promotæ. Et sane præ Scoto excessisse Vasquez videtur, quandoquidem ille jam diu ante Concilium, iste vero post illud, et post inconcussam Theologorum sententiam Concilii assertionem amplectentem, scripserit, et sua commentaria in lucem dederit. Nec minus perspicue locutum fuit Florentinum pro unione Graecorum cum Latinis coactum asserens, quod *forma hujus Sacramenti sunt verba absorptionis, quæ Sacerdos profert, cum dicit: Ego te absolvo,* etc., ubi ad determinata verba redigit formam hujus Sacramenti.

Et certe, vel isti Authores loquuntur de variatione tantum materiali verborum, retentio utrobique eodem formalis sensu, uti accidit quando æquivalentia substituuntur. Et hoc modo nihil peculiare est in hoc Sacramento, quod non sit in aliis, neque est, qui refragetur confici verum Sacramentum; quidquid sit, an graviter, vel leviter peccet ita absolvens, aliis primum, aliis secundum asserentibus, quo i non investigamus illud pro comperto habentes in re adeo gravi, ex genere suo gravissimum esse a communi Ecclesiæ usu recedere, et præscripta verborum forma non uti. Vel fuit illis sermo de variatione formalis, et quoad sensum, ita quod nec verba, nec

Thom.

suppo-
sitio.

Scotus.
Vazquez.

eorum sensus sint determinata, sed quemque sufficere. Et hoc pacto directe adversatur illorum positio Conciliis allegatis, et rejicienda venit ex hoc capite, nec non exemplo aliorum quinque Sacramentorum, quæ non magis sunt determinata in Conciliis quoad proprias formas, quam hoc Sacramentum; cum tamen eam indifferentiam verborum non admittant, ut in confessio est apud omnes, et statuimus locis citatis de Sacramentis in genere. Quocirca non apparet ratio ab ea communi, et observata regula excipiendi hoc Pœnitentiæ Sacramentum. His ergo suppositis, sit

§ I.

Deciditur difficultas.

Conclu-
sio.

9. Dicendum est illa verba : *Ego te absolvo a peccatis tuis*, etc., esse convenientem formam Pœnitentia. Non determinamus, an hæc sola verba rescissis omnibus aliis, sint sufficientia, vel utrum aliqua ex illis essentialiter necessaria, quippe unum, et alterum sibi vendicat specialiorem indaginem infra seorsim pro illorum quolibet adjiciendam. Sed solum asserimus verba prædicta esse absolute convenientia, quidquid sit de earum sufficientia, vel necessitate. Convenientia autem alicujus, sicut et disconvenientia, vel se tenet ex parte subjecti, cui res est conveniens, vel sumitur ex ordine ad finem, in quem res collimat; plura enim possunt esse convenientia, vel disconvenientia ex primo capite, quæ eam non importent, aut saltem exprimant ex secundo, sed e contra. In præsenti vero amplectimur utrumque respectum, vel convenientiae modum, sive per ordinem ad Sacramentum, et subjectum Sacramenti, sive per ordinem ad remissionem peccatorum, quæ intenditur in hoc Sacramento. Et in hoc sensu suffragantur assertioni communiter Theologi, nonnullis ex antiquioribus, quos infra referemus, exceptis, quorum authoritas, alias veneranda in hac parte credit authoritati Ecclesiæ, quæ est omnium maxima.

10. Et hinc demonstratio sequens ita formatur. Nam quod Ecclesia universalis Spiritu Sancto edocta, constanter docet, et observat, nequit non esse conveniens : sed Ecclesia universalis constanter observat, et docet hanc formam Pœnitentia : *Ego te absolvo a peccatis tuis* : ergo præ-

dicta forma nequit non esse conveniens. Consequentia est evidens : Majorem non nisi male de Ecclesia meritus, inficiari quis poterit, præsertim in hac parte omnium ad nostram salutem utilissima, et apprime necessaria. quæque maxime commendat Christi redemptionem, et merita mediis Sacramentis communicata. Minorem testatur ipsa experientia perenni ecclesie usu comprobata, et eam docet D. Thomas opus. 22, cap. 1, dicens : D.Thom *Non est parva authoritas ejus, quod in ecclesia cantatur : Jam bone pastor Petre clemens accipe vota precantium, et peccati vincula resolve tibi potestate tradila.* Potestas autem tradita Petro est potestas clavium : potest ergo habens claves ex tradita sibi potestate dicere : *Ego te absolvo.* Unde cuidam Theologo S. Doctoris Syncrono obtentienti non legi aliquem Sanctorum hac forma usum tuisse, nec etiam sententiarum Magistrum, ita rescribit : *Dicendum est, quod nec Magister formam posuit, nec legitur de alia forma, qua aliquis Sanctorum sit usus : nec etiam legitur, quod aliquis istam formam negaverit.* Legitur autem, quod ipse institutor Sacramenti dixit : *Quodcumque solveris, quod est majus omni autoritate.*

11. Secundo probatur assertio ratione ipsius D. Thomæ in hoc art. 3 ad sequentem formam redacta. Quoniam illa est forma conveniens Sacramenti, qua apte significatur, quod agitur, et intenditur agi per ipsum Sacramentum circa propriam ipsius materiam, cui applicatur : sed per illa verba : *Ego te absolvo*, aptissime significatur, quod agitur, et intenditur in Pœnitentia erga propria peccata, quæ sunt illius materia : ergo prædicta verba sunt conveniens forma Sacramenti Pœnitentia. Consequentia liquet. Major etiam constat, cum qua Sacraenta sunt signa ad significandum proprium effectum designata, ex quo habent esse practica, et consequenter significare efficiendo, et efficere simul significando, quamvis radix significandi, et radix efficiendi sint diversæ, illa ex impositione, hac ex elevatione ipsis proveniente. Tum etiam, quia sicut in omni composito forma est actualior materia, ita in Sacramentis perfectior significatio, et perfectior itidem causalitas competit formæ præ materia. Tum etiam a paritate aliorum Sacramentorum, quam expendit, et illustrat S. Doctor, in quibus propria cuiuslibet illorum forma apte, et omnino convenienter significat, quod intenditur et agitur per Sacramentum in

Ratio
D.Thom.

in suscipiente. Minor vero probatur : quia materia hujus Sacramenti non consistit in consecratione materiæ, nec in usu materiæ sanctificate, seu benedictæ, ut accidit in aliis, quin imo in destructione, et remotione peccati, quod quidem est materia; sed destruenda, et abolenda, ut constat ex prælibatis ad disp. 2 : ad hanc autem destructionem conveniens, et aptissima est illa forma : *Ego te absolvo* : ergo ita asserendum, et tenendum est. Demonstratur hæc Minor; nam ad extricandum, et expediendum a vinculis nihil aptius, aut convenientius inveniri potest quam *solvere*, vel *absolvere* a *vinculis*, ut ex ipsis terminis liquet : sed peccata sunt vincula iuxta illud Proverb. 5 : *Iniquitates suæ capiunt impium, et funibus peccatorum suorum quisque constringitur* : relinquitur ergo quod hæc est convenientissima forma hujus Sacramenti : *Ego te absolvō*.

12. Respondebis primo discursum D. Thomæ solum probare posse convenienter illa forma uti in Ecclesia : non tamen evincit aliam æque convenientem non esse. Assumptum probabis discursum discursui contraponendo, et primum secundo revinendo : nam sumpta Majori, nimirum eam formam esse convenientem, quæ apte significat, quæ aguntur in Sacramento circa propriam materiam, subjunges aliam Minorem, videlicet aliis verbis : *Ego tibi remitto peccata*, aptissime significari peccatorum remissionem, quæ intenditur in hoc Sacramento. Ex quo manifeste etiam inferes non minus hæc verba, quam alia relata esse convenientem formam hujus Sacramenti. Minor subjuncta tam certa est, ut nullam admittat dubitandi rationem, quam do qui lem constat ex Evangelio Joan. 20 : *Accipite Spiritum Sanctum : quorum remiseritis peccata remittuntur eis, et quorum retinueritis retenta sunt*. Ergo tam clare desumitur ex Evangelio hæc forma : *Ego tibi remitto*, etc., quam ista : *Ego te absolvō*, et consequenter ista non est illa convenientior.

13. Hæc tamen objectio, cui plus justo detulit Abulensis infra allegandus, asserens formam in Ecclesia communem : *Ego te absolvō*, reddere locutionem inpropria, non diruit rationem D. Thomæ. Et impri-
mis derogat authoritatæ Ecclesiæ unam præ alia ut magis aptam usurpantis. Non enim licet cuilibet authoritatæ privatæ, quantumvis maximæ aliter sentire, et docere, quam quol Ecclesia, quæ ut de-

Christo dicebat D. Thomas, est omni auctoritate humana major, sentientium, ac docendum statuerit. Et præter duo Concilia allegata, adversatur etiam Moguntino cap. 4, et definitioni Leonis X in censura contra articulos 11 et 12 Lutheri, ubi præscribitur forma istius Sacramenti sub verbo *absolvo*, et non sub *remitto*. Et quidem si ita esset quod locutio redderetur inpropria per verbum *absolvo*, protinus conficeretur, inpropria, et metaphorica fuisse locutionem Christi Matth. 16 : *Tibi dabo claves regni cœlorum, quodcumque ligaveris*, etc., illam vero, quæ habetur Joann. 20 : *Accipite Spiritum sanctum, quorum remiseritis*, etc., esse omnino propria. Ex quo rursus fieret ex duplice Christi locutione, altera propria, altera vero inpropria desumpsisse Ecclesiam formam istius Sacramenti ex inpropria, relicta propria locutione : quod non est facile creditu, nec satis consulti maturissimo Ecclesiæ judicio in re tam gravi, qualis est determinatio formæ Sacramentorum, quæ non sunt utecumque signa sed practica, et valde propria ad significandum proprios effectus, ut constat ex discursu D. Thomæ, et serie totius doctrinæ in materia Sacramentorum.

Unde præoccupans S. Doctor prædicatam objectionem in hoc art. solu. ad 3 respondet : *Ideo tamen Sacerdos potius dicit : Ego te absolvō, quam ego tibi peccata remitto*, quia hoc magis congruit verbis, quæ Dominus dixit virtutem clarum ostendens, per quas Sacerdotes absolvunt. Cum enim absolutio immediate oriatur a potestate clavium Petro ut Apostolorum capiti concessa, sitque ejus primarius, ac potissimum actus, et ad hæc verba promissionis : *Tibi dabo claves regni cœlorum, ut constai ex Matth. 16, illico subjunxit* : *Quodcumque ligaveris, erit solutum*, etc., ad hanc connexionem ostendendam decrevit Ecclesia utendum verbo *absolvo* pro forma, non autem *remitto*. Hoc enim non explicat ita expresse clavium potestatem, cum quilibet absque illa, vel illa jurisdictione propria auctoritate remittat offensas illatas. Nec fuit nisi Abulensis, quod peccata non sint vincula, quæ debeant absolvi. Nam esto physice vincula non sint, quod non diffitentur; sunt tamen moraliter, ut constat ex testimonio allegato à D. Thoma Proverb. 5, et aliis passim obviis in sacra pagina, ut Psal. 115 : *Dirupisti vincula mea*; Psal. 118 : *Funes pec-*

Council.
Mogunt.
Leons X.

D.Thom.
respon-
sio.

Matt. 16.

Abul-
ensis dis-
cursus.

Pro-
verb. 5.
Psal 115.
Psal 118.

Isai 52. *vatorum circumplexi sunt me*; Isai. 52 : Idem. 58. *Solve vincula colli tui*, etc., cap. 58 : *Dissovitæ colligationes impietatis*. Et alibi plures. Hinc constat Minorem assumptam in hoc di-cursu ad refellendum ex D. Thoma formatum, esse negandam, ut falsitati obnoxiam, et ecclesiæ determinationi adversam.

Secunda objectio. 14. Insurges secundo contra discursum D. Thomæ, et contra solutionem nuper traditam, ex nullo illorum convinci necessitatem prædictæ formæ, nec consequenter convenientiam : siquidem stat vera potestas clavium, veraque jurisdictio ad effectum absolvendi, quin Sacerdos utatur prædictis verbis : ergo illa, nec necessaria, nec convenientia sunt. Consequentia constat, et Antecedens suadet, quoniam absolutio a censuris et est actus vere liberans ab earum vinculis, et procedit a vera, et legitima potestate superioris, qua excommunicationis vinculis irretriere potest : et tamen nec ad imponendum censuras, nec ab eis liberandum requiruntur ea verba, nec alia potestatem indicantia, ut experientia edocemur : ergo quod absolutio a peccatis proveniat immediate a potestate clavium, non infert necessitatem, aut prædictorum verborum convenientiam ; alioqui enim eodem probaretur discursu necessaria, et convenientia esse determinata aliqua verba pro censurarum relaxatione.

Repetitur. Sed nec ista objectio premit, quinimo in ea utentes retorquetur. Quoniam si vera esset paritas, et verum concluderet, manifeste fieret absolutionem Sacramentalem posse in absentem, imo et per scripturam impendi, quod fuit damnatum a Cle-

Clement. VIII. mente VIII ut falsum, et absurdum ; et quod adhuc est absurdius, quiret ad reincidentiam concedi, uti absolutionem a censuris concedi ad determinatum tempus, quo elapsio in eas reinciditur, ut manifestum est. Non ergo recte arguitur ex uno casu

D.Thom. ad alium. Quocirca Doctor Angelicus cui-dam eam paritatem ex Raymundi authoritate objicienti opusc. 22, cap 2, hæc verba repositi : *Derisorum est in tanta re post illum summæ pro authoritate adducere*, quasi in hac parte nulli sit authoritati standum nisi authoritati Christi, et Ecclesiæ, ita decernentis, et inviolabiliter observantis.

Objectio in forma, depensa. 15. Unde ad objectionis formam negandum est assumptum, et ad ejus probationem iterum negamus Antecedens, cuius probatio est nulla : quoniam sicut cum vera potestate ferendi censuras, ab eisque absol-

vendi, optime cohærent discrimina assignata, quod hæc per scripturam, ad reincidentiam, et ad absentes per procuratorem possunt dirigi; cum tamen nullum eorum teneat in aliis Sacramentis, aut eorum formis, utpote quæ ex institutione Christi, et Ecclesiæ consuetudine, contra quas non præalent exempla, et discursus, sunt in se determinata, et præsentiam realem tam ministrantis, quam recipientis essentialiter postulant. Ita ob identicam omnino rationem, ex modo absolvendi a censuris; non bene arguitur ad modum absolvendi a peccatis intra Sacramentum; alias nulla essent pro hoc Sacramento determinata verba, quod supra improbabimus, et adversatur directe Conciliorum doctrinæ.

16. Radix autem discriminis luculentius expensa traditur a D. Thoma opusc. citato cap. 2, his verbis : *Alia ratio est de absolutione ab excommunicatione, quæ non est Sacramentalis, sed magis judicaria, jurisdictionem consequens : et aliud de absolutione a peccatis in Sacramento Pœnitentia, quæ consequitur potestatem clavium, et est Sacramentalis*. Ex quibus habes absolutionem a censuris pertinere ad jurisdictionem externam licet ecclesiasticam, sicut et potestatem eis irretiendi, et ligandi : absolutio vero Sacramentalis, et clavium potestas, a qua immediate procedit, pertinent præcise ad forum internum coram Deo. Neutra tamen illarum alteri annexitur, aut per se illam supponit; cum saepè contingat Sacerdotem, cui est clavium potestas, non posse excommunicare, aut aliam censuram imponere : et e converso Minoribus tantummodo initiatum, in quo non est facultas Sacramentaliter absolvendi, amplissima jurisdictione potiri ad excommunicandum, et alias censuras ferendum, et in Episcoporum Vicariis generalibus non infrequentiter accidere testatur consuetudo hujus diœcesis Salmantinæ. Porro ex ista radice pullulat aliud discrimen inter unam, et aliam absolutionem, quod prosequitur S. Doctor : *In illa* D.Thom. *enim verba habent efficaciam ab intentione dicentis* : *unde non resert, quibuscumque verbis utatur ad exprimendam suam intentionem*. In Sacramentis autem verba habent efficaciam ex institutione divina. Unde tendenda sunt verba determinata, consonantia divinæ institutioni, institutioni autem dicentis : *Quodcumque solveris, etc., ista verba conveniunt* : *Ego te abservo* : *sicut institutioni dicentis* : *Euntes doceete omnes gentes, baptizantes, etc., conveniunt ista verba* : *Ego te baptizo*,

baptizo, etc. Sicut ergo ista tenenda sunt in Baptismo : Ego te baptizo : ita in Panitia : Ego te absolo.

*Ma
obj. vel.* 17. Tandem oppones. Nam si vera sunt hactenus dicta, deducetur ex illis verbis non solum debere sumi formam determinatam absolvendi, sed etiam ligandi. Consequens est falsum : ergo et illud ex quo sequitur, cætera constant præter Majoris sequelam, quæ facile suadetur. Tum ex potestate clavium, quæ non tantum deservit ad aperiendum, sed etiam ad claudendum, et intra claustra retinendum. qua analogia explicatur potestas Sacerdotum. Tum etiam ex verbis ipsius Christi, quæ non tantum exprimunt solutionem, verum et ligationem peccatorum : ergo vel assignanda sunt aliqua verba ad ligandum, quod est falsum : vel non bene ex allegatis verbis colligitur forma ad solvendum. Unde discursus D. Thomæ ut nimium probans contra experientiam non cognoscentem formam aliquam ligandi hoc Sacramento repellendum est, vel uti diminutus rejicendus.

irruitur. 18. Hæc tamen objectio non militat specialiter contra doctrinam D. Thomæ, sed alio divertit, quærrens formam propriam ligandi. Unde ab omnibus illi debet occurri; sive enim dicatur : *Ego te absolo in communi, et vera sententia, sive tibi remitto ut voluit Abulensis, sive alia verba pro absolutione usurpentur, semper stat inquirendi ratio, quare non sint præscripta verba ad ligandum, sicut fuerunt destinata ad solvendum. Quocirca directius favet docentibus nulla prærequiri verba ad absolvendum, sicut nulla sunt ad ligandum assignata, cuius oppositum supposuimus ad limen questionis.*

*ommu-
nis
volutio.* Communis solutio est ad ligandum non requiri formam, nec consequenter verba : quia cum sit absolutionis negatio, non aliam requirit formam præter non absolutionem : nam eo ipso ligatur homo, vel ligatus linquitur, eisdem vinculis, quibus erat obstrictus.

*mpu-
nator.* Hæc tamen solutio, nisi amplius explicetur, non plene satisfacit, tum quia Sacerdos non ligat, ut ita dicamus, pure negative, non absolvendo, hoc enim et laicus valet efficere, - sed potestative, et supposita cognitione causæ. Tum etiam quia potestas ligandi vera potestas est, sicut et potestas absolvendi, atque ideo aliquo actu se exercere debet; et hujus actus querimus formam, et modum, quo expli-

cetur. Tum denique : quia potestas ligandi respondet, proportione servata, potestati damnandi, quæ est in quovis judice in foro externo sententiam ferente : hunc vero constat tam in solvendo, quam in damnando servare formam aliquam, a jure præscriptam. Et sane ex ipsis terminis liquet, aliud esse ligare, et aliud non absolvare : hoc enim est extreum contradictionis absolutionis liberæ; illud vero superaddit ad negationem absolutionis, et importat quid positivum tam ex parte facultatis, quam ex parte actus; alias nihil aliud expressisset Christus illa circumlocutione *quocumque ligaveris*, etc., quod non fuisset indicatum, et explicatum in antecedentibus *Quocumque solveris*, etc. siquidem nulli esset dubium absolutionem libere impensam iri, et consequenter fuissent superflua verba superaddita : *Quocumque ligaveris.*

19. Missa ergo ut insufficien i hac soluti-

*Vera
D. Thom.
expli-
catio.*

tione, nisi ad statim subjungendam redigatur, veriorem, et omnino adæquatam nos docuit D. Thomas in 4, dist. 18, quæst. 1, art. 3, quæstiunc. 3, per hæc verba : *Ad tertiam quæstionem dicendum, quod operatio Sacerdotis in usu clavium est conformis Dei operationi, cuius minister est. Deus autem habet operationem et in culpam, et in pœnam. Sed in culpam ad solvendum quidem directe, ad ligandum autem indirekte, in quantum obdurare dicitur, dum gratiam non largitur. Sed in pœnam habet operationem directe quantum ad ultrumque, quia et pœnam parcit, et pœnam infligit. Similiter ergo Sacerdos, elsi in absolvendo ex vi clavium habeat aliquam operationem ordinatam ad culpæ remissionem modo jam dicto ; non tamen ligando aliquam operationem habet in culpam nisi ligare dicatur, in quantum non absolvit, sed ligatos ostendit. Sed in pœnam habet potestatem, et ligandi, et solvendi ; solvit enim a pœna, quam dimittit, sed ligat ad pœnam quæ remanet. Sed ad hanc ligare dupliciter dicitur ; uno modo considerando ipsam quantitatem pœnae in communi, et sic non ligat nisi in quantum non solvit, sed ligatum ostendit : alio modo considerando pœnam hanc, vel illam determinate, et sic ligat ad pœnam, ligando (id est taxando) eam. Ubi, ut vides, non sistit S. Doctor ad potestatem ligandi in non absolutione, quæ est actus ejus indirectus erga culpam, et in quo sistebat communis solutio, sed pergit ostendere alium actum directum respectu pœnae vel remittendæ,*

vel infligendæ, et taxandæ. Præter quam quod ipsam non absolutio a culpa applicatur a Sacerdote per modum pœnæ, ad modum quo denegatio gratiæ prout se tenet ex parte Dei est pœna peccati, ut explicuimus tract. 13 de Peccatis disp. 16, dub. 5, n. 429. Unde constat ministrum sub eadem forma, sub qua solvit a culpa, simul ligare ad pœnam, quin opus sit alia forma ad ligandum. Quando autem absolutionem negat, ipsa non absolutio est pœna quasi Sacramentalis, et sub sigillo servanda a ministro, quatenus fit intra confessionem, cum iudicio, et cognitione causæ, ob quam fit indignus absolutione. Sed quia non perficitur Sacramentum, non intervenit specialis forma; hæc enim solum ad conficiendum Sacramentum fuit insituta, et non ad dimidiam illius partem.

§ III.

Quæ obsint catholicæ veritati referuntur et refelluntur.

Duplex sententia.

20. Catholicæ veritati hactenus statutæ duplex adversatur sententia, si vere sententia dici potest, quæ opponitur Ecclesiæ, et communii Theologorum doctrinæ: et relictis haereticis, quibus summe fuit exosa, et adhuc est, clavum potestas, ut referunt N. Waldensis tom. 2, cap 144.

N. Waldensis. Rofensis contra Lutherum art. 10. Ruwardus art. 3 Bellarum. lib. 1, de Pœnit. Soto in 4, dist. 14, q. 4, art. 3. Ex catholicis unicus fuit Abulensis, cui hæc forma displicuit; non quia potestatem clavum catholice non tenuerit (hoc quidem nefas esset tali, ac tanto viro irrogare), sed quia hæsit in verbo *Absolvo*, quod sibi improprium videbatur; quo circa 1 p. sui defensori cap. 5 et 6, docuit magis proprium esse verbum *Remitto* ad explicandum proprium effectum hujus Sacramenti. Tum quia verbum *Remitto* habetur in Evangelio.

Jean. 20: *Quorum remiseritis peccata, remittuntur eis*, non minus quam verbum *Absolvo* Matth. 16. Alias *Remitto* expressius significat peccatorum remissionem, quæ intenditur, et efficitur medio hoc Sacramento, quam absolvō, ut voces ipsas consideranti erit obvium. Tum etiam, quia peccata non sunt vincula, quæ debeant absolvī, quoniam peccatum vel est actuale, vel habituale; et de neutro quæit vere affirmari esse vinculum; non quidem actuale, quod cito præterit, ut liquet; habi-

tuale autem, quod solum remanet, nihil aliud est quam macula ex peccato actuali relicta, et hæc est privatio, non vero aliquod vinculum, quo homo positive alligitur aut constringatur. Non ergo est propria, et conveniens hujus Sacramenti forma: *Ego te absolvo*, sed præferri debet ista: *Ego tibi remitto*, utpote expressior, et conformior fini hujus Sacramenti.

Porro hoc argumento (cui soli innititur) illud tantummodo consecuisse videtur egredius alias Doctor, valide posse conferri hoc Sacramentum sub ea forma, quod nemo it inficias; non tamen evincit hanc esse magis propriam, et convenientem, subindeque præferendam, quandoquidem superstat Ecclesiæ, et aliorum Theologorum authoritas, cui postponi debet alia particularis cuiuslibet alterius, quantumvis eximii, ut supra audivimus a D. Thoma, ubi etiam ostendimus frequenti scripturæ phrasí peccata appellari vincula, non quidem physica, ut constat, sed moralia, quibus anime vires constringuntur, ac ligantur, ne se excentiant, aut exerant in actus virtutum. Et ex ibi dictis constat ad primam, et secundam probationem. Ad tertiam dicimus ipsammet maculam, quæ est privatio gratiæ, et aliorum donorum supernaturalium, esse etiam vinculum, quod oportet disrumpi ad justificationem obtinendam juxta illud Psal. 115: *Dirupisti vincula eam, ad sacrificandum tibi hostiam laudis*, vel ut habet nostra Vulgata, *tibi sacrificabo hostiam laudis*: quilibet enim gravi peccato præpeditur homo, et in ordine ad Deum, quem sibi reddit offensum, et in ordine ad ea, quæ illi tenetur reddere vel obsequia, vel præcepta, quo circa Isai. 52, injungitur peccatori: *Solve vincula colli tui captiva filia Sion*. Unde tam constans est peccata esse moraliter vincula, quam est certum peccata inducere captitatem animæ respectu diaboli, cui mancipatur.

21. Vetustiorem aliam sententiam refert D. Thomas opus. 22 eiusdem Theologi asserentis formam Pœnitentiac non debere præferri modo indicativo: *Ego te absolvo*, sed per modum depreciationis: cujus fundamenta diluit ibi S. Doctor cap. 2, 3 et 4. Ei tamen favisce videntur D. Bonaventura, et Alexander Alensis, quatenus assentunt clavem Sacerdotis non se extendere ad remissionem culpæ, nisi per modum depreciationis. Quem dicendi modum tenuisse videntur etiam alii Sancti Doctores ex

Quid
probave-
rit
Abul.

Ps. 115

Isai. 52.

Vetus-
tior
senten-
tia.

D. Thom.
D. Bo-
naven-
tura.
Alexan-
der.
Alensis.

Fondate
mentum
huius. ex quorum verbis sequens formatur argumentum, quo primum assertionis motivum refellitur.

Quoniam incredibile est aut Santos Patres asseruisse aliquid contra communem veritatem in Ecclesia receptam, aut Ecclesiam aliquid docuisse contra sententiam SS. Patrum: sed est plurium SS. PP. sententia formam absolutionis esse deprecativam, et modo deprecativo preferendam; ergo id affirmare nec est contra veritatem receptam in ecclesia, nec ab ecclesia oppositum est inconcusse determinatum, et observatum: et consequenter non est tam conveniens haec forma: *Ego te absolvo*, sub modo indicativo, quod non sit etiam conveniens sub modo deprecativo. Utraque Consequentia sequitur ex præmissis. Minor in qua est difficultas, probatur ex D. August. lib. 4 de Bapt. et refertur in cap. *Munus* 1, q. 1, et lib. 3, de unico Baptismo cap. 15, ex Chrysostomo lib. 3 de Sacerdotio, ex D Hieronymo ad illa verba Psalm. 28: *Vox Domini intercidentis flamam ignis*, in quibus locis diserte affirmant, et docent formam absolutionis esse depreciationem. Nec minus perspicue loquitur Sanct. Leo Epist. 89, ad Theodorum, dum ait: *Indulgentiam Dei non nisi supplicationibus obtineri*, et D. Ambrosius lib. 3 de Spiritu Sancto cap. 19, inquit: *Sacerdotes in hoc ministerio non jus alicujus potestatis exercere*, idque probat subjungens: *Isti rogam, divinitas donat, humum enim obsequium, sed munificentia supernæ est potestatis*. Quorum similia apud alios SS. PP. passim offendes, potestatem soli Deo, et obsecrationem ministro deferentes, et ex illis omnibus liquet veritas a sumpta Minoris; ex qua cum Majori, de qua non dubitatur, legitime sequitur illata conclusio contra veritatem assertam.

22. Ad hoc argumentum respondetur illius Majorem non adeo esse veram, ut non sit grano salis condienda, quando quidem SS. PP. sententiae eatenus standum est, quatenus Ecclesiæ judicio cohærent; cum tamen ista altiori principio innitur, videlicet directioni, instinctui, et assistentiæ Spiritus Sancti, in vi quorum est infallibilis ejus determinatio, quidquid sit de hac, vel illa sententia, aliquorum SS. PP. quæ non est, ut sonat, tenenda; sed debet ad sanum, et catholicum sensum in Ecclesia receptum redigi, et benigne, quantum fas fuerit, explicari. In quo eminet pietas; et reverentia Angelici Præceptoris

erga SS. PP. sententias eas semper ad communem Ecclesiæ sensum revocando. Unde ad omnimodam veritatem Majoris est necessarium, quod uniformiter omnes SS. PP. vel senior, ac major illorum pars, rem ut de fide doceant, ac determinent. Secus vero est, quando unus, aut alius oppositum tenet; tunc enim præstat Ecclesiæ judicium, quam hujus vel aliquorum sententia.

In sano ergo sensu admissa Majori neganda est Minor, quam non evincunt inductæ locutiones SS. PP. ab Angelico Præceptore alto silentio prætermisso, unica dumtaxat S. Leonis, quia clariori, et eundem sensum cum aliorum PP. verbis retinenti, allegata. Respondeat ergo S. Doctor in præs. sol. ad 2, quod *verbum Leonis est intelligendum, quantum ad deprecationem, quæ præmittitur absolutioni, non autem removet, quin Sacerdotes absolvant*.

23. Hanc tamen explicationem difficultem judicat P. Suarez hic disp. 19, sect. 1, n. 13, et eam impugnat: quia Pontifex loquitur de verbis Sacerdotis, sine quibus peccata non remittuntur: sed sine orationibus præmissis absolutioni, utpote non necessariis dimittuntur peccata: ergo Pontifex non loquitur de illis, sed de forma necessaria, eamque appellat deprecationem.

24. Sed profecto talis impugnatio procedit ex valde superficiali S. Doctoris lectione, quasi S. Doctor aciem direxerit ad sola verba præmissa absolutioni, et non ad absolutionem ipsam. Quod esse falsum vel ex inde constat; quod alias non solvisset difficultatem, quæ non procedebat, nisi de ipsa absolutione, et hanc contendebat arguens esse deprecativam. Et respondeat S. Doctor dici *deprecativam* a Leone, et Patribus, non quia vera deprecatione sit, aut modo deprecativo feratur, sed sumpta denominatione a verbis deprecativis antecedentibus, et ideo addidit immediate, *non autem removet, quin Sacerdotes absolvant*. Itaque sensus clarissimus est totum illud ministerium absolvendi. Sacramentaliter sibi vindicare apud allegatos Patres denominationem *deprecationis* a ritu illo accidentali deprecativo: *Misereatur tui, et Dominus noster*, etc., qui communiter præmittitur absolutioni. Sic Corinth. 10, Eucharistia nuncupatur *Calix benedictionis*, quin in benedictione ejus forma consistat, et Pœnitentia olim *manuum impositio* dicebatur, et sub hac appellatione frequen-

Pater
Suarez

D.Thom.
impug-
nat.

Imbeci-
liter
tamen.

Co-
rinth. 10.

tissime usurpabatur inter veteres, absque eo, quod ea externa ceremonia ad ejus essentiam pertineat. Non enim semel a notioribus alicujus rei, et ut in plurimum accidentibus imponuntur nomina, quæ significent ipsam rem, sicut lapis dicitur a lædendo pede, quin pedum læsionem eo nomine explicemus, et scrupulus ex primæva impositione non nisi lapillum exprimit, cum tamen jam non nisi conscientiæ remorsus indicet.

Dissolu-
tur
objectio.

25. Unde ad objectionem P. Suarez, concessa Majori, et etiam Minori, negatur Consequentia, quia Pontifex, et alii allegati Doctores loquuntur de verbis antecedentibus ut impertinentibus denominacionem formæ, vel, si mavis, de ipsa forma ut accipiente ab illis denominationem, qua ratione totum Sacramentum absolute appellatur *deprecatio*, sicut etiam *manuum impositio*. Nec contra hoc urget Ambrosii testimonium, quo solum intendit S. Doctor monstrare Spiritum Sanctum esse primariam, et potissimum nostræ justificationis causam, et ministrum non nisi potestate ab illo accepta absolvere, et remittere, ut evidenter constat ex eodemmet S. Doctore toto lib. de Pœnitentia, ubi contra Novatianos clavum potestatem in Ecclesiæ ministris ad remittendum, et absolvendum solidissime fundat, et promovet. Quem etiam sensum tenuit D. Augustinus lib. 50, homil. serm. 23, ubi invehitur contra aliquos sibi arrogantes illa verba: *Dimitto tibi peccata*, quasi ex propria et non ab alio accepta potestate id præstare possent. Et sibi objiciens S. Doctor: *Si non dimittunt homines peccata, falsum est, quod ait Christus, quæ solveritis in terra, soluta erunt et in calo.* Respondet non meritis hominum volebat intelligi dimitti peccata: nam quid est homo, nisi æger sanandus? Et infra explicans causam principalem remissionis, et legitimum verborum sensum, attexit: *Si cui dimiseritis peccata, dimittuntur ei, hoc est, Spiritus Domini dimittit, non vos.* Et hoc modo inferioris absolutio potest dici deprecatio; non quia deprecatio sit formaliter; sed quia ab alterius voluntate superiori oritur, quia proprium est orationis ab aliena voluntate expectare, quod flagitat. In quo

Quantum
urgeat
Ambros.

D. Au-
gustini
vicens.

N. Wal-
dens.
Chrv.
sost.

etiam sensu N. Waldensis tom. 2 de Sacram. cap. 146, n. 2, exposuit Chrysostomum tom. 5, dialog. 3 de Sacerdotio, *absolutionem vocans Orationem Sacramentalem*, quia nim̄rum importat et rationem

Sacramenti, et deprecationes comitantes non excludit, quin ab illis denominacionem *Orationis* mutuatur, licet in se ipsa oratio non sit.

26. Arguitur secundo ratione, qua expozitio adhibita dirui videtur. Nam ad subordinate, et ministerialiter absolvendum aptior est modus deprecandi, quam indicativus: sed Sacerdos tantummodo absolvit subordinate, et ministerialiter: ergo aptius, et congruentius utitur forma deprecandi, quam indicandi. Minor, et Consequentia constare videntur, et probatur Major. Tum quia indicative loquendo importatur authoritas, et excluditur subordinationis, ut de se constat: nam qui absolute et sine restrictione profert: *Ego te absolvo*, nec vel leviter mentionem facit alicujus Superioris, in cuius virtute impendat absolutionem. Tum etiam quia Sacerdoti non competit aliquod speciale jus in peccatorem, sed totum refunditur ad Deum, qui est ipsi peccato infensus, et consequenter nequit cedere juri proprio, sed juri ipsius Dei, cuius vicem gerit: ergo aptius peccatorem absolvet invocando, et deprecando remissionem a Deo, quam eam absolute profiendo, quasi absolutionis, et remissionis author.

27. Respondet ad argumentum negando Majorem ut diametraliter oppositam institutioni hujus Sacramenti, et verbis Christi Domini illud instituentis: nam ut profunde animadvertisit D. Thomas opusc. citato cap. 1, non dicit (Christus) quæcumque petieritis esse solvenda, erunt soluta; sed quæcumque solveritis, erunt soluta. Si ergo illa tantum dicuntur esse soluta, quæ habens claves, solverit: qui autem petit esse solvendum, non solvit, miror, qua temeritate aliquis asserat esse solutum, quem habens claves non significat solvere, sed solum rogat esse solvendum. Ubi to:am vim et efficaciam absolutionis in clavum potestatem ministro communicatam reduxit; potestas autem non bene explicatur deprecatione; quippe nemo precatur, aut postulat, ab alio fieri, quod ipse potest. Unde vel neganda est clavum potestas contra catholicam veritatem, vel absque ulla hæsitatione assendum non aliter, quam indicative, et in sensu absoluto iri prolatam absolutionem.

Ad primam probationem in oppositum, concedimus primam illius partem, videlicet significari authoritatem ministri in absolutione, quod tam longe distat esse a veritate alienum, ut absque illo nequeat ita subsistere

Secund
arguitur

Illi fit
seditis.

Dissolu-
tur
probatio.

ter veritas, et institutio hujus Sacramenti. Negamus tamen secundam, quod excludatur subordinatio ad superiorem, cuius vices gerit absolvens : quia minister non absolvit in persona propria, sed in persona Christi juxta illud Apostoli. Corinth. 2 : *Ego quod donavi, si quid donavi propter vos in persona Christi.* Unde sicut baptizans, aut consecrans, non dicit : *Baptizet te Christus*, sed : *Ego te baptizo*, nec similiter : *Hoc sit corpus meum*, sed : *Hoc est corpus meum*, quamvis neutrum in propria persona exequatur, sed in persona Christi, cuius est principaliter baptizare, et consecrare, eodem prorsus modo theologizandum est de absolvente, quod debeat dicere : *Ego te abservo*, et non : *Absolvat te Christus*. Et ratio est omnino eadem : quia licet instrumentum non agat nisi ut motum et elevatum a causa principali, cui essentialiter subordinatur, ut est constans Philosophia, vere tamen agit non tantum prævie per actionem propriam, sed simul cum principali agente, a quo movetur ad agendum, ut eruditæ ostendunt N. Complut. lib. 2 phys. disput. 12, quæst. 2. Atque ideo sicut eadem actione concurrunt ad eundem effectum causa principalis, et instrumentalis, quia neutra agit absque communicatione alterius, ut ex ibi dictis constat : ita eadem absolutione absolvunt Christus, et Sacerdos, ille principaliter, iste vero instrumentaliter. Quæ fuit doctrina D. Dionysii cap. 3 Angelic. Hierarch. relata a D. Thoma opusc. saepè citato cap 1, his verbis : *Nihil igitur inconveniens, si purgare dicitur Theologum Seraphim : nam sicut Deus purgat omnes, eo quod est omnis purgationis causa : magis enim propinquo utar exemplo : quemadmodum, qui secundum nos est hierarcha, id est Episcopus, per ipsos Diaconos, aut Sacerdotes purgans, aut illuminans, ipse dicitur purgare, et illuminare. Patel igitur (concluxit D. Thomas) per autoritatem Dionysii, quod licet Deus ut principalis author purget, et illuminet, minister tamen dicitur purgare, et illuminare, similiter et absolvere.*

28. Nec inde inferendum est, ut aliquis forsan posset obtrudere, actionem illam vitalem verba proferendi instrumentaliter tantum fieri a Sacerdote; quod quidem ut omnino falsum, et actionum vitalitati adversum abiciendum est, siquidem de ratione actus vitalis est quod proveniat a principio intrinseco principe aliter se per illum movente, in quo unice differunt vi-

ventia a non viventibus : atque ideo implicat actionem vitalem, qualē esse absolutionem nemo ambigit, pure instrumentaliter fieri a Sacerdote. Quapropter ut nodus dissolvatur, distinguendum est in eademmet absolutione id, quod sibi competit vitalitatis per ordinem ad Sacerdotem eam proferentem, et id quod illi advenit ex elevatione ad producendam gratiam, et cooperandum Deo ad remissionem culpæ. Ex his autem duobus primum competit Sacerdoti ut cause principali; secundum vero attingit ut instrumentum divinæ virtutis, quo pacto gerit personam Christi principaliter, et immediate absolvensis.

29. Secundæ argumenti probationi occurrat Lugo in præsenti disp. 13, sect. 4, num. 103, concedendo, et bene, idem esse jus Dei, et Sacerdotis in absolutione. Ex quo non sequitur utendum est absolutione deprecativa, quia utendo verbo deprecative posset quidem petere a Deo absolutionem ipse Sacerdos, quin ipsem absolvere vellet : quocirca ad hoc vitandum debet uti verbo indicativo, quo indicet suam voluntatem, non vero deprecativo, quo dumtaxat eam exoptet.

30. Cæterum hæc responsio non placet, et ut illegitima repudiatur : siquidem quolibet modo absolutio proferatur, vel deprecando, vel indicando, queit Sacerdos propriam voluntatem coarctare, et totum absolutionis pondus Deo ferre, quin ipse velit penitentem absolvere, sed quod absolvatur a Deo, in quo principaliter residet jus : ergo quod indicet Sacerdos, vel non indicet propriis verbis suam intentionem, non refert; nec infert, uno, potius, quam alio modo utendum. Rursus. Quoniam semel atque sacerdos accedit ad conficiendum hoc sacramentum, tenetur graviter ad intentionem illud rite, et recte faciendi ; de qua intentione nefas esset penitenti dubitare, nec cuilibet alteri : hac ergo intentione omnino veraciter præsupposita, quis non videt nequit claudicare certitudinem aut penitentis, aut ipsius Sacramenti, sive proferatur indicative, sive deprecativa absolutio? Et clarissime liquet in extrema unctione, in qua, quia forma deprecativa est, non explicatur, aut indicatur intentio Sacerdotis; quin nec de Sacramento, nec de ejus fructu, quantum est ex parte Dei, et ministri, vel levis suspicio suboriri possit, quia formæ Sacramentorum, quocumque modo proferantur, non solum sunt verba significativa, sed activa, ut toties

Cardinalis
Lugo
respon-
sio.

Respon-
sio 1.

Secundo
impug-
natur.

audivimus a D. Thoma, et aliis Patribus. Unde peccavit Lugo in reddendo non causam pro causa.

31. Relicta ergo ut insufficienti hac solutione, concedimus in sacerdote nullum esse jus contra pœnitentem, utpote qui directe, et immediate dumtaxat contra Deum deliquerit juxta illud Ps. 50 : *Tibi soli peccavi, et malum coram te feci. Cæteruin illudmet jus Dei solius dimittitur a Deo, et ab ejus ministro medio hoc Sacramento, quo Deus ipse uti voluit ad extinguendum jus sibi proprium contra peccatorem. Ad eum sane modum, quo Pontifex, servata proportione, per se, et per suum legatum non semel immediate indulget, et pœnas relaxat. Et clarius elucet in Baptismo, quem præcedere necesse est peccatum originale, cum tamen homo vere abluit, et deleat tam ipsam maculam peccati, quam jus ex illo contractum, proferendo ea verba : Ego te baptizo, quin possit, aut debeat uti forma deprecativa, quæ est solutio D. Thomæ opusc. citato cap. 2, ubi simili argumento occurrens inquit : Quia vero dicit, quod Sacerdos non potest habere super culpam potestalem, et hoc habere potest calumniam. Sciendum est, quod si intelligat, quod Sacerdos sua auctoritate super culpam potentiam non habet, verum dicit. Si autem intelligit, quod Sacramentum, quod sacerdos ut minister tradit, non se extendat ad remissionem culpæ, falsum dicit. Sicut enim per Baptismum dimititur omnis culpa actualis, et originalis : ita per Sacramentum Pœnitentia remittitur actualis culpa.*

33. Arguitur tertio, et instatur in oppositum. Etenim sicut Christus contulit Apostolis potestatem absolvendi, ita et facultatem languores curandi, sanandi infirmos, et dæmones ejiciendi, ut constat ex Evangelio Marci ult. Matth. 10, et Luc. 9. Atqui ad curandos ægrotos non utebantur Apostoli verbo indicativo, sed deprecativo : *Sanet te Dominus Jesus Christus*, Act. 9. Ergo ex potestate clavium, qua potiuntur Sacerdotes in foro Pœnitentiae, non recte deducitur præferendam formam indicativam deprecativæ. Præmissæ sunt de fide, et Consequentia probatur ex illis : tum quia potestas sanandi infirmos vera potestas est, et vere explicatur per sensum deprecativum, et consequenter etiam potestas clavium. Tum et maxime, quia si sensui deprecativo : *Sanet te Dominus*, respondet in Apostolis vera potestas sanandi,

ex eo quod non nomine proprio, sed nomine Christi infirmi sanabantur ; nulla est disparitatis ratio respectu potestatis clavium ; siquidem minister non absolvit nomine proprio, sed in persona Christi, ut constat : ergo æque salvaretur potestas clavium forma deprecativa, ac indicativa ; et consequenter ex illa potestate non magis una, quam alia colligitur.

33. Confirmatur et explicatur æque urgenti, et manifesto exemplo extremæ unctionis, cuius affinitatem cum Pœnitentia commendans Tridentinum sess. 14, ante cap. 1, de *extrema unctione ex Patrum* sententia docet esse consummativum Pœnitentiae, et totius Christianæ vitæ, sed in hoc Sacramento forma est deprecativa, eaque apte significatur sanitas illa mediante obtainenda : ergo cum in Sacramento Pœnitentiae, quod præcipue intenditur, sit gratia sanativa; non opus erit ejus formam esse indicativam, sed debet esse deprecativa, ut sicut Sacraenta sunt ex parte finis, sic etiam et in formis affinia sint.

34. Ad hoc argumentum respondet Lugo concedendo præmissas, et negando Consequentiam. Ratio disparitatis collocatur in eo, quod in Pœnitentia datur potestas curandi animam, non utcumque sed per modum judicii. Judex autem ut judex non liberat reum, nisi per sententiam, quæ non profertur verbis deprecatoriis.

35. Porro solutionis hujus insufficientiam ostendunt ipsæ præmissæ argumenti, quibus nititur Consequentia. Ex quarum Majori constat potestatem sanandi ægrotos esse veram potestatem, et non similitudinariam, et hoc in solutione non diruitur, quin imo admittitur. Ex Minoru vero liquet actum proprium hujus potestatis verbis deprecatoriis exerceri, ut probat textus Actuum Apostolorum; quod nequit non concedi. Unde legitimate videtur deduci potestatem clavium, quantumvis sit vera potestas absolvendi, exerceri posse per verba deprecativa. Et urgetur hoc : nam potestas curandi infirmos quamvis vera potestas sit exercetur aliquando verbis deprecativis, ut constat ex textu allegato aliquando vero imperativis, ut est manifestum ex illo Actor. 3, in nomine Jesu Christi Nazareni surge, et ambula : ergo etiam potestas absolvendi poterit congruerter explicari altero duorum actuum, modo indicando, et interdum deprecando, quin sit determinatus Sacerdos ex vi Sacramenti ad modum indicativum. Et hujus Consequentiæ

Vera
soluto
seconda
probatio
nis.

Psal. 50.

D.Thom.

Tertiū
arguo
mentum.

Marc.
ult.

Matt. 10.
Luc. 9.

Luxæ 9.

Actor. 9.

Confi
tione

Tridi
tum

Respo
sio
Emin
tissi
Lugo

Ejus
insuff
cientia

quentia disparitatem non recte assignavit Lugo. Tum quia Sacerdos non solum procedit ut judex in absolvendo, sed etiam ut medicus sanando, et curando, quo circa Penitentia esse debet medicinalis, et præservativa. Tum etiam, quia semel concessa potestate absolvendi, verba absolvantis, quæcumque illa sint, non operantur nisi in virtute Christi, et patet in exemplo confirmationis argumenti, in quo nequit negari formam esse deprecativam, cum tamen effectus extremæ unctionis ex parte Sacramenti sit infallibilis. Tum etiam : nam quod Sacerdos absolvat ut judex, solum probat quod beat sacerdos judicium ferre de idoneitate recipientis, et quod faciat discretionem inter lepram, et lepram, quod erat proprium sacerdotum legalium, qui etiam erant judices. Non tamen ex vi hujus probat absolutionem semper iri impensam indicative; siquidem sicut in aliis hoc judicium differt a judicio humano, ita et posset in hoc differre. Et hujus non redditur ratio in solutione. Tum denique : quia verba deprecativa, procedentia ex potestate clavium ita essent deprecativa, ut simul essent ex intentione Christi, et Sacerdotis judicialia, et indicativa, quandoquidem et significant, et indicarent eandem remissionem, et sententiam, quodammodo. Non ergo recte proceditur assignando eam disparitatem inter potestatem clavium, et potestatem sanandi infirmos, cum semper maneat ratio inquirendi, et arguendi ab una in aliam. Unde licet verum sit, quod interveniat in hoc sacramento ratio sacramentalis judicii, ut docet Tridentinum; non tamen ex hac ratione recte sumitur disparitas ad hoc ut semper utendum sit illis verbis: *Ergo te abservo, secus vero in potestate sanandi non ligata ad verba deprecativa, vel imperativa, vel alia.*

<sup>era
utio
hom.</sup> 36. Veram itaque solutionem nos docuit D. Thomas in præsenti solut. ad 4, his verbis: *Dicendum, quod Apostolis non est data potestas, ut ipsi sanarent infirmos, sed ut ad eorum orationem infirmi sanarentur: est autem eis collata potestas operandi instrumentaliter, sive ministerialiter in Sacramentis.* Unde Major argumenti est distinguenda, et si sensus illius fuerit eodem modo illis fuisse collatam potestatem, neganda est: quia potestas sanativa Apostolis concessa, solum fuit potestas imprestandi sanitatem, vel media oratione, vel contactu, vel aliis signis, non tamen semper

et infallibiliter adhuc ex parte orationis, et imprestationis, sed quando congruebat ad utilitatem spiritualem vel infirmi, vel aliorum. Ad quod quidem excitabantur, et movebantur specialiter ab Spiritu sancto. Unde nec ex parte actus primi fuit illis concessa virtus permanens, qua forent destinati ad medelam omnium infirmitatum, sed prout oportebat, et quando expediebat, ad eam a Deo obtainendam movebantur. Quamobrem non nomine proprie, sed ipsius Christi conferebant, ut constat ex illo Petri act. 3: *Quod autem habeo, hoc tibi do: In nomine Christi Nazareni surge, et ambula.*

Si vero in Majori non intendatur omnimoda paritas, et similitudo, sed retineatur disparitas tradita, concedenda est, et cum ea Minor; negatur tamen Consequentia, quæ non recte infertur sub præmissa distinctione. Et ad primam ejus probationem dicimus in Apostolis non fuisse potestatem ad imprestandam sanitatem, sed ad eam, sicut oportebat, imprestandam. At vero in eisdem Apostolis, et eorum successoribus fuit potestas remittendi peccata, et non tantum imprestandi; quæ sunt satis diversæ: nam prima solum fundatur in promissione Dei, et motione transeunti, secunda vero in promissione, et destinatione permanenti medio caractere Sacerdotali, ad semper, et infallibiliter Sacramentaliter concurrendum. Et in vi hujus Sacerdos semper debet uti verbo indicativo, quo certo, et infallibiliter significetur effectus Sacramenti, quantum est ex parte ipsius. Ad curationem vero non erant destinata verba aliqua sed interdum istis, interdum aliis, prout a Deo dirigebantur transeunter, ut poterant. Hinc satis constat ad secundam probationem: quia licet tam sanans, quam absolvens in nomine Christi et medeatur, et absolvat; aliter tamen, aliqua permanenti designatione unus, quam alter.

37. Nec refert si objicias cum P. Suarez (cui dislicuit D. Thomæ disparitas) disp. 19, sect. 1, n. 12, tum Christum Apostolis concessisse potestatem efficaciter operandi miracula, licet eis non fuerit præscriptus determinatus modus illa efficiendi. Tum modum deprecativum non excludere modum efficaciter operandi, ut constat in Extrema unctione. Tum denique ad hominem contra D. Thomam docentem interdum Apostolos usurpare modum indicativum.

Replicat
Suarez.

Rejici-
tur.

38. Non inquam refert ista objectio, cuius debilitatem ipsummet Suarez agnoscere conjectamur, quandoquidem ea non tanti habita § Addo, a iam, quæ est D. Thomæ, subjunxit. Et quidem secundum, et tertium motivum omnino sunt extra rem : quandoquidem nullibi docuit S. Doctor modum deprecativum excludere modum efficaciter, et infallibiliter operandi, ut evidenter constat in Sacramento Extremæ unctionis. Sed tantummodo asservuit (et asseruimus cum ipso) hunc modum deprecativum solum convenire Extremæ unctioni, non tamen Pœnitentiae, quod verum est; sed longe diversum. Nec similiter usquam negavit Apostolis ad sanandas aegritudines, vel patranda miracula diversos modos vel precandi, vel impetrandi, vel indicandi; quin aliquis fuerit eis determinante prescriptus, sed tamen constanter tenuit in Pœnitentia semper indicativum absolvendi modum esse necessarium, ut constat ex dictis : unde nullius roboris est argumentum ad hominem. Primum vero motivum de potestate efficaciter operandi Apostolorum quoad miracula, etiam fallit, ut evidenter verba D. Thomæ monstrabunt. Ait itaque S. Doctor opusc. 22, cap. 2, eidem occurrens argumento : *Non adverbit autem, qui hoc objicit, quod potestas sanandi infirmates erat gratia specialiter homini data, non ad sanandum, sed ad sanitatem impetrandam. Potestas autem clavium non computatur inter gratias gratis datas, sed virtus Sacramentalis quæ principaliter residet in Christo, instrumentaliter autem, seu ministerialiter in Sacerdotibus claves habentibus. Unde verbum dicentis sanet te Dominus, non sanabat, sed sanationem impetrabat. Verba autem Sacramentalia efficiunt quod figurant.* Quo nec quoad rem ipsam, nec quoad mentem D. Thomæ nihil clarius.

Diligit
confir-
matio,
et reto-
querit.

39. Ad confirmationem principalis argumenti presumptam a paritate Extremæ unctionis, respondeatur alia, et urgentiori sane paritate omnium aliorum Sacramentorum, in quibus nulla forma est deprecativa. Si ergo paritas servari debeat, potius militat pro forma indicativa in Pœnitentia, quam pro deprecativa, ut haud obscure perspicitur, argumentum in arguentem retorquendo. Quoniam experientia constat aliorum omnium Sacramentorum formas consistere in verbis modo indicativo, aut imperativo, ut in Sacramento Ordinis prolatis : ergo si te-

net paritas unius Sacramenti ad aliud, vel in omnibus deprecative proferendæ sunt formæ, quod nequit admitti : vel fateri necesse est in hoc etiam Sacramento sub modo indicativo, sicut in cæteris esse exprimendam; siquidem urgentior est paritas plurium ad unum, quam unius ad alterum, nisi intercedat aliqua specialis ratio oppositum suadens. Hanc vero non intervenire respectu Pœnitentiae, bene autem respectu Extremæ unctionis luculentè explicuit D. Thomas ubi supr. cap. 1, d. Tho per hæc verba : *In Sacramento Pœnitentiae verba Scripturæ, quæ maxime sunt seculana, non faciunt mentionem de aliqua deprecatione, sed magis verbo indicativo utilit. Non enim dicit : Quæcumque petieritis esse solvenda, erunt soluta, sed quæcumque solveris erunt soluta. Si ergo illa tantum dicuntur esse soluta, quæ habens claves solverit ; qui autem petit aliquid esse solendum, non solvit ; miror qua temeritate aliquis asserat esse solutum, quem habens claves non significat se solvere, sed solum rogat esse solendum. Non autem similis ratio est utendi deprecativa oratione in hoc Sacramento, sicut in Sacramento Extremæ unctionis : quia nihil hic corporaliter expectatur futurum, quod statim non fiat, ut in Extrema unctione. Quid autem sit illud, quod expectatur futurum in Extrema unctione, et non statim, nec semper fiat ? inexplicatum non reliquit S. Doctor, sed jam præmiseraf esse sanitatem corporalem.*

40. Cæterum in hoc offendit Vasquez in præsenti dub. 3, n. 6, ubi ut difficilem rejicit hanc doctrinam. Primo, quia effectus ille sanationis, qui expectatur futurus, ut est effectus Sacramenti, sequitur ex opere operato ex vi Sacramenti, et non ut ex gratia miraculum : ergo tam infallibiliter sequitur ex vi Sacramenti, quam ipsa gratia. Secundo : nam effectus proprius formæ Sacramentalis per se significatur per ipsam formam, et consequenter, quantum est ex vi Sacramenti, infallibiliter ponitur ad positionem formæ. Tertio : nam ad causalitatem instrumenti physici impertinens omnino est, quod forma proferatur indicative, vel deprecative; cum quolibet ex his modis possit Deus elevare ad physice, instrumentaliter inducendam gratiam. Eisdem omnino motivis quin aliquid novi addat utitur Lugo disp. 13, sect. 4, num. 93 et 94, ut deserat tamquam falsam disparitatem traditam a D. Thoma.

Insurg
VazqueSaffra
ga ur
Lugo

aspe-
untur
pre-
missa
upaci-
serva-
zione.

41. Uterque tamen procedit ex non satis penetrata mente S. Doctoris, ut constabat perspicue, si eam parumper in lucem eruamus duplice observatione ex alibi ab ipso traditis una et altera desumpta. Est ergo animadvertisendum primo hoc interesse discriminis inter Pœnitentiam, et Extremam unctionem, quod illa solum inducit sanitatem, ut ita dicamus absolutam, et quoad substantiam media gratia, qua expelluntur peccata, relinquendo in homine torporem, imbecillitatem, et aliquos alios defectus, quibus homo adhuc justificatus spiritualiter infirmatur, et ad terrena semper deprimitur juxta illud, *Corpus quod corrumpitur aggravat animam*. At vero Extrema unctionio, cum sit ultimum remedium, quo ecclesia filios munit, ac disponit ad introitum gloriae, ex vi suæ institutionis importat perfectam sanitatem, ad quam per se loquendo non pertingit Pœnitentia. Unde abjicit, et evellit prædictos defectus [adjiciendo] robur, alacritatem, et promptitudinem ad sustinendos labores, et obsistendum dæmonum tentationibus, quae in illo articulo calidissimæ, et vehementissimæ esse solent. Atque ideo proprius hujus Sacramenti finis, cum sit Sacramentum vivorum, non est tollere absolute peccata, que per se loquendo ablata, et remissa media Pœnitentia supponit, sed tantummodo reliquias peccati. Quocirca Jacobi 5: *Conditionaliter asseritur: si in peccatis fuerit, dimittentur ei, quoad culpam, ut glossat D. Thomas infra q. 30 suppl. art. 1, non semper enim delet peccatum; quia non semper invenit; sed semper remittit quoad debitatem prædiclam, quam quidem peccati reliquias dicunt*. Et in hoc sensu appellat Tridentinum hoc Sacramentum, *Pœnitentia consummativum*, ut tangebatur in Confirmatione, cui occurrimus.

ob. 5.
Thom.
Thom.
osser-
ario
teria.

42. Hinc (observa secundo) quasi ex consequenti se porrigit ad inducandam sanitatem corporalem. Etenim sicut Baptismus ita vere corporaliter abluit, ut simul significet, et efficiat munditiam animæ spiritualem media gratia regenerante, ita extrema unctionio habet (verba sunt D. Thomæ) effectum corporalem medicatioonis, scilicet corporalem sanationem. Cum ea tamen differentia, quod in Baptismo semper fit corporalis ablution ex naturali proprietate aquæ; secus vero corporalis sanitas in Extrema unctione. Et ratio est, quia haec corporalis sanitas, cum sit effectus Sacramenti, ut Sacramentum est, non provenit

ex naturali proprietate olei, seu materiæ; sed ex virtute divina, quæ rationabiliter operatur. Sed ratio operans non semper inducit secundarium effectum, nisi secundum quod expedit ad principalem; atque ideo ex hoc Sacramento non semper sequitur corporalis sanitas, sed solum quando expedit ad spiritualem sanitatem animæ, et tunc semper eam inducit, dummodo non sit impedimentum ex parte recipientis.

Illatio.

Ex quo manifeste deducitur effectum primarium extremæ unctionis semper, et infallibiliter ponи ad positionem illius et in hoc convenit cum aliis Sacramentis in eo, quod nihil expectetur futurum. Alius vero effectus sanitatis corporalis, qui est minus principalis, et quasi secundarius, licet per se intentus, non semper inducitur, ut etiam experimento liquet, sed solum quando expedit ad ipsius animæ salutem; et in hoc stat differentia ab aliis Sacramentis.

Osten-
ditar
mens
D. Tho-
mae 1.

43. Hinc mens D. Thomæ manet elucida, et motiva illorum Doctorum penitus diruta. Nam primum quod assumit Vasquez, ruinosum est, utpote quod non distinguunt, sed absolute affirmat sanitatem ex opere operato semper sequi ex vi Sacramenti. Hoc enim esse falsum testatur experientia, et convincit ratio: quia licet corporalis sanitas, quoties expedierit, ex opere operato sequatur ad presentiam Sacramenti; quia iam multoties non expedit, non semper sequitur: atque ideo remanet locus ad hoc ut Sacramento aliquid expectetur ut futurum, quod non statim fiat, ut optime docuit Angelicus Praceptor.

Secundo.

Dehiscent etiam vires secundo: quoniam Sacramentum ex vi Sacramenti non infert infallibiliter sanitatem corporalem, nisi quatenus congruit sanitati spirituali. Cum autem ad istam sæpe nec congruat, nec conduceat, fit inde non semper ponи ad positionem formæ, et Sacramenti. Atque ideo merito asseruit D. Thomas in hoc Sacramento, non vero in aliis expectari in futurum aliquid corporale ex ipso Sacramento proveniens, sed non statim.

Additur

Præterquam quod, esto semper aliquod commodium sanitatis corporalis ægroto adveniret ex ipso Sacramento, id quidem non in ipsomet instanti prolationis formæ, in quo inducitur effectus spiritualis, contingenter, sed paulatim, ac interposita temporis morula juxta Dei voluntatem. Quapropter verum esset non statim cum ipso

Sacramento fieri, ut asserit S. Doctor; quo tamen non reperitur in aliis Sacramentis, ut liquet. Unde vel ex hoc etiam capite claudicat illud motivum Vasquez, et ejus inefficacia monstratur.

Eadem
veritas
magis
osten-
tur.

44. Vehementius adhuc impingit in tertio, quo obtendit S. Doctorem refugisse ad causalitatem physicam, ut salvaret formam deprecativam in uno horum Sacramentorum, et indicativam in alio: hoc enim est merum commentum, et tenebras super lucem offundere, ut evidenter constat ex sequenti reflexione, qua monstratur non potuisse S. Doctorem absque summa, et patentissima inconsequentia ita procedere. Quandoquidem omnia Sacra menta novae legis esse instrumenta physica, et physice concurrere ad producendam gratiam, tam constans, et perspicua doctrina est S. Doctoris, ut de ea nullus verus discipulus hactenus dubitaverit, ut constat ex dictis superiori volumine tract. de Sacramentis in genere disp. 4, dub. 4, ubi clarissima ejus testimonia produximus, et expendimus. Nec est minus certum, ut pote fide certum extremam unctionem esse Sacramentum novae legis, et consequenter juxta propriam sententiam instrumentaliter physice concurrere ad productionem gratiae. Aliunde vero docet et catholice propugnat hujus Sacramenti formam non posse non esse deprecativam, Poenitentiae vero indicativam. Qua ergo consequentia potuisset S. Doctor configurare ad causalitatem physicam uni, et alteri Sacramento communem, ut inde statueret formam deprecativam in uno, et relegaret ab alio? Hoc enim creditu impossibile est.

Radix
resolu-
tions
dete-
guntur

45. Ex altiori itaque ratione processit D. Thomas, ut praetinentia diversitatis rationem assignaret, et duplex fundamentum jecit, alterum a priori, alium vero et nobis notius a posteriori per modum congruentiae, ut solet fieri in his et aliis materiis a sola Dei voluntate pendentibus, in quibus non quid possit fieri, sed convenientia facti explicatur. Primum itaque fundamentum ad sequentem formam redigimus: nam ex formis Sacramentorum aliquas promulgavit se ipso Christus Dominus, aliquas vero non, sed promulgandas reliquit Apostolis, ex quorum traditione accepit Ecclesia, et observanda tradidit: sed ex traditione tam Apostolica, quam ecclesiastica constat formam Poenitentiae prolatam iri modo indicativo, et formam Extremae unctionis verbis de-

precatis: ergo ita firmiter, et catholice tenendum est. Consequentia liquet. Majorem quoad primam ejus partem probat, et explicat S. Doctor infra. qu. 29, suppl. D.Th. art. 3, illis verbis: *Et ideo alii dicunt, quod omnia Sacra menta Christus instituit per se ipsum. Sed quædam per se ipsum promulgavit, quæ sunt majoris difficultatis ad credendum; quædam autem Apostolis promulgandas reservavit, sicut Extremam unctionem, et Confirmationem.* Quoad secundum vero art. 7 ejusdem quæst. ad 4, dicens, *quod Sacra Scriptura omnibus communiter præponitur: et ideo forma Baptismi, qui ab omnibus dari potest, debet in Sacra Scriptura exprimi, et similiter forma Eucharistie, quæ exprimit Sacramenti illius fidem, quæ est de necessitate salutis.* Sed formæ aliorum Sacramentorum non inveniuntur in Scriptura traditæ, sed Ecclesia ex traditione Apostolorum habet, qui a Domino acceperunt, ut dicit Apostolus 1 Corinth. 11: *Ego accepi a Domino, quod et traxi vobis.* Minorem vero quoad Extremam unctionem probat ex eo, quod Jacobus (a quo specialiter promulgatum fuit hoc Sacramentum) totam vim hujus Sacramenti videtur constituere in oratione, atque ideo ita accepit Ecclesia formam verbis deprecatoriis proferendo. Quoad Pœnitentiam vero jam in praesenti probaverat ex eo *quod Christus non dixerit, quæcumque petieritis solvenda, solventur, sed quæcumque solveritis, solventur.* Et verba Scripturæ, si alias semper, potiori jure in re gravissima tenenda sunt. Ex quibus perspicue, et a priori ostenditur differentia inter formas horum Sacramentorum.

46. Quæ supposita frequentius confugit S. Doctor ad rationem congruentiae, ut magis notam, et nobis manifestam, et est hujusmodi: quia cum nostra Sacra menta ita significant, quod simul efficiant, eorum verba debent esse talia, talique modo proferri, quod explicent effectum principalem per analogiam ad effectum sensibilem, quem nata sunt inducere. Quæ propositio omnino vera est, absolute et independenter a modo causandi, sicut verum est discri men inter Sacramentum novæ, et veteris legis ab Scriptura, Conciliis, et Patribus constitutum, et uberiori tract. de Sacramentis in genere a nobis explicatum. Sed effectus sensibilis Extremæ unctionis, ad cuius analogiam confertur spiritualis, est sanitas corporalis, quæ non statim conferatur, sed expectatur futura, et dependens a

Apos-

Con-
grue-
tia
ratio-

D.Th.

Dei

Dei voluntate, ut eam conferat, si expedierit : ergo ejus forma convenientissime explicatur verbis deprecativis. *Nam sanatio corporalis non statim sequitur ex unctione, sed petitur praestanda a Domino. Unde et interior sanatio, quæ per eam significatur, sub depreciatione a Deo poscitur.* Hoc autem non tenet in alio ex septem Sacramentis, atque ideo specialior ratio militat in hoc Sacramento præ aliis ad utendum forma deprecativa.

Nec ideo negamus S. Doctorem approbase causalitatem physicam Sacramentorum, ut aliquis posset calumniari. Sed quod asserimus est ad hanc differentiam statuendam non esse necessariam, nec consequenter ex uno aliud deduci, licet unum et alterum sit simul verum, ex diversis tamen capitibus.

47. Ultimo arguitur ex praxi Ecclesiæ Græcorum, apud quos (ut refert Arcadius in concordia Occidentalis, et Orientalis Ecclesiæ lib. de Pœnit. cap. 5) est in usu absolvere sub his verbis : *Domine Jesu Christe, qui dedisti mihi potestatem, absolve hunc a peccatis suis*, vel dicendo : *Dominus noster Jesus Christus, qui dedit Apostolis suis potestatem, quæ per illos transit ad nos, absolval te, sive condonet tibi peccata tua.* Sed in ecclesia Græca est verum Sacramentum Pœnitentiæ, veraque Sacramenti forma : ergo haec non necessario explicanda, et proferenda est per verbum indicativum : *Ego te absolvo*, sed quam optime potest impendi verbis deprecativis Deo absolutionem deferendo.

48. Ad hoc argumentum respondet Lugo ubi supra n. et ex illo Prado dub. 5, n. 6, eum usum non esse universalem, etiam apud Græcos, siquidem eorum graviores, et peritiiores ea verba relata non habent pro forma, sed ista : *Ego habeo te absolutum, quæ idem sonant ac apud nos : Ego te absolvo.* Ut probat idem Arcadius lib. 4, cap. 3. Alii vero dissentientes invalide absolvunt, eo quod illa verba sint pure deprecativa, et cum schismatici sint, hoc, inter alios plures, errore laborant.

Sed quidquid sit de hoc, et fides sit apud Auctores, nostra non referre existimamus instantiam Græcorum cum habeamus ex cap. *Ad abolendam, de hereticis Ecclesiam non posse errare circa materiam, et formam Sacramentorum, et ex Concilio Tridentino sess. 7, can. 13, receptos et approbatos ecclesiæ catholicae ritus in solemnni Sacramentorum administratione ad-*

hiberi consuetos, aut contemni, aut sine peccato a ministris pro libito omitti, aut in novos alios absque anathemate mutari non posse. Constat autem de usu, et approbatione ecclesiae in administratione Pœnitentiæ per illa verba : *Ego te absolvo.* Quid ergo quoad hoc refert, quod Græci ea forma non utantur ? Profecto nostro iudicio nullatenus Sacramentum conficiunt, quoniam Ecclesia Romana sicut est caput, ita etiam et regula omnium aliarum Ecclesiæ, cui conformari debent. Quocirca licet in aliquibus Ecclesiis, ut Mediolaensis, et Veneta, invaluerit aliquando usus ministrandi extremam unctionem sub illis verbis indicativis : *Ungo te oleo sancto, etc.*, ut testatur Labat de Sacramento extremæ unctionis, disp. 4, dub. 1, tamen post promulgata Concilia Florentinum, et Tridentinum exolevit, et penitus fuit abolitus. Quod argumento est pessum ire quemlibet usum, et nihil faciendum, qui non cohæreat Romanæ, seu Latinæ ecclesiæ.

Huc accedit determinatio Clemens VIII in Bulla a se expedita pro Græcorum reformatione die 31 Augusti anno 1591, ubi eam formam illis interdixit præcipiens *quod utantur forma absolutionis in generali Concilio Florentino præscripta, et postea si voluerint, dicant orationem illam deprecalivam, quam pro forma hujusmodi absolutionis dicere tantum consueverunt.* Quo tam expresso decreto nullus relinquatur locus nec Græcis, nec aliis ecclesiæ filiis alia forma utenli. Et merito quidem tam severe id præceptum est, et oppositum prohibitum ; nam ut jam pridem Angelicus Doctor observaverat, aliud est deprecari quem, ut absolvat, aliud vero absolvere, sicut aliud est postulare veniam pro reo, aliud indulgere ipsi. Christus autem non dixit, si *deprecati fueritis, absolvam, sed quæ solveritis erunt soluta, et quæ ligaveritis ligata.* Unde si non absolute proferantur haec verba, ut fit in ecclesia Latina, nullum conficitur Sacramentum.

49. Hinc decisa manet alia difficultas seorsim ab aliis examinata, quin severiori indagini eam exponamus : An, videlicet sit licitum, aut saltem validum uti aliis verbis vel imperativis, vel additione, aut diminutione, aliove modo variatis, quam quæ in ecclesia communi usu probantur ? In quo satis dissident Theologi morales, et ex scholasticis affirmant Scotus, Vasquez, Lugo, et alii, quos refert Martinez de

Ecclesiæ
Mediola-
nensis,
et Veneta
quid olim
tenue-
rint.
Labat.

Clemen-
tis VIII.

D.Thom.

Alia
difficil-
tas
decisa.

Prado dub. 5, § 4, ubi etiam allegat oppositum asserentes.

50. Ab hac tamen difficultate breviter nos expediemus, ducti eo saepius repetito D. Thomae principio ex opusc. 22, cap. 2, quod in Sacramentis verba habent efficaciam ex institutione divina: unde tenenda sunt verba determinata consonantia divinae institutioni. Quod quidem principium verissimum, et solidissimum, si praecipue oculis haberetur; non tanta esset opinandi libertas, nec toti iuris in dies pullarent ex opinionum novitate, queis expungendis nec labor, ne vita sufficere videntur, ut damno proprio, et doctrinæ detimento non absque molestia experimur. Sed quidquid sit de hoc, cuius remedium desperamus, si vera sunt, quæ diximus, facilis est decisio.

51. Nam quod attinet ad licitum, constat pars negativa: nemini enim licet in administratione Sacramentorum non usurpare formam in Ecclesia, et ab Ecclesia prescriptam, aut ea recedere in re omnium iudicio gravissima, qualem esse hanc nemo nisi rationis imposuit inficias. Nec similiter est licitum se exponere periculo, eique urgenti, et proximo frustrandi, et irritum reddendi Sacrameotum illud ministrando sub forma indebita, et maxime dubia absque legitima causa; quam hic nunquam, aut fere nunquam intervenire facile suadet ipsa verborum facilitas: *Ego te absolvo*, in omni contingentia satis obvia, et cuiilibet legitimo ministro aequo nota. Unde gravissime delinqueret et contra reverentiam debitam Sacramento, et contra iustitiam, et charitatem in proximum ipsi non conferendo absolutionem certam, ad quam habet jus Sacramento se subjiciens absolvendus. Et quia Sancta sancte tractanda sunt, non omnino immunem a culpa censeremus, si retenta eadem verborum forma, communis dialecto, quis absolveret, hispano, aut alio idiomate non latino, loquendo: quippe adversaretur consuetudini totius Ecclesiae Latinæ, in qua non nisi latine proferri consueverunt Sacramentorum formæ. Et nisi materiae parvitas, inadvertentia, aut alia justior causa, quæ non illico appetit, intercederet, ita absolvens grave peccatum committeret; siquidem in re adeo gravi, et continuo observata ab ecclesiæ norma recederet.

52. Major est difficultas circa valorem: quia multa illicita sunt, quæ tamen facta tenent, et saepe contingit adhuc in Sacra-

mentis illicite, valide tamen fieri, ut patet inductione Baptismi, et aliorum. Stando tamen praedicto principio asserimus nec etiam valere formam, si consuetis verbis, vel aliis formaliter æquivalentibus non proferatur. Quæ resolutio est D. Thomæ, D. Th. et omnium discipulorum, quos plena manu congerit Martinez de Prado ubi supra. Et præratio est: Tum quia ut nos docet S. Doctor, verba Sacramentorum non habent efficaciam, nec sunt Sacramentalia nisi ex institutione divina: sed institutio divina est determinata in se, et præscripsit verba determinata in Sacramentis pro illorum forma: ergo ut habeant efficaciam, et Sacramentalia sint, debent formaliter significare, quod eis competit ex institutione divina. Hoc autem non fit, nisi quando usurpantur consueta verba, vel illis formaliter æquivalentia: ergo si ita non fiat, non validum conficitur Sacramentum. Tum etiam (et explicatur amplius), quia nullum Sacramentum est validum, quod non ministratur sub ipsis propria forma ab Ecclesia præstituta: sed forma ab Ecclesia præstituta in hoc Sacramento sunt illa verba: *Ego te absolvo*, etc.; ergo nisi sub hac forma vel alia æquivalenti, quæ sit formaliter eadem, ministretur, nullum vere conficietur Sacramentum.

Eo vel maxime. Nam Ecclesia, et Con- cilia dum assignant pro quolibet Sacramento debitam formam, ita id præstant, ut assignando unam, virtualiter excludant, et rejiciant quamlibet aliam, ut constat in Baptismo, Eucharistia, et aliis; alioquin enim nihil firmum esset in Ecclesia circa formas Sacramentorum, quod est absurdum nullatenus devorandum.

53. Diximus vel aliis formaliter æquivalentibus. Quoniam in verbis non tam attendi debet ad regulas, ut ita dicamus grammaticales, seu ad materialem sonum vocum, quam ad id quod formaliter significant, aut per ea communiter significari intenditur; nam quod verba sint ista, vel illa, dummodo idem formaliter sit eorum significatum, est prorsus materiale, et de materiali se habens. Ergo in Sacramentorum formis dummodo servetur eadem formalis significatio, quamvis grammaticaliter, et quoad materialem sonum verborum diversa appareant, non idcirco fiet irritum, aut invalidum Sacramentum. Quocirca consultissime in Florentino decretum est adversum Baptismum sufficere verbum, per quod exprimatur Sacramentalis actio, exercita

Quid de
licito.

Quid
circa va-
lorem.

Aperi-
sensu

Floren-
tinæ

cita his verbis : *Non tamen negamus, quin et per illa verba : Baptizetur talis servus Christi in nomine Patris, et Filii, et Spiritus Sancti, vel baptizatur manibus meis talis in nomine Patris, et Filii, et Spiritus Sancti, verum perficiatur Baptisma : quoniam cum principialis causa, ex quo Baptismus virtutem habet, sit Sancta Trinitas, instrumentaliter aulem sit minister, qui tradit exterius Sacramentum, si exprimitur actus, qui per ipsum exercetur ministerium cum Sancta Trinitatis invocatione perficitur Sacramentum.* Ut referunt ex actis hujus Concilii in Summa Conciliorum verbo *Florentinum*. Fuit autem congregatum anno 1431 ab Eugenio IV pro unione ecclesiae Orientalis cum Latina. Et hinc sumitur certissima regula pro aliis Sacramentis, nec quamlibet materialem variationem vocum obesse Sacramenti veritati, nec quibuslibet indifferentibus posse perfici. Sed debent esse talia, quod retineant ipsum formale significatum, ut constat ex ipso exemplo Concilii, ubi *y* Baptizetur, et *Baptizatur* in significacione passiva prolata, eundem formalem sensum conservant, ac *Baptizo*. Similiter in praesenti proferendo : *Absolvaris*, *Absolvatur a me*, verum evadet Sacramentum. Et eadem ratio est de similibus locutionibus, quae verba non extrahant a modo indicativo formaliter. Si vero ad alium modum optativum, aut deprecativum, vel diversum formaliter sensum detorqueantur ; abs dubio nullum erit Sacramentum. Porro explicare in particulari, quae verba aequivalent formaliter, quae vero non ; res est nimis prolixa, et non ad modum doctrinalis, cum versetur circa singularia, quorum non est scientia, atque ideo ab ea supersedendum in praesenti. Animadvertisimus tamen ad discernendum quae verba sint aequivalentia, quae vero non ? minime standum esse hujus vel illius intentioni privatæ, a qua res non habent significare ; sed communi acceptioñi vocum ; et juxta hanc regulandum est, an eundem, vel diversum sensum contineant. Et quia in his locutionibus *absolval te Deus*, vel *absolvaris a Deo*, non fit sensus indicativus, sed vel optativus, vel deprecatus, et tota absolutionis ratio refundi videtur in Deum, idcirco nullatenus sub illis verbis validum conficietur Sacramentum.

DUBIUM II.

Quem sensum reddant, et quem effectum habeant verba absolutionis.

Duo sub eodem dubio dicenda, et explicanda aggredimur, satis inter se conexa. Cum enim coeant in Sacramentis novæ legis significatio, et efficientia, vi cuius significando efficiunt, et efficiendo significant, licet ratio significandi alia sit ab elevatione, quæ est ratio ipsis agendi, ut constat ex dictis tract. de Sacramentis in genere disp. I, ubi ea munera sequimus, et explicuimus. Propterea ad exponendum verum formæ sensum oportet etiam effectus illius notitiam habere. Quod quidem in hoc Sacramento speciale ingerit difficultatem præ aliis, ut diversa Theologorum placita infra referenda, testantur. Sed ne in casum abeat tota disputatio, aliqua prælibanda sunt adeo necessaria, ut absque illorum suppositione, nullatenus præsens controversia subsistat.

§ I.

Præmittuntur aliqua omnino necessaria ad decisionem.

54. Primo itaque supponendum est dari in Ecclesia veram peccatorum remissionem ; idque constat ex dictis disp. I, hujus tract. ubi contra Novatianos, et alios haereticos nostri temporis ostendimus, et disp. 2, dub. 4, § 4, ubi retulimus sententiam, vel, ut verius dicamus, errores Petri de Osma, cuius inter alias satis perniciosa fuit hæc propositio : *Peccata mortalia quantum ad culpam, et pñnam alterius sæculi, delentur per solam contritionem sine ordine ad claves.* Hoc autem esse haereticum, et ut tale damnatum in Concilio Tridentino, nec non speciali Trident. Bulla contra prefatum Theologum satis liquet ex ibi dictis : atque ideo in praesenti supponendum est oppositum nimirum nullum peccatum mortale post Baptismum remitti absque clavibus Ecclesie, vel ordine ad illas, et consequenter dari in Ecclesia veram peccatorum remissionem, medio Sacramento Pœnitentiae.

Quid
suppon-
endum.

Error.
Petri de
Osma.

Trident.
Bulla
specialis
contra
Perum
de Osma.

Hinc vero statim consequi, et quod Sacerdos vere absolvat, in hoc Sacramento, et quod hujus formæ insit aliquis verus sensus, nemo ambigit, quin omnes sup-

ponunt, et solum dividuntur in eo assignando. Et ratio est evidens: quoniam si mediis clavibus Ecclesiae, que non alibi sunt apud aliquem, quam apud Sacerdotes, nec eis aut aperiunt, aut occludunt nisi in Sacramento, in quo potissimum earum munus exercent, remittuntur vere peccata; necessarium est, quod Sacerdos ea vere absolvat in Sacramento. Si autem vere absolvit, aliquem verum sensum debent habere ejus verba; quippe non stat, aut stare potest unum sine alio. Et in hoc sensu D. Joannes Chrysostomus lib. 2 de Sacerdotio cap. 4, antiquos Sacerdotes nostris postponens dixit: *Nostris Sacerdotibus non corporis lepram, verum animæ sordes, non dico purgatas probare, sed purgare prorsus concessum est.* Cui consonant alii SS. PP. et quod magis est plura Concilia, præcipue vero Florentinum in decreto Eugenii dicens, *quod effectus hujus Sacramenti est absolutio a peccatis.* Et Tridentinum tota sess. 14, maxime vero cap. 1, ubi statuit potestatem remittendi, et relinendi peccata ad reconciliandos fideles post Baptismum lapsos, Apostolis, et eorum legitimis successoribus fuisse communicatam: et hinc can. 9, consequenter decrevit, *absolutionem Sacramentalem esse actum judiciale.* Et oppositum asserentes sub anathemate explodi debere censuit. Quod attendens Gregor. XIII inter plures propositiones Michaelis Baii hanc unam expunxit, et ut hereticam damnavit: *Peccator pœnitens non vivificatur ministerio Sacerdotis absolvensis.* Qua perverse negabat et potestatem Sacerdotis, et veritatem absolutionis ex parte ministri, et Sacramentalis ministerii.

55. In quem scopulum impegisset Abulensem, vel ab eo non longe discessisse, licet ex diverso motivo, et catholice retenta potestate clavium, constat ex 4 p. sui Defensorii cap. 5 et 6, ubi nec Sacerdotem (imo nec Deum ipsum) proprio loquendo absolvere docuit ex Clementina prima de Privilegiis, ubi Pontifex religiosis prohibuit absolutionem illis verbis: *Nec a culpa, nec a pœna, ut eorum verbis utamur, absolvant.* In quo tamen vehementer passus est deceptionem, cum eo loci Pontifex nec veritatem absolutionis, nec verborum proprietatem prohibuerit, sed tantummodo aliquorum cohibuit audaciam, qui jurisdictionem absolvendi, cum non haberent, sibi arrogabant. Cujus a posteriori signum manifestum est ea verba non

porrigi ad alios Sacerdotes sæculares, quos certum est potestatem habere absolvendi, et re ipsa Sacramentaliter absolvere. Quocirca ut non mediocriter suspectus coram Eugenio IV comparere jussus suæ doctrinæ rationem reddidit, et absolutionis gen. IV veritatem in hoc Sacramento sustinuit, ut constat ex cap. 7 illius defensorii, in cuius margine apingitur facta coram Sanctissimo declaratio, qua ostendit non habuisse sermonem nisi de culpa actuali cito transeundi; que cum praeterierit, et nihil ejus remanserit absolvendum, proprie loquendo non potest absolviri.

Hac tamen excusatione, licet ex parte se immunem reddiderit, et utcumque purgaverit, vitare non potuit suspicionis nævum, quatenus in eo esse videbatur, quod transacto peccato actuali, nihil remaneret in peccatore, nisi reatus ad pœnam, qui non est peccatum, et reincidit in non absimilem propositionem Michaelis Baii a Pio V et Gregorio XIII postea decursu temporis expunctam, quæ est hujusmodi: *In peccato duo sunt actus, et reatus, sive obligatio ad pœnam. Unde in Sacramento Baptismi, aut Sacerdotis absolutione, proprie reatus peccati dumtaxat tollitur, et ministerium Sacerdotum solum liberal a reatu.* Ex quibus haec secunda propositio est consequens prioris, quia si in peccato non sunt nisi actus, et reatus, transacto actu, nihil absolvendum remanet nisi reatus. Et in hoc fere sensu deseritur communiter a Theologis doctrina Abulensis. Ex quibus omnibus liquido apparet catholice non posse negari in ecclesia aut veritatem absolutionis, et remissionis, aut verum aliquem sensum, qui contineatur in illis verbis: *Ego te abservo, et per illa significetur, et exprimatur.*

56. Verum licet hoc ita sit, et semper viguerit, non defuerunt ex antiquis, qui saltem in modo prædictam veritatem opugnaverint, aut non ita perspicue tradiderint, asserentes in Ecclesia non fieri veram remissionem culpæ, et consequenter eam non significari per formam absolutionis. Horum princeps fuit Magister in 4, dist. 18, cui adhaerere videntur Ricard. de S. Vict. lib. de Potestate ligandi, a cap. 17. Hugo Vict. lib. 2, de Sacram. part. 14, cap. 8. Alexander Alens. 4 p. quæst. 20, memb. 5, et q. 21, memb. 1 et 2. D. Bonav. dist. 18, art. 3, p. 1. Gabriel ibi q. 1, art. 2 et dist. 14, q. 2. Major ib. q. 2, dist. 18. Medina Complut. tract. 2, cap. de effectu absolut. Qui omnes in eo convenient,

Chrysost.

Flor. Trent.

Gregor. XIII.

Michael.

Baius.

Abulensi-

Eu-

Abulien-
sis
excus-
atio.Pigs. V.
el Greg.
XIII.
Dammar-
tes
Barba
proposi-
tionem.Aut quo-
rum
solutorum.Magist.
Ricard.
d.s.Hugo
Vict.

A. ensis.

D. Bonav.

Gabriel.

Major.

Medina

Complet.

conveniunt, quod nec fiat, nec significetur remissio culpæ in hoc Sacramento, quia haec jam supponitur facta per contritionem, que debet præcedere,

57. Si vero illis opponatur potestas clavium ad absolvendum, et remittendum medio Sacramento, respondent per claves eâtenus peccata remitti, quatenus remittuntur per contritionem in ordine ad claves. In quo profecto mirabile auditu asserunt, quasi efficacius sit ad remittendum peccata Sacramentum in voto, quod non est aliud quam contritio in ordine ad claves, Sacramento re ipsa suscepto, et non est minus consideratione dignum, quod inter partes hujus Sacramenti plus deferunt parti materiali, qualis est contritio, quam formalis, quæ est absolutio, cui nihil tribuunt ad abolendam culpm præabolitam, et remissam. Et hinc coguntur ad sensum aliqualiter verum ex alis capitibus assignandum, ut infra videbimus. Interim tamen videamus, id in quo convenientiunt, et nostræ suppositioni adversari videntur.

58. Arguitur itaque primo ex Lucæ cap. 17, ubi Christus leprosos jam mundatos jussit ad Sacerdotes, non ut mundarentur, sed ut ostenderentur mundati. Secundo ex Joann. cap. 11. Ubi Christus Lazarum jam suscitatum, et vivum tradidit discipulis solvendum. In quibus locis haud obscure significatur, quid competit Sacerdotibus, et ministris in hoc Sacramento ad mundandum et vivificandum, nimirum declarare mundatos, et jam a Christo in vitam e morte erutos solvere, et a vinculis exterris expedire. Non ergo competit sacerdotibus vere mundare, et in vitam pris tinam e gratia dilapsos restituere.

Idque confirmare videtur Gregorius hom. 26 Evang. dicens : *Tunc vera est absolutio præsidentis, quando sequitur æterni judicis arbitrium*; atque ideo Sacerdos non vere absolvit, sed solus Christus.

Confirmatur 2º ex eodem S. Doctore, ibi, nam reddens rationem, quare Christus Lazarum jam vivum tradidit Apostolis solvendum, inquit : *si enim Apostoli solverent mortuum, fætorem potius ostenderent, quam virtutem*. Ergo Apostolis non contulit Christus virtutem solvendi a morte, sed solutionem datam per Christum manifestandi.

Confirmatur tertio ex D. Augustino pluribus in locis, maxime vero tract. 22 in Joan. ad illa verba : *Venit hora, et nunc est, quando mortui audient vocem filii Dei*,

et tract. 49 et conc. 8 de verbis Domini, ubi quærrens : *quid pro sit Ecclesia contenti?* Ita respondet : *Ipsum Lazarum attende. Cum vinculis prodiit, jam vivebat. Confilendo nondum liber ambulabat, vinculis irretitus. Quid ergo facit Ecclesia, cui dictum est, quæcumque solveritis? quod ait Dominus : solvite, et sinile abire*. Ergo ex mente S. Augustini hoc quod est restituere vitam gratiæ, soli Christo, neutiquam vero ministro competit in hoc Sacramento. Probatur hæc Consequentia ex præmissis verbis, quæ clarissima sunt, et non minus perspicue deducitur ex aliis ejusdem S. Doctoris conc. 2 in psal. 102, ubi explicat virtutem absolutionis dicens : *Merito per Ecclesiam datur solutio peccatorum : suscittari ipse mortuus, non nisi clamante intus Domino potest*. Et eam historiam applicat peccatori, qui prius suscitatur a peccato, postea exit foras per confessionem, et demum absolvitur a ministro.

59. A qua sententia non longe abiit D. Hilarius super illa verba Matth. 16 : *Quocumque solveris*, etc. Ubi carpens sacerdotes indiscrete ligantes innocentem, et nocentem absolventes, subjunxit : cum apud Deum, *vita pænitentis requiritur, non absolutio sacerdotum* : hanc enim æquiparat potestati veterum Sacerdotum, qui solum mundatos discernebant, et declarabant, quin ipsi a lepra mundare possent. Et hoc ipsum teste Hieronymo facit nunc Ecclesia Dei, ligat ; et solvit.

Ex quibus omnibus in sui patrocinium hanc esformabant ratiocinationem. Nam juxta sententiam SS. PP. in nostris Sacerdotibus non est alia potestas adhuc intra Sacramentum, quam declarandi peccatorum remissionem : sed potestas declarandi non est potestas remittendi, ut constat : ergo in Ecclesiæ ministris non est potestas remittendi.

Ad hæc : ut quis digne accedat ad hoc Sacramentum, debet esse vivus vita gratiæ, ut probant testimonia allegata Patrum : ergo per hoc Sacramentum non confertur vita gratiæ, sed supponitur communicata per Christum : ergo nec per absolutionem vere remittitur peccatum, sed supponitur remissum ; alias peccatum cum peccato accedens ad Sacramentum.

60. Hæc tamen motiva insufficientia sunt ad elevandam, aut minuendam veritatem nostræ suppositionis, utpote quæ procedunt ex sinistra intelligentia potestatis clavium. Hæc enim non fuit communicata

Hilarius
hujus
senten-
tiae.
Matt. 16.

Hiero-
nym.

Ratio
ejucta.

Enervan-
tiae.

Tridentini
num
et PP.

ad declarationem, ut ita rem explicemus doctrinalem, seu magistralē remissionis peccatorum : sed ad illam ostendendam, et efficiendam, ministerialiter concurrendo cum ipso Deo, ut constat ex verbis D. Chrysostomi supra relatis, nec non ex Concilio Tridentino, cum quo non cohæret ista sententia. Siquidem ut ubi supra docet Concilium, universorum Patrum consensus semper intellexit potestatem remittendi, et retinendi peccata ad reconciliandos fideles post Baptismum lapsos Apostolis, eorumque legitimis successoribus fuisse concessam in illis verbis : Quodcumque solveris, etc. Sed ex cætu universorum Patrum præcipui sunt Gregorius, Ambrosius, Augustinus, Hieronymus, et Hilarius in contrarium allegati : ergo hi non refragantur (qui juxta mentem Concilii suppetias eunt) potestati vere remittendi peccata.

Ad hanc autem opus esse ut vere influant in ipsam culpæ remissionem, et eam non supponere per se loquendo factam a Deo ante Sacramentum, facile probatur ex eodem Concilio : quoniam ea potestas est potestas reconciliandi hominem lapsum cum Deo : sed reconciliatio hominis lapsi cum Deo non fit nisi media remissione culpæ : Ergo potestas reconciliandi est potestas ad remissionem culpæ. Minor constat ex Apostolo 2 ad Corinth. 5 : Dedit nobis ministerium reconciliationis, quoniam quidem Deus erat in Christo mundum reconcilians sibi, non reputans illis delicta ipsorum, et posuit in nobis verbum reconciliationis. Ubi eam reconciliationem, quæ erat in Christo, non reputandi illis delicta, seu illa remittendi, affirmat ipsis Apostolis datam, et in eis repositam. Hoc autem non fit nisi medio Sacramento Pœnitentiæ, ut constat : Ergo in hoc Sacramento fit vera peccatorum remissio media potestate clavium ad Sacramentaliter absolvendum communicata.

Confirm.

Præterea. Nam juxta Concilium, et doctrinam universorum Patrum eam reconciliationem, quam inducit Centritio cum ordine ad claves ante Sacramentum, efficit, et causat Sacramentum Pœnitentiæ, quamvis non intervenerit perfecta contritio. Sed reconciliatio quam inducit contritio, est vera peccatorum remissio, ut docent ipsi contrarii nostræ suppositioni. Ergo reconciliatio quam efficit Sacramentum, est vera peccatorum remissio. Unde Martinus V in Bulla Concilii Constantiensis, præcepit, ut quicunque fuisset

spectus de haeresi Joan. Hus, aut Wiccleph, non admittatur inter fidèles, quo usque abneget errores illorum, et confiteatur, quod Sacerdos sive bonus, sive malus, quando adest debita materia cum intentione faciendi quod facit Ecclesia, vere consecrat, et vere absolvit a peccatis. Et idem colligitur ex Julio Pap. 1, et referatur cap. Presbyter, 27, q. 6. Ubi docetur Sacerdotem non absolventem, seu negantem absolutionem morientibus reum esse animarum. Quod etiam asservit Celestinus Pap. ut refertur in cap. Agnovimus, quibus consonat August. epist. 180.

61. Ex quibus omnibus satis liquet Evangelistarum testimonia, et Patres allegatos in oppositum non debere intelligi in eo sensu, quem illis attribuunt prædicti Authores. Et omissis pluribus solutionibus, quæ magis arridet est D. Thomæ explicatio. Cum enim ab illo Theologo S. Doctoris Syncrono ea testimonia fuissent objecta, respondebat Praeceptor Angelicus opusc. 22, cap. 2, per hæc verba : *Quæ quidem ratio multiplices defectus habet. Primo quidem quia arguitur ex metaphoricis locutionibus, ex quibus non est arguendum, ut Dionys. et August. dicunt. Secundo : quia ratio sua non est ad propositum. Constat enim quod Dominus Lazarum suscitat, et discipulis solvendum mandavit : Ergo discipuli absolvunt. Per hoc ergo non ostenditur, quod Sacerdos non absolvat, aut non debeat dicere : Ego te abservo ; sed quod eum non debet absolvere, in quo signa contritionis non videt, per quam homo justificatur interiorius a Deo culpa remissa. Hoc autem nunquam fit nisi vel per Sacramentum reipsa susceptum, vel per votum ipsius, quod est contritio cum ordine ad claves. Sicut peccatum Originale numquam remittitur nisi vel per Baptismum in re susceptum, vel per ipsius votum. Unde sicut votum Baptismi non habet dimittere Originale, nisi cum subordinatione ad ipsum Baptismum, ita nec contritio absque ordine ad Pœnitentiam non dimittit actualia. Et similiter sicut Baptismus cum imperfecta contritione se ipso dimittit Originale, ita omnino est de Pœnitentia respectu actualium, ut concludit S. Doct.*

Ratio ergo mittendi leprosos ad Sacerdotes fuit ut adimplerent præceptum legis : quia istis incumbebat ex munere discernere inter lepram, et lepram. Hoc autem non bene quoad omnia adaptatur nostris Sacerdotibus, ut supra nos docuit D. Chrysostomus :

Apostol.
Co-
rinth. 5.

Martin. V.

Julius
Cap.
Presby-
ter
Cales-
tin.
Cap.
Agnov-
mus.
Augus-

Demon-
tratu-
m
inten-
tum.

Ratio
mitte-
re
lepro-
ad Sa-
cerdot

D. Chy-
rost-

tomus : et tantummodo tenet quoad hoc quod Sacerdos non debet, nec valide potest absolvere, quem non viderit recte dispositum per verum dolorem. Et ideo Thom. *Thom.* *discipitur arguens.* ut ait D. Thomas, *quia similitudinem nimis extendit.* Quia Dei est per motum attritionis, in quo est initium vitae spiritualis, excitare mortuum, et idoneum reddere ; Sacerdotis vero ita idoneum per Christum absolvere. Et in hoc tenet exemplum Lazari jam suscitati a discipulis solvendi : quia sicut discipuli non reddiderunt Lazarum solutioni idoneum, ita nec Sacerdos peccatorem ; quippe aptitudo provenit a solo Deo absque interventu ministri ; absolutio vero a Deo, et ministro.

Alia ratio. Unde elicetur alia significationis ratio, adhuc intra ipsum Sacramentum : quoniam absolutio principaliter provenit a Deo tamquam a causa omnino principali, et primaria, a Sacerdote vero ut ab instrumento, quod non agit nisi ut motum, et subordinatum : et al hanc differentiam ostendendam voluit Christus illa Lazari historia significare, quod instantanee sit in absolutione Sacerdotis, quatenus prius natura virtus absolutionis descendit per Christum ad Sacerdotem, ut iste vere absolvet recte dispositum.

Wal-
lensis
Quid
iddat. Addit vero N. Wald. 2, tit. 143, per hoc quod Christus suo clamore suscitaverit Lazarum, non solum significare vocacionem Dei ad actus internos pœnitentis, sed etiam ad externam confessionem, quocirca exire foras ei præcepit, juxta illud Pauli *ad Rom. 10* : *Corde enim creditur ad justitiam, ore autem confessio fit ad salutem,* ut explicat D. Ambros. lib. 2 de Pœnit. cap. 7.

Vposi-
tio
olana 62. Hinc facile explicantur testimonia SS. PP. in confirmationibus allegata. Ad primum ex D. Gregorio dicimus illo Lazari exemplo S. Doctorem significasse necessitatem doloris supernaturalis in pœnitente, unde principium sumit suscitatio ad vitam supernaturalem, quæ præcedere debet susceptionem Sacramenti. Si enim peccator absque interno dolore peccata panderet Sacerdoti, nihil aliud efficeret, quam peccatorum factorem exterius manifestare. Et ideo debet prius excitari, et initiative vivificari a Deo per motus supernaturales, quibus disponitur ad recipiendam absolutionem, et consequenter remissionem.

Et in hoc sensu judicium præsidentis debet præcedere arbitrium Dei, quia prius-

quam absolvatur, debet cognoscere, an sit vel non sit idoneus absolutio*n.*

Nisi mavis absolutionem Sacerdotis etiam in genere causæ materialis præcedere absolutionem Dei, quia est posterior in genere causæ efficientis, ad eum sane modum quo actio instrumenti prævie dispositive operatur saltem quoad modum agendi ad effectum principalis agentis, ut explicant communiter discipuli D. Thomæ, et docent N. Complut. in physica agentes de instru- *N. Com-*
plut.

Sensus autem D. Augustini in tertia *Sensus.* confirmatione allegati clarissimus est, ut *D. Av-*
gust. constat ex dictis ad testimonia Evangelii, et se ipsum explicat S. Doctor super psal. 101 ad illa verba : *Ut audiret gemitus compeditorum,* dicens : *Remissio peccatorum solutio est.* (Quid clarius ? sed a quibus solvitur?) *Quæ solveritis,* inquit, *super terram soluta sunt in cælis :* merito per ecclesiā dari solutio potest, susciliari autem (ad dolorem et resipiscientiam) ipse mortuus non nisi intus clamante Domino potest. Quasi diceret, absolutio externa Sacerdotis non dat vitam gratiæ pœnitenti, quin prius intus per vocem Domini disponatur. In quo non negat, sed astruit veritatem absolutionis facienda ab Ecclesia, et dispositio- nem ad eam obtinendam revocat in Deum absque interventu Ecclesiæ, aut ministri.

Ad ultimam confirmationem respondet D. Thomas ubi supra, quod *sacerdos absolu-* *D. Thom.*
vens a peccatis non solvit noxios, qui *volun-*
tate noxiæ remaneant, sed qui pœnitendo
recedunt a noxa culpæ. Unde sensus Hieronymi, et Hilarii solum est non esse absolvendos, qui non inveniuntur idonei, quod verissimum est.

62. Unde dehiscent vires ratiocinationis ad finem confirmationum adductæ, cuius Major est evidenter falsa imo erronea, ne dicatur, heretica. Haud verior est antece- dens sequentis confirmationis : quia cum sit de fide hoc Sacramentum per se supponere peccatum, in cuius remedium fuit institutum, sicut et Baptismum ; nec unum, nec alterum præexigit ex parte pœnitentis perfectam contritionem ; alias nunquam redderent ex attrito contritum ; nec ad abolenda peccata forent necessaria, quandoquidem ea contritione deleta semper supponerent. Atque ideo non medio ipso Sacramento fieret remissio vera peccati, quod vergit in ipsum Sacramentum, et ejusdem proprium finem. Nec inde sequitur, ut obtendebatur, peccatum acceden-

Adversa
ratio
infor-
matur.

tem ad Sacramentum Pœnitentiae absque contritione perfecta; alias etiam peccaret adultus accedens ad Baptismum cum sola attritione. Unde potestas clavium quam Trident. docet Concilium Tridentinum, et sustinet universalis Ecclesia non tam ad reatum ex peccato relictum quam ad peccatum ipsum, seu maculam, quæ fundat reatum, extendi debet, ut male Authores allegati, alias doctissimi, comminiscantur: et consequenter manet perspicuum in Ecclesia dari, et esse veram peccatorum remissionem, veramque eorum absolutionem medio hoc Sacramento, in quo virtus clavium maxime splendet.

Porro unam et alteram egregie dilucida-
D.Thom. vit D. Thomas 4 contra Gent. cap. 72, ubi post alia inquit: *Oportet igitur ministrum, cui fit confessio, judicariam potestatem habere vice Christi, qui constitutus est iudex vivorum, et mortuorum. Ad judicariam aulem potestatem duo requiruntur, scilicet authoritas cognoscendi de culpa, et potestas absolvendi, vel condemnandi. Et haec duo dicuntur duæ claves Ecclesiæ, scilicet scientia discernendi, et potentia ligandi, et solvendi, quas Dominus Petro commisit juxta illud Matth. 16: Tibi dabo claves regni cœlorum. Non autem sic intelligitur Petro commisisse, ut ipse solus haberet, sed ut per eum derivaretur ad alios, alias non esset sufficiens fidelium saluti provisum. Hujusmodi aulem claves a passione Christi efficaciam habent, per quam scilicet Christus nobis aperuit januam regni cœlestis. Ex quibus liquet Authores supra relatos diminute explicuisse tam remissionem media pœnitentia intentam, quam judicariam potestatem; dum illi remissionem pœnæ, vel quasi similis; huic vero tantummodo autoritatem cognoscendi, non vero potestatem a culpa solvendi deferunt: cum tamen unum et alterum asserendum sit, juxta doctrinam Conciliorum, et D. Thomæ. Per quid autem constituantur predicta potestas in recto non est hujus loci examinare, sed pertinet ad quæst. 17 supplementi, ubi S. Doctor agit ex professo de clavium potestate. Interim videatur Ferrara loco supra citato ex 4, contra Gent. 2 Circa essentiam clavium Ecclesiæ. His prælibatis, superest devinamus ad punctum difficultatis, quæ sita est in effectu, et sensu verborum formæ assignandis, ex quibus effectus prius se offert examinandus, ut inde verus, et legitimus formæ sensus eliciatur.*

Ferrara.

§ II.

Proprius effectus absolutionis explicatur.

64. Dicendum est primo effectum proprium absolutionis esse remissionem peccati, seu (quod idem est) gratiam remissivam peccati quoad culpam, et pœnam ipsi annexam. Hanc assertionem ut legitime deductam ex prælibatis in hoc dubio amplectuntur communiter Theologi, et oppositum absque errore Theologico sustineri non posse affirmant, ut videre est apud Soto in 4 dist. 10 q. ar. 3, ubi docet sententiam Magistri nihil fere ab hæresi differre, Vasquez ut erroneam. Suarez ut fere expresse damnatam a Concilio Tridentino, Valencia ut pugnantem cum auctoritate Scripturæ, et SS. PP. omnino rejiciunt, similique nota eam inurunt Lugo, Grandos, et alii ejusdem familiae. Ex Thomistis vero Nuno conclusionem nostram ita certam existimat, ut oppositum sit hæresis manifesta, Petrus de Ledesma eam censem periculosam in fide, Arauxo erroneam, vel errori proximam. Quibus subscriptibit Prado in praesenti dub. 6, n. 8, conclu. 2, eiusque præivit Angelicus Praeceptor in 4, dist. 18, q. 1, ar. 3 et dist. 22, q. 2, art. 1, quæstiunc. 3, in hac 3 p. q. 84, art. 3 ad 5 et opusc. 22, cap. 1, ubi contrarium affirmit præsumptuosum, ne dicam erroneous, et cap. 3, inquit: *Multo magis te merarium est dicere, quod per claves Ecclesiæ non fiat certa remissio peccatorum, ut S. Augustinus dicit (lib. 2 de adulterinis conjugiis, cap. 9 cujus verba refert S. Doctor in praesenti ar. 3 ad 5). Numquid enim est abbreviata manus Domini, ut qui in Baptismo ab omnibus peccatis mundat, in Sacramento Pœnitentiae hoc non faciat?*

65. Ratio fundamentalis, et omnino efficax hujus catholice veritatis depromittur ex verbis Christi Domini: *Quodcumque solveris, adjuncta irrefragabili Ecclesiæ expositione nobis tum alias, maxime vero manifesta in Concilio Tridentino, locis supra relatis, præcipue vero cap. 3, ubi eam diserte statuit dicens: Sane vero res, et effectus Sacramenti, quantum ad ejus vim et efficaciam pertinet, reconciliatio est cum Deo. Ex quibus ad formam redactis sic arguitur: Ille est proprius effectus formæ in hoc Sacramento, qui per illam efficitur in Pœnitente non habente obicem: Sed haec est peccati remissio quoad culpam: ergo peccati remissio quoad culpam est effectus proprius*

1 concil.
Soto.Vazquez
SuarezLugo
Grandos
NunoPetrus
de Ledesma
Arauxo
Prado

D.Thom.

D. Au-

gest.

Conclu-
sions
ratio.Tridentini
num
pro ca.

proprius formæ hujus Sacramenti. Consequentia constat. Major est certa, siquidem effectus proprius instrumenti; aut ejus i-
bi alius cause est ille, quem causa petit inducere, et de facto inducit, ut ex se constat. Minor vero continetur in verbis relatis Concilii: quia reconciliatio cum Deo sit media infusione gratiae, qua expellitur peccatum; sed expulsio peccati importat ejus remissionem, alias non expelleretur, si maneret irremissum: Ergo reconciliatio cum Deo importat remissionem, et consequenter si reconciliatio cum Deo est effectus Sacramenti media absolutione, etiam remissio peccati est effectus ejusdem absolutionis.

66. Confirmatur et explicatur primo ad hominem contra adversarios insistendo in doctrina Concilii. Nam eam reconciliacionem, quam ipsi tribuunt contritioni perfectæ (et etiam defert Concilium) adscribere necesse est, et quidem potiori jure, Sacramento: sed effectus proprius contritionis perfectæ extra Sacramentum est reconciliatio remissiva peccati quoad culpam, ut ipsimet docent, et a nemine negatur: ergo remissio peccati quoad culpam est effectus proprius hujus Sacramenti. Cætera constant præter Majorem, quæ facile suadetur, tum quia efficacius est ad reconciliandum cum Deo Sacramentum, quam votum Sacramenti; contritio enim eatenus remittit peccatum, quatenus includit votum Sacramenti; ergo si contritio ex ordine ad Sacramentum remittit, potiori titulo et ipsum Sacramentum, juxta illud: *Propter quod unumquodque tale et illud magis.* Tum etiam: quia eandem remissionem, quam Deus efficit media contritione, et voto Sacramenti, causat cum ipso Sacramento, quod de se est reconciliativum: sed Deus in opposita sententia media contritione pacatur homini, et remittit peccatum: ergo potiori jure idem efficit medio ipso Sacramento. Tum etiam: nam alias non esset potestas reconciliandi homines medio Sacramento Pœnitentia: Consequens est falsum, et directe oppositum doctrinæ Concilii cap. I. Ergo falsum est, et minime sustinendum remissionem peccati quoad maculam non esse effectum proprium Sacramenti. Sequela patet: quia frustra est potentia, cui repugnet ad actum proprium reduci: sed actus proprius potentia ad remittendum, et reconciliandum, quam adstruit Concilium in hoc Sacramento, est actualis remissio, et actualis itidem recon-

ciliatio: ergo si haec nunquam fieret medio Sacramento imo repugnaret fieri, ut authores illi comminiscerentur, nulla esset potestas ad illam, imo nec Deus ipse posset medio Sacramento hominem reconciliare sibi; quod est absurdum, et satis manifestat falsitatem illius sententiae. Rursus, nec in homine esset facultas ligandi, seu non absolvendi pœnitentem, quandoquidem vel esset perfecte contritus, quo casu jam esset absolutus a Deo extra Sacramentum: vel non esset perfecte contritus, et in hoc eventu, quia non recte dispositus, ut illi obtendunt, nequit absolvi. Ubi est ergo illa potestas ligandi, et solvendi, remittendi, et detinendi in Conciliis statuta, et ab Ecclesia universaliter recepta, necnon in sacro textu Sacerdotibus promissa?

67. Confirmatur, et explicatur 2º ex Apostolo ad Corinth. 5, ubi palam fatetur sibi et Apostolis dedit Christum *ministrium reconciliationis*, quæ fuerat in ipso, per quem omnes reconciliati sunt cum Deo. Sed reconciliatio quæ fuit in Christo, et per Christum, importabat ut proprium effectum veram peccatorum remissionem, ut constat ex Evangelio, et catholice nequit negari. Ergo etiam reconciliatio per ministrum, qualis erat in Apostolis, et permanet in successoribus; media Pœnitentia, causat veram peccatorum remissionem. Vel profecto nulla est peccatorum remissio in Ecclesia catholica, contra illud quod supposuimus, et probavimus in limine questionis. Minor, et Consequentia constant, supposita Majori, quam docet Apostolus loco citato his verbis: *Omnia aulem ex Deo, qui nos reconciliavit sibi per Christum, et dedit nobis spiritum reconciliationis, quoniam quidem Deus erat in Christo, mundum reconcilians sibi.* Ubi expresse testatur reconciliationem, quæ erat in Christo ut Deo principaliter, et ut homine authoritative, descendisse ministerialiter ad Apostolos, ut mediis Sacramentis Baptismo, et Pœnitentia, hominibus peccata dimitterent, ut exponit D. Thomas ad eum locum D. Thom. lect. 3 dicens: *Ad hoc dicendum, quod Deus reconciliavit nos sibi ut causa efficiens, scilicet ex parte sua: sed ut sit nobis meritoria, oportet etiam, quod fiat reconciliatio ex parte nostra, et hoc quidem in Baptismo, et Pœnitentia.*

Ex quibus verbis tertio, et ultimo roboratur assertio. Nam quia Baptismus est medium unico a Christo Domino institu-

*Cov.
firm. 2.
Co-
rib. 5.*

*Apost.
ut i.
supra.*

*Con-
firm. 3.*

tum ad abolendam maculam peccati originalis, hujus remissio quoad culpam est proprius effectus Baptisini, et oppositum nequit catholice sustineri : sed Pénitentia etiam fuit instituta ad extinguenda, et abolenda peccata actualia post Baptismum, ut satis superque demonstratum est disp. præc. Ergo remissio peccatorum actualium est effectus proprius Pénitentiae ut est Sacramentum, et consequenter ejus formæ, in qua ut docet Tridentinum, *eius præcipua vis sita est*. Unde qui in Baptismo concedunt veram originalis remissionem, quoad maculam, eamque ex vi ipsius Baptismi ministerialiter inductam, ut omnes Catholici concedere tenentur; nequeunt nisi inconsequenter et omnino falso in Pénitentia non admittere veram actualium remissionem, æque enim necessarium est Sacramentum Pénitentiae ad delenda actualia, quam Baptismus ad originale, ut passim clament Concilia, Patres, et sana Theologorum pars. Nec facile intelligitur, qualiter sit in Ecclesia vera potestas ligandi, et solvendi, quam exosam habent haeretici, et maxime irrident, qualiter quæ sit vera peccatorum remissio, quæ non afferat ablationem culpæ. Siquidem intra septem Ecclesiæ Sacramenta dumtaxat Pénitentia instituta fuit ad diluenda peccata actualia, eaque penitus removenda : quocirca ejus materia remota non est nisi materia destruenda sicut est panis triticeus respectu Eucharistiae. Unde sicut panis ut conversus est effectus consecrationis, et quod magis rem explicat, sicut peccatum originale ut expulsum est effectus Baptismi : ita peccatum ut remissum est effectus Pénitentiae, et potestatis clavium.

68. Sed ad hæc responderi potest ex doctrina Magistri, ubi supra, nec potestatem clavium, nec remissionem peccati ita explicari, ut nos intendimus; sed modo longe alio diverso, nimirum quoad remissionem poenæ temporalis, quasi potestas clavium non aliud actum habeat, quam absolutionem a pena temporali debita peccato, et in vi hujus effectus proprius absolutionis solum est remissio prædictæ poenæ. In quo sensu Magistro subscripsere Alexander, et D. Bonaventura locis supra citatis. Addit vero Magister, quod quamvis remissio peccati quoad culpam, non sit effectus formæ absolute, et simpliciter; est tamen vera illius remissio in facie Ecclesiæ, quatenus ei innotescit per confessio- nem, et hominem declarat vere absolu-

tum. Juxta quam sententiam remissio peccati quod culpam est effectus proprius Contritionis antecedentis Sacramentum, et absolutionem; extinctio vero poenæ temporalis, et declaratio extinctionis aut illius remissionis judicialiter facta, correspondet ut proprius effectus potestati clavium, et absolutioni Sacerdotis. Unde salvatur contra haereticos vera potestas clavium, vera que peccatorum remissio.

69. Hæc tamen solutio licet superficie tenus ab haereticis videatur desciscere, re tamen ipsa deficit quam plurimum in explicanda potestate clavium, et remissione facienda medio Pénitentiae Sacramento, et eis satis derogat. Et quod attinet ad potestatem, patet : nam quomodolibet in ea sententia explicetur, nihil aliud importat, quam facultatem declarandi in facie Ecclesiæ hominem absolutum, quin ex vi illius vere absolvatur. Hoc autem non bene cohæret cum doctrina Concilii Tridentini, Trident. can. 3, sess. 14, ubi non solum damnat Novationam haeresim, negantem potestatem clavium, sed quamlibet aliam, qua vera peccati remissio excludatur a facultate absolvientis. Constat autem juxta hanc expositionem facultatem Sacerdotis non pertingere ad ipsum peccatum, aut illius remissionem, quam supponit, sed tantummodo ad poenam temporalem ex illo relictam, et quæ permanet post justificationem. Ergo prædicta expositio circa potestatem Sacerdotis non bene cohæret cum doctrina Concilii.

Et independenter a Concilio, jam pridem de illa sententia Hugo Victor. lib. de Potestate ligandi et solvendi cap. 24, sequens judicium tulerat : *Exlat quorundam sententia, tam frivola, ut ridenda potius, quam refellenda videatur : putant enim Sacerdotes non habere potestatem solvendi, sed ostendendi, solutos. Sed numquid Dominus dixit : Quod solutum ostenderitis, erit solutum ? Dicunt Sacerdotes non habere potestatem remittendi peccata, cum Dominus hoc dicat : et dicunt habere potestatem ostendendi remissa, cum Dominus hoc non dicat.* Unde juxta illam Magistri expositionem non stat potestas a Deo concessa, et nova configitur a Deo non lata : siquidem ad potestatem judicariam Sacerdotis duo requiruntur, et authoritas cognoscendi de culpa, et potestas absolvendi, vel condemnandi, ut supra audivimus a D. Thoma : et harum neutram subsistere in hac sententia manifestum est; quandoquidem non culpa, sed tantummodo

Tridentinum.

Quid responderi posse.

Magist. Alexander. D. Bonavent.

Referatur.

Hugo Victor.

tantummodo reatus pœnæ temporalis sub-
jacet potestati Sacerdotis : Quocirea illa
potestas declarativa remissionis præsuppo-
site conficta est, et ad id solum excogita-
ta, ut ore tenus adstruatur potestas clav-
ium; cum tamen ad clavium potestatem
minime attingat, nec ullum fundamentum
in Evangelio habeat, ut constat ex dictis.

Deficit etiam quoad ipsum Sacramentum
cui non satis consulit, minuendo, vel po-
tius ejus efficaciam, finem, et institutionem
penitus extinguendo. Quæ enim efficacia
est Sacramento contra peccatum, quod nec
remittit, nec remittere potest, sed supponit
per se alias remissum, et ablatum
quoad culpam, et offensam? aut qualiter
institutum esse potest in remedium pec-
cati, quæ ratione erit necessarium neces-
sitate medii ad finem justificationis, et ad
reconciliandum hominem cum Deo, Sacra-
mentum, quod supponere petit factam
aliunde reconciliationem media gratia
sanctificante? Nulla sane: quia non magis
hoc Sacramento expelleret peccatum,
quam cætera Sacraenta, quæ appellantur
vivorum, et quod consequens est, nullatenus
Pœnitentia esset secunda tabula post
naufragium, quo nomine, recte appellari
decernit Tridentinum can. 2. Unde ad
summum esset necessarium necessitate
præcepti ad conservandam remissionem
alias obtentam, non vero ad ipsam denuo
obtinendam, quod etiam adversatur doc-
trinæ Concilii æque in hac parte loquentis
de Baptismo, et de Pœnitentia. Nec pro-
dest recursus ad pœnam temporalem,
quam remittit, quia hæc pœna seorsim
a culpa non tantum minuitur, aut totaliter
extinguitur per Sacramento, sed per alia
media quamplura, utputa indulgentias,
suffragia, et alia virtutum exercitia, ac
dendum si quid superest, igne purgatorio
diluendum ramanet. Unde non postulat
determinate Sacramento ut quis ab ea
reddatur immunis.

70. Aliorum solutio est effectum abso-
lutionis non esse liberationem a pœna
temporali, ut prima solutio asserebat, sed
remissionem pœnæ æternæ. Juxta quam
doctrinam culpa ut diluenda soli Deo
servari debet, pœna vero æterna ejus mi-
nistro medio Sacramento: atque ideo
pœnitens quamvis in gratia constitutus,
manebat obnoxius pœnæ æternæ damni,
usque ad Sacramenti receptionem.

Hæc tamen sententia, quæ fuit Hugonis,
ut supra, et Ricardi de sancto Victore 1

p. lib. de Potest. ligandi atque absolvendi
cap. 12, haud melior est præcedentis, et
eis lem subjicitur argumentis, utpote quæ
nec veram potestatem clavium, nec veram
peccatorum remissionem medio Sacra-
mento salvat; sed recurrit ad quid con-
secutum ad culpam, qualis est pœna damni.
Insuper contradictoria implicat: etenim
proprie loquendo pœna damni nihil aliud
est quam privatio æternæ hæreditatis, vel
juris ad eam adipiscendam, ut explicui-
mus tract. de Peccatis disp. 18, dub. 1,
§ 1. Sed homo existens in gratia non est
privatus jure adipiscendi æternam Beati
tudinem, quin imo ipsi debetur titulo vel
hæreditatis, vel coronæ, juxta illud Apost.
Apost. si Filii et hæredes: ergo homo cui
dimissa est culpa, et inest consequenter
gratia, non manet obnoxius pœnæ damni,
sed potius penitus immunis ab ea; non
enim una sine alia remittitur.

71. Deinde refellitur ratione D. Thomæ,
(qua etiam diruitur expositiō Magistri) in
4, dist. 18, q. 1, art. 3, quia *Baptismus*,
et *Sacramentum Pœnitentia* convenientiū quo-
dammodo in effectu, utrumque enim contra
culpam ordinatur directe, quod non est de
aliis Sacramentis: sed Baptismus non tan-
tum concurrit ad diluendam pœnam æter-
nam, sed prius et immediatius, ad ablue-
dam maculam: ergo etiam Pœnitentia.

Rursus. Si clavis nullo modo ad culpæ Confirm.
remissionem ordinaretur, sed ad dimissio-
nem pœnæ tantum, ut quidam dicunt, non
exigeretur volum suscipiendi effectum clav-
ium ad culpæ remissionem, sicut non exigitur
volum suscipiendi alia Sacraenta,
quæ non ordinantur ad culpam, sed contra
pœnam. Nam, ut paulo supra arguebamus,
non esset Pœnitentia necessaria nisi ad
summum necessitate præcepti, non vero
necessitate medii. Constat autem opposi-
tum ex doctrina Concilii, et Theologo-
rum: ergo quia effectus Pœnitentiae non
tam est dimissio pœnæ, quam deletio
culpæ.

Denique directe adversatur doctrinæ Ut Con-
councilii Tridentini sess. 6, cap. 14, ubi
docet pœnam æternam vel Sacramento,
vel Sacramenti voto una cum culpa re-
mitti: ergo neutquam sustineri potest,
quod a solo Deo remittatur culpa, et quod
per Sacramentum tantummodo relaxetur
pœna. Probatur Consequentia dupliciter.
Tum quia Concilium diserte asserit per Sa-
cramentum una cum culpa pœnam remitti,
atque ideo non illam sine ista. Tum etiam:

Uberior
refuta io
ex D.
Thom.
Magist.

Ut Con-
cilij
adversa
repelli-
tur.

quia votum Sacramenti est ipsa contritio, ut etiam affirmat Concilium sess. 14, cap. 4, quæ non est debilior in lege gratiæ, quam in lege scripta: sed in hac una cum culpa etiam dimittebatur æterna pœna, ut constat ex illo Ezech. 189: *Si impius egerit paenitentiam, vita vivet*, et ex aliis innumeris locis Sacræ paginæ: ergo etiam in lege gratiæ, quoties remittitur culpa, ex consequenti pœna æterna.

Ezech.
18.

Expositio
Joan. de Medina cod. de Pœnit. tract. 2, q. 38,
Medina. ubi docet effectum absolutionis esse aperire januam regni cœlorum, quod quidem peccatis quasi vectibus manet obseratum usque ad absolutionem Sacramentalem, quantumvis homini sit remissa culpa cum pœna æterna, ut contingit Patribus existentibus in Lymbo. Subdit vero hunc effectum clavum sufficere ad vere absolvendum, quia illo completur, ac omnino perficitur peccati remissio, quæ non fuerat penitus completa sola remissione culpæ, et pœnæ antecedenti.

Proster-
nitur.

72. Imbecillior adhuc est expositio Joan. de Medina cod. de Pœnit. tract. 2, q. 38, Medina. ubi docet effectum absolutionis esse aperire januam regni cœlorum, quod quidem peccatis quasi vectibus manet obseratum usque ad absolutionem Sacramentalem, quantumvis homini sit remissa culpa cum pœna æterna, ut contingit Patribus existentibus in Lymbo. Subdit vero hunc effectum clavum sufficere ad vere absolvendum, quia illo completur, ac omnino perficitur peccati remissio, quæ non fuerat penitus completa sola remissione culpæ, et pœnæ antecedenti.

73. Sed nec ista explicatio alicui posteriorum Theologorum, quos viderimus arsisit, et merito: quia non minus evertit potestatem clavium, quam præcedentes, nec magis salvat veram peccatorum remissionem in Pœnitentia: quam tamen tenere incumbit cuilibet catholico Theologo post tot Concilia, et decisiones pro illis stantes. Unde opus non est diutius in ea refellenda immorari, sicut nec in diluendo. Exemplo veterum Patrum in Lymbo demorantium ante solutum nostræ redēptionis pretium: hoc enim est a veritate alienum post Christi passionem, et ascensionem, per quas cuilibet justo pervium est introire in regnum cœlorum ut docet Angelicus Doctor infra q. 10, suppl. art. his verbis: *Dicendum, quod ante voto confessionis paradisus clausus erat peccanti mortaliter; quamvis postea per contritionem voto confessionis importantem apertus sit etiam ante confessionem actualiter factam; non tamen obstaculum realis est totaliter amotum ante confessionem, et satisfacionem.* Alioqui enim sequeretur hominem perfecte contritum decedentem absque absolutione Sacramentali nūquām introire in regnum Dei, quod est absurdum nullatenus admittendum. Sequela constat, quia effectus proprius Sacramenti non conferatur, aut obtinetur per voto Sacramenti, nisi intercedat realis susceptio ipsius Sacramenti, ut constat in charactere baptismi,

vel sacri ordinis, quem non adipiscitur homo per voto Baptismi, aut Ordinis sacri. Idem etiam liquet in gratia Sacramentali, qua Sacramentalis est: hæc enim ita est effectus proprius Sacramenti in re suscepti, ut absque illo realiter suscepto non inveniatur: ergo si proprius effectus absolutionis est aperire januam ad introitum in regnum cœlorum, nulli homini quantumvis contrito absque absolutione decedenti patebit ingressus in regnum cœlorum post solutum per Christum nostræ redēptionis pretium. Quæ est doctrina D. Thomæ supra q. 68, art. 1 ad D. Thom. 3, et in 4, dist. 6. quæst. 1, art. 1, quæst. 3, ubi docet absque Baptismo re ipsa suscepto nec characterem nec illius proprium effectum recipi. Absurditas Consequentis constat ex eodem D. Thoma in hac 3 p. q. 57, art. 6, ubi ostendit ascensionem Christi esse causam nostræ ascensionis, quatenus nobis præparavit viam in celum ascendendi, juxta illud Joann. 14: *Vado parare vobis locum, et Michæl, 2: Ascendit Mi-* pandens iter ante eos; ergo post Christi ascensionem jam est præparata nobis via in celum ascendendi; quæ tamen non fuerat parata Patribus in lymbo detentis, quia non est effectus ante suam causam. Unde potius retrorquetur exemplum contra Medinam. Tum quia existenti in gratia post adventum Christi non est occlusum regnum cœlorum, ut erat Patribus. Tum etiam, quoniam in ipsa remissione culpæ, sicut includitur remissio pœnæ æternæ, ita implicatur remotio obicis ingrediendi regnum; quia remota causa, removetur effectus illi annexus: non ergo aperire ejus januam est effectus proprius absolutionis, absque remissione culpæ.

74. Nec etiam morabimur in referenda et refellenda alia expiatione Gabrieli, et aliorum Nominalium, asserentium per absolutionem in voto condonari culpam, et pœnam; per absolutionem vero in se ipsa, seu realiter exhibitam eximi hominem ab obligatione iterum peccata illa confitendi. In quo discurrendi modo, effectus absolutionis Sacramentalis non est aliud, quam deobligatio peccata semel confessa clavibus iterum subjiciendi.

Hujus enim falsitas se ipsa est manifesta. Tum quia plus defert contritioni quæ est ipsa absolutione in voto, quam Sacramento. Tum quia in ista sententia Sacramentum non efficit, nec efficere potest gratiam, quod est non esse Sacramentum novæ

Gabrielis
evasionis.

Est ma-
nifeste
falsa.

novae legis utpote in quo debet gratia contineri juxta doctrinam Conciliorum, et eam vel physique, vel moraliter ad minus causare. Tum quia non universaliter salvat eum deobligationem, ut patet in peccatis venialibus, vel mortalibus jam rite confessis, respectu quorum datur vera absolutio, quin præcesserit obligatio ea confitendi. Si autem non præcessit obligatio confessionis illorum, a quo deobligabitur per absolutionem?

Ob eandem prorsus rationem prætereundam duximus illorum sententiam, quam suppressis Authorum nominibus, novitiam opinionem appellavit Cajet. tom. I, opusc. tract. 18, Confess. q. 5, qua docebant effectum absolutionis non esse aliud, quam animi quietem, et internam securitatem provenientes unam, et alteram ex quadam fiducia, ac constanti credulitate, quibus apud se firmiter credendo, sibi statuit peccnitens omnia peccata esse dimissa. Addebat tamen non aliter deleri peccata quam media hac credulitate, et fiducia, ita ut peccatum irremissum maneret, quadusque adesset fides, et securitas remissionis. Hæc tamen doctrina cuiuslibet ea fuerit, redolat hæresim Lutheranam, in qua tota justificationis ratio fidei, quam quisque apud se habet, desertur absque interventu alterius gratiæ inhærentis. Quam proinde sub anathemate damnavit Tridentinum sess. 6 de Justificat. can. 5 et 8, ubi docet solam fidem divinæ promissionis non sufficere ad gratiam consequendam, nec Sacraenta pro sola fide nutrienda fuisse instituta. Unde merito Cajetan. eam novitiam opinionem erroris nota inussit, et post Tridentinum ut hæretica amandari debet. Non enim pendet hominis justificatio ex eo quod sibi firmiter suadeat peccata esse remissa, cum constet (Verba sunt ipsiusmet Cajetani) omnes fere tremore Domini referatos, semper dubios de divina in se gratia, et Panitentiæ, et Eucharistie Sacraenta suscipere, et sic ambiguos perseverare. Imo et hoc Sacri Doctores laudant et ejus oppositum præsumptioni communiter adscribitur, aut ignorantia. Et ideo ipsummet Concilium sess. 14, cap. 3, litem dirimens inquit: *Sane vero res, et effectus hujus Sacramenti quantum ad ejus vim, et efficaciam pertinet, reconciliatio est cum Deo; quam interdum (non semper, ut illi autumabant) in virtus pii, et cum devotione hoc Sacramentum percipientibus, conscientia pax, ac serenitas cum vehementi Spiritus consolatione consequi*

solet. Ubi sola hominis reconciliatio cum Deo adscribitur ut effectus proprius ac semper connexus hujus Sacramenti, quidquid sit de conscientia securitate, quam non omnes experiantur, sed tantummodo viri pii et cum devotione accedentes, et hi interdum, non vero semper.

§ III.

Duplex difficultatis nodus absolvitur, et assertio nostra roboratur.

75. Ex quibus omnibus satis constat nulla expositionum hactenus excogitatum sufficenter occurri assertionis catholice fundamento, sed illæsum persistere, subindeque absolutioni sacramentali nullum alium propriorem effectum debere, aut posse assignari, quam peccatorum remissionem quoad culpam, ex qua oritur reatus ad poenam sive æternam, sive temporalem. Hæc enim est; quam exposcit potestas clavum, quam qui obiineri medio sacramentali iudicio docet Ecclesia, et uniformiter statuunt Concilia, hactenus allegata in hac et præcedentibus disputationibus. Et hæc quidem doctrina prout jacet, inoffenso currit pede, quoties sacramentum Pœnitentiae juxta primariam, et præcipuum sui institutionem supponit in recipiente peccatum aliquod sive grave, sive leve, cuius sit vera confessio cum aliis requisitis ad effectum: semper enim effectus proprius absolutionis est remissio peccati: nam, ut inquit D. Thomas in præsenti art. ad 5, referens D. August. lib. 2 de Adult. conjug. cap. 9: *Non est turpis, nec difficilis post patratæ, et adulteria reconciliatio conjugii, ubi per claves regni cælorum non dubitatur fieri remissio peccatorum.*

76. Claudicare tamen videtur in duplice eventu, in quorum neutro facile est veritatem assertionis illæsam servare; quandoquidem nulla intervenit peccatorum remissio. Et quidem primus est Sacramenti informis, in quo evidentius est, quam longa indigeat probatione: nam in hoc casu non infrequentí nullus effectus remanet post ipsum sacramentum, et peccata irremissa manent, alias non esset informe: aliunde vero datur verum Sacramentum, veraque illius forma absolutionis: ergo proprius effectus absolutionis non est peccati remissio, seu quod idem est gratia remissiva peccati.

77. Nec proderit, in præsenti si cum

Robora-
tur
assertio,
et eno-
dantr
duo
casus
difficul-
tati
obnoxii.

D. Thom.
D. Ar-
gust.

Primus
casus.

Nuno dub. 2, § *Propter aliqua*, recurras ad actum internum attritionis, qui est res, et Sacramentum simul sub diversis acceptationibus, ut explicuimus supra cum D. Thoma disp. 1, dub. 2, § VI. Tum quia attritio illo modo accepta ita est effectus quod etiam est Sacramentum : et mo^{re} investigamus effectum proprium Sacramenti, qui tamen Sacramentum non sit. Tum etiam, quia de illamet contritione procedit idem argumentum, et querit quemnam effectum habeat? Si enim est sanativa peccati; quod peccatum sanat in Sacramento informi? Profecto nullum. Et binc reassumit vires argumentum, quia non est minus sanativa peccati contrito interior ut est res et sacramentum, quam forma absolutionis sit solutiva, et remissiva peccati; et tamen contritioni internae ut est res, et simul sacramentum non respondet aliquis effectus realiter effective causatus, et consequenter diversus circa peccata : ergo similiter nec absolutioni sacramenti informi queit deferri aliquis verus effectus realiter ab ipsa productus, quo constet vel remitti, vel expelli peccata. Tum, et maxime, quia si quidem effectum deferri vellemus absolutioni sacramenti informis, is sane deberet esse supernaturalis ex motione, et elevatione Dei, ut constat: nam effectus pure naturalis impertinens omnino est ad rem adeo supernaturalem, qualem esse remissionem peccati nemo it inficias. In Sacramento autem informi commentitium est adstruere elevationem supernaturalem re ipsa exhibitam ad absolvendum; quandoquidem frustraretur talis motio seu elevatio sine praetento remittendi peccata, nec est aliis effectus, ad quem desideretur: non ergo admittenda est talis elevatio ex parte absolvientis in sacramento informi; nisi asseratur Deum prodigere suam elevacionem inutiliter, et animo eam frustandi.

Diximus *ex parte absolvientis* ob rationem discriminis repartam ex parte pœnitentis, cuius actus sunt materia proxima Sacramenti Pœnitentiae, et hæc debet esse supernaturalis, ut constat ex supra dictis disp. 1. Ad absolvendum vero legitimate, non interveniente productione instrumentaria gratiae, aut alterius effectus supernaturalis, non requiritur elevatio, sed sufficit intentio recte absolvendi sub forma praescripta ab Ecclesia, in quo nihil supernaturale splendet ex parte Sacerdotis, nisi ad summum extrinsece et ex parte finis; non

tamen intrinsece receptum in ipso usque ad productionem gratiae. Cum ergo in casu in'ormitatis Sacramenti ex parte effectus non sit remissio peccati media infusione gratiae, videtur confici nullam intervenire elevationem proxime, et immediate ad absolvendum, subindeque nullum esse effectum supernaturalem praedictæ absolutionis. Præter quam quod esto esset talis effectus supernaturalis, nihil suffragii accresceret nostræ assertioni, in qua sola peccati remissio assignatur ut propriis effectus absolutionis, quo proinde non stante ut non stare constat in casu proposito, non subsistit veritas conclusionis. Atque ideo inepte recurrit ad contritionem, quæ est res, et Sacramentum in Pœnitentia.

78. Nec est solidius effugium ad ornatum quendam ex receptione sacramenti relicturnum in pœnitente, et ad remissionem peccati recedente fictione inducendam virtute sacramenti. Nam ornatus ille, qui apud antiquorum aliquos invaluit, eujusque ex illorum sententia meminit D. Thomas in 4, dist. 1, art. 4, jam diu exolevit, et ut commentitius, et absque urgenti ratione intrusus rejectus est, ut videre est apud Cajet. ad art. 1 hujus quæst. et quod magis urget, eum repudiavit D. Thomas in prædicto art. primo, statuens rem, et Sacramentum in Pœnitentia esse pœnitentiam interiore, quod tamen non ita docuisse, si prædictus ornatus admittendus foret, ut suo loco tetigimus. Quod attinet ad causalitatem Sacramenti, apparentius, et veritati conformius videbatur, si res ita se haberet, quod Sacramentum Pœnitentiae recedente fictione, aliquo modo propriam gratiam eficeret. In hac enim sententia teneret assertio nostra, quatenus cuilibet sacramento informi propria gratia, propriaque peccatorum remissio, opportuno tempore esset consignanda. Quod enim aliquis sit effectus proprius alicujus causæ, non mensuratur, aut regulatur penes hoc, quod sit vel non sit semper in ipsomet instanti causalitatis, cum existentia illius impediri posset, et frequenter retardatur in illo instanti vel ob indispositionem subjecti, vel ob impedimentum aliud supervenientis. Sed sufficit et requiritur, quod semper ac extiterit in rerum natura, sit ex influxu, et virtute illius causæ, cuius dicitur proprius effectus, ut constat in motibus gravium, et levium, calefactione et aliis, et ita foret in nostro casu, quin ex vi hu-

Repellitur.

Instauratur argum.

Quid ornatum veterum communem

Cajetanus D.Thom.

Quid causata Sacra mentis informi

*prior
tertia.
notitia.*
jus veritas nostræ et communis assertionis
infirma redderetur.

79. Sed quia tract. de Sacrament. in
genere disput. 4, dub. 6, oppositam
viam ut veriorem, et confirmorem menti
D. Thomæ, arripiimus, huic discurrendi
modo nec possumus, nec debemus assen-
tiri : quoniam excluso illo ornatu, non in-
venimus in quo permaneat Sacramentum
informe, vi cuius possit post longum tem-
pus ita reviviscere, et in effectum tandem
impeditum se exercere ad influendum in
illam gratiam. Nec facile explicant, aut
expedient illi D. Thomæ discipuli ex ad-
verso opinantes, nisi confugiendo ad ac-
ceptationem divinam, in qua remanent
opera bona hominis justi adhuc post pecca-
tum, et similiter sacramenta valide, illicite
tamen recepta.

In quo profecto magis pie conjectari,
quam solide ratiocinari videntur. Nam
quod opera hominis justi adhuc post pec-
catum maneant in acceptatione divina, et
illo excluso, iterum reviviscant ad præ-
mium, est constans, ac perpetua sententia
SS. PP. ac Theologorum, ut vidimus
tract. de Merito disp. 5, dub. 1, et docet
Ang Doctor infra q. 83, ubi tradit differ-
entiā inter peccata, et opera bona ho-
minis existentis in gratia, per peccatum
mortificata, ut ista, secus vero illa, revi-
viscere dicantur. Quod vero Sacramentum
informe Pœnitentiae ita maneat, et influat,
nec est consonum menti D. Thomæ, ut
loco citato satis expendimus, nec ita con-
gruit modo proprio influendi Sacramen-
torum novæ legis, qui est per modum causæ
instrumentalis physicæ, nulla habita ra-
tione causalitatis moralis, ut probavimus
ibi disp. 4, dub. 2, § 1, n. 21. Vel assi-
gnent ubinam D. Thomas causalitatem
moralē propriam et stricte sumptam Sa-
cramentis detulit novæ legis.

Et quidquid sit de Sacramentis cum
fructu de quibus ubi nuper, de Sacramento
informe Pœnitentiae, quod nostra refert,
facile constat diversam esse rationem, ut
non possit moraliter influere, ac de me-
ritis hominis justi. Hæc enim in sui prin-
cipio fuerunt viva, Deo accepta, et mora-
liter præmium sibi debitum reddidere apud
ipsum Deum : atque ideo nihil mirum
quod per peccatum subsequens mortificata,
et impedita maneant in acceptatione divina,
cui fuerunt grata; et consequenter quod
eo ablato, iterum reviviscant ad præmium,
sibi alias debitum in statu gratiæ, ad quem

restituitur homo per ablationem peccati.
Unde illammet causalitatem moralem a
principio sibi annexam reassumunt, et vires
exerunt, ut tempore oportuno præmium
non denuo debitum, sed alias promeritum
nanciscantur. In sacramento autem in-
formi Pœnitentiae nulla alia actio Sacra-
mentalnis intervenit, præter actus penitentis,
et absolutionem externam sacerdotis
cum vera intentione peragendi Sacramen-
tum. Ex quibus illi utpote hominis existentis,
in peccato non sunt meritorii, nec
consequenter sibi jure vindicant præmium
supernaturale, quamvis ipsi supernaturales
sint. Unde sunt omnino expertes causalitatis
moralis ; cum numquam fuerint vivi,
et consequenter non est unde reviviscant.
Ista vera absolutio nimirum externa cum
vera intentione similiter, potest esse pec-
cato obnoxia ex parte sacerdotis, et alias
est actio naturalis nullo præmio supernatu-
rali digna, cui proinde repugnat causa-
litas moralis in gratiam ; ergo non est
quare vere dicatur manere in acceptatione
divina ad influendam gratiam post abla-
tum obicem. Nullo itaque modo Sacra-
mentum informe Pœnitentiae permanet
apud Deum ut causa influens moraliter in
gratiam ; siquidem nulla est sacramentalis
actio, quæ sit propria Dei, et jure postulet
eam permanentiam.

80. In aliis vero Sacramentis, quorum
propria est characteris impressio, est actio
Sacramentalis propria Dei, et ministri
terminata ad ipsum characterem. Unde
licet intervenire possit peccatum tam ex
parte ministri, quam ex parte suscipien-
tis, et consequenter, quod impediatur
gratia ex hoc secundo capite ; adhuc est
locus causalitati physicæ Sacramenti post
ablatum obicem ratione effectus permanen-
tis, ut explicuimus loco citato. Cum ergo
in nostro casu nulla fuerit actio Deo ac-
cepta, nec etiam actio Sacramentalis, Deo
propria præter annumeratas, non appetat
ratio nisi conjectando, et plus quam ratio
dictat divinando adstruendi influxum, aut
physicum, aut moralē in Pœnitentia res-
pectu gratiæ, quam alias si non esset in-
forme, possit inducere. Et consequenter
non ei correspondet ut proprius effectus
peccatorum remissio, ut extorquebat ob-
jectio supra posita ; quamque denuo pos-
sumus instaurare subsequenti forma. Nam
Pœnitentia informis nequit influere in gra-
tiā amoto obice, nisi vel per illummet
influxum, in ipsa informitate præstitum,

vel per alium ipsi superadditum, informitate deposita : sed neutro ex his modis queit Pœnitentia informis efficienter concurre ad gratiam : ergo pœnitentia informis nullatenus influit in gratiam obice deposito productam. Consequentia liquet. Major videtur per se nota, et probatur Minor quoad utramque partem : nam influxus ille physice præterit, nec permanet physice vel in se, vel in sua virtute relicita, ut vel plures adversariorum ultronee concedunt : aliunde vero nulla intervenit elevatio ex parte ministri, utpote omnino superflua ad casum externe absovendi absque infusione gratiae ; nec etiam ex parte pœnitentis præter necessariam al eliciendam attritionem ; qui enim aliam comminisci vellet in prædicta hypothesi, protinus repellendus esset ob defectum finis conjectæ elevationis : ergo ex vi illius Sacramentum inforne physice non influit, aut influere valet in gratiam.

Nec etiam influit moraliter. Tum quia omnes illi actus ex parte suscipientis sunt hominis existentis in peccato, quibus proinde repugnat movere voluntatem divinam ad distribuendam gratiam, nec sunt magis accepta Deo post amotionem obicis, quam fuerunt a principio in consortio peccati : ergo sunt omnino expertes causalitatis moralis. Tum etiam, quia ut constat ex ipso adversariorum exemplo, actus hominis justi, qui in sui elicitia non fuerunt Deo accepti, num quam redduntur accepti, ne consequenter magis modo, quam antea influunt moraliter in aliquod præmium : si ergo prædicti actus ut primo eliciti a pœnitente predictum non exhibuerent influxum, aut exhibere potuerunt ad movendum Deum ; pari ratione, nec post ablatum obicem. Unde constat instantiam oppositam in oppositum regerendam : nam quod opera meritoria peccato impedita, seu mortificata, post dimissum peccatum, iterum reviviscant ad influendum moraliter, provenit ex eo quod ut primo producta fuerunt Deo accepta, necnon ex Dei dispositione nobis manifesta ex Scriptura et Patribus ; sed operatione Sacramenti informis ex parte suscipientis numquam fuerunt Deo accepta, nec constat ex Scriptura et Patribus aliquando revictura : ergo id asserere est prorsus voluntarium, et potius divinare conjectando, quam verum ratiocinando concludere : atque ideo nullatenus influent nec physice, nec moraliter respectu gratiae ; subindeque ista non est effectus, qui possit

Sacramento iuiformi adscribi. Quo etiam argumento conficitur absolutioni non inesse virtutem moraliter influendi, ut considerans facile deprehendet, quin opus sit in eo diutius immorari. Interim audiamus D. Thomam infra q. 89, art. 6, ubi D. Thoita loquitur : *Alio modo dicuntur opera mortua privative, scilicet, quia carent vita spirituati quæ est ex charitate per quam anima Deo conjungitur, et per hunc etiam modum. omnia opera quæ sunt bona ex genere, si sine charitate fiant, dicuntur mortua, in quantum, scilicet, non procedunt ex principio vita, sicut si dicamus sonum citharae vocem mortuam. Sic igitur differentia mortis, et vita in operibus est secundum comparationem ad principium, a quo procedunt. Opera autem non possunt iterum a principio procedere, quia transeunt, et iterum eadem numero reassumi non possunt. Unde impossibile est, quod opera mortua iterum fiant virtuosa per pœnitentiam.*

81. Ad hæc respondere poteris, ita quidem esse si præcise foret attendendum in hac parte ad id quod se tenet ex parte suscipientis, et ministri, quo pacto verum coucluditur, secus vero si Sacramentum consideremus quatenus est opus Dei, et se tenet ex parte ipsius, qua ratione est opus vivum semper manens in divina acceptione, subindeque proprius effectus assignandus est, si non stante obice impediente, saltem eo deposito.

Haec tamen responsio neutiquam satisfacit, quin manifestæ falsitatis revincitur. Tum, quia non est magis nec majus opus Dei Sacramentum Pœnitentiarum, quam Eucharistia ; ut nobilitas, et excellētia hujus Sacramenti satis efficaciter declarant : et tamen Eucharistia ficte suscepta nullum habet effectum post fictionem depositam, ut expresse docet D. Thomas in 4, dist. 4, quæst. 3, art. 2, quæstiunc. 3, et est commune apud ejus discipulos : ergo quod Pœnitentia sit opus Dei, minime probat sortiri suum effectum post amotam fictionem. Tum etiam : quoniam ea ratio (quæ quidem fuit D. Augustini agendo de Baptismo contra Donatistas) probat quidem efficaciter de Baptismo et de cæteris Sacramentis characterem imprimentibus : quoniam opus proprium Dei, quamdiu permanet, vel in se, vel in virtute relicita, nequit frustrari effectu : sed Sacraenta, quibus inest virtus imprimenti characterem, licet præterierint, ita sunt opera Dei, quod permanent in charactere ut in proprio

prio illorum effectu, et virtute: ergo nequeunt non sortiri effectum gratiae, quam intendunt, deposito impedimento. Cæterum quando opus Dei nec in se, nec in aliquo sui perdurat: non est unde se exerat in effectum, nec physice ut est evidens, nec moraliter, ut ostendimus.

Præterquam quod aliud est Deum supposito Sacramento informi, largiri ejus gratiam, aliud vero, quod ipsummet Sacramentum nullatenus existens effective ad gratiam concurrat cum ipso Deo. Primum non refert utpote incertum et a sola Dei voluntate pendens: sed nec infert causalitatem ex parte Sacramenti, quandoquidem supposito Sacramento informi non cogitur Deus ad dispensandam suam gratiam: atque ideo illam negando, nec ipsi Sacramento, nec ei, qui recepit, fieret injuria; sed pro libito potest vel negare, vel concedere, quin Sacramentum aliquando influat. Sicut supposito peccato originali impidente beatitudinem decreta fuit unio hypostatica, quin peccatum ipsum moraliter influxerit in adventum Christi. Et idem est de peccatis actualibus essentialiter suppositis ad Sacramentum Pœnitentiae, quin aliquo modo influant in ipsum Sacramentum. Ad secundum vero non sufficit pura suppositio præteritionis, vel connotationis; alias quamplurima alia quæ non sunt Sacraenta, sed vel pure conditiones, vel excitantia signa, utputa, Crux, icones, et alia id genus essent causa gratiae vere, et proprie, uti esse Sacramentum informe docent prædicti Authores: quod esse falsum constat ex dictis superiori volumine tract. de Sacram. in gen. disp. 4, dub. 2. Sed insuper desideratur quod ipsummet Sacramentum ut primo factum aliquomodo moverit voluntatem divinam ad suo tempore impertiendam gratiam obice impeditam; quod tamen non præstisset constat ex dictis. Unde adscribere novum influxum, quem numquam habuit, nec habere potuit ex vi impedimenti, sine fundamento asseritur, nisi conditioni, aut cuilibet alteri connotato causalitatem moralē affigere velimus, quod est frivolum, et indignum assertu: quocirca solidius negatur.

82. His ergo et aliis discurrendi modis prætermisis, ut veritas nostræ, ac communis assertionis patefiat, et objectioni propositæ legitime occurramus, distinguendum est illud, quod se tenet ex parte Sacramenti, ut est institutum a Deo, ab eo

quod se habet ex parte effectus, ut in rerum natura ponatur. Sæpe enim contingit causam ex se in effectum propendere; cum tamen impediatur re ipsa effectus obice non orto ex ipsa causa, sed aliunde, vel ex parte subjecti vel ex parte termini, et ob defectum alicujus extrinseci, ut constat in naturalibus, et evenit in nostro casu. Nam licet Pœnitentia ex se, ut fuit a Christo Donino instituta, semper vergat in remedium peccati, illud destruendo media gratia sanctificante, et hoc non utcumque, sed omnino efficaciter, et infallibiliter; quin ex parte Sacramenti prout se tenet ex parte Dei, suboriri possit aliqua dubitans ratio de ejus latitu, et efficientia. Hoc tamen non obest, quoniam effectus Sacramenti ob impedimentum latens re ipsa non ponatur in rerum natura, nec consequenter Sacramentum recipiens percipiat similiter ejus fructum. Quocirca recte admonent Suarez in praesenti sect. 2. Suarez. Nuno dub. 2, et alii, ex parte subjecti ad Nuno. fructum Sacramenti, semper subintelligi, si est bene dispositum, vel si non adsit impedimentum: quia effectus, ut sit, non dependet tantummodo a principio efficienti, sed etiam a subjecto, et causa materiali, que si non fuerit expedita ad recipiendum, obici est ad non existentiam effectus. Quam observationem prædocuerat Angelicus Doctor in hoc art. sol. ad 5, inquiens: Sacerdos ostendit hominem absolutum non solum significative, sed etiam effective: nec tamen loquitur quasi de re incerta: quia sicut alia Sacraenta novæ legis habent de se certum effectum ex virtute passionis Christi licet possit impediari ex parte recipientis: ita etiam et in hoc Sacramento. Nec ideo absolute est conditionalis, ut aliquis possit obtendere; quia illa conditio non se tenet ex parte Sacramenti, sed ex parte subjecti recepturi illius effectum, et insuper est conditio generalis ab omnibus præsupposta ex parte subjecti; quantumvis absolute, et universaliter loquantur. Et conditio generalis non reddit absolutionem conditionatam, ut constat in judice humano, cuius sententia conditionata non est, quantumvis similis conditio præsupponatur in reo.

Est etiam observandum, quod licet remissio voce tenuis solum significet ablutionem culpæ, et hoc pacto videatur effectus privativus; quia tamen remissio est ablutione privationis, qua peccatum ipsum constituitur, non fit absque forma positiva qualis

Angel.
Præceptor.

O ss
e v
e c
t i o n
s u
s
m
o
n i

est gratia sanctificans. Sicut ablato tenebrarum non aliter fit quam introductione lucis. Unde sicut reipsa coincidit introduc-tio lucis cum ablatione tenebrarum, ita et justificatio impii cum remissione peccati, et non est ibi nisi unicus motus, licet interveniat duplex mutatio, ut explicimus tract. de justificatione disp. 4, dub. 1 et 2.

Verus
ae legit
mus
sensus.

83. Ex hac duplici observatione facile est legitimum conclusionis sensum eruere, et difficultati propositae occurtere. Planus igitur illius sensus est remissionem peccati, seu gratiam sanctificantem esse effectum per se primo inspectum ab absolutione Sacramentali, in quem essentialiter, et quantum est ex se collimat. Quod enim aliquando non sit, non oritur ex ipsa absolutione, sed ex defectu subjecti: ad eum sane modum, quo calefactio ex natura rei tendit in calorem, et illuminatio in lucem, quamvis contingat calorem, et lucem non semper introduci ex parte subjecti obsistentis calefactioni, et illuminationi. Et juxta hunc sensum concedimus objicienti, quod in Sacramento informi Poenitentia nullus effectus remanet post Sacramentum, et quod peccata non sint remissa; alioqui informe non esset: sed hoc non provenit ex defectu Sacramenti, quod quidem de se in remissionem actualem, et exercitam collimbat; sed oritur ex indispositione subjecti obsistentis gratiae, et elevationi ad illam de facto inducendam. Unde adhuc in ipso Sacramento informi, quantum est ex vi Sacramenti, et partium essentialium ejus, effectus est peccati remissio, seu quod idem est, gratia remissa peccati, non quidem quae reipsa detur exercite, sed quae agitur, quantum est ex parte Sacramenti. Et ratio est clara: quia informitas, seu carentia fructus non provenit ex ipso Sacramento, sed ex subjecto illud indigne recipiente; atque ideo illius carentia non debet refundi in Sacramentum, sed in subjecti ineptitudinem. Quod magis fiet perspicuum § sequenti, ubi sensum verborum enucleabimus. Hinc ad formam objectionis principalis distinguenda est Major: Nullus effectus remanet exactive, et quantum est ex vi Sacramenti, negatur: exercite ob indispositionem subjecti, conceditur; et concessa etiam Minori, negatur Consequentia; nam ut remissio peccati designetur tanquam proprius effectus Poenitentiae, non requiritur, quod actu, et reipsa illum semper efficiat; sed sufficit ex se, et ex sua institutione in illum propendere, et quod

reipsa semper, et infallibiliter, in subiecto disposito illum operatur. Dispositio autem subiecti sicut non est pars Sacramenti, sed quid praesuppositum; ita non auferit correspondentiam, seu exigentiam ipsius Sacramenti per ordinem ad effectum, nec effectus ab ipso Sacramento, licet impedit existentiam istius. Ratio a priori est: quia licet sit de ratione causae effectum contine, in illumque quantum est de se inclinare; non tamen postulat essentialiter illum semper producere, nisi in subiecto capaci, et apto ad receptionem. Nec etiam est de ratione instrumenti subiectum disponere, et capax reddere, sed hoc aliunde debet supponi. Cum ergo in Sacramento informi subiectum sit incapax remissionis ob impedimentum latens ipsum poenitentem; optime cohaeret et quod Sacramentum respiciat ut proprium effectum remissionem, ut intentam ex vi Sacramenti; et quod illam in effectu poenitens non nanciscantur.

84. Nec momenti erit, si opponas Sacramento ipsi desicere elevationem ad productionem gratiae, ut supra nos asseruimus: semel autem atque desit praedicta elevatio, jam Sacramentum nequit in gratiam propendere; quoniam absolutio Sacerdotis, ut constat ex ibi dictis, nihil intrinsecum supernaturale importat, nisi ad summum praesuppositive characterem Sacerdotalem, et finem extrinsecum remissionis peccati: omnia ergo quae se tenent ex parte Sacerdotis proxime et immediate ad absolvendum, sunt intrinsece naturalia, quibus proinde non subest vis in finem supernaturalem collimandi, qualis est peccatorum remissio: non ergo Sacramentum illud quantum est de se propendit in gratiam, ut in proprium effectum.

Nam contra est, quoniam elevatio actualis ad productionem gratiae non est pars intrinseca Sacramenti, nec intrinsece, et essentialiter concurrit ad ejus constitutionem; cum partes ipsius essentiales non sint aliae, quam materia, et forma. Unde elevatio est quid superadditum, et consequens Sacramenti constitutionem, et tantummodo confertur in ipsomet instanti productionis gratiae, in quo Sacramentum terminatur, et completur. Cum autem Sacramentum informe gratiam de facto non producat ob impedimentum latenter ibi occurrentis, inde est non illi competere actualem elevationem ad gratiam; nam idemmet est obici et gratiae, et elevationi ad gratiam. Et ratio

Evasio

Refell
tur.

ratio hujus est : quoniam Sacraenta, unico excepto Eucharistiae, consistunt in usu, nec habitualiter inest ipsis aliqua virtus supernaturalis, qua permanenter maneat elevata. Unde necesse est recurrere ad actualem motionem, et elevationem Dei; haec autem cum non sit absque effectu, non datur nisi in ipsomet instanti in quo effectus producendus est, ut clare docet D. Thomas 4 ad Annib. dist. 8, art. 5, inquiens : *Virtus communicatur Sacramento quando est in suo termino, et complemto, non quando est simpliciter in successione.* Porro instans causalitatis Sacramentorum non est nisi completivum, et terminativum, in quo verum est dicere : *Nunc non est Sacmentum, et immediate antea fuit,* ut constat ex supra dictis disp. praeced. et uberioris de Sacram. in gen. Atque ideo independenter ab elevatione, seu pro priori ad ipsam intelligitur Sacramentum constitutum essentialiter ex partibus sibi propriis. Haec autem in Poenitentiis sunt actus supernaturales poenitentis supra explicati, et absolutio Sacerdotis cum legitima potestate, et recta intentione conficiendi Sacramentum, quibus positis subsistit verum Poenitentiae Sacramentum, quod quantum est de se ex intentione ministri, et poenitentis tendit in remissionem culpae, et elevationem ad eam comparandam media infusione gratiae; quam tamen obice impedit, non assequitur, nec elevationem ad ipsam. Nec enim in his signis sensibilibus, qualia sunt Sacraenta, major supernaturalitas adstrui debet, quam quae supposita Christi institutione, illis adaptari potest.

85. Unde ad formam objectionis responderetur distinguendo Majorem : *Sacramento informi deficit elevatio*, ut pars intrinseca illius, nego Majorem; ut quid consequens ipsum Sacramentum, concilio Majorem, et subdistinguitur Minor : deficiente elevatione nequit propendere in gratiam, per virtutem sibi intrinsecam, et receptam, concedo Minorem : ut recipiendam, vel ut instrumentum proxime elevabile si non esset impedimentum, nego Minorem; et negatur utraque Consequentia. Quia illa signa sensibilia, et consequenter naturalia, supposita Christi institutione, et consignatione rite posita a legitimo ministro ex recta intentione conficiendi Sacramentum, quantum est ex parte ministri, et poenitentis, non in aliud quam in remissionem collimat : et consequenter gratia ut exacta,

Salmant. Ours. theolog. tom. XIX.

et peccatorum remissio illi respondens, quantumvis actu non detur ob impedimentum latens tam ministrum, quam ipsum poenitentem. Sicut effectus illuminationis non est aliud quam lux, et calefactionis calor; esto quandoque, nec lux, nec calor de facto interveniant ob interpolationem vel corporis, vel majoris resistentiae ex parte passi. Et (quod proximius ad rem accedit) Sacraenta vivorum non alium per se effectum respiciunt, quam augmentum gratiae cum modo Sacramentali cuique illorum proprio; cum tamen non semel primam gratiam etiam efficiant: quin inde inferatur augmentum gratiae non esse ab illis per se primo inspectum, et intentum ex parte ipsorum, et ministrantium.

86. Nec interest (ut tacitam objectionem *Tertia preoccupemus*), quod sit impossibilis Sacramento informi peccatorum remissio. Nam haec impossibilitas est ex suppositione impedimenti existentis, cum quo est inconjugibilis ablato peccati: non enim oritur ex ipso Sacramento rite, licet non recte, facto: nec ex parte absolutionis; quippe quae ut prolata a ministro vere prospicit eam remissionem. Unde quod hic, et nunc non reipsa consequatur effectum, non infert impossibilitatem absolutam, nec in Sacramentum, nec in ministrum absolventem debet refundi. Atque ideo cohaeret impossibilitas praedicta cum exigentia ex parte absolutionis, ut constat in exemplo illuminationis, cui respondet lux; quin tamen clausa fenestra, vel alio corpore interposito, eam possit introducere.

87. Secunda difficultas oritur ex opposita omnino radice; quia nimur non sunt peccata diluenda media absolutione sacerdotis, sed supponuntur remissa vel per contritionem, vel per precedentia Sacraenta saepius recepta Poenitentiae. In quo sane eventu (et quidem frequentiori praे illo Sacramenti informis) non appetet quam remissionem efficiat absolutio, quandoquidem nihil peccati superest remittendum, sed tam quoad culpam, quam quoad penam est abrogatum: non ergo in hoc casu satis frequenti intervenit vera peccati remissio; et consequenter minus recte assignatur ut proprius effectus hujus Sacramenti.

Nec audiendi sunt, qui docent peccata præterita jam confessa per se sola non esse materiam sufficientem hujus Sacramenti;

Aliorum sententia.

sed exigi peccatum novum saltem veniale ad ejus valorem. Tum quia oppositum constat ex dictis disp. 2, et falsitatis convincit ipsa perennis Ecclesiæ, et timoratorum consuetudo, apud quos nihil frequenter quam peccata præterita deplorare, et ea sæpe sæpius clavibus Ecclesiæ subjicere absolvenda, et remittenda. Tum etiam quia peccata præterita, quia dimissa non extrahuntur a materia remota Poenitentiae; alioqui enim post actum contritionis de eis elicitum, nullum conficeretur Sacramentum, quod est plusquam falsum, et satis absurdum. Ex quo rursus fieret, vel non esse explicanda in confessione, quod non est dicendum; vel per Sacramentum in re susceptum nihil remissionis acquiri, quod est intentum objectionis.

**Urgetur
objecatio.** Quam urgere possumus exemplo satis vulgari, sed ad rem non minus proprio. Nam homini a vinculis corporeis, quibus irretiebatur, absoluto, frustra impenderetur iterata solutio, inanisque redderetur conatus a vinculis expediendi, quem constaret ab illis penitus expeditum, ut ex ipsis terminis constare videtur. Sed accedens ad Sacramentum perfecte contritus vel confessus accedit omnino absolutus, et expeditus a vinculis peccati, quibus fuerat obstrictus, siquidem sacramento, vel contritione ipsa fuerunt confracta illa vincula. Ergo accedens ad hoc Sacramentum cum perfecta contritione vel jam confessio nulla fit peccati remissio, atque ideo hæc non est proprius effectus absolutionis.

**Antiquorum
sententiae.** 88. Hac pressi difficultate veteres Theologhi in varias abidere sententias, quas supra retulimus, et refellimus ex D. Thoma quin opus sit iterum in eo immorari. Inter recentiores vero etiam est discolor illi occurrenti modus, et pluribus minoris momenti prætermisis (ad predictas sententias, vel ad statim subjungendam, redigendis), plausibilior est quam tradidit Lugo in præsenti, disp. 13, sect. 3, n. 43, docens effectum absolutionis in casu argumenti esse remissionem novo titulo factam: quia remissio nihil aliud est, quam cessione juris, seu obligatio per cessionem juris non utendi jure acquisito ratione offendæ. Unde per repetitam cessionem sui juris ex parte Dei medio Sacramento, significatur voluntas efficax non utendi jure alias habito contra offensam. Et cum ad valorem illius cessionis non requiratur aliud, quam ponere titulum sufficientem, ut uti non possit jure suo, fit consequens

quamlibet novam remissionem inductam per Sacramentum, afferre novum titulum remissionis.

Hinc num. 82 ad explicationem argumenti negat Consequentiam. Ratio autem differentiæ in eo collocat, quod in solutione vinculi corporei objectum immediatum solutionis est ipsa corporea solutio, qua semel præstata, non remanet locus alteri solutioni, quocirca propositio redditur falsa ob defectum objecti. In solutione vero vinculi spiritualis objectum immediatum per eam affirmatum, non est ipsa ablatio externa vinculi, sed actus internus voluntatis, quo ego interius cedo jure acquisito ex offensa, et me obligo ad non utendum eo jure. Unde licet peccatum sit remissum, possum iterum, atque iterum cedere, et me obligare ad non utendum jure olim habitu: ut constat in humanis, in quibus creditor, vel offensus post extinctum debitum arctius se obligare potest ad non exigendum debitum, vel indignationem concipiendam. Et hoc est proprie cedere et remittere offensam. Hæc summatim perscripta est hujus Authoris solutio, quæ pluribus juniorum arrisit.

89. Sed re vera difficilior est, quam ipsam objecatio, pro qua diruenda fuit ex cogitata. Et contra illam stat imprimis rationem disparitatis esse omnino voluntariam utpote in qua non redditur ratio, quare vincula corporea magis sint objectum illius propositionis: *Ego te absolvo a vinculis corporis*, et non sint etiam vincula spiritualia objectum absolutionis Sacramentalis: cum non minus ista versetur circa vincula spiritualia dissolvenda, quam prima circa corporea. Unde vel utrobique, vel nullibi debet fieri recursus ad voluntatem solvendi, ad quam recurrit ille Author pro vinculis spiritualibus; secus vero pro corporeis solvendis. Militat secundo, principium illud: *remissionem nihil aliud esse, quam cessionem juris*, veræ Theologiae non satis consonum: juxta quam remissio non solum importat cessationem juris; vel cessionem Dei offensi, quæ extrinsecse se habent respectu peccatoris; sed insuper addit dñum aliquid supernaturale, vi cuius penitentia transeat de inimico ad esse Dei amicum, ipsique acceptum. Hoc autem non fieri absque infusione gratiæ sanctificantis de fide tradunt communiter Theologhi, ut vidimus tract. de Justific. disp. 2, dub. 1 et constat ex Concil. Tridentino Tridentino sess. 6, ubi nostram justificationem reducit ad

Dificili
explicatio.

ad justitiam Dei, non qua ipse in se justus est, quippe quæ solum extrinsecce, et efficienter se habet; sed ad justitiam nobis intrinsecam, quæ justi reddimur, et amici Dei. Cum hoc autem non bene cohæret remissionem nihil aliud esse, quam cessionem juris, siquidem ista cessione se tenet ex parte Dei, ex parte cuius se habebat vis exigendi compensationem offensæ; nequit autem esse effectum causatum ad extra per Sacramentum in ipsum recipiente.

Est contra D. Thomam maxime vero quæst. 28 de Verit. art. 6, ubi docet, quod remissio culpæ importat non solum ablationem absentiæ gratiæ, sed ablationem impedimenti gratiæ, quod erat ex actu peccati præcedentis. Ubi S. Doctor manifeste docet in remissione culpæ coire ablationem peccati habitualis, quæ non est dabilis absque infusione gratiæ, cuius est privatio, ut constat ex ibi dictis disp. 1 et retractationem actualium: manifeste ergo opponitur D. Thomæ asserendo remissionem nihil aliud esse, quam cessionem juris ex parte Dei. Nec est verius, quod subjungitur in eadem solutione hanc sui juris repetitam, aut sæpius iteratam cessionem inducere novam remissionem, novumque titulum remissionis. Nam cessione juris quantumvis iteretur, aut repetatur ex parte offensi, quid proficit ad effectum Sacramenti, quam investigamus; siquidem iste non se tenet ex parte Dei offensi, sed ex parte suscipientis Sacramentum? Unde recurrere ad cessionem extrinsecam Dei est omnino extra rem, et difficultatem intactam relinquere; nisi asseratur remissionem peccati de facto fieri per condonationem extrinsecam, quod non debet admitti, ut constat ex dictis tract. de justificat. disp. 2, dub. 1, ubi ex Concilio, et communis Theologorum doctrina eam sententiam rejecimus.

90. Hinc etiam constat falsum esse discrimen assignatum ex ea parte qua docet objectum absolutionis esse actum voluntatis, quo Deus cedit juri acquisito ex offensa: quoniam sicut justificatio non importat solam Dei voluntatem, sed infusione gratiæ, ut constat ex Tridentino loco citato cap. 7, et cap. 11, ubi sub anathemate damnat docentes gratiam qua justificamur, esse tantum favorem Dei: ita et peccatorum remissio nequit explicari per nudam cessionem juris, quæ se tenet tantummodo ex parte Dei. Tum quia peccatorum remissio est effectus secundarius

gratiæ absque ullo alio favore extrinseco diverso ab ipsa infusione gratiæ, ut ostendimus loco citato. Tum etiam, quia ut tenet ipsem Cardinalis de Lugo n. 68, verba Sacramentalia debent usurpari in eadem significatione, quam sibi vindicant ex hominum impositione, sed ex hominum institutione, seu impositione, non tantum significant actum internum voluntatis, sed etiam externum aliquid realiter ab actu interiori diversum: alias in ejus sententia verum esset dicere loquendo de vinculis corporeis: *Ego te absolvō*, quin a vinculis corporeis liberaretur. Ergo aliquid superest explicandum in illis verbis: *Ego te absolvō*, realiter diversum a voluntate interiori. Tum et maxime quia verba Sacramentalia non aliud significant, quam efficiunt, ut in confesso est apud ipsum, et reliquos Theologorum: sed verba absolutionis non efficunt voluntatem internam Dei, qua cedit juri suo, cum ejus non sit dabilis causa, alias esset quid creatum. Ergo cessione illa interna Dei non est effectus absolutionis. Unde instauratur vis confirmationis: nam sicut in absolutione vinculi corporei, objectum non tantum est intentio solvendi, sed etiam vinculum ipsum ut expediendum: ita in absolutione vinculorum animæ, non solum voluntas solvendi, sed ipsa vincula solvenda sunt objectum absolutionis: sed voluntas solvendi vincula corporea, si ea fuerint jam dissoluta, nullum habet effectum, ut conceditur: ergo absolutio a vinculis spiritualibus, nullum effectum jure vindicat, si ea præcesserint dissoluta, ut supponitur in casu argumenti.

91. Deinceps refellenda venit eadem solutio ex ipsorum terminorum Minoris cohærentia, ne dicamus contradictionem, quam inculcat prædictus Author aliqui gravis, ut e sua societate observarunt alii præcipue vero Joannes Dicastillo in præsenti disp. 5, dub. 6, n. 111. Nam ubi est extinctum totum jus exigendi debitum alias habitum, non est locus cessioni juris: sed in casu argumenti ex parte Dei fuit extinctum universum jus exigendi debitum alias contractum ex peccato: ergo non est locus cessioni juris ex parte Dei. Consequens est in forma. Major præterquam quod ex ipsis terminis constare videtur, facile probatur, et explicatur: nam sicut ubi non est offensa, non potest esse jus contractum ex offensa, ita ubi non est jus, nequit inveniri cessione juris, quæ sit abso-

Lugo
sibi
contra-
rius.

Est
contra
D.Thom.

Ulterior
impun-
gnatio.

Robora-
tur
amplius.

Joan.
Dicas-
tillo.

luta, et efficax; nisi ad summum conditionata ex parte objecti, si aliquando sit, vel esset. Nam sicut jus contractum ex offensa supponit essentialiter ipsam offensam: ita cessio juris supponit jus cedendum; alias enim esset cessio chymerica, vel ut minimum conditionata, non vero absoluta, et efficax, qualis debet esse voluntas Dei, qua remittit peccata. Minor etiam constat: quia in casu argumenti supponitur remissum peccatum vel per contritionem perfectam, vel per Sacramentum cum fructu receptum: sed hoc ipso supponitur extinctum ex parte Dei jus contra peccatum, quandoquidem praedictum jus fundatur in peccato, et offensa Dei irrogata: ergo si utrumque supponitur admissum, ex consequenti supponitur ex parte Dei extinctum jus contra peccatum, et offensam. Quid ergo superest cedendum, nisi poena temporalis, de qua non disputatur, et potest esse remissa, ut infra ostendemus? Aut qualiter toties se obligare poterit ad non utendum jure suo, quod non est, nec esse supponitur? Quod enim aliquando fuerit, sicut non probat non esse extinctum, ita non evincit posse illud denuo cedi. Id enim quod aliquando fuit, si modo non est, perinde est, ac si numquam fuisset, ut illi cedatur. Cum ergo nulla esset ratio cedendi, si numquam fuisset; nulla prorsus est ratio cedendi, aut denuo se obligandi, si modo non est jus cedendum, ut non esse supponere debemus ad intentum argumenti.

Et ut id evidentius appareat, ponamus peccatum esse omnino remissum quoad culpam offensam, et omnem reatum, ad poenam aeternam, et temporalem, quin aliquid supersit delendum, ut possibile esse nemo ambigit, et de facto evenisse in negatione D. Petri tam credibile est, ut impium esset negare. Cui ergo jure cedendum esset ex parte Dei erga D. Petrum accendentem ad Sacramentum post tam amplam, tamque perfectam nactam remissionem? Profecto non appetat. In eo autem eventu verum et proficuum esset Sacramentum; nulla vero cessio juris, quod aliquo modo foret Petrum damnandi titulo offensae; alias esset remissa, et non esset remissa. Ergo in casu remissionis proposito accidentis ad Sacramentum ineptus, et complicatorius est recursus ad cessionem juris, quod supponitur non esse, quasi re vera esset. Nec enim Deus potest exigere debitum, ubi debitum non est, nec consequenter cedere

juri, quod non habet, nec habere potest non stante peccato nec in se, nec in sua causa, nec in abominatione divina, in qua non remanent peccata post remissionem, juxta illud Apostoli ad Rom. 8: *Nihil Ro-
damnationis est iis, qui sunt in Christo Jesu.*
Et Ezechiel. 18, n. 22: *Omnium iniquita-
tum ejus, quas operatus est non recordabor.*

92. Si autem ex praedicto Authore ob-
jeceris, tum quod semel offensa remissa,
potest quis iterum atque iterum se obligare
ad idem, sicut semel professione emissam,
potest religiosus iterum atque saepius ejus
renovatione constringi. Tum etiam (quod
magis ad rem accedit) nam omnino deleta
culpa, queit homo de ea poenitere, et hoc
concurrente dolore, verum Sacramentum
perficere ac frequentare; quin ad hoc obsit,
quod delictum sit omnino purgatum: non
ergo oberit, quod sit remissum ex parte
Dei, quominus ipse Deus valeat, quantum
est ex se, eam plures remittere, se obli-
gando ac proprio juri cedendo, ut etiam
contingit in humanis.

Respondetur hujus objectionis motivum, in quo est nervus solutionis, quam impugnamus, viribus destitui, si animadverteratur discriminem a D. Thoma constitutum inter offensam humanam, et divinam, ea-
rumque quoad remittendi modum diversitatem. Ait itaque S. Praeceptor infra quæst. D. Thom. 86, art. 2, in corpore: *Hoc interest inter
gratiam Dei, et gratiam hominis, quod gra-
tia hominis non causal, sed presupponit
bonitatem veram, vel apparentem in homine
grato; sed gratia Dei causal bonitatem in
homine grato, eo quod bona voluntas Dei,
qua in nomine gratia intelligitur, est causa
omnis boni creati. Unde potest contingere,
quod homo remittat offensam, qua offensus
est alicui, absque aliqua mutatione voluntatis ejus, non autem contingere potest, quod
Deus remittat offensam alicui, absque im-
mutatione voluntatis ejus.* Ex quibus constat admittendum esse Antecedens, si sermo sit ut revera est, de offensis in ho-
mine commissis, ad quarum condonatio-
nem non requiritur nisi cessio juris, vel
obligatio jure non utendi, quin aliud ex-
pectetur. Secus vero est de condonatione
divina, quæ vere sit absoluta, et efficax:
quippe haec non importat nudam cessionem
juris ex parte Dei, aut solam obligationem
non utendi jure suo, ut sonare videntur
illa verba: *Remissionem nihil esse, quam
cessionem juris, quibus utitur Lugo;* sed
importat gratiam intrinsece immutantem
voluntatem

Ro-
man. 8.Objectio
ex eo-
dem
Authore.Dilutior
ex D.
Thom.

Lugo.

voluntatem creatam, et quantum est de se excludentem quælibet peccata, quæ inventiat in subjecto. Unde neganda est Consequentia, utpote quæ non infertur ex illo Antecedenti, quinimo opposita est deducenda. Nam quia voluntas Dei remittentis peccata est omnino efficax, nec supponens sed faciens objectum; nequit ita remittere peccatum, ut non apponat in voluntate creata gratiam incompossibilem cum peccato: sed quoties homo justificatus accedit ad Pœnitentiæ Sacramentum, in sententia Cardinalis Lugo remittitur peccatum, siquidem vere absolvitur: ergo recipit homo novam gratiam exclusivam peccati. Consequentia constat, Minor est doctrina prælaudati Theologi. Majorem suadet discrimen assignatum a D. Thoma. Hinc vero legitime subinfertur, quod sicut prima peccati remissio non est *nuda cessione juris*, aut *mera obligatio non irascendi*, ut ipse loquitur, sed importat infusionem gratiæ, in quo stat formalis remissio: ita nec secunda, aut multoties iterata, quippe omnes sunt ejusdem rationis, et energiæ, quoad munus sanctificandi, et remittendi ex parte termini, quidquid sit de effectu exercitæ expulsionis, nihil referentis.

Confirm. Id quod adhuc urgeri potest vel ipso exemplo ab humanis desumpto. Siquidem nec prima, nec sæpius repetita condonatio offensæ in humanis importat aliud, quam *nudam cessionem juris*, vel *obligationem non irascendi*; eo quod omnes sunt ejusdem rationis: ergo e converso oppositum statuendum est in condonatione divina, de cuius ratione est non aliter remittere, quam apponendo vel primam, vel majorem gratiam, qua vel primo expellatur peccatum, vel magis ab eo homo elongetur, ut explicabimus.

Praeclu-
ditur
amplius. 93. Unde etiam præcluditur refugium ad novo titulo factam remissionem, quoties intervenit novum Sacramentum. Quoniam ut sit novus titulus remissionis novæ, oportet esse novam gratiam remissivam; non vero sufficit cessione juris quasi speculativa, hæc enim non reperitur ex parte Dei ut operantis per Sacraenta cum fructu recepta; sed semper comitatur nova gratia essentialiter incompossibilis cum peccato in qua debet fundari ille novus titulus novæ remissionis; non vero in sola voluntate extrinseca Dei, vel in cessione juris, quæ etiam est extrinseca, ut intendit ille Theologus.

Thomis-
tarum
doctrina. In quo stat discrimen hujus doctrinæ a

doctrina aliquorum Thomistarum quorum princeps in hac parte fuit Mag. Nuno in Nuno. præsenti dub. 2. Hi enim quamvis ad novum titulum refugiant in casu argumenti, toto tamen cœlo distant a Cardinali Lugo; siquidem novos eos titulos remittendi revocant in novam gratiam superaditam mediis Sacramentis productam, in quo nihil sinistrum docent, aut communis Thomistarum sensui substantialiter adversum, sed solum differunt in modo loquendi. Cum tamen Lugo totum negotium referat in cessionem juris extrinsecam, et iteratam voluntatem non exigendi debitum, aut jure Dei proprio non utendi, ut constat ex ejus verbis. Quod notatu dignum censuimus, nedum quis apud Nuno, vel alium D. Thome discipulum novum illum titulum novo Sacramento inductum offenderit una cum Cardinalis Lugo sententia veram sententiam confundat, sicut Magister Prado in præsenti dub. 6, § 3, num. 39.

94. Nec favet Lugo ad novam obligationem, vel novum titulum ex parte Dei sustinendum, primum illud exemplum renovatæ professionis, quasi hac iterata quotidie, quotidie etiam nova consurgeret obligatio. Hoc enim falsum est, et nulla ratione probabitur: quoniam licet laudabilis sit ea reiterata obligatio, et non parum juvet ad firmandam, et stabilendam voluntatem in professione jam facta, non tamen auget, aut promovet novam obligationem, alias tot committentur peccata infractione voti, quot præcessissent replicate professiones. Quod est falsum, et ipsi societati adversum, ut constat ex ejusdem Constit. part. 5, cap. 4, § 6, ubi cavetur votorum renovationem nullam inducere obligationem, prout refert Dicastillo ubi supra n. 112, et docet Sanchez lib. 7 de Matrimonio, disp. 27, n. 25. Et evidenter appetit in Matrimonio, cuius millies repetitus consensus supra primum, quo contractum fuit legitimate, nullum titulum, nullamve majorem obligationem indicit. Unde illud exemplum matrimonii spirituialis media professione in adversarium retorquetur, et contra ipsum militat.

Ad secundum exemplum de dolore erga peccatum jam dimissum, constat ex supra dictis disp. 2, n. 43 et sequent. ubi explicuimus qualiter peccatum remissum sit materia Pœnitentiæ, et quo pacto virtus Pœnitentiæ circa illud versetur. Quoad præsens vero respondetur numquam homini constare omnino certo, et infalli-

Lugo,
Martinez
de Prado.

Dicas-
tillo,
Sanchez,
Medina
lli
adversi.

Dispelli-
tur
exem-
plum.

biliter sibi esse dimissa peccata, quantumvis repetita Sacraenta Pœnitentiae suscep-
perit, nisi intervenerit divina revelatio. Et ideo semper potest de eis pœnitere, et Sacerdoti absolvenda manifestare, et qui-
dem cum ingenti fructu, ut constat ex Extravaganti *Inter cunctas*, in qua monemur hujusmodi confessiones esse salubres, et ex satis frequenti, nec minus commendata Ecclesiæ, et timoratorum consuetudine. Quod si vero vel revelatione, aliove infal-
libili signo aliquando constiterit veterum peccatorum perfectam indulgentiam fuisse concessam, non idcirco excludendus est eorum dolor, nec deserendus accessus ad hoc Sacramentum : quia licet non adsit ullum peccatum saltem veniale (quod raro accidet) delendum per Sacramentum, nec ullæ peccatorum præcedentium reliquiæ, adest tamen radicalis, et virtualis illorum expulsio inclusa in ipso augmento gratiæ, modo infra explicando. In quo sensu etiam est virtualis remissio ex parte Dei, quæ splendet in augmentatione gratiæ per Sacra-
mentum collatæ : non vero *nuda cesso juris*, aut pura voluntas obligandi se, ut illa solutio comminiscetur, et in quo solo sensu eam reprobamus, ut minus veritati consonam.

Vera
solutio. 95. Legitima ergo solutio difficultatis n. 26 propositæ concedit casum, quod nihil supersit remittendum exercite acce-
denti ad Sacramentum (in quo nullum est inconveniens, licet ut in plurimum, et fere semper adsint venialia medio Sacramento purganda, supposita eorum displicantia, cum confessione); negat tamen Consequentiæ, quoniam adhuc in illo casu effectus absolutionis est remissio peccati, non quidem actualis; et exercita, sed aptitudinalis, et in radice; quatenus videlicet media prædicta absolutione augetur gratia remissiva peccati. Quod quidem peccatum excluderet, si in subjecto inveniret: illud enim de facto non excludere, non provenit nec ex defectu gratiæ, aut illius inclina-
tionis, nec similiter ex defectu Sacramenti: quippe tam istud quam illæ tendunt in remissionem peccati, quantum est de se. Et ratio a priori desumitur ex institutione hujus Sacramenti: ex qua constat illius propriam gratiam esse medicinalem, et sanativam. Nequit vero intelligi medicina absque ordine ad morbum, in cuius medel-
lam instituta est, nec consequenter gratia aliqua medio hoc Sacramento communica-
ta, cui non competit esse remissivam

peccati, sicut non est dabilis gratia Bap-
tismi, in qua non sit vis expulsiva peccati originalis. Nam ut docet Ang. Præceptor D.Thom. in 4, dist. 18, q. 1, ar. 3, quæstiunc. 2 : *Idem judicium est de effectu quem potestas clavium actualiter exercita complet in eo in quo contritio tempore præcessit, et de effectu Baptismi, qui jam habenti gratiam datur.* Cujus rationem tradiderat S. Doctor in corpore principalis articuli dicens : *Eodem modo se habet potestas clavium, quæ est in Sacerdote ad effectum Sacramenti Pœnitentiaz, sicut se habet virtus, quæ est in aqua Baptismi ad effectum Baptismi. Baptismus autem, et Sacramentum Pœnitentiaz conve-
niunt quodammodo in effectu, quia ultrumque contra culpam ordinatur directe, quod non est de aliis Sacramentis.* Quocirca grata utriusque Sacramenti ita est illorum effectus, ut in esse termini semper importet esse remissivam, et destructivam pec-
cati; quamvis aliquando, quia non invenit nec remittat, nec destruat.

Porro ut id reddatur magis perspicuum, animadvertisendum est remissionem peccati ita esse effectum Pœnitentiaz ut est Sacra-
mentum, quod potior causa prædictæ re-
missionis sit gratia, ut præclare docuit S. Doctor infra q. 86, art. 6, siquidem Sacramentum est tantummodo causa ins-
trumentalis, *gratia vero principalis, quin indigeat favore aliquo extrinseco Dei, aut elevatione aliqua ad illud destruendum.* Et idcirco immediate ante in eadem solutione ad argumentum *sed contra præmiserat An-* D.Thom., *gelicus Præceptor remissionem culpæ esse inseparabilem effectum gratiæ, per quam principaliter culpa remittitur.* Quo fit in visceribus ipsius gratiæ ut est effectus, seu terminus per se inspectus, et productus media Pœnitentia; includi vim expulsi-
vam peccati, a qua in esse termini nequit præscindere. Quia tamen actualis expulsio est effectus secundarius ipsius, sine quo proinde conceptus ejus primarius potest salvari; bene cohæret, et quod de facto non remittatur peccatum, quia non est, et quod ipsa gratia ut remissiva est, vel si mavis, ut quantum est ex se remittens, sit effectus absolutionis. Licet enim non semel effectus secundarius separetur a primario, ut inductive constare potest; numquam tamen reperitur conceptus primarius, quin contineat in radice de se sufficienti secun-
darium, et illius exigentiam aptitudinaliter importet. Quocirca recte animadvertisit Suarez in præs. sect. 2, n. 20 in fine : Suarez
esse

Obser-
vatio.

esse discrimen inter effectuam gratiae, et expulsionem peccati: nam ex vi formae semper, et infallibiliter datur gratia, non stante obice; non tamen semper actualiter remittitur peccatum per absolutionem, nisi subintellecta conditione, *quod sit peccatum*. Et quoad hoc non dicit semper actum, sed aptitudinem. Unde sicut ad infallibiliter actu inducendam gratiam praesupponi debet non existentia obicis; ita ad expellendum actualiter peccatum prærequiritur ejus existentia, et ea non stante non idcirco deficit effectus primarius Sacramenti, qui quidem non est actualis sanatio, sed gratia sanativa, et medicinalis. Et in hoc sensu tradita solutio est D. Thomæ, et discipulorum, quos superfluum est recensere.

96. Objicit tamen contra eam Lugo: nam verba illa *Ego te Absolvo*, ex hominum institutione non habent significare collationem gratiae, sed remissionem debiti, et solutionem vinculi: ergo esto in hoc Sacramento causent gratiam, ipsa tamen de se eam non significant: atque ideo proprius illorum effectus non est gratia remissiva, sed cesso juris, vel obligatio non utendi jure acquisito per offensam. Hanc consequentiam probat ex eo, quod in verbis Sacramentalibus duplex assignanda est significatio, et quam habent ex hominum impositione, et quam sibi vindicant ex institutione divina. Et quidem si de hac secunda fiat sermo proculdubio, inquit, et efficitur, et significatur gratia; securus vero, si loquamur de prima, juxta quam solum exprimitur iterata voluntas condonandi, et juri suo cedendi.

97. Hoc tamen nihil refert; siquidem dum investigatur effectus absolutionis ut est forma hujus Sacramenti, non fit sermo de effectu naturali; quem tantummodo ex hominum impositione nata est habere; sed de effectu supernaturali, qui ipsi respondeat ex institutione divina, quique est ipsi proprius ut sacramentaliter significanti. Hoc autem modo nequit alius assignari in casu objectionis quam gratia remissiva peccati, quin adsit locus illi cessioni juris, quod non est, licet aliquando fuerit, ut supra ostendimus, et potest iterum breviter urgeri ad hominem contra ipsummet Lagonem. Nam licet peccatum aliquando fuerit, quia tamen in casu objectionis supponitur remissum, non est locus ejus iteratae expulsioni, quae se teneat ex parte peccati; non enim ob aliam rationem confugit praedictus Author ad cessionem juris ex parte

Dei, et novam obligationem eo non utendi; sed in casu objectionis non supponitur jus aliquod ex parte Dei, quandoquidem omnino supponitur peccatum extinctum. Ergo non est locus cessioni novæ, nec novæ itidem obligationi jure non utendi, quod re vera non est, licet aliquando fuerit: atque ideo vel nullus effectus assignandus est absolutioni, quod non debet admitti, vel inconsequenter recurrir ad novam juris cessionem, cui non est magis locus, quam expulsionis peccati.

Ad hæc. Cessio illa juris, et nova obligation ex parte Dei ad non utendum jure alias habito est quid supernaturale, et effectus proprius sacramenti in sententia hujus Authoris: atque ideo debet significatio sacramentali explicari: non ergo pertinet ad significationem humanam, quæ competit vocibus ex hominum impositione, quippe, quæ non se porrigit nisi ad naturalia. Nisi velit nobis obtrudere significationem Sacramentalem, quæ sit mixta ex naturali, et supernaturali, et quod quælibet earum expresse tendat ad significandum effectum supernaturale. Quod tamen est falsum, et a nobis rejectum de Sacrament. in genere disp. 2, dub. 2, § 3, et ex ibidem dictis n. 30.

Respondetur ergo in forma ad objectio nem concedendo in verbis absolutionis significationem ex impositione hominum. Hæc tamen ad munus Sacramenti non se habent formaliter, sed tantum fundamentaliter, quatenus verba ut ita significantia simul cum materia assumuntur a Deo ad significandum, et simul efficiendum sacramentaliter proprium effectum Sacramenti. Unde totum illarum complexum est immediatum substratum significationis Sacramentalis, cui subinde respondeat, et respondere debet effectus proprius Sacramenti, non vero substrato, aut alieci parti ipsius. Et consequenter inaniter introducitur effectus Sacramentalis, qui corresponsedeat absolutioni, prout ex hominum impositione significat, quandoquidem non ingreditur constitutionem significationis Sacramentalis, nisi per modum substracti, et fundamenti. Et in hoc sensu concesso Antecedenti, negatur Consequentia et suppositum illius: quia verbis illis ut ex hominum impositione significantibus non debetur aliquis effectus Sacramentalis, quippe prout sic non significant in sensu formalis sacramentaliter; sed se habent ut fundamentum significationis Sacramentalis, qua signum

Confir-
matur.

formaliter constituitur in ratione signi, ut
loco citato explicuimus.

Porro quod illa verba : *Ego te abservo, ex
hominum impositione non significant nisi
cessionem juris, vel obligationem voluntatis
condonantis, non refert ob disparitatem
supra ex D. Thoma assignatam inter
condonationem humanam, et divinam : et a Deo
non assumuntur ad condonationem humanam,
sed ut significant divinam remissionem, non aliter unquam factam,
aut faciendam, quam media gratia remissiva
peccati : in qua semper est remissio
aptitudinalis, et actualis, si adsit peccatum ;
vel eo deficiente, aptitudinalis. Praeterquam
quod etiam est falsum illa verba practice sumpta solum exprimere voluntatem condonandi ex hominum impositione : nam hoc modo accepta etiam important expeditionem, ac dissolutionem externam vinculorum; alioqui sola illarum prolatione maneret homo a vinculis corporis absolvus, quod est evidenter falsum.*

Confir-
matio
dissol-
vitur.

98. Unde constat solutio ad confirmationem principalis objectionis, concedendo Antecedens, et negando Consequentiam. Ratio disparitatis est : tum, quod in homine jam a vinculis corporeis expedito, illa absolutio est pure speculativa, nihil faciens in subjecto : tum etiam, quia objectum illius locutionis proprium, seu materia circa quam, sunt vincula corporea dissolvenda, et enodanda : quae cum jam sint, vel fuerint soluta, nihil superest agendum, et consequenter nequit vere ab illis absolvi, et idcirco falsa redditur propositio. In absolutione vero Sacramentali fructuosa, de qua est sermo, semper ex parte termini elucet incrementum gratiae, qua homo magis accedit ad Deum, et justior redditur, et consequenter magis recedit a peccato, quo avertitur ab ipso. Et in vi hujus fit major et major peccatorum remissio, licet non formalis, et expressa, bene tamen virtualis, et implicita, quatenus recipitur ex vi Sacramenti major gratia medicinalis, et sanativa.

Emer-
gens
difficul-
tas.

99. Hinc suboritur dubium, ex cuius determinatione magis res declaratur : an videlicet juxta hanc solutionem Thomistis communem, dicenda sit eadem peccati remissio tot titulis facta, quot fuerint repetita Sacramenta ? vel appellari debeat major peccati remissio, quo major fuerit gratia per iterata Sacramenta producta ? Ratio primam partem asserendi non videtur esse alia, quam quod privatio in facto esse non

suscipit magis, et minus, ut est doctrina D. Thomæ quæst. 2, de Malo art. 9, et D. Thomæ 1, 2, q. 73, art. 2. Remissio autem peccati importat ejus exclusionem, et totalem exterminationem, sicut in naturalibus se habet exclusio mortis, ad introductionem vitæ : ergo remissio peccati non suscipit magis, et minus, quandoquidem nihil illius remanet : atque ideo non est major remissio quæ fit per plura Sacramenta, quam per primum, sed dumtaxat multiplicantur tituli sufficienes ad remissionem primo factam. Nec intererit recursus ad reliquias peccati, vel ad reatum, et alia damna ex illo provenientia. Tum quia non fit sermo nisi de ipsa macula, et offensa peccati, quæ supponuntur ablatae, et omnino remissæ. Tum et maxime, quia objectio, cujus enodationi instituimus, supponit remissionem totalem tam peccati, quam ipsum comitantium, et consequentium, ut inde eliciat effectum absolutionis non esse peccati remissionem, aut gratiam remissivam peccati. Et consequenter inepte fiet recursus suppositionis contrarius. Huic parti favere videtur Magister Nuno in praesenti dub. 2, cui subscriptibunt Henriquez, Aversa, Lugo licet ex diverso motivo, ut supra observavimus, quos refert, et sequitur Martinez de Prado dub. 6, quatenus absolute respondent remissionem, de qua est quæstio, fieri pluribus titulis, quin in ipsa aliquam majoritatem agnoscant.

100. Re tamen attentius considerata, Verior consequentius videtur doctrinæ D. Thomæ et principiis a nobis alibi ex ipso constitutis, quod per repetita Sacramenta fit major, et major peccatorum remissio, ut nuper innuimus. Id autem explicare haud arduum erit, si prius animadvertissemus ex ipso S. Doctore quæst. 8, de verit. art. 6 : *D. Thomæ Remissionem culpæ non solum importare ablationem absentiarum gratiarum, sed ablationem impedimenti gratiarum, quod erat ex actu peccati præcedenti, non ut actus ille non fuerit, quia hoc est impossibile, sed ut propter illum influxus gratiarum non impediatur.* Hinc tract. de Peccatis disp. 16, dub. 3, § 5, n. 74 statuimus, et tract. de Justif. disp. 1, latius prosecuti sumus, terminum a quo justificationis non esse nudam parentiam, aut privationem gratiarum, sed insuper importare omnia impedimenta, quibus præpeditur homo a consecutione gratiarum, qualia sunt peccata actualia moraliter permanentia, nondum retractata. Et hac ratione salvavimus (et salvant communiter Thomistæ) Evasio

Nuno.
Henri-
quez.
Aversa
Lugo.
Martini-
de Prad.

mistæ) loco allegato de peccatis dub. 5, § 7, n. 150, pluralitatem peccati habitualis in uno, et eodem peccatore: quia nimur licet privatio gratiæ non sit nisi una in esse rei, sicut non est, nisi una gratia; in esse tamen termini, et privationis moralis tot sunt simul in eodem peccatore peccata habitualia, quot præcesserint actualia; quia licet re ipsa gratia non excludatur, nisi per primum peccatum actuale, quodlibet tamen eorum de se est illius destruttivum, et novum apponit impedimentum ejus præsentia. Unde privationes gratiæ tot sunt moraliter, quot fuerint peccata actualia. Qua etiam prorsus ratione ubi nuper disp. 18, dub. 1, § 3, n. 18, sustinuimus, parentiam visionis beatificæ, in qua consistit pena damni, una cum sit in esse rei, eo esse majorem in ratione penæ damni quo plura aut majora intervenerint peccata: quo enim quis magis elongatur a forma, eo magis crescit, et augetur parentia formæ. Quocirca rectissime docuit Angelicus Praæceptor in 2, dist. 43, q. 2, art. 5, *quod magis cæcus dicitur, cui ex loto erutus est oculus, quam qui ex aliquo humore ad pupillam concurrente visum amittit, quamvis uterque cæcus sit.* Quia nimur ex fortiori causa oritur illa parentia, quam ista, et quo fortior est causa, aut major, eo etiam fit major elongatio a forma, subindeque parentia, aut privatio.

101. Ex quibus principiis locis citatis expensis, et ex professo firmatis satis, superque constat ad rationem excludendi formam, et inducendi ejus parentiam, non tam attendi ad ipsam formam, seu terminum exclusum (alias nunquam esset nisi una parentia, aut privatio, sicut non est nisi unica forma, aut terminus exclusus) quam ad titulos, seu causas exclusionis, ad quarum incrementum crescit parentia, seu terminus expulsus, licet non in esse rei; bene tamen in esse termini, seu ratione exclusi. Constat insuper, quod licet aliqua privatio ex parte formæ dicatur in facto esse, quatenus nihil formæ relinquitur in subjecto; queit tamen illamet reddi major quasi intensive per ordinem ad causas, et obstacula, quibus magis elongatur a subjecto.

Ad hunc itaque sensum, licet peccatum in prima justificatione sit penitus exclusum, quoad maculam, et offensam, et consequenter nihil remaneat excludendum per sequentia Sacra menta, et (si objicient videbitur) ipse etiam reatus ad penam tem-

poralem sit extinctus, ita ut maneat absque illo onere aliquam penam luendi, ut esse possibile nemo ibit inficias. Adhuc per iterata Sacra menta fiet major, et intentior remissio in esse remissionis, licet non in esse rei. Cum enim remissio, ut supra audivimus a D. Thoma, non tantum importat exclusionem absentiæ gratiæ, sed etiam ablationem impedimentorum ejusdem gratiæ, et per iterata Sacra menta Pœnitentiæ ex una parte penitens elicit plures actus detestationis, quibus magis elongatur ab actibus contrariis gratiæ ob-sistentibus; et ex alia per ipsa Sacra menta augeatur gratia sub ratione medicinalis, quo pacto est terminus, et effectus hujus Sacra menti; consequens esse videtur eo majorem fieri remissionem quo magis ite-rantur prædicta Sacra menta; siquidem magis elongatur homo a peccato, et magis Deo conjungitur.

Id quod vigeri, et fulciri potest exemplis. Explica-tur magis.
nuper adductis in contrario sensu ar-guendo. Nam licet privatio gratiæ voluntaria (quo pacto est ipsummet peccatum habitualis) in esse rei sit tantummodo una, crescit tamen, et multiplicatur in ratione privationis moralis ad incrementum pectorum actualium. Et similiter (quod est aptius exemplum) eo erit major pena damni in damnatis, quo per plura peccata fuerit inducta, licet a parte rei non sit nisi una parentia visionis. Ergo e converso, eo erit major ac perfectior remissio peccati in esse beneficii, et moraliter, quo perfectior fuerit gratia remissiva, et quo actus Sacra-mentales ex parte Pœnitentiæ fuerint frequentiores. Et quidem si gratia augetur in Confirm. esse gratiæ per quemlibet actum merito-rium, esto non æque intensus cum gratia præexistente ut ex communi Theologorum statuimus tract. de Merit. disp. 4, dub. 4, quare non etiam augebitur per Sacra menta repetita Pœnitentiæ, in esse sanativæ, et remissivæ, quin obstat peccatum esse jam remissum, ut obtendebatur in ratione du-bitandi, quæ minime obest, ut constat ex dictis.

Nec oppositum docuit S. Doctor loco in Non adversa-tur D. Thom. ea allegato, quia ibi loquebatur de priva-tione ex parte formæ, quo pacto est priva-tio in facto esse, nec latitudinem admittit, cum nihil illius relinquat in subjecto. Cum quo stat ex causis a S. Doctore, et discipu-lis assignatis aliunde augeri. Nec similiter officit exemplum insertum privationis vitæ, quia est absoluta, et non respectiva,

non regulatur penes causas illativas mortis; sed per formam cadavericam, cuius productio importat absolutam corruptionem vitae. Remissio autem ita est exclusio absentiae gratiae, ut simul connotet, ac resipiat remotionem impedientium ipsius praesentiam, ut clare constat ex D. Thoma. Atque ideo quo haec remoto fuerit major, et intentior, uti revera est, quando subjectum magis disponitur, vel per intentiores actus, vel per eorumdem iterationem, ac repetitionem, media Sacramenti frequentia, major, et intensior evadet remissio in esse remissionis. Quae est etiam **D.Thom.** doctrina D. Thomae in 4, dist. 18, q. 1, art. 3, q. 2 ad 4, ubi ait quod *quanto maior gratia recepitur, minus de impuritate peccati praecedentis manet*. Hoc autem intelligi nequit absque majori, et intensiori remissione.

Objec-
tio. 102. Sed hinc alia consurgit objectio contra communem Thomistis solutionem. Nam ex ea sequitur absque ulla peccatis aliquando commissis posse salvare veram peccati remissionem. Consequens est falsum, et ut tale a nobis supra rejectum: ergo etiam est falsum posse salvare veram, aut maiorem remissionem, quamvis peccatum sit alias remissum. Cetera constant praeter Majorem, cuius illatio videtur legitima: nam ut salvetur vera remissio peccati, nihil aliud requiritur, quam infusio gratiae de se remissivae peccati: sed esse remissivam peccati convenit gratiae ab intrinseco, et ex suis praedicatis essentialibus: ergo eo ipso quod alicui communicetur gratia, confertur vera peccatorum remissio.

Ex quo ulterius fieret posse salvare verum Poenitentiae Sacramentum, quin vera peccata præcesserint; cum ad excitandum eorum dolorem sufficiat ea esse existimata; nam eo ipso tenetur homo de illis poenitere.

Objec-
tionis
confir-
matio. Confirmatur, et explicatur vis objectionis in Sacramento Extremæ unctionis, cuius forma habet proprium effectum in homine nulli peccato aliquando obnoxio, utputa in infantibus, vel perpetuo amentibus. Id autem non aliunde provenit, quam ex eo quod forma inducit suum effectum ut de se exclusivum peccati, et reliquarum ejus, si forte sint, ut constat ex verbis Jacobi Apost. in sua Catholica cap. 5: *Ungentes eum oleo, et oratio fidei salvabit infirmum, et si in peccatis sit remittentur ei. Ergo si ad remissionem, quae est effectus Poeniten-*

Jacobi
in sua
Canonicâ.

tiæ, sufficit inducere gratiam de se expulsivam peccati, nulla erit ratio quare exigatur aliquando fuisse; cum hoc nihil referat, dummodo nunc non sit; nec similiter erit ratio, cur quælibet infusio gratiae non sit remissio peccati.

103. Respondeatur ad objectionem negando sequelam, cuius falsitatem demonstrat Angelorum justificatio, qua gratiam adepti sunt, quin aliquid peccatum eis fuerit remissum. Et quod magis est, magisque rem illustrat, non est, nec fuit e Catholicis, qui gratiam sanctificantem humanitati Christi ausus fuerit negare; cum tamen Catholicæ nequeat affirmari illi sanctissimæ humanitati penitus impeccabili aliquam fuisse factam remissionem, ex eo quod ei fuerit infusa gratia habitualis incompossibilis cum peccato. Quod quidem argumento evidenti est non qualibet gratiae infusione peccata remitti; alioqui etiam Adamo in statu innocentiae dimissum esset peccatum, quod non potest concedi. Hinc jam debiscunt vires objectioni, quæ alias negotio facescere videbatur, et detegitur manifeste non esse idem conferre alicui gratiam incompossibilem cum peccato, ac ipsum peccatum remittere, si quidem quam optime stat primum sine secundo, licet subsistere nequeat secundum absque primo.

Pro cuius pleniori intelligentia recolenda sunt quæ tradidimus tract. de justificat. disp. 4, dub. 1, ubi ostendimus cum D. Thoma justificationem Angelorum specie differre a justificatione impii. Hæc enim ex parte termini *ad quem*, importat remissionem, vel actualem, vel ad minus aptitudinalem peccati; quam tamen non importat justificatio nuda Angelorum, Christi, aut Adami, in quibus solum intervenire potuit simplex mutatio a non esse gratiae ad esse illius. Unde D. Thomas locis ibi allegatis docuit, quod consummatio, seu per ventio ad terminum importatur per remissionem culpe, in qua justificatio consummatur; quocirca justificatio impii dicitur ipsa remissio, secundum quod omnis motus speciem accipit a termino: quia ultimum est remissio culpe ad quam tota ista transmutatio ordinatur sicut ad finem. Ex quibus liquet remissionem culpe non se tenere ex parte termini *a quo*, ut aliqui asseruere; sed complere ac formalizare terminum *ad quem*. Et ratio est satis perspicua, quoniam remissio peccati ita est effectus secundarius gratiae, quod simul intendatur per se primo cum ipsa gratia. **Respo-**
detul-

Quæ
debea
recoli

Dictori
ratio.

Tum

Tum quia Pœnitentia tam ut virtus, quam ut Sacramentum semper concernit peccatum, et per se primo tendit in ejus destructionem, quatenus est offensa Dei. Tum etiam : quia Pœnitentia ut Sacramentum per se, et sua institutione est Sacramentum mortuorum, ut de Baptismo concedunt communiter Theologi. Tum deinceps, quia est Sacramentum iterabile, non solum circa nova peccata, sed etiam circa rite alias confessa. Ac denique quoniam sicut peccatum est malum omnium maximum creaturæ rationalis, ita non esse peccati est ingentissimum bonum, quod illi obvenire potest. Ex quibus constat peccati remissionem non ita se habere ex parte termini *a quo*, quod non simul splendeat ex parte termini *ad quem* per se intenti. Constat insuper Pœnitentiam semper collimare vel in absolutam destructionem peccati, ut accidit in confessione noviter facta peccati numquam alias confessi : vel in majorem, ac maiorem illius elongationem a subjecto, removendo magis, ac magis inclinationes, ac incitamenta peccati, quod præstat ipsius iteratione Sacramenti, ac frequentia.

104. Hinc patet sequelæ probationem esse invalidam : nam licet ad verum Pœnitentiae Sacramentum sustinendum sufficiat accipere ex vi illius gratiam remissivam peccati, ut dicitur in majori facti syllogismi, est tamen falsitati obnoxium, quod eo ipso quod communicetur gratia incompossibilis cum peccato, detur gratia ut remissiva peccati, ut constat evidenter in exemplis adductis. Et ratio suadet : nam gratiam esse remissivam importat ex parte subjecti recipientis verum dolorem supernaturalem ex se tendentem in destructionem offendit, quæ aliquando fuit, quæque, licet sit remissa, potest, et debet magis, ac magis detestari, siquidem aliquando peccasse, et Deum offendisse semper est de se dignum odio, et abominatione, atque ideo potens terminare dolorem. Ex parte vero Ministri afferit intentionem vere absolvendi sacramentaliter a culpa, si non fuerit remissa. Quando autem jam fuerit ablata, et nihil pœnæ supponatur remittendum, ut ad maiorem argumenti vim, hactenus supposuimus cum objiciente, adest gratia de se remissiva peccati, adepta media Sacramentali confessione, et in ea tamquam in causa formalij justificationis connotando actus pœnitentis, quibus detestatur culpam confessam, explicatur vis remissiva pec-

cati. Quod tamen neutiquam salvatur in communicatione gratiæ utcumque, ut de se patet, et adducta exempla efficaciter persuadent. Unde Major sequentis syllogismi est falsa, et fallit etiam Minor : quia gratiæ non convenit esse remissivam peccati per modum compensationis, et satisfactionis, quo pacto est effectus Pœnitentiae, nisi quatenus connotat Sacramentum, in quo includuntur actus virtutis Pœnitentiae directe tendentes in destructionem peccati : quod quidem vel destruunt, vel magis ab eo elongant, et magis remittunt.

Hinc diruitur secundum inconveniens subillatum : nam hoc Sacramentum habet pro materia remota vera peccata, quæ quidem si numquam fuerunt, nequeunt obire rationem materiæ, quantumvis existimenter facta ob rationem supra disp. 2, num. 94 traditam. Semel vero atque fuerint, licet sint remissa, sunt vera materia, quia semper est verum ea fuisse, et semper ex dolore, ac pœnitentia dignum Deum offendisse ; quod licet reipsa non prosit ad remissionem jam factam, proficit vero quamplurimum ad augmentum gratiæ ut remissivæ, et ad amovenda impedimenta gratiæ, quæ sunt actus humani defectuosi, et consequenter ad majorem, ac maiorem remissionem aptitudinalem inducendam modo superius explicato.

105. Nec oberit, si replices, hoc ad *Replica.* summum tenere in confessione mortalium, non vero si fiat confessio de solis venialibus, ad quorum remissionem non requiriatur infusio gratiæ. Non inquam, obest, Diluitur, si ita opponas : nam esto venialia extra Sacramentum valeant deleri absque nova gratia, dum non adsunt mortalia; secus vero est quando apponuntur ut materia destruenda medio Sacramento. Tunc enim indigent ad sui condonationem gratia propria Sacramenti, quæ est vel nova gratia, vel novum ipsius incrementum, quo remittuntur, vel remitti possunt ex vi absolutionis.

106. Ad confirmationis paritatem, circa quam non satis quiescit Lugo modo negans, modo affirmans veritatem Antecedentis, respondet falsum esse Antecedens : quoniam extrema unctionio non nisi eis, qui aliquando peccarunt, ministrari potest. Unde nec infantes, nec perpetuo amentes sunt capaces illud recipiendi. Et ratio sumitur tum ex Tridentino sess. 14, Trident. ubi docet hoc Sacramentum esse Pœnitentiae consummativum. Tum ex D. Thoma 3 D.Thom.

Nullitas
inconveniens
secundi.

Confirmationis
disparitas.

p. q. 32. Addit. art. 2 et 3 in quibus statuit prædictum Sacramentum solum versari contra infirmitates, quæ sunt ex peccatis actualibus, quæque peccatorum reliquiæ dicuntur. Ex quo plane consequitur non remanere locum huic Sacramento in subjecto nunquam actuali crimine obstructio. Et ita docent communiter discipuli D. Thomæ, inde contra Suarez, Dicastillo et alios plures, inferentes nec B. Virgini, nec aliis innocentibus prædictum Sacramentum esse ministratum, ut ex communione vera sententia testatur N. Franciscus a Jesu Maria tract. 7, cap. 4, punct. 1.

Hac autem veritate supposita, nullius roboris est confirmatio ad intentum objectionis; quinimo nostræ favet sententiae. Nam sicut Extrema unctione non habet locum, ubi nullum actuale præcesserit peccatum; bene tamen si aliquando fuerit, esto supponatur dimissum: ita et eodem prorsus modo Pœnitentia præexigit essentialiter præcedentiam peccati, sive remissi, sive nondum ablati, qua subinde deficiunt, sive existimetur, sive non, nullum erit Pœnitentiae Sacramentum.

§ IV.

Repelluntur aliqui absolutionis sensus.

Discolor
sensus
a varis
excogita-
tus.

107. Ex hactenus dictis haud erit arduum legitimum absolutionis sensum deducere, et enucleare, quo alteri dubii partitum satis. Porro in eo exponendo non est uniformior consensus, quam in explicando effectu; sed quippe illum sensum præfigit absolutioni, quia effectui, quem illi comminiscitur, magis congruere sibi videtur: inter quos nullus est, qui plene satisfaciat, quin aliqui eorum sunt, vel omnino falsi, vel diminuti, et plane insufficientes, nisi reducantur ad sensum ex D. Thoma assignandum ut eos percurrente, et breviter refellendo palam constabit.

Primus,
et anti-
quior
rejicitur
ex Tri-
dent.

Et quidem primus, juxta quem homo vere non absolvitur a culpa, sed declaratur in facie Ecclesiæ absolutus, ut sensere Magister, et alii supra allegati, vel ex eo satis falsitatis convincitur, quod adversetur Concilio Tridentino sess. 14, cap. 6, ubi decernit, quod *quamvis absolutione Sacerdotis alieni beneficii sit dispensatio; tamen non est solum nudum ministerium vel annuntiandi Evangelium, vel declarandi remissa esse peccata, sed ad instar actus judicialis, quo ab ipso velut a judice sententia profer-*

*tur. Quocirca can. 9, ita asserentes sub anathemate damnat, ac proscriptit. Quia quidem comminatione non feriuntur nec Magister, nec alii viri Catholici, qui olim mandi ante Concilium in ea fuerunt sententia; comprehenduntur tamen sub illa quotquot post tam expressam determinationem illi opinioni vel favere, vel in totum adhaerere conati sunt, uti sunt Novatores, et haeretici non admittentes potestatem clavium, vel eam in eo solo sensu usurpantes. In quo sane nedum adversantur Concilio; sed et manifeste Scripturæ Sacrae, Matth. 16, ubi non asseritur solvenda, *magis* quæcumque declaraveritis, sed quæcumque solveritis super terram, ut contra Theologum Synchronum arguebat D. Thomas.*

108. Nec etiam est verior alter sensus ab aliis excogitatus, quasi nimirum per illa verba: *Ego te absolvo, nihil aliud significatur, quam hominis deobligatio iterum eadem peccata confitendi, et sensus sit: Ego te absolvo ab obligatione hæc peccata mihi confessæ alteri Sacerdoti iterum confitendi.* Hic, inquam, sensus, in quem abierte Gabriel, et alii Nominales, est prorsus alienus ab Ecclesie mente, et hujus Sacramenti institutione. Primum constat, si quidem ab Ecclesia edocemur veram potestatem clavium in legitimis ministris hujus Sacramenti. Vera autem potestas ligandi, et solvendi non recte salvatur in deobligando ab iteranda confessione recte facta: quandoquidem hæc deobligatio nascitur ex visceribus rectæ confessionis, ut per se patet. In quo ergo est clavium potestas, si nihil solvendum superest? Præterquam quod iste sensus vehementer alienat, et a propria extrahit significatione illa verba: *Ego te absolvo a peccatis tuis,* quia obligatio orta ex peccatis non est peccatum; unde absolutio nihil ageret circa peccata contra illa verba Salvatoris, *quodcumque solveris*, etc. Rursus evidenter fallit in confessione venialium, quam approbat Ecclesia universalis, et faciendam monet; cum tamen nunquam fuerit obligatio ea Ecclesiæ judicio subjiciendi. Si autem non est obligatio ea confitendi, qualiter ab obligatione poterit absolvi?

Secundum etiam liquet: quoniam hoc Sacramentum non fuit institutum ad deobligandum homines a confessione, quin imo ad inducendum, et stimulandum illos, ut reconcilientur Deo media compensatione, et satisfactione, intervenientibus in ipso Sacramento. Reconciliatio autem non fit

fit per deobligationem ab onere confitendi, sed per veram ipsius peccati remissionem media infusione gratiae. Præterea; quia juxta doctrinam Catholicam, tam necessarium est hoc Sacramentum ad remissionem actualium post Baptismum, quam sit Baptismus ad delendum peccatum originale. Unde sicut ridiculum, imo absurdissimum foret potestatem Baptismi in alio collocare, quam in virtute expellendi peccatum originale, in cuius medelam fuit institutum, ita non absimiliter amandari debent, non aliam virtutem agnoscentes in absolutione Sacramentali, quam deobligandi ob onere confitendi jam semel confessioni exposita. Inane profecto esset remedium, ubi nihil medendum esset, et æque inanis potestas, ubi nihil potestati erat subjiciendum. Non ergo potest esse legitimus absolutionis sensus: *Ego te absolvo ab obligatione iterum hæc peccata confitendi*, sed alius debet assignari.

109. Tertius sensus absolutioni absorptus ab Hugo Cardinali, et Ricardo de S. Victore locis supra citatis salvat quidem utcumque absolutionem, quatenus ea significatur liberatio a poena æterna, non vero a culpa; hanc quippe autumarunt a solo Deo remitti; poenam vero æternam peccato annexam a ministro media absolutione. Unde sensus legitimus, ut illi putant, est: *Ego te absolvo, a reatu poenæ æternæ, et ut volueret aliis, pœnæ temporali*, juxta pœnitentis exigentiam, et conditionem.

Hic tamen sensus refellendus etiam venit. Tum, quia vel negant maculam, et solum agnoscent reatum, quod est incidere in propositiones proscriptas, et ab Ecclesia sugillatas Michaelis Baii. Vel si aliquam constituant differentiam, perperam, contra Concilia, et communem Theologorum sententiam separant remissionem culpæ a reatu poenæ æternæ, quasi iste sine illa possit subsistere, quod est aperte falsum; cum in ipsa ablitione culpæ includatur remissio poenæ æternæ; non enim stat jus ad gloriam per gratiam in remissione culpæ cum reatu, seu deputatione ad poenam æternam, sicut non bene cohærent esse amicum, et inimicum, odio simul, et amore dignum. Tum etiam, quia detrahit potestati clavum, quæ non tam ad poenam quam ad culpam se porrigit; siquidem prædicta potestas sacerdotibus concessa est potestas vere absolvendi a peccatis; reatus autem sive ad poenam

æternam, sive ad temporalem, non est peccatum; sed quid ipsum consequens: atque ideo sensus absolutionis, qua illa potestas se exerit in proprium actum, non potest esse liberatio a solo reatu ad poenam, sive æternam, sive temporalem.

Eo vel maxime: nam contingere potest Confirmacione alicui presenti culpe obnoxium, nec consequenter reatui ad poenam, quem accedere recte dispositum ad Pœnitentiam, vel quia perfectissime contritus, vel quia jam luit omnem poenam pro peccatis, ut de insigniter Sanctis, utputa Dominico, Franciso, et Theresia pium est credere, et tamen vere absolveretur, vereque proferretur illa forma: *Ego te absolvo: ergo hujus verus sensus esse nequit: Ego te libero a pœna, vel æterna, vel temporali.*

Porro id evidentius adhuc constat in confessione dumtaxat venialium, a quibus vere homo absolvitur, quin a reatu poenæ æternæ, quem illa sola non inducunt, homo absolvatur. Et consequenter in hoc casu non habet locum illa expositio, siquidem peccatis venialibus separatim a mortalibus non debetur æternum supplicium, et aliunde evenire possit extinctum esse reatum ad poenam temporalem.

110. Post hactenus recensitas explicaciones absolutionis, ex communi Theologorum calculo reprobatas, aliam invenimus apud Cardinalem de Lugo, quam ipse tribuit aliquibus (eorum suppressis nominibus) quibus favere, vel ab eis non multum distare dicit Coninchum in praesenti. Et consistit in eo, quod per absolutionem significatur vase ablatio peccati, vel quoad culpam, vel quoad poenam, vel quoad peccati reliquias. Hic tamen sensus nec illi, nec nobis arridet. Tum quia est satis confusus, et vagus, neutrum determinans. Absolutio autem sicut in se, et in verbis est determinata, ita determinatum sensum debet habere. Tum etiam, quia est dabilis casus, in quo nec culpa, nec poena luenda reperiatur in subjecto, ut supra argueamus. E converso, quod nec culpa, nec poena dimittatur, ut in Sacramento informi. Sane in his casibus non admodum rariss, falsus est ille sensus, atque ideo nequit esse proprius hujus formæ, quoad culpam, et poenam, adhuc vase acceptas.

Nec etiam tenet quoad peccatorum reliquias, ad quas tandem configuunt prædicti sensus assertores. Tum quia peccatorum reliquiæ prout important ineptitudinem, et debilitatem moralem, quo pacto esse

Alius
sensus a
Cardi-
nali de
Lugo
aliqui-
bus
adseri-
tus.
Coninch.

Nullo ex
capite
tenet.

possunt reliquiæ peccati, et docet D. Thomas loco supra citato ex Addit. non pertinent ad Pœnitentiam, sed ad extremam unctionem, cuius est contra eos roborare, ac firmare subjectum. Tum etiam: nam esto per Pœnitentiam aboleri possint, adhuc urget casus, in quo illæ reliquiæ non supponantur, sed sint penitus vel media pœnitentia, vel aliunde profligatae, et extinctæ: tunc enim esset locus absolutioni, quin essent reliquiæ illæ per absolutionem expiandæ, et consequenter illius sensus redderetur falsus contra id, quod intenditur.

111. Si autem ad hoc evitandum fiat recursus ad ineptitudinem, inhabilitatem, vel indignitatem physicam ex peccato contractam ut recurrere videntur Coninchus, et alii Societatis Juniores Layman, Castro Palao a Prado relati ubi supra; adhuc facilis repellitur: quoniam hi effectus physici vel non tandem permanent post peccata, vel esto ita sit, adhuc non refert, nam effectus physici, de quibus est sermo, non terminant absolutionem, nec ea auferuntur, sicut nec cicatrices vulnerum per medicinam. Et quidem in eo sensu satis impropria esset illa locutio: *Ego te absolvo*: et alias esset manifeste falsa affirmando absolutionem, quam nec conferebat, nec conferre poterat. Eo vel maxime: quoniam haud facile explicantur prædicti effectus remanentes, quin configiatur ad fomitem, seu concupiscentiam: nam indignitas, et cæteri alii media infusione gratiæ sanctificantis auferuntur. Fomes autem, vel concupiscentia nec est materia Pœnitentiae, nec tollitur per absolutionem, sed remanet ad agonem, et certamen, ut docuit Tridentinum sess. 5, can. ultimo de peccato originali. Unde non cadit sub absolutione, nec subinde per eam valet significari.

112. Ex quibus liquet falsum etiam esse illum sensum, quem absolutioni tribuit idem Coninch. in præs. disp. 4, dub. 8, n. 55, scilicet: *Ego tibi peccata remitto, quantum ex confessione potui cognoscere te esse eorum reum, et esse bene dispositum ad eorum remissionem*. Longissimus sane est hic sensus, et longe aberrans ab scopo: nam sensus absolutionis non pendet ex advertentia, vel inadvertentia Sacerdotis, sed ex voluntate Christi. Unde quod sacerdos ex confessione cognoscat dispositionem pœnitentis, faciet quidem ad impendendam, vel retrahendam absolutionem, non vero constituit aut ejus significationem, aut sensum.

Nec
si fiat
recursus
ad inep-
titudem.

Conf.

Eodem
vitio
laborat
sensus
exposi-
tus a
Conin-
cho.

113. Non absimilis est aliis de novo tis-
tulo ratione obligationis permanentis in
homine post peccatum quantumvis suppo-
natur remissum, quem alii comminiscun-
tur. Displacet tamen quia non satis expli-
cat, quæ, aut qualis sit ea obligatio tandem
permanens post ablatum, ac remissum pec-
catum. Nam vel est ipsum hominem pec-
casse, et se indignum reddidisse: et hoc
non cadit sub absolutione, sed permanet
in statu gratiæ, nec deficit in ipsa gloria
juxta illud tam verum, quam commune
principium, quod ad præteritum non datur
potentia. Vel est aliquid connexum cum
peccato, et ex ipso ortum ducens. Et hoc
rurus, vel est aliquid physicum, vel dum-
taxat obligatio moralis: et neutro modo
cadit sub absolutione cuius proprius sen-
sus, nisi verba alienentur a propria signifi-
catione, debet esse liberatio a peccatis,
qua fiat reconciliatio intenta cum Deo off-
enso. Hanc vero reconciliationem non
fieri per absolutionem a confitentibus pec-
cata clarissimum est, sicut et quod talis
absolutio improprie dicetur absolutio.

Et ut rem istam satis prolixam, et non
admodum opportunam, utpote fundatam
in variis, ac satis dissitis hominum ap-
prehensionibus, non vero in alio solidiori
principio, tandem conficiamus, consulen-
dus est D. Thom. in hoc articulo ubi hos, D.T.
et alios dicendi modos penitus demolitus
est ratione plane efficaci, qua falsitatis
convincuntur sub hac breviori forma ex
ipsomet articulo fideliter decerpta. Nam
cum *Sacraenta novæ legis efficiant quod*
figurant, oportet quod forma Sacramenti
significet id quod in Sacramento agitur pro-
portionaliter materiae Sacramenti. Materia
autem Pœnitentia sunt peccata removenda:
ergo eorum remoto significari debet a Sa-
cerdote per illa ego te absolvo, quæ habent
rationem formæ. Non autem removentur,
aut removeri significantur aliquo illorum
sensuum, quos hactenus recensuimus, ut
ex se, et ex dictis constat: nullus ergo
illorum est legitimus, et proprius. Major-
rem primi syllogismi probat S. Doctor
exemplo aliorum sacramentorum. Minor-
rem supponit ex articulo præcedenti, et
rurus ostendit ex eo quod peccata sunt
animæ vincula, a quibus media absolutione
expeditur. Consequentia non indiget pro-
batione, sicut nec Minor subsumpta, cuius
veritas hactenus expensis comprobatur.
Alius ergo sensus investigandus est, qui
sit proprius, et verior.

Confirmatur

Confirmatur et explicatur id ipsum. Nam in hoc Sacramento illud vere absolvitur, quod exhibetur per modum materiæ : siquidem materia hujus sacramenti est materia removenda, et destruenda ut constat. Quod autem exhibetur per modum materiæ in hoc sacramento sunt sola peccata ; non vero cuncta alia ex peccato consequentia ; hæc enim non sunt absque ipsis peccatis materia Pœnitentiæ : ergo quod vere absolvitur, et absvoli significatur, sunt peccata ; et consequenter formæ sensus non debet excludere extinctionem peccatorum, in quam primo, et principalius collimat.

§ V.

*Legitimus absolutionis sensus ex
D. Thoma proponitur.*

144. Dicendum est secundo absolutionis formam reddere hunc sensum : *Ego sacramentaliter te absolo*, seu (ut ipsius D. Thomæ verba usurpemus) *Ego sacramentum absolutionis tibi impendo*. Ita expresse docet S. Doct. in hoc art. sol. ad 5, et opusc. 22, cap. 3, saepius allegato dicens : *Sed est sensus : Ego te absolo, id est Sacramentum vel ministerium absolutionis tibi impendo*. Quem quidem sensum a suo Magistro edocti propugnare, ac promovere conati sunt discipuli, posthabitibus aliorum placitis, vel propriis adinventionibus, ut pote quibus nulla, vel modica debeatur fides contra satis claram Magistri sententiam. Et licet magis versari videamus circa modum loquendi, quam circa rem ipsam, servato apud omnes Catholicos sensu in negotio justificationis, et Pœnitentiæ ; re tamen ipsa est materia gravissima, ubi non tantum substantia, ut ita dicamus, verum et congruentior loquendi sensus, ac modus retineri debent ; quippe imminent periculum vel hæreticis adeo in clavium potestatem exosis connivendi ; vel non, ut par est, Sacramento Pœnitentiæ servandi : nec enim minus impinget qui alienum sensum tenuerit, quam qui aliquid potestati clavium detraxerit ; quocirca ut unum, et alterum scopulum declinet, opus est hac via plane regia D. Thomæ incedat.

Ratio conclusionis est : quoniam ille sensus est omnibus præferendus, et consequenter tenendus, quem constiterit esse perfectum, et in omni eventu salvet veritatem formæ : sed hoc convenit sensui adscripto a D. Thoma absolutionis formæ :

ergo hic est omnino tenendus, ac præferendus. Consequentia liquet. Major videtur certa, et insuper probatur : nam absurdissimum est, et difficile creditu in formis Sacramentorum vel a Christo Domino se ipso determinatis, vel ab Ecclesia ex Apostolorum traditione decerpis non esse sensum perfectum, et omnino verum, et aptum ad significandum, quod in ipsis peragitur Sacramentis : quippe alias sacramenta non essent vera signa, nec infallibiliter significant ex institutione Christi ; quod apud Catholicos non bene audit. Minor vero probatur : tum quia in omni eventu, in quo verum conficiatur Sacramentum Pœnitentiæ, sive peccata denuo remittantur, sive non deleantur, vel quia sunt dimissa, vel quia subest latens impedimentum remissioni obsistens, ut accidit in Sacramento informi ; est verum dicere : *Ego sacramentaliter te absolo, seu sacramentum absolutionis tibi impendo* ; alias iste sensus est sensus perfectus, et absolutus ut constat : ergo huic sensui a D. Thoma præscripto formæ absolutionis, convenit esse perfectum, et in omni eventu verum. Tum etiam ; nam licet Sacraenta, quatenus se tenent ex parte Dei, et sunt ejus instrumenta, infallibiliter inducant, et afferrant gratiam, aliquando tamen, vel ob indispositionem subjecti, vel ob aliud interpositum obicem, eam non cum effectu efficiunt, nec consequenter actualiter significant ; sed sicut actuali frustrantur effectu, ita ex exercita significatione : ergo cum id etiam Pœnitentiæ contingat ut supponit D. Thomas, et cum ipso omnes discipuli contra Vasquez ; ille sensus formæ erit præeligendus, qui adhuc in illo, et similibus casibus, perfectus evadat, et nihil falsum enuntiet. Constat autem hoc solum reperiri in sensu a D. Thoma assignato ; si quidem in quocumque excogitabili casu, in quo verum conficiatur sacramentum, sive cum fructu, sive absque illo, est verum dicere : *Ego sacramentaliter te absolo*, vel *Sacramentum absolutionis tibi impendo*. Quod tamen non reperitur in aliis sensibus ; cum semper fallat quilibet eorum saltem in aliquo casu, ut constat ex dictis : ergo in solo unico D. Thomæ sensu salvatur et perfectio, et veritas requisitæ in forma Absolutionis.

115. Verum contra hanc explicationem insurgit Lugo, cui ea visa est difficilis disp. 13, sect. 3, n. 69. Tum quia in aliis Sacramentis verba formæ non significant

Objicit
Lugo.

collationem Sacramenti, sed applicationem formæ ad materiam : ergo illa verba non significant Sacramenti positionem, sed applicationem formæ ad materiam. Patet Consequentia : nam alioqui esset idem ac dicere : *Ego pono hæc verba, quæ sunt Sacramentum*, quod est significare suimet positionem, et videtur nugatorium. Tum etiam : nam verba sacramentalia, cum significant ex hominum impositione, idem petunt significare intra, ac extra sacramentum : sed extra sacramentum non significant se ipsa reflexe, sed aliquid a se distinctum : ergo intra sacramentum non significant se ipsa, sed aliquid aliud. Tum denique (et fuit objectio Suarez) quia juxta hanc expositionem sufficit ad veritatem formæ collatio ipsius Sacramenti, quin detur alius effectus, quod est contra proprietatem verborum, quæ quidem directe significant remissionem peccatorum.

Suarez.

Non
referre
ostendit-
tur.
Cajet.

116. Hæc tamen objectiones minime obsunt, aut falsitatis arguunt expositionem D. Thomæ. Porro primam jam diu præoccupatam reliquit Cajetanus in commentario hujus articuli § in *responsione ad 5*, ubi observat in hac expositione non importari formam absolutionis in actu exercito, hoc enim pacto significaret se ipsam exercite, quod tamen est falsum : quoniam dicens, *Sacramentum absolutionis tibi impendo*, non significat se absolutionis actum exercere sicut dicendo : *Ego te absolo*; sed significatur quasi objective, et signate ipsum sacramentum, et actus absolvendi ut præcipua ejus pars. Unde quoad sensum objective et quasi signate significatum, æquipollent : *Ego te absolo*, et *Sacramentaliter te absolo*, vel *sacramentum absolutionis tibi impendo*, licet in modo exercite significandi distinguantur.

Animad-
versio ex
Cajet.

Pro cuius clariori luce rursus observat idemmet Cajet. absolutionem posse sumi duplice, vel ut recipitur interius in poenitente, et passive se habet; vel active, et ut exit ab ipso ministro. In prima consideratione importatur, et significatur absolutionis interior, seu quod idem est remissio peccati se tenens ex parte termini, media infusione vel augmento gratiæ : et hæc aliquando impeditur ratione latentis obicis. Si vero accipiatur, ut exterius exit a ministro Sacramenti, quo pacto se habet active, et se tenet ex parte ministri, non aliud significat, quam ministeriale, et sensibilem Sacramenti absolutionem ex parte ministri certissimam ; licet contingentem

ex parte recipientis ob suam culpam. Quam differentiam profunde calluit S. Præceptor, et ut explicaret significationem omnino infallibilem absolutionis, non recurrit ad ipsam passive acceptam, nec illam significari voluit utpote aliquando deficientem ; sed solum attendit ad absolutionem prout a ministro exeuntem, sub qua ratione solum significat ministeriale exhibitionem absolvendi, prout sic infallibilem, ad inducendam remissionem passivam, seu absolutionem passive acceptam.

117. Ex hac dupli observatione constat quam immerito ut difficilem rejecit Lugo expositionem D. Thomæ, cum sit clarissima, et nullius sit dabilis casus, in quo fallat, si adsit verum Sacramentum. Constant insuper per hanc explicationem significari objective, et signate, quod exercite per eam fit : et quia exercite absolvendo applicatur forma materiæ, hoc idem significatur signate sacramentaliter absolvendo ; nequid enim aliter explicari Sacramentalis absolutio quin cadat supra materiam propriam. Unde penitus evanescit prima impugnatio Lugo Cardinalis : nam sicut in hac propositione : *Ego Baptismi Sacramentum tibi impendo*, non significatur ex verborum forma baptizandi actum exerceri actualiter ; sed quod illa verba *ego te baptizo*, reddunt hunc sensum : *Sacramentum Baptismi tibi impendo*, in quo forma applicatur materiæ ; alias non esset Sacramentalis baptismus : ita et eodem prorsus modo in praesenti.

Corruit etiam secunda : quia licet significatio vocum, quam sibi vindicant ex hominum impositione, non varietur sive intra, sive extra Sacramentum, sed semper sit eadem, tamen intra Sacramentum ista se habet omnino fundamentaliter, et præsuppositive ad significationem Sacramentalem, quæ alterius longæ rationis est : prius enim debent esse formalia verba, et formaliter significantia ex impositione humana, quam assumantur ad significandum Sacramentaliter. Est tamen prorsus a veritate alienum, quod idemmet effectus, aut idemmet sensus ipsis verbis sub utraque respondeat significatione. Nam ut subsunt institutioni humanæ, solum eis queit adaptari, quod communi hominum conceptioni congruit, nimirum expeditio, aut liberatio a vinculis præscindendo a modo, et qualitate illorum. Ut vero assumuntur ad significandum sacramentaliter, explicare debent remissionem, ac relaxationem vinculorum,

Energy
tor
prim
discuss
Card
natis
Lugo

Defici
second
impu
gnatio

vinculum, prout ex parte ministri certissimam; quidquid sit de remissione passive accepta, quam non significat infallibiliter, ut constat ex observatione secunda. Hinc subtilissime monuit Cajet. ubi nuper observatam iri differentiam inter Deum dicentem: *Ego te absolvo*. Et inter ministerium eadem verba proferentem: nam in primo casu explicatur remissio tam active, quam passive omnino certa, siquidem Deus, quem nihil latet, non ea proferret nisi amovendo obicem ex parte poenitentis, et idecirco absolutio ex utraque parte evaderet infallibilis. In secundo vero est quidem infallibilis, et omnino certa absolutio active sumpta, et prout oritur a ministro; non vero passive ut se tenet ex parte poenitentis, cuius obex fugit ipsum ministerium, nec potest eum tollere. Quocirca dum absolvit; nihil aliud explicat, quam quod Sacramentum de se absolutum impedit. Ex hoc autem non sequitur, ut causabatur in objectione, quod illa verba re ipsa reflexe significant, sed tantummodo quod objective, et signate explicitur in una, quod exercite exercebatur in alia: quod tam longe abest, ut abnuamus, quod potuit intendimus cum D. Thoma, et verum censemus.

Ad tertiam, ex Patre Suarez desumptam concedimus sequelam, quam esse veram satis evincit exemplum Sacramenti informis, in quo absque ullo fructu datur verum Sacramentum modo superius explicato, et proprio loco uberiori expendendo. Unde sensus absolutio non venandus est ab effectu exerceite producto, sed a virtute, a qua habet esse absolutivum, et de se inductivum effectus. Quocirca ipsem Suarez non parum extollit, et recte usurpandum sentit illud Hugo de S. Victore lib. 2, de Sacrament. part. 14, cap. 8, nimirus, *hanc formam magis significare virtutem suam, quam eventum*, quo optime declaravit ad investigandum, et stabilendum verum sensum absolutio, non tam ad effectum re ipsa productum, quam ad institutionem, et qua habet esse de se absolutivam, et remissivam, attendi debere, quoniam forma solum significat, ut oritur a ministro, et constituit Sacramentum, virtutem remissivam, ac subinde ejus legitimus sensus non aptius explicatur, quam per illa verba: *Ego ministerium absolutio nis tibi impendo*, seu, et in idem recidit, *Ego sacramentaliter te absolvo*.

118. Sed haec cum ita esse, et mentem
Salmant. Curs. theolog. tom. XIX.

D. Thomae continere videntur, ecce aliquos S. Doct. discipulos, quos suppressis nominibus refert Arauxo in praesent. dub. 2, num. 34, aliter Magistri expositionem interpretantes judicant, enim illa verba *impendo tibi Sacramentum absolutionis* idem prorsus sonare ac ista: *Confero tibi gratiam remissivam peccati*, atque ideo pro eodem accepta iri. Et ut id magis firment, vocem illam *Absolutionis*, non accipiunt active, pro ut se tenet ex parte ministri; sed passive, et ex parte termini, quo pacto significat ipsam gratiam remissivam. A quo dicensi modo etiam est P. Suarez, quem alii p. Suarez.
sequuntur.

Si autem illis opposueris, eum sensum in casu Sacramenti informis falsum reddi, siquidem in eo non confertur gratia sanctificans, atque ideo non esse sensum legitimum absolutio, quæ semper ac fiat verum Sacramentum, debet esse vera. Respondet pro illis Arauxo, nihil referre formam in eo eventu evadere falsam, dummodo eadem significatio essentialis retineatur: nam significatio est essentialis formæ; cum tamen veritas ipsi accidentaliter conveniat. Unde sicut stat hanc propositionem *Petrus currit*, semper significare *cursum Petri*; quamvis contingat aliquando esse falsam Petro non currente; ita cohaeret absolutio semper significare gratiam; licet falsa aliquando sit, eo quod res significata non ita se habet a parte rei. Cui expositioni minime D. Thomam adversari autumat Arauxo, ad calcem solutionis.

119. Haec tamen doctrina nobis non aridet, et quia falsa, et quia adversa doctrinæ D. Thomæ: quippe absurdum est prima. verum Sacramentum falsa significazione constituï; sed Sacramentum informe est verum Sacramentum: nequit ergo falsa significazione constituï. Constitueretur autem, si formæ in eo casu deficeret veritas significatio; siquidem Sacramentum non constituitur in ratione signi, nisi per significationem; haec autem falleret in praedicto eventu, quandoquidem significaret gratiam, quam non conferebat: ergo etiam falleret in ratione signi, et consequenter in ratione Sacramenti. Rursus: nam sicut repugnat vero constitui falsum, ita e converso falso nequit constitui verum: sed Sacramentum informe tam in ratione Sacramenti, quam in ratione signi est verum Sacramentum: ergo nequit constitui nisi per formam, quæ sit vera tam in ratione

formæ, quam in ratione signi ; sub utroque enim munere induisse concurrit forma ad constitutionem Sacramenti. Major videatur ex ipsis terminis nota, Minor etiam videtur supponenda : quoniam absurdum est, et nostro iudicio minime devorandum quod verum Sacramentum (quale supponitur, quod quantum est ex parte Dei, et ejus ministri, ordinatur ad veram peccatorum remissionem), constituatur falsa significazione, enuntiante aliquid, quod a parte rei non est ; nec contra hoc affertur aliqua instantia : nam quæ fieri posset de Sacramentis invalidis, frivola et inanis est : siquidem ibi nullum conficitur Sacramentum, ut cum quis super vinum, aut acetum diceret : *Hoc est corpus meum.* In nostro autem casu intervenit vera materia, veraque forma, et nihil deficit ad veritatem, et essentiam Sacramenti hic et nunc præter ejus effectum, qui sub nulla ratione est de essentia Sacramenti, sed quid omnino consecutum : ergo forma, qua hic et nunc constituitur hoc Sacramentum, debet esse vera, et in ratione formæ, et in ratione significantis : ac proinde non aliud, nec aliter significat, quam sit a parte rei : sed a parte rei non datur gratia per hoc Sacramentum : ergo nequit illam significare, alioqui enim esset falsum signum, et itidem falsum Sacramentum.

Roboratur primo. 120. Confirmatur, et explicatur 1°. Quoniam in hac parte non mediocriter laborant Theologi, atque hinc, et inde satis dissident non solum in expoundenda verborum significacione, sed etiam in vero sensu significacionis tenendo, ut constat ex supradictis ; hic autem labor superfluus foret omnino, si posset subsistere veritas Sacramenti cum falsitate enuntiationis, ut liquet : ergo ne hoc dicatur, non tantum tenendum est utcumque Sacramentum, sed insuper asserendum nihil intervenire falsi ex parte absolutionis in prædicta hypothesis.

Urgetur secundo. Urgetur et explicatur 2° ex ipsomet exemplo in contrarium adducto : nam quod in hac propositione Petrus currit, significetur invariabiliter cursus Petri, non tollit quominus falso enuntietur per eammet propositionem de Petro cursus, eo non currente ; et consequenter tam in enuntiando, quam in significando sit falsa proposition, quia non significat nisi enuntiando, nec etiam enuntiat nisi significando complexe cursum Petri : ergo sicut illa proposition nullatenus est vera, ob defectum

objecti ; consimiliter nec evadet vera illa propositio : *Ego te absolvo, non stante gratia per eam juxta hunc dicendi modum significata* : non ergo valet verum constituere Sacramentum : atque ideo vel in prædicto casu neganda est veritas Sacramenti, quod non decet verum D. Thomæ discipulum ; vel asserenda, et adstruenda est veritas significationis in prædicta forma.

121. Tandem rejicitur : quoniam veritas vel falsitas sive in significando, sive in enuntiando non desumitur nisi ab aequalitione, et conformitate cum re significata ; ex eo enim quod res est, vel non est ; propositio dicitur vera, vel falsa : ergo sicut non stante objecto enuntiationis, non stat veritas in enuntiando ; ita deficiente objecto significacionis, deficit veritas significandi, et consequenter verum Sacramentum falso significaret, falleretque in ratione significandi, quod durius videtur, quam quod non detur Sacramentum informe.

Ad hæc (et traditur ratio a priori differentiæ), nam quod eademmet invariata propositio in materia contingentí de vera transeat in falsam, et e contra, provenit ex eo, quod veritas, et falsitas non sunt determinate de essentia talis propositionis, et quia prædicatum contingentener advenit subjecto. Quod secus accidit propositionibus necessariis, vel etiam contingentibus ut subsunt infallibilitati divinae præscientiæ, et determinationis ; quo pacto semper sunt veræ omnino infallibiliter, nec obeunt vicissitudinem veritatis, et falsitatis, ut in confessio est apud omnes. Sed formæ Sacramentales in significando servant modum propositionis secundi generis, non vero illarum omnino accidentalium. Ergo earum sensus semper est verus, dummodo evadat verum Sacramentum, ac subinde nequit aliquando vere, aliquando falso significari. Cætera constant præter Minorem, quæ suadetur ex D. Aug. lib. de adult. conjug. ubi ait : *Non est turpis, nec difficultas post patrata et purgata adulteria reconciliatio conjugii, ubi per claves regni cælorum non dubitatur fieri remissio peccatorum* Cui testimonio allegato a D. Thoma in hoc art. sol. ad 5, attexit Angelicus Præceptor : *Unde nec Sacerdos indiget speciali revelatione sibi facta, sed sufficit generalis revelationis fidei, per quam remittuntur peccata : unde revelationis fidei dicitur Petro facta fuisse.* Ex quibus constat veritatem absolutionis ut significantis remissionem subesse divinæ revelationi,

revelationi, atque ideo ita debere esse veram, ut numquam sit falsa in significando : et idcirco subjunxit S. Doctor : *Esset autem perfectior expositio : Ego te absolvo, id est Sacramentum (non gratiam) absolutionis tibi impendo.*

122. Si forte dicatur absolutionem de se semper significare gratiam ; quod vero eam non semper inducat, esse per accidens defectu subjecti, non vero defectu formæ, quæ applicatur. Fatemur utique ita esse ; sed hinc contendimus sensum verum semper formam retinere, ac proinde non esse illius legitimum sensum *confero tibi gratiam*, ut illi asserunt Authores ; alias in casu prædicto falleret prædicta forma. Unde præter hactenus objecta, iterum opponimus. Quoniam sensus essentialis formæ non debet esse alius, quam qui ipsi in omni eventu veri Sacramenti convenient; cum quia essentialiter præscindunt ac accidentalibus ; tum quia sicut forma semper est eadem, ita et formalis ejus sensus. Sed formæ absolutionis, ut subest institutioni divinæ solum competit esse illativam, et inductivam gratiæ, quantum est de se : ergo sensus illi essentialis nequit esse actualiter inferre gratiam ex parte termini, ut adversarii loquuntur, sed solum ex parte ministri, et quantum est de se. Minor constat : tum quia verba in definitione non dicunt actum, sed aptitudinem. Tum etiam quia de essentia Sacramenti non est absolute, et semper inducere proprium effectum, nisi in subjecto disposito. Unde sicut est extra essentiam Sacramenti dispositio ex parte recipientis, ita et actualis productio effectus : solum ergo illi competit ex se, et ex parte principii esse effectivam, non vero ex parte termini semper efficere, alias evaderet falsum signum. Et ideo per *Sacramentum absolutionis* non venit significanda absolutione passive accepta, sed activa, et quantum est ex parte Sacramenti.

123. Quod autem hæc sit mens D. Thomæ, clarius est, quam longa indigent disputatione : quandoquidem semper curæ fuit S. Doctori veritatem in verbis, et sensu formæ, servare, ut constat ex locis supra relatis, maxime vero ex hoc articulo, ubi ex veritate formæ consecrationis, et aliorum Sacramentorum verum absolutionis sensum elicuit, dicens : *in Sacramento Eucharistia, quod consistit in ipsa consecratione materia, exprimitur veritas consecrationis*, etc. Nec ob aliam rationem in so-

lutionibus argumentorum excludit verba deprecativa a ratione formæ, nisi quia redderetur sensus falsus, utpote qui non accipitur deprecative, sed absolute, et ad instar sententiæ. Qua etiam ratione refellit expositionem Magistri inquiens : *Quod ista expositio : Ego te absolvo, id est absolutum ostendo, quantum ad aliquod quidem vera est, non tamen perfecta : Sacra menta enim novæ legis non solum significant, sed etiam faciunt, quod significant. Unde sicut Sacerdos baptizando aliquem, ostendit hominem : interius absolutum per verba, et facta, non solum significative, sed etiam effective : ita etiam cum dicit : Ego te absolvo, ostendit hominem absolutum, non solum significative, sed etiam effective.* Sed in nostro casu efficientia non se tenet ex parte termini, sed dumtaxat ex parte principii, et quantum est ex parte ministri, ut constat : ergo et significatio non ex parte termini absolutionis, seu ex ipsa passive accepta, ut illi volunt, sed ex parte principii, seu absolutione active considerata teneri debet. Minorem, et Consequentiam probat simul discursus S. Doctoris per hæc verba : *Nec tamen loquitur quasi de re incerta : qui sicut alia Sacra menta novæ legis habent de se (hic non recurrat ad terminum, sed ad ipsum Sacramentum) certum effectum ex virtute passionis Christi (en aliud recursum ad principium) licet possit impediri ex parte recipientis, ita etiam in hoc Sacramento.* Ergo juxta D. Thomam, nec certitudo, nec sensus absolutionis regulari debent, ac præscribi penes terminum, sed penes principium, seu quod se tenet ex parte Sacramenti active, non vero passive : atque ideo juxta mentem S. Doctoris in illis verbis, *Sacramentum absolutionis tibi impendo*, non significatur gratia ex parte termini, sed virtus se tenens ex parte principii, eo quod magis significatur hac forma virtus ; quam evenitus, ut etiam docuit Hugo supra relatus, et clarius liquet ex ipsomet S. Doctore opusc. 22, in quo rem istam prolixius enucleat, et illis discipulis ab Arauxo relatis minime favet, ut totum illud opusculum sedulo meditanti palam fiet.

§ VI.

Quæ supersunt objectiones enodantur.

124. Contra hactenus dicta nulla est referenda, aut refellenda sententia : quæ objectio-

D.Thom.

enim modis relatis dicendi poterant favere, inter proponendum propositæ, et convulsæ sunt, quin opus sit in eo diutius immorari. Supersunt tamen duæ objectiones, quibus oportet occurtere, ut ex nullo capite veritas nostræ sententiae dehiscat. Et mittimus scopulum vetustatis, in quem illissemus D. Thomam criminatus est Launoium, ut refert Contempson in præsenti diss. 1, cap. 1, speculat. 3, quasi S. Doctor novam, et non veterum Patrum doctrinam in hac parte introduxerit: siquidem scopulus iste est pure phantasticus, et nulla ratione probandus. Et enim doctrina S. Doctoris in hoc art. non est alia; quam quæ a Patribus, et ab Ecclesia, et sacris Conciliis cernitur approbata, ut constat evidenter ex adductis testimoniis, et ex illis, quæ luculentius expendit S. Doctor opusc. 22, contra illum Theologum sibi coævum, cui simile quid obijcienti, ac opponit Joannes Launoium, respondet D. Thomas cap. 2: *Dicendum quod nec Magister formam posuit, nec legitur de alia forma, qua aliquis sanctorum sit usus, nec etiam legitur, quod aliquis istam formam negaverit.* Et ut jam veluti ex antecessu se a nova vindicaret calumnia de contradictione cum Guillelmo Antisiodorensi, Guillelmo Parisiensi, et Hugo Cardinali, subnexit S. Doctor non constare hos insignes Theologos oppositum sensisse. Sed esto ita fuisse, nihil referre, quandoquidem eorum authoritas præjudicare non posset auctoritati, et communi sententiae Magistrorum Parisiensium Parisiis regentium, et quod magis est, verbis Christi Domini, *quod est maius omni auctoritate.* Quibus verbis objectus scopulus Launoii, et aliorum magis novitati sub specie vetustatis quam veritati déferentes, penitus evanescit. Hoc, inquam, omissio.

Prima
objectio.

125. Objicitur primo: nam si absolutio esset vera in sensu explicato, et Sacerdos vere absolveret a culpis; nihil remaneret post absolutionem ministri, quod absolveatur a Deo, consequens est falsum: falsum ergo est Sacerdotem a culpis absolvere, et quod absolutionis verba in prædicto a nobis sensu sint intelligenda. Consequentia cum Majori tenet: quia si Sacerdos ut minister Christi, ejusque vicem gerens, vere absolvit, qua alia opus est absolutione? Falsitas consequentis ostenditur ex SS. PP. oppositum expresse affirmantibus: nam Cyprianus lib. epist. 2, ita ait: *Ipse legem dedit, ut ligata in terris,*

etiam in cœlo ligata essent, solvi autem possent illic, quæ prius in Ecclesia solverentur. Hilarius vero cap. 16 in Matthæum sic Petrum alloquitur: *O beatus cœli janitor, cuius arbitrio claves æterni aditus traduntur, cuius terrestre judicium præjudicata authoritas sit in cœlo, ut quæ in terris, aut ligata sunt, aut soluta, statuti ejusdem conditionem obtineant et in cœlo!* Id quod dicitur adhuc expressisse videtur D. Bernard. serm. 1 in festo Apostolorum dicens: *Qui claves regni tam singulariter accepit, ut præcedat sententia Petri sententiam cœli.* Similia passim docent alii SS. PP. ut videre est apud N. V. Ubaldensem tom. 2, N. Walde Sacrament. cap. 144. Quibus confici videtur adhuc post absolutionis ministerium ex parte Sacerdotis superesse absolutionem Dei consequentem ad ministri sententiam; alias enim vix, aut ne vix quidem, intelligibile est, qualiter sententia cœli subsequatur ad sententiam sacerdotis: non ergo iste ita absolvit a culpa, ut hanc tenus assertum est, nec consequenter absolutionis sacerdotis habet pro effectu sibi proprio remissionem illius, aut reddit sensum hactenus explicatum.

126. Ad objectionem concedenda est Solvi sequela Majoris, si ejus sensus fuerit nihil. culpæ remanere post absolutionem sacerdotis a Deo rursus absolvendum: quia nihil damnationis manet in vere poenitentibus post absolutionem sacramentaliter factam, ut supra tetigimus, docent uniformiter Theologi, quin in hoc possit esse dissidium. Ad hujus improbationem allegatis Patrum testimoniis innixam varie adhibentur explicationes. Nam Vasquez ex Augustino de vera, et falsa Pœnitentia, ea verba intelligenda esse censet, quatenus Deus, et omnes ordines caelestis militia, et omnes sancti in mea gloria laudant nobiscum, et confirmant, quos ligatis, et solvit super terram, ut habetur cap. 9 aut 10, illius libri. Juxta quam absolutio sacerdotis approbatur, et confirmatur in cœlis. Et in hoc sensu præcedit absolutio ministri, et subsequitur absolutio confirmativa Dei. Alii prædicta testimonia protrahunt usque ad diem judicii vel particularis, vel universalis, in quo ultimo decernendum est, et juxta sententiam a sacerdote latam præmium, vel pœna sunt reddenda. Alii ea tenus ea verba existimant vera esse, quatenus Deus absolutionis intuitu conferat gratiam remissivam peccati homini vere pœnitenti. Quas omnes expositio-
nes

Hila-
rius.D. Ber-
nard.N. Wal-
den.

Solvi-

. iur.

Augustino
de vera,
et falsa
Pœnitentia,

ea

verba

intelli-

gentia.

Alius
sensus
apud
alios.

Lugo
eis
assenti-
tur.
Displi-
cet.

Ratio
displi-
cendi.

nes refert, et approbat Lugo in præsenti disp. 13, sect. 3, n. 85 et 86.

127. Sed profecto, licet utcumque verum videantur præ se ferre sensum, non tamen undeaque placent, nec ita ut par erat, coherenter principiis apud omnes inconcus sis. Juxta quæ ipsamet absolutio sacerdotis, est etiam absolutio Dei, quin interveniat duplex; eaque diversa, ut expositiones illæ sonare videntur. Et ratio est, quam supra tetigimus, et ex vera philosophia supponimus. Nam eadem actio instrumentalis (quidquid sit de præsupposita prævia ex parte instrumenti), correspondet principali ter agenti superiori, et ministerialiter instrumento ipsi, quin ibi formaliter lo quendo interveniat nisi unica, et indivisi bilitis actio ab uno et altero agente ordine prædicto descendens. Id quod adhuc clarius est in sententia non adeo communi, non agnoscente actionem præviam præsuppositam, aut præintellectam ex parte instrumen ti: quippe hujus sententiae patroni dumtaxat admittunt unicam, et indivisi bilitem actionem, quæ respondeat agenti prin cipali, et ejus instrumento. Aliunde vero catholice nequit negari sacerdotem instru mentaliter concurrere ad absolutionem for maliter acceptam, quandoquidem solus Deus est causa principalis absolvendi, et minister solum se habet instrumentaliter. Ex quo fit legitimate consequens unicam tantummodo intervenire absolutionem Deo principaliter et sacerdoti instrumentaliter respondentem. Et hanc illationem ut legiti mam concedit Lugo docens in hac disp. 13, unam et eandem esse absolutionem Dei, et hominis.

Hinc detegitur perspicue defectus illarum expositionum. Nam ea confirmatio, et cœ lestis approbatio, quam adstruit prima, vel est nova voluntas ex parte Dei superad dicta voluntati absolvendi: vel est ipsamet absolutio Dei, quæ simul est volitio sui ipsius indirecta, quo pacto actu amoris non tantum amamus objectum, sed amare volumus, ut de omnibus actibus voluntatis docet D. Thomas, et est indubium? Si dicatur primum, est prorsus a veritate alienum: quia scientia visionis non est distincta a scientia approbationis, sed eodem actu ex parte Dei per scientiam visionis, et causat et approbat, ac confirmat remis sionem, sicut eodem itidem actu et abso vit cum ministro, et vult etiam absolvere. Unde non est locus expectandi novam confirmationem, et approbationem in posterum

faciendam. Si propter hoc dicatur secundum: restat illis explicare qualiter in ea demmet actione sit præcedentia ex parte ministri, et posterioritas ex parte Dei. Et dum hoc non explicant, allegata testimonia relinquent inexplicata ex vi primæ exposi tionis.

Secunda etiam deficit: quia protrahere Secundo, usque ad diem judicii sive particularis, sive universalis ultimam determinationem, non admodum favet potestati clavium, qua de præsenti vel solvuntur, vel ligantur pec cata. Unde ut ea non pessum eat, oportet in absolutione præsenti a Deo, et ministro indivisibiliter facta explicare istius præ illo præcedentiam erga absolutionem, de qua agebant SS. PP. non vero de alia nemini dubia.

Præterquam quod si ea Patrum testimo nia recte perpendantur, manifestum erit nec levissimum illis inesse vestigium ad mittendi prædictam expositionem, quippe solum commendant acceptam dignitatem Petri solvendi de præsenti, quod simul in cœlis solvi promittitur, ut constat ex ultimi verbis Hilarii: *Statuti ejusdem conditionem obtineant in cœlo*, quæ non ad futu rum sæculum, sed ad præsens pertinere videntur, quasi in eodem temporis instanti, in quo homo absolvitur in terris, simul absolvatur in cœlis. Idque communi fide lium intelligentia satis comprobatur absque ulteriori ponderatione. Nam licet verum sit in ultimo judicio sive universalis, sive particuliari ultimam latam iri sententiam vel approbationis, vel reprobationis, quod nullus Catholicorum ibit inficias; simul etiam est verum non manere suspensum effectum absolutionis usque ad illum diem, sed transire in rem judicatam de præsenti in terra, et in cœlis, alias enim non remitterentur in cœlis, quæ remittuntur in ter ris. Et de hac absolutione in cœlis nunc facta procedit difficultas, an præcedatur necne absolutione sacerdotis, et quomodo? Unde per eam expositionem non solvitur sed intacta relinquuntur objecta dubitatio: quoniam si Deus vere absolvit cum ministro, ut necessario fatendum est; nihil solvendum manet, ab ipso Deo post absolutionem ministri, cuius contrarium affirmant prædicta testimonia.

128. Eodem laborat defectus ultima ex positiō: nam *Deum conferre gratiam pœnitenti absolutionis intuiū*: vel importat ultima explicatio rejecta.

Hila-
rius.

vel importat eandemmet absolutionem a Deo simul cum sacerdote factam? Si hoc dicatur, superest illa utentibus explicare præcedentiam, et anterioritatem unius præ alia, quod non adhuc præstitere. Si autem eligatur primum, tenentur concedere duplēcē absolutionem ex parte Dei, et consequenter duplēcē voluntatem absolvendi, alteram conjunctam cūma b̄solutione sacerdotis, alteram vero solius Dei post absolutionem ministri exhibendam. Ex quibus prima absque secunda non sufficiat; atque ideo non eo ipso quod minister simul cum Deo absolvat pœnitentem legitime, hic est vere absolutus coram Deo, cum in eo si gno adhuc non intelligatur illa posterior voluntas propria solius Dei, et subsecuta ad priorem voluntatem. Quod erit asserere illam priorem voluntatem non esse efficacem ad remittendum, et consequenter nec absolutionem sacramentalem, usque quo ad sit alia voluntas posterior, contra id quod Patres, et Concilia docent de efficacia Sacramentorum in significando, et effiendo.

Fieret insuper Sacra menta propria causalitate non attingere instrumentaliter gratiam, cum hæc non producatur ex vi prioris absolutionis a Deo, et ministro factæ, sed ex vi posterioris, quæ ita est propria Dei, ut non sit, aut esse possit ministri. Qualiter ergo iste propria absolutione causabit gratiam ea non productam nec producendam?

129. Porro primum horum inconvenientium minime latet devoratum iri a Cardinali Lugo, siquidem disp. 7 hujus tract. sect. 9, § Verior explicandi modus a num. 160, autumet duplēcē fieri posse condonationem peccati: vel pure extrinsece absque infusione gratiæ; vel etiam intrinsece per ejus receptionem. Et ad primam utcumque fulciendam tot in Deo voluntates multiplicat, totque accumulat subtilitates, ut eis magis pungi, quam erudiri mentem scripserit socius Dicastillo disp. 5, dub. 6, n. 118, eundem sub junioris nomine inconsequentiae redarguens. Nec etiam præterit recursus ad causalitatem moralem, ut vitet secundum sub illa tum de impotentiæ efficiendi gratiam.

Verum unum, et alterum omittimus, et ab eo impugnando data opera supersedemus. Tum quia ea doctrina de condonatione extrinseca, satis superque refutata manet ex dictis tract. de Justific. disp. 2, ubi statuimus cum æque communi ac vera Theologorum sententia non posse fieri

condonationem peccati, absque mutatione intrinseca peccatoris, et absque infusione gratiæ habitualis. Tum etiam, quia causalitas illa pure moralis Sacramentorum novæ legis nec vera, nec satis consona est Conciliorum, et Patrum sanctionibus, ut fuse monstravimus tract. de Sacramentis in genere disp. 4 per totam. Quapropter impræsentiarum sufficere existimamus ex principiis illi doctrinæ oppositis; communiter receptis, et suis propriis locis stabilitis, ac vindicatis defectum expositionis ab ipso adhibite, detegere, et expugnare. Porro id bene confici ostenditur clare instaurando sub alia forma impugnationem superioris factam. Quoniam Deum conferre gratiam pœnitenti intuitu absolutionis a ministro factæ, non est Deum vere absolvere, sed quod minister absolvat, et Deus gratiam largiatur: sicut Deum conferre præmium intuitu meritorum non est Deum mereri, sed suppositis meritis ut objecto, præmium largiris sed juxta tertiam explanationem a Lugone adhibitam, Deus intuitu absolutionis confert gratiam: ergo Deus non vere absolvit. Quod tamen est falsum, et contra ipsummet authorem bene docentem eandem esse absolutionem Dei, et hominis, illius principaliter, istius ministerialiter: et consequenter non potest asseri Deum intuitu absolutionis in terris conferre gratiam in cœlis, quin simul negetur Deum vere absolvere, quod est contra unaninem SS. PP. sententiam, et veram Theologiam vel saltem concedatur aliam esse in Deo voluntatem absolvendi a voluntate infundendi gratiam.

Hoc autem esse falsum ostenditur. Nam voluntas absolvendi ex parte Dei est simul cum voluntate absolvendi ex parte ministri, et utraque voluntas includitur in ipsa absolutione exercita; quis enim neget Deum non velle absolvere, dum absolvit, et eadem ratio debet esse de ministro recte in hoc ministerio se gerente. Ergo eo ipso quod Deus simul cum ministro absolvat, Deus cum ministro remittit peccatum: Peccatum autem non remittitur absque infusione gratiæ: ergo ex vi voluntatis remittendi adest indistincta voluntas conferendi gratiam remissivam: non est ego alia voluntas absolvendi a voluntate infundendi gratiam: quare ipsi superest explicandum, quomodo post sacerdotis sententiam Deus ejus intuitu vult producere gratiam, etc., atque ita sacerdos præsit, et subsequitur Deus, ut concedit num.

Nisi

Ponderantur inconvenientia.

Quid sentiat Lugo.

Dicastillo.

Nisi velit per voluntatem absolvendi non induci remissionem culpæ, usque dum superveniat altera voluntas infundendi gratiam, quod est supra improbatum; vel priori ad infusionem gratiæ admittat condonationem extrinsecam, quæ correspondet priori illi voluntati absolvendi. Unde ulterius fiet justificationem impii medio Sacramento coalescere partim ex condonatione extrinseca, partim vero ex gratia intrinseca; quod non ita cohæret cum doctrina Patrum, et Conciliorum, præsertim Tridentini sess. 6, cap. 7, docentis unicam causam formalem nostræ justificationis esse justitiam Dei, non extrinsecam, qua ipse justus est; sed qua intrinsece nos reddit justos per interiorum renovationem in nobis receptam.

130. Plana itaque, et omnino vera explicatione prædictorum testimoniorum est unam, et eandem esse Dei, et hominis absolutionem, unicamque in ea importari voluntatem efficacem remittendi, et simul infundendi gratiam, quin ulterior actus desideretur, ut rebatur ille Author. Cum hoc tamen recte cohæret absolutionem ministri prout ab eo oritur, et ejusdem parte se tenet præire seipsam prout se tenet ex parte Dei. Et in hoc sensu vera esse, ut sonant allegata Patrum testimonia, existimamus, quin ad eas angustias, et præcisions illius doctrinæ redigi cogamur. Ratio autem hujus, quo communior omnibus aliis Sacrementis, eo nobis videtur solidior, ne dicamus, evidentior: quoniam significatio, et efficientia instrumentalis Sacramentorum nova legis non exercentur formaliter nisi in ipso ultimo instanti prolationis verborum, in quo perficitur et completerur verborum legitimus sensus, ut constat ex dictis tract. de Sacramentis in genere disp. 4, dub. 5. In quo quidem instanti cœunt et significatio, et efficientia Sacramentalis, licet ex parte ministri præcesserit verborum successiva prolation, et significatio vocum ex impositione humana; quæ est fundamentalis significatio ad significacionem Sacramentalem. Porro ex hac ratione omnibus Sacramentis communi quoad rationem significandi, et causandi, tam plane colligitur absolutionem ministri præcedere absolutionem Dei, quam certum, et indubitatum est partes successivas motus anteire prius ultimum terminativum, seu mutatum esse, in quo Deus cum ministro absolvit, et peccata remittit. Et hoc in dubium vertere est nodum in scirpo

quærere. Unde absque ulla ambage allegata testimonia Patrum intelliguntur de præcedentia absolutionis ministri, quæ antecedit absolutionem Dei, instantaneam in ultimo termino prolationis verborum, in quo completur absolutio, infunditur gratia, et remittitur peccatum.

Quo autem jure id ita asserendum est, N. Wal densis, constat insuper ex N. V. Uvaldense in contrarium allegato in illo capite 144, ubi agit contra Wicleff negantem Sacerdotem, imo Episcopum quemquam absolvere posse, qui prius non fuerit absolutus a Deo. Quod contra evenire monstrat prædictis, et aliorum Patrum testimoniis. Unde hæreticum alloquens inquit: *Cæterum noveris absolutionem divinam in hominem ab humana absolutione sacramentaliter præveniri* quia nimis Sacramentalis absolutio sensibiliter, et successive prolata antecedit absolutionem divinam instantane in ultimo instanti prolationis operantem. Quo nihil aut verius, aut clarius, quin aliquis Patrum aduersetur, ut totum illud caput percurrenti fiet obvium. Hinc constat quam bene componatur absolutionem Dei, et hominis esse unam; et quod ex parte hominis Sacramentaliter præcedat toto illo tempore peolationis verborum usque ad ultimum instans, in quo Deus principaliter, et sacerdos instrumentaliter eadem absolutione producunt gratiam, et fit remissio. In quo tamen componendo maxime sed absque causa laborat, et nondum assequitur prædictus Author.

131. Secundo objicitur (et est replica Secunda contra hujus solutionem), nam verba ut prolata a Sacerdote significant vere remissionem culpæ: ergo pro eo signo pro quo intelliguntur verba prolata, intelligitur culpa remissa; sed pro eo signo non intelligitur nec est gratia: ergo ante gratiam est vere remissa culpa. Prima Consequentia ex qua pendet subsequens enthymema, patet ex antecedenti: tum quia verba illa ut antecedunt, sunt vera, et ideo debent esse objecto conformia, et consequenter debent significare prædictam remissionem. Tum etiam, quia illis ex parte termini debet respondere aliquis effectus; non est autem alius, qui possit assignari, quam remissio peccati: ergo haec correspondet absolutioni prout oritur a Sacerdote, et ex parte illius se tenet; et consequenter vel Deo nihil relinquitur absolvendum, ut intendebat prima objectio supra posita: vel ante infusionem gratiæ est vere pecca-

Lugo
respon-
det.
Vera
solutio-

tum remissum quod est falsum, siquidem peccatum non remittitur absque infusione gratiae.

132. In solutione hujus objectionis non bene quiescit Lugo, sed modo in unam, modo in alteram partem se vertens, jam condonationi extrinsecæ, jam intrinsecæ adhæret, ubi supra disp. 13, n. 88, et sequentibus.

Sed respondeatur ex dictis § precedenti distinguendo Antecedens : *Significant remissionem culpæ passive acceptam, seu ex parte termini semper habitam, negatur Antecedens : active, seu quantum est ex parte ministri sacramentaliter absolventis, conceditur.* Sed neganda est Consequentia : quia sensus absolutionis non est : *Confero tibi gratiam, sed, confero tibi Sacramentum de se collativum gratiæ, quod est significare gratiam, seu remissionem active, non vero passive, ut constat ex dictis.* Ad primam Consequentiarum probationem, quæ non magis urget in præsenti, quam in formis aliorum Sacramentorum, in quibus æque militare non est, qui non videat, respondeatur verba ut successive proferuntur, semper esse in fieri ut ita dicamus, usque ad ultimum instans prolationis illorum, in quo considerantur in facto esse. Veritas autem ipsorum cum consistat in indivisiibili non intelligitur, nec est usque ad prædictum instans in quo vere, et infallibiliter significant remissionem, quantum est ex parte Sacramenti, et ministri. Unde tempore intermedio, quod excurrit ante illud instans, possunt dici ad summum vera initiative, aut in fieri, non vero formaliter, et absolute : sicut enim figura domus non salvatur in fieri partium, sed in tota domo completa, nec significatio enuntiationis in solo subiecto, aut copula, non sub intellecto prædicato ; ita nec veritas informis Sacramentorum quærenda est in sensu formalis, usque ad instans terminativum prolationis illorum. Id quod satis liquet in forma Eucharistiae, Baptismi, et aliis, quin majori expensione indigeat.

Secunda probatio diluta.

Ad secundam etiam patet ex supradictis, effectum per se intentione ex vi absolutionis esse remissionem peccati, seu gratiam remissivam illius. Hic autem nondum est usque ad ultimam verborum prolationem, ut constat ex dictis de Sacramentis in genere loco supra citato : sicut nec effectus aliorum Sacramentorum intelligitur esse usque ad ipsum instans. Unam, et alteram D.Thom. solutionem nos docuit D. Thomas : pri-

mam quidem supra quæst. 78, art. 2, in corpore per hæc verba : *Quia ita se habent formæ Sacramentales ad significandum effectum Sacramenti, sicut se habent formæ artificiales ad repræsentandum effectum artis.* *Forma autem artificialis est similitudo ultimi effectus, in quem fertur intentio artificis, sicut forma artis in mente ædificatoris est forma domus ædificalæ principaliter.* Secundam vero in eadem quæst. art. 4 ad 3, dicens : *Vis conversiva, quæ est informis horum Sacramentorum, consequitur significationem, quæ in prolatione ultimæ dictionis terminatur; et ideo in ultimo instanti prolationis verborum prædicta verba consequuntur hanc virtutem, in ordine tamen ad præcedentia.* Et hæc virtus est simplex ratione simplicis significati, licet in ipsis verbis exterius prolati sit quædam compositio. Ubi S. Doctor adhibitat solutionem firmat, et una, quæ opponi possent præcidit. Rationem autem a priori communem huic, et aliis Sacramentis, in quorum quolibet similia argumenta fieri solent a recentioribus, traddit S. Doctor art. 5 illius quæstionis, inquiens : *quod sicut conceptio intellectus practici non præsupponit rem conceptam, sed facit eam : ita veritas hujus locutionis non præsupponit rem significatam, sed facit eam.* Et in responsione ad tertium similis omnino formæ, ei, quæ nobis opponitur, docet ; *quod significatio hujus locutionis præintelligitur rei significatae ordine naturæ, sicut causa naturaliter est prior effectu; non tamen ordine temporis : quia hæc causa simul habet secum effectum.* Et hoc sufficit ad veritatem locutionis. Quæ ultima verba observare optamus in confirmationem doctrinæ supra traditus circa studium D. Thomæ in nulla tenus admittenda falsitate verborum pro formis hujus, et aliorum Sacramentorum. Quo contra discurrebant illi S. Doctoris discipuli, contra quos ibi agebamus.

DUBIUM III.

Quæ verba sint absolutioni essentialia?

Expediti ab effectu absolutionis, et sensu, reliquum est, ut de verbis quibus prædicti effectus, et sensus respondent disseramus. Cum enim plura ea sint tam antecedentia, quam subsequentia, nec omnibus illis simul assignati effectus, et sensus convenire debeant, ut in confessio est apud omnes; oportet inter illa discernere; et non necessaria a necessariis, seu essentialiter

Concil. Trident. essentialiter requisitis segregare. Ut ergo certa ab incertis separemus, ob oculos habenda est regula a Tridentino præscripta sess. 11, cap. 3. Ubi loquens de partibus hujus Sacramenti inquit : *Docet præterea sancta Synodus Sacramenti Pœnitentiae formam, in qua præcipue ejus vis sita est, in illis ministri verbis positam esse : Ego te abservo, etc., quibus quidem de Ecclesiæ sanctæ more preces quædam laudabiliter adjunjuntr; ad ipsius tamen formæ essentiam nequaquam spectant, neque ad ipsius Saeramenti ministracionem sunt necessariaæ.* Hactenus sancta Synodus,

Plura verba non esse e absorptionis essentia monstratur. 134. Ex quo manifeste habemus omnia verba antecedentia, ut *Misereatur tui, Dominus noster, etc.*, usque ad illa : *Ego te abservo, non esse de essentia Pœnitentiae, et consequenter absque illis posse confici verum Sacramentum.* Et hujus rationem tradiderat D. Thomas in præsenti art. 3, solut. ad 1, docens : quod in *Sacramento absolute non sufficeret dicere : Misereatur tui omnipotens Deus, vel absolutionem et remissionem tribuat tibi Deus, quia per haec verba Sacerdos absolutionem non significari potest, sed petit, ut fiat : Præmittitur tamen etiam in Sacramento confessione talis oratio, ne impediatur effectus Sacramenti ex parte pœnitentis.* Unde non est credendum Concilium Colonense in Enchiridio sub titulo de Sacramento Pœnitentiae ut refert Lugo disp. 13, sect. 1, n. 8, reprobare voluisse unum prædictorum verborum, quando ex Gersone dicit debere retineri brevitatem, et simplicitatem verborum absolutionis, nec utilem esse illam aliorum verborum, aut precum additionem ; cum Tridentini Patres ea dicendi morem laudabilem commendent. Quia forsan loquebatur de aliis pro nutu, et devotione Sacerdotis adjectis, non vero de illis, quæ communiter perenni Ecclesiæ observatione, et maturo iudicio præmittenda assignantur. Esto tamen id vetare voluisse, nihil refert, nam ut initio sessionis sextæ Concilii Florentini habetur, *absolum est a ratione, postpositis Concilii generalibus privati Conventus rationem habere.* Quocirca nullus catholicorum est, qui ea verba intra absolutionis essentiam collocet, vel ut inutilia rejiciat : sed valde proficua esse, ne impediatur fructus pœnitentiae ex parte recipientis, omnes agnoscent. Accedit Concilium Moguntinum celebratum anno 1549, non minoris authoritatis, quam Colonense, eam consuetudinem non abjecisse, sed ap-

probasse cap. 24, ubi inquit : *Non tamen prohibemus, ut idoneo loco, seu ante absolutionem, seu post eam, orationes pro petenda delictorum venia adjungant.* Unde apud plerosque invaluisse conjectamur, *Supplicationis, vel obsecrationis nomen*, quo hoc Sacramentum communiter appellabant, ut etiam supra vidimus ex D. Thoma.

Ob eandem prorsus rationem non etiam ingrediuntur constitutionem essentialiem formæ illa verba absolutione posteriora : *Passio Domini nostri Jesu Christi, etc.*, quippe quæ in omnium sententia supponunt applicationem formæ jam factam, et obtentum effectum Sacramenti. Unde solum deserviunt ad includenda opera pœnitentis postfacienda, et magis satisfactoria reddenda : ipsa enim prorogatio satisfactionis Sacramentalis (ut tam doce, quam cotholice docuit Cajet. in comment. ad art.-2, q. 90), virtute clavium, et augere nata est gratiam, et plus valere ad satisfaciendum pro peccatis. Quamobrem et Confessores, et pœnitentes errare affirmat ; illis levem satisfactionem bene dispositis imponendo ; hos vero, quia vel imposta renunt, leviorem imponi satagunt. Utrumque enim procedit ex non satis agnita virtute Sacramentalis satisfactionis : *plus enim valet unus jejunii dies, aut unum psalterium ex impositione confessionis, quam sine tali impositione :* nam satisfactio Sacramentalis valet non solum secundum se, sed etiam ex virtute clavium ; cum tamen quæ non est Sacramentalis, dumtaxat valeat secundum se, utpote quæ a clavibus non emanavit. Quocirca peracta absolutione, recte et utiliter subjungitur : *Passio Domini nostri Jesu Christi; quidquid boni egeris, etc.* Quin omnia ista ad essentiam absolutionis pertinent.

135. His citra dubium constitutis, plus difficultatis continet, an invocatio Sanctissimæ Trinitatis fieri solita immediate post absolutionem illis verbis : *In nomine Patris, et Filii, et Spiritus sancti, sit de essentia Sacramenti, ita quod absque illa invalide ministretur.*

Pro parte affirmativa referri solent ex antiquis Durandus in 4, dist. 22, q. 2, art. 2, ubi tantummodo id probabiliter dici posse affirmat, non vero absolute docet. Aureolus ibi quæst. unica art. 3 Major. dist. 14, q. 2, ex recentioribus vero unicus Hieronymus Llamas ei suffragatur 4 parte Methodi cap. 2, § 1, asserens invocationem Trinitatis tam esse de substantia Sacra-

Nec etiam verba posteriæ.

Cajet.

An etiam Trinitatis invocatio.

Pars affirmativa Durand.

Aureol. Major.

Hieronymus Llamas.

Concil. Coloniense. Lugo.

Concil. Florentinum.

Concil. Ougant.

Funda-
mentum.

menti Pœnitentiaæ, quam sit de essentia Baptismi. Ratio autem desumpta ex Durando ea est : quia in omni Sacramento, in cuius forma exprimitur actus ministri, debet fieri aliqua expressio principalis agentis; siquidem actus non tribuitur ministro, sed agenti principali : sed in absolutione Sacramentali exprimitur actio ministri : ergo in absolutione Sacramentali debet fieri aliqua expressio Dei principalis agentis, ac proinde vel præmittenda est necessario Dei, aut Christi authoritas : vel necessario superaddenda est in fine Sanctæ Trinitatis invocatio, ut constat sub ejus nomine, ac virtute impendi absolutionem. Id quod recentior nuper relatus confirmare

^{2 ad Co-}
^{rinth. 2.}

sibi videtur, cum ex Apostolo 2, ad Corinth. 2, *si quid donavi vobis, ex persona Christi donavi*, ubi Apostolus non sibimet, sed Christo defert donationis beneficium : tum ex eo quod pœnitentia est secunda tabula post naufragium, et se habet ad instar Baptismi. In Baptismi autem forma intervenit invocatio sanctissimæ Trinitatis, ut omnes concedunt : ergo etiam in pœnitentia.

Vera
sen-
tientia.

136. Communis tamen, et vera aliorum orationum Theologorum sententia negat invocationem illam pertinere ad essentiam formæ absolutionis. Docet tamen esse conveniens eam invocationem apponi, et revera ira fit communiter loquendo juxta præscriptum Ritualis Romani, ubi tam antecedenter, in illis verbis : *Dominus Jesus Christus te absolvat, et ego auctoritate ipsius, etc.*, quam consequenter fit recursus ad sanctissimam Trinitatem dicendo : *Ego te abservo a peccatis tuis in nomine Patris, etc.*

Rituale
Romani-
num.

Et quia res est pene indubitate, sufficiet in medium adducere D. Thomam in solut. ad. 2, præsentis articuli, ubi fundamentum oppositum diluit, et rationem differentiaæ inter Baptismum, et Pœnitentiam tradidit : *Quia tamen Sacerdos sicut minister absolvit, convenienter apponitur aliquid, quod pertineat ad primam auctoritatem Dei, scilicet ut dicatur : Ego te abservo in nomine Patris, et Filii, et Spiritus sancti, vel per virtutem passionis Christi, vel auctoritate Dei, sicut Dionysius exponit 7, cap. Cœlestis hierarch.* Quia tamen hoc non est determinatum ex verbis Christi, sicut in Baptismo, talis oppositio relinquitur arbitrio Sacerdotis. Ubi manifeste docet non omnia, quæ sunt convenientia in administratione Sacramentorum, esse eidem necessaria necessitate, ut ita dicamus, essentiali. Unde Durandi ar-

gumento id tantum conficitur, quod sit congrua Trinitatis invocatio ad absolvendum ; non tamen evincit ad essentia formam constituendam pertinere. Et ratio differentiaæ est, quod convenientia verborum intervenientium in Sacramentorum administratione venari debet ex ipsomet Sacramento, et significatione, et ex ejus principali causa; ex quibus capitibus non tam attenditur ad essentiam præcise, et solitaria acceptam, quam ad omnia sive intrinseca, sive extrinseca utcumque intervenientia ; et idcirco plura possunt esse convenientia, quæ tamen essentialia non sint. Et hæc quidem subesse possunt Ecclesiæ judicio, ac determinationi, ut ea præcipiat, vel prohibeat, et inolescere potest consuetudo vel proferendi, vel subticendi absque aliqua formalis vicissitudine Sacramenti. Secus vero est de iis, quæ sunt essentialia : hæc enim unice pendet ex institutione divina, quæ sicut invariabilis est, semel atque unam partem determinaverit, ita reddit invariabilem formam, et essentiam Sacramenti, quod nec Ecclesia nec quilibet alijs mutationem inducere valeat. Quocirca solemne principium est inter Theologos nihil Ecclesiam posse circa materiam, et formam Sacramentorum, sed solam esse inspicendam, et sectandam institutionem divinam ; quæ est prima, et unica radix Sacramentorum. Cum vero in Baptismo constet determinatione divina circa invocationem Trinitatis, secus autem in Pœnitentia, hinc merito colligit S. Doctor (et ei subscribunt communiter Theologi) eam invocationem esse essentialiem Baptismo, non vero Pœnitentia.

137. Unde Major assumpta a Durando est universaliter falsa, quia licet omnis Sacramenti minister concurrat instrumentaliter in virtute Dei, non tamen est necessarium ut semper importetur, et explicetur id fieri virtute Dei, quippe quod supponitur in omni instrumento, videlicet ut agere nequeat absque motione, et influxu cause principalis. Unde eo ipso quod actus sit ab illo ut Dei ministro, ibi intelligitur ipsummet actum principialis esse a Deo, quin necessario sit major expressio. Nec instantia Baptismi urget. Tum quia hoc est speciale in hoc Sacramento, præ ceteris juxta illud Christi Domini Matth. 28 : *Baptizantes eos in nomine Patris, et Filii, et Spiritus sancti* : quod non ita reperitur expressum in aliis, ut recte observavit D. Thomas. Tum etiam (et est congruentia

Falsa
est Du-
randi.
Proposi-
tio.

congruentiae ratio unica pro Baptismo) quia in Baptismo, cum sit prima janua ad introitum Ecclesiæ, fit solemnior professio fidei, cuius profundior, ac sublimior articulus est mysterium Sanctissimæ Trinitatis : atque ideo oportuit illius fieri mentionem in ipsomet introitu. In aliis vero Sacramentis sicut supponitur ut fundamentum Trinitatis confessio, ita non requiritur ejusdem tam expressa invocatio.

Hinc absque ulteriori impulsu ruit illius Recentioris confirmatio, quia licet Apostolus omnia fateatur in nomine Christi donasse, et eadem ratio est de Sacramentorum ministris; est tamen falsitati obnoxium, quod in omnibus nomen Christi, aut Trinitatis expresserit. Unde constat ad primam probationem. Ad secundam constat ratio discriminis Baptismi a Pœnitentia, quia verba Scripturæ, quæ maxime salvari debent, ut docet D. Thomas opusc. 22 in Pœnitentia, nec minimam mentionem faciunt invocationis Christi, aut Trinitatis, cum tamen illam Baptismo adscribant, ut liquet ex illo allegato cap.

Illi. 18. 18. Math. Nec etiam illius meminit Concilium Tridentinum, ut constat. Quamobrem ut voluntaria, et absque ullo fundamento in re gravissima nova in hac parte sententia repellere debet, uti expungi jussa est, teste Prado in præsenti n. 44, in indice expurgatorio Hispano anno 1640.

138. Nec obest, si opponas authoritatem Concilii Moguntini coacti anno 1549, quod habetur tom. 2. Conciliorum parte 4, ubi agens de Sacramento Pœnitentiae, et accedens ad absolutionem cap. 24, inquit : *Sacerdotes vero, qui confessionibus audiendis dant operam, absolutionis formam non intiment pluribus membris, sed planis, et simplicibus verbis depromant : Ego te absolvo a peccatis tuis in nomine Patris, et Filii, et Spiritus sancti : ergo ex mente hujus Concilii Trinitatis invocatio pertinet ad absolutionis formam.*

139. Nam respondetur negandam esse Consequentiam : quoniam ibi Concilium non intendebat exponere verba tantummodo essentialia absolutionis, sed solum proponere formam ut fieri solitam absque aliis ambagibus ab aliquibus forsan excogitatis. Et hoc pacto firmat convenientiam omnium illorum verborum in quibus omnibus certo certius est adæquatam absolutionis formam contineri. Non tamen discernit, aut discernere studuit inter verba essentialia, et convenientia. Unde quod

solum ex testimonio evincitur, est omnia illa verba esse convenientia, quod non imus inficias, sed affirmamus cum D. Thoma, ubi supra, et communi Theologorum suffragio. Non vero probat omnia esse essentialia, ut constat ex Concilio Tridentino.

Porro si quod versatur dissidium inter Theologos est circa obligationem recitandi ea. Nam sunt, qui existiment vix excusari posse a culpa gravi illa omittentem, de quorum numero est Granados in præsenti n. 9, sed profecto excessisse videatur, nullum tantæ gravitatis assignans fundamentum : nam quod obtendit de authoritate Doctorum ea inter formæ essentialia annumerantium, rumosum, et falsum est, cum oppositum sit penitus exploratum, ut videre est apud Prado in præsenti, ubi plures pro nostra, nullum vero pro adversa, nisi modernum Llamas, refert sententia.

Alli vero sentiunt illorum verborum transgressionem esse peccatum veniale grave, utpote quæ contrariatur et intentioni Ecclesiæ, et communi consuetudini. Quod tamen fundamentum, si est efficax, potius mortalem, quam veniale culpam evincit, siquidem contraire intentioni Ecclesiæ, et communi consuetudini in re gravissima, qualem esse presentem, non est qui ambigat, grave delictum est, nisi ignorantia invincibilis, vel pravitas excusat materiae. Unde minus recte Bonac. de Pœnit. q. 4, punct. 1, n. 2. Nuno ad hunc art. dub. 2, ad 4. Aversa q. 12, sect. 3, unum negant, et alterum affirmant, nisi velint ea verba *in nomine Patris, et Filii, et Spiritus sancti*, ad materiae parvitatem reduci. Quod tamen ægre salvare poterunt, si conferantur cum illis : *Ego te absolvo, in quibus absolutionis essentialiam ipsi constituunt.*

140. Qua propter veriorem censemus Sotii doctrinam in 4, dist. 14, q. 1, art. 3, ad 1, § similiter, ubi tenet prædictorum verborum omissionem nullatenus esse peccatum ; non quidem læthale, ut ostensum est contra Granados, et fert communis aliorum Theologorum assensus. Nec etiam veniale, secluso contemptu. Nam ut docet D. Thomas in præsenti ad 3, *talis oppositio D. Thom. relinquitur arbitrio Sacerdotis* : sed quod relinquitur arbitrio Sacerdotis, non cadit sub obligatione Sacerdotis ut non transgrediatur ; vel non amittat : ergo nulla est Sacerdotis obligatio apponendi verba pro-

Prado.
Joan. a
S.Thom.

prio arbitrio relictā. Patet consequentia : quia non stat peccatum veniale absque obligatione illud vitandi : ergo si non est obligatio non omittendi; non est, aut esse potest obligatio sub peccato veniali ea verba proferendi. Quam sententiam ut Theologis communem amplectitur Prado ubi supra et Joannes a S. Thoma art. 3, § *Inquires*, ut nimium scrupulosos arguit oppositum docentes. Nec in oppositum arget, quod obtendebatur de intentione Ecclesiæ, et communi consuetudine talia verba proferendi. Siquidem illarum neutra inducit majorem quam congruentiae obligationem, utpote non fundatam in verbis Christi, vel in Ecclesiæ traditione positive id præcipiente, vel in Doctorum, quibus stare oporteat, autoritate. Et in hoc sensu explicare debet communis consuetudo prefata verba recitandi, quasi ea non extrahantur ab arbitrio Sacerdotis, ut dixit D. Thomas, licet sit optimum consilium eis uti, et ut tale communiter sit receptum. Unde non interveniente contemptu, libere potest eis uti, vel non uti Sacerdos; et eo quidem securius, si vel minima intervenient causa.

141. Exclusis itaque ab essentia absolutionis depreciationibus ipsam antecedentibus, et consequentibus, cardo difficultatis vertitur ad illa sola verba : *Ego te absolvo a peccatis tuis*. An nimirum omnium illa sint de essentia formæ in hoc Sacramento, nec ne? Sed quia hoc stare potest dupliciter : vel quia omnia explicite debeant importari a forma, vel quia forma nequeat salvari absque illis, vel implicite, vel explicite, neutrum horum determinando, importatis; statuendum est citra controversiam, aliqua illorum verborum ut explicite posita non pertinere ad essentiam formæ. Nam imprimis particula *ego* non est pro explicito necessaria, quandoquidem idem prorsus significatur per verbum *absolvo* solitarie acceptam, ac per illa duo *Ego absolvo* : nam ut est Grammaticorum regula, *prima, et secunda persona fere numquam explicantur*. Quocirca optime Angelicus Doctor supra q. 66, art. 5 ad 1, docuit illud *Ego* quod additur in forma nostra, *non est de substantia formæ, sed ponitur ad majorem expressionem intentionis*. Ubi licet loquatur de forma Baptismi; quoad hanc particulam eadem prorsus est ratio de Pœnitentia. Unde particula *Ego* solum est necessaria ad constituendam formam, vel explicite posita, vel ut implicata in verbo

In quo
stet
difficul-
tatis
cardo.

D.Thom.

absolvo : ut communiter docent Theologi, quidquid in contrarium reclament Llamas, Fagundez, et Becanus, apud Leandrum tract. 5, disp. 5, q. 2.

142. Contrarium ob oppositam causam tenendum est de particula *Je* : hæc enim non utcumque sed explicite apponenda est, ut essentia formæ subsistere valeat : siquidem Concilia tam Florentinum, quam Tridentinum, et plura alia, quæ possent referri, semper, et uniformiter eo pronomine significante personam absolvendam expresse utuntur, nec aliter nos formam docent, quam distincte proferendo : *Ego te absolvo*. Aliunde vero non continetur persona determinata in verbo *absolvo* ex parte objecti, sed est indifferens ad unam, vel plures, ut patet : ergo absque ulla formidine, aut dubio asserendum est particulam *Je* explicite significatam pertinere ad essentiam formæ ; et consequenter quod si ea subticeretur in absolutione, nullum conficeretur Sacramentum. In quo etiam conveniunt Theologi, contra Enriquez lib. 1, de Pœnitentia cap. 11, n. 3, littera P. Valdum de Absolut. n. 97. Caramuel in Theologia fundamentali n. 1580, docentes absolutionis formam salvari in hoc solo verbo, *Absolvo*, sed horum positio ut omnino singularis, et in re gravissima absque urgenti fundamento male apud plerosque alios audivit, ut testatur Aversa de Pœnit. Aversa q. 12, sect. 2, § septimo demum.

Observat tamen et bene Cajetanus in Observa summa verbo *Absolutio*, cui communiter subscrribitur, loco pronominis *Je* substitui posse pronomen *Vos honoris*, aut reverentiae causa, ut si Rex, aut aliis supremæ authoritatis absolveretur. Et vice versa loco pronominis *Ego* Archiepiscopus absolvens, et pluraliter assuetus loqui posset dicere : *Nos te absolvimus* quin Sacramento adversaretur. Peccaret tamen in omni sententia, quia recederet a verbis per Ecclesiæ determinatis in forma hujus Sacramenti, sicut peccaret dicens : *Ego tibi remitto*, quibus Ecclesia non utitur.

Unde tandem perstrigitur disceptatio ad particulam *a peccatis tuis*; pertineant, necne ad essentiam formæ? aliis penitus eam excludentibus, aliis inter partes non quidem essentiales, sed integrales accentibus, ad instar capitis, vel brachii in homine, aliis denique ut essentialiter requisitam affirmantibus. Pro veritatis autem declaratione sit

Llama
Fagur
dez.
Becan
apud
Leand
Quid
partic
Je.

Floren
num.
Concil
Triden

Henri
quez.
Cara
muel.

tio
Cajet

Status
quaatio
nis.

§ I.

Verior sententia eligitur, et probatur.

Vera
senten-
tia.

143. Dicendum est particulam *a peccatis tuis* pertinere ad absolutionis sacramentalis essentiam, subindeque hanc cohaescere essentialiter adaequate ex omnibus his simul sumpti : *Ego te absolvo a peccatis tuis*. Subillata pars hujus assertionis facile constat ex prima : nam si semel ly *a peccatis tuis* sunt de essentia absolutionis, debent conjungi cum antecedentibus, et faciunt omnia sensum perfectum, quo sacerdos significat remissionem vice Dei, et quantum est ex vi sacramenti factam. Primam vero illius partem innuimus, et supposuimus hic ut in suo proprio loco statuendam tract. de Eucharist. disp. 9, dub. 3, § 4, n. 36, eaque ut veriori usi sumus ad explicanda et praescribenda verba pro forma consecrationis calicis. Et eundem sensum quem ibi innuimus, et applicuimus decisioni illi, retinemus, et observamus in praesenti. Quod et pro sua etiam sententia usurpant authores ibi, et hic nobis adversi ex una ad aliam gradum facientes, ut videre est apud Martines de Prado in praesenti dub. 4. Joanne a S. Thoma tract. de Eucharistia disp. 29, art. 1 et tom. 1, in 1 p. in approb. doct. D. Thomæ disp. 2, art. 4, § sed respondetur, et alios S. Doctoris discipulos nihil minus deferentes ad constitutionem formæ sacramentalis his verbis *a peccatis tuis* in Pœnitentia, quam pro Eucharistia illis *Qui pro vobis effundetur, etc.* Unicum si excipiamus Arauxo in praesenti § *Dico secundo*, ubi recedens a communi aliorum Thomistarum doctrina, asserit praedicta verba nec esse de integritate sacramenti, nec similiter eorum omissionem esse peccatum grave. Quod tamen constanter rejiciunt ut alienum a veritate alii S. Doctoris discipuli. Quocirca pro hac nostra sententia accensendos judicamus, quotquot pro illa retulimus, et sunt non pauci, et merito et numero. His addimus aliquos disertius pro ea militantes Palud. in 4, dist. 22, q. 3, art. 2, n. 5. Petrum Soto lect. 4, de Confessione § *jam de forma* Joann. Viguerium in institut. cap. 16. Raynerium verbo Absolutio, cap. 5, ubi etiam Joann. Nicolai ejus additionator, Aversa q. 42, sect. 13, eamque ut probabilem ab intrinseco, et ab extrinseco refert et approbat Mag. Joann. Martinez de Prado in praesenti dub. 4, num. 35,

suffragantur ex extraneis inter Antiquos Angelus verbo *Confessio*. Major in 4, dist. 14, q. 2. Gabriel ibidem, ex recentioribus Vasquez, Dicastillo disp. 5, dub. 2, et alii plures ab ipso allegati, si recte, ut ipse præmonet, intelligentur. Nam illorum sensus est omnes illas particulias formaliter sumptas pertinere ad essentiam absolutionis, non vero materialiter acceptas, quo pacto has, vel illas voces important.

Angel.
Major.
Gabriel.
Vazquez.
Dicas-
tillo.

Et ratio est quoniam in sacramentorum formis, non tam attendi debet ad grammaticalem, seu materialem verborum sonum, quam ad formalem illorum sensum ; quidquid sit de his, aut illis materialibus vocibus, quippe harum ablatio, vel apposito eatenus officere possit valori, et integratim formæ, quatenus formaliter ejus sensui vel adderet, vel detraheret. Quæ fuit doctrina D. Thomæ supra q. 60, art. 8, D. Thom. ad 2, ubi ait : *Quod verba pertinent ad formam Sacramenti ratione sensus significati ? et ideo quæcumque fiat additio, vel substractio verborum, quæ non addat aliquid, aut subtrahat debito sensui, non tollitur species Sacramenti*. Cum ergo absolutio sacramentalis quocumque modo vere proferatur, importare debeat peccata, alioqui enim absolutio sacramentalis non esset : hinc asserimus inepte illa excludi a ratione partis essentialis, ut expresse, et formaliter prolati.

144. Sic ergo exposita nostra conclusio probatur primo ex Sacris Conciliis Florentino, et Tridentino, quorum PP. tam uniformiter in hac parte sunt locuti, ut sicut uno ducebant spiritu, ita in unam, et eandem videantur conspirasse sententiam. Verba Tridentini dedimus initio hujus quæstionis, audiamus Florentinum in decreto Eugenii pro instructione Armenorum, ubi accedens ad quartum, quod est Pœnitentia, Sacramentum, § *Quartum*, inquit : *Forma hujus Sacramenti sunt verba absolutionis, quæ Sacerdos profert, cum dicit : Ego te absolvo, etc.* Ergo ex mente hujus Sacrae Synodi ad formam absolutionis non tantum pertinet dictio illa : *Ego te absolvo*, sed etiam alia contenta sub illa conjunctione *Et cætera*. Patet hæc Consequentia : nam si quod continetur sub illa conjunctione *et cætera*, non esset de essentia formæ : vel excessisset Concilium comprehendendo sub illa, quod non debebat comprehendendi, siquidem particula *etc.*, comprehensiva, et conjunctiva est, non autem exclusiva ; vel etiam defecisset, non ex-

Marti-
nez de
Prado.
Joan. a
S. Thom.

Arauxo.

Palud.
Petrus
Soto.
Joan.
Viguer-
rius.
Rayne-
rius.
Joan.
Nicolai.
Aversa.

Prado.

Funda-
mentum
vere
sen-
tia.

Concil.
Trident.
Concil.
Florent.

cludendo ab essentia formæ, quod juxta oppositam sententiam excludi debet. Unde rursus fieret non satis certam formam Armenis pro hoc Sacramento tradidisse. Quorum nullum debet admitti. Porro quod continetur sub illa dictione *et cætera* non est aliud quam *ly a peccatis* ut ex adverso opinantes etiam docent: nam cuncta alia in omnium sententia manent exclusa per ipsummet Concilium, ut constat ex prælibatis in limine quæstionis. Ergo ex mente Concilii Florentini particula *a peccatis* non debet excludi ab essentia formæ, ut quid ab illa essentialiter exactum.

Confirm.
ex Tri-
dent.

Confirmatur, et explicatur ex Concilio Tridentino ubi supra. Nam quod Sacra Synodus negat positive precibus absolutioni adjungi solitis, defert, et tribuit verbis contentis sub ea particula *et cætera*: sed preces illas nequaquam spectare ad essentiam formæ manifestissime docet, quod est alias a ratione partium essentialium positive excludere: ergo verbis contentis sub particula prædicta attribuit rationem partis essentialis; et consequenter ex mente Concilii illa verba *a peccatis tuis* formaliter sumpta nequeunt excludi a ratione partium essentialium. Utraque Consequentia constat ex præmissis: quæ etiam liquent ex eodemmet Concilio: nam loquendo de forma quoad sibi essentialia, in qua præcipuum vim sitam esse docet, sub eadem periodo, et servato eodem prorsus loquendi modo absque interruptione, affirmat positam esse in illis verbis: *Ego te absolvo*, etc. Quæ nisi violenter detorqueantur, nequeunt non includere alia formalia verba ultra illa: *Ego te absolvo*, alioqui enim ineptissime conjunctio illa etc. superaddita fuisset. Cum tamen illico preces recitari solitas ad vitandam omnem ambiguitatem a ratione partium essentialium positive excluderit subjungens: *ad ipsius tamen formæ essentiam nequaquam pertinere, nec similiter necessarias esse ad ipsius Sacramenti administrationem*. Ubi supponere videtur alia præcedentia tam expressa, quam contenta sub illa particula *et cætera* pertinere ad essentiam formæ, et ad Sacramenti administrationem esse necessaria.

Alia
confir-
matio.

Eo vel maxime: nam si prædicta verba non pertinent ad essentiam formæ; juxta mentem Concilii, accenseri debent sub precibus de Ecclesiæ more recitari solitis, quæ nec sunt de essentia absolutionis, nec necessariæ sunt, et idcirco libere possunt

excludi. Hoc autem est manifeste oppositum textui ejusdemmet Concilii, ut ipsum vel leviter percurrenti constabit et penitus reddit inutilem conjunctionem *et cætera ab ipso* met appositam (quod nec ipsi adversantes, uno, vel altero excepto, asserere audent, sed inter una, et alia verba discrimen agnoscunt), ergo ne hoc cogamus asserere, tenendum est particulam *a peccatis* pertinere ad essentiam formæ. Sequela Majoris videtur clara: nam ibi Concilium unum affirmat, et alterum excludit: affirmat quidem essentiæ formam sitam esse in illis verbis: *Ego te absolvo et cætera*. Ubi nullum est negationis vestigium. Negat tamen preces dici solitas ad formam essentialiter pertinere, et simul esse necessarias: ergo quod continetur sub illa particula *et cætera*, quod in omnium sententia est *ly a peccatis*, vel reduci debet ad affirmationem Concilii, quo pacto habemus intentum, vel contineri sub exclusione, et negatione illius, et consequenter nec pertinent ullo modo ad essentiam, nec aliquando necessariae sunt. Quod manifestissime opponi videtur Concilio.

145. Quod insuper roborari ulterius Mogunti potest ex Concilio Moguntino, cuius expressum testimonium pro hac assertione nos liberat ab omnia alia ponderatione, ut verba ex ipso supra relata clare testantur. Porro licet superaddiderit etiam invocationem sanctissimæ Trinitatis, quam non esse de essentia formæ inter omnes convenit, non idcirco quoad alia rejiciendum est, quasi non necessaria expresserit; quandoquidem ipsummet Concilium præmonet ad absorptionem Sacramentalē superflua, et intricata verba esse resecanda, et dumtaxat plana, et simplicia apponenda, qualia sunt: *Ego te absolvo a peccatis tuis*. Quo loquendi modo nihil superfluum, sed omnia Sacramento necessaria recensuisse manifestum est; alioqui enim sibimet ipsi contradiceret, aliud agendo, et aliud docendo: non ergo ex mente hujus Concilii excludi debent prædicta verba a ratione essentialiter formam constituendi. Ultra quæ Concilium Tridentinum alia omnia collocat extra essentiam formæ, et nequaquam necessaria ad Sacramenti administrationem reputat. Cum autem Moguntina Synodus celebrata fuerit anno 1549 et Tridentinæ fuerit impositus finis die 26 Januarii anni 1564, ut constat ex ejus confirmatione, anno 5 Pontificatus Pii IV, subesse potuit Moguntinum correctioni, et

Mogunti
num
Concil.

Quo
tempore
ista
Concilia
sint ce-
lebrata.
Pius IV.

et explicationi Tridentini, et in quo non consistenter factam non fuisse, non debet fide destitui. Constat autem Tridentinum per dictionem *et cætera* superadditam ad *Ego te absolvo*, non correxisse Moguntinum, sed compendio explicuisse, quod in eo expressius continetur : et quod resecuit, sunt tantummodo preces inter quas debet accenseri Trinitatis in vocatio : ergo quoad omnia alia convenisse tenendum est, atque ideo asserendum omnia illa esse de essentia formæ.

146. Frequentior Conciliorum expositio est, ita se gessisse illorum Patres apponendo illam dictionem, *et cætera* ut abstinerent a controversiis, et opinionibus Theologorum circa alia verba preter : *Ego te absolvō*, nihil de illis determinando, quin potius optionem dando cuiquam illorum suam partem tuendi. Ita post Estium in 4 dist. 14, § 3. Labat, Prado, et alii recentiores tam intra quam extra scholam D. Thomæ.

147. Hæc tamen expositio minime arri-
det. Tum quia ille loquendi modus est
decisivus, et affirmativus; decernit quippe
esse aliquid addendum, et in hoc nihil
desert discursibus, et Theologorum opinio-
nibus; sed tantummodo quid sit superad-
dendum oculuit (quidquid illud fuerit)
et hoc tantummodo reservat a Theologis
decendum. Constat autem ex communni
Theologorum assensu invocationis trinitatis
non esse necessariam, nec consequenter
addendam : relinquitur ergo ex mente
Concilii superaddendum esse particulam
a peccatis cum alia non supersit, et aliquid
super adjiciendum doceat. Probatur hæc
Consequentia : nam Concilia illo loquendi
modo aliquid superaddendum docent; alias
inutilis, et omnino superflua foret appositi-
llarum vocum *et cætera* : sed nihil super-
addendum restat præter voces illas *a peccatis*,
quando quidem omnia alia subsequentia
penitus ab omnibus extra essentiam
formæ collocantur : ergo necessarium est
asserere ex Conciliorum mente non esse
exclusam particulam *a peccatis*. Tum
etiam : quoniam æque voluntarium, ac a
veritate alienum existimamus eo loquendi
modo se excusisse Concilia ab opinionibus
Theologorum, quasi inter eos ventilandis;
cum potius ita se gessisse, compendio, aut
brevitatis ergo sit longe verius, et ita
certum, ut quamlibet dubitandi rationem
excludat : non ergo eo loquendi modo
abstinuisse voluere Concilia, ut obtenditur

ab opinionibus Theologorum, sed compen-
dio, et brevitatis causa reliquerunt ut
indubium aliquid additum iri essentiale
pro absolutionis forma.

Antecedens non aliunde melius proba-
tur, quam ex ipsomet Concilio Tridentino
(idem omnino est de Florentino) in eadem
met sess. 14, cui est appendix doctrina de
Extrema unctione post cap. 9, de *Operibus
satisfactionis*. Capite ergo primo de Ex-
trema unctione ad ipsius formam accedens
inquit : *Formam deinde esse illa verba : Per
istam unctionem, etc., omnia et alia alto
silentio præteriens. Ubi evidenter constat
eundem servasse modum proferendi non
omnia essentialia, sed aliqua proferendi
expresse, alia vero indicandi ut indubie
necessaria ad essentiam formæ, quin vel
apparenter quis suspicari possit oppositum
ut de mente Concilii : ergo idem, et ob
eamdem omnino rationem dicendum est
de mente Concilii circa absolutionem sa-
cramentalem, et consequenter per illas
voces *et cætera* non se exemisse Concilium
a diversitate opinionum, sed brevitatis
causa apposuisse, et oppositum affirmare
est falsum et prorsus voluntarium absque
ullo in Concilio fundamento.*

Quod enim quis obtendere posset nimirum
in illis verbis *Ego te absolvō* reddi sen-
sum perfectum ; secus vero in istis, *Per
istam unctionem, etc.*, protinus corruit.
Tum quia si ille sensus esset ita perfectus,
ut prætenditur, superflue adderetur
et cætera in prima forma sicut necessario
additur in secunda ob imperfectionem
sensus. Tum et maxime nam adhuc positio
illo perfecto sensu, addidit Concilium *ly*
et cætera : ergo censuit aliquid addendum
contineri sub illa particula ; sicut adden-
dum est necessario in illa verba : *Per istam
unctionem, etc.*, quippe eandem energiam
servat utrobique illamet particula *et cæ-
tera*, et ejusdem omnino rationis est, nisi
voluntarie magis in una, quam in alia de-
torqueatur.

148. Aliorum solutio, quæ apud recen-
tiores Thomistas satis invaluit, est, appo-
sitionem illius particulæ *et cætera* indicare
sub illis contentum pertinere quidem ad
partem integralem absolutionis, non vero
esse illius partem essentiale. Si autem
eos per contemur, quid sibi velint in præ-
senti hac partium differentia ? Respondent
uniformiter cum Joann. a S. Thoma, et
Martinez de Prado ubi supra, partes es-
sentiales requiri, et sufficere ad valorem,

Aliorum
solutio.

Joan. a
S.Thom.
Prado.

seu essentiam Sacramenti; partes vero integrales desiderari ad fructum ipsius. Quocirca partes essentiales absolutionis sunt illa verba: *Ego te absolvō*, partes vero integrales alia videlicet *a peccatis tuis*. Fructus autem Sacramenti non adest, usquequaque tam partes essentiales, quam integrales expresse apponantur, et proferantur. Et reddunt rationem, quod licet aliae illarum partium sint essentiales, aliae vero integrales; omnes tamen sunt de substantia Sacramenti, quin aliqua sit accidentalis: et consequenter una debet concurrere ad Sacmentum substantialiter integrandum, subindeque ipsius fructum obtainendum.

Illarum ratio.

Displi-
cet.

D.Thom.

149. Sed nec etiam ista solutio satisfacit: nam licet ea partium essentialium, et integralium distinctio in se vera sit, ut liquet in compositis naturalibus, utputa homine, in quo necessarium est distinctiōnem admittere; et hinc transferatur ad artificialia qualia sunt Sacra menta, inepte tamen quoad præsens applicatur; quoniam semel atque *Ly a peccatis* non pertinerent essentialiter ad absolutionem; nec etiam se haberent ad instar partis integralis. Tum quia Concilium nullum præstat fundamentum ad eam distinctionem ex parte formæ adstruendam. Totam enim partium diversitatem ad materiam, et formam reducit; materiam autem subdividit ut in sui partes in contritionem, confessionem, et satisfactionem, nulla mentione facta partium ex parte formæ, ut constat ex sepe allegata sess. 14, cap. 1, et can. 4. Quod etiam observavimus in D. Thoma infra quæst. 90, art. 2, ubi meminit illius distinctionis partium, et in forma nulla integralium agnoscit Verba S. Doctoris: *Respondeo dicendum quod duplex est pars, ut dicitur in 5 Metaph. scilicet pars essentiæ, et pars quantitatis. Partes essentiæ sunt natura- liter quidem forma, et materia, logice autem est genus, et differentia. Hoc autem modo quodlibet Sacmentum distinguitur in materiam, et formam, sicut in partes essentiæ. Unde et supra dictum est, quod sacramenta consistunt in rebus, et verbis. Sed quia quantitas se tenet ex parte materiæ, partes quantitatis sunt par- tes materiæ. Et hoc modo Sacmento Pœnitentiaz specialiter assignantur partes (ut dic- tum est) quantum ad actus pœnitentis, quia sunt materia hujus Sacramenti. Nullam ergo diversitatem partium integralium ex parte formæ deferre possumus S. Doctoris alumni huic Sacmento, quin manifeste ipsius verbis, et menti contradicamus;*

cum speciale sit hujus Sacramenti habere partes integrales tantummodo ex parte ma- teriæ, non vero ex parte formæ. Et con- sequenter doctrina illarum partium alias vera, et apprime necessaria claudicat in præsenti ob non rectam applicationem.

Tum etiam, quia de ratione partis in- Urget
tegralis ut condistinctæ ab essentiali est ut proprius aliquis effectus distinctus ab es-entiali ipsi respondeat, quo quidem effectus essentialis integretur, ut patet in satisfactione, quæ quia obiit munus partis integrantis Pœnitentiam ipsi defertur ali- quis proprius effectus, qui non competit aliis, utputa vel augmentum gratiæ, vel major remissio pœnæ, ut supra tetigimus ex Cajetano, et infra magis expendemus. Id quod etiam liquet in partibus integrantibus homines (quo exemplo utuntur etiam adversarii) nulla enim illarum est, quæ propriam operationem ab operatione alia- rum partium distinctam non habeat, ut constat in corde, cerebro, brachiis, etc. Sed hactenus non fuit assignatus aliquis ef- fectus, qui competit illis verbis *A peccatis tuis*, præ illis, *Ego te absolvō*. Ergo illa verba *A peccatis tuis* non subeunt rationem partis integralis. Minor constat: quoniam ille effectus vel est remissio culpæ, et hic est etiam proprius absolutionis; vel est augmentum gratiæ, et hoc non est, cur ab- solutioni denegetur; vel diminutio pœnæ, quam sola particula *a peccatis* nequit cau- sare, adhuc supposita absolutione, cum non sit nisi expressio materiæ Sacramenti, ut non supponat pro aliis, sed determinate pro culpis absolwendis: ergo non est ef- fectus proprius *absolutionis*, qui sit diver- sus ab effectu illorum verborum *a pecca- tis* vel designetur.

Tum denique, quia non est contra ratio- Uterio
Impu-
gnatio
nem partis integralis sacramentalis supponere effectum proprium, et essentialiem Sacramenti; imo de ejus ratione est ip- sum supponere sicut et essentiam, et partium essentialium constitutionem. Sed verba illa *a peccatis* non supponunt effec- tum proprium, et essentialiem absolutionis. Ergo nequeunt esse partes integrales ab- solutionis. Consequentia legitime infertur ex præmissis, quarum Majorem satis probat exemplum satisfactionis, quæ est pars integralis Pœnitentiæ; siquidem satisfac- tionem dum supponit essentiam Sacramenti, sed etiam remissionem culpæ media infu- sione gratiæ; quocirca solum collimat ut in proprium scopum ad luendam pœnam,

et

et reatum culpæ extinguendum, vel in quid simile : Minor etiam constat ex ipsomet Authoribus ea distinctione utentiibus : quippe omnes asserunt nondum esse absolutionem culpæ, usque dum verba *a peccatis* proferantur. Unde vel inconsequenter procedunt, vel asserere debent prædicta verba esse Sacramento essentialia; non enim recte cohereret esse partem integralem, et non supponere essentialiam, et fructum Sacramento essentialiem. Recolantur quæ diximus, et expendimus loco supra citato de Eucharist, ubi hanc distinctionem partium essentialium, et integralium etiam ibi ut male applicatam repulimus.

150. Unde constat non interesse rationem ab illis Authoribus traditam. Nam licet partes integrales non accidentales, sed substanciales dici debeant, et sint ; est tamen falsitati obnoxium, partes integrales, præire debere effectum essentialiem Sacramenti : quia sicut de illarum ratione est integrare, et quasi complere Sacramentum, ne mutilum, et imperfectum maneat, ita etiam est supponere et essentialiam et fructum Sacramenti. Atque ideo dum Concilium addidit illa verba *et cætera* sub eodem tenore, sicut voluit indicare sub illis contentum præcedere effectum ; ut ipsi concedunt ; consequenter etiam docuit ad essentialiam, et non ad integratatem, ut intendimus pertinere. Et ratio est : quia posita significacione essentiali Sacramenti, statim in ipsomet terminationis punto adest illius effectus essentialis ; non enim ad effectum sibi essentialiem præstolatur quod est extra essentialiam ; sed ad instar agentis naturalis necessario operantis se habet : alioquin enim decedens ante partium integralium positionem, cum solo Sacramento quoad essentialia, migraret absque ejus fructu, quod videtur et absurdum, et durum. Si ergo Concilium, ut ipsi explicant, voluit non conferri fructum absolutionis ante prolationem illorum verborum *A peccatis*, signum est prædicta verba inter Sacramento essentialia annumerasse, non vero ad partes integrales reduxisse.

151. Hinc occluditur aliorum effugium (quibus suppetias veniunt Contenson in Præsenti dissert. unica, cap. 1, speculat. 3, prope initium, Labat. disp. 3, et alii) assentientia eo locutionis modo usa fuisse Concilia, ut ostenderent reliqua verba præter : *Ego te absolvo*, esse necessaria necessitate præcepti, ut omitti absque peccato

non possent ; non vero quia illa ut essentialia cum cæteris computarent.

Hoc, inquam, effugium facile occluditur : tum, quia nullum est indicium in Conciliis talis præcepti, ac subinde illud statuere ut ex mente Concilii potius est divinare, quam aliquid firmum asserere. Et sane si ita res esset, eodem modo posset quis affirmare formam extremæ unctionis esse illa dumtaxat verba : *Per istam unctionem*; reliqua vero contenta sub ly *et cætera* addita a Conciliis non esse essentialia, sed sub præcepto tantummodo obligare. Quod est evidenter falsum. Et ratio est eadem : quia eum loquendi modum observarunt Concilia pro forma utriusque sacramenti, ut ponderavimus supra et constat ex ipso textu ; et consequenter, vel in utroque vel in neutro illud præceptum statuendum est. Tum etiam, quia præceptum sicut supponit libertatem ex parte personæ, ita non cadit supra aliam materiam, quam liberam ex parte objecti : sed juxta contextum Concilii, et modum loquendi, contentum sub ly *et cætera* non est materia libera respectu formæ absolutionis : ergo non cadit sub præcepto distincto a prolatione formæ. Minor, in qua esse potest difficultas, probatur : quia contentum sub illis verbis, *et cætera* copulatur, et conjungitur cum verbis antecedentibus : *Ego te absolvo*, ad eum sane modum, quo se gerit Concilium in assignanda forma Extremæ-unctionis : sed nullus hactenus docuit verba contenta sub ly *et cætera* in Sacramento Extremæ-unctionis esse libera ad ipsius formam : ergo non est asserendum esse similiter libera pro forma Pœnitentiæ verba contenta sub ly *et cætera*. Unde si quod est præceptum, non est distinctum a præcepto ipso absolutionis supposita legitima confessione pœnitentis, sed in idem cum illo recedit.

152. Porro hoc, et alia relata opposite opinantium subterfugia prosternere possumus sequenti discursu : etenim sicut non est in alterius a Christo potestate Sacramentorum formas decernere, ac præfigere, ita non est nisi Sacrorum Conciliorum eas explicare, et observandas, ac tenendas in Ecclesia authoritative proponere. Theologis autem licet quidam opinari, et difficultatibus occurgere, et quæ conformia fuerint, et Christi, et Conciliorum verbis, rimari, et in publicum eruere. Unde ex sententiis inter se dissidentibus illa præeligaenda est, quæ conformior fuerit Concilio-

rum verbis sincere, et plane intellectis, dummodo alias absurdum non sequatur, aut inconveniens aliquod non devoretur: id enim postulat et veritatis amor, et sincerum addiscendi studium; nam quæ ex aliena institutione pendent, non nostris discursibus medienda sunt, sed prout verba indicant accipienda, ablegatis interpretationibus, et expositionibus voluntariis; alioqui enim nihil firmum, aut fere certum ex Conciliis, imo nec ex Scriptura posset deduci. Constat autem sententiam a nobis propositam esse conformiorem sensui, et verbis Conciliorum plane, sincere, et ut communiter proferuntur, intellectis, nec ex hac sententia, sequitur absurdum, aut imminet periculum cum tamen ex oppositis satis urgens immineat, et ad illud vitandum preavere cogantur adversariorum plerique, et fere omnes, ne particula *a peccatis*, omittatur ob periculum frustrationis: ergo asserendum est ex mente Conciliorum illa verba *a peccatis* ut expresse prolatæ pertinere ad essentiam absolutonis.

Confirm. Confirmatur, et explicatur ex D. Thoma **ex D.** opusc. 22, cap. 1, ubi contra Doctorem **Thom.** negantem absolutionis formam, et sensum ab Ecclesia receptum ita arguit: *Apostolus 2 ad Corinth. cap. 2, dicit: Ego quod donavi, si quid donavi, propter vos in persona Christi. Gloss. si ergo Magister petitione discipulorum donavit, cui voluerint, peccatum, multo magis discipuli prece Magistri idem facere debent. Et ut ratum ei cui donavit, ostenderet apud Deum, subdit. Et hoc feci in persona Christi, id est, ac si ipse Christus donaret. Donare autem peccatum est absolvere a peccato: ergo convenienter minister dicit: Ego te absolvō a peccato.* Ex quo discursu magis perspicue habemus primo non esse extra essentiam absolutionis illa verba *a peccatis*, idque esse de mente D. Thomæ; alioqui enim non bene impugnasset S. Doctor illum Theologum negantem, et essentiam, et sensum formæ absolvendi. Habemus secundo vocem illam *convenienter* in consequenti positum non usurpasse S. Doctorem pro quocumque convenientiae modo, sed essentiali, quasi inferret: ergo convenienter absolutionis essentia explicatur his verbis: *Ego te absolvō a peccatis.* Ad eum sane modum quo docet Baptismi formam convenienter exprimi illis: *Ego te baptizo, etc.* Cum enim Sacra-menta sint quid artificiale, et ad placitum Christi institutoris; nequit aptius explicari

eorum quidditas, quam exponendo verborum convenientiam ex parte formæ ad finem proprium cuiuslibet eorum. Unde cum Pœnitentia, et ejus forma non aliud primarium scopum habeant, quam culpæ remissionem, et Dei ac hominis reconciliationem, idem erit dicere, et inferre apud S. Doctorem: *Ergo convenienter dicit minister: Ego te absolvō a peccato*, ac docere convenienter assignari absolutionis essentiam illis verbis, et consequenter omnia illa esse de ejus essentia. Et sane si hæc non fuisset S. Doctoris mens, neutiquam adversarium profligasset.

153. Nec refert aliis locis ut in 4 sentent. et in hoc articulo ubi ad absolutionis essentiam explicandam se accinxit, et data opera ei incubuit, non meminisse S. Doctorem illarum vocum *a peccatis*. Quia nullibi S. Doctor illas exclusit, quinimo clare, et manifeste admisit, ut evidenter constat ex iisdem locis, maxime vero ex art. 3, in quo versamur, ubi, rescissis aliis, hæc formalia verba habentur: *Hoc Sacramentum consistit in remotione cuiusdam materiæ, scilicet peccati, prout peccata dicuntur esse materia Pœnitentiaz: tatis autem remotio explicatur per absolutionem.* Ex quibus aperte sequitur peccatorum remotionem semper importari per absolutionem: non ergo exclusit S. Doctor peccata ab absolutione. Unde nequeunt non ex ipsis mente pertinere essentialiter ad absolutionis essentiam.

154. Nec iterum refert, si opponas, quæ hactenus expendimus ex Conciliis, si quid probant, id tandem efficere, ut non solum prædicta verba expresse prolatæ, sint de essentia absolutionis, sed etiam quod sit de absolutionis essentia; quod expresse proferantur. Consequens est falsum: ergo etiam est falsum prædicta verba pertinere ad absolutionis essentiam. Probatur Major eodem argumento, quod supra usi sumus: nam juxta seriem contextus ultra verba illa: *te absolvō*, docet Sancta Synodus aliquid aliud esse proferendum, illud nimirum quod continetur sub ly et cætera: hoc autem nequit aliud esse quam ly *a peccatis*: ergo vel nihil probamus ex Concilii Trident. testimonio, vel ex ejus mente elicitor pertinere ad essentiam absolutionis aliqua alia verba proferre præter *Ego te absolvō*. Falsitas autem Consequentis ex se manifestatur, et ex D. Thoma in hoc articulo, ubi post verba nuper relata, addidit: *Talis autem remotio significatur a Sacerdote, cum dicitur:*

Object
ex eo-
dem
D.Thom
diluitai

Alter
objectio.

*dicitur : Ego te abservo : ergo ex mente D. Thomæ per sola illa verba *ego te abservo* absque aliis adjectis significatur essentialiter peccatorum remissio : non ergo est de essentia absolutionis, quod alia a predictis verbis proferantur.*

155. Propter hanc objectionem non desunt Authores graves intra Scholam D. Thomæ, quibus placeat illatio, prout jacet, quocirca docent nullum esse absolutionem datum sub illis tantum verbis : *Ego te abservo*. Hi sunt Paludanus, Petrus Soto, Aversa, et alii relati a Prado in praesenti dub. 4, n. 26. Juxta quam sententiam tam verum est esse de absolutionis essentia omnia ista verba : *Ego te abservo a peccatis tuis*, quam quod omnia illa debeant expresse proferri. Et inter has propositiones nullam agnoscunt rationis differentiam. Et profecto ita res dicenda videbatur, si ex adverso non staret principium aliud æque solidum, ac ab omnibus receptum, supra ex D. Thoma indicatum, nimirum in Sacramentorum verbis non tam ad sonum, quam ad sensum aciem dirigi oportere, atque ideo dummodo idem formalis sensus semper retineatur, nihil referre, quod verba materialiter vel supprimantur, vel explicentur, si tamen vera juxta communem acceptancem ibi intelligantur. Quod quidem principium sancitum videtur ab Eugenio IV, in decreto Unionis Concilii Florentini, ubi ad valorem Baptismi solum spectasse conspicitur ad formalem verborum significacionem nihil habens materialem eorum mutationem, dum asserit non tantum per ea verba *ego te baptizo*, sed etiam per alia verum confici Baptismum, si eundem sensum retineant, ut constat ex illis verbis : *Non negamus tamen, quin et per illa verba baptizentur, etc.*, verum perfici Baptisma.

156. Sane ex isto principio indubie colligitur essentiam formæ dupliciter explicari posse; vel per verba communia, et communiter recepta, vel per verba æquipollentia. Et hoc adhuc dupliciter, vel ita ut verba verbis æquipolleant, quod fit unum verbum alterius loco substituendo, ut si dices : *Remitto tibi*, loco illorum *abservo te*: vel taliter quod æquipollentia sit tantummodo quoad sensum formalem; non vero quoad voces materiales, ita ut vox voci correspondeat. Alterutro enim horum modorum fiat æquipollentia, non detrahitur essentiae formæ, nec consequenter desinunt ipsi esse essentialia, vel implicite,

vel explicite verba ipsam constituentia, eo modo quo ab ipsa vel implicite, vel explicite importantur, ut constat in Petro, cuius essentia est esse hominem, in quo implicite continentur haec voces *animal*, et *rationale*, quin aliqua illarum explicite posita sit extra essentiam hominis, licet non semper explicite apponantur. Quocirca idem est formaliter Petrum esse hominem, ac esse animal rationale, quamvis non semper explicentur conceptus *animalis*, et conceptus *rationalis*; semper tamen atque explicantur sunt de essentia Petri.

Qua observatione a nemine, ut credimus neganda, facile omnia conciliantur, et explicantur. Siquidem Concilia licet præfixerint pro formis Sacramentorum verba determinata; non tamen excludere voluerunt æquipollentia in utroque sensu nuper indicato, ut constat ex Florentino in decreto Eugenii. Sed sensus illorum est, semper esse de essentia formæ vel explicite, si explicite importantur, vel implicite, si implicite, et æquipollenter significantur. Nam ut supra audivimus a divo Thoma; D.Thom. verba non pertinent ad formam Sacra menti nisi ratione sensus significati, seu prout induunt rationem signi: atque ideo dummodo sin eadem in ratione signi formaliter, non refert materialis alia variatio.

157. Unde ad formam objectionis neganda est illatio, quam non recte probari constat ex ipsomet exemplo Concilii Florentini, ex quo liquet, quod licet omnia illa verba : *Ego te baptizo*, etc., sint essentialia formæ: non tamen est ipsi formæ essentiale, quod his determinate verbis profertur; hoc enim non negat Concilium, quin asserit, dicens : *Non negamus tamen*. Unde licet Concilium Tridentinum asseruerit omnia ista verba : *Ego te abservo a peccatis tuis*, esse formæ Pœnitentiae essentialia, ut revera asseruerit; non tamen ideo negavit non posse sub aliis verbis illam formam explicari, et consequenter ad haec stante veritate illius propositionis ab ipso assertæ, stat veritas hujus : *Non est de essentia absolutionis, quod sub his determinate verbis ut explicite appositis proferatur*. Et constat etiam exemplo Petri, cuius essentia est, quod sit homo, non tamen est de ejus essentia, quod per has voces explicetur, sed vel per has, vel per animal rationale, aut alias.

Ad hujus improbationem constat ex se cunda observatione de duplice æquipollen tia, vel quoad sensum, et verba simul, vel

Conciliantur supra dicta.

Objectionis forma diruitur.

Probatio diluta.

Ratio.

tantum quoad sensum : ex quibus secundam concedimus illis verbis : *Ego te absolvo*, quia ibi subintelliguntur peccata. Et ratio est : quia ly a *peccatis* duplicit potest significari : vel explicite in se ipso, et hoc modo postulat expressionem omnium verborum, et omnia pertinent explicite ad essentiam absolutionis expressius significatam. Vel importantur implicite in circstantiis Confessionis præsuppositæ, et hoc pacto implicite ad absolutionem pertinent. Hoc autem non ideo est ut multi adversariorum existimant, quod ly a *peccatis* non sit de absolutionis essentia; sed quia non est de ejus essentia, quod semper explicitur; nec ex eo quod quando explicantur non pertineant explicite ad ejus essentiam; quando quidem prout sic explicite eundem formalem sensum retinent. Quod credimus attendisse Angelicum Præceptorem dum loco a nobis allegato expresse in absolutione posuit, a *peccato*, in hoc vero articulo, et aliis locis illius expressam mentionem non fecit in *Consequentia*, licet in præmissis peccatorum meminisset; quasi doceret illam particulam semper esse de absolutionis essentia vel implicite, vel explicite, modo explicato. Unde constat ad probationem in contrarium desumptam ex S. Doctore, et constat similiter differentia harum propositionum : *De essentia absolutionis est particula a peccatis eo modo quo importatur ab absolutione*. De essentia absolutionis est, quod explicite apponantur, quarum prima est vera, et docta a Concilio; secunda vero falsa, et non de illius mente. Quod quia non observarunt Authores illi; unam et alteram veram censuerunt.

Nisi mavis S. Doctorem in hoc articulo non in alium scopum collimasse, quam statuere formam absolutionis impensam iri sub modo indicativo, non vero deprecativo, ut constat ex contextu, et processu articuli. Ad quod non oportebat mentionem facere aliorum verborum. Quocirca in argumento. *Sed contra* et in ipso corpore articuli asseruit formam Baptismi esse illa verba : *Ego te baptizo*, cum tamen alia supersint necessaria : et in hoc sensu usurpavit illa : *Ego te absolvo*, non excludendo reliquas.

Confirm.

158. Quæ omnia roborare, et explicare possumus exemplo consecrationis calicis, cuius omnia verba sunt de essentia illius formæ; aliter tamen, et aliter; siquidem illorum aliqua ita sunt de ejus essentia, ut expresse proferri debeant, cum sint prima,

et non sint alia in quibus implicari valeant, qualia sunt hæc : *Hic est calix Sanguinis mei*, reliquia vero : *externi testamenti, mysterium fidei* quæ in aliis contineri, et importari possunt, quamvis ad essentia formam pertineant; non tamen ita est de essentia formæ illorum expressio, quod absque illis explicite prolatis non subsistat veritas Sacramenti. Semel autem atque explicentur, ad essentiam illius expresse pertinent, ut constat ex dictis loco citato de Eucharistia, et in hac ipsa materia, quam versamus, immediatus elucet. Nam nomen *Ego* essentialiter pertinet ad absolutionem; licet non sit essentialiter requisitum, quod expresse ponatur, quia includitur in verbo *absolvo*.

§ II.

Referuntur adversæ sententiæ.

159. Triplicem, eamque invicem oppositam in hac parte sententiam enumerat Prado in præsenti dub. 4. Quarum prima docet essentiam absolutionis salvati in illis verbis : *Ego te absolvo*, quin aliquid aliud superaddatur. Pro qua referuntur D. Antonius 3 p. tit. 17, cap. 21, § 1. Innocentius, Hostiensis ibi allegati, Cajetanus in summa verbo *absolutio*. Sylvester verbo *absolutio* 6. Soto in 4, dist. 14, q. 1, ar. 3. Armilla in summa n. 4. Victoria q. 106. Petrus de Ledesma tract. 4 de Pœnit. cap. 3. Nuno in præsenti, dub. 3. Arauxo ibidem, Gonet. art. 1, pro qua etiam deferrunt D. Thomas in præsenti, quatenus nullius alterius verbi fecit mentionem, quam illorum *ego te absolvo*, pro forma pœnitentiæ, quod non est credibile fecisse sanctus Doctor, quin diminute processerit, si verba alia necessaria omisisset. Cui accedit Catechismus Romanus part. 2, de Sacram. Pœnit. cap. 15, non alia usurpans, quam illa verba : *Ego te absolvo*, eaque esse perfectam hujus Sacramenti formam ad finem capitis diserte affirmat. Hinc alii plures extra scholam D. Thomæ, quos refert, et sequitur N. Franciscus in præsenti, absolute prædictam sententiam defendunt.

Sed profecto omnes isti Authores, et alii plures, qui possent recenseri, si recte intelligantur, non censendi sunt adversi in eo, quod affirmant; et cum alias non expresse doceant oppositum nostræ assertio-
nis, non est cur contra eos procedatur, et
quod

Tripli
adver
sentia
tia.
Prima
tene
D. A
toni
Inno
cius
Hosti
sis
Cajet
Sylv
ter
Soto
Armi
Victor
Petr
de L
desm
Num
Arau
Gone

N. Fr
ciscu
adver

quod attinet ad Doctorem Angelicum manifestum est utroque loco, ubi rem discutere intendebat ita se gessisse, ut in primo ex opusculo s^ep^ee in hac disputatione allegato expressam mentionem fecerit peccati (quod Martinez in littera D. Thomae versatissimum non advertisse miramur, dum ait nullibi S. Doctorem meminisse illius verbi *a peccatis*). In secundo autem verum est subticuisse illud verbum. Sed hoc nobis argumento est idem formaliter esse apud D. Doctorem unam, ac aliam formam, et se invicem æquipollere, atque ideo non debere negari particulam *a peccatis* ex mente D. Thomae alterutro, imo utro ex iis modis pertinere ad absolutionis essentiam. Vel assignetur locus, in quo S. Doctor positive illius expressam probationem excluderit, quasi minime ingredientem constitutionem essentialē absolutionis. Et idem dicendum existimamus de Catechismo; non enim exclusit particulam *a peccatis*, sed tantummodo docuit eam esse perfectam formam, ratione videlicet æquipollentiae supra expositæ. Cum quo cohæret, quod si ea verba expresse recitentur, cuncta illa constituant essentialiter formam; siquidem expresse affirmant, quod implicitè in alia continebantur. Cujus aptum exemplum est superius adductum Petri sub ratione *hominis*, vel sub ratione *animalis rationalis* explicati.

160. Unde constat, si quod est discri-
men hujus a nostra sententia, in eo dum-
taxat versari, quod nos affirmemus præ-
dicta verba ut expresse apposita pertinere
ad essentiam absolutionis: quod tamen illi
non tam expresse docent, quamvis non
positive excludant, solum intenti ut pro
essentiali forma adstruerent illa: *Ego te ab-
solvo*, ob æquipollentiam aliis expressiori-
bus ibi subintellectis. Quod et nos ultronei
fatemur, quin descendamus a prima; quando
quidem ejus formæ essentia potest
sub his, vel sub aliis verbis disertius ex-
primi eodem formali sensu utrobique re-
tentio; et quod sub istis verbis implicabatur,
sub aliis expresse ad essentiae formam
pertineat, cuius innumera suppetunt exem-
pla, quæ omittimus, ut ex istius sententiæ
argumentis rem efficacius monstremus.

161. Arguitur ergo ex P. Suarez disp.
19, sect. 1, n. 21. Nam supposita Con-
fessione illa verba: *Ego te absolvō*, satis de-
terminata gaudent significatione; solet enim
materia determinare formam, et
forma materiam. Cum ergo hæc forma sit

veluti sententia super hanc accusationem
prolata, satis determinate significat absolu-
tionem in tali causa, et materia: ergo
significat absolutionem *a peccatis*, etiam
si illud verbum *a peccatis* formæ non ap-
ponatur. Et confirmatur: quoniam in ju-
dicio humano non oportet in sententia
exprimi culpam, sed audita accusatione, et
tota causa, judex fert sententiam vel abso-
lutionis, vel damnationis, qua vel immuni-
nis, vel tali poena dignus declaratur reus:
ergo similiter in præsenti. Præterquam
quod verbum *absolvo* absolute prolatum,
quasi per antonomasiam, et juxta commu-
nem sensum non aliud, quam internam
absolutionem significat.

162. Sed certe fundamentum istud si
ad amussim foret discutiendum, plura in
eo notatione digna invenirentur, nam
prima illius propositio dubia est, negatur
a pluribus: nam adhuc supposita Confes-
sione verbum *absolvo* remanet indifferens,
vel ad consuras, vel ad debita aliena, vel
ad propria alia, quæ non sunt peccata.
Unde nisi restringatur aliunde ad peccata,
nondum intelligitur Sacramentalis absolu-
tio. Et quidem si ita esset, ut opinatur
Suarez, prorsus inutilis, ac superflua esset
adjectio Conciliorum per ly et cætera:
quando quidem nihil superesset essentialē
absolutioni, ut supra ponderavimus. Adde
quod ut bene docet Lugo, verba Sacra-
mentalia debent esse talia ut excludant indif-
ferentiam; quia Christus voluit formam
hujus Sacramenti esse talem ut secundam
se ipsa verba significant sufficienter. Ita ad
verbum disp. 13, sect. 1, n. 25, et ratio-
nem tradiderat immediate, quoniam si
conveniret illis significatio ex circumstan-
tiis, significatio non tribueretur solis verbis,
sed etiam eircunstantiis, quod est contra
Christi institutionem.

Est im-
becille.

Lugo.

Nec firmior est secunda propositio, quod
materia soleat determinare formam, et
forma materiam. Cujus oppositum statuit
D. Thomas supra quæst. 60, art. 7, hac
ratione: *In omnibus compositis ex materia,
et forma principium determinationis est ex
parte formæ, quæ est quodammodo finis, et
terminus materia: et ideo principalius requiri-
tur ad esse rei determinata forma, quam
determinata materia: materia enim determi-
nata (non a forma, sed aliunde) requiritur,
ut sit proportionaliter determinata formæ. Cum
igitur in Sacramentis requirantur determi-
nata res sensibiles, quæ se habent in Sacra-
mentis sicut materia, multo magis requiritur*

Contra
D.Thom.

in eis determinata forma verborum. Ubi ut vides, formalis determinatio non in materiam, sed in ipsam formam revocatur a S. Doctore, nec illam mutuam materie ad formam determinationem a Suario positam admisit, quin art. immediate praecedent determinationem formae, et indifferentiam detulit materiae; *Aqua enim* (inquit rem explicans exemplo Baptismi) *significare potest, et ablutionem propter sui humiditatem, et refrigerium propter sui frigiditatem.* Sed cum dicitur: *Ego te baptizo, manifestatur, quod aqua utimur in baptismō ad significandam emundationem spiritualem.* Determinatio ergo Sacramentalis ex parte formae venari debet, et non in materiam erga formam reduci: quoniam materiae determinatio non refunditur in formam, sed e converso, ut modo nos docuit D. Thomas.

Fallit
Consequen-
tia.

163. Unde Consequentia illata a P. Suarez non ex illo principio ut ab ipso accepto, sed ex alio longe diverso, et verius applicato, quod nobis subministrat Angelicus

D.Thom. Doctor, deducenda est, nimirum, quia sicut Augustinus dicit (verba sunt S. Doctoris in art. citato ad 1), super Joan. *Verbum operatur in sacramentis, non quia dicuntur, id est, non secundum exteriorem sonum vocis, sed quia creditur, id est, secundum sensum verborum, qui fide tenetur.* Et hic quidem sensus est idem apud omnes, licet non eadem voces sint. Quia ergo idem formalis sensus est in absolutione, sive exprimantur peccata, sive subticeantur, et subintelligantur; idcirco eadem est formaliter absolutio, illis subintellectis, aut expressis. Quo fit consequens unam alteri aequipollere, et consequenter, sive ut expresse importata peccata, sive ut subintellecta semper ad essentiam absolutionis pertinere. Id quod vel ipso Confirmationis exemplo, quo ititur Suarez comprobatur: nam licet in iudicio humano ad ferendam sententiam non semper delicta exprimantur, et hoc pacto non sit de ejus essentia illorum manifesta prolatione; semper tamen atque explicitur ad ipsam essentialiter pertinent, et ita contingit in praesenti.

Præterquam quod judicii humani a poenitentiali est latum discriminem quoad plura alia nulli indubia; et idcirco nec quoad hoc trahi potest argumentum efficax ex uno ad aliud. Sed sola voluntas divina habenda est pro regula in foro Poenitentiae. Ex hac autem constat interdum peccatorum memiuisse, ut cum Joan. 20 dicitur:

Quorum remiseritis peccata remittuntur eis,

et quorum retinueritis retenta sunt; interdum vero ut subintellecta reliquisse, ut cum apud Matth. 16 commissum est Petrus: *Quodcumque ligaveris super terram, erit ligatum et in celis; et quodcumque solveris super terram, erit solutum et in celis.* Ex quibus haud obscure colligitur, sive implicite, sive explicite importentur peccata in absolutione, semper ad ejus essentiam pertinere. Unde qui docent in illis verbis: *Ego te abservo, essentiam absolutionis sacramentalis consistere, non idcirco negare convincuntur, particulam a peccatis expresse appositam esse extra ejus essentiam; sicut e converso, qui asserunt ly a peccatis esse de essentia absolutionis non ideo negant essentiam absolutionis etiam salvari in solis illis verbis: Ego te abservo, in quibus subintelliguntur peccata, et utrobique salvatur idem formalis sensus propositionis; qui quidem est apud omnes idem, licet voces sint diversae, ut inquietat D. Thomas.*

164. Nec refert essentiam consistere in indivisibili, atque ideo nullam ipsis posse fieri additionem essentialiem. Nam hoc verum est de essentia objective, et quoad sensum significata, quomodo subire nequit adjectionem essentialiem; secus autem est de verbis eam significantibus, vel implicite, vel explicite, ut suadet exemplum supra adductum de Petro, cuius essentia explicari potest per esse dumtaxat hominem, vel per animal rationale, quin nec homo, nec animal rationale extrahantur ab essentia hominis implicite, vel explicite significati. Quo exemplo redunduntur argumenta omnia in oppositum, quin opus sit omnia illa singillatim percurrere, maxime cum eorum vis in unum, et idem caput reducatur, quod nimirum in verbo *absolvo* sufficienter aliarum vocum splendeat energia, ut videre est in Lugo disp. 13, sect. 1, num. 18, et inter discipulos D. Thomae in Nuno, Candido, et Gonet. Quibus cum asserimus identitatem formalis sensus, qui quidem sufficit ad essentiam, et valorem Sacramenti; sed non ideo excludendum censemus ab essentia formae, dum exprimitur ly a peccatis ob rationem saepe dictam, depromptam ex doctrina, et loquendi modo Conciliorum.

165. Secunda sententia extreme opposita intedit, quod vox illa a peccatis ita est de essentia absolutionis, ut absque illius formalis appositione, non subsistat vera Sacramentalis absolutio. Eam præ-

Præ-
dictar
instan-
tia.

Lugo.
Nuno.
Candido.
Gonet.

Secunda
senten-
tia.

Aversa. *caeteris urgere, ac promovere assumpsit*
 Aversa, ubi supra, tum ex Concilio Tridentino, tum a ratione, ut videre est apud Prado. Prado, dub. 4, n. 27. Omnia tamen ejus argumenta consulto omittenda diximus, quia solum probat *ly a peccatis esse essentiale formae*; non tamen evincunt esse essentiale formae, quod semper explicentur, et seorsim proferantur. Hoc enim Concilia non docuere, sed loco illorum alia æquivalentia vel quoad sensum, vel quoad voces substitui posse permisere, ut constat ex supra dictis; unde vel negari debet principium illud D. Thomæ ab omnibus aliis Theologis receptum quod magis sensus, quam sonus vocis sit attendendus; vel eo ut par est, admisso concedi debet ad essentiam, et valorem Sacramenti sufficere illa verba: *Ego te absolve*, quorum formalis sensus est idem practice, ac *ego te absollo a peccatis tuis*, supposita, ut supponi debet, confessione.

Tertia sententia. 166. Tertia, et ultima in hac parte sententia docet sola illa verba *te absolo esse* formæ essentialia; reliqua vero *a peccatis esse* de integritate substantiali; nec tamen ante illorum prolationem dari effectum *absolutionis*. Ita docet Martinez a Prado ubi supra num. 35, post alios plures prose allegatos. Cum tamen illorum plurimi, ut Cajet. Soto, Ledesma, Deza, et Joannes a S. Thoma in præsenti non huic, sed nostræ suffragentur sententiæ, licet Joannes a S. Thoma in approbatione doctrinæ D. Thomæ loco supra allegato alteri adhæret opinioni. Pro qua

Arguitur primo a paritate formæ consecrationis vini in sanguinem Christi. Nam priora verba usque ad *novi et æterni testamenti* ita sunt de essentia formæ, quod non excludant sequentia a ratione partis substantialiter integrantis, quamvis eam essentialiter non constituant, ut supponunt hi Authores ex a se disputatis, et constitutis tract. de Eucharistia: ergo pariter in præsenti theologizari debet. Antecedens supponitur, et Consequentia probatur reddendo paritatis rationem: nam ideo Antecedens est verum, quia priora verba sufficienter significant conversionem vini in sanguinem Christi; aliunde vero sequentia, et determinant prædicatum, et pertinent ad integratem locutionis quo-circa nequeunt non ad substantiam conversionis pertinere. Hæc autem omnia æque quidem tenent in forma *absolutionis*; quando quidem prima verba *te absolv*

sufficienter explicant essentiam remissionis, et alias posteriora expressius eam significant, ita ut supponere faciant pro peccatis, et non protrahatur ad alia debita: ergo non magis hæc pertinent ad *absolutionis* essentiam, quam illa ad essentiam consecrationis calicis; et consequenter utrobique obeunt prædicta verba rationem partis substantialiter integrantis, non vero essentialiter constituentis.

167. Sed sane hoc argumento potius Refutatur.

accrescit, quam admittitur robur nostræ sententiæ arguendo ab opposito Antecedentis ad oppositum Consequentis: nam verba omnia, quæ proferuntur pro consecratione vini ita pertinent ad formam consecrationis, ut omnia sint de ejus essentia, vel implicite contenta, vel explicite apposita; neutiquam tamen obeunt rationem partis integraliter substantialis: ergo si ex illis ad verba *absolutionis* est legitima illatio, ut adversarii existimant, eodem prorsus modo de istis, ac de illis Theologizandum est; ac subinde debent ista in eodem sensu, ac illa, propriam formam essentialiter, et non tantum integraliter constituere. Consequentiam non negabunt Authores oppositi, quin prius infirment a se ipsis illatam; alioquin enim male ex illo Antecedenti deducerent propriam sententiam. Antecedens supponimus ut legitimate probatum loco sæpe citato de Eucharistia, ubi accurate illam difficultatem versavimus, et electam sententiam ex D. Thoma fulcire, et enucleare studuimus, quin circa ipsius mentem nobis suspetat ratio dubitandi. Et sane eo firmius huic parti assentimur, quo certius judicamus usquam S. Doctorem eam partium integralium distinctionem formis Sacramentorum applicuisse, ut supra ostendimus, ut interim omittamus dissonantiam in adjecto, quam declinare non possunt prædicti Authores, dum ex una parte docent esse partes integrales formæ, et ex alia ante illarum prolationem non dari effectum essentialiem ipsius; quasi effectus essentialis ad sui positionem suspenderetur usque ad partium integralium existentiam: quod est manifeste falsum, ut liquet in corpore humano ad cuius analogiam ipsi rem meditantur, et negare non possunt in satisfactione, quæ quia est pars integralis, supponit fructum essentiale Pœnitentiae. Ex certiori ergo, ac solidiori principio deducimus illa verba: *Ego te absolv a peccatis*, esse *absolutioni* essentialia; quia vel ipsis,

quibuscum agimus, authoribus ultronee concedentibus, ante illorum prolationem non percipitur absolutionis effectus. Quod argumento est omnia illa esse essentialia in sensu toties explicato : siquidem solis partibus essentialibus existentibus, essentiale sortitur effectum quodlibet Sacramentum. dummodo non sit obex ex parte recipientis.

Secundum argumentum. 168. Arguitur secundo a priori, ut inquit Prado. Nam Christus instituit Sacraenta composita ex materia et forma, ut quædam artificialia ad instar compositi naturalis : sed in corpore naturali sunt partes integrales, et substantiales diversæ rationis a partibus essentialibus : ergo etiam in sacramentis distinguenda est duplex ratio partium, et essentialium, et integralium. Probatur Minor hominis exemplo, in quo ultra materiam, et formam, reperiuntur brachia, pedes, digiti, et alia membra ipsum integraliter constitutantur : ergo si in Poenitentia discurrendum est per analogiam ad corpus humanum, oportebit illi assignare ultra partes essentiales, partes etiam integrales. Et cum alias satisfactio sit pars ex parte materiæ integralis, unicum superest, ut etiam ex parte formæ assignetur pars etiam integralis.

Enervatur ex pluribus capitibus. 169. Illius tamen venia hæc ratio non a priori, sed mera congruentia, et in pluribus deficiens jure appellari debet. Si quid enim ea probaretur, esset quidem in omnibus Sacramentis ex parte formæ reperiri partes integrales, cum omnia instituerit Christus ut composita artificialia ad instar compositi naturalis. Quod tamen est falsum, et rejectum a D. Thoma ubi supra : nullam enim diversitatem partium praeter essentiales, materiam videlicet, et formam agnovit S. Doctor in Sacramentis, nisi in Poenitentia, in qua ex parte materiæ subdividit partes essentiales confessionem, et contritionem a satisfactione, quæ est pars integralis.

Fallit insuper applicando comparationem Sacramentorum quoad sui constitutionem cum composito naturali determinato, qualis est homo. Cum tamen longe aliter res se habeat siquidem nec D. Thomas, nec communiter theologi in eo sensu illam propositionem accipiunt, sed magis universaliter, et distributive. Cujus proinde legitima intelligentia reducitur ad hanc formam : *Christus Dominus instituit Sacraenta ad instar compositi naturalis : sed omnia composita naturalia constant*

essentialiter ex materia, et forma ut ex partibus essentialibus : ergo etiam Sacraenta constant ex materia, et forma ut ex partibus sibi essentialibus. Et in hoc sensu legitima est illatio, et post D. Thomam communiter a theologis recepta. Sed hinc non licet descendere ad peculiares conditiones compositorum naturalium, inter quæ aliqua sunt homogenea, alia heterogenea, ut viventia, in quibus diversa membra ad diversa officia distinguuntur, et idcirco partes essentiales jure postulant diversitatem partium integralium, sine quibus salvetur essentia. Hoc autem non appetit, quo fundamento possit applicari sacramentis, quantumvis ex Christi institutione sint composita artificialia, et materia, ac forma essentialiter constituantur : non enim ea constat instituisse Dominum ad instar hominis, sed ad instar compositi naturalis.

Unde ad argumenti formam concessa Majori neganda est Minor, non enim in omnibus compositis naturalibus est illa partium diversitas ætherogenea, ut patet in aqua, et aliis, et ad ejus probationem concessso Antecedenti, iterum negatur Consequentia, quoniam hoc Sacramentum, sicut et reliqua alia non servant analogiam cum omnibus compositis naturalibus quoad suas rationes specificas, sed dumtaxat quoad rationem communem compositi naturalis, secundum quam postulant essentialiter ex materia, et forma constitui, quidquid sit de aliis conditionibus cuilibet composito prout ab aliis differenti convenientibus. Quamobrem prædicta verba vel debent essentialiter ad absolutionem pertinere, ut ostendimus, vel ita sunt extra ejus essentiam, quod rationem partis integralis non obtineant, ut illi intendunt.

§ III.

Decisio appendix.

170. Hinc decisa relinquitur difficultas judicio Cardinalis Lugo gravis circa efficientiam horum verborum, an videlicet correspondeat dumtaxat istis : *Ego te abservo ; vel etiam illis, a peccatis, quando adduntur ?* Ex dictis, inquam, constat perspicue ejus decisio. Quia cum Sacraenta non sortiantur effectum, nisi in ultimo instanti prolationis omnium essentialium, ut modo supponimus ex alibi dictis : et particula *a peccatis* pertinet ad essentiam absolutionis in sensu explicato ; plane consequitur

Arg
men
form
dissol
tur.

Apper
dix
diffic
tas
Lugo

sequitur non induci effectum absolutionis usque ad ultimam illorum verborum prolationem.

Rursus probatur ex ipsomet Lugo, praedicta disp. 13, sect. 1, § 3, ubi eam difficultatem versans negativæ adhæret sententiae, n. 34, dicens, quando adduntur voces illæ a peccatis tuis non concurrere ad effectum, sed hunc dari ante earum prolationem. Cum tamen num. 35 immediato doceat ex Conciliis Florentino, et Tridentino praedicta verba pertinere ad formam hujus Sacramenti vel explicite, vel saltem implicite, in quo abs dubio nostram statuit sententiam. Et subjungens inquit, quod sicut pronomen *ego* necessario requiritur vel seorsim, vel saltem inclusum in verbo absolvo, sic potuerunt idem dicere de illis verbis a peccatis tuis propter eandem rationem, et sicut pronomen *ego* aliquando explicitum concurrit, sic illud a peccatis tuis posset aliquando explicite positum concurrere. Quæ si vera sunt propriam sententiam deserunt, et nostram manifeste firmant, quocirca illorum cohaerentiam optemus. Nam ea quæ pertinent ad formam hujus Sacramenti, concurrunt ad ejusdem Sacramenti effectum: sed in sententia Cardinalis Lugo juxta Concilia præfata illa verba pertinent ad formam hujus Sacramenti: ergo illa verba concurrunt ad effectum ejusdem Sacramenti.

Confirmatur, et explicatur insistendo eidem argumento ad hominem ab exemplo pronominis *ego*, quo ille utitur: quoniam eadem prorsus ratio est, ut ipse testatur, de illis verbis *a peccatis tuis*, ac de pronomine *ego*: sed pronomen *ego* explicite positum concurrens ad effectum Sacramenti: ergo illa verba expresse prolata concurrunt efficienter ad talem effectum; nam alias diversa esset ratio inter illud, et ista, quod ipse negat. Ex quo ulterius sequitur, quod si semel posita efficienter concurrunt, semper atque explicentur, sibi vindicant eundem influendi modum, cum sit eadem concedendi ratio semel atque semper fuerint apposita.

Confirmatur et explicatur amplius. Nam quæ pertinent ad formam, eatenus influunt in ejus effectum, quatenus ad ipsam pertinent. Unde si implicite in ea continentur, implicite influxus illis debetur; si autem explicite ipsam constituant; explicite itidem cum ipsa influunt, ut constat in pronomine *ego*: sed verba *a peccatis*, vel seorsim prolata, vel ut inclusa pertinent ad

formam absolutionis, ut asseritur, et bene: ergo seorsim, et explicite posita nequeunt non eodem influxu potiri, quo ipsa forma; alioqui enim aliter pertinerent ad formam, ac exhiberent influxum, et non bene argueretur quod deberetur influxus pronomini *ego* seorsim, et expresse prolato. Patet utraque Consequentia; siquidem non aliter influunt, quam pertinent ad formam, ipsamque complent, ac constituunt: ergo eorum influxus adstruendus ac regulandus est penes modum inclusionis, vel expressionis in forma, atque ideo in illis principiis perperam, et inconsequenter negatur verbis, *a peccatis* seorsim, et expresse prolati influxus in effectum absolutionis; siquidem expresse pertinent ad formam absolutionis.

171. Dices ex eodem Lugo id quidem Repleat ita esse, quoties verba illa interposita fuerint propositioni, ut si dicas: *Ego a peccatis tuis te absolvo*, secus vero, si ipsi postponantur, ut fit regulariter, dicendo: *Ego te absolvo a peccatis tuis*. Et rationem disparitatis assignat; quod in primo casu nondum est oratio perfecta; in secundo vero illa verba *a peccatis tuis* postposita supponunt absolutam, et perfectam orationem, et consequenter perfectum ejus sensum, et solum deserviunt ad majorem ^{et c' biorem} significationem. Influxus ^{langu} respondet formæ, ut facient sensum perfectum, et quia illis verbis interpositis nondum est sensus perfectus, ut liquet; idcirco superest locus influxui prædictorum verborum; secus vero, si postponantur.

Hac tamen doctrina non elevant vires Dispellitur productarum impugnationem, nec adstruitur consonantia illorum principiorum. Porro quod in illis verbis *te absolvo* solitarie acceptis continetur absolutus, et perfectus in rigore sensus, probat quidem non esse necessarium ad valorem addere alia, quod ulti concedimus, et concessimus ratione practicæ æquivalentia unius ad alteram; non vero infert illis semel positis, et expressis, non pertinere ad essentiam, ut constat in pronomine *ego*, in quo ipsomet Authore teste, militat eadem omnino ratio.

Quod vero asserit de interpositione, in quo stat tota disparitatis ratio, levissimum est: quoniam verba non influunt, nisi quatenus pertinent ad essentiam formæ, ipsamque essentialiter constituunt: hoc autem non sibi vindicant interposita, vel postposita, sed ex determinatione Christi,

et Ecclesiae approbatione : ergo quod interponantur, vel postponantur, nec aufert, nec confert influxum, sicut, nec quod pertineant, vel non pertineant ad essentiam. Unde evidenter peccat in reddendo non causam pro causa ; sive enim verba transmutentur, interponantur, vel postponantur, dummodo idem formaliter sensus propositionis retineatur ; non ob id desinunt pertinere ad essentiam formae, et debitum sibi influxum exhibere. Quae est doctrina

D.Thom. D. Thomae supra quæst. 60, art. 8, ad 3, per verba sequentia : *Et idem est etiam dicendum de transpositione verborum : quia si tollit sensum locutionis, non perficitur Sacramentum, sicut patet de negatione præposita, vel postposito signo. Si autem sit talis transpositio, quæ sensum locutionis non variet, non tollitur veritas Sacramenti, quæ secundum quod Philosophus dicit nomina et verba transposita idem significant.* Atque ideo quod ly a peccatis interponantur, vel postponantur, sicut non aufert eandem significationem Sacramentalem ab omnibus illis verbis simul sumptis ; ita nec impedit influxum ; quippe qui non respondet interpositioni, vel postpositioni, sed sensui, et consequenter perperam conceditur in uno, et negatur in altero casu.

Dissonat
Conci-
liis.

172. E*t* insuper illa doctrina adversa textui, *terrei* Conciliorum, quibus non modicam violentiam infert. Nam illorum pressus authoritate dice compulsus est *in rigore esse verissimum illa verba a peccatis tuis pertinere ad formam hujus Sacramenti, vel explicite, vel saltem implicite* : constat autem Concilia prædicta verba postposuisse : ergo ex mente Conciliorum satis perspicuum est prædicta verba ut postposita esse de essentia formæ, et consequenter adhuc ut postposita instuere in effectum Sacramenti. Consequentia est legitima, Major Lugonis ubi supra, et Minor constat ex utroque Concilio, et ipsomet Lugone palam profitenti ly a peccatis contineri sub ly et cætera a præfatis Conciliiis adjectum : sed appositum, et additum est post verbum *absolvo* : ergo ex ipsorum Conciliorum mente, et serie prædicta verba ut postposita, et non tantum ut interposita pertinent ad formam absolutionis. Quare detorqueri non possunt ad prætentam interpositionem, quin ingens illis irrogetur violentia.

Effu-
gium,

173. Nec favet (ut ad primum caput redeamus) quod in ejus patrocinium potest adduci, nimirum in verbo *absolvo* præpo-

sito, contineri implicite ipsa peccata, et consequenter non suppeteret aliiquid essentiale formæ, nisi majoris claritatis gratia : quare posteriora verba superaddita nihil novi afferunt, quin supponunt ipsam formam quoad essentialia, subindeque effectum remissionis sibi essentialiem.

Nam contra est. Tum quia si ita esset, superflue additum fuisset a Conciliis ly et cætera, siquidem nihil suppeteret essentiale formæ, et Concilia ibi distinxerunt inter essentialia, et non essentialia, maxime vero Tridentinum. Constat autem contentum sub ly et cætera pertinere ad essentiam, ut vel ipsis verbis monstratur, in vi quorum docet ipse Lugo aliquando seorsim posita peccata ad essentiam formæ pertinero. Ergo signum est non ita contineri peccata in verbo *absolvo*, quod excludat ab essentia formæ posteriora verba seorsim prolata. Tum etiam, quia inde sequeretur nunquam nec pronomen *ego*, verba a peccatis expresse apposita pertinere ad essentiam formæ, siquidem sufficienter illud, et ista continentur in verbo *absolvo*; cuius oppositum docetur ab ipso, ut ejus verba fideliter relata manifeste testantur. Tum denique quoniam si prædicta verba ut seorsim posita supponerent effectum absolutionis, supponerent ex consequenti sensum absolutum, et essentialiem formæ, qui proinde non variaretur qualibet particula prædictis verbis addita, variatur autem addita particula vocibus illis a peccatis : et mutatur sensus totius formæ, ut si diceres : *Ego te absolvo a peccatis alienis, vel a peccatis futuris*, vel quid simile : ergo signum est prædicta verba seorsim posita non ita esse extra essentiam, et sensum formæ, ut nihil ad sensum, et essentiam referant. Consequentia patet, et sequela videtur clara : quoniam si ante illa verba expresse posita tam absolutus est sensus, quod nihil referat illa addere; similiter non intererit post illa addere alia, ut mutetur sensus, et essentia formæ : non enim appetat ratio, quare verba immediata nihil officiant, aut efficiant, et verba remotius posita, et cadentia supra ea, quæ nihil officiunt, aut efficiunt, possint variare essentiam, et sensum, istumque de vero, ac legitimo in spurium, et falsum traducere. Minor vero probatur ad hominem ex hujus Authoris doctrina, quam tradiderat in eodem §, n. 29. Nam si formæ consecrationis panis *Hoc est Corpus meum*, adderetur ea vox *aereum*, profecto tota essentia, totusque

Prædi-
ctur
ex mul-
tipli-
capite.

que verus formæ sensus traducerebatur, et detorquerebatur in falsum, quin obesset verba priora esse veram, ac legitimam formam consecrationis panis : sed eadem est ratio de hac forma : *Ego te abservo a peccatis alienis*; extrahitur enim a proprio, et legitimo sensu ad peccata non propria : ergo falsum omnino est non variari formam per appositionem particulæ superadditæ ly a peccatis.

Vel si hæc propositio admittit duplarem intentionem, alteram rectam quoad priora verba : *Ego te abservo*, alteram non rectam quoad posteriora; sed neutquam officientem priori ut statuit ille num. 37, cur non etiam idem dicendum erit de illa forma consecrationis : *Hoc est Corpus meum æreum*, quam tamen absolute, et sine aliqua restrictione num. 29, docet esse nullam, et merito. Esset enim animadvertisendum in illum, qui ita consecraret, vel absolveret cum recursu ad duplarem intentionem internam, quam non exprimunt verba externa. Quocirca rectissime omnes has te-

D.Thom. chas elidens D. Thomas opusc. 22, in quit. In Sacramentis verba habent efficaciam ex institutione divina, unde tenenda sunt verba determinata consonantia divinæ institutioni. Ex institutione autem divina ex Conciliis, et perpetua Ecclesiæ traditione satis manifestis constat prædicta verba pertinere ad essentiam absolutionis alterutro horum modorum explicito, vel implicito, quin aliquis eorum determinate excludatur, teste eodem Lugone : ergo quando explicite, et seorsim apponuntur nec sunt extra formam, nec effectum formæ supponunt, alioqui enim solum essent de essentia formæ ut implicita, et subintellecta, quod est contra Concilium, ut contra eundem Lugonem.

174. Unde ad formam objectionis respondeatur, quod licet in verbis illis *te abservo* solitarie, et seorsim acceptis, suppositis aliis circumstantiis, subintelligantur practice peccata, et in vi hujus fiat æquivalentia quoad sensum totius absolutionis, tamen eo ipso quod sub una, et eadem intentione recte absolvendi, alia subjungantur explicite, non perficitur absolutio quoad illorum omnium terminationem, nec consequenter ad positionem verbi *abservo*, resultat effectus; quando quidem ratione expressionis aliorum verborum excluditur eorumdem subintelligentia, et continentia implicita. Porro quamvis (tacitæ objectioni occurrimus) non sit in potestate ministri

suspendere effectum Sacramenti, est vero in ipsis facultate validam formam exhibere his, vel illis verbis eundem formalem sensum retinentibus, et eandem formalem propositionem constituentibus. Ita quod in una subintelligitur, in alia formaliter explicetur. Quoties autem adest formalis explicatio non remanet locus subintelligentiae, et e converso quoties aliquid subintelligitur non est aditus explicationi, alioqui enim concurrerent in eadem propositione ejusdem vocis implicatio, et explicatio, quod ex terminis videtur falsum. Quare ut in verbo *abservo* subintelligantur peccata, oportet illud seorsim et solitarie acceptum proferre, ut contingit quando non explicantur : his vero expressis et formaliter determinatis, nec essentia, nec effectus formæ preintelligi possunt.

Et in hoc sensu (ut aliquorum scrupulum dispellamus) docuit Angelicus Doctor loco D.Thom. superioris allegato ex quæst. 66, pronomen *ego* non esse de substantia formæ in Baptismo, quia nimurum non est de essentia illius formæ expresse, et formaliter vocem illam apponi; non tamen est de ejus essentia illam expresse prolatam excludere, quod erat necessarium ut non pertineret ad essentiam formæ, dum seorsim apponetur. Qua observatione haud obscure colligitur ad sententiam Eminentissimi Lugo, et illi suffragantium utcumque tuendam non sufficere hanc propositionem : *Non est de essentia absolutionis, quod illæ voces Ego, et a peccatis tuis seorsim, et expresse apponantur*; cuius veritatem non negamus, sed adstruimus : ut constat ex dictis in decursu Dubii, sed desiderari aliam, videlicet : *De essentia absolutionis est; quod prædicta verba seorsim, et explicite non proferantur*. Quæ tamen in ipsis adhuc sententia est falsa, et nullatenus probatur aliquo scripturæ, Conciliorum, aut inconcuso Theologorum suffragio. Quin imo ex Conciliis habemus essentiam absolutionis consistere in illis verbis : *Ego te abservo*, et in aliis contentis sub particula et cetera quæ non sunt alia præter peccata vel expressa, vel subintellecta.

175. Hæc cum ita esse censemus, ex illis oritur alia difficultas minime prætermitti digna; an scilicet citra culpam possint in absolutione verba a peccatis voluntarie omitti? Cum enim non sit de ejus essentia ea verba seorsim, et expresse recitari; consequens esse videtur absque illorum expressione absolutionis formam

An possint omitti illa verba, a peccatis.

Pars
affirma-
tiva.
Arauxo.
Leander.

Grana-
dos.
Diana.

Repe-
luntur.

Vera
sen-
tentia
Thomis-
tarum.

Prado.

salvari, subindeque nullam esse obligati-
onem saltem gravem, ea formaliter profe-
rendi. Et hanc partem sectantur ex Tho-
mistri Arauxo ubi supra, ex extraneis vero
non pauci, quos refert, et sequitur Leander disp. 2, q. 8, non bene pro ea annu-
merans Soto, cum expresse loquatur de
invocatione Trinitatis, et aliis recitari so-
litis, de quibus in limine hujus Dubii.
Granados vero disp. 6, sect. 1, n. 9, et
Diana part. 11, tract. 6. Miscell. resol. 21,
solum in articulo mortis agnoscunt obli-
gationem gravem, secus vero decursu vitæ.
Sed qua ita asserant, ratione, nos latet.
Nam ea obligatio nequit aliunde subesse,
nisi vel ratione irritum reddendi Sacra-
mentum; et hæc semper urget, atque ideo
semper tenetur minister illi occurrere, et
quamlibet irreverentiae frustrandi occasio-
nem procul pellere, quin specialior urgeat
ratio in hoc, quam in illo tempore. Vel
provenit ex ipsomet articulo mortis ob-
periculum nullum recipiendi Sacramentum,
et mortis æternæ damnationem incurren-
dam, et hæc est longe a prima diversa,
nec oritur ex ipso Sacramento, sed se te-
net ex parte subjecti illud recipientis.
Unde consequentius asseritur, vel nun-
quam, vel semper urgere jus ea verba aut
recitandi, aut subticendi, siquidem sermo
est de obligatione Sacerdotis ministrantis
non vero de Sacramentum recipiente, aut
periculo illius.

176. Communior, et subinde verior,
cui adstipulamur, sententia docet nunquam
licere illa verba prætermittere, sed diserte,
et formaliter proferenda esse. Unde gravi-
ter laberetur, qui ea voluntarie omitteret.
Ita docent communius Thomistæ pro ter-
tia sententia supra relati, inter quos Prado
id ut sibi indubitatum statuit, quamvis
enim probabile sit ex omnibus illis verbis
aliqua non esse essentialia, est vero peni-
tus improbabile aliqua illorum licite citra
culpam gravem posse omitti. Sicut proba-
bile est hæc sola verba : *Hic est calix San-
guinis mei, esse formæ consecrationis vini
essentialia*; non tamen est probabile
omnia posteriora usque ad remissionem
peccatorum, posse citra gravem culpam
reticeri. Et idem constat in reliquis Sa-
cramentis, circa quorum formas sunt satis
probabiles sententiae, aliis tot, aliis plura
verba essentialia assignantibus, cum ta-
men neutiquam sit probabile illorum ali-
qua absque gravi culpa posse subticeri ob
periculum irritum faciendi Sacramentum.

Cum enim stet probabilitas cum falsitate
objecti a parte rei, et veritas Sacramenti
non pendeat ex judicio humano, penes
quod regulatur probabilitas; sed ex divino,
cui res a parte rei conformantur, profecto
difficulter periculum evaderet, qui plus
justo propriæ sententiae deferens, in re
adeo gravi juxta illam procederet, et ita
gerendum esse Sacramentum, ut ipse au-
tumat judicaret. Quo circa subtilis Docto-
ris tam pie, quam docte, et prudenter
loquentis monitum auscultatu dignum,
censemus, dum similem difficultatem ver-
sans circa formam consecrationis calicis,
de qua stant non paucæ, opiniones, ita
consultit in 4, dist. 8, q. 2, § de isto versu
*Ex hoc patet : Nec est tutum alicui se putare
valde peritum de scientia sua, et dicere : Volo
uti præcise istis verbis pro consecratione san-
guinis : sed securior est simplicitas. Volo ista
verba proferre sub ea intentione sub qua
Christus instituit ea esse proferenda, et quæ
ex Christi institutione sunt de forma, dico ut
de forma, et quæ ad reverentiam, ad reveren-
tiam.* Unde ita docent Contenson, Labat,
et quotquot asserunt illa verba esse partes
integrales formæ. Extra scholam D. Thomæ
idem tuetur Suarez de Poenitent. disp. 19,
sect. 4, n. 21, ubi existimat nunquam
rationabiliter omitti, cum nec moraliter
possit accidere causa, quæ ad id cogat,
nec in eo aliqua sit utilitas, quin ingens
periculum frustrationis Sacramenti, quod
quilibet sub culpa gravi vitare tenetur, ei
adhaerent Fagundez, Fillicius, et plures
alii.

177. Ex quibus colligitur nullatenus
absque gravi culpa posse prædicta verba
omitti, tum ob nuper dicta, tum quia licet
te *absolvo* quoad sensum aequipolleat isti :
Ego te absolvo a peccatis tuis, ut constant
ex dictis; non licet pro arbitrio uti aequi-
pollentibus, sed tenenda, et usurpanda
sunt verba determinata, consonantia di-
vinæ institutioni, ut paulo ante nos docuit
D. Thomas. Quare licet ad valorem ista
vel illa sufficerent, ad liceit tamen mi-
nistrandum exigitur eademmet materialia
verba usurpari, ut constat a simili Bap-
tismi, in cuius administratione graviter
offenderet dicens : *Ego te absolvo in nomine
genitoris, geniti, et ab utroque procedentis*,
ut omnes docent contra Cajetanum, et
cominus appetit in hac forma Poeni-
tentiae : *Ego tibi peccata remitto*, quam nullus
ut invalidam rejicit, sed nec ut licitam
approbabit. Tum et maxime : quoniam in
Sacramentorum

Egre-
giom
Scoti
consili-
um.

Contens.
Labat.

Suarez.

D.Thom.

Cajet.

Inno-
cent. XI.

Prado.

Separan-
tut
propria
ab alienis.Leg.
Actus
ff. de re
gal.
juris.
Leg.
Cedere
diem. ff.
de verb.
obligat.

Sacramentorum administratione tenetur graviter minister sequi opinionem tutam, et ab omni suspicione, seu periculo liberam, ut constat ex decreto SS. P. Innocentii XI, die 2 Martii anno 1679, quo inter alias plures succensuit, ac proscripsit hanc propositionem : *Non est illicitum in Sacramentis conferendis sequi opinionem probabilem de valore Sacramenti, relicta tutione.* Sed inter has duas sententias extreme oppositas tutior est ita, quam illa, ut vel primam docentes negare non auderent : ergo tenendum, ac asserendum est in administratione poenitentiae neutiquam licere omissionem prædictorum verborum ; quin potius graviter delinquere voluntarie præfata verba non expresse usurpantem. Unde derisible judicat Prado n. 41, oppositum ut certum asserere, et merito, cum sit satis dubium, et nulla ratione, ut bene vident Suarez, ad praxim reducendum.

DUBIUM IV.

Utrum absolutio Sacramentalis sub conditione lata, sit valida, et licita?

178. Ut ab hac difficultate brevius, ac facilius nos expedire possimus, rescindenda sunt propria hujus materiae a non ita propriis, et vere alienis a nostro instituto. Si enim jura, vel canonica, vel civilia consulenda essent in materia de conditionibus, prolixus sane, et absque ullo fructu redderetur labor; cum sit res latissima, et latissime hinc inde a pluribus exagitata. Nec etiam ad decisionem præsentem, quæ possint intervenire conditions in judicio pure humano, ut validum, vel nullum evadat, considerabimus; hoc enim est alterius fori, et magis ad Causidicos, quam ad Theologum attinens : quare amandari debet recursus ad legem : *Actus ff. de regulis juris* ad legem *Cedere diem ff. de verb. significat.* et ad alia capita utriusque juris, quatenus generatim agunt de conditionibus licite, vel illicite apponendis. Hæc enim omnia sicut aliis sunt opportuna, ita in præsenti minus idonea, si quidem hoc judicium est pure Sacramentale non aliam regulam, quam Christi voluntatem instituentem habens. Et ideo quæ pro humanis, et pure legalibus sententiis suis locis traduntur, nec possunt, nec debent huic recte adaptari. Quod enim in Matrimonio id forte sit necessarium, eo quod ante rationem Sacramenti habuit, et habet rationem con-

tractus naturalis, in vi cuius normam aliorum contractuum, quod ad licitum, vel illicitum debet servare, subindeque a regulis juris non discedere; id quidem probat in aliis, quæ pure Sacraenta sunt, locum non habere; si quidem non juribus, sed Christi verbis, et Ecclesiæ traditione probari, vel improbari debent, juxta illud D. Cyprian. lib. 7, epist. 54, *ipse legem reddit ut ligata in terris, etiam in terris ligata essent.* Quod ideo præmittimus, quoniam apud non paucos offendimus (et dubio procul offendit alii) non modice, excurrere in allegandis, et aggerendis textibus unius, et alterius juris pro valore, vel invalidatione actuum judicialium, et ex uno in aliud argumenta perducunt, nostro quidem judicio tam inutiliter, quam ineficaciter ob non pauca inter ea discrimina.

Et ut alia omittamus in præsenti dub. sequenti clarius detegenda, hoc unum interest, quod aliae sententiae non per se excludunt conditionem aliquam appositam; cum tamen absolutio Sacramentalis nullam licite admittat, quin adsit aliqua gravis causa, quæ ad ejus positionem cogat. Et ratio est generalis pro omnibus Sacramentis, quarum formæ nulla apposita conditione applicari debent, atque ita observari constat perpetuo universalis Ecclesiæ usu, nec est fundamentum aliquod oppositum asserendi, ut ex communi Theologorum consensu docet N. Franciscus a Jesu Maria N. Franeus, in genere cap. 7, dub. 6, et nos ipsi supposuimus tomo superiori in eodem tract. disp. 7, dub. 2, § 4, n. 43.

Hoc autem motivum æque urget in absolutione : tum ob verba Christi hoc Sacramentum instituentis, quæ non sunt conditionalia, sed absoluta, tum ob Conciliorum doctrinam, qua absoluta, et non conditionata præscribitur forma : *Ego te abservo, etc.*, ut liquet ex supra dictis. Quocirca D. Thomas in hoc articulo, præcipue D. Thom. vero solut. ad 4 statuit collatam fuisse Apostolis potestatem operandi instrumentaliter ad remissionem peccatorum. Hæc autem potestas non est sub aliqua conditione illis commissa, sed absolute, et simpliciter. Et ideo solutione ad 5 docet Ministrum loqui non quasi de re incerta, sed ut certum effectum habente ex virtute passionis Christi : unde ex parte ministri nulla esse debet conditio, nec licite potest apponi, si non interveniat aliqua rationabilis causa. Porro quod ex parte subjecti ad percipiendum effectum absolutionis de-

D. Cy-
prian.In quo
conve-
niant
adversæ
sen-
tentiae.a Jesu
Maria.

beat supponi hæc conditionalis, *si sit recte dispositum*; hoc non reddit absolutionem conditionatam, cum quia hæc conditio est generalis omnibus Sacramentis, et conditiones generales, et generaliter exactæ non reddunt Sacramentum conditionatum. Tum quia ea conditio se tenet ex parte subjecti, quod debet esse capax ne dum Sacramenti, sed etiam effectus ipsius; non vero se tenet ex parte formæ, nec apponitur ab ipso Sacerdote. Præsens autem difficultas solum procedit de conditionibus libere a sacerdotibus apponendis.

Quæstionis titulus.
Cajet.
Quotuplex sit conditio.

179. Ut ergo quæstionis titulum extricemus supponendum est cum Cajetano in summa verbo *Absolutio* tripliciter posse conditionem apponi, vel de præterito, ut puta dicendo *ego te abservo si jam ablata restituisti*. Vel de præsenti, ut si diceret: *Ego te abservo, si est tibi attritio supernaturalis*, vel tandem de futuro absolvendo sub conditione in posterum extitura. Et hoc adhuc dupliciter vel taliter quod absolutionis fructus non suspendatur in futurum, sed percipiatur de præsenti, quamvis in posterum maneat onus implendi præceptum, ut frequentius accidit in satisfactione. Vel ita ut effectus absolutionis suspendatur, et absolutio ipsa porrigitur usque ad purificationem conditionis in futurum. Quibus suppositis facile deciditur difficultas sequentibus assertionibus.

§ UNICUS.

*Triplici assertione nodus dissolvitur
cum appendicibus.*

Assertio prima. 180. Dicendum est primo justa, ac rationabili causa interveniente, tam valide, quam licite impenditur absolutio sub conditione de præterito. Est communis Theologorum sententia, quin opus sit aliquem in particulari referre. Et probatur quoad illam partem, quæ affirmat validam esse absolutionem cum conditione de præterito. Nam potissimum, imo et unicum iudicium fundatum excludendi conditionem a Sacramentorum formis est suspensio effectus usque ad illius positionem: sed conditio de præterito non suspendit absolutionis fructum, nec reddit absolutionem vere conditionatam: ergo absolutio cum conditione de præterito ex genere suo non excludit effectum absolutionis, et consequenter rite potest apponi justa id exigente causa. Minor hujus syllogismi constat:

Conditio de præterito tene'.

nam propositio conditionalis purificata conditione transit in absolutam: sed conditio de præterito jam fuit purificata, quando impenditur absolutio: ergo conditio de præterito apposita absolutioni non suspendit ejus effectum. Major etiam liquet: non enim alia ratione ablegari debet a qualibet forma Sacramentali conditio, nisi quia effectus Sacramentorum sunt infallibilis, utpote qui non pendent ex voluntate humana, sed ex divina principaliter, et infallibiliter operante, positis omnibus ad Sacramenta requisitis. Quod enim pendeant in fieri ab intentione ministri, non refert, nam hæc ut sit recta debet esse conformis voluntati Christi et Ecclesiæ, quam constat ex ipsis verbis, et hujus traditionem esse absolutam, et infallibilem, subindeque absque ulla ex parte Dei conditione sortiri effectum ad instar causarum naturalium, quæ si non impediantur, illico se exerunt in effectus. Hinc Consequentia probatur: quoniam ut tenet commune Philosophorum proloquium, *Ubi affirmatio est causa adæquata affirmationis, negatio est causa adæquata negationis*; atque ideo si suspensio effectus est ratio adæquata excludendi conditionem; non existente suspensione, nulla est ratio non admittendi conditio nem, justa id exigente causa.

Hujus autem exigentiae motivum oriri quidem potest, vel ex parte ministri, vel ex parte suscipientis. Sane ex parte illius, vel quia immemor, vel quia alio distentus rationabiliter hæret anceps, an protulerit verba, vel non. Quo casu ne dum potest, sed etiam tenetur sub conditione dicere: *Si non es absolutus, ego te abservo*, nam supposita confessione, et recta dispositione penitentis tenetur minister perfidere sacramentum, et obviare periculo ipsum inabsolutum reliquendi. Quod fieri nequit in casu rationabilis dubii, nisi conditionaliter modo prædicto absolvendo. Diximus, *rationabilis dubii*: quoniam ut bene observavit Granado in præsenti sec. 3, non Granado cuilibet scrupulo, timori, aut suspicioni, illico cedendum est; alioqui enim qualibet levissima causa apponenter conditiones non absque gravi injuria, et irreverentia Sacramentorem, contra id quod Christus docuit et Ecclesia in eorum administratione faciendum præscripsit. Qui enim sub conditione absolvit, ex modo absolvendi indicat incertitudinem, quam tamen vitare tenetur, nisi aliunde cogatur, ut certum Sacramentum evadat, et ita evenit in casu prædicto.

Cur
valeat
conditio
de præ-
terito.

prædicto. Hinc arcenias, et procul abigen-
das esse constat conditiones inutiles, et
neutiquam necessarias, ut si diceret. *Si
heri ambulasti, ego te absollo;* hæc quippe,
et aliæ similes nequeunt apponi absque
irrisione, et gravissima Sacramenti injuria.
Qui enim ita se gereret se exponeret pe-
riculo Sacramentum irritum reddendi, et
aliunde gratiam Sacramenti vinciret ridicu-
lis, et omnino impertinentibus conditioni-
bus contra præscriptum Ecclesiæ in te gra-
vissima.

Quod vero ex parte recipientis aliqua
possit suboriri causa dubitandi, et conse-
quenter conditionaliter absolvendi, constat
in casu tum restitutionis, qua proxime
obligatur, tum occasionis proximæ abji-
ciendæ, de quibus absolventi non constat,
cum ipsi constiterit de obligatione; vel
quoties pœnitens tam dubie manifestat peccata
ut nihil certi ex confessione habeatur,
nec adest recursus ad peccata certa. In his
enim et similibus casibus haud raro occur-
rentibus, tam valide, quam licite potest
apponi conditio, ut certitudini consulatur
sacramenti. Unde et tenetur Sacerdos di-
cere, *si restituisti, vel ab occasione proxima
recessisti, rel materiam coram Deo sufficien-
tem apposuisti, ego te absollo, etc.* Profecto
si in his, et similibus casibus aliter se gereret
minister, ingenti periculo se exponeret
vel irritum vel illicitum conficiendi
Sacramentum. In quo nullum, quod sit
momenti, apud Authores invenimus desidium.

181. Dicendum est secundo conditions
de præsenti nec invalidum, nec illicitum
reddere Sacramentum, si justa eas appon-
endi affuerit ratio. In hac etiam assertione
conveniunt communiter Theologi Cajetano
astipulantes. Ejus fundamentum est prorsus idem, ac præcedentis. Nam conditio,
quæ non suspendit effectum Sacramenti,
non illud reddit invalidum; sed conditio
de præsenti non suspendit effectum Sacra-
menti, usque ad aliud tempus, ut patet:
nam si vera est, statim Sacramentum sor-
titur effectum. Sin autem, nullum conficitur,
sed debet iterari tam confessio, quam
absolutio: ergo non reddit irritum Sacra-
mentum. Alias potest intervenire urgens
motivum illam apponendi: ergo ex hac
parte non constituit Sacramentum illicitum,
seu quod idem est, illicite ministratum.
Minor subsumpta probatur in casu
dubii usus rationis in pueris, vel in amen-
tibus, nec non in dubio rectæ dispositionis

ex parte pœnitentis, vel materiæ sufficien-
tis, ac demum quoties rationabiliter manet
anceps sacerdos circa vrtam pœnitentis.
In omnibus enim his casibus, ut alios plu-
res possibiles omittamus, tenetur sacerdos
apponere conditionem cuique propriam, ut
ex una parte subveniat pœnitenti medio
Sacramento, et ex alia occurrat periculo
irreverentie, et sacrilegii imminentis indi-
gnum vel incapax absolvendo. Et ideo si
accedat Sacerdos ad absolvendum homi-
num, quem videt examinem, de quo
proinde rationabiliter dubitet, an e vita
excederit; procul dubio absolutioni conditio
apponenda est, ut consulatur Sacramento,
et caveatur periculum illud frustrandi.

182. Nec audiri debet Caramuel in sua
Theologia fundamentali, ubi fundamento
66, § 14, n. 1879, totus est in negando
nemini subesse posse dubium de vita, et
morte hominis adulti. Et rationem, non
qua suadetur tantum, sed qua demonstratur,
tradere sibi videtur; nam ubi ratio
aliqua gravis succurrit, evidens est non esse
locum prudenti dubio; sive enim istud sit
negativum, sive positivum quamlibet rationem
gravem excludit, et consequenter
ubi adest aliqua ratio gravis, non rema-
net dubium, vel negativum, vel positivum.
Atqui in morte hominis adulti aliqua gravis
ratio succurrit: non ergo circa mortem
hominis est locus alicui dubio, sive negati-
vo, sive positivo. Probatur Minor: quia
possessio fundat rationem gravem omni
opinione certionem: sed in nomine stat
possessio pro vita, non vero pro morte:
ergo quousque certo habeatur ut mortuus,
semper censendum est vivus, et ut talis epu-
tandus, atque ideo nequid sub conditione
absolvi.

Cara-
muel
rejecitur.

Sed contra, nam hujusmodi proposicio-
nes vel ambiguæ, vel vix probabiles sunt:
quoniam adhuc stante ratione gravi pro
una parte contradictionis, potest stare alia
æque gravis pro opposita, et consequenter
manet judicium anceps, quin alicui earum
determinate adhæreat: quia licet inter
mortem, et vitam reipsa non detur medium
in homine; datur tamen inter judicium af-
firmans esse vivum, vel mortuum ob indicia
vehementia, quæ occurrunt pro morte, et
possessione, quæ stat pro vita. Unde stat
probabiliter esse vivum, et probabiliter
esse mortuum. Et in hoc eventu nequit
certo impendi absolutio, nec certo negari,
sed debet conditionaliter ferri; alioqui
enim certo peccaret minister ob periculum

Ex
parte
objecti-
cur sit
conditio.

cunda
nclatio-
sto.

Quid de
condi-
tione
in fu-
tu-
rum.

frustrandi Sacramentum mortuo applicatum, vel illo injuste privandi vivum.

183. Major difficultas est circa conditionem de futuro, quod est tertium membra ex supra recensitis. Porro si conditio de futuro non in id tendat, ut effectum absolutionis usque ad tempus futurum pertrahat, sed ita absolvat, quod non ultra remaneat, nisi onus implendi opus impositum; non appetet quare damnati debeat absolutio; si quidem hoc modo facta, non est formaliter conditionata, sed absoluta, et praeceptiva, et reddit hunc sensum: *Ego te abservo cum onere cras hoc vel illud recitandi, vel restituendi.* Hoc enim pacto imponitur satisfactio post absolutionem adimplenda, quin absit, sed potius pars integralis sit Sacramenti. Et in hoc sensu nulla est, aut esse potest controversia, quoniam ibi non est conditio de futuro, sed obligatio operis in posterum faciendi.

184. Duplici ergo alio modo se habere potest conditio de futuro, et quilibet eorum est difficultati obnoxius. Primo quidem si dicatur absolutionem, quando profertur, nihil operari defectu intentionis, quia nimis ex parte ministri non erat intentio absolvendi tempore prolationis; sed solum post purificatam conditionem. In quo casu tam absolutio, quam ejus effectus manebant suspensa: valeret tamen illa prima absolutio, quatenus manebat virtualiter, et moraliter perseverabat usque ad conditionem, et ea posita absolutio, quæ fuerit conditionata transibat in absolutum, et absolutum induebat effectum. Et in hoc sensu non defuisse Theologum; qui hoc propugnaret, ut speculative probabile stando rationi testatur Lugo sect. 5, n. 108.

185. Alter modus explicandi conditionem de futuro consistit in eo, quod tempore prolationis vera sit intentio obsolvendi de praesenti; dependenter tamen quoad effectum a conditione de futuro, ita ut non ponatur ille usque ad positionem conditionis. Juxta quem sensum, qui est germanior, et communius concipitur, absolutio non suspenditur, sed dumtaxat remissio; et ideo purificata conditione statim pullulat effectus, secus vero si conditio non apponatur. Ad eum sane modum, quo in aliquorum sententia, contractu matrimoniali conditionaliter inito, ad praesentiam conditionis appositæ, statim transit in absolutum absque ullo alio contrahentium novo actu, et incipit ligare, quos defectu solius conditionis minime vincie-

bat. Unde difficultatis nodus in quolibet horum sensuum dissolvendus est, ut cuilibet tergiversationi præcludatur effugium.

186. Dicendum ergo est tertio nullam esse absolutionem cum conditione de futuro alterutro horum modorum factam. Ita communiter Theologi, quin aliquis hactenus fuerit ausus oppositum determinate, et in publicum eruere ex his quos consuluiimus, et sunt non pauci, unicum si excipias Navarrum, de Pœnitentia dist. 6, cap. 1, in principio, n. 62, 63 et 64. Ubi dubitat de assertionis veritate, nec illam audet absolute definire, nescio quo argumento ex cap. Præterea 2, de Appellationibus, in quo supposuisse videtur Celestinus Pontifex validam esse excommunicationem sub conditione; quamvis si interponatur appellatio ante conditionem impletam, suspenderetur.

Quam dispar tamen unius ab altero sit ratio, nemo est, qui non videat; nam excommunicatione est effectus juris distinctionis externæ, ad quam ferendam non intervenit actus propriæ Sacramentalis, qualis est absolutio; hæc enim concernit forum internum. Nec etiam excommunicatio petit, vel habet materiam certam, sed vagam, et dubiam, cuius oppositum opposita de causa postulat absolutio; nec similiter hactenus in Ecclesia fuit præscripta excommunicatione determinata verborum forma ad ea innodandum, vel ab ea expedendum; cum tamen absolutio, nisi sub determinata verborum forma valide nequeat conferri. Ex quibus, et aliis pluribus cuilibet obviis discriminibus liquido constat excommunicationis veritati non obesse conditionem de futuro, secus vero absolutioni: atque ideo inepte fieri argumentum ex illa ad istam; alioqui enim non minus impendi posset absolutio per internuntium, aut Scripturam, quam communiter dari consuevit excommunicatio, quod est falsum, et absurdum.

187. Unde omissa illa Navarri hæsitatione, ut nihil ad præsens referenti, probatur primo conclusio ratione supra insinuata. Quia conditio, quæ vel impedit, vel suspendit effectum Sacramenti, nec licite, nec valide potest apponi: sed conditio de futuro adjecta absolutioni impedit, et suspendit effectum absolutionis: ergo nec licite, nec valide illi potest apponi. Major constat, nam qui serio intendit, et intendere debet verum confidere Sacramentum juxta præscriptum Ecclesiæ, nec licite, nec valide

Duplici-
ter se
habet
conditio
de fu-
tu-
ro.

Cardina-
lis
Lugo.

Concl
sio
tertiæ.

Navar
Cap.
Prae
rea
Celest
inus.

Rati
concl
sioni:

valide potest apponere, quod ipsi Sacramento, et ejus effectui direc adversatur. Minor vero probatur ex ipsa Sacramento-rum institutione, ex qua habent esse signa practica secum infallibiliter afferentia gratiam, si ex parte recipientis non sit obex : sed conditio de futuro hoc impedit, cum suspendatur gratia usque ad positionem conditionis : ergo conditio de futuro impedit fructum absolutionis, atque ideo reddit Sacramentum inefficax, et invalidum.

Confirm. Confirmatur, et explicatur evertendo primum modum explicandi supra indicatum. Quoniam ex Christi institutione, traditione Ecclesiæ, et diffinitione Concilio-rum forma absolutionis debet exhiberi per formalia, et expressa verba, et his ita expressis, ac formalibus verbis præcipua Sacramenti vis allegata, et promissa

Trident. est, ut expresse docet Tridentinum : sed hoc penitus evertitur per conditionem de futuro illo modo explicatam : ergo in illo explicandi modo non recte salvatur, quin pessum it veritas Sacramenti. Cætera constant præter Minorem, quæ facile suadetur : siquidem remissio, quæ inibi fieret, non quidem fieret per verba formalia, ut pote quæ elapsa sunt, et in se non remanent : nec similiter queunt aliquo vero influxu, qualis debetur Sacramentis, ad effectum concurrere : ergo tantummodo fieret intenta remissio per verba virtualia, virtualiter seu moraliter existentia ; cum tamen fieri debeat per formalia verba in quibus præcipua Sacramenti vis sita esse dicitur.

Eo vel maxime : nam si sufficerent verba virtualia, et non requirerentur formalia ad inducendum effectum absolutio-nis, nulla esset ratio irritandi absolutio-nem datam per nutus, internuntium, et scripturam. Consequens est falsum ut constabit ex infra dicendis : ergo etiam illud ex quo sequitur.

Urgetur. Ad hæc. Quod verba præcesserint non facit quod ipsa se ipsis eleventur ad producendam gratiam siquidem ipsa per se ipsa non influunt, sed quatenus moraliter permanent : ergo verbis formalibus ut formaliter prolatis non defertur remissio, sed tantum ut moraliter permanentibus, quod est contra propriam rationem, et institu-tionem hujus Sacramenti, ex quibus habet verbis formaliter talibus constitui.

Confirm. 2. Confirmatur, et explicatur secundo di-ruendo ex eadem radice motivum alterius

modi explicandi. Etenim Sacra menta novæ legis ex sua institutione habent esse signa practica producentia gratiam in eodemmet instanti, in quo forma applicatur materiæ ; quod nullus sanæ mentis negare poterit, quin aperte Ecclesiæ, et Conciliorum doctrinæ refragetur : ergo contra valorem Sa-cramenti erit apponere formam cum con-ditione suspendenti effectum usqué in futurum. Probatur Consequentia, quando quidem operaretur minister contra institu-tionem ipsius Sacramenti, et de signo practico, et absoluto ipsum redderet con-ditionatum, qualiter non fuit a Christo Sacramentorum Authore institutum. Et formam absolutam, qua uti debet absolvens, faceret conditionatam, quo nihil magis adversum essentiæ Sacramenti.

Urgetur, et explicatur ulterius. Nam minister ut verum conficiat Sacramentum, tenetur se confirmare intentioni Christi, et Ecclesiæ : sed qui absolveret sub condi-tione de futuro suspendenti in crastinum v. g. illius fructum, non se conformaret intentioni Christi, et Ecclesiæ, quin potius aperte illi resisteret : non ergo verum conficeret Sacramentum. Major et Consequen-tia non indigent probatione, Minor vero liquet, nam intentio Christi, et Ecclesiæ cunctis fidelibus nota, et manifesta fuit, quod Sacra menta novæ legis in ipso-met puncto applicationis formæ ad materiæ vel toto illo decurrenti tempore mi-nisterii (ut ab opinionibus præscindamus), sortirentur effectum infallibiliter absque ulla hæsitatione ex parte Sacramenti : sed absolvens sub conditione, quasi dominus, et non minister Sacramenti, et gratiæ illius illam vellet suspendere usque ad positionem conditionis : ergo operaretur ita absolvens contra intentionem Christi, et Ecclesiæ, atque ideo nullum re ipsa Sacra-mentum efficeret.

188. Sed ecce urget instantia Matrimo-nii, quod esse verum Sacramentum novæ legis nemo ambigit ; et tamen sub condi-tione initum suspenditur ejus effectus do-nec purificetur conditio ; quin inde sequar-tur aliquid contra ejus essentiam ne dum in ratione contractus, sed etiam in ratione Sacramenti. Id quod adhuc magis ur-geri, et explicari potest in conditione debiti cui maxime accedit peccati remissio medio Sacramento. Et tamen condonatio debiti potest fieri sub conditione de futuro, ita ut ea impleta, statim obliget condonatio : ergo similiter in absolutione Sacramentali

Matr-i monii instantia nella ostendi-tur.

theologizari poterit absque inconvenienti irritandi Sacramentum.

189. Horum exemplorum occasione latissime excurrit Lugo in praesenti a num. 120, usque ad num. 133, ubi plura immiscet de contractibus, et eorum valore, quae nec licet, nec lubet examinare; sed alio, ubi propriam sedem sibi vindicant remittenda sunt. Disparitas quoad primum est, quod Matrimonium, qua ratione est contractus naturalis, iniri potest et absolute, et conditionate nedum inter praesentes, sed etiam inter absentes, et longissime distantes, sicut et ceteri contra status civiles. Qua vero superinduit rationem Sacramenti ex Christi elevatione, sicut non confert gratiam Sacramento propriam, donec purificetur conditio, ita non etiam obit rationem Sacramenti perfecti, et completi usque ad positionem illius: sicut enim non obtinet rationem contractus absoluti, dum est dependens a conditione, sed est conditionatus, ita nec est absolute, et simpliciter Sacramentum; sed ut ita dicamus; conditionate, donec verificetur conditio; et consequenter nihil mirum posse illius effectum suspendi usque ad positionem absolutam ejusdem in ratione Sacramenti. Hujus autem non est alia ratio, quam Christi institutoris voluntas, quae contractum matrimoniale ad rationem Sacramenti elevavit: et ideo quoties in ratione contractus manserit conditionatus, nequit obire rationem perfecte, et practice significandi, quae est de essentia Sacramenti.

Nec etiam sufficit utcumque purificari conditionem, ut in rationem Sacramenti resiliat; sed post Tridentinum requiritur, ut de substantia illius, assistentia parochi, et testium, adimpletio conditionis, vel saltem veridica testificatio, dummodo antea non praecesserint ad contractum conditionatum, sicut communiter non praecedunt. Ut ex communi sententia docet N. Cursus Moralis de Matrimonio cap. 2, dub. 2, ubi pro ea sententia refert Ledesma, Coninch Bonacina, Trullench, et plures alios. Quod argumento est toto praecedenti tempore non objisse perfectam, et absolutam Sacramenti rationem.

190. In nostro autem casu haec doctrina nec apparerter habet locum; siquidem ab initio posita sunt omnino necessaria ad essentiam, et valorem Sacramenti, nimirum materia proxima ex parte penitentis, et forma absolute ex parte ministri. Unde

vel debet illico sortiri effectum ipsa absolutio, ut Christus statuit, vel debet esse nulla ob contraventionem intentionis Sacerdotis intentioni Christi, qui noluit gratiam Sacramenti ex parte sua, et sui vicarii manere suspensam. Unde exemplum retorqueri debet in eo utentes sub hac forma. Nam quoties matrimonium tam in ratione contractus, quam in ratione Sacramenti est perfectum, quin sub neutra ratione aliquid illi deficiat; non suspenditur, aut suspendi valet ejus effectus ex intentione ministri. Sed Sacramento Poenitentiae nihil deficeret ex sibi essentialibus in casu argumenti, nisi recta intentio facienda quod prescribit Ecclesia, et Christus determinavit. Vel ergo est nullum Sacramentum, vel si est verum, nequit ejus gratia suspensi in crastinum ob conditio- nem appositam.

191. Et haec quidem intelligi debent hoc admissa illa sententia, quam supponere videtur objectio, nimirum promissionem conditionatam matrimonii purificata conditio, sortiri effectum absque novo consensu ratificationis promissionis factae, atque ideo absque ullo alio actu transire in matrimonium absolute post adimpletam conditionem. Si vero teneamus oppositum, quod affirmant graves discipuli D. Thomae, ut Cajet. Soto in 4, distinct. 29, q. 1, art. 1, concl. 3. Ledesma 3 p. q. 47, art. 5, dub. 7, concl. 2. Bartholomaeus de Ledesma, Basiilius, N. Cornejo, Gonet, disp. 4, art. 5, n. 114, ex extraneis Suarez, et alii plures, quos refert N. Cursus moralis, et videtur approbasse D. Thomas in 4, dist. 29 et infra q. 47, art. 5, dum docuit quod si conditio est de futuro, et contingens, *tunc idem est judicium de tali consensu, sicut de consensu, qui fit per verba de futuro, unde non facit matrimonium.* In hac (inquam) sententia, quae magis semper arrisit, et solidior, ac sanior nobis videtur, totaliter argumenti vires dehiscunt, et illo exemplo magis conclusio posita roboratur. Tum quia nullum est matrimonium, quod non petat novum consensum absolutum post conditionem impletam; et si deficiat novus consensus, deficiet matrimonium in ratione Sacramenti: non ergo constituebatur in ratione Sacramenti per promissionem conditionatam, et alem dicemus de absolutione. Tum etiam quia de ratione Sacramenti novae legis est in sui primo fieri concurrere ad gratiam physice instrumentaliter, quantum est de se, ut est inconcus:a

Lugo
prolixus.

Non
sufficit
purifi-
casse
conditio-
nem.

N. Curs.
Moral.
Ledes-
ma.
Coninch.
Bona-
cina.
Trullench.

Non
tevere
i lam
doctri-
nam
ostendi-
tur.

Opposi-
tus
discur-
sus
verus.

Cajet.
Soto.
Ledes-
ma.
Basi-
lius.
N. Cor-
neso.
Gonet.

Suarez.
N. Curs.
Moral.

D.Thom.

concussa Thomistarum doctrina; sed matrimonium non concurrit neque concurrere potest physice ad gratiam, quin existat physice; non autem existit physice, quin interveniat novus consensus; siquidem conditionis nec est Sacramentum, nec pars Sacramenti, sed quid adventitium, et omnino extraneum: non ergo obtinet rationem Sacramenti ex vi consensus conditionati, nec similiter absolutio itidem sub conditione lata. Quare ut objectio teneret, opus erat recurrere ad ratificationem, et novam absolutionem ministri, cui non est locus; cum contingere possit, vel e vivis jam discessisse, vel longissime stare, ubi non ipsi constare queat de adimpta conditione. Et ideo ex nullo capite urget praedicta instantia.

Præcluditur.

192. Nec refert coincidentia in ratione contractus, et ratione Sacramenti, respectu matrimonii, ut ex adverso opinantes causari possunt. Nam ratio contractus supponitur ad rationem Sacramenti, et non est eadem utriusque essentia, sed longe alia, quoniam sub ratione contractus præsupposita permittit iniri, sive absolute, sive conditionate de futuro, ut cæteri alii contractus legales. Sub ratione autem Sacramenti, quæ est elevatio, importat essentialiter esse signum practicum, et infallibile gratiæ in ipsis administratione recipienda. Et ex hoc capite excludit conditionem de futuro, quia gratia suspendatur, ut reliqua alia Sacra menta.

Urgetur

Præterquam quod sub prima consideratione non regulatur, nisi per leges positivas, et humanas ad mutuam inducendam obligationem inter contrahentes; at vero sub secunda non aliam habet regulam, quam voluntatem Christi decernentis omnia Sacra menta novæ legis absque ullo inter ea discrimine esse signa practica, et infallibilia gratiæ in ipsis administratione, et receptione nanciscendæ. Quare quoad hanc partem illa exceptio Matrimonii ut voluntaria, et absque fundamento abjici debet. Si qua enim versatur differentia inter matrimonium, et cætera Sacra menta, ea quidem se tenet ex parte contractus præsuppositi; et quia ad legitimate paciscendum, et iniendum contractum non requiruntur formalia verba, sed sufficiunt, vel rescripta, vel nutus, vel interpositi nuntii; quantumvis longissime distent, et invicem sint incogniti contrahentes; idecirco potest quolibet ex his modis contractus matrimonialis celebrari. In ratione

vero practice significandi gratiam, quo pacto superinduit elevationem, et rationem propriam Sacramenti, nulla est exceptio hujus ab aliis Sacramentis novæ legis; atque ideo inepte ab una ad aliam fit argumentum, quin imo oppositum ut conformius D. Thomæ, et veritati tueri debemus ejus discipuli, quidquid Sanchez, et Sanchez. alii extra ejus Scholam aliis principiis ducti nobis obstrudant.

Est vero observandum cum Lugo disp. 13, sect. 6, num. 150, in hac materia præstare argumentum ab aliis Sacramentis ad unum Pœnitentiæ, quam unius ad alterum. Quocirca urgentior est instantia aliorum Sacramentorum, quam unius tantum matrimonii; nam alioqui ex hoc Sacramento recte argueretur ad alia omnia, et consequenter omnia solis nutibus, et inter absentes possent rite, et recte celebrari, et alia plura absurdâ deduci possent.

Et hinc constat ad secundum exemplum Dispositionis debiti sub conditione defuturo, quam quidem, quia pure humana est, concedimus obligare, et effectum sortiri posita conditione. At vero condonatio, quæ fieri debet media absolutione, quia divina est, et debet præscribi juxta Christi voluntatem satis manifestam ex Scriptura, Conciliis, et Ecclesiæ traditione non patitur moras suspensionis, et dilationis a conditione de futuro; sed vel in ipsa absolutione nanciscenda est, vel nulla absorlutio evadet, ut constat ex dictis.

193. Si vero inquiras quid dicendum sit de hac absolvendi forma: *Ego te absolvo si Deus scit tuam crastinam restitucionem?* Respondetur de ea non satis convenire inter Authores. Nam sunt qui prædictam absolutionem ut omnino nullam successant, ut Coninch. p. 64, art. 8, dub. 2, Coninch. conclus. 2. Aversa quæst. 12, de Pœnit. Aversa. sect. 4, § si demum Suarez tom. 3, in 3 Suarez. p. disp. 79, sect. 9, § ex dictis, quibus a se relatis adhaeret Prado in præsenti dub. 7, n. 10. Eam tamen esse validam affirmant Lugo ubi supra a n. 134. Bernal disp. 17, de Sacramentis sect. 2, § 5, num. 100, Arriaga, disp. 50, sect. 3. Martimon. disp. 52, sect. 4. N. Antonius a Spiritu sancto de Pœnit. tract. 5, disp. 2, sect. 7, num. 41. Nec dissentit Suarez disp. 13. sect. 3, § sed urgebis.

194. Nos autem censemus distinctione opus esse; nam vel ponitur pro conditione sola scientia Dei, vel eam etiam ingredi-

Responso alterius questione cœlulae.

Lugo. Bernald. Arriara. Martin. N. Antonius.

Sub distinctione responsa detur.

ditur crastina restitutio, ita ut tota illa propositio se habeat ut pura conditione ad absolvendum. Si tantum scientia Dei sumatur pro conditione; profecto non redditur invalida absolutio; quia cum ea sit præsens, eadem ratio militat de illa, ac de conditionibus de præsenti, atque ideo Lugo. suscribendum est Lugoni, et cum ipso re-latis. Nec in hoc sensu refragari debent Authores primæ sententiæ affirmantes conditionem de præsenti non reddere nullam absolutionem.

Qualiter scientia Dei conditionem ingredi possit. Si vero non solum Dei scientia ingrediatur conditionem, sed etiam ipsa restitutio crastina, quo pacto adest duplex conditio æquivalenter, et quasi mixta ex una de præsenti, et altera de futuro, quamvis ut subest scientia Dei, ita sit infallibilis, et necessaria necessitate suppositionis; asserendum est absolutionem esse nullam, in quo etiam debent convenire Lugo, et alii secundam sententiam amplectentes. Et ratio est, quia conditio de futuro, quantumvis ea sit necessaria, suspendit effectum absolutionis usque ad terminum præfixum in conditione, ut uniformiter supponunt utriusque sententiae patroni: sed conditio quæ suspendit fructum absolutionis destruit, et irritam facit absolutio-nem: ergo cum illa conditio sit de futuro, oportet affirmare esse adversam, et repugnantem absolutioni. Quam sensum secuta videtur Sacra Cardinalium Congregatio, dum prohibuit anticipatam Missarum oblationem pro illo, quem Deus præscit primo eleemosynam largiturum, idque expposit ut scandalosum, et nimirum abhorrens

Clement. VIII. Barbosa. a vetusto Ecclesiæ more jussu Clementis VIII, ut refert Barbosa tom. 4 de po-test. Episcopi allegat. 24, num. 12, vel ut inquit Lugo in præsenti num. 138, de

Paul. V Caedila- lis Guevara. mandato Pauli V, ad instantiam Cardinalis de Guevara Præsulis Hispalensis. Et ratio decidendi est omnino ealem: quia nec est in potestate Sacerdotis suspendere fructum sacrificii odio celebrati, usque in crastinum; quoniam applicatio valoris vel comitatur celebrationem, vel ab ipsam præsupponitur, nec in incertum vadat. Nec etiam est in facultate ministri instru-mentaliter operantis suspendere, et quasi in æquulance relinquere fructum absolu-tionis, quem non aliter Deus decrevit ex-pendere, nisi media sui Vicarii intentione; atque ideo hac suspendente effectum usque ad tempus in conditione præfixum appo-nitur obex influxui, et causalitati divinæ,

quæ est ut ita dicamus ligata, et affixa positioni Sacramenti. Porro discrimen in-ter hanc, et illud exemplum solum stat in eo, quod in applicatione valoris Sacrificii illo modo facta non est defectus ex parte ipsius sacrificii, quia ad ejus essentiam non prærequiritur determinata applicatio pro hac, vel illa persona, sed se ipso cedit in cultu Dei, et ejus valor non recte applicatus accrescit Ecclesiæ thesauro. At vero in appositione conditionis de futuro in Sa-cramento redundat defectus in ipsum Sa-cramentum, quod essentialiter postulat intentionem recte absolvendi conformem intentioni Christi; et haec deficit quoties appositi fuerit conditio de futuro.

195. Hinc rursus inquires: An si Sa-cerdos ex ignorantia apponneret conditio-nem de futuro; cum tamen vellet, ut protinus sortiretur effectum, non expectata conditione, utrum verum conficeret Sa-cramentum? Respondetur affirmative, quo-niam in illo casu perinde se haberet conditio, ac si non fuisse apposita, et salvaretur vera, et absoluta intentio non adversa institutioni Sacramenti. Peccaret tamen gravissime ita absolvens, siquidem ex modo absolvendi indicaret conditiona-tam exhibere conditionem pluribus titulis illicitam, ut asseruimus, et invalidam, si suspenderet effectum. Quia vero in facta hypothesi ex intentione proferentis non suspendebat effectum, et reipsa coram Deo erat absoluta, idcirco teneret. E con-verso vero (ut aliam interrogacionem fieri solitam decidamus) si absolveret Confes-sarius absolute, cum intentione tamen differendi effectum pro aliqua mora tem-poris; valeret quidem absolutio, sed non minus graviter delinqueret, et in vanum dilationem vellet, quia posito semel Sa-cramento non est in potestate Sacerdotis pro-trahere, aut impedire effectum illius et in predicta hypothesi non suspenderetur. De quo videri potest Granados in præsenti disp. 6, sect. 3, n. 23.

196. Præter has quæstiunculas est et Altera, et alia hic resolvenda scilicet: sitne licita, gravior quæstio. aut valida absolutio dimidiata, et partialis? Duplex sensus. Quod dupliciter potest intelligi, vel ita ut sit partialis, et dimidiata ex parte formæ, et in hoc sensu nemo est, qui affirmet; sed incunctanter docent omnes scholastici nec licite, nec valide posse dimidiari ab-solutionem. Et ratio est manifesta, quia licet absorbtionis verba essentialia sint plura, omnia tamen per modum unius subster-nuntur

Alia quæs-tionæcada decisa.

nuntur significationi Sacramentali, quæ est prorsus indivisibilis : ergo nec hæc, nec ejus substractum in ratione subtracti patitur mediationem, aut divisibilitatem ; sed vel omnia debent coire ad veram, et licitam formam Sacramentalem ; vel nihil Sacramenti formaliter permanet, si dimidietur, et dividatur ejus forma.

An ex parte peccatorum quæ esse partia- lis?

Vel est sensus posse formam dimidiari, ex parte peccatorum, taliter quod aliqua absolvantur, aliqua vero inabsoluta remanent. Et hoc quidem aliqui locum habere existimant adhuc prescindendo ab ea quæstione infra discutienda, *an unum peccatum possit sine alio remitti*, et ab alia inferius etiam enodanda de peccatis reservatis Superiori, qualiter vel ab illo, vel ab inferiori impendi debeat absolutio, dum quilibet pro suo jure absolvit. His itaque præcisus difficultatibus gravioribus, Joannes de Medina Codice de Confessione, q. 2 : *De absolutione obliti* non improbabiliter sustineri posse affirmat, absolutionem Sacramentalem non se porrigure ad peccata ea memoria lapsa, sed sistere tantummodo in expansis seu explicatis. Tum quia nullus iudex recte fert sententiam, quæ sit valida, et justa super incognita, nam ut bene usurpat Concilium Tridentinum sess. 14, cap. 2, verum alias proloquium, *quod ignorat medicina, non curat*. Sed Sacerdos absolvens agit judicem inter Deum offendit, et hominem peccato obnoxium : ergo Sacerdos media absolutione non fert sententiam, et consequenter non absolvit de peccatis in confessione oblitis. Tum etiam, nam alias non subasset oneri peccata e memoria excisa confitendi, siquidem supponebantur remissa per priorem absolutionem ; et non est rationi, et æquitati consonum semel a debito absolutum subjicere obligationi iterum debitum propalandi, et detegendi.

Joan. de Medina censet probabilem oppositum.

Trident.

Idem ex alio capite censuit Aversa.

197. Alia via incessit Raphael de Aversa q. 12, de Pœnit. sect. 4 in fine, asserens negandum non esse dolo, et malitia Sacerdotis posse absolutionem dimidiari valide. Et hoc altero ex his modis, vel mentaliter limitando intentionem ad hæc peccata v. g. injustitiae, exclusis aliis contra charitatem ; vel etiam ore proferringo : *Ego te absollo a peccatis sacrilegi tantummodo*. Quolibet enim horum modorum limitetur absolutio, tenebit quidem quoad illa peccata a Sacerdote determinata, non vero quoad alia exclusa, siquidem pœnitens bona fide præstolabatur

absolutionem integrum ; et non est ratio ipsum cogendi ad iteratam illorum peccatorum, de quibus fuit absolutus, confessionem. Quare si aliquando ad ejus notitiam pervenerit limitatio Sacerdotis, admonendus erit confessionis facienda de solis illis peccatis, supra quæ non cecidit absolutio.

198. Neutra tamen harum sententiarum sustinenda est, prima quidem quia periculosa, et manifeste falsa, utpote quæ opponitur doctrinæ Concilii Tridentini illo capite 5, in contrarium allegato, ubi de peccatis e memoria excisis ita inquit : *Reliqua autem peccata, quæ diligenter cogitanti non occurrunt, in universum eadem confessione inclusa esse intelliguntur, pro quibus fideliter eum Propheta psal. 18 dicemus. Ab occulis meis munda me, Domine.*

Utraque sententia est falsa ex Trident. 18
D.Thom.
Ubi manifestissimum est oblitera peccata virtute absolutionis dimitti, non quidem directe, quia expressa non sunt, sed indirecte ; alias non appareat qualiter possent in confessione includi. Quæ etiam fuit doctrina D. Thomæ in 4, dist. 21, q. 2, art. 1, dicentes virtutem clavium se directe porrigure ad abolenda confessa, et indirecte etiam oblitera, et inde infert cum ad memoriam fuerint redacta, esse onus confessionis ea subjiciendi, *ut suppleatur quod desuit Sacramentali confessioni*. Et ita tenent omnes alii Theologi contra prædictum Joannem de Medina de potestate clavium non bene merentem, ut supra vidimus, quatenus sensit peccatum virtute contritionis remitti, non vero virtute Sacramenti, nisi quoad exclusionem a regno cœlorum ; et absque duce commentus est absolutionem, quæ non sit reconciliativa, et hanc dimidiari posse judicavit, secus vero de absolutione reconciliativa. Quæ quidem distinctio nemini post ipsum arrisit, cum vel non sit non vera absolutio, vel debet in reconciliationem cum Deo ut in proprium scopum collimare.

Et hinc sumitur ratio in oppositum. Quoniam juxta doctrinam Concilii, et omnium Theologorum forma absolutionis, in qua præcipua Sacramenti vis sita est, non alium finem habet, quam Sacramentum Pœnitentiae, quod essentialiter constituit : sed nullum est Sacramentum Pœnitentiae, quod non sit medicinale, et de se reconciliativum hominis cum Deo : ergo nulla est absolutionis forma, quæ non sit reconciliativa. Unde sicut non admittitur in Ecclesia nisi unicum specie athoma Pœ-

Ratio
decisionis.

nitentia Sacramentum essentialiter reconciliativum, ita non debet admitti absolucióne, quae reconciliativa non sit.

Convel-luntur
opposita
motiva.

199. Porro motiva in oppositum allegata levissima sunt ad pondus tantæ difficultatis sustinendum. Nam quod primo objicit facile dispellitur ex eo, quod sententia Sacramentalis directe solum versatur circa peccata in confessione expressa; virtualiter tamen, et indirecte fertur in omnia, et quælibet occulta: sicut enim dolor ex parte pénitentis debet detestari ne dum quæ cognoscit, sed etiam quæ ipsum latent; quia oportet esse universalem, et ex motivo universalis, quod nullum peccatum vel formaliter, vel virtualiter non excludat, consumiliter et absolutio. Cujus non est alia ratio, nisi quia sive pénitens, sive confessarius tendunt, et tendere tenentur in reconciliationem hominis cum Deo medio illo Sacramento. Non est autem vera reconciliationis, quæ inimicitiam importatam in peccato gravi admittit. Unde Major illius discursus, esto teneret in judiciis pure humanis, in quibus non fertur sententia, nisi juxta allegata, et probata in foro externo a cæteris supersedendo; secus vero in iudicio interno, et Sacramentali. Nec

Trident. recte allegatur in oppositum Tridentini authoritas; si quidem illa propositio non cadit supra oblitera, sed supra scienter ac voluntarie suppressa, ut liquet manifeste integrum periodum referendo: *Qui vero secus faciunt, et scienter aliqua retinent, nihil divinæ bonitatis per Sacerdotalem remittendum proponunt. Si enim erubescat ægrotus vulnus medico detegere, quod ignorat, medicina non curat.* Et in hoc sensu explicata Majori, et concessa Minori, nulla est Consequentia.

Diluitur alterum motivum. Paris debilitatis est secundum motivum, ut constat ex nuper tradita Doctrina D. Thomæ: quamvis enim peccata oblita remissa fuerint ex vi absolutionis; dum memoriae occurront, debent subjici Ecclesiæ ministris, cui hactenus ob memoriam lapsum subjecta non sunt. Et id quidem non ut iterum dimittantur, sed ut suppletur defectus alterius Confessionis, et Ecclesiæ præceptum executioni mandetur, quo urgentur fideles omnia sua peccata memoriae occurrentia directe absolvenda proponere. Unde graviter deliqueret, qui ea manifesta non curaret. Quare prædictam sententiam ut falsum, et singularem rejicit Prado § 2, n. 14.

200. Secundam vero sententiam, ut improbabilem refutat Suarez, disp. 31, sect. 1, concl. 1, et merito. Nam semel atque pénitens sit bene dispositus, et Sacerdos serio intendat verum conficere Sacramentum; nequit non absolutionem integrum impendere supra omnia peccata ipsi manifesta: quia omnia illius per modum unius sunt materia necessaria absolutionis; nec est in ejus potestate hanc præ illa materiam gravem seligere; sed vel omnia, vel nulla debet comprehendere; quia cum non sit arbiter, sed nudus minister Sacramenti, non illi subest potestas aliter absolvendi, quam Christus instituit, et Ecclesia docet. Constat autem ex utroque capite, nec non ex Concilio Tridentino hoc Sacramentum ordinari ad plenam, atque perfectam peccatorum remissionem, cujus proinde fructus est reconciliationis cum Deo, nulla tenus cohærens cum peccato gravi: ergo eo ipso quod Sacerdos serio absolvere intendat, et Sacramentum conficere, tenetur ab omnibus absolvere, et quamlibet inter peccata segregationem abigere; alioqui invalide contra Christi institutionem, et Sacramenti finem procedet.

Si vero non serio, sed joco se gerere velit in ejus administratione, ex hoc ipso convincitur ludibrio ipsum exponere nec consequenter velle perficere, ut constat ex diffinitione Tridentini sess. 14, can. 9, Trident., ubi similes absolutiones ut irritas, et nullas damnat. Atque ideo a nullo absolvet, quasi nullum pénitens confessus fuisset. Nec est simile de absolutione a censuris, quæ quia non est pure Sacramentalis, ut supra diximus potest applicari uni, et non alteri censuræ; nisi in casu absolutionis Sacramentalis mox applicandæ, ut consuevit præmitti: tunc enim ab omni censura debet necessario absolvī, ne impediatur fructus absolutionis Sacramentalis, quod tamen est per accidens ad absolutionem Censurarum. Ex quibus liquet, quam merito summus Pontifex Innocent. XI, anno 1677, die 2 Martii proscripterit hanc propositionem: *Licet Sacramentaliter absolvere dimidiate tantum confessos, ratione magni concursus penitentium, etc.*

Maneat ergo inconcussum, et nulli dubitationi obnoxium, sacramentalem absolutionem nec in se ipsa, nec per ordinem ad peccata valide aut licite dimidiari posse in sensu ab illis Authoribus intento. Quid vero dicendum sit, intervenientibus casibus

Secunda sententia ut improbabilis rejicienda est. Suarez,

Inno-cent. XI.
eam expun-git senten-tiam.

bus reservatis, a quibus dumtaxat superior absolvat, remittendo ad inferiorem pron reservatis, ex infra differendis circa casum reservationem constabit.

DUBIUM V.

Utrum absolutio Sacramentalis possit valide absenti scripto vel internuntio conferri?

201. Quæstionem agredimur satis celebrem, et acriter utrinque non diu ante a Theologis agitata, vix enim editur liber de hac materia, in quo illa præcipuum non sibi vindicet locum, et merito; utpote quæ est scitu dignissima, et viam sternit ad aliam, que de confessione non minori partium contentione discutitur, imo aliqui unam alteri ita annexunt, ut unam et eandem esse velint, cum tamen res sit diversa. Ut ergo expeditius difficultas scopum attingamus, non abs re esse censemus quid de illa inter partes circumferatur, et invicem reponatur, auscultari. Porro veteres Theologi tam subobscure locuti fuerunt, ut partem affirmativam tenuisse videantur, et eis ascenset P. Suarez in praesenti, disp. 18, sect. 3, n. 2. D. Antonin. Turrecremata, Paludanum, utrumque Soto, quasi licitam aliquando autumaverint absolutionem absentis. Idque enixius prosequuntur ex recentioribus ejusdem Societatis Theophilus Raynaudus in dissert. de epist. confess. P. Tyrso tom. 3. Select. disp. 35, sect. 1. Matheus Asoyā in suis Selectis disp. 6, de formâ absolutionis, quibus præluxit Fagundez dicens hanc opinionem de absolutione absentis in eodem sinu Prædicatorum, et Thomistarum natam, adultam, et extinctam fuisse, quæ phrasí illius originem, cursum, et occasum in Patres Dominicanos, refundit quasi non alii illi fuerint prodromi.

Verum relatos D. Thomæ discipulos, et alios ab eo crimen (si verum crimen est, et non magis laude dignum, adhuc proprias opiniones a vero deviantes confundere ac sepalire) vindicat Martinez de Prado tract. de Confess. q. 3, dub. 1, § V, expensis formalibus eorum verbis; et ante illum Arauxo, Joannes a S. Thoma. Gonet ac tandem Vincentius Baronius p. sue Theologiæ Moralis, disp. 1, sect. art. 3, jam reclamaverant ex adverso reponentes aliquorum veterum (non Thomistarum) eam sententiam de absolutione licita, et

valida absentis pridem abolitam, in Hispaniam redivivam, et e cineribus suscitatam apud P. Societatis pullulasse, et ut testabatur P. Dufay tract. de Pœnitentia, prædicta sententia non solum privatim in Collegiis, utputa Vallisoleti, Salmanticæ, et Compluti tanquam sanior e suggestu dictabatur, sed etiam luci publicæ data fuerit ab Henrico Enriquez in sua Summa morali, et deinceps a P. Emanuele Saa in ejus Aphorismis Antuerpiæ anno 1599 et postea Lutetiæ anno sequenti, cujus verba refert Gonet in praesenti. Addit vero Joannes a S. Thoma eo rem perductam fuisse, ut ea sententia ad proxim, et fidelium usum redigeretur, ut rumor erat. Et hoc in causa fuit Clementem VIII adeundi, ipsumque de hac re consulendi, ut ejusdem peremptorio judicio, ac sententia lites, et contentiones in dies succrescentes sedarentur, et quid in re tam periculis obnoxia, quam fidelibus necessaria, tenendum foret, statueret, ac ex cathedra determinaret, uti factum esse constabit ex infra subjiciendo decreto.

202. His circa quæstionis notionem circa præjudicium partium auditis ex ipsis met Authoribus inter se dissidentibus, ut difficultates inter se discernamus animadvertisimus aliam esse hanc difficultatem ab ea, quam alioqui versant de absolutione moribundi, qui vel nullum signum contritionis dedit, vel si aliquod exhibuit non fuit in praesentia sacerdotis, sed eo absente: de quo proinde non illi queit constare, nisi ex testimonio fide digno, et relatione adstantium petitioni confessionis. Haec enim duæ quæstiones male confunduntur, et non melius hic pertractantur, quando quidem altera pertinet ad tractatum de confessione, ubi propriam sedem habet, siquidem istius nodus non revocatur ad absolutionem, sed hujus vi ac efficacia supposita, reducitur ad confessionem ipsam, an nimirum sufficiat, quod confessio fiat per relationem adstantium, præsentibus penitente, et sacerdote, vel non? vel casu quo nullum signum contritionis dederit morti proximus, et rationis impos; an sit absolvendus, necne? Quod quidem longe diversum est a puncto praesenti, ut ex ipsis terminis liquet, de absolutione in absentem directa, sive ea sit per nuntium, sine per epistolam, ut fieri solet absolutio a censuris. Nam quid sit de morti proximo, elingui, et sensibus destituto, an sit, vel non sit absolu-

P. Du-fay.

Henri-quez.
Ema-nuèle
Saa.Gonet.
Joann. a
S.Thom.Clemens
VIII.Discre-tio
hujus
quæstio-nis ab
alio.

Status
questio-nis, si
qualiter
hinc
inde
exigitata
fuerit.

Quid
vetores
de illa.
Suarez
a legat
D. An-tonin.
Turre-
crem.
Palud.
utrum-
que
Soto,
Raynaud.
P. Tyr-
so,
Moya,
Fagun-dez.

Martinez
de Pra-do,
Arauxo,
Joann. a
S.Thom.
Gonet
Baron.
Thomis-tarum
illorum
Vindi-ces.

tionis capax ob defectum confessionis externæ, quam aliqui sentiunt desiderari formalem, alii sufficere autemant, vel virtualem, vel interpretativam, de quo infra, adhuc superest ambigendi locus : an semel confessus, vel per se ipsum, vel per epistolam, aut internuntium, absens tamen a Sacerdote possit absolutionem accipere. Et hic est nervus totius difficultatis quæ ad Clemens VIII. delata est, et quæ ad Discretione ratione.

Et quidem rem ita esse convincitur sequenti discursu, nobis evidenti. Nam si ea necessitas intercederet inter illa dubia, quam juniores intentare præsumunt; tam certum esset absolutionem posse absenti conferri, sive in scriptis, sive per nuntium, quam est certum posse, et deberi impendi morti proximo impoti confitendi, vel signum aliquod exhibendi, quod tamen protulit in absentia sacerdotis : sed est omnino certum, et communiter receptum hominem in eis angustiis constitutam posse, et debere absolvi adveniente sacerdote, et poenitenti præsenti : ergo etiam erit omnino certum posse et debere absolutionem conferri absenti, sive per litteras, sive per internuntium. Major nequit negari, nisi affirmando quod intendimus, uon esse connexionem necessariam inter illas difficultates. Minor vero constat ex

Concil. Carthaginense. Concilio Carthaginensi 4, cap. 76, ubi dicuntur : *Is qui pœnitentiam infirmitatem petit, si casu, dum ad eum Sacerdos invitatus venit, oppressus infirmitate obmutuerit, vel in phrenesim versus fuerit, dent testimonium, qui eum audierunt, et accipiat pœnitentiam, et si continuo creditur moriturus, reconcilietur per manus impositionem.* Idem decrevit Concilium Arausicanum sub his uerbis : *Subito obmutescens baptizari, aut pœnitentiam accipere potest, si voluntatis præteritæ testimonium aliorum verbis habet, aut præsentis in suo nutu.* Consequentia vero est legitima, sed Consequens penitus falsum, utpote expresse damnatum a Clemente octavo, ut infra videbimus. Non ergo est connexionem necessaria inter eas difficultates, sed separari, et seorsim examinari debent.

Difficultatis scopus. Hinc satis liquet præsentis difficultatis decisionem esse debere magis universalem, et independentem a casibus particularibus, quales sunt illi de morti proximo, et sensibus destituto, vel aliter impedito ad confitendum adhuc Sacerdote præsenti.

Si quidem quæstionis titulus non restrictive, sed amplius procedit, et porrigitur ne dum ad ægrotos, sed etiam sospites nulli infirmitati obnoxios, quicumque illi sint, dummodo absint a sacerdote. Unde prius constare debet, an possit, vel non possit in absentem absolutio ferri, et deinceps juxta hanc determinationem particulares casus debent resolvi, supposita tamen semper Sacerdotis absentia ad actualem absolutionem. Si enim haec non supponatur, ut in casu moribundi non supponitur, quin adstruitur præsentia, non comprehenditur præsenti difficultate. Pro cuius decisione sit.

§ I.

Vera difficultatis resolutio.

203. Dicendum est nullam esse absolutionem Sacramentalem absenti quomodo traditam, vel per rescriptum, aut epistolam, vel per internuntium. Hanc conclusionem, quam ut indubiam semper sectari sunt discipuli D. Thomæ (quidquid ali intendant), ut omnino certam amplectuntur omnes Theologi post decretum Clementis octavi mox subjungendum, quo eam ex cathedra definivit. Et colligitur efficaciter ex doctrina Concilii Tridentini sess. 14, cap. 2, ubi docet post Baptismum crimine aliquo contaminatos sisti debere ante tribunal Pœnitentiae, ut per Sacerdotis sententiam liberari possint : ergo sentit Concilium præsentem esse debere absolendum ; alioqui enim non jubetur sisti apud judicem ; cum confessio queat fieri per nutus et signa aliqua extera, quin verba formalia proferantur, ut mutis accidit. Nec appetit ratio, cur pœnitens debeat esse præsens ad confitendum, et non sit etiam præsens ad beneficium absolutionis, a quo reportat commodum ; cum tamen in confitendo illud non subeat, sed potius angorem, et tristitiam. Constat autem Concilium exigere presentiam realem, et physicam pœnitentis, dum jubet eum sistere ante sacerdotem : ergo similiter jubet præsentiam Sacerdotis ad absolendum, subindeque sicut nulla est confessio absensis ex mente Concilii, nulla etiam erit absolutio, quæ non feratur in præsentem.

Id ipsum docuit D. Thomas in 4, dist. 16, q. 3, art. 4, asserens : *Utilius esse in extrema necessitate confiteri laico præsenti, quam*

Vera
senten-
tia.

Dedu-
tur ex
Concilio.

quam sacerdoti absenti. Si autem Sacerdos absens valide posset absolvere; id quidem non esset utilius, quando quidem vere absolveretur ab illo; et a Laico nullam accipere posset absolutionem: ergo ex mente D. Thomæ nec confessio, nec absolution factæ in absentia sunt validæ, et sacramentales.

Theolo-
gicum
funda-
mentum.

204. Deinde probatur ratione Theologica. Quoniam Sacramentorum formæ, nec licite, ne valide conferuntur, et applicantur, nisi juxta Sacramentorum institutionem ex Christi voluntate præscriptam, et perenni Ecclesiæ usu observatam, ut ex se liquet: sed de institutione, et essentia hujus sacramenti est, quod absolutio impendatur, et applicetur reo præsenti: ergo tam illicite, quam invalide applicarentur, et impenderetur absenti. Consequentia constat, et Minor ad quam revocari potest difficultas ex pluribus capitibus probatur. Primo quia absolutio est, et esse debet actio Sacramentalis, alioqui enim non ea conficeretur Sacramentum Pœnitentiae, contra id quod intenditur. Actio autem Sacramentalis et omnium præcipua nequit absenti applicari, ut constat in omnibus aliis Sacramentis, quibus repugnat in absentem ferri; non enim Baptismi, Confirmationis, Ordinis, aut Lucharistiae formæ, materiæ, applicari possunt, quæ physice præsens non sit. Nec ab hac regula excipitur matrimonium ob supra dicta. Esto tamen illi hoc privilegium concedatur ob speciale, et ipsi propriam rationem contractus naturalis; non inde recte trahitur argumentum ad cætera Sacra menta, atque ideo nec ad Pœnitentiam, ut constat ex dictis, quin imo vice versa argendum est efficacius a pluribus Sacramentis ad unum. Tum etiam quia Pronomen *Te* non importat minorem præsentiam, aut demonstrationem, quam pronomen *Hoc*, ut constat etiam a paritate aliorum Sacramentorum, in quibus illud pronomen postulat eamdem physicam præsentiam demonstrativam, ac in Eucharistica in materiam absentem physicæ relata est contra Christi institutionem, atque ideo nulla, ut omnes asserunt, et asserere tenentur. Ergo similiter dicendum est de forma absolutionis, de cuius essentia est illud pronomen explicare. Tum præte ea ex ratione judicii Sacramentalis pro foro interno, de cuius ratione est, quod pœnitens sit simul reus, actor, et testis, quod

illi pro se, et contra se credatur et iudex audiat, exquirat, dubitet, et interroget, donec parveniat in cognitionem causæ, et dispositionem, ac voluntatem pœnitentis exploret, dum actu absolvens est. Hæc autem omnia nequeunt innoscere Sacerdoti in absentia absolventi, et ut alia omittamus, qualiter dignoscere poterit, sitne actualiter peccans absolvens? vel an retractaverit voluntatem? vel ab occasione destiterit? et alia sexcenta, quæ ignorare non debet, et quantum fas est homini, perspecta habere Sacerdos in absolutionis prolatione. Tenere ergo et cum periculo irritum faciendi Sacramentum absentem absolveret.

. 205. Huc maxime accedit perpetuus Ecclesiæ usus: nam ut docet D. Thomas 22, q. 10, art 12, *ipsa doctrina Catholicorum Doctorum ab Ecclesia autoritatem habet;* quare Concilium Tridentinum sess. 14, saepe in hoc opere allegata, et alleganda cap. 5, non aliunde probat confessionis Sacramentalis necessitatem pro hoc Sacramento, nisi ex ipsius institutione prout ab universa Ecclesia intellecta, et universaliter recepta. Hæc enim est certa, et infallibilis veritatis regula, et idcirco D. Thomas ubi nuper docuit magis standum esse auctoritati Ecclesiæ, quam auctoritati, vel Augustini, vel Hieronimi, vel cuiuscumque Doctoris. Constat autem nunquam fuisse in Ecclesia universalis usum absolvendi sacramentaliter non physicæ præsentem; nec hoc modo fuisse intellectam Sacramenti institutionem ergo signum manifestum est semper ut illicitam, et invalidam habitam fuisse ab Ecclesia talem absolutionem; quidquid sit de hoc, vel illo Authore aliter opinanti, quem forte invincibilis ignorantia juris quoad illicitum excusaverit; quod nostra nec refert, nec definire incumbit. Major hujus discursus est certa, Minor, quam forsan aliqui non adeo veram censebunt, constat a posteriori, siquidem quam primum ad Ecclesias notitiam pervenit hujus Sacramenti usus inter absentes, controversiam magna utriusque partis contentione inter Ordinis Predicatorum Theologos, et Socieatis, summus Pontifex ad se advocavit, et re mature, et ut par erat, auditis aliorum Ordinum doctissimorum suffragiis, hinc, et inde librata, ex cathedra litem dirimens ejus probabilitatem, si qua illi erat, abrogavit, et ad usum redigi prohibuit sequenti decreto, quod ad litteram transcribimus.

Usus
Ecclæ-
siæ,
quem
præha-
bit.

D.Thom.
convincit
inten-
tum.

Decre-
tum
Pontifi-
cium.

Die 20 mensis Junii, anno a Nativitate Domini nostri Jesu Christi 1602, in generali congregazione S. Romanæ, et universalis Inquisitionis habita in Palatio Apostolico in monte Quirinali coram SS. Domino nostro Clemente divina providentia Papa VIII. Proposita quæstione, utrum liceat per litteras, seu internuntium Confessario absenti peccata Sacramentaliter confiteri, et ab eodem absente absolutionem obtainere? Sanctissimus Dominus noster, auditis votis Patrum Theologorum, et re cum Illustrissimis, et Reverendissimis Dominis Cardinalibus, contra hæreticam pravitatem generalibus Inquisitoribus, mature, ac diligenter considerata, hanc propositionem, scilicet licere per litteras, seu internuntium, Confessario absenti peccata Sacramentaliter confiteri, et ab eodem absente absolutionem obtainere, ad minus uti salsam, temerariam, et scandalosam damnavit, ac prohibuit: præcepitque, ne deinceps ista propositio, publicis, privatisque lectionibus, concionibus, et congressibus docetur, neve unquam tanquam aliquo casu probabilis defendatur, imprimatur, aut ad præxim quovis modo ducatur. Quod si quis illam docuerit, defenderit, aut impræmis fecerit, aut etiam de ea disputative tractaverit, nisi forsan impugnando, vel ad præxim sive directe, vel indirecte deduxerit, præter excommunicationem latæ sententiaz, quam ipso facto incurrat, et a qua non possit, præter quant in articulo mortis, ab alio, quacumque etiam dignitate fulgenti, et S. Romanæ Ecclesiæ majori Ponitentiario, nisi a pro tempore existenti Romano Pontifice, absvoli, aliis etiam pœnis arbitrio infligendis subjaceat. Ex quo manifeste liquet in Ecclesia universalis, nec permissam, nec toleratam fuisse illam sententiam; non enim ita severe in illam supremum Caput animadvertisset, si eam aliquomodo probabilem, et præxi dignam existimasset: et ut amplius non serperet, sed penitus obrueretur, et sepeliretur, eam absolutionem invalidam prorsus declaravit. Quod abs dubio jam præstisisset, quovis tempore illi proposita esset ea quæstio; non enim dogmaticæ propositiones temporum vicisitudinem experiuntur; licet quandoquidem dissimulate in libris terantur, donec ad Lydium lapidem deferuntur, et earum pondus examinatur.

206. Hoc ictu perculti illius sententiæ fautores, quem non poterant in totum declinare; linire tamen agressi sunt dicendo summum Pontificem ea censura solum

damnasse illam propositionem; non quia invalida, sed quia illicita erat sive confessio, sive absolutio in absentia facta.

Cæterum hæc explicatio non invalidit, sed ipsismet Authoribus displicuit; quandoquidem si dumtaxat foret prohibita, quia illicita, non vero quia nulla; saltem in aliquo casu summe urgenti posset reddi licita: sed summus Pontifex diserte asseruit in nullo casu esse probabilem, subindeque nec licitam, nec quovis modo ad præxim debere reduci: ergo non tantum censuit esse illicitam, sed etiam nullam, et invalidam, et utroque modo illam præscrispit.

Unde hac expositione omnino posthabita, fidentis arripuerunt aliam, quam primo traxerunt P. Suarez in præsenti disp. 21, sect. 4, ubi docuit mentem Pontificis fuisse damnare totam illam propositionem copulativam, non vero ejus partes divisive acceptas: quasi esset sensus prædicti decreti, illicitas, et invalidas esse confessionem, et absolutionem in absentia factas; non vero esse illicitam semper, et invalidam Confessionem factam absentia, dummodo absolutio obtineatur a Sacerdote præsenti: nec similiiter erit nulla absolutio facta absenti, dummodo confessio facta fuerit ipsimet Sacerdoti præsenti. Fundamentum fuit, quia conjunctio et copulat, et non disjungit extrema copulata. Et cum quæstio proposita esset: *Utrum liceat per litteras, seu internuntium Confessario absenti peccata Sacramentaliter confiteri, et ab eodem absenti absolutionem obtainere?* Summus Pontifex solum damnavit hæc extrema ut copulata, nimirum absolutionem, et Confessionem in absentia factas; non vero divisive, seu disjunctim accepta; alioqui nunquam licet, nec valeret confessio facta in absentia Sacerdotis; quod esse falsum constat in morti proximo, et sensibus destituto, quem esse absolwendum docuit idemmet Pontifex de illo casu interrogatus.

207. Verum ista expositiō tantum abfuit, ut animos aliorum Theologorum ex adverso instantium sedarit, quod potius impulit ad eam diruendum, et ut extortam, et supremæ determinationi adversam iterum Romam deferre. Et merito quidem, nam ea semel admissa, penitus elidebatur decretum Pontificium; cum non minora, nec absurdiora imminerent pericula ex absolutione facta in absentia, vel confessione itidem exhibita, adhuc divisive, quam ex illis simul acceptis; nec magis consulebatur

Alia
P. Suárez
exposi-
tio.

Nova
excitate
lites hac
exposi-
tione.

Reje-
tor.

tur institutioni, et veritati hujus Sacra-
menti, prout erat in Ecclesia receptum in
confessione, et absolutione divisive, quam
in illis copulativa, licet clariora essent
copulativa acceptis, quam disjunctim.

Præterquam quod, si summus Pontifex
tantummodo proscriptisset copulativam il-
lorum extremorum, quilibet illius pars
divisive ab alia esset vera, licta, et valida
saltem in casu urgentis necessitatis, ut de-
se liquet. Atque ideo tam licite, quam va-
lide posset quis confiteri dum Romæ de-
geret, quam qui absolveret Parisiis exis-
tens Romam profectum. Quid enim vetaret
me confiteri Romæ per litteras cum Petro
Parisiis vivente, quo ergo absolvendus
pergerem in vi confessionis per litteras
Romæ factæ? Et e converso me Parisiis
viventem absolvere Petrum existentem
Romæ, cuius ibi confessionem audieram.
Hoc enim negari non posset si illa expo-
sitione teneret; si quidem neutra illarum
damnata fuerit secundum se, et seorsim
accepta. Sed quis non videat quam lata
aperiebatur janua qualibet occasione ac-
cepta, confitendi cum absenti, vel ab ipso
absente absolutionem per litteras reci-
piendi, et plurima alia absurdâ devorandi
contra institutionem, et usum ab Ecclesia,
et in Ecclesia fidelibus observatum, et re-
ceptam? Quare ipsem Clemens VIII,
prædictam interpretationem male accipiens
ejus Authorem Romam vocari jussit, et
ex ejus libro illam radi, et expungi simul
cum tota illa sect. 4, præcepit, uti factum
fuisse constat ex testimonio authentico
Notarii S. Inquisitionis Licentia Michaëlis
de Velasco Salmanticæ subscriptentis in
ipsomet 4, tomo impressionis Conimbricensis 3t. Martii anno 1606, eam quæ
vidisse, et prædictum tomum ita expunc-
tum, et correptum in nostra hac Salmanticensi
bibliotheca servari fidem facimus.
Quod ideo sub hac firmitate attestamur,
quia apud aliquem illorum offendimus
prædictam sectionem in illo libro deside-
rari, quasi minus bene expunctam, aut in-
curia typographorum omissam.

208. Sed adhuc illi explicationi insis-
tentes, respondent prohibitione, seu ex-
punctione illa a prædicto libro, non laedi
sententiam P. Suarez; siquidem Pontifex
eam sententiam minime sua probabilitate
expoliavit; quia non ob aliam causam id
præcepit, nisi quia nolebat, ut ipso vi-
vente, ejus Bulla ab alio declararetur, ut
nunc. probat Amicus disp. 44, n. 61, ex ipso

Clemente, qui sufficienter post, suam
mentem declaravit vivæ vocis oraculo :
nam rogatus, an moribundus, qui ante
adventus Sacerdotis signa contritionis os-
tendit, si deinde obmutuit, debeat a Sacer-
dote præsenti Sacramentaliter absolvī?
Respondet, debere; quin et se illum abso-
luturum, et insuper Parochum aliter fa-
cientem puniturum; nec talem casum suo
decreto comprehendisse, ut Cardinalis Bel-
larminus, et Archiepiscopus Armacanus
se ab ipsomet Pontifice audisse testati sunt
anno 1608, die 16 Aprilis. Ita fere ad
verbū P. Tyrso supra laudatus sect. 2,
et ante ipsum Theophylus Raynaudus,
Amicus, et novissime Moya.

Unde validum existimant confici argumen-
tum pro sententia, et expositione
Suarez. Nam si semel moribundus potest
absolvī a Sacerdote, qui ejus peccata non
audivit, solo testimonio illorum qui ad-
fuerunt, dum signa daret; pariter absolvī
poterit, qui scripto sua peccata sigillatim
exposuit, cum litteræ fidem faciant disposi-
tionis pœnitentis aliter jam non potentis
se explicare. Cum ergo primum sit de-
mente Pontificis, plane conficitur secun-
dum ipsi non abversari, atque ideo pro-
babilem remanere post prædictum decre-
tum expositionem adductam a P. Suarez,
et sententiam illi innixam. Et hoc idem
argumento est non illam expunxisse Pon-
tificem; quia falsam, et propriæ ipsius
menti adversam, sed quia noluit ab alio,
quam a se ipso suam mentem exponi, et
Bullam a se editam declarari.

209. Verum dum ista perlegimus, et
luci publicæ donata conspicimus, absit
omnino, ut interpretandi licentiam, et
conjecturam probemus. Hac enim inter-
pretationis regula servata, quod decretum,
quæve Superiorem prohibitiō integra per-
maneret? Quas conjecturas quis non pos-
set aggerere ad propriam sententiam in-
demnum servandam, si semel licitum esset
affirmare aliquando Pontifices ita se gerere,
quod proscribant explicationem; non quia
falsam, nec propriæ menti adversam, sed
quia nolunt eorum sententias ipsis viven-
tibus ab aliis exponi, et adhuc legitime
interpretari? Profecto, qui ita respondet,
non bene consultit sincero veritatis zelo,
quem in supremo Ecclesiæ capite par est
revereri, et ut bene animadverit Vincen-
tius Baronius sect. 4, § 3, minus habet
detractam Clementis famam, et veritatis
curam, quam unius Authoris, correctam

Cardi-
nal-
Bellar-
min.
Arma-
canus.
P. Tyr-
so.
Theo-
phylus
Ray-
naud.
Moya.

Falsa
est hæc
interpre-
tatio.

Clemens
VIII.
expungi
ussit.

Michaël
e Ve-
asco.

Tyr-
so.

Alia
inter-
retatio
cereti.

nunc.

Vincent.
Baron.

sententiam. Quid enim piaculi habet cui-libet, quantumvis superiori sententiae ve-ram intelligentiam apponere, sanumque sensum in publicum edere? Vel ergo male exposuit Suarez, vel Clemens male se gessit in ferenda contra eum sententia? Sane ex hoc dilemmate absurdior est se-cunda, quam prima pars; atque ideo fa-teti oportet, recte prohibuisse Pontificem, non solum absolutionem, et Confessionem in absentia collective, sed etiam divisive, ut illicitas, et invalidas; quas tamen Pa-tter Suarez aliquando licitas, et validas di-visim sumptas affirmabat, et affirmare co-gebatur in vi expositionis.

210. Et quia res est facti, operæ pre-tium est testimonia, nulli tergiversationi obnoxia in medium adducere, et sic per suas partes traditam solutionem refellere. Quod ergo Clemens VIII responsionem P. Suarez non ex motivo prædicto, sed ex

opposito expungi, ac radi jusserit, constat evidenter: siquidem post obitum Clemen-tis, causa P. Suarez iterum ad Paulum V delata, et omni cura hinc et inde contro-versa, editum, ac promulgatum est se-quens decretum: *Die 4 Julii 1605, propon-sita causa P. Francisci Suarez Jesuitæ, et consideratis iis, quæ scripsit tom. 4, in 3 p. S. Thomæ, sect. 4, disp. 21, interpre-tando decretum felicis recordationis Clementis Papæ VIII, die 20 Junii 1602: quo damnavit hanc propositionem, videlicet, licere per litteras, seu internuntium Confes-sario absenti peccata Sacramentaliter con-fiteri, et ab eodem absolutionem obtainere: ac etiam mature discussis iis, quæ idem P. Su-a-rez adduxit in defensionem suæ interpre-tationis, auditis votis Illustrissimorum Domi-norum Cardinalium, Sanctissimus decrevit dictam interpretationem non subsistere, et ideo amovendam esse ab ejus libris, juxta decreta alias facta a felicis recordationis Clemente Papa VIII, de quibus in actis S. Officii.*

Huic tam expressæ prohibitioni, qua clarius desiderari non poterat, acces-sit aliud edictum 20 Julii ejusdem anni sub tenore sequenti: *Ex libro P. Suarez Jesuitæ tom. 4, ad 3 p. disp. 23, sect. 1, num. 12, amoveantur infra scripta verba, videlicet. Alque ex hac resolutione, etc., usque in absentia Confessoris. Idem P. Suarez cor-rigat suum librum et antequam evulget, ostendat huic Congregationi. Ac tandem in eadem congregacione generalis Inquisi-tionis die 18 Augusti expeditum fuit ter-tium decretum penitus, ac radicitus evel-*

lens prædictam expositionem per hæc verba: *Sanctissimus decrevit ex tomo 4, P. Suarez Jesuitæ in 3 p. S. Thomæ disp. 21, de Confessione, sectionem quartam, cui titu-lus est: Utrum de necessitate confessionis sit, ut poenitens Sacerdoti absenti imme-diate, et per se ipsum revelet peccata sua? totam esse amovendum, nec aliam ejus loco subrogandam.*

211. Ex quibus luce clarius est non ideo abolitam, et rasam illam expositionem fuisse, quia vivente Pontifice factam; sed quia falsam, et minime cohærentem menti Pontificum: atque ideo tam collective, quam divisim esse damnatam, et pros-criptam illam propositionem. Unde mi-rum est post tot prohibiciones, et iteratas censuras non ab uno solo Clemente (quod sufficiens erat) sed etiam a Paulo V, nec in una tantum modo congregatione gene-ralis Inquisitionis coram Sanctissimo, sed in secunda, et tertia de eadem re habitis, adhuc subsistere velint prælaudari Theo-logi, et orbi obtrudere intendant, non esse aduersum Pontificum decretis, quod ipsis decretis diserte prohiberi constantissimum est, et ita certum ut facilius creditu esset non fuisse aut Clementem VIII, aut Paulum V, vel saltem talia decreta non edi-disse, quem quod in illis ea expositi su-gillata non fuerit. Quo circa consultius Cardinalis de Lugo, Martinonus, et alii non pauci minime verentur in utroque sensu a sententia Suarez desciscere, et nullaten-nus admittendam affirmare. Unde falsum est, et neutiquam sustinendum summos Pontifices Suarez sententiam sua probabi-litate non expliassæ, ut indubie assere-batur. Nec certior est conjectura de facta prohibitione propositionis, non quia falsæ, sed quia vivente Pontifice adhibite; alio-qui enim nulla esset tam rigida prohibi-tio, ut supra innuebamus.

Non est solidior secunda, nimirum Pon-tificem suam mentem declarasse in ab-solutione moribundi sensibus destituti, quem tenetur sacerdos absolvere ex adstantium testimonio. Nam hæc difficultas longe alia est a sententia P. Suarez, ut ad quætionis limen supposuimus, et probavimus, de quo rursus infra tract. de Confessione, ubi eam prolixius examinabimus. Idque evidentius quacumque alia probatione li-quet ex ipso facto Pontificis; qui quidem consultus circa absolucionem moribundi, respondit fore absolendum, et male actu-rum (fides sit apud Tyrsum) qui non absol-veret;

Demon-stratur
exposi-tionis
falsitas.

Clemens
VIII.

Aliud
decretum
contra
P. Su-a-rez
editum
a Pau-lo V.

Decre-tum
tertium
Sacrae
Congre-gationis
ad idem.

Ultimum
ejusdem
Sacrae
Congre-gationis
decre-tum.

Consu-tius
se ha-bueri
Cardin-alis
Lugo
Matrin-nus,
et alii.

Secund-respon-sionis
pars
infor-ma-tur.

veret; cum tamen semper persisterit in censura contra P. Suarez, nec illam usquam verbo, et scripto revocaverit, ut constat ex testimonio Armacani, quod reserunt Dicastillo, Lugo, et alii. Ibi enim proponitur duplex quæstio, quarum primæ respondetur affirmative, et satis consone sacris Canonibus et Conciliis supra allegatis; secundæ vero negative ut melius illius testimonii verba monstrabunt, quæ subjungimus.

212. Occurrente casu, quo quispiam, etiam si lunc demum, quando videat se in periculo ritæ constitutum, declarat, sive voce, sive scripto, sive alio quocumque signo exteriori se velle Sacramentaliter confiteri: si superveniens postea confessarius reperiat eum magnitudine periculi, in quo incidit, ita aggravatum, ut licet adhuc spiret, tamen nec confessionem facere possit, nec in præsentia illius dare ullam significationem voluntatis confitendi, quam antea declaravit se habere. Quæritur, an possit nihilominus eundem Confessarius Sacramentaliter absolvere?

Pro solutione istius casus, quæ et conformis plane sit antiquis Canonibus, et nominatim doctrina S. Leonis Magni epist. 91, ad Theodorum Foro Juliensem Episcopum, et pariter in nullo dissentiat a decreto, quo Clemens octavus prohibuit, et damnavit hanc propositionem; * licere per litteras, seu internuntium a Confessario absolutionem obtinere. Observandum est esse rem distinctam confessionem sacramentalem, et voluntatem, seu volum, aut desiderium sacramentaliter confitendi: id est, confessionem ejusmodi re ipsa factam, vel attentatam, et tantum in volo, seu desiderio habilam.

Rursum volum, seu desiderium ita confitendi posse esse, vel internum tantum, quod proinde solius Dei judicio sit subjectum, vel exterius etiam signis declaratum per quæ innotescat confessario, eum qui absolvendus est, ejusmodi desiderium, seu volum habere, sive illa sint exhibita in præsentia ipsius Confessarii, ita ut ab ipso audita sint, vel visa, sive in ipsius absentia, ita ut non, nisi per testimonium aliorum, qui audierunt, vel viderunt notitiam de illis accepéril.

Quam ob rem sunt distinctæ quæstiones, quarum una proponebatur: Utrum liceat per litteras, seu internuntium Confessario absenti sacramentaliter confiteri? Altera adhuc quæritur: An quando aliquis in absentia Confessarii declaravit aliquo signo exteriori se velle sacramentaliter confiteri, si superveniens Confessarius eum inveniat ita consti-

tulum, ut non tantum non valeat peccati ullius confessionem facere, sed nec illius suæ voluntatis signum aliquod in præsentia illius exhibere; possit nihilominus ex notitia per testimonium aliorum accepta de signo ante adventum suum exhibito, eum sacramentaliter absolvere? En status quæstionum, earumque notissimam differentiam; quin inter se confundi, et permisceri possint, et debeant, nisi luci tenebras offundendo. Sed non est minus distincta resolutio, quam Illustrissimus Armacanus prosequitur hoc verborum tenore.

Quæ cum ita se habeant. Clemens VIII Qualiter decreto suo merito damnavit, ac prohibuit, distinguat quod in priori quæstione proponebatur, scilicet licere per litteras, seu internuntium Confessario absenti sacramentaliter confiteri, hoc nimur sensu, ut sic facta confessio censenda sit sacramentalis: eaque damnatio, ac prohibitio conformis est doctrinæ Concilii Tridentini, in qua traditur, quod Christus dominus eos, qui se post Baptismum crinine aliquo contaminaverint, ante tribunal Sacramenti Pænitentiaz tanquam reos sisti voluit. Hinc jam manet subrata prima illa sententia independenter ab alia moribundi, ad quam perveniens Armacanus sic prosequitur immediate, et absque ulla verborum interpositione.

Sed quoad posteriorem quæstionem, cum non tantum sit certissimum, Clementem Pontificem non intendisse damnare, seu prohibere, quod quispiam per litteras, seu internuntium confessario absenti declaret se velle ei confiteri, ideoque eum accersat ut præsenti confiteatur; sed etiam mihi semper fuit persuasissimum, quod incidente casu, qui in quæstione illa exprimitur, Confessarius superveniens possit, ac debeat Sacramentaliter absolvere juxta antiquos Canones, et nominatim juxta doctrinam S. Leonis Papæ in citata sua Decretali, in qua quod agat de Sacramentali absolutione etiam intellexit S. Thomas 3 p. q. 84, art. 3 ad 2. Hoc ipsum privatim communicavi Clementi Pontifici, idque postquam in officio S. Inquisitionis improbata esset interpretatio sui decreti a Theologo quodam facta, tanquam non esset in eo damnata, ac prohibita ultraque divisim pars propositæ quæstionis: ac respondit mihi sua Sanctitas, non fuisse sibi propositum damnare, seu prohibere quod absolutio Sacramentalis impendatur incidenti casu expresso in posteriori illa quæstione. (Non vero addidit se illum absolutum, et in Sacerdotem non ita facientem

animadversorum, ut ex hoc Illustrissimo Archiepiscopo, et Bellarmino refert P. Tyrso post Amicum, et alios) sic testor anno 1624, 6 Junii ut adhuc feci ante annos aliquot Petrus Lombardus Archiepiscopus Armacanus Primas Regni Hiberniae.

Qua fide dignum sit hoc testimoniū. Dicas-tile.

Coninch.

213. Quod quidem testimonium, ne aliquujus fraudis arcesseretur, asserit Dicastillo de Poenit. disp. 9, dub. 9, a predicto Armacano propria manu signatum datum fuisse P. Francisco Florentino, et P. Leonardo Lessio tunc temporis Romae degentibus, et inde exemplaria missa ad aliquos Theologos Lovanienses; testatur Coninchus opusc. de absolutione moribundi. Porro ex illo constant, quae ad efficaciter evertendam prajectam evasionem, et quae in illa continentur desiderari videbantur, quin aliis rationibus, et testibus indigeamus. Nam in primis falsum est, et nulla fide dignum Pontificem sua probabilitate Suarri sententiam non expoliasse; cum de illa nec mentionem fecerit, sed ea in praeterito statu reicta, solum asseruit non prohibuisse aliam sententiam de absolutione moribundi, quae conformior est antiquis Canonibus. In quo profecto nullum præstitit signum probabilitatis illius sententiae; sed alterius propositae determinationi studuit.

Nec etiam est verius suam mentem declarasse vivæ vocis oraculo circa sententiam Suarez, cum ea Pontifici non fuerit proposita, ut diserte affirmat ipsemet Pontifex; sed alia, *de qua adhuc queritur*, ut asserit Armacanus, et merito; sunt enim inter se diversæ, ut supra innuebamus, et altera damnata, alia multorum Theologorum calculis probatur; et ultra Canones, et decreta Pontificia, unico D. Thomæ suffragio, præ mille aliorum doctorum particularium præstanti, quod suo loco exhibemus.

Dispari-tatio n a pos-te-riori.

214. Unde solum restat illis locus a paritate unius ad alterum casum arguendi, in quo validum contineri argumentum in favorem expositionis praedictæ gloriantur, ut ex Thyrso audivimus. Sed certe (ea est ingeniorum diversitas) aliis, nec immerito, satis debile videtur, et ex uno ad alium casum satis expediatam disparitatem rationem agnoscunt, eamque duplēcēm: aliam a posteriori supra insinuatam de approbatione unius sententiae, et condemnatione alterius. Incredibile autem est sapientissimos, ac supremos Ecclesiæ Theologos, quorum auditis suffragiis proscripta fuit

illa expositio, eam connexionem latuisse: ergo si expositione illa damnata, obligacionem absolvendi moribundum sensibus desitutum approbarunt, argumento efficaciori est ex una aliam inefficaciter deduci, et consequenter non adeo valide, ut ipsi clamant, ex sententia moribundi ad expositionem Suarez arguitur. Alia (et a priori) ratio disparitatis est, quod licet ad veritatem hujus Sacramenti intervenire debeat, et confessio ex parte poenitentis, et absolutio ex parte ministri, sine quarum aliqua nullum erit Sacramentum; aliter tamen, et aliter: nam ex parte formæ requiruntur determinata verba formalia, et modo humano prolatæ, ut ex supra dictis constat. Confessio autem, quia se tenet ex parte materiæ non tantam postulat determinationem; sed quae sufficiat in casu necessitatis ad exprimendum dolorem internum de peccatis commissis, quæ, ut possit, poenitens manifestet: nam ut docet Angeli-D. Tho-cus Doctor infra q. 9, suppl. art. 4, *in eo qui usum linguae non habet, sufficit quod per scriptum (sed in præsentia) aut per nutum, aut interpretem confiteatur: quia non exigitur ab homine plus, quam possit, quamvis homo non possit, vel debeat baptismum accipere, nisi in aqua, quia aqua est omnino ab exteriori, et nobis ab alio exhibeat: sed actus confessionis est a nobis. Et ideo quando non possumus uno modo, debemus secundum quod possumus confiteri.*

Unde quovis horum modorum ea fiat, instante ad id necessitate, dummodo fiat in præsentia Sacerdotis; potest, et debet absolvī infirmus, perinde enim se habet, ac si per interpretem loqueretur, et certus redditur Sacerdos de præsenti dispositione infirmi. Secus vero esset, si per litteras, aut in absentia confessio fieret, ut valide, et liceite fieri posset autumabat Suarez, et ad praxim aliqui reducebant, licet non publice, ut rumor eat, tunc enim Sacerdos nulla ratione fieret moraliter certus de præsenti infirmi dispositione, siquidem post scriptas litteras, et nuntium missum potuisset vel mutare voluntatem, vel in novum peccatum incidere, vel Sacramentum respovere. Quare nisi temere, non posset Sacramentalem absolutionem percipere, nec Sacerdos illam impendere, quoad in præsentia, vel per se, nutibus saltem, vel per adstantes, mediis quibus fieret sensibiliter præsens præterita confessio, ratum habuisset scriptum, vel dictum per internuntium. Et hoc quidem supposuit

Idem
prior
monstratur.

D.Thom.
vel
Author
op. 65.
supposuit D. Thomas, vel Author opus-
culi 65. ubi ex eo probat non negandam
unctionem infirmo sensibus destituto ante
adventum sacerdotis : quia si infirmus,
inquit, qui petit unctionem, amisit notitiam,
vel loqueland, antequam Sacerdos veniret ad
eum; nihilominus ungt eum Sacerdos :
quia in tali casu debet etiam baptizari, et
a peccatis absolviri.

Enev-
tator,
alidum
illud
argu-
mentum.

Lugo.

215. Et hæc quidem dicta sunt occa-
sione validi apud adversarios illius argu-
menti, a paritate desumpti, ut illius ex
nunc indicaremus disparitatem inter con-
fessionem, et absolutionem, quam certius
est illis angustiis non irretiri, sed semper
ut licite, et valide fiat, fieri debere in præ-
sentia, et non per nutus, signa, litteras,
aut internuntium, sed disertis, et expres-
sis more humano verbis; quamvis ex in-
terpretatione Suarez idem etiam, et ob
æque urgentia motiva de absolutione di-
cendum esset. Quod forte in causa etiam
fuit illam interdicendi, ut bene prævidit
Lugo. Si enim divisum non sunt prohibi-
tæ partes illius hypotheticæ propositionis,
quælibet illarum sustineri, et ad
praxim reduci posset. Et hoc merito sum-
mis Pontificibus displicuit. Quare in præ-
senti sufficiat absolutionem, quæ nostra
refert, ab eo periculo vindicasse; quæ ad
confessionem, et illius qualitates, ac mo-
dum attinent, suo loco reservantes.

confir-
natio-
recep-
tionis.

Constat vero ex modo dictis non in
idem recidere casum moribundi a sensibus
alienati, de quo consultus fuit Pontifex
cum casibus expositioni Patris Suarez
annexis; atque ideo merito hanc fuisse
interdictam, et in illo eventu approbatam
a Pontificibus absolutionem.

teria,
sus-
cicio.

Constat etiam ei, qui per litteras, aut
internuntium confessionem fecit in absen-
tia Sacerdotis, si postea eo adveniente,
vel quia arcto carcere inclusus, vel quia
adstent fidei hostes, quos par sit non ad-
vertere, quid agatur, et nullum signum
externum præbeat præter litteras ad Sa-
cerdotem missas; huic inquam non posse
valere absolutionem impendi. Et ratio
est : quia perinde se habet hæc concessio,
ac in absentia, et per litteras facta, quæ
reprobata est, et prohibita : nam quod
Sacerdos sit præsens, si pœnitens rationis
compos, qualis supponitur carceri inclu-
sus, et hostibus fidei circumseptus, nullum
externum signum exhibeat, nihil refert,
ut Sacerdos moraliter certus reddatur de
præsenti dispositione pœnitentis, cum

potuerit post epistolam scriptam mutasse
voluntatem, et in novum peccatum inci-
disse, et in pravo affectu actualiter per-
manere. Qua ergo ratione valide absolviri
poterit?

Rursus confessio facta per litteras abs-
que ullo alio nutu, aut signo hominis non
est confessio humana, nec actus itidem
humanus, sicut locutio per litteras non
est proprio loquendo humana locutio. Sed
ad veritatem hujus Sacramenti requiritur
ex parte pœnitentis, maxime si sit ratio-
nis compos, humana confessio aliquo
signo externo manifesta; quia actus con-
fessionis, et est a nobis, ut dixit D. Thom.
mas, et est materia a pœnitenti proxime
apposita; ergo hac deficiente, ut deficere
supponitur in præsenti; non potest valide
conferri absolutio ob defectum materiæ
proximæ : Sacramentum enim non con-
flatur ex sola forma, sed requirit mate-
riam, quæ in præsenti non est peccatum
scriptum, sed ab ipso pœnitenti aliquo
vitali signo, vel per se, vel per interpre-
tem in præsenti Sacerdotis manifestatum,
ut constat ex institutione Christi per Tri-
dentinum declarata, juxta quam pœni-
tens ut reus coram Sacerdote debet sis-
tere.

216. Hinc dispulsa manet doctrina P.
Tyrso docentis sect. 2, supra citata n. 8,
in prædicto casu valide absolutum esse
hominem vinculis obstrictum; quin ali-
quod signum expectetur præter litteras
in absentia scriptas, et nullatenus exterius
aliquo nutu approbatas. Si enim ita absolu-
vere, esset validum, et eo pacto verum
conficeretur Sacramentum adhuc post tot
Pontificum decreta; nulla ratione con-
vinci, aut cohiberi posset, qui adhuc post
illa sustinere vellet validam esse absolu-
tionem absenti, et longe distanti factam.
Quid enim refert præsentia physica pœni-
tentis, si ea nihil magis Sacramento coo-
peratur, quam si esset longissime distans?
aut qua ratione litteræ sufficient ad certi-
tudinem judicii absolutionis in præsentia
pœnitentis, quin necessaria sit illarum
ratihabito, et approbatio exterius ma-
nifesta, et non eadem litteræ in absentia
sufficient? Non enim certior redditur Sa-
cerdos de actuali dispositione pœnitentis
in uno, quam in altero casu; nec aptior
materia Sacramenti apponitur in illo,
quam in isto.

217. Manet etiam rejecta Jacobi Baii,
et aliorum sententia docentium impendi

Confir-
matur.

Tyrso
refelli-
tur.

Jacobi
Baii, et
atiorum
explosa
senten-
tia.

posse absolutionem ei, qui nullum contritionis signum, aut absolutionis desiderium dederit; esto pie vixerit, et suæ salutis immemor non fuerit. Tum quia de ratione hujus Sacramenti est, quod constet accusatione, aliquo signo sensibiliter manifesta; est enim judicium, in quo poenitens media confessione obtinere contendit culparum remissionem. Judicium autem non perficitur, nisi audita confessione rei; et nulla est sententia, quæ non supponat probationem criminis, vel per testium depositionem, vel per ultroneam, aut saltem coactam confessionem. Tum etiam: quia nullum est Sacramentum, ubi nulla est materia sensibilis, et sensibiliter subjecta formæ: sed in illo casu non apponitur aliqua materia sensibilis, ut supponitur: nullum ergo in illo eventu erit Sacramentum, et consequenter tam illicite, quam invalide proferetur forma: sicut invalide consecraret, cui panis triticeus non apponetur consecrandus.

Infirmorum motuum. Nec ponderis est, quod fuerit salutis memor, aut confessionem generalem Missæ in serviendo dixerit, ad quæ capita Authors illi confugiunt. Nam illa sicut non ordinantur ad hoc Sacramentum, ita non fortiuntur rationem partis ipsius; quia de ratione partis est in suum totum collimare. Unde generaliter loquendo, nec natus, nec signa, nec alia quæcumque bona opera externa sensibiliter manifesta sufficiunt ad obtinendam absolutionem adhuc in casu urgentis necessitatis, si non explicant votum, aut desiderium confessio-nis, et consequenter subjectionis ad claves Ecclesiæ, vi cujus dumtaxat obire possunt rationem partis Sacramentalis. Quare prædictam sententiam, ut omnino improbabili-lem, si pro ut jacet intelligatur, rejiciunt communiter discipuli D. Thomæ.

§ II.

Quæ in contrarium possunt objici, diruuntur.

*Objectiones in oppositi-
tum.* Licit ex adverso contra statutam veritatem de absolutione dumtaxat præsentis, nulla militet sententia; sunt tamen aliquæ objectiones, quibus obnubilari videtur, et oportet eas dissipare.

248. Objicitur ergo primo a paritate judicij humani, in quo non expectatur præsentia rei, ad ferendam sententiam in ejus causa: sed absolutio est sententia judicia-

lis, et strictissima; ergo ut eam ferat Sacerdos, non erit necessaria præsentia poenitentis, et consequenter urgente saltem necessitate poterit absenti conferri.

Respondetur objectionem nimium probare, atque vel ex eo solum spernendam esse. Unde concessis præmissis, negatur Consequenta, quoniam absolutio non est utcumque sententia, sed Sacramentalis, de cuius ratione est exerceri inter præsentes, ut constat ex ejus institutione, et accep-tione Ecclesiæ. Hoc autem non exigitur in aliis sententiis judicij humani, teste ipsam experientia. Et inde oritur quod Sacerdos nequit absolvere, nisi juxta præscriptum Ecclesiæ, et institutionem Sacra-menti; quia judex subordinatus, ut valide, et licite operetur, tenetur servare normam a superiori præscriptam; alioqui ut irri-tum, et prorsus attentatum quidquid ab ipso actum fuerit, habendum est, et liquet in ipso judicio humano, in quo inferior non potest valide prætergredi dispositione Superioris. Cum ergo ad Sacramentale ju-dicium, qua Sacramentale est, sit necessaria præsentia tam rei, quam judicis; ne-quit iste validam ferre sententiam, nisi adstante poenitente. Unde objectio in illa utentem regerenda est.

249. Sed contra hoc instatur (et est se-cunda objec-tio) quoniam ea præsentia tam poenitentis, quam Sacerdotis videtur volun-tarie exacta; non enim fundatur in ex-pressa Christi ordinatione, aut præcepto, de quorum neutro constat: nec in conse-cutione necessaria ad Christi institu-tionem, sive ex parte materiæ, sive ex parte formæ; siquidem eo ipso, quod hoc Sacra-mentum fuerit institutum per modum judicii, videtur consequi ex natura sua posse in-ter absentes celebrari, ut exerceri solent alia judicia. Quod vero sit Sacramentale, ad quod caput reducimus rationem disparita-ti, s solum probat, hoc judicio, quia Sacra-mentale est, obtineri infallibiliter gratiam; non vero quod exuatur conditionibus ju-dicij humani inter absentes licite, et valide exerciti. Et constat in Matrimonio, quod licet sit verum Sacramentum; non idcirco amittit, quæ sunt de ratione con-tractus naturalis, atque ideo quam optime iniri potest inter absentes. Non ergo est contra rationem Sacramentalis judicij, quod inter absentes exerceri possit, saltem in casu urgentis necessitatis. Eo vel maxime, quoniam ad matrimonialiter contrahendu-m requiritur, et sufficit notitia consen-sus

Respon-
detur.

sus inter contrahentes, quæ ut in plurimum non acquiritur ab ipsis contrahentibus nisi per alios : ergo similiter.

Respon-

sio.

Trident.

in

T. 1

T. 2

T. 3

T. 4

T. 5

T. 6

T. 7

T. 8

T. 9

T. 10

T. 11

T. 12

T. 13

T. 14

T. 15

T. 16

T. 17

T. 18

T. 19

T. 20

T. 21

T. 22

T. 23

T. 24

T. 25

T. 26

T. 27

T. 28

T. 29

T. 30

T. 31

T. 32

T. 33

T. 34

T. 35

T. 36

T. 37

T. 38

T. 39

T. 40

T. 41

T. 42

T. 43

T. 44

T. 45

T. 46

T. 47

T. 48

T. 49

T. 50

T. 51

T. 52

T. 53

T. 54

T. 55

T. 56

T. 57

T. 58

T. 59

T. 60

T. 61

T. 62

T. 63

T. 64

T. 65

T. 66

T. 67

T. 68

T. 69

T. 70

T. 71

T. 72

T. 73

T. 74

T. 75

T. 76

T. 77

T. 78

T. 79

T. 80

T. 81

T. 82

T. 83

T. 84

T. 85

T. 86

T. 87

T. 88

T. 89

T. 90

T. 91

T. 92

T. 93

T. 94

T. 95

T. 96

T. 97

T. 98

T. 99

T. 100

T. 101

T. 102

T. 103

T. 104

T. 105

T. 106

T. 107

T. 108

T. 109

T. 110

T. 111

T. 112

T. 113

T. 114

T. 115

T. 116

T. 117

T. 118

T. 119

T. 120

T. 121

T. 122

T. 123

T. 124

T. 125

T. 126

T. 127

T. 128

T. 129

T. 130

T. 131

T. 132

T. 133

T. 134

T. 135

T. 136

T. 137

T. 138

T. 139

T. 140

T. 141

T. 142

T. 143

T. 144

T. 145

T. 146

T. 147

T. 148

T. 149

T. 150

T. 151

T. 152

T. 153

T. 154

T. 155

T. 156

T. 157

T. 158

T. 159

T. 160

T. 161

T. 162

T. 163

T. 164

T. 165

T. 166

T. 167

T. 168

T. 169

T. 170

T. 171

T. 172

T. 173

T. 174

T. 175

T. 176

T. 177

T. 178

T. 179

T. 180

T. 181

T. 182

T. 183

T. 184

T. 185

T. 186

T. 187

T. 188

T. 189

T. 190

T. 191

T. 192

T. 193

T. 194

T. 195

T. 196

T. 197

T. 198

T. 199

T. 200

T. 201

T. 202

T. 203

T. 204

T. 205

T. 206

T. 207

T. 208

T. 209

T. 210

T. 211

T. 212

T. 213

T. 214

T. 215

T. 216

T. 217

T. 218

T. 219

T. 220

T. 221

T. 222

T. 223

T. 224

T. 225

T. 226

T. 227

T. 228

T. 229

T. 230

T. 231

T. 232

T. 233

T. 234

T. 235

T. 236

T. 237

T. 238

T. 239

T. 240

T. 241

T. 242

T. 243

T. 244

T. 245

T. 246

T. 247

T. 248

T. 249

T. 250

T. 251

T. 252

T. 253

T. 254

T. 255

T. 256

T. 257

T. 258

T. 259

T. 260

T. 261

T. 262

T. 263

T. 264

T. 265

T. 266

T. 267

T. 268

T. 269

T. 270

T. 271

T. 272

T. 273

T. 274

T. 275

T. 276

T. 277

T. 278

T. 279

T. 280

T. 281

T. 282

T. 283

T. 284

T. 285

T. 286

T. 287

T. 288

T. 289

T. 290

T. 291

T. 292

T. 293

T. 294

T. 295

T. 296

T. 297

T. 298

T. 299

T. 300

T. 301

T. 302

T. 303

T. 304

T. 305

T. 306

T. 307

T. 308

T. 309

T. 310

T. 311

T. 312

T. 313

T. 314

T. 315

T. 316

T. 317

T. 318

T. 319

T. 320

T. 321

T. 322

T. 323

T. 324

T. 325

T. 326

T. 327

T. 328

T. 329

T. 330

T. 331

T. 332

T. 333

T. 334

T. 335

T. 336

T. 337

T. 338

T. 339

T. 340

T. 341

T. 342

T. 343

T. 344

T. 345

T. 346

T. 347

T. 348

T. 349

T. 350

T. 351

T. 352

T. 353

dum erit non esse de mandato, et institutione Christi modum secrete confitendi soli Sacerdoti; cum id fieri possit per litteras, et in absentia, aut alio modo, in quo nullum sit secretum. Hoc autem non bene coheret cum doctrina Concilii Tridentini sess. 14, can. 6, ubi definit: *Si quis dixerit modum secrete confitendi soli Sacerdoti, quod semper Ecclesia catholica observavit, et observat, alienum esse ab institutione, et mandato Christi, et inventum esse humatum, anathema sit.* Quare nemini licet nec confiteri, nec absolvere in absentia per litteras, aut nuntium, aut alio quovis modo. Semel vero atque non licet, nec etiam valet absolutio, aut confessio: quoniam hoc Sacramentum nequit valide ministrari cum peccato mortali cognito ex parte poenitentis; quia cum sit reconciliativum hominis cum Deo, necessario postulat displicantiam actualem cujuslibet peccati mortalis cuius sit notitia: quare eum non bene poenitet, qui cum illa accedit absque displicantia, sed praे existenti peccato addit sacrilegium.

221. Sed adhuc replicatur, et urgetur ex Scoto in 4, dist. 17, ubi refert S. Thomam Cantuariensem, cum absens esset a sede Apostolica, ab eadem absolutiōem postulasse, et nactum fuisse. Similiter D. Cyprianus lib. 3, epist. 17, ait lapsos per epistolam reconciliationem ab ipso efflagitasse, et apud Eusebium legitur Serapionem ægrotantem misisse ad Presbyterum etiam infirmum, ut ipsum absolveret. Si autem absolutio non posset absenti impendi, neutiquam ab absenti fuisse petita, et quod magis est, obtenta, cuius oppositum constat ex relatibus historiis omni fide humana dignis. Et ne tota hujus causæ ratio ad historias pure humanas devolvatur, idem argumentum sumitur ex cap. Qualis 30, quæst. 5, ubi dicitur poenitentiam adulteræ per scripturam recipiendam: non autem reciperetur absque absolutione: ergo non tam ex humanis historiis, quam ex ipso iure Canonico liquet absolutiōem recte posse absenti conferri.

Respon-sio. 222. Respondeatur commentitium esse, et absque ullo prorsus fundamento aliquando licitam, aut validam fuisse in Ecclesia absolutiōem, quæ vere fuerit Sacramentalis, et absenti impensam; et ex illis historiis oppositum evidenter colligitur, et veritas conclusionis urgentissime confirmatur. Nam quod attinet ad D. Thomam Cantuariensem non ad obtinendam

absolutionem a peccatis, sed tantummodo a censuris scripsisse manifestissimum est ex ipso Pontificis rescripto ad epistolam ab Illustrissimo eodem Martyre Romam missam, in quo ita illum Pontifex alloquitur: *Si recolis aliquid commisisse, de quo propria te debet conscientia remordere, quidquid sit, Sacerdoti, qui discrelus, et providus habeatur, tibi consulimus per penitentiam confiteri: et nos de Beatorum Petri, et Pauli Apostolorum ejus meritis confidentes te ab eo, quod est commissum, absolvimus.* Ex quibus constat duplēcē intervenisse absolutiōem; aliam Sacramentalē, et haec demandata est a Pontifice Sacerdoti provido, et discreto, qui haberi posset praesens; aliam vero a censuris, si quas forte incurrisset, ob nescio quam conniventiam regiæ voluntati contra immunitatem Ecclesiæ, quam concesserat S. Thomas ob rectum finem, ne in deterius causa verteretur. Hanc tamen absolutiōem, quæ in absentes quam optime fertur, ipse summus Pontifex e Roma misit, illi injungens, ut deinceps a Missarum solemnīis, et celebratione non abstineret: hancque tantummodo a Pontifice S. Martyr postulaverat. Videatur Baronius tom. 12, ad annum 1164, ubi totam epistolam Alexandri III, ad litteram refert, et ex illa clare colligitur prædictam historiam potius favere, quam officere communis assertionis veritati.

D. Cy
priani
explic.
m. 223. Id quod haud obscurius colligitur ex epistola D. Cypriani, in qua habentur sequentia: *Si qui infirmitatis periculo occupati fuerint, non expectent presentiam nostram, quin ad Presbyterum quemcumque presentem, vel si Presbyter reperitus non fuerit, et urgere exitus caperit, apud Diaconum quoque exomologesim facere delicti sui possint.* Ubi luce clarius est non fuisse sermonem de absolutione Sacramentali, quam certo certius est nunquam Diaconos impendere potuisse. Loquebatur ergo de alia absolutione canonica, quæ cadere poterat supra poenitentiam publicam, quam in foro externo ad majorem populi ædificationem, et certitudinem de reconciliatione facta acceptare, et imponere mos erat. Et sane esto, loqueretur de vera absolutione, nihil contra nos inde eliciebatur, siquidem pro ea, utcumque illa sit, ad presentiam vel Presbyteri, vel Diaconi Cyprianus remittebat.

Non adeo fide dignus est Serapionis causa Quid d
Sera-
pione.
eo

Replica-tor ex
Scoto.
Thomas
Cantuari.

D. Cy
prian.

Cap.
Qualis
30 q. 5.

Respon-sio.

Cur
accesse-
rit ad
Pontifi-
cem
S. Tho-
mas ex
Baro-
nio.

eo tamen, ut jacet, admisso, nulla ibi fit mentio de absolutione in foro interiori propria Pœnitentiæ; sed loquebatur de reconciliatione externa, et publica lapsorum ob negatam fidem coram Tyranno; ob quam causam presbyter infirmus ab alio similiter ægrotante poscebat, ut ad pacem, et reunionem Ecclesie recipi mereretur. Sed hoc non est ad rem.

Nec etiam officit caput *Qualis ex jure Canonicæ allegatum*, quia ibi non agitur de Pœnitentia Sacramentali, sed de alia, quam adultera exhibebat marito, qua se fidelio rem fore profitebatur. Quare illa scriptura non erat Sacramentalis confessio, sed merum testimonium de illius adulteræ resipiscientia, quo fidelium scandalo satisfiebat; ad eum sane modum, quo Inquisitores non solent reconciliare hæreticos, ut bene observat Lugo, quin prius in scriptis confiteantur, et abjurent hæresim in foro externo absque ullo recursu ad forum Pœnitentiæ. Idque satis liquet ex epigraephæ ipsius capitinis, quod est quartum filius quæstionis, et est hujusmodi: *In contrahendo conjugio ista sunt observanda; sed prope finem docetur conjugem nunquam propter hominem esse separandam; et si fornicata fuerit, non dimittenda, sed illa vivente, altera non ducenda, quia adulteri regnum Dei non possidebunt, et pœnitentia illius per scripturam recipienda.* Ubi perspicuum est sermonem esse de pœnitentia erga maritum; non vero circa Deum, seu Sacramentali. Et hæc quidem de absolutione, quæ est hujus disputationis scopus. Que confessionem concernunt, suo loco discutienda sunt.

223. Inquires tamen, quæ, aut quanta intervenire beat distantiæ inter pœnitentem, et Sacerdotem, ut unus alteri censeatur præsens, et validum fiat Sacramentum? Respondeatur ex dictis tract. de Eucharist. disp. 4, dub. 6, § 1. Ubi simili interrogationi occurrimus circa præsentiam materia Eucharistiæ, hanc difficultatem, nec metaphysice, nec mathematice esse dicendam; quolibet enim illorum modorum præsentia determinetur ad certam, ac determinatam distantiæ, fallet designatio. Quare absolute dicendum existimamus eam requiri, ac desiderari præsentiam, quæ sufficiet ad verificandum unum alteri esse moraliter, et humano modo præsentem in prudentum judicio: Quæ vero adhuc certo non pertingat, reddere dubiam absolutionem, et consequenter sub-

eodem iterandum Sacramentum. Si vero certo constiterit oppositum, sive circa præsentiam, sive contra illam, oppositum etiam ob oppositam causam est sustinendum, vel affirmando, vel negando valorem Sacramenti. Porro in re nulli principio nixa certiorem non reperimus regulam, post illam mature consideratam, et varios hinc, et inde dicendi modos consultos. Nam quod aliqui docent distantiam viginti passuum esse sufficientem, parum constans est; siquidem intra illam distantiam potest interponi obstaculum, quo censeatur moraliter absens, ut si esset domus, vel paries intermedius.

Ex quo elicetur nec duorum passuum distantiam certo statui posse: nam ut bene asserit Leander tract. 5, disp. 2, q. 31, alios a se consultos referens, et etiam approbat Prado q. 3, de qualitate confessioonis, § 6, ad valorem absolutionis non sufficit prope domum infirmi existere, imo nec prope cubiculum clausum, quando quidem nullo sensu percipitur, nec moraliter censetur præsens ad hoc, ut in foro externo valeat fidem facere de iis, quæ intra cubiculum aguntur, nisi magno strepitu interveniente; quanto minus de his, quæ intra conscientiam sunt, ut possit de illis judicium ferre media absolutione. Præterquam quod ut etiam docet Prado ubi nuper, pœnitentem non videns, nec videre valens ratione absentiae corporalis nequit absolvere. Quare sola ea distantia non obserit valori absolutionis, quæ non auferat præsentiam moraliter humanam, quæque sufficiat, ut invicem colloqui, et si opus fuerit, interrogare, et respondere permittat; aliter namque ægre salvaretur præsentia humana ad hoc præcipue judicium necessaria. Quid enim refert a longo vide hominem, ut illum valide absolvere quis debeat, si illum nec audire, nec alioqui distantiæ patitur? Hoc enim perinde est ac absensem solvere, quod nec licet nec valet ut constat ex dictis. Cum enim pars essentialis hujus Sacramenti sit vocalis, aut exterior confessio, qua media judex venit in notitiam pœnitentis conscientiæ, illa requiretur distantiæ, quæ sufficiat per se loquendo, et ad audiendam confessionem, et ad circa ipsam interrogandum confitentem, non vero major; nec una Sacramenta pars absque alia a Sacerdote exhibeat.

224. Hic disputat Lugo: An forma absolutionis possit a pluribus ministris simul

Varia
aliorum
judicia.

An
sufficient
duo
passus.
Leand.
Prado.

Idem
Martinez.

Alia
questio
excitata
a Lugo.

proferri? Quia tamen ad ejus decisionem, plura intertexere opus erat, quae pertinent ad art. 10 hujus quæstionis, in quo agitur de hujus Sacramenti iteratione, illo eam mittimus, et discutiendam reservamus; interim pro certo statuentes, seclusa ignorantia, aut alia urgentissima causa non interposita, numquam licere pœnitenti a pluribus simul absolutionem accipere sub unica confessione. Quia cum hoc sit contra morem universalis Ecclesiæ, et contra convenientem usum hujus Sacramenti; abs dubio graviter peccaret, qui plures absolutiones sub una confessione a pluribus simul acciperet; et ex hoc ipso redderetur indignus absolutione, et nullum perficeretur Sacramentum; quandoquidem sciens, et volens ad illud peccando accedebat; et qui ita absolvendus accedit, est irrisor, et non pœnitent; siquidem dum pœnitit, agit quod pœnitit, vel etiam actualiter peccat eodem, vel alio genere peccati, ut docet D. Thomas art. nuper citato. Ut ergo illi difficultati sit locus, supponenda est invincibilis ignorantia, vel alia urgentissima causa, vel naufragii, vel alterius periculi imminentis, quæ ad eam cogat, si non ex parte pœnitentis, cui semper unus, qui absolvat, sufficiet; saltem ex parte Sacerdotum absolvere simul intendentium ex una, vel pluribus confessionibus exceptis ab eodem homine. A quo nunc supersedemus usque ad citatum locum.

ARTICULUS IV.

Utrum impositio manuum Sacerdotis requiratur ad hoc Sacramentum.

Ad quantum sic proceditur. Videtur quod impositio manuum Sacerdotis requiratur ad hoc Sacramentum: dicitur enim Mar. ult. Super ægros manus imponent, et bene habebunt: ægri autem spiritualiter sunt peccatores, qui recipiunt bonam habitudinem per hoc Sacramentum ergo in hoc Sacramento est manus impositio facienda.

2. Praet. In Sacramento pœnitentiae recuperat homo Spiritum sanctum amissum: unde ex persona pœnitentis dicitur in Psal. 50: Redde mihi leuitam salutaris tui, et spiritu principaliter confirma me: sed Spiritus sanctus datur per impositionem manuum: legitur enim Act. 8 quod Apostoli imponebant manus super illos, et accipiebant Spiritum sanctum, et Mat. 19, dicitur, quod oblati sunt domino parvuli, ut eis manus imponeret: ergo in hoc Sacramento est facienda manus impositio.

3. Praet. Verba Sacerdotis in hoc Sacramento non sunt majoris efficaciaz, quam in aliis Sacramentis: sed in aliis Sacramentis non sufficiunt verba ministri, nisi aliquem actum exerceat: sicut in baptismo simul cum hoc, quod Sacerdos dicit: Ego te baptizo, requiritur corporalis ablution. Ergo etiam simul cum hoc quod Sacerdos dicit: Ego te abservo, oportet quod aliquem actum exerceat circa pœnitentem, imponendo ei manus.

Sed contra est, quod cum Dominus dixit Petro: Quodcumque solveris super terram, etc., nullam mentionem de manus impositione fecit: neque etiam cum omnibus Apostolis simul dixit: Quorum remiseritis peccata, remittuntur eis. Non ergo ad hoc Sacramentum requiritur impositio manuum.

Respond. Dicendum quod impositio manuum in Sacramentis Ecclesie fit ad designandum aliquem copiosum gratiae effectum: quo illi quibus manus imponuntur, quodammodo per quandam similitudinem continuantur ministri, in quibus copia gratiae esse debet. Et ideo manus impositio fit in Sacramento Confirmationis, in quo conferitur plenitudo Spiritus sancti, et in Sacramento Ordinis, in quo conferitur quedam excellentia potestatis in divinis mysteriis. Unde et 2 ad Tim. 1, dicitur: Ressuscitez gratiam Dei, quæ est in te per impositionem manuum mearum. Sacramentum autem Pœnitentiae non ordinatur ad consequendam aliquam excellentiam gratiae, sed ad remotionem peccatorum: et ideo ad hoc Sacramentum non requiritur manuum impositio, sicut etiam nec ad baptismum: in quo tamen fit plenior remissio peccatorum.

Ad primum ergo dicendum, quod illa manus impositionis non est Sacramentalis, sed ordinatur ad miracula perficienda, ut scilicet per contactum manus hominis sanctificati, etiam corporalis infirmitas tollatur: sicut etiam de Domino Mar. 6, quod infirmos manibus impositis curavit, et Math. 8, legitur, quod leprosum mundavit per contactum.

Ad secundum dicendum, quod non quælibet acceptio Spiritus sancti requirit manus impositionem: quia etiam in baptismo accepti homo Spiritum sanctum, nec tamen fit ibi manus impositio: sed acceptio Spiritus sancti cum plenitudine requirit manus impositionem, quod pertinet ad Confirmationem.

Ad tertium dicendum, quod in Sacramentis, quæ perficiuntur in usu materiae minister habet aliquem actum corporalem exercere circa eum, qui suscepit Sacramentum: sicut in Baptismo, et Confirmatione et Extrema unctione: Sed hoc Sacramentum non consistit in usu aliquicis materiae exterioris apposita: Sed loco materiae se habent ea, quæ sunt ex parte pœnitentis. Unde sicut in Eucharistia Sacerdos solo prolatione verborum super materia perficit Sacramentum, ita etiam sola verba Sacerdotis absolventis super pœnitentem, perficiunt absolutionis Sacramentum. Et si aliquis actus corporalis esset ex parte Sacerdotis necessarius, non minus competenter crucis signatio, quæ adhibetur in Eucharistia, quam manus impositio in signata, quo per sanguinem crucis Christi remittuntur peccata: et tamen non de necessitate hujus Sacramenti, sicut nec de necessitate Eucharistie.

Conclusio: negat necessitatem impositionis manuum in Pœnitentia.

COMMENTARIUS.

1. Post assignata absolutionis verba Concl.
sito. necessaria, jure pergit D. Thomas ad designandas actiones ex parte ejusdem ministri. Et quia solum de manuum impositione super absolvendum subesse poterat aliqua dubitandi ratio; idcirco omissis aliis, ad eam tantum modo animum et callamum direxit. Conclusio fuit negativa, et probatur optime in Argumento, sed contra ex Evangelio, ex quo non constat vel minima mentio de manuum impositione, sed solum quod Petro dictum fuit: *Quodcumque solveris*, et Apostolis: *Quorum remiseritis peccata*. Cum vero Christus sit Sacramentorum Author, ea solum pro illis sunt necessaria, quæ Christus præscribere voluit, ac determinavit: non autem decrevit manuum impositionem, ut constat: non ergo haec necessaria est ad hoc Sacramentum. Vel foret dicendum Christum non omnia pro Sacramentis necessaria in eo-rundem

rundem institutione præstitisse, quod est absurdum.

D.Thom. 2. Eandem veritatem demonstrat S. Doctor opusc. 20, cap. 4, ubi explicat aliqua Scripturæ testimonia, quæ male intellecta applicabantur huic Sacramento; cum tamen Confirmationi inservire debeant, vel

Act. 8. aliis finibus. Ut est illud Act. 8, *imponebant manus super illos, et accipiebant Spiritum sanctum*; quoniam illa impositio fuit loco Sacramenti Confirmationis, quod datur per majores ministros, et illud Matthæi ult.

Matth. ult. *super ægros manus imponent, et bene habebunt*, quæ nisi ridicule nequeunt referri ad impositionem Sacramentalem, si quidem pertinent ad gratiam gratis datam sanitatum, seu signa virtute Christi supra infirmos facienda, ut evidenter constat ex textu. Ex quo etiam constat neutiquam pertinere ad Pœnitentiam, quod dicitur Matthæi 19: *Oblati sunt parvuli, ut eis manus imponeret*, nam parvulis non exhibetur Sacramentum Pœnitentiae; sed quia mos erat apud Judæos, ut constat ex Remigio, non benedicere nisi per manuum impositionem, ut a Christo Domino benedictionem acciperent parvuli, oblati sunt. Quod vero asseritur Act. 8: *Cum vidisset Simon, quod per impositionem manuum Apostolorum, etc.*, intelligitur de Confirmationis Sacramento, quod manuum impositione Apostoli conferebant.

Ratio Thom. 3. Ratio autem S. Doctoris est hujusmodi: quia manuum impositio solum fit in illis Sacramentis, in quibus percipitur plenitudo gratiæ, seu copiosus gratiæ effectus: sed in Sacramento Pœnitentiae non recipitur plenitudo gratiæ, nec copiosus gratiæ effectus: ergo in Sacramento Pœnitentiae necesse non est, quod interveniat manuum impositio. Majorem probat S. Doctor, ex eo quod manuum impositio designat continuationem, ac communionem per quandam similitudinem recipientis Sacramentum cum ejus ministro, in quo debet esse copia gratiæ: quocirca solum fit manuum impositio in Confirmatione, in quo confertur plenitudo Spiritus sancti ad roborandum, et confirmandum hominem contra hostes fidei; et in Sacramento Ordinis, in quo recipit ordinatus excellentiam potestatis in divinis mysteriis juxta illud 2, ad Timoth. 1: *Ressuscites gratiam Dei quæ est in te per impositionem manuum mearum*. Probat deinde Minorem; quia Pœnitentia non ordinatur ad excellentiam gratiæ, sed ad remissionem peccatorum,

et ideo ad hoc Sacramentum non requiriatur manuum impositio, sicut nec ad Baptismum; cum tamen fiat plenior remissio peccatorum.

4. Circa quem discursum statim sese offert difficultas conferendo articuli primi doctrinam cum ea, quam in præsenti statuit. Nam ibi solutione ad primum manifeste affirmat in omnibus aliis Sacramentis à Pœnitentia, et Matrimonio, conferri excellentiam gratiæ; quia in omnibus illis adhibetur aliqua materia exterior sanctificata: quare melius significant abundantiam sanctitatis ex virtute Christi, quasi ex quodam exteriori principio. Secus vero est in relatis duobus Sacramentis, in quibus materia, et pars essentialis illorum sunt actus humani sensibiles, non vero aliqua alia exterior materia. Hic autem excludit Baptismum, et quod magis est, Eucharistiam, a plenitudine gratiæ, vel ejus excellentia, ut patet in ultimis verbis, et in sol. ad 3; ergo vel sibi contradicit D. Thomas, vel præsens discursus non tenet, vel saltem diminute processit non explicando, quæ, et qualis sit illa copiosa gratia manuum impositioni alligata.

5. Ad hanc difficultatem, quam interpres D. Thomæ vel omisere, vel non prævidere, respondeatur negando Consequentias illatas, utpote male deductas: quia hoc quod est communicari excellentiam gratiæ, vel abundatiorem ejus copiam mediis Sacramentis, provenit ex duplice capite; vel quia habent materiam extrinsecus appositam, ex vi cuius tam ex parte formæ, quam ex parte materiae significatur provenire ex virtute extrinseca Christi Domini gratiam sacramentalem. Et in hoc sensu in omnibus aliis Sacramentis præter Matrimonium, et Pœnitentiam, confertur excellentia gratiæ, ut statuit D. Thomas, et nos ex ipso docuimus super primo articulo; siquidem omnia illa postulant materiam externam, et externe appositam. Secus vero est de illis duobus Sacramentis, quorum materia proxima sunt actus humani sensibiles modo ibi explicato. Vel quia ultra hoc omnibus illis commune, adest specialior adhuc alia ratio, quare in aliquibus significari debeat copiosior adhuc gratiæ fructus, quam in aliis. Et haec sunt Confirmatione, et Ordo, in quibus ad id significandum requiritur præalilis manuum impositio. In Confirmatione quidem, quia, ut inquit S. Doctor supra D.Thom. quæst. 72, art. 2: *In hoc Sacramento da-*

tur plenitudo Spiritus sancti ad robur spirituale, quod competit perfectæ ætati, et hoc robur non datur in Baptismo, ut probaverat S. Doctor, art. 1, immediato. Et idem liquet in Ordine, ut constat ex hoc eodem præsenti articulo, ubi illa assignat potestatem in divina mysteria, qua non potiuntur alia Sacraenta, nec eorum nobilissimum Eucharistia; quin imo per Sacramentum Ordinis designatur homo mediate, vel immediate (ut omnes Ordines comprehendamus) ad peragendam, et conficiendam Eucharistiam, et cætera alia Sacraenta ministranda. Unde licet aliis Sacramentis præter Pœnitentiam, et Matrimonium, conveniat excellentia gratiæ, in quibus includitur Baptismus; adhuc tamen est specialior, ac copiosior ejus fructus in illis, in quibus fit manuum impositione, quod non competit nec Baptismo, nec Eucharistiae, nec etiam Extremae Unctioni. Pœnitentiæ vero denegatur ex utroque capite, quia solum ordinatur ad remissionem peccatorum, sicut Baptismus, et quia non habet materiam exterius apposita. Unde omnia consonant, nec est ulla in D. Thoma contradicatio, aut defectus.

Duplex error, qui irrepsit circa manum impositionem.
6. Est tamen observatu dignum circa impositionem manuum in hoc Sacramento irrepsisse duplē errorē ex diametro adversum. Primus fuit cujusdam Theologi S. Doctoris Syncroni, qui conari ausus est formam hujus Sacramenti invertere, ut constat ex dictis dub. 1, hujus disputationis: et insuper statuere, ut omnino necessariam necessitate Sacramenti manuum impositionem. Quem errorem quoad utramque sui partem expugnavit, et extinxit S. Doctor opusc. 20, non semel allegato, nec non in præsenti in hoc art. 4, et in primo hujus quæstionis. Alius error fuit Wicleph, decidentis manum impositionem, quam olim apud plerasque Ecclesias invaluisse non est dubium, non tantum pro Sacramento Confirmationis, verum etiam pro Pœnitentia. Contra quem egit N. Waldensis tom. 2 de Sacram. cap. 147. Porro ex illa consuetudine manus imponendi pœnitentibus orti sunt duo illi errores, alter, quod ut necessaria necessitate Sacramenti intrudebatur; alias vero, quo ut omnino impertinens, superflua, et nunquam licita spernebatur. Sed uterque, ut dicebamus, suffocatus est ab Ecclesiæ Doctoribus, et cum eorum Authoribus sepultus. Quapropter universalis Ecclesia media, ac plane regia, via incedens manuum impositionem

pro hoc Sacramento nec ex toto damnat, nec ut penitus necessariam docet. Non quidem reprobat; si quidem de ea fit mentione in Concilio Niceno. 1, cap. 9, in Concilio Cartaginensi 3, cap. 32. Cartaginensi 4, cap. 76. Arausiano cap. ult. et D. Cyprianus epist. 14, 15 et 16, illum modum approbat, et olim, qui erant in pœnitentia manuum impositione reconciliabantur, ut refertur dist. 50, can. *Pœnitentes et 26. qu. 6, canone, Qui recedunt, et can. Is qui.* Unde D. August. lib. 5 de Baptismo ait: *manus impositio, quo nomine Pœnitentia vocabatur, non sicut Baptismus, repeli non potest.* Et ideo communiter docent Theologi post Magistrum Soto in 4, dist. 14, q. 1, art. 4, eam consuetudinem, si in aliqua nunc viguerit Ecclesia observari, et licite retineri posse. Quia tamen necessaria non est, nec ex institutione hujus Sacramenti colligitur, nulla de ea fit mentione in Concilio Florentino, nec in Tridentino, atque ideo per non usum abolita est, et in desuetudinem abiit. Et hinc constat non esse necessaria necessitate ulla, sive medii, sive præcepti, nec ut talem a tota Ecclesia accipi, aut unquam acceptam fuisse.

7. In responsione ad tertium est etiam dignum, quod observetur discrimen inter Sacraenta, quæ habent materiam externam: nam ea, quæ usu perficiuntur, ut sunt Baptismus, Confirmatio, Ordo, et Extrema unctione, ultra prolationem formæ supra debitam materiam, exigunt ex parte ministri aliam actionem externam, quæ versetur circa recipientem Sacramentum, qualis est applicatio ipsius materiæ subiecto, et hanc vocant communiter Theologi materiam proximam, aliam vero remotam, ut constat in Baptismo, cuius materia remota est aqua, et ablutio Sacerdotis, materia proxima, sine qua non perficeretur Sacramentum, nec forma valeret. Quod secus accidit in aliis tribus Sacramentis, Eucharistia videlicet, quia non consistit in usu; Pœnitentia, et Matrimonio, eo quod non est illis materia exterius adveniens. Unde sola verborum formæ prolatione absque ulla alia actione perfici hæc Sacraenta docet S. Doctor, et praxis ipsa testatur.

8. Hinc consequi necesse est ceremoniam signandi panem ante consecrationem, aut pœnitentem in absolutione non esse necessariam necessitate præcepti, in quo aliqui tantisper hæsisse videntur. Nam quando

Concil. Nicænum. Cartaginense 3. Cartaginense 4. Arausianum. D. Cyprian. Cap. Pœnitentes. Can. Qui recedunt D. August. Soto.

Concil. Florentin. Tridentin.

Notandum

Primus fuit extinctus a D. Thom.
Secundus, qui fuit Wicleph, quem expugnavit N. Waldensis.
Media via incedit Ecclesia.

An sit peccatum, non signare pœnitentem?

quando S. Doctor omnem aliam actionem externam ab eis Sacramentis exclusit ad eorum perfectionem ; non tam locutus est de perfectione essentiali, et quoad substantiam, quæ compatitur cum peccato, quam de perfectione nullam importante, aut includente gravem deformitatem, sive ex parte recipientis, sive ex parte ministrantis. Et in hoc sensu interpretantur D. Thomam ex extraneis Suarez, et Vasquez, ex discipulis vero Soto, Nuno, Arauxo, et Prado, et consequenter affirmant illam ceremoniam signandi non esse necessariam adhuc necessitate præcepti.

9 Sed esse in contrarium D. Augustinum sec. 19, de Annunciatione, ubi ait : *Hujus crucis mysterio, et universaliter omnia Ecclesiastica Sacraenta in hujus virtute perficiuntur.* Et quod magis premit, Stephanus Papa VI, in epistola ad Episcopos Orientis, quæ habetur apud Baron. ad ann. 886, ita docet : *Per venerandam crucem omnia dona Sacerdotalis ministerii perficiuntur.* Quæ ægre absque præcepto Ecclesiastico salvantur. Similia passim est inventire apud veteres Patres, quos refert Prado in præsenti : ergo si non necessitate Sacramenti : necessitate tamen præcepti, opus erit vel ad consecrandum, vel ad absolvendum uti signo crucis super materiam propriam cujuslibet illorum Sacramentorum; nam alias absque veneranda cruce Sacerdotati ministerium periceretur, quod contradicit Pontificis doctrinæ.

10. Hæc tamen non obesse docent communiter Theologi contra Landmetet lib 2, de vetere clero monacho, ep. 89, asserentes nullam esse mortalem culpam prætermittere illam ceremoniam in Pœnitentia, utpote quæ non est præcepta absolute, sed qua conveniens ad significantum peccata remitti in virtute passionis Christi. Nec aliud intendunt, aut significant verba Augustini, et Pontificis : quia cum Sacraenta nullam virtutem habeant, quam a Christi passione derivatam, sicut ejus cruce omnia perficiuntur : ita convenientissimum est, ut etiam ritibus, ac ceremoniis eorumdem Sacramentorum explicetur cruce signando, vel ad consecrandum, vel ad absolvendum. Et in hoc sensu nedum ex parte Sacerdotis ritus observantur, qui tamen in præcepto non sunt, verum et ex parte pœnitentis : sed non ideo displicendi, quin observandi, ut eos observare hortatur Catechismus Romanus parte 2, cap. 18, dicens : *Quem*

pœnitorum pœnitet, is se humili, ac demissio animo ad pedes Sacerdotis dejicit, ut cum se tam humili gerat, facile possit agnoscere superbæ radices evelendas esse, et cap. 43 addit : quosdam ritus ac ceremonias Ecclesiæ autoritate additas esse, quæ etsi ad Sacramenti rationem non speculant, ejus tamen dignitatem, magis ante oculos ponunt. Cum enim aperto capite ad pedes Sacerdotis abjecti demisso in terram vultu supplices manus tendentes, altaque hujusmodi christianæ humilitatis signa dantes, quæ ad Sacramenti rationem necessaria non sunt, peccala confitemur, ex iis perspicue intelligimus, cum in Sacramento cælestem vim agnoscendam, tum a nobis divinam misericordiam summo studio requirendam. Et hoc modo adstruunt SS. PP. necessitatem crucis ad perficienda Sacraenta. Et ideo secluso contemptu non erit gravis noxa cruce non signare in Pœnitentia super absolvendum.

ARTICULUS V.

Utrum hoc Sacramentum sit de necessitate salutis?

Ad quintum sic proceditur. Videtur quod hoc Sacramentum non sit de necessitate salutis : quia super illud Psal. 125 : Qui seminat in lacrymis, etc., dicit gloss. Noli esse tristis, si adstis tibi bona voluntas, unde mettitur pax : sed tristitia est de ratione pœnitentiae, secundum illud 2 Corinth. 7 : Quæ secundum Deum est tristitia, pœnitentiam in salutem stabilem operatur : ergo bona voluntas sine pœnitentia sufficit ad salutem.

1. Præt. Proverb. 10, dicitur, universa delicta operat charitas. Et infra 15 : Per misericordiam, et fidem, purgantur peccata : sed hoc Sacramentum non est, nisi ad purgandum peccata : ergo habendo charitatem, et fidem, et misericordiam, potest quisque salutem consequi, etiam sine pœnitentia Sacramento.

3. Præt. Sacraenta Ecclesie initium habent ab institutione Christi : sed sicut legitur Joan. 8. Christus mulierem adulteram absolvit absque pœnitentia ; ergo videtur quod pœnitentia non sit de necessitate salutis.

Sed contra est, quod Dominus dicit Luc. 8 : Si pœnitentiam non habueritis omnes simul peribitis.

Respondeo. Dicendum, quod aliquid est necessarium ad salutem dupliciter; uno modo absolute : alio modo ex suppositione : absolute quidem necessarium est ad salutem illud, sine quo nullus salutem consequi potest : sicut gratia Christi ; et Sacramentum Baptismi, per quod aliquis in Christo renascitur. Ex suppositione autem est necessarium Sacramentum pœnitentiae : quod quidem est necessarium non omnibus, sed peccato subjacentibus : dicitur enim 2 Para. ult. et tu Deus iustorum non posuisti pœnitentiam justis, Abraham, Isaac, et Jacob his, qui tibi non peccaverunt. Peccatum autem cum consummatum fuerit generat mortem, ut dicitur Jacob 1. Et ideo necessarium est ad salutem peccatoris, quod peccatum removeatur ab eo, quod quidem non potest fieri sine pœnitentiae Sacramento, in quo operatur virtus passionis Christi per absolutionem Sacerdotis, simul cum opere pœnitentis, qui cooperatur gratia ad destructionem peccati : sicut enim dicit Aug. super Joan. : Qui creavit te sine te, non justificabit te sine te. Unde patet quod Sacramentum pœnitentiae est necessarium ad salutem post peccatum, sicut medicatio corporalis, postquam homo in morbum periculosum incederit.

Ad Primum ergo dicendum, quod gloss. illa videtur esse intelligenda de eo, cui adest bona voluntas sine interpolatione, quæ fit per peccatum : talis enim non habet tristitiae causam : sed ex quo bona voluntas tollitur per

Negat.
D. Thom.
Suarez.
Vazquez.
Soto.
Nuno.
Arauxo.
Prado.

Obstare
videtur
D. Au-
gust.

Ste-
phan. VI.
Baron.

Non
best.
andr-
tet.

tech.
om.

peccatum, non potest restituī, sine tristitia, qua quis dolet de peccato præterito, quod pertinet ad poenitentiam.

Ad secundum dicendum, quod ex quo aliquis peccatum incurrit, caritas, fides, et misericordia non liberant hominem a peccato, sine poenitentia: requirit enim charitas, quod homo doleat de offensa in amicum commissa, et quod amico homo studeat satisfacere: requirit etiam ipsa fides ut per virtutem passionis Christi, qua in Sacramentis Ecclesiæ operatur, querat justificari a peccatis: requirit etiam, et misericordia ordinata, ut homo subveniat poenitentiæ sua miseria, quam per peccatum incurrit secundum illud Prov. 14: Miseros facit populus peccatum: unde Eccles. 3, dicitur: Miserere animæ tuæ, placens Deo.

Ad tertium dicendum, quod ad potestatem excellentiæ, quam solus Christus habuit, ut supra dictum est, pertinet, quod Christus effectum Sacramenti poenitentiae, qui est remissio peccatorum contulit mulieri adulteræ sine exteriori poenitentiae Sacramento, licet non sine interiori poenitentia, quam ipse in ea per gratiam est operatus.

Conclusio est bimembri: Sacramentum Poenitentiae est simpliciter necessarium ex suppressione peccati post receptum Baptismum; non vero ea suppressione ablata.

Veritas hujus Conclusionis constabit ex disputatione sequenti ubi necessitatem hujus Sacramenti exponemus, et elucidare studebimus articuli doctrinam.

ARTICULUS VI.

Utrum Pœnitentia sit secunda tabula post naufragium?

Ad Sextum sic proceditur. Videtur quod Pœnitentia non secunda tabula post naufragium: quia super illud Isa. 3: Peccatum suum, quasi Sodoma predicaverunt, dicit gloss. Secunda tabula post naufragium, est peccata absconde: Pœnitentia autem non abscondit peccata, sed magis ea revelat; ergo pœnitentia non est secunda tabula.

2. Præterea. Fundamentum in ædificio, non tenet secundum, sed primum locum: pœnitentia autem in spirituali ædificio est fundamentum, secundum illud Heb. 6: Non rursus jacentes fundamentum pœnitentiae ab operibus mortuis, unde et præcedit ipsum Baptismum, secundum illud Act. 2: Pœnitentiam agite, et baptizetur unusquisque vestrum; ergo Pœnitentia non debet dici secunda tabula.

3. Præterea. Omnia Sacraenta sunt quedam tabulæ: id est remedii contra peccatum: sed Pœnitentia non tenet secundum locum inter Sacraenta, sed magis quartum, ut ex supra dictis patet; ergo Pœnitentia non debet dici secunda tabula post naufragium.

Sed contra est, quod Hiero. dicit quod secunda tabula post naufragium est Pœnitentia.

Respondeo. Dicendum, quod id quod est per se, naturaliter prius est eo, quod est per accidens: sicut et substantia prior est accidenti: Sacraenta autem quedam per se ordinantur ad salutem hominis, sicut Baptismus, qui est spiritualis generatio, et confirmatio, quæ est spirituale augmentum, et Eucharistia, quæ est spirituale nutrimentum: Pœnitentia autem ordinatur ad salutem hominis, quasi per accidens, supposito quedam, scilicet ex suppressione peccati: nisi enim homo peccaret actualiter, Pœnitentia non indigeret: indigeret tamen Baptismo, et Confirmatione, et Eucharistia: sicut et in vita corporali non indigeret homo medicatione nisi infirmaretur: indigeret autem homo per se ad vitam generatione, augmentatione, et nutrimento; et ideo Pœnitentia tenet secundum locum respectu status integratitatem, qui confertur, et conservatur per Sacraenta predicta: unde, et metaphorice dicuntur secunda tabula post naufragium. Nam primum remedium mare transeuntibus est, ut conserventur in navi integra. Secundum autem remedium est post navem fractam, ut quis tabula adhæreat: ita etiam primum remedium in mari hujus vite est, quod homo integratitatem servet: Secundum autem remedium est, si per peccatum integratitatem perdiditer, quod per Pœnitentiam redeat.

Ad Primum ergo dicendum, quod abscondere peccata contingit dupliciter. Uno modo dum ipsa peccata sunt:

est autem pejus peccare publice, quam occulte: tum quia peccator publicus videtur ex majori contemptu peccare: tum etiam quia peccat cum scandalis aliorum: et ideo quoddam remedium est in peccatis, quod aliquis in occulto peccet. Et secundum hoc dicit gloss. quod secunda tabula post naufragium est peccata abscondere, non quod per hoc tollatur peccatum, sicut per Pœnitentiam, sed quia per hoc peccatum fit minus; alio modo, aliquis abscondit peccatum prius factum per negligentiam confessionis, et hoc contrariatur Pœnitentia. Et sic abscondere peccatum, non est secunda tabula: sed magis contrarium tabula: dicitur enim Prover. 28: Qui abscondit scelerâ sua, non dirigitur.

Ad secundum dicendum quod Pœnitentia non potest dici fundamentum spirituali ædifici simpliciter, id est, in prima edificatione: sed est fundamentum in secunda reædificatione, quæ fit per destructionem peccati. Nam primo redeuntibus ad eum, occurrit Pœnitentia. Apostolus tamen ibi loquitur de fundamento spiritualis doctrinæ: Pœnitentia autem, que Baptismum præcedit, non est Pœnitentia Sacramentum.

Ad tertium dicendum, quod tria præcedentia Sacraenta pertinent ad navem integrum, id est ad statum integratitatis, respectu cujus Pœnitentia dicitur secunda tabula.

Conclusio: Pœnitentia rectissime dicitur, et est secunda tabula post naufragium.

COMMENTARIUS.

1. Conclusio prout jacet definita videtur Tridenta Concilio Tridentino canone 2, sess. 14, sub his verbis: *Si quis Sacraenta confundens ipsum Baptismum Pœnitentia Sacramentum esse dixerit, quasi hæc duo Sacraenta distincta non sint; atque ideo Pœnitentiam non recte secundam post naufragium tabulam appellari, anathema fit.* Ubi duo statuit; quibus duo percelluntur errores; alter negantium distinctionem Baptismi a Pœnitentis contra quos egimus supra disp. 4; alter vero sectariorum nostri temporis irridentium hanc metaphoram locutionem, ut prorsus ineptam; cum tamen aptissima sit ad explicandam reparationem lapsi, quamque teste eodem Concilio sess. 6, cap. 14, secundam post naufragium deperditæ gratiæ tabulam SS. PP. apte nuncuparunt.

2. Et ne quis hæreat circa ordinem hujus articuli ad præcedentem, animadvertis, semel ostensa Sacramenti necessitate, quod præstitit S. Doct. art. 5, rectissime præcedit ad examinandum modum, seu qualitatem necessitatis, an nimurum sit ad instar primæ, vel secundæ tabulæ? Et quia apud SS. PP. præcipue vero D. Hieronymum, a quo primo, ut aliqui volunt, ea locutio copta est, usurpari videtur metaphora secundæ tabulæ, huic Sacramento adaptata, simul et semel Angelicus Doctor, et rectam procedendi methodum servavit, et veritatem locutionis SS. PP. sub metaphora contentam explicit.

3. Porro ejus energiam optime elucidavit

Articulorum
rectus
ordo.

Hiero-
nym.

Pulchro-

meta-
phora.

D. Thom.

meta-
phora.

vit S. Doctor considerando totum mundum veluti mare, in quod omnes ascendunt medio Baptismo, qui ad instar navis se habet, integræ quidem, et illæsæ, quatenus medio baptismate denuo generatur homo in vitam spiritualem, quin aliquid veterum culparum purgandum et diluendum subsistit: in quo proinde post commune naufragium naturæ humanæ, secure, et tranquille transire potest homo sub innocentia baptismali præsentis vitæ fluctus, et ad felicitatis portum appellere. Hac vero baptismali nave lethalis culpæ naufragio illisa, et confracta, nullum superest remedium perditionem, ac mortem evitandi, nisi pœnitentia juxta illud: *Nisi pœnitentiam egeritis, omnes quidem peribitis.* *Luc.* 13. Et idcirco dicitur secunda tabula post naufragium: nam sicut diruta navi, et in partes collisa videre est homines asseribus, seu tabulæ primo occurrenti, ne submergentur, affixos, et ad hoc unum remedium applicitos; ita post gratiam baptismalem amissam nulla spes remanet elabendi a periculo damnationis nisi media Pœnitentia, cujus proinde necessitatem prius debuit probare D. Thomas, ut hic redderet rationem, cur secunda tabula post naufragium apte appellaretur.

Quare sit secunda abula.

Non rvaratur ordo 1 alia aera- entia.

4. Est itaque secunda tabula, non quia præcesserit prima, aut quia subsequatur tertia, ut aliquis opinari possit; sed quia est secundum remedium post primum, et universale Baptismi, quo non fracto, veluti integra navi, non esset locus Pœnitentiae, sicut nec in statu innocentiae, sed illico transirent homines ad felicitatem æternam, quia ut inquit sanctus Doctor, *primum remedium mare transeuntibus est, ut conserventur in navi integra,* qualis est Baptismus, quique est primum totius nature remedium. Quare nomine naufragii non hic intelligitur peccatum originale, sed personale post Baptismum. Nec hic servatur ordo ad reliqua Sacraenta, alias non diceretur hoc Sacramentum secunda, sed quarta tabula, siquidem per se supponit Baptismum, Confirmationem, et Eucharistiam; quoniam hæc tria Sacraenta pertinent ad navem integrum, id est ad statum integratatis adeptum per Baptismum, respectu cuius integratatis, et non respectu Sacramentorum, Pœnitentia dicitur secunda tabula. Et ratio sancti Doctoris est optima: nam sicut generatio, robur, et nutrimentum per se pertinent ad vitam integrum corporalem; sic Baptis-

mus, Confirmatio, et Eucharistia in ordine spirituali. Medicina autem sive in corporalibus, sive spiritualiter accepta non habet locum, nisi supposita infirmitate, et consequenter semper atque sumatur, est remedium supponens fractionem, et divulsionem; atque ideo secundum per ordinem ad integratatem prius habitam. Nec hanc denominationem amittit, quantumvis plura succedant peccata, et Pœnitentia tabula non semel sed plures assumatur; nam hoccine remedium semper, et præsto adest quotiescumque illud arripare opus fuerit, et quia est universale cuilibet, et omnibus naufragantibus; idcirco semper conservat nomenclaturam secundæ tabulæ, quam accipit ex ordine ad primum, et universale remedium Baptismi. Hinc constat, qua impudentissima audacia inventus fuerit Calvinus, dum lib. 4. Inst. cap. 19, *Calv.* blasphemó calamo scripsit: *Ementitum hoc Sacramentum ornarunt, quo decebat elogio, secundam esse tabulam post naufragium. Quia quis vestem innocentiae in Baptismo perceptam corruperit, per Pœnitentiam reparare potest. Sed dictum est Hieronymi. Cujuscumque sit, quia plane ineptum sit, excusari nequit, si ex eorum sensu exponitur.* Sed quidem aptissime, et verissime illius sensus fuit a D. Thoma expositus.

ARTICULUS VII.

Utrum hoc Sacramentum fuerit convenienter in nova lege institutum.

Ad septimum sic proceditur. Videtur quod hoc Sacramentum non fuerit convenienter institutum in nova lege. Ea enim quæ sunt de jure naturali, institutione non indigent; sed pœnitentie de malis, quæ quis gessit, est de jure naturali: non enim potest aliquis bonum diligere, quin de contrario doleat: ergo pœnitentia non fuit convenienter instituta in nova lege.

2. Præterea. Illud quod fuit in veteri lege, institutum non fuit in nova: sed etiam in veteri lege fuit Pœnitentia: unde, et Dominus conqueritur Hier. 28, dicens: Nullus est, qui agat pœnitentiam super peccato suo, dicens: Quid feci? ergo Pœnitentia non debuit insitui in nova lege.

3. Præterea. Pœnitentia consequenter se habet ad Baptismum cum sit secunda tabula, ut supra dictum est: sed Pœnitentia videtur a Domino instituta ante Baptismum: nam in principio prædicationis sua dixisse Dominus legitur Matth. 4: Pœnitentiam agite, appropinquavit enim regnum cœlorum; ergo hoc Sacramentum non fuit convenienter institutum in nova lege.

4. Præterea. Sacraenta novæ legis institutione habent a Christo, ex cuius virtute operantur, ut supradictum est: sed Christus non videtur instituisse hoc Sacramentum, cum ipse non sit usus eo, sicut aliis Sacramentis, que ipse instituit; ergo hoc Sacramentum non fuit convenienter institutum in nova lege.

Sed contra est, quod dicit Dominus *Luc.* ult.: Oportebat Christum pati, et resurgere a mortuis die tertia, et prædicari in nomine ejus pœnitentiam, et remissionem peccatorum in omnes gentes.

Respon. Dicendum, quod sicut supra dictum est, in hoc Sacramento actus pœnitentis se habet sicut materia:

id autem quod est ex parte Sacerdotis, qui operatur ut minister Christi, se habet ut formale, et completivum Sacramenti : materia vero etiam in aliis Sacramentis praecedit a natura, ut aqua, vel ab arte ut panis : sed quod talis materia ad Sacramentum assumatur, institutione indiget hoc determinante : sed forma Sacramenti, et virtus ipsius totaliter est ex institutione Christi, ex cuius passione procedit virtus Sacramentorum. Sic ergo hujus Sacramenti materia praexistit a natura (ex naturali enim ratione homo movetur ad poenitendum de malis, quae fecit), sed quod hoc, vel illo modo homo poenitentiam agat, est ex institutione divina : unde, et Dominus in principio predicationis sua indixit hominibus, ut non solum poenitenter, sed etiam poenitentiam agerent, significans determinatos modos actuum, qui requiruntur ad hoc Sacramentum : sed id, quod pertinet ad officium ministrorum, determinavit Matth. 16, ubi dixit Petro : Tibi dabo claves regni coelorum, etc. Efficaciam autem hujus Sacramenti, et originem virtutis ejus, manifestavat post resurrectionem Luc. ult. ubi dixit, quod oportet predicare in nomine ejus poenitentiam, et remissionem peccatorum in omnes gentes, praemissio de passione, et resurrectione : ex virtute N. nominis Iesu Christi patientis, et resurgentis, hoc Sacramentum efficaciam habet in remissionem peccatorum : et sic patet convenienter hoc Sacramentum in nova lege institutum fuisse.

Ad primum ergo dicendum, quod de jure naturali est, quod aliquis poeniteat de malis quae fecit, quantum ad hoc, quod doleat fecisse, et doloris remedium querat per aliquem modum, et quod etiam aliqua signa doloris ostendat, sicut et Ninivitæ fecerunt, ut Jonas 3 legitur. In quibus tamen aliquid fuit adjunctum fidei, quam conceperant ex predicatione Jona, ut scilicet hoc agerent sub spe veniae consequenda eam a Deo, secundum illud, quod ibi legitur : Quis scit si convertatur, et ignorat Deus, et revertatur a furore iræ suæ, et non peribimus ? Sed sicut alia, que sunt de jure naturali determinationem accepérunt ex institutione legis divinæ, ut in secunda parte dictum est, ita etiam et Poenitentia.

Ad secundum dicendum, quod ea quae sunt juris naturalis diversimode determinationem accipiunt in veteri, et in nova lege, secundum quod congruit imperfectioni vel eris legis, et perfectioni novæ, unde et Poenitentia in veteri lege aliquam determinationem habuit, quando quidem ad dolorem, ut esset magis in corde, quam in exterioribus signis, secundum illud Joel 2 : Scindite corda vestra, et non vestimenta vestra, quantum autem ad remedium doloris querendum, ut aliquo modo ministris Dei peccata sua confiterantur, ad minus in generali. Unde Dominus Levit. 5, dicit : Anima, quae peccaverit per ignorantiam offerret aritem immaculatum de gregibus Sacerdotis iuxta mensuram aestimationemque peccati, qui orabit pro eo, quod nesciens fecerit et dimittetur ei : in hoc enim ipso, quod oblationem faciebat aliquis pro peccato suo, quadammodo suum peccatum Sacerdoti confitebatur, et secundum hoc dicitur Proverb. 28 : Qui abscondit sceleris sua, non dirigitur : qui autem confessus fuerit, et reliquerit ea, misericordiam consequetur : nondum autem erat institutum potestas clavium, quae a passione Christi derivatur, et per consequens nondum erat institutum, quod aliquis doleret de peccato cum proposito subjiciendi se per confessionem, et satisfactionem clavibus Ecclesiæ sub spe consequenda venire, virtute passionis Christi.

Ad Tertium dicendum, quod si quis recte consideret ea, quae Dominus dixit de necessitate Baptismi Jo. 3, tempore praecesserent ea, que dixit Matth. 4 de necessitate Poenitentia. Nam id quod dixit Nicodemo de Baptismo, fuit ante incarcerationem Joan. de quo postea subditur, quod baptizabat : illud vero quod de Poenitentia dixit Matth. 4, fuit post incarcerationem Joannis : Si tamen prius ad Poenitentiam induxissemus, quanad Baptismum, hoc ideo esset quia etiam ante Baptismum requiretur quedam Poenitentia : sicut et Petrus dixit Act. 2 : Poenitentiam agite, et baptizetur unusquisque vestrum.

Ad Quartum dicendum, quod Christus non est usus Baptismo, quem ipse instituit : sed est baptizatus baptismio Jo. ut supra dictum est : sed nec etiam active usus est suo ministerio, quia ipse non baptizabat communiter, sed discipuli ejus, ut dicitur Jo. 4, quanvis credendum sit, quod discipulos suos baptizaverit, ut Aug. dicit ad Celeucianum : usus autem hujus Sacramenti ab eo instituti, nullo modo sibi competit : nec quantum ad hoc, quod ipse poeniteret, in quo peccatum non fuit, nec quantum ad hoc, quod hoc Sacramentum aliis præberet : quia

ad ostendendam misericordiam, et virtutem suam effectus hujus Sacramenti, sine Sacramento præbebat, ut supra dictum est. Sacramentum autem Eucharistiae, et ipse sumpsit, et aliis dedit : tum, ad commendaad excellentiam hujus Sacramenti : tum quia hoc Sacramentum est memoriale sue passionis, in qua Christus est Sacerdos, et hostia.

Prima conclusio : Materia Poenitentiae fuit in lege veteri.

Secunda conclusio : Sacramentum Poenitentiae convenienter fuit institutum in nova lege.

Pro elucidatione hujus articuli, et articuli quinti praecedentis hoc remissi oportet instituere novam disputationem, in qua de Poenitentiae necessitate, et institutione disseramus. Quamvis enim una, et altera ex hactenus expensis in hoc tractatu satis superque constare possit, et hac una ratione efficaci probari, nimur ab actu ad potentiam, adjuncto alio principio perse noto sub hac forma : Quod Christus instituisse constat in nova lege, necessarium, et convenientissimum est; non enim creditu dignum est mundi Redemptorem piissimum instituisse pro hominum salute minus necessaria, aut superflua, sicut nec non valde fini redemptionis convenientia : sed ex hactenus sparsim dictis in praecedentibus disputationibus liquido constat Sacramentum Poenitentiae fuisse institutum a Christo Domino in lege gratiae cum reliquis Sacramentis : ergo Sacramentum Poenitentiae, ne dum necessarium, sed etiam convenientissimum est in lege gratiae. Quamvis, inquam, hoc unico argumento ab hac disputatione nos liberare possemus; sunt tamen plura compellentia ad seorsim præsentem disputationem instituendam, tum ut aliis morem geramus, tum ut methodum D. Thomæ servemus, tum ut horum articulorum doctrinam, aliquibus difficilem aliqua luce donemus, et quod magis est, ut Poenitentiae originem, et progressum in medium eruamus. Unde sit

DISPUTATIO IV.

De necessitate, et institutione hujus Sacramenti.

1. Ut ordinem præstitum a Divo Thoma Disputationis partitio.

indivulse observemus, prius de necessitate, deinceps de convenientia institutionis Poenitentiae sermonem habebimus. Quare bimembri erit disputatio ; et ut ad ejus priorem partem accedamus operæ pretium

preium fore explicare quot modis aliquid sit, et dicatur necessarium. Sed quia plures se obtulit occasio in variis nostri Cursus tractatibus eos exponendi, maxime vero tract. de Fide, disp. 6, dub. 1, ubi late de hoc punto egimus, nec non tract. de Sacramentis in genere, ubi Sacramento-rum necessitatem exposuimus, et tract. de Eucharistia, in quo qualibet fuerit ne-cessaria explicare oportuit, idecirco aliis termini acceptionebus nunc omissis, du-plicem necessitatem, prædictis locis uberi-ius explicatam, usurpamus. Potest ergo aliquid dici necessarium vel necessitate medii, vel necessitate præcepti tantum, quorum notiones ex ipsis terminis liquent. Nam necessarium necessitate præcepti il-lud dicitur, quod tantum sub præcepto ca-dit, et absque quo, sicut et absque præ-cepto, finis consequi potest. Et ideo sicut potest esse causa legitima non adimplendi præceptum (loquimur de positivo) vel quia nondum fuit intimatum, vel quia oblitum invincibiliter, vel quia ejus non occurrit materia: ita potest homo ab eo deobligari legitime, et illo minime arctari, quin frau-detur assecutione finis. Necessarium vero necessitate medii ita est annexum fini, ut absque eo finis intensus haberi non pos-sit, quocirca ideo appellatur necessarium necessitate medii, quia est unicum medium in finem collimans, nec superest aliud il-lum assequendi, sive id proveniat ex natura rei, sive ex institutione divina.

Porro hoc medium adhuc stare potest duplicitate, vel ita ut determinate sit in re necessarium, quo pacto infantibus neces-sarius est Baptismus realiter susceptus, quia sine ejus reali susceptione, nullatenus nanciserentur salutem æternam. Vel sal-tum solum sit necessarium in voto, quatenus adesse debeat votum, seu desiderium illud medium apponendi, licet re ipsa non apponatur. Et hoc modo Eucharistia est necessaria, vel in re, vel in voto, et Baptismus adultis. Rursus votum istud, vel potest esse explicitum, vel tantum impli-citum, quia nimur in alio actu contine-tur, ut in assensu præmissarum virtualiter continetur assensus conclusionis, et in actu intentionis efficacis electio mediorum.

Ut ergo primam disputationis partem ex-pediamus, examinandum superest an, et qualiter Sacramentum Pœnitentiæ sit ne-cessarium? vel in re, vel in voto explicito, vel implicito? ad quod nos accingimus in hoc primo dubio, quæ ad secundam par-

tem disputationis pertinent, in sequentibus decisuri.

DUBIUM I.

Utrum Sacramentum Pœnitentiæ sit necessarium, et qualiter?

2. Ultra memoratos necessitatis modos, Quotu-plex sit necessi-tas.
adhuc nécessitas est duplex, ut sumitur ex D. Thoma in hoc articulo 5, ad quem pertinet hoc dubium: vel absoluta, vel ex positione. Et sane si necessitate absoluta procederet difficultas, illico amandanda fo-ret, siquidem nulla est, aut aliquando extitit dubitandi ratio, quæ rationabilis esset circa necessitatem Pœnitentiæ, si nullum unquam extitisset peccatum Pœnitentia diluendum. Sicut enim apertissime impingeret, qui medicinam quereret ad tuendam salutem, et pellendam infirmitatem, si nec debilitatem, aut saltem illius periculum experiri non posset; ita in vanum abiret, qui necessitatem Pœnitentiæ investigaret, si nulla esset, aut esset posset peccati infirmitas, Pœnitentiæ medicina sananda. Quocirca in confessio est apud omnes pro statu innocentiae nullum fuisse Pœnitentiæ Sacramentum; cum eo permanente, nullum peccati vulnus incurreretur: qui enim sub prædicto statu delinqueret, protinus ab eo decideret, et ad naturam lap-sam pertineret.

Quare supponimus, et supponunt omnes Supposi-tio. Sacramentum Pœnitentiæ non esse abso-lute, et simpliciter necessarium. Et ratio est, quam articulo quinto tradit D. Thom-as; quoniam illud est absolute, et sim-pliciter necessarium, sine quo nullus salu-tum consequi potest, uti se habet gratia per Christum, et Sacramentum Baptismi, sine quo in re, vel in voto suscepto nullus assequitur vitam æternam: sed absque Pœnitentia aliqui consequuntur æternam salutem: ergo Pœnitentiæ Sacramentum non est absolute, et simpliciter necessa-rium. Minorem probat S. Doctor ex illo D. Thom. Paralip. 2, cap. ult.: *Et tu Deus justorum Par-a-non posuisti pœnitentiam justis, Abraham, lip. 2. Isaac, et Jacob, his qui tibi non peccaverunt.* Ergo Sacramentum Pœnitentiæ non est nisi pro peccatoribus institutum *juxta il-lud Christi Domini: Non veni vocare justos, sed peccatores et non est opus medico bene habentibus*, et consequenter absque illo vita æterna est assequibilis. Et procedit suppositio adhuc supposito peccato origi-

nali, in cuius remedium institutus est Baptismus, ut constat ex prima et secunda disputatione. Unde solum superest examinare necessitatem Sacramenti Pœnitentiae post actualia peccata, et Baptismum susceptum : quidquid sit de Pœnitentia legis naturæ, et gratiæ, de quo infra.

§ I.

Catholicæ veritatis assertio prima.

Prima conclusio. 3. Dicendum est primo, Sacramentum Pœnitentiae esse necessarium necessitate medii in re, vel in voto ad abluenda peccata post Baptismum commissa. Hæc est Catholicæ veritas non semel supra indicata, et probata, maxime vero disp. 1 et 2, quamque frequentius Theologi amplectuntur. Eam ante Tridentinum omnes SS. PP. ut Catholicum dogma tenuerunt, assenserunt, et promovere curarunt, ut videre est apud Augustinum pluribus in locis, maxime vero epist. 18, ad Honoram, et libro 1, de adulterinis conjugiis cap. ult. ubi æquiparat necessitatem Baptismi, et Pœnitentiae; constat autem Baptismum alterutro ex his modis, in re videlicet, aut in voto esse necessarium adultis. Ergo etiam Pœnitentiae Sacramentum. Idem docent Leo Papa epist. 91, cap. 2 et 3. D. Ambros. lib. 3, de Pœnitentia. D. Chrysost. et communiter alii SS. PP. quos sequens Concilium Tridentinum sess. 14, cap. 2, docuit Sacramentum Pœnitentiae lapsis post Baptismum ad salutem esse necessarium, ut nondum regeneratis ipse Baptismus. Et canone 6, sub anathemate damnat negantes confessionem Sacramentalem (quæ dari non potest absque vero Pœnitentiae Sacramento,) non esse ad salutem necessarium.

D.Thom. Idem docuit D. Thomas in 4, dist. 17, quæst. 3, art. 1, q. 1, dicens : *Illa Sacra-menta, quæ ordinantur contra culpam, cum qua salus esse non potest, sunt de necessitate salutis. Et ideo sicut Baptismus, quo deletur originale, est de necessitate salutis, ita et Pœnitentia Sacramentum.* Et in articulo 5 hujus quæstionis inquit : *Et ideo necessari-um est ad salutem peccatoris, quod pecca-tum removeatur ab eo, quia (ut immediate dixerat) peccatum cum consummatum fue-rit general mortem, ut dicitur Jacobi 1. Quod quidem non potest fieri sine Pœnitentia Sacramento, in quo operatur virtus passio-nis Christi per absolutionem Sacerdotis si-*

mul cum opere pœnitentis, qui cooperatur gratiæ ad destructionem peccati. In quibus satis perspicua, et efficax traditur conclu-sionis ratio, et catholicæ veritatis funda-mentum. Nam ut homo resurgat a morte peccati, et amissam vitam gratiæ recuperet, est omnino necessaria virtus passionis Christi, sine qua non est salus : hæc au-tem virtus dispensatur hominibus medio Pœnitentiae Sacramento : ergo ad gratiæ salutem, ac vitam consequendam post pec-catum actuale necessarium est Pœnitentiae Sacramentum.

Quod vero hæc necessitas non sit talis, quod postulet ipsum Sacramentum reipsa susceptum, sed quod sufficiat illius votum, quod affirmatur in conclusione, constat ex eodemmet Concilio Tridentino, nec non Tridentino ex Angelico Praeceptore. Ex illo quidem, D.Thom. quatenus cap. 4 illius sessionis docet aliquando contingere hominem contritione perfecta Deo reconciliari, priusquam hoc Sacramentum actu suscipiat; ipsam nihi-lominus reconciliationem ipsi contritioni sine Sacramenti voto (quod in illa includitur), non esse adscribendam. Ex isto vero, dist. nuper allegata art. 5, ubi asserit, quod *contritio votum confessionis annexum habet*, et dist. 18 ejusdem libri, q. 1, art. 3, quæst. 1. Ubi contra quosdam negantes potestam clavium non se porrigerere ad cul-pam, sed tantummodo ad pœnam, sic insurgit : *Quoniam si clavis nullo modo ad culpæ remissionem ordinatur, sed ad dimis-sionem pœnae tantum (ut quidam dicunt) non exigeretur votum suscipiendi effectum clavium ad culpæ remissionem, sicut non exigitur votum suscipiendi alia Sacra-menta, quæ non ordinantur ad culpam, sed contra pœnam.* Ubi supponit S. Doctor ad minus esse necessarium hoc Sacramentum in voto, et ideo 4, contra Gentes cap. 72, statuit claves Ecclesiæ efficaciam habere in aliquo, antequam eis se subjiciat, si tamen habet propositum, ut eis se subjiciat. In quo quidem ordine ad claves Ecclesiæ differt vir-tus Pœnitentiae hujus status a se ipsa ut attinebat ad veterem legem, in qua nullæ fuerunt claves. Quare initio hujus tractatus ex ipso S. Doctore supposuimus hanc differentiam, ut prius non egerit de Pœnitentia virtute, quam de ea ut Sacramen-tum; quod aliqui obtendebant, et multi non observant prius de illa, quam de isto agentes.

4. Hinc autem satis efficax desumitur ratio propositæ veritatis. Cum enim ex Scriptura

Scriptura constet Petro, et aliis Apostolis, eorumque legitimis successoribus promissas, imo et concessas fuisse claves regni cœlorum; hac loquendi forma manifeste significari voluit, quod sicut sine clavi aperienti januam nullus patet aditus ad domum occlusam: ita tāndiu reseratum erit ostium regni cœlorum, hominum peccatis clausum, quandiu Sacerdotum clavibus non fuerit apertum. Quocirca apte, et æque profunde Leo supra laudatus epist. 91, scripsit: *Multiplex misericordia Dei ita lapsibus subvenit humanis, ut non solum per Baptismi gratiam, sed etiam per pœnitentiaz medicinam spes vitæ reparetur æternæ, ut qui regenerationis donum violassent, proprio se iudicio condemnantes ad remissionem criminum pervenirent; sic divinæ bonitatis præsidis ordinatis, ut indulgentia Dei, nisi supplicationibus Sacerdotum (quo nomine absolutionem usurpat, ut constat ex supradictis cum D. Thoma ad art. 3) nequeat obtineri.* Sed absque Sacramento Pœnitentiæ in re, vel in voto non reseratur ostium regni cœlorum, si quidem sine contritione, in qua est votum Pœnitentiæ, vel sine ipsa Pœnitentia in re non dimittitur peccatum post Baptismum; ergo Pœnitentia ut est Sacrementum est omnino necessaria in re, vel in voto ad remittenda peccata. Patet Consequentia, quia illud est necessarium necessitate mediæ, sine quo finis obtineri nequit.

5. Nec refert si objicias paritatem Baptismi, qui quidem parvulis est necessarius in re; licet adultis sufficiat in voto: sed tam necessaria est Pœnitentia sub ratione Sacramenti: ergo hæc erit aliquando in re necessaria, et non sufficiet in voto. Vel non bene coæquantur a Concilio, et Partibus Baptismus, et Pœnitentia, quoad necessitatem utriusque.

iluitur. Non, inquam, refert hæc objectio: quoniam in parvulis nullum esse potest votum Baptismi, cum sint rationis expertes, et consequenter dum parvuli sunt, necessarius est illis Baptismus in re; alioqui nullatenus expiarentur a macula peccati originalis, quam contraxerant. Pœnitentia vero sub ratione Sacramenti non est instituta pro parvulis, nec pro aliis ante Baptismum; sed unice pro adultis post Baptismum lapsis. Et quia non semper adest confessoris copia, nequeunt obstringi ad re ipsa suscipiendum Sacramentum; atque ideo non semper est illis necessarium in re, sed sufficit illius desiderium ad justi-

ficationem, dummodo interveniat perfecta contritio, in qua ex institutione Christi includitur votum Sacramenti, ut docet Tridentinum. Et hinc constat manifesta disparitas, quam prius tradidit D. Thomas D.Thom. in 4, dist. 18, art. 4, q. 1, per hæc verba: *Sacramentum Pœnitentiaz eo quod habet actus suscipientis, quasi materiales, non potest dari nisi adultis, in quibus requiritur præparatio ad suscipiendum effectum Sacramentorum. Sed Baptismus quandoque adultis, et quandoque pueris datur, et aliis carentibus rationis. Et ideo per Baptismum datur gratia, et remissio peccatorum pueris sine aliqua sui præparatione præcedenti; non autem adultis. In his enim eadem ratio est de contritionis voto circa Baptismum, quam sit in baptizatis circa Pœnitentiam. Unde si adsit confessoris copia, et urgeat præceptum accedendi ad Sacramentum, tenebitur quidem adultus ipsum recipere: nec aliter justificabitur, nisi actualiter suscipiendo, vel propositum tempore oportuniiori recipiendi habendo, quantumvis sibi contritus videatur; quia non est vera contritio excludens subjectionem ad claves.*

6. Sed replicabis ex alio capite. Nam Instatur tota necessitas Pœnitentiæ videtur reduci ad hoc, ut sit remedium peccatorum actualium post Baptismum: sed hoc probat ejus necessitatem, quoad peccata venialia, quamvis nulli gravi homo reperiatur obnoxius; siquidem peccata venialia sunt materia Sacramenti, ut supra diximus: ergo nullo peccato mortali existenti adhuc tenebitur homo ad suscipiendum Sacramentum.

Respondetur negando Minorem, quia Solvitur. Pœnitentia non fuit instituta, nisi pro peccatis lethalibus, quibus obseratur janua cœlorum. Peccata autem venialia ex se sicut non auferunt gratiam, ita nec jus ad gloriam; unde sola efficaci illorum detestatione absque ordine ad claves, aut Sacramentum possunt dimitti: et consequenter pro illis nullatenus est necessarium Pœnitentiæ Sacramentum. An vero quis teneatur ea confiteri ratione præcepti annuae confessionis, casu quo nullo mortalia habuerit? alia quæstio est suo loco decidenda. Si vero peccata venialia fuerint talia, quod dubium ingerant, an transierint, vel pertingerint ad mortalia, quod est esse dubia; citra controversiam dicendum est pro illis esse necessarium in re, vel in voto prædictum Sacramentum ratione periculi

Tertia
objec*to*.

orti ex ipso dubio, ex vi cuius tenetur homo ea confiteri ut infra dicemus.

7. Tertio, et difficultius objicies : nam ut remittantur peccata, sufficit actus charitatis; sed actus charitatis non dicit ordinem ad Sacramentum Poenitentiae, ut constat : ergo absque actuali Poenitentia in re, vel in voto possunt remitti peccata laethalia, et consequenter neutro ex his modis est necessarium necessitate medi. Utraque Consequentia constat. Minor etiam liquet, nam independenter a Sacramento Poenitentiae tenetur homo Deum super omnia diligere, et consequenter est homini possibilis praedicta dilectio. Et hinc probatur Major, nam posita dilectione Dei super omnia non remanet peccatum mortale; alioqui maneret homo conversus ad duplum ultimum finem, cuius oppositum docent communius Theologi, et nos statim us tract. de ultimo fine; et aliunde simul essent peccatum, et gratia, cum actus charitatis non aliam radicem, quam ipsam gratiam, essentialiter postulet : ergo ad auferendum peccatum mortale sufficit actus charitatis. Unde Chrysost. hom. 2, in 2, epist. ad Timoth. charitatis actum commendans pulchre ita ait : *Si ignis, ubi silvam occupaverit, omnia purgare consuevit; ita et charitatis fervor quocumque inciderit omnia perimit, atque perrumpit, quæ divinam segetem demoluntur, emundatque humum suscipiens, atque fovendis alle seminibus. Ubi charitas est, omnia sublata sunt mala.*

Chry-
sost.

Eo vel maxime : quoniam solo actu charitatis absque ullo ordine ad hoc Sacramentum constat ex Evangelio dimissa fuisse peccata juxta illud Lucæ 17. : *Dimissi sunt ei peccata multa, quoniam dilexit nullum,* et quod magis est absque ullo actu, vel dilectionis, vel poenitentiae saltem externarum absoluta est mulier adultera Joan. 8; non ergo est simpliciter, et absolute necessarium ad purganda peccata Poenitentiae Sacramentum nec in re, nec in voto.

Respon-
sio.

8. Respondetur hac objectione solum probari cum gratia et charitate semper coniungi actum, et habitum Poenitentiae virtutis, in quibus continetur votum Poenitentiae, ut est Sacramentum : non vero quod absque illo in sensu explicato peccatum remittatur, ut constat ex D. Thoma art. 5, ubi similem, vel potius eandem objectionem diluens ait : *Ad secundum dicendum, quod ex quo aliquis peccatum incurrit, charitas, fides, et misericordia non*

D.Thom,

*liberat hominem a peccato sine paenitentia. Requirit enim charitas, quod homo doleat de offensa in amicum commissa, et quod amico homo studeat satisfacere : requirit etiam ipsa fides, ut per virtutem passionis Christi, quæ in sacramentis Ecclesiæ operatur, querat justificari a peccatis : requirit etiam ipsa misericordia ordinata, ut homo subveniat paenitendo suæ miseriæ, quam per peccatum incurrit secundum illud Prov. 14 : Miseros facit populos peccatum. Unde Ecclesiast. 3 dicitur : Miserere animæ tuæ placens Deo. Et juxta hunc sensum explicatis premissis neganda est utraque Consequentia. Quas non evincit elegans Chrysostomi testimonium; quia licet ea, et quam plurima alia non tam encomia, quam vera prædicata charitati convenient, et verissima sint; non tollunt, quin inferunt necessitatem Poenitentiae, tam ut virtus, quam ut Sacramentum est, ut modo audiimus ex D. Thoma, et audire nos iterum jubet Augustinus lib. 5, homil. 49, eos August carpens, qui ad hoc Sacramentum accedere refugiebant : *Audile me, inquit, fideles agite Paenitentiam, qualis agitur in Ecclesia : Nemo dicat, occulite ago apud Deum, novit Deus, qui mihi ignoroscit, quæ in corde ago. Ergo sine causa dictum est, quæ solveritis in terra, erunt soluta in celo : ergo sine causa sunt datæ claves Ecclesiæ, frustramus Evangelium Dei, verba Christi : promittimus, quod ille negat ; videlicet non esse remissionem absque recursu ad claves.**

Ad illud quod additur, dicimus, tum hoc Sacramentum non fuisse institutum ante mortem Christi, ut constabit infra; atque ideo nihil mirum absque ordine ad illud dimissa fuisse peccata : tum etiam, potestatem excellentiæ, qua eminuit Christus non alligari Sacramentis a se institutis, sed absque illis potuisse remittere peccata, et ita se gessit erga Magdalenam, adulteram, et alios plures. Secus vero est de cæteris, quos præstituit Ecclesie clavibus subjici, ut salutem obtinerent.

§ II.

Ullerior ejusdem veritatis decisio.

9. Major est difficultas circa votum ipsius Sacramenti, et ejus conditionem. Nam aliqui sunt in eo, quod non est aliud votum hujus Sacramenti, quam aliorum : hoc enim ipso quod homo eliciat actum contritionis, vel charitatis, quibus justificetur

Sacra-
menti-
votum.

ficitur extra Sacramentum, tenetur in proposito saltē omnia Dei praecepta servare (aliōqui Deum super omnia minime diligēret, nec verū contritionis actum haberet) et consequenter ad praeceptum jure divino confessionem accedere; et cuncta alia annexa amicitiae denuo instauratæ adimplere. Hoc autem nihil speciale iudicūt pro hoc Sacramento, quod non salvetur in Eucharistia, et ceteris Sacramentis; que tamen non ideo dicuntur necessaria in voto.

Rursus, quia restat explicare; an prae dictum votum debeat esse implicitum, vel explicitum, et neutrum videtur subsistere: siquidem votum explicitum difficile salvatur in casibus non raro contingentibus, ut mortis subito incussæ, oblivionis naturalis ex imminentī periculo, vel aliis causis sūbortæ, vehementis in Deum amoris, quo extra se rapitur homo, et fertur in summam Dei bonitatem absque alterius objecti recordatione; et sic de aliis, in quibus vix est, aut esse potest locus emittendi alium actum, quo proponatur ad hoc Sacramentum accedere. Implicitum vero votum uti non distinguitur ab ipsa contritione, non videtur inducere majorem obligationem, quam servandi omnia Dei mandata; quod quidem ex ipsis contritionis visceribus assertur. Et hoc modo redditur ad inconveniens primo objectum, quod non importet specialius votum hujus Sacramenti, quam aliorum; siquidem actus charitatis, aut contritionis æqualiter tendit in observationem omnium præceptorum, æqualiterque omnia illis opposita detestatur. Ut ergo primæ difficultati occurramus, sequentem subjecimus conclusionem.

10. Dicendum est secundo contritionem importare votum hujus Sacramenti, quatenus vel formaliter per alium actum, vel virtualiter per se ipsum respicit Pœnitentiam sub ratione medii unici ad salutem. Hanc conclusionem licet non ita explicatam docent communiter Thomistæ, quibus alii subscribunt. Et probatur primo refellendo aliquorum dicendi modos, quos innominatos relinquunt Authores. Nam quod aliqui affirmant eatenus importari prædictum votum a contritione, quatenus peccatum non remittitur absolute, sed sub conditione future Pœnitentiae, prorsus amandandum est, ut a veritate alienum. Etenim contritio vel dependet a gratia essentialiter ut probabilius censemus, vel saltē ut satis probabiliter alii asserant connaturaliter ab

illa oritur, vel tandem ut minimum ipsam semper comitatur, quin sit dare instans, in quo gratia, et peccatum coexistant, ut ex communi Theologorum sententia statuimus contra Lorcam in tract. de justificatione. Ergo semel data contritione, adest remissio peccati absque recursu ad pœnitentiam futuram. Patet Consequētia; nam alias simul essent gratia, et peccatum, vel hoc non remitteretur per contritionem usque ad adventum absolutionis. Unde haec retardata, si homo decederet cum sola contritione abs dubio damnaretur; quod est absurdum, et apud Theologos catholicos inauditum.

Quod vero alii asserunt prædictum votum sistere in quodam auxilio virtute Sacramenti collato ad elicientiam contritionis, satis frivolum, et commentitium est. Tum quia si Sacramentum non est, qualiter causare potest auxilium? Vel quod est fundamentum illud auxilium ipsi Sacramento attribuendi? Tum etiam quia votum contritionis subsequitur ad ipsam contritionem, maxime si fuerit explicitum; si autem implicitum cum ipsa identificatur. Auxilium vero se tenet ex parte principii, atque ideo antecedit ipsam: non ergo votum contritioni adscriptum consistit in auxilio.

11. Nec etiam, ut aliis placet, et indicatur ratione dubitandi, consistit præcise in proposito observandi præceptum divinum de Confessione. Nam contra est: quoniam hoc pacto non magis in contritione esset votum Pœnitentiae, quam Eucharistiae, et aliorum Sacramentorum, imo aliorum Ecclesiæ præceptorum, cum nulla exp'icitetur ratio specialis in Pœnitentia præ alii, et consequenter tam necesaria in voto essent alia Sacra menta, imo et Ecclesiæ præcepta, quam est, et dicitur a Concillis, et Patribus Pœnitentia; quod nequit affirmari: ergo votum prædictum non consistit in proposito observandi præceptum de Confessione præcise. Consistit ergo prædictum votum in eo, quod resipiat, vel medio alio formaliter, vel in ipsa virtualiter, et implicite contento Pœnitentiam, ut est Sacramentum sub ratione medii necessarii ex Christi institutione ad remissionem peccatorum. Patet Consequētia a sufficienti partium enumeratione.

12. Deinde probatur secundo ratione efficaci, qua detegitur æquivocatio illorum modorum dicendi. Nam Sacramen-

An
debeat
esse
explici-
tum.

Deficit
secun-
dus.

ecunda
inclu-
sio.

Varii
noli
xpli-
andi
ctum
con-
statia.
mus
est
lsus.

Displicet
etiam
tertius.

Ratio
eflicax.

tum Pœnitentia ex sua institutione habet, quod sit medicina necessaria peccatorum actualium post Baptismum, sicut et Baptismus fuit institutus ad regenerandum hominem in vita spirituali : ergo votum importatum a contritione erga Pœnitentiam, debet intelligi, et explicari per ordinem ad ipsam, ut habet rationem medicinæ necessariæ, seu quod in idem recidit, medii necessarii ad prædictam remissionem. Probatur hæc Consequentia illo Antecedenti vero : nam votum speciale contritionis circa Pœnitentiam, et non circa cætera alia Sacra menta, aut præcepta (quod quidem votum supponimus, et supponunt aliter discurrentes, ut edictum a Tridentino) non debet esse erga ea, in quibus Pœnitentia convenit cum aliis Sacramentis; alias non esset magis votum Pœnitentia quam aliorum; sed debet esse circa propria ipsius Pœnitentia, ut ab aliis Sacramentis distinctæ. Proprium autem Pœnitentia, ut ab aliis Sacramentis diversæ est esse medicinam, et remedium ex institutione Christi ad remissionem peccatorum post Baptismum : ergo sub hac ratione terminat votum contritionis explicitum, vel implicitum.

Confirmatio.

Confirmatur, et explicatur : nam licet in contritione includatur votum aliorum sacramentorum, et præceptorum sub lethali obligantium, aliter tamen, et aliter, si quidem illa respicit contritio, ut rem pure præceptam. Pœnitentiam vero non solum, ut præceptam, quæ et ratio extrinseca, et communis, sed quia medicina est, et remedium unicum post Baptismum. Et inde oritur aliorum votum in ea implicitum esse votum observationis rei præceptæ, quia præcepta est; votum vero Pœnitentia est votum non tantum observationis rei præceptæ, sed etiam medicinæ, et remedii ex Christi institutione necessarii ad salutem. Alia enim Sacra menta sicut non ordinantur ad abluenta peccata, sed ad perficiendum hominem vel in se, vel simul in ordine ad membra Ecclesiæ; ita non respiciuntur a contritione sub speciali ratione medicinæ, et remedii necessarii. Unde sicut contritio ante Baptismum specialiter connotat Baptismum, ut primam Ecclesiæ januam, et remedium generale peccati originalis, sine qua connotatione, et respectu in lege gratiæ, nec esset vera contritio nec vere disponeret ad gratiam; omnino pariter contritio post Baptismum non aliter est vera contritio, veraque dis-

positio ad gratiam, quam specialiter res piciendo Pœnitentiam, ut est Sacramentum medicinale a Deo ad instar medicinæ necessariæ institutum, quo ægrotus ad sanitatem pristinam redeat, et cœlestis janua ipsi patet. Et in hujus signum semper instat præceptum Sacramentalem Pœnitentiam accipiendi; quod non accidit in aliis. Quare merito D. Thomas loco supra citato ex 4 sententiarum recognovit speciale votum in duobus Sacramentis, Baptismo, scilicet et Pœnitentia; quod tamen negat in alis neutiquam per se ordinatis ad remissionem culpæ : *quia Baptismus, et Pœnitentia* (verba sunt S. Doctoris ubi nuper dist. 18, quæst. 1, art. 3) *Sacramentum convenient quodam modo in effectu, quia utrumque contra culpam ordinatur directe, quod non est de aliis Sacramentis.*

13. Dicendum est tertio votum hujus Sacramenti ad veram contritionem necessarium non debere semper, et indispensabiliter esse explicitum, sed sufficere virtuale, et implicitum. Hac conclusione respondemus secundæ dubitandi rationi supra indicatæ. Eamque ex antiquis defendunt Alexander Alensis 4 p. q. 76, Alexander memb. 2 et q. 18, novæ editionis memb. 2, art. 1. Richardus in 4, dist. 17, art. 2, Richard q. 1. Adrianus ibidem q. 1, de Confess. Adrian ex Thomistis Soto in 4, dist. 14, q. 1, art. 5, ubi existimat hanc veritatem non pluribus egere testibus : et subscribunt Arauxo in praesenti dub. 1. Candidus disp. 24. Gonet disp. 1, art. 5. Labat dist. 1, dub. 2. N. Fransciscus ep. 2. Punct. 3. Eamque appellat Suarez disp. 17, sect. 3 communem, et practice certam, ut revera est, quidquid in contrarium dixerit Cano de Pœnitent. part. 5, concl. 3.

Arauxo
Candidus
Gonet.
N. Fransciscus
Suarez

Quia vero assertio prædicta continet duas partes quarum altera negat, altera vero affirmat, oportet sensum declarare. Quia enim parte docet non semper, et indispensabiliter esse necessarium votum explicitum Sacramenti; non illud quidem excludit, quin supponit aliquoties intervenire; et certe melius, ac securius esset, si nunquam abesset formale, et expressum desiderium ad Sacramentum accedendi. Quis hoc neget? Quia tamen ut supra tangitur in hoc eodem dubio, pro ratione dubitandi intervenit, et non infrequenter, vel ignorantia invincibilis, vel naturalis oblivio, vel quid hujusmodi, quod locum non det meminisse Sacramenti; idcirco asserimus, et asserunt allegati Doctores,

Tertia
conclu-
sio.

tores, et alli plures ab ipsis relati sufficere absolute, et simpliciter votum implicitum Sacramenti. In hoc ergo sensu

Proba-
tor ex
Trident.

14. Probatur conclusio ex Concilio Tridentino sess. 14, cap. 4, ubi haec habet : *Et si contritionem hanc aliquando charitate perfectam esse contingat, hominemque Deo reconciliare, priusquam hoc Sacramentum ac'u suscipiat; ipsam nihilominus reconciliationem ipsi contritioni sine Sacramenti voto (quod in illa includitur) non esse adscribendam.* Ex quibus ad formam redactis sequens deducitur argumentum. Nam quod includitur in alio non est explicitum, sed implicitum, ut constat in effectibus causae efficientis in ipsa non explicite, sed implicite, et virtualiter contentis, et videtur per se notum; sed votum Sacramenti, quod est necessarium necessitate medii ad justificationem, includitur in contritione perfecta : ergo votum Sacramenti Pœnitentiae, quod est necessarium necessitate medii, est votum implicitum prædicti Sacramenti.

Confirm. Confirmatur, et explicatur. Nam quod votum explicitum Sacramenti Pœnitentiae esset necessarium, nequiret provenire, nisi ab uno ex triplici capite, vel quia sine illo vera contritio dari non posset in lege gratiae; vel quia absque eodem non sufficeret vera contritio ad justificationem, ex Christi ordinatione, et institutione, qua voluit subordinare contritionem Sacramento; vel tandem, quia hujusmodi votum deberet substitui loco Sacramenti. Sed ex nullo horum capitum probatur necessitas voti expliciti, et formalis : ergo votum explicitum non est necessarium necessitate medii, sed sufficit implicitum ad remissionem peccatorum. Consequentia videtur perspicua; siquidem in Majori referuntur motiva rationabiliter excogitabilia ad adstruendum prædictum votum. Minor vero quoad singulas exclusionis partes probatur : et quoad primam constat ex eodem Concilio Tridentino in eodem capite nec non sess. 6 de Justificatione cap. 14, ubi eandem doctrinam nos docet; ex ea vero constat ad veram, ac perfectam contritionis rationem sufficere dolorem de peccatis propter Deum summe dilectum cum proposito non peccandi de cætero; nec aliud quidquam requirunt Theologi ad perfectionem contritionis. Sed ad elicientiam hujusmodi actus non requirit Concilium aliud votum, quam in ipso contentum, seu inclusum; ergo ex

Concil.
Trid.

mente, et doctrina Concilii non requiritur votum expressum Sacramenti, sed votum contentum, seu implicitum, et virtuale.

Debilis adhuc est secundum caput : quando quidem vera contritio est ultima dispositio ad gratiam, a qua dimanat in genere causæ efficientis, licet præcedat ex parte subjecti in genere causæ materialis, ut est constans doctrina D. Thomæ, et discipulorum; quidquid sit de dependentia essentiali, ejus menti conformiori, ut ostendimus tract. de ultimo fine et de charitate, et justificatione : ergo eo ipso, quod adsit vera contritio, adest similiter gratia cui repugnat coexistentia cum peccato. Et sane si ita non esset, ægre salvaretur illud Ezechielis 33 : *Impietas impii non nocebit ei, in quo cum die (momentum intelligunt communiter interpres nomine diei) conversus fuerit ab impietate sua : convertitur autem per veram contritionem.* Ergo in eodem temporis momento, in quo fuerit contritio, non erit impietatis noxa. Nec Concilium agnovit aliam Christi ordinationem ad Sacramentum in contritione, quam votum in ipsa inclusum : atque ideo commentitia est alia expressior, et formalior.

Ezech.
33.

Hinc corruit sua sponte tertia. Quia ut contritio supplere posset Sacramenti vices, supplere deberet ex consequenti ejus proprium effectum, et modum illum producendi; alioqui enim haud facile capit, qualiter, aut quomodo gerat Sacramenti vices. Constat vero contritionem non supplere, aut vices gerere Sacramenti ad hunc sensum, quod ejus gratiam Sacramentalem et propriam efficiat, aut ex opere operato causet; cum solum secum afferat gratiam sanctificantem, et hanc ex opere operantis : ergo contritio cum voto Sacramenti non gerit vices ipsius Sacramenti in sensu intento. Alioqui enim adulitus ante Baptismum contritus re ipsa obtinuissest charitatem, et alios effectus Baptismi ob simile votum exactum in contritione ante Baptismum. Quod nemo dixit. Manet ergo perspicuum ex nullo illorum capitum recte probari necessitatem voti expliciti in contritione erga Sacramentum Pœnitentiae.

Confirmatur deinde : nam ad votum formale, seu explicitum Sacramenti est prorsus necessaria illius cognitio, et una cum hac cognitione advertentia ad obligacionem, et institutionem ejusdemmet Sacramenti : sed fieri potest ut homo existens in peccato eliciat actum contritionis cum

Alia
confir-
matio.

ignorantia invincibili, vel oblivione naturali Confessionis Sacramentalis, ita ut nihil de ea cogitet: ergo possibilis est justificatio in vi contritionis absque voto explicito, et formaliter Pœnitentia. Patet Consequentia: quia non stat votum formale Pœnitentia absque cognitione actuali confessionis Sacramentalis, et advertentia itidem actuali ad ipsam. Præmissæ non indigent probationem.

Confirmatur demum, quia non minus est necessarius Baptismus, quam Pœnitentia ut constat ex Concilio Tridentino, et Theologorum unanimi assensu: sed actus contritionis cum voto implicito Baptismi sufficit ad salutem in adultis: ergo similiter ipsemet actus contritionis cum voto implicito Pœnitentia valebit ad obtinendam culpæ remissionem. Minor, cui soli est difficultas probatur ex D. Thomæ supra quæst. 69, art. 4, ubi postquam q. 68, art. 2, docuerat desiderium Baptismi ad salutem sufficere in adultis, solutione ad 2, in qua se refert S. Doctor ad prædicatam quæst. 68 et ad art. 2, explicat qualitatem prædicti voti dicens: *Ad secundum dicendum, quod (sicut dictum est) remissionem peccatorum aliquis consequitur ante Baptismum, secundum quod habet Baptismum in voto, vel explicite, vel implicite: et tamen cum realiter suscipit Baptismum, fit plenior remissio, quantum ad liberacionem a tola pœna, illa etiam ante Baptismum Cornelius, et alii similes consequuntur gratiam, et virtutes per fidem Christi, et desiderium Baptismi implicite, vel explicite.* Ubi palam sub paucis lineis, non semel sed bis assertit S. Doctor sufficere ad salutem votum vel implicitum, vel explicitum Baptismi. Si autem esset necessarium explicitum, non disjunctive, sed determinate loqueretur S. Doctor unum affirmando, et aliud negando.

D.Thom.

Insurgit Arauxo.

15 Paritatem hujus testimonii non admittit Arauxo in præsenti dub. 1, n. 47 in fine: quasi mens S. Doctoris fuerit votum expressum Baptismi esse ad salutem necessarium in lege gratiæ: nullam vero altam rationem, aut S. Doctoris testimonium adducit, quod tamen desideratur, ut tam absolute affirmaretur non esse de mente D. Thomæ, quod bis in eadem solutione refricat S. Doctor. Forsan hæc erit, quod Angelicus Præceptor sub illa disjunctione impliciti vel expliciti voluit explicare differentiam necessitatis Baptismi ante promulgationem gratiæ, et post

prædicationem ipsius: nam ante legem gratiæ sicut sufficiebat fides implicita Christi venturi, ita et Baptismi; secus vero in lege Evangelica, in qua sicut requiritur expressa notitia Dei, ut Trini et Christi Redemptoris: ita est omnino necessaria cognitio Baptismi, et consequenter votum formale, et expressum illius. Quo respiciens D. Thomas fuit sub disjunctione locutus, ut singula singulis distribuerentur.

16. Hæc tamen expositio D. Thomæ non est de mente ipsius, et impugnatur. Tum quia si ita esset absque ullo negotio, et majori claritate concederet S. Doctor in lege gratiæ votum expressum, et negaret implicitum. Tum quia locutio absoluta, et bis repetita non patitur eam distributionem, nisi sensum, et verba detorquendo. Tum etiam, quia S. Doctor, in corpore articuli non examinat, nec determinat necessitatem Baptismi ante ejus notitiam, et promulgationem legis gratiæ; hoc enim esset ridiculum, et penitus extra rem; sed facta, et explicata ejus institutione procedit ad investigandam ejus necessitatem in re, vel in voto, et hoc non vult S. Doctor necessario esse explicitum. Et hanc esse mentem D. Thomæ, et communem affirmat Prado ad q. 68, de Bapt. dub. 2, § 3, et ante ipsum Serra 22, q. 2, art. 7, concl. 2 et 3, p. q. 68, art. 2, cum aliis pluribus tam intra, quam extra scholam S. Doct.

Impugnat.

Prado Seim.

Tradit.

Tum denique ratione: quoniam adhuc in lege gratiæ non est magis necessarius Baptismus, quam sit exacta notitia Christi ejus institutoris, ut videtur per se notum: sed in lege gratiæ in aliquo casu sufficit ad salutem notitia implicita Christi Redemptoris, ut cum pluribus discipulis D. Thomæ sustinuimus tract. de fide disp. 6, dub. 1, § 3, conclus. 4, quam consulere poterit lector: ergo similiter licet in plurimum, et per se loquendo requiratur expressum, et formale votum Baptismi; sufficiet tamen per accidens, et consequenter absolute præscindendo a casibus, votum illius implicitum, ut diserte asseruit S. Doctor in præallegato testimonio. Inde vero manifeste convincitur idem dicendum de Pœnitentia, cuius non est major necessitas, quam Baptismi; quin imo quia est Sacramentum adultis proprium admittit in sui votum latitudinem dictam, quod in parvulis non habet Baptismus, ut docet S. Doctor loco supra citato

tato ex 4 sentent. distinct. 18. Non est ergo ad veram peccatorum remissionem necessarium aliud votum Pœnitentiæ, quam virtuale, et implicitum, nec aliud Concilium, quam contritione inclusum, id est virtuale, necessarium assignavit.

17. Sed objicies. Votum in contritione contentum non est actus distinctus ab ipsa contritione, sed re ipsa coincidit cum illa ut est actus virtutis Pœnitentiæ: sed actus virtutis Pœnitentiæ, seu quod idem est contritio interior sola non est sufficiens ad remittendum peccata: ergo votum implicitum Pœnitentiæ non est sufficiens ad remittendum peccata, et consequenter Sacramentum Pœnitentiæ erit necessarium vel in re, vel in voto formaliter, et expresso.

Cætera constant præter Minorem, quæ probatur ex eo: nam in Concilio Complutensi sub Alfonso Præsule Toletano, quod postea approbatum est a Sixto IV, ut supra retulimus disp. 2, damnata fuit prima conclusio Petri Oxomiensis; quæ erat hujusmodi: *Peccata mortalia quantum ad culpam, et pœnam alterius sæculi delentur per solam cordis contritionem sine ordine ad claves, et huic affinis fuit tertia similiiter proscripta, et perculsa: Pravæ cogitationes confiteri non debent, sed sola displicentia delentur sine ordine ad claves.* Constat autem votum implicitum Pœnitentiæ esse solam cordis contritionem: ergo juxta predictum Concilium sola cordis contritio insufficiens est ad remissionem maculæ; et consequenter aliquid illi debet superadditi quo verificetur solam contritionem non sufficere; quod quidem non apparet esse aliud, quam votum formale, et explicitum.

Rursum in Concilio Tridentino sess. 6, cap. 14, decernitur pœnam æternam una cum culpa, vel Sacramento, vel Sacramenti voto remitti: hoc vero Sacramenti voto neutiquam intellexit Concilium cessationem a peccatis, aut eorum detestationem, aut cor contritum, et humiliatum; quæ omnia paulo ante in eodem capite explicuerat: ergo significavit aliquid illis superadditum, nimirum votum formale et expressum. Item Joannis ultimo dicitur: *Quorum retinueritis retenta sunt: ergo quando quis nec re, nec voto accepit hoc Sacramentum, cum Sacerdotes ejus peccata retineant, retenta sunt; non enim remitti possunt absque ordine ad potestatem solvendi, seu quod idem est ad absolutionem Sacerdotis. Quem ordinem non importat votum implicitum.*

18. Hac, prout jacet, objectione convincit SS. Magister Cano relect. de Poen. part. 5, concl. 3, et paulo inferius § sunt quoque argumenta non levia oppositum nostræ assertionis sustinuit; quasi voto implicito Sacramenti non satis abiret nostra sententia ab illis propositionibus ab Ecclesia damnatis, et quod doctrine Concilii non bene cohaereret. Quod tamen est falsum, et quidem quoad conclusiones Petri Oxomiensis evidentissimum est toto celo ab aliorum Theologorum sententia distare; siquidem ille perperam de Ecclesiæ clavibus sentiens soli contritioni independenter ab omni alio, deferebat vim remittendi; non tantum extra Sacramentum, sed etiam intra ipsum: quocirca aliqua peccata a clavium jurisdictione subtrahebat, quasi minime necessaria confessioni subjici, in nullo eventu, quantumvis adeset Confessoris copia. Docebat insuper, et acerrime propugnabat clavium potestatem non versari circa culpam, et pœnam æternam ipsi annexam, sed dumtaxat circa pœnam temporalem; ad cuius mitigationem, aut relaxationem deserviebat, ut constat ex prima illius conclusione damnata. Hinc descendens ad pravas cogitationes internas asserebat sola displicentia deleri; quin opus esset alteri eas exponere, vel clavibus Ecclesiæ, aut Pœnitentiæ Sacramento aliquando submittere. Quod totum erroneum, imo et hæreticum erat, et merito expertum est Ecclesiæ censuram, utpote Sacramenti Pœnitentiæ derisivum, et extinctivum.

Nullum autem horum affine est cum nostra, et aliorum Theologorum sententia, juxta quam catholice propugnamus veram potestatem clavium ad culpam, et pœnam æternam potissime, et primario, et ex consequenti ad pœnam temporalem se porrigerere. Et insuper nullum esse peccatum lethale, quantumvis internum, et occultum, quod Ecclesiæ clavibus submitti non debeat in re, si adsit opportunitas; vel saltem in voto, si deficiat ministri copia. Quia tamen hoc votum nos docet Concilium includi in ipsa contritione ex institutione Christi; hinc asserimus, quod quamvis deficiat expressum desiderium, vel ob ignorantiam, vel ob naturalem incuriam, vel ob aliam subitam causam, quæ humano modo solet advertentiam ad Sacramentum subripere; non idcirco non justificabitur homo. Nam eo ipso quod in hoc statu prædictum actum eliciat, ut medium ad reconciliationem a Deo nanciscendam; ibi

Petri
Oxomen-
sis
doctrina
aliena
est a
doctrina
Theolo-
gorum.

Ratio
discrimini.

virtualiter, et implicite vult, et velle debet praedictam reconciliationem, ut a Christo Domino in hac providentia præstitutam, et consequenter cum subordinatione ad Sacramentum sub ratione medii necessarii suo tempore recipiendum. Et hoc sufficit ad hoc, ut virtute Christi ei deleantur peccata.

Objectio
in forma
diruta.

Ad formam ergo objectionis respondetur concedendo Majorem in hoc sensu, quod votum implicitum, seu inclusum in contritione non est actus realiter distinctus ab illa, ut esset votum expressum, et formale; est tamen falsa Major si significet nihil aliud includere connotative, et in obliquo, quam ipsammet contritionem secundum se, et prout præscindens a Sacramento, ut constat ex Concilio diserte asserente ex institutione Christi includere votum Sacramenti; quod tamen non includeret si Sacraenta non essent, aut Christus unum alteri non alligasset. In primo ergo, et absoluto sensu concessa Majori, neganda est Minor, cujus falsitas est manifesta independenter a lege gratiae. Nam actus contritionis non ex adjuncto privilegio aliquo, sed ex natura rei, et committatur, gratiam ex qua oritur, et expellit peccatum, sive in hac lege gratiae, sive in lege veteri. Unde falsum est affirmare oppositum. Ad ejus probationem respondetur non ideo perculsum, aut sigillatum illum Doctorem, quia docuerit actum contritionis destruere peccatum, et afferre indispensabiliter gratiam remissivam illius; sed quia ut dictum est, excludebat subordinationem tam formalem, quam virtuelam ad claves Ecclesie; et potestati clavium contra Ecclesie doctrinam derogabat. Et quia in vi hujus affirmabat necessarium non esse manifestare Sacerdoti peccata occulta, sive ante elicitam contritionem, sive post ipsum; idcirco merito compulsus est Palinodiam canere, ne ut haereticus amandaretur ab Ecclesia.

Instatur. 19. Sed replicabis. Nam si votum inclusum in contritione est ipsam contritione reipsa absque aliquo alio ex parte recti ipsi superaddito realiter; concedens actum contritionis in lege gratiae virtualiter, et implicite concedit subjectionem ad claves, et ad Sacramentum. Sed ille Theologus stabat pro vera contritione in lege gratiae: ergo virtualiter et implicite asserebat subjectionem ad claves: vel ergo male damnatus evasit, quod non est dicendum: vel ideo damnationem subiit, quia votum explicitum ad claves negavit.

Respondetur ad hanc replicam distinguendo, seu magis explicando Majorem: concedens actum contritionis in lege gratiae virtualiter concedit subjectionem ad claves, non excludendo necessitatem formalis subjectionis tempore opportuno concedatur: illam positive excludendo, quasi minime convenientem, et nullo tempore necessariam, nego Majorem, et sub eadem explicatione Minoris neganda est utraque Consequentia. Nam qui veram contritionem in lege gratiae concedit, ita in ipsa adstruit votum implicitum Sacramenti Pœnitentiae, quod nec excludat explicitum ut maxime cpgnruens, nec eximat contritum ab onere accedendi tempore debito ad confessionem Sacramentalem. Ab hoc tamen onere subtrahebat ille Theologus quemlibet contritum, et consequenter negabat expresse formale votum Pœnitentiae Sacramenti, ut penitus superfluum; et eo negato consequens erat non admittere votum virtuale inclusum in contritione, et a Concilio assertum; sicut nec Sacramentalem confessionem illorum peccatorum: et tamen prædictum votum in absentia formularis, et expressioris præstat, quod formalius præstaret; et non deobligat hominem ab onere submittendi se, et sua peccata adhuc post contritionem clavium potestati. Quod ille penitus rejiciebat, revocando totam obligationem confessionis ad jus mere Ecclesiasticum, ut probat ejusdem secunda in ordine assertio, quod *confessio de peccatis in specie fuerit ex aliquo statuto universalis Ecclesie non de jure divino*. In quo manifeste se opposuit Ecclesiae, et confessionem non tam necessariam, ut est ab Ecclesia, et Theologis recepta, similiter exposuit, atque ideo ex omnibus his capitibus bene penitus evasit, et illius doctrina, ut non orthodoxa prorsus eliminata. Unde manet perspicua differentia nostræ ab illius sententia.

Ad alia vero testimonia, quæ in sui patrocinium adducebat Cano facilis est expostio, non aliunde, sed ex ipsomet Concilio. Nam ea, quæ docuit capite illo de Justificatione exposuit sess. 14 de Pœnitentia de voto inclusu in contritione. Votum autem inclusum non est expressum sed virtuale. Ultimum vero ex Evangelio probat quidem necessitatem, sed non excludit votum implicitum aliquando sufficere; et ideo omnia consonant.

20. Adhuc tamen urgebis. Etenim posita contritione cum ea virtuali subordinatione

Expli-
ca-
tio
Conci-
lium

Repli-
ca-
tur.

natione ad Sacramentum, a qua in hac providentia nequit denudari, adhuc est locus voto formalis, et expresso ejusdem Sacramenti, illudque non rejiciunt Theologi, quin exquirunt, et jure commendant: hoc autem esset falsum, si ea virtualis, et implicita subordinatio contritionis sufficeret ad abluenta peccata: ergo ultra eam desideratur votum explicitum Sacramenti in homine contrito. Major et Consequen-tia constant, et probatur Minor: siquidem illa subordinatio virtualis inclusa præstat virtualiter, et quoad effectum id ipsum, quod votum formale, ut nuper dicebamus; ergo si semper in contritione includitur prædicta virtualis tendentia, seu quod idem est votum implicitum, superflue, et inaniter recurrerent theologi ad formale, et explicitum, utpote quod nec officiebat, nec proficiebat fini præintento reconciliationis cum Deo; quandoquidem omnino antecedenter, seu independenter ab illo contritio ipsa ex se sub institutione divina virtualiter ferebatur in Sacramentum, uti in proprium, et immediatum scopum.

tespon-detur. Ad hanc objectionem neganda est Mi-nor, quam non evincit illius probatio, quo-niam votum explicitum Sacramenti (quod agnoscamus, et commendant Theologi in homine contrito, et nunquam deesse esset melius, sicut et optabilius), non fundatur in exigentia intrinseca ipsius contritionis, cui ab intrinseco, et essentialiter in ve-riori sententia alibi a nobis firmata con-jungi cum gratia competit. Sed se tenet ex parte Sacramenti se habentis per modum medii simpliciter necessarii ex institutione divina ad salutem post peccatum obtinen-dam. Quare semel atque homo eliciat ac-tum contritionis extra Sacramentum cum advertentia ad ipsum, et obligationem im-positam ad illud accedendi, tenetur ex-presse in voto illud habere, et Christi Vi-cario se velle submittere; alioqui enim non vere conteretur respondeo medium explicite cogitum, ut a Deo præscriptum. Et hoc est, quod docent (et docemus) com-mendant (et commendamus) Theologi op-positum procedendi modum repellentes, ut omnino peccaminosum. Quia tamen (ea est humana fragilitas) aliquando contingit vel ignorentia pura, vel oblivione natu-rali; vel alia subita, et inopinata causa hominem præoccupari, dum conteritur, ne attendat, aut attendere possit, vel ad Sacra-mentum, vel ad obligationem ipsum reci-piendi: idcirco asserimus in hoc, et simi-

libus casibus non exigi votum explicitum Sacramenti, sed sufficere virtuale et in-clusum in ipsa contritione, ut nos docuit Tridentinum. Non ob id tamen excusat ur ab onere Sacramentum, prout opportuni-tas tulerit, vel recipiendi, vel expresse op-tandi, et quærendi.

21. Si autem quis causam querat tam Assigna-tur
r. tio
conju-nec-tionis.

intimæ dependentiae contritionis a Sacra-mento Pœnitentiæ, vel quare hominem contritum, et sibi reconciliatum iterum submittere voluerit Christus Dominus sui ministro? Respondetur bono nostro id fac-tum esse, nimirum ut nobis de remis-sione peccatorum a se pollicita, minus dubitare liceret, ut eleganter declarat Cate-chismus Romanus 2 p. cap. 11, per haec verba: *Vehementer enim pendere animo de intima pœnitentia opus esset, cum de suo quisque judicio in iis, quæ agit, merito ti-mendum sit. Ut igitur Dominus huic nostræ sollicitudini subveniret, Pœnitentia Sacra-mentum instituit, quo per Sacerdotis abso-lutionem peccata nobis remissa esse conside-remus, conscientiæque nostræ ob fidem, quæ Sacramentorum virtuti merito habenda est, pacatores redderemur. Nec enim aliter ac-cipienda est vox Sacerdotis peccata nobis legitime condonantis, quam Christi Domini, qui ait paralytico: Confide, fili, remittuntur tibi peccata tua. Quamlibet enim magnus, et fervidus videatur contritionis dolor, de ejus tamen sufficientia non constat, sed semper dubitare fas est, et dubitarunt SS. PP. donec fuerit Sacramento Pœnitentiæ ratus factus, et Sacerdotis sententia confirmatus. Unde D. August. epist. 118 ad Honoratum inquit: Si ministri desint, quantum exitium sequitur eos, qui de isto saculo, vel non regenerati exirent, vel ligati? id est non absoluti. Quocirca lib. 1, de adulterin. conjug. cap. ult. Ecclesiæ deside-rium exposuit, ne absque reali susceptione Pœnitentiæ fideles excidant e vita, dicens: Quæ Baptismatis, eadem reconciliationis est causa, si forte pœnitentem finiendæ vilæ per-iculum præoccupaverit: nec ipsos enim ex hac vita sine arrha suæ pacis exire velle debet mater Ecclesia.*

Nec alio respiciebat Leo Magnus supra Leo
Magnus.

relatus, dum epist. 91, sic loquitur de eo, qui absque hoc Sacramento vitam finierit: *Si enim aliquis eorum, pro quibus Domino supplicamus, quocumque interceptus obsta-culo, a munere indulgentiæ præsentis exci-derit, et priusquam ad constituta remedia perveniat, temporalem vitam humana condi-*

Cate-chismus
Romana-nus.

D. Au-gust.

tione finierit, quod manens in corpore non receperit, consequi exodus carne non poterit. Nec necesse est nos eorum, qui sic obierint, merita, aclusque discutere, cum Dominus Deus noster, cuius iudicia nequeunt comprehendendi, quod Sacerdotale ministerium implore non potuit, sua justitiae reservaverit, ita potestatem suam timeri volens, ut hic terror omnibus prospicit, et quod quibusdam tepidis, aut negligentibus accidit, nemo non metuat. Multum enim utile, ac necessarium est, ut peccatorum realis ante ultimum diem Sacerdotali supplicatione solvatur. Quibus satis ostendit, quantum intersit realis Poenitentiae susceptio ad timorem pellendum, et plenam homini de sua contritione securitatem invehendam. Haec ergo inter alias, non tenuis causa extitit obligandi hominem contritum, ut accederet ad Sacramentum adhuc post elictum dolorem, et reintegratam amicitiam cum Deo, quies nimurum, et securitas, quam patitur humana fragilitas. Quod si aliquis adhuc pungit scrupulus, et angor stimulat post receptionem Sacramentum, nullatenus se tenet ex parte Sacramenti, aut Dei medio illo absolvantis; sed ex parte dispositionis in poenitente, de qua nequit habere plenam, et omnimodam certitudinem, qua penitus sedet conscientiam; cum tamen, non suscepto Sacramento, urgeri posset ex utraque parte, ut sibi accidisse testatur Augustinus lib. 9, Confess. cap. 4, sic cum Deo alloquens: *Et insinuati sunt mihi in profundo nutus tui, et gaudens in fide laudavi nomen tuum, et ea fides me secum esse non sinebat de præteritis peccatis meis, quæ mihi per Baptismum tuum remissa nondum erant.*

D. Au-
gust.

Ultima
assertio.

22. Dicendum est ultimo Sacramentum Poenitentiae etiam esse necessarium necessitate præcepti divini; ita docent Catholici doctores, quin opus sit aliquem in particuli referre, et sequitur ex dictis. Nam sicut Deus est Author gratiæ, et gloriæ, ita et mediorum ad eas provehentium; quo circa destinando hominem ad gloriam ipsum elevat per suam gratiam, ut unicum medium ad gloriam: sed homo lapsus post Baptismum tenetur sub præcepto divino ad procurandam gratiam, et abjiciendum a se culpam: ergo etiam tenetur sub eodem præcepto ad suscipiendam Sacramentalem poenitentiam, et consequenter haec est illi necessaria necessitate divini præcepti. Utraque consequentia constat: prima quidem, quia qui sub præcepto ali-

quo tenetur ad finem, sub eodem præcepto tenetur ad medium unicum, quod suppetit ad consequendum finem. Hinc probatur secunda: quia medium unicum assignandi gratiam post peccatum est Sacramentum Poenitentiae in re, vel in voto: ergo nequit non esse necessarium necessitate præcepti divini, si semel præceptum divinum obligat hominem lapsum in peccato post Baptismum ad consequendam gratiam, et abjiciendum, ac removendam culpam. Jam probatur Minor. Nam quilibet homo rationis compos tenetur ex divino præcepto intendere sue æternæ saluti ex elevatione ad finem supernaturalem, ad quam est elevatus per Christum, cuius regnum non est de hoc mundo, ut ipse de se ipso testatur. Sed homo lapsus post Baptismum non deobligatur ab hoc præcepto; cum non amittat esse elevatum ad finem supernaturalem: ergo homo lapsus tenetur sub prædicto præcepto ad procurandam gratiam, sine qua non est gloria, ac subinde Poenitentiam Sacramentalem, sine qua vel in re, vel in voto nulla est gratia.

In hac assertione magis expendenda non moramur, quia quæ ad eam pertinent, concernunt magna ex parte institutionem confessionis, cuius necessitatem infra investigabimus; et quæ ibi dicenda sunt anteponere non congruit methodo D. Thomæ, quam in animo est observare. Quare sufficiet vel indicasse in communī necessitatē sub præcepto divino hujus Sacramenti; quod videbatur exigi ad plenam hujus dubii decisionem juxta ea, quæ in ejus limine prælibavimus.

§ III.

Quæ obstent supradictis assertionibus, refelluntur.

23. Omissis Hæreticorum deliriis, vel penitus amendantium Sacramentum Poenitentiae, vel illum cum Baptismo immiscientium, et confundentium, de quibus disp. 4, hujus tract. dub. 1, et cum eis relicto Petro Oxomiensi, de quo supra, ex iis, qui catholice scripserunt non desunt, qui si non ex toto, ex parte tamen, necessitatē Poenitentiae diminuant asserentes solum esse necessariam necessitate præcepti divini positivi. De quorum numero fuit Gabriel in 4, dist. 17, quæst. 1, art. Gabriel. 1 et 2, litera D. C. et H. cui adhæsisce videtur Joannes de Medina Cod. de Pœnit.

Objectionum
solutio
et ali-
quorum
senten-
tie.
Petrus
Oxe-
mensis.

Joan. de
Medina.

nit. tract. 2 de Confessione. Alii vero solum agnoscent necessitatem hujus Sacramenti ad auferendum reatum pœnæ æternæ, non vero ad abstergendam maculam peccati a reatu diversam : Ita Hugo Victorinus in summa tract. 9, cap. 11, et lib. de Sacrament. parte 14, cap. 8. Richardus de S. Victore lib. 1, de potest, ligandi cap. 12, et relatus Joannes Medina de Pœnit. tract. 2, quæst de effectu absolutionis, quos supra retulimus agendo de sensu, et effectu absolutionis. Novissime vero ex subjectis Delgadillo de Pœnit. cap. 10, dub. 2, pro se allegans Hugo, Jansenium, D. Bonaventuram, et Alensem, docet Sacramentum Pœnitentia non esse medium necessarium nec in re, nec in voto, sive implicito, sive explicito. Posunt etiam pro hac parte referri, quotquot necessitatem confessionis excludunt, cum ea sublata, auferri necesse sit ipsum Sacramentum. Sed quia hoc directe pertinet ad tract. de Confessione, sat fuerit retulisse refragantes necessitatibus Sacramenti in communi prout a nobis expositæ. Quocirca si quæ fuerint hujus positionis motiva indifferenter proponemus, cavendo descendendum ad ipsius partes, de quibus erit specialius examen suis locis.

24. Arguitur ergo primo. Quoniam hoc Sacramentum institutum fuit, ut illo subveniretur lapsis post Baptismum : Sed si esset necessarium ad instar medii unici, neutquam fuisse illis subventum, quin ejus onere plus gravarentur, coacti illud recipere, vel amissam gratiam nunquam recuperare : ergo ne hoc dicatur, asserendum est non esse necessarium necessitate medii ; imo nullo modo, siquidem melius foret illud instituere sub libertate ad illud accedendi, vel alia via ad gratiam descissam cum Deo redeundi. Probatur Minor : Tum quia in lege gratiae arctior esset via salutis, quam in lege veteri, in qua solo actu contritionis pristinam gratiam delinquentes obtinebant. Tum etiam : quia major occasio datur fidelibus deficiendi positis necessitate, et præcepto hanc unam viam arripiendi ad salutem, ut constat ; non ergo bene subventum esset humanæ fragilitati eam necessitatem in Pœnitentia adstruendo, et consequenter dicendum est nullatenus esse necessariam in sensu a nobis intento.

vitur. Respondetur ad hoc argumentum Majorem esse falsam absolute, quia licet hoc Sacramentum fuerit a Christo Domino in

fidelium levamen, et commodum institutum, oportuit tamen attendere ad jus divinum læsum, et injuriam Deo irrogatam, juxta quam non recte eum pœniteret, qui offensæ compensationi non incumberet, et totis viribus non studeret : quia in Pœnitentia (verba sunt D. Thomæ infra quæst. 90, D. Thom. art. 2), *fit recompensatio offensæ secundum voluntatem peccantis, et secundum arbitrium Dei, in quem peccatur : quia hic non queritur sola reintegratio justitiæ, sed magis reconciliatio amicitiæ* : *quod fit dum offendens recompensat secundum voluntatem ejus, quem offendit.* Unde opus fuit præstituere modum determinatum, quo consuleretur hominum debilitati, et simul instaurationi amicitiae, servata illæsa divina justitia, institutendo Sacramentale judicium; in quo unum, et alterum coadunantur.

Data tamen, et permissa Majori, neganda est Minor, cujus probationes diruit Catechismus Romanus ubi supra cap. 37, dicens : *Quamvis concedamus contritione peccata deleri ; quis ignorat illam adeo vehementem, acrem, incensam esse oportere, ut doloris acerbitas cum scelerum magnitudine æquari, conferrique possit ? At quoniam pauci admodum ad hunc gradum pervenirent, siebat etiam, ut a paucissimis hac via peccatorum venia speranda esset : quare necesse fuit ut clementissimus Dominus faciliori ratione communi hominum saluti consuleret. Quod quidem admirabili consilio effecit, cum claves regni caelestis tradidit.* Porro insigne privilegium est cum sola attritione medio Sacramento posse justificari ; facilius siquidem erumpere potest homo in detestationem imperfectam, quam in præstantissimam, qualis est contritio ; cum tamen in veteri lege illa sine ista non sufficeret, sed irremediabiliter damnaretur homo, quamlibet attritus esset, si non fuisse contritus : nec, abundantior gratia illi daretur, quam ex opere operantis actibus respondebat ; modo vero ex opere operato virtute passionis Christi ultra debitum gratia rependitur in Sacramento. Unde illud onus, qualemque sit, accedendi ad Sacramentum his, et aliis privilegiis uberrime compensatur, et superexceditur, ut oculatissime praecavens similem objectiōnem docuit Tridentinum cap. 5, sess. 14, Trident. dicens : *Ipsa vero hujusmodi confessionis difficultas, ac peccata detegendi verecundia gravis quidem videri posset, nisi tot, tantisque commodis, et consolationibus levaretur, qua omnibus digne ad hoc Sacramentum*

Delga-
dillo.Secun-
dum ar-
gument.Triden-
tina.Ricar-
dus.
Medina
Compl.Respon-
deretur.

Trident.

accidentibus per absolutionem certissime conferuntur. Quo testimonio maxime confirmatur, quod supra asseruimus designando causam obligandi hominem contritum ad realem Sacramenti susceptionem, et plures objectiunculae, quae excogitari possent, quarum aliquas usurpavit Delgadillo ubi supra, et enervantur, et diruuntur.

25. Arguitur secundo. Nam hoc Sacramentum eatenus foret necessarium, quatenus absque illo nec tollerentur peccata, nec aperiretur homini janua regni coelestis, quae illis occluditur; sed absque hoc Sacramento auferri possunt peccata, et his non occluditur ostium regni coelestis: ergo ad nullum horum effectuum est hoc Sacramentum exactum. Minor quoad primam partem constat ex dictis, et ex Concilio Tridentino, asserente sola contritione peccata dimitti: quoad secundam vero eam probant Ricardus, Medina, et cum illis sentientes, quoniam peccata non impedient ingressum in coelestem patriam ratione sui, sed ob reatum ex illis contractum ad poenam aeternam, cui opponitur possessio regni coelestis: ergo vel nulla est necessitas hujus Sacramenti, vel si quia illius inest, ad summum erit ad auferendum reatum ad aeternam poenam, non vero peccata quoad culpam.

Respondetur ad argumentum negando secundam Minoris partem, cuius probatio non urget: quia cum nullus queat esse reatus poenae aeternae absque gravi culpa, tota ratio excludendi a regno est macula, seu culpa, ad quam necessario sequitur reatus poenae aeternae, et temporalis. Unde illa media gratia ablata, penitus removetur reatus ad poenam aeternam, et diminuitur debitum poenae temporalis cum proportione ad dolorem, et displicantiam culpae. Quare simul cum culpa liberatur homo a debito poenae aeternae, quod non compatitur cum jure ad gloriam acquisito per gratiam. Sicut enim jus ad gloriam connectitur gratiae, et non stat absque illa; ita e converso jus ad poenam aeternam, quod est reatus, et oritur a culpa, et non magis durat, quam illa, ut constat ex Concilio Tridentino, et unanimi Theologorum assensu. Unde hoc argumento utentes, vel inconquerenter loquuntur, vel nullam hujus Sacramenti necessitatem admittere compelluntur; cum non sit magis necessarium ad auferendum reatum, quam ad abstergendam maculam.

26. Tertio arguitur. Remissio peccatorum habetur per martyrium: sed martyrium potest sustineri absque contritione, et absque Sacramento: ergo, nec contritio, nec Poenitentia important necessitatem hactenus explicatam. Consequentia constat. Majorem, praeterquam quod universalis Ecclesiae approbatione recipitur in cap.

Tertiū
argu-
ment.

cum *Marthæ* de celebratione missarum, *injuriam facit Martyrii*, qui orat pro *Martyre*, docuit expresse D. Thomas in 4, dist. 4, quest. 3, art. 3, questiunc. 3 ad 1, ubi martyrio defert vim destruendi peccata non solum ex opere operantis, sed etiam ex opere operato ex ipsa reali imitatione Christi, quem sanguinis effusione confitetur; eamque prius asseruerat D. Augustinus lib. 13 de Civitate Dei, cap. 8,

Cap.
PART II
Marthæ.
D.Thom.

ubi conferens Baptismum cum Martyrio, tantum istud valere docet ad gloriam, quantum ille ad regenerandam animam; imo S. Cyprianus in exhort. ad Martyres *Cyprian.* præfert Martyrium, dicens: *Hoc Baptisma in gratia majus, in potestate sublimius, in honore pretiosius.* Jam Minor, quae est difficilioris probationis, suadetur ex eodem principio: quia non videtur plus exigi ad martyrii effectum, quam ad fructum Baptismi: constat autem in adultis sufficere attritionem cum Baptismo re ipsa suscepto ad percipiendam gratiam baptismalem: ergo similiter sufficiens erit ad martyrii coronam obtinendam. Minorem hujus secundi syllogismi expresse tradidit D. Augustinus loco citato de civitate Dei, in-

D. Au-
gust.

quiens: *Quicumque, etiam non percepto generationis lavacro, pro Christi confessione moriuntur, tantum eis valet ad dimittendum peccata, quantum si abluerentur sacro fonte Baptismatis.* Qui enim dixit, nisi quis renatus fuerit ex aqua, et Spiritu sancto, non intrabit in regnum cœlorum, alia sententia istos facil exceptos, ubi non minus generaliter dixit: *Qui me confessus fuerit coram hominibus, confitebor et ego cum coram Patre meo, qui in cœlis est, et alio loco, qui perdidierit animam suam propter me, inveniet eam.* Eam etiam asseruit D. Thomas infra

D. Au-
gust.

q. 87, art. 1 ad. 2, his verbis: *Dicendum quod passio pro Christo suscepta, sicut supra dictum est, obtinet vim Baptismi: et ideo purgat ab omni culpa, et veniali, et mortali, nisi actualiter voluntatem peccato invenerit inharentem.* Constat autem in homine attrito non esse voluntatem actualiter peccato inharentem, alioqui enim non esset

D. Au-
gust.

attritus: ergo ex mente utriusque Doctoris

ris

ris Sanctissimi non plus exigitur in adultis ad martyrium sustinendum, quam ad recipiendum baptismum; et consequenter quolibet eorum dimittitur peccatum homini attrito. In attritione vero non continetur votum Sacramenti Pœnitentiae, sed debet explicari, et contingere valet non superesse locum, vel quia dormiens pro Christo occiditur, vel quia subito rapitur, et mortem appetit: ergo de primo ad ultimum convincitur, nec in re, nec in voto adhuc implicito esse necessariam Sacramentalem Pœnitentiam.

27. Ab hoc argumento facile nos expeditre possemus negando Consequentiam, cum aliquibus Thomistarum, quia in illa attritione includeretur Sacramenti votum. Sed oportet doctrinam in eo contentam radicitus enucleare, et expendere, ut quod verum est, lectori innotescat. Tangit enim illud argumentum gravem difficultatem directe pertinentem ad quæstionem 124 Secunda secundæ, ubi D. Thomas, et ejus interpres agunt de martyrio, ejusque virtute: nec non ad q. 66. hujus tertiae partis, in qua occasione solemnis illius divisionis Baptismi in Baptismum fluminis, flaminis, et sanguinis, disputatur, an Martyrium reddat hominem ex attrito contritum, sicut Baptismus, et Pœnitentia, ubi plures refert sententias Martinez de Prado tom. 1 de Sacramentis tract. de Baptismo dub. 12, et cum aliquibus recentioribus Thomistis parti adhæret affirmativa, quam etiam tueruntur Serra loco citato ex 22, et Gonet disp. 4 de Baptismo, et in præsenti. Partem vero negant sectantur nec merito, nec numero inferiores D. Thomas discipuli, quales sunt Paludanus in 4, dist. 4, quæst. 3, concl. 1. Sylvester verbo *Baptismus* 1, quæst. 2, num. 3. Soto in 4, dist. 3, quæst. unic. artic. 3. *Quod autem Martinus de Ledesma* 1, p. 4, quæst. 7, art. 11. Melchior Cano relect. de Pœnit. part. 3, § verum sententia contraria. Bannez 2, 2, quæst. 24, art. 6, dub. 5 ad 7. Arauxo ad prædictam quæst. 66, num. 7. Sylvius ibidem art. 11. Sebastianus Oxomensis 3 p. q. 66, art. 12, ubi etiam Kellisonus dub. 3, quibus addit. Cajet. art. 2, q. 124, ex 2, 2 et N. Cornejo, et ex extraneis plurimos, quos sequitur, et refert Vasquez tom. 2, in 3 p. disp. 153, cap. 3.

28. Cui sententia tam clare videtur facta visse D. Thomas, ut merito dixerit Magister Bannez ubi supra sibi videri expressam

D. Thomæ 2, 2, quæst. 124, art. 2 ad 2, ubi docet S. Doctor verum martyrium a duplice virtute procedere, a fortitudine, ut ab eliciente, et a charitate ut imperante. Et ut ibi bene observat Cajetanus, loquitur Cajet. S. Doctor de vero Martyrio coram Deo, et non secundum hominum opinionem. Hoc autem pacto sustinere mortem propter fideli veritatem, est actus charitatis imperativa: nam eo ipso præfert homo Christum propriæ vitæ, et omnibus illi temporaliter profuturis, sive intrinsecis, sive extrinsecis, utputa honori, gloriæ, et famæ, quæ quid minus sunt, quam ipsa vita; imo ipsa etiam spiritualia dona, quatenus huic temporali vitæ annexa postponuntur. Hoc vero est Deum super omnia appretiari, ac diligere: non ergo stat verus martyrii actus absque charitate. Etenim sicut actus, quo Deus, ut finis æternae felicitatis super omnia diligitur, et cunctis aliis rebus præfertur, nequit non a Charitate elici; ita actus, quo ipso facto tot illa incommoda, et bonorum jactura propter Christum sustinentur, nequit non a Charitate imperari. Si autem non propter Christum hoc medo prælatum, et præpositum sustinerentur, coram Deo non esset verus martyr, sed martyr diaboli, ut recte observavit Cajetanus, qui etiam est ab hac sententia.

Expressius adhuc locutus est D. Thomas D.Thom. in hac 3 p. q. 66, art. 12, in corpore articuli, ubi probat excellentiam martyrii ex eo quod Spiritus sanctus operatur in Baptismo sanguinis effectum perpotissimum dilectionis secundum illud Joan. 5, majorem hanc dilectionem nemo habet, quam ut animam suam ponat quis pro amicis suis. Et solutione ad secundum respondet, quod effusio sanguinis non habet rationem Baptismi, si sit sine Charitate, ex quo patet, quod baptismus sanguinis includit baptismum flaminis, et non e converso. Unde ex hoc ipso probatur perfectior. Et solut. ad 3, probat S. Doctor eandem excellentiam non solum ex parte passionis Christi (ad quod caput adversarii configunt), sed etiam ex parte Spiritus sancti, quasi esse non posset absque illius concursu media dilectione superius explicata. Quare optime asseruit Cajet, ubi supra § Ad primum autem, quod si quis in peccato mortali existens, superveniente persecutione, in voluntarium actum se ipsum offerendi pro Christi fide, et passioni, ac morti se exponendi erumperet, statim charitatem a Deo haberet, ita quod charitas infunderetur in termino de-

D.Thom. liberationis, ac propositi, et principio imperii actus talis, et sic totus actus martyrii esset imperatus a charitate; aliter namque martyrium non esset. Si quidem, ut ubi nuper asseruit D. Thomas, *effusio sanguinis non habet rationem Baptismi, si sit sine Charitate.* Et hac Cajetani observatione obturatur effugium dicentium loqui S. Doctorem de charitate comitante martyrium in sui termino, non quæ se teneat ex parte principii. Quam interpretationem ideo exclusit Cajet. quia obsonam, et litteræ minime cohærentem censuerat.

Vera sententia alibi indica- tur.

29. Juxta hanc ergo sententiam, quam tract. de Bonit. et Malitia, disp. 6, dub. 1, n. 35, cum N. Cornejo veriorem censuimus, et modo amplectimur, ut expressam D. Thomæ, respondet ad argumentum supra positum, concedendo Majorem, et negando Minorem. Gujus probationibus ex utroque S. Doctore Augustino, et Thoma decerpitis, ut perspicue occurramus, ob oculos habenda est illa Angelici præceptoris distinctio de Baptismo, secundum quod est actus virtutis, ac meritorius; et secundum quod est realis imitatio, et non symbolica, ac Sacramentalis, uti est Baptismus. Quæ duæ rationes licet ex diversis capitibus, eidem martyrio convenienti, ipsumque induulse comitantur: nam realis imitatio Christi sanguinem, et vitam pro eo fundendo respicit immediate ut causam realiter exemplarem, et non pure representativa ipsum Christum; siquidem ejus fidem testatur, et protestatur ipsomet opere realiter exhibito. Ex hoc vero capite supponit necessario alteram rationem sub conceptu virtutis, sub qua ratione postulat ab intrinseco oriri elicitive a fortitudine, et imperative a charitate. Et ratio est: quia cum martyrium sit actus omnium difficultissimus, ut nemo ibit inficias, in quo omnium gravissima urget tentatio, et homo lapsus in peccato existens absque specialissima gratia saltem auxiliante nequeat nedum gravissimam, verum neque gravem tentationem vincere, ut ex communi sententia docuimus, tract. de Gratia, disp. 2, dub. 8, § 3, palam fit ad sustinendum martyrium non solum requiri gratiam in adultis, sed et specialissimam quidem.

Aliud motivum ex Ca- jet.

Cui motivo aliud est affine, quod supra indicavimus ex doctrina Cajet. nam perferre mortem vel pro Christo, vel ob purum finem virtutis (quorum alterum est necessarium ad veram rationem martyrii, ut ex D. Thoma docuimus tract. 11 de

Bonit. et Malitia disp. 6, dub. 1, n. 35), claudit conversionem efficacem ad bonum virtutis, vel ad ipsum Deum, tanquam ad ultimum finem (siquidem supra vitam, et omnia temporalia, imo et spiritualia creata diligitur) nec non ad impletionem omnium præceptorum, inter quæ maxime eluet præceptum charitatis: hæc autem omnia haberi nequeunt absque charitate: ergo si martyrium hæc omnia includit necessario, ut verum martyrium sit; martyrium ut est actus virtutis necessario postulat elici a fortitudine, et imperari a charitate juxta illud Apostoli 1, ad Corinth. 13, *si tradidero corpus meum, ita ut ardeam, charitatem autem non habuero, nihil mihi prodest.* Et ideo asseruit Angelicus Doctor: *Baptismum sanguinis includere Baptismum flaminis.*

30. Ex illa autem radice duo proveniunt. Primum est non esse singulare in martyrio esse actum virtutis, quippe quod ipsi cum aliis virtutibus est commune. Quod vero est in ipso heroicum, et singularissimum, est ipsa realis vitæ profusio, qua testificatur Martyri, non in affectu tantum, quod aliis actibus potest convenire; sed in effectu per realem sui capitatis imitationem, fidem, et Christi charitatem, qua pro membris in sacrificium se obtulit.

Alterum est (et bene observandum) martyrio deberi gratiam ex opere operantis, seu qua parte est actus virtutis ortum decentis a Charitate ut a primo, et universaliori principio; unaque ex opere operato, sive, ut aptius dicamus, ex opere ipso tolerato; et aliquando contingit unum sine altero reperiri, id est conferri gratiam ex ipsam effusione sanguinis, et profusione vitæ, quin præcesserit nec formalis actus fortitudinis, aut actus aliquis charitatis, ut constat in pueris innocentibus, et evenire potest in dormientibus, de quibus eodem modo quoad hoc, ac de usu rationis carentibus discurrendum est: siquidem hi omnes absque ullo formalis actu sola materiali passione, et reali imitatione Christi importata in ipsam tolerantia passionis liberantur a culpis, et nanciscuntur gloriam. In adultis vero, et ratione utentibus, quia more adulorum justificandi sunt, et gloria non per modum hæreditatis, sed per modum coronæ illis conferenda; uterque titulus, et actus virtutis, et operis operati, seu tolerati debet coire, cum inseparabiles invicem sint, ut constat in suscientibus vivorum Sacramenta, quibus licet debeatur gratia

gratia ex opere operato ipsius Sacramenti; nunquam tamen confertur, quin præcedat dispositio, et huic ex opere operantis aliqua debetur gratia, distincta quidem a gratia intuitu ipsius Sacramenti conferenda. Porro non ex solo charitatis titulo debere actibus præmium, non tantum accidentale, verum et essentiale, in confessio est apud omnes, et ex professo ostendimus tract. de Merito disp. 4, dub. 5, per totum, ubi supposito Charitatis influxu ex pluribus aliis capitibus meritum, atque subinde præmium augeri auctoritate, et ratione firmavimus.

Hanc sane distinctionem alte callentes SS. PP. præcipue vero Augustinus, et Thomas, nominati (et fere omnes in idem possent referri) martyrium non ex eo, quod illi commune est cum actibus aliis, sed ex sibi propriissimo, singulari, et supra omnem laudem extollendo, merito commendarunt, non quidem negantes primum, sed supponentes, ut fundamentum alterius, sine quo proinde, quod excellentissimum est in martyrio non subsisteret. Hinc D. Thomas locis in argumento adductis ad probationem Majoris, diserte, et absolute docuit martyrium ex opere operato remittere omnem culpam, et pœnam non minus ac Baptismum, imo et rationabilius ex reali nimirum imitatione Christi, in Baptismo symbolice tantummodo præsignata. Hinc etiam prohibuit Ecclesia pro Martyribus orari, de quorum perseverantia in gratia non licet dubitari, semel atque verum illorum fuerit martyrium, atque ideo rectissime illud Baptismo prætulit. Hinc denique D. Augustinus loco citato ad probationem Majoris ultimi syllogismi martyrium passos tam certe salvari, quam lavacra baptismali ablutos indubitanter asseruit, et ipsis Christi testimonio comprobavit. Idque fidelissimus ejus discipulus Doctor Angelicus amplexus est loco citato in argumento ex hac 3 p. q. 87, art. 1 ad 2. Neuter tamen illorum uspiam negavit, aut a vero martyrio exclusit, conceptum virtutis in illo a fortitudine eliciendum, et a charitate imperandum.

Et quod attinet ad D. Thomam, loco allegato, in quo hærent aliqui discipuli, constat ex ipsomet testimonio, in quo se refert S. Doctor ad citatam quæstionem 66, ut demonstrant illa verba: *ut supra dictum est*, et appingitur in margine, q. 66, art. 12. In quæstione vero 66, art. 12, clarissime docuit S. Doctor, et quod effusio

sanguinis sine charitate non habet rationem Baptismi, et quod martyrium includit charitatem, et art. antecedenti in corpore docuerat, *quod per Baptismum sanguinis consequitur aliquis effectum Sacramenti ex passione Christi, in quantum quis ei conformatur, pro Christo patiendo*. Hæc autem conformatio in adultis non debet esse pure materialis, ut fuit in parvulis, et innocentibus, vel potest esse in dormientibus, et nihil minus quam de martyrio cogitantibus; sed debet esse formalis ex amore, et imitatione saltem virtuali Christi procedens, quæ esse, aut fieri non potest sine charitate imperante. Charitas autem quia importat amicitiam, importat ex consequenti displicentiam, et detestationem peccati, in quibus est votum Sacramenti, ut nos docuit Concilium sæpe allegatum; in eosque facilime erumpet in vi obligationis præcepti Pœnitentiæ, ad quam tenetur. Unde nunquam decedet absque pœnitentia in re, vel in voto.

31. Nec oppositum suadet S. Doctorem addidisse, nisi actualiter voluntatem peccato invenerit inhærentem, in quo vim faciunt oppositum defendantes. Nam eo ipso quod voluntas actualiter peccato inhæreret, obicem martyrio poneret; sed non eo ipso, quod actualiter non peccet adultus, est ad martyrium idoneus, sed requiritur ulterius fortitudinis actus, et conversio supernaturalis efficax in Christi passionem, vel in bonum virtutis, ubi includitur virtualis ad Christum relatio. Unde ex vi testimonii D. Thomæ vel concludent adversarii absque supernaturali attritione, aliove actu posse dimitti peccatum adulto per martyrium, vel nihil contra nos evincunt, ut intuenti constabit. Hinc probationes argumenti dirutæ manent.

32. Ultimo arguitur, et instatur, absque ulla pœnitentia posse hominem salutem ^{Ultimo} arguitur. adispici. Nam potest Deus assumere natu ram hominis peccatoris, et sibi hypostaticē unire: in quo casu nullus esset locus, nec Sacramento Pœnitentiæ, nec virtuti Pœnitentiæ; non quidem isti, quia non esset idem homo, qui peccaverat, et Pœnitentia non versatur circa peccata aliena, sed circa propria. Quamobrem homo Deus est incapax hujus virtutis, ut constat ex dictis tract. de gratia Christi, ubi contra Suarez, et alios eam veritatem stabilivimus. Qui autem est incapax eliciendi actum pœnitendi, in quo stat materia proxima Sacra menti, incapax est recipiendi Sacra men-

Expli-
catur
D. Thom.

tum : non ergo istud est necessarium ad salutem necessitate medii indispensabilis homini peccatori.

Inermis
argu-
menta-
tio.

Hoc autem discursu simul excluditur necessitas Sacramenti, et virtutis Pœnitentiae, ut ex ipso constat; et ex hac parte ut multum probans rejiciendum esset. Sed quia infra necessitatem virtutis Pœnitentiae ostensuri sumus, oportet illum ex nunc debellare. Solutio autem genuina in ipso met continetur argumento, quatenus indicat in eo eventu, cuius possibilitatem non imus inficias, non eundem hominem esse futurum ex parte suppositi, seu personæ, cui absolute tribuitur bene, vel male agere, non autem naturæ, ut est commune Philosophorum, et Theologorum principium,

Vazquez.

quod ab objectionibus Vasquez, cui soli fuit infensum, vindicavimus tract. de Incarnat. disp. 1, dub. 7, § 2. Semel autem atque persona sit diversa, cessat jus pœnitendi, ac satisfaciendi, quippe quod non competit naturæ, sicut nec satisfactio, sed personæ. Unde licet natura, quæ fuit personæ ratio peccandi, sit eadem ex parte naturæ, seu quoad prædicata essentialia; quia tamen non fuit, nec esse potuit peccandi principium huic personæ, ad quam est evecta, sed alii, a qua est separata, idcirco in hac persona non tenetur ad poenitendum, nec ad alia Sacraenta novæ legis, sicut nec Christus tenebatur; non enim illa instituta sunt pro capite, aut pro personis divinis; sed pro membris, et suppositis pure humanis. Et in hoc sensu procedit, et disputatur a Theologis quæstio, non vero in illo statum quæstionis destruente. Hinc refellemus infra, et ex nunc rejiciimus Gonet, qui ex principio contento in

Gonet.

argumento intendit excludere necessitatem virtutis Pœnitentiae ad remissionem peccati mortalis, quando quidem non servat statum quæstionis, et sensum.

Subori-
tur
difficul-
tas.

Addimus vero ad pellendum quemlibet dubitandi scrupulum, in ea hypothesi satius superque compenſatam iri Pœnitentiam sub utraque ratione et Sacramenti, et virtutis ex rigore justitiæ, qua persona illa divina posset, si vellet, satisfacere pro culpis illius humanitatis in aliqua persona commissis : atque ideo nullatenus egeret Pœnitentia, quæ sub ratione virtutis est imperfecta, et potentialis justitia; et sub ratione Sacramenti supponit defectum ne- dum in natura, sed in persona terminante, et suppositante naturam.

33. Inquirere autem, quid dicendum

foret, casu, quo illo natura semel assumpta dimitteretur a persona divina, et ad propriam personalitatem regredieretur (qui est alter casus metaphysicus), curiosius est, quam utilius. Respondeatur tamen ex vi peccatorum præcedentium nulla pœnitentia indigere. Cum enim prædicta natura sanctificata fuisset personaliter sanctitate substantiali, eaque majori, ac præstantiori, quam quæ provenit a gratia habituali, ut de humanitate Christi docuimus, et docent jam communiter theologi, tract. de Gratia Christi disp. 1, dub. 1, et ex vi prædictæ sanctificationis depositum fuerit ex parte Dei odium erga illius peccata, et plenissime offensæ remitti; evidentissimum esset illi naturæ nihil expiandum superesse; nec peccata præterita iterum redditura quoad jus exigendi satisfactionem; quoniam peccata non reviviscunt, sicut merita, ut est Theologorum sententia. Quare licet cum gratia, et aliis virtutibus infusis simul ipsi pœnitentia infunderetur, solum deserviret, vel ad peccata futura abstergenda, casu quod non remaneret impeccabilis, vel ad ornatum, et una Deo gratias agendum pro misericordia relaxante delicta, ad quod munus eam dixit D. Thomas in 4, dist. 14, quæst. 1, art. 3, q. 3, permanere in beatitudo.

34. Contra secundam assertionem nullam invenimus sententiam relatu dignam; nec mirum, cum deservierit tantummodo ad explicandum votum Sacramenti contritioni annexum formaliter, vel virtualiter in illa inclusum. Circa quod discolor erat explicandi modus, aliis illis istis vocibus utentibus, ut constat ex prima assertionis ratione.

35. Contra tertiam directe militant Durandus in 4, dist. 17, q. 2, n. 6. Alensis 4 p. quæst. 18, memb. 2, art. 1, ex Thomistis Cano ubi supra, et refertur Ferrariensis in 4 contra Gentes cap. 72, in quo tamen, si consulas, nihil repieres, quod nostræ sententiæ aduersetur; non enim in illius capituli decursu meminit de eo, quod votum debeat esse explicitum, vel implicitum, sed totus in eo fuit, quod requirebatur propositum, quidquid fuerit de modo illius propositi. Unde non est ratio illum recensendi pro sententia Magistri Cano refragantis communi sententiæ ob motivum inter proponendum assignatum, et dirutum, quod est præcipuum.

36. Secundo arguit sub hac forma : Nulli hæretico, vel schismatico remittitur culpa,

Dissol-
vitur.

Secund
asser-
tioni n
est, qu
se op
nat.

Tertia
adver-
san-
tia
Duranc
Cano.
Ferrari-

Argum
Cano.

D. August.
nfirmatur et enodatur.

culpa, nisi formaliter, et explicite proponat Ecclesiæ uniri, atque ab ea veniam peccati implorare : ergo sola contritio, qui est actus virtutis, non satis est ad remissionem peccatorum sine ordine ad claves Ecclesiæ. Antecedens asserit D. Augustinus de vera, et falsa pœnitentia cap. 12. Sacramentum igitur Pœnitentia esse ad salutem necessarium hunc in modum est definitum.

Illi tamen venia, hoc argumento non elevantur vires nostræ assertionis. Unde respondeatur, vel negando Antecedens in foro interiori, et coram Deo : vel eo dato, et admisso, negando Consequentiam, ut inefficacem. Ratio primi est : quia licet in foro externo nullus hæreticus, aut schismaticus ad Sacraenta admittatur, quin prius expresse, et formaliter profiteatur fidem abjurata, vel ob schisma discissam, et dilaceratam ; non est tamen ratio euilibet illorum denegandi recursum ad Dei misericordiam se convertendo efficaciter in Deum, ut in ultimum finem super omnia dilectum, maxime in subito casu, in quo nec adest copia confessoris, nec memoria Sacraentorum Ecclesiæ ; alioqui enim pro aliquo instanti, aut temporis mora esset in statu desperationis, cum inculpabiliter desit notitia Sacraentorum, et nullum ipsi supersit remedium, nec occurrat obligatio implorandi Sacraenti auxilia. Quippe nullum est peccatum ita grave, quod nisi pro illo instanti, in quo fit non sit remissibile ex divina misericordia, ut est manifesta D. Thomæ, et Theologorum doctrina, nec præceptum contritionis ita est constringendum, et arctandum ad Sacraenta, ut absque illorum expressione nequeat Deus peccata dimittere ; hoc enim ut bene arguit Arauxo, est contra libertatem divinam, et contra voluntatem expressam salvandi hominem, in quounque instanti ingemuerit ex toto corde. Maxime quando nos docet Concilium in ipsa contritione includi Sacraenti votum, et humana fragilitas tam crebras experientur incurias vel ipsarum rerum, quas in pretio, et aestimatione habet. Eo præser-tim, quoniam in ejusdemmet sententia Gani æque necessarius est Baptismus pro originali, ac Pœnitentia pro actualibus culpis : sed ut nos supra docuit D. Thomas, Baptismus solum est necessarius disjunctive, vel explicite, vel implicite, non vero determinate : non est ergo fundamen-tum adstruendi majorem, seu determinatam

necessitatem pro hæretico, aut alio quovis peccatore. Quare quid durius nobis videtur tam inopem constituere peccatorem, ut nullus ipsi remaneat aditus ad æternam salutem, quin pœ memoria habeat explicite Sacramentum Pœnitentia, et nunquam illius inculpabiliter obliviscatur, semel atque elicerit actum contritionis. Nec id existimamus de mente Augustini in eo loco, sed locutus est S. Doctor ut in plurimum, et per se loquendo.

Causa consequentiam negandi.

37. Veniamus ad assignandam rationem, dato Antecedenti, negandi Consequentiam, cuius defectus est arguere ab una particulari, in qua est specialis ratio ad universalem, in qua ea non militat. Nam quod hæretico, vel schismatico, ut nanciscantur salutem, stricto jure incumbat explicite, et formaliter iterum Ecclesiæ unitatem adoriri, ab eaque veniam implorare, ut in Antecedenti asseritur, provenit quidem, ex eo quod ab Ecclesiæ gremio directe abscesserint, vel clare fidem illius abnegando, vel eam, ut par erat, universaliter, et indivulse non amplectendo. Ut ergo eos vere, et digne pœnitent, et veniam impetrare possint; opus illis est explicitum, ac formale desiderium iterum adeundi Ecclesiam, et inter ejus membra annumerandi, ut Ecclesiæ suffragiis ac bonis operibus foveantur, et adjuventur. Quod, et non aliud continent verba Augustini in illo capite, quæ sunt hujusmodi : *Laboret itaque pœnitens in Ecclesia esse, et ad Ecclesiæ unitatem tendere. Nisi enim unitas Ecclesiæ succurrat, nisi quod deest peccatori, sua opitulatione compleat, de manibus inimici non eripietur anima mortui. Credendum est enim, et pietas fidei expostulat credere, quod omnes eleemosynæ totius Ecclesiæ, et orationes, et opera justitiae, et misericordiae succurrant recognoscenti mortem suam ad conversionem suam. Ideoque nemo digne panitere potest, quem non sustineat unitas Ecclesiæ.* Hæc autem doctrina congruit quidem haereticis, et schismaticis, qua talibus, et probat in illis expressum desiderium iterum redeundi ad Ecclesiam, ejusque unitatem impetrandi, ut cum fructu resipiscant. Minime vero tenet in aliis peccatoribus, quantumvis enormiter lapsi fuerint ; qui alias tam bene merentur de Ecclesiæ fide, et unitate, ut nec per iota unum, vel minimum apicem contra illarum aliquam abierint, vel senserint. Atque ideo in illis militat specialis ratio, quæ non urget in istis,

D. August.

Illatio.
Pius V.
Greg.
XIII.
Michael
Baius
recte
damna-
tus.

Magister
Lemos.

Aliud
consec-
tarium
osten-
dens
differen-
tiā
necessi-
tatis
hujus
Sacra-
menti
ab aliis.

et fallit illatio illorum ad istos, ut patet. 38. Ex hactenus dictis liquido infertur merito damnatam fuisse a Pio V et Gregorio XIII illam propositionem Michaelis Baii, quae est 62 in ordine : *Per contritionem etiam cum charitate perfecta, et cum voto suscipiendi Sacramentum conjunctam, non remittitur crimen extra casum necessitatis, aut martyrii sine actuali susceptione Sacramenti.* Cujus oppositum constat perspicue ex Concilio Tridentino, et doctrina Theologorum uniformiter affirmantium ci-
tra omnem dubitationem vere contrito peccata dimitti, vel id proveniat ex Dei pro-
missione, ut assere videntur Scotistæ, vel quia naturaliter contrito, etsi a gra-
tia non procedat, ipsam tamen comitatur, ut alii autumant, et est communius extra scholam D. Thomæ; vel quia ab ipsa gra-
tia, ad quam ultimo disponit, procedit, ut docet D. Thomas, et graviores ejus dis-
cipuli, apud quos censetur probabilius connexionem cum gratia esse contritioni essentialiæ, ut post plures, tract. de justi-
ficatione disp. 2, dub. 6, et de Charitate disp. 4, dub. 3, a nobis relatos, novissime tenet sapientissimus Magister Lemos tom. 3, dissert. Theologic. lib. 3, parte 2, tract. 2, cap. 30, n. 469, quatenus docet per nullum auxilium omnino distinctæ speciei a gratia, et charitate posse Dei dilectionem haberi. Quam sententiam locis citatis stabilitam, et pluries alibi insinuatam in decursu totius nostri cursus eo libentius amplectimur, quia ab hoc uno solo Magistro in doctrina D. Thomæ ver-
satissimo, et sui Magistri, et veritatis acer-
rimo vindice (ut ejus opera, et inita certamina, in materia de auxiliis in urbe coram supremo capite testantur) compro-
batam invenimus. Ex hoc ergo principio Theologis communi manifeste falsitatis convincitur illa Baii propositio; cui si ad-
jungatur doctrina Concilii in hoc dubio allegata, fit perspicuum non posse Catho-
lici sustineri, atque ideo merito fuisse ab Ecclesia proscriptam, et censura inustam.

39. Rursus infertur manifestum discri-
men inter hoc, et alia Sacraenta, et præ-
cepta excepto Baptismo, qui est ejusdem necessitatis. Nam positio vel in re, vel in voto hoc Sacramento, in sensu explicato, infallibiliter justificatur homo, nec aliter potest a peccatis enodari, quam vel ipso Sacramento, vel desiderio illius exacto ad contritionem, vel in ipsa inclusu. Et licet forsitan per accidens aliquo aliorum Sacra-

mentorum quis assequatur primam gra-
tiam, et consequenter peccati remissio-
nem; semper tamen est cum voto, et obligatione accedendi ad Poenitentiam, ut ad medium justificandi. Ad adimpletionem vero aliorum præceptorum in particulari non justificabitur infallibiliter homo, ex vi observationis : non enim ex eo quod quis jejunet, vel facta observet, aliudve hujusmodi præceptum adimpleat, protinus adipiscetur salutem. Et esto justificaretur, non ideo respicit alia præcepta, quatenus media sunt ad resurgendum a peccatis, sed quatenus est necessaria illorum obser-
vatio, ne novam maculam peccati incurrat; atque ideo ut homo præservetur a pecca-
tis, non vero ab illis purgetur. Quae est maxima differentia, minime a Delgadillo ubi supra, et aliis Scotistis animadversa, ob quod non aliam agnoscent necessitatem, quam præcepti. Unde ut a veritate alienos rejiciunt nedum Thomistas, sed alios plures Theologos docentes Sacramentum Poenitentiae esse absolute necessarium necessitate medii ad remissionem peccatorum. Quocirca prælausdatus Author tract. de Poenit. cap. 11, dub. 2, n. 9, hanc sibi firmam elicit propositionem : *Quando aliquis finis potest haberi sine reali positione alicujus, absque fundamento asseritur, quod illud, aut illius votum, seu affectus est medium necessarium ad consecutionem illius.*

Porro hanc propositionem probat ex eo, quod Sacramentum Poenitentiae in re sus-
ceptum non est medium ad justificationem necessarium : ergo nec affectus recipiendi hoc Sacramentum potest esse medium. Patet Consequentia : quia Sacramentum in affectu nequit habere majorem efficaciam, quam habet in re. Quis enim dicat, quod ad salutem v. g. consequendam deambulatio excogitata, et volita, seu implicite contenta est magis necessaria, et efficax, quam realiter in se ipsa executa.

40. Verum enim vero fallit ista ratioci-
natio, et est merus paralogismus, in quo arguitur a propositione disjunctiva, et confusa ad unam determinatam determi-
nate : ut cum dicitur : *Oculus requiritur ad videndum, quia reddit suppositionem confusam, et indeterminatam, non bene infertur : Ergo dexter determinate, vel sinis-
ter determinate :* quia licet non sint nisi duo oculi, dexter, et sinistri, nullus tamen determinate importatur in prima proposi-
tione, sed uterque in confuso. Unde solum inferri debet : *Ergo vel sinister, vel dexter,* vel

Delga-
dillo.

Ejus
illatio.

Ener-
vatur.

vel aliquis oculis requiritur ad videndum. Quae observatio licet videatur summulistica, et tyronibus propria, est tamen utilissima, nec subinde a proiectioribus despicienda : siquidem legitimus arguendi et inferendi modus non pro summulis, sed pro gravissimis rebus, et tuenda fide fuit institutus, et a sacris Doctoribus eductus. Unde qui in eo deficit, nihil concludit, in quacumque materia arguat. Et ita accedit in praesenti, quia nec concilium, nec ex illo Theologi determinate docent Sacramentum Pœnitentiæ in re susceptum esse determinate medium simpliciter necessarium ad obtainendam gratiam, cum id fieri posse adstruant, et satis perspicue, per veram, ac perfectam contritionem absque reali Sacramenti susceptione. Nec etiam in eo sunt, aut esse potuerunt, quod sola contritione determinate possit impetrari venia ; siquidem attritio cum reali Sacramento sufficit ad reddendum hominem de attrito contritum, et consequenter Deo gratum, et a peccatis liberum, ut expresse docet Concilium Tridentinum, et evincit hoc Sacramentum, sicut et Baptismum esse Sacramentum mortuorum, quod proinde non postulat gratiam præhabitam in subjecto ex vi suæ institutionis. Quod ergo docent, est quod expresse determinat Concilium de utroque Sacramento : de Baptismo quidem sess. 6, cap. 4, absque illius lavacro regenerativo, aut ejus voto fieri non posse spiritualem regenerationem sicut scriptum est : *Nisi quis renatus fuerit ex aqua et Spiritu sancto, non potest introire in regnum Dei :* de Pœnitentia vero sess. 14, cap. 4, sine ejus reali susceptione aut voto in contritione inclusu nullatenus fieri reconciliationem. Sub qua disjunctione nec determinate assignant Sacramentum, nec itidem determinate postulant contritionem ; licet semper connotetur Sacramentum in re suscipiendum, si opportunitas dederit.

41. Ex his autem principiis a quibus nullus Scotista se valet expedire, inferunt alii Theologi Pœnitentiam (idem dicit de Baptismo) sub ratione Sacramenti esse necessarium necessitate medii simpliciter talis, ut peccator nanciscatur remissionem, arguendo sub hac forma : Illud est necessarium necessitate medii simpliciter talis, sine quo nulla alia via potest obtineri finis : sed sine Pœnitentiæ Sacramento in re, vel in voto nulla est via

nanciscendi gratiam remissivam peccati : ergo Sacramentum Pœnitentiæ vel in re acceptum, vel in votis habitum est medium omnino, et simpliciter necessarium ad consequendam gratiam remissivam peccati. Consequientia est in forma absque ullo defectu. Major præterquam quod ex se constat, formaliter, et in propriis terminis docetur ab illo Authore ubi supra dub. 1, capit. undecimi, et a nullo Scotista potest negari, cum sit expressa sui Magistri. Minor vero est Concilii Tridentini locis nuper adductis. Quare illa propositio fundamentalis supra relata penitus corruuit, et manifeste falsitatis convincitur.

Ad objectionem vero, supposito defectu ex parte formæ jam explicato, ex parte materiæ respondemus etiam peccare, in non reddendo causam pro causa, quæ est alia fallacia. Nam quod contritio cum voto Sacramenti præcise sit potens ad inducendam remissionem, non provenit ex eo, quod votum Sacramenti sit efficacius ipso Sacramento realiter suscepto ; hoc enim falsissimum est, et a nullo Authorum nostræ sententiæ hactenus excogitatum, quin e converso efficacius debet esse, et revera est, Sacramentum ipsius voto, et plenior, ac abundantior gratia confertur in ipso, quam per ipsius votum ; siquidem ex opere operato, et simul operantis tribuitur in reali susceptione ; cum tamen in ejusdem voto ex opere tantum modo operantis, et juxta mensuram contritionis. Quæ fuit expressa doctrina D. Thomæ 4, contra gen. D. Thom. tes cap. 72, per haec verba : *Considerandum tamen est, quod sicut Baptismus efficaciam aliquam habet ad remissionem peccati, etiam antequam actu suscipiatur dum est in proposito ipsum suscipiendi, licet postmodum pleniores effectum conserat in adepitione gratiæ, et in remissione culpæ, cum actu suscipitur, sic et claves Ecclesiæ efficaciam habent in aliquo, antequam eis se actu subjicial, et si tamen habeat propositum, ut eis se subjiciat : pleniores tamen gratiam, et remissionem consequitur, dum se eis actu subjicit, confitendo, et absolutionem percipiendo,* Quod ergo contritio afferat gratiam expellentem peccatum, habet ex se, quatenus est ultima ad illam dispositio ; et includit, vel supponit modo infra explicando conversionem in Deum tanquam ultimum finem, ex quo capite excludit consortium cuiuslibet peccati mortalitatis. Quod vero ad id præstandum collimet in ipsum Sacra-

mentum medio desiderio illud recipiendi, quam primum oportuerit; provenit quidem ex eo quod Pœnitentia est medium universale pro omnibus lapsis, a Christo Domino post Baptismum institutum; pro qua ipsa contritio substituit interim atque se offerat opportunitas illud recipiendi, ut liquet ex supra dictis. Et in hoc sensu Sacramentum Pœnitentiae in re, et determinate acceptum non est medium necessarium, et conceditur Antecedens objectionis. Sed negatur quod inde inferebatur, ut male illatum, et in se falsum. Nam supposita Christi ordinatione, qua voluit quemlibet lapsum post Baptismum sisti debere ante hoc tribunal, contritio non valet, nisi ut substituens pro Sacramento. In cuius signum quantumvis contritus sibi videatur homo, tenetur accedere ad Sacramentum si adsit, non tantum ut præservetur a novo peccato, sed ut medium infallibile remissionis generaliter institutum apponat. Quod non tenet in aliis præceptis, et Sacramentis, ut ex se constat.

**Refelli-
tor
Vazquez.** 42. Hinc tandem obiter refellitur doctrina Gabrielis Vasquez ad art. 5 hujus quæstionis dub. unico num. 27, ubi docet homini per contritionem justificato solum inesse obligationem sub præcepto suscipiendi pœnitentiae Sacramentum, non respiciendo illam per modum medii simpliciter necessarii. Hoc, inquam, ex dictis refellitur, et rejicitur: siquidem contritio non aliter justificat, nisi ut substituens loco Sacramenti, et in ejus absentia, usque dum sit opportunitas illud suscipiendi realiter, et idcirco non ita plenam remissionem importat. Unde ut illam Sacramentaliter, et plenius consequatur, opus est ad illud accedere sub ratione medii plenius, et abundantius sanctificantis præ sola contritione cum voto, ut mirifice explicit Angelicus Præceptor loco immediate allegato ex 4, contra Gentes inquiens: *Quia igitur in ipsa confessione, et absolutione plenior effectus gratiæ, et remissione confertur ei, qui prius propter bonum propositum ultramque obtinuit, manifestum est, quod virtute clavium minister Ecclesiæ absolvendo aliquid de pœna temporali dimittit, cuius debitor remansit pœnitens post contritionem: ad residuum vero sua injunctione obligat pœnitentem, cuius quidem obligationis impletio satisfactio dicitur: et paulo inferius, quasi immediate subjunxit: Et ultius debilitas naturalis boni curatur dum homo a malis abstinet, et*

bonis assuescit Deo spiritum subjiciendo per orationem, carnem vero domando per jejunium, ut sit subjecta spiritui. Non ergo Pœnitentia amittit rationem medii, per hoc quod præcesserit contritio, ne hæc respicit pœnitentiam, nisi ut est medium a Deo præstitutum.

Præterquam quod ex ista Vasquez doctrina sequitur non aliter contineri in voto contritionis Pœnitentiam, quam alia Sacramenta, et præcepta, quod esse falsum constat ex dictis. Sequela constat, quia contritio non respicit Sacramentum Pœnitentiae, nisi ut præceptum: sed hoc modo etiam respicit alia Sacramenta, et mandata divina: ergo nulla esset diversitas Pœnitentiae ab aliis in voto contritionis, contra id, quod docent Authores nostræ sententiae, et ipse Vasquez sectari videtur in discursu quæstionis.

DUBIUM II.

An sit de jure naturali hominem pœnitere de culpis in illarum remedium.

D.Thom. 43. Absoluta prima disputationis parte, in qua ostendimus hujus Sacramenti necessitatem in lege gratiæ, illico pulsabat animum considerationem pretendere ad legem naturalem, et scriptam, in quibus abs dubio fuere peccata aliquo modo luenda: quocirca se se offerebat difficultas, fueritne ibi aliqua pro illis medicina? et qualis? Quæcumque enim assignetur debet ea esse pœnitentia, juxta illud: *Si pœnitentiam non egeritis, omnes peribitis.* Semel atque id supponatur, interim insurgit alia interrogatio: Fueritne aliquod verum illius legis Sacramentum pro peccatis actualibus, sicut in omni sententia Theologorum pro originali in lege naturæ assignatur aliquod remedium illius utputa oblatio externa infantis, vel quid hujusmodi, et in lege scripta circumcisio, quæ primo incepit ab Abraham ob id appellato: *Pater circumcisionis.* Alioqui enim illis naturæ statibus Deus de necessariis non profidisset, nec in illa Ecclesia fuisse remedium generale pro adultis. Quod videtur absurdum, et minus consonum divinæ pietati. Hanc profecto difficultatem hujus loci satis propriam libenter arriperemus disceptandam, si non alio loco non minus proprio decisa, et explicata mansisset tract. videlicet de Sacramentis in genere disp. 3, dub. 3, § 2, ubi agentes de Sacramentis veteris

Nec
Pœn
ti
in
nat
e
sen

An
lue
ver
Pœ
ten
Sac
ment

veteris legis, opus fuit ad complementum illius difficultatis, descendere ad Sacramentum Pœnitentiae, et nostram mentem sive ut proprius loquaamur, D. Thomæ sententiam declarare probando ex ipso Angelico Præceptore in utraque illa lege verum Pœnitentiae Sacramentum. Quam sententiam ibi sancitam in hoc tractatu amplectuntur ejus discipuli Nuno art. 7 hujus questionis dub. unico, Joann. a sancto Thoma, Gonet, et fere omnes si bene explicentur. Nec contra eam occurrit aliqua dubitandi ratio, cui diluendæ oporteat operam dare.

Si cui vero scrupulum ingesserit illa propositio Tridentini sess. 14, cap. 1 : *Porro nec ante adventum Christi pœnitentia erat Sacramentum*, intelligenda est, de Sacramento ejusdem rationis cum Sacramento legis gratiæ, in quo est verum judicium, vera accusatio, vera denique absolutio, cum vera clavium potestate, quibus respondet gratia ex opere operato abluens maculam peccatorum. Et hoc pacto nullum fuit verum Sacramentum ante Christi adventum, et institutionem, sed cuncta erant egena, et vacua, ut docet Apostolus. Quare Pœnitentia ut bene observat Nuno in præsenti, si sumatur in tota sua amplitudine significandi, non explicat, vel significat speciem infimam, sed subalternam, sub qua continetur tres species infimæ Pœnitentiae, quæ sunt longe diversæ rationis, nimirum illa, quæ satis imperfecta, et confusa fuit, legis naturalis; et altera magis determinata, sed absolute egena, quæ pertinuit ad legem scriptam; ultima tandem, et omnium absolutissima, ac perfectissima propria legis gratiæ, depositis umbris, et figuris veteris legis, ut eleganter et profunde explicuit Angelicus Doctor in hoc artic. 7 ad 1 et 2, et hanc vel aliam ita perfectam non fuisse ante adventum Christi docuit Concilium. Quem etiam sensum tenent Soto, et aliqui Thomistæ specie tenus nullum aliud Pœnitentiae Sacramentum agnoscentes, quam in lege gratiæ a Christo Domino institutum. Quibus in prædicto sensu nullus Catholiconrum queit refragari.

44. Illis ergo motivis ab illa quæstione supersedentes, quia D. Angelicus in hoc art. expresse affirmat de ratione naturali esse hominem post peccatum pœnitere; aggredimur examinandam in hoc dubio veritatem illius propositionis, quam aliqui vel negant, vel non bene explicant: in sequenti declaraturi, an intra naturæ or-

dinem sint vires ad verum, et absolutum actum contritionis adhuc naturalem eliciendum? Et inde gradum faciemus ad præcipuam difficultatem hujus disputacionis circa institutionem Sacramenti Pœnitentiae in lege gratiæ, in qua Deus suæ liberalitatis dvitias abundantissime, ac superfluerent erogavit. Ne tamen distinctionis defectu tenebras in lucem offundamus, animadvertisendum est rationem naturalem se habere posse duplice, vel secundum sibi propria, et destitutam lumine fidei aut cognitionis supernaturalis: vel ut illa, et ista associata, quo pacto agnoscit suam elevationem ad finem supernaturalem in æternum permansurum, et præmium, ac supplicium repromisa bene, aut male in hac vita degentibus. Qua distinctione supposita sit

§ I.

Vera D. Thomæ sententia proponitur.

45. Dicendum est ex ratione naturali præcise sumpta, haberi dolendum, ac pœnitendum pro peccatis absolute, et absque aliqua determinatione. Si vero sumatur ut fide instructa, directe attingit dolorem naturalem dictando indirecte supernaturalem. Hanc conclusionem quoad utramque sui partem, sustinent communiter D. Thomæ discipuli Soto in 4, dist. 14, quæst. art. 7. Nuno ad prædictum art. dub. unico. Martinus Ledesma in quarti quæst. 26, art. 1. Arauxo in præsenti dub. unico. Prado dub. 10; ex extraneis Vega lib. 13, super Trident. cap. 75. Suarez in comment. ad art. 7, et disp. 1, sect. 2, n. 5,

Sed ante illius probationem est observandum nomine *Pœnitentia* quam præ se fert titulus non intelligi Sacramentum aliquod, cui competit ratio signi adhuc in eo sensu, in quo Sacraenta legis antiquæ illud munus exercere. Hoc enim pacto evidentissimum est non haberi posse ex ipso jure, aut lege naturali, quatenus obligat creaturas ad pœnitentiam; sed relatum iri in Dei voluntatem omnino liberam, et absolutam, qua hominum imbecilitati providit in omni statu de remediis, vel ad tuendam animæ salutem, vel ad eandem, semel, aut sepius amissam, instaurandam. et rursus acquirendam. Quamobrem D. Thomas in 4, dist. 17, quæst. 3, art. 1, quæst. 2, Sacraenta non detulit juri naturæ, sed altiori providentiae, quæ est jus

De jure
naturali
est
Pœnitentia.

D. Thom.
Soto.
Nuno.
Martin.
de Le-
desma.
Arauxo.
Prado.
Vega.
Suarez.

D.Thom.
divinum, a quo immediate habent esse. Nec etiam est sermo de Pœnitentia sub ratione virtutis, sub qua non pertinet ad hanc quæstionem, sed ad sequentem ubi cum D. Thoma de illa disseremus. Procedit ergo sive titulus, sive conclusio illi respondens de actibus humanis, qui alias habent rationem materiæ remotæ in hoc Sacramento, quales sunt dolor, et detestatio, sive procedant a virtute aliqua, quæ vera virtus sit, sive aliunde, a quo præscinditur. Et sensus est de jure naturæ esse, hominem pœnitere male actorum, ac de illis dolere, dolore quidem naturali, sive a sola natura fide non illustrata procedat, sive ab eadem fide instructa ortum ducat; quoniam fides in præsenti supponitur quidem non influens, sed ut manifestans objecta alias occulta, quorum semel habita notitia, non ipsa fides, sed natura ipsa erumpit in detestationem peccatorum modo in conclusione compendiosius exposito.

46. Prima ergo pars assertionis probatur explicando principium D. Thomæ : quia ratio naturalis dictat bonum esse faciendum, et malum esse vitandum, non ob aliud nisi quia bonum (et loquimur de bono honesto morali), est conforme rationi, et malum illi dissonum : ergo sicut ratio naturalis inclinat, ac dirigit ad præsequendum bonum, ita retrahit, et cohibet a perpetrando malo ; ejusdem quippe rationis est accedere ad bonum, ac recedere a malo ipsi opposito. Sed prosecutio boni moralis secum affert illius complacentiam, cum sit ejus naturalis, et elicita inclinatio primaria. Ergo recessus a malo infert naturalem illius displicantiam. Ex displicantia autem, ac dissonantia cum ratione oritur dolor, sub quo nomine comprehenditur pœnitentia. Ergo pœnitentia de male actis est conformis rationi naturali, ab ea que ut a principio oritur : *de jure ergo naturali est* (ut recte D. Thomas docet) *quod aliquis pœnitiat de malis, quæ fecit, quantum ad hoc, quod doleat fecisse, et doloris remedium querat*. Probatur hæc Consequentia ex antecedentibus : nam eo ipso quod peccatum sit malum naturæ rationalis, quam deturbat a rationis statu, et subjicit sensibilibus, nequit non esse recte rationi dissōnum, eique displicere; nam si in morbis naturalibus natura suimet sollicita naturaliter nociva fugit, et semel hausta expellere, ac ejicere contendit; id quidem impensius curabit eademmet natura ratione ducta. Nequit autem eximi,

ut ita dicamus, peccatum aut foras expelli quam illius dolore, displicantia, ac retrac-tatione : est ergo de jure naturali (quod quidem peccato non extinguitur totaliter), quod homo doleat, ac ipsum pœniteat, contra jus naturale deliquesce, vel jus ipsum naturale violasse. Doctrina Ante-
cedentis preterquam quod est per se nota, est etiam D. Thomæ pluribus in locis, et D.Tho compendiis ab ipso traditur supra q. 34, art. 3, ad 1, per hæc verba : *Liberum arbitrium non eodem modo se habet ad bonum, et ad malum : nam ad bonum se habet per se, et naturaliter, ad malum se habet per modum defectus, et præter natu-ram. Sicut autem dicit Philosophus in 2, de Cœlo : posterius est quod est præter naturam eo, quod est secundum naturam, quia id quod est præter naturam, est quædam excisio ab eo quod est secundum naturam*. Unde evenit semper inclinari naturam ad bonum, et resilire a malo, in quod excidit.

47. Confirmatur, et explicatur. Quia Confir-
constat quam plurimos philosophos, sola ratione naturali duci, utpote quos penitus latuere mysteria supernaturalia, com-mendasse displicantiam, ac pœnitentiam peccati : ergo signum manifestum est de jure naturali esse detestationem, et pœnitentiam peccatorum. Consequentia constat, quoniam ibi non urgebat in illis nisi nuda naturalis ratio, nec in alium scopum, quam in præmium naturale eorum collimabant. Antecedens multis eorum tes-timoniis suaderi poterat, quorum aliqua dedimus ad hujus tractatus limina, suf-ficiat nunc eos indicasse : et imprimis Se-neca in tragediis sic inquebat : *Quem pœnitiet peccasse, pene est innocens*. Perian- Perian-
der Corinthus, peccatore monuit : *Cum peccaveris, subeat le pœnitentia*. Aristot vero Aris-
7, Ethicorum cap. 5, non aliud agnovit discrimen inter intemperatum et incontinen-tem, nisi quod ille, quia non pœnitet, incurabilis est, est autem medicabilis iste, quia pœnitens. Inde Ovidius 1, de Ponto Deos placari docuit, cum bene pœnitentes aspiciunt : *Sæpe levant pœnas, ereptaque lumina reddunt, cum bene peccati pœnituisse vident*. Quo argumento aggressus est Cel-sum Origenes lib. 3, contra eundem di-cens : *Non solum contra nos mentitus est Celsus, dicens plane constare ingrata, et consuetudine confirmata vitia, nec casti-gando quidem, et panis coercendo emendari, sed etiam contra serio philosophiaz deditos, nec desperantem recuperare ut rem impossibilem*

impossibilem homini. Sentiebant ergo Philosophi possibile esse homini recuperare virtutem, utrumque non per vires supernaturales, quas penitus ignorabant : ergo media pœnitentia, ac displicentia peccati intra naturæ ordinem contenta : ergo intra rationis rectæ jura continetur, quod hominem pœniteat de culpis contra jus ipsum naturæ commissis.

Quod vero ea pœnitentia non semper sisteret in corde, sed exterius sensibiliter aliquando manifestari deberet, testatur quidem, ipsa naturalis, ac prona naturæ aptitudo ad significandum exterius vel lacrymis, vel aliis signis illud, quod intra conscientie sinus continetur. Quod autem illud non esset a natura ipsa determinatum, sed quandoque his, quandoque aliis mediis, aut sacrificiis uterentur, manifeste colligitur ex diversitate rituum, ac sacrificiorum pro gentium differentiis observata. Nam licet in republicis bene institutis aliqua fuerint sacrificia pro peccatis, ea porro tam diversa fuere, quam genes essent inter se dissitæ, ac discordes; nec hoc adhuc omnibus erat commune, sed plane difforme, ut prolixum foret percurrere, et constat in ipso legislatore divino, qui non eandem pœnitentiæ formam prescripsit

D.Thom. hominibus teste D. Thom. art. 7, ad 2 : *Ea quæ sunt juris naturalis diversimode determinationem accipiunt in veteri, et in nova lege, secundum quod congruit imperfectioni unius, et perfectioni alterius.* Quod argumento est ex ipsa lege naturali non habuisse certam regulam pœnitendi, ut diximus in conclusione, sed determinacionem accepisse ex lege super adjecta ad naturalem, hominibus a natura insitam. Id quod majorem lucem accipiet, si recolantur, quæ loco supra citato de Sacramentis in genere, autoritate, et ratione fulcivimus circa Sacraenta legis naturalis, in quibus nec S. Thomas, nec discipuli, vel alii Theologi paulo majorem invenerunt determinationem, quam quæ cuilibet propriæ rationis ducta a se ipso prescribatur. Ergo si hoc ita fuit, ac fuisse constat in lege naturali circa ipsa Sacraenta, quibus justificabantur; non est alium inibi invenire certiorem pœnitentiæ modum, quam a quolibet sibi praescriptum ex instituto ipsius legis naturalis, non omnes uniformiter, sed quemlibet sub proprio dictamine dirigentis, atque ideo ex jure naturæ habetur determinate pœnitentia, non vero pœnitentiæ modus,

ut statuit D. Thomas in præsenti, et clarius in 4, dist. 17, qu. 3, art. 1, q. 2, ad 2, ubi docet, quod *in lege naturæ sufficiebat interior recognitio peccati apud Deum; sed in lege Moysi oportebat aliquo signo exteriori peccatum protestari.* Non ergo ex ipsa lege naturali habetur determinatus modus exterius pœnitendi. Ad majorem suprapositi fundamenti elucidationem consuluntur quæ scripsimus tract. de Peccatis disp. 2, dub. 2, ubi latius prosecuti sumus contrarietatem naturæ rationalis cum peccato, et plures objectiones diluimus, quas non incongruum erit perlegere, ut hujus principii veritas magis eluceat.

48. Secunda vero pars assertionis probatur. Nam eadem naturalis ratio, quæ ob commensurationem, et alligationem ad bonum naturale, nequit nisi quæ conformia sunt principiis naturalibus dictare, si semel instauratur, et illuminatur de mysteriis supernaturalibus, juxta qualitatem luminis illustrantis, potest se exercere in actus naturales, qui indirecte, et ex consequenti se extendant ad actus supernaturales : ergo ratio naturalis fide illustrata directe attingendo pœnitentiam naturalem, indirecte, et mediate potest dictare supernaturalem. Consequentia constat, et Antecedens probatur, et explicatur simul : quoniam lex naturalis dirigendo, et promovendo al proprium finem simul reprobatur quæ illi fini directe, vel indirecte, mediate, vel immediate adversantur : nam ex ipso quod ratio naturalis dictet pœnitentiam esse agendam ob peccata contra finem naturalem perpetrata, ex consequenti affirmat, supposita per fidem notitia finis supernaturalis, etiam debere agi ex illo motivo sibi per fidem noto ; quippe nulla est ratio asserendi pœnitentiam pro delicto intra ordinem naturæ contra Deum illius finem, quæ non æque militet in offensa, aut culpa contra Deum authorem supernaturalem ; atque ideo illamet ratio, quæ immediate, et directe dictat primum, ex consequenti, et mediate dirigit ad secundum, siquidem contra rationem naturalem est, quod non pœniteat hominem peccati contra Deum sub ea ratione, qua noscitur offensus. Sicut quia ratio naturalis dictat parendum esse cuilibet superiori legitimate præcipienti, eademmet ratione naturali probatur supernaturalia præcepta esse adimplenda, et eorum violatio est contra jus naturale. Similiter quia de jure naturali est Deum esse colendum ; semel

atque fide constiterit Deum esse in Eucharistia, ipsum lumen naturale dictat cultum Deo ibi exhiberi. Cum ergo ratio naturalis dictet poenitentiam esse agendum absolute, et in communi, ut constat ex probationibus pro prima parte assertionis; interveniente fide, qua altior finis detegitur, et recondita mysteria revelantur, eademmet naturalis cognitio se extendet, et porrigit mediate, et ex consequenti ad poenitentiam supernaturalem, cuius omissione est contra jus naturale.

Objec-
tio.

49. Nec refert, si objicias, lumen naturale neutquam sufficere ad attingendum objectum supernaturalis, quippe quod superat vires, et efficaciam totius naturae sive creatae, sive creabilis, ut verior doctrina tenet. Et hac ratione statuimus necessitatem gratiae supernaturalis ad credendum, et assentiendum mysteriis supernaturalibus, et praecpta supernaturalia adimplenda tract. de Gratia disp. 2. Et urgebis. Quia vel ratio naturalis associata fide, ex illius consortio vindicat sibi aliquid supernaturale, quo elevetur; vel non? sed remanet intra vires ipsius legis naturalis, sicut antea erat. Si primum asservatur, destruitur status questionis, quæ solum versatur circa jus naturale nude acceptum, et hoc asseruit D. Thomas dictere poenitentiam, naturalem quidem, et penitus insufficientem ad remissionem peccati. Si propter hoc affirmetur secundum, urget sane replica; quia lumen naturale quantumvis in consortio, et assistentia fidei, non promovet nisi ad dictamen pure naturale, nec redditur per assistentiam fidei potentior, aut efficacior, quam erat sine illa; quodlibet enim fidei consortium est pure extrinsecum; perinde se habens, ac si non esset.

Arauxo
respon-
sio.

50. Nec satisfacies, si cum Arauxo in praesenti dub. unic. respondeas naturam inferiorem ex conjunctione ad superiorem perfici intra proprium ordinem, ut possit aliquid, quod ab illa sejuncta non poterat. Sic imaginativa hominis ex conjunctione ad intellectum potest circa singularia discurrere; cum tamen hunc discursum ex se non habeat, ut constat in Brutis. Unde haud dissimiliter naturalis ratio supernaturali conjuncta, illi re associata distare poterit poenitentiam supernaturalem saltem mediate et indirecte, quatenus deserbit, et requiritur ad conservandum illæsum jus naturale, cui contradicitur violando obligationem supernaturalis praecetti.

Non inquam, satisfit ista responsio. Dirito
Tum quia facile dicitur naturam inferiorem perfici, ac roborari ex commercio, ac conjunctione cum Superiore; sed non eadem facilitate intelligitur, in quo consistat robur illud, ac major perfectio, quam accipi de novo affirmatur. Nam semper instat objectio: vel est aliquid intrinsecum denuo adveniens, vel non? Primum non conceditur; alias non remaneret lumen naturale intra limites naturæ, sed elevaretur saltem quoad modum; quod est destruere quæstionem. Si eligatur esse quid extrinsecum, etiam urget; quia non redditur potentior, aut robustior natura illa assistentia extrinseca, nec ad ejus præsentiam acquirit vires, quibus ante illam non potiretur; si quidem non mutatur in melius, et potentia in melius non immutata remanet æque ac antea impotens. Tum etiam (et est ratio potius urgens in contrarium) nam quod cogitativa hominis, quia radicatur in anima rationali, a principio sue dimanationis ab illa, secum trahit quoddam vigoris participantium, quo se exercere potest in aliquem discursum, quem secundum se, vel prout in bruto elicere non valebat, id quidem verum est, et constat in calore animalis, in quo habet vim producendi sanguinem, et alios humores, quorum nullum idem specie calor ignis producit, aut producere valet in ligno. Ex hoc autem potius sequitur oppositum solutionis: quia jus naturale, seu dictamen rationis nec radicatur in fide, nec aliquid ab ea emendat intrinsecum, quo permanenter, ut ita dicamus, quasi elevetur ad agendum, vel proponendum aliquid, quod antea non sibi erat concessum: nulla ergo ratione asserendum videtur, aliquo modo se porrigure posse ad superiorem poenitentiam, ad quam sine fide erat impotens, atque ideo ratio naturalis non aliam poenitentiam dictat cum fide, quam absque illa, et consequenter fallit secunda assertionis pars.

Vera
respon-
sio.

51. Non, inquam, refert, si ita objiciatur, sed procedit ex non satis penetrata radice nostri fundamenti: quippe quo nihil minus intenditur, quam quod actus pure naturalis possit attingere directe, et primo objectum formaliter supernaturale. Hoc enim non aliud esset, quam asserere eundemmet actum esse, et non esse naturalem, quod est implicitorum. Quocirca loco in objectione citato ex tract. de Grat. universalem doctrinam statuimus ex diametro oppositam huic dicendi modo, juxta quam

quam nec credere, nec sperare, nec Deum diligere ut finem supernaturalem possibile cuiquam est ex viribus pure naturalibus. Cæterum cum hoc cohaeret vires ipsas naturales supposita notitia rerum supernaturalium, vel per fidem, vel per aliud lumen supernaturale habita, amplius ex parte objecti, seu materiæ circa quam se porrigit saltem indirecte, mediate, et quasi virtualliter ad aliquid aliud, ad quod seclusa illa notitia non extenderetur; quin ex vi hujus, actus ille naturalis intrinsece immutetur, aut modificitur aliquo supernaturali, nec extra sphæram naturalem reponatur.

Ad cuius lucem, et clariorem intelligentiam animadvertere oportet (quod supra innuebamus) fidem, seu lumen supernaturale se habere posse dupliciter cum lumine naturali, vel ex parte principii influendo cum ipso lumine naturali, vel ex parte termini, et objecti, detegendo, nimisrum aliqua objecta, vel præcepta lumini naturali incognita, et occulta, ad quæ tanquam ad materiam circa quam ratio naturalis se porrigit mediante materia naturali sibi propria. Si primo modo accipiatur consortium fidei, non imus inficias, quin affirmamus actum procedentem à virtute naturali ut associata fide ut minimum esse quoad modum supernaturalem. Et ratio ipsa convincit: nam implicat causam actu influere in effectum quin effectus explicet, et contineat in se rationem illam, secundum quam causa influit; alioqui enim influeret, et non influeret, daret esse, et non daret esse effectui: sed fides sub prima consideratione se tenet ex parte principii naturalis cum ipso fluens: ergo in actu illis per modum effectus correspondente splendere, et explicari debet, quod est proprium fidei, ut instituentis, atque ideo supernaturalitas saltem quoad modum.

52. Si vero se habeat secundo modo, nihil sane additur ipsi actui naturali, quo supra se, et supra proprias vires elevetur, sed adhuc adæquate sistendo intra ordinem naturalem, queit excitari ad aliquid amplius, quam antea excitaretur. Cujus præter supradicta sunt alia manifesta exempla. Nam seclusa fide, ratio naturalis nihil minus quam de Deo clare inspiciendo, aut de ejus possibilitate cogitaret: illustratione tamen fidei de ejus possibilitate supposita, ipsamet ratio naturalis conjectari posset, et potest rationes probabiles, et congruentias possibilitatis ejusdem; et insuper evidenter ostendere omnia argu-

menta in oppositum nihil concludere, ut ex communi Theologorum doctrina statuimus tract. de Visione Dei disp. 1, dub. 3. Similiter (ut cominus rem attingamus) amor Dei naturalis ante elevationem neque directe, nec indirecte pertingeret ad præcepta supernatura sive positiva, sive negativa, utpote quæ nullatenus essent cognita; supposita tamen e' vatione hominum ad finem supernaturalem, cui ea innotescit, illico amor Dei ut Authoris natura connotat eorum non violationem ut omnino necessariam, magis, vel minus juxta expressiorem, aut minus claram illorum cognitionem; quin in prædicto amore ex vi hujus aliquid supernaturale inveniatur, ut constat ex dictis loco citato de Gratia dub. 4, num. 138.

53. In hunc ergo sensum discurrendo de Pœnitentia dicimus unam, et alteram esse de jure naturæ, et utrumque intra ordinem naturalem contineri; aliter tamen illam, ac istam: nam illa ut in plurimum esset non adeo perfecta, utpote regulata imperfecta cognitione, qua vix cogitaretur de aliquo extrinseco noctumento ex parte Dei; non enim omnes forsan Dei offensam ex peccato pariter nanciserentur; sed ipsis conscientiae stimulis agitati *remedium doloris* quærerent, ut consultissime scripsit D. Thomas nullius alterius damni extrinseci mentionem faciens.

Diximus, *ut in plurimum*, ut non comprehendamus subtiliores, ac peritiiores, quos nec latuit Deum hominum delictis offendit, et illorum pœnitentiis placari, ut constat ex Ovidio, et aliquibus Republicis, quarum legislatores bene instructi, et sacrificia et pœnitentias pro tota republica instituerunt sola rationis naturalis ductu, quibus placaretur Deitas, quam in confuso colebant.

Pœnitentia vero, quæ fidem modo explicato supponeret, licet naturalis, esset firmior, et aptior, utpote procedens a cognitione naturali supponente fidem illuminantem, et docentem Deum offendit determinate a culpis, et pacari pœnitentiis. Et tales fuisse pœnitentiam Ninivitarum sub spe veniæ ex fide conceptæ; hoc docuit D. Thomas, et in eodem sensu asseruit ibi *D. Thom.* aliquid fuisse adjunctum fidei ex prædicatione Jonæ. Porro sicut assensus Philosophi Christiani de existentia Dei ad præsentiam fidei eam affirmantis est firmior, ad hunc sensum quod nullam dubitationem admittit, nec ex parte subjecti, nec ex

parte objecti; ex eo quod fides, quod nec falli potest, idem affirmat, quod lumen naturale ex suis principiis concluderat; quin tamen praedictus assensus intrinsece immutetur, aut ad superiorem ordinem evehatur, licet intellectus firmius illi adhaereat in praedicto sensu: haud dissimiliter poenitentia illa, quae supponeret fidem, extrinsece quidem foveretur ex manifestatione finis supernaturalis, quem indirecte, et mediate attingeret in sensu explicato. In quo etiam admittimus solutionem ex Arauxo inter arguendum datam; si vero majorem aliquam perfectionem, aut modificationem velit, et omnimodam similitudinem inter exemplum imaginativæ hominis intendat; ipsi refragamur, et ob rationem in ejus impugnatione indicatam radicationis in anima, quae neutiquam potest applicari fidei, et lumini naturali, ut ibi recte probatur, quin contra nos retorqueri valeat.

§ II.

Refellitur Cajetani expositio.

Medina
Compl.
tuti.

Cajeta-
nus
deser-
tur.

54. Omissa Medina Complutensi, ut non satis bene sentiente in hac parte in suo illo Codice de Poenitentia cap. 2, sicut nec in aliis concernentibus hoc Sacramentum, ut supra vidimus: ex iis quos consuluimus, unicum dumtaxat offendimus Cajetanum in commentario hujus articuli; cui difficilis, imo falsa visa est doctrina S. Doctoris, si simpliciter, et absolute sumatur, quo pacto, inquit, magnam habent difficultatem, si non sunt falsa verba D. Thomæ. Tum quia si peccatum non fuit scandalum, seu manifestum aliis, nulla appetitatio naturalis ad signa doloris. Tum quia abstrahendo a documentis fidei dolor, seu tristitia de praeterito peccato nullam videtur habere rationem remedii; et propterea superfluum videtur dolere de malis præteritis. Accedit ad hæc, quod difficile est nosse, quid homo infra jus naturale solum stando cognosceret de absolutione peccati per aliud, quam per cessationem a peccando. His convictus ingeniosissimus Commentator propositionem illam D. Thomæ exponit de jure naturali supposita in homine cognitione fidei; ita quod supposita fide, non tamen ex fide, sed ex ipsa ratione naturali proveniat poenitentere, juxta ea quæ supra observavimus. Cui dicendi modo Suarez. suffragari videtur Suarez disp. 1, sect. 2,

n. 4, et 5, quatenus asserit satis incertum esse, an sola ratione naturali possit cognosci peccatum hominis esse injuriam, et offensam Dei.

55. Hæc tamen expositio, Cajetani ve- Solatio.nia, nobis numquam arrisit, sicut nec alii Thomistis, et merito cum videatur directe opposita litteræ. Nam postquam dixerat S. Doctor esse de jure naturali poenitentiam, statim posuit exemplum in Ninivitis, addens: *in quibus tamen aliquid fuit adjunctum fidei ex prædicatione Jonæ.* Si autem prima propositio redderet Cajetani sensum, hoc addere foret superfluum, ut constat; si quidem nullus teneretur de jure naturæ poenitentere, nisi supposita fide, et notitia supernaturali: ergo propositio D. Thomæ non reddit sensum restrictum, a Cajetano intentum, sed omnino absolutum independentem a fide juxta primam partem nostræ conclusionis.

Ad hæc: D. Thomas ob prædicationem Jonæ defert aliquid Ninivitis, quod illis non competit ex ipso jure naturali, ut ostendit illa adversativa, *in quibus tamen, etc.* Ergo sensit alios homines ex ipso jure naturali poenitentere debere, licet illud aliquid fidei Ninivitis concessum non obtinuissent. Patet Consequentia, nam alias nulla esset ratio magis adscribendi fidem, aut aliquid fidei illis præ istis.

Addit secundo, exceptio Ninivitarum, ut illis aliquid fidei tribuatur præ aliis, ortum duxit ex prædicatione Jonæ; sed hæc prædicatio non fuit facta aliis: ergo vel hi in sententia Cajetani non tenerentur ad poenitentiam ex jure naturali post plura scelerata commissa quod est absurdum, vel D. Thomas non fuit locutus de jure naturali ut fidem supponente, sed de illo absolute sumpto, licet fortius obliget supposita fide, quod nemo it inficias.

56. Rejicitur deinde instaurando fundamen- Ulterior
impu-
gnatio
super-
naturalis.mentum primæ partis assertionis. Quoniam independenter a jure divino, stando præcise intra ipsum jus naturale, quodlibet peccatum est contra bonum rationis, et importat deordinationem naturæ rationalis, quatenus deflectit a regula prudentiæ, et convertit ad bonum commutabile, posthabito, et despecto culmine rectitudinis naturalis, secundum quam insitum est homini vivere secundum rectam rationem, imo et Deum super omnia diligere ut principium et finem totius ordinis naturalis (quidquid de potentia diligendi in natura lapsa); ergo cum hæc recta ratio, licet diminuatur, et obscuretur

Au-
August.

obscuretur peccatis, non tamen penitus extinguitur; ex illa incumbet homini recedere a lapsu voluntario, quod absque retractatione prioris fieri non potest: hæc autem retractatio fieri nequit absque alio actu itidem voluntario retrahente a lapsu: ergo nec absque pœnitentia. Patet Consequentia: quia nomine Pœnitentia in præsenti non accipimus, nec accepit D. Thomas, contritionem perfectam supernaturalem, aut quamlibet aliam, quæ cum effectu conducat ad finem supernaturalem; sed displicantiam et detestationem imperfectam, et confusam, intra ordinem naturæ; quamque elicere potest natura intellectualis absque consortio fidei, aut alterius doni supernaturalis. Audiamus simul D. Augustinum lib. de duabus animabus cap. 14, ita asserentem: *Ut inter omnes sanos constat, utile est pœnitere peccati. Quid ergo nunc in hanc rem divinarum scripturarum testimonia, quæ usquequa diffusa sunt, colligam? Vox eliam est ista naturæ. Neminem stultum rei hujus notitia deseruit. Hoc nobis, nisi etiam penitus insitum esset, periremis. Potest aliquis dicere non se peccare, non autem sibi esse, si peccaverit, pœnitendum, nulla barbaries hoc dicere audebit.*

Thom.
intri-
atio.

Confirmatur, et explicatur hoc ipsum ex eodem D. Thoma in 4, distinct. 19, quæst. 3, art. 1, quæstiunc. 2, ubi ait: *Quod Sacra menta sunt quædam fidei protestationes, unde oportet ea fidei esse proportionata; fides autem est supra cognitionem rationis naturalis, unde etiam et Sacra menta sunt supra rationis naturalis dictamina. Et quia jus naturale est, quod non opinio genuit, sed innata quædam vis inseruit, ut Tullius dicit, ideo Sacra menta non sunt de jure naturali, sed de jure divino, quod est supra naturale.* Ergo quando D. Thomas protulit illam propositionem, *de jure naturæ est, quod aliquis pœnitiat*, non comprehendit, sed excludit jus divinum, et consequenter tam Sacra menta, quam fidem, atque ideo independenter ab illis, viget jus naturale pœnitendi.

mon-
fur
etani
niva.

57. Nec motiva recedendi a D. Thoma, quæ opponit Cajetanus, urgent, aut aliquid probant. Non quidem primum: quia licet peccatum non fuisset scandalosum, aut aliis manifestum; non idcirco non fuerat contra rectam rationem. Et ex hac parte esto, non peteret externa signa doloris ad vitandum scandalum; non tamen excludebat, si vellet pœnitens. Si autem non vellet, sufficiebat interior dolor, et displicen-

tia; nam ut inquit D. Thomas ubi nuper, *D. Thom sol. ad 2, in lege naturæ sufficiebat interior recognitio peccati apud Deum.* Et quidem si hoc ita fuit adhuc post fidem, et Sacra menta illius legis, quanto melius independenter ab illa, ut loquimur agendo de jure naturali secundum se minime cum fide connexo. Non est solidius secundum: quia licet nullum sit remedium efficax peccati intra ordinem naturæ; intra ordinem tamen naturæ est vis insita conandi ad illius expulsionem, et quantum est ex parte effectus voluntas illud non commisisset: hoc enim est conforme rectæ rationi. Quocirca plures Gentilium lumine fidei substituti solo rationis naturalis ductu offerebant libamina, et sacrificia, ut Deos sibi propios, benevolos, et placatos redderent ut scribit Plato lib. 10, de legibus, et vidimus supra.

Et hinc ruit tertium, quia licet nihil attingerent de veritate absolutionis; in illorum tamen animis erat quasi insitum, apud sapientiores præcipue Deos misereri, et remissionem largiri. Hinc Tullium de Tullius. Dei providentia non bene meritum ita redarguebat Lactantius lib. 6 Institut. Lactant. cap. 24: *Nam si liberos nostros, cum delicitorum suorum cernimus pœnitere, correctos esse arbitramur, et abdicatos, abjectosque rursus tamen sustentamus, suscipimus, fovemus, complectimur, cur desperemus clementiam Dei Patris pœnitendo posse placari?* Si autem hoc non esset maxime consonum juri naturali, et ex ejus visceribus ortum: nullum contra ethnicum licet doctissimum esset hoc argumentum. Signum ergo est (quidquid sit de rudibus, et stolidis, quos non adducimus in Consequentiam, ut innuebamus supra) apud plerosque intra jus naturale contentos absque ulla fidei notitia, ita viguisse rationis lumen, ut vel ipso solo agnoscisse jus pœnitendi, eoque expleto Deum pacatum ac sibi benevolum reddi. Quod sufficit ad veritatem propositionis D. Thomæ absolute, et absque ulla restrictione.

58. Hinc etiam colligitur quam veritatem contineat illa propositio: *Satis incertum est, an et sola ratione naturali possit cognosci peccatum hominis esse injuriam, et offendam Dei, ut obtendebat Suarez Cajetano assentiens.* Nam ut constat ex doctrina ejusdem Suarez disp. 3 de Pœnit. sect. 7, nec non lib. 7, de Gratia cap. 22, an. 8, absque ulla gratiæ et fidei cognitione potest cognosci solo lumine naturæ, et existentia Dei, et ejus providentia circa

Suarez
proposi-
tio.

humanas operationes. Ex quo (inquit loco citato de Poenit.) facile colligitur Deum offendit hominum peccatis, vel quia ejus præceptum, et obedientia contemnitur; vel quia in ratione finis ultimi aliquid ei præfertur. Et hac cognitione supposita naturaliter displicet homini ex hoc motivo peccatum, si quidem illa ratio mali, qua pungitur homo, et semper includitur in desertione boni secundum rationem, est propter se detestabilis; quidquid sit de injuria formalis extrinseca moraliter Deum afficiens, quam etiam plures Catholici Theologi sapientissimi vel non recognoscunt, vel non satis expedient, ut ipsa experientia testatur. Atque ideo naturale erit homini remedium doloris querere, ut inquietabat D. Thomas, et ab illo se excutere, quod vere est de jure naturali poenitentia in-dependenter a fide præsupposita. Unde vel sui immemor, vel inconsequens processit Suarez incertitudinem collocans in eo quod alibi ut certum affirmat, nisi velis doctrinam se ipso tract. de Gratia, et disp. 3, de Poenit. tenuisse ut certum, quod disp. 1, non ita certum apparebat.

Et quidquid sit de hoc, nec ipse, nec Cajetanus rationabiliter queunt inficiari, quod apud *Aethnitos*, quibus nullum fidei lumen affulxit, legitur de hostiis, ac sacrificiis pro Deo placando institutis, ut constat ex verbis supra relatis, et ex aliis historiis fide dignis. Quod sane argumento est apud plerosque intra ipsum lumen naturale invaluisse aliqualiter hominum culpis Deum offendit, et sacrificiis, ac poenitentiis benevolum reddi; et consequenter in-dependenter a fide ex vi ipsius naturalis luminis oriri onus poenitendi, præscindendo a modo, et determinatione poenitentiae: in quo fuit major aut minor expressio, ut obiter explicuit S. Doctor in eadem solutione ad primum.

Explica-
tur
F. Thom.
Suarez. 59. Porro dum in ea solutione docuit S. Doctor ex ipso jure naturæ non fuisse determinatum modum poenitendi, sermonem habuit de poenitentia exteriori, ut bene observavit Suarez in comment. num. 6; addit vero ad quam præscribendam determinate quoad omnes accessit lex divina, qua cuncti teneruntur, si vellent a peccatis liberari. Quocirca adhuc in ipsa lege naturali fuerunt aliqua sacramenta, et inter illa Poenitentia, ut constat ex dictis initio hujus dubii, eo quod prædicta lex semper supposuit elevationem ad finem supernaturalem, et consequenter fidem, et

præcepta supernaturalia, ex quorum adimptione illis obveniret vera salus. Unde quod hactenus dictum est de jure naturali, debet intelligi de illo, ut a fide præscindenti, quo pacto intellecta propositio D. Thomæ legitimate infert, quæ ibi docet S. Doctor, ut constat ex sequenti discurso. Nam quæ sunt de jure naturali secundum se determinationem accipiunt ex institutione divina: sed de jure naturali secundum se est, quod fiat aliqua poenitentia pro peccatis: ergo hoc quod est poenitentia pro peccatis determinationem accepit ex institutione divina. Qui discursus est clarissimus, et non posset æque bene disponi juxta expositionem Cajetani supponentis ex parte præmissarum ipsam Dei determinationem, quam S. Doctor intendebat probare. Ex illo autem ut a nobis confecto legitimate subsumitur: sed homo seu natura humana fuit sub triplici lege, naturali, scripta, et gratiæ: ergo sub qualibet earum accepit determinationem poenitendi, aliam in lege naturali, aliam in lege scripta, et omnium ultimam, et perfectissimam in lege gratiæ, ut explicat S. Doctor. Unde etiam liquet Ethnica illa sacrificiorum, quia non determinatione divina, sed vel cuiusque propria, vel saltem legislatorum pure humanorum præscribantur, futilia, et prorsus inania fuisse ad nanciscendam reconciliationem intentam. Unde nullatenus veræ poenitentiae nomen sibi adscivere, quin imo inter vanas, et superstitiones computari debent, utpote quæ innumeris scatabat erroribus adhuc intra ipsam legem naturalem. Deserviunt vero quam plurimum ad manifestandam vim insitam naturæ poenitendi post peccatum, quod est scopus hujus dubii. Ad ejus vero majorem elucidationem sequens dubium subserviet, in quo naturæ vires fide illius illustratae consideramus.

DUBIUM III.

An intra naturæ ordinem sint vires ad actus attritionis, vel contritionis elicendos absque recursu ad gratiam supernaturalem, solo fidei lumine praेunte?

60. Semel ostento de jure naturæ esse aliquod genus poenitentiae, videtur rationi consonum examinare ejus vires in ordine ad præcipuos, et magis notos poenitentiae actus, uti sunt attritio, et contritio; qui quidem proximius ad poenitentiam pertinent,

Firma
tur
discur
sus
D.Thom

Quæ
suppor
natur

nent, quidquid sit de eorum differentiis essentialibus, quas non est præsentis instituti exponere; sed pertinet ad quæstionem sequentem, in qua agendum est cum D. Thoma de Poenitentia virtute. Porro in quolibet eorum actuum debet importari propositum absolutum, et efficax non peccandi de cætero; ac proinde excluditur a præsenti consideratione actus inefficax, et quasi conditionatus, qui potius velleitas, quam vera volitio appellari debet.

In quo vero consistat aliquem actum esse efficacem, et ita absolutum, præterquam quod ex se liquet, satis, superque declaravimus tract. de Gratia disp. 2, dub. 3, § 1 et 7, quo eat lector, ne hic, ibi dicta refricando immoremur. Sed quia in tota illa disputatione non semel distinximus potentiam antecedentem, et consequentem, et illarum cuilibet proprium objectum, et terminum activitatis designavimus, juxta varios status naturæ humanæ in ordine ad bene operandum, diligendum Deum, et præcepta naturalia observandum, quod ibi fuit omnino necessarium cum ob majorem conciliandam claritatem, tum ad difficultates quæ plures erant, seorsim evincendas, et explanandas. Quia, inquam, omnia illa nisi singillatim, et sub prædictis distinctionibus discuterentur; recte expediti non poterant; monuisse voluimus lectorem, in præsenti non ita disputationem institui; sed illis suppositis, et præscindendo ab statibus, et ipsos status comitantibus, absolutius procedimus assumendo tituli terminos ut ipsi sonant, et est inquirere: Utrum in natura lapsa, possit absolute, et simpliciter homo ex viribus naturalibus, non concurrentibus auxiliis gratiæ, elicere contritionem pure naturalem efficacem absolute, vel saltem attritionem?

<sup>quo
glæs-
tio.</sup> Et non procevit quæstio de actu contritionis, qui sibi annexam infallibiliter habeat justificationem: in hoc quippe sensu nullus catholicorum est, qui non doceat necessariam esse contritionem supernaturalem, et quidem merito, nam oppositum est plane hæreticum, et Pelagianum. Procedit ergo difficultas de ipsa contritione quoad substantiam; quidquid sit de conducentia ad salutem, quam Pelagiani pro aris, et focus, ut inquiunt, pugnabant, et Catholici magnopere exhortebant, et usque ad interitum persecuti sunt, ut constat ex dictis loco supra citato, ubi necessitatem gratiæ ad opera salutaria contra Pelagium, et Semipelagianos ma-

nifeste probavimus, et nullam esse legem conferendi auxilium supernaturale facienti, quod est in se, ex viribus naturæ, statuimus. Quam controversiam Ludovicus Molina in sua celebri concordia disp. 14, proponit sub his terminis: *Utrum liberum arbitrium cum solo concursu generali, attritionem, et contritionem, quoad solam actus substantiam, elicere valeat?* Et hunc etiam sensum retinemus, præscindendo a prædictis distinctionibus.

61. In hac ergo difficultate, quæ gravissima est, non abs re erit ipsum audire membro 1, ubi ita scripsit. *Negari non potest complurium esse scholasticorum sententiam, liberum nostrum arbitrium cum solo concursu generali Dei elicere posse non solum actum attritionis naturalem; id est dolorem de peccatis ex Dei timore cum proposito amplius non peccandi lethaliter; sed etiam actum contritionis naturalem, qui idem propositum non peccandi amplius lethaliter includat.* Et est sermo de homine existenti in peccato morali: De quo membro 4, subdit: *Ex dictis membro præcedenti facile intelligetur contritionem non solum mere naturalem, et quoad solam actus substantiam, sed etiam supernaturalem, quæ ad justificationem sine Sacramento requiritur, nec includere nec exigere dilectionem Dei super omnia efficacem, sed satis ad eam esse absolutam dilectionem Dei super omnia.* Et rursus in eodem membro § His ita constitutis: asserit sequentem propositionem: *Qui fidei lumine fuerit illustratus, cum solo concursu Dei generali elicere quoad solam actus substantiam potest propositum de quo disputamus.* Et immediate potest hæc verba: *Quoniam propositum ejusmodi est extra totam latitudinem gratiæ, nihil proinde conducens ad finem supernaturalem, estque unius actus in se mere naturalis, propriusque libero arbitrio.* Similia repetit, et inculcat, in tota illa disputatione, quasi ex communi Scholasticorum sententia. Eamque ita urget, explicat, ac expendit, ut aliquibus occasionem dederit illam ipsi veluti propriam adscribendi.

At vero disp. 19, membro 6, oppositam et negantem sententiam referens, inquit: *Licet ex hactenus dictis constet, posteriorem sententiam (videlicet affirmativam), non carere sua probabilitate tum ob Patrum autoritatem, quos eam affirmare retulimus, et Scholasticos, qui eam sequuntur: tum etiam propter rationes, quibus eam confirmavimus: Quia tamen prior variis in ipso* <sup>pro
opposita
senten-
tia
hæc
verba
sonare
videntur.</sup> *provinciis*

Ludo-
vicius
Molina.

Verba
formalia
Molinae.

Pro
opposita
senten-
tia
hæc
verba
sonare
videntur.

communis censetur in scholis, minusque tumultu propter antiquos Patres, et Concilia reputatur asserere, in arbitrio spectato in statu naturæ lapsæ esse vires sine speciali auxilio Dei, vel ad quamcumque mediocriter difficultem, vehementioremve tentationem in unico temporis momento superandam, vel ad eliciendum quemcumque difficultorem actum naturalem, moraliter bonum; eaque de causa, neque contritionem, neque attritionem, quoad solum actus substantiam posse elicere sine speciali auxilio Dei, propter difficultatem, quæ in solo proposito amplius non peccandi lethaliter, cernitur, debilitatemque magnam, quæ in arbitrio nostro post peccatum primorum parentum mansit. Hanc inquam, cum retulisset sententiam, subjunxit: Ego interim dum posterior, vel ab Ecclesia non definitur, vel in scholis frequenter non sit, ab illa priori discedendum non censeo. Quibus propriam mentem videtur declarasse, et quæ disp. 14, expenderat, et affirmaverat, qualiter intelligenda essent, exposuisse. Quare (subdit) quæ tam hic, quam 14 disputatione in favorem posterioris (videlicet affirmativæ), dicta sunt, ita accipiantur, ut proposita polius, quam asserta a nobis sint. Illa namque eo animo in medium protulimus, ut intelligatur, quanta eis opinionibus insit probabilitas. Neque enim silere debuimus, quæ nobis de novo eadere occurrabant, si forte temporis decursu ab illis probarentur.

62. Qui ista legerit, existimabit forsitan fuisse de ejus mente liberum arbitrium cum solo concursu Dei generali posse elicere actum contritionis, aut etiam attritionis quoad substantiam, sed necessariam duxisse gratiam supernaturem ad eorum actuum substantiam, subindeque non bene pro contraria sententia a pluribus referri; siquidem quæ disp. 14, adduxerat, firmaverat, ac expenderat, non tam a se diffinita, quam proposita, si forte temporis decursu ab aliis probarentur, dicta fuisse testatur. Sistere tamen oportet, et ipsum iterum audire in eadem concordia impressionis Antuerpiensis sub anno 1595, disp. 19, membro 6, § *Forte* (desiderato in impressione Olissiponensi

Quæ sit ejus sententia hæc verba demonstrant.
sub anno 1588) ubi ita loquitur: *Forte mirabitur prudens lector, ut et multi, lecta hujus prima nostri operis editione, datisque ad nos litteris, mirati sunt, quid causæ fuerit, quod cum tam hæc, quam 14 disputatione adeo firmis rationibus communes gravissimorum Doctorum sententias, in quas utrobi-*

que non obscure propendimus (hæ sunt, quod liberum arbitrium solo concursu generali potest efficere contritionis substantiam, seu entitatem, et quod eodem concursu valet quamlibet gravem temptationem superare) corroboraverimus, contrariasque aliorum rationes, tam perspicue dissolverimus, everterimusque membro hoc ultimo, ultramque quæstionem præter nostrum morem isto definierimus modo, serio quidem excogitatis, atque adhibitis solutionibus rationibus nostris; sed ut quæ aliorum, sic nostrum numquam explere potuere intellectum. Id sane ad quorundam animos sedandos, pacemque, quoad fieri posset, servandam, factum a nobis fuit. Novit enim Dominus pro illorum temporum ratione, aliud nec mihi, nec ipsis obsequio expediens tunc fuisse; cum tamen facile, qui his lectis, quæ in utramque partem nobis occurabant, judex esse poterat, quid in se esset verum, quodque ea de re esset nostrum judicium. Ubi a qua sit sententia manifestissime docet, et affirmativæ adhaerens, quam dixerat censeri minus tutam, negativæ contrarias rationes, tam perspicue dissolvisse, et eversisse arbitratur, ut solutiones serio excogitatae, et adhibite suis rationibus pro sententia affirmante, nec aliorum, nec suum explere potuere intellectum. Unde quod affirmaverat a se dicta disp. 19, non tam asserta, quam proposita, si forte aliis probarentur, intelligenda esse, non tam ex sententia, quam ad sedandos quorundam animos, et pacem quoad fieri posse servandam, dicta fuisse censenda sunt, et consequenter ultra omne dubium judicare poterit lector quodnam ea de re illius fuerit judicium, nimirum posse liberum arbitrium solo concursu Dei generali elicere actus contritionis, et attritionis quoad substantiam, seu entitatem.

Quæ ideo ad litteram transcripsimus, et in ipso disputationis vestibulo, ut fundamentum jaceremus, nec circa ejus mentem aliquis sub bilance teneretur; et liquidum fieret (quæ ipsi fuit ratio præter suum morem propriam sententiam, non ita palam, edocendi, sed sub specie, si forte decursu tempotis ab aliis probaretur,) nihil obstitisse, quominus ut Author, et praecipuus illius sententiæ, sive vera, sive falsa ea sit, patronus habeatur, et allegetur. Quod quidem aut facile suaderetur, si illius verba simul in unum collecta, fideliter non referrentur unico obtutu conspicienda.

§ I.

*Vera et catholica sententia eligitur,
et probatur.*

63. Dicendum est in homine lapso non esse vires proximas, et expeditas ad actum contritionis, quoad substantiam eliciendum, nec etiam ad attritionem absolutam, et efficacem. In hujus assertionis patrocinium superfluum est advocare testes, post additum Molinam de illa testimonium perhibentem, quod in variis Provinciis censetur communis in scholis, et minus tuum ejus oppositum, quo circa ab eis singillatim referendis abstinemus.

Ut autem et sensus conclusionis, et ejus fundamenta sive ab autoritate, sive a ratione petita melius percipientur, ob oculos habenda est illius propositio capitalis supra relata, contra quam directe procedimus : *Qui fidei lumine fuerit illustratus, cum solo concursu generali Dei, elicere quoad solam actus substantiam potest propositum de quo disputamus.* Cujus contradictorium affirmat conclusio, et probatur primo subsequenti forma. Nam si homo lapsus, et in peccato existens elicere posset actum contritionis quoad substantiam cum solo concursu generali, et propriis viribus naturalibus; talis conversio non specialiter tribueretur Deo, nec esset ejus donum, aut ex speciali auxilio. Consequens est falsum utpote contra sacram Scripturam, Concilia, et SS. PP. Ergo homo lapsus, et in peccato existens, quantumvis supponatur lumine fidei instructus, nequit elicere contritionem, seu conversionem solo concursu generali, et viribus propriis adhuc quoad substantiam. Major est clara, et expresse intenta a Molina, ut ex ipso retulimus supra, est enim actus pure naturalis proprius liberi arbitrii, et extra totam latitudinem ordinis gratiae. Minor vero probatur primo ex illo Scripturae. Hier. 31 : *Converte me Domine, et convertar, quia tu Dominus Deus meus, postquam enim convertisti me, egi paenitentiam, et postquam ostendisti mihi percussi femur meum.* Ex quo testimonio Glossa deducit ipsum quam agimus paenitentiam solius Dei impleri auxilio. Et Concilium Tridentinum inde necessitatem gratiae excitantis intulit. Si autem liberum arbitrium ex propriis viribus efficaciter contereretur, jam esset conversus, antequam converteretur a Deo, et consequenter non bene postularet : Con-

verte me Domine, et convertar; sed potius vice versa : nec melius assereret egisse paenitentiam, postquam a Deo conversus fuisset, quin imo prius egisset paenitentiam, quam esset a Deo conversus : nec inde sive Concilium sive Glossa, vel alius recte posset colligere necessitatem auxilii supernaturalis, aut alterius gratiae excitantis, aut supernaturaliter operantis; cum sola fidei illustratione ex viribus naturae jam homo esset contritus, et efficaciter conversus in Deum.

64. Secundo probatur falsitas illius Majoris ex illo Psal. 84 : *Converte nos Deus salutaris noster, et averte iram tuam a nobis.* Thren. 5 : *Converte nos Domine, et convertemur.* Proverb. 8 : *Præparatur voluntas a Domino.* Ezech. 3 : *Ego dabo vobis cor novum, et auferam cor lapideum.* Joan. 6 : *Nemo potest venire ad me, nisi pater, qui misit me traxerit eum, ejusdem.* Joan. 16 : *Sine me nihil potestis facere.* In quibus omnibus, et aliis innumeris passim obviis in sacra Scriptura manifestissimum est esse sermonem de auxilio, et dono Dei speciabilibus, et supra ordinem naturae evectis. Si autem supponeretur in homine lapso vera contritio quoad substantiam, et efficax conversio ad Deum viribus elicita naturae; absolute, et simpliciter essent falsae; siquidem antecedenter esset homo ad Deum conversus, et ejus voluntas non præparatur a Domino, sed seipsam ex seipsa ipsam præparasset, et antequam traheretur a Patre, ipsa propriis gressibus venisset ad Deum, cuius proinde non esset vias hominis dirigere, contra illud Psal. 36 : *A Domino gressus hominis dirigitur, et Hierem.* : *Seio Domine, quia non est in homine via ejus, nec viri est, ut ambulet, et dirigat gressus.*

65. Probatur tertio Majorem illam esse falsam ex Concilio Arauxicano 2, can. 19, ubi ita docet : *Natura humana eliamsi in illa integritate, in qua est condita, permaneret, nullo modo seipsam, creatore suo non adjuvante, servaret. Unde cum sine gratia Dei salutem non possit custodire, quam accepit, quomodo sine Dei gratia poterit reparare quod perdidit?* Idem docent Synodus Milevitana can. 4, et Tridentina, can. 3, sess. 6, cap. 4, definiens : *Si quis dixerit sine præveniente Spiritu sancti gratia, alique adjutorio hominem credere, sperare, diligere, aut paenitere posse, sicut oportet, ut ei justificationis gratia conferatur : anathema sit.* Sed homo fidei instructus eliciens pro-

Secunda
probatio.
Thren. 5.
Pro-
verb. 8.
Ezech. 3.
Joan. 6.
et 16.

Tertia
probatio.
Concil.
Araux.

Synod.
Milevit.
Trident.

Thi-
moth. 2. priis viribus actum contritionis, propriis viribus posset reparare quod perdidit, quandoquidem ex seipso absque auxilio speciali Dei se converteret in ipsum Deum ut ultimum finem, a quo aversus fuerat, et vere pœniteret intra ordinem naturalem, pœnitentia non qualicumque, sed absolute, et efficaci, contra præfatas determinationes Conciliorum, imo et contra Apost. 2 Timoth. 2 : *Nequando Deus dei illis pœnitentiam ad cognoscendam veritatem, et resipiscant a Diaboli laqueis, a quo captivi tenentur ad ipsius voluntatem.* Ergo neutiquam asserendum est, quin contradicatur, et Scripturæ, et Conciliis, posse hominem lapsum elicere contritionem dictam, ex viribus propriis.

Ex PP. Quod attinet ad Patres, inter plurimos qui possent adduci, sufficiat unus pro mille August. Augustinus manifeste convincens falsitatis Majorem illam, in cuius expugnatione persistimus; nam lib. 2 de peccatorum merit. et remiss. cap. 18, dicens : *Quod a Deo nos avertimus, nostrum est, et hæc est voluntas mala; quod vero ad Deum nos convertimus, nisi ipso excitante, et adjuvante non possumus, et hæc est voluntas bona.* Non est autem major conversio ad Deum, quam quæ inducitur per contritionem efficacem, et amorem Dei super omnia absolutum. Ergo cum hoc juxta D. Augustinum fieri non valeat absque Deo excitante et adjuvante per suam gratiam; plane conficitur esse falsum contritionem, et amorem Dei liberis arbitrii viribus gratia destitutis, et solo concursu generali ab homini peccatore elici posse. Contradictorie enim opponitur propositio D. Augustini, propositionis Molinæ, ut eas conferenti erit perspicuum : nam juxta illius Authoris doctrinam : *Mala voluntas cum solo concursu generali absque ulteriori gratia se potest convertire ad Deum amore absoluto, et efficaci contritione :* at vero juxta D. Augustinum : *Mala voluntas cum solo concursu generali absque ulteriori gratia excitante, et adjuvante, non potest converti ad Deum amore absoluto, et contritione efficaci.* Dum enim S. Doctor negat conversionem malæ voluntatis in bonam absque recursu ad gratiam, profecto excludit quilibet conversionem absolutam, et efficacem, quæ non proveniat a gratia; alioquin tam nostrum esset converti absolute, et efficaciter ad Deum, quam esset nostrum ab illo recedere; siquidem neutrum fieri potest absque concursu generali.

Harum probationum vim elidere facilime sibi videtur Molina, sequenti propositione sibi perspicua, quoniam propositum ejusmodi est extra totam latitudinem ordinis gratiæ, nihil proinde conducens ad finem supernaturalem, estque unicus actus, in se mere naturalis propriusque libero arbitrio. Quare arbitratur in præfatis testimoniis fieri sermonem de pœnitentia supernaturali, et conversione hujus ordinis, quæ conducant ad finem supernaturalem; et has nemo nisi Pelagius, aut Pelagianus, dicet posse elici absque gratia excitante, et adjuvante. Quocirca Concilia, maxime Tridentinum, non negarunt, quin supposuisse videntur, hominem actu absoluto, et firmo proposito diligere, sperare, ac pœnitere posse; sed addiderunt, *ut oportet* ad obtainendam salutem, quasi agnoscendo posse quidem liberum arbitrium: sed quia non, *ut oportet ad salutem*, idcirco indiget gratia præveniente, et adjuvante. Hæc in summa est tota illius doctrina. juxta quam distinguendo ordinem naturalem a supernaturali, facile conciliat amorem absolutum, et contritionem cum firmo proposito, et spe veniæ intra ordinem naturæ; quin excludat gratiam ad conversionem supernaturalem unice necessariam, ideoque, ex Scriptura, Conciliis, et Patribus hoc secundum affirmantibus, et primum non renuentibus, imo supponentibus, nihil efficaciter contra ipsius doctrinam, colligitur, verae et catholicae doctrinæ adversum, sed omnia consonant, et recte coherent.

66. Hac tamen doctrina specie tenus, non autem in veritate occurritur præmissis testimoniis; et magis illuditur, quam elidatur eorum efficacia, quæ facile potest instaurari. Siquidem in illis, vel in pluribus illorum diserte affirmatur nullam esse pœnitentiam, nullam itidem conversionem, quæ non sit a Deo excitante, præparante, dirigente, et adjuvante: ergo vel nulla est vera, et substantialis contritio absque gratia, quod intenditur: vel si est aliqua, jam absque Deo vocante, et excitante liberum arbitrium absque ullo speciali adjutorio intra ordinem naturæ potest facere vias suas, dirigere gressus suos, se ad Deum convertere: atque ideo falsum esset absolute, et simpliciter, quod affirmant Sacra Scripturæ testimonia, Concilia, et Patres. Nec consequenter ex illis recte probaretur necessitas gratiæ supernaturalis: quod est falsum, et derisorium SS. Patrum.

Mo
ve.Non
satis
cii.Absurd
tas
evasio
nis.

**Au-
ist.** Id sane consequi videtur clarum. Nam cuncta, quæ in præfatis testimoniiis continentur, et quæ ad supernaturalem ordinem pertinere, nec audet, nec potest ille Author ut vere catholicus inficiari; docet ipse reperiri posse in ordine naturali, ut est manifestum; siquidem reperitur conversio efficax, amor absolutus Dei super omnia, propositum iterum numquam peccandi, spes veniae cum vera contritione in ordine ad finem naturalem, et intra ipsum ordinem naturæ, in quo peccatur. Qua ergo gratia intra ordinem naturæ indigebit? certe nulla, et consequenter Ethnicus, quem penitus lateret (et latet plurimos) finis supernaturalis, non consulendus es-
set, nisi ut contritionem naturalem sibi naturaliter possibilem haberet, ut repararet naturaliter sua conversione, quod mala voluntate perdiderat. Unde male docuisset Concilium Arauxicanum ubi supra, quod sine gratia Dei non potest homo reparare, quod perdidit. Non enim perdidit sola supernaturalia, sed etiam aliquid naturalium, præcipue subordinationem ad finem naturalem, qui est Deus. Quare consultius D. Augustinus lib. 5 contra Julianum cap. 3, sic invehitur: *Quam tumlibet enim præbeat patientiam nisi ipse dederit, quis agit paenitentiam?* An oblitus es, quod idem ipse Doctor ait: *Ne forte det illis Deus paenitentiam, ad cognoscendum veritatem, et resipiscant a diaboli laqueis.* Unde idemmet August. epist. 106, agens contra inimicos gratiæ docentes, quod paenitentibus non datur venia secundum gratiam, et misericordiam Dei, sed secundum meritum et laborem eorum, qui per paenitentiam dignifuerint misericordia, sic eos urget; fateantur secundum gratiam, et misericordiam Dei veniam paenitentibus dari non secundum merita eorum; quandoquidem ipsam paenitentiam donum Dei dixit Apostolus, ubi ait de quibusdam, ne forte det illis Deus paenitentiam. Non est autem melior poenitentia, quam contritio in eo ordine, in quo fuerit: nulla ergo est contritio quæ non sit donum Dei, vel oriatur ex dono ipsius Dei.

**Au-
ist.** 67. Confirmatur, et explicatur hoc ipsum alio celebri testimonio D. Augustini lib. de Gratia Christi, cap. 45 dicentis: *Ipsam denique paenitentiam, quam proculdubio voluntas agit, Domini misericordia, et adjutorio fieri, ut agatur, in decimo ejusdem operis dicit Ambrosius ita loquens: Bonæ lacrymæ, quæ culpam lavant. Denique quos Jesus respicit, plorant delictum, Negavit*

Con-
firm. primo Petrus, et non flevit, quia non respxerat Dominus. Negavit secundo, et non flevit, quia adhuc non respxerat Dominus. Negavit, et tertio, respexit Jesus, et amarissime flevit. Ergo ex mente utriusque S. Doctoris, ad eam paenitentiam, quam proculdubio agit voluntas, qualis est vera contritio quoad substantiam, requiritur et misericordia, et adjutorium Dei; et consequenter ex illorum mente nulla potest esse contritio quoad substantiam, quæ non sit donum Dei, et ex ejus gratuito non procedat auxilio. Sane nec D. Petro deerat fides, nec notitia mysteriorum supernaturalium, nec insuper destitutus fuerat viribus in libero arbitrio, quas in aliis peccatoribus est reperiens, et cuiilibet inesse affirmat Molina: si ergo flere poterat ex nudo libero arbitrio, sola illustratione fidei absque ulteriori auxilio, inepte recursum habuere Ambrosius et Augustinus, ad respectum Jesu in illum.

Rursus urgetur, et explicatur ex eodem met Augustino: nam ut homo lapsus vere doleat de peccato, requiritur, quod Dominus latenter agat misericorditer in anima, nec sufficit extrinseca assistentia, aut notitia intrinseca assistentiæ extrinsecæ: sed Deus in vi concursus generalis non agit misericorditer intus in anima: ergo ut homo eliciat veram contritionem quoad entitatem, et substantiam, non sufficit concursus generalis Dei. Probatur Major, et explicatur illis Augustini verbis statim ibi subiunctis: *Legant isti Evangelium, et videant Dominum Iesum tunc intus fuisse, cum a Sacerdotum principibus audiretur, Apostolum vero Petrum foris, et deorsum in atrio cum servis ad focum, nunc sedentem, nunc stantem, sicut veracissima, et concordissima Evangelistarum narratione monstratur.* Unde non potest dici, quod corporalibus oculis eum Dominus visibiliter admonendo respxerit. Et ideo quod ibi scriptum est, respxit eum Dominus, intus actum est, in mente actum est, in voluntate actum est. Misericordia Domini latenter subvenit, cor tetigit, memoriam revocavit, interiori gratia sua visitavit Petrum, interioris hominis usque ad exteriores lacrymas movit, et perduxit affectum. Ubi clarissime S. Doctor ultra illustrationem mentis, et memoriae revocationem in ipso voluntatis affectu, et libertatis arbitrio, agnovit Dei adjutorium latenter intus ad dolorem perducens, quasi non aliter fieri posset conversio, ut re vera esse non potest.

Con-
firm. 2.
August.

Ultimo
diruitur.

68. Tandem refellitur ex eodem S. Doctore contra Pelagium lib. 1, cap. 19, ubi eleganti metaphora explicat quid possit homo sanus per gratiam, vel mortuus per culpam his verbis : *Unde si duæ arbores, bona et mala duo sunt homines, bonus et malus; quid est bonus homo, nisi voluntatis bona, hæc est arbor radicis bona? Et quid est homo malus, nisi voluntatis malus?* *Fructus autem harum radicum atque arborum facta sunt, dicta sunt, cogitata sunt: quæ bona de bona voluntate procedunt, et mala de mala.* Facit autem homo arborem bonam, quando Dei accipit gratiam : non enim ex malo se bonum per se ipsum facil, sed ex illo, et per illum, et in illo, qui semper est bonus, nec tantum ut arbor sit bona, sed etiam ut faciat fructus bonos eadem gratia necessarium est, ut adjuvetur, sine qua boni aliquid facere non potest. Ergo cum actus dilectionis, et contritionis sint actus perfectissimi, et hominem bonum constituant ea bonitate, qua major non detur intra ordinem naturæ: eos nequit facere homo ex libero solo arbitrio, nisi fulciantur, et adjuvetur a gratia; alioqui enim ex malo seipsum per seipsum bonum faceret, contra expressam doctrinam S. Augustini.

Enerva-
tur
distinc-
tio.

69. Sed age, et illam distinctionem, quam etiam eversimus tract. de Gratia disp. 3, ubi plura hic concernentia reperies, admittamus. Ponamus ergo cum ipsomet Authore illa duo et quod detur contritio quoad substantiam pure naturalis, et quod prout naturalis non conductit ad salutem, sed remanet extra totam latitudinem ordinis gratiæ, ut ille loquitur. Hac autem suppositione facta, statim sequitur, et quidem ni fallimur, necessario ad obtinendam salutem duo in eadem contritione invenire realiter distincta, et realiter separabilia; cum unum sine altero possit reperiri; nimirum, et entitatem contritionis, quæ est quid naturale, utpote correspondens viribus propriis liberi arbitrii, et conducentiam ad salutem, quæ provenit a gratia, et excedit facultatem causæ naturalis, sive multiplicare velit duos actus realiter distinctos ad ista duo munera, sive in uno et eodem coadunari maluerit, quod nostra non refert.

Quid
sequatur
ex illa.

Interest autem quam plurimum adnotare, quod inde necessaria illatione conficitur, scilicet ex illis duabus entitatem naturalem contritionis, quo pacto correspondeat libero arbitrio, esse priorem seipsa

ut est effectus gratiæ, et conductit ad salutem, vel prioritate temporis, si voluerit esse actus realiter distinctos; vel saltem naturæ, siquidem entitas contritionis, ut est proprius effectus liberi arbitrii, subssternit elevationi, et conducentiæ, ad salutem, quæ supervenient illi a gratia, et est quid realiter separabile ab entitate: ut si liberum arbitrium se solo ageret substantiam contritionis, et postea adveniret gratia, qua ordinaretur ad finem supernaturalem, in quo ut credimus, nulla erit dissensio. Et esto esset, semper erit verum entitatem contritionis substerni elevationi, ut evehenti influxum naturalem ad supernaturalem ordinem; atque ideo influxum naturalem arbitrii praेire ante influxum gratiæ.

Quo fit partem correspondere gratiæ, partem vero libero arbitrio, ex illis priori esse liberi arbitrii parte correspondente gratiæ, siquidem conducentia ad salutem, quæ sola est effectus gratiæ, supponit entitatem contritionis ex se non conducentem; quæ tamen ut elevata per gratiam de facto ad salutem conductit. Et ratio horum omnium est clarissima, ab unaque, et eadem prorsus radice proveniens: quoniam gratia non destruit naturam, sed perficit, nec perimit, aut suffocat vires liberi arbitrii, quin potius elevat, atque evehit ad superiorem ordinem, conservando indemnità jura naturæ; quandoquidem non dispensatur gratia, nisi in defectum naturæ; et si omnia essent possibilia naturæ intra lineam naturæ, nullatenus foret aliqua gratia, quod videtur per se notum. Sed ut constat ex propositione capitali hujus Authoris, liberum arbitrium fide illustratum habet vires sufficientes ad actum contritionis quoad entitatem, in eamque se exercere potest solo concursu Dei generali: ergo liberum arbitrium tantummodo postulat concursum gratiæ ad conducentiam, non vero ad entitatem actus contritionis: ergo cum hujus entitas prior sit, quam conducentia ad salutem, prior erit etiam influxus liberi arbitrii, quam gratiæ a quo proinde vindicabit actus contritionis entitatem, et a gratia conducentiam, quod est partem correspondere gratiæ, et partem libero arbitrio, et illam esse ista posteriorem. Atque ita esse dicendum in sententia ista, ut ab ejus Authore primo posita, et excogitata fuit, videtur perspicuum; quidquid de aliis subtilitatibus, et partilitatibus ex parte causæ, cum totalitate effectus,

effectus, ad quas illius vindices, cum quibus modo non disputamus, confugerunt. Hoc quippe non est praesentis instituti, sed illem sententiam, et capitalem propositiōnem in suo fonte, et ut primo edoctam, et praeō datam expugnare, et refellere. Successorum vero doctrinam de partialitate influxus cum totalitate effectus infra commodius ventilabimus agentes de Pœnitentiā virtute, ubi ad eam difficultatem, quæ gravis etiam est, nos accingemus, et ostendere conabimur, non esse talem partialitatem influendi ex parte auxiliorum, aut virtutum supernaturalium cum potentissimis naturalibus ad actus supernaturales; sed unicum, et indivisibilem influxum, sicut est unus, et indivisibilis effectus, statuimus, et munire studebimus.

70. Quanti vero haberi debeat illa doctrina, quodve judicium de illa fieri mereatur, haud melius ostendere possumus, quam doctrinam doctrinæ conferendo, ex D. Augustino pro gratiæ necessitate in libero arbitrio acerrime decertante, et quam adversarii admittebant, quamve rejiciebant, et prorsus allegabant, palam referente. Ait ergo S. Doctor lib. 1, de Prædestinat. SS. cap. 2: Sed nunc eis respondendum esse video, qui divina testimonia, quæ de hac re adhibuimus ad hoc dicunt valere, ut novimus ex nobis quidem nos habere ipsam fidem, quæ subinde naturalis erat utpote ex naturæ viribus prodiens, sed incrementum ejus ex Deo, non quidem solo concursu generali, sed speciali, et supernaturali: ut constat ex sequentibus verbis, tamquam fides non ab ipso donetur nobis, sed ab ipso tamen augeatur in nobis eo merito, quo cœpit a nobis. Unde infert, et rectissime: Non ergo receditur ab ea sententia, quam Pelagius ipse in Episcopali judicio Palestino, sicut eadem gesta testantur, damnare compulsus est, nimirum a nobis esse incipere, a Deo vero per suam gratiam perficere opus a nobis inchoatum. Cur autem (prosequitur) S. Doctor post plurima testimonia relata ex sacra pagina, et undequaque eorum sententia exposita) non totum tribuitur homini, ut qui sibi potuit instituere, quod non habebat, ipse quod instituit, augeat, omnino non video; nisi quid resisti non potest divinis manifestissimis testimoniis, quibus et fides, unde pietas exordium sumit, donum Dei esse monstratur, quale est illud, quod unicuique Deus paritus est mensuram fidei (Roman. 12) et illud, pax fratribus, et charitas (en actum amoris, a quo et

contritio) cum fide a Deo Patre, et Domino Iesu Christo, et cætera alia. Unde concludit: Nolens ergo his tam claris testimonii repugnare, et tamen volens a se ipso sibi esse quod credidit, homo, quasi componat cum Deo, ut partem fidei sibi vindicet, atque illi partem relinquat; et quod est elatius, primam tollit ipse, sequentem dat illi, et in eo quod dicit esse amborum, priorem se facit, posteriorem Deum.

71. An vero haec doctrina distet quoad substantiam ab illa prima, juxta quam similis partitio fieri debet, ut salventur in libero arbitrio vires sufficietes ad actum contritionis quoad entitatem, et substantiam, et sola conducentia tribuantur gratiæ, ut expresse docuit citatus Author? non nostri, sed aliorum esto judicium. Illud solum affirmamus Consequentias D. Augustini esse formales si alias, maxime in hac parte, subindeque ratione formæ probare in qualibet materia, cui applicentur, atque ideo non tantum evicisse initium fidei, et ejus incrementum esse donum Dei, verum et amorem, et contritionem ita absolutum, qualia depicta sunt formalibus verbis prædicti Authoris. Unde nullatenus admittendum est in doctrina D. Augustini hominem lapsum, et in peccato existentem posse elicere actum absolutum amoris Dei super omnia, aut contritionem itidem absolutam cum proposito unquam de cætero peccandi, cum spe veniæ, quin præcedat gratia ipse Dei non solum ut fiat, sicut oportet, sed etiam ut fiat quoad entitatem, et minus perfecte.

Porro id ita esse probatur manifeste ex Monstratur eodem D. Augustino, qui quidem lib. 2, contra duas Epistolas Pelagianorum cap. 8, August. mense. omisso errore Pelagi solum ad facilius, non vero ad absolutum posse adstruentis gratiam; de illis qui eam absolute necessariam censemant ad actuum perfectionem, sic loquitur: *Hoc enim nobis objiciendum putarunt, quod invito, et reluctant homini dicamus Deum inspirare, non quanticumque boni, sed et ipsius imperfecti cupiditatem, Fortassis ergo ipsi eo modo saltem servant locum gratiæ, ut sine illa putent hominem posse habere boni, sed imperfecti cupiditatem; perfecti autem non facilius per illam posse, sed nisi per illam omnino non posse.* In quo abs dubio a Pelagio discedebant. Quo nihil conformius sententiæ, quam impugnamus, cujuscumque illa sit.

Ilos vero redarguens S. Doctor, inquit, tum: *Si enim sine Dei gratia per nos inci-*

An sit
similis
doctrina
doctrinæ?

Monstra-
tur
mens.

Redar-
guit
August.
adver-
sarios.

pit cupiditas boni, ipsum cæptum erit meritorum, cui tanquam ex debito gratiæ veniat adjutorium. Tum : ut responderet (Dominus) futuris etiam istis, in eadem ipsa Evangelica sententia non ait : sine me nihil potestis perficere, sed facere. Nam si perficere dixisset, possent isti dicere, non ad incipiendum bonum, quod a nobis est, sed ad perficiendum esse Dei adjutorium necessarium. Verum et audiant Apostolum. Apostolus vero tanquam sententia dominicæ expositor aperiens utrumque distinxit dicens : Quoniam qui in vobis bonum opus cœpit, perficiet usque in diem Christi Jesu. Sed in Scripturis sanctis apud eundem Apostolum ista, unde loquimur amplius invenimus. Loquimur enim nunc de boni cupiditate (observet lector sequentia, et conferat cum illa sententia) quam si voluntario vis incipere, a Domino perfici videant quid respondeant dicenti Apostolo : Non quia idonei sumus cogitare aliquid, quasi ex nobis, sed sufficientia nostra ex Deo est. Cogitare ait aliquid utique bonum : minus est autem cogitare, quam cupere. Cogitamus quippe omne quod cupimus, nec tamen cupimus omne quod cogitamus, quoniam et non numquam et quod non cupimus, cogitamus. Cum igitur minus est cogitare quam cupere, potest enim homo cogitare bonum, quod nondum cupit, et proficiendo postea cupere, quod antea non cupiendo cogitavit, quomodo ad id, quod minus est, id est, ad cogitandum aliquid boni, non sumus idonei, tanquam ex nobis metipsis, sed sufficientia nostra ex Deo est, et ad id quod est amplius, id est ad cupiendum aliquid boni sine divino adjutorio idonei sumus ex libero arbitrio?

Boni
cupiditas
provenit
a gratia.

72. Et sane, si ad cogitandum, et cupiendum aliquid boni requirebat S. Doctor, et vi argumenti urgentissime extorquebat gratiam Dei in peccatore, qualiter non exigeret eandem, et majorem gratiam ad Deum super omnia diligendum amore vero absoluto, et ad efficaciter conterendum cum proposito itidem absoluto nunquam iterum peccandi sub spe veniæ, qui sunt actus omnium perfectissimi, in quo se exerere poterat liberum arbitrium: Rursus si ad cogitandum de Deo, ejusque honestate, cogitatione tali, quæ excitet illum amorem, requiritur illuminatio fidei, ut illa sententia statuit, ac supponit, siquidem loquitur de homine fide instructo, qua ratione potest negari ad prædictos actus esse necessarium Dei speciale auxilium; cum ex doctrina D. Augustini quid majus sit cupere aliquid boni, quam illud cogitare.

Inconsequenter ergo, et contra manifestam D. Augustini sententiam asseritur actum contritionis quoad entitatem procedere a libero arbitrio, et quoad conducentiam, vel prout oportet, a gratia; quandoquidem quoad utramque rationem, vel quoad nullam debet esse illius effectus. Et ideo sicut non esset audiendus, qui utramque illam rationem penitus deferret libero arbitrio, seclusa gratia; ita et ob eandem omnino rationem amandari debet, qui partem tribuit gratiæ, et partem libero arbitrio.

Pergit S. Doctor, et abhuc magis argumentum premens execratur illam sinistram intelligentiam dicens : Neque enim, et hic Apostolus ait, non quia idonei sumus cogitare, quod perfectum est, tanquam ex nobis metipsis, sed cogitare aliquid, ait, cui contrarium est nihil. Unde est illud Domini, sine me nihil potestis facere. Sed nimis quod scriptum est, hominis est præparare cor, et a Domino responsio linguae, non bene intelligendo falluntur, ut existiment cor præparare, hoc est bonum inchoare sine adjutorio gratiæ Dei ad hominem pertinere. Adsil, ut sic intelligent filii promissionis, tanquam cum audierint Dominum dicentem, sine me nihil potestis facere, quasi convincant eum dicentes : Ecce sine te possumus cor præparare. Quæ autem melior, aut major cordis præparatio, quam Dei super omnia dilectio, ac cordis absoluta contritio? Profecto qui eas ex proprio libero arbitrio elicet, Deum sine Dei adjutorio diligenter, et sine Deo cor præpararet, quod adhorruit Augustinus, et post contiouatas consequentias, ex his, et aliis ad idem sacris testimoniis, initio capitis sequentis, quod est nonum illius libri, ita inquit : Avertat enim Deus hanc amentiam, ut in donis ejus, nos priores faciamus, posteriorem ipsum, quoniam misericordia ejus præveniet me. Et ipse est cui fideliter, veraciterque cantatur : quoniam prævenisti eum in benedictionibus dulcedinis. Et quid hic altius intelligitur, quam ipsa de qua loquitur, cupiditas boni? Ergo ex mente D. Augustini clarissime constat neutiquam liberum arbitrium posse ex se ipso absque gratia præveniente diligere Deum super omnia, aut contritionem elicere adhuc quoad substantiam; alioqui enim prius se faceret liberum arbitrium, posteriorem Deum, quem præveniret ab ejus gratia non præventum, nec adjutum. Non ergo stat illa distinctio contritionis quoad substantiam, et quoad conducentiam,

Urg.
Aug.

D. Al
gusti

conducentiam, quam admisimus exercitii gratia; quin sequantur partitio, et divisio, prioritas ex parte hominis, et posterioritas ex parte Dei a D. Augustino deducta ex simili sententia, et efficaciter explosa. Quare concludamus cum ipso S. Doctore ubi nuper cap. 9, in fine ad illud Psal. 76: *Ego dixi: nunc cœpi: hæc mutatio dexteræ excelsi. Cum ergo dixisset, nunc cœpi, non ait, hæc mutatio arbitrii mei, sed dexteræ excelsi. Sic itaque gratia Dei cogitetur, ut ab initio bona mutationis suæ (et quæ melior contritione cum proposito de cætero non peccandi, non utcumque, sed absoluто, sed sub spe venie) usque in finem consummationis; qui gloriantur, in Domino glorietur, quia sicut nemo potest inchoare sine Domino, nemo potest perficere sine Domino.*

73. Nec declinabit horum testimoniorum vim, qui dixerit illis egisse D. Augustinum contra Pelagianos, et Semipelagianos non admittentes gratiam, nisi vel ad facilius posse, vel ad perficiendum, et augendum actus bonos a naturalibus viribus prodeentes: in quorum meritis et exigentia fundabant necessitatem gratiæ. Contra quam doctrinam urgentissime processit S. Doctor, siquidem cum Deo componebant partem sibi assumendo; et quidem priorem, et partem Deo tribuendo revera posteriore. Hoc autem non militat in hac sententia, quam impugnamus, in qua nullum meritum, nullave exigentia adstruitur circa gratiam, aut dona supernaturalia, sed solum docetur supposita illuminatione fidei, liberum arbitrium se exercere posse in actum naturalem dilectionis, et in actum itidem naturalem contritionis; qui remanent extra totam latitudinem gratiæ absque ullo merito, ullave ipsius exigentia.

74. Hoc tamen effugium ex supra animadversis manet occlusum, nam ut olim dicebat Augustinus, *res a nobis, non sola verba quæruntur, et de Juliano alibi, quod sic sententiam temperabat, ut et sua, et nostra voce posset defendi.* Quidquid ergo sit de vocibus, qui re ipsa concedit in libero arbitrio lapso per peccatum vires ad absolute, et quoad substantiam eliciendam contritionem intra ordinem naturalem cum proposito non peccandi ita firmo, qualem supra vidimus, nequit duo negare, et quod homo ante receptionem gratiæ se ipsum per se ipsum de malo facit bonum contra illud D. Augustini: *Facit homo arborem bonam, quando Dei accipit gratiam; non enim ex malo se bonum per se ipsum facit, sed ex*

illo, et per illum, et in illo. Si quidem absque gratia se restituit ad unionem cum ultimo fine, quam disciderat peccato. Et quod liberum arbitrium adhuc sub gratia non ex viribus gratiae elicit in ipsa justificatione eundem actum; quin gratia illi præstet nisi conducentiam ad finem supernaturalem, quam exhibere non poterant vires naturales: quia ut supra arguebamus, gratia non destruit vires naturales: ergo eundem influxum exhibit liberum arbitrium sub gratia, quem exhibebat sub peccato: sed sub peccato elicere poterat sola illustratione objectiva. et extrinseca fidei actum contritionis quoad entitatem et substantiam: ergo eundem, et eodem modo quoad entitatem elicit sub gratia: ergo in justificatione impii non tota justificatio respondet gratiæ, sed pars, quæ est entitas contritionis, adscribenda est libero arbitrio, et pars deferenda est Deo.

Conclu-
dit
August.

Contra quod rectissime urget Augustinus, et convincunt ejus testimonia, nullatenus ita dividendum esse; sed quod totum est deferendum Deo, quasi nihil ibi sit, quod non sit ex auxilio Dei; subindeque nihil quoad entitatem, et substantiam proprium libero arbitrio ex propriis viribus agenti. Et hinc bene excludit S. Doctor, et excludimus cum ipso, concursum liberi arbitrii. Quare consulto in fundamento supra posito nostræ assertionis solum ab inconvenienti processimus, et probavimus clarissimis testimoniis, quibus ægre occurri potest, semel posito actum contritionis quoad entitatem, et substantiam fieri posse viribus naturæ solo concursu generali; conversionem hominis non tribui Deo ut cui primo respondeat, nec inter ejus præcipua dona accenseri debere: quod esse falsum constat ex allegatis, et productis testimoniis. Hinc rursus omnes Consequentiæ D. Augustini, si formales sint, præsentि materiae optime applicantur; si quidem prior est natura, quam gratia, et prior pars correspondet naturæ, posterior gratiæ: ad priorem non indiget homo alia gratia, quam extrinsece illuminante. De aliis vero minime curamus, satis ducentes ostendisse eam doctrinam non ita bene doctrinæ D. Augustini cohærere. Illam vero aliqua censura inurere, et an sit vel non sit cum doctrina a D. Augustino expugnata accensenda, nostrum non est determinare illud pro rato habendo Consequentiæ D. Augustini esse formales, et ex vi formæ concluere. De materia alii judicent.

§ II.

Eadem veritas ex D. Thoma fulcitur, et plura ejus testimonia sinistre intellecta vindicantur.

Probatur ex
D. Thom.

75. Si clara sunt allata testimonia, non sunt minus perspicua statim subjungenda ex D. Thoma pro eadem confirmanda veritate. Et licet ea plurima suppetant, selectiora, et urgentiora eligemus, et quae in propriis terminis rem confeceisse videantur. Nam ut homo eliciat actum contritionis, quae vera contritio sit, requiritur conversio in Deum cum detestatione primæ conversionis ad bonum commutabile, et cum proposito emenda: sed praedicta conversione nequit fieri absque virtute Pœnitentia supernaturalis: ergo actus contritionis nequit fieri absque gratia supernaturali. Totus syllogismus videtur expressus D. Thomæ infra quest. 86, art. 2, in corpore ubi ita habet S. Praceptor: *Offensa peccati mortalis procedit ex hoc, quod voluntas hominis est aversa a Deo per conversionem ad bonum commutabile, unde requiritur ad remissionem divinæ offensæ, quod voluntas hominis sic immutetur, ut convertatur ad Deum cum detestatione conversionis predictæ, et proposito emenda, quod pertinet ad rationem Pœnitentia secundum quod est virtus. Et ideo impossibile est, quod alicui peccatum remittatur sine Pœnitentia, secundum quod est virtus.*

Ex quo iterum conficitur argumentum D. Thom. insistendo in principiis D. Thomæ in illo articulo. Nam cum peccatum sit offensa Dei, eo modo remittitur peccatum a Deo, quo remittitur ipsius offensa; sed offensa Dei ut Auctoris adhuc naturæ non remittitur absque gratia Dei; ergo neque peccatum remittitur absque gratia Dei. Discursus est legitimus, et expressus a S. Doctore: *Cum enim peccatum sit Dei offensa, eo modo Deus peccatum remittit, quo remittit offendam in se commissam: offensa enim directe opponitur gratiæ; ex hoc enim aliquis dicitur alteri esse offensus quia repellit eum a gratia sua.* Ergo cum per amorem absolutum Dei super omnia, et contritionem itidem absolutam excludenter affectum peccandi de cætero, reducat homo in Deum finem naturalem; fieri haudquam potest, ut non interveniat gratia Dei. Vel si non intervenit, ut non intervenire pretenditur; ex viribus naturæ absque gratia Dei offensi restituetur homo in gratiam ipsius

Dei offensi, contra expressam doctrinam D. Thomæ, dicentis, quod *gratia Dei causat bonitatem in homine grato, eo quod bona voluntas Dei, quæ in nomine gratiæ intelligitur, est causa omnis boni creati.* Prius ergo quam homo eliciat actum contritionis, quo se convertat in Deum, debet præcedere gratia Dei convertentis ipsum hominem: atque ideo non ex viribus naturæ, sed ex auxilio, et gratia Dei elici potest actus contritionis.

76. Hanc ultimam Consequentiam confirmat, et probat aliud S. Doctoris testimoniū de promptum ex quest. 85, sequenti art. 5: *Alio modo, inquit S. Doctor, possumus loqui de Pœnitentia quantum ad actus, quibus cooperamur Deo in pœnitentia operanti; quorum actum primum principium est Dei operatio convertentis cor secundum illud Thren. ill. : Convertite nos, Domine, ad te, et convertentur. Et post alios intermedios actus assignatos, concludit: Sic igitur palet, quod actus Pœnitentia a timore servi procedit sicut a primo motu affectus ad hoc ordinato, a timore aulem filiali sicut ab immediato, et proximo principio. Non ergo ex mente D. Thomæ actus contritionis potest prodire a libero arbitrio hominis, qui non est filius, sed inimicus Dei tam ut Authoris naturæ, quam ut finis supernaturalis: sub utraque enim ratione offenditur per peccatum saltem post elevationem naturæ humanae, et illustrationem fidei, quam supponit contraria sententia.*

Confirmatur ex eodem S. Doctore prædicta quest. 86, art. 5, ubi non agnoscit S. Doctor aliquam contritionem, que non supponat Deum convertentem, et tangentem cor hominis. Et ideo solut. ad 3 inquit: *Quod ipse etiam motus timoris procedit ex actu Dei convertentis cor, unde dicitur Deuter. 5: Quis det eos talem habere mentem, ut timeant me? et ideo per hoc non excluditur, quin procedat ex actu Dei convertentis cor;* unde sic arguitur. Quod procedit ex actu Dei intus tangentis, et moventis cor, non procedit ex libero arbitrio solo Dei concursu generali: sed actus contritionis juxta D. Thomam, et veritatem in Scriptura conspicuam juxta Hierem. 31: *Postquam convertisti me, regi pœnitentiam, procedit ex actu Dei convertentis hominem:* ergo actus Contritionis non procedit a libero arbitrio cum solo concursu generali Dei. Et qui hanc Consequentiam negat, nedum adversatur D. Thomæ (quod erat sufficiens), sed (quod magis est, et quam

Conse
quenti
probat
ex D
Thom

quam plurimum refert), manifesto Scripturæ testimonio; siquidem antequam convertatur a Deo, jam homo agit pœnitentiam, et non qualemcumque, sed importantem veram, et substantialem conversionem.

Efsum.

77. Nec momenti erit iterum hic refricare distinctionem jam expugnatam de contritione naturali, et supernaturali, quasi hujus tantummodo, non vero illius meminerit D. Thomas: atque ideo illius argumenta bene probant de contritione conducente ad salutem, quæ supernaturalis est, non vero de contritione mera naturali, quæ sola potest haberi ex libero arbitrio cum solo concursu generali.

Non, inquam, est alicujus momenti ista responsio. Tum quia jam supponeretur absolute, et simpliciter homo conversus ad Deum, antequam esset a Deo excitatus, et tactus, contra expressam doctrinam S. Doctoris. Tum quia jam natura prævenisset gratiam, et abstulisset offensam:

nam ut audivimus a S. Doctore: *Offensa directe opponitur gratia; ex hoc enim aliquis dicitur alteri esse offensus, quia repellit eum a gratia sua: nec aliter Deus remittit peccatum, quam remittendo offensam.* Remittitur autem peccatum per amorem Dei super omnia, et per contritionem juxta illud: *Dimissa sunt ei peccata multa, quia dilexit nullum.* Ergo cum dilectione Dei super omnia adhuc naturali, et simili contritione, non staret Deum finem naturalem esse homini offensum: et consequenter ante gratiam Dei esset in Dei gratia ex viribus naturæ, quod est absurdissimum, et minime a catholicis sustinendum: et ut illud procul ablegaret Doctor Angelicus, ad quamlibet veram contritionem, quam pœnitentiae nomine usurpavit, recurrit ad gratiam prius tangentem, et excitantem, ac prævenientem. Quod et fecisse constat Concilium Tridentinum, sicut alias in hac parte maxime attendens, et præ oculis habens doctrinam D. Thomæ, ut patet ex sess. 6 de justificatione, quæ videtur de sumpta ex ipsam littera S. Doctoris.

D.Thom.

78. Sed redeamus ad principia Angelici Praeceptoris. Nam ut inquit loco supra citato ex quæst. 86, art. 2, ut Deus remittat offensam, et hominem accipiat in suam gratiam, non alia requiritur pœnitentia, quam quod voluntas hominis sic immutetur, ut convertatur ad Deum cum detestatione conversionis ad bonum commutabile, et proposito emendæ, quod pertinet ad ratio-

nem virtutis. Sed supposita illa distinctione, homo ex ipso libero arbitrio cum solo concursu generali, et illustratione fidei converteretur ad Deum cum detestatione conversionis ad bonum commutabile, et proposito emendæ, absque ulla alia gratia ex parte Dei; ergo posita prædicta conversione absque ulla alia gratia remitteretur offensa Dei. Consequens est directe oppositum Consequentii, et præmissis D. Thomæ, et in se falsissimum: ergo signum manifestum est D. Thomam eam distinctionem ut omnino futilem, et vanam quoad præsens reputasse, atque ideo absolute, et simpliciter statuisse nullam esse contritionem, nullamve pœnitentiam veram, quæ non supponat specialem gratiam ex parte Dei juxta illud: *Postquam convertisti me, egi pœnitentiam.*

Urgetur amplius assumendo aliud principium S. Doctoris. Nam juxta S. Doctorem, contritio quæ respicit Deum non ut absolute offensum, sed sub ratione aliqua particulari, non est vera contritio, nec vera pœnitentia: sed contritio de qua disputatur, respiceret Deum non absolute, sed sub aliqua ratione determinata, nimirum sub ratione ultimi finis naturalis. Ergo juxta doctrinam D. Thomæ nulla est D.Thom. vera contritio, quæ tantummodo attingat Deum ut finem naturalem. Major, a qua pendet Conscientia, supposita Minoris propria contrariæ sententia, est S. Doctoris in prædicta quæst. 86, art. 3, ubi docet, *quod non potest esse vere pœnitens, qui de uno peccato pœnit, et non de alio: si enim displiceret ei illud peccatum, quia est contra Deum super omnia dilectum, quod requiritur ad rationem veræ pœnitentia, sequeretur, quod de omnibus peccatis pœniteret.* Ergo juxta D. Thomam, qui conteritur propter Deum sub una ratione et non absolute, non est vera contritus, et consequenter contritio mera naturalis juxta S. Doctorem, non est vera contritio, nec vera pœnitentia; quandoquidem non attingit finem supernaturalem nec indirectere, ut supponere videtur Author illius propositionis.

Robo-
ratur.

Quod si hoc non supponere velit, absurdior, et intolerabilior infertur Conscientia, reassumendo iterum principium S. Doctoris. Nam illa est vera contritio, quæ dolet de omnibus peccatis absolute, et respicit Deum ut absolute, et simpliciter offensum; quippe quæ fundatur in dilectione absoluta, et minime restricta Dei super omnia: sed ex viribus naturæ seclusa motione speciali

Instau-
natur
princi-
pium
Thom.

Dei, potest elici prædicta contritio a libero arbitrio cum solo concursu generali : ergo seclusa gratia, ex viribus naturæ potest liberum arbitrium dolere, et vere poenitere de omnibus peccatis absolute, in ordine ad Deum absolute offensum. Ex quo manifeste sequitur ex viribus naturæ posse hominem obtainere gratiam sanctificantem, quod est intolerabile. Nam ut inquit S. Doctor art. 6, illius quæstionis in solutione ad argumentum : *Sed contra, actus pœnitentia virtutis habet, quod sine eo non possit fieri remissio culpæ, in quantum est inseparabilis effectus gratiæ, per quam principaliter culpa remittitur.* Si enim vera et absoluta pœnitentia est inseparabilis effectus gratiæ, et illa haberri potest ex viribus naturæ nulla interveniente gratia, qua excitetur, et præveniatur homo; ex eisdem viribus habebitur remissio culpæ, quæ est maxima gratia, imo et ipsa gratia.

EO vel maxime, quoniam aversio a Deo, quam inducit, et secum trahi peccatum, aufertur per conversionem ad ipsum Deum, ut docet Angelicus Preceptor q. 86, sæpe citata art. 4 ad 1. Sed conversio ad Deum ut bonum incommutabile potest elici a libero arbitrio cum solo concursu generali : ergo liberum arbitrium absque gratia potest a se excutre aversionem a Deo, et consequenter seipsum per seipsum a peccato liberare, cum tamen S. Doctor oppositum ibi docuerit recurrendo ad gratiam, ut ea media fiat conversio ad Deum, et ejus aversio abigatur, ut liquet ex illis verbis : *Et ideo ex hoc ipso dicitur culpa mortalis remitti, quia per gratiam tollitur aversio mentis a Deo.*

Molinæ assertum. Quæ omnia ideo ex hac 3 p. retulimus, ut constat, qua veritate dicere potuerit D. Thom. P. Molina disp. 14, membro 1 : *D. Thomam eo loco cum communi aliorum Doctorum sententia consentire, nec 3 p. quidquam scripsit, quod huic doctrinæ refragetur.* Cujus oppositum constat ex dictis. Videatur S. Doctor 1, 2, q. 109, ubi art. 6, solut. ad 1 ait, *quod conversio hominis ad Deum fit quidem per liberum arbitrium : sed liberum arbitrium ad Deum converti non potest, nisi Deo ipsum ad se convertente secundum illud Hierem. 31 : Converte me, Domine, et convertar. Quo nihil clarius, et manifestius contra Molinæ assertum, et contra sententiam, quam ipse appellat communem. Sed quia prædictus Author constanter affirmavit immediate ante verba ex ipso relata luce clarius esse D. Thomam*

eo loco communi aliorum Doctorum sententiae consensisse; oportet illum locum, vel illa loca salutare, ut si ita fuerit, sanctissimo Doctori adhæreamus; vel re ita non se habente, ipsum vindicemus a sententia, quam (licet suo iudicio plurium scholasticorum,) ut propriam noluit sectari, quia minus tuta pluribus in Provinciis, et opposita communis in scholis reputabatur.

79. Objicit ergo primo D. Thomam in Objicie-
tur 4, dist. 17, quæst. 2, art. 4, questiunc. 1 ad 6, ubi in hunc modum loquitur: Ad sextum dicendum, quod contritio est a Deo solo quantum ad formam, qua informatur; sed quantum ad substantiam actus est ex libero arbitrio, et a Deo, qui operatur in omnibus operibus, et naturæ, et voluntatis. Constat autem ex doctrina D. Thomæ, et communi omnium sententia, Deum cum agentibus naturalibus ad opera naturalia concurrere solo concursu generali : ergo solo concursu generali concurrit Deus cum libero arbitrio quoad substantiam contritionis juxta mentem D. Thomæ : atque ideo prædicta contritio illo modo accepta non excedit vires liberi arbitrii ; nam excessus solum revocatur a D. Thoma in formam, qua informatur, non in substantiam operationis.

Hoc argumentum solum potest morari eos, qui D. Thomam superficialiter legerint; siquidem manifestum omnino est loqui ibi S. Doctorem de contritione ut est actus virtutis, et pars Sacramenti; sub quibus rationibus nedum quoad formam, sed etiam quoad entitatem est supernaturalis; siquidem est actus proprius, et immediatus virtutis supernaturalis, et a solo Deo infusa, quæ est Pœnitentia. Quocirca S. Doctor in arguento *sed contra prædicti articuli sic arguit : Naturalia non sunt gratuita secundum communiorem opinionem : sed naturale dicitur quod est ante gratiam, et sic altritio inter naturalia computabitur : ergo non potest fieri contritio, cum sit gratuitum donum.* Cui discursui non respondet S. Doctor, quod arguento est non falso concudere, nec adversari doctrinæ articuli, alioqui enim illi occurrisset, ut de more habet, quando in arguento *sed contra continetur aliquid adversum doctrinæ articuli.* Ex illo autem manifeste habetur contritionem non esse naturalem, nec gratiam præcedere adhuc quoad entitatem, de qua erat difficultas, sed subsequi, quia est gratuitum donum, et

Vindi-
cator
S. Doc-
tor.

et consequenter quoad entitatem supernaturalis, alias nihil probasset illo argumento. In illo ergo articulo inquirit D. Thomas : *Utrum contritio sit dolor de peccatis assumptus cum proposito confitendi, et satisfaciendi?* Et in corpore articuli docet in contitione plura posse considerari, scilicet ipsam substantiam actus, qui est dolor; ejus objectum, quod est peccatum; illius modum, quod sit actus virtutis, et ordinetur ad confessionem, et quod sit voluntarie assumptus, id est ex electione. Nomine vero *actus quoad substantiam*, non usurpat aliquam entitatem ipsius substractam aliis formalitatibus, seu respectibus: sed ipsam entitatem contritionis absolute, et praescindendo ab aliis, sive quae se te-neant ex parte principii, sive ex parte ob-jecti, sive ex parte modi, quo pacto sole-mus dicere, *voluntas absolute, vel intellectus quoad substantiam*, hoc est independenter a connotationibus, quin aliqua proprie substantia ibi explicetur, sed solus ille conceptus objectivus præcisis, quin affirmen-tur, vel negentur alia re ipsa ibi intrinseca, et essentialia. Et in hoc sensu affirmat S. Doctor dari illam diffinitionem quantum ad ipsam substantiam actus, per hoc quod sit *dolor*, quae est ratio generica, et absoluta, nec explicans, nec excludens ex vi hujus supernaturalitatem. Quod vero sit actus virtutis, quae est ratio differentialis, et ordinetur ad alias Sacramenti partes, sicut et quod fiat ex electione, ex-plicatur per subsequentes particulas. Hinc contra illam particulam *assumptus* forma-verat sextum argumentum sub hac forma : *Contritio nobis a Deo datur : sed quod datur, non assumitur : ergo contritio non est dolor assumptus.* Ad quod respondet distinguendo aliquid esse in contritione quod proveniat a solo Deo, nimirum charitatem gratiae annexam, et hanc dicit formam contritionis, utpote quae illius est inseparabilis effectus, ut supra docuerat : et aliquid quod est a Deo, et a libero arbitrio, ex quo habet ille actus, quod sit *assumptus*, id est cum electione factus ab ipso homine, et simul datus a Deo. Si autem datus, gratiore quidem, et ut habens rationem doni gratuitii, subindeque supernaturalis. Unde consulto addidit, a Deo qui operatur in omnibus operibus et naturæ, et voluntatis. Sane non dixit reduplicando, ut operatur in omnibus, quo pacto excluderet influxum supernatu-ralis, qui non in omnibus operibus et naturæ, et voluntatis reperitur; sed abso-

lute, et specificative locutus est, quasi di-iceret : ipse Deus qui operatur in omnibus operibus et nature et voluntatis, dat nobis contritionem absolute, non quidem ope-randi ut agens naturale, quo pacto se ex-plicat in operibus naturæ, sed agendo gratiore in operibus voluntatis; quibus absolute resurgere possit a peccato : qua ratione est agens supernaturale. Et in hoc sensu in quæstiunc. 2, illius articuli ex-pressit contritionem non posse esse in-formem, quia Charitatem consequitur. Si autem ad illam sequitur juxta D. Thomam; non illam antecedit in eo sensu, quem sibi, et nobis obtrudere voluit præ-dictus Author. Unde nihil concludit ex D. Thoma contra toties a se expressam sententiam.

80. Opponit secundo, et meminisse mo-net, ex sententia D. Thome Charitatem supernaturalem, et gratiam esse formam ipsius contritionis, a qua proinde accipit et esse meritoriam vitæ æternæ, et esse supernaturalem. Id quod aperte (inquit) docet tum 1, 2, q. 113, art. 8, et alias sœpe, tum etiam in 4, art. 1, citata quæstiunc. 3: Atque inde hac quæstiuncula probat actum attritionis non posse fieri contritionem, quia absque charitate, et gratia non est supernaturalis; et adveniente charitate, et gratia quibus redditur super-naturalis, transit ad aliam speciem su-pe-riorem : et hinc convincitur eandem numero attritionem non posse fieri con-tritionem, quoniam actus naturalis, et su-pernaturalis nequeunt ad eandem speciem pertinere.

Respondemus nihil solemnius apud D. Thomam, et ejus discipulos, quam quod Charitas sit forma virtutum, licet non sit idem explicandi modus apud inter-pretes; quod nostra impræsentiarum non refert, sed pertinet ad tract. de Charitate ubi disp. 7, dub. 3, eam difficultatem ver-savimus. Unde concedimus, gratiam et Charitatem esse formam contritionis, sed inde non colligitur a gratia et Charitate habere esse supernaturalem, alioqui enim actus fidei, et spei hominis existentis in peccato mortali non essent quoad enti-tatem, et substantiam supernaturales, quod dicere est falsissimum, et indignum viro catholico : quandoquidem Charitas est etiam forma illarum virtutum. Imo in ho-mine peccatore non remanerent habitus fidei, et spei informium quoad substan-tiam supernaturales, quod est absurdius.

Iterum
objici-
tur
Angeli-
cus
Doctor.

Expli-
catur
D.Thom.

Quod argumento est non ab eadem radice oriri supernaturalitatem actuum, aut habitum, ac eorum formationem; sed unum ex genere suo reperiri posse absque alio. Atque ita accidit in attritione supernaturali, et timore servili, quæ sunt supernaturalia, quin tamen habeant formationem Charitatis, et gratiae. Unde licet daretur contritionem a gratia media Charitate non prodire; non idcirco evinceretur ex hoc D. Thomæ testimonio supernaturalem non esse.

Vera
D.Thom.
senten-
tia.

81. Quia tamen nobis certius videtur, et sancto Doctori conformius imo expressam ipsius mentem numquam elici veram contritionem, quin gratia et charitas influant, ut alibi accuratius ostendimus, et satis indicant verba supra relata; idcirco respondemus contritionem esse effectum inseparabilem gratiae, subindeque numquam esse informem. Unde sicut accipit a gratia, et charitate formationem, ita et supernaturalitatem, media tamen virtute Pœnitentiaæ, cuius est immediatus actus. Et argumentum in adversarios retorquendum est ex ipso D. Thoma: nam si semper docuit, ut docuisse constat, contritionem numquam esse informem, manifestum est numquam non illam supernaturalem censuisse.

Retor-
quetur
argu-
mentum.

Additur
ratio
quare
attritio
non fit
contri-
tio.

Ad illud quod additur ex quæstiunc. 3, addimus et nos falsum esse quod assumitur. Nam quod attritio numquam evadat contritio, non provenit ex illa radice, sed ex alia, et plane efficacissima, quam in primo argumento *sed contra* assignat D. Thomas sub hac forma: *Quorum principia sunt diversa omnino, eorum unum non potest fieri id quod est alterum: sed attritionis principium est timor servilis; contritionis autem timor initialis: ergo attritio non potest fieri contritio.* Sane uterque timor est supernaturalis, et consequenter etiam illorum actus: atque ideo quod unus non fiat, aut in aliud transire nequaquam possit, non provenit ex eo quod attritio sit naturalis, et contritio supernaturalis, sed ex certiori principio a D. Thoma indicato.

Repli-
catur
ex D.
Thom.

82. Sed contra insurgit ex eodem D. Thoma in argumento *sed contra* secundo, ubi affirmit attritionem esse naturaliem ex eo solum, quod antecedat gratiam: ergo sentit S. Doctor nihil esse supernaturale ante gratiam. Consequentia constat, et Antecedens probatur illo testimonio supra adducto ex arguento *sed contra*, quod secundo loco formavit S. Doc-

tor sub hac forma: *Naturalia non sunt gratuita secundum communiores opiniones: sed naturale dicitur quod est ante gratiam, et sic attritio inter naturalia computabitur: ergo non potest fieri contritio, cum sit gratuita donum.* Ubi in eo dumtaxat conditum est contritionem ab attritione, quod hæc quia est ante gratiam, est mere naturalis; illa vero quia subsequitur, evadit supernaturalis. Ex quo ulterius sequitur actum contritionis quoad substantiam seu entitative sumptum, quo pacto prævenit gratiam, esse pure naturalem; subindeque non excedere facultatem liberi arbitrii secundum sibi propria.

Respondet distinguendo *Antecedens*: *Res- ex eo quod antecedat gratiam, communiter dictam, conceditur; gratiam habitualem, seu sanctificantem, negatur Antecedens, et sub eadem distinctione concedenda, et neganda est Consequentia.* Ut tam distinctionem, quam D. Thomæ argumentum calleamus, breviter observare oportet, gratiam sumi posse duplice, vel universali, quo pacto ambit omnia auxilia, habitus, gratiam sanctificantem, et quidquid quomodolibet evehitur supra cursum naturalem rerum, et illarum vires, ac cursum superat. Vel sumitur pressius, ac strictius pro sola gratia sanctificante; quæ quia est velut finis in quem cuncta omnia collimant, obitque in hoc ordine rationem naturæ, sibi absolute, et simpliciter nomen gratiae vindicavit, utpote a qua sola præ ceteris aliis donis supernaturalibus accipit homo esse Deo gratum, sanctum, et amicum. Unde licet esse sanctum, gratum, et Dei amicum convertatur cum gratia, ab eaque ut proprius effectus formalis proveniat; non tamen ab ea ita procedit esse supernaturale, siquidem ante ipsam donantur a Deo quam plures illustrationes, auxilia, motiones, imo et aliquæ virtutes supernaturales, ut constat in dono Prophetiae, dono linguarum, charactere Sacramentali, fide, et spe, et innumeris aliis, quæ longum esset annumerare, quæque independenter a gratia, continentur intra ordinem supernaturalem, ut contrapositum ordini naturali, et ab illo ex æquo diversum.

Quando ergo D. Thomas dixit *naturalia non fieri gratuita*, usurpavit naturalia contra totum ordinem supernaturalem, quo pacto sunt membra adæquate se excludentia: et est evidens naturalia non fieri supernaturalia, ex eo quod anteverunt ordinem

nem gratiae : et ideo major illius syllogismi, videatur perspicua imo et per se nota. Et in hoc sensu accepit Minorem D. Thomas in hoc secundo arguento *sed contra*, et ex illo legitime intulit Consequentiam, nimirum quod attritio non potest fieri contritio, quia haec est donum gratuitum. Nam scopus illius quaestione erat investigare, an attritio posset fieri contritio, ut ipsius epigrapha manifestat. Sed quia attritio poterat esse naturalis, licet imperfectissima adhuc intra lineam attritionis, vel poterat esse sublimior, et elevatior, ex altiori, et vere supernaturali motivo ortum ducens; ex utroque motivo negavit S. Doctor posse fieri contritionem duplice arguento. In quorum primo loquendo de attritione supernaturali, arguit : quia attritio supernaturalis procedit a timore servili, contritio vero a timore filiali, seu initiali; et quae procedunt essentialiter a diversis principiis, ita sunt diversae rationis ut unum non possit in alium transire. Quod est clarissimum. In secundo idem negavit attritioni naturali, non ex illo motivo, licet posset, sed ex alio universaliori, quia nimirum naturalia non sunt gratuita, sed attritio reputatur inter naturalia : ergo nequit fieri gratuita, et consequenter nec contritio, quae est gratuitum donum. Ex quo evidenter colligitur numquam D. Thomam agnoscere contritionem naturalem, sed omnem, et quamlibet semper habuisse gratuitum, et supernaturalem, et argumentum retorqueri debet contra doctrinam præallegati Authoris infeliciter in hac parte allegantis D. Thomam. Siquidem apud S. Doctorem invenimus duplicem attritionem, et naturalem et supernaturalem; numquam vero contritionem, quae non sit donum gratuitum, et consequenter supernaturale.

83. Porro admittenda esse intra limites naturae attritionem naturalem cum D. Thoma constat ex dictis dub. 2, ubi S. Doctor nos docuit esse de jure naturae aliquam positantiam : haec autem non semper est supernaturalis, sed quandoque naturalis, utpote quae procedit ex ipsa dissonantia peccati cum recta ratione; vel ex ipsamet fæditate, ac turpitudine naturali; vel ex damnis a peccato peccatori obvenientibus, Quae omnia naturalia sunt, et naturalem attritionem inducunt. Atque hanc fuisse mentem D. Thomæ in testimonio illo nobis objecto testatur sapientissimus Mag. Lemos lib. 3 Panopliæ gratiae part. 2, tract.

2, cap. 36, num. 549. Si vero rationi naturali adjungatur alia superior notitia fidei modo ibi in secunda parte conclusionis explicato, assurgere poterit ad concipientium plus doloris de peccato; numquam tamen perveniet ex viribus ipsius naturæ (nisi aliunde fulciantur, et roborentur) ad attritionem perfectam, quæ supernaturalis sit, et excludat omnem affectum peccandi de cætero, et procedat cum spe firma veniae : hoc enim non est naturæ lapsæ. et conversæ ad bonum commutabile, ut ad ultimum finem, sed altiore postulat radicem.

Et hinc obiter manet explicata præsens assertio quoad attritionem efficacem, quam exclusimus a viribus naturæ contra doctrinam illius Authoris. In quo ultius roborando non immoramus : nam quæ dicta, et dicenda sunt de contritione, proportione servata applicari debent attritioni, quæ sit perfecta in suo genere, et in illo importet, quæ attritioni supernaturali Concilium Tridentinum in illo ordine attribuit, ut possit medio Sacramento disponere ad gratiam impetrandam. Et in hoc sensu illam non admittimus, nec admittunt Theologi alii, quibus teste ipso Molina, minus tuta videatur opposita doctrina, quasi plus deferens infirmitati naturæ a Deo aversæ, quam Concilia et Patres hactenus detulere.

84. Sed contra urget, et ultra objicit Replica
ex D.
Thom. D. Thomam, ubi supra art. 2, quaestio. 8; ubi ait : *Ad sextam quaestionem dicendum, quod contritio potest duplice considerari, scilicet quantum ad sui principium et quantum ad terminum Dico principium contritionis, cogitationem, qua quis cogitat de peccato, et dolet, et si non dolore contritionis, saltem dolore attritionis : terminus autem contritionis est, quando dolor ille jam gratia informatur.* Et inde infert luce clarius esse D. Thomam stare pro attritione naturali perfecta, cum proposito non peccandi de cætero, et spe venie.

Sed respondemus illegitimam hanc esse Respon-
detur. illationem, quippe quae nec levissimum lucis vestigium habet, ut deducatur, in D. Thoma : qui solum docet ex cogitatione peccatorum suboriri aliquando dolorem qui sit attritio; sed non asserit, nec erat asserendi locus, quod illa attritio sit naturalis; sed quod non est gratia sanctificans usque ad terminum contritionis. Quod verissimum est, quia tam attritio supernaturalis quam contritio disponunt ad gratiam sanctificantem, illa remote, et ista proxime.

Ita vero disponere non habent ex libero arbitrio ex viribus naturalibus operante, sed ex gratia Dei impellente, excitante, ac cooperante juxta exigentiam cuiusque illorum actuum. Et nulla operatio ex viribus naturae proxime, vel remote disponit ad gratiam. Unde potius sequitur neutram illarum esse naturalem.

Eo vel maxime, quia cogitatio illa, ex qua ortum duceret illa attritio, debet esse supernaturalis, ut liquet ex testimonio Augustini supra relato ex lib. 2, contra duas Epistolas Pelagian. cap. 8.

Ultima
objectio
ex D.
Thom.

85. Ultimo opponit S. Doctorem in 2, dist. 5, q. 2, art. 1, ita scribentem : *Di-cendum quod ad eliciendum actum conver-sionis sufficit liberum arbitrium quod se ad habendam gratiam per hunc actum præparat, et disponit : sed efficacia conversionis ad meritum non potest esse nisi per gratiam. Unde unus et idem motus est conversionis liberi arbitrii, in quo gratia infunditur, qui est dispositio ad gratiam, secundum quod exit a libero arbitrio, et meritorius secun-dum quod gratia informatur, et simile est in motu contritionis, quo primo justificatur impius. Ex quo testimonio efficax argumen-tum videtur desumi. Nam exclusa qualibet gratia, ad eliciendum actum contritionis, sufficit liberum arbitrium : ergo independenter ab omni gratia potest libe-rum arbitrium elicere actum contritionis quoad entitatem et substantiam. Ante-cendens est expressum D. Thomæ, et Con-sequentia probatur ex ipso. Antecedenti : quia D. Thomas solum recurrit ad gratiam, ut salvetur in contritione esse meritorium, quod ab alio quam a gratia nequit accipere : sed actus contritionis quoad entita-tem, et substantiam non est meritorius : ergo juxta D. Thomam actus contritionis independenter ab omni gratia potest elici- a libero arbitrio quoad entitatem, et subs-tantiam. Patet Consequentia : quoniam sub illa ratione, sub qua non est meritorius, elicitur a libero arbitrio teste D. Thoma : sed non est meritorius quoad entitatem, sed id sibi vindicat ab informatione gratiæ : ergo quoad entitatem solum respondet libero arbitrio absque ulla gratia.*

Aliquo-
rum
solutio-

86. Nec difficultatem elevate Thomistæ suum Magistrum interpretantes, quasi voluerit solum habitum quemdam gratiæ gratae datae, ab aliquibus sui temporis com-mentum excludere; non vero auxilia supernatura fluida ante infusionem gratiæ communiter a Deo dispensata.

Nec magis placet aliorum effugium ar-bitrantium eo loci D. Thomam adstruxisse dependentiam contritionis a gratia ut prin-cipio efficienti, cum prioritate ejusdem contritionis in genere causæ materialis : quo pacto se tenet ex parte liberi arbitrii, ipsique ut proprius effectus respondeat. Et sub hac consideratione non explicat nec informationem gratiæ, ad quam præparat, nec vim meritoriam ab ipsa gratia emen-dicatam.

Neutra, inquam, harum evasionum sa-tisfacere videtur, sed efficaciter refellitur ex eodem D. Thoma ibi paulo ante verba relata, ubi ita arguit : *Quia si homo facit, quod in se est, Deus dat ei gratiam. Ad hoc autem faciendum non existit aliquid aliud. Eni omnem aliam gratiam excludit, et arbitrium constituit nudum ab omni super-addito dono, nec relinquit aditum ad illam prioritatem metaphysicam. Illud enim (proseguitur S. Doctor) ad quod non potest per se liberum arbitrium, non est in ho-mine, ut faciat illud. Illud enim in nobis esse dicitur, cujus nos domini sumus. Non sumus autem domini vel minimi. (si mini-mum potest dici, quod tantum refert) auxiliū gratiæ : ergo quando Angelicus Prä-ceptor asseruit in libero esse arbitrio motum contritionis, sermonem habuit de libero arbitrio nude, et absque omni gratia ipsi addita per modum virtutis. Non ab-similia sunt alia verba ejusdem S. Doctoris dist. 28, ejusdem libri quæst. 1, art. 4, ubi corpus articuli sub his verbis conclu-dit : Et ideo aliis consentiendo dicimus, quod ad gratiam gratum facientem haben-dam ex solo libero arbitrio, se homo potest præparare ; faciendo enim quod in se est, gratiam a Deo consequitur; hoc autem solum in nobis est, quod in potestate liberi arbitrii constitutum est.*

87. Haud parum negotii facessere pote-rat hoc testimonium, et argumentum in illo fundatum, cui literam D. Thomæ su-perficie tenuis percurrere mos fuisse; sed illam medullitus penetranti tam longe abest, ut videatur convincens, quod potius veram doctrinam hactenus stabilitam vehe-menter confirmet, et oppositam dispellat. Ad cuius clariorem intelligentiam præmit-tere oportet utroque loco ex 2 sententiarum egisse S. Doctorem de præparatione ad gratiam gratum facientem : in primo quidem ex dist. 5 loquendo de Angelis, de quibus inquirit : *Utrum angeli indigue-rint gratia ad hoc quod converterentur in Deum?*

Deum p. in secundo investigando de homine : *Utrum possit se præparare ad gratiam sine aliqua gratia?* Et utrobique meminit sententiæ aliquorum asserentium ante gratiam gratum facientem infundi a Deo alium habitum gratiae permanentem, quem dicebant *gratiam gratis datum*. Obtendebant enim a solo Deo absque ullo hominis concursu provenire, et gratiam gratum facientem, et gratiam gratis datum illius comitem præviam, et inseparabilem : cum hoc tamen discrimine, quod gratia illa gratis data concurrebat ad substantiam operationis; alia vero superveniens, ut reddebet ipsam operationem meritoriam. Unde totus fuit, et debuit esse Angelicus Praeceptor in ezellendo ut minime opportunam illam gratiam gratis datum disponentem ; et adstruendo ex parte liberi arbitrii ipsius cooperationem, qua se ad gratiam ultimam disposeret. Et loco illius quam S. Doctor rejiciebat, substituit dispositionem ex parte liberi arbitrii, quasi ab illo absque illa gratia ab illis commenta posset elici operationis substantia; quin ex vi hujus excluderet, aut excludere opus esset auxilium divinum, et supernaturale ad actum conversionis quoad entitatem ; imo potius illud et supposuit, et explicit, ut ex dicens fiet perspicuum.

Aperitur mens D.Thom. 88. Porro hanc esse et fuisse mentem D. Thomæ evidenter constat : nam in illa dist. 5, quæst. 2, art. 1, ita inquit : *Quidam enim dicunt, quod ad conversionem meritoriam exigitur duplex gratia. Una gratum faciens, quæ informat conversionis actum, et meritorium reddit. Alia gratis data, a qua elicetur substantia actus, et quæ liberum arbitrium inclinat ad volendum. Sed istam gratiam ponere non videtur necessarium, etc.* Et merito, nam ad volendum sufficit arbitrii ipsius libertas, et ad excitandum utrumque ut velit, quidquid sit de modo volitionis, sufficiunt occasiones, instructiones, et flagella, quæ ibi commemorat S. Doctor. In art. vero 4, dist. 28, consultius eam formam refellit, vel ex eo principalius quia sequeretur processus in infinitum, nam eadem ratione quoad gratiam gratum facientem obrutur illa gratia, ad hanc utpote habitualem esset etiam alia necessaria, et tunc redibil quæstio de ista præparatione, utrum in eam possit homo ex se, vel non; et sic vel abiretur in infinitum, vel erit devenire ad aliquam gratiam, ad quam homo per se præparare potest se, et non est ratio efficax, quare hoc magis sit in

una gratia, quam in alia. Quocirca totam rei causam revocat S. Doctor ad gratiam gratum facientem, et ad liberum arbitrium, ut se ad illam disponat. Non quidem ex viribus propriis; hoc esset Angelicum Doctorem inter Pelagianos accensere, et intolerabilem injuriam ne dum ipsi, sed etiam toti Ecclesiæ illum Angelicum Doctorem proclamanti irrogare : sed ex motione auxilii dñini supernaturalis mediante gratia sanctificante, cuius est ultima dispositio actus contritionis, et a qua ut a principio efficiente oritur. Et idcirco asseruit, quod *unus, et idem motus est conversionis liberi arbitrii, in quo gratia infunditur, qui est dispositio ad gratiam, secundum quod exit a libero arbitrio, et meritarius secundum quod gratia informatur.* Ubi non tantum formationem, sed etiam entitatem conversionis Deo tribuit, et ejus gratiæ, quoniam actus contritionis ex vi illius influxus, quo exit a gratia, accipit et entitatem, et vim meritoriam. Quamobrem ipsem S. Doctor in eodemmet art. 4, dist. 28, contra nos allegato secundo arguento, quod erat hujusmodi : *Illud quod est in potestate hominis, non est necessarium, ut homo ab alio petat : sed quod homo præparetur ad gratiam, petendum est a Deo, ut patet in Psalm. 1, 8 : Deduc me Domine, etc. Ergo præparatio ad gratiam non est in potestate hominis.* Respondet S. Doctor hominem se disponere ad gratiam esse in potestate hominis, supposita gratia Dei. Unde inquit : *Ad secundum dicendum, quod homo non potest se ad gratiam præparare, nec aliquod bonum facere sine Dei auxilio. Et ideo rogandus est ut nos ad se convertat, et etiam alios. Nec tamen oportet, quod illud auxilium semper sit per aliquem habitum insussum ; sed potest esse per multa, quæ exterius sunt salutis occasio, et per ipsum actum interiore, quem Deus in nobis causat.* Ut accidit illis, qui non perfecte conteruntur. In qua doctrina perpetuus fuit S. Doctor quin opus sit allegare 1, 2, quæst. 112 et hanc 3 p. pluribus in locis passim obviis.

Unde illa propositio D. Thomæ, in quam offendit Author sæpe allegatus, *quod si homo facit quod est in se, Deus illi non denegat gratiam, quamque* S. Doctor non semel inculcat, non illum sensum continet, quem illi comminiscitur; sed quem illi tribuit proprius Author, et sane verum, et a Catholicis omnibus receptum, ut ex ipso constat præsertim quæst. 24, de Verit. art.

5, ad primum dicendum, inquit, quod videtur nobis, quod convertamus nos ad Deum, quia hoc facere possumus, sed non sine divino auxilio. Unde ab eo petimus Thren. 4 : Convertite nos, Domine, ad te, et convertemur. Et ad 2 ait quod nos aperire cor nostrum Deo possumus, sed non sine divino auxilio. Unde ab eo petitur 2 Machabæor. 1 : Adaperiam Dominus cor nostrum. Et sic dicendum est ad alia; nam nec preparare, nec velle homo potest, nisi hoc Deus in eo operetur ut dictum est. Plura huc convenientia scripsimus tract. de necessitate gratiae disp. 2 et 3, quo eat lector, ut pleniorum notitiam hauriat, et verum vero consonare perspiciat. Hinc constat veram esse utramque solutionem inter proponendum datum, et nihil obesse earum impugnationem, utpote procedentem ex sinistra D. Thomæ intelligentia. Nam homo vere est Dominus se convertendi sed sub auxilio gratiae; et vere Deus illi gratiam conferet, si faciat ex viribus ejusdem gratiae, quod in se est. Et ideo semper rogandus est Deus, ut conversionem incipiat, prosequatur, et perficiat, ut inquiebat Augustinus.

§ III.

Ratione probatur eadem conclusio.

Ratio
conclusio-

89. Ex dictis et expensis §§ præcedentibus facile est colligere rationem Theologicam, qua efficaciter evincere quique poterit conclusionem. Nam quæ procedere necesse est a Deo ut Authore gratiae, non ita sunt in potestate liberi arbitrii, quod possit ea facere ex viribus propriis absque interventione ejusdem gratiae, ut ex se constat; alioqui enim natura posset idem quod gratia, et gratia redderetur debita naturæ, et consequenter non esset gratia. Sed liberum arbitrium hominis aversi a Deo indiget Dei gratia, qua ad ipsum efficaciter convertatur, ut clare probant testimonia hactenus allegata ex Scriptura, Conciliis, et Patribus Augustino, et Thoma. Ergo liberum arbitrium hominis aversi a Deo nequit se ad Deum convertere efficaciter absque gratia ipsius Dei. Premissæ constant, et Consequentia legitime infertur ex illis.

D.Thom. Deinde probatur ratione desumpta ex D. Thoma 1, 2, q. 109, art. 6, quam ad sequentem formam reducimus. Nam supposita elevatione, et illustratione fidei, quam non negat, sed potius adstruit

P. Molina, liberum arbitrium hominis lapsi, formaliter, et expresse est aversum a Deo sub utraque ratione, et finis naturalis, et supernaturalis. Sed cum hac formaliter, et explicita aversione non stat potestas proxima et expedita ad eliciendum vel amorem Dei super omnia adhuc ut finis naturalis, vel contritionem absolutam, et efficacem cum spe veniae, et proposito de cætero amplius non peccandi, ut intendit prædictus Author. Ergo liberum arbitrium hominis lapsi non habet vires ad elicendam prædictam conversionem. Major constat; siquidem ex fide tenemus quolibet peccato mortali vitam æternam amitti; non autem amittitur nisi per utramque illam aversionem, supposita ex fide cognitione finis supernaturalis. Consequentia probatur: quia potentia proxima, et expedita non importat præcise entitatem potentiae, quæ semper eadem est, nec admittit variationem, sed postulat remotionem impedimentorum sive intrinsece adhærentium, sive aliunde proveniant: nec aliunde melius venari potest potestas proxima, quam ex proportione cum actu, et expeditione a quolibet alio sive extrinsece, sive intrinsece retardante: ergo si hoc non reperitur in libero arbitrio respectu conversionis prædictæ, liberum arbitrium viribus destruitur ad ejus elicientiam. Quare tota difficultas 1 Proba-
reducitur ad Minorem, quæ sic probatur: 1º Nam eo ipso quod homo sit aversus a Deo ultimo fine, Deus ut ultimus finis nequit se tenere ex parte principii influentis, et ad se trahentis, quin prius se gratiouse convertat ad creaturam. Quoniam ut recte inquit D. Thomas, secundum ordinem agentium est ordo finium; quocirca ad ultimum finem non convertitur homo, nisi per motionem primi agentis: ergo sicut homini voluntarie averso ab ultimo fine non debetur conversio ad ipsum; ita nec debetur concursus primi agentis ad prædictam conversionem: ac proinde absque illo ut primo agente supra debitum creaturæ, hæc semel lapsa nequit elicere illam conversionem per proprias vires, quas proxime expeditas non habet.

Secundo: nam finis in operabilibus se 2 Proba-
habet sicut prima principia in cognos-
tio
cendo: sed homo destitutus primis prin-
cipiis nequit assentiri conclusionibus, nec
eas ad sua prima principia reducere, ut est
perspicuum: ergo homo aversus a Deo sub
omni ratione ultimi finis, nequit elicere
propriis viribus conversionem sui ipsius
in

in Deum ut ultimum finem. Unde sicut intellectus absque primis principiis, esto retineat totam entitatem potentiae, non est tamen proxime, et expedite potens vel ad conclusionem, vel ad ejus reductionem in sua prima principia, haud dissimiliter, nec voluntas semel aversa a Deo est proxime potens ad se convertendum ultimo in ipsum Deum ut finem.

Probatur tertio eadem Minor. Quoniam eo ipso quod homo sit aversus a Deo declinavit a statu rectitudinis naturalis, et recessit ab ordine debiti finis præponendo bonum sensibile, et commutabile bono incommutabili : ergo si semel operatur ex viribus propriis, impossibile est non plus amare bonum commutabile amore efficaci, quam incommutabile. Probatur Consequentia : quia ut ostendit D. Thomas in 3, dist. 27, q. 1, art. 1 et 3, contra gentes cap. 160, nemo potest agere nisi secundum exigentiam propriæ formæ, quæ est principium agendi, et regula operandi : sed propria forma voluntatis, secundum quam agit in ordine ad finem, dum homo est in peccato, est bonum commutabile, prælatum bono incommutabili : ergo nequit agere nisi in ordine ad bonum commutabile a se prælatum ; et consequenter ex viribus sibi propriis operando nequit se in pristinum statum dilectionis super omnia restituere, nisi aliunde fulciatur, et in debitum finem revocetur ; per amorem enim (inquit S. Doctor) amans fit unum cum amato, quod est factum forma amantis : atque ideo si hoc est bonum commutabile, nequit ad bonum incommutabile converti, nisi prius ametur.

90. Confirmatur, et explicatur primo alia ratione desumpta ex D. Thoma loco supra citato ex 1, 2. Quoniam homo ex libero arbitrio gratia destituto nequit se præparare ad gratiam, et amicitiam iterum cum Deo instaurandam, ut est de fide, et fuse ostendimus tract. de Gratia disp. 3; sed conversio ad Deum ut ultimum finem est dispositio ad gratiam : ergo homo ex viribus propriis agendo non potest elicere sui conversionem in Deum tamquam in ultimum finem. Probatur Minor, quia nomine dispositionis, aut præparationis nihil aliud intelligunt sive Philosophi, sive Theologi, quam illud, quod et tollit impedimentum ex parte subjecti, ipsumque determinat, et aptat ad unam formam præ alia : quo circa se ad gratiam præparare nihil aliud est quam ad Deum sub ratione ultimi

finis se convertere, sicut ille (verba sunt D. Thomæ) qui habet oculum aversum a D. Thom. lumine solis, per hoc se præparat ad respi ciendum lumen solis, quod oculos suos convertit versus solem. Ergo conversio in Deum ut ultimum finem erit dispositio ad iterum contrahendam amicitiam cum Deo fine naturali.

Eo præsertim, quia prædicta conversio confirmatur, et removet aversionem oppositam, sicut accessus ad unum terminum excludit aversionem ab eodem termino, non enim bene cohæret conversio ad Deum finem naturalem, cum aversione ab eodem fine naturali. Et si hæc duo non repugnant; pariter non repugnabit fuga, et prosecutio, amor, et odium ejusdem objecti sub eadem ratione; nec esset unde convinceretur ita docens. Ergo cum conversione prædicta non stat aversio a Deo, et consequenter ex vi illius disponitur homo ad gratiam removendo obicem ipsi gratiæ, et determinando subjectum, ipsumque ad illam aptando. Sane quæ major aptitudo excogitari potest, quam intima cum Deo ipso conjunctio ex vi amoris super omnia, et contritionis cum spe veniæ, et numquam amplius peccandi.

Urgetur et explicatur secundo insistendo eidem principio. Nam ex opposito conqueretur illam conversionem esse, et non esse dispositionem ad gratiam, quod est manifeste implicitorum, nec potest concedi. Quod non esse est clarum, cum quia supponitur, tum quia est naturalis, et nihil naturale est dispositio ad gratiam. Esse vero probatur ex eodem principio : quia dispositionis nomine nequit intelligi nisi forma aptans subjectum, quæ connectatur cum forma ad quam præparat, et aptat ipsum subjectum, ut patet in calore, et aliis dispositionibus naturalibus, ad quarum analogiam, seu proportionem discurritur de dispositionibus supernaturalibus. Sed conversio naturalis quam secum affert naturalis contritio, ex una parte aptat voluntatem abiciendo aversionem voluntariam a libero arbitrio ; et ex alia vero est infallibiliter connexa cum contritione supernaturali ; cum ab ea non possit separari : ergo obiret munus dispositionis ad gratiam.

Ex quo rursus fieret non totam hominis conversionem esse effectum gratiæ; sed solam supernaturalem, quæ debebat supponere aliam priorem factam ex viribus naturalibus ipsius liberi arbitrii. Id quod

adhuc urget, quando liberum arbitrium agit sub gratia, et sub ea convertitur. Nam per hoc quod voluntas se convertat sub gratia, non ab ipsa tollitur efficere quoad entitatem, et substantiam, quod sine gratia valebat efficere; quandoquidem gratia nec destruit, nec impedit efficaciam, et virtutem naturalem voluntatis. Sed haec absque gratia potest efficere actum contritionis, quoad entitatem, et substantiam, ut ait Molina: ergo adhuc ut sub gratia agens illam eo modo elicit. Qualiter ergo illa entitas contritionis ut est prior gratia non erit dispositio ad gratiam? et quomodo tota hominis conversio erit effectus gratiae, si ipsa contritio quoad substantiam est solius naturae quin ad eam sub hac ratione influat gratia, ut non influere est perspicuum juxta illam doctrinam?

Confirm. Confirmatur, et explicatur secundo ex contradictione alia, quam nequit declinare oppositum asserens. Nam liberum arbitrium nequit per contritionem se convertere ad Deum ut super omnia dilectum absolute, quin ex vi hujus excludatur aversio ab ipso Deo immediate illi opposita, et ex consequenti conversio ad bonum commutabile: sed impossibile est homini per proprias vires removere aversionem a Deo ut ultimo fine: ergo impossibile est libero arbitrio propriis viribus elicere praedictam conversionem. Consequentia liquet, et Major videtur perspicua: quia sicut repugnat hominem per peccatum se convertere ad bonum commutabile, quin ex vi hujus importetur aversio a bono incommutabili; ita e converso, non stat opposita conversio, quin excludatur aversio a fine opposito; eadem quippe utriusque ratio esse debet, ut consideranti fiet manifestum. Minor videtur clara: quia impossibile est hominem esse simul conversum, et aversum ab eodem objecto: sed per contritionem esset conversus, et per peccatum aversus: ergo impossibile erit hominem elicere contritionem, stante aversione a Deo; alioqui enim vel posset viribus propriis a se excutere peccatum, quod est absurdum; vel stante peccato, esse ad Deum ultimo, et absolute conversum, quod est esse ultimo conversum, et ultimo aversum et manifeste implicatum.

Effugium. 91. Dices hanc contradictionem facilime elidi distinguendo in Deo duplē rationem ultimi finis, quarum una reperiri potest sine alia: vel ut est ultimus finis

intra ordinem naturalem, quae quidem ratio potest absque alia salvari, ut si Deus hominem ad altiorem finem non evexisset: vel qua ratione est finis supernaturalis, quae est elevatissima, et sibi subjiciens tam naturalia, quam supernaturalia. Casu autem quo homo eliceret praedictam conversionem, esset quidem conversus secundum quid, et restricte ad Deum ut tantummodo explicantem munus finis naturalis; a quod tamen esset aversus sub altiori, et universaliori ratione finis supernaturalis. In quo nulla est contradicatio.

Sed contra est primo: quoniam ut supra dub. antecedenti observavimus, et fusius prosecuti sumus tract. de Gratia disp. 2, dub. 4, supposita elevatione, et illustratione fidei, sicut amor naturalis Dei super omnia indirecete attingit ipsum ut finem supernaturalem; ita et conversio ad ipsum ut finem naturalem, indirecete, et ex consequenti importat conversionem ad finem supernaturalem; aequo enim passu graduntur quoad hoc: ergo sicut amor Dei super omnia Authoris naturae non compaitur cum odio Dei ipsius ut finis supernaturalis, ut loco citato expendimus, ita et conversio ad Deum ut finem naturalem non cohaeret cum aversione ab eodem ut fine supernaturali: atque ideo non elevatur contradicatio, sed manet in suo robore.

92. Contra secundo, et est major explicatio praecedentis impugnationis: nam contritio efficax, et absoluta, qualis hactenus descripta, et citatus Author concedit libero arbitrio absque gratia, debet importare plenam subjectionem totius hominis ad Deum in omnibus, ad quae lumen naturale quoquomodo se habeat, aut porrigit, alioqui enim nec esset plena conversio, nec totaliter hominem ad Deum reduceret adhuc intra lineam ordinis naturalis; siquidem aliiquid amplius hujus ordinis foret, quod non attingeretur a contritione, seu conversione; et sic Deus non respiceretur sub ratione ultimi finis simpliciter adhuc in ordine naturali; cum adhuc complacere posset homo in aliquo: quo indirecete saltem violaretur ipsum lumen naturale, utputa in non observatione praceptorum supernaturalium, quod est contra ipsum lumen naturale. Ergo impossibile est, quod homo ex libero arbitrio elicit praedictam conversionem, quin directe respiciat finem naturalem, et indirecete, et ex consequenti finem supernaturalem; atque ideo quin absolute, et simpliciter

Præd
ditu
prim

Ener
tur
secund

simpliciter ad Deum sub utraque ratione sit conversus. Aliunde vero supponitur aversus a Deo ut autore supernaturali, ipsique infensus, et ab hoc nequit se extricare, aut expedire per vires naturae, ut est de fide: ergo easu quo ita posset converti ex libero arbitrio, simul esset absolute, et simpliciter conversus, et aversus, quod est implicitorum.

Eo vel maxime: nam praedicta conversio regularetur notitia, non qualicumque, sed valde universalis et explicita bonitatis, et beneficiorum Dei in utroque ordine tam naturae quam gratiae, ut constabit ex verbis ejusdem Authoris infra fideliter referendis; ad quam proinde si sequitur conversio, debet esse universalis, et satis ampla, siquidem inclinatio elicta voluntatis sequitur ad formam apprehensam. Qua

^{getur.} ratione D. Thomas, et communiter Theologi probant a priori voluntatem divinam ex intellectu divino, quia *natura intellectualis ad bonum apprehensum per formam intelligibilem habet inclinationem*, de quo egimus, et agunt Theologi eum ipso S. Doctore 4 p. q. 19, art. 1. Ergo si praedicta conversio supponit notitiam fidei tam bonitatis divinae, quam beneficiorum ejus, ita expresse, et distincte; et haec est potens ad movendum affectum ad amorem Dei super omnia, et conversionem ita efficacem, ut ille nobis obtrudit; plane non erit ratio, quare non sit ampla, et universalis erga Deum absolute, et absque restrictione: et consequenter in vi illius erit homo absolute, et simpliciter conversus; aliunde vero catholice debet adstrui aversus a fine supernaturali; esset ergo conversus, et aversus simul ab eodem Deo.

^Confirm. Primae confirmationi nostrae responderi potest, ex alio capite accipere entitatem, et ex alio disponere praedictam conversionem; nam primum vindicat a libero solo arbitrio, secundum vero a gratia. Et quia haec non subest voluntati create, sed divinae; idcirco licet liberum arbitrium sit potens ad entitatem conversionis, nequit tamen seipsum disponere per elicientiam illius, quin superveniat gratia, qua entitas illa evahatur ad superiorem ordinem. Unde illatae consequentiae fallunt unum ab altero non discernendo, et ex primo ad secundum inepte pervenitur.

^Cl^u
^cr. 93. Hoc tamen effugium consistit tantummodo in verbis, et praeterquam quod probationes illius Minoris intactas relinquit, ut facile qui eas calluerit, perspicet,

involvit aliam contradictionem ibi indicatam, quam oportet detegere, et expendere. Et quidem supponit confirmatio, et supposimus ab initio de fide esse nullum opus naturale, sive proxime, sive remote disponere ad gratiam: et ex hac suppositione catholicis irrefragabili, legitime inferri existimamus non posse a libero arbitrio elici contritionem ita absolutam, et efficacem, quae excludat omnem voluntatem peccandi cum spe veniae, et propter Deum summe dilectum, quin interveniat gratia supernaturalis. Et oppositum asserere est contradictoria affirmare. Etenim contritio, in quolibet ordine ea ponatur, ex genere suo, et propria formalis ratione, importat esse actum poenitentiæ perfectissimum, qui includere postulet, et supponere amorem Dei super omnia. Unde si ea fuerint in ordine supernaturali, in hoc ordine excludit offensam Dei, reintegrat amicitiam divinam, et expellit offensam; quo circa vel in suo termino exigit necessario gratiam sanctificantem, ut plures volunt, vel ut verior opinio sustinet, eam ex parte principii supponit; et aliquo ex his modis omnes testantur actum contritionis supernaturalis disponere ad gratiam. Si vero contritio constitutatur naturalis, ut constituit saepe allegatus Theologus, ratus eam hoc modo non excedere vires liberi arbitrii in homine lapsi; in hoc ordine debet habere naturaliter, quod proportione servata, conceditur eidem in ordine supernaturali. Et ratio est perspicua ex modo tactis. Quia cum contritio, in quocumque ordine sit, semper comittatur amorem Dei super omnia, a quo in nulla catholica sententia potest divelli juxta nuper dicta, in nullo ordine admittit aversionem a Deo, in quo quidem ordine illa fuerit. Unde contritio naturalis in ordine naturali debet secum afferre, et simul naturaliter praestare, quod supernaturalis contritio supernaturaliter exhibet, et importat, consequenterque amorem Dei super omnia, conversionem ad ipsum, et ablationem offensæ in illo ordine, utpote incompossibilis cum amore Dei super omnia, et conversione praefata.

Quo ut indubio supposito, instauratur principium illius confirmationis. Nam quod convenit contritioni supernaturali in ordine supernaturali, congruit etiam contritioni naturali in ordine sibi proprio, et naturali, ut non negat praedictus Author, et constat ex toto membro 4 illius disputationis. Sed contritio supernaturalis ex

Instau-
ratur
ratio.

suamet entitate supernaturali, et qua supernaturale est, absque ulteriori ad alia recursu, importat amorem Dei super omnia, excludit peccatum et disponit ad Dei gratiam, et amicitiam. Ergo idem dicendum est de contritione naturali intra ordinem naturalem, intra quem importat amorem Dei super omnia, excludit aversionem ab ipso, affert propositum non peccandi de cætero cum spe veniam nanciscendi. Præmissæ constant, et Consequentia est legitima, sed minime admissu digna, utpote ex qua sequitur partem dispositionis ad gratiam immediate oriri a natura, et sic naturam saltem partialiter se disponere ad gratiam per actum a se elicijtum absque gratia. Si enim præparatio ad gratiam non est aliud, quam ad Deum conversio, et idcirco contritio supernaturalis est præparatio, et dispositio intra ordinem supernaturalem, quia intra eundem ordinem convertit ad Deum; cum contritio naturalis per suamet entitatem sit ad Deum naturalis conversio, ex suamet entitate sibi vindicat disponere, et consequenter erit dispositio, ut legitime inferitur; non antem erit, ut catholice supponitur, quæ est manifesta implicatio.

Evasio.

94. Si forte ad hoc vitandum obtendatur adhuc intra ordinem naturalem non obire rationem dispositionis illam conversionem; quia cum offensa gravis peccati non possit remitti sub una ratione, quin sub omni expellatur, et ad hoc requiritur supernaturalis gratia, palam fit nihil referre ad disponendum actum entitative naturalem.

Exclusi-
datur.

Contra est, et instauratur vis argumenti. Nam si quæ ratio urget, ut peccatum non possit auferri sub una ratione, nimirum injuriæ naturalis, quin destruatur simul sub alia videlicet offensæ supernaturalis; æque militat ut homo nequeat conteri de peccato sub una ratione, et non sub alia; et consequenter quod liberum arbitrium non possit elicere amorem, et contritionem naturalem, quin simul, et ex vi ejusdem possit elicere contritionem supernaturalem.

Assump-
tum.

Hanc vero non potest efficere absque gratia: ergo nec ilam. Minor et Consequentia non indigent probatione. Assumptum vero videtur manifestum, quia cum contrariorum eadem sit ratio, eadem prorsus debet esse conversionis, et aversionis circa Deum: sed non est dabilis aversio a Deo ut fine naturali, quæ simul non etiam avertat a fine supernaturali, maxime vero

stante, et præente lumine fidei, ut præire supponit quæstio: ergo similiter non erit dabilis conversio pure naturalis ad Deum authorem naturæ, quæ secum non afferat annexam conversionem ad eundem ut finem supernaturalem: hanc autem exigere gratiam nemo ambigit: ergo etiam ad illam requiritur quod est intentum. Et in hoc sensu accipimus illud D. Fulgentii tract. de Charitate a Eusebium: *Malevolus animus non impedit charitatem alteri, quia non habet sibi. Cum autem experit habere exordium, ut ita dixerim charitatis, nec malevolus potest esse, nec sterilis.* Et quodnam majus charitatis exordium, quam hominis ad Deum conversio orta ex absolute ejus dilectione, cum qua malevolus esse non potest, nec sterilis? si autem est malevolus; ergo nec conversus ad Deum ut absolute, et super omnia dilectum.

95. Confirmatur et explicatur: nam eadem subordinatio, quæ est in objectis, ut objecta sunt, debet splendere in illorum attingentiis: sed Deus ut finis naturalis subordinatur sibi ut finis supernaturali, et sub hac expressione diligendus proponitur per fidem: ergo actus qui in Deum tendit ut in finem naturalem sub prædicta notitia fidei, nequit non exprimere subordinationem ad finem supernaturalem. Major constat, quia non alia ratione violando præceptum naturale se avertit homo formaliter, et expresse a fine supernaturali; nisi quia supposita elevatione, et notitia illius per fidem tenetur homo ita præcepta naturalia adimplere, quod non excludat, quin saltem quoad modum includat subordinationem ad finem supernaturalem. Nec etiam alia ratione primo lapsus fuit angelus, nisi quia saltem quoad modum abjecit subordinationem ad Deum ut finem supernaturalem instanti præcepto, ut ostendimus tract. de Angelis, et loco supra citato ex tract. de gratia disp. 2, dub. 4 explicuimus. Unde licet daremus in alio rerum ordine non elevationis naturæ humanæ ad superiorem finem, posse inveniri conversionem ad Deum pure naturalem, non tamen id concedi potest in hac providentia, et supposita explicita fide prædictæ elevationis, qualém supponit Author, cum quo disputatur.

Ad hæc conversione ad Deum ut finem naturalis super omnia, nequit haberi nisi attingatur ipse Deus super omnia dilectus ut est finis naturalis: sed ut est finis naturalis proponitur subordinatus fini supernaturali: ergo nisi sub hac expressione fiat

fiat ad eum conversio, non est vera conversio naturalis ad Deum super omnia. Major constat in conversione Angelorum peccatorum, quæ quia instantे præcepto, non fuit expressa saltem ex parte modi ad Deum sub illa ratione, evasit peccaminosa, et non fuit conversio vera, sed aversio, et gravissimum superbie crimen; non ob aliud nisi quia felicitatem naturalem ita sibi voluit, ut respernit subordinationem ad superiorem ordinem, saltem quoad modum agendi, quamvis expresse id non voluerit, utpote errori obnoxium ob ea quæ diximus loco citato de Angelis. Minor etiam liquet, quia Deus nequit proponi per fidem, nisi quatenus author gratiæ omnia, et se ipsum ut naturæ Authorēm sibimet subjicit, ac subordinat. Quare conversio, quæ supposita fide, et notitia supernaturali excluderet subordinationem prædictam; abs dubio esset defectuosa intra propriam speciem, utpote quæ non se porrigeret ad omne id quod objectum exigere. Unde probatur Consequentia: nam ubi aliquid excluditur ex parte objecti, non attingitur super omnia; sicut ubi aliquid latet cognoscibile, ex vi illius cognitionis impeditur comprehensio; quia de ejus ratione est, ut nihil lateat cognoscentem. Ergo conversio facta ad Deum ut Authorēm naturæ, quæ non importat subjectiōnem ad eundem Deum ut Authorēm supernaturalē, non est absoluta conversio: vel si id habet, nequit elici a natura absque auxilio gratis concesso. Nam ut recte igitur agabat olim Augustinus lib. de gratia, et lib. arbit. cap. 18: *Unde est in omnibus Charitas Dei, et proximi, nisi ex ipso Deo? Nam si non ex Deo, sed ex hominibus, vice-runt Pelagiani: si autem ex Deo, vicimus Pelagium.* Et sane certum est ibi, et ubique S. Doctorem eo collimasse, ut illum amorem absolutum, et contritionem naturalem, qui sunt actus perfectissimi, aut quemlibet alium ita perfectum excluderet a naturæ viribus, et in gratiam revocaret contra id, quod asserebant Pelagiani. Quocirca totus semper fuit in negando prædictos actus libero arbitrio, quippe qui si darentur, abs dubio inferrent connexionem, et meritum inter opera ipsius naturæ, et gratiæ. Et ut eam exploderet S. Doctor, invicte negavit illa illorum operum esse a natura, sed omnia detur gratiæ, ut evidens fiet cui libet ipsum consulenti.

Unde manet perspicuum, quod sicut non datur aversio a Deo, quæ secum non

afferat ejus abjectionem, et sub ratione authoris, naturæ, et ut est author gratiæ; ita ex libero arbitrio haud haberi potest conversio ad ipsum ut finem naturalem, quæ non includat, aut importet conversionem simultaneam ad finem supernaturalem: et consequenter ex inseparabilitate aversionis sub utraque consideratione, recte concludi inseparabilitatem conversionis ad Deum, quoad unam et alteram rationem; atque ideo vel neutrā, vel unam et alteram gratiæ adscriptam iri. Est autem de fide viribus naturalibus non posse hominem a peccato resurgere: ergo Theologice asserendum est non posse hominem eisdem viribus elicere conversionem hactenus descriptam, et propriis Authoris vocibus infra describeniam, a qua importetur amor Dei super omnia, et dolor peccatorum, quales nec forsitan natura integra eliceret perfectiones; sed debere provenire a gratia.

96. Nec oberit effugium præcepti naturalis diligendi Deum, et ad ipsum se convertendi, quo obstringitur homo intra ordinem naturæ, quantumvis lapsus, et a peccato obnoxius supponatur. Ex quibus videtur inferri, vel quod homo possit prædictum præceptum adimplere, vel quod non peccet illud non adimplendo, seu violando: siquidem nemo peccat, in eo quod vitare non potest. Porro absurdum est hominem non peccare, nec Deum naturaliter super omnia diligendo, nec ad Deum se naturaliter convertendo, maxime quando prælucet filii lux de obligatione et de beneficiis homini a Deo largiter collatis. Ergo ne hoc dicatur, asserendum est hominem lapsum ex viribus naturæ posse contritionem elicere qua quoad substantiam adimpleatur præceptum naturale dilectionis, et contritionis.

Non, inquam, obest istud effugium, præquin confirmat, et roborat principium, quod assumptimus in probationem conclusionis, ut ex mox dicendis constabit; dum tamen interim audiamus D. Augustinum similem objectionem sibi objectam refellentem ubi nuper dicendo: *Sedeat ergo inter nos judex Apostolus Joannes, et dicat nobis: Charissimi diligamus invicem. In his verbis Joannis, cum illi se extollere cœperint, et dicere: ut quid nobis hoc præcipitur, nisi quia ex nobis habemus ut invicem diligamus?* En objectionem ipsam contra nos intortam. Auscultemus solutionem, quia meliorem non optamus. Sequitur con-

Aliud effugium.

Præcluditur ex Augustino.

D. Augustust.

tinuo idem Joannes confundens eos, et dicens : quia dilectio ex Deo est. Non itaque ex nobis, sed ex Deo est (Perpendatur ratio S. Doctoris). Cur ergo dictum est. Diligamus invicem, quia dilectio ex Deo est, nisi quia per præceptum admonitum est liberum arbitrium, ut quereret Dei donum? Et ut nihil dilectionis, aut conversionis a se habere liberum arbitrium ostenderet, immediate subtexuit : Quod quidem sine suo fructu prorsus admoneretur, nisi prius acciperet aliquid dilectionis, ut addi sibi quereret unde quod jubeatur impleret.

Expenditur
August.

97. In quibus duo docet S. Pater directe, et immediate adversantia doctrinæ, quam impugnamus. Primum est stare posse præceptum, quo homo adstringatur, quin actu supponantur vires proximæ ad illius adimpletionem necessariæ in homine lapso; nam eis sua culpa se indignum reddidit. Quocirca asseruit Angelicus Doctor 2, 2, q. 2. art. 5 ad 1, *quod si in potestate hominis esse dicatur aliquid, excluso auxilio gratiæ; ad multa tenetur homo, ad quæ non potest sine gratia reparante, sicut ad diligendum Deum, et proximum, et similiiter ad credendum articulos fidei. Quem sensum retinens Concilium Tridentinum sess. 6, cap. 11, sancivit Deum impossibilia non jubere, sed quod jubendo monet, et facere quod possis, et petere quod non possis, et adjuvat, ut possis. Unde bene cohaeret non posse hominem per liberum arbitrium gratia destitutum se exercere in adimpletionem præceptorum naturalium; et quod peccet ea non adimplendo ut obtendebatur : quia præceptum non tantum obligat, sed etiam admonet, ut queratur Dei donum, quo non violetur. Nam principium illud Concilii, et Patrum licet expressius teneat in præceptis supernaturalibus; non tamen excludit præcepta naturalia, et ad quæ homo per peccata redditur debiliis, imo insufficiens sine gratia. Secundum nihil referre prætensam illam præexistentiam fidei, ad illos actus eliciendos a libero arbitrio; si huic nihil virium superaddatur, quia, ut inquebat August. sine fructu prorsus admoneretur, nisi prius acciperet, unde quod jubeatur impleret. Quantumvis enim homo illuminetur per fidem, non ex eo solo robur accipit, si non prius aliunde fulciatur : atque ideo ex eo quod præcedat illustratio fidei, non bene probatur potestas in libero arbitrio, nisi potestas ad solam legem instruentem reducatur, quod non est tolerabile.*

August.

98. Nec refert si immediate opponas : homo lapsus, eandem potentiam habet ad contritionem ex libero solo arbitrio eliciendam, quam ad diligendum Deum super omnia : sed ad hunc actum habet potentiam antecedentem, et absolutam : ergo etiam ad prædictam contritionem, et consequenter possibilis erit contritio ex viribus naturæ solius absque recursu ad gratiam. Utraque Consequenta constat. Minorem docuimus, et firmavimus tract. de Gratia disp. 2, dub. 4, § 1, ubi homini lapso detulimus potentiam antecedentem ad dilectionem naturalem Dei super omnia, qua quidem potentia redditur absolute possibilis actus. Major etiam constat : quia nec perfectior, nec subinde difficilior est contritio intra ordinem naturæ, quam intra ipsum ordinem dictio Dei super omnia : ergo non major, sed eadem ad utrumque requiritur, et sufficere videtur potentia; atque subinde si datur hæc in homine lapso ad dilectionem Dei naturalem, non debet negari ad contritionem.

Objiciatur.

99. Non, inquam, refert, si ita opponatur, ut liquet ex prænotatis in limine quæstionis, et quæ etiam prælibavimus loco supra citato de Gratia initio illius dubii 4, ubi solum nos accinximus ad nudam entitatem potentiae secundum se acceptæ, præscindendo a cunctis aliis, quæ ex peccato obvenire, et obesse poterant, et ad actum dilectionis itidem secundum se acceptum, prout ex parte objecti nihil importat, quod sit extra lineam objecti super omnia diligibilis. Et hoc pacto concessimus, nec modo refragamur, potentiam antecedentem ad amorem Dei secundum se, et ut præscinditur ab omnibus aliis, quæ obici esse possunt illius executioni, ex quocumque capite se teneant. In præsenti autem, ut jam præmonuimus, comprehendimus omnia undecumque circumstantia, sive aversionem ipsam a Deo, sive privationem gratiæ, sive pravam inclinationem ad bouum sensibile, et debilitatem ad bonum rationis, et ut unico dicamus verbo, quidquid ex parte liberi arbitrii consequens, et concomitans ipsum peccatum se teneat : inter quæ non distinxit Author cum quo agimus, sed absolute processit, ut constat ex ejus verbis, supra relatis, nec consequenter nos distinguimus. Unde sicut ille absolute, et absque ulla restrictione detulit arbitrio humano potentiam ad se convertendum in Deum, et conterendum ex viribus naturæ, ita in eodem sensu

Emendatur.

sensu nos illam negamus. Constat autem potestatem ab eo adstructam esse practicam, et omnino expeditam, ut homo se exerere possit in ejus actum, praelucente, ac praemonstrante fide vel Dei supplicia ob peccata, vel ejus innumera beneficia. Hanc vero negamus, et negavimus in illo dubio § 2, et hoc satis erat objectioni diluendae, quin aliquid minus consonum ex illa, et ista doctrina consureret.

Elocida-
tur. 100. Sed quia major illius propositio non undequaque nobis probatur, illius occasione oportet principium a nobis assumptum amplius expendendo praesenti materiae applicare, et ostendere differentiam maximopere observandam inter actum dilectionis, et contritionis, ut illi assignare possimus potentiam in homine lapso ad dilectionem Dei super omnia; secus vero contritione, ut contritio est. Pro cuius luce praemittere oportet nomine contritionis duo posse importari, vel puram detestationem, displicantiam, vel etiam odium peccati, ut oppositi bono, quod diligitur. Et hoc pacto accepta nulli dubium esse debet oriri immediate ex ipsa Dei dilectione, sive naturali, sive supernaturali juxta conditionem dilectionis: nam eo ipso quod quis accedit ad terminum aliquem diligendo, recedit ab opposito, et displicet illi; quin ad hanc displicantiam major desideretur efficacia, aut virtus, ut de se constat. Unde in eo sensu, in quo homini lapso conceditur potentia ad diligendum Deum super omnia, concedi similiter debet facultas odio habendi peccata, in quo nequit esse dissidium. Si vero contritio accipiatur prout importat displicantiam peccati cum intentione removendi offensam, et reatum illi annexum: quo pacto non tam est fuga, quam prosecutio, et persecutio objecti, quod destruere intendit, est specialis poenitentiae actus, importatque specialem difficultatem, quae non elucebat in ipsa primo modo accepta, ut de se liquet: atque ideo postulat ad sui elicientiam specialem virtutem Poenitentiae; et idcirco immediate non oritur ex amore, seu dilectione objecti, sed ab alio proximo principio, quocumque illud sit, ut ab eo in praesenti praescindamus, quod infra examinandum est. Quam discriminis rationem accepimus ex D. Thoma infra q. 85, art. 2, ubi illud docet solutione ad 1, sub his verbis: *Si ergo in actu paenitentis consideretur sola displicantia peccati praeteriti, hoc immediate ad charitatem pertinet, sicut et gaudere de*

bonis praeteritis; sed intentio operandi ad deletionem peccati praeteriti, requirit specialem virtutem sub charitate.

101. Hinc fieri constat, quod licet voluntati hominis lapsae secundum se consideratæ, et ut praescindenti a peccato, et peccato annexis, quomodo explicatur potentia antecedens, concedatur potentia ad Deum absolute super omnia diligendum ob rationes loco citato assignatas: non idcirco absolute concedi debet homini lapso ut lapso eadem potestas ad contritionem: sed sicut absolute negatur homini potestas ad superandam qualilibet gravem tentationem sine auxilio gratiae, ut catholice docet major, et melior Theologorum cohors, quibus subscrispsimus disputatione illa 2, dub. 8, consimiliter eam negamus homini lapso ad contritionem ob illudmet principium ibi, et hic prosecutum, ex quo clare evinci existimamus intentum, si illud ex praemissa observatione instaureremus.

Instau-
ratur.
ratio. Nam implicat hominem ex viribus propriis posse elicere contritionem quoad entitatem, et substantiam, si ex viribus propriis non habeat virtutem proximam ad ejus elicientiam: sed homini lapso non sunt vires proximæ ad eliciendam contritionem adhuc quoad entitatem, et substantiam: ergo homo lapsus non est proxime, et absolute potens ad eliciendam contritionem adhuc quoad entitatem. Consequentia est legitima. Major videtur per se nota; siquidem eodem modo est aliquis potens, quo habet vires; atque ideo si eas proprias non habet, nullatenus ex viribus propriis potest dici potens, siquidem a se non habet. Nam quod ab alio possit petere (praeterquam quod ad petendum a Deo, requiritur etiam gratia) non infert a se habere posse, sed ex alterius gratia juxta illud Apostoli: *sufficientia nostra ex Deo est*, quia ab eo postulamus, quod ex nostra potestate non habemus. Minor etiam liquet ex supradictis: quia forma a liberum arbitrium habet proximas, et expeditas vires ad recte eligendum, et se exerendum in opera virtutis ita nobilia ac perfecta, qualis est contritio, est ultimus finis, qui se habet ut principium omnino primum in operabilibus: sed homo lapsus est aversus ab ultimo fine sub omni ratione: ergo homo lapsus ex viribus propriis nequit elicere contritionem.

102. Confirmatur: 1º Nam quoties ex Confir-
mate actus primi est impedimentum inau-

feribile a potentia non est potentia proxima, et ex propriis viribus potens ad actum secundum: sed homo lapsus ex parte actus primi subest impedimento a se viribus propriis inauferibili: ergo homo lapsus non est proxime et expedite potens ad contritionem. Consequētia cum Majori constat. Minor vero probatur: quia homo lapsus est aversus a Deo ut Authore naturae: sed aversio ista ex una parte se tenet ex parte actus primi; cum afferat privationem gratiae dantis absolutum posse ad Deum diligendum: et ex alia sive aversio, sive gratiae privatio sunt a libero arbitrio ex viribus propriis inauferibilis; alias posset seipsum justificare, quod est absurdum: ergo homo lapsus subest impedimento a se viribus propriis inauferibili, et consequenter non est proxime potens a se, et absque recursu ad gratiam elicere contritionem. Probatur hæc ultima. Consequentia ex præcedentibus: quia constituitur potens proxime, et expedite ad contritionem per amorem absolutum ultimi finis, et conversionem ad ipsum, ad quod sub peccato est impotens, ut constat ex dictis loco citato, et hactenus ex illo in hoc dubio expensis: ergo nullatenus viribus propriis se valet exerere in contritione.

Con-
firm. 2.

Confirmatur secundo, quia si ob aliquam rationem posset ex viribus propriis, maxime quia est connaturale homini dolere de peccatis supposita illustratione fidei, vel quia teneretur ad contritionem, et conversionem, vel ex utroque capite simul. Nullum vero sufficit ad hoc ut prædictas vires deferamus libero arbitrio absque recursu ad gratiam. Ergo inaniter ei conceduntur. Consequentia constat, et Major ambit illius Authoris motiva, ut infra videbimus. Minor vero probatur, quia si aliquod illorum capitum, vel simul sumpta, aliquid probaret; pariter evinceret posse hominem lapsum reportare victoriam cuiuslibet gravis, et urgentis tentationis, supposito lumine fidei prohibentis succumbere peccato: est quippe naturale homini operari conformiter ad rectam rationem, et tenetur ita operari. Consequens autem est contra communem Theologorum sententiam. Ergo ex neutro illorum capitum aliquid probatur pro elicienda contritione ex viribus propriis.

Urgetur. Eo vel maxime: nam si ex illustratione fidei liberum arbitrium excitaretur ad contritionem naturaliter; vel ea excitatio ori-

retur a fide, vel ab ipso naturali lumine? Si primum, jam contritio non esset naturalis, sed supernaturalis, siquidem oriretur immediate a fide, quæ est quid entitative supernaturalis, et a principio supernaturali nequit immediate ortum ducere aliquid, quod sit pure naturale, sed necessarium est ut saltem quoad modum sapiat indolem sui principii. Si autem immediate oriatur a lumine naturali, quantumvis illustretur extrinsece fidei notitia, nequit se in ultimum finem naturalem reducere, seu quod idem est, aversionem ab ipso excutere; cum sit primum principium totius ordinis, in quo homo se nequit constituere, nisi fultus ab ipso Deo, a quo fuit voluntarie aversus: et hoc fulcimentum non debetur homini voluntarie averso ab illo; et consequenter semper est necessaria gratia, quæcumque illa sit, de quo non dispudamus.

103. Unde constat, quod licet demus, ut revera damus in homine lapso potentiam ad amorem Dei, si tam potentia quam ille actus accipiantur secundum se, et praescindendo a peccato, quæ est potentia antecedens, eo quod illa dilectio non supponit per se peccatum neque etiam potentia secundum se, et quoad sibi connaturalia, sed omnia accidentaliter illi adjungitur: non inde cogitur idem asserere de contritione: huic enim non accidentaliter competit supponere peccatum; sed essentia liter, quia non est contritio, ubi non praecesserit peccatum, de quo sit conterendum. Unde majores vires exiguntur ad contritionem eliciendam, quam ad actum dilectionis secundum se, ut liquebit hanc notam, et a nomine negandam differentiam consideranti. Quare Major propositæ objectionis est falsa, et probatio illi opposita.

104. Sed dices: etiam ad amorem naturalem, quem concedimus possibilem potentiam antecedentem supponitur aversio ab ultimo fine; alioqui enim non solum esset constituenta potentia antecedens, sed etiam consequens: ergo vel ad utramque, vel ad neutram datur potentia antecedens.

Respondetur disparitatem esse, quod Solvitur aversio ab ultimo fine tollit potentiam consequentem tantummodo ad amorem: quo circa potius se tenet ex parte actus secundi, quem reddit incompossibilem cum peccato. Ad contritionem vero se habet ex parte actus primi. Et ratio est: quia sicut voluntas non est proxime potens ad electionem mediorum, quin præcedat intentio finis,

Discri
men
inter
contri
tionem
et am
orem.

Repli
tur.

finis, nec intellectus ad assentiendum conclusioni non supposito assensu præmissarum; quocirca positio, vel ablato finis se tenet ex parte actus primi, et infert potentiam, vel impotentiam proximam; et idem est de intellectu respectu præmissarum. Ita aversio, vel conversio ex parte finis ultimi se habet ad contritionem, atque ideo stante aversione, non est proxime potens voluntas ad contritionem. Cujus oppositum petit amor, qui est attingentia immediata ipsius finis, et ideo eo non stante adhuc stat potentia antecedens ad amorem secundum se.

Hinc dispellitur alia replica ab exemplo præmotionis. Nam ejus earentia non se tenet, ex parte actus primi, sicut nec ipsa præmotio; atque ideo homo non præmotus efficaciter adhuc est absolute, et simpliciter potens ad actum absque præmotione. Aversio autem ab ultimo fine se tenet ex parte actus primi ad contritionem cum privatione gratiæ; quia gratia est principium radicale, et Pœnitentia proximum contritionis; et ejus loco Ingreditur aversio cum privatione; subindeque inducitur impedimentum inauferibile absque gratia ex parte actus primi se tenentis, et excluditur potestas proxima, et expedita.

§ IV.

Consecutarium notatum dignum.

Horol-
ar. 1.

105. Ex proximis dictis agnoscitur latum discrinem dilectionis naturalis a contritione: nam prior ille actus secundum se non excedit vires liberi arbitrii eodem modo accepti. Unde illum concedimus, et concedunt Theologi, si in puris naturalibus conderetur. Quocirca disp. supra allegata de gratia statuimus in homine peccatore reperiri potentiam antecedentem ad prædictam dilectionem ob rationem nuper indicatam, et ibi latius expensam. Cum tamen eadem potentia non salvetur ad contritionem, ne lum in homine lapso, sed nec etiam, si conditus fuisset in puris. Et ratio est eadem utrobique: quia homo conditus in puris, si se peccato obstringeret, desiceret prorsus a rectitudine ultimi finis, ab eoque irremediabiliter se averteret, propriis virtibus consideratis; siquidem se constituere non possit in illomet statu, a quo deciderat, nec Detinat sibi pacatum reddere; quin eliceret actum dilectionis naturalis, quo vel peccatum a se excuteret,

vel unum, et alterum conjungeret, quod est manifeste implicitorum. Actus autem dilectionis se tenet ad contritionem ex parte actus primi, sicut intentio finis ad electionem, et assensus præmissarum ad conclusionem: ergo defectus prædictæ dilectionis inducit, et infert defectum non solum potentiarum consequentis, sed etiam antecedentis ad contritionem. Non enim minus illa aversio se teneret ex parte actus primi, quam modo, nec magis esset auferribilis ab homine, quam quæ incurritur ab homine voluntarie se avertente a fine naturali per violationem præceptorum hujus ordinis.

106. Hinc inferimus, et bene consequi arbitramur, nec in illo nec in isto ordine posse dari veram contritionem, quæ non sit supernaturalis, quantumvis concedatur amor Dei naturalis, ut concedimus et concedunt Theologi. Porro disparitatis ratio sumenda est tamquam ex prima radice ex dictis in hoc dubio, quibus si addantur, quæ importat peccatum mortale in quocumque statu committi contigerit, haud obscure colligetur veritas hujus consecutarii. Et quidem quodlibet peccatum lethale Deum qua Deus est absolute, et absque ulla limitatione offendere manifestum debet esse; siquidem illo avertitur homo ab ipso, non sub hac, vel illa ratione dumtaxat, sed sub omni ratione ipsum constitutive in ratione ultimi finis. Deus autem non constitutur in ratione ultimi finis, nisi per illud quod ipsummet constituit in ratione Dei, et prii principi non solum hujus mundi, sed omnium possibilium, et omnium perfectionum excogitabilium. Unde peccans licet non in effectu, in affectu tamen ab omnibus illis recedit, omnianque illa posthabet, ac postponit bono commutabili, iti quod convertitur; quocirca evadet iniuria Deo inde interrogata simpliciter infinita; quia nimurum non recedit homo a Deo prout splendet in creaturis, qua solummodo attingitur lumine rationis naturalis; sed etiam ut est quid ab ipsis distinctum, et infinite superius; quare recedendo a Deo fine naturali explicite, recedere necesse est virtualiter implicite, et interpretative ab ipso absolute, et ut finis supernaturalis est in se ipso; licet ab homine sub ea expressione non attingatur: sufficit enim attingi sub universaliori ratione sub qua continetur esse naturale, et supernaturale. Sicut quia Deus sub universalissima ratione entis producit ad extra

Infer-
tur 2.

hominem, nihil est in homine, quod non subsit influxui Dei, et si annihilaret hominem totus profecto in nihilum rediret; quamvis a Deo non nisi sub ratione entis suspenderetur influxus.

Con-
sect. 3.
D.Thom.

Hinc non posse dari veram contritionem, quæ supernaturalis non sit convincimus. Primo ex D. Thoma 128 de Verit. art. 2, ad 5, ubi ait: *quod et si Adamus a solo statu naturæ decidisset, nihilominus tam ad expiationem infinitæ offensæ, donum divinæ gratiæ requireretur.* Ex quibus sequens formatur ratio sub hac forma. Quia contritio quæ vera contritio est, tendit primario, et directe ad compensandam offensam, et injuriam Deo irrogatam per peccatum: sed injuria Deo irrogata per peccatum mortale est infinita, et supernaturalis: ergo contritio, quæ vera contritio est, debet esse supernaturalis. Major constat ex supra insinuata differentia, et amplius constabit ex dicendis ad q. 85. Minor autem probatur: quia si offensa irrogata Deo ut Authori naturæ, non esset supra vires totius naturæ creatæ, et creabilis (in quo esse supernaturale consistere tradunt communiter Theologi) intra ordinem naturæ esset aliquid, quo expelli posset illa offensa, ut videtur perspicuum: non est autem intra ordinem naturæ aliquid quo remittatur offensa irrogata Deo Authori naturæ: ergo praedicta offensa non naturalis, sed supernaturalis est. Probatur Minor ex dictis tract. de justificatione disp. 2, dub. 7, ubi late probavimus peccatum commissum in statu purorum, in quo nulla foret supernaturalitatis notitia, neutiquam deleri posse absque gratia sanctificante, quæ in omnium sententia supernaturalis est. Si autem intra ordinem naturæ esset aliquid quo remitteretur peccatum; nullibi aptius, quam in illo statu, utpote omnino experti cuiuslibet elevationis, assignari deberet: ergo si pro remissione peccati, et ablatione offensæ in statu purorum fit recursus ad gratiam supernaturalem; manifestum est non esse aliquid intra ordinem naturæ, quo remittatur peccatum commissum contra Deum authorem naturalem.

2 Pro-
batio.

107. Rursus probatur eadem Minor sequenti discursu. Nam illa offensa est supernaturalis, quæ ad sui ablationem postulat concursum Dei omnino gratis exhibitum supra totum ordinem naturæ (in quo non debet esse dissidium); sed intra totum ordinem naturæ non deberetur concursum Dei, quo ex parte sua cederet of-

fensæ, et ad se hominem lapsum reducere: ergo talis concursus Dei foret gratis exhibitum, et supra totum ordinem naturæ. Major et Consequentia non indigent probatione, et suadetur Minor: quia si cui posset esse debitus praedictus concursus, maxime ipsi homini se convertenti ad Deum, ut ad ultimum finem (recurrere enim ad aliorum exigentiam est in incertum ire, et potius divinare, quam cum fundamento Theologizare): sed homo lapsus nequit se convertere ad Deum, quin prius Deus se convertat ad hominem, ut passim clamant Scriptura, et Patres, ut vidimus supra, et hinc apparet illorum testimoniorum energia; nec homo discessus ab ultimo fine se in illum absque illo prius movente, et agente potest se reducere: ergo concursus ille nulli intra totum ordinem naturæ esset debitus; et consequenter Deus non illum exhiberet, nisi operando supra ordinem, et exigentiam naturæ, et consequenter supernaturaliter.

108. Tertio probatur eadem Minor: nam illa offensa est supernaturalis, quæ ita versatur contra Deum cognitum qua Deus est, ut ab illo sub omni ratione recedere velit: sed talis offensa est quæ committitur intra ordinem naturæ contra Deum: ergo talis offensa est supernaturalis. Major sumitur ex D. Thoma in 4, dist 16, q. 3, art. 2, q. 3, docente: *quod aliquando variatur species peccati sine hoc, quod intentio feratur ad circumstantiam: sicut fur ita libenter acciperet vas aureum non sacramum, sicut sacram, et tamen in aliam speciem peccatum mutatur scilicet de furto simplici in sacrilegium.* Constat autem peccatorem ita libenter recessurum a Deo ut est Author supernaturalis, ac ab ipso recedit ut est Author naturæ; non enim ipsum postponit bono commutabili, nisi qua Deus est. Quid ergo mirum quod illius offensa evadat altioris ordinis, et consequenter supernaturalis: non enim res pensari debet ex re attacta explicite, in quo decipiuntur alii, sed ex affectu, et modo, ut clare convincitur exemplo D. Thomæ.

Hinc probatur prima Consequentia primi syllogismi: quia contritio, quæ est vera contritio, tendit ad placandum Deum media compensatione offensæ ipsi per peccatum irrogatæ: ergo si offensa est supernaturalis, contritio debet esse supernaturalis, et ex motivo supernaturali. Patet hæc Consequentia: quia non stat hominem esse vere contritum, et Deum esse illi

Tertia
probatio

D.Thom

Conse-
quentia
prob.

illi homini aliqua ratione offensum : ergo si sola contritio tendit directe in destructionem offensæ, et nihil offensæ manet posita contritione, nequit non et ipsa contritio evadere supernaturalis. Sic enim se habet contritio ad destruendam offensam, sicut ad abluenda peccata; nec in haec tendit nisi quatenus important offensam Dei : sed contritio, quæ non detestatur omnia peccata sub universalis ratione peccati, non est vera contritio : ergo quæ non tendit in compensationem offensæ, qua offensa est, et undecumque proveniat, non D.Thom. est vera contritio. Minor est D. Thomæ, imo et totus discursus infra quæst. 86, art. 3, ubi ait : *Peccatum mortale non potest sine vera pænitentia remitti, ad quam pertinet deserere peccatum in quantum est contra Deum, quod quidem est commune omnibus peccatis mortalibus. Ubi autem est eadem ratio, est idem effectus. Unde non potest esse vere pænitens, qui de uno peccato pænitit, et non de alio. Si enim displiceret ei illud peccatum, quia est contra Deum super omnia dilectum (quod requiritur ad rationem veræ pænitentiaz) sequeretur quod de omnibus peccatis pæniteret.* Non ergo stat contritio de offensa sub una ratione, et non sub alia. Et consequenter omnis vera contritio, cum tendat in divinæ offensæ compensationem, qua offensa est; sicut in omnia peccata, qua peccati communem subinduunt rationem, debet esse, et revera est supernaturalis.

Objec-
tio.

109. Nec refert, si objicias, secundam Minoris probationem fallere, imo et totum discursum pati manifestam instantiam in amore naturali Dei, quem nullus it inficias, quoniam homini lapso non debetur influxus Dei ut authoris naturæ ad amorem naturalem, nec homo se ipso absque auxilio Dei se constituere valet in prædicta dilectione; et tamen nec influxus Dei in amorem, nec amor ipse evadunt supernaturales : ergo nec similiter contritio erit supernaturalis, ex eo quod concursus ad illam non sit alicui debitus, nec homo possit contritionem elicere, quin prius a Deo ad contritionem excitetur, et vocetur; in quo sistere videbatur tota vis illius probations.

Et hinc totus discursus inefficacæ redarguitur. Nam dilectio naturalis Dei super omnia, ita tendit in Deum, ut Authorem, et finem naturæ, quod simul indirecte, et ex consequenti se porrigit usque ad præcepta supernaturalia, et consequenter

ad ipsum finem supernaturalem. Et tamen nullus hactenus docuit prædictum amorem esse supernaturalem : ergo nec similiter contritio, quæ homo conteretur de offensa Dei Authoris naturalis. Ex quo rursus fiet æque esse possibilem, imo de facto datam iri contritionem naturalem, ac amorem Dei naturalem ut recta proportio inter amorem, et dolorem servetur.

Non, inquam, refert ista objectio, licet Refelli-
tur. specie tenus videatur difficilis, quia pro-
cedit ex non satis penetrata radice distinc-
tionis inter amorem, et contritionem, quam confundit cum simplici odio pec-
cati; cum tamen esse distinguendum inter
illa constet ex supradictis in hoc dubio, ut
nos docuit D. Thomas. Unde hac objectione recte probatur intra ordinem naturæ reperiri, et amorem Dei Authoris naturalis, et simplex odium peccati ex amore prædicti ordinis ortum; non vero suadet ita posse offendì Deum ut Authorem naturæ, quod non evadat hujus offensa supernaturalis, nec consequenter quod contritio non sit et semper debeat esse supernaturalis. Quoniam talis debet esse quoad ordinem contritio, qualis est offensa, in cuius directam expulsionem collimat : sed offensa irrogata Deo Authori naturali est supernaturalis, utpote quæ auferri nequit absque gratia supernaturali, non qualicumque sed sanctificante : ergo contritio, quæ vera contritio sit, debet esse supernaturalis. Consequentia constat, quoniam contritio quæ vera contritio est, et non tantum apparens, est ultima dispositio ad iterum ineundam amicitiam cum Deo : sed intra ordinem naturæ non datur forma sanctificans naturalis, aut naturaliter expellens peccatum commissum contra Authorem naturalem, ut constat ex D. Thoma : non ergo intra hunc ordinem reperire est veram contritionem, quæ sit naturalis. Inanis profecto, et commentitia est ultima dispositio ad formam, quæ non datur, nec est possibilis, ut vel in naturalibus constat : esset quidem ultima dispositio, et non esset.

110. Hinc instauratur secunda Minoris probatio, contra quam directe militat ob-
jectio : nam offensa quæ postulat ad sui exclusionem sive ex parte Dei, sive ex parte creaturæ influxum omnino indebitum, ac proinde supernaturalem, est abs dubio supernaturalis : sed offensa Deo irrogata intra ordinem naturæ postulat influxum supernaturalem, siquidem nulla Refelli-
tur probatio-
nem instau-
rando.

naturali forma potest deleri, nec macula peccati, nec injuria ex illo inducta. Ergo influxus ad unam, et alteram requisitus nullo ex capite est debitus, et consequenter omnino est supernaturalis. Ratio est a priori: quia in nullo ordine, in quo non est forma, esse potest dispositio illius, quoniam dispositio non est nisi propter formam, sicut nec media nisi propter finem: quocirca ex repugnantia formae recte probatur repugnantia dispositionis ad illam, sicut ex repugnantia objecti bene affirmatur repugnantia habitus, vel actus. Constat autem repugnare formam naturalem formaliter sanctificantem, aut excludenter peccatum nec quoad maculam, nec quoad offensam: repugnat ergo contritio naturalis.

*Diluitur
objec*to*.*

Ad objectionem ergo quatenus huic fundamento adversari potest, respondeatur hominem lapsum neutiquam posse in amorem naturalem Dei erumpere, quin prius sanetur per gratiam; nec similiter in contritionem perfectam absque eo quod interveniat eadem gratia. Et quoad hoc non est disparitas inter amorem, et contritionem in ipso instanti justificationis; uterque enim actus ipsam postulat in illo instanti, licet ex diverso capite; nam contritio ut principium eliciens; amor autem Dei tantum ut removens prohibens, sive ut causam expedientem. Siquidem eo ipso quod homo a peccati nexibus exuvatur, cessat impedimentum se exerendi in actum sibi proprium, et connaturalem, qualis est amor Dei super omnia atque ideo redditur potens proxime, et expedite ad illius efficientiam adhuc in illo instanti. Quia tamen connaturalius est in ipsomet instanti gratiam se exerere in actum supernaturali sibi proprium dilectionis Dei, in quo eminentius continetur adimpletio pracepti naturalis, idcirco non est necessarium erumpere in actum dilectionis naturalis, quamvis possit. Contritio vero cum sit ultima dispositio ad gratiam, a qua debet procedere juxta ea quae tract. de justificatione disp. 3, dub. 3 et 4, statuimus, postulat eandem gratiam ut sui principium effectivum. Unde nec in ipso justificationis instanti, nec deinceps dum perseverat in statu justi, potest dari contritio, quae non procedat a gratia sanctificante ut a principio radicali, et a Poenitentia ut a virtute proxima. Pro cuius clariori differentia recoli debent, quae expendimus

Oculudi-
tur
replica.

disp. 2, de Gratia dub. 4, § 3 et 4.

elicere amorem Dei naturalem, et consequenter odio habere peccata ex illo motivo naturali, ut similiter possit de illis habere contritionem naturalem. Nam ratio disparitatis est, quod amor Dei naturalis in eo easu supponit rectificatam naturam, et culpam ablatam per gratiam, unde nihil mirum, quod natura ita restituta ad meliorem frugem, possit uti ipsis viribus naturalibus ad dilectionem Dei prout splendet in creaturis, et est illarum principium, quo pacto, vel ipsi peritiores Philosophi unam primam causam omnium principium, et finem agnoverunt, et illorum principem Aristotelem dixisse fertur: *Causa causarum miserere mei.* Ex hoc autem amore naturaliter oritur odium, et disiplentia peccati ut oppositi praeceps illi bono, in quod tendit homo per illius naturalem dilectionem; quin aliqua major difficultas splendeat in uno, quam in alio actu. Contritio autem, qua contritio est, altius supervolat respiciendo ipsam Dei offensam, qua offensa Dei est, eamque expiare, ac compensare intendit media emollitione hominis contriti; et inde importat speciem difficultatem, ad quam vires naturales non sufficiunt, ut manifeste convincit communis assertio nullam formam naturalem sanctificantem admittens; nec limitatur ad unum vel aliud peccatum, sed omnia abolere intendit. Quocirca Doctor D.Thom Angelicus infra q. 85, art. 1 ad 2, docuit, quod *Penitentia habet quidem realiter generalem materiam, in quantum respicit omnia peccata; sed tamen sub ratione speciali, in quantum scilicet sunt emendabilia per actum hominis cooperantis Deo ad suam justificationem*, vel perfectiorem justificationem, ut accidit in casu quem versamus. Unde semper praedicta contritio est supernaturalis, utpote cooperatio hominis cum Deo supernaturaliter agente ad remissionem offensae, sub ratione communi offensae, sub qua non coartatur ad ordinem naturalem. Et sane quem non pœniteret de peccato, quia peccatum est, sed ob aliquam peculiarem rationem; non vere, et absolute pœniteret, nec ad gratiam se disponeret.

112. Hinc ad replicam, quae in totum Amplus
discursum regerebatur, facile constat. Nam ita cum sit amorem Dei naturalem importare subjectionem ad ipsum ut Authorum, et finem naturæ; et praedicta subjectione in hoc ordine nequeat persistere cum aversione ab ipso ut fine supernaturali; quippe

quippe qua indirecte violatur jus supernaturale, ut supra indicavimus, et accuratius prosecuti sumus locis allegatis extract. de Gratia, maxime vero illa disp. 2, dub. 4, § 3 et 4, nihil mirum, quod dilectionis naturalis ita contineatur intra ordinem naturalem, quod mediate, et ex consequenti se porrigit ad impediendam violationem praecetti supernaturalis indirecte oppositam juri, et dilectioni naturalibus : atque ideo in homine elevato numquam separatur ab amore supernaturali proprio ipsius gratiae. Contritio vero absolutior, cum tendat ad extinguidam injuriam, qua injuria est contra Deum, media compensatione : et quia offensa gravis contra Deum quomodolibet irrogata fuerit, importat mortem animae, et jus divinum in se ipso laedit, ac damnificat; hinc fit nullam esse gravem Dei offensam, quae non sit supernaturalis, et quae utramque rationem a Deo non avertiat, atque ideo quod contritio, qua expiari debet, supernaturalis non sit.

Cujus si ulteriore radicem queras, facile elicies ex dictis : quia contritio supernaturalis, per cuius analogiam discurrendum est de contritione quam voluntatem naturalem, non tam tendit ad auferendum malum peccatoris, sed quod idem est, maculam peccati, qua ratione deturpat, et denigrat animam (hoc enim supponitur factum pro aliquo priori ab ipsa gratia in genere causae formalis), quam in ipsam offensam, quae est malum Dei, et inducitur per aversionem ab ipso, et hanc intendit destruere. Unde non respicit radicem offensae, quod fuerit ex hoc, vel ipso motivo facta; sed quia offensa est, et quia est Deo irrogata in se ipso, unde evadit supernaturalis in ratione remissibilis; quam et non aliam supernaturalitatem illi deferimus.

113. Unde novas reassumit vires nostra resolutio, et retorquetur argumentum. Non enim ex alio principio distinguunt Theologi ordinem naturalem a supernaturali, quam ex eo quod in illo attingitur Deus, prout splendet in creaturis, et effectibus naturalibus; in isto vero tendentia non silit in creaturis, sed in ipsum, pro ut in se est, cuncta hujus ordinis collimant; et penes hos duos respiciendi modos differunt ordo naturalis, et supernaturalis : sed offensa irrogata Deo intra ordinem naturae afficit Deum in se ipso immediate, a quo evellit rationem ultimi finis ; haec ergo of-

fensa in se ipsa supernaturalis est. Patet Consequentia : si enim quod actus tendat in Deum prout est in se, est ratio adaequata ipsum constituendi in ordine supernaturali, cum quaelibet Dei offensa Deum, pro ut in se est, moraliter afficiat; nulla profecto erit, quae supernaturalis non sit. Sed dispositio ultima ad auferendum offensam supernaturalis per modum compensationis debet esse supernaturalis. Ergo cum hoc contritioni conveniat, legitime infertur nullam esse contritionem, quae vere supernaturalis non sit. Contritio autem supernaturalis nequit fieri viribus naturali. Ergo perperam conceditur a Molina ubi supra posse liberum arbitrium cum propriis viribus, et solo concursu generali Dei elicere contritionem quoad entitatem, quo pacto est supernaturalis.

114. Est tamen observatu dignum hactenus dicta processisse juxta nostram sententiam, quam locis allegatis, eligimus circa amorem Dei naturalem, possibilem quidem, et nature purae, et lapsae secundum se, et proprias vires adhuc post peccatum relictas. Si vero quis maluerit oppositam amplecti (quae est plurium, et satis gravium discipulorum D. Thomae) quibus novissime adharet Lemos tom. 3, tract. 2, cap. 30, num. 475, in nullo statu admittentium amorem Dei adhuc naturalem super omnia absque gratia, clarius detegitur falsitas predictae sententiae. Si enim nec in natura pura admittitur possibilis predictus amor; qua ratione concedi poterit contritio naturalis, et amor itidem naturalis in homine lapso, et in peccato existenti. Quapropter in nulla sententia discipulorum D. Thomae admittenda erit, sed ut a veritate aliena mandari debet positione illius Authoris, utpote contra sacram Scripturam, et SS. PP. praecipue vero Augustinum, D. Thomam, et contra veram Theologiam nullam agnoscentem contritionem non supernaturalem. Recolantur superius dicta in hoc tract. disp. 2, dub. 4.

§ V.

*Oppositæ sententiaz fundamentia referuntur,
et refelluntur.*

115. Oppositam sententiam asseruit Molina ubi supra esse quam plurimum scholasticorum, et pro ea refert ex discipulis plures D. Thomae Magistrum Cano relect. de Pœnit. pag. 121. Sotum in 4, dist. 17, q. 2,

Vindi-
catur
Magister
Soto. art. 5, et Cajetanum q. 1 de Contritione. Sed quidquid sit de Cajet. qui non ita clare locutus fuit, constantissimum est Cano, et Soto in alio longe sensu fuisse locutos, et quod attinet ad Magistrum Soto in illius distinctionis quæstione, et art. allegatis hæc habet: *Contritio vero nasci nequit, nisi ex auxilio speciali Dei supernaturali præveniente liberum arbitrium, et simul infundente habitum Pœnitentiæ, ex quo actus contritionis elicitor; nec in toto illo articulo agnoscit aliquam contritionem, quæ non sit ultima dispositio ad gratiam, et consequenter supernaturalis, ut illum percurrenti constabit.* Quod enim ibi in solutione ad argumenta se referendo ad dicta lib. 1 de nat. et grat. cap. 22, admittat ex viribus naturæ posse haberi hunc actum: *Volo Deum in omnibus, et super omnia placere, minime infert in eo fuisse, quod amor Dei super omnia absolutus, et efficax, nec similiter contritio, naturæ debeant tribui, exclusa gratia; alias se ipsum negaret, et sibi ipsi paucis interjectis lineis contradiceret.* Sensus ergo illius est prædictum actum viribus elicitorum naturæ esse inefficacem, non tamen perfectum, et executivum ut ejus verba declarant: *Quæ quidem dicitur dilectio Dei objectiva, id est, quæ Deum habet pro objecto, et requisita; non tamen infusa, et perfecta, et executiva, atque efficax.* Par ergo modo potest esse similis detestatio offendæ Dei, nimirum inefficax, et imperfecta, quæ potius est velleitas, quam fixa voluntas seu volitio, de qua non est quæstio, sed de entitate contritionis, et hanc affirmaverat non aliunde nasci, quam ex auxilio Dei præveniente liberum arbitrium, et infundente habitum Pœnitentiæ.

Scot. Ex aliis vero annumerat Molina pro Gab. eadem sententia Scotum in 4, dist. 4. Ocham. Petrus de Gabriel in 3, dist. 26, q. 1 et dist. 14. Aliac. Marsil. Richard. Marsil. D. Palud. Bona- vent. D. Bona- vent. Vega. Victoria. a Molina potestate Ecclesiæ q. 2, n. 9. Et conclu- relati. dit neminem se legisse ex Antiquioribus

Soto, et Cano, qui huic sententiae adver- setur, quo circa Majorem, Gregorium, Ca- preolum, ut ab ea non recedentes, vel saltem non negatueros adducit. Sed fides sit apud referentem, de qua alii dubitant, ut videre est apud Magistrum Lemos ubi supra cap. 27. Quod nostra refert, est fun-

damenta librare, ut inde quid ponderis illi insit, cordatus judicet.

116. Primum ergo, cui totum robur sententiae Molina commisit, ipsiusmet verbis fideliter relatum, est hujusmodi: *Ratio vero, quæ communis Doctorum senten- tiæ patrocinatur, hæc est. Quia præexistente maxime lumine fidei, quo agnoscimus Deum conditorem nostrum, innumeraque, et maxima beneficia, tum naturæ, tum gratiæ, quæ in nos contulit usque ad proprii sanguinis in cruce effusionem, quo insuper cognoscimus justis sempiternam felicitatem, impensis vero ignem sempiternum, extremamque miseriam esse propositam, lethale autem peccatum tam extremum esse malum, adeoque divinam majestatem offendere, ut vel unum sit satis. ut qui illud commiserit, nisi de eo doleat, statuatque nihil tale deinceps com- mittere, supremam amittat felicitatem, in extremamque incidat miseriam, procul du- bio tam potens sit hæc cogitatio ad excitandam, et permovendam voluntatem, ut liberum arbitrium ejus, qui hæc sibi persuaserit, atque a proprio acumine, aut alterius sugges- tione, et hortatu rem attente consideraverit, cum solo concursu generali Dei elicere valeat, intuitu quidem extremonrum malorum, in quæ alias incidet, dolorem, seu detestationem suorum scelerum cum proposito cavendi in posterum omnia peccata lethalia, in quo consistit altritio quoad substantiam actus; intuitu vero bonitatis, ac beneficiorum Dei, similem detestationem, ac propositum, in quibus posita est ratio contritionis quoad substantiam actus, insufficientis ad salutem, eo quod peculiari impulsu Spiritus sancti excitata non sit, nec effecta.*

In quo fundamento non possumus non Verba Molina. annotare quæ immediate membro 2 subtexuit: *Non desunt hisce temporibus, qui periculosam, quin et errori proximam, celebrem hanc Scholasticorum sententiam arbitrentur, etiam si sermo esset de viro catho- lico, qui in eo esset lethali peccato, qui neque fidei, nec spei adversaretur, de quo est sermo in ratione confecta.* In quo profecto iste Author non bene meretur nec de Doctoribus, nec de illorum communis sententia quasi ea sit, ut erronea censerri valeat, vel saltem errori proxima, quæ est sententia communis, et a D. Thoma, D. Bonaventura, et pluribus aliis scholasticis doceatur: hoc enim non bene cohaeret, nec apud cordatum quemlibet bene audiet. Unde vel non esse D. Thomæ, et aliorum scholasticorum communem illam senten- tiæ,

*Jusdem
dicitur
alia
verba.*

tiam, ut revera non esse monstravimus, vel non esse tam gravi censura inurendam, tenendum est.

Insuper. Si prædicta sententia communis ut errori proxima sugillatur; illius fundamentum ita expensum, et propositum erit deceptorium, et ruinosum, ac subinde protinus amandandum, utpote indignum, cui catholicus Theologus adhæreat; quin enodare, et si qua illi est difficultas, detegere, et extricare tenetur. Quo contra se gessisse laudatum Theologum manifestum erit cuilibet conferenti, quæ ex ipso nuper retulimus cum iis, quæ docet disp. 43, illius concordiae juxta impressionem Olyssiponensem sub anno 1588, ubi pag. mihi 263, § *Reliqui motus*, sub eisdem fere verbis illudmet principium reassumit ad explicandam gratiæ prævenientis rationem, dicens : *Dum intellectus illustratus jam lumine fidei supernaturalis, semper tamen beatitudinem homini a Deo præparatam cogitat, bonitatem ac excellentiam illius, tam multa, et præclara Dei opera, ac beneficia in hominem collata, de quorum numero sunt Christi incarnatio, ac passio, consideratque reliqua media, quæ sibi ad vitam æternam consequendam abundantissime suppeditata sunt; naturaliter oritur in voluntate, non solum affectus ad beatitudinem, quo allicitur, et invitatur, ut cum amore concupiscentiæ velit, sed etiam motus erectionis, quo attrahitur, et allicitur ad eam ipsam a Deo sperrandam, et § Deinde immediate sequenti inquit : Cum intellectus lumine fidei illustratus, præexistenteque actu spei supernaturalis in voluntate, Dei bonitatem, tum secundum se, tum erga nos considerat, et tam multa, ac magna beneficia, quibus tam suavititer nos prævenit, naturaliter excitatur in voluntate motio affectus amoris, amicitiæ erga Deum, quo ea potentia allicitur, et ad Deum diligendum invitatur. Et inde se accingit ad explicandum motus contritionis, et attritionis pure naturales procedere a libero arbitrio, eisdem ferme verbis, quibus supra in arguento proposito communis sententia ab aliquibus ut errori proximæ sugillatae rationem expenderat.*

*Quid
inde
suntur.*

117. Ex quibus duo sequuntur nulla tergiversatione eludenda : et quod in ea fuerit sententia, quæ a pluribus ut errori proxima, ipsomet teste, nuncupabatur : et quod non solum libero arbitrio detulerit actus contritionis, et attritionis absque gratia, sed etiam desiderium beatitudinis, amorem concupiscentiæ erga illam, et

amicitiæ erga Deum, et aliquid altius, quo exigitur ad sperandam eisdem viribus beatitudinem; licet postea illis motibus se inserat Deus, ut ipse loquitur, illosque suo supernaturali influxu, non solum acuit, et incendit, sed etiam efficit supernaturales. Quod est supervenire gratiam ad influxum antea præstitum a libero arbitrio, ad eum sane modum quo dealbans parietem supervenit ad influxum parietem extruentis. Quæ non ideo appinximus, ut Authoris doctrinam aliqua nota inuramus quod munieris nostri non est, sed ut ex ipsiusmet confessione constet, quanti fieri debeat illa communis sententia notio, ab ipso formata, quantumque ponderis insit nostræ contra suam sententia, juxta quam nec vestigium periculi adest; cum tamen in admittente, et propugnante contritionem quoad substantiam naturalem insit ut aliqui censem, proximum incidendi in errorem juxta ipsius attestationem.

118. Et sane quod ægerime componi judicamus, et doceri semper optavimus, est quod ex una parte asserit hæc sententia, et ex alia sancit Ecclesia. Illa enim tenet motui naturali voluntatis, quo afficitur ad res cognitas per fidem se quasi inserere Deum influxu supernaturali, quo quasi acuit illum motum, ut magis urgeat, et alliciat, efficitque illum supernaturalem : ita disp. 33, § *Accipe ergo*. Addit vero § immediato *ex his patet, liberum arbitrium posse illos desiderare (plane et supernaturales) et petere a Deo, et quodammodo se ipsum aptare, et disponere, ut juxta communem cursum, ac ordinem divinæ providentia facilius sibi a Deo donentur*. Id quod iterato affirmat § *Deinde supra allegato*, dicens : *Huic motui se inserit Deus, illumque suo supernaturali influxu, non solum acuit, et incendit, sed etiam efficit supernaturalem, qualis videbitur in suo ordine, et gradu est ad salutem necessarius. Influxus ergo, quo Deus in illum influit (acuendo, et incendendo quidem), appellatur auxilium gratiæ prævenientis : motio vero, et affectus ut est a Deo per illum influxum, dicitur gratia præveniens, et excilans liberum arbitrium*. Ex quibus patentissimum fit, quod supra deduximus, nimirum priorem esse operationem liberi arbitrii naturaliter agentis operatione supernaturali Dei, utpote qua se inserit Deus motui naturali ipsum acuendo, et supernaturalizando, atque ideo se habere Deum uti se habet dealbans parietem respectu illum construentis : fit insuper hominem

*Quid
teneat
Molina.*

se utcumque disponere ad gratiam prævenientem, et excitantem absque gratia, sed sola naturæ inclinatione attenta, supposita fide, ut diserte affirmatur. Consequitur tandem nomine gratiæ prævenientis nihil aliud intelligi, quam ipsam motionem, prout est a Deo. Constat autem ex immediate deductis, et palam assertis prius voluntatem velle, quam Deum se ille inserere, prius liberum arbitrium se aptare, ac disponere proprio, ac naturali influxu, quam elevetur, acuatur, et incendatur a Deo: ergo homo est qui ex propriis viribus prævenit Deum ab ipso adhuc non præventus, et idem homo se utcumque disponendo excitat Deum, a Deo non excitat, ut sibi facilius a Deo donetur. Hæc inquam in hac sententia negari non possunt, ut transcripta verba declarant, quin interpretationem admittant, vel imposturæ argui possint. Et ut uno verbo rem concludamus, de toto ordine supernaturali ita theologizatur in hac sententia, ut influxus naturalis præeat supernaturalem, isteque superveniat, ut dealbatio supervenit ad constructionem parietis.

119. Unde superest, audiamus, quid doceat Ecclesia, et missis omnibus illis testimoniis initio hujus dubii pro nostra sententia allegatis, quæ clarissima sunt, et pene innumeris alis toto tract. de Gratia sparsim productis, vel ex illa frequenti Ecclesie oratione satis convincitur discrepantia. *Actiones nostras quæsumus, Domine, aspirando præveni, et adjuvando proseguere, ut cuncta nostra oratio, et operatio, a te semper incipiat, et per te cœpta finiatur,* juxta quem orandi modum confitemur nullam esse nostram actionem salutarem, quæ non præveniri debeat a Deo, ab ipsoque adjuvari, ut ab ipso primo incipiat, et incepta per ipsum finiatur. Constat vero initium utcumque salutis esse esse diligere Deum super omnia, conterere de ejus offensis, desiderare beatitudinem, illamque sperare, ut liquet in infirmitatibus naturælibus, a quibus ex seipsa aliquatenus convalescente natura, superveniens medicina perficit quidem, et consolidat, non tamen inchoat sanitatem, et idcirco sanitas primo tribuitur naturæ, deinde arti, ut constat ex Philosopho appellante medicinam ministram naturæ, et ipsius instrumentum. Ergo si initium dilectionis, contritionis, et aliorum motuum prius habet esse a natura, quam a gratia; nullatenus hæc potest esse salutis initium, nec consequenter

excitans, et præveniens gratia, motio Dei potest rationabiliter dici; quin imo ipsa Dei gratia debet appellari excitata, et præventa a natura, contra expressam Conciliorum doctrinam maxime vero Tridentini Trider tota illa sess. 6, de justificatione, ubi specialius cap. 5, declarat ipsius justificationis exordium in adultis per Jesum præveniente gratia sumendum esse, hoc est ab ejus vocatione, qua nullis eorum existentibus meritis, vocantur, ut qui per peccatum a Deo aversi erant, per ejus excitantem, atque adjuvantem gratiam ad convertendum se ad suam ipsorum justificationem, eidem gratiæ libere assentiendo, et cooperando disponantur. Quocirca in fine predicti capitulis concilians Sancta Synodus, nostram libertatem cum illa primo excitante ac præveniente Dei gratia, quin hæc illi aduersetur, sed amico foedere conjugatur, in quo opposita sententia offenditionis lapidem comminiscitur, ita concludit: *Unde in sacris litteris cum dicitur Convertimini ad me, et ego convertar ad vos, libertatis nostræ admonemur: cum respondemus: Converte nos Domine ad te, et convertemur, Dei nos gratia præveniri confitemur.*

In quibus oppositus procedendi modus evidentissimus est, siquidem juxta Tridentinum ita nos ad Deum convertimus, quod prius ab ipso converti enixe postulemus, et postulare debeamus. In opposita vero sententia prius nos influxu naturali ad Deum vel per amorem, vel per contritionem, imo et spem tendimus; quam Deus nos excitet, trahat, et præveniat. Et hoc ut dixi, doceri semper optavimus, qualiter cohæreat illa doctrina toties ab illo Authore diserte tradita de præcedentia nostrorum actuum in ordine ad Deum supernaturaliter operantem cum doctrina in Concilio firmiter stabilita de præcedentia gratiæ Dei, ut excitantis, et prævenientis nostram voluntatem naturalem. Quare vel nulla gratia vere excitans, ac præveniens ex parte Dei constituenda est, contra expressa testimonia, tum Scripturæ, tum Conciliorum, tum Patrum, et ipsam præxim Ecclesiæ nos eam orare, et flagitare a Deo docentis; vel si ea admititur, ut revera nedum admittere, sed et confiteri tenemur, necessaria illatione consequi affirmamus, omnino falsum esse posse hominem ex suo libero arbitrio; quin præveniat gratia Dei ipsum excitans, et adjuvans, elicere vel amorem Dei super omnia, vel contritionem, vel firmam spem adhuc naturales.

Quid
doceat
Ecclesia.

Philoso-
soph.

Res-
ond.

420. His itaque breviter annotatis occasione primi argumenti, ut ejus inefficacia ostendatur, plura alia producturi (si res postularet, et tractatu de gratia per totum, maxime vero disputationibus supra allegatis ea non discussissemus) respondemus ad argumentum negando hominem lapsum quantumvis fide instructum vel de Dei bonitate, et beneficiis abundantissima in nos collatis, vel de suppliis in aeternum luendis, posse elicere praedictos actus, quin prius ejus liberum arbitrium a Deo præveniatur, et vocetur supernaturaliter media sua gratia. Tum, quia alias natura præiret gratiam, et haec esset peditissequa naturæ, et ut nuper dicebamus, nullatenus salvari posset ratio gratiæ exitantis, vocantis, et preventientis, quas gratiæ acceptance nos docet Ecclesia, quæ errare non potest. Tum a paritate, nam sic se habet liberum arbitrium in ordine ad bonitatem divinam diligendam super omnia, et conterendum de peccatis vera, et absoluta contritione, absque gratia; sicut intellectus destitutus fide ad illum cognoscendum, et præbendum assensum rebus supernaturalibus: sed absque illustratione supernaturali nequit intellectus firmum assensum præbere alicui mysterio supernaturali; alioqui enim nec illustratio divina, nec fides supernaturalis, præexigerentur ad firmiter credendum mysteria gratiæ: ergo similiter nec liberum arbitrium viribus gratiæ destitutum potest se solo elicere actum ita firmum ut est amor Dei super omnia, et ita efficacem, ut contritio. Nam ut supra audivimus ab Augustino: *Cur ergo dictum est, diligamus invicem* (quod est facilius, quam diligere Deum) *quia dilectio ex Deo est, nisi quia per præceptum admonitum est liberum arbitrium, ut quereret Dei donum?* Perpende sequentia: *Quod quidem sine suo fructu prorsus admoneretur, nisi prius acciperet aliquid dilectionis, ut addi sibi quereret unde quod jubeatur, impleret.* Admonitio ergo fidei pure extrinseca voluntati prorsus sine fructu est, quin prius voluntas aliquod Dei donum accipiat. Et ideo concludit ibi S. Doctor: *Gratia nos facil legis dilectores, lex vero sine gratia non nisi prævaricatores facil: et infra: Si enim nos prius dilexerimus, ut hoc merito nos ipse diligenteret, prius illum nos elegimus, ut ab illo eligi mereremur, quod esse vanum testatur D. Augustinus, et divinæ veritati contradicit.* Cui doctrinæ affinis est alia D. Thomæ

3 contra Gent. cap. 151, ubi haec habentur inter alias quinque rationes: *Gratia gratum faciens est in homine divinæ dilectionis effectus: proprius autem divinæ dilectionis effectus in homine esse videtur, quod diligat Deum, hoc enim est principium in intentione diligentis, ut a dilecto redametur; ad hoc enim præcipue studium diligentis tendit, ut ad sui amorem dilectum altrahat, et nisi hoc accidat, oportet dilectionem dissolvi.* Cum ergo argumentum procedat de homine existenti sub lethali peccato, teste illips Authore, et ab eo ut ultimo fine averso, consequens est non habere in se principium Deum super omnia diligendi, nec prius posse Deum diligere, quam a Deo sit dilectus, ut constat ex ratione nostræ conclusionis, quæ fundatur in hoc principio utriusque S. Doctoris, Augustini, et Thomæ. Hinc rursus manifestius convincitur minus posse se exercere in contritionem, quæ supponit essentialiter amorem sui ordinis cuius est ultima dispositio concomitans.

421. Nec elevat difficultatem hactenus expensam, et contentam in testimonio illa, hucusque productis evasio illa, qua se in tuto positum retur prædictus Author, nimurum Concilia, Patres, et testimonia allegata loqui de contritione supernaturali, et conversione itidem supernaturali, quas nemo ambigit a Deo, et non a libero arbitrio, nisi sub motione Dei debere procedere, et rationem ex ipsis sibi tradere videtur claram: siquidem loquuntur de contritione, et aliis motibus voluntatis, ut expediunt ad salutem: non autem expedit aut contritio, aut quilibet aliis motus quantumvis alias perfectus ad salutem, nisi ut supernaturalis: ergo præallegata testimonia intelligi debent de contritione, et aliis motibus supernaturalibus. Ex quo minime infertur intra ordinem naturæ similes quoad substantiam motus reperiri non posse; quin tamen ad salutem conducant, vel ex eo solum quod naturales sint, ut perperam asseruere Pelagiani.

422. Hanc tamen responsionem pluribus convulsim agentes de necessitate Gratiae, et quoad præsens attinet, iterum refellitur. Tum quia id est, quod maxime displicet in hac sententia, idem tribuere naturæ, pro priori ad gratiam, quod juxta Scripturam, Concilia, et Patres adscribitur gratiæ. Quod quia in Pelagio et sequacibus vidit D. Augustinus, et totis viribus in illius doctrinam invectus est, nec aliis testimoniis de

Effu-
gium.

Refelli-
tur
primo.

ea victoriam nactus est, quam supra allegatis. Nec ideo adeo exosam illam habuit, quia meritum fundabant in natura respectu gratiæ, quod erat consequens; sed quia illosmet actus proprios gratiæ deferebant naturæ; quocirca non tantum excludebat meritum a natura respectu gratiæ, sed etiam actus ipsos, quoad entitatem, et substantiam, qui præcederent gratiam. Quare semper docebat gratiam non esse pedissequam naturæ, sed naturam in operando, pœnitendo, et se ad Deum convertendo subsequi gratiam. Quod quia plannissimum est in doctrina D. Augustini, non fusius prosequimur.

Secundo. 123. Tum etiam, quia contritio non habet, quod expediatur ad salutem, nisi ex illis Trident. capitibus, quæ annumerat Tridentinum prædicta sess. 14, cap. citato, et can. 5. Sed ex eisdem capitibus elicetur contritio a libero arbitrio fide instructo, viribus propriis absque interventu gratiæ: ergo nequit non ut a solo libero arbitrio procedit, quin interveniat gratia, elici ut expediens ad salutem. Probatur Major in medium adducendo verba illius canonis, quæ ita se habent: *Si quis dixerit eam contritionem, quæ paratur per discussionem, collectionem, et detestationem peccatorum, qua quis recognitat annos suos in amaritudine animæ suæ, ponderando peccatorum suorum gravitatem, multitudinem, fæditatem, amissionem æternæ beatitudinis, et æternæ damnationis incursum, cum proposito melioris vilæ, non esse verum, et utilem dolorem, nec præparare ad gratiam, etc., anathema sit.* Minor vero etiam liquet ex verbis argumenti supra positi, quæ cum istis collata vel nullam, vel fere nullam exprimunt differentiam. Ubi enim ad contritionem illam prætensam naturalem egregie ponderantur innumeram, et maxima Dei beneficia tum naturæ, tum gratiæ usque ad proprii sanguinis in cruce effusionem, sempiterna justorum felicitas, malorum interminabilitia, cum amissione beatitudinis, nec non peccatorum fœditas, et turpitude, de quibus nisi doleat, statuatque nihil tale deinceps committere, supremam amittere felicitatem necesse erit, et in extremam incidere miseriam. Hinc efficaciter probatur Consequentia: quia non aliunde contritio habet conducere ad salutem juxta definitionem Concilii, quam ex proprio motivo ibi præscripto; sed ex eodem motivo per fidem proposito procedit contritio facta a libero solo arbitrio: ergo esset

conducens ad salutem, et simul non esset: esset quidem ut recte probatur, non esset, ut prætenditur in illa sententia.

Rursus. Esset supernaturalis, et non esset supernaturalis; siquidem probatum est, et facto arguento convincitur contritionem ex illis motivis procedentem non posse non evadere supernaturalem: non vero talis evaderet, ut in illa evasione edocetur. Vel ergo contradictionia devorari debent ut simul vera, vel asserendum ineptam, et prorsus inanem esse illam responsionem; siquidem nulla vera contritio est, quæ non conduceat ad salutem ut hujus ultima dispositio, sicut nulla est aut esse potest, quæ non sit supernaturalis juxta superius dicta.

Secundo. 124. Secundo arguitur insistendo illi principio: quia cogitatio vel malorum imminentium ex peccato, vel immensæ Dei bonitatis in collatione beneficiorum, et simul in seipsa, potens est ad excitandam, et movendam voluntatem humanam, ut feratur in prædictam bonitatem, et detestationem absolutam peccati: sed hæc cogitatio reperitur in homine lapso per fidem instructo: ergo vera, ac substantialis contritio.

Confirmatur primo. Nam negari non debet naturæ lapse, quod ipsi illustrate fide non est admodum difficile, quamvis enim vires naturales aliquod ex peccatis detrimenntum subierint; non tamen penitus extinctæ fuerunt: sed saltem in absentia objectorum, et occasionum peccandi, non est difficile, quin et connaturalius naturæ elicere quoad solam actus substantiam propositum absolutum numquam deinceps peccandi lethaliter: ergo non est ratio denegandi libero arbitrio prædictum actum saltem in absentia tentationum.

Confirmatur secundo: quia naturale est homini, sibi proposita una e duabus molestiis inevitabiliter subeundis, minorem eligeret, saltem in utriusque absentia: sed homini lapso proponitur per fidem extremam, et omnium maximam infelicitatem subeundam, si non conteratur de offensis Deo irrogatis: ergo naturale ipsi erit erumpere in absolutam earum detestacionem, ut tantum malum effugere valeat. Idque (inquit citatus Author) quivis in se ipso experitur, si fidei lumine antem mentis oculos sibi proponat amissam felicitatem, seque innumeris malis circumventum sempiterno igne cruciandum.

Respondetur

Sec
du
argu

Con
mati

2 Co
fir

spons. Respondetur ad argumentum negando majorem; nam vel illa cogitatio est ipse-met actus fidei, quo cuncta illa creduntur; vel supposito assensu præstito ex fide, est cogitatio naturalis, qua homo confert tum bonitatem divinam, tum supplicia, cum peccatis, et offensis, contra Deum com-

missis. Et neutro modo sufficit ad alli-ciendam voluntatem, ut in prædictos actus erumpat ex propriis viribus, juxta illud

post. Apostoli 1, Corinth. 2: *Non sumus suffi-sientes cogitare aliquid ex nobis, tanquam ex nobis, sed omnis sufficientia nostra ex Deo est.*

Et quidem si illa cogitatio est ipse-met actus fidei; neutiquam ea sola

inflammatur voluntas, ut possit adeo per-fectum actum elicere, inde majores acqui-rit vires. Unde retorquetur argumentum

dupliciter: primo: quia vel ex ipsa fide suppeditantur voluntati vires, vel non? si primum: destruitur argumentis inten-tio: quia vires provenientes a fide, ab il-laque ut a prima, et immediata radice ortæ, debent esse supernaturales, sicut et

principium a quo dimant: ergo si ha-e vires a fide descendunt in liberum arbitrium; jam liberum arbitrium non se solo, sed ex aliquo sibi intrinseco super-naturali elicit prædictos actus. Si eligatur secundum: ergo quantumvis illuminetur voluntas, si ex ea illuminatione, nihil in-

trinsecum sibi vindicat, ita est impotens, quam si illuminatio non esset.

cundo. Secundo retorquetur argumentum dis-curso paulo superius facto a paritate: quia tam impotens est voluntas ad prose-quendum bonum propositum per fidem,

quam intellectus secundum se ad assen-tiendum objectis fide divina credendis, imo majus illatum est vulnus voluntati, quam intel-lectui per peccatum, ut est communis

Patrum et Conciliorum doctrina: sed intel-lectus absque lumine fidei nequit credere objecta credibilia: ergo nec voluntas abs-

que auxilio gratiae valet prosequi objecta per fidem proposita, nec consequenter de-testari vera contritione peccata ut sunt of-fensa Dei, et injuria ipsius.

Si voluerit eligere secundum partem prioris dilemmatis, nimirum illam cogitationem esse naturalem, ad eum sane mo-dum, quo discursus Theologicus est in se

mere naturalis, licet illative versetur inter objecta supernaturalia fide proposita; clari-lius adhuc est non posse inducere liberum arbitrium ad contritionem: tum quia de-ficit primum principium, nimirum intentio

finis ultimi, et amor efficax illius, absque quo non stat vera contritio de culpa: tum quia haec cum offendat Deum in se ipso, in ratione detestabilis, et expiabilis est su-pernaturalis, sicut restitutio vitæ naturalis est supra sphæram agentis naturalis, etiam primi. Unde sicut in naturalibus apparet, licet homo se, vel alium queat spoliare vita; non tamen valet illam reproducere, vel hominem a se occisum in pristinum reducere statum; quin interveniat agens supernaturale: ita et ob eandem rationem est theologizandum de vita supernaturali, et consequenter de contritione, utpote quæ in-divulse vitam spiritualem animæ com-i-tatur.

125. Si autem queratur ad quid deserviat illa notitia fidei? Respondetur ex D. Au-

Interro-gatio.
Res-pon-sio.

gustino ubi supra deservire quidem quam plurimum ad cognoscendum statum, ad quem redactus est homo ob sclera contra Deum commissa, et simul ut querat re-

medium non in se ipso, sed in Deo, cuius debet esse donum, juxta illud Ecclesiæ:

Converte nos Deus salutaris noster, et averte iram tuam a nobis. Deus in adjutorium meum intende, Domine ad adjuvandum me festina, et innumera alia sacræ paginæ

testimonia, in quibus plane monemur nullum nobis superesse refugium post lapsum, quam Dei misericordiam, et auxilium enixe flagitare. Unde tantum abest, ut

vera fides in actum perfectæ contritionis ex viribus propriis habendæ inclinet, aut moveat, quod potius rejicit, et solam spem in collatione divinæ gratiae collocare stu-deat. Et haec est humili Sanctorum con-

fessio, et proficia, qua non in operibus propriis, sed in solo Deo, a quo est nostra salus, tam in fieri, quam in facto esse,

constituunt. Quocirca (verba sunt D. Au-

D. Au-gust.

gustini ubi supra) quod a Deo nos avertimus, nostrum est, et haec est voluntas mala: quod vero ad Deum nos convertimus, nisi ipso excitante, et adjuvante non possumus, et haec est voluntas bona.

Hinc constat negandam esse minorem primæ confirmationis: quia non est ut-cumque difficilis homini lapso actus con-tritionis, quoad substantiam, sed etiam im-possibilis, ut hacenus expensa satis decla-rant. Tum quia prædictus actus est super-

naturalis, ut ostensum est. Tum quia esto non esset, adhuc deficit libero arbitrio esse constitutum in actu primo, sive in ultimo

fine per rectam illius intentionem, sine qua non est proxime potens ad subsequen-

tes actus, ut demonstrat exemplum præmissarum, in quarum defectu nequit homo ullam conclusionem elicere. Quod sane verum est, sive adsint, sive absint impedimenta extrinseca, vel tentationes: quia prædictam impotentiam, non tam revo-
camus in illa, quam in defectum intrinsecum potentiae, non aliter auferibilem, quam gratia Dei, a qua prius, quam a li-
bero arbitrio debet incipere nostra conver-
sio.

Secunda
confir.
diluitur.

126. Ad secundam confirmationem di-
cimus nihil minus inferri, ex illo principio,
quam quod intenditur, si quidem tantummodo tenet in dubiis damnis, aut molestiis, quarum quamlibet possit vitare homo
propriis viribus; tunc enim naturale est ho-
mini, et recta dictat ratio, eligere minorem
subite molestiam, et abigere majorem. Secus vero quando non est in hominis po-
testate se ab aliqua illarum expedire, nisi
örando, et a potenteri enixa petendo
auxilium ad fugiendam imminentem mo-
lestiam illico subeundam, nisi adjuvetur at
patet in illo, qui in lacum profundum in-
cidisset, a quo nisi protinus exiret, ipsi
itemmiseret mors vel, a fera, vel ab hoste
inducenda: hic enim cogeretur mortem op-
petere, quæ est majus malum, quia e puto
propriis viribus se extrahere non poterat. Unde solum illi supererat refugium a Deo
implorandi auxilium, cum a nullo alio pos-
set impeendi illi. Et ita in terminis accidit
homini lapsi, idque tantummodo monet
fides, et testatur experientia; quantumvis enim homo ex se conetur bene vivere, et se ad Deum convertere, numquam ad omni-
modam perueniet detestationem, qualis
importatur in contritione, quin prius ex-
citetur, et vocetur supernaturaliter a Deo,
et ipsis gratia perfundatur.

Præterquam quod frivolum est in rebus supra omnem experientiam, quales istæ sunt, experientiam in testem appellare. Quis enim unquam absque speciali revelatione expertus in se fuit veram contritionem? aut veram dilectionem Dei super omnia? Cum fide sanctum sit neminem absque revelatione esse certum de sua jüstificatione.

Additio.

Addimus tamen ex hoc argumento cum confirmationibus illi adjunctis ad summum evinci odium, et displicentiam peccati; quia causa extitit imminentem molestiarum, quas fides hominem docet; et quod quantum est ex se, non vellet peccasse, qui se illis obstrictum agnoscat ex illustra-

tione fidei. Sed hic actus longe abest a contritione, quia nec supponit amorem Dei perfectum, sed quandam ad summam velleitatem, nec tendit in Dei offensam destruendam, quæ offensa Dei est, quin potius oritur ex amore proprio, et beatitudinis in communi, quam nemo odio habere potest. Et de hoc non disputatur a Theologis, nec refert ad præsens.

127. Tertio arguitur, et instauratur : Argu-
quia lumen ipsum naturale, ipsaque mo-
talis Philosophia docent negari non de-
bere viribus naturalibus liberi arbitrii, quod potest, cum solo concursum generali
Dei, communis omnibus aliis causis secun-
dis: sed liberum arbitrium hominis exis-
tentis in peccato cum solo concurso generali
Dei potest habere propositum absolutum
contritionis detestando peccata super om-
nia detestabilia propter Deum summe di-
lectum: ergo hoc illi negare ex propriis
viribus, est contra ipsum lumen naturale,
et moralis Philosophiae contradicit. Minor
cui soli iste difficultas, probatur: quoniam
hujusmodi propositum est extra totam
latitudinem gratiae, nec subinde con-
ducit ad finem supernaturalem; alias est
unicus in se actus mere naturalis, pro-
priusque libero arbitrio fide illustratus: non
ergo ad illum ex parte Dei major influxus,
quam generalis exigitur. Nec appareret (addit)
quod emolumentum sequatur ex eo, quod
vires liberi nostri arbitrii usque adeo ex-
tenuentur, ut hunc, et similes actus natu-
rales et simplices efficere non possit abs-
que specialiori, ac supernaturali auxilio
Dei.

Respondetur ad hoc argumentum ne- Solvi-
gando illius Minorem, cuius falsitas ex-
dictis est perspicua; quoniā ille actus,
est unicus, et simplex sit (in quo non
hæremus), est famæ proprius virtutis
Pœnitentiae, quæ quia est virtus per se
infusa, est etiam supernaturalis. Actus
autem virtutis supernaturalis, ab ipsa
primo inspectus, et elicitus, nequit non ad
ordinem supernaturalem pertinere, potiori
quidem titulo, ac ipsa virtus; si quidem
actus non est propter virtutem, sed virtus
propter actum, et propter quod unumquod-
que tale, et illud magis, ut est commune
proloquium. Id quod satis manifestant Axiom
testimonia supra allegata, in quibus pro
vera contritione semper fit recursus ad
Authorem gratiae, ut a quo primo incipere
debeat; ut est illud, postquam convertisti
me egi pœnitentiam, et illud, converte nos
Domine,

*Domine, et convertemur, et sic de reliquis.
Quocirca Concilium Tridentinum sess. 6,
cap. 5, stabilivit justificationis exordium
in adullis a Dei per Jesum Christum præve-
niente gratia sumendum esse, hoc est, ab
ejus vocatione, qua nullis eorum existentibus
moritis vocantur, etc. Sed quia aliquando in
sacra pagina explicari videtur nostram con-
versionem anteire motionem divinam, in
quo est Iapsis offensionis adversariorum;
subjunxit sacra Synodus veram illius, et
aliorum simillimum testimoniorum intelligi-
gentiam, semper primatum deferendo gratiæ
dicens: Unde in sacris litteris cum dici-
tur: Convertimini ad me, et ego convertar
ad vos, libertatis nostræ admonemur. Cum
respondemus: Converte nos Domine ad te,
et convertemur, Dei nos gratia præveniri
contemur. Non possumus vero gratia præ-
veniri, si prius conuersio a nobis incipiat
ex viribus propriis, tñ liquet, et manifeste
attestantur verba supra allegata ex oppo-
sita sententia; quandoquidem gratia su-
pervenit conversioni naturali, tñque se
inserit, acuendo, et elevando, quod ex li-
berò arbitrio supponebatur naturale, et
ineptum ad adeptiōnem gratiæ. Quare ne-
cessario asserere oportet, si standum sit
scripturæ, Patribus, et Conciliis, prædic-
tum actum esse supernaturale, et pro-
prium effectum gratiæ prævenientis an-
tequam liberum arbitrium in ipsummet
erumpat, aut erumpere possit ex propriis
viribus. Nec oppositum docet lumen natu-
rale, aut moralis Philosophia, ut obtruditur
ab argente.*

*Porro emolumētum, quod inde sumi-
mus, non est aliiquid temporale lucrum,
sed ipsa veritatis assertio, ex qua habemus
voluntatem non esse supra gratiam; sed
illi subditam, ac pedissequam; justitiam
que nostram non ita esse nostram quod
prius, et immediatus non sit Dei sua li-
bertate nos trahentis, allicientis, excitant-
is, moventis, operantis, et cooperantis ad
vere diligendum, penitendum, et nos in
pristinum statum a quo excidimus pec-
cando, reducendum. Ex quo ingens aliud
emolumētum consurgit, nimirum humili-
tatis, et orationis, quarum prima nihil
esse nostrum, nisi peccatum, agnoscimus;
secunda vero omnia referimus in Deum, a
quo illa nobis provenire præstolamur. Ex
opposito vero sequitur elatio, et superbia,
quibus gloriari potest liberum arbitrium
in se ipso, et non in Deo, contra illud
Apostoli 2 Corinth. 10: Fratres qui glo-*

*riatur in Domino glorietur; non enim qui se
ipsum commendat ille probatus est, sed
quem Deus commendat.*

128. Secundo respondemus ad idem ar-
gumentum, admittendo prædictum actum
esse naturalem, juxta quem sensum con-
cessa Majori, et prætermissa Minoris, ne-
ganda est Consequentia, quæ male in-
fertur ex præmissis: siquidem liberum
arbitrium licet non fuerit extinctum per
peccatum, est tamen destitutum illis viri-
bus, quas in sua integritate possidebat,
atque ideo plures actus naturales elicere
posset integrum, quos tamen lapsum, et
infirmum nequit exercere, ut constat a si-
mili, hominis sati, et ægroti, cui licet
natura sit eadem, vires tamen sunt di-
versæ, nec omnia ad quæ valet homo sa-
ntus, valet etiam infirmus. Idquæ præcipue
tenet in operibus perfectioribus, et ex sua
specie nimis arduis. Cum ergo actus dilec-
tionis, et contritionis sint ex sua specie
omnium perfectissimi, et consequenter dif-
ficillimi, quos ita naturæ ordinem sit
reperire; consequens est adscribi nec
posse, nec debere libero arbitrio lapsu,
et infirmo, nisi simul easdem illi tribua-
mus vires, cum libero arbitrio sano, et
integro; quod vera Theologia non permit-
tit, nec patitur Conciliorum et SS. Pa-
trum doctrina. Quare in omni vera sen-
tentia ad eorum actutum elicientiam post
lapsum requiritur gratia, vel, ut plures
volunt, ut principium efficiens: vel, ut
alii autem, ut principium expediens
potentiam ab obice peccati. Quam viam
ut probabiliorem supra indicavimus, et
uberrime prosecuti sumus locis ibi alle-
gatis ex tract. de Gratia. Unde juxta hanc
sententiam distingueda est illa propo-
sitio: liberum arbitrium cum solo concursu
generali Dei potest elicere propositum num-
quam deinceps absolute peccandi, quod sit
absolutum et efficac cum spe venia. Et qui-
dem si intelligatur de libero arbitrio sa-
nato, et expedito per gratiam, concedenda
est: negari vero debet, si non præsuppo-
natur in subjecto gratia; quoniam stante
peccato, sicut non potest ab illo se extri-
care per proprias vires: ita nec in illius
perfectam detestationem erumpere, nec in
amorem Dei super omnia, quæ debet sup-
poni, vel importari in ipsa contritione.
Juxta vero aliam sententiam satis proba-
bilem, et gravium discipulorum D. Thomæ,
neganda est absolute illa propositio ob as-
signatam rationem.

Replica. 129. Nec refert, si urgeas: homo lapsus absque ulla supernaturali gratia potest habere hunc actum: *Volo Deo in omnibus placere*: sed in hoc actu continetur displicentia, et contritio omnium, quæ Deo displicant: ergo homo lapsus absque ulla gratia supernaturali potest elicere entitatem, et substantiam contritionis. Major videtur probari ex eo: quia in prædicto actu non appareat major difficultas, quam in isto: *volo honeste vivere*; siquidem qui honeste, hoc est in omnibus præferendo bonum honestum, vitam duceret, abs dubio in omnibus Deo placeret: sed ad hunc actum sufficit inclinatio ipsa voluntatis in bonum honestum, seu quod idem est, rationi consonum: ergo etiam ad primum erit sufficiens ipsam voluntas. Minor etiam videtur constare: quia non stat velle Deo in omnibus absolute placere, quin simul displiceant cuncta illa, quæ huic inclinationi adversantur, et Deo exosa sunt, in quo stat contritionis substantia.

Solutio. Non inquam, refert hæc objectio; quoniam si in sensu ab objiciente intento prædictus actus accipiatur, ut multum probans refellenda est: simili enim argumento quis probare posset, imo omnino eodem omnia præcepta, sive naturalia, sive supernaturalia adimpleri posse ex viribus naturæ, omnia et singula peccata adhuc levia vitari, et de hoc firmum propositum, imo et votum elici; siquidem omnia continetur sub illo actu: *volo in omnibus Deo placere*, et, *volo in omnibus honeste vivere*. Quod tamen est falsum, et a nemine admittendum. Respondet ergo ex doctrina

D.Thom. D. Thomæ 1, 2, q. 94, art. 3 de actibus virtutis posse loqui dupliciter: vel secundum rationem communissimam actus virtuosi, quin ex vi hujus descendatur in particulari ad aliquam virtutis speciem, naturalem, vel supernaturalem; vel in quantum sunt hujus speciei, puta justitiæ, et non alterius, nimirum temperantiæ. Ad illos sub prima acceptione, sufficit ipsam inclinatio voluntatis ad bonum rationis secundum se, et hoc pacto sunt de lege naturali. *Quoniam ad legem naturalem pertinet omne illud, ad quod homo inclinatur secundum suam naturam. Inclinatur autem unumquodque naturaliter ad operationem sibi convenientem secundum suam formam, sicut ignis ad calefaciendum. Unde cum anima rationalis sit propria forma hominis, naturalis inclinatio inest quilibet homini ad hoc quod agat secundum rationem.* Si vero

accipiantur sub alia consideratione magis speciali, prout sic non reperitur ad illos naturalis inclinatio; sed desideratur superaddita virtus, vel naturalis, vel supernaturalis juxta qualitatem materiæ, et motivi illam attingentis.

Si actus ille sumatur priori modo generalissime, et nullam speciem, nec naturalem nec supernaturalem determinando, aut includendo; concedimus fieri posse ex viribus naturæ; hoc enim nihil aliud est, quam velle honeste, et secundum rationem vivere, quod non est supra voluntatis inclinationem, et vires, ut statuimus tract. 11, de Bonit. et malitia disp. 4, dub. 2, § 2, et sequentibus. Et in hoc sensu etiam concedimus displicantiam omnium, quæ prædicto actui aduersentur, quæ est displicantia communissima, et sub universalissima ratione accepta. In quo et non in alio sensu, credimus locutum fuisse sapientissimum Magistrum Soto ubi supra. Cæterum nec ille actus nec alias similis recte infert amorem absolutum, et efficacem Dei super omnia; nec similiter contritionem, ut eliciendam viribus naturæ: quoniam sicut actus, quo quis desiderat beatitudinem in communi non infert determinate beatitudini desiderium in particulari; sed cum illo cohæret deviare, et recedere ab illa peccando; ita similiter cum illo desiderio Deo in omnibus placendi, et honeste vivendi, componitur male vivere, et Deo in particulari displicere. Et ratio est eadem: quia neuter illorum actuum est efficax, sed velleitas quædam, vel ut proprius loquamus, simplex complacentia boni honesti ut pertinens ad partem speculativam; non vero efficax intentio illius practica: hæc enim non datur nisi quando intenditur determinate ultimus finis, ut assequendus per media determinata. Unde sicut stat complacentia boni absolute, quia nemo respiciens ad malum operatur, et displicantia similiter mali: quin liberum arbitrium sit potens absolute ex propriis viribus ad prosequendum quolibet bonum particularē, sed necessariæ sunt virtutes tam naturales, quam supernaturales: ita bene componitur simplex mali displicantia speculativa, quæ committetur simplicem, et speculativam complacentiam boni, cum hoc quod est non posse ex propria virtute elicere contritionem ob speciale difficultatem in ilia repertam, vi cuius postulat specialem Pœnitentiæ virtutem, sine qua non sit vera contritio, sicut non est actus

Charitatis

Charitatis sine vera virtute Charitatis. Quare sicut odium ortum ex Charitate circa peccata ut opposita bono divino in seipso, nec auferit necessitatem ulterioris, et specialioris pœnitentiae, nec infert hanc a Charitate proficiunt tamquam a principio proximo : ita actus ille placendi Deo, esto sit ex viribus naturæ, ut permittit, et ultronee fatetur solutio, non infert ab eodemmet principio oriri posse contritionem : hæc enim non importat utcumque odium peccati, sed addit motivum pro illo satisfaciendi, et illius offensam compensandi media subjectione omnium virium ad Deum; quod non est in facultate voluntatis non redactæ ad sanitatem per gratiam.

Ad objectionis ergo formam concessa majori in sensu explicato, neganda est minor quoad secundam partem; quia licet ex illo actu absque ulla difficultate oriatur simplex, et quasi speculativa mali displicentia; non tamen hæc pervenit ad rationem contritionis ob assignatam rationem disparitatis. Et ad minoris probationem constat non quamlibet displicentiam peccati coincidere cum substantia contritionis. Praeterquam quod si contritio est, et debet esse supernaturalis, ut manet ostensum, et prædictus actus obtruditur ut naturalis, alioqui extra rem reduceretur; planissimum est, nec coincidere cum contritione, nec ab eodem proximo principio provenire posse.

130. Quod si malueris aliter objectioni occurrere, dic illum actum non esse naturale, nec proinde libero arbitrio deferendum nisi sub auxilio gratiae, a qua elevetur pro ejus elicientia. Illius vero principium proximum erit vel auxilium supernaturale, ut aliqui probabiliter volunt, vel ipsum habitum spei supernaturalis, quæ remanet in peccatore, ut haud obscure colligitur ex D. Thoma 1, 2, q. 86, art. 3, ubi docet, quod *in ordine ad ea, quæ supra naturam sunt, ad nihil horum sufficit natura potentia: et ideo oportet fieri superadditionem habitus supernaturalis.* Ita in solutione ad 1, sed in corpore articuli statuerat, quod in ordine ad motum intentionis, secundum quem voluntas ordinatur in finem, sicut in id, quod est possibile consequi, datur spes. Qui ergo in prædicto actu apprehenderit veram intentionem recte vivendi secundum Deum, quo pacto addit supra complacentiam; recurrere necesse habet ad influxum super-

naturalem hujus virtutis pro hujus, et similius actuum elicientia; quandoquidem nullus eorum ita universalis et perfectus continetur intra sphæram liberi arbitrii gratia destituti. Sed hac via negato antecedenti objectionis, non erit facile probationem legitimam dare. Et retorquetur objectio contra illa utentem : quia si ille actus, cum ita perfectus, ac contritio non sit, nequit elici a libero arbitrio absque gratia aliqua supernaturali, multo minus contritio illa. Quam solutionem indicavimus loco supra citato de Bonitate, et malitia num. 29 ad finem.

131. Quarto arguitur. Quia non minus difficile est assentiri mysterio Trinitatis, Incarnationis, et cæteris revelatis, quæ transcendunt lumen naturale, quam in objectorum allientium, et occasionum absentia apud se statuere numquam deinceps lethaliter peccare : sed illud primum potest homo quoad actus substantiam absque gratia; non quidem assensu Christiano, et proprio fidei supernaturalis; sed assensu mere naturali : ergo similiter poterit secundum eo fine ut assequatur felicitatem æternam, et poenas inferni effugiat; utpote quod est maxime consentaneum rationali nature, ac lumini rationis, quibus insitum est fugere malum, et appetere bonum.

Hoc argumentum clarius manifestat, quod supra indicavimus in hac prætendit sententia, nimirum omnes illos actus, quos supernaturales, et ad salutem conducentes statuunt Concilia, et Patres, quoad substantiam et entitatem, absque ulla ex hoc capite distinctione a natura elici cum solo concursu generali Dei. Unde solum illis superest, ut conducant ad salutem, ille respectus, seu modus, aut quod in illa sententia est verius denominatio supernaturalitatis, qua subinde posita, nihil illis entitatis, aut substantiæ superaddere necesse est. Quam tamen falsum hoc fundamentum sit, constat ex dictis tract. 14, de necessitate gratiae disp. 3, dub. 3, ubi principium assumptum in hoc argumento convulsimus et § 4 statuimus non esse possibilem actum entitative naturalem, qui attingere valeat objectum formale nostræ fidei : hoc enim nihil aliud esset, nisi vel necessitatem fidei supernaturalis negare, quandoquidem inanis foret recursus ad auxilia supernaturalia, et habitum infusum fidei ad credendum, si credi quoad substantiam possent mysteria divina ex viribus naturæ; vel saltem assensum fidei chris-

tianæ initium ex nobis sumere, et non ex Deo; siquidem prius intellectus assentiret ex motivo naturali, et deinceps Deus illi assensui suffragaretur, ut ipsum eveheret ad ordinem supernaturalem, contra illud

Aposto-
lus.

D. Au-
gust.

Apostoli supra relati : *Non quia idonei sumus cogitare aliquid ex nobis, quasi ex nobis; sed sufficientia nostra ex Deo est.*

Super quæ ita D. Augustinus supra etiam allegatus : *Attendant hic, et verba ista perpendant, qui putant ex nobis esse fidei acceptum, et ex Deo esse fidei supplementum. Quis enim non videat prius esse cogitare, quam credere? Nulus quippe credit aliquid, nisi prius cogitaverit esse credendum. Si ergo non sumus sufficientes cogitare aliquid, quasi ex nobismetipsis, sed sufficientia nostra ex Deo est : profecto non sumus idonei credere aliquid quasi ex nobismetipsis, quod sine cogitatione non possumus, sed sufficientia nostra, qua credere incipiamus, ex Deo est.*

Quod adeo verum est, ut ad præstandum assensum revelatis a Deo, non sufficere lumen ex parte intellectus, fateatur melior Theologorum pars; sed amplius desiderari ex parte voluntatis piam affectionem ad res divinas; et ea suppletur evidentia objecti, ut determinet intellectum ad assentiendum : quocirca loco nuper adducto dub. 4, immediate sequenti statuimus ex illis et præcipue ex SS. PP. specialem gratiam in voluntate, qua pie afficiatur ad credibilia, et moveat intellectum ad proprium actum assentiendi revelatis a Deo

Retor-
queatur
argu-
mentum.

132. Ex hac autem doctrina ibi probata dehiscunt vires argumenti, et retorqueri debet in adversarium a contrario sensu, in quo vere inferunt præmissæ negationem potentiae in homine lapso ad contritionem, quin prius præveniatur, et sanetur gratia. Sed quia commemorato loco dub. 3, § 3, num. 40, concessimus dabilem esse assensum pure naturale, quo quis credat Deo ut dicenti, et revelanti, et prædictum assensum intra suum ordinem esse infallibilem; et ex hac parte, vel doctrinæ inconsequentialia, vel paritatis ratio pungere posset; oportet neutra illarum offendii manifestare.

Doctrina
alibi
tradita
vindica-
tur.

Et imprimis ex illa doctrina nullum accrescit emolumentum huic, quam impugnamus. Siquidem ipsiusmet Author ingenue fatetur se loqui de homine lapso habente fidem, et spem, ex quarum prima habet notitiam mysteriorum fidei, et ex secunda fiduciam consequendi veniam. Et

his præventus homo elicit, et assensum naturale fidei, licet non ex fide, et actum similiter sperandi, quamvis non ab ipsa spe Theologica; idemque de omnibus aliis actibus supernaturalibus autumat, quos in substantia non distinguit ab actibus naturalibus. Quod quidem satis manifestant illa ipsius verba : *Eliam si sermo esset de viro catholico, qui in eo esset lethali peccato, quo neque fidei, nec spei adversaretur, de quo sermo est in ratione proxime confecta.* Quare loqui debet de notitia supernaturali fidei, et spe itidem supernaturali. Nos autem in prædicto loco sermonem habuimus de revelatione pure naturali facta a Deo Authore naturæ; cui diximus, et modo affirmamus, præstari debere in credendo assensum naturale infallibilem. Semel, namque dato Deum ut Authorem naturale de seipso aliquid ad extra revelasse; flagitium foret debitam fidem illius dictis denegare; cum sub hac adhuc ratione nec fallere, nec falli possit, et consequenter nulla esset ratio non assentiendi veritati ab ipso propositæ. Ex hoc autem nec apparenter potest desumi inconsequentiæ scrupulus, quandoquidem tam assensus, quam ejus formale objectum continerentur intra ordinem pure naturalem, atque ideo nihil mirum ad neutrum illorum desiderari gratiam adhuc in homine lapsi.

Nec est eadem ratio de amore naturali Dei super omnia, ad quem illa opus esse affirmamus, ut patet in ipsa spe supernaturali, quæ componitur cum peccato, quin tamen amor Dei super omnia hujus ordinis illud non excludat. Et ratio est eadem : quoniam uterque amor sive naturalis, sive supernaturalis, cum constituat in Deo rationem ultimi finis, nequit cum peccato aliquo lethali componi; quocirca postulat gratiam ad sui elicientiam in sensu supra explicato, et fusius locis ibi allegatis expenso. Assensus vero naturalis, qui tunc casu haberetur non importaret majorem incompossibilitatem cum peccato, quam fides supernaturalis, quæ de facto est, et hanc de fide est non excludi alio, quam infidelitatis crimen; nec ipsam consequenter ulla alia peccata excludere, quin interveniat gratia.

Assensus itaque contentus in arguento, ex una parte dicitur naturalis, ex alia vero versatur circa objecta formaliter supernaturalia, qualia sunt omnia mysteria illa ibi recensita ; et hæc viribus naturæ attingi assensu firme, et infallibili prorsus implicitorum

Vert.
P. M
lina

Quid
seculi
tia
Mol. n
ille
assen
sus
præste

Impu-
naturi
1. torium est; siquidem nullus actus, nullave potentia queit ferri supra sphæram suæ activitatis, et virtutis; et hac ratione implicat potentiam naturalem posse absque gratia elevante producere actum entitative supernaturalem, vel rem corpoream propriis viribus erumpere in actum pure spiritualem. Rursus: omnis actus mutuatur speciem ab objecto formalí primario, ut inductive posset ostendi; quocirca actum naturale, et supernaturale supernaturale objectum sibi vindicare necesse est. Cum ergo prædicta objecta nobis fide revelata, sint ordinis supernaturalis, ut vel ipsiusmet argumenti Author ultro-neus fatetur, manifeste convincitur neutiquam posse terminare actum entitative, et quoad substantiam naturalem, ut loco citato latius prosecuti sumus, et melior, ac major Theologorum consensus affirmat. Quare nullo modo admittendum est illud principium, quantumvis ut indubium ab objiciente proponatur.

immissio
ri-
ne-
lio,
quid
equa-
tur.

rima
spari-
atis
titio.

133. Sed age, et illud ad formam objectionis admittamus, quid inde? nam ut in ea proponitur, non minus difficile unum, quam alterum obtendit; cum tamen e contra res se habeat: quia difficultior est contritio homini lapso, quam firmus assensus adhuc quoad entitatem sive naturalis, sive supernaturalis: atque ideo licet ex hoc capite secundus admitteretur, per formalem consequentiam neutiquam inferretur primus. Unde neganda iterum est Major argumenti. Ratio disparitatis est manifesta: tum quia licet utraque potentia fuerit vulnerata per peccatum, majus tamen vulnus inflictum est voluntati, quam intellectui, subindeque debilior illa, quam iste remansit. Si autem infirmior? non ergo ad omnia, ad quæ intellectus potest debilitatus, potest et voluntas infirma; atque ideo ex terminis non arguitur formaliter æqualitas virium. Tum etiam ex proxime dictis: quoniam assensus circa mysteria fidei, sive naturalis, sive supernaturalis ordinis ille fuerit, potest esse informis, et peccato pæsens; contritio vero cum semper importet esse ultimam dispositionem ad amicitiam cum Deo, semper comitatur gratiam: in quocumque enim ordine fit vera contritio, est etiam vera Dei amicitia; et consequenter non est tam facile elicere contritionem homini lapso, quam est assentiri per fidem vel naturalem, vel supernaturalem mysteriis a Deo revelatis.

Altera
dispari-
tas.

Cujus adhuc ulterior ratio est vel ipsa experientia contestata, nam licet fides simul sit practica, et speculativa; ejus tamen primarium, et immediatus munus est captivare intellectum in obsequium Jesu Christi quoad rationem cognoscendi speculativam; et ex consequenti descendere ad proxim. Unde reperies non paucos alte, et sublimiter sentientes de rebus fidei, illisque omnino firmum assensum præbentes; qui tamen appetitum a peccati ille-cebris cohibere non possunt, eo quod cum appetitus feratur ad res, et hæc fortius moveant in se ipsis, quam ut apprehensæ, et cognitæ, difficilius se expedit homo a peccato, et in Deum convertitur, quam ei credendo assentiat. Conversio enim pertinet ad proxim, et assensus ad speculationem; et difficilius est absolute bene operari, quam bene intelligere, et in rei notitiam devenire. Quare adhuc admissum hominem posse ex viribus propriis Deo ut supernaturalia mysteria revelanti assensum fidei quoad entitatem præbere; neutiquam ex vi argumenti deducitur ex eisdem viribus posse habere contritionem.

134. Tandem arguitur. Quoniam experientia compertum est non semel plures ad confessionem accedere, retento circa unum pravo affectu, cum animo firmo vitandi alia peccata lethalia; sed propositum vitandi omnia peccata præter unum non est elicium ex speciali auxilio Dei: ergo ad firmum propositum cavendi omnia non requiritur influxus specialis. Majoris nulla alia probatio affertur, quam experientia indubie supposita. Minor inde suaderi videtur: quia propositum quod non est integrum, et universale omnium peccatorum cavendorum non oritur specialiter a Deo, cui nullum grave delictum placet. Jam Consequentia probatur: tum quia non appareat ratio, quare illud unum peccatum non possit detestari, et odio haberi ex eodem prorsus motivo, ac cætera alia detestata sunt. Tum etiam (et est ratio precedentis probationis) quoniam illud unum supra alia non addit speciale difficultatem; vel si quam importat, non est tanta ut sibi specialiter vindicet exigentiam auxilii præ aliis: ergo vel de nullo tenendum est posse inveniri propositum naturale, ut vitetur, contra experientiam vel absolute docendum est non esse supra naturam propositum vitandi omnia, exclusa gratia.

Ad hoc argumentum, si sola ipsius forma consideretur, posset quis Majorem,

Solvitur.

et Minorem admittere, et negare Consequentiam ut non formalem; non enim valet ex terminis: *Homo potest hoc, et illud divisive absque gratia, ergo et omnia;* quoniam arguitur ab una determinata, ad copulativam, seu totum copulatum, qui est fallax arguendi modus: nullum enim præceptum naturale est, quod homo non possit servare absque gratia; cum tamen ipsa necessaria sit ad omnia collective admplenda. Similiter potest homo vitare quodlibet peccatum veniale absque gratia sanc-tificantem: ei tamen impossibile est omnia collective cavere absque specialissima gratia, nulli alteri forsan concessa creaturæ, quam beatissimæ Virgini saltem in omni materia, ut statuimus tract. de necessitate gratiæ. Et esto homo absque speciali gratia posset vincere hanc, vel illam gravem tentationem, non inde posset inferri omnium victoria absque singularissima Dei protectione, et specialissimo auxilio; si quidem ut ipsi termini significant, major desideratur virtus, et efficacia ad plures subigendas tentationes absque interrup-tione, pluraque continuo observanda præcepta, quam ad unum, vel aliud divisive, et secundum se acceptum. Nam ad primum requiritur virtus robusta, et perfecta imo sublimior ad conditionem naturæ fragilis, et defectibilis, ac defectibiliter operantis: ad secundum vero sufficit proportio cum hoc vel illo actu particulari, quam stare posse licet desit ad omnium actuum collectionem, ipsa experientia testatur, quam nisi cæcus non ibit inficias. Unde ex eo quod liberum arbitrium hominis lapsi cum solo concursu generali posset dolere per attritionem naturalem de aliquibus peccatis; per formalem consequentiam non infertur posse sub eisdem tantummodo viribus dolere de omnibus. Et ratio est eadem utrobique, ut consideranti constabit; quin obsit utraque Consequentialiæ probatio, ob allatas instantias, in quibus appetet ea-rum falsitas.

Sed superest, ut percontemur authorem argumenti, de illa sua experientia, quam obtrudit: An qui ita accedit attritus de omnibus culpis gravibus præter unam, cui manet affectus, vel ideo accedat indispositus, quia ipsum non pœnitit illomet dolore de illa, sicut de aliis? vel ideo quia ille dolor etiam si esset de omnibus, non est sufficiens adhuc cum sacramento ad nan-ciscendam gratiam, et consequendam ve-niam? Primum non potest defendi, utpote

Inno-cent X
Propos-tio
damnat

expressse damnatum ab Innocentio XI, anno 1679, die 2 Martii speciali decreto; ubi inter sexaginta quinque propositiones cen-sura inustas, quinquagesima septima est hujusmodi: *probabile est sufficere attritio-nem naturalem modo honestam:* non ergo probabiliter potest asseri hominem ideo indispositum accedere ad consequendam gratiam cum Sacramento, eo quod ipsum attritione naturali de omnibus non pœnitit, quia esto omnium pœniteret, adhuc indispositus accederet.

Si autem affirmetur secundum, ut vere affirmari debet; nihil inde contra nos, quia ex possibilitate attritionis pure naturalis neutiquam infertur possibilitas contritio-nis, de qua est potior difficultas, ut constat ex supra dictis in hoc dubio ex D. Thoma, et amplius constabit ex infra dicendis suo proprio loco de contritione, et attritione in particulari.

135. Hac adhibita responsione ex parte Enerva-tor premissas ex parte materiæ res-pondemus negando Minorem, quæ falsa est, et contra D. Thomam infra q. 86, art. 3 ad 1, ubi docet oppositum inquiens: *Ad primum ergo dicendum, quod illud verbum Gregorii non est intelligendum quantum ad remissionem culpæ, sed quantum ad cessationem ab actu:* quia interdum ille, qui plura peccata consuevit committere, deserit unum, non tamen aliud: quod quidem fit auxilio divino, quod tamen non pertingit usque ad remissionem culpæ. Ex quibus constat, tum quod licet homini non remittatur unum peccatum sine alio; conceditur tamen auxilium gratiæ, ut atteratur aliquoties de uno, quin attritionem habeat de alio. Tum etiam minime inferri attritionem esse naturalem, quia non versetur circa omnia peccata, sed circa aliqua; siquidem aliquando dispensatur auxilium singulare gratiæ ad aliqua, et non ad omnia. Unde licet experientia contenta in Majori sit vera; non tamen descendit ad Minorem, in qua fallit, siquidem nulla potest experientia constare, quis actus, quæve attritio sit naturalis, vel supernaturalis? stat ergo attritionem esse supernaturalem, quæ tam-en non se porrigit ad omnia peccata, sed dumtaxat ad aliqua manente pravo effectu circa alia.

Cujus radicem si quæras, duplex ea est. Prima desumitur ex ipsa attritionis na-tura, quia cum sit actus imperfectus ex sua specie, non ex se postulat omnimodam perfectionem, ex parte influxus agentis, sed

Ratio
solutio-nis.

sed quandoque magis, quandoque minus, eo quod gratia non destruit, sed perficit naturam, eique ut in plurimum se accommodat in modo agendi. Porro natura semper tendit de imperfecto ad perfectum, eamque imitando gratia prius incipit a timore servili, et fide informi, et sic deinceps ut constat ex Concilio Tridentino sess. 6, cap. 6, et D. Thoma 1, 2, q. 113, ubi justificationis ordinem descripsit, et nos latius expendimus ex ipso tract. de justificatione disp. 3, dub. 5, § 4. Ex quo principio habemus, quod sicut in natura libus Deus non quolibet influxu causat ultimam, ac perfectam dispositionem ad animam v. g. rationalem, sed gradatim, et paulisper se gerit influendo; haud dissimiliter non dispensat uniformiter auxilia gratiae ad attritionem; adque ideo non semper contra omnia peccata, sed aliquando in plura, aliquando in omnia, juxta praeceptum sue inscrutabilis providentiae, et cooperationem liberi arbitrii, non quidem naturalem; sed pedissequam, et subordinatam ipsi gratiae, utpote quae semper debet supponi ut praeveniens, vocans, et excitans hominem ad attritionem supernaturalem. Quod ergo homo unum peccatum deserat per attritionem, non deserto alio, potest esse, et revera est, effectus divinæ gratiae, et male revocatur ab argente in facultatem naturalem liberi arbitrii independenter ab illa. Quod adhuc fieri magis perspicuum ex secunda ratione, quam tradit D. Thomas 1, 2, q. 72, art. 1 et in hac 3 p. q. 86, art. 3 ad 3 et est hujusmodi.

136. Quoniam peccata gravia duo important principalius, et aversionem a Deo ut ab ultimo fine, ex quo capite irrogant injuriam, et offensam Deo, quem postponunt creaturæ, et conversionem ad bonum commutabile rationi dissonum, quod tam multiplex est, quam sint bona creata sensibiliter allientia ad delectationem rectæ rationi adversam. Quare omnibus illis est communis ratio aversionis, et offensæ, atque ipeo connectuntur in ratione remissibilium, ita ut unum sine alio remitti non possit. Cum tamen satis inter se differant ex parte conversionis ad bona particularia, a quibus sumi debet species peccati, utputa quod sit furti, et non sacrilegii. Et ex hac parte non important connexionem, sed potest unum absque alio detestari magis, aut minus, juxta majorem, vel minorum dissonantiam cum ratione. Verba

D. Thomæ loco allegato ex 3 parte sunt: D. Thom.
Ad tertium dicendum, quod peccata quamvis non sint connexa quantum ad conversiōnem ad bonum commutabile; sunt tamen connexa quantum ad aversionē a bono incommutabili, in qua conveniunt omnia peccata mortalia, et ex hac parte habent rationem offensæ, quam oportet tolli per paenitentiā. In quo discursu supponit S. Doctor quod jam tradiderat loco ex 1, 2 relato, ubi ita scripserat: Aliter se habet intentio agentis secundum virtutem ad secundum rationem, et aliter intentio peccantis ad divertendum a ratione. Cujuslibet enim agentis secundum virtutem intentio est, ut ipsis rationis regulam sequatur: et ideo omnium virtutum intentio in idem tendit: et propter hoc omnes virtutes habent connexionem ad invicem in recta ratione agibilium, quod est prudentia sicut supra dictum est. Sed intentio peccantis non est ad hoc, quod recedat ab eo, quod est secundum rationem; sed potius quod tendat in aliquid bonum appetibile, a quo speciem sortitur. Hujusmodi aulem bona, in qua tendit intentio peccantis a ratione recedens, sunt diversa, nullam connexionem habentia ad invicem; imo etiam interdum sunt contraria. Unde manifeste liquet, cur non sit dare veram contritionem, quæ ita sit de uno, et non sit de omnibus aliis vel formaliter, vel virtualiter: est tamen dare veram attritionem supernaturalem, quæ ita hæc vel illa detestetur peccata, ut tam formaliter, quam virtualiter alia non attingat. Quo occurritur tacitæ objectioni.

137. Ratio discriminis sumitur ex hac Discretio doctrina Angeli Praeceptoris: quoniam contritio directe, et formaliter tendit ad compensandam offensam divinam, qua offensa Dei, quæ est indivisibilis ratio, in qua omnia peccata sunt connexa: atque ideo vel tota ratio offensæ, vel nihil illius debet auferri per contritionem; et consequenter vel omnia, vel nullum peccatum est remissibile media contritione: nec similiter contritio potest ita unius offensam attingere, quin vel formaliter, vel virtualiter ad alias offensæ rationes excludendas se porrigit. Et constat a simili revelationis divinæ, cuius infallibili assensu negato circa unum articulum, nequit remanere fides Christiana circa alios, ut accidit in hæreticis. Motivum autem attritionis non est offensa divina, sed aliquid demissius, nec etiam est indivisibile, sed vel per poenias inferni, quas fides docet esse multi-

plices, vel per turpitudinem, et fœditatem ipsius peccati, quas etiam constat esse diuersas, juxta majorem, vel minorem oppositionem cum nobiliori, aut ignobiliori virtute, ac tandem penes dissonantia cum recta ratione supernaturali, quæ etiam patitur suam latitudinem, sicut eam continent bona particularia, in quæ tendit intentio peccantis, ut dicebat D. Thomas. Non ergo necessarium est ad veram, et supernaturalem attritionem, quod omnia peccata simul detestentur, sed potest, et debet salvare vera, et supernaturalis attrito, in qua, et cum qua unum, et non aliud deseratur, ut in primo testimonio statuit S. Doctor. Quare vehementer deceptus est P. Molina, dum inter confidendum hoc ultimum argumentum scripsit neminem oppositum dixisse, videlicet illam attritionem non esse naturalem : nam præter unum pro mille D. Thomam, prius id asseruerat Magister in 4, dist. 15, deinceps Gratianus in cap. Placuit. dist. 13, quos refert, et sequitur Suarez in Comment. illius art. 3, quæstionis 86, hujus 3 p. et debet esse commune inter discipulos Ang. Præceptoris.

Molina.
D.Thom.
Magister
sentent.
Gratian.
Suarez.

DUBIUM IV.

Quonam tempore fuerit institutum Pœnitentiæ Sacramentum? Et quis ejus Author?

138. Supposita existentia hujus Sacramenti, quam stabilimus contra hæreticos in prima hujus tractatus disputatione, ejusque quidditat tam ex parte formæ in communi explicata, in quo secundam, et tertiam disputationem insumpsimus ; ad hujus complementum, in qua de necessitate, et institutione illius sermonem habemus, oportet examinare tempus institutionis, et quisnam illius fuerit Author? Quibus expletis, quæ ad hoc Sacramentum in communi pertinere videbantur, elucida manebunt. Et hinc obiter appareat rectissima procedendi methodus ab Angelico Præceptore observata, dum per articulorum seriem hactenus decursam ab existentia Sacramenti ad ejus quidditatem in generali, et ab hac ad ejus necessitatem, et institutionem, recto ordine processit, et non intermissio filo usque ad finem tractatum perduxit, acturus deinceps de Pœnitentia sub ratione virtutis, ac postmodum de partibus Pœnitentiae tam in

communi, quam in particuli. Quod utnam immatura morte non præventus consummasset ! Ex duobus autem, quæ titulus præscribit, sumendum est exordium ab authore, a quo descendemus ad tempus institutionis. In uno vero, et altero supponi videtur hujus Sacramenti institutio; alioqui enim inutiliter quereretur tempus institutionis, nec magis idoneus author instituens investigaretur. Et ultra communem omnibus aliis Sacramentis, in Pœnitentia est specialis ratio, quare illius institutio supponi debeat, nam ut inquit Angelicus D.Thom Doctor in 4, dist. 22, q. 2, art. 4 : *Sacramentum Pœnitentiæ consistit in determinato modo agendi pœnitentiam, qui quidem modus non est similiter apud omnes, nec in omni tempore : et ideo obligatio ad illum modum est ex aliqua institutione. Et propter hoc Sacramentum pœnitentiæ institutionem* habet.

139. Nec contra obest, quod ea, quæ sunt de jure naturali, non indigent institutione, si quidem ipsam legem naturalem comitantur : sed de jure naturali est, quod quemlibet pœnitentia de peccatis a se commissis : ergo pœnitere de culpis non habet aliam institutionem, quam ipsam legem naturalem homini insitam.

Eo vel maxime : quia pœnitentiæ virtus non habet institutionem, sicut nec aliæ virtutes adhuc supernaturales : sed Sacramentum Pœnitentiæ idem est cum virtute Pœnitentiæ : ergo Sacramentum Pœnitentiæ non habet institutionem.

Non inquam, obest, si ita objicias. Nam ad primum respondet ibi S. Doctor : *Quod lex naturalis dictat homini, quod sit pœnitendum* (ut constat ex dictis dub. 2 hujus disp.), sed modus talis agendi pœnitentiam, qui observatur in Sacramento Pœnitentiæ, non est ex legis naturalis dictamine, sed ex institutione. Confirmationi occurrit Præceptor Angelicus inquiens : *quod Pœnitentia est virtus quantum ad hoc, quod est de dictamine legis naturalis* (quia nimur est de dictamine legis naturalis, quod sit virtus Pœnitentiæ, quin ex vi hujus determinetur, quod talis virtus sit in se naturalis), et ideo non habet institutionem, in quantum est virtus ; sed quantum ad modum determinatum, ex quo habet quod sit Sacramentum, et utrumque in una pœnitentia invenitur, et ideo eadem pœnitentia est Sacramentum, et virtus, et quantum ad aliquid de jure naturali, et quantum ad aliquid ex institutione.

Hinc

Supposi
tie.

Objec
tio.

Hinc jure amandandus venit Petrus Oxomensis, de quo supra, qui efficaciam remittendi peccata, quam Ecclesia agnoscit, et semper cognovit in hoc Sacramento, non alicui ipsius institutioni detulit, sed ex jure naturali, et propria virtute provenire docere fuit ausus in sequenti propositione : *Sacramentum pœnitentiæ quantum ad collationem gratiæ Sacramentum naturæ est, non alicujus institutionis veteris vel novi testamenti.* Quæ est nona in ordine inter alias ex ipso ab Ecclesia digna censura inustas, ut locis citatis retulimus, easque omnes abjurare compulsus est, ut refertur in summa Conciliorum inter decreta Sixti IV. Quo supposito deveniamus ad Authorem immediatum, et tempus institutionis Pœnitentiæ, in quo non est momenti difficultas inter Catholicos post decisionem Tridentinam.

§ I.

Author hujus Sacramenti Christus asseritur.

140. Dicendum est Christum Dominum immediate instituisse Pœnitentiæ sacramentum. Hanc conclusionem ut fide sanctam amplectuntur Theologi Catholici, quotquot post Concilium Tridentinum scripsere, quod quidem eam definivit sess. 14. canone 1, sub anathemate damnans oppositam per hæc verba : *Si quis dixerit in Ecclesia Catholica Pœnitentiæ non esse vere, et proprie Sacramentum profidelibus, quoties post Baptismum in peccata labuntur, ipsi Deo reconciliandis, a Christo Domino nostro institutum, anathema sit.* Si autem Ecclesia vel alius a Christo Domino ipsum immediate, et per se ipsum instituisset, non vero ipsem Christus, non vere, et absolute diceretur illius institutor, nec sub anathemate damnaretur, qui assereret Christum Dominum non esse illius immediatum Authorem, ut constat a simili aliquorum sacramentalium, aut rituum ab Ecclesia conditorum, quorum non Christus, sed Ecclesia dicitur Author; licet haec non propria, sed ab ipso emendicata potestate, ea et alia condiderit, ac instituerit. Quocirca sess. 21, cap. 2, docet ipsummet Concilium esse in Ecclesia potestatem mutandi ritus exerceri solitos circa sacramenta, pro rerum, temporum, et locorum varietate, immutata, et illæsa eorum substantia. Et ideo licet aliquando fuerit in usu communio sub utraque specie

pro laicis, ut attestatur Concilium, eum decursu temporis ob justissimas causas abrogavit, et prohibuit, nihil omnino innovans circa essentiam, et substantiam Sacramenti Eucharistiae, nec etiam aliorum. Quod argumento efficaci est, a nullo alio quam a Christo Domino immediate omnia Sacra menta esse instituta : nam alias, sicut erat in potestate alterius a Christo concedere Sacra menta, esset etiam illa pro rerum, et temporum, ac locorum varietate immutare ; quia nullum est fundamentum alterum, vel Ecclesiae, vel alii concedendi, et aliud negandi ; cum potestas innovandi comitetur facultatem instituendi. Cum ergo non sit alia ratio de Pœnitentiæ, ac de cæteris Sacramentis ; nullum ex consequenti est fundamentum negandi hoc Sacramentum fuisse a Christo Domino immediate institutum.

141. Deinde probatur hæc veritas ratione generali desumpta ex D. Thoma supra quæst. 64, art. 3 et 4, quoniam potestas instituendi Sacra menta ita est propria Christi, ut nulli alteri fuerit communicata, quamvis absolute communicari potuerit, ut docet S. Doctor prædicto art. 4 ; sed instituto Pœnitentiæ provenit immediate a potestate instituendi Sacra menta : ergo institutio Pœnitentiæ ita est propria Christi immediate, ut nulli alteri de facto conveniat. Minor et Consequentia constant. Major vero probatur : quia potestas instituendi Sacra menta est potestas excellentiæ, qua Christus Dominus præ cunctis allis excelluit, ob intimam conjunctionem personalem cum Deo, in quo est authoritas impertiendi gratiam, et remittendi culpam. Cum autem sola Christi humanitas sit personaliter conjuncta cum divinitate, in sola Christi humanitate, vel, ut proprius loquamus, in solo Christo ut homine de facto potestas excellentiae salvatur, atque ideo ipsi soli competit instituere Sacramentum Pœnitentiæ, sicut et cætera alia.

Confirmatur, et explicatur : quia nec Ecclesia, nec ejus ministri possunt se ipsos instituere, aut de fundamento, cui innituntur, disponere : ut videtur per se notum ; siquidem eo ipso quod Ecclesia, et ejus ministri ab alio habeant esse, debent ex consequenti supponere quod ab alio recipiunt, nec illud de novo instituere valent ; alioqui enim seipsos de novo fundare possent, et sibimet novum esse communicare, quod est impossibile. Sed Ecclesia fundatur in fide, et Sacramentis.

Ergo sicut non habet fidem a se ipsa, sed a Christo ut capite, ita nec Sacraenta, et consequenter nec novam fidem, imo nec aliquid, nec aliqua Sacraenta instituere potest, sed id referendum est in Christum Dominum immediate. Qui fuit discursus D.Thom.

D. Thomæ in 4, dist. 17, q. 3, art. 1, quæstiunc. 5, ubi inquit : *Ministri Ecclesiæ instituuntur in Ecclesia divinilis fundata, et ideo institutio Ecclesiæ presupponitur ad operationem ministrorum, sicut opus creationis presupponitur ad opus naturæ. Et quia Ecclesia fundatur in fide, et Sacraenta, ideo ad ministros Ecclesia nec novos articulos fidei edere, aut editos removere, aut Sacraenta nova instituere, aut instituta removere pertinet. Sed hoc est potestatis excellentiæ, quæ soli debetur Christo, qui est Ecclesiæ fundamentum.*

142. Secundo probatur ratione ejusdem S. Doctoris in praesenti art. 7. Quoniam Sacramentum Pœnitentiæ conflatur, et constituitur essentialiter ex actibus pœnitentis sicut ex materia, et ex legitima absolutione Sacerdotis tamquam ex forma, ut constat ex supradictis. Sed Christus primo instituit, ac determinavit complexum harum partium simul sumptarum : ergo Christus fuit primus hujus Sacraenti institutor. Major cum Consequentia est nota, et probatur Minor ex parte materiae : nam licet actus pœnitentis antecedant Christi institutionem ; cum ex jure naturali habeatur hominem debere pœnitire post lapsum ; non tamen ex jure naturali habent illi actus quod sint materia proxima, et determinata Sacraenti, subindeque ut obire possent munus materiae Sacramentalis, opus fuit Christi institutione, et determinatione. Quoad formam vero, et virtutem ipsius clarus adhuc est, non ab alio, quam a Christi institutione habere esse, quandoquidem verba Sacerdotis ex se non sunt alterius efficaciarum, quam si ab alio homine proferrentur : ergo quod hæc verba sint determinata, et sensibiliter significant culparum remissionem, sortiri debent ex divina institutione Christi : atque ideo modus Sacramentaliter pœnitendi non in aliud principium revocandus est, quam in Christi Domini determinationem, et voluntatem.

143. Sed contra hanc rationem statim se offert difficultas immediate opposita : nam quod diu antea præcessit Christum, nequit esse ex Christi institutione : sed Sacramentum Pœnitentiæ fuit in veteri

lege, sive naturali, sive scripta, ut initio hujus disputationis ex alibi dictis supposedimus : ergo Sacramentum Pœnitentiæ non primo habuit esse ex Christi institutione. Eo præsertim, nam in lege scripta confituit vera confessio peccatorum, de quo extant plura Sacrae paginæ testimonia, præcipue vero in libr. Levit. et in Psalterio juxta illud Ps. 31 : *Dixi : confitebor adversum Psalmum meum iniquitatem peccati mei. Accedebant insuper ad Sacerdotes, ut mundarentur peccato obnoxii : ergo signum est multo ante Christi institutionem fuisse verum Pœnitentiæ Sacramentum, et sic idem quod prius.*

Hæc tamen difficultas levis est, et facile dispellitur, animadvertingo, quod aliqua Sacraenta fuerint in veteri lege, minime obesse ; quominus Christus Dominus absolute, et simpliciter vere dicatur, et sit Author unicus, et primarius institutor Sacramentorum novæ legis : sicut nec quod fuerit, et sit lex naturalis, non tollit, quod Christus fuerit Author legis gratiæ. Unde sicut quod antea fuerit, vel remedium naturæ, vel in lege scripta circuncisio in antidotum peccati originalis, bene coheret cum hoc, quod Baptismus non alium quam Christum sibi vindicet Authorem ; ita similiter de Pœnitentiæ Sacramento asserendum est. Cujus optimam rationem tradidit Angelicus Præceptor in 4, dist. 22, D.Thom quæst. 2, art. 3, quæstiunc. 2, quia quando variatur aliquid, quod est de essentia rei, non est eadem res numero, unde cum determinatus modus, qui in Ecclesia a pœnitentiis observatur, sit de essentia hujus Sacraenti, hoc Sacramentum non fuit antequam iste modus pœnitendi esset. Et quia iste modus non fuit ante Christi adventum, ideo nec Sacramentum Pœnitentiæ antea fuisse debet dici, quamvis esset aliquid simile etiam ante Christi adventum et aliquis modus pœnitentiæ agendi.

In quo vero ille modus consisteret, explicat S. Doctor subjungens immediate differentiam pœnitentiæ in lege naturali, et scripta, et ex hac differentia diruitur confirmatio : *Nam in lege Moysi erat determinatus modus sed alius, quam modo sit, nimis ut explicat in hoc articulo 7, solut. ad 2, quantum quidem ad dolorem, ut esset magis in corde, quam in exterioribus signis, secundum illud Joel. 2 : Scindite corda vestra, et non vestimenta vestra ; quantum autem ad remedium doloris quærendum,* Joël. 2.

Ratio
specia-
lier.

D.Thom.

Objectio.

rendum, ut aliquo modo ministris Dei sua peccata confiterentur ad minus in generali. Unde Dominus Levitici 5, dicit: *Anima quæ peccaverit per ignorantiam, offeret arietem immaculatum, etc., in hoc enim ipso, quod oblationem faciebat aliquis pro peccato suo quodammodo suum peccatum sacerdoti confitebatur. Sed tempore legis naturæ (prosequitur D. Thomas in 4) non erat aliquis modus determinatus; sed quilibet secundum quod sibi veniebat in cor, modum pœnitendi sibi determinabat: quia Sacraenta omnia illius temporis (ecce pœnitentiam illam inter Sacraenta recenset, quod observet S. Doctoris discipulus) volo celebrabantur secundum Hug. Et sic Pœnitentiæ est Sacramentum, et veteris legis, et novæ legis, et legis naturæ (Quod si animadvertisset Prado, non negasset Pœnitentiæ veteri rationem Sacraenta) et in quantum est Sacramentum nova legis, non fuit ante Christi adventum institutum, in quantum fuit legis naturæ, non fuit determinate institutum: sed admonitus fuit homo, ut sibi determinaret aliquem pœnitendi modum, quæ quidem admonitio non debuit esse ante culpm. Quia doctrina cuncta elucidantur, et supra dub. 2 expensa lucem accipiunt.*

144. Est vero observatu dignum, aliud esse pœnitere, et aliud pœnitentiam agere: nam primum solum importat actum internum doloris; secundum vero addit exteriora pœnitentiæ signa: quocirca profunde observavit D. Thomas in hoc ipso art. 7, Christum Dominum suæ prædicationis exordio indixisse hominibus non solum ut pœniterent, sed etiam ut pœnitentiam externam agerent. Unde quando in omni lege docet S. Doctor fuisse Pœnitentiæ Sacramentum, clarissime loquitur de Pœnitentiæ externa, quæ supponat, et comitetur internam; alioqui enim neutiquam statuisset in nulla lege Sacraenta, cum de earum ratione sit esse signa sensibilia. Quare si præscindatur ab institutione divina, adhuc in lege naturali, nullum ex vi juris naturalis foret Sacramentum Pœnitentiæ, utpote quod non habet esse ex vi ipsius legis naturalis, sed occasione ex culpis accepta conveniens fuerit ejus institutio, ut supra innuimus ad dub. 2, et docet S. Doctor loco immediato relato ex 4 sent.

145. Objicies secundo. Nam in lege gratiæ nullibi fit expressa mentio confessionis Sacramentalis, nisi in illo Jacobi 5, n. 16: *Confitemini alterutrum peccata ves-*

tra, nec Christus usus est potestate clavium ad remittenda peccata: ergo signum est Christum Dominum non fuisse immediatum Authorem hujus Sacraenti. Probatur Consequentia, tum quia non potest esse Author Sacraenti, nisi simul instituerit omnes ejus partes, et constat in Matrimonio, cuius ideo Christus non dicitur Author, quia ejus partes essentials non primo statuit. Tum etiam, quia Christum usum fuisse creditur illis Sacraentis a se institutis, quorum administratio, et usus non importabat indecentiam ipsi indignam, ut constat in Eucharistia; quam sibi met minimis dicuntur, et in ordine, quo Apostolos insignivit illis Sacerdotium conferendo. Sed remittere peccata medio Sacramento Pœnitentiæ non affert indecentiam aliquam, quin imo præ se fert insignem excellentiam, et authoritatem: ergo cum constet hac Christum Dominum non usum fuisse; constare consequenter videtur non instituisse, sed dumtaxat intimasce Ecclesiæ hoc Sacramentum ab ipsa instituendum.

Propter hanc objectionem hæretici omnino negant Sacramentum Pœnitentiæ fuisse institutum a Christo Domino. Et quod magis est, aliqui Doctores Catholicæ in ea fuerunt sententia, quod in Pœnitentiæ solum instituerit Christus id, quod se tenet ex parte Sacerdotis, et est in ipso formale, nimis verba absolutionis, et potestatem clavium; reliqua vero ex parte materiæ se tenentia, utputa confessionem, et satisfactionem Ecclesiæ judicio demandasse. Ita Alensis 4 p. quæst. 18, art. 2. Marsili in 2, quæst. 2, art. 2. D. Bonaventura in 4, dist. 17, part. 2, art. 1, quæst. 3.

146. Hæc tamen sententia displicet aliis Theologis, quoniam licet ad utrumque salvandum aliquem esse alterius causam, sufficere videatur producere unionem extremonum, vel ipsa extrema ut unita reduplicative, quin desideretur influxus in partes secundum se, ut patet in naturalibus, in quibus homo producit aliud hominem absque eo quod ejus partes efficiat: et in artificialibus, ubi dealbans parietem facit absolute album per hoc præcise, quod albedinem illi astigat; et ex hoc capite utcumque posset salvari in Christo prærogativa institutoris, et Authoris Sacraenti Pœnitentiæ, immo, et aliorum. Majus tamen quid intendunt Concilia, et Patres, dum eam excellentiam illi adscribunt, et ita

Quid
aliqui
sense-
rint.

Alensis.
Marsi-
lius.
D. Bo-
nav.

Displi-
cet
aliis.
Delga-
dillo.

intelligunt communiter Theologi, maxime qui post Tridentinum scripsere. Et sane si ita discurrendum foret, plane conficeretur, nulla ratione posse falsitatis convinci, qui constanter affirmaret, nec materiam, nec formam hujus, immo nec aliorum Sacramentorum, a Christo præscriptas fuisse; sed aliunde habitas dumtaxat eas inter se univisse, ut adductum exemplum retorquendo palam constabit. Quod tamen est falsum, et minime admitti dignum.

Melior aliorum sensus.
Trident.

Quocirca consultius alii Theologi oppositum ut fide sanctum affirmant, et quod attinet ad Confessionem, in quam impingunt sectarii, maxime Calvinistæ post suum Prodromum Calvinum, standum est doctrinæ Concilii Tridentini, in quo est plenior fides, quam in alio quilibet Theologo quantumvis sanctitate, et doctrina præcelenti. Ait ergo Sancta Synodus cap. 5, ex sess. 14, sœpe citata : *Ex institutione Sacramenti Pœnitentia jam explicata, universa Ecclesia semper intelligit, institutum etiam esse a Domino integrum peccatorum confessionem, et omnibus post Baptismum lapsis jure divino necessariam existere.* Unde falsum est Antecedens objectionis, quoad primam illius partem, quia non solum in illa Jacobi epistola, sed etiam in pluribus aliis locis, in quibus fit mentio de hoc Sacramento; ex consequenti fit etiam de ejus partibus, quarum una est confessio Sacramentalis. Concedimus tamen non usum fuisse Christum hoc Sacramento, quia ita non congruit; siquidem aliud est instituere Sacramentum ab aliis ministrandum, et conficiendum; aliud vero ipsum semet institutum conficere, et ministrare, sed ex primo nullatenus infertur secundum; aliqui enim vel omnia Sacraenta ministrasset, quod est falsum; vel nullum instituisset nisi Eucharistiam, quam solam accepisse constat, quod etiam est falsum. Quamobrem minime fuit expediens, quod author, et institutor Sacramentorum, fuerit illorum minister, quando quidem ejus virtus ad disponendam gratiam non fuit ligata Sacramentis, sed independenter ab illis, prout expediebat, eam largiebatur, ut contigit Magdalenaæ, Cananææ, Samaritanæ, D. Paulo, et aliis. Et hoc profecto dignitatis, et excellentiæ fuit in Christo præ suis ministris; quoniam sicut excellentius est causæ non alligari instrumento, sed cum illo, vel absque illo effectum producere, quam ad determinatum modum agendi se reducere; ita profecto præstan-

tius fuit Christo efficere Sacramentorum effectum, ut illorum authorem, et institutorem absque dependentia ab illis, quam ut ministrum se gerere alligatum instrumentorum influxui. Unde D. Thomas supra quæst. 64, ar. 3, inquit : *Quia causa non dependet ab effectu, sed potius e converso, quarto ad excellentiam potestatis Christi pertinet, quod ipse potuit effectum Sacramentorum sine exteriori Sacramento conferre.*

147. Juxta quam doctrinam neganda etiam est Consequentia, cuius probations dilutæ manent, et ad exemplum Eucharistiae dicimus fuisse in ea speciale rationem, ut nimur semet Christus hostiam simul, et sacerdotem monstraret, juxta illud Hieronymi ad Lesbiam : *Ipse conviva, et convivium, ipse comedens, et quod comeditur, et ut carni, et sanguini cum ipso communicaremus non solum in substantia, sed etiam in modo, sumendo scilicet, sicut ipse sumpsit; alio tamen effectu, ut explicat Angelicus Doctor supra quæst. 8, art. 1.* Et quia Apostolis conferre statuerat potestatem supra suum corpus, nedum mysticum sed etiam reale, et physicum media consecratione in sacerdotes, se ipso voluit eos sacris ordinibus insignire absque interventione alterius ministri inferioris. In quo sane potestatem, magis quam ministerium ostentabat, ut Dominus haberetur, non servus.

Hieronymus.

Exemplum illud Matrimonii in adversum regerendum est; siquidem majori aliquo titulo dicendus est Christus author Sacramentorum aliorum, quam fuerit Matrimonii; quando quidem alia totaliter instituit, et determinavit pro beneplacito suæ voluntatis, et finis præ intenti; cum tamen Matrimonium materialiter saltem supposuerit ut ab Adam, et Eva descendens in ratione contractus saltem naturalis, quem quidem contractum in nova lege ad rationem evexit Sacramenti. Unde licet non fuerit Christus ut homo immediatus Author matrimonii in ratione contractus naturalis; fuit tamen illius institutor immediatus in ratione Sacramenti. Quæ fuit solutio D. Thomæ supra quæst. 61, art. 2 ad 3, nam *Matrimonium fuit institutum in statu innocentia, non secundum quod est Sacramentum, sed secundum quod est in officium naturæ.* Hoc tamen nec appareretur potest applicari cæteris Sacramentis, et multo minus Pœnitentia, nisi quatenus in lege antiqua præcessere aliquæ illius umbræ, et

Quæ Sacra-
menta
Christus
seipso
ministra-
verit.

et figuræ, ut docet Apostolus ad Galat. 4. Nec enim ibi, aut aliquando fuit vera, et specialis singulorum delictorum confessio homini specialiter, et cum spe venie facta, nec vera clavium potestas in Sacerdotibus, qua possent sacramentaliter ligare, vel absolvere pœnitentes : hæc quippe derivatur a passione Christi, ut docet D. Thomas in hoc art. 7, in fine solutionis ad 2.

§ II.

Quo tempore fuerit institutum Pœnitentiæ Sacramentum.

148. Dicendum est secundo Pœnitentiæ institutionem peractam fuisse post resurrectionem, subindeque ante Christi passionem, et mortem non fuisse institutum Pœnitentiæ Sacramentum. Hæc secunda pars conclusionis, negantis anteriorem hujus Sacramenti editionem, manifeste sequitur ex prima; quia nullum Sacramentum bis fuit institutum, sed semel dumtaxat: ergo si hujus Sacramenti institutio facta fuit post resurrectionem, planum est ante illam non fuisse peractam. Unde non manet locus negandi hanc partem, supposita prima, ut bene observavit Nuno in præsenti dub. 2. Primam ergo et potiorem assertionis partem tuerunt Catholici Theologi ut definitam in Concilio Tridentino can. 3 et sequentibus, expressius vero, et formalius cap. 1, sess. 14, ubi ita docet: *Dominus aulem Sacramentum Pœnitentiæ tunc præcipue instituit, cum a mortuis excitatus insufflavit in discipulos suos dicens: Accipite spiritum sanctum, quorum remiseritis peccata, remittuntur eis, et quorum retinueritis, retenta sunt. Quæ quidem verba habentur Joan. 20 capite.*

In quo testimonio observandum venit (quod et animadvertis Granados controv. 7 de Pœnit. tract. 1, disp. 10, num. 3 et 4), adverbium illud *præcipue*, quo usi sunt Concilii Patres, indicare sermonem fieri de ultimo compleemento, et perfectione Pœnitentiæ, quæ consistit in potestate clavium, ex vi cuius perficitur, et ultimo completetur media absolutione Sacramentum. Cum quo bene consonat ante resurrectionem fuisse insinuatam promissam, et quasi inchoatam institutionem Pœnitentiæ Sacramentalis: et ideo pluribus aliis locis de illa meminit Christus ante passionem. Nam ut inquit D. Thomas in 4, dist. 22, quæst. 2 art. 3: *Pœnitentia*

in diversis locis est a Deo instituta quantum ad diversa: quantum ad utilitatem est instituta Matth. 4, ubi dicit: *Pœnitentiam agite, unde sequitur. Appropinquavit enim in vos regnum Dei. Sed quantum ad necessitatem ubi dixit Luca 13: Nisi pœnitentiam egeritis, omnes simul peribitis. Sed quantum ad potestatem clavium Matth. 16, ubi dixit Matt. 16. Petro: Quodcumque ligaveris post illa verba: et libi dabo claves regni cœlorum; et Joan. 20: Quorum remiseritis peccata remittuntur eis; sed postea Jacobus expressit aliquid de Pœnitentiæ modo Jacob. 5, ubi dixit: Confitemini invicem, etc. Sed quia in nullo horum locorum expresse habetur traditio potestatis clavium, sine qua nullum est Sacramentum Pœnitentiæ in lege gratiæ, sed ad summum promissio, ut sonant illa verba Matth. 16: *Tibi dabo claves regni cœlorum, etc.*, et in aliis insinuatione; nisi in illo Joan. 20, quod constat fuisse post resurrectionem. Idecirco rectissime asseruit, et nos docuit Sacra Synodus tunc præcipue hujus Sacramenti factam fuisse institutionem.*

149. Fundamentum hujus veritatis a ratione petitum redigimus ad sequentem formam. Quia cum hoc Sacramentum subbeat rationem judicij inter Deum judicem, et hominem reum; tunc exigitur, et instituitur, cum assignatur ex parte Dei minister, cum potestate ligandi, et solvendi, ut pro tribunali sedendo sententiam juxta allegata ferat. Constat autem ex scriptura hanc potestatem plures insinuatam, et aliquando promissam nullibi re ipsa fuisse Apostolis concessam, nisi post resurrectionem, ut Joan. 20 refertur: ergo tunc, et Joan. 20. non alibi, absolute, et simpliciter institutum est Pœnitentiæ Sacramentum. Majorem sæpius inculcavimus ab initio hujus tractatus, et rursus probamus, et explicamus hoc modo: nam ad veram rationem judicij, nec sufficiunt delicta, nec eorum notitia, nec insuper manifestatio, aut etiam pœnæ ipsis delictis debitæ cognitio; siquidem adhuc his omnibus positis, non adhuc consurgit verum tribunal, nec stat verum judicium absolutivum, et punitivum; quandoquidem omnia illustrare, et reperiri possunt, absque potestate sententiam ferendi supra reum, vel absolvendo, vel damnando: ergo usque dum adsit potestas ligandi, et solvendi Sacramentaliter in ministro determinato, nondum intelligitur institutum, et erectum Sacramentale judicium quale importat hoc Sacramentum.

Ratio
conclu-
sionis.

Conf. ex
D.Thom.

Confirmatur, et explicatur ex D. Thoma in hoc art. 7. Quia non aliunde melius venire possumus in cognitionem voluntatis Christi institutoris, et Authoris Sacramenti, quam ex Sacra Scriptura ut explicata in Concilio, et ut approbata, et recepta ab Ecclesia universalis; haec enim simul sumpta constituunt penitus infallibilem veritatis regulam, ut in confessio est apud omnes. Sed ex divina Scriptura constat, quod licet aliquando, Christus poenitentiae Sacramentum quoad sui partes essentiales, divisive acceptas, insinuaverit, commendaverit, et promiserit; nusquam tamen reipsa contulerit disciplulis, eorumque successoribus judicariam potestatem supra fideles, usque ad resurrectionem, cum apparet Apostolis in eos insufflavit dicens: *Accipite Spiritum sanctum, etc.*, ut refertur Joan. 20, et ita constitutum est a Concilio, et approbatum fuit ab Ecclesia. Ergo omnino asserendum est usque ad illud tempus dilatam fuisse hujus Sacramenti institutionem. Minorem quoad primam sui partem, in qua sola esse poterat

D.Thom. ratio dubitandi, probat D. Thomas sequenti Scripturæ explicatione, et applicatione.

Etenim, *Dominus in principio prædications suæ indixit hominibus, ut non solum penitentem, sed et paenitentiam agerent* (quod non esse idem supra observavimus) *significans determinatos modos actuum, qui requiruntur ad hoc Sacramentum, nimurum ex parte recipientium, seu poenitentiam agentium.* Sed id quod pertinet ad officium ministrorum determinavit Matt. 16, ubi dixit Petro: *Tibi dabo claves regni cælorum, etc.* Efficaciam autem hujus Sacramenti, et originem virtutis ejus manifestavit post resurrectionem Luc. ultimo ubi dixit, quod oportet prædicare in nomine ejus paenitentiam, et remissionem peccatorum in omnes gentes, *præmisso de passione, et resurrectione.* Haec autem apparitio Christi, et ad discipulos allocutio est eadem cum illa, quæ fertur Joan. 20^o et utrobique fit mentio Spiritus sancti; licet verba sint diversa, et alter Evangelistarum explicit formalius aliquid, quod tam expresse alius non retulit, ut moris est apud illos.

Vazquez scrupulus depulsus et ejus objectiones dirutæ. Quod ideo animadvertisimus, ut a Vazquez scrupulum in hac parte amoveremus, dum infra quæst. 90, art. 1, dub. 1, n. 23; hanc D. Thomæ doctrinam difficulter ratu, ita contra eam opponit: 1º quia constat ex Concilio Tridentino institutum fuisse hoc Sacramentum, et præceptum

Confessionis Joan. 20. Nec credendum est antea fuisse præceptum confessionis indictum, quam esset Sacerdotibus potestas absolvendi. Secundo nam lex Christi tantum cœpit obligare in morte ipsius: unde et præceptum confessionis non fuit antea. Tertio sed neque existimo (inquit) in verbis illis, agite paenitentiam, Christum prædicasse præceptum, quod futurum erat post resurrectionem. Sicut in illis. Nisi quis renatus fuerit, instituit præceptum Baptismi, quod post mortem incipere debebat tantum obligare. Tunc enim non prædicabat Christus, quod postea facturi erant ex præcepto, sed quod tunc opus erat, ut facerent. Tunc autem constat non fuisse obligationem confessionis: ergo nec tunc Christus intimavit præceptum, quod futurum erat. Quemadmodum Matth. 16, promisit Petro claves regni cælorum, quas tamen postea tradidit, cum surrexit a mortuis. Tunc ergo Christus idem quod Joannes prædicabat, Paenitentiam agite. Quod semper ad peccatorum remissionem necessarium fuit. Hactenus Vasquez contra hujus articuli doctrinam, ut difficilem ostendat in applicatione primi et secundi testimonii Evangelici.

Et ut tertium eodem defectu laborare ostenderet, addidit aliam impugnationem, statuens in allegato testimonio ex capite Lucæ ultimo fieri sermonem de poenitentia Sacramentali, necnon de institutione hujus Sacramenti. Tamen (subdidit) ex illis tantum verbis non deducetur hoc præceptum, nisi constaret aliunde datam ex illis potestatem absolvendi, et retinendi: aut nisi ita traditione accepta a Christo, verba illa Lucæ ultimo sic intelligerentur, ut intelliguntur. Verumtamen ex illorum verborum forma non deducitur, nisi aliunde juvetur, sicut colligitur expresse ex Joan. 20; non ergo explicata fuit efficacia hujus Sacramenti Lucæ ultimo, licet ibi continetur.

150. Quæ impugnaciones eo tendunt, ut S. Doctoris doctrinam in hoc articulo vel diminutam, vel falsam ostendant, ut pote determinationi Concilii non consonam; quasi docuisset S. Doctor dictum, ac promulgatum fuisse Confessionis præceptum ante institutum Poenitentiae Sacramentum, idque ex prædictis locis collegisse, et intulisse. Quod est manifeste falsum. Nam aliud est loqui de illis, quæ constituta sunt ad Sacramentum institutum suo tempore, vel in ipso sunt includenda, secundum se, et divisive, vel si malueris, specificative, acceptis; aliud vero

D.Thon
deferti
Vazquez
doctrinam
neutrum
quam
a S. Doc
tore
tradicau

de

de illis ut actu totum constituentibus, seu, quod in idem recidit, de toto ex illis actu composito, et quasi conflato : sicut adhuc in artificiatis naturalibus constat, non est idem loqui de lapidibus aedificio deservitatis, ac sermonem texere de aedificio ex ipsis constructo, aut de lapidibus ipsis aedificio construentibus. Primum optime collegit, et deduxit D. Thomas ex diversis locis in quibus manifeste Christus commendavit poenitentiam externam, ejus utilitatem ostendit, et potestatem judicariam promisit; secundum vero non praestitit usque ad apparitionem factam discipulis post resurrectionem, ut refertur Lucæ ultimo, et Joan. 20 capite. Et quia præceptum Pœnitentiæ non cadit nisi supra totum Sacramentum, non vero attingit partes divisive, et secundum se acceptas, nisi referantur ad totum ; idcirco nusquam docuit, vel leviter insinuavit S. Doctor impositum fuisse præceptum confessionis ante institutionem perfectam ipsius Sacramenti, quam peractam fuisse assignato tempore manifestat Scriptura, et ex illa determinavit Concilium, ut constat ex observatione supra facta ad adverbium illud *Præcipue quo consulto usum fuit.*

Unde tantum abest Angelicum Doctorem aliquid Concilio adversum docuisse, quod ipsi prædixisse, et unum alterius paraphrasim esse videatur. Quare in casum eunt tres illæ primæ impugnationes, quin opus sit illis accuratius occurrere. Unde fatemur, et fatetur D. Thomas idem prædicasse Joannem, et Christum, ut seipsum explicat S. Doctor ad illud Matthæi 4 : *Capit Jesus prædicare, et dicere : Pœnitentiam agite, inquiens, Notandum quod eadem verba dicit hic Christus, quæ Joannes, propter duo : Primo enim admonet nos de humilitate, ut scilicet nullus dignetur verba ab aliis dicta prædicare, cum ipse fons Ecclesiasticae sententiaz eadem prædicaverit.* (Quo egregie hujus temporis Concionatores instruuntur; quin si et ipsi Theologi observassent, non tot jurgia, tot contentiones, tot opinionum monstra in dies pullularent, et in veritatis lucem tenebras offenderent.) *Secundo, quia Joannes est vox, ipse vero verbum; idem autem significatur per verbum, et vocem, nisi quia verbum est expressivum vocis.*

Ad tertiam impugnationem respondetur neutiquam S. Doctorem defecisse non referendo in hoc articulo caput illud vigesimum Joannis, in quo expressius habetur

clavum traditio : tum, quia jam articulo 3 antecedenti illud S. Doctor expresserat, et ut constat ex 4 sentent. testimonio supra allegato, ibi etiam ejus meminit. Tum et maxime : quia si idem sensus est utriusque loci, ut ipse Vasquez palam confitetur; quod magis in uno, quam in alio veritas explicetur, non obest, quominus efficaciter tam ex uno, quam ex alio ducatur, et inferatur, quin aliunde juvetur : nam levamen queritur, dum non constiterit in aliquo testimonio veritatem contineri; secus vero quando constiterit, uti ex perenni Ecclesiae traditione, et ipsa textuum collatione reperiri constabat. Unde omnino efficaciter collegit S. Doctor efficaciam, et virtutem Pœnitentiæ ex citato loco Lucæ ultim. cap. in quo eadem veritas, ac in cap. 20 Joan. continetur, licet non eisdem formalibus verbis exprimatur, non enim ideo imbecille reputari debet argumentum, quod ex omnium clarissimis verbis non efformetur; siquidem argumentum non probat, nisi ratione continentia conclusionis in præmissis, qua stante stat veritas assertionis, quidquid sit de verbis.

151. Nisi mavis (et est observatu digna solutio) Pœnitentiam dupliciter accipi posse, vel prout se tenet ex parte Sacerdotis : et hoc pacto importat expresse potestatem clavum, et magis explicatur Joann. 20. Vel sub proprio nomine *Pœnitentiaz et effectus ejus*, qui se tenet ex parte pœnitentis, cui fit remissio. Et hoc modo magis exprimitur Lucæ ultimo, ut exponunt Beda, et Eusebius Emissenus apud Maldonatum Lucæ 24, vers. 47. Cum ergo uterque Evangelista referre studuerit institutionem hujus Sacramenti, alter illam expresse, prout importabat potestatem; alter prout importabat proprium nomen, et effectum, explicuit. Quare utrumque imitatus D. Thomas modo unum, modo alterum allegavit. Et quia in hoc art. 7 intendebat S. Doctor determinare dumtaxat ejus institutionem fuisse factam in lege gratiæ, ut vel illius epigraphe demonstratur, quo ejus efficaciam, et virtutem prout se tenet ex parte pœnitentis probaret, relicto Joanne se accinxit ad caput ultimum Lucæ, ubi prout ex parte pœnitentis se tenet, clarius explicatur Sacramentum Pœnitentiæ. Unde inquit S. Doctor : *efficaciam autem hujus sacramenti, et originem virtutis ejus manifestavit post resurrectionem Lucæ ultimo, ubi dixit, quod oportet prædicari in nomine* D.Thom.

Alia
specia-
lior
solutio.

Luc. ult.
Beda.
Emis-
sen.
Maldon.

efus pœnitentiam, et remissionem peccatorum in omnes gentes, præmisso de passione, et resurrectione. Quod si animadvertisset Vasquez, ab objiciendo supersedisset.

Replicatur contra D. Thom. expositionem.

152. Sed objicitur, et apparentius, contra conclusionem, prout a D. Thoma ex Scriptura probatam : quia tunc institutum est hoc Sacramentum, cum primo collata est Apostolis potestas ligandi, atque solvendi ut patet ex supra dictis : sed hæc potestas fuit Apostolis primo collata ante resurrectionem, immo ante Christi passionem : ergo hoc Sacramentum primo institutum fuit ante Christi passionem, et mortem. Major et consequentia non indigent probatione, et suadetur Minor ex illo

Matt. 18. Matthæi 18, n. 18 : *Amen dico vobis, quæcumque alligaveritis super terram erunt ligata et in cælis, quæcumque solveritis super terram, erunt soluta et in cælo, ubi clare habetur potestas ligandi atque solvendi* Apostolis impertita ante Christi passionem, atque ideo Sacramenti hujus institutio.

Hæc objectio non tantum D. Thomam, sed ipsam Tridentinam Synodum, contra cuius expressam decisionem directe militat, percillit, et ex hac parte negligenda est; cum non sit credibile Concilii Patres, dam predictæ declarationi contra hæreticos studiosissime incubuerunt, hoc testimonium fugisse; et tamen eo non obssidente, decreverunt, seu explicarunt non usque ad resurrectionem factam fuisse institutionem Pœnitentiæ : ergo vel quia eo loci non fit mentio de potestate clavium, ut mox videbimus; vel quia esto sit ita, ibi tantum modo fit promissio instituendi postea Sacramenti, non vero ipsius realis institutio, ut aliqui docent, et est prima ad objectionem responsio.

Secunda et literalior solutio tradita est a D. Thoma ad illum locum Matthæi 18, ubi affirmat, verba allegata debere intelligi de potestate forensi, et contentiosa, ad puniendos contumaces excommunicatione, aut aliis Ecclesiasticis censuris. Cujus intelligentiæ rationem desumpsit S. Doctor ex ipsomet textu : nam præmisso præcepto correctionis fraternali a Christo Domino, jubet adhiberi unum, vel duos testes, et quod si eos non audierit peccator, dicatur Ecclesiae; si autem Ecclesiam non audierit, sit illis sicut Ethnicus, et publicanus; id est, segregatus, et excommunicatus, et immediate subtexuit : *Amen dico vobis : Quæcumque alligaveritis super terram, etc.,*

addidit D. Thomas : *Sic dicitur alligare, D. quia non solvit, vel quia excommunicat.* Juxta quam expositionem omnino textui conformem distinguenda est Major objectionis, simul cum Minor, et negari debet Consequentia : si quidem concedimus potestatem alligandi, et solvendi per censuras fuisse Apostolis a Christo ante ipsius mortem concessam, non vero ad Sacramentaliter absolvendum, et hoc ex Evangelio ipso colligitur, ita Concilio infallibiliter decernente.

153. Si autem urgeas nullam hujus dilationis usque ad resurrectionem apparere causam pro instituendo hoc Sacramento. Respondetur nullam voluntatis divinæ posse ad extra causam designari, nec hujus, nec aliorum effectuum; sed in illis maxime verum, et reverenter accipiendo est, commune proloquium : *Sit pro ratione voluntas, quæ semper est cum summa prævidentia, et ratione, nobis non aliter perscrutabili, quam emendicando ab ipsis effectibus a posteriori rationem, et congruentiæ rationes assignando.* Hujus autem duo sese offerunt : quarum prima desumitur ex D. Thoma in hoc art. 7, quoniam ex virtute nominis Jesu Christi patientis, et resurgentis hoc Sacramentum efficaciam habet in remissionem peccatorum. Quæ ratio licet videatur communis omnibus aliis Sacramentis, speciale tamen energiam explicat pro Pœnitentia; quia cum sit sacramentum mortuorum, eo medio resurgit homo e morte animæ ad vitam spiritualem gratiæ, in qua si perstiterit deinceps non sit moriturus; congruum ergo fuit non antequam Christus pateretur, et e mortuis resurgeret, hoc Sacramentum institui, ut quod in hoc Sacramento geritur, prius in ipso Christo ejus Authore fuisset exhibitum, et præmonstratum.

Altera congruentiæ ratio decerpitur ex ipsa clavium potestate, quæ quia est in ordine ad corpus Ecclesiæ mysticum, quod coalescit ex Christi fidelibus, veluti membris ipsum constituentibus, prius debuit institui, et erogari Apostolis potestas in corpus reale, et verum ejusdem Christi illos in Sacerdotes ordinando, quam conferretur, et institueretur potestas conciliandi homines, eosque membra viva reddendi. Constat autem in ipsa nocte passionis Christi destinatos, et consecratos fuisse Apostolos in Sacerdotes, ut consecrare, et Sacramentaliter confidere possent verum et reale corpus Christi : ergo conveniens,

et

et congruum fuit non ante mortem, et resurrectionem potestatem clavium illis contulisse, ut ex Christi non tantum patientis, sed etiam resurgentis nomine efficaciam acciperent in corpus mysticum.

§ III.

Referuntur aliquorum placita, et nonnullæ objectiones enodantur.

154. Contra Catholicam veritatem hactenus stabilitam, plures dicendi modi, qui sententiarum nomen non merentur, referri possunt. Primus fuit Glossæ de Pœnitentia dist. 5 asserentis hoc Sacramentum fuisse primo institutum a Deo, quando Genes. 3, quæsivit ab Adam, ubi esset? nec non quando interrogavit Cain Genes. 4, ubi esset Abel frater ejus? quoniam in illis verbis eos ad Pœnitentiam monebat.

Alter fuit aliorum, quos refert eadem Glossa, dicentium erectum, et institutum hoc fuisse tribunal cap. 7 Josue, ubi dixit ad Achan: *Fili, da gloriam Deo Israel. et confitere ei, indica mihi, quid feceris*

Tertium tenuisse videntur Hugo de S. Victore lib. 2 de Sacrament. parte 4, cap. 4. N. Waldensis tom. de Sacrament. cap. 135, quatenus docent institutionem pœnitentiæ haberi ex lege Moysi in qua reperitur præcepta, ut constat ex illo Numer. cap. 5: *Vir, sive mulier cum fecerint ex omnibus peccatis, quæ solent hominibus accidere, confitebuntur peccatum suum, et ex illo Levit. 4 et 5, ubi injungitur Sacerdotibus confiteri omnia peccata filiorum Israel; quod difficile admodum esset, si prius ab illis non fuissent patefacta sacerdotibus, unde cap. 26 comminatur Judæis sua peccata non confitentes, et Proverb. 28 dicitur: Qui abscondit sceleras suas, non dirigetur; qui vero confessus fuerit et reliquerit ea, misericordiam consequetur.*

Et quod magis est, et proprius ad rem accedit. Matthæi 3, et Marci 1 testantur ipsi Evangelistæ Judæos accedentes ad Baptismum Joannis confiteri peccata sua. Ex quibus et aliis pluribus passim obviis sacræ paginæ testimoniis colligi videtur ante Christi adventum fuisse institutam Sacramentalem pœnitentiam, cum delictorum confessione. Et hæc in causa fuisse

conjectamur, quod asseruerit D. Bonaventura confessionem Sacramentalem longe ante Christum Institutam inveniri, atque ideo solum potestatem clavium Christo de-

latam iri, de quo supra in hoc eodem dubio. Reji-
cluntur.

Sed sane omnes isti dicendi modi, et textus pro eis allegati id dumtaxat conficiunt, in nulla legum, sive naturalis, sive scriptæ post peccata actualia defuisse aliquod remedium generale a Deo indictum ad illa expianda. Sicut enim in qualibet earum providit misericorditer de remedio pro peccato originali; haud secus etiam dispositus nulli unquam hominum defuisse antidotum pro actualibus. Quod quidem an fuerit verum Sacramentum, nec ne? non est apud omnes pervium, aliis affirmantibus, negantibus aliis. Discipulis autem D. Thomæ jam est præscripta via, qua incedere debeant, quamque tract. de Sacrament. in genere arripimus, initio hujus disputationis supposuimus, et in hoc dubio iterum indicavimus, et quod pluris apud nos est, ab ipso S. Doctore diserte audivimus. Unde solum invenimus Magistrum Prado ab ea deviantem (vincitudo Magistro Soto alteri parti aliquo modo faventi a Joanne a S. Thoma in præsenti art. 2, ubi eum ad communem sensum aliorum discipulorum redigit), quatenus omnes unanimiter affirmant illud Pœnitentiæ Sacramentum longe alterius fuisse rationis a Pœnitentia novæ legis a Christo Domino institutæ, non solum quoad potestatem clavium, sed etiam quoad confessionem, et modum illam faciendi, ut constat ex eodem D. Thoma in hoc art. solut. ad 1, et ad 2.

Juxta hanc ergo sententiam tam facilem, quam veram intelligentiam accipiunt omnes illi textus in contrarium allegati, et alii plures, qui in idem possent adduci, quod nimirum loquantur de Sacramento Pœnitentiæ alterius longe rationis a nostro; quod quidem fatemur extitisse in lege veteri, sive naturali, sive scripta. Sed ex hoc nihil contraria veritatem hactenus firmatam ex Tridentino, et infallibili fide ab eodem sanctitam. Qua tamen solutione muniri non possunt, negantes Sacramentum Pœnitentiæ in veteri lege. Sed opus illis erit legitimum sensum illis textibus adscribere; cum ex illis habeatur signum sensibile externum remissionem peccatorum indicans ex institutione speciali Dei; et tenebuntur rationem reddere, quare signum illud non consurgat in Sacramentum; licet vacuum, et umbraticum, ut fuit circuncisio, et cetera alia, quibus negare veram Sacramenti rationem non sustinet vera Theologia.

Prado.
Magist.
Soto.
Joan. a
S.Thom.

Alia
solutio.

155. Sed ne Catholicam veritatem assertam huic particulari sententiae, quæ forsan aliis non arridebit, alligare videamus. Respondet secundo in omnibus illis textibus, et pluribus aliis, quæ possent referri, sermonem fieri de confessione peccatorum in genere, pro quibus specialia fuerunt instituta sacrificia; non vero de confessione peccatorum in speciali, et minutim facienda: hoc enim modo ista est propria legis gratiae, ut in nulla alia lege præscripta fuerit.

Quid
cavillent
hæretici.

156. Ex alia parte contra assertionem possent allegari plures hæretici (et sunt fere omnes hujus temporis) quibus non solum potestas clavium exosa est, sed etiam summe displicet confessio, et ex variis capitibus in eam debachantur. Inter quos Calvinus cum sequacibus tam novellam facit Confessionis institutionem, ut non antiquiore ei tribuat originem, quam quingentorum annorum ab hoc anno 1698 in quo hæc scribimus, quando quidem non fuit veritus affirmare sub anno 1198, ab Innocentio III in cap. *Omnius utriusque sexus* indictam, et primo evulgatam fuisse.

Calvi-
nus.

Inno-
cent. III

Hujus tamen rei examen suo loco suscipiendum reservamus, ubi de confessione, ejus origine, et institutione agendum est; nec enim omnia in eodem loco sunt definienda, et pro dignitate tractanda. Quocirca consultius ducimus alio mittere, et reservare, sub eodem filo attexenda, quam quoties occurrit, vel levis occasio omnia inculcare, et permixtim discutere, ut etiam ad limen hujus tractatus lectorem monuimus.

Aliorum
argu-
menta.

157. Unde superest alia objicere, quæ vel directius procedant, vel doctrinam traditam impugnent. Arguitur itaque primo: quoniam prius debuit institui Sacramentum Pœnitentiæ, quam Sacraenta Ordinis, et Eucharistia: sed hæc constat ex Evangelio fuisse instituta ante resurrectionem, in ipsa videlicet nocte, in qua cum discipulis cœnavit, ut docet Concilium Tridentinum: ergo Pœnitentiæ Sacramentum institutum fuit ante Christi resurrectionem. Major, cui soli potest esse difficultas, probatur, quia Sacramento Pœnitentiæ disponuntur fideles ad digne suscipiendam Eucharistiam; dispositio autem antecedit illud, ad quod disponit, subindeque prius debet habere esse; alioquin enim nec disponeret, nec dispositionis nomen mereretur.

Nuno.

Ad hoc argumentum respondet Nuno

in præsenti dub. 1, quod licet ad nostrum procedendi modum hoc Sacramentum sit ad Eucharistiam dispositio, et insuper necessarium pro Ordinis receptione; secus tamen est, si modus procedendi ex parte Christi spectetur, quando quidem effectum Sacramentorum sine Sacramentis conferebat: atque ideo sine Pœnitentia Sacramentali, et justificavit Apostolos, et sacris ordinibus insignivit, et sui corporis cibo saginavit. Quare prius voluit illos perficere in se ipsis, eos spiritualiter reficiendo, et sacramentaliter ordinando, quam constitueret judices aliorum media potestate ligandi, et solvendi propria hujus Sacramenti: prius enim quam quis alios perficere possit, debet esse perfectus in se.

158. Hæc tamen solutio non placet: quia Christus non instituebat Sacraenta sibi ipsi, sed nobis, quibus, et non illi erant necessaria: ergo si nobis prius Pœnitentia Sacramentalis erat necessaria, quam Eucharistia, et Ordo, prius debuit institui Pœnitentia, quam Eucharistia, et Ordo. Et confirmatur exemplo Baptismi, qui primus omnium Sacramentorum fuit institutus; non ob aliam rationem, nisi quia primus omnium maxime erat nobis oportunus: ergo signum est in institutione Sacramentorum non tam attendi debere ad id, quod Christus exigebat, quam ad id, quod nobis expediebat; alioqui enim nullum institueretur Sacramentum, utpote minime ex parte Christi necessarium ad nobis Sacramentorum effectus conferendum.

Eo vel maxime, quoniam, ut docet D. Thomas supra quæst. 65, art. 1, Sacramentorum numerus non melius designari potest, quam ex hominum indigentia in his, quæ pertinent ad cultum Dei, et ad remedium contra peccatum; in quo non defecisse Salvatoris providentiam credendum est: ergo similiter illorum institutione melius ex hominum modo, et necessitate, quam ex ipsis Christi potestate assignatur. Unde si semel Pœnitentia est dispositio ex se prævia ad Ordinem, et Eucharistiam, prius illa sub ratione Sacramenti esset instituenda, quam illa duo Sacraenta, ut intènditur in arguento.

Unde illa solutione omissa, respondet ex D. Thoma art. 2 illus quæstionis 65, solut. ad 4, negando Majorem, cuius probationem diluit S. Doctor his verbis: *Ad quartum dicendum quod ratio illa recte procederet, si Pœnitentia ex necessitate requiri*

Rejic-
tur.

Vera
D.Thom
solutio

reretur, ut præparatoria ad Eucharistiam : Sed hoc non est verum : nam si aliquis esset sine peccato mortali, non indigeret pænitentia ad sumptionem Eucharistæ. Et sic patet, quod per accidens Pænitentia præparat ad Eucharistiam, scilicet supposito peccato. Unde dicitur 2 Paralip. ult. : Tu Domine justorum, non posuisti pænitentiam justis. Et hac solutione penitus enervatur argumentum.

159. Arguitur secundo : nam obligatio legis Evangelicæ tunc primo incepit, quando destitutus obligare lex antiqua : sed lex antiqua destitutus obligare in passione Christi juxta illud ejusdem Christi in cruce pendens. Joan. 19, *Consummatus est*, quod interpres exponunt de consummatione mysterii nostræ redēptionis, et abrogatione veteris legis : ergo tunc primo cœpit obligare lex Evangelica. Hæc autem principaliter constituitur ex Sacramentis. Ergo omnia Sacra menta debuerunt institui ante Christi passionem, vel ad minus ante ipsius mortem. Major videtur certa, aliter enim aliquando fideles fuissent sine lege aliqua, nec veteri, nec nova, quod est absurdum. Minorem docet D. Thomas 12, q. 103, art. 3, cui subscrībunt communiter Theologi scholastici, et expositores, et Consequentia est legitima. Minor autem subsumpta non indiget probatione, quandoquidem, quod principalius importatur a lege Evangelicæ, est ipsa gratia cuius sunt organa ipsamē Sacra menta : ergo ut lex gratiæ obligare incipiat, debet supponi constituta ex omnibus Sacramentis, mediis quibus possit ipsa gratia in membra diffundi.

Hoc argumentum tangit gravem controversiam olim exortam inter Hieronymum, et Augustinum cuius meminit Angelicus Praeceptor 1, 2, q. 103, art. 4, eamque compendio tradidit. Nam D. Hieronymus duo tempora constituebat immediate succedentia, alterum ante passionem, seu mortem Christi, in quo vigebat, et obligabat lex vetus, atque ideo legalia nec erant mortua, nec mortifera, et quia obligabant ad sui observationem, non peccabant observantes. Alterum vero immediatum post passionem in quo jam non erat licita eorum observatio, sed manserunt mortua, et mortifera : quocirca incepit lex Christi vires assumere, et cunctos obligare. D. vero Augustinus inter illa duo tempora aliud intermedium distinxit, in quo legalia erant mortua, quia neminem ad sui obser-

vationem cogebant; non tamen erant mortifera, eo quod nullum erat peccatum ea observare adhuc in Christum conversis ex Judaismo ; dummodo non ita spem in illis reponerent, quod sibi ea ad salutem necessaria exstimatorient. Porro tempus illud protraxit S. Doctor a morte Christi usque ad promulgationem Evangelii factam in die Pentecostes, a qua penitus extincta mansit lex vetus, et lex gratiæ vigorem accepit.

Ex quibus sententiis eligit D. Thomas D. Thom. ut convenientiorem, quam docuerat Augustinus de tribus temporibus assignandis, subscrībit. eamque notat Cajetanus in commentario illius articuli non solum ex Augustino, et D. Thoma, sed etiam ex Ecclesiæ autoritate acceptam iri, ut constat ex Concilio Florentino sub Eugenio IV. Quum primum enim promulgatum est Evangelium, tumultata fuit synagoga, et ut cum honore sepeliretur, divina dispensatione concessum est tempus interjacens a morte Christi usque ad adventum Spiritus Sancti.

160. Juxta hanc ergo sententiam ab Ecclesia approbatam, et canonisatam, ut inquit Cajetanus, distinguenda est Major primi syllogismi, quando destruit obligare totaliter, ita ut non esset licitum ea observare, concedo Majorem ; partialiter, hoc est, quod non esset illicita ejus observatio, neganda est Major, et sub eadem distinctione Minoris negatur Consequentia. Hinc Minor subsumpta, et ejus probatio, quæ pungere videbantur, aculeis destituantur : quia inter tempus obligationis legis Evangelicæ, et passionem Christi, mediat tertium tempus, in quo semimorta erat lex vetus, quatenus non obligabat ad sui observationem, non tamen erat illicitum illi incumbere, dummodo ut necessaria, non haberetur ejus observatio, sed libera. Et hoc intermedio tempore institutum est Pœnitentiæ Sacramentum ante Ascensionem Christi. Ex quo non sequitur, vel quod lex gratiæ incepit obligare, antequam omnia Sacra menta essent instituta ; vel quod aliquando fuerit populus, et non sub aliqua lege, ut posset quis obtemperare ; siquidem interfecto illo tempore liberum erat Judæis vel synagogam sequi, vel Sacramentis Christi valide uti absque culpa. Non tamen id licebat Gentilibus, quorum lex nunquam fuit licita, ut observavit D. Thomas ad finem prædicti articuli.

161. Hinc decisa manet quæstiuncula.

Enoda-
tur
diffi-
cas.
Cajet.

D. Thom.

Trident.

Duplex
difficil-
tas a
D.Thom.
decisa.
Suarez.

D.Thom.

Joan. 3.

Matth. 4.

quam in solo Magistro Nuno invenimus excitatam : qualiter nimirum se gerere deberent toto illo tempore intermedio peccatis obstricti circa pœnitentiam ? Ad quod non absolute cum eodem Nuno, sed sub distinctione respondendum censemus. Nam vel fit sermo de illo interjacente tempore ante institutionem Pœnitentiae ? vel de illius institutionem supponente ante promulgationem Evangelii factam in die Pentecostes ? Si de primo procedat interrogatio, respondeamus cum prædicto Magistro, non aliam posse exerceri Pœnitentiam, quam præscriptam in lege veteri. Siquidem in lege nova nullum novum remedium Sacramentale adhuc erat institutum, quo circa opus erat recurrere ad antiquum, nondum prohibitum. Si vero protenditur quæstio ad temporis illius partem post institutam Sacramentalem Pœnitentiam ; poterant quidem, et ad hanc, et ad veterem pro libito homines configugere. Et ratio ex dictis liquet : quoniam ante promulgationem Evangelii, nec lex Evangelica erat præcepta, nec lex antiqua erat mortifera; quo circa et licita erat circuncisio modo a D. Thoma supra explicato, et etiam permisus erat Baptismus : ergo idem ob eamdem prorsus rationem asserendum est de Pœnitentia, instituta quidem, sed non cum ipsa lege promulgata. Opus tamen fuisse ad nostram Pœnitentiam tunc accedentibus, prius ablui baptismate, absque quo nullum est Sacramentum Pœnitentiae in lege gratiae, ut statuit Tridentinum ubi supra.

162. In calce ad commentarium hujus articuli, notavit et bene P. Suarez duplum quæstionem decisisse D. Thomam in solut. ad 3 et 4. Prior est : an videlicet Christus prius prædicaverit pœnitentiam, quam Baptismum ? Ad quam absolute respondendum est cum D. Thoma anteriorem fuisse sermonem de Baptismo, quam de Pœnitentia. Et rationem assignat S. Doctor fundatam in ipso Evangelio, ex quo constat ea, quæ Christus docuit de necessitate Baptismi Joan. 3 : *Nisi quis renatus fuerit ex aqua*, tempore præcessisse ea, quæ dixit Matth. 4 : *Pœnitentiam agile* : ergo prius egit Christus de Baptismo, quam de Pœnitentia. Consequuntur patet, et Antecedens probat S. Doctor; nam si quis recte consideret, quæ dicta sunt Nicodemus de Baptismo, illo Joannis loco, fuerunt prolata antequam mitteretur idem Joannes in carcerem, ut constat ex eodem

cap. 3. Illud vero quod narratur Matth. 4 Math dictum est post traditum Joannem in carcerem, ut expresse habetur Marci 1, ibi : Marc. Postquam autem traditus est Joannes, venit Jesus in Galileam prædicens Evangelium regni Dei, et dicens : Pœnitenti, et credite Evangelio. Ergo quæ Christus docuit de necessitate Baptismi tempore præcesserunt ea, quæ ab ipso dicta sunt de necessitate Pœnitentiae. Si tamen (addidit D. Thomas) prius ad pœnitentiam induxisset, quam ad Baptismum, hoe ideo esset, quia etiam ante Baptismum requiritur quædam pœnitentia, sicut et Petrus dixit Act. 2 : *Pœnitentiam agile*, et baptizetur unusquisque vestrum. Et Marci 1, ante adventum Christi in illa loca dicitur Joannes venisse prædicens Baptismum pœnitentiae, et quod baptizabantur ab illo in Jordanis flumine confitentes peccata sua in generali, non vero Sacramentaliter, ut in eodem articulo explicatum relinquebat S. Doctor.

163. Secunda fuit circa usum Sacramentorum, qui debeat Christo attribui ? et quidem quoad usum passivum Sacramentorum, nullum aliud suscepisse Christum, quam Eucharistiam, colligitur ex prædicta solutione D. Thomæ ad 4, ob rationes supra tactas ex S. Doctore. Et quia de Baptismo apparenter videbatur ratio, respondet Christum non fuisse baptizatum Baptismo a se instituto, sed Baptismo Joannis, qui fuit alterius rationis a Baptismo Christi. Si vero revocetur quæstio ad usum activum, seu quod idem est, ad Sacraenta, quæ Christus administraverit per se ipsum, de fide est Christum Dominum in nocte cœnæ seipsum Sacramentaliter consecrassæ sub speciebus panis, et vini, quin in hoc possit catholicus dubitare. Circa alia vero Sacraenta non constat ea seipso exercuisse, sed ita ea instituit, ut ab aliis dispensari voluerit, unicum si excipias Baptismum, nam quidquid sit de cæteris, quod enim Christus seipso immediate baptisum præbuerit, constat ex illo Joan. 3, vers. 22 : *Post hæc venit Jesus, et discipuli ejus in terram Iudeam, et illic morabatur cum cæteris, et baptizabat*; unde D. Augustinus, quem refert, et sequitur D. Thomas hic, epist. 108 ad Seleucianum asseruit Christum discipulos baptizasse. Evodius Episcopus Antiochenus apud Niceph. lib. 2, hist. cap. 73 dixit, quod Christus manibus suis Petrum tantummodo baptizavit; Petrus vero Andræam, et filios Zebædi, Clemens apud Sophronium in prato spiritali

Qui
Sac-
ment
rum
Chriss
sit
tribu
dus

Joan.

A
gustiEvo
dii
apu
Nic
phorClem
ens
apu
Sophr

tua

tuali eandem sententiam retulit : *Dicitur (inquit) Christus solum Petrum baptizasse, Petrus Andream, Jacobum, et Joannem.* De Poenitentia autem nullum est fundamen-tum ad id asserendum ; nam quod usus aliquando fuerit Dominus Sacra-men-tis, necessitatis non fuit, sed dignationis ; cum æque bene absque Sacramentis, ac cum illis eorum effectus inducere valeret. Quocirca Pœnitentiaæ nullum usum illi con-dedimus, nec passivum, nec activum. Non quidem activum, quia hujus, nec vestigium apud aliquem gravem Authorem reperimus : nec etiam passivum, utpote repugnantem ejus impeccabilitati. Et qui-dem si B. Virginis denegatur Pœnitentiaæ Sacramentum, ut constat ex supra dictis prope initium hujus tractatus, ubi ut fabellam rejecimus narratiunculam confessionis Sacramentalis B. Virginis cum Joanne, eamque ut talem spernunt om-nes ; potiori titulo id negari debet sanctissimo et omnino impeccabili ejus filio Christo Domino.

164. Porro si hinc occasionem sumpse-ris ad consequenter negandum Baptismum B. Virginis, utpote originali culpæ num-quam subjectæ, et ex uno ad aliud confe-ceris argumentum, vel ad utrumque Sa-cramentum ipsi Virginis, vel ad neutrum adscribendum ; suppetias non ibimus. Nam quod atinet ad Baptismum, fere certum est fuisse a B. Virgine susceptum, nec alium decuisse fuisse ministrum, quam Christum Dominum supposito dignatione baptizandi discipulos, ut credendum esse docuit supra Augustinus. Unde Euthimius sup. Joan. 3 inquit : *Scribunt Apostolorum temporibus proximi, quod Christus Petrum, ac Virginem matrem baptizaverit.* S. Vincentius Ferrerius serm. feriae sexte id ip-sum asseruit Joannes Baptista, et Virgo Ma-ria voluerunt baptizari a Christo. In qua etiam fuit sententia Albertus Magnus super Missus est in responsione ad quæst. 36, quæ responso habetur post quæst. 43. Idque esse certum, et ab omnibus Theolo-gis receptum testatur Suarez tom. 2, in 3 p. disp. 18, sect. 4 et subscribunt Sotus in 4, dist. 5, quæst. unic. art. 2. Guido Brisonis ibi docum. 1. Cujus asserti ratio desumi potest ex D. Thoma in hac 3 p. q. 68, art. 1 ad 3, dicente : *Illi, qui sunt sanctificati in utero, consequuntur quidem gratiam emundantem a peccato originali : non tamen ex hoc ipso consequuntur chara-terem, quo Christo configurantur.* Et propter

hoc si aliqui nunc sanctificarentur in utero, necesse esset eos baptisari, ut per susceptio-nem characteris aliis membris Christi con-formarentur.

Sed hinc pungere videtur tacta difficul-tas. Quia nullum Sacramentum exhiberi debet, aut potest, deficiente vera illius ma-teria destruenda, ad cuius non esse per se primo ordinatur : sed materia ad quam per se primo destruendam institutus est Baptismus, est peccatum originale, quo caruisse B. Virginem est pia Theologorum sententia, quam ut talem approbavit Ec-clesia, et sustinendam jussit : ergo vel nullatenus concedendum est B. Virginem esse baptizatam, vel si id semel conceditur, nulla est ratio ipsi denegandi usum Sacra-menti Pœnitentiaæ. Tota quippe ratio su-menda est ex carentia peccati actualis, in cujus remedium fuit per se primo institu-tum hoc Sacramentum : quæ ratio imbe-cillis est ; siquidem etiam Baptismus fuit primario institutus in remedium peccati originalis, et quod illo caruerit B. Virgo, non obfuit, quominus baptismum rite, et recte suscepere : ergo, nec obliterat carentia peccati actualis, ut non potuisse accedere ad Sacramentum Pœnitentiaæ : jam enim verum Sacramentum potest confici absque vera materia, et si hoc ita est, quare non etiam Pœnitentia?

165. Respondetur tamen hac objectione Resolu-tio. nihil evinci vel contra veritatem Baptismi a B. Virgine recepti, vel in favorem Pœ-nitentiaæ Sacramentum ipsi adscribendi. Unde ex illo asserto non cogimur ad hoc secundum in ipsa tuendum ; nec ex hoc negato compellimur ad similiter negan-dum primum. Et ut penitus exarme-tur argumentum, quolibet modo illud formetur, recolenda est doctrina supra disp. 2, tradita circa materiam Pœnitentiaæ remotam ; ad quam non requiritur, quod peccatum reipsa sit, dum suscipitur Sacra-mentum, sed sufficit, quod aliquando vere fuerit commissum ; licet supponatur re-missum alias, vel per actum contritionis, vel per idem Sacramentum antea suscep-tum, ut frequenter accidit : nam eo ipso rite, et recte potest accedi ad Pœnitentiam, et peccatum illud non jam dimissum denuo expositum in Confessione habet rationem materiæ, quantum est ex vi Sacramenti expellendæ ; esto per accidens non expel-latur. Ex qua doctrina oritur, quod nec ad suscipiendum Baptisma, nec ad acceden-dum ad Pœnitentiam requirantur vel pec-

In con-trarium obstans.

Ratio a
priori.

D.Thom.

In quo
Baptis-
mus et
Peni-
tentia
conve-
niant.

catum originale, vel actualia, quæ sint actu; nam alias sanctificatis in utero non posset baptismus applicari, nec licitum esset justificatis ad Pœnitentiam accedere, quod est absurdum, et contra Ecclesiæ præsum inconcussam. Et ratio a priori jam est supra assignata: quia licet hæc duo Sacra menta sint instituta in remedium peccatorum, originalis, et actualium, et quantum est de se illa excludant si inventantur in subjecto; non tamen postulant essentialiter illa actu invenire, et consequenter excludere, et aliud est ea esse essentialiter exclusiva peccati; aliud vero id essentialiter excludere, ex quibus primum ad eorum institutionem, et essentiam pertinet, secus vero secundum. Hinc constat sensum formæ in his Sacramentis non esse: *Ego te ablvo actualiter a peccato originali, vel actualiter libero, et absolvō a peccatis actualibus*: sed quem fuse expendimus ex D. Thoma, disp. 3 hujus tract: *Ego tibi impendo Sacramentum de se abluti-
vum, vel absolutivum, juxta uniuscujusque materiam.*

Conveniunt ergo hæc duo Sacra menta in eo, quod petant essentialiter aliquando præcessisse propriam cuiusque materia m, et quod eam quantum est de se excludere valeant, et in ejus exclusionem aptitudinalem colliment; licet nonnumquam eveniat jam actualiter fuisse exclusa, ut patet de sanctificatis in utero, et de justificatis vel media contritione, vel medio alio Sacramento antea recepto. Unde sumitur discriminis ratio, quare negari debet B. Virgini Sacramentum Pœnitentiae, et concedi potuit Baptismus. Nam Beatissima Virgo nulli unquam actuali peccato fuit obnoxia, et ex hac parte non fuit capax Pœnitentiae Sacramentalis ob defectum materiæ proximæ, et remotæ: nam eo ipso, quod numquam vel leviter fuerit lapsa, non potuit verum actum doloris de peccatis a se commissis elicere. Unde non fuit quare ipsam pœniteret, et consequenter Sacramentum Pœnitentiae riperet. At vero, quod peccatum originale in seipso non contraxerit, ut pia fert sententia, cui libenter subscribimus, non obfuit, quominus sufficientem pro Baptismo materiam haberet ratione debiti ab ipsa contracti in Adam in illud incendi, si non fuisset Dei gratia præventa ante actualem contractionem. Quod quidem debitum major, et sanior Theologorum pars ex omnibus familiis stabilit, ac fir-

mat; quin inde aliquid adversum actuali non contractioni, quam nervose propugnamus omnes, admittere cogantur, de quo ex professo alibi. Eo autem ipso, quod persona baptizanda fuerit in Adamo sub communis culpa, licet eam nunquam actualiter contraxerit; gratia per Baptismum collata est de se regenerativa, et quantum est ex vi Sacramenti, ablutiva maculæ; quamvis per accidens, non abluat, aut absterget.

166. Nec inde inferas (facitam præcupamus objectionem) idem posse affirmari de Pœnitentiae Sacramento ob perspicuum disparitatis rationem: siquidem pœnitentia non est nec de pure possibili, nec de illo, quod propria voluntate in se existente non est commissum. Quocirca initio hujus tractatus adhuc de ipso peccato originali in seipso non esse proprie pœnitentiam, supposuimus cum D. Thoma, cui subscripti communiter Theologi, ex quo a fortiori sequitur multominus esse posse de debito illud contrahendi, quod est remotius. Atque ideo bene componitur, et quod B. Virgini denegetur Sacramentum Pœnitentiae ob defectum materiæ proximæ, et remotæ, et quod ratione debiti contrahendi originalem labem, a qua supponidebet præservata, Baptisma Christi suscepere ab ipsomet Filio, ut certum est apud Theologos, teste P. Suarez ubi su- p. 1. te

Ad objectionis ergo formam respondet Majorem solum esse veram, quoties materia deficit per se, non vero quando ob defectum accidentalem non persistit: quoniam Sacra menta mortuorum, qualia esse Baptismum, et Pœnitentiam nemo ambigit, et in confessio est apud Theologos, aliquando causant per accidens secundam gratiam; et e contra Sacra menta vivorum primam, nec hoc est contra primariam eorum institutionem ex qua solum habent esse vel exclusiva peccati, vel gratiæ aucti-va; non vero illud actualiter expallere, aut istam semper augere. In quo sensu explicata prima Minoris parte, et concessa secunda, neganda est Consequentia, et dilemma in ea contentum non urget: nam ex eo quod adfuerit in B. Virgine ratione debiti explicati sufficiens materia ad Baptismum, non inde colligitur assignatam in materiam propriam Pœnitentiae, quæ est peccatum actuale, non in alio, sed in se ipso commissum. Nec etiam e converso valet, quod cui repugnet Pœnitentia, repugnet etiam Baptismus; si quidem eorum materiæ

Præ
cur
repl

On
tio
for
diss

materiae sunt satis diversæ; licet peccatum actuale, non interveniente specialissima gratia, originem trahat ex fomite peccati, et hic, omni excluso privilegio, originale supponat. De quo latissime agunt Theologi, et egimus cum illis tract. de Peccatis.

167. Secundo respondetur ad hanc replicam, Baptismum duplum habere effectum, et configurare cum Christo medio charactere, et ab originali mundare, quorum primus, quia positivus precedit alium, utpote negativum. Quod ergo B. Virgo fuerit a peccato immunis, infert ad hunc effectum non indiguisse Baptismo; secus vero ad primum, quem Deus statuit non conferre in lege gratiae nisi media ablutione baptismali. Et ideo oportuit B. Virginem illo Sacramento signari, ut Christi membrum. Quod vero defuerit illi Baptismo materia remota actualis; fuit divinæ ordinationis, nullis legibus a se præscriptis alligatae: eo enim ipso quod dispensaverit cum B. Virgine a non contrahenda macula originali, ex consequenti dispensare intellegitur in materia Baptismi a B. Virgine suscipiendo, ob alium finem a D. Thoma assignatum. Sed hinc non debet trahi argumentum ad alias personas, nec ad modum recipiendi Sacraenta. Privilegium est Virginis, et matris, quæ nec similem visa est, nec habere sequentem.

ARTICULUS VIII.

Utrum Pœnitentia dobeat durare usque ad finem vitæ?

Ad octavum sic proceditur. Videtur quod pœnitentia non debeat durare usque ad finem vitæ. Pœnitentia enim ordinatur ad deletionem peccati: sed pœnitens statim consequitur remissionem peccatorum, secundum illud Ezech. 18: Si impius egerit pœnitentiam ab omnibus peccatis suis, quæ operatus est, vita vivet, et non morietur: ergo non oportet ulterius pœnitentiam protendere.

2. Præt. Pœnitentiam agere pertinet ad statum incipientium: sed homo de hoc statu debet procedere ad statum proficiens, et ulterius ad statum perfectum: ergo non debet homo pœnitentiam agere usque ad finem vitæ.

3. Præt. Sicut in aliis Sacramentis homo debet servare statua Ecclesie, ita, et in hoc Sacramento: sed secundum Canones determinata sunt tempora pœnitentia, ut scilicet ille, qui hoc vel illud peccatum commiserit, tot annis pœnitent: ergo videtur, quod non sit pœnitentia extendenda usque ad finem vitæ.

Sed contra est, quod Augu. dicit in lib. de pœnit. Quid restat nobis, nisi semper dolere in vita? ubi enim dolor finitur, deficit pœnitentia: si vero pœnitentia finitur, quid derelinquitur de vita?

Respond. Dicendum, quod duplex est pœnitentia, scilicet interior et exterior: interior quidem pœnitentia est qua quis dolet de peccato commisso. Et talis pœnitentia debet durare usque ad finem vita; semper enim debet homini displicere, quod peccavit: si enim ei placaret peccasse, jam ex hoc ipso peccatum incurreret, et fructum venia perderet: displicentia autem dolorem causat in eo, qui est susceptivus doloris, qualis est homo in hac vita, post hanc vitam autem sancti non sunt susceptivi

doloris: unde displicebunt eis peccata præterita sine omni tristitia, secundum illud 1sa. 65: Oblivioni traditæ sunt angustiæ priores. Pœnitentia vero exterior est, qua quis exteriora signa doloris ostendit, et verbo tenuis peccata sua confitetur sacerdoti absolventi, et juxta ejus arbitrium satisfacit. Et talis pœnitentia non oportet, quod duret usque ad finem vitæ, sed usque ad determinatum tempus secundum mensuram peccati.

Ad primum ergo dicendum, quod pœnitentia non solum removet peccata præterita, sed etiam preservat hominem a peccatis futuris; quamvis igitur in primo instanti vere pœnitentia remissionem consequatur præteriorum peccatorum, oportet tamen in homine perseverare pœnitentiam, ne iterum incidat in peccatum.

Ad secundum dicendum, quod agere pœnitentiam interiorum similiter et exteriorum, pertinet ad statum incipientium, qui scilicet de novo redeunt a peccato: sed pœnitentia interior habet locum etiam in proficiens, et perfectis, secundum illud Psal. 38: Ascensiones in corde suo dispositus in valle lacrymarum, unde et ipse Paulus dicebat primæ Corint. 15: Non sum dignus vocari Apostolus, quoniam persecutus sum Ecclesiam Dei.

Ad tertium dicendum, quod illa tempora præfigurantur pœnitentibus, quantum ad actionem exteriorum pœnitentia.

Prima Conclusio: Pœnitentia interior debet durare usque ad finem vitæ.

Secunda Conclusio: Non oportet Pœnitentiam externam protrahi usque ad finem vitæ; sed est tempus ad illam determinatum juxta mensuram peccati.

Materia hujus articuli affinis est materiae sequentis, et decisio unius videtur explicatio alterius: quocirca quæ se obtulerint, vel animadvertisse, vel exponenda simul subjiciemus post art. 9, cuius titulus est:

ARTICULUS IX.

Utrum Pœnitentia possit esse continua?

Ad nonum sic proceditur. Videtur, quod pœnitentia non possit esse continua, dicitur enim Hier. 31: Quiescat vox tua a ploratu, et oculi tui a lacrymis: sed hoc esse non posset, si pœnitentia continuaretur, quæ consistit in ploratu, et lacrymis: ergo pœnitentia non potest continuari.

2. Præt. De quolibet bono opere debet homo gaudere, secundum illud Ps. 99: Servite Domino in laetitia: sed agere pœnitentiam est bonum opus: ergo de hoc ipso debet homo gaudere: sed non potest homo simul gaudere, et tristiri, ut patet per Philosophum in 9 Ethic.; ergo non potest esse, quod pœnitens continuo tristetur de peccatis præteritis, quod pertinet ad rationem pœnitentiae: ergo pœnitentia non potest esse continua.

3. Præt. Secundæ ad Corinth. 2. Apost. dicit: Consolamini, scilicet pœnitentem, ne forte abundantiori tristitia absorbeatur, qui ejusmodi est: sed consolatio depelit tristitiam, quæ pertinet ad rationem pœnitentiae: ergo pœnitentia non potest esse continua.

Sed contra est, quod August. dicit in lib. de Pœnitentia, dolor in Pœnitentia continua custodiatur.

Respondeo. Dicendum, quod pœnitere dicitur dupliciter, secundum actum, et secundum habitum. Actu quidem impossibile est, quod homo continue pœnitere: quia necessitate est, quod actus pœnitentis sive interior, sive exterior, interpoletur ad minus somno, et aliis quæ ad necessitatem corporis pertinent. Alio modo dicitur pœnitere secundum habitum, et sic oportet, quod homo continue pœnitent, et quantum ad hoc, quod homo numquam aliquid contrarium pœnitentiae faciat, per quod habitualis dispositio pœnitentis tollatur, et quantum ad hoc, quod debet homo in proposito gerere, quod semper sibi præterea peccata displicant.

Ad primum dicendum, quod ploratus, et lacrymæ ad actum exterioris pœnitentiae pertinent, qui non solum non debet esse continuus, sed nec etiam oportet, quod duret usque ad finem vitæ, ut dictum est. Unde et si-

gnanter ibi subditur, quia est merces operi tuo; est autem merces operis poenitentis plena remissio peccati, et quantum ad culpam, et quantum ad paenam, post cuius consecutionem non est necesse quod homo ulterius exteriorem poenitentiam agat: per hoc tamen non excluditur continuas poenitentias, qualis dicta est.

Ad secundum dicendum, quod de dolore, et gaudio dupliciter loqui possumus, uno modo, secundum quod sunt passiones appetitus sensitivi? Et sic nullo modo possunt esse simul, eo quod sunt omnino contraria, vel ex parte objecti (puta cum sunt de eodem), vel saltem ex parte motus cordis: nam gaudium est cum dilatatione cordis, tristitia vero cum constrictione, et hoc modo loquitur Philosophus in 9 Ethico. Alio modo possumus loqui de gaudio, et tristitia, secundum quod consistant in simplici actu voluntatis, cui aliquid placet, vel displicet: et secundum hoc, non possunt habere contraria, nisi ex parte objecti, puta cum sunt de eodem, et secundum idem: et sic non possunt simul esse gaudium, et tristitia: quia non potest simul idem secundum idem placere, et displicere. Si vero gaudium, et tristitia, sic accepta, non sint de eodem secundum idem, sed vel de diversis, vel de eodem secundum diversa, sic non est contrarietas gaudii, et tristitiae. Unde nihil prohibet hominem simul gaudere et tristari: puta si videamus justum affligi, simul placet nobis ejus iustitia, et displicet ejus afflictio: et hoc modo simul potest alieni displicere, quod peccavit, et placere, quod hoc ei displicet cum spe veniae: ita quod ipsa tristitia sit materia gaudi. Unde et Aug. dicit in lib. de poenitentia semper dolet penitens, et de dolore gaudet. Si tamen tristitia nullo modo compateretur sibi gaudium, per hoc non tolleretur habitualis continuas Penitentias, sed actualis.

Ad tertium dicendum, quod secundum Philosophum in 2 Ethice, ad virtutem pertinet tenere medium in passionibus. Tristitia autem quae in appetitu sensitivo poenitentis consequitur ex displicencia voluntatis, passio quedam est. Unde moderanda est secundum virtutem, et ejus superfluitas est vitiosa: quia inducit in desperationem: quod significat Apostolus ibidem dicens: ne majori tristitia absorbeatur, qui ejusmodi est, et sic consolatio, de qua ibi Apostolus loquitur, est moderativa tristitiae: non autem totaliter ablativa.

Prima conclusio: Poenitentia actualis non potest esse continua absque interruptione ulla.

Secunda conclusio: Si sermo fiat de Poenitentia habituali hanc oportet esse continuam.

COMMENTARIUM.

D.Thom.
1. Ut horum articulorum nexum explicemus, observandum est in priori articulo duplarem distinxisse D. Thomam Poenitentiam; alteram internam, et est quae habet rationem virtutis; alteram vero externam, et signis externis doloris, et confessionis sensibilem factam coram Sacerdote absolvente, sub qua ratione integrat, et constituit ut pars essentialis Sacramentum, ut constat ex supra dictis, et constabit amplius ex dicendis, dum egerimus de Confessione. Hanc vero Poenitentiam Sacramentalem usque ad finem vitae non durare, sed dumtaxat juxta exigentiam peccatorum gravium, quae sola opus est confessioni, et absolutioni subjecere, manifestum est: quia peccata semel rite confessa iterum confiteri non jubemur. Unde si nova peccata eaque gravia, non succedant, non est, unde ad Sacramentalem confessionem fideles cogantur: siquidem Ecclesia non pra-

cipit, nisi, quod peccata gravia semel rite confiteantur. Alia ratio est de Poenitentia interiori, quam usque in vitæ finem permanere debere statuit S. Doctor quatenus semper displicere debent peccata semel facta. Displicentiam vero qualem esse oporteat, exponitur in sequenti articulo, ubi declaratur non posse esse continuam quoad actum; bene tamen quoad habitum, seu habitualiter, quia nimis numquam faciendum est aliquid Poenitentiae contrarium, quo recta poenitentis dispositio tollatur; et semper in promptitudine animi habere debet displicentiam præteriti peccati. Et hoc pacto poenitentia debet durare usque ad finem vitæ, et absque interruptione aliqua continuari.

2. Qua observatione, quæ est litteralis (ut liquet ex ipsomet textu) absque ullo negotio deciditur difficultas hic excitata a Nuno contra Cajetanum circa mentem D. Thomæ, asserente illo S. Doctorem loqui de poenitentia, seu displicentia positiva, hoc vero affirmante solum de displicentia negativa. Dicimus ergo D. Thomam intendisse poenitentiam positivam, sed habitualem, non vero actualem, qualem adstruere conatur Nuno, sed immerito: siquidem illammet displicentiam, quam usque ad finem vitæ art. 8, statuit S. Doctor durare debere, art. 9, docet esse habitualem, et non actualem. Displicentia autem habitualis non importat continuatam actuum sed tantummodo, ut se explicat Angelicus Præceptor, numquam facere aliquid contrarium, et esse in animi preparatione, ut peccata semper displicant, quoties in actum circa illa prorumpere expediat. Quæ juxta Cajetanum est displicentia negativa; quatenus numquam admittit, quin excludit, complacentiam peccati. Nec interest dixisse D. Thomam illam displicentiam causare dolorem: quia sicut dolor non potest esse continuus, nisi habitualiter, ut diserte asserit S. Doctor; ita nec displicentia semper est actualis. Alioquin enim vel dari deberet displicentia actualis, nec vel ipso somno interrupta, quod est impossibile; vel dolor deberet esse continuus actualiter, utpote qui oriatur necessario in hac vita ex displicentia actuali. Quod est contra literam, et contra ejus doctrinam. Unde relinquitur præfrendam esse intelligentiam Cajetani, cui etiam subscribunt Soto, et alii interpres. Eamque convincit ratio D. Thomæ, eo tendens ut excludat complacentiam peccati,

oati, quæ sit novum peccatum, sicut est jactantia studiosa de malo perpetrato : sed ad excludendam prælictam displicantiam sufficit, et requiritur habitualis displicantia peccati, et alias actualis displicantia est absque interruptione moraliter impossibilis : ergo non hanc, sed displicantem habitualē statuisse censendus est D. Thomas.

3. Hujus occasione duo breviter expedienda sunt. Primum est, quæ sit obligatio hominis circa peccata, quoties memoriae occurront? Et est inquirere. An semper, atque in memoriam venerint, teneatur homo ea detestari aliquo doloris, vel displicantia actu? vel sufficiat non actu in illis complacere, aut negative se habendo per suspensionem actus, qui versetur circa memoriae occurrentia; vel considerationem aliorum distrahendo? Et quidem si ex parte subjecti, vel aliunde insit periculum lapsus, vel in complacentiam, vel in aliquid aliud peccatum, non est qui neget ad illud vitandum esse necessarium, aut displicantiam aut dolorem de illis habere, juxta illud, *qui amat periculum, peribit in eo.* Quare difficultas solum versatur circa peccata, ut memoriae occurrentia, secundum se, et præciso quolibet alio incidendi periculo.

4. Fuerunt ex antiquis, qui docerent teneri hominem ad actualiter dolendum, vel displicantia actum eliciendum, quoties peccata olim commissa memoriae occurrerent. Pro qua sententia recensem Alexander Alensis part. 4, quæst. 68, memb. 2, art. 2 veteris editionis, juxta novam, quam non vidimus q. 17, memb. 2, art. 2, § 2. Ricardus in 4, dist. 14, art. 9, quæst. 1. Gabriel. ibi quæst. 3, art. 3, dub. 2. Communis tamen sententia docet non esse necessarium actum prædictum; sed sufficere vel non complacere in illis, vel aliorum cogitationem trahere. Est D. Thomæ in præsenti, et in 4, dist. 17, q. 3, art. 4, quæstiunc. 4, cui subscribunt ex discipulis Cajet. in comment. hujus art. et tom. 1. Opusc. tract. 17, q. unica. Soto in 4, dist. 17, quæst. 2, art. 6, et ex extraneis alii communiter, quos refert et sequitur Prado in præsenti dub. 11 de duratione Pœnitentiæ. Et ratio est clara: quia solum posset obligari homo ad elicentiam illius displicantia positivæ, vel ratione periculi, vel ratione præcepti positivi pœnitendi, vel ob præceptum negativum in positivo inclusum: sed nullo ex his motivis convincitur teneri hominem

ad illam positivam displicantiam: non est ergo ratio eam imponendi obligationem. Cætera constant præter Minorem, quæ facile suadetur excludendo motiva contenta in Majori, et quod attinet ad periculum abesse debere apud omnes supponitur. Unde si adsit, erit quidem obligatio, sed non quæ oriatur ex ipsa delictorum memoria; sed ex ipsomet periculo in aliam culpam incidendi, quam, et ejus causam quilibet cavere debet. Nec etiam queit provenire ex præcepto positivo pœnitendi; quod quidem quia positivum est, non obligat pro semper, sed pro determinato tempore. Quocirca Angelicus Præceptor D.Thom. in 4, dist. 17, quæst. 1, art. 1, quæstiunc. 4, ita inquit: *Ad contritionem tenetur, quando peccata memoriaz occurront, cum præcipue in periculo mortis existit, aut in aliquo articulo, in quo sine peccati remissione oporteat peccatum eum incurrere, sicut cum teneatur ad celebrandum, si desit copia Sacerdotis, saltem conteri tenetur, et habere propositum confitendi.* Et loquitur S. Doctor de homine existenti in peccato lethali; quem tamen non obligat ad pœnitendum, nisi in casu urgenti, vel mortis, vel incurriendi aliam culpam, de quo infra suo loco, ubi agemus de præcepto Pœnitentiæ, quando et quomodo obligat. Ex quo a fortiori sequitur minime ad id teneri eum, quia jam propria delicta confessione expousit, et eorum absolutionem a legitimo Sacerdote obtinuit, de quo procedit interrogatio facta. Huic enim non parum esset onerosum, et nimis durum, semper atque naturaliter præterita in memoriam veniunt, ex actu speciali sub præcepto detestari crimina olim commissa; et esset Pœnitentiæ præcepto præ aliis positivis non semper aut pro semper obligantibus, quid strictius adscribere absque ullo gravi fundamento vel authoritatis, vel rationis, ut loco citato exponemus.

5. Nec etiam consurgit prædicta obligatio ex præcepto negativo: quoniam hoc solum obligat ad non complacendum positive in peccato: vel ad non faciendum aliquid positive adversum pœnitentiæ, seu dolori habituali. Sed qui negative se habet circa peccata in mentem venientia, vel alio cogitationem diverteret, maxime post confessionem, nec positive complaceret, nec aliquid positive adversum pœnitentiæ faceret: ergo ita se gerens non frangeret præceptum negativum non imponitendi. Et sane mirum est hominem

Deobligatur ex præcepto negativo.

D.Thom. tentatione pulsatum sufficienter illi occurrere, vel spernendo, et in oblivionem dando, vel cogitationem ad aliud diver-
tendo, ut docent communiter Theologi ex Angelico Præceptore 1, 2, quæst. 74, et id non etiam sufficiat circa peccata alias legitime confessioni exposita in memoriam naturaliter venientia? De qua re, et modo se habendi circa objecta illicita ad consensum, et delectationem allicientia plura discussimus tract. de Peccatis disp. 10, per totam ubi fusa inveniet Lector, quibus hanc doctrinam illustret.

Veterum Theologorum fundamen-
tum. 6. Sed oppones fundamentum illorum veterum Theologorum. Nam peccato in memoriam veniente, ut est offendivum Dei, tenetur voluntas elicere circa illud aliquem actum; non complacentiæ: ergo displicantia. Eo vel maxime: quoniam ex charitate tenetur homo actualiter nolle, quod actualiter noscit displicere Deo: sed qui meminit peccati olim commissi, actualiter agnoscit, quod actualiter displicet Deo: ergo actualiter tenetur illud nolle, et consequenter positivam displicantiam erga illud habere.

Diruitur. Sed respondetur distinguendo Majorem: tenetur elicere aliquem actum directe, vel indirecte circa peccatum, concedo Majorem: directe præcise, nego Majorem, et concessa Minori negatur Consequentia. Non enim nomine displicantia negativæ intelligimus suspensionem ab omni actu positivo, quam stante advertentia rationis circa objectum impossibilem judicavimus loco nuper citato, et modo tenemus. Sed intelligimus omnem illum actum, qui excludat complacentiam positivam in peccato, non sit tamen illius positiva, et directa displicantia: nam eo ipso homini nec positive complacet, nec positive displicet peccatum: nihil tamen contrarium poenitentia facit, sed alio divertet retrahendo cogitationem per actum, quo vult de objecto illo non cogitare. Hic autem actus non est necessarium, quod sit directe tendens ad non cogitandum de objecto illico, sed quilibet alias sufficit, quo mens ad alia se convertat. Et quidem aliqua sunt objecta, quæ fugare potius illico expedit, quam attendere, ut sunt ad venerem allicientia. Unde illi versus aliquujus bene experti:

Hanc contra certare cave:

Nam vincere vinci est:

Vincere terga dare, et retro vestigia ferre,

Quare consultius est fugam arripere ab eorum consideratione, quam illis cogitandi se immiscere, et irretire, ut bene observavit Soto ubi supra et experientia testatur non esse casum in quo melius et facilius non sit cogitationem alio divertere, quam imminens complacentiæ periculum positiva displicantia repellere.

Ad confirmationem dico, nec semper atque occurruunt ea peccata præterita, actualiter teneri hominem considerare Dei displicantiam circa illa, nec consequenter elicere actum directum detestacionis: quia cum hæc detestatio peccatorum sit actus secundarius Charitatis, non strictius obligat, quam ejus actus primarius. Constat autem non semper teneri hominem Deum diligere, quoties in mentem veniunt anteacta crimina. Non ergo tenetur actuali illorum displicantia insistere; sed sufficit numquam approbare, vel aliquid contrarium Charitati facere. Et ideo argumentum ex hac paritate potius in adversarios regeri debet.

7. Sed hinc insurgit secunda inquirendi ratio. An saltem sit melior, et utilior crebra culparum detestatio cum earum cogitatione? Cui interrogationi non aliter melius satisfacere possumus, quam D. Thomam in medium adducendo. Respondet ergo S. Doctor infra quæst. 4 supplem. art. 2, per hæc verba: *Respondeo dicendum, quod hæc est conditio in actibus virtutum inventa, quod non potest in eis accipi superfluum, et diminutum, ut in 2 Ethic. probatur. Unde contritio quantum ad id, quod est displicantia quædam in appetitu rationis, sit actus Pœnitentiæ virtutis, numquam potest ibi esse superfluum, sicut nec quantum ad intentionem, ita nec quantum ad durationem; nisi secundum quod actus unius virtutis impedit actum alterius magis necessarium pro tempore illo. Unde quantumcumque homo continue in actibus displicantia esse possit (observa) quod magis, et melius est, dummodo actibus aliarum virtutum vacet suo tempore, secundum quod oportet. Sed passiones possunt habere superfluum, et diminutum, et quantum ad intentionem, et quantum ad durationem: et ideo sicut passio doloris, quam voluntas assumit, debet esse moderate intensa: ita debet moderate durare; ne si nimis duret, homo in desperationem, et pusillanimitatem, et hujusmodi labatur.* Hactenus D. Thomas, cui nihil potest addi aut verius, aut solidius, utpote quod maxime consonat cum illo

Alia
difficilias.

il. 50. illo Ps. 50 : *Et peccatum meum contra me est, et Ecclesiast. 5 : De propitiatio peccato noli esse sine metu.*

Au-
nus.
uthor
is de
dennit.
8. Nec longe abiit D. August. lib. de vera, et falsa Pœnitentia, quem quidem librum D. Thom. et antiqui alii Doctores, ut legitimum Augustini fœtum semper agnovere, unico Erasmo priori in contrarium dubitante, cui deinceps alii adhæserunt, vel ex eo solum quod in tertia persona se ipsum Augustinus referat : *licet, inquiens, de ejus salute Augustinus potuit dubitare.* Quæ conjectura levis est, nec modus loquendi alienus a D. Augustino, si per otium liceret vindicias agere in hac parte. In qua pluris habenda est authoritas D. Thomæ, et viciniorum temporibus Augustini, quam omnium illorum, qui forsan, vel pœnitentiam exosi, vel male vexati argumentis inde decerpitis, id unum effugium assumunt, negare esse D. Augustini. S. ergo Doctor, vel quicunque fuerit ejus Author (de antiquitate saltem bene meritus) cap. 13, ita consone ad D. Thomam fatus est : *Ex fide paniteat, credat hanc esse medicinam, omnes fructus pœnitentia parvos habeat, numquam credat sufficere, semper coram Domino, ante quem peccavit, erubescat, dolorem cum vita finiat.* Nam si Apostolus etiam peccata per Baptismum remissa continue plorat, nobis etiam super fundamentum Apostolorum positis, quid præter plorare restat ? Quid, nisi semper dolere in vita ? Ubi enim dolor finitur, deficit pœnitentia ; si autem pœnitentia finitur, quid relinquitur de venia ? Tandiu enim de gratia gaudeat, quandiu sustentatur a Pœnitentia. Dixit enim Dominus : *Vade, et jam amplius noli peccare.* Non dixit : *Non pecches, sed neque voluntas peccandi in te oriarur.* Quod quomodo servabitur, nisi dolor continue in pœnitentia custodiatur ? Hinc semper doleat, et de dolore gaudeat, et de doloris pœnitentia, si contigerit, semper doleat. Et non sit satis, quod doleat, sed ex fide doleat, et non semper doluisse doleat. Hæc autem non ideo docentur, quia præcepti sit iste dolor, ut male rebantur antiqui illi Theologi supra laudati, sed qui est optimi, et saluberrimi consilii. Cum enim evidenter constet homini de scelere, et nullatenus reddatur certus de remissione adhuc post adita et recepta Sacraenta ; prudentissimum est dolere, et lacrymis operam dare. *De propitiatio peccato noli esse sine metu,* inquit sacer textus, et ideo quantumcumque homo continue in actibus dis-

plicentia esse possit, magis, et melius est, ut supra nos docuit D. Thomas, qui sane et pœnitentiam agens, et de pœnitentia scribens mortem appetit.

Hujus continuæ pœnitentia aliam si velis radicem, eam, et satis firmam detegit Angelicus Præceptor in solut. ad 4 argumentum art. 8, quia nimurum Pœnitentia non solum removet peccata præterita, sed etiam præservat hominem a futuris. Cum vero homo, quandiu est in hac vita, neutquam sit immunis a ruina peccati, quin satis in illud sit proclivis ; vel ex hoc solum, ne iterum incidere contingat, utile quidem ipsi est pœnitentiæ operam dare. Observat tamen S. Doctor solutione immediata ad 2, actum externum Pœnitentia virtutis non æqualiter omnibus esse congruum ; sed pro diversitate statuum, vel incipientium, vel proficientium, externis mortificationibus, et pœnitentiis incumbendum. In actibus vero internis pertinentibus ad voluntatem nulla est discretio incipientium, a proficientibus, vel perfectis. Et si qua esset, ea profecto magis splenderet in perfectis, quam in incipientibus ; quibus e converso fervor externus pœnitentia, sicut et familiarior, ita et opportunior est, ut effrenis concupiscentia reparetur, et carnis rebelliones, et insultus compescantur. Omnibus tamen competit pœnitentiæ insistere dicente de se Apostolo Corint. 5 : *Non sum dignus vocari Co-Apostolus, quoniam persecutus sum Ecclesiā Dei.* Quod arguento fuit Augustino ubi proxime neminem a continuo dolore criminum, dum vitam egerit, destitutum.

9. In solutione ad secundum articuli noni diluit D. Thomas illam celebrem difficultatem de oppositione inter tristitiam et gaudium, quæ coegerit non paucos in variis dicendi modos abire. Et quod magis est, post clarissimam S. Doctoris enodationem adhuc superest non parva dissensio, aliis solam contrarietatem, et oppositionem ex parte objecti venantibus ; aliis non majorem repugnantiam inter hos voluntatis affectus agnoscentibus, quam quæ reperitur inter contraria in gradibus remissis ; aliis viis satis dissitis incendentibus, quarum plures refert, et refellit Godoy tom. 2, in 3 p. disput. 32. Communis discipulorum solutio, seu explicatio se accingit ad oppositionem præcise ex objecto desumptam ; quocirca in eo sistunt circa idem formaliter objectum, et sub eadem ratione formali attactum, neutquam

Alia
ratio
Pœni-
tentia
conti-
nue.
D.Thom.

Co-
rinth. 5.

Qualiter
gaudium
cum tri-
stitia
con-
gruat.

Godoy.

versari posse tristitiam, et gaudium; bene tamen si sub diversa ex parte objecti ratione attingatur. Et hac via, vel negant in eodem subjecto tristitiam et gaudium ejusdem objecti in eodem supposito; vel illa admittunt respectu diversorum objectorum. De quo, et nos egimus tom. secundo tract. de scientia Christi. disp. 17, dub. 4, num. 45.

Quid doceat D.Thom. Nuno.

10. Verum ex praesenti littera constat, ut bene observavit Nuno in praesenti, ultra oppositionem importatam ex parte objecti, ratione cuius de eodem omnino objecto, et sub eadem ratione non possumus simul tristari, et gaudere; dari aliam ex parte subjecti, quae non debet omitti ad penitus evanquandam difficultatem, ut loco nuper citato expendimus. Provenit autem haec ex diversis effectibus, quos gaudium, et tristitia nota sunt inducere, siquidem tristitia comprimit, laxat vero gaudium, ut in sensilibus experimur in ipso corde, quod quidem tristitia constringitur, et gaudio dilatatur. Et hoc quod experientia sensibili edocemur, suo etiam modo tenet in voluntate; licet non adeo sensibile, et manifestum nobis fiat: quia non media transmutatione corporali, ut in prima, et propria sensuum, aliquis gaudet, aut tristatur spiritualiter. Et sane juxta Angelicum Praeceptorem 1, 2, q. 35, art. 4 ad 2: *Delectatio, et tristitia contrarianur secundum genus, et ideo in qualibet tristitia est contraria dispositio subjecti dispositioni, quæ est in qualibet delectatione: nam qualibet delectatione appetitus se habet ut acceptans id, quod habet: in qualibet autem tristitia se habet ut fugiens: et ideo ex parte subjecti qualibet delectatio est medicina contra quamlibet tristitiam.* Ubi clare refutat ad contrarias dispositiones subjecti, pro tristitia, ac pro gaudio: et hoc non solum tenet in illis ut passionibus, sed etiam, ut sunt in voluntate. Unde quando docet, quod habent convenientiam, et affinitatem, sicut gaudere de bono, et tristari de malo, ut concludit S. Doctor in corpore illius articuli, solum intendit quantum est ex parte objecti, non se excludere, sed bene cohaerere; secus vero ex parte subjecti. Ex quo liquet oppositionem inter tristitiam, et gaudium desumti quidem ex objecto; sed refundi etiam in ipsum subjectum, quod est incapax recipiendi qualitates se invicem excludentes. Quocirca loco nuper citato pro conciliandis in Christo Domino summa tristitia, et gau-

dio, adhuc ex parte subjecti, assignavimus in ipsa voluntate differentiam partis superioris, in qua erat gaudium, a parte inferiori, in qua fuit tristitia; quin una harum affectionum alteram attingeret. Et hoc quidem fuit miraculosum in Christo, quod gaudium partis superioris non redundaret in inferiorem; vel hujus mæstitia non impediret illius delectationem; cum pars inferior, et superior, licet diversæ rationes ejusdem potentiae, realiter non essent distinctæ.

**Objec-
tio.**

41. Nec refert, si objicias hanc interpretationem adversari ipsi textui, ex quo clare constat dolorem, et gaudium, secundum quod sunt passiones appetitus sensitivi, non posse esse simul, eo quod sunt omnino contraria, ut diserte affirmat D. Thomas. Si vero accipiantur (verba D.Thom. sunt S. Doctoris) secundum quod consistunt in simplici actu voluntatis, cui aliquid placet, vel displicet, secundum hoc non possunt habere contrarietatem, nisi ex parte objecti, puta cum sunt de eodem secundum idem, et sic non possunt esse simul de eodem, et secundum idem. Ergo in doctrina D. Thomæ tota oppositionis ratio in prædictis effectibus venanda est ex objecto præcise.

Respondetur tamen cum eodem Nuno Solutio. ubi supra S. Doctorem neque in appetitu sensitivo, nec in voluntate negasse oppositionem desumptam ex subjecto, vel ut clarius loquamur, ex effectibus formalibus incompossibilibus, et minime cohaerentibus: etenim sicut in appetitu sensitivo gaudium, et tristitia sunt qualitates vere oppositæ, et minime cohaerentes, ita etiam in voluntate gaudium, et tristitia spiritualia minime coadunantur: cum quia opposita in modo afficiendi: tum quia inducunt effectus formales invicem repugnantes. Est tamen discrimin observatu dignum quod in appetitu sensitivo adhuc respectu diversorum non compatiuntur gaudium, et tristitia, itaut uterque ite affectus sit præsens, et in se, et in actuali consideratione; secus vero est in voluntate. Et ratio differentiæ sumitur ex parte ipsarum potentiarum: quia sensus cum sit determinatus ad unum, nec possit attingere nisi singularia; nequit actualiter cogitare nisi de aliquo singulari, et determinato, et consequenter appetitus illius ductum sequens non nisi in uno, aut de uno gaudere, aut tristari valet. At vero appetitus rationalis, quia sequitur ad intellectum, cuius objectum est universale, potest ad plura unico, vel

D.Thom.

Et sane juxta Angelicum Praeceptorem 1, 2, q. 35, art. 4 ad 2: *Delectatio, et tristitia contrarianur secundum genus, et ideo in qualibet tristitia est contraria dispositio subjecti dispositioni, quæ est in qualibet delectatione: nam qualibet delectatione appetitus se habet ut acceptans id, quod habet: in qualibet autem tristitia se habet ut fugiens: et ideo ex parte subjecti qualibet delectatio est medicina contra quamlibet tristitiam.* Ubi clare refutat ad contrarias dispositiones subjecti, pro tristitia, ac pro gaudio: et hoc non solum tenet in illis ut passionibus, sed etiam, ut sunt in voluntate. Unde quando docet, quod habent convenientiam, et affinitatem, sicut gaudere de bono, et tristari de malo, ut concludit S. Doctor in corpore illius articuli, solum intendit quantum est ex parte objecti, non se excludere, sed bene cohaerere; secus vero ex parte subjecti. Ex quo liquet oppositionem inter tristitiam, et gaudium desumti quidem ex objecto; sed refundi etiam in ipsum subjectum, quod est incapax recipiendi qualitates se invicem excludentes. Quocirca loco nuper citato pro conciliandis in Christo Domino summa tristitia, et gau-

vel pluribus actibus cum subordinatione. Et quia in uno et eodem universalis objecto sive intellectus, sive voluntatis diversæ rationes quandoque inveniuntur, et secundum illarum aliquas fundat convenientiam, et disconvenientiam secundum alias: idcirco ita potest placere in una, quod respectu illius fundet gaudium, et disiplere in alia, quod inducat tristitiam, ut videre .Thom. est in exemplo, quo utitur D. Thomas.

pula si videamus justum affligi, simul placet nobis ejus justitia, et disipleret ejus afflictio. Et hoc modo disipleret alicui quod peccaverit, placet vero, quod ipsum pœnitentem peccasse.

Stat ergo discriminis ratio, et oppositionis fundamentum ex parte tristitiae, et gaudi in eo quod tam respectu appetitus sensitivi, quam respectu voluntatis, afficiunt contrario modo, illa comprimendo, istud laxando, et ideo in neutra illarum potentiarum possunt esse simul in gradibus intensis, et hunc sensum reddat propositio illa D. Thomæ, quod nullo modo in appetitu sensitivo possunt esse simul, nec respectu ejusdem, nec respectu diversorum. Quando vero inquit, quod gaudium, et tristitia, prout sunt in voluntate, nullam habent contrarietatem, quando sunt respectu diversorum, solum excludit oppositionem contradictoriam ex parte objecti, et ex hoc capite non inconvenit esse simul. Cum quo tamen stat subesse aliam ex parte subjecti, ut cujus prædicti affectus in summo reddantur incompossibilis. Recolantur quæ diximus loco citato de scientia Christi.

eplica. 12. Sed replicabis: quia non major repugnantia, et oppositio datur inter gaudium, et tristitiam respectu diversorum, quam inter scientiam, et errorem, vel fidem: constat autem nullam oppositionem versari inter scientiam, et errorem circa diversa, aut etiam circa fide credenda, ut docet experientia: nulla ergo erit repugnantia inter gaudium, et tristitiam erga diversa.

laitor. Respondetur distinguendo Majorem hujus replicæ: et quidem si comparatio fiat ex parte objectorum, conceditur: quia sicut idem objectum, ab eodem intellectu nequit esse creditum, et scitum, aut vere, et simul falso cognitum; ita idemmet bonum nequit conveniens, et disconveniens apprehendi, et consequenter simul appeti, et respici; bene tamen si fiat comparatio respectu diversorum ob diversas rationes

sub qua splendentes in diversis objectis. Et ex hac parte nulla esset repugnantia in eo quod intendit replica. Si vero consideretur modus efficiendi subjectum, qui importatur a tristitia, diversus a gaudio respectu ejusdem subjecti, explicatur subjectiva oppositio constrictio, et dilatatio, quæ adhuc respectu diversorum nequit eidem omnino subjecto saltem in summo convenire. Non enim facile capere possumus, qualiter idem lapis motu velocissimo simul rapiatur sursum, et deorsum projiciatur adhuc circa diversa loca; nec quod idem vas uno liquore arctetur, et alio simul porrigitur. Cum ergo tristitia ex genere suo constringat, lætitia vero ampliet; ex ipso afficiendi modo se excludunt, si fuerint in summo. Actus vero illi quibus fulcitur paritas, solum important oppositionem ex parte objecti, qua non stante, ut non stare supponimus circa diversa formaliter objecta, eodem modo afficiunt; et consequenter non est, unde excludantur.

ARTICULUS X.

Utrum Sacramentum Pœnitentiae debeat iterari?

Ad decimum sic proceditur. Videtur quod Sacramentum Pœnitentiae non debeat iterari. Dicit enim Apostolus Heb. 6: Impossible est eos qui semel sunt illuminati, et gustaverunt coeleste donum, et participes sunt facti Spiritus sancti, et prolapsi sunt, renovari rursus ad pœnitentiam: sed quicunque pœnituerunt, sunt illuminati, et acceperunt donum Spiritus sancti: ergo quicunque peccat post pœnitentiam, non potest iterare pœnitentiam.

2. Præter. Ambr. dicit in lib. de pœnitentia: reperiuntur qui sapientia agendum pœnitentiam putant, qui luxuriantur in Christo. Nam si vere pœnitentiam agerent, iterandam postea non putarent: quia si uerum est Baptismus, ita una est pœnitentia: sed Baptismus non iteratur: ergo nec pœnitentia.

3. Præterea. Miracula, quibus Dominus infirmitates corporales sanavit, significant sanationes spiritualium infirmitatum, quibus scilicet homines liberantur a peccatis: sed non legitur, quod Dominus aliquem cæcum bis illuminaverit, vel quod aliquem leprosum bis mundaverit, aut quod aliquem mortuum bis suscitaverit: ergo videtur quod nec alii peccatori bis per pœnitentiam veniam largiatur.

4. Præterea. Greg. dicit in Hom. Quadragesimæ: pœnitentia est, ante acta peccata destere, et flenda iterum non committere, et Isid. dicit in lib. de summo bono Irrisor est, et pœnitens, qui adhuc agit quod pœnit: si ergo aliquis vere pœnit, non iterum peccabit: ergo non potest esse, quod pœnitentia iteretur.

5. Præterea. Siue baptismus, habet efficaciam ex passione Christi, ita et pœnitentia: sed baptismus non iteratur propter unitatem passionis, et mortis Christi: ergo non potest esse, quod pœnitentia iteretur.

6. Præterea. Amb. dicit, quod facilitas venie incenitivum præbet delinquendi: si ergo Deus veniam frequenter præbet per pœnitentiam, videtur quod ipse hominibus præbeat incenitivum delinquendi. Et sic videtur delectare in peccatis, quod ejus bonitati non congruit: non ergo potest pœnitentia iterari.

Sed contra est, quod homo inducitur ad misericordiam exemplo divinæ misericordiæ, secundum illud Luc. 6: Estote misericordes sicut et pater vester misericors est: sed Dominus hanc misericordiam discipulis suis imponit, ut sepius remittant fratribus contra se peccantibus, unde

sicut dicitur Matth. 18 Petro quærenti : Quoties peccabit in me frater meus, et dimittam ei, usque septies? respondit Jesus : Non dico tibi usque septies, sed usque septuages septies : ergo etiam Deus sæpius per poenitentiam veniam peccantibus præbet, præsertim cum doceat nos petere : dimit nobis debita nostra, sicut et nos dimittimus debitoribus nostris.

Respondeo dicendum, quod circa poenitentiam quidam erraverunt, dicentes non posse hominem per poenitentiam secundo consequi veniam peccatorum : quorum quidam, scilicet Novatiani hoc in tantum extenderunt, ut dicerent post primam poenitentiam, quæ agitur in baptismō, peccantem per poenitentiam non posse per poenitentiam iterato restituī. Alii vero fuerunt hæretici (ut Aug. dicit in lib. de poenitentia) qui post baptismum dicebant quidem esse utilem poenitentiam, non tamen plures, sed semel tantum. Videntur autem hujusmodi errores ex duobus processisse. Primo quidem ex eo, quod errabant circa rationem vere poenitentie. Cum enim ad veram poenitentiam charitas requiratur (sine qua non delentur peccata) falso credebat, quod charitas semel habita non possit amitti, et per consequens Poenitentia si sit vera, humquam per peccatum tollatur, ut sic sit necesse eam iterari : sed hoc improbatum est in secunda parte, ubi ostensum est : quod charitas semel habita propter libertatem arbitrii potest amitti, et per consequens post veram poenitentiam, potest aliquis peccare mortaliter. Secundo ex eo, quod errabant circa estimationem gravitatis peccati : putabant enim adeo grave esse peccatum, quod aliquis committit post veniam imperatur, quod non sit possibile ipsum remitti. In quo quidem errabant, et ex parte peccati (quod etiam post remissionem consequuntur), potest esse, et gravius, et levius, quam fuerit primum peccatum remissum) et multo magis contra infinitatem divinae misericordiae, que superat omnium numerum, et magnitudinem peccatorum, secundum illud Psal. 50 : Misericordia mea Deus secundum magnam misericordiam tuam, et secundum multititudinem miserationum tuarum dele iniquitatem meam, unde reprobata verbum Cain, dicens Genes. 4 : Major est iniquitas mea, quam ut veniam merear : et ideo misericordia Dei percutientis, per poenitentiam veniam præbet absque ullo termino ; unde dicitur 2 Para. ultim. : Immeusa, et investigabilis misericordia promissionis tua super malitiam hominum, unde manifestum est, quod Poenitentia plures est iterabilis.

Ad primum ergo dicendum, quod quia apud Iudeos erant secundum legem quadam lavaca instituta, in quibus plures se ab immunditiis purgabant, credebat aliqui Iudeorum, quod etiam per lavacrum Baptismi aliquis plures purificari possit. Ad quod excludendum, Apostolus scribit Hebrei, quod impossibile est eos, qui semel sunt illuminati, scilicet per baptismum, rursum renovari ad poenitentiam, scilicet per Baptismum, qui est lavacrum regenerationis, et renovationis Spiritus sancti, ut dicitur ad Titum 3. Et rationem assignat, ex hoc, quod per Baptismum homo Christo commoratur, unde subditur, rursus crucifigentes sibi metis filium Dei.

Ad secundum dicendum, quod Amb. loquitur de Poenitentia solemní, quæ in Ecclesia non iteratur, ut infra dicitur.

Ad tertium dicendum, quod sicut Augustin. dicit in libr. de pœnit. multis cæcos, et in diverso tempore Dominus illuminavit, et multos debiles confirmavit, ostendens in diversis illis eidem sæpe peccata dimitti ; ut quem prius sanavit leprosum, alio tempore illuminet cæcum, ideo enim tot sanavit cæcos, claudos, et aridos, non desperet de se peccator, ideo non scribitur aliquem nisi semel sanasse, ut quilibet timeat jungi peccato, medicum se vocat, et non sanis, sed male se habentibus opportunum : sed qualis hic medicus, qui malum iterum nesciret curare ? Medicorum est centies infirmum, centies curare : qui cæteris minor esset, si alii possibilia ignoraret.

Ad quartum dicendum, quod pœnitere est ante acta peccata deflere, et flenda non committere, scilicet simul dum flet, vel actu, vel proposito. Ille enim est irrisor, et non pœnitens, qui simul dum pœnit agit, quod pœnit, vel proponit iterum se facturum quod gessit, vel etiam actualiter peccat eodem, vel alio genere peccati. Quod autem aliquis postea peccat, vel actu, vel proposito, non excludit, quia prima poenitentia vera fuerit : numquam enim veritas prioris actus excluditur per actum contrarium subsequenter : sicut enim vere eucurrunt qui postea sedet, ita vere pœnitunt, qui postea peccat.

Ad quintum dicendum, quod Baptismus habet virtutem ex passione Christi, sicut quedam spiritualis generatio

cum spirituali morte precedentis vitæ. Statutum autem est hominibus semel mori, et semel nasci : et ideo semel tantum debet homo baptizari : sed Poenitentia habet virtutem ex passione Christi, sicut spiritualis medicatio, quæ frequenter iterari potest.

Ad sextum dicendum, quod secundum August. in lib. de poenitentia, constat Deo multum displicere peccata, qui semper præsto est ea destruere, ne solvatur quod creavit, nec corrumputatur, quod amat, scilicet per desperationem.

Conclusio : Est affirmativa, et de Fide.

ELUCIDATIO ARTICULI.

1. Materia hujus Articuli, quo clausit Scopus D. Thomas hanc primam quæstionem, D. Thom. in hoc articulo. magis dogmatica, quam scholastica est, ut oportebat ad decisionem, ab hoc studio minime a Theologo alieno delibavit, referens duplum errorem, et cuilibet eorum propriam radicem assignans. Primus itaque error fuit aliquorum, qui in ea fuerunt sententia, ut nulli homini spes maneret poenitendi post lapsum, et se in pristinum statum iterum restituendi, media peccatorum venia, ut constat ex supradictis disp. 1, dub. 1, et docet hic D. Thom. Quod tam alte incedit in illorum mente, ut eo deveinerint, quod nullam poenitentiam proficiam agnoscerent præter eam, quæ fuit ante Baptismum, et omnem aliam, quæ post Baptismum fieret, ut prorsus inutilem spernebant, in quo prodromus erat Novatianus, cuius tamen alicui discipuli, rigorem lenire conati a suo magistro ex parte desciscendo distinxerunt inter peccata suo iudicio graviora a non ita gravibus, et pro his poenitentiam admiserunt, pro illis negabant, ut constat ex D. Ambrosio lib. 1 D. Ambro. Novatianus. cap. 2, ubi ita refert : *Aiunt se exceptis gravioribus criminibus, relaxare veniam levioribus. Non hoc quidem Author vestri erroris Novatianus ait, qui nemini Pœnitentiam dandam putavil : in eo igitur (subjunxit inferius) Patrem vestrum propria damnatis sententia qui distinctionem peccatorum facitis, quæ solvenda a vobis putetis, et quæ sine remedio esse arbitremini. Omnes tamen in eo coibant, ut pro culpis gravioribus nullus maneret locus Pœnitentiae. Porro quæ peccata illi rati fuerint graviora, quæ vero levia, non melius designare possumus, quam audiendo D. Hieronymum ad illud Psal. 95, Cantate Domino omnis terra, ubi inquit : Dicit Novatianus : sunt aliqua peccata, pro quibus debemus agere penitentiam, ac si dicat de mendacio,*

mendacio, perjurio, de furto : cæterum qui forniciatus fuerit, qui homicidium fecerit, iste agere non potest Pœnitentiam. In quo testimonio, ut consonet cum D. Ambrosio, nomen illud Novatianus non debet esse proprium, sed appellativum, ut est Pelagianus, vel Lutheranus a Lutheru, et Pelagio.

Erotis causa.
2. Hujuscemodi ergo erroris causam fuisse, dicit Praeceptor Angelicus, quod veram Pœnitentiae rationem ignorabant, autumantes Charitatem esse formam inaccessibilem, semel atque fuisse homini infusa, et consequenter etiam pœnitentiam ipsius comitem; cum enim ad veram pœnitentiam Charitas requiratur, utpote sine qua peccata non abolentur; ad sustinendum utcumque propriam sententiam, necessarium illis erat adstruere neque charitatem, nec pœnitentiam semel infusas amitti posse aliquo peccato; nisi vellent homines delinquentes in manifestam committere desperationem, quod erat crudelissimum, et divinæ misericordiae manifeste eversivum, ut contra eos urget D. Ambrosius ubi supra.

Primus illius Author ex Hieronymo. Cyprian. Cypriano. Sander. Lindan. Quis fuerit Novatus. Quis Novatianus. Cyprian. Cornel. Nazianzen. Nicephor. D. August. D. Thom. Primum hujus pestilentiae Authorem quendam Montanum fuisse testatur Hieronymus lib. 2, contra Jovinianum, quam postea evomuit Novatus, ut colligitur ex Cypriano epist. 72. Ambrosio ubi supra, Sandero lib. 7. Monarch. hæres. 49. Lindano lib. 4. Danophiae cap. 61, et quamvis Ambrosius hunc haereticum vocaverit Novatianum, non idcirco idem est cum Novato, ut aliqui significare videntur, inde Novatianorum nomenclaturam derivantes: siquidem Novatianus fuit Romanus presbyter a Novato Episcopo ex Africa Romam veniente seductus, et fascinatus: et postea contra Concilium legitimum, et contra Pontificem Romanum a Novatianis sectatoribus, inde trahentibus nominis originem, Antipapa fuit electus, et proclamatus, unde primum in Ecclesia schisma excitatum fuit. Rem gestam narrat Cyprianus epist. 49 ad Cornelium, et 52, ad Antonianum secundum editionem Pamelii. Idem constat ex epist. Cornelii ad Fabium Antiochenum apud Euseb. lib. 6, histor. cap. 35. Non tamen satis liquet ex illius errores narrantibus, qualiter pœnitentiae remedium excluderit. Si quidem Nazianzenus Orat. 29. Nicephorus lib. 44, cap. 14, solius peccati ad mortem, quod erat peccatum infidelitatis, meminere. Augustinus vero lib. de hæresibus cap. 38. Epiphanius hæresi 59, et D. Thomas eis

subscribens, referunt omnium peccatorum pœnitentiam abstulisse, et profligasse, imo D. Ambrosius inter Stoicos illum recentens omnia peccata esse paria tenuisse affirmat.

D. Ambros.
3. Hæc cum ita sint ex probatissimis Authoribus memoratis, in unica offendit Vasquez ad hunc articulum, erroris causa a D. Thoma assignata, quasi nulla ductus ratione S. Doctor asseruerit ex eo originem traxisse, quod crederent nec charitatem, nec pœnitentiam semel habitas amitti posse. Cum constet, inquit, quod Novatus, et sui sectatores fatebantur aperte labi posse in peccata, qui semel baptizati in vera Charitate fuerunt, et insuper ad pœnitentiam internam, ut veniam obtinarent, hortabantur, ut constat ex D. Cypriano lib. 4, epist. 52, et D. Ambrosio lib. 1 de Pœnit. cap. 1, post medium.

Vazquez opponitur.
D. Cyprian.
Refellitur a Prado et in consequentiæ notatur.
D. Hieron.
Verum hanc P. Vasquez impugnationem nihil faciendum eruditæ, et vere ostendit Prado in præsenti, utpote quæ ferit non D. Thomam, sed ipsum Vasquium in illo eodem dubio, ubi num. 11, cum Sandero, et Lindano fatetur Montanistas in eodem fuisse errore cum Novatianis, et constat ex D. Hieronymo tom. 2, epist. 54, ad Marcellam ubi inquit: *Illi ad omne pene delictum Ecclesiæ obseruant fores*, quasi in ea nullus esset locus remissionis post peccatum commissum. Nec tamen in eo tantum erant, sed se quasi justos reputabant, et renuebant confessionem pro erubescencia, quantumvis se delinquere experientur, ut clare testatur idem Hieronymus infra inquietus: *Rigidi autem sunt; non quo et ipsi pejora non peccant: sed hoc inter nos, et illos interest, quod illi erubescunt confiteri peccata, quasi justi.* Ergo justos se coram hominibus ostentabant, et reipsa, justitiam semel habitam peccatis non desperdi adstruebant; quamvis, ut familiare est haereticis, dissimulare, et mendacia aliquo veritatis fuso delinire conabantur; ne omnino viderentur pœnitentiam abolerere, sed eam voce tenus indicabant, ut carpsit ubi supra Ambrosius eorum aliquos; quia inter peccata distinguebant remittenda; cum tamen Deus inter nulla distinxerit, sed omnia abstergenda per pœnitentiam promisit.

4. Adhuc evidenter ostenditur ad hominem minus bene in eo D. Thomam hominem impugnatur. Nam ut ipsem fatetur n. 9, et affirmit Castro diligentissimus hæresum scrutator lib. 12, adversus hæreses verb. P. Vazquez. Castro.

Pœnitentia § tercia Hæresis, Novatiani (idem reipsa erant quod Cathari) vocantur (inquit) etiam alio nomine Cathari, id est mundi, propter munditiam, quam de se ipsis superbissime prædicabant. Et hoc nomen illi sibi ipsis arrogantissime indiderunt. Atque ita appellari scribunt Eusebius lib. 6, histor. Eccles. cap. 33, seu 35. Nicephor. lib. 8, cap. 20, et lib. 11, cap. 14. Quod quidem argumento clarissimo est falso credidisse semel acceptam in Baptismo gratiam, qua mundati fuerant, inamissam servare; alioqui enim nec apparenter sibi arrogare possent præ aliis nomen Cathari, id est, mundi.

Euseb.
Nice-
phor.
Baron.

Addit tamen Baronius tom. 2, ad ann. 254, cap. 106, propterea se mundos dicere maluisse, quia nec umquam lapsos, nec cum aliquando lapsis consortium habere gloriabantur, in cuius evidenter signum candidis vestibus incedere solitos fuisse Author est Socrates lib. 6, cap. 20. Quare deceptus est Vasquez, et contra seipsum egit, dum deprehendere studuit Angelicum Praeceptorem, quasi non rectam erroris causam, sed falsam assignaverit. Quam etiam deceptionem passus est Matthæus Kellisonus ad hunc S. Doctoris articulum, ubi relata doctrina D. Thomæ subjunxit: sed hoc non videtur adeo probabile. In quo plane excessit vehementer: nam, ut ex dictis contra Vasquez constat, moraliter videtur certum Catharos, qui in opinione sunt idem cum Novatianis, in eo errore extitisse, quod semel acceptam gratiam numquam deserebant, vel quia eam inammissibilem existimabant, ut ait Angelicus Doctor; vel quia hoc specialissimo privilegio ipsi gaudebant: quod non est creditu dignum; nam hoc pacto sibi ipsis non vero aliis inutilem, et prorsus vanam Pœnitentiam declamarent. Relinquitur ergo veram erroris causam fuisse, quam D. Thomas prescripsit. Et haec de primo errore, et ejus causa Theologo pure scholastico suffecisse videntur.

Socrat.
Kelliso-
nus.

*Secun-
dus
error.*

5. Secundus error, quem tangit S. Doctor, fuit aliorum, qui sicut unicum Baptismum, ita solam, et semel unicam veram Pœnitentiam commendabant, commincentes utilem quidem esse pœnitentiam post Baptismum, non tamen plures, sed semel tantum. Quo fiebat eum, quem post Baptismum pœnituerit, si relaberetur, non posse deinceps ad justitiam restitui, sed in vanum laborare, quantumvis conaretur ad pristinum statum redigi. Quem errorem refert, et refellit D. Augustinus lib. de

vera, et falsa Pœnit. cap. 5. Hujus erroris causam asseruit D. Thomas eam fuisse, quod errarent circa gravitatem peccati, si quidem putabant adeo grave esse post veniam iterum coquinari, ut impossibilis redderetur iterata remissio. In quo divinae misericordiae gravissimam injuriam irrogabant, quasi esset peccatum aliquod supra illam juxta illud Genes. 4: *Major est Genes. iniquitas mea, quam ut veniam merear,* quod ob Abelis cædem male sibi conscient protulit Cain. Desipiebant etiam in eo quod putabant post lapsum non posse esse peccatum gravius, et levius; sed quolibet, quodcumque illud fuerit, secum afferre irremissibilitatem. Quæ sunt absurdissima, et tantummodo apta, ut in perditionem et desperationem homines ducerent.

Non defuerunt ex Catholicis, qui præfigere voluerint Pœnitentiæ et divinæ misericordiae terminum usque ad certum tempus, quo transacto, jam pœnitere non valerent, etiam si per longum tempus superstites essent. Quam positionem tribuit Puteanus tom. 2 ad hanc quæst. et art. Ambrosio Catharino, et aliis nonnullis nullo allegato loco, vel libro, ubi continetur. Eam tamen prævidens, et præfocans D. Thomas quæst. 86, sequenti art. 1, asseruit erroneum esse dicere, quod aliquid peccatum sit in hac vita, de quo quis pœnitere non possit, utpote depressivum humanæ libertatis, imo et penitus eversivum, et divinæ gratiae satis injuriosum.

D. Thom.

6. Depulsis itaque a D. Thoma prædictis erroribus, determinavit quæstionem concludens Pœnitentiam esse plures reiterabilem. Quæ quidem assertio duplē admittit sensum; vel quia pœnitens nova committens peccata post alia rite confessa, iterum potest, et tenetur ad confessionem accedere, et sèpius amissam Dei gratiam medio Sacramento nanciscendam procurare. In quo sensu qui fuit directe intentus, conclusio est de fide, ut ex Soto in 4, dist. 14, et Castro notat Arauxo in præsenti, et constat manifeste Ezech. 18 et 33. Isai. 1 et 30. Math. 11. Rom. 1, et aliis pene innumeris Sacré Scripturæ locis, in quibus nullus statuit modus, aut præfigitur terminus Dei benignitati; sed post quantalibet, et quorumque peccata invitantur homines ad pœnitentiam, promissa illis omnium eorum venia, si vere eos illorum pœnituerit Idque omnium clarrisimum probat testimonium Luc. 17, Læc. 17. ubi

longe
abeunte
Cathol-
icorum
aliqai.

Putea-
nus
cum
Catha-
rino
tribuens.

D. Thom.

Soto.
Castro.
Arauxo.

Refelli-
tur
a D. Au-
gust.

ubi sic dicitur : *Si peccaverit frater tuus, et pœnitentiam egerit, dimille illi. Et si septies in die peccaverit in te, et septies in die conversus fuerit ad te dicens : Pœnitet me, dimille illi.* Similia habentur Matth. 18, et utrobique omnium interpretum unanimi assensu numerus determinatus pro inde terminato usurpatur, ut sit sensus non esse ex parte Dei, et virtute hujus Sacramenti numerum definitum miserendi ; sicut non est ex parte hominis certa mensura peccandi, ita ut adeo deficiat ; quod dum vivit, amplius deficere non possit, nisi Dei gratia præventus fulciatur in bono. Unde D. Chrysostomus ad Hebræos 10 ad illa verba Apostoli : *Voluntarie enim peccantibus nobis post notitiam veritatis, jam non relinquitur pro peccato hostia, hom. 20 inquit : Horum occasione verborum, quidam insurgunt Pœnitentiam auferentes, quasi per pœnitentiam non valeat peccator post lapsum resurgere secundo, et tertio et deinceps.* Verum etiam in hoc pœnitentiam non excludit, nec propitiationem, quæ sœpe fit per pœnitentiam, seu secundum baptismum, et hostiam. In quo etiam sensu prædictum testimonium interpretatur D. Thomas ibi lect. 3, et Concilium Tridentinum sess. 14, cap. 2, quoad hoc inter Baptisma, et Pœnitentiam statuit discrimen, quod ille iterari nequeat, secus vero ista, non solum in ratione virtutis, ut constat ex annotatis pro anterioribus articulis, sed etiam in ratione Sacramenti, de quo loquebatur Sancta Synodus.

7. Alter, qui potest esse propositioni, sensus est, quod circa eademmet peccata semel rite, et recte confessa, potest iterari absque mensura non semel, aut iterum, sed sœpe, Pœnitentiae Sacramentum ; dummodo adsit nova materia proxima ex parte pœnitentis, utputa confessio, et dolor. Et hic sensus etiam est verus, et omnino certus, non tamen fide sancitus immediate ; licet ipsa Ecclesiæ praxi, et Sanctissimum doctorum usu comprobetur, ut ex dictis ad art. 3, satis constat. Non vero fuit a D. Thoma intentus, ut ex contextu articuli facile constat.

8. Est tamen in hoc sua dubitandi, et inquirendi ratio. Nam vel intervenit novus dolor circa peccata præterita, sicut est nova confessio ; vel non ? Si primum eligitur, jam non poterit pœnitens cum solo elapsu dolore absque alio ad Sacramentum accedere, quod videtur falsum. Si vero teneatur secundum, videlicet sufficere ante actum dolorem ; sequitur non perfici verum

Sacramentum, utpote quod absque vera materia proxima nequit salvari ; materia autem proxima Pœnitentiae non est sola oris confessio, sed etiam cordis contritio : ergo ultra illam debet intervenire ista, ut conficiatur verum, et integrum Sacramentum. Eo vel maxime, quoniam non minus est necessarius dolor, quam confessio, ut salvetur veritas Sacramenti : ergo si non sufficit facta alias confessio, sed desideratur nova ad novum Sacramentum, eadem ratione non erit sufficiens præteritus dolor, sed requiretur novus.

Ad hanc difficultatem, quæ directius militat contra communem doctrinam supr. disp. 2, dub. 1, in fine ex communi consensu firmatam, quod eadem peccata possint esse materia plurium confessionum successive, respondet Arauxo in præsenti, eligendo secundum partem dilemmatis, quod non requiratur novus dolor, qui tunc primo incipiat, sed sufficit, quod præcedens continuetur, et noviter explicetur sensibiliter per confessionem : nam eo ipso fit noviter sensibilis, et signum sensibile valet constituere, quale debet esse Sacramentum. Et quidem si continuatio doloris fuerit formalis, non est, aut esse potest, momenti difficultas, quandoquidem ex genere suo melior est dolor formaliter non interruptus, quam dolor non continuatus, sicut pejor est actus pravus formaliter continuatus seipso absolute, et ut primo fuit elicitus. Quare si dolor ut primo habet esse in confessione, est vero, et proprie materia confessionis, non apparet difficultatis ræptio, cur transacta illa confessione, si permaneat formaliter dolor, non possit sensibiliter iterum, atque iterum subjici aliis confessionibus.

9. Major est difficultas, quando dolor formaliter præterit, sed remanet virtualiter. In quo casu idem affirmat Arauxo absque ulla limitatione ubi supra, eo quod talis dolor virtualiter reperitur, dum cadit sub repetitam confessionem. Hæc tamen resolutio ita absolute non arridet, nec ejus ratio potest esse universalis ; nam alias qui semel rite, et recte confessus esset, non teneretur, quoties eadem peccata alteri confessioni submittere vellet, novum dolorem habere ; siquidem præteritus dolor virtualiter repeteretur, quoties circa peccata confessa noviter ad Sacramentum accederet ; atque ideo non aliud teneretur curare, quam peccata iterum, atque iterum denuo sensibiliter exponere, quod tamen

Resol-
vitur.

Arauxo.

Alia
difficul-
tas.
Arauxo.

videtur durum, et non ita securum. Quare distinctione opus esse censemus. Nam vel illa permanentia virtualis consistit in aliquo proposito voluntatis iterum eadem peccata sub eodem dolore confessioni subjiciendi, ita quod respiciat confessionem futuram sub illo dolore tunc existenti : vel in sola confessione facta, et nullatenus confessionem futuram concernente : vel in solo dolore præterito præcessisse? Primo modo admittemus sufficere dolorem virtualiter permanentem; quoniam ad perficiendum hoc Sacramentum, non requiritur major partium conjunctio, quam moralis, et hæc reperitur quoties præcessit propositum efficax voluntatis non diu ante confessionem, et redditur moraliter præsens ipse dolor; siquidem in vi propositi facti, et doloris præhabiti, accedit homo ad confessionem, et non infrequenter accidere solet, quod homo sub vespere confiteatur, et ob incidentes, easque rationabiles causas differatur absolutio usque ad matutinum diei sequentis, et ad hunc modum discurremus in præsenti. Si vero dolor alio modo virtualiter permanere asseratur, ut nullatenus ad confessionem futuram ordinetur, non sufficere arbitramur ad novam confessionem : nam quod quis olim habuerit dolorem non sufficit ad dispositionem præsentem, nec ad actualiter constituendum partialiter Sacramentum, ut constat a paritate aliorum Sacramentorum, quidquid sit de Matrimonio, quia contractus est. Quare omnino desideratur, quod dolor sit præsens vel in seipso sensibiliter, vel in aliquo sui, qui sit proprius effectus. Unde quod aliquando fuerit, si modo non est, quantumvis adsit confessio, non inducit veram rationem partis Sacramentalis ad actu constituendum Sacramentum.

Diruitur
confir-
matio.

10. Hinc ad confirmationem, quæ paritate urgebatur, respondeatur, stante vero dolore interno, absque confessione vel formalí, virtuali, neutiquam confici Sacramentum; cum sit de ejus intrinseca ratione constitui ex partibus sensibilibus tam materiali, quam formalí, ut ex hactenus dictis in discurso hujus tractatus satis liquet. Salvatur autem virtualis confessio in signis aliquibus exterius exhibitis, quin adsit formalis accusatio, aut delictorum narratio; et mediis illis explicatur tum dolor internum, tum absolutionis votum. Et hoc modo habita confessione, nullus est Theologorum, qui renuat absolutionem posse im-

pendi, et Sacramentum confici. Juxta quem sensum paritas non officit, sed prodest, ut facile quaque percipiet. Si autem aliud intendat, non est paritas, cum fallat in Antecedenti, et Consequenti. Unde manet inconcussa veritas, nulli unquam peccatorum occlusum fuisse viam reconciliationis media Pœnitentia sive ut virtute, sive ut Sacramento tam circa vetera, quam erga nova delicta, cum sit respectu omnium iterabilis sub utraque consideratione.

Porro motiva, sive a Patrum autoritate, sive a ratione, quibus specie tenus supradicti errores fulciri videntur, facile evanescunt si animadvertiscat, aliud esse veram pœnitentiam, aliud vero quod duret, ac perseveret. Potest enim esse primum absque secundo, quamvis secundum non reperiatur sine primo, sicut potest esse verus homo, qui vel cito pereat, vel diu vivat, et vera lux, quæ illoco extinguitur, vel perseveranter illuminet. Cum ergo tam gratia, quam vera pœnitentia recipiantur in subjecto defectibili, et libero arbitrio de bono in malum flexibili, ut ex professo probat D. Thomas 4, contra Gentes D.Th. cap. 70, omnino videndus, licet ex se sint formæ permanentes, ratione subjecti in quo sunt, deficere possunt, ut patet in anima rationali de se incorruptibiliter informante. Unde possunt vel durare, vel cito deficere juxta conditionem subjecti bene, vel male frequentius operantis, quin inde inferatur, aut inferri possit, non esse, aut veram gratiam, aut veram pœnitentiam, quæ amittitur, et non diu perseverat, ut memorata exempla, et alia pene innumera evidenter probant, et favet etiam ratio philosophica. Quia cum unumquodque recipiatur ad modum recipientis, ut est commune proloquium, quantumvis gratia, et pœnitentia sint formæ permanentes, interim atque recipiantur in subjecto defectibili, et flexibili ad malum, necesse est, ut ita ipsum afficiant, quod possint aliquando deficere nisi aliunde fulciantur. Quare optime dixit D. Thomas in præs. sol. ad 4 : D.Th. *Quod autem aliquis postea peccat vel actu, vel proposito non excludit, quin prima pœnitentia vera fuerit; numquam enim veritas prioris actus excluditur per actum contrarium subsequentem: sicut enim vere cucurrit, qui postea sedet, ita vere pœnitet, qui postea peccat.* Ex quo etiam sequitur contra alium errorem, posse a malo hominem in bonum reassurgere media superiori gratia. Et radix est eadem: quia si liberum arbitrium

Vindi
cant
PP.

arbitrium utpote flexibile a bono in malum declinare potest, nulla est ratio ex parte hominis, favente divina gratia, cur non etiam valeat relicto peccato, amplecti bonum. Quamobrem in luce meridiana impegisse monstratur illorum errorem sive Authores, sive fautores.

11. In solutione ad primum argumentum exposuit D. Thomas testimonium Apostoli ad Hæbreos 6, quod est prima facie difficile; et fuit errandi occasio, ut S. Doctor refert in commentario ad illam epistolam lect. 1 dicens: *Unde sciendum est, quod s̄x hoc loco sumpsit Novatus quidam, qui fuit presbyter Ecclesiæ Romanæ, occasionem errandi. Voluit enim, quod nullus post Baptismum poterat ad pœnitentiam resurgere. Sed ista positio falsa est, sicut dixit Athanasius in epistola ad Serapionem: quia ipse Paulus recepit incestuosum Corinthum, sicut patet. 2 Corinth. et similiter Galat. 4. Quod signum evidens est longe alium fuisse eo loci Apostoli sensum ab eo quem verba sonare videbantur. Unde quando dixit Apostolus impossibile esse semel illuminatos ad pœnitentiam renovari, locutus est de Pœnitentia Baptismali, quasi non possent iterum baptismate ablui; minime vero, quod media pœnitentia Sacramentali non possent in pristinum statum, vel saltem ad meliorem frugem redigi; alioqui enim inutiliter receperisset ipsemēt Apostolus incestuosum Corinthum. Et quia neophyti Judæorum frequentibus lotionibus assueti, existimabant, aut judicare poterant, idem posse fieri in Baptismo Christi, ad istum errorem removendum dicit hoc Apostolus, excludens quidem iterationem Baptismi, non vero Pœnitentiae Sacramentum.*

12. Ut solutio ad secundum, quæ compendiosa est, melius intelligatur, nos oportet præter pœnitentiam internam, quæ est virtutis actus multiplicem aliam pœnitentiam a Patribus distingui, et jam de una, jam de alia loquentes occasionem præbuere non ita uniformiter sentiendi circa iterationem, vel non repetitionem pœnitentiæ. Quocirca mirum non est, quos ea latuit, sibi suffragari Patres existimasse et in errores lapsos fuisse. Et missa pro nunc ea pœnitentia, quam adulti agere tenebantur ante Baptismum juxta illud D. Petri Act. 2: *Pœnitentiam agile, et baptizetur unusquisque vestrum, de qua August. lib. 1 de fide et operib. cap. 6, lib. 4, de Symbolo ad Cathecum. cap. 1,*

epist. 108 ad Seleuciam. et hom. 27, cap. 1, hom. 50, cap. 2, nec non Gregor. in epist. ad Faustum.

Pœnitentia post Baptismum alia est privata, alia publica, quarum quælibet suas patitur subdivisiones. Nam privata etiam est duplex; vel quæ agitur pro levibus, et quotidianis defectibus, quamque nuncupat Augustinus sanctorum, et justorum Pœnitentiam, et ejus meminit pluribus in locis, maxime vero in epist. 108, hom. 27, cap. 2, hom. 50, cap. 3. Enchirid. cap. 64. Vel quæ arripitur pro mortalibus, iisque occultis delictis. Pro quibus quantumvis enormibus numquam ex Ecclesiæ decreto, quod legerimus, aut apud Authorem Catholicum offenderimus, injuncta fuit pœnitentia publica. Sic ubi tamen aliqua irrepressa particularis consuetudo, eam protinus prohibuit, et abrogavit, ut constat ex S. Leone 1, epist. 80, ubi docet pro peccatis occultis sufficere confessionem secretam, quæ primum exhibetur Deo, deinde sacerdoti ejus ministro, de qua specialiter inferius instituendus erit sermo.

13. Rursus Pœnitentia publica fuit quoque duplex, et solemnis, et non solemnis. Ex quibus ista fieri solebat ob publica, et toti plebi nota delicta absque ulla solemnitate, et ceremoniis, quas intervenire mos erat in solemni, ut videbimus. Unde solum requirebat, quod ipse pœnitens vel ultro-neus, vel aliorum consilio, aut etiā jussu se palam peccatorem ostenderet, vel coram Ecclesia, vel coram plebe, ut qui ejus culpa scandalum subierant, ejus humili abjuratione, et detestatione adficerentur. Hanc interdum vel ipsi clerici agere jubebantur, quibus tamen ob ordinis dignitatem solemnis erat prohibita, ut videre est apud Siricum Papam epist. 1, cap. 7. Ab hoc pœnitentiæ modo nec ipsi Imperatores, vel alii Dynastæ excipiebantur; ut de Philippo sub Fabiano Pontifice narrant Euseb. lib. 6, cap. 25 et Nicephorus lib. 5, cap. 25, et de Theodosio testatur August. hom. 49, cap. 3, sub Ambrosio pœnitentiam egisse publicam in conspectu populi, ob id maxime, quod illius peccatum erat publicum, et celari minime poterat. Id quod Ludovico Caroli magni filio accidisse refertur apud aliquos ex Galliae historiis, nec penitus a nostra Hispania exulavit, ut superstites sunt oculati testes paucis ab hinc annis Matrii contigisse jubente, et compellente Innocentio XI, ob irrogatam Inno-vientiam Ecclesiæ immunitati. Et nos

D. Gregor.

Pœnitentia post Baptismum, quæ, et quotuplex. D. August.

S. Leo.

Quæ Pœnitentia publica.

Siric. Papa.

Euseb. Nicephor. D. August.

Innocent XI.

ipso testes sumus pœnitentiae publicæ Salmanticæ factæ ob irreverentiam satis gravem Episcopo Salmantino irrogatam. Et hanc quidem pœnitentiam, non semel, aut iterum agere quis poterat, sed quoties bonum publicum ob scandalum passum exigere videbatur.

Pœni-
tentia
solem-
nis.

Gratian.
Concil.
Arelat.
Inno-
cent.
Siricius.
Leo-
Magn.
Hiero-
nym.
Ambros.

14. Pœnitentia denique solemnis, quæ aliquando inolevit, constat quidem ex libbris, qualis fuerit, latet tamen an in usus sit? De quo extant non pauci canones apud Gratianum, et in Concilio Arelatense canon. 13, 21 et 22, et in aliis veteribus Synodis. Ejus meminere Innocent. I, epist. 1, ad Decentium cap. 7. Siricius epist. 1, cap. 4. Leo magnus epist. 92, cap. 10 et 11. Hieronymus in epitaphio Fabiolæ, Ambrosius lib. 2 de Pœnit. cap. 10 et 11. Ex quibus, omissis aliis, colligitur prædictam pœnitentiam non sollempni, nisi pro enormibus, et gravissimis delictis, iisque notoriis. Qui autem ea adigebantur, stare debebant in vestibulo extra Ecclesiam, et ejus septa, in omnium conspectu, orantes, et simul ingredientium, et egredientiam suffragia, et orationes similiter implorantes, sacco induiti, et jejuniis maxime addicti. His erat interdictus ingressus in Ecclesiam, nisi feria quinta cœnæ Domini, in qua neutiquam admittebantur ad Sacraenta, nisi post expletum designatum pœnitendi tempus, dempto mortis articulo, aut alia causa Episcopi arbitrio probanda ad id non eogente. Porro illi, qui hanc subierat pœnitentiam, licitum deinceps non erat vel militare, vel uxorem ducere, aut ad sacros ordines promoveri nisi ex superioris dispensatione, nec etiam conjux, altero conjugi non consentiente, acceptare poterat eam pœnitentiam. Semel atque acceptata, et expleta esset ab aliquo, eiususlibet is esset conditionis, sive liber, sive ligatus matrimonii vinculo, non poterat eam iterare, quantumvis relaberetur in alia criminis pejora prioribus.

Ratio
non
iterandæ
pœnitentia
solem-
nis ex
D. Au-
gust.

Alia
ex D.
Ambros.

Et id quidem triplici ex causa. Prima, ne ex repetitione vilesceret hoc genus remedii, ut constat ex D. Augustino epist. 54, ita docente: *Cauta, et satubriter est provisum, ut locus illius humilius pœnitentia dumtaxat semel in Ecclesia concedatur, ne medicina vilis minus utilis esset ægrotis, quæ tanto magis satubris est, quanto minus contemptibilis fuerit.* Secunda sumitur ex D. Ambrosio lib. 2, de Pœnit. cap. 11, et erat moralis significatio; quia ejectio pœ-

nitentis initio quadragesimæ solemniter fieri solita repræsentabat Adæ exilium a paradiso, quod quidem semel dumtaxat factum est, nec deinceps ad ipsum rediit exul proprio labore victitans: in cujus signum pœnitens inhabilis etiam remanebat ad honores, et omnino spoliatus jure illos obtinendi. Tertia, quoniam illa solemnis pœnitentia erat quædam publica protestatio eam perpetuo servandæ in detestationem præteritarum culparum, et præcautionem numquam alias committendi in posterum, ob quas posset iterari. Et hæc triplex ratio adducitur a D. Thoma in 4, dist. 14, quæst. 1, art. 5, quæstiunc. 2, ubi et in toto articulo principali plura seiu digna reperiet lector de pœnitentia solemní, quæ hic summatis perscrinximus. Consultatur etiam Magist. Soto in eodem 4, dist. 19, quest. 2, art. 5.

15. Hinc constat expositionem, quam solutione prædicta ad 2 (eujus gratia hæc prælibavimus), adhibuit Ambrosio D. Thomas, deservire etiam aliquibus aliorum Patrum testimonii, in quibus plane habetur pœnitentiam non posse iterari. Ita Origenes hom. 15, super Lev. 25. Ambrosius lib. 2, de Pœnit. cap. 10. Augustinus epist. 53 et hom. 50. N. Cyrillus Alexandrinus lib. 15, in Lev. ubi adducit Origenem. Quorum et aliorum, si qui sunt, qui ita scripserint, sensus ex dictis est catholicus, et satis expeditus, de pœnitentia solemní; numquam tamen repulerunt alios pœnitentia modos, et multo minus Sacramentalem, et virtuosam pœnitentiam ut initerabilem, quin imo enixe ad eam hortantur.

16. Sed nunc restat inquirendum; an sicut unus, et idem potest plures successive absolvere ab eisdem peccatis, ita plures simul possint unum, et eundem absolvere? Hanc difficultatem, quam supra in hunc locum remisisimus, solum excitavit D. Thomas de Baptismo, et Eucharistia, et in Pœnitentia prætermisit forte, quia minus necessarium indicavit. Quocirca ex interpretibus S. Doctoris nullum offendimus discipulum, qui ab ea non etiam supercederit. Ex extraneis vero apud solum Patrem Suarez eam invenimus indicatam disp. 18, sect. 4, a Lugo fusius prosecutam in præsenti disp. 13, sect. 7 hujus, et post ipsum a Discatillo disp. 10 de Pœnit. dub. 2.

Ut vero eam solidius expedire possimus, supponi debet per se loquendo, et ex vi institutionis

Tert.
ex 1
Thoi

Sote

Origenes
Ambro-
Augus-
N. Cy-
ril.

An
plure-
suum
hoc
Sacri-
mentu-
mentu-
valem-

P. Su-
rez.
Card.
Lugo.
Discatillo.

Quid
suppo-
endum

institutionis Sacramentorum nobis Ecclesiae traditione nota, nulli Sacramentorum designasse Christum, nisi unicum ministrum, a quo conficeretur. Et licet permiserit plures in sacerdotio conferendo coire ad consecrandam unicam hostiam, ut moris esse in Ecclesia quando sacri ordines conferuntur nemo ambigit, et statuimus tract. de Eucharistia. disp. 12, dub. 3, non tamen ideo plures absolute sunt illius ministri, sed se habent per modum unius, tum ex parte materiæ, quæ est eadem, tum ex parte intentionis consecrandi, quæ est una principalior in Episcopo celebrante, cui aliorum intentio debet subordinari, et ut ita dicamus, attemperari, ut non aliter nec antea, nec post consecratio materiæ fiat, quam ipse intenderit, ut ibi explicuimus: ubi autem sunt plura propter unum, non tam dicenda sunt plura, quam unum. Tum denique ex parte elevationis, quæ licet materialiter in pluribus noviter ordinatis multiplicetur, ordinatur tamen ad eundem numero effectum, et subordinatur eidemmet numero principali Sacerdoti Christo simul omnes elevanti ad ipsum producendum: quocirca consecratio passiva est una, et similiter consecratio activa, si formaliter accipiatur; sicut idem est formaliter locus, vel etiam fluvius, quantumvis superficies multiplicetur, dummodo non varietur distantia, vel decursus aquæ. Est itaque pro qualibet Sacramento unicus minister a Christo designatus, ut sic servetur proportio inter Sacramentum exhibendum, et ministrum conficiendum: atque ideo per se loquendo, et juxta primariam institutionem nec possunt, nec debent plures ministri simul applicare formam supra materiam propriam, ut cum ipsa et ex ipsa consurgat Sacramentum; sed reprehendi debent de inordinato modo ministrandi, ut de simul baptizantibus dixit D. Thomas supra quæst. 67, art. 6, punitos iri. Nec etiam diversas materias possunt apponere cum totidem formis, ut ejusdem rationis Sacraenta eidem subiecto simul impendant ob eandem prorsus rationem.

17. Quo fit, et bene sequitur, per se loquendo Sacramentum Pœnitentiæ non postulare nisi unicum Sacerdotem cum legitima potestate, a quo absolutio pœnitenti impendatur, et consequenter eum, qui sciens, et prudens vel simul duobus confiteretur, ut ab eis absoluti simili simul acciperet, vel in vi unius confessionis dupli-

cem, eamque simultaneam absolutionem peteret; eo ipso peccare mortaliter, et neutram posse adipisci; quippe qui procederet contra communem, et approbatam Ecclesiae consuetudinem in re gravissima, qualis est usus Sacramentorum, de quo Concilium Tridentinum sess. 7, can. 13, ita sancivit: *Si quis dixerit receptos, et approbatos catholica Ecclesie ritus in solemnni Sacramentorum administratione adhiberi consuetos, aut contemni, aut sine peccato a ministro pro libito omitti, aut in novos alios per quemcumque Ecclesiarum Pastorem mutari posse, anathema sit.* Unde tam absolventes, vel simul absolvere co[n]nantes, quam ipse pœnitens peccarent mortaliter, ob contraventionem usui, et approbationi Ecclesie; sed pœnitens nullatenus Sacramentum recipere, quin ut irrisor Sacramenti censendus esset, quoniam ut docet D. Thomas in hoc eodem D. Thom. articulo in solut. ad 4: *Ille est irrisor, et non pœnitens, qui simul dum pœnitet, agit quod pœnitet, vel proponit ilerum se facturum quod gessit: vel etiam actualiter peccat eodem, vel alio genere peccati.*

Quo fit alterius ex parte pœnitentis per se loquendo, nisi aliud vel expresse constiterit, vel ex adjunctis circumstantiis veberenter conjiciatur, semper atque confiteatur, debere præsumi rectam intentionem gratiam obtinendi medio unico Sacramento; licet adsint plures qui possint absolvere. Idque ex fine intento maxime eluet; hic enim nec ex parte pœnitentis, nec ex parte Sacramenti est alius, quam remedium peccati, et reconciliatio eam Deo; et hic quidem habetur unica absolutione, unicoque Sacramento, vere et absque obice accepto: ergo per se loquendo, quantumvis adsint plures, qui possint absolvere, numquam concedendum est de pœnitentis intentione, nisi quod velit unicum judicium instituere, unicumque dumtaxat Sacramentum recipere, quo medio a peccato liberetur. Quare solum potest esse difficultas, an casu quo plures simul absolvere intendant confessionem coram eis facientem, plura, vel unum dumtaxat Sacramentum confiant, quidquid sit an peccent ita absolvendo, vel non? siquidem peccatum absolvantis non invalidat Sacramentum.

18. Respondet ergo easu quo unica confessione audita, plures simul absoluti formam proferrent, non conficeretur nisi unicum Pœnitentiæ Sacramentum.

Conc.
Trid.

Con-
sect. 2.

Decisio-
quæstio-
nis.

D.Thom. Similem resolutionem tradidit D. Thomas supra quæst. 67, art. 6, de pluribus simul baptizantibus dicens : *Nec traderent aliud, et aliud Sacramentum. Sed Christus, qui est unus interius baptizans, unum Sacramentum per utrumque conferret.* Sed Christus, qui est unus, interius etiam absolveret : ergo non esset nisi unica formalis absolutio, licet materialiter diversa, ut de pluribus eandem hostiam consecrantibus supra diximus. Idque ita tenuit Suarez supra citatus, convictus exemplo Baptismi, ex quo a fortiori sequitur idem dicendum in nostro casu. Nam plures simul baptizantes cum diversa aqua, ut supponitur, et etiam diversa forma, non conficiunt nisi unicum Baptismi Sacramentum, ut constat ex D. Thoma. Sed in nostro casu non est nisi unica confessio, quæ habet rationem materiæ. Ergo quantumvis plures absolvent, non consurget nisi unicum dumtaxat Pœnitentiæ Sacramentum. Id quod exemplum hostiæ a pluribus simul consecratæ evidenter confirmat, quin opus sit illud expendere. Si enim cum diversitate materiæ, et formæ in illa hypothesi plurium simul baptizantium, non evadit nisi unicus tantum modus baptismi, non appareat ratio, quare cum una sola materia, quamvis adsint diversæ formæ, plura conficiantur simul Sacraenta Pœnitentiæ.

Evasio.
Lugo.
Dicastillo.

19. Respondet Lugo, cui in hac parte adhæret Dicastillo ubi supra, disparitatem esse, quod in nostro casu est diversum judicium, diversaque sententia, et confessio moraliter, ac virtualiter multiplex : quocirca necessarium est dicere ibi intendere plura Pœnitentiæ Sacraenta.

Hæc tamen doctrina diruitur efficaciter ex principiis ejusdem Authoris. Quia judicium Sacramentale non tam multiplicatur ex pluralitate formarum absolvendi, quam ex diversitate causæ, ut constat etiam in humanis : ubi licet plures simul eidem sententiæ subscriptant, eamque simul proferant, non idcirco est nisi unicum humanum judicium ; et licet quilibet eorum seorsim, simul tamen absolveret, non propterea esset diversum judicium : sed subjectum et causa in nostro casu sunt omnino idem : ergo non est nisi unicum judicium Sacramentale.

Confirm. Confirmatur : quia unitas, vel diversitas numerica nec in Sacramentis sumitur, nisi a subjecto, vel ab eo quod se tenet ex parte subjecti ; quocirca qui plures simul absol-

veret, plura simul Sacraenta ex parte recipientium conficeret; non alia ratione, nisi quia subjecta absolvenda essent plura. In quo quidem casu, et vere possibili, teneret illa doctrina de multiplicatione morali, et quasi virtuali ejusdem numero formæ; secus vero e converso : quia unitas pure numerica a materia vere diversa, et subjecto ; non vero a forma venanda est. Constat autem in nostro casu esse unicum, et idem prorsus subjectum, unicamque tantummodo confessionem, quæ se tenet ex parte materiae : ergo non esset nisi unicum Pœnitentiæ Sacramentum.

20. Confirmatur et explicatur ulterius. Quoniam hoc judicium Sacramentale licet pendeat ex intentione absolventis, non minus pendet ex intentione pœnitentis, qua voluntarie se subjicit absolvendum, media unica confessione, cui correspondere debet unica absolutio ; siquidem plures formæ, nec in naturalibus possunt afficere eandem numero materiam : sed intentio unicam confessionem facientis non debet præsumi, ait ipse Lugo, nisi respectu unius judicii, unicique Sacramenti : ergo quod plures absolvere intendant simul, est contra intentionem confitentis, et consequenter nec virtualiter, nec moraliter inducit diversitatem materialem Sacramenti. Quod enim sint duo vel tres judices ejusdem causæ, non infert diversitatem moralem in judicio, aut in causa, quæ una cum semper sit, ut docet idem Lugo n. 272, non variatur, aut multiplicatur, per hoc quod sit unus judex, et alter se ingerat, aut introducat supra eandem causam.

Confirmatur, et explicatur tertio ex doctrina ab ipso tradita numero immediate allegato. Quia unitas, vel pluralitas hujus Sacramenti, non debet accipi, nisi ex unitate, vel pluralitate judicii ; unitas vero, vel pluralitas judicii non aliunde, quam ex intentione, et intentio ex confessione : sed intentio semper debet præsumi una, juxta modum confessionis : ergo dum non adsit, nisi unica confessio, ut non esse supponimus, non est nisi unica intentio recipiendi unum Sacramentum : ergo de primo ad ultimum inferendo, sub unica confessione vel facta, vel petita, non est, nisi unicum judicium, nec plura, sed unicum Sacramentum. Hinc cessant aliae quæstiunculæ, in quarum decisione Dicastillo cum Lugo decernat, a quibus in radice jugulatis supersedendum est.

Sed adhuc supersunt aliqua circa eandem difficultatem

dificultatem discutienda : nam hactenus dicta solum procedunt in sensu absoluto, quando pœnitens, vel absolute confitetur coram pluribus Sacerdotibus, vel absolutionem petit non determinando aliquem, nec excludendo ullum illorum, ipsique absolvunt. In quo casu

21. Inquieres cuinam illorum tribuenda sit absolutio, et consequenter Sacramenti collatio? Respondetur, quod illi, qui primo absolutionem terminavit; aliis enim nihil deferri debet, nec sua absolutione magis operata sunt, quam si ab illis non fuissest prolati. Et ratio est, quia forma Sacramentalis suppositis aliis requisitis operatur infallibiliter ad instar causæ naturalis, quæ applicata debitæ materiæ, illico introducit effectum: cum ergo in hypothesi facta non sit nisi unica confessio, qui primo prolationem terminaverit, hic inducet absolutionis effectum; et consequenter huic tribuendum est Sacramentum, aliis perinde se habentibus, ac si non absolvissent. Si vero evenerit (quod raro fiet) ut omnes simul terminent verborum prolationem, quilibet eorum quantum est ex se absolvet, non tamen esset nisi unica formalis absolutio, ut de simul baptizantibus asseruit D. Thomas. Si autem (verba sunt S. Doct.) omnino simul ambo verba proferrent, et hominem immergerent, aut aspergerent, etc., uterque quantum in se est, baptizaret. Nec tradarent aliud, et aliud Sacramentum, sed Christus, qui est unus interius baptizans unum Sacramentum per utrumque conserret.

Huic tamen doctrinæ obstare videntur duo. Primum desumitur à paritate: nam si Sacerdoti plures apponantur hostiæ, ut unam illarum consecret, si nullam illarum determinet in particulari, nullam consecrabit, ut ex communi Theologorum sententia debet supponi; siquidem intentio non fertur ad omnes hostias sibi præsentes, sed ad illarum aliquam, non tamen designatam: ergo e converso, ex pluribus absolutionibus supra eandem confessionem cadentibus, nulla earum sortietur effectum; cum non sit major unius, quam alterius ratio: vel ergo homo relinquitor inabsolutus, quod est durum; vel quilibet Sacerdotum absolvet; et verum Sacramentum conficiet, quod est intentum; et consequenter non unum dumtaxat, sed plura conficiuntur Sacraenta. Ratio paritatis consistit in eo, quod nec Sacerdos aliquam formam determinat, nec pœnitens alicujus

ex adstantibus absolutionem designat; unde consequi videtur, vel plura, vel nullum confici Sacramentum, sicut nulla, vel omnes consecrantur hostiæ.

Secundum sic proponitur: nam in prædicta hypothesi darentur plures absolutions, non quidem partiales, utpote non concedenda: ergo totales, et inter se independentes, ac minime subordinatae, quarum quilibet seorsim sumpta inducere poterat effectum absolvendi: cum ergo non sit major ratio unius, quam alterius, vel dicendum quilibet proprium constituere Sacramentum; vel omnes simul concurrere ad eundem numero effectum ut causas illius adæquatas, quod est impossibile in doctrina Thomistarum; vel tandem quod concurrent ut causæ partiales, quod non minus repugnat; cum effectus sit indivisibilis, qui proinde vel-totus, vel nihil illius debet attingi.

22. Neutra tamen harum objectionum diruuntur. Ad primam ergo respondetur ne-gando paritatem quolibet modo expenda-tur: sive enim intentio Sacerdotis sit om-nes hostias ante positas consecrare, quo pacto sicut nulla est, quæ non maneat consecrata, ita nullum est argumentum inde desumptum, cum eadem ratio sit de eodem Sacerdote plures simul absolvente sub his verbis: *ego vos absolvo*, sensus enim est, *ego te absolvo*, et *te, et te, etc.*, quia verbum illud *vos, nihil aliud est quam te et te*, ut asserit D. Thom. ubi supra. Ex D. Thom quo ad hoc tenet paritas, sed stat pro nobis, ut supra indicavimus. Sive intentio Sacerdotis versetur circa unam hostiam, vase tamen, et indeterminate, quin ista præ illa numeretur, et hoc modo aliquatenus videtur contra resolutionem traditam militare, stando præcise in illa communis sententia, quam amplectimur, quod nulla illarum formarum maneat consecrata. Sed tamen negatur Consequentia. Et ratio dis-paritatis sumitur ex visceribus ipsorum exemplorum, quoniam in casu Antecedentis nulla est determinatio ex parte Sacerdotis, præligendo consecrandam hanc numero hostiam præ aliis; sed cum intendat unius consecrationem, nullam designat ex illarum cumulo: quapropter restricta intentione ad unam, et hac neutiquam determinata, nihil mirum quod nulla illarum omnium maneat consecrata, cum sit eadem omnium ratio, nec magis stet pro ista, ac pro illa, atque ideo nullam consecrari merito affirmant Theologi. At vero in casu

Consequentis est determinatio ex parte subjecti ratione unius factae confessionis, ratione cuius presumi debet unicum tantummodo judicium Sacramentale constitutere, et terminare velle; et aliunde ipsi Sacerdotes non in incertam materiam, sed in illam determinatam materiam media verborum prolatione confluent. Unde si qua est difficultas, non est ex parte materiae determinatae, quam omnes supponunt; sed sistit in componendo plures absolutiones cum unitate materiae, et veritate unius Sacramenti, quam negarunt Lugo et Dicastro, et expugnare intendit secunda objectio.

Lugo.
Dicastro.
Lugo?

23. Ad quam ipse Lugo respondere tenetur, si vera sunt quae docet ibi n. 170, de moribundo, de quo ita loquitur: *Si moribundus confessionem petat, et ipso jam sensibus destituto, superveniant duo Sacerdotes, et re cognita, uterque eum simul absolvat, non flent duo Sacraenta simpliciter, nec major gratia conferetur, quam si unus absolvisset.* Quare tenetur componere eam duplum absolutionem, et nobis explicare, qualiter se habeant, stante unico absolute Sacramento, ut stare affirmat. Et quod ibi responderit, erit nostra solutio. Nam quod sit moribundus, qui simul a pluribus absolvatur, aut sensibus destitutus, vel non, impertinens videtur ad componendum pluralitatem absolutionum cum unitate Sacramenti, ut videtur perspicuum.

Si forsan dixerit sensibus non destitutum postulantem a pluribus absolutionem sub unica confessione eo ipso optare plures absolutiones, et consequenter illam unicam confessionem reddere moraliter diversam. Si (inquam) hoc responderit ex ipsiusmet doctrina refellitur, et jam est dirutum: *Quia cum modus ille petendi ab omnibus collective absolutionem, insolitus sit, non præsumitur facile ejusmodi intentio, sed solum quod petit unam terminationem causæ et semel absolvi, quia non vult insistere plura judicia, sed unicum secundum consuetum Ecclesiæ morem.* Nulla ergo quoad hoc est disparitas inter sensibus spoliatum, vel in illis constitutum. Et ratio videtur clara; quia inter mentis compotem, et a sensibus alienatum non est aliquid privilegium, aut indultum, ut ille petens absolutionem a pluribus sub una confessione, non postulet sub consueto Ecclesiæ more, secus vero morti proximus; hoc enim ridiculum foret adstruere.

Esto tamen aliquod indultum esset concedendum, maxime in favorem moribundi, cum quo experientia teste, et Ecclesia permittente, et approbante, non ita judicii apices observantur, nec observari possunt, quoad verba, numerum peccatorum, et alia, sicut eos observari præcipitur in ratione; et sensibus utentibus. Nulla ergo ratione, imo nec Consequentia affirmatur de uno, et negatur de alio.

Eo vel maxime, quia petendo absolutio nem multiplicem a pluribus simul sub eadem confessione, peccaret graviter contra usum in Ecclesia receptum, et optaret simul omnes Sacerdotes delinquere simul absolvendo, ut constat ex dictis: non est ergo unde credatur postulantem absolutio nem a pluribus velle peccare, et absolventes delinquere; sed quod unice petat absoluvi more consueto. Et quidem si aliud vellet, eo ipso redderetur absolutionis incapax.

24. Respondet ergo directe ad secundam replicam concedendo plures absolutiones in praedicto casu, quarum quælibet seorsim accepta poterat inducere instrumentaliter eundem effectum absque alterius consortio, et ex hoc capite jam non sunt causæ partiales. Quia tamen neutra illarum propria virtute causat effectum, sed ut subordinata intentioni Christi, ab eaque elevata, jam non sunt causæ totales, et adæquatæ, sed plures causæ instrumentales ejusdem causæ principalioris. Non autem inconvenit plura instrumenta assumere ejusdem, vel diversæ rationis pro eodem effectu; maxime quando agens principale non ex necessitate illis uititur, ut contingit in præsenti. Unde sicut absque nullius instrumenti consortio potuit Christus absolvere, ut constat de Magdalena, Paralytico, et aliis; ita admittere valet vel unum, vel plures ministros, ut patet de simul consecrantibus: quippe omnes isti, sive unus, sive plures non concurrunt nisi ut subordinati uni principaliori elevationi Christi; non enim aliter quis vel baptizat, vel consecrat, vel absolvit, nisi in virtute Christi, cuius virtus, vel per unicum, vel per plura instrumenta potest diffundi. Quare ita sunt plures absolventes in predicta hypothesi, quod sint formaliter unicum instrumentum a Deo assumptum. Et ideo nec sunt causæ partiales, nec totales, nec diversum Sacramentum conficiunt, sed *Christus, qui est unus interius baptizans* (vel consecrans, vel

Solut
direc
objec
nis.

vel absolvens) unum Sacramentum per utrumque conferret, ut nos docuit D. Thomas. Nec est molestius inquirendum, qualiter illæ plures absolutiones se habeant inter se, quoniam licet invicem non subordinentur, aut dependeant; omnes tamen unicæ virtuti Christi subjiciuntur, qui vel per ista verba, vel per illa, vel per omnia simul sumpta in hypothesi prædicta producit effectum, qui communis servato ordine per quamlibet illarum seorsim producendus erat, et de facto produceretur, si omnes istas simul, ut fingitur, non coisse constaret. Quapropter omnes illæ absolutiones materialiter plures unicam formalem absolutionem adintegrand, et quod una vel plures sint entitative, de materiali se habet, ut exempla superius adducta sufficienter demonstrant, quin opus sit alia pene innumera expendere. Qui plura voluerit, consulat quæ scripta relinquimus tract. 21, de Merito Christi disp. 28, dub. 8, ubi explicimus, qualiter plura merita Christi de se sufficientia ad quodlibet præmium unicam constituerint totalem causam ejusdem premii, quin in aliquo illorum argui possit defectus vel virtutis vel quid hujusmodi.

25. Inquiri tamen adhuc potest: an contra culpam aliquam ex parte alicujus evenire possit, quod simul a pluribus quis absolvetur, vel sub eadem vel sub pluribus confessionibus? Hæc interrogatio descendit ad casus per accidens, qui sub certa regula nequeunt comprehendendi; ea enim est humana rerum vicissitudine, isque illarum fluxus, et refluxus; ut tot hinc, et inde aliquando convenienter circumstantiae, et obsideant angustiae, quod vel peritissimum quemque fluctuare, et ab eo quod perse est, desciscere cogant; idque maxime in hujus Sacramenti administratione plurima, eaque satis irregularia exempla testantur, quæ longum, et non adeo utile foret percurrere. Et ut interrogationem per partes explicemus, primo dicimus non apparere ex parte pœnitentis rationem, ut licite possit petere absolutionem simul a pluribus conferendam. Fundamentum est: quia vel est mentis compos vel a sensibus invenitur destitutus? hoc secundo modo, planum est a pluribus petere non posse. Si autem sensibus et ratione vigeat, licet a pluribus petat, nunquam tamen credendum est postulare, ut a pluribus simul absolutionem conferatur, sed juxta modum ab Ecclesia præscriptum, nimisrum quod ab

aliquo illorum disjunctive absolutionem accipiat. Nisi labore ignorantia ita rudi, et invincibili, ut omni specie malitia careat. In quo quidem eventu non debet absolvi, quin prius, vel ab omnibus, vel ab aliquo illorum saltem præsentium sacerdotum de errore admoneatur, ut in cognitionem veniat tantum sibi uham, quam plures simul absolutiones prodesse, nec plures licite ab illis impendi posse supra eandem materiam; hoc quippe cuilibet illorum sacerdotum, ex officio magistri munus obeuntum, primo incumbit; et deinceps post instructionem absolvere juxta morem in Ecclesia consuetum. Et hoc modo nec interveniet peccatum, nec homo duplice absolutionem simul obtinebit.

26. Si vero ad Sacerdotes deveniamus, quot quot illi fuerint, nec tenentur nec licite possunt simul absolvere, sed eo ipso quod unus proferre voluerit formam, deobligantur alii ab onere absolvendi. Quare pœnitente in extremis constituto, si absque absolutione decederet, omnes Sacerdotes præsentes graviter delinquerent obpetitam a quolibet eorum absolutionem, et non obtentam: nam ad hoc sufficit quemlibet eorum seorsim teneri in extremis proximo succurrere. Et ratio est, quia omnes simul nec tenentur, nec licite possunt ministrare Sacramentum; nec pœnitens habet jus nisi ad unicum Sacramentum: ergo eo ipso, quod alter eorum prædictum conferat Sacramentum, fit satis iuri pœnitentis, et cessat aliorum obligatio. E contrario vero, si nullus eorum pœnitentis juris satisficerit, non absolvendo, cum teneretur, et posset; omnes quidem graviter delinquerent, ut constat a simili Baptismi, et aliorum Sacramentorum in casu urgentis necessitatibus.

27. Sed replicabis ex de Lugo ubi supra n. 159. Demus tam pœnitentem quam Sacerdotem ignorantia invincibili laborare, quod pars peccatorum gravium posset unicite exponi, et pars alteri, et quod ita se de facto gesserit, et dilata absolutione post modum ambo superveniant. Qui quidem casus possibilis est: sed in ea hypothesi uterque debet absolvere, imo et tenetur, nec est inconveniens, cum sit duplex confessio, et consequenter duplex Sacramentum: ergo jam erit casus, in quo licite, et valide plures simul possint eundem simul absolvere, et duplex simul Sacramentum ejusdem rationis eidem subjecto applicare.

Respondetur in primis difficile admo-

Quid
dicen-
dum ex
parte
Sacerdo-
tis?

Repli-
catur ex
Lugo.

Ener-
vatur.

Consequentis est determinatio ex parte subjecti ratione unius factæ confessionis, ratione cuius præsumi debet unicum tantummodo judicium Sacramentale constitutere, et terminare velle; et aliunde ipsi Sacerdotes non in incertam materiam, sed in illam determinatam materiam media verborum prolatione confluunt. Unde si qua est difficultas, non est ex parte materiæ determinatae, quam omnes supponunt; sed sistit in componendo plures absolutiones cum unitate materiæ, et veritate unius Sacramenti, quam negarunt Lugo et Di-castillo, et expugnare intendit secunda objectio.

Lugo.
Dicastillo.

Quid
respon-
deat
Lugo?

23. Ad quam ipse Lugo respondere tenetur, si vera sunt quæ docet ibi n. 170, de moribundo, de quo ita loquitur: *Si moribundus confessionem petat, et ipso jam sensibus destituto, superveniant duo Sacerdotes, et re cognita, uterque eum simul absolvat, non flent duo Sacraenta simpliciter, nec major gratia conferetur, quam si unus absolvisset.* Quare tenetur componere eam duplicem absolutionem, et nobis explicare, qualiter se habeant, stante unico absolute Sacramento, ut stare affirmat. Et quod ibi responderit, erit nostra solutio. Nam quod sit moribundus, qui simul a pluribus absolvatur, aut sensibus destitutus, vel non, impertinens videtur ad componendum pluralitatem absolutionum cum unitate Sacramenti, ut videtur perspicuum.

Si forsitan dixerit sensibus non destitutum postulantem a pluribus absolutionem sub unica confessione eo ipso optare plures absolutiones, et consequenter illam unicam confessionem reddere moraliter diversam. Si (inquam) hoc responderit ex ipsiusmet doctrina refellitur, et jam est dirutum: *Quia cum modus ille petendi ab omnibus collective absolutionem, insolitus sit, non præsumitur facile ejusmodi intentio, sed solum quod petit unam terminationem causæ et semel absolvî, quia non vult insistuere plura judicia, sed unicum secundum consuetum Ecclesiæ morem.* Nulla ergo quoad hoc est disparitas inter sensibus spoliatum, vel in illis constitutum. Et ratio videtur clara; quia inter mentis compotem, et a sensibus alienatum non est aliquid privilegium, aut indultum, ut ille petens absolutionem a pluribus sub una confessione, non postulet sub consueto Ecclesiæ more, secus vero morti proximus; hoc enim ridiculum foret adstruere.

Esto tamen aliquod indultum esset concedendum, maxime in favorem moribundi, cum quo experientia teste, et Ecclesia permittente, et approbante, non ita judicii apices observantur, nec observari possunt, quoad verba, numerum peccatorum, et alia, sicut eos observari præcipitur in ratione; et sensibus utentibus. Nulla ergo ratione, imo nec Consequentia affirmatur de uno, et negatur de alio.

Eo vel maxime, quia petendo absolutiō nem multiplicem a pluribus simul sub eadem confessione, peccaret graviter contra usum in Ecclesia receptum, et optaret simul omnes Sacerdotes delinquere simul absolvendo, ut constat ex dictis: non est ergo unde credatur postulantem absolutiō nem a pluribus velle peccare, et absolventes delinquere; sed quod unice petat absolvi more consueto. Et quidem si aliud vellet, eo ipso redderetur absolutionis incapax.

24. Respondetur ergo directe ad secundam replicam concedendo plures absolutiones in prædicto casu, quarum quilibet seorsim accepta poterat inducere instrumentaliter eundem effectum absque alterius consortio, et ex hoc capite jam non sunt cause partiales. Quia tamen neutra illarum propria virtute causat effectum, sed ut subordinata intentioni Christi, ab eaque elevata, jam non sunt causæ totales, et adæquatæ, sed plures causæ instrumentales ejusdem causæ principalioris. Non autem inconvenit plura instrumenta assumere ejusdem, vel diversæ rationis pro eodem effectu; maxime quando agens principale non ex necessitate illis utitur, ut contingit in præsenti. Unde sicut absque nullius instrumenti consortio potuit Christus absolvere, ut constat de Magdalena, Paralytico, et aliis; ita admittere valet vel unum, vel plures ministros, ut patet de simul consecrantibus: quippe omnes isti, sive unus, sive plures non concurrunt nisi ut subordinati uni principaliori elevationi Christi; non enim aliter quis vel baptizat, vel consecrat, vel absolvit, nisi in virtute Christi, cuius virtus, vel per unicum, vel per plura instrumenta potest diffundi. Quare ita sunt plures absolventes in predicta hypothesi, quod sint formaliter unicum instrumentum a Deo assumptum. Et ideo nec sunt causæ partiales, nec totales, nec diversum Sacramentum conficiunt, sed *Christus, qui est unus interius baptizans* (vel consecrants, vel

Solutio
directa
objectio
nis.

vel absolvens) unum Sacramentum per D.Thom. utrumque conferret, ut nos docuit D. Thomas. Nec est molestius inquirendum, qualiter illæ plures absolutiones se habeant inter se, quoniam licet invicem non subordinentur, aut dependant; omnes tamen unicæ virtuti Christi subjiciuntur, qui vel per ista verba, vel per illa, vel per omnia simul sumpta in hypothesi prædicta producit effectum, qui communè servato ordine per quamlibet illarum seorsim producendus erat, et de facto produceretur, si omnes istas simul, ut fingitur, non coisse constaret. Quapropter omnes illæ absolutiones materialiter plures unicam formalem absolutionem adintegrandi, et quod una vel plures sint entitative, de materiali se habet, ut exempla superius adducta sufficienter demonstrant, quin opus sit alia pene innumera expendere. Qui plura voluerit, consulat quæ scripta relinquimus tract. 21, de Merito Christi disp. 28, dub. 3, ubi explicimus, qualiter plura merita Christi de se sufficientia ad quodlibet præmium unicam constituerint totalem causam ejusdem præmii, quin in aliquo illorum argui possit defectus vel virtutis vel quid hujusmodi.

25. Inquiri tamen adhuc potest: an citra culpam aliquam ex parte alicujus evenire possit, quod simul a pluribus quis absolvatur, vel sub eadem vel sub pluribus confessionibus? Hæc interrogatio descendit ad casus per accidens, qui sub certa regula nequeunt comprehendendi; ea enim est humanarum rerum vicissitudo, isque illarum fluxus, et refluxus; ut tot hinc, et inde aliquando convenienti circumstantiæ, et obsideant angustiæ, quod vel peritissimum quemque fluctuare, et ab eo quod per se est, desciscere cogant; idque maxime in hujus Sacramenti administratione plurima, eaque satis irregularia exempla testantur, quæ longum, et non adeo utile foret percurrende. Et ut interrogationem per partes explicemus, primo dicimus non apparere ex parte pœnitentis rationem, ut licite possit petere absolutionem simul a pluribus conferendam. Fundamentum est: quia vel est mentis compos vel a sensibus invenitur destitutus? hoc secundo modo, planum est a pluribus petere non posse. Si autem sensibus et ratione vigeat, licet a pluribus petat, nunquam tamen credendum est postulare, ut a pluribus simul absolutione conferatur, sed juxta modum ab Ecclesia præscriptum, nimicum quod ab

it satis
quæsito
x parte
pœnitentis.

aliquo illorum disjunctive absolutionem accipiat. Nisi laboret ignorantia ita rudi, et invincibili, ut omni specie malitiæ careat. In quo quidem eventu non debet absolvi, quin prius, vel ab omnibus, vel ab aliquo illorum saltem præsentium sacerdotum de errore admoneatur, ut in cognitionem veniat tantum sibi unam, quam plures simul absolutiones prodesse, nec plures licet ab illis impendi posse supra eandem materiam: hoc quippe cuiilibet illorum sacerdotum, ex officio magistri munus obeuntium, primo incumbit; et deinceps post instructionem absolvere juxta morem in Ecclesia consuetum. Et hoc modo nec interveneret peccatum, nec homo duplè absolutionem simul obtinebit.

26. Si vero ad Sacerdotes deveniamus, quot quot illi fuerint, nec tenentur nec licite possunt simul absolvere, sed eo ipso quod unus proferre voluerit formam, deobligantur alii ab onere absolvendi. Quare pœnitente in extremis constituto, si absque absolutione decederet, omnes Sacerdotes præsentes graviter delinquerent obpetitam a quolibet eorum absolutionem, et non obtentam: nam ad hoc sufficit quemlibet eorum seorsim teneri in extremis proximo succurrere. Et ratio est, quia omnes simul nec tenentur, nec licite possunt ministrare Sacramentum; nec pœnitens habet jus nisi ad unicum Sacramentum: ergo eo ipso, quod alter eorum prædictum conferat Sacramentum, fit satis juri pœnitentis, et cessat aliorum obligatio. E contrario vero, si nullus eorum pœnitentis juris satisficerit, non absolvendo, cum teneretur, et posset; omnes quidem graviter delinquerent, ut constat a simili Baptismi, et aliorum Sacramentorum in casu urgentis necessitatibus.

27. Sed replicabis ex de Lugo ubi supra n. 159. Demus tam pœnitentem quam Sacerdotem ignorantia invincibili laborare, quod pars peccatorum gravium posset unicite exponi, et pars alteri, et quod ita se de facto gesserit, et dilata absolutione post modum ambo superveniant. Qui quidem casus possibilis est: sed in ea hypothesi uterque debet absolvere, imo et tenetur, nec est inconveniens, cum sit duplex confessio, et consequenter duplex Sacramentum: ergo jam erit casus, in quo licite, et valide plures simul possint eundem simul absolvere, et duplex simul Sacramentum ejusdem rationis eidem subjecto applicare.

Respondetur in primis difficile admo-

Quid
dicen-
dum ex
parte
Sacerdo-
tis?

Repli-
catur ex
Lugo.

Ener-
vatur.

tur explicare; quia non perfecerat Sacramentum in ratione Sacramenti, licet inculpabiliter; non vero ut dum est morti proximus, et sensibus destinatus, simul a pluribus absolvatur, vel ex hoc tantum quod peccata illa sparsim uni, et alteri confessa simul a pluribus absolvantur: in quo allegatus Theologus totam vim constitutuere studuit ad simultaneam plurium absolutionem evincendam.

Observatio ex D.Thom. Est autem observatu digna pro hac materia doctrina D. Thomæ supra q. 66, art. 5 ad 4, ex qua colligitur differentia inter has absolvendi formas: *Ego vos abservo,*

etc., *Nos te absolvimus, etc.* Nam prima non tantum licita, sed etiam valida est, quocirca unus unica absolutione potest absolvere plures, ut supra indicavimus. Secunda vero est illicita, et nulla, quia a pluribus prolata: *Quia vos (inquit S. Doctor loquendo in simili de Baptismo) nihil aliud est, quam te et te. Quod autem dicitur: Nos, non est idem dicere, quod ego, et ego; sed ego, et tu: et sic jam mutatur forma.* Quare illicitum, et irritum reddetur Sacramentum sub hac forma. Et haec sufficiat dixisse de Pœnitentia in communi.

QUÆSTIO LXXXV

De sacramento Pœnitentiae, in sex articulos divisa.

Obser-
vatio
duplex.

1. Ut hujus quæstionis titulum, ne in eum aliquis impingat, explicemus, obser-
vandum est ejus sensum non esse formalem,
siquidem Sacramentum nec est, nec pro-
prie loquendo appellatur virtus; sed est
artefactum quoddam ad placitum signifi-
cans ex libera Christi Domini institutione;
quod tamen non convenit virtutis Pœni-
tentiae, quæcumque illa sit. Instituitur ergo
haec quæstio a D. Thoma: *de Sacramento
Pœnitentiae, secundum quod est virtus, non
quia Sacramentum ipsum formaliter virtus
sit; sed quia postulat ex parte materiæ
essentialis, et proximæ juxta superius
dicta actum virtutis Pœnitentiae.* Et hinc
gradum fecit Doctor ad habitum ipsum
explicandum in hac quæstione, eamque
divisit in sex articulos, ubi ejus essentiam,
causas tam finalem, et efficientem, quam
formalem et materialem examinat, actu-
rus deinceps de ejus effectibus, ut constat
ex quæstione immediate sequenti. Quia
ergo Praeceptor Angelicus quæstionem
præcedentem insumpserat in Sacramento
Pœnitentiae, in communi; et opus erat ad
ejus partes in particulari descendere, inter
quas præcellit dolor, seu detestatio peccati,
qui quidem perfecte cognosci nequit, abs-
que notitia sui principii, quod est virtus
Pœnitentiae; jure optimo post quæstionem
præcedentem instituit Sermonem de vir-
tute Pœnitentiae, seu de Pœnitentia ut

virtute. Et hinc constat nexus hujus quæ-
stionis, cum antecedenti, et sequenti.

2. Hac dupli observatione præmissa,
antequam hinc discedamus, non abs re-
erit breviter lectori objicere, in quibus
conveniant, in quibusve differant Pœni-
tentia virtus, et Pœnitentia Sacramentum,
ut unico ictu ea possit intueri, et nos libe-
remur ab onere ea sæpius inculcandi.
Porro nominis convenientia, et ethymolo-
gia de quibus sufficienter egimus in limine
hujus tractatus, pro nunc omissis, in quo
est prima convenientia. Conveniunt se-
cundo in ratione medicinæ omnino neces-
sarie ad liberandam animam a morbo
peccati saltem lethalis: siquidem juxta
communem providentiam nullum peccatum
grave deletur, aut aboleri potest, nisi per
Sacramentum Pœnitentiae, vel per ejus
votum, quod importatur in contritione ut
supra ostensum est: quocirca in Pœni-
tentia virtute continetur quasi implicite,
et in affectu Sacramentum Pœnitentiae,
et in Sacramento ipso ex parte materiæ
splendet Pœnitentia virtus.

Rursus commune illis est esse secundam
tabulam post naufragium, sive per naufra-
gium intelligatur communis hominum lap-
sus in primo Parente, ut aliqui voluere;
sive per naufragium intelligantur peccata
post Baptismum, qui est prima tabula nau-
fragii universalis, ut melius sensit D. Tho-
mas,

In quo
conve-
nient
virtus et
Sa-
cra-
mentum
Pœni-
tentiae.

mas, de quo etiam supra : nam adhuc juxta primam explicationem semper in Ecclesia fuit aliquod Pœnitentiæ Sacramentum, sive in lege naturali, sive in scripta, licet alterius longe rationis a Sacramento legis gratiæ.

Quarto convenire constat ex parte materiae circa quam, siquidem unum, et altera respiciunt peccata actualia destruenda, et extirpanda; in id enim primario tendunt licet sub diversis motivis. Et quia soli adulti peccatis actualibus esse possunt obnoxii, convenientiunt insuper (et est quinta convenientia) in eo quod exerceri debent circa homines rationis compotes, et ex hac parte dici possunt convenire ex parte subjecti, quod debet esse adulstum, ut vel Sacramentum, vel actus Pœnitentiæ haberi possint.

Tandem sexto sibi vindicant convenientiam in eo, quod tam ut Sacramentum, quam sub ratione virtutis iterari possunt, sive circa peccata olim commissa, et jam confessa, sive circa noviter, et quotidie perpetrata; numquam enim perse loquendo vere pœnitenti occluditur ostium, vel ad Sacramentum accedendi, vel actus contritionis, et detestationis eliciendi, quæ est ratio iterum, atque sæpius Pœnitentiæ sub utraque ratione inculcandi. Quæ omnia ex hactenus expensis satis constare videntur, et si aliud est inter ea convenientiæ genus, vel includitur in aliquo ex assignatis, vel ad illud debet reduci.

3. Reliquum est, ut id, in quo differant, eadem brevitate ostendamus. Est ergo inter illa primum, et quod caput est aliorum, discrimen, quod Pœnitentia ut Sacramentum est totum complexum sensibile constants ex partibus materiali, et formali, et collocatur formaliter in genere signi, non quidem naturalis, sed voluntarii, seu ad placitum ex mera Christi instituentis voluntate. Pœnitentia vero ut virtus est qualitas simplex pure spiritualis nullam partium diversitatem sibi potens vindicare; quocirca nec ratio signi sensibilis illi adaptari potest; quinimo significatur, et est sensibiliter signatum per modum objecti ab actibus externis, nec sortitur rationem totius, sed potius habet rationem partis Sacramentalis.

4. Hinc oritur differre etiam in origine: quoniam sub ratione Sacramenti novæ legis, in hac habuit initium, sicut et reliqua Sacraenta. At vero sub ratione virtutis, in ipso, et cum ipso primo hominum

capite ante ipsius peccatum, in statu innocentiae accepit esse: licet enim Pœnitentia ante peccatum in actus sibi proprios se exerere non posset; quia tamen est proprietas gratiæ habitualis, una cum ipsa primo homini in ipsam conditione infusa fuit, de quo infra in hac eademmet quæstione. Ex quo manifeste constat longe antiquiore esse Pœnitentiam sub ratione virtutis seipsa, ut est Sacramentum.

A quo etiam differt in duratione, seu ut inquiunt, a parte post: quandoquidem sub ratione Sacramenti non longiore postulat durationem, quam reliqua Sacra menta; hæc autem non nisi usque ad finem mundi esse permanensa concors est Theologorum doctrina, ut constat ex dictis tract. de Sacramentis in genere. At vero Pœnitentia ut virtus sicut comitatur gratiam, ita eandem cum illa sibi vindicat durationis mensuram. Unde sicut gratia in beatis erit æterna, ita et Pœnitentia: et in praesenti nec habetur, nec amittitur, quin vel habeatur, vel amittatur ipsa gratia.

5. Per ordinem ad quam differunt etiam in modo se habendi: nam ut Sacramentum concurrit ut vera causa instrumentalis physica; ut virtus vero dumtaxat dispositiva, et in genere causæ materialis. Ex quo deducitur aliud discrimen, quia nimirum ipsi ut Sacramento respondet gratia ex opere operato, hoc est supra exigentiam, et condignitatem operantis; quod vero non competit illi, quatenus virtus est: hoc enim pacto non amplior, seu intensior confertur gratia homini extra Sacramentum contrito, quam sit intensa contritio, sed juxta latitudinem gradualem istius sunt etiam gradus gratiæ, quæ ipsi homini contrito infunduntur.

6. Est demum discrimen ex parte concurrentium: quoniam ad Sacramentum Pœnitentiæ non sufficit ipse homo adhuc sub Dei auxilio, et motione, sed requiruntur externa signa, et minister, seu judex, qui Sacramentali præsideat judicio, et super illud sententiam ferat cum aliis requisitis, infra declarandis ex parte pœnitentis. Secus vero est ad exercendam virtutem solam Pœnitentiæ ad quam sufficit hominem a Deo excitatum, adjutum, et motum se ex toto corde ad Deum convertere: nam eo ipso nanciscetur gratiam, et in Dei amicitiam veniet, quantumvis absint alia. De hac ergo, et sub hac præcisa consideratione disputationem instituimus in ordine quintam, cum D. Thoma, et ejus interpretibus.

Interim tamen percurrere necesse est S. Doctoris articulos, ut si quid in eis occurrerit specialiter annotandum, subjun-gamus.

ARTICULUS I.

Utrum Pœnitentia sit virtus?

Ad primum sic proceditur. Videtur quod pœnitentia non sit virtus. Pœnitentia enim est quoddam Sacra-mentum aliis Sacramentis connumeratum, ut ex supra dictis patet: sed nullum aliud Sacramentorum est virtus: ergo neque pœnitentia est virtus.

2. Præterea. Secundum Philosophum 4 Ethic. verecundia non est virtus: tum quia est passio habens corporalem immutacionem: tum etiam, quia non est dispositio perfecti cum sit de turpi acto, quod non habet locum in homine virtuoso: sed simpliciter pœnitentia est quædam passio habens corporalem immutacionem scilicet ploratum (sicut Gregor. dicit, quod pœnitere est peccata præterita plangere); est etiam de turpibus factis scilicet de peccatis, que non habent locum in homine virtuoso: ergo pœnitentia non est virtus.

3. Præterea. Secundum Philosophum 4 Ethic nullus est stultus eorum, qui sunt secundum virtutem: sed stultum videtur dolere de commiso præterito, quod non potest non esse, quod tamen pertinet ad pœnitentiam: ergo pœnitentia non est virtus.

Sed contra est, quod præcepta legis dantur de actibus virtutum: qua legislator intendit cives facere virtuosos ut dicunt 2 Ethic. Sed præceptum divinae legis est de pœnitentia, secundum illud Matth. 4: Pœnitentiam agite, etc.; ergo pœnitentia est virtus.

Respondeo dicendum, quod sicut ex dictis patet, pœnitere est de aliquo prius a se facto dolere. Dictum est autem supra, quod dolor, vel tristitia duplicitur dicuntur, uno modo, secundum quod est passio quædam appetitus sensitivi, et quantum ad hoc pœnitentia non est virtus sed passio. Alio modo: secundum quod consistit in voluntate, et hoc modo est, cum quadam electione: quæ quidem si sit recta, necesse est, quod sit actus virtutis: dicitur enim 2 Ethic. quod virtus est habitus electivus, secundum rationem rectam; pertinet autem ad rationem rectam, ut aliquis doleat, de quo dolendum est, et eo modo et fine, quo dolendum est: quod quidem observatur in pœnitentia, de qua nunc loquimur: nam pœnitentia assumptum moderatum dolorem de peccatis præteritis, cum intentione removendi ea; unde manifestum est, quod pœnitentia, de qua nunc loquimur, vel est virtus, vel actus virtutis.

Ad primum ergo dicendum, quod (sicut dictum est) in Sacramento Pœnitentia materialiter se habent actus humani: quod non contingit in baptismō vel confirmatione: et ideo cum virtus sit principium actus, potius pœnitentia est virtus vel cum virtute, quam baptismus, seu confirmatione.

Ad secundum dicendum, quod pœnitentia secundum quod est passio, non est virtus, ut dictum est, sic autem habet corporalem transmutationem adjunctam: est tamen virtus, secundum quod habet ex parte voluntatis electionem rectam; quod tam magis potest dici de pœnitentia, quam de verecundia, nam verecundia respicit turpe factum ut præsens, pro quo timet confundi: pœnitentia vero ut præteritum. Est autem contra perfectiōnem virtutis, quod aliquis in praesenti habeat turpe factum, de quo oporteat eum verecundiari: non est autem contra perfectionem virtutis, quod aliquis prius commiserit turpia facta, de quibus oporteat eum pœnitere, cum ex vilioso fiat aliquis virtuosus.

Ad tertium dicendum, quod dolere de eo, quod prius factum est, cum intentione conandi ad hoc, quod factum non fuerit esset stultum. Hoc autem non intendit pœnitentia, sed dolor ejus est displicentia, seu reprobatio facti præteriti cum intentione removendi sequelam ipsius scilicet offendit Dei, et reatum pœnae, et hoc non est stultum.

Prima Conclusio: Pœnitentia, ut est passio appetitus sensitivi, non est virtus.

Secunda Conclusio: Pœnitentia virtus est, ut est in voluntate procedens ex electione.

ADNOTATIO.

1. Ut prima hujus articuli conclusio perfectius intelligatur, recolenda sunt, quæ ex Angelico Praeceptore scripsimus tract. de virtutibus disp. 2, ubi explicuimus, qualiter in parte sensitiva hominis sit invenire virtutes, quæ vere rationem virtutis habeant, et quæ ibi adnotavimus ad art. 1 questionis 59, ex 1, 2, ubi ex eodem S. Doctore distinximus, et annumeravimus animæ passiones, prout afficiunt partem sensitivam, unde consurgant? Quid importent? Et quas causas communiter habeant? Quod quia ibi latius prosecuti sumus, hic supponendum duximus. Passio ergo quam a virtutis ratione S. Doctor exclusit, importat transmutationem physicam, et corporalem rationi non subditam; et quia dolor quandoque inventus in parte sensitiva prævenit rectam rationem, ab eaque non dicit originem, idcirco eidem S. Doctor virtutis rationem D. Thom denegavit. Si autem dolor adhuc partis sensitivæ rationi subdatur, ab eaque juxta dictamen recte prudentiæ reguletur, pertinet ad virtutem Pœnitentiae; non ut actus immediate ab ea elicitus, sed ut actus imperatus; et est laude dignus, et meritorius, si gratiæ, et Pœnitentiæ ipsi conjungatur. Quando vero non imperatur ab ipsa virtute Pœnitentiæ, ut contingit in homine dumtaxat attrito, licet sit bonus, et honestus, non erit meritorius; disponet tamen quamplurimum ad remissionem medio. Sacramento impetrandum, et ejus principium imperans erit voluntas ut elevata per auxilium ad attritionem necessarium. Conclusio ergo D. Thomæ intelligitur de Pœnitentia ut est in appetitu sensitivo absolute, et secundum se, quo pacto, ut bene observavit Nuno in præsenti, abstractum ab eo, quod est fieri cum moderatione prudentiæ, vel sine illa, nec importat determinatam boni honesti electionem, quæ est de ratione virtutis, cum sit habitus electivus ut dicitur in 2 Ethic. cap. 2 et 6. Si autem Pœnitentia adhuc partis sensitivæ secundo modo accipiatur, abs dubio est actus virtutis, non quidem elicitus, sed imperatus in sensu explicato, ut etiam docuerunt Soto in 4, dist. 14, q. 2, et Palud. q. 2, quibus subscriptibunt alii discipuli D. Thomæ.

2. Nec refert, si dixerit aliquis non esse locum huic distinctioni, quia D. Thomas non loquebatur, nec certe poterat, de appetitu

Philosoph.

Soto. Palud.

Objec-

tio.

appetitu sensitivo secundum se, qua ratione est communis brutis, et evidens est non esse pœnitentiaæ capacem; sed de appetitu hominis peccatoris. Hic autem ex conjunctione ad rationem, quam accipit a prima sui emanatione, subditur rationi, et quasi habitualiter elevatur ad attingendum bonum honestum, licet sensibile: ergo quando S. Doctor Pœnitentiaæ appetitus sensitivi negavit rationem virtutis, et asseruit esse passionem, sermo ille erat de appetitu sensitivo ut subditò rationi, non vero de illo ut eam prævenit, aut prævenire potest.

Refelli-
tur.

3. Nam contra est, quod in appetitu sensitivo hominis, de quo clarum est fuisse D. Thomam locutum, distinguenda est duplex ad rationem subordinatio, ita ut non ratione utriusque sit æqualiter virtutis capax; sed tantum ratione alterius illarum.

D.Thom. Quamobrem merito D. Thomas, quod negavit appetitui sensitivo ex vi unius dumtaxat, potuit concedere, et reipsa concessit eidem appetitui sub alia; et consequenter adhuc loquendo de ipso hominis appetitu, superest locus explicationi traditæ. Est itaque habitualis, et consequenter permanens appetitus subordinatio ad rationem, quam sibi vindicat per dimanationem ab eadem anima rationali, et ratione cuius inferius ratio nata est obedire superiori, et appetitus sensitivus rationali. In vi hujus multoties propriiori ad rationem, insurgere possunt aliqui motus in parte sensitiva imperfecte liberi, imo et venialiter peccaminosi. Secunda subordinatio est actualis, quæ tandiu in appetitu permanet, quandiu a voluntate movetur ad sensitiviter operandum. Quid autem possit voluntas ratione hujus, quidve non possit, non aliter melius

D.Thom. explicabimus, quam ipsum D. Thomam in medium adducendo q. de virtutibus art. 4, ubi enumerans, quot modis pars hominis superior inferiorem movere possit, sic discurrit: *Cum autem utrumque, scilicet membrum exterius, et appetitus inferior, a superiori parte animæ moveantur, tamen aliter, et aliter: nam membrum exterius ad nutum obedit superiori imperanti absque ulla repugnantia secundum naturæ ordinem, nisi sit impedimentum aliquod, ut patet in manu, et in pede. Appetitus autem inferior habet propriam inclinationem ex natura sua, unde non obedit superiori appetitui ad nutum, sed interdum repugnat.* Unde Aristoteles dicit in Politica sua, quod anima dominatur corpori despotico principatu, sicut dominus servo,

qui non habet facultatem resistendi in aliquo imperio domini. Ratio vero dominatur inferioribus animæ partibus regali, et politico principatu, id est, sicut Reges et Principes civitatum dominantur liberis, qui habent jus repugnandi, quantum ad aliqua præcepta. In membro igitur exteriori non est necessarium aliquid perfectivum actus humani, nisi naturalis ejus dispositio, per quam natum est moveri a ratione; sed in appetitu inferiori, quia rationi repugnare potest, est necessarium aliquid, ut operatio, quam ratio imperat, prosequatur. Si enim immidatum operationis principium sit imperfectum, oportet operationem esse imperfectam, quantumcumque perfectio adsit superiori principio. Et ideo si appetitus inferior non esset in perfecta dispositione ad sequendum imperium rationis, operatio, quæ est appetitus inferioris, sicut proximi principii, non esset in bonitate perfecta: esset enim cum quadam repugnantia appetitus sensibilis. Quando igitur oportet operationem hominis esse circa ea, quæ sunt objecta sensibilis appetitus, requiritur ad bonitatem operationis, quod sit in appetitu sensitivo aliqua dispositio, vel perfectio, per quam obediat rationi, et hanc virtutem vocamus.

4. Ubi, ut vides concedit S. Doctor in appetitu sensitivo rationem virtutis, non tamen si secundum se accipiatur adhuc in homine, sed dumtaxat ut movetur a parte superiori, atque ideo bene cohæret quod dolor in Pœnitentia ut est passio, quo pacto antevertit rationem superiorem, nec est ab ea mota, non sit virtus, nec virtutis actus, ut statuit in prima conclusione; bene tamen si illemet dolor moderetur, imperetur, et reguletur per prudentialiam.

Nec inde inferendum est reperiri in appetitu sensitivo aliam corpoream, et sensitivam pœnitentiam distincta ab ea, quæ est in voluntate: nam virtus appetitus sensitivi solum est ad moderandas passiones insurgentes contra rationem ex rebellione partis inferioris cum superiori, Pœnitentia autem primo et per se est in voluntate, a qua etiam præcipue committitur peccatum mortale, et inde descendit ad partem inferiorem, sive internam, sive externam. Et eadem ratio est de Pœnitentia, quæ una cum sit in parte superiori, movet, et imperat partem inferiorem ne dum quoad sensus internos, sed etiam quoad exteriora membra, ea subjiciendo, et edomando juxta illud Apostoli: *Mortifi-*

*Non
datur in
appetitu
sensibili
virtus
distincta
Pœni-
tentia.*

cationem Jesu in corpore nostra circumferentes. Corinth. 2, cap. 4. De quo latius infra, ubi subjectum Poenitentiae examinabimus.

Hæretici.
Roffensis.
Mariannus de Ledesma.
Nuno.

5. Secundam conclusionem oppugnant totis viribus hæretici maxime Lutherani, quibus nihil magis in corde est, quam detrahere poenitentiae Christianæ, eam prorsus *impertinentem, vituperabilem, et puram hypocrisim declarando*, ut testatur Roffensis contra articulos Lutheri, toto art. 6 et 7. Quem errorem postea sectati sunt in Hispania aliqui, qui illuminati dicebantur, vulgo *Alumbrados*, vel ut inquit Martinus de Ledesma 1, 4, quæst. 26, art. 1, *Dexadlos*, qui in tantum Pœnitentiam irridebant, ut omnes poenitentiam agentes *Litoraduelos* appellabant, ut affirmat Nuno in expositione hujus articuli. Sed hæc ut deliria amandanda sunt, et procul abigenda.

ARTICULUS II.

Utrum Pœnitentia sit specialis virtus?

Ad secundum sic proceditur. Videtur quod poenitentia non sit specialis virtus. Ejusdem enim rationis videtur esse gaudere de bonis prius actis, et dolere de malis perpetratis: sed gaudere de bono prius facto, non est specialis virtus, sed est quidam affectus laudabilis ex Charitate proveniens, ut patet per August. 14 de Civitate Dei. Unde et Apostolus primas ad Corinth. 13 dicit, quod charitas non gaudet super iniquitate, congaudet autem veritati: ergo pari ratione nec poenitentia, qua est dolor de peccatis praeteritis, est specialis virtus, sed est quidam affectus ex charitate proveniens.

2. Præterea. Quælibet virtus specialis habet materiam specialem: quia habitus distinguuntur per actus, et actus per objecta: sed poenitentia non habet materiam specialem: sunt enim ejus materia peccata præterita circa quamcumque materiam: ergo poenitentia non est specialis virtus.

3. Præterea. Nihil expellit nisi a suo contrario: sed poenitentia expellit omnia peccata: ergo contrariatur omnibus peccatis: non ergo est specialis virtus.

Sed contra est, quod ea datur speciale legis præceptum, ut supra habitat est.

Respondeo. Dicendum, quod (sicut in secunda parte *habitum est*) species habituum distinguuntur secundum species actuum: et ideo ubi ocurrat specialis actus laudabilis, ibi necesse est ponere specialem habitum virtutis. Manifestum est autem, quod in poenitentia inventur specialis ratio actus laudabilis, scilicet operari ad destructionem peccati præteriti, in quantum est Dei offensa, quod non perficer ad rationem alterius virtutis. Unde necesse est ponere, quod poenitentia est specialis virtus.

Ad primum ergo dicendum, quod a charitate derivatur aliquis actus duplicitus: uno modo sicut ab ea elicitus, et talis actus virtuosus non requirit aliam virtutem præter Charitatem: sicut diligere bonum, gaudeere de eo, et tristitia de opposito. Alio modo aliquis actus a charitate procedit, quasi a Charitate imperatus: et sic quia ipsa imperat omnibus virtutibus (utpote ordinans eas ad finem suum) actus a charitate procedens, potest etiam ad aliam specialem virtutem pertinere. Si ergo in actu poenitentis consideretur sola displicientia peccati præteriti hoc immediate ad charitatem pertinet, sicut et gaudere de bonis præteriti: sed intentio operandi ad deletionem peccati præteriti, requirit specialem virtutem sub Charitate.

Ad secundum dicendum, quod poenitentia habet quidem realiter generalem materiam, in quantum respicit omnia peccata: sed tamen sub ratione speciali, in quantum

scilicet sunt emendabilia per actum hominis cooperantis Deo ad suam justificationem.

Ad tertium dicendum, quod quælibet virtus specialis formaliter expellit habitum vitiū oppositi: sicut albedo expellit nigredinem ab eodem subiecto: sed poenitentia expellit omne peccatum effective, in quantum operatur ad destructionem peccati, prout est remissibile ex divina gratia homine cooperante. Unde non sequitur, quod sit virtus generalis.

Conclusio: Pœnitentia est virtus specialis,

1. Círca titulum hujus articuli, et consequenter conclusionem illi directe respondentem hæsisse videtur Suarez ejus legítimum sensum in dubium revocando; cum tamen nostro judicio clarissimus sit, et multo labore non indigeat.

Suarez
Primus ergo sensus (inquit) esse potest: *An Pœnitentia sit virtus specialis, id est, an sit aliqua peculiaris virtus, ad hoc solum munus destinata, ut operetur ad destructionem peccati commissi, quatenus est Dei offensa.* Et hunc sensum ut alienum a D. Thoma rejicit, quia nec elicitur ex D. Thoma, nec in eo vera esset ejus responsio. Quod non eliciatur ex D. Thoma probat ex eo, quod S. Doctor solum dicit, operari illo modo requirere virtutem distinctam a reliquis; non tamen dicit requirere virtutem, quæ nullum modum alium operandi habeat; neque unum sequitur ex alio, nec affirmando unum censem negare aliud: quia non oportuit omnia munera illius explicari, sed illud, quod ad illam spectat, quatenus subest voci, et conceptui Pœnitentiae.

Hactenus ille. Quæ ideo asserta a Suarez arbitramur, ut vel hinc viam sterneret ad propriam sententiam infra stabilendam quasi conformem D. Thomæ, quod nimur Pœnitentia non versetur circa peccata propria, sed etiam attingat aliena, ut deinceps statuat eam inveniri in Christo Domino, plura munera Pœnitentiae deferendo. Unde ratione unius posset versari circa peccata propria; et his deficientibus, ratione alterius se extenderet ad peccata aliena: hinc consequens fiebat, quod licet in Christo non fuerint peccata propria; quia tamen non deerant aliena; idcirco ipsi adscribi debet virtus Pœnitentiae, licet non sub munere poenitendi.

2. Verum illum fuisse deceptum, et nondum in scirpo, ut aiunt, quæsisse, dum ita dubitavit, manifestum erit cuiilibet sincere litteram articuli percurrenti. Id quod haud melius monstrare possumus, quam articuli doctrinam ad formam syllogisticam reducendo, ut hinc manifestior fiat sinistra

Quorū sum Suarez intentio

*Aperitio
et mens
D. Thom.
enuclea-
tura.*

sinistra ejus intelligentia, in prædictum dumtaxat finem excogitata. Ratio ergo S. Doctoris est. Quia sicut potentiae, ita et habitus distinguuntur penes actus, et eorum objecta formalia: ita ut ubicumque sint distincti, et speciales actus, per se primo tendentes in diversa objecta formalia, ibi necesse est adstruere specialem virtutem, vel per modum potentiae, vel per modum habitus, juxta illorum conditionem. Sed in Pœnitentia invenitur specialis actus, per ordinem ad objectum per se primo inspectum, qui non pertinet ad rationem alterius virtutis. Ergo ad ejus elicientiam necessaria omnino est specialis virtus Pœnitentiae. Qui syllogismus plane demonstrat non aliud intendisse D. Thomam, quam evincere pœnitentiam ita esse specialem virtutem, quod per se primo tenderet in destructionem peccati, quatenus Dei offensa est, quod non pertinet ad rationem alterius virtutis, ut constat ex præmissis, quarum primam, seu

D.Thom. majorem supponit S. Doctor ex 1, 2, q. 54, art. 1 et 2, quo se refert. Minorem diserte affirmat dicens: *Manifestum est autem, quod in Pœnitentia invenitur specialis ratio actus laudabilis, scilicet operari ad destructionem peccati præteriti, iuquantum est Dei offensa, quod non pertinet ad rationem alterius virtutis.* Quod ideo addidit Angelicus Præceptor, ut dirueret argumentum, quod aliquis possit obtrudere, nimurum operari ad destructionem peccati competere aliis virtutibus a Pœnitentia. Hoc, inquam, exclusit S. Doctor addendo illa ultima verba: quocirea in solutione ad primum Charitati denegat detestari peccatum sub ratione offensæ, utpote proprium Pœnitentiae; et si quem influxum desert Charitati ad prædictum actum, est imperativus, et universalis, non proprie elicivus. Et quia adhuc restabat difficultas, an posset, et deberet ad justitiam reduci, ipsique identificari, in articulo sequenti id explicandum assumpsit, docens non esse proprio justitiam, seu partem subjectivam illius, sed dumtaxat partem potentiam.

Munera autem illa plura, quæ prætexuit, ut adhuc uno sublato, alia remanerent, et Christo deserviret virtus Pœnitentiae, in sua radice trueidata sunt; nam sublato munere omnino primario, in quo aliqua alia, si quæ fuerint, Pœnitentiae inniti debent, reliqua alia abscondi videntur. Cum ergo finis primarius, et per se primo

intentus a Pœnitentia sit destructio divinæ offensæ ab ipso pœnitente commissæ, idque assequatur media contritione; planum est extra rem esse recursum ad alia munera inde subsecuta; quapropter profunde a D. Thoma prætermissa sunt, utpote locum non habentia.

3. Quod adhuc confirmari et explicari potest ex eodem Suarez in prædicto Commentario, ubi ex Cajetano affirmat, nullam posse esse virtutem, quæ secundum adæquatam rationem, et officium suum necessario prærequirat peccatum commissum: et si hoc D. Thomas voluisse, subscribit Cajetano, et cum ipso tenet veram non fuisse S. Doctoris responsionem. Constat autem ex ipso textu, et omnium discipulorum aliorum unanimi sententia Cajetanum in hac parte aperte a D. Thoma deviisse, et manifeste D. Sanctissimo oppositam doctrinam statuisse: ergo idem et ob eandem rationem tenendum est de Suarez quoad hanc saltem partem. Atque ideo ut de mente D. Thomæ affirmandum est Pœnitentiam esse virtutem, cuius primarium et essentialie officium est tendere in destructionem peccati commissi, non utecumque, sed sub ratione injuriæ, et offensæ Dei, quod non est alterius virtutis ab ipsa: atque subinde eo deficiente, nullum esse locum Pœnitentiae. Quod etiam affirmat Arauxo, unus qui ex discipulis D. Thomæ in hoc P. Suarez commentario offendit.

Mittimus alios sensus ut inutiles: semel constituto supra positum esse perspicuum, et unice de mente D. Thomæ; quidquid sit de aliis, sive veri, sive falsissint; nostra enim non refert, utpote quibus in votis non est nisi nostri cursus cynosuram, quæ est ejus mens, vel in minimis ob oculos habere, et semper observare. Ne tamen lector eos invideat, alioque illos quæsitus eat, eos subjungimus: *Alter sensus (inquirerat Suarez) esse potest: An Pœnitentia ita sit specialis virtus, ut una sola, et singularis virtus sufficiat ad detestandum omnia peccata, etiam si distinctis virtutibus videantur contraria. An vero nulla virtus per se possit adæquate hoc munus obire, sed quasi per partes ad omnes virtutes pertineat, singulis detestantibus vitia sibi repugnantia.* Quem sensum reprobat ut inadæquatum, et S. Doctori minime cohærentem.

4. Sed revera his sensus contineri videatur sub primo, et illi etiam respondetur in littera D. Thomæ: nam una sola, et spe-

Eadem
veritas
elicitur
ex doc-
trina
ejusdem
Suarez.
Cajet.

Arauxo.
Alii
sensus a
Suario
D.Thom.
tributi.

cialis virtus Pœnitentia est, quæ sufficit ad detestanda omnia peccata aliis virtutibus contraria; non quidem sub omni ratione, sed ut important injuriam et offendam Dei: et nulla virtus est, quæ vel adæquate, vel inadæquate possit hoc munus sub prædicta ratione obire. Quocirca D.Thom. in solut. ad secundum docuit S. Doctor, quod Pœnitentia habet quidem realiter generalem materiam, in quantum respuit omnia peccata, sed tamen sub ratione speciali.

Tertius sensus ex P. Suarez. 5. Tertius sensus qui excogitati potest, est: An Pœnitentia ita sit virtus specialis, ut ad illam solam spectet tendere adversus omne peccatum intendendo destructionem ejus, ut hoc munus nulla alia virtus exercere possit, aut intendere sub aliqua ratione.

Quem sensum etiam refellit, quia juxta illum non esset vera responsio affirmativa, siquidem Charitas, vel spes sub propriis rationibus possunt intendere destructionem cuiuscumque peccati, quatenus est eis contrarium.

6. Hic tamen sensus non differre videatur a secundo, nisi in ultimis illis verbis, sub aliqua ratione: et hoc conceditur a D. Thoma in sol. ad 4, ubi docet ad charitatem immediate pertinere odium, seu displicentiam cuiuslibet peccati præteriti, licet sub diversa ratione, ac pertinet ad Pœnitentiam. Unde sensus articuli erit: An Pœnitentia sit specialis virtus per se primo tendens in destructionem peccati sub speciali aliqua ratione, quæ aliis virtutibus non conveniat. Ad eum sane modum quo spes, Charitas, et reliquæ virtutes sive Theologicæ, sive Morales versantur circa propria objecta sub aliqua speciali ratione, sub qua illa objecta non attinguntur ab aliis? Qui sensus est clarissimus, et nullam ambagem admittens. Et respondet directe S. Doctor pœnitentiam esse virtutem specialem a cæteris diversam, quæ per se primo tendit in destructionem peccati, non qualitercumque, sed ut est offensa Dei, media satisfactione compensanda. Et destruere hoc modo peccatum nec charitati, nec aliis virtutibus competit.

D.Thom. In solutione ad tertium docet D. Thomas, quod Pœnitentia expellit omne peccatum effective. Quam propositionem idem P. Suarez difficultem dicit, et infra disputandam remittit, et nos suo loco discutiendam reservamus.

ARTICULUS III.

Utrum virtus Pœnitentia sit species justitiae?

Ad tertium sic proceditur. Videtur, quod virtus pœnitentia non sit species justitiae. Justitia enim non est virtus Theologica, sed moralis, ut in secunda parte patet: Pœnitentia autem videtur esse virtus Theologica, quia habet Deum pro objecto: satisfacit enim Deo, cui etiam reconciliat peccatorem: ergo videtur, quod pœnitentia non sit species justitiae.

2. Præterea. Justitia cum sit virtus moralis, consistit in medio: sed Pœnitentia non consistit in medio, sed in quadam excessu, secundum illud Hier. 6: Luctum unigeniti fac tibi planctum amarum: ergo Pœnitentia non est species justitiae.

3. Præterea. Duæ sunt species justitiae (ut dicitur in 5 Ethic.) scilicet distributiva, et communicativa: sed sub neutra videtur pœnitentia contineri: ergo videtur quod pœnitentia non sit species justitiae.

4. Praeterea. Super illud Luc. 6: Beati quia nunc fletis, dicit Gloss. ecce prudentia, qua ostenditur quam haec terrena sint misera, et quam beata celestia: sed fletre est actus Pœnitentia: ergo pœnitentia magis est species prudentiae, quam justitiae.

Sed contra est, quod August. dicit in lib. de Pœnitentia: Pœnitentia est quedam dolentis vindicta, semper puniens in se quod dolet commississe: sed vindictam facere pertinet ad justitiam: unde Tullius in sua Rethor. ponit vindicativam unam, speciem justitiae: ergo videtur, quod pœnitentia sit species justitiae.

Respondeo. Dicendum, quod (sicut supra dictum est) pœnitentia non habet quod sit virtus specialis ex hoc solo, quod dolet de malo perpetrato (ad hoc enim sufficeret Charitas), sed ex eo quod pœnitentis dolet de peccato commiso, in quantum est offensa Dei, cum emendationis proposito. Emendatio autem offensæ contra aliquem commissæ, non fit per solam cessationem offensæ, sed exigunt ulterius quedam recompensatio qua habet locum in offensis in alterum commissum, sicut et retributio: nisi quod recompensatio est ex parte ejus, qui offendit (utpote cum satisfactione) retributio autem est ex parte ejus, in quem est offensa commissa. Utrumque autem ad materiam justitiae pertinet: quia utrumque est commutatio quedam, unde manifestum est, quod pœnitentia secundum quod est virtus, est pars justitiae. Sciendum tamen est, quod secundum Philosophum in 5 Ethic. duplicitur dicuntur justum, scilicet simpliciter et secundum quid; simpliciter quidem justum est inter aequales, es quod justitia est æqua latus quedam, quod ipse vocat justum politicum vel civile, eo quod omnes cives aequales sunt, quantum ad hoc, quod immediate sunt sub principe, sicut liberi existentes. Justum autem secundum quid dicuntur, quod est inter illos, quorum unus est sub potestate alterius: sicut servus sub Domino, filius sub patre, uxor sub viro. Et tale justum consideratur in pœnitentia, unde pœnitentis recurrat ad Deum. cum emendationis proposito, sicut servus ad Dominum, secundum illud Psal. 122: Sicut oculi servorum in manibus dominorum suorum, ita oculi nostri ad Dominum Deum nostrum, donec misereatur nostri, et sicut filius ad patrem, secundum illud Luc. 15: Pater peccavi in celum et coram te, et sicut uxor ad virum, secundum illud Hier. 3: Fornicata est cum amatoribus multis: tamen revertente ad me dicit Dominus.

Ad primum ergo dicendum, quod (sicut in 5 Ethic. dicitur) Justitia est virtus ad alterum. Ille autem, ad quem est justitia, non dicitur esse materia justitiae, sed magis res, quæ distribuantur, vel commutantur, unde et materia pœnitentiae non est Deus, sed actus humani quibus Deus offenditur, vel placatur: sed Deus se habet, sicut ille, ad quem est justitia. Ex quo patet, quod justitia non est virtus Theologica: quia non habet Deum pro objecto vel materia.

Ad secundum dicendum, quod medium justitiae est æqua latus quæ constituitur inter illos, inter quos est justitia, ut dicitur in 5 Ethic. In quibusdam autem non potest perfecta æqua latus constitui propter alterius excellentium: sicut inter patrem, et filium, inter Deum et hominem, ut Philosophus dicit in 8 Ethic. Unde in talibus ille, qui est deficiens, debet facere quidquid potest, nec tamen hoc erit sufficiens simpliciter: sed solum secundum acceptationem superioris, et hoc significatur per excessum, qui attribuitur pœnitentia.

Ad tertium dicendum, quod sicut est commutatio quedam

dam in beneficiis (cum scilicet aliquis pro beneficio recepto gratiam rependi) ita etiam est commutatio in offendit, cum aliquis pro offensa in alterum commissa, vel invitus punitur, quod pertinet ad vindicativam justitiam, vel voluntarie recompensat emendam, quod pertinet ad poenitentiam, quæ respicit personam peccatoris, sicut justitia vindicativa personam judicis. Unde manifestum est, quod utraque sub justitia commutativa continetur.

Ad quartum dicendum, quod poenitentia licet sit directe species justitiae : comprehendit tamen quodammodo ea, quæ pertinent ad omnes virtutes. In quantum enim est justitia quædam hominis ad Deum, oportet quod participet ea, quæ sunt virtutum Theologicarum, quæ habent Deum pro objecto. Uade poenitentia est, cum fide passionis Christi, per quam justificamur a peccatis, et cum spe venie, et cum odio vitiorum, quod pertinet ad charitatem. In quantum vero est virtus moralis, participat aliquid prudentiae, quæ est directiva omnium moralium virtutum : sed ex ipsa ratione justitiae non solum habet id quod justitiae est, sed etiam ea, quæ sunt temperantiae, et fortitudinis, in quantum scilicet ea, quæ delectationem causant, ad temperantias pertinent, vel terrorem incutunt, quem fortitudo moderatur, in commutationem justitiae veniunt, et secundum hoc ad justitiam pertinent, et abstinere a delectabilibus, quod pertinet ad temperantiam, et sustinere dura, quod pertinet ad fortitudinem.

Prima Conclusio : Virtus Pœnitentiae est quædam species justitiae ad Deum.

Secunda Conclusio : Pœnitentia non est justitia simpliciter, sed secundum quid.

Obser-
D.Thom. 1. Ad secundæ conclusionis intelligentiam scire oportet sub justitia simpliciter tali duplex genus partium contineri, ut sumitur ex D. Thoma. 2, 2, q. 80, ar. 1, nam aliæ sunt subjectivæ, in quibus tota justitiae ratio salvatur, ac proinde prædicatorum de illis prædicatione essentiali generis in species. Hujusmodi sunt justitiae commutativa, distributiva, et legalis, de quibus specialem tractatum instituimus in arbore prædicamentali, quam appendimus tractatu de Virtutibus, præcipue vero § 7. Aliæ justitiae partes dicuntur potentiales, quæ ideo dicuntur tales, vel quia deficiunt a rigore debiti, quatenus eorum materia deficit a ratione debiti legalis, quod dumtaxat est strictum debitum, ad quod proinde iudex compellere potest, sub quo membro plures recensuimus ubi supra § 8. Vel ideo dicuntur partes potentiales, quia deficiunt ab æqualitate, quam importat ratio justitiae simpliciter talis, uti est religio ad Deum, pietas ad parentes, observantia ad Prælatos, inter quas annumeratur Pœnitentia, de quibus specialiter egimus § 9, quo eat lector pro pleniori hujus rei intelligentia.

Illiatio. 2. Ex ibi ergo dictis facile colligitur veritas hujus secundæ conclusionis, adjuncto alio principio late discussso tractatu de Incarnatione, quod purus homo nequeat ad æqualitatem satisfacere pro injuria irrogata Deo per peccatum mortale, utpote quæ est simpliciter infinita. Ex quo

manifeste siquitor satisfactionem exhibit media Pœnitentia esse inæqualem cum offensa; atque ideo prædictam virtutem ex hac parte deficere a ratione perfectæ justitiae; cum de ejus ratione sit perfecta æqualitas cum stricto debito, et quodlibet horum deficiat, non subsistit justitia simpliciter.

3. Nec refert, si objicias, ad rationem Repliæ. justitiae perfectæ, et simpliciter talis non requiri quod homo satisfaciat, aut satisfacere possit ad æqualitatem; sed sufficit, quod eligat satisfacere, si fieri potest, et modo sibi possibili: hoc autem præstatur ab homine media Pœnitentia: ergo ex hoc capite Pœnitentia non deficit a ratione justitiae simpliciter. Major constat exemplo liberalitatis, quæ in paupere non amittit rationem virtutis absolute, et simpliciter; vel ex eo solum quod licet reipsa bona in pauperes non profundat, quia eis caret; eligit tamen cuncta in illos erogare, si haberet, vel possibile ipsi alias foret: non ergo Pœnitentia deficeret a ratione justitiae eo solo titulo, quo non exhiberet inæqualem satisfactionem, si semel per eam homo apud se statuat sibi possibilem offerre satisfactionem; quippe qui hanc exiguum ita præstat, quod exhiberet majorem, imo et infinitam, si major, aut infinita ipsi superesset.

4. Non itaque refert, quia licet Majoris doctrina teneat in virtutibus moralibus, quarum medium est medium dumtaxat præstitutum a recta ratione (et hujus generis est liberalitas, de qua objectio) seclusa qualibet alia æqualitate circa materiam propriam, de qua virtus nil curat. Fallit tamen in justitia, et ejus partibus sive subjectivis, sive potentialibus, de quarum essentia ita est medium rationis, in quo convenienter cum aliis, quod etiam postulent medium rei, penes quod ab illis differunt. Quæ est doctrina D. Thomæ 1, 2, q. 64, art. 2, ubi inquit: *Sed quando contingit, quod medium rationis est etiam medium rei: et tunc oportet, quod virtutis moralis medium sit medium rei, sicut est in justitia: quia justitia est circa operaciones, quæ consistunt in rebus exterioribus, in quibus rectum institui debet simpliciter, et secundum se, ut supra dictum est: et ideo medium rationis in justitia est etiam medium rei, in quantum scilicet dat unicuique, quod debet, et non plus, nec minus.* Et ex hoc capite deficit Pœnitentia a ratione justitiae. Unde illa electio, seu affectus vo-

Iuntatis modo possibili satisfaciendi, conduceat quidem, imo est essentialiter requisita ad hoc, ut Pœnitentia sit absolute, et simpliciter virtus, ut revera est: non tamen ut ipsam constituat in specie propria, et adæquata justitiae. Non enim quod sufficit ad constitutionem alicujus in ratione virtutis simpliciter, et absolute talis, est etiam sufficiens, ut collocetur sub conceptu justitiae, ut pars ejus subjectiva, ut constat in religione, quæ inter morales est perfectissima, utpote Deo propinquior, cui cultum exhibet; cum tamen non sit magis justitia, quam Pœnitentia ob similem æqualitatis defectum. Et ideo licet non tantum possimus tribuere Deo quantum debemus, sive satisfaciendo per Pœnitentiam, sive colendo, et honorando per religionem; debemus tamen illi offerre quantum possimus secundum mensuram nostræ conditionis. Et hoc sufficit ad salvandum rationem virtutis simpliciter, et absolute in prædictis habitibus; licet non perveniant ad perfectionem justitiae, sed inter ejus partes potentiales censeantur. Quæ etiam est doctrina D. Thomæ in hoc eodem articulo, ubi distinguens justum simpliciter a justo secundum quid, hoc secundum, negato primo, tribuit Pœnitentiæ ob rationem assignatam.

Obser-
vallo. 5. Est etiam digna, quod observetur, solutio D. Th. ad 4, ex qua maxime commendabilis redditur Pœnitentia, hicque qualis ejus defectus æqualitatis, aliis cumulatur, et compensatur prærogatiis. Ita enim habet esse speciem justitiae imperfectam, ut aliquo modo contineat ea, quæ pertinent ad chorūm aliarum virtutum, quibus cum feedus init sufficiens, ut de qualibet illarum aliquid delibare videatur. Nam quia justitia ad Deum est, convenit cum Theologicis, quæ habent pro objecto Deitatem: quocirca debet esse cum fide passionis Christi, qua justificamur, et cum spe veniæ, quod est proprium spei, necnon cum odio peccati, quod pertinet ad Chari-
tatem. Et ex ipsa ratione justitiae non solum habet, quod justitiae est, sed etiam quæ sunt temperantiae, et fortitudinis, quatenus scilicet ea, quæ delectationem ingerunt, ad temperantiam pertinent, et quæ terrorem incutint fortitudo moderatur. Unde Pœnitentiæ etiam est abstinere a delectabilibus, et dura quæque, aut terribilia fortiter sustinere. Suo etiam modo affinitatem contrahit cum justitia vindicativa, vindicando, et puniendo in ipsomet

peccatore injuriam irrogatam Deo. Nec penitus excludit distributivam, sed ejus modum aliquatenus præ se fert præscribendo et distribuendo pœnas pro qualitate, gravitate, et numero peccatorum. Qualiter autem cum his cohæreat, quod Pœnitentia sit virtus, eaque specialis, examinandum suscipimus in hac disputatione, quam sub jungimus. Ubi quæ hic vel leviter tetigimus, uberioris proseguemur.

DISPUTATIO V.

De virtute Pœnitentiæ.

Explanatur Angelicus Præceptor hujus virtutis essentiam, exordium sumpsit ab ejus conceptu generico; postmodum disserens de ejus ratione differentiali, que in se constituit, et ab aliis differt. Et ut exactius materiam suæ tractationis explaret, ad investigandum se accinxit ejus immediatum subjectum, neconon supposita illius ratione, ac tandem pervenit ad causas immediatas ipsi subjecto intrinsecas, assignata prius causa omnino universali, et prima, ut articulorum seriem vel leviter salutanti erit pervium. Quem ordinem quia methodicum, et valde opportunum ad indagandam veritatem observare necesse est. Unde primo considerabimus conceptum genericum Pœnitentiæ, deinceps ad tendentiam specificam, actum, et objectum descendemus.

DUBIUM I.

Utrum Pœnitentia sit virtus.

Non venit intelligendus quæstionis titulus de virtute late accepta, quo pacto quemlibet actum de se laudabilem, aut ejus principium, vel actum virtuosum, vel virtutem communiter appellamus. In hoc enim sensu nemo nisi hæretice aberrans, ibit inficias virtutem dicere Pœnitentiam, utpote quam ipsa natura commendat ex insita vi rationis, qua abhorret defectum, et cohibet a damno, quodcumque illud sit, naturæ rationalis, illudque excutere satagit, semel atque illud incurrit. Procedit ergo difficultas de virtute proprie et stricte sumpta, cui subinde virtutis sicut essentia, ita et definitio conveniat.

Sensus
dubii
exposi-
tus.

§ I.

Vera, et communis assertio proponitur.

Vera
assertio.

Tertul-
lian.

Ezez. 23.

D.Thom.

Asser-
tionis
ratio.

Philo-
soph.

1. Dicendum est Pœnitentia convenire veram virtutis rationem. Hanc conclusio-
nem ut omnino certam complectuntur omnes Catholici, utpote deductam ex in-
numeris sacræ paginae testimoniis utrius-
que testamenti, quæ superfluum est recen-
sere: nam ut inquirebat Tertullianus libr.
de Pœnit. : *Quid opus est disputare, an Pœni-
tentia sit bona, vel mala, si Dominus nos
admonet ad Pœnitentiam, et laudat Pœni-
tentiam, et præcipit eam?* Cui consonat
D. Augustinus lib. de bono Pœnitentiae,
dicens: *Nos vero pro nostris angustiis unum
inculcamus, bonum, ac optimum esse, quod
Deus præcepit.* Audaciam existimo de bono
divini præcepti disputare. Nec enim quia
bonum est, ideo auscultare debemus; sed
quia Deus præcepit, ad exhibitionem obsequi
properemus. Prior est majestas divinæ po-
testatis, prior est authoritas imperantis, quam
utilitas servientis. Bonum est pœnitere. At
ille non præcipit tantum, sed hortatur, et
invitat præmio, jurans eliam: *Vivo (ut
constat ex Ezech 33, Vivo ego, dicit Domi-
nus. Nolo mortem impii, sed ut convertatur
impius a via sua, et vivat) cupiens credit
sibi, quorum causa Deus jurat. O miserri-
mos, si nec juranti Deo credimus!* Ex quo
etiam capite probavit D. Thomas conclu-
sionem in argumento. Sed contra hujus
articuli sub hac forma. *Præcepta legis dan-
tur de actibus virtutum:* quia legislator in-
tendit cives facere virtuosos, ut dicitur 2
Ethic. Sed præceptum divinæ legis est de
pœnitentia secundum illud Matth. 4: *Pœni-
tentiam agite, etc.; ergo Pœnitentia est virtus.*
Præmissæ præterquam inter proponendum
probatae sunt a D. Thoma, constant ex
testimoniis immediate allegatis, et Conse-
quentia est legitima.

2. Secundo probatur eadem veritas ra-
tione articuli, ad sequentem formam re-
ducta. Nam virtus est habitus electivus
secundum rationem rectam, ut docet Phi-
losophus 2 Ethic, et nemo est qui negare
valeat: sed Pœnitentia est habitus electivus
secundum rectam rationem: ergo Pœni-
tentia est virtus. Cætera constant præter
Minorem, quæ facile suadetur: nam ad
rationem rectam pertinet, ut quis eligat
dolere, de eo de quo dolendum est, et eo
modo, et fine, quibus dolendum est: hoc
autem præstat Pœnitentia: ergo Pœnitentia

tia est habitus electivus. Consequentia
constat, et suadetur Minor: quoniam Pœni-
tentia assumit moderatum juxta ratio-
nem dolorem de peccatis preteritis cum
spe veniae, et intentione removendi illa:
ergo Pœnitentia dolet de eo, de quo juxta
rectam rationem dolendum est, et eo fine,
et modo, quibus dolendum est.

3. Huic tamen discursui D. Thomæ, Objec-
tus desumitur ex definitione virtutis,
statim se se opponit alia definitio non mi-
nus certa, et recepta, qua oppositum con-
vinci videtur. Nam virtus est dispositio
perfecti ad optimum: sed Pœnitentia non
est dispositio perfecti ad optimum: ergo
Pœnitentia non est virtus. Consequentia
est legitima. Major etiam est definitio
Philosophi 3, Physicorum cap. 3, nec est,
qui eam non admittat ut bonam, et arti-
ficiosa. Minor vero videtur perspicua:
quia Pœnitentia cum sit solius peccatoris,
non illum supponit perfectum, quinimo
peccatis deformem, et defectibus obstric-
tum, et obnoxium.

Ab hac tamen objectione facile vindicatur Diruitur.
discursus D. Thomæ, utpote quæ procedit ex sinistra applicatione, et intel-
ligentia definitionis. Unde illa absolute,
et ut jacet, concessa, negamus Minorem,
quam probatio minime evincit: quia licet
peccator ex peccato reddatur imperfectus,
et deformatus, et ita sit ante Pœnitentiam;
quam primum vero illa affiliatur, et orne-
tur, constituitur perfectus, et dispositus
ad eliciendum optimum contritionis actum.
Quando enim dicitur, quod virtus sit dis-
positio perfecti, ly perfecti non se tenet ex
parte subjecti exclusa ipsa virtute, sed
ipsam includendo, si quidem definitur per
sum subjectum formatum; ad eum sane
modum, quo calor est actus calidi, et
anima rationalis est actus corporis physici
organicæ; non quidem præsuppositi aliunde,
sed constituti per ipsam animam, sicut
calidum non alio quam per calorem consti-
tuitur in esse calidi. Et sane si hoc modo
non veniret intelligenda illa particula, in
qua fundatur objectio, nulla virtus esse
posset dispositio perfecti ad optimum;
quando quidem ante virtutem nullus est
perfectus, sed per ipsammet virtutem fit.

4. Objicies secundo discursum D. Thomæ
esse debilem, siquidem in consequenti non
intulit S. Doctor, quod Pœnitentia sit de-
terminate virtus; sed vel quod sit virtus,
vel quod sit actus virtutis. Quod videtur
signum ex vi præmissarum non recte col-

Altera
objectionis

ligi determinate, quod probandum assumpserat, nimirum Pœnitentiam esse virtutem. Aliunde vero stat quod actus virtutis a virtute non procedat, ut constat in primo actu virtutum sive intellectualium, sive moralium. Non ergo ex vi predicti discursus probatum videtur a D. Thoma Pœnitentiam esse virtutem, quod fuerat assumptum.

Solutio. Respondetur, quod ut bene notavit Arauxo.

Arauxo in praesenti dub. unico n. 3, apud D. Thomam idem fuit probasse actum Pœnitentiae esse actum virtutis, ac evicisse Pœnitentiam esse virtutem: quoniam actus virtutis ut prompte, et faciliter eliciatur, necessario postulat habitum, qui det eam promptitudinem, et facilitatem, ut nos docet experientia, et ostendimus tract. de virtutibus disp. 1, dub. 1, ubi ex S. Doctore omnem virtutem esse habitum, et omnem habitum ea obire munera stabilivimus. Et ad probationem insertam dicitur actum primum virtutis, quicumque ille fuerit, quo primo acquiritur virtus, neutquam a virtute fieri, qui sit habitus, sed medio auxilio potentiae superioris, ex cuius reiterata motione in inferiorem, cum frequentatione actuum resultat habitus ut liquet ex ibi dictis. Et quia hoc deficit primo actui acquisitae virtutis, idcirco nec prompte, nec faciliter fit, et consequenter non postulat, quia primus est, ex parte principii virtutem per modum habitus. Quod in actu pœnitentiae non tenet, cum quia non fuit D. Thomæ sermo de hoc, vel illo actu determinate, sed absolute de actu pœnitendi, qui absolute præexigit virtutem, sicut actus scientiae scientiam. Tum quia cum Pœnitentia sit virtus supernaturalis, et consequenter infusa immediate a solo Deo; se habet ad instar potentiae tribuentis nedum prompte dolere sed etiam et posse, atque ideo, vel ad omnem actum, vel ad nullum debet præsupponi ex parte principii. Quare bene concludit S. Doctor Pœnitentiam esse virtutem, et erumpere in actum virtutis, quin ejus discursus aliqua ex parte claudicet.

Tertia objectio. 5. Tertio et apparentius insurges contra principium S. Doctoris. Etenim si ad rectam rationem pertinet dolere de eo, de quo dolendum est, et hinc recte infertur existentia virtutis Pœnitentiae; eadem prorsus ratione conficeretur esse actum virtutis gaudere de eo, de quo gaudendum est, et consequenter ad gaudium necessariam esse virtutem, imo et ipsum gaudium esse ac-

tum virtuosum. Consequens est falsum, et contra eundem Angelicum Præceptorem. Ergo falsum est etiam illud principium in probatione positum. Major videtur certa, quia contrariorum eadem est ratio, et non appetit aliqua diversa in dolore, quæ non militare possit in gaudio. Minor etiam constat ex S. Doctore 2, 2, q. 28, art. 4, D. Thom. ubi docet quod gaudium opponitur dolori, et tristitia, et licet procedat ex ratione recta, non ideo postulat speciale virtutem, sed consequitur ad amorem ut actus secundarius: ergo idem dici debet de dolore, quantumvis recta reguletur ratione.

Eo vel maxime quod etiam de gaudio datur speciale præceptum juxta illud ad Philip. 4: *Gaudete in Domino semper*: quin ex hoc inferatur pro gaudio iri assignatam speciale virtutem: non ergo ex eo quod sit speciale pro Pœnitentia præceptum, intulit recte D. Thomas eam esse proprie virtutem, atque ideo utraque illius ratio corruit.

Et confirmatur urgendo, et retorquendo *Confirm.* illud principium: nam sicut secundum rectam rationem est, quod quem peccatorum peniteat, ita et quod pigate de miseriis, tædeat de infortuniis, et infirmitatibus, quæ secundum rectam rationem sunt objectum tristitiae, et doloris. Et tamen non est aliqua virtus ad de istis tristandum, et dolendum: ergo nec ad dolendum de peccatis, saltem in vi illius principii, in quo est nervus totius discursus D. Thomæ.

6. Sed nec ista objectio intentum *Fit satis objec-* evincit, aut ex parte infirmat discursum *tioni.* S. Doctoris. Quare neganda est illatio ob diversam rationem, quæ splendet in dolore Pœnitentiae, et in gaudio non reperitur. Ad cuius lucem observandum est, dolorem posse sumi dupliciter, vel prout importat tantummodo simplex odium, detestacionem, aut fugam peccati; vel prout ad hanc, vel has rationes superadditæ aliquam speciale, vi cuius importat ex parte objecti speciale difficultatem, ut a simili constat in desiderio, seu spe. Desiderium namque accipi potest vel secundum quod connotat nudam absentiam objecti, vel prout illi absentiae additur ratio ardui, sed tamen vinci possibilis. Inter quos voluntatis affectus ea est differentia, quod sub prima ratione est actus mere secundarius, ex amore nascens absque ulla difficultate, nec postulat aliam radicem, seu virtutem, quam quæ exigitur ad amorem, ad quem consequitur. At vero si accipiatur sub additione

Obser-

vatio.

D.Thom. ditione arduitatis, sed vincibilis, jam sibi vindicat specialem virtutem, quam dicimus spem, et non potest elici ab eadem charitate, ad quam pertinebat sub prima consideratione. Quæ est doctrina D. Thomæ, loco in objectione citato solut. ad 2, per haec verba : *Ad secundum, quod spes consequitur ex amore, sicut et gaudium : sed spes addit ex parte objecti, quandam specialem rationem, scilicet ardum, et possibile adipisci : et ideo ponitur specialis virtus. Sed gaudium ex parte objecti nullam specialem rationem addit supra amorem, quæ possit causare specialem virtutem.* Sed pertinet ad charitatem, seu principium amoris, ut in corpore illius articuli explicuerat S. Doctor.

Hinc ad objectionem constat negandam esse Majorem ob manifestam disparitatis rationem, quia licet odium, seu detestatio peccati si simpliciter accipientur, sint actus secundarii, et ab ipsa Charitate proveniant, ut probat ratio D. Thomæ in gaudio ; et hoc pacto nulla pro illis desideretur propria virtus. Secus vero est de displicencia peccati sub ratione offensæ media satisfactione compensabilis : hoc enim modo non oritur immediate a Charitate, sed exigit aliam virtutem sibi propriam. Unde principium assumptum a D. Thoma inconcussum manet, quoniam ut quis doleat de peccato eo fine, et modo, quo de eo dolendum est, nimirum cum intentione removendi (ut inquit S. Doctor ad 3), sequelam ipsius, et realum pœnæ, requiritur virtus aliqua, quam dicimus Pœnitentiam, et ut supra annotavimus in commentario ad art. 2, in solutione ad 4, concludit D.Thom. S. Doctor, quod si in actu penitentis consideretur sola displicencia peccati præteriti, hoc immediate ad Charitatem pertinet, sicut et gaudere de bonis præteritis : sed intentio operandi ad deletionem peccati præteriti requirit specialem virtutem sub charitate. Hoc autem principium non est unde applicetur gaudio, ut non solum hic, sed etiam loco citato ex 2, 2, nos docuit S. Doctor.

Præceptum idem charitatis et gaudi. 7. Nec id, quod urgetur contra rationem præcepti, quo primo probavit S. Doctor catholicam assertionem, elidit ejus robur. Nam præceptum Pœnitentiæ primario cadit supra actum doloris, aut contritionis cum fine amovendi offensam tanquam supra materiam per se, et immediate præceptam. Ex quo bene infertur prædictum actum esse debere primo, et per se actum

virtutis. Præceptum vero, si quod est, gaudii non est distinctum a præcepto Charitatis, quod ex consequenti ac secundario, se extendit ut ad materiam propriam, licet secundariam, ad ipsummet gaudium. Quæ est solutio ipsius D. Thomæ articulo re-lato ex 2, 2, ad 3, ubi ait : *quod in tantum datur præceptum legis de gaudio, in quantum est actus Charitatis, licet non sit primus actus ejus.*

Ad confirmationem neganda est Minor ; Diruntur quia etiam dolere, aut maestum esse cum moderamine de miseriis, infirmitatibus, aut aliis infortuniis, ut propulsandis, et abigendis pertinet ad aliquas speciales virtutes, utputa ad misericordiam media eleemosyna, curatione, vel alio impertito remedio, vel ad Charitatem, media qua a nobis, et ab aliis nociva propulsamus; vel ad vindicativam, qua judices injurias inuste irrogatas vindicant. Si vero arguentis intentio ad ipsas patientes detorqueatur, dicemus pertinere quidem vel ad patientiæ virtutem, media tolerantia, vel ad fortitudinem contra illas aggrediendo, juxta regulas prudentiæ, et rectæ rationis. Nec sane cogimur ad stabiliendam unicam Pœnitentiæ virtutem omnium aliarum virtutum seriem texere; sed sufficit ostendisse in ea esse specialem rationem ex parte actus, et objecti, ut vera virtus stabiliatur, quam Scriptura saepius inculcat. Licet ut in plurimum non loquatur nisi de actibus, qui habendi sunt, Pœnitentiæ : ex actibus autem vere, et efficaciter probatur virtus, sicut ex actibus voluntatis voluntas, et ex cognitione immateriali intellectus. Quo depellitur alicujus scrupulus forsitan causantis in Scriptura, et pluribus SS. PP. non contineri expresse Pœnitentian per modum virtutis; sed tantummodo pœnitendi actum, quem nisi hæreticus non potest negare. Sed ex illo, ut diximus, bene infertur alia (quidquid sit an ita expresse continetur) virtus sub ratione virtutis habitualis; quod non tam nostra refert examinare, quam illorum, qui cum hæreticis agunt.

8. Ex quo obiter colligimus, qualiter odium sive fuga, vel peccati, vel cuiusvis alterius nobis infensi se habeat ad amorem, in quo explicando latissime excurrit Lugo initio hujus tractatus sect. 2, et post multas hinc inde objectiones, et evasions, tandem n. 27, accedens ad rem explicandam docet actum fugæ, seu odii in universum esse æquivalenter, et virtualiter

Suarez. actum amoris, et prosecutionis. Pro quo dicendi modo monet videndum Suarez in praesenti disp. 2, sect. 2; n. 1 et disp. 4, sect. 2, n. 15, ubi supponit actum detestationis peccati esse virtualiter, et aequivalenter dilectionem Dei : quia ad eandem virtutem spectat amplecti bonum, et fugere malum illi oppositum.

Rejici-
tur. 9. Que tamen doctrina ita absoluta, et universalis cum grano salis est intelligenda; alioqui enim inferre quis posset virtutem Poenitentiae vel a Charitate, vel saltem a justitia commutativa realiter non distingui, sed esse aequivalenter unam illarum, quandoquidem ad eandem virtutem spectat amplecti bonum, et fugere malum illi oppositum; et aequivalentia, quae reperitur in actibus, non est cur negetur virtutibus. Quoad forsan Suarez non displicebit de justitia, licet non assentiatur de Charitate.

Illatio
legitima. Melius ergo, et solidius ex dictis deciditur, actum fugae esse quidem illius potentiae, seu virtutis, cuius est prosequi bonum oppositum, sed realiter a prosecutione distingui, ut quilibet effectus a sua causa distinguitur. Et rationem tradidit D. Thomas I, 2, q. 29, art. 2, nam *amor consistit in quadam convenientia amantis ad amatum, odium vero consistit in quadam repugnantia, vel dissonantia*. Oportet autem in quolibet prius considerare quod ei conveniat, quam quid ei repugnet. Per hoc enim aliquid est repugnans alteri, quia est corruptivum, vel impeditivum ejus, quod est conveniens : unde necesse est, quod amor sit prior odio, et quod nihil odio habeatur, nisi per hoc, quod contrariatur convenienti, quod amat, et secundum hoc omne odium ex amore causatur. Et in solutione ad primum addit, quod amor, et odium naturaliter quidem sunt simul secundum rationem, sed non realiter. Unde nihil prohibet amorem esse causam odii. Quare illa illius

D.Thom. Authoris doctrina solum est vera ad eum sensum (in quo est granum salis) quo causa virtualiter continetur in effectu, vel effectus operatur in virtute causae; cum tamen realiter distingui necesse sit, et hoc modo etiam actus Charitatis distingui debet ab actu contritionis detestantis, et odio habentis peccatum; imo et ipsiusmet Charitatis simplex odium peccati differt similiiter ab actu dilectionis, utpote qui habent distincta objecta formalia, ut sunt Deus, et peccatum displicens. Nec tamen unus est aequivalenter aliis, quoniam aliud est

unum alteri equivalere, aliud vero, et longe diversum, unum ad alterum sequi, ut ad sui principium et causam.

Porro ad fugam, vel odium hoc modo acceptam non requiritur specialis virtus, ut constat ex supra dictis ex D. Thoma : quia remanet in ratione actus secundarii essentialiter supponens primarium, ratione cuius virtus attingens primarium per se, secundario, seu ratione alterius extenditur absque nova difficultate ad secundarium, ut exemplis innumeris posset ostendi, si res non esset adeo perspicua. Unde licet praedicta fuga mali, sit laudabilis, et honesta, quatenus laude dignum est, et honestissimum aversari, et fugere peccatum; non idcirco oportet primario attingi a virtute, aut aliquid prosecutionis illi affigere, ut a n. 28 conatur praedictus Author suadere. Quia non versatur aggressu aliquo contra peccatum illud debellando, et propulsando, sed fugiendo, et recedendo. Hoc autem non importat prosecutionem objecti, a quo fugit, sed eam supponit circa aliud objectum prius per alium actum dilectum, et in vi hujus displicet malum, a quo fugit. Non ergo bene docetur quemlibet actum fugae, vel odii esse aequivalenter, et virtualiter actum amoris, et prosecutionis, vel in quolibet actu fugae includi aliquid prosecutionis, si formaliter loquendum sit nisi in eo sensu, quem diximus.

10. Nec inde inferas idem dicendum de contritione; haec enim non est merum peccati odium, sed aggressio, et debellatio illius, quocirca pertinet ad irascibilem, cuius est contra difficultates insurgere, easque dissipare. Supposito enim charitatis amore erga Deum, intendit poenitens media contritione vindicare injuriam Deo irrogatam, eamque compensare; quod est peccatum ipsum aggredi, et actu prosecutionis impetrare : quod non habet displicentia, aut fuga propria Charitatis.

Nec etiam placet in eo, quo illam sectionem claudit, posse nimirum voluntatem (et ita regulariter fieri existimat), per ipsum actum odii, et fugae, prosequi formaliter, et amare bonitatem illam, sive amici, sive boni oppositi, quasi idemmet formaliter actus sit mixtus ex amore unius, et fuga alterius, cum dupli partiali motivo cum bonitatis, quam prosequitur, tum mali, quod fugit, ut asseruerat num. 3.

Iterum
Lugo
refelli-
tur.

Displi-
centia-
ratio.

Contri-
tio
non est
merum
odium.

DE POENITENTIA.

Displi-
centia-
ratio.

Fuga
mali est
actus
secunda-
rius.

eidem formali actui tribuitur duplex aequum primarium, licet partiale objectum; cum D.Thom. tamen D.Thomas loco citato ex 1, 2, art. 1, oppositum concludat dicens: *Sicut autem omne conveniens, in quantum hujusmodi habet rationem boni: ita omne repugnans in quantum hujusmodi habet rationem mali. Et ideo sicut bonum est objectum amoris, ita malum est objectum odii.* Et inde art. 2, immediato pergit probare odium ex amore tanquam ex vera causa procedere, ab eo que realiter differre, ut supra expendebamus. Non ergo dicendum nobis est per ipsummet actum odii, et fugae posse formaliter bonitatem amari, sed per alium actum realiter antecedentem, qui versatur circa conveniens, et dicitur amor. Nec si militer asserendum censemus, ut prædictus Author ibi affirmat, actum fugae circa non esse Dei, aut aliam ejus perfectionem intrinsecam, esse actum in toto rigore Theologicum, quia licet sit actus virtutis Theologicæ, scilicet, Charitatis, non tamen primario specificatur a Deo, quod est proprium amoris, sed a non esse Dei. Unde solum est Theologicus in radice, quatenus oriri postulat ab amore ipsius Dei. Et constat a simili in amore proximi, qui quoniam ipsum proximum per se primo attingit, licet sit actus Charitatis, non est actus Theologicus in toto rigore, ex eo quod est actus secundarius, et immediate non versatur circa Deum. Gharitas enim non habet esse virtutem Theologicam nisi per ordinem ad actum primarium dilectionis, qui si auferretur, aut redderetur impossibilis, nullatenus permaneret in ratione virritus Theologicæ. Pro quo est pul-

D.Thom. chra satis doctrina D. Thomæ 2, 2, q. 28, art. 4, ubi ita loquitur S. Doctor: *Est autem contingens ex uno habitu plures actus ejusdem rationis ordinatos provenire, quorum unus sequatur ex altero. Et quia posteriores actus non procedunt ex habitu virtutis, nisi per actum priorem, inde est, quod virtus non definitur, nec denominatur, nisi ab actu priori, quamvis etiam alii actus ab ea consequantur. Quæ applicare superfluum est.*

§ II.

Montani error
excitatus a Novati-
anis, a Lothe-
ranis promoto-

Diruuntur argumenta ex adverso mititantia.

11. Vetustissimum Montanistarum errorem, quem constat inolevisse prope annum 181, a Novatianis excineratum,

adoptatum, et promotum circa annum Domini 255, semper tamen ab Ecclesia contemptum, exterminatum, et explosum novissime suscitaverunt Lütherus tom. 1, suorum operum in Epist. ad Joannem, et in serm. de Pœnit. et Calvinus lib. 1 inscription. cap. 4, lib. 3, cap. 34, et lib. 4, cap. 12, nullam aliam pœnitentiam agnoscentes; quam resipiscientiam, seu novæ vite inchoationem absque ante male actæ ullo dolore, aut tristitia, ut vidimus, et retulimus supra in limine hujus tractatus. Quamvis enim illis nimis exosa sint Ecclesiæ Sacraenta, in nullum tamen ita acerbe debachantur, ut in Pœnitentiam tam sub ratione virtutis, quam sub ratione Sacramenti. Unde contra illam ita effutisse Lutherum constat ex Roffensi art. 6: *His Roffensis.* *Roffensis coercentur quidem ab opere, et cauteris, violatamque formant conscientiam sibi.* Et eo dementiæ pervenit, ut Catholicos omnes pœnitere intendentis inter hypocritas accensuerit, ut constat ex Tridentino, et ex eodem Roffensi ibi Lutherum referente: *Donec ab amore legis panitere inciperent, sese hypocritas esse scient, et nihil de hypocrisi tali præsumerent. Imo (ecce monitum, sed perversissimum) super ea magis, quam super peccatis, quorum intuitu fictum istum dolorem cœperunt, dolerent. Quasi non tam dolendum fuisse Catholicis, si dolere liceret de peccatis, quam de hypocrisi pœnitendi. Quo contra se gessit Ecclesia, et novissime Tridentum sess. 14, cap. 4, tales proscribens audaciam, et ejus Autores anathemate damnans. Quocirca declarat Sancta Synodus contritionem non solum cessationem a peccato, et vita novæ propositum, et inchoationem, sed veteris etiam odium continere, ut plura Scripturæ testimonia ibi allegata manifestant.*

Ex Catholicis vero unicus fuit Durandus, qui licet Pœnitentiam non abhorrebit, quin commendaverit: asseruit tamen nullam esse virtutem Pœnitentia stricte, et proprio loquendo, sed tantum late, et secundum quid, eo modo quo plures alii actus imperfecti maxime commendabiles sunt; virtutis tamen rationem non habent, nec ex virtute, quæ vera virtus sit, procedunt. Ita in 4, dist. 14, quæst. 1.

12. Cujus fundamentum est, quia pœnitere non potest esse primus, et principalis actus aliquis virtutis: ergo pœnitentia non est proprie virtus. Probat Antecedens ex eo quod primus, et princi-

palis actus virtutis nunquam præexigit actum vitii in operante virtuose : sed ille actus qui adscribitur Pœnitentia, prærequirit in illum elicente actum vitii : ergo ille actus non est actus propriæ virtutis. Majorem probat ab exemplis : nam actus primarius Temperantiae, non requirit quod homo aliquando fuerit intemperatus positive, seu contrarie, nec actus primarius liberalitatis postulat subjectum avaritiae deditum ; alioqui enim nullus fieret virtuosus, quin prius vitii esset corruptus. Quod est falsum.

Confirmatur, et explicatur. Nam actus primarius, et principalis virtutis debet fieri secundum electionem absolutam boni; secundarius vero, et minus principalis re, aut saltem ratione a primo diversus, est fuga mali oppositi illi bono, ne malum illud fiat ; et si forsan fieri contigerit, illius displicantia, ut constat in aliis virtutibus. Sed pœnitere de malo jam commisso est fuga illius mali, et ejusdem displicantia : ergo non est actus primarius alicujus virtutis : siquidem virtuosus ut virtuosus non peccat, et, si peccare contigerit, per habitum virtutis detestabitur malum commisso.

Confir-
matio
illius.Enerva-
tur.

13. Sed sane, si quid hoc fundamento conficit Durandus, solum est Pœnitentiam non esse virtutem specialem diversam ab aliqua aliarum, ut illud expediti constabit, et colligitur ex ultimis Durandi verbis, in quibus admittit malum commissum saltem secundario per habitum virtutis posse detestari. Quod autem aliquis actus sit secundarius, minime obest, ad hoc, quod ejus principium sit vera virtus, ut constat ex doctrina supra relata ex D. Thoma ; licet vera virtus non se explicet, aut definiatur per ordinem ad actum secundarium, ut ibi nos docuit S. Doctor. Fallit etiam arguendo ab habitu ad actum, vel e converso, quasi non aliquid ex parte subjecti possit exigere actus, quod non exigatur ab habitu, quod est falsum : nam stat actum ut minus abstractum postulare essentialiter aliquid in subjecto, quod tamen non est necessarium ad existentiam ipsius habitus. Et in hoc sensu nullum est argumentum ab actu ad habitum, ut manifestum est in aliquibus virtutum actibus, qui quidem ut exerceantur, necessario postulant defectum, cum tamen ipsæ virtutes nullum exigant. Vindicta enim quoad habitum nullum supponit vindicationis motivum ; cum tamen ejus actus non valeat exerceri absque de-

licto præsupposito : similiter misericordiae virtus non requirit miseriam, ut constat in Deo, licet actus miserendi absque actuali miseria salvari non possit. Quod autem defectus sit in eodem, vel extraneo subjecto de materiali est ad infirmandum argumentum, sed solum conductit ad ostendendum aliam esse virtutem, quæ tendit ad rectificandum proprium subjectum ab ea, quæ solum concernit, vel jus alterius vindicandum, vel miseriam sublevandam.

Quinimo hinc novum desumitur argumentum contra Durandum. Siquidem in humanis datur vera virtus, cuius actus primarius sit vindicare delicta contra alios facta ; nec opponitur rationi virtutis supponere peccatum alienum ut materiam punitionis : ergo nec etiam erit contra rationem virtutis, quod Pœnitentia vindicet, et puniat in proprio subjecto peccatum commissum in Deum, seu injuriam illi irrogatam. Nec facile reddetur disparitas consequentis ad antecedens, ut rationem expediti constabit.

Sed ad aliud accedamus exemplum proprii subjecti, ne alligetur solutio ad alienum. Nam si eo argumento aliquid probaretur, conficeretur quidem virtutem, quæ vera virtus est, non solum non supponere, quin et excludere positive defectum ex parte subjecti removendum per ipsam virtutem ; siquidem in virtuose operante non cedit vitium, ut Durandus inquietabat. Sed hoc est manifeste falsum, ut liquet in justitia commutativa, ex qua satisfacimus ad æqualitatem pro injustitiis propriis extraneis irrogatis : non ergo est contra rationem virtutis, quod Pœnitentia intendat satisfacere Deo pro iuriis ab ipso pœnitente Deo illatis. Maxime cum Pœnitentia sit species justitiae stricte sumptæ, licet deficit ab ea ratione inæqualitatis, ut supra annotavimus ad art. 3 D. Thomæ. Et hoc sufficere videbatur ad diruendum prædicatum fundamentum.

14. Ut tamen illi directius fiat satis, est observandum ex D. Thoma 1 p. q. 95, art. 3, virtutes esse in duplice differentia ; nam aliæ sunt, quæ in sui ratione nullam imperfectionem important, ut Charitas, et justitia : aliæ vero sunt, quæ imperfectionem dicunt, vel ex parte actus, vel ex parte materie : quia nimis vel earum actus supponunt defectum, vel illarum materia non est acceptanda, et perficienda, sed destruenda. Et hujus generis sunt Pœnitentia, et misericordia, hæc quidem destruendo

Aliud
exem-
plum.Obser-
vandum
pro
solu-
tione.

D. Thom.

destruendo alienam miseriam, illa vero propriam. Cæterum hæc imperfectio importata in exercitio illorum actuum, et in expulsione, ac destructione materiae, non splendet in ipsis habitibus virtutum, nec se tenet ex parte illorum; quocirca docet S. Doctor, quod licet in statu innocentie non fuerit actus miserendi ob absentiam miseriae ab illa felicitate; nec etiam actus pœnitendi ob carentiam peccati, fuerunt tamen ibi et misericordia erga pauperes, et Pœnitentia erga Deum secundum habitus.

Vera
solutio. Ex qua observatione constat (id quod supra Durando opposuimus) non bene desumi argumentum ab eo, quod supponit actus ex parte subjecti, ut inde excludatur habitus, et simul constat ad argumentum. Unde ad illius formam neganda est major; nam ut quis nunc operetur virtuose, non requiritur, numquam defecisse; sed sufficit modo operari ex recta ratione cum ordine ad rectum finem. Nam ut docet S. Doctor in 4, dist. 14, q. 1, art. 1, quæst. 2, ad 4: *Bonum illud, ad quod virtus ordinat immediate, est actus perfectus ipsius. Et ideo aliquæ virtutes sunt, quæ principalem actum habent in retrahendo ab aliquo (et constat de temperantia, modestia, et aliis moderationi passionum deservientibus) et similiter actus perfectus Pœnitentia, est in retrahendo ab aliquo malo, nec propter hoc sequitur quod non sit virtus.* Ad probacionem Majoris concedimus convenire temperantiam cum Pœnitentia in eo, quod est retrahere ab excessu; differunt tamen in eo quod illa retrahit solum ab excessu committendo, hæc vero etiam commisso, et iterum non admittendo, et juxta illud Augustini de Natura, et gratia cap. 26: *Sanat Deus, ut non solum doleat, quod peccavimus, sed etiam ut præstet, ne peccemus.* Sed hoc potius arguit potiori titulo sibi rationem virtutis vindicare præ illa. Liberalitas autem non est de illo genere virtutum, que vel ex parte materiae, vel ex parte actus importat defectum.

D. Au-
gust. Ad confirmationem concedimus majorem, sub distinctione minoris. Et quidem si intelligatur de fuga simplici, est falsa; si vero nomine fuga intelligatur detestatio offendæ Dei positive tendens in ejus destructionem per modum compensationis, et satisfactionis, conceditur. Et in hoc sensu optima electio est, et maxime rectæ rationi consona retrahere ab illo malo illato Deo, illudque detestari; nec amplius ad rationem virtutis desideratur. Unde

nulla est consequentia, quoniam principalis actus Pœnitentia, et per se primo intentus, est bonum facere sub recta electione, et non pure fugere.

Præoc-
cupatur
illatio. 15. Si autem hinc inferre volueris, vel Pœnitentiam non esse per se appetibilem; quod est contra rationem virtutis: vel simul esse appetibile ipsum peccatum, sine quo non stat actus Pœnitentia. Utrumque negandum est, nec alterutrum sequitur ex dictis. Non certe primum: quia Pœnitentia non intenditur a Deo propter peccatum, quin potius permittitur peccatum propter bonum Pœnitentia, quod est bonum præstantissimum, utpote ordinis divini, ut est communior Theologorum sententia, et ostendimus contra Vasquez tract. de Præ-Vazquez destinat. disp. 6, dub. unico, ubi inter prædestinationis effectus accensendas esse peccatorum permissiones satis efficaciter stabilivimus. Ex hoc autem manifeste sequitur bonum divinum prædestinationis electorum præcedere nedum ipsa peccata, sed etiam peccatorum permissionem. Et ut scrupulum abigamus, debet observari, aliud esse non prætentam, vel a Deo fuisse Pœnitentiam, nisi inspecta fragilitate humana de se ad malum proclivi: aliud vero, quod non fuerit præordinata, ante ipsum peccatum commissum. Primum est verum; siquidem, ut supra dicebamus, aliæ sunt virtutes non importantes imperfectionem, seu defectibilitatem, uti Charitas, religio, et justitia, aliæ vero, quæ ad hoc primo ordinantur, ut cohibeant, et retrahant subjectum a malo, non quod committat, aut commiserit; sed quod potest committere. Et hæc etiam per se intentæ sunt, licet dependenter a fragilitate naturæ humanæ, ad eum sane modum quo Incarnatio est præintenta, et habuit rationem finis hujus universi dependenter tamen a peccato originali. Unde sicut ex præsuppositione peccati originalis ad decretum Incarnationis, male argueretur non fuisse per se intentam Incarnationem, haud dissimiliter in re, quam versamus. Id quod adhuc in naturalibus constat in medicina, quæ est per se appetibilis per modum remedii, et artis, spectata corruptibilitate, et contrarietate qualitatum invicem dimicantium, et ad morbum inducentium; quamvis in executione nulla medicina applicetur, nisi actuiter infirmanti.

Secundum vero est omnino falsum, ut hoc exemplum naturale manifestat, et la-

D.Thom.
Godoy.

tius ostendimus loco supra allegato ex tract. de Prædestinatione. Id quod (esto non suppeterent alia exempla) satis expressit D. Thomas quæst. 5, de Verit. art. 4 ad 4, ubi ait : *Quod aliquod bonum est, quod non potest elici nisi ex malo, sicut bonum patientiæ, non nisi ex malo persecutionis elicetur, et bonum pœnitentiæ ex malo culps. Ex quo colligitur ex præintenta pœnitentia, permitti peccatum, ut efficaciter monstrat contra Recentiores Godoy de Prædestinat. disp. 63, § 3, an. 36, sicut bonum patientiæ nequit præintendi, quin præcedat malum persecutionis, quæ tribuit occasionem patientiæ.*

Deus amans compensationem non amat peccatum contra Lugo.
non
pecca-
tum
contra
Lugo.

16. Hinc elicetur ratio negandi etiam alterum membrum objectum : quippe op time cohæret actualem compensationem pro offensa medio actu Pœnitentiæ non salvari absque peccato præterito, in quod destruendum collimat; quin simul utrumque appetatur, ut convincunt allata exempla, et innumera alia, quæ possent aduci et facile cuique erit expendere. Et ratio est : quoniam peccatum non concurredit cum Pœnitentia ut pars intrinseca illius, sed ut materia excludenda, et abicienda : hoc autem ipso non appetitur, sed odio habetur, et quod odio habetur, non diligitur. Nam quod intenditur est abjectio, et destructio peccati, non vero peccatum ipsum; sicut appetendo lucem, nentiquam diliguntur tenebrae, et quærendo vitam, nullatenus placet mors. Stat ergo implicatio in eo, quod media Pœnitentia, et ejus actu tendat homo in destructionem, seu non esse peccati, et ex vi hujus tendentiæ adstruatur aliqua complacentia in peccato, ut est materia compensationis, vel ut fundat compensationem : siquidem compensatio pro peccato non respicit peccatum, ut sit, sed potius ut non sit : non ergo stare potest ex vi compensationis peccati aliqua illius complacentia, utpote quæ tendit in non esse illius. Quare complacentia non cadit supra peccatum, sed supra non esse illius, quatenus bonum est peccatum compensisari, et compensatione excludi.

*Argu-
menta
Eminen-
tissimi
Lugo.*

17. Unde refellendus est Lugo in præsenti disp. 2, sect. 3, n. 24, ubi pro ratione dubitandi ita arguit : *Honestas compensationis consistit in bonitate compensationis, ut compensatio est : ergo componitur intrinsece ex his, ex quibus componitur compensatio, ut talis est. Compensatio autem ut compensatio includit offensam præteritam,*

et actionem præsentem, qua ponitur obsequium : ergo virtus illa, qua afficitur formaliter erga hanc pulchritudinem, et honestatem, necesse est quod afficiatur erga ultramque partem illius complexi ; altera enim sola prout condistincta ab altera, non est compensatio adæquate, sed dimidia pars compensationis. Quam difficultatem exagerat, et explicat num. 26, sub hac forma : Quia ille, qui vult bonum compensationis, ut tale bonum est, vel vult solum obsequium præsens, prout condistinguitur a præteritione offensæ ; vel vult utrumque ? Si secundum : ergo vult præteritionem offensæ : nam velle complexum, ut complexum, est velle quod existat, vel extiterit ultraque pars : ergo vult ultramque partem illius complexi. Si vero dicatur primum : ergo non vult bonum compensationis : nam obsequium præsens, ut contra distinctum ab offensa præterita non est compensatio.

Cui argumento post adhibitas, et impugnatæ plures solutiones tantum detulit, quod (ejus vim declinare non valens) assuerit num. 36, non solum hominem diligere posse in prædicto sensu peccatum, sed etiam Deum in ipso etiam eadem ratione complacere, licet gaudere de illo absolute, et simpliciter non possit. Et rationem reddit, quia peccatum præteritum potest constituere partialiter honestatem, et bonitatem, qua redditur amabile, et volibile tormentum præsens propter bonitatem punitionis. *Vult ergo Deus, inquit, absolute tormentum peccatoris propter bonitatem justæ punitionis, quam non vult absolute quoad omnes ejus partes, sed amat affectu simplici : nam amor efficax, et absolutus solum versatur circa justam punitionem : affectus autem simplex circa peccatum præteritum, quod est pars illius complexi. Et eadem ratio est de ipso peccatore.*

18. Sed profecto hæc argumentatio est Proster-
nitus merus paralogismus, et illi innixa doctrina falsitati obnoxia, ut constat ex supra dictis : paralogizat enim a non esse peccati compensatione destructi, vel destruendi ad esse illius, et bonitatem, quæ splendet in ejus destructione, tribuit ipsi peccato, ut est manifestum. Nam compensatio non versatur circa peccatum, nisi illud exterminando, et eliminando ; ergo si qua bonitas adscribi debet in partibus ut ejus more loquamur, illius complexi, non in peccato ipso, sed in illius expulsione, et interitu, in quibus non esse consistit

sistit, collocari debet. Unde complacet quidem Deus, et gaudet in non esse injuria peccaminosæ; non tamen in ipsa injuria, et injuria est, quo pacto est damnum proprium illatum ipsi a creatura. Et sane mirum est non posse Deum pure efficienter concurrere ad materiale peccati, exleso, et negato qualibet concurso ad formale; et hac singulari Theologia nobis obtrudi complacentiam formalem Dei in ipso formalii peccati? Durior certe est complacentia Dei in peccato, quam concursus pure effectivus in materiale illius in quem tam acriter invehuntur Societatis Theologi.

^{npior. utatio.} Fallit etiam doctrina, cui innititur. Quia peccatum non est pars intrinseca compensationis, sed tantummodo connotatum, seu terminus extrinsecus illius: compensatio enim non constituitur intrinsece nisi ex actibus actualiter relatis in Deum offensum, respectu quorum extrinseca est offensa Dei; et idcirco inepte appellatur pars compensationis. Hujus æquivationis radicem detegimus supra disp. 1, dub. 2, ubi similem doctrinam evertimus assignando discrimen inter id quod est intrinsece respicere terminum extrinsecum, ab eo quod est intrinsece constituere; plurima enim sunt intrinsece, et essentialiter inspecta, quæ tamen extrinseca sunt ipsi respectui, ut sunt objecta potentiarum, et termini omnium respectivorum. Quare licet compensatio essentialiter respiciat peccatum ut excludendum, non tamen peccatum est quid intrinsecum compensationi. Et quod clarius est, permisso activa Dei nequit intelligi absque peccato in creatura, nec cognitio ipsius peccati absque peccato; quin tamen peccatum sit quid intrinsecum vel permissioni, vel cognitioni ut se tenentibus ex parte Dei. Quis hoc neget? Est ergo absolute et ex terminis verum non omne, quod est intrinsece respectum, esse intrinsece constitutivum; atque ideo non bene peccatum dici partem intrinsecam compensationis, quia peccatum sit intrinsece respectum a compensatione. Quare, ut rem concludamus, optime cohæret Pœnitentiam esse per se appetibilem, et ejus actum primarium per se primo intentum, quin inde possit inferri peccatum aliquo modo esse diligibile, adhuc per actum simplicis complacentiæ, utpote qui non fertur nisi in bonum, quod peccato pro formalii repugnat.

<sup>on-
n. 1.</sup> Unde confirmatur primo: Nam quod repugnat uni contradictorio, potest conve-

nire alteri: sed peccato pro formalii repugnat bonitas, et consequenter vera diligibilitas: ergo hæc adaptari debet ejus contradictorio, quod est non esse peccati: atque ideo si qua bonitas adscribenda est compensationi, non a formalii peccati, sed a non esse illius, ut dicebamus, desumenda est.

Confirmatur secundo: quia qui diligit complexum, non diligit ejus partes nisi ut sunt diligibles, ut constat ex ipso Lugone docente compensationem ex parte obsequii diligiri a Deo, amore absoluto, et efficaci, peccatum vero tantummodo simplici, et inefficaci complacentia: sed peccatum non est diligibile a Deo, cum sit expers bonitatis: ergo ad diligendum compensationis complexum, non requiritur dilectio, aut complacentia peccati.

Confirmatur tertio. Ut Deus velit existere compensationis complexum, non requiritur eodem modo velle existere ejus partes, ut partes sunt; alioqui enim utramque partem eodem prosequeretur amore contra ipsummet Lugonem, et constat exemplo permissionis peccati, quam Deus vult existere, quin inde possit inferri Deum complacere in peccato, aut aliquo modo ipsum vere diligere, licet velit existere implexum permissionis, et peccati: ergo ut Deus velit compensationem, non requiritur, quod complaceat in peccato, sed sufficit illud a compensatione non excludere. Et ratio est eadem, quia peccatum ita est pars utriusque complexi, quod non est a voluntate Dei, sed a voluntate hominis, ut a prima causa nulli alteri in defiendo subordinata: atque ideo, sicut non est locus in peccato voluntati efficaci Dei, ita nec complacentiæ, adhuc, ut est pars complexi.

19. Arguitur secundo a sectariis: quia Sectario-sicut possilitas, ita et impossibilitas virum argutis non aliunde melius colligitur, quam mentum. ex possilitate, vel impossibilitate actus circa objectum: sed objectum actus Pœnitentiæ est impossibile: ergo et ipsa virtus. Major et Consequentia constant, et probatur Minor. Tum ex Apostolo ad Hebraeos 6, ubi docet impossibile esse semel lapsos iterum illuminari ad pœnitendum. Tum etiam: quia Pœnitentia tendit in non esse peccati; sed impossibile est peccatum non fuisse, cum ad præteritum non detur potentia: ergo impossibile est dolor de peccato præterito. Tum denique: quoniam actus otiosus, et præsumptuosus nequit

Con-
firm. 2.

Con-
firm. 3.

esse actus virtutis, ut de se constat; constat autem otiosum omnino esse conari in aliquod absolute impossibile, quale est peccatum non fuisse; neque est minus presumptuosum intendere, quod non fuerit id, quod nec divinitus potest non fuisse ut est peccatum semel commissum. Cum ergo nihil aliud intendere videatur homo media pœnitentia; consequens est ejus actum tam longe abesse a ratione virtuosi, quod potius sit actus otii, et præsumptionis.

Autho-
rum
divisio-

Aliacens.

Hujus argumenti difficultas Authores coagit in diversos abire dicendi modos. Ex veteribus Aliacensis in 4 quæst. ult. art. 3, affirmat Pœnitentiam nullo actu nec absoluto, nec conditionato versari circa peccatum existimans neutrum illorum esse circa impossibile. Consequens tamen ex eo fiebat, vel non esse talem virtutem, quod est argumento succumbere, et hæreticis eam negantibus subscribere: vel quod dolor de peccatis esset utilis, et minime pertinens ad Pœnitentiam; quo circa illi incubuit alium assignare, quod præstasse non constat. Unde hoc dicendi modo ut minus apto prætermisso.

Alens
Joan. de
Medina.

Albertus
Mag.

Isai. 14.

Rejici-
tur.

Secundus fuit Alensis 4 p. q. 54, memb. 2, art. 3, cui adhæsit Joann. de Medina Codice de Pœnit. tract. 1, q. 1 ad 1 et favisce videtur Albertus Magnus in 4, dist. 14, art. 2. Qui per oppositum docent affectum, quo Pœnitentia in peccatum tendit esse absolutum, non vero conditionatum. Pro quo distinguunt voluntatem simplicis desiderii, et appetitus, a voluntate absoluta, et efficaci: et hanc negant circa absolute impossibilia posse versari; de illa vero affirmant tendere posse in impossibiliis per accidens, seu ex suppositione, ex qua solum peccatum præteritum redditur impossibile, ut constat in Angelis peccatoribus appetentibus assimilari ipsi Deo, et de cœlo in infimum detrusis Isai. 14 asseritur: *Desiderabunt mori, et mors fugiet ab eis.* Et hoc modo peccator media pœnitentia aversatur peccatum.

D.Thom.

Hic tamen discurrendi modus prout præsenti materiæ applicatus, communiter non recipitur. Tum quia licet rei præterita sumptæ quoad entitatem sit per accidens, quod extiterit, et ex hoc capite iterum possit a Deo reproduciri; non tamen est per accidens rei præterite, quod præterierit; et ideo tametsi Deus illam rem iterato valeat efficere, non tamen efficere valet, quod illam res aliquando non fuerit: nam ut inquit D. Thomas 1 p. q. 25, art. 4 ad 3:

Omnem corruptionem mentis, et corporis Deus auferre potest a muliere corrupta, hoc tamen ab ea removere non poterit, quod corrupta non fuerit sicut etiam ab aliquo peccatore auferre non potest, quod non peccaverit, et quod Charitatem non amiserit. Et hac ratione præteritum sub ratione præteriti non fuisse est impossibile, et ad illud nulla datur potentia, ut supponit, et bene, argumentum, *quia præterita non fuisse implicat contradictionem,* teste eodem D. Thoma ubi nuper. Tum etiam quia in peccato adhuc militat specialior hujus doctrinæ ratio: quippe nulla causa particularis potest rem semel extinctam iterum revocare ad esse, utpote quod est privilegium omnipotentiae divinæ, ut docent N. Complut. abbreviati ad lib. de Gene- N. Cón-
rat. et Corrupt. disp. 13, quæst. 1; sed plut. peccatum nec produci, nec reproduci potest a Deo: ergo ex utroque capite est absolute, et simpliciter impossibile: atque ideo male asseritur, vel supponitur in eo dicendi modo, quod solum est impossibile per accidens.

Hinc evertitur secundum, quoniam admissa illa actuum diversitate (imo conceenda necessario, ut concedimus, pro aliis objectis), in praesenti non habet locum: siquidem impossibile sub ratione impossibilis nullam fundare potest convenientiam: non ergo cadit sub intentione operantis, et consequenter nec sub electione, cum nullum sit medium rei absolute impossibilis, aliter enim esset simul possibilis, et impossibilis, quæ sunt contradictiones, et sub omnipotentia Dei non cadit, quod contradictionem implicat, ut docet D. Thomas art. immediate allegato. Et hac ratione Philosophus 4 de Cœlo text. 33, dicit ad impossibile ut tale neminem moveri, voluntate scilicet absoluta, quantumvis simplici, quidquid de conditionata, quam non negat Philosophus, quin adstruit 3 Ethic. cap. 2. Qua itidem ratione Angelicus Doctor 1 p. q. 63, art. 3, tenet Angelum primo peccantem non appetuisse æqualitatem cum Deo, quia naturali cognitione sciebat hoc esse impossibile. Unde falsum est, quod in exemplum adducitur in prædicto dicendi modo de Angelis appetentibus impossibile; quoniam Angeli peccatum fuit, quod appetierit *ut finem ultimum beatitudinis id, ad quod virtute sua naturæ poterat pervenire, avertens suum appetitum a beatitudine supernaturali, quæ est ex gratia Dei,* ut ibi docet D. Thom.

Impu-
gnatur
rurus.

Arist.

D.Thom.

D.

D. Thomas, de quo egimus suo loco. Textus vero Isaiae intelligitur de affectu conditionato, ut etiam est illud Christi Domini, melius illi esset, si non fuisset natus homo ille. Vel si fuerit absolutus non erit de objecto omnino impossibili, quale est annihilari, vel absolute non esse, quod mallingt damnari, quam aeternos cruciatus experiri.

Vasquez jicit. 20. Sed contra hanc doctrinam Vasquez statuit aliam diametraliter oppositam in comment. hujus art. seipsum referens ad 1, 2, disp. 42, cap. 4 et disp. 43, cap. 3 et 1, tom. in 3 p. disp. 73, n. 6, in quibus locis statuerat nullum in voluntate esse actum conditionatum, sed omnes esse absolutos; si interdum vero dicuntur conditionati, non pertinent ad voluntatem; sed sunt actus intellectus judicantis, quem actum haberet voluntas, si poneretur conditio. Ex quo sequi necessarium est omnem actum voluntatis sive versetur circa praeteritum sub ratione praeteriti, sive circa quodlibet aliud impossibile, quantumvis extermenis implicitorum sit, esse actum absolutum. Cum ergo actus poenitentis circa peccatum ex una parte sit praesens, ex alia vero nequeat ullam conditionem admittere; alias esset conditionatus, quod negat; plane consequitur actum proprium poenitentiae esse absolutum, quantumvis impossibile sit peccatum non fuisse, et consequenter negabit Majorem argumenti supra facti, quod virtus non potest versari circa impossibile, nec erit solidum principium illud: *Ex possibilitate, vel impossibilitate objecti recte, et a priori deductur possiblitas vel impossibilitas actus, et virtutis:* quod quidem aliis videbatur per se notum, vel saltem inconcussum. Sed ea sunt hominum genia, et ingenia.

21. Hac tamen solutione uti non possumus ad diluendum argumentum, quia singularis est ejus doctrina, et contra D. Thomam, ut alios Theologos omittamus, tum in hoc art. solut. ad 3, ubi ait stultam esse voluntatem de re impossibili, tum in 4, dist. 17, quæst. 2, art. 1, quæstiunc. 1 ad 3, ubi distinguens inter efficacem, et conditionatam, inquit: *Voluntas completa non potest esse sapientis de impossibili, bene voluntas conditionata, quæ vult impossibile, si possibile fore, et hæc sufficit ad causandum dolorem.*

Est etiam contra experientiam manifestam: experimur enim plura nos velle, cupere, et prosequi sub aliquibus conditio-

nibus; ad quæ tamen nullatenus afficeremur demptis, aut non existentibus illis. Et quidquid sit de hoc, negari haudquam potest iniri inter homines contractus naturales conditionatos, vi quorum inducitur obligatio adimplendi contractum, semel verificata conditione. Quod non esset, si nulla adfuisset voluntas tempore contrahendi; quoniam ex mero iudicio intellectus non adjuncta voluntate, non consurgit ullum jus, ullumve onus adimplendi. Dicere autem intervenisse voluntatem sed absolutam, est omnino frivolum, et a veritate alienum, quoniam voluntas non aliter fertur in objectum, quam ut propositum ab intellectu. Unde stante ex hujus parte propositione conditionata, voluntas non nisi conditionate, vel refudit, vel prosequitur objectum.

Ex quo rursus fieret neutiquam hominem peccare, quantumvis iniquos contractus-conditionatos iniret; non quidem contrahendo, quia in contractu conditionato nulla esset voluntas circa objectum iniquum: nec etiam non adimplendo post purificatam conditionem, antequam esset voluntas absoluta; siquidem non est, aut esse potest peccatum, quod voluntarium non sit, aut fuerit. Cum ergo nondum sit voluntas absoluta, et non fuerit alia conditionata, non est unde insurget peccatum ex vi contractus conditionati, quicumque ille sit. Quod quidem non bene cohæret cum doctrina ejusdem Vasquez opusc. de *Vazquez.* Restitutione cap. 7, dubit. 10, et opusc. de testament. cap. 8, dub. 6. In quorum primo docet contractum conditionatum obligare in conscientia, licet importet voluntatem conditionate dependentem a conditione apponenda. In secundo vero agens de conditionibus legatorum § sed hic notandum. num. 32, statuit voluntatem conditionatam obligare in conscientia.

Præterquam quod in voluntate divina Ulterior admittunt Theologi actus conditionatos, et evasio. decreta itidem conditionata. Qua ergo ratione negari possunt voluntati creatæ, imperfectissima cognitione regulatæ? Et sane si ita non est, ad quid deservit scientia media? quandoquidem ad actus pure absolutos sive ex parte Dei sive ex parte hominis non requiritur nisi scientia visionis, supposita cognitione possibilium per scientiam simplicis intelligentiæ, ut vel ipsi Societatis Authores non diffitentur. Rursus: illa verba Christi Domini apud Matth. 26: *Pater mi, si possibile est, transeal a me calix*

iste, quid aliud significant, quam voluntatem conditionatam non moriendi, ut ostendunt verba sequentia: Verumtamen non sicut ego volo, sed sicut tu.

Si forte dicatur in predictis conditionatis semper intervenire consensum absolutum voluntatis, contra est: nam ultra quod jam ostendimus id esse falsum ex modo, et conformitate tendendi voluntatis, juxta propositionem intellectus; manifestius perspicitur in promotionibus, juramentis, et votis conditionalibus, quorum obligatio non consurgit quoad conditio apponatur. Si autem voluntas fuisset ita absoluta ut voluit Vasquez, cum juxta eam regulari debeat obligatio; independenter a conditione teneretur homo adimplere sub conditione promissum. Quod est falsum, et a nemine hactenus in praxim redactum, quoad nullum forum sive judiciale, sive internum. Si ulterius affirmetur id ipsum absolute voluisse promittentem, scilicet non se obligare usque ad conditionis positionem, Contra hoc etiam stat, quod jam obligatio est dependens a conditione, quod est actum illum ab initio fuisse conditionatum; si non sit de vocibus quæstio.

22. Ab omnibus his solutionibus recensitis, et refutatis nos expedit D. Thomas in praesenti art. 1, ad 3, ubi simili arguimento occurrens distinguit in peccato id, quod est præteritum, et esse præteritum ab eo, quod permanet, postquam peccatum præterit, estque proinde præsens. Hoc autem, prætermisis aliis, que se tenent ex parte peccatoris, est offensa Dei, ratione cuius est infensus, invitus, et inimicus creaturæ, jureque postulat sibi fieri compensationem ab ea. Huic accedit reatus pœnæ sive æternæ sive temporalis, cui homo post peccatum manet obstrictus, interim atque peccatum non fuerit remissum, quantumvis longum temporis interstitium post ejus commissionem decurrerit. Docet ergo, et respondet S. Doctor Pœnitentiae actus non versari circa id, quod præteritum est, ob rationem ab arguento assignatam ex Philosopho 4 Ethic. ubi inquit: *Nullus est stultus eorum, qui sunt secundum virtutem; sed per se primo tendere ad removendam sequelam peccati, quæ est offensa Dei, et reatus ad pœnam.*

D.Thom. Verba S. Doctoris sunt: *Ad tertium dicendum, quod dolere de eo, quod prius factum est, cum intentione conandi ad hoc, quod factum non fuerit esset stultum. Hoc autem non intendit pœnitens: sed dolor ejus est*

displacentia, seu reprobatio facti præteriti cum intentione removendi sequelam ipsius, scilicet offensam Dei, et reatum pœnæ, et hoc non est stultum. Ubi ad pœnitendum non recurrit S. Doctor ad præteritum sub ratione præteriti, sed ad ipsum factum, quod est præteritum, et ad offensam persistentem; et utrumque detestatur homo efficaciter per contritionem, quæ est animi dolor, ac detestatio de peccato commisso contra Deum, ut constat ex Tridentino sess. 14, cap. 4.

Juxta quam doctrinam satis perspicuum respondet ad argumentum supra formatum concessa Majori, negando Minorem, quam nulla illarum probationum evincit. Nam ad primam responsum est supra ex D. Thoma ibi solum negasse Apostolum repetitionem Baptismi, non vero virtutem aut Sacramentum Pœnitentiae. Quæ fuit etiam expositio Chrysostomi, Theodoreti, Euchumen. Theophil. ad illum locum, et ex Patribus Latinis Ambrosii ibidem, et lib. 2 de Pœnit. cap. 2, et Augustini lib. de vera et falsa Pœnit. cap. 3.

Ad secundum dicimus Pœnitentiam tendere in non esse peccati sub ratione offensæ, detestando factum præteritum, non quidem quia præteritum est, vel sub ratione præteriti; sed quia pravum, et contra Deum est, et injuriam illi irrogavit, præteritione per accidentis, et de materiali se habente. Et hoc modo non est impossibile, sed valde possibile, et idcirco fieri debet sub spe veniæ, quæ non terminatur nisi ad possibile. Nec etiam est otiosum, et præsumptuosum pœnitere, quia licet hoc sit difficile, imo impossibile viribus naturæ; est tamen satis pervium, et accommodum viribus gratiæ, sub qua, et non aliter, dolet homo media pœnitentia divinam offensam pro eaque licet imperfecte satisfacit, supplente Dei clementia, quod deficit nostræ justitiæ. Unde constat ad ultimam probationem in contrarium.

23. Nec refert, si urgeas: Pœnitens non tam detestatur offensam, quæ se tenuerat ex parte Dei, quam actum offensivum, et causativum illius; de hoc enim dolet, et hunc odio habet, et reprobat: sed hicactus est præteritus, cui proinde annexum est non posse non fuisse: ergo pœnitens medio actu Pœnitentiae detestantis peccatum, tendit in præteritum, quod necessarium est fuisse, et odio illud habendo appetit ipsum non fuisse: appetit ergo aliquid impossibile, si quidem impossibile est

Solvit
tandem

Chry-
sost.
Theodo-
ret.
Euchu-
men.

Theo-
phil.

Ambros.

Augus-

Replica.

*Nen
etere
condi-
tur.*

est peccatum semel commissum non esse commissum.

Non inquam, refert, nam concessis præmissis, neganda est utraque Consequentia; quia licet illi actui peccaminoso, et offensivo Dei conveniat esse præteritum, et ab esse præteritum sequatur, non posse non fuisse juxta illud Augustini lib. 6 contra Faustum cap. 4: *Tam non possunt futura non fieri, quam non fuisse facta præterita;* tamen reprobatio, et detestatio non versatur circa statum præteritionis, vel præteritionem ipsam, hæc enim non est, aut fuit; sed circa ipsum actum, qui præteritus est specificative acceptum, qui fuit peccaminosus: de quo quidem dolet, non intendendo, quod non fuerit, quod est impossibile, sed abominando, quod fecit. Et hoc non est impossibile sub auxilio diuinæ gratie, ut constat a simili in contractibus naturalibus, respectu quorum potest homo in uno contractu naturali in melius commutare voluntatem antea non bene habitam; et iterum pacisci resiliendo a priori, quin per hoc intendat illam non fuisse; sed solum reprobat, quod male actum est. Aliud enim est cognoscere peccatum commissum ut est præteritum, et non potest non fuisse; aliud vero illud aspicere secundum se, qua malam est tam circa Deum, quem offendit, quam circa hominem, quem maculat. Ex hac duplice cognitione, prima illarum non inducit odium, aut ullam detestationem, tum quia speculativa est, tum quia non attingit in objecto malum, quia malum est, sed quia præteritum est; et quod malum præterierit, non plus inducit mali, quam quod præterierit actus bonus: est quippe conditio universalis omnium actuum humanorum, quod cito transeant, et non diu durent. Et hæc cognitio præsupponitur ad actum pœnitentiæ, eumque comittatur, et sequitur adhuc post nactam gratiam, et integrum remissionem, imo et in statu gloriæ reperitur: atque ideo de se est impotens ad inferendum dolorem. Altera vero, quia practice regulat dolorem, odium, et detestationem tam ipsius actus pravi, quam damnorum ex illo obvenientium, et ipsi homini, et ipsi Deo moraliter, et in prudentum æstimatione injuriam passo. Et hoc est, quod detestatur pœnitens, ac compensare, et delere intendit. In quo quidem nullum impossibile appetit. Quam doctrinam jam diu indicavimus tract. de Angelis disp. 10, dub. 2, ubi plura alia

huc concernentia, et latius discussa occasione illius difficultatis: *an appetitus An- geli primo peccantis in impossibile ferri po- tuerit?* inveniet studiosus lector.

24. Hinc decisa manet illa difficultas, an nimirum actus Pœnitentiæ vel sit, vel dici debeat conditionatus? vel efficax, et absolutus? ex dictis, inquam, constat hanc secundam partem esse eligendam, et absolute tenendam. Tnm quia virtutes non deserviunt saltem primario ad actus conditionatos; quippe qui parum rectificant voluntatem ad bonum. Tum etiam, quia ita docuisse videtur D. Thomas in 4, dist. D.Thom. 14, q. 1, art. 1, quæstiun. 6 ad 3, dicens: *quod quamvis peccatum sit præteritum, quantum ad actum; manet tamen quantum ad effectum, vel reatus, vel maculæ, vel of- fensa divinæ, et sic potest aliquis de peccato dolere, in quantum est præsens; dolor enim de præsenti est.* Tum denique, quia illis actibus homo quantum de se est, Deo satisfacit quantum potest, licet non quantum debeat; actibus autem conditionatis saepius inefficacibus non fit satisfactio ex justitia. Et ita docent communiter discipuli D. Thomæ, quorum aliquos refert Prado in præsenti, et sequuntur Suarez, et alii. De quo infra iterum sermo prolixior redibit.

Cum quo tamen stat intervenire in Pœnitentia aliquid conditionatum, non quidem formaliter, quasi objectum sit mixtum ex absoluto, et conditionato, ut affirmare videtur Arauxo ad art. 1, hujus quæst. dub. unico num. 10, sed virtualiter, et interpretative, quatenus homo detestando absolute peccatum ita est affectus; quod si possibile esset, vellet non fuisse peccatum illud: et ita eum pœnitent illud perpetrasse, quod quantum est ex se, vellet, si dabile foret, prædictum actum non eliciuisse. Quod quidem non arguit adhuc ex parte objecti formalem, et expressam conditionem, nec consequenter, quod sit mixtum formaliter ex absoluto, et conditionato; sed magis pertinet ad modum agendi, et voluntatem interpretativam, quam quilibet pœnitens, dum serio pœnit, habere creditur. Ad eum sane modum, quo vice versa, dum quis actu graviter peccat, ita est affectus ipsi peccato, ut quantum est de se, non renueret Deum re ipsa offendere, vel rationem ultimi finis ipsi detrahere, si id possibile foret. Quo etiam modo Angelus primo peccando ita propriam excellentiam appetit, quasi a se ipso, et non ab alio, cui eam subordinaret, accepisset. Nec enim

*Inciden-
difficul-
tas.*

*Qualiter
pœniten-
tia sit
condi-
nata.*

expressiorem aliam conditionem desiderari nobis videtur in uno, quam in altero casu, cum par in quolibet eorum resplendeat impossibilitas ex parte objecti. In quo D.Thom. sensu intelligimus eundem S. Doctorem ubi nuper ita subjungentem : *Vel dicendum, et melius, quod quamvis voluntas completa non sit de impossibili, est tamen de ipso velleitas quædam, id est voluntas conditionata. Vellemus enim si esset possibile, quod hoc non fuisset. Et secundum hoc etiam accipiunt ex conditione prædicta, quamdam rationem præsentis, ut de his possit esse dolor, qui non est nisi de præsentibus.* Ubi non admittit S. Doctor expressam aliquam conditionem, sed ad summum interpretativam, quantum est ex affectu pœnitentis.

Tertium argu-mentum. Aristot. 25. Tertio arguitur a paritate Verecundiæ, quam non esse virtutem docuit Philosophus 1 Ethic. cap. ultim. Quo supposito, urgetur sub hac forma. Non est major ratio, ut Pœnitentia sit virtus, quam verecundia: ergo vel utraque, vel neutra habet rationem virtutis. Consequentia constat, et Antecedens, cui est difficultas, probatur: nam quod verecundia non sit proprie virtus, oritur ex eo, quod est passio animi cum corporali transmutatione conjuncta absque electione, nec non quia est de actu turpi præsenti, ob quem timet exprobari, et pudore suffundi; qui affectus longe sunt a ratione virtutis, quæ est dispositio perfecta ad optimum. Constat autem Pœnitentiae subesse transmutationem corporalem media tristitia, et dolore, ipsamque comitari pudorem turpis facti. Ergo non est major aliqua ratio, quare obeat virtutis rationem præ verecundia.

Respon-sio D.Thom. Si forte respondeatur ex D. Thoma in præsenti, quod verecundia est de turpi facto præsenti, pro quo timet confundi; Pœnitentia vero respicit turpe factum præteritum. Et est contra rationem virtutis, quod aliquis de præsenti habeat turpe factum, de quo possit verecundari; non vero quod habeat præteritum. Si, inquam, hoc modo assignetur disparitas, contra est. Quia etiam verecundiamur de turpe facto præterito, et de illo fugimus, ac exprobari timemus. Præterquam quod turpe factum sit præsens, vel præteritum, est differentia penitus accidentalis, et omnino materialis; cum sæpe contingat de ipsis turpitudinibus præteritis in memoriam, vel aliorum notitiam redactis pudere hominem coram illis: ergo nulla est disparitas assignata inter Verecundiæ et Pœnitentiam.

Confirmatur eadem paritas alia paritate ^{Confiri} desumpta ex D. Thoma 2, 2, quæst. 155, ^{matic} art. 1, ubi docet, quod licet continentia sit laudabilis, eo quod sit principium laudabilium operum; non tamen obtinet rationem propriam virtutis, quia resistit vehementiæ passionum, quæ quidem vehementia, non cohæret cum statu virtutis. Quæ etiam fuit doctrina Philosophi 4 Aristot. Ethic. ut ibi refert D. Thomas: ergo cum D.Thom eadem videatur ratio de Pœnitentia, de neutra asserendum est virtutis rationem sortiri.

26. Ad hoc argumentum respondetur ^{Observatio 1} solutione inter proponendum data, quæ est legitima et D. Thomæ in hoc articulo primo. Ad cuius lucem, et clariorem intelligentiam, duo breviter prælibare oportet. Sit primum erubescientiam ita respicere actionem turpem ut præsentem, quod illam non intendat corriger in eo, qui eam committit; quamvis ob ejus turpitudinem de ea erubescat: quare pudor ille, ita odit malum, de quo est rubor, quod non habet aliud motivum rationale fugiendi illud, nisi non pudere, subindeque nihil curat de culpa, quia culpa est. Unde docuit An-gelicus Doctor 2, 2, quæst. 144, art. 1 ad 1, ubi rem discutit ex professo, quod verecundia non est habitus electivus, id est, ex electione proveniens, sed ex impetu quodam passionis, ob idque a ratione virtutis deficere necesse est ex hoc saltem capite. Pœnitentia vero non respicit peccatum præsens, sed præteritum, ejus correctionem curat, et in destructionem illius media satisfactione et dolore collimat. Ad quod quidem nihil magis ante oculos objicit pœnitens, quam culpam, et offensam, posthabito quolibet alio rubore, aut passionis motu insidente.

Discrimen ergo (et est secundum, quod ^{Observatio 2} prælibari debet) Verecundiæ a Pœnitentia stat in eo, quod illa erubescit ex timore infamiae, quam veretur contrahere ex turpitidine facti, præciso quolibet alio respectu ad culpam, ut est contra rationem rectam, et contra Deum: hæc vero præciso similiter alio respectu humanο, tota est in culpam, ut recte rationi adversam, et injuria in Deum illativam. Ex quo consequitur Pœnitentiam nunquam permettere, quid culpa sit præsens, alias enim simul vellet, et non vellet eam; sed semper supponere commissam. Verecundia vero semper tendit in turpitudinem, non excludendo, quod sit præsens, vel quantum

tum ad sui executionem, vel quantum ad infamiam, et exprobationem, ut contingit, quoties coram aliis turpia facta evulgantur, vi cuius, qui illa commisit, rubore suffunditur. Et in hoc sensu stat vera, et adæquata inter eas differentia, nec ratio præsentis, aut præteriti de materiali se habet, ut obtendebatur in impugnatione solutionis D. Thomæ.

**Dispelli-
tur
replica.** Quare ad replicam dicimus verum esse salvare pudorem de actu præterito; sed non ut præteritum est, qua ratione nequit ruborem cire; sed qua præsens est ratione infamiae, aut exprobationis denuo insurgentis ex relatione turpitudinis factæ.

**Duratur
contra-
ratio.** Ad confirmationem neganda est Consequentia ex doctrina D. Thomæ in ea allegata, juxta quam ideo continentia non pervenit ad rationem virtutis, quia non moderatur, et collocat in rationis medio passiones, quod ad virtutis essentiam est necessarium; sed eas moderandas Temperantiae relinquit. Ipsa vero cohibet, et compescit voluntatem ne ab illis præcipitur, et in consensum trahatur, ob illarum vehementiam: non enim continens respicit utcumque passiones, sed vehementes, nec illarum moderationi insistit, sed tantummodo in retrahendo ab illis; et ex hoc capite deficit a ratione virtutis, ut inquit D. Thomas. Porro licet hoc difficile sit, tota tamen difficultas se tenet ex parte subjecti; et hæc non fundat virtutem, nisi adsit difficultas objectiva, quam non attendit pure continens. Cujus oppositum cernitur in Penitentia: nam ejus objectum est difficillimum, imo absque divina gratia insuperabile.

**Quid
sentiat
azquez.** 27. Hæc cum ita sint ex Philosopho, et D. Thoma, quibus fere omnes alii Theologi assentiuntur, Vasquez in præsenti dub. unico, cui suppetias venit Salas. 12, tract. 12, disp. 4, sect. 7 affirmat, et Philosophum errasse, non utcumque, sed pessime, utpote destitutum notitia mysteriorum fidei, et D. Thomæ rationem insufficientiæ defectu laborasse: quocirca totus est in illo dubio in erroris arguendo Aristotelem, quasi asseruerit in sapientem, ac studiosum omni virtute prædictos, nihil posse cadere turpe; alias virtutes non essent connexæ, si aliquo ex capite lapsum permetterent. In quo nequit non simul percussisse D. Thomam in hac parte Philosophum non deserentem. Qua autem veritatis adorea insudaverit, non nostri sit judicium, sed socii Theophyli Raynaudi

**Vazquio
quid
reponat?** lib. 6 de Virtutibus, sect. 3, cap. 2, n. 329, ubi prædictum Vasquez assertum explodit *ut falsum, et ex oscitanti Philosophi lectione prolatum*: siquidem illius doctrina longissime alia erat a doctrina Stoicorum, ab eisque summopere discrepabat. Cum autem in eo essent Stoici, quod in sapientem, et studiosum nihil turpe cadere possit, hoc non potuit imputari Aristotelii, licet concederet virtutes esse connexas.

**Arauxo
ut falsam
doctri-
nam
Vazquez
explodit.** Sed quidquid sit de hoc, hanc Vasquez doctrinam, quam Arauxo, quoad omnia ejus dicta falsam affirmat, approbare non possumus, quin ex munere expugnare tememur, utpote ex diametro oppositam doctrinæ D. Thomæ supra statutæ. Et quod attinet ad Aristotelem (cujus mentem profundius præ Vasquez D. Thomam caluisse indignum est dubitare) non bene Vasquez erroris in hac parte insimulat, ex eo quod ipsum latuerint nostræ fidei mysteria. Tum, quia ad omnia, quæ docuit ille Philosophus, quarum plura negare non potuit ipse Vasquez, eadem præcessit ignorantia, seu nescientia: atque ideo ex hoc capite vel omnia ejus asserta pure naturalia possent proscribi. Quod tamen non admittit Vasquez. Tum etiam, et maxime: quia Verecundia non est ex illis virtutibus, quæ lumen supernaturale exposcant, ut liquet. Cum vero in aliis longe difficilioribus intra ordinem naturæ nec D. Thomas, nec alii insignes Theologi illum ut ducem sequi deditginentur, quinimo eo certior, veritati que conformior habetur sententia, quæ ipsi appareat conformior; immerito in hac parte non adeo ardua illum ideo errasse dicitur, qui a lumine fidei fuerit destitutus. Sed videamus, quæ opponit contra Aristotelem, et D. Thomam, ut veritas magis elucidetur.

**Objicit
Vazquez.** 28. Objicit ergo primo. Quia fundamen- tum Aristotelis ad excludendam verecundi- diam a ratione virtutis, fuit mutua virtutum connexio, et inde intulit virtuosum, utpote illis omnibus præditum, nihil turpe agere posse: hæc autem illius existimatio est omnino falsa, et contra D. Hieronymum, lib. 1 contra Pelagianos, et contra ipsam quotidiam experientiam, quæ edocemur unam virtutem esse sine alia, et quod una augetur frequentatione propriorum actuum, aliis minime auctis: ergo nullum fuit solidum, ac verum Aristoteli fundamentum, ad non recensemendum inter alias virtutes Verecundiam. Majorem supponit, Minorem non aliter probat, quam semet-

ipsum referendo ad 1, 2, disp. 88, cap. 4, ubi illud virtutum mutuum vinculum recidit, ac prostituit; cum tamen fuerit a D. Thoma assertum, et a plerisque Theologorum propugnatum.

Animadversio.

Verum hanc ejus ratiocinationem dehisce, viribusque destitui facile constat, si animadvertisatur, aliud esse omnes virtutes esse absolute connexas; aliud vero eas numquam pervenire ad statum perfectionis, quin invicem fœderentur, et conjungantur: et rursus illis ita annexis, inde colligatur hominem illis præditum, et ornatum neutriquet posse vel in peccatum labi, vel aliquid turpe committere. Quod enim virtutes morales absolute, et præscindendo ab statu perfectionis illarum, eam connexionem obtineant, falsum est, et contra Philosophum, et contra D. Thomam, nec uspiam suorum operum reperiatur nedum assertum, sed nec vel leviter indicatum.

D.Thom. In quo plures extra scholam D. Thomæ decepti sunt, ut appinximus tract. de virt. disp. 4, § 1, ad quæst. 65, 1, 2, art. 1. Si vero sumuntur sub statu perfecto, et consono virtuti, quia nimirum quælibet eorum circa propriam materiam ita firmat, ac rectificat animum in bono, quod in omni occasione, admodum prompte, suaviter, ac faciliter in actum erumpat, seseque circa propriam materiam exerat; abs dubio fuit, nedum SS. PP., sed etiam Aristotelis, et aliorum Philosophorum sententia, teste D. Hieronymo in illud Isai 16: *Super hoc venter meus dicente. Philosophorum sententia est hærere sibi virtutes.* Eamque expresse assertam a D. Thoma in praedicto articulo, et SS. PP. qua potuimus diligentia, ibi conati fuimus stabilire contra Scotum, ipsum Vasquez, et alios.

Quod vero subjectum illis virtutibus in tener se hærentibus ornatum numquam in aliqua illarum posset deficere, nec quid turpe committere, erroneum, et plusquam erroneum est; quippe quod servatur divine gratiæ, et insigni Confirmationis dono. Sed hoc nec Philosophus docuit, nec probandum assumpsit (quidquid sit de Stoicis) in contrarium stante, et reclamante ipsa liberi arbitrii humani vertibilitate ad malum.

Quæ fuerit mens Aristot. 29. Aliud ergo, et longe aliud fuit argumentum Philosophi eo loci, qui habetur 4 Ethic. cap. 9, quod est de Verecundia, de qua docet maxime laudabilem esse in juvenibus, qui cum proclives sint ex ipsa

ætatis conditione ad peccandum, verecundia ipsa frænatur, et cohibentur, ne in præcipites ruant. Secus vero est de probis, et senibus virtute præditis, quibus quidem ut prædicti virtute sunt, nullatenus competit labi in criminis turpia, aut peccata. Quod verissimum est, et appareat in homine justificato, qui ut justus est non peccat, sed peccando amittit gratiam, seu justitiam: non secus ac probus, qui licet ut probus non incidat in culpam, semel autem atque deliquerit, desinit esse probus. Unde sicut qui docet hominem justum non peccare, non ideo convincitur dicere non posse peccare: haud dissimiliter dum asseruit Philosophus homines probos, et ornatos virtutibus nihil turpe agere, de quo verecundia possint suffundi; non ideo tenuit eos non posse peccare, et virtutem deserere; atque ideo immerito hoc illi tribuitur, et ob id erroris damnatur. Hanc autem esse Philosophi doctrinam constat ex ipso textu, quem novissime elucidat, et expendit in hoc sensu Eminentissimus Cardinalis de Aguirre tom. 1. Philosoph. Moral. impress. Cardinallis Aguirre.

Ex quibus dilutum relinquitur argumentum Vasquez; nam illius Major explicazione indiget, et si sensus sit de mente Aristotelis fuisse, quod virtutes sint sibi invicem cohærentes, et annexæ, non fuit error, sed perspicua veritas a D. Thoma, et a SS. PP. et aliis innumeris Theologis in sensu explicato edocta. Est tamen falsa, quatenus asserit ex hoc fundamento negasse, vel occlusisse locum verecundiæ in senibus, et proiectæ virtutis; cum tamen longe aliter se gesserit, docens proniores, ac faciliores esse juvenes ad ruendum in turpia, quam proiectores, et studiosos: sed semel atque in illa laberentur, primo posse de illis verecundiari, ut constat ex textu. Falsum etiam est illi attribuere homini proiecto in virtute negasse potentiam peccandi nisi in sensu composito conjunctionis unius cum alio, ut demonstrat exemplum hominis justi, qui qua justus peccare non potest, et absolute est potens decicare.

Falsa etiam est Minor argumenti, et nec probabilis ex D. Hieronymo, aut alia experientia. Nam S. Doctor in eo loco solum

D. Hieron.

Mens D. Hieron.

lum inquit eam sententiam non esse divinam, nec Apostolorum, sed Philosophorum : quod argumento est eam esse tam perspicuam, et lumine naturali notam, quod vel ipsi Philosophi superiori alio lumine destituti ipsam nacti fuerint. Unde subjunxit : *Nec enim mihi curæ est, quid Aristoteles, sed quid Paulus doceat.* Et merito quidem, quia cum Pelagio agebatur de Gratia, cuius Paulus fuit acerrimus defensor, et Magister; non vero de virtute morali philosophice accepta, quo pacto pertinebat ad Philosophum, de quo nihil curæ fuit Apostolo. Stat autem aliquam sententiam esse omnino veram, quin sit supernaturalis, divina, aut ab Apostolo edicta : non ergo fuit legitima illatio ex verbis Hieronymi ad abjiciendum ex illius mente annexionem virtutum, quia docuerit eam esse philosophorum.

Nec etiam probatur aliqua experientia contrarium, ut obtruditur : quandoquidem militat ex adverso efficax ratio cum summa Patrum, et Theologorum autoritate, ut loco citato fuse expendimus. Quare ex certa experientia solum haberi potest, quod frequenter occurrat materia unius virtutis, quam alterius, et consequenter major actuum inclinatio in hac materia, quam in aliis. Hinc vero non excluditur, quoties occurrerit aliorum materia, non posse hominem perfectæ virtutis se in quamlibet earum prompte, ac facillime exercere. In quo dumtaxat virtutum nexus consistit. Accidit etiam, et testatur experientia, unam virtutem absolute absque alia exerceri, majoremque facilitatem in una, quam in alia acquiri; sed ex eo non improbatur cumulus aliarum, nec consequenter connexio. Nec id intenderunt Philosophus, D. Thomas, aut alii Theologi in predictam sententiam coeuntes : ut pote qui docent unam virtutem, et acquiri, et haberi posse absque alia; sed negant eam solitaria acceptam in statu perfectæ virtutis collocari, ut explicuimus locis allegatis.

objec^{io} m^{otu} Thom. 30. Objicit secundo contra D. Thomam. Nam tota differentia constituta a D. Thoma, ut verecundia non sit virtus, secus vero Pœnitentia, unice revocatur ad hoc, quod illa versatur circa turpitudinem præsentem; hæc vero supponit præteritam : sed hæc differentia est nulla : nullum ergo est discriminem assignatum a D. Thoma. Minorum ex eo probat, quoniam Pœnitentia potest etiam esse de peccato præsenti, ut

cum quem post illud immediate commissum de eo pœnitet. Et vice versa verecundia non excludit, quod peccatum sit præteritum, imo et magis proprie respicit futurum : quocirca definitur a D. Thoma 2, 2, quæst. 144, art. 1, quod D. Thom. est timor turpitudinis, et exprobationis; timor autem semper est de malo futuro : ergo verecundia non est ex se determinata ad turpitudinem præsentem, atque ideo corruit fundamentum discriminis, in quo tota doctrina fundatur.

Ad hanc objectionem constat ex dictis Solutio. in hoc eodem dubio : nam Pœnitentia semper supponit culpam, in quam destruendam, et compensandam collimat. Verecundia vero eam concernit præsentem vel ratione sui, vel ratione exprobationis, quam timet, et abhorret. Unde in forma neganda est Minor, cujus prima probatio nulla est ob assignatam rationem. Secundam probationem ipsem Angelicus Doctor diluit, explicans legitimum sensum illius definitionis. Unde solum potest objici ab eo, qui vel D. Thomam non consu- D. Thom. luit, vel ita leviter salutaverit, ut nihil minus, quam de assequenda ipsius mente curaverit. Verba ejus sunt in art. 2 allegatae quæstionis : *Est autem duplex turpitude, una viliosa, quæ scilicet consistit in deformitate actus voluntarii : hæc propriæ loquendo non habet rationem malæ ardui : quia est a voluntate, et quæ voluntaria sunt, non sunt ardua, quatenus a voluntate procedunt, ut ibi explicat S. Doctor : Alia est turpitude quasi pœnalis, quæ quidem consistit in vituperatione alicujus, sicut quædam claritas gloriæ consistit in aliqua honoratione alicujus. Et quia hujusmodi vituperium habet rationem malæ ardui, sicut honor habet rationem boni ardui; verecundia, quæ est timor turpitudinis, primo, et principaliter respicit vituperium, seu opprobrium. Et quia vituperium propriæ debetur vitio, sicut honor virtuti, ideo, ex consequenti verecundia respicit turpitudinem viliosam.* Unde constat, quod sit objectum primarium verecundiæ.

Quin vero etiam est pars integralis tem- Verecun- perantiae, quatenus scilicet ad illam ante- dia est pars cedenter disponit, et illius fundamenta tempe- jacit, ut explicuimus in arbore Virtutum rantiæ.

appensa ad tractatum de virtutibus § 13, num. 107, indeque redditur maxime commendabilis passio, quia dum opprobrium, et confusionem pœnalem fugit, facit exprobribilia, et turpia quoad culpam vitare,

non quia culpæ sint, sed quia confusio-
nem, et opprobrium inducunt, idecirco
D.Thom. (prosequitur D. Thomas) respicit verecun-
dia culpam duplicitè: uno modo, ut aliquis
desinat vitiosa agere propter timorem vi-
tuperii: quo pacto retrahit a malo per-
trando, non quia malum, sed quia vitupe-
rii inductivum. Alio modo, ut homo in
turpibus, quæ agit, vitet conspectus publicos
propter timorem vituperii, quorum primum
secundum Gregorium Nyssenum pertinet ad
erubescientiam, secundum ad verecundiam.
Ex quibus liquet ita verecundiam respicere
turpe factum quod abhorret in sensu ex-
plicato, ut simul sit timor laudabilis re-
trahens a turpitudine poenali; quam ut
effugiat, vel vitat culpam ut ignominiae
causatricem, vel saltem eam clam com-
mittendo, publicos hominum conspectus.
Quare non est contra ejus rationem præ-
sentia turpitudinis, sicut est contra ratio-
nem Poenitentiae, quæ præterita mala plan-
git: nec ita respicit futurum, ut excludat
præsentiam vel malitia turpitudinis, vel
ejus expröbrationis. Nam ut inquit D. Thom.
in 4, dist. 14, quæst. 1, art. 2, q. 2
ad 5: *Futurum non timetur nisi secundum quod habet propinquam dispositionem in causa sua. Et ideo Verecundia ponit propinquam dispositionem in eo, qui verecundatur, prout Philosophus de Verecundia loquitur.*

Porro hanc Verecundiæ antecedentiam,
et comitantiam erga turpia expendit præ-
laudatus Cardinalis de Aguirre ubi supra
num. 4, docens aliam esse, et minus pro-
priæ dictam Verecundiam, quæ antecedit omnino turpe factum, illudque vitare stu-
det, quoniam sita est in timore reprehensionis, seu ignominiae ob turpe factum nondum commissum, et hoc pacto loquitur de ea D. Ambrosius lib. de officiis cap. 45, et est auxiliatrix temperantiae. Alio modo ut supponit turpe factum præsens, quod celare intendit, et clanculum per-
petrat, ne ignominiam subeat. Et utroque modo satis differt a Poenitentia, ut non sicut ista, virtutis rationem habeat; cum semper respiciat turpe, quia turpe est, non vero quia culpa coram Deo, ut Poenitentia.

Tertia Vazquez
objecio. Quoniam ex actibus saepe repetitis in potentiæ generatur habitus similis illis acti-
bus; præcipue vero si potentia fuerit capax, ut inductione constat: sed verecundiæ actus ex se sunt laudabiles: ergo ex illo-
rum frequentia generabitur habitus simili-
liter laudabilis, et consequenter virtuosus.

Major constat ex eodem Philosopho ² Ethic. et docetur ex experientia in juveni-
bus, in quibus invenitur promptitudo, et facilitas eliciendi actus proprios verecundiæ: est vero de ratione habitus prompti-
tudo, et facilitas in actus sibi proprios: ergo de ratione Verecundiæ est, quod sit habitus. Minor et Consequentia non indi-
gent probatione.

Hanc eandem objectionem sub eisdem
fere terminis opposuit, et diluit Angelicus
Doctor loco citato ex 2, 2, art. 1, dicens:
*Ad quintum dicendum quod ex multotiens verecundari causatur habitus virtutis acqui-
silæ, per quam aliquis turpia vitet, de qui-
bus est verecundia; non autem ut aliquis ulterioris verecundetur. Sed ex illo habitu
virtutis acquisilæ, sic se habet aliquis, quod magis verecundaretur, si materia verecundiæ adisset. Juxta quam doctrinam (quæ summopere est adnotanda pro vera intelligentia illius principii in Majori argumenti appositi) non semper ex frequentatione actuum generatur habitus ejusdem prorsus rationis cum actibus, seu qui præstet facilitem ad similes actus; sed quandoque contingit solum ad eorum effectus terminari habitum, non vero ad actus ipsos. Et ita contingit in præsenti: non enim ex repetitione actuum verecundiæ fit homo magis verecundus, vel adquiritur virtus verecundandi; sed solum adquiritur virtus vitandi turpia, quod est effectus Verecundiæ: siquidem qui turpia timet, et abhorret, vel media temperantia, vel media fortitudine illa vitare curat. Et rationem dedit Cajetanus in commentario illius articuli: quoniam actus, qui ex genere suo cadunt sub electione, et pertinent ad genus virtutis, possunt quidem sui frequentatione, si aliud aliunde non obsit, habitum gene-
rare; si vero inferioris fuerint conditionis, et electioni non subdantur, quantumvis multiplicentur, et inculcentur; non ideo in propria materia acquirent promptitudinem, et facilitatem propriam habitus; imo nec erit illis habitualis dispositio, sed tantummodo quedam assuefactio, ut est in membris, et potentiis externis, in quibus nullus bactenus habitum aliquem constituit; licet assuefiant, et habiles redantur per remotionem impedimentorum ex actuum frequentatione. Unde explicata Majori cum D. Thoma, et concessa Minor, neganda est Consequentia, quam non probabit Vasquez, quin prius probet actum verecundiæ esse rectæ rationi, et electioni subditum*

Arauxo. subditum, quo^l est falsum : atque ideo ejus doctrina manet convulsa, et inconcussa sententia D. Thomæ. Videatur Arauxo in præsenti dub. unico n. 12, ubi ex ipso Philosopho manifestat ne dum contra D. Thomam, sed etiam contra ipsum Philosophum militasse illius sententiam. Porro ex dictis habetur Verecundiam ita esse passionem partis sensitivæ, ut nullatenus, nec in hac, nec in parte superiori possit assurgere ad rationem virtutis. Pœnitentia autem ita est passio, ut non solum in voluntate, verum et in ipsa parte sensitiva possit esse actus virtutis, quatenus ut regulata ratione superiori moderatum dolorem sensitivum admittit : qui quidem dolor imperatus a Pœnitentia, elicitive immediate pertinet ad ipsam partem sensitivam, hinc sub virtutis modo sit proprius Pœnitentia.

DUBIUM II.

Utrum Pœnitentia sit specialis virtus.

37. A conceptu generico virtutis Pœnitentiae descendimus cum D. Thoma ad ejus rationem magis specificam investigandam, quod est magis arduum. Cum enim in Pœnitentia sit invenire dolorem, seu detestationem, rationem satisfactionis, seu compensationis, nec non exhibitionem cultus, et reverentiae media propria subjectione; non est ita pervium determinare, an Pœnitentia sit conditio generalis omnium virtutum, cum unicuique sit proprium detestari malum sibi oppositum? ad eum sane modum quo in justitia, vel in obedientia est conditio generalis omnium peccatorum, et justitia illi opposita, et obedientia comitantur omnem actum virtutis; vel esto ita non sit, an saltem ita sit virtus generalis, ut omnes actus aliarum virtutum formaliter convenient ad actum Pœnitentiae, vel ipsa Pœnitentia, ex motivo cuiuslibet virtutis proprium actum eliciat? stat enim Pœnitentiam esse proprie virtutem, ut hactenus determinavimus, et esse virtutem generalem alterutrorum modorum. A quo quia facilius est, ut nos expediamus, sequentem assertionem subjungimus.

§ I.

*Vera, et communis assertio eligitur,
et probatur.*

33. Dicendum est Pœnitentiam ita esse ^{Communi-} _{nis} propriæ virtutem, ut nec sit conditio generalis aliarum, nec similiter principium ^{senten-} _{tia.} proprii actus ex motivo immediato illarum. Hanc conclusionem vel supponunt, vel docent communiter Theologi tam intra, quam extra scholam D. Thomæ contra veteres infra referendos. Et deducitur clare ex doctrina D. Thomæ in hoc articulo. Ex qua sic formatur primum assertionis fundamentum: Nam si Pœnitentia ita est virtus, quod ejus propria, et specifica ratio non est conditio generalis omnium virtutum, et ejus objectum non includitur in omnibus illarum objectis; ipsa nequit ut conditio generalis ad omnes illas reduci, ut videtur perspicuum: sed Pœnitentia non includitur ut conditio generalis in omnibus virtutibus, et sibi vindicat speciale objectum, quod aliis virtutibus non conveniat: ergo Pœnitentia ita est proprie virtus, quod debet excludi a ratione generalis conditionis omnium aliarum virtutum. Consequentia est legitima. Major videtur perspicua ex ipsis terminis; non enim potest esse conditio generatim omnium, nisi ejus propria ratio quasi specifica, et ipsius objectum, omnes alias comitetur, in eisque, et earum objectis imbibatur, ut constat in obedientia, et justitia communiter dictis, quæ idcirco accensentur conditiones generales inseparabiles omnium virtutum. Minor, quæ sola probatione indiget, suadetur: quoniam Pœnitentia nequit habere majorem inclusionem, aut affinitatem cum aliis virtutibus, quam ejus objectum cum illarum objectis; siquidem totum esse virtutis venari debet ex objecto, a quo mutuatur speciem, et juxta cuius inclusionem vel exclusionem cum aliis objectis formalibus, regulanda est exclusio, vel inclusio habituum. Sed objectum Pœnitentiae in esse objecti excludit objecta omnium aliarum virtutum, et ad ea non potest reduci ut conditio generalis. Ergo virtus Pœnitentiae non includitur in aliis ut conditio generalis omnium, et ejus objectum in esse objecti non immiscetur cum objectis aliarum.

Minor hujus secundi discursus probatur, ^{Minoris} et explicatur animadvertendo varias pec- ostensionis. cati rationes, sub quibus ad alias virtutes

Peccatum
sub diversis rationibus virtutibus aduersum.

D.Thom.

pertinere potest, ut odio habendum, et detestandum, quin ibi propria Pœnitentia ratio includatur. Et quidem peccatum lethale, ut est malum morale, et bono honesto, rectæque rationi dissonat, ab ipsamet voluntate respicitur; ab eodem enim principio amor boni, et odium mali illi oppositi proficiscitur. Et quia voluntas ex ipsamet sui origine oritur rectificata ad bonum honestum in communi, quin ad hujus prosecutionem indigeat virtute superaddita illi rectitudini originali, ut docet D. Thomas, et ostendimus tract. de Virt. disp. 2, dub. 3, necessarium non est confugere ad aliquam virtutem, ut odio habeatur peccatum sub ratione mali moralis absolute; et ut contrapositi ad bonum honestum in communi, juxta ea quæ etiam tetigimus de Bonit. et Malit. disp. 3, n. 27, ubi ad hunc actum: *Volo juste vivere, nullum habitum recognovimus.* Est insuper peccato adversari bono divino in seipso, divinam dissolvere amicitiam, rationem ultimi finis a Deo submovere, ipsum vilissimæ creaturæ postponendo. Sub qua ratione pertinet ad eandem Charitatem, qua Deus super omnia diligitur, et super omnia detestatur peccatum, ob eandem jam tactam rationem. Si vero accipiatur peccatum ut est malum ejusdem hominis in particuliari ipsum expolians virtutum, et donorum supernaturalium ornamento, quibus in æternam propendebat beatitudinem; hoc pacto, vel ab amore sui ipsius recte ordinato per Charitatem, qui debet incipere a se ipso; vel ab ipsa virtute spei, qua amore concupiscentiae diligitur bonum divinum, detestari debet; quin in aliquam harum considerationum subintret Pœnitentia, ut liquet.

34. Ultra quas rationes omni peccato communes est in peccato alia specialior, ex qua sibi vindicat speciale oppositionem cum aliqua virtute, cui directe contradicit, ut videre est in peccato luxuriæ, quod opponitur castitati, ineptiæ temperantiae aduersa, et sic de reliquis. Peccatum vero hoc modo sumptum fugit, et odit virtus directe illi opposita, absque suffragio alterius; nulla quippe esset virtus, si non dimicaret cum vicio sibi contrario, ipsumque extirpare contenderet.

Adhuc tamen suppetit actui peccamino alia ratio injuriaæ, et offendæ Dei, non solum, quia summum bonum est, sed etiam qua supremus Dominus, et legislator existit irrogata, ut constat ex dictis

Opponi-
nuntur
virtuti in
specie.

Impor-
tat
offensam
Dei
contra
Vazquez.

tract. de Incarn. disp. 1, dub. 1, ubi contra Vasquez, et alios sancire curavimus in quolibet gravi peccato reperiri ultra alia damna, rationem propriam injuriaæ, simul et offendæ, saltem intentæ ex affectu peccatoris, vi cuius Deus sibi fieri compensationem ob ejus sibi proprium graviter peccato læsum, et vulneratum ex justitia postulat. Hanc vero rationem nulla cæterarum virtutum attingit, ut per singulas earum discurrenti constabit, nisi Pœnitentia, de cuius specialissima ratione est offerre satisfactionem pro injuria, seu offensa; quidquid sit de aliis malis ex peccato obvenientibus, sive Deo ipsi, sive homini illud committenti.

Unde explicata, et probata manet illa Minor, cui tota erat difficultas. Etenim quæ modo expendimus recapitulando, inter illa mala Deo ex peccato obvenientia, nulla virtus est, quæ tendat primario in resarcendam, et reparandam divinam offendam qua injuria, et offensa Dei est, nisi sola Pœnitentia: ergo objectum Pœnitentia in esse objecti non includitur in objectis aliarum virtutum; nec subinde ipsa est, aut esse potest conditio generalis illarum. Antecedens ex modo dictis constat; et Consequentia jam fuit supra probata. Unde sicut aliae omnes virtutes ex propriis, et specificis objectis in omnium sententia distinguuntur essentialiter inter se; haud dissimiliter Pœnitentia cum sibi vindicet speciale objectum nulli alteri conveniens, evadet consequenter in ratione virtutis specialis constituta, et essentialiter diversa.

Eo vel maxime, quod ratio injuriaæ contra Urgetur. Deum, ut expiabilis media satisfactione est ratio objectiva potens specificare virtutem, ut argumento a fortiori evincit injustitiæ puræ humanæ, longe inferioris Injuria divina: sed non tribuit speciem alteri, ut discursu facto probatur, quam Pœnitentia: hæc ergo specialis virtus est, et non conditio generalis omnium.

35. Qua ratione, ut a nobis expensa occclusum manet subterfugium a Vasquez intentum in praesenti dub. unico. num. 5, ubi hoc munus detestandi peccatum defert Charitati. Sed immerito, quia Charitas non respicit Deum nisi ut est summum bonum in se ipso, præscindendo ab omnibus aliis; et consequenter ea tenus odio habere potest peccatum, quatenus opponitur prædicto summo bono in se ipso: nulla enim virtus versatur circa alia objecta, vel prosequendo,

Minor
expli-
cata.

Occlu-
ditur
effugium
P. Vaz-
quez.

sequendo, vel fugiendo, sub unica, et indivisibili ratione formalis sui objecti primarii, cum quo ita commensuratur, et adaequatur, ut extra non possit ab illo, invariata mente ejus essentia. Alioquin enim eadem ratione conficeretur, vel quod Charitas se porrigeret ad objecta aliarum virtutum, vel quod unica sola virtus esset Charitas, et nulla alia, quorum quodlibet est absurdum. Quod enim (ut aliud effugium præcludamus) Charitas respiciat sumnum bonum, sub quo alia bona continetur, infert quidem eam esse virtutum omnium reginam, quas proinde sibi subordinat, et eis imperat; minime vero auferit, quod circa alia bona particularia versentur aliae virtutes, que vere sint virtutes, inter se, et ab ipsa Charitate essentialiter diversæ, ut constat ex communione.

D.Thom. Theologorum doctrina, quam tradit D. Thomas in hoc articulo primo solutione ad 2, dicens: *quod a Charitate derivatur aliquis actus dupliciter: uno modo sicut ab ea elicitus, et talis actus virtuosus non requirit aliam virtutem præter Charitatem, sicut diligere bonum, gaudere de eo, et tristari de opposito. Alio modo alius actus a Charitate procedit, quasi a Charitate imperatus; et sic quia ipsa imperat omnibus virtutibus (utpote ordinans eas ad suum finem) actus a Charitate procedens potest etiam ad aliam virtutem specialem pertinere. Si ergo in actu paenitentis consideretur sola displicentia peccati præteriti, hoc immediate ad Charitatem pertinet, sicut et gaudere de bonis præteritis. Sed intentio operandi ad deletionem peccati præteriti requirit specialem virtutem sub Charitate.*

Repli-
catur. 36. Urgebis tamen adhuc contra id, quod in fundamento expendimus. Nam illa injuriæ ratio, quam expiare, et avellere intendit Pœnitentia, non est injuria specialis; sed circumstantia generalis consequens, vel concomitans omne peccatum, ut nos ipsi docuimus loco supra allegato ex tract. de Incarnat. n. 11; ergo ad eam compensandam non requiritur virtus specialis, sed sufficit generalis conditio, ut tenent asserentes Pœnitentiam non esse specialem virtutem. Consequentia probatur supposita veritate Antecedentis: quia contraria versantur circa idem: ergo ad auferendam injustitiam alteri irrogatam non sub speciali ratione justitiae, sed sub communissima, licet propria ratione, sufficit vera, et propria justitia, communissima tamen, et quæ sit generalis conditio. Cons-

tat autem in quolibet actu virtutis, vel in omnibus distributive acceptis inveniri hanc justitiae rationem communissimam: ergo ad predictam injustitiam sarcendam non requiritur alia justitia, quam quæ inveniuntur in omnibus, et quolibet, virtutum actibus.

Ad hanc replicam respondet negando Respon-
datur. Consequentiam, cuius probatio si esset efficax abs dubio evinceret Christi satisfactionem non fuisse actum justitiae specialis; siquidem non alio titulo Christum satisfecisse dicitur, quam fidejussoris, et fidejussor non aliud sumit onus, quam fuerit creditoris. Cum ergo sit falsum Christi satisfactionem non fuisse actum specialis justitiae, eidem est falsitati obnoxium, et nullatenus admittendum ex injustitia, quæ est circumstantia communis, non oriri in debitore obligationem satisfaciendi ex speciali justitia, quæcumque illusus, et ad praesens non refert. Deficit ergo probatio, quod licet in quolibet actu virtutis reperiatur justum, quatenus justum est hominem recte operari, et virtuose agere; nulla tamen virtus, quæ justitia non sit, vel justiam specialiter non participet, operatur ex proprio motivo, vel jus alteri tribuendi, vel jus alienum illæsum servandi, sed ex aliis motivis specialibus circa bonum rationis, ut patet in temperantia, castitate, fortitudine, et aliis. Unde licet detestetur peccatum, non illud odio habet, quia injuria est adhuc sub illa ratione, licet propria, communi, et transcendentia omnia peccata; sed ut opponitur præcise bono temperantiae v. g. in cuius signum adhuc post commissum peccatum intemperantiae, esto plures alios actus temperantiae eliceret, non idcirco peccatum præteritum fore remissum: siquidem motivum temperate edendi, quod habuit in posterum, non fuit motivum satisfaciendi pro intemperantia præterita. Unde constat, quod ex illo Antecedenti vero neutiquam infertur intenta Consequentia, quoniam justitia transcendentis actus omnium aliarum virtutum non est proprie justitia, et quæ opponatur injustitiae illi proprie (esto communi) irrogatæ Deo per peccatum. Quapropter neutiquam evincitur Pœnitentiam esse circumstantiam generalem virtutum, cum plures earum actus elici possint absque Pœnitentia.

37. Secunda pars conclusionis, videlicet, Secunda quod non sit virtus generalis, vel quia assertio-
nem omnes aliae virtutes immediate concurrant
ad Pœnitentiam vel quia Pœnitentia im-

mediate etiam ex propriis illarum motivis ad actus illarum concurrat, probatur ex eodem principio. Nam quod Pœnitentia in alterutro illorum sensuum esset generalis virtus, solum proveniret, vel ex eo quod aliæ virtutes mediis propriis actibus immediate concurrerent ad Pœnitentiam; vel quia Pœnitentia juvaret omnes alias virtutes ad eorum elicientiam medio proprio influxu. Neutrum potest vere affirmari. Ergo Pœnitentia non est virtus generalis in alterutro horum sensuum. Major et Consequientia non indigent probatione, et suadetur Minor quoad utramque partem simul: quia nulla potentia, vel virtus potest immediate habere ad actus alterius potentiae, aut virtutis, nisi sub ratione sui proprii objecti, a quo sortitur speciem, et cui ita adæquatur, et commensuratur, ut extra illum ferri non possit; sicut enim essentia clauditur essentialiter terminis generis, et differentiæ, ultra quos non est prætergredi; consimiliter nec ulla virtus, aut potentia ultra terminos sui objecti primariae. Sed objectum Pœnitentiae non est commune omnibus aliis virtutum objectis, sed specificæ, et essentialiter ab illis diversum, ut constat ex dictis: ergo nec Pœnitentia ad omnes alias virtutes, nec alia virtutes immediate se habent ad actum Pœnitentiae.

^{1 Confir-}
matio.

38. Confirmatur. Nam licet Pœnitentia detestetur quodlibet peccatum oppositum cuilibet virtuti, et etiam omnia ut cum omnibus pugnantia; non tamen illa abhorret, quia opposita huic, aut illi virtuti, puta temperantiae, aut justitiae, vel etiam aliis; sed tantummodo, ut afferunt offensam divinam expiablem media satisfactione; quæ ratio est unica formaliter, et prorsus indivisibilis objective, ad quam nulla aliarum omnium virtutum pertingit: ergo nec omnes virtutes concurrunt proxime ad actum Pœnitentiae, utpote in cuius formalis objecto non splendet proprium illarum: nec etiam actus Pœnitentiae proxime, et immediate influit in ipsarum actus, quippe qui versantur circa objecta essentialiter diversa ab objecto Pœnitentiae.

^{2 Confir-}
matio.

Confirmatur deinde. Quia virtus in ratione virtutis non ideo dicitur universalis penes materiam præcise, quantumvis ea amplissima sit, sed per ordinem ad actus, et objecta: sed virtus Pœnitentiae esto habeat materiam universalem, tot nimirum peccata, quot fieri, et multiplicari possunt

in materia omnium virtutum; non tamen habet nisi unicum actum primarium, et potissimum sub eadem indivisibili ratione formalis attingente omnia peccata, ut sunt expiabilia media satisfactione: ergo virtus Pœnitentiae non est universalis per aggregationem omnium virtutum, nec per hoc, quod ejus actus primarius se immisceat aliarum actibus. Quæ fuit doctrina D. Thomæ in hoc art. 1, solut. ad 2, ubi D. Thom. concedit, quod *Pœnitentia habet quidem realiter generalem materiam, in quantum respicit omnia peccata, sed tamen sub ratione speciali, in quantum scilicet emendabilia sunt per acutum hominis cooperantis Deo ad suam justificationem.*

Id quod etiam liquet ex ipso Pœnitentiae præcepto, quod quia est speciale, unico actu potest adimplere, ut ipsa experientia comprobatur: nam ut quis vere pœniteat, nullus a pœnitente alium præter contritionis actum exegit; quem si elicuerit, nihil minus, quam de aliis actibus aliarum virtutum curat, præter actum Charitatis, in qua vera Pœnitentia fundatur, et a qua est inseparabilis, ut ex infra dicendis constabit.

§ II.

Alia triplex assertio pro dubii enodatione.

In superiori assertione adhuc directe non respondimus difficultatis titulo, sed statuimus, quod erat facilius, et communius, nimirum Pœnitentiam non esse virtutem generalem in eo sensu, quem existimabant aliqui. Superest, ut positive decidamus quæstionem examini expositam. Quia tamen virtutes non melius, quam per actus, et actus per objecta demonstratur, ab hoc capite sumemus exordium, et hinc ad actum, et virtutem regrediemur.

39. Dicendum est secundo objectum formale, et specificativum virtutis Pœnitentiae esse offensam divinam, seu quod idem est jus divinum læsum ut reparandum per satisfactionem. Hanc conclusiōnem ut expressam D. Thomæ in præsenti, D. Thom. et in 4, sentent. locis supra citatis, docent communiter S. Doctoris discipuli, Capreol. Capreol. ibi. q. 4, art. 3, ad argumenta Aureoli. Palud. in 4, dist. 14, q. 1, n. 2, et q. 2, n. 7. Soto in eodem loco q. 2, art. 2, § *Hinc ergo Martinus de Ledesima 1 p. Quarti. q. 26, art. 2. Cano relict. de Pœnit. part. 2, conclu. 2, § Tristari*

Asser-
tio se-
cunda.

Palud.
Soto.
Martine
de Le-
desma.
Cano.

Nuno. *tari ergo.* Nuno in præsenti art. 2, dub. 1, Arauxo. Arauxo dub. 1, conclu. 3. Joan. a S. Thom. S. Thoma de Pœnit. disp. 34, art 2. Gonet. Gonet. et Labat in præsenti. Martinez de Prado dub. 2. Contempson de Pœnit. disser. unica cap. 1, specul. 3, § *Corollarium primum*, nosque ipsi indicavimus in arbore Virtutum supra memorata § 9; ex extraneis illi suffragantur Valentia hic q. 2, punct. 1. Henriquez lib. 1 de Pœnit. cap. 19. Granad. controv. 7, tract. 2, disp. 3, et alii plures, inter quos Lugo de Pœnit. disp. 2, sect. 4, subobscure loqui videtur, dum inquit objectum formale Pœnitentiae esse bonum pacis cum Deo, de quo forsan infra in hoc eodem dubio.

Fundamen-tum. Ratio fundamentalis hujus assertionis elicitor ex dictis pro superiori conclusione sub alia tamen et breviori forma expensis. Nam illud est objectum primarium, et formale alicujus virtutis, quod virtus ipsa per se primo attingit: sed virtus Pœnitentiae per se primo attingit offensam divinam, ut sarciendum et reparandam media satisfactione: ergo objectum primarium, et formale Pœnitentiae est offensa divina ut compensanda, et reparanda. Consequen-tia est in forma. Major est perspicua, quandoquidem nulla alia notione innotes-cit, quodnam sit objectum primarium, vel secundarium, nisi quia vel ratione sui, vel ratione alterius attingitur a virtute, vel potentia: quod vero non ratione sui, sed ratione alterius attingitur, jam supponit priorem attingentiam illius, ratione cuius sui sed attingi dicitur; alioqui enim non ratione alterius attingeretur: ergo illud est objectum primarium, et formale, quod per se primo attingitur a virtute. Minor etiam liquet ex dictis: quia cum materia circa quam versatur Pœnitentia, non sint pec-cata ut acceptanda, sed detestanda, ut constat ex D. Thoma art. 2, quæstionis præcedentis, et est per se notum; illa ratio est per se primo inspecta a Pœnitentia in peccatis, quam primo, et per se expiare, et detestari conatur media tendentia actus in ipsam: hæc autem non est nisi reparatio juris divini læsi, et Dei offensæ, ut explicatum relinquimus in hoc eodem du-bio, imo et in toto discursu tractatus: ergo objectum primarium Pœnitentiae est divina offensa, ut reparanda, et media sa-tisfactione jus divinum sarciendum.

Conf. 1. Confirmatur primo. Nam illud est ob-jectum primarium virtutis, penes cuius attingentiam differt ipsa virtus a reliquis

virtutibus: sed ex dictis constat penes hoc distingui Pœnitentiam a cæteris aliis: ergo hoc est ejus objectum primarium.

Confirmatur secundo. Quoniam jus di- Conf. 2. vinum læsum ut resarcendum est objec-tum de se satis laudabile, consonum rectæ rationi, summe difficile in esse attingibile, subindeque potens specificare aliquam vir-tutem, seu, quod in idem recidit, primario terminare: non terminat autem aliam, quam Pœnitentiam, ut per omnes discur-renti erit obvium: ergo Pœnitentia virtus est, quæ per se primo respicit divinam of-fensam expiandam, et satisfaciendam.

Confirmatur tertio ratione jam diu insi-nuata in arbore Virtutum super allegata: quia de ratione justitiae est reddere unicuique jus suum, illudque illæsum servare: quocirca ex justitia tenemur alteri satisfa-cere pro injuria, vel offensa, ut inæqualitas inducta per offensam reparetur, et adæque-tur per satisfactionem: sed Pœnitentia est justitia hominis ad Deum, ut constat ex D. Thoma art. 3 hujus quæstionis, licet D. Thom. deficiens, et imperfecta, ut infra videbi-mus: ergo Pœnitentia est per se primo tendere in expiationem divinæ offensæ, vi-cujus Deus ex justitia extorquet a nobis compensationem, et reddimur illius creditores, non titulo gratitudinis, sed rigorosæ justitiae. Quod enim nostra justitia sit deficiens, sicut non minuit jus, quin gra-vat offensam; ita non tollit, quominus ex intentione primaria, ea qualicumque jus-titia, intendatur satisfactio injuriæ, ut constat a simili in virtute religionis, qua non redditur, nec exhiberi potest totus cultus Deo debitus in gratiarum actionem; quin illud obici sit, ut religio non tendat pri-mario in illum cultum, licet deficiente, Deo exhibendum.

40. Sed contra hanc confirmationem objic-tis ex doctrina Eminentissimi Lugo ubi supra sect. 2, ex illa sequi posse Pœ-nitentiam habere aliquem actum circa suum objectum, prius quam actu committeretur peccatum, quod tamen est falsum: ergo fal-sum est Pœnitentiam habere pro objecto jus divinum ut reparandum. Sequelam probat idem Lugo: nam ad eandem justitiae virtutem, ad quam pertinet reparare jus læsum, et exhibere satisfactionem pro illo iterum sarciendo, et instaurando, per-tinet etiam velle illudmet jus illæsum con-servare, æqualitatem indiscissam servando, nimirum (inquit) quia motivum formale est æqualitas, et de ratione justitiae est

Objectio
ex Car-dinali
Lugo.

impedire injuriam, ne solvatur æqualitas : sed Pœnitentia est justitia hominis ad Deum : ergo de ejus ratione erit ne dum instaurare æqualitatatem amissam, sed etiam impedire faciendam : atque ideo ante peccatum commissum, et præstitam pro illo satisfactionem poterit elicere actum, quo velit conservare æqualitatatem debitam inter Deum, et creaturam, seu impedire injuriam ipsi Deo faciendam.

Ex quo rursus fiet objectum Pœnitentiæ non tam esse jus divinum resarcire læsum, quam ipsum illæsum conservare absque præcedenti ulla offensa.

Unde ulterius fiet Pœnitentiam non esse virtutem propriam peccatoris; sed æque bene posse etiam esse Christi Domini, B. Virginis, et aliorum, si qui fuerunt, innocentium.

Respondeatur ad objectionem negando sequelam. Gujus probatio in aliquo tenet, sed deficit in eo, ad quod adducitur. Tenet quidem in eo, quod sicut in humanis ad eandem virtutem justitiæ attinet, et jus alterius illæsum servare, et semel læsum resarcire, et instaurare : ita coram Deo Pœnitentiæ est jus divinum læsum reparare, et ne iterum violetur impedit, ut constat ex ejus definitione tradita a Magistro, et communiter recepta : *Præterita mala plangere, et plangenda iterum non committere*, quod quidem ipsi non competet, si ita mederetur vulneribus præteritis, quod non etiam præservaret a futuris. Falsum tamen est aliud, quod intenditur, et suppositum, cui innititur : nam juri illi, quod Deo est, ne a creatura ladedatur, non respondet ex parte nostra aliqua specialis justitia ; sed sufficit ipsa Charitas, qua obstringimur ad ipsum super omnia diligendum, et consequenter quamlibet juris illius læsionem cohibendam, et penitus eliminandam. Alia vero jura, in ipso splendentia, vel quia primum principium, vel quia supremus Dominus, vel quia insignis, ac magnificus benefactor, postulant quidem in nobis Religionem, Pietatem, Humilitatem, Gratiam, vel humillimam gratitudinem, et alias virtutes ad ea munera obeunda, et explenda ; non vero justitiam perfectam, utpote impossibilem, de quo late egimus in arbore Virtutum sæpe memorata. Quia vero ex peccato gravi novum jus satisfactionis consurgit in Deo ex læsione gravi proprii violati juris, ad eam utcumque exhibendam, jusque illud redintegrandum requiri-

ritur specialis virtus, cuius proinde actus necessario supponit læsionem prædicti juris, ut a simili constat in restitutione, quæ locum habere nequit in ipsa justitia, quin supponat essentialiter rem ablatam. Quomodo enim obnoxium restitutioni declarabimus, quem nihil alienum usurpare constituerit? Nullatenus ergo satisfactionis vinculo obstringetur, qui juris alieni violator non fuerit. Cum ergo Pœnitentia ex se tendat in satisfactionem ex læsione juris divini ; hoc illæso semper existente, non remanet ipsi locus, ut actum prædictum eliciat. Quocirca supra statuimus, quod licet hæc virtus, quoad habitum, et infusionem solum supponat peccatum ut possibile ; secus vero quoad actum ; hoc enim pacto ipsum commissum, et præteritum supponit. Id quod manifestius adhuc suadetur ex ipsomet Lugone num. 19 immediate sequenti exemplo Gratitudinis, cuius actus non habet locum ante accepta reipsa beneficia ; nec sufficit ea esse possibilia ut actus eliciatur, licet ut habitus ipse infundatur, sufficiens sit beneficiorum possibilis.

Quo etiam retunditur, et falsitatis convincitur illa ejusdem propositio, in qua nervus impugnationis collocatur, nimirum, quod motivum formale est æqualitas : quia non est æqualitas utcumque, sed æqualitas, ut resarcienda, et denuo instauranda, quippe que sola est objectum satisfactionis ; non vero æqualitas absoluta, seu præscindens a violatione juris, quippe quæ non est objectum alicujus virtutis specialis, nisi ad summum Charitatis, adjunctis aliis virtutibus ipsam comitantibus, et peccatum non supponentibus. Sub qua distinctione explicato syllogismo objectionis, nulla est Consequentia primo illata, et aliæ illi innixæ evanescunt diruto fundamento.

41. Ex alio capite objicit, et urget ipse Lugo sect. 3 per totam, bonum compensationis esse quidem objectum alicujus virtutis, quam non nominat ; neutquam vero virtutis Pœnitentiæ, idque vel ex eo probat, quia in offenso est duplex jus, alterum ne offendatur, alterum et novum postquam est offensus, vi cujus urgentiori titulo sibi fieri postulat satisfactionem. Ex quibus secundus titulus est proprius Pœnitentiæ ; sed quia necessario involvit peccatum, pro quo fit compensatio, necessarium etiam est eam compensationem intrinsecse coalescere, ex honestate sibi intrinseca,

Respon-
sio.Magister
Sentent.Rector-
querunt
contra
argumen-
tem.Alia
ejusdem
objectionis.

intrinseca, et ex peccato præterito, atque ideo et Deum exigentem illam compensationem, et hominem eam exhibentem complacere in ipso peccato, ut est pars intrinseca compensationis. Itaque Deus vult efficaciter compensationem sibi factam et complacet in peccato, cuius titulo exhibetur : et a fortiori id etiam de pœnitente affirmari debet. In quo totam illam sectionem insumit, urgendo, replicando, et variis exemplis hinc et inde expendendo, eo solo fine, ut consecutionem necessariam ostendat inter velle compensationem pro peccato, et complacere in ipso peccato, nec unum sine alio reperiri posse.

In hac tamen expugnanda, et expungenda doctrina consultius habuimus moras non trahere, suppositis iis, quæ illi operosimus dub. 1 hujus disp. § 2. Videatur Dicastillo de Pœnit. disp. 1, dub. 2, n. 55, ubi nervose eam refelli, sed non prætereundus est Aversa in præsenti q. 2, sect. 6, ubi quod attinet ad Pœnitentiam, ita inquit : *Verum per se absurdum appareat dicere in mente pœnitentis esse, et debere esse affectum erga peccatum præteritum, per modum scilicet prosecutionis et amoris, et talem affectum includi in eo ipso actu, quo pœnitens recedit, ac recedere, et averti debet ab ipso peccato.* Et merito quidem, nam quid magis absurdum, imo et implicitorum, in eodem actu, et respectu ejusdemmet omnino objecti simul inveniri detestationem efficacem, et complacentiam ejusdem? qua enim parte importatur odium efficax, appetitur non esse peccati; qua vero explicat complacentiam, appetitur esse : sed eodemmet indivisibili actu nequit simul attingi esse, et non esse : ergo implicitorum est in eodemmet actu includi complacentiam, et displicantiam peccati. Constat autem per actum Pœnitentia importari displicantiam efficacem peccati : ergo implicitorum est simul includi in ipso actu ejusdem complacentiam.

Si forte ad hoc vitandum duplex assertur actus realiter diversus ; adhuc non vitatur absurditas, nec eliditur contradictione : habent enim se complacentia, et displicantia respectu voluntatis, sicut assensus, et dissensus respectu intellectus, ut constat ex ipsomet Lugo, disp. 1, sect. 2 hujus materiæ; sed implicat contradictionem simul inveniri in eodem intellectu assensum et dissensum ejusdem conclusio- nis; alioqui enim simul affirmaret objectum esse, et simul negaret objectum esse :

ergo etiam implicabit in eadem voluntate displicantiam peccati, et ejusdemmet complacentiam, quantumvis ponatur esse actus realiter distinctos.

42. Quoad complacentiam vero in peccato ut parte intrinseca compensationis, quam in Deo recognoscit, et affirmat Lugo n. 36, illius sectionis, sensit etiam Aversa, *quod tolerari non potest*, et bene. Non enim tolerabile est affingere Deo affectum complacentiae in eo, quod ab ipso non est ut a primo efficiente, nec ad ipsum ordinatur tamquam ad ultimum finem : sed peccatum formaliter non est a Deo, ut a primo efficiente, nec in ipsum tendit tanquam in ultimum finem ; quin aufert a Deo ipsam rationem ultimi finis : non ergo est Dei complacentia in peccato.

Ad hæc : affectus complacentiae non Confirm. est, nisi circa bonum, sicut fuga non est nisi mali : sed peccatum formaliter est malum, utpote offendens Deum, cui irrogat injuriam : non ergo Deus in ipso complacere potest. Et sane difficile capitur Deum ex una parte peccatis offendti, ut passim clamant Scriptura, et Patres, et simul ipsi in peccatis ipsis complacere.

Nec vitatur horror hujus complacentiae, Praeclu- ditar evasio.

per hoc quod dicamus, Deum non complacere in peccato absolute, quo pacto malum est Dei, et hominis, et odio habetur; sed in eodem ut materia compensationis, vel (ut terminis illius utamur) ut est pars intrinseca compensationis. Nam contra est : quia per hoc quod peccatum ita sit pars compensationis, vel deponit esse malum, et injuriam Dei, et superinduit rationem boni moralis, vel non? Si hoc secundum teneatur, remanet inconveniens illatum, quod Deus complaceat in propria injuria, et in eo, quod sibi in affectu ratio ultimi finis auferatur; et consequenter, quod peccatum sit, et non sit contra Deum; qua enim placet, nequit esse malum, et contra Deum; nisi qua displicet offendens Deum. Si vero affirmetur primum : ergo Deus jam non tam complacet in ipso peccato, quam in ipsa ratione partis formaliter sumpta, sub qua ratione, et non sub ratione peccati terminat complacentiam divinam; quam quidem non terminat ratione subtracti, quod est peccatum; sed ratione ejus quo superinduitur, nempe sub ratione partis formaliter acceptæ. Sed tunc reddit invic- tum argumentum contra ipsum. Quoniam in peccato ut compensabili per satisfactio- nem tam connexæ sunt ratio partis, et ratio

Expu-
gnatur
ex ali-
domes-
ticias
Automo-
ribus.
Dicas-
tillo.
Aversa.

Evasio
exco-
picio-
bilis
diri-
tutur
ex ipso
Lugone.

Quid
de com-
placen-
tia?
Lugo
eam
affirmat.
Aversa
eam
abhorret.

Urgetur
argu-
mentum.

peccati, quam sit connexa utraque ratio respectu pœnitentiae : sed complacet Deus in peccato sub ratione partis compensatio-nis formaliter, quin complaceat in peccato, ut est substratum illius : ergo poterit si-militer complacere in compensatione, quin ulla adsit complacentia in peccato, quod est materia destruenda per compensatio-nem.

Asser-tio
tertia. 43. Dicendum est tertio. Proprius et principalis actus Pœnitentiae est detesta-tio peccati, prout est offensa Dei expiabi-lis, seu emendabilis per ipsum. Hæc con-clusio prout jacet est expressa D. Thomæ, quem sequuntur uniformiter discipuli, et alii plures conclusione præcedenti relati, et qui possent referri. Eam docuit Magis-ter in 4, dist. 14, dicens : *Pœnitentia est virtus, qua mala commissa cum emendatio-nis proposito plangimus, et odimus, et te-nuere SS. PP. Ambrosius serm. 1 Qua-dragesimæ relatus in cap. 39, de Pœnit. dist. 1 : Pœnitentia vera est dolor cordis, et amaritudines animæ pro malis, quæ quisque commisit.* Gregorius Magnus hom. 34, in Evangelia, et lib. 9, registri, cap. 39, ubi inquit : *Pœnitentia est præterita mala plan-gere, et plangenda iterum non committere.*

Magist.
Ambros.
relatus
de Pœ-
nit.
cap. 39
Gregor. nuere SS. PP. Ambrosius serm. 1 Qua-dragesimæ relatus in cap. 39, de Pœnit. dist. 1 : *Pœnitentia vera est dolor cordis, et amaritudines animæ pro malis, quæ quisque commisit.* Gregorius Magnus hom. 34, in Evangelia, et lib. 9, registri, cap. 39, ubi inquit : *Pœnitentia est præterita mala plan-gere, et plangenda iterum non committere.*

D. Au-
gust. D. Augustinus lib. 2, quæst. ad Simpli-cian. quæst. 2, inquiens : *Opus panitendi est cum reperitur voluntas mutandi cum animi dolore.* Hieronymus Psalm. 118 dum ait : *Vera est pœnitentia jugiter fletibus commissa diluere, et abluta non iterare ad illa illius psalmi verba : Exilis aquarum deduxerunt oculi mei.* Quod iterum clarius expressit Augustinus relatus in cap. Non sufficit de Pœnit. dist. 1, docens : *satis-faciendum esse Deo per Pœnitentiam dolorem, quem secutus fidelissimus discipulus*

Hiero-
nym.
August.
relatus
in cap.
non
sufficit
de Pœ-
nit.
D.Thom. D. Thomas in præsenti art. 1 hujus quæ-sitionis, inquit : *Pœnitere est de aliquo prius a se facto dolere.*

Quam SS. PP. communem sententiam alte callentes Patres Concilii Tridentini sess. 14, cap. 4, inconcusse affirmarunt, quod *contritio, quæ primum locum tenet inter dictos pœnitentiam actus habet, animi dolor, et detestatio est de peccato commisso cum proposito non peccandi de cetero : et post pauca declarat ipsam Synodus hanc contritionem non solum cessationem a pec-cato, et vitæ novæ propositum, et inchoatio-nem, sed veteris etiam odium continere.* Idque pergit probare ex pluribus sacraæ Scripturae testimoniis, quibus memoratis concludit : *Et certe qui illos Sanctorum cla-*

mores consideraverit (et refert aliquos) facile intelliget eos ex vehementi quodam anteactæ vitæ odio, et ingenti peccatorum detestatione manasse. Unde prædictam sententiam am-plexuntur Theologi supra relati, et com-muniter ali, licet in modo explicandi actum Pœnitentiae primarium non conve-nire videantur. Non paucos recenset Vas-quez in præsenti dub. unico ad art. 2 ubi videri possunt.

Ratio
funda-
mentalis. 44. Assertionis fundamentum desumi-tur ex prædictis testimoniis sub sequenti forma : nam ille est, et debet esse actus primarius cuiuslibet virtutis, per ordinem ad quem virtus ipsa definitur, et explicatur : sed virtus Pœnitentiae definitur et explicatur per ordinem ad contritionem, seu quod idem est, detestationem peccati sub ratione offensæ expiabilis, medio præ-dicto actu : ergo prædicta detestatio est actus potissimum, et primarius virtutis Pœnitentiae. Consequentia est legitima. Minor constat ex testimoniosis immediate allegatis, quæ clarissime rem demonstrant, quin aliqua momenti tergiversatione pos-sint elidi. Major autem videtur perspicua : quia sicut virtus, et pœnitentia non sunt nisi propter operationem, quæ est illarum finis, ita non recte explicantur, aut man-ifestantur, nisi per ordinem ad propriorem, et potiorem operationem. Non est autem credibile vel Patres, vel Concilium veram nobis Pœnitentiae notionem occuluisse ; quin imo asserendum est veram ejus es-sentiam declarasse : ergo cum constantes fuerint in adscribendo Pœnitentiae prædic-tam detestationem, ut constat ex illorum verbis ; manifestum est actum primarium virtutis Pœnitentiae non esse alium, quam detestationem assignatam. Quocirca Cate-chismus Romanus ingentis authoritatis in Ecclesia ita explicat, et expendit proprium Pœnitentiae actum part. 2 de Sacram. Pœnitent. cap. 5 : *Intima autem Pœnitentia est illa, cum ad Deum nos ex animo conver-timus, et commissa a nobis scelera detesta-mur, et odio habemus, simulque illud nobis certum, et deliberatum est malam vitæ con-suetudinem, corruptosque mores emendare, non sine spe venia a Dei misericordia conse-quendæ.* Ubi pro radice vere pœnitentiae assignat conversionem ad Deum, quæ est propria Charitatis, et ut actum proprium, et immediatum illius odium, et detestatio-nem, retroactæ vitæ ad quod sequatur pro-positionem emendationis in futurum cum spe venia. Quo clarissime comprobatur veri-tas

D.Thom. *tas assertionis. Fundamentum hujus dis-*
cursus nos docuit D. Thomas 22, quæst.
28. art. 4, per hæc verba : Est autem con-
tingens ex uno habitu plures actus ejusdem
rationis ordinatos provenire, quorum unus
sequatur ex altero. Et quia posteriores actus
non procedunt ab habitu virtutis, nisi per
actum priorem, inde est, quod virtus non
definitur, nec denominatur, nisi ab actu
priori quamvis etiam alii actus ab ea conse-
quentur.

Confirm. Confirmatur, et explicatur rursus ex-pendendo ultima verba Concilii. Nam ille est actus primarius alicujus virtutis, vel habitus, qui se habet veluti radix omnium aliorum ab illa prodeuntium, ut videtur perspicuum, et inductione satis manifestum : sed detestatio et odium peccati sub prædicta ratione se habet in Pœnitentia veluti radix, et origo omnium aliorum ex illa prodeuntium : ergo detestatio, et odium peccati sub prædicta ratione est actus primarius virtutis Pœnitentiæ. Major et Consequentia non indigent probationem ostenditur Minor ex concilio asserente clamores, lacrymas, et alias actiones Sanctorum Patrum ex ingenti anteacte odio, et peccatorum detestatione emanasse ; quod autem est principium emanationis est veluti radix, et origo ejus, quod dimanare dicitur : ergo odium, et detestatio peccati in Pœnitentia est radix, et origo aliorum actuum ab illa prodeuntium.

P. Vaz-
quez-
insurgit
contra
ratio-
nem
Thomis-
tis
commu-
nem.

45. Hanc æque solidam, ac perspicuum veritatem obscurare, et infringere conatur Vasquez ad hunc articulum dub. unico, ubi a n. 17, nihil non molitur ad communem saltem Thomistarum obruendam sententiam. Unde n. 34, § *Ex dictis constat,* vix intelligi, aut explicari posse arbitratur, quomodo hic actus odii peccatorum, ut sunt contra Deum, sit Pœnitentiæ, et possit imperari a Charitate : vix enim dici potest, quomodo connectatur prior ille actus Charitatis, cum odio peccati, ut est Dei offensa ; cum hoc ipsum odium essentialiter sit ipse Dei amor. Et hanc forsan fuisse doctrinam D. Thomæ obtendit, quasi S. Doctor non dixerit odium peccati rationibus a Vasquo explicatis esse opus specialis virtutis Pœnitentiæ distinctæ a Charitate : sed forsan dixit voluntatem compensandi esse ipsum Pœnitentiæ actum proprium, conjunctum cum odio peccati, quod est Charitatis opus. Itaque totius impugnationis cardo devolvitur in hoc, quod odium peccati tam ut est Dei offensa, quam ut est expiabilis

per satisfactionem, est actus Charitatis ; ad Pœnitentiam vero solum pertinet voluntas compensandi offensam, quæ est actus realiter distinctus ab odio, nec invicem subordinantur, aut se habere possunt ad instar intentionis, et dilectionis. Unde quod simul inveniantur, non obest quominus pertineant ad diversas virtutes, nec etiam, quod eorum quilibet quod sibi proprium est ex objecto, retineat ; et ideo semper odium pertinebit ad Charitatem, bonum compensationis ad Pœnitentiam. Hæc in summa, quantum ex eodem Vasquez capere potuimus, est totius impugnationis molimen : quod ad amissim refert, et refellit Arauxo in præsenti dub. 1, a Arauxo, num. 19 et deinceps.

46. Verum enim vero prædicta doctrina adeo displicuit Cardinali de Lugo ubi supra num. 17, ut ea induci affirmaverit, virtutem Pœnitentiæ, quæ numquam pœniteat, et dolet de peccatis : quod sane videtur contra communem omnium mentem, qui præcipuum Pœnitentiæ actum cogitant esse pœnitere, et dolere. Atque ita esse manifeste convincitur ex testimoniis Patrum allegatis, et quod magis est ex doctrina Concilii Tridentini, quæ licet Trident. non habeatur in regulis fidei expressa, est tamen ingentis ponderis ad ejus veritatem stabilendam, ac firmandam, subindeque ad oppositam prosternendam. Quocirca omissis aliis, quæ ex professo refutare nimis foret prolixum, solum capita impugnationis, quæ appinximus, attingemus, breviter elucidare conantes, quod visum fuit Vasquio inexplicable, et inintelligibile.

Ad hoc autem non alio indigemus, quam ipsa littera D. Thomæ art. 2 et 3 præsentis questionis, juxta quam Charitas, quia importat conversionem ad Deum tanquam ad ultimum finem, duplicum actum elicit, et dilectionis ipsius Dei super omnia, et abominationis, seu detestationis omnis peccati graviter ipsi Deo ut est in se oppositi : quia ut etiam fatetur ipse Vasquez ad eamdem virtutem, ad quam attinet prosequi aliquod bonum, pertinet etiam fugere, et detestari malum adversum. Et in hoc sensu dixit D. Thomas in D.Thom. hoc articulo tertio, quod Pœnitentia non habet, quod sit virtus specialis ex hoc solo, quod dolet de malo perpetrato, ad hoc enim sufficeret Charitas. Quia vero nulla virtus, aut potentia excedere potest limites sui objecti, ut supra dicebamus, quidquid

Quid
senserit
Lugo de
Vazquii
senten-
tia.

Expu-
gnatur
illa
senten-
tia.

In suam
senten-
tiā
vocat
D.Thom.

Charitas attingit, debet esse in ordine ad bonum Dei secundum se; utpote eūjus ratio sub qua est divina bonitas, et consequenter non attingit, aut attingere valet motiva inferiorum virtutum; ita ut ratio sub qua justitiae v. g. pertineat ad Charitatem; alioqui enim unica sufficeret Charitas, et cæteræ aliæ superfluerent, ut est perspicuum.

Prose- Cum autem quolibet peccato lethali, quodecumque illud fuerit, irrogetur injuria ipsi Deo, et committatur proprie injustitia, ut supra dicebamus, et injustitia non expietur præcise per Charitatem, ut etiam in humanis constat, sed per restitutionem, satisfactionem, aut compensationem, in quo stat propriæ justitiae ratio: consequens est hoc non posse immediate attribui Charitati, sed alteri virtuti inferiori, cuius sit jus læsum reparare, et æqualitatem resarcire. Ad quod quidem Charitas indiget justitia, ut referat Deo debitum contractum ex injustitia, atque ideo imperat justitiam, eamque movet, et applicat ad elicientiam proprii actus, quin actus justitiae transeat in actum Charitatis, aut e converso. Et quia objectum Charitatis, est absolutius, et universalius, quam objectum justitiae (habent enim se sicut bonum commune, et bonum particulare), ideo proprium est Charitatis mouere alias vires inferiores, et in proprium finem ex directione rationis ordinare. Ex qua ordinatione actus imperatus habet ultra proprii objecti attingentiam, quæ est ipsi inseparabilis, attingere etiam aliquo modo objectum Charitatis.

D.Thom. In quo sensu docuit D. Thomas in 4, sententiæ dist. 14, quæst. 1, art. 4, quæstiunc. 3, quod nulla virtus respicit speiem ex hoc quod imperatur ab alia virtute, et in hoc articulo 2 asseruit: quod alio modo aliquis actus a Charitate procedit quasi a Charitate imperatus: et sic quia ipsa imperat omnibus virtutibus (utpote ordinans eas ad finem suum) actus a Charitate procedens, potest etiam ad aliam virtutem specialem pertinere.

Quia tamen satisfactio propria justitiae commensuratur cum persona satisfaciens, eamque excedere non valet, et haec est inferior, ac infinite distans a persona offensa; idcirco satisfactio puræ creaturæ est imperfecta, et deficiens respectu injuriæ, quam passa est persona divina, ut late explicuimus trac. de Incarn. ideo exhibenda est per humiliationem, et dolorem

Psal. 50 cordis juxta illud Psalm. 50: *Cor contritum*

et humiliatum Deus non despicies. Et quia offensa fuit voluntarie illata, voluntaria etiam debet esse cordis conformatio, et offensæ destructio cum emendationis proposito, *quia emendatio offensæ* (inquit D. Thomas art. 3) *contra aliquem commissæ non fit per solam cessationem offensæ, sed exigitur ulterius quædam recompensatio, quæ habet locum in offensis in alterum commissis.*

47. Hinc ut vides satis perspicuum redditur, quod Vasquio videbatur inintellegibile, et inexplicabile, nec in eo aliquid offendimus, aut obscurius, aut difficilior, quod non sit in aliis virtutibus satis per-
vium, et planum: quia cum detestatio dolorosa, seu cordis contritio, quæ idem est, sit actus proprii satisfactionis ex justitia, et a justitia proveniens; imperatur quidem a Charitate, ex proprio Charitatis motivo, sicut etiam actus eleemosynæ, aut alterius virtutis; sed elicetur a Pœnitentia immediate. Et licet supponatur odium illius peccati ut oppositi bono divino, quod est proprium Charitatis; quia tamen prædictum odium non fit ex motivo satisfaciendi, remanet locus, ut superveniat alterum odium compensativum, et detestativum peccati alterius rationis a primo. Quid difficultas, aut obscuritatis in hoc? Latet profecto. Nam ut profunde, et eleganter docuit Cano relect. de Pœnit. part. 2, *Cano.* conclus. diversa motiva formalia voluntatis diversæ sunt formales rationes objecti; atque consequenter diversos habilis, et virtutes efficiunt. Et ideo dare Petro pecunias, si in se quidem absolute consideretur, nullam habet laudem; sed si des, ut releves miseriam ejus, est actus misericordiæ; si ut bene illi facias, ad benevolentiam, et amicitiam; si autem ut donum gratuitum, ad liberalitatem; sin vero ut debitum ex contractu solvas, ad justitiam spectat. Consimiliter tristitiam assumere de peccato, quia absolute Dei malum est, convenit Charitati; sed quod quis tristetur, et doleat de eodem peccato ut injuria, et offensa Dei animo ipsum placandi, et quoad fieri possit, ipsi satisfaciendi, alterius est virtutis, Charitate inferioris. Quare odium peccati ut est offensa Dei est quidem actus Charitatis, et Pœnitentia: hujus ut principii proxime elicientis, sed illius ut principii imperantis, et applicantis, quo pacto se habet agens superiorius ad inferiorius. Unde falsa est illa ultima prædicti Authoris propositio, *quod odium peccati ut est offensa Dei sit essentialiter amor Dei*, non minus, quam

Ostenditur veritas solutio-
nis, et claritas doctrinae
elucescit.

quam ista : *actus eleemosynæ est essentialiter actus Charitatis*, quia a Charitate imperatur; et si quem verum admittit sensum, solus est, quod sit amor Dei radicaliter, et imperative, non vero formaliter; quia nimur vera contritio, et detestatio peccati fundatur in amore Dei, et ab eo imperatur, ut sit propter ipsum Deum, ut summe bonum in se.

Nuda compensandi voluntas non est actus Pœnitentiae.

Instatur exemplo.

Nec verius est solam voluntatem compensandi esse actum Pœnitentiae, exclusis dolore, et detestatione; hoc enim ut bene prævidit Lugo, est inducere novam Pœnitentiam, eamque oppositam Pœnitentiae illi, quam nos docent Sacra Scriptura, Patres, et alii Theologi : siquidem velle compensare non importat tristitiam, merorem, aut ullum odium, et facilius adscriberetur Charitati ipsi, quam Pœnitentiae. Et ut expellatur æquivocatio, et singula singularis deferamus, observare oportet, quod sicut longe aliud est *velle gratis conferre gloriam ex meritis*, vel *velle ex meritis dare gloriam*: nam in prima propositione significatur primam Dei voluntatem gratiosam omnino fuisse ante omnia merita; licet gloria non nisi ob merita conferatur, et ita accidit in prædestinatione, ut docent communiter Theologi, et statuimus ibi disp. 9, dub. 1 et 2. Secunda vero denotat merita præcedere non tantum gloriam, sed etiam voluntatem primam gloriam conferendi; quod est falsum, et contra Sacram Scripturam juxta illud Apostoli ad Rom. 9, antequam *aliquid boni egissent, aut mali, non ex operibus, sed ex vocante dictum est, quia major serviet minori, sicut scriptum est, Jacob dilexi, Esau autem odio habui*. Haud dissimiliter ex Charitate potest homo velle compensare, in quo easu motivum voluntatis illius est motivum charitatis, et universallius; licet satisfactio ipsa exerceat eliciatur a Pœnitentia, seu justitia, et interveniunt duo prædicti actus, imperatus, et elicitus. Ultra quam voluntatem universalem propriam Charitatis, datur alia particularior Pœnitentiae, qua ex justitia vult homo satisfacere, cuius proinde proprium, et speciale motivum non est motivum Charitatis, sed ipsius Pœnitentiae, et justitiae imperfectæ. Quapropter hæc propositio in sensu formaliter est falsa, *ex charitate satisfacit homo*: quia charitati non competit operari ex justitia proxime, et immediate, sed solum quatenus actus Charitatis imperatur et assumitur a Pœnitentia ut materia compensationis, ob-

mutuam subordinationem virtutum ad invicem. Atque ideo non ex Charitate immediate detestatur peccatum ut est materia contritionis, sed ex Pœnitentia, supposita tamen Charitate ut radice superiori. Quem sensum tenuit D. Thom. Ioco supra cit. D. Thom. ex 4, sent. sol. ad 3, cum dixit : *Quod quamvis detestari absolute mala peracta, consequatur omnem virtutem secundum quod habet electionem rectam; tamen ad expiationem detestari est proprium specialis virtutis*; cui deserviunt aliae virtutes, et propriis actibus materiam satisfaciendi præstant, ut imperatae tamen.

48. Sed hoc est, quo pressum est Vasquez ingenium, et aliorum premenda existimat. Nam in hac doctrina necessarium videtur adstruere duplicum actum, et quo velit homo satisfacere, et quo re ipsa satisfiat detestando, et odio peccatum habendo. Et tunc alter eorum erit directus, alter reflexus; si enim (inquit) quis vellet delectari in aliquo bono, aut tristari de aliquo malo, alius esset actus, quo vult habere tristitiam, aut delectari, et alius quo tristaretur, aut delectaretur, et hic actus esset objectum prioris. Quocirca una voluntas erit directa, et altera reflexa, utpote habens pro objecto alterum posteriore actum. Rursus, prior esset, et se haberet per modum intentionis, alter vero ad instar electionis; intentionis autem, et electio realiter distinguuntur: ergo idem quod prius.

Hoc tamen tantum abest, ut premat, quod nec leviter pungit: nam ut docet D. Thomas in 1, dist. 17, quæst. 4, art. 5 ad 3, potentiae immateriales, quia immateriales sunt, eodemmodo actu attingunt objecta, et ipsummet actum, quo objectum percipiunt: et hoc modo intellectus intelligendo rem, simul intelligit se illam rem intelligere, et voluntas diligendo bonum virtutis diligit se diligere; quin opus sit actus multiplicare; quia cum actus sit potentiae ratio attingendi objectum, etiam est ipsi attingentia suimet, utpote contenti sub eadem ratione, vel boni, vel veri splendoris in objecto. Cum ergo voluntas eligendo medium, eligat se eligere, satisfaciendo vult etiam satisfacere eodem indivisibili actu; atque adeo dum conteritur, et detestatur peccatum, ipsamet contritio, et detestatio est volitio exercita compensandi. Nec hæc est propria reflexio, sed quædam elevatio in modo operandi, quæ est virtualis reflexio. Reflexio enim pro-

In quo
hæserit
P. Vazq.
Thom.

Ad
Rom. 9.

Dete-
gitor radix
æquivoca-
tionis
ex D.
Thom.

prie talis postulat actuum distinctionem non utcumque, sed ita ut actus posterior, qui dicitur reflexus, habet pro objecto actum priorem, et antecedentem, ut constat ex fusius dictis tract. de Prædest. disp. 2, dub. 2, ubi data opera expendimus ordinem directum, et reflexum intellectus, et voluntatis.

**Caput
definiendi.**

Ex quo capite etiam deficit ille discrusus : nam esto prior esset voluntas compensandi, et ad hanc sequeretur detestatio, minime inferretur unum horum actuum esse reflexum proprie, ut constat in assensu præmissarum, ad quem sequitur assensus conclusionis, quin aliquis eorum sit proprie reflexus, et ad intentionem efficacem finis consequitur consensus, et electio mediorum; absque eo, quod ulla propria inter ipsos reflexio interveniat. Sed solum infertur unam, et eamdem virtutem ordine quodam elicere plures actus circa idem objectum subordinatos; quod inconveniens non est, sed plana veritas tradita a D. Thoma, ut constat ex supradictis.

**Alia
propo-
sitio
falsa.**

Falsum etiam est, quod tandem opponitur de intentione, et electione; nam ut diximus tract. de ultimo fine disp. 3, dub. 1, n. 19 et dub. 2, n. 40, non semper intentio, et electio realiter distinguuntur, et quod non semper illa versatur circa ultimum finem, nec semper haec circa media sub ratione pure mediorum. Idque maxime contingit quando in objecto apparet honestas subordinata ad aliud : atque ideo ex hoc capite eadem voluntate intenderetur compensatio dolorosa, et sub ratione compensationis esset intentio, et ut dolorosa sortiretur munus electionis. Esto tamen, ita esset, quod realiter different, nihil inde consequeretur objiciens, quoniam intentione particularis, et electio medii itidem particularis circa illum finem non est contra rationem unius, et ejusdem virtutis; sicut nec habere plures actus subordinatos, uti de facto reperiuntur in Pœnitentia; nam ultra predictam detestationem elicit etiam propositum non peccandi in posterum, ut supra dixit D. Thomas.

**Quid
sequere-
tur,
adhuc
illa
doctrina
posita?**

Nec refert, quod virtus sit essentialiter habitus electivus, electio autem supponat intentionem: quoniam illa definitio verificari debet respectu finis universalis voluntatis; in ordine ad quem, et ad ratificandam voluntatem circa illum, actus virtutis sunt medium. Cum quo tamen coheret virtutes ipsas peculiares sibi fines

vindicare, et consequenter intentiones particulares in propria materia: quin adhuc sit opus ordine reflexo, in quo nullus est actus, qui non sit intentio, consensus, electio, et usus sui ipsius, ut loco citato de Prædestinat. vidimus ex D. Thoma, et D. Thom. tradit S. Doctor 1, 2, quæst. 16, art. 4, dicens : *Quia actus voluntatis reflectuntur supra se ipsos, in quolibet actu voluntatis potest accipi consensus, et electio, et usus, ut si dicatur, quod voluntas consentit se eligere, et consentit se consentire, et uitur se ad consentiendum, et eligendum.* Quibus verbis superius dicta explicantur, et roborantrur. Quare immerito repulit P. Vasquez illius doctrinam ut inintelligibilem, et inexplicabilem, cum clarissima sit; et nullo ex capitibus ab ipso ponderatis impetratur.

Ex his tandem jam sua sponte fluít decisio ultima dubii, et manet elucidata ratio hujus secundi articuli, qua D. Angelicus catholicam veritatem stabilivit, quin diutius in ea expendenda morari indigemus. Unde

49. Dicendum est tertio Pœnitentiam esse habitum speciale virtutis. Ita S. Doctor in præsenti, quem sequuntur Theologi supra relati, et alii quamplures, quos prolixum, et inutile esset referre. Ratio illius est plane demonstrativa, suppositis principiis supra expensis. Nam species habituum, et virtutum distinguuntur, et multiplicantur penes distinctionem, et multiplicationem actuum, et objectorum, et ubicumque fuerit specialis actus circa speciale objectum, oportet esse speciale virtutem: sed in Pœnitentia inventur specialis actus laudabilis circa speciale objectum: ergo Pœnitentia est specialis virtus. Consequentia constat, et utraque premissa relinquitur probata in cursu hujus dubii.

Est tamen animadvertisendum, ita probasse D. Thomam specialitatem prædictæ virtutis, quod ex vi hujus tantum intendit eam non esse virtutem generalem, nec coincidere cum Charitate, quidquid esset de aliis. Quod fiet perspicuum conferenti hunc secundum articulum cum tertio immediate sequenti. Nam in secundo solum contra se opponit tria argumenta, quorum primum eo tendit, ut Pœnitentiam a Charitate non distinguat, secundum vero, et tertium, ut illam virtutem generalem ostendant. In sequenti vero articulo progradientur S. Doctor ad Pœnitentiam a virtute justitiae

Ultima assertio.

*Observatio pro
vera
D. Thom.
intelli-
gentia.*

justitiae secernendam, et inter illas constitutuendam differentiam. Quod signum est ex vi doctrinæ hujus secundi articuli adhuc non fuisse exhaustam totam difficultatem circa distinctionem hujus virtutis a reliquis omnibus. Quia tamen omne constitutivum est etiam distinctivum, semel statuto constitutivo Pœnitentia per ordinem ad speciale, ac proprium actum, et objectum; ex hocmet principio deditur in art. tertio illam esse speciem justitiae, et simul distinguit a perfecta justitia, applicando doctrinam unius ad alterum persuadendum, ut constabit legenti, et meditanti.

Quod ideo adnotavimus, ut claritas, et distinctio S. Doctoris innotescant, et ne sub uno, et eodem titulo difficultates confundantur, ut apud aliquos offendimus, modo ab una in aliam virtutem, modo a pluribus ad unam, et e converso transilientes. Unde S. Doctori inhærendo tantum ad ea dissolvenda, quæ contra veritatem ita constitutam videantur procedere vel ex parte Charitatis, vel ex parte conditionis generalis, nos accingemus; quæ circa religionem, justitiam vel commutativam, vel vindicativam militare possint seorsim discussuri.

§ III.

Quæ obstant ex adverso, proponuntur, et enodantur.

Oppo-
sen-
tia.

Jath. 3.

Altisod.

Major.

Alexan-
der.

Primum
funda-
mentum.

50. Pœnitentiam non esse specialem virtutem, sed conditionem generalem omnium, ad eum sane modum, quo justitia communiter dicta se habet ad omnes virtutes juxta illud Math. 3 decet nos impere omnem justitiam: olim tenuere Altisiorensis lib. 4 Summæ tract. 6, quæst. 3. Major in 4, dist. 14, quæst. 2, dub. 1, quibus suffragari videtur Alexander de Ales 4 p. q. 12, memb. 1, § 2, quatenus asserit actui Pœnitentiae esse annexos omnium virtutum actus. In quo primæ nostræ, et communi assertioni adversantur, et ex consequenti ultimæ.

Potissimum hujus sententiae fundamentum desumitur ex illo principio apud omnes communi, quia ejusdem rationis est, atque adeo ad eandem virtutem pertinens, prosequi bonum, et fugere malum: sed prosequi bonum rationi consonum est proprium omnium virtutum: ergo et odisse malum, et consequenter non est aliqua specialis virtus, cui competit specialiter malum odisse.

Salmant. Curs. theolog. tom. XIX.

Et confirmatur: quia Pœnitentia, quæ Confirm. vere Pœnitentia sit, respicit omne peccatum: sed peccatum amplexitur materiam omnium virtutum: ergo et Pœnitentia; si quidem ejusdem virtutis est tristari de malo opposito, ac gaudere de bono.

Nec refert si ex dictis respondeas, quod Solatio. licet quælibet virtus gaudeat de bono, et tristetur de malo, ut ipsi contrario; non tamen quatenus malum illud irrogat injuriam Deo, et violat jus divinum, quæ est specialis ratio in esse rel communis omni peccato; in esse tamen objecti unica, et indivisibilis; et hanc respiciens Pœnitentia evadit specialis virtus, ut docere videtur D. Thomas.

Nam cóntra est: quia peccatum ut est Refelli- tur. offensa Dei, est malum contrarium bonitati divinæ: sed bonitas divina est objectum Charitatis: ergo Charitatis erit, non Pœnitentiae detestari peccatum, ut est offensa Dei. Probatur Consequentia, quia ad eandem virtutem pertinet gaudere de bono, et dolere de malo opposito illi bono.

Respondet ex dictis ad argumentum Respon- sio. solutione interposita, quæ legitima est, et ad ejus impugnationem concessis præmissis, distinguendum est Consequens: *ut est offensa Dei absolute, et absque alio respectu, conceditur; hoc enim pacto coincidit cum malo Dei. Ut est offensa Dei laesi, et fundans ex justilia satisfactionem, negatur Consequentia, ut hactenus dicta satis ostendunt, et insuper docet Augustinus lib. 50, homilia, hom. 50 inquiens: Non sufficit mores in melius commutare, et a factis malis recedere, nisi etiam de iis, quæ facta sunt, satisfiat Deo per Pœnitentia dolorem, per humiliatis gemitus, per contriti cordis sacrificium, cooperantibus eleemosynis, etc.* Idque non semel inculcat S. Doctor pluribus in locis, præcipue vero epist. 50, ubi ait: *Nihil aliud agit, quem veraciter paenitet, nisi ut id, quod mali fecerit, impunitum esse non sinat: eo quippe modo sibi non parcent ille parcit, cuius altum, justumque judicium nullus contemptor evadit.* Ex quibus illustrantur superius discussa, et redditur manifestum Pœnitentiam primo tendere in satisfactionem, quæ reparat laesionem juris divini; atque adeo non respicere offensam divinam absolute, sed ut resarciendam, et compensandam media contritione, quod non pertinet ad Charitatatem, sed ad justitiam: quandoquidem satisfactio sub ratione satisfactionis non intendit nisi in jus alienum redintegrantem.

dum, et in pristinum statum reducendum; et licet fundetur in amicitia vel in eam collimet, non tamen formaliter est actus amicitiae, sed proprius justitiae. Quæ doctrina et solutio debet applicari aliis virtutibus a Charitate, in quibus idem potest formari argumentum quin oporteat in eo immorari.

Secun-
dum
argu-
mentum.

51. Secundo arguitur. Quoniam Pœnitentia contrariatur omnibus peccatis, ad quorum destructionem efficaciter concurredit, ita ut incompossibilis sit cum aliquo: ergo cum unum uni contrarium sit, ut testatur Philosophus 1 de Cœlo cap. 4, nequit non Pœnitentia inter conditiones generales virtutum accenseri, vel ut minimum, ut generalis virtus reputari; alioquin enim non posset generalem contrarietatem exercere, si per omnia virtutum spatia non disflueret.

Infirma-
tur.

Hoc argumentum nimis probat, ut constat in Charitate, quæ una cum sit, et specialissima virtus; nullius lethalis culpæ consortium admittit: quia quodlibet peccatum mortale opponitur graviter bonitati divinæ posthabitæ a creatura, et ex hoc capite lœdit jus divinum, et fundat exigentiam satisfactionis. Ratione primi pertinet ad Charitatem, et ratione secundi ad Pœnitentiam. Unde licet contrarietur pluribus, non tamen ut pluribus; sed ut convenient sub una indivisibili ratione offense divinæ exigentis compensationem a peccatore faciendam.

Argu-
ment.
Alens.

52. Arguitur tertio in favorem Alensis. Nam licet Pœnitentia non sit generalis virtus, vel per prædicationem, et ut gradus superior; vel quia contineat cumulum omnium aliarum; est tamen generalis per concomitantiam, quatenus ad ejus actum proprium convenient omnes, vel saltem plures virtutes: ergo nulla est ratio, quare Pœnitentia non absolute dicatur virtus generalis. Consequenter constat ex Antecedenti, quod sic probatur. Nam ad actum odii, contritionis, seu detestationis concurrunt omnes virtutes imperando prædictum actum; quandoquidem ex eo quod quælibet virtus amet suum objectum, imperat Pœnitentiae, ut detestatur malum illi oppositum; est ergo Pœnitentia veluti ancillans omnibus aliis virtutibus ad pœnitendum, et consequenter omnes simul ipsam imperant ad proprium actum. Quem discursum approbassee videtur D. Thomas in art. 3 ad 4, docens in una Pœnitentia comprehendendi quodammodo omnia, quæ

sunt propria cæterarum virtutum sive Theologalium, sive Moralium, ut in ejus annotationibus explicuimus. Eo vel maxime, quoniam in art. 5 numerat S. Doctor quinque motus necessarios ad actum Pœnitentiae: quare ergo non erit virtus generalis per concurrentiam omnium virtutum ad ejus actum proprium?

Enerv-
tur.

Hoc tamen argumentum, si aliquid probat, solum evincit connexionem actuum, et virtutum inter se; non vero identitatem, aut indistinctionem eorum. Sed quidquid sit de hoc. Respondetur ad argumentum negando Antecedens, cuius nulla est probatio: nam aliud est odium proprium virtutis de eo, quod ipsi opponitur; aliud vero odium Pœnitentiae, ut constat in odio proprio Charitatis, quod non est Pœnitentia, quin supponitur elicitor ab ipsamet Charitate; sed Pœnitentia odio habet peccata ex peculiari sibi motivo. Itaque nulla virtus ad odio habendum malum sibi oppositum indiget Pœnitentia, quippe quod cuiilibet à natura insitum est ex ipsamet prosecutione proprii objecti. Unde nec Pœnitentia elicit odium proprium aliarum virtutum; nec aliae virtutes proxime concurrunt ad detestationem proprie Pœnitentiae ob commensurationem essentiali virtutum cum objectis, et adæquationem objectorum cum ipsis virtutibus. Quia ergo in quolibet peccato importatur, et oppositio ad honum rationis, et simul injuria Dei; detestari, et fugere primam oppositionem pertinet ad virtutem; at vero compensare injuriam est proprium Pœnitentiae. Unde si aliquomodo inservit, et ancillatur virtutibus, non est ad odium utcumque; sed ad odium injuriæ divinæ, quam media contritione, lacrymis, et humiliatione propria cupit reparare.

Ex quo non sequitur eam esse generali virtutem, licet habeat materiam generali circa materiam propriam omnium virtutum, ut inquit D. Thomas, de cuius mente ambigere in hac parte, est in plano offendere: quandoquidem sensus ejus est clarissimus, videlicet Pœnitentiam ex analogia ad alias virtutes, sibi quodammodo vindicare aliquid earum, in modo agendi, ratione cuius fit aliquomodo similis, tum Theologicis, tum Moralibus virtutibus; quod toto cœlo distat ab eo, quod omnes virtutes concurrent ad actum Pœnitentiae; vel quod actus Pœnitentiae immediate se ingerat in actibus aliarum virtutum, operando extra proprium objectum, ut intendere

D.Thom.

dere cogitur argumento illo utens. Præterquam quod aliud est plurium virtutum actus præcedere debere; aliud vero unum in aliis, et alios in uno transcendere. Primum concedimus, et concedit D. Thomas, ut mox videbimus, secundum vero negat D. Thomas, et negamus.

Ad id, quod ultimo urgetur argumentum, concedimus præire omnes illos motus nostram justificationem; qua semel adepta, non sunt necessarii omnes illi actus ad contributionem perfectissimam, sed sufficit Charitas ut imperans, et Pœnitentia ut eliciens, supposita alias fidei cognitione. Quia D. Thomas in eo articulo solum investigabat principium Pœnitentiæ, et ad eam primo habendam tertio loco annumerat timorem servilem, cui non est locus in eo, qui nactus est gratiam juxta illud: *Perfecta Charitas foras militi timorem, utique servilem.* Ex eo vero quod prædicti actus, sive pauci, sive plures, præcedere ut in plurimum debeant; solum sequitur unius, vel plurium actuum subordinatio, quæ etiam apparet inter actus voluntatis, et intellectus, imo et ejusdem potentiae; non vero quod unus ab omnibus immediate dependeat, vel quod cuncti uni soli se ingenerant, et immediate opitulentur. Et sane eodem argumento confici posset prædictos quinque actus, quos etiam memorat Concilium Tridentinum sess. 6, cap. 6, omnes ad eandem virtutem simul pertinere, quod est falsum, et hactenus a nullo intentum.

Illud tamen prætereundum non est, ex loco D. Thomæ, ubi post illos actus recentitos, inquit S. Doctor, Pœnitentiam a timore filiali ut ab immediato, et proximo principio originem sumere, quemdam S. Doctoris discipulum infra laudandum arripuisse occasionem affirmandi D. Thomam nonnihil a communi sententia deviisse; quasi docuisset in illis verbis habitum Pœnitentiæ a dono timoris non differre, quod infra examinabimus.

Trident.

Ultimum
argum.
Durand.

53. Ultimo arguitur ex Durando in 4, dist. 14, quæst. 2, num. 5, 6 et 7. Nam si Pœnitentia esset virtus specialis, sequeretur eum, qui plurices peccaret, et toties a peccato resurgeret, fieri magis virtuosum, subindeque melius illi esse multoties peccare, quam semel, aut numquam. Consequens est falsum: ergo falsum est Pœnitentiam esse virtutem ab aliis diversam. Sequela videtur perspicua: quia quo magis peccat, et a peccato resurgit, eo magis, ac magis penitet, et Pœnitentiam

auget: ergo sit magis pœnitens, et consequenter virtuosior in ratione pœnitentis. Falsitas Consequentis ex se patet.

Hoc tamen fundamentum spernunt Vasquez in præsenti dub. unico, et Lugo disp. 2, sect. 1, n. 4, et merito; nam si esset efficax pariter probaret, justiore esse, qui pluries violaret justitiam, eo qui vel numquam, vel semel, aut bis tantum contra justitiam fuisse operatus; et sic melius esset sæpe furari ad restituendum, quam numquam surripuisse; quod est evidenter falsum. Id quod magis urget in sententia Durandi, qui non agnoscit Pœnitentiæ virtutem distinctam a justitia commutativa, vel vindicativa: ergo sicut in ejus sententia Pœnitentia augetur in ratione Pœnitentiæ, juxta peccati incrementum, par ratione augebitur justitia ex iterata, et sæpius repetita injustitia.

Respondet ergo Lugo concedendo sequelam de Pœnitentia acquisita, et negando de Pœnitentia infusa.

Sed hanc distinctionem probare non possumus, quia non datur vera virtus Pœnitentiæ, quæ sit acquisita; nec modo vacat examinare, an esto daretur, adhuc teneret illa disparitas. Unde illa prætermissa, neganda est illatio Majoris: quia cum virtus Pœnitentiæ sit virtus infusa, non augetur seorsim, sed simul cum gratia, et altiarum virtutum choro: ad quod quidem obici est (tantum abest, quod conducat) multoties peccare, et gratiam, ac cæteras virtutes peccando destruere, ut constat exemplo justitiae nuper allato; alioqui enim melius esset sæpe injusticias committere, et illas sæpe etiam compensare, ut vel sic augeretur justitia. Quod est falsum, imo et ridiculum.

54. Sed oppones, ubi est major dispositio ad formam, ibi necesse est invenire, et magis ipsius formæ, ut constat inductione omnium dispositionum, maxime si fuerint ne dum antecedentes, sed ipsam formam comitantes: sed virtutes mōrales infusæ esto non augeantur nostris actibus physice, et effienter, augmentur tamen dispositio, et meritorie, ut expresse docet D. Thomas quæst. de Virtutib. art. 11 D. Thom. ad 14. Ergo quo magis actus Pœnitentiæ replicentur, eo magis augebitur ipsa Pœnitentia dispositio, et meritorie ex parte pœnitentis, et effective ab ipso Deo; atque ideo quo magis aliquis peccaverit, et resipuerit, eo virtuosior evadet.

Respondetur concessis præmissis negando Solutio.

Aliquo-
rum
respon-
sio.
Vazquez.
Lugo.

Quid
sentiat
Lugo.

Impro-
batur.

Vera
solutio.

Replica.

Consequentiam, vel illam claritatis gratia distinguendo, eo magis augebitur ipsa Pœnitentia seorsim ab aliis, negatur Consequen-tia, simul cum gratia, et aliis virtutibus, conceditur. Et ratio est, quam tradidimus tract. de Virtutibus quæst. 66 in animad-versionibus ad art. 2, quia cum virtutes infusæ non infundantur a Deo nisi simul cum gratia, sicut non habent fieri absque illa, ita nec etiam crescere, et augeri. Actus autem repetiti pœnitendi cum meritorii sint, utpote a gratia et Charitate pro-eudentes, merentur augmentum gratiæ: et gratia vel physice, vel moraliter aucta, consequens est, ut ejus proprietates simili potiantur incremento, atque ideo non sola Pœnitentia crescit ad repetitionem propriorum actuum, sed etiam aliæ omnes virtutes simul cum ipsa gratia.

Defectus argu-menti. Praeterquam quod argumentum Durandi fallit ex alio capite magis radicali. Nam per peccatum mortale non tantum excluditur gratia, sed etiam aliæ virtutes, sive Theologicæ, sive morales destruuntur. Unde quoties homo a peccatis resurgit, accipit novam gratiam, novasque virtutes, non utcumque sed proportionate ad dispo-sitionem, in qua resurgit, ut constat ex dictis tract. de merito, de justificatione, et D.Thom. de Charitate, et docet D. Thom. infra q. 89, art. 2, quia secundum quod motus liberi arbitrii in Pœnitentia est intensor, vel remissior, secundum hoc pœnitens con-sequitur majorem, vel minorem gratiam. Porro quod homo frequentius labatur in culpas, non infert majorem dispositionem ad iterum pœnitendum, et majorem gratiam instaurandam; quin potius clarius manifestat propriam defectibilitatem, et conducit quidem ad eum demonstrandum magis peccatorem, quam pœnitentem: nam esse magis pœnitentem non venari debet ex iteratione peccatorum, sed ex detestatione; et major est, sicut et melior illa detestatio, quæ post culpam, nullam aliam admittit, quam quæ cadendo, et re-surgendo non ita hominem ab ea elongat. Sicut melius est post furtum commissum, non reincidere, quam post factam resti-tutionem, iterum restituenda surripere. Quare doctrina illa argumenti tenet quidem in homine, qui post lapsum ita pœnitet, ut gratiam non amittendo sæpius de eodem conteratur; quo pacto ne dum non auget Pœnitentiam, sed etiam gratiam ipsam, et reliquas virtutes sibi annexas; neutiquam vero debet applicari, nec con-

gruenter potest, homini, sæpius peccanti graviter, et sæpius resurgent. In quo non est melius, sed nec ita securum, toties labi, et gratia ac virtutibus spoliari. Quocirca Soto in 4, dist. 14, ar. 10, ita monet: *Hoc autem in calce memoriz commen-dandum est, quod cum hoc ingentissimum beneficium bono nostro Deus contulerit, nos illo absurdissime abutimur: nam tam certa spes venia securiores nos reddit, ut in pec-catorum volubatro diutius revolvamus. Sed caveant sero pœnitentes in certum exilium, quo creberrime iratum Deum experiuntur.*

Soto.

§ IV.

Qui, et quid sentiant contra alteram assertionem.

55. Contra secundam conclusionem non reperimus quem expresse referamus. Nam omissis pro nunc Durando, et Suarez, de quibus infra, ex pluribus dicendis modis, quos refert Lugo, nullus est qui ex dictis non facile evaneat, quin illis singillatim referendis, et confutandis insistere opus sit. Quocirca ab illis omnibus superse-dendo, celebrior est sententia, quæ docet objectum Pœnitentiæ esse bonum com-pensationis; non utcumque sed ita ut excludatur dolor, aut retractatio, a ratione Pœnitentiæ, quippe quæ prædictum dolorem non elicit, nec versatur immediate contra peccata præterita, ut de eorum mente tes-tatur Lugo sect. 2, peccata enim præterita (inquit) non opponuntur compensationi futuræ, imo necessaria sunt, ut postea subse-quatur aliqua compensatio. Quare si hæc virtus deberet de illis decernere, potius de-büssel velle quod fuissent, ut fuisset occasio ponendi compensationem, quam solam hæc virtus formaliter vult. Hæc abs dubio fuit P. Vasquez in præsenti, ubi nullum ac-tum Pœnitentiæ adscribit, quam velle compensare, et dolorem, aut detestationem peccati redigit in Charitatem. Sed judicium de illa jam audivimus a Lugo. Tandem ipsem Lugo sect. 4, duo docet, et quod Pœnitentia sit specialis virtus, et quod ejus objectum formale motivum sit bonitas pacis cum Deo. Quæ quidem sententia so-lum differt a præcedenti in eo, quod re-cognoscit actum proprium Pœnitentiæ esse dolorem, et detestationem peccati.

P. Vaz-quez.

Sed nostro iudicio est inconsequenter illa: nam si bonum compensationis est incapax terminandi dolorem, et detestatio-

nem,

Incon-sequen-tia hujus senten-tiae.

nem, etiam bonitas pacis cum Deo est incapax terminandi dolorem, nemo enim dolet de eo quod appetit, aut tristatur de eo quod placet: ergo si bonitas pacis cum Deo est motivum Pœnitentiæ, aliquis actus primarius, qui non sit detestatio, debet assignari Pœnitentiæ. Et sic coincidit cum prima sententia ab ipso ut noviter introducta refutata.

Confirm. Confirmatur, et explicatur: quoniam actus doloris, et detestationis versatur directe, et immediate circa malum: sed bonitas pacis cum Deo est bonum, subindeque attrahit, et allicit voluntatem: ergo bonitas pacis cum Deo non est objectum Pœnitentiæ, cuius primarius actus est dolor. Probatur hæc Consequentia. Nam bonitas pacis cum Deo non est detestabilis, ut per se liquet: sed dolor, et detestatio versatur circa objectum detestabile, sicut visus circa visible, et intellectio circa intelligibile: ergo dolor et detestatio non versantur immediate circa bonum pacis cum Deo. Alius ergo actus præter dolere, et detestari assignari debet Pœnitentiæ. Cumque hoc sit contra Scripturam, et Patres, et insuper sit novam Pœnitentiæ, et inauditam inducere ut constat ex ipso Lugone; palam infertur, vel assignandum esse aliud Pœnitentiæ objectum, vel male assignari ut ejus actum primarium dolorem, et detestationem. Atque ideo inconsequenter procedi in sententia ab ipso impugnata, quam in propria. Quocirca totus fuit P. Vasquez in adscribendo actum doloris Charitati, ut inde firmius evinceret solum bonum compensationis esse objectum Pœnitentiæ. Si ergo ex doctrina Patrum efficaciter colligitur actum primarium Pœnitentiæ esse dolorem et detestationem, ut fatetur prædictus Author; non aliunde illam refellens sententiam; consequenter procedendo nequit non adstruere pro objecto primario Pœnitentiæ objectum detestabile, quod quidem non est bonitas pacis cum Deo, sed ipsa offensa Dei, ut perpetuo docet D. Thomas locis supra allegatis, et in-super in eodem 4 sent. dist. 17, quæst. 2, art. 2, quæstiunc. 4, ubi de Pœnitentiæ loquens inquit: *Proprius autem actus ejus est in objectum proprium, quod est peccatum commissum. Et ideo ejus actus principalis scilicet contritio, secundum suam speciem respuit tantum peccatum præteritum, sed ex consequenti respicit futurum.* Bonitas autem illa pacis, seu habere Deum sibi pacatum consequitur quidem ut finis

ultimatus, seu effectus post exhibitam satisfactionem media destructione peccati, per se primo, et immediate intenta. Et potius pertinet ad finem virtutis, qui non habet rationem objecti, quam ad objectum ipsum, ut clare constat ex D. Thoma in 4, D. Thom. dist. 14, quæst. 1, art. 1, quæstiunc. 4, ubi distinguens in virtutibus moralibus rationem finis a ratione objecti, et vident quod Pœnitentia intenditur reconciliatio cum Deo, atque ideo bonum reconciliacionis, quod re ipsa coincidit cum bono pacis, inquit S. Doctor. *Dicendum, quod in hoc quod dicit, quod Pœnitentia reconciliat Deo, non tangitur relatio Pœnitentiæ ad objectum suum, sed magis ad finem.* Sed ordo ejus ad objectum langitur in hoc, quod dicitur, peccata commissa fovere. Quibus verbis rem satis elucidat, et æquivocationem objectum cum fine virtutis confundentium dispellit. Quod etiam patet in Logica cuius finis est dirigere intellectum, ne erret in operationibus propriis; cum tamen objectum sit ens rationis et finis virtutum moralium est rectificare voluntatem, seu appetitum, licet illarum objecta sint satis diversa.

56. Porro utriusque sententiae fundamenta convulsa manent ex dictis: Nam quod attinet ad Vasquez, dolorem prædicatum sub omni ratione in Charitatem immediate refundentem, et bonum compensationis pro objecto Pœnitentiæ assignantem, in sensu ab illo intento minime sustineri debet, et merito displicuit non solum externis, sed etiam domesticis, teste eodem Lugo. Quod vero ad hunc pertinet, etiam liquet ejus inconsequenter: nam eo ipso quod actus primarius Pœnitentiæ sit dolor, et detestatio; ejus primarium objectum debet esse detestabile, et odio dignum, quod non est aliud, quam offensa, ut emendabilis, et expiabilis, mediis prædicto dolore, et satisfactione; atque ideo quod proxime, et immediate attingitur, non est bonitas pacis cum Deo, seu habere Deum amicum, et pacatum; sed expiatio ipsius offensæ media contritione, et abjectione propria.

Nec refert, ut causatur Lugo, D. Thomas in 4, dist. 14, quæst. 1, art. 1, quæstiunc. 3, ad ultimum dixisse, quod *sicut est alicujus virtutis, quod homo placet eum, quem peccando offendit, ita est alicujus virtutis, ut homo placet Deum, quem peccando offendit.*

Nam licet hoc verissimum sit, si qui-

P. Vaz-
quez.

D.Thom.

Refelli-
ter
ex Lugo.

Exclu-
ditur
Lugo.

Objectio
ex D.
Thom.

Dissol-
vitur.

dem infallibile est Deum placari posita contritione, et detestatione peccati. Sed non idcirco sequitur contritionem immediate habere pro objecto ipsum Deum esse in se placatum; sed id medio quo pacatur creaturæ, et inoffensus redditur, quod est expiatio offensæ, de qua dumtaxat potest esse contritio, seu detestatio; et constat in restitutione famæ, et honoris, quæ licet eo tandem tendat, ut offensum hominem reintegret in parte læsa et benevolum reddat; objectum tamen proprium, et primario inspectum, a quo sumitur species actus, non est nisi honor ablatus media propria humiliatione, non vero pacatio passiva amici, de qua non est dolor, aut tristitia. Quare verba D. Thomæ convenientia sunt ad ostendendum assignatam iri aliquam virtutem in homine, qua ille effectus placationis ponatur inter Deum, et hominem peccatorem, ad quod intentum ea protulit D. Thomas; non vero valent ad probandum objectum proximum, et immediatum Pœnitentia non esse divinam offensam, ut expiandam, et abolendam media contritione, ut verba supra relata ex S. Doctore satis manifestant.

Quod si contendenter aliquis hanc diversitatem dumtaxat ad modum loquendi non vero ad rem ipsam, tandem revocari (quod significavit Lugo sect. 4, n. 48) rursus insistemus inter plures loquendi modos præferri debere, quem constiterit esse proprium D. Thomæ, utpote genuinum, et opportuniorem ad rem, de qua agitur, elucidandam. Nusquam autem S. Doctor bonitatem illam pacis cum Deo ita nude acceptam, pro objecto Pœnitentia assignavit; sed semper usurpavit offensam, ut expiandam, emendandam, et corrigendam media contentione pro illius objecto. immediato, et per se primo inspecto; quidquid sit de pace, seu pacatione Dei inde secuta, quam nec ignoravit S. Doctor, nec ex parte finis excludit.

*Aliorum
dicensi
modi
repelluntur.
Aversa.
Theophil.
Raymundo.
Prado.
D.Thom.*

57. Ut vero hi, et alii plures opinandi modi, quos ex Aversa, Theophilo, Raymundo, et aliis recentioribus refert Prado in præsenti, simul extracentur, et expediantur, quin ad eos in particulari descendere opus sit, præ oculis habenda est doctrina D. Thomæ in eodem lib. 4 sent. dist. 16, quæst. 2, art. 2, quæstiunc. 4, ubi considerans S. Doctor, quæ Pœnitentia habeat ex propriis, et intrinsecis prædicatis, quæ vero emendat a virtutibus sibi adjunctis, utputa Prudentia, et eadem est

ratio de Charitate, quam habet intime annexam; singula singulis tribuendo inter ea discernit, dicens: *In omnibus motoribus, et mobilibus ordinatis ita est, quod motor inferior habet motum proprium, et præter hoc sequitur in aliquo motum superioris motoris, sicut patet in motu planetarum, qui præter motus proprios sequuntur motum primi orbis. Omnibus autem virtutibus moralibus motor est ipsa prudentia, quæ dicitur auriga virtutum. Et ideo quælibet virtus moralis cum motu proprio habet aliquid de motu Prudentia. Et ideo cum Pœnitentia sit quædam virtus moralis, quæ est pars justitiae, cum motu proprio consequitur Prudentia motum. Proprius autem motus ejus est in objectum proprium, quod est peccatum commissum: et ideo ejus actus principalis, scilicet contritio secundum suam speciem respicit tantum peccatum præteritum. En quod habet Pœnitentia ex illa ratione sibi propria ex qua sortitur esse virtutem specialem, quatenus pœnitens dolet de peccato commisso, in quantum est offensa Dei, ut etiam docet in hoc art. 3 hujus quæstionis. Et progrediens ad explicandum quid illi conveniat ex participatione superioris motoris, subtexuit: Sed ex consequenti respicil futurum, secundum quod habet aliquid de actu Prudentiae adjunctum: et non tantum in illud futurum ratione propriæ speciei moveretur (sed ratione illius adjuncti, intrinsece tamen ex motione superioris) et propter hoc ille, qui conteritur, dolet de peccato præterito, et cavit futurum (ecce propositum iterum non peccandi), sed non dicitur esse contritio de peccato futuro, sed magis caritudo, quæ est pars prudentiae contritioni adjuncta.*

Ex quibus liquet innatam Pœnitentia, ut ita dicamus, indolem solum primario versari circa contritionem eliciendam, et offensam Dei abrogandam. Si quæ vero alia illi insunt, licet intrinseca, et intranea ipsi videantur, ei obveniunt ex conjunctione ad alias virtutes sibi essentialiter annexas, quales sunt Prudentia, a qua præcibit modus recte conterendi, et Charitas, cui subordinatur essentialiter, ut infra videbimus, pro elicendo actu sibi proprio. Ex qua subordinatione accipit agere non solum intra propriam speciem, sed etiam ultra illam usque ad finem Charitatis, ut constat ex D. Thoma, et uberiorius explicatum relinquimus variis locis hujus nostri Cursus, maxime vero tract. de virtutibus, de Merito, de Charitate, et alibi sæpe, ut poscebat occasio.

Habemus

Pœnitentia inclinatio et propensio.

Habemus insuper contra recentiores objectum proprium Pœnitentiae non esse jus divinum illæsum servare (ut voluit Raynaudus infra opportuniore loco allegandus) ita absolute, ut ab ipso proponitur: nam hoc pacto, vel pertinet ad objectum Charitatis, vel simul ad omnes alias virtutes, ad quas sicut attinet sequi recte rationis ductum, ita effugere malum illi oppositum, quo servetur jus divinum illæsum. De quo rursus inferius. Nec etiam bonitas pacis cum Deo, ut affirmat Lugo, hæc quippe bonitas vel pertinet ad Charitatem, vel etiam ad alias virtutes simul, nec etiam explicat propriam Pœnitentiae speciem. Nec ulterius assignari debet bonitas compensationis, quæ est finis, et non objectum contritionis, et sic de reliquis noviter excogitatis. Nulla quippe earum positionum propria Pœnitentiae notio innotescit, quasi ea instituta non fuisset ad primo detestanda peccata, et offensam Dei eliminandam, ut passim Scriptura, et Patres nos docent, et ita discurrentes negare non possunt. Quare vel novam, et inauditam Pœnitentiam nobis obtrudere coguntur; vel fateri tenentur cum D. Thoma contritionem esse actum primarium Pœnitentiae, indeque illam esse specialem virtutem, quia specificatur a contritione, et hanc ab offensa divina, ut emendabili, et expiabili per ipsam, quod fuit scopus hujus secundi dubii. Contra quam doctrinam nullum reperimus argumentum, quod ex dictis facillimam non admittat solutionem. Et quia succendentia dubia affinia sunt isti, si qua remaneat difficultas, ex dicendis lucem accipiet.

§ V.

Decisio appendix de Pœnitentia, an sit virtus moralis?

ibium. 58. Semel atque constiterit Pœnitentiam esse virtutem specialem, ut firmatum relinquimus, illico pulsat animum investigare, an sit Virtus moralis, vel Theologica: nam quod inter intellectuales non possit annumerari constantissimum est, et omnium Theologorum calculo comprobatum. Est tamen difficultati obnoxium, an etiam Charitas ejus munia obire possit, adhuc supposito, quod sit specialis virtus: siquidem ipsam Charitas specialis virtus etiam est, atque ideo per hoc quod esset idem cum Pœnitentia; neutra amitteret

rationem specialem virtutis, ut constat in religione, quam nemo ambigit accenseri inter præcipuas virtutum moralium, quantumvis aliqui, ut infra videbimus, eam a Pœnitentia non distinguant: quocirca ita affirmant Pœnitentiam esse specialem virtutem, quod eadem cum religione, aut justitia arbitrentur. Sed quia ex dictis sponte fluit hujus dubitationis decisio, idcirco illam per modum appendicis subjungere statuimus.

Dicendum itaque est Pœnitentiam esse Est virtus inter virtutes morales annumerandam; ita docent communiter Theologi tam intra, quam extra scholam D. Thomæ, estque expressa sententia D. Doctoris tam præsenti, quam loco supra citato ex 4 sent. dist. 14, quæstiunc. 4, ubi in propriis terminis excitat, et decidit hanc difficultatem. Unde

Probatur ratione ejusdem S. Doctoris, Ratio D.Thom. quæ brevissima, sed efficacissima est. Quoniam de ratione virtutis Theologicæ est habere Deum pro fine simul, et objecto: sed Pœnitentia non habet Deum pro fine simul, et objecto: ergo Pœnitentia non est virtus Theologica. Majorem supposuit S. Doctor ut per se notam, et a se ipso explicatam quæst. de Virtutibus art. 13 in corpore; nam per virtutes Theologicas bene se habet homo in ordine ad ultimum finem immediate assequendum, qui est Deus, unde, et Theologicas dicuntur, quia Deum habent non solum pro fine, sed etiam pro objecto. Minorem probat, quia objectum Pœnitentiae est peccatum commissum, quod intendit expiare, finis autem (non ejus gratia, sed cui) est Deus, quem intendit reconciliare cum homine: ergo in Pœnitentia non coincidit ratio finis cum ratione objecti, et consequenter non est virtus Theologica. Quæ D. Thomæ ratio, et ostendit conclusionem præsentem, et illustrat, quæ superius dicebamus pro assertiōnibus præcedentibus.

Confirmatur. Nam si cui virtuti Theologicae adunaretur Pœnitentia, maxime Charitati, a qua sola efficacior peccati dolor posset provenire, ut videtur perspicuum; siquidem fides, et spes compatiuntur peccato in eodem subjecto. Sed Charitas non est idem realiter cum Pœnitentia, aut e converso. Ergo Pœnitentia nec est virtus Theologica, nec illi identificatur. Probatur Minor. Tum quia virtutes distinguuntur realiter penes diversa objecta formalia: sed objectum formale Pœnitentia

tiæ est diversum ab objecto formalí Charitatis, ut constat ex dictis in hoc dubio : ergo etiam virtus Charitatis erit diversa a virtute Pœnitentiæ. Tum etiam, quia virtus Pœnitentiæ regulatur per Prudentiam, quæ est regula, et auriga virtutum moralium, ut supra audivimus a D. Thoma, eisque præscribit medium, quod transilire non possunt, quin virtutis rationem amittant : Charitas autem non adstringitur legibus Prudentiæ, sed ductum fidei immediate sequitur : ergo Charitas non est idem realiter cum Pœnitentia, nec ista illi identificatur realiter. Major est doctrina communis Theologorum, quam late explicimus tract. de Virtutibus ad quæstiunc. 64, art. 1, disp. 4, dub. 1. Minor etiam cons-

D.Thom. tat ex D. Thoma ibi art. 4, ubi virtutibus Theologicis non aliam designat mensuram quam ipsum Deum qui est omnium prima, et indefectibilis regula. Unde si quam determinationem illis statuere contingat est per accidens, et ex defectu subjecti, non vero ex parte actus, et objecti, si secundum se, et absolute considerentur; cum tamen oppositum contingat in virtutibus moralibus; *quia* (ut inquit D. Thomas in 3, dist. 13, quæst. 3), *virtutes morales aliquid participant de motione prudentiæ, quæ est omnium directiva, et ideo Pœnitentia, cum sit virtus moralis, prudentiæ motum consequitur cum proprio actu.*

Objectio. 59. Missis aliis objectionibus desumptis ex actu Charitatis, quibus ex dictis facile occurritur, contra has probationes instatur immediate. Nam virtus, quæ non habet medium in attingentia proprii objecti, non est moralis, sed Theologica? sed Pœnitentia excludit medium in attingentia sui objecti : ergo Pœnitentia non est virtus moralis, sed Theologica. Probatur Minor, nam eadem est ratio de contritione erga peccatum, ac de amore Dei : quo enim Deus magis diligitur, eo plus peccatum odio habetur; quocirca sicut (teste D. Bernardo) modus diligendi Deum est ipsum sine modo diligere; ita et modus peccatum detestandi est absque ulla limitatione, aut meta, peccatum abhorre. Unde sicut Deum ex toto corde diligere præcipimur, ita et ad Deum ex toto etiam corde converti jubemur, juxta illud: *Convertimini ad me in tolo corde vestro, scindite corda vestra, et non vestimenta vestra.* Quod ipsum est nullum præscribi debere medium vel Deum amandi, vel peccatum odio habendi; neuter enim istorum affectuum potest esse

nimus. Et ex hoc capite Pœnitentia vel est virtus Theologica, vel cum Theologicis annumeranda.

Respondetur tamen ex dictis negando Minorem, cuius probationes facile diluvuntur distinguendo odium peccati, ut sequitur ad amorem Dei absolute, ab odio peccati sub ratione offendæ expiabilis media satisfactione. Et quidem si de primo fiat sermo, ut revera fit in allegatis testimoniis, verum est nullum admittere medium, sicut non admittit Charitas. Odium vero secundo modo acceptum cum sit proprium Pœnitentiæ, licet augeatur per augmentum Charitatis, ad eum sane modum quo aliae virtutes morales; non tamen idcirco excludit medium a prudentia præfixum, ut nec deficiat, quia remissum, nec superfluat, quia excessivum, et in desperationem trahens, ut de Cain et Juda docent communiter Patres, estque manifestum in prædictis virtutibus, quibus non obstat augeri ad augmentum Charitatis, quamvis ex parte medii regulerint per prudentiam. Quam tradens doctrinam D. Thomas in 4, D.Thom. dist. 17, quæst. 2, art 4, quæstiunc. 2, inquit: *Quod hæc est conditio in actibus virtutum inventa, quod non potest in eis accipi superfluum, et diminutum, ut in 2 Ethic. probatur: Unde cum contritio quantum ad id, quod est displicentia quædam in appetitu rationis, sit actus Pœnitentiæ virtutis, numquam ibi potest esse superfluum, sicut nec quantum ad intensionem, ita nec quantum ad durationem, nisi secundum quod actus unius virtutis impedit actum alterius virtutis magis necessarium pro tempore illo. Unde quanto magis homo continue in actibus hujus displicantia esse potest, tanto melius est, dummodo actibus aliarum virtutum vacet suo tempore, secundum quod oportet. Sed passiones possunt habere superfluum, et diminutum, et quantum ad intensionem, et quantum ad durationem: et ideo sicut passio doloris, quam voluntas assumit, debet esse moderate intensa, ita debet moderate durare, ne si nimis duret, homo in desperationem, et pusillanimitatem, et hujusmodi vitia labatur.* Unde in hoc primo articulo compendiosius procedens eandem sententiam comprehendit sub illis verbis: *Pertinet ad rationem rectam ut aliquis doleat de quo dolendum est, ut eo modo, et fine, quo dolendum est. Quod quidem observatur in Pœnitentia, de qua nunc loquimur; nam penitens assumit moderatum dolorem de peccatis præteritis, cum intentione removendi ea.*

Ubi

Ubi moderationem quam denegat dolori a Charitate immediate procedenti de amissione summi boni, concedit actui Pœnitentiae in offensam divinam prosilientis in ejusque expiationem conantis.

Nec refert, si urgeas; excessus, aut defectus se tenens ex parte subjecti non opponitur virtuti Theologicæ, nec consequenter infert, quod consistat in medio a ratione, seu Prudentia præscripto; sed talis est excessus, aut defectus repertus in Pœnitentia: ergo Pœnitentia non est virtus moralis, quæ a Prudentia regulari debat. Probatur Major, in ipso amore Dei, quo quis plus justo illectus se tradit quieti, et retrahit ab aliorum præceptorum graviter obligantium observatione; tunc enim Prudentia dictat dandam operam observationi præceptorum, et ab actu contemplationis desistendum. Minor vero probatur: quia dolor de peccato, ut constat ex D. Thomæ testimonio nuper relato, numquam est superflus, nec quoad intensionem, nec quoad durationem, nisi quatenus est impeditivus alterius virtutis, cujus actus est magis pro tunc necessarius: ergo dolor de peccato secundum se non petit regulari prudentia, nisi ad summum eo modo quo actus Charitatis.

Non, inquam, refert hæc objectio, ad quam respondetur ex D. Thoma 2, 2, quæst. 17, art. 4 ad 2, quod *virtus moralis est circa ea, quæ regulantur ratione sicut circa objectum proprium*, et ideo per se convenit ei esse in medio ex parte proprii objecti. Sed *virtus Theologica est circa ipsam regulam primam non regulatam alia regula, sicut circa proprium objectum*. Et ideo per se, et circa proprium objectum non convenit virtuti Theologicæ esse in medio. Sed potest sibi competere per accidens ratione ejus, quod ordinatur ad principale. Et hoc modo concedimus actus Theogalium virtutum regulari posse a Prudentia, ut a removente impedimenta pro illorum exercitiis, ut explicuimus tract. de Virtut. in annot. ad art. 4, quæst. 64. Et ex hoc capite non agnoscimus differentiam inter virtutes morales, et Theologicas; quæ in executione interdum se impedit valent. Sed differentia sumitur ex objecto, quod regulari, vel non mensurari debeat a Prudentia. Pœnitentia ergo cum respiciat divinam offensam ut compensandam media contritione; per se petit, ut juxta regulas rectæ rationis splendeat, tam in attingentia activa ipsius contritionis, quam in objecto, ut attingendo

mensura a Prudentia præscribenda, qua semel posita, non est defectus, aut excessus nec in intentione, nec in duratione, nisi aliquando expediat ab illo actu cessare, vel ob exercendos actus aliarum virtutum, vel ob alias causas urgentiores. Unde constat manifesta disparitas inter Pœnitentiam et virtutes Theologicas, quæ solum per accidens permittunt regulationem Prudentiae. Atque ideo licet ad odium peccati, ut est proprium Charitatis non concurrat Prudentia; secus vero ad odium contritionis, in quo est alia ratio ex parte objecti diversa ab objectis virtutum Theogalium, et a Prudentia dirigibilis per se, ne vel ob excessum, vel ob defectum in extremum aliquod declinetur juxta supra dicta.

61. Sed objicitur adhuc: quia virtus moralis non respicit immediate Deum, sed aliquod objectum creatum: at Pœnitentia respicit Deum ut offensum passive, quem ideo placare intendit: ergo Pœnitentia non est virtus moralis, sed Theologica. Major constat, et Minor videtur clara, cum ex ipsa contritionis definitione, tum quia peccatum sub ratione offensæ nec subjective, nec objective aliud quidquam immediatus Deo attingit; si quidem offensa formalis irrogata per peccatum est privatio moralis moraliter afficiens ipsum Deum, quem affective spoliat ratione ultimi finis, ut explicuimus tract. de Incarnat. disp. 1, a dub. 2, et deinceps. Ergo cum Pœnitentia immediate tendat in destructionem peccati sub ratione offensæ, immediate etiam attinget ipsum Deum ut offensum; ab eo quippe esse offensum, vel rationem offensæ ipsi illatae avertere conatur.

Respondetur distinguendo majorem; Dispelli-
tur.
non respicit immediate Deum, ut objectum, conceditur; ut finem cui, negatur, et sub eadem Minoris distinctione, negatur Consequentia: quia in virtutibus moralibus non coincidunt ratio objecti, et ratio finis: nam ab objecto sumitur species virtutis, quæ est ipsi essentialis; a fine vero licet immediate attacto, non sumitur specificatio; quin aliquando est imperfectior ipsa virtute, ut patet in incarnatione, quæ habet pro fine Cui, vel ut communiter dicuntur, pro fine effecto hominum redemptionem; cum tamen merita Christi non speciem sumpserint ex hominum redemptione, sed aliunde. Ex eo ergo quod Pœnitentia Deum ut finem Cui respiciat, non sequitur non esse virtutem moralem, sed inter Theologicas accensendam, ut etiam

Explica-
tur ex
D.Thom.

liquet in religione, cuius cultus non alium, quam Deum respicit, quin inde colligi possit eam esse virtutem Theologicam. Quod ut radicibus penetretur, audiendum est D. Thomas in 4, dist. 14, quæst. 1, art. 1, quæstiunc. 4 ad 2, ubi rem enucleat dicens : *Quod virtutes infusa tripli citer se habent ad Deum : quædam enim habent Deum pro objecto, et fine, sicut Theologicæ : quædam non pro objecto, in quod transeat earum actus, sed pro fine proximo, sicut patet de Latria, quæ aliquas servitutes et protestationes, quasi materium habet, quas immediate ordinat in Deum, quasi in finem : tales virtutes propinquissimæ sunt Theologicis, unde et actus harum virtutum attribuuntur virtutibus Theologicis, sicut proximis imperantibus. Unde dicitur ab Augustino, quod fide, spe, et Charitate diligitur Deus. Quædam autem non habent Deum pro objecto, neque pro fine proximo, sed ultimo, sicut temperantia, quæ habet passiones pro materia, et quietem animi pro fine proximo, sed hanc ultius ordinat ad Deum. Pœnitentia autem quamvis non habeat Deum pro objecto ; habet tamen Deum pro fine proximo : quia ad hoc in peccata commissa destruenda novelur, ut Deo reconcilietur, et ideo actus ejus, scilicet peccatum expellere, vel justificare, quandoque fidei, quandoque Charitati cediscitur.*

Duo consec-
taria.

62. Ex quibus verbis eliciuntur duo, quibus hanc difficultatem absolvemus. Primum (et quo magis superius dicta confirmatur) est, quod sicut quies animi non se tenet ex parte objecti temperantiae, sed finis, ut clare asseruit D. Thomas, ita bonitas pacis cum Deo, seu quod idem est, ipsum habere peccatum, aut benevolum se tenet ex parte finis in Pœnitentia, non autem obit munus objecti per se primo inspecti, ut supra dicebamus : quia nihil aliud a Pœnitente intenditur ex parte finis, quam Deum offensum pacare, et inoffensum reddere media contritione, sicut media temperantia non alio tenditur, quam quiete animi perfungi, et ad hunc finem pro medio assumitur moderatio passionum illi correspondentium. Unde sicut qui hæc duo pro eodem usurparet a vero deviaret; haud dissimiliter, qui illam sententiam sectantur, plane desciscunt unum ab alio non discernendo, et finem cum objecto per se inspecto confundunt.

Secun-
dum.

Secundo elicitor, quod cum ex virtutibus moralibus, aliæ sunt per se primo ad cohibendas, et in rationis medio consti-

tuendas passiones ordinatae, quales sunt quæ in appetitu sensitivo reperiuntur, de quibus late egimus tract. de virtutibus disp. 2 et 3, nec non in arbore prædicamentale illius tractatus appendice. Aliæ vero sint elevationes, quia versantur circa operationes, et dicuntur ad alterum, quibus proinde non incumbit frænare passiones per se primo, et quasi immediate; sed tantummodo ex consequenti, et quasi secundario, uti sunt quæ resident in voluntate, quarum præcipua est justitia sub se continens plures species virtutum, et subjectivas et potestativas juxta ibi dicta. Idcirco Pœnitentia non ad illarum, sed ad istarum cathegoriam reduci debet. Atque ideo ut omnino certum statuendum est Pœnitentiam non ordinari per se primo ad dolorem sensibilem, et corporeum, sed dumtaxat spiritualem; licet ex consequenti imperare, et moderari possit dolorem sensibilem de peccatis, et ad mediocritatem virtuosam redigere juxta illud Pauli 2 ad Corinth. cap. 2, n. 7, *Ne abundantiori tristitia aliquis absorbeatur.* Unde consequenter asserendum est, ex tribus virtutibus cardinalibus, justitia, temperantia, et fortitudine, sub sola justitia Pœnitentiam contineri; nam de prudentia, qua numerus earum quaternarius compleetur, tam certum est, ut nemini in dubium venerit. Quomodo vero ad justitiam reducenda sit, vel tamquam pars subjectiva, vel ut pars potentialis, infra examinabimus.

§ VI.

Aliud corollarium de peccatis alienis.

63. Sed ad veriorem prædictorum lucem superest determinare, quæ peccata veniant designanda sub objecto Pœnitentia? an videlicet tantummodo propria ipsius pœnitentis? vel etiam aliena, a quocumque fuerint commissa? Quod est inquirere: an Pœnitentia detestetur peccata, quia peccata sunt, quo pacto esse propria, vel aliena est omnino de materiali, et non variat ejus propriam speciem? vel determinare, quia propria sunt, qua ratione aliorum peccata excluduntur a ratione objecti, detestabilis per Pœnitentiam? Quam difficultatem versans Suarez in præsenti, disp. 2, sect. 1, n. 9, in hac virtute distinguit rationem Pœnitentia, secundum strictam nominis significationem, quo pacto importat retractationem prioris facti, et rationem jus- titiae

Co-
rinth. 5:

Utr.
aliena
peccata
sint
materia
Pœnitentie?

Senten-
tia
P. Suá-
rez.

titiae ad Deum. Et secundum priorem rationem tantummodo versatur circa propria peccata; in secunda vero consideratione complectitur etiam, et aliena: atque ideo eadem numero virtute inclinatur homo ad odio habendum peccata sive a se, sive ab aliis fuerint commissa. Eandem sententiam sectatur Lugo de Pœnit. disp. 3, sect. 2, ubi post relatum Concilium ab eadem opinione, duplicem habitum Pœnitentia distinguit, acquisitum, et infusum. Et hac distinctione supposita autumat, n. 26, per eundem habitum acquisitum propria, et aliena peccata detestari posse, siquidem procedit ex principali motivo offendæ divinae, et affectu contra ejus turpititudinem abstracte sumptam, quo pacto est quid commune omni peccato. In quo tamen non satis quiescens, insuper adstruit habitus partiales, cuius pars ad peccata propria, et altera ad peccata aliena se extendat. Quia vero nec huic sententiæ, adhuc fudit n. 27 affirmat, quod licet detur unica Pœnitentia pro diluendis peccatis propriis, adhuc potest acquiri alter habitus, qui deserviat odio habendis peccatis alienis. Accedens vero ad habitum infusum n. 34, licet difficile arbitretur aliquid certum definire, quia potest dari unicus habitus ad peccata propria, et alter ad aliena detestanda, et tandem n. 37 concludit merito dici posse eodem habitu infuso Pœnitentia, quo nobis volumus odium peccati proprii, etiam velle odium peccati alieni. Convenit itaque cum Suarez in principali asserto, et sine illa restrictione a Suarez adhibita, nec alias pro se refert (nec possit, si vellet) authores, quam Coninch. disp. 1, de Pœnit. dub. 3.

64. Verum prædicta sententia, et modus eam expendendi, ac propugnandi minime arrident, sed eadem facilitate, qua absque alio duce, modus illam tot distinctionibus, et partialitatibus explicandi adstruitur, respuendus est; sed rationabilius. Nam ut in simili Vasquez nescio quam innominata justitiam a Suario excogitatum amandans, recte inquit, tom. 1, in 3 p. disp. 7, cap. 4, n. 23: *Hi authores multa pronuntiant, suo quidem judicio certa, et in scholis communia; cum tamen non solum non possint vel minimum pro se afferre testimonium; verum etiam communi doctrinæ scholastico-rum manifeste adversantur.* Unde n. 32, ita eos alloquitur: *Verumtamen oportet hos Theologos tum esse memores, tum etiam doctrinam S. Thomæ perspectam habere.*

Quam vero apte hoc illis in praesenti tribuamus, inde constat; quod Suarez justitiam illam innominata, quam statuit tom. I in 3 p. disp. 4, sect. 5, § *Quocirca*, in posterioribus scriptis ad Pœnitentiam reducit; et nunc Pœnitentiam penitus cum justitia confundit, ut inde salvet Pœnitentiam quoad rem ipsam in Christi satisfactione reperiri. Lugo vero, ut supra vidi mus, solam illam Pœnitentiam agnoscit, quam tradit Magister sub hac definitione. *Pœnitentia est virtus, qua mala commissa cum emendationis proposito plangimus, et odimus.* Et invehitur in eos, qui excluso dolore solum bonum compensationis in Pœnitentia pro objecto statuunt, quasi novam, et inauditam Pœnitentiam inducant, ut constat ex disp. 4, sect. 2, n. 17, quam supra retulimus. In prædicta autem definitione manifeste excluduntur peccata aliena, utpote quæ a nobis commissa non sunt; quare oportebat, et memorem fuisse, et doctrinam S. Thomæ perspectam habere, juxta quam oppositam arripuissest viam.

65. Communis ergo, et omnino vera aliorum omnium Theologorum sententia est solum peccata propria, minime vero aliena, detestari posse per Pœnitentiam. Ratio sumitur ex D. Thoma in 4, dist. 17, quæst. 2, art. 2, quæstiunc. 5, ubi inquirit S. Doctor: *An homo debeat conteri de peccato alieno?* et respondet negative ob idem motivum, quod urgere paramus contra novam Suarii positionem subsequenti forma. Quoniam si posset hominem de peccatis alienis pœnitere; non esset, unde illi negaretur contritio de peccatis alienis: sed homo nequit habere contritionem de peccatis alienis: ergo per propriam Pœnitentiam nequit detectari peccata aliena. Consequentia videtur constare ex præmissis: nam proprius, et principalissimus actus Pœnitentia est detectatio peccati sub ratione emendabilis media propria satisfactione: atque ideo si homo hanc detestationem de alienis peccatis nequit elicere; nec consequenter esse illi potest pœnitentia de prædictis peccatis. Hinc probata relinquitur Major; quoniam Pœnitentia non aliter versaretur circa peccata aliena, quam se exerendo in actum sibi proprium, imo et essentialiem, per ordinem ad quem definitur, et explicatur: sed actus per ordinem ad quem primario explicatur, et definitur Pœnitentia est contritio, ut constat ex supra dictis: ergo semel concessa hominem posse pœnitere de aliorum peccatis, non esset ratio homini

Quid
Suarez
cum
Lugo.

Lugo
Magistro
adhae-
rens.

Vera
sen-
tentia.

D.Thom.
funda-
menta.

denegandi contritionem circa aliena peccata. Idque maxime consonat illorum positioni; idcirco enim arbitrantur Poenitentiam non coarctari ad peccata propria, quia in homine est dolor, tristitia, et satisfactio pro peccatis extraneis; hic autem dolor cum sit actus Poenitentiae virtutis, nequit non esse contritio.

Minor. probatio ex D. Thom. Quare tota difficultas devolvi videtur ad Minorem primi syllogismi, quae sic probatur: *tum quia est expressa D. Thomae in illis verbis: Contritio actus Poenitentiae virtutis est: sed nullus pœnitit nisi de iis, quæ ipse fecit: ergo nullus conteritur de peccatis alienis.* Tum etiam, quia ut docet ipse S. Doctor in eadem quæstiunc. contritio non est, ubi non præcessit duritia, et id quod conteritur, et quasi minutissime frangitur, præsupponitur durum; alioqui non esset, unde contereretur: sed per contritionem propriam non conteritur durities aliena, ut videtur per se notum, et manifestat evidens experientia: ergo contritio essentialiter versatur circa duritiem peccati propriam, et nullatenus versatur circa extraneam, seu peccata illam in alio inducentia. Tum etiam quia contritio essentialiter est incompossibilis cum peccato, quod detestatur, et destruit: est enim perfecta conversio hominis in Deum tanquam in ultimum finem: sed non destruit peccata aliena, nec similiter convertit subjectum extraneum, ut est perspicuum: non ergo versatur, aut versari potest circa subjectum extraneum, aut ejus peccata, si quidem nec illud convertit ad Deum, nec ista destruere valet.

Replicatur. 66. Nec ponderis erit, quod respondeatur actum contritionis non esse efficacem, nisi respectu subjecti proprii, atque ideo nihil mirum minime destruere peccatum alienum. Nam contra est, quoniam actus contritionis ex eadem radice, ex qua habet convertere hominem ad Deum habet etiam efficaciam; nec ratio illa conversionis, aut contritionis amplius distenditur, quam ejus efficacia: sed non habet efficaciam circa peccata aliena, ut negari non potest: ergo nec etiam circa eadem obit rationem contritionis, aut veræ poenitentiae. Minor, et Consequentia constant, et probatur Major; quoniam actus contritionis non habet efficaciam ad destruendum peccatum, nisi quia est dolor de offensa Deo irrogata assumptus ab homine propter Deum summe dilectum, et ex hoc capite habet perfecte subjecere totas animæ vires, et in Deum

effective et affective convertere: sed hoc sibi competit, quatenus contritio est, et ex prædicatis sibi essentialibus: ergo non sibi vindicat aliquid in ratione contritionis, quod non eidem conveniat in ratione efficacis; et consequenter, nec in ratione efficacis, ut conceditur, nec in ratione contritionis, ut negabatur, potest versari circa peccata aliena.

Confirmatur, et explicatur ex D. Thoma loco immediate allegato quæstiunc 3, ubi ita discurrit S. Doctor: *Omnis actualis culpa ex hoc contingit, quod voluntas nostra legi Dei non cedit, vel eam transgrediendo, vel omittendo, vel præter eam agendo. Et quia durum est, quod habet potentiam, ut non facile patiatur, ideo in omni actuali peccato duritia quædam est voluntatis: et propter hoc si debeat peccatum curari, oportet quod per contritionem comminuentem remittatur.* Ex qua doctrina sequens desumitur expugnatio: etenim quod contritio sit efficax remedium peccati non aliunde accipit, quam ex eo, quod comminuat duritiam voluntatis peccataricis: sed quod eam comminuat, et conterat, retinet, et obtinet, quia comminatio, et contritio est duritiae voluntatis: ergo cum non comminuat, aut comminuere valeat voluntatem alienam; manifeste sequitur nec rationem contritionis habere erga voluntatem extraneam, et consequenter nec sub ratione contritionis, nec sub ratione efficacis tendit in extranea peccata.

Confirmatur, et explicatur secundo ex eodem S. Doctore ibi solut. ad 4, quia contritio opponitur peccato, illudque odio habet ex illa parte qua ex electione voluntatis procedit, non sequentis imperium divina legis, non autem ex parte ejus, quod est in peccato materiale, et hoc est super quod cadit electio. Sed electio voluntatis se conterentis non cadit supra electionem alterius voluntatis peccataricis. Ergo nequit sub ratione contritionis ad illam se extendere; atque ideo nulla est ratio asserendi Poenitentiam versari circa alia peccata præter propria illius subjecti, in quo fuerit contritio.

67. Nec refert effugium insinuatum a Lugo de contritione sub ratione retractationis, seu, ut etiam indicavit Suarez, sub ratione strictæ Poenitentiae: quo pacto recte concluditur non esse posse contritionem nisi de peccatis propriis, et consequenter nec Poenitentiam. Secus vero est, si ipsam contritio sumatur sub ratione satisfactionis,

Conf
ex j
Tho

Ultimi
confir
matio
eoder
D.Thor

Respon
dict
Lugo

satisfactionis, et compensationis; sub qua consideratione non importat retractationem, sed solum compensationem Deo vel factam, vel faciendam, et versatur ne dum circa peccata propria, sed etiam circa quælibet alia. Hoc autem non excluditur imputationibus factis, quippe quæ solummodo tenent de contritione, qua est retractatio propriæ voluntatis, non vero, qua est satisfactio.

Verum hoc effugium, in quo est nervus summatim comprehensus illius opinionis, præclusum manet ex dictis, si recte expendantur. Quia licet Pœnitentia importet retractationem, sub quo munere ita est propria subjecti, quod aliud extraneum excludat, ut bene asseritur; et simul sibi vindicet rationem justitiae, et satisfactionis in sensu infra explicando; falsum tamen est ad alia se extendere sub ratione satisfactionis, quam sub ratione contritionis: sed sub ratione contritionis non concernit nisi proprium subjectum: ergo nec sub ratione justitiae, aut satisfactionis. Consequentia constat, et Minor conceditur a prædictis Authoribus, unde solum superest probanda Major. Primo ex D. Thoma in hoc art. 3, ubi in argumento *sed contra eam* convincit ex illo saepe citato libro D. August. de Pœnit. cap. 8; nam Pœnitentia est *quædam dolentis vindicta, semper puniens in se, quod dolet commisisse*. In qua definitione adæquatum officium Pœnitentiae explicatur, et comprehenditur; et consequenter tam in ratione contritionis, quam in ratione justitiae sistit in proprio subjecto, quin proxime, et immediate circa alienas injurias versetur. Id quod non minus elucet in definitione tradita a Magistro, et ab eisdemmet Theologis, et cunctis aliis recepta, juxta quam *Pœnitentia est virtus, qua mala commissa cum emendationis proposito plangimus, et odiimus*. Constat autem neutiquam de culpis alienis quemquam habere emendationis propositum, cum alterius voluntas non subsit directioni, et electioni nostræ. Ergo sicut illas committere non est in nostra voluntate, ita nec eas in posterum emendare, et consequenter nullo modo Pœnitentia detestatur ut propriam materiam peccata extra-nea.

68. Secundo probatur eadem Major: nam Pœnitentia sub ea ratione, qua est justitia erga Deum, odio habet peccata, et obit rationem verae Pœnitentiae, et e converso: ergo licet habeat rationem justitiae,

non tamen alio tendit sub ratione justitiae, ac sub ratione Pœnitentiae; et consequenter illa distinctio inepta est ad eam sententiam statuendam, et formandam. Antecedens constat ex D. Thoma in prædicto D. Thom. articulo, ubi in ejus corpore, inde probat Pœnitentiam esse justitiam, *quia pœnitentia non habet quod sit virtus specialis ex hoc solo, quod dolet de malo perpetrato; ad hoc enim sufficiet Charitas, sed ex eo quod pœnitens dolet de peccato commisso, in quantum est offensa Dei, cum emendationis proposito*. Emendatio autem offensæ contra aliquem commissæ, non fit per solam cessationem offensæ, sed exigitur ulterius quædam recompensatio, quæ habet locum in offensis in alterum commissis, sicut et retributio. Sed compensatio ista, et retributio fit medio ipso actu contritionis intransitive, imo est prædictus actus ipsamet compensatio. Ergo non aliud respicit sub ratione justitiae, ac sub ratione actus contritionis; atque ideo inanis est illa distinctio, ut fundet illas diversas tendentias. Probatur Minor, quia Pœnitentia non aliter obit rationem justitiae, nisi quatenus est ad alterum, et reddit debitum: sed per ipsummet actum contritionis impræscindibiliter tendit in Deum, et reddit debitum: ergo ipsomet actu contritionis intransitive exercetur ius-titiae ratio. Qualiter vero id contingat, ex-Explicatio Praeceptor Angelicus in 4, dist. 14, D. Thom. q. 1, art. 1, quæstiunc. 4, per haec verba: *Ille autem, qui alterum offendit, vel læsii, plus habuit, et qui læsus est, habuit, minus in quantum huic substractum est, quod ei debebatur, et ille usus est propria voluntate in hoc quod non debuit. Et ideo vindicativa justitia ab eo, qui offensam fecit, quantum habuit plus debito, tantum subtrahit ei, et dat ei, qui est læsus, dum ad honorem, et in satisfactionem ejus alium punit, et similiter Pœnitentia pro qualibet peccato commisso pœnam infert sibi ipsi deditam*. Cum autem peccando se subtraxerit homo a Dei subjectione, ipsique intulerit injuriam præponendo creaturam creatori; non alia via melius satisfacit, quam se iterum subjiciendo, et conterendo, et ideo oportet, quod *Pœnitentia consistat in emendatione offensæ voluntarie assumpta, et talis qualis Deo competit*, ut docet S. Doctor solut. ad 6, quæst. et quia Deus intuetur cor, oportet quod incipital recompensatio fieri in ipso cordis affectu, qui quidem alias non est, quam ipsem actus contritionis, et dolor propter Deum assumptus: in quo proinde intime

imbibitur ipsa justitiae ratio, quin in aliud protendat sub ratione justitiae, ac sub ratione contritionis: atque ideo licet utraque ratio in Pœnitentia reperiatur, sub nulla tamen ad peccata aliena tendere concedendum est, sed sistere in peccatis propriis.

Dispel-
Iuntur
adversa
motiva.
Lugo.

69. Hinc facile est descendere ad ea quæ in favorem illius sententiae addit Lugo, eaque refellere, et exclusis, ac minime admissis illis partialibus habitibus, quos vera Philosophia non agnoscit, circa idem formale objectum, quod alienum est a nostro instituto ex professo confutare, utpote mere philosophicum, aut metaphysicum, de quo inter alios videndi sunt N. Complut. abbreviati ad libros de Generat. disput. 4 de Alteratione, nec omittenda, quæ appinximus tract. de Virtutibus, disp. 2, dub. 3, et disp. 4, dub. 1, ubi prudentias partiales a Scoto, et aliis adstructas repulimus, supponendum est oppositum, nimirum quemlibet virtutis habitum esse qualitatem simplicem, neutquam ex pluribus habitibus realiter diversis coalescentem, et hoc in quocumque rerum ordine, sive naturali, sive supernaturali.

Circa
eandem
materiam
duplex
virtus
an possit
versari?

Cum quo tamen stat (et libenter concedimus) circa eandem prorsus materiam, cibos v. g. aut divitias, esse duplē virutē essentialiter, et adæquate diversam, naturalem videlicet, et supernaturalem, seu quod idem apud nos est, acquisitam, et per se infusam, ut late expendimus, et probavimus in eodem tract. disp. 3, dub. 1 per totum, quin obstet identitas materiæ circa quam; hæc enim non specificat nisi ut stat sub rationis regula a Prudentia descripta; et quia alia est honestas naturalis, quam solam attingit prudētia naturalis; et alia supernaturalis a prudētia supernaturali dictata; idcirco concedimus, et concessum iri probavimus loco citato virtutes per se infusas ultra naturales acquisitas circa eandem materiam. Nulla tamen earum admittit partium distinctionem, sed augmentum suum accipiunt penes majorem intensionem, et hæc in nullo alio, quam in majori dominio, seu firmiore actuātione subjecti consistit, et hoc est magis in ipso actuari, et radicari, ut optime explicant N. Complut. disp. 4 citata q. 6. Inde vero quod sequitur, est dari similiter Pœnitentiam acquisitam, et infusam, seu naturalem, et supernaturalem; quidquid sit, an Pœnitentia acquisita, seu naturalis, sit verus virtutis habitus, quod infra negabimus, et negant

communiter discipuli D. Thomæ. Minime vero sequitur prædictos habitus coalescere ex qualitatibus partialibus realiter distinctis, quæ se habeant ad istar partium quantitatis: hoc enim est pure imaginarium, et contra rectam rationem oppositum docentem.

Nec facile percipitur, ad quid deseriat illa pluralitas partium, quidve significetur per hoc quod detur, vel saltem potuerit dari unus habitus ad peccata propria, alter ad aliena. Hoc enim omnino videtur esse extra rem: siquidem non disputamus de eo, quod fieri potuerit, sed de eo quod factum est; et an ea Pœnitentia, quam Catholici contra hæreticos catholice proponunt, ita ligetur peccatis propriis subjecti, quod primario, et per se non se extendat ad aliena. Qui autem concedit duplē habitum, unum determinatum ad peccata propria, sistendo in illis adæquate; alterum vero, qui ita respicit aliena, ut nullatenus directe, et immediate referatur circa propria; necessarium consequenter est, ut fateatur Pœnitentiam illam, qua propria ploramus peccata, quaque Deo reconciliamur, ita detestari peccata proprii subjecti, quod non attingit alieni; si enim hoc verum non esset, superfluerent duo habitus, et consequenter concedit, quod intenditur; et divertit ad id, de quo non interrogatur.

Excedit etiam non modicum dicendo difficile esse certum aliquid definire circa habitum. Siquidem in statuendis, et discernendis virtutibus infusis non proprio cujusque arbitratui, sed Patrum, et communi Theologorum doctrinæ standum est; si enim cuique liceret eas pro nutu immutare, multiplicare, et minuere, nihil firmum, et stabile reperiretur in Theologia, nec esset unde convinci posset, qui vel omnes virtutes infusas e medio tolleret, vel plures, quam de facto agnoscimus, nobis obtruderet. Constat autem ex communi Patrum doctrina, a Theologis communiter recepta Pœnitentiam Christianam totam versari in plangendis peccatis propriis, in eumque finem fuisse a Deo institutam. Ergo non bene docetur difficile esse aliquid certum de ea definire. Consequenter cum Majori constat, et suadetur Minor quoad 1 partem, ex D. Gregorio hom. 34. D. Hieronymo, D. Augustino, Magistro sent. et D. Thoma, quarum verba supra retulimus, et scripsit etiam Lugo in præsenti disp. 1, sect. 2, n. 17. Quoad secundam

docti

difficil

tas.

Comm
nis
doctri
Patru
et The
logoruD. Gr
gor.
D. Hu
ron.
D. Au
gust.
Magis
trum.
Sent.
D. Thon
Lugo.

dam

Cone.
Trid. dam vero etiam liquet ex Concilio Tridentino s^epe citata sess. 14, cap. 1, ubi inquit : *Fuit quidem Pœnitentia universis hominibus, qui se mortali aliquo peccato inquinassent, quovis tempore ad gratiam, et justitiam assequendam necessaria, illis etiam, qui baptismi Sacramento ablui petivissent, perversitate abjecta, et emendata, tantam Dei offensionem cum peccati odio, et pio animi dolore detestarentur.* Ex quo testimonio manifesta est Pœnitentiae necessitas, sicut et institutio : non enim aliter fuit instituta a Deo, quam sit necessaria homini. Est autem necessaria pro illis peccatis, quæ hominem coinqnulant, quæque abjecere, et emendare potest, et debet medio peccati odio, et pio animi dolore, qualia tantummodo sunt peccata propria : ergo pro his dumtaxat et est necessaria, et fuit instituta Pœnitentia. Licet enim Propheta in aliorum persona oraverit (ut objectionem insurgentem præcludamus) ab alienis etiam peccatis mundari juxta illud Psalm. : *Ab oculis meis munda me, Domine, et ab alienis parce servo tuo; hoc eatenus postulavit inquit D. Thom. infra quæst. 2. Addit art. 5), in quantum ex consortio peccatorum aliquis per consensum aliquam immunditiam contrahit, cum scriptum sit : Cum perverso perverteris.*

.Thom. (inquit D. Thom. infra quæst. 2. Addit art. 5), in quantum ex consortio peccatorum aliquis per consensum aliquam immunditiam contrahit, cum scriptum sit : Cum perverso perverteris.

§ VII.

Major ejusdem consecrarii probatio, et objectionum solutio.

Major doctrinae ratione robato. Hugo. 70. Secundo probatur veritas ejusdem corollarii alia ratione, qua enervantur illa, in quibus tandem sistere visus est Lugo, eadem videlicet Pœnitentia, qua odio habemus peccata propria, etiam attingere peccata aliena : quippe ab hac virtute respi- ciuntur peccata non quia propria, vel quia aliena, sed abstractius, et sub ratione universaliori offensæ divinae, ad quam de materiali est, quod ab hoc, vel illo committatur. Hoc, inquam, principium ab ipso indicatum, et necessario sustinendum ut propriam tueatur sententiam, ruinosum, et minime solidum esse monstrare accingimur sub sequenti forma. Nam si semel est de ratione Pœnitentiae virtutis, quod speciem habeat per ordinem ad peccata propria determinate quia propria sunt ; non est unde possit immediate attingere aliena, vel respicere propriam honestatem abstracte, et universaliter in sensu explicato :

sed de ratione Pœnitentiae est aversari peccata propria, quia propria sunt, et ex hujusmodi ordine ad illa sibi vindicat speciem : ergo Pœnitentia non versatur immediate circa peccata, qua peccata sunt, sed quatenus propria sunt, nec ab aliis subjecto non propriis mutatur speciem. Major et Consequentia videntur perspicue ; quia nulla virtus, aut potentia immediate attingit objectum aliquod, nisi mediante attingentia actus, et objecti sibi proprii, et essentialis ; sicut nec potest ferri extra sphæram propriæ activitatis, et virtutis ; quod videtur per se notum ex ipsis terminis.

Minor vero probatur ex D. Thoma infra D. Thom. quæst. 90, art. 2, ubi docet in pœnitentia non tantum quæri solam justitiæ compensationem, sed etiam, et magis amicitiae reconciliationem : sed amicitia non disceditur per peccata aliena, sed per propria, et personalia : ergo amicitiae reconciliatio intenta media Pœnitentia solum fit per detestationem peccati proprii, et hoc est, quod per se primo intenditur a Pœnitentia. Verba D. Thomæ sunt : *In Pœnitentia fit recompensatio offensæ secundum voluntatem peccantis, et secundum arbitrium Dei, in quem peccatur : quia hic non quærilur sola integratio æqualitatis justitia (sicut in justitia vindicativa) sed magis reconciliatio amicitiaz, quod fit, dum offendens recompensat secundum voluntatem ejus, quem offendit.* Ergo ipsem offendens est qui satagit in reconciliationem media Pœnitentia cum Deo offenso; non vero alter, et consequenter Pœnitentia non in peccata aliena, vel qua peccata sunt, sed qua propria, et a semetipso commissa, expianda collimat. Tum etiam, quia licet Pœnitentia aliquomodo sapiat naturam justitiae vindicativæ, ut postea disseremus ; est tamen adæquate ab illa diversa; quia vindicativa est in superiori, aut judice, ad vindicandas aliorum injurias, et quia non punit, aut vindicat proprium subjectum, sed aliud, in favorem offensi. Sed vindicativa respicit per se primo peccata aliena ut vindicanda : ergo Pœnitentia solum respicit propria, ut emendabilia. Tum etiam quia contritio ita est actus proprius pœnitentis, quod constringatur dumtaxat, ad peccata propria, quod non negant adversarii : sed compensatio, seu satisfactio offensæ fit media contritione : ergo Pœnitentia non tendit in aliqua peccata nisi media contritione, et consequenter determinatur essen-

D.Thom. tialiter ad peccata propria. Minor hujus syllogismi est D. Thomæ, ubi nuper addens : *Sic igitur requiritur ex parte pœnitentis, primo quidem voluntas recompensandi, quod sit per contritionem.* Quo nihil manifestius ad evincendum non alio se porrigeret Pœnitentiam in ratione justitiae, seu quod idem est, satisfactionis, quam tendat contritio : ergo si contritio in ratione contritionis non se porrigit, nisi ad peccata propria, ut concedunt adversarii ; nec etiam in ratione satisfactionis, ut su-

D.Thom. pra arguebamus. Quo circa D. Thomas in 4, dist. 14, q. 1, art. 1, quæstiunc. 6 ad 6, referens Ambrosii definitionem ita eam explicuit : *Et in idem redit definitio Ambrosii alia, quam ponit, quod Pœnitentia est dolor cordis, et amaritudo animæ pro malis, quæ quisque commisit, nisi quia non ponit unum eorum, quæ continent prædictæ definitiones, scilicet detestationem peccati commissi.* Unde

1 Con-
firm.
71. Confirmatur, et explicatur primo. Quoniam rei essentia non aliunde melius, quam ex ejus definitione innotescit : constat autem ex definitionibus traditis ab Augustino, Ambrosio, Gregorio, D. Thoma, et Magistro sententiæ Pœnitentiam determinari ad peccata commissa ab ipso pœnitente : non ergo extenditur proxime, et immediate ad peccata aliena. Patet Consequentia, quia definiendo rem excluditur ab ejus essentia, quod intra terminos definitionis non continetur : ergo explicando Pœnitentiam per ordinem ad peccata commissa, exclusa relinquuntur a Pœnitentia peccata extranea, alias essent diminutæ omnes illæ definitiones, quod non est admissum.

2 Con-
firm.
Confirmatur et explicatur secundo : quoniam si Pœnitentia non versaretur per se primo circa propria, sed illa respiceret abstracte quatenus peccata sunt; deficiensibus peccatis propriis, et existentibus alienis, salvaretur Pœnitentia ratio et actus primarius illius : Consequens est falsum ; alias potuisset esse Pœnitentia in Christo contra id quod docent communiter Theologî, et cum ipsis docuimus tract. de Gratia Christi disp. 14, dub. 2; ergo ne hoc dicatur, dicendum est Pœnitentiam non respicere peccata abstrahendo ab eo, quod sint propria, vel aliena, sed determinate postulare propria. Sequela Majoris constat; quoniam nulla est virtus, quæ versari non possit circa proprium objectum eliciendo proprium actum circa illud : ergo

si objectum Pœnitentia solum essent peccata, qua peccata et non qua propria, nulla est ratio denegandi actum proprium Pœnitentia circa peccata quantumvis aliena ; cum esse alienum, vel proprium sit extra essentiam sui objecti, eique accidentaliter conjungatur, ad eum sane modum quo esse magnum, vel parvum, frigidum, aut calidum accidunt colorato, qua coloratum est, et terminat potentiam visivam. Falsitatem Consequentis satis ostendunt exemplum illi insertum, et suadent etiam rationes jam expensæ; siquidem Pœnitentia non aliter exercet munus justitiae erga Deum, nisi quatenus tendit in reconciliandam amicitiam divinam : reconciliatio autem amicitiae non est nisi per contritionem propriam, qua sublata, aufertur tota pœnitentia ratio.

Confirmatur tandem, et detegitur æquivocatio, ne dicamus fallaciam, oppositum autumantium. Nam eatenus Pœnitentia versaretur circa peccata aliena, quatenus homo non solum dolet de peccatis propriis, sed etiam de peccatis alienis : sed licet hoc ita sit, talis tamen dolor non est actus virtutis Pœnitentia : ergo per virtutem Pœnitentia nequit homo detestari peccata aliena. Consequentia constat : quia Pœnitentia non aliter queit circa peccata versari, nisi pro eis satisfaciendo ex justitia; satisfactio autem Pœnitentia fit medio dolore de peccatis, ut constat ex dictis, et consequenter eatenus aliqua attingit peccata, quatenus dolet de illis; hoc enim ab hac virtute sublato, difficile capitur, quo alio modo se exerat in satisfacionem; et quidquid assignetur, ut commentitium, et a mente Sanctorum Patrum prorsus alienum amandum est. Minor vero probatur ex D. Thoma infra quæst. 2 **D.Thor** supplementi art. 5 sol. ad 2, ubi ait, *quod de peccatis alienis dolere debemus : non tam oportet, quod de eis conteramur, quia non omnis dolor de peccato præterito est contritio, ut ex dictis patet : dixerat autem S. Doctor artic. 1, quod dolor etiam est **D.Thor** de pœnis, non vero contritio, quia dolor est conceptus genericus ad contritionem, sicut animal ad hominem, ut constat ex quæst. 1, art. 1, ejusdem suppl. ubi inquit : *Quia actus contritionis est actus virtutis, et est pars Pœnitentia Sacramenti, ideo manifestatur in prædicta definitione, in quantum est actus virtutis in hoc quod ponitur genus ipsius, scilicet dolor, et objectum in hoc quod dicitur pro peccatis. Et electio quæ**

quaeratur requiritur ad actum virtutis. Et quasi immediate subjunxit S. Doctor aliam definitionem, qua ejus ratio differentialis explicatur. *Alia autem definitio invenitur, quæ definit contritionem, secundum quod est actus virtutis tantum: sed additur ad prædicatam definitionem differentia contrahens ipsam ad specialem virtutem, scilicet Pœnitentiam.* Dicitur enim quod contritio est dolor voluntarius pro peccato unius quod dolet se commisisse. Quibus verbis hactenus expensa pro hac parte clarissime illustrantur, et constat veritas illius Minoris, quam assumpsimus probandam: nam dolor ille, quem de peccatis alienis concipere debemus, est actus secundarius Charitatis, ad quam pertinet et prosequi Deum in ratione summi boni, et odisse peccata contra ipsum facta, quia mala Dei sunt. Idque liquide constat ex argumento, cui S. Doctor occurrebat; intendebat enim probare posse de alienis haberi contritionem, quia ex charitate tenemur dolore de culpis propriis et alienis, ex eo quod teneamur diligere proximos sicut nosmetipsos. Et respondet S. Doctor prædictum dolorem non esse contritionem, et consequenter nec proprium Pœnitentiae actum. Quare reduci debet ad Charitatem, ad quam pertinet ipsa dilectio; quia cum charitas faciat unionem in affectu, ut scilicet amans reputet amicum, quasi se alterum, teste eodem S. Doctor quæstiunc. de spe art. 1 ad 11, ad ipsam pertinet dolere de offensis contra Deum, nec non de malo ejusdem proximi, quem propter Deum diligit.

72. Sed contra totam hanc doctrinam objicitur primo. Quoniam eadem virtute, qua debita propria solvimus, possumus, et extinguere aliena: sed media Pœnitentia compensamus delicta a nobis ipsis commissa: ergo eadem Pœnitentia poterimus et expiare aliena. Probatur Major. Tum a paritate satisfactionis, quam constans est exhiberi posse pro alienis debitibus; quin obstat vel actionum limitatio, vel quid hujusmodi, quod posset obtendi. Tum etiam (et est ratio a priori ut arbitratur Suarez ubi supra n. 10), quia honestas uniuscunusque virtutis objective sumpta per ipsam met virtutem est amabilis, sive nude consideretur, sive in proprio, sive in alieno subjecto. Et sic Charitas amat honestatem, et dignitatem divini amoris, ubicumque illi proponatur. Ergo sicut eadem justitia odio habetur injuria non solum propria, sed etiam aliena, ita eadem Pœnitentia ex-

piabitur injuria Dei, quantumvis ab alio fuerit commissa. Eo vel maxime quod odium peccati, et retractatio illius ab eadem radice emanare videantur: ergo cum odium versetur circa peccata aliena; non est ratio asserendi in eadem non posse retractationem tendere.

Hæc tamen objectio procedit ex non sati penetrata doctrina tradita, nec mente D. Thomæ consulta, et ad utriusque clariorem lucem est ex dictis observandum Pœnitentiam non primario versari circa satisfactionem poenæ temporalis; hæc enim suppleri potest aliunde, quam ex actione propria ipsius pœnitentis, ut constat in animabus Purgatori: sed tendit in expiationem æternæ poenæ contractæ ex offensa Dei: et hac exclusa, excluditur consequenter reatus æterni supplicii. Et quia hic non incurritur nisi per actionem propriam, idcirco Pœnitentia primario tendit in culpam propriam, utpote qua quis demeretur, eamque retractare conatur media propria conversione in Deum offensum. Unde siue est implicitorum quod quis peccet peccato personali, nisi propria voluntate; ita repugnat quod quis per actum sibi non proprium, sed extranei subjecti reconcilietur Deo, aut (quod idem est) pro alio satisfaciat pro reatu, et offensa pœnæ æternæ, ut ex doctrina D. Thomæ, et D. Thom. Theologorum communi ostendimus tract. de Incarnat. disp. 1, dub. 5, et clare docuit D. Angelicus in propriis hujus materiæ terminis in. 4, dist. 20, quæst. 1, art. 2, quæstiunc. 3 ad 2, ubi inquit: *Ad secundum dicendum, quod contritio ordinatur contra culpam, quæ ad dispositionem bonitatis, vel malitia hominis pertinet: et ideo per contritionem unius alius a culpa non liberatur. Similiter per confessionem homo se Sacramentis Ecclesiæ subjicit; non autem potest unus Sacramentum pro alio accipere, quia in Sacramento gratia suscipienti datur, non alii. Et ideo non est ratio similis de satisfactione, contritione, et confessione.* Ubi contritionem et confessionem ita docet Angelicus Præceptor esse actiones personales, ut tantummodo proprio inserviant, ac proficiant subjecto, neutiquam vero extraneo: quod secus esse de satisfactione affirmat.

73. Porro satisfactionis duplex ratio distinguiri debet juxta ejusdem S. Doctoris manifestam doctrinam; nam alia est pro culpa, in qua includitur offensa, et reatus æternæ pœnæ; alia vero pro pœna tempo-

Observatio
pro
diluenda
objec-
tione.

rali, vel a Dei ministro imposta, vel ab ipso Deo taxata. Harum prima pertinet ad interiorem animæ dispositionem; siquidem importat solutionem debiti importati in ipsa offensa una cum ratione medicinæ, et sic satisfactio unius non prodest alteri, quia

D.Thom. (verba sunt D. Thomæ) *ex jejunio unius caro alterius non domatur, nec ex actibus unius alius bene agere consuevit.* Et hæc est primaria, et maxime propria Pœnitentiæ satisfactio, inclusa in ipsam contritione, ab eaque indistincta; quæ quidem soli proficit pœnitenti, utpote propria ipsius dispositio. In hac vero non est disparitas, sed omnino eadem ratio cum contritione, et confessione; quando quidem nulla harum operationum alteri, quam ipsimet subjecto nata est prodesse. Alia est satisfactionis ratio, quasi extrinseca, et pœnam dumtaxat temporalem concernens, de qua

D.Thom. inquit D. Thomas, et concedunt communiter Theologi, quod unus possit pro alio satisfacere, quatenus ex Charitate subire, et luere pœnas alterius potest, ut contingit in humanis, ubi amicus pro amico debitum ex justitia solvit: *et ideo quantum ad pœnæ dimissionem (temporalis) unus alteri mereri (idest satisfaceré) potest, et actus unius efficiunt alterius, charitate mediante, per quam omnes unum sumus in Christo.* Et tradit S. Doctor rationem in resp. ad 3, quoniam *in solutione debiti attenditur quantitas pœnæ, quæ eo ipso quod ab alio solvatur, extinguitur, et quia in Charitate fundatur, qua omnia sunt communia, acceptatur a Deo quasi ipsem debitor exolvisset.* Idque adeo verum arbitratus est D. Thomas, ut non reputaverit necessarium, quod ille, *pro quo fit satisfactio, sit impotens ad satisfaciendum: quia etiam si esset potens, alio satisfacente pro ipso à debito immunis esset.*

Depellitur
objectio. Hinc vires objectionis dehiscunt, et enervantur: et ad ejus formam respondetur explicando majorem; et si sensus illius fuerit de debito pure humano, et extrinseco, qualis est solutio pecuniae, vel pœnae alterius pure extrinsecæ; concedimus eadem virtute extingui posse debita, sive propria, sive aliena, interveniente amicitia, vel naturali, vel supernaturali, vi cujus aliquis constituitur fidejussor, et substituitur loco creditoris: quia (ut inquit D. Thomas) *habet vim satisfaciendi, maxime ratione charitatis, qua homo ipsam sustinet: et quia major Charitas appetit in hoc, quod aliquis pro altero satisfacit, quam si ipse satisface-*

ret; ideo minor pœnæ requiritur in eo, qui pro altero satisfacit, quam in principali requireretur. Et constat in pœnis Purgatorii, quæ cum acerbissimæ sint, satis levibus tamen hujus vitæ pœnalitatibus exæquantur, et extinguuntur.

Si vero aliud intendatur in majori illa objectionis propositione ut re vera intenditur, neganda est, et ejus falsitatem demonstrant aliae virtutes, quorum proprii actus soli subjecto eos elicienti proficiunt, ut patet in humilitate, qua non fit humilius alius ab exercente humilitatis actum in religione, qua non redditur Deo debitus cultus, nisi pro illo, qui actibus religionis incumbit; quidquid sit de satisfactione ab illis virtutibus proveniente, quam nemo it inficias prodesse aliis, si pro illis ex Charitate applicetur. Quod argumento est aliter de satisfactione pro pœna temporali, ac de satisfactione pro culpa, seu offensa discursum iri, ut supra dicebat D. Thomas. Unde corrut majoris illius probatio prima, ob assignatam disparitatem rationem.

Ad secundam quam immerito rationem Secunda per docit Suarez probatio eneruatur.

a priori arbitratur Suarez, dicimus per actus virtutis, in quibus honestas formalis splendet, attingi quidem bonitatem objectivam propriam illius virtutis, non absolute, et prout invenitur in aliis subjectis; sed commensurate ad proprium actum illius suppositi, in quo est virtus, ut constat in humilitate, cuius proprium objectum non est depressio, et subjectio alterius, sed illiusmet, in quo est humilitas; alioquin enim, vel Lucifer ipse superbissimus posset dici humilius, quod non potest admitti. Cum autem objectum Pœnitentiæ sit peccatum commissum quidem ab ipsomet pœnitente, ut docent sancti Patres, et definitio ab ipsis tradita testatur; hinc est Pœnitentiam non primario versari circa peccata aliena, sed tantummodo circa propria, quibus proinde non existentibus, non est locus Pœnitentiæ, quantumvis aliena multiplicentur.

Cum quo tamen stare concedimus vere pœnitentem circa peccata propria, per quamdam connaturalitatem quodammodo attingere posse pœnitentiam alienam, rectum judicium formando de illa, ipsamque aliquomodo diligendo. Ad eum sane modum quo Doctor Angelicus 2, 2, q. 45, art. 2, docet, castum per quandam connaturalitatem ad ipsam, recte judicare de illis, qui habent habitum castitatis. Sed hoc magis pertinet ad Charitatem, cuius est diligere

diligere Deum, et proximum, ut in quo elucet divina bonitas, et quo magis in illo splendeat virtus, eo intentius diligitur, et Deus, et proximus. Et in hoc sensu ex ipsamet Charitate odio habentur peccata proximi, ut opposita bono divino; *ex hoc enim* (verba sunt D. Thomæ, quest. de Virtutibus art. 5 ad 5) *quod aliquis est virtuosus diligit sibi similes, sive in natura, sive in donis naturæ superadditis, unde ex eadem radice, ex qua procedit dilectio, procedit et dolor de proximi nocumento.* Ex hoc tamen sicut non infertur, vel omnes alias virtutes præter Charitatem superfluere, vel (quod idem est) ipsam primario attingere objecta propria aliarum virtutum, cuius oppositum est communis, et vera Theologorum sententia, quam discussimus tract. de Virt. disp. 3, dub. 1, per totum, ita non deducitur per Poenitentiam detestari posse indiscriminatim quælibet peccata, sive propria, sive aliena. Recolantur quæ scripsimus § 3 illius dubii ubi aliquarum objectionum occasione doctrinam dedimus præsenti materiae non incongruam.

74. Instari tamen, et opponi potest ex doctrina Eminentissimi Lugo ubi supra n. 37. Nam aliud est velle honestatem v. g. Castitatis, qua Castitas est, sive in proprio, sive in extraneo subiecto, ab eo quod est velle castitatem Petro: nam motivum primi actus non est nisi honestas, seu bonitas ipsius castitatis; motivum vero alterius actus non tam est bonitas ipsius virtutis, quam bonitas ipsius Petri, cui volo castitatem: ergo licet iste secundus actus non tribuatur castitati, sed amicitiae, vel alteri virtuti, secus vero primus; ab eodem quippe habitu procedit velle mihi, et aliis castitatem, ex motivo, et honestate ipsius castitatis, vel saltem procedere potest: sicut ab eadem amicitia, qua diligo Petrum, oritur, quod ipsi, et velim, et optem castitatem. Sicut enim motiva sunt diversa, siquidem in uno horum actuum est ipsem Petrus amicabiliter dilectus; in altero vero castitas Petri, ipso Petro materialiter se habente: ita et actus debent differre, et a diversis procedere habitibus. Similiter ergo de Pœnitentia theologizando, licet ex amicitia, seu Charitate possim velle Pœnitentie honestatem Petro; ex ipsa tamen Pœnitentie virtute possum mihi, et aliis velle peccati contritionem, et detestationem; atque ideo non est caput, unde prædicta virtus se exerere non possit etiam in peccata aliena; non quidem quia

aliena sint ex parte motivi, sed quia peccata sunt abominatione, et contritione digna.

75. Hæc tamen Authoris doctrina res- Diluitur primo.

puitur vel ab ejusdem domesticis, ut ipse met expertus affirmat. Nec mirum, quum ex illa sequatur nullam esse virtutem, de qua non idem possit efformari argumentum; quo idem omnino probetur, ut consideranti fiet perspicuum. Si enim eadem castitatis virtute nedum mihi, sed aliis appetere possem castitatem; eadem ratio erit de humilitate, obedientia, religione, fortitudine, temperantia, et sic de reliquis. Et hoc semel posito, poterit quis reddi humiliis, obediens, religiosus, fortis, et temperatus per hoc dumtaxat, quod alter se humiliet, superiori obtemperet, Deo cultum reddat, etc. Quod tamen absurdum, et satis falsitati obnoxium appareat, et contra manifestam experientiam. Et ut id fiat perspicuum, inquiramus ab Authore prædicto. Num actus quo castitatem alteri cupio, vel illum reddat castum, vel non? Si primum? ergo Petro proficit meus ipsius castitatis amor, utpote quo evadit castus; quod est evidenter falsum. Si autem non illi, sed mihi prodest? ergo per ordinem ad castitatem Petri forte non existentem, imo neque forsan extitaram, quantumvis in votis a me habitam constituer castus, quod etiam est constituere actum practicum virtutis absque existentia objecti. Unde eadem facilitate, qua id asseritur, fortiori tamen motivo, relegandum est: non enim quis constituitur humiliis per desiderium humilitatis in proximo, sicut nec redditur Sanctus per sanctitatem alterius: nam virtus est, quæ bonum constituit habentem, ut communiter definitur.

76. Fallit deinde: nam amor castitatis in communi non est formalis castitas, sicut amor humilitatis, et aliarum virtutum non est formaliter humilitas, aut virtus. Et ratio est manifesta; quoniam terminus illius dilectionis est ipsamet virtus per modum objecti alliciens, et excitans ad amorem, et desiderium: ergo prout terminat prædictum amorem, exercet quidem munus objecti, non vero collocatur in statu virtutis sub exercitio virtutis; quo pacto se tenet ex parte potentiae, ut prompte, et faciliter erumpat in proprios actus. Quapropter subtilis illa distinctio inter velle castitatem absolute, et velle castitatem Petro, conducit quidem, et tenet ad explicandam, an sit amor ille, vel strictæ ami-

Refelli-
tur
secundo.

citiae, vel etiam concupiscentiae, respectu ipsius castitatis, vel respectu Petri; non tamen probat esse actum castitatis proprium. Sed vel procedit a voluntate; quæ ex vi rectitudinis naturalis sibi congenitæ inclinatur ad bonum honestum in communi juxta doctrinam traditam tract. 42 de virtut. disp. 2, dub. 3 per totum. Vel si fuerit altioris ordinis, procedit a Charitate, juxta dicta num. præced. quia cum sit amicitia supernaturalis, vel ipsa proximorum bona facit sibi propria, quandoquidem importat unionem amantis ad amatum secundum affectum, ut docet D. Thomas 2, 2, quæst. 21, art. 2, *in quantum scilicet amans astimat amatum quodammodo, ut unum sibi, vel ad se pertinens, et sic moveretur in ipsum, ipsique appetit castitatis bonum.*

D. Thom. Fallit Consequens. Unde etiam corruit Consequentia facta de Pœnitentia, cuius objectum, ut ostensus manet, sunt determinate peccata propria, quatenus propria, et in horum compensationem, et destructionem illa per se primo, et immediate collimat. Peccata autem ut abstrahunt a propriis, et alienis, non ad Pœnitentiam sed ad Charitatem reduci debent; hæc enim imperat tum Pœnitentiae, tum aliis virtutibus particularibus, ut illorum satisfactioni incumbant.

D. Basilius. Quocirca D. Basilius hom. 4, rem explicans ita inquit: *Sanctorum lamenta, lacrymæ que pesiliunt ex fervore Charitatis, qua toti erga Deum flagrant: oculis enim cordis in eum induvulse conjectis, quæ diligunt, latitiam sibi illino accumulant, dumque moderantur, et regunt, quæ ad conservos suos attinent, in peccatis deprehensos lugent, et eosdem fusis lacrymis revocant ad meliorem vitæ frugem.* Quo etiam pacto Titus Bosiensis tom. 1 Biblioth. ad illa verba

Titus Bostr. Lucæ 19, vers. 2: *Videns civitatem flevit super eam ait: flevit super Hierusalem hominum amator Dominus.* Cujus optimam rationem elicimus ex Angelico Præceptore ubi supra art. 7 quoniam fortior ostenditur Dei dilectio, quæ animum hominis ad remotiora extendit, scilicet usque ad aliorum peccatorum detestationem, sicut virtus ignis ostenditur esse fortior, quando ad remotiora diffundit suum calorem. Quod ergo homo aliena peccata deploret, provenit ex fervore Charitatis erga Deum, et ex consequenti erga proximum, ut de Davide Absalonis mortem non tam corporalem, quam spiritualem lugente asseruit D. Augustinus lib. 3 de Doctrina Christiana cap.

Elicitur ex D. Thom. Elicitorum 7 quoniam fortior ostenditur Dei dilectio, quæ animum hominis ad remotiora extendit, scilicet usque ad aliorum peccatorum detestationem, sicut virtus ignis ostenditur esse fortior, quando ad remotiora diffundit suum calorem. Quod ergo homo aliena peccata deploret, provenit ex fervore Charitatis erga Deum, et ex consequenti erga proximum, ut de Davide Absalonis mortem non tam corporalem, quam spiritualem lugente asseruit D. Augustinus lib. 3 de Doctrina Christiana cap.

21, dicens: *Non solum ferocientem toleravit; sed etiam planxit extinctum; non enim carnali zelo irretitus tenebatur, quem nullo modo injuria sua, sed peccata filii commovebant.*

D. Thom. 77. Potro si hujus adhuc aliam radicem quæsieris, ea est, quia nimurum, licet quilibet actus virtutis residentis in voluntate, sit volitio objecti per ipsum attacti; quatenus eodemmet actu quo voluntas attingit objectum, et illud vult, et se simul velle, ut est perpetua, et constans doctrina D. Thomæ; non tamen quilibet actus voluntatis, aut virtutis est expressus, et formalis amor, signate tendens in honestatem virtutis signate, et quasi speculative acceptam: hoc enim in naturalibus competit speciali actui voluntatis, cuius primus actus est amor formalis, et explicitus, ut docet D. Thomas 1 p. quæst. 20, art. 1, **D. Thom.** et in ordine supernaturali Charitati, cuius est diligere expresse Deum, et alia omnia propter ipsum ut constat ex 2, 2, q. 20, art. 1. Unde licet per actum v. g. Misericordiæ ipsa honestas hujus virtutis attingatur, non tamen expresse et signate, ut honestas Misericordiæ in communi, sed tantummodo practice, et in executione quatenus includitur in sublevatione alienæ miseriae circa quam versatur. Quod quidem si tenet in omnibus aliis virtutibus; maxime vero tenere debet in Pœnitentia per se primo ordinata, et instituta ad reconciliandum hominem cum Deo, et ineundam iterum cum ipso amicitiam discissam per peccatum. Quamobrem non alias amor, aut expressior ipsi debet attribui, quam qui importatur in ipsam contritione, et dolore de Dei offensa. Contritio autem, ut supra nos docuit D. Thomas, non est nisi in eodem, in quo duritia peccati præcessit, quocirca de alienis non est contritio. Unde nec actus, quo alteri diligo castitatem est actus proprius castitatis, sed vel voluntatis, vel charitatis; nec actus quo doleo de peccatis alienis est actus proprius Pœnitentiae, sed reduci debet ad Charitatem, ad quam etiam revocat D. Thomas gaudium de bonis proximi operibus 1 p. quæst. 23, art. 6 ad 1. Et quia *nulla virtus* (verba sunt D. Thomæ in 4, dist. 14, quæst. 1, **D. Thom.** art. 1, quæstiunc. 3) recipit speciem ex hoc, *quod imperatur ab alia virtute, sicut nec actus castitatis, propter hoc quod a Charitate imperatur speciem respicit virtutis specialis;* idcirco propria et specialis Pœnitentiae ratio non ex illis actibus in objectione annumeratis, nec ex aliis similibus venanda est;

Alia dictio radix.

est; sed ex eo tantummodo *Penitentia accipit speciem* (subtexuit S. Doct.) quod respicit peccatum a se commissum ut expiable per penitentis actum, et ita actus Penitentia non est detestari peccatum absolute, quia hoc est cujuslibet virtutis, sed detestari aliquid ex purgatione ejus, et quantum ad culpam, et quantum ad reatum; hoc enim nulla alia virtus facit. Quo quid expressivus contra Suarez, Lugonem, et alios ejusdem doctrinæ.

§ Ultimus.

Compendiosor dictorum elucidatio.

factenus
ictorum
explica-
tio.

Objectum
quo
penitentiæ.

.Thom.

Objectum
terminati-
vum.

enim, ut paulo inferius videbimus, Penitentia sit justitia hominis ad Deum; oportet, ut ejus objectum sit aliquid Deo debitum, per cuius exhibitionem injuria resarcitur illata. *Dupliciter namque* (inquit D. Thom. D. Thomas ubi nuper dist. 14, q. 1, art. 1, questiunc. 3), *aliquis fit debitor Deo*: primo per hoc, quod ab eo aliquid recipit: et hac ratione Deo reddit debitum honorem latræ, sive religio: alio modo ex hoc quod contra Deum peccavit, et sic reddit debitum Deo Penitentia. Quare ad Penitentiam pertinet damnum juri divino illatum reparare, ipsumque illæsum reddere. Quod quidem fit media satisfactione inclusa in ipsam contritione de offensa; atque adeo ipsam satisfactionem, quam Penitentia offert media contritione, est objectum quod formale proximum prædictæ virtutis: Deus vero se habet ut objectum, seu finis cui ut constat a simili religionis, cuius objectum formale est cultus Deo exhibitus mediis propriis actibus venerationis, genuflexionis, etc. Deus autem est cui redditur ille cultus, et jus divinum ratione beneficiorum colendum est in quod ultimo cedit tota religio, ut infra explicabimus, et constat ex verbis D. Thomæ modo relatis. Recolit tamen possunt, quæ in arbore Virtutum, appendice ad illarum tract. de religione et Penitentia annotavimus § 8 et 9, ubi utriusque virtutis munera, actus, et objecta descripsimus.

79. An vero sub objecto materiali hujus virtutis comprehendantur etiam peccata venialia, res videbatur indubia, supposita communi, et vera doctrina supra statuta, quod sint materia Penitentiae, ut est sacramentum. Ex quo videbatur consequens etiam cadere sub objecto materiali Penitentiae virtutis, et ratio convincere videbatur, quandoquidem possunt (et forte saltem extra sacramentum petunt) vera et perfecta contritione deleri. Idem vero est objectum contritionis cum objecto Penitentiae: atque ideo non est unde a ratione objecti materialis, minus principalis hujus virtutis extraherentur. Quare peccati nomine ut pertinet ad objectum prædictæ virtutis, non solum gravia, sed etiam levia accenserit debent, omnia quippe vera peccata sunt, subindeque aliqua vera virtute compensanda, et luenda, quin obsit aliqua gravia, alia levia reputari, et esse coram Deo: sicut enim est alicujus virtutis (verba sunt D. Thomæ dist. 14, sæpe citata quæs. D. Thom. iunct. 3 ad 4), ut homo placet eum, quem

Objec-
tum
quod.

Finis
Cui.

An
peccata
venialia
sint
objectum
Peni-
tentiae?

D.Thom.

offendit peccando, ita etiam est alicujus virtutis, ut homo Deum placet, quem peccando offendit; offendit vero Deum, licet non graviter, levibus culpis, ut docent Theologi, et ex illis statuimus tract. de Peccatis disp. ult.

Quid
aliis
videatur
apud
Lugo.

Illorum
ratio.

Cum itaque hæc difficultas discussioni minime videretur obnoxia, et ideo forsan a pluribus Thomistarum omissa, ecce offendimus apud Cardinalem de Lugo disp. 3, sect. 1, in aliquos Recentiorum, quorum nomina suppressit, autumantium Pœnitentiam virtutem non habere pro objecto, licet minus principali peccata venialia. Et ratio illorum est (prædicti Authoris judicio satis consequens) quia de ratione Pœnitentiae est exhibere Deo inæqualem compensationem pro offensa; et hac ratione inter partes potentiales justitiae commutativa accensetur a D. Thoma, et aliis Theologis. Constat autem ex eadem Theologorum doctrina pro peccatis venialibus æqualem Deo fieri compensationem: ergo peccata venialia ut ex justitia compensanda non pertinent ad virtutem Pœnitentiae; alioqui enim simul esset perfecta, et imperfecta justitia erga Deum, simul adæquaret, et non adæquaret offensam.

Vera
senten-
tia.

Eius
ratio.

80. Hæc tamen ratio non cogit, ut excludantur peccata venialia ab objecto Pœnitentiae, quia licet hæc non sortiatur rationem justitiae erga Deum, nisi imperfectæ, et potentialis per ordinem ad offensam gravem, quam primario destruere intendit; est tamen justitia suo modo perfecta, et æqualis respectu offensæ levis, quam inducit peccatum veniale. Et ratio videtur perspicua: nam quod homo per Pœnitentiam non possit exequare gravitatem offense mortalis, provenit ex infinitate prædictæ offensæ, et ex limitatione satisfactionis nostræ, quæ quidem quia finita est, neutiquam valet illam adæquate compensare, ut fuse ostendimus tract. de Incarnat. dup. 1, dub. 5, et est communis D. Thomæ, et aliorum Theologorum sententia. Hæc autem ratio oppositum probat in peccato veniali: nam si *affirmatio est causa adæquata affirmationis, negatio est causa adæquata negationis*, ut tenet commune proloquium. Sed quod peccatum grave sit simpliciter infinitum in ratione offensæ, est adæquata ratio affirmandi non posse per nostram Pœnitentiam adæquate compensari, ut expendimus loco citato. Ergo hæc est affirmandi ratio offensam peccati venialis non infinitam, ut suppo-

nimus, nostra posse pœnitentia adæquari, atque ideo sub objecto ipsius comprehendendi.

Nec ideo evadit perfecta, ut obtendebant illi Authores, nostra satisfactio absolute, et simpliciter, vel Pœnitentia extrahitur a suo objecto adæquato, ut iterum posset obtrudi. Tum quia nulla virtus subit denominationem, nisi penes objectum primarium, et principalius, ut supra nos docuit D. Thomas, et est perspicuum: objectum autem primarium ex parte materiae in Pœnitentia est peccatum mortale, et ex illo secundario, et minus principaliter descendit ad venialia. Tum etiam, quia offensa peccati venialis non est offensa simpliciter, quando quidem secum patitur et gratiam, et amicitiam cum Deo: quocirca illius adæquatio non est nisi imperfecta, et secundum quid; quæ proinde non sufficiat ad extrahendum Pœnitentiam a ratione satisfactionis imperfectæ, ac diminutæ. Id quod satis liquet in ipsomet actu Charitatis, quo Deum, et proximum diligere possumus, inæqualiter tamen; quantumvis enim Deus diligatur, non tantum diligitur ex charitate, quantum diligibilis est: cum proximus adæquate et perfectly diligere possit ex Charitate. Non ergo est ratio urgens excludendi peccata venialia ab objecto materiali Pœnitentiae, quantumvis perfectam pro illis exhibeat satisfactionem. Consultantur, quæ expendimus loco immediate allegato, ubi § 4, qualiter homo satisfacere valeat pro peccatis venialibus, fuse explicuimus, et nonnullis, nec spernendis objectionibus, et interrogationibus obviam invimus.

81. Sed hinc suboritur aliud dubium. Quid de imperfectionibus tenendum sit, an nimis pertineant ad objectum Pœnitentiae, necne? Nomine autem *imperfectionis* non satis constat, quid intelligendum veniat. Nam vel imperfectio sumitur pure negative, pro parentia majoris perfectionis, non tamen debitæ, sed possibilis inesse illi actui: quo pacto vel ipsem actus Charitatis potest dici imperfectus, quantum non tanta, quanta possibilis ipsi est, gaudet perfectione. Sed hoc modo certum est non subesse Pœnitentiae, alias nullus esset actus, quantumvis perfectus, de quo non posset, imo deberet esse Pœnitentia: quod est inauditum, et prorsus a veritate alienum. Vel sumitur privative, et contrarie; quomodo importat privationem rectitudinis debitæ, vel ex parte finis, vel ex parte modi, aut alterius circumstan-
tiæ.

Quare
extraba-
tur
Pœni-
tentia:
ratione
justitia
imper-
fectæ.

Quid de im-
perfectionibus
dicendum.

Quid si
imper-
fectio,
explica-
tur.

tie. Et sub hac ratione, planum etiam est, prædictum actum esse peccatum ad minus veniale, ideoque subesse debere huic virtuti, ut nuper de peccatis venialibus statuimus; siquidem jam non est pura imperfectio, sed peccatum, et quia leve inter imperfectiones accensetur. Vel tandem se habet medio modo, ita ut neque consistat in nuda carentia perfectionis possibilis, nec etiam in privatione alicujus rectitudinis debitæ, sed dumtaxat in hoc, quod aliquid fervoris, promptitudinis, vel quid simile, reperiri solitum in similibus actibus illi deficiat. In quo sensu communiter *imperfectionis* nomen usurpatur, et imperfectiones a peccatis venialibus secernuntur, nedum apud scholasticos, sed etiam apud vitæ spiritualis studiosos, et magistros.

In hac ergo acceptione, quam esse propriam, et difficultatis occasionem tribuere supponitur, Lugo ubi supra, num. 9, parti affirmativæ adhæret, docens aliquos odii actus circa has imperfectiones elici posse a Pœnitentia. Tum quia licet immediate non aduersentur paci cum Deo, opponuntur tamen mediate. Tum etiam, quia licet positive non avertant hominem a Deo, nec e controverso, avertunt tamen negative, et indisponunt subjectum ad uberiora gratiæ auxilia consequenda, vi cuius indirecte saltem disponunt ad culpam, redemptaque hominem non ita gratum, et acceptum Deo.

82. Verior tamen est opposita resolutio, quam tract. de Peccat. disp. 19, dub. 1, a num. 8, indicavimus explicando, quænam sit peccati venialis ab imperfectione differentia, et ex ibi assertis colligitur neutiquam ad objectum Pœnitentiæ posse reduci imperfectiones sub tertia acceptione contentas. Et ratio ibi tradita convincere videtur. Nam actus bonus moraliter, imo et vitæ æternæ meritorius nequit accenseri sub ratione peccati, quod est objectum materiale Pœnitentiæ, seu materia, quam destruere intendit: sed prædictus actus, quem imperfectionem vocamus, est actus moraliter bonus, et vitæ æternæ meritorius, quippe qui fieri potest, imo et frequentius fit ab homine justo: ergo prædicta imperfectio in tertia acceptione non cadit sub objecto materiali Pœnitentiæ. Consequentia est legitima. Major videtur perspicua ex ipsis terminis; siquidem actus moraliter bonus, et meritorius æterni præmii est Deo acceptus, ejus legi conformis; peccatum vero est Deo exosum,

oppositum ipsius legi, atque supplicio, et pena dignum: implicat autem eundem numero actum simul his prædicatis adeo adversis subesse, sicut et quod simul sit bonus, et malus adhuc ex diversis capitibus, ut cum D. Thoma, et ejus discipulis statuimus tract. de Bonit. et Malitia disp. 6, dub. 1. Minor vero etiam liquet ex subinserta probatione, quæ urgeri, et explicari potest dupliciter. Primo quia prædictus actus non est in individuo indiferens, ut supponitur: et esto ita esset, ex hoc ipso capite per se loquendo reddetur vitiosus juxta doctrinam D. Thomæ 12, quest. 18, art. 9, quam expendimus tract. 11 de Bonit. et malitia, disp. 7, dub. 1 et 2. Nec etiam est positive malus, ut supponitur, alias esset peccatum saltem veniale: ergo est positive bonus, et consequenter juxta regulas rectæ rationis; aliunde vero fit ab homine justo, de quo procedit præcipua difficultas; quidquid sit de homine gravioribus obstricto peccatis, cui nihil curæ est imperfectiones fugere. Secundo: quoniam actus omnem sibi vindicans perfectionem debitam ex recto fine, principiis, et circumstantiis, nequit non esse moraliter bonus, et Deo in habente gratiam acceptus ad gloriam: sed talis est prædictus actus, qui dicitur imperfectio, ut constat, et supponi debet; alioqui enim non posset non esse peccaminosus, utpote carens aliqua perfectione sibi debita: ergo prædictus actus est moraliter bonus, et consequenter Deo acceptus. Id quod satis constat in actibus remissis Charitatis, vel aliarum virtutum ejusdem imperio subditarum, quos esse meritorios, et Deo acceptos constat ex communi Theologorum sententia, et foret absurdum intolerabile per actus Charitatis, quia remissos, et non ita fervidos, non mereri hominem apud Deum aliquos gradus gratiæ, et gloriæ suo tempore conferendos; ut in materia de Merito ab omnibus supponitur: siquidem non tenetur homo ad id, quod est absolute perfectius, esetque onus intolerabile humanae fragilitati semper operari secundum ultimum potentiae, et juxta intensiorem gratiæ, et virtutum perfectionem; et consequenter merito defraudari, quoties remissee, ex Charitate tamen, ageret.

Nec motiva à Lugo indicata sunt sufficientia. Nam aliud est actum avertere a Deo, mediate, vel immediate, seu directe, vel indirecte; aliud vero non ita celeriter, sed segniter ad ipsum perducere. Actus

Minoris duplex probatio.

Insufficiencia motiva Eminentissimi Lugo.

Ad Co-
rinth. 12.

D.Thom.
D.Thom.

autem hujusmodi hoc secundum habent, non vero primum, ut liquet; siquidem versantur circa Deum, quamvis lente: quamobrem licet proxime non disponant subjectum ad uberiora auxilia nanciscenda, non tamen positive retardant; quin remote, et mediate conducunt, et moraliter sibi debitas reddunt tum gratiam, tum gloriam. Nec hoc est regredi a vita spirituali; sed est non ita velociter progredi. In quo sensu non probatur viris spiritibus, et mysticis Magistris, quibus in corde, et animo semper debet esse in meliora tendere, et ad altiora conari juxta illud Apostoli, 1, ad Corinth. 12: *Æmulari mini charismata meliora, id est gratias potiores*, ut exposuit D. Thomas, quibus sternitur via, ad majorem charitatem. Unde et subdit Apostolus: *Adhuc excellenter viam vobis demonstro.*

DUBIUM III.

Utrum Pœnitentia sit eadem virtus cum Religione?

Quid sit
Religio?

Quid sit Religio, quod ejus munus, ipsius etymologia, et actus, satis expouimus loco supra citato ex arbore virtutum § 8, quin in eis, et aliis ad hanc virtutem spectantibus hinc immorari oporteat, vel iterum ibi dicta inculcando, vel eadem uberiorus proseundo. Quæ enim ad hanc spectare videntur virtutem, non tam disceptanda, quam supponenda sunt in praesenti, ubi non examinamus ejus naturam, objectum, et actus; sed tantummodo propriam speciem Pœnitentiae, ejusque veliditatem vel diversitatem ab aliis. Et quia ex dubio antecedenti constat eam esse virtutem speciale, non qualemcumque; sed moralem, superest examinamus, an re ipsa coincidat cum virtute Religionis? vel in alia specie ab ipsa debeat collocari?

Cajeta-
nus
autho-
rem, non
Com-
mentato-
rem
agens.
Judicium
Magis-
tri
Soto
de Cajet.
senten-
tia.

Cui difficultati non modicum ponderis accessit, dum Cajetanus in praesenti art. 2, magis Authorem, quam Commentatorem agens, ita propriam, et affirmativam stabilivit, ac firmavit sententiam, ut scripsit SS. Magister Soto in 2, dist. 12, quæst. 2, art. 3, ejus opinionem, quamvis novam non omnibus displicere, nec esse, cur displiceat. Ut vero ipsius mens, vel ex ipso questionis vestibulo appareat, duo sibi statuisse videtur Cajetanus in commentario hujus articuli, tum actum Pœnitentiae esse actum virtuosum, et laude

dignum; tum prædictum actum non procedere a virtute, quæ sit specialis virtus Pœnitentiae. Quod fuit dicere actum Pœnitentiae esse actum virtutis; sed non esse pro eo eliciendo, habitum, seu virtutem speciale Pœnitentiae, distinctam a virtute religionis. Ad quorum primum convincitus esse videtur doctrina primi articuli hujus questionis, quam aliter nisi declinando manifeste ab Angelico Doctore explicare non potuit: concludit enim S. Doctor Pœnitentiam, vel esse virtutem, vel actum virtutis. Statuit vero secundum non auctoritate S. Doctoris, sed ratione infra diluenda, qua suum captivari ingenium ingenue fatetur.

§ I.

Communis et vera D. Thomæ sententia praefertur.

83. Dicendum est virtutem Pœnitentiae non esse eandem cum virtute Religionis, sed essentialiter, et adæquate inter se differre. Hanc assertionem, quam nostro judicio evidenter esse D. Thomæ ambigi nequit, amplectuntur S. Doctoris discipuli, et nullum offendimus praeter Cajetanum, qui ei refragetur, ut videre est apud Soto, Cano, Nuno, Arauxo, Joannem a S. Thoma, Labat, Gonet, Contempson, Martinez de Prado, et quotquot sive ante, sive post Cajetanum scripsere. Quibus omnibus suspectias eunt ex extraneis quamplurimi, quos in re tam perspicua ex S. Doctoris mente, inutile est allegare.

Probatur primo ex Angelico Præceptore in 4, dist. 12, quæst. 1, art. 1, quæstiunc. 5, ubi duo docet S. Doctor, et quod Pœnitentia sit species justitiae, licet imperfecta, et potentialis, in quo abs dubio convenit cum virtute Religionis, et quod sit ab ipsa Religione ex parte objecti, et consequenter essentialiter, diversa. Et ut unum et alterum probet, sic discurrit S. Doctor: *Cum inter hominem, et Deum sit maxima distantia, non poterit ibi esse dicta proprie justitia hominis ad Deum, sed aliquis justitia modus, quasi per similitudinem. Homo autem fit debitor alteri homini dupliciter: Uno modo per hoc quod ab eo sibi est datum, sicut in voluntariis communicationibus, puta in emptionibus, et venditionibus. Alio modo per hoc, quod ei subtraxit, sicut est in involuntariis communicationibus, ut est furtum, percussio et hujusmodi. Et similiter aliquis fit*

Vera
senten-
tia.D.Tho-
Soto.
Cano.
Num.
Arauxo.
Joan.:
S.Thom.
Labat.
Gonet.
Contem-
tempson.1 ex D
Thom
probati
D.Tho-

fil Deo debitor, per hoc quod ab eo aliquid recipit : et hac ratione Deo reddit debitum honorem Latria, sive Religio. Alio modo ex hoc, quod contra Deum peccavit ; et sic reddit Deo debitum Pœnitentia. Unde sicut Religio ponitur pars justitiae a Tullio, non quidem quasi species, sed quasi pars potentialis, in quantum aliquem modum justitiae participat : etiam Pœnitentia pars justitiae debet poni. Ubi clarissime constat comparasse, et distinxisse D. Thomam inter has virtutes : quippe convenienter eas deficere ab æqualitate solvendi debitum, ideoque servant justitiae modum, quasi per similitudinem ; non vero sibi vindicant rationem perfectæ justitiae, de cuius ratione est æqualitas ; et ideo ubi non est, aut esse potest vera æqualitas, sed adæquatio, non est, nec esse potest perfecta ratio justitiae. Distinguit vero illas ex parte juris, seu debiti : quia cum justitia sit ad alterum, juxta diversitatem juris, ac debiti oportet, quod sit diversa ratio justitiae : quo circa ut infra expendemus, quia non idem jus splendet in parentibus, superioribus, et Deo, non eadem est ratio justitiae in inferioribus ; sed tot assignantur, quot fuerint rationes jura diversificandi formalia. Cum ergo diversum sit jus exigendi cultum ex parte Dei, ac extorquendi satisfactionem ; siquidem alterum fundatur in supremo dominio Dei, a quo beneficiis augemur, et donamur, et est commune omni, et cuilibet creaturæ, quantumvis innocentia, et a peccato immuni, ut liquet ex discursu D. Thomæ ; alterum vero nititur in injuria Deo intentata, et quantum est ex affectu peccantis, ipsi illa, vi cuius in re sibi debetur satisfactio, et restitutio ; consequens fit ex mente S. Doctoris non eamdem esse virtutem Pœnitentiae cum Religione. Nec modus ipse loquendi patitur eam identitatem ; alioqui idem sibi ipsi compararet, et loqueretur de eademmet virtute, quasi plures essent, cum tamen una sit. Quod esse minus formalem, et proprium loquendi modum, et ab stylo D. Thomæ satis alienum, perspicuum est, atqne ideo minime admittendum.

84. Confirmatur, et explicatur primo ex eodem D. Thoma ibi solutione ad 1 illius quæstiunculae, ubi ex assignata radice iurium diversorum, quæ neutra illarum virtutum exæquare potest, ostendit Pœnitentiam esse justitiam imperfectam, ad eum sane modum, quo Religio justitia imperfecta est, ob excessum juris divini cultum

exigentis supra venerationem, et honorem, quæ a creatura possint Deo impendi : *Justitia* (inquietabat arguens) est æqualitas quædam secundum Philosophum : sed Pœnitentia non potest æqualem compensationem reddere pro offensa Dei : ergo non est justitia. Responsio est, quod sicut dicit Philosophus in Ethic. ut habetur ex lib. 5, cap. 8, virtus non requirit semper æquale, sed sufficit, quod possibile est, ut in honoribus ad parentes, et Deos. Unde sicut Latria est pars justitiae, quamvis non reddat æqualem honorem pro beneficiis acceptis : ita et Pœnitentia, quamvis non possit aliquid æquale reddere offensæ præcedenti. Si autem non intercederet diversitas inter prædictas virtutes, frivola, et ineptissima fuisset solutio, utpote nugatoria, et idem per idem probans ; esset enim sensus, Pœnitentia, sicut Pœnitentia est justitia, siquidem Pœnitentia esset ipsa Religio. Quod tamen indignum est de D. Thoma sentire, et non D. Thom. minus absonum affirmare.

Urgetur, et explicatur secundo adhuc evidentius ex ipso Angelico Præceptore firm. 2. dist. 15, ejusdem lib. quæst. 4, art. 7, in quo inquirit S. Doctor : Utrum oratio sit satisfactoria ? et quæstiunc. 1, ita objicit in secundo argumento : *Latria ut in præcedenti dist. dictum est, contra Pœnitentia virtutem dividitur : sed satisfactio est actus Pœnitentia virtutis, oratio autem Latriæ : Ergo oratio non est satisfactoria.* Cui arguemento concedit D. Thomas Majorem ut a D. Thom. se probatam dist. 14, præcedenti quæst. 1, art. 1, quæstiunc. 5, ut constat ex margine, et verbis a nobis adductis ; et concessa etiam Minor, negat Consequentiam, quia non est inconveniens actum unius virtutis imperari a virtute, quæ contra ipsum dividitur : sicut actum temperantiae interdum Fortitudo imperat. Et sic etiam actum Latriæ potest Pœnitentia imperare, et sic erit satisfactorius : sicut etiam sacrificia pro peccatis in veteri lege fiebant, et nunc sunt. Quæ verba tam perspicua sunt, ut in ipsa luce offendisse videatur, qui circa Doctoris mentem hæsitaverit.

85. Ex illis vero præcluditur effugium, quod in favorem Cajetani excogitari posset, quasi S. Doctor fuerit locutus de actibus Latriæ, et Pœnitentia, quos esse realiter diversos non renuit, quin adstruit, Cajetanus. Secus vero est de ipso virtutis habitu, qui est realiter idem cum duplice actu, quorum primus sit Deum revereri, alter vero velle compensare exercite offensam,

se humiliter divinae omnipotentiae submitendo, quod est proprium Religionis. Id quod sub aliis terminis explicuit Aversa sect. 2, q. 2, docens non interesse distinctionem ex parte habitus; secus vero ex parte actuum: *Quia (inquit) bene potest unus, et idem habitus respicere totum jus divinum, et potest antecedenter, et consequenter inclinare positive ad exercendos actus debitos Deo, et negative ad abstinentendum ab actibus indebitis in ratione justitiae.*

Ostenditur mens D.Thom.
Hoc, inquam, effugium sincera verborum manifestatione occluditur, quin alia ponderatione indigeamus. Tum quia D. Thomas supponit Majorem argumentum a se facti, cui occurrere satagit: Major autem prædicti argumenti procedit de ipsis virtutibus in ratione habituum, et inde inferebat diversitatem actuum, quorum unus non esset primario cultus, sed satisfactio; alter vero ita esset cultus, quod non esset satisfactio: atque ideo cultus orationis minime satisfactorius evaderet, cum satisfactio non ad religionem, sed ad Pœnitentiam attineat. Quem quidem discursum non reprobat D. Thomas, sed ut legitimum concedit; inde tamen non sequi affirmat actum orationis licet diversæ virtutis a Pœnitentia non esse satisfactorium, quoniam sicut virtus temperantiae quandoque a Fortitudine imperatur, sic etiam actus Religionis imperatur a Pœnitentia, et in vi hujus evadit satisfactorius; non secus ac omnium aliarum virtutum actus ex imperio Charitatis redduntur meritorii. Cum enim virtutes sint invicem annexæ, non sat est virtuti se in proprium actum exercere; sed et imperat aliis, et in proprium finem ordinat imperando, et dirigendo ipsarum actus. Et hoc pacto se habere Pœnitentiam, et Religionem docet S. Doctor. Tum etiam: quia imperium directum postulat distinctionem realem inter extrema; quippe quod non versatur nisi inter inferiorem, et superiorem: ejusdem autem ad se ipsum non est reale dominium, aut superioritas, vel divisio. Tum denique ex ipsomet exemplo Fortitudinis, et temperantiae, quas certo certius debet esse non coincidere realiter, sed essentialiter, et adæquate differre. Et D. Thomas non affirmit, quod unus actus ab alio, aut per alium actum imperetur, esset enim imporia, et minus apta locutio; sed docet unam virtutem per proprium actum aliam impearare, ut eliciat actum, non qui soli ipsi virtuti elicienti respondeat, sed etiam ipsi

virtuti imperanti. Et hoc pacto actus La- triæ imperatur a Pœnitentia, importatque et rationem cultus erga Deum ex ipsa Religione, et rationem satisfactionis ex Pœnitentia; et e converso actus contritionis imperatus a Religione superinduet rationem cultus ultra munus satisfactionis sibi ex propria specie a Pœnitentia obvenientis. Quare licet sententia Cajetani sit probabilis absolute (quod præter Soto concedit etiam Martinez de Ledesma prima Quarti quæst. 26, art. 2, nec inficias imus); neutiquam tamen est probabile esse ad mentem D. Thomæ, utpote illi manifeste contrarium.

86. Nec elevatur ponderationibus, quas tota illa sect. interserit Aversa. Quia non disputat S. Doctor an unus, et idem habitus possit habere plures, ac specie diversos saltem in esse rei, actus; hoc enim impro prium est hujus difficultatis, ac subinde aliunde supponendum, ut debet supponi. Hinc tamen argumentum sumere est procedere ex remotissimis principiis, ex quibus nequit immediate illatio intenta deduci: alioqui enim eodem posset arguento confici nec Religionem a justitia differre, nec plures, quam unam dumtaxat communem, et universalem virtutem esse constituen dam; siquidem unus, et idem habitus potest respicere totum jus divinum, ut diligatur, debita obedientia præstetur, ipsi dicenti credatur, cultus exhibeat, etc., consequenterque etiam inclinaret ad positive exercendum actus debitos, et retraheret ab indebitis in omni materia. Quod tamen est satis absurdum, falsitati obnoxium, et confusione expositum. Sanctus ergo Doctor processit ex maxime propriis, et immediatis principiis: quia cum de ratione justitiae sit reddere alteri jus sibimet debitum, ex diversa ratione debiti, diversa justitiae ratio venanda est. Constat autem diversum jus consurgere in Deo ex a se datis, quia supremus Dominus, et omnium rerum principium, vi cuius extorquet cultum, et venerationem; quam ex a se ipso ablatis, vi cuius postulat injuriam sibi illatam resarciri, et honorem ablatum restitui, media satisfactione, qua sola injuria est ex justitia compensabilis: ergo diversa est ratio justitiae in religione sub prima ratione Deo cultum exhibente, quam in Pœnitentia, quæ dumtaxat sub secunda incumbit reconciliationi cum Deo. Atque ideo non tantum diversi actus, hoc enim planum est; sed etiam diversi virtutum habitus sunt

sunt assignandi, Pœnitentia, et Religio. Major quæ est basis totius discursus, facile explicatur; quia diversum est jus promissionis, a jure gratitudinis, et contractus emptionis, aut venditionis, a contractibus locationis, sponsonis, aut fidejussionis, quibus exsolvendis non eadem est adhuc in humanis virtutis, sed plures justitiae rationes interveniunt. Quod argumento est manifesto alia virtute benefactorem, alia Patrem, alia creditorem fore prosequendos, et consequenter non ejusdem virtutis esse Deum, ex Religione honorare, ac ipsi satisfactionem exhibere pro offensis.

87. Nec ad rem est differentia, quam statuere conatur inter habitus naturales, seu adquisitos, et virtutes infusas; quod illi quia per partes obveniunt, magis distinguuntur; istæ vero quia infusæ, et proinde superioris rationis, sub communione procedunt ratione, atque ideo cum minori distinctione.

Non, inquam, ad rem videtur esse ista differentia. Tum quia semper urget inconveniens illatum, nimirum eodem confici posse argumento unicam solummodo supernaturalem virtutem æquivalere cunctis aliis virtutibus naturalibus in omni materia; ut consideranti constabit. Tum etiam quia licet ea quæ in superioribus sunt unita, in inferioribus sint dispersa, ut tenet commune proloquium; non tamen ita universaliter accipiendum est, quod unica superior ratio cunctis inferioribus indiscretamente emineat, contra evidenter experientiam, et doctrinam Theologis communem. Sed ad summum tenet in eis, quæ ex genere suo pertinent ad eandem lineam, et ratio illa superior est infinita, vel est specialis alia ratio inferiora sub una indivisibili ratione continendi; et ita evenit prædictis divinis pluribus inferioribus realiter diversis, ejusdem tamen lineæ, æquivalentibus, et animæ rationali eminenter esse vegetativum, et sensitivum indivisibiliter ambienti. Hæc tamen specialis ratio non militat in omnibus prædicatis supernaturalibus, licet sint superioris rationis ad naturalia, nec consequenter bene assignatur disparitas virtutum naturalium a supernaturalibus, sed ut prorsus voluntaria responda est.

Tum etiam quoniam virtutes non aliter multiplicantur, aut distinguuntur quoad speciem, quam per ordinem ad sua objecta in esse objectorum adæquate, et essentialiter distincta. Quod principium tenet non

solum in naturalibus, sed etiam in ordine supernaturali, imo et in ipso Deo, licet hic non inferat, nisi distinctionem virtutalem ratione infinitatis, et intimæ transcendentiae prædicatorum ad invicem, ut tractatibus de scientia Dei, et de Trinitate non semel statuimus. Constat autem ex principio D. Thomæ jam indicato, et infra exponendo diversum formale, et adæquatum objectum sibi vindicare Religionem a Pœnitentia: si quæ ergo est ratio distinguendi essentialiter earum actus, etiam cogit, ut diversos habitus pro illis constituamus.

Tum deinceps. Nam etiam est falsum, ^{3 Refel-} litar. quod supponi videtur, virtutes scilicet naturales per partes obvenire. Nam aliud est paulatim eas, ac successive æquiri, seu intendi; aliud vero ipsas ex partibus constare. Primum est inconcussum sive Philosophorum, sive Theologorum dogma, a nemine, ut credimus, nec reprobatum, nec reprobandum. Sed hoc etiam convenit virtutibus supernaturalibus; quæ quidem licet a Deo infundantur; augentur tamen dispositive ad frequentiorem, et intensiorem inculcationem proprietum actuum. Et solum est differentia, quod virtutes naturales in ipsomet supposito habent principium sui augmenti, quod sit vera causa efficiens illius, qualem esse primario intellectum agentem respectu virtutum intellectualium, et rationem ipsam respectu moralium, statuimus, et ex D. Thoma firmavimus tract. de virtut. disp. 1, dub. 3. At vero virtutes supernaturales sicut ad infundi, ita ad augeri postulant ipsum Deum supernaturaliter, ut causam proxime, et particulariter agentem, actibus nostris solum dispositive ex parte subjecti se habentibus, ut etiam docuimus disp. 3, dub. 1, ejusdem tractatus.

Secundum vero est prorsus a veritate alienum, si sermo sit de virtutibus moralibus præcipue, quas ex partibus coalescere inauditum est in Schola Aristotelis, et D. Thomæ; sed omnes sunt simplices qualitates intensionem gradualem, non vero partium additionem, et agglomerationem admittentium, ut ex mente Angelici Præceptoris, et Philosophi N. Complut. tract. N. Complut. Generat. disp. 4. Atque ideo ex hoc capite deficit etiam assignata disparitas.

Fallit tandem, et refellenda yenit prædicta disparitas ex eo, quod, ut cum M. Alvarez 1, 2, disp. 110, statuimus ubi proxime § 4, n. 17, § Quæres; secundo nulla est

Tandem rejicitur Alvarez.

virtus moralis acquisita, cui non corresponeat etiam virtus moralis infusa circa eandem materiam; eadem quippe ratio, quæ compellit ad constituendum virtutem naturalem in aliqua materia attingenda juxta regulas Prudentiæ naturalis, pariter extorquet collocatam iri virtutem supernaturalem circa ipsammet materiam, ut supernaturaliter attingendam. Cum quo tamen stat aliquas esse virtutes supernaturales, etiam morales, quibus in voluntate non respondeat aliqua vera virtus naturalis; quandoquidem sunt aliqui actus naturales voluntatis respicientes bonum proprium, qui complentur intra ipsam voluntatem, ad quos non indiget voluntas virtute superaddita, sed sufficit ipsa naturalis rectitudo eidemmet congenita. Hitemen actus, ut evecti ad ordinem supernaturalem indigent virtute supernaturali, ut elici possint juxta regulas Prudentiæ infusa, ut de studiositate circa spiritualem cognitionem, et appetitus spiritualis honoris pertinente ad Philotimiam, seu Magnanimitatem arbitramur ibi dub. 2, num. 30. Quod signum est non tot esse virtutes naturales, quot inveniuntur supernaturales, consequenterque perperam concedi in illa solutione plures virtutes naturales, quam sint ordinis supernaturalis; vel majorem distinctionem in illis, quam in istis reperiiri. Quæ omnia falsa sunt.

Principalis
alia ex
D.Thom.
probatio.

88. Secundo probatur ex eodem S. Doctori in praesenti, ubi ultimam S. Doctoris voluntatem, et sententiam contineri non est dubium. Et quidem ipsius doctrinae series, et ordo manifeste convincunt ejus mentem in hac parte, ut percurrenti erit obvium. Nam in primo articulo docet, et probat Pœnitentiam esse virtutem, ut jam expendimus: in secundo statuit non esse virtutem communem sed specialem, ob specialem actum sibi proprium in ordine ad speciale objectum. Quæ quidem ratio, vel nullius est roboris, vel simul probat esse ab omnibus aliis diversam: non enim aliunde probatur, aut probari potest efficacius, quod aliqua virtus sit specialis et ab omnibus aliis diversa, nisi quia sibi vindicat speciale actum, et speciale objectum; nam virtus, et habitus non sortiuntur speciem nisi per ordinem ad actus, et objecta formalia, ut est constans D. Thomæ, et Metaphysicorum doctrina. Quocirca in hoc eodem articulo 2, sol. ad 1, Pœnitentiam a Charitate sejunxit, vel ex eo dumtaxat, quod actus Charitatis est dilectio

Dei, et objectum ejusdem bonitas; intentio autem operandi ad destructionem peccati media compensatione, solum est actus imperatus, neutquam vero immediate elicitus, a Charitate, cui proinde respondet specialis virtus *sub Charitate*, eamque esse Pœnitentiam statuerat in corpore.

Ubi reflexione dignum est contra Cajetanum dicentem, nullum actum ex Pœnitentiae assignatis requirere aliam virtutem, quam Charitatem, et Religionem, eo quod displicientia offensæ pertineat ad Charitatem; cum tamen S. Doctor manifeste distinguat duplum displicientia modum, alterum qui secundario pertineat ad Charitatem, alium vero qui primario spectet ad Pœnitentiam, et penes hunc, et non primum differre docet ab illa. Idque evidenter liquet ex art. 3 sequenti, ubi eidem insistens doctrinæ affirmat, *quod Pœnitentia nec habet, quod sit virtus specialis ex hoc solo, quod dolet de malo perpetrato; ad hoc enim sufficeret Charitas; sed ex eo quod pœnitens dolet de peccato commisso, in quantum est offensa Dei, cum emendationis proposito.* Quod dissimulasse videtur Cajetanus, ne cogereret propriam opinionem deserere. Non enim clarius potuit S. Doctor suam mentem aperire, et Pœnitentiam ab omni alia virtute sejungere, quam ei assignando proprium objectum, et actum nulli alteri, nec ipsi Charitati adaptandum, nec etiam Religioni ob eandem omnino rationem, et forte urgentiorem, siquidem Charitatis est utcumque odisse peccata, ut constat; Religionis vero non est, aut satisfactio, aut dolor, a quibus ex sua specie prescindit; sed tantummodo honor, et cultus Deo ut supremo Domino exhibendus. Quando ergo S. Doctor totus fuit in adstruenda distinctione Charitatis a Pœnitentia, non obstante illarum ex parte odii circa peccatum affinitate; potiori, et urgentiori titulo firmavit eam distinctionem cum Religione: atque ideo ex ejus mente tam certum est interesse distinctionem essentialem inter has virtutes, quam indubitatum est apud D. Thomam Pœnitentiam non esse eandem virtutem cum Charitate.

89. Nec satisfacit Cajetanus asserens se Authorem non arguere, *quoniam verum est Pœnitentiam esse specialem virtutem latiori vocabulo utendo.* Nam hoc est merum effugium, cuilibet quantumvis evidenti testimonio quod possit apponi; sed minime solidum, et quoad præsens neutquam sustinendum. Quandoquidem nec expressius, nec

disp
cen
pert
ad Cl
tate
Et q
sit p
pi
Pœ
tentia

Sol
Caje

Rep
11

nec disertius potuit se explicare D. Thomas, quam asserendo Pœnitentiam esse virtutem specialem, utpote cui sive actus, sive objectum respondet speciale. Et si hæc locutio foret amplianda ita, absque tergiversatione, et violentia; non esset, unde falsitatis redargui posset, qui unicam tantummodo admitteret ex albo virtutum; quantumvis ex adverso militarent tum Patres, tum Theologi, imo et ipsa sacra doctrina plures, easque speciales virtutes nos edocentes: ea quippe expositione cuncta evanescerent testimonia, quantumcumque forent perspicua, et evidentissima, ut quilibet facile deprehendit.

Nec iterum favet, quod pergit Cajetanus oppositionem cum D. Thoma prætexere, dicens non esse insolitum apud S. Doctorem, aut ejus doctrinæ adversum aliquam virtutem specialem nominare, cum tamen specialis ea in se ipsa non sit, ut constat a simili Virginitatis, quæ non est nisi Religio determinata ad tam excellentem materiam, quamvis ut specialis virtus reputetur a D. Thoma.

Non (inquam) Cajetano id favet, quinimo maximopere conducit ad manifestandam insufficientiam suæ expositionis. Nam juxta D. Thomam Virginitas est specialis virtus a Religione distincta essentialiter, ut constat ex 2, 2, q. 152, ob eandem prorsus rationem, quam versamus in præsenti, quia nimur, ut probat S. Doctor art. 2, sortitur specialem actum, et objectum in esse objecti ab omnibus aliis diversum. Unde in art. 5 illius questionis, ubi disquirit, *an Virginitas sit maxima virtutum? Religio nem ipsi præfert.* Si autem esset ipsamet religio, ut automat Cajetanus, non esset, unde illi posset postponi, sicut nec cæteris Theologicis ibidem annumeratis. Hancque viam, ut Angelici Præceptoris propriam sectati sumus in arbore Virtutum sæpe citata § 13, a num. 120. Nec quod Virginitas, ut sit vera virtus, debeat firmari voto (in quo forsitan hæsit Cajetanus) officit, ut ab ipsa religione, cuius est votum essentialiter differat. Nam ut ubi num. 121 explicuimus, votum non ingreditur constitutivum esse virginitatis; sed est conditio omnino indispensabilis, ut ipsa in albo collocetur virtutum. Cum quo stat votum ipsum non ad Virginitatem, sed ad virtutem Religionis pertinere.

Porro ut ad Cajetanum regrediamur, manifestum est Virginitatis exemplum deseruire ad ostendendum tam loco cit. ex 2, 2,

quam in præsenti a D. Thoma deviasse, D. Thoma propriam, non vero S. Doctoris sententiam, objiciendo. Quare in ipsum regerendum est, et ex adverso cum S. Doct. statuendum Virginitatem adhuc voto firmatam, et esse specialem virtutem, et a Religione essentialiter differre, utpote ipsi inferiorem, quandoquidem teste eodem Angelico Præceptore, *ipsæ virtutes Theologicæ, et etiam virtus Religionis, quarum actus est ipsa occupatio circa res divinas, præferuntur Virginitati.* Quo potius firmatur, quam oppugnetur nostra sententia.

§ II.

Ratio D. Thomæ proponitur, et ab objectionibus vindicatur.

90. Post S. Doctoris mentem enucleatam superest ipsius fundamentalem rationem, in lucem eruere, et ab objectionum nebulis expiare. Ratio ergo S. Doctoris est in verbis supra relatis, quæ ad sequentem formam reducimus: etenim species, et multiplicatio habituum desumitur ex specie, et diversitate actuum, et objectorum formalium, ut est Cajetani, et discipulorum D. Thomæ constans, et perpetua doctrina, quam sæpe inculcat, et eos edocet S. Doctor: sed Pœnitentia virtus respicit actus, et objectum formaliter diversa ab actibus, et objecto Religionis: ergo non est eadem virtus cum Religione, sed essentialiter ab illa differt. Major, et Consequentia non indigent probatione. Et suadetur Minor: quia Pœnitentia primario non attendit nisi ad compensationem, et satisfactionem, licet inæqualem, juris divini violati, et offensi, quippe qua intenditur reconciliatio cum Deo injury affecto prudentum aestimatione, eamque avellere, et expiare medio dolore, procurat pœnitens: Religio vero respicit cultum Deo exhibendum titulo non injuriæ, sed supremi conditoris, et Domini: sed hæc sunt objecta formaliter diversa, et actus similiter sunt adæquate distincti: ergo inter prædictas virtutes dantur actus, et objecta adæquate diversa. Major liquet ex dictis inter propoundendum testimoniiis D. Thomæ; nam cultus Deo debitus titulo Creatoris, et supremi Domini est totaliter independens, imo et universalior, quam satisfactio pœnitentis; essetque proinde nullo existente, imo nec possibili peccato, et de facto fuit in Christo Domino in ordine ad seipsum

ut Deum, et in Angelis Deum summa veneratione colentibus. Quis hoc neget? Actus vero Pœnitentiæ non est absque præcedenti peccato, nec fuit in Christo, et Angelis beatis peccatorum expertibus: non enim aliud, quam jus violatum eo sarciri intenditur, quandoquidem (verba sunt D. Thomæ infra quæst. 90, art. 2), in Pœnitentia fit recompensatio offensæ secundum voluntatem peccantis, et secundum arbitrium Dei, in quem peccatur: quia hic non queritur sola integratio æqualitatis justitiæ (sicut in justitia vindicativa) sed magis reconciliatio amicitiæ, quod fit dum offendens recompensat secundum voluntatem ejus, quem offendit. Hinc patet Minor hujus syllogismi; quia diverse rationis est colere amicum, ipsumque honore, ac veneratione prosequi, quam illi satisfacere, ipsique reconciliari media satisfactione voluntaria. Et licet quandoque eadem materiali actione id fieri contingat (quod ad summum evincere videbimus rationes Cagjetani) non tamen idcirco formaliter coincidunt ratio Pœnitentiæ, et ratio Religionis; sed una se habebit ut imperans, et superior; altera vero, ut imperata, et inferior, ut accidere in aliis virtutibus saepius dictum est, et explicat D. Thomas art. 2 ad 1 hujus quæstionis.

Confirm. Confirmatur, et explicatur eadem Minor: nam juxta Philosophi doctrinam 5 Ethic. a D. Thoma, et Theologis communiter receptam, ibi constituenda est specialis virtus, ubi splendet specialis difficultas superanda per actus illius virtutis; ubi enim nihil est difficile, superfluit superaddita virtus. Quocirca ad bonum proprium secundum se, et a circunstantiis extrinsecis liberum, non agnoscunt Theologi aliam virtutem voluntati adjunctam, sed ipsam ejus rectitudinem naturalem sufficere judicant, ut constat ex tract. de virtut disp. 2, dub. 3. Major autem est difficultas, imo et diversa in pœnitendo, quam in cultu, et veneratione Dei; ad hanc quippe proclivis est ipsa natura absque ullo mero, et tristitia, ex hoc ipso quod illustretur notitia excellentiæ divinæ, a qua totum suum esse habet in fieri, et conservari. Cum tamen ad emolliendam propriæ voluntatis duritiem, conterendum cor, et carnis macerationes amplectendas, quæ sunt propria Pœnitentiæ opera, ex quibus digni Pœnitentiæ fructus proficiuntur, non exiguo labore indigeamus. Et radix diversitatis provenit ex ipsa diversi-

tate juris: nam aliam extorquet a nobis Deus compensationem, quia Dominus, aliam quia offensus, et proprio jure saltem in affectu spoliatus; et difficilis est, et longe alterius rationis ipsum placare offensum, ac ipsum ut Dominum honorare; cum primum sit proprium servi, secundum vero inimici. Quare sicut ex parte nostra aliter respicimus Deum ut peccatores, quam si reperieramur amici; ita et ex parte Dei sunt independientia jura exigendi cultum, et extorquendi satisfactionem pro injuria, quorum quodlibet propriam virtutem postulat, qua propria superari debeat difficultas.

Rursus confirmari, et explicari potest. Non enim alia ratione concedunt Theologi erga parentes specialem Pietatis virtutem, erga superiores, et dignitate præcellentes observantiam; nisi quia diversum jus, subindeque distincta in prædictis objectis difficultas, virtute speciali superanda inventur; siquidem aliud est respicere aliquem ut patrem, a quo quis habet esse, et aliud respicere aliquem ut dignitate præcellentem: non enim alterum eorum annexum est alteri, ut est per se notum. Cum ergo jus dominii, et creatoris sit diversum a jure offensi, et spoliati, illudque et universalius, et penitus independens ab isto sit, ut negari non potest; videtur consequens aliam esse virtutem, qua colimus Deum ut rerum omnium principium, et Dominum, ac illam qua ipsum offensum placare connamur; atque ideo neutiquam Religionem cum Pœnitentia coincidere.

Confirmatur tandem. Quia licet Pœnitentia, et Religio convenienter generice in reddendo cultu Deo debito, differunt tamen specie in modo; siquidem Religio ita Deum colit, ut ipsum ut sibi beneficium, ac benevolum habeat, Pœnitentia vero ut offensum, et injuria affectum, ut liquet: sed diversus iste modus, et infert, et supponit diversum jus, distinctamque rationem formalem, in quibus stat diversa virtutum ratio: ergo ex identitate, et convenientia prædicta non recte arguitur convenientia, seu identitas essentialis, et specifica illarum. Cætera constant præter Minorem, quæ facile suadetur exemplo ipsius Religionis, et timoris qui est spiritus sancti donum. Nam licet timor inspiciat Dei excellentiam, sub alia tamen ratione, ac ipsa Religio; timore quippe ita homo reveretur Deum, quod refutat malum saltem possibile ex ipso Deo, vi cuius se submit-

Ultior
robore.

tit tremens excellentiae divinæ, ut est constans doctrina D. Thomæ, et discipulorum ejus, a nobis expensa tract. de Fide, ad cujus calcem post tract. de spe, egimus de Dono timoris. Religio vero ab hoc præscindens solum attingit Deum, et ipsius eminentiam, ut universale bonorum principium, subindeque ut benefacere potentem. Et hoc est caput unum ab altera essentialiter distinguendi. Cum autem eadem diversitas, ne majorem dicamus, sit Pœnitentia a religione, siquidem respicit excellentiam divinam offensam ut placandam media satisfactione, consequens debet esse diversam rationem formalem objectivam in ea intervenire ab illa quæ competit Religioni, subindeque non esse eandem virtutem cum ipsa.

91. Nec refert si primo ex Cajetano respondeas ejusdem virtutis esse jus illæsum servare, et semel læsum iterum resarcire. Sed ad Religionis virtutem pertinet honorem Deo debitum exhibere : ergo ad eandem debet pertinere illius juris reparatio, et quasi redintegratio. Non, inquam, refert, quoniam illud principium tantummodo tenet, sistendo intra eandem materiam, et rationem formalem objectivam, ut supra dicebamus de odio procedente a Charitate, et explicuit D. Thomas art. 2 ad 1; secus vero est, quoties fit transitus ad diversam, tum materiam, tum rationem objecti. Quocirca ipsamet Religio, et Deum honorat, et ipsum dehonorantes abhorret; non tamen seipsa immediate satisfacit, aut in proprio supposito, vel alieno vindicat injuriam Deo irrogatam, sed postulat sibi sociam virtutem, cui hoc munus conveniat qualis est Pœnitentia; et ab hac debet imperari cultus Religionis, ut evadat satisfactorius, non secus ac actus satisfactionis, ut sit religiosus debet præcipi a Religione. Non enim inconvenit eundem numero actum simul a pluribus virtutibus, sub diversis tamen rationibus, derivari, et in cujusque illarum finem dirigi; nec similiter repugnat virtutes inter se connexas invicem dependere ne dum quoad esse illarum in esse perfecto, sed etiam quoad operari, et augeri, ut videre est in intellectu, et voluntate, et in exercitio ipso virtutum. Quis namque neget in actu præcepto Charitatis intervenire posse obedientiam, Religionem, et Humilitatem, et e converso? Videantur quæ diximus tract. de Bonit. et Malitia, circa diversitatem finium, subordinatorum tamen uni princi-

paliori, qui eidemmet actui interno, vel externo apponi possunt, et quæ scripsimus tract. de Merito circa imperium Charitatis. Et inde facile, et satis perspicue salvabit concatenationem prædictam servata semper, et retenta, ut servare, et retinere oportet, diversitate formalis objectorum. Quæ est perpetua D. Thomæ, et discipulorum doctrina, superius in hoc eodem tractatu indicata, quidquid sit de eo, quod ex vi illius imperii imprimitur actibus sic imperatis simul a diversis virtutibus; in quo est dissidium aliquid inter eos. De quo egimus loco immediate allegato disp. 4, dub. 5.

92. Sed urgebis. Eadem virtute justitiae commutativæ in humanis fit compensatio sive in offensis, sive in contractibus emptionis, et venditionis, et aliis: ergo similiter non alia, quam virtute Religionis exhibebimus Deo cultum pro acceptis et satisfaciemus pro injuriis. Antecedens supponitur, et probatur Consequentia, tum a paritate, tum etiam ratione: quoniam in humanis jus ex emptione contractum et ex offensa acquisitum non sunt diversæ rationis, sed ad eandem virtutem pertinent, et sub eadem ratione objectiva continentur: sed jus ex beneficiis ortum, et ex offensis datum non magis distant, quam jus emptionis, et jus ex injuria ortum, ut ex se constat: ergo si illa pertinent ad eandem virtutem, pariter, et ista.

Et confirmatur retorquendo, et infirmando discursum D. Thomæ, cui innitimus. Nam totum difficultatis robur reducit S. Doctor ad hoc, quod aliter fit Deo homo debitor ex ab ipso acceptis, et aliter ex ab eodem ablatis, et ad primum assignat Latriam, seu Religionem, et ad secundum Pœnitentiam. Sed hic discursus, vel probat constitutam iri in humanis aliam virtutem pro contractibus itidem humanis, utputa emptionis, et venditionis; aliam vero pro injuriis alteri irrogatis: vel non evincit distinctionem Religionis a Pœnitentia: ergo vel ut nimium probans contra id quod supponitur; vel ut deficiens, et nihil probans repellendus est. Cætera constant præter Minorem quæ inde suadetur, quia nulla appetet ratio, quæ non sit voluntaria, cum debitum ex gratis a Deo acceptis sit alterius rationis a debito ex injuriis sibi illatis, quibus exolvendis duplex virtus inserviat; et non similiter sit aliud debitum v. g. emptionis a debito orto ex contumelia, vel alia injuria homini

Dificilior
replica.

Ejus
Confirmatio.

irrogata; ideoque diversa virtus ad unum præ alio exolvendum requiratur. Hoc secundum supponitur falsum, in objectione: ergo primum est etiam falsitati obnoxium.

Aliquotrum solutio. Nec fiet satis objicienti, si cum Joanne a S. Thoma, Gonet, Contempson, et aliis discipulis D. Thomæ, assignetur discriminis ratio, quod in humanis salvatur æqualitas sive in offensis, sive in commutatibus, et in vi hujus eadem justitiae virtus, cui incumbit jus suum unicuique tribuere, quodlibet debitum extinguere sufficit. Cæterum inter Deum, et homines, cum non sit æqualitas respectu debiti, et alias sint diversæ rationis, jus supremi principii, ac Dominii, et jus offensi; necessarium est recurrere ad duplē virtutem, quia neutra sufficit ad proprium debitum, ideoque ut partes potentiales justitiae reputantur a D. Thoma.

Non satisfacere ostenditur. Hæc, inquam, solutio non videtur elevarе robur objectionis, cujus vis non sistit in eo, quod adsit æqualitas, quinimo eam non adesse inter Deum, et homines, ut manifestum supponit. Exerit autem suas vires in eo, quod sicut eadem virtute in humanis fit satis illi dupli debito, consimiliter erga Deum unica virtute religionis inæqualiter, et cultus, et satisfactio exhibeat; non quidem eodemmet actu, sed pluribus, iisque diversæ speciei. Nec amplius intendisse Cajetanum manifestum est.

Aliquotrum solutio. 93. Ad hanc objectionem responderi poterat negando Antecedens, et quod in illo supponitur, quia non eadem virtus est adhuc in humanis, quæ ad utrumque debitum valeat, sed requiritur specialis ad injurias resarcendas. Quia tamen innominata est, quædam species Pœnitentiaæ humanæ ob similitudinem cum vera Pœnitentia Christiana, posset appellari. Ei vero statuenda argumento esse poterat confirmatio ipsius objectionis; siquidem ex diversitate juris, ac debiti ex illo orti venanda venit diversitas compensationis; et alia est compensatio pecuniaæ pro re vendita, vel ex initio contractu debitæ a compensatione honoris ablati: illa enim solum positulat exhibitionem externam pecuniarum, vel pacti adimpletionem in utroque foro; hæc vero semper importat vel submissiōnem personæ lœdantis, vel retractationem voluntatis, vel utrumque simul, ut iterum in lœsi, seu offensi amicitiam venire possit: non enim tantum exigitur honoris restitutio, quasi arithmeticæ, ut tantum

pro tanto reddatur, sed etiam animorum reconciliatio, ad quam ineundam, et nanciscendam summopere juvat animi delinquentis depresso, et propriæ voluntatis retractatio. Cujus opinionis patronus fuit Soto in 4, dist. 14, quæst. 2, art. 3, § sed tunc arguitur, quem referit, et sequitur Valentia in præsenti disp. 7, quæst. 2, Punct. 2, § *Ad quintum Cajetani.* Juxta quam sententiam potius retorquenda, quam diluenda esset objectio.

Huic tamen solutioni non debet committi veritas nostræ sententiæ, quia positio illa non est admodum certa, nec ut talem eam apposuit Soto, sed sub hoc verbo *Forsan* incertam reliquit, et indecisam. Nec etiam videtur conformis S. Doctori in hoc art. D.Tho

3 in quo satisfactionem pro iuriis, et retributionem ex parte offensi reputat commutationem, et ad justitiam commutatiyam reducit; solutione vero ad tertium clarius se explicans, inquit, quod *sicut est commutatio quædam in beneficiis, cum scilicet aliquis pro beneficio recepto gratiam rependit: ita etiam est commutatio in offensis, cum aliquis pro offensa in alterum commissa, vel invitus punitur, quod pertinet ad vindicativam justitiam: vel voluntarie compensat emendam, quod pertinet ad Pœnitentiam.*

Ex quo duo consequi videntur: Primum est, eam ut sic dicamus Pœnitentiam, qua homo ad æqualitatem alterius a se offensi injuriam compensat, esse re ipsa ipsam commutativam justitiam, cum de ejus ratione sit jus alteri debitum æqualiter compensare. Quare vel concedi debet inter homines duplex justitia commutativa, quarum altera contractibus naturalibus, alia vero offensis expurgandis deserviat; quod est superfluum, et hactenus a nullo quem sciamus, expresse assertum: vel concedendum ex eademmet justitia commutativa

ortum ducere compensationem quamlibet æqualem, sive sit ex contractu oneroso, sive ex injuria irrogata; ratio enim virtutis solum est in debito exacte, et æqualiter exolvendo; de materiali se habente omnino materia illius, sive ea sit initus contractus, sive offensa commissa. Unde quoties homo ad æqualitatem compensat injuriam alteri illatam, non intervenit alia Pœnitentiaæ virtus, quam justitia ipsa commutativa communis ad alia cuncta debita, undecumque proveniant, vel ut proprius loquamur, in quacumque materia sint, seu ex quocumque contractu ortum ducent. Ad eum sane modum quo tract. de

Gratia

Soto
Valentia.

Displi
cet.

Duo colligantur.

Primi

Gratia Christi disp. 14, dub. 2, prope finem admisimus easum impossibilem, quod Christus peccare potuisse, et consequenter pœnitere : in quo eventu nullam aliam virtutem ad compensandam offensam illam agnoscimus quam justitiam commutativam ejusdem rationis cum ea, qua pro nobis satisfecit; hanc vero non esse diversam a nostra justitia commutativa, sed ejusdem rationis cum illa statuimus tractat. de Incarnat. disp. 1, dub. 9, § V, ut constat a simili in virtute Religionis, quam nemo ambigit fuisse in Christo, nec ullus a Religione quæ est in nobis distinxit. Quare bene supponitur ab objiciente illud Antecedens, eadem scilicet *virtute justitiae commutativa* satisfieri debito, sive ex injuria, sive ex alio contractu obvenienti, et merito disparitatis rationem extorquet. Hæc autem continentur in solutione Thomistis communis inter objiciendum data, si recte expendatur.

Quod aggredimur elicendo secundum, quod ex doctrina illius testimonii deduci significavimus, nimirum Pœnitentiam nostram deficere a ratione justitiae commutativa ratione inæqualitatis cum offensa, quæ infinita est, et altioris rationis a satisfactione puræ creaturæ. Hæc autem inæqualitas non debet accipi per ordinem ad rem, ut ita dicamus, ablatam a Deo, quæ est ratio ultimi finis; hanc enim eidem reddere possumus ad instar cuiusdam restitutionis, iterum in ipso constituendo nostrum ultimum finem, ut fieri constat per actum Charitatis, ut pluries locis supra citatis explicimus. Sed nascitur ex ipsa persona injuria affecta, et inæqualitate personæ satisfacientis, quæ quia infinite distat a persona divina, non potest fundare jus æqualitatis, nec in sarcendiis injuriis, nec in beneficiis æquali veneratione exolvendis. Cum ergo dupli ex titulo exigat Deus cultum, et satisfactionem, et quia supremus est Dominus omnium, et hic est universalissimus, et omnino a culpa independens; et quia enormiter nostris delictis offensus, qui titulus est magis restrictus, et specialis; ut Religio posset se extendere ad sarcendas offensas, opus erat, quod proprium sibi debitum posset exolvere; qualiter enim sufficere posset ad extraneum debitum, qui intra propriam lineam deficit ad proprium? Jure ergo exigitur virtus cui incumbat Deo debitas, inæquales tamen gratias reddere, quia supremus Dominus, et primum principium est, et quan-

tumcumque in hoc laboret, ac conetur, semper remanet deficiens, et inæqualis debito illi. Et ideo ad utrumque, et imperfecte extinguendum debitum aliud ortum ex offensa, necessaria est alia virtus, quæ procedat ex solo compensandi, et satisfaciendi motivo; alioqui enim non esset unde tolleretur jus denuo acquisitum a Deo ex injuriis; siquidem ex vi cultus Religionis non exequatur jus illud primum universalius. Quæ videtur esse doctrina D. Thomæ in præsenti art. 3, ubi inquit: *D.Thomæ. Dupliciter dicitur justum, scilicet simpliciter, et secundum quid. Simpliciter quidem justum est inter æquales, eo quod justitia est æqualitas quædam, quod ipse Philosophus vocat justum politicum, vel civile; eo quod omnes cives æquales sunt, quantum ad hoc quod immediate sunt sub Principe, sicut liberi existentes. Justum autem secundum quid dicitur, quod est inter illos, quorum unus est sub potestate alterius, sicut servus sub Domino, filius sub Patre, uxor sub viro. Et tale justum consideratur in Pœnitentia. Ex quibus liquet inæqualitatem prædictam assignari a D. Thoma inter personas; quidquid sit de re ablata, vel restitutâ, qua sola non compensatur offensa, et constat adhuc in humanis; irreverentia enim Episcopo facta in ablatione pallii non compensatur, sed adhuc remanet, pallio restituto.*

94. Ad objectionem ergo in forma respondeatur concedendo Antecedens, et negando Consequentiam; quia in hac parte non bene arguitur ab iis, quæ sunt inter homines æquales sive in commutationibus naturalibus, sive in injuriis inferendis, et sustinendis, ad ea quæ se tenent ex parte Dei in ratione Domini, et in ratione offensi, ut constat ex dictis. Et ad probationem Consequentiæ, neganda est paritas, et ratio in illa fundata non subsistit: quoniam hominis ad hominem est perfecta justitia, atque ideo æqualitas perfecta, cui de materiali, et accidentale est, quod compensatio fiat in hac, vel illa materia. Unde sub eadem formalis ratione respicit, et rem debitam ut restituendam, et injuriam compensandam. At vero Deo nequit homo reddere æquale, nec pro beneficiis acceptis, nec pro injuriis illatis: quare neutiquam eadem virtus sub una ratione utrumque debitum amplectitur. Non quidem sub ratione æqualiter satisfaciendi, ut est evidens: neque etiam sub ratione inæqualitatis, quandoquidem in propria linea

Vera
solutio.

importat inæqualitatem, numquam superandam, et exhauriendam ex vi sui proprii motivi, et rationis formalis : non ergo potest extendi ad aliam inæqualitatem ex diverso motivo prosequendam, quale est motivum satisfaciendi pro offensa.

Diluitur
confir-
matio.

Et hinc constat ad confirmationem, qua urgebatur, et retorquebatur discursus D. Thomæ. Qui quidem legitimus est, si quidem ex acceptis a Deo ut supremo Domino, et rerum omnium principio, movetur homo ad ipsi gratias referandas, et nullum non cultum, et honorem prestandos, quod absque satisfactionis onere salvatur. Ex ablatis vero ab ipso tenetur ad dolendum, compensandum, et pro viribus conandum in non esse offensæ divinae; et huic muneri, et specialiori obligationi incumbit justitia imperfecta Pœnitentiæ, quæ tota est in destructionem offensæ, sicut Religio in ipsi præstanto cultu. Inter homines vero ad socialiter, et politice convivendum solum attenditur æqualitas civilis, et politica, ad quam deservit unica justitiae commutativæ virtus, quæ est virtus communis, et omnia debita ambit sub ratione æqualitatis evacuanda, sive debitum contrahatur ex emptione, sive ex offensa. Sicut enim ex eadem radice obvenit homini quod jus sibi proprium in qualibet materia non violetur, sed immunis, et indemnus retineatur : ita et ab eadem provenit virtute, si forte læsum fuerit, quod resarcitur, et in pristinum revocetur statum æqualitatis.

In quo sensu explicata solutio interposita verissima est, et non enervatur objec-
tiuncula adjecta : quoniam in humanis licet radix debiti possit oriri ex illis capitibus in esse rei diversis, quod non negamus : tamen ad æqualitatem justitiae, quæ per se primo attenditur, inadæquata sunt, et de materiali se habent. Secus vero est in nostro casu, quia licet etiam intendatur æqualitas quasi generica per utramque virtutem ; diversa tamen specificæ, et formaliter est æqualitas in cultu, et æqualitas in satisfactione mediis actibus pœnali- bus, et propriæ voluntatis contritione : et cum neutra proprio muneri adæquet, sed adhuc intra propriam lineam proprio abrogando debito non sufficiat ; nihil mirum quod essentialiter, et specificæ distinguan- tur.

Replica-
tur.

95. Sed adhuc persistes, et replicabis. Nam eadem Pietatis virtute filius præstat obsequia debita Patri, et injurias ipsi ir-

rogatas resarcit : ergo similiter eadem Religionis virtute poterunt et offensæ in Deum compensari, et simul obsequia ipsi ut primo principio debita deferri. Patet Consequentia; quoniam Filius ex Pietate tenetur ad Patrem ut ad sui esse principium : quocirca omne obsequium, sive ad reverentiam, sive ad sustentationem, sive ad subsidium illi debet; nec tantum retribuet, quod ab obligatione amplius non retribuendi se liberet, aut immunem reddat : ergo si hoc non obstante adhuc ex eadem virtute Pietatis satisfacit utrique muneri, et colendi Patrem, et ipsum sibi pacatum reddendi; consimiliter ex eadem religione poterit homo, et cultum, et satisfactionem pro injuriis exhibere Deo ut primo principio, et ut injuria affecto; quin desideretur duplex virtus, vel inæqualitas assignata obsit : non enim intervenit æqualitas inter patrem, et filium ex vi prædictæ virtutis, cum sit pars potentialis justitiae, ut docet D. Thomas 2, 2, quæst. D.Thor 10, et ex ipso statuimus in arbore sèpius citata § 9, num. 76.

Si autem cum aliquibus dicatur Pietatem semper respicere jus paternum ut illæsum servandum, sive id fiat mediis obsequiis qua Patri sive qua offenso debilitis. At vero respectu Religionis, et Pœnitentiæ sunt diversa formaliter jura, inducentia debita itidem formaliter distincta. Aliud namque est jus dominii, et aliud jus proprietatis, quorum primum fundat debitum cultus, et honoris; secundum vero, supposita injuria, postulat satisfactionem juris proprietatis læsi. Et ad hoc duplex, et formaliter distinctum debitum, requiritur duplex assignata virtus.

Si, inquam, ita respondeatur (ut respon-
det Gonet in præs. disp. 2, art. 3, § 3), urget ex adverso eadem instantia. Nam etiam Pater habet jus dominii in filium ratione generationis, et educationis; nec non jus proprietatis, ne lædatur in propriis, sive a filio, sive a quolibet alio : ergo exigit obsequium jure dominii, et satisfactionem jure proprietatis læso : subindeque vel una virtus ad unum, et alterum erit insufficiens; vel si sufficit, idem asserendum erit respectu Dei.

Quod si ad hanc eliquidam replicam, cum eodem asseratur in offensis filiorum non intercedere injustitiam speciale, sed unicam dumtaxat impietatis, aut ingratitudinis malitiam, in qua, et sub qua tota offensæ absorbetur, et confunditur ratio;

Aliquo
ratio
solutio

Gone

discipli

Instau
ratur
prima
solutio

est

est enim impietas qualibet speciali injustitia deterior. At vero respectu Dei ultra difformitatem cum virtute, importatur a quolibet peccato specialis injustitiae ratio, non ab alia, quam a Pœnitentiæ virtute in justitia reparanda.

Contra etiam est : nam injuria filii in Patrem ne dum contrahit impietas malitiam, sed etiam et rationem injustitiae, est enim patri strictum proprietatis jus ne lœdatur ab alio, et multo minus a filio; ideoque gravior injustitia committitur violando jus paternum, vel non redditione debiti vel injuriarum in ipsum inflictione; quam aliorum debita, cum sit potestas, non solvendo. Perstat ergo difficultas, cur unica Pietas ad utrumque solvendum suppetat ex parte filii ad Patrem; et non etiam sufficiet eadem Religio ex parte hominis ad Deum.

96. Nec solidius est discrimen statutum a Contempson in præs. dissert. unica cap. 1, corol. 1, quia nimur Religio, et Pœnitentia jus quidem Dei respiciunt, diversa tamen ratione; prima enim illud considerat sub universaliori ratione, ut omni obsequiorum, et cultus genere promovendum: secunda vero tantummodo ut læsum, et debita satisfactione instaurandum. Unde licet utraque virtus circa peccatum versetur, diverso tamen motivo: nam Religio ideo execratur peccatum, quia Deum inhonorat, ejusque dominium coartat; ideo vero Pœnitentia illud insectatur, quia læsivum, et depressivum est majestatis divinæ. Pietas autem in filio idem jus paternum attendit sive cultum exhibeat, sive pro injuriis satisfactionem præstet; non enim detestatur peccatum, nisi quia impietas labo inficitur.

Sed quis non videat hanc disparitatis rationem re ipsa coincidere cum jam impugnatis, eidemque subesse defectui? Et sane; vel filius in patrem peccando committit specialem injustitiam; vel non? Si primum: reddit impugnatio facta: quia non alia ratione statuit D. Thomas aliam esse virtutem Religionis a Pœnitentiâ, nisi quia aliter sit homo Deo debitor ex beneficiis ab ipso acceptis, et aliter ex injuriis eidem illatis: cum ergo haec eadem formalis ratio militet in filio erga patrem, et alias sit in patre jus dominii, diversum a jure proprietatis; manifestum est huic duplici juri unam virtutem non suppeterem. Et esto ita sit; idem de Deo offenso dicendum erit. Unde vel petitur principium

respondendo id ipsum, quod ab argumento extorquetur; vel querenda est alia disparitatis ratio. Accedit ratio a priori, quam tradit D. Thomas 2, 2, q. 101, art. 3, quia *cum ad rationem justitiae perlineat, quod debitum alii redat, ubi invenitur specialis ratio debiti alicui personæ, ibi est specialis virtus.* Ex quo solidissimo principio infert ibi S. Doctor Pietatem esse specialem virtutem a Religione distinctam. Sed ob injurias alteri irrogatas contrahit homo speciale debitum præ illo, quo adstringitur ob accepta beneficia, ut constat ex eodem D. Thoma: ergo specialis virtus assignanda est in filio ad sarcendam injuriam patris præ illa, qua ipse obsequia rependet.

Id quod adhuc magis explicatur, et urgetur. Nam contrahente filio cum patre contractu civili, v. g. emptionis, aut locationis, aut mutui; non est dubium, non ex pietate, sed ex alio specialiori justitiae titulo teneri filium exolvere debitum patri: et hoc ideo, quia adest novus titulus, non vaque ratio debiti: quod si frangeret, non impietatem, sed injustitiam specialem committeret. Sed specialis injustitia ex injuriis in patrem contracta, inducit novam debiti rationem: ergo vel consignanda est alia virtus a pietate diversa, vel idem omnino dicendum est respectu Dei.

Si autem affirmetur secundum, videlicet non committi specialem injustitiam respectu filiorum in offensis parentum: ex adverso militat, quod injuria non amittit rationem sibi propriam, quam haberet respectu alterius personæ, per hoc quod fiat contra patrem, in quo est utrumque jus et dominii, et proprietatis, ne ab altero lœdatur, sive filius sit, sive extraneus; sed ex illa circumstantia patris superinduit aliam speciem impietatis, non amittendo propriam injustitiae; sicut accessus ad alterius uxorem non denudatur malitia fornicationis; sed assurgit ad ulteriorem adulterii labem, vi cuius in duplice peccati specie ab omnibus collocatur. Et ratio vindetur eadem, siquidem in injuria in Patrem violatur jus commune paternitatis contra pietatem, et jus personale proprium, sicut in exemplo adducto proceditur contra jus matrimonii, et contra jus particularè mulieris non suæ. Non ergo concedendum est non intervenire injustitiam specialem in offensis a filio in patrem commissis, ex eo quod Pietas violetur; cum hujus violatio non excludat injustitiam.

Ratio a
priori ex
D. Thom.

Offensa
filii in
patrem
est in
justitia
stricta.

Esto tamen non ita sit, sed quod solum committatur impietas, adhuc non debet sustineri illa solutio, et refelli deberet ex principiis supra cum his authoribus ex D. Thoma stabilitis. Non enim potentior est Pietas ad diluendam, et abstergendam impietatis offensam ex motivo compensationis, et satisfactionis; quam sit Religio ad destruendum peccatum irreligiositatis, ut ex terminis, et ex ipsa virtutum perfectione constare videtur: sed Religio licet detestetur peccatum ut sibi oppositum, non tamen ex motivo compensationis, et satisfactionis; sed requiritur virtus specialis Pœnitentiae, cuius est procedere ad compensandum. Ergo pari ratione concedi debet, quod ad destruendum peccatum impietatis erga patrem media satisfactione non sufficit Pietas, sed debet assignari alia virtus præter Pietatem, quæ ex motivo compensandi injuriam procedat. Patet hæc Consequentia ex doctrina D. Thomæ loco supra citato art. 2, ubi docet per Pietatis virtutem per se solum deferri parentibus obsequium ipsis in vi principii naturalis essendi tot titulis debitum, ut numquam exolvatur, aut adæquetur. Ut ergo alii debita fiat compensatio, alia quam Pietatis opera sunt assignanda, et alia iterum virtus asserenda. Eo vel maxime: quia semper urget principium illud D. Thomæ: *Ubi invenitur specialis ratio debiti alicui personæ, ibi est specialis virtus:* sed ex peccato in Patrem consurgit in filio specialis ratio debiti, quo carebat ante peccatum; ergo speciali virtute indiget ad prædictum debitum exolvendum.

Vera
solutio.
97. Quare prædictis solutionibus, et discriminibus in sua probabilitate relictis, consequentior, et clarior est, quæ continetur in impugnationibus factis, et deducitur ex supra dictis in hoc eodem dubio numero. 84. Dicimus ergo filium ex justitia commutativa satisfacere patri pro offensis illi irrogatis, interveniente etiam Pietate ad propria obsequia præstanta. Si enim unica justitia inter homines sufficit nedum ad commutations, sed etiam ad injurias ex æquo persolvendas; cur non etiam inter filium offendentem, et patrem offensum non eadem sufficiet, quin obsit ratio paternitatis: hæc namque sicut non aufert æqualitatem ad civiliter contrahendum cum patre, et se invicem ex justitia obligandum; ita non obest ad illi ex justitia perfecta satisfaciendum; alioqui enim numquam filius ad æqualitatem patri pro una

offensa compensaret, utpote cujus satisfactio ex sola pietate procederet, et hæc est pars potentialis justitiae, ut supponitur. Quod tamen videtur durum, et satis absurdum.

Nec momenti erit effugium ad peccata venialia, quæ ad æqualitatem media Pœnitentia, quæ etiam est pars potentialis, diluimus: quoniam peccata venialia non sunt offensæ graves, nec rescindunt amicitiam divinam; offensæ autem de quibus agitur, et patri sunt graves, et amicitiam paternam proscondunt, et ab illo separant, novumque, et strictum jus compensationis fundant; atque ideo non tantum ex pietate, sed ex justitia persolvi debent. Non est vero alia præter commutativam: ab hac ergo persolvuntur. Porro ut hoc melius intelligatur, distingui debet in Patre, et etiam in filio, ratio patris, et ratio filii, juxta quam tenet superioritas, et habet locum Pietas, et in omnibus huc primo spectantibus non potest redi æquale a filio suo parenti. Si autem considerentur ut homines, unusquisque suum proprium jus sibi vindicat, et commutare, ac contrahere possunt, et sibi mutuo ex perfecta justitia satisfacere in debitis ex contractu civili obvenientibus. Semel autem posita hac in illis perfecta justitia, inepte excluditur filius a compensandis injuriis paternis, ut constat ex dictis de aliis hominibus. Unde ad objectionem principalem, negandum est Antecedens, quod male supponitur, et improbatum relinquitur; et instari potest in observantia erga superiorem, ad quam non pertinet compensare illius injuriam; sed ad justitiam commutativam, et non est diversa ratio in filio respectu Patris.

§ III.

Cajetani fundamenta diruuntur.

Cajetani sententiam quæstionis limine Sentiæ
relatam defendunt Suarez tom. I de Re-
lig. lib. 3, cap. 7, et Theoph. Raynaud. Caje-
lib. 4, de Virtutib. sect. 4, nec dissentit
Suare. Aversa loco supra citato.

98. Pro qua arguitur primo. Nam actus Pœnitentiae non potest esse actus primarius, et per se primo intentus ab aliqua virtute: ergo est actus secundarius ad aliquam aliarum virtutum reducendus: non est alia aptior, quam Religio: ergo actus Pœnitentiae est actus Religionis, consequenterque nulla inter eas essentialis distinctio cadit.

Prae-
diu-
efiu-
giun-

Mun-
que
disti-
gu-
debe-
in pa-
respe-
filii

Sentiæ
oppo-
Caje-
Suare-
Theo-
phil-
Aver-
Primi-
argu-
mentu

cadit. Cætera constant præter primum Antecedens, quod probat ex eo; quia nulla virtus, ut sit, et operetur, præexigit in subiecto suum contrarium, seu quod idem est, peccatum: sed actus Pœnitentiae supponit essentialiter peccatum: ergo actus proprias Pœnitentiae non est actus primarius virtutis, sed inter secundarios accenseri debet.

Confirmatur primo: quia virtutum semina sunt nobis insita a natura, adeo ut eas vel proprio studio, vel sub auxilio speciali gratiae comparare possimus, quin ad eas omnes acquirendas, vel obtainendas nobis opus sit peccare: sed ad Pœnitentiam pervenire non possumus, nisi prius pecando: ergo idem quod prius.

Eo vel maxime: quia non alia ratione in Christo, in quo fuit plenitudo virtutum omnium, non inventa est, nec agnoscitur a Theologis Pœnitentia, nisi quia ad eam nanciscendam præcedere debet peccatum, a quo fuit immunis: signum ergo est non esse de ratione virtutis supponere peccatum; alioqui enim vel ex hoc solum quod Christus nec peccaverit, nec peccare potuerit, non omnes virtutes habuisse.

Ad hoc argumentum Suarez ubi supra n. 5 censet non defecisse Cajetanum in illo principio assumpto, sed in illatione; esto enim Pœnitentia non debeat præsupponere in proprio subiecto peccatum; non illico insertur idem esse cum Religione, quia potest esse aliqua species virtutis, ad quam pertineat continere voluntatem, ne Deum offendat. Unde concessso Antecedenti Consequentiam negaret, si illi occurre re studuisse.

99. Displacet tamen, et non satis consequenter processit. Quoniam si Cajetanus in Antecedenti non defecit, stabit illud Antecedens verum: sed ex illo Antecedenti vero bene sequitur Pœnitentiam non esse specialem virtutem: ergo recte probavit Cajetanus Pœnitentiam non esse specialem virtutem; quidquid sit an defecerit in ipsis reductione ad Religionem, de quo postea. Probatur Minor sequentis syllogismi nullo defectu nec in materia, nec in forma laboranti. Nullus actus specialis, et determinatae virtutis supponit essentialiter in subiecto sibi contrarium: sed actus proprius, et specialis Pœnitentiae supponit essentialiter in subiecto peccatum sibi contrarium: ergo actus proprius Pœnitentiae non est actus specialis, et determinatae virtutis, vel sub alia clariori forma: Actus qui essentialiter

postulat sui contrarium in subiecto, non est actus primarius, et per se intentus alicujus specialis virtutis, sed est ad summum actus secundarius: sed actus Pœnitentiae est actus præxigens essentialiter in subiecto sui contrarium: ergo actus Pœnitentiae non est actus primarius, et per se intentus alicujus specialis virtutis, sed accenseri debet inter secundarios. Major utriusque syllogismi est ipsamet Cajetani doctrina approbata, et ut vera laudata a Suarez. Minor et Consequentia non indigent probatione. Bene ergo probavit Cajet. Pœnitentiam non esse specialem virtutem, si semel verum est principium ab eodem assumptum. Ex hoc autem legitime potuit descendere ad includendam Pœnitentiam cum Religione ob affinitatem actuum Religionis cum actibus Pœnitentiae, quales sunt oblationes, et sacrificia, et alia opera poenitentia, sive interna, sive externa, quæ prima fronte, et specie tenus tam cultum Dei redolent, et honorem, quam satisfactionem, juxta illud Psal 50: *Sacra- Psal. 50. ficium Deo spiritus contribulatus.* Porro licet inter virtutum actus, et ipsas virtutes statuenda sit connexio, nullius tam virtutis actus proprii ita assimilantur, uti actus Religionis, et Pœnitentiae, nec Suarez aliquam designavit, cui hoc determinate competeret (nec facile fuisset), nisi Religio nem.

Hinc etiam liquet non ita consequenter processisse. Nam si ex una parte tenet principium Cajetani, et ex alia Religioni habet pro fine intrinseco, et ad æquato reddere Deo debitum proprium, et legale, sub quo debito includitur, vel recompensatio injuriæ commissæ, vel obligatio ne fiat, ut ipsemet docuit immediate; male asseruit defecisse Cajetanum, nec melius ab ejus sententia recessit, utpote quæ legitime infertur ex illis præmissis, in quibus Cajetano assentitur.

100. Quamobrem D. Thomæ discipuli principium illud a Cajetano positum absolute negant, et ut falsum rejiciunt, idque ex supra dictis facile evincitur: quia non est contra rationem virtutis supponere defectum vel physicum, vel moralem, quem excludat, ut liquet in misericordia, cui non est locus absque miseria aliena, et vindicativa, quæ ad inferiorum injurias vindicandas primario tendit. Quod autem iste defectus sit in proprio subiecto, vel alieno, solum arguit differentiam ex parte virtutum; non vero infert esse contra rationem virtutis. Et quidem si ad vindican-

Cajetani principium dirutum et vera argumenti solutio.

das alienas injurias ex bono justitiae nullus est, qui neget propriam, et specialem virtutem ab omnibus aliis diversam; nulla appareat ratio, quare pugnet virtus specialis ad diluendas proprias; cum bonum proprium cæteris paribus preferendum sit alieno, nec sit minus aestimatione digna propria cum Deo reconciliatio, quam ad integratatem legis aliorum punitio. Quocirca nec Aristoteles, nec Tullius, aut alter Philosophorum, qui de virtutibus accuratissime disseruerunt, eam conditionem assignarunt, quam Cajetanus statuere contendit; sed tantummodo asseruerunt, virtutem nonnisi circa difficile versari, undecumque ea difficultas oriatur; sive sit ex alienis, sive ex propriis. Id quod maxime tenet in illis virtutibus, quæ ad abigendos obices instituta sunt, qualem esse Pœnitentiam non negabit Cajetanus. Cum enim ejus actus sint pars Sacramenti Pœnitentiae, et hujus gratia sit medicinalis, et per se loquendo prima; oportet prædictos actus per se primo tendere ad medendum subjecto, consequenterque depellendum morbum ex peccato contractum. Unde sicut in medicina corporali, ut bene observant Martinus de Ledesma, Soto, et alii, praesupponitur infirmitas; et aliqua sunt, vel herbae, vel medicamina huic solo muneri deservientia eradicandi humores pravos; quin exinde amittant esse in naturalibus virtuosa; haud dissimiliter inter virtutes theologizandum erit de Pœnitentia. Quare ad formam argumenti negandum est Antecedens, et ad ejus probationem negatur Major, de cuius falsitate satis constat ex modo, et supra dictis.

Martinez
de Le-
desma et
Soto,
quid ob-
servent.

Solvitor
confirma-
tio.

D.Thom.

Ad primam confirmationem respondeatur a natura nobis inesse virtutum semina juxta exigentiam, et propensionem ipsius naturæ. Et quia hæc ex primaria inclinatione tendit in bonum honestum, secundario tamen, et quasi minus principaliter deflectit in malum; idcirco sunt aliquæ virtutes per se in bonum absolute præsipientes; alia vero, quæ non nisi supposito defectu, in bonum collimant. Et hujus conditionis est Pœnitentia, quæ nisi præexistente peccato locum non habet, si sermo sit de ejus actibus; non vero de habitu ipso, qui solum supponit defectum possibilem in subjecto, non vero actualem; alias non fuisset in Adamo in statu innocentiae contra D. Thomam, et omnes ejus discipulos, nec concedendus esset B. Virginis contra infra dicenda. Et in prædicto

sensu hujus virtutis semen etiam est nobis a natura, quia de jure naturali est pœnitere post peccatum, ut supra nos docuit D. Thomas, et etiam Cajetanus modo ibi latius expenso. Unde ex hac confirmatione nihil conficitur contra veram sententiam. Caje

Nec etiam ex secunda, qua prima urgeatur: nam Christus habuit omnes virtutes quoad id quod perfectionis est; et quia de aliquarum ratione essentiali est aliqua imperfectio privativa, a qua salva earum essentia, nequeunt denudari; idcirco eas caruisse non derogat ejus perfectioni, quin immo favet. Quocirca in illo non fuisse nec fidem, nec spem est communior Theologorum sententia, et expressa D. Thomæ, ex quo etiam docuimus tract. de Gratia Christi negandam esse illi Pœnitentiam. Non ergo ad virtutum plenitudinem quam catholice veneramur in Christo, requiritur nullam omnino virtutem ei defuisse, ut loco citato, et in propriis illarum tractatus ostensum est.

101. Sed contra præcipuae objectionis solutionem instat Suarez in favorem Cajet. P. Su quia de omni virtute in universum verum est, numquam ita versari per se primo, vel adæquate circa destructionem mali, quin principalius intendat bonum, vel ut introducendum, vel ut conservandum. Quod probat ex D. Thoma. 2, 2, quæst. 19, D.Tho art. 1, ubi loquendo de conceptu generali, et communi virtutum, inquit: *Si loquamur de bono, et malo in communi, facere bonum, et vitare malum pertinet ad omnem virtutem,* et paulo inferius eam applicans doctrinam asserit, *quod ejusdem est virtutis constituere aliquid, et constitutum servare in his, quæ sunt ad alterum.* Constituit autem quis æqualitatem justitiae faciendo unum, id est reddendo alteri, quod ei debet. Conservat autem æqualitatem justitiae jam constitutæ, declinando a malo, id est, nullum nocumentum proximo inferendo. Ex quo subinfert, quod si ad Pœnitentiam pertinet facere bonum, et constituere æqualitatem cum Deo compensando offendam, ad eam etiam spectat declinare a malo, nullam injuriam ei inferendo, quod non importat negationem, sed motum voluntatis repudiantis malum, ut in eodem art. solut. ad 2 dicit D. Thomas. Ergo ex hac parte non supponit illa virtus, quæ est Pœnitentia, peccatum, vel injuriam, quæ præcesserit in tali subjecto; quia per se potest conservare illud jus divinum illæsum, et ad hoc afficere voluntatem.

Quem

getur. Quem discursum urgere possumus ex doctrina D. Thomæ in illo allegata. Nam juxta illam cuilibet virtuti debet competere duplex motus prosecutionis, et fugæ, seu recessus, quorum unus oriatur ex alio, subindeque alter eorum sit primarius, alter vero secundarius; nimirum prosecutio boni, et fuga mali. Sed in Pœnitentia non est nisi fuga mali, cum ejus proprius actus sit detestatio peccati. Ergo actus proprius Pœnitentiae non est actus primarius aliquius virtutis, sed aliam, et ejus actum primarium, a quo oriatur, supponit. Quod fuit primum Antecedens Cajetani.

102. Respondetur concedendo, ut jacet, doctrinam D. Thomæ, quæ si semper, in hac maxime parte clarissima est, et minime opposita præsenti veritati. Nam quod S. Doctor affirmat, solum est ad omnem, et quamlibet virtutem pertinere facere bonum, et fugere malum oppositum, quod est indubium juxta illud. *Declina a malo, et fac bonum, id quod in partibus justitiae præcipue locum tenere statuit S. Doctor in illo articulo, cui titulus est: Utrum declinare a malo, et facere bonum sint partes justitiae?* Et hac doctrina ex parte Majoris supposita, si addamus pro Minoris hanc propositionem: *sed Pœnitentia est virtus non ulcumque, sed ad allerum, ultiote justitia licet imperfecta.* Legitima illatione conficitur, de ratione Pœnitentiae esse quod prosequatur bonum, et deviet a malo, et hac semel probata Consequentia, latet profecto, quid desiderandum maneat vel ipsomet Suarez teste, ut inter speciales virtutes accenseri non beat Pœnitentia. Porro Consequentiam istam probat ipsemet S. Doctor in hoc art. 3, dicens: *quod Pœnitentia non habet quod sit virtus specialis ex hoc solo quod dolet de malo perpetrato, ad hoc enim sufficeret Charitas; sed ex eo quod pœnitens dolet de peccato commisso, in quantum est offensa Dei, cum emendationis proposito; emendatio autem offensæ contra aliquem commissæ non fit per solam cessationem offensæ, sed exigitur ullerius quædam recompensatio.* Hanc autem fieri per hoc, quod in Pœnitentia invenitur specialis actus laudabilis, scilicet operari ad destructionem peccati præteriti in quantum est offensa Dei, jam statuerat D. Thomas articulo immediate præcedenti, ubi inveniuntur illi duo actus, quos ex D. Thomæ doctrina, ad rationem virtutis Suarez exoptabat; nimirum facere bonum, compensando offensam, et operando positive contra illam, quod

abs dubio bonum est; et si hoc bonum negetur; negetur insuper quod sit bonum ablata restituere, vel aliena debita solvere, et rursus vitare malum futurum per emendationis propositum ipsi Pœnitentiae annexum. Et in hoc sensu conservat æquilitatem justitiae, et declinat a malo, ut dicebat D. Thomas, cavendo scilicet ab ipso in futurum. Quamobrem tota argumentatio illa in ejus Authorem intorqueri debet ex præmissis propriis D. Thomæ, et consequentia a S. Doctore probata.

Radix deceptionis fuit imaginasse actum proprium Pœnitentiae quasi meram fugam, et recessum a peccato præterito; cum tamen sit prosecutionis ad debellandam offendensam existentem in Deo, pro ipsaque quantum fas est, et suppetunt vires, compensandum; quod totum includitur in contritione perfecta: declinare autem a malo explicatur in emendationis proposito, yi cuius refugit pœnitens esse recidivus. Habet ergo Pœnitentia duplum illum actum ad virtutem exactum, quamvis aliunde etiam supponat peccatum commissum, ob quod fiat compensatio. Unde quando asseritur a D. Thoma, et ab aliis de ratione virtutis esse illæsum servare bonum sibi proprium, sive sit in materia justitiae, sive in aliis, solum tenet per se respectu injuriæ, seu læsonis in posterum; et hoc semper a virtute præstatur: non vero respectu antecedentis; hanc enim præextitisse non est contra rationem virtutis, ut constat ex dictis, et oppositum nec autoritate, nec ratione probatur.

Nec urget ad Pœnitentiam pertinere conservare jus divinum illæsum, et ad hoc afficere voluntatem, ut tandem concludatur in objectione. Quoniam Pœnitentia cum sit pars justitiae, ad compensandum per se primo ordinata; prius intendit sarcire offensam irrogatam, et ex consequenti in posterum servare jus divinum ab injuriis immune; in quo abs dubio præcellit omnibus aliis virtutibus; præstat enim commissas offensas restaurare, et vitare committendas, quam dumtaxat impedire, ne in posterum committantur, et hoc ad summum conveniet aliis virtutibus ob incompossibilitatem cum peccatis oppositis; cum tamen primum sit ita proprium Pœnitentiae, ut nulli alteri conveniat.

Deceptionem passus.

Quo modo incumbat Pœnitentiae juris divini conservatio.

Nec iterum proderit refugium ad Religionem, cuius est reddere Deo omne debitum legale. Nam motiva formalia sunt longe diversa; quandoquidem Religio pro-

cedit ex unico, et solo motivo Deum cultu et honore prosequendi, et hoc affectu, et fine sibi intrinseco Deo consecrat, vel ipsamet opera Pœnitentiæ. Hæc vero tantum incumbit satisfactioni ut fine sibi proximo, et immediato; et hinc etiam ipsius Religionis actus reddit satisfactorios. Et alia ratio est solvere debitum cuique proprium, ne jus alterius violetur, quod large est satisfacere; aliud vero jus violatum reintegrande, et in pristinum statum reducere satisfaciendo pro injuria; et hoc est proprium Pœnitentiae ut a Religione diversæ: et ex hoc capite sibi vindicat semper peccatum supponere, pro quo satisfaciat, sicut religio debitum cultus, quem solvat. Unde constat ad totum argumentum, et ejus confirmationem.

Alterum
ex Ca-
jetano
argu-
mentum.

103. Arguit et instat secundo Cajetanus contra immediate dicta, recurriendo ad objectorum convenientiam. Nam offensa ut compensabilis per actum proprium non postulat propriam, et distinctam virtutem: Ergo Pœnitentia non est virtus specialis a ceteris maxime vero a Religione, diversa. Consequentia patet, et Antecedens suadetur. Tum ex eo quod accidit in humanis, ubi, cum quis alterum offenderit, licet sese subjiciat, et humiliet, palam affirmando se male fecisse, et hoc laudabile sit, non tamen ab speciali virtute procedit; quamvis his, et similibus actibus ad offensam gratiam restituatur, juxta ilud: *Parcere subjectis, et debellare superbos*: ergo similiter. Tum etiam: quoniam esto ad predictum finem oportet assignari virtutem, sufficeret ipsa Religio, cuius est proprium subjecere hominem Deo ipsique debitum reddere, sive ob offensas, sive ob beneficia; quippe neutrum illorum fit absque submissione; et cum haec sit propria Religionis, ipsius etiam erit offensas compensare.

Confir-
matio.

Et confirmatur: quoniam præcipius actus Pœnitentiæ re ipsa coincidit cum actu primario Religionis: ergo etiam virtus. Consequentia constat, quia unitas, vel distinctio virtutum non aptius infertur, quam ex distinctione actuum. Antecedens autem suadetur: Nam quod primario, et præcipue inspicitur a Pœnitentia est subjectionis hominis ad Deum: hanc autem offerit Religio; quin addat Pœnitentia, nisi causam subjectionis, scilicet offensam. Confessio etiam peccati sive exterior, sive interior actus est Religionis absque alia virtute media imperatus. Et ratio (inquit)

est: quia religionis actus est, quo excellentiam divinam, nostramque subjectionem ad Deum profitemur: sed uterque istorum actuum, scilicet interior confessio, et voluntaria submissio in utriusque professione consistit: ergo idem omnino est actus Religionis, ac Pœnitentiæ. Probat Minorem: Nam qui confitetur Deo adversus se injustitiam suam, submittendo se, et confessione, et summissione subjectionem suam fatetur, simul et excellentiam divinam, cui se submittit, cuius excellētissima omnipotentia parcendo manifestatur, cuique proprium est misereri, semper et parcere: ergo velle recompensare offensam mediis prædictis actibus actus est elicitus Religionis.

Confirmatur ulterius. Quoniam virtus Pœnitentiæ non est virtus acquisita sed infusa, subindeque ex divina inspiratione vim habens, et sub eodem cursu cum Religione a Deo accepta, quocirca inter præcepta Religionis ita sunt sacrificia, et orationes pro peccatis, sicut pro beneficiis. Unde in lege veteri actu Religionis expiabatur peccatum, et David cor contritum, et humiliatum (quod est ipsa emenda pro peccato) sacrificium appellat. Hactenus fere ad verbum Cajetanus. Et ut rem magis explicet, propriamque sententiam fulciat, duos actus Pœnitentiæ distinguit; alterum quo offensam divinam recompensat, displicendo de illa; et hunc revocat in Charitatem: alium vero ad compensandam, seu nanciscendam indulgentiam, consistitque in confessione culpæ, et submissione propria; istum vere tribuit Religioni. Unde a sufficienti partium enumeratione, nullus relinquitur necessarius actus ad remissionem, qui propriam, et specialem virtutem Pœnitentiæ jure posset; sed unica tantummodo Religione Charitate associata, negotium peragitur.

104. Ad hoc argumentum, quod præcipuum est in hac parte, constat ex dictis in hoc eodem dubio, ubi diversa statuimus pro istis virtutibus objecta formalia, non quidem proprio iudicio commenta, sed ex communi Theologorum, et eorum Principiis D. Thomæ, calculo probata, quibus subinde stare debemus. Cum enim objecta se habeant uti principia ad virtutes, per ordinem ad quea virtutes ipsæ mutuantur speciem, et unitatem, vel diversitatem sortiuntur essentiales: non tam probanda, quam supponenda sunt ex communi aliorum censura; alioqui enim ne disputatiōnibus

Secur
confi-
mati-

Dilutio
argu-
mentum

nibus finis, nec veritatis scopus haberi posset, si cuiusque arbitrio objecta essent definienda. Quapropter negandum est primum Antecedens ut a veritate alienum. Et ad primam ejus probationem falsum etiam est, quod assumitur. Nam adhuc in humanis est vera virtus ad satisfaciendum pro offensis, et clarius elucet in superioribus, quibus ex virtute observantiae debentur obsequia; cum tamen ex justitia commutativa illis teneamus rependere satisfactionem pro offensis, vel civilibus contractibus. Quia tamen praedicta virtus non habet locum respectu hominis ad Deum offensum ob rationem supra indicatam, quam loco citato de Incarnat. relinquimus expensam; ejus loco succedit Pœnitentia pars imperfecta illius, et cui incumbit onus utcumque Deum satisfactione placandi. Ad hoc vero non sufficit Religio (quo secunda probatio diluitur) utpote quae solum inservit cultui et venerationi Deo exhibendis, quæ est ejus propria, et essentialis ratio. Quare ut cultu religionis offensa compensetur; opus est eam imperari a Pœnitentia, ipsique associari, ut post supra dicta iterum nos docebit D. Thomas loco statim adducendo.

Ad primam Confirmationem explicandum, et distinguendum est Antecedens. Et si sermo sit in eodemmet actu reperiri posse motivum Religionis sub alio motivo diverso Pœnitentia, et e converso, verum est, et concedimus; non enim inconvenit, quin est omnino necessarium, unam virtutem ab alia imperari, et ex vi hujus alterius finem pertingere, supra vidimus. Et hoc modo idemmet actus respondet utriusque virtuti, uni ut eliciendi, alteri ut imperanti; sed species propria actus, ipsique omnino essentialis non est virtutis imperantis, sed virtutis elicientis. Quare actus Pœnitentia non extrahitur a propria specie, per hoc quod imperetur a Religione, et e contra; sed ultra proprii attinentiam objecti ex superaddito imperio accipit attingere finem Religionis, quod non stante imperio, non haberet. In hoc ergo sensu concedimus Antecedens. Sed inde nihil sequitur; alioqui enim confunderentur omnes virtutes cum inter se, tum cum Charitate; cum commune illis sit invicem dirigi, et imperari.

Si vero aliud intendatur, ut revera intenditur a Cajetano, in Antecedenti, negari debet utpote falsum, et oppositum doctrinæ D. Thomæ 2, 2, quæst. 85, art.

3, ubi rem elucidans ita inquit: *Quando actus unius virtutis ordinatur ad finem alterius virtutis, participat quodammodo speciem ejus: sicut cum quis furatur, ut fornicetur, ipsum furtum accipit quodammodo fornicationis deformitatem, ita quod si etiam alias non esset peccatum, ex hoc jam peccatum esset, quod ad fornicationem ordinatur. Si ergo sacrificium est quidam specialis actus laudem habens ex hoc, quod in divinam reverentiam fit, propter quod ad determinatam virtutem perlinet, scilicet ad Religionem. Contingit autem, et ea, quæ secundum alias virtutes sunt in divinam reverentiam ordinari, puta cum aliquis eleemosynam facit de rebus propriis propter Deum, vel cum aliquis proprium corpus alicui afflictionis subjicit propter divinam reverentiam. Et secundum hoc etiam actus aliarum virtutum sacrificia dici possunt. Sunt tamen quidam actus, qui non habent ex alio laudem, nisi quia sunt propter reverentiam divinam. Et isti actus proprie sacrificia dicuntur, et pertinent ad virtutem Religionis. Qua solidissima doctrina omnes probationes illius Antecedentis manent dirutæ, ac convulsæ, et statuit regula universalis ad discernendum inter speciem actui obvenientem ex proprio, et immediato objecto, vel ex subordinatione ad objectum alterius: quando nimurum actus ex se est laudabilis, quantumvis imperetur a superiori, conservando propriam speciem, quodammodo ex superioris imperio superinduit aliam, non sibi propriam, sed appropriatam, et emendicatam. Quoties vero actus ex se non est laudabilis, et virtuosus, non sibi vindicat aliam speciem, quam quæ ipsi obvenit a superiori: quo pacto se habent actus externi, qui unicam, et totalem speciem mutuantur ex imperio rationis, et juxta diversas rationis regulas vicissitudinem accipiunt, et diversis virtutibus subdi possunt.*

Et ad primam Antecedentis probationem distingueda est Major: *Quod primo offeratur a Pœnitentia, est subjectio ad Deum ex motivo offensam avellendi, eamque compensandi; conceditur Major: Ex motivo cultus, et reverentia, aliove simili, negatur Major. Et ad Minorem dicitur, eandem quidem offerre etiam religionem, sed sub motivo cultus, et reverentia Deo praestandæ, quod est diversum, et a Pœnitentia nequit attingi, nisi dirigatur, et imperetur a Religione in proprium finem. Idem ob omnino eandem rationem dicimus de*

Ante-
ceden-
tis
probatio
diruitur.

confessione, sive interna sive externa; utraque enim elicetur a Pœnitentia ut subdita Religioni, ab eaque in cultum Dei ordinata. Et hic quidem cultus si in omnibus aliis maxime elucet in ipso Pœnitentiæ Sacramento, quo specialiter colitur Deus, ob idque utriusque virtutis influxum jure postulat, ut singula singulis tribuendo, et obtineatur media compensatione remissio, et debitus Religionis cultus Sacramentorum Authori ex ipsomet Sacramento proveniat. Unde patet ad rationem huic probationi insertam. Nam de ratione Religionis est submissio, et divina protestatio excellentiæ, quod ex se ipsa immediate, et mediis aliis virtutibus a se imperatis præstat: de ratione vero Pœnitentiæ est conari contra offensam ipsi divinae excellentiæ irrogatam, eamque abolere. Et licet sæpe haec duas rationes in eodem actu convenient, non idcirco confundi debent, et pro eodem usurpari; sed cuique earum proprium munus assignandum, non secus, ac si essent separata. In quo deceptum videtur subtilissimum Cajetani ingenium, et constat a simili aliarum virtutum, si vel inter se, vel cum Charitate conferantur: utrobique enim militat illa difficultas, et applicari debet eadem distinctio; si non volumus, vel virtutes confundere, vel eas a Charitate non distinguere. Unde fallit Consequentia tandem illata, quia nec actus ex se satisfactorius elicetur a Religione, nec Dei cultus per se primo correspondet Pœnitentiæ; sed vel a quavis divisum, vel ab una ut alteri subordinata exhiberi debet.

Secundæ occurritur confirmationi. 105. Ad secundam confirmationem concedimus Pœnitentiam esse virtutem per se infusam, sed ex hoc non sequitur ejusdem identitas realis cum Religione, nec id potuit intendere Cajetanus, quem non latet omnes virtutes supernaturales simul infundi cum Charitate, quin simultanea illarum infusio earum obsit distinctioni: atque ideo prædictum caput imbecille est ad stabilendam propriam sententiam. Secundum vero, quo juvari posset, etiam deficit; quia falsum est in lege veteri sola Religione expiari peccatum; cum in prædicta lege etiam fuerit Pœnitentiæ virtus, imo et etiam viguerit ejus exercitium, ut palam esset monstrare ex ipsam lego, et Prophetis non segniter huic virtuti a dictis, si opus esset ad argumentum. Nec etiam est veritati consonum omnia illius temporis sacrificia æque pro peccatis, et

beneficiis præcepta fuisse, ut constat ex D. Thoma 1, 2, quæst. 102, art. 3 ad 8, D. Th. ubi holocaustum, et hostiam pacificam Deo exhiberi solita docet ad reverentiam majestatis Dei, et ad gratiarum actionem ex beneficiis acceptis; pro peccatis vero aliud extitisse affirmat dicens: *Aliud autem erat sacrificium pro peccato, quod offerebatur Deo, ex necessitate remissionis peccati, et conveniebat statui pœnitentium in satisfactione peccatorum.* In quo quidem, non tam intendebar cultus, quam peccatorum expiatio, consequenterque non tam ad religionis, quam ad Pœnitentiæ virtutem spectare debebat.

Esto tamen ita fuisse, absque ullo discrimine imposita fuisse præcepta, et destinata sacrificia pro Religione, et Pœnitentiæ; non inde consequitur eas inter se non differre, sed quod ad idem sacrificium immolandum utraque virtus debebat concurre, ut simul Deo cultus debitus exhiberetur ex Religione, et hostia pro peccato offerretur ex Pœnitentia. Ad eum sane modum, quo in lege gratiæ in adimpletione præcepti supernaturalis concurrit etiam *Charitas, vel justitia, aut alia virtus distincta ab ea, cuius est præceptum.* Et in ipso Pœnitentiæ sacramento clarius elucet; nam quo pacto est sacramentum, pertinet quidem ad Religionem, et consequenter ad Dei cultum, ipsum reverenter peragere, et ad Dei honorem ordinare. Qua vero parte est sacramentum medicinale, petit in ipsa peccata ut expienda, et extirpanda protendere. Et non solum ex Pœnitentia, sed etiam ex Religione, Charitate, et justitia sacramentorum celebratione, et perfectioni studere oportet; quin inde inferri possit indistinctio virtutum simul in sacramentorum celebratione concurrentium. Et eadem ratio est de sacrificiis antiquis, utpote in quibus non solum cultus, sed etiam compensatio pro injuriis querebatur, et ideo non sola Religio, nec sola Pœnitentia, sed et ipsa Charitas, qua omnes virtutum actus redduntur Deo accepti, debebat concurrere. Nullus tamen omnium illorum actuum habebat propriæ rationem sacrificii, nisi quia Religione eliciebantur, ob rationem supra a D. Thoma assignatam. Nec etiam respondebant Charitati sub ea distributione, quam statuit Cajetanus contra D. Thomam art. 2 ad 1 et art. 3, in corpore, ubi licet tribuat Charitati odisse peccatum, quia oppositum divinæ bonitati; compensare tamen illud, quia

Qu
dice
dui
casu
eade
saci
pro R
gion
et Po
tent
fuis
insti

Caj
cont

D.Th

Thom. quia offensa Dei est, solius Pœnitentiae esse diserte asseruit. Quare concludendum est ad Pœnitentiam ut a Charitate, Religione, et omnibus aliis virtutibus distinctam spectare vindicationem offensæ divinæ, in quacumque materia ea fuerit, si quidem *Pœnitentia* (ut inquit S. Doctor solut. ad 2 articuli secundi) *habet quidem realiter generalem materiam, in quantum recipit omnia peccata; sed tamen sub ratione speciali, in quantum scilicet sunt emendabilia per actum hominis cooperantis Deo ad suam justificationem.* In quo sensu etiam Religio habet generalem materiam omnium humanorum actuum, sed sub speciali ratione divini cultus, penes quam distinguitur ab omnibus aliis. Unde corrigit illa distributio Cajetani, et relinquitur certum non ejusdem esse virtutis Deum colere, et pœnitere.

§ IV.

Singularis Contempsonis refertur, et expugnatur sententia.

Con-
tempso-
nis-
silio. 106. Peracta Religionis causa cum Cajetano, nova, nec minus singularis se offerebat disceptandi ratio, cum Contempson in præsenti dissert. unica, cap. 1, corol. 1 in fine, ubi postquam Cajetani fundamenta diruit, et qua pollet styli gravitate et elegantia Pœnitentiam a Religione vindicavit cum cæteris D. Thomæ discipulis; in id tandem devenit, ut Pœnitentiam a timore non distingui affirmaverit, ut de mente D. Thomæ; quasi S. Doctor a communis sententia, quæ cunctos alios discipulos pervasit, de distinctione Pœnitentiae ab omnibus aliis virtutibus non nihil recesserit; eoque discipulum SS. Præceptoris vestigia prementem compulsum eidem induisse adhærere, et non ita communem viam insectari. Ab hac tamen difficultate breviter, et per modum appendicis nos expediemus, cum quia singularis est hujus Authoris, tum quia non multis indiget mens D. Thomæ utpote clarissima. Videamus tamen prius, quæ ipsum moverint ad hanc provinciam arripiendam, et lustrandam.

Eam
obat
x D-
tom. Dicit ergo Angelicum Præceptorem eantenus statuisse Pœnitentiam esse virtutem specialem, quatenus eam contra posuit: vel omnium virtutum acervo, vel illarum conditioni generali ipsis se immiscenti, et in cunctis illis transcendentem, ut Altisiodo-

Cajetani
cum
Con-
tempso-
nis-
silio. rensem, Majorem, et Alensem oppositum arbitratos refelleret: et hoc in sensu illorum sensui manifeste contrario affirmavit actus Pœnitentiae esse laudabiles specialiter, specialeque sibi vindicare objectum, et specialis virtutis nomen sibi arrogare. Non tamen intellexit S. Thomas specialem virtutem prout distinguitur contra aliquam peculiarem virtutem (in quo assentitur Cajetano), sed prout opponitur omnium aggregationi. Idque manifestum sibi videtur ex art. 5 hujus questionis, ubi inquirens de principio Pœnitentiae duo docuit, et quod Pœnitentia est virtus infusa a Deo; ex quo capite ipsum habet ut principium, et causam efficientem: et quod ad ejus infusionem se tenent nostri actus ex parte materiæ, et dispositionis; licet enim Deus nobis sua dona largiatur sine nobis principaliter agentibus; non tamen sine nobis propriis actibus cooperantibus, et ad donorum receptionem disponentibus. In quo nequit esse dissensio, cum sit doctrina nedum D. Thomæ, sed etiam totius Ecclesiæ approbata et explicata a Concilio Tridentino, ut videbimus ad prædictum articulum.

Prose-
quitur
explica-
tio
D.Thom. 107. Accedens vero S. Doctor ad enumerandos illos actus, quibus Deo in Pœnitentia operanti cooperamur, docet intervenire motum fidei, quo credimus infallibiliter remissionem fieri in Ecclesia virtute clavium; cui accedunt motus timoris servilis, quo perculsus pœnitens supplicia exhorret, et motus spei, quo nanciscendam veniam sibi promittit ex proposito se emendandi, et in meliore frugem recipiendi. Ad quos subsequitur Charitatis motus, quo (ut inquit S. Doctor) *Alicui peccatum displicet secundum se ipsum, et non jam propter supplicia, et pervenitur demum ad motum timoris filialis, quo propter reverentiam Dei aliquis emendam Deo voluntarius offert.*

His itaque sic a D. Thoma constitutis, statim intulit, ac subjunxit: *Sic igitur patet, quod actus Pœnitentiae a timore servili procedit, sicut primo motu affectus ad hoc ordinato; a timore autem filiali sicut ab immediato, et proximo principio.* Ergo virtus Pœnitentiae ex D. Thoma non distinguitur a timore filiali; cum diserte doceat timorem filiale ne dum imperare Pœnitentiae actus, sed et esse eorum *immediatum, et proximum principium.* Et quia timor est virtus specialis, ut supponit prælaudatus Author, erit consequenter Pœnitentia vir-

tus specialis. Unde concludit : *Et certe hoc testimonium D. Thomæ ita luculentum, et expressum est, ut mirum sit recentiores Thomistas (melius dixisset etiam antiquos) tam splendentem, et oculis se ingerentem locum non advertisse.*

Ratione
idem
proba-
tur.

Rursus id ipsum probare pergit, tum a paritate Pietatis, qua jus paternum illæsum servatur, sive pro cultu debito, sive pro injuriis illatis; non enim filius peccata in Patrem detestatur, nisi quia (ut inquit ipse) infanda impietatis labo conspurcatur. Tum a ratione ex eo petita, quod ad eandem rationem pertinet Deum revereri, ejusque jus illæsum servare, et læsum resarcire. Cum ergo Deum revereri sit proprium timoris; ejusdem etiam erit peccata detestari, et jus divinum inde læsum reparare.

Adver-
satur
D.Thom.
et ex illo
refelli-
tur.

108. Verum hujusmodi opinionem minime consonam, quin imo adversam D. Thomæ existimamus; tantum abest, quod pro illa sit expressum ipsius testimonium. Quod arduum non erit ostendere tam ex principiis communibus S. Doctoris, quam ex propriis hujus articuli. Refellitur ergo primo ex primo capite. Nam juxta D. Thomam dona Spiritus sancti essentia-tiler distinguuntur a virtutibus infusis, sive Theologales, sive morales eæ sint : sed timor filialis est donum spiritus sancti, et Pœnitentia virtus moralis : ergo timor filialis, et virtus Pœnitentiae essentialiter distinguuntur. Consequentia constat. Major est doctrina expressa D. Thomæ 1, 2, quæst. 68, art. 1, ubi eam ex professo probandam assumpsit, et efficaciter suasit ex diversis regulis, et modis procedendi : Nam virtutes morales regulantur per rationem, et prudentiam supernaturalem, cuius præscriptum non transgrediuntur, si virtutes sunt, eisque redditur homo bene mobilis ad operandum juxta regulas rationis. Dona autem spiritus sancti evehuntur supra humanam rationem adhuc supernaturalem, ideoque vocantur dona, inquit S. Doctor, non solum quia infunduntur a Deo, sed quia secundum ea homo disponitur, ut efficiatur prompte mobilis ab inspiratione divina, quæ estiliarum regula, quamque non prætergrediuntur juxta illud Isai. 50: *Dominus aperuit mihi aurem, ego autem non contradico, retrosum non abiui.* Ideoque eorum definitio est penitus diversa a diffinitione virtutis, ut constat ex iis, quæ tradidimus in arbore virtutum § 2. Est enim donum habitus supernaturalis, quo

homo disponitur, ut sit prompte mobilis a Spiritu sancto, cum tamen D. Thomas prædictam diffinitionem usquam virtuti applicaverit. Minor etiam est expressa ejusdem S. Doctoris 2, 2, quæst. 19, ubi D. Thomas eam doctrinam, quam in communi trididerat de Donis loco citato ex 1, 2, specia-liter applicat dono timoris, et art. 9 probat accensendum esse inter septem Spiritus sancti dona. Quod vero Pœnitentia sit virtus moralis, manifeste constat ex art. 3 præsentis quætionis, ubi eam collocat sub justitia, quæ est præcipua inter Cardinæles. Qualiter ergo S. Doctor docere potuisse in præsenti esse idem cum dono timoris, nisi seipsum negando, et manifeste contradicendo?

Confirmatur. Nam distinctio donorum tam inter se, quam a virtutibus maxime splendet in actibus primariis illorum penes quos sive specificatio, sive distinctio regula-
lanta est. Sed actus primarius doni timoris juxta D. Thomam est longe diversus ab actu primario Pœnitentiae : non ergo esse potest de mente D. Thomæ, quod Pœnitentia sit idem cum dono timoris. Consequenter est legitima, Major perpetua D. Thomæ doctrina. Minorem ipse docuit loco citato ex 2, 2, statuens actum prima-
rium prædicti Doni esse subjectum reverentiale ad divinam eminentiam, ut potentem infligere malum, quod creatura refugit ex ipso timore. Qui quidem actus longe est a peccato, vel peccandi potentia, ut constat in Christo, in quo plenissime fuisse hujusmodi donum docuit S. Doctor in hac 3 p. quæst. 7, art. 6, ubi et nos cum ipso egimus de hoc puncto, post fusi scripta tract. 18 de virtute spei, cui anneximus tractatum de timore. Actus vero primarius Pœnitentiae est dolor de offensa propter Deum, ut constat ex sæpius inculcatis rationibus : non ergo possunt tam dissimiles actus ab eodem indivisibili habitu comprehendendi.

Confir-
matur

109. Confirmatur secundo directe des-truendo principium cui innititur illa pos-sitio. Nam tota, et adæquata ratio affir-mandi identitatem timoris cum Pœnitentia, est quia D. Thomas asseruit timorem esse principium proximum, et immediatum Pœnitentiae : sed juxta D. Thomam hoc principium non probat tantam identitatem, sed admittit realem distinctionem inter ea : ergo male deducitur ex illo principio, eam esse mentem D. Thomæ. Consequenter D. Thomas constat, et probatur Minor ex eodem

Secunda
confir-
matio.

S.

S. Doctore loco citato ex 2, 2, art. 2 solut. ad 4, ubi docet S. Doctor dona spiritus sancti esse principia virtutum moralium, quippe quæ supponunt virtutes Theologales, et se tenent ex parte principii ad morales. Quod intelligi debet per ordinem ad subiectum, non per ordinem ad Deum, a quo immediate sive virtutes, sive dona procedunt. Unde sensus legitimus debet esse, quod prius subjectum recipit a Deo virtutes Theologicas, et eis mediantibus dona Spiritus sancti, ac deinceps virtutes supernaturales, et idem ordo, qui est inter habitus, debet splendere in eorum actibus, atque adeo sicut actus virtutum Theologicarum in genere cause efficientis, finalis, et formalis preceunt actus donorum, ita hi præcedunt actus virtutum. Verba D. Thomæ sunt : *Ad quartum dicendum, quod sicut dicitur Ecclesiast. 10 : Initium superbiz hominis apostatare a Deo, hoc est, nolle subdi Deo, quod opponitur timori filiali, quia Deum reveretur. Et sic timor excludit principium superbiz propter quod datur, scilicet contra superbiam. Nec tamen sequitur, quod sit idem cum virtute humilitatis, sed quod sit principium ejus. Dona enim Spiritus sancti sunt principia virtutum intellectualium, et moralium, ut supra dictum est, sed virtutes Theologicæ sunt principia donorum, ut supra habitum est.* Male ergo infertur ut de mente D. Thomæ timorem esse idem cum Pœnitentia, ex eo quod asseruerit S. Doctor hanc ab illo, ut a principio proximo, et immediato provenire; siquidem humilitas eodem etiam modo a timore procedit, quin inde sequatur, teste eodem Preceptore Angelico idem esse cum humilitate.

Quin imo oppositum inferri debebat, ut patet ex se : nam principium in præsenti importat rationem causæ, vel ad illam reducitur, et nemo est causa, aut principium sui ipsius. Deinde liquet in ipsis virtutibus Theologicis, quæ quantumvis principia immediata sint donorum Spiritus sancti in sensu explicato, nimirum ex parte ipsius hominis, imo quia prædicto modo principia sunt, neutiquam confundi debent, et pro eodem accipi cum ipsis donis, ut etiam docet D. Thomas solutione immediata ad 3 dicens : *Ad tertium dicendum, quod ex hoc quod amor sit principium timoris, non sequitur, quod timor Dei non sit habitus distinctus a Charitate, quæ est amor Dei : quia amor est principium omnium affectionum, et tamen in diversis habitibus perfici-*

mur circa diversas affectiones in Deo. Et ideo amor magis habet rationem virtutis, quam timor.

110. Secundum caput eam illationem, et sententiam in illa fundatam evertendi est ipsem processus articuli quinti præsentis quæstionis, in quo inquirit S. Doctor *Utrum principium Pœnitentiaz sit timor?* Cui ut respondeat, præmittit Pœnitentiam posse sumi dupliciter, vel quoad habitum, vel quoad actum. Primo modo accepta Pœnitentia non procedit a timore, ut a principio, sed a solo Deo infundente sine nobis principaliter operantibus. In quo profecto supponit S. Doctor habitum Pœnitentiaz non esse eundem cum habitu timoris, et hoc supposito affirmat hunc non esse illius principium. Si autem id non supponeret, ridicule inquireret, an sit illius principium, et non nisi frivole respondisset, non esse; cum sit per se notum idem non posse esse principium sui ipsius. Loquendo vero de actibus, quibus in Pœnitentia Deo operanti cooperamur, quia plures sunt, pro eis ad diversos habitus, et principia recurrit S. Doctor, et primo loco statuit motionem Dei primo incipientis cor hominis ad se trahere, juxta illud Thren. ultim : *Converte nos Domine ad te, et convertemur.* Et ad hujusmodi actum nullus præcedit habitus, sed dispensatur pro eo a Deo auxilium prorsus indebitum, subindeque omnino liberaliter, et gratis ex pura misericordia descendens. Deinde enumerat motus fidei, timoris servilis, Spei, et Charitatis, quorum cuilibet proprius habitus respondet, et non ita proxime se habent ad actum proprium Pœnitentiae, quo detestandum est peccatum, quia Dei offensa est. Quia ergo actus proprius timoris est Deum revereri ob suam eminentiam, qua potest infligere quodlibet malum; per hunc actum proximus, et immediatus disponitur homo ad eliciendum actum proprium Pœnitentiaz, non quia eliciendus est ab ipso timore; sed quia inter recensitos proximior, et immediatior est, ut verba ipsa satis superque manifestant : *Sextus, inquit, actus est motus timoris filialis, quo propter reverentiam Dei, aliquis emendam Deo voluntarius offert.* Hic enim actus non est Pœnitentiaz, sed timoris, sicut motus Charitatis, quo alicui displaceat peccatum secundum se ipsum, ut præmiserat D. Thomas, est initium Pœnitentiaz, sed remotius, quam actus timoris. Nam sicut Charitas ex proprio motivo odio

Alterum
caput
refel-
lendi
illam
senten-
tiam.

Elucida-
tor
mens
D.Thom.

Thren.
ult.

D.Thom.

D.Thom.

habet peccatum, et cæteræ aliæ virtutes, ut supra dictum est; ita etiam timor ob Dei reverentiam illud ipsum detestatur, *quia vilia* ut docet D. Thomas 1, 2, q. 18, art. 1 ad 2, *in quantum sunt contra bonum rationis, contrariantur virtutibus, in quantum autem sunt contra divinum instinctum, contrariantur donis; idem enim contrariatur Deo, et rationi, cuius lumen a Deo derivatur.*

Quia ergo quæstio fuerat, an timor sit Pœnitentia principium, et duplum timorem distinxerat S. Doctor, conclusit dicens, quod *actus Pœnitentia a timore servili procedit, sicut a primo motu affectus ad hoc ordinato; a timore autem filiali, sicut ab immediato, et proximo principio.* Quod verissimum est, et efficacissime illatum ex præmissis; sed non inde sequitur, teste eodemmet D. Thoma, esse idem timorem cum Pœnitentia: sed quod ad actum Pœnitentia se habeat proxime, et immediate præ aliis antecedentibus, quatenus post actum prædicti timoris non aliud superest, quam actus ipsius virtutis Pœnitentia. Consulatur S. Doct. in 4, dist. 14, quæst. 1, art. 2, ubi luculenter exponit, qualiter Pœnitentia timore concipiatur.

Probationes
opposite
diruntur.

111. Hinc, quæ ex ratione ad comprobationem adducit Contempson, sua sponte ruunt. Nam quod a paritate Pietatis urget, ex dictis manet expugnatum; siquidem non ex Pietate tantum, sed ex justitia simul tenetur filius patris offensas resarcire: Pietas autem erga Deum coincidit cum Religione, ultra quam ipsem Contempson ad diluendam Dei offensam requirit virtutem essentialiter diversam. Unde ex vi illius exempli potius convincitur oppositum. Quod vero ex alio principio subjungebat, verum quidem est absolute, et sistendo in propria materia virtutis, ut ipsem responderat Cajetano in illo eodem dubio. Unde concedimus Donum timoris detestari etiam peccatum sub sibi propria, et speciali ratione, quia nimirum opponitur subjectioni ad eminentiam divinam, sicut Religio, ut adversatur cultui, et venerationi Dei. Secus vero est, quando fit transitus ad diversam rationem; propriam tamen alterius virtutis, qualem esse rationem offensæ respectu Pœnitentia satis superque perspicuum manet ex doctrina Angelici Praeceptoris.

Observandum.

In calce tamen hujus dubii pro pleniori intelligentia recolenda sunt, quæ annotavimus ad art. 3 ex solut. ad 4, ubi miri-

fice D. Thomas explicit, qualiter Pœnitentia, una cum virtus sit in specie aethoma, et ab omnibus aliis diversa, quodammodo ea, quæ pertinent ad omnes virtutes comprehendit. Præ oculis etiam haberi debent, quæ S. Doctor supra quæst. 84, D. Th. art. 5 ad 2 scripsit, dicens: *Ex quo aliquis peccatum incurrit, Charitas, fides, et Misericordia (idem dico de aliis, utpala timore, Religione, etc.) non liberant hominem a peccato sine Pœnitentia. Requirit enim Charitas, quod homo doleat de offensa in amicum commissa, et quod amico homo studeat satisfacere. Requirit etiam ipsa fides, ut per virtutem passionis Christi, quæ in sacramentis Ecclesiæ operatur, querat justificari a peccatis. Requirit etiam ipsa misericordia ordinata, ut homo subveniat pœnitendo suæ misericordiæ, quam per peccatum incurrit. Ex quibus liquet quo jure virtutes se invicem associentur, et in unam Pœnitentiam collimant, ut a qua fieri debeat satisfactio; quin inde inferre liceat majorem identitatem inter illas, quam exigentiam sui actus, ex motivo proprio elicendi ab ipsa ut speciali virtute; sicut vice versa omnes indigent Charitate, ut proprii actus sint Deo accepti, et præmio æterno digni.*

DUBIUM IV.

An Pœnitentia sit vera justitia et a Commutativa diversa.

Supposita dubii præcedentis doctrina, superest examinare an Pœnitentia nostra sit vera justitiae pars, et ad quam ejus speciem pertineat. Justitiae autem species adæquate sunt distributiva, legalis, et commutativa, quarum munia, et notiones explicuimus in arbore Virt. sæpe allegata. Inter quas potior est difficultas circa commutativam, cuius proinde specialius titulus mentionem facit. Quid vero de distributiva, et legali tenendum sit ex discursu quæstionis constabit.

§ I.

Statuitur Prima assertio, et ratione D. Thomæ ab objectionibus vindicata fulcitur.

112. Dicendum est primo Pœnitentiam esse partem justitiae. Hanc conclusionem statuimus contra Lugo in præsenti disp. 2, sect. 1, num. 10, ubi docet Pœnitentiam non

non esse virtutem justitiae proprie dictæ, neque virtutem similem justitiae, et dissimilem quoad æqualitatis modum. In ea vero non determinamus, an sit perfecta, vel imperfecta ejus species, et in hoc sensu est expressa D. Thomæ in præsenti art. 3 et art. 4, quem sequuntur non solum discipuli, sed fere omnes alii Theologi, paucis exceptis, infra inter disputandum allegandis. Licet autem eam potius supponere, quam probare possemus, ob jam dicta tract. de Incarnat. disput. 1, dub. 5, ubi ad explicandas hominum vires in satisfactione pro peccato mortali, illius fundamenta jecimus, et quæ magna ex parte hic nos retardare poterant, superávimus. Quia tamen ibi expensa ex in præsenti dicendis processerunt, operæ pretium est iterum illi calatum admovere, et si quæ nova occurrerint, enodare.

Probatur ergo primo ex D. Thoma in 4, dist. 14, quæst. 4, quæstiunc. 5. De ratione justitiae est, quod alteri debitum reddat, et æqualitatem constituat, *est enim constans, et perpetua voluntas jus suum unicuique tribuendi*, ut tam Theologi, quam Jurisconsulti palam docent, et diffiniunt: sed homo media Pœnitentia reddit debitum Deo contractum ex offensa: ergo homo media Pœnitentia solvit Deo debitum ex justitia, consequenterque Pœnitentia ipsa nequit non obire rationem justitiae. Utraque Consequentia constat ex præmissis: nam alias vel homo non fieret debitor ex offensa contra Minorem; vel non esset de ratione justitiae alteri debitum reddere, et æqualitatem inter personas constituere contra Majorem: ex opposito enim Consequentis legitimi, bene infertur oppositum Antecedentis, ut est per se notum. Unde solum superest probanda Minor, quam evincit D. Thomas verbis jam supra relatibus, et in hunc modum iterum expensis. Nam homo duplicititer fit Deo debitor, et quia beneficium accepit, et quia alterum peccando offendit, ut constat in humanis, ubi ultra debitum ex beneficio, contrahitur specialius debitum ex injuriis alteri irrogatis: quocirca homo tenetur ad gratias referendas, pro acceptis, et insuper ad sarcinandas injurias illatas, illasque compensandas, non ex gratitudine, ut liquet, sed ex justitia. Hoc autem præstat homo ipsi Deo media Pœnitentia, quæ unice collimat in compensandam offensam, ut constat ex dictis: ergo homo media Pœnitentia ex justitia reddit Deo debitum

contractum ex offensis eidem illatis, consequenterque vera justitiae ratio in ea splendet.

Confirmatur et explicatur. Quia homo ^{confirm.} recipit beneficia, tenetur ex justitia Deo reddere cultum, et reverentiam; ideoque sive Theologi, sive ipsi Philosophi naturales virtutem Religionis inter justitiae partes, seu species annumerant: sed virtus Pœnitentiae reddit Deo debitum pro offensis, quibus sarcindis, et compensandis incumbit: ergo eadem ratione, qua ipsa Religio accenserit debet ut species justitiae. Minorem, et Consequentiam probat D. Thomæ ubi supra quæst. 2, art. 1, dicens: *Cum autem offensa in quantum hujusmodi sit inæqualitas quædam, qua unus alii subtraxit, quod debitum erat, actu illius virtutis peccatum remittitur, quæ inæqualitatem prædictam ad æqualitatem reducit; hoc autem facit Pœnitentia, quæ ut ex dictis patet, in recompensationem divinæ offensæ spiritum Deo contributum offert.* Paritatem vero majoris propositionis expressit S. Doctor loco supra citato ex quæst. 1 dicens, quod sicut Religio ponitur a Tullio ut pars justitiae, ita etiam Pœnitentia pars justitiae debet ponit.

Confirmatur deinde ex eodem S. Doctori, solut. ad 1, ubi eandem paritatem urget, et simul prosternit evasionem, qua plures recentiorum communem, et veram sententiam deserunt. Nam quod Pœnitentia inter justitiae species, vel quasi species non accenseretur, inde potissimum proveniret, quod ea non possit homo debitum ex offensa contractum compensare, et plene resarcire: sed hoc non requiritur ad hoc ut inter justitiae partes computetur: ergo non est ratio denegandi virtuti Pœnitentiae, quod sub justitiae specie comprehendatur. Consequentia non indiget probatione, suppositis præmissis. Major est perspicua; si enim homo ad æqualitatem posset pro offensis satisfacere, nulla esset ratio ipsi denegandi perfectam justitiam erga Deum in compensandis offensis, quippe inesset homini in prædicta hypothesi, quod in humanis cernitur circa injurias alteri irrogatas, et splendet in Christo satisfaciens pro nobis Patri; esto esset discrimen quoad rigorem justitiae, et superabundantiam. Nullus autem Theologorum ausus fuit negare Christo satisfactionem justitiae simpliciter, quidquid sit de aliis illius justitiae conditionibus, Christi propriis: ergo si homo ad æqualitatem pro

^{Con-}
firm. 2.

peccatis satisfacere posset, nulla esset ratio ab eo evelendi rationem justitiae in satisfactione Deo pro illis exhibita; atque ideo si aliqua subest ratio eam homini non concedendi in Pœnitentia, debet esse prædicta inæqualitas. Quod vero hæc non ob sit, quæ est Minor probanda primi Syllogismi, constat ex Angelico Præceptore in illis verbis : *Dicendum, quod sicut Philosophus dicit in Ethic. ut habetur ex lib. 5, cap. 8, virtus non requirit semper æquale, sed sufficit, quod possibile est, ut in honoribus ad parentes, et Deos. Unde sicut Latria est pars justitiae quamvis non reddat æqualem honorem beneficiis acceptis : ita et Pœnitentia, quamvis non possit aliquid adæquate reddere offensæ præcedenti.*

D.Thom.

Urgetur tandem ex eodem
D.Thom.

113. Quo etiam spectat ratio D. Thomæ in hoc art. 3, quin opus sit illi operiosius insistere, sed perstrinxisse sufficiet sub hac forma. Nam illa virtus, quæ versatur in materia justitiae, nequit non sub justitia contineri, et justitiae nomen sortiri, ut videtur per se notum : sed Pœnitentia, qua Dei offensam propulsare, et extinguere intendimus, versatur in materia justitiae, et ejusdem motivo : est ergo vera species sub ratione justitiae contenta, quocumque modo contineatur, quod ad præsens non refert. Minor in qua esse potest difficultas, probatur a S. Doctore : nam emendatio offensæ contra aliquem commissæ, non fit per solam cessationem offensæ, ut est manifestum ; sed per recompensationem quandam, quæ habet locum in offensis, sicut illum tenet retributio in beneficiis : sed Pœnitentia offert Deo emendationem pro offensis; dolet enim de peccato commisso, in quantum est Dei offensa, cum emendationis proposito : ergo Pœnitentia offert compensationem pro offensis. Compensatio autem ex motivo compensationis est proprium justitiae munus : ergo Pœnitentia et versatur in materia justitiae, et ex ipsis motivo procedit. Unde Deuteronom. 4, vers. 19 et cap. 30, vers. 2, et alibi saepè in sacra pagina, vere pœnitentibus promissa est venia ; non quidem tantummodo ex fidelitate, sed ex justitia, utpote sub conditione operis onerosi, quam sonant illa verba capit. 4 : *Si tamen tolo corde quæsieris, et tota tribulatione animæ tuæ, invenies eum.* Quorum similia habentur cap. 30, et Baruch. 3, vers. 8, dicitur : *Animæ quæ tristis est super magnitudine mali, et incedit curva, et infirma, et oculi deficiente, et anima esuriens, dat tibi glo-*

*riam, et justitiam Domino, ac si diceret vera Pœnitentia animæ gloriam et gratiam, Deo vero justitiam deferri. Quod et observavit D. Thomas 4 p. quæst. 22, ubi art. 4, in justificatione impii servari justitiam collegit S. Doctor ex illis verbis Lucæ 7 : *Dimissa sunt ei peccata multa, quoniam dilexit multum.**

Evasi-
nes
Cardi-
nali-
Lug-
pro-
pria-
tate.

114. Hoc tamen fundamentum diruere conatur Lugo ubi supra docens, male in eo supponi ex peccato consurgere debitum satisfaciendi Deo ex justitia : ergo non bene probatur ex illo Pœnitentiam esse justitiam hominis ad Deum. Consequentia constat, et Antecedens probatur, primo ex a se dictis tract. de Incarnat. quia licet possit dari obligatio justitiae hominis ad Deum : non tamen semper ex peccato resultat debitum justitiae ad satisfaciendum pro illo : quia nimis illum eundem actum, quem peccans debebat facere, quando peccavit, nequit reddere cum illis iisdem circstantiis, quas tunc habuisset, loci, v. g. temporis, etc. Alium vero similem, vel eundem cum aliis non tenetur reddere ex justitia, quandoquidem unum, et alterum habet Deus in sua potestate, illumque innumeris titulis extorquere valet a peccatore. Non ergo tenetur ex justitia ad restitutionem pro injuria facta. Probat hanc Consequentiam ; quoniam illud idem, quod abstulit peccator, non potest reddere in individuo ; in æquivalenti vero non tenetur, utpote quod est sub pleno dominio Dei, et suprema ipsius potestate : ergo ad nullam satisfactionem tenetur ex justitia pro debito peccati.

Confirmatur hæc prima probatio. Quoniam esto possit peccato inferri Deo injuria ; non tamen omne peccatum habet rationem injuria. Tum, quia injuria non consurgit nisi ex jure proprietatis læso. Deus autem non semper exigit nostra bona opera ex titulo proprietatis, sed ex titulo vel legislatoris, vel superioris, vel supremi Domini. Tum etiam quia non pauci laborant ignorantia invincibili de injuria inducta per peccatum, eo quod multi eam probabiliter negant : ergo si eis practice se conformet peccator, immunit saltem per accidens erit ab inferenda injuria, et contrahendo onere illam ex justitia instaurandi. Ex quo rursus fieret Pœnitentiam non fore virtutem universalem, quippe, quæ non posset detestari hoc peccatum, in quo non appetet injuria contra Deum. Et ne id sequatur, dicendum est

Deuteronom. 4.

Baruch. 3.

est motivum Pœnitentiae non esse abolere injuriam, sed aliquid aliud.

Opponit secundo. Nam esto nullum esset peccatum, in quo proprie injuria contra Deum non inveniretur; ex illa tamen non resultat debitum justitiae ad satisfactionem: ergo Pœnitentia nequit ex motivo justitiae satisfactionem intendere. Probat Antecedens, nam qui nec in individuo, nec in æquivalenti est potens, non tenetur ex justitia ad aliquid, ut constat in occidente hominem injuste; qui quidem si nec in individuo, nec in æquivalenti potest damnum illatum reparare, penitus deobligatur, et ad nihil tenetur. Cum ergo peccator nequeat reddere in individuo quod abstulit: in æquivalenti vero non tenetur, quia jam continetur sub pleno, et absoluto dominio Dei, non restat, quomodo ex motivo justitiae intendere possit pœnitens satisfactionem pro peccato, vel peccati injuria.

Tertio tandem objicit: quoniam si Pœnitentia ex debito justitiae procederet, obligaret procul dubio, quam primum peccatum fuisse commissum, nam justitia sic obligat ad non laedendum jus alienum, et etiam obligat ad statim jus læsum resarcendum, quantum fieri potest, ita quod dilata citra causam satisfactione, continuetur peccatum nedum habituale, sed etiam actuale. Si ergo Pœnitentia oritur ex debito satisfaciendi pro injuria obligabit sane ad statim satisfaciendum Deo. Quod tamen est falsum, et a nullo concessum; non enim peccat de novo homo per hoc quod post primum peccatum statim non conteratur, et pœniteat.

145. Hæ tamen objectiones sola instaurazione rationis D. Thomæ evanescunt, utpote quæ procedunt ex incertis, minusque solidis principiis. Quorum potissimum est ex peccato non oriri strictum jus, et novam obligationem Deo satisfaciendi; quod tamen aut autoritate, aut gravi ratione fulcitum neutiquam probavit Lugo, sed urbane credendum reliquit; cum vero oppositum vel ipsa ratione naturali evicerit D. Thomas. Quid enim ei conformius, quam quod obligetur homo alteri, vel quia ab eo accepit, vel quia injuste abstulit, et auferendo injuriam irrogavit? Alterutro namque horum modorum fit deditor, et tenetur jure ipso naturali, et retribuere pro bonis, et compensare pro malis; neque enim ex alia oritur radice, quam ex ipsa lege naturali, quod debeat restitui honor,

pecunia, vel quidquid sinistre, et mala fide fuerit usurpatum ab eo, cui stricte fuerit debitum. Constat autem Deo innumeris titulis sibi in solidum propriis deberi subjectionem, et alia cuncta hominis opera, quocumque jure sive naturali, sive divino, sive positivo ea sint præcepta. (Et quod caput omnium est) in eo collocari debere rationem ultimi finis in quolibet ordine, sive naturali sive supernaturali. Subindeque injustitiam ei irrogari alibi quam in ipso Deo ultimam felicitatem constituendo: haud secus ac Regem dignitate regia expoliare intendens, abs dubio et injustitiam Regi inferret, et crimen læsæ majestatis committeret. *Quicumque enim* (inquit D. Thomas, q. 28 de veritate art. 2,) *rem aliquam digniorem indigniori postponit, injuriam ei facit, et tanto amplius, quanto res est dignior.* *Quicumque autem in re temporali finem sibi constituit, quod facit omnis mortaliter peccans, et hoc ipso quantum ad affectum suum præponit creaturam creatori, diligens plus creaturam, quam creatorem.* Et consequenter committit offensam contra Deum, eo quidem gravorem, quo Deus magis distat a creatura quam Rex a subdito, subindeque infinitam juxta dicta tract. de Incarnat. disp. 1, dub. 1, et sequentibus.

Hinc apparent falsitas alterius principii, videlicet non quilibet peccato gravi irrogari Deo injuriam, et consequenter non ex quilibet peccato oriri obligationem ex justitia compensandi, quia cum nullum sit peccatum mortale, quo non postponatur creaturæ creator, quoque non auferatur a Deo ratio ultimi finis, et in creatura collocetur id quod est proprium Dei; quoad hoc non est discernendi ratio inter peccata gravia, sed vel omnia, vel nullum, inferunt offensam, et injuria Deum inurunt. Quin adsit locus subtili distinctioni, ab eodem Eminentissimo excogitata inter rationem injuriæ, et rationem offensæ, ut sint quasi se parabiles. Nam (quidquid sit de eo, quod accidit in humanis, quod non semper trahitur recte ad divina) ratio inferendi injuriam Deo ex peccato est etiam ratio irrogandi ipsi offensam, ut rectissime docet D. Thomas, et e converso siquidem nascitur ex ipsa antelatione creaturæ ad creatorem, et postpositione hujus ad illam, quæ comitantur omne peccatum, quo ita homo ducitur, ut in ipsum dessæviat creatorem, quod horribile dictu existimat Bernard. serm. 3 de Resurrect. Quocirca ita

Quilibet peccato gravi fit Deo injuria.

eius gravitatem extollens inquit : *Nunc autem et ipsum, quantum in ipsa est, Deum perimit (perpende verbum) voluntas propria. Omnino enim vellet Deum peccata sua, aut vindicare non posse, aut nolle, aut nescire. Vult ergo eum non esse Deum, quæ quantum in ipsa est, vult eum aut impotentem, aut injustum esse, aut insipientem. Crudelis plane, et execranda malitia quæ Dei justitiam, sapientiam, potentiam perire desiderat. Nulla est ergo ratio separandi in Deo rationem injuriæ, et rationem offensæ, in affectu peccantis; quidquid sit de affectu, et de eo quod in creatis accidere potest; quia cum injuria non sit nisi violatio alieni juris; et in Deo sit strictissimum jus, ut servetur illæssæ suprema dignitas, supremaque ratio ultimi finis, quin vel effectu, vel affectu contra ipsam agatur; consequens est reipsa coincidere, injuriam, et offensam, vel saltem hanc ex illa induvulse ortunæ ducere; ex eo namque quod violetur ex affectu peccantis jus divinum, infertur illi injuria, et ex injuria nequit non resultare offensa; quantumvis in creatis offendì quis possit ab alio, quin patiatur injuriam, quod parum refert. Recolantur quæ scripsimus tract. de Incarnat. disp. 1, dub. 1, ubi copiosius ostendimus, contra Vasquez, et alios perpaucos quodlibet peccatum inducere injustitiam proprie talem.*

116. Ex quibus principiis sola rationis D. Thomæ instaurazione prosternuntur objectiones propositæ. Non enim fit homo magis debitor alicui ex hoc quod ab ipso acceperit, quam ex eo quod ipsum læserit, et graviter offenderit: sed ex primo capite oritur obligatio justitiae, quocirca erga Deum datûr Religio, et circa parentes Pietas, quæ sub justitia continentur: Ergo similiter illa virtus, quæ circa offensas, et injurias versatur, qualem esse Pœnitentiam nemo ambigit, sub justitia debet contineri. Eo vel maxime: nam cuilibet offenso graviter debetur ex justitia satisfactio, ut sic inæqualitas ex offensa proveniens ad æqualitatem redigatur; sed Deus graviter injuriatur, et offenditur in prudentum æstimatione quolibet peccato mortali: ergo ex justitia ipsi debetur satisfactio: non est autem virtus, qua Deo impendatur satisfactio nisi Pœnitentia, utpote quæ primo intendit reconciliationem cum Deo, ut ex supra dictis constat: ergo Pœnitentia justitia est hominis ad Deum, et sub justitia ut illius pars, aut species debet contineri.

Confirmatur. Nam si semel est possibiliis justitia hominis ad Deum, ut non dissentit, quin et concedit Lugo; non est ratio eam a Pœnitentia relegandi: ergo inconsequenter negatur. Probatur Antecedens: nam illa justitia, quæ possibilis esse adstruitur, necessario importare deberet strictum jus ex parte Dei, quo extorqueret a creatura juris adimpletionem; quæ si non esset, abs dubio interveniret specialis injuria ob predicti juris violationem: sed ex peccato consurgit in Deo strictum jus satisfactionis; quippe qui injuriam passus est: ergo virtus illa, qua peccatum compensatur, veræ justitiae rationem obire debet. Patet Consequentia: quoniam justitia non est, nisi virtus illa, quæ jus alteri debitum impenditur, ut constat ex ejus definitione supra præmissa, et ab omnibus approbatâ: sed per Pœnitentiam resarcitur jus violatum in Deo per peccatum: quid ergo illi deficit, ut vera justitia evadat, si justitia hominis ad Deum non repugnat? quandoquidem illa justitia, quæ admittitur non posset fundari nisi vel in aliquo a Deo accepto, vel in aliquo ab eo in affectu ablato, vel tandem in aliquo pacto cum ipso inito; et omnia hæc simul, et seorsim sumpta sunt materia justitiae, et ex motivo justitiae vel adimplenda, vel restauranda. Quocirca Praeceptor Angelicus super ad D.Thom Galat. 3, lect. 3, inquit: *Notandum est, quod justitia consistit in redditione debiti: homo autem debet aliiquid Deo, et aliiquid sibi, et aliiquid proximo. Sed quod aliiquid debeat sibi, et proximo, hoc est propter Deum: Ergo summa justitia est reddere Deo, quod suum est.* Consequentiam ut evidentem non probavit Angelicus Doctor juxta illud Philosophi: *Propter quod unumquodque tale, et illud magis.* Si enim justitia inter homines consurgit ex redditione debiti, manifestum est strictius servari rationem justitiae in reddendo Deo debitum, quam in satisfaciendo homini; quidquid sit de modo, et excessu inter Deum, et hominem.

117. Porro motiva primæ objectionis debilissima sunt. Nam vel probant impossibilem esse omnem satisfactionem, quod est minus plium, et satis absurdum, vel nihil probant. Primum patet ea in hunc modum retorquendo: nam homo non potest Deo reddere illum numero actum, quem peccando omisit; hoc enim impossibile est homini; alia vero opera, quia Deo debita pluribus aliis titulis, non potest ex justitia reddere:

reddere : ergo nullam satisfactionem ex vera justitia potest Deo exhibere. Patet Consequentia, quia satisfactio nequit ex justitia fieri, nisi vel in individuo ipsius actus omissi, vel in aequivalenti, et neutrū homo ex justitia reddere potest, vel defectu potestatis, vel defectu aequivalentis : ergo nullo modo potest ex aliqua vera justitia debitum Deo reddere. Quod argumentum clarius elucet, si descendamus ad peccata venialia, et ad satisfactionem pro pena temporali: in quibus aequa militat ejus vis, si quam habet, ut consideranti constabit. Quod tamen est contra communem Theologorum sententiam.

Quod vero nihil probant etiam liquet, quoniam ante peccatum nullum jus est Deo extorquendi ab homine contritionem, aut ullum dolorem proprium Pœnitentiae; bene vero post lapsum et irrogatam injuriam, post quas obligat præceptum Pœnitentiae : ergo cum non possit homo reddere illummet numero actum omissum, quia præteritum, et ad præteritum non datur potentia; relinquitur posse, et teneri elicere actus proprios Pœnitentiae sub hac ratione alias indebitos, mediis quibus Deum sibi reconciliet, et peccatum reddat. Antecedens patet, quia præceptum Pœnitentiae, quo homo adstringitur post peccatum, non obligat ante peccatum : ergo ad aliquid tenetur post peccatum, ad quod sine peccato non teneretur : consequenterque aliquod jus accrescit Deo post peccatum extorquendi satisfactionem, quæ alias ipsi non debebatur : hoc autem non est aliud, quam justitiæ; quandoquidem omnia alia jura ex parte Dei independentia sunt a peccato, et sine illo solvantur : ergo ex justitia tenetur homo ad prædictam satisfactionem; non enim stat jus ex parte unius, quin ex parte alterius consurgat debitum ex justitia, qua alteri debitum reddatur. Unde ex vi illius argumenti concluditur illam opera alias aliis titulis debita, debere elicere ex motivo satisfaciendi pro debito denuo orto; non vero convincit nullatenus posse fieri ex motivo justitiæ: alioqui præceptum vel obligaret ad impossibile, vel nullo modo obligaret; atque ideo esset, et non esset præceptum.

118. Claducat et vehementer ex alio capite: quia tota illius argumentatio solum respicit ad actum omissum ex parte hominis, non relatum in Deum; nulla ratione habita de offensa, et injuria permanenti ex parte Dei, vi cuius jure postulat

sibi fieri compensationem, non quidem ipsius actus omissi, et ablati a dominio Dei, quod potius restitutionem, quam satisfactionem importat. Pœnitentia autem in quod primario collimat, est in ipsam injuriam, et offensam, quam pœnitendo debellare, et profligare intendit, ut Deus ex offenso reddatur pacatus. In quo sensu perspicuum est non bene vim fieri in eo quod non possit actus omissus iterato in individuo Deo offerri; quandoquidem superest offensa, et injuria permanens, vi cuius ex justitia postulat Deus sibi satisfactionem fieri per opera Pœnitentiae, quæ prout talia sibi non erant debita, si peccatum non præcessisset : quippe nullum esset Pœnitentiae, et satisfactionis præcepsum, nullatenus existente peccato. Semel vero atque illud præcesserit, jam ex justitia tenetur homo, ad offerendam suam qualemcumque satisfactionem, ad quam ante non tenebatur, nec Deo erat jus illam extorquendi. Nam, ut inquit D. Thomas *D.Thom.* in 4, dist. 14, quæst. 1, art. 1, quæst. 2, ad 4: *Ille qui alterum offendit, vel læsit, plus habuit, et qui læsus fuit, habuit minus, in quantum huic subtractum est quod ei debebatur, et ille usus est propria voluntate in eo quod non debuit.* Et hoc reducit ad aequalitatem Pœnitentia pro quolibet peccato commisso pœnam inferendo sibi debitam, quam alias non assumeret homo, nec Deus ab ipso extorqueret, ex hoc ad minus titulo aequalitatis utcumque instaurandæ. Et quidem rem ita esse manifestum esse debet; nam post injuriam alteri factam in dehonoratione, aut contumelia, actus præterit; remanet tamen læsio, aut ignominia, quam offendens tenetur delere, non per ipsum actum præteritum, quod est impossibile sed per alios actus, vel ex hoc solo titulo debitos; quidquid sit an alias iidem ipsi deberentur; sed non ex hoc titulo speciali.

119. Præterea deficit totus ille discursus in eo, quod confundit, et usurpat justitiam veram cum justitia ex toto rigore, qualēm in Christo cognoscunt Theologi pro satisfactione universalis omnium culparum totius generis humani. Hanc vero non esse Pœnitentiam manifestissimum est, sicut et quod non ad aequalitatem satisfaciat; quidquid sit de radice, unde id proveniat, quod examinare non est hujus loci, sed pertinet ad tract. de Incarnat. ubi disp. i, dub. 5, huic puncto operam navasse opus fuit ad explicandam virtutem, et efficaciam pas-

*Defecit
aliunde.*

sionis Christi. Porro id ita esse perspicuum est : quia plus requiritur ad justitiam omnino perfectam, seu ex toto rigore, quam ad justitiam licet veram, et strictam; non tamen undecumque perfectam; quocirca haud modicum laborant Theologi in explicando qualiter Christi satisfactio fuerit ex propriis, et ex alias indebitis; qui tamen labor supervacaneus esset ad justitiam absolute in eo statuendam, de quo non fuit inter Catholicos unquam quaestio. Quod adhuc apertius liquet in operibus justis, quibus quantumvis alias debitibus Deo innumeris titulis, vitam aeternam ex justitia promeremur juxta illud Apostoli ad Timotheum 2, cap. 4. : *In reliquo reposita est mihi corona justitiae, quam reddit mihi Dominus in illa die justus iudex; non solum autem mihi, sed et iis, qui diligunt adventum ejus.* Ex eo ergo quod opera hominis Deo aliunde sint debita, probatur quidem non posse esse satisfactoria ex toto rigore justitiae, quod non disputamus, sed supponimus; non vero convincitur non posse esse utcumque satisfactoria, ut sufficit ad justitiam imperfectam, licet veram, quemadmodum adstruimus cum D. Thoma esse Poenitentiam. Quare peccat arguens, plusquam exiguit, extorquendo : atque ideo concessio opera hominis esse alias debita; negatur non posse esse quantumvis debita, simul satisfactoria, et consequenter ex vera justitia, licet imperfecta, ut infra explicabitur.

Ad confirmationem primae objectionis constat ex secundo principio : quoniam eadem ratio est de uno ac de ceteris peccatis, ut habeant rationem injuriæ, et offensæ; quandoquidem convenienter in eo, quod a Deo auferant ex affectu peccantis rationem ultimi finis; quod est Deum gravissima injuria inurere ipsum vilipendendo, et creature postponendo, ut nos docuerunt D. Bernardus, et D. Thomas, et fere omnes SS. PP. eodem tenore loquuntur. Nec obstat probatio subinserta : quoniam attributa Dei, et praedicata sibi intrinseca ipsi jure proprietatis convenienter, et consequenter in aliquo ipsorum ipsum laedere fieri nequit absque lesione juris proprietatis, subindeque quin grave nocumentum moraliter ei inferatur.

Secunda probatio dehinc sane, quoniam vel illa ignorantia liberat hominem a peccato gravi committendo, vel non ? Si teneatur primum, verum est, sed omnino extra rem : ubi enim nullum est peccatum,

nulla est offensa, nullumque jus exigendi pro ea satisfactionem. Si vero secundum affirmetur, nihil convincit; nam ea ignorantia, quæ non excusat a culpa mortali non eximit ab effectu, vel quasi effectu ipsi indispensabiliter annexo, qualis est injuria, et offensa Dei; ad hanc enim inducendam non postulatur major, aut clarior cognitio, quam ad ipsum peccatum, et ideo eademmet cognitione regulari debet ratio peccati, et ratio injuriæ.

120. Nec valet obtendere apud plures Occidentes inveniri cognitionem peccati cum ignorantia offensæ, vel quia illam absolute negant; vel quia ei parti probabili quis se conformare intendant; quo pacto ex invincibili ignorantia non tenebitur ex justitia ad satisfactionem. Non, inquam, valet; tum quia ignorantia cum sit carentia notitiae, et ex parte operantis se teneat, conductus quidem ad vel minuendam, vel ex toto amoendam malitiam formalem actus juxta gradum ignorantiae. Malitia vero est quid ab offensa diversum, cum haec sit in Deo, aut persona offensa; illa vero afficiat ipsum actum ut modus ipsius. Non refert autem ad minuendam offensam ex ipsa natura rei ab actu peccaminoso illatam; nam semel atque malitia gravis evaserit, ibi adest sufficiens cognitio ad offensam inde secutam; et tam ista quam illa imputabitur homini et ad culpam, et ad onus satisfaciendi. Tum etiam (et est major explicatio praecedentis) nam ad hoc ut homini incumbat onus satisfactionis ob injuriam alteri illatam, maxime vero Deo, cuius ignorantia non tam facile admitti debet saltem in communi; non requiritur cognitio speculativa, et quasi signata offensæ, quid sit et in quo consistat; hoc enim extra rem est, et peritissimos quosque latet, ut testantur tot Theologorum opiniones. Sufficit ergo practice attingere ipsam offensam concretive, et ut annexam peccato mortali; hac vero cognitione non caret, qui cognoscit peccatum grave, in quod sponte prorumpit cum advertentia ad rationem, et ad praceptum non peccandi. Unde licet concedi possit, et debeat in eo qui graviter offendit, ignorantia speculativa, et signata quoad quid est offensæ; non vero practica, et exercita, ad quam, et non ad primam sequitur onus satisfactionis : atque ideo numquam mortaliter peccans eximitur ab onere satisfactionis.

Nisi mavis quod adhuc admissa illa ignorantia, ad summum ex ea sequetur, interim

Ad
Tim. 2.

Diruitur
confir-
matio.

Occiden-
tur
tacita
objec-
tioni.

interim atque in ea persistenter homo, non peccare omittendo satisfactionem, et Pœnitentiam; secus vero, si semel deponatur: quamprimum namque homo reddatur sciens, tenebitur sane ad compensandum ex justitia, ut accidit illi, quem latet injuria a se alteri irrogata; qui quidem tamdiu ex ea laborat nescientia, non tenetur resarcire, nec peccat contra justitiam non resarciendo; secus vero quando in notitiam pervenerit damni illati, ut est perspicuum et docent communiter Theologi; tunc enim jam incipit imputari, et currit obligatio, quæ ratione ignorantiae fuerat sopia. Pro quo distinguere oportet, et animadvertere, aliud esse non esse obligationem, aliud vero eam non cognosci: quia licet obligatio semper sit, non tamen urget, et se explicat, usque dum cognoscatur. Quare ex illa ignorantia solum deduci potest non obligari hominem ad satisfactionem, sicut nec cogitur ad Pœnitentiam peccati oblii, non vero quod ea deposita, non teneatur ex justitia ad satisfaciendum; et consequenter nec etiam deducitur quod Pœnitentia non sit justitia hominis ad Deum, utpote quæ sola primario inclinat in satisfactionem offense.

Fit
atis
heri
jec-
ton.
Thom.
121. Ad secundam objectionem constat ex dictis negandum esse Antecedens quoad secundam partem: quia non stat injuria ex parte unius, quin ex parte offendentis consurgat debitum illam resarcendi; aliqui eodem arguento posset probari nec esse præceptum speciale pœnitendi, nec subinde teneri hominem ad Pœnitendum; et utrumque est falsum, et minime admittendum juxta illud: *Pœnitentiam agile, et baptizetur unusquisque vestrum.* Et alibi passim in sacro Evangelio. Et ad probationem in contrarium dicendum omnino impotenter, dum impotens est, deobligari quidem; sed qui totum non potest, potest tamen aliquid, ex justitia tenetur ad id, quod potest, licet non sit æquivalens debito. Quod expresse tradidit D. Thomas quæst. 13 supplem. art. 1, in corpore. Ubi illam probationem præsagiens ita inquit: *In honoribus, qui sunt ad parentes et Deos etiam secundum Philosophum, impossibile est æquivalens reddere secundum quantitatem; sed sufficit, quod homo reddat quod potest, quia amicitia non exigit æquivalens, sed quod possibile.* Et hoc est etiam æquale aliqualiter, scilicet secundum proportionalitatem; quia sicut se habet hoc, quod Deo esset debitum, ad ipsum Deum; ita hoc,

quod iste potest reddere, ad Deum. Et sic aliquo modo forma justitiae servatur. Et similiter est ex parte satisfactionis. Unde non potest homo Deo satisfacere, si ly satis æqualitatem quantitatis importet; contingit autem, si importet æqualitatem proportionis, ut dictum est. Et hoc sicut sufficit ad rationem justitiae, ita sufficit ad rationem satisfactionis. Et quæst. immediate antecedenti. art. 2, concluserat S. Doctor: *Et per hoc constat, quod satisfactio, quæ æqualitatem respectu offensæ præcedentis in satisfaciendo importat, opus justitiae est, quantum ad illam partem, quæ Pœnitentia dicitur.*

Nec refert, quod sæpe inculcat Lugo, quod tota illa satisfactio contineatur sub pleno dominio Dei. Tum etiam, ut nos etiam loco citato de Incarnatione statuimus, hoc solum probat illam satisfactionem non esse aut omnino perfectam, aut ex toto rigore justitiae, quod libenter concedimus. Tum etiam, quia D. Thomas huic etiam objectioni occurrit in prædicto art. 1, sol. ad 3 dicens, quod illa ratio concludit, quod Deo æquivalens satisfactio fieri non possit, non autem quod non possit ibi sufficiens fieri: quamvis enim posse suum totum homo Deo debeat, non tamen ab eo exigitur de necessitate salutis, ut totum quod possit, faciat: quia hoc est ei impossibile secundum statum præsentis vitæ. Quare post peccatum tenetur homo aliquid amplius, ut supra dicebamus, et ex hoc capite potest ex justitia aliqualiter media Pœnitentia satisfacere.

Tertia objectio tangit difficultatem infra discutiendam de præcepto contritionis. In qua non est una Doctorum sententia, sed plures circumferuntur. Sufficiat quoad præsens resolutionem ibi prosequendam indicasse, et ex D. Thoma consignasse. Unde negari debet sequela; quia cum contritio in lege gratiæ secum afferat propositum confessionis vel explicitum, ut plures volunt: vel saltem implicitum ut probabilius ex Concilio supra firmavimus; non magis obligat per se loquendo, quam præceptum ipsum Confessionis: hoc autem perspicuum est per se loquendo non contingere nisi pro tempore determinato, ut constat ex Trident. sess. 14, cap. 5 in fine ubi Trident. solum cogit fideles ad saltem semel in anno confitendum. Quod ante etiam decretum fuerat a Concilio Lateranensi sub Innocentio III. Quæ est solutio D. Thomæ in 4, dist. 17, quæst. 3, art. 1, quæstiunc. 4, per hæc verba: *Cum propositum confi-*

Tertia
objectio
dissolvi-
tur.
Trident.
Latera-
nense.
D.Thom.

tendi sit annexum contritioni, tunc tenetur aliquis ad hoc propositum, quando ad contritionem tenetur, scilicet quando peccata memoriorum occurunt, cum praecipue in periculo mortis existit, aut in aliquo articulo, in quo sine peccati remissione peccatum oporteat eum incurere, sicut cum teneatur ad celebrandum, si desit copia Sacerdotis, saltem conteri tenetur, et habere propositum confundi. Et ratio est, quia cum praeciputum contritionis sit positivum, seu affirmativum, non obligat pro semper. Nec est eadem ratio de restitutione, quo allusisse videtur Lugo; nam ut ibi solut. ad 3,
 Lugo.
 D.Thom. inquit S. Doctor : Retentio rei alienæ in-vito domino contrariatur præcepto negativo, quod obligat semper, et ad semper; et ideo tenetur statim ad reddendum. Secus autem est de impletione præcepti affirmativi, quod obligat semper; sed non ad semper, unde non tenetur aliquis ad statim adimplendum.

§ II.

Allera ejusdem assertionis ratio.

Secun-dum funda-mentum.

122. Secundo probatur eadem conclusio alia ratione, qua præcedens magis confirmatur, et explicatur. Ut vero eam construamus, supponendum est ex virtutibus cardinalibus, ad quas reducuntur omnes aliæ virtutes morales (omissis intellectualibus et Theologicis) solam Prudentiam residere in intellectu practico : tres vero alias justitiam, fortitudinem, et temperantiam sibi appetitum ut proprium subjectum vindicare. Cum hoc tamen discriminem, quod temperantia, et fortitudo appetitum sensitivum, justitia vero, et ejus partes sive subjectivæ, sive potentiales voluntatem, seu quod idem est, appetitum rationale ut proprium subjectum respiciunt. Quam doctrinam tradidit D. Thomas pluribus in locis. Maxime vero quæst. unica de virt. art. 5. Quia cum uniuscujusque appetitus tendat in bonum proprium appetentis, dupliciter aliquod bonum potest exceedere voluntatis proportionem. Uno modo ratione speciei : alio modo ratione individui. Ratione quidem speciei, ut voluntas elevetur ad aliquod bonum quod excedat limites humani boni. Et hujusmodi sunt Charitas et Spes, quibus homo elevatur ad bonum divinum vel amandum, vel sperandum in se ipso immediate. Ratione vero individui, hoc modo, quod aliquis querat id, quod est alterius bonum, licet voluntas extra limiles hu-

D.Thom.

mani boni non feratur : et sic voluntatem perficit justitia, et omnes virtutes in aliud tendentes, ut liberalitas, et alia hujusmodi. Nam justitia est alterius bonum, ut Philosophus dicit in 5 Ethic. Si ergo duæ virtutes sunt in voluntate sicut in subjecto, scilicet Charitas, et justitia. Cujus signum est, quod istæ virtutes, quamvis ad appetitum pertineant; tamen non circa passiones consistunt, sicut temperantia, et fortitudo. Unde patet, quod non sunt in sensibili appetitu, in quo sunt passiones, sed in appetitu rationali, qui est voluntas in quo passiones non sunt : nam omnis passio est in parte sensitiva, ut probatur in Physic. Illæ autem virtutes, quæ circa passiones consistunt, sicut fortitudo circa timores, et audacias, et temperantia circa concupiscentias, oportet eadem ratione esse in appetitu sensitivo.

Ex qua doctrina constat, quæ virtutes ad appetitum sensitivum, quæ vero ad rationalem pertineant. Nam illæ, quæ versantur circa moderationem passionum (quales esse fortitudinem, et temperantiam, et illis annexas sive ut species subjectivas, sive ut partes vel integrales, vel potentiales, est certum vel apud ipsos Philosophos) unice sibi vindicant ut subjectum immediatum partem sensitivam, in qua resident irascibilis, et concupiscibilis proprie tales. Quæ vero ab illo moderandi munere supersedent; sed circa aliud versantur, uti sunt Justitia, Liberalitas, Magnificentia, et Misericordia, et aliæ similes, illis adjunctæ solam voluntatem afficiunt. Unde fit consequens ex virtutibus cardinalibus, solam justitiam ad voluntatem pertinere, subindeque nullam aliam virtutem moralē, quæ justitia non sit, vel ad justitiam ut ejus species, aut pars, reducatur, in voluntate posse collocari. Quod satis liquet ex doctrina modo præmissa D. Thomæ, quam expendimus, et latius prosecuti sumus tract. 12 de virtut. disp. 2 et 3, ubi est proprius locus rem hanc peragendi, et examinandi.

123. Hac ergo doctrina supposita, sequens formatur ratio pro assertione. Quia nulla est virtus moralis, quæ sit in voluntate, quæ justitia non sit, aut ad justitiam non reducatur vel ut pars subjectiva, vel ut pars potentialis : sed Pœnitentia est virtus moralis, ut constat ex supradictis in hac eadem disputatione, et inest voluntati ut subjecto, ut patet ex articulo sequenti, ubi id cum D. Thoma discutiemus : ergo Pœnitentia debet esse justitia, et sub specie

Quæ
virtute
in appi-
titu
inferior
et quæ
in supe-
riori
colloca-
debeant

specie justitiae vel tamquam pars subjectiva, vel tanquam pars potentialis collocanda est. Minor et Consequentia constant, et probatur Major ex dictis loco nuper citato : quia cum justitia sit post Prudentiam præcipua virtutum cardinalium, et omnes virtutes morales reducantur ad cardinales, ut ad sui principium, omnis virtus moralis, quæ residet in voluntate, debet sub justitia contineri, et ad eam reduci. Sicut omnis virtus, quæ fuerit in concupisibili pertinet ad temperantiam, et quæ residet in irascibili, ad fortitudinem : est quippe illa divisio adæquata, et nulla est virtus moralis, quæ sub aliqua virtutum cardinalium non contineatur, ut explicimus in arbore virtutum § 7; ergo semel concessa Pœnitentiam esse virtutem moralem, cui ut proprium subjectum correspondet voluntas, negari non debet ad justitiam ut ejus partem, vel speciem pertinere.

Confirmatur. Nam quælibet virtus moralis reduci debet ad aliquam ex cardinalibus, ut loco citato ostendimus : Cum ergo Pœnitentia sit virtus moralis, collocanda est sub aliqua cardinalium vel ut ejus species, vel ut pars. Constat autem non immediate reduci posse ad Prudentiam tum quia hæc sistit in intellectu pratico; tum quia hujus proprius actus est imperium practicum circa agibilia, quorum neutrum competit Pœnitentiæ, ut liquet. Nec etiam reduci potest ad fortitudinem, quæ maxime versatur in superandas periculis vel adversa sustinendo, vel obstantia propulsando, utpote quæ est in parte irascibili, et sibi vindicat moderandas passiones timoris, audaciæ, et spei, ut constat ex § 2 prædictæ arboris; Pœnitentia vero solum collimat in reconciliationem cum Deo offenso; et licet versetur circa difficile, quod commune est omni virtuti; non idcirco est vera fortitudo, aut ejus species, quando quidem fortitudo est virtus existens in irascibili coerciliiva timoris, et audaciæ moderativa instantibus periculis, cujus partes sunt Fiducia, Magnificentia, Patientia, et Perseverantia. Pœnitentia autem est virtus tendens in destructionem peccati in quantum est Dei offensa, media satisfactione, quæ fit per dolorem, et contritionem. Quare reduci nequit ad fortitudinem. Nec similiter ad temperantiam, cujus materia intrinseca, et primaria, quam sibi assumit moderandam, sunt delectationes tactus, et hujus generis concupis-

centiae, cujus species sunt *Abstinencia*, *Sobrietas*, *Castitas*, et *Pudicitia*; partes vero potentiales usque ad decem annumerantur, sed quas videre est ubi supra § 14. Non est ergo virtus Cardinalis, ad quam commodius reduci debeat Pœnitentia, quam ad justitiam, atque ideo immerito illi denegetur, quod participet rationem justitiae, quidquid sit de modo, quo ipsi ea competitat ratio.

Id quod explicari, et confirmari potest secundo, ex eo quod virtutes, quæ ad aliquam Cardinalium reducuntur, postulant idem subjectum cum ipsa virtute principali, cujus sunt vel species, vel partes sive subjectivæ, sive integrales, ut constat in ipsismet fortitudine, et temperantia quarum species, et partes non aliud exquirunt subjectum, quam proprium illarum, ad quas reducuntur : quocirca partes temperantiae ad concupisibilem, partes vero fortitudinis ad irascibilem pertinere statuimus ubi nuper. Et ratio sumitur ex dictis in eodem tract. disp. 2, dub. 1, quia quoties virtus respicit vel objectum, vel partem objecti aut potentiae, aut alterius superioris virtutis, debet esse in eodem subjecto, in quo est ipsa virtus, habet enim se adinstar habitus determinantis amplitudinem potentiae, et partem illius sub contractiori ratione attingendam sibi assumentis. Constat autem Pœnitentiam esse in eodem subjecto cum justitia, videlicet voluntate : ergo sicut ex hac parte nequit non attingere objectum ut sic dicamus, partiale voluntatis, seu sub objecto voluntatis, contentum, quantumvis adsit diversa ratio formalis a ratione formalis potentiae : haud dissimiliter, si semel reducitur ad aliquam Cardinalium, nequit non ad justitiam pertinere, et sub specie justitiae collocari ; alioquin enim non idem subjectum cum justitia postularet.

124. Nec refert, si opponas, hac ratione, et ejus confirmationibus, vel minimum, vel nihil probari : Nam Pœnitentiam reducit D. Thomas ad Prudentiam, Fortitudinem, et Temperantiam, imo, et ad ipsas virtutes Theologicas; quin tamen exinde colligi possit Pœnitentiam vel coincidere cum Theologicis, vel in eodem albo virtutum Cardinalium posse collocari : ergo esto ita sit, quod debeat reduci ad justitiam, non idcirco infertur veram justitiae rationem sortiri. Consequentia constat, et Antecedens videtur expressum D. Thomæ in solutione ad 4 hujus tertii articuli, ubi

Con-

firm. 2.

Objec-

tio.

concedit Pœnitentiam quodammodo comprehendere ea, quæ pertinent ad omnes virtutes, cum tamen virtus universalis non sit, nec ad aliarum speciem pertineat: stat ergo vel Pœnitentiam ad justitiam posse reduci, quin vera justitia sit; vel pari efficacia probabitur ad omnium virtutum speciem possè revocari, utpote omnes illas quodammodo comprehendentem: atque ideo nec justitiæ propriam obire rationem, magis quam fortitudinis, aut alterius virtutis.

Solvitur. Hæc, inquam, objectio non obest, deserbit tamen ad explicandam hanc secundam rationem, quæ non totaliter excludit primam, superius ex D. Thoma expensam, sed ea supposita, ex alia radice ostendit veritatem assertionis. Si quidem prima procedit ex ipsamet justitiæ ratione, qua est ad alterum, et hoc convenit Pœnitentia. Quo præhabito, hac secunda ratione ex unitate subjecti, et reductione ad unam ex quatuor cardinalibus, evincitur sub nulla alia, quam sub justitia contineri posse, subindeque justitiæ rationem obire erga Deum.

Soto. Ut autem id fiat perspicuum observandum est (quod jam diu animadvertisit Soto in 4, dist. 14, quæst. 2, art. 3) Aristoteli, et omnium Philosophorum studium fuisse res creatas ad certas classes revocare, et determinata genera, et species præstituere quo de rerum essentiis clarorem, et certiorem notitiam nobis traderent. Quocirca decem prædicamenta statuerunt, sub quibus nulla esset res, quæ directe, vel indirecte non posset in speculabilibus comprehendi. In moralibus vero, et practicis omnes virtutes ad quatuor capita revocarunt, sub quibus militant omnes virtutes vel tamquam species sub genere, vel tamquam partes sub toto. Et quia totum est multiplex, vel integrale, vel potentiale, logicum, seu metaphysicum; Angelicas Doctor, cui datum fuit veritatem in omnibus sectari, et Philosophorum sensa alte calluisse, et penetrasse, culibet illorum capitum diversas partes attexuit, juxta diversitatem totorum. Unde assignavit in ipsis virtutibus partes integrales virtutum Cardinalium, partes subjectivas, et partes potentiales, quarum notiones in commentario hujus articuli tertii indicatas, et tract. de virtut. constitutas, oportet elucidare in præsenti: ut inde assertionem eliciamus.

Porro partes *integrales* non ideo dicuntur

quasi ex eis ut ex partialibus habitibus unicus totalis habitus coalescat; hoc enim imaginasse commentitum est, et contra Peripateticam philosophiam, juxta quam quilibet habitus sive de linea intellectus, sive pertineat ad voluntatem est qualitas simplex, nullamque partium compositionem admittit. Dicuntur ergo, et sunt partes integrales virtutis quidam actus, seu dispositiones, quas oportet adesse, ut opus virtutis perfectum evadat, ipsaque in illum se exerat: quo pacto accensentur partes integrales prudentiæ *memoria*, *intelligentia*, *docilitas*, *solertia*, *providentia*, et *cautio*: *Justitiæ* vero *facere bonum*, et *declinare a malo*. Et quia totum integrale non prædicatur de partibus integralibus divisive acceptis, ut patet, sed de eisdem simul sumptis, et unitis, quo pacto ab illis non distinguitur, ut est Thomistarum doctrina, quam elucidant N. Complut. abbrev. ad lib. Physicorum disp. 6, quæst. 4. Idecirco prædictæ partes integrales non denominantur a toto, neque ejus essentiam contrahunt, ut videre est in ipsis partibus entis naturalis; non enim pes, aut manus, aut caput est homo.

125. Partes *subjectivæ* sunt, in quibus totum, quod est de ratione divisi, invenitur, ideoque partes *subjectivæ* nuncupantur, quia veluti species inferiores directe subjiciuntur in prædicatione formalis prædicto superiori, quo pacto rationale et irrationale sunt species *subjectivæ* animalis, et *justitiæ* distributiva, legalis, et commutativa continentur sub conceptu generico *justitiæ*, utpote in quibus, et in singulis earum vera et adæquata *justitiæ* ratio salvatur. Partes vero *potentiales* alicuius virtutis illæ vocantur, quæ sub *principaliori* aliqua virtute ut minus *principales* continentur; habent vero cum illa connexionem, vel quia in eadem materia ad actus minus *principales* deserviunt; vel quia in modo attingendi proprium objectum assimilantur. Quia tamen in aliquo ex *essentialibus* virtuti *principalí deficiunt*, nec plene ejus rationem participant, nec ut species sub genere sub illa continentur, ut partes *deficientes*, seu *potentiales* annumerantur ad distinctionem partium aliarum, quæ *subjectivæ* dicuntur. Et (ut exemplo rem illustremus) quia de ratione *justitiæ* in communi est jus alterius idem servare, ad quod requiritur, et strictum debitum, et aequalitas in solvendo debito; illæ virtutes, quæ utrumque servant, inter partes *subjectivas*

jectivas accensentur; et hujuscemodi sunt distributiva, Legalis et Commutativa. Quæ vero ab altero illorum desciscunt, vel quia æqualitatem non servant, vel quia strictum jus, et consequenter debitum non supponunt, partes justitiae sunt; sed *potentiales*, et deficientes. Quocirca Doctor Angelicus 2, 2, quæst. 80, art. 1, ubi hanc nos docuit partium distinctionem, Religionem inter partes justitiae potentiales accenset, quia quidquid ab homine Deo redditur honoris, et cultus, debitum sane est, sed non potest esse æquale, et ex hac inæqualitatibus parte Religio deficit a rigore justitiae. E contra vero liberalitas, gratitudo, et aliæ hujusmodi licet æqualitatem servare possint; quia tamen strictum jus, aut debitum non supponunt; etiam claudicant a justitiae ratione, et inter partes potentiales a S. Doctore annumerantur.

Ex quibus liquet inter partes potentiales, et subjectivas alicujus virtutis præcipuum stare discrimen in eo, quod illæ participant quidem, sed non perfecte, rationem virtutis principalis, ad quam ut species imperfectæ reducuntur. Hæ vero contrahunt adæquate, et complete prædictam rationem. Quando ergo (ut ad scopum regrediamur) sive Philosophus, sive D. Thomas, et cæteri Theologi virtutes morales ad cardinales revocant, et ut earum partes accipiunt, et usurpant, abs dubio loquuntur de reductione aliquo ex his modis. Et quia virtutes, quæ sive ut partes subjectivæ, sive ut partes potentiales ad aliquam principaliorem reducuntur; idem sibi vindicant subjectum immediatum cum virtute principali, quæ est illarum caput, ut patet inductione supra facta: redditur perspicuum robur nostra secundæ rationis. Quia cum Pœnitentia sit virtus moralis, quæ proinde reducenda est in aliquam cardinalium, ut ejus pars saltem potentialis; et alias sit in voluntate ut in subjecto immediato, nequit non reduci ad illam virtutem, quæ fuerit ex Cardinalibus in voluntate. Constat autem solam justitiam residere in prædicta potentia: ad hanc ergo justitiam, et non ad fortitudinem, aut temperantiam revocari debet Pœnitentia, ut ejus pars sive subjectiva, sive potentialis; quod non refert ad primam statutam assertionem. Quapropter nec excedit, nec deficit, ut objicieatur, nostra ratio, sed legitimate, et efficaciter probat rationem justitiae in Pœnitentia salvari.

126. Nec oppositum suadet, quod oppo-

nebatur ex D. Thoma in illa solutione ad 4, quia mens D. Thomæ clarissima est: asserit enim, quod licet *Pœnitentia directe sit species justitiae* (In quo manifeste nostram assertionem statuit), *comprehendit tamen quodammodo ea, quæ pertinent ad omnes virtutes*, quatenus vel eas præsupponit, et in subsidium vocat, vel ab eis imperatur, et dirigitur. Nam in quantum est justitia, non qualiscumque, sed hominis ad Deum, oportet quod in auxilium veniant virtutes Theologicæ, quæ habent Deum pro objecto, illasque in prædicto sensu participet: quocirca Pœnitentia debet esse cum fide passionis Christi, et cum spe veniæ, et cum odio vitorum, qui sunt tres actus trium virtutum Theologalium. In quantum vero est virtus moralis, participat aliquid Prudentiæ, quæ est omnium virtutum moralium directiva, et regula, vi cuius medium rationis rectæ indefectibiliter attingit, depulsa scopolis extremonrum, sive per excessum, sive per defectum, in quæ posset illidere. Subdit vero S. Doctor, *quod ex ipsa ratione justitiae non solum habet id quod justitiae est, sed etiam quæ sunt temperantiae, et fortitudinis*; non quia ad earum species pertineat, aut reduci debeat, ut objectio intendit; sed in quantum ea, quæ delectationem ingerunt, quam cohibere incumbit temperantia, vel quæ terrorem incutient, quem moderari est fortitudinis, in communionem justitiae veniunt. *Et secundum hoc ad justitiam pertinet* (non quidem elicitive, et immediate, sed imperative, et mediate) *abstinere a delectabilibus, quod pertinet ad temperantiam, et sustinere dura, quod pertinet ad fortitudinem*.

Quod sane non fit per reductionem unius virtutis ad aliam per modum partis, vel subjectivæ, vel potentialis, qualiter omnes virtutes morales reduci debent ad cardinales; sed per dependentiam, et communione, quas inter se virtutes observant. Est vero (ut latentem replicam subruamus) singulare in Pœnitentia, quod in auxilium vocet non solum virtutes morales, sed etiam Theologicas in prædicto sensu; quod in aliis virtutibus non ita splendet, ut patet in Humilitate, Pœnitentia, et aliis, ad quarum actus elicendos per se non exiguntur, nisi ipsamet virtus eliciens, et Prudentia dirigen. Et ratio disparitatis non incongrua desumitur ex ipsa specie virtutum. Nam Pœnitentia præ omnibus aliis virtutibus intendit reconciliationem cum

Deo media compensatione; quæ ut recte fiat, debet sarcire damna illata per peccatum, in cuius destructionem collimat. Constat autem quolibet peccato gravi omnium virtutum chorū dissipari, et convelli, quin ulla illarum in ratione virtutis permaneat. Unde consequens esse debet ad illarum instaurationem omnes etiam convenire debere; alioqui enim nec Pœnitentia esset vera medicina, nec homo ea mediante in pristinam, ac meliorem frugem se redigeret sub auxilio gratiæ, quod esset Pœnitentiam non esse veram, et adæquatam hominis renovationem interiore, qualem esse hominis justificationem docet Tridentinum sess. 6, de justificatione cap. 7. Hoc vero non habet locum in aliis virtutibus moralibus, aut illarum exercitiis, ut eas percurrenti fiet perspicuum. Atque ideo optimo jure statuisse videtur Angelicus Praeceptor Pœnitentiam qua talem quodammodo comprehendere, quæ pertinent ad omnes virtutes, licet directe sit species justitiae.

§ III.

Secunda difficultatis pars resolvitur.

Assertio secunda. 127. Dicendum secundo Pœnitentiam esse partem potentialē, non vero subjectivam justitiae commutativā. Hanc assertiōnem diserte statuit D. Thomas in hoc art. 3, necnon in 4, dist. 14, quæst. 1, art. 1, quæstiunc. 5, quam proinde sectantur omnes ejus discipuli, et pro ea refert Prado in præsenti dub. 4, § 3, num. 23.

D.Thom. D. Bonavent. Alexandrum Alensem, Richardsonum, Dionysium Carthusianum, Argentinam, et ex recentioribus Vasquez in hoc art. dub. unic. num. 32. Coninch. disp. 1, dub. 4, Aversam quæst. 2, sect. 3, illamque nos ipsi supposuimus tract. de Virtut. locis supra enumeratis ex arb. prædicant. necnon tractat. de Incarnat. disp. 1, dub. 5, Utraque illius pars satis constat ex hactenus dictis, quin opus sit in eis singulatim tradendis diutius immorari; ita enim annexuntur, ut una alteram necessario inferat. Nam supposita distinctione partium & præcedenti explicata, semel atque Pœnitentia non sit pars integralis justitiae (quod nemo dixit) a sufficienti partium enumeratione deducitur, quod si est pars potentialis illius, sortiri non possit rationem partis subjectivæ, et vice versa, semel atque non sit pars subjec-

tiva, obire debet munus, et officium partis potentialis. Nam hæc duplex ratio partium sibi vindicat opposita, et inter se repugnantia prædicata, vi cuius affirmatio unius secum afferat exclusionem alterius: implicat enim unam, et eandem speciem sub alia contentam esse simul perfectam, et imperfectam, adæquatam, et inadæquatam respectu ejusdem. Sed de ratione partis potentialis alicujus virtutis est quod sit species imperfecta, et inadæquata, respectu illius, cuius est pars; non ergo est, aut esse potest respectu ejusdem subjectiva, utpote cui essentialiter convenit contineri sub alia, ut species sub genere, et ut totum actuale sub toto logice, et metaphysice de specie prædicabili. Quapropter nequit verificari Pœnitentiam esse partem potentialē justitiae, quin hæc negativa sit vera: *Pœnitentia non est illius pars subjectiva.*

Quod vero ad justitiam commutativam unice debeat reduci, constat etiam: quoniam quæ ut partes potentiales ad justitiam revocantur, vel debent contineri sub justitia distributiva, vel sub legali, vel sub commutativa, quæ sunt membra adæquate contrahentia conceptum genericum justitiae. Sed Pœnitentia non continetur sub Distributiva, nec sub Legali justitia. Ergo necessarium est illam in commutativam reducere. Consequentia constat a negatione aliorum membrorum dividentium ad affirmationem unius, qui est legitimus arguendi modus. Minor etiam liquet: nam quod attinet ad justitiam distributivam, quidquid in contrarium olim senserit Gabriel in 4, dist. 14, q. 1, art. 3, dub. 3, perspicuum videtur. Tum quia justitia distributiva nullum in distribuente supponit debitum, nec aliquis proprie in se ipsum distribuit, cum justitia sit ad alterum. Pœnitentia autem supponit debitum pœnitentis, et pro peccati mensura ipsi præstituit et pœnas, licet non arithmeticè ob excessum peccati supra quamlibet creaturæ satisfactionem. Tum etiam: quia justitia distributiva proprie loquendo solum inventur in superiori ad distribuenda inferioribus vel præmia, vel bona communia; importat enim habitudinem totius ad suas partes, ut servetur in illis æqualitas proportionum, attentis nedum meritis, sed etiam circumstantia, et necessitate personæ, ita ut cum eisdem meritis, quantum una persona excedit ad aliam vel in dignitate, vel in indigentia, tanto plus debeat accipere, si fiat æqua distributio. Hoc vero non servatur

Ad solam
justitiam
commutati-
vam reduci-
tur.

Gabriel

Prado.
Bona-
vent.
Alexand.
Arens.
Richard.
Dionys.
Cart.
Argen-
tinas.
Vazquez.
Coninch.
Aversa.

servatur in Pœnitentia; sed tota est in extingueda, et expungenda offensa contra Deum commissa, rescissis proportionibus aliorum, et minime eorum meritis, vel demeritis perspectis.

Unde etiam excluditur a justitia Legali; quippe quæ, ut constat ex D. Thoma a Theologis communiter recepto, potissimum curat, ut leges in suo robore conserventur, et observentur, ut media illarum observantia bonum commune splendeat, et persistat. Quod longe est a fine proximo, et immediato Pœnitentiæ, ut de se, et ex dictis liquet.

Unde relinquitur devolutum iri ad commutativam tantummodo. Et ratio D. Thomæ id efficaciter suadet. Quoniam ubi intercedit commutatio, ibi necesse est intervenire justitiam commutativam, ut ex ipsis terminis constare videtur: sed media Pœnitentia intervenit commutatio hominis ad Deum: ergo necesse est intervenire justitiam commutativam. Probatur Minor a D. Thoma, quia emendatio offensæ contra aliquem commissæ non fit per solam cessationem offensæ, sed exigitur ulterius quædam compensatio, qua habet locum in offensis in alterum commissis. Compensatio autem est commutatio in materia justitiae. Ergo cum media Pœnitentia fiat compensatio, media ipsa Pœnitentia fiet commutatio inter hominem, et Deum. Deinde probatur eadem Minor ratione, et paritate ejusdem S. Doctoris: nam eadem est ratio quoad hoc de retributione, et compensatione utrumque enim (inquit S. Doctor) ad materiam justitiae pertinet: quia utrumque est compensatio quædam, et solum differunt penes motiva formalia, nimirum quia qui retribuit, ideo retributionem præstat, quia beneficium accepit; quem autem pœnitet, ideo exhibet compensationem, quia injuste læsit. Constat autem virtutem, qua Deo referimus, et retribuimus grates ob ab ipso accepta, contineri sub justitia commutativa: ergo etiam virtus, qua Deo compensationem offerimus, et consequenter Pœnitentia non ad aliam virtutem justitiae, quam ad commutativam petit revocari. Minorem docuit S. Doctor verbis supra relatis ex 4 sentent. dist. 14, quæst. 1, art. 1, quæstiunc. 5: Similiter quis fit Deo debitor per hoc, quod ab eo aliquid accepit, et hac ratione Deo reddit debitum honorem Latræ, sive Religio: Unde sicut Religio ponitur pars justitiae a Tullio, non quidem quasi species, sed quasi pars potentialis, in quantum ali-

quem modum justitiae participat, ita etiam Pœnitentia pars justitiae debet ponи. Quod adhuc clarius docuit S. Doctor in præsenti solut. ad 3 dicens: Quod sicut est commutatio quædam in beneficiis (cum scilicet aliquis pro beneficio receperit gratiam rependet) ita etiam est commutatio in offensis, cum aliquis pro offensa, in alterum commissa, vel invitus punitur, quod pertinet ad vindicativam justitiam, vel voluntarie recompensat emendam, quod pertinet ad Pœnitentiam, quæ respicit personam peccatoris, sicut vindicativa personam judicis. Unde manifestum est, quod utraque sub justitia commutativa continetur.

128. Quare solum superest probanda Prima assertio pars, quod nimirum Pœnitentia sit pars potentialis, seu deficiens justitiae commutativæ, in quo est plus difficultatis, et non satis convenit inter Recentiores, quid sit tenendum, modo in unam, modo in aliam partem declinando ut infra videbimus. Sed quidquid sit de illorum discordia, ratio D. Thomæ est: Quia de ratione justitiae commutativæ est æqualitas, non qualiscumque, seu, ut aiunt, geometrica, et proportionalis; sed arithmeticæ, et quantitativa, ita ut si debeas v. g. decem, decem solvere tenearis, sive hoc sit in pecuniis, sive in honore, aut alio consimili debito, quod ex justitia commutativa exolvi debeat. Sed virtus Pœnitentia non servat erga Deum hanc æqualitatem in satisfactione offensæ: ergo Pœnitentia non est perfecta justitia hominis ad Deum, sed imperfecta, et potentialis. Patet Consequentia ex præmissis. Major non indiget probatione, et Minorem supponimus ex doctrina communi Theologorum uniformiter docentium nullam puram creaturam posse ex perfecta justitia satisfacere Deo pro offensa peccati mortalis, sive proprii, sive alieni; quidquid sit de radice hujus impossibilitatis, quam in præsenti non expedit examinare, sed enucleatam dedimus tract. de Incarnat. disp. 1, dub. 5, ubi plures dicendi modos retulimus, et refellimus ut a vero deviantes. Sive enim id proveniat ex ordinis superioritate offensæ divinæ supra satisfactionem nostram, ut pluribus placuit; sive ex infinitate divinæ offensæ, quæ sit simpliciter talis, ut cum D. Thoma verius censuimus; sive ex aliis capitibus noviter a recentioribus excogitatis, constans apud omnes sententia est neutiquam posse hominem ad æqualitatem satisfacere pro offensa Dei,

ipso peccato gravi irrogata. Ex quo fit con-
quens manifestum, Pœnitentiam, qua me-
dia pœdictam inadæquatam satisfactionem
exhibemus, neutquam posse esse strictam
justitiam commutativam sed imperfectam,
et potentiale, utpote quæ deficit in pœ-
cipuo talis justitiae munere, quod est inter
extrema æqualitatem constituere.

Confirmat.

Confirmatur et explicatur. Nam illa est pars potentialis justitiae, quæ in aliquo cum eadem convenit, et in aliquo ab ea deficit : si enim vel in utroque conveniret, vel in utroque deficeret, vel esset perfecta justitia species, et consequenter pars subjectiva ; vel nullatenus obiret justitiae rationem ; atque ideo ut munus partis potentialis alicui virtuti deferamus, oportet quod in aliquo cum justitia conveniat, et in altero ab illa desiliat. Hoc autem in Pœnitentia reperiri manifestissimum est : quia cum duo ad justitiam exigantur, et ratio debiti simpliciter talis, vi cuius est ad alterum, et ratio æqualitatis, vi cuius fundat exactam, et debiti solutionem, qua tollatur inæqualitas extermorum ; et in Pœnitentia non servetur æqualitas cum offensa, quam compensare intendit ; cum illa sit infinita, hujus vero compensandi ratio sit finita : relinquitur non posse non affirmari Pœnitentiam esse partem potentialis justitiae commutativæ. Qui fuit discursus D. Thomæ loco saepè citato ex 4 sentent. quæstiunc. 5, cujus sunt hæc verba : *Quia justitia æqualitas quædam est, ideo non potest esse vera adæquatio, ubi non est perfecta ratio justitiae; sed aliquis justitiae modus, sicut dicit Philosophus in 5 Ethic. quod domini ad servum non est simpliciter justum, sed dominativum justum. Cum ergo inter hominem, et Deum sit maxima distantia, non poterit ibi esse dicta proprie justitia hominis ad Deum, sed aliquis justitiae modus, quasi per similitudinem. Et inde progressus est S. Doctor, ut firmaret nec Religioiem nec Pœnitentiam perfectly sub justitia comprehendendi, sed ut partes illius deficientes accenses.*

D.Thom.

Objicit
primo
Lugo.

129. Hæc tamen doctrina non arrisit Lugo, et contra eam insurgit disp. 2, sect. 1, num. 6, multiplicititer. Primo quidem quia justitiae valde materiale est, quod satisfactio sit æqualis, vel inæqualis, dummodo obligationis radix quoad alia omnia sit similis : sed radix obligationis est omnino similis in Pœnitentia, et in perfecta justitia : ergo Pœnitentia est vera, et proprie dicta justitia, inæqualitate il-

lius in satisfaciendo de materiali se ha-
bente. Majorem ad quam devolvitur diffi-
cultas, sic probat : nam justitia formaliter
solum obligat ad ponendam æqualitatem,
in quantum potest ; si potest totaliter, to-
talem ; si vero solum partialiter, parti-
alem. Si ergo Pœnitentia ponit æqualitatem
cum Deo, quantum potest, satisfit toti
debito justitiae ; repugnat enim deberi ex
justitia plus quam pœstari possit. Si ergo
debetur illa satisfactio inæqualis, illa erit
æqualis, si non cum damno, bene autem
cum debito ; et per consequens satisfit
æqualiter toti rigori justitiae, quippe non
obligat cum rigore nisi ad satisfactionem
possibilem.

Secundo instat insistendo eidem princi-
pio : quoniam satisfactio inæqualis debita
ad modum justitiae repugnantiam involvit :
non ergo stat in Pœnitentia, quod sit jus-
titia, et quod ejus satisfactio sit inæqualis :
atque ideo quod vere sit pars potentialis,
seu deficiens. Utraque Consequentia constat,
et probatur Antecedens : nam compen-
satio affectiva, et non effectiva, non est
ad modum justitiae : sed compensatio inæ-
qualis est affectiva, et non effectiva : ergo
non est debita ex justitia. Quod si ex justi-
tia deberetur satisfactio partialis, et hanc
pœstaret Pœnitentia, jam satisfaceret pro
parte debiti : ergo ex perfecta justitia, si-
cūt qui debet centum, et dat decem, quæ
sola habebat, satisfacit ex justitia pro parte
debiti.

Ex quo rursus fiet per illam partiale
satisfactionem nostram, condigne partialiter
aferri peccatum ; quod tamen non po-
test dici ; siquidem omnia bona opera
nostra absque liberali condonatione Dei
insufficientia sunt adhuc partialiter ad ex-
tinguendam, vel minuendam maculam pec-
cati commissi. Sequelam probat : quoniam
posita ea partiali satisfactione, non manet
homo ita injurius Deo, ac antea : ergo si
non ex toto, saltem ex parte extinguit de-
bitum, et minuit onus satisfaciendi.

Opponit tertio, quoniam impotentia sa-
tisfaciendi æqualiter Deo non est homini
essentialis ; quando quidem potest elevari
media unione hypostatica ad eam dignita-
tem, in qua possit condignam, et superabundantem satisfactionem pœstare pro
cunctis pœteritis delictis.

Quarto tandem objicit inconveniens suo Repli-
judicio indeclinabile. Si enim vel ex hoc
solo titulo Pœnitentia esset imperfecta jus-
titia, et potentialis, quia inæqualem exhibet

bet satisfactionem; nulla superesset ratio negandi, Pœnitentiam pro venialibus esse proprie justitiam perfectam: si quidem homo justus diuturnis obsequiis plene potest pro illis satisfacere.

130. Hæ tamen impugnationes minime elevant vires rationis D. Thomæ, quam intactam relinquent, ut illis occurrendo constabit. Est vero primo observatu dñnum Cardinalem Lugo, totum fuisse in hac eadem sectione n. 10, in suadendo Pœnitentiam non esse proprie justitiam, ut vidimus § 1 præsentis dubii. Cum tamen prædictis objectionibus suadere intendant, eam esse perfectam justitiam. Et ideo eas concludens subinfert. *Vel ergo fatendum est cum P. Suarez, Pœnitentiam esse virtutem justitiæ ad Deum: vel aliunde quam ex inæqualitate satisfactionis reddenda est ratio, cur non sit.* In quo plane fatetur nullam esse justitiam proprie talem, quæ non sit perfecta, atque ideo vel tenendam esse sententiam Suarez statuens Pœnitentiam eandem esse virtutem cum justitia Commutativa: vel nullatenus Pœnitentiam sub justitia comprehendendi. In sect. vero 4 ejusdem disp. num. 57, collocat hanc virtutem sub virtute religionis large acceptæ, ut partem ejus potestativam, quatenus a religione imperatur, ut constat ex num. 58. In quo sensu omnes virtutes se invicem imperantes, invicem etiam erunt partes potestativæ, quod est manifeste falsum, imo, et implicitorum.

Secundo observari debet juxta ipsius doctrinam, si vera est, nullam esse partem potentialem, seu imperfectam justitiæ, ut consideranti constabit. Si enim defectus æqualitatis in solvendo debito minime infert imperfectionem justitiæ: profecto nec etiam defectus debiti illam infert ob eandem rationem. Et quod clarissimum est, et ex illius principiis legitime illatum, saltem Religio, Observantia, et Pietas neutiquam ut partes potentiales, sed ut species perfectæ justitiæ, non qualescumque sed subjectivæ accenserit debent. Quod nedum est contra D. Thomam, sed etiam contra ipsummet Lugo, contra Aristotolem, contra Tullium a D. Thoma allegatos, contra Macrobium, et contra plerosque alios Philosophos Morales, et ideo vel ex hoc solo titulo refellenda est, et expugnanda ejus doctrina esset.

Radix deceptionis fuit non distinxisse inter æqualitatem arithmeticam, et proportionalem, quarum prima est omnino

necessaria ad justitiam commutativam simpliciter, et absolute talem: ut constat ex D. Thoma 2, 2, q. 61, art. 2, ad 2, D.Thom. ubi ait quod generalis forma justitiæ est æqualitas, in qua convenit justitia distributiva cum commutativa. In una tamen inventur æqualitas secundum proportionalitatem geometricam, in alia secundum arithmeticam. Secunda vero requiritur, et sufficit in partibus potentialibus, ut supra eas explicando docuimus, et confirmat D. Tho. mas in præsenti, ubi postquam in corpore articuli distinxerat cum Philosopho justum simpliciter a justo secundum quid, et assignaverat quibus ea membra convenient, solutione ad 2 inquit, quod medium justitiæ est æqualitas, quæ constituitur inter illos, inter quos est justitia, ut dicitur in 5 Ethic. In quibusdam autem non potest perfecta æqualitas constitui propter alterius excellentiam, sicut inter patrem, et filium, inter Deum, et hominem, ut Philosophus dicit in 8 Ethic. Unde in talibus ille qui est desiriens, debet facere quidquid potest. Nec tamen hoc erit sufficiens simpliciter (id est simpliciter justum), sed solum secundum acceptionem superioris. Et hoc significatur per excessum, qui attribuitur Pœnitentiæ. Ex quibus liquet quod licet ad rationem justitiae postuletur æqualitas, juxta diversos æqualitatis modos debet assignari diversa ratio justitiæ, et e converso. Et quia æqualitas est duplex, et arithmeticæ, et proportionalis, diversa justitia est, quæ postulat arithmeticam æqualitatem ab ea quæ sibi vindicat tantummodo proportionalem. Unde ad hanc secundam sustinendam, sartam tectamque servandam non requiritur æqualitas rei ad rem, seu arithmeticæ; sed sufficit minor æqualitas, quæ consistat in eo, quod proportionate ad proprias vires suffultas auxiliis gratiæ, faciat homo, quod potest, quia ut docet D. Thomas loco citato ex 4, sent. dist. 15, D.Thom. quæst. 1, art. 2: *Amicitia non exigil æquivalens nisi secundum quod possibilis est, et hoc etiam æquale est aliqualiter, scilicet secundum proportionalitatem: quia sicut se habet, quod Deo est debitum ad ipsum Deum, ita quod iste potest reddere ad eum: et sic aliquo modo forma justitiæ conservatur, et similiter est ex parte satisfactionis.* Unde non potest homo satisfacere, si ly satis æqualitatem quantitatis importet. Contingit autem, si importet æqualitatem proportionis, ut dictum est. Et hoc sicut sufficit ad rationem justitiæ, sufficit ad rationem satisfactionis.

Dissipa-
tur
prima
objectio
ex D.
Thom.

131. Porro hac distinctione posita et ut par est, ab omnibus discipulis D. Thomæ observata, nihil negotii facessunt objectæ impugnationes, sed facile disjiciuntur. Quare ad primam neganda est Major: nam ut docuit Angelicus Præceptor 2, 2, q. 80, art. unico, ratio justitiae consistit in eo, quod alteri reddatur, quod ei debetur secundum æqualitatem, cum nomen justitiae essentialiter æqualitatem importet: unde necesse est deficere essentialiter a ratione justitiae virtutem illam, cui essentialiter competit defectus æqualitatis, atque ideo nequit se habere de materiali æqualitas, vel inæqualitas ad justitiam. Unde vel ipsi Philosophi, et post modum Theologi ultra medium rationis (quod aliis virtutibus præstituunt ex directione Prudentiæ) Justitiae, et ejus partibus, assignent medium rei, ut nimirum tantum alicui reddatur vel pecuniæ, vel honoris, quantum ipsi debeatur. Ad probationem Majoris constat ex nuper adducta doctrina D. Thomæ: quia justitia, quæ fuerit absolute, et simpliciter talis, non tantum attendit ad id, quod potest redi; sed et maxime ad id quod debetur a parte rei; alioqui non esset proprium justitiae præ cæteris virtutibus sibi adsciscere medium rei. Si vero justitia fuerit imperfecta, et potentialis, etiam importat æqualitatem, non absolutam, sed proportionalem, et hanc non excludit, quin postulat, et includit Pœnitentia. Et hoc pacto satisfactio inducta per Pœnitentiam est æqualis, et inæqualis; æqualis æqualitate proportionali, et inæqualis inæqualitate quantitativa, seu arithmeticæ. Et ex hac parte deficit a perfecta justitia; continetur vero sub illa, quatenus importat æqualitatem proportionis. Hanc vero æqualitatem proportionalem, quæ tantummodo est homini puro possibilis, non vero arithmeticam, seu quantitativam postulat, et acceptat Deus in pura creatura. Nam ut inquit D. Thomas infra q. 90, art. 2, *alio modo fit recompensatio offensæ in Pœnitentia, et in vindicativa justitia. Nam in vindicativa justitia fit recompensatio secundum arbitrium judicis, non secundum voluntatem offendit, vel offensi. Sed in Pœnitentia fit recompensatio offensæ secundum voluntatem peccantis, et secundum arbitrium Dei, in quem peccatur. Et tradit S. Doctor rationem: Quia hic non queritur sola redintegratio æqualitatis justitiae (sicut in justitia vindicativa), sed magis reconciliatio amictix. Quod fit dum offendens recompensat se-*

cundum voluntatem ejus quem offendit. Quocirca licet homo ex peccato teneatur ad satisfactionem de se infinitam, ut perfecte satisfaciat, et constat ex satisfactione Christi fidejussoris nostri; non tamen illam extorquet Deus, cum quia impossibilem puro homini; tum quia magis intendit reconciliationem amicabilem, quam justitiae usque ad summum redintegrationem. Unde est illud commune Theologorum effatum: Deus puniit citra condignum, et remunerat supra condignum.

Hinc corruit secunda instantia, quia licet contradictionem implicet inæqualitas et justitia perfecta, seu condigne satisfaciens; non tamen repugnat æqualitas proportionalis cum justitia imperfecta; quin imo opus est ita discurrere, ut sic salventur partes potentiales justitiae, quas vel ipsi Philosophi naturales palam confessi sunt. Unde tantum abest ab inconvenienti, et contradictione quæ obtenditur, quod potius consonat virtutum essentiis: quia licet in conceptu justitiae importetur æqualitas, hæc tamen non est eadem in omnibus justitiae partibus, sed juxta distributionem accommodam: in aliquibus enim est æqualitas rei ad rem, ut in partibus subjectivis; in aliis vero ut in partibus potentialibus, tantummodo invenitur æqualitas proportionalis, seu imperfecta. Quare negandum est Antecedens, si absolute, ut sonat, sumatur. Et ad ejus probationem dicimus satisfactionem Pœnitentiae, et si inæqualem arithmeticæ offensæ, esse effectivam: quia cum effectu offert quantum potest pro illa, et in affectu quantum debet: ita enim se habet in poenitendo homo, ut si posset, tantum offerret, quantum injuria ad sui compensationem posceret. Sed quia hoc est sibi impossibile, exhibet quantum potest: et ideo ejus satisfactio licet non sit æquivalens, est tamen sufficiens juxta doctrinam D. Thomæ supra relatam ex 4 D. Thom sent. dist. 15, q. 1, art. 2 ad 3, non quidem sufficientia simpliciter tali, quæ corpondeat totaliter debito; sed solum secundum acceptationem superioris, ut se explicat S. Doctor in præsenti verbis supra relatis ex art. 3 hujus quæst. in sol. ad 2.

132. Nec urget, quod primo subinferatur in hac replica de satisfactione partiali, quasi huic debeat ex justitia correspondere partialis remissio offensæ, et consequenter respectu illius sit stricta justitia, sicut solutioni ut decem ex justitia debetur remissio ut decem, in debito ut triginta, vel ut centum.

Secu-
dirum

Non est
momenti
confi-
ratio.

centum. Hoc enim exemplo uti ad rem nostram, est nimis materiale, et punctum difficultatis non attingit. Nam nec satisfactione est ad hunc sensum in partes divisibilis, nec etiam offendæ est assignabilis aliqua pars, quæ parti satisfactionis respondeat: quippe quod est proprium rerum materialium, et divisibilium, in quibus subinde et totum toti, et pars parti debetur; ideoque debitum pecuniarum ut centum est extinguibile ex stricta justitia per partes aliquotas, et determinatas; sicut etiam per easdem augetur. Cum autem offensa sit infinitæ gravitatis, et alterius longe rationis a satisfactione puræ creaturæ; non est assignabilis pars determinata, cui pars satisfactionis adæquetur: sed vel satisfactione est condigna toti offendæ, quod non debet, nec potest admitti: vel est inferior, et minime adæquans illius gravitatem prorsus indivisibilem: et sic deficit, et remanet in ratione partis potentialis, ut constat ab exemplo virtutis Religionis, quæ similiiter deficit ratione æqualitatis; quin illa instantia ipsi possit applicari, atque ideo nec Pœnitentiæ.

Porro si prædicta instantia de debito, ut centum per partes extinguibili ex justitia perfecta teneret; pariter evinceret repetitis actibus Pœnitentiæ, quorum cuilibet pars offendæ applicaretur remittenda, tandem totam offensam ex justitia a pura creatura fore extingendum, quod est absurdum ab omnibus Theologis reprobatum. Et ratio est eadem: nam si semel huic satisfactioni partiali respondet partialis remissio offendæ ex justitia, sicut solutioni ut decem debetur remissio ut decem: quæ esse potest ratio, quare non deveniatur, aut saltem deveniri non possit repetitis partialibus satisfactionibus, ad plenam, et adæquatam offendæ unius remissionem, et expiationem, maxime in illa sententia Lugoni, et sociis satis familiari, quod offensa non sit simpliciter infinita? Et si quam invenerit disparitatis rationem, eandem argumento a se facto adhibebit.

Unde fallit in eo, quod subinfert secundo: nam ex satisfactione imperfecta qualem adstruimus, et docet communis sententia, non infert satisfactio partialis, quasi ea pars offendæ tantummodo remittatur. Et ad probationem sequelæ dicimus, posita prædicta compensatione non manere illum hominem Deo exosum, sed infallibiliter justificari: nam ut inquit D. Thomas infra quæst. 86, art. 1, erro-

neum est peccatum aliquod non posse remitti per veram pœnitentiam. Est autem vera Pœnitentia, licet non sit condigna, ea quam facit homo ex auxiliis gratiæ, media contritione. Et de hac procedit quæstio. Non ergo posita prædicta Pœnitentia Deus manet partialiter infensus, seu injurius homini, sed redditur amicus, et omnino pacatus: alioqui nullatenus justificaretur homo media contritione.

Tertia nihil concludit: quia licet homini ad unionem hypostaticam elevato non sit essentialis impotentia satisfaciendi ad æqualitatem; est tamen essentialis homini puro, qui dumtaxat est capax Pœnitentiæ, impotentia satisfaciendi. Unde retorquet argumentum. Quia tam essentiale est homini Deo satisfacere ad æqualitatem, quia non potest non semel atque velit offerre satisfactionem, eam superabundantem exhibere, ob infinitatem divinæ personæ ejus operationibus connexam in sensu tract. de Incarn. explicato; quam sit essentiale puræ creaturæ inæqualiter compensare, quantum jus gratia accidentali exornetur, et ex illa conetur in satisfactionem; alias pura creatura gratia habituali prædicta posset perfecte satisfacere pro peccato gravi, contra communem Theologorum sententiam. Ex quo bene sequitur, quod sicut homini Deo essentialiter convenit ratio justitiae perfectæ erga Deum, quamque jure concedunt Patres, et Theologi Christo Domino: ita ob rationem oppositam homini puro quantumvis Pœnitenti, nullam aliam justitiam, quam imperfectam, et potentiale deferre possumus. Et quia non est alia ratio perfectam justitiam Christo Domino concedendi, nisi quia servaverit æqualitatem rei ad rem in satisfactione pro hominum offensis; similiiter non est alia adstruendi in homine Pœnitentiam ut partem potentiale, nisi quia non pervenit ad æqualitatem prædictam, sed sistit in proportionali. Ex quo legitime subsumendo concluditur contra Lugo æqualitatem, et inæqualitatem non de materiali, sed valde de formalí, et essentialiter ad justitiam se habere; siquidem juxta modum æqualitatis est modus justitiae.

133. Sed hinc vires assumere videtur inconveniens ultimo objectum de peccatis venialibus, quorum exhibemus condignam satisfactionem media contritione, et aliis actibus propriis Pœnitentiæ. Unde fit consequens Pœnitentiam non excludere essen-

Quæs-
tione
cira
peccata
venialia.

tialiter æqualitatem; alioqui enim non illam exposceret, et re ipsa servaret in satisfactione venialium; subindeque ex hac saltem parte esse perfectam justitiam ut opponebatur.

**Aliquo-
rum
Thomis-
tarum
judi-
cium.**

Sunt ex Thomistis non pauci, nec contentinendæ authoritatis, qui sentiant nec pro peccatis venialibus posse hominem condignam offerre satisfactionem; sed omnem, et quamlibet puræ creatureæ Pœnitentiam adhuc pro culpis levibus, et pro poena temporali esse inadæquatam, et insufficientem. Quia licet actus Charitatis, et contritionis si considerentur ex objecto et bonitate morali, quam per ordinem ad illud sibi vindicant, exæquare videantur malitiæ, et offensam peccati venialis, et ex hac parte splendeat æqualitas: si tamen accipiantur ex parte personæ satisfacientis, et læsæ, ex quo capite potissime augetur, et decrescit satisfactionis valor, profecto appareat excessus malitiæ in offensa supra bonitatem satisfactionis; siquidem qualis qualis ea sit offensa peccati venialis, semper est personæ infinitæ, et quantacumque sit satisfactio, semper est personæ finitæ: inter quas est infinita distantia, ut liquet. Ideoque (inquietum) semper satisfactio in ratione satisfactionis est inferior ad offensam sub ratione offensæ: quo pacto magis respicit personam, quam deturpat, quam damnum quod infert. Pro quo dicendi modo referuntur Petrus de Soto de Pœnit. lect. 18, concl. 1. Zumel 12, quæst. 114, art. 3, disp. 2. Cipull. 3 p. quæst. 1, art. 2, dub. 4, sect 1, § 11, num. 35, ubi Parra tract. 1, quæst. 4, art. 5.

Prado.

A quo dicendi modo non longe abit Prado in præsenti dub 4, num. 38. Ubi et relata, et insuper expensa ex Arauxo sententia communi de adæquata satisfactione pro peccatis venialibus, inquit, quod considerando debitum culpæ venialis, reatum pœnæ temporalis, et bonitatem satisfactio- nis mediis actibus Charitatis, et contritionis, est adæquatio inter debitum, et satisfactionem. Attenta vero infinita distantia satisfacientis a Deo, cui fit satisfactio, semper deficit. Quod sane, et nihil aliud intendisse prædictos D. Thomæ discipulos manifestum est ex ipsomet Prado numero 37 immediato.

**Vera
senten-
tia.**

134. Huic tamen sententiae acquiescere non possumus. Tum quia idem refellimus tract. de Incarnat. disp. 1, dub. 5, § 4. Ubi etiam expendimus motivum sententiae oppositæ asserentis satisfactionem condi-

gnam, quo mittimus lectorem pro perfec- tori hujus rei notitia. Tum et maxime: quoniam prædictorum Authorum discur- sus, et comparatio solum probant satisfac- tionem pro venialibus non esse ex toto rigore justitiae, qualem fuisse satisfactio- nem Christi docent communiter Theologi. Quod verum est, et nullus Theologorum negabit; siquidem ad satisfactionem in prædicto sensu, quælibet excluditur gratia, quæ fieri debeat personæ satisfacienti, maxime si talis fuerit, quæ conferat valo- rem, et condignitatem satisfactioni. Constat autem neutquam posse hominem satis- facere pro veniali culpa, etiam levissima, quin interveniat gratia supernaturalis, quæ præset valorem operibus satisfactoriis: ergo nullatenus homo potest ex toto rigore justitiae condignam omnino satisfactionem offerre pro peccatis venialibus in sensu prædicto.

Cum quo tamen stat, et bene cohæret hominem justum posse ad æqualitatem, et consequenter ex justitia absolute, et sim- pliciter tali sibi debitam reddere remissio- nem culpæ venialis, ex parte offensæ, necnon reatum pœnæ temporalis, et conse- querenter quod offerat in hoc sensu condi- gnam pro illis satisfactionem. Ad eum sane modum, quo licet homo ex toto rigorē justitiae, et nulla supposita gratia nequeat promereri gloriam; ea tamen exhibita, et a Deo omnino liberaliter erogata, ex illa erumpere potest in opera, quibus eam sibi debitam constituat per modum coronæ, et consequenter ex justitia juxta illud Apostoli 2 ad Timoth. 4: *In reliquo reposita est mihi corona justitiae, quam reddet mihi Do- minus in illa die justus judex.* Et in hoc sensu concedendam existimamus Pœnitentiae satisfactionis æqualitatem cum offensa levi, sicut conceditur operibus meritoriis cum gloria per modum coronæ: quæ qui- dem non est æqualitas tantummodo pro- portionalis, qualem adstruimus pro offensa gravi, sed est suo modo arithmeticæ, et quantitativa, quidquid sit de excessu, qui versatur inter personas: hic enim non im- pedit æqualitatem objectivam inter offensam levem, et compensationem pro ea oblatam. Et hoc sufficit ad justitiam quoad substantiam; quantumvis ad ejus rigorem plura alia sint necessaria.

Qua observatione ad concordiam pos- sunt reduci discipuli D. Thomæ specie tenus dissidentes, ut qui negativæ parti adhærent, intelligantur de justitia ex toto rigore,

rigore, seu excludente penitus quamlibet gratiam. Quod nullus illorum inficias ibit. Qui vero affirman, solum docent servari æqualitatem quantitativam, ut tanta sit satisfactio in ratione compensationis, quanta fuerit offensa peccati venialis : licet interveniat, et præsupponi debeat gratia Dei, quæ valorem, et dignitatem conferat operibus. Quod etiam non videntur negasse Authores supra relati, cum expresse asserant actus Charitatis, et contritionis adæquare debitum sive offensæ, sive pœnæ temporalis adæquatione ex parte objectorum se tenente, et præcisis circumstantiis personarum, in quibus tantummodo splendet infinitus excessus unius ad alteram. Quare absolute concedimus posse hominem condigne, et ad æqualitatem satisfacere pro peccatis venialibus, et pœnis temporalibus ex peccato sive mortali, sive veniali relictis.

135. Et ad inconveniens objectum respondetur nullam esse illationem : nam adhuc prædicta æqualitate constituta, retinet Pœnitentia esse justitiam potentialem, et imperfectam per ordinem ad suum principale munus, quod est satisfacere pro peccato gravi, seu offensa ex illo relicita, per ordinem ad quam sortitur speciem, et sibi vindicat esse partem potentialem. Et constat a simili virtutis Religionis, quæ quia deficit in primario actu per ordinem ad Deum, licet servet æqualitatem in minus principali, qualis est decimarum solutionis, teste D. Thoma 2, 2, quæst. 87, non idcirco amittit rationem justitiae imperfectæ. Et ratio a priori est jam supra tradita ex D. Thoma 2, 2, quæst. 28, art. 4, quia quoties ab eadem virtute procedunt plures actus ejusdem rationis subordinati, posteriores non procedunt ab habitu, seu virtute, nisi per ordinem ad priorem, *et inde est*, inquit S. Doctor, *quod virtus non diffinitur, nec denominatur nisi ab actu priori, quamvis etiam alii actus ab ea consequantur*. Quocirca licet ab eadem Charitatis virtute procedant amor, desiderium, et gaudium, non ab iis omnibus specificatur, aut denominatur Charitas, ut ibi statuit S. Doctor; sed a solo amore, aliis ex consequenti, et minus principaliter se habentibus. Cum ergo Pœnitentia primario tendat in destructionem offensæ gravis, qua discinditur Dei amicitia cum homine, et hanc præcipue reparare intendimus pœnitendo; inde est, quod licet æqualis redditur compensatio vel pro pœna temporali,

vel pro offensa levi, vel pro utraque simul; non ideo definitur, aut denominatur Pœnitentia penes prædictam æqualitatem secundariam, et minus principalem; sed retinet propriam, et imperfectam speciem, quam emendat per ordinem ad offensam gravem inæqualiter resarcendam.

136. Nec refert, si objicias primo satisfactionem pro venialibus non esse actum secundarium, seu minus principalem Pœnitentiae; siquidem ut in plurimum fit medio actu contritionis; actus autem contritionis non est actus secundarius Pœnitentiae, sed primarius, ut constat ex supradictis: ergo ejus satisfactio non est minus principalis, et secundaria.

Nam respondetur actum contritionis, si accipiatur secundum tendentiam specificam, esse quidem actum omnino primarium Pœnitentiae, a qua ratione non est denudabilis, si vero accipiatur in ratione satisfactionis, primario respicit offensam gravem, quam delendo intendit resarcire, et Dei amicitiam comparare: et ex consequenti vero, quæ ab illa impediunt, aut retardant, qualia sunt peccata venialia, ac demum pœnam temporalem ex offensæ sive gravibus, sive levibus relictam. Unde in ratione satisfactionis non principaliter, et primario, sed ex consequenti, et minus principaliter descendit ad venialia, et ad pœnam temporalem. Et in hoc sensu satisfactionem pro venialibus dicimus secundariam, et non primo intentam a Pœnitentia. Et licet in utroque munere deficiat a toto rigore justitiae, ut colligitur ex Tridentino sess. 6, cap. 11, ubi venialium remissionem speciale Dei beneficium oratione assequendum enumerat: *Nam justorum illa vox est* (inquit) *et humili, et verax: Dimitte nobis debita nostra*, quæ de venialibus intelligenda statuit. Tamen in primario munere nullam servat æqualitatem, nisi proportionalem ob excessum offensæ gravis supra satisfactionem; qui tamen excessus non reperitur in offensa levi. Recolantur quæ scripsimus loco supra citato ex tract. de Incarnat.

137. Secundo, et difficilior objicies: quia virtus non elicit actus, nisi sub ratione *sub qua* sibi propria, et essentiali: sed ratio sub qua propria, et essentialis Pœnitentiae, est inæqualitas in ratione justitiae; ergo sub hac ratione debet elicere satisfactionem pro venialibus. Major videatur perspicua, quia ratio sub qua in habitibus se habet adinstar rationis differentialis

ultimo contrahentis, et determinantis essentiam; atque ideo sicut repugnat limites essentiae transiliri, ita et quod actus a virtute eliciatur, nisi sub ea ratione, sub qua propriam speciem sortitur: alioqui enim vel virtus duplici gauderet specie, vel eam, quam habet per ordinem ad objectum primarium, non esset ipsi essentialis, et adæqua. Minor etiam liquet ex dictis in hac disputatione.

Dirui-
tur ex
doctrina
alibi
tradita.

Sed nec etiam objectio ista refert. Quia licet verum sit quemlibet actum vel virtutis vel etiam potentiae non posse non respicere objectum formale vel virtutis, vel potentiae; hoc tamen non est ita intelligendum, quod semper quilibet actus virtutis, aut potentiae, sive primarius, sive secundarius habeat pro objecto formaliter immediato objectum formale, et immediatum virtutis, aut potentiae; sed sufficit et requiritur, quod si fuerit secundarius aut non ita præcipuus, ipsum recipiat tanquam causam, et radicem initiative moventem ad attingentiam objecti suo primario contenti. Cujus rei rationem, et exempla dedimus tract. 8 de ultimo fine disp. 1, dub. 4, ubi expresse ostendimus actus electionis non a fine, qui est objectum voluntatis, sed a mediis speciem sumere. Radix autem hujus doctrinæ continetur in verbis D. Thomæ nuper relatis ex 2, 2, quia nec virtus, nec potentia instituta est propter actus ex aliis consecutos; sed propter primarios. Circa quos est præcipua, et formalis difficultas: illis vero suppositis, descendit virtus ad actus non ita principales, qui eo ipso quod tales, petunt supponere attingentiam primariam, et declinant ad objecta non ita principalia, seu ad secundaria; per ordinem ad quae nec definitur, nec denominatur virtus, ut inquietabat D. Thomas ubi nuper. Quocirca loco citato de ultimo fine distinguendam esse censuimus duplarem rationem *sub qua* virtutis, et potentiae, aliam primariam, proximam, et immediatam respectu actus, et objecti primarii; et hæc fundat ac radicat aliam secundariam, et minus principalem, *sub qua* immediate oritur a virtute, seu potentia actus secundarius, et ab hac prædictus actus speciem sumit; non vero ab alia primaria, quæ est radix, et principium istius. Et ideo ratio *sub qua* proxima, et immediata respectu electionis, non est bonitas finis, quæ radicat electionem media illius intentione; sed est ipsa utilitas, et conducentia intrinseca mediorum: quod

enim quis homo medium præ alio eligat ad obtinendum hunc finem, proxime, et immediate oritur ex majori conducentia, et utilitate hujus medii a reliquis, quas quis judicat in eo esse.

Qua doctrina hic supposita, et ibi operiosius stabilita, facile intelligitur quam optime cohærere Pœnitentiam in ordine ad terminum primarium sue habitudinis respicere inæqualitatem supradictam, et respectu termini minus principalis, qualis est offesa levis, necnon poenæ temporalis æqualitatem importare; quin inde possit inferre quod extrahatur a propria specie, et ratione sub qua primaria. Nam hæc, quam adstruimus pro æquali satisfactione, fundari debet in prima, in ea radicari, ad ipsamque tandem reduci. Unde sicut Charitas non amittit esse virtutem Theologicam, per hoc quod dilectio proximi proxime, et immediate terminetur ad proximum, ab eoque mutuetur speciem, ut loco citato num. 97 explicuimus. Ita non inconvenit Pœnitentiam ab intrinseco, et ex primaria tendentia esse justitiam imperfectam, et essentialiter inæqualem, licet respectu peccati venialis æqualitatem servet. Quia tamen hoc illi convenit ex consequenti, et supposita tendentia primaria, nec diffinatur, nec denominatur æqualis, et perfecta justitia, sed inæqualis, et imperfecta, ut constat ex doctrina D. Thomæ. Recolantur quæ diximus de Incarnat. disp. 1, dub. 9, § 2, num. 254, ubi ex alia radice discrimen assignavimus.

138. Ex quibus tandem inferendum, et asserendum est tertio Pœnitentiam esse virtutem essentialiter distinctam a justitia Commutativa. Hæc assertio non est re ipsa diversa a præcedenti; sed major illius explicatio, quam proinde majoris claritatis gratia statuere visum est, contra Durandum, Suarez, et alios Recentiores. Et deducitur clare ex dictis. Nam illæ virtutes differunt essentialiter, quarum objecta primaria important distinctionem esse, ut est principium communiter receptum, et innumeris locis hujus nostri cursus stabilitum: sed objecta primaria Pœnitentiae, et justitiae commutativæ essentialiter differunt: Ergo et ipsæ virtutes. Major et Consequenta non indigent probatione, et suadetur Minor: quia justitia commutativa respicit jus alienum ut ad æqualitatem compensandum, non utcumque, sed æquitate rei ad rem: quod quidem jus est extra sphæram, et inclinationem primariam

App.
cate

Asser-
teria

riam Pœnitentiæ : ergo Pœnitentia habet distinctum essentialiter objectum a justitia commutativa. Probatur Minor : nam jus, quod est objectum Pœnitentiæ est jus divinum læsum per offensam, ut resarcendum per contritionem ; non quidem condigne, et ad æqualitatem Arithmeticam ; sed deficiente, et æqualitate proportionali jam explicata : ergo jus inspectum a Pœnitentia sub ratione justitiae est essentialiter diversum a jure proprio, et primario attacto a justitia commutativa.

Confirmatur ; quia pars potentialis alio-
cujus virtutis non est ejusdem speciei cum
ipsa virtute, cuius est pars potentialis :
séd Pœnitentia est pars potentialis justitiae
commutativæ : ergo non est ejusdem spe-
ciei cum illa. Consequentia est legitima,
Minor supponitur ex præcedenti assertione,
et probatur Major, tum a paritate aliarum
partium potentialium, quas constat essen-
tialiter differre a virtute principali, cujus
sunt partes, ut videre est in Religione,
Observantia, Pietate, et aliis. Tum etiam
ratione : quia de ratione partis potentialis
est importare essentialiter defectum ab illa
perfectione, que residet in virtute supe-
riori, ideoque in suo conceptu essentiali
non est ab illo denudabilis ; cum tamen
virtus principalis prædictum defectum es-
sentialiter excludat. Et quia de ratione
justitiae commutativæ est strictum debitum
Arithmeticæ exsolvendum, ejus partes po-
tentiales essentialiter important, vel ca-
rentiam stricti debiti, vel inæqualitatem
Arithmeticam. Hunc autem defectum es-
sentialiter importatum inducere distinctionem
essentialiæ ex se manifestum est,
quia eadem essentia formalis nequit essen-
tialiter excludere defectum, et ipsummet
essentialiter importare, et constat in fide,
et scientia, quas vel ex eo solum quod una
excludit essentialiter claritatem, quam alia
essentialiter postulat, species distingui do-
cent communiter et Metaphysici, et Theolo-
logi.

139. Sed respondebis ex Durando in 4,
dist. 14, quæst. 2, num. 6 et 7, duplum
esse actum virtuti Pœnitentiæ, quorum
primus est servare jus divinum illæsum,
observando mandata, et peccata fugiendo,
seu vitando. Secundus vero est, quo punit
in se ipso peccata, et pro illis satisfacit.
Quamvis autem hunc secundum actum ne-
queat Pœnitentia ut omnino æqualem of-
ferre, ut probat nostra ratio ; bene autem
primum a quo desumit speciem, et conse-

quenter convenit cum justitia in actu pri-
mario, licet deficiat ab illa in secundario.

Durando subscrpsit Theophylus Ray-
naudus relatus a Prado in præsentि dub. 4,
§ 2, in eo quod servare jus divinum illæ-
sum sit actus proprius Pœnitentiæ, in quo
convenit, imo et coincidere existimat cum
justitia commutativa. Differt vero in eo,
quod ultra prædictum actum assignat
alium, de cuius ratione sit respicere jus
inadæquabile ab ipsa. Quod est dicere Pœ-
nitentiæ coincidere cum justitia commu-
tativa in aliis actibus præter hoc quod est
satisfacere ad inæqualitatem, quia impo-
tentia æqualiter satisfaciendi est essentialis
puræ creaturæ. Unde inquit, *facile con-
cedo Durando hujusmodi virtutem esse
specie, et essentialiter eandem cum justitia
humana quoad alios quosdam actus Pœni-
tentia virtutis specialis.*

Neutra tamen harum solutionum est
vera, et contra primam stat quod prius est
æqualitatem constituere, quam constitutam
servare, ut de se constat, et docet D. Tho-
mas 2, 2, quæst. 79, art. 1, verba S. Doc-
toris sunt : *Ad justitiam pertinet æqualita-
tem constituere in his, quæ sunt ad alterum,
ut ex supradictis patet; ejusdem autem est
constituere aliquid, et constitutum conser-
vare, in iis, qua sunt ad alterum. Constituit
autem aliquis æqualitatem justitiae faciendo
bonum, id est reddendo alteri, quod ei debe-
tur. Et hoc quidem præstat Panitentia co-
nando in destructionem offensæ media con-
tritione, atque ideo est prior illius actus.
Conservat autem æqualitatem justitiae jam
constitutæ, declinando a malo, id est nullum
nocumentum proximo inferendo. Quod
etiam suo modo adimpler Pœnitentia in
voto, seu proposito in posterum non pec-
candi annexo ipsi contritioni Ex qua
doctrina refellitur Durandus sub hac
forma : servare jus divinum illæsum sup-
ponere debet jus divinum constitutum :
sed Pœnitentia non supponit jus divinum
constitutum : ergo non illi primo convenit
servare jus divinum illæsum. Conseguen-
tia patet, et Major est perspicua, quia si-
cut conservatio consequitur ad primam
rei productionem, non enim conservatur
quod non præsupponitur, aut præintelli-
gitur productum : ita nequit jus alterius
illæsum servari, quin prædictum jus præ-
supponatur, aut præintelligatur constitu-
tum ; unde necessarium est præire constitu-
tionem juris alieni ad ejus conservationem.
Minor etiam liquido constat ex supradic-*

Suffra-
gatur
Ray-
naud.

Refelli-
tur
uterque
primo
Durand.
D.Thom.

tis : quia præcipuum munus Pœnitentia est reparare, ac resarcire jus divinum, quod supponitur læsum per peccatum, ideoque primario collimat in destructio- nem divinæ offensæ : hoc autem nec præstat, nec præstare valet ad æqualitatem omnimodam, seu Arithmeticam : ergo quod primo illi competit est reparare, et resarcire inæqualiter, et deficiente servare læsionem divinam : subindeque servare jus di- vinum illæsum non est actus primarius Pœnitentie.

Theo-
phil.
rejectus.

140. Quo argumento etiam dispellitur Theophyli discursus, qui substantialiter convenit cum Durando, et solum stat diversitas in eo quod assignat pro actu primario Pœnitentiæ, quem Durandus arbitratur secundarium. Et ex hac parte venit expugnandus sequenti ratiocinatione. Nam ejusdem est constituere aliquid, et constitutum servare sub ea ratione sub qua constituit, sed actus proprius, et primarius Pœnitentiæ est constituere, et resarcire jus divinum læsum : ergo ejusdem virtutis erit jus illud a se resarcitum, ac restitutum illæsum, et indemne servare. Servat vero vitando peccata futura medio proposito in posterum non peccandi, quod præstat Pœnitentia, et non perfecta justitia : ergo Pœnitentiæ, et non justitia commutativa erit servare jus divinum jam resarcitum illæsum. Probatur hæc Minor subsumpta : quia propositum non peccandi sequitur ad contritionem, et pertinet ad Pœnitentiam, ut ejus diffinitiones manifeste testantur; quippe spernenda esset ea Pœnitentia, quæ ita detestatur præterita, ut non abhorret futura ; ideoque ad ejus essentiam pertinet et commissa plangere, et plangenda iterum non committere, ut post Magistrum sententiarum docent communiter Theologi : ergo si ad Pœnitentiam pertinet jus divinum læsum restituere inæqualiter, ejusdem etiam erit sub hac eadem ratione illud restitutum inæqualiter indemne ser- vare, quin interveniat, aut se immisceat justitia commutativa, vel prædictus actus ad ipsam perveniat.

Exclu-
ditur
Lugo.

Qua etiam ratione excludendus est Lugo disp. 2, sect. 4, an. 49, quatenus docet objectum per se primo inspectum a Pœnitentia esse æqualitatem moralis cum Deo. Nam vel illa æqualitas moralis est æqua- litas tantummodo proportionalis, quæ proinde deficiat ab absoluta, et perfecta æqualitate? vel est æqualitas arithmeticæ, et absoluta? si velit primum, non imus

inficias, sed nihil novi affirmat, quod non sit a D. Thoma, et ejus discipulis concés- sum, et valide firmatum atque ideo imme- rito ab eis recedere studet. Si vero teneat secundum ; falsitatis convincitur ex funda- mento hujus tertiae assertionis, neconon ex aliis pro secunda expensis.

141. Porro prædictæ evasionses, et aliae haud dissimiles, quæ ad idem caput redu- cuntur, facile prosterni possunt, si ani- madvertamus, hoc quod est servari jus divinum illæsum, in quo Recentiores totum robur collocant suarum positionum, stare posse tripliciter; vel universaliter et in tota amplitudine juris divini absque res- trictione ad materiam aliquam determina- tam. Vel restricte ad hanc, vel illam mate- riālē, utputa magnificentiæ, Religionis, aut alterius virtutis, quæ sit in parte rationali appetitus; quæ enim pertinent ad partem sensitivam, cum sint moderatrices passionum, eatenus bonum divinum ser- vant, quatenus ab extremis accedunt ad medium a ratione præstitutum; et ideo ad hanc cathegoriam virtutum, quæ sunt ad alterum, minime pertinent, ut docet D. Thomas loco citato ex 2, 2, quæst. 79, art. 1 ad 1. Vel tandem servare jus di- vinum illæsum importat restauracionem illius media destructione offensæ, quocum- que modo, vel ex quocumque motivo fuerit inducta, et ea destructa per compensa- nem, caveantur aliae offensæ in qualibet materia : quo pacto planum est servare jus divinum illæsum media illius instauracione, et præcautione lapsus in futurum.

Si primo modo accipitur servare jus di- vinum a recentioribus, male refugiunt ad Pœnitentiam, cum illud sit proprium Charitatis, et aliarum virtutum eam indivulse comitantium : quia proprium est Charitatis cum virtutibus sibi annexis rectificare totum hominem, illumque totaliter subjicere Deo : *Est enim de ratione Charitatis,* ut docet D. Thomas. 2, 2, quæst. 24, art. 12, *ut sic diligat Deum, quod in omnibus velit ei se subjecere, et præceptorum ejus regula in omnibus sequi.* Quidquid enim contrariatur præceptis ejus, manifeste con- trariatur Charitatis. Et in hoc sensu nihil aliud, est servare jus divinum illæsum, quam ei in omnibus obedire, et præcepta omnia adimplere. Quod repertum est in Angelis, in Christo Domino, et in B. Vir- gine absque vel apparenti recursu reper- tum fuisset in statu justitiae originalis, si perstisset.

perstisset. Quare deferendum est Charitati, et virtutibus ipsi annexis.

soli Si vero restrictius sumatur juxta secundam acceptiōnē adhuc non remanet locuſ Pœnitentiæ, sed competit culibet virtuti intra propriam materiam. Quid enim notius, aut evidenter, quam quod Religio exhibendo debitum cultum Deo, servat illæſum jus divinum religiose debitum, et sic de reliquis? Quare quælibet virtus, quæ sit ad alterum, reddendo debitum alteri, ex consequenti servat jus alterius illæſum: non enim læditur jus, nisi non aliud reddendo; et consequenter non observatur, aut conservatur, nisi idemmet impendendo, cui debetur. Unde hoc pacto servare jus divinum non est proprium Pœnitentiæ, sed convenit omni, et culibet virtuti ex sua specie, et objecto.

Servare autem jus divinum illæſum resarciendo offensam divinam, illamque detruendo cum proposito numquam aliam committendi, pertinet unice ad Pœnitentiā. Sed in hoc interveniunt duo actus, alter contritionis, quo detestamus offensam, alter vero præcautionis peccati futuri, qui importatur in proposito numquam peccandi contritioni annexo. Et quia prius est reparare jus violatum, et postmodum illud restitutum conservare, idcirco primario intendit Pœnitentia compensationem juris divini, et deinceps illius conservationem, declinando a malo in futurum.

Unde dixit D. Thomas 22, quæſt. 79, articul. 1 ad 3, quod facere bonum est actus completivus justitiæ, et quasi pars principalis ejus. Declinare autem a malo est actus imperfectus, et secundaria pars ejus, sine quo non potest esse pars formalis completiva.

Ex quibus haud obscure colligitur Pœnitentiæ primario incumbere jus divinum, resarcire media oblata satisfactione pro illius violatione; ex consequenti vero illud jam resarcitum conservare vitando in voto peccata futura, seu ab illis, et eorum occasionibus declinando. Atque ideo nec in actu primario, nec in secundario coincidere cum justitia commutativa, sed ex æquo, et adæquate differre, licet servet modum illius, in vi cuius est ejus pars potentialis, ut constat ex secunda conclusione. Quare non debet illi deferri hoc quod est servare jus divinum illæſum ita universaliter, ut prædicti Authores intendunt; sed dumtaxat in sensu explicato, juxta quem distinguitur essentialiter tum a justitia, tum ab aliis virtutibus.

§ IV.

An sit idem cum vindicativa? corollarie deductum.

142. Unde inferimus, et ultimo deducimus Pœnitentiam essentialiter, et adæquate differre a justitia vindicativa. In quo contra Scotum, et alumnos convenienter D. Thomæ discipuli, idque manifeste colligitur ex diversitate finium, et objectorum harum virtutum. Nam Pœnitentia primo tendit in destructionem offensæ divinæ, cujus proinde finis est reconciliatio hominis cum Deo: finis autem, et objectum vindicativæ non est offensæ destructio, sed punitio delinquentis, nec intendit reconciliationem cum parte læsa, quin ab ea præscindit: ergo Pœnitentia non est idem cum justitia vindicativa; sed ab ea essentialiter differt.

Secundo probatur ex aliis discriminibus, Secunda probatio.

ex primo tanquam ex radice deductis. Nam vindicativa juxta voluntatem vindicantis non ad arbitrium patientis, taxat pœnas pro offensis, quas vel invitus sustinere cogitur; cum tamen Pœnitentia nihil magis exigat a Pœnitente, quam voluntariam vel inflictionem, vel sustinentiam pœnæ. Hinc provenit in Pœnitentia quæri emendationem, et resipiscientiam pœnitentis, quæ fit per spontaneam delinquentis retractationem; cum tamen id non desideretur in vindicatione, sed solum attenditur ad punitionem malefactoris. Et quia non culibet licitum est seipsum vindicare, sed pertinet ad personam publicam, cui est authoritas puniendi malefactores; idcirco actus vindictæ, seu illius executio, non est in persona privata, sed in judice, aut superiori pœnas taxante pro qualitate criminum, ex quo capite vel reducitur ad justitiam Legalem, aut commutativam; vel cum aliqua illarum coincidit. Pro quo in arbore virtutum sæpe allegata § 10, num. 18, observavimus ex Cajet. 22, quæſt. 108, peculiare esse hujus virtutis habere duplēm actum, alterum in persona privata, quo intendit propriam vindicationem ab injuria recepta; quam tamen non potest, nec debet propria authoritate arripere; sed petit vim coatiyam superioris, a quo exequenda est ultio; esset enim jus alienum usurpare, si unusquisque vellet privata authoritate infligere pœnam. Et ideo licet in offenso sit appetitus vindictæ, in quo stat bonitas intrinseca virtutis, su-

Illatio
contra
Scotum.

Proba-
tur 1.

Quid
importet
justitia
vindica-
tiva.

D.Thom.

perest alius actus externus, quo ipsa virtutur consummatur, et perficitur; et hic pertinet ad judicem, cuius authoritate plectendus est reus, quæ est doctrina D. Thomæ ubi supra art. 2 ad 1, ubi ait, *quod punitio peccatorum secundum quod pertinet ad publicam justitiam est actus justitiae commutativæ*. Secundum autem quod pertinet ad immunitatem alicujus personæ singularis, a qua *injuria* *propulsatur*, pertinet ad *virtutem vindicationis*. Ubi distinguit actum internum, et proprium personæ particularis ab actu externo judicis, et superioris. Quod etiam docuerat in eadem 2, 2, quæst. 80, art. unic. ad 1. Porro ab hoc ultimo actu frequentius denominatur *justitia vindicativa*, ut loco citato observavimus; atque ideo communiter dicimus eam esse in judice ad *propulsandas* *privatas* *injurias*. In quo etiam sensu Angelicus Praeceptor in præsenti art. 3 ad 3, contra ponit Pœnitentiam vindicativæ in eo, *quod illa voluntarie recompensat emendam, et respicit personam peccatoris, sicut justitia vindicativa personam judicis, atque video utraque sub justitia commulativa continetur*.

Confir.
mantor
assignata
discrimina ex
D.Thom.

Assignata vero discrimina nos etiam docuit S. Doctor infra quæst. 90, art. 2, in corpore inquiens: *Alio modo fit recompensatio offensæ in Pœnitentia, et in vindicativa justitia. Nam in vindicativa justitia fit recompensatio secundum arbitrium judicis, non secundum voluntatem offendentis, vel offensi. Sed in Pœnitentia fit recompensatio offensæ secundum voluntatem peccantis, et secundum arbitrium Dei, in quem peccatur; quia hic non queritur (ecce rationem a priori differentiæ) sola redintegratio æqualitatis justitiæ (sicut in justitia vindicativa), sed magis reconciliatio amicilæ; quod fit dum offendens recompensat secundum voluntatem ejus, quem offendit.*

Quid
senserit
Scotus.

143. Oppositum hujus. consecatrii insinuasse videtur Scotus in 4, dist. 14, quæst. 2, § *Primus articulus*, ubi existimans ex peccato præterito solum relinquere reatum ad pœnam, docet peccatorem ut Dei ministrum ex intentione vindicationis peccati se ipsum punire; postulat enim Deus ut justus judex a peccatore vindicat. Et quia nullam aliam satisfactionem agnoscit in Pœnitentia, quam quæ respondet pœnae reatu, idcirco totam pœnitentiæ rationem in vindicativam reducit.

Impu-
gnatur
multipli-
citer.

Hæc tamen Scotti doctrina diminuta est, et claudicat ex multiplice capite. Tum,

quia in peccato ultra malitiam, quæ comittatur actum ex parte elicientis, considerant, et admittunt Theologi injuriam, seu offensam, quæ se teneat ex parte Dei saltem extrinsece, ut præscindamus a modo constituendi offensam: et non bene audit apud illos, qui solum agnoscit reatum ad pœnam, ut constat ex supra dictis de Pœnitentia in communi, *absolutionis sensum* exponendo. Ad offensam vero sequitur reatus ad pœnam, sive æternam, sive temporalem ipsi necessario annexam. Ex quibus vindicativa solum pœnam temporalem convenit propellendam, sive offendens restituatur in amicitiam offensi, sive non, ut bene observavit Magist. Soto in 4, dist. 14, quæst. 2, art. 3. Cum tamen Pœnitentia quod maxime, et primario intendit, sit reconciliatio cum Deo offenso, et in ejus amicitiam restitutio. Quocirca consultius D. Thomas, ut bene observavit D.Tho Cajet. ad hunc art. 3 consideravit Pœnitentiam sub utroque munere, et reconciliantibus, et vindictam pro pœna sumentis, eique duplicum actum assignat, quorum præcipuus est contra offensam, qua abolita media contritione, et confessione peccati coram Deo (adhuc extra *absolutionem Sacramentalem*) juxta illud Psal. 31: *Dixi: Confitebor injustitiam meam Domino, et tu remisisti impietatem peccati mei.* Minus principaliter descendit ad luendam pœnam temporalem pro reatu adhuc post peccatum remissum permanenti, ut supra dictum est. Unde licet Pœnitentia coincidere videatur cum vindicativa quoad hunc actum satisfaciendi, non tamen quoad primum, in quo penitus ab ea differt. Et quia species virtutis desumitur ab actu primario, et non a secundario, idcirco Pœnitentia est essentialiter diversa a vindicativa.

Tum etiam: quia falsum est hominem pœnitendo gerere personam publicam, et ministrum Dei; quippe ad id exigitur specialis designatio, et delegatio ipsius Dei ordinarii, ut sic dicamus, judicis; de qua non constat ulla authoritate, aut firma ratione. Tum præterea quia justitia non est ejusdem ad seipsum, sed necessario postulat, quod sit ad alterum: in hoc enim nec Pœnitentia, nec vindicativa deficit a rigore justitiae, sed solum in æquitate sicut Pœnitentia, et in rigore debiti sicut vindicativa. Non ergo stat in eodem at Dei ministro esse vindicativam ad se ipsum ut peccatorem; alioqui enim ejusdem ad se ipsum esset justitia stricta, quoad

quoad aletatem a justitia exactam, quod est contra communem doctrinam. Tum denique (et est ratio a priori) quia justitia vindicativa, cum sit appetitus bonaæ vindictæ, a judice exequendæ, licet ex parte executionis sit in persona publica, ut supra ex Cajetano, et D. Thoma annotavimus, ex parte tamen juris, et intentionis est in persona injuriam passa, non vero in offendente, a quo sumenda est ultius: non ergo collocari debet in creatura Deum offendente, sed in Deo offenso, in quo est legitimum jus vindictam sumendi a peccatore, juxta illud Pauli ad Rom. 12: *Non vos defendentes (vel ut alii vertunt, vindicantes) Charissimi: scriptum est enim: Mihi vindictam, et ego retribuam.* Eo vel maxime, quoniam actus punitionis, quo consummatur justitia vindicativa, non est in eodem subjecto, a quo sumitur ultius; ut constat ex supradictis: sed actus Pœnitentia consummatur in ipso pœnitente: ergo actus Pœnitentia non est actus justitiae vindicativæ.

144. Sed inquires, an saltem Pœnitentia reduci debeat ad vindicativam? Huic interrogationi respondent Nuno in præsenti dub. 1, conclus. 3, et Prado dub. 4, § 5, affirmative, idque probant ex D. Thoma in argumento *sed contra* hujus articuli 3, necnon in 4, dist. 14, quæst. 1, art. 1, quæstiunc. 4, ubi docet convenire has virtutes in eo, quod constituant medium in offensis, quæ sunt ejus materia; non quidem quasdam retinendo, et quasdam abiciendo, sed pœnam pro illis debitam proportionando. Similiter in eodem 4, dist. 15, quæst. 1, quæstiunc. 2 docet, nullam partem justitiae respicere offensam præcedentem, nisi vindicativam justitiam, quæ æqualitatem constituit in eo, qui justum patitur indifferenter, sive sit patiens idem quod agens, ut quando aliquis sibi ipsi pœnam infert: sive non sit idem, ut quando judex alium punit, ad ulrumque vindicativæ justitia se habente. Similiter et Pœnitentia, quæ æqualitatem tantum in faciente importat, quia ipsumel pœnam tenet, ut sic quodammodo Pœnitentia vindicativæ justitiae species sit. Hactenus D. Thomas. Ex quibus confici videtur juxta mentem S. Doctoris Pœnitentiam sub vindicativa, ut ejus speciem contineri.

Hæc tamen doctrina, ut ei, quam ex S. Doctori retulimus consonet, grano salis condienda est. Quare censemus non fuisse de mente D. Thomæ Pœnitentiam esse

partem pœnitentiale vindicativæ eo prorsus modo, quo asseritur ab eodem esse partem potentialem justitiae commutativæ, cuius etiam vindicativa est pars deficiens non ratione æqualitatis, sed ratione stricti debiti; siquidem offensus non tenetur petere compensationem, sed potest remittere absque injustitia aliqua offensam: quidquid in contrarium dixerit Vasquez in præsenti dub. unic. n. 14; nam petere vindicationem injuryæ non est actus justitiae, licet ex parte judicis intervenire possit illam reddendo vel distributiva, vel legalis, vel commutativa, ut est doctrina D. Thomæ D. Thom. 2, 2, quæst. 80, art. unic. ad 1, et quæst. 108, art. 2. Et ratio est, quam supra nos docuit S. Doctor: quia primarium, ac potissimum Pœnitentia munus est satisfacere pro offensa media contritione, et in finem reconciliandi, et denuo amicitiam cum Deo ineundi collimare: in quo quidem actu non appareat, quomodo vindicativæ ut pars potentialis subjiciatur; siquidem ex eodem sancto Doctore constat nihil minus hanc virtutem, quam de reconciliatione curare; sed tota est in puniendo, et applicando pœnam ex præscripto legis. Non ergo sub hac ratione Pœnitentia esse potest pars potentialis justitiae. Nec etiam est pars ejus potentialis in ratione debiti, in quo excedit vindicativam, siquidem ut ex nuper dictis constat, debitum vindicativæ non est strictum, et legale, ut est debitum Pœnitentia.

145. Unde solum superest, quod sub vindicativa contineatur ex ea parte, qualuit pœnam temporalem voluntarie assumptam, vel ut a Deo immissam, vel sponte acceptam. Sed hoc est munus minus principale, et secundarium Pœnitentiae, ut constat ex supradictis. Et ex hoc capite aliquo modo reducitur ad vindicativam, quatenus eam imitatur voluntarie assumendo pœnas, quas a peccatore vel invito extorquere posset judex. Et in hoc sensu, inquit D. Thomas, quod quodammodo est species justitiae. Quod vero hæc sit mens D. Thomæ liquet ex ipso textu ultimo allegato, qui est difficilior: nam in ea quæstiuncula intendebat probare S. Doctor Pœnitentiam esse justitiam, idque evicit ex eo, quod justitiae actus secundum Philosophum est vel sui ad alterum, ut quando aliquis reddit alteri, quod ei debet et tunc æqualitas in ipso faciente constituitur. Et hoc pertinet ad primum munus Pœnitentiae, quo satisfacit pro offensa, et reddit Deo

Ad vindicativam qualiter reduci debeat.

*quod suum est. Vel alterius ad alterum, sicut quando judex facit justitiam inter duos. Et tunc æqualitas constituitur in injustum passo. Quod abs dubio congruit vindicativæ. Ut ergo S. Doctor ex utroque capite Pœnitentiam esse justitiam ostenderet, recurrit ad offensam media compensatione satisfacientiam; et deinceps docuit eandem Pœnitentiam simul luere poenam ab ipsomet pœnitente assumptam, ex qua parte quodammodo vindictam de se ipso sumit, et vindicativam justitiam exercet; non quia proprie loquendo sub hoc munere stricta justitia sit, quia ejusdem ad seipsum non est proprie et rigorose justitia, ut est perpetua S. Doctoris doctrina; sed *quodammodo*, et analogice, quatenus imitatur vindicativæ rationem. Unde concludit discursum, et corpus articuli: *Et propterea constat, quod satisfactio, quæ æqualitatem respectu offendæ præcedentis facientem importat, opus justitiae est, quantum ad illam partem, quæ Pœnitentia dicitur.* Et hæc fuit Consequentia intenta a D. Thoma; non vero quod Pœnitentia sit vera pars, licet potentialis justitiæ vindicativæ, sed dumtaxat *quodammodo*, analogice, et imitative: nam *satisfactio proprie loquendo, dicit actum justitiae sui ad alterum, ut ibi asserit; atque ideo e converso sui ad se ipsum proprie loquendo non est satisfactio, nec etiam vindicta.* Est ergo Pœnitentia solum reducibilis quodammodo et minus proprie ad vindicativam. Et in hoc sensu subscribimus S. Doctoris discipulis supra allegatis. Secus vero, si velint tam proprie Pœnitentiam esse partem potentiale vindicativæ, quam sit justitiæ commutativæ. Ad quod asserendum nullum fundamentum reperimus in D. Thoma.*

Expli-
catur. Præterquam quod si Pœnitentia reducetur proprie loquendo ad vindicativam, vel esset sub ea ratione, sub qua vindicativa reducitur ad commutativam, vel sub alia, in qua convenit cum commutativa. Sub neutra potest reduci proprie loquendo ad vindicativam. Ergo sub nulla ratione proprie loquendo reduci debet Pœnitentia ad justitiam vindicativam. Major, et Consequentia constant, et probatur Minor quia vindicativa deficit a commutativa ratione debiti, quod in ea non est strictum; cum tamen justitia commutativa sit rigorosum, et strictissimum, idque non minus stricte viget in Pœnitentia: ergo cum in hac ratione non deficiat Pœnitentia, nequit reduci ad vindicativam sub hac ratione defi-

cientem a stricta justitia. Nec etiam reduci potest ad vindicativam, ratione æqualitatis in taxando poenas per commensurationem, et adæquationem ad culpas, quas punit; in quo non deficit vindicativa a commutativa, quin coincidit, ut supra dixit D. Thomas: cum tamen in Pœnitentia nulla sit possibilis poena, quæ adæquetur magnitudini offendæ, vel liquet ex dictis. Relinquitur ergo solum posse reduci ad vindicativam ex ea parte, qua luit poenam temporalem, cui adigitur homo adhuc post expiationem culpæ, et ablationem offendæ; quod est revocari in vindicativam quoad munus secundarium ipsius Pœnitentiæ, non tamen eo modo, quo Pœnitentia revocatur in justitiam commutativam.

§ V.

Referuntur adversæ sententiæ.

146. Contra primam assertionem indefinite statuentem Pœnitentiam esse justitiam hominis ad Deum nullum reperimus Authorem præter Lugo, qui ut supra retulimus, disp. 2, sect. 1, num. 10, in nullo vero sensu concedendum censem Pœnitentiam esse justitiam, nec proprie dictam, nec ipsi similem, aut dissimilem quoad modum. Cujus fundamenta convulsa sunt inter proponendam, et probandam nostram assertionem, quin opus sit in illis diluendis iterum immorari.

Contra secundam, et tertiam sentiunt plures; qui licet convenient in eo quod Pœnitentia sit vera justitia, dissentunt in propria specie ei assignanda. Durandus in 4, dist. 14, quæst. 2, num. 6 et 7, censem ex parte actus primarii non differre Pœnitentiam sed eamdem esse virtutem cum justitia commutativa humana, quatenus utrique incumbit servare jus alterius illæsum: quod vero jus illud sit divinum, vel humanum accidentarium, et quid materiale est, modo supra explicato, et convulso. Differt vero ab illa ratione actus secundarius pœnitendi, a quo Pœnitentia denominationem sumpsit. Cui sententiæ suffragari videntur Argentinas in 4, dist. 14, quæst. 1, art. 1 et Marsilius. ibidem quæst. 20 ad 6. Eam expendit Suarez tom. 4, in 3 p. disp. 19, sect. 1 et tom. 4, disp. 7, ubi duo etiam munera defert Pœnitentiæ, alterum primarium, quo detestetur offendam Dei, et in quo non splendeat imperfectio: alterum vero minus principale,

Lugo
Cardi
nalis

Aliorū
senten
tiæ.

Duranc

Argen
tinas
Marsil
Suarez

pale, quod connotet peccatum, de quo dolet; fuisse proprium, sed expiandum per emendationem. Et quia hoc non fuit, nec esse potuit in Christo, idcirco Poenitentia sub hac secundaria, et imperfecta denominatione in ipso non fuit; sed est propria pura creaturæ.

Argu-
mentum
Durand. Arguit ergo Durandus pro sua sententia primo: quoniam ad justitiam commutativam pertinet reddere unicuique quod suum est, sive is sit Deus, sive creatura; hæc enim differentia materialis est, dum cuilibet, quod proprium est, tribuatur: ergo ad illam pertinet reddere Deo debitam obedientiam mandatorum, debitum honorem, et debitam satisfactionem pro peccato, quo transgreditur præceptum: sed actus proprius Pœnitentia est satisfacere Deo pro peccato: ergo actus proprius Pœnitentia est actus proprius justitiae commutativæ.

Sed certe hoc argumento plusquam intendit, probavit Durandus. Nam si quia ad justitiam commutativam pertinet reddere unicuique quod suum est, debet eadem justitia præstare debitam obedientiam, debitum honorem, et debitam satisfactionem; conficitur sane nec obedientiam, nec Religionem, nec Pœnitentiam, imo nec cæteras virtutes supernaturales quæ non versantur circa passiones, esse diversas, sed unam, et eamdem sub diversis muneribus; quod est a veritate alienum, et contra communem doctrinam ex diversitate objectorum distinguente virtutes predictas; quandoquidem aliud est obediens superiori, ut præcipienti; aliud ipsi debitum cultum deferre; et aliud longissime dictans, illi rependere compensationem pro injuria: atque ideo hæc tam dissita officia non sunt unius, et ejusdem virtutis, nisi omnium virtutum distinctio ad diversitatem munerum redigere velit.

Rursus, hoc suo argumento non magis probavit Durandus Pœnitentia identitatem cum justitia commutativa, quam cum Distributiva, et Legali. Quod patet, quia prædicatum illud *reddendi unicuique quod suum est*, est prædicatum genericum univoce descendens ad justitiae species perfectas, quales sunt *Distributiva*, *Legalis*, et *commutativa*, et non est major ratio quare uni, potius quam alteri applicetur nisi determinetur per aliquid aliud; alias esset arguere a prædicato superiori affirmative ad inferiorem, ut ab animali ad hominem contra ipsas Dialecticæ regulas. Ex eo ergo

quod sit de ratione justitiæ commutativæ ratione prædicati generici reddere unicuique, quod ipsi débetur; non magis probatur Pœnitentiam esse justitiam commutativam, quam Legalem, aut Distributivam, ut considerans facile deprehendet.

Respondet itaque ex dictis, esse de solvitur. ratione justitiæ commutativæ reddere ad æqualitatem Arithmeticam quod alteri debitum fuerit. Et quia hanc æqualitatem nequit servare Pœnitentia respectu gravitatis offensæ, quæ est simpliciter infinita; idcirco Pœnitentia non est, aut esse potest vera justitia commutativa. Quia tamen licet non omnimodo æqualem, sed quam potest juxta acceptationem divinam exhibet compensationem, idcirco reducitur ad prædictam justitiam, ut pars ejus potentialis.

Repli-
catur. 147. Contra hanc solutionem stare videatur communis objectione. Quoniam illa satisfactio est æqualis arithmeticæ, quæ tantum placet offenso, quantum displicuit injuria, quæque tantum reddit, quantum abstulit: sed hanc satisfactionem impedit pœnitens media contritione: ergo in Pœnitentia exhibetur Deo æqualis, et arithmeticæ satisfactio. Cætera constant præter Minorem quæ facile suadetur: quia tanta est bonitas actus contritionis, quanta fuit malitia peccati; alias constituitur in Deo ratio ultimi finis, qua spoliatus fuerat peccato: Ergo offertur Deo per Pœnitentiam, quod ipsi peccando fuerat ablatum, et tantum placere debet in contritione, quantum ei displicerat malitia peccati.

Huic tamen objectioni, cui plus justo detulit Vasquez, ut vidimus, et expendimus tract. de Incarnat, disp. 1, dub. 5, § 5 et 6, quæ recoli debent, facile responderet distinguendo in peccato rationem malitiæ, quæ se tenet ex parte peccatoris, a ratione offensæ passivæ, et formalis, quæ est in Deo, quas distinguendas, et longe diversæ rationis esse, constat ex dictis ubi nuper dub. 2, et sequentibus. Hæc distinctione supposita, si consideretur actus contritionis secundum tendentiam ad objectum immediatum, et bonitatem moralem ab eo decerpsum, æquivalat militiæ formalis actus peccaminosi, et aliquando potest excedere, ut si actus peccaminosus fuerit in materia temperantiae, aut alterius infimæ virtutis, quo in casu actus Charitatis, et contritionis inter se annexi abs dubio superant in bonitate peccatum intemperantiae. Atque ideo si res hinc mensuranda foret, nedum ad æqualitatem, sed superabundan-

Omissio
Vazquez
tradituri.
solutio.

ter homo posset sub auxiliis divinæ gratiæ offensam compensare. Sed longe aliter res se habet, quia ratio illa malitiae cum sit malum ipsiusmet hominis peccantis, non petit satisfactionem, quæ essentialiter est ad alterum: nec contritio ut bona bonitate morali ipsi comparatur, nisi per ordinem ad regulas morum, quo pacto nedum adæquat, sed superexcedit malitiam intemperantiae, ut videtur perspicuum. Quare si apud Vasquez legitima illatio est ab actu contritionis ad actum peccaminosum, ut ille pro isto sit perfecta satisfactio, et ad æqualitatem ut docuisse vidimus loco nuper citato § 6, pariter inferre posset, et debebet esse satisfactionem superabundantem, seu superexcedentem: quod non multum consultit, sed satis derogat Christi satisfactioni, ut est communis doctrina Theologorum.

Id quod fiet magis prespicuum, si animadvertisatur ideo apud Vasquez hominem non satisfacere perfecte, quia carentiam omnium auxiliarum, quam homo demeruit peccando, nequit pœnitendo exæquare: nam ad Pœnitentiam prærequiritur auxilium gratis a Deo collatum, quod proinde nec sub merito, nec sub satisfactione cadit. Quæ quidem ratio in Christo suo modo militat; siquidem homo peccando demeruit carentiam Incarnationis, quam Christus meruit, nec in ejus sententia pro ea satisfacere potuit. Quod tamen non obstat, ut Christi satisfactio fuerit ex toto rigore justitiae, imo et superabundans, ut est communior Doctorum sententia, quam sequi sumus ubi supra disp. citata per plura dubia. Quod ergo homo nequeat satisfacere pro carentia auxiliarum prærequisitorum ad satisfactionem; non Oberit, quominus ejus satisfactio pro peccato sit æqualis, et superabundans, si fieri debeat comparatio inter actum contritionis, et actum peccati per bonitatem, et malitiam formalem desumptam præcise ex objectis ut subditis regulis morum. In qua comparatione manifestum est actum Charitatis, seu contritionis in bonitate præstare, quam in malitia actus intemperantiae valeat: idem quippe excessus, qui est actus Charitatis ad actum temperantiae, per ordinem ad regulas morum, versatur inter actum ipsum Charitatis, et actum intemperantiae sub eodem respectu.

Quid supra malitiam importet peccatum.

Verum quia in actu peccaminoso ultra formalem malitiam, importatur injuria, et offensa Dei, quæ non commensuratur ipsi

actui, sed subjecto, vel quasi objecto, quod moraliter afficit, et formæ, qua privat, unde evadit simpliciter infinita in aestimatione prudentum, ut late statuimus loco citato: idcirco si fiat comparatio actus contritionis ad prædictam offensam, non illam adæquat, nec tantum præstat, quantum ipsa est in aestimatione morali. Et ratio est perspicua: quoniam actus contritionis non alium valorem intrinsecum habet in ratione satisfactionis, quam illum, quem accipit a gratia et persona grata; hic vero cum ex utroque capite sit intrinsece, et in omnium prudentum aestimatione finitus, nequit ad æqualitatem exhaustire totam gravitatem infinitæ offensæ. Cum vero Pœnitentia non aliam aut majorem, aut meliorem queat exhibere satisfactionem, quam præstitam media contritione; fit palam hac quantumvis intentissima non posse condigne, et ad æqualitatem satisfacere pro offensa; sed solum geometrica, seu æqualitate proportionis; atque ideo nequit pertingere ad perfectam rationem justitiae commutativæ importantis æqualitatem arithmeticam, sed est pars potentialis illius, ut recte asseruit D. Thomas.

148. Sed urgebis, et sit secundum argumentum pro sententia Durandi. Nam ab eadem virtute procedit satisfactio nostra, a qua ortum duxit satisfactio Christi. Constat autem satisfactionem Christi fuisse actum justitiae commutativæ, non alterius, sed ejusdem rationis cum nostra justitia, ut asseruimus loco citato de Incarnat. dub. 9, § 3. Ergo satisfactio nostra est actus proprius justitiae commutativæ subindeque a Pœnitentia indistinctæ.

Nec prodest recursus ad inæqualitatem satisfactionis, quam per se importat nostra Pœnitentia, quamque excludit satisfactio Christi, ut inde negetur Major prædicti syllogismi. Nam contra instat Suarez tom. 1, in 3 p. disp. 4, sect. 5, § Nihilominus tamen: quoniam virtutes morales non tam respiciunt effectum, quam effectum; quocirca in paupere constituitur magnificientiae virtus in ordine ad magnificos sumptus, quos si posset, et non esset opibus destitutus, prompte exerceret: per hoc ergo quod homo nequeat reddere Deo æqualem satisfactionem, dummodo ei insit effectus eam exhibendi, non tollitur ab ipso ratio justitiae commutativæ, quæ sit ejusdem rationis, cum justitia illa, ex qua Christus satisfecit.

Secun-
dum argu-
mentum.

Instat
P. Suarez.

onfirm. Et confirmatur urgentius ex D. Thoma supra quæst. 7, art. 2 ad 2, ubi docet S. Doctor easdem virtutes, quæ sunt in aliis justis, fuisse etiam in Christo, licet in eo habuerint elevationem modum ipsum proprium; secundum quem inveniri non possunt in puris hominibus. Verba

Thom. D. Thomæ sunt : *Ad secundum dicendum, quod habitus ille heroicus, vel divinus, non differt a virtute communiter dicta, nisi secundum perfectiorem modum, in quantum scilicet, aliquis est dispositus ad bonum quoddam altiori modo, quam communiter omnibus competit. Unde per hoc non ostenditur quod Christus non habuerit virtutes, sed quod habuerit eas perfectissime ultra communem modum.* Ex quibus verbis confirmari, et urgeri potest impugnatio Suarez sub hac forma : Nam juxta D. Thomam, unitas specifica virtutum non excludit, quin admittit diversitatem in medio; ideoque licet in Christo fuerint virtutes elevatiori modo, quam esse possint in pura creatura; non idcirco differunt essentialiter a virtutibus, quæ communiter reperiuntur in justis : ergo cum satisfactio Christi, et nostra solum differant in modo majoris, vel minoris perfectionis, consequens esse videtur Pœnitentiam nostram ejusdem esse rationis cum perfecta justitia Christi.

*onfirm.
alterior.* Quod adhuc urgeri, et ulterius instari potest exemplo Religionis, hæc enim in Christo exhibuit Deo cultum infinitæ estimabilitatis; cum tamen in nobis non impendat nisi cultum limitatum, et finitum. Sed Religio Christi fuit ejusdem rationis cum nostra : ergo etiam satisfactio Probatur hæc Consequentia ex præmissis. Nam tota ratio distinguendi satisfactionem nostram a satisfactione Christi, et diversas virtutes pro illis constituendi est limitatio, et inæqualitas unius, et infinitas, ac æqualitas alterius in materia justitiae. Sed hæc eadem æqualitas, et inæqualitas, finitas, et infinitas reperitur in Christi religione, et nostra in materia justitiae, quin intercedat essentialis distinctio Religionis Christi a Religione, quæ communiter est in aliis justis. Ergo quod satisfactio Christi sit æqualis, et infinita; satisfactio vero nostra inæqualis, et finita; non infert distinctiōnem essentialē Pœnitentiae a justitia commutativa Christi. Vel si illam infert, pariter evincet virtutem Religionis, qua Deum Christus ut homo coluit, esse alterius rationis a virtute Religionis puræ creaturæ.

149. Respondetur ad argumentum negando Majorem : quia cum de ratione justitiae sit æqualitas, eo ipso quod Christus per se, et ab intrinseco, non possit non ad æqualitatem satisfacere, nequit non ipsi perfecta justitia attribui; et e converso eo ipso quod pura creatura ab intrinseco non valeat nisi in æqualem satisfactionem pro offensa gravi impendere, necessarium est asserere solam justitiam imperfectam, et potentiale ei competere, ut manifestat, quæ supra contra Lugonem ex D. Thoma opposuimus. Non enim se habent de materiali ad justitiam æqualitas, aut inæqualitas ab intrinseco, et essentialiter importatae; alioqui nulla esset imperfecta, et potentialis justitia, sed omnes essent partes illius subjectivæ, quod non solum est contra communem Theologorum, et Philosophorum sententiam, sed etiam contra ipsos Authores, quibuscum disputamus, ut constat ex ipsomet Durando in Durand. 2, dist. 27, quæst. 2, n. 12, ubi docuit justum simpliciter Deo reddi non posse, unde in 3 dist. 9, quæst. 4, n. 10, statuit Latram non esse simpliciter, sed secundum quid justitiam apud Deum. Et hæc est ratio negandi Majorem primi syllogismi, quam non evincit probatio inducta ex Suarez; quæ nimium probat, si ut sonat intelligenda foret, ut eam retorquendo constabit. Porro si in virtutibus moralibus non tam attendi debet effectus, quam affectus, et hoc est absolute, et simpliciter verum nulla limitatione apposita; nulla erit ratio, quare in Angelis non constituamus ex parte affectus castitatem, temperantiam, et alias similes virtutes, quantumvis illis deficiat materia circa quam: imo posset eadem ratione illis attribui satisfactio ex parte affectus, dolor, et contritio; quod est inauditum, et minus Theologicum. Quamvis ergo ad virtutem concurrat, et principalius rectitudo affectus; requirit tamen ulterius possibilitatem objecti, et materiæ circa quam versatur virtus. Unde quoties hæc est ab intrinseco, et essentialiter impossibilis; occluditur illi aditus; secus vero, quando per accidens, et ex aliqua suppositione deficit: tunc enim non ideo deficit, aut repugnat affectus, quo se exerat in actus inefficaces ut minimum circa materiam illius virtutis.

Quæ est doctrina D. Thomæ quæst. de D. Thom. spe, quæ habetur inter Disputatas art. 4, ubi Suarri objectionem sibi ipsi opposuit

sub his verbis : *Actus virtutis videtur esse non solum facere, sed velle facere, quod pertinet ad virtutem, quando facultas adest; sed etiam velle facere, si facultas adesset.* *Actus enim justitiae est velle reddere pecuniam debitam, etiam si quis eam non possit habere.* Sed sancti qui sunt in patria, sic sunt dispositi, quod vellent beatitudinem expectare, etiam si eam non haberent : ergo est in eis actus spei. Diluit vero eam S. Doctor inquiens : *Ad undecimum dicendum, quod objectum alicujus virtutis potest esse duplicitus : uno modo cum possibilitate habendi, et sic etiam objecto non habito potest esse actus virtutis, et virtus super hac conditione, si facultas adesset.* Alio modo cum impossibilitate habendi : et sic nec habitus, nec actus manet ; frustra enim maneret. Et hoc modo tollitur objectum spei in patria, quia numquam de cætero erit possibile beatitudinem esse possibilem. Qua generali regula maxime observanda pro hac, et aliis materiis, convulsa manet objectio præsens, et detegitur vera ratio denegandi homini puro ad Deum strictam justitiam commutativam, utpote cui ab intrinseco, et essentialiter repugnat æqualis compensatio media Pœnitentia. Est vero efficax motivum adstruendi in paupere virtutem magnificiæ (ut sic ad exemplum objectionis respondeamus), nam D.Thom. ut inquit S. Doctor 1, 2, quæst. 67, art. 5 ad 3, ille, qui amittit pecuniam, non amittit possibilitatem habendi pecuniam : et ideo convenienter remanet habitus liberalitatis. Sed in statu gloriæ non solum tollitur objectum fidei quod est non visum, sed etiam secundum possibilitatem propter beatitudinis stabilitatem. Unde liquet, quantum intersit ad adstruendam, vel relegandam aliquam virtutem possibilitas absoluta objecti, seu materiæ, vel impossibilitas. Quocirca tam repugnasse Christo virtutem Pœnitentiæ ob impossibilitatem peccandi, quam non posse esse in pura creatura justitiam commutativam ad Deum ob impossibilitatem æqualiter satisfaciendi affirmamus fulciri discursu D. Thomæ, quo utriusque repugnantia monstratur. Cumque cohæret stare virtutem in aliquo, quin quoad effectum stet materia circa quam illius, quando impossibilitas est accidentalis, et secundum quid, quo pacto stat in paupere magnanimitas, et idem de qualibet alia virtute dicendum, quantumvis deficiat materia circa quam illius virtutis, quoties defectus est accidentalis.

150. Sed objicies. Nam reduplicato statu paupertatis, et facta illius suppositione, non minus repugnat pauperi sumptus magnificientia, quam repugnet beato reduplicato statu objectum spei, aut etiam fidei : sed quia supposito statu beatitudinis, repugnat beatis objectum spei, aut etiam fidei, ab illis amandavit D. Thomas tam fidem, quam spem : ergo si reduplicato statu paupertatis, non est possibilis materia circa quam liberalitatis, nec etiam erit possibilis virtus : vel e converso, si hæc est pauperi possibilis, et de facto ei concedatur ; non erit ratio denegandi creaturæ justitiam perfectam, quantumvis illi repugnet æqualis satisfactio.

Sed hæc objectio debilis est, et nihil Respu-tur. probat ; alias reduplicato statu infirmitatis infirmus nec posset in sanitatem ut in finem intentum collimare, nec pauper divitias comparare, quod est manifestæ experientiæ contrarium. Stat ergo disparitas clare in eo, quod status paupertatis nec est vere status, utpote non importans permanentiam, nec est per se conveniens, sed solum accidentaliter hominibus, et magis attinet ad conditionem individualem hujus, aut alterius hominis, quam ad naturam humanam ; et consequenter adhuc homine constituto in statu paupertatis, potest imo et aliquando tenebitur, divitias comparare, sicut et infirmus procurare salutem. Status vero Beatitudinis importat permanentiam, et stabilitatem nunquam defuturam, estque ultima hominis perfectio, a qua in affectu decidere non cadit sub recta ratione, nec sub appetitu illi conformi. Unde non stat in Beatis, qui sunt omnino impeccabiles, appetitus Deum aut non videndi, aut possidendi, sed totaliter manet exclusus : et cum alias Deum videre, et non videre, ipso frui implicit contradictionem, si accipiuntur pro eadem duratione : manifestum est, non remanere in Beatis aut fidem, aut spem. In divite autem stat affectus ad paupertatem, et e converso vero in pauperibus divitiarum fames, ut experientia testatur, nec inordinata ut in plurimum, cuius rei in unam, et alteram partem plura suppetunt exempla, consulto omissa. Quod signum est non ita opponi statum paupertatis cum divitiis, sicut status viæ cum statu patriæ ; et consequenter illa reduplicatio non tenet. Et quidquid sit de illa, nihil ad rem nostram conficeret, manifestissimum est ; nam impotentia intrinseca satisfaciendi ad æqualitatem, quæ convenit

convenit puræ creaturæ ita intrinseca, et essentialis ipsi est, ut ab ea non sit denu-dabilis in ullo statu, manente eodem supposito. Quare non magis potest homo in affectu habere potentiam oppositam, quam viribus naturæ visionem beatificam, aut unionem hypostaticam, ad quam adhuc ex viribus gratiæ nulla dabilis est unius in pura creatura.

151. Hinc ad primam confirmationem principalem respondeatur ita esse, quod virtutes existentes in Christo non differunt essentialiter a virtutibus aliorum justorum: et hac ducti ratione loco in argumen-to statuimus justitiam commutativam Christi, qui pro nobis satisfecit ejusdem rationis fuisse cum nostra; non enim agnoscamus virtutem aliquam specialem, quæ sit ordinis hypostatici in solidum: quia cum una et eadem gratia habitualis (adinstar naturæ respectu proprietatum) constituatur in Christo, radix omnium virtutum absque distinctione ulla adhuc modali, quæ sit propria ordinis hypostatici; ut ex professo ostendimus ubi supra disp. 13, dub. 1, § 3, omnes virtutes, quæ in ipso exitere, ejusdem rationis esse debent cum virtutibus nostris, sola constituta differentia ex parte intentionis, et extensionis ad plura, ad quæ in nobis non pertingant. Cæterum hic modus majoris, vel intentionis, vel extensionis licet supponat ordinem hypostaticum, non tamen ab illo dimanat, aut est ipsi ita proprius, ut de potentia absoluta non possit etiam in pura creatura inveniri. Non etiam refundit distinctionem specificam, ut de virtutibus her-

Thom. roicis, seu purgati animi docuit D. Thomas 1, 2, quæst. 61, art. 5, et nos ex ipso tract. de Virt. in annot. ad prædictum articulum. Quam esse doctrinam D. Thomæ loco in argumento relato manifestum est. Sed ex hoc principio debile sumitur argumentum ad præsens, quia æqualis, et inæqualis injustitia non est modus, qui ex parte virtutis se teneat, ut quid ipsi adjacens, quod est de ratione modi; sed constituit intrinsece rationem ipsam justitiæ, eamque ex consequenti substantialiter variat: quia licet interdum virtus ipsa non reddit æquale, ut constat in solutione pecuniæ, aut alterius rei divisibilis; hoc est per accidens defecta materiæ, quæ absolute, et ex terminis non repugnat. At vero quoties virtus ita reddit debitum ut ei ab intrinseco, et essentialiter repugnet æqualitas, nequit non illa virtus sub inæquali-

tate procedere, atque ideo desicere ab æqualitate, non utcumque, sed essentialiter, ex ipso modo tendendi in proprium objectum; et hoc pacto se habet Pœnitentia ad offensam, non enim illam respicit essentialiter, nisi ut inæqualiter compensandam. Juxta quam doctrinam explicatis præmissis syllogismi, neganda est Consequentia. Nam ut inquit D. Thomas 1, 2, p. Thom. quæst. 18, art. 5: *Considerandum est, quod aliqua differentia objecti facit differentiam speciei in actibus, secundum quod referuntur ad unum principium activum, quod non facit differentiam in actibus, secundum quod referuntur ad aliud principium activum: quia nihil quod est per accidens, constituit speciem sed solum quod est per se.* Et quia inæqualitas, quæ est per accidens respectu justitiae hominis ad hominem, est per se, et essentialis respectu justitiae hominis ad Deum, ab ea nostra Pœnitentia sortitur speciem, evaditque pars potentialis justitiae commutativæ.

Secunda confirmatio petit, ut explicavimus, qualiter cohæreat in Christo virtus Religionis quæ est potentialis justitiæ, ab ea deficiens ratione inæqualitatis; cum tamen non fuerit in eo locus imperfectæ, et potentiali satisfactioni. Et quidem si res superficialiter foret decidenda, facile esset assignare disparitatem ex eo ipso, quod supponit arguens, nimirum in Christo fuisse virtutem Religionis ejusdem rationis cum nostra: non tamen fuit, aut esse potuit justitia imperfecta in ratione satisfactionis pro culpa, seu offensa: siquidem ejus satisfactio nequivit non esse ad æqualitatem, et consequenter non potuit non evadere in ratione justitiæ condigna. Et quia Pœnitentia nostra essentialiter est inæqualis, quæ inæqualitas se habet de formalis ad justitiam hominis ad Deum, ut constat ex nuper dictis; idcirco Pœnitentia nostra est diversæ rationis a justitia Christi. In Religione vero, ut supponit arguens, non militat hæc ratio, siquidem concedit eamdem specificem fuisse virtutem Religionis in Christo, ac in cæteris justis. Quod est signum non bene duci argumentum ex una ad aliam, atque ideo nullam esse Consequentiam. Qua solutione aliquos vidimus ab hac difficultate se facile expedire.

152. Verum hac disparitate attentius considerata, et introspecta, adhuc non quiescit animus, sed pungit inquirendi ratio, quare ex una parte virtus Religionis

Superficialis aliquorum solutio,

Instaurator difficultas.

in Christo sit pars potentialis, deficiatque a rigore justitiae et ratione inæqualitatis, quantumvis æqualem debitum Deo cultum exhibeat; et ex alia non etiam sit ipsi eadem virtus, qua satisfecit pro nobis cum ea, qua nos satisfacimus; non enim satisfecit pro alio debito, quam quod a nobis contractum est peccando, nec consequenter alia virtute, quam ea, qua nobis satisfacere incumbit. Constat autem hanc non esse aliam, nisi Pœnitentiam, cuius incapax fuit Christus Dominus, ut supponimus ex communi doctrina Theologorum, quam late expendimus tract. de Incarnat. disp. 14 dub. ultimo: ergo cum Christus satisfecerit pro nobis ex justitia commutativa perfecta, ex eadem justitia procedet nostra satisfactio, licet per accidens, ex parte subjecti non importet æqualitatem cum offensa.

Urgetur. Et urgetur eadem inquirendi ratio: quia si puræ creaturæ suppeteret æqualitas cum offensa, abs dubio satisfaceret ex eadem virtute justitiae commutativæ, ex qua Christus obtulit suam satisfactionem pro offensis; est quippe commutatio in offensis, sicut et in beneficiis, ut inquit D. Thomas in hoc art. 3 ad 3. Sed Christus pro beneficiis ex eadem virtute Religionis ejusdem rationis cum nostra, reddidit cultum Deo, licet stet diversitas in inæqualitate; quia cultus Christi fuit ad æqualitatem cum debito; cultus vero noster, quantumvis maximus semper est inæqualis. Quare ergo stante eadem prorsus æqualitate ex parte Christi ad satisfacendum, et inæqualitate nostra ad compensandum, non erit ejusdem rationis cum nostra virtus, ex qua Christus satisfecit.

Praeceditur effugium. Nec momenti erit, si recurratur ad incapacitatem Pœnitentiae in Christo ob impossibilitatem peccandi, cum qua non cohæret Pœnitentia, utpote respiciens essentialiter proprium peccatum ut possibile. Non, inquam, momenti est hoc effugium, quod facile occludit Durandus, dicens neutiquam esse in Christo virtutem Pœnitentiae sub hac expressione, bene tamen sub expressione justitiae commutativæ: quia denominatio Pœnitentiae connotat peccatum proprium, quod Christo repugnat. Et hoc supposito urget, eandem esse virtutem, qua Christus satisfecit pro nobis, cum Pœnitentia nostra, quidquid sit de denominationibus, de quibus haud multum curandum est. Sicut ejusdem rationis fuit, et ab eadem specie virtute processit cul-

tus religionis Christi, et cultus puræ creaturæ.

Nec iterum proderit dicere Pœnitentiam esse partem potentiale, atque ideo essentialiter diversam a justitia commutativa Christi. Tum quia eo concesso, adhuc superest reddenda ratio, quare virtus religionis, æqualem cultum reddendo, sit pars potentialis adhuc in Christo sicut in nobis, qui deficimus in cultu Dei. Unde constat non esse Christum incapacem partis potentialis justitiae. Tum et maxime, quia hoc est petere principium: nam qui contendit virtutem, ex qua Christus satisfecit, esse ejusdem rationis cum nostra Pœnitentia, aut e converso, non ex hoc intendit derogare satisfactioni Christi, quam fuisse ex justitia commutativa perfecta cum communi Theologorum supponit; sed quod suo argumento extorquere sibi videtur, est Pœnitentiam nostram non esse partem potentiale justitiae, sed ipsammet justitiam commutativam; quare non est recursus ad prædictam solutionem, quin committatur vitium petitionis principii. Unde ad exactam confirmationis enodationem duo exiguntur; alterum est ostendere quare justitia nostra erga Deum sit diversa a justitia Christi, stante eadem virtute Religionis in Christo, et in nobis: aliud vero, in quo opus et labor est, cur inæqualitas nostræ satisfactionis inferat diversam virtutem ab ea, qua Christus satisfecit pro nobis; non tamen inæqualitas cultus Deo exhibiti a pura creatura arguat distinctam essentialiter virtutem Religionis a virtute Religionis Christi, qua cultus Deo debitus æqualiter fuit impensus. Non enim operationes Christi minus infinitæ fuerunt in ratione cultus, quam ratione satisfactionis, ut liquet, atque ideo sub utraque ratione importat condignam debiti compensationem, subindeque fundant strictam, et perfectam justitiam. Unde assignari debet disparitatis ratio, qua quiescat intellectus.

153. Ut hos scopulos dissipemus, et verum discrimen in solutione indicatum statuamus, supponendum est, non ideo excludi a Christo Pœnitentiam, quia pars potentialis ea utcumque sit, sed quia ipse fuit omnino impeccabilis, atque ideo incapable contritionis. Et ratio est clara (præter exemplum Religionis) in ipsa virtute obedientiæ, quam esse partem potentiale statuimus in arb. virt. § 9, n. 79, et fuisse in Christo Domino est fere certum, ut colligunt Theologi, maxime Thomistæ, ex illo

Aliud
effugium
occlu-
sum.

Quid
suppo-
nendum
pro
enoda-
objec-
tione.

*Hil.
ip. 2.*
*Præliba-
tor
ecundo.*

Blo ad Philipp. 2 : *Factus est obediens usque ad mortem, mortem autem crucis.* Non ergo repugnavit in Christo Pœnitentia ex conceptu partis potentialis præciso ; alioqui nulla fuisset in ipso virtus potentialis, quod est falsum ; sed ex assignato capite impossibilitatis peccandi.

*D. Thom.
1. Au-
gust.*

Secundo præmittendum est in ipsa Religionis essentia intime includi subordinationem, et servitutem ad Deum, adeo ut si servitus auferretur, per locum ab intrinseco avelleretur religio. Et ratio est, quam tradit D. Thomas 2, 2, quæst. 81, art. 1 ad 3, his verbis : *Dicendum quod cum servus dicitur ad dominum, necesse est, quod ubi est propria, ei specialis ratio dominii, ibi est propria, et specialis ratio servitutis, Manifestum est autem quod dominium convenit Deo secundum propriam, et singularem quamdam rationem : quia scilicet ipse omnia fecit, et quia summum in omnibus rebus obtinet principatum, et ideo specialis ratio servitutis ei debetur.* Et talis servitus nomine *Latria* designatur apud Græcos, Apud quos, teste eodem S. Doctore solut. ad 4 ejusdem articuli, (ut patet per August. 10, de Civit. Dei cap. 1 et 5) specialis cultus Deo debitus *Eusebia* vel *Theosebia* dicebatur. Hinc est, quod *Latria* (verba sunt S. Doctoris in 3, dist. 9, quæst. 1, art. 3, quæstiunc. 1, in corpore) profitetur servitutem, quam debemus Deo, quia fecit nos. Unde debetur sibi *Latria*, in quantum creator, secundum quod ipse est finis, et origo nostri esse. Et hoc est, quod dicit *Glossa super illud Psal. 7* : *Domine Deus meus, in te speravi. Deus per creationem, cui latria debetur ; et quia ipse creator est, in quantum bonus, sapiens, et potens, et secundum omnia hujusmodi, ideo ratione omnium debetur sibi latria, et non secundum unum tantum.* Porro servitus ista, quam importat Religio, non est legalis, quæ vilem inducat conditionem in eam habentes ; sed est pure naturalis, secundum quam quælibet rationalis natura jure ipso creationis, et inferioritatis adstringitur Dei famulatu, ipsique in omnibus obedientiam præbere tenetur : et ideo supponit ex parte ipsius Dei auctoritatem faciendi ac disponendi de illa quidquid voluerit, quando, et quomodo libuerit juxta præscriptum suæ voluntatis. Et ab hac quidem servitutis ratione, subindeque onere Deum ex religionē colendi nulla est, aut esse potest immunitas in creatura rationali ; quin imo quo pluribus, et insi-

gnioribus beneficiis fuerit a Deo cumulata, eo plus tenebitur ad gratiarum actionem, et cultum. Quocirca docent communiter SS. PP. et cum illis Theologi Christum, ut hominem fuisse servum servitute naturali, eo quidem intimiori, quo intimior fuit Christi humanitas verbi. De quo specialem instituimus sermonem tract. 21, de Incarnat. disp. 29, quæ est de servitute Christi, et omnino videnda.

154. Quo manifestum fit virtutem Religionis sive in nobis, sive etiam in Christo semper respicere cultum Dei sub ratione servitutis, inferioritatis, et subjectionis ad Deum ut ad supremum dominum, a quo in esse entis infinite distat : quidquid sit de æqualitate personæ in Christo, quæ non tollit, quin auget prædictam servitutem, et onus cultum impendendi ex parte humanitatis, seu quod idem est, in eodemmet Christo ut homine. Et quia inter illos, quorum unum est sub potestate alterius, sicut servus sub domino, filius sub patre, uxor sub viro, non est justum simpliciter, sed secundum quid, ut pluries nos docuit D. Thomas, et ratio ipsa convincit ; palam conficitur virtutem Religionis adhuc in Christo procedere ad cultum exhibendum sub servitute naturali, subindeque tantum sub ratione justi secundum quid, atque ideo ut pars potentialis, et eo quidem strictius, quo cumulatior invenitur Dei beneficiis humanitati erogatis. Qua etiam ratione maxime splenduit in Christo ut homine obedientia, qua præceptum superioris implendum est, et donum timoris, quo Deum reveremur, et ipsi subjectionem reverentialem præstamus, quippe omnes haec virtutes respiciunt, et connotant ex parte Dei excellentiam, et ex parte humanitatis, quæcumque illa sit, pusillitatem, subjectionem, et inferioritatem ad Deum atque ideo ab intrinseco postulant sub inæqualitate, et excessu procedere, sive in Christo, sive in nobis ; quidquid sit de persona, cuius æqualitas cum Deo in natura divina non auffert, quin commendat, et demonstrat inæqualitatem ratione naturæ humanæ, juxta illud symboli : *æqualis Patri secundum divinitatem, minor Patre secundum humanitatem.* Et cum divina excellentia coalescat ex cunctis divinis perfectionibus indivisibiliter, fit in esse objecti, et termini connotationis esse omnino formaliter eamdem ; consequenterque unam in specie virtutem esse Religionem nostram

*Conse-
cuto ex
dictis.*

cum Religione Christi; licet quoad modum longe excellentior fuerit in Christo ut supra nos docuit D. Thomas. Unde manet extricatum, et expeditum, quod maxime inter replicandum nobis obtrudebatur.

Justitia
Christi
et nostra
differre
debent.

Facilioris expeditionis est declarare alteram partem, qua extorqueri videbatur eamdem esse virtutem Pœnitentiae cum justitia Christi. Nam, ut ex dictis proxime et ex toto hoc dubio expensis satis liquet, cum satisfactio præcipue crescat ad augmentum personæ satisfacentis, ut adhuc in humanis liquet; et Christus ut satisfaciens sit infinitæ dignitatis, clarissimum est ejus satisfactionem adæquare gravitatem offensæ infinitæ; atque proinde non posse non sub æqualitate procedere, et consequenter ex justitia commutativa. E contra vero, quia Pœnitentia non est nisi personæ infinitæ, et longe inferioris ad gravitatem offensæ; recte concluditur eam esse justitiam ab intrinseco deficiente, et potentiale. Et hujus adhuc major ratio est: quia nec Christus ut faciens, nec homo ut pœnitens respiciunt Deum formalissime sub ratione supremi domini, aut primi, et universalis omnium rerum principii, quo pacto dumtaxat terminat cultum Religionis; sed tantummodo sub ratione offensi, et injuriam passi, quæ est accidentalis, et extranea ratio ipsi Deo ut est supremus dominus. Quia vero respectu illius injuriaæ Christus æqualiter ab intrinseco se habet; pœnitens vero, quantumvis conetur semper maneat inæqualis offensæ infinitæ; propterea Christi justitia est essentialiter quoad satisfaciendum perfecta; justitia vero hominis potentialis, et inadæquata.

Major
explicatio.

Id quod adhuc in humanis urgeri, et explicari potest. Nam licet filius sub ratione filii nec patri, nec patriæ tantum ex pietate deferre valeat, quod non amplius debeat, ideoque Pietas ut virtus est pars potentialis justitiae; tamen sive patri, sive patriæ ad æqualitatem satisfacere potest ob debitum ex contractu oneroso, vel ex commutatione ortum. Et idem est de subdito respectu Principis: et hoc non ob aliam rationem nisi quia altioris, et satis diversæ rationis est debitum contractum ex ipsa generatione naturali, aut legitima, et intrinseca subjectione ad Principem, quippe quod fundatur in ipso esse naturalia a patre participato, aut subjectione itidem naturali ad Regem, licet introducta

aliunde; et aliud debitum proveniens ex contractu particulari, utputa emptionis, vel etiam commutationis, ad quem reduxit D. Thomas, et reducunt omnes, compensationem pro injuriis. Quocirca duplex in filio distinguenda est virtus; altera Pietas, quo Patri qua Pater est, consulat, ipsique cultum, et honorem tribuat, et hæc semper est deficiens, et potentialis: alia vero justitiae perfectæ, quo valeat commutare cum patre, et alias contractus inire quasi cum alia persona particulari; et respectu hujus de materiali, et quasi non esset, se habet superioritas patris, quam per se Pietas respiciebat. Et in vi hujus optime queit patri compensationem facere aequalem, ne dum pro debito proprio, sed etiam pro alieno. Sic etiam Christus ut homo qua filius naturalis Dei ex parte humanitatis, secundum quam est minor Patre, capax fuit colendi Deum, quem sub hac ratione ut Dominum respiciebat, in protestationem divinæ excellentiæ, et infinitæ superioritatis ad omnem naturam creatam, et creabilem: quo pacto splendet inæqualitas, et inferioritas in humanitate. Et quia fidei iussore se ipsum constituit pro alienis debitis, ex justitia perfecta pro illis satisfactionem exhibuit; atque ideo non pugnant, quin consonant, et cohærent in ipso virtus Religionis ejusdem rationis cum nostra, et justitia perfecta diversæ speciei a Pœnitentia nostra.

155. Secunda sententia eidem secundæ assertioni adversa tenet Pœnitentiam pertinere ad justitiam distributivam, penitus exclusa commutativa. Ita docuit Gabriel in 4^o, dist. 14, art. 3, dub. 3, cuius fundamentum fuit: quia proprium hujus virtutis est decernere præmia, et determinare supplicia, pro qualitate operum, quæ fuerint vel præmio, vel supplicio digna: sed virtus Pœnitentiae assumit pro culpis debitam, et proportionatam pœnam. Ergo virtus Pœnitentiae non ad aliam virtutem, quam ad distributivam debet reduci.

Hæc tamen sententia est falsa, et ejus fundamentum nullum. Tum quia justitia distributiva non se exerit in malorum, sed in bonorum distributionem, et horum non qualiumcumque, sed communum, cum proportione ad dignitatem personarum. Taxare autem, ac determinare supplicia culpis pertinet ad vindicativam in judice, ut docet D. Thomas in 4^o, dist. 15, art. 1, quæstiunc. 2, sicut et ad Principem de bonis communibus disponere per justitiam distributivam

Secun
adver
sente
ria.
Gabi

Refel
tur.

distributivam. Tum etiam quia Pœnitentia non decernit, aut decernere potest totum supplicium, quod debetur peccato, nec servat proportionem plurium ad plures, quod est de ratione justitiae distributivæ : hujus quippe modus in eo consistit, ut in his, quæ distribuuntur, servetur æqualitas proportionum, ita quod quantum una persona excedit aliam in eo, quod est ratio accipiendi, eo plus ipsi conferatur. Quare plus accipere debet, qui principalior est, et magis bene meruit de toto, quam alter, qui in hac consideratione non eminet, quidquid sit de aliis titulis. De quo plura in arb. virt. § 7, num. 50 et sequent. Nihil autem horum est proprium Pœnitentiae, ut liquet. Unde major propositio Gabrielis est falsa, ut jam supra tetigimus, in hoc eodem dubio.

156. Tertia sententia fuit Scotti in eodem 4, dist. 14, quæst. 2, § *Primus articulus*. Ubi docuit Pœnitentiam esse idem cum justitia punitiva, seu vindicativa. Nam arbitratur ex peccato præterito solum relinquere in peccatore reatum ad pœnam, quam quidem ipse pœnitens ut minister Dei ex intentione puniendi, et vindicandi sibimet præstituit, et ut reus simul luit. Et quia hanc pœnam ad æqualitatem sustinet, idcirco Pœnitentiam non inter partes potentiales, seu imperfectas annumerat, sed cum vindicativa confundit.

Fundamentum Scotti est hujusmodi. Nam primarius actus Pœnitentiae est, quo pœnitens ut minister divinæ jusitiae in se ipso punit, et vindicat injuriam Deo irrogatam, quod est munus proprium justitiae vindicativæ : alias predicto actu redditur Deo æquale simpliciter : ergo actus proprius Pœnitentiae est actus justitiae simpli- citer talis, consequenterque neque est pars potentialis, nec sub justitia commutativa debet collocari, sed sub vindicativa. Ultra- que Consequentia constat. Majorem supposuit Scottus, et probat Minorem; quia pro reatu ad pœnam, vel pro pena ipsa, pro qua dumtaxat valet homo satisfacere, fit Deo compensatio ad æqualitatem nedum in Purgatorio, sed etiam in hac vita, idque haud obscure colligitur ex illo Job. 6 : *Ulinam appenderentur peccata mea, quibus iram merui, et calamitas, quam patior, in statera, quasi arena maris hæc gravior appareret, in quibus non tantum æqualitatem, sed et superabundantiam manifestat solutionis pro culpa.*

Salvant. Curs. theolog. tom. XIX.

Enoda-
tur.

Ad hoc tamen fundamentum satis cons-
tat ex supradictis, § 4 hujus dubii. Addi-
mus vero deceptum fuisse Scotum in eo,
quod non agnoverit in peccato maculam,
et offensam distinctas a reatu ad pœnam
temporalem; cum tamen eas esse distin-
guendas, imo et separandas doceant com-
muni ter Theologi cum D. Thoma. Et sane
non raro evenit hominem justum ob-
noxium reatui temporalis pœnae, quin in
illo sit reperire aliquam gravem culpam,
alias justus non esset : quod signum est
non idem esse reatum ad pœnam tempo-
ralem cum culpa. Quapropter disp. 47, de
Peccatis dub. 4, ut singularem, et absque
gravi fundamento refellimus distinctionem
illam Scotti in 4, dist. 14, quæst. 1,
num. 6 et 7, ubi confundens reatum cum
macula, utrumque constituit in ordinatione
passiva ad pœnam; quæ quidem passiva
ordinatio ut disconveniens natura importat
rationem maculæ ; ut vero dicit obligatio-
nem, subinduit reatus conceptum ; offensæ
vero nomine nihil aliud intelligit, quam
ordinationem activam, seu quod in idem
recidit, actum divinæ voluntatis, quo ho-
minem destinat ad pœnam.

Contraria tamen doctrina communis est Quid sit
non solum apud Thomistas, sed et reli-
quos Theologos, quibus familiare est distin-
guere offensam inductam per peccatum,
quæ nec est, nec esse potest actus divinæ
voluntatis, ut de se liquet ; siquidem of-
fensa non est a Deo, sed a peccatore ; et
rurus maculam ipsius peccatoris, qua
privatur splendore gratiæ, et feedatur coram
Deo : ac tandem reatum ad pœnam tem-
poralem, qui perseverat adhuc restituto
nitore gratiæ, ut ipsum Purgatorium ani-
marum testatur. Nec ideo hæc communis,
et vera sententia inficias it esse illam or-
dinationem activam, ex parte Dei ad pœ-
nam luendam ; nec similiter abjicit ordi-
nationem passivam, seu denominationem
extrinsecam, qua peccator destinatus est
ad pœnam. Sed utraque admissa, et con-
comitanter, vel quod verius est, consequen-
ter ad commissionem peccati se habente,
adhuc superesse locum offensæ passivæ
Dei a peccatore inductæ, necnon maculæ
intrinsecæ peccati, ac demum reatui ad
pœnam et æternam, et temporalem, cons-
tantiter affirmat.

Pœnitentia ergo licet hæc tria delere
intendat, præcipue vero tendit in recon-
ciliationem cum Deo offenso, atque ideo
primarius ejus actus non se exerit in pœ-

nam temporalem, seu reatum ad ipsam, sed in offensam divinam, quam resarcire intendit media contritione; quocirca nequit coincidere cum vindicativa, nisi quoad eam partem, in qua sumit sibi poenias temporales pro extinguendo reatu, cui adhuc post restitutam gratiam homo manet obnoxius, ut satis superque ostensum est in hoc dubio, et in discursu hujus tractatus. Quare ad fundamentum Scoti neganda est Major, de cuius falsitate, et de nullitate illius distinctionis hominis ut poenitentis, et ut Dei ministri satis constat ex § 4, ubi convulsa est.

§ VI.

Qualiter contritio possit esse satisfactio corollarie explicatur.

Ratio
dubi-
tandi.

157. Ut ex omni parte principale hoc dubium maneat absolutum, nihilque intacatum relinquatur, oportet non dissimulare difficultatem non levem ex hactenus dictis emergentem circa satisfactionem Poenitentiae. Hæc enim ut vera satisfactio sit, debet procedere offendæ, quam extinguere intendit, remissionem; est quippe de ratione offendæ, quod præcedat effectum, de ratione meriti, quod antecedat præmium, et de ratione solutionis, quod supponat debitum. Sed actus primarius poenitentiae non præcedit offendæ remissionem. Ergo actus contritionis nequit satisfacere pro offensa. Consequentia tenet. Major est perspicua; et exemplis illi insertis redditur notior. Et probatur Minor: nam actus contritionis ortum habet ex gratia, a qua in nostra sententia essentialiter pendet, tanquam a principio radicali, ad eum sane modum quo actus intellectus, et voluntatis dependent ab anima rationali in nobis: ergo essentialiter præsupponit gratiam ut sui principium: ergo etiam supponit essentialiter remissam, seu ablatam offendam divinam. Patet hæc Consequentia: quoniam offensa divina non cohæret cum amicitia, et gratia Dei: ergo semel atque intelligatur infusa homini gratia, intelligitur exclusa offensa; nam alias simul esset Deus conversus ad creaturam per gratiam, et aversus ab illa per offensam, quod est implicitorum. Non ergo media contritione fit satisfactio pro offensa, nec fieri queat supposita illa sententia, quam elegimus tract. de justificat. disp. 3, dub. 4, quoniam non est satisfactio pro eo quod non est, licet

aliquando fuerit, sicut non est vera solutio debiti jam exticti.

Nec valet si ad elevandam hanc difficultatem configuias ad prioritatem; vel posterioritatem in diverso genere causæ, ad quas communiter configuiunt Thomistæ, ut tueantur dependentiam saltem connaturalem actus contritionis a gratia, et simul in eodemmet actu adstruant rationem dispositonis ad gratiam ipsam.

Nam ea adhuc admissa, perstat argumenti robur. Quoniam illa contritionis satisfactione vel ipsi competit pro illo priori, in quo præcedit gratiam; vel pro posteriori, in quo ad ipsam sequitur, ab eaque ut effectus procedit? neutrum sufficit pro solutione. Ergo inutilis est recursus ad prioritatem, et posterioritatem prædictas in diverso genere causæ. Consequentia constat, et Major est vera, quoniam non datur status mediis inter esse priorem, et posteriorem gratiæ, nec si daretur, proficeret, ut constabit ex probatione Minoris, quæ sic suadetur, quoad priorem partem. Nam si contritio sumatur ut præcedit gratiam, quo pacto non est ejus effectus, nec ipsa informatur, non est satisfactoria: sub hoc enim conceptu non intelligitur homo Deo acceptus, nec ipse Deus ut conversus ad hominem; quandoquidem nondum intelligitur ejus gratia in homine: ergo prædictus actus nondum est satisfactorius sub hac præcisione nec pro offensa, nec pro alio inferiori debito. Patet Consequentia: nam satisfactio de qua in præsenti, est amicabilis, ut pote qua magis intenditur reconciliatio amicitiae, quam redintegratio æqualitatis justitiae. ut docet D Thomas infra quæst. 90, art. 2; ergo cum in illo priori, in quo præcedit gratiam, non illam supponat, alias esset simul prior, et posterior in eodem signo; in eodemque præcederet, et non præcederet, quod est implicitorum; manifestum relinquitur, contritionem ut priorem gratia non esse satisfactionem pro offensa.

Eo vel maxime: quoniam eo ipso quod in illo priori non intelligatur gratia, nec etiam intelligatur absterea macula; quandoquidem non intellecta forma, non intelligitur exclusa privatio ipsius formæ: et consequenter intelligitur peccatum, quod non est aliud, quam voluntaria privatio gratiæ: sed satisfactio hominis vel existentis in peccato vel cogniti ut existentis sub illo, non est vera satisfactio, opera enim iniquorum non probat Altissimus; nec consequenter

consequenter Deo accepta : ergo satisfactio hominis pro priori ad gratiam non destruit offensam.

Ad hæc : operatio hominis pro illo priori nedum antecedit offensam, sed etiam gratiam ; et tamen nequit promereri gratiam, alias gratia non esset gratia, nec homo justificaretur gratis contra Apostolum ad Rom. 3, ad Titum. 3, et alibi sæpe, et Concilium Trident. sess. 6, cap. 7 et 8; ergo nec etiam sibi debetur remissio offensæ, quæ subsequitur, vel saltem comittatur infusionem gratiæ. Nulla ergo ratione asserendum videtur contritionem, ut priorem gratia posse satisfacere pro offensa.

158. Relinquitur ergo contritionem ut effectum gratiæ, subindeoque ut eam supponentem in subjecto satisfacere pro offensa. Porro hoc esse non posse facile ostenditur instaurando rationem dubitandi præjectam : nam pro posteriori ad infusionem gratiæ supponitur ablata culpa, seu peccati macula ex parte peccatoris, ut liquet; alioqui enim simul esset gratia, et privatio gratiæ, quod repugnat; sed in eodem signo, et ex vi ejusdem signi, in quo intelligitur abstersa macula, intelligitur etiam remissa offensa; non enim stat Deum infundere gratiam, et non simul remittere offensam, nam remittere offensam nihil aliud est, quam hominem Deum acceptare ad suam gratiam : ergo si pro priori ad contritionem intelligitur infusa gratia, ex vi ejusdem signi, et prioritatis intelligitur extincta offensa : atque ideo media contritione, quæ est posterior, neutiquam potest pro illa satisfieri. Vel ergo dicendum est cum Soto neutiquam media Pœnitentia fieri satisfactionem, nisi pro pœna temporali, quod erit adstruere Pœnitentiam perfectam justitiam commutativam, utpote ad æqualitatem satisfaciensem. Vel quærenda, et assignanda est propositæ difficultatis solidior evasio, quam prioritatis, et posterioritatis in diverso genere causæ, qua se in tuto constitutos credunt Thomistæ : quandoquidem adhuc illa posita perstat argumenti difficultas.

Quod si ad eam extenuandam dixeris Deum omnino gratis infundere gratiam, sed non omnino gratis remittere offensam, non quidem intuitu satisfactionis factæ in illo priori, sed faciendæ in posteriori, ad eum sane modum quo gratis omnino adulteris promisit gloriam, non utcumque gratis conferendam, sed per modum coronæ, et

titulo justitiæ ; quo in casu salvatur gratia ex parte Dei acceptantis ad gloriam, et observatur justitia ex parte merentis respectu ejusdem gloriæ. Vel (ut a priori utamur exemplo) ad modum quo intuitu redemptionis per Christum faciendæ antiquis Patribus collata fuit gratia, et facta est remissio. Ubi manifeste liquet diu ante præcessisse remissionem ex justitia per ordinem ad Christum Redemptorem, et diu post executam, et opere completam fuisse ipsam Redemptionem, ac justitiam. Unde fit consequens non inconvenire Deum omnino gratis velle infundere gratiam pœnitenti, et simul velle remittere offensam intuitu satisfactionis ex ipsa gratia faciendæ pro posteriori.

Si, inquam, hoc pacto quis a proposita Oœclitudine difficultate se expedire voluerit, forsan non turmale audiet apud alios, secus vero apud S. Doctoris discipulos. Tum quia S. Doctor tam in hoc tractatu de Pœnitentia, quam quoties de illa sermonem habuit, totus semper fuit in docendo, ac statuendo virtutem Pœnitentia per se primo tendere in destructionem divinae offensæ, hancque esse ejus materiam, et objectum, ut supra ex S. Doctore relata evidentissime suadent. Si autem ad actum primarium Pœnitentia supponeretur offensa jam extincta, vel Pœnitentia deficeret objectum primarium supra assignatum, vel versaretur circa objectum sibi impossibile; si quidem conaretur in destructionem offensæ, quam non utcumque sed essentialiter supponeret, et supponere debebat destructam. Quid enim repugnantius, quam tendere essentialiter in destructionem ejus, quod essentialiter debet supponi destructum? sicut implicitorum est, dari virtutem essentialiter productivam effectus, quem eadem virtus debeat supponere essentialiter aliunde productum. Tum etiam, quia contritio non est dolor pœna, sed offensæ Dei, qua offensa est; non enim pœnitens detestatur peccatum, quia macula est, et malum peccatoris, sed quia illo offensus est Deus, ut constat ex ejus definitione, et ex communi hominum apprehensione, quæ in hac parte non fallitur: ergo contritio detestatur offensam, quæ sit destruenda per ipsius satisfactionem. Patet Consequentia: quia de offensa structa non est dolor, sed oportet esse gaudium: qui enim nisi male agendo, et iterum peccando, de eo, quod jam Deus sit pacatus, et homini non infensus dolere debeat? hoc sane iterum

peccare esset, tantum abest, ut sit vere pœnitere. Ergo contritio nequit respicere offensam ut essentialiter pro priori ad ipsam ablatam, nec subinde pro illa jam ablata satisfacere; non enim dolet nisi satisfaciendo, nec satisfacit, nisi quatenus dolet de offensa, qua Deum affici moraliter rectissime judicat.

Tum deinceps (et est major explicatio impugnationis) nam pœnae temporalis reatu omnino dimisso, nullus esse posset dolor, aut timor de luenda pœna; perinde enim esset, supposita remissione totali, ac si numquam fuisse: sed de reatu, qui numquam fuit, nequit esse dolor aut detestatio: ergo nec de offensa dimissa, dum constiterit esse totaliter dimissam. Patet Consequentia paritate rationis; eadem quippe ratio utrobique militat, ut consideranti constabit. Minor liquet, quia (seclusa ignorantia) de peccato, quod numquam fuit commissum, non est Pœnitentia, ut ex communis doctrina explicatum relinquisimus, subindeque nec satisfactio, nec dolor. Major etiam constat, tum quia alioqui in beatis posset esse contritio, de eo quod dimissa illis fuissent peccata, seu quod idem est, de omni culpa, et reatu pœnae temporalis perfectissime ablato. Tum etiam, nam quod aliquando fuerit reatus ad pœnam, si modo non est, non inducit aliquam justitiae obligationem sed solum significat talem obligationem aliquando fuisse, non tamen de facto esse; sed obligatio quæ fuit, nunc tamen non est, non inducit actuale debitum, quin excludit: non ergo remanet in pœnitente obligatio satisfactionis pro offensa, si ea indispensabiliter supponitur remissa pro priori ad actum contritionis. Cum vero Pœnitentia sit justitia licet imperfecta hominis ad Deum offensum, plane confici videtur non per se supponere remissam offensam, sed cooperari debere ad ejus destructionem: atque ideo aliquòmodo ipsam supponere, et debitum Deo satisfaciendi pro illa, quod quidem debitum non stat, non stante offensa.

Tum denique, quia Pœnitentia tendit primario ad reconciliandum hominem cum Deo, ut non semel audivimus a D. Thoma, media contritione: sed reatus ad pœnam temporalem non excludit, quin permittit amicitiam Dei, ut est perspicuum sive in justis in hac vita, sive in animabus Purgatorii: ergo Pœnitentia media contritione primario tendit in aliquod, quod sit com-

possible cum amicitia Dei, illudque extirpare conatur: hoc autem nequit esse aliud, quam peccatum, vel sub ratione maculæ, quo pacto est malum hominis, vel sub ratione offensæ, quomodo est malum Dei: ergo cum peccatum sub ratione maculæ excludatur per gratiam pro priori ad contritionem, ut supponit ipsa objectio principialis, relinquitur in solam offensæ destructionem primario collimare virtutem Pœnitentiae: non vero in reatum pœnae temporalis comprensibilis, et de facto existentis cum amicitia Dei.

159. Quapropter relatum effugium non magis consulti institutioni Pœnitentiae et ejus essentiæ, quam Scotti sententia, cui succumbere necesse est, dum docet contritione numquam deleri offensam, sed supponi dimissam. Quod satis fuisse Scotistis coincidit cum sententia Scotti.

Exempla vero, quibus ea solutio fulcietur, vel nihil probant, vel in illis uterum retorquenda sunt: Nam quod attinet ad primum, verum quidem est Deum velle gratis conferre gloriam adultis per modum coronæ: ita quod licet antecedat ex parte Dei voluntas omnino liberalis conferendi gloriam per modum coronæ; merita tamen tempore, et causalitate anteverunt gloriæ, et coronæ collationem: quia merita non exercent suam causalitatem circa voluntatem Dei, quam supponunt, sed circa gloriam, quam præcedunt, sibique debitam reddunt. Ex quo potius sequitur contritionem non se exercere in destructionem offensæ, quam destructam supponit, nec in infusionem gratiæ, quæ præcedit; sed solum in reatum pœnae temporalis: atque ideo contritionem non posse esse dolorem de offensa, sed de pœnae temporalis reatu; quod est dicere contritionem non esse contritionem. Sicut meritum non vim exercet circa voluntatem, quam supponit, sed circa gloriam, quam expectat, et ideo causat. Cum vero in predicta evasione supponere

ex parte principii remissio offendit, pro priori ad contritionem, plane conficitur ex ipsomet exemplo neutquam in illius destructionem collimare posse per modum satisfactionis, sed tantummodo in reatum penitentiae, quod est falsum.

Secundum exemplum etiam deficit, nam quod Sancti Patres diu ante Christum nacti fuerint tum gratiam, tum remissionem offendit, ex ejusdem meritis praevisione, ortum duxit ex eo, quod illum ut Redemptorem expectabant; quocirca tam ipsi, quam omnia ipsorum dona gratis erogata in ipsum, ut in finem collimabant, ut a quo eorum redemptio exolvenda, et consummanda erat tempore debito, et a Deo praeordinato. Unde remissione facta immunes manserunt a debito satisfaciendi pro offensis jam ex Christi meritis remissionis: quod tamen debitum transfusum est in ipsum Christum, qui ut illorum fidejussor debuit solutionem dilatam impendere, ut accidit in humanis, ubi cum onere pretii solvendi tali tempore, utputa post mensem, aut annum emitur res, et transit in dominium emptoris, persistente debito vel apud emptorem, vel apud ejus fidejussorem. In nostro autem casu cum supponatur offensa ex parte Dei remissa pro priori ad contritionem, non remanet pro illa debitum in penitente; alias non esset remissa, nec Deus, supposita condonatione, extorquere potest a creatura satisfactionem, quae fiat ex justitia; sicut dimisso reatu ad penitentia temporalem, ut fieri per indulgentiam plenariam pie docet Ecclesia, nulla alia nec in praesenti nec in futuro ex justitia luenda penitentia relinquitur, sed statim ac homo e vita cesserit, evolat in celum in via gratiae remissionis tam culpae, quam penitentiae sibi factae per indulgentiam plenariam.

160. Sed age, et radicitus convellamus eamdem evasionem ex dictis tract. de merito, disp. 6, dub. 1 per totum, ubi cum D. Thoma, et seniori Theologia statuimus nec primam gratiam sanctificantem, nec auxilia ad meritum essentialiter prærequisita posse esse terminum, aut præmium meritum ex illis subsequentis, quia principium meritum non cadit sub merito, quoties principium illud est essentialie, et essentialiter prærequisitum ad meritum. Qua doctrina ibi operosius obfirmata, impugnationes præteritae roborantur, et detegitur falsitas illius solutionis. Nam quia de ratione meritum est procedere a gratia ut a

principio essentiali, implicat contradictionem vel gratiam vel auxilia ab eadem gratia essentialiter exacta cadere sub merito operum ad predictam gratiam, et auxilia subsequentium: sed satisfactio ut sit Deo accepta, et suo modo condigna in sensu supra explicato, supponit essentialiter gratiam infusam, et ex vi ejusdem offendit remissam, ut contendit solutio, quam impugnamus: ergo implicat contradictionem remissionem offendit esse terminum satisfactionis media contritione exhibitæ. Consequentia patet. Major apud nos evidens, et ut evidenter demonstrata ubi supra non indiget probatione. Minor vero ex doctrina ipsiusmet solutionis, quatenus docet præsupponi tum gratiam, tum offendit condonationem ad actum contritionis. Quod vero ea præsuppositio sit essentialis in predicta sententia, facile constat, nam absque prævia gratia sanctificante excludente maculam peccati nullum opus hominis est Deo acceptum nec in ratione meriti, nec in ratione satisfactionis, ut ex doctrina D. Thomæ (cui subscribunt communiter Theologici) pluribus in locis, singillatim vero infra supplement. quæst. 14, art. 3, ubi asserit sive meritum, sive satisfactionem ex eadem Charitatem radice habere, quod sint Deo grata, et art. 4 immediato inquit; quod opera extra Charitatem facta non sunt meritoria ex condigno nec æterni, nec temporalis alicujus boni apud Deum: idem docuit in 4, dist. 15, quæst. 1, art. 3, quæstiunc. 2. Quod autem ad communicationem gratiae sit etiam essentialis remissio offendit ex parte Dei, juxta illam solutionem etiam liquet: quoniam si predicta connexio non esset essentialis, nulla esset ratio, quare non posset esse gratia absque remissione offendit ex parte Dei, atque ideo quiam optime staret contritionem procedere a gratia, et antecedere offendit pro aliquo saltem instanti, et superflius foret recursus ad opera subsequentia remissionem offendit. Manet ergo inconcussum ex vi predictæ solutionis neutquam in contritione salvari veram rationem satisfactionis respectu offendit, nec subinde veram Penitentiae virtutem hactenus stabilitæ.

161. Nec morabimur in referenda, et refellenda alia evasione, quæ poterat adhiberi propositæ difficultati: videlicet in instanti justificationis remitti offendit ex duplice titulo, et gratiae, et justitiae; gratiae quidem ex vi infusionis ipsius gratiae, cui

Altera
evasio.

annectitur in eodem signo remissio offenditæ; justitiæ vero, quatenus contritio pro ea satisfacit. Nec enim hi duo tituli se excludunt, ut constat in eadem gloria, quæ substantiatione primæ correspondet primæ gratiæ nullumque meritum supponit in adulto; cum tamen ipsi conferatur eadem prima gloria per modum coronæ promeritæ ex ipso actu Charitatis, aut contritionis elicito in eodem instanti.

Non, inquam, opus est moras trahere in hac expugnanda solutione. Non quia negemus eos diversos titulos eidem rei posse convenire, ut constat ex exemplo in illa posito, et efficacius, ac evidentius cernitur in gloria corporis, quam sibi alias debitam titulum connaturalitatis Christus promeruit; sed quia ea doctrina nequit applicari propositione difficultati, quia superest illi explicanda prioritas aliqua respectu offenditæ destruendæ, in quo est nervus propositæ objectionis: quam tamen non explicat. Quod enim sive Christus gloriam corporis, sive justus primam gloriam eo duplice titulo nacti fuerint, provenit certe ex eo quod cum debito ad illas, fuit etiam illarum parentia, vi cuius per opera illas præcedentia eas mereri potuerunt, atque ideo non incongruit, imo fuit necessarium, duplicum illum titulum intervenisse in gloriæ obtentione. In nostro vero casu non sic rem se habere, contendit objectione; quia non alia datur prioritas in contritione ad remissionem offenditæ, quam ad infusionem gratiæ: sed quia gratia supponitur pro priori ad contritionem, nequit contritio mereri prædicatam gratiam: ergo ob eandam prorsus rationem, nec etiam mereri poterit remissionem, offenditæ, aut pro illa satisfacere. Quare in praesenti non est locus illi duplice titulo ob defectum præcedentiae, et consequenter non subsistit solutio.

Refelli-
tur.

Relin-
quuntur
Cajeta-
nus et
Magister
Soto, ut
abrogan-
tes
contri-
tioni
ratio-
nem
saufac-
tionis.

162. Rejectis igitur his solutionibus, et aliis similibus, quæ ex dictis facile possunt convelli, et amandatis in hac parte Cajetano opusc. de fide, et operibus cap. 11. et Magistro Soto lib. de Natura, cap. 6. negantibus contritioni rationem veræ satisfactionis adhuc imperfectæ, in quo abs dubio nedum a D. Thoma, sed a doctrina communis Theologorum discedunt, superest, ut solutioni propositione objectionis incumbamus. Et quia præcipue urget in nostra, et veriori sententia statuente dependentiam essentiali contritionis a gratia, quam non semel indicavimus in variis tractatibus hujus nostri cursus, et ex professo firmare conati

sumus loco supra citato, non aliam arripiemus viam, quam stratam tract. de justificat. disp. 3, dub. 5, § 5, et tom. 2, de Gratia, tract. 19, disp. 4, dub. 3, necnon tom. 13, de Incarnat. disp. 1, dub. 5. Ubi eam difficultatem, et ejus solutionem appinximus, et hic prosequendam reservavimus. Est vero ea, quam a D. Thoma hau-simus, et desumpserunt nobiliores ejus discipuli, Capreol, Banez, Alvarez, Nazarius, Arauxo, et Godoy, et fere omnes recentiores Thomistæ, uno aut altero excepto.

Capreol.
Banez.
Alvarez.
Nazarius.
Arauxo.
Godoy.
Vera
solutio.

Ut ergo in re difficulti majori claritate procedamus, convenire debemus in justificatione impii (et loquimur de adulto) licet instantanea concurrere Deum, et liberum arbitrium creatum, ut constat ex doctrina D. Thomæ ab omnibus in hac parte admissa 1, 2, quæst. 113, art. 3, eo quod (verba sunt S. Doctoris) *justificatio impii fit Deo movente hominem ad justitiam; ipse enim est, qui justificat impium, ut dicitur Rom. 3: Deus autem movet omnia secundum modum uniuscujusque, sicut in naturalibus videmus, quod aliter moventur ab ipso gravia, et aliter levia propter diversam naturam utriusque. Unde et hominem ad justitiam movet secundum conditionem humanæ naturæ. Homo autem secundum propriam naturam habet, quod sit liberi arbitrii. Et ideo in eo qui habet usum liberi arbitrii, non fit motio a Deo ad justitiam absque motu liberi arbitrii; sed ita infundit donum gratia justificantis, quod etiam simul cum hoc movet liberum arbitrium ad donum gratiæ acceptandum, in iis, qui sunt hujus motionis capaces. Ex quo manifeste fit Deum libere infundere gratiam, et hominem ipsum libere acceptare, atque recipere, atque ideo, quoad infundi unice pendere a Deo ipsam gratiam; quoad recipi vero, et acceptari spontanee, dependere etiam ab homine. Et quia hoc quod est libere acceptare, seu quod idem est, recipere gratiam, est proprium subjecti, pertinetque ad genus causæ materialis; hinc rursus habetur ita gratiam esse effectum Dei ut efficientis, quod simul dependeat a subjecto libere acceptante ut a causa materiali receptiva, sitque proinde ejus effectus; ideoque posterior, eo modo quo compositum et causa materialis omnium accidentium, atque illa præcedit in proprio genere. In quo sane non appetet, qualiter possit esse dissidium; cum evidentissimum sit, et ipsa experientia sensibiliter comprobatum ad infusionem aquæ in vase simul concurrere hominem infudentem, aquam, quæ infunditur,*

ditur, et vas, quod repletur; ita tamen quod infundere pertinet ad hominem ut efficientem, replere ad aquam, quae infunditur, et recipere ad vas cum figura rotunda ei muneri apta. Ad hoc vero adeo illa tria requiruntur, ut nullum eorum seorsim ab aliis sufficeret, ut est manifestum; quocirca invicem pendere necesse est; diversimode tamen: nam aqua, et vas dependent ab infundente, et infundens ab aqua, et vase; et aqua non repleret absque vase, nec vas reciperet absque aqua, quorum primum pertinet ad genus causæ efficientis, secundum ad genus causæ formalis, et ultimum ad genus causæ materialis. Et quidem hoc ipsum ita sensibiliter demonstratum accidit insensibiliter in justificatione impii, in qua Deus movet liberum arbitrium ad acceptandam libere, et suscipiendam gratiam, ubi est assignare Deum infundemtem aquam spiritualem gratiæ salientis in vitam aeternam, quod praestat efficiendo ipsam gratiam infusam, qua satiatur et repletur anima: et est vas ipsam aquam spiritualem spiritualiter recipiens, cum simili omnino, si jam non est intimior, dependentia mutua in diverso genere, ac fuit sensibiliter demonstratum in infusione aquæ corporeæ in vas materiale. In quo profecto nullus veritatis amator aliquid monstruosum, aut horridum apprehendet, nec ansam arripiet carpendi cum Thomam Angelicum, tum ejus discipulos, quod mutuam causalitatem inter causas statuerint, et necessariam duixerint; quippe quæ nihil aliud continet aut obscurius, aut absurdius, quam quod in exemplo adducto sensibiliter splendet.

463. Habetur denique ex tradita D. Thomæ doctrina distinctio illa, qua usi sumus loco citato de justificatione ad facile, et expedite elucidandam illam difficultatem aliquorum judicio inextricabilem, qualiter nimirum actus procedens a gratia, ipsamque subinde supponens in subjecto, valeat ad ipsius receptionem disponere in ipsomet subjecto, in quo supponitur receptio, et consequenter ex hoc capite gratiam praæreceptam. Hæc, inquam, difficultas, quæ etiam urget in praesenti, facile extricatur, et solide, distinguendo receptionem quoad essentialia, quo pacto præscindit a dispositionibus naturalibus, et a modo itidem naturali; et solum importat prædicta essentialia tum gratiæ, tum subjecti: et receptionam quoad connaturalia seu, quod idem est, quoad modum connaturalis, secundum quem gratia petit in-

fundi, et subjectum postulat illam recipere; qua ratione importat, quod subjectum se spontaneæ, et libere disponat ad ejusdem gratiæ receptionem. Quocirca distinguere oportet inter hoc quod est recipere gratiam absolute, et eandem libere acceptare: nam primum reperitur in infantibus, et salvari posset in dormientibus, quin ulla vel præcesserit, vel comitetur dispositio: secundum vero necessario comitatur actus voluntarius, et liber, quo voluntas in ipsam justificationis instantanea morula se præparat ad gratiam. Quapropter gratia libere recipienda aliquam dependentiam importat a libertate nostra supra se ipsam ut absolute, et quoad essentialia receptam. Porro hanc doctrinam elici ex relato D. Thomæ D.Thom. testimonio manifestum est, quia cum *Deus omnia moveat secundum unius cujusque modum, sicut in naturalibus videmus, quod aliter moventur ab ipso gravia, et aliter levia*, et modus proprius hominis libere agentis sit operari libere; et cum dominio proprii actus; hinc est utrumque servari in hominis justificatione, et quod requiritur essentialiter, et quod exigitur connaturaliter juxta proprium modum subjecti. Quia tamen essentialia sunt absolute priora, et modus supponit rem, cuius est modus: necesse est concipere gratiam prius receptam quoad essentialia, quam ipsam intelligamus connaturaliter acceptatam, ut patet in naturalibus, ubi ad essentialiæ receptionem non requiritur nisi materia, et forma, præcisus cunctis aliis sive antecedentibus, sive comitantibus, et subsequentiibus; cum tamen ad connaturaliæ illarum partium unionem ultra desideretur sigillatio materiae cum accidentibus debitibus in ipsomet instanti generationis, a quibus ut connotatis provenit, quod forma naturaliter informet, et materia itidem naturaliter recipiat. Et prius intelligimus essentialia, et indispensabilia, utputa materiam, et formam se invicem communicantes, quam quod interveniant accidentia sigillantia materiam, et aptantia ad formam, utpote minime essentialia, sed tantummodo connaturaliter requisita. Id quod innumeris aliis exemplis illustrari, et confirmari possit.

Supra dicto fundamento premisso, in quo ut dicebamus, convenire debemus, quidquid sit de illationibus ex illo nostro judicio bene deductis, et loco citato de justificatione latius firmatis, supponendum etiam est gratiæ infusionem, et culpæ re-

Aliud
præsup-
positum.

missionem esse duas mutationes realiter distinctas, imo et essentialiter, ut expresse D.Thom. docet D. Thomas quæst. 28, de veritate art. 6, ubi inquirit: *Utrum gratia infusio, et culpæ remissio idem sint?* et respondet: *Quod remissio culpæ, et gratia infusio non sunt idem; quia mutationes penes terminos distinguuntur: sed termini infusionis gratiae essentialiter distinguuntur a terminis remissionis culpæ: ergo mutationes predictæ tam realiter, quam essentialiter distinguuntur.* Majorem probat S. Doctor; quia terminus *a quo* infusionis est non esse gratiae, terminus vero *ad quem* est ipsa gratia infusa: terminus *a quo* remissionis est culpa, et terminus *ad quem* non esse illius. Constat autem hos terminos esse realiter, et essentialiter diversos: est ergo infusio gratiae mutatio essentialiter diversa a remissione culpæ. Quod intelligi debet de infusione, et remissione passive acceptis, ut se tenent ex parte nostra; non vero active prout se habent ex parte Dei, quo pacto nulla intervenit mutatio, ut observavimus disp. 4, de justificatione dub. 1, ubi hanc veritatem elucidare conati sumus. Juxta quam doctrinan in eodemmet indivibili justificationis instanti transit homo de non esse justum ad esse justum, et de esse peccatorem, ad non esse peccatorem. Primum formaliter habet ab ipsa gratia, secundum vero ex ipsa retractione voluntatis, qua tollitur impedimentum peccati actualis præteriti, quo gratiae obsistebatur: quia sicut *ablatio umbræ* (inquit S. Doctor ad finem praedicti articuli) importat non solum remotionem tenebræ, sed remotiōnem corporis impeditis: ita remissio culpæ, non solum importat ablationem absentia gratiæ, sed ablationem impediti gratiæ, quod erat ex actu peccati præcedente, non ut actus ille non fuerit, quod est impossibile, sed ut per illum influxus gratiæ non impediatur. Hæc autem remotio fit formaliter per actum contritionis, quo retractat voluntas actum præteritum, et sequelam illius de-testatur.

Diseurus
D.Thom.
expen-ditur.

164. Qua veritate supposita, pergit S. Doctor investigare in sequenti articulo quænam harum mutationum sit prior, an infusio gratiæ, vel culpæ remissio? Et respondens quæsito, inquit, quod omnis causa est prior causato: et quia hic interveniunt causa efficiens, formalis, et materialis; ex parte efficientis, et formalis prior est infusio gratiæ remissione culpæ; ex parte tamen subjecti prior est remissio

culpæ infusione gratiae, quia non intel-ligitur remissa culpa, quandiu non intelli-gitur ablatum fundamentum offendæ, quod est obstaculum gratiae, ut remittenti; duo enim requiruntur ad remissionem, et infusio gratiae, et remotio impedimenti. Impedimentum namque est actus pecca-minos non retractatus; quare donec adsit retractatio voluntatis non adest remissio completa culpæ; sicut non adest ablatio umbræ, quantumvis adsit sol, donec removeatur interpositum corpus, a quo est umbra. Quæ omnia nedum pro-babilitia, sed evidentia videntur, et ipsis sensibilibus exemplis sufficienter demons-trata, quin obsit in eodem instanti illa fieri; in quo certo certius est omnia illa evenire, licet nos instantaneæ ea non pos-simus explicare: sed ea distinguimus, et consideramus singula singulis tribuendo, quasi ea successive fierent. Et sane suc-cessive facta nullam repugnantiam, nul-lamve absurditatem, quin imo maximam cohærentiam manifestant, ut exemplum exclusionis umbra manifeste convincit. Quid ni, non etiam cohærebunt, quia instantaneæ debeant fieri.

Quia tamen hæc mutua causarum de-pendentia non impedit, quin retinet abso-lutum causarum ordinem, et quia finis, qui est primus in intentione, est ultimus in executione; et deinde efficiens, a quo primo in executione primo incipit motus, ad quem subsequitur forma, ac tandem sistitur in materia, seu subjecto receptu-formam; idcirco in justificatione, in qua finis est remissio peccati, prior est infusio gratiæ a Deo ut ab efficienti, deinde in-formatio essentialis (juxta supra dicta) gratiæ, ad quam sequitur contritio ex parte subjecti, ac tandem consequitur remissio culpæ sub conceptu offendæ; nam sub conceptu maculæ, et privationis jam supponitur ablata in signo primo infusio-nis, licet non sub ratione voluntariæ, quo pacto importat aversionem a Deo, et fundat ipsius offendam. Quod luculentius, et compendiosius explicit D. Thomas 1, 2, D.Thom quæst. 113, art. 6. Ubi enumerans omnia praedicta inquit: *Quatuor enumerantur, quæ requiruntur ad justificationem impii, scilicet gratia infusio, motus liberi arbitrii in Deum per fidem, et motus liberi arbitrii in peccatum, et remissio culpæ.* Ubi remissio culpæ posterior assignatur motu liberi arbitrii. *Cujus ratio (inquit) est, quia sicut dictum est, justificatio est quidam mo-tus,*

tus, quo anima movetur a Deo (juxta dicta in prima suppositione) a statu culpæ in statum justitiæ, (ut constat ex secunda) in quolibet autem motu, quo aliquid ab altero movetur tria requiruntur. Primo quidem motio ipsius moventis. Secundo motus ipsius mobilis. Terter consummatio motus, sive perventio ad finem. Ex parte igitur motionis divinæ accipitur gratiæ infusione (ecce primum absolute) : ex parte vero liberi arbitrii moti accipiuntur duo motus ipsius secundum recessum a termino a quo, et accessum ad terminum ad quem. (En actum contritionis detestantem peccatum propter Deum summe dilectum, in quo est recessus a peccato, et accessus ad Deum). Consummatio autem, sive perventio ad terminum hujus motus importatur per remissionem culpæ : in hoc enim justificatio consummatur, quia ut dictum est, finis qui est primus in intentione, est ultimus in executione. Hinc vero clarissime liquet actum contritionis ita subsequi ad infusionem gratiæ, quod antecedat, si non prioritate temporis, prioritate tamen naturæ, et causalitatis, remissionem offensæ; atque ideo medium tenet inter unam, et alteram, unde ita est effectus gratiæ, subindeque posterior, quod etiam sit causa remissionis, et consequenter prior.

165. Ex quibus ita probatis, et ex suis principiis deductis recto ordine devenimus ad solutionem objectionis principalis; a qua plures non satis se expedire Thomistas succendent. Concedimus ergo, et constanter affirmamus actum contritionis nedum connaturaliter, et juxta communem providentiam, ut est fere certum apud discipulos D. Thomæ, sed et essentialiter, ut conformius S. Doctoris principii semper rati sumus, a gratia ut a principio radicali procedere. Ex hoc tamen neutiquam infertur actum contritionis non posse pro offensa satisfacere; quia licet procedat a gratia, sitque ejus effectus in genere causæ efficientis, et formalis; mediat tamen ordine naturæ inter ipsam gratiam, et offensam; atque ideo ita est posterior gratia, quod anteeat offensæ remissionem pro priori aliquo naturæ, licet non temporis. Unde ad formam argumenti concedimus Majorem, ut per se notam, quid enim notius, aut verius quam causam esse priorem suo effectu prioritate naturæ, seu a quo? non tamen prioritate temporis, seu in quo; hoc enim prioritatis genus non est necessarium ad salvandum, et susti-

nendam veram causæ rationem, ut constat in sole illuminante in eodemmet instanti, in quo habet esse, et in aliis sexcentis, idque maxime splendet in agentibus spiritualibus. Sed neganda est Minor, nimirum actum primarium Pœnitentiæ non præcodere offensæ remissionem. Et ad hujus probationem dicimus actum contritionis supponere gratiam a qua procedit, receptam in anima, quoad essentialia receptionis, et informationis, quo pacto non explicat nisi propria prædicata gratiæ ut formæ, et præscindit ab eo quod connaturaliter intelligatur recepta, et libere acceptata. Sed in hoc priori, et ex vi hujus prioris non intelligitur remissa offensa; quia nondum intelligitur remotum illius fundamentum, quod est actus peccaminosus non retractatus : hic quippe non aufertur nisi per retractationem voluntatis, quæ nondum intelligitur in illo signo, sed expectat ad secundum, in quo est actus contritionis, sicut umbra non fugatur ad positionem solis, quin interpositum corpus removeatur. Unde sicut inepit argueretur expositione præsentia solis ad asserendam illuminationem, si adhuc corpus esset interpositum; ita inepit est Consequentia illata ex illo Antecedenti, quæ proinde negari debet, siquidem ex vi illius prioris non intelligitur remissa offensa, sicut nondum intelligitur perfecta hominis justificatio. Cum enim ad eam ultra infusionem gratiae desideretur conversio hominis ad Deum, et peccati detestatio, et hæc in illo priori, et ex vi illius non intelligatur, hinc fit nondum intelligi adæquatam justificationem, nec consequenter destructionem offensæ.

Ad probationem prædictæ Consequentiae respondetur concedendo absolute Antecedens, et negando iterum Consequentiam, quæ nulla est; quia licet Dei gratia absolute, et pro aliquo instanti reali non patiatur offensam divinam, sed eam necessario excludat; non tamen eo ipso, quod pro illo priori naturæ intelligatur infusa gratia quoad essentialia, intelligitur ex vi illius prioris remissa offensa, quæ se tenet ex parte Dei, sed solum intelligitur exclusa macula peccati, quæ se tenet ex parte peccatoris, et est privatio ejusdem gratiæ. Et ratio est, quia in illo priori non intelligitur justificatio adæquata, utpote quæ postulat ultra infusionem gratiæ ex parte Dei, quam comitatur necessario exclusio maculæ, conversionem voluntatis, quæ respiciat Deum,

et retractet peccatum præteritum. Et hæc conversio non intelligitur in illo priori, si quidem prius est prioritate *a quo*, seu naturæ, quod efficiens moveat, et imprimat suam formam mobili, quam quod istud ex vi hujus formæ se moveat ad finem exequendum. Est ergo ex vi illius prioris justificatio inadæquata, seu in fieri, quo pacto solum dicit conversionem Dei ad creaturam; non vero in facto esse, quia nondum intelligitur conversio voluntatis in Deum, qua offensum, ut requiritur ad ablationem obicis voluntarii, et constat in exemplo ex D. Thoma assignato ablationis umbræ.

Obser-
vatu-
dignum.

Quocirca summopere considerandum est, et præ oculis habendum, aliud esse infundere gratiam substantialiter ut ita dicamus, aliud vero illam infundere ut libere acceptandam, ut fieri solet in justificatione adulti: sicut etiam aliud est esse, imo et intelligi, gratiam informare subjectum præscindendo a modo informationis; et aliud importare modum informationis, qui sit proprius ipsius subjecti, iplique connaturalis, ut sensibiliter demonstratum est in prima suppositione testimonio, et doctrina D. Thomæ. Et qui hoc alte calluerit, facile perspicet plus ad unum, quam ad aliud inquiri; subindeque ex eo quod in aliquo signo, et prioritate naturæ primum intelligatur, non bene confici ex vi illius prioritatis præcise omnia alia requisita ad esse: aliqui non interveniret duplex mutatio realiter, et essentialiter diversa in justificatione, sed una tantummodo, contra id quod nos docuit D. Thomas, et debet supponi.

Rursus agnoscat, et quidem satis perspicue, quod licet gratia quoad informationem essentialiem non connotet actum contritionis, nec ab illo dependeat, quoniam hoc pacto non connotat impedimentum positivum peccati voluntarie amovendum; seus tamen est, si consideretur, ut voluntarie, et libere accipienda, et recipienda a peccatore, sub qua ratione dependet abs dubio a libera conversione creaturæ in Deum, et detestatione peccati, estque ipsa posterior. Quæ quidem satis inter se annexa manifesta sunt ex jactis inconcussis principiis D. Thomæ. Et in hoc sensu quoad præsens concedimus, et necessario concedendam esse arbitramur mutuam causarum prioritatem in diverso genere causæ, ut exemplum vasis liquore perfusi ad sensum ostendit. Et vera est solutio data inter arguendum, quæ non tantum est discipulorum, sed et Angelici Magistri locis supra

citatis, expressius vero quæst. 28 de verit. art. 7, ubi hanc eamdem difficultatem versans inquirit: *Utrum culpæ remissio infusionem gratiæ præcedat?* Quam quidem non aliter solidius, et verius expediri posse censuit Angelica illa acies, quam dicendo, *quod in D. Th. quolibet genere causæ causa naturaliter est prior causato.* Contingit autem secundum diversa genera causarum idem respectu ejusdem esse causam, et causatum: *sicut purgatio est causa sanitatis in genere causæ efficientis, sanitas vero est causa purgationis secundum genus causæ finalis: similiter materia causa est formæ aliquo modo, in quantum sustinet formam, et forma est aliquo modo causa materiæ, in quantum dat materiæ esse actus.* Et ideo nihil prohibet aliquid altero esse prius, et posterius secundum diversum genus causæ. Qua doctrina vere philosophica applicata propositæ quæstioni, concludit S. Doctor, ut patenter dissolutum difficultatis nodum inquiens: *Sic ergo patet, quod simpliciter loquendo secundum ordinem naturæ prior est gratiæ infusionem, quam culpæ remissio: sed secundum ordinem causæ materialis est conversio.* Quo quid clarius, aut evidentius veritatis amatoribus?

166. Ad replicam in oppositum Magister Oceurri Nuno ad hunc art. 3, dub. 2, concl. 2 concedes contritionem, ut priorem natura gratiæ, et ut eademmet posteriorem esse satisfactoriam: utroque enim modo est ipsi vera contritionis ratio; siquidem procedit ab auxilio supernaturali: sed contritio secundum se est satisfactoria pro offensa: ergo sive pro priori ad gratiam, sive pro posteriori per se ipsam est satisfactoria. Juxta quam doctrinam neutra dilemmatis pars debet negari, sed in una, et altera oportet esse verum contritionem satisfacere.

Hæc tamen solutio in eo sensu, quem impugnat, accepta, exclusa manet sufficienter improbatione prioris partis dilemmatis, et amplius diruitur; siquidem contritio pro priori ad gratiam non intelligitur formata eadem gratia: sed contritio non formata gratia non est satisfactoria: ergo contritio pro priori ad gratiam non intelligitur ut sufficiens ad satisfaciendum. Consequentia est in forma. Major constat, qua contritio ut procedens ab auxilio supernaturali, non intelligitur ut procedens a gratia, ut docet ipse Nuno: sed ut non procedens a gratia non intelligitur formata gratia, quia nec actus, nec virtutes aliter per gratiam redditur formati, quam ut a gratia procedunt efficienter: ergo contritio ut non procedens

procedens a gratia, nequit per gratiam formari. Minor vero probatur ex doctrina D. Thomæ supra adducta : quoniam contritio ex eadem radice habet esse meritariam, et satisfactoriam : sed esse meritariam non habet ex auxilio supernaturali, sed ut procedens a gratia sanctificante, a qua ut a prima radice ortum dicit vis meritaria : ergo nec etiam sibi vindicabit vim satisfactoriam ut procedens ab auxilio pro priori ad gratiam.

Ad hæc. Vel actus contritionis ex sua essentia habet esse formatum, et consequenter satisfactorium; vel per aliquid ipsi superadditum ex vi influxus gratiæ et charitatis, ut de actibus fidei, et spei communis, et vera sententia docet? Hoc secundum non potest dici, alias actus contritionis quoad speciem, et essentiam posset esse simul cum peccato ; siquidem ex intrinsecis, et essentialibus prædicatis non magis annexeretur charitati, et gratiæ, quam actus fidei, et spei, quos constat esse in peccatore. Primum, si affirmetur ; convincit actum contritionis non posse non procedere a gratia, ut a principio sibi essentiali, cum essentialiter sit formatus : ergo male conceditur procedere ab auxilio pro priori ad gratiam. Probatur hæc Consequentia. Tum, quia ut dictum est, ab auxilio solo absque influxu gratiæ non redi potest formatus; alias quilibet actus supernaturalis esset essentialiter formatus, quod est manifeste falsum. Tum ad hominem in ipsomet auxilio, respectu cuius ita est posterior actus contritionis in ratione satisfactionis, quod pro priori ad ipsum non possit intelligi in ratione satisfactorii; non ob aliam rationem, nisi quia a prædicto auxilio, et ejus influxu habet tum esse supernaturale, tum esse satisfactorium, ut docet illa solutio : ergo si actus contritionis essentialiter est formatus, et esse formatum habet provenire a gratia, ut constat ex doctrina D. Thomæ; liquido infertur actum contritionis non posse procedere ab auxilio pro aliquo priori ad gratiam. Quocirca ipse Doctor Angelicus infra qu. 85, art. 6, enumerans actus, qui ad Pœnitentiam desiderantur, quorum aliqui sunt formati, alii vero informes; ideo actum contritionis docet esse formatum, quoniam actus proprius Pœnitentia est contra peccatum ex amore Dei, quam pro priori naturæ supponit ut sui principium. Verba D. Thomæ sunt: *Una (virtus) dicitur esse prior altera ordine naturæ, qui*

consideratur ex ordine actuum, secundum scilicet quod actus unius virtutis præsupponit actum alterius virtutis. Secundum hoc igitur dicendum est, quod actus quidam laudabiles etiam tempore præcedere possunt actum, et habitum Pœnitentia, sicut actus fidei, et spei informum, et actus timoris servilis. Actus autem et habitus Charitatis simul sunt tempore cum actu, et habitu Pœnitentia, et cum habitibus aliarum virtutum. Nam sicut in secunda parte habitum est (loco supra allegato ex 1, 2) in justificatione impii simul est motus liberi arbitrii in Deum, qui est actus fidei per Charitatem formatus, et motus liberi arbitrii in peccatum, qui est actus Pœnitentia. Horum tamen duorum actuum primus naturaliter præcedit secundum : nam actus virtutis Pœnitentia est contra peccatum ex amore Dei; unde primus actus est ratio, et causa secundi. Non ergo est ad mentem D. Thomæ asserere actum contritionis pro priori ad gratiam effici ab auxilio, a quo juxta veram S. Doctoris doctrinam, non præsupposita, aut præintellecta gratia, et ejus influxu media Charitate, nullus actus obtinet vim aut merendi, aut satisfaciendi. Recolantur quæ scripsimus tom. 13 de Incarnat. loco supra citato, ubi ex aliis capitibus similem solutionem ex M. Joanne a Sancto Thoma, qui in ea est sententia, convulsimus.

Quapropter ad impugnationem prædicatam contra prioritatem, et posterioritatem causarum, eligimus sustinendam secundam dilemmatis partem, nimirum contritionem ut supponentem gratiam, et actum Charitatis satisfacere pro offensa; hæc enim videtur expressa D. Thomæ doctrina, ut loco nuper citato asserta, et in præsenti adducta satis manifestant. Ad probationem oppositam constat ex dictis : nam in illo priori infusionis gratiæ intelligitur ablata culpa, ut importat esse malum hominis, et inducebat carentiam gratiæ absolute, non vero ut est malum Dei, atque ipsius offensa : hæc enim sicut non consurgit in Deo absque actu peccaminoso, ita non excluditur juxta communem cursum, secundum quem Deus se accommodat modo libere agendi creaturæ, absque actu voluntario liberi arbitrii, quo homo convertitur in Deum, et detestatur peccatum. Cum ergo in illo priori non intelligatur gratia nisi prout descendens a Deo, neutquam vero ex vi illius prioritatis, ut convertens creaturam ad Deum, quod fit in signo sequenti media contri-

Vera
respon-
sio.

tione; fit manifestum ex vi illius signi, et prioritatis non intelligi remissam offendam; sed adhuc esse locum contritioni, ut per eam expellatur in signo sequenti. Unde ad formam neganda est Minor, qui licet in eodem indivisibili instanti, in quo infunditur gratia, fiat peccati remissio tam sub ratione maculæ, quam sub conceptu offendæ passivæ; non tamen ex vi ejusdem signi, et prioritatis, ut dictum est: sed post primæ gratiæ infusionem recto naturæ ordine sequitur dilectio Dei super omnia, deinceps contritio, ac tandem pervenitur ad offendæ remissionem, quæ est finis justificationis, ut inquebat D. Thomas.

Objectio
contra
dicta.

167. Sed contra hanc doctrinam supersunt aliquæ objectiones diluendæ, ex quarum enodatione veritas magis elucescat. Earum gravior est, quam sub sequenti forma proponimus. Nam ut docet Apostolus Roman. 3 hominis justificatio fit gratis juxta illud: *Justificati gratis per gratiam ipsius; gratis autem ideo justificari dicimur,* ut exponit Concilium Tridentinum sess. 6, cap. 8, *quia nihil eorum, quæ justificationem præcedunt, sive fides, sive opera, ipsam justificationis gratiam promeretur.* Et reddit rationem: *Si enim gratia est, jam non ex operibus, alioquin ut idem Apostolus inquit, gratia jam non est gratia.* Cum hac autem Catholica doctrina non cohæret, quod satisfactione præcedat offendæ remissionem: ergo satisfactio, quæ fit media contritione non antecedit remissionem offendæ. Minor, cui est difficultas, probatur: nam satisfactio, quæ præcedit offendam, reddit ex justitia debitam remissionem offendæ: sed offensa, quæ remittitur ex justitia in ea ratione, in qua admittit justitiam, excludit gratiam: ergo cum in nostra doctrina offendæ remissio fiat ex justitia, consequens est in predicta ratione excludere gratiam. Cum vero in justificatione includatur remissio offendæ media satisfactione ipsam præcedente, manifestum fit justificationem non fieri gratis contra doctrinam Apostoli, et Concilii.

Respon-
det
Nuno. Nec refert, si ex Magistro Nuno ubi supra § *Ad secundum* respondeas illam Apostoli, et Concilii doctrinam procedere de merito, ut verbum illud *Promeretur* satis denotat, non vero de satisfactione: hæc enim cum non cedat in utilitatem satisfactoris, sed offensi, nec petit gratiam, nec excludit justitiam; securus vero est de merito, quod quia vergit in proprium commo-

dum merentis, et ad id præsupponi debet subjectum gratum, et Deo acceptum; idcirco ita fieri debet justificatio gratis juxta mentem Apostoli, quod nullum ibi interveniat meritum, sive de congruo, sive de condigno.

Hæc, inquam, solutio non elevat pondus Re indicati inconvenientis. Tum quia ut constat ex supradictis, ex eadem radice habet actus quod sit meritorius, et satisfactorius, nimur ex gratia, et charitate, sine qua deficiet tam a ratione meriti, quam a ratione satisfactionis. Sed quia in ratione meritorii actus supponit necessario charitatem, et gratiam, nequit inducere obligationem justitiae respectu charitatis, et gratiæ; ideoque omnino gratis dispensatur a Deo: ergo quia in ratione satisfactionis supponere debet eamdem gratiam, et consequenter exclusam offendam, non remanet locus, ut subeat rationem justitiae. Tum etiam quia debitum ex justitia licet imperfecta excludit, quod remissio fiat omnino gratis: *ei enim, qui operatur, merces non imputatur secundum gratiam, sed secundum debitum, ut dicitur ad Roman. 4.* Sed in remissione offendæ intervenit justitia nostra licet imperfecta: ergo non omnino gratis remittitur contra id quod docet Apostolus. Tum denique, quoniam si discrimen illud meriti a satisfactione subsisteret, consequeretur inde ante Charitatem, et gratiam posse hominem satisfacere pro peccato per opera tempore præcedentia justificationem; quod tamen est falsum, et contra D. Thomam: non ergo illo discrimine recte occurritur propositæ difficultati. Probatur sequela: nam totum illud discrimen fundatur in eo, quod ad meritum essentialiter prærequiritur gratia, quia cedit in utilitatem propriam merentis, securus vero ad satisfactionem, quia vergit in commodum partis læsæ: ergo si hoc discrimen est verum, nulla erit ratio dengandi operibus supernaturalibus tempore præcedentibus infusionem gratiæ, vim satisfaciendi pro culpis, esto illis non insitus meritoria præmii. Patet Consequentia: quia tota ratio primum negandi potest reduci ad statum peccati, et parentiam gratiæ: quam tamen gratiam non prærequiri sustinet prædicta solutio. Quæ est ergo ratio, quare opera justificationem præcedentia non sint, aut esse possint satisfactoria ex justitia licet imperfecta, contra id quod expresse docet Concilium, et colligit ex illo Apostoli testimonio?

168. Hac ergo solutione ut non satis cohærente veritati, relictā, responderetur concedendo, ut par est, doctrinam Concilii, cum testimonio Apostoli, cui ea innitur. Sed negatur illatio posita in Minori, et ad ejus probationem distinguenda est Major : *redit debitam ex justitia imperfecta remissionem*, concedo Majorem : *perfecta*, nego Majorem, et sub eadem Minoris distinctione, neganda est Consequentia. Quia justitia, quæ intervenit in satisfactione offensæ media contritione fundatur in gratia, comitatur gratiam, et includit gratiam, et consequenter absolute, et simpliciter fit omnino gratis. Cum enim sit effectus gratiæ, ipsamque comitetur, et aliunde sit infinite distans a gravitate offensæ, palam conficitur esse justitiam secundum quid, eamque acceptare Deum omnino gratis, atque ideo gratis etiam remittere offensam. Nam ut inquit D. Thomas ad Rom. 4, lect. 1, ad illa Apostoli verba : *Reputatur fides ejus ad justitiam, hoc consuevit dici, quando id quod minus est ex parte alicujus, reputatur ei gratis, ac si totum fecisset.* Et hanc expositionem dicit S. Doctor esse litteralem, et secundum intentionem Apostoli. Hinc constat non fuisse de ipsius mente aliquam rationem justitiæ excludere ab operibus gratiæ, per hoc quod dixerit hominem gratis justificari. Quod idem colligitur ex ipso Concilio Tridentino cap. 5 ejusdem sessionis, ubi licet deferat gratiæ Dei prævenienti, nullis præcedentibus meritis, initium nostræ justificationis, ad quam etiam necessariam duxerit gratiam excitantem, adjuvantem, atque cooperantem; non excludit, quin postulat, cooperationem nostram, qua in ipsomet justificationis instanti Deo libere assentiendo, et cooperando disponamur. Huic autem dispositioni conjunctæ cum ipsa gratia, sicut nullus Catholicorum negat rationem meriti respectu præmii essentialis (quamvis non sit meritum ipsius gratiæ, ad quam sequitur, quamque essentialiter supponit pro aliquo priori); haud dissimiliter nequit denegari satisfactionis ratio respectu offensæ, quam prioritate naturæ, et causalitatis anteire nos docuit D. Thomas, ubi supra. Quare nec Apostolus nec Concilium excludunt meritum, aut satisfactionem, quæ sit ab ipsa gratia in ipso justificationis momento; sed tantummodo ab operibus tempore præcedentibus gratiæ communicationem; hæc enim licet sint supernaturalia, quia tamen

informia nullam propriæ rationem meriti adhuc de congruo habent, subindeque nullam, vel minimam justitiæ rationem inducunt, ut alibi ex professo ostensum est.

Ne vero aliquis hanc expositionem ut commentitiam, aut minus solidam parvi pendeat, audiamus iterum Concilium Tridentinum sess. 15, cap. 8, ita de nostra satisfactione, quæcumque illa sit, sive pro pœna temporali, quam luere condigne possumus, sive quovis alio modo, ita disserens : *Neque vero ita nostra est satisfactio hæc, quam pro peccatis nostris exolvimus, ut non sit per Christum Jesum : nam quia ex nobis, tanquam ex nobis nihil possumus, eo cooperante, qui nos confortat, omnia possumus : ita non habet homo, unde glorietur ; sed omnis gloriatio nostra in Christo est, in quo vivimus, in quo meremur, in quo satisfacimus, facientes fructus dignos paupertatibus : qui ex illo vim habent, ab illo offerunt Patri, et per illum acceptantur a Patre.* Quæ quidem si energiam habent in satisfactione pro pœna temporali ad æquitatatem solubili, potiori, et urgentiori titulo tenent in satisfactione pro offensa inæquabiliter a pura creatura. Quare tantum abest, ut excludat gratiam, qualis qualis ea sit aut esse possit satisfactio, quod potius eam commendet, necessario postulet ; quia ex nobis, tanquam ex nobis nihil possumus ; sed cooperante, qui nos confortat, omnia possumus, et sic quantumvis in satisfactionem conetur homo, non habet, unde glorietur, sed totum refundi debet in gratiam Dei, in qua, cum qua, et per quam acceptatur ab ipso. Unde summopere coheret Deum omnino ex parte sua gratis hominem justificare, et hominem aliquam ex justitia imperfecta satisfactionem offerre ad perfectam justificationem.

169. Objicies secundo contra supra traditam doctrinam, quæ non ex uno capite, sed ex pluribus videtur falsitati obnoxia. Nam in primis, inintelligibile apparent Deum infundere suam gratiam, qua hominem justum, et sibi amicum reddit, quin ex vi ejusdem condonet ipsi homini offendam; nam Deum esse offendum non aliud importat, quam esse homini invisum, et injurium : in eo autem signo, in quo Deus intelligitur infundere gratiam sanctificantem, intelligitur cedere juri proprio; non ergo intelligi potest, ut infensus homini. Si non ut infensus? Ergo intelligitur remissa ex parte Dei offensa. Eo vel maxime, nam eo ipso quod homini intel-

Illus-
tratur ex
Trident.

Alia
objectio.

Apost.

ligatur communicata gratia, intelligitur homo filius Dei adoptivus, et cum jure ad hæreditatem gloriæ, juxta illud Apostoli : *Si filii et hæredes; hic enim est effectus proprius et inseparabilis gratiæ; quocirca semper atque in aliquo signo intelligatur gratia ut afficiens subjectum, intelligi debet et ratio filiationis, et jus hæreditatis.* Cum enim gratia nihil aliud sit, quam semen gloriæ, in quo participatio formalis divinæ naturæ splendet; inintelligibile est esse Dei gratiam in aliquo signo absque jure ad gloriam. Cum hujusmodi autem jure ad gloriam non stat Dei offensa, alias Deo esset homo gratus, et Deus simul homini offensus, quod implicat : ergo ex vi illius signi, in quo Deus intelligitur infundere gratiam, intelligitur etiam remittere offensam : non ergo Deus intelligitur infundens gratiam, et relinquens compensandam offensam ; sed utrumque pertinet ad idem signum : subindeque pro illo signo, pro quo gratia præcedit prioritate naturæ contritionem, supponitur ex parte Dei condonatio offensæ.

Urgetur
ex D.
Thom.

Quam objectionem paucis explicasse videtur D. Thomas infra quæst. 86, art. 2, in corpore, ubi docet, *quod cum peccatum sit Dei offensa, eo modo Deus peccatum remittit, quo remittit offensam in se commissam, offensa enim directe opponitur gratiæ; ex hoc enim aliquis dicitur alteri esse offensus, quod repellit eum a gratia sua.* Ex quo testimonio sic roboratur objectio sub hac forma : eo modo Deus remittit peccatum, quo remittit offensam in se commissam : sed Deus remittit peccatum, ut infundit gratiam pro priori ad contritionem : ergo pro priori ad contritionem remittit offensam : non ergo relinquitur offensa remittenda pro posteriori. Major est expresse, ac diserte propositio D. Thomæ. Minorem sustinuimus ubi supra docentes prius infundi gratiam, et abstergi maculam ex parte peccatoris, quam eliciatur contritio, et Consequentia est legitima.

Instatur
ulterius.

Prorsus urget objectio ex vi ejusdem testimonii : Nam juxta D. Thomam, offensa opponitur directe divinæ gratiæ : sed divina gratia intelligitur infusa pro priori ad contritionem, ut asserimus : ergo in eodem signo intelligitur exclusa divina offensa. Patet hæc Consequentia ex præmissis : nam inter duo directe opposita positio formalis unius est exclusio sive directa, sive indirecta alterius, ut inducitive constat in luce, et tenebris, et uni-

versim in omnibus directe oppositis, et manifestius adhuc liquet in ipsa macula, et privatione gratiæ, quæ statim aufugit ad positionem ipsius, quin sit intelligibilis præsentia gratiæ cum ipsius privatione : alioqui possent simul intelligi gratia et peccatum, quod non admittimus : ergo non est diversum signum infusionis gratiæ, et remissionis offensæ, sed in quocumque intelligitur illius infusio, debet intelligi ablatio offensæ.

170. Deinde impugnatur ex alio capite eadem doctrina. Nam forma non influit effective nisi ut connaturaliter existens, et consequenter recepta in proprio subiecto ; non enim influit ut ab illo separata ; sed influit omnino connaturaliter : ergo ut recepta connaturaliter : cum enim operari sequatur ad esse, nequit influxus esse naturalis formæ, quin similiter sit ipsi naturalis modus essendi. Sed gratia influit connaturalissime in actum contritionis, qui elicitor in illo instanti : est ergo recepta omnino connaturaliter in anima ; atque ideo ut connaturaliter intelligatur recepta, non pendet ab actu contritionis, qui est posterior. Unde vana est illa distinctione de receptione essentiali, et connaturali.

Demum urget contra illam doctrinam. Quoniam si vera est, et sustineri digna ; non esset unde falsitatis convinceretur, qui doceret ipsam contritione nedum hominem satisfacere, sed et mereri posse tum gratiam, tum remissionem offensæ. Consequens est falsum ; ergo et illud ex quo sequitur. Minor et Consequentia constant, et probatur Major : quia tota ratio asserendi satisfactionem pro offensa in contritione, est præcedentia, seu prioritas aliqua naturæ contritionis ad offensam : sed hanc eamdem habet respectu gratiæ, et maculæ gratia abstergendæ : ergo ex vi hujus non est ratio quare contritio non sit, aut esse possit meritoria tam gratiæ, quam etiam remissionis offensæ. Probatur Minor : quia tota illa præcedentia, aut prioritas tandem reduci debet ad genus causæ dispositivæ, quo homo contritionem libere eliciendo, se disponit tum ad gratiam, tum ad remissionem culpæ, et offensæ ; sed hoc munus exercetur nedum ad offensam, sed etiam ad gratiam ipsam ; non enim tantummodo se disponit homo libere ad remissionem offensæ, sed etiam et prius ad receptionem gratiæ : ergo eadem prorsus ratione, qua homo queit satisfacere pro

Ali
ra
imp
gn
eant
doct
marInsta
deniq

pro offensa, poterit et mereri ipsam gratiam; vel si quæ est ratio, cur non possit mereri gratiam, æque militat, ut non satifaciat pro offensa.

171. Hæ tamen objectiones minime obsunt, quin deserviunt ad majorem traditæ veritatis elucidationem. Et ut illis majori perspicuitate occurramus, observandum est, nomine gratiæ aliquando usurpari non tantum ipsam gratiam habitualem, quæ est formalis, intrinseca, et adæquata causa justificationis, ut constat ex Concilio Tridentino; sed etiam ipsam voluntatem Dei, quæ est causa ejusdem gratiæ habitualis, ideoque illam appellare possumus gratiam active, quatenus est causa, et origo proxima, et immediata ipsius gratiæ habitualis. Aliquando vero (et est communior acceptio apud Theologos) sumitur passive, et ex parte effectus pro ipsa gratia sanctificante, quæ est gratia ad extra, et effectus primæ alterius gratiæ. Quam observationem nos docet D. Thomas loco in objectione citato ex quæst. 86, art. 2, ubi distinguit S. Doctor inter gratiam Dei, et gratiam hominis in eo, quod illa causat bonitatem, non tamen supponit: hæc vero supponit, et non causat, bonitatem in homine grato. Porro prædictum discrimen manifestum est, dumtaxat competere gratiæ Dei active sumptæ, seu quod in idem recidit, voluntati divinæ ut contrapositæ voluntati humanæ: quasi esset dicere voluntatem divinam esse effectivam, et causare bonitatem in rebus; secus vero voluntatem humanam. In quo sensu se refert S. Doctor ad 1, 2, quæst. 110, art. 1, et constat ex eodem 1 p. quæst. 19, ubi statuit voluntatem divinam esse causam rerum, et ejus amorem esse effectivum ad extra, non vero pure effectivum.

Similiter offensa prout se tenet ex parte Dei duo importat, et actum odii, seu displicientiæ divinæ, quo fertur contra injuriā ut ipsi in affectu illatam, et offendam ipsam passivam. Porro ista duo distinguenda esse ex parte Dei manifestum est; siquidem aliud est injuria alicui vel violenter, vel irrationabiliter irrogata, aliud actus, quo injuriā passus detestatur ipsam injuriā, et nocumentum ab alio illatum, ut liquet in humanis, ad quorum instar in omnium sententia quoad hanc partem meditari debent injuriæ divinæ. Quare offensa divina (sicut et gratia) stat dupliciter: vel pro actu ipso Dei, vel pro injuria formali, et passiva.

Secundo animadvertere oportet gratiam Secunda
sanctificantem ex se, et ex intrinsecis præ-
dicatis essentialibus solum inducere effectum
physicum renovandi interius hominem
seipsa, et mediis virtutibus. ipsi
annexis; quin ex vi hujus petat intelligi
ut excludens effectus morales cum ipsa mo-
raliter, et metaphysice incompossibilis, a
quibus ipsa secundum se præscindit, ut
videre est in Angelis, et in Christo do-
mino, in quibus fuit gratia habitualis
perfectissime, absque eo quod aliquod de-
bitum, quod remissione indigeret, præce-
deret, vel comitaretur. Cum enim sive
Christus, sive Angeli in primo instanti,
in quo accepérunt gratiam, sint absolute,
et omnino impeccables; certum debet
esse non indiguisse aliqua remissione ex
parte Dei pro aliquo debito contracto an-
tecedenter. Quocirca ut se disposerent ad
ipsam gratiam libere acceptandam (quo
pacto dispositi sunt), non fuit necessarius
actus contritionis; imo nec fuit illis possi-
bilis: sed sufficiebant actus Charitatis,
aut aliarum virtutum, quibus positis, per-
fecta fuit justificatio.

In peccatore autem gratia ut infundenda ultra effectus informationis, et renovationis interioris importat effectus morales remissionis offensæ, quæ est quid morale, nec non aliorum ex ipsa ortum ducentium. Cum discrimine tamen maxime obser-
vando, sed quod clare elicetur ex dictis in præcedenti observatione. Nam si gratia sumatur active pro ipso actu voluntatis divinæ, eo ipso quod Deus velit infundere gratiam, deponit offensam ut est actus displicientiæ divinæ. Et in hoc sensu gratia ut infusa in illo priori supponit depositam offensam, cui directe contrariatur, ut in-
quiebat D. Thomas: quia non stat in illo priori Deum velle infundere gratiam, et non deponere odium, seu displicientiam circa peccatorem. Cæterum hæc offensa non petit satisfactionem, sed præsupponit ablata ex vi infusionis gratiæ, cui directe opponitur. Ultra quam remanet alia offensa passiva, et formalis, quæ non est voluntaria Deo, se i creature: et hæc non opponitur directe gratiæ, nec destrui-
tur immediate per ejus infusionem in illo priori; sed expectat ut sic dicamus, retractationem voluntatis creatæ pro alio poste-
riori. Et ratio est clara: quia cum non sit voluntaria Deo, sed creature: tamdiu intelligitur in Deo, quandiu intelligitur voluntas creata non retractata. Cum au-

tem in primo signo nondum intelligatur voluntatis contritio, sed nuda, et essentialis infusio gratiae; hinc est non intelligi in illo priori remissam offensam formalem: licet praaintelligatur depositum odium Dei oppositum directe voluntati infundendi gratiam.

Consec-
tarium,
q[uo]d
elucida-
tur
veritas.

Ex quibus liquet gratiam active sumptam pro voluntate Dei directe, et formaliter opponi odio, seu displicantiae divinæ, et in quolibet signo unum intelligatur, directe intelligi exclusum alterum: gratiam vero passive acceptam pro forma sanctificante etiam opponi directe maculae, seu privationi prout se tenet ex parte peccatoris; atque ideo in eo signo, in quo primo intelligitur infusa gratia, intelligitur etiam exclusa formaliter macula, ut supra dictum est. Cum offensa vero formalis, quæ in privatione morali consistit, ut accurate explicimus tom. 13 de Incarnat. disp. 4, solum opponitur objective, et moraliter, quatenus radicat conversionem actualem in Deum ultimum finem, qua formaliter expellitur aversio ab eodem ultimo fine, in qua fundatur tota offensæ ratio. Unde adhuc posita gratia sive activa ex parte Dei, sive passiva in creatura in illo primo signo, et deposita offensa etiam ex parte Dei active, seu actu odii, quod idem est; adhuc manet locus pro posteriori ad destruendam moraliter offensam passivam media contritione, qua ipsam directe detestamur, et sarcimus constituendo simul in Deo rationem ultimi finis medio priori actu Charitatis. Et hoc fit in toto illo instanti cum ordine prioritatum descriptarum a D. Thoma. Quare omnia argumenta, quæ in contrarium formantur, aliæque subtilitates, quæ confici possunt, solum probant dependentiam, et connexionem inter Charitatem, et actum contritionis ad excludendam offensam in illo instanti reali per modum compensationis; neutquam vero suadent, non esse locum contritioni ad compensandam offensam pro aliquo priori naturæ, ut nos docuit S. Thomas, et sufficit ad hoc, ut actus contritionis sit actus veræ justitiae, licet imperfectæ et non excludentis, quin maxime exposcentis divinam gratiam, vel ad ipsius offensæ remissionem.

Diluitur
objecio
prima.

172. Hinc ergo ad primam objectionem respondetur in forma, quod si loquatur in Majori de toto instanti reali, vera est; si vero loquatur de illo primo signo infusionis gratiae, adhuc etiam est vera, si intelli-

gatur de condonatione offensæ prout importat displicantiam activam Dei circa peccatorem: hoc enim pacto inintelligibile est Deum velle infundere gratiam, et non depонere offensam in illo priori, sicut inintellicibile est intelligere in illo priori gratiam, et non intelligere abstersam maculam. Est tamen falsa, si loquatur de offensa passiva, et formalis, ut liquet ex dictis. Unde solum inferri potest quod in illo priori, et ex vi illius exigatur pro aliquo posteriori immediato actus contritionis, et Charitatis, quibus expellatur formalis offensa: nam illa prioritas non est adæquata totius justificationis, sed inadæquata, nec ex vi illius intelligitur conversio hominis ad Deum, sed principium illius: Ideo enim dispensat Deus homini in illo priori suam gratiam, ut pro posteriori sub eadem gratia se ad Deum convertat, et reparat damnum sarciendo offensam.

Unde licet intelligatur communicata gratia, nondum intelligitur exclusa offensa, eo quod remissio offensæ ordine naturæ est, quæ ultimo intelligitur in justificatione, licet fuerit prior in intentione. Quare in illo priori solum intelligitur gratia cum prædicatis, et effectibus physicis; non vero cum moralibus, quales est remissio offensæ inter alios. Unde non potest intelligi homo perfecte amicus Dei, nec consequenter ut filius, et cum jure expedito, et proximo ad gloriam; quia nondum intelligitur ablata offensa. Nam ut bene observat Joan. a Sancto Thoma in præsenti art. 2, § Si tamen, si per possibile, vel impossibile Deus ut formam physicam infunderet gratiam non condonata offensa morali; profecto homo non assequeretur gloriam ob defecatum condonationis moralis, nec esset ad eam proxime acceptus. Non secus ac sancti Patres, quia nondum facta fuerat plena redemptio per Christum, detinebantur in limbo, quantumvis essent in gratia. Cum ergo in illo priori non intelligatur nisi pura infusio gratiae prout est bonum hominis, non intelligi debet remissa offensa ut est malum Dei, subindeque non intelligitur homo cum jure expedito ad gloriam, nec ut perfectus haeres illius ob impedimentum offensæ ex vi illius nondum exhaustæ. Unde constat ad primam confirmationem.

Ad secundam desumptam ex D. Thoma constat ex prima observatione, et ad ejus formam concessa, prout jacet, Majori, distinguenda est Minor: sed Deus ut infundit gratiam, remittit peccatum sub ratione

Joan.
S.Th.

Dirigi
secundum

tione maculæ, et ut est malum hominis, concedimus Minorem, sub ratione offensæ: et ut est malum Dei negamus Minorem: nam sub ista ratione est ultimum, et finis justificationis, ut expresse asserit S. Doctor, qui proinde non potest intelligi nisi in ultimo terminativo illius, non autem pertinet ad prioritates, et signa ipsius, prout est in fieri.

Ad secundum Syllogismum etiam liquet: nam Major S. Doctoris intelligitur de offensa sumpta pro odio, seu displicentia Dei, et de gratia active prout idem valet, ac divina voluntas, quam ibi nomine gratiae usurpat S. Doctor, ut evidenter constat ex textu. Et hoc modo directe opponuntur, et ex positione unius in aliquo priori recte colligitur exclusio alterius in illo priori, ut jam explicuimus: quocirca in illo priori infusionis gratiæ, intelligitur exclusa macula peccati, et displicentia divina ex parte actus; non vero ipsa formalis offensa, ut adhuc in humanis ostendere possumus, ubi non semel accidit deposita inimicitia personæ suppetere adhuc quid ex justitia luendum pœnæ, vel restituendum. Et hoc quod realiter, et a parte rei successive accidit inter homines, intelligitur fieri, et revera fit instantaneæ inter Deum, et hominem justificandum: convertit enim Deus media gratia se ad creaturam, in quo stat condonatio activa ex parte Dei; et in eodemmet instanti se convertit sub ipsa gratia creatura ad Deum, in quo stat ejus satisfactio: et tunc completur, ac perficitur justificatio libera tam ex parte Dei, quam ex parte creaturæ, et omnia consonant.

173. Ad secundam impugnationem constat ex olim dictis tract. de justific. disp. 3, dub. 4, ubi fuse occurrimus his, et similibus cavillis, quæ sine intermissione a junioribus extra Scholam D. Thomæ intorqueri solent contra mutuam causarum dependentiam in diverso genere causæ; quamque supra sensibiliter demonstratam relinquimus. Dicimus ergo in præsenti, quod ut forma connaturaliter influat, non requiritur, nisi quod connaturaliter existat, connaturalitate sibi debita in illo priori, in quo influit; et similiter quod sit connaturaliter recepta, connaturalitate propria illius signi, in quo intelligitur recipi. Hoc autem modo connaturaliter existit, connaturaliter recipitur, et connaturaliter influit, quia in illo priori non requiritur nisi gratia associata virtutum supernaturalium habitibus ab ipsa inseparabilibus, mediis quibus omnino

connaturaliter recipitur, ut constat in parvulis absque propria dispositione gratiam recipientibus, de quo egimus loco nuper citato, dub. 5, ultra quam in adultis, ut libere recipiatur, desiderantur actus proprii, quibus ad eamdem gratiam libere acceptandam disponantur. Quare vel argumentum probat gratiam non posse operari in illomet instanti, in quo infunditur; quod est manifeste absurdum, et omnino falsum, vel nihil probat. Unde quoad præsens concedimus quod ut gratia recipiatur connaturaliter connaturalitate, ut sic loquamur, necessaria, non desideratur alia dispositio, quam virtutum eam comitantium juxta loco citato asserta de parvulis: ceterum ut libere intelligatur recepta, necessario postulat actum liberum, a quo in genere causæ materialis dependet.

Nec est inconveniens (ut sic insurgenti occurramus replicæ), quod inter gratiam ut expellentem maculam, et se ipsam ut connotantem offensam excludendam pro posteriori, intercedat influxus ejusdem gratiæ, non qualiscumque, sed voluntarius, et consequenter effectivus. Tum quia ut docent communiter Theologi, inter eamdem relationem Patris secundum munus *in*, quo constituitur persona, et eamdem secundum munus *Ad*, quo refertur ad filium, mediat generatio verbi, quæ proinde et supponit unum munus, et supponit ad aliud. Tum quia ut docet D. Thomas 1 p. quæst. 76, art. 6, eadem accidentia dimanantia a forma secundum aliquem gradum, et illum supponunt, et disponunt ad alterum; licet gradus formarum, ut esse sensible, corporeum, etc., non distinguantur realiter, et non requiriatur ad realem influxum magis, quam ad realem dimanationem. Tum denique, quia ipse ordo naturalis in justificatione servandus, id ita postulat, ut verba D. Thomæ supra relata satis demonstrant. Cum enim pœnitens media hac virtute voluntarie intendat se reconciliare cum Deo, et dissec tam cum eo amicitiam resarcire: necessarium est ad ipsius gratiam confugere, ut sub ea, et cum ea voluntarie detestetur offensam prava voluntate commissam. Quocirca congruit ipsis rerum naturis, ut post illam acceptam, illico subsequatur detestatio offensæ, qua plena, et libera reddatur remissio, utpote quæ est finis, in intentione primus, sed via executionis, quæ est propria causæ efficientis, ultimus.

Insurgens
occluditur
replica.

D.Thom.

Ultima
objec-
tiō
dispe-
llit.
tur.

Ad ultimam objectionem neganda est sequela: nam ex eo quod homo in ipso instanti justificationis utcumque satisfaciat pro offensa, non sequitur quod possit mereri gratiam. Et ratio disparitatis est clara; quia licet sub utraque ratione debeat supponere gratiam ut sui principium effectivum, ut supra ostendimus contra Nuno, et alios; aliam tamen causalitatem exercet circa gratiam, et aliam circa offendam. Nam circa gratiam ut libere receptam solum exercet munus dispositionis, quo pacto se tenet ex parte subjecti, et reducitur ad genus causae materialis, et nullam aliam causalitatem exercere valet circa gratiam, quam absolute, et in genere causae efficientis, et formalis supponit. At vero respectu offendae formalis se habet active, eamque praecedit ad eum sane modum, quo gratia praecedit actum contritionis, ut constat ex ordine prioritatum, quem supra nos docuit D. Thomas. Stat vero differentia in modo causalitatis, quoniam actus contritionis nequit in offendam praestare influxum physicum, sed moralem tantummodo; ex vi tamen prioritatis, in qua illi praaintelligitur, sufficienter posset physice influere, si influxus physicus est possibilis. De quo infra redibit sermo in hac eadem disputatione. Unde constat probacionem sequelae in oppositum esse falsam: quia actus contritionis respectu gratiae, a qua procedit, solum praedit ex parte subjecti, et in genere causa dispositivae; quae est praeecedentia secundum quid cum posterioritate simpliciter, atque ideo nequit illam promerer, eo quod meritum pertinet ad causam efficientem. Contritio vero ita praecedit offendam, quod ordine naturae, et executionis praaintelligi debeat ad ejus remissionem, subindeque ejus praeecedentia est absolute talis, et fundat efficientiam saltem moralem juxta principium illud D. Thomae infra examinandum, quod *Poenitentia expellit omne peccatum effective*, ut habet S. D. in hac quest. 85, art. 2 ad 3, et quest. 28, de verit. art. 8 ad 2, et alibi plures.

D.Thom.

§ VII.

Quid de contritione, ut est pars Sacramenti?

Appli-
ca-
tur
tra-
di-
tia
doc-
trina.

174. Explicuimus vim contritionis extra Sacramentum, cum illius tamen voto, a quo utpote in illa inclusu non est denuabilis in lege gratiae; ut sit, et esse possit sa-

tisfactio pro offensa. Superest deveniamus ad ipsam intra Sacramentum, et ut est intrinseca ejus pars, in quo viget specialis difficultas ex duplice capite pungens. Tum quia poenitentia est Sacramentum mortuorum, ut docent communiter Theologi, quod proinde non petit supponere in gratia ad ipsum accedentem. Tum et maxime, quia cum Sacraenta sint instrumenta physice concurrentia ad productionem gratiae; et praedictus influxus eis competit non solum ratione formae, sed etiam ratione materiae, ut supra ostendimus, manifestum debet esse contritioni ut parti sacramenti competere vim efficiendi physice primam gratiam: non ergo illam supponit productam in aliquo priori ut hactenus dicebamus: atque ideo ut pars Sacramenti non est satisfactoria pro offensa. Prima Consequentia constat, quia nulla causa efficientis supponit productum effectum; est enim de ratione efficientis dare esse, sicut et agere in quantum est in actu, passo existente in potentia; alioqui enim simul daret, et non daret esse, efficieret et non efficieret, quod implicat: atque ideo si de ratione contritionis sub ratione partis Sacramentalis est causare physice instrumentaliter primam gratiam, non eam debet supponere alias productam. Ex quo secunda Consequentia probatur: quia ut constat ex dictis, contritio non habet quod sit satisfactio, nisi quatenus supponit gratiam, ab eaque procedit: sed ut est pars Sacramenti nec supponit gratiam, nec a gratia procedit, quin imo e contrario res se habet: Ergo ut est pars Sacramenti non est satisfactio pro offensa. Porro hoc esse falsum liquet: quoniam efficacior est contritio cum Sacramento, quam extra illud; et sane si qualem qualem vim habet contra peccatum in lege gratiae, ipsi competit ex voto saltem implicito Sacramenti, ut colligitur ex Tridentino sess. 14, cap. 4 docente ipsam nihilominus reconciliationem ipsi contritioni sine Sacramenti voto, quod in illa includitur, non esse adscribendam; mirum profecto est, quod extra Sacramentum possit offendam satisfaciendo reparare, et id etiam non valeat cum ipso Sacramento. Hoc autem non potest componi cum eo, quod contritio procedat a gratia ut a principio efficienti; et quod ab eadem ut priori sibi vindicet vim satisfaciendi: ergo vel non procedit a gratia ut a principio effectivo contra id quod supponitur; vel intra Sacramentum non est satisfactoria pro offensa. Eo presertim quia

quia Sacramentum istud petit primam gratiam causare.

Nec in praesenti valet commune effugium Thomistarum de mutua causalitate in diverso genere causae. Quia proceditur in eodem; si quidem contritio procedit a gratia efficienter, et ipsam contritio debet efficere eamdem gratiam instrumentaliter. Quod non minuit difficultatem, sed clariorum ostendit repugnantiam: si quidem primam gratiam efficere saltem instrumentaliter, et ab ipsa prima gratia principaliter procedere in genere cause efficientis, haud obscuriorem inducit contradictionem, quam quod actus intellectus; qui essentialiter supponit animam ut sui principium effectivum, possit assumi ut instrumentum ad efficiendam physice eamdem animam: quia non est assignabilis aut clarior, aut major repugnantia.

175. Hæc tamen difficultas, qua aliquati sunt actum esse de nostra sententia, non tanta est, ut deserere cogat arreptam viam de dependentia essentiali actus charitatis a gratia, quam esse D. Thomæ conformiorem semper censuimus, et interim atque ipsem Sanctissimus Praeceptor oppositum clarius nos docet, ut de ipsius mente propugnare conabimur. Nec etiam extorquet a contritione ut Sacramenti parte ablegatam iri vim satisfaciendi pro offensa; sed unum alteri recte cohærente manifestum fiet, si tamen prius animadvertisatur prædictam difficultatem, quæ tanti est apud aliquos, non esse specialem contra prædictam sententiam, sed aequa suam vim, et omnes nervos exercere in communissimam, et fere certam, cui teste Illustrissimo Godoy tomo I, in 1 p. disp. 3, § 10, n. 228, frequenter adhærent S. Doctoris discipuli juxta quam per se loquendo, et juxta providentiam ordinariam, quidquid sit de potentia Dei absoluta, actus contritionis, et charitatis ultimo ad gratiam disponentes, sive intra, sive extra Sacramentum, ab eadem gratia, ad quam disponunt, efficienter procedunt.

In hac, inquam, sententia, Thomistis, et aliis non paucis pervia, et satis plana, urget, et pariter, motivum objectum, quando quidem casus non est extraordinarius, sed satis communis juxta institutionem Sacramenti; quod, cum sit mortuorum, non postulat ad obtinendam in illo remissionem aliam perfectiorem detestationem peccati, quam attritionem supernaturalem descriptam a Concilio Tridentino, quæ nec con-

tritio sit, nec ut talis existimetur. Quare illis incumbit exponere qualiter ex una parte contritio a gratia procedat, et qualiter ipsam primam gratiam efficiat, simulque in eodem instanti pro offensa ibi remissa satisfacere valeat pro priori ad remissionem ex parte Dei. Si enim ita naturaliter justificatio fieri debet; nihil difficultatis addit ad extricandum, ac dissolvendum illum modum, quod ita fieri etiam debeat essentialiter: nam quod ipsi naturaliter fieri docuerint, attentis naturis rerum, asseremus et nos essentialiter fieri debere inspecta adhuc Dei absoluta potentia, remanente solum bello, ut sic dicamus, domestico; an ea dependentia sit essentialis, vel dumtaxat connaturalis? cuius arbitrio est D. Thomæ doctrina, a qua nec per latum unguem discedere in votis semper habuimus.

176. Ad difficultatem ergo omnibus discipulis S. Doctoris vel saltem nobiliori, et seniori eorum parti communem, ut respondeamus, observandum est illum eumdem ordinem, quem supra nos docuit D. Thomas servari in justificatione extra Sacramentum in infusione gratiae, motibus liberi arbitrii in Deum, et peccatum, ac remissione offensæ, retineri etiam in justificatione, quæ fit in ipso Sacramento, seu in instanti terminativo illius; de quo debet procedere difficultas. Ratio autem hujus observationis est. Nam per hoc quod Deus uti velit instrumentis ad productiōnem gratiae, quam alias se ipso aequa producere valet absque illis, non ideo invertit rerum ordinem, nec derogat virtuti, et modo proprio influendi ipsarum causarum naturalium; quin imo illis retentis, ac præsuppositis, elevat instrumenta usque ad productionem effectus superexcedentis, quem intendit, ut est cernere in aqua, et aliis rebus sensibilibus, quas assumit Deus in Sacramentis ad producendam gratiam; quin aut aquæ, aut illis vel impedit, vel auferat, quod ex natura rei ipsis competit. Quocirca aqua, exempli causa, ita elevatur ad instrumentaliter producendam gratiam regenerativam propriam Baptismi, quod simul per qualitates sibi proprias, et naturales eumdem faciat effectum, quam si non esset instrumentaliter assumpta ad producendam gratiam. Quo supposito tacta difficultas non tam consistere debet in explicando qualiter actus contritionis adhuc intra Sacramentum, et in ipso instanti terminativo elicitus possit pro offensa satisfacere: nam semel atque actus contritionis

Observatio
prælibanda.

extra Sacramentum sit ordine naturæ prior remissione offensæ, ut explicatum relinquisimus cum D. Thoma, eamdem, imo majorem præcedentiam habere debet intra Sacramentum.

Diximus, *imo majorem*. Nam ut sumitur ex ipsomet argumento, actus contritionis ut pars Sacramenti instrumentaliter physice debet producere primam gratiam, et consequenter ante ire ipsam debet in genere causæ efficientis, nedum moralis, sed etiam physicae : hanc autem præcedentiam nequit non sibi vindicare respectu offensæ, si quidem offensa non remittitur, aut remitti potest absque infusione gratiæ, ut constat ex dictis, tract. de Justif. disp. 1, et est communis, et vera Theologorum sententia : ergo actus contritionis eo capite majorem præcedentiam sibi vindicat respectu offensæ, quam extra Sacramentum.

Ad quod tandem devolvenda sit difficultas.

Quare totius difficultatis nervus non ad satisfactionem debet reduci, sed ad explicandum, quo pacto actus contritionis, qui procedit essentialiter a gratia ut a principio effectivo, possit ut pars Sacramenti illam eamdem primam gratiam ut instrumentum physicum efficere ? Ad quam superandam ab omnibus supponi debet, quod in eadem contritione interveniat satisfactionis ratio, quæ longe diversa est, sicut et ratio meriti. Hæ enim due rationes et meriti, et satisfactionis venari non debent penes influxum instrumentalem, et elevacionem ad instrumentaliter agendum desideratam, et consequenter nec penes gratiam ut est effectus instrumentaliter productus ; eo quod utraque illa ratio respicit causam principalem, et principaliter agentem, ac merentem, et satisfacientem. Oportet igitur tenere aliunde contritioni obvenire vim satisfactionis, quam ex causalitate physica in gratiam intra Sacramentum, quo pacto gratia est effectus physicus ipsius contritionis. Et quia in Sacramentis ultra gratiam ex opere operantis, quæ videlicet taxatur juxta gradum dispositionis, qua se ad illam præparat homo, distribuitur ex opere operato in virtute passionis Christi copiosior, et abundantior gratia, quæ est effectus in Sacramento ; idcirco quæcumque major intervenire asseratur satisfactio in Sacramento libere suscepto, debet esse ex opere operato, seu ex meritis Christi medio Sacramento applicatis ; non vero hominis Sacramentum recipientis, quasi ab eo sit elicita, et principaliter effecta,

Hinc vero liquido constat longe aliam

esse difficultatem illam, quæ tangitur de causalitate instrumentalis actus contritionis in gratiam ; et nostram de satisfactione pro offensa in vi contritionis ut orientis principaliter a gratia, Eo vel maxime ; quoniam sicut alia est justitia Christi a justitia nostra, qua ipsi conformamur, et cooperamur : ita alia est, et esse debet satisfactionis nobis applicata media intrinseca, et majori gratia ex meritis Christi, a satisfactione nostra, quæ non est major, quam sit valor moralis prædictæ operationis nostræ. Et de hac procedit quæstio, non de illa. Unde catholici concedimus uberiorem fieri satisfactionem mediis Sacramentis recte susceptis, quam quæ cōmuniter fit extra Sacramenta. Per quod occurritur absurdum, quod ultimo obtrudebatur in objectione. Sed hinc non potest inferri, quod satisfactionis nostra ut procedit a gratia, et est nobis propria, et non tantum appropriata, uti est satisfactionis Christi, non præcedat ordine naturæ remissionem offensæ ; quasi esset extra Sacramentum, juxta superius dicta : si quidem prædicta satisfactionis non attendit causalitatem physicam Sacramentorum, nec per eam regulatur ; quo circi si per impossibile Sacramenta hoc influxu non gauderent (quod de facto contingere plures autumant), non idcirco destinanda esset nostra contritio vi satisfactioni moraliter pro offensa adhuc intra Sacramentum.

177. Supposito ergo quod tota difficultas devolvi debeat ad ostendendum, qualiter eadem prima gratia sit principium contritionis in Sacramento, et simili contritio ipsa ut pars Sacramenti instrumentaliter concurrat ad efficiendam ipsammet gratiam, in quo plurimum judicio est nodus quidam Herculeus ; pro illius expeditione illico sese obtulerat Lectorem mittere ad tract. de Justificat. disput. 2, dub. 6, ubi prædictam difficultatem extricavimus, et dissolvimus. Sed quia adhuc non deerunt, qui eamdem semper intorqueant, et res est non admodum a nostro instituto aliena, ei breviter operam iterum impendere consultius habuimus, quin ab ibidem dictis vel per latum unguem discedamus.

Ut vero id opere complere valeamus, ultra observationem factam numero superiori, ex qua constat prius intelligi debere in aliqua re, quod ipsi competit ex propriis, quam quod emendat ab extraneis, et omnino accidentalibus, subindeque prius esse considerandum in contritione, quod sibi

sibi vindicat ex natura rei, quam quod accipit ab elevatione, qua constituitur proxime potens, ut sit instrumentum Sacramentale Dei, animadvertendum etiam est prædictam contritionem non elevari ab ipsam gratia, a qua procedit, et ad quam producendam elevatur; sed ab ipso Deo per virtutem omnino distinctam a gratia, et realiter separatam. Non enim contritio ut pars Sacramenti est instrumentum gratiæ, sed authoris ipsius, qui utitur Sacramento ad producendam gratiam propriam ipsius Sacramenti. Gratia autem propria Sacramenti non est gratia quoad substantiam, et entitatem, ut liquet; hæc enim est communis omnibus Sacramentis novæ legis, nec magis concernit unum, quam aliud; imo est ab illis in re susceptis prorsus independens, utpote quæ media contritione quoties adfuerit vera contritio, absque illis distribuitur, et communicatur. Ex quo sequi videtur citra controversiam contritionem in hoc Sacramento non assumi ut instrumentum ad causandam gratiam utcumque, sed ad producendam gratiam medicinalem propriam ipsius. Hæc autem ut constat ex dictis de Sacramentis in genere disput. 4, dub. 9, per totum, addit supra gratiam quoad entitatem, et substantiam modum intrinsecum supernaturalem tam diversum, quam sint specie distincta ipsa Sacramenta inter se. Unde terminus per se primo inspectus a contritione ut Sacramenti parte non solum est ipsa gratia, sed gratia ut Sacramentalis, et ut importat superadditam modificationem, quo pacto, et non aliter intenditur a toto ipso Sacramento.

Porro hanc distinctionem modalem ex parte termini sufficere ad hoc, ut idem possit assumi a Deo ut instrumentum, ut se ipsum sub alio modo producat, liquet exemplo, a quo nullus adversariorum, in quodcumque latus se excutiat, se expedire, aut liberare poterit. Constans quippe Theologorum doctrina est humanitatem Christi fuisse instrumentum conjunctum divinitatis ad omnia opera miraculosa, interque supremum, vel saltem æqualem locum obtinet transubstantiationis, in qua Christus instrumentaliter se ipsum constituit sub speciebus Sacramentalibus per conversionem substancialiæ panis in ipsum; quæ quidem transubstantiationis est vera actio non adductiva tantum, ut non bene autumavit Scotus, sed conversiva, et productiva; ita quod si per impossibile humanitas Christi non supponeretur vere producta, ex vi

illius conversionis poneretur in rerum natura. De quo late egimus tract. de Eucharist. disp. 5, dub. 2. In quo sane exemplo obtundi necesse est omnia tela, quæ in præsenti pungere, et veritatem quatere videbantur. Nam idemmet Christus realiter indistinctus, semel productus assumitur a Deo ut instrumentum ad productionem conversivam sui ipsius, sola diversitate in esse termini, seu modali; non enim aliam addit Christus ut conversus supra se ipsum absolute, ut Catholice affirmare debemus. Multo igitur minus repugnabit quod non gratiam, sed effectum gratiæ, ipsa priorem in aliquo genere causæ, assumat Deus ad producendam gratiam ex parte termini importantem modum realem realiter superadditum, a quo constituitur in esse termini Sacramentalis actionis. Patet haec Consequentia, quia quo magis contritio distat a gratia quam Christus a se ipso, eo segnius pungit scrupulus, et hebetior redditur contradictionis stimulus, ab adversariis objectus, ut consideranti constabit: ergo si absque ulla repugnantia concedi debet Christum esse instrumentum ad sui ipsius conversionem sola modali distinctione; quæ erit contradictionis ad hoc ut Deus contritioni realiter a charitate, et gratiae imo et essentialiter diversæ non possit conferre virtutem instrumentariam, ut eamdem gratiam, quæ Sacramentalem efficiat? Non appareat sane, nisi imaginaria oppositio.

178. Quoniam totum negotium justificationis Sacramentalis peragit in ultimo instanti, in quo debent intervenire plures naturæ prioritates suo ordine. Et quia, quæ sunt naturalia, et propria, prius intelligi, et considerari debent, quam adventitia, et accidentalia: in priori naturæ signo illius instantis, suppositis attritione, confessione, et aliis signis, seu partibus Sacramentalibus, infundit Deus gratiam, quæ ex opere operantis correspondet dispositionibus: et a gratia ita producta progressitur contritio medio charitatis, et Pœnitentiaæ influxu; quia nimur contritio elicitor a Pœnitentia, et imperatur a charitate. In signo autem immediato elevat Deus totum Sacramentum, et consequenter contritionem, ut instrumentaliter efficiat illam gratiam Sacramentalem, quæ ut diximus, realiter modaliter distinguitur a substantia gratiæ. Ubi ut vides, intervenit duplex gratia, vel, ut proprius loquamur, eadem cum majori incremento; alia qui-

Appli-
catur
doctrina.

dem ex opere operantis, quæ respondet dispositioni pœnitentis, alia vero ex opere operato, quæ est proprius effectus Sacramentalis : cum hoc tamen discriminé, quod gradus intensionis ut octo v. g. tum dispositioni, tum virtuti Sacramenti respondeat; modus vero Sacramentalis in solidum ipsi Sacramento tribuitur. Intervenit etiam duplex satisfactio, ut ita dicamus, et quæ respondet contritioni ex opere operantis, et quæ ipsi ut elevatae debetur ex opere operato, quarum una est propria pœnitentis, ut ab ipso elicita; alia appropriata ex meritis Christi, vi quorum ex opere operato confertur gratia, et remittitur peccatum perfectius, et abundantius, ac remitteretur extra Sacramentum per solam contritionem. In quo sane nulla vel apparet detegitur contradicatio, ut exemplum supra allegatum demonstrat, et insuper ratio suadet: quia gratia ut primo, et quoad substantiam producta efficit contritionem in illo priori signo: contritio vero sic elicita elevatur cum aliis partibus Sacramenti ad instrumentaliter producendam gratiam sub majori intensione, ac deberetur contritioni ex opere operantis, et sub ratione gratiae Sacramentalis; sub quibus rationibus manifeste splendet realis distinctio inter causam efficientem, et ejus effectum, ut considerans facile deprehendet.

Expli-
catur.

179. Solum superest difficultas circa modum intentionis, qui cum sit indivisibilis ex una parte, et ex alia non debeant simul duo modi concedi; non facile percipitur quem modum recipiat gratia ut primo infusa, vel quoad substantiam accepta; et quem sibi communicet ipsum Sacramentum: hic quippe cum sit perfectior, et incompossibilis cum priori, qui proinde destruendus est ad hujus positionem. Et cum hoc totum in eodem instanti peragatur, in eodemmet instanti habebit primus ille modus, et non habebit esse, quod est manifeste falsum.

Solvitur.

Respondetur quod licet gratia in eodem instanti reali nequeat esse sine aliquo intentionis modo, quod non inficiamur, quin affirmamus; non tamen inconvenit, quod in illo priori naturæ intelligatur absque ullo modo: hic enim non assignatur, nec debetur pro signo prioritatis, sed pro toto instanti reali. Sicut licet materia prima in nullo instanti reali possit existere sine forma, et quod magis urget, sine existentia, a quibus in vera D. Thomæ

sententia realiter distinguitur: non tamen repugnat, quin imo ita evenit, quod in aliquo priori pro quo præcedit tum formam, tum existentiam, intelligatur, non intellecta forma, aut explicata existentia: quia ut docent N. Complutenses ad eam quæstionem, et est vera D. Thomæ doctrina, illa prioritas est inadæquata respectu totius instantis, et consideratur materia ut in via ad formam, et ad ejus existentiam; non vero sub illis actualiter: hoc enim consequitur in toto illo instanti, non vero in signo inadæquato illius. Cum ergo tota illa gratia sive ex opere operantis, sive quæ est ex opere operato, distribuatur a Deo intra Sacramentum, et in facto esse illius; non oportet, quod dum gratia intelligitur in via, seu in signo inadæquato totius illius instantis, intelligatur determinate sub aliquo modo, utpote qui non debetur ei nisi in illo instanti adæquato, in quō est tota peccati remissio.

Hinc etiam occurrit alii interrogations, quæ hic potest fieri: an nimur sit alia actio ex parte Dei, que producit gratiam in priori signo, ab ea, quæ elevat Sacramentum, et ejus partes ad efficiendam prædictam gratiam? Ex dictis, inquam, respondetur negando absolute plures actiones ex parte Dei. Et ratio elicetur ex dictis: quia non sunt adstruendæ actiones, sicut nec entitates, absque necessitate. Cum vero Deus non intendat conferre in casu, quam versamus, gratiam nisi in Sacramento, et medio Sacramento cum correspondentia prædicta ad illud instans, eadem indivisibili actione, qua intra Sacramentum infundit pro illo priori gratiam, elevat contritionem, et alias partes Sacramenti, ut pro signo sequenti instrumentaliter concurrent ad prætentam remissionem. Omnes enim præcisions, et signorum partitiones assignatæ deserviunt quidem ad enucleandam veritatem, et nostro rudi intelligendi modo exponendam; respectu tamen Dei, de materiali se habent, et sub una indivisibili ratione explicitantur. Et quidem si agens naturale eademmet actione, qua movet calatum ad scribendum, et elevat calatum et characteres format, quin alius sit motus ex parte agentis, ut moveat; et alius ut scribat: latet profecto ratio, quare tot assignemus actiones in Deo, aliam ut producat gratiam intra Sacramentum, aliam ut medio ipso Sacramento, et in eodemmet instanti augeat ipsam, cum ejus influxus sit eminentior, et universalior quocumque

Ali
dif-
ta
deci

quocumque excogitabili. Quocirca melior Philosophorum pars non aliam actionem agnoscit in Deo ad producendum equum, et elevandum generans ad productionem entis, vel existentiæ, præter illam, qua concurrit cum equo generante ut causa universalissima; quippe eadem met individualis actio ex parte Dei penes diversos termines materiales sortitur rationem concursus simultanei, et rationem elevationis, quatenus simul dat virtutem ad producendum formam, et elevat ad attingendam existentiam ex vi ejusdem influxus.

Cui autem magis arriserit multiplicare actiones ex parte Dei, haud facile falsitatis convincetur; sed minus consulet universalitati, et eminentiae divinæ causalitatis, respectu cuius de materiali se habent termini, seu effectus ad extra; qui tamen respectus influxus limitati possunt esse formales, et adæquati.

180. Quod si quis tandem objicerit. sequi ex nostra doctrina Sacramentum Pœnitentiæ nedum non efficere; sed neque efficere posse primam gratiam, quod est contra communem Theologorum doctrinam docentem in eo differre Sacraenta vivorum, et mortuorum, quod illa instituta sunt ad perficiendum, et augendum gratiam; hæc vero ad denuo introducendum.

Respondemus totam illam gratiam in illo instanti intra Sacramentum productam, esse primam, et consequenter jam salvatur Pœnitentiæ Sacramentum inducere primam gratiam. Quod vero ea tota et totaliter sive sub omni expressione sit a Sacramento, nec docent, nec negant Theologi; quin disputant; imo oppositum supponunt, dum statuunt aliquem gradum gratiæ distribui a Deo in virtute Sacramenti ex opere operato supra illum, qui debetur recipienti Sacramentum ex opere operantis. Quod signum est totam, et totaliter gratiam aut Sacramento, aut recipienti divisive, et seorsim tribui debere. Quamvis ergo Deus intra ipsum Sacramentum pro aliquo priori ad causalitatem Sacramenti inducat gratiam quoad substantiam, et in signis sequentibus intercedant aliæ causalitates expensæ; cum illud fiat ex intentione Sacramenti perficiendi, et in ipso met instanti terminativo, necnon ex vi ejusdem actionis ex parte Dei, uniusque tantum modo intentionis gradus, ut nuper dicebamus; non idcirco tota illa gratia ut subest prædictæ intentioni, et prima, ex parte Dei infusioni, desinit esse prima et ut

prima respondet Sacramento, licet non totaliter, et sub omni expressione. Sicut tota intellectio est vitalis, et tota est ab homine; non tamen totaliter, et sub qualibet expressione, alias non esset a Deo, a quo ut a principio intrinseco non procedit.

DUBIUM V.

An Pœnitentia sit virtus per se infusa? vel sit dabilis vera virtus Pœnitentiæ, quæ sit naturalis.

181. Ostensa differentia Pœnitentiæ ab aliis virtutibus, superest considerare ejus quidditatem in se ipsa, et primum quod occurrit est examinare, an sit virtus per se infusa, seu quod idem est, quoad substantiam supernaturalis? Licet enim esse supernaturale latissime pateat, et non solum substantiam, seu entitatem, sed etiam plures supernaturalitatis modos sub se ambiat; coincidit tamen, et convertitur in virtute esse per se infusam, et esse supernaturalis. Nam eo ipso, quod virtus petat ab intrinseco a Deo infundi, nequit nostris actibus acquiri: sernel vero atque nostris actibus fit inacquisibilis, postulat procedere a Deo ut agente supra totum naturæ ordinem, atque ideo ut ab agente supernaturali: Quocirca tract. 12, disp. 3, dub. 3 § 3, statuimus nec de potentia absoluta posse virtutem per se infusam nostris actibus comparari. Quæ doctrina suadet in nobis coincidere virtutem infusam per se, et virtutem supernaturalis. At vero non tenet in Angelis, quibus absque proprio labore, et industria infunduntur virtutes naturales, quæ idcirco intra ordinem naturæ inditæ, seu infusæ appellari debent. Et ratio differentiæ sumitur ex diversitate naturarum, et modorum agendi: quippe Angelis utopte substantiis perfecte spiritualibus, subindeque intellectualibus debita est rectitudo intra ordinem naturæ, vi cujus directe sunt impeccables intra prædictum ordinem, ut late discussum relinquimus tract. de Angelis, Rectitudo autem prædicta proxime, et immediate provenit a virtutibus, quibus afficitur, et recte disponitur eorum voluntas, snposita illustratione intellectus per virtutes intellectuales, ad attingendum bonum consonum rectæ rationi.

Accedit, substantiis complete intellectualibus per se competere esse in actu saltem habituali proximo tum ad cognitionem rerum naturalium, tum ad prose-

An
coinci-
dant
virtus
super-
naturalis et
per se
infusa.

Quid
de vir-
tutibus
Angeli-
cis.

cutionem boni honesti. Ratione cujus ipsiis debentur in instanti suæ conditionis tum habitus virtutum intellectualium, tum et species rerum totius universi uti explicui-mus. Unde fit consequens eodem prorsus modo theologizandum esse de illorum vo-luntate, subindeque esse illis pro eodem instanti debitas virtutes morales, quarum illæ perfectissimæ substantiæ fuerint ca-paces, de quo egimus tractat. 42, de vir-tutib. disput. 2, dub. 4, ubi explicuimus, an, et quomodo in intellectu, et voluntate angelicis sint virtutes?

Noster intellectus non procedit de actu ad potentiam, sed e converso.

Cujus oppositum, opposita de causa in nobis accidit. Cum enim omnis nostra cognitio incipiat a sensibus juxta illud Philosophi : *Nihil est in intellectu, quod prius non fuerit in sensu*, eo quod intellectus noster est tamquam tabula rasa, in qua nihil est depictum, donec ministerio sensuum, et operatione intellectus agen-tis denudantis phantasmata, variis rerum speciebus potiatur, et formetur; quidquid, sive ad intellectum, sive ad voluntatem pertineat, propriis viribus comparaverit, aut comparare possit, acquisitum dicitur. Et quia aliquando contingit, ea quæ non superant vires utriusque potentiae, intel-lectus scilicet, et voluntatis, ob speciales causas, a Deo liberaliter infundi absque ullo labore, et operatione hominis, ut accidisse Adamo communis sententia do-cet; hinc, ut scite adnotavit Cajet. 1, 2, quæst. 83, art. 3, duplice aliquid dici-tur infusum, vel per se, quatenus ex pro-pria natura sibi vindicat a solo Deo pro-duci: vel per accidentem, seu quoad modum. Quæ ad primum membrum pertinent, dicuntur absolute virtutes infusæ, et com-muniter a Theologis supernaturales reputantur: quæ vero sub secundo continentur, vel ad illud devolvuntur, sunt virtutes naturales, ejusdem prorsus rationis, ac si fuissent nostris actibus, et propria indus-tria comparatae. Quocirca docent commu-niter Theologi primi Parentis naturalia dona, quibus in prima sui condizione fuit a Deo cumulatus, ejusdem omnino spe-ciei fuisse cum virtutibus aliorum ab eo de-scendentium, quas proprio studio sunt nacti, et solum stat differentia in modo eas obtinendi.

Cajet.

Status quæstionis.

182. Quare præsens difficultas solum considerat primum membrum hujus dis-tinctionis, et inquirit an virtus Pœnitentiaæ sit virtus per se infusa, et consequenter quoad substantiam, et entitatem super-

naturalis? In ea vero supponuntur, et supponi debent, possibilis, et existentia aliquarum virtutum supernaturalium, quæcumque illæ sint, quod nostra examinare in præsenti non refert. Consuluntur, quæ scripsimus loco supra citato de virt. disp. 3, dub. 1, 2 et 3, ubi harum virtutum existentiam statuimus, et quæ appetitum sensitivum, quæ vero rationalem ut pro-prium, et immediatum subjectum sibi vindicent, declaravimus. Unde quod nobis incumbit in præsenti est determinare: An virtus Pœnitentiaæ sit supernaturalis.

Sed quia non semel accidit, quin est frequentius, circa eamdem materiam ver-sari duplicem virtutem, et naturalem, et supernaturalem ex diversis finibus, et moti-vis, cuilibet earum propriis (cujus ra-tionem tradidimus ubi nuper dub. 1, § 4), quia nimis in quacumque materia, in qua est locus moderationi, et dictamini prudentiae naturalis, adest etiam locus prudentiae supernaturali; non enim ap-paret repugnantia in eo, quod id quod fit ex motivo, et virtute naturali, non etiam fieri possit ex motivo, et virtute supernatu-rali; quidquid sit, an tot debeat assignari, et distingui virtutes supernaturales, quot assignantur, et distinguuntur natu-rales, quæ est alia quæstio ibi num. 18 decisa. Hinc ulterius descendimus, ut præfixus titulus demonstrat ad etiam ex-minandum, et dicendum, an sit possi-bilis, et existat de facto Pœnitentia na-turalis, quæ sit vera virtus, et virtutis statum sortiatur.

§ I.

Prima pars difficultatis absolvitur, et ex Tridentino, ac PP. probatur.

183. Dicendum est primo Pœnitentiam esse virtutem per se infusam, seu quod idem est, quoad entitatem, et substantiam supernaturalem. Assertionem istam Theo-logis communem, adeo certam agnoscunt non pauci, ut oppositam variis censuris inurant, ut videre est apud Martinez de Prado in præsenti dub. 5, § 6. Nos vero ab omnibus illis supersedentes, ejus pro-bationibus insistamus, utpote ex quibus gradus certitudinis nostræ sententiae, et oppositæ falsitas, vel minor probabilitas clarius innotescat.

Primum ergo, et omnino efficax hujus veritatis fundamentum depromitur ex Con-cilio

Asser-tio.

Prado.

lent. cilio Tridentino sess. 6, canone 3, ubi sub anathemate damnat dicentem, *sine præveniente Spiritu sancti inspiratione, atque ejus adjutorio hominem credere, sperare, diligere, aut pœnitere posse, sicut oportet, ut ei justificationis gratia conferatur.* Ex qua doctrina per necessariam consequentiam deducitur intentum: est namque fide sanctum, ac certum actum Pœnitentie ut distinctum ab actibus Fidei, Spei, et Charitatis esse supernaturem quoad speciem, non secus, ac actus ipsi Fidei, Spei, et Charitatis, ut prædicta definitio Tridentina satis superque demonstrat. Sel virtutes Fidei, Spei, et Charitatis sunt virtutes per se infusæ, et quoad substantiam supernaturales, ut constanter affirman Theologi, etiam Scotistæ (quibus alias non arridet concedere virtutes morales per se infusas, ut vidimus loco supra citato). Ergo etiam virtus Pœnitentiæ est virtus per se infusa, et quoad entitatem supernaturalis. Probatur Consequentia ex ipsis Concilii verbis, in quibus nulla vel apprens, aut levissima discretio fit, ut una præ aliis a ratione supernaturalis excludatur, sed indiscrete de omnibus asserit ab Spiritu sancti inspiratione, et Dei adjutorio prodire. Nominibus autem illis *Inscriptionis, et adjutorii divini, intelligunt uniformiter Concilia, et Patres gratiam supernaturem præexactam ad eliciantiam illorum actuum.* Ergo eadem prorsus ratione, qua ad elicendos actus Fidei, Spei, et Charitatis ex mente Concilii prærequiruntur virtutes infusæ Theologicae; ad actum Pœnitentiæ adstruenda est virtus Pœnitentiæ per se infusa: non enim actus supernaturalis, qualis est actus Pœnitentiæ, ut testatur sancta Synodus, potest elici a virtute acquisita, seu naturali, nec similiter aliam sibi vindicat virtutem actus Pœnitentiæ, quam Pœnitentiam.

firm. dent. Confirmatur, et explicatur primo ex eodem Concilio sess. allegata cap. 7, ubi ita docet; *Per Spiritum sanctum Charitas Dei diffunditur in cordibus eorum, qui justificantur, atque in ipsis inharet. Unde in ipsa justificatione cum remissione peccatorum hæc omnia simul infusa accipit homo per Iesum Christum cui insertur fidem, spem, et charitatem.* In quibus verbis licet expresse sermonem tantum habeat de fide, spe, et charitate, non de actibus, sed de eorum principiis, seu virtutibus, intelligi debere manifestum est. Tum, quia loquitur de justificatione prout est communis parvulis, et

adultis; in parvulis vero non est locus actibus illis credendi, sperandi, et diligendi, sed tantum virtutibus gratiam comitantibus. Tum etiam, quia actibus non nisi impropte competit infundi, cum sint actus vitiales ab intrinseco principio prodeentes: nec similiter queit adaptari, quod diffundantur. Quare necesse est asserere sacram Synodum non de actibus, sed de virtutibus disseruisse hasque nobis infundi statuisse; alioqui impropra, et nimis inepta redderentur ejus verba. Cum vero ex eodem Concilio habeamus ad actum pœnitendi eamdem ex parte Dei gratiam prærequiri, quam præexigi docet ad actus credendi, sperandi, et diligendi, et hanc infundi statuerit ad prædictos actus; liquido infertur ex mente Concilii ad pœnitendi actum virtutem infusam, et inhærentem desiderari, eamque esse Pœnitentiam.

Confirmatur, et explicatur secundo argumento desumpto ex ipsomet Concilio sess. 14, cap. 4, ubi distinguit duplē contritionem, aliam perfectam, utpote quæ sibi annexam habet gratiam; aliam non ita nobilem, seu minus perfectam, quæ attritio dicitur: et hanc docet esse donum Spiritus sancti, nondum inhabitantis, sed mortis, et impellantis. Ex quo a fortiori sequitur ad eliciantiam contritionis perfectæ, necessarium esse principium supernaturalis, illudque esse tale, quod supponat inhabitantem Spiritum sanctum, seu permanentis; quo pacto dicitur inhabitare animam, non vero quando se habet ad instar impulsus, seu motionis transiunt. Inhabitat vero mediis gratia, et virtutibus iufusis, quæ diffunduntur animæ, ut constat ex prima Confirmatione. Ergo ex hac doctrina Concilii bene deducitur ad actum perfectum pœnitendi necessariam esse virtutem infusam Pœnitentiæ, subindeque admitti debere Pœnitentiam infusam.

184. Id quod satis clare demonstrat illud Jerem. 31, vers. 18: *Converte me et convertar, quia tu Dominus Deus meus: postquam enim convertisti me, egi pœnitentiam,* atque ita docent communiter SS. PP. August. lib. 1, contra duas Epist. Pelag. cap. 20, et lib. 5, contra Julian. cap. 3. Leo Magnus epist. 91, ad Theodor. ad quem inquit: *Ipsam Pœnitentiam ex Dei credimus inspiratione conceptam.* S. Fulgent. de fide ad Petr. cap. 31. D. Bernard. serm. 1 Pentecost. ubi ita rem illustrat: *Initium enim revertendi ad Deum Pœnitentia est,*

Con-
firm. 2
ex eo-
dem
Conci-
lio.

Je-
rem. 31.

August.

Leo
Magn.

Fulgen-
tius.
Bernard.

*quam sine dubio Spiritus operatur, non nos-
ter, sed Dei: idque et certa ratio docet, et
confirmat authoritas. Quis enim cum ad
ignem venerit algens, et fuerit calefactus,
dubitabil ei ab igne venisse calorem, quam
habere non poterat sine illo? Sic ergo, qui
prius in iniquitate erat frigidus, si postmo-*

*dum fervore quodam pœnitentia accendatur,
alium sibi spiritum qui suum arguit, et di-
judicat, non dubitet advenisse.*

*Quo nihil
clarius; a ratione, deinde pergit Mellifluus
Doctor idem ex Evangelio monstrare.
Porro in serm. 3 ejusdem festivitatis, cum
statuisset Dei gratiam ad usum, ad miracu-
lum, et ad salutem nobis infundi, de
hac tertia asserit eam homini concedi, cum
in toto corde nostro revertimur ad Dominum
Deum nostrum. Hoc autem minime coha-
ret, quin potius repugnat cum eo, quod Pœnitentia sit virtus nostris actibus acqui-
sita, ut rentur Scotistæ. Unde D. Hie-*

*Hiero-
nym. ad verba supra relata ex Jerem.
31, ita inquit: Vide quantum sit auxilium
Dei, et quam fragilis humana conditio, ut
hoc ipsum, quod Pœnitentiam agimus, nisi
nos Dominus ante converterit, et nisi Dei
nitamur auxilio, nequaquam implere va-
leamus. In qua sententia perpetuus fuit*

*D.Thom. D. Thomas sive in præsentि a quæst.
84, et deinceps, sive in 4 a dist. 14
usque ad 21, in quibus locis accuratis-
sime egit de hac materia. Quapropter*

*Joan. a
S.Thom. Magister Joan. a Sancto Thoma tom.
2 in 1, 2. quæst. 62, disp. 16, art. 7,
postquam statuerat non esse certo, et in-
dubitate, censura dignam sententiam ne-
gantem virtutes infusas distinctas a Theo-
logicis, de Pœnitentia subjunxit: Sed
tamen de aliqua virtute morali, scilicet
Pœnitentia, etiam ita proxime deducitur
debere esse infusam ex doctrina Concilii, ut
existimem de hac morali virtute non posse
sine censura negari, quod sit virtus infusa.
Itaque existimo ad minus esse proximum
errori negare quod virtus Pœnitentia sit
virtus infusa. Unde minime audiendum ve-
nit Christophorus Delgadillo de Pœnit.*

*Delga-
dillo
rejectus. cap. 2, dub. 14. Ubi possibilem esse negat
virtutem Pœnitentia infusam; quod ut
paradoxum, et in Scholis audiri indi-*

*gnum censuit Prado in præsentि dub. 5,
ad quæst. 85. Qui enim post tam expre-
ssam Tridentini doctrinam id asserit de
Pœnitentia, pari etiam ratione dicere pos-
set de fide, spe, et charitate, quod non
bene apud Theologos audiet. Et ratio est
manifesta ex ipso Concilio nullatenus dis-*

*tinguente inter quatuor actus a se recensi-
tos, ut ponderavimus supra. Nec nisi
violenter sensum detorquendo, facile oc-
curret testimoniis Patrum in oppositum
reclamantium, ut eorum verba relata,
pluribus aliis omissis testimoniis, mani-
festant.*

*185. Contendit tamen Vazquez in præ-
senti art. 5, dub. unico, § ex ijs tamen locis, hinc tantum haberi Pœnitentiam esse Dei donum, et ex auxilio gratiae excitantis, et adjuvantis provenire: quod verum potest esse, etiam si Pœnitentia non dicatur virtus infusa. Nam virtus infusa non distin-
guitur ab acquisita, in eo quod postulet gratiam Dei excitantem, et adjuvantem; quandoquidem una, et altera id permittit; sed in eo, quod actus illius est quoad substantiam supernaturalis, vi cuius ultra gratiam excitantem, et adjuvantem prærequirit auxilium elevans ex parte actus primi voluntatem: actus vero virtutis acquisitæ, quia non est supernaturalis, non requirit aliud auxilium præter gratiam excitantem, et adjuvantem; quæ quia est indebita, et confertur ex meritis Christi, sortitur rationem gratiæ, licet non sit supernaturalis, sed proportionetur viribus propriis liberi arbitrii. Et quia voluntas nequit se exerceere in actum Pœnitentia absque prædic-
tis excitatione, et adjutorio; idcirco dicitur donum Dei, et gratia ipsius, non secus ac auxilium naturale indebitum sub Dei gratiæ contia continetur. Juxta quam doctri-
nam alibi a se ipso probatam, respondet ex testimoniis, ac verbis allegatis sive Concilii, sive sanctorum Patrum, solum posse concludi Pœnitentiam esse donum, et gratiam Dei hoc secundo modo, non excludente, quod sit virtus acquisita; non vero inde confici potest esse virtutem super-
naturalem quoad entitatem, ut requiratur ad rationem infusæ virtutis. Quare licet ex determinatione Concilii ut de fide ha-
beatur Pœnitentiam sumptam pro actu pœnitendi esse donum Dei; non tamen inde concluditur habitum ipsum debere esse infusum, et supernaturalem.*

*Hoc autem effugium paucis indiget, ut occludatur, et præclusum relinquimus tract. de necessitate gratiæ disp. 2, dub. 2 et disp. 3, dub. 9 et sequentibus, ubi ejus doctrinam ut Sanctis Patribus, et veræ Theologie adversam repulimus. Et quidem si per gratiam excitantem, et adjuvantem auxilium naturale intelligi posset apud Con-
cilia, et SS. PP. vel ex eo solum, quod*

*Interp.
Vazquez
rii.*

Prado.

alicui in individuo esset indebita, ut Vasquez obtendit; nihil actum illis esset contra Pelagium, et ejus sectatores sub nomine gratiae comprehendentes auxilia naturalia, imo et vires ipsas naturales in vi creationis ipsi homini concessas; hanc enim illi negare non poterant, quin fallacissime adtruebant, ut catholici, et fautores gratiae haberentur. Cum tam D. Augustinus, exclusa gratia creationis, et deposita larva, aliam gratiam sive excitantem, sive adjuvantem ad opera salutaria omnino necessariam asserere extorserit, ac compulerit. De quo uberrime sermonem habuimus disp. procemiali ad tract. de gratia, et disputationibus de ipsius necessitate nuper allegatis.

Quoad vero in praesentiarn refert, refellitur primo, ex eodemmet textu Concilii. Nam eamdem et gratiam excitantem, et adjuvantem, quam assignat sancta Synodus ad credendum, sperandum, et diligendum, statuit, et decernit ad poenitemendum: sed gratia excitans, et adjuvans, quam exoptat Concilium ad actus fidei, spei, et charitatis, est supernaturalis in omnium Catholicorum sententia, a qua non recedit P. Vasquez: ergo gratia, sive excitans, sive adjuvans ad vere poenitendum, nequit non ex mente Concilii esse supernaturalis. Consequentia est legitima. Major sola verborum illius canonis recitatione indiget. Minor vero vel est de fide, vel ita certa, ut absque errore in fide negari non possit.

Rursus. De illa gratia præveniente et adjuvante loquitur Concilium in canone allegato, de qua cap. 5 illius sessionis ducuerat sumi debere justificationis initium: sed justificationis initium sumitur non ex gratia aliqua pure naturali, sed ex gratia supernaturali, nulli principio naturali debita: ergo gratia, quam exoptat Concilium ad veram Poenitentiam, non est gratia naturalis, sed debet esse supernaturalis, subindeque Poenitentia non est virtus naturalis, seu acquisita. Haec secunda Consequentia constat ex prima: quia ad actum pure naturalem sufficit virtus naturalis, nec est necessaria virtus supernaturalis, ut ex terminis liquet. Prima vero Consequentia infertur ex præmissis, quæ constant ex capite allegato ejusdem Concilii, ubi ita se explicat: *Declarat præterea ipsius justificationis exordium in adultis a Dei per Jesum Christum præveniente gratia sumendum esse; hoc est, ab ejus vocatione, qua nullis eorum existentibus meritis, vocantur,*

ut qui per peccata a Deo aversi erant, per ejus excitantem, atque adjuvantem gratiam, ad convertendum se ad suam ipsorum justificationem, eidem gratia libere assentiendo, et cooperando disponantur. Ubi manifestum est sermonem esse de gratia entitative supernaturali, utpote qua tantummodo sive proxime, sive remote disponitur homo ad obtainendam justificationem: dispositio autem sive proxima, sive remota ad gratiam justificationis nequit non esse ordinis supernaturalis; alioqui non esset ratio Semipelagianos amandandi, quod docuissent a nobis esse aliquod licet imperfectum nostræ justificationis exordium. Quam ergo requirit Concilium gratiam ad Poenitentiam, non est naturalis, sed supernaturalis, atque ideo ex mente Concilii Poenitentia non est virtus acquisita, sed infusa.

186. Nec refert, si objicias contra probationem secundæ Consequentialie illatae. Nam amor Dei ut authoris naturæ est pure naturalis; et tamen in natura lapsa est necessaria gratia supernaturalis pro ejus elicientia: ergo bene coheret actum esse pure naturalem, et quod ad illum sit necessaria gratia supernaturalis: atque ideo recte cohæredit actum Poenitentiae esse pure naturalem, et quod prærequirat gratiam excitantem, et adjuvantem, quæ sit supernaturalis.

Non, inquam, refert objectio, utpote Repelli-
tur.
quæ positioni Vasquii minime favet, si quidem nomine gratiae excitantis, non intelligit aliquid supernaturale, sed dumtaxat quid indebitum intra ipsum naturæ ordinem. Et quia ex meritis Christi, ut ille autumat, dispensatur homini, idcirco donum Dei seu gratiam appellari defendit. Respondet ergo concessa Majori distinguendo Minorem: *est necessaria gracia pro illius elientia, ad tollendum obicem peccati, et expediendas vires liberi arbitrii conceditur: ad præstandas, seu augendas illius vires, negatur, et simul Consequencia.* Quia non est contra rationem actus naturalis, supposito obice inauferibili per vires naturæ, quod expectet gratiam, qua tollatur obex, et eo oblato per gratiam se exercere possit voluntas in actum naturalem sibi proprium. Et ita accedit in præsenti; siquidem in natura lapsa sub peccato adhuc est potentia antecedens ad amorem Dei naturalem, ut constat ex dictis disp. 2, de necessitate gratiae; quia tamen adest impedimentum peccati, quod nequit auferri absque gratia; idcirco non

Instatur
ex ad-
verso.

datur potentia consequens, ut ibi explicimus ad prædictum amorem naturalem, nec in ipsum erumpere potest voluntas, quin prius expediatur ab obice. Nec insuper (ut aliam præveniamus objectionem) est contra rationem actus naturalis, quod radicaliter præsupponat aliquid supernaturale, ut videre est in assensibus vere Theologicis, quibus necessario competit supponere assensum supernaturalem fidei, sine quibus non est vera, et christiana Theologia: quamvis ipsi assensus sint actus pure naturales in illatione naturali fundati, ut verior, et communior sententia docet. In neutro enim casu principium supernaturale influit immediate in actum naturalem; sed vel se habet expeditive, et tamquam removens prohibens ut in amore naturali; vel pure præsuppositive, et remote, ut accidit Theologo discurrenti ex principiis ministratis a fide. In casu autem præsenti tam diserte loquitur Concilium de actu Pœnitentiae, quam de actibus virtutum Theologicarum, de quibus constans est doctrina apud ipsum etiam Vasquez non posse fieri absque gratia præveniente, et adjuvante quæ sit supernaturalis, et influat immediate ad credendum, sperandum, et diligendum; atque ideo per legitimam Consequentiam infertur idem ex mente Concilii tenendum, et asserendum fore de actu proprio Pœnitentiae.

187. Secundo instat Vasquez dicens Concilium et Patres non loqui de actu proprio ipsius Pœnitentiae: quo pacto importat intentionem satisfaciendi Deo, et compensandi offensam; sed tantummodo de actu doloris, seu detestationis propter Deum summe dilectum, vel propter penas inferni; qui quidem actus, inquit Vasquez, secundum omnium sententiam est proprius charitatis. Unde ex prædictis testimoniosis non colligunt actum proprium Pœnitentiae, ut est virtus a charitate distincta, postulare gratiam supernaturalem. Et hoc erat necessarium, ut illa esset virtus infusa.

Præcluditur. Verum enim vero hanc secundam expositionem approbare non possumus, quin nemo ineptiorem judicamus priori, tum, quia voluntarium omnino est asseruisse Concilium non loqui de Pœnitentia ut est virtus specialis; ad quod asserendum nullum est fundamentum; sicut nullum omnino haberet, qui doceret actum sperandi non esse actum diversum, a dilectione, nec subinde distinctam virtutem exposcere.

Non enim bene mereretur de fide, qui doceret ab eadem omnino virtute procedere amorem Dei, et spem de illo, et actum distinctionem primariam confunderet, ut virtutem spei a charitate diversam in ordine supernaturali negaret; nam eo ipso convinceretur non esse tres virtutes Theologales contra communem Theologorum sententiam, et quod magis est, contra idem Concilium Tridentinum sess. 6, Concil cap. 7, supra allegato, ubi docet fidem, spem, et charitatem homini simul, dum justificatur, infundi. Cum ergo ipsunmet Concilium quatuor actus diversos annumeret, quorum ultimus est pœnitere; et tam diserte de uno, ac de cæteris statuat, proveniri a gratia excitante, et adjuvantem comitari; manifestum est cuilibet eorum propriam respondere virtutem, quæ sit ejusdem ordinis cum ipsius actu, et cum prædicta gratia præveniente, et adjuvante. Contritio autem est actus supernaturalis, et proprius Pœnitentiae; vel si mavis, ut plures volunt, etiam attritio, quam esse etiam supernaturale est doctrina Concilii: Ergo etiam virtus illis respondens, quæ est Pœnitentia: atque ideo nequit non ut virtus infusa computari.

Tum etiam: quoniam in prædicto Canone sermonem habuit Concilium de illa Pœnitentia, quam postea sess. 14, cap. 1, declarat fuisse necessariam quovis tempore eis, qui adhuc ante Baptismum aliquo actuali crimine se contaminaverint; siquidem loquebatur de justificatione adulrorum se disponentium ad consequendam remissionis gratiam, ut ea conferenti constabit: sed in prædicto capite 1, sess. 14 loquitur de Pœnitentia ut est virtus, et de ejus actu diverso ab actu Charitatis, ut est perspicuum; alias solum dixisset ad ablutionem peccati desiderari Charitatem, quod numquam fuit difficultati obnoxium: ergo in prædicto Canone fuit illi sermo de Pœnitentia ut est virtus a Charitate diversa, necnon de actu sibi proprio, qui non eliciatur a charitate, licet ab ea imperetur.

Tum denique quia^s dolor de peccatis, quia sunt offensa Dei, et propter Deum summe dilectum, est proprius, et immediatus actus virtutis Pœnitentiae, ut constat ex supradictis in hac eadem disputacione: sed prædictus actus est supernaturalis, et de eo loquitur Concilium, ut affirmat Vasquez: ergo male negat non loqui de actu proprio Pœnitentiae. Præmissæ

missæ constant ex jam expensis in superioribus disputationibus, et ex expendendis, dum egerimus de contritione in particuli: nam ut sæpe audivimus a D. Thoma in hac eadem quæst. art. 1, ad 1: *Si in actu paenitentis consideretur sola displicentia peccati præteriti, hoc immediate ad Charitatem pertinet, sicut et gaudere de bonis præteritis: sed intentio operandi ad deletionem peccati præteriti requirit specialem virtutem a Charitate (nimirum Paenitentiam, quæ sub speci ratione respicit omnia peccata) in quantum scilicet, sunt emendabilia per actum hominis cooperantis Deo ad suam justificationem, ut inquit S. Doctor, sol. ad 2. Non autem cooperatur homo Deo ad suam justificationem, nisi mediis actibus supernaturalibus. Ergo actus proprii Paenitentiae ut a charitate diversæ sunt actus supernaturales.*

188. Sed adhuc insistit Vasquez, et tandem respondet satis superque Concilii, et Patrum mentem salvari, si dixerimus actum illum poenitendi eatenus esse supernaturale, vel quatenus imperatur a charitate: vel quatenus intentio compensandi imperat actum charitatis, quo poenitens de peccatis dolet.

Sed nec hæc ejus metaphysica subsistit. Tum quia virtus imperata non indiget imperio superioris ad attingentiam proprii objecti, sed tantummodo ut pertingat ex imperio ad finem proprio superiorem: ad hoc enim dumtaxat deservit imperium, ut constat inductione: ergo virtus Paenitentiae non imperabitur a charitate, ut proprium, et sibi speciale objectum attingat: sed ut se porrigit ad finem ipsius charitatis. Hoc autem posito, inquirimus an Paenitentia essentialiter petat a charitate imperari, vel non? Si asseratur primum: sequitur actum Paenitentiae esse supernaturalem entitative, ut convincitur ad hominem contra ipsum Vasquez; qui quidem eo loci num. 10 immediato redarguit inconsequentia Durandum, eo quod docuit Paenitentiam esse virtutem acquisitam, et non posse non a charitate imperari: *Si enim (inquit et bene) ab illarum imperio, et prævia operatione ita pendet, ut essentialiter eam supponat, mirum est, quomodo illa sit acquisita virtus, et ejus operatio non sit supra naturam.* Et ratio est peremptoria contra Pelagium, et ejus doctrinam: quia non est essentialis, imo nec connaturalis connexion naturalium ad supernaturalia; alioqui gratia deberetur

naturæ, illaque esset hujus pedissequa; quod omnes Catholici abhorrent: ergo operatio, cui est essentialie a charitate imperari, nequit non ex hoc ipso reddi supernaturalis. Quapropter eligi debet secundum, quod scilicet non sit essentialie Paenitentiae imperari a charitate. Ex quo sequi necesse est posse hominem paenitente absque præveniente, et adjuvante Spiritus sancti gratia; siquidem virtus, quæ ab alia in agendo essentialiter non dependet, elicere potest proprium absque concursu alterius, aquo essentialiter non dependet, ut videtur per se notum. Hoc vero est expresse contra definitionem Concilii docentis sub anathemate neminem posse vere paenitente absque præveniente Spiritus sancti gratia: ergo neutiquam potest sustineri, quod tota supernaturalis Paenitentiae proveniat ex imperio.

Tum etiam: quoniam si virtus Paenitentiae sibi vindicaret supernaturalitatem ex illo unico dumtaxat capite; ad paenitendum non esset necessaria nec gratia præveniens, nec gratia adjuvans, sed solum ad imperandum: et consequenter verba illa Concilii non appellarent, aut caderent supra omnes illos actus ibi recensitos, quod nullus hactenus excogitavit. Et ratio est clara, quia virtus efficaciter applicata, et imperata non indiget excitatione alia, quam ipso imperio, quo ordinatur infallibiliter in finem imperantis. Virtus namque præveniens, et supernaturaliter adjuvans solum deservit ad influxum supernaturalis; sed actus Paenitentiae solum est supernaturalis quia imperatus. Ergo solum ad ipsam ut imperatam, seu quod idem est, ad imperium, erit opportuna prædicta gratia, non vero ad ipsum paenitente. Quod non satis Concilio, et Patribus consonat.

189. Si autem e converso fiat discursus, ut tangitur in evasione, quod nimirum intentio compensandi inspireret ipsum actum Charitatis, et dolorem ex illo ortum, et ita innuit Vasquez, inquiens: *Dolorem illum semper esse actum Charitatis, imperatum tamen ab illa intentione, nimirum satisfaciendi.* Si, inquam, hoc modo ejus discursus exponatur, vel nihil addit, vel falsa inculcat. Nam ut illa intentio possit imperare actum Charitatis, et dolorem, debet esse supernaturalis: actus enim naturalis nequit imperare, et in proprium finem dirigere actum supernaturalis; esset quippe perversa ordinatio, sicut est quod vires inferiores imperent super-

Alia probatio.

Ex alia radice refellitur illa doctrina.

riori. Si autem prædicta intentio est supernaturalis, jam supponit Vasquez, quod hactenus negabat, et insuper est falsum dolorem illum solum esse supernaturalem, quia imperatum. Nam dolor, qui est actus Charitatis non solum sibi vindicat supernaturalitatem ex principio imperante, sed et maxime ex ipsa Charitate, a qua in ejus sententia elicetur immediate. Relinquitur ergo quod illa intentio satisfaciendi, quæ est proprius Pœnitentiæ actus in ejus sententia, ut imperet dolorem, qui proveniat a charitate, sit vere supernaturalis, non quia imperatus, sed quia imperat dolorem. Quod vero prædicta intentio sit supernaturalis; non aliunde aut verius, aut efficacius probari debet, quam ex diffinitione Concilii Trident.^{D. Au-} docentis, quod si quis dixerit sine præveniente Spiritus sancti inspiratione, atque ejus adjutorio, hominem pœnitere posse, sicut oportet, ut ei justificationis gratia conferatur, anathema sit. Verba autem Conciliorum, et Scripturarum (quod solum eidem Vasquez opponit Arauxo in præsenti, et revera sufficere videtur) juxta regulam D. Augustini de doctrina Christiana cap. 10, et communem Theologorum, accipienda sunt in sensu proprio, et communiter recepto, dummodo inconveniens, vel absurdum aliquod contra fidem, aut bonos mores non sequatur. Nomine autem Pœnitentiæ proprie, et communiter loquendo intelligitur virtus, et actus a charitate distinctus, in quo hactenus nullum detectum est, vel inconveniens, vel absurdum: sive ergo Pœnitentia sumatur pro illa intentione satisfaciendi, ut intendit Vasquez; sive pro vero dolore ab actu, et virtute Charitatis distincto, ut vera sententia affirmat; semper salvatur, et efficaciter ex Concilio deducitur, Pœnitentiam virtutem esse supernaturalem, et supponere essentialiter Dei gratiam prævenientem, et excitantem.

Quocirca rectissime D. August. de Fide ad Petrum cap. 31, dixit: *Firmissime tene neminem hic posse Pœnitentiam agere, nisi quem Deus illuminaverit, et gratuita sua misericordia converterit*: ubi luce clarius est loqui S. Doctorem de ipsa virtute, seu potentia proxima, ut explicat illud verbum *Posse*, quod etiam usurpavit Concilium. Unde novum, nec inerme confici potest argumentum. Nam hoc quod est posse, vel non posse, non refert actum, sed potentiam: Ergo quoties Concilium, et Patres docent hominem absque gratia non posse pœnitere, clare demonstrant

potentiam pœnitendi proxime non esse absque gratia, subindeque esse supernaturalem, quod est asserere Pœnitentiam esse virtutem infusam. Quare Cœlestinus Papa Epist. ad omnes Galliarum Episcopos cap. 4, definivit: *Neminem de ruina peccati per liberum arbitrium posse consurgere, nisi cum gratia Dei miserentis erexerit*. Quæ etiam est doctrina D. Thomæ 1, 2, qu. 109, art. 7, et alibi pluries.

§ II.

Duplex conclusionis ratio.

180. Ratio a priori conclusionis, qua utuntur communiter discipuli D. Thomæ, desumitur ex S. Doctore 1, 2, quæst. 51, art. 4, et potest ad sequentem formam reduci. Nam illa virtus, seu habitus est per se infusus, quo homo connaturaliter, et quasi permanenter bene disponitur ad finem excedentem facultatem humanæ naturæ: sed per virtutem Pœnitentiæ bene disponitur homo permanenter, et quasi connaturaliter ad finem excedentem facultatem humanæ naturæ: Ergo Pœnitentia est virtus seu habitus infusus. Consequentia patet. Major præterquam quod est D. Thomæ, facile explicatur, et probatur ex a nobis traditis tract. de virtut. disp. 1, dub. 1, ubi fuse exposuimus, qualiter virtus contineatur sub specie subalterna habitus, et ejus munera explicuimus, inter quæ potissimum est bene afficere, ac disponere subjectum, ut prompte, suaviter, ac faciliter in proprium actum erumpat, quoties eo uti voluerit. Id quod ipsa experientia liquido declarat, sive habitus sit naturalis, sive supernaturalis: quilibet enim in suo ordine eam promptitudinem, et facilitatem præstat. Unde nequit non esse verum habitum per se infusum tribuere facilitatem, et promptitudinem potentia in ordine ad finem supernaturalem, qui solus excedit facultatem humanæ naturæ. Minor vero probatur: nam habitus, seu virtus Pœnitentiæ id præstat permanenter, et habitualiter, quod ejus primarius actus facit actualiter, et transeunter: non enim est habitus, nisi qualitas inclinans in idemmet objectum, in quod actus collimat, unde ortum duxit solidum illud principium communi plausu receptum, quod habitus speciem sumit ab actibus, et actus ab objecto. Sed actus primarius Pœnitentiæ elevat actualiter ad finem supernaturalem, humanam voluntatem,

Rati
prior
D.Th

voluntatem, eamque convertit in Deum ut finem supernaturalem. Ergo virtus Pœnitentiae hoc ipsum prestat habitualiter; consequenterque bene disponit, et affluit subjectum in ordine ad finem excedentem facultatem humanæ naturæ. Minor hujus Syllogismi constat ex disp. præced. dub. 3, per totum, ubi auctoritate, et ratione stabilivimus actum contritionis esse entitative supernaturalem, subindeque non esse in tota natura destituta supernaturali gratia vires ad eam eliciendam.

Confirmatur hec ratio alio discursu de sumpto ex doctrina ejusdem Angelici Præceptoris eadem 1, 2, q. 113, art. 6, et ad hanc formam redacto: Nam ea virtus est infusa, et supernaturalis, cuius actus primarius supponit gratiam habitualem, et virtutes Theologales ab ea profluentes, ipsisque annexitur; sed actus primarius Pœnitentiae supponit tum gratiam, tum virtutes Theologicas, illisque maxime annexitur: ergo virtus Pœnitentiae est virtus infusa, et supernaturalis. Consequentia constat. Major etiam liquet: quia eadem connexio, quæ exigitur ex parte actuum, reperitur debet in virtutibus, et habitibus ut dicebamus; nec est facile intellectu actum primarium virtutis esse supernaturalem, et gratiae annexum, quin hæc eadem prædicata virtuti convenienter; cum virtus non aliunde sibi vindicet speciem, quam ex actu primo inspecto, qui est ipsius finis proximus, et immediatus: non enim est virtus, nec potentia, nisi propter actum. Minor vero probatur ex allegata D. Thomæ doctrina: nam ad actum contritionis præcedere necesse est gratiae infusionem, et motus liberi arbitrii in Deum; ad quem sequitur motus liberi arbitrii in peccatum; sed motus liberi arbitrii in peccatum, qui consequitur ad infusionem gratiae, et motum liberi arbitrii in Deum, est actus contritionis, qui primo respicitur, et elicitor a Pœnitentia: ergo actus primarius Pœnitentiae petit consequi tum ad gratiae infusionem, tum ad virtutes Theologicas, quibus competit attingere Deum immediate, easque comitari. Hanc Minor rem probat D. Thomas, quia contrito est dolor de peccatis propter Deum summe dilectum, et sub hac expressione ab omnibus catholicis accipitur ejus definitio. Unde art. 8, sequenti ita rem conclusit Doctor Angelicus: *Et ideo naturali ordine primum in justificatione impii est gratia infusionis, secundum est motus liberi arbitrii in Deum,*

tertium vero est motus liberi arbitrii in peccatum. Propter hoc enim ille, qui justificatur, detestatur peccatum quia est contra Deum: unde motus liberi arbitrii in Deum præcedit motum liberi arbitrii in peccatum, cum sit causa, et ratio ejus.

191. Confirmatur ulterius hæc eadem ratio ex alio principio non minus perspicuo. Nam virtus infusa est quam Deus in nobis, sine nobis operantibus principaliter, non vero sine nobis dispositive cooperantibus, operatur, ut ex doctrina D. Augustini accepit Magister in 2, dist. 27, et explicat D. Thomas in præsenti art. 5, in corpore, ubi examinat Pœnitentiae originem. Sed hujusmodi est Pœnitentia. Ergo Pœnitentia est virtus infusa. Consequentia est clara; procedit enim a definitione ad definitum. Major continet propriam differentiam virtutis infusæ, qua differt ab acquisitis, ut observavimus contra Vasquez loco supra allegato de virtut. dub. 4. Nam licet integra definitio sit: *est bona qualitas mentis, qua recte vivitur, qua nemo male utitur, quamque in nobis, sine nobis Deus operatur*, manifestum est per priora prædicta non assignari nisi conceptum omni virtuti communem; quippe nulla est vera virtus adhuc naturalis, quæ non sit bona qualitas mentis, quæque non deseriat ad bene vivendum, et recte operandum: stat vero unica, et adæquata differentia in eo, quod virtutem acquisitam propriis actibus principaliter comparamus, infusam vero immediate a Deo accipimus media propria dispositione, non quidem naturali, ut perperam nonnulli comminiscuntur; sed quæ procedat etiam a Deo authore supernaturali mediis suæ gratiae auxiliis. Unde solum restat probanda Minor, quæ facile suadetur ex dictis: nam eo ipso quod actus primarius Pœnitentiae sit supernaturalis, ejus principium proximum, et immediatum debet esse supernaturale: sed principium supernaturale non est acquisitum, sed infusum: ergo Pœnitentia, quæ est principium proximum prædicti actus, non est acquisita, sed infusa. Probatur Minor. Quia principium supernaturale nequit acquiri per actus naturales, utpote qui sunt longe inferioris rationis, subindeque impotentes omnino ad inducendum effectum supernaturalem: sed neque etiam potest acquiri per actus supernaturales: ergo principium supernaturale nequit non esse a Deo infusum; neutiquam vero nostris actibus acquisitum. Probatur Minor tum ex

Alia confir-
matio.

D. Au-
gust.
Magist.
sent.

doctrina D. Thomæ 1, 2, quæst. 51, art. 4, ubi docet habitus virtutum hujusmodi numquam posse homini inesse, nisi ex infusione devina: quod esset falsum, si nostris actibus supernaturalibus comparari possent. Tum etiam, quia actus supernaturales solum concurrunt dispositio ad habitus supernaturales: sed concursus dispositivus pertinet, et reducitur ad genus causæ materialis, non vero ad genus causæ efficientis, in quo solum genere habitus debent acquiri.

Principium supernaturale acquisitum possit acquiri.

D.Thom.

Tum denique, quia si principium supernaturale acquiri posset nostris actibus supernaturalibus, vel esset mediis actibus ipsum præcedentibus, medio auxilio eliciti; vel principium illud supponentibus, ut de se liquet. Porro id fieri non posse hoc secundo modo, est expressa S. Doctoris sententia in sol. ad 3, illius articuli, ubi docet, *quod actus, qui producuntur ex habitu infuso, non causant aliquem habitum, sed confirmant habitum præexistente, sicut medicinalia remedia adhibita homini sano per naturam non causant aliquam sanitatem, sed sanitatem prius habitam corroborant*. Et ratio id suadet: quia cum habitus non producantur nisi per actus illis proportionatos, si ex repetitione actuum generaretur novus habitus, deberet esse ejusdem speciei cum habitu præexistente; unde oportet multiplicari usque in infinitum habitus v. g. Charitatis, et aliarum virtutum, juxta repetitionem actuum; cum non esset major ratio unius actus, quam plurimum, vel non esset designatus numerus actuum, qui deberent coacervari ad generationem novi habitus. Et cum alias omnes illi habitus essent ejusdem speciei cum præexistente, utpote versantes circa idem formale objectum; conficeretur inde plura, imo innumera accidentia solo numero diversa simul inesse eidem subjecto.

Quod vero nec etiam primo modo id fieri possit, facile ostenditur ex iis, quæ tradidimus loco supra citato de virtut. disp. 1, dub. 3, ubi ex doctrina Angelici Præceptoris sanximus ad generationem habitus ex actuum inculcatione necessariam esse in eodem supposito potentiam superiorem permanentem, cuius participium diffueret in inferiorem media frequenti superioris motione: quoniam habitus non ponitur, nisi ad id, quod potentiae est difficile: hæc autem difficultas non vincitur nisi per repetitam motionem superioris, cuius habi-

tus est participium; de quo ibi, § 3, speciatim. Constat autem ablata gratia, et virtutibus ab ea profluentibus, non manere in homine principium permanens in quem possit refundi influxus supernaturalis, sed solum restat auxilium fluidum supernaturale: non ergo ex vi hujus queit habitus supernaturalis comparari.

Eo vel maxime, nam quod in peccatore maneant fides, et spes, ut aliquis causari poterit, nihil refert, tum, quia jam actus illi supponunt habitus infusos, quos proinde causare efficienter non valent, ut vidimus. Tum et maxime, quoniam prædicti actus solum deservire poterant ad similes habitus, non vero ad actus Pœnitentiae, aut aliarum virtutum infusarum. Relinquitur ergo Pœnitentiam esse virtutem supernaturalem nullatenus propriis viribus acquisibilem, sed a Deo penitus infundendam.

192. His, quæ sive pro ratione, sive pro confirmationibus construendis expendimus, occurri potest dupliciter. Primo oppónendo contra rationem, quam non esse solidam, sed falso niti fundamento, inde constat: nam virtus infusa non deservit ad bene, et faciliter posse, sed præstat ipsum proximum posse; habet enim se in suo ordine ad instar potentiae naturalis intra ordinem naturalem, ut in confessio est apud Theologos, maxime Thomistas. Sed ex vi rationis prout a nobis expensæ solum sequitur Pœnitentiam deservire ad prompte, et faciliter eliciendum proprium actum. Ergo ex vi nostræ rationis non sequitur Pœnitentiam esse virtutem infusam; quin imo inter acquisitas fore accensendam. Minor et Consequentia constant ex probatione Majoris, quæ tota est in eo, quod habitus sive naturalis, sive supernaturalis deservit ad prompte, et faciliter operandum, quilibet in proprio ordine. Major ergo probatur: nam eo ipso quod habitus deserviat ad prompte, et faciliter tantummodo operandum, supponit absolute, et simpliciter potentiam, que non ita prompte, nec ita facile illummet actum contineat: supponit ergo virtutem proximam, quæ licet ægre, ac difficulter erumpere possit in actum sibi proprium: atque ideo non est simpliciter necessaria, sed ad perfectius, et connaturalius operandum: quod est non esse virtutem infusam, sed acquisibilem propriis actibus.

Hinc provenit alterum caput confirmationes enervandi. Semel namque atque supponatur

Re
ca
pri

supponatur virtus ad salutem ægre, et non ita facile eliciendum actum Pœnitentia; quod superest suppleri potest auxiliis supernaturalibus, quorum vi superetur illa difficultas: non ergo est necessarium recurrere ad habitum per se infusum, sed sufficiet acquisitus, qui fulciatur prædictis auxiliis altioris ordinis. Consequentia patet ex naturali principio, quod non debeant multiplicari entitates absque necessitate, eo quod Deus tam ut Author naturæ, quam ut largior gratiæ renuit superflua. Antecedens etiam liquet in ipsomet habitibus, et potentiis in utroque ordine, sive naturali, sive supernaturali, in quorum neutro indigent habitu superaddito ad producendam rationem communissimam entis, aut ultimam actualitatem actus, et existentiam, in quibus actum secundum excedere actum primum excessu simpliciter, et absolute tali cum D. Thoma statuimus tract. de Peccatis disp. 3, dub. unico. Et hoc non ob aliam rationem, nisi quia semel atque supponitur virtus ad entitatem actus quoad substantiam; quod superest majoris actualitatis, et perfectionis defertur auxilio toties transeunter a Deo immisso, quoties potentia, vel habitus erumpit in actum prout in illis contentum. Similiter ergo in nostro casu theologizandum est, semel atque virtus Pœnitentiæ solum inserviat ad prompte, et faciliter operandum, ut convincere videtur prima impugnatio.

193. Neutra tamen harum impugnationum pungit, sed procedit una, et altera ex non satis penetrata efficacia præacti fundamenti. Et ut altius illud callere valeat lector, dignum est, quod observet in habitibus supernaturalibus duo simul concurre: et esse virtutem, a qua habeat potentia activitatem simpliciter, nedum ad dum aliquem, quod est proprium virtutis acquisitiæ, sed etiam ad substantiam, et entitatem actus, ut est communis intra Scholam D. Thome doctrina, quam ex extraneis amplectitur Vasquez in præsenti art. 5, dub. unic. n. 11, et esse habitum seu quod idem est, qualitatem bene affidentem subjectum; ut prompte, ac suaviter in proprios actus erumpat. Ex his autem capitibus duo sortiuntur, et obeunt munera prædicti habitus: nam qua parte praestant activitatem simpliciter potentia, suntque illi tota, et adæquata ratio proxima agendi, munus potentia imitantur, nam de ratione potentia est habere activitatem simpliciter. Nec ideo vere potentia sunt, sed se

habent ad instar potentia proximæ quoad hoc præcise, quod est importare virtutem proximam ad actum absolute, et simpliciter; quod non convenit, quin repugnat, habitibus acquisitis. Hi enim quia tales supponunt in potentia virtutem ad absolute, et simpliciter eliciendum actum, et solum sunt necessarii ad aliquem modum, et formalitatem, quæ illis ut proprius effectus respondet, ut late explicuimus loco supra citato de virtutibus, dub. 3, ubi assignavimus rationem, ad quam ex parte actus habitus virtute concurrat. Qua vero parte supponunt potentiam, utputa intellectum vel voluntatem, eamque elevant supra proprias vires ad attingendum objectum supernaturale, ipsique subduntur quoad usum, ut est proprium habituum, sortiuntur hanc eamdem rationem, et proprie pertinent, ad speciem habitus in prædicamento qualitatis, non vero collocantur, aut ab aliquo, cui stare oporteat, collocati sunt in specie naturalis potentia, aut impotentia; quod secus fieret, si vere, et proprie sibi rationem potentia vindicarent.

Et quia ex hac dupli ratione in virtute supernaturali reperta, hæc secunda est proprietas, et notior prima, idcirco hac non negata, sed supposita, secundæ mentionem fecimus pro construenda fundamentali ratione. Porro licet in virtute supernaturali reipsa coincidant, et esse virtutem proximam agendi actum proprium, et esse habitum infusum; ad decisionem difficultatis præsentis non tam refert primum (quod licet verissimum adhuc contentiose litigatur), quam secundum, in quo stat tota hujus dubii difficultas: quocirca opus fuit huc aciem dirigere, et discursum applicare, ostendendo virtutem infusam nedum præstare virtutem proximam agendi, quod in præsenti non ventilatur, sed supponitur, et supponi debet; verum et promptitudinem, ac facilitatem quam virtutes tribuere solent; et hinc recte concluditur Pœnitentiam esse virtutem infusam, ut ostenditur ratione supra expensa.

Ad impugnationis ergo formam negatur Major primi Syllogismi, nam virtus infusa utrumque præstat, et rationem proximam agendi, in quo se habet ad instar potentia proximæ, et promptitudinem, ac facilitatem ad actum, in quo proprie exercet munus, et officium habitus. Ad probationem in contrarium respondeatur veram esse Majorem, quoties habitus deservit ad mo-

dum, vel formalitatem allquam repertam in actu; tunc enim verum est supponere virtutem proximam in potentia, et superadditus habitus tantum requiritur ad expediendam, ac habilitandam potentiam, ut medio praedicto habitu connaturalius, ac promptius, se exerat in actu, quem alias absque habitu non adeo connaturaliter elicet. Fallit vero, et est manifeste falsa, quoties habitus utrumque præstare petit, ut videre est in actibus virtutum Theologicarum, quæ in omni sententia sunt virtutes infusæ, et non solum inserviunt ad actus quoad substantiam, et entitatem, sed etiam ut prompte, faciliter, et connaturaliter eliciantur.

**Secunda
objectio
diluitur.**

194. Hinc corrigit secundum caput impugnationis: quia cum actus contritionis sit quoad entitatem et substantiam supernaturalis, ut ex se constat, et supra in hoc eodem tract, ex professo ostendimus; nulla virtus proxima potest concedi in voluntate, quantumvis partialis, et inadæquata ea dicatur, quæ non sit supernaturallis, et postulet elevationem. Hæc vero elevatio duplacter queit in potentia fieri, et ab ipsa recipi, vel fluenter, et per modum transeuntis medio unico auxilio pro eliciencia unius tantummodo actus, quomodo facta non auferit difficultatem potentiae; sed solum supplet defectum virtutis ad actuum desideratæ. Vel per modum permanentis, ita ut praedicta elevatio fiat propria forma agentis inferioris, sitque qualitas in ipso permanens, ut quoties oportuerit ea uti, possit quasi ex propriis se exercere in actu. Et hujusmodi elevatio est propria habituum, et virtutum.

D.Thom. Nam ut docet D. Thomas quæst. de virt. art. 1: *habilibus virtutum ad tria indigemus: Primo, ut sit firmitas in operatione, ea enim quæ ex sola operatione dependent, facile immutantur, nisi secundum aliquam inclinationem habitualem fuerint stabilita. Secundo, ut operatio perfecta in promptu habeatur. Nisi enim potentia rationalis per habitum aliquo modo inclinetur ad unum, operabitur semper, cum necesse fuerit operari, præcedere inquisitionem de operatione: sicut patet de eo, qui vult considerare nondum habens scientiam habitum, et qui vult secundum virtutem agere habitu virtutis carens: Tertiò, ut delectabiliter perfecta operatio compleatur, quod quidem fit per habitum; qui cum sit per modum cuiusdam naturæ, operationem sibi propriam quasi naturalem reddit, et per consequens delectabilem: nam convenientia est delectationis causa.*

Unde colligitur differentia inter modum agendi ex auxilio transeunti, et operandi ex ipso habitu, et virtute Pœnitentiæ; neconon inter actus inde prodeunt, quam tradit etiam D. Thomas, ubi supra art. 9. Nam actus medio auxilio prodeunt, et refunditur in ipsos actus, sunt quippe actus virtutis (ut verbis utamur S. Doctoris) quantum ad id, quod agitur, in quantum scilicet homo agit fortia et justa; non autem quantum ad modum agendi, quia ante habitum virtutis acquisitum (idem dicit de infuso) non agit opera virtutis e modo, quo virtuosus agit, scilicet prompte absque dubitatione, et delectabiliter absque difficultate. Quantumvis ergo concedemus auxilia transeuntia ad sublevandam indigentiam voluntatis pro actibus Pœnitentiæ, non inde conficiebatur superfluere, aut non concessum Insuper iri virtutem Pœnitentiæ; quoniam praedicta auxilia præstarent quidem vires ad pœnitendum absolute, non vero ad prompte, faciliter, ac veluti connaturaliter, ut constat ex verbis D. Thomæ.

Obser
vanda
differe
tia.

Disp.
riat.
card.

Unde constat disparitas Antecedentis a Consequenti; quam omnes concedere tenentur inter causam principalem, et instrumentalē. Voluntas enim sive elevetur ab auxilio, sive ab habitu semper producit actuum ut causa principalia, si consideretur actus penes tendentiam in objectum. Si vero accipiatur sub aliqua illarum rationum, quæ in probatione Antecedentis numerantur, petit instrumentaliter a creatura produci. Et ratio est: nam prædictæ rationes, quia universalissimæ sunt, nequeunt cadere principaliter sub causalitate creata, sed commendant causalitatem divinam, cuius sunt ita propria, ut omnem virtutem creatam supergrediantur: quo circa solum instrumentaliter ab ea producuntur. Et quia de ratione instrumenti est agere ut actualiter motum, et elevatum a principali agenti; idecirco ad prædictas rationes, ibi semper, et indispensabiliter reportas, necessarius omnino est influxus divinus facile transiens, sive actus sit naturalis, sive supernaturalis, eumque concedimus ad visionem beatificam, et ad actus virtutum Theologalium, quin inde aliquis possit inferre vel superfluere lumen gloriæ permanens, vel non esse necessarias virtutes Theologales infusas pro connaturali modo efficiendi illarum actus. Unde non

non est simile; alioqui codem argumento coniceretur nullam esse virtutem adhuc naturalem permanentem: sed omnes operationes in auxilia transeuntia revocarentur ut in illarum principia. Quod est absurdum et minus philosophicum, utpote quo destruuntur nedum habitus supernaturales, sed ipsas virtutes morales acquisitas, in quibus æque militat necessitas auxiliarum ad producendas rationes entis, ultime actualitatis, et existentiae.

195. Secunda assertionis ratio desumitur ab inconvenienti, quod ex contraria videtur sequi. Etenim si Pœnitentia esset virtus acquisita, consequenterque naturalis, ex viribus naturæ posset homo se convertere ad Deum saltem ut Authorem nature, vere pœnitere, veramque contritionem elicere: Consequens est falsum, et intolerabile: falsum ergo, et intolerabile iudicandum est Pœnitentiam esse virtutem acquisitam. Consequentia liquet. Minor constat ex dictis in hoc eodem dubio, neenon ex testimoniosis tum Scripturar, tum SS. PP. quæ allegavit supra disp. 4, dub. 3, ut ostenderemus intra ordinem naturæ non esse vires ad actum contritionis: sed prorsus necessarium esse recurrsum ad gratiam, non qualiter adstruebat Vasquez, naturalem, sed vere supernaturalem, seu altioris ordinis. Sequela Majotis, ad quam devolvitur difficultas, videtur perspicua:

Nam virtus in eo ordine, in quo est virtus, potest concurrere immediate ad actum sibi proprium et immediatum, ut videre est in actibus omnium virtutum sive naturalium, sive supernaturalium; cum enim sit propter operationem, vel quoad substantiam, vel quoad modum, non stat esse virtutem ad actum, et non se posse exercere in illum absque recurso ad alia alterius, vel superioris ordinis; alioquin enim nulla esset virtus propriis actibus acquisibilis, ut de se lignet. Sed actus proprius veræ Pœnitentiae est vere pœnitere, sicut actus spei, est sperare, et actus fidei est credere; veram autem Pœnitentiæ comitatur vera conversio in Deum, et sequitur vera contritio: ergo ex eadem radice, ex qua convenit homini posse vere pœnitere, ortum ducere ipsa pœnitentia, conversio in Deum, et vera contritio: sed posse pœnitere, quod præstat Pœnitentia si est virtus naturalis, est naturale, et nostris actibus naturalibns acquisibile: ergo ex eadem radice habet homo contritionem veram, veramque

conversionem. Patet Consequentia, quia non stat vera Pœnitentia absque vera conversione, et e contra, quocircum convertitur et in vicem vere prædicatur: est vere conversus, ergo vere pœnitens: est vere pœnitens: Ergo vere conversus; alioqui posset dari Pœnitentia vera cum eo, quod non esset conversio in Deum, et e contra, quod est falsum, et contra expressa sacræ paginæ, et SS. Patrum testimonia, ut est illud: postquam convertisti me egi pœnitentiam, de quo supra et illud Aug. : Firmissime tene neminem hic posse pœnitentiam agere, nisi quem Deus illuminaverit, et gratitudo sua misericordia converterit, ut supra opposuimus.

Ex quo rursus fieret posse ex liberò arbitrio propriis viribus relicto se hominè disponere ad gratiam, nedum remotè, sed etiam proxime: siquidem vera contritio, seu quod idem est vera Pœnitentia, est proxima dispositio ad gratiam: ergo in eodem sensu in quo homo posset vere pœnitere, aut contritionem elicere, posset se ad gratiam disponere, ac præparare. Posset autem vere pœnitere ex virtute naturali acquisita: ergo ex eadē virtute posset se ad gratiam disponere, quod etiam intolerabile post tot Conciliorum, et Sanctorum Patrum decisiones.

196. Nec difficultatem elevabis, si dixeris aliam esse radicem conversionis, et Pœnitentiæ: quoniam conversio, quia opponitur directe aversioni, peccato annexæ, ortum dicit a gratia; Pœnitentia vero provenit a natura supponente gratiam. Unde non sequitur nec quod homo possit vere pœnitere sine gratia, nec quod ad gratiam sine gratia se valent præparare; siquidem tam ad conversionem, quam ad Pœnitentiam debet supponi gratia.

Non (inquam) hac via difficultatis pondas elevatur, quinimo ita augeri videtur, ut potius ejus oneri stercumbat, qui ita respondet. Nam inde consequitur Pœnitentiam non esse virtutem acquisitam, ut intenditur, sed supernaturalem, et infusam, quod vitare contatur responsio. Hoc autem, ut fiat magis perspicuum, inquiramus ab oppONENTE: An virtus Pœnitentiæ, et ejus actus omnino proprius, et primarius supponant essentialiter gratiam, necne? Si respondeat, supponere; plane conficitur actum Pœnitentiæ, ipsamque virtutem esse supernaturalem, ut intendimus; non vero acquisitam, et naturalem: quia nulla virtus naturalis connectitur essentialiter cum

August.

Effugium.

Oculatur.

Vazquez. principio supernaturali, alioqui non esset gratia, sed deberetur naturæ, quod est esse gratiam, et non esse gratiam. Quocirca optime inconsequentialia redarguit Durandum. Vasquez in praesenti art. 5, dub uno. num. 10, § sed obiter, quod ex una parte docuerit Pœnitentiam esse virtutem acquisitam, et ex alia asseruerit, operari non posse, quin a Theologicis imperetur. Et ratio est prorsus eadem: quia quod est supernaturale, est omnino indebitum, et consequenter gratiosum; sed in illa dependentia, et connexione importatur debitum. Nisi mavis quid majus esse connexionem debito, quando quidem salvator debitum absque connexione essentiali, et non e converso: ergo eadem, imo et potiori ratione, qua repugnat gratiam aliquam supernaturalem esse debitam naturæ, implicat etiam esse illi connexam: atque ideo per hoc quod virtus Pœnitentiae supponat essentia-liter gratiam; non evaditur, quin efficitur eam esse supernaturalem.

Si vero affirmetur secundum, quis non videat intactam manere difficultatem, si quidem Pœnitentia nec dependet a gratia essentialiter, nec eam essentialiter supponit: poterit ergo homo ex viribus propriis minime gratia suffultis vere pœnitere, ad Deum se convertere, atque ad gratiam se preparare contra tot decreta Patrum, et Conciliorum.

Uberior impugnatio ex Tri- dent. 197. Rursus nequit sustineri illa responsio, si introspectiatur Tridentini decretum, quo statuit absque discrimine non posse hominem credere, sperare, diligere, et pœnitere absque Dei adjutorio et gratia. Cum quo decreto neutquam cohæret evasio illa: nam eamdem gratiam, quam ducit necessariam ad credendum, sperandum, et diligendum, requiri docet ad pœnitendum: sed ad illud prius non sufficit supponere gratiam utcumque, sed requiritur quod influat in actus fidei, spei, et dilectionis: ergo etiam ad Pœnitentiam. Necin Concilio est vel levissimum vestigium distinguendi, ac discernendi inter gratiæ necessitatem magis pro isto, ac pro illis. Unde sicut vice versa bene argueretur hominem posse ex propriis viribus credere, sperare, et diligere, si non supponeret gratiam ut sui principium, sed tantummodo ut conditionem, seu removens prohibens; quod tamen in se est falsum, et minime inter Catholicos asserendum: ita si ad pœnitendum Pœnitentia vera, et Christiana non concurrit gratia, nisi ut pura conditio præ-

supposita, bene infertur posse hominem sine gratia vere pœnitere, quia gratia nullas præstat voluntati vires, sed intactas relinquit; quocirca voluntas sub gratia non magis vigeret ad pœnitendum, quam sine gratia, licet esset expeditior. Quod est adstruere necessariam gratiam ad expedendum, et non ad media illa operandum in ordine ad finem supernaturalem contra D. Augustinum, et reliquos Patres, ac Concilia toties decernentia necessaria esse dona supernaturale pro operibus ad salutem conducentibus.

198. Ex quibus corollarie deducimus non solum in Pœnitentia salvari rationem virtutis infusa, et supernaturalis, sed etiam eam annexam esse gratiæ, hancque inseparabiliter comitari. Connexionem istam, quam indicavimus in arb. prædicam. Virt. § 9, num. 75, statuere compellimur, non solum ea generali ratione, qua cæteræ virtutes infuse ut sui radicem gratiam, et charitatem postulant in eo sensu, quem expendimus tract. de Virt. disp. 3, dub. 1, sed etiam, et maxime altiori motivo huic virtuti ita proprio, ut in alia vel non reperiatur, vel non ita splendeat, ut facile est colligere ex hactenus dictis de ejus actu primario. Cum enim contritio sit detestatio offendæ divinae propter Deum summe dilectum, non stat vera contritio absque Dei dilectione supernaturali. Dilectio autem Dei authoris supernaturalis secum affert ipsius Dei gratiam, imo in nostra, et nobis veriori sententia eam supponit: ergo etiam actus contritionis, subindeque et Pœnitentia.

Accedit ratio D. Thomæ in hoc primo articulo solut. ad 1. Nam actui, cui per se convenit imperari a charitate, competit etiam supponere tum charitatem, tum ejus actum imperantem, siquidem actus imperatus essentialiter supponit suam causam, qualem esse actum imperantem supra imperatum nemo ambigere potest: sed actus charitatis imperat actum Pœnitentiae virtutis: ergo actus Pœnitentiae supponit ut sui causam actum charitatis. Minor est expressa D. Thomæ docentis, quod a charitate derivatur aliquis actus dupliciter, uno modo sicut ab ea elicitus, et talis actus non requirit aliam virtutem præter charitatem: alio modo aliquis actus a charitate procedit, quasi a charitate imperatus, et hunc actum dicit S. Doctor esse actum proprium Pœnitentiae. Quod vero hoc per se Pœnitentiae competat præ cæteris virtutibus

tibus constat; nam illis convenit ratione omnibus communi, quia nimis sunt proprietates gratiae, quas subordinat in ordine ad finem ultimum charitatis proprium, vi cuius aliarum virtutum actus evadunt praemio digni. Hanc vero rationem non excludit Poenitentia, sed superaddit aliam sibi propriam jam assignatam, quam intendit S. Doctor dum explicat actum proprium ipsius, de cuius ratione est, quod elicatur a Poenitentia, et imperetur a charitate, quia actus contritionis est. Idem colligitur ex ejusdem doctrina in 4, dist. 14, quæst. 1, art. 2 ad 5, ubi docet S. Doctor, quod licet Pœnitentia concipiatur timore servili, non ideo est simul cum illo: Ad 5 (inquit) dicendum, quod Pœnitentia timore servili concipiatur, qui panam respicit; nec oportet, quod timor servilis et Pœnitentia sint simul; quia timor servilis non est causa esse ipsius Pœnitentia sed generationis ejus, sicut etiam sumptio medicinæ est causa sanitatis, non tamen sunt simul. Sentit ergo S. Doctor Pœnitentiam excludere peccati servitatem, quam importat timor servilis.

Id quod vel ex eo etiam liquet, quod medio Pœnitentiae actu intenditur remissio culpæ, seu offendæ Deo irrogatae; ad remissionem autem offendæ (inquit D. Thomas infra quæst. 86, art. 2) requiritur, quod voluntas hominis sic immutetur, ut convertatur ad Deum cum detestatione conversionis ad malum, et proposito emenda, quod pertinet ad Pœnitentiam, atque ideo jure speciali sibi arrogat supponere actum charitatis, et gratiam; quatenus prius debet esse hominem ad Deum converti, quam ejus offendam detestari Quocirca in hoc art. 3 hujus quæstionis. docet S. Doctor ad actum Pœnitentiae concurre quodammodo omnes alias virtutes tam Theologicas, quam morales. Quod suadet non tantum Pœnitentiae supernaturalitatem, sed etiam ejus cum gratia annexionem præ aliis virtutibus, de quibus nusquam S. Doctor haec statuit principia. An vero aliunde subsit alia ratio, ut id statuamus de illis; non est præsentis instituti, sed pertinet ad proprias cuiusque illarum materias.

199. Est vero observandum prædictum Pœnitentiae nexus cum gratia non esse mutuum, et convertibilem; siquidem gratia non secum indispensabiliter afferit Pœnitentiam, ut patet in gratia Christi, quæ abs dubio fuit omnium maxima, et radi-

cavit in ipso omnes eas virtutes, quæ illius dignitati non repugnabant, ut constat ex dictis tom. 1, de Incarnat. ad quæst. 7. D. Thomæ, ubi hoc uti in proprio loco discussimus, et ex Theologicis fidem, et spem, ex moralibus vero Pœnitentiam excludendas fore ex D. Thoma, et communiori ac veriori sententia statuimus. Requirit ergo gratia ut Pœnitentiam radicet, subjunctum defectibile moraliter; quo non stante quantumvis ea sit perfecta, neutrum Pœnitentiae associatur. In subjecto vero defectibili nunquam gratia infunditur absque Pœnitentia; nec haec reperitur absque gratia. Unde provenit actum contritionis numquam esse informem, ut ex nuper dictis satis efficaciter colligitur.

§ III.

Expeditur secunda pars difficultatis.

200. Dicendum est secundo, ultra Pœnitentiam infusam, et supernaturalem, dari etiam Pœnitentiam naturalem acquisitam; quæ tamen non sit virtus, nec virtutis statum obtineat. Haec assertio continet duas partes, quarum prima liquido constat ex supra dictis ad art. 7 superioris quæstionis, ubi nos docuit D. Thomas de jure naturali esse, quod quemvis post peccatum de peccato poeniteat, et ibi disp. 4, dub. 1 ejus sensum aperimus. Eam docent communiter Theologi tam antiqui, quam moderni, quin opus sit vel in eis allegandi, vel in ea iterum fulcienda immorari. Secundam vero partem, que illi negat rationem, et statum virtutis, amplectuntur communiter discipuli D. Thomæ in præsenti, ut videre est apud Nuno, Arauxo, Prado, Labat et Gonet.

Pro ejus tamen perfectiori intelligentia est breviter observandum aliud esse in virtute rationem virtutis, et statum virtutis, et aliquando primum reperi absque secundo: nam virtutis ratio solum importat, quod sit habitus ex aliquorum actuum repetitione. Sub qua ratione non importatur necessario modus essendi firmus, ac stabilis; sed quantum est ex vi hujus permittit resistantiam ex aliquo, vel aliquibus capitibus, cui obsistere facile non valeat operans; ideoque non inconvenit aliquas operationes non admodum perfectas evadere; cuius oppositum evenit, dum virtus obtinet statum virtutis. Habet enim se virtus sub prima consideratione ad seipsam

Non est
virtus
acquisita
Pœnitentia.

Nuno.
Arauxo.
Lubat.
Prado.
Gonet.
Observa-
tio.

sub secunda, ad instar pueri, et viri, in quo non variata essentia, status differentia cognoscitur, vi cuius non eadem operationes ab infante, quae a juvene, aut viro exerceri possunt, ut experientia demonstrat. Sensus ergo conclusionis est Pœnitentiam acquisitam esse ita imperfectam, ac debilem intra suum ordinem; ut nec ad virtutis essentiam, nec ad ejus statum, seu perfectionem pertingat.

Et sane, licet semel negata Pœnitentia virtutis ratione, consequens videtur posteriori ratione excludendum ab illa esse virtutis statum, eo quod remota priori, removeri necessa est, et posterius, ut videtur manifestum in exemplo nuper adducto de infante, cui si infantia negetur, consequenter negari debet aut juventus, aut virilitas: ex quo capite superfluum forsan alicui videbitur negasse Pœnitentiae acquisite virtutis statum. Re tamen attentius considerata, oportuit addere prædictam particulam, ut ostenderetur debilitas pœnitentiæ naturalis, ex naturali ratione proveniens. Nam ut bene observarunt N. Complut. in logica, et nos ex ipsis tract. de Virt. disp. 4, dub. 4, quantumvis habitus, et dispositio distinguantur, essentia liter penes esse facile, et difficile mobiles ab intrinseco; et illud primum per se dispositioni, hoc autem secundum habitus conveniat; per accidens tamen, et ab extrinseco non semel accedit dispositionem diu permanere, et habitum cito evanescere ex aliqua causa, quæ non ita facile submoveatur, aut facillime disfluat, et immobilitati aduersetur. In quo casu dispositio obtinet nescio quem permanentiæ modum, in quo assimiletur habitus; et a contra habitus non tam habitus statum, et firmitatem retinet, quam dispositio rationem facile transiungit. Quod ergo asserimus in conclusione est ita tenuem fore nostram Pœnitentiam ex viribus naturæ habitam, quod licet plures inculcetur, et repetatur, semper manebit imperfecta, nec perveniet ad nanciscendam aut virtutis essentiam, aut modum permanentiæ stabilis, quæ status nomen mereamur, nisi ad voces quæstio revocetur. Hoc ergo supposito

Funda-
mentum.

Aristot.

201. Probatur assertio prima a definitione ad definitum, quæ est immediata probatio. Nam, ut definit Philosophus lib. 3 Physic, cap. 3 et cum eo omnes tam Philosophi, quam Theologi, virtus est dispositio perfecti ad optimum. Sed Pœni-

tentia acquisita non est dispositio perfecti ad optimum. Ergo Pœnitentia acquisita non est virtus. Major cum Consequentia liquet, et Minor ostenditur: nam ut Pœnitentia esset dispositio perfecti ad optimum, opus illi erat constitutæ subjectum in esse perfecto, ad eum sane modum, quo corpus constitutur organicum a forma viventis, in genere causæ formalis; hoc enim sonat illa particula *Perfecti* posita in definitione virtutis, ut explicuimus loco citato de Virt. disp. 4, dub. 4, § 3 et in super eliceret actum in suo ordine ultimo completum, et perfectum, ut ibi docuimus. Neutrum vero horum Pœnitentiam acquisitam præstare, facile constat. Non quidem primum: nam Pœnitentia pure naturalis, cum sit actus de se imperfectus adhuc intra ordinem naturæ, ut patet ex sequenti probatione; nequit in genere causæ formalis paestare perfectionem, quam entitative non continet; quoniam causa formalis non causat, nisi per exhibitionem propriæ entitatis, atque ideo si entitas Pœnitentiae naturalis est imperfecta, nequit formaliter constituere in esse perfecte, et ex hac capite non est actus perfecti.

Secundum vero probatur; quoniam actus optimus Pœnitentia in illo ordine, in quo est vera Pœnitentia, debet excludere peccatum, contra quod tendit, est enim Pœnitentia in remedium, et medicinam peccati, in cuius destructionem collimat: constat autem Pœnitentiam naturalem non excludere offensam commissam contra Deum authorem naturalem: tum quia haec non est auferibilis, nisi ad ablationem offensæ contra Deum authorem supernaturalem; tum quia non fundatur supra amorem Dei super omnia authoris naturæ, utpote impossibile homini existenti in peccato: ergo Pœnitentia pure naturalis non disponit subjectum ad actum perfectum sui ordinis.

Confirmatur. Quoniam offensa non solum est infinita in ordine supernaturali, sed etiam intra ipsum ordinem naturæ, quem in suo fonte, et radice penitus dissipat, et evellit: sed Pœnitentia naturalis non instaurat, nec instaurare valet ex viribus propriis hoc sumnum, licet naturale, datum: ergo Pœnitentia naturalis non est dispositio perfecti ad optimum. Major constat, siquidem peccatum avertit a Deo ut a fine ultimo in utroque ordine, et in qualibet injuriam irrogat, Deum in affectu exuendo ratione ultimi finis moralis; in quo

quo abs dubio splendet immensa gravitas peccati mortalis, qua major in hoc ordine nequit excogitari; quocirca nequit non intra hunc ordinem ut infinita, et superioris ordinis ad alias offensas accenseri. Minor etiam liquet; quia nulla operatio, nullave inclinatio superat vires, et efficaciam sui principii: principium autem Pœnitentiae naturalis in non habente gratiam supernaturalem, est voluntas læsa, et sauciata peccato, quæ subinde infirma, et imbecillis est, atque ideo non nisi in invalidum, et imbecilum se potens exerere operationem; non ergo est potens instaurare illud summum damnum, peccato inductum. Patet Consequentia: nam ad hoc necessaria est operatio naturæ perfectæ et sanæ, quæque sit intra ordinem naturæ potentissima.

Ad hæc: omnes operationes hominis destituti gratia sicut prodeunt a natura, ita non habent alium finem ultimum, quam bonum proprium ipsius naturæ ex cuius amore procedunt juxta illud Philosophi: *Amicabile bonum, unicuique autem proprium, et alibi: Amicabilia ad alterum ex amicabilibus ad se*: ergo nulla operatio hominis destituti gratia excludit aversionem a Deo ut a fine ultimo naturali; quippe quæ non auferitur nisi per conversionem ad eundem ut ad finem naturalem, quo Deus præhabeatur, et plus diligatur; quod ita non esse ostendunt Philosophi verba allegata, in quibus bonum proprium anteponitur cuilibet alii bono, et non nisi ex hujus amore illum procedere ostenditur. Non est ergo unde possimus asserere virtutem Pœnitentiae acquisitam, seu quod idem est, eam esse dispositionem perfecti ad optimum.

202. Communis Scotistarum solutio est, ad rationem virtutis sufficere quod in proprio ordine, et circa propriam materiam disponat subjectum, ut in proprium virtutis actum prompte, et faciliter erumpere possit; non vero requiritur vel quod propriam spheras supergrediatur, vel quod intra illam actum omnium perfectissimum eliciat, ut sunt exemplo omnes virtutes acquisitæ, quas certum est absque gratia reperiri, et absque actu omnium præstantissimo; qui quidem tam longe abest, ut ad illas exigatur, quod potius eiusdem, et cuilibet earum repugnet.

Hæc tamen illorum doctrina non enerat rationem nostram, quæ est discipulis D. Thomæ communis, ut eam aliquatenus expendendo constabit. Et, ut exemplum

evasioni insertum in ipsos Scoti discipulos detorqueamus, constans est omnium sententia de ratione virtutis esse inclinare in actus intra propriam materiam perfectos, quibus rectificetur appetitus ad bene, firmiter, et prompte operandum in illa materia, ut constat in temperantia, et sic de cæteris: alioqui enim nec differt temperatus, ab intemperato, nec magis proficeret actuum exercitium, quam si numquam fuissent exerciti, quod est falsum, et contra ipsam manifestam experientiam. Sed materia circa quam Pœnitentiae sunt peccata, non ista, vel illa, sed omnia, quæcumque illa sint, et contra quæcumque virtutem se habeant; quippe eadem est utriusque Pœnitentiae materia, sicut eadem est materia Temperantiae infusa, et acquisitæ: non enim distinctionem sortiuntur ex materia, sed ex diversa rationis regula, ut ex communi doctrina supposuimus tract. sæpe allegato de Virtutibus, dum ageremus de Virtutibus infusionis: ergo ut Pœnitentia naturalis sortiretur rationem virtutis intra hunc ordinem, oportebat, quod actum perfectum intra hunc ordinem eliceret, quo firmiter, prompte, et delectabiliter homo retraheretur a peccato. Patet Consequentia ex præmissis inter proponendum jam probatis: quia propria materia Pœnitentiae sunt peccata, non ut approbanda, sed ut destruenda; atque ideo quoties non intervererit peccati destructio, non est actus perfectus Pœnitentiae, scilicet non est actus perfectus temperantiae, ubi non est passionum concupiscentiæ moderatio, et sic de reliquis.

Constat vero per actus Pœnitentiae naturalis, quantumvis hi inculcentur, et iterum atque iterum multiplicantur, numquam deleri peccatum, ut importat deordinationem intra ordinem naturalem: ergo actus Pœnitentiae naturalis non sunt perfecti ea perfectione, quæ ad rationem virtutis adhuc acquisitæ est necessaria. Patet Consequentia, et Minor subsumpta probatur. Tum ex ratione formata pro assertione, quæ ut eam consideranti constabit, illam efficaciter probat ob gravitatem peccati adhuc intra ordinem naturæ, enjus authorem et posthabet, et pessundat. Tum a paritate, et nostro judicio, urgendi. Nam proportione servata ordinum, ita se habere debet Pœnitentia naturalis, ut perfecta evadat, intra suum ordinem naturalem, ut se habet in ordine supernaturali Pœnitentia infusa: nam quod hæc supernatu-

Ineffica-
cia
natura-
lis
Pœnitentiae.

raliter præstat in ordine ad proprium finem tribuit et illa, ac tribuere debet, intra finem naturalem, ut exemplo sunt aliæ virtutes, naturalis, et supernaturalis circa eandem materiam. Sed Pœnitentia supernaturalis non expellit, aut destruit offensam peccati ut oppositi fini supernaturali, nisi ut imperata a charitate (quod ubi supra non semel nos docuit D. Thomas) et supposito amore supernaturali Dei super omnia, ut definitio contritionis satis declarat. Ergo ut Pœnitentia naturalis sub hoc ordine sit perfecta in ratione virtutis, debet imperari ab amicitia naturali cum Deo, et supponere amorem naturalem Dei super omnia intra hunc ordinem. Porro neutrum illorum esse possibile intra ordinem naturalem, liquet. Nam primum exclusum manet tract. de Charit. disp. 1, dub. 4, ubi ex professo stabilivimus non esse dabilem amicitiam naturalem cum Deo. Secundum vero etiam patet ex dictis in hoc tract. nec non tract. de Gratia, ubi ostendimus homini existenti in peccato impossibilem absolute esse dilectionem Dei naturalem ob impedimentum peccati. Tum denique (est ratio a priori præcedentis probationis) quia finis in ordine ad actus virtutis se habet ut principium respectu scientiarum, qui proinde debet supponi a virtute; nam sicut munus scientiæ, et quidem proprium, est inferre conclusiones ex principiis, ita proprium est virtutis ex recta intentione finis eligere intra propriam materiam medium ad prætentum finem: unde et definitur virtus, quod sit habitus electivus secundum rectam rationem. Sed actus Pœnitentiaæ naturalis independenter a gratia, non supponit finem rectum hujus ordinis, qui consistit in amore Dei authoris naturalis super omnia. Ergo nequit obire munus proprium, aut rationem virtutis. Et sane quantumvis aliquis syllogizaret, nullo supposito principio vero, nunquam inde edocitus evaderet, aut nancisceretur scientiam, Haud dissimiliter, quantumvis homo naturalis actus Pœnitentiaæ eliceret numquam virtuosus inde consurgeret; quia deficeret rectitudi voluntatis respectu finis naturalis, quam habere nequit absque illius amore naturali super omnia, et hic debet supponi juxta principium illud Aristotelis, D. Thomæ, et Theologorum, quod *finis in operabilibus se habet sicut principium in speculabilibus.*

203. Sed hinc statim insurgit, et sese objicit gravis difficultas, quam dissimulare,

aut prætermittere non expedit. Nam esto vera sint, quæ diximus, si fiat sermo de homine obnoxio peccato, a quo dum non se expedit sub auxiliis gratiæ, neutiquam potest veram Pœnitentiam nec naturalem, nec supernaturalem, quæ virtutis nomen mereatur, nancisci. Fallunt vero loquendo de homine gratia exornato: hic enim constitutus sub gratia queit nedum ex viribus ipsius gratiæ amorem supernaturalis elicere; sed etiam ex viribus naturæ, jam extricatis nexibus peccati, se exerere, et erumpere in amorem naturalem Dei super omnia, ad quem quam plurima suppetunt naturalia motiva, ut est indubium. Hinc vero statim sequi videtur, ex eisdem etiam motivis ipsum pœnitere posse de peccatis contra Deum authorem naturæ. Quis hoc ibit infacias?

Et vero supposito, sic formatur argumentum. Nam in prædicta hypothesi, quæ est satis communis, et quotidiana, voluntas hominis supponitur rectificata in ordine ad finem ultimum naturalem, quem super omnia in prædicto ordine diligenter: alias posset de peccatis commissis dolere, et ex electione ad prædictum actum sæpius inculcandum, et iterandum se applicare: ergo posset acquirere Pœnitentiam naturalem, quæ esset virtus: non ergo rationabiliter negari debet virtus Pœnitentiaæ naturalis acquisitæ. Hæc secunda Consequentia liquet ex prima, prima vero colligitur ex præmissis: quoniam ad comparandam virtutem sufficit (et nihil amplius requiritur) quod actus procedant ex electione supposita recta intentione finis, ut dicebamus: sed in nostro casu supponitur recta finis intentio, imo ejus attingentia medio naturali amore; et ex hujus dilectione eligeret homo dolere, ac pœnitere de peccatis ut Deo authori naturali exosis: ergo iteratis prædictis actibus, abs dubio eis acquireretur aliquis habitus naturalis, non alius quam Pœnitentiaæ; ergo acquirere posset, et potest, homo habitum naturalem Pœnitentiaæ. Porro prædictus habitus semel acquisitus, quia in conservari non dependet a gratia, hac per peccatum iterum destructa, non ideo destrueretur habitus acquisitus, sed in ejus absentia permaneret. Unde et contingeret in homine obnoxio peccato invenire habitum Pœnitentiaæ naturalem naturæ viribus comparatum.

Hic discurrendi modus solum deservire posset ad novam sternendam viam opinandi duplicum

duplicem dari Pœnitentiae virtutem naturalem, et supernaturalem, quarum prima semel acquisita in præsentia gratiæ, hac amissa (esto non illico illa destrueretur), neutiquam posset in proprios actus erumpere. Et ratio sumitur ex ipso discurso : quippe eatenus posset acquiri, quatenus connotaret gratiam, et supponeret rectam intentionem finis intra ordinem naturæ, ablatis obicibus peccati : sed iterum recidivo peccato, non supponeret rectam finis intentionem, quin imo deordinationem, et aversionem voluntariam ab ipso : non ergo illa virtus se exerere posset in actu sibi proprium, qui necessario supponit amorem Dei super omnia in proprio ordine ; atque ideo illa virtus in præsentia peccati esset ligata, et ex illa numquam virtuose hominem pœniteret, donec adveniret iterum gratia. Quod est ponere virtutem naturalem ita dependentem a gratia, ipsique annexam, ut solum cum illa, neutiquam vero absque illa queat se in actu virtuosum explicare : hoc vero rursus est prædictam virtutem in ratione, et exercitio virtutis, quantumvis naturalis, a gratia pendere, ipsique annexi, consequenterque esse naturalem, et supernaturalem saltem in ratione virtutis.

Quod nobis probari non potest, tum quia in habitibus virtutis non distinguitur entitas a moralitate, ut probavimus ubi supra disp. 1, dub. 1 et sequent. subindeque nec a supernaturalitate, sed utrumque illi convenit quoad entitatem : impli- cat autem eumdem numero habitum esse virtuosum, et non esse virtuosum, naturalem simul et supernaturalem ; si quidem supernaturalitas non est habitui denominatio extrinseca, sed prædicatum ipsi intrinsecum, et essentialie. Tum quia otiosum, et inauditum est ponere virtutem naturalem naturaliter acquisitam, quæ solum in præsentia gratiæ actu naturale eliciat, et in ejus absentia ejus virtus evanescat. Tum denique, quia inconsequenter conceditur acquiri in præsentia gratiæ, et non etiam deficere, ad ejus absentiam. Et ratio est, quoniam habitus destruuntur non solum per suum contrarium, sed etiam per cessationem actuū, ut testatur experientia, et docet D. Thomas 2, 2, quæst. 24, art. 10. Sed in nostro casu adveniens peccatum contrariatur Pœnitentiae naturali, ut constat : aliunde vero prædicta Pœnitentia acquisita maneret ligata, et impedita, ne in proprium actu

erumperet : non ergo recte asseritur diu permansuram in absentia gratiæ. Et hoc erat sufficiens ad deserendam objectionis doctrinam, ut implicatoriam.

204. Secundo et directius respondetur non solum in absentia gratiæ non posse hominem veram Pœnitentiae virtutem acquirere, ut probatum manet, et fatetur ipsem objiciens; verum nec sub gratia, et in ejus præsentia. Quod quidem fiet perspicuum ex ipsis argumenti doctrina, qua supposita sic instatur : quia in facta suppositione sit voluntas rectificata in utroque ordine ex parte finis, et hoc requiratur ad acquisitionem virtutis ; non tamen sufficit, sed insuper desideratur difficultas objectiva, quæ vinci debeat per actuū iteratam elicentiam. Hæc autem difficultas deficeret in prædicta hypothesi ; siquidem prona est voluntas semel elevata per Charitatem ad detestandum peccatum ex motivo naturali, quin ad hoc indigeat habitu superaddito. Et ratio sumitur ex ipsa objectione. Quia licet voluntas indigeat habitu ad diligendum supernaturaliter Deum, ut in confesso est apud omnes ; non tamen indiget habitu naturali ad dilectionem naturalem ejusdem : ergo licet indigeat Pœnitentia infusa ad Pœnitentiam supernaturalem, non vero indigeat Pœnitentia acquisita habitualiter superaddita ad Pœnitentiam naturalem ; sed se ipsa immediate illam elicet eadem facilitate, qua Deum naturaliter amore prosequitur. Antecedens constat ex dictis tract. de Charit. disp. 4, dub. 4, § 4, n. 60, ubi ex Cajet. Banez, et aliis illud sustinuimus edocti a D. Thoma 1, 2, quæst. 2, quæst. 109, art. 3 ad 1, ubi expresse asserit dilectionem Dei naturalem non procedere ex habitu. Consequentia vero probatur ; quia non majorem difficultatem ex parte objecti importat dolor de-testativus peccati contra Deum finem naturalem, quam afferat dilectio super omnia ejusdem finis naturalis : ergo si ad hujus elicentiam non indiget homo habitu superaddito, sed tantummodo quod amoveatur peccatum, et sanetur per gratiam ; haud dissimiliter, nec ad eliciendum actuū Pœnitentiae naturalem erit necessarius habitus naturalis. Unde sicut numquam acquiretur habitus naturalis ad dilectionem, quantumvis actus diligendi iterentur, multiplicentur : quia non est objectiva difficultas, quæ superari debeat ; consimiliter ex saepè inculcatis actibus Pœnitentiae

Secunda
et directa
solutio.

Cajet.
Banez.
D.Thom.

naturalis numquam generabitur habitus specialis Pœnitentiaæ intra hunc ordinem. Utrumque enim clauditur intra restitutio-nem naturalem, quam a natura accepit voluntas in prima sui conditione; quaque non nudatur, sed utitur ad attingendum bonum honestum tam in communi, quam ut est bonum proprii suppositi. Ad quod quidem voluntatem nostram habitu non indigere constat ex dictis tract. XI, de Bonit. et Malit. disp. 4, dub. 2, § 2, nec non tract. de Virt. disp. 2, dubio 3, per totum in quo explicimus, quando, et quater potentia habitibus superadditis indigeat; quando vero non, sed se sola valeat in actus erumpere. In quo eventu quantumvis multiplicentur, et gemitent actus, non inde consurgit novus, et distinctus habitus, ut liquet exemplis tum amoris naturalis, tum operationum aliquarum potentiarum, utputa intellectus agentis, nec non sensum externorum, in quibus nullus habitus debet superaddi, ut explicimus loco citato num. 49. Quæ omnia hic leviter indicata, et ibi longius expensa ræ-colenda sunt, ad majorem hujus doctrinæ claritatem.

205. Confirmatur, et explicatur: quia cum aliquid fiat difficile dupliciter, vel per se, et ab intrinseco ob excessum supra vires potentiaæ, vel per accidens, et ab extrinseco ratione alicujus impedimentum retardantis, vel absolute impedientis potentiam; habitus non attendit hanc secundam difficultatem, nec consequenter ad eam superandam est necessarius, quia supponit virtutem completam in potentia ad actum, et amoto impedimento illico se exerit in ipsum, ut patet in pupilla aliquo humore infecta, et in aliis potentissimis naturalibus in propria ratione completis, quoecirca D. Thomas quæst. de Virt. art. 4, docuit, quod potentia, quæ est tantum agens non indiget ad hoc quod sit principium actus, aliquo inducito, unde virtus talis potentia nihil est aliud, quam ipsa potentia. Talis autem potentia est divina, intellectus agens, et potentiaæ naturales. Unde harum potentiarum virtutes non sunt aliqui habitus, sed ipsæ potentiaæ in se ipsis completæ. Requiritur ergo habitus ad vincendum excessum, et improportionem actus supra potentiam de se non completam, in quo stat difficultas per se, et quod idem est objectiva. Cum ergo nec actus dilectionis naturalis Dei authoris naturæ, nec dolor de peccatis contra illum in hoc ordine, et quantum

est ex vi luminis naturalis, excedant proportionem voluntatis, sed sequantur ad dictam Synderesis enuntiantis bonum esse faciendum, et malum esse vitandum, et quod sibi quisque non vult, alteri ne velit fieri, consequitur voluntatem ad neutrum illorum actuum esse improportionatam, nec subinde habitu superaddito indigere.

206. Quod si alicui hæc via non arriserit, et forsitan comminiscatur in Pœnitentia naturali aliquam differentiam, quam non inveniat in amore naturali Dei, ideoque disparitatem velit assignare inter unum, et alterum actum; recurrentum est ad principium primum jam propositum, quo ostenditur Pœnitentiam naturalem ob sui imperfectionem numquam pertingere posse ad rationem virtutis, interim atque maneat intra nudum naturæ ordinem. Quo magis agnosceretur ex sua inclinatione naturali posse voluntatem prædictum actum, quia imperfectum, efficere absque recursu ad habitum virtuosum. Ut vero id præstemos, recolenda sunt, quæ supra disp. 4, dub. 3, diximus de actu contritionis, quod fieri nequeat nec quoad substantiam, nec quoad conducentiam ex viribus naturæ, sed semper fuisse et esse necessariam gratiam non solum ad expediendam voluntatem, sed etiam ad eam elevandam: quia non stat vera contritio, quæ non excludat omne peccatum, quæque non convertat absolute hominem ad Deum nt ad suum ultimum finem. Quælibet namque restric-tio opponatur, jam detrahit, ac minuit contritionis rationem: alioqui admitti deberet in puris naturalibus vera contritio, et simul vera peccatorum remissio absque recursu ad gratiam sanctificantem, contra id quod diximus tract. de Justificat. disp. 2, dub. 8. Ex quo bene consequitur quilibet Pœnitentiam intra ordinem naturalem contentam, esse actum imperfectum, utpote non supergredientem vires satis debiles naturalis facultatis ad peccatum detestandum, et Deum placandum juxta supra explicata dub. 2 illius disput. 4.

Hinc vero sequens deducitur impugna-tio. Nam ad actum imperfectum, et ex se debilem in attingentia proprii objecti non debet assignari virtus, ut tam ex se, quam inductive constat: sed quilibet actus Pœnitentiaæ naturalis est imperfectus, et imperfecte attingit proprium objectum: ergo ad actum Pœnitentiaæ naturalis non requiri-tur virtus, quæ superaddatur voluntati.

Major

Major constat ex diffinitione tradita virtutis, et ex alia, quæ non est minus plausibilis, et recepta, est quippe virtus, quæ bonum facit habentem et opus ejus bonum reddit: bonum autem coincidit cum perfecto, et nullus redditur perfectus, atque ideo nec simpliciter et absolute bonus, per bonitatem imperfectam, et in propria linea deficientem, ut liquet. **Minor** etiam probatur, Thom. Tum quia ut docet D. Thomas q. de Virt. art. 9: *Virtus appetitiva partis, si recte consideretur, nihil est aliud, quam quædam dispositio, sive forma sigillata, et impressa in vi appetitiva a ratione. Et propter hoc quantumcumque sit fortis dispositio in vi appetitiva ad aliquem, non potest habere rationem virtutis, nisi sit ibi, id quod est rationis. Sed ratio naturalis est insufficiens ad detestandum, et destruendum peccatum, illudque expellendum; ergo Pœnitentia quæ non nisi a ratione naturali haberet rationem virtutis, nequit non esse indeficiens, et imperfecta. Minor constat ex supra dictis locis ex hoc tract, allegatis, et tradita est a D. Thoma ubi nuper sol. ad 5, ubi inquit, per virtutem acquisitam (in vi utique luminis naturalis) non posse hominem declinare ab omni peccato. Pœnitentia autem, qua ab omni peccato declinari non potest, non est virtus Pœnitentiæ, cum de hujus ratione sit omni peccato adversari, alioqui enim non esset vera Pœnitentia. Sicut non est vera Prudentia, quæ non attingit omnes circumstantias undique ex occurrant, ad actum undequaquam bonum reddendum, ideoque sanior Theologia partiales, et limitatas ad unam materiam prudentias relegat.*

Tum etiam, nam illuminatio fidei, præsentia gratiæ, et alia dona supernaturalia, quæ insunt homini justo, expediunt quidem vires naturales, sive rationis, sive liberi arbitrii intra ordinem naturæ ad se exercendum in Pœnitentia. Neutiquam tamen influunt ad actus prædicti ordinis, ut supponi debet. Ergo adhuc supposita gratia, et alijs donis, nihil est illis intrinsecum, quo intra proprium ordinem intrinsecè perficiantur: atque ideo si ut procedentes a ratione naturali sunt deficientes, et inepti ad inducendas stabilitatem, et promptitudinem proprias virtutis, nihil illis proderit ad hæc munia præsentia gratiæ; quando quidem hæc se habet ut removens prohibens, non ut influens, aut virtutem intrinsecè perficiens; ut a fortiori constat in pia affectione, quæ quia intra propriam speciem

est actus imperfectus, quantumvis conjungatur fidei, quæ est virtus intellectualis, et ejusdem ordinis cum ipsa, numquam pervenit ad rationem virtutis. Multo ergo minus actus pure naturalis ex consortio, aut præsentia gratiæ. Et ratio est jam tacta a D. Thoma. Nam virtus in ratione virtutis non constituit nisi per id, quod a ratione participat; non vero per ordinem ad gratiam, utpote sine qua virtus acquisita habet virtutis essentiam, ut supponendum est, esto non sibi vindicet absque gratia statum virtutis simpliciter talem de quo suo loco jam sæpe allegato.

207. Et hinc emergit alia impugnandi ratio. Nam licet sponte daremus (quod falsum existimamus) ex repetitione actuum naturalium pœnitendi aliquem habitum, seu aliqualem dispositionem habitualem generari; non idcirco hæc sortiretur, aut mereretur rationem virtutis, ut a simili constat in habitu pia affectionis, et in habitu opinativo: qui quidem in nulla sententia sunt verae virtutes, licet ad eas disponant. Et ratio est eadem de pia affectione jam tacta; de opinione vero, quia de ratione virtutis intellectualis est attingere infallibiliter verum, et de ratione virtutis moralis attingere infallibiliter bonum; ideoque nulla virtute sive intellectuali, sive morali potest homo ut principio male uti, ut constat ex alia definitione virtutis tradita a D. August, et communiter recepta. Sed Pœnitentia naturalis non attingeret infallibiliter destructionem peccati adhuc ut est contra rationem naturalem, nec actus proprie diceret cum spe firma hunc finem assequendi; cum hæc haberi nequeat ex viribus naturæ: atque ideo semper se gereret formidolose, et dubitative, ne dicamus conjecturaliter absque ullo firmamento naturali, cui non posset subesse falsum. Ergo quantumvis admitteretur illa habitualis dispositio ad eliciendos utcumque facilius actus pœnitendi; non idcirco illa Pœnitentia inter virtutes morales adscribi deberet. Nullum ergo est caput eam assignandi; sive recuratur ad statum peccati; sive fiat sermo de homina sub gratia constituto, ut constat ex dictis contra utrumque discurrenti modum.

Alia
impugna-
tio
opposita
senten-
tiae.

§ IV.

Oppositæ sententiaæ, et earum fundamenta.

Prima
senten-
tia
adver-
sa.
Scotus.
Durand.

Angles.
Enrich.

Medina.
Compl.

Delga-
dillo.

208. Pœnitentiam esse virtutem naturalem, et acquisitam tenuit Scotus in 4, dist. 14, quæst. 2, § *De secundo principali*, litera M. cui sententiæ subscripsit Durandus ibi num. 6, nullam aliam virtutem infusam agnoscens, quam Fidem, Spem, et Charitatem. Suffragantur Angles de Pœnitent. quæst. 1, art. 2, diff. 2, et Enric. quodlib. 6, quæst. 12, et eis adhæsit Medina Complut. in illo suo Codice de Pœnit. tract. 1, quæst. 1. Novissime vero Delgadillo supra relatus asseruit non esse possibilem virtutem Pœnitentiaæ per se infusam, sed omnem, et quamlibet Pœnitentiam esse naturalem, et acquisitam, ut constat ex solutionibus argumentorum, in quibus semper stat pro Pœnitentia naturali, et relegat supernaturalem. In quo abs dubio a Magistro descivit, ipsumque deseruit, ut videre est apud Scotum quæst. 3, sequenti ejusdem distinctionis, ubi docet aliam esse Pœnitentiam regulatam lumine naturali; aliam vero ex a Deo revelatis, et fide cognitis, hæc autem nequit non esse supernaturalis. Quod ergo voluit Scotus, ut ipse immediate littera F se explicat, est omnes virtutes præter Theologicas esse acquisitas, licet earum aliquæ, quia actibus supernaturalibus comparantur, sint supernaturales: quocirca in primo loco asseruerat aliam Pœnitentiam regulatam fide, et lumine superiori, que debet esse superioris ordinis; et aliam innitentem lumen rationis naturalis. Quod si prædictus Author in suo Magistro observasset, non ita intrepide asseruisse non esse possibilem Pœnitentiam supernaturalem. Sed videamus, quo fundamento.

I argum.

Arguit ergo primo sub hac forma: Quia Pœnitentiaæ motivum scilicet ordinare culpam per poenam a lege taxatam propter transgressionem legis, nequit esse supernaturale, et divinum: ergo virtus, que ad illud ordinatur, nequit esse per se infusa.

Secundo (et urgentius, ut ipse affirmat) per se infusum est illud ens supernaturale quod a nulla causa creata, vel creabili potest acquiri: sed habitus, seu virtus Pœnitentiaæ potest acquiri per repetitionem actuum: ergo non est per se infusa. Consequentia est legitima, Minor est sibi certa, et Majorem probat, et declarat. Quod enim ab aliqua creatura creata, vel creabili po-

test produci, ex natura sua, seu per se non est infusum, et ideo si contingat a Deo infundi, dicetur per accidens infusum. Hæc prælaudatus Theologus pro suæ sententiæ fulcimento.

209. Forum tamen imbecillitatem facile perspiciet, qui ea contulerit cum testimonio supra ex Tridentino, et PP. allegatis. Et ut a radice incipiamus, falsum omnino est id, in quo convenit inter Scotum, Durandum, et Scotti discipulos, nimurum nullam esse virtutem per se infusam præter Theologicas. Cujus oppositum est communi Theologorum plausu receptum, ut constat ex dictis tract. de Virtutibus locis in hoc eodem dub. non semel relatis, et videri potest Magist. Joannes a S. Thoma, ubi supra ad 1, 2, D. Thomæ cum aliis D. Thomæ discipulis, ex quibus mitius se habent in hac parte improbabilitatis nota Scotti sententiam inurunt. Semel vero atque aliae virtutes morales in fine debeant concedi, quod hic potius supponendum, quam probandum est; non est ratio id Pœnitentiaæ denegandi; quin specialior pro ea viget ratio, ut specialis mentio de ea facta a Tridentino satis ostendit.

Ad primum ergo illorum motivorum negandum est Antecedens, quod nec probat, nec facile suadere poterit, quandoquidem supplicium æternum divina lege taxatum ob peccatum momentaneum transcendent captum naturale; sicut et quod temporali vitetur Pœnitentia; ideoque accedere debent auxilia supernaturalia tum ad instruendum, tum ad vires proportionatas præstandum: ultra quas adhuc supplere debet defectum æqualitatis Dei miseratio acceptantis ut æquivalens, quod re vera non æquivalet, ut constat ex dictis in hac eadem disputatione, ubi ostendimus Pœnitentiam vel ex hoc solo capite inter partes potentiales justitiæ commutativæ computari.

Ad secundum concessa Majori, negatur Minor, quam improbatam, et ut ibi certam reliquit; cum tamen falsitati sit obnoxia: et ratio est: quoniam per actus naturales solum potest reduci ad actum, quod continetur in potentia naturali ut constat; non vero quod pertinet ad potentiam obedientiale, que est in ordine ad Deum: Nam ut docet D. Thomas quæst. de Virt. art. 10, ad 13, *aliquid est in potentia in anima, quod non est natum educi in actum, nisi per virtutem divinam, et sic sunt in potentia in anima virtutes infusæ.* Ratio autem

Ineffi-
cia
harum
objectio-

Joan.:
S.Thom.

Dilatu-
prima.

Solvi-
tur
secunda.

D.Thom.

autem naturalis vel ab ejus fronte, qui est intellectus agens, exordiendo, deficit in natura lapsa ad instaurandum ordinem naturalem, quem deordinavit peccatum originale, et quotidie magis exturbant peccata actualia. Alioqui enim sicut seipsum homo reddit malum prave operando, ita se ipsum redderet bonum bene agendo, et ad statum pristinum revocare posset propriis viribus. Quod contra accidere manifestum est ex testimoniiis supra allegatis, et aliis innumeris passim obiciis apud Scripturam, et PP. in quibus edocemur, ultra propriam experientiam, hominem se ipso cadere, non tamen se ipso surgere posse, juxta illud Osee 13, n. 9 : *Perditio tua Isiae, tantummodo in me auxilium tuum.* Recolantur supra dicta in hoc eodem dubio, ex quibus liquet, actibus Pœnitentiae naturalibus nullum habitum acquiri, qui sit vera virtus.

ex 13.
ecundum
irrgumentum.
ristot.

210. Secundo probatur eadem sententia argumento omnibus prædictis Authoribus communi : Nam teste Philosopho I Ethicorum. cap. 1, ars inferior ex ordinatione superioris potest attingere finem superioris : sed ratio naturalis supposita fidei revelatione, est inferior ad mysteria gratiae, et ordinem supernaturalem : ergo ex conjunctione ad fidem revelantem, et alia dona supernaturalia, poterit attingere finem supernaturalem, consequenterque erumpere in actus tam naturales, quam supernaturales Pœnitentiae ; quin opus sit recurrere ad Dei infusionem supernaturalem : frustra enim fiunt per plura, quæ possunt fieri per pauciora.

Ejus
latio.

Respondetur dupliciter artem inferiorem se habere posse ad superiorem, vel ita ut hæc illam imperet, et actu sibi subjiciat, quo pacto habitus charitatis imperat omnes virtutes inferiores sive naturales, sive supernaturales, quæ natæ sunt a superiori moveri, ut hinc excludamus potentias partis vegetativæ ad nutritionem, et conservationem individui destinatas a natura. Et hoc modo verum est illud principium : quoniam ex vi imperii, et talis directionis descendit in partem inferiorem motam, et ita imperatam quoddam participium superioris, ejus energiam redolens, vi cuius elevatur pars inferior supra se, et attingit finem superioris, quem alias attingere non valebat, nec valeret, si deficeret prædictum imperium. Et in vi hujus doctrinæ, quæ est expressa D. Thomæ innumeris locis congestis in tract. de Merito

et plurium, ac graviorum ejus discipulorum, ibi statuimus omnes actiones naturales honestas reddi meritorias, et Deo acceptas, in ordine ad præmium supernaturale. Sed sane in hoc sensu inepte procedit argumentum; siquidem virtus naturalis adhuc ut imperata non efficit intra propriam speciem, quod non faceret intra ipsam absque imperio : hoc enim solum inservit ad hoc ut vires naturales in vi ipsius evehantur ad modum agendi supernaturaliter, supra speciem. Et ideo singula singulis tribuendo, supernaturalitas vel modalis, vel quæ illa fuerit, imperio; entitas vero actus naturali virtuti adscribenda est. Et quia virtus naturalis intra propriam speciem est insufficiens ad inducendum habitum naturalem Pœnitentiae, idcirco adhuc mota, et elevata medio prædicto imperio, remanet impotens ad producendum habitum virtutis Pœnitentiae naturalis, siquidem prædictus habitus non ex principio supernaturali, sed ex naturali petit causari.

Si vero accipiatur actus imperatus reducutive, et qua supernaturalis; jam supra vidimus, et nos docuit D. Thomas nihil ex illis generari; sed solum deservire ad magis radicandum habitum præexistente, non quidem efficienter, sed dispositivæ, et meritorie. Quare prius incumbebat arguenti ostendere positive virtutem naturalem ad acquirendam virtutem naturalem Pœnitentiae, quam confugere ad conjunctionem unius virtutis cum alia, et imperium prædictum.

Nisi velit monstruosum quid nobis obtrudere, quod partim sit naturale, et partim supernaturale simul, et indivulse et conflatum ex illis intendat esse Pœnitentiam ex utroque capite acquisitam. Sed hoc nihil esse constat ex notione, et distantia ordinis naturalis, ac supernaturalis. Licet enim oporteat modos supernaturales admittere in habitibus, et virtutibus naturalibus, ut exemplum Charitatis jam ad ductum convincit, et modus unionis hypostaticæ quem Christi humanitati probabilior sententia tribuit, clarus demonstrat ; haud tamen hactenus excogitatum, et luci publicæ datum est dari entitatem mixtam, seu Pœnitentiam coalescentem ex entitate supernaturali, et simul naturali ; sed omnes convenient unanimiter in eo, quod quælibet virtus ex sua specie sit vel determinate naturalis, vel determinate supernaturalis. Cum quo stare docent virtutem

Quid
porten-
dat
illud
argu-
mentum.

ex sua specie naturalem superindui modo aliquo supernaturali, quo utcumque trahatur ad prædictum finem juxta illud : *Supremum infini alligit infinitum supremi, ex participatione tamen superioris.*

Non sufficit conjunctio virtutis inferioris ad superiorem. Alter modus, quo ars inferior se habet ad superiorem, se tenet ex parte subjecti, quia nimurum ars inferior connotat in proprio subjecto uitatem superiorem, quæ illud expedit ad proprias operationes, et longe faciat impedimenta; quin vero influat in actiones partis inferioris: quomodo se habet caritas ad amorem naturalem Dei ex viribus naturae eliciendum. Qui quidem modus est veluti extrinsecus, et concomitans: nequit vero influens, subindeque minus idoneus ad hoc, ut virtus naturalis acquirat aliquid, quod stupret ejus efficaciam, et vires. Et ex hoc capite jam liquet virtutem naturalem de se impotenter ad destruendum intra proprium ordinem peccatum, non inde assurgere ad illud ex propriis viribus extirpandum, subindeque ad acquirendam veram Pœnitentia virtutem; quantumvis connotet in subjecto tum gratiam, tum alia dona supernaturalia: hoc quippe non provenit ex connotatione, sed ex virtute, et efficacia ipsius actus, quam non tribuit ipsi gratia; alioquin redderetur supernaturalis. Nec ideo inficias imus virtutem inferiorem aliquo modo roborari, et faciri ex conjunctione ad superiorem, ad hunc sensum, quod nimurum semiotis impedimentis sive intrinsecis a subjecto per virtutem superiorem, facilius utcumque, se exerat vis inferior in proprium actum, hicque aliquo modo sit diurnior, ac firmior, quam esset, si adessent impedimenta. Et juxta hunc sensum concedimus, melius, ac facilis erumperet in actus Pœnitentia naturalis hominem gratia prædictum, quam illa destitutum, et peccato obnoxium; qui tamen semper sint inefficaces intra propriam speciem, ut explicuimus disp. præcedenti dub. 2.

Tertium argumentum. 211. Arguitur tertio pro eadem sententia. Si non daretur vera virtus Pœnitentia intra ordinem naturalem; sequeretur posse hominem esse conscientiam suæ gratia, et instauratam amicitiam cum Deo. Consequens est falsum, et contra expressam Tridentini doctrinam: ergo etiam est falsum non dari virtutem Pœnitentia naturalis. Probatur sequela: nam posse homo scire, imo et experiri se habere actum Pœnitentia, quo ex corde detestaretur peccatum

propter Deum: sed per eos actus Pœnitentia detestantis peccatum propter Deum est actus supernaturalis, et ultima dispositio ad gratiam, imo eam supponens, et concomitans: ergo eo ipso quod hominem non lateat se prædicto modo penitere, ex consequenti nec ipsum fugere esse in gratia apud Deum; cum tamen verum semper sit illud Ecclesiast. 9: *Nescit homo Eccl. utrum amore, in odio dignus sit? sed omnia in futurum servantur incerta.*

Respondetur hoc argumento magis adversari, quam nostram sententiam premi; quando quidem Pœnitentia naturali potest formari idem discursus. Haec enim, quia naturalis, est magis cognoscibilis, utpote magis proportionata lumen naturali, cuius experientia potius actus naturales, quam supernaturales subesse nemo ambiget. Atunde vero Pœnitentia, quæ est vera virtus, non potest admittere peccatum, in cuius destructionem collimat; alioqui vera virtus non esset, sicut non esset vere, et virtuose temperatus, qui objectum temperantiae attingere non posset. Ergo cum Pœnitentia naturalis, petat destructionem peccati intra ordinem naturæ, illa semel posita, posset venire homo in cognitionem gratiae, et amicitiae, ut ita dicamus naturalium coram Deo. Ex hac vero legitimè inferitur existentia gratiae, et amicitiae itidem supernaturalium; cum sit impossibilis una sine altera, ut modo supponimus alibi probatum, et fere communiter receptum. Ergo de primo ad ultimum ex positione vere virtutis Pœnitentia naturalis deveniret homo in cognitionem propriæ gratiae, et amicitiae cum Deo auctore supernaturali. Atque ideo ex vi prædicti argumenti non magis pungitur nostra, quam Scotistarum sententia; quin imo oppositum eo efficacius colligitur, quo actus naturales facilius discernantur, et percipiuntur, quam actus supernaturales.

Respondetur ergo negando sequelam Solutio argumenti, quam non suadet subjunctione probatio: quia licet hominem non lateat, quin certo sciat, se penitere coram Deo, ignorat tamen, nec scire valet (citra Dei revelationem) se, ut oportet, penitere, id est cum omnibus illis circumstantiis, quas Deus exigit pro vera contritione, quæque necessariae sunt, ut sit dispositio ad gratiam. Nec etiam certo scit, quantumvis illi certi proponatur motivum pœnitendi esse supernaturale, et propter Deum summe dilectum. Unde nullum est capit illud

illud inconveniens devorandi, sed constanter oppositum est asserendum, ut constat ex dictis tract. 14, disp. 9, ubi egimus de certitudine gratiae, quam habere possumus in hac vita. Videatur D. Thomas 1, 2, quæst. 112, art. 5.

212. Secunda sententia fuit Richardi in eodem 4, sibi eadem distinet, art. 4, ubi duas distinguit Pœnitentias, supernaturalem, et naturalem, seu infusam, et acquisitam. Ad quam sententiam avocare possumus Joannem Martinez de Ripalda tom. 1, de ente supernat. lib. 3, disp. 53, ubi docet per actus supernaturales pure fieri habitum pure naturale. Cui doctrinæ est consequens necessarium mediis actibus Pœnitentia supernaturalis acquiri habitum naturale Pœnitentia, et quod magis est, actibus fidei, spei, et charitatis similiter comparari habitus naturales credendi, sperandi, et diligendi Deum. Et mirum erit, si non etiam comminiscatur intra ordinem naturale naturaliter reperiri, quidquid nos docet fides de ordine supernaturali; atque ideo dari intra naturæ ordinem cognitionem immediatam Dei authoris naturæ, qua se ipso immediate videatur, lumen itidem gloriae, si ita fas sit loqui, quod etiam sit naturale, et sic de reliquis. Si enim fidei, spei, et charitati supernaturalibus illa in hoc ordine debentur post mortem, nec non tres animæ dotes, adjunctis corpori quatuor (quas explicavimus tract. de Beatitudine, et earum correspondentiam virtutibus assignavimus,) non absonum, vel admodum peregrinum erit, semel concessis eisdem virtutibus naturalibus, et naturaliter acquisitis ex sola actu supernaturalem repetitione, similiter theologizare quoad omnia alia per correspondentiam ordinis naturalis ad supernaturale; et consequenter admittere intra hunc ordinem omnia prædicta. Quid enim vetat fidei naturali deberi claram, et intuitivam notitiam Dei authoris naturæ, quæ etiam naturalis, et immediata sit, sicut fidei supernaturali correspondet clara, et immediata visio ipsius Dei authoris supernaturalis, et sic de reliquis? Maxime cum illæ virtutes ita acquisitæ esse debeant Theologicas intra suum ordinem, utpote quæ non nisi ex actibus Theologicis acquisitæ. Sed quis hoc credat? Profecto quidquid sit de unctionibus istis, et aliis, quæ plurimæ sunt, et statim sese offerunt; positio illa singularissima est, et non solido aliquo fundamento, vel rationis, vel autho-

ritatis munitur, ut jam videbimus, dum a Richardi argumentis nos expediamus.

Arguit ergo Richardus primo a paritate 1 argumentum. virtutum, in quibus similis distinctio reperitur: nam præter temperantiam v. g. infusam, datur temperantia acquisita, et naturalis, et sic de reliquis: ergo idem ob eandem rationem dicendum est de Pœnitentia: nam ultra eam, quæ immittitur a Deo ob finem supernaturalem, debemus assignare aliam, quæ sit nobis naturalis, et acquisita. Probatur Consequentia reddendo rationem paritatis. Tum quia peccatum in utroque ordine est offensa Dei, atque ideo illi ut in utroque ordine expiendo debet propria virtus adscribi. Tum etiam, quoniam ad rationem virtutis sufficit (nec amplius requiritur) quod intra proprium ordinem inclinet ad actum perfectum, quin ejus perfectio sit absolute, et in omni ordine talis, ut demonstratur exemplo addito virtutum moralium, quæ naturales nobis sunt, et propriis actibus comparantur: haec quippe si conferantur cum virtutibus supernaturalibus imperfectissimæ sunt et fere virtutis nomen haud merentur; quin tamen illis obsit, ut intra ordinem naturæ veram rationem virtutis habeant. Sed Pœnitentia naturalis disponeret, et inclinaret ad dolorem secundum omnem perfectionem, quam dolor naturaliter potest habere. Ergo intra proprium ordinem obiret rationem virtutis, quantumvis ut relata ad superiorem ordinem sit imperfecta, ut etiam evenerit in exemplo adducto virtutum moralium.

Ad hoc argumentum, quod est in hac Encarta parte præcipuum, respondetur negando Consequentiam, quæ fallit arguendo ab ampio ad non amplum affirmative; sicut enim non valet quod currit est animal: ergo est homo; ita non tenet Consequentia illata, in qua arguitur ab esse supernaturali, quod est amplissimum, et supra totum ordinem naturæ, ad esse naturale. Unde licet bene valet illatio ex virtute naturali ad supernaturalem, ex eo quod in quacunque materia, in qua versetur virtus naturalis, debeat concedi virtus infusa supernaturalis, ut supra tetigimus ex doctrina tradita de virt. disp. 3, dub. 1, § 4; si quidem materia, quæ est capax regulæ naturalis, est etiam idonea, ut regulari possit a virtute supernaturali. Non tamen valet e contrario, ut constat exemplo charitatis, et amicitie supernaturalium, quibus in ordine naturali non respondet aut

charitas naturalis, quæ sit virtus distincta a voluntate, aut amicitia itidem naturalis, ut statuimus loco supra citato ex tract. de Charit. Quod discrimen hausimus ex D. Thom. D. Thoma 1, 2, quæst. 63, art. 2, ubi inquit, quod *quia lex divina* (ad quam reducit ibi S. Doctor virtutes infusas) *est superior regula, ideo ad plura se extendit, ita quod quidquid regulatur ratione humana, regulatur etiam ratione divina, sed non convertitur.* Et ita accidit in nostro casu. Unde ut rectus esset discursus, oportebat prius probare Poenitentiam naturalem esse virtutem, et inde legitime inferret dari virtutem supernaturalem infusam. Et quia Scotistæ primum affirman, inconsequenter negant (juxta hoc D. Thomæ principium,) Pœnitentiam supernaturalem a Deo infusam, siquidem *quidquid regulatur ratione humana, regulatur etiam ratione divina.* Et non e converso.

Diluitur
probatio.

Ad primam Consequentiae probationem concedimus peccatum in utroque ordine importare deordinationem, et offensam Dei nullo modo viribus naturalibus expiablem, imo (quoad satisfactionem perfectam) nec supernaturalibus; nisi interventu acceptationis divinæ liberaliter condonantis, ac supplentis ex meritis Christi, quod nostræ satisfactioni deest. Et ex hoc capite necesse est deficere rationem naturalem ad efficaciter movendam voluntatem, ut intra proprium ordinem indefectibiliter, attingat medium rationis virtutis. Cujus si ulteriore velis rationem, ea est, quam tradit Angelicus Praeceptor ubi nuper sol. ad 3, quia nimis virtutum acquisitarum præexistunt in nobis quædam semina, sive principia secundum naturam: quæ quidem principia sunt nobis hora virtutibus eorum virtute acquisitis: sicut intellectus principiorum speculabilium est nobilior scientia conclusionum: et naturalis rectitudo rationis est nobilior rectificatione appetitus, quæ fit per participationem rationis: quæ quidem rectificatio perlinet ad virtutem moralem. Sic igitur actus humani in quantum procedunt ex altioribus principiis, possunt causare virtutes acquisitas humanas. Ubi manifestum est primam radicem acquirendi virtutes, sive intellectuales, sive morales tandem in rationem naturalem revocari, in qua ut in causa nobiliori virtutum acquirendarum semina, seu principia continentur. Hæc vero est intellectus agens, in quo est fons totius luminis intellectualis, et hinc devenitur

recto ordine ad intellectum possibilem, deinceps ad voluntatem, ac tandem ad partem sensitivam irascibilem, et concupisibilem, ut uberior expendit S. Doctor quæst. citata de virt. art. 9. Cum ergo ratio naturalis non suffulta gratia ex propriis viribus non valeat intra proprium ordinem, perfectum dictamen formare, nec de ejus gravitate nec etiam remissione obtinenda ex propriis viribus; inde est ejus motionem in partem appetitivam esse inefficacem, et imperfectam, ut possit generare habitum virtutis de se importantis operationem perfectam: atque ideo numquam voluntatem ex motione rationis superioris, quæ sit naturalis, perfectam displicantiam habere, ut opus erat ad acquirendam virtutem: quippe de ratione virtutis est intra propriam materiam perfectum, et consummatum actum dicere.

Hujus oppositum (ut secundæ probationi Consequentiae occurramus) cernitur in actibus virtutum moralium, quarum materia ut regulanda ex vi luminis naturalis non transcendent efficaciam prædicti luminis. Quamobrem quilibet earum actus sub motione rationis præscribentis modum, et medium rectæ rationi consonum præstinentis, est actus perfectus, non quatenus a voluntate, seu appetitu utcumque procedit, sed quatenus ab ipsa ut rectæ rationi subdita dimanat. Unde mirum non est posse ex frequentatis, et sæpe inculcatis prædictis actibus in se ipsa habitum acquirere, quo prompte, firmiter, et delectabiliter in similes actus se exerat, quoties oportuerit.

Ubi observandum venit, quod jam diu animadvertisendum duximus, tract. de virt. disp. 1, dub. 3, § 3, num. 46, discrimen potentiae cum habitu, et absque habitu, seu (quod in idem recedit) prompte, aut ægre operantis, non stare in eo, quod eliciat propriis viribus actum virtutis, ut aliqui falso imaginantur, et tunc ægre, ac difficiliter eliciat actum virtuosum; securus vero quando agit instructa habitu: quia numquam appetitus se exerit in actum virtutis nisi ut motus, et elevatus a ratione superiori, sive operetur cum habitu, sive absque illo. Sed stat vera differentia in eo, quod ante acquisitionem habitus, recipit prædictum influxum transeunter, et per modum passionis; per habitum vero illum habet permanenter ad instar formæ constituentis in esse perfecto, et modo sibi proprio

Sec
prot
ti
pros
dit

Obser
tio

prio connaturaliter agendi. Quæ est doctrina D. Thomæ loco citato de virtut. ubi postquam docuerat potentias receptivas habituum non esse per se ipsas rectas, sed rectitudinem aliunde emendicare, inquit, hoc contingere dupliciter: *Uno modo, ut recipiatur per modum passionis, sicut in hoc ipso quod potentia regulata a regulante movetur, quod fit transeunter: et ideo (subdit S. Doctor) prædicta receptio rectitudinis non sufficit ad perfectam rectificationem potentiarum regulatarum.* Et in hoc eventu fit operatio virtutis ægre, et difficulter. *Oportet ergo (prosequitur D. Thomas) ut alio modo recipiatur, scilicet per modum qualitatis inharentis, ut rectitudo regulæ efficiatur forma potentiarum regulatarum: sic enim faciliter, et delectabiliter quod rectum est, operabitur, sicut id quod est conveniens suæ formæ.* Et hæc quidem qualitas, sive forma dum adhuc est imperfecta, dispositio dicitur: *cum autem jam consummata est, et quasi in naturam versa, habilis nominatur.* Ex qua doctrina non solum pro hac materia, sed et pro aliis diligenter retinenda, manifeste duo liquent; *primum est, quod annotavimus, non ideo dici potentiam ægre, et difficulter absque virtute posse actum virtutis elicere, quia se sola, et absque influxu superiori id valeat; hoc enim falsum est, siquidem ut docet S. Doctor numquam non potentia indiget motione rationis superioris ad actum virtutis adhuc difficulter agendum: quæ motio si non exhibeat, aut negetur, neutiquam potentia erumpet in actum, utpote superantem propriam activitatem.* Secundum est, quod dum hæc motio fuerit imperfecta, semper dicetur dispositio, et non habitus, ut constat ex ultimis verbis relati testimonii. Constat autem motionem naturalis rationis in voluntatem contra peccatum semper esse imperfectam, numquamque consummari in ea, utpote quæ quiescere non potest in Pœnitentia naturali, sed semper manet sollicita, suspecta, et absque certitudine nanciscendi veniam, imo cum incertitudine positiva illius. Quare numquam motio illa superior vertetur in naturam, ut dicebat D. Thomas, sed remanebit in ratione dispositionis, et habitus rationem non obtinebit. Unde constat ad Minorem subsumptam argumenti, et ad paritatem virtutum acquisitarum, quæ quidem in ordine ad propriam materiam cum omnimoda firmitate, et certitudine procedunt ex direktione rectæ rationis, ut

cujuſ vi propriei illarum actus in propria potentia consummantur.

213. Sed contra hoc instatur (et est Alterum secundum Ricardi argumentum) quia ex argum. doloris actibus frequentatis necessario generatur aliquis habitus: sed talis habitus est vera virtus, et non alia, quam Pœnitentiae: ergo negari non debet vera virtus Pœnitentiae naturalis. Consequentia liquet, et præmissæ, quæ indigent probatione, ostenduntur; Major quidem a paritate omnium actuum liberorum sub recta ratione procedentium, ex quorum inculcatione pronior, ac facilior invenitur homo ad se in illos exerendum: hæc autem facilitas, et promptitudo est proprius, et immediatus effectus habitus: quare vel neganda est experientia, vel est asserendum ex actuum repetitione habitum generari, in quacumque materia, vel virtutis, vel vitii, atque ideo ex actibus doloris naturalis frequentatis novum habitum Pœnitentiae naturalis acquiri. Probatur hæc Consequentia simul cum Minori primi Syllogismi: Tum quia talis habitus est habitus electivus secundum rectam rationem, et inclinat ad actus laudabiles, quales sunt detestari peccata, ut opposita rectæ rationi, et fini honesto naturali, ejusque authori. Tum etiam, quoniam ad compensandas humanas offensas datur specialis virtus, quæ consurgit ex iterata actuum inculcatione in illa materia. Tum etiam, quia datur speciale vitium impœnitentiae intra ordinem naturæ: ergo intra eundem ordinem debet assignari specialis virtus: Consequenterque non est, unde possit excludi a ratione virtutis Pœnitentia naturalis.

Respondetur, hoc argumentum ex utra- Eliditur. que præmissa claudicare: nam illa Major non est undequaque vera, et ejus probatio non urget, ut patet in dilectione naturali Dei, ex cujus inculcatione non consurgit novus habitus dilectionis naturalis Dei, licet expediatur potentia ad eos eliciendos, quo magis eorum iterationi incumbit. Et ratio sumitur ex dictis: quoniam ut ex actuum repetitione resultet habitus virtutis, requiritur elevatio potentiae superioris ad aliquid excedens vires potentiae inferioris. Voluntati autem non deficiunt vires nec ad diligendum Deum authorem naturalem, nec etiam ad detestandum peccatum ut oppositum rationi naturali, et hujus fini; sed utrumque accipit ex ipsa naturali rectitudine sibi congenita, ex qua habet prosequi bonum honestum, et consequenter

dolere, ac pœnitere de opposito. Unde si semel expediatur per gratiam, ut expediri debet (alioqui nec unum, nec alterum elicit); sicut ad amorem Dei naturalem non indiget elevatione potentiae superioris, sed dumtaxat mera illuminatione intellectus; ita nec ad naturalem Pœnitentiam, sed unum ex alio sequetur. Quia cum Pœnitentia pure naturalis sit actus imperfetus, est etiam sterilis, et infecundus, ut producat habitum: hic enim non producitur nisi per actum perfectum ex motione superioris elevantis ad id, quod in potentia inferiori non continetur.

Duplex modus concurrendi intellectus obseruatorum.

Est vero ad hujus doctrinæ intelligentiam animadyertendum duplicitate posse intellectum concurrere ad actum voluntatis. Vel præcise proponendo objectum, quod est prosequendum, et imponendo ejus prosecutionem. Et hoc modo nihil ponit in actu voluntatis, quod vires voluntatis excedat, nec etiam proprie loquendo est superior, sed solum dirigit, et illuminat voluntatem, quæ est potentia cæca, ne cæco modo procedat. Vel ita, quod non solum præluceat, sed etiam dirigat, et regulet ex virtute Synderesis, et Prudentiae: quo pacto constituit in actu aliquid superexcedens virtutem voluntatis, videlicet rectitudinem, et ordinem, in quo consistit medium rationis proprium virtutis, geritque omnino proprie munus superioris elevantis, et trahentis potentiam inferiorem ad ordinem superiorem, vel transeunter, seu per modum passionis, vel permanenter imprimendo, ac sigillando in illa propriam formam qua prompte firmiter, et facile modo sibi proprio operetur; et hoc quidem assequitur iteratis motionibus, mediis quibus frequentatis actus generant habitum. Porro ad Pœnitentiam naturalem se habet ratio naturalis primo modo, et non secundo; atque ideo, quantumvis actus multiplicentur, non generant habitum, quia numquam exuntur propria, et imperfecta ratione, nec regulantur Synderesi, et Prudentia perfecta, a quarum influxu tantummodo poterant habere, quod est proprium virtutis, nempe actuare voluntatem, eamque completere ad destruendum peccatum in proprio ordine, in quam destructionem collimat vera virtus Pœnitentiae. Non enim Synderesis, et Prudentia humana queunt dictare, aut proponere modo prædicto medium aliquod naturale, quo indefectibiliter expelli possit peccatum in qualibet materia, ut de se li-

quet: quocirca ad summum dictare possunt esse pœnitendum in communi, abstracto a modo determinato pœnitendi, Et ex hac parte dicebamus prædictos actus semper esse steriles, et infecundos, et habitum generare non posse.

214. Minor etiam est falsa, et minime probanda: nam esto per Pœnitentiam naturalem generetur aliquis habitus, non ideo erit virtus acquisita: quia licet omnis virtus sit habitus, non tamen omnis habitus est proprio loquendo virtus, sed potest deficere ab hujus essentia, licet constitui debeat sub specie illius, eo quod plus requiratur ad rationem virtutis contrahendam, quam ad essentiam habitus. De quo plura suppetunt exempla, et aliqua nos docuit D. Thomas, ex quo illa sumpsimus D. Thomas tract. de virtut. disp. 2, dub. 3, § 3, a num. 56, et de continentia tenuit S. Doctor. 12, quæst. 58, art. 3 ad 2, necnon 2, 2, quæst. 155, de Perseverantia vero in eadem 2, 2, quæst. 137, art. 1. Qua doctrina hic supposita, et loco citato statuta dehiscunt vires probationum. Ad primam dicimus, bonum, et laudabile non converti cum virtute proprie dicta; alioqui nullus esset actus moraliter bonus, qui non esset actus alicujus virtutis proprie dictæ, quod esse falso constat in utroque ordine tam naturali, quam supernaturali, in quibus plures necesse est concedere actus honestos, et moraliter bonos, qui a virtute propre accepta oriri non debent. Ut in ordine gratiæ de pia affectione, et pluribus illustrationibus, et affectibus inefficacibus nequit negari, et in ordine naturæ de amore naturali, de verecundia, de continentia, ac de perseverantia, asseruit D. Thomas. In quibus omnibus militat motivum quod obtenditur. Sed quia eorum electio vel non est efficax, et perfecta, vel non tendit in determinata media, sed respicit finem generalissimum, non hujus, vel illius determinatae materiae; idcirco non est electio propria virtutis, nec virtutem inducit. Et ex eadem radice deficit Pœnitentia naturalis; hæc enim ut vera virtus sit intra ordinem naturalem, debet opponi non tantum huic, aut illi peccato, sed omni; siquidem in suo ordiné debet habere, quod in ordine supernaturali competit Pœnitentiae infusæ, ut constat exemplo dilectionis naturalis Dei super omnia relate ad amorem charitatis: quare Pœnitentia, quæ est vera virtus nequit compati cum aliquo peccato mortali, utpote illi, et cuicunque alii

Thom. alii opposita. Virtus autem acquisita teste *D. Thoma* 1, 2, quæst. 63, art. 2 ad 2, potest secum compati aliquod peccatum mortale; non ergo esse potest virtus acquisita; consequenterque nec habitus electivus electione efficaci, et propria. Quippe hæc prosequitur medium electum, quod sit efficax ad destruendum, quod destrui intenditur. Et Pœnitentia non unum, aut alterum intendit destruere, sed omnia, ut vera Pœnitentia sit. Nisi quis velit adstruere plures Pœnitentias partiales juxta diversitatem peccatorum, quod est ponere plures Pœnitentias, cum tamen Pœnitentia omnia peccata sub una ratione petat detestari, sicut Prudentia sub una sola ratione dirigit omnes virtutes. Ideoque tract. de virt. disp. 4, dub. 1, unam solam Prudentiam recognovimus, et plures partiales ab aliquibus commentas repulimus.

*Sunda
batio
lata.* Ad secundam probationem constat ex supradictis, dum explicuimus Pœnitentiam ad virtutem justitiae fore reducendam: ibi enim asserimus inter homines non aliam reperiri virtutem ad sarcendas offensas, quam justitiam commutativam stricte sumptam, et rationem disparitatis assignavimus ex doctrina *D. Thomæ*, et ex ipsa virtutum natura, ex qua oritur hominis ad hominem servari posse æqualitatem in offensæ compensatione, quamvis aliqui sint tituli speciales, aliunde speciales virtutes postulantes, ut observantiae in superiores, Pietatis in Parentes, et sic de aliis. Unde illis seclusis, præcise ad pœnitendum in humanis sufficit justitia commutativa, ex qua æqualis compensatio exhibetur; maxime cum non accedunt illi tituli, qui important superioritatem insuperabilem, aut inexæquabilem ab inferiori; respectu quorum justitia illa non erit perfecta. Quod non inconvenit, ut constat in Pœnitentia nostra, quæ est æqualis respectu venialium, et deficiens respectu mortaliuum.

*contri-
tua-
roba-
tioni-
ex D.
Thom.* Tertiam probationem diluit *D. Thomas* 2, 2, quæst. 144, art. 1 ad 4, dicens, quod quilibet defectus causat vitium; non autem quodlibet bonum sufficit ad rationem virtutis: et ideo non oportet, quod omne illud, cui directe opponitur vitium, sit virtus: quamvis omne vitium opponatur alicui virtuti secundum suam originem. Ad contrarietatem namque sufficit, quod sicut imponentiæ vitium inclinat ad malum, ita Pœnitentia inclinet ad bonum, et vi-

hujus contineatur sub eodem genere *habitus* sub quo maxime distant, et ab eodem subjecto mutuo se expellunt, quod est proprium contrariorum. Ad rationem vero virtutis, requiritur, quod sit consummativa, et completiva potentie medio actu perfecto, quo perfecte attingat medium prescriptum a ratione; quod Pœnitentiæ naturali repugnat ob debilitatem, qua tendit in destructionem peccati, nullis naturalibus viribus consequendam.

245. Deinde arguit Ripalda supra relatus sub hac forma. Nam potentia continuo agens actus supernaturales redditur habilior, et agilior, quam non agens: sed hæc agilitas, seu habilitas est acquisita, et naturalis: ergo ex repetitione actuum supernaturalium acquiritur habitus naturalis; consequenterque ex multiplicatis contritionis actibus per Pœnitentiam supernaturalem, producetur habitus naturalis Pœnitentiae acquisitæ. Majorem supponit, et probat Minorem; nam si ea major habilitas non revocaretur ad habitum acquisitum; nullum esset fundamentum adstruendi habitus acquisitos; non enim potest reduci in remotionem impedientium, quia nimis prioribus actibus moderatae sunt passiones, et superate difficultates: nam eadem ratione facilitas potentie ad actus naturales reduci posset ad remotionem impedientium facilitatem potentie ad actus naturales, quin argumentum sit statuendi habitus naturales acquisitos. Ergo cum alias supponi debeant habitus acquisiti naturales, facilitas comparata assuetudine agendi actus supernaturales, referri debet in habitum naturalem denuo comparatum ex actibus supernaturalibus.

Confirmat hanc suam positionem ex eo, Confirm. quod actus supernaturales superioris sunt conditionis ad actus naturales: aliunde relinquunt in potentia facilitatem agendi, sicut naturales: ergo re ipsa efficiunt habitum acquisitum facilitatem, at non supernaturalem, ut constat, alias habitus supernaturales possent acquiri: ergo naturalem.

Hanc autem doctrinam non absonam esse a Doctore Angelico, inde probat: quia *S. Doctor* quæst. 27, de verit. art. 1 ad 4, ex argumentis sed contra, scribit ex actibus Charitatis infusæ generari in nobis aliquem habitum dilectionis acquisitum: non supernaturalem, ut ipsem *S. Doctor* affirmit. 1, 2, quæst. 51, art. 4. Ergo na-

Ripalda
argu-
mentum.

D.Thom.
allega-
tur.

Almayn. turalem. In quam etiam sententiam venire
Scot. longe ab ea esse Scotum, et Gabrielem re-
fert ad finem illius disp. 53.

**Refelli-
tur
primo.** Sed certe hoc fundamentum debilissi-
mum est ad tam singuiarem sustinendam
sententiam, eamque pluribus refellere pos-
semus, si propria hujus materiæ (et sane
graviora) non jure postularent minus utilia
abscindere, et ad præfixum scopum prope-
rare. Respondet ergo ad argumentum,
cui soli connittitur illa sententia, negando
Minorem, quam evidenter falsam cense-
mus : nam illa facilitas, quæ provenit vo-
luntati ex actibus supernaturalibus, nequit
non esse supernaturalis. Cum enim sit
effectus immediatus prædictorum actuum ;
necessarium est sapiat naturam suæ causæ,
atque ideo quod sit supernaturalis : sive
proveniat ab eis in genere causæ efficientis,
sive in genere causæ formalis. Et ratio est
perspicua. Nam causa efficiens non opera-
tur, nec agit nisi secundum quod est in
actu vel formali, vel virtuali id ipsum
quod operatur, et agit, ut vel ipsa philo-
sophia demonstrat, et ratio naturalis sua-
det. Sed actus illi sunt supernaturales, et
ut supernaturales formaliter agunt : ergo
non possunt non inducere effectum super-
naturalis, atque ideo illa major habilitas
(si semel ab eis oritur, ut oriri docetur),
nequit non esse supernaturalis. Major
supponitur, et ostenditur Minor. Nam
prædicti actus non agunt nisi secundum
quod participant a virtute, cuius sunt
exercitia, nec nisi per ordinem ad objec-
tum ipsius virtutis, et utrumque est su-
pernaturale : ergo non agunt, nisi ut for-
maliter supernaturales.

**Rejicitur
secundo.** Rursus : eatenus illi actus possent in-
ducere facilitatem naturalem, quatenus
essent superioris ordinis, et eam virtualiter
continerent : sed quamvis sint super-
rioris ordinis, non continent virtualiter
productive facilitatem naturalem : ergo
neutiquam valent illam efficere. Probatur
Minor : quia ordo supernaturalis creatus
nequit producere ordinem naturalem : nec
potentia supernaturalis potentiam natura-
lem, et idem inductione constat discur-
rendo de entitate qualibet supernaturali :
alioqui ut supra innuebamus, non esset
entitas supernaturalis, quæ non posset
efficere sibi similem naturalem, quod est
ridiculum, et longe a veritate alienum. Id
quippe competit quidem Deo authori na-
turæ, et gratiæ, qui non solum ut author

naturæ, sed etiam ut author gratiæ ali-
quando seipso efficit res naturales, quibus
causas naturales adaptat, ut cum restituit
sanitatem infirmo, et visum caeco. Ubi
adhuc in esse termini splendet supernatu-
ralitas principii, siquidem sanitas restituta,
et potentia visiva a Deo recepta quad
modum producendi, et in esse termini
sunt supernaturales, licet non in esse en-
tis. Hoc autem repugnat rebus ipsis a Deo
creatis, ut est cernere in Angelo omnino
altioris ordinis ad res materiales, quas
nequit propria virtute efficere. Quod ergo
actus supernaturales altioris ordinis sint
ad actus naturales, minime probat posse
efficienter causare habitatem naturalem
ab illo Theologo intentam. Quocirca Doc- D.Th.
tor Angelicus 1, 2, quæst. 51, hunc theo-
logizandi modum penitus evertit, ac di-
ruit. Nam cum sibi objecisset in art. 4,
illus questionis illud fundamentum sub
hac forma : *Per habitum illum (infusum)*
homo potest multos actus producere : sed ex
illis actibus causatur similis habitus, ut
in 2, Ethic. dicitur : sequitur ergo duos
habitus ejusdem speciei esse in eodem, unum
acquisitum, et alterum infusum. Respondet,
Ad tertium dicendum, quod actus, qui pro-
ducuntur ex habitu infuso, non causant ali-
quem habitum, sed confirmant habitum
præexistentem : sicut medicinalia remedia
adhibita homini sano per naturam, non
causant aliquam sanitatem, sed sanitatem
prius habitam corroborant. Non ergo ex
mente D. Thomæ affirmari debet ex acti-
bus supernaturalibus aliquam majorem ha-
bilitatem naturalem efficienter produci,

Quod vero nec etiam in genere causæ
formalis id efficere, seu præstare valeant,
adhuc est evidentius. Nam causa formalis
non causat, nisi per suimet exhibitionem,
et informationem subjecti ; effectus enim
formalis nihil aliud est quam forma com-
municata subjecto, atque ideo esse debet
ejusdem rationis, et ordinis cum forma :
ergo cum entitas actuum supernaturalium
supponatur, et bene, a prædicto Authore,
supernaturales nequeunt non in genere
causæ formalis præstare effectum super-
naturalis. Atque ideo quod potentia ex illo-
rum frequentia habilius, et agilius redda-
tur, non computari debet inter effectus
naturales ; cum non suppetat illius causa
nec efficiens, nec formalis ; sed æquius, ac
rationi omnino consonum est asserere illo-
rum frequentiam deservire in robur, et
confirmationem, ac majus augmentum ha-
bitus

bitus præexistentis, ut nos docuit D. Thomas, et ratio evincit.

Nec inde evertitur totum fundamentum adstruendi habitus acquisitos, ut causatur ille. Nam hi intra ordinem naturalem sibi vindicant propriam materiam, propria exercitia, ac propriam rationem sub qua attingendi objectum, cuius attingentia de-serviunt, ut facile obvium cuique est per illos discurrenti, nec potest negare Ripedala.

Hinc absque ulteriori impulsu corruit confirmatio: nam ut paulo ante dicebamus, superioritas conditionis actuum supernaturalium præ naturalibus minime evincit hos ab illis effici posse, eo quod sunt diversæ speciei, nec unus continet alium tanquam causa vere effectiva; quippe hac continentia solum prævalet Deus, qui, ut inquit D. Thomas ubi nuper in corpore articuli, potest producere effectus causarum secundarum absque ipsis causis secundis, ut constat ex 1 p. quæst. 105, art. 6: *Sic igitur quandoque ad ostensionem suæ virtutis producit sanitatem absque naturali causa; quæ tamen per naturam posset causare: ita etiam quandoque ad ostendendam suam virtutem infundit homini illos etiam habitus, qui naturali virtute possunt causari.* Sicut Apostolis dedit scientiam scripturarum, et omnium linguarum, quam homines per studium, vel consuetudinem acquirere possunt, licet non ita perfecte. Quare non possumus non vehe-menter mirari allegasse pro sua sententia D. Thomam in hoc eodem articulo, ubi evidentissimum, et sole clarus est, nec verbum pro illa positione stare. Sed adeamus quæst. 17 de veritate, quam etiam in sui patrocinium refert. Inquit ergo

Thomæ art. 1, in solutione ad argumen-ta sed contra sol. ad 4: *Dicendum quod ex actibus non generatur habitus alterius modi ab illo habitu, ex quo actus elicuntur: sed vel aliquis habitus ejusdem rationis, si-cut ex actibus infusæ charitatis generatur aliquis habitus dilectionis: vel præexistens augmentatur, sicut in eo, qui habet habitum temperantiae acquisitum ex actibus, ipse ha-bitus augmentatur.* Quæ doctrina etiam est satis perspicua, et nullatenus faveat eam alleganti: nam prima pars illius disjunctivæ non est ex sententia D. Thomæ, sed ex aliorum opinione, quam retulit, sed non fuit secutus, ut constat ex verbis imme-diate subjunctis: *Et ita cum actus con-scientiæ procedat ex habitu sapientiæ, et*

scientiæ, non generatur inde aliquis habitus aliis ab eis, sed illi habitus perficiuntur. Ubi spreta prima parte disjunctivæ, pro-priam mentem aperuit eligendo secundam partem determinate. Quod nullatenus præstisisset, si utraque disjunctionis pars ipsi probaretur.

216. Ex quibus omnibus deducitur, quod licet in quolibet statu naturæ humanae post peccatum, debeat concedi aliquod gen-nus veræ Pœnitentiæ, ut in statu purorum, aut naturæ integræ, quippe quæ est de jure naturæ. In nullo tamen concedi debet Pœnitentia, quæ sit virtus proprie dicta, nisi in statu elevationis, et consortio gratiæ. Quod consectarium constat ex dictis. Quia non est vera virtus Pœnitentiæ, quæ non est supernaturalis, et a Deo infusa: sed in nullo statu, qui non sit elevationis daretur aliquid supernaturale, quod a Deo supernaturaliter deberet infundi, ut liquet: ergo in nullo statu reperi-retur virtus Pœ-nitentiæ proprie talis. Ad hæc: Pœnitentia, Confirm. quæ haberi potest ex vi principiorum na-turalium, non est nec certa, nec firma in attingentia proprii objecti, et materiæ circa quam versatur, sed ad summum conjecturalis, suspecta, et admodum dubia; cum non sit principium naturale, quo quis possit de illius acceptatione certus reddi: ergo cum in prædictis statibus omnia principia, quibus Pœnitentia regularetur, essent naturalia, et alias cessaret recursus ad fidem, aut lumen aliud supernaturale; sequitur in nullo illorum statu posse con-cedi virtutem Pœnitentiæ proprie dictam.

Deinde probatur idem consectarium alio principio, quo excludatur prædicta virtus, adhuc supposita fide, et elevatione super-naturali, quod jam supra indicatum est. Nam in eo ordine est impossibilis virtus, ubi impossibile est ejus objectum: sed intra ordinem naturæ adhuc supposita fide impossibile est objectum Pœnitentiæ na-turalis: ergo et ipsa Pœnitentia. Minor in qua sola esse potest difficultas probatur: nam objectum Pœnitentiæ naturalis est peccatum destruendum intra prædictum ordinem: sed implicitorum est peccatum deleri ex principiis naturalibus intra hunc ordinem, quia nullum peccatum est re-missibile absque Dei gratia: ergo impos-sibilis est Pœnitentia, quæ sit vera virtus, ex principiis naturalibus. Si enim intra vires naturæ adhuc ut elevatae non sup-terent vires efficaces ad frænandas, et com-pescendas passiones insurgentes contra

Consec-tarium.

Ulterior proba-tio.

rationem rectam, easque ad debitam proportionem; et medium redigendas; profecto nulla esset virtus proprio labore acquisita, sicut quia in natura non est potestas totaliter extingendi fomitem peccati, non ad hoc assignatur virtus, sed fieri debet recursus ad gratiam, et non qualitercumque, sed insignem, et quam nullum accepisse extra B. Virginem Dei Matrem certo certius est. Ergo cum exploratum nobis sit, ex alibi recte probatis, non stippetere vires naturales ad destruendum peccatum adhuc ut est contra rationem; recte deducitur nullam esse possibilem virtutem Pœnitentiae naturalem; in quo cumque statu natura constituitur; atque ideo recurriri debet ad gratiam, ut veram virtutem Pœnitentiae debeamus adstruere. Unde infertur praeterea non esse eandem rationem concedendi amorem Dei naturale, ex viribus naturae, ac contritionem naturalem, quae sit vera contritio; atque ideo illo concessso, ut concessimus supra tract. de Gratiâ, hanc negamus; utpote solum possibilem intra ordinem gratiae, nequitquam vero intra ordinem naturae.

Aliud
consec-
tarium.

sancificantem ad hominis intérieurem sanitatem constat ex Concilio Tridentino, quin gracia sub aliquo pracepto cadat; et idem constat in auxiliis supernaturalibus; ideo ad explicandam necessitatem hujus virtutis toties in sacris litteris commendatam præsens dubium excitamus. Cujus titulus se accingit ad solum id, quod Pœnitentia ab intrinseco petit, præscindendo a charitate, et virtutibus atque in a casibus, in quibus per accidens aliquid solèt obligare, quod tamē alias sub obligatione non cadet, ut contingit in Confessione, eūjus obligatio solum utrum semel in anno, et in tempore præfixo ab Ecclesia: cum tamē non semel per accidentia necessaria sit intra eternitatem ahntum. De quo infra. Et quia præcepta non tantum de habitibus, sed de illorum operationibus, unde habitus ipsi dicuntur necessarii necessitate præcepti; idcirco idem est inquirere, quod pte se fuit titulus; ac investigare: An actus Pœnitentiae cadant sub præcepto?

Porro præceptum vel est divinum, et naturale, ipsis rerum naturis annexum, quale est præceptum diligendi Deum super omnia, nec non præceptum ipsum colendi, etc.; vel est positivum, et superadjicatum ex voluntate legislatoris, aliquid dentio statuentis, et ordinantis, ut in lege nova ordinasse constat Christum Dominum contritionem ad Sacramentum Pœnitentiae. Et hoc appellamus præceptum divinum positivum; per contrapositionem ad præceptum mere Ecclesiasticum, seu ab Ecclesia præscriptum. Quale esse præceptum anima confessionis, et communonis apud omnes supponi debet; licet præceptum confessionis sit ex iure divino, ut constat ex Tridentino; et iam olim D. Thomas docuerat affirmando, quod Ille Pontifex possit dispensare in eo, quod confessio non fiat hoc, aut illo tempore determinato, secus vero in eo, quod numquam fiat; eo quod iuris divini sit. Ut ergo examinemus; qualiter Pœnitentia obliget, vel ex iure divino, vel ex ecclesiastico, seu humano, additum est in titulo: Quo iure Pœnitentia præceptum obliget? Nec est sermo de Pœnitentia exteriori, quae est effectus Pœnitentiae interioris; quia cum actus exterior sive sit bonus, nisi per ordinem ad actum interiorum, in quo est tota bonitas actus exteriori, non inducit maiorem obligacionem, quam actus interiori, a quibus præcedit. Imo sæpe contingit vel ob debilitatem,

Quo-
plex s-
præce-
tum.

DUBIUM VI.

*An sit speciale præceptum virtutis
Pœnitentiae, et quo iure obliget?*

Status
quæstu-
ris.

Act. 2.
Act. 3.

Ezech. 18

Eccle-
siast. 2.

Hie-
rem. 8.

Luc. 13

Qualiter
aliquid
esse
possit
necessa-
rium.

217. Peccatoribus necessariam omnino esse Pœnitentiam satis demonstravit sacrae litteræ, passim obviae, quibus monentur non aliud illis superesse remedium post lapsum; quam Medicinam Pœnitentiae. Unde est illud Act. 2: *Pœnitentiam agite, et baptizetur unusquisque vestrum. Actos. 3: Pœnitentia, et convertintur, ut deleantur peccata vestra.* Ezech. 18, si implus egerit pœnitentiam ubi omnibus peccatis suis, vita vivet, et non mortetur. Ecclesiast. 2: *Si pœnitentiam non egerimus, incidemus in manus Domini.* Hierem. 8: *Si pœnitentiam egerit gens illa a malo, quod fecit, agam et ego pœnitentiam a malo, quod cogitavi, necnon* Lucæ 13: *Nisi pœnitentiam egeritis, omnes simul peribitis.* In quibus locis, et innumeris aliis, quae longum esset percurrire, manifestum est sermonem fieri de Pœnitentia virtute, quae sola fuit ante Baptismum, et institutionem Sacramentorum in nova legi.

Sed quia potest aliquid esse necessarium per modum mediæ indispensabiliter requisihi, ut necessariam esse gratiam

vel ob alias causas deobligari hominem a penitentia exteriori; cum obstrictus ex peccato maneat Pœnitentiæ interiori. His prælibatis pro tituli intelligentia, sit

§ I.

Prima Conclusio statuitur, et primæ parti difficultatis respondetur.

218. Dicendum est primo dari speciale præceptum Pœnitentiæ. Hanc conclusiōnem tenuisse omnes Scolasticos testatur M. Cano in illa sua celebri relect. de Pœnitentiæ 4 p. § Primum itaque. Ubi oppositam sententiam vel ex eo solum refellendam censem, quod novitia sit, et in re, quæ ad mores pertinet, sine idonea ratione communi Theologorum sensui refragetur. Et sane ita est: nam affirmans sententiam altas radices egit, ut vetustissimus Tertullianus de ea ita scripserit lib. de Pœnit: *Cum iudeus Deus justitiæ charissimæ sibi exigendæ, tuendæque præsideat, in eam omnem summam disciplinæ sanciat, dubitandum est, sicut in universis actibus nostris, ita in Pœnitentiæ quoque causa justitiam Deo præstandam esse?* Et paulo inferius huic suæ dubitationi ita respondeat: *Audaciam existimo de bono divini præcepti disputare. Neque enim, quia bonum est, ideo auscultare debemus sed quia Deus præcepit.* Ad exhibitionem obsequii prior est majestas divinæ potestatis, prior est authoritas imperantis, quam utilitas servientis. Bonum est pœnitere, an non? Quid revolvis? Deus præcipit. Quod igitur Deus tantopere commendat, quod eliam humano more sub dejuratione testatur, summa utique gravitate, et aggredi, et custodire debemus.

Porro intentum præceptum in verbis Scripturæ supra relatis contineri inde efficaciter colligitur: Tum, ex tenore ipsorum verborum, quæ præceptiva sunt, *Pœnitentiæ agile;* non enim alia assignari possunt clariora; maxime vero cum ea, quæ sub consilio cadunt, conditionaliter soleant proferti. Imperium vero importatum in præcepto non aliter, quam verbo imperativo explicatus potest tradi. Tum etiam, quia constat, ut recte docet prælaudatus Magister Joannem Baptistam a principio sua prædicationis ab illis verbis exorsum fuisse: *Pœnitentiæ uigile, appropinquat in vos regnum Dei.* Non est vero fide dignum primo incepisse a consiliis,

eaque quantocys populo proposuisse, postpositis, quæ de præcepto erant: ergo quia Pœnitentia erat de præcepto, ab ea exordium sumpsit, et verbis præceptivis edixit. Tum etiam (tacitam objectionem præoccupamus) quia licet conditionales videantur aliquæ illarum locutionum, non ideo a prædictis testimoniosis excludi debet præceptum, ut constat a simili: nam Joan. 3 asseritur de Baptismo: *Nisi quis renatus fuerit ex aqua, et Spiritu sancto, non potest introire in regnum Dei.* Et ejusdem Joan. 6 de necessitate Eucharistiæ dicitur: *Nisi manducaveritis carnem filii hominis, et biberitis ejus sanguinem, non habebitis vitam in vobis.* Cum tamen ex prædictis verbis non tantum necessitatem utriusque Sacramenti evincant Theologi, sed etiam, et præceptum. Ergo similiter in nostro casu. Et ratio similitudinis est: nam omnia quæ sunt necessaria ad salutem, si semel sunt in nostra potestate, cadunt sub præcepto; cum quilibet teneatur apponere media ad propriam salutem necessaria: sed actus Pœnitentiæ sunt necessarii ad salutem, et cadunt sub humana potestate adjuta gratia, non minus quam assignata recipere sacramenta, et ad ea recte suscipienda se disponere: Ergo eadem ratione, ac istorum sacramentorum receptio cadit sub præcepto, cadit etiam actus Pœnitentiæ virtutis.

Idem etiam evincunt testimonia ex Concilio Tridentino dub. superiori allegata. Quoniam sancta Synodus quatuor pœnitentis actus ad justificationem necessarios enumerans inter eos accenset actum Pœnitentiæ virtutis: sed alii actus ita sunt necessarii necessitate medii, quod etiam cadunt sub præcepto, ut in confesso est apud omnes. Quis enim neget esse specialia præcepta pro actibus Fidei, Spei et Charitatis? sane, nec illi, quibus arriserat in toto vitæ cursu non teneri hominem ad actus prædictarum virtutum ex vi præceptorum divinorum, ausi sunt negare existentiam præcepti pro quolibet illorum, ut constat ex propositione 1, ab Alexandro VII damnata sub anno 1665, die 24 Septembris, quæ hujusmodi erat: *Homo nullo unquam tempore suæ vitæ tenetur elicere actum fidei, spei, et charitatis, ex vi præceptorum divinorum ad eas virtutes pertinentium, ubi non est dissensus de existentia præceptorum, sed de illorum obligatione.* Cum ergo concilium sub eodem tenore loquatur de Pœnitentia, ex ejus mente, ut firmum

tenendum est esse etiam speciale præceptum pro hac virtute.

D.Thom. In qua sententia perpetuus fuit Angelicus Doctor sive in scriptis super sententias, ut videre est in 2, dist. 43, quæst. 1, articul. 3 ad 3, cuius verba infra transcribemus, in 4, dist. 14, et dist. 17, articul. 1, quæst. 1 et 2, sive in summa, ut liquet ex 2, 2, quæst. 14, articul. 2, quæst. 62, articul. 8, quæst. 88, articul. 3 ad 2, ac tandem in hac 3 p. quæst. 84, art. 7, ad 1 et 2, et quæst. 85, art. 1. Unde opus non est de ejus mente periculum facere, aut rem adeo perspicuum in S. Doctore in examen revocare. Nec ex discipulis, unicum si excipias Victoriam, qui S. Doctori non subscrivat, quamvis Bonacina tom. 1, disp. 5, quæst. 5, sect. 1, punct. 2, oppositum dicat.

Primum assertio[n]is fundamen[t]um ex D. Thom. 219. Ex quibus locis plura S. Doctoris discipuli depromunt argumenta pro hac veritate stabiendi, quæ omnia premere longissimum, et nimis molestum esset; quo circa unum, aut alterum expendisse sufficiet. Primum sit ex doctrina S. Doctoris 2, 2, quæst. 3, art. 2. Nam ea, quæ sunt ad salutem necessaria cadunt sub præcepto divinæ legis: sed actus Pœnitentiæ est ad salutem necessarius homini existenti in peccato mortali: ergo actus Pœnitentiæ cadit sub præcepto divinæ legis. Consequentia est in forma. Major præterquam quod est D. Thomæ, ex se patet, quia præcepta divinæ legis non versantur immediate circa finem, quia, ut est commune proloquium, finis legis non cadit sub lege; salus autem consequenda est finis præcepti, non secus ac salus corporis est finis medicinæ: nec etiam præcepta divinæ legis sunt de iis, quæ sub consilio cadunt; haec enim sicut libere possunt adimpleri, ita et libere possunt omitti, nisi spontaneæ se illis obstringere quis velit aut promissione, aut voto: ergo solum superest, quod illa præcepta sint de mediis ad salutem necessariis. Quam propositionem ut per se notam, et omnino fundamentalem inculcat S. Doctor omnibus fere locis allegatis, et reassumit tandem in hac eadem quæst. art. 1, in argumeto *sed contra*, eamque probat ex Philosopho, inquiens: *quod præcepta legis dantur de actibus virtutum, quia legislator intendit cives facere virtuosos, ut dicitur 2 Ethic.* Minor vero probatur: tum quia ut ex dictis constat, actus Pœnitentiæ est actus virtutis, subindeque necessarius. Tum etiam,

quoniam absque Pœnitentia non est assecurabilis salus ab homine existente in peccato, et illius non ignaro, dummodo comp̄s rationis existat, idque satis declarant verba Scripturæ supra relata. Luc. 13: *Nisi pœnitentiam egeritis, omnes quidem peribitis.* Tum denique (et in idem recidit) nam sicut sanitas corporis naturaliter comparari non potest, semel atque fuerit amissa, nisi media medicina; ita salus animæ nequit communiter, et juxta præsentem providentiam, nisi media Pœnitentia, quæ est virtus medicinalis sanatrix, et præservatrix contra venenum, aut morbum peccati.

Confirmatur præoccupando tacitam evasione[m]. Quia non stat actum Pœnitentiæ esse necessarium necessitate medii, et non esse necessarium necessitate præcepti: sed actus Pœnitentiæ saltem est necessarius necessitate medii: ergo etiam est necessarius necessitate præcepti. Minor, et Consequentia constant, Major vero probatur: tum quia actus Pœnitentiæ est necessarius non ut habitus aut aliquid se tenens ex parte principii, et finis (quo pacto se habent auxilia, gratia habitualis, et alia operationum principia, quæ indispensabilia sunt antecedenter ad operationem rectam, quæ proinde vel a natura, vel a superiori agente inesse debent ad recte operandum); sed est necessarius ut actus virtuosus, et a virtute procedens: actus autem virtutis est necessarius necessitate præcepti, siquidem ut docet D. Thomas loco nuper citato ex 2, 2, eo modo est de necessariis ad salutem, quo potest cadere sub præcepto affirmativo divinæ legis. Tum etiam: quia ille actus est necessarius necessitate præcepti, ad quem homo ex justitia tenetur; justitia enim sub præcepto cadit: sed homo tenetur ex justitia ad actum contritionis, seu Pœnitentiæ: ergo actus Pœnitentiæ est necessarius necessitate præcepti. Probatur Minor: quia supposito peccato tenetur homo ad satisfactionem pro injuria ex illo Deo irrogata: sed homo non satisfacit Deo pro injuria ipsi illata nisi per actum Pœnitentiæ, qui eliciatur, vel imperetur ab ipsa: quo circa supra statuimus Pœnitentiam esse justitiam licet imperfectam hominis ad Deum: ergo homo tenetur ex justitia ad actum Pœnitentiæ.

§ II.

Varia hujus fundamenti subterfugia.

220. Hoc fundamentum, quo res confici videbatur, variis modis elidere conati sunt Recentiores aliqui. Et in primis occurrat Suarez in praesenti disp. 15, sect. 1, docens satis superque esse præceptum charitatis, ut homo teneatur ad detestandum peccatum : detestatio enim peccati non tam ad Pœnitentiam, quam ad charitatem pertinet; ideoque sufficiet præceptum illius. Et rationem tradit : tum quia per odium charitatis sufficiens compensatio Deo exhibetur; præstat enim actus charitatis, quam actus contritionis. Tum etiam, quia sæpe contingit præceptum unius virtutis obligare ad alterius actum, sicut præceptum religionis obligat ad actus fidei, spei, et charitatis, quoties sine illis nequit exerceri actus religionis. Tum denique, quia motivum actus virtutis non cadit sub præcepto, ut constat in audiente sacrum, aut debitum restituente; non enim ille debet sacrum audire ex motivo præceptum adimplendi; nec iste tenetur ad restituendam pecuniam ex motivo justitiae : alioqui teneretur ad restitutionem post solutam pecuniam creditori, quod est absurdum. Ergo qui eliceret actus Pœnitentiae ex motivo charitatis, vere adimpleret præceptum Pœnitentiae, quia vere satisfaceret : atque ideo ex vi ejusdem præcepti charitatis elici possunt actus charitatis, et actus Pœnitentiae. Non ergo recte probatur præceptum speciale Pœnitentiae, ex eo quod hæc sit ad salutem necessaria, et ex illa teneatur peccator ad satisfactionem ex justitia.

Hac tamen doctrina non enervantur vires præjectæ rationis, et quod magis est, non recte explicatur Concilium Tridentinum, in quo maxime commendatur necessitas Pœnitentiae, ut condistinctæ ab actu charitatis, et aliarum virtutum Theologalium, et inter actus pœnitentis defertur primatus contritioni. Unde in regulis fidei can. 4 definitur hujusmodi actum esse unum e tribus ad obtainendam remissionem maxime necessariis, nulla exprese mentione facta de actu charitatis : ergo eadem prorsus ratione, qua ex mente Concilii concluditur necessitas medii, et præcepti specialis pro quolibet actu aliarum virtutum theologalium, evinci debet

speciale præceptum Pœnitentiae, et oppositum asserere nullius est fundamenti.

Deinde revincitur ex doctrina ipsius Suarez disp. 3, sect. 4, et disp. 4, sect. 1 et 3. Ubi asserit actum proprium Pœnitentiae, inquantum est compensatio pro offensa, esse omnino et ex æquo distinctum ab actu proprio charitatis, hancque esse expressam sententiam D. Thomæ, maxime Patribus, et Concilio conformem. Hac autem vera doctrina supposita, sic instauratur propositum fundamentum : nam pro diversis virtutibus dantur diversa præcepta : sed in doctrina Suarez, et juxta rei veritatem actus Pœnitentiae est actus virtutis ex æquo diversæ ab actu, et virtute charitatis : ergo ad actum proprium Pœnitentiae admitti, et concedi debet proprium, et speciale præceptum. Major, in qua sola hærere potest Suarez, est expressa D. Thomæ ubi supra, et inductione constat in omnibus virtutibus supernaturalibus, quæ eo ipso quod necessariae sunt ad salutem, sibi vindicant specialia, ac propria præcepta; alioqui enim non caderent sub præcepto actus religiosis, et sic de reliquis nisi quatenus continerentur sub præcepto charitatis : quod Arauxo. est manifeste falsum, imo, et absurdum.

221. Rursus a priori refellendus venit, A priori ex eo, quod non tantum actus virtutis, sed etiam motivum ipsius comprehendenduntur sub eodem præcepto, imo implicat unum sine altero imperari. Quod sic ostenditur. Quia implicitorum est præcipi actum fidei v. g. qui non debeat elici ab ipsa fide, sicut repugnat imperari intellectionem, quæ non sit ab intellectu : sed implicat fidem elicere actum fidei, nisi sub proprio motivo ipsius fidei : ergo ex vi ejusdem præcepti, quo præcipitur actus fidei, imperatur etiam motivum fidei. Et ratio (quo universalior, eo verior) est quia nulla virtus, quæcumque illa sit, se exercere potest in actum nisi sub proprio motivo, a quo mutuatur speciem : alioqui esset, et non esset unius speciei. Quocirca nec charitas elicit actum proprium religionis, nec religio actum proprium humilitatis, et sic de reliquis; alias una sola virtus sufficeret, et aliæ superfluerent. Ergo nec charitas poterit elicere actum proprium Pœnitentiae, nec e converso, cum enim præceptum virtutis non ultra se porrigit, quam ipsa virtus; juxta diversitatem virtutum debet assignari differentia præceptorum : atque ideo aliud debet esse

Ad hominem refutatur.

præceptum Poenitentia a præcepto charitatis. Maximè cum præceptum charitatis non concernat peccatum; aut supponat per se; præceptum vero Poenitentia solum débeat edici peccatoribus, quos solos ligat.

*Dispelli-
tum
tandem.* Diruitur tandem detegendo radicem aequi-
vocationis, qua laborasse videtur solutionis

Author. Nam licet ob connexionem vir-
tutum infusarum, cum inter se, tum cum
charitate se invicem imperare, et in sub-
sidium, ut ita dicamus, vocare possint,
quod non inficias imus; et in vi hujus
charitas imperet Poenitentiam, et Poenitentia vice versa imperare valeat charita-
tem, quin obsit major unius perfectio præ-
alia; eo quod sufficiat unitas, et conve-
nientia in ordine; falsum tamen est, et
nulla ratione concedendum, vel quod actus
ipsi confundantur, vel quod propria exuan-
tūr specie; hoc enim præter absurdum
manifestum, ipsa experientia actus externi
improbatur. Nam per hoc quod actus ex-
ternus despoticè imperetur ab imaginativa,
aut potentia loco motiva, nec confunditur
cum actu interno, nec nudatur specie pro-
pria, quam natus est habere a propria vir-
tute, aut potentia. Quare multo minus id
contingere debet in imperio politico inte-
riori virtutum, ut ex doctrina ejusdem

D.Thom. Suarez facile convinci potest (ut omitta-
mus esse expressam doctrinam D. Thomæ
supra in hoc eodem tract. allegatam, et
pluries a S. Doctore edoctam). Nam ut
ipse tenet disp. 3 de Fide scđt. 9, a num.

*Suarez
sibi
contra-
rius.* 13: *Ubi concurrunt duo motiva natura sua
formaliter diversa, et sufficientia ad consti-
tuendas diversas species, dantur duo actus
realiter distincti: et quod simul et eodem
tempore, immo et instanti moveant, non con-
fundit rationes objectivas, nec facit illas
coalescere in unam: quia ibi tantum inve-
nitur concomitantia temporis, et subjecti,
qua non sufficit ad confusionem, vel unio-
nem illorum motivorum in unum. Cum ergo
præcepta respiciant immediate actus, quos
vel prohibent, vel præcipiunt; si sub im-
perio unius virtutis respectu alterius, adhuc
permanent duo actus ex diversis motivis
procedentes, profecto et erunt duo præ-
cepta, alterum proprium virtutis impe-
rantis, et aliud virtutis imperante. Unde
solum concluditur concomitantia præcep-
torum pro eodem instanti, non vero exclu-
ditur a virtute imperata speciale, et sibi
proprium præceptum; alioqui enim sicut
in omnium sententia charitas promovet
omnium virtutum eorum in fine ultimo*

mum, et id præstat imperando; unicum
sufficeret præceptum pro actibus omnium
virtutum, ut supra innuebamus. Quod est
falsum, et minime admissu dignum.

222. Hinc clare evanescunt exempla in
contrarium adducta: quia nec charitas
(ut primum diluamus) ex propria specie
offert compensationem pro offensa, nec
Poenitentia ex suo immediato motivo res-
picit Deum tamquam ultimum finem:
sed ut ratio compensationis, et satisfac-
tionis insit actui charitatis, requiritur imperari a Poenitentia; et ut hæc tendat in
Deum ut ultimum finem, opus est supponere
charitatem, ab eaque in proprium
finem ordinari. Porro discrimen stat in
eo, quod Poenitentia, ob connexionem cum
gratia, petit essentialiter imperari a charitate;
hæc vero non ita petit a Poenitentia
ordinari, sed interdum queit proprium ac-
tum elicere, quin ibi interveniat Poenitentia:
quamvis enim Poenitentia debeat esse
posterior charitate, non tamen charitas
semper debet supponere, vel inferre
Poenitentiam, ut in Angelis constat. Unde
corruit prima probatio.

Secunda etiam corruit, nam licet verum
sit sepe sèpius unam virtutem exposcere
concursum alterius, inde non sequitur,
nisi quod præceptum unius obliget mediate
ad alterius actum. Cum quo stat obligatio
immediata proprii præcepti virtutis. Et
profecto ita res est: nam urgente præ-
cepto charitatis, quod adimpleri hic et
nunc absque actu v. g. humilitatis non
possit, præceptum charitatis obstringit im-
mediate ad actum proprium, sed indirecte,
et mediate ad actum humilitatis (quod est
per accidens obligare). Quia tamen actus
humilitatis nequit exire a predicta virtute,
nisi sub proprio ejusdem motivo, idecirco
nequit excludere præceptum ipsimet pro-
prium. Unde sicut idem actus procedit ab
humilitate ut eliciente, et a charitate ut
imperante, ita concurrit duplex præceptum
cuilibet illarum proprium: atque ideo ex
eo quod semper, et indispensabiliter actus
Poenitentiae specialis imperari a charitate
debeat, minime inferri potest non esse,
nisi unum charitatis præceptum pro illis
actibus; quin prius evincatur actum impe-
rantem, et imperatum non esse actus
diversarum virtutum, sed ejusdem, quod
est arduum, et neutiquam sustinendum.

Evidentius adhuc dispellitur tertia ex
ipsomet exemplo justitia, quod inducitur:
Creditor namque, sinon ex motivo sol-
vendi

Disp.
excl.
pla.

Secund
probati
infirmata

Terzia
diruta.

vendi debitum pecunias elargiatur; semper tenetur solvere; siquidem alia est gratuita elargitio pecuniae; alia solutio pecuniae debite, quia debita est; quarum una pertinere potest vel ad misericordiam, vel ad liberalitatem, aut magnificentiam; altera vero determinate pertinet ad justitiam. Quapropter exemplum in eo utentem regeri debet. Nec hoc est singulare in justitia, ut visum fuit Sanchez lib. 4 summæ, cap. 1, sed universaliter tenet in omni actu virtutis: quippe nullus est, qui ex fine operis (quidquid sit ex parte finis operantis, ex quo capite non semel actus de se honestus vitiatus redditur) non sit etiam ex motivo virtutis, quo pacto eadit sub præcepto. Unde falsum est non eaderet sub præcepto motivum vittutis; alioqui enim nec teneretur homo ad operandum ex motivo virtutis, nec consequenter peccaret juxta illud non operando, vel alterum motivum oppositum ex fine operantis adjiciendo. Quocirea deceptum fuisse P: Sanchez ubi nuper docent Thomistæ, et cum eis Navarrus, Henricus, et Azor, quos refert Arauxo in praesenti quæst. 86, art. 2, dub. 2.

Est vero omnino observatu dignum (ut alteri exemplo auditionis saeri obviam fiat) quod ad observationem præcepti non requiritur expressa illius recordatio, sed sufficit ponere actum virtutis ex motivo, seu (quod idem est) ex objecto ipsius. Nam eo ipso includitur ibi observatio præcepti. Unde qui audit saerium ex motivo illud audiendi cum attentione, et reverentia debitis, vere adimplat præceptum; quamvis nullatenus in mentem venerit præcepti obligatio. Et idem accidit quando ex vanagloria, aut alio fine obliquo, qui tamen non aduersetur prædictæ intentioni, quis accedit ad saerium audiendum. Et ratio est, quia finis extrinsecus legis non eadit sub legi; et præceptum non jubet ex recta intentione operantis audire saerium; sed quod audiatur cum intentione audiendi, præscindendo a motibus extrinsecis, et accidentibus ex parte operantis. Per oppositum vero si homo adstatet sacro animo expresso, et delibato non audiendi saerium, neati quam adimpleret præceptum, sed teneretur ad aliud audiendum; quidquid in oppositum docuerit Sanchez ubi supra. Quippe in omnibus præceptis militat eadem ratio, nempe, quod non adimplatur, nisi ex honesto motivo virtutis, quamvis vitiari contingat ex circumstantia, vel fine operantis.

Nec ideo asserimus prædictam observationem esse actum virtutis proprie talis, ut aliquis nobis posset obtrudere; quoniam magis requiritur, ut actus sit virtuosus; quam ut sit adimpletivus præcepti: nam ad primum ex nullo capite debet deficere: quia bonum ex integra causa, et malum ex quocumque defectu. Ad secundum vero sufficit actus præceptus quoad substantiam sub prædicta intentione: De quo trahit de Bonit: et Malitia disp. 6, dub. 4, ubi statulimus eundem numero actum non posse esse simul bonum, et malum adhuc ex diversis capitibus; maxime vero recoli debent tradita § v illius dubii a num. 23, ubi plura hue concernentia inveniet Lectör. Unde constat nullum esse caput, ex quo Suarez petuerit excludere ab actibus Pœnitentiæ speciale præceptum, nec principia ad eum finem excogitata, et adducta intentum convincere.

223: Veniamus ad Vasquez, qui quidem q. 86, dub. 3, num. 7, autumat non bene probari esse speciale præceptum Pœnitentiæ, quia ea sit specialis virtus ab omnibus aliis sive Moralibus, sive Theologis distincta. Quia licet concedamus (inquit) esse virtutem particularem; non tamen esse necessaria ad salutem sub illo respectu, qui speciem tribuit peculiarem. Sed dolor de peccatis ex charitate satis esse in omni opinione.

Hæc tamen doctrina quoad utramque impugnatur. Sui partem est falsa, et difecte opposita D: Thomæ. Quoad primam quidem, ut constat ex ratione pro ea formata, quam relinquit intactam; si quidem præcepta nondantur nisi de actibus ad salutem necessariis: sed actuū Pœnitentiæ demonstrant necessitatē clarissima testimonia initio hujus dubii allegata; ergo actus Pœnitentiæ nequit non sub speciali præcepto contineri. Quoad secundam vero (in qua relabitur in doctrinam Suarez, quod non solet) ex nuper contra ipsum dictis manet convulsa. Ubi tamen, et alteri reponimus illud eorum motivum charitatis ad excludendum peccatum, absque necessitate, et consequenter absque præcepto Pœnitentiæ, prævisum, objectum, et dissolutum esse a S: Doctore quæst. 84, præcedenti art. 5, ubi sub hac forma illud proponit: Proverb. 10 dicitur: Universa delicia operit charitas. Et infra 15: Per misericordiam, et fidem purgantur peccata: sed hoc sacramentum non est, nisi ad purgandum peccata: ergo habendo charitatem, et fi-

Quid sentiat
P. Vasquez.

D. Thom.

dem, et misericordiam, potest quisque salutem consequi, etiam sine Pœnitentiæ sacramento. Quod quidem argumentum ex vi formæ idem concludit de virtute Pœnitentiæ, et re ipsa convincere rentur prædicti Doctores. Solutio D. Thomæ fuit : *Ad secundum dicendum, quod ex quo aliquis peccatum incurrit, charitas, fides, et misericordia non liberant hominem a peccato sine Pœnitentia : requirit enim charitas, quod homo doleat de offensa in amicum commissa, et quod amico homo studeat satisfacere. Requirit etiam ipsa fides, ut per virtutem passionis Christi, quæ in Sacramentis Ecclesiæ operatur, querat justificari a peccatis. Requirit etiam ipsa misericordia ordinata, ut homo subveniat pœnitendo sua miseria, quam peccatum incurrit, secundum illud Proverb. 14: Miseros facit populos peccatum.* Ubi, ut vides, charitas non excludit, quin petit, et secum affert Pœnitentiam, atque ideo præceptum charitatis sicut non averatur præcepto fidei, et spei; ita minime submovet præceptum Pœnitentiæ, sed secum dicit.

Evasio. Nec demuntur huic testimonio vires, quia locutus in eo fuerat D. Thomas de Sacramento Pœnitentiæ, non vero de virtute. Tum quia virtus Pœnitentiæ non est, nisi in voto respiciat sacramentum ex institutione Christi. Tum quia actus Pœnitentiæ virtutis sunt materia prædicti sacramenti, ut sæpe nos docuit S. Doctor, et constat ex dictis. Tum quia omnes recensiti actus charitatis, fidei, spei, et misericordiæ præcedunt actum Pœnitentiæ ut in plurimum in eodem instanti; præcipue vero actus charitatis, sine quo ut radice non stat vera contritio. Unde quoad præsens nullatenus refert quod fiat sermo de Sacramento Pœnitentiæ, quin potius magis premit adversarios, si recte expendatur; si quidem ut cadunt sub Sacramento non nudantur propria specie, et motivo, sed superinduuntur alia strictiori obligatione, ratione sacramenti perficiendi, ut constat in actibus charitatis, et aliarum virtutum ad fructum Sacramenti necessariis. Vel ergo negent omnibus aliis virtutibus specialia præcepta perinde ac si omnes sub unico charitatis præcepto comprehendantur: vel negare desistant veritatem legitime deductam, et a D. Thoma probatam. De quo rursus infra in hoc eodem dubio § 7, solutione ad 4 argumentum, cuius ratione eandem Vasquez refricat doctrinam, et illam iterum refellere opus erit.

224. Accedit Lugo in præsenti disp. 7, ^{Emit.} sect. 10, num. 182, affirmans obligationem ^{tissi-} Pœnitentiæ non posse provenire ex justitia, ^{Lug.} tum quia non semper in peccato intervenit ^{sotul} specialis injuria, tum quia impossibilis est homini satisfactio pro offensa. Qua doctrina supposita, diruitur confirmatio nostri fundamenti.

Sed hoc nihil est, et manet improbatum supra in hac eadem disp. in qua ostendimus Pœnitentiam esse justitiam (licet imperfectam), nostri ad Deum, et ejus satisfactionem non excludi, quin imo acceptari a Deo, quamcumlibet imperfecta, et inæqualis ea sit. Nunc solum opponimus contra primam partem evasionis minime doctrinalem esse : Nam esto ita esset, quod non in omni peccato inveniatur ratio specialis injuria, cujus oppositum docet D. Thomas, ut supra indicavimus, et latius prosecuti sumus tract. de Incarnat. disp. 1, dub. 1, saltem in illo, et in illis peccatis, in quibus splendeat specialis injuriæ ratio, pro illorum satisfactione opus erit recurrire ad obligationem ex justitia. Quo posito reassumit vires nostra confirmatio sub hac forma : Pœnitentia est virtus, quæ tendit in destructionem non hujus, aut illius peccati, sed omnium, media compensatione, licet tenui, et imperfecta : sed inter peccata aliqua sunt, in quibus invenitur specialis ratio injuriæ : ergo ad hæc compensanda tenebitur pœnitens ex justitia : ergo saltem ad hæc necesse erit intervenire præceptum, atque ideo erit præceptum pœnitendi, esto non de omnibus, ad minus de aliquibus. Non ergo bene, et doctrinaliter de omnibus absolute negatur.

Tandem occurrit Aversa in præsenti quæst. 1, sect. 5, § *Attamen*, et concedit hominem ex justitia obligari, subindeque ex præcepto, ad compensandam offensam; sed non ex justitiae titulo. Pro quo distinguit, aliud esse hominem ex justitia manere obstrictum ad satisfaciendum; aliud vero, et longe diversum, quod teneatur ad satisfaciendum ex justitia. Obligatur ergo homo ex motivo justitiae ad dolendum de peccato; non tamen ei incumbit onus dolendi ex motivo justitiae, sed satis erit, si doleat ex motivo charitatis. Et hoc pacto extinguet onus ex justitia satisfaciendi, cui solum erat obnoxius, et adimplevit præceptum dilectionis erga se ipsum sub uno charitatis præcepto.

Subtilis hæc distinctio quoad præsens non refert, sed ex dictis prosternitur efficiaciter

^{Quid}
refon-
deat
Aversa

^{Rejici-}
tur.

caciter : quia homo non solum tenetur ex justitia ad satisfaciendum, etiam obligatus manet ad satisfaciendam ex justitia : ergo quoad præsens nulla est subtilis illa distinctio. Consequentia constat, et probatur Antecedens : nam homo tenetur ad satisfaciendum ex motivo proprio Pœnitentia; non enim tenetur ad satisfactionem ex motivo charitatis, aut cuiusvis alterius virtutis, quæ Pœnitentia non sit, vel a Pœnitentia non imperetur, sicut non tenetur ad humilitatem, nec ad cultum Religionis nisi vel ex motivo humilitatis, vel ex motivo Religionis. Et quamvis contingat intervenire etiam charitatem in cultu Religionis exhibendo, non idcirco cultus obsequium immediate, et elicitive non pertinet ad Religionem. Sed motivum proprium Pœnitentia, quo numquam exiutur, aut nudari potest, est motivum justitiae, cum Pœnitentia unica sit justitia hominis ad Deum : ergo si homo tenetur ad satisfaciendum Deo ex motivo pœnitendi, nequit non teneri ad satisfactionem ex motivo justitiae.

Porro satisfactionem non alii virtuti præ Pœnitentia primario, et per se iri tributam, reliquis vero ex subordinatione ad ipsam, in quo omnes relatæ evasiones offendere videntur, haud obscure colligitur ex Tridentino sess. 14, cap. 8, ubi opera satisfactoria summopere commendans, et ea Pœnitentia adscribit, et ad ea frequenter usurpanda monet, dicens : *Neque vero securior ulla via in Ecclesia Dei unquam existimata fuit ad amovendam imminentem a Domino pœnam, quam ut hæc Pœnitentia opera homines cum vero animi dolore frequentent.* Et certa ratio idem suadet : quia quod ab intrinseco est unicuique virtuti essentiale, et proprium, nequit alteri aut virtuti, aut pœnitentia competere, nisi ex subordinatione ad ipsum. Sic absque charitatis imperio nulla virtus attingit ultimum finem qua talem, nec similiter actus intellectus queit esse bonus moraliter absque influxu voluntatis, nec hujus actus erit rectus, aut bene ordinatus absque influxu intellectus. Et in hoc principio fundatur dependentia unius ab altera potentia, nec non virtutum inter se. Cum ergo Pœnitentia ratio sita sit in eo, quod tendat in satisfactionem offensæ, ut abunde probatum relinquimus, nec charitas, nec alia virtus exhibet compensationem pro illa, quin interveniat vel imperium, vel actus proprius Pœnitentia : atque ideo

ultra præceptum charitatis adstruendum est speciale præceptum pro Pœnitentia : cum nulla sit supernaturalis virtus, quæ non cadat sub speciali præcepto.

§ III.

Alia conclusionis ratio.

225. Secunda, et specialior ratio ejusdem Secun-
veritatis deponitur ex eodem D. Thoma dum
2, 2, quæst. 14, art. 1, nec non in 2, dis-
tinct. 43, quæst. 1, art. 3, ad 3, et potest
ad sequentem formam reduci. Si Pœni-
tentia non esset speciale præceptum ; im-
pœnitentia illi directe opposita non esset
speciale peccatum : sed impœnitentia di-
recte opposita virtuti Pœnitentia est spe-
ciale peccatum : ergo de virtute, et actibus
Pœnitentia datur speciale preceptum.
Consequentia inferitur ex præmissis, quæ
probatione, et explicatione indigent : ut
vero id præstemus facilius, est animadver-
tendum *Impœnitentia* nomine non impor-
tari in præsenti nudam parentiam, seu ne-
gationem puram Pœnitentia, quo pacto,
nullum peccatum est, sicut non est pec-
catum non diligere Deum formaliter, et
expresse in quolibet temporis momento.
Importat ergo quoad præsens impœnitentia
nomen voluntariam, et expressam de-
terminationem hominis agnoscentis sua
peccata et onus pœnitendi de illis, quæ
apud se statuit non pœnitere de peccatis
vel volitione expressa, et formaliter, vel vo-
luntarium apponendo impedimentum, ut
accidit in aliis omissionibus præceptorum.
Quo pacto peccatum impœnitentia est pec-
catum speciale, et contra Spiritum sanc-
tum, ut diximus tract. de Peccatis disp.
8, dub. 1, § 4, num. 21, et docet ex
D. August. D. Thom. ubi supra. Quo D.Thom.
supposito, Major formati syllogismi est
perspicua, quia cum impœnitentia sit vo-
luntaria, et expressa omissione Pœnitentia
debitæ, ut reddatur peccaminosa, et culpa-
bilis, debet supponere debitum, seu obli-
gationem illam non omittendi juxta com-
munem Theologorum doctrinam, a nobis
traditam tract. de voluntario, et involun-
tariorum disp. 4, dub. 2; non enim facile
percipitur, qualiter omissione voluntati im-
putetur, nisi eidem incumbat onus non
omittendi : onus autem non omittendi
importat præceptum, ut ibi num. 51 in-
tulimus. Minorem docet D. Thomas loco D.Thom.
citato ex 2 sentent. per hæc verba : *Di-*
cendum,

cendum, quod sicut perseverantia dicitur dupliciter: uno modo ut est virtus specialis, prout dicit propositum perseverandi in bono conceptio usque ad finem. Et alio modo ut est circumstantia aliarum virtutum, prout dicit actualem durationem in actibus virtutum usque ad mortem. Ita etiam et impoenitentia, secundum quod dicit propositum non paenitendi, est species peccati in Spiritum sanctum. Secundum autem, quod dicit permanentiam in peccato usque ad mortem, negando peccati paenitentiam: sic est accidens, vel circumstantia aliorum peccatorum. Ex quibus liquet, quod licet impenitentia prout importat continuationem, et perseverantiam usque ad mortem in eodem, aut pluribus peccatis, utputa odio, et injustitia, non sit speciale peccatum; secus vero prout dicit propositum, aut determinacionem non paenitendi in hac vita; ob idque est speciale peccatum contra Spiritum sanctum, quatenus impedit ejus effectum proprium, qui est dolor de peccatis, et appropriatur Spiritui sancto, a quo est quilibet bonus motus voluntatis in vitam aeternam.

Objec-
tio.

Nec refert, si objicias primo hanc rationem prout a nobis dispositam nullius esse roboris, quando quidem supponit, quod probandum erat. Probat namque dari pro Pœnitentia speciale præceptum ex eo quod impenitentia est speciale peccatum: sed ut impenitentia esse possit speciale peccatum debet supponere peccatum, ergo supponit illud ipsum, quod probari intenditur; consequenterque nullius est momenti.

Solutio.
Non, inquam, refert, si ita objiciatur: nam haec secunda ratio non est a priori, et in hoc sensu recte procedit, supponendo esse aliquod speciale peccatum impenitentiae finalis, distinctae rationis ab omnibus aliis peccatis. Quam suppositionem tradiderunt D. Augustinus, et D. Thomas, ab eisque alii Theologi desumpsere. Hinc vero recte infertur prætentum præceptum, eo quod nequeat stare impenitentiam esse speciale peccatum, quin adsit paenitendi præceptum. Idque satis declarat Major confecti syllogismi, quæ conditionalis est, et inconveniens ostendit oppositum suppositioni veræ; nam si Pœnitentiae non esset speciale præceptum, impenitentia non posset esse speciale peccatum: ergo e converso, si impenitentia finalis explicata nequit non esse speciale peccatum, nequit non concedi pro Pœnitentia speciale præceptum.

226. Nec iterum refert, si objicias se-
cundo D. Augustinum serm. 14, de verbis
Domini, ubi ait, blasphemiam, vel peccatum
in Spiritum sanctum esse finalem impenitentiam,
quando scilicet aliquis perseverat
in peccato mortali usque ad mortem. Quæ
verba referens D. Thomas loco citato ex
2, 2, in ipso corpore articuli, addit: Quod
quidem non solum verbo oris fit sed etiam
verbo cordis, et operis, non uno, sed multis.
Hoc autem verbum sic accepit, dicitur esse
contra Spiritum sanctum; quia est contra
remissionem peccatorum, quod fit per Spiritum sanctum, qui est charitas, et Patris,
et Filii. Juxta quam doctrinam concludens
totum articulum in ultimis verbis sol. ad
3 inquit, quod finalis impenitentia potest
esse circumstantia cuiuslibet generalis peccati.
Ergo ex mente utriusque S. Doctoris finalis
impenitentia, quæ est peccatum in Spiritum sanctum, est circumstantia cuiuslibet
peccati, non vero specialis deformitatis,
subindeque non inde recte infertur
speciale Pœnitentiae præceptum.

Communis Thomistarum solutio, quam Comm
primitus dedere Cano, et Soto locis supra
allegatis, et ex extraneis amplexi sunt
Coninch. disp. 3, dub. 1, n. 3. Vega
lib. 3, in Concil. Trident. cap. 20 Bellar-
min. lib. 2 de Pœnitent. cap. 8, non est
alia, quam assignata a D. Thoma in ver-
bis relatis ex 2, sententiarum quibus
exhaustir tota difficultas; quidquid in
oppositum opponant Suarez, Vasquez, et
Lugo apud Prado in præsentis de necessitate
ubi agit de Contrit. quod pertinet ad
quæst. 2, suppl. dub. 1. Esto ergo
juxta D. Thomam duplex impenitentia,
et materialis, et formalis, quarum quælibet
est peccatum, sed non utraque est speciale
peccatum. Nam prima salvatur in uno, vel pluribus peccatis, quorum non
fit in hac vita pœnitentia; quia vel subita
morte raptus, vel peccatorum oblitus homo
e vita decessit. Hic profecto impenitens
est, sed impenitentia materiali, que non
est novum, et distinctum peccatum, ob
quod damnationem subeat, aut mereatur.
Non semel enim contingit cum pœnitendi
spe dilata intercipi, et præoccupari homi-
nem morte, et Pœnitentiae locum non in-
venisse. Et hanc dicit Augustinus esse
perseverantiam in peccato usque ad mor-
tem, et suo modo (materialiter) esse pec-
catum in Spiritum sanctum; quatenus
scilicet perseverantia in illo, vel filiis pec-
catis obici fuit remissione facienda in hac
vita,

vita, et consequenter in futura, in qua non remittitur peccatum mortale. Et hanc docet D. Thomas esse peccati circumstantiam, vi cuius redditur irremissibile absque novo peccato.

Formalis vero impenitentia consistit in proposito non penitendi, quando instat praeceptum. Et quia certissimum est maxime urgere in articulo, vel periculo mortis, ut infra videbimus; omitendo in illo articulo Poenitentiam, incurrit peccatum, ob quod, etsi alia deessent, homo subiret damnationem. Et haec impenitentia est formaliter, et directe opposita Poenitentiæ, et ejus præcepto, quod sciens, et lubens contemnit, et dicitur peccatum in Spiritum sanctum. Audiamus D. Thomam, qualiter se explicat in articulo immediate sequenti, et inde constabit, de qua impenitentia loqueretur in articulo primo, de quo sumitur argumentum. *Ex parte vero peccati* (inquit S. Doctor) *duo sunt, quæ hominem a peccato retrahere possunt, quorum unum est inordinatio, et turpitud actus, cuius consideratio inducere solet in homine pœnitentiam de peccato commisso. Et contra hoc ponitur impenitentia, non quidem eo modo, quod dicit permanentiam in peccato usque ad mortem, sicut supra impenitentia accipiebatur (sic enim non esset speciale peccatum, sed quædam peccati circumstantia), sed accepitur hic impenitentia, secundum quod importat propositum non pœnitendi. Quo quid clarius? Unde non est, quare in referendis, et refellendis, quæ hiac, et inde a Suarez, et Vasquez opponuntur, immoremur; videatur Prado ubi supra.*

Id solum advertendum duximus, perseverantiam illam in peccato, quam dixit D. Thomas circumstantiam peccati, non esse ex numero illarum quæ pertinent ad genus moris, et illud intra propriam speciem gravant; sed ab hoc præscindit, et magis pertinet ad ordinem physicum, quam moralem, si quidem non importat nisi durationem non interruptam peccati, vel habitualis, vel actualis. Porro licet duratio determinate peccati actualis, sicut intentio, possit, et debeat dici circumstantia moralis peccati, quatenus illud intra eandem speciem quandoque auget, mixime si adsit plena advertentia ad illam: attamen duratio, seu non interruptio, quæ abstrahit a peccato actuali, et habituali, ob oppositionem rationem non est circumstantia moralis proprie loquendo, cum etiam abstrahat

ab eo, quod est accretionem facere peccato. Quod vero D. Thomas in hac acceptione D. Thom. usurpaverit perseverantiam peccati, non vero sub alia, quam comminisci videntur nuper allegati Authores, et bene repellit Prado, constat vel ipso S. Doctoris exemplo. Nam juxta S. Doctorem, sicut perseverantia in bono usque ad mortem stat dupliciter: vel prout importat habitum perseverandi, quo pacto est virtus infusa, et non auget, aut diminuit meritum, quia habitibus nec meremur, nec demeremur. Vel prout dicit continuationem boni, seu conjunctionem cum ipso ultimo fine vita; quo modo non est ejusdem actus continuatio, quod fere impossibile est humanæ fragilitati, nec etiam plurium; sed dicit ex parte Dei continuationem conservativam gratiae, et ex parte hominis ex eadem gratia non consentire peccato in ipso ultimo periodo vitae, in quo consistit magnum illud Perseverantiæ donum, non meritis, sed humillimis orationibus impetrandum, de quo Tridentinum sess. 6, cap. 13. Ita Trident. similiter perseverare in malo usque in finem, vel stat pro ipso statu peccati habitualis, non interrupto nec in ipso vita fine; quidquid sit de actibus, an fuerit unus, vel plures. Et sub hac consideratione est circumstantia peccati pure physica, et inducit impenitentiam finalem materialem jam expositam. Vel sumitur pro determinatione non penitendi in eo instanti, in quo urget præceptum; et hoc modo est speciale peccatum. Quapropter inutiliter, et absque fundamento in D. Thoma disquiritur, an prædicta circumstantia aggravet, vel non aggravet peccatum? Cum certum sit non pertinere ad ordinem moralem.

227. Sed adhuc explicandum superest, qualiter debeat esse voluntarium propositum illud non penitendi, ut sit speciale peccatum, directe nimirum, vel indirecte? Quod determinare difficultissimum visum est Suarez disp. 15, sect. 2, n. 8. Nam si intelligatur de voluntario directo, oportet explicare, quænam sit specialis malitia, contra quam virtutem, et contra quod speciale præceptum; et cur contrahatur per voluntarium directum, et non per indirectum. Neutrum autem, ut opinor (concludit Suarez) potest sufficienti ratione explicari.

Sed mirum est in re tam perspicua offendisse Suarez. Cum enim impenitentia finalis sit omission voluntaria Poenitentie debitæ, utpote contra præceptum affirmativum; non aliam regulam postulat, ut sit

Dificultas emergens

Suarez judicium.

Deception ostendit P. Suarez.

in se voluntaria, quam quæ in omnibus aliis omissionibus voluntariis, contra præcepta affirmativa, reperitur. Unde eo prorsus modo, quo omissione peccaminosa dilectionis Dei potest explicari vel per voluntarium directum, vel per voluntarium in causa, vel per virtuale, et interpretativum, vel si mavis etiam per directum, absque ulla majore difficultate ea doctrina, cujuscumque illa fuerit debet applicari omissioni Pœnitentiæ, seu imponitentiae finali.

Nos vero consequenter ad ea, quæ tradidimus tract. de Volunt. disp. 4, dub. 1, supponere debemus, non esse possibilem omissionem voluntariam Pœnitentiæ in eo instanti, in quo urget præceptum, quin præcedat aliquis actus, qui sit causa, vel occasio omissionis: non quia omissione sit voluntaria ex ipso actu, quem supponit; sed quia ea nequit esse formaliter egressus immediatus, indirectus, et indirecte voluntarius, quin supponat exercitium positivum ejusdem voluntatis circa finem, et objectum proprium, ut ibi accuratius explicuimus.

Qualiter se habere posse homo non pœnitendo.

Quo fit in voluntaria imponitentia se habere posse hominem dupliciter: vel expresse, et formaliter, ex motivo aliquo perverso, quod magis amat, se ad omissionem applicando: qui modus omittendi explicatur per nolitionem, ac si diceret: *Stante præcepto, et urgente, ut stare, et urgere video, nolo pœnitere.* Et hæc omissione est formalis, et expressa, licet indirecta, ut explicuimus in eodem tract. disp. 1, dub. 1, n. 19, ubi statuimus posse aliquid esse formaliter et expresse voluntarium licet non directe, contra eos, qui asserebant, directe voluntarium coincidere cum voluntario formaliter, et expresse, et e converso. Cujus oppositum liquet in omni omissione; quæ quidem supposita illa vera doctrina, numquam non potest esse indirecte voluntaria, cum non oriatur a voluntate directe, sed supposito influxu positivo; esse tamen potest, et est frequenter formaliter, et expresse voluntaria, ut in casu opposito, et aliis. Vel non ita expresse, et ut sic dicamus, reflexe; sed quod tempore urgentiae præcepti negligenter se habeat, et distendatur ad alia incompossibilitia cum observatione præcepti, vi cuius omissione est voluntaria in causa, et etiam in se ipsa: sicut est illi, qui ut ludo se tradat, sacrum omittit, esto in tempore auditionis sacri nihil cogitet de obligatione audiendi.

Quolibet autem ex his modo se habuerit homo ad imponitentiam, instante præcepto, committit speciale peccatum imponitentiæ, estque ipsi voluntarium indirecte, atque ideo imputabile. Unde constat propositum illud non pœnitendi, quod docet D. Thomas esse speciale peccatum imponitentiæ, facillime explicari; nec in eo aliquid salebrosum est, quod alias omissiones subterfugiat.

Est vero observandum (ne aliquis in plano offendat) quod licet imponitentia semper sit indirecte voluntaria in sensu explicato, numquam tamen non est directe opposita Pœnitentiæ. Et ratio est: quia esse voluntariam desumit ab influxu voluntatis in ipsam, et quia hic semper est indirectus, nequit non rationem voluntarii indirecti contrahere. Esse vero oppositam Pœnitentiæ habet ex sua ratione formalis, quia est parentia actus debiti, et consequenter privatio: id quod satis liquet in omissionibus aliis, quæ similiter hanc duplicem considerationem admittunt.

§ IV.

Quæ assertioni obstant, disspelluntur.

228. Licet ex adverso assertionis nulla militet sententia, quæ vere sententia dici possit, cum unicus Magister Victoria, qui refragari videtur, ad saniorem sensum revocetur a Magistro Nuno ad quæst. 2. Ad dit. art. 3, quasi non negaverit omne præceptum Pœnitentiæ, sed adstruxerit illud esse commune, et indistinctum ab omnibus aliis præceptis aliarum virtutum. Sunt tamen aliquæ objectiones, quas oportet diluere ut ex illarum enodatione veritas magis eluceat.

Objicitur ergo primo. Quoniam hujus præcepti nec in sacra Scriptura, nec in Patribus, nec in aliquo Oecumenico, seu generali Concilio fit expressa mentio: ergo absque fundamento solido gravantur homines sub præcepto ad Pœnitentiam. Consequentia constat, et Antecedens per suas partes probari potest. Nam quod attinet ad sacram Scripturam, si quo testimonio illud præceptum assereretur, maxime illo Luc. 13: *Nisi Pœnitentiam habueritis, Lue. 1 omnes similiter peribitis.* Sed hoc testimonium, et si quæ sunt alia ejusdem tenoris, non magis continent præceptum, nec maiorem energiam explicant, quam conditionis ista, nisi gratiam Dei habueritis, omnes

Ali
ob
vati

Qui
senia
in co
trario
Mag
Victo

objec
tio.

Lue. 1

nes

nes similiter peribitis, vel alia similis, nisi quis fuerit prædestinatus, non salvabitur, quæ licet verissimæ sint, et connexionem unius cum altero exprimant; nullum tamen continent præceptum, aut ex illis recte potest deduci. Similiter apud SS. PP. licet non pauca, nec communia, sed quamplurima, eaque singularissima Pœnitentiae passim offendamus encomia, quibus ejus necessitas, et utilitas post peccatum summopere commendantur; nec verbū tamen est apud illos, quod præceptum indicet speciale: non ergo ex illorum mente asserendum est tale præceptum. Nec etiam ex Concilio Tridentino id potest deduci; quia licet contritioni ut subest confessioni, et est pars sacramenti præceptum adscribat, idque divinum; non vero contritioni secundum se, quo pacto de illa loquimur, et est antiquior Conciliis, imo et Sacramentorum institutione. Nullum ergo est caput adstruendi speciale præceptum pro Pœnitentia.

*spon-
sio.* Respondetur, hoc argumento solum probari non esse immediate de fide existentiam prædicti præcepti, quod ultro concedimus, et concedunt, quotquot a nostra referuntur sententia. Cum quo tamen stat esse ita certum, et legitime illatum ex principiis contentis in Scriptura, et Patribus, ut oppositum asseri absque ingenti ut minimum temeritate non possit, ut a severiori abstineamus censura, qua ab aliis opposita sententia solet inuri. Quare ad formam objectionis negandum est Antecedens quoad omnes suas partes. Et ad singulas illius probationes constat ex dictis, nam prima retunditur ex similibus verbis, quibus intimari Baptismi præceptum constantissimum, et nulli dubitationi obnoxium est apud Theologos: *Nisi quis renatus fuerit, etc.* Cum ergo his similia tradantur de Pœnitentia, non est, cur ejus præceptum non adstruamus. Eo vel maxime, quoniam ex una parte Scriptura docet: *Pœnitentiam agile, deinceps sub intermissione injungit: Nisi pœnitentiam egeritis, omnes simul peribitis.* Unde nequit non præceptum concedi: quibus enim verbis aut expressioribus, aut formalioribus vel Legislator humanus posset legis præceptum imponere, quam imperando rem intentam, et comminando ejus transgressionem sub intermissione supplicii? Nulla est ergo ratio id denegandi Deo; et manifesta ratione convincitur. Nam ut supra arguebamus, omnis operatio virtutis, quæ

Salmant. Curs. theolog. tom. XIX.

verbo imperandi a lege præscribitur, vel sub præcepto, vel sub consilio continetur: quare actus Pœnitentiae sub aliquo ex hoc duplice membro debet comprehendendi; non sub consilio, ut liquet; alioqui nullatenus dici posset: *Nisi Pœnitentiam egeritis, omnes simul peribitis*, quando quidem consiliorum observatio sicut non est ad salutem necessaria, ita eorum omissio non inducit perditionem. Est ergo necessarium, ut actus Pœnitentiae cadat sub præcepto.

Nec est simile de illis propositionibus, in quibus juxta qualitatem materiæ non est locus præcepto; quocirca sunt importatur in illis connexio extremonum, quia sine gratia, et prædestinatione divina non est vita æterna; sive enim gratia, sive æterna prædestination se tenent ex parte Dei, atque ideo non importatur ibi immediate præceptum vel prædestinationis, vel gratiæ; sed tantum mediate, et indirecte, quatenus opera ad gratiam disponentia, et ad prædestinationem necessaria cadunt sub præcepto.

Secunda probatio etiam deficit, ut constat ex antiquissimo Tertulliano supra relato, cui nefas visum est dubitare de Pœnitentiae præcepto. Unde quod apud alios Patres tam expressa mentio illius non reperiatur, vel ideo fuit, quia illud ut penitus indubitatum supposuerunt: vel quia a quæstionibus metaphysicis abstinentes soli doctrinaliter res tradendi methodo instierunt. Et quia argumentum est negativum, ex vi suæ formæ nihil concludit.

Ad tertiam dicimus, quod licet in Concilio non contineatur expressa notitia præcepti contritionis secundum se; ex Concilio tamen ejus existentia efficaciter deducitur: quippe doctrina Concilii est motum contritionis omni tempore fuisse homini necessarium post lapsum utpote absque eo non posset obtineri remissio: sed hujusmodi necessitas nequit absque præcepto speciali subsistere ut constat ex nuper dictis: ergo ex mente, et doctrina Concilii recte deducitur existentia specialis præcepti de Pœnitentia.

229. Sed contra objicitur, et replicatur Replica-
tur. secundo, ex doctrina Origenis homil. 2, in Levit. ubi ultra Pœnitentiam sex enumerat remedia contra peccata: ergo non est speciale præceptum Pœnitentiae juxta illius mentem. Patet Consequens: quoniam stante prædicto præcepto, non remitteretur peccatum absque Pœnitentia; non enim dimitti potest peccatum, quin adimpleatur

præceptum de illius dolore, et detestatione.
 Antecedens autem constat: nam primum,
 quod annumerat, est Baptismus, juxta illud
 Ad Tit. 2: *Salvos nos fecit per lavacrum
regenerationis*; secundum est charitas, ut
 Luc. 7: *Remittuntur ei
peccata multa, quoniam dilexit multum.*
 Accedit Martyrium, quo vita profunditur
 Matt. 10. pro Christo: unde illud Matthæi 10: *Omnis
qui confiteatur me coram hominibus, confite-
bor et ego eum coram Patrem meo.* Subsequitur
 eleemosyna juxta illud: *Sicut aqua extin-
guit ignem, ita eleemosyna peccatum, et*
 Tob. 4: *Eleemosyna ab omni peccato, et
morte liberat.* Quintum est, remittere in-
 Matth. 6: *Si dimiseritis hominibus
peccata eorum, et pater vester cælestis dimit-
tet vobis.* Sextum tandem est convertere
 peccatores ab erroribus viarum suarum,
 Jacob. 5: *Qui convertifecerit
peccatorem ab errore vilæ suæ, operit mul-
titudinem peccatorum.* Quæ omnia docue-
 runt, et assignarunt remedia etiam August.
 lib. 2, contra Crescon. Grammat. cap. 12,
 et Chrysost. homil. 4, super Epist. ad Corin-
 thi. 2. Non ergo ex illorum mente bene
 conceditur speciale præceptum pro Pœnitentia
 virtute, utipote quæ non est simpliciter
 necessaria ad destructionem peccati,
 et præcepta non dantur nisi de simpliciter
 necessariis ad salutem.

Solvitur. Respondetur hac objectione non tam
 improbari præceptum, quam Pœnitentia
 necessitatem. Et ex hac parte enervantur
 omnes ejus probationes, quando quidem
 omnibus illis remediis catholice concessis,
 adhuc perstant communiter Theologi in
 eo, quod Pœnitentia sit simpliciter neces-
 saria ad delenda, et compensanda peccata:
 quocirca omnia illa, et quodlibet eorum
 non excludunt, quin postulant Pœnitentia,
 quam comitentur, vel a qua impe-
 rari debeant: alioquin eodem posset confici
 argumento nec charitatem esse necessaria-
 riæ, nec similiter sub præcepto cadere,
 ut intuenti facile constabit. Quapropter

D. Thom. Doctor Angelicus supra quæst. 84, art.
 5, ad 1, ad remitterenda peccata statuit
 alias virtutes concurrere, cum ordine ta-
 men ad Pœnitentiam, et D. Augustinus
 lib. 2, contra Cresconium omnia remedia,
 quæ multa sunt, et non pauca refert S. Doc-
 tor, sine charitate non prodesse docet;
 quin inde aliquis possit inferre vel solam
 charitatem esse sub præcepto, vel aliarum
 virtutum exercitia esse superflua, et neu-
 tiquam diversis subjici præceptis. Unde

concessa Antecedenti, neganda est Conse-
 quentia: quia illa remedia non assignantur
 ut infallibiliter inducentia remissionem, sed
 ut valde proficia, et apprime conducentia
 ad disponendum pœnitentis animum, ut
 in Pœnitentiam erumpat, et Deum sibi
 pacatum reddat. Quare in nullo illorum
 exemplorum, quæ referuntur Antecedenti,
 excluditur virtus Pœnitentia, ut de Bap-
 tismo adulorum, in quo olim fuit major
 difficultas docet Magist. Cano. 3 p. re-
 lectionis, § et quidem, et constat ex illo
 Act. 2: *Pœnitentiam agile et baptizetur* Act
*unusquisque vestrum, ex quo loco Concilium Trident. sess. 6, cap. 6, eam veri-
 tatem fidei dogma definit.* Ex ea vero
 potius firmatur, ac stabilitur præceptum
 Pœnitentia, quam impugnetur.

Porro hoc quod est remittere peccatum
 ita esse proprium Pœnitentia, quod aliis
 non conveniat, nisi ex subordinatione ad
 ipsam, satis expressum reliquit D. Thomas D. Th.
 in 4, dist. 15, quæst. 2, art. 4, ubi post-
 quam docuerat e duabus malis inductis per
 peccatum, quorum primum est macula,
 secundum deordinatio, et inæqualitas; sta-
 tut primum tolli per gratiam in genere
 cause formalis, secundum vero per Pœnitentiam. Unde in solutione ad 2, sic in-
 quirit: *Non quælibet virtus est gratia infor-
 mata, nec quælibet virtus habet actum
 ordinatum ad prædictam æqualitatem inter
 Deum, et hominem restituendam, ut dictum
 est, ei ideo non oportet, quod quælibet virtus
 peccata remittat. Hoc enim Pœnitentia con-
 venit, non in quantum est virtus simpliciter,
 sed in quantum est virtus quædam.*

230. Nec refert, si objicias. Pœnitentia, Replic
 quæ sufficit, et requiritur ad digne susci-
 piendum Baptismum non est actus virtutis
 Pœnitentia, sed alterius habitus specie
 distincti: ergo si ea Pœnitentia, quæ re-
 quiritur ad Baptismum, est quæ cadit sub
 præcepto, non actus virtutis Pœnitentia,
 sed alterius habitus subjacebit præcepto.
 Consequentia constat, et Antecedens prob-
 batur. Nam actus, qui sufficit ad condignam
 susceptionem Baptismi, est attritio
 supernaturalis: sed attritio supernaturalis
 non est actus proprius, et immediatus Pœnitentia,
 sed vel timoris servilis, ut supra
 nos docuit D. Thomas, et ex infra dicendis
 constabit, vel alterius habitus a Pœnitentia
 diversi; hujus quippe actus proprius,
 et immediatus est perfecta contritio: ergo
 cum hæc ad Baptismum minime sit neces-
 saria, ut contra Gabriel in 4, dist. 14, Gabriel
 quæst.

quest. 2, et Adrianum quest. 1, de Poenit. et quodlib. 5, art. 3, docent et supponunt communiter Doctores, consequens est ex vi traditae solutionis improbatum relinqui praeceptum speciale Poenitentia.

Non, inquam, refert, si ita objiciatur: nam concessso Antecedenti, neganda est Consequentia. Et ratio est, quia praeceptum Poenitentia virtutis non alligatur nec Baptismo, nec ipsi Poenitentia Sacramento, sed est ab illis independens, et penitus absolutum, utpote quod fundatur in ipsa lege naturali, quae diu ante per tot secula praecessit legem scriptam, et gratiae, sub quibus cum ipsamet lege naturali vigeret. Unde quantumvis nulla unquam fuisser instituta Sacraenta, sicut si adhuc vigeret lex naturalis, vigeret etiam praeceptum contritionis post peccatum semel commissum. Nam ut supra vidimus ex D. Thoma, fit homo specialiter Deo debitor et ratione beneficii accepti, et ratione injuriae ipsi irrogatae: quocirca sicut ratione primi tenetur gratias rependere, ita ratione secundi obstringitur ad sarcendam injuriam. Cum quo tamen recte cohæret non semper atque contingit hominem ad Baptismum accedere in lege gratiae (et idem dicit de Poenitentia) teneri ad contritionem perfectam, ut male illi, et alii Authores autumabant; sed sufficit contritio imperfecta, quam dicimus attritionem; idque deducitur ex satis clara doctrina Concilii Tridentini sess. 14, saepe citata, ubi eam sufficere ad impetrandam medio sacramento remissionem statuit. Unde elicetur specialis ratio, quare sufficiat pro illis attrito. Quia cum hæc duo sacramenta sint instituta a Christo Domino in peccatorum remedium pro lege gratiae, si esset necessaria perfecta contritio ad illa recipienda, et consequendum fructum; nec ipsa sacramenta ex opere operato causarent primam gratiam, cum supponeretur ex vi contritionis inducta, nec consequenter forent sacramenta mortuorum, sed sicut alia sacramenta in illius augmentum collimarent. Non ergo esset, unde possent dici in peccatorum remedium specialiter instituta prae ceteris. Quocirca beneficium Christi institutoris fuit deobligasse peccatorem a contritione elicienda, quoties vel ad Baptismum, vel ad Poenitentiam accedere vellet; permanente adhuc praecepto contritionis, quo adstringatur homo extra Sacraenta.

Hinc bene observant, et docent Soto,

Cano, Nuno, Arauxo, Joan. a sancto Thoma, Prado, Gonet, et alii D. Thomæ discipuli sufficienter observari contritionis praeceptum media attritione cum Sacramento, quin hujusmodi praecepto teneatur homo ad contritionem perfectam, nisi dum abfuerit copia accedendi ad Poenitentia Sacramento. Et ratio est perspicua: nam eundem, imo et uberiorem fructum nanescitur homo media attritione cum Sacramento, ac cum contritione perfecta; fit enim ex attrito contritus habitualiter; alias vero virtute Sacramenti, et ex opere operato consequitur abundantiorum gratiam ultra illam, quæ ex opere operantis deberetur: ergo stante attritione cum Sacramento, non est cur teneatur ad speciale praeceptum Contritionis. Et hoc est unum e privilegiis Sacraentorum legis gratiae, non modica commendatione dignum. Quod explicari potest exemplo praecepti naturalis dilectionis naturalis Dei, ad cuius observantiam speciale non tenetur homo, quoties se exercet in adimpletionem dilectionis supernaturalis, utpote in qua virtute continetur observantia praecepti naturalis, quo alias maneret obstrictus, si non interveniret observantia praecepti supernaturalis. Quare sicut ex hoc quod praeceptum dilectionis naturalis Dei non obliget ad conspectum adimpletionis praecepti supernaturalis, neutiquam probatur non esse duplex praeceptum, idque speciale; haud dissimiliter, ex eo quod praecepto contritionis non teneatur homo, dum est opportunitas accedendi ad Sacramento Poenitentia, minime infertur non adesse speciale praeceptum Poenitentia, per hoc quod sola attritione cum Sacramento possit homo observare hujusmodi praeceptum.

231. Objicitur tertio ex difficultate praecepti, quod non vergere videtur, nisi in periculum, et nimiam sollicitudinem animarum: quandoquidem periculosum est praeceptum rei ita occultæ, ut nobis constare nequeat de ejus observatione. Tale esset praeceptum Poenitentia, si daretur: non ergo admittendum est. Major et Consequentia constant, si quidem praecepta non in perniciem, sed in bonum operantis ordinantur, utpote promoventia in bonum, et declinantia a malo; quocirca sicut debet homini constare de existentia praecepti, ut illo obligari possit; ita et de ejus observatione, ne anceps semper maneat, et scrupulis angatur, de adimpletione. Minor vero suadetur: quia cum actus adimpletivus

Objec^a
tio.

præcepti debeat esse contritio, et hæc nequeat non esse supernaturalis, et charitate formata, de qua certo nobis constare non potest citra revelationem; numquam homo redderetur certus de ejus observantia, sed merito maneret anxius, ac sollicitus circa violationem præcepti: consultius ergo est, et animarum quieti salubrius a poenitentia præcepto hominem exonerare, quam illo laqueos scrupulorum injicere, et eis homines irretire.

Si autem quis dixerit hominem posse esse certum de observatione hujusmodi præcepti, facile refelletur: inde enim conficeretur eadem prorsus certitudine gaudere de existentia in gratia, et remissione peccati, quod est inconveniens a Tridentino, et PP. damnatum, et testatur illud

Apost. Apostoli: *Nihil mihi conscius sum, sed non in hoc justificatus sum, ubi manifestat in certitudinem suæ justificationis.*

Confir- Confirmatur manifestando aliud inconveniens ex positione hujusmodi præcepti. Quia non magis tenetur homo reparare amissam gratiam, quam illam conservare semel acceptam: sed non est speciale præceptum conservandi gratiam acceptam: ergo non est speciale præceptum recuperandi gratiam amissam media Pœnitentia. Major ex ipsis terminis videtur constare: quia ejusdem rationis est teneri hominem ad reparandam gratiam, ac obligari ad ejus conservationem; qui enim non tenetur specialiter ad rei conservationem, non tenetur specialiter ad ejusdem reparacionem post ruinam, ut constat in humanis. Minor vero probatur; quoniam si esset speciale præceptum non amittendi, seu quod in idem recidit, conservandi gratiam, quoties homo peccaret contra aliquod præceptum divinum, v. g. *non occidendi*; committeret duplex peccatum, aliud contra præceptum non occidendi, et aliud contra præceptum speciale de non amittenda, seu conservanda gratia. Consequens est falsum, et contra communem sensum fidelium, imo et Theologorum: nemo enim de illo speciali peccato in confessione se accusat, nec est Theologus qui ad id coegerit pœnitentem; non ergo est speciale præceptum conservandi gratiam acceptam.

Solvitur. Ad hoc argumentum, quod Magister Soto, et ex illo Prado molestum a pluribus reputari affirmant, respondetur nullius esse roboris ad intentum; quippe quod omnes, quas vires habet, exerit in omnia alia præcepta supernaturalia, quæ negari ca-

tholice non possunt, et in quibus militat eadem omnino ratio. Unde quod de illis assertum fuerit ab omnibus, præsenti materia applicari debet. Respondetur ergo negando Minorem, quam non evincit inducta probatio: nam licet contritio sit actus supernaturalis, et gratiae intime connexus, ob idque neutiquam evidenter cognoscibilis ab homine citra revelationem divinam; non idcirco rationabiliter manet homo sollicitus, et anceps de observatione præcepti contritionis, ut constat in præcepto Fidei, vel Charitatis. Et ratio est perspicua: quia cum hæc præcepta non obligent nisi ad operandum humano modo, non requirunt in homine majorem certitudinem, quam humanam. Certitudo autem humana non postulat evidentiam metaphysicam, sed optime cohæret cum ignorantia, et inevidencia rei in se, aut in aliquo principio infallibiliter cum ea connexo, ut satis declarat vulgare exemplum hostiae non consecratæ, venerationi publicæ expositæ. quam quivis Catholicus tenetur adorare, quin certo sciat esse vere consecratam, imo et contingere possit consecratam non esse. Nec ideo exponitur periculo idolatriandi, aut ejus scrupulo angi debet, hostiam adorandam pia veneratione colens; vel ex eo solum quod hic et nunc operatur juxta regulas Prudentiæ, quidquid sit, an re ipsa, et coram Deo hostia illa sit consecrata, vel non? Hujus enim certia, et evidens notitia non pertinet ad hominem modo humano cultum exhibentem, nec exigitur ad dictamen practicum, et moraliter infallibile Prudentiæ: sed sufficit probabilis cognitio, quod res ita esse debeat, et ut in plurimum ita sit inter Catholicos, quamvis per accidens oppositum esse possit.

Ad rem ergo dicimus nullam esse rationem, cur homo sollicitus sit, et scrupulis pungatur de adimplectione præcepti contritionis, quoties ipsi constiterit de opposita humana diligentia circa detestationem peccati: quippe hanc, et non aliam evidentiorem, aut certiorenotitiam extorquet præceptum ab homine in hac mortali, et ignorantia tenebris perfusa vita. Non enim sine causa scriptum est Ecclesiast. 5: *De propitiatio peccato noli esse sine metu, nec adjicias peccatum super peccatum*; quia nimur noluit Deus supra conditionem propriam hominem obligare, nec quoad diligentiam se a peccato excutiendi, nec quoad notitiam veniæ, et remissionis;

An
homo
debet
esse
sollicitus
de obser-
vantia
præcep-
torum.

Eccles. 5.

missionis; quocirca peccatorem monuit de peccato præterito non debere esse absque metu. Quare quoties quis bona fide existimat diligentiam necessariam pro rei gravitate, et juxta prudentum æstimationem ad pœnitendum exhibuisse, absque ulla formidine, aut vacillatione, censere debet præceptum Pœnitentiæ observasse; maxime vero si cum eo dolore accesserit ad Pœnitentiæ Sacramentum, quod semel in anno recipere tenetur.

Id quod etiam liquet in Sacramentis recipiendis; haec enim licet sint signa practica, et infallibilia gratiæ: non tamen nobis certo, et evidenter constat de eorum digna receptione defectu requisitæ dispositionis, cuius qualitas nos sæpe latet: quin inde inferri debeat vel hominem debere esse sollicitum, vel non esse præceptum de illorum receptione.

Ad inconveniens subillatum in confirmatione respondemus minime gentium illud ex nostra assertione deduci; quia cum gratia quolibet peccato mortali destruatur, et peccata inter se non sint connexa; non est necessarium duplex intervenire peccatum speciale, semper atque gratia destruitur. Et ratio disparitatis est: quia non tenetur homo ad conservandam gratiam nisi media mandatorum observatione, juxta illud: *Vos amici mei estis, si feceritis, quæ præcipio vobis;* quocirca onus conservandi gratiam æque currit cum obligatione servandi omnia Dei mandata, siquidem cum alicujus gravi violatione non compatitur gratia Dei. Unde fit graviter teneri hominem ad conservandam gratiam acceptam; non ex speciali præcepto, quod detur de conservatione, absolute, et secundum se; sed quatenus tenetur servare omnia Dei præcepta, cum quorum observatione perseverabit in gratia, sicut ab illa excidet ex cujuslibet violatione. Quare ut bene Soto, Nuno, Prado, et communiter discipuli D. Thomæ docent, præceptum conservandi gratiam, in eo sensu in quo homini incumbere potest ejus conservatio, sicut et augmentum, re ipsa coincidit cum præcepto charitatis, et cum præceptis aliarum virtutum supernaturalium. At vero præceptum illam instaurandi, cum supponat peccatum, et consequenter injuriam, et offensam Deo irrogatam; specialiter urget, ut homo illam modo sibi possibili sarcire conetur, quidquid sit de aliis præceptis: quippe ex injuria alteri illata consurgit onus reddendi juste, quod injuste ab illo ablatum

est, vel quod injuste contra ipsum fuerit commissum. Unde præceptum Pœnitentiæ virtutis, nequit non esse speciale.

232. Sed contra (et est ultima objectio), nam hujusmodi præceptum vel est positivum, vel naturale, et divinum. Neutrum potest dici: ergo non est speciale pro Pœnitentiæ præceptum. Major, et Consequentia non indigent probatione, et suadetur Minor: nam si esset præceptum positivum, procederet ex libera Dei voluntate, subindeque non ex jure ipso naturali teneatur homo ad Pœnitentiæ: ex quo rursus fieret posse a Deo hominem deobligari ad neutiquam satisfaciendum. Quod est contra hactenus ex D. Thoma stabilitam doctrinam. Nec etiam est præceptum naturale; siquidem præcepta naturalia viribus naturæ possunt observari; non est autem intra ordinem naturæ virtus ad actum contritionis, ut constat ex supradictis.

Repli-
catur.

Hæc objectio tangit secundam partem difficultatis, præfixam in titulo quæstionis, de jure hujus obligationis, qualiter nimirum obliget præceptum Pœnitentiæ? Et ex ejus decisione constabit solutio. Unde sit assertio secunda.

§ V.

Præceptum Pœnitentiæ est naturale, non vero positivum.

233. Dicendum est secundo præceptum Pœnitentiæ non esse tantum juris divini positivi, hoc est a sola Dei libera voluntate profectum; sed etiam juris divini naturalis ex ipsamet lege naturali obligantis. Hanc assertione ut Theologis communem amplectentur discipuli D. Thomæ, eamque D. Thomæ tradidit S. Doctor in præsenti quæst. 84, art. 7 et quæst. 86, art. 6 ad ultimum, et olim in 4, dist. 14, quæst. 1 et dist. 17, quæst. 3, et alibi sæpe. Cui suffragati sunt D. Bonavent. ibi parte 2, art. 3, quæst. 2. D. Bonavent. Alensis, Ricardus, Major, Marsilius, et ex Recentioribus innumeri, quos in catalogum reducere inutile est.

Secunda
conclu-
sio.

Probatur primo ratione desumpta ex D. Thoma 1, 2, quæst. 100, art. 2, ubi S. Doctor constituit discrimen inter ea, quæ cadunt sub præcepto, ab illis quæ cadunt sub consilio, per hoc quod lex divina convenienter proponit præcepta, de actibus omnium virtutum: ita tamen quod quædam, sine quibus ordo virtutis, qui est ordo rationis, observari non potest, cadunt

D. Bo-
nav.

Alensis.

Ricard.

Major.

Marsi-

lius.

Primum
funda-
mentum.
D. Thom.

sub obligatione præcepti : quædam vero quæ pertinent ad bene esse virtutis perfectæ, cadunt sub consilio. Qua doctrina supposita sic formatur prima ratio. Nam præcepta, quæ dantur de actibus virtutum infusarum non sunt tantummodo juris positivi divini, seu quod idem est, non proficiscuntur a libera Dei voluntate; sed supposita elevatione ad finem supernaturalem, ipsis virtutibus et earum actibus annexuntur ex natura rei, quod est esse de jure divino naturali. Sed præceptum Pœnitentiaæ est præceptum virtutis infusæ. Ergo non est tantummodo juris divini positivi, sed etiam juris divini naturalis. Major constat ex doctrina præmissa D. Thome : nam præcepta, quæ dantur de actibus omnino necessariis ad salutem, qualia sunt præcepta virtutum Theologalium, et aliarum virtutum infusarum, non sunt juris positivi, sed ab omnibus Theologis computantur inter præcepta juris divini naturalis; aliqui enim adhuc supposita elevatione, absque illis posset homo consequi salutem; siquidem ea quæ præcise sunt ex jure positivo non sunt simpliciter necessaria ad vitam æternam consequendam. Minor etiam liquet : tum quia Pœnitentia est virtus infusa, ut constat ex supradictis; tum quia supposito peccato est simpliciter necessaria ad satisfaciendum pro illo : atque ideo semel atque concedatur, ut concedendum esse probavimus, speciale illius præceptum nequit non ad jus divinum naturale pertinere.

*Aliquo-
rum
funda-
mentu.* 234. Secundo probatur ab aliquibus alia ratione magis speciali, et propria hujus materiae. Quoniam ante legem gratiæ, et scriptam nullum fuit præceptum mere positivum, sed sola et omnia, quæ erant de jure naturæ : sed præceptum Pœnitentiaæ, supposito peccato, fuit in lege naturali : ergo præceptum Pœnitentiaæ non est mere positivum, sed revocari debet ad præcepta juris naturalis divini. Major est certa, siquidem in lege naturali non tenebatur homo nisi ad ipsam legem pure naturalem, nec est qui assignare possit præceptum aliquod mere positivum, nisi, ut inquit

*Prado.
Nuno.* Prado, divinando, et Magister Nuno solum agnoscit præceptum non comedendi carnem cum sanguine, omni alio superaddito ad legem naturalem excluso. Minor etiam Trident. constat ex Concilio Tridentino sess. 14, cap. 4, ubi docet quovis tempore fuisse necessarium motum contritionis ad impenitandam veniam peccatorum. Cum ergo in

prædicta lege fuerint peccata, in ea profecto necessarius fuit motus contritionis, atque ideo ipsius præceptum non fuit positivum, sed juris divini naturalis, sicut fuisse constat præcepta Fidei, Spei et Charitatis.

Huic tamen rationi ita nude sumptæ committere non possumus veritatem assertionis; quippe quæ nutat ex ea parte, qua negat aliqua præcepta positiva tempore legis naturalis. Cujus oppositum est certius, ut constat ex supra dictis ex D. Thoma in illo tempore agnoscente Sacramentum Pœnitentiaæ; cum quo non cohæret non fuisse præceptum aliquod positivum : ex quo, et non ex ipso jure naturali originem ducunt Sacraenta. Unde Magister Nuno, qui hoc secundum tenuit, ut supra vidi mus, non satis consone videtur supponere primum. Et qua ratione admittit præceptum positivum illud carnes cum sanguine non comedendi, debet concedere aliud positivum de Sacramento Pœnitentiaæ illius temporis : nisi maluerit Sacramentum illud non fuisse sub præcepto, sed relic tum hominum voluntati, absque ulla determinatione actionis sensibilis, seu exter næ ex parte Dei. Sed hoc solum probabit non fuisse ejus materiam materialiter determinatam; non vero evincet non esse sub præcepto aliquam actionem externam vague, quæ sufficit ad substantiam illius præcepti commensurati illius legis imperfectioni.

235. Quidquid tamen sit de hoc, illa ratione in sua probabilitate reducta, secunda ratio nostræ assertionis est hujusmodi : quia jure naturali tenetur homo ad satisfaciendam injuriam alteri illatam : sed Deo irrogatur injuria peccando, ut supra latius expendimus : ex jure ergo naturali tenebitur homo ad satisfactionem post commissum peccatum. Sed nulla est, aut esse potest satisfactio, quæ non procedat a Pœnitentia, quæ sola est justitia hominis ad Deum pro sarcendis offensis, ut supra late ostendimus : ergo nequit non Pœnitentiaæ onus sub præcepto naturali divino contineri.

Confirmatur : nam supposita elevatione Confir naturæ humanæ ad finem supernaturalem, tenetur homo ex ipsam elevatione ad media necessaria pro obtainendo prædicto fine, consequenterque tenebitur ad consequendam gratiam se disponere, utpote qua sola unice est assequibilis beatitudo : sed semel amissa gratia per peccatum, nequit

Reli-
qui-
ut
sati-
firmu-

Incon-
quen-
M. Nu-

Secu-
dum,
verbo
fund-
mentu-

se homo ad illam disponere nisi per contritionem : ergo ex ipso jure naturali, secluso positivo, tenebitur homo ad contritionem. Consequentia constat. Major videtur perspicua, quoniam finis non est aliter consequibilis, quam per media ad ipsum finem omnino necessaria; quocirca qui serio intendit finem, eo ipso tenetur ad media unice necessaria predicto fini. Porro media præcipua ad beatitudinem sunt gratia, et actus virtutum theologicarum : quare his peccato destructis, tenetur homo illa quantum ex se est, iterum instaurare, et ut fieri potest acquirere : non est autem medium supposita notitia peccati (quam semper supponimus) nisi retractatio voluntatis aversæ a Deo, et conversio in ultimum finem, in quo stat vera Pœnitentiae ratio : ergo de primo ad ultimum non statonus Pœnitentiae ex aliquo voluntario jure superaddito, sed ex ipso jure naturali insito in ipsam elevatione hominis ad finem supernaturalem.

Sed contra hæc fundamenta statim sese offert difficultas, quasi ea, et assertio illis innixa complicatoria videantur. Nam, ut supra obiectebatur, præcepta naturalia viribus naturæ possunt observari, ut ex terminis liquet : sed præceptum contritionis nequit observari viribus naturæ, ut ex se patet, et supra vidimus : ergo præceptum contritionis non est naturale. Quod autem non est naturale, non est de jure naturæ : ergo præceptum Pœnitentiae non est de jure naturæ.

Ah hoc tamen difficultate facile se expedit nostra doctrina, animadvertingo dupliciter posse accipi *ly naturale*: vel prout distinguitur a supernaturali; quo pacto, quidquid non fuerit supernaturale, sive sit necessarium, sive liberum, et contingens, est et dicitur pure naturale, et ad nudum naturæ ordinem pertinet, nullo habito respectu altioris finis. Et hoc modo nec præcepta virtutum infusarum, nec alia quæ quælibet, quæ sint supra naturam, pertinet ad ordinem naturalem, ut in confesso est apud omnes. Vel sumitur *naturale*, prout distinguitur a libero, et positive adjecto, minime tamen debito illi rei, aut ab ea exacto in eo statu, in quo est a Deo condita. Et in hoc sensu non limitatur ad ordinem pure naturalem, sed convenit etiam ipsis rebus supernaturalibus : non enim est minus naturale gratiæ exigere virtutes supernaturales sibi adjunctas, quam sit animæ rationali suas proprietates radi-

care. Et quia prædictarum virtutum exercitia sunt simpliciter, seu necessitate mediæ ad salutem necessaria, idcirco præcepta illarum de jure naturæ esse dicuntur. Cujus oppositum evenit in præceptis sacramentorum, quæ quia ex summa Dei omnino libera voluntate prodiere. Utpote sine quibus absolute possibilis erat ultimi finis assecutio, idcirco illorum præcepta ad jus divinum positivum pertinent. Unde ad formam objectionis respondet Majorem esse veram in primo sensu ; fallit vero in secundo, in quo procedit conclusio, et a Theologis propugnat. Et concessa Minor, neganda est Consequentia, cuius defectus liquet in præceptis charitatis, et aliarum virtutum, quæ in omni sententia non ad jus positivum, sed ad naturale pertinent : semel enim atque hominibus innotuit elevatio ad finem supernaturalem, ipsum jus naturale dictavit illius Authorem esse super omnia diligendum, colendum, ac in omnibus credendum.

§ VI.

Suarii explicatio dispellitur.

236. Ex alio capite occurrit P. Suarez infra allegandus, distinguendo in Pœnitentia duplœ actum, quorum primus est voluntas, seu intentio satisfaciendi, et hunc docet esse de jure naturali, absque ulla ordinatione speciali Dei. Alter vero est formalis detestatio, seu contritio ; quam existimat importare determinationem divinam præscribentem hunc satisfactionis modum ; cum tamen aliam et alterius rationis extorquere ab homine posset titulo peccati in ipsum commissi. Quod est summatis dicere satisfactionem formaliter esse de jure naturæ ; materialiter vero, et quod fiat actu contritionis determinate, de jure positivo, seu libera Dei determinatione. Qua posita distinctione, respondet iacta fundamenta solum probare pertinere ad jus naturale, quod homo satisfaciat pro peccato ; sed quod id fiat media contritione, juris esse positivi. Et hinc ratus fuit primam rationem enervasse.

Secundæ occurrit, dicendo in lege naturæ non fuisse specialia præcepta pro secundo. actibus externis, et quoad peculiares cæremonias sacrificiorum, et sacramentorum ; secus vero quoad actus internos, in quibus, inquit, negari non potest fuisse aliquam determinationem quoad earum ma-

Occurrit
P. Suarez.

teriam, ut constat in spe, quæ determinata est ad sperandam veniam peccatorum, necnon ipsam beatitudinem. Porro beatitudo promissa aliam ordinationem divinam importat a promissione venie, et sic de reliquis præceptis Fidei, et Charitatis. Quare pro ipsa Pœnitentia in illa lege recurrendum est ad liberam Dei ordinatem, in qua necesse est aliquid juris positivi admisceri. Unde nunquam probatur esse de jure naturæ quod homo satisfaciat per contritionem; sed quod teneatur ex jure naturæ satisfacere, præscindendo a satisfactionis modo. Ita citatus Author in præsenti disp. 15, sect. 3, n. 11.

Respon-
det
Lugo.

A qua doctrina non longe abivit Lugo disp. 5, sect. 12, a num. 250 dicens, quod si sermo fiat de Pœnitentia ut præscindit ab implicita, et explicita; abs dubio ejus præceptum est naturale, atque ideo obligare absque alia determinatione Dei: secus vero, si de Pœnitentia determinata, et explicita loquendum sit: sub hac enim consideratione præceptum determinatione contritionis pertinet ad jus positivum. Quod est asserere aliquam Pœnitentiam vaseptam, atque ideo saltem implicitam esse de jure naturæ. Sed quia virtualis, et implicita Pœnitentia continetur in actu charitatis, in id tandem recidere necesse est, ut solus actus charitatis sit de jure naturæ; præceptum vero contritionis pertineat ad jus positivum.

Diruitur
prima
evasio.

237. Hac tamen doctrina, qua conciliasse oppositas sententias visum fuit perdocto Suarez ut ipsem testatur num. 3 illius sectionis, non elevantur nostra fundamenta, sed ex illis, et supradictis in hac eadem disputatione efficaciter convellitur. Nam si semel datur præceptum speciale Pœnitentiæ, ut revera datum iri ostendimus, et non inficiatur Suarez, consequitur inde hoc præceptum versari circa actum proprium, et formalem Pœnitentiæ: sed actus proprius, et formalis Pœnitentiæ est contrito: ergo si quod est præceptum Pœnitentiæ, est etiam præceptum contritionis. Major est per se nota; quia præcepta non dantur de habitibus, et virtutibus directe, sed de earum actibus eliciendis; sicut enim nec violantur, nec observantur habitibus, sed actibus; ita quod directius, et formalius respiciunt, sunt exercitia, et actus, quibus vel observari, vel adimpleri debent. Minor etiam liquet, nam præcipitus Pœnitentiæ actus, imo, et primarius, a quo sumit speciem, est contrito, ut supra

ostendimus. Ergo cum præceptum Pœnitentiæ virtutis sit ex ipso jure naturali, ut constat ex dictis, et ostendunt nostra fundamenta; consequitur inde præceptum contritionis non ex aliquo positivo, sed ex ipsi jure naturali procedere.

Confirmatur. Non stat obligationem satisfactioni faciendi esse ex jure naturali, et satisfactionem ipsam sub eodem jure non cadere: sed obligatio, imo, et voluntas satisfactioni cadunt immediate sub jure naturali, quin interveniat jus positivum, ut affirmant allegati Theologi: ergo etiam satisfactionis praestita, vel præstanta contineri debet sub eodem naturali jure. Major ex ipsis terminis liquet; siquidem non aliter tenetur creditor ad exhibendam satisfactionem, quam sit obligatio debitum extinguendi, ac solvendi: ergo si onus solvendi est ex jure ipso naturali, similiter et solutio, ac satisfactionis. Nulla autem est satisfactionis hominis ad Deum pro culpa, quam non inspirat, vel elicit Pœnitentia; quandoquidem hæc sola virtus est justitia hominis ad Deum pro sarcienti ejus offensis: ergo sub eodem præcepto naturali divino, sub quo cadit obligatio, seu voluntas satisfactioni, continetur, et ipsa satisfactionis actualis media contritione.

Unde refellitur illa actuum divisio a Suarez excogitata, necnon illa divisio satisfactionis in materialem, et formalem, quasi hæc sola sit de jure naturæ; illa vero pertineat ad jus positivum. Tum quia illæ duæ voluntates superfluent, ut supra ostendimus contra Vasquez: quia cum actus voluntatis supra se ipsos reflectantur, ut est perpetua D. Thomæ doctrina; eadem voluntate qua quis actu, et exercite satisfacit, vult etiam satisfacere; non enim satisfaceret nolens: ergo ad idem jus pertinet, et ejusdem indivisibilis rationis est satisfactionis, et satisfactionis voluntas: atque ideo vel utraque, vel neutra debet pertinere ad jus naturale. Tum etiam: quia voluntas satisfactioni speculativa, et ita signata accepta, ut depingitur in illa sententia, et videre est apud ipsum num. 7 prædictæ sectionis, non est actus proprius Pœnitentiæ, sed vel charitatis, vel ipsius voluntatis, quarum est respicere bonum satisfactionis in communi, ut est pars objectiva boni universalis. Et ratio est quia velle satisfacere, aut pœnitere in communi, non est re ipsa satisfacere, aut Pœnitentiam agere; sed utraque ratio se habet per modum objecti voliti, non vero per

per modum actus, et exercitii, quo dumtaxat pacto est vera aut satisfactionis, aut Pœnitentiæ ratio. Ergo per hoc quod voluntas satisfaciendi sit de jure naturæ; neutquam probavit Suarez actualem, et formalem Pœnitentiam ejusdem esse juris, ut probare intendebat, imo et ut perspicuum supponebat: sed utramque Pœnitentiæ rationem a se divisam in formalem, et materialem reliquit extra jus naturæ, et soli positivo subjicit. Quod facile constat: siquidem in ipsius doctrina sola pœnitentiæ in communi voluntas est de jure naturæ: hæc autem voluntas sic in communi accepta non est Pœnitentia, nec actus proprius hujus virtutis: ergo adstruendo hanc solam voluntatem esse de jure naturæ, quidquid extra illam manet, non ad jus naturæ, sed ad positivum pertinet. Tum denique (et est alia ejusdem impugnationis ratio) quia cum Pœnitentia, sicut et aliae virtutes morales, sit virtus essentialiter practica, non tam respicit rationes communis boni, quam particulares contrahentes, et includentes ipsas rationes communes, ut est cernere inductive in omnibus aliis virtutibus: non enim redditur homo justus absolute, et simpliciter, aut misericors, per hoc quod signate velit solvere, et misereri, nisi simul cum possit, actu se exerat in actum justitiæ, aut misericordiæ; nec per voluntatem solvendi in communi debitum exolvitur ab onere actualiter, et exerceite solvendi: quocirca actum justitiæ proprie dictæ neutquam exercet, usque dum actu pro debito solvat. Vera ergo, et propria Pœnitentiæ ratio non salvatur in illa voluntate signata, et speculativa pœnitendi, sed in elicientia proprii actus, qui est contritio: quocirca D. Thomas infra quæst. 90, art. 2, ipsam compensandi voluntatem docet fieri per contritionem, quia nimirum in ipsa includi debet.

238. Unde etiam corruit alia ejusdem Authoris distinctio a precedenti reipsa solum diversa quoad voces, nimirum satisfactionem quoad substantiam cadere sub præcepto naturali; secus vero quoad modum determinatum, ut scilicet fieri debeat specialiter per actum contritionis, et non aliter: nam sub hac expressione pertinet ad jus positivum, et liberam Dei ordinationem.

Hæc, inquam, distinctio cum prædenti. eisdem convellitur impugnationibus, ut eam consideranti constabit. Insuper

prosternitur jacta principia magis expendendo, Nam modus determinatus pœnitendi comprehenditur sub eodem jure, sub quo incumbit onus ipsum pœnitendi quoad substantiam: sed onus quoad substantiam pœnitendi in illa sententia est sub jure naturali: ergo etiam modus determinatus pœnitendi. Consequentia cum Minoris non indiget probatione. Major, cui soli est difficultas, ostenditur. Tum quia sicut obligatio est determinata ad pœnitendum, et satisfaciendum, et virtus Pœnitentiæ, qua fieri debet satisfactio, aut Pœnitentia, est etiam determinata; ita etiam modus Pœnitentiæ ut est actus virtutis, debet esse determinatus, eo quod virtus determinata non est, nisi circa determinatum actum, a quo sumere debet speciem. Tum etiam, quia libera Dei ordinatio solum habet locum in rebus non infallibiliter, seu non necessario connexis: sed inter virtutem Pœnitentiæ, et actum contritionis, in quo stare ponitur modus pœnitendi, datur necessaria connexio; taliter quod nec Pœnitentia se exerere possit in alium sibi primarium actum, quam in contritionem; nec hæc ab alia virtute produci possit, quam a Pœnitentia: ergo semel atque homo sub jure naturali teneatur pœnitire, sub eodem jure tenetur ad determinatum modum, qui sit contritio. Tum denique ob satis manifestam, et nulla tergiversatione elevandam instantiam aliarum virtutum sive Theologalium, sive moralium; in quibus vel apud ipsum Suarez in eadem sectione, cernitur hac eadem ratione, sub eodem jure naturali, sub quo cadit onus v. g. Deum diligendi, cadere etiam et modum illius, quod nimirum fiat, et fieri debeat per actum dilectionis. Et hoc, ideo, quoniam actualis dilectio est actus proprius Charitatis, illi ita annexus, quod nec actus ab alia virtute, nec virtus ab alio actu per se primo dependeat: ideoque necessarium est utrumque sub eodem naturali jure comprehendendi. Cum ergo hæc ratio æque militet in Pœnitentia respectu contritionis, liquido conficitur non stare Pœnitentiam esse de jure naturali, et non similiter sub eodem comprehendi contritionem.

Nec momenti sunt, quæ in oppositum causatur prædictus Author. Nam quod primo opponit, de sufficientia actus Charitatis, facile prosternitur. Siquidem actus Charitatis ex sua specie non est satisfactio, ut patet in Angelis, nec expellit peccatum

via compensationis, nisi imperetur a Pœnitentia, quæ essentialiter est justitia hominis ad Deum pro compensandis injuriis: ergo ex vi actus Charitatis præcise non adimpletur præceptum Pœnitentiæ, sed opus est recurrere vel ad actum proprium Pœnitentiæ, vel ad ejus imperium, quo moveat Charitatem in proprium finem.

Illius
propo-
sitio
fallit.

Unde corruit illa propositio fundamentalis, quam statuit n. 8 illius sectionis, quod quando ex duobus actibus alter sufficit ad integrum satisfactionem faciendam, neuter eorum determinate cadit sub præceptum satisfaciendi, nec ambo simul; sed unus vel alter arbitrio satisfacientis. Nam in praesenti non est, nisi unicus Pœnitentiæ actus, quo fieri possit integra satisfactio; siquidem actus Charitatis nisi ut subjectus Pœnitentiæ non est satisfactorius: quare formaliter loquendo solus Pœnitentiæ actus est vera satisfactio, sicut solus actus Charitatis est vera dilectio, quantumvis aliarum virtutum actus in finem Charitatis ordinentur, ex ejus imperio.

Secunda
solatio
enerva-
tur.

Nec etiam subsistit, quod obtendit secundo, actum contritionis elici posse ex motivo Charitatis. Quoniam hoc solum tenet de motivo extrinseco, et remoto, non vero de proximo, et immediato. Sed est omnino falsum actum contritionis factum ex motivo Charitatis elici ab ipsa Charitate; alias numquam eliceretur a Pœnitentiæ; siquidem actus contritionis numquam elicetur nisi ob Deum summe dilectum, atque ideo et superflueret virtus specialis Pœnitentiæ, et confunderetur cum Charitate. Aliud itaque est, quod actus Pœnitentiæ imperetur, et imperari petat a Charitate, ex cuius imperio habet attingere proprium objectum cum subordinatione ad objectum Charitatis imperantem; aliud vero, quod ex vi prædicti imperii actus contritionis eliciatur ab ipsa Charitate, non vero a Pœnitentiæ. Primum concedimus, et est omnino verum, ac a Theologis communiter edoctum, maxime vero ab eorum Principe D. Thoma, atque ideo est principium in ejus Schola inconsuum. Secundum vero est omnino falsum, et satis absurdum; alioquin enim medio imperio, quo se invicem in subsidium trahunt virtutes, invicem confundentur, et Charitas, quæ omnes imperat, omnium actus se ipsa eliceret, et illæ otio perpetuo ab operationibus propriis vacarent. Per hoc ergo quod actus contritionis eliciatur ex motivo Charitatis, non ex-

trahitur a propria specie, nec elicetur ab alia virtute, quam a Pœnitentiæ; sed subordinatur Charitati imperanti, et in ejus finem sibi extrinsecum, et remotum collimat, ut e converso accidit in Charitate a Pœnitentiæ imperata; diligit namque Deum summe dilectum, non sistendo ibi, ut sisteret, sinon imperaretur; sed intendendo media illa dilectione ipsum pacare, et inoffensum reddere, quod est proprium Pœnitentiæ. Et talis actus debetur Charitati elicienti, et Pœnitentiæ imperanti, ac in proprium finem dirigenti. Unde numquam salvatur, quod sit duplex actus, quorum quilibet ad integrum satisfactionem sufficiat: sed ad satisfaciendum semper intervenire debet Pœnitentiæ; et quia hæc debet provenire ex amore, nunquam abesse potest Charitas a vera Pœnitentiæ; salvata semper utriusque propria ratione.

239. Atque hinc jam tandem falsitatis convincitur ejusdem Authoris discursus, quem, ut suadeat modum satisfactionis media contritione non esse juris naturalis, sed positivi, sub his verbis proponit: *Atque hoc a fortiori procedit in satisfactione imperfecta: nam quando satisfactio est æqualis magis esse solet ex natura sua determinata ad unum, vel alium modum: quando vero est de se insufficiens, modus satisfactionis magis pendere solet ex voluntate ejus, cui fit satisfactio, quia debet esse illa contentus. Cum ergo ad hoc non cogatur ex vi satisfactionis, quia insufficiens est, oportet, ut sit ex aliqua libera pactione, vel ordinatione. Ila ergo est in præsenti: nam cum hæc satisfactio hominis ad Deum ex se sit insufficiens, nullus modus satisfactionis est de se determinatus, tanquam necessarius, sed quem Deus ipse determinat, seu quod vult esse contentus.*

Discursus
P. Sma-
rez.

Hanc itaque ratiocinationem esse falsitati obnoxiam manifeste convincitur tam ex se, quam ad hominem ex ipsiusmet doctrina in eadem sectione num. 6, § ulterius dici: ubi asserit, quod quamvis homo non valeat condigne satisfacere; supposita tamen possibiliitate ex divina gratia aliqualiter, seu imperfecte satisfaciendi, ad id obligatur ex lege connaturali ipsimet gratiæ. Et reddit rationem: *quia ex vi ejusdem legis justitæ, qua obligatur homo ad condignam satisfactionem, si potest eam exhibere, obligatur etiam, si non possit integrum, saltem eam, quam possit exhibere, præsertim si servetur aliqua proportio in eodem genere, seu ordine rerum. Gui propo-*

Sibi ipsi
contradicti-
vit.

sitioni

sitioni loco Majoris positæ, si adjungatur pro Minori hæc per se nota : sed contritio est imperfecta satisfactio hominis ad Deum, quam, solam, et non majorem potest homo exhibere sub divina gratia, salvata proportione in eodem genere, seu ordine rerum; manifeste colligitur hæc Consequentia : ergo sub eadem lege justitiæ, sub qua tenetur homo ad satisfaciendum Deo, tenetur etiam ad contritionem. Sed ad exhibendam Deo satisfactionem tenetur ex lege naturali ipsi gratiæ in ejus sententia : ergo ex eadem lege tenebitur ad contritionem. Atque ideo inconsequenter concessso illo, hoc secundum negat.

Quod vero illa doctrina sit absolute falsa, etiam liquet in cultu Religionis, qui quamvis sit imperfectus, et inæqualis respectu divinæ excellentiæ, quam deficienter colimus, non idcirco non cadit sub eodem præcepto naturali, sub quo cadit obligatio Deum colendi, ut in confessio est apud omnes, non aliud præceptum, quam de jure naturali pro Deo colendo agnoscentes. Et ratio est eadem : nam defectus æqualitatis in solvendo debito demonstrat quidem inferioritatem, et consequenter impotentiam ad æqualem satisfactionem ex parte creditoris; non tamen minuit, aut variat jus, quod cedit parti læsæ, sed illud immutatum relinquit : ex eo ergo quod non possit homo æqualem satisfactionem præstare pro Dei offensa, non extrahitur a jure naturali actualiter satisfaciendi per contritionem determinate; sed tantummodo infertur, quantopere conteratur, numquam ad æqualitatem satisfactionis pervenire, quod nullus negat.

240. Sed adhuc in suffragium illius doctrinæ potest instari : nam modus non cadit sub illo præcepto, sub quo comprehenditur substantia actus, ut constat in actibus aliarum virtutum, in quibus solum præcipitur, quod actus fiat; non vero quod fieri debeat hoc, vel illo modo utputa intense, vel remisse : ergo similiter ex eo quod sit præceptum naturale satisfactionis quoad substantiam, non sequitur modum satisfactionis determinatum ad contritionem ejusdem esse juris; sed quam optime stabit hunc ad jus positivum pertinere.

Respondetur hac instantia similiter probari posse nullum esse præceptum contritionis; ut constabat eam consideranti, et ex hac parte retorquenda est, vel ut nihil, aut multum probans repellenda. Pro ejus tamen enodatione debet observari du-

pliciter aliquid posse dici modum, vel stricte, et proprie, quatenus supponit rem substantialiter constitutam; eique accidentaliter advenit saltem logice, quo pacto diffinitur, quod sil adjacens rei determinatio, uti se habent existentia, et subsistentia ad naturam, et intensio, ac remissio ad qualitates. Vel sumi potest large, et improprie solum penes voces, et quasi grammaticaliter, in rei tamen veritate est de substantia rei præceptæ; quomodo se habet esse supernaturale ad præceptum Charitatis, vel aliarum virtutum supernaturalium : quippe harum præcepta comprehendunt actus modo supernaturali faciendos, ut est communis Doctorum consensus : nam ex vi Charitatis tenemur ad diligendum Deum, non utcumque, sed modo supernaturali. Ubi constat hanc diligendi modum tam esse modum, quam substantiam actus præcepti, subindeque nec ponere in numero cum ipso actu præcepto, nec ad aliud præceptum spectare. Cujus oppositum opposita de causa cernitur in modis primi generis. Modus ergo satisfaciendi per contritionem est hujusmodi : quia cum teneamur ad Pœnitentiam post peccata, et Pœnitentia sit virtus determinata ad contritionem, ut ad actum sibi proprium, et primarium, sub eodem jure, sub quo tenetur homo ad Pœnitentiam, tenetur ad contritionem. Nam ut docet D. Thomas infra quæst. 90, art. 2, in pænitentia non queritur sola integratio æqualitatis justitiæ (sicut in justitia vindicativa), sed magis reconciliatio amicitiæ, quod fit dum offendens recompensal secundum voluntatem ejus, quem offendit. Actus autem contritionis ex natura rei, et absque ulla acceptione extrinseca Physice disponit ad gratiam, ad eamque ultimo, et infallibiliter præparat. Ut ostendimus tract. de justificat. Quare pro illa non possumus ad liberam Dei ordinationem recurrere, ut sit vera satisfactio, veraque dispositio ad remissionem culpæ, quamvis non esse constet integrum satisfactionem, ut causabatur Suarez : sed assere cogit ratio sub eodem jure contineri cum Pœnitentia.

241. Sed hinc emergit gravior difficultas ex D. Thoma. Nam juxta doctrinam S. Doctoris quæst. precedentis art. 7, quod est ex institutione divina non est ex ipso jure naturali, nec e contra : sed quod homo hoc, vel illo modo agat Pœnitentiam, provenit ex institutione divina : ergo non est ex jure naturali, consequenterque quod

determinate fiat Pœnitentia per contritionem, et non alio modo, provenit ex institutione divina. Hæc secunda consequentia constat ex prima : quia modus Pœnitentiam agendi media contritione est (inter plures alios possibles modos pœnitendi), satis specialis. Prima vero sequitur ex

D.Thom. præmissis, quas docet Angelicus Præceptor loco citato per hæc verba : *Ex naturali enim ratione homo movetur ad pœnitendum de malis, quæ fecit; sed quod hoc, vel illo modo homo pœnitentiam agat, est ex institutione divina. Unde et Dominus in principio prædicationis suæ indixit hominibus, ut non solum pœniterent, sed et pœnitentiam agerent, significans determinatos modos actuum, qui requiruntur ad hoc Sacramentum.* Consone ad hanc doctrinam affirmat S. Doctor in solutione ad 1, ea quæ sunt de jure naturali determinationem accepisse ex institutione legis divinæ, et in solutione ad 2 statuit, *quod ea, quæ sunt juris naturalis, diversimode determinationem accipiunt in veteri, et in nova lege, secundum quod congruit imperfectioni veteris legis, et perfectioni novæ.* Unde et Pœnitentia in veteri lege aliquam determinationem habuit, quantum quidem ad dolorem, ut esset magis in corde, quam in exterioribus signis, secundam illud Joel. 2 : *Scindite corda vestra, et non vestimenta vestra.* Quo quid clarius pro Suarri positione ?

Urgetur replica. Quam urget, et rursus confirmat n. 12, nam in ipsam ordinatione, et subjectione naturæ ad gratiam includitur præceptum divinum : sed illa ordinatio, et subiectio fuit omnino libera Deo, et accidentalis naturæ ; siquidem potuit eam condidisse in puris : ergo et præceptum illi annexum, atque ideo nequit non esse positivum. Minor et Consequentia liquent, et probat Majorem : Nam fingamus (inquit) Deum nullam determinationem adhibuisse huic satisfactioni pro peccato, nec ob Pœnitentiam remissionem promisisse, nec aliquid de hoc negotio hominibus revelasse, nisi hoc dumtaxat, quod peccatis offenderetur, et illa gravissime puniturum ; non tamen negaret omnia ea auxilia ad conversionem necessaria, quæ de facto hominibus promisit, et re ipsa distribuit : in hac sane extraordinaria providentia, esto esset aliqua obligatio ex parte hominis ad aliquid faciendum pro obtinenda reconciliatione cum Deo, non tamen teneretur ad actum contritionis, seu formalem Pœnitentiam ; nec hanc, aut illum necessarium existima-

ret ; licet teneretur, et se teneri cognosceret ad diligendum Deum : ergo signum est in præsenti providentia actum contritionis non ex jure divino naturali, sed tantum ex positivo, et libera determinatione Dei obligationem inducere.

Sed nec hac objectione (specie tenus difficulti) compellimus assertam veritatem deserere. Ut vero doctrinam D. Thomæ, cuius non meminit Suarez, sed ex nostra penu infulcimentum suæ positionis adjecimus, in lucem eruamus, supponere debemus ex supradictis ad prædictum articulum, in illa prima D. Thomæ propositione sermonem fieri de naturali ratione lumine supernaturali destituta : unde sensus ejus formalis, ac legitimus est, ut nemine discrepante sentiunt, et intelligunt omnes interpres, lumen rationis naturalis secundum se, et præcisive ab elevatione, et revelatione divina solum dictare, quod homo post admissum peccatum moveatur ad pœnitendum aliquo dolore, qui haberi potest ex puris naturalibus de peccato. Quocirca ex vi hujus nullus alias ipsi præfigeretur modus specialis Pœnitentiæ. Sed ad hoc opus homini fuit elevatione ad finem supernaturalem, et notitia talis elevationis ; qua deficiente deobligaretur homo ex ignorantia invincibili a contritione, non quia non esset illius præceptum ex natura rei ; sed quia homini non innotesceret nec elevatio, nec præceptum media elevatione cognoscendum.

Secundo observare oportet S. Doctorem assignasse discrimen inter hoc, quod est pœnitere, et pœnitentiam agere, nam in pœnitendo, ut pertinet ad jus naturale non est, aut intelligitur modus ; sed obligatio sequitur ex natura rei supposita necessaria cognitione, vel quæ sistat in ordine naturali ; vel quæ ultra detegat obligationem supernaturalem. Ad agendum vero Pœnitentiam intervenire necesse est modum aliquem ex jure positivo determinandum, et hic pro diversis statibus naturæ lapsæ fuit diversus, et pro majori, vel minori legis perfectione ; nam alius fuit modus legis scriptæ, aliud vero et excellentior, ac uberior legis gratiæ. Quod totum manifeste constat ex illis verbis D. Thomæ in corpore articuli : *Sed quod hoc, vel illo modo pœnitentiam agat : est ex institutione divina. Unde et Dominus in principio prædicationis suæ indixit hominibus, ut non solum pœniterent (quod utique juris erat naturalis) sed et pœnitentiam agerent, significans*

Infirm
tur
object
aliqui
bus
præm
sis.
1 Sup
mitio

Second
observa
tio.

D.Thom.

significans determinatos modos actuorum. Quocirca alia fuerunt sacrificia, et sacramenta legis scriptae, et alia, et longe excellentiora sunt legis gratiae: sed nec illa, nec ista sunt juris naturalis, sed omnia pertinent ad jus positivum, semper subsistente obligatione juris naturalis ad pœnitendum, quæ est formaliter invariabilis, et quovis tempore fuit necessaria, ac determinata, ut determinavit Concilium Tridentinum ad contritionem supernaturalem supposita elevatione, sub qua in hac providentia condita fuit natura humana.

242. Quo supposito, et prælibato respondeatur ad objectionem concedendo Majorem, et distinguendo illius Minorem superius præmissa distinctione. Et siquidem sermo sit de modo agendi Pœnitentiam per ordinem ad sacrificia, et sacramenta utriusque legis, concedenda est, quippe quæ sunt extra jus naturale, et solum pertinent ad positivum. Si vero intelligi velit objiciens de modo pœnitendi naturali præscindenti ab elevatione; vel de supernaturali elevatione supponente, negari debet, quoniam uterque modus pertinet ad substantiam Pœnitentiæ, et solum differunt penes cognitionem obligationis, et præcepti; quandoquidem in primo casu solum innotescit ut obligans intra purum ordinem naturæ; et imperfecte; in secundo vero ut se extendit ad ordinem supernaturalem, in quo supposita cognitione currit obligatio ex natura rei inter extrema supernatura. Quare, ut supra dicebamus, modus naturaliter, vel supernaturaliter pœnitendi, licet quoad voces per rationem modi explicetur, non tam est modus, quam ipsa Pœnitentiæ, et satisfactionis substantia. Hanc vero esse ipsam mentem D. Thomæ liquet ex ipsa littera. Et ideo modi illi, vel si mavis, actus ipsius Pœnitentiæ ut deservientes diversis illis modis sacrificiorum, et sacramentorum pertinent quidem ad jus positivum, ut constat in contritione sensibili, quæ ut talis, est pars hujus sacramenti juxta supradicta, et pertinet ad jus positivum. Secus vero secundum se accipiatur, quo pacto solum supponit elevationem, et ejus notitiam, sed est a sacramentis independens. Et in hoc sensu affirmamus, et affirmant communiter Theologi sub jure naturali naturaliter debito ipsi gratiae elevanti contineri.

Confirmatio vero nullum negotium facessit, et sola explicatione enervatur. Si enim velit ipsam elevationem aut esse

præceptum, aut introducere ordinationem voluntariam inter actum contritionis, et gratiam; ut omnino falsa rejicienda est Major illius discursus. Tum quia actus contritionis absque ullo favore extrinseco, sed ex natura rei expellit peccatum, et committatur gratiam, ad eamque physice ultimo disponit, ut loco supra citato de justificatione explicuimus, et probavimus. Tum etiam, quia aliud est subjicere naturam gratiae, illamque ad istam ordinare; quod est naturam elevasse; aliud revelare quod est connaturale ipsi gratiae supposita elevatione; et aliud denique ipsam gratiam accidentaliter alligare præcepto alicui, aut liberæ Dei dispositioni. Primum fuit omnino Deo liberum, cum naturæ ad gratiam nullum sit jus, nullumve debitum, secundum vero non fuit imponere præceptum novum, sed patefacere, ac manifestare antiquum, quod erat contritionis ad gratiam post peccatum consequendam. Et hoc hominibus innotuit semel facta illuminatione fidei de naturæ elevatione ad finem supernaturalem; non vero denuo fuit impositum, ut commentus esse videtur Suarez. Tertium vero habuit quidem gratiae respectu Christi ut Redemptoris, a quo tamen ex natura rei gratia non dependebat; quocirca ad eam ipsi ut capiti omnis gratiae in hac providentia alligandam opus fuit dispositione divina, a gratia minime exacta.

Unde constat Majorem illam in sensu a Falsitas Suarez intento esse falsam, nec leviter impegisse in ea ita statuenda. Nam optime cohæret Deum voluntarie ordinasse naturam ad gratiam, et illam ad istam elevasse; quin ex vi hujus convincatur præceptum positivum contritionis ad obtinendam gratiam; sed quod permaneat præceptum naturale, quod cadat supra contritionem, ut constat ad hominem in doctrina hujus Authoris. Nam quod Deus elevaverit naturam humanam, non obest, quominus supposita elevatione homo tenetur ex jure naturali ad diligendum supernaturaliter Deum: alioqui enim omnia præcepta supernatura essent juris positivi, et nullum eorum pertineret ad jus naturale ipsius gratiae; quod non potest concedi. Semel namque atque Deus manifestavit esse possibilem ex divina gratia Dei dilectionem super omnia, absque aliquo alio incepit obligare præceptum illius dilectionis: sicut statim, ac hominibus innotuit per fidem Deum esse trinum, ex naturali jure obstricti manserunt mysterium.

Trinitatis credere, et sic de reliquis præceptis aliarum virtutum Theologalium. Ergo cum ex jure naturali teneatur homo ad satisfactionem pro peccatis, adhuc in ejus sententia, semel facta revelatione gratiæ, et possibilitatis auxiliorum ad satisfaciendum supernaturaliter; nullo opus est præcepto positivo, sed ex ipsomet jure naturali tenebitur homo ad actum proprium Pœnitentiæ, qui est contritio.

Diluitur
probatio.

Nec probatio opposita contrarium evincit: nam tota illa fictione admissa, semel atque non negentur auxilia gratiæ, ut non negari supponitur, nec hominem lateat eorum possilitas: urget præceptum naturale contritionis: quoniam de jure naturali est hominem poenitere de peccatis, et quod conetur ad restaurandam Dei gratiam omni medio sibi possibili, et ad eum finem proportionato. Non est vero aliud medium pœnitendi, quam actus Pœnitentiæ; sicut non est medium diligendi, nisi dilectio, nec magis proportionato: ergo de jure naturali est, hoc, et non alio actu pœnitere.

243. Quæ contra illam Thomistarum rationem opponuntur, facile est refellere; nam admissis aliquibus præceptis positivis tempore legis naturalis, non est ratio sub aliquo illorum comprehendendi obligacionem Pœnitentiæ, quippe quæ antecedit omnem legem positivam, sed est inclusa in ipsa conditione naturæ, ex qua obligatur homo ad diligendum Deum super omnia, et vindicandam media Pœnitentia illius injuriam a se irrogatam, ut docet ipse Suarez. Ex hac autem necessario sequitur sub eodem jure teneri ad contritionem, quæ est actus proprius, et immediatus Pœnitentiæ; quidquid sit de aliis præceptis positivis illius temporis, in quo vim non fecimus. Et ad exemplum illud Spei supponentis promissionem Dei de remittenda culpa, dicimus non esse novam promissionem diversam a promissione beatitudinis; sed consequi ad elevationem supernaturalis, in vi cuius sicut tenetur homo ad dilectionem Dei ante, et post peccatum non ex præcepto positivo, sed aliunde; ita tenetur ad exhibendam satisfactionem, et præstandam Pœnitentiam. Unde solum intervenit nova manifestatio tum obligacionis, tum remissionis nanciscendæ; non vero novæ obligationis impositio ad novum præceptum omnino necessaria.

Occurri-
tar
objec-
tioni
Cardina-
lis
Lugo.

Quæ autem objiciebat Lugo, non majori indigent labore, ut dispellantur. Nam præ-

ceptum Pœnitentiæ est distinctum a præcepto Charitatis, nec in illo implicitè continetur, ut patet in Angelis ubi non fuit, nec esse potuit præceptum Pœnitentiæ; cum tamen maxime viguerit præceptum Charitatis: ergo sicut obligatio est diversa, ita et actus, et observatio. Non enim urgente præcepto, eoque diverso, et expresso, observari potest (stante plena advertentia ad illud), quin adsit actus expresse, et formaliter expressus: sed præceptum Pœnitentiæ obligat formaliter, et expresse ad actum Pœnitentiæ non minus ac præceptum Charitatis ad actum expressum Charitatis: ergo præceptum Pœnitentiæ stante advertentia ad illud, non observatur nisi actu expresso Pœnitentiæ. Actus autem Charitatis non est actus formalis, et expressus Pœnitentiæ, ut liquet: ergo solus actus Charitatis, nullo interveniente Pœnitentiæ actu non sufficit ad observandum præceptum Pœnitentiæ.

Ad hæc. Non minus, nec aliter aliarum virtutum actus continentur implicitè in Charitate, utpote quæ est omnium virtutum radix, et forma, quam actus proprius Pœnitentiæ: sed instantibus præceptis aliarum virtutum cum advertentia ad illa, non adimplentur nisi per actus proprios, et formales illarum, ut in confesso est apud omnes: quocirca instantे præcepto obedientiæ, aut justitiæ, et advertentia illius, non bene suppleret actus Charitatis, nec impediret violationem justitiæ, aut inobedientiam excusat: ergo omnino pari ratione idem asserendum est de actu, et præcepto Pœnitentiæ. Quocirca Arauxo in præsenti quest. 86, art. 2, n. 19, docet absque aliqua temeritate negari non posse esse necessariam contritionem formalem, et expressam per se loquendo, et supposita advertentia, ad obtinendam veniam: quippe id passim clamant Scriptura, et Patres, quorum verba formalia esse debent, et formaliter explicari, quando ex eis nullum sequitur absurdum, juxta regulam D. Augustini lib. 3 de doct. Christiana, et Athanasii lib. de communis essentia Patris, et Filii.

Unde confirmatur, et explicatur impugnatio facta. Quia instantē præcepto Pœnitentiæ nequit remitti peccatum, quin observetur ejus præceptum, ut de se constat; non enim remittitur, aut remitti potest peccatum, nisi adimplendo, et observando præceptum instans; alias simul peccaret, et non peccaret homo in eodem instanti.

instanti. Sed juxta Scripturam, et SS. PP. ad remissionem peccati est necessarius actus formalis, et expressus Pœnitentiæ juxta assignatam regulam. Ergo etiam ad observandum ejus præceptum. Patet Consequentia : nam alias observaretur præceptum formale, et expressum Pœnitentiæ absque actu formalis, et expresso ipsius virtutis; et consequenter per se loquendo fieret peccati remissio absque formalis, et expressa Pœnitentia, cuius contradicitorum docent Scriptura, et PP.

§ VII.

Sententia opposita, et ejus fundamenta.

244. Quæ contra primam conclusionem directe procedebant argumenta, diluimus § 4; reliquum est, ut fundamenta secundæ sententiæ adscriptæ Medinae Codice de Pœnitentia tract. 1, quæst. 2, art. 2, et a qua non longe, ut vidimus, tendit Suarez, convellamus.

Arguitur ergo primo ex eodem Medina: quoniam jus naturale neminem obligat ad sibi impossibile, nec ad illud appetendum, aut volendum: sed pœnitere de commissis est velle non peccasse, quod est impossibile: ergo ad hoc nullus ex jure naturæ obligatur.

Et confirmatur primo: quia deordinatio voluntatis inducta peccato, aliter quam pœnitendo potest restituiri, nimis a vitiis abstinentia, et virtutum exercitiis operam dando: non ergo jus naturale in remedium peccati dictat Pœnitentiam determinate, cum suppetat aliud medium finem consequendi.

Confirmatur secundo exemplo injuriæ proximo factæ, ad quam resarcendam non requiritur, quod ex motivo offensæ illi irrogatæ eam detestemur; sed sufficit aliis operibus illam compensare juxta quantitatem damni illati; ad quod quidem urget jus naturale, nec aliud a nobis extorquet: ergo similiter ut in Dei amicitiam reducamur, non requiritur necessario exacta detestatio offensæ, qua offensa fuit; sed sat erit bonis operibus incumbere, et a malo perpetrato cessare: atque ideo ex jure naturali solum erit utcumque satisfactionem aliquam in Dei obsequium offerre; quod vero id fiat actu proprio Pœnitentiæ non ad jus naturale, sed ad liberam Dei dispositionem pertinebit.

Respondetur illo argumento non tantum

præceptum naturale, sed et positivum amandari; cum fide sanctum sit Deum impossibilia non jubere; quare ut nihil probans, quin simul probet contra propONENTEM, rejiciendum est. Unde concessso toto Syllogismo, nihil sequitur; quia jus naturale non obligat hominem, ut velit absolute nunquam peccasse; hoc enim stultum esset: obligat autem ad offensam peccato inductam, quantum possibile fuerit, resarcendam, in quo includitur affectus, quo ex modo tendendi vellet homo peccatum non fecisse, et se non peccasse. Et hoc modo non implicat velle aliquid impossibile, si possibile foret, ut constat ex doctrina D. Thomæ in 4, dist. 17, D.Thom. quæst. 2, art. 1, quæstiunc. 1 ad 3. Recolantur quæ supra diximus dub. 1 hujus disput.

Ad confirmationem respondetur ex eodem D. Thoma ultra deordinationem tum voluntatis, tum aliarum virium, quæ consurgit ex deordinata conversione ad bonum commutabile, ad quam auferendam, supposita divina gratia, sufficient, et requiruntur exercitia honorum operum, et actus virtutum; importare peccatum aversionem a Deo, et ejus offensam. Ad hanc vero utcumque, et quantum fas est homini, compensandam necessaria insuper est conversio voluntaria hominis ad Deum, et detestatio offensæ. Quocirca Concilium Tridentinum sess. 14, canon. 5, sancivit contritionem non solum importare cessationem a peccato, et vitae novæ propositum, et inchoationem; sed etiam veteris odium. Præceptum ergo naturale Pœnitentiæ, seu contritionis non ex primo capite deordinationis voluntatis, ad quam vitandam sufficere possent præcepta aliarum virtutum, sed ex secundo, ex quo nascitur obligatio Deum pacandi adstruitur. Unde peccavit Medina considerans unum, quasi non esset alterum caput, et ideo male intulit.

Porro in ejus patrocinium duximus observandum ipsius sententiam non percelli hac Tridentini relata sanctione, qua suggesta et proscripta est hæreticorum doctrina e medio tollentium necessitatem pœnitentiæ, et detestationem retroactæ vitae, contra quam processit Concilium. A qua procul distat hujus Authoris positio, utpote qui non negat, quin catholice adstruit necessitatem satisfactionis: et solum affirmat non esse de jure naturali: cum quo stat, et stare contendit esse de jure

Diruitur
confirm.

Trident.

Obser-
vatio.

positivo a nullo dispensabili; nisi a Deo. Quod ideo observamus, ut a suspensione, qua ab aliquibus inuritur, hæc sententia, liberetur; alioqui enim haud facile ea m notam effugere posset sententia Suarez in sententiam Medinæ residentis prætextu eam cum communi omnium aliorum Theologorum conciliandi, ut ex ipso vidimus.

Secunda dissolu-
tur confor-
mat.

D.Thom.

Ad secundam confirmationem dicimus injuriam proximi, quæ amicitiam discederit, resarciri non posse, quin amicabiliter reconcilientur offendens, et offensus, ut expresse docet D. Thomas in 4, dist. 14, quæst. 2, art. 5 ad 2, ubi ex hoc exemplo ut clariori affirmat idem servari debere inter Deum offensum, et peccatorem. Verba S. Doctoris sunt : *Ad secundum dicendum, quod sicut inter homines non restituuntur amicitia post offensam, nisi per aliquem offensæ dolorem : ita nec caritas per peccatum, nisi per pœnitentiam.* Et ratio est, quam supra nos docuit Angelicus Præceptor : nam alia est satisfactio amicabilis, et reconciliativa; quæ sicut debet esse voluntaria ex parte lœdantis, ita debet esse grata, et accepta offenso. Et hæc semper debet importare dolorem de offensa commissa : qui enim non dolet se offendisse, non serio intendit recipi in gratiam offensi; quando quidem adhuc complacet in offensa. Alia est satisfactio extorta, et violenta, qualis est quæ ut in plurimum fieri solet auctoritate publica, et pertinet ad justitiam vindicativam, quæ respicit bonum publicum. Et hæc sicut non tendit ad conciliandos animos, non importat dolorem ex parte offendentis pro injuria. De hac autem non est in præsenti sermo, sed de prima. In quo sensu non est contra nos, et objectio falsum supponit.

2 Argu-
mentum.

245. Arguitur secundo, Præcepta naturalia sunt invariabilia, et consequenter indisponsabilia: sed præceptum Pœnitentiaæ est variabile, et dispensabile: ergo præceptum Pœnitentiaæ non est naturale. Major est certa, quippe in ec potissimum differunt præcepta positiva, et naturalia, quod hæc sicut comitantur naturam de se immutabilem, ita non admittunt, quin excludent mutationem; secus vero illa, quia juxta diversos status, et rerum eventus ordinantur. Minor etiam liquet in lege gratiæ, in qua præceptum contritionis mutatum est in præceptum attritionis cum Sacramento; quocirca supra statuimus ex communi et vera sententia satisfieri contritionis præcepto per solam attritionem

cum Sacramento in re suscepto. Hoc autem fieri non posset, si non esset et mutabile, et dispensabile præceptum Pœnitentiaæ, ut constat ex se, et cernere licet in aliis præceptis: ergo hujusmodi præceptum dispensabile est.

Respondetur observando præcepta naturalia esse in duplice differentia: nam alia sunt negativa, quæ nunquam non desinunt obligare. Et in his non aliqua variatio, et multo minus dispensatio, utputa in præcepto Deum non odio habendi, vel non mentiendi: nequit enim Deus vel pro minimo instanti permittere, ut homo rationis compos deliberate erumpat in actum odii Dei, vel proferat mendacium, quia intrinsece sunt mala, et lege naturæ prohibita. Alia sunt præcepta affirmativa, quorum obligatio semper stat, sed non semper, et pro quolibet instanti obligat ad exercitium actus præcepti; alioqui enim teneretur homo ad nunquam supersendum ab actuali Dei amore; quod est impossibile, et minime cohærens cum hujus vitæ curis, quibus hominem distendi necessè est ad alia; et solum reservatur peragendum in statu beatitudinis. Quia ergo hujus generis præcepta ex se non determinant tempus aliquod, in quo incunbere oporteat illorum observationi, potest Deus, stante semper obligatione præcepti, disponere, et si mavis dispensare, vel quod homo per totam vitam nunquam eliciat actum v. g. charitatis: quod proprie loquendo non est dispensare, sed differre exercitium actus, et nullum determinatum tempus illi assignare: vel aliam materiam apponere, qua propria ipsius præcepti substituatur. Quod etiam non est dispensare in præcepto ipso, sed subrogare unam materiam loco alterius: quocirca variatio non se tenet ex parte præcepti, quod semper viget: sed ex parte materiæ ipsius præcepti. Porro hanc variationem non esse contra indispensabilitatem præceptorum naturalium docet D. Thomas 1, 2, D.T. quæst. 100, art. 8, his verbis: *Sic igitur præcepta ipsa Decalogi, quantum ad rationem justitiae, quam continent (hoc est sub ratione præcepti) immutabilia sunt: sed quantum ad aliquam determinationem per applicacionem ad singulares actus, ut scilicet hoc, vel illud sit homicidium, furtum, vel adulterium, aut non, hoc quidem est mutabile quandoque sola auctoritate divina, in his scilicet, quæ a solo Deo sunt distincta.*

Ad rem ergo dicimus in lege gratiæ non fuisse

Solv
obse-
tio
pr
mis

Res

Res

fuisse derogatum præcepto Pœnitentiæ, quo quilibet tenetur post amissam gratiam per peccatum. Sed hæc obligatio, quæ in veteri lege obstricta erat soli contritioni, quæ erat unicæ materia præcepti pro singularis generum in particulari, in lege gratiæ determinata est illis dumtaxat, qui Sacramentum non susciperent, nec re ipsa suscipere possent. Illi vero qui vera attritione pœnitentiam coram Dei ministro, et sub ejus Sacramentali judicio peragerent, ab onere contritionis liberati sunt, quasi sufficienter apposuissent materiam præceptam Pœnitentiæ. Et dispositum fuit pro adultis circa Baptismum in privilegium horum Sacramentorum, quia instituta sunt in remedium peccati, quod in lege veteri erat unicum, et in lege gratiæ additum est alterum, non abrogato primo. Hoc autem non tam est dispensare in Pœnitentia, quam illi addere novum adimpletionis modum, quo maxime extollitur copiosior gratia hujus legis præ alia. Cum enim quælibet nostra satisfactio, quantum jure naturali exacta, sit deficiens, et impar debito; liberum manet legislatori supremo ex meritis Christi apponere novum, et facilius remedium peccati supra primum olim indispensabiliter observatum, et magis arduum. Unde ad formam argumenti, distinguenda est Major : Præcepta naturalia sunt invariabilia, et indispensabilia, sub ratione præcepti, et obligationis, conceditur : ex parte materiæ, substinguitur, per oblationem formalem, et totalem ipsius, permittitur; per appositionem alterius facilioris non extincta, et totaliter abrogata prima, negatur; et sub eadem distinctione Minoris, negatur Consequentia; quia hoc non est stricte loquendo dispensare in præcepto, sed illi arduo, et non ita abundanti medicamento aliud salubrius, facilius, ac compendiosius apposuisse in signum abundantioris gratiæ hujus legis præ alia, in qua sola erat unica via salutis, eaque non ita pervia; cum tamen in ista praestituta sit duplex via.

246. Nec obest, si objicias, tum quod contritio in lege gratiæ importat votum Sacramenti, et consequenter se ipsa non est medicina peccati, ut olim erat. Tum quod contritio est ex propria specie perfectior attritione, ut horum actuum motiva satis declarant: ergo non est perfectior pœnitendi modus per Sacramentum, quam qui haberi potest per contritionem.

Non, inquam, obest, si ita objicias :

Salmant. Curs. theolog. tom. XIX.

nam potius illustratur, quam expugnetur hac objectione doctrina tradita. Prima enim impugnatio infert quidem ordinatum accidentalem, contritionis ad Sacramentum non exactam ex vi suorum prædicatorum essentialium, ut constat ex supradictis de necessitate Sacramenti in re, vel in voto; non autem probat ejus variationem essentialiem. Quod namque contritio olim sufficiens, et necessario exacta ad destructionem peccati, nunc importet ex institutione Christi Sacramenti votum modo ibi explicato; cedit in excellentiam Sacramenti, ex opere operato, in vi meritorum Christi abundantiore tribuentis gratiam, subindeque remissionem, quam quæ olim conferebatur, aut modo confertur ex vi solius contritionis: non autem derogat obligationi, aut juri, ex quibus contritio secundum se, quovis tempore fuit necessaria. Quocirca illa extrinseca Dei ordinatio potius fuit ad augmentum gratiæ, quam ad immutationem naturalem contritionis.

Ad secundum dicimus, quod si attritio, et contritio considerentur in esse actuum, et per ordinem ad propria objecta, quæ est illarum consideratio secundum se, et juxta unicuique propria; abs dubio præstat contritio præ attritione, adhuc ad inducendam remissionem, ut constat: siquidem illa secum affert infallibiliter gratiam, ad quam physice, et ultimate disponit, nec cohæret cum peccato lethali; cuius neutrum attritioni competit. Si vero hæc accipiatur ut actu est pars Sacramenti, et cum illo concurrit ad effectum tum gratiæ, tum remissionis; in dubium etiam est uberiorum, ac sublimiorum fructum ex illa germinare, quam ex sola contritione. Et ideo potest dici esse melius, ac fructuosius remedium, subindeque modum importare perfectius pœnitendi, quam importet contritio adhuc cum voto Sacramenti. Hic tamen excessus sicut non provenit ab attritione, nisi ut conjuncta Sacramento, et est actu illius pars; ita non debet in ipsam refundi, sed in ipsum Sacramentum, quod manifestum est melius esse medicamentum peccati, quam sint, aut esse possint actus humani secundum se.

Unde infertur, quod licet absolute, et simpliciter consultius, ac subinde melius sit homini post peccatum incumbere eliciendæ contritioni, quam studere attritioni habendæ: tamen melius est homini cum sola attritione Sacramentaliter pœnitere,

Secunda refelli-tur.

Illiatio obser-vanda.

quam solum actum contritionis elicere absque receptione Sacramenti. Et ratio est ex dictis perspicua : quoniam illud est homini melius in ordine ad finem nancisciendi veniam, et restaurandi gratiam, quod est præstantius ad utrumque, ut ex ipsis terminis liquet : sed ad hoc præstat attritio cum Sacramento, quam sola contrito : ergo præstantior, ac melior est homini attritio cum Sacramento in re suscepito, quam sola contrito. Unde eluet aliud insigne beneficium, et par elogium Sacramenti Pœnitentiae. Cum quo rursus consonat, et optimè componitur satius esse homini accedere ad Sacramentum contritum, quam solummodo attritum ; quandoquidem uberiorem recipit gratiam, et ex duplice capite obtinet remissionem, titulo videlicet contritionis, et virtute Sacramenti; cum tamen quando accedit attritus dumtaxat eam recipiat ex opere operato, eo tamen majorem, quo intentior fuerit attritio ; quo enim major fuerit dispositio intra Sacramentum, eo ex opere operato majorem Sacraenta conferunt gratiam. Si autem contigerit, ut evenire potest, extra Sacramentum erumpere hominem in contritionem ferventissimam, et alterum attritione remissa Sacramentaliter absolvi ; in hoc eventu contritus præferendus est, utpote ex opere operantis recipiens gratiam intentiorem ea, quæ debetur ex opere operato cum attritione remissa accedenti ad Sacramentum. Quoniam Sacraenta semel atque causent proprium effectum, est ad instar causæ naturalis, quæ illum communicat juxta majorem, vel minorem dispositionem subjecti. Quare comparatio supra illata intelligi debet cæteris paribus, non vero quando paria non sunt, ut in hoc easu. Quod ideo corollarie appinximus, ut innotescat quantum intersit peccatori, quoties accesserit ad hoc Sacramentum (et eadem est de aliis ratio) conari ad majorem dispositionem : ne forte fisus in eo, quod Sacraenta ex opere operato causent gratiam, se ferventius disponere negligat, et non fructum, quem posset, e Sacramento percipiat.

Tertium
argu-
mentum.

247. Arguitur tertio: Nam Pœnitentiae præceptum solum posset obligare ex natura rei, vel propter instaurandam voluntatis rectitudinem, vel propter satisfactionem Deo exhibendam : ex nullo illorum capite obligat ex natura rei : ergo non est præceptum naturale. Probatur Minor, cui soli inesse potest difficultas : etenim ad ordi-

nationem voluntatis, ejusque rectitudinem sufficit cessasse a peccatis, et novam vitam inchoasse cum proposito deinceps recte operandi ; sicut enim prævi habitus acquirentur actibus sibi propriis, ita destruuntur actibus contrariis, et generauntur virtutes ; quin ex vi hujus amplius quid agere teneatur homo juxta illud : *Declinat malum, et fac bonum* : ergo ex primo capite non tenetur homo præcepto naturali Pœnitentiae. Nec etiam obligatur ex onere satisfaciendi : tum quia cui est impossibilis satisfactione condigna, est impossibilis obligatio satisfaciendi ; nam ad impossibilem non tenetur : sed homini est impossibilis condigna satisfactione pro peccato mortali, ut ex communi doctrina Theologorum tract. de Incarnatione debet supponi : ergo non tenetur naturaliter ad aliam. Tum etiam (et sequitur ex præcedenti) quia nulla hominis satisfactione obligat Deum ex justitia ad eam acceptandam ; sed eo ipso quod sit deficiens, potest illam respuerere, et erga hominem ut ipsi inimicum, et exosum se gerere : quocirca recurrere necesse est ad spontaneam, et omnino liberam Dei acceptationem. Sed acceptatio ita vel est ipsa lex positiva lata a Deo, vel illam in ipso supponit. Ergo obligatio prædicti præcepti necessario supponit legem positivam, ex qua proinde obligat, et non ex lege naturali.

Respondetur hoc argumento simile probari nulla lege naturali teneri hominem ad Pœnitentiam in communi, nec imperfectam, nec perfectam : quod tamen est falsum, et contra authorem sententiae impugnatæ, non negantem, quin supponit ut per se notum, teneri hominem lapsum in peccato ad aliquem satisfactionis modum in generali, et hoc ex lege naturali ; quamvis ad actum contritionis solum obligetur ex lege positiva. Unde vel inconsequenter arguit, vel suo argumento nihil probat, ut consequenti consideratione redditur manifestum. Quippe tota ratio excludendi contritionem a jure naturali, et juri positivo eam subigendi est, quia ejus satisfactione utpote deficiens non obligat, nec obligare valet ad eam ex parte Dei acceptandam : sed hoc etiam competit Pœnitentiae in communi, quæ homini est possibilis ; nulla namque puræ creaturæ Pœnitentia, aut satisfactione est condigna, aut æqualis pro offensa : nulla ergo pœnitentia, aut satisfactione erit ex jure naturali Deo pro peccato debita. Vel si aliqua ex predicto

Respon.
suo.

prædicto jure consurgit obligatio ad defi-
cienter saitem in communi satisfaciendum ;
nulla est ratio extrahendi ab eodem jure
contritionem, quia deficiens sit in ratione
satisfactionis. Quo discursu convulsa ma-
net doctrina Suarez idem re ipsa asserentis.

^{et Suarez.} ^{ejectus.} Unde ad argumentum in forma concessa
Majori, neganda est Minor, quoad utramque
partem, quia ex eodem jure tenetur homo
totum studium impendere in rectitudinem
propriae, ac deordinatae voluntatis,
et vitæ retro actæ detestationem cum pro-
posito in posterum non peccandi ; quippe
totum hoc est necessarium ad perfectam
contritionem, ut docet Trident. loco supra
citato cap. 4. Ad primæ partis probationem
constat ex supra dictis ad confirmationem
primi argumenti hujus sententiae : nam
licet deordinatio ex parte voluntatis pro-
xime ab actibus virtutum, emendari possit,
et ex hac parte non sit necessaria satisfac-
tio : quia tamen ad illos actus præsupponi
debet contritio, sicut et justificatio, sine
qua nequit voluntas ad pristinam reduci
rectitudinem ; idecirco adhuc ex hoc capite
consurgit obligatio contritionis, licet non
in ratione satisfactionis, bene tamen in
ratione dispositionis physicæ, et naturalis
gratiæ, qua media expeditur homo et
vires accipit ad incumbendum rectitudini
bonorum operum pro fine supernaturali
obtinendo.

Sed quia ultra illum deordinationem
superest reparanda injuria Dei ; adhuc est
titulus exigendi ipsam contritionem in
ratione satisfactionis pro illa, ad eamque
tenetur homo ex jure naturali satisfaciendi
læsionem a se injuste illatam : quippe
non aliam, aut majorem, aut meliorēm ex
sua specie potest exhibere. Cum ergo ex
jure naturali, ut adversarii docent, ad ali-
quam teneatur, manifeste sequitur esse
hanc, et non aliam. Et ad hujus improba-
tionem respondet, quod licet Deus non
teneatur ad acceptandam nostram satis-
factionem quia imperfectam, vel quia aliis
innumeris titulis debitam, non inde confi-
citur a jure naturali deobligari hominem
ab exhibenda qualicunque, vel imperfecta
compensatione. Aliud quippe est adhuc in
humanis debitorem teneri ex justitia na-
turali ad utcumque solvendum ; aliud vero
creditorem teneri ad solutionem inæqualem
acceptandam. Et primum bene stat, absque
secundo, et potiori jure tenere debet res-
pectu Dei, supremi Domini. Quare accep-
tionem divinam asserero legem positi-

vam, vel legi positivæ adjunctam pro
exigentia contritionis, est tam falsum,
quam voluntarium ; cum sit pura Dei gratiæ,
et supponat ex parte hominis obligationem
naturalem eam exhibendi, ut constat in cultu Religionis naturaliter Deo debito ;
cum tamen esse Deo acceptum non sit ex
ipsa Religionis lege, sed ex Dei benignitate.
Cui accedit divina promissio de accep-
tatione bonorum operum ex gratia fac-
torum, qua certificantur homines de Dei
complacentia. Et quoad actus Pœnitentiae
vel ex eo satis liquet, omissis aliis, quod
legimus Ezech. 23 : *Impietas impii non no- Ezecl. 23.*
cebit ei, in quacumque die conversus fuerit ab impietate sua. Et paulo inferius : *Si au- tem dixeris impio : Morte morieris : et egerit pœnitentiam a peccato suo : in mandatis vitæ ambulaverit, nec fecerit quidquam injustum, vita vivet, et non morietur.* Quare promis-
sio ista, si aliqua lex est, solum est accep-
tandi ex parte Dei, quamque sibi ipsi, ut
ita dicamus, imponit ; non vero est lex
exigendi pœnitentiam, sed eam supponit.

248. Quarto arguitur. Omnia præcepta
naturalia vel formaliter, vel saltem virtua-
liter continentur in præceptis Decalogi,
ad eaque ut conclusiones ad sua principia
revocantur, quoties in ipso Decalogo non
exprimuntur. Sed præceptum Pœnitentiae
non continetur expresse, et formaliter in
Decalogo ut liquet, nec ad aliquod ex illis
potest reduci : ergo non est præceptum
naturale, sed positivum. Cætera constant
præter Minorem quoad secundam partem,
quæ sic probatur : nam præcepta Deca-
logi sive ad primam, sive ad secundam ta-
bulam pertineant, solum continent illa
præcepta, quæ veluti conclusiones ex illis
legitime possunt deduci : non autem ex
aliquo illorum deduci potest legitime obli-
gatio contritionis ; licet colligatur obligatio
pœnitendi, ut per singula, discurrenti
constabit : ergo solum obligatio pœnitendi,
non vero contritionis cadit sub jure natu-
rali.

Ad hoc argumentum respondet Vega
lib. 13, in Concil. cap. 19, præceptum
contritionis reduci ad quintum Decalogi
præceptum de non occidendo, quo jubem-
mur non solum alienæ sed etiam propriæ
vitæ consulere non solum corporaliter, sed
et maxime spiritualiter : qui autem peccat,
se ipsum spiritualiter interficit, cum pec-
catum sit mors spiritualis animæ.

Hæc tamen solutio communiter displicet
aliis Theologis, et merito : est enim ut

Argui-
tar 4.

Prima
solutio.
Vega.

Displi-
cet.

inquit Nuno, nimis metaphorica allusio spiritualis mortis ad corporalem, quæ sola interdicta est illo quinto præcepto : nam mors spiritualis cuiuslibet alterius ex novo præceptis violationi impenditur : quocirca hac ratione posset etiam ad sextum, et nonum præceptum reduci, ut constat ex toto Oseæ libro, ubi sub fornicationis, et adulterii metaphora peccata populi describuntur, et sic de cæteris.

Ad hæc. Pœnitentia non est hominis ad se ipsum, sed hominis ad Deum, cui proinde, et non ipsi homini exhibetur satisfactione : ergo præceptum Pœnitentiæ subigitur alicui præcepto, quo inspicatur Deus, quod non competit quinto, in quo immediate solum prospicitur vita proximi. Adde secundo, quintum præceptum esse negativum, in quod subinde nequit affirmativum pœnitendi revocari.

Aliorum solutio est, præceptum Pœnitentiæ radicaliter contineri in præcepto charitatis, quod nullus negat; quippe hoc modo omnia alia præcepta in charitate, a qua tota lex pendet, et Prophetæ, tanquam in radice omnis justitiæ contineri debent, subindeque ex isto capite ad præceptum charitatis reduci possunt. Propterea addit hæc solutio (quæ fuit Suarez disp. 15, sect. 3, n. 14, in fine), hoc præceptum formaliter esse legem quandam justitiae naturalis, quæ reduci potest ad præceptum colendi, et honorandi Deum.

Suarez. Impugnatur. Sed nec hoc est veritati consonum. Quia enim ratione reducitur ad præceptum religionis, posset similiter ad præceptum obedientiæ : sicut enim peccato lauditur divinus honor, ita etiam ejus obedientia, ac subjectio violatur : nec minus consulitur supremæ legislatoris potentia pœnitendo, quam honori divino; ergo eadem prorsus ratione, qua hoc præceptum revocatur ad religionem formaliter, potest, et debet redigi in obedientiam,

Rursus. Titulus Religionis est adæquate diversus a titulo Pœnitentiæ, nec ille est radix, aut principium istius : ergo obligatio ad pœnitendum inepte subigitur oneri colendi Deum. Patet Consequentia : nam sicut conclusiones reduci nequeunt, nisi ad principia, in quibus specialiter continentur tanquam in sua causa, ita et præcepta naturalia non debent devolvi, nisi ad præcepta illa Decalogi, in quibus aliquo vero, et speciali modo continentur; alioquin enim quodlibet in quodlibet reduceretur. Antecedens vero constat ex saepius repetito

principio D. Thomæ in 4, dist. 14, q. 1, d. Thom. art. 1, quæstion. 5, quod aliter fiat homo Deo debitor ex ab ipso acceptis, quod pertinet ad Religionem, et aliter ex ab ipso ablatis, quod convenit Pœnitentiæ, et primum non infert secundum; quantumvis enim nunquam fuissent, nec essent peccata, adhuc esset superstes Religionis cultus, ut liquet in Angelis, et in Christo, in quibus viget obligatio Deum et honorandi, et colendi absque titulo, et obligatione satisfaciendi : non ergo hujus præceptum bene in illud diversum, et minime huic annexum revocatur.

Præterea, si ut asseritur in solutione, et bene, præceptum Pœnitentiæ formaliter est quedam lex naturalis justitiae, debet assignari ratio, quare formaliter, et immediate non devolvatur in ipsum præceptum naturale justitiae, et detorqueri in Religionem debeat, exclusa justitia. Quod tamen in hac solutione non præstatur. Nisi eo indicari velit præceptum religionis non esse distinctum a præcepto Pœnitentiæ, et e contra. Quod est falsius, cum sint diversæ virtutis, ut probatum reliquimus.

249. Tandem Vasquez q. 86, art. 2, dub. 2 et 3, affirmat hoc præceptum Pœnitentiæ re ipsa coincidere cum præcepto P. Vazq. charitatis, et ad illud immediate reduci ; eo quod actus specialis Pœnitentiæ ut importans speciale voluntatem compensandi, quo solum pacto est actus Pœnitentiæ, nec est necessarius ad salutem, nec cadit sub speciali præcepto. Odium vero peccati ut est Dei offensa, est actus charitatis, et ex hac tenemur ad diligendum Deum, et ad querendam ejus amicitiam, qua post peccatum ipsi reconciliemur.

Hæc tamen doctrina supra rejecta est; Rejicitur nam eo ipso, quod Pœnitentia est virtus adæquate distincta a charitate, cadere debet ejus actus sub speciali præcepto, ut nos docuit D. Thomas, et ratione ipsa convincitur. Nec est verius objectum Pœnitentiæ non esse peccatum sub ratione offensæ, ut constat ex dictis dnb. 2 hujus disputationis, ubi efficaciter ex D. Thoma id probavimus. Deviat tandem a veritate in eo, quod adstruit actum proprium Pœnitentiæ non esse ad salutem (saltem per se loquendo, dum adest peccati memoria) necessarium. Cujus oppositum satis clare, et efficaciter demonstrant Scripturæ, et Patrum testimonia supra allegata : et quidem si ita non esset, minus vere, nec bene consone Vasquez docuisset contra Joan.

Alia
solutio
ex
P. Sua-
rez.

Suarez.

Impu-
gnatur.

Alia
solutio
ex

multipli-
citer.

Joan. de Medina Pœnitentiam cadere sub jure naturali. Sub quo certum est non cadere ea quæ sunt consilii, et supererogationis, sed tantummodo ea quæ sunt simpliciter ad salutem necessaria. Præterea non bene asservisset num. 3, omnino falsam esse illius Authoris sententiam, quia nec prædictus Author, nec alius quis ausus fuit negare charitatis præceptum sub jure naturali contentum; quare dissidium solum versatur circa actum proprium Pœnitentiæ, ut est ab ipsa, et non a charitate, et hunc tenuit Medina sub præcepto positivo tantummodo comprehendendi; cum tamen P. Vasquez sub nullo contineri doceat. Si ergo omnino falsam existimavit, illius sententiam, eodem vitio laborat propria, ntpote magis a vero devians.

Præterquam quod non facile apparet, qua consequentia dub. 2, nuper allegato, n. 3, hæc asseruerit: *Necessario existimo dicendum actum Pœnitentiæ non tantum esse medium, eo modo quo explicavimus, sed etiam esse in præcepto, et illam omittere tempore debito erit peccatum speciale contra specialis virtutis præceptum.* Cum tamen dub. sequenti immediato, quod est tertium, num. 13, § est ergo, peccatum imponitentiæ constitut, non in omissione remedii ad salutem necessarii, ut videbatur consequens, supposito, ut supponit, virtutis specialis præcepto pro remedio salutis. Sed peccatum illud imponitentiæ constituit in omissione reconciliationis, et amicitiae Dei, quæ quidem omissio non opponitur actui Pœnitentiæ immediate, sed actui charitatis, cuius est omissio. Hæc sane inconsequentia videntur. Quocirca vel debuit negare non esse speciale præceptum de Pœnitentia, prout est virtus specialis, quod diserte affirmat in relatis ejus formalibus verbis: vel tenebatur asserere actum compensandi offensam, qui est actus proprius Pœnitentiæ esse sub præcepto, subindeque necessarium. Cum autem non cadat sub præcepto positivo, ut ipse met defendit contra Joannem de Medina, cuius sententiam existimat omnino falsam num. 3, dub. 2 sequitur necessario debere ad jus naturale reduci; non ea tantum ratione, qua præceptum charitatis juris est naturalis, sed et maxime quia præceptum speciale specialis Pœnitentiæ ad idem jus pertinere debet.

250. Porro ad radicibus evelendarum hujus authoris in hac parte doctrinam, quod supra § 2, num. 213, hujus dubii in

hunc locum remisimus, sufficiat in medium adducere rationem D. Thomæ 1, 2, quest. D.Thom. 100, art. 2, ubi interrogat: *Utrum præcepta naturalis legis sint de omnibus actibus virtutum, et præmissa distinctione virtutum humanarum, seu civilium, a divinis, seu supernaturalibus, ita de istis loquitur: Homo autem Deo conjungitur ratione, sive mente, in qua est Dei imago: et ideo lex divina præcepta proponit de omnibus illis, per quæ ratio hominis bene ordinata est: hoc autem contingit per actus omnium virtutum. Nam virtutes intellectuales ordinant bene actus rationis in se ipsis; virtutes autem morales ordinant bene actus rationis circa interiores passiones, et exteriores operationes. Et ideo manifestum est, quod lex divina convenienter proponit præcepta de actibus omnium virtutum.* Quæ ratio non tantum evincit existentiam specialis præcepti pro qualibet speciali virtute (alias non plura, sed unicum præceptum statuisse) S. Doctor; semel vero atque pro una adstruatur, debet admitti pro qualibet particulari; cum non sit specialis ratio, qua pro una militet, et non teneat in alia) verum et manifestat præceptorum convenientiam, ut scilicet homo recte sit ordinatus ad Deum in necessariis ad salutem. Inter quæ solum agnoscit discrimen § v expensum, quod quædam virtutes sunt simpliciter ad salutem necessariæ, et de his est præceptum pro qualibet illarum; quædam vero ad melius esse, de quibus est dumtaxat consilium. Unde subjungit immediate: *Ita tamen, quod quædam, sine quibus ordo virtutis, qui est ordo rationis, observari non potest, cadunt sub obligatione præcepti; quædam vero, quæ pertinent ad bene esse virtutis perfectæ, cadunt sub admonitione consilii.* Ex qua doctrina colligitur tam verum esse quilibet actum virtutis specialis cadere sub speciali præcepto distinto ab aliis, quam verum sit nullum actum consilii sub præcepto contineri. Unde qui docuerit Pœnitentiam esse virtutem specialem ab omnibus aliis diversam, ut docuisse vidimus prædictos autores; vel negare debet expressam, et claram D. Thomæ sententiam, vel debet affirmare ejus actum sub præcepto naturali comprehendendi. Cum autem ex eodem S. Doc- D.Thom. tore insuper clare liqueat actum contritionis esse actum proprium virtutis Pœnitentiæ, nec ad charitatem, aut alias virtutes proxime, et immediate, nisi ut ad imperantes, et dirigentes, pertinere posse,

ut evidenter ostendunt testimonia in hac disputatione relata; necessario consequitur aliud esse præceptum charitatis a præcepto contritionis. Unde solum explicandum superest, ad quodnam ex præceptis Decalogi debeat reduci, ut ad sui radicem, juxta D.Thom.

Vera solutio. id quod de aliis præceptis docet D. Thomas 1, 2, quæst. 100, art. 3 et 11, in quibus explicatur doctrina argumenti.

Rejectis igitur his, et aliis solutionibus omissis, quibus argumentum facile interminabile redditur, vera illius enodatio est, quam tradunt ex discipulis D. Thomæ Cano, uterque Soto, Nuno, Arauxo, Gonet, et alii plures, videlicet præceptum Pœnitentiæ, quæ est potentialis justitia, ut supra ostendimus, immediate ad præceptum justitiæ erga Deum pertinere : et quia præceptum justitiæ erga Deum remote tandem, ac radicaliter reducitur ad primum Decalogi præceptum a quo ortum dicit, idecirco præceptum naturale Pœnitentiæ continetur in hoc sensu sub primo Decalogi præcepto. Et ratio est : nam in eo quod Deus sit super omnia diligendus, fundatur nullam illi injuriam esse irrogandam, eamque semel illatam fore faciendam actu aliquo de se in id ordinato : sicut ex eo quod proximus, sicut nos ipsi sit diligendus, colligitur non illi aliquam injuriam esse inferendam, juxta illud primum principium. *Quod tibi fieri non vis, alteri ne feceris* : quocirca si aliqua inuri proximum contigerit, ex lege immediata justitiæ, in lege tamen charitatis fundata, tenemur ad compensandam, et resarcendam injuriam. Et eadem ratio est hominis ad Deum, ubi splendet major charitatis obligatio, et consequenter strictior justitiæ ratio ad exigendam nostram qualemcumque satisfactiōnem. Unde ad formam argumenti, negatur Minor quoad secundam ejus partem, et ad hujus probationem constat ex modo dictis, quomodo præceptum justitiæ supponat obligationem charitatis, quæ est omnium prima, et aliarum obligationum radix; quo-circa præcepta fidei, et spei in omni sententia, et ob eandem rationem in primum etiam Decalogi præceptum reduci debent. Sed ut prædicti præcepti radicem omnimodam aperiamus, sit

§ VIII.

Quot sint obligationis capita in præcepto Pœnitentiæ.

254. Occasione ex tradita solutione Præcepti sumpta, non immerito, nec abs re posset quis dubitare, an obligatio prædicti præcepti oriatur unice ex motivo satisfaciendi ; vel supersint alia hoc motivum comitantia, et ad pœnitentiam inducentia ? Et quia res est, non tam discussione longa, quam explicatione indigens, breviter eam absolvemus. Convenit itaque inter Doctores, tam intra, quam extra scholam D. Thomæ : quos refert et sequitur Martinez de Prado, in præsenti quæst. 2, de Necessitate contritionis dub. 1, § 4, præceptum contritionis obligare non solum titulo justitiæ erga Deum, cui fieri debet satisfactio, sed etiam ex aliis capitibus. Ex quorum quolibet specialis desumitur ratio pro existentia præcepti naturalis Pœnitentiæ. Primum ergo caput est charitatis, non tantum qua Deum tenemur diligere, de quo supra; sed qua homo seipsum diligere debet, et propicere bono proprio non tantum corporis sed et maxime animæ : sed peccator non potest consulere bono spirituali proprio, nisi media contritione, qua resurgit a morte peccati ad vitam spiritualem gratiæ : ergo non solum ex justitia, et charitate ad Deum, sed etiam ex charitate ad seipsum tenetur ex jure naturali ad contritionem. Si enim amicabilis ad alterum teste Philosopho, ortum debent ducere ex amicabilibus ad se, et charitas bene ordinata incipit a se ipsa, ut est commune proloquo ; non cohæret multoties teneri hominem ad alteri ex charitate subveniendum, in gravi, et urgenti periculo vel corporis, vel animæ et non ex eadem radice teneri ad sibimet succurrendum in æquali periculo ejusdem mortis spiritualis.

Et sane mirum esset hominem ad alterius salutem vel reparandam, vel servandam ex præcepto fraternali charitatis obligari, et deobligatum mansisse ad idem pro ipso ex eadem charitate : et quod tenet principium illud juris Canonici cap. 1, 83, dist: *Mortem enim languentibus probatur infligere, qui hanc, cum potest, non excludit; quin circa seipsa non currat eadem obligatio, cum scriptum sit: Quid prodest homini, si universum mundum lucretur, animæ vero suæ detrimentum patiatur.* Jus canonie

tur. Quocirca tract. de charitate disp. 3, dub. unico, § 3, consecr. 2, n. 20, cum communi Theologorum doctrina statuimus ex charitate magis teneri hominem ad seipsum diligendum, quam proximum : quippe mensura diligendi alterum est propria dilectio juxta illud Matth. 22 : Diliges proximum tuum, sicut te ipsum : ergo ex eadem provenit radice, quod teneatur ad penitendum.

252. Secundum caput ex quo homo post peccatum devincitur ad contritionem, ortum dicit ex misericordia circa seipsum, ut constat ex illo Ecclesiast. 30 : Miserere animæ tuæ placens Deo, et confine, et congrega cor tuum in sanctitate. Cum enim ex peccato mortali innumera mala homini obveniant, tam intrinseca, quam extrinseca, quæ enumerare vix potest humana ratio : et de pristino gratiae statu in hunc miserrimum se dejectum ob peccatum agnoscat homo, nequit non, si sui est compos, ex hac sui miseria excitari ad quærendum pœnitentiæ remedium, quo solo amissa dona potest restaurare, et a laqueis, quibus est irretitus, se expedire. Unde D. Thomas art. 5 ad 2 superioris quaestionis, inquit : Requirit etiam ipsa misericordia, ut homo subveniat pœnitendo suæ miseriz, quam per peccatum incurrit.

Ex quibus sic formatur ratio, qua convincitur hominem ex misericordia ad seipsum teneri ad pœnitentiam. Nam lege naturali misericordiae tenetur homo ad subveniendum pauperi graviter indigenti, in illo ordine, in quo urgeat necessitas, si ex tali opere, æquale, apt gravius damnum ipse non patiatur : sed homo sub peccato constitutus gravissime indiget, cum sit in summa omnium miseria, quæ in hac vita esse possunt : ergo illi subveniendum est meliori modo quo sit possibile, dummodo nullam inde consurgat nocumentum, quod non suboriri est manifestum. Melior autem imo et unicus modus subveniendi est Pœnitentia. Ergo ad hanc tenetur homo ex lege misericordiae ad seipsum ; prior enim titulus est sui ipsius, quam aliorum, miserandi. Quo respiciens D. Augustinus lib. 21 de Civit. Dei, cap. 27, ita intulit : Qui ergo dignas pro suis peccatis eleemosynas facit, prius eas facere incipiat a se ipso. Indignum enim est ut in se non faciat, qui facit in proximum. Nec dissimilis fuit sententia D. Gregorii lib. 19 Moral. cap. 20 : Scriptum (inquit) est enim miserere animæ tuæ placens Deo. Qui ergo

misereri vult proximo, a se trahat necesse est originem miserendi. Scriptum est enim, diliges proximum tuum, sicut te ipsum. Quomodo ergo alteri miserendo pius est, qui adhuc injuste vivendo fit impius sibi etiam ipsi. Unde necessario consequitur ex eadem lege misericordiae, qua quis alteri suffragari tenetur in gravi animæ, aut corporis periculo, teneri, et sibi ipsi subvenire in eodem periculo laboranti. Manet ergo perspicuum constringi hominem post peccatum præcepto Pœnitentiæ ex his quatuor præcipue capitibus, nimis ex titulo justitiae, charitatis erga Deum, charitatis erga se ipsum, et misericordiae, quidquid sit de aliis, quæ nec excludimus, nec assignamus, ne in longum abire videamur.

253. Sunt tamen duo enodanda, quæ assertam veritatem obnubilare videntur. Primum est repugnantia in objecto. Nam unicus actus nequit nisi sub unico motivo elici a virtute : sed actus Pœnitentiæ, ad quem ex jure naturali tenetur homo, est unicus, et indivisibilis actus : ergo nequit a Pœnitentia elici, nisi sub unico, et sibi proprio motivo, quod est justitiae, non vero charitatis, apt misericordiae. Minor constat, si quidem contritio est unicus actus in specie athoma.

Et confirmatur. Nam vel ea plura motivata assignata concurrunt per modum unius, vel per modum plurium. Neutrum potest affirmari : ergo non datur, nisi unicum motivum illius præcepti. Probatur Minor : quoniam si ut plura se haberent, necessario inferrent pluralitatem actuum, hi quippe multiplicantur ad multitudinem motivorum, ut ex se, et inductione constat. Si vero concurrunt ut unum, jam non sunt plura motiva, sed unum ; quia ubi sunt plura propter unum, non tam dicenda sunt plura, quam unum, ut est satis notum principium a D. Thoma non semel inculcatum. Et hoc posito adhuc restat explicandum quodnam sit illud unicum motivum, quæ illa ratio, in qua adunantur, et sub qua indivisibiliter obligant ex eodem jure naturali ad contritionem.

Secundum quod obstare videtur, desumitur ex inconvenienti, quod sequitur ex tot motivis assignatis, nimis quoties omittitur actus præceptus Pœnitentiæ, plura peccata committi ; siquidem violato Pœnitentiæ præcepto, omnia illa motiva simul violari necesse est : ergo et quod committantur diversa peccata, nedum numero, sed specie diversa. Probatur Conse-

Duo in
contra-
rium
militan-
tia.

Primum.

Secun-
dum.

quentia : quia peccata multiplicantur ad multiplicationem præceptorum ex parte motivorum ; ita quod si præceptorum motiva sint diversa, diversa etiam sint peccata, ut ex communi sententia docuimus tract. 13 de Peccatis disp. 8, dub. 2 ; sed in nostro casu tam motiva, quam præcepta sunt diversa ; quippe aliud præceptum, et motivum est præceptum, et motivum justitiae a precepto, et motivo vel charitatis, vel misericordiae, et concernunt distinctas specie virtutes.

Objecta
dissipa-
tur.

254. Neutra tamen harum objectionum obest. Ad primam respondetur, distinguendo Majorem : Nequit elici, nisi sub unico motivo proxime, et immediate, conceditur : mediate, et remote, negatur ; et concessa Minore, sub eadem distinctione concedenda, et neganda est Consequentia. Ex quo nihil sequitur contra nos : quia sicut non inconvenit eundemmet actum contritionis elici a Pœnitentia ex motivo sibi proprio justitiae, seu compensationis, et simul ex motivo remoto et mediato dilectionis Dei, a qua imperatur, ut est doctrina expressa D. Thomae art. 4, hujus questionis sol. ad 1, ita bene cohæret ipsammet contritionem oriri immediate a Pœnitentia ex motivo resarcendi injuriam divinam, et simul ex aliis motivis et charitatis, et misericordiae in seipsum. Et ratio est eadem utrobique : quia virtus imperata procedit ex motivo imperantis, et ex motivo sibi proprio, et collimat ut in scopum in duplicum finem, et proprium, et a virtute superiori exactum ; ita tamen quod finis proprius est sibi intrinsecus utpote propria virtute attactus ; alter vero est veluti alienus, et quasi extraneus, quocirca dicitur, et est, mediatus, et remotus ; eo quod non illum attingit virtus, nisi medio proprio actu, et consequenter media attingentia proprii objecti, aut finis : non enim extrahitur virtus a propria specie, per hoc quod ab una, vel pluribus virtutibus imperet. Sicut ergo inter virtutem Pœnitentiae, et charitatem talis reperitur conexio, quod sint inseparabiles ex natura rei, ut supra statuimus cum D. Thoma, ideoque nequit salvari actus contritionis, qui non supponat charitatem, ejus actum, et simul imperium ; quin hoc sit inconveniens, vel absurdum ; sed potius id virtutes, et earum actus necessario sibi vindicant, ac jure postulant. Haud dissimiliter semper atque homo elicit actum contritionis, ex parte ipsius operis procedit ex

motivo charitatis, nec non misericordiae ad se ipsum.

Diximus, *ex parte ipsius operis*, ut excluderemus finem operantis quia non semper est necessarium, quod reflexe advertat ad obligationem, seu titulum charitatis, aut misericordiae erga se ipsum : sed sufficit attingentia exercita ad finem proximum compensationis, sub imperio charitatis ad Deum in quo virtualiter continetur amor sui ipsius, et proximi. Videatur D. Thomas 2, 2, q. 4, art. 3, ubi docet unum actum a diversis habitibus informari posse, et consequenter ad diversas species ordine quodam reduci.

Ad confirmationem respondetur motiva ^{Fit sati-} illa esse quidem plura, sed ordinem inter ^{confirma-} se habentia, quod est esse subordinata. Nam primum eorum, et universalius, et perfectius est Deus super omnia diligendus, a quo ortum dicit obligatio satisfactionem ipsi læso exhibendi, et bono proprio animæ ex charitate, et misericordia consulendi media satisfactione Deo exhibita : quippe illa non tantum cedit in bonum, ut ita dicamus, Dei, sed etiam in utilitatem propriam. Unde non sunt plura, ut plura, quo solum pacto exigent diversos actus, sed plura subordinata, et quæ in eundem compensationis scopum collimant ex diversis capitibus uni ultimo, et supremo subordinatis. Consulatur D. Thomas 1, 2, ^{D. Thom} quest. 17, art. 4, ubi explicat qualiter actus imperans, et imperatus sint unum, vel plura.

255. Ad secundum inconveniens negatur sequela : quia per se loquendo, dum urget præceptum Pœnitentiae, et violatur per omissionem, solum committitur unicum peccatum impœnitentiae formalis, ut supra diximus. Nec hujus oppositum suadetur inducta probatione, aut doctrina in ea allegata ex dictis loco ibi citato. Tum quia sola diversitas præceptorum non sufficit ad diversificanda peccata, ut ibi statuimus § 1, num. 26 ; sed requiritur diversitas ex parte rei præceptæ, ut expendimus in secunda illius dubii assertione num. 28. In præsenti autem non est diversitas ex parte rei præceptæ, cum sit idem indivisus contritionis actus, in cuius elientiam omnia illa motiva conspirant cum subordinatione indicata. Tum etiam, quoniam, ut ibi in fine illius paragraphi observavimus, peccata non multiplicantur penes motiva adhuc intrinseca, nisi quando immediate, et proxime proceditur contra illa motiva ;

^{Dicitur}
^{objec-}
^{tio 2.}

motiva; secus vero quando solum immediate violatur unicum præceptum, et mediate aliud, ut constat inductione; alioquin enim in quolibet peccato committeretur peccatum inobedientiae formalis, et sic de reliquis virtutibus, contra quas mediate, et indirecte agitur peccando; nec aliquis esset actus peccaminosus, qui non esset specialiter contra charitatem; cum constet eam quolibet peccato mortali amitti, et contra ejus præceptum mediate, et indirecte procedi, cuius oppositum debet esse certum. Quamvis ergo actus Pœnitentiae a pluribus virtutibus imperari possit; non idcirco quoties violatur ejus præceptum, tot peccata committuntur per se loquendo, quod esse potenter præcepta illum imperantia: quia sicut ille actus non habet adhuc a pluribus illis virtutibus imperatus, nisi unicum, et formale motivum proximum, ex quo elicetur, cæteris extrinsece, et mediate se habentibus: ita omissio prædicti actus non opponitur directe, et formaliter, nisi actui, cuius est omissio; cæteris vero solum ex consequenti, et mediate. Unde solum contrahit specialem ex speciali oppositione ad propriam virtutem.

256. Ut vero solutionem utriusque objectionis, quam licet non ita expensam, tradidere Nuno, et Magister Cano, quem refert, et sequitur Martinez de Prado, ubi supra, et scitu dignam pro aliis materiis arbitramur, altius callere possit Lector, animadvertere necesse est aliud esse diversas radices ejusdem præcepti, et aliud diversa formaliter præcepta; stat enim unum sine alio, ut liquet in præcepto Religionis, quo constringimur ad Deo præstantum cultum, et quia supremus Dominus, et quia beneficus, et quia excellens supra modum in omni perfectione; quod præceptum tamen unicum est, et tituli innumeri. Quamobrem dum violatur præceptum Religionis, non multiplicantur peccata juxta numerum titulorum, ex quibus a nobis cultum extorquet, sed unum tantummodo perpetrari certissimum est. Quamvis ergo ut devinciamur ad poenitendum sint plures tituli, ex quibus oriatur unica, et indivisibilis obligatio; non tamen consurgit nisi unicum, et indivisible jus, et consequenter unicum dumtaxat præceptum.

Cujus, si velis, ulteriore rationem, duplex est. Prima, quam tradidimus loco in prima objectione citato § 3, n. 39, quoniam pro materia propria unius indivisa-

virtutis, non plura, sed unicum præceptum affirmativum debet dari: sed materia propria præcepti affirmativi Pœnitentiae est actus contritionis ex charitate faciens; super hanc enim cadit immediate hujusmodi præceptum: non est ergo nisi unicum, et indivisibile. Majorem expendimus, et probavimus in prædicto loco ab exemplo omnium aliarum virtutum, de quorum actibus non datur, nec hactenus est assignatum, nisi unicum, et naturale præceptum affirmativum. Quod verum est non solum in præceptis virtutum Theologalium, sed etiam tenet respectu virtutis infusæ, et acquisitæ, de quibus non datur duplex præceptum, sed unicum, quod supposita elevatione, et notitia illius sufficienter adimpletur mediis actibus supernaturalibus; quin ad horum præsentiam sint necessarii actus pure naturales. Quia vero contingit ignorantia, aut nescientia elevationis supernaturalis, ob quam communiter Theologi cum D. Thoma dari docent in fideles negative, in his viget obligatio actuum naturalium, et ad minus tenentur ad diligendum Deum authorem naturæ dilectione pure naturali, de qua obligatione redduntur concii ex ipso rationis dictamine. Ad quam tamen non obligantur per se primo illi, in quorum notitiam venit tum elevatio, tum auxiliorum divinorum promissio, sed satisfaciunt præcepto amoris supernaturali studentes. Unde aliquæ objectiunculae manent occlusæ, et ostenditur perspicue non plura, sed unicum Præceptum naturale consurgere ex omnibus illis titulis assignatis.

257. Nec inde inferas (ut aliam objec- Praeoccu-
tionem præcidamus) supposita elevatione præceptorum materiam, qui sunt virtutum actus, esse supernaturalem; quia id solum est verum in virtutibus per se infusis, quæ non attingunt actus naturales, nisi ut regulatos lumine, seu ratione supernaturali; secus vero accedit virtutibus per se acquisitis, quarum materia, et actus sunt quid naturale, licet imperari possit a virtute supernaturali, et in proprium finem dirigi: et de facto ita accedit homini existenti in gratia, ut tract. de Merito late prosecuti sumus.

Nec hinc rursus inferas (ut alteri replicæ occurramus) duo hic esse præcepta, naturale, et supernaturale: quod esse videtur contra nuper in hac ratione dicta. Nam hæc illatio nulla est: siquidem illud idem præceptum, quod secundum se con-

cernit materiam, et finem solum naturalis virtutis acquisitæ, atque ideo est præceptum naturale; ex directione virtutis infusæ se porrigit ad finem supernaturalem, et in hoc ordine etiam viget, ut constat ex supra dictis; et liquet in ipso actu virtutis acquisitæ, utputa temperantiæ, qui quidem ita procedit ab hujusmodi virtute, ut non positive excludat, quin admittit posse ordinari ad prædictum ordinem medio imperio virtutis infusæ. An vero idem dicendum sit de præceptis negativis in materia virtutum, quod non sit nisi unicum, constat ex dictis loco citato de peccatis, quæ recolenda sunt, cum toto illo dubio.

Nota.

Addimus vero pro majori hujus replicæ præoccupatione, quod licet admitteremus gratis duplex præceptum, alterum naturale pro actu virtutis acquisitæ; aliud vero pro actu virtutis infusæ, nullum inde trahetur argumentum ad Pœnitentiam, et ratio disparitatis est perspicua: quia licet virtus infusa, et acquisita versentur circa eamdem materiam materialiter sumptam, differunt vero quamplurimum in ea formaliter accepta; nam materia v. g. Temperantiæ acquisitæ, est exempli gratia, cibus ut regulatus per prudentiam pure naturalem, et in ordine ad finem pure naturalem, sistendo ibi: materia vero temperantiæ infusæ est ipse cibus ut cadens sub Prudentia supernaturali, et cum ordine ad eundem finem; inter quas materias nequit non esse formalis distinctio, quantumvis sit idem materialiter cibus. At vero in Pœnitentia non est nisi unica materia, nimirum actus contritionis, isque quoad substantiam supernaturalis, ut ostendimus supra: et consequenter non est, aut esse potest, nisi unicum naturale præceptum; ex diversis illis cibis ejusdem ordinis.

Aliud resolu-
tionis moti-
vum.

258. Secunda ratio ad idem intentum est hujusmodi. Nam præcepta fundantur in necessitate, et conductientia actuum virtuosorum ex parte finis, non aliter consequendi, quam mediis illis. Quod vero prædicti actus imperentur vel non imperentur ab aliis virtutibus provenit ex ipsa connexione virtutum inter se, et hæc supponitur ad præceptum. Unde alia est ratio præcepti, et alia imperii. In cuius evidentiis signum non desunt graves Theologi, quibus non arridet verum imperium unius virtutis in aliam, sed solum admittunt Metaphoricum, et ad summum morale; qui tamen negare non audent, nec possunt,

præcepta naturalia pro actibus virtutum. Quod ergo actus Pœnitentia possit imperari a pluribus virtutibus, non infert sub pluribus cadere præceptis immediate, et consequenter nequit infertur in omissione Pœnitentia, plura, quam unum, peccata committi. Quandoquidem pro priori ad præceptum jam ex parte ipsius materiæ præcedit exigentia imperii vel ab una, vel a pluribus virtutibus; quocirca præceptum supervenit, et quasi format actum, et omnes ejus exigentias, et consequenter salvatur has esse in ordine ad plura, cum quibus sit connexio, et quod præceptum superveniens sit unum, ut Pœnitentia est una, licet cadat supra plura peccata, quorum quolibet terminare posset specialem Pœnitentiam, si ab aliis sejunctum reperiatur, ut non semel accidit separari.

259. Sed hinc vires colligit opposita sententia, et obficere potest: si nedum ex justitia, sed etiam ex charitate, et misericordia obligaretur homo ad Pœnitentiam in sensu explicato; conficeretur inde solo charitatis actu, vel misericordiæ, satisfacere hominem præcepto Pœnitentia. Consequens non cohereret cum hactenus dictis. Ergo vel falsa sunt, vel saltem erit falsum tot ex assignatis motivis concurrere ad obligationem Pœnitentia. Sequela Majoris probatur: nam quoties in uno, et eodem præcepto concurrunt diversa motiva, ex quolibet eorum atque actus præceptus mandetur executioni, adimpletur præceptum, ut patet; sed ad præceptum Pœnitentiae concurrunt motiva Charitatis, et misericordiæ erga se ipsum; ergo ex quolibet harum virtutum motivo eliciatur actus Pœnitentia præceptus, adimplebitur præceptum Pœnitentia; subindeque solo Charitatis, aut misericordiæ actu illi satisfaciет.

Ex quo rursus sequitur actum formalem, et expressum Pœnitentia, non esse sub præcepto naturali determinate; sed vago, et confuse. Quod, et nihil aliud intendisse videntur Joannes de Medina. Suarez, Vasquez, et alii supra impugnati. Hæc secunda subillatio constat ex prima: nam quoties aliquis actus solum exigitur confuse, indeterminate, et quasi vago; nullus in particulari est determinate necessarius, et Consequentia a termino vago, et confuso ad determinatum est nulla vel apud ipsos Logicæ Tyrone; et eadem ratio est de exigentia, seu obligatione præcepti, ut ex terminis liquet: ergo si vel Charitatis, vel misericordiæ

misericordiæ actu erga se ipsum fit satis præcepto Pœnitentiæ; actus formalis, et expressus illius minimè erit necessarius nec necessitate medii, nec necessitate præcepti naturalis.

Non (inquam) obest, quod ita inferas, sed magis deserbit ad ostendendam veritatem doctrinæ, quam ad eam vel falsitatis, vel inconsequentia redarguendam. Unde negatur sequela, ut male illata ex traditis principiis. Nam aliud est, quod Charitas ad Deum, et ad seipsum, necnon misericordia sui ipsius ex proprio harum virtutum motivo, debeant concurrere impetrando, et dirigendo Pœnitentiam, ut se exerat in actum proprium ut a se ipsa eliciendum ex motivo immediato compensandi, et satisfaciendi : aliud vero quod ipsi actus vel Charitatis, vel misericordiæ soli sufficient ad pœnitendum, sive ut adimpleatur hujusmodi præceptum. Primum est verum, et concedimus, ac concedunt non solum discipuli D. Thomæ, sed et exteri, ut est videre apud Arauxo in præsenzi quæst. 86, art. 2, dub. 2, num. 16 referentem D. Bonavent. Ricard. Cordubam, Vegam, imo et ipsum Suarez disp. 9, sect. 1. Secundum vero est falsum, et omnino negandum ob supra facta argumenta. Si enim per unius virtutis actum, alterius virtutis præceptum affirmativum adimpleretur; et superfluerent plura præcepta, et haec non fuissent imposita determinata pro actibus specialibus virtutum, quorum quodlibet est falsitati obnoxium. Quis enim neget, urgente præcepto justitiae, ei minime fieri satis obedientiæ, aut alterius virtutis actu? Et sic de reliquis. Et ratio a priori constat ex supradictis: nam præceptum Pœnitentiæ obligat ad satisfactionem ex parte creaturæ exhibendam, licet cum ordine ad Charitatem, et alia motiva extrinseca: actus autem vel Charitatis, vel misericordiæ, aut cujuslibet alterius virtutis non importat rationem satisfactionis ex ipsa virtute, a qua mediate, et elicitive procedit; cousequenterque nec actus imperans: sed ut eam sortiantur rationem, debet intervenire Pœnitentia; cuius actum imperant, et habent pro objecto. Quare si prædictæ virtutes concernunt aliquiliter satisfactionem, solum est objective, et ut eliciendam a Pœnitentia, non vero elicitive, nisi prius ab ea imperentur. Et hoc modo per actus omnium virtutum satisfactionem præstare possumus, quatenus omnium virtutum

exercitia trahuntur ad finem Pœnitentiæ ex ejusdem imperio. Sicut enim nullius virtutis actus aliquid Charitatis habet ex sua specie, sed emendicat ab eadem ex subordinatione ad ipsam, et ejus imperium, non ab aliam rationem, nisi quia ipsa est Charitas essentialiter; cæteri vero virtutum actus participative: ita e converso quia Pœnitentia est sola justitia hominis ad Deum ad extingenda peccata, nec aliae virtutes, nec ipsa Charitas superinduunt satisfactionis rationem, nisi ex motivo Pœnitentiæ: sicut neque est vera Pœnitentia absque subordinatione ad Charitatem: ea quippe est virtutum annexio, et concatenatio, ut se mutuo foveant, et invicem pendeant.

Unde manet perspicua falsitas illationis factæ, et ejus probationes dirutæ sunt. Ad earum formam p̄ætermissa Majori in sensu, quem verba sonant, quod ejusdem actus sint plura motiva, et quod nullum determinet: a cujus examine abstinemus, distinguenda est Minor: *Concurrunt motiva charitatis, et misericordiæ, ut propria, et immediata ipsius Pœnitentiæ, negantur, ut extrinseca, et remota, ex subordinatione ad alias virtutes, quam nata est habere: conceditur, et negatur Consequentia ob implicationem importatam: quia nequit Pœnitentia ex motivo alieno, et extraneo elicere actum proprium, quin prius, et immediatus attingat motivum intrinsecum; alioquin enim esset, et non esset actus Pœnitentiæ, ut consideranti constabit. Unde fallit secunda Consequentia, quia præcepto Pœnitentiæ nequit fieri satis solo actu Charitatis, sicut nec hujus præcepto solo Pœnitentiæ, aut alterius virtutis actu. Quod enim (ut latenter replicam obruamus) actu supernaturali naturale præceptum adimpleamus, provenit, ut supra diximus, et latius loco ibi citato de Peccatis expendimus, ex eo, quod præceptum naturale non urget ad præsentiam præcepti supernaturalis urgentis, sed supprimitur, et quasi consopitur minor obligatio ad præsentiam majoris. Et rursus est eadem materia ejusdem præcepti: et hoc non habet locum in casu objectionis, in quo est diversa materia ex diversis virtutibus regulanda. Hinc subversa est altera sequela priori annexa, utpote quæ procedit ex suppositione primæ, sine qua destituitur viribus, quin opus sit illi enodandæ insister.*

Ulterior
objectio-
nis dilu-
tio.

§ IX.

Consecrarium notatu dignum.

Pro
præcepto
Pœnitentia
non
sufficit
actus
Charitatis.

Soto.
Cano.
Nuno.
Viguerius.
D. Bonaventura.
D. Bo-
nav.
Durand.
Ricard.
Corduba.
Vega.
Suarez.

Funda-
mentum.

260. Ex dictis in hoc dubio satis clare deducitur, instante præcepto Pœnitentia, nec sufficere solum actum Charitatis ad observationem hujus præcepti, nec posse illius loco substitui. Hoc consecrarium, quod statuimus contra Suarium, Vasquium, et eorum sectatores, sustinent, et docent communiter discipuli D. Thomæ, uterque Soto, Cano, Nuno supra relati, Viguerius in summa cap. 16, § 1, et ex aliis D. Bonaventura in 4, dist. 17, in secunda illius parte art. 1, quest. 1. Durandus ibidem. Ricardus art. 2, quest. 3. Corduba lib. 1, summæ quest. 2. Vega ubi supra. Pro quo Arauxo in præsenti loco supra citato refert eudem Suarium disp. 9, sect. 1, ubi docet per se loquendo absque actu formalis Pœnitentia peccatum non remitti, nec aliter salvari testimonia Scripturæ, et Patrum, quæ ibi ad intentum expendit. Quod an cohæreat cum his, quæ postea docuit disp. 15, alii judicent.

Et sane in legitimo sensu a nemine negari posse credimus, juxta veram doctrinam in hoc dubio stabilitam. Supponitur itaque ex parte præcepti urgentia; quia cum sit præceptum affirmativum, dum hic, et nunc non urget, minime obligat; et consequenter exercite non extorquet sui observationem, ut commune est omnibus aliis præceptis affirmativis, utpote semper, sed non pro quolibet instanti obligantibus. Etiam debet supponi ex parte hominis advertentia ad præceptum, et ad ejus obligationem: si enim alterutrius, vel utriusque sit oblivio inculpabilis, sicut cessat vinculum obligationis, ita et onus observandi præceptum; hoc enim non cognitum, sicut non promulgatum, non obligat, aut vincit ad sui observantiam. Utraque ergo conditione stante, asserimus, et ex dictis deducimus, nec satisfieri illi præcepto per solum actum Charitatis, nec hunc posse elici, quin adsit actus formalis, et expressus Pœnitentia. Secunda Corollarii pars dependet ex veritate primæ, quam probare testimonia Scripturæ supra relata, videtur perspicuum. Si enim alio, quam Pœnitentia actu per se loquendo, satisficeret ipsius præcepto; non esset, cur ita commendaretur onus pœnitendi; si quidem cum aliter quam pœnitentia posset

peccatum remitti, et homo ad pristinam amicitiam Dei revocari.

Deinde suadet ex illo Ecclesiastici 2: Eccles. 2: 13
Si Pœnitentiam non egerimus, incidemus in manus Dei, et non in manus hominum. Unde Apocatypsis 1, comminatur Deus peccatorem: *Memento, unde excideris, et age pœnitentiam; sin minus, veniam ad te cito.* Quæ, et alia similia verba satis frequentia in sacra Pagina intelligi debent de Pœnitentia, quæ vinciat, et obliget hominem, ut liquet. Non autem vincitur homo ad Pœnitentiam, dum ejus præceptum non obligat. Ergo instante obligatione præcepti, tenetur homo ad Pœnitentiam, nec aliter huic præcepto satisfaciët, ut disertis verbis affirmant SS. PP. Augustinus de remedio Pœnit. cap. 5, inquiens: *Non satis est mores in melius mutare, sed oportet satisfacere etiam Deo per Pœnitentia dolorem.* Cyprian. lib. de lapsis, ait: *Illi sola superest pœnitentia, quæ satisfaciat. Qui autem Pœnitentiam criminis tollunt, satisfactionis viam claudunt.* Idem docent Gregorius pluribus in locis passim obviis, Chrysostom. hom. 10 et 11, super Matth. Ambrosius lib. 5, Epist. 28. Justinus Martyr dialogo contra Triphonem: quos omnes fuisse locutos de Pœnitentia formalis, et non virtuali, eundemque sensum deferri debere testimonii sacrae Scripturæ, docet Suarez disp. 9, sect. 1, n. 4.

261. Ratio sumitur ex dictis. Quia non satisfit virtutis præcepto, nisi per formalis, et expressum actum ipsius virtutis; hic enim solus est, qui præcipitur, et non alius diversæ virtutis, qui cadit sub alio præcepto. Sed actus Charitatis non est formalis, et expressus actus Pœnitentia virtutis, ut probatum relinquimus, alias confuderentur haec virtutes. Ergo per actum solius Charitatis non potest satisfieri præcepto Pœnitentia. Ut ergo observetur speciale præceptum hujus virtutis, necessarius est actus formalis, et expressus illius.

Confirmatur præoccupando objectionem, ex doctrina Suarez ubi supra num. 13, assert. 4. Nam ut formaliter, et expresse observetur præceptum, oportet in re ponere, quod formaliter, et expresse cadit sub illo præcepto: sed præceptum Pœnitentia non præcipit Pœnitentiam virtualis, seu in voto: ergo præcipit formalem, et expressam, quam proinde extorquet a pœnitente exequendam. Probatur Minor: quia Pœnitentia virtualis, seu in voto est ipsemēt formalis actus Charitatis: sed formalis,

Apo-

lys

D. A

gus

D. C

pria

D. G

gor

D. Cl

sos

D. A

bros

D. Ju

mus

Sua

re

rat

ur

tu

re

malis, et expressus actus Charitatis non cadit directe sub præcepto Pœnitentiæ, sed continetur sub præcepto distincto ipsius Charitatis : ergo præceptum Pœnitentiæ formaliter, et expresse non se extendit ad Pœnitentiam virtualem, seu in voto, sed determinatur ad formalem, et expressam : atque ideo illi neutiquam fiet satis, nisi media prædicta formalis Pœnitentia.

262. Hinc aperitur veritas secundæ partis corollarii. Quoniam instantे præcepto Pœnitentiæ in sensu explicato, teneatur homo sub gravi culpa, ad non omittendum actum sibi in eo instanti præceptum : sed eliciendo in eo instanti actum Charitatis, non vero contritionis omitteret actum præceptum sub culpa gravi; cum tamen posset, et teneretur non omittere : ergo abs dubio graviter delinqueret. Minor debet supponi, et Consequentia est legitima. Unde rursus infertur impossibilem esse in eo eventu actum Charitatis, siquidem impossibile est hominem actualiter peccare, et actualiter Deum ex Charitate diligere. Chimericum ergo est asserere in casu positivo actum Charitatis sufficere, et solo illo præceptum Pœnitentiæ observari.

Explicatur, et confirmatur. Nam verus Charitatis actus, cum sit dilectio Dei super omnia, secum trahit, et postulat observantiam omnium præceptorum Dei, juxta illud : *Plenitudo legis est dilectio* : ergo in hypothesi facta tam longe abest, quod absit actus Pœnitentiæ formalis, quod potius ipsa Charitas ex attentione ad Deum, et ad se ipsum urgeat hominem ad non peccandum, et consequenter ad non omittendum actum sibi in eo instanti præceptum ; alias simul vellet Deum diligere, et odio habere illius præcepto non obtemperando ; simul ipsum super omnia haberet, et simul sperneret ; non ergo asserendum est solo Charitatis actu Pœnitentiæ præceptum observari posse in prædicto eventu. Quare semel atque Deus homini fuerit largitus auxilia efficacia ad actum dilectionis dictæ, seipsum devincit ad simul impertiendum alia necessaria pro actu contritionis. Quia licet actus Charitatis secundum se non necessario annexatur contritioni, sed elici possit independenter ab illa (imo ea repugnante, ut repugnat beatis, repugnavit et Christo, et Angelis), secus tamen est in præsenti casu, in quo nequit stare vera Charitas absque vera Pœnitentia. Unde asserendum est instantē

prædicto præcepto, non posse salvare actum Charitatis absque actu Pœnitentiæ. Quocirca inconsequenter procedunt oppositum docentes, præcipue vero P. Suarez disp. 9, sect. 1, num. 4, collata ejus doctrina cum ea, quam statuit disp. 15, sect. 3, n. 7.

263. Nec refert, si ex eodem Authore objicias; in actu Charitatis reperitur conversio peccatoris ad Deum ut ultimum finem, et aversio a creatura, in quo stat perfecta hominis conversio ad Deum : non ergo est necessarius actus formalis, et expressus Pœnitentiæ, quandoquidem absque illo stat perfecta hominis justificatio. Vel si hoc non sufficit : numquam posset homo justificari absque formalis actu Pœnitentiæ ; quod esse falsum docent communiter Thomistæ.

Non (inquam) obest hæc objectio, sed Retunditur. corruit ex dictis. Nam Antecedens solum est verum absolute, et nulla facta suppositione vel notitiæ peccati, vel præcepti Pœnitentiæ hic, et nunc urgentis. In quo sensu concedunt Thomistæ, quibus infra subscribemus, non requiri Pœnitentiam formalem, et expressam ; sed sufficere virtualem, seu in voto contentam in ipso actu Charitatis, inclinantis ad observationem omnium præceptorum, eo tempore quo ipsi obligare incipient, aut cognoscantur. Et si hoc actus ille non prestaret, non esset verus actus Charitatis. Cæterum in nostro casu hoc esse non potest : quia cum præceptum Pœnitentiæ instare cognoscatur, et consequenter ejus obligacionem vigere ex memoria peccati præteriti, ad cuius expressum dolorem obligat Pœnitentia ; non stat verus actus Charitatis in illo instanti cum omissione doloris præcepti ; alias ut supra inferebamus, simul esset actus Charitatis cum violatione præcepti in eo instanti graviter obligantis ; quod est implicitorum. Quocirca ut adsit actus Charitatis in eo instanti, una debet esse et actus formalis Pœnitentiæ, quo detestetur homo peccatum, et pro illo suo modo satisfaciat. Juxta ea, quæ supra diximus in hac eadem disputatione, ubi explicuimus, qualiter actus contritionis, qui est in ipso justificationis momento, et Charitatem prioritate naturæ supponit, sit vera hominis satisfactio pro peccatis in eodem instanti remissis.

264. Sed urgebis, et contra inferes : ergo homo medio actu Charitatis justificatus sub ignorantia tum peccati, tum obli-

Objicit
Suarez.

Replica.

gationis præcepti acquisita illorum notitia, et deposita illa ignorantia, tenebitur ad actum contritionis invincibiliter omissum; quod si sed non præstiterit, peccabit, et ab obtenta gratia decidet. Hoc autem est falsum, siquidem quod peccata remissa denuo veniant in mentem, sicut non excludit justificationem acceptam, ita non denuo constringit hominem ad illicio, ac in memoriam venerint, ea detestanda per Pœnitentiam, ut est communis Theologorum doctrina. Prima Consequentia probatur: quia si acquisita nova notitia rei ante ignotæ, aut oblitæ, non teneretur homo ad contritionem omissam, signum esset eam notitiam non juvare ad obligationem expressam Pœnitentiae: quandoquidem cum illa non magis tenetur homo ad Pœnitentiam, quam absque illa. Non ergo refert quod sit, vel absit cognitio peccati, et præcepti, ut adstruatur necessarius actus formalis Pœnitentiae; atque ideo universaliter, sicut indeque melior est doctrina illius determinatam necessitatem inficiens.

Satisfac- Respondetur negando Consequentiam illatam, vel Charitatis gratia eam distin-
tio. guamus: tenebitur ad actum contritionis omissum, adhuc instantे obligatione præcepti, conceditur: si jam non instet illius obligatio, negatur Consequentia. Ratio distinctionis est supra indicata: quia præceptum Pœnitentiae, cum sit affirmativum, non obligat pro quolibet instanti, sed pro aliquo, de quo infra. Si ergo homini justificato medio actu Charitatis, cum memoria contritionis omissæ adveniat notitia præcepti adhuc ibi obligationis; tenebitur homo justificatus ad elicientiam contritionis: non quia omissæ inculpabiliter, sed quia adhuc viget ejus obligatio. Et hoc quidem commune est omnibus aliis præceptis, cuiuslibet conditionis ea sint, ut considerans facile deprehendit. Unde si tunc non se exeret in contritionem, profecto deficit per omissionem illius, et obtentam justificationem amittet. Et in hoc sensu concessimus Consequentiam ut legitime illatam ex traditis principiis. Si vero quando supervenit peccatorum memoria, cum notitia contritionis omissæ, præceptum illud non obliget; non tenebitur ad actum contritionis statim elicendum. Tum quia illa omissio non est imputabilis, ut supponitur. Tum quia esto imputabilis foret, non statim ac homo peccat, obligatur ad contritionem, sed tempore determinato, ob generalē conditionem præcepti

affirmativi non obligantis pro semper. Tum denique, quoniam ille homo supponitur justificatus, et consequenter debet supponi remissa illa omissio cum reliquis peccatis oblitis. Unde non est ratio hominem illum obligandi ad contritionem tunc non præceptam. In quo sensu negata est Consequentia, ut primo innuebamus. Et ad probationem dicimus, notitiam præcedere, vel subsequi ad modum referre ad hoc ut imputetur, vel non imputetur omissione, ut manifestum est in omnibus aliis nedium præceptum, sed etiam obligationibus; quārum omissio, si præsupponat notitiam juris obligantis, est peccatum, atque ideo imputabilis, juxta qualitatem materiæ gravis, aut levis. Si vero subsequatur notitia ad omissionem inculpabiliter, nullum adest delictum: quoniam lex non nisi ut intimata, et cognita ligat juxta illud Apostoli ad Rom. 5: *Peccatum non imputabatur, cum lex non esset.* Et iterum: *Peccatum non cognovi, nisi per legem.* Quare ex terminis bene cohæret deobligatio Pœnitentiae formalis cum ignorantia, seu inadvertentia naturali præcepti contritionis, qualis debet supponi in illo casu: et quod homo ad eam teneatur ex prævia cognitione tum peccati, tum præcepti, et obligationis.

Diximus *ex terminis* illius Consequentiae, No ut modo præscinderemus a difficultate dub. sequenti, § 8, discutienda de homine im- memore peccatorum, et sola Dei dilectione justificato; an statim ac in memoriam ve- nerint, teneatur elicere contritionem, quæ deficit per accidens, quando adeptus fuit justitiam? Et juxta ibi dicenda regulanda est præsens solutio, quæ solum procedit absolute, non attenta qualitate materiæ, nec inspecta obligatione præcepti contritionis pro eo instanti, in quo peccata occur- runt memoriæ post justificationem in illo casu. Quamobrem conditionaliter usi sumus distinctione assignata.

DUBIUM VII.

Quo tempore obliget præceptum Pœnitentiaz virtutis.

265. Dum investigamus tempus obligati-
onis hujusmodi præcepti, tempus pro quo
obliget contrito, examinamus; quia cum
contrito sit actus primarius Pœnitentiaz
virtutis, ut constat ex supradictis, et amplius innotescet ex dicendis; idem prorsus
est inquirere: *quo tempore obliget hujus
virtutis*

*in-
ci-
tu-
rit
o-
ritio.*

virtutis præceptum? Ac interrogare: quando obliget præceptum contritionis? Quapropter ad hanc tantummodo convertenda est intentio, et dirigendus erit nervus totius disputationis, missa pro nunc attritione, tum quia hæc non est actus proprius, et immediatus prædictæ virtutis, ut supra testimimus, tum quia hæc solum inducit justificationem medio Sacramento, et ut est actu illius pars. Et hinc etiam apparet longe aliam esse præsentem difficultatem ab illa, quæ agit de præcepto divino Confessionis, et de tempore, quo homines adstringat. Hæc enim cum supponat institutionem Sacramenti, sitque propria legis gratiæ, solum attendit ad ea, quæ juris divini positivi sunt, et legem a Christo latam concernunt. Quæstio autem nostra universalior, et absolutior est, utpote quæ non quas vires habeat illud præceptum ex lege gratiæ, sed quas sibi vindicet ex jure naturali multo anteriori, enucleare contendit.

Porro quanti momenti, et ponderis ea sit, satis superque testantur diversa Theologorum placita pro ejus expeditione in cursu videnda. Supponitur vero apud omnes duplē esse obligationem præcepti, sicut et est duplex illius consideratio: vel solitarie, et secundum se; quo pacto solum ea, quæ ipsi sunt propria, jureque sibi debita importat: et hoc modo inducit obligationem ratione sui immediate, et est obligatio per se, vel ut conjunctum, et associatum alteri præcepto, cuius observationi deserviat, quæ est consideratio sibi accidentalis, et importat obligationem per accidens.

Est vero inter hunc, et illum obligationis modum differentia observari digna. Nam obligatio præcepti, quæ est per se, inducit speciale peccatum, contra prædictum præceptum, quod proinde confiteri necessarium est in speciali, si memorie ocurrat. Cæterum quando solum obligat ratione alterius, seu per accidens, non est ejus violatio speciale peccatum, eo quod non frangitur directe, et per se, sed indirecte, et ratione alterius, ad cuius speciem reducitur sive observatio, sive violatio præcepti per accidens obligantis. Quæ est doctrina D. Thomæ in 4, dist. 17. quæst. 3, art. 1, quæstiunc. 4, ubi explicata illa obligandi differentia, relictio ut manifesto primo obligandi modo, de secundo apponit exemplum Confessionis, quando ad aliquid tenetur, quod non potest sine peccato facere,

nisi confessus, sicut si debeat Eucharistiam perciperè, ad quam nullus post peccatum mortale, nisi confessus accedere debet, copia Sacerdotis oblatæ, et necessitate non urgente. Quo in casu, si omittatur contritio, non committitur duplex peccatum, sed unum tantum Sacrilegii: eo quod nec præceptum contritionis, vel etiam confessionis, obligat ratione sui, sed ratione præcepti Eucharistiam in gratia recipiendi. Quod ad discernenda peccata valde necessarium est, et ad ea confessione explicanda. Scopus ergo præsentis difficultatis est designare tempus per se importatum in præcepto Pœnitentiæ ut per se et ratione sui obligantis, licet ex consequenti, et ad doctrinæ complementum opus erit descendere ad obligationem per accidens.

266. At tamē prælibandum, et citra controversiam statuendum, huic præcepto adhuc in eo tempore, vel temporis momento, in quo illud per se obligat, aut obligare constiterit, in hac lege gratiæ duplē posse satisfieri, vel per actum contritionis, qui est per se primo præceptus, et intentus, ex vi præcepti: vel per actum attritionis conjunctæ cum Sacramento, non quidem in voto, sed re ipsa suscepto. Quam suppositionem supra jam indicatam, expresse tradit Cano relect. de Pœnit. part. 4, propos. 4. § Sit igitur, cui subscribunt Soto, Ledesma, Nuno, Arauxo, Prado, Gonet, et communiter Theologi tam intra, quam extra Scholam D. Thomæ, saltem extra mortis articulum, de quo est specialis difficultas, et plures, iisque graves, Autores dubitant, ut infra videbimus. Ratio suppositionis est privilegium legis gratiæ, in qua ultra remedium contritionis, quæ omni tempore, et sub qualibet lege post peccata actualia in adultis erat necessaria, instituit Deus ex meritis Christi Redemptoris aliud facilius, securius, et salubrius in Sacramento Pœnitentiæ. Quod quidem, quia Sacramentum mortuorum est, non postulat in Pœnitente ad sui debitam, et proficuum receptionem contritionem perfectam; sed dumtaxat attritionem, conjunctam cum ipso Sacramento, vi cuius juxta doctrinam saepe allegatam Tridentini, homo disponitur ex prædictis Christi meritis ad obtinendam justificationis gratiam, et perfectam remissionem peccatorum.

Unde si in eo instanti, in quod occurrit onus contritionis ex præcepto, cum vera attritione a Concilio descripta homo ad Sacramentum Pœnitentiæ accedat; mane-

*Præ-
cep-
to
Pœni-
tentia-
tis-
sat-
fi-
vel
contri-
tion-
e,
vel
attri-
tion-
e cum
Sacra-
mento.*

Cano.

*Thomis-
tae.*

bit liber a contritione perfecta, ad quam ex vi præcepti tenebatur, atque adeo vere adimpleat prædictum præceptum; alioqui enim illud transgrederetur, consequenterque in illo instanti transgressionis non posset justificari: quod directe opponitur doctrinæ Concilii toties in superioribus allegatae.

267. Quod si hujus rationem quæras, ea est: quod nimurum Deus in lege gratiæ, et supposita institutione hujus Sacramenti, nihil amplius extorquet a pœnitente in compensationis injuriam ob scelus commissum, quam contritionem perfectam cum voto ipsius Sacramenti in ipsa implicito, vel contritionem imperfectam, quæ est attritio, conjunctam cum ipsomet Sacramento realiter, et vere suscepto. Utrolibet enim modo se gerat pœnitens, vere justificatur, et nanciscitur intentam reconciliationem cum Deo, consequenterque manet expeditus ab ulteriori Pœnitentia tunc exhibenda. Quid fieri non posset, absque adimplitione præcepti tunc urgentis, ut liquet. Quare in lege gratiæ duplex medium observandi hujusmodi præceptum constitendum est, quorum quolibet citra culparam, illi fiat satis.

An idem
contin-
gat
ubi
urget
præcep-
tum
susci-
piendi
Sacra-
mentum
Pœni-
tentia.

Verum enim vero (ut id obiter animadvertisamus) hoc non ita accidit vice versa in præcepto Sacramenti Pœnitentiæ, quod etiam divinum est. Nam huic in eo instanti, in quo urget, non fit satis per contritionem, si non sit obex retardans, aut impediens Sacramentum suscipere. Et ratio discriminis continetur in modo dictis. Tum quia in ipsam contritione imbibitur votum Sacramenti, quocirca in lege gratiæ non debet concedi vera contritio, quæ non importet Sacramenti desiderium, nec aliter est potens justificare, quam per ordinem ad Sacramentum suo tempore suscipendum. Unde implicitorum est, quod Sacramenti præceptum instet, pro aliquo instanti, et quod pro illo nolens recipere eliciat veram contritionem: quippe esset velle, et non velle Sacramentum, cuius præceptum instat. Vellit quidem, quatenus contritio debet importare votum, ut vera contritio sit: non autem vellit, quatenus in urgencia Sacramentum reponendi absque ullo obice detrectaret illud suscipere, cum posset. Atque ideo transgrederetur præceptum, subindeque neutiquam vere contritionem elicet, quantumvis ad eam conaretur. Tum etiam (et sequitur ex Antecedenti) quia Sacramentum ex sua insti-

tutione solum determinat realem susceptiōnem ipsius, ad obtainendum ejus fructum, utpote quod subordinat sibi alia remedia salutis in privilegium meritorum Christi, cujus organa sunt Sacra menta: non vero subordinatur illis utpote inferioris ordinis. Quare dum est facultas, non sufficit votum, sed determinate ipsum Sacramentum requiritur ne violetur præceptum.

268. Relicto ergo, et ad proprium locum de Confessione misso Sacramenti præcepto, cardo difficultatis devolvitur ad solam contritionem, quando obliget? et quando non? An videlicet, statim ac commissum sit peccatum? Et si hoc non; an in aliquo tempore determinato? utputa periculo, aut articulo mortis? Vel citra hunc articulum, aliquo vitæ tempore? Et si hoc ita fuerit, quotum sit illud tempus? vel intra septennium, aut quinquennium, quadriennium, triennium, biennium, vel annum? Et hoc semel posito, quanam illius anni parte, vel diebus festivis, aut saltem solemnibus, vel solemnioribus? vel quoties peccata memoriarum occurront? Sed nec his quiescit interrogationibus intellectus, sed pergit, et invenit adhuc inquirendi rationem: An scilicet, hoc præceptum æqualiter, et indifferenter omnes constrainat; vel debeat admitti exceptio personarum, ita ut strictius Ecclesiastici præsæcularibus teneantur ad confessum, vel citius contritioni studendum? Quarum omnium difficultatum radix est conditio illius præcepti: quod quia affirmativum est, licet semper obliget, non tamen pro semper, sed pro aliquo determinato tempore. Et quia non est facile unum præ alio designare; vel dici debet confessum ac peccatum fuerit commissum, suam obligationem inducere. Vel oportet eam obligationem protrahere usque ad mortem, vel illius periculum immediatum. Quæ sunt in hac parte duæ capitales sententiæ, extreme oppositæ, quarum prima ut nimis rigida, et scrupulorum aculeis salebrosa pluribus non arridet; secunda vero, quia laxa, criminibus indulgens, et ansam illis præbens etiam displicet aliis. Hinc pro his duobus scopolis vitandis, tot ortæ sunt mediae sententiæ, quot vidimus interrogations, et qualibet illarum suos habet patronos non contennendæ authoritatis. Ut ergo inter tam varios, et inter se dissidentes dicendi modos, veritatis scopum attingere valeamus, prius quando non obliget, quod facilius est determinare; deinceps, quando obliget,

Statu
tions
dubi
ticia.

obliget, in quo est major difficultas, sub diversis assertionibus statuemus.

§ I.

Pœnitentia non obligat per se statim, ac peccatum sit commissum.

269. Dicendum est primo neminem sive sæcularem sive Ecclesiasticum, aut Religiosum, per se loquendo teneri ad Pœnitentiam, confessum ac peccatum commiserit. Hanc assertionem post D. Thomam, qui illam docuit pluribus in locis, ut in 4, dist. 14, et dist. 17. Quodlib. 1, art. 11, in hac 3 p. quæst. antecedenti art. 8 et 9, quam uniformes sequuntur discipuli, docent etiam Scotus in 4, dist. 14, art. 3, Durandus quæst. 10, num. 3. Richard. art. 3, quæst. 6, quos refert, et sequitur Delgadillo de Pœnit. cap. 17, dub. 11, et ex aliis P. Suarez, Vasquez, Lugo, et alii communiter.

Ratio D. Thomæ, qua omnes utuntur, quaque res confici videtur, est hujusmodi. Quia de ratione præcepti affirmativi est non obligare pro semper, sed aliquo tempore determinato: sed præceptum Pœnitentiæ est præceptum affirmativum: ergo præceptum Pœnitentiæ non obligat pro semper, sed pro determinato tempore. Hoc autem tempus determinatum non est immediatum ad commissionem culpæ, sed tempus necessitatis: ergo præceptum Pœnitentiæ non obligat immediate post transgressionem. Prima Consequentia infertur ex præmissis, quorum Major præterquam quod est per se nota, constat inductione in omnibus aliis præceptis, quæ si affirmativa sint, solum obligant hoc, aut illo determinato temporis spatio, ante quod, vel post quod suspenditur onus illa observandi. Cujus oppositum evenit in præceptis negativis, quæ quidem quia talia sunt, in nullo non tempore illorum obligatio imminet, ut constat in præceptis non mentiendi, non pejerandi, et sic de reliquis, in quibus nullum est instans, vel temporis momentum, in quo licitum sit aut pejerare, aut mentiri, sed semper viget onus non mentiendi, aut falso non jurandi; cum tamen non eodem modo teneatur homo ad semper Dei amori, aut proximorum v. g. saluti incumbendum, aut ejus miseriam sublevandam. Minor vero ejusdem Syllogismi liquet ex terminis ipsis contritionis, quæ non negat, sed affirmat, et importat ac-

tum positivum. Minor autem subsumpta constat a paritate omnium aliorum præceptorum affirmativorum, quæ per se loquendo non statim obligant, sed suas trahunt moras usque ad præfixum tempus vel necessitatis, vel alterius causæ, quibus non stantibus, cessat illorum obligatio toto illo decurrente tempore, quin imputetur culpæ actu illorum observationi operam non dare.

Confirmatur, et explicatur ex eodem Angelico præceptore in quodlibeto allegato. Quia licet laudabile sit, et maxime consilendum hominem a Deo aversum, quam citius possit, ad ipsum converti, et pœnitentiam agere; non tamen oportet, aut ex vi præcepti compellitur, ut nulla interposta mora ea conversio fiat: ergo absque fundamento adstruitur illud onus mox pœnitendi. Patet Consequentia: quia non omne quod est melius, aut perfectius, subinde laudabilius, cadit sub præcepto: quocirca stat, et stare cognoscimus, maxime commendabilem esse instantaneam, et immediatam resipiscentiam a peccato, cum conversione ad Deum; quin idcirco sub præcepto ad illam confessum procurandum peccator adstringatur. Assumptum Antecedentis constat, tum in operibus consilii, et supererogationis, quæ maxime commendari debent, et laudabilissimum homini est illa exequi; quin inde possit inferri cadere sub præcepto illorum observantiam. Tum in aliis præceptis æque necessariis, ac præceptum Pœnitentiæ, quale esse præceptum dilectionis Dei super omnia non potest esse dubium. Unde licet sit laude digna continua, et formalis Dei dilectio, nullum tamen est præceptum, quo ad eam non interruptam quis in hac vita ligetur. Quin contingere non semel, sed pluries solet ab ea cessare oportere, et aliis operationibus operam navare; licet non ita perfectis, magis tamen hic, et nunc opportunis. Tum etiam exemplo, quo usus est D. Thomas, Sacramenti Baptismi tam necessarii ad salutem, ut omnes factentur; et tamen licet sit laudabile mox illum recipiendi, non tamen, quam prius se offerat occasio, cadit sub præcepto; alias peccaret adulterus vel per unum diem, aut horam Baptismum differendo, quod est nedum contra D. Thomam, sed etiam contra omnes fere Theologos. Bene ergo cohæret esse momentaneam Pœnitentiam maxime laudabilem, et quod ut ita facienda non cadat sub præceptum.

Confirma-

Objec- 270. Non refert, si contra hanc ultimam probationem acceptam ex D. Thoma, opponas S. Doctorem comparasse Sacramentum Baptismi cum Sacramento Pœnitentiæ, ut sicut illud non obligat nisi tempore determinato, non vero statim: ita nec istud. In quo sensu recte procedit, et concludit ejus discursus. Non autem meminit de virtute Pœnitentiæ, de qua est quæstio, et non tenet paritas, cum Sacramentum sit quid corporeum, et sensibile, atque ideo tempore mensurabile. Cujus oppositum invenitur in actu contritionis interno, qui cadit sub præcepto, cum sit pure spiritualis, et solum per accidens mensuræ temporis extrinseci subjiciendus. Unde nec paritas ut a nobis proposita est de mente D. Thomæ, nec urget.

Solutio- Non, inquam, refert hæc objectio, quia paritas desumpta ex D. Thoma fundatur præcise in obligatione præcepti divini affirmativi, et quia affirmativum est, semper obligat, sed non pro semper, seu quolibet instanti. Quare S. Doctor contra aliquos asserentes Baptismum, debita opportunitate oblata, qua melior non expectetur, obligare, sic insurget: *Sed hoc videtur nimis durum: quia præcepta affirmativa non obligant ad statim, sed ad tempus determinatum; non quidem ex hoc, quod tunc commode impleri possunt: quia sic si non daret aliquis eleemosynam de superfluo, quandocumque pauper afferretur, peccaret mortaliter, quod est falsum; sed ex hoc, quod tempus necessitatem urgentem adducit.* Et ideo non oportet, quod si statim oblata opportunitate, non confiteatur, etiam si major opportunitas non expectetur, aliquis peccet mortaliter; sed quando ex articulo temporis necessitas Confessionis inducitur. Unde constat in eo esse probationis nexum, quod præceptum affirmativum sit, et consequenter tenere paritatem ut a nobis possumus, quidquid sit de illa differentia inter Sacramentum sensibile, et actum spiritualem contritionis, quam non examinamus, sed ut impertinentem relinquimus. Unde

Alia
funda-
menti
confir-
matio.

Confirmatur, et explicatur secundo, insistendo in illo principio D. Thomæ: nam præceptum divinum Sacramenti Pœnitentiæ ut Sacramentum est, non mox obligat, sed tempore determinato: sed hoc non obliam rationem, nisi quia est præceptum affirmativum: ergo cum præceptum virtutis Pœnitentiæ sit etiam affirmativum; non instantaneam, ac subitam inducit obli-

gationem, sed expectabit casum urgentis, necessitatis, et determinationem temporis. Consequentia constat, quia quod convenit præcepto ex ratione omnibus communi, debet convenire cuilibet in particulari: quod namque alterum sit virtutis, aliud vero Sacramenti præceptum, sicut non variat conceptum utriusque communem, ita nec obligandi modum. Major etiam constat ex decreto Ecclesiæ, in cap. *Omnis utriusque sexus de Pœnitentia et Remission.* ubi juxta mentem Cajetani summus Pontifex declaravit, jus divinum Sacramentaliter confitendi saltem intra annum obligare: vel (ut aliis placet, et est conformius D. Thomæ paulo inferius allegando) obligationem juris divini determinavit intra spatium unius anni, ne ultra protraheretur, ut protrahi poterat ex vi prædicti juris. Quolibet enim modo id explicetur, semper est verum predictum præceptum Pœnitentiæ sub ratione Sacramenti non secum ferre obligationem instantaneam illico ad ipsum accedendi post peccatum. Si enim hoc ita non esset, neutiquam posset Ecclesia ejus obligationem suspendere, et ad aliud tempus pertrahere, utpote non habens autoritatem supra ea, quæ sunt juris divini, ut in confessio est apud omnes: quo circa licet possit dispensare in ea quod hoc, vel illo tempore non fiat confessio; nequit tamen e medio tollere onus confessionis pro omni tempore. Unde manet probata Minor primi Syllogismi.

271. Sed insistes adhuc, reddendo disparitatem: nam quod pro illis Sacramentis sit Ecclesiæ determinatio ad præfixum tempus, ortum habuit ex ejus benignitate, ne plus justo homines gravarentur, et pecandi periculis eos exponeret. Unde optimo jure, ac recta ratione statuit semel in anno ad Sacramentum Pœnitentiæ homines teneri, non vero statim, quod forte erat impossibile. Hoc autem non tenet in præcepto contritionis, ad quam habendam nullum non tempus est opportunum, nec pro ea elicienda devorare oportet ea in conscientia, perturbationes, ac pericula, quæ se produnt cuilibet consideranti; si mox obligaret suscipiendum Sacramentum Pœnitentiæ. Quapropter hujus obligatione non stante, stabit onus illius.

Sed nec hæc disparitas subsistit, et ultero, ac libenter concesso plura fore inconvenientia devoranda, si onus Sacramentaliter poenitendi instantaneæ post peccatum commissum in præcepto esset; quæ tamen nec

Effe-
giun-

Præclu-
ditur.

nec leviter, imo nec apparerent militant in sola contritione, ut liquet; hoc omnino impertinens est ad fundandam obligationem in ista, et eam excludendam a Sacramento. Obligatio quippe fundatur in ipso jure præcepti, ut a legislatore provenientis; non in inconvenientibus ex parte subjecti se habentibus. Quis enim neget, adhuc stantibus omnibus illis inconvenientibus, et præcognitis, ac prævisis a Deo, potuisse decernere, ut statim ac delinqueretur, esset onus ad Sacramentum accedendi pro delicti remissione? Quod ergo non obligaverit ad mox Sacramentaliter pœnitendum, non provenit ex inconvenientibus, nec ex benignitate Ecclesie, in cuius potestate hoc non erat, sed ex natura, et conditione præcepti, quia affirmativum est, et de ratione præcepti affirmativi est non confessum obligare, sed determinate pro casu necessitatis, aut alio profixo tempore. Unde D. Thomas ex adverso ad doctrinam evasionis discurrens post verba supra relata attexuit sequentia: *Nec hoc est ex indulgentia Ecclesie* (ut obtendebant illi Theologi, contra quos agebat S. Doctor) *quod non teneatur ad statim, sed ex natura præcepti affirmativi. Unde ante Ecclesie statutum etiam minus debebatur.* Unde non fuit mera declaratio juris divini, ut supra retulimus ex Cajetano, sed vera illius contractio, et determinatio, ut diserte affirmat D. Thomas.

Evertitur amplius. Ex quibus verbis nova conficitur impugnatio, et confirmatur assertio: quoniam si Ecclesie statutum nihil sua determinatiue indulxit (nec quidem poterat ut dicebamus) quinimo jus divinum latius protensus contraxit, ac determinavit ad brevius tempus, quam ex vi prædicti juris homines tenerentur, ut clare affirmat D. Thomas; signum evidens est, ex vi juris divini importati in illo præcepto non teneri hominem ad mox Sacramentaliter pœnitendum post peccatum: et hoc ideo quia est præceptum affirmativum. Ergo cum præceptum contritionis sit etiam affirmativum, et alias nec ab ipso Deo, nec ab ejus Ecclesia hactenus emanaverit aliqua specialis pro eo determinatio; nulla est ratio, nullumve fundamentum, ut peccatori imponatur onus confessum Pœnitentiam agendi ex hac virtute, sed regulari, ac mensurari debet illius præceptum, ut alia affirmativa non statim ad sui observantiam inducentia.

§ II.

Objectio ex D. Thomæ doctrina.

272. Verum contra hoc D. Thomæ Difficilium principium, in quo est totius fundamenti ^{tas ex} doctrina nervus, stare videtur ipse D. Thomas, in D. Thomæ cuius doctrina manifestam patitur instantiam. Nam præceptum Charitatis est præceptum affirmativum, ut constat; sed juxta D. Thomam præceptum Charitatis statim obligat ad dilectionem divinam: ergo præceptum affirmativum potest confessum obligare ad sui observationem, atque ideo ex hoc quod præceptum Pœnitentiæ sit affirmativum, non bene illi denegatur festina, seu instantanea obligatio. Utraque Consequentia constat ex præmissis quarum Major est indubia; Minor vero probatur: quia præceptum Charitatis per se obligat, cum primo pervenerit homo ad primum instans usus rationis, ut est expressa doctrina D. Thomæ 1, 2, quæst. 89, art. 6, in 2, dist. 42, quæst. 2, art. 5 ad 7, de veritat. quæst. 28, art. 3 ad 4. Sed hoc est statim obligare; siquidem ante illud instantis morale supponitur homo incapax obligationis gravis, imo et levis; alioqui reperiri posset peccatum originale cum solo peccato veniali, quod etiam militat contra expressam ejusdem S. Doctoris sententiam loco citato ex 1, 2, a nobis explicatam tract. de Peccatis disp. 20, dub. 2, quod est ultimum illius libri.

Confirmatur id ipsum alio simili exemplo. Nam præceptum divinum Fidei Theologicæ, quod sane affirmativum est, tam celeriter, et præpropere obligat sive puerum illud primum instans pertingentem, sive adultum fidei mysteria edoctum, ut nisi ille in prædicto instanti, et hic quam primum ei illa mysteria sufficienter fuerint proposita, actum fidei eliciant, abs dubio transgrediantur Fidei præceptum. Quod esse non posset, si prædictum præceptum illico non obligaret. Stat ergo præceptum aliquod esse affirmativum, et quam primum inducere sui obligationem ut confessum exequendam. Non ergo ex illo principio recte intulit D. Thomas præceptum Pœnitentiæ non inducere immediatam, seu instantaneam sui observationem absque onere transgressionis peccaminosæ. Utraque Consequentia constat, et Antecedens liquet ex tract. de Fide, disp. 6, dub. 2, ubi cum communi Theologorum doctrina, illud asserimus, et firmavimus.

Unde constat non esse contra rationem præcepti affirmativi, quod statim obliget, atque ideo non obesse, quominus præceptum Pœnitentiae confessim obliget licet affirmativum sit.

Expedi-
tur
difficul-
tas. Hæc tamen objectio, quæ specie tenuis videtur urgere, non enervat discursum D. Thomæ, sed intactum relinquit. Nam quod præceptum Charitatis obliget puerum pro primo instanti usus rationis, non provenit ex eo, quod illud præceptum statim ligare incipiat; alioqui enim non solum obligaret pro illo instanti, sed etiam pro reliquis succedentibus, subindeque peccaret homo non se ad Deum convertendo in quolibet instanti; quod est evidenter falsum, et a nullo hactenus excogitatum, nec esset ratio unius instantis, magis quam alterius, ut infra ponderabimus. Provenit autem illa obligatio ex eo, quod illud instans est instans urgentis necessitatis, in quo etiam præcepta affirmativa in propria materia obligare, manifestum est, ut constat in præcepto v. g. Misericordiæ, quæ non obligat nisi in casu gravis necessitatis proximi, et sic de reliquis. Porro illius instantis urgentia consurgit ex eo, quod cum sit primum usus rationis, in quo primo homo incipit vivere vita, ut ita dicamus, humana, et rationali, quæ esse non potest absque ultimo fine, ad quem consequendum est creatus, et elevatus; tenetur homo de se ipso deliberare, et statuere ultimum finem, in ordine ad quem reliquas vitæ operationes dirigat: ideoque tenetur se et omnia sua in prædictum ultimum finem ordinare, quod est proprium Charitatis, et non convenit alteri virtuti, nisi ex subordinatione ad ipsam. Qua etiam ratione in ultimo instanti usus rationis tenetur eodem dilectionis præcepto ad minus, quia est discessus ab hac mortali vita, et ingressus ad æternitatem. Hoc autem nec apparenter habet locum in Pœnitentia, quoad illud instans, in quo supponitur aliud peccatum, quam originale, de quo esse nequit contritio, ut supra diximus, et expresse docet D. Thomas cum communi Theologorum. Si autem fiat argumentum de aliis instantibus; est manifeste falsum, quin imo desumitur inde pro nostra sententia efficacissimum argumentum. Nam transacto illo instanti, præceptum Charitatis non obligat pro aliis sequentibus, non interveniente alia causa; non ob aliud, quam quia est affirmativum præceptum: ergo cum id etiam competit præ-

cepto Pœnitentiæ, non est ratio, cur non etiam debeat servare modum obligandi proprium præcepti affirmativi, subindeque non statim, sed tempore aliquo præfixo. Quare ad formam objectionis neganda est Minor primi Syllogismi: et ad hujus probationem iterum negatur Minor, cum illi inserta probatione, imo et suppositum illius, quia obligare in illo primo instanti, non est obligare ad statim absolute, ut constat ex dictis.

Unde constat ad confirmationem, nam in eodem sensu, in quo obligatur in illo instanti puer ad diligendum, tenetur simiter ad credendum, cum quia nihil volitum, quin præcognitum, ut est commune proloquium, et verum, tum quia accidentem ad Deum oportet credere. Hebraor. II. Unde quo expressior, aut obscurior fuerit Dei notitia, qua sit in illo instanti illuminatus, eo erit aut perfectior, aut imperfectior conversio illius instantis. Et sane in aliquibus erit perfectæ Charitatis, atque ideo expressioris fidei, pro aliis vero sufficiet implicita, et confusa notitia boni divini, et consequenter non requiretur nisi amor boni honesti in communii, de quo loco citato, et quia nostra non refert, non immoramus. Unde sufficiat indicasse non esse undeque verum puerum in illo instanti constitutum protinus elicere actum formallem, et expressum fidei, ut videtur supponi: hoc quippe ad summum concedi universaliter poterit inter fideles enutritis, nec tamen omnibus, ut rusticis, sed solum perspicacibus, et majori studio instructis, quorum est minor absque ulla comparatione numerus. Unde primum confirmationis exemplum, quomodocumque explicetur, viribus destituitur. Aliud vero de cathecumeno sufficienter instructo, concedimus: tenetur quippe ad credendum in illo instanti, in quo sufficienter mysteria fidei illi fuerint proposita; non quia præceptum fidei protinus obliget, sed quia illud est instans urgentis necessitatis ad interne assentiendum Deo dicenti, et sufficienter divinam autoritatem indicendo proponti: quocirca tenetur illi præbere assensum dictis credendo, vel positive discedendo dissentiri. Quod prestare potest dupliciter, vel formali, et expresso disSENSU, vel dubitando, vel omittendo: et quodlibet modo se habet, adversatur fidei, divinæque revelationi sufficienter proponti, subindeque obliganti ut ipsi assensus præbeatur. Porro hoc puncto temporis, aut

aut instanti transacto, non obligat fidei præceptum pro aliis instantibus, ut dicebamus de præcepto Charitatis. Unde eodem vitio laborat hæc instantia, et eodem modo cum illa retorquetur in nostræ sententiae præsidium.

Replica. 273. Sed urgebis adhuc: nam casu, quo puer in primo instanti non se ad Deum converterit, subindeque deliquerit, adhuc instanti præceptum conversionis omissæ: sed conversio illa fieri, aut haberri nequit absque Pœnitentia peccati omissionis: ergo non minus obligat præceptum Pœnitentiae in hoc casu, quam præceptum conversionis: hæc autem quam primum possit debet fieri: ergo et pœnitentia.

Hoc tamen minime urget: nam ultra quod toto discursu prætermissio, nihil inde sequitur contra nostram sententiam, et in auxilium adversæ: siquidem neutrum præceptum obligat pro quolibet instanti determinato, quod intendit nostra sententia, et negat opposita; sed dumtaxat pro eo instanti, in quo potest commode fieri, quod non est ad statim obligare.

Hoc, inquam, prætermissio, in quo non sistimus, sunt qui respondeant huic replicæ, transacto illo instanti, jam non amplius teneri hominem ad conversionem in illo omissam, subindeque nec ad contritionem protinus habendam, sed suo tempore aliunde determinato, sicut dicitur, et dici debet in nostra sententia, de eo, qui aliud peccatum commiserit, quem non obligamus ad mox de illo pœnitendum. Et explicit instantia etiam conversionis urgentis in articulo mortis, quam qui amiserit, si evadat periculum illud, non statim tenetur conversionem omissam procurare, usque dum iterum idem periculum subeat, et vi illius teneatur conversionem tunc denuo urgenter elicere: ergo similiter in nostro casu.

274. Hæc tamen solutio, cujuscumque illa sit, non satis arridet: nam licet consequenter ad nostræ sententiæ principia videatur procedere, fallit tamen in radice, nec absurdum reputat hominem semel omittentem sui conversionem in primo instanti, non amplius ad eam teneri usque ad articulum, vel periculum mortis; sicut qui omisit velsacrum in die festo, vel officium divinum, licet graviter deliquerit, deinceps ad illud non tenetur, ut docet communis sententia. Hoc vero inconveniens, imo et absurdissimum nobis est, et illud devorare minime audemus. Quid enim absurdius, quam

hominem Dei imaginem, et ad Deum clare videndum elevatum toto vitæ tempore non teneri ad se in Deum per amorem convertendum post primum instans usus rationis? Hæc equidem nec piæ aures sustinent, nec Ecclesia tolerandum docet, ut constat ex propositione novissime ab ipsa damnata sub Innocentio XI, die 2 Martii anno Domini 1679 in ordine quinta, et est hujusmodi: *An peccet mortaliter, qui actum dilectionis Dei semel tantum in vita eliceret, condemnare non audemus.* Quam quidem nec damnasset, nec certe posset ut scandalosam suggillare, si homo post instans primum rationis non ultra usque ad ultimum instans tenetur: quia nullus Catholicorum est, qui negaverit obligationem dilectionis Dei pro ultimo instanti; nec authores illius propositionis id intendebant; sed quod discursu vitæ, quidquid sit de illius termino, non auderent damnare peccati gravis non eliciendum actum Charitatis. Quod tamen Ecclesia proscripsit, et docendum prohibuit ut scandalosum.

Refellitur ergo detegendo illius solutionis defectum, ex cuius inconsideratione discurrunt modo prædicto illius authores. Nam dupliciter potest assignari tempus pro observantia alicujus præcepti; vel ut terminus finiens, et ut ita dicamus, concludens obligationem in momento determinati temporis, quin ultra illud protrahatur, ut est jejunium Ecclesiasticum, cujus præceptum non obligat nisi pro illo die determinato, v. g. vigilie aut Sabbati, et simile est præceptum recitandi officium divinum, quod ultra illum diem naturalem non protendi, manifestum est ex communi Doctorum consensu. Vel ita ut designetur tempus non ut finiens obligationem, sed prohibens ne ultra illud præscriptum opus differatur. Qui obligandi modus differt a primo in eo, quod transacto eo tempore, non cessat obligatio, sed qui transgressus fuit præceptum, adhuc tenetur, quam primum moraliter possit, illud observare. Et hanc differentiam statuunt, et colligunt nedum Theologi, sed etiam juris periti argumento textus *in leg. Celsus § sed ipse ff. de receptis arbitr.* Ubi certo die obligatus pecuniam solvere, si omittat, cum primum possit, solvere adhuc tenetur, eo quod terminus ille non sit impositus ad finiendam obligationem, sed ne diutius differretur solutio. Et hoc pacto obligari homines præcepto annuae Confessionis, aut Communionis docent communiter Theologi tam intra, quam extra Scholam D. Thomæ,

Major
ejusdem
versio.

quos tract. de Confessione adducemus.

Porro instans illud primum usus rationis hoc secundo, non vero primo modo destinatum esse pro conversione hominis ad Deum, ex eo liquet: quia hominem deliberare de ultimo fine morali, eumque sibi præstituere, ut secundum rectam rationem vivere, et prædictum finem assequi valeat, non est pro illo instanti tantum, sed est negotium totius vitæ, cui proinde semper incumbere, et in illum scopum collimare tenetur. Ridiculum enim, imo et absurdum foret solum uni instanti ingressus in vitam rationalem alligare obligationem totius vitæ, in qua homo peregrinatur a Domino, et viam, ac merita parare debet coronæ obtinendæ; quin in toto vitæ decursu obligatur ad prædictam conversionem.

Qua doctrina ut vera nunc supposita, prosternitur relata solutio: nam instans illud non est instans finiens obligationem, sed indicens non ultra differendam obligationem: ergo præceptum conversionis in primo instanti, adhuc eo transacto, et omissione commissa, obligat, subindeque adhuc tenetur homo ad eam quam primum procurandam post omissionem. Patet Consequentia: quia hujuscemodi præcepta adhuc post tempus designatum in obligando persistunt. Nec est simile de articulo mortis (ut probationem ex isto exemplo inductam diluamus). Nam articulus ille est tempus, seu instans finiens obligationem, si quidem post mortem non obligant præcepta observanda in via, et quæ meritis deseruire debent. Unde nihil mirum, quod eo articulo transacto, jam ex vi hujus non teneatur homo ad illius instantis conversionem, nisi usque ad aliud simile peritulum.

Vera difficultatis solutio. Ad objectionem ergo supra factam facilis est solutio: nam concessis illius præmissis, distinguendum est Consequens: *Non minus, et eodem modo,* negatur, *diverso modo,* conceditur, quia præceptum conversionis obligat ratione sui, et per se; præceptum vero Pœnitentiæ ratione alterius, et per accidens. Ex eo enim quod obliget præceptum charitatis, quod quia impleri nequit supposita omissione peccaminosa, et necesse est ut interveniat contritio seu virtus Pœnitentiæ; sequitur quidem utriusque virtutis actum debere concurrere, sed non infertur ad utrumque per se obligari, sed ad primum primario, et per se, ad secundum secundario, et per accidens: quocirca peccatum quod commit-

titur post primum illud instans, non specialis imponitentiæ, sed duntaxat contra Charitatem per se obligantem.

275. Sed contra hanc solutionem insurges: quia præcepta charitatis, et Pœnitentiæ sunt inter se connexa: ergo non stat obligatio per se illius, quin hujus præceptum similiter obliget. Antecedens constat, quia illi qui est in peccato, impossibile omnino est observare præceptum charitatis, quin se exerat simul in actum contritionis: aliunde vero actus contritionis haberi, aut esse nequaquam potest absque actu charitatis. Unde probatur Consequentia, quia eadem est connexio præcepti ad præceptum, quæ est actus ad actum, circa quos versantur præcepta: ergo non stat obligatio per se ad unum, quæ non secum afferat eamdem obligationem ad alium ex vi alterius præcepti.

Confirmatur, et explicatur objectionis Roboratur. vis: nam præceptum Pœnitentiæ obligat illum, qui est sub peccato, quoties adstringitur præcepto charitatis: sed præceptum illud charitatis, quod fuit transgressus puer in primo instanti, obligat, ut quam primum possit, ejus observationi incumbat: ergo etiam præceptum Pœnitentiæ. Discursus videtur legitimus, supposita veritate Majoris, quam probat Magister Nuno in præsenti quæst. 2, art. 3, dub. 3, super Addit. ad 3 p. D. Thomæ § *Pro cuius intelligentia:* quia haec præcepta sunt conjuncta ex natura rei, et impossibile est unum sine altero adimpleri ab existente in peccato: ergo non stat hominem præcepto charitatis adstringi, quin simul maneat obstrictus præcepto Pœnitentiæ.

Hæc tamen objectio, qua convincitur laudatus author ad sustinendam doctrinam in ea contentam, viribus destituitur, si animadvertisatur (id quod jam supra insinuatum relinquimus) aliud esse, quod actus contritionis supponat essentialiter actum charitatis, aliud vero quod actus charitatis patet essentialiter actum contritionis, quorum primum est verum, secundum vero manifeste falsum, ut patet in Christo, in Angelis, et in ipsis hominibus justis, in quibus stat actus charitatis absque actu contritionis, vel quia hic repugnat, ut in Christo, et Angelis, vel quia supposita justificatione, non est admodum necessarius, eo quod solum supersit satisfactionis poena, aliis viis, quam contritione luenda. Unde quod homo supponatur in peccato, non tam est per accidens ad actum charitatis,

Observantur aliqua.

tatis, quam ad ejus obligationem, et præceptum; quando quidem obligatio, quæ est per se, solum respicit actum secundum sibi intrinsecum, et ejus omissionem, prout importat carentiam actus debiti secundum se, præscindendo a suppositionibus accidentalibus, ex parte subjecti. Et in hoc sensu falsa est capitalis illa propositio prædicti authoris; quia non quoties obligat per se præceptum charitatis obligat per se præceptum Pœnitentiæ, nec quoties obligat præceptum Pœnitentiæ, obligat etiam præceptum charitatis; licet præceptum Pœnitentiæ nequeat impleri absque actu charitatis. Et ratio hujus est (primum quippe est manifestum) quia ubi unum est propter aliud, jam obligatio æque non est ratione utriusque, sed ratione obligationis actus per se primo intenti; casu autem quo urgeat præceptum Pœnitentiæ, obligatio ad actum charitatis non procedit primario ex ipso actu charitatis, sed ex actu Pœnitentiæ per se primo intenti, qui charitatis actum debet supponere: quocirca obligatio hujus semper est ratione alterius, et consequenter per accidens. Quæ est doctrina D. Thomæ in 4, dist. 27, art. 1, quæst. 3, quæstiunc. 2, supra allegata, ubi explicans, quæ sit obligatio per accidens, inquit eam consurgere, quando ad aliquid tenetur, quod non potest sine peccato facere, ut accedit celebraturo existenti in peccato, qui quidem tenetur per accidens ad confessionem; eo quod nullus possit sine ea post peccatum mortale Eucharistiam percipere. Ex quo vice versa sequitur, quod quando aliquis tenetur ad actum, quem elicere nequit, absque gratia et charitate, onus charitatem, et gratiam obtinendi non inducit obligationem per se, sed per accidens, sicut post peccatum obligatio confessionis ad percipiendam Eucharistiam solum provenit ex obligatione eam in gratia sumendi, et quia non est ratione sui immediate, sed ratione alterius, non est obligatio, nisi per accidens. Et idem constat in ipsa contritione in casu urgentis necessitatis ad celebrandum, non oblata copia confessoris; nam onus contritionis obligat quidem in eo casu, non per se, et ratione sui, sed ratione alterius, et consequenter per accidens.

276. Hinc objectio illa dispellitur, et ejus doctrina expugnatur. Nam quoties actus non per se, et ratione sui primario præcipitur, et intenditur, sed ratione alterius sibi annexi, et aliunde petiti, non

inducitur obligatio per se, sed per accidens, et ratione alterius: sed ita evenit ut in plurimum inter actum charitatis, et Pœnitentiæ: ergo non inde consurgit per se loquendo obligatio, nisi per accidens. Non enim obligatio per accidens accipi debet pure grammaticaliter, ut verba sonant, quod, scilicet, accidentaliter, et separabiliter conjugatur actus actui, vel præceptum præcepto; sed theologice, et formaliter. id est, quod unus per se et ratione sui, alter ratione alterius intendatur, et præcipiatur. Et quia hoc modo se habent actus charitatis, et Pœnitentiæ, non semper ac incumbit homini ex præcepto actus charitatis per se, incumbit etiam actus Pœnitentiæ per se; sed sicut sunt onera diversa, sic et diversa tempora obligandi sibi vindicant, et e converso. Quare in casu omissionis charitatis pro primo instanti, licet quam primum obliget præceptum conversionis, non utcumque sed per se; præceptum tamen Pœnitentiæ solum obligat per accidens, et ratione actus charitatis quam primum eliciendi.

Unde ad formam objectionis, primum Antecedens absolute negandum est, cum Cano, Soto, Martinez de Prado, et aliis Thomistis, quibus subscripsit Suarez. Et ad ejus probationem concedimus impossibilem esse homini illi actum charitatis per se loquendo, quin eliciat actum contritionis, et impossibilem esse actum contritionis, quin supponat actum charitatis, maxime in nostra, et veriori sententia, juxta quem neuter illorum actuum queit absque gratia fieri. Ex quo solum sequitur utrumque præceptum obligare, quod libenter concedimus, sed non pari titulo, et aequali jure, quia unum obligat ratione sui, et consequenter per se, alterum vero ratione alterius, atque ideo per accidens, ut constat in accidente ad Eucharistiam post peccatum, cui impossibilis est licita Eucharistiae sumptio, quin præcedat confessio, et ea non oblata, saltem contritio in casu urgentis necessitatis, quin, ut audivimus ex D. Thoma, major sit obligatio aut confessionis, aut contritionis, quam per accidens ob rationem dictam.

Et hinc constat ad confirmationem: quia semper atque post peccatum obliget præceptum Pœnitentiæ, obligabit etiam præceptum charitatis, sed diversimode juxta modum explicatum, ratione suppositionis accidentalis peccati, quo supposito impossibilis est unus actus sine alio; et con-

Cano.
Soto.
Prado.
Suarez.

sequenter quin obligatio unius præcepti subordinetur alterius per se primo intenti obligationi; nisi forte contingat devenire ad instans, in quo æque vigeat utrumque præceptum, ut accidere potest.

Uberior
rei
declaratio-

277. Nec obest connexio ex natura rei contritionis, et actus charitatis, et quod eadem esse debet subordinatio præcepti ad præceptum, quam sit actus ad actum: nam hoc solum probat, quod numquam intendatur, aut præcipiatur actus unius virtutis, quin ratione illius alter debeat præsupponi; sed non evincitur per se utrumque intendi, nec consequenter utrumque eodem modo obligare, sed semper cum subordinatione prædicta: quapropter quando urget præceptum Pœnitentiæ, licet debeat charitas concurrere, non est, quia hujus præceptum per se obliget; sed quia actus Pœnitentiæ nequit absque actu charitatis exerceri, et transgressio non est duplex, sed unicum peccatum imponit, quo etiam modo accidit quando e converso urget præceptum charitatis, quod nequit observari absque actu Pœnitentiæ; nam solum delinquitur contra charitatem, et non contra pœnitentiam.

Et sane ex illa objectione ad summum evinci potest Pœnitentiæ præceptum, et consequenter actum per se supponere tum actum, tum præceptum charitatis; non tamen quod semper, atque obligat præceptum charitatis, obliget etiam præceptum pœnitentiæ, quo indigebat objiciens ad doctrinam illam tuendam. Nec etiam inde conficitur aut præceptum, aut actum charitatis subordinari vel præcepto, vel actu Pœnitentiæ, cum latius pateant illa, quam ista, et consequenter salvabitur præceptum charitatis post primum instans posse obligare puerum, ut quam primum possit, in eum erumpat; quin præceptum Pœnitentiæ tunc obliget nisi per accidens, ut dicebamus in solutione, contra quam procedit objectio; non enim ex eo quod actus Pœnitentiæ per se, et essentialiter petat supponere actum charitatis, potest inferri actum charitatis exigere eodem modo actum contritionis, ut supra dictum est.

§ III.

Aliud veræ sententiæ fundamentum.

Alterum
pro
asser-
tione
argu-
mentum.

278. Secundum fundamentum veræ sententiæ depromittur ab inconvenienti, quod videtur indeclinabile. Nam si homo statim

ac peccasset, teneretur ad contritionem, quoties deinceps peccaret in qualibet materia, committeret duplex peccatum, aliud imponitentiæ, aliud vero in materia illius virtutis, contra quam ageret, utputa castitatis, aut justitiæ. Consequens est falsum, et contra communem sensum fidelium, imo et confessionis proxim inconcusse, vel ab ipsis doctissimis viris probatam, et approbatam. Ergo falsum etiam est, statim ac homodeliquerit, ad contritionem teneri. Consequens est legitima, Majoris illatio est clara: nam quoties homo post primum lapsum iterum laberetur in materia cujuslibet virtutis, directe et per se contrairet præcepto Pœnitentiæ, quo tenebatur post primum peccatum: siquidem vel urgebat præceptum negativum Pœnitentiæ ad non differendam, nec per unum instans pœnitentiam ut aliqui volebant: vel saltē se haberet præceptum Pœnitentiæ ad instar præcepti negativi quad modum obligandi, ut alii docebant. Constat autem de ratione præcepti negativi, et modi obligandi ipsius esse, ut in quolibet instanti, ac contra illud fiat operatio, committatur peccatum ut constat in præceptis non mentiendi, non furandi, et sic de reliquis: ergo si præceptum Pœnitentiæ statim ad pœnitendum cogeret, nullum esset instans, in quo non obligaret, et consequenter in illomet instanti, in quo contra castitatem quis laberetur, directe etiam ageret contra præceptum Pœnitentiæ omittendo actum præceptum, subindeque non solum deficeret in materia luxuriæ, sed etiam in materia Pœnitentiæ.

Unde rursus sequeretur, vel quod homo semper, et incessanter in quolibet peccaret, et vel innūmera peccata committeret, quot videlicet instantia, aut temporis interstitia interfluerent: vel saltē quod esset in continuo, et neutram interrupto peccato actuali. Quod etiam est falsum, et ab hominum conceptione alienum. Sequela constat: quia cum prædicta poenitendi obligatio inciperet post primum instans peccati commissi, et ea non interrumperetur, aut suspenderetur, eo quod non esset in opposita sententia major ratio unius instantis, aut hujus partis temporis, quam alterius; nec consequenter loquendo unum præ alio instans determinari posset: sequitur in quolibet determinato violari obligationem instantem contritionis: quocirca se habere necesse esset ad instar illius, qui est in voluntaria mora non restituendi, cum possit: qui quidem vel tot committit peccata, quot fuerint

fuerint iinterrupta instantia, aut moræ, ut verior, ac sanior sententia docet (ut a sententiis præscindamus) saltem in continuo, et non interrupto peccato actuali perseverat. Et ratio est perspicua. Nam toties committitur novum peccatum, vel (ut mitiori sententiæ annuamus) saltem non iinterruptum commissum, quoties contravenitur præcepto tunc obligandi per se, ratione sui, ut videtur per se notum: sed nullum esset instans, in quo non contraveniretur præcepto Pœnitentiæ, omittendo actum ex illa præceptum, quod nullo non instanti urgebat; nullum ergo esse instans, in quo non committeretur novum peccatum, vel saltem jam commissum actualiter, et expresse continuaretur, supposita, ut supponi debet, advertentia præcepti, et consequenter obligationis.

Falsitas, et absurditas utriusque consequentis constant ex eodem principio: unum quippe, et alterum est contra communem fidelium sensum: quo circa merito asseruit Magister Cano ubi supra prædictam veritatem non aptiori alia via demonstrari posse quam ob oculos apponendo nullum esse peccatum in eo, quod vel ipsi valde timorati deglutiunt, et peritissimi spirituales medici spernunt: quando quidem nusquam illorum aliquis novi peccati vel se accusavit, vel scrutinium, aut mentionem fecit de eo, quod non statim, ac se peccato inquinaverit, pœnitentiam egerit. Tam alte hominum mentibus insedit nullam esse obligationem illam confessim resipiscendi. Quod quidem nequit non argumento esse illud consequens legitime illatum ex illa sententia falsitati obnoxium esse; alioqui enim et tot sacramenta redderentur nulla, et doctissimi ipsi non interrogando deficerent; quod non debet concedi, nec potest admitti absque gravi animarum detimento.

279. Prædicta absurdita cum sibi objecisset Cajetanustom. I, opuscul. tract. 17, quæst. unica, § sed exurgit, ea conatus est emollire inquiens, quod quantumcumque aliquis non conteratur statim, nisi ad hoc deveniat, quod commissionis peccato incurrat detentionem divini odii, non peccat mortaliter, quamvis perseveret in statu peccati mortalis. Et hujus ratio elicitor ex ejus doctrina ibi præmissa: quia cum præceptum Pœnitentiæ sit mixtum ex affirmativo, et negativo, sicut contra affirmativum non delinquitur, nisi per omissionem contritionis, ita non agitur contra negativum, nisi per commissionem, seu quod idem est, per voluntariam approbationem

nem status peccati: hæc autem voluntaria status peccati approbatio, cum sit ejusdem consensus, non semper adest in quolibet instanti, et consequenter nec novum peccatum. Quia enim hæc præcepta sunt permixta, et annexa, unum non obligat, nisi ratione alterius, et ideo non est omissione affirmativi præcepti, nisi adsit commissio contra negativum. Hactenus Cajetanus, quoad ex illius tam subtili, quam obtrusa mente in lucem eruerimus.

Venia tamen illius hæc non est via prædicta inconvenientia declinandi, sed ea intacta relinquunt, et non satis consequenter procedit. Et ut ab hoc ultimo incipiamus, constat ex ejus verbis in fine § immediati,

Sed non satis-facit.

qui incipit: *Quibus præmissis, ubi ita concludit: sicut igitur præceptum de restitutione propter implicitam detentionem alieni obligat ad statim restituendum: ita præceptum de contritione propter implicitam detentionem odii contra Deum, obligat ad statim conterendum.* Hoc autem non cohærere cum verbis nuper ex ipso relatis manifestum videtur, ubi docet non statim conteri non esse peccatum, nisi ad hoc deveniatur, quod incurrat detentionem divini odii. Unde inquirimus: vel semper implicite continetur voluntaria detentio divini odii in non statim conterendo? vel non; sed expectandum est tempus, vel tenenda occasio, ut in illam tandem deveniatur? Si primum? ergo semper ac differtur Pœnitentia, et non illico executioni mandatur, committitur peccatum, cum procedatur voluntarie contra onus grave confessim pœnitendi ob voluntariam implicitam continentiam detentionis divini odii. Si affirmetur secundum? ergo nec implicite, et voluntarie semper adest detentio divini odii; nec consequenter semper, et pro semper tenet obligatio, sed pro tempore, et occasione peccandi per actum positivum contra præceptum negativum. Non ergo est obligatio ad statim pœnitendum, quod affirmamus, et negat Cajetanus, ut demonstrant ejus verba. Et hinc constat intacta reliquise illa inconvenientia, vel in nostram, quam deserere intendit, sententiam incidisse.

Defecit insuper ex alio capite sapientissimus Cajetanus, comparando ex æquo obligationem contritionis cum obligatione restitutionis, quasi utraque confessim pro quolibet instanti obligationem induceret, Quod tamen negavit D. Thomas, vel ex eo solum quod obligatio ad statim restituen-

dum sit pæcepti negativi, secus vero obligatio conterendi. Verba S. Doctoris in 4, dist, 17, quæst. 3, art. 1, questiune ad 3, sunt hæc : *Ad tertium dicendum quod retentio rei alienæ invito domino, contrariatur pæcepto negativo, quo obligat semper, et ad semper, et ideo tenetur ad statim reddendum. Secus autem est de adimplectione pæcepti affirmativi, quod obligat semper, sed non ad semper, unde non tenetur aliquis ad statim implendum.* Quare vel dicendum solutionem D. Thomæ non esse undequaque veram; vel asserendum est Cajetani doctrinam in hac parte adversari D. Thomæ, excludenti omnimodam illam similitudinem obligationis restituendi, et pœnitentiam agendi. Nec ideo negamus, aut negavit D. Thomas pæceptum negativum pœnitentiæ; quia commune est omni, et cuilibet pæcepto affirmativo includere negativum, a quo non excludi debet pœnitentia; sed non in sensu pædictæ solutionis, de quo infra in hoc eodem dubio.

Alia impugnatio ex Arauxo. Præterea: quia ut bene docet Arauxo infra quæst. 86, art. 2, dub. 3, implicitorum est, quod pæceptum sit affirmativum, et quod per se, et ratione sui non obligat: sed pæceptum Pœnitentiæ est affirmativum: ergo ratione sui debet obligare, non autem potest obligare pro aliquo instanti nec ratione sui, nec ratione pæcepti negativi in eo inclusi: ergo non est ratio asserendi ullo modo per se statim obligare. Discursus videtur legitimus, et Minor subsumpta quoad primam partem est perspicua ex generali ratione pæcepti affirmativi, ut ostendimus in superiori fundamento. Quoad secundam vero suadetur: nam si illa instantanea obligatio proveniret ex pæcepto negativo, jam pæceptum negativum destrueret modum, et naturam pæcepti affirmativi, utpote quod numquam posset obligare ratione sui, et juxta proprium sibi modum, ut patet. Unde ergo cognosci, aut affirmari vere possit esse pæceptum affirmativum? Rursus: Nec etiam pæceptum illud negativum servaret modum pæcepti negativi: quia pæceptum negativum non violatur nisi per actum positivum; sed non statim pœnitere non est actus positivus, sed carentia, vel omissionis actus: ergo per carentiam, vel omissionem instantaneæ pœnitentiæ non violatur pæceptum negativum pœnitentiæ. Alias actus positivus pœnitendi nec habetur, nec haberi debet in quolibet instanti. Ergo

non in quolibet instanti tenetur homo ad pœnitendum ex aliquo capite, vel pæcepti affirmativi, vel negativi; atque ideo pæceptum negativum non servaret modum obligandi proprium pæcepti negativi.

280. Si autem dicas omissionem Pœnitentiæ opponi pæcepto affirmativo, negativo vero solum adversari actum positivum vel complacentiæ, vel consensus in statum peccati. Inquirimus, ut supra inquirebamus: an post commissum peccatum semper adsit illa complacentia, vel consensus in nullo instanti interrupta, vel non? Si non adest: ergo jam adest tempus intermedium, imo et plura instantia, in quibus non tenetur homo ad Pœnitentiam, quin obsit pæceptum illud negativum: et consequenter reincidere necesse est in nostram, et communem sententiam. Si vero affirmetur primum, redit argumentum supra formatum, quod sit ille homo in continuo peccato actuali, vel innumera committat peccata actualia, quot scilicet fuerint interruptiones morales, quas enumerare non est facile in defluxu temporis considerabilis unius, vel plurium annorum. Unde manet ineluctabile illud absurdum, in quodcumque latus se vertant ad illud declinandum.

281. Hinc jam devenire opus est ad secundam partem assertionis, in qua Ecclesiasticos, et alias personas Deo sacras, uti sunt Religiosi, a pædicta obligatione exemimus. Et quidem rationes factæ vel nihil probant, vel id etiam evineunt. Unde D. Thomas illorum Theologorum ita sententium positionem refellens loco citato ex 4 Sentent. inquit: *Sed hoc nihil est: quia Religiosi non tenentur ad alia, quam alii homines, nisi ad quæ se ex volo obligaverunt.* Et ratio etiam est: quia jus naturale ad pœnitendum fundatur in offensa contra Deum facta, vi cuius Deus exigit sibi fieri debitam compensationem: sed in hoc pari, et æquali passu currunt Religiosi cum sæcularibus: ergo non est unde illi cogantur ad citius, aut immediatus pœnitendum, quam isti ex vi pædicti juris. Major et Consequientia constant, et Minor probatur. Tum quia adhuc respectu personæ religiosæ servat illud pæceptum modum pæcepti affirmativi, nec est minus absurdum, quod plura committat peccata differendo pœnitentiam, quam alii, ut consideranti constabit, dummodo aliunde ratione specialis voti non illud onus incumbat. Tum etiam, nam quod Religiosi (ut motivum

Pæci
tur
eflu
gium

Asse
rto
nō
exten
sio.

motivum oppositum opinantium diluamus) in perfectiori gradu sint constituti, probat quidem graviorem evadere transgressionem præcepti, subindeque majorem ab illis jure extorqueri satisfactionem, cui exhibendæ meliorem nacti sunt opportunitatem; non vero quod ad eam citius teneantur. Esto vero ita esset, quod protinus ad eam præstandam tenerentur, id sane proveniret a statu Religionis, aut divini cultus, cui omnes Ecclesiastici sunt addicti; non vero descendenter ex ipso jure naturali communi, et nullum statum concernenti quo indigebat illa sententia ad sui veritatem. Constat vero ex eo quod aliquis majus debitum contrahat, cui exolvendo adstringatur, non bene inferri citius ad id præ aliis teneri; quin imo si ex humanis trahi potest argumentum, oppositum debet inferri, utpote difficultius, atque ideo morosius sit ære alieno gravato in majori quantitate, quam in minori solvere: ergo cum sœculares ex vi juris naturalis non obligentur ad eam ita citam, ac præproperam pœnitentiā; nec etiam Ecclesiastici, et Religiosi.

Confirmatur, et explicatur. Quoniam tam grave onus non est imponendum Religioni absque gravi, et urgente fundamento: sed nullum est fundamentum injungendi prædictum onus personis Ecclesiasticis: ergo non tenentur prædicto onere. Cætera constant, et probatur Minor, quia non est fundamentum in ipso jure naturali, constat ex dictis, nec in votorum emissione, ut etiam liquet, nec in aliqua Ecclesiæ determinatione, quod probatur: nam in materia Pœnitentiæ solum constat de duplice Ecclesiæ determinatione; prima ad omnes fideles, cum ad usum discretionis pervererint, ut stato tempore sacramentaliter confiteantur post lapsum loco supra citato ex cap. *Omnis utriusque Sexus*. Secunda de statu Monach. Clement. *Ne in agro Dominico, &c Sane*, ubi Monachis Benedictinis, et ut annotatur in margine, etiam Canonici regularibus injungitur, quod singulis mensibus iam in Monasteriis, quam extra (sublata occasione quacumque) ad confessionem saltem semel accedant omnes, et singuli, et in prima Dominica mensis in monasteriis semper communicent. Nulla vero alia determinatio in hac parte inventur, quæ magis concernat Clericos, aut Religiosos, quam reliquum sœcularium vulgus: ergo nullum penitus est fundamentum ad illud tam grave onus ipsis injungendum præ aliis, consequenterque quoad hoc non stric-

tius, sed æqualiter ac sœculares jure divino premuntur. Et si quod alias onus eis incumbit, provenit quidem ex ipso statu, non naturali ex jure. Unde concedimus decentius, ac congruentius esse Religiosis non procrastinari, ac persistere in statu peccati mortalis, quam dedebeat sœculares. Sed aliud est decentiæ titulus, aliud præcepti onus.

§ IV.

Ejusdem veritatis asserta consectaria.

282. Ex quibus inferendum, et dicendum est secundo, nec etiam in diebus festivis, aut solemnioribus aliquem ad pœnitentiam constringi, dummodo aliunde non proveniat obligatio, utputa ratione Sacramenti vel suscipiendi, vel ministrandi, vel alia de causa. Quod consectarium docent communiter Theologi contra Marsilium in 4, quæst. 42, art. 1. Viguerium cap. 16, § 5. Petrum de Soto lect. 13, et alios, quos referunt Prado, et N. Franciscus, et ratio est eadem cum præcedenti: quia nullum est fundamentum prædictum onus fidelibus injungendi. Nam quod illi prætexunt de festorum sanctificatione, et Deo in illis diebus specialius colendo, leve est, et prorsus insufficiens. Tum quia finis legis, maxime extrinsecus non cadit sub lege; sanctificatio autem interior, cui præcipue deservit pœnitentia, est finis extrinsecus, atque ideo non cadit sub lege præcipiente sanctificationem diei festi. Tum etiam, quia ut bene observat Cajetanus in summa verb. *Festorum violatio* solum exterior cultus præcipitur, non autem interior renovatio per contritionem. Tum præterea, quia aliud est præceptum Religionis a præcepto Pœnitentiæ: sed cultus externus, et festorum observatio pertinet immediate ad Religionem, cujus sunt proprii actus: non ergo per se pertinent ad Pœnitentiam. Tum denique, quia præceptum de observatione festorum, et cultu in illis Deo exhibendo sufficienter impletur per cessationem ab omni opere servili, et auditionem sacri, quin ad aliud fideles cogat Ecclesia, ut constat. Unde ergo venit illa specialis obligatio interne pœnitendi, vel quodnam est illius vestigium in Scriptura, Patribus, aut Ecclesiæ statuto? Et quidem licet istud reperiatur, solum induceret obligationem juris Ecclesiastici, non autem juris divini, de quo agimus.

1 Corol-
larium
quantum
ad dies
festos.

Marsi-
lius.
Vigue-
rius.
Petrus
Soto.

Objec-
tio.Gabriel.
Scotus.
Ange-
lius.

Solutio.

D.Thom.

2 Corol-
larium,
quando
peccata
memori-
riae oc-
currunt.

Nec obest in oppositum illud Levit. 16 : *Sabbatum requietionis est, affligetis animas vestras, ab omnibus peccatis vestris mundabimini.* Quibus consonant alia verba ejusdem libri cap. 23 : *Affligetis animas vestras, omne opus servile non facietis in die hac : omnis anima, qua non fuerit afflita in die hac, peribit de populo suo, et causa redditur : ut propitietur vobis Dominus.* Et quod magis est, toto illo capite non semel, sed plures id ipsum injungitur, et commendatur. Constat vero prædicta verba non aliud directius sonare, aut intimare, quam poenitentiam internam animarum : ergo haec est quæ imposita fuit fidelibus pro diebus festis. Et ita ultra relatios tenuisse videntur Scotus, Gabriel in 3, dist. 17. Angelus verbo Feriæ, Nider in suo præcepto, quibus annumerari solet D. Antonin. part. 2, tit. 9.

Hoc, inquam, minime obesse constat ex eo, quod lex vetus abolita fuerit, nec obligat ulla ex parte, nisi quoad eam, in qua præcepta legis naturæ continebat. Insuper, lex illa loquebatur de certo die expiationis, qui dies Propitiationis vocabatur, in quo Sacerdos semel in anno pro peccatis populi preces Deo fundebat. Nec etiam erat lex, quæ singulis festis præciperet afflictionem internam Pœnitentiæ, sed solum præscribebat cærimonias illas externas, quibus, ut inquit D. Thomas 1, 2, quæst. 102, art. 4 ad 10, significabatur emundatio a peccatis populi Christiani, et hoc erat festum expiationis. Porro præceptum illud de sanctificatione die Sabbati testatur D. Thomas 2, 2, quæst. 122, art. 4 ad 1 : *Fuisse cærimoniale secundum moralem significationem, prout significat cessationem ab omni actu peccati, et quietem mentis in Deo.* Et secundum hoc quodammodo est præceptum generale. De quo videri potest Cajet. in comment. illius articuli, ubi ostendit ad litteram præceptum illud solum esse de exteriori Dei cultu, et oppositum sensum phantasiam vocat. Esto tamen ita non esset, quod in sensu litterali foret intelligendus ille textus, adhuc nihil ex eo inferatur : quia præceptum illud pertinebat ad virtutem Religionis primario, et solum per accidens concernebat Pœnitentiam, ut accidit in lege gratiæ accedentibus ad alia sacramenta ; quæ ut digne suscipientur a peccatore, prævia pœnitentia indigent. Unde nullo ex capite convincitur intentum.

283. Dicendum, et inferendum est tertio nec etiam per se urgere præceptum Pœni-

tentiae quoties peccata memoriae occurunt. Hanc assertionem (jam supra indicatam ad art. 9 præcedentis quæstionis, ubi cum D. Thoma egimus de continuatione, et duratione Pœnitentiæ, sed in præsenti fusius discutiendam servavimus), statuimus contra plures veterum Theologorum, quos refert Suarez disp. 15, sect. 4, n. 3. Præcipui illorum sunt Alensis, D. Bonavent. A. Ricardus, Hugo de S. Victore, et Gabriel. Ratio ejus sumitur ex dictis loco citato, et ex hactenus in hoc dubio expensis. Insuper suadetur aliis motivis, quorum primum proponitur sub hac forma : Quoniam obligatio præcepti venanda est per ordinem ad actum et ejus necessitatem, non vero penes recordationem, aut memoriam materiæ circa quam illius actus ; hæc enim ad summum conductit ad notitiam obligationis, non vero eam inducit de novo : sed præceptum Pœnitentiæ non obligat pro semper ad detestanda peccata : ergo nec quoties in memoriam veniunt. Major explicatur, et probatur simul : nam præcepta non obligant, quia memoria retineantur, sed prius, et aliunde debent obligare, quam sit, vel non sit illorum memoria ; ideo namque memoria retineri postulant, quia important obligationem, et non e converso. Minor supponitur ex dictis prima assertione, et Consequentia probatur : nam obligatio per se alicujus præcepti non debet depromi ex eo, quod ipsi est accidentale, extrinsecum, et posterius : sed accidit præcepto, et ejus obligationi, quod excidat e memoria, vel in illam veniam, ut constat ; si quidem eadem ratione, qua asseritur ejus obligatio, semper atque in mentem veniant peccata detestanda ; deberet etiam asseri si numquam ab illa exciderent, continuo, et pro qualibet instanti fore odio habenda : ergo sicut est accidentale, et extrinsecum, et posterius, quod e memoria labantur, vel quod in illam redeant, ita et quod semper, aut raro illud præceptum obliget. Quamobrem ad sustinendam istam sententiam consequenter asserendum est præceptum Pœnitentiæ per se semper inducere celerem, et præproperam obligationem, jam in prima assertione convulsam. Quod vero magis vel minus obliget, prodire a memoria, quod est falsum.

Confirmatur primo. Nam illa memoria vel est, et sufficit ad obligandum, ut pure speculativa ; vel ut practica, et ita efficax, ut impellat hominem ad consensum, et in

discrimen proximum consentiendi trahat, nisi interveniat detestatio peccati? Si primum dicatur, planum est non inducere obligationem, nec concernere præceptum: quia præcepta virtutum moralium non versantur circa speculationem, de qua non curant, sed tantummodo circa proxim, in quam collitant. Si vero affirmetur secundum, tenebitur quidem homo ad penitendum, non ratione memoriae præcise, ut dicit illa sententia, sed ratione periculi imminentis incidendi in aliud peccatum. Et quia non semper ac in memoriam veniunt peccata, ita prompte, et efficaciter movent, quod in periculum proximum ducent iterum relabendi; falsum est, et communiter improbatum obligari hominem ad penitentiæ actum, semper atque in memoriam peccata devenerint.

Confirmatur secundo a paritate aliorum præceptorum affirmativorum. Nam præceptum charitatis (et idem dices de præceptis Confessionis, Eucharistiæ, aut aliarum virtutum sive Theologalium, sive Moralium) non obligat præcise per hoc, quod Deus in mentem veniat, aut ejus immensa bonitas ut summo amore digna cognoscatur; alioqui enim frequentissime teneremur ad actum charitatis, et consequenter illum omittendo innumera committerentur peccata: quod est nimis durum, nec minus salebrosum. Hujus autem non est alia ratio, nisi quia memoria objecti, quod alias cadit sub præcepto, non inducit per se obligationem, sed hæc oritur aliunde ex visceribus, et modo ipsius præcepti, et solum tenet in illis circumsstantiis, quæ ab ipso præscribuntur, non vero quoties in mentem venit. Id quod clarius eluet in præceptis Confessionis, et Eucharistiæ; hæc quippe quantumvis in memoria retineantur toto animi decursu, non obligant, nisi tempore ab Ecclesia præfixo. Quod signum evidens est a memoria non oriri obligationem, sed aliunde. Ergo ut asseratur præceptum hujus virtutis obligare, non in memoriam peccatorum, sed in conditionem, et modum hujusmodi præcepti deveniendum est. Cum ergo illud sit juris divini, ex quo non habetur determinatio ad hoc tempus præ alio, nec cogat ad statim habendam contritionem; perperam affirmatur pro regula obligationis, quod peccata in mentem veniant, quasi ejus obligatio pendula esset a nostra memoria. Unde sicut memoria temporis Confessionis, aut Eucharistiæ conducit

quidem ad tempore debito ea Sacraenta percipiendum, non tamen novam obligationem secum trahit; haud dissimiliter peccatorum memoria proficiet ad suo tempore de illis penitendum; non vero ad illico, ac illorum quis meminerit, præcep- tum exequendum.

284. Nec vim hujus confirmationis elides, si dixeris, quod peccata semper atque se memoriae offerant, se offerunt ut detestatione digna. Nam multo magis bonitas divina est digna amore, quam odio peccatum haberri debeat, cum illa sit infinita per essentiam, et in omni ordine, hoc vero ad summum moraliter: et tamen non semper, ac cogitemus in Deo, vel de Deo tenemur ex præcepto ad ipsum amore prosequendum: ergo nec etiam obligabimur ad peccata odio habenda qualibet simplici eorum memoria; sed ad summum quando imminet periculum in aliud peccatum, aut eorum complacentiam irruendi. Quod vero (ut aliam replicam subruamus) voluntas peccatoris pronior sit ad malum, quam ad bonum, probat quidem consilii esse eorum cogitationem averttere, ne allient, et in consensum pertrahant; non vero sub præcepto cadere ea positive detestari. Nam ut supra in commentario ad art. 9 animadvertisimus inter *placere*, et *displacere* contrarie accepta cadit medium *non placere*, negative sumptum, quo et mens alio distrahi potest, et excluditur, si quod esse poterat, periculum, ut etiam potest cerni inter *diligere*, et *non diligere* privative, inter quæ manifestum est intercedere *non diligere* negative, de quo non est præceptum, nec eo violatur.

285. Sed contra insurgit non levis diffi- cultas. Nam si quoties peccata memoriae se repræsentant, non opus esset illa positive respuere, sequeretur licite posse hominem elicere hunc actum: *nolo pœnitere*, hoc autem est falsum: ergo tenetur homo ad positive despiciendum peccatum. Major probatur, quia licitum est velle positive, quod licitum est facere: sed homini existenti in peccato licitum est non pœnitere, quantumlibet peccata memoriae obveniant: ergo et licitum illi erit *velle non pœnitere*, seu quod idem est, *nolle pœnitere*. Falsitas Consequentis suadetur: quia supposito peccato, non stat voluntas positiva non pœnitendi, quin saltem interpretativa sit voluntas persistendi in statu peccati: sed voluntas perseverandi in statu peccati est virtualis illius complacentia, atque ideo

Effu-
gium,
atque
confu-
tatio.

Gravis
objectio.

novum peccatum : ergo non stat voluntas non pœnitendi absque novo peccato. Major hujus syllogismi probatur : quia supposita cognitione peccati existentis, velle illud a se non excutere est virtualis approbatio, et volitio perseverandi in illo statu : sed virtualis volitio, et approbatio status peccati non stat absque simili complacencia in illo : ergo voluntas positiva non pœnitendi est virtualis, et interpretativa voluntas permanendi in statu peccati. Si namque tam formaliter, quam virtualiter peccatum non vellet, abs dubio ab illo facile, cum posset, se extricaret : ergo ab eo non se expedire, cum possit, est saltem virtualiter in illo complacere, nec illius consortium respuerere, sed complecti.

Prima
respon-
sio.

Hujus objectionis non est una Authorum solutio : sed sunt aliqui docentes, quod sit intrinsece malum, vel non pœnitere, licet sit lictum non pœnitere, quando non urget præceptum Pœnitentiae, de quorum numero sunt Palacios in 4 dist. 17, q. 2. Soto ibidem q. 2, art. 6, ante 3, conclus. Cano ubi supra § *Quod si*, et solut. ad 5. Differunt tamen in explicanda gravitate malitiae : nam illorum primus existimavit esse peccati mortalis reum, qui adhuc dum non teneretur, renueret agere pœnitentiam, tam expressa volitione; aliis censentibus dumtaxat contineare illam volitionem malitiam peccati venialis, eo quod ejus objectum nulla ratione honestari posset.

Palacios.
Cano.
Soto.

Non
arridet.

Hæc tamen solutio displicet tam in eo, in quo ejus Authores convenient, quam in eo, in quo dissident. Et quoad primum rejicitur : quia bonitas vel malitia actus desumitur ex bonitate, aut malitia objecti : sed objectum prædicti actus non est illicitum : ergo actus ille non est intrinsece malus. Major debet supponi ut indubia, maxime in via D. Thomæ, eamque late prosequi, ac firmare conati sumus suo proprio loco. Minor constat ex illorummet doctrina nobis, et illis communi : quoniam objectum illius actus, est non pœnitere quando non urget præceptum : sed non pœnitere non urgente præcepto, non est illicitum : ergo objectum illius actus non est illicitum.

Major
respon-
sionis
eversio.

Confirmatur primo. Nam ut omissio sit imputabilis, et consequenter illicita, debet præcedere debitum non omittendi; ut patet in submersione navis, quæ eatenus tribuitur nauclero, quatenus ipsi incumbit ex officio ejus gubernatio; si namque de-

ficiat debitum est mera negatio, non vero privatio actus debiti, ut fuse explicimus tract. de Voluntario disp. 4, dub. 2. Ergo ut non pœnitere, seu quod idem est, omissione pœnitentiae refundere posset malitiam in sui volitionem, opus erat debito non omittendi pœnitentiam. Sed non urgente præcepto, aut alia circumstantia extrinseca non est unde oriatur debitum non omittendi pœnitentiam. Ergo omissione pœnitentiae non est, unde possit esse objective mala ; ergo nec etiam erit intrinsece malum velle prædictam omissionem : quia licitum est velle, quod licitum est non facere ; si namque licitum sit non audire sacrum, latet profecto, quare licitum non etiam sit velle non audire sacrum ? Si ergo licitum est non statim pœnitere, nec etiam quoties peccata memoriae occurruunt; licitum eodem modo erit velle non statim hominem contem, nec quoties peccata in mentem venerint.

286. Dices aliam esse rationem objecti, eva quam actus : nam objectum ex sua specie queit esse indifferens, subindeque nec bonum, nec malum determinate, ut cum D. Thoma, et communi sententia Theologorum statuimus tract. de Bonit. et Malitia disp. 7, dub. 1. Actus vero per se loquendo nequit esse indifferens in individuo, ut dub. 2 illius disputationis cum eodem D. Thoma firmavimus. Quare poterit stare non pœnitere non esse illicitum, et malum ; et quod velle non pœnitere sit intrinsece illicitum; sicut stat levare festucam non esse malum, et velle illam absque alio fine levare esse prohibitum, quia malum. Et ratio est eadem utrobique: eo quod non pœnitere est indifferens ad bonum, et malum, qua indifferenta nequit gaudere voluntas non pœnitendi exercita, seu in actu secundo.

Sed contra est, et instauratur ad hominem impugnatio ex eodem exemplo, quod est Magistri Cano. Nam eo ipso quod levare, vel non levare festucam e terra non sit objective prohibitum, sed indifferens ad bonum, et malum morale, levatio festucæ non est intrinsece mala, nisi importet determinate parentiam finis honesti, ad quem in quolibet opere constituendum tenetur homo, semel atque ut rationalis, et deliberate procedat : quocirca si honestus finis levationi illi apponatur, evadit actus simpliciter bonus ; sin minus, erit illicitus : sed non pœnitere est indifferens moraliter, utpote non prohibitum aliqua lege, nisi dum

dum urgeat præceptum : ergo velle non pœnitere non est ita intrinsece malum absolute, ut asseritur, sed potest ratione finis honesti appositi reddi actus bonus, et si eo caruerit, malus in individuo. Unde ergo debet proferri, et annuntiari absolute, et intrinsece malus? Siquidem cum peccata memoriarum occurrent, potest urgere præceptum vel Religionis, vel Misericordiae, aut alterius virtutis, cuius exercitio impeditus homo ex fine illi incumbendi velit non pœnitere, sed differre usque ad tempus instans; sicut si offerretur occasio confessionis, posset licite eam differre usque ad tempus præscriptum sola intentione interim aliis operibus vacandi. Quare instauratur argumentum: Nam actus qui esse potest et bonus, et malus moraliter, non est intrinsece malus: sed velle non pœnitere potest esse malum, et bonum moraliter: ergo velle non pœnitere, quando non urget præceptum, non est intrinsece malum: probatur Minor: quia non urgente præcepto ad pœnitentiam, bene vero ad alia pietatis opera, bonum, et honestum est vacare operibus præceptis, omissio opere non præcepto: ergo velle non pœnitere ex illo motivo est moraliter bonum; alioqui potest esse malum, si honestus finis illi non apponatur: ergo velle non pœnitere non est determinate, et intrinsece malum, sed quandoque malitia, quandoque vero bonitate morali gaudere potest.

287. Unde manet convulsum id, in quo prædicti Authores differebant. Nam quod ratus fuit Palacios de peccato gravi, durum est, et nulli fundamento innixum: quia ubi non est præceptum secum trahens gravem obligationem, non est locus transgressioni, aut peccato gravi; sed nullum est præceptum pœnitendi quoties peccata memoriarum occurrent, ut constat ex dictis, vel assignetur: ergo nulla est ratio damnandi peccati gravis hominem non pœnitere volentem, dum peccata memoriarum occurrent. Nec etiam est peccatum veniale, ut alii rebantur: nam ut ille actus esset saltem venialiter illicitus, debet carere fine aliquo honesto, quoad exercitium: sed actus ille quandoque fine honesto gaudere potest: ergo non semper erit peccatum veniale, subindeque non est ratio, quare absolute inter peccata venialia computetur.

Adderetur (et explicatur radicitus): Nam quod ille, vel quilibet alias actus habere debeat finem honestum, provenit quidem ex con-

ditione generali actuum humanorum, quæ est radix longe diversa, ex cuius defectu nullus alter actus evadit moraliter bonus. Quare quod velle non pœnitere sit moraliter malus, provenit quidem ex parentia finis honesti, quia malum ex quocumque defectu; sed non tanquam ex propria et objectiva radice, ex qua actus sibi vindicant intrinsecam, et specificam bonitatem, vel malitiam. Et in hoc sensu non magis illicitum velle non pœnitere, quam deambulare, aut in agrum tendere, cui si adderetur sana finis intentio, non deficeret bonitas moralis. Quod est asserere prædictum actum accidentaliter conjungi cum quolibet illorum extremorum vel bonitatis, vel malitiae, consequenterque non esse intrinsece malum: cujus oppositum objectio illa extorquebat. Nam si memoriarum occurribus peccatis, homo teneretur ad pœnitendum, posset licite velle non pœnitere, utpote non præceptum. Cui non occurritur directe per hoc, quod omni, et cuilibet actui moraliter debet apponi finis honestus; hoc enim supponi debet aliunde, et nullus est actus in individuo, cui non debeat competere. Quocirca ex parte hujus objecti, quod est non pœnitere, debet tradi ratio quare specialiter semper sit peccaminosus? et hoc non præstatur in illa solutione, siquidem non pœnitere quando non præcipitur, non est intrinsece malum; alias potest esse bonum, ut probatum est: non ergo illa doctrina alioqui vera, recte occurritur argumento.

288. Ut ergo directius illi occurramus, duo brevier prælibanda sunt. Primum sit *velle non pœnitere sumi posse dupliciter*; vel absolute, et absque ulla determinatione, aut expressa, aut subintellecta, quo pacto importat omnimodam negationem Pœnitentia pro qualibet temporis differentia. Vel sumitur contractius; ad hanc differentiam temporis, in qua non urget præceptum, nec consequenter inest debitum pœnitendi: quo modo non excludit totaliter Pœnitentiam, sed tantummodo in illo tempore determinato, in quo ea non obligat, nec consequenter est debita. Ex quibus *velle non pœnitere* primo modo importat deordinationem perversam, imo et quoddam obstinationis genus, quatenus excluditur omnis Pœnitentia post peccatum. At vero in secundo non pœnitendi modo non splendet illa deformitas, sed solum explicatur voluntas non pœnitendi, in hoc vel illo tempore determinato, in

Nota 1
pro
legitima
difficul-
tatis
enodata.

quo ad eam non obligamur ex præcepto, sed ad summum ex consilio. Et quia ad consilia non tenemur ex jure, potest quis licite, et absque peccato, hoc aut illud consilium non sequi in his, aut aliis circumstantiis, in quibus forsitan vel melius erit aliis vacare operibus, vel etiam aliarum virtutum obligatio instet. Tum quia, secluso speciali voto, nemo tenetur ad id, quod est absolute melius, quale est amplecti semper, et in omnibus consilia. Tum etiam, quia consilia sicut non obligant, ita non præcipiunt, nec prohibent actus, et illorum omissiones.

Nota 2. Secundo est prælibandum in hoc quod est *non pœnitere* importari formaliter, et expresse parentiam actus Pœnitentiae, seu ejus omissionem. Omissio autem ut sit voluntaria, et libera, ultra debitum non omittendi, exercite debet supponere actum aliquem, qui sit causa, vel occasio omitendi; alioqui non appareat, quomodo a voluntate ut principio libero emanet, et in se voluntaria, et libera sit, de quo egimus tract. supra citato, et rursus tract. de peccatis disp. 5, dub. 5, et modo supponendum est. Ut ergo Pœnitentiae omissione exercite libera sit, et voluntati imputabilis, duo habere, aut præsupponere debet, et debitum operandi, et actum, qui impedit operationem, et sit causa, vel occasio omissionis. Quo fit, quod licet non deficiat actus, si tamen deficiat debitum non omitendi; non possit, nec debeat voluntati moraliter imputari, ut supra tetigimus, et est perpetua doctrina D. Thomæ.

Porro actus duplíciter potest attingere omissionem, vel per modum objecti directi attacti, quod est attingere signata, ut quando expresse, et formaliter profero, et intendo omissionem, uti sonat ille actus: *volo non pœnitere*, seu *omissionem Pœnitentiae*. Et hic actus si excludat omnem Pœnitentiam, vel quod idem est, importet absolutam Pœnitentiae omissionem, abs dubio est peccatum mortale impenitentiae, ut dicebamus. Sed in hoc sensu non procedit objectio, neque procedere potest, ut veniat ad rem. Vel attingit omissionem determinate pro tempore illo, in quo præceptum non viget; et hoc modo, quia non supponit debitum, et alias esse potest cum fine honesto; nec etiam appareat ratio, cur a ratione dissonet, subindeque ut peccaminosa damnetur. Vel omissione in hoc secundo sensu sumitur exercite, et in actu secundo, quo pacto debet supponere actum

positivum ut sui causam, vel occasionem, in quo virtualiter, et in causa continetur. Et quia omnis actus voluntatis est reflexus supra seipsum, in ipsomet actu qui est causa, vel occasio, imo et in ipsa omissione est virtualis volitio, qua vult se velle omittere; consequenterque vult omissionem Pœnitentiae, seu non pœnitere exercite, quidquid sit de volitione signata in primo sensu. Quia ergo omissione determinata Pœnitentiae pro tempore non obligante objective non est mala, ut etiam ipse Cano docet, sed indifferens; et exercite attacta, sit peccaminosa, non tam attendi debet ad objectum, seu omissionem, quam ad actum, qui est ipsius causa, vel occasio; quocirca si iste fuerit honestus, etiam honestum exercitium erit omissionis. Si autem ille fuerit peccaminosus, vel ob parentiam debiti finis, vel ob aliam causam, erit peccatum, non quidem ex parte ipsius omissionis, utpote non debitæ, atque ideo non imputabilis; sed ratione ipsius actus, ita quod malitia non refundatur in ipsam omissionem, sed soli actui, qui est ejus causa, deferatur: cessante namque debito cessat malitia omissionis, consequenterque imputabilitas. Quam doctrinam nos docuit D. Thomas quæst. 6 supplementi art. 5, D. Thom. ubi loquens de dilatione Baptismi, et Confessionis, inquit: *Sed potest contingere, quod in dilatione baptismi mortale erit peccatum, vel non erit, et hoc pensandum est ex causa dilationis, quia sicut dicit Philosophus 8 Physicor. voluntas non tardat facere opus volitum, nisi propter aliquam causam rationabilem. Unde si causa dilatationis Baptismi mortale peccatum anneuum habeat, utpote si propter contemptum, vel aliquid hujusmodi Baptismum differat, dilatio erit peccatum mortale, alias non. Et ideo idem videtur in Confessione. Quod magis explicans quodlibeto 1 quæst. 6, art. 11, ait; quod differe Confessionem usque ad hoc tempus per se loquendo licitum est, sed per accidens potest fieri illicitum: puta si immineat aliquis articulus, in quo Confessio requiratur: vel si aliquis propter contemptum Confessionem differat. Et similiter potest esse talis dilatio meritoria per accidens, si ad hoc differret, ut prudentiori confiteretur, vel devotius propter sacram tempus.* Ubi S. Doctor manifeste affirmit per accidens posse esse dilationem peccaminosam, et per accidens etiam meritoriam, ut dicebamus.

289. Hinc ad objectionem supra positam respondeatur

Applicatur
doctrina,
et soli
vity
difficultas.

respondetur distinguendo Majorem : *Licite posset elicere hunc actum : Nolo pœnitere, pœnitentia absoluta*, ut in primo sensu, negatur : qui enim post peccatum lethale apud se firmiter statuit numquam de illo pœnitere, abs dubio graviter delinquit, sicut qui numquam confiteri vellet, in omnium sententia contraret præcepto divino Confessionis, quod est gravissimum, et similem actum prohibet, quia certum est unum, et alterum præceptum aliquo vitæ tempore suam inducere obligationem : quare nullo unquam tempore ea observare nolle non potest non esse peccatum, et grave juxta naturam ipsius præcepti. *Posset elicere hunc actum : Nolo pœnitere, Pœnitentia restricta ad tempus, in quo non est obligatio*, conceditur : quia sicut nullum est peccatum non vel confiteri, aut baptizari ante tempus præscriptum, aut non misereri citra casum necessitatis ; quamvis ea se offerat opportunitas, quam melior non possit expectari, ut supra nos docuit D. Thomas ; ita et ob eandem rationem, nullum est peccatum omittere Pœnitentiam, aut eam non velle ante tempus exactum ab ipso præcepto. Et in hoc sensu demonstratur Major probatione illi apposita, quidquid reclamet Magister Cano loco supra citato. Nam licitum est velle, quod licitum est facere, et similiter licitum est velle non facere, quod licitum est non facere : sicut e converso, numquam est licitum velle, quod non est licitum facere, et quod est illicitum non facere, etiam est illicitum non velle, ex vi horum terminorum ; quidquid sit, an aliunde adjungatur aliqua circunstancia, qua honestari, et dishonestari possit, a qua præscindi in præsenti debet. Unde apud nos est certum, quod toto eo tempore, quo licitum est non pœnitere, licitum etiam esse debet non velle pœnitere : non enim quid gravius apprehendimus in eo quod quis velit non pœnitere in sensu assignato, quam in eo quod est non pœnitere ex præcepto.

Ad hujus improbationem contentam in Minoris objectionis, distinguenda iterum est Major sub eisdem terminis, quia licet cum voluntate absolute non pœnitendi stet voluntas persistendi in statu peccati, quod concedimus, cum voluntate tamen hic et nunc non pœnitendi ex defectu obligationis, stat voluntas tempore debito pœnitendi : sicut cum voluntate confitendi tempore debito, stat voluntas non confi-

Salmant. Curs. theolog. tom. XIX.

tendi hoc tempore, quia est indebitum. Unde sicut voluntas absoluta non confidendi post peccatum, est mala; ita et voluntas non pœnitendi absolute. Cæterum sicut voluntas non confitendi in hoc tempore non præfixo non est mala, sed compatitur cum voluntate tempore debito confitendi ; parimenti voluntas in hoc tempore non pœnitendi, quando non obligat præceptum, non potest ut peccaminosa accenseri, cum admittat voluntatem aliam tempore debito Pœnitentiam agendi. Quare non est voluntas absoluta numquam pœnitendi, sed contracta, et determinata ad tempus indebitum, et minime ex præcepto exactum, in quo non appetit qualiter ex vi hujus committatur peccatum, ut videre est in aliis omnibus præceptis. Nec etiam est, ut obtrudebatur, virtualis, et interpretativa approbatum status peccaminosi, in quo ponitur offenditio lapis ; sed est mera negatio, aut, si velis, permissio illius : nam eo ipso quod hic et nunc non sit præcepta Pœnitentia, quia peccata memorie occurrant, quod ergo eam non velim, ut non præceptam, solum est velle hic et nunc Pœnitentiae operam non dare, quod licitum est, et minime prohibitum. Quod vero status peccati perseveret, est omnino per accidens, et præter intentionem meam, quia permitto peccati statum tempore debito exterminandum, et abiciendum ; interim tamen, nec approbo, nec reprobo, quia non teneor, sed alio cogitationem distraho, et aliis operationibus me accingo. In quo stat displicentia negativa, quam supra ad art. 9 tetigimus, et numquam positive agere contra pœnitentiam, ad quod solum nos cogi ex præcepto ibi audivimus a D. Thoma. Unde manet perspicuum in via S. Doctoris nec confestim, nec quoties peccata memoriae occurront, ad Pœnitentiam teneri hominem post peccatum. Quam solutionem ex discipulis D. Thomæ amplectuntur Nuno, et Prado supracitati, ex aliis vero Joan. Medina Codice de Pœnit. tract. 1, quæst. 6, Suarez disp. 15, Medina sect. 5, num. 19 et 20, et alii.

Nuno.
Prado.
Joan.

Medina.

Suarez.

§ V.

D. Thomas objicitur, et ejus mens enucleatur.

290. Sed contra assertionem consectarii, Difficul-
tas circa
et ejus doctrinam, imo et contra primam,
mentem
et præcipuam assertionem directe vide-
tur stare D. Thomas loco citato ex 4 sen-

Urgen-
tia
S. Doc-
toris
testimo-
nia.

Con-
tempson.

Appli-
catione,
et
ponde-
ratio.

tent. ubi docens propositum confitendi esse annexum contritioni, ait: tunc teneri hominem ad illud propositum, quando ad contritionem tenetur: scilicet quando peccata memoriz occurunt. Et ne quis hoc testimonium eludere conetur, quasi a S. Doctore juvete traditum, et a se ipso ut seniore, ac doctiore in hac 3 parte, maxime art. 9 quæstionis præcedentis correctum, et in meliorem, ac saniorem sensum redactum, audiat ipsum 2, 2 quæst. 62, art. ult. ita disserentem: *Manifestum est autem, quod nec per modicum tempus licet in Peccato morari: sed quilibet tenetur peccatum statim deserere secundum illud. Eccles. 23: Quasi a facie colubri fuge peccatum.* Et in solutione ad primum ita occurrit: *Dicendum, quod præceptum de restitutione facienda quamvis secundum formam sit affirmatum, implicat tamen in se negativum præceptum, quo prohibemur rem alterius detinere.* Non ergo retractavit D. Thomas in summa (infert Contempson, cuius est objecio) sententiam olim a se traditam in 4. Ut ergo de mente D. Thomæ (subinfert immeiate) haec conclusio, quæ art. 5, quæst. 6, supplem. habetur: *Quamquam omnes statim de suis dolere peccatis teneantur, et Confessionem differre periculo non careat; de necessitate tamen salutis non est, ut statim peccata sua quis confiteatur, sed habita copia Confessoris, et statutis ab Ecclesia pro Pœnitentia temporibus.*

Et huic parti tantum detulit laudatus Author in presenti dissert. unica cap. 1, sect. 2, § objectiones solvuntur, ibi. *Equidem in re vehementer ambigua, ut his, et aliis hujus sententiæ argumentis evidenter solvendis diffidendum existimarit. Quod forsitan, apparentius affirmare potuisset saltem ex mente D. Thomæ, si apud S. Doctorem offendisset aliud testimonium ex quodlib. 1, quæst. 6, art. 11, in quo nulla est retractationis suspicio, ubi ait, quod morbus corporalis, nisi per medicinæ remedium extinguatur, semper invalescit in pejus, nisi forte etiam virtute naturæ fuerit extinc-tus: morbus autem peccati extinguitur per contritionem, unde non est simile.* Ex quibus verbis immediatus, et formalius, quam ex relatis a Contempson formatur in hujus sententiæ auxilium sequens argumentum: nam juxta D. Thomam ideo potest homo Confessionem differre usque ad tempus Quadragesimæ absque periculo, quia morbus peccati extinguitur per contritionem: ergo tenetur ad contritionem ante prædic-

tum tempus. Probatur Consequentia ex eodem D. Thoma: ex eo enim, quod morbus corporalis, nisi virtute naturæ extinguatur, semper invalescit, docet S. Doctor medicinæ remedium statim quærendum: sed morbus spiritualis peccati gravis, qui potius est mors animæ, quam morbus, non est alio remedio extingibilis, quam contritione, aut Confessione: ergo hac dilata usque ad præfixum tempus, illa quam cito apponi debet, ne invalescat morbus peccati.

Explicatur hoc insistendo eidem comparationi: Quia morbus corporalis non est unde extinguatur, nisi vel virtute naturæ, vel arte medicinæ, docet D. Thomas quod deficiente virtute in natura ad pellendum morbum, illico, et posthabita omni dilatione, recurrentum est ad remedium medicinæ; sed morbus spiritualis peccati nullum sibi vindicat remedium praeter contritionem, aut Sacramentum Confessionis: ergo hoc non statim recepto, ut non esse necessarium debet supponi, confessim applicari debet remedium contritionis. Hanc enim energiam tenere videntur illa verba Doctoris Angelici, quæ supra retulimus ad robur addendum exaggerationi Contempsonis: quod morbus corporalis, si forte virtute naturæ non fuerit extinctus, illico arte medicinæ expungendus est: non vero morbus spiritualis per Confessionem Sacramentalem, eo quod morbus peccati extinguitur per contritionem: et ideo non est simile quoad Confessionem, contra quam procedebat argumentum, quia superest remedium contritionis ad manum, ut ita dicamus. Et hanc similitudinem non exclusit, quin statuit, ac supposuit D. Thomas: atque ideo ex ejus mente, licet non sit statim confitendum, est tamen protinus post peccatum contendendum.

291. Hæc tamen testimonia insufficiencia sunt, ut D. Thomam ab illa fuisse sententia evincant, ut erit manifestum si illa singillatim perscrutemur, et discussiamus. Non enim mens Authoris intrepide, et ut sic loquamus, rotunde asserenda est nisi ex fine, et materia, cui applicantur. Si vero inde extracta dissonant aliis Authoris principiis, explicari, et ad sanum, et cohærentem sensum reduci debent. Et sane, si illa propositione D. Thomæ absolute, et ut sonat, accipienda esset, posset teneri homo ad Pœnitentiam continuam actualem, quando quidem contingere

Legitima
D.Thom.
intelligen-
tia.

tingere posset, numquam peccata e memoria excidere, sed continuo stimulare; quod tamen improbat S. Doctor supra art. 9 quæstionis præcedentis, ubi docet solum quoad habitum obligari hominem ad continue Pœnitentiam interiorum agendum; non vero quoad actum, quem necesse est interrumpere vel somno, vel aliis vitæ humanæ debitibus operationibus. In omnibus quippe operationibus non est, cur non præveniat peccatorum memoria, atque ideo si hæc secum traheret obligationem Pœnitentia præceptæ, prius huic, quam illis foret studendum, atque ideo continuo hominem pœniteret, excepto somno. Quod tamen est contra D. Thomam, atque ideo non illico amandandus esset, qui assereret virtualiter D. Thomam illam propositionem corresisse, ac retractasse in hac 3 parte. Quam explicationem non infringere testimonia illa ex 2, 2, ex infra dicendis constabit.

Sed hac solutione nec utimur, nec indigemus, cum aliae supponant germaniores. Porro illam propositionem capitalem glosari, et explicari debere, velit, nolit, fateri tenetur laudatus D. Thomæ discipulus: nam si pœnitendum esset actualiter, quoties peccata memoriae occurrunt; post factam Confessionem, post recepta Sacraenta, post veram elicitam contritionem, si rursus peccata in mentem venirent, ut evenire solet, et testatur experientia; teneretur homo ex præcepto ad contritionem, vel etiam ad Confessionem utpote inclusam in voto contritionis: hoc autem non potest admitti: ergo necessario est asserendum illam D. Thomæ propositionem non ita ample accipiendam esse, ut ejus verba sonare videntur, sed ab omnibus ejus discipulis iri explicatam.

Si respondeatur, D. Thomam loqui de memoria ante contritionem elicitem, aut Confessionem factam, nihil respondet, tum quia jam limitatur propositio ad non quoties memoriae occurrunt peccata, et falsa redditur universaliter sumpta. Tum etiam (et premamus instantiam), nam casu quo quinques, aut sexies venerint in mentem peccata, semel elicta contritione in primo memoriae occursu, jam non tenebitur, quoties rursus occurrunt ob eandem rationem: ergo propositio D. Thomæ limitanda erit ad peccata, dum primo memoriae occurrunt, non vero quoties, bis, ter, quater, aut quinques venerint, atque ideo nihil illa solutione dicitur, sed stare

debemus omnes in eo, quod propositio illa glossanda sit, ne evidenter dicatur falsa, quod discipulus D. Thomæ sustinere non debet.

292. Respondet ergo primo Cano, ubi Prima illorum locorum interpretatione ex Cano. supra § *Quem etiam in modum, intellectam iri predictam propositionem, vel quando homo est dubius de priori contritione, in quo eventu quoties peccata memoriae occurrerint, tenetur ea detestari juxta illud D. Isidori lib. 2 de summo bono: Proprietatio Dei occulta est; sine intermissione flere necesse est.* Vel quod tenetur ad displicentiam peccati ex suppositione quod non suspendat actum, aut alio se divertat: quia cum teneatur ad non denuo approbadum, et complacendum in statu peccati (alias rursus peccaret), si non suspendat actum, nec pœniteat, semper peccabit. Et ex hoc capite tenetur ad displicantiam.

Sed primam partem hujus solutionis non approbamus, nam alias post commissum peccatum statim teneretur ad contritionem peccator. Si enim quia dubius est, de contritione elicita, quam primum occurrat peccatum, tenetur elicere contritionem vel ad eam conari; potiori, et urgentiori titulo, teneretur ad ipsam post commissum peccatum, et non e memoria elapsum, quippe qui certus est de peccato, et de ejus perseverantia, seu non remissione; non enim potest latere hominem contritionem non elicuisse, atque ideo est omnino certus non sibi esse remissum peccatum.

Rursus si quia remissio est occulta, teneretur homo ad Pœnitentiam non intermissam; nullus esset homo quantumvis contritus, et sacramentis munitus, cui eadem obligatio non incumberet, quoties peccata in memoria retinerentur, vel ad eam denuo venirent, et sic incidemus in sententiam, quam refellere, et expugnare intendimus. Quare verba illa Isidori non præceptum, sed consilium important: eo namque tendunt, ut nemo sibi blandiatur de sua justificatione, sed cautus procedat juxta illud: *Beatus vir, qui semper est pavidus,* nec aliquid aliquando contra Pœnitentiam agat, quod est esse habitualiter, et sine intermissione flere paratum; qua dispositione omnem pœnitentem gaudere necesse est. Et hoc non solum peccato obnoxisi, sed etiam vel ipsis justis, et sanctitate fulgentibus convenit, ut eorum vitæ, et exempla satis manifestant. Unde quia illa verba omnibus indifferenter proponuntur, inepta sunt ad fundandum speciale præceptum

Non probatur absolute.

pro peccatoribus, ut ex illo teneantur ad Poenitentiam, qui est scopus hujus quæstionis.

Probatur
ex parte.

Cajet.

Secunda solutionis pars non ex toto displicet, maxime si reducatur ad sensum Cajetani loco supra citato ex tract. 17 suorum opuscul. quæst. unica : ubi affirmat *quod vox dicentium, quod homo teneatur conteri, quando recordatur, verificatur secundum id quod ut in pluribus videtur accidere : quia scilicet communiter practica memoria in non dolente parere approbationem videtur*, licet quandoque etiam eveniat, ut cogitationem, et memoriam avertat, et mentem, ac considerationem alio distrabat : atque ita peccatum, et ejus periculum fugiat, quæ est Poenitentia negativa. Juxta quam doctrinam sensus propositionis erit, quod teneatur homo ad Poenitentiam vel positive, vel negative, quoties peccata ejus memoriae occurserint. Qui sensus est verus, et cohæret cum doctrina expressa D. Thomæ allegata ex art. 9 quæst. præced.

Opportu-
nior
S. Doc-
toris
sensus.

293. Quæ autem magis arridet, et textui conformior videtur, est alia ejusdem Cajetani expositiō ibi, in qua docet relata verba determinari per alia immediate subsequentia ; inquit enim D. Thomas : *Tunc teneatur aliquis ad hoc propositum, quando ad contritionem lenetur, scilicet quando peccata memoriae occurront, ubi non sistit D. Thomas, sed subjunxit certiorem regulam dicens : Cum præcipue in periculo mortis existit, aut in aliquo articulo : quasi dicearet ; non absolute quoties peccata memoriae occurront, pœnitendum est ; sed quoties ea occurserint in articulo, aut periculo mortis. Quocirca addidit S. Doctor adverbium Præcipue, quia periculosius est omittere Poenitentiam in articulo mortis, quo elapsus alius non restat pœnitendo, quam in quolibet alio articulo. Vel, ut addit Cajetanus, ly Præcipue denotat principalitatem rationis obligativæ (id est quod principalius tunc obliget in prædicto articulo) ad contritionem : ita quod tempus memoriae est quædam ratio conferendi, sed quia non est sufficiens ratio obligandi ad conferendum, ideo additur principalis ratio obligandi dicendo : cum præcipue in periculo mortis existit. Quæ expositiō quia litteralior præferenda est, et præfertur a Prado, et aliis discipulis D. Thomæ ; nec spernitur, quin commendatur ab ipso Cano ubi supra.*

Explican-
tur alia
testimo-
nia.

Veniamus ad secundum testimonium ex 2, 2, in quo D. Thomas clare loquitur

de peccato actuali, et merito docet non licere vel per modicum tempus in eo immorari, quia hoc esset continuare absque interruptione peccatum, vel aliud novum perpetrare, quorum quodlibet est intrinsece malum, et graviter prohibitum. Porro ita rem esse liquet ex Epigraphe illius articuli, et ex ratione adducta iu corpore : titulus est hujusmodi : *Utrum quis teneatur statim restituere ? An vero possit restitutionem differre ? Ratio articuli est : quia sicut accipere rem alienam est peccatum contra justitiam : ita etiam detinere eam : quia per hoc quod aliquis detinet rem alienam, invito domino, impedit eum ab usu rei suæ, et sic ei facit injuriam, non tantum habitualem, sed et actualem, quatenus dominum expoliat dominio, et usu actuall rei propriæ. Et statim subjungit verba objectionis Manifestum, etc. Ubi certo certius est loqui S. Doctorem de peccato actuali, et ideo (concludit) quilibet tenetur statim restituere, si potest, ne continuetur peccatum, vel aliud denuo contrahatur ; vel si non potest, tenetur petere dilationem ab eo, qui habet usum rei concedere, scilicet domino. Consequenter ad hanc doctrinam solut. ad 1, respondet præceptum restitutionis implicare præceptum negativum, quatenus non solum præcipit reddere alteri rem furtim vel violenter, aliove injusto titulo ablatam, sed etiam prohibet ejus detentio- nem, quæ semper injusta est, dum suppetit facultas reddendi. Hoc autem nec leviter attingit nostram quæstionem, in qua agimus de peccato habituali, qui est effectus relictus ex peccato actuali. Unde mirum est D. Thomæ discipulum, ex hoc loco in sententiam a S. Doctore alienam trahere voluisse suum, et communem Magistrum. Paritas autem, quæ hinc ad nostram quæstionem ab aliquibus efformatur, infra com- modius proponetur, et diluetur. Sed aliud est a paritate arguere, aliud est D. Thomam authorem argumenti, et paritatis facere, in quo defecit abs dubio Contempson.*

294. Quam ob rem conclusio illa, quam dicit esse de mente D. Thomæ, nec est de mente S. Doctoris, nec in art. 5, quæst. supplementi, ut affirmavit continetur : nam totus ille articulus ad verbum decerp- tus est ex 4 sentent. dist. 17 qu. 3, art. 1, quæst. 4, in quo doctrina supra tradita continetur, ut evidentur constabit hanc cum illo conferenti : utrobique enim idem inquiritur : *Utrum, scilicet, statim teneatur confiteri ? et utrobique eadem assertione, et*

Convin-
citor
D Thom
non
favere
Com-
tempson

et sub eisdem terminis respondetur, quod cum propositum confundi sit annexum contritioni, tunc tenetur aliquis ad hoc propositum, quando ad contritionem tenetur, scilicet, quando peccata memoriaz occurrunt, quod præcipue ita habetur in supplemento, cuius loco in 4, dicitur: *Cum præcipue in periculo mortis existit, aut in aliquo articulo, in quo sine peccati remissione oporeat eum peccatum incurtere.* Et post explicatam obligationem præcepti per se, et per accidens, resolvit S. Doctor præceptum divinum Confessionis per se non obligare ad statim confitendum, sicut nec præceptum Baptismi ad protinus illum suscipiendum, et deveniens ad determinationem Ecclesiæ, ad quam aliqui illius temporis Theologi quasi benignorem recurrebant, se illis opposuit S. Doctor inquiens: *Nec hoc est ex indulgentia Ecclesiæ, quod non teneatur ad statim, sed ex natura præcepti affirmativi. Unde ante Ecclesiæ statutum etiam minus tenebatur.* Hæc D. Thomas articulo illo 5, in quo assertionem suam contineri Contempson affirmavit, quæ clarissima sunt, et eadem claritate suadent aliam longe esse mentem D. Thomæ ab ea, quam ille ut de mente D. Thomæ nobis obtrudit.

Demonstratur amplius mentem D. Thomæ esse alienam a mente illius discipuli, et consequenter male propriam D. Thomæ attribui, et appropriari. Nam juxta illam conclusionem, licet homo non teneatur ad statim confitendum; tenetur tamen ad statim conterendum, seu de peccatis dolendum: sed hoc est falsum, et contra D. Thomam: ergo assertio illa nequit esse de mente D. Thomæ, nisi velit S. Doctorem contradictoria docuisse Major et Consequentia non indigent probatione. Minor vero suadetur ex illomet art. 41 quolibet primi ultimo loco objecto, ubi S. Doctor inquirit: *Utrum aliquis possit differre Confessionem usque ad Quadragesimam?* et propositis argumentis primi ordinis, ut moris est, ante argumenta *sed contra*, et resolutionem questionis, quorum tertium est sub hac forma: *Majoris necessitatis est contritio, quam Confessio; sed Confessio sine contritione non valet ad salutem; contritio autem sine Confessione potest in aliquo casu valere: sed ille qui est in peccato non tenetur statim conteri contritione, quæ delet peccatum; alioquin peccator per singula momenta peccaret:*

ergo nec contritus tenetur statim confiteri, ita quod peccet, si non agat. In quo discurso est Major probata est, et Minor, quæ est contradictoria assertioni supra positæ ex illo discipulo, etiam probatur ab inconvenienti manifesto, et ut supra dicebamus, inevitabili. Proposito (inquam) hoc tertio argumento, quid ad illud D. Thomas? Nec verbum nisi hæc: *Primas ergo rationes concedimus.* Primæ autem rationes sunt, primum, secundum, et tertium argumentum, quæ concessit S. Doctor, et se accinxit ad solvendum argumenta *sed contra*, ut suæ resolutioni opposita. Concedit ergo S. Doctor majoris necessitatis esse contritionem, quam Confessionem; concedit insuper confessum conteri non esse sub præcepto, in quo diametraliter opponitur illi assertioni, quæ dicebatur de mente D. Thomæ: concedit denique per singula momenta hominem peccatum, si foret illa obligatio, quæ intenditur, tam præproperæ, et festinæ Confessionis. Non ergo est illa assertio de S. Doctoris mente, sed ut aliena reputanda.

295. Hinc jam viribus destituitur pon- Satisfit
objectis. deratio apposita illi positioni, desumpta ex hoc articulo; nam paritas illa morbi corporalis, et spiritualis sane intellecta, et si cætera sint paria, concedenda est, eamque concessit D. Thomas loco citato ex 4 dicens, *quod non est de necessitate salutis corporalis, quod statim medicum querat, nisi quando necessitas curationis incumbit, et similiter est de morbo spirituali.* Et eadem verba habentur in loco illo supplementi, unde Contempson hau- sit suam conclusionem. Unde retorquetur argumentum. Quando ergo S. Doctor in illo quolibet disparitatem constituit inter morbos, spiritualem, et corporalem, ut hujus remedium cito queratur, secus vero illius; supponebat periculum proximum invalescendæ infirmitatis et ex negligientia quærendi medicum corporalem, periclitaretur infirmus, subindeque peccaret, ut constat ex argumento, cui occurrit. Hoc autem per se loquendo non contingere docet respectu peccati, quod non invalescit, postquam est commissum, quin superveniat ejus continuatio, quæ non semper et per se invenitur, ut constat experientia; quamvis remaneat ejus effectus, qui est peccatum habituale atque ideo non est necessarium statim recurrere vel ad contritionem, vel ad Confessionem, eo quod status peccati, seu peccatum habituale,

non addito novo peccato, non illico *invalescit in pejus, ut morbus corporalis, nisi virtute naturæ extinguatur, in quo stat tota ratio discriminis traditi a D. Thoma.*

Unde ad formam objectionis concessso Antecedenti, negatur Consequentia : nam ex eo quod morbus peccati, seu peccatum habituale extinguatur per contritionem saltem indirecet, et dispositio, non sequitur hominem illico teneri ad illud expellendum hoc modo, subindeque nec ad contritionem ; quia contritio non desideratur nisi pro destructione peccati, atque ideo non prius tenetur homo ad contritionem, quam ad expulsionem peccati ; sed potius e converso, quia tenetur destruere peccatum, et hoc fieri nequit absque contritione, idcirco tenetur ad ipsam contritionem. Ad probationem consequentiae constat ex dictis, et ratione ipsa D. Thomæ, quia morbus de se gravis invalescit, nisi statim occurrat medicus corporalis; secus vero peccatum habituale per se loquendo, nisi alia et alia ita multiplicentur, ut vires naturalis rationis ita marcescant, quod vix a peccando se expedire valeant, sed hoc raro evenire solet. Unde non obest, quod morbus peccati non aliud remedium habeat, quam contritionem, aut Confessionem : nam hoc solum probat illarum alterutram esse necessariam, non in quolibet momento, sed debito, et opportuno tempore.

Ad confirmationem, seu majorem explicationem dicimus Majorem illam esse diminutam, et omittere causam, ob quam opus est instantanea medico corporali, propter ingravescientiam morbi, que non adest per se loquendo in morbo spirituali, sicut accidit in corporali. Itaque convenienter morbus spiritualis, et corporalis in eo, quod quilibet duplicum sibi vindicat medicinam, alterutram indispensabilem, nimirum spiritualis aut contritionem, aut confessionem, corporalis vero vel virtutem naturalem vel artificialem : convenienter insuper in eo, quod in casu urgentis necessitatis nec ulla, nec altera licite potest omitti, ut testatur D. Thomas in verbis relatis. Differt vero inter illos, quod morbus peccati habitualis semper est gravis, sed per se loquendo non semper ingravescit in pejus ita immediate, et continuo, ut opus illi sit presentaneo, ac præcoci remedio, secus vero morbus corporalis, qui eo ipso quod naturæ virtute non sit superabilis, semper invalescit in pejus : quo circœ remedio eget

instantaneo, quo interpellari possit. Quo respiciens Cajetanus loco supra citato optime asseruit, quod quantum ad vilandum novum peccatum transgressionis præcepti de contritione, tempus est determinatum ad articulum necessitatis, sicut in aliis affirmativis præceptis contingit.

296. Ex quibus deducimus nec etiam ob oblivionis periculum teneri hominem ad contritionem. Hujus oppositum indicavit Soto in 4, dist. 17, quest. 1, art. 6; et tamen refragantur uon solum alii discipuli D. Thomæ, sed et cæteri Theologi, quos refert, et sequitur N. Franciscus in præsenti cap. 1, punct. 5. Et ratio est. Tum quia non videtur esse major ratio oblivionis, quam memoriae ad inducendam obligationem ; cum enim oblivio sit parentia notitiae, quam importat secum memoria, si haec non secum trahit onus poenitendi, dum adest; nec etiam ejus parentia. Et quidem si haec sit voluntaria, manifestum est, non plus gravare, et urgere posse, quam memoriam expressam : ergo si haec non inducit obligationem, nec etiam oblivio voluntaria, aut periculum illius. Si autem sit naturalis, et involuntaria, potius juvat ad abolendam, vel extenuandam obligationem, quam ad eam urgendam, vel augendam. Unde quocumque modo accipiatur, est extrinseca, et accidentalis præcepto. Tum etiam : quia ex vi contritionis non tenetur homo ad singula peccata divisim excogitanda, vel detestanda ; sed sicut omnia convenient in unica, eaque communi ratione aversionis, et offendæ gravis ; ita sub unica etiam, et inducibili ratione attinguntur, et detestantur per Poenitentiam ; cui proinde materia est, quod sint plura, vel pauciora peccata, vel quod haec, aut illa e memoria exciderint.

Nec ponderis est, quod per oblivionis periculum se exponat homo itidem alii periculo non poenitendi. Quia periculum non poenitendi, quando præceptum non urget, nullum periculum est, ad quod vitandum teneatur homo. Si autem sit tempore urgenti ex parte præcepti, vel illud est involuntarium, et consequenter nec in se, nec in causa prævisum ? vel est aliquo ex his modis prævisum, et voluntarium ? Si primo contigerit modo, transgressio est pure materialis, et neutiquam peccaminosa. Si vero secundo modo evenierit, imputabitur transgressio, non ratione oblivionis præcise ; sed ratione præcepti voluntarie vel in se, vel in causa violati.

Et

Cajeta
nus.

Aliud
consec
rium.

Soto.

N. Fra
cis.

Et sane si ob periculum oblivionis teneretur aliquis ad contritionem præveniendam, ob simile etiam periculum teneretur homo ad anticipandam Confessionem, ad quam major, et exactior discussio peccatorum exigitur. quam ad contritionem : sed hoc est falsum, et contra ipsum M. Soto : ergo ob periculum præcise oblivionis non tenetur homo ad habendam contritionem independenter ab alia obligatione. .

§ VI.

D. Thomæ sententia proponitur, et probatur.

Ab his expeditis sententiis, et aliquibus minoris momenti dicendi modis omissis, superest difficultatem initio positam directe, et positive determinemus; non enim admodum refert, quid non sit tenendum scire, nisi simul quid sequendum, et affirmandum sit, conemur statuere : quocirca non sat est depulisse falsum, sed opus est assignare verum.

297. Dicendum ergo est Pœnitentiae præceptum per se obligare tempore necessitatis, ut est articulus, aut periculum mortis. Dicimus *per se* ut excludamus obligationem per accidens, seu ratione alterius, et loquimur de hoc præcepto ut est, et retinet modum præcepti affirmativi, quidquid sit, an detur etiam, et quomodo obliget, præceptum aliud negativum? de quo seorsim claritatis gratia agendum erit. Qua de causa non apposuimus limitationem, aut exclusivam particulam *tantum*, qnam non invenimus apud D. Thomam, licet aliqui ejus discipuli ea utantur, quod ibi etiam declarabimus. In hac ergo assertione sic in communi statuta convenient post D. Thomam locis supra allegatis ejus discipuli, Soto, Cano, uterque Ledesma, Nuno, Arauxo, Gonet, Prado, Candidus, N. Gabriel. N. Philippus, et alli innumeri extranei, quorum aliquos refert, et sequitur N. Franciscus a Jesu Maria in presenti cap. 1, punct. 5.

Probatur breviter, et efficaciter sequenti ratione : nam præcepta affirmativa obligant per se, et ratione sui in aliquo tempore determinato hujus vitæ, pro qua imponuntur, et in qua observari postulant; non enim servantur observanda post mortem, ubi nec merito, nec demerito subest locus : sed præceptum Pœnitentiae est affirmativum, ut constat ex illo *Pœnitentiam agile*, et ex aliis textibus sacrae

Scripturæ supra relatis : ergo aliquo vitæ tempore determinato debet obligare. Non est autem aliud magis expressum, et determinatum, quam *casus necessitatis*, et haec non aptius explicatur, aut certius, quam in articulo, vel periculo mortis : Ergo in his petit per se, et ratione sui obligare. Cætera constant preter Minorem subsumptam, quæ ex dictis facile suadetur : nam prædictum præceptum non obligat immediate ad commissum peccatum ; nec etiam in diebus festis, adhuc solemnieribus ; nec insuper quoties peccata memoriæ occurrunt; vel etiam si timeatur oblivionis periculum, ut probatum relinquimus; nec est tempus aliquod ex capite determinatum, cum non sit major hujus, quam illius ratio : ergo necessario deveniendum est ad casum necessitatis per se, et non ratione alterius emendicatae : hic autem clarissime splendet in articulo aut periculo mortis : ergo in his certissime, et absque ulla dubitatione tenendum est hoc præceptum obligare.

Confirmatur a paritate aliorum præceptorum affirmativorum juris divini : quia licet ex ipso jure divino non debeat sumi determinatio hujus temporis præ alio, ut docet D. Thomas loco citato ex 4 sent. quocirca nec ad Baptismum, nec ad Confessionem, Orationem, aut Misericordiam ullum temporis spatium est præfixum determinate, ultra quod non possit homo ea Sacraenta, aut illarum virtutum exercitia differre absque peccato ; tamen constantissimum est omnia illa præcepta in casu necessitatis per se obligare, ut patet de Oratione, in casu urgentis tentationis, de Misericordia in casu gravis necessitatis proximi, et sic de reliquis. Ergo cum eadem sit ratio de præcepto Pœnitentiae, ejus obligatio reduci debet ad casum urgentis necessitatis, qualia sunt articulus, et periculum mortis. Et quia nullum est spatium temporis, in quo non possit occurtere vel periculum, vel articulus mortis, undecumque id proveniat ; nullum est instans, in quo non possit inveniri ea necessitas, et consequenter quod illud præceptum possit obligare ; licet de facto, quia non semper, et ut in plurimum occurrit, idecirco non de facto pro quolibet instanti obligat usquedum illa necessitas adsit.

Porro quid per articulum, et quid per Declaratur periculum mortis intelligendum veniat, assertio non convenit inter omnes, nec eodem

incipit
irecta
inclusio.

mmu-
nis
iter
omis-
as.

modo explicatur. Sed omissis plurium judeiciis, illud pro certo statuendum est, quod sub articulo, aut periculo mortis non comprehendendi debet communis illa vitæ incertitudo, qua cuncti laborant mortales; aliqui enim nullum esset instans, in quo de facto non teneretur homo ad contritionem, imo et ad omnia alia præcepta juris naturalis, siquidem nullum est temporis momentum, in quo homo de sequenti duratione reddatur certus, aut sit absolute securus, cum scriptum sit: *Et vos estote parati, quia qua hora non putatis, filius hominis veniet, Lucæ 13.* Unde homines vigilare jubentur juxta illud: *Vigilate ergo, quia nescitis diem nec horam.* Non ergo sub articulo, aut periculo mortis hæc generalis incertitudo, comprehendendi debet; sed ea supposita aliquid proximius, et immediatus designandum est, nisi dicere velimus, coincidere articulum mortis cum ejus periculo, et e contra, quod etiam esse falso ex dicendis constabit.

**Articulus
mortis.**

Articulus ergo, et periculum mortis se habent sicut excedens, et excessum, et ille est strictior isto, quandoquidem in articulo mortis includitur periculum, sed in periculo non includitur articulus, quinimo illud hunc antecedit, et separatum inventitur. Articulus itaque mortis, ut cum ex Cano parte 6, Navarro, et Enriquez, describit Arauxo in hoc eodem dubio, consurgit ex morbo, senectute, aut vulnere, aut per sententiam judicis nullo juris, aut facti remedio impedibilem; vi cuius, aut cuiuslibet illorum in eo homo constituantur statu, ut infallibiliter mors paulo post evenire necesse sit, inspectis causis naturalibus; quamvis per miraculum evadere possit. Periculum vero non ita adstringit, nec eas patitur angustias, ut illico e vivis eripiens judicetur homo; sed in eo inveniatur etiam sanus, ut ipsi regulariter, et probabiliter mors accidere soleat, licet quandoque etiam incolimus evadere contingat, ut dum miles cruentum ingreditur prælum, et nauta periculosam aggreditur navigationem, aut mulier primum partum experiri contigerit. Cui alii accensent grasantem tempore pestis calamitatem, quam pauci effugiunt, et alios similes casus, qui moraliter, et non metaphysice computari debent. Unde a particularibus superseedendo, regula generalis est nomine periculi, de quo in præsenti, intelligi debere casum, vel casus illos, in quibus prudenterum judicio homo constitutus vitæ discri-

Arauxo.

**Pericu-
lum
mortis.**

men probabiliter pari necesse sit, quamvis certa mors non inde semper sequatur.

298. Et quia non semel accidere potest, quod quis sit dubius de prædicto periculo, ita ut etiam vel ipsi docti hæreant in decernendo, an omnibus hinc inde inspectis sit, vel non sit præsens contingentia mortis, vi cuius anceps etiam appareat obligatio præcepti? idcirco animadvertisimus cum Ledesma, in summa de Sacramento Pœnit. c. 9, in prædicto eventu similis dubii teneri hominem præcepto Pœnitentiae. Quia licet periculum non sit certum, est tamen dubium, et probabile, quod sit certum; unde consequenter est etiam certum, quod teneatur ad Pœnitentiam: quia certum est sub dubio agentem, interim ac non deponatur dubium, se exponere periculo proximo errandi, quia qui amat periculum peribit in eo. Quam ob causam dubitans de peccati gravitate tenetur illud Confessioni exponere, et Sacerdoti manifestum facere, ut expresse affirmat D. Thomas, et infra suo proprio loco firmare studebimus contra novam opinionem paucis abhinc diebus apud aliquos Recentiores invalescentem. Quare ad prædictam obligationem inducendam non requiritur, quod periculum sit certum; sed sufficit esse rationabiliter dubium.

Nec huic opponitur libertatis possessio, quam posset aliquis causari, quamque stare pro homine videtur certum. Ex quo colligendum videtur de periculo dubium uti posse sua libertate, atque ideo se ab onere pœnitendi eximere: sicut qui dubitat de voto a se emiso, non eo tenetur, sed libere illud implere, vel non implere posse communiter recipitur, et a pluribus docetur cum Sanchez.

Nam in oppositum stat, quia homo non habet jus se exponendi periculo vel errandi, vel peccandi graviter; quinimo graviter illi prohibetur. Et inde apparet, quod possessio stat pro jure, et se tenet ex parte præcepti juxta illa satis pervia juris principia: *Melior est conditio possidentis, et quod in dubiis tutor pars sit eligenda:* et ex utroque tenetur homo ad Pœnitentiam; non enim homo dubitat de præcepto, quod supponit, sed de eo quod se tenet ex parte ipsius hominis. Unde possessio non stat pro ejus libertate, sed pro jure præcepti, atque ideo tenetur se conformare præcepto, ut non incurrat peccatum se illius periculo exponendo. Cujus oppositum (ut exemplum repellamus) contingit in dubitante de voto,

Quid
dicens
dum u
pericu
lum ei
dubiu

Objec
tio.

an

an fuerit a se emisum? hic enim dubitat non de jure ipsius voti, sed de emissione a se facta; et consequenter possessio stat pro libertate: et quia melior est conditio possidentis, ideo se liberum ab obligatione voti judicare debet.

299. Quo supposito ratio distinguendi articulum a periculo mortis, ea est nobis notior, quæ sumitur a signo, seu effectu, ut optime observavit Magister Cano ubi supra part. 5, § *Circa primum casum*, et ex eodem Ledesmae loco nuper citato, quia casuum reservatio, quæ juxta Tridentinum non tenet in articulo mortis, in quo quilibet Sacerdos absolvere potest, a quolibet quantumvis enormissimo crimine, non suspenditur in mortis periculo: constat enim exempli gratia hominem longæ, et periculosæ navigationi se committentem absolvi non posse, aut debere ab omnibus peccatis summo Pontifici, vel aliis Pastoribus reservatis; cum tamen si esset in mortis articulo, ab omnibus illis absolviri posset, et deberet a quolibet simplici Sacerdote. Ipsaque ratio suadere videtur: quia cum mortis articulus sit strictissimus, utpote destituens hominem qualibet recuperandi vitam, inspectis causis naturalibus ut in plurimum in simili augustia deficientibus; rationi consonum est, ut privilegium pro eo liberaliter indultum ab Ecclesia, non pretendatur ad non ita urgens, et momentaneum periculum vitae. Præterquam quod ipsa diversa nominum ratio satis denotat magis ad unum, quam ad alium requiri, et consequenter non pro eodem usurpari debere, nec quoad rem ipsam, nec quoad privilegium absolutionis.

§ VII.

Eiusdem sententiae appendix de contritione post attritionem cum Sacramento.

300. Circa sententiam D. Thomæ ita explicatam statim sese offert difficultas supra indicata, et in hunc locum remissa: an videlicet prædictum præceptum etiam obliget ilum, qui in mortis articulo cum sola attritione accesserit ad Sacramentum Pœnitentiæ? Et procedit difficultas de vera attritione, et ut tali cognita; si enim quis de illa esset rationabiliter dubius, certum apud nos est præcepto contritionis teneri, ut proxime dicebamus, ratione ingentis periculi damnationis æternæ subeundæ, cui se exponeret homo sub tali dubio non

studens contritionem elicere. Et quidem esse magis utilem contritionem, et ex consilio procurandam nemo inficias ibit, quare solum stat dissidium: *Au altritio vera cum Sacramento adhuc in eo articulo sufficiat?* vel adhuc illa cum illo posita, *insuper requiratur contritio ex vi præcepti pœnitendi in articulo mortis, ut statuimus cum D. Thoma?*

Cujus difficultatis non una est Authorum responsio. Sunt qui asserant necessariam omnino esse contritionem, subindeque adhuc recepto cum vera attritione Sacramento Pœnitentiæ, teneri hominem ad procurandum elicere contritionem. Si autem illis opposueris, quod in decursu vitae adimpletur præceptum Pœnitentiæ cum vera attritione Sacramento adjuncta, quin deinceps obligetur ad veram contritionem, aut ejus conatum, ut ex communi sententia supposuimus in principio hujus dubii. Respondent aliam esse rationem de articulo mortis, ac decursu vitae: in hoc enim nullum est proximum periculum æternæ damnationis, atque ideo potest licite homo sequi opinionem communem, et satis probabilem de sufficientia attritionis cum Sacramento ad obtinendam remissionem. Et vero in illo ingentissimum, et prorsus irremediabile æternæ damnationis discriminis, si forte ea sententia coram Deo non sit vera, et ob eam sequendam Pœnitentia illa ipsi non sit accepta, sed reddatur frustranea. Quid enim prodierit ejus probabilitas, si re vera non insit illi coram Deo veritas? Quo ductus motivo P. Sanchez lib. 1, in Decalogum cap. 9, Sanchez. num. 34, asseruit in eo casu non solum Pœnitentem, sed etiam Sacerdotem ministrantem sub attritione Sacramentum, cum posset haberi contritio, peccare mortaliter; alter ob irreparabile damnum, cui se exponeret, alias vero, quia eidem discriminis submitteret moribundum, qui, cum posset, renuit apponere contritionem citra dubium tutam, et ab omni periculo immunem. A qua sententia fuisse etiam P. Suarez aliqui referunt; sed minus recte, nam in illa disp. 15, sect. 4, num. 18 et 19, quæ allegatur, solum tenet hanc sententiam semper sibi visam fuisse probabilem; sed infra oppositum affirmat; licet asserat ex charitate erga Deum, et seipsum teneri hominem sub culpa mortali ad majorem dispositionem. Cæterum quia haec obligatio est per se, et intrinseca Charitatis; si homo attritus cum Sacramento Aliquorum placitum. Motivum. Suarez.

dilectionem Dei eliceret, non credit ad maiorem contritionem, aut formalem Pœnitentiam obligari. Quod est reducere obligationem per se ad præceptum Charitatis, non autem ad præceptum Pœnitentiæ. Pro qua etiam sententia allegantur Zambran. cap. 4, dub. 1, n. 4. Valencia tom. 4, disp. 7, quæst. 8, punct. 4. Coninch. disp. 3, dub. 1, num. 6. Filliucius, quæst. 7. Zerola de Sacram. Pœnit. quæst. 24. Bonacini. disp. 5, sect. 1, punct. 2, num. 5. Granados 1, 2, controv. 2, de Actibus humanis tract. 12, disp. 4, n. 36, et alii plures.

Zambran.
Valencia.
Coninch.
Filliucius.
Zerola.
Bonacina.
Granados.

Vera
senten-
tia.

Prado.

Tho-
mista.
Suarez.
N. Fran-
cis.
N. Ga-
briel.
Ratio.

301. Consequentior, et omnino vera est sententia, quæ docet in articulo mortis non obligari hominem attritum cum Sacramento ad præceptum contritionis; sed sicut in decursu vitæ sufficienter, et absque ullo scrupulo satisfit præcepto Pœnitentiæ sola Sacramentali attritione re ipsa habita, ita et ob eamdem rationem in articulo mortis, quin obsit periculum illud in contrarium obtensem. Quam sententiam certissimam judicat Martinez de Prado in præsenti quæst. 2, de Necessitate contritionis dub. 4, § 3, non solum quia communem apud Theologos hujus temporis, sed quia fuit semper inter antiquos plausibilis, et valde recepta opinio illa, quæ asserit attritionem cum Sacramento sufficere ad valorem, et fructum Sacramenti, quidquid aliqui in contrarium opinentur, de quo infra agentes de Attritione, eidem subscribunt communiter discipuli D. Thomæ, vel eam ut indubiam supponunt, quibus ex extraneis adhærent Suarez ubi supra, et alii relati a N. Francisco a Jesu Maria, in præsenti n. 39, et N. Gabriel a Sancto Vincentio de Pœnit. disp. 2, quæst. 11.

Est etiam (et sufficiebat) D. Thomæ, ut testimonia statim alleganda videntur convincere. Ut autem earum efficacia clarior appareat, sub hac forma proponitur ratio fundamentalis, qua obtundantur aculei oppositi motivi. Nam si ob aliquam rationem non sufficeret attritio cum Sacramento ad satisfaciendum præcepto Charitatis in articulo mortis, sed ulterior esset exacta contritio, maxime ob periculum incertitudinis subeundi æternam damnationem ut adversarii obtendunt, et prætexunt: sed nullum est tale periculum: ergo nullum est motivum negandi sufficientiam attritionis cum Sacramento, in articulo mortis pro adimplendo contritionis præcepto. Consequentia constat. Major est adversariorum

doctrina. Minor vero probatur: quia ubi nullum est periculum peccandi denuo, aut invalidum, et infructuosum suscipiendo Sacramento, nullum est periculum obeundæ damnationis æternæ, ut de se patet: sed stante vera attritione (suppositis alias aliis requisitis, ut ab omnibus supponuntur) ex hoc præcise capite nullum est periculum aut denuo peccandi, vel infructuosum Sacramento recipiendi: ergo nullum est periculum ex hoc solo capite æternam damnationem subeundi. Cætera constant, et probatur Minor: quia nullum est periculum peccandi denuo in eo, quod quis accedit attritus ad Pœnitentiæ Sacramentum, nec etiam adest periculum irritum conficiendi Sacramentum; alioqui enim quoties in vita homo ita accederet, simile periculum pateretur, cum attritio, et Sacramentum non sint alterius rationis decursu vitæ, quam in articulo mortis: atque ideo si semel attritio citra prædictum articulum non importat periculum peccandi denuo, et Sacramentum irritum reddendi, nec etiam in ipsomet articulo. Consequentia constat, et Antecedens probatur ex eo, quod nullum est periculum peccati in eo, quod quis accedit ad Sacramentum cum dispositione exacta per se ab ipso Sacramento: sed attritio, et non contritio, est dispositio per se exacta a Sacramento Pœnitentiæ: ergo nulli periculo peccandi exponitur, qui cum attritione accedit ad Sacramentum, dummodo non absint alia requisita. Probatur Minor, quia cum Sacramento Pœnitentiæ ex sui primaria institutione sit ordinatum in remedium peccati; per se non postulat pœnitentem justum, nec consequenter contritum; alias ipsum præexigit recte dispositum: ergo non contritione, sed attritione, quæ proinde est indispensabilis, et omnino exacta ejus dispositio. Sicut quia Baptismus per se primo fuit institutus ad abstergendam maculam peccati originalis, per se loquendo non prærequirit illam ablatham, nec in parvulis, nec etiam in adultis. Tum etiam (et fere coincidit) quia cum Pœnitentia sit Sacramentum mortuorum, subindeque primam gratiam petat inducere; nequit per se exigere illam dispositionem; quæ est effectus gratiæ, illamque ut sui causam supponit, sed aliam, quæ omnino antecedit gratiam; alioqui enim potius supponere deberet primam gratiam, quam in illam propria virtute inducendam collimare. Constat autem hujusmodi esse attritionem,

secus

secus vero contritionem, utpote quæ est effectus gratiæ, vel ipsam comitatur, vel saltem in omni sententia est incomponibilis cum peccato, cuius aversionem destruit: ergo Pœnitentia ut Sacramentum non postulat per se aliam dispositionem, quam attritionem dictam. Unde ergo est periculum ex hoc capite accedendo cum ipsa ad Sacramentum? Quorsum damnationis periculum, per hoc quod in articulo mortis recipiatur Sacramentum cum dispositione perse ab ipso Sacramento exacta?

302. Quem discursum desumimus ex D. Thoma in hac 3 p. quæst. 80, art. 4 ad. 2, ubi loquens de Baptismo, et Pœnitentia, in quibus quoad hoc eadem militat ratio, inquit: *Baptismus, et Pœnitentia, sunt quasi medicinæ purgativæ, quæ dantur ad tollendam febrem peccati; quocirca quæst. 68, art. 4 statuerat, quod peccatoribus est Sacramentum Baptismi conferendum, quia est ad hoc specialiter institutum, ut per ipsum sordes mundentur, et ideo quæst. 79, art. 3 ad 2, inquit, quantum ad utrumque (scilicet ablutionem, et mutationem de non esse ad esse ad instar generationis substantialis dantis primum esse) non inconvenienter accedit ad Baptismum, qui habet conscientiam peccati mortalis. Ut vero horum duorum Sacramentorum in hac parte omnimodam similitudinem doceret S. Doctor, in 4, dist. 6, quæst. 4, art. 3, quæstiunc. 1 ad 5, sic effatur: ad hoc ut homo præparet se ad gratiam in Baptismo percipiendam, præexistitur fides, sed non charitas: quia sufficit attrito præcedens, et si non sit contritio. Et ideo (verba sunt ejus dist. 17, quæst. 3, art. 5, quæstiunc. 1) sicut de Baptismo dicitur, quod liberet a morte, ita et de confessione dici potest. Unde Joan. 11, lect. 6, circa finem ait: Si quis aulem ante Baptismum non perfecte fuisset dispositus ad consequendam remissionem peccatorum, in ipso actu, dum baptizatur, remissionem consequitur virtute Baptismi, nisi ponat per fictionem obstaculum Spiritui sancto, et similiter est dicendum de Pœnitentia. Unde sicut nullum esset periculum, nec suboriri posset aliqua dubitandi ratio de hominis salute in articulo mortis cum sola attritione baptizati, vel ex eo solum quod hoc sacramentum sit per se primo institutum ad delendum peccatum originale, ad quod consequendum sola indiget attritione ex parte recipientis, si sit adulterus; eadem prorsus dubitatione, et periculo postpositisasserendum est in via D. Thomæ,*

et in rei veritate, nullum esse periculum vel peccandi, vel æternas poenæ luendi homini cum vera attritione accedenti in articulo mortis ad Sacramentum suscipiendum. dummodo ex alio capite subsint necessaria ad perficiendum Sacramentum: quippe tam primario instituta est Sacramentalis Pœnitentia ad excludenda, et remittenda peccata actualia, quam sit Baptismus ad originale, ut explicuimus, dum supra egimus de necessitate hujus Sacramenti.

Mittimus alias probationes opportuniori loco expendendas infra et ex ibi dicendis præsens veritas magis elucescat. Nunc vero præscindendo a sententiæ ibi recensendis.

Confirmatur, et explicatur. Nam omnium catholicorum sententia attritio, quæ est necessaria dispositio ad obtinendam in Sacramento infallibiliter remissionem peccati, debet excludere omnem voluntatem actualem peccandi, non vero habitualem: sed eo ipso quod detur hujusmodi attritio; et conjugatur cum Sacramento, Sacramentum infallibiliter confert gratiam: ergo infallibiliter remittit peccata. Et ratio est peremptoria: quia Sacraenta legitime dispositio infallibiliter, et ex opere operato conferunt gratiam; non enim ex parte subjecti postulant nisi exactam, et propriam dispositionem, suppositis alias partibus essentialibus, et intentione ex parte utriusque, sive recipientis, sive ministrantis. Sed in qualibet illarum sententiarum attritio, quæ assignatur pars, et dispositio ad intra Sacramentum obtinendam gratiam excludere debet omnem voluntatem peccandi actualiter: ergo in qualibet illarum sententiarum erit verum, quod infallibiliter conferat gratiam Sacramentum Pœnitentie: nullum ergo est motivum exigendi in articulo mortis contritionem pro vera, et proficia pœnitentia: cum stante vera dispositione ex parte subjecti, infallibile sit sortiri Sacramentum proprium effectum, subindeque cessare periculum. Minor patet: nam in sententia exigente ad prædictam attritionem veram, licet non perfectam, Dei dilectionem, luce clarius est, prædictam attritionem excludere omnem voluntatem actualem peccandi; non enim componitur vera Dei dilectio, quam adstruit illa sententia, cum aversione a Deo, quam importat peccatum grave, ut vel ipsimet docent patroni talis positionis. In altera vero sententia etiam est certum illam attritionem, licet ex diverso motivo, scilicet evadendi supplicia

Con-
firm.

perpetua, et justitiam Dei vindicativam, procul abigere quamlibet voluntatem graviter peccandi. Ergo quolibet modo explicitur attrito, vel ut ortum ducens ex amore, vel ut proveniens ex solo pœnarum terrore, excluditur voluntas peccandi, subindeque cessat periculi urgentis motivum, quod prætexebatur.

Objec-
tio.

303. Sed dices hanc explicationem nullius esse roboris, quia licet utraque sententia in eo conveniat, quod attritio debeat excludere voluntatem peccandi, ut inducatur remissio, et infundatur gratia; dissident tamen, et vehementer, in eo quod altera negat id posse fieri absque Dei amore, altera vero affirmit. Et quia sunt contradictoriae, altera illarum est falsa, et altera vera; sed neutra determinate, cum sit utraque probabilis. Authores ergo qui docent non sufficere attritionem cum Sacramento pro adimplendo præcepto Pœnitentiæ in illo articulo loquuntur de attritione pure ex metu gehennæ, quam non est omnino certum esse dispositionem adhuc intra Sacramentum ad obtinendum gratiam, sed tantum est probabile: at si non ita forsitan sit, manifesto periculo exponitur. Opposita autem sententia est omnino secura, et nulli discrimini obnoxia, cum petat dilectionem Dei pro illa attritione. Et quia in dubiis tutior pars est eligenda juxta supra traditam regulam juris; melius, et rationi conformius est affirmare opus esse contritione in illo articulo adhuc post receptum Sacramentum, aut in ejus receptione, quam adstruere sufficientiam attritionis ex motu gehennæ cum Sacramento, in quod es periculum irreparabile, si hæc sententia coram Deo est falsa.

Argu-
mentum
difficul-
tatis.

Confirmatur, et explicatur hujus objectionis doctrina. Nam in præsentia duplicis opinionis probabilis, quarum una nullum afferit incommodeum, aut detrimentum, secus vero altera vel respectu alterius, vel respectu suipius; saltem ex charitate vel erga alium, vel circa seipsum tenetur homò amplecti opinionem omnino a periculo liberam, postposita alia detimento, aut periculo gravi obnoxia, ut recta, et prudens ratio dictat, et suadet exemplum Baptismi, quem applicare sub forma, aut materia probabiliori, periculo tamen exposita, relicta non adeo probabili, sed tuta, et nullius periculi experti esset illicitum: quippe esset exponere hominem periculo æternæ salutis amittendæ. Sed in sententia probabili attritionis cum dilectione nullum est

periculum vel apparenſ æternæ salutis, secus vero in sententia opposita, quæ potest esse falsa: ergo hac posthabita, illa tenenda est.

Et præscindendo ab illis sententias, de quibus infra, immediatus applicatur idem argumentum præsenti materiae sequenti reflexione: nam sententia quæ ultra Sacramentum requirit contritionem pro præcepto Pœnitentiæ in articulo mortis, est probabilis, et nulli periculo exposita, ut patet: nostra vero sententia adhuc cum sua magna probabilitate, non est omnino certa, et alias periculo irreparabili subjacet: ergo illa, et non ista tenenda est, atque ideo standum est pro præcepto contritionis, adhuc posita attritione cum Sacramento.

304. Sed in contrarium stat. Nam quod attinet ad utramque illam sententiam, sive quæ desiderat pro attritione verum actum amoris, sive quæ illum excludit, a quo præscinditur, quin alterutram illarum ex vi illius confirmationis determinemus; commune est utriusque sententiae, quod attritio Sacramentalis debet excludere omnem voluntatem peccandi; qui quid sit de radice hujus exclusionis, quod ad confirmationem ut a nobis positam non est necessarium decernere, sed proprio loco debet reservari: sed attritio exclusus omnem voluntatem peccandi intra Sacramentum disponit ad obtinendam gratiam Sacramenti, ut est catholicorum communis, et vera doctrina a Concilio Tridentino stabilita. Ergo per prædictam attritionem manet homo dispositus ad obtinendam gratiam Sacramenti. Unde illarum sententiarum dissidium non debet stare in eo, quod attritio excludens voluntatem peccandi sufficiat cum Sacramento ad justificationem; enim hoc negaret, manifeste se opponeret doctrinæ Concilii diserte illud asserentis, ut suo loco videbimus: sed in eo quod una illarum affirmat ad illam attritionem requiri actum veræ dilectionis Dei super omnia; alia vero constanter negat, a quo litigio nos abstinemus; sed affirmamus attritionem illam, quæ excluderit omnem voluntatem peccandi intra Sacramentum, et virtute illius ex meritis Christi annexam habere gratiam, subindeque non indigere contritione ad eam inducendam. Sed talis est attritio, qua dicimus satisfieri præcepto Pœnitentiæ in articulo mortis: ergo per illam attritionem nulli periculo æternæ damnationis exponitur. Quod si ea non fuerit hujusmodi, non sufficiet, sed opus

Pond.
rativ.
urgenOccur-
tur
præ-
missi:

opus erit recurrere ad contritionem perfectam. Quare jam non urget confirmatio objectionis; utpote qui non agimus de hac Sententia determinata præ alia, aut unam alteri præferimus, sed assumimus principium omnino certum, jam explicatum. Ex quo liqui lo et citra omne dubium infertur intentum sub forma immediate apposita. Ex quo ulterius sequitur non esse necessariam contritionem in prædicto casu, et quia obtenta est medio Sacramento remissio, et quia adimpletum est præceptum Pœnitentiae. Unde manet convulsa capitalis sententia nobis opposita: nam eatenus foret necessarius recursus ad contritionem, quatenus esset incertum attritionem solam sufficere ad remissionem peccati intra Sacramentum: sed non est incertum attritionem descriptam a Tridentino ad id sufficere: ergo non est incertum attritionem ut a nobis positam sufficere. Patet Consequentia: quoniam attritio a nobis posita est attritio excludens omnem voluntatem peccandi cum spe veniae: sed haec eadem est cum attritione Concilii, nec aliâ volumus ad fructum Sacramenti: ergo eadem est attritione nostra cum ea, quæ designata est a Concilio.

305. Sed insistes adhuc non esse certum ex mente Concilii solam attritionem absque dilectione Dei intra Sacramentum affere gratiam: cum plures nec spernendæ autoritatis de hoc dubitent, et oppositum mordicus teneant: ergo esto certum sit attritionem procedentem ex Dei amore in quolibet articulo sufficere; non est tamen certum, sed satis ambiguum solam attritionem cum exclusione dilectionis adhuc intra Sacramentum valere ad ejus fructum consequendum. Et ex hoc capite claudicat nostra sententia, et impugnatur a contraria, quasi illa, et non ista constituantur homo in discrimine æternæ salutis ob incertitudinem remedii. Unde caput dissensus non stat in eo, quod sufficiat attritio ad fructum Sacramenti, ut docet Tridentinum, et supponitur; sed in eo quod illa attritio, quæ sufficere dicitur, non importat actualem Dei dilectionem, ut sui principium; sed tantummodo tormentorum metum, et pœnarum cruciatum, ob quæ fugienda attritus detestatur peccata. Et quia in hoc sensu nondum est ab Ecclesia definitum, sed diversorum judiciis, et opinioribus expositum, an sufficiat, nec ne? idcirco ut tutius in hac re omnium gravissima procedatur, stare oportet pro obliga-

tione contritionis in illo extremo articulo.

Sed nec hoc urget, quamvis compellat descendere ad attritionem puram, hoc est, non importantem veram, et efficacem dilectionem Dei adhuc imperfectam, quæ apud nonnullos his temporibus invaluit, et determinationem infra stabilendam ex nunc indicare. Et in primis (ut motivum Sanchez in ea contentum dispellamus, et enervemus) nullum esse periculum damnationis in eo, quod adultus accedit ad Baptismum cum sola attritione manifestum est ex testimoniosis D. Thomæ supra relatis, et eandem rationem docet S. Doctor esse de Pœnitentia; quoniam haec duo Sacra menta non instituta sunt administranda justis, sed peccatoribus, nec per se etiam primo intendunt augere gratiam, sed eam primo inducere ad instar generationis, et regenerationis, quæ non supponunt intro ductam formam, et exclusam contrariam.

Deinde displicet minor illius authoris Consequentia. Si quod enim esset periculum in illo articulo, quod proveniret ex incertitudine hujus sententiae, idem etiam esset peccandi, et non vere pœnitendi, quoties in defluxu temporis homo ea sola attritione instructus ad Sacramentum accederet. Sed in hoc nullum est periculum in ejus doctrina, cum quia illud non objicit, nec vel leviter indicate, tum quia solum prohibet attritionis cum Sacramento sufficientiam pro solo mortis articulo ob periculum damnationis, quod non viget aliis temporibus: ergo non est ratio negandi sufficientiam prædictam in articulo mortis, et illam astruendi decursu temporis. Illatio Majoris constat, quia periculum prætensem damnationis nequit oriri, nisi vel ex eo quod homo attritus cum Sacramento non vere pœniteat, vel de novo peccet apponendo illud remedium incertum, vel ex utroque simul: sed huic eidem periculo peccandi, vel non veram pœnitentiam agendi se sub mitteret homo in decursu vitæ utendo eodem remedio non minus lubrico: ergo vel semper et in quolibet articulo erit licitum ita se gerere in pœnitendo, vel numquam licebit. Quod enim unius damnum sit repabile, aliud vero non, arguit quidem majus detrimentum; non vero quod in una parte sit licitum, secus vero in alia: aliter enim licitum esset homini in vitæ fluxu se exponere periculo proximo peccandi, et frustrandi proprio fructu ipsum Sacramentum; licet esset id prohibitum in articulo mortis.

Dispel litar.

Ad hæc : non major certitudo requiritur ad recipiendum Sacramentum in articulo mortis, quam alio vitæ tempore : sed in decursu vitæ talis est certitudo recipientis Sacramentum Pœnitentiæ cum sola attritione cognita, ut nullum sit periculum aut denuo peccandi, aut vere pœnitentiam non agendi, ut non negat, quin supponit ille Author : ergo etiam abest idem periculum ab articulo illo extremo vitæ. Major constat, quia Sacraenta novæ legis sicut eandem institutionem habent a principio, ita eandem conservant essentiam, easdemque postulant ex parte subjecti dispositiones, quibus positis infallibiliter proprium inducent effectum. Unde si qua est incertitudo, non ex parte Sacramenti, sed ex parte subjecti accipienda est : quocirca dispositio, quæ semel est sufficiens ad fructum, absque ulla formidine omni, et quolibet vitæ tempore censenda est sufficiens. Ergo semper, vel numquam potest homo licite cum sola attritione dicta accedere ad Sacramentum Pœnitentiæ; quin sit, vel saltem existimetur contritus.

306. Qua doctrina parumper expensa non solum refellitur prædicta inconsequentia, vel etiam absolute probatur veritas nostræ sententiae. Quoniam nec in articulo mortis extorquet Deus ab homine majorem certitudinem in negotio salutis, quam moralém; nec remedium postulat metaphysice certum ipsi homini, ut constat in eodem homine contrito, qui nequit citra revelationem certus metaphysice reddi de sua contritione; quia licet metaphysice sit verum Sacraenta infallibiliter conferre gratiam, et actum charitatis, seu contritionis, excludere a subjecto maculam peccati, et illi non coexistere; non tamen est metaphysice verum, quod hic et nunc aut Sacramentum conferat gratiam, ob latentem, et non cognitam indispositionem, vel ob defectum intentionis ex parte ministri, aut quod actus contritionis excogitatus ut talis, et invincibiliter existimatus, sit verus Pœnitentiæ actus; sed ad summum est moraliter certum, quatenus homo omnem diligentiam humanam modo humano sibi possibilem adhibuit ad se disponendum pro fructu Sacramenti percipiendo, vel ad eliciendam contritionem. Sed quod homo attritus cum Sacramento recipiat gratiam est moraliter certum. Ergo dum ipsi moraliter consisterit de sua attritione post diligentiam humano modo sibi possibili factam, non obligatur ad haben-

dam contritionem, utpote de qua nequit esse, nisi moraliter certus, ne cum qua de salute redditur securus, nisi ad summum moraliter. Major simul probata, et explicata manet. Suadetur Minor; nam quod prædicta sententia non sit metaphysice certa, non tollit, quod habeat certitudinem moralem; non enim est metaphysice certum hunc Episcopum v. g. Salmanticensem esse verum Sacerdotem, aut vere baptizatum; est vero ita securum, ac moraliter verum, ut nulla sit ratio suspicandi vel de ejus consecratione, aut de ejus Sacerdotio. Sed prædicta sententia est ita communis, et communiter recepta, et fere omnium calculo probata, et approbata, ut vix in practica relinquit ansam dubitandi (quidquid sit de veritate metaphysica coram Deo) maxime post Concilium Tridentinum : nec homo esse potest moraliter certior de sua contritione, quam sint communiter Theologi de veritate practica istius sententiae. Quocirca Lugo de Pœnit. disp. 7, sect. 13, num. 273, asseruit oppositam sententiam post Tridentinum esse improbabilem, a qua tamen censura abstinemus propter loco suo dicenda.

307. Sed adhuc insistes, et assignabis Replica disparitatem inter exempla hujus discursus; et rem, quam versamus : quoniam in prædictis instantiis tota incertitudo se tenet ex parte subjecti, et ibi sistit : et hac incertitudine metaphysica æque laborant, attritus, et contritus, nec ea excluditur certitudo moralis, et practica, ut demonstrant illa exempla, et innumera alia, quæ possent adduci. In attritione vero est alia incertitudo objectiva, quatenus non est certum tantam connexionem inveniri attritionis intra Sacramentum cum remissione peccati, quem concedunt Theologi contritioni cum eadem remissione; cum sit probabile oppositum, et a pluribus censeatur verum. Et hæc incertitudo est, quæ excludit moralém certitudinem, et cogit recurrere ad obligationem præcepti contritionis, qua sola potest evitari : siquidem homo tenetur, maxime in mortis articulo, apponere medium moraliter certum, et eodem modo connexum pro salute aeterna obtainenda. Sed attritio adhuc intra Sacramentum non habet moralém certitudinem cum remissione peccati. Ergo attritionem apponendo cum Sacramento non apponitur medium moraliter certum : atque ideo ulterius tenetur homo ad contritionem. Minorem non aliter probant ita opinantes,

quam

quam assignando post Tridentinum non paucos, nec vulgaris notæ Theologos, militantes ex adverso, et rem in Concilio non definiri docentes. Et quia res est non definita, nec uniformiter ab omnibus constituta, sed a pluribus reprobata; adimitur illi certitudo moralis, quæ exigeatur, ut homo deobligaretur in re tanti momenti a contritione.

Sed contra est, et instauratur argumentum urgendo paritatem ex illam distincione responsionis. Nam cum incertitudine metaphysica ex parte subjecti, stat certitudo moralis et practica ex parte ejusdem subjecti, et respectu ejusdem v. g. Sacra-
menti, aut contritionis, ut docetur ab argente, et negari non potest: ergo cum incertitudine metaphysica ex parte medii seu objecti attritionis cum remissione bene coheret certitudo objectiva moraliter secura respectu ejusdem. Patet Consequentia a paritate rationis, nec appareat disparitatis vestigium, præcipue si diruamus probationem Minoris, cui maxime fidunt ex adverso stantes pro obligatione contritionis. Nam quod aliquis, vel aliqui Theologi aliquam teneant sententiam; non obest, quominus opposita sit moraliter, et practice vera, ac omnino certa, maxime si a meliori, et majori parte Theologorum doceatur, et ejus fundamenta sint efficacia; esto non sint clare demonstrativa. Sed talis est sententia docens attritionem cum Sacramento sufficere, imo et inducere, infallibilem remissionem peccati. Ergo predicta sententia est moraliter certa objective, Consequentia est in forma, Major videtur certa, sive speculative, sive practice loquendo. Quis enim neget sententiam docentem esse moraliter verum (ut ab scopo recedamus) hominem contritum esse justum, et Deo gratum; per hoc quod aliquis, et aliqui docuerint actum contritionis coexistere cum peccato? Et quis audebit affirmare non esse moraliter certum, et nulli dubio pratico expositum Christum ut hominem esse filium Dei naturalem, quia aliqui fuerint, et non desunt, asserentes esse filium Dei adoptivum. Et sane in hac nostra materia non desunt, qui teneant attritionem naturalem sufficere ad valorem, imo et ad fructum Sacramenti, quin per hoc derogetur certitudini morali oppositæ sententiae, et sic de reliquis. Vix enim est tam recepta, tam perspicua, et manifesta sententia, cui ex adverso aliqua non refragetur, sive practice, sive speculative loquamur.

Minor vero probatur: quoniam si ad Authorum numerum, et autoritatem inspiciamus, tot sunt, et tam superioris magnitudinis, qui ante Concilium Tridentinum, et post ipsum rem vel ut perspicuum supposuerunt, vel diserte discusserunt, et statuerunt, ut pauci appareant ex adverso militantes, ut loco citato videbimus eorum catalogum texentes. Si vero ad Tridentinum nos accingamus, tam efficaciter ex illo deducitur veritas nostræ sententiae, ut fere prope accedit ad demonstrationem, quidquid alii dicant, et Concilii mentem alio distrahere conentur: non enim opponitur vera demonstrationi, quod aliqui contra illam insurgant, ut constat in illo principio Philosophi. *Omne quod movetur ab alio movetur*, ex quo demonstrative probatur nedum existentia primæ causæ, motientis immotæ, sed etiam motio ipsius in causas inferiores, vi cujus hæ illi intime in agendo subjiciuntur, et subordinantur; quamvis non defuerint, nec adhuc desint, quibus hic discursus non arrideat, nec, ut par est, a pluribus exponatur illud principium.

Et sane, attritionem illam, quæ vel ex turpitudinis peccati consideratione, vel ex gehennæ, et pœnarum metu communiter concipitur, si voluntatem peccandi excludat cum spe venia, adhuc extra Sacramentum esse dispositionem remotam pro obtinenda salute clarissima doctrina est Concilii Tridentini in verbis illis: *quo pœnitens adiutus viam sibi ad justitiam parat*, quæ paucis interpositis lineis, subtexuit. Hanc vero attritionem, quam extra Sacramentum per se non sufficere docet, in Sacramento disponere affirmat in verbis sequentibus: *Tamen eum ad Dei gratiam in Sacramento Pœnitentia impetrandam disponit*. Ubi quod negat attritioni extra Sacramentum, ipsi intra Sacramentum concedit: non negaverat autem remote disponere, quin parare affirmat extra Sacramentum: ergo ultra aliquid illi concedit in ratione dispositionis intra Sacramentum, seu virtute illius, quod non est aliud, quam proxime ad salutem disponere, subindeque vi Sacramenti vindicare sibi illam sufficientiam, qua extra Sacramentum destituebatur. Cui discursui adjunctis aliis suo loco expendendis, ita firmiter adhæremus, et adhærent Authores nostræ sententiae, ut nullam partis adversæ formidinem concipient, quominus sententiam nostram omnino tulam, et moraliter certam absque ullo periculo in ea sequenda

peccati, aut damnationis censeant, et a parte fateantur : quidquid sit de probabilitate adversae partis, a qua præscinditur, sed relinquitur probanda, et approbanda altiori supremæ sedis judicio, ad quod est deducta ultima decisio causæ. Interim concedimus adversariis rem non esse expresse, et formaliter in Concilio definitam, ita ut sententia nostra tamquam de fide haberit debeat; hoc enim nullus ex Authoribus hujus sententiae aperte docuit. Est tamen ita conformis doctrinæ Concilii, et tam efficaciter ex illo deducta, ut formidinem partis adversa excludat, et moraliter certa habeatur. Quod sufficit ad hoc ut homo in quovis articulo quantumvis extremo secure illa utatur, ad aliam intentam contritionis ex præcepto non teneatur.

Communi-
nis sen-
tentia, ad
hue permisga
probabi-
litate con-
tra-
riæ, est
certa
moraliter.

308. Hinc convulsa manet objectio ultima cuius vis consistebat in eo, quod sententia docens ex præcepto requiri contritionem, stante adhuc cum Sacramento, est probabilis, alias est omnino tuta : ergo hæc præferenda est alteri, licet probabiliori, non tamen ita tutæ. Hæc, inquam, objectio ex dictis refellitur : nam tota probabilitas illius sententiae fundatur in probabilitate prioris : ideo enim est probabile requiri contritionem adhuc in illo casu, quia probabile est solam attritionem cum Sacramento non sufficere ; si enim non esset prius probabile, non esset probabile alterum, utpote in primo necessario fundatum : sed prioris sententiae probabilitas non impedit certitudinem moralem alterius sententiae de sufficientia attritionis, ut manet explicatum : ergo probabilitas sententiae stantis pro contritione in articulo mortis, non impedit certitudinem moralem sententiae ejus necessitatem negantis in praesentia Sacramenti cum attritione. Sed homo nec in articulo mortis tenetur ad operandum majori aliqua certitudine, quam morali, qua omne dubium practicum expellatur, ut patet (*supra dicebamus*) de ipsa contritione, de qua nequit homo reddit securus, nisi ad summum moraliter : ergo cum hæc certitudo non desit nostræ Sententiae, omnino secure, et absque periculo imputabili, ex vi hujus e vita migraret : non enim magis puniretur, quam homo invincibiliter se existimans in illa hora contritum ; qui tamen re ipsa non esset ; quippe qui non damnaretur ob violationem præcepti contritionis, sed ob alia peccata præcedentia.

Consecularium præcedentis doctrinæ, et alterum appendix de justificato sine formali pœnitentia.

§ VIII.

309. Ex proxime dictis inferendum est in nullo casu teneri ad contritionem eum, qui cum attritione cognita suscepit vel Baptismum, vel Pœnitentiam, quamvis certo sciat se non fuisse contritum. Quod consecularium est discipulorum D. Thomæ quibus subscribunt Suarez, Vasquez, Lugo, et alii pro præcedenti relati. Et sequitur ex dictis : quia non est imaginabilis urgenter necessitas, quam articuli mortis : sed in hoc non requiritur contritio post Sacramentum cum attritione : ergo multo minus in alio quolibet eventu. Deinde probatur : nam qua certum est attritionem cum Sacramento producere gratiam, certum etiam est illa adimpleri præceptum Pœnitentiae ; sed est moraliter certum attritionem cum Sacramento producere gratiam : ergo etiam est eadem certitudine asserendum sola attritione cum Sacramento observari præceptum Pœnitentiae : non ergo est ratio cogendi hominem ad iterum illud observandum media contritione. Prima Consequentia cum præmissis constat ex dictis immediate, nec non ex suppositione limini quæstionis adhibita. Secunda vero infertur ex prima : quia semel posita observatione præcepti deobligatur homo ab iterata ejus observatione, donec iterum obligatio adveniat, ut constat in observatione aliorum præceptorum, transit enim onus cum illo instanti, in quo currit obligatio : ergo si in illo instanti adfuit observatio præcepti, non est, cur ad eandem rursus obligetur, nisi præceptum rursus obligare incipiat.

Qua etiam ratione de peccatis semel remissis non teneri hominem vel ad attritionem, vel ad contritionem ex præcepto docent communiter Theologi, quos referunt, et sequuntur N. Gabriel, et N. Franciscus ubi supra. Licet consultissimum sit, et ut in plurimum admodum expediens, actus displicentiae habere quoties vel memoriae, vel apprehensione se inseruerint, ad occasionem complacentiae vel aliud periculum procul abigenda.

310. Cui conseculario refragatus est Andreas Vega q. 13, de Justificat. concl. 3, et lib. 13, in Concil. Trident. cap. 20. Quod etiam docent Joan. de Medina cod. de Pœnit. tract. 1, quæst. 2, ratione 4,

Valencia

Dec-
gal-
cor-
tic-
sui-
si-
attri-
mog-

No
tene
hom
dolor
pec
tor
remis

Tun

N. G

brie

N. Fi

cist

Fals

qua

sente

tia

Veg

Med

Com

encia. Valencia q. 6, punct. 3, et punct. 4, assert. 6. Isambertus disp. 14, de Pœnit. tract. 11, n. 5. Joan. Morinus lib. 8, de Administr. Pœnit. cap. 4, ubi asserit hujus doctrinæ fundamentum, non sexies sed sexcenties, imo et innumeris locis jecisse D. Augustinum, cuius tamen nullum in particulari producit testimonium; cum tamen alii Theologi, ut bene observat Prado, in doctrina D. Augustini seculo versati nec semel invenerint tale fundamentum, vel leniter insinuat, quod mirandum est. Sed ea sunt hominum ingenia, ut passim aliqui offendant, quod alias latissime præterit. Nec aliud a ratione præstat fundamentum, quam quod indicat Vega ubi nuper dicens: *Oportet quidem rescindere, et involuntaria facere, quæ dum fuimus in peccato male placerunt.* Et argumentum hujus rei est: *quod justificati per Sacramentum Baptismi, vel Pœnitentiæ cum solo dolore suorum peccatorum ob metum inferni, tenerentur postea de illis dolere, quia offensæ fuerint Dei, si hoc eis constaret, quod numquam ea ratione de illis doluerint.* Ubi in eo esse significat, quod peccata, quæ fuere voluntaria, non redi possint involuntaria, seu quod idem est, non possent retractari, nisi per actum contritionis; sed sicut est duplex motivum ea retractandi, et ob inferni metum, et quia sunt offensa Dei: ita etiam est duplex onus retractationis. Et si hoc non probat ejus argumentum, nihil probat.

Refellitur ergo, et simul assertio robatur. Nam quoties aliquid onus exolvi potest uno e duobus modis, alterutro illorum posito cessat obligationis onus, ut constat in votis. et in aliis præceptis: sed onus præcepti Pœnitentiæ obligat vel ad attritionem cum vero Sacramento; vel ad contritionem cum voto in ipsa inclusu ejusdem Sacrament: ergo semel posita attritione cum Sacramento, cessat onus contritionis cum voto Sacramenti. Discursus videtur legitimus, et ex illo cœlerior detegitur nostræ doctrinæ ratio: quia posito semel Sacramento Pœnitentiæ cum attritione, cessat votum ipsius Sacramenti, sicut posito vero Baptismate, non est locus ejus voto: sed contritio in lege gratiae non denudatur a voto Sacramenti, cum in ipsa includatur, ut affirmat Tridentinum: ergo non stante voto Sacramenti cessat obligatio contritionis. Patet Consequentia: quia in lege gratiae nequit haberi contritio absque voto Sacramenti Pœni-

tentiæ: quo proinde non stante, non stat vera contritio.

Quo etiam argumento maxime illustratur, et stabilitur doctrina § præcedentis. Quoniam posita attritione vera cum Sacramento in articulo mortis, ut adhuc superstes foret obligatio contritionis, deberet esse locus Sacramento Pœnitentiæ iterum suscipiendo, non utcumque sed ex præcepto: sed semel in illo articulo suscepto Sacramento, non est præceptum iteratæ receptionis, si non sit novum peccatum: non est ergo obligatio contritionis, utpote quæ non reperitur absque voto Sacramenti, et non est votum Sacramenti post receptum Sacramentum.

Deinde impugnatur. Quoniam ut peccata, Secundo. quæ male placerunt, bene displiceant, et involuntaria reddantur, sufficit retractatio efficax ejusdem voluntatis, utpote a qua hominis operatio habet, quod imputetur, vel non imputetur: sed actus attritionis, de quo loquimur, est efficax retractatio actus peccaminosi, quem destruit actualiter licet non expellat ejus effectum, qui est peccatum habituale; aliter namque non esset attritio exacta a Concilio ad fructum Sacramenti, utpote quæ non excluderet omnem affectum actualem peccandi: ergo media attritione peccata, quæ male placherunt bene displicant, et involuntaria redunduntur, quin ad hunc finem necessaria sit contritio. Unde obligatio illa, quæ videtur adstrui a prædicto Authore, de displicantia peccati ex duplice illo motivo est voluntaria, et a nullo ex aliis Authorebus admissa; alioqui præceptum contritionis non sufficienter observaretur media attritione cum Sacramento; imo licet datur contritio, adhuc teneretur homo ad attritionem, quando quidem ex motivo contritionis nondum esset retractatum peccatum. Quod tamen non potest dici. Sufficit ergo, et requiritur ad veram Pœnitentiam, et ipsius præcepti observationem, quod vere, et efficaciter detestetur peccator offensam peccati; quod vero sit vel propter ejus turpitudinem, et fœditatem, vel propter poenas inde obventuras, vel quia præcise offensa Dei est, provenit ex diversis motivis, perfectioribus, vel imperfectioribus ex parte modi procedendi ejusdem pœnitentis, qui non tenetur operari semper quod est perfectius. Sed non officit vere Pœnitentiæ, eo quod illum non adeo sublimem operandi modum, sed satis demissum, supplent merita Christi medio Sacramento

applicata, vi cuius ex attrito fit contritus habitualiter, ut est commune axioma Theologorum.

341. Hinc suboritur alia difficultas, quam per modum appendicis resolvere oportet, ne diutius in illa immoremur. Quid videlicet dicendum sit, quando solo actu Charitatis justificatur homo, quin ullum actum attritionis, vel contritionis elicuerit, ut esse possibile supponendum est: an teneatur ad contritionem ex vi præcepti, dum peccata remissa in memoriam venerint, vel non? Et quidem cum Pœnitentia ordinetur ad obtainendam reconciliationem cum Deo media remissionem peccati cum infusione gratiæ; et hoc fiat in eo casu media sola charitatis dilectione, quin intervenerit formalis pœnitentia, ut supponitur; superfluum, imo et voluntarium videtur imponere ita justificato tam grave onus, quale est sub præcepto pœnitentes: quippe media nec sunt necessaria, nec præcipiuntur, nisi in ordine ad consequendum finem; quo proinde obtento, sicut cessant media, ita et obligatio illorum evanescit. Id quod etiam elici videtur ex proxime, et toto hoc dubio dictis: quia supposita justificatione media attritione cum Sacramento, deobligatur homo a præcepto contritionis, utpote mediis illis consecutus, quod alias fuerat obtenturus per contritionem: ergo similiter in casu posito ob identitatem rationis.

**Aliquo-
rum
opinio.
Vazquez.
Bona-
cina.
Lugo.**

Quo motivo ductus P. Vasquez infra quæst. 86, art. 2, dub. 2, partem negativam elegit, quem secutus est Bonacina tom. 1, disp. 5, sect. 1, punct. 2, num. 2, vers. Verum, et eis adhæsit Lugo disp. 7, sect. 12, num. 256, licet ex alio motivo: quia (inquit) sive obligatio ad pœnitentiam oriatur ex ejus necessitate ad servanda alia præcepta, sive ut virtute contemptus implieatus Dei, qui esset, si non retractaretur ejus offensa; ex neutro capite restat necessitas contritionis formalis: ergo ex nullo capite Antecedens constat quia jam per dilectionem æquivalenter, et quoad sufficientiam est retractata prior offensa. Et sane media charitate non minus, imo magis roboratur homo ad servanda omnia alia præcepta, quam media pœnitentia; quandoquidem charitati utpote Deum sub ratione ultimi finis attingenti incumbit, omnia inferiora in predictum finem ordinare; quocirea nulla alia virtus absque charitate id valet præstare, et si quod robur est in virtutibus

ad præcepta ut oportet servanda, a charitate dimanat, et ab ejus influxu procedit. Alias vero cum affective hominem Deo ipsi conjungat, sufficienter retractat avercionem ab eodem Deo, quam importabat peccatum: nullum ergo est caput obligandi hominem media charitate justificatum absque formalis pœnitentia ad eam ineundam per hoc quod peccata totaliter oblita in momento justificationis, post ipsam memoriae occurrant.

Si autem his Authoribus opposueris ho-
minem prædicto modo justificatum teneri
ad ea omnia peccata confitenda tempore
saltem ab Ecclesia præscripto, quocirea
dum in memoriam veniunt opus est propo-
sito illa manifestandi, et Ecclesiæ clavibus
subjiciendi. Cum autem propositum confi-
tendi, ut docet D. Thomas in 4, dist. 17,
D. Thor
quæst. 3, art. 1, quæstiunc. 4, sit annexum
contritioni, tunc tenetur aliquis ad
hoc propositum, quando ad contritionem
tenetur: sed ad contritionem saltem imper-
fectam tenetur, ut accedat ad confessio-
nem: ergo per hoc quod prædicto modo ille
sit justificatus, non eximitur ab obligatione
detestandi formaliter peccata dimissa vel
media attritione cum Sacramento, vel
media contritione.

Si, inquam, eis ita objicias, facile pro
illis se expedit P. Vasquez ab hac objec-
tione. Tum quia, præceptum confessionis
est speciale, et obligat post remissa peccata,
sive ea fuerint remissa media sola chari-
tate, sine media etiam contritione; semper
enim tenetur homo peccata illa ex præ-
cepto ecclesiastico submittere Dei ministro
per Sacramentalem confessionem. Præcep-
tum autem Pœnitentiae non obligat post
remissionem peccati. Unde illa obligatio
et propositum, quorum meminit objectio,
non proveniunt per se ex præcepto Pœni-
tentiae, sed ex præcepto confessionis annuæ.
Tum etiam: quia non habemus speciale
præceptum pro Pœnitentia, atque ideo non
est ratio, quare ad eam post dimissa pec-
cata obligamur.

342. Huic tamen sententiae acquiescere non possumus, tum quia opposita comuni, et veræ doctrinæ aliorum Theologorum, tum quia inermia ejus fundamenta sunt ad eam stabiliendam ut jam videbi-mus.

Nec etiam assentimur negantibus factam
suppositionem, quasi impossibile sit homi-
nem justificari absque formalis pœnitentia,
undecumque id proveniat, vel ex obliga-
tione

Urgens
replica

Aliquo-
rum
respon-
sio.

Nota
pro
difficul-
tatis
expedi-
tione.

tione naturali cum vehementissima dilectione; vel ex eo quod peccatori dormienti Deus suam gratiam infundat, in quo eventu nullum actum elicit. Nam oppositum certius est, et esse possibile docuimus, et docent alii, tract. de Justificatione. Quamvis enim justificatio adulorum per se loquendo sit, et esse debeat ex prævia dispositione subjecti, et libera ejus acceptance; minime tamen obest, quod Deus ut a legibus absolutus præter, et supra ordinem a rebus exactum prout voluerit, operari possit. Quamobrem admissi debet casus, in quo vel absque ulla dispositione, vel solo actu charitatis absque formalis Pœnitentia homo justificetur; quidquid in oppositum dixerit Cano ab omnibus aliis discipulis D. Thome desertus in hac parte.

Quo supposito preferendam esse censemus sententiam affirmantem obligationem præcepti vel ad actus charitatis, vel Pœnitentiae, casu quo uterque defuerit ut in somno: vel saltem Pœnitentiae, ut in casu positio. Quam sententiam amplectuntur non solum discipuli D. Thomæ, ut Arauxo, Nuno, et Martinez de Prado, apud quos dumtaxat invenimus tactam hanc difficultatem; sed etiam Vega ubi supra cap. 20. Joannes de Medina, Corduba lib. 4, q. 15, quibus subscribunt Enriq. lib. 4, cap. 6, et cap. 28, n. 4. Suarez disp. 15, sect. 4, et disp. 4, sect. 6, et disp. 19, sect. 1. Coninch. disp. 13, dub. 4. Tannerus, Becanus, Layman, et alii plures a Prado relati.

Probatur primo ex dictis in hoc dubio de pueri in primo instanti transgrediente vel omittente sui conversionem ad Deum ut ad ultimum finem. Nam quoties instat præceptum divinum de operi faciendo, et illi assignatur tempus non quo finiatur obligatio, sed ne ultra diff. ratur; eo prætermisso, adhuc remanet obligatio operam dandi observationi præcepti, ut ibi expensimus, et exemplis illustravimus: sed ut homo resurgat a mortuato, et justificationem extra Sacramentum nanciscatur, tenetur ex divino præcepto ad formalem pœnitentiam, non qualcumque, sed quam importat contritio: ergo manet obligatus ad contritionem extra Sacramentum nisi velit hoc onus medio Sacramento levare. Major constat ex supra dictis. Minor etiam liquet, nam actus contritionis est medium necessarium ad justificationem extra Sacramentum ex jure divino præceptum. Consequentia vero

probatur: quia cessante impedimento obligationis præcepti, reviviscit obligatio præcepti, ut patet in esu inculpabili carnium die veneris, in votis, in recitatione officii divini toto die, et in omnibus aliis præceptis, quæ ex causa aliqua naturali non obligant, illa vero abeunte, consurgit præcepti onus: sed oblivio inculpabilis peccatorum fuit in causa non eliciendi actum contritionis, ad quem in illo instanti justificationis tenetur homo ex præcepto divino naturali: ergo hac cessante, et redeunte illorum memoria, tenetur homo ad ea detestanda, supplendo voluntarie, quod ex causa naturali deficit obtentæ justificationi. Quo etiam arguento probatur necessitas dilectionis eliciendæ, casu quo homo justificaretur in somno; tune quippe utrumque actum et charitatis, et Pœnitentiae teneretur elicere, ut suppleret defectum illorum, et gratiam redderet voluntarie, et libere receptam, quam non omnino connaturaliter receptam habebat, utpote inaniliter se habens ad ejus infusionem; cum tamen ipsa in adulterio cooperationem exposcat.

313. Secundo probatur infirmando opposita fundamenta. Quoniam eatenus non teneretur homo in hypothesi facta ad contritionem, quatenus vel non esset præceptum speciale Pœnitentiae, ut comminiscetur Vasquez, vel quia suppleretur sufficenter actu charitatis, ut etiam idem docet: vel quia cessante fine cessat medium ad ejus assecutionem ordinatum, et Pœnitentia est medium solum ad justificationem deserviens, qua proinde obtenta cessat ejus obligatio, ut tandem affirmat. Sed nullum ex his motivis est sufficiens ad deobligandum hominem a præcepto contritionis in casu positio: ergo nulla est ratio negandi talem obligationem, sed ex opposito adstruenda, et propugnanda est. Consequens cum Majori non indiget probatione. Minor, in qua est difficultas, probatur ostendendo per singula insufficientiam prædictorum motivorum. Et Primum, quidem falsitas primi constat ex supra dictis de præcepto speciali Pœnitentiae, quia cum sit specialis virtus a ceteris aliis diversa, ita pro propriis actibus speciale sibi vinclat præceptum.

Secundum etiam laborat eodem defectu: Secundum. quoniam aliud est Charitatem esse priorem, superiorem ac perfectiorem Pœnitentia; aliud vero hanc in illa eminenter contineri, vel illam pro ista posse supplere

Aliud fundamen-
tum.
Evertun-
tur P.
Vazquez
motiva.

formaliter. Sed ex primo capite, quod inficias non imus, neutquam infertur secundum: ergo illo, ut concedendum est constituto, neutquam infertur intentum, Probatur hæc Minor: tum a paritate aliarum virtutum, utputa Fidei, Spei, aut Religionis, quarum actus non sufficienter actu Charitatis supplentur: alioqui enim compendiosius ageretur illorum segetem ut inutilium rejiciendo, et unicam Charitatem virtutem assignando, quam illos coacervando, dividendo, et multiplicando. Unde qui negaret actum proprium, et formale, Fidei, aut Spei, aut Religionis, aut assereret sufficienter pro quolibet illorum unicum Charitatis actum substitui, instantibus illarum virtutum præceptis, obvios quosque, et adversarios haberet: tam insitum est omnium menti nullam virtutem alterius defectum supplere, sed quamlibet incumbere elientiæ proprii actus, et observantiæ propriae præcepti. Tum etiam a priori: quia sicut nulla virtus attingit nisi proprium, ac formale objectum, a quo mutuatur essentiam, et in propria, et sibi adæquata specie constituitur: ita nulla earum attingit formaliter objectum alterius, aut elicit proprium actum, licet directive, architectonice, aut imperative se habere possit virtus superior ad inferiorem: ergo nulla virtus, quantumvis superior sufficienter potest loco alterius substitui, nec etiam actus pro alterius actu supplere.

Eo vel maxime: nam ubi non est continentia eminentialis vel formalis, vel virtualis non est æquivalentia, ut patet in Ange'o ad hominem, in homine ad equum, et in ipsa religione et Charitate ad orationem, temperantiam, etc., sed quamvis Charitas sit perfectior, præterque, quam quælibet alia, imo ab illa omnes ultimum complementum, seu formationem accipiant; non tamen continet eminenter formaliter, aut virtualiter illarum perfectionem specificam: ergo non æquivalat, aut sufficienter substituere potest pro illis, aut eorum actibus.

Tertium. Hinc convulsum manet jam tertium. Tum quia licet per se loquendo cessante fine, cesseret etiam medium, quia medium non intenditur, aut eligitur, nisi ob finis assecutionem; secus vero quando per accidens finis aliunde habetur; alioqui enim irrationalis esset peccatorum oblitorum confessio, nec præcipi homini posset. Præterquam quod in nostra hypothesi

licet non fuerit necessarius actus contritionis ad introducendam gratiam dispensante Deo, et supranaturalem exigentiam operante; erat tamen necessarius ad ejusdem gratiæ conservationem, nec dispensasse crederetur in actu contritionis ipsam consequente; esto dispensasset in præparante, et antecedente. Cujus non est rationale motivum, nisi expresse reveletur. Et ita apparet in naturalibus, ubi non ex eo, quod antecedenter aliquid præter communem ordinem fuerit effectum; sequitur in rei conservatione, non servari consuetum agendi modum, ut in generatione vermium ex speciebus cernere licet: ibi enim non præcessit materia, quæ immediate disponeretur ad illorum formam, nec servatus fuit rerum ordo; cum tamen ad ejus conservationem nulla ex naturalibus dispositionibus defecerit. Licet ergo fuerit dispensatum cum homine ad illi infundendam gratiam absque cooperatione propria, vel absque Pœnitentia; non ideo dispensatum intelligi debet in Pœnitentia sequenti. Unde qui certo cognosceret se esse illo modo justificatum; certo etiam sciret non se præparasse ad illud beneficium, nec etiam debitam Pœnitentiam exhibuisse: quapropter teneretur vel Sacramentaliter confiteri, vel actum contritionis elicere, non quidem pro reconciliatione jam obtenta, sed pro ejus conservatione, et continuatione; alioqui peccaret non observando, cum posset, id ad quod fuerat obligatus ex præcepto. Tum etiam (et est major elucidatio hujus discursus) quia Pœnitentia non cadit sub præcepto, nec tendit in gratiam utcumque, sed per modum compensationis, et satisfactionis debitæ a creatura: sed hæc satisfactio non fuit tempore debito apposita, ut supponitur: exhiberi ergo et apponi debet, cum subest facultas, ut est post nactam justificationis gratiam: quia deobligatio accidentalis, et extraordinaria non tollit obligationem per se, dummodo permaneat post instans accidentalis contingentiæ, ut est in præsenti.

Unde colligitur aliter gratiam esse finem Pœnitentiæ, quam sit satisfactio: nam illa est finis communis, extrinsecus, et, ut ita dicamus, ultimatus. Sicut enim est finis, et forma omnium virtutum, ita et omnium illarum etiam est commune, et universale principium, a quo oriuntur, et in quam ut in scopum collimant. Satisfactione vero, et æqualitas proportionalis intenta a confessioni,

Impugnatur Lugo.
tentia, est finis intrinsecus, et immediatus; et h^c nondum est appositus ex vi acceptæ justificationis in illa hypothesi, atque ideo adhuc est obligatus homo ad eam exhibendam: unde non fuit Vasquio ratio urgens a communi doctrina recedendi.

314. Nec urgentiora suut argumenta Eminentissimi Lugo, sed omnia peccant in reddendo non causam pro causa, et consequenter nihil concludunt. Nam quod primo objiciebat de necessitate Pœnitentiæ ad servanda alia præcepta, non est ratio exigendi contritionem post adeptam justificationem. Cum enim plenitudo legis sit dilectio, et qui diligit Deum, sermones ejus servet, ex hoc ipso quod homo ille adeptus fuisset gratiam, et alias virtutes annexas, posset ex vi hujs intendere, imo et exequi præceptorum observantiam, ut patet in Angelis, et in Christo in quibus non fuit Pœnitentia, et non defuit præceptorum observantia. Nec etiam valet secundum: quia non sistimus in retractatione utcumque, seu quoad explicitum conceptum retractationis; sed sumus in retractatione formal, et expressa, quæ secum afferat satisfactionem, imo et sit ipsa satisfactio; et hæc est quæ cadit sub speciali, et proprio Pœnitentiæ præcepto. Charitas autem licet retractet, et excludat peccatum quod odio habet, non id præstat ex motivo compensandi, et satisfaciendi, sed ex alio longe diverso, et universaliori: vicujus relinquitur locus et obligationi, et præcepto contritionis adhuc posito actu charitatis; et idem constat in actibus aliarum virtutum, nisi velimus omnium virtutum exercitia in unam, eamque solum charitatem, ut in immediatam, et proximam radicem revocare ut Vasquio opponebamus. Concedimus ergo omnia illa attributa, quæ in confirmationem utriusque probationis charitati adscribuntur, et plura alia, quæ possent assignari. Sed omnia illa præstat sub universaliori ratione, non tamen sub formali, et propria cuiusque virtutis, atque ideo non derogat nec præcepto, nec obligationi contritionis. Recolantur supra dicta de Pœnitentia ut est specialis virtus, ex quibusclare colligitur præsens doctrina.

315. Nec refert, si objicias: Perfectior est nolum in esse entis, sed etiam in ratione dispositionis actus charitatis, quam actus solius attritionis: sed posito actu attritionis cum Sacramento, non teneretur homo ad præceptum contritionis: ergo nec etiam quando præcessit solus actus charitatis. Eo

vel maxime, quoniam attritio non provenit a virtute speciali Pœnitentiæ, utpote quæ est, et petit esse conjuncta gratiæ, et charitati, ut supra statuimus; sed provenit a principio inferiori, utputa timore servili, in quo non est ratio formalis Pœnitentiæ virtutis ullo modo. Unde reassumunt vires argumenta Cardinalis Lugo, et quæ contra illa opposuimus, vel inconsequentiae, vel falsitatis, vel utriusque redarguantur sub hac forma. Nam tota, et adæquata ratio insufficientiae ex parte charitatis, et exigentiae contritionis in illo casu, est quia charitas est distincta virtus a Pœnitentia, nec importat formalem, et expressam satisfactionem, quam secum afferat contritio: sed hæc ratio vel est nulla, vel simul probat non sufficere attritionem cum Sacramento; ergo vel doctrina tradita est falsitati obnoxia, vel actus charitatis absque contritione sufficit in prædicto casu, subindeque immerito cogimus hominem prædicto modo justificatum ad contritionem postea habendum. Probatur Minor: quia ex una parte actus charitatis perfectior nedum attritione, sed etiam contritione ut liquet; attritio vero est utroque imperfectior: aliunde autem a diverso principio oritur contritio, quam attritio, ut decimus: ergo vel nulla est ratio exclusiendi ut insufficientem actum charitatis, vel ea etiam sufficiet, ut rejiciatur attritio. Hoc secundum nequit sustineri: ergo necessarium est affirmare primum, aque ideo quod non teneatur homo ad contritionem ut intendebant predicti Authores, quos impugnamus.

Solutio.
Non, inquam, refert hæc objectio: nam ad primam ejus partem concessa utraque præmissa, negamus Consequentiam, quam non legitime inferri, vel ex eo constat, quod aliqui eodem arguento probaretur nec esse necessarium actum contritionis perfectæ per se loquendo ad remissionem peccatorum sive medio Sacramento, sive media Pœnitentia virtute assequendam; quandoquidem actus charitatis perfectior est sive attritione, sive contritione: ergo si titulo predicti excessus in perfectione res foret mensuranda, profecto nunquam foret necessarius actus contritionis, sed sufficeret unicus, et solus charitatis actus. Quare sicut hoc non probari, nec intendi potest ab objiciente; sed cum ea majori perfectione actus charitatis supra omnium aliarum virtutem actus, debet componere superesse locum ad eos exercendos: ita similiter concesso ut concedi debet, excessu perfectionis in actu

charitatis, supra actus Pœnitentiaæ sive imperfectæ, sive perfectæ, adhuc est ratio obligandi ad eam vel cum attritione intra Sacramentum, vel sola contritione cum voto Sacramenti, quorum alterutram satisfit præcepto Pœnitentiaæ; neutquam vero, si utraque deficiat.

Ad hujus improbationem insertam in secunda parte objectionis, concedimus cum D. Thomæ, attritionem prodire a timore servili, qui non est habitus virtutis, solam vero contritionem procedere a Pœnitentiaæ virtute, supponente gratiam infusam pro aliquo priori, cum ob generalem rationem omnibus virtutibus infusis communem, tum ob specialem, et sibi propriam; secundum quam actus contritionis petit oriri ex amore Dei, ut constat ex doctrina art. 6, hujus quæstionis 85, ubi ait, quod horum duorum actuum primus naturaliter præcedit secundum: nam actus virtutis Pœnitentiaæ est contra peccatum ex amore Dei. Unde primus actus est ratio, et causa secundi. Et hæc est specialis, et propria ratio dependentiaæ, et connexionis intrinsecæ actus contritionis, et virtutis Pœnitentiaæ a gratia, supra statutæ, et toties in superioribus libris indicatæ. Communem vero rationem aliis virtutibus, et quare attritio nequeat a virtute Pœnitentiaæ procedere,

D. Thomæ tradit S. Doctor in Addit. ad hanc 3 p. quæst. 1, art. 3, ubi supponens ut per se notum attritionem semper esse informem ex sua specie, hoc est antecedere gratiam, et peccatum habituale comitari, inquit: *Habitus autem virtutum infusarum, qui voluntatem respiciunt, non possunt esse informes, cum charitatem consequantur, ut in 3 lib. dictum est.* Unde antequam gratia infundatur, non est habitus, a quo actus contritionis postea elicetur: et sic nullo modo attritio potest fieri contritio. Unde agnoscitur quam longe abeant a doctrina, et mente D. Thomæ Theologi, qui attritionem, et contritionem solum distinguunt penes majorem, aut minorem perfectionem intra eandem speciem essentialiæ; quod tamen toto, ut aiunt, cœlo ab eo distare est manifestum. Unde est asserendum essentialiter inter se differre, et diversa principia essentialia postulare.

316. Hinc tamen nulla est illatio ad negandum attritioni veram Pœnitentiaæ rationem. Tum, quia attritio continetur ut species imperfecta sub conceptu communi contritionis, et sub eo non semel eam usurparunt celebriores Theologi, et quod magis

est, traditur expresse à Concilio Trident. sess. illa 14, saepè allegata cap. 4, ubi pro parte essentiali hujus Sacramenti Pœnitentiaæ accenset contritionem, quam deinceps dividit in perfectam, et imperfectam, quam dicimus attritionem. Tum etiam, quia licet non oriatur a virtute Pœnitentiaæ, sed a principio longe inferiori; disponit tamen remote ad Pœnitentiam perfectam, ut constat ex eodemmet Concilio in eodem loco, et ante ipsum docuit D. Thomas art. 5 hujus quæstionis, ubi exponit qualiter Pœnitentia oriatur a timore tanquam a principio. Unde corruit argumentum ex illo principio deductum in favorem impugnatæ doctrine. Nam licet cum Charitate convenienter in eo, quod a diversis principiis essentialibus provenire postulent; differunt tamen, quod actus Charitatis ex sua specie nec est satisfactio, nec est formalis Pœnitentia. Attritio vero est formalis Pœnitentia, et licet nondum ex sua specie sit satisfactio, ob conjunctionem cum peccato, intra Sacramentum tamen ex meritis Christi suppletur illa satisfactio, et imperfectio attritionis, vi cuius supplementi disponit proxime, et concurrit effective ut pars Sacramenti ad induendam gratiam. Quocirca optime animadvertis Suarez disp. 15, sect. 4, n. 14 (et subscribit Prado ubi supra § 2, num. 7) esse magnam differentiam inter remissionem peccati comparatam solo amore sine ulla formalí Pœnitentia, et obtentam ex vi Sacramenti cum sola attritione: nam illa prior non est dispositio per se sufficiens, nec formaliter continet satisfactionem requisitam per se ad justificationis gratiam consequendam: quapropter in ea non fit remissio nisi sub onere, et voto Pœnitentiaæ, quæ tunc abest, et ideo est obligatio ad futuram. Hæc vero est formalis Pœnitentia, et affert satisfactionem, si non propriam, saltem ex meritis Christi; ex cuius institutione habet, quod sit pars Sacramenti Pœnitentiaæ, et intervenit quædam veluti commutatio necessitatis contritionis in necessitatem Confessionis Sacramentalis.

Ex quibus constat ad rationem dubitandi initio positam, quin opus sit operosus ejus solutioni insistere. Constat insuper, qualiter intelligenda sit doctrina in fine dubii præcedentis tradita, cuius ultimum judicium ad in præsenti dicta remisimus. Quare ad objectionem illam concedenda est absolute Consequentia, quam ibi (ne his præpediremur) distinguendam diximus.

§ IX.

Postrema difficultatis decisio.

317. Dicendum est ultimo præceptum Pœnitentia obligare hominem ad non diu in peccato permanendum, subindeque ultra articulum, aut periculum mortis teneri peccatorem ad contritionem procurandam, ne diu in peccato mortali permaneat. Hanc assertionem non invenimus ita expressam apud D. Thomam, est tamen consona ejus doctrinæ, et ut illi conformem propugnant graves S. Doctoris discipuli Soto in 4, dist. 17, quæst. 2, art. 6, concl. 4 et 6. Joan. a Cruce quæst. 2 de Contrit. dub. 5, concl. 2 Nuno in addit. ad 3 quæst. 2, art. 3, dub. 3. Candid. tom. 2, disquisit. 24, art. 16, concl. 5. Petrus de Ledesma ubi supra Cano relect. de Pœnit. 4 p., § Ad testimonium, ubi non solum ad articulum, et periculum mortis, sed ad alios necessitatis casus protendit obligationem hujusmodi præcepti, licet ab aliquibus presentia contraria allegetur; sed male, ut observat Prado, et bene. Nusquam enim nec Cano, nec etiam D. Thomas limitationem pro articulo, aut periculo mortis tantum apposuerunt, nec usi sunt verbo aliquo excludente alios necessitatis casus, quin imo de casu necessitatis affirmando exempli gratia omnino certum, et extra omnem dubitationem, articulum mortis, aut ejus periculum designarunt, ut constat ex illis verbis D. Thomæ : *cum præcipue in articulo mortis existit, in quo non excludit alios casus necessitatis. Et quidem S. Doctor in prædicta quæstiuncula totus fuit in refellendo, et propulsando celebrem illam opinionem de obligatione instantanea, et immediate post lapsum poenitendi, quæ tunc temporis apud aliquos invaluerat, et hujus occasione docuit solum in casu necessitatis urgere tale præceptum.* Inter causas autem necessitatis strictissimi, et nulla tergiversatione objiciendi sunt articulus, et periculum mortis; quamvis non desint alii non ita perspicue, et urgenter obligationem illam inducentes. Quod annotamus, ut constet non esse alienam sententiam a mente D. Thomæ supra statutam, licet non sit ita expressa. Atque ita defendit N. Franciscus a Jesu Maria plures extra Scholam D. Thomæ pro ea referens.

Primum hujus assertioonis fundamentum sumitur ex sacra Pagina, ubi non in uno, aut altero loco (quod sufficeret) sed in plu-

ribus edoceri videtur, ut est illud Ecclesiastic. 5 : *Non tardes converti ad Dominum, nec differas de die in diem; subito enim venit ira ejus, et istud Apocalyps. : Age pœnitentię, et prima opera fac : sin autem, venio tibi, et movebo candelabrum de loco suo, nisi Pœnitentiam egeris.* Cui consonat quod paulo post Angelo Pergami indicitur : *Similiter Pœnitentiam age, si quo minus veniam tibi cito.* Quæ verba si præceptum non differendi Pœnitentiam non continent, non sunt aut expressiora, aut urgentiora in sacra Scriptura pro aliis præceptis, nec majori fundamento ex illa deduci possunt in vi Consequentiae : nec esset unde convinceretur, aut redargui posset, qui ex Scriptura non recte alia præcepta colligi mordicus affirmaret. Et sane ex his, et similibus textibus deduximus supra, et deducunt communiter Theologi satis efficaciter, præceptum Pœnitentia, quod sit speciale pro hac virtute præ aliis. Sed sub eadem verborum filo, et nexu prohibetur nimia in poenitendo dilatio : ergo vel non probatur satis ex sacra Pagina præceptum Pœnitentia; quod non est dicendum; vel non tam hujusmodi præceptum positivum asseritur, quam etiam negativum eam non procrastinandi statuitur.

318. Quare non assentimur illis, inter quos est Arauxo in præsenti, qui nullum præceptum negativum Pœnitentia admitunt. Tum quia verba prædicta, et alia innumera omissa satis perspicue prohibit moram, et dilationem in peccatis. Quid enim aliud aut verius, aut sincerius intelligendum venit in illis verbis : *Non tardes, Ne differas, quam non diu moras agere, nec diutius in peccatis detineri.* Tum etiam, quia commune est omnibus, et cuilibet ex præceptis affirmativis includere, et secum trahere negationem, et prohibitionem actus oppositi præcepto, nec oppositum facile intellegitur. Qualiter enim amor v. g. potest cadere sub præcepto, quin ex vi hujus prohibeatur odium, aut carentia amoris, et sic de reliquis? Ultra hanc vero communem rationem, quæ nequit non militare in Pœnitentia, superest specialior, et expressior prohibitio de non retardanda Pœnitentia, ut ostendunt relata testimonia, adjuncta doctrina Patrum, quam infra adducemus.

Porro videtur non prætermitti dignum in prædictis testimoniosis neutiquam præcipi, quod statim, seu cito agatur Pœnitentia; hæc quippe solum absolute præcipitur; sed comminationis vis in eo collocatur, quod cito ad punitionem, seu

Nota.

Præoccupatur
alia
evasio.

vindictam veniet, si diu Pœnitentia protrahatur. In quo profecto (ut hanc sententiam ab illa antiqua a D. Thoma expugnata disjungamus, in quo aliquis posset offendere) satis innuitur non præcipi ita citam, ac præproperam Pœnitentiam, quam illi, et alii adhuc, comminiscuntur, sed prohibetur Pœnitentiæ diatio, et procrastinatio per longum tempus. Constat autem intercedere medium inter statim agere Pœnitentiam, et illam differre usque ad extremum vitæ periculum, atque ideo hoc secundum prohiberi, et primum non præcipi sub illo onere, sed tantum absolute, ut revera præceptum est.

319. Nec etiam placet effugium Gonet et aliorum docentium in prædictis testimoniis contineri præceptum Pœnitentiæ quoad substantiam; quantum ad modum vero, et circumstantiam temporis esse consilii.

Hoc, inquam, hujus Authoris effugium displicet. Tum quia eadem facilitate, qua dicitur, sed majori fundamento rejicitur, utpote omnino voluntarium, et solum ex cogitatione ad elendum verborum robur: habemus enim expressa verba prohibentia dilationem Pœnitentiæ. Quare ergo non sunt præceptiva, si non inventiuntur alia expressione pro aliis præceptis? Et unde constat, quodve est vestigium, ut sufficient, et efficacia sint ad stabilendum præceptum quoad substantiam, et non etiam quemadmodum, et circumstantiam temporis vagi, hoc est, quod non per longum tempus protrahatur retractatio? Hujus profecto nulla potest ratio assignari ex ipso textu, ex quo desumi debebat, ut satisfaceret. Tum etiam quia ob non observationem consilii non sibi homo mortem conciscit, nec temporalem, nec æternam, quippe consilia sicut non induunt obligationem, ita nec gravissimam important comminationem non observantibus; alioqui non distinguerentur a præceptis: sed comminatio mortis, quæ gravissima pena est, et acerbior si fuerit æterna, statuit pro retardantibus Pœnitentiam: ergo non solum cadit præceptum supra Pœnitentiam quoad substantiam, sed etiam contra ejus retardationem, atque ideo hæc non est mere consilii, sed et præcepti. Minor constat ex illis verbis *Ne tardes*, etc. quæ non concernunt Pœnitentiam, sed illius moram, et clarus innotescit ex verbis immediatis ejusdem textus ubi sic habetur: *Et ne dicas: Miseratio Domini*

magna est, multitudinis peccatorum meorum miserebitur. Et quasi respondens, et præoccupans inanem peccatoris fiduciam, subiungit: *Misericordia, et ira ab illo cito proximant, et in peccatores respicit ira illius.* Ubi perspicuum est sermonem esse de peccatis gravibus, et non de violatione consiliorum, contra quæ non est peccatum grave, secluso voto, aut alia obligatione itidem gravi, et statim sub illa comminatione prosequitur: *Ne tardes*, etc. Unde expositio illa nequit adaptari huic testimonio.

320. Apparentius respondent alia ad verba Apocalypseos ibi ad litteram sermonem fieri contra Episcopos illarum Ecclesiarum, qui tempore, aut ignavia a sui status perfectione exciderant, ob idque tam acri objurgatione, ac comminatione plectuntur, ut resipiscerent, et in pristinum fervoris statum se revocare satagerent.

Sed ita sit, adhuc tamen retinent vires testimonia allegata: tum quia in eodem Scriptura loco agnoscent Theologi cum D. Thoma, 1 p. quæst. 1, art. 10, pluræ sensus litterales, quin unus alterum excludat, atque ideo admissò illo sensu, adhuc est locus alteri a nobis posito; qui non opponitur circumstantiae alicui textus. Tum etiam, quia non desunt graves expositores, ut D. Ambrosius, et Haymo apud Cornelium, quibus arrideat Episcopum illum per peccatum grave a gratia excidisse. Tum denique, nam teste eodem Cornelio cum aliis expositibus, quod illis Prælatis indicatur, intimatur etiam et fidelibus illarum Ecclesiarum, imo et totius Ecclesiæ; peccata quippe nembrorum sub specie capitis, et ejus nomine redarguntur: quo circa non tam capiti ipsi, quam etiam ejus membris dicta illa verba intelliguntur. Constat autem in membris non tempore, aut ignaviam, sed peccata gravia, de quibus penitere jubentur, objurgari.

Tandem respondet prædictus Author, illa Apocalypsis verba non urgere; nam esto contineant præceptum, non tardat ille, qui differt, seu qui non statim facit, quod potest; sed tantummodo qui non facit eo tempore, quo faciendum est.

Sed sit ita, hinc vires assumit nostrum argumentum: quia nequit ut tardus reprehendi, qui tempore quo debet solvit: sed peccator non debet usque ad finem vitæ; non ergo tardat differendo Pœnitentiam usque ad illud momentum. Quare ergo jubetur, ne tardet? Rursus. Quia jam admonitio,

Alio
fug
præ
turAlia
respon
sio.Confu
tatio

nitio, seu comminatio illa esset superflua, et de subjecto non supponente, utpote cui nullus esset locus, siquidem nullum esset tempus, quo urgeret obligatio, nisi illud, quod existimatur ultimum : et non esset ultimum usque ad esset articulus, vel periculum mortis proximum. Unde ergo posset prohiberi ut non tardet ad Deum converti?

Quæ impugnations, confirmari, et explicari possunt ex Apost. ad Rom. 2, ubi cum peccatoribus loquens, Dei benignitatem ex una parte commendans, et peccatoris duritiam ex alia exprobrans, inquit : *Ignoras, quod benignitas Dei ad Pœnitentiam te adducit* (excitando utique, et vocando juxta illud Isai. 65 : *Omnes in cæde corruebis, propter quod vocavi sæpe, et non respondistis*). *Tu autem secundum duritiam tuam, et impœnitens cor, thesaurizas tibi iram in die iræ*. Hoc autem non ita congrue salvaretur, si in decursu vitæ non esset specialis obligatio pœnitendi citra articulum, aut periculum mortis : ergo datur hujusmodi obligatio. Probatur Minor : quia cor impœnitens negative, dummodo non teneatur ex aliquo capite, non thesaurizat sibi iram in die iræ ; siquidem impœnitentia negativa non est peccatum, nec consequenter potest homini imputari, sicut nec etiam infidelitas negativa : similiter impœnitentia negativa non constituitur cor impœnitens, ita ut ob eam illi possit ira Dei comminari, in die iræ ; loquebatur ergo Apostolus de impœnitentia, quæ erat prohibita ante articulum, aut periculum mortis, atque ideo antecedenter adstringebantur homines ad pœnitendum, seu non differendam contritionem juxta illud Ecclesiastici 17 : *Convertere ad Dominum, et relinque peccata tua*. Quo quid clarus, et expressius ? Sed expressius ibi vers. 26 : *Non demoreris in errore impiorum, ante mortem confitere, confiteberis vivens, et sanus confiteberis*. Ubi non loquitur de confessione sacramentali, ut est per se notum, sed de confessione interna soli Deo facienda juxta illud Psalmi : *Ego dixi confitebor injustitiam meam Domino, et tu remisisti impietatem peccati mei*, quod fit media contritione, et hanc non ad mortis, aut infirmitatis, sed ad sanitatis tempus reducit : non ergo expectandus est articulus mortis ad pœnitendum ex præcepto, sed etiam tempore sanitatis hoc onus peccatori incumbit ex præcepto divino in Scriptura sacra satis expresso.

321. In quam etiam sententiam abierte

SS. PP. et ut omittamus Ambrosium toto lib. de Pœnit. necnon in exhort. ad ipsam, D. Hieronym. ad Psal. 37. D. Gregorium hom. 11 super Ezechiel, et alibi sæpe,

D. Am-
bro-
s.
D. Hie-
rom.
D. Gre-
gor.

quorum testimonia molestum esset referre, interim atque alios auscultamus, præmittimus hunc discursum. Nam si Pœnitentia non obligaret, nisi in fine vitæ, aut periculo mortis, nullum esset damnationis periculum eam differre usque ad illa tempora ; nec esset, cur ea Pœnitentia esset incerta, suspecta, et angoribus, ac solicitudinibus plena : sed hoc est falso, et contra SS. PP. unanimiter oppositum affirmantes : ergo ex ipsorum mente illicitum, et consequenter prohibitum est differre Pœnitentiam usque ad illas temporum angustias, in quibus vel proxima, vel moraliter præsens præsentienda est mors. Consequentia constat ex præmissis : quia SS. PP. ut Ecclesiæ lumina, latere non poterat possibilitas veræ Pœnitentiæ in qualibet hora, quod est Catholicum dogma; nec similiter negarunt, aut negare poterant in illis circumsstantiis ita vicinum vitæ finem prænuntiantibus eam præcipue obligare ; quocirca D. Augustinus, teste Possidio, seu Possidonio, solitus erat dicere, *neminem e si nullius sceleris sibi conscientia esset, committere debere, ut sine Pœnitentia migraret e vita*, et ipsemet jam morti proximus Psalmos, quos Pœnitentiales dicimus, legendos curavit. Major vero videtur certa, quia nullum est periculum in eo, quod quis prætermittat illud, ad quod non tenetur, ut patet in consiliorum, et operum supererogationis non observantia, aut executione ; ob quarum neutram tantummodo nullus aut periculo salutis se committit, aut iræ divinae comminationem meretur; alioqui nullum esset discrimen voto ad id se obligantium, a communis cœtu fidelium, sed æque istis ac illis imputari deberet consiliorum, aut supererogationum non observantia, et eodem jure possent indifferenter objurgari : cum tamen D. Thomas, et ex eo alii dis-

D. Au-
gust.

crimen inter ea constituant, quod præceptum importat necessitatem, consilium autem in optione ponitur ejus, cui datur, ut constat ex 1, 2, quæst. 108, art. 4. Nec similiter ex tali dilatione incerta salus redderetur, siquidem in nullo alio instanti, aut tempore antecedentiter eretur ad Pœnitentiam ; non autem redditur incerta, aut suspecta præcepti observatio, quæ ponitur tempore præfixo ab ipso præcepto, ut liquet in ipsa Confessione prout ab Ecclesia præscripta,

quæ nec incerta, nec suspecta, nec dubia existimatur, aut rationabiliter existimari potest per hoc præcise quod quis decursu totius anni retardaverit Confessionem usque ad tempus determinatum ab Ecclesia : non enim proprie loquendo tardat, qui tempore debito solvit.

Summum periculum in diffendo Pœnitentiam, D. August.

Minorem vero non alia efficaciori via probandam assumimus, quam in medium producendo Patrum testimonia, quæ illam clare demonstrare videntur : et in primis D. Augustinus lib. de verra, et falsa Pœnit. cap. 18, ita inquit : *Periculosissimum est, et interitui vicinum ad mortem protrahere Pœnitentiam remedium, et ne quis non tanti habeat hoc testimonium ob nuperam aliquorum dubitationem de illius legitimo Authore, ut supra tetigimus, audiamus S. Doctorem homil. 40, ubi loquens de retardantibus Pœnitentiam ita se explicat : Si quis positus in ultima necessitate, voluerit accipere pœnitentiam, et accipit, et mox reconciliatur, et hinc vadit : fateor vobis, non illi negamus, quod petit. Sed non præsumimus, quod bene hinc exit. Non vos fallo, agens pœnitentiam ad ultimum, et reconciliatus, si securus hinc exit, ego non sum securus. Unde securus sum, dico, et do securitatem? Unde non sum securus? Pœnitentiam dare possum, securitatem dare non possum. Unde autem id proveniat pergit exponere inferius, subjungens : Illud planius debo exponere, ne me aliquis male intellexisse intelligat. Numquid, dico, damnabitur? Non dico. Sed dico etiam, liberabitur? Non. Quid ergo dicit mihi? Nescio, Non præsumo, non promitto. Nescio. Vis te de hoc dubio liberare? Age pœnitentiam, dum sanus es. Si dum sanus es, agis veram pœnitentiam, et invenerit te novissimus dies, securus es. Quare securus? quia egisti pœnitentiam eo tempore, quo et peccare potuisti. Si autem vis agere Pœnitentiam, quando peccare non potes, peccata te dimiserunt, non tu illa.*

D. August.

Similia docuit S. Doctor serm. 57, de tempore, ubi ita habet : *Pœnitentia quæ ab infirmo petitur, infirma est; quæ autem a moriente petitur, timeo, ne et ipsa moriantur. Necon serm. 71, ad Fratres in eremo, ita loquitur : Satis alienus est a fide, qui ad agendum Pœnitentiam tempus senectulis expectat. Quibus si addas dilemma a S. Doctore propositum, et illationem ex illo deductam, clare perspicies Minorem assumptam a D. Augustino clare demonstratam homil. 41. Dux (inquit) res sunt;*

Aut ignoscitur tibi, aut non ignoscitur? Quid horum tibi sit futurum? nescio. Ergo tene certum dimitte incertum. Quibus nihil clarus, aut luculentius pro veritate illius propositionis juxta mentem D. Augustini: atque ideo nequit evadere periculum æternæ damnationis, qui imponitenter vivendo in ultimum vitæ terminum Pœnitentiam reservat, ut etiam testatur D. Chrysostom. c. 4, de Compunct. Cord. per hæc verba : Qui prave videndo pœnitentiam agit in mortis periculo, sicut ejus damnatio incerta est, sic et remissio dubia. Qui ergo cupid securus esse de indulgentia, sanus pœniteat, sanusque perpetrata defleat. Consonat Leo Magn. Epist. 91, ad Theodorum ita scribens : Oportet unumquemque Christianum conscientiaz suæ habere judicium, nec converti ad Dominum de die in diem differat, nec satisfactionis sibi tempus in finem vitæ suæ constituat, quem periculose ignorantia humana conciudit, ut ad paucarum horarum se reservet incertum. Quæ testimonia ideo ad verbum transcripsimus, ut illa gravissimo suo pondere absque ulla tergiversatione rem ipsam conficerent, et quælibet subterfugia occluderent. Non enim Theologorum aliquis disertioribus verbis propriam sententiam explanare posset, quam explicit allegati Patres non minus sanctitate, quam doctrina conspicui irreparabile damnum æternæ salutis, cui se exponit, Pœnitentiam procrastinans usque ad ultimam vitæ periodum. Et sane si quis simili vitæ naturalis discrimini se voluntarie exponeret, et cum ejus dispedio in eo statu eam amittendi se constitueret, in quo constituunt SS. PP. Pœnitentiam usque ad mortem protrahentem, mirum esset, si deobligaretur ab eo periculo fugiendo, aut in conscientia tum aliquis eum judicaret. Quæ ergo esse potest ratio, quare non idem dicamus de homine totam vitam in peccato, et peccatis insumentem? Teneamus ergo certum cum D. Augustino, et relinquamus incertum, et maxime dubium in re tanti momenti, quo majus non est.

322. Unde paucis refellemus aliquorum effugium, quo prædictorum testimoniorum energia magis eludi, quam elidi videtur. Inquiunt enim ita invehi Sanctos Patres in retardantes Pœnitentiam, eamque usque ad finem vitæ protrahentes; non quia ejus præceptum pressius obliget per se inspectum; sed vel quia ob varias tentationes, et pericula vitæ, vel propter alia præcepta observatu

D. C.

D. L.

Pung
exem
plau

Poste
rion
quoru
dam
respon

observatu difficultia, imo et impossibilia, absque Pœnitentia, peccator ad eas angustias voluntarie devenerit, ut incertitudinem salutis æternæ subire compellatur. Quod est præceptum Pœnitentiae multoties obligare per accidens, non autem per se, et ratione sui, ut oportebat statuere ad firmitatem nostræ sententiae.

Huic accedit (et potest esse aliorum evasio) quod incertudo illa, quam tanti faciunt verba relata, est universalis, atque ideo tantum sufficiens ad inducendum periculum remotissimum damnationis, quale in naturalibus patiuntur omnes de vita corporali. Præcepta autem nec imponuntur pro vitandis periculis communibus, nec etiam obligant, nisi in proximis, et immediatis, in quibus dumtaxat urgeat necessitas actus præcepti.

Hæc, inquam, effugia paucis indigent, ut convellantr. Et contra primum facit, quod quando præceptum per se, et ratione sui non obligat, sed tantummodo ratione alterius, seu per accidens, sicut non committitur specialis culpa in ejus violatione, ita nec ob id potest homo objurgari, aut puniri specialiter; quia tota obligandi ratio provenit a præcepto, quod per se instat, et consequenter tota malitia devolvitur in ejus solius transgressionem. Sed periculum illud æternæ damnationis tam solemniter declamatum a SS. Patribus provenit ex retardata Pœnitentia. Ergo tota malitia, et gravitas illius periculi devolvitur in voluntatem retardantis Pœnitentiam, et ob hujus dilationem præcise incidit homo in periculum illud adeo magnum, ut prædicant SS. Patres. Quod est per se obligari hominem ad Pœnitentiam agendum; siquidem voluntarie se injiceret homo in illud damnationis periculum; et hoc est gravissime peccare ob solam dilatam Pœnitentiam.

Deinde. Nam in eo quod innumera sint hujus vitæ pericula peccandi, ne dum contra hoc vel illud præceptum determinate, sed contra plura, et si mavis, contra omnia (cui discrimini subjacet homo diu sustinens non pœnitere) exprimitur periculum proximum peccandi absolute, quin determinetur hoc præceptum præ illo. Unde obligatio hoc periculum vitandi non potest reduci ad aliquod præceptum determinatum; et consequenter non est per accidens, sed per se, et immediate ortum ex ipsa dilatione Pœnitentiae, ideo prohibita a Sanctis Patribus. Quare in eo ipso quod conceditur (et merito) in illa evasione,

includitur, quod intenditur ab Authoribus nostræ sententiae. Major propositio explicatur exemplo desumpto a vita corporali. Qui enim voluntarie se constitueret in periculo prodigiendi vitam infallibiliter nullo determinato medio, sed vel occasione, vel præcipitatione, vel suffocatione, aut naufragio, abs dubio esset constitutus in periculo proximo e vita migrandi, et ex ipsa coacervatione periculorum consurgeret obligatio per se ab eis angustiis se expediendi. Quæ propositio videtur per se nota, et nobis est omnino certa, et indubitate: nam quod medium non sit determinatum, non impedit periculum infallibile mortis proximæ, cum infallibile sit eam mox futuram, sive hoc, sive illo medio sed id ipsum habet homo diu in peccatis persistens ex hoc ipso, quod innumera sint hujus vitæ pericula. Ergo ex illomet principio oritur, quod teneatur ad non in peccato tandi persistendum. Probatur Minor, imo et tota impugnato ex D. Thomæ doctrina 1, 2, quæst. 109, art. 8, ubi ait, quod *antequam hominis ratio, in qua est peccatum mortale, reparetur per gratiam justificantem, potest singula peccata mortalia vitare, et secundum aliquod tempus: quia non est necesse, quod continue peccet in actu. Sed quod diu maneat absque peccato mortali esse non potest: ergo juxta D. Thomam hoc quod est diu esse in peccato mortali, secum trahit infallibiliter lapsum in aliud, et alia peccata mortalia; quin hoc præ illo determinari possit, cum innumera, et diversæ conditionis sint pericula, et tentationes, ut homo decidat, et infallibiliter succumbat.*

Nec hoc periculum est universale, et remotum, ut obtrudebatur in secunda evasione, sed præsentaneum, et proximum, annexum statui peccati mortalis longo tempore protracto: quo enim magis in eo persistitur, eo magis obnubilatur ratio, et voluntas ex ipsam assuetudine peccandi infirmatur, et ineptior ad resistendum redditur. Cum enim abyssus abyssum invocet, ut docet Scriptura, et peccatum Pœnitentia non deletum suo pondere in aliud trahat, teste D. Gregorio hom. 44 in Ezech. nequit non longo tempore in vitiis commoratus in proximo, et manifesto periculo, impingendi reperiri.

323. Quod ut fiat manifestius, et relatae evasiones radicitus evellantur, recolenda est doctrina, quam tradidimus tract. de Peccatis disp. 20, dub. 1, § 1, n. 8, ubi

statuimus quam optime stare, quo^t præceptum obliget ratione periculi delinquendi contra alia præcepta, et nihilo minus obliget per se, et ratione sui, ut de præcepto conversionis in primo instanti ibi statuimus. Et ratio est; quia obligatio per se oritur ex periculo per se; hoc autem periculum eatenus ita dicitur, quatenus ex absentia proprii actus proxime, et imme*ti*ate oritur difficultas bene agendi. Porro istud accidit, quoties actus non casu, et contingenter, aut ex hujus, vel illius peculariaris accidentis occurru, sed ex natura rei, et ex ordine divinorum præceptorum requiritur ad periculum vitandum: neque alia via, quam per talis actus positionem potest juxta communem ordinem rerum cavari: ipsumque periculum non urget dumtaxat contra hoc, vel illud præceptum determinatum, sed communiter, et indifferenter contra omnia, vel contra plura. Tunc enim obligatio est per se, et periculum et absentia talis actus proveniens est etiam proximum, ut latius ibi expendimus, obligationem per se obligationi per accidens, et periculum periculo contra ponendo. Id vero etiam tenere in præsenti manifestum est; omnia quippe illa damna, quæ ex mente SS. PP. imminent homini longo tempore in peccatis demorant, proveniunt illi ex absentia Pœnitentiae, ex qua redditur proxime impotens ad vitanda omnia peccata, et observanda omnia alia præcepta, graves tentationes contra illa insurgentes superandas, et alia innumera, quæ longum esset recensere.

Experi-
ditur
ratio
nostræ
assertio-
nis.

324. Huic fundamento ex Scriptura, et Sanctis Patribus accedunt non incongrue, sed efficaces rationes Theologicæ, quæ si rem non demonstrant, ut concedimus; eam tamen probabilissimam, et nobis certam reddunt; quin per hoc derogare velimus probabilitati partis adversæ. Ex pluribus vero, quæ suppetunt, et apud Authores relatos videri possunt, unicam tantummodo subjiciemus, qua oppositum fundamentum diruitur. Nam eo præcise præceptum Pœnitentiae non obligaret per se, et ratione sui, nisi in articulo, aut periculo mortis, quia est præceptum affirmativum, de cuius ratione est obligare aliquo determinato tempore, utputa in casu urgentis necessitatis, qualis est articulus mortis, aut ejus periculum. Sed hæc ratio non excludit, quod homo teneatur ad Pœnitentiae incumbendum citra illa pericula: seu (quod pro eodem sumimus) non probat non prohibi-

tum illi esse ex eodem præcepto longo tempore in peccatis perseverare, aut Pœnitentiam usque ad illas angustias perducere, ac differre: ergo nulla est ratio negandi prædictam obligationem. Consequentia est legitima, Major constat ex ipsi inserta probatione, nec aliam urgenter positive apud adversarios offendes: et quidem sane intellecta verum continent, et bene applicata recte concludit, ut supra vidimus; unum vero et alterum deficere in præsenti consabit ex Minoris probatione.

Minor ergo, in qua est difficultas, probatur dupliciter. Primo, quia licet præcepta affirmativa non obligent pro semper, sed dumtaxat tempore necessitatis; hæc tamen necessitas non debet esse omnium maxima, quam communiter dicimus extremam; sed sufficit quod sit gravis prudentum judicio, nam eo ipso viget præcepti obligatio, ut constat ex communi Theologorum sententia, et patet inductione in aliis præceptis affirmativis, v. g. Orationis, Eleemosynæ, aut etiam Charitatis, et sic de reliquis, quæ citra extremam necessitatem obligant. Sed ante articulum, aut periculum mortis intervenit gravis necessitas Pœnitentiae. Ergo ante prædicta pericula obligat præceptum Pœnitentiae. Consequentia constat, Major supponitur, et probatur Minor, tum ab exemplo aliorum præceptorum, in quibus occurrit necessitas gravis, quæ non sit gravissima, seu extrema: tum etiam a ratione, quia juxta illud commune proloquium, *nemo repente fit summus*. Sed gradatim progredimur a minori ad majus, ut experientia testatur sive in progressu virtutum, sive in prosecutione vitiorum, et natura ipsa est magistra, de imperfecto ad perfectum procedi; quocirca non fit transitus de uno extremo ad ultimum, nisi per media. Constat autem articulum mortis importare extremam, et omnium maximam necessitatem, nec ab ea multum differre periculum illius, licet non ita premat, ob idque citra extremam est omnibus gravior: ergo ante unam, et alteram est locus gravi Pœnitentiae necessitati. Non autem appareat clarior, aut manifestior, quam in retardatione Pœnitentiae per longum tempus: ergo in hac censendum est obligare præceptum Pœnitentiae. Et quidem difficile creditu est, in omnibus aliis præceptis affirmativis reperiiri necessitatem absolute gravem intra diuturnum tempus, pro qua urgeat prædictum præceptum, et quod id peccatori deneretur pro Pœnitentia; sed quod teneamur concedere

concedere vel quod statim cogatur ad resipiscendum, vel quod toto vitæ tempore possit sine Pœnitentia spatiari, quasi non esset medium inter hæc extrema ita distantia.

Secundo probatur eadem Minor principalis, et fulcitur simul jacta probatio: Nam quod præceptum charitatis sit affirmativum, non obest, quominus obliget per se nedum in primo instanti usus rationis, ut supra tetigimus, et alibi fusius expendimus, aut in articulo mortis: sed etiam in decursu vitæ: ergo quod præceptum Pœnitentiae sit affirmativum minime infert quod solum in articulo mortis, aut ejus pericolo petat per se obligare; sed optime cohæret citerior obligatio, adhuc ea concessa in prædictis casibus. Antecedens probatur ex determinatione Ecclesiæ sub Inn. XI, die 2 Martii anno 1679, in Congregatione generali, in qua sequentes propositiones ut minimum tanquam scandalosas, et in praxi perniciosas prohibendas, et damnandas esse censuit. Earum prima erat: *An peccet mortaliter, qui actum dilectionis Dei, semel tantum in vita elicere? condemnare non audiemus.* Secunda fuit: *Probabile est, ne singulis quidem rigorose quinquenniis per se obligare præceptum Charitatis erga Deum.* Tertia propositio acriori censura perculsa fuit ab Alexandre VIII, die 24 Augusti anno 1690. *Hunc (ultimum videlicet finem) homo non tenetur amare, neque in principio, nec in decursu vitæ suæ moralis, quam ut hæreticam suggillavit summus Pontifex.* Unde constat veritas Antecedentis, et qualiter componatur optime quod præceptum sit affirmativum, et quod in decursu vitæ extra articulum, aut periculum mortis, inducat sui obligationem per se. Idem argumentum fieri poterat de actibus fidei, et spei, de quarum prima fuit etiam proscripta ab eodem Innocente hæc propositio, quæ in ordine est decima septima: *satis est actum fidei semel in vita elicere.* In qua non agitur nisi de obligatione per se ad actum fidei, et in hoc sensu damnatam esse constat in propositionibus modo relatis, in quibus de obligatione per se, esse sermonem testantur ejus verba; quasi vellent illarum Authores nec præceptum Charitatis, nec etiam Fidei obligare per se ultra, vel extra tempus in illicet propositionibus descriptum, idem abs dubio dicturi de præcepto spei, si jam non dixerint in hac 1, propositione etiam damnata: *Homo nullo unquam tempore suæ vitæ tenetur elicere*

actum Fidei, Spei, et Charitatis ex vi præceptorum divinorum ad eas virtutes pertinentium. Ubi evidens est negasse obligationem per se; quippe quæ sola ea provenit ex vi præceptorum divinorum *ad eas virtutes pertinentium*, ut illi comminiscebantur. Quod annotatum volumus propter novissimam expositionem Junioris, qui ut suum Leandrum a censura vindicaret, tract. de Sacram. Pœnit. disp. 2, qu. 2, qu. 24, 305, respondet *damnari eum, qui dixerit esse satis actum fidei semel in vita elicere, quin per se, nec per accidens ad eam amplius teneatur.* Quod tamen esse falsum ex ipsi propositionum terminis liquet. Quapropter si semel egisse constiterit P. Leandrum de obligatione per se, necesse est ejus propositionem illa inuri censura: quidquid asseruerit de obligatione per accidens, de qua nec agimus, nec illi agebant. In quo latius immorari non refert, aut vacat. sed Leander in suo sensu abundet. Id vero indicasse oportuit, ut constet propositiones relatas intelligi debere de obligatione per se, in eoque sensu esse proscriptas, ut inde constet veritas nostri Antecedentis: quod quidem ex illis recte infertur; quin ex aliqua parte pati possit columniam; nulla quippe esset ratio eas tam severe annotandi, si semel esset verum præcepta illarum virtutum, quia affirmativa sunt, solum obligare in articulo mortis: sicut non est ratio animadvertisendi in eos, qui docent non peccare mortaliter contra præceptum confessionis, qui vel usque ad tempus ab Ecclesia præceptum eam differret, vel tantum semel in anno confiteretur. Quare præfata Ecclesiæ prohibitio est manifesta Antecedentis probatio.

325. Consequentia vero, pro qua probanda ut assumptum, ex illo efficaciter suadetur: nam semel posito omnia illa præcepta affirmativa, non semel obligare in vita, citra articulum, vel periculum mortis, nulla appetit disparitatis ratio, qua quiescat animus, quare non idem de Pœnitentia non possit, et debeat affirmari. Nam quod innuit Arauxo in præsenti qu. 86, art. 3, dub. 3, n. 35, scilicet illa præcepta, quia sunt de actibus virtutum Theologicarum, obligare extra casum necessitatis, eo quod sint de ultimo fine vitæ humanæ. Hoc, inquam, parum, aut nihil refert. Tum quia jam præcepta affirmativa non excludunt posse obligare extra casum necessitatis, et consequenter non bene probaverat præ-

dictus Author Pœnitentiam dumtaxat obligare in articulo, vel periculo mortis, ex eo quod ejus præceptum quia affirmativum est, non obligat, nisi in casu extremæ, vel determinatæ necessitatis. Tum etiam : quia ex eo quod actus illarum virtutum versentur circa finem vitæ humanæ; sequitur quidem aliquoties teneri hominem ad se in illis exercendum; et hoc necessarium absolute est in toto decursu vitæ, licet non sit necessario determinatum hoc tempus, præ illo : quocirca indifferentia se tenet ex parte temporis, sed necessitas est absoluta, et determinata ; sicut necessario est determinatus, ac requisitus oculus ad videndum, quod vero sit dexter, vel sinister est exigentia vaga, et confusa. Hoc autem sufficit, et probatur ex illa paritate respectu peccatoris. Ergo tenebitur aliquando ad pœnitendum, et licet non poterit usque ad finem vitæ ex vi præcepti pœnitentiam protrahere. Probatur Minor : quia tam necessaria est peccatori Pœnitentia, quam sit necessaria homini tendentia in ultimum finem, imo absque Pœnitentia impossibile ipsi est Deum sub ratione ultimi finis attingere : ergo sicut in actu dilectionis stat, et sufficit obligatio, quin sit tempus individue præstitutum pro illo, ita etiam in Pœnitentia præcepto.

Imagi-
natio
quædam
dispelli-
tur.

Nec etiam officit, quod aliunde posset obtrudi de temporis determinatione, quasi esset necessarium determinatum diem, vel certam horam designare intra vitæ curriculum pro adimpleione præcepti, sicut determinatus est articulus mortis. Hoc, inquam, in quo magnam esse vim aliquis obtendere posset, nullius esse roboris ex eodem convincitur argumento. Nam etiam assignatis ex communi sententia primo instanti usus rationis, et articulo mortis pro artibus Charitatis, adhuc superest obligatio ejusdem actus non semel eliciendi in decursu vitæ, ut constat ex propositionibus relatis, et reprobatis ab Ecclesia, oppositum enuntiantibus : ergo pari ratione, quamvis Pœnitentiæ sit determinatum utrumque tempus, et articuli, et periculi mortis, adhuc erit locus citeriori obligationi predictæ virutis exercitii, quin ad hoc illi sit obici, quod non possit certum momentum, aut quota hora præscribi pro ejus actu eliciendo; sed potest esse certum esse prædictam obligationem ad aliquando, vel aliquoties pœnitendum, quin tempus intermedium sit determinate præstitutum. Et si hoc non admittitur in Pœ-

nitentia, restat assignare discriminem, quare admitti beat in Charitate, et aliis virtutibus Theologicis, imo et moralibus. Quod quidem discriminem expectamus, et a nullo vidimus indicatum, nec credimus facile indicari posse.

Eo vel maxime. Quoniam aliud est investigare tempus ultra quod non est differenda præcepti adimpletio, aliud vero querere tempus determinatum, in quo, et non in alio observandum est præceptum : in quo diversimode se gessit Ecclesia statuendo primum, ut constat ex propositionibus ab ipsa suggillatis quarum una dicebat sufficere semel in vita Deum dilexisse, quod reprobatum est : altera affirmabat hominem non teneri ad amandum Deum, nec in principio, nec in decursu vitæ suæ moralis, et hæc ut hæretica fuit amanda : et ideo ejus contradictionia ut catholicæ, et omnino vera tenenda est; quin ex vi hujus hora, dies, mensis, vel annus determinantur, sed solum est verum, et catholicum dogma, quod homo teneatur in decursu vitæ moralis ad Deum aliquoties super omnia diligendum. Ultima denique statuens, nec singulis quinquenniis per se obligare præceptum charitatis, etiam ut scandalosa suggillata fuit, quasi nimis laxans, et plus justo protrahens obligacionem præcepti charitatis. Neutquam vero statuit, aut statuisse alibi constat determinatum tempus, in quo, et non in alio præceptum obliget, sed ad hoc, ut sic dicamus, præscindens, solum resecuit exorbitantiam, et audaciam illarum propositionum, vel totaliter homines deobligantium, vel nimis ejus adimpletionem, et observantiam limitantium ad semel intra sexennium Deum diligendum. Stat ergo ex prædicta determinatione Ecclesiæ obligatio per se ante vel intra quinquennium, quin ex vi hujus cogamur assignare vel diem, vel horam determinate, sed solum ut omnino certum asserere debemus non esse probabile, quod ne singulis rigorose quinquenniis homo non teneatur ad dilectionem Dei, atque ideo esse certum intra illud tempus obligare illius præceptum.

326. Quibus exemplis manifestum est argumenta inde petita contra hanc assertionem penitus exarmari, quando quicquid constat posse hominem obligari ad non differendam pœnitentiam usque ad articulum, et periculum mortis, sicut obligatur ad dilectionem divinam, quin cogatur determinare diem, horam vel mensem, in quo,

Gravi-
obser-
vatio

Instau-
ratur
præ-
missus
discur-
sus.

quo, vel in quibus determinate petat fieri. Habemus insuper, quod sicut quinquennum est terminus plus justo extendens prædictum dilectionis onus juxta præscriptum Ecclesiæ, ideoque ut scandalosa rejecta est propositio illa, quæ ita enuntiabat; ita nec etiam debemus tempus Pœnitentia ita porrigeret, ut terminum ab Ecclesia præscriptum pro actu charitatis transgrediamur, ob rationem supra indicatam: quia non minus est necessaria Pœnitentia peccatori, quam actus charitatis, licet tituli sint diversi; nam obligatio charitatis convenit homini qua rationalis est, et debitam subjectionem præstare Deo debet, se, et omnia sua in ipsum ut in ultimum referendo; onus vero pœnitendi convenit ipsi, quia peccator est, injuriam intulit, et ab ultimo fine se voluntarie avertit. Quæ rationes, si non probant citum, et instantaneam pœnitentiam, ut est illis, et nobis certa suppositione cogunt tamen, ad eam non de die in diem ita procrastinandum, ut absque pœnitentia transigatur totius vitae curriculus. Tum ob motiva hactenus expensa, quæ hanc partem suadent. Tum ob imbecillitatem motivi adversi, quod evidenter diruitur allatis exemplis. Tum ob motiva etiam supra statuta de præcepto Pœnitentia, quod ortum ducit ex charitate, et misericordia erga se ipsum, quibus urgetur homo, ut non ita perduret voluntarie in summa miseria peccati mortalis ibi, si non ut revera est, descripat, saltem Sanctorum verbis delineata. Quæ quidem motiva facile esset expendere, sed consulto mittere decrevimus, quia sufficientia hic proposita existimamus. Recolantur ibi, et consultatur Suarez, quem et alias refert, et sequitur pro hac doctrina, Martinez de Prado ubi supra.

327. Sed dices adhuc disparem esse rationem Antecedentis a Consequentia. Quoniam in casu Antecedentis intervenit expressa determinatio Ecclesiæ, ut patet, atque ideo nil mirum jam non posse sustineri sententias illas, vel nimirum laxantes præceptum charitatis, vel prorsus abolentes solo retento præcepti nomine. In casu vero Consequentis nullum intercedit Ecclesiæ decretum, quo circa remanet præceptum naturale in sua amplitudine; et cum alias sit affirmativum, quod proinde solum petit obligare in casu specialis necessitatis, videtur omnino voluntarum, et absque fundamento in Scriptura, et Patribus, illi adscribere obligationem ita vagam, et in-

determinatam, ut solum obliget intra aliquod tempus; non vero determinate in hoc, aut illo die, mense, vel anno. Quia enim facilitate hoc asseritur, ea, sed majori fundamento, id negatur, cum semper urgeat idem argumentum de quolibet die, mense vel anno, si in illis specialis necessitas non occurrat. Non ergo recte ex uno ad illud fit argumentum, sed concesso Antecedenti, nulla est Consequentia.

Hæc tamen evasio, in qua est nervus præcipuus adversæ opinionis, non elevat vim argumenti appositi, ut facile erit ostendere, si animadvertis modus, quo se gessit Ecclesia in eliminantis, et nota invenit radicis propositionibus. Non enim positive Ecclesia decrevit, aut statuere voluit determinationem ad hoc, vel illud tempus præceptis illarum, sed ea supposita, et omnino in sua vi obligandi permanente, solummodo resecuit, ac prohibuit propositiones assertantes vel semel in vita, vel intra quinquennium, vel nullo unquam alio tempore præcepta illa obligare. Quod quidem ut scandalosum, et fidelium conscientiis valde nocivum explodendum, et procul abigendum censuit. In quo plane supposuit strictiorem esse obligationem, quam in illis propositionibus enuntiabatur, et fidelibus eas, aut illarum aliquam conjunctim, aut divisim, docere, defendere, edere, aut de illis, nisi impugnando tractare, prohibuit; nihil aliud declarando, aut determinando, nisi quod prædictis assertionibus non bene, nec sat consulebatur illarum virtutum præceptis, sed pessum ea ire, si non adstringerent, nisi in illis temporibus; quantumvis præcepta illa essent affirmativa, et solum in casu necessitatis sui observationem extorquerent. Quapropter ex vi illarum censorum prout jacent, et constat ex decretis declaratio non fuit versata immediate circa præcepta, sed contra propositiones perstringentes modo in illis expresso illorum obligacionem. Unde affirmare necesse est præcepta illa licet affirmativa, inducere ad sui observantiam non solum in articulo, aut periculo mortis, sed etiam ad minus ante quinquennium, intra quod ex vi decreti nulla fit major determinatio ad biennium, vel ad annum, vel ad mensem. Ut etsi proveniat sive ex solo ipso præcepto affirmativo, sive ex negativo in illa inclusu non permittente tam seram dilectionem pro præcepto charitatis.

Hoc autem posito, ut ponendum esse

constat ex decreto, quis non videat ex vi formæ non excludi a Pœnitentia, quin et ipsi permitti, quod obliget ultra casus ilios assignatos? siquidem nulla alia ratio redditur, aut reddi urgentior potest, quam quod conditio ea sit præcepti affirmativi. Cujus tamen insufficientiam evidenter demonstrat judicium Ecclesiæ in censura illarum propositionum manifestum. Quapropter nostra non refert, nisi illam formam applicare huic materiæ, ad quod compellunt testimonia Scripturæ, Patrum doctrinæ, et summum periculum damnationis, in quo non pœnitens alio quam mortis tempore, se ipsum voluntarie constituit; ut omittamus virtualem despectum, et satis culpabilem amicitiæ Dei, et observationis præceptorum, summam miseriam, in qua sciens, et volens invenitur peccator retardans pœnitentiam, et alia innumera gravissima detimenta, quæ subire necesse est, de quibus sparsim apud Authores non pauca reperies. Unde tantum abest, quod nobis assertio voluntaria videatur, quod omnino consequentem, et conformiorem opposita reamur: et quod si judicium Ecclesiæ expectandum sit, ut expedit, potius pro nostra, quam pro adversa stabit sententia. Quod in causa etiam et huic sententiæ præ alia adhærendi.

*Accura-
tio-
difícil-
tas pro-
determi-
nando
tempus
hujus
præcepti.*

328. Sed quia adhuc non sat est sic in communis statuisse præceptum Pœnitentiae obligare aliquoties in decursu vitæ, independenter ab articulo, aut periculo mortis; nec quiescit intellectus in ea confusa, et quasi vaga obligatione hactenus posita ex vi argumenti jam tacti majorem determinationem extorquentis (quando quidem præcepta sicut sunt determinata, et pro determinatis actibus: ita et ob eandem rationem sibi vindicant determinatum tempus observationis); idcirco opus est descendere ad particularem modum illius obligationis, et tempus aliquod pro illa designare. In quo est opus, et labor, nec parum negotii Theologis nostræ sententiæ facessivit, ut eorum discordia attestatur. Porro Trullenchi ratus fuit usque ad septen-nium, vel quinquennium extendi posse hujusmodi obligationem. In quo sane de-cep-tum fuisse manifestum est ex secunda propositione damnata, sub qua continetur hæc sententia, vel non longe ab illa rece-dit: quapropter rejiciendus est.

*Varia
sen-
tia.*

*Prima
ex Trol-
lenchi.*

*Secunda
ex Lugo.*

ad tres, aut quatuor annos differret, sic de obligatione pœnitentiae fatendum est, pec-care procul dubio contra hujus virtutis speciale præceptum, qui ad id tempus pœnitentiam, aut veniæ petitionem protrahe-ret. In quam ivit sententiam Coninch. disp. 24, de charitate, dub. 3, n. 53. Sed nec hæc sententia placet, et illomet motivo, quo utitur, refellitur. Nam certior est sententia, negans illam amplitudinem trium, vel quatuor annorum ad observandum præceptum charitatis, ita ut non peccet gra-viter contra charitatem non elicendo ejus actum intra illud spatium. Cum enim obligatio charitatis ex una parte sit maxime conformis inclinationi naturali, et ex alia respiciat Deum sub ratione ultimi finis, cui petit uniri affective, profecto qui toto triennio, vel quatriennio non se in Deum referret, nec ipsi per amorem subjectionem præstare curaret, et ex ipso agendi, et pro-cedendi modo convinceretur, nec Deum, nec propriam vitam spiritualem, tanti, ut par est, habere; et vel esset in peccato mortali, vel in periculo proximo se a Deo avertendi, quod etiam peccatum est. Et cum alias sit moraliter impossibile non esse toto illo tempore quam pures occa-siones actus virtutum eliciendi, nulla apparet ratio, quare excludi debeat obligatio charitatis, sine cuius influxu nulla est vita Christiana, Deo accepta. Unde si ex obligatio charitatis sumenda est regula pro Pœnitentia, non debet extendi usque ad tres, vel quatuor annos, ut voluit Lugo, sed restringenda est ad brevius spatium, ut restringunt præceptum charitatis Le-desma tom. 2, tract. 3, cap. 5, conclus. Pet. Hurtado 22, disp. 174, sect. 5, § 16. Villalobos difficultat. 2, num. 7. Lorca disp. 58. n. 8. Martinos de Prado cap. 12. Theolog. Moral. quæst. 3, § 1, n. 10, et alii, quod et probabilius censemus.

Quo respiciens Aversa sect. 7 in fine asseruit ob majorem necessitatem, quam peccatum affert, posse etiam hoc tempus magis coarctari pro diverso statu perso-narum, et circumstantiarum, ex quibus capitibus plus, aut minus solet tempus contrahi pro exercitio virtutum. In quo non tantum spatium pœnitentiae, quam charitati reliquit.

Omnium strictissimus fuit in hac parte Nuno ubi supra dub. 3, cui subscriptis Candid. tom. 2, disquisit. Moral. disqui-sit. 24, art. 16, conclus. 5, dicens eum, qui maneret in peccato mortali per octo, et

Ledesma
Pet.
Hurtado
Villalobos
Loreto
Prado

Terti
Nugn

Candi-

et forte etiam per sex menses, peccare contra hoc præceptum, atque ideo de ejus violatione seiri accusatum.

329. Inter has extremas sententias, media incedendum via existimamus cum Soto in 4, dist. 17, quæst. 2, art. 6, concl. 4, et sexta, Joan. a Cruce quæst. 2, de Contrit. dub. 5, conclusa. 2. Cano a Prado relato, et ex Scotistis Delgadillo cap. 6, de Pœnit. dub. 8, n. 15, et alii, qui asserunt semel in anno teneri hominem per se loquendo ad pœnitendum post peccatum commissum. Quæ resolutio non est ita certa, sicut præcedens, est tamen satis conformis sanæ, et veriori doctrinæ ab Ecclesia approbatæ, ut vidimus nuper. Ratio est : quia præceptum Pœnitentiæ, quod transcendit legem naturæ, et scriptæ, ita determinavit, et ut ita dicamus allegavit Christus Sacramenio Pœnitentiæ, ut absque illo in re, vel in voto nequeat observari; non enim observari potest nisi vel actuali susceptione Sacramenti, vel media contritione cum voto ipsius Sacramenti; in quo abs dubio submisit quamlibet pœnitentiæ nostram dignitati, et efficaciam Sacramenti, penes ordinem ad quod accepta est Deo, et non aliter; alioqui absque Sacramento, et ejus voto teneretur homo ad contritionem : quod in lege gratiae nequit admitti ob determinationem a Christo factam antecedenter ad omnem Ecclesiæ declarationem : ergo cum teneatur homo ad observandum præceptum meliori modo, quo potest, intra annum tenebitur ad contritionem in absentia Sacramenti. Patet Consequentia : quia intra annum tenetur ad observandum præceptum Pœnitentiæ : sed præceptum Pœnitentiæ pœnit, et potest observari vel medio Sacramento ipso, vel media contritione cum voto Sacramenti : ergo deficiente opportunitate recipiendi Sacramentum, permanet cum onere contritionis.

Nec oberit dicere hanc obligationem non oriri ex jure ipso naturali pœnitendi, sed ex præcepto Ecclesiastico annuæ confessionis, in quod revocari debet totum pondus annuæ pœnitentiæ.

Sed contra est. Tum quia præceptum ipsum juris naturalis homini non injungitur nisi sub onere Sacramento recipiendi in re, vel in voto : ergo dum ei non suppetit suspiciendi facultas, remanet obligatio contritionis. Tum etiam, et maxime, quia medio Sacramento in re accepto, non solum observatur præceptum Ecclesiasti-

cum, sed etiam divinum, et naturale : unde qui commode nequit Sacramentum recipere, et hoc modo præcepto satisfacere ad id, quod commode tunc potest, nimirum ad contritionem cum voto Sacramenti, ut vel sic præcepto divino satisfaciat, semel atque Ecclesiasticum observare non possit. Unde sapienter Soto ubi nuper docuit, quod quia ex Evangelio colligi liquido non poterat obligatio Sacramenti; non enim Christus Sacra menta instituens tempus illa recipiendi determinate pro singulis præscripsit; ideo Ecclesia præstituit annuale tempus pœnitendi, sub quo utrumque et Ecclesiasticum, et divinum præceptum deberet observari, in quo proinde si desit opportunitas unius, alteri, cuius est possibilitas, debet satisficeri.

Nec valet recursus ad attritionem cum voto; hæc quippe nisi cum ipso Sacramento, non est sufficiens ad observantiam ullius illorum præceptorum; bene tamen contritio cum hujusmodi voto, ut nos docuit Tridentinum. Quare obligatio pœnitendi vel sub Sacramento, et intra Sacramentum, vel cum contritione, et voto Sacramenti non provenit ex jure Ecclesiastico, sed ex ipso jure divino, et determinatione Christi diu ante Ecclesiæ declarationem, seu jus Ecclesiasticum. Quod observatu dignum censemus ad nostræ assertionis veritatem in lucem eruendam. Nam determinatio Christi tum pœnitentiæ, tum ipsius onus subordinantis huic Sacramento, præcessit dispositionem Ecclesiæ circa tempus confessionis : et ex vi illius, quæ est juris divini, licet positivi, nequit homo satisfacere præcepto Pœnitentiæ, nisi vel ipso Sacramento suscepto saltem cum attritione, vel contritione cum ejusdem voto quorum alterutro occurritur violationi præcepti divini. Quare deficiente Sacramento, quo poterat satisficeri etiam præcepto Ecclesiastico; opus est sese in contritionem exerere, ut fiat satis saltem præcepto divino, semel atque observari nequeat, licet inculpabiliter. Unde constat prædictam obligationem non revocari in dispositionem; seu declarationem Ecclesiæ, licet eam comitetur quoad observari medio Sacramento.

330. Ex quo infert Magister Soto et bene, sive in articulo mortis, aut ejus pericolo, sive in Paschate, aut intra annum, si desit confessoris copia, teneri hominem ad actum contritionis ex vi obligationis prædictæ. Quod constat ex hactenus dictis.

Aliud. Unde subinfert, neminem e vita migrare in peccato, cui suppetat penitendi tempus, qui non speciale peccatum impenitentiae committat, ut etiam supra diximus agendo de praecerto Poenitentiae. Fit ultius omittentem annuam confessionem, et contritionem contraire duplii praecerto, et divino Poenitentiae, et Ecclesiastico confessionis. An vero ex eo titulo duplex committat peccatum in confessione exponendum? difficultati est obnoxium, et parti affirmativa suffragari videtur laudatus Magister, docens, *quod qui non confitetur semel in anno, duplii peccato peccat; altero omissionis contritionis, et allero confessionis.* Sed re melius inspecta unicum dumtaxat peccatum perpetrari asserendum est cum eodem Soto paulo inferius ad praedicta verba, ubi sub formidine ita scribit: *Imo vero forsitan, quia in praecerto confessionis determinatur tempus contritionis, unicum censemur praecptum contritionis, et confessionis semel in anno, nisi quod si non potest perfecte impleri quoad confessionem, debet saltem impleri quoad contritionem.* Et hinc ad idem sumitur alia ratio. Nam unica confessione Sacramentali rite facta fit satis illi duplii praecerto, quin obstet eorum diversitas: ergo etiam unica transgressione violatur, dum subest ad utrumque facultas: quocirca licet physice, et metaphysice sit duplex omissionis, altera contritionis, altera vero confessionis, moraliter tamen non sunt in eo casu diversae, sed pro eadem censentur. Cum quo stat, quod si contingit omissionem confessionis esse inculpabilem, non ideo omissionis contritionis inculpabilis manebit: plus quippe ad primum, quam ad secundum exigitur, nec semper est in hominis potestate libera ad manum habere idoneum ministrum confessionis: qui si deficiat, non imputatur defectus confessionis. Sed in eo casu tenebitur conari ad contritionem, ut ea saltem parte praecerto Poenitentiae fiat satis. Qui enim non potest solvere totum quod debet, tenetur ad partem quam potest, in quacumque materia debitum sit. Unde in Congregatione generali habita sub Innocentio XI die 2. Martii anno 1679, merito proscripta fuit haec propositio: *Qui non potest recitare Matutinum, et Laudes; potest autem reliquias horas, ad nihil tenetur, quia major pars trahit ad se minorem.* Ratio autem eam taxandi, ac prohibendi non fuit alia, nisi quia contingens est, et frequentissime accidit esse impotentiam ad totum

cum potestate ad partem, et ex una impotentia neutiquam infertur alia. Quapropter deobligato homine quoad totum ob impotentiam vel physicam, vel moralem, inique deobligabatur ab ea parte in quam erat potens tam physice quam moraliter. Quae ratio etiam militat in praesenti, ut consideranti constabit.

§ X

Capitalis sententia adversa fundamenta.

331. Quae contra hactenus dicta possent apponni, majori ex parte diruta sunt inter proponendum, et firmandum interjecta consecaria, in quibus praecidimus aliquos dicendi modos a vero deviantes. Quapropter in praesenti solum occurremus capitali illi sententiae olim celebri, et nunc, ut audivimus, extra Hispaniam revirescenti, de qua supra suffragium audivimus ex Contempstone. Illius Patroni ultra Guillelmum Parisiensem tract. de Poenit. cap. 19, sunt Innocent. IV, in cap. *Omnis utriusque sexus*, de Poenit. et Remission. Archidiac. in cap. *Ille Rex de Poenit.* dist. 3. Thomas Argentin. in 4, dist. 17, 4 ad 4 Major. quæst. 2, ante medium, Gabriel quæst. 3. Marsil. quæst. 12, art. 1, parte 5, quibus adhæsisse videntur Alensis 4 p. quæst. 77, membro 4, art. 1 et D. Bonavent. in 4, dist. 17, in 2 p. art. 4, quæst. 3, saltem quoad religiosos et alias personas Deo sacras, in quibus specialiter illud onus vigere fuit ratus, de quo supra jam egimus. Pro eadem sententia refert etiam Arauxo Bernardinum Senensem lib. de aeterno Evangelio, serm. de Confess. Petrum de Soto lect. 13, de Poenit. et Cajetanum tom. 1. Opuscul. tract. 17, quæst. 1, apud quem eam sententiam post sedulam inquisitionem non invenimus: inquit enim post aliqua verba, quæ superficie tenus illi sententiae favere videntur: *Nec propterea hujusmodi mixta praecerta exorbitant a communi regula praecitorum affirmativorum, sed sequuntur eam obligando tamen ad tempus necessitatis: nam implicatio imbibilæ contrarie latet ad virtutem determinat tempus necessitatis ad statim.* Quorum sensus esse potest, et esse videtur, quod dum adest necessitas actus Poenitentiae, statim adest obligatio praecerti; sed non statim adest necessitas, et consequenter non statim obligat praecptum. In cuius manifestius signum, cum

Guill.
Par.
Innoce-
tius.
chidia
Argen-
nas.
Majo-
Gabre-
lius
Alensi-

D. B.
nav.
D. Be-
nard
Petru.
Soto
Vind-
catu
Cajet-

sibi

sibi opposuisset illud argumentum superius expensum, hominem videlicet continuo peccatum, et quod tanti fecit D. Thomas, ut ex illo etiam sententiam repulerit, respondet Cajetanus post allata suæ doctrinæ exempla : *Et simili modo eadem ratione quantumcumque aliquis non contetur statim, nisi ad hoc devenial (ecce casum necessitatis) quod commissionis peccato incurrat detentionem divini odii, non peccat mortaliter, quamvis perseveret in statu peccati mortalis.* Quo nihil clarius pro nostra, et contra adversam sententiam. Unde § sequenti ex his palet, inter alia sic inquit : *Et propterea nisi memoria afferat urgentem causam ad actum actualis odii Dei, non occurrit nova omissio contritionis, sed antiqua perseverat.* Unde liquet in illo loco male pro contraria sententia allegari, nam ut ex eodem vides, semper refutat ad urgentem causam necessitatis, et eam non statim adesse indefectibiliter post peccatum constanter docet. Quare non est ratio in hanc sententiam nisi invitum trahendi Cajetanum, sed accensendus est pro opposita, et communi. Melius referri posset Lugo disp. 7, sect. 11, n. 159, ubi docet, quod si vera esset sententia affirmans omne peccatum mortale continere propriam, et strictam injuriam Dei, cui ex justitia debeatur satisfactio, non facile posset reddi ratio differentiae, cur homini ex injustitia proximo irrogata incumbat obligatio eam illico resarcendi, et non etiam eadem insit peccatori circa Deum. In quo profecto vel non satis consequenter videtur locutus : cum juxta ipsum tract. de Incarnat.. disp. 3, sect. 3, aliqua sint peccata, queis competit propria injustitiae ratio; ubi ex illa parte eidem subjacet difficultati, cui vel satisfacere, vel succumbere necesse est.

Omissis ergo pluribus sacræ Scripturæ testimoniis, quæ non probant immediatam, et tam citam pœnitentiam, ut intenditur ab hac sententia; sed prohibent tardam, et ita serotinam, ut usque ad articulum, aut periculum mortis per plures annos de die in diem protrahatur juxta ultimam nostram assertionem; accedamus ad illud argumentum, cui haud facile potest ratio disparitatis assignari, si semel in quolibet peccato continetur propria injustitiae ratio, et proponitur sub sequenti forma.

332. Nam qui injuste retinendo alterius bona proximum lætit, tenetur statim illatam injustitiam resarcire media illorum restitutione, ut est expressa doctrina

D. Thomæ 2, 2, quæst. 62, art. 8, et fere ^{D.Thom.} communis Theologorum; alioqui vel continuo peccaret, vel in continuo peccato permaneret, nedum habitualiter, quod est indubium, sed etiam actualiter, vel peccata actualiter multiplicando, vel in eodem peccato actuali permanendo: sed homo mortaliter peccans gravem injuriam, eamque proprie talem intulit Deo, a quo absulit debitam subjectionem, consequenterque rationem ultimi finis sibi omnino propriam: ergo tenetur ad statim resarcendam prædictam injuriam; alioqui enim continuo peccabit, vel persistendo in eodem peccato actuali, vel peccata actualia multiplicando. Syllogismus est recte dispositus, præmissæ illius sunt omnino certæ. Unde vel est assignanda disparitas, qua quiescat intellectus, vel immerito negabitur Consequentia, utpote quæ legitime videtur inferri, et consequenti syllogismo probatur: omnis injuste alterum lædens in propriis bonis, sive honoris, sive pecuniae, tenetur ad statim compensandam injuriam a se factam, cum commode possit: sed omnis mortaliter peccans injuste lædit Deum in bonis sibi propriis: ergo omnis mortaliter peccans tenetur ad statim compensandam prædictam læsionem, seu injuriam, cum possit. Qui syllogismus est clarissimus, et nihil assumit ex parte medi, quod non contineatur in præmissis prioris argumenti.

Respondet tamen ex communi doctrina ^{Dissolvi-} tur. inter discipulos D. Thomæ, negando utramque Consequentiam utriusque syllogismi ob disparitatem latentem inter præmissas, et Consequentiam. Quam ut melius percipiatis, observare necesse est, non idem esse munus compensationis, seu Nota 1. satisfactionis, ac munus, et rationem propriam restitutionis, ut patet in solutione debiti ex contractu licto, cui fit satisfactio debiti illius solutione; non tamen fit proprie restitutio, utpote quæ ex vi nominis proprietate importat iterato rem alienatam suo Domino reddere; restituere enim idem sonat, ac iterum statuere rem a proprio loco, seu statu delapsam. Unde licet restitutio sit quoad præsens compensatio, seu satisfactio; non tamen omnis satisfactio est restitutio, sed se habent ut gradus inferior, et superior, et ab hoc secundo non bene arguitur affirmative ad alterum prius, ut patet in quolibet gradu superiori ad inferiorem.

Secundo prænotare oportet hanc esse Nota 2.

differentiam quoad præsens maximopere
observandam, inter Deum, et homines,
quod istis, quælibet injuria ipsis irrogetur,
semper detrahitur aliquid non solum in
affectu sed etiam in effectu, vel physice,
ut constat in furto, aut iniqua usurpatione
rei, vel saltem moraliter, denigrando ejus
famam, qua apud homines pollebat. Quo-
circa apud homines locum habet restitutio
rei ablatæ, qua per injuriam sunt expoliati
sive ea fuerit in materia pecuniaria, aut
qualibet alia. Et quia homines injuriam
passi ita lœduntur, ut detrimentum patian-
tur in bonis sibi propriis, et utilibus, qui-
bus carere coguntur, interim atque ipsis
non iterum conferantur, ut potiri, et gau-
dere de illis valeant; semper manent in-
viti, et cum jure proxime rem propriam
injuste retentam possidendi, non minus,

- ac si in illo metu instanti fuisset ablata.
Jab. 35. Unde est illud Job. 35, vers. 8 : *Hominis, qui similis tui est, nocebit impietas tua, et filium hominis adjuvabil justitia tua quia nimirum ex injustitia cogitour damnum subire, a quo levatur, dum ipsi justum, seu, quod idem est, debitum rependitur, et inde adjuvari dicitur.* Quocirca justitia obligat non solum ad non laedendum proximum, vel sibimet propria non auferendum; verum et ad non retinendum, non enim minus laeditur injusta retentione, quam injusta ablatione, ut maxime splendet in pecuniis, aut aliis rebus utensilibus: atque ideo quoties homo voluntarie, cum possit, et memor sit obligationis, non restituit, semper actu facit injuriam juxta doctrinam in arguento citatam D. Thomas ex 2, 2, Theologis communem. Unde restituendi onus, ut etiam docet D. Thomas loco supra citato, non tam provenit ex praecepto affirmativo, quam ex negativo, quod obligat pro semper; cuius radix est praeceptum illud Decalogi : *Non furaberis*, quo prohibetur in quolibet instanti retentio rei alienae. Quod servata proportione currit in lesione morali proximi media injuria, aut aliqua contumelia, et ideo Math. 5, vers. 24, homini ad altare offerre volenti injunctum fuit, non a quolibet, sed a Christo Domino : *Vade prius reconciliari fratri tuo, et tunc veniens offeres munus tuum.*

Nota 3. 333. Porro hanc doctrinam non tenere respectu Dei, manifestum esse videtur, nendum ex ratione ipsa naturali, ex qua constat esse penitus immutabilem, cui proinde nec aliqua accretio, aut diminutio

advenire potest, sed etiam ex ipsa sacra pagina, Psal. 15 : *Dixi Domino : Deus meus es tu, quoniam bonorum meorum non eges.* Psal. Job. 35 : *Si peccaveris, quid ei nocebis? et si multiplicatæ fuerint iniquitates tuæ, quid facies contra eum? Porro si juste egeris, quid donabis ei? aut quid de manu tua accipiel? quibus mirifice explicatur nostris operibus, sive bonis, sive pravis nihil accrescere aut derogari Deo. Quod non solum est, et debet esse verum physice, vel metaphysice loquendo, sed etiam moraliter: non enim denigratur, ut ita dicamus, nostris offensis divinus honor adhuc moraliter, ut in effectu aliquid patiatur; licet in affectu peccantis, et ex modo procedendi in prudentum æstimatione offendatur, ex quo capite statuimus, et communior sententia docet, ejus offensam esse simpliciter infinitam. Quod ut dicebamus, totum est affective, non vero, quia in effectu damnum aliquod ipsi immineat, aut subire necesse sit subjective et in se ipso, vi cuius ab aliis merito respectui habere beat. Unde D. Thomas hanc differentiam D. Ima
præcallens 1, 2, quæst. 21, art. 4, inquit, quod per actum hominis Deo secundum se nihil potest accrescere, vel deprire: sed tamen homo quantum in se est, aliquid subtrahit Deo, vel ei exhibet, cum serval, vel non serval ordinem, quem Deus instituit.*

Quo fit damnum, aut detrimentum ex
pravis operibus homini potius obvenire
quam Deo, atque ideo sibi ipsi nocere, et
male prospicere peccatorem deficiendo, non
Deo; et vice versa bene operari cedere in
utilitatem bene agentis, magis quam ipsius
Dei, ut est doctrina D. Thomæ 2, 2,
quæst. 30, art. 4, ubi ait, *quod Deum non
colimus per exteriora sacrificia, aut munera
propter se ipsum, sed propter nos, et propter
proximos. Non enim indiget sacrificiis nos-
tris, sed vult sibi offerri propter nostram
devotionem, et proximorum utilitatem.* Et
eadem ratio est de aliis bonis operibus,
quæ nobis proficia sunt, et nostræ inser-
viunt utilitati: atque ideo in illis non tam
cutæ est Deo suæ convenientiæ, quam
nostræ perfectionis. Quapropter in nostra
penitentia non tam intendit propriam in-
juriam resarcire, quam nostram salutem
reparare juxta illud Chrysostomi ad illa
verba Psal. 113: *Nomini tuo da gloriam,*
Neque enim Deo sua gloria tantæ est curæ.
quantæ salus hominum.

Fit ulterius (quod intendimus, et est necessarium ad claram, et expeditam dispensationem) præmissa, et satis gumen.

ritatem objectionis, quam assignare difficile visum fuit Lugoni) in pœnitentiæ satisfactione non tenere restitutionis regulam, ut manifestum sit nostro judicio ex proxime dictis: nam hæc unice, et adæquate fundatur in damno proximi et retentione injusta, quam illico injustus possessor, aut fraudator, amovere debet, et si non amoget reddendo debitum, statim peccat, quasi tunc primo subriperet. At vero in compensatione Deo facienda intenditur satisfactio amicabilis creaturæ, ad quam obeundam malum ipsius creaturæ prius debet auferri, et ultimum est Dei injurya, ut constat ex dictis supra de modo satisfaciendi per contritionem. Unde Angelicus Doctor 1, 2, quæst. 113, art. 6 in corpore inquit: *Consummatio autem, sive per ventio ad terminum hujus motus (justificationis) importatur per remissionem culpæ; in hoc enim justificatio consummatur*, sicut quilibet motus in suo termino ad quem. Unde patet ratio ob quam concessis præmissis, aut explicatis hoc modo, neganda est Consequētia utriusque syllogismi, quæ fallit attribuendo satisfactioni pœnitentiali, quod insolidum convenit restitutioni humanae. Imo negari poterat suppositum, sicut a Deo nihil per peccatum auferitur, ita nihil proprie restituendum manet, quo subjective privatus sit; sed tota perversio se tenet ex affectu peccantis, et ex solo affectu nec in humanis tenetur qui ad restitutionem. Ex hoc capite etiam potest retorqueri argumentum.

Nec ideo negamus aliquando per accidens teneri hominem ad detestandum et retractandum peccatum, ut quando ex errore unius fides aliorum periclitaretur, et similibus. Sed hoc non provenit ex præcepto Pœnitentiæ, sed ex præcepto fidei servandæ illæsse, vel ex aliis præceptis tunc occurrentibus. Quo respexisse D. Thomas 1, 2, quæst. 73, art. 8 ad 2, videatur, dum ita scripsit: *Et tamen potest dici, quod etsi Deo nullus possit nocere quantum ad ejus substantiam: potest tamen nocendum attentare in iis, quæ Dei sunt sicut extirpando fidem, violando sacra, quæ sunt peccata gravissima*. Unde qui ex malitia, vel etiam ex ignorantia, errorem aliquem disseminavit, tenetur statim illum corrigere, ne illud virus irrepatur, et inficiat aios, ut bene observavit Nuno, et ex ejus sententia docet Prado referens pro se Suarez, et est communis doctrina.

334. Sed contra disparitatem assigna-

tam, insurges. Nam etiam apud homines, nullum multoties sequitur detrimentum ex ablatione vel pecunie, vel etiam famæ, ut quando spoliatus affluit divitiis, vel ita est probate opinionis, et vitæ apud alios, quod nullum ex diffamatione ipsi obvenire possit nocumentum. E contra vero licet Deus in bonis intrinsecis nullum subire possit detrimentum (quod solum probant textus allegati, et nemo it inficias) interdum tamen illud patitur in bonis extrinsecis, utputa honoris, aut famæ apud aliquos, veluti si ex alicuius peccato mala suspicio de Deo aliis ingeratur, aut sumatur occasio, ut par est, de eo sentiendi. Et in universum quolibet peccato mortali derogatur cultui, et subjectioni Deo debitis a creature rationali. Ergo vel in primo casu non tenebitur homo ad instantaneam, et immediatam restitutionem, et consequenter ruit disparitas tradita: vel in secundo tenebitur ad confessum pœnitendum, atque ideo nullum erit discrimin inter obligationem pœnitendi, et onus restituendi.

Confirmatur ex doctrina Suarez sect. 5, Confir-
num. 7, loco supra citato; nam obligatio matio 1.
præstandæ satisfactionis Deo absolute provenit ex delicto, et injuria ipsi irrogata; in quo profecto differt a restitutionis onere, quod ex sola rei alienæ detentione absque delicto præcedenti oriri potest, ut constat in possessore bonæ fidei: hoc tamen non obstante onus restitutionis est strictissimum, et obligat quam cito, et immediate quis possit: ergo potiori titulo id asserendum est de obligatione pœnitentiæ, quæ semper provenit ex delicto. Præmissæ constant, et Consequentia probatur, tum quia major, et strictior debet esse obligatio, supponens indispensabiliter delictum, quam quæ illud non semper supponit, ut videtur perspicuum; siquidem culpa inducit obligationem damnum amovendi. Tum etiam, quia nullum est fundamentum asserendi Deum proprio juri cessisse pro extorquenda satisfactione sibi debita ex injuria peccato commissa; alias satis expressit voluntatem citæ, ac instantaneæ satisfactionis, ut constat ex testimoniois sacræ Scripturæ supra allegatis: ergo cum de opposito non clarius constet, standum est pro obligatione cito, et imme*itate* pœnitendi, eo modo quo asseritur statim urgere obligationem restituendi rem alienam adhuc bona fide possessam, illico ac constiterit eam non esse propriam.

Confirmatur, et urgetur ulterius insis-

Confir-
matur 2.

tendo eidem paritati. Ideo inest obligatio rem alienam restituendi confessum, vel quia prædictum onus fundatur in præcepto negativo *non furandi*, seu non retinendi rem alienam, invito proprio ejus domino; vel saltem quia prædictum præceptum annexum habet: sed onus pœnitentiae secum trahit præceptum negativum non differendi, aut de die in diem procrastinandi pœnitentiam, ut nos asserimus: ergo eadem ratione, qua prohibetur nimia ejus dilatio, prohibetur etiam quælibet mora in illa exhibenda. Patet Consequentia, tum quia non est major ratio ad unam, quam ad alteram, et quæcumque assignetur, erit voluntaria. Tum etiam, quia de ratione præcepti negativi est obligare pro quolibet instanti: ergo vel in Pœnitentia non includitur præceptum negativum contra supra dicta; vel eo semel admisso, tam necessarium est adstruere immediatam, et instantaneam obligacionem pœnitendi, quam est certum sub prædicta obligatione teneri hominem ad protinus restituendum.

Ocurritur argumento. 335. Hac tamen objectione, qua nervus difficultatis enucleatur, non convellitur doctrina traditæ disparitatis, quæ verissima est, et rationabiliter negari nequit, quin simul negetur differentia lumine naturæ nota inter detrimentum, quod est in humanis materia restitutionis, et inter injuriam irrogatam Deo. Nam ad restitutionem pure humanam non requiritur amicitia, sed tantummodo quod æqualiter fiat compensatio sive in pecuniis, sive in honore, nec etiam est necesse, quod interveniat delictum, sed eo ipso quod bona fide possidens sciat rem esse alterius, vel quod aliquem diffamaverit esto ignoranter, et inculpabiliter, tenetur ad statim restituendum meliori modo, quo possit, quidquid sit de dispositione interiori restituentis erga creditorem, aut reconciliationem cum Deo, ad quam non compellitur homo, dum actu restituit vel æs alienum, vel famam proximi. Cum tamen in Pœnitentia non tam intendatur restitutio juris divini, quam ejus amicitia, quæ ut perfecta suo modo sit, debet esse satisfactoria: quocirca principaliter est gratia Dei, et ejus amicitia, quam comitari debet compensatio. Unde licet utraque sit per se intenta, principalius tamen una, quam altera; ut constat in remissione obtenta medio Sacramento cum sola attritione, ubi non est restitutio, aut compensatio juris divini

læsi, quæ sit perfecta, et reddat Deo actualiter rationem ultimi finis; quippe quod est proprium actus charitatis, et excedit limites attritionis supernaturalis. Hinc autem liquido fit in restitutione magis, imo et totaliter attendi ad damnum, aut detrimentum ex parte passi, in quod sarcendum totum onus inclinat. Quod non habere locum in Deo notissimum est ex differentia assignata, et ex doctrina modo præmissa. Unde ad objectionem in forma, concessa prima parte Antecedentis, negatur Consequentia: nam per se loquendo apud homines restitutionis dilatio est alteri nociva, et consequenter eidem rationabiliter involuntaria; siquidem ipsa carentia rei proprie, et utilis quoad humanum usum (uti est pecunia, nec non honoris jactura, quæ quo magis durat, eo plus radicari solet), important ex se detrimentum illico submovendum, si commode potest. Quod autem id in admodum divite de facto non inducat, est per accidens. Porro in hoc casu accidentaliter, ut sentit Nuno, ex justa causa absque ullo peccato differri potest restitutio. Sed ex hoc nihil sequitur contra nos, quin imo in adversarios rectorquendum est argumentum. Quia per accidens in illo casu actu non irrogatur damnum alteri, aliquantulum potest ex justa causa restitutio differri: sed Deo numquam infertur damnum nisi ex affectu peccantis; ergo per se loquendo non oblitus homo ad illico pœnitendum.

Rursus ex affectu furandi non inducitur aut obligatio, aut regula restitutionis, ut liquet: sed Deus numquam offenditur, nisi ex affectu peccantis, ex quo in prudentia estimatione consurgit offensa: ergo non est, unde consurgat obligatio immediata illico pœnitendi, nec unde urgeat paritas restitutionis.

Unde corruitt secunda pars illius Antecedentis: quia per se loquendo nec in bonis extrinsecis proprie læditur Deus nostris offensis; nec est qui prave sentiat de ipso, quia contra ipsum homo delinquit; quin potius summa ejus clementia ostenditur, quod solem suum oriri faciat super malos, et bonos, et nostram resipiscientiam expectat juxta illud 2 Petri cap. 3: *Patienter agit propter vos, nolens aliquos perire.* Casu autem quod per accidens immineat speciale periculum, jam supra tetigimus per accidens teneri hominem ita peccantem illico resipiscere, ac pœnitere. Ex quo non sequitur eandem per

Nota. per se loquendo inesse illi obligationem, ut vice versa dicebamus de restitutione. Nunc vero addimus, nec in illo casu ut in plurimum teneri ad pœnitentiam internam coram Deo, sed ad retractationem externam coram hominibus, qua sola occurri potest imminentि illi damno fidei, aut Religionis quantumvis interne non vere, et coram Deo pœnitentia. Nam ut bene observat Nuno in præsenti, si homo potest recuperare honorem divinum, et utilitatem proximi vel prædicando, vel contrarium asserendo, sufficiente occurrit damno imminentи, nec ad majorem pœnitentiam coram Deo tenetur. Eo præsertim quod ad vitandum illud periculum non sufficit pœnitentia pure interior ad quam primario obligat præceptum, de quo loquimur; sat vero est exterior retractatio, quidquid sit de occulta, de qua non judicat Ecclesia. Quare neutra illarum Consequentiarum est legitima, siquidem stat veritas antecedentium cum falsitate consequentium.

**Docto
r
Con
matio.** 336. Ad confirmationem primam respondeatur ex eadem radice, concedendo iterum præmissas, et negando Consequentię, eo quod ratio differentię inter obligationem restitutionis, et Pœnitentię non venanda est ex illo capite, quod una supponat delictum, et alia non; hoc enim est quid materiale, et extrinsecum; sed ex eo quod restitutio supponit in restituente rem alienam, et consequenter extra dominium proprium illius, ad quem pertinet: quo-circa rem sive bona fide, sive mala possessam, statim ac constet non esse propriam, sed alterius, tenetur reddere proprio Domino. Quod si non fecerit, cum possit, statim peccat, ac si de novo suriperet. Hoc autem locum non habere in Pœnitentia liquet: nam per hoc quod homo Deum offendat, licet in affectu se avertat a Deo tanquam ab ultimo fine; non tamen re ipsa ab eo demit aut rationem ultimi finis, aut ejus supremum dominium minuit; sed supponit intactum non solum quoad ipsi intrinseca, sed etiam extrinseca, ut patet in dæmonibus, quorum quia obstinati sint, non amittit Deus supremam, et universalem potestatem. Quare totum damnum re ipsa obvenit peccanti, quia non se submiserit Deo, et ejus mandata non observaverit. Et hoc damnum resarcitur per gratiam liberaliter collatam, et media illa erumpit in actum contritionis, ut ex justitia imperfecta satisfaciat injurię in prudentum judicio Deo irrogatę, non vero

re ipsa inductę. In quo sensu loquens D. Thomas infra quæst. 86, art. 4 ad 2, D.Thom. inquit: *Ad gratiam pertinet operari in homine justificando ipsum a peccato, et cooperari homini ad recte operandum, mediis actibus charitatis, et contritionis, et ideo proprie loquendo non debet servari modus restitutionis; nec inde bene sumitur paritas ad satisfactionem pœnitentialem Deo exhibendam, quae est alterius rationis, et aliam regulam servare debet.*

Ad primam Consequentię probationem constat ex dictis obligationem instantaneam restituendi non oriri præcise ex delicto, sed ex retentione rei alienę, sive bona, sive mala fide ea retineatur. Unde quod inde infertur, est absque culpa præcedenti posse obligari hominem ad restitutionem, secus vero ad Pœnitentiam quod verum est. Cum quo stat præceptum satisfaciendi Deo absolute, et simpliciter strictius obligare: eo enim strictior est obligatio, quo altioris rationis est offensa facta Deo injurya particulari proximi; licet ex aliis capitibus, et circumstantiis onus restitutionis strictius liget præcepto Pœnitentię. Sed hoc provenit ex indigentia proximi, et nulla læsione ex parte Dei, et summa ejus munificētia.

Ad secundam ejusdem Consequentię probationem, dicimus, quod licet supposita offensa peccati, obveniat Deo jus in quolibet instanti exigendi satisfactionem; non tamen illam pro quolibet instanti extorquet. Tum quia præceptum Pœnitentię est affirmativum, et non obligat pro semper. Tum, quia ut docet D. Thomas infra D.Thom. quæst. 90, art. 2, in corp.: *In Pœnitentia fit recompensatio offensæ secundum voluntatem peccantis, et secundum arbitrium Dei, in quem peccatur.* Et ex neutro capite colligitur tam stricta obligatio: non quidem ex parte hominis, cuius arbitrio subjacet Pœnitentia; nec etiam ex parte Dei, de quo solum constat statuisse directe, et immediate præceptum affirmativum pœnitendi. Et tradit rationem S. Doctor, qua supradicta pro hac disparitate satis elucidantur: *Quia hic non quæritur sola reintegratio æqualitatis justitiæ (sicut in justitia vindicativa) sed magis (perpende adverbium cum sequentibus) reconciliatio amicitię, quod fit, dum offendens recompensat secundum voluntatem ejus, quem offendit.* Ad quam quidem reconciliationem utpote homini voluntariam, et Deo etiam acceptam statuit Deus legem, non legandi suam

gratiam, quoties homo ex ejusdem viribus se voluntarie disposuerit; sed non compulit hominem, ut in quolibet instanti converteretur, ut constat in aliis præceptis affirmativis. Nec est testimonium aliquod Scripturæ, aut Patrum, ex quo evinci possit in quolibet instanti teneri hominem sub præcepto ad conversionem licet in quolibet instanti possit se in illam exercere, et a Deo acceptari. Illæ enim comminationes, et locutiones Scripturæ supra relatæ eo dumtaxat tendunt, ut non plus justo retardetur tempus pœnitentiæ, sed quo citius illi studeatur, eo erit melior, et cæteris paribus Deo acceptior.

Diruitur
coarma-
tio 2.

Hinc ad secundam confirmationem constat. Nam præceptum restitutionis revera est negativum, licet quoad formam videatur affirmativum, ut supra dixit D. Thomas. Præceptum vero Pœnitentiæ primo est affirmativum, licet includat etiam negativum numquam agendi contra Pœnitentiam, aut illam per longum tempus, aut totam vitam protrahendi. Ex quo nihil sequitur, ut patet in præceptis charitatis, aut aliarum virtutum, in quibus idem omnino reperitur, ut supra expendimus, quin inde evincatur pro quolibet instanti sub præcepto constringi hominem ad opera pœnitæ virtutis, aut aliarum.

Conve-
nientia,
et diffe-
rentia
inter
præcepta
resti-
tuendi, et
pœnitentia-
di. Cano.

337. Hæc cum ita sint quoad differentiam, superest assignare in quo convenienter præcepta restitutionis, et Pœnitentiæ, quod prior praestitit Magister Cano in illa sua relect. 4 p. § sed est tamen. Assimilantur ergo primo in eo, quod quemadmodum non dimittitur peccatum, nisi restituatur ablatum, ita quoque culpa non remittitur perse loquendo absque Pœnitentia. Secundo convenienter in hoc, quod tam nolens pœnitere, quam nolens restituere alienum, si habet formale propositum non satisfaciendi aut Deo, aut creditori, uterque peccat mortaliter; qui enim vult expresse permanere in peccato, complacet sibi in illa specie peccati, et complacentia peccati peccatum est. Quod intelligendum venit de voluntate positiva, et absoluta. Si vero tam nolens pœnitere, quam nolens restituere sumatur negative, adhuc stante cognitione obligationis, et delicti, est differentia, quam observat Arauxo in præsenti, et pro ea refert Navarr. in sum. cap. 17. Cajet. 22, q. 66, art. 2 ad 2. Azor. 3. Sum. lib. 4, cap. 36, q. 1. Suarez, et Vasquez, scilicet non peccare nec venialiter qui tempore indebito vult non pœnitere

Arauxo.
Navarr.

Cajet.

Azor.

Suarez.

Vasquez.

pure negative. Cujus rationem dedimus supra in hoc eodem dubio n. 288. Cæterum qui habita opportunitate, et conscientia obligationis negative se habet circa restitutionem, continuo peccat; nam eo ipso virtualiter velle convincitur retentionem rei alienæ invito ejus Domino, et transgreditur præceptum negativum prohibens voluntariam detentionem rei non propriæ, contra voluntatem Domini, quæ semper stat pro re alienata. Unde minus est detractor rei alienæ, ut bene docet Cano, ubi nuper § Ad primum, qui eam casu inventam apud se, invito Domino, detractat, ac retinet, quam si forte suscepisset, aut violenter usurpasset.

338. Sed contra hanc disparitatem in Objectio
sistere: velle virtualiter in peccato permanere est peccatum: sed velle non pœnitere negative adhuc in illo sensu ubi supra explicato, est velle virtualiter in peccato persistere: ergo non pœnitere negative in prædicto sensu est peccatum, consequenter quæ nulla est quoad hoc differentia inter non restituere negative, et non pœnitere itidem accepto. Utraque Consequentia constat ex præmissis, quarum Major supponitur, et probatur Minor: nam qui vult antecedens, virtualiter etiam vult consequens ex illo illatum necessario, sicut qui vult causam sub ratione causæ, convincitur etiam velle ejus effectum in illa contentum, et inde deductum: sed ad non pœnitere negative infallibiliter sequitur permanere in statu peccati: ergo qui vult illud primum, cogitur ad secundum eadem violatione prosequendum. Patet Consequentia, nam alias conaretur ad displicentiam prædicti status peccaminosi, de eoque displiceret, cum posset: ergo si cum posset, non displiceret, signum est intercedere complacentiam illius status, quam esse peccatum nemo est, qui dubitet: atque ideo sicut restituere nolenti est voluntaria, subindeque imputabilis, retentio rei alienæ contra voluntatem Domini; haud aliter nolenti pœnitere est imputabilis permanentia in peccato, eamque magis apud ipsum haberet, quam detestationem eadem ratione convincitur.

Respondeatur ad hanc replicam conce-
dendo Majorem, sed neganda est Minor, Respon-
sio.
cujus falsitatem satis ostendunt exempla
aliarum virtutum, sive moralium, sive
theologalium, quarum actus parentiæ ob-
jective non important deformitatem. cum
regulis morum pro quolibet instanti, ut
patet

patet in hoc quod est actu formaliter, et expresse non diligere Deum in quolibet instanti, aut actu, eodem modo nec credere vel sperare, et sic de cæteris : quam ob rem velle actu non credere, amare, vel sperare in hoc instanti, non est peccatum. Et eadem ratio est de illo actu : *nolo hic et nunc formaliter pœnitere*, quamvis suppetat ad eum facultas; quia tamen non teneor, ob defectum debiti, et obligationis, illa omissione est pure physica, et nullo modo moraliter imputabilis, ut supra explicuimus. Ad Minoris probatioiem permissa Majori, et concessa prout jacet Minori, negatur Consequentia. Cujus defectus consistit in hoc, quod licet ad velle non pœnitere sequatur permanentia in statu peccati, ut dicitur in prædicta Minori : non tamen ad velle non pœnitere sequitur velle etiam permanere in statu peccati, quod non explicatur in Minori, et expresse ponitur in Consequenti; et ideo fallit Consequentia arguendo a termino non distributo in præmissis ad terminum distributum, quod est paralogizare. Quamvis enim ad velle non pœnitere sequatur conservatio peccati, et pravi status; non tamen sequitur, quod quis velit eo ipso adhuc virtuiter ipsum statum peccati : quia potest voluntatem alio distrahere, vel aliis artibus præceptis applicare, quin cogatur velle ipsum peccatum, ut patet in permissione Dei, ad quam sequitur infallibiliter peccatum, vel in denegatione auxilii efficacis, quarum quamlibet Deus intendere, ac velle potest, absque eo quod inde colligatur complacentia divina in peccato. Et Christus Dominus potuit velle parentiam mortis secundum se, adhuc posito præcepto, quin inde probetur potuisse velle prædictam parentiam ut prohibitam. Et ratio est eadem utrobique, quia consecutio illa Antecedentis cum Consequenti solum est logica; non vero physica : siquidem præscinditur ab eo quod habet rationem peccati, et ulterius in nostro casu datur medium inter velle non pœnitere pure negative, et velle permanere in peccato, nimirum velie voluntatem divertere, et aliorum applicare, ad id quod tunc urget, et cadit sub præcepto, postposito eo, quod voluntarium est. Et sane si illa probatio ex vi formæ teneret, probaret etiam teneri hominem speciali præcepto Charitatis in quolibet momento; siquidem ad velle non diligere, vel ad nolle diligere sequitur permanentia in peccato, utpote quod per se loquendo absque actu Charita-

tis aboleri nequit : quod tamen est falsum, et neutriquam intentum ab objiciente, aut alio ex patronis illius sententiae, maxime in illorum opinione, quos supra retulimus de sufficientia actus Charitatis absque formalis Pœnitentia ad justificationem per se loquendo. In qua sententia æque urget illa probatio contra illos, ut consideranti fiet obvium.

339. Ex quibus omnibus inferes illam injustitiæ, aut injuriæ rationem, quam in peccato concedunt melioris notæ Theologi, et cum illis propugnavimus loco supracitato de Incarnatione, coincidere cum ipsa ratione offensæ, vel saltem ab ea divelli non posse : atque ideo sicut hæc consistit in privatione juris divini, non quidem physica, aut metaphysica; sed morali, juxta prudentum aestimationem, juxta quam ex affectu, et modo peccandi offenderetur Deus reipsa, si esset capax; haud dissimiliter ratio illa injuriæ, et injustitiæ meditanda, et regulanda est ex prudenti hominum appretiatione. Quo fit (ut scrupulum dispellamus Lugonis supra ex ipso propositum) non aliam satisfactionem nec aliter, aut Deum extorquere, aut ipsi exhiberi debere ob rationem propriam injuriæ, vel injustitiæ, quam ob offensam, quæ a nullo illorum negatur, quamvis inter eos sit dissensus circa ejus gravitatem, ut vidimus loco citato. Unde si ex ipsa offensæ ratione ab omnibus concessa, præscindendo ab injustitia, nulla oritur difficultas in nostra sententia, quæ facile superari non possit; nec exemplum restitutionis eodem teste contra eam urgeret : nulla esse potest ratio, quare tantam difficultatem obtenderit in illa alia ratione, si alia est; quando quidem æque militat, si quæ est difficultas contra unam, ac contra aliam : quippe ex ipso jure naturali divino tenetur homo ad resarcendam offensam alteri illatam, et ejusdem virtutis est adhuc in humanis satisfacere, et restituere; quamvis satisfactio spectet ad præceptum positivum, et restitutio ad negativum, in vi cuius citior obligatio esse potest sub munere restitutionis proprie dictæ, quam sub ratione satisfactionis, quam solam exigit Deus.

340. Deinde arguitur alia paritate de-
sumpta ex præcepto Charitatis, ut extenso
ad correctionem fraternalm, quam sub il-
lius præcepto contineri docet D. Thom.
mas 2, 2, quæst. 33, art. 2. Etenim ex præ-
cepto correctionis fraternalæ tenemur ad
subveniendum proximo, quam cito, ne in

*Nota pro
ampliori
difficul-
tatis eno-
datione.*

*Secun-
dum ar-
gumen-
tum.*

peccatum labatur, vel ipsum secreto corrigerere, quia lapsus est, sed vinculum Charitatis erga se ipsum strictius est, quam erga proximum: nam cæteris paribus præferendum est bonum proprium, bono alieno, et propria salus pluris haberi debet, quam alterius: ergo potiori titulo obligatur homo ad sibimet consulendum post peccatum, quam proximo; quod fieri non posse, quin statim ipsum poeniteat de peccato, manifestum est: ergo statim cogitur ad Poenitentiam in vi præcepti hujus virtutis.

Discordia Auctorum
in hac
difficultate.

Cano.

Vazquez.

Lugo.

ex num. 205, ex alia vero adhærendo Suarez, et aliis illam obligationem negantibus, ut patet ex n. 215. Unde liquet prædictos Authores modo in unam, modo in aliam partem declinasse. Cum tamen Cano constants fuerit in concedendo Antecedens, et negando Consequentiam; eo quod quisque est dominus suæ vitæ spiritualis; vitæ autem corporalis, sive propriæ, sive alienæ solum est custos, quocirca hanc continuo eripere tenetur a periculo; secus vero illam.

341. Quod ex horum divisione ad intentum nostra refert, est dehincere argumenti vires, cuius principium, quia incertum nequit inferre certam consequentiam, sive enim admittatur illa obligatio, cum prælaudato Authore; neganda est Consequencia, et ratio disparitatis (si semel verissima est, ut testatur Vazquez) bene fuit assignata, qua proinde utitur Arauxo in præsenti. Si autem negetur cum aliis, adhuc clarius enervatur objectio, utpote procedens ex falso principio ad male inferendum conclusionem.

Sed videamus quid apponat Vazquez, ut sibi omnino displiceat illa disparitas, quam judicat verissimam. Quia licet homo non sit dominus vitæ spiritualis proximi, peccat illum non statim corrigendo, si non contra justitiam, saltem contra charitatem, et misericordiam in sententia Cani: ergo et non succurrendo sibi. Probat hanc Consequentiam his verbis: *Elenim et sui præcipue custos in hoc casu, si proximi est, unde non video, quomodo misericordia erga proximum obliget, non vero erga se ipsum.*

Hæc tamen impugnatio levis est ad illud Retinendum: nam concessso Antecedenti, fallit Consequentia. Cuius probatio est falsa; quia homo per hoc, quod sit custos vitæ spiritualis proximi, quam non constituit Deus in manu consilii sui, non fit etiam custos vitæ propriæ spiritualis, ita quod ipsam sub eodem vinculo teneatur illæsam servare; alioqui non fuisset etiam constituta in manu proprii judicii, et consilii, quod esse falsum constat ex textu allegato. Rationem autem, quam non vidisse fatetur Vazquez, non latuisse authorem disparitatis, constat ex verbis paulo post subiunctis: *Ac re vera (utcumque opinemur) negare non possumus inter bona proximi, et nostra longum esse intervallum. Nam bovem proximi, aut ovem jacentem levare teneor, et servare, si possum; bovem meum, aut ovem non item:*

Sic

Fac
ex i
dive
ta
soin
Arai

Ins
vasq

tu

Sic ergo, et bona spiritualia proximi mei, etiam extra mortis æternæ periculum curare teneor, mea non perinde, nisi cum articulus necessitatis propriæ spiritualis occurrit. Non ob aliam rationem, nisi quia hujus sum dominus, illius mere custos, et onus custodiæ non injungitur sub eodem vinculo domino; quique dominus pro libito potest re sua uti, prout voluerit. Unde qui vellet pro solutione argumenti non se intricare in examine illius Majoris prædicti syllogismi, posset, illa omissa, et concessa Minor, negare Consequentiam, cuius disparitas ab Antecedenti est satis perspicua ex dictis: quidquid sit de sensu intento ab Authoribus illius discriminis circa illam propositionem, an sit vera, vel falsa? Quod juxta hanc solutionem non debet extorqueri; sed solum attenditur ad formam argumenti, qua admissa, adhuc perstat assignatum discrimen Antecedentis a Consequenti, et indemnis manet nostra sententia.

*342. Quia tamen non sat est attendisse ad formam, sed oportet materiam propositionis discutere, videndum superest, quam veritatem habeat illa propositio, ex qua sumitur paritas argumenti. Pro quo supponere debemus, nec negare possunt ipsi adversarii, præceptum correctionis fraternalis esse affirmativum, subindeque non pro quolibet instanti obligare, eadem prorsus ratione, qua asserimus præcepto Pœnitentiae non statim vinciri hominem ad contritionem. Eo autem ipso non tenetur homo ad continuo corrigendum proximum, sed expectare debet tempus correctioni opportunum, in quo proximus ea indiget, et alter ad eam impendendam tenetur. Quæ fuit doctrina D. Augustini lib. 1 de Civitate Dei cap. 9 et a fidelissimo ejus discipulo D. Thoma tradita 2, 2, q. 33, art. 2, sub his verbis: *Correctio autem fraterna ordinatur ad fratris emendationem: et ideo hoc modo cadit sub præcepto, secundum quod est necessaria ad istum finem: non autem ita, quod quolibet loco, vel tempore frater delinquens corrigatur. In quo profecto supponitur delinquentem non statim teneri ad resipiscientiam, et emendationem culpæ ex vi præcepti; alioquin enim locus non esset expéctandi tempus correctionis.* Unde (ut bene vidit Vasquez ubi nuper) ipsummet argumentum supponit, quod impugnare intendit, et illudmet principium, quod assumit, includit necessario illammet assertionem, quam debel-*

lare pergit. Quod est se ipsum destruere, et nihil posse concludere; quin potius contra ipso utentem retorqueri debet. Quia non tenetur proximus proximum statim corrigere, sed expectare debet tempus opportunum illius correctioni: ergo omnimodo pari ratione, non tenetur quis ad se ipsum confessim retractandum, et corrigerendum: qua enim ratione tenetur, vel non tenetur ad proximum, tenetur etiam, vel non tenetur ad se ipsum; licet vinculum erga se ipsum sit intimius, et strictrius, sed non quod pertineat ad diversum præceptum.

Secundo observari debet correctionem fraternalis solum posse ordinari vel ad peccata præterita excutienda, vel ad præsentia, et futura vitanda. Et quia haec duplex documentum important, maxime si externa sint, et respectu delinquentis, et respectu aliorum, in quorum pernicie vergunt; idecirco fraterna correctio non tam intendit remedium apponere peccato sub secunda consideratione, quam sub prima, et ex hoc capite proprie loquendo appellatur fraterna correctio; ex ea vero parte qua cedit in damnum aliorum, pertinet ad justitiam vel legalem, vel vindicativam, cuius est conservare rectitudinem justitiae unius ad alterum. De quo D. Thomæ 2, 2, quæst. 33, D.Thom. art. 1. Si ergo correctio fraterna ordinetur ad impediendum peccatum præsens quoad continuationem, vel proximam reincidenciam proximi, planum est presens esse periculum, summamque necessitatem subditi spiritualis media correctione: atque ideo tenetur homo ad proximo subveniendum statim, ac ipsum cernat in periculo imminentem vel continuationis peccati, vel reincidencie in præteritum: dum tamen sit spes ipsum a peccato retrahendi alioquin enim ex prudentia ipsa teneretur homo ad differendam, vel omittendam correctionem, utpote prorsus inutilem ad finem intentum. Quocirca duo docuit D. Thomas loco nuper citato ex 2, 2 et quod actus corrigendi proximum sit immediate a prudentia, ut ab exequente, et a Charitate ut imperante. Prudentia autem non attingit nisi quæ in finem virtutis collimant, et finem rectum prætentum ut assequendum concernunt. Unde scripsisse D. Aug. 1 de Civit. Dei cap. 9, refert D. Thomas art. 2: *Si propterea quisque objurgandis, et corripiendis male agentibus parcit, quia opportunum tempus inquiritur, vel eisdem ipsis metuit, ne deteriores ex hoc efficiantur,*

Proximus quando statim corrigendus.

vel ad bonam vitam, et piam eruditos, impedianc aliquos infirmos, et premant, atque avertant a fide; non videtur esse cupiditatis occasio, sed consilium Charitatis. Utraque ergo virtus debet concurrere ad correctio-
nem fraternalm in illo casu imminentis necessitatis vel continuandi, vel iterandi idem peccatum; atque ideo subesse debet spes ab eo imminenti periculo damni spiritualis eripiendi proximum, seu quod a peccato retrahetur media correctione; alias meritorie omittetur, ut ibi docet D. Thomas.

Exclusa argumentum difficultas.

Porro in hoc eventu nullum est argumentum; quis enim ibit inficias teneri hominem ad corrigendum proximum in adeo gravi periculo damni spiritualis constitutum? Sed nemo etiam est, qui non affirmet teneri etiam ad Poenitentiam instantaneam, si semel se ipsum quis videat eidem periculo expositum. De hoc enim non est quæstio, sed omnes veraciter supponimus in eo discrimine teneri hominem ad se extricandum media Poenitentia, et alium, vel alios coercendos melia correctione fraternal, subindeque vel interrumpere peccatum præsens, vel præcavere imminentem futurum.

Quando non statim corrigendum.

343. Si vero correctio tendat in peccatum commissum absque ordine proximo ad aliud futurum, profecto non magis teneatur homo ad corripiendum proximum, quam proximus ipse teneatur ad pœnitendum; quia cessante spe emendationis in proximo cessat medium correctionis, quæ sit sub præcepto: sed proximus peccans non tenetur statim ad pœnitendum: non ergo tenetur alter sub præcepto ad corrigendum præcise ob peccatum commissum: majus quippe est vinculum obligationis hominis ad se ipsum, quam ad alios cæteris paribus: ut constat ex ipso arguento, et ex doctrina Philosophi in Ethic. Ubi docet amicabilia ad alterum ortum ducere ex amicabilibus ad se. Ut ergo quis teneatur ad corrigendum peccatorem, oportet, vel quod peccator sit in periculo imminentiter delinquendi, quod supponitur non esse: vel quod statim a peccato resilire teneatur, quod est supponere quod probandum erat. Quare ut sit locus correctioni fraternal sub obligatione præcepti devenire debemus ad casum necessitatis specialis vel novi peccati, vel novæ obligationis proxime occurrentis. Et ex hac parte nullum etiam est paritatis argumentum, nec habet adversarium, contra quem intorquea-

tur; siquidem pari passu currunt correctio fraternal, et Pœnitentia quoad obligationem in casu necessitatis. Sed nec de hoc est quæstio, et una est inter omnes sententia.

Ut ergo paritas teneat, et vires exerat, debet statui casus necessitatis, in quo obliget correctio fraternal, et inde argui ad Pœnitentiæ obligationem, quæ semper in-
sit homini, ex peccato commisso, ita ut teneatur pro quolibet instanti ad Pœnitentiam. Sed hoc modo ipsummet Antecedens firmat nostram sententiam, et destruit Consequentiam illatam. Si enim correctio fraternal non obligat nisi in casu necessitatis, quare obligabit Pœnitentia nisi etiam in casu necessitatis? similiter si peccatum commissum precise quia commissum, non est materia correctionis fraternal, nisi aliunde superveniat aliqua major obligatio, periculum, aut necessitas in futurum, nulla est ratio, cur aliter sentiamus de Pœnitentia. Solum ergo manet recursus ad hoc quod ipsummet peccatum secum trahat ingentem necessitatem immediatam retractationis. Sed hoc negamus, nec probatur ab exemplo correctionis fraternal, quæ non est obligationis, sed consilii citra casum necessitatis. Et ideo concessa illa majori propositione simul cum Minori neganda est Consequentia, cuius opposita efficacius ex illo Antecedenti deducitur, ut ex dictis facile constat. Unde liquet quam solide, ac vere concesserint Cano, et Arauxo illud Antecedens, et negaverint Consequentiam, utpote qui optime calluerant solum deservire posse in hac ultima consideratione, omnibus aliis recensitis ut omnino extra rem praetermissis. Quam etiam doctrinam sectantur alii discipuli D. Thomæ Cajetanus in summa verbo *Correctio*, ubi docet non quemlibet esse corrigendum, sed *solum indigens correctione, eo quod eleemosyna non nisi indigenti danda est.* Soto de tegendo secreto, memb. 2, quæst. 2, concl. 2. Sylvester verb. *Correctio* quæst. 1. Armilla eodem verbo, num. 2, adjunctis Abul. quæst. 83, in Matth. cap. 18. Adriano in 4, quæst. 1, de *Correct.* Fraternal, propos. 2. Glossa in Cap. *si pec- caverit 2, cap. Qui alios, de Hæret. Suarez,* et aliis pluribus. Qui omnes constanter, et uniformiter docent extra casum necessitatis correctionem fraternal solum esse consilii, non præcepti. Et idem asserimus de Pœnitentia instantanea, quin quoad hoc agnoscamus, nec agnoscant disparitatem inter illam, et istam, nisi in sensu ultimo

Evacua- tur diffi- cultas.

ultimo explicato, in quo jam rationem dedimus negandi Consequentiam, et negant omnes discipuli D. Thomæ cum Magistro Cano.

Ex quo infertur teneri hominem ad subveniendum proximo, et sibi ipsi quoties adest periculum vitæ corporalis, mutilationis membra, aut alterius damni gravis in suo corpore, atque ideo si id omittat graviter peccare nedum contra justitiam, sed etiam contra Charitatem propriam. Quod ultra alleatos Authores docet idem Vasquez ubi supra num. 27, non ob aliam rationem, nisi quia nullus est dominus propriæ vitæ corporalis, nec etiam corporis, aut membrorum ejus, ob quam causam (verba ejusdem sunt) peccat quis cum sibi infert mortem, aut quia non utitur necessariis, aut lœdit se ipsum : peccat autem ob hoc speciali peccato homicidii, vel contra justitiam, ut nonnulli volunt, vel certe contra fortitudinem, quæ sicut est contra timiditatem in periculis mortis superandis, sic etiam est contra audaciam, et temeritatem in exponendo se absque ratione periculis. Qua etiam ratione qui non corrigit proximum positum in proximo periculo peccandi, si adsit spes illum ab eo eripiendi, similiter delinquit contra Charitatem, et misericordiam, ex quibus tenetur subvenire proximo, ut potuerit, in periculo imminentis corporis, vel animæ. Ubi tota ratio obligationis revocatur ad hoc, quod homo non est dominus nec proprii corporis, nec extranei, nec etiam vitæ spiritualis aliorum. Quod vero non teneatur ad statim pœnitendum, unde ortum ducat, explicant ejus verba immediate apposita : At vero cum quis statim non se eripit a morte peccati, in qua est per peccatum præteritum, non peccat contra justitiam, cum sit dominus vitæ spiritualis, aut saltem nulli facit injuriam, nec contra aliam virtutem.

In quo seipsum vel deserit, vel impugnat, ut sit perspicuum ex sequenti reflexione iterum assumendo ejus verba supra relata : homo non solum est dominus, sed et præcipue custos in hoc casu sui ipsius, si etiam est proximi; sed quia est custos proximi, peccat contra Charitatem, et misericordiam illi non subveniendo in prædicto casu : ergo quia est præcipue custos sui ipsius, et præcipue peccat etiam non se eripiendo a morte peccati, cum possit. Qui discursus recte procedit contra Vasquium, supposita ipsius doctrina. Unde vel tenetur se ipsum deserere negando ho-

minem esse proprie custodem vitæ spiritualis, ut docebat Cano; vel seipsum illaqueat eodem argumento; nam nequit non peccare homo seipsum non eripiendo a morte, quia custos præcipue sui est, contra illam virtutem, contra quam delinquit non subveniendo proximo, quia custos illius est. Supposita ergo propria doctrina falsum fuit asserere quod *cum quis statim non se eripit a morte peccati, in qua est per peccatum præteritum, non peccat contra justitiam, cum sit dominus vitæ spiritualis, aut saltem nulli facit injuriam, nec contra aliam virtutem*, quoniam peccare potest ut custos sui est, sicut peccat ut custos proximi, et consequenter contra Charitatem, et misericordiam erga seipsum. Quare standum est in doctrina tradita, et omnino consequenti, quod secluso periculo aliunde suborto, ex vi præcise peccati commissi non tenetur sub aliquo præcepto ad ita festinam, et præpoperam Pœnitentiam, ut intenditur ab illa sententia, idque vel ex ipsa instantia fratrnæ correctionis, qua utuntur adversarii.

§ XI.

De obligatione hujus præcepti ratione alterius.

344. Hactenus egimus de obligatione per Casus, in quibus obligat per accidens pœnitentia. secunda ab hoc præcepto, superest deveniamus ad obligationem *per accidens*, seu quæ non provenit ex ipsa Pœnitentia secundum se inspecta, sed aliunde vel ex concurrentia alterius præcepti, vel ex fine, aut circumstantiis extrinsecis, ratione quorum non semel contingit teneri hominem ad aliquid, ad quod absolute, et illis absentibus, non teneretur. Idque accipere in Pœnitentia testantur communiter Theologici, varios casus assignantes, in quibus configere necesse sit ad Pœnitentiam. Pro quo statuenda est regula tradita a D. Thoma loco sæpe citato ex 4 sent. dist. 17, quæst. 3, art. 1, quæstiunc. 4, ubi obligationem per accidens Confessionis, in quo est eadem quoad hoc ratio cum virtute Pœnitentiae, reducit ad hoc scilicet quando ad aliquid tenetur, quod non potest sine peccato facere, nisi confessus; tunc enim tenetur confiteri, sicut si debeat Eucharistiam percipere, ad quam nullus post peccatum mortale, nisi confessus, accedere debet, copia Sacerdotis oblata, et necessitate non urgente. Et D. Thom. inde venit obligatio, qua Ecclesia omnes obli-

gat ad semel in anno confitendum; quia insituit, ut semel in anno, scilicet in Pascha omnes sacram communionem accipiant, et ideo ante tempus illud confiteri tenentur. Quo fit Sacerdotem existentem in peccato, si teneatur ad celebrandum, et non adsit copia Confessionis, teneri per accidentis ad actum contritionis, qui est unicum medium, quod superest ad digne Eucharistiam pertractandam, et suscipiendam: subindeque in illius omissione unitum dumtaxat peccatum sacrilegii committi indignæ celebrationis Eucharistiae. Quod specialiter annotamus propter Cano 4 p. relect.

Dubii in-
cidentis
decisio,

qæst. 2, post. 4, concl. ubi contendit duplex ibi committi peccatum, alterum sacrilegii contra Eucharistiam, aliud vero ob Pœnitentiae omissionem, quasi hujus præceptum per se obligaret independenter ab alio. Quod etiam indicavit Soto ad eam distinctionem qæst. 2, art. 6, § *Postremum*, ut refert Suarez disp. 15, sect. 6, § *Pro resolutione*, num. 6, sed paulo inferius subjunxit propriam mentem: *Tametsi hoc postremum non ita facile condemnarem*, nec certe deberet discipulus D. Thomæ, et ejus expositor contra expressam S. Doctoris sententiam.

Quin obsit motivum, quo ductus est Mag. Cano part. 5, sol. 49 et 50, § *Nostra igitur*, ubi totus est in probando esse de jure divino Confessionem ad Eucharistiam præmittere.

Quod sane principium non latuisse D. Thomam, quinimo, et diserte agnoscisse manifestum est ex eodemmet articulo allegato, qæstiunc. 3 immediata, ubi docet, *quod ad Confessionem dupliciter obligamur.*

D.Thom. *Uno modo ex jure divino, ex hoc ipso, quod est medicina: Et secundum hoc non omnes tenentur ad Confessionem, sed illi tantum, qui peccatum mortale incurrint post Baptismum. Alio modo ex præcepto juris positivi: et sic tenentur omnes ex ista institutione Ecclesiæ edita in Concilio generali sub innocentio III tum ut quilibet se peccatorem recognosceret, quia omnes peccaverunt, et egent gratia Dei: tum ut cum majori reverentia ad Eucharistiam accedat.* Ubi S. Doctor temporis determinationem ad jus positivum refert, non ad divinum. Imo idemmet Canus paulo superiorius, § *Quocirca dicendum*, docuerat semel in anno confiteri esse de jure positivo, et quod citra hoc jus humanum, quo Confessio ad certum tempus limitatur, divina de Confessione lex incommodè servaretur. Ut vero ejus-

dem juris Eucharistiam sumere in Pascha: ergo et præmittere Confessionem ad eam digne suscipiendam. Unde contritionis vinculum nequit obligare nisi ex defectu Confessionis Sacramentalis, subindeque non per se, et ratione sui, sed ratione Eucharistiæ recipiendæ, quod est obligare per accidentis. Atque ita sentire communiter Theologos docent Suarez, et Prado qæst. 2, de contritionis necessitate dub. 3, § 2, n. 13.

345. Hinc elicetur aliud principium æque apud Doctores commune, toties videlicet eodem pacto obligari hominem ad Pœnitentiam, quoties necesse fuerit exercere aliquam actionem, quæ propter suam dignitatem requirat sanctitatem, seu statum gratiæ in persona illam exercente, nec nisi peccando eam præstare valeat existens in peccato, ut est ministrare ex officio aliquod Sacramentum (quod dicimus propter Baptismum) aut recipere aliquod Sacramentum vivorum. Hujusmodi namque obligatio non provenit ex ipso præcepto Pœnitentiae, sed ex eo quod sancta sancte tractanda sunt, et Sacraenta et recipi, et ministrari non nisi a dignis liceat possunt.

Tertius casus est gravis tentationis, qua perculsus, et exagitatus homo nequit eam superare, nisi se exerat in actum contritionis, quo vitet periculum imminentis consensus, et præcaveat futurum. Tunc enim obligatur homo ad apponendum hoc medium ex præcepto illius virtutis, contra quam urget tentatio. Ita docet Soto, eui subscrribit Gonet, disp. 7 de Contrit. art. 5, n. 102.

Circa quod observat, et objicit Suarez in primis hunc casum non esse moralem per se loquendo; nam ad vincendam quamcumque temptationem sufficit auxilium gratiæ excitantis, et adjuvantis. Et nullum est principium sufficiens, quo homo sibi persuadeat non posse absque gratia sanctificante consequi auxilia sufficientia, et efficacia pro obtainenda victoria: non ergo est, cur per se loquendo teneatur homo ad contritionem pro reportanda victoria gravis temptationis. Eo vel maxime, quia supposita gravi ea temptatione, habere contritionem est vincere temptationem, quia includit propositum non peccandi etiam in ea occasione: ergo contritio non est medium ad reportandam victoriam, sed potius ipsa contritio est effectus auxilii antecedentis tum ad gratiam, tum ad contritionem:

Suarez
Prado

Seu
dus c
sus, c
gener
lior.

Terti
casus

Soto.
Gonet

Oua
observe
Suarez

tritionem : atque ideo nequit esse medium vincendæ temptationis, quam subactam, et evictam supponit.

Secundo animadvertingo objicit illam necessitatem esse extrinsecam, et oriri ex præcepto v. g. Castitatis, aut alterius virtutis, contra quam urget, et pungit tentatio, et tunc (inquit num. 8) omissio contritionis non est speciale peccatum contra præceptum Pœnitentiae, sed solum est circumstantia peccati contra castitatem.

346. Sed neutra harum observationum subsistit, et doctrina, cui innituntur, est falsa : nam quod attinet ad primam, constat ex late discussis, de necessitate gratiæ disp. 2, dub. 8, § 4. Ubi oppositam doctrinam ex Patribus, et rationibus Theologicis stabilivimus, loquendo de homine lapso ob aversionem a Deo ut ab ultimo fine, in qua constituitur. Quæ recoli debent, modo sufficiet auscultari D. Thomam in 2, dist. 28, quæst. 1, art. 2 ad 6, ubi ait : *Aliud est resistere peccato, et aliud victoriam de peccato habere. Quicumque enim vital peccatum, peccato resistit. Sed ille proprie vincit peccatum, qui potest pertinger ad hoc, contra quod est pugna peccati. Hoc autem non potest esse, nisi in eo, qui opus meritorium operatur. Unde talis victoria vilam æternam meretur. Porro nullum actum quantumvis honestum ex sua specie, et hac supernaturali, esse meritorium vitæ æternæ absque gratia sanctificante, constantissimum debeat esse : alioqui enim haud facile posset reddi ratio, quare nobilissimi actus Fidei, et spei hominis peccatoris, ante justificationem non ea gaudent efficacia.* Idque statuimus tract. de Merito disp. 3, dub. 1, et in eodem tract. disp. 4, dub. 1, fuse ostendimus actus omnium virtutum, ut evadant Deo accepti, et præmio digni, imperari debere a Charitate, in gratia habituali radicata. Et in hoc sensu, quem intendimus cum prædictis D. Thomæ discipulis, casus ille moralis est, et non tam insolens, aut exorbitans a communi cursu, ut ratus fuit

Suarez. Quis enim neget hominem post peccatum commissum, iterum concurti, et moleste vexari solere vel circa idem specie peccatum, vel contra aliam ex virtutibus, et ab ea rixa se executere, aut extricare non posse, nisi contritionis auxilio se muniatur? Unde falsum est, quod tam plane supponere videtur ille Author. Quia licet auxilia sufficientia, et efficacia gratiæ excitantis, et adjuvantis superare possint, et re ipsa

superent quamlibet gravem temptationem, in sensu explicato; important tamen tum gratiam, tum Charitatem, mediis quibus homo conjungitur ultimo fini supernaturali, ex cuius intentione efficaci veluti ex primo principio in ordine morali movetur homo ad reliqua bona opera, et ad dispellenda temptationum obstacula, ut loco citato de necessitate gratiæ uberior prosecuti sumus. Nequit autem homo conscius peccati obtainere gratiam ad victoriam reportandam de temptatione, quin simul contenteratur, et vere coram Deo pœnitent : tenetur ergo in eo casu ad Pœnitentiam, sicut tenetur ad vitandum peccatum, a quo pulsatur.

Nec est solidius, quod additur ad fulciendam suam observationem. Nam licet habere contritionem sit vincere temptationem, et hæc victoria sit effectus nedum auxiliū excitantis, et adjuvantis, sed etiam ipsius gratiæ sanctificantis, a qua contritio essentia iter oriri postulat. Cum hoc tamen recte cohæret contritionem ipsam esse dispositionem ad connaturalem gratiæ receptionem, eamque praire in genere causæ materialis, licet sit posterior gratia in genere causæ efficientis, et formalis juxta ea quæ scripsimus, et satis firmata manent tract. de justificat. disp. 3, dub. 3. Quare illatio illa Suarez solum tenet in dispositionibus antecedentibus formam, ad quam disponunt, non vero de ipsam comitantibus; hæc quippe ita subsequuntur, quod etiam se tenent ex parte subjecti, et in eodem genere causæ sub alterno cum ipso præcedunt formam, ut ex doctrina nedum D. Thomæ in Theologicis, sed etiam ipsius Philosophi naturalis probant discipuli D. Thomæ, quos loco citato retulimus. Et ex hoc capite bene compatitur necessitas contritionis ad superandam gravem temptationem, et quod homo per accidens ad illam teneatur; licet contritio sit prædicto modo effectus gratiæ, et supponat ipsam, subindeque subactam, ac sedatam temptationem.

Magis displicet secunda animadversio, utpote quæ procedere videtur ex non satis penetrata obligatione per accidens. Hæc quippe semper est, et esse debet extrinseca, et aliunde, quam ex ipso præcepto, ortum ducens, nec ejus transgressio est speciale peccatum. Quare si contritio est necessaria ad tuendam castitatem in occurrentia gravis temptationis, omissio contritionis non est diversum peccatum a violatione casti-

Evertun-
tur mo-
tiva
P. Suárez.

tatis; quia cum non obliget in illo casu contritio nisi ratione castitatis servandæ in ea occasione; totum pondus obligationis reducitur ad ipsam castitatis observantiam, cuius proinde transgressio est dumtaxat culpabilis. Et sic verum est quod omissio contritionis non sit speciale peccatum, ut docet Suarez. Sed hoc non fuit animadversione dignum, utpote commune, et annexum cuilibet obligationi per accidens.

Quartus
casus.

347. Quarto denique obligat per accidens præceptum contritionis in casu imminentis supplicii totius communis; quod quia est malum commune, quilibet particularis tenetur avertere pro suo posse. Si enim ob peccata particularia probabiliter timetur Deum punirerem publicam, sicut propter solum peccatum Acham punivit totum exercitum Israel, ut habetur Josue 7, ratio ipsa postulare videtur, ut personæ privatae media priorum peccatorum detestatione, lenire conentur indignationem Dei, et placare divinam justitiam, ne forte ob cujusque delicta tota plebs, aut respublica tantum malum subire contingat; hoc enim postulat vinculum Charitatis, et partis ad totum illæsum servandum naturalis propensio, quæ in moralibus servari debet. Atque ita docent post Navarrum, et Petrum de Soto, Suarez, Gonet, et alii. Quos casus in particulari annumerasse sufficiat, quin excludamus alios, qui possint evenire, et juxta supra positam doctrinam D. Thomæ regulari debent. Reliquum est, ut articulorum ordinem percurramus.

ARTICULUS IV.

Utrum voluntas sit proprie subjectum Pœnitentia?

Ad quartum sic proceditur. Videtur quod subjectum Pœnitentiae non sit proprie voluntas. Pœnitentia enim est tristitia species. Sed tristitia est in concupiscibili, sicut et gaudium. Ergo Pœnitentia est in concupiscibili.

Præterea, Pœnitentia est vindicta quædam sicut Augustinus in lib. de Pœnitentia. Sed vindicta videtur ad irascibilem pertinere: quia ira est appetitus vindictæ. Ergo videtur quod Pœnitentia sit in irascibili.

Præterea, Præteritum est proprium objectum memoriae. Secundum Philosopham in lib. de Memoria. Sed Pœnitentia est de præterito: ut dictum est. Ergo Pœnitentia est in memoria sicut in subiecto.

Præterea, Nihil agit ubi non est. Sed Pœnitentia excludit peccatum ab omnibus virutibus animæ. Ergo Pœnitentia est in qualibet vi animæ, et non in voluntate tantum.

Sed contra. Pœnitentia est sacrificium quoddam: secundum illud Psal. sacrificium Deo Spiritus contributus. Sed offere sacrificium, est actus voluntatis: secundum illud Psal. voluntarie sacrificabo tibi. Ergo Pœnitentia est in voluntate.

Respondeo dicendum, quod de Pœnitentia duplique loqui possumus. Uno modo, secundum quod est passio quædam. Et sic cum sit species tristitiae, est in concupiscibili sicut in subiecto. Alio modo, secundum quod est virtus. Et sic sicut dictum est, est species justitiae.

Justitia autem (ut in secunda parte habitum est) habet pro subiecto appetitum rationis, qui est voluntas. Unde manifestum est, quod Pœnitentia, secundum quod est virtus, est in voluntate sicut in subiecto, et proprius ejus actus est propositum emendandi Deo illud, quod contra eum commissum est.

Ad primum ergo dicendum, quod ratio illa procedit de Pœnitentia, secundum quod est passio.

Ad secundum dicendum, quod vindictam appetere, ex passione de alio, pertinet ad irascibilem. Sed appetere vel accere vindictam ex ratione de se vel de alio, pertinet ad voluntatem.

Ad tertium dicendum, quod memoria est vis apprehensiva præteriti. Pœnitentia autem non pertinet ad vim appetitivam, quæ presupponit actum apprehensiva. Unde Pœnitentia non est in memoria: sed presupponit eam.

Ad quartum dicendum, quod voluntas (sicut in Prima parte habitum est) movet omnes alias potentias animæ. Et ideo non est inconveniens, si Pœnitentia in voluntate existens, aliquid in singulis potentiis animæ operetur.

Prima Conclusio: Pœnitentia ut est virtus est in voluntate ut in proprio subiecto.

Secunda Conclusio: Pœnitentiae ut est passio proprium subiectum est appetitus sensitivus, non irascibilis, sed concupiscibilis, ubi etiam est tristitia, cuius est species.

Tertia Conclusio: Non quælibet voluntas est subiectum Pœnitentiae, sed sola illa, quæ est capax peccandi, et peccatum semel commissum corrigendi.

COMMENTARIUS ARTICULI,

Et elucidatio assertionum.

1. Postquam Doctor Angelicus art. 3 præcedenti virtutem Pœnitentiae inter justitiae imperfectas species collocavit, in hoc art. 4, ad investigandum ejus proprium subiectum se accinxit, et tres præactas assertiones statuit, ut constat ex corpore ejusdem articuli. In quo primo distinxit Pœnitentiam in seipsam secundum quod est passio, et secundum quod est virtus. Si accipiatur hoc modo, cum sit species justitiae, in eodem subiecto est, quod sibi vindicat justitia. Constat autem justitiam præcipue in voluntate esse, ut constat ex ejus definitione, a Theologis, et juris peritis unanimiter recepta, quod est constans, et perpetua voluntas jus suum unicuique tribuendi, et statuerat S. Doctor 1, 2, quæ-t 56, art. 6. Accepta vero Pœnitentia in prima consideratione, nequit ad voluntatem immediate pertinere, sed reduci debet ad partem inferiorem seu appetitum sensitivum, in quo proprie sunt passiones, quæ regulari, et ad mediocritatem reduci debeant. Et quia est species tristitiae, ob eandem rationem, quæ dicta fuit de justitia, debet in parte illa sensitiva collocari, in qua fuerit, aut esse debuerit tristitia, et hanc constat sibi vindicare partem concupiscibilem; unde consequens esse debet in hac eadem parte concupiscibili esse debere et

et Pœnitentiam, ut passionis habet rationem.

Verum enim vero, quia virtus Pœnitentiae ita importat dolorem, et tristitiam de peccatis, quod etiam affert propositum emendationis in futurum, ut sit vera Pœnitentia; idecirco eam voluntatem postulat, quæ in alterutram harum partium sit veritabilis, ac flexibilis: quod solum competit voluntati illi, quæ modo in malum, modo in bonum possit verti, atque ideo solum voluntas, quæ est capax peccandi, et a peccato resipiscendi, est subjectum Pœnitentiae. Unde manent elucidatae in communi, et veluti rudi minerva assertiones D. Thomæ in hoc articulo.

2. In quo plane supposuit S. Doctor distinctionem realem animæ ab ejus potentia, necnon gætiaæ ab ipsis virtutibus, ex alibi a se traditis. Si enim hoc non supposuisse set in cassum iret tota investigatio, et rueret doctrina tradita, ut ex se constat. Unde fit consequens supposuisse etiam Pœnitentiam realiter a gratia distingui, subindeque diversum subjectum ex vi hujus sibi vindicare posse; alioqui enim, cum in via S. Doctoris gratia immediate afficiat animam, ut proprium et immediatum subjectum, ibi etiam collocari debet Pœnitentia: non enim idem numero accidens potest esse in subjectis realiter, et essentialiter diversis, cum veritas numerica formæ a subjecto, vel ab ordine ad illud accipienda sit, ut est perpetua doctrina Philosophi, et D. Thomæ.

Unde obiter exclusa manet sententia Altisiodorensis lib. 4, tract. 6, qu. 3 et aliorum, quos supra refellimus, existimantium pœnitentiam recepi in omnibus viribus animæ peccato subjectis. Cum enim senserint Pœnitentiam esse conditionem generalem omnium virtutum, et haec non unam, sed plures potentias afficiant, nemus spirituales, sed etiam corporeas, consequenter docere tenentur in omnibus illis debere esse Pœnitentiam. Haec, inquam, sententia suppressa fuit hic a D. Thoma unicum, et singulare subjectum Pœnitentiae proprium designando, exclusis aliis, utputa intellectu, memoria, viribus apprehensivis, et appetitivis infra voluntatem, in quibus omnibus constat esse virtutes morales.

3. Restat tamen circa primam conditio-
nem duplex difficultas non omitti digna.
Primæ occasionem dedit Alexander 4 p.
q. 12, memb. 2, art. 3, § 2, ubi asseruit

virtutem Pœnitentiae subjectari in libero arbitrio, non quatenus liberum arbitrium reipsa coincidit cum voluntate; sed quatenus integratur ex illa et intellectu, quo pacto ex ratione, et deliberatione procedit ad electionem mediorum. Unde sumitur argumentum contra prædictam assertiōnem: quia Pœnitentia procedit cum judicio; judicium autem, cum sit munus judicis, et actus justitiae, pertinet ad intellectum, ut etiam docet D. Thomas 2, 2, q. 60, art. 1. Ergo cum pœnitentia sit species justitiae, et cum judicio procedat, nequit non ad liberum arbitrium modo prædicto pertinere. Eo præsertim, quia juxta D. Thomam 2, 2, q. 24, Charitas non subiectatur in libero arbitrio, sed in voluntate, vel ex eo solum quod liberum arbitrium est distincta potentia a voluntate; haec enim teste Philosopho 3 Ethic. solius est finis; sed liberum arbitrium est vis electiva mediorum, quapropter Charitas illam, et non istud respicit ut proprium subjectum. Cum ergo Pœnitentia non versetur circa finem ultimum immediate, quod est proprium Charitatis, sed circa media; consequens esse videtur, non subjectari in voluntate, ut voluntas est, sed in libero arbitrio.

Hoc tamen argumentum non enervat aut conclusionem, aut ejus fundamentum, ut evidenter probat diffinitio supra dicta de justitia, cuius est pars potentialis Pœnitentia. Præterquam quod suppetit alia ratio satis efficax: quia cum virtus sit propter rectitudinem actus, ibi collocanda est, ubi rectitudo actus perficitur, et consummatur, ut est perspicuum; Pœnitentia autem non respicit rectitudinem propriam intellectus, sed ea aliunde supposita, inclinat ad rectificandam voluntatem media conversione ad Deum, a quo erat aversa per peccatum; atque ideo non intellectum, sed voluntatem immediate afficere debet. Quo discursu probavit D. Angelicus 2, 2, q. 58, art. 4 justiam non esse tanquam in proprio, et immediato subjecto, nisi in voluntate, licet debeat supponere ex parte intellectus judicium, quo ea, et ejus actus debeant regulari.

Unde corruit objectum argumentum, quod nihil probat, ut constat ex doctrina D. Thomæ loco ibi citato, ubi explicans D. Thom. mas. qualiter judicium sit actus voluntatis, et qualiter etiam rationis, inquit: *In omnibus tamen ad rectum judicium duo requiruntur, quorum unum est ipsa virtus proferens judicium, et sic judicium est actus*

rationis; dicere enim vel diffinire aliquid rationis est. Aliud autem est dispositio judicantis, ex qua idoneitatem habet ad recte judicandum: et sic in iis, quæ pertinent ad justitiam, judicium procedit ex justitia, sicut in his, quæ pertinent ad fortitudinem, ex fortitudine. Sic ergo judicium est quidam actus justitiae, sicut inclinantis ad recte judicandum, Prudentia autem sicut judicium proferentis. Atque ideo ab hac virtute procedit elicitive, ab illa vero applicative, seu imperative. Ex quo potius sequitur oppositum intentioni arguentis.

Idem. Nec etiam premit additamentum, ut constat ex eodem D. Thoma loco ibi citato art. 1 ad 3, ubi ait quod liberum arbitrium non est alia potentia a voluntate, ut in 1 dictum est (videlicet 1, p. quæst. 83, art. 4). Et tamen Charitas non est in voluntate secundum rationem liberi arbitrii, cuius actus est eligere. Electio enim est eorum, quæ sunt ad finem, voluntas autem est ipsius finis, ut dicitur in 3 Ethic. Unde Charitas, cuius objectum est finis ultimus, magis debet dici esse in voluntate, quam in libero arbitrio. Hoc tamen non obest, quominus tam Pœnitentia, quam plures aliæ virtutes absolute afficiant immediate voluntatem, ut hic intenditur; licet aliæ sint, quæ ipsam resipiant sub ratione voluntatis attingentis finem, ut de Charitate statuit S. Doctor; reliquæ vero aliæ inferiores, quibus incumbit mediorum electio, non eam afficiant, nisi sub ratione liberi arbitrii. Et hoc quidem commune est omnibus alijs virtutibus moralibus; quocirca si objectio probaret, nulla alia præter Charitatem, et spem foret applicanda voluntati, quod est falsum, et improbable.

Secundum quam rationem voluntas sit subiectum pœnitentiae.
Opinio D. Bonaventura in 4, dist. 4, artic. 2, quæst. 1, ubi convenit cum D. Thoma in eo, quod Pœnitentia resideat in voluntate tanquam in subiecto proprio; dissentit vero in assignanda ratione formalis, sub qua illi inhæreat: quia prædicta virtus non afficit appetitum rationalem, qua concupiscibilis est, sed ut eminenter habet munus irascibilis. Et ratio illius fuit: quia proprium munus Pœnitentiae est infligere poenam pro culpis: sed infligere poenam pro culpis pertinet ad irascibilem, non vero ad concupiscibilem: ergo ad illam, et non ad istam debet Pœnitentia reduci, atque ideo non in concupiscibili, sed in irascibili parte collocanda est. Probatur Minor, nam inflictio suppliciorum

pro delictis est proprium justitiae vindicativae; sed justitia vindicativa est in voluntate prout irascibili, nec pertinere potest ad concupiscibilem, cuius est attingere delectabile secundum sensum, aut secundum se, quod longe abest a Pœnitentia, ut constat ex dictis initio hujus tractatus, ubi Pœnitentiam illam ab haereticis obtrusam, suavem, placidam, et minime laboriosam, explosimus ut inimicam Pœnitentiae Christianæ: ergo Pœnitentia, quæ sit virtus non in voluntate ut concupiscibili, sed in ea, quæ est eminenter irascibilis, collocari debet.

Verum enim vero hoc fundamentum sicut non probat Pœnitentiam esse propriam justitiam vindicativam, aut ejus speciem: ita non suadet intentum. Quia ad assignandum proprium subjectum formæ non tam debet attendi ad analogiam aliquam, secundum quam modus unius formæ assimilatur alteri, quam ad entitatem specificam ipsius formæ, juxta quam propriæ species, propriumque subjectum, penes quod individuat, regulari debent. Licet autem Pœnitentia aliquo modo reduci valeat ad justitiam vindicativam, ut non negat D. Thomas, quin sœpe incidat, absolute tamen ab ea differt: nam in vindicativa (verba sunt ejus non semel allegata ex quæst. 90, art. 2) justitia fit recompensatio secundum arbitrium judicis, non secundum voluntatem offendit, vel offensi; sed in Pœnitentia fit recompensatio offendæ secundum voluntatem peccantis, et secundum arbitrium Dei, in quem peccatur. Et inde elicit S. Doctor rationem differentiæ subiungens: quia hic non queritur sola integratio æqualitatis justitiae (sicut in justitia vindicativa), sed magis reconciliatio amicitiae: quod fit dum offendens recompensat secundum voluntatem ejus, quem offendit. Unde ex eo quod vindicativa justitia afficiat voluntatem, ut est eminenter irascibilis, non bene deducitur sub eadem ratione respici a Pœnitentia. Sed quia importat dolorem, et tristitiam de peccato quæ sunt inconvenientia nature concupiscibili, dicendum, ac asserendum est afficere voluntatem sub ratione concupiscibili. Atque ita tenent ultra discipulos D. Thome Scotus in 4, dist. 14, quæst. 2, art. 4. Ricard. art. 3. Dionis. quæst. 2. Vasquez dub. 1. Valentia punct. 2.

5. Secunda conclusio constat ex prima: nam si Pœnitentia sub ratione virtutis afficit voluntatem quatenus concupisci-
bilem

Verio
senten
tia.

D. Tho-
mus.
Scotus.
Ricard.
Diony-
sius.
Vazquez.
Valentia.
Pœnitentia in
appellati-
vem sen-
sitivo.

lem eminenter; eadem ratione Pœnitentia sub conceptu passionis, quo pacto pertinet ad ordinem sensibilem, nequit non afficere immediate potentiam concupiscibilem, quæ in hoc ordine magis contracto, et materiali distinguitur realiter a potentia irascibili, ut docent N. Complut. ad lib. de Anima disp. 22, quæst. 2. Quia tamen sub hac ratione, si reguletur per prudentiam, est actus virtuosus, et valde honestus, et explicuimus in annot. ad art. 4 hujus quæstionis, superest examinare difficultatem ibi leviter tactam, et in hunc locum remissam, quæ gravis est, et ex utraque parte non contemnendos patronos habet: An, videlicet, in parte sensitiva pro elicendo hujusmodi actu concedendum sit specialis habitus, qui resideat in appetitu sensitivo, vel oriatur immediate a Pœnitentia existente in voluntate?

In qua difficultate cogimur ad tuendam decisionem loco citato indicatam ex doctrina D. Thomæ in hoc articulo, ubi cum sibi opposuisset quartum argumentum ad probandum Pœnitentiam non posse immediate afficere solam voluntatem, sed esse etiam debere in appetitu sensitivo, sub hac forma: *Nihil agit, ubi non est: sed Pœnitentia excludit peccatum ab omnibus viribus animæ: ergo Pœnitentia est in qualibet vi animæ, et non in voluntate tantum.* Cum itaque ita arguisset, responsum fuit hujusmodi: *Ad quartum dicendum, quod voluntas, sicut in 1 p. habitum est (quæst. 82, art. 4), movet omnes alias potentias animæ. Et ideo non est inconveniens, si Pœnitentia in voluntate existens, aliquid in singulis potentiis animæ operetur.* Ubi, ut vides, comparat S. Doctor motionem voluntatis influxui Pœnitentiae in partem sensitivam: sed ex motione voluntatis in vires inferiores nulla in illis consurgit virtus, sed tantummodo ex ratione superiori, ut explicuimus tract. de virt. disp. 1, dub. 1 et 2; ergo nec etiam ex influxu Pœnitentiae in dolorem sensibilem pro peccato.

Expressius adhuc locutus fuit Angelicus Præceptor in 4, dist. 14, quæst. 1, art. 3, quæst. 4, docens Pœnitentiam sumptam pro passione esse in concupiscibili subjective, et non esse habitum, sed actualē motum doloris, ac tristitiae circa peccata commissa. Et quia hoc pertinere debet ad illam partem sensitivam, quæ nata est moveri motibus gaudii, delectationis, et amoris circa delectabilia secundum sen-

sum, aut his contrariis; idcirco Pœnitentia In parte
prout passio non ad irascibilem, sed ad sensitiva
concupiscibilem ut ab ipsa Pœnitentia su-
periori motam debet pertinere. Non ergo
ex mente D. Thomæ adstrui potest alia
virtus Pœnitentiae in parte sensitiva, quam
Nugnus. Arauxo.
Nuno, Arauxo, Gonet, et alii quibus Vasquez.
subscriptibit Vasquez.

Probatur etiam ratione: quia si daretur Funda-
in appetitu sensitivo illa virtus, deberet mentum.
esse supernaturalis: hoc autem est falsum:
ergo falsum etiam est dari in appetitu sen-
sitivo veram virtutem Pœnitentiae. Conse-
quentia constat: Major probatur: nam
illa virtus est supernaturalis, quæ moveri
postulat a ratione supernaturali, et tendit
in objectum formaliter supernaturalē: sed
Pœnitentia sumpta pro passione, ut sit
actus virtuosus debet regulari per pruden-
tiam supernaturalem, et moveri a Pœnitentia
existente in voluntate, quæ est super-
naturalis; absque hac enim motione, et
regulatione non est actus virtutis, sed pura
passio naturalis præveniens rationem: ergo
necessarium foret, quod esset super-
naturalis. Quod vero hoc sit falsum proba-
tur: quia virtus supernaturalis infunditur
a Deo immediate, quin ad ejus infusio-
nem, aut augmentum effective concurrat
principium creatum, sed tantum se habet
dispositive, et ad summum meritorie: sed
Pœnitentia ut est passio non infunditur a
Deo, sed ex ipsa ratione naturali habet,
quod consurgat ex malo perpetrato: et ut
constituatur in mediocritate propria virtu-
tis, quin declinet ad extrema, sufficit,
quod reguletur per prudentiam, et efficia-
tur ab ipsa Pœnitentia partis superioris:
ergo falsum est esse in appetitu sensitivo
Pœnitentiam supernaturalem distinctam a
Pœnitentia, quæ est in voluntate.

Ad hæc. Per actus supernaturales non
acquiritur habitus supernaturalis, ut modo
supponimus: nec etiam habitus naturalis:
ergo neuter in præsenti admittendus est in
parte sensitiva. Major constat: nam alias
daretur virtus supernaturalis, quæ non
esset infusa, sed nostris actibus acquisita,
quod non debet amitti. Minor etiam liquet,
quoniam habitus est ejusdem ordinis cum
actibus, ex quibus generatur, ut patet in-
ductione, et in idem objectum formale ha-
bitualiter tendit, in quo actualiter collimant
actus: sed implicat habitum naturalem
tendere in idem objectum formale, aut
ejusdem ordinis esse, cum actibus super-

naturalibus : ergo implicat habitum naturalem acquiri posse per actus supernaturales. Nulla ergo ratione asserendum est dari Pœnitentiam, quæ sit virtus in appetitu sensitivo.

Aliud motivum Præterea suadetur : quia non sunt multiplicandæ entitatis absque necessitate : sed ut Pœnitentia appetitus sensitivi sit actus virtuosus, et rectæ rationi consonus, sufficit motio prudeptiæ, et influxus Pœnitentiæ residentis in voluntate : non ergo est necessarius habitus alias virtutis specialis pro illo actu. Cætera constant præter Minorem, quæ facile probatur : quia magis distat Confessio externa fidei a fide existente in intellectu, quam passio appetitus sensitivi a voluntate, ut est per se notum : sed ad assensum, seu Confessionem externam fidei non requiritur aliqua virtus a fide diversa, sed hæc sola cum prudentia, et applicatione voluntatis sufficit : quocirca docent Theologi Confessionem externam esse actum proprium, et immediatum fidei : ergo eadem prorsus ratione, imo et a fortiori, idem dicendum est de Pœnitentia ut est passio. Nec hic appetitus ex aliquo capite difficultas aliqua, quæ non etiam militet, et solvenda sit in Confessione externa respectu virtutis fidei, ut rem consideranti constabit. Et idem fit argumentum de Pœnitentia externa, ad quam sufficit voluntas interna Pœnitentiæ, quantumvis appetitus sensitivus reclamat, et resistat. Præterquam quod dolor sensibilis, pro quo eliciendo requirunt illi Authores specialem habitum corporeum, nec est necessarius ad veram Pœnitentiam, nec semper eam comitatur, nec demum cadit sub præcepto, ita ut obligetur homo ad eum semper habendum; alias peccaret, qui non semper sensibiliter doleret : non ergo pro eo eliciendo assignandus est habitus specialis, diversus a Pœnitentia partitis superioris.

Aliorum opinio, et fundamen- 6. Contrariam sententiam constituentem in parte sensitiva habitum specialem, pro regenda, et moderanda passione doloris, aut tristitia ex peccatis commissis, tenent Soto ad illam distinctionem 14, quæst. 2, art. 4. Paludanus. ibidem qu. 2. Suarez disp. 7, sect. 1. Valentia punct. 2. Quorum præcipuum fundamentum revocatur ad hoc, quod dolor de peccato, qui est in appetitu sensitivo est actus virtuosus, et laude dignus, quocirca satis frequenter commendantur in Scriptura lacrymæ pro peccatis effusæ, utpote signum, et effectus

doloris : sed dolor hujusmodi nequit eliciri a Pœnitentia, quæ residet in voluntate : ergo necessario concedenda est alia specialis virtus Pœnitentiæ, quæ sit et deserbiat in appetitu sensitivo ad eliciendum prædictum dolorem. Major, et Consequencia non indigent probatione. Minor vero, in qua est difficultas, multipliciter probari potest, tum quia sicut una potentia nequit actum alterius potentiae elicere; ita et per ratione, nec virtus unius potentiae ad actum alterius se extendere valet. Tum etiam, quia ultra difficultatem, quæ est in voluntate, est etiam in appetitu sensitivo specialis alia difficultas : multiplicari autem virtutes ad multiplicationem difficultatum, perspicuum est, quia quælibet virtus destinatur ad propriam, et non alienam superandam difficultatem; aliqui enim unica sola virtute pro omnibus evincendis constituta, cunctæ aliae superfluerent. Tum etiam, quia ob assignatas rationes ultra liberalitatem residentem in voluntate, agnoscent Theologi aliam distinctam, quæ sibi vindicat appetitum sensitivum ut proprium subjectum, estque essentialiter a prima diversa.

Hoc tamen fundamentum non sufficit ad evertendam doctrinam traditam, ut constat ex alia doctrina D. Thomæ 1, 2, quæst. 56, art. 2, ubi docet aliquam virtutem posse esse dupliciter in duplice potentia, vel æqualiter, et ex æquo, quo pacto id est impossibile tum ob diversitatem subjectorum, in quibus idem numero accidens nequit reperi, tum ob diversitatem objectorum : quoniam diversitas potentiarum sumitur ex universaliori ratione objectorum, et ideo in diversis potentias non possunt esse habitus ejusdem rationis; siquidem objectum cuius ibet habitus continetur sub objecto ipsius potentiae; atque ideo impossibile est diversis potentias reperi, eosdem virtutum, aut scientiarum habitus. Et hoc modo planum est Pœnitentiam residentem in voluntate non posse reperi immediate in appetitu sensitivo, imo nec etiam in intellectu nequit eo pacto afficere voluntatem, aut aliam potentiam. Alio modo (inquit D. Thomas) potest esse aliquid in duabus, vel pluribus, non ex æquo, sed ordine quodam : et sic una virtus pertinere potest ad plures potentias, ita quod in una sit principalius, et se extendat ad alias per modum diffusionis, vel per modum dispositionis, secundum quod una potentia mouetur ab aliis,

Soto.
Paludan-
nus.
Suarez.
Valentia.

alia, et secundum quod una potentia accipit ab alia. Qualiter virtus intellectus est in voluntate, et hujus efficacia reperitur in intellectu, et utriusque influxus participatur in viribus inferioribus, et pervenit usque ad ipsa membra externa. De quo plura diximus tract. de Virt. disp. 2, dub. 1, quae omnino videri debent, utpote prorsus necessaria ad plures difficultates extricandas, et veritatem e tenebris eruendam.

7. Porro ex ista doctrina nullo negotio dispellitur argumentum, quod aliquam praesse ferebat obscuritatem. Nam concessa Majori, neganda est Minor. Et ad primam probationem dicas, quod licet una potentia nequeat esse formaliter, et inhaesive in alia, nec consequenter proxime, et immediate actum alterius elicere, et eadem ratio est de actibus; nihilominus tamen quam optime queit una potentia medio proprio actu movere, et applicare potentiam inferiorum, ut eliciat proprium actum ut subordinatum potentiae superiori moventi. Et hoc modo directio rationis inventur in omni, et quolibet actu virtutis, sive spiritualis, sive corporeæ, et efficacia voluntatis se diffundit nedum ad intellectum, sed etiam ad omnes vires inferiores. Et eadem ratio est de virtute Pœnitentiae respectu doloris sensibilis, quin obici sit immanentia actuum voluntatis, ut aliqui causari videntur; quia sunt virtualiter, et quoad efficaciam transeuntes in alias potentias, quoad hoc inferiores, et juvat communis radix ejusdem animæ, cui deseruire natæ sunt omnes vires; ad quod quidem se invicem fovere debent, et mutuo juvare, prout necessitas postulaverit. Quare licet Pœnitentia non valeat immediate producere dolorem sensibilem absque interventione appetitus sensibilis; et in hoc sensu dolor sensibilis immediate procedat a parte concupisibili; attamen ipsem dolor sensibilis in ratione virtuosi non aliam immediatiorem causam habet, quam Pœnitentiam residentem in voluntate, potestque, et dici debet ad hunc sensum actus elicitus illius, ad eum sane modum, quo oratio, quæ est in intellectu dicitur a D. Thoma actus elicitus virtutis Religionis residentis in voluntate, eo quod tota rectitudo orationis provenit a predicta virtute, et eam non habet ab intellectu, nisi ut subordinata illius influxui, ut expendimus loco nuper citato ex tract. de Virt. § 2, art. 8.

Ex quo non debet inferri aut potentiam, aut virtutem a iquam proprie elicere actum alterius potentiae, vel virtutis, ut aliqui perperam deduci existimant: bene vero quod una potentia, aut virtus perficit suo influxu, ac rectificat actus alterius potentiae, vel virtutis. Quod verissimum est, atque ideo actus in ratione perfecti, et rectificati immediate dependet a potentia movente, et perficiente; et in hoc sensu est actus proprius potentiae superioris; et in nostro casu dolor sensibilis ut regulatus, et virtuosus procedit a Pœnitentia, non excluso influxu Prudentiae, quem quilibet actus virtutis debet supponere, ut proximam regulam suæ rectitudinis.

Ad secundam probationem Minoris dicimus virtutem non debere constitui, nisi in illa potentia, in qua omnino consummatur, ac perficitur actus talis virtutis: dolor autem sensibilis non perficit, nec consummat pœnitentiae perfectionem, licet quandoque eam supponat, et ab ea procedat. Quod explicare possumus verbis D. Thomæ 4, 2, quæst. 59, art. 5, quæ sic D. Thom. se-habent: *Virtutes vero morales, quæ non sunt circa passiones, sed circa operationes (de quorum numero est Pœnitentia) possunt esse sine passionibus, et hujusmodi virtus est justitia, quia per eam applicatur voluntas ad proprium actum, qui non est passio, sed tamen ad actum justitiae sequitur gaudium, ad minus in voluntate, quod non est passio: et si hoc gaudium multiplicetur ad perfectionem, sicut gaudi redundantia usque ad appetitum sensitivum secundum quod vires inferiores sequuntur motum superiorum, ut supra dictum est. Et sic per redundantiam hujusmodi, quanto magis fuerit perfectior, tanto magis passionem causat. Sicut ergo gaudium redundans a parte superiori justitiae in inferiorem, nec importat difficultatem, nec postulat virtutem distinctam ab ipsa justitia, sed consequitur magis, vel minus, per se loquendo, juxta majorem, vel minorem perfectionem praedictæ virtutis: haud dissimiliter dolor sensibilis per se loquendo sequitur ad dolorem seu actum superioris Pœnitentiae, nec postulat aliam virtutem, sed oritur ex quadam redundantia partis superioris in inferiorem. Cum enim Pœnitentia sit justitia hominis ad Deum, non versatur circa passiones, nec eas moderari intendit, sed tantummodo reddere Deum placatum, et quo intensior fuerit hic motus in Deum contra peccatum, eo ciet dolorem per se loquendo*

Idem.

magis sensibilem. Quam applicationem haud obscure tradidit D. Thomas quæst. præcedenti. art. 9 ad 3, dicens : *Tristitia autem, quæ in appetitu sensitivo pœnitentis consequitur ex displicentia voluntatis, passio quædam est, unde moderanda est, unde est secundum virtutem (utique ipsius Pœnitentiae, ad quam consequitur) et ejus superfluitas est viliosa, quia inducit in desperationem.* Unde falsum est illam difficultatem, si quæ forte est, quod non concedimus, non posse vinci a virtute superiori efficaciter detestante peccata; ex qua dolor in inferiorem appetitum diffunditur, ut appetitus durities emolliatur. Quod si non emolliri contingat non eo desinet perfecta Pœnitentia.

Ad tertiam probationem concedimus duplicum liberalitatem, quarum altera sit in appetitu rationali, et altera reperiatur in appetitu sensitivo, imo et duplicum etiam misericordiam juxta doctrinam D. Thomæ 2, 2, q. 30, art. 3 et duplicum rursus magnificentiam, de quibus tract. de Virtutibus disp. 2, dub. 3, § 3, n. 55, sed negamus Consequentiam. Ratio discriminis est ibi tradita ex diversitate objectorum : nam liberalitas, et magnificentia, quæ sunt in appetitu sensitivo, sunt partes temperantiae, et fortitudinis, versanturque immediate, et directe in moderandis passionibus circa sumptus, et pecunias, ut non plus homo appetat, aut timeat amittere, quam oporteat. At vero quæ ponuntur in voluntate sunt partes justitiae, et in alterum tendunt, in cuius utilitatem expendi oportet facultates, dum ratio postulat, et prudentia dictat : et eadem ratio proportionabiliter est de misericordia. Cæterum in nostro casu nec est diversum objectum formale, ut liquet, nec Pœnitentia est virtus, quæ directe, et immediate intendant moderationem passionis tristitiae, vel solum placare Deum media contritione, ex qua consequitur in appetitu sensitivo dolor, sicut ex justitia gaudium, ut constat ex dictis, et ideo non est simile. Videatur Arauxo dub. 2 ad hunc articulum.

8. Ad tertiam assertionis elucidationem longiorem possemus texere disputationem, si quæ illam concernunt, majori ex parte non fuissent discussa, et determinata locis statim allegandis hujus nostri cursus. Quapropter breviter difficultati obnoxia expedienda sunt. Et quidem an in Christo Dominio fuerit, aut esse potuerit Pœnitentia? constat ex tract. de Gratia Christi disp. 14,

dub. 2, ubi hanc difficultatem late versavimus, et negativam sententiam contra Suarez, et alios Recentiores, qua potuimus efficacia stabilire conati sumus. Nec modo occurrit specialis difficultas, cui ex ibi dictis facile non possit occurri; quin imo præsens assertio est illius decisionis valida confirmatio; nam verum vero consonat. Et si in aliis, certe, in hoc maxime commendabills enitet doctrina Præceptoris Angelici, semper una, semper eadem, numquam altera, nec a se ipsa discissa. Eadem promptitudine nos extricabimus ab eadem difficultate, quæ circa Angelos excitari posset, quorum aliquos de fide est aliquando peccasse, unde consequitur in statu viæ omnes proprie naturæ relictos esse peccabiles contra finem supernaturalem, ut suo loco explicuimus. Unde quod cuncti non fuerint lapsi, gratia deferendum est. Quo supposito, emergit difficultas, an saltem in Angelis sanctis modo sit Pœnitentia saltem ad ornatum, ut esse in animabus Deum videntibus docent communiter Theologi.

Hæc tamen disputatio extincta manet ex dictis tract. de Angelis disp. 13, ubi pro immediata râdice obstinationis malorum Angelorum assignavimus cum D. Thoma inflexibilitatem liberi arbitrii eorumdem, vi cuius redduntur impotentes converti ab eo, quod semel vel bene, vel prave apud se statuerunt, et elegunt; quocirca vel obstinati in malo, vel consimilati in bono necessario, supposita determinatione ad ultimum finem, permaneserunt : et ideo semel deficiens Angelus nequit resipiscere, sicut nec deficere, qui semel ad Deum conversus fuit. Voluntas autem, in qua sola esse potest Pœnitentia, debet esse vertibilis de mala in bonam per emendationem, ut hic statuit D. Thomas, et e converso, atque ideo non fuit in Angelis sive bonis, sive malis, nec esse potuit, virtus Pœnitentiae. Sed audiamus Doctorem Angelicum in 4, dist. 14, quæst. 4, art. 3, quæstiunc. 4, in corpore : *Alio modo accipitur secundum quod est virtus : et hoc modo detestari malum commissum cum emendationis proposito, et intentione expiandi, vel Deum placandi de offensa commissa, est actus ejus. Detestatio autem mali competit alicui, secundum quod habet ordinem naturalem ad bonum. Et quia in nulla creatura talis ordinatio totaliter tollitur, ideo etiam in damnatis talis detestatio manet, et per consequens pœnitentia passio,*

Attin-
guntur
quædam
difficul-
ties re-
missive.

An in
Christo
pœnitentia.

An ir
Angelis

D. Thon

70

passio, vel similis ei, ut dicitur Sap. 5 : Intra se gementes, et penitentiam agentes. Et haec quidem penitentia, cum non sit habitus, sed passio, vel actus, nullo modo in beatis Angelis esse potest, in quibus peccata commissa non praecesserunt. Sed in malis Angelis est, cum sit eadem de ipsis, et de animabus damnatorum : quia secundum Damascenum, quod est homini mors, hoc est angelis casus. Sed peccatum angelii est irremissible, ut in 2 lib. dictum est. Et quia peccatum ut remissibile, et expiable est propria materia istius virtutis, quæ Pœnitentia dicitur : ideo cum materia non possit eis competere, non adest eis potentia exequendi in actu : et ideo nec habitus eis convenit : et ideo angelii susceptivi Pœnitentia virtutis esse non possunt. In quibus verbis et sententiam, et ejus fundamentalem rationem tradidit S. Doctor : nam ubi ab intrinseco, et absolute repugnat materia circa quam, vel objectum virtutis, repugnat et ipsa virtus, ut videtur perspicuum, quidquid alii ad veritatem nebulis obducendam in contrarium obtrudere velint : sed materia circa quam, seu objectum virtutis Pœnitentiae est peccatum ut emendabile media contritione : ergo ubi hoc repugnaverit, qualiter ostensum est repugnare angelis, necessario asserendum est, et esse omnino repugnantem virtutem Pœnitentiae.

9. Quare solum superest examinandum ; an idem dicendum sit de beatissima Virgine, quam immunem fuisse ab omni peccato, etiam veniali, definitum est in Tridentino sess. 6, can. 23. In quo dissentienti Autores, nam Almain. in 4, dist. 14, quæst. 2. Gabriel ibidem quæst. 4, quibus adhæsit Vasquez, et ex Thomistis Nuno, excludere conantur a B. Virgine virtutem Pœnitentiae, eo quod nec peccaverit aliquando, nec etiam peccare potuerit saltem juxta regulas præsentis providentiae.

Eis tamen refragantur nobilissimi Theologi, Paludan. in 4, dist. 14, quæst. 4. Palacios ibidem quæst. 6, Soto, Suarez, Valencia, Pesantius, Henriquez, Arauxo, et novissime Gonet, quibus præluisit D. Thomas, licet non ex professo quæstionem excitaverit. Ratio autem, qua probat 8. Doctor hanc virtutem fuisse in Adamo in statu innocentiae, pariter evincit non debere excludi a B. Virgine, ut eam subjiciendo constabit : *Quia substractio materiæ (inquit Angelicus Doctor) tollit actu, propter hoc, quod actus non potest esse sine materia, in quam transit : ideo habitus*

alicujus virtutis competit alicui, cui non suppetit materia. Et determinat rationem, quia habitus est medium inter potentiam, et actum, et remoto priori removetur posterius, id est, ablata potentia, e medio tollitur habitus, qui est determinatio, et facilitas potentiae; sed non e converso, quia non stante actu in sensu statim explicando ab ipsomet D. Thoma, permanet habitus, propter hoc, quod suppetere potest, et ita in actu exire. Sicul pauper homo potest habere habitum magnificentiarum, sed non actu, quia non habet magnitudinem diviliarum, quæ sunt materia magnificentiarum sed potest habere. Et ideo cum innocentes in statu innocentiae non habeant peccata commissa, quæ sunt materia Pœnitentiae, sed possunt habere; actus Pœnitentiae in eis esse non potest, sed habitus potest, et hoc si gratiam habeant, cum qua omnes virtutes infunduntur. In quibus ultimis verbis manifeste ostendit D. Thomas se loqui de innocentibus gratiæ præditis, in quibus eo ipso, quod sit gratia, oportet et esse Pœnitentiam ejus comitem, nisi aliunde non oriatur repugnantia. Hanc vero non fuisse in B. Virgine vel ex eo liquet, quod non fuerit ab intrinseco impeccabilis, licet de facto numquam fuerit aliqua peccati aliquid macula coinquinata. Virtus autem non excluditur ex defectu utcumque objecti, seu materiæ, ut ostendit exemplum pauperis adducti a D. Thoma; sed ex impossibilitate intrinseca, qualis fuit in Christo, sed absuit Beatissimæ Virginis, utpote quæ nec ratione sui status puræ viatoris, nec ex aliquo sibi intrinseco fuit impeccabilis, saltem venialiter; sed partim ab intrinseco, et partim ab extrinseco, ex divina providentia forinsecus præservante ita confirmata fuit in gratia, ut nunquam vel levissimam ejus maculam incurrit, ut alibi fusius ostendimus, tractatu scilicet de Gratia, agentes de ejus necessitate ad vitanda venialia. Quare in via D. Thomæ huic secundæ affirmativæ sententiae, postposita prima, standum esse censemus, quin per hoc aliquid derogetur summae sanctitati, et ineffabili Beatissimæ Virginis dignitati, cui similis in pura creatura alia non detur.

10. Porro ex prædicto discursu D. Thomæ haud obscure colligitur, ad asserendum, vel negandam hujusmodi virtutem (idem dicitur de aliis) non tam attendi debere ad statum præsentem, quam ad qualitatem subjecti, an habeat, vel non habeat, præ-

cindendō ab statu præsenti potestatem ex prædicatis intrinsecis ad actum virtutis, vel aliquando habuerit, dummodo alias specialem non importet repugnantiam, quæ oriatur ex effectibus formalibus prædictorum, vel ex diversitate objectorum inter se incompossibilium, ut de fide cum clara visione, de spe cum possessione suis locis cum ipso D. Thoma statuimus.

Unde fit primo, quod licet Beati sint ab intrinseco impeccabiles ratione status beatifici, non ideo in illo statu eis denegamus Pœnitentiam: *quicumque enim* (inquit D. Thomas quæst. illa citata) *habet habitum Pœnitentia in hac vita, habebit in futura*, licet non habere ibi posset proprium actum, ut patet in potentiis partis vegetativæ post resurrectionem quæ omni actu carebunt; sed quia sunt proprietates animæ, non secus ac virtutes infusæ proprietates gratiæ, idcirco pro ejus ornato permanebunt in patria. Re tamen vera specialem actum, proprium illius status Pœnitentiæ designavit subiungens: *Sed non habebit eundem actum, quem nunc habet, sed alium, scilicet gratias agere Deo pro misericordia relaxante peccata.*

An in statu innocentiae
statio ex D.Thom.

Fit secundo, Pœnitentiam non ablegandam ab statu innocentiae, sed potius in illo asserendam. Quod est contra Vazquez, sed affirmant plerique alii, et quod magis refert, D. Thomas 1 p. quæst. 95, art. 3, ubi eam primis parentibus in illo felicissimo justitiæ originalis statu diserte concedit; cæteris vero innocentibus, ubi nuper, eo quod quamvis innocentes non commiserint peccatum; in aliquo tamen statu eis naturali illud committere potuerunt; et ideo illis habitum Pœnitentiæ habere competit. *Sed tamen habitus iste* (inquit D. Thomas) *numquam in actum exire potest, nisi forte respectu venialium peccatorum, quia peccata mortalia tollunt ipsum. Nec tamen est frustra, quia est perfectio potentia naturalis.* Ex quo non inferas esse de mente D. Thomæ posse in statu innocentiae committi peccatum veniale, absque eo quod prius perpetretur mortale. Hæc enim illatio non est de mente D. Thomæ, nec rationi conformis, ut constat ex ipso S. Doctore 1, 2, quæst. 89, art. 3, ubi oppositum docet, nec non quæst. 7, de Malo, ubi eandem sententiam elucidat, et validissime firmat, ex quo loco aliqua delibavimus tom. 4, de Peccatis in commentario ad prædictum articulum 3 in quo hanc veritatem cum S. Doctore enucleavimus.

Et quidem in præsenti, ut vides, non id absolute determinat; sed sub adverbio *Forte* quod ultimam, et decretoriam sententiam non importat, procedit admittendo alienam sententiam; quia non omnia ubique, et in quolibet loco sunt impugnanda, nec rejicienda; sed aliquando aliorum sensus oportet permettere ad rem magis independenter a propria sententia, circa alia expediendam, quomodo se gessit D. Thomas. Quod enim peccatum mortale dissolvet statum innocentiae erat, et est omnino certum. An vero peccata venialia patetur ille status ante peccatum mortale? erat dubium apud plures, licet perspectum haberet S. Doctor; et ideo maluit aliorum sententiae sub illa dubitatione se accommodare, quam propriæ insistere, et ex professo ventilare.

ARTICULUS V.

Utrum principium Pœnitentia sit ex timore.

Ad quintum sic proceditur. Videtur quod principium pœnitentiæ non sit ex timore. Pœnitentia enim incipit in displicentia peccatorum. Sed hoc pertinet ad charitatem: ut supra dictum est. Ergo pœnitentia magis oritur ex amore, quam ex timore.

Præterea, ad Pœnitentiam homines provocantur per expectationem regni coelestis: secundum illud Matth. 3 et 4: *Pœnitentiam agite, appropinquaret enim regnum celorum.* Sed regnum celorum est objectum spei. Ergo pœnitentia magis procedit ex spe, quodum ex timore.

Præterea. Timor est quidam actus interior homini. Pœnitentia autem non videtur in nobis esse ex opere hominis, sed ex opere Dei: secundum illud Hier. 3:1: *Postquam convertisti me, egi pœnitentiam.* Ergo pœnitentia non procedit ex timore.

Sed contra est, quod I-a. 26 dicitur, sicut quæ concepit, cum appropinquaret ad partum dolens eam at in doloribus suis, sic facti sumus, scilicet per pœnitentiam. Et postea subdicit secundum aliam literam. A timore tuo, Domine, concepimus, et quasi parturimus et peperimus spiritum salutis, id est pœnitentiam salutari: ut per præmissa patet. Ergo pœnitentia procedit ex timore.

Respondeo dicendum, quod de pœnitentia loqui possumus dupliciter. Uno modo quantum ad habitum. Et sic immediate a D:o infunditur sine nobis principaliter operantibus: non tamen sine nobis dispositive cooperantibus per aliquos actus. Alio modo possumus loqui de pœnitentia quantum ad actus, quibus Deo operanti in pœnitentia cooperantur. Quorum actuum primum principium est Dei operatio convertentis cor: secundum illud Thren. ulti. *Converte nos Domine ad te, et convertemur.* Secundum actus est motus fidei. Tertius est motus timoris servilis, quo quis timore suppliciorum a peccatis retributur. Quartus actus est motus spei, quo quis sub spe veniae consequende assumit propositum emendandi. Quintus actus est motus caritatis, quo aliqui peccatum displicet secundum se ipsum, et non jam prpter supplicia. Sextus actus est motus timoris filialis, quo propter reverentiam Dei aliquis emendam Deo voluntarius offert.

Sicut igitur patet, quod actus pœnitentiæ a timore servili procedit sicut a primo motu affectus ad hoc ordinato: a timore autem filiali sicut ab immediato et proximo principio.

Ad primum ergo dicendum, quod peccatum primo incipit homini displicere (maxime peccatori) tam propter supplicia, quæ respicit timor servilis, quam propter Dei offendens vel peccati turpitudinem, quod pertinet ad charitatem.

Ad secundum dicendum, quod in regno celorum appropinquate intelligitur adventus Regis, non solum prestantis,

miantis, sed etiam punientis: Unde et Matth. 3^o Joannes Baptista dicebat, Progenies Viperarum, quis demonstrabit vobis surgere a ventura ira?

Ad tertium dicendum, quod ipse etiam motus tui noris procedit ex actu Dei convertentis cor. Unde dicitur Beat. 5: Quis det eos talem habere mentem, ut timeant me? Et ideo per hoc quod pœnitentia a timore procedit, non excluditur quin procedat ex actu Dei convertentis cor.

Prima Conclusio: Pœnitentia quoad habitum solum Deum habet pro principio, et actus pœnitentis dispositio dumtaxat ad ejus infusionem concurrunt.

Secunda Assertio: Ad actualem Pœnitentiam prior est actio Dei convertentis cor, ad eam sequitur motus fidei, deinde succedit actus timoris servilis, postea motus Spei, deinceps actus charitatis, unde oritur actus timoris filialis, ac tandem actus Pœnitentiæ.

Tertia Conclusio: Actus Pœnitentiae procedit ab utroque timore; a servili, remote; a filiali vero, proxime.

1. Doctrina hujus articuli, quæ supra de supernaturalitate Pœnitentiæ sive habitualis, sive actualis, constituta sunt, illustra, et confirmat, ut consideranti constabat. Admodum etiam deservit, ut monstretur necessitas auxilii supernaturalis Dei, quo humanum cor de sua perversitate, ut olim dicebat Augustinus, in bonum convertatur juxta illud: *Faciam, ut in præceptis meis ambuletis; sine me nihil potestis facere: omnia opera nostra operatus est in nobis Dominus*, et alia innumera sacrae paginæ testimonia, in quibus clarissime ostenditur, nihil boni esse ex nobis, quin prius a Deo non descendat, tanquam a prima, subindeque omnino priori causa omnis boni creati. Quod non solum tenet in donis per modum habitus, quæ proprie dicuntur infundi; sed etiam, et maxime in actuali operatione virtutis, quo enim haec est actualior illa, eo actualliorem gratiam importat, a qua, et sub qua fieri debet; quia sicut bene agere est melius, et Deo gratius, quam posse bene agere, quod est commune bonis, et malis, cum tamen illud primum sit bonorum tantummodo, quia nemo ut malus bene operatur: ita gratia bene agendi est melior, et major, quamque solum deservit ad posse bene agere. Quamobrem sicut absque controversia antefertur, et precedit prioritate saltem naturæ voluntas efficax Dei, qua infundit nedum gratiam sed etiam virtutes, haud dissimiliter antecedere debet eadem voluntas efficax, qua convertatur actualiter creatura in Deum, idque vehementer extorquet testimonium a D. Thoma allegatum ex Thren. ult. *Converte nos Domine ad te, et convertemur.*

Unde agnoscitur quam longe a veritate abeant, qui concedentes catholice primum, mordicus refragantur secundo. Cum tamen Angelicus Doctor utrumque in hoc articulo indivulse statuerit, et supposuerit (ut observat Nuno in ejus expositione) et merito. Nam detrahere a Deo primatum in operando, et convertendo actualiter creaturam media causalitate, et influxu absolute priori ad conversionem ejusdem creaturæ, est derogare influxui primæ causæ, cuius effectus est non solum operatio supernaturalis, sed et maxime ipsam creaturam agere, et elicere supernaturem operationem. Unde prius debet esse prioritate saltem a quo, Deum creaturam convertere, quam quod creatura convertatur, ideoque enixe postulat: *Converte nos Domine, et convertemur*, quia prius est a Deo conversionis nostra, quam a nobis ipsis; alioquin enim actualior gratia subtraheretur Deo, ut deferretur creaturæ; vel non esset ratio, cur prius deferenda esset Deo, quam creaturæ; si quidem in hoc quod est se convertere actu non splendent primatus, aut prioritas actualis inter conversionem prout a creatura, et prout a Deo: nec esset ratio quare magis gloriaretur de conversione in Deo, quam in se ipso, contra illud Apostoli 2, Corinth. 10: *Qui gloriatur, in Domino glorietur*. Sed de hoc uberioris tract. de gratia sufficienti, et efficaci: modo indicasse sufficiat, ut observet lector doctrinam hujus articuli non solum pro hac materia, sed etiam pro aliis: semper enim hic ordo servatur in qualibet bona operatione nostra, nec invertitur, aut inverti potest a Deo: quia sicut est prior in infundendo auxilia sufficientia absque cooperatione nostra, licet eam postulet per modum dispositionis, ita etiam est prior medio auxilio efficaci suæ gratiæ in ipsam operatione, vi cuius ipsummet agere creaturæ est effectus Deus, non minus, quam actio. Et quia actio est effectus Dei, ut catholice nequit negari, ideo supponere debet concursum divinum re ipsa exhibitum et non tantum modo præparatum. Unde fit consequens legitimum, quod etiam agere creaturam, ut ita dicamus, suammet actionem, debeat supponere præstitum eundem influxum ex parte Dei, a quo tam effectus, quam causa ut actu causans dependet. Et ideo non sat est actionem producere, sed insuper est necessarium causam mouere ad actionem,

2. Est tamen difficultas propria hujus

Ordo interactus,
qui ad
justifica-
tionem
concur-
runt.

materiae circa secundam assertionem : An omnes prædicti actus annumerati a D. Thoma sint semper necessarii. Et ordinem præstitutum servare debeant, quoties homo extra Sacramentum justificatur ? In quo est duplex interrogatio, prima de necessitate, secunda de illorum ordine. Et ab hoc secundo incipiendo satis perspicua est doctrina D. Thomæ, confirmata, et veluti approbata in Concilio Tridentino sess. 6, cap. 5 et 6, in quibus agitur de dispositiōnibus ad justificationem, et de modo præparationis ad illam, et prescribitur idem ordo, ut constabit legenti. De quo egimus tract. de Justificat. disp. 3, dub. 5, § 4 per totum, quo mittimus lectorem, ne actuū agere videamus. Circa primam difficultatem supponi debet justificationem posse sumi dupliciter vel pro tota serie actuū, et auxiliorum a primo omnium, usque ad remissionem peccati, in qua sistit totus processus illius, ob idque appellatur a D. Thoma remissio peccati finis justificationis, de quo etiam egimus disputatione immediate citata dub. 1 præcipue, § 3. Vel accipitur pro ipsa infusione gratiæ sanctificantis, et mutationibus illi adjunctis de non esse justum ad esse justum, et de esse peccati ad non esse peccati. Quas fieri in instanti, et non in tempore statuimus cum D. Thoma ibidem disp. 4, dub. 2. Cum tamen in prima acceptione tempus defluere ut in plurimum contingat.

Qui actus concurrant.

Quo supposito respondemus breviter, per se loquendo ad justificationem primo modo sumptam omnes illos actus concurrens, sive antecedenter, ut constat ex iis, quæ diximus dub. 1 disputationis tertiae § 2, de actu fidei, sive paulo ante, sive in ipsa justificatione. Cum enim justificatio sub prædicta consideratione ambiat omnes actus, et auxilia a prima vocatione usque ad ultimum ejus terminum, quo pacto fit successive, et de imperfecto ad perfectum progrediendo; difficile est eximere hominem ab eliciētia prædictorum actuū, quibus paulatim emolliuntur cor, et pedetentim disponit ad procurandam animæ salutem : atque ideo per se loquendo semper tempore antecedent aliqui illorum actus, et aliqui comitantur totam justificationis seriem.

3. Loquendo vero de ipsa justificatione instantanea, seu quoad essentiam, non omnes illi actus existunt formaliter in eo momento infusionis gratiæ, ut statuimus § 4, illius primi dubii. Ubi etiam explicui-

mus, quinam actus sint indispensabiliter necessarii ad justificationem ; quinam vero ut in plurimum, et quinam raro deficiant, sed deficere aliquando valeant. Porro, quia forte eveniet tomum illum ad manum non esse lectori, ne hac doctrina sic in confuso allegata jejunus maneat, summatis præstringimus ordinem ibi statutum, ex Authoribus probatum, et rationibus fulcitum. Et quidem servata adhuc communi providentia semper requiri actum formalem, et expressum charitatis, in quo cæteri alii virtualiter contineantur, docuimus ibi num. 8, ubi etiam statuimus non desiderari semper timorem servilem, cum fieri possit, ex cognitione per fidem moveri hominem ad actum charitatis absque ulla penarum memoria : in quo casu poterit sperare veniam, Deum diligere super omnia, et infallibiliter consequi gratiam. Quod post Theologos ibi allegatos, docuit etiam Nuno in comment. hujus articuli. Nec etiam est indispensabilis formalis actus Spei, ut docent Vega, Arauxo, Gregorius Martinez, Gonet, et alii plures. Quin imo de ipso actu formalis, et expresso Pœnitentiae negavimus cum his, et aliis Theologis ibi allegatis, ut potest contingere ignorantis invincibiliter se esse in peccato, qui nihil minus curare tenetur, quam de actu contritionis, se toto conatu fertur in amorem Dei ex fide cogniti, quem si elicuerit, ut esse possibile non potest negari, supposita ignorantia peccati, gratiam abs dubio, qua justificetur, obtinebit.

4. Inquirunt hic aliqui, an prædicti actus sint dispositiones physicæ, vel morales ad obtainendam gratiam justificationis ? Cui difficultati satisfecimus dub. 5 illius 3 dis. ubi eam versavimus ex professo, et cum D. Thoma, et discipulis sustinuimus non inter morales tantum, ut minus bene aliqui sentiunt, sed inter dispositiones physicæ gratiæ, ad quam, vel proxime, vel remote preparant, esse accensendos.

Diximus *tantum*, ut non negemus suo modo aliquos illorum actus obire posse munus dispositionis etiam moralis, maxime vero si sint de illis, qui remotius se habere solent ad obtainendam gratiam ; quantum ex eorum repetitione se disponit homo ad impetrandam veniam, ut de solo actu fidei, aut spei, imo et attritionis tenendum existimamus : quolibet enim istorum se exerceat homo, ita physicæ se præparat remote ad gratiam, quod etiam impetrare possit uberiora auxilia ad perfectiores

fectiores actus virtutum moralium, et sic gradatim pervenire ad se proxime disponendum mediis actibus charitatis, et contritionis, quibus tantummodo negamus rationem dispositionis moralis, utpote qui physice a gratia procedunt, et ab ea nequeunt separari adhuc de potentia absoluta, ut ibi dicta disp. 3, dub. 3 et 4, fuse probavimus authoritatibus, et Theologicis rationibus.

Circa tertiam assertionem nihil adnotandum occurrit; supposita doctrina supra tradita contra Contempson, qui ex hoc loco motus asseruit actum virtutis Pœnitentiae a timore filiali procedere ut a sui immediato principio, subindeque non esse distinctionem timoris a Pœnitentiae virtute. Quod esse falsum, et contra D. Thomam ostendimus dub. 2 hujus disp. § 4.

ARTICULUS VI.

Utrum Pœnitentia sit prima virtutum?

Ad sextum sic proceditur. Videtur quod pœnitentia sit prima virtutum. Quia super illud Matth. 9: Pœnitentiam agite, dicit gloss. Prima virtus est, per pœnitentiam punire veterem dominem, et vitiæ odisse.

Præterea. Recedere a termino, prius esse videtur, quam accedere ad terminum. Sed omnes aliae virtutes pertinere videntur ad accessum ad terminum (quia per omnes ordinatus homo ad bonum agendum) pœnitentia autem videtur ordinari ad recessum a malo. Ergo pœnitentia videtur esse prior omnibus alii virtutibus.

Præterea, Ante pœnitentiam est peccatum in anima. Sed simul cum peccato nulla virtus animæ inest. Ergo nulla virtus est ante pœnitentiam: sed ipsa videtur esse prima, quæ alia aditum aperit, excludendo peccatum.

Sed contra est quod pœnitentia procedit ex fide, spe, et charitate: sicut jam dictum est. Non ergo est pœnitentia prima virtutum.

Respondeo dicendum, quod in virtutibus non attenditur ordo temporis quantum ad habitum: quia cum virtutes sint connexæ (ut in secunda parte habitum est) omnes simul incipiunt esse in anima. Sed dicitur una eorum esse prior altera ordine naturæ, qui consideratur ex ordine actuum secundum scilicet quod actus unius virtutis presupponit actum alterius virtutis. Secundum hoc igitur dicendum est, quod actus quidam laudabiles etiam tempore præcedere possunt actum et habitum pœnitentiae: sicut actus fidei et spei informum, et actus timoris servilis. Actus autem et habitus charitatis simul sunt tempore cum actu et habitu pœnitentiae, et cum habitibus aliorum virtutum. Nam sicut in secunda parte habitum est, in justificatione impi simul est motus liberi arbitrii in Deum (qui est actus fidei per charitatem formatus) et motus liberi arbitrii in peccatum: qui est actus pœnitentiae. Horum tamen duorum actuum primus naturaliter præcedit secundum: nam actus virtutis pœnitentiae est contra peccatum ex amore Dei, unde primus actus est ratio et causa secundi. Sic igitur pœnitentia non est simpliciter prima virtutum, nec ordine temporis, nec ordine naturæ: quia secundum ordinem naturæ simpliciter præcedunt ipsam virtutes Theologicæ. Sed quantum ad aliiquid est prima inter ceteras virtutes ordine temporis, quantum ad ejus actum, qui primus occurrit in justificatione impi. Sei ordine naturæ videntur esse aliae virtutes priores, sicut quod est per se, est prius eo quod est per accidens, nam aliae virtutes, per se videntur esse necessariae ad bonum hominis peccata autem supposito quodam, scilicet peccato præexistenti: sicut etiam dictum est circa ordinem Sacramenti pœnitentiae ad alia Sacraenta prædicta.

Ad primum ergo dicendum, quod gloss. illa loquitur

quantum ad hoc, quod actus pœnitentiae primus est tempore inter actus aliarum virtutum moralium.

Ad secundum dicendum, quod in motibus successivis recedere a termino, est prius tempore quam pervenire ad terminum, et prius natura, quantum est ex parte subjecti, sive secundum ordinem cause materialis. Sed secundum ordinem cause agentis et finalis prius est pervenire ad terminum: hoc enim est quod primo agens intendit. Et hic ordo præcipue attenditur in actibus animæ: ut diciatur in 2 Phys.

Ad tertium dicendum, quod pœnitentia aperit aditum virtutibus, expellendo peccatum per virtutem fidei et charitatis, quæ sunt naturaliter priores: ita tamen aperit eis aditum, quod ipsæ simul intrent cum ipsa: nam in justificatione impi simul cum motu liberi arbitrii in Deum et in peccatum, est remissio culpæ et infusio gratias: cum qua simul infunduntur omnes virtutes, ut in secunda parte habitum est.

Prima conclusio: Inter Pœnitentiam, et reliquas virtutes in ratione habituum non est prioritas temporis: sed omnes simul cum gratia infunduntur.

Secunda conclusio: Actus et habitus charitatis sunt simul tempore cum Pœnitentiae habitu, et actu: hi tamen sunt natura posteriores actu, et habitu charitatis.

Tertia conclusio: Pœnitentia non est prima, nec temporis, nec naturæ ordine, sed utroque modo posterior ad virtutes Theologicas.

Quarta conclusio: Actus virtutis Pœnitentiae est prior tempore, quam actus virtutum moralium; cum tamen hi sint priores naturæ ordine, quam actus Pœnitentiae, sicut quod est per se, est prius eo, quod est per accidens.

EXPLICATIO.

1. Designato numero actum, seu virtutum, quæ concurrunt cum Pœnitentia ad obtinendam gratiam, in quo insumpsit D. Thomas articulum quintum immediate antecedentem, in hoc articulo sexto agere intendit S. Doctor de illorum ordine, et primatu. Pro quo distinguit duplum antecedentiæ modum, et temporis, et naturæ, et ea præmissa distinctione, comparat Pœnitentiam cum virtutibus Theologicis, et Moralibus, tam in ratione habituum, quam per ordinem ad proprios illarum actus invicem collatos, ut patet ex sub-junctis assertionibus ex articuli doctrinæ visceribus deceptis.

Unde prima assertio est adeo perspicua tum ex se, tum ex articuli præcedentis prima assertione, quod nullam dubitandi rationem admittere videatur. Quæ namque simul eodem tempore infunduntur, excludunt temporaneam antecedentiam: sed omnes virtutes infunduntur (loquimur de supernaturalibus) simul tempore, imo, et in eodem instanti, cum gratia: nulla ergo est inter eas quoad esse, et infundi, temporis præcedentia. Excipias tamen necesse est et Fidem, et Spem, virtutes Theologicas quæ sunt velut semen vitæ spiritua-

Metho-
dus
D. Thom.
in hoc.
art.

Con-
nexio
virtutum
superna-
turalium
quoad
habitus.

*Limi-
ta-
tio-
ne,
et
in-
tel-
li-
gen-
tia.*

lis, quo homo ad eam perfecte iterum ineundam reviviscere possit; ideoque insunt homini mortuo peccato. Quare ut assertio sit universalis, et distribuat pro singulis generum debet integrigi vel de homine ab infidelitate ad fidem, et simul gratiam e converso; vel de simultanea infusione per baptismum in pueris, vel denique de formatione omnium virtutum in ipso instanti justificationis; nulla quippe est, quæ ad præsentiam gratiae in anima, maneat informis, licet fides, et spes quoad habitus, ceu informes maneat in peccatoribus.

*Aliæ as-
ser-
tio-
nes.*

2. Secunda conclusio firmat doctrinam supra datam de dependentia actus contritionis a charitate, et ejus influxu, simili que harum virtutum connexionem manifestat in hominibus post lapsum ad gratiam reversis. — Tertia etiam liquet ex doctrina Concilii Tridentini, et ex ipso D. Thoma 1, 2, quæst. 113, art. 6; imo et fere per totam illam quæstionem, in qua uniformiter docuit motum liberi arbitrii in Deum per fidem, et spem præcedere modum liberi arbitrii in peccatum, in qua sententia perpetuus fuit S. Doctor sive super sententias, sive in Disputatis quæst. 28 de Veritate art. 8. De quo etiam egimus locis supra citatis ex tract. de justificatione, ut in proprio loco: quocirca S. Doctor in præsenti se ipsum refert ad citatam quæstionem ex 1, 2. — Nec minus perspicua est assertio quarta, si res attente consideretur. Quia cum virtutes morales vel obtineantur, vel amittantur simul cum gratia; et actus contritionis sit per se loquendo necessarius ad destructionem peccati, immediate ad conversionem hominis in Deum media charitate; sequitur motus liberi arbitrii in peccatum, et deinde prout oportuerit, succedunt exercitia virtutum moralium post obtentam perfectam culpæ remissionem: atque ideo tenet præcedentia assignata. — Est tamen observandum eam dumtaxat intelligi de actu Pœnitentiaæ perfectæ: nam si sermo fiat de Pœnitentia imperfecta, manifestum est hanc præcedere posse nedum natura; sed etiam tempore actus virtutum moralium, sicut et timor servilis a quo procedit attritio, non semel reperitur in peccatore diu ante justificationem, sive intra sive extra Sacramentum factum.

*Dubium
circa
perfec-
tionem
virtutis
pœnitentia-
tis.
Nuno.
Granados
Arauxo.
Prado.*

3. Occasione cujus doctrinæ excitat Magister Nuno grave dubium, a nemine quem ipse viderit argumentis disputatum, de perfectione virtutis Pœnitentiaæ tam se-

cundum se, quam relatae ad cæteras virtutes, sive Theologicas, sive morales. Quod post ipsum etiam versant Grana los de Pœnit. controv. 7, tractat. 2, disput. 6, num. 10. Arauxo in præsenti dub. 3. Prado ad hunc art. dub. 9, § 4, ubi allegatis hinc, et inde Authoribus rem indecisam, et suspensum proprium judicium, ut unusquisque in suo sensu abundet, lectori proposuit, et quam libuerit, partem eligendam reliquit. Cum tamen res scitu digna, imo et necessaria sit, ut bene inquietat Nuno.

Pro veritatis ergo declaratione triplex comparatio fieri potest inter Pœnitentiam, et reliquas virtutes: vel eam cum virtutibus Theologicis conferendo; vel cum virtutibus moralibus existentibus in appetitu sensitivo, quæ immediate, et per se moderari, et ad medium rationis redigere passiones intendunt: vel tandem cum virtutibus moralibus, quæ sunt ad alterum, et subjectantur in appetitu rationali. — Porro (et est valde observandum) excessus perfectionis majoris, vel minoris est duplex: vel absolutus, et secundum se; vel comparativus, et secundum quid. Primus, in virtutibus præcipue, venari debet ex objectis essentialibus, non in esse rei, sed in esse objecti formalis, et specificativi. Secundus vero accipitur ex aliis conditionibus, aut capitibus, quandoque annexis, vi quorum virtus ex objecto nobilior, subindeque perfectior absolute, secundum quid, et quoad aliquam rationem, aut rationis modum importat aliquam imperfectionem, non repartam in alia ratione, cuius evadit secundum quid, et quoad illam rationem imperfectior. Exemplum sit in ipsa fide, quæ quia excludit claritatem ab objecto, quod essentialiter debet esse obscurum, ut fundet fidei assensum, ex hoc capite post-habetur scientiis, et cognitionibus evidentiā importantibus ex parte objectorum, estque illis secundum quid imperfectior. Et sic de reliquis virtutibus sive moralibus, sive intellectualibus.

Ex quo capite si Pœnitentia accipiatur per ordinem ad gratiam, ad quam medio proprio actu ultimo disponit, abs dubio præstat, quam fides, et spes virtutes Theologicæ, utpote quæ non excludunt peccatum, nec comitantur essentialiter gratiam, et in hoc etiam sensu præferri debent virtutes morales Pœnitentiaæ saltem quoad actum; siquidem virtutes morales non important imperfectionem ex parte subjecti,

jecti, ideoque eas concedunt Theologi humanitati Christi, de quo suo loco; a qua tamen imperfectione non est denudabilis Pœnitentia in aliquo statu proprii subjecti, ob idque denegatur Christo Domino, quia impeccabili, ut cum veriori sententia statuimus tract. de Gratia Christi, et non semel indicavimus in cursu hujus operis. Præterquam quod virtutes morales sunt, ut ita dicamus, de primaria et absoluta intentione agentis supernaturalis, quatenus nulla suppositione facta, consequuntur ad gratiam, eamque exornant, et comitantur. At vero Pœnitentia non intenditur, nisi ut medicina peccati, et antidotum illius: qua ratione dixit D. Thomas in præsenti illas esse per se, hanc vero per accidens, ut constat ex textu. Id autem quod est per se sicut est prius naturæ ordine eo, quod est per accidens: ita nequit non ex hac parte subinduere aliquam majorem perfectionem secundum quid. Si hoc ergo modo consideretur Pœnitentia, et conferatur cum aliis virtutibus, et e converso haec illi æquiparentur, se habent ut excedens et excessum sub diversis rationibus. In quo non potest esse disceptatio, quæ sit momenti, cum iste excessus tantummodo sit secundum quid.

4. Quare solum stat difficultas de excessu simpliciter, et absoluto? Circa quod ut omnino certum statuimus Pœnitentiam esse inferioris perfectionis essentialis ad virtutes Theologicas. Ita docent Authores allegati, et merito: nam perfectio essentialis virtutis mensuratur juxta majorem, vel minorem perfectionem objecti formalis: sed objectum Pœnitentiae virtutis est inferioris in esse objecti ad objectum virtutum Theologalium, cum harum objectum sit Deus in se ipso immediate; qui tamen est objectum immediatum Pœnitentiae, ut supra vidimus, et ex se constat, alias esse virtus Theologica: ergo Pœnitentia cedit in perfectione absoluta et essentiali virtutibus Theologicis. Qua etiam certitudine statuimus Pœnitentiam præcellere absolute, et simpliciter virtutes morales, quæ sunt in appetitu sensitivo ad moderandas passiones. Et ratio est eadem: nam objectum harum virtutum sunt passiones ipsæ ut regulatæ per Prudentiam, et in mediocritate constitutæ, ne vel nimium exorbitent contra rationem, vel ab ea defluant per defectum. Objectum vero Pœnitentiae est nobilis, spiritualius, et abstractius, utpote jus divinum resarcien-

dum, vel compensatio ex justitia ipsi facienda, vel peccata ut detestanta sub ratione offendæ divinæ, quæ omnia in idem recidunt, licet diversis circumlocutionibus explicitentur. Ergo objectum Pœnitentiae nequit non in ratione objecti excedere prædicto modo objecta virtutum moralium residentium in appetitu sensitivo.

Quid vero tenendum sit circa virtutes morales appetitus rationalis; non satis convenit inter prædictos Authores, qui ex professo rem discusserunt. Nuno, quem sequitur Granado ubi supra, ratus fuit Pœnitentiam excedere prædictas virtutes, unica excepta Religione, a qua absolute exceditur. Fundamentum est: quia Religione excellenti modo exhibetur cultus Deo, quam Pœnitentia; illa nimurum per se, hac vero per accidens: quocirca illa est absolute necessaria homini, in omni statu; haec vero dumtaxat ex suppositione culpæ: illa ergo est perfectior ista.

Verum hoc fundamentum si ita nude assumatur, ut assumitur a prædicto auctore, debile est, et contra ipsum probat omnes virtutes morales utriusque appetitus esse nobiliores Pœnitentia, quandoquidem nulla illarum est, quæ non sit per se, persicata contra posita suppositioni accidentali peccati, possibilis saltem practice, si quidem nulla earum est intenta ut medicina, ideoque in humanitate Christi omnes extitisse docent Theologi, maxime Thomistæ, ut supra dicebamus. Ex illo ergo capite vel nulli, vel omnibus præferri debet Pœnitentia in perfectione essentiali. Sicut ergo quod aliae virtutes morales sint per se, et Pœnitentia per accidens in prædicto sensu, solum inducit majorem perfectionem secundum quid in prædictis virtutibus præ virtute Pœnitentiae; pariformiter non infert ex vi hujus alium sublimiorem excessum, in Religione respectu Pœnitentiae, quam secundum quid.

5. Addit vero aliud motivum: Nam objectum cuiuscumque alterius virtutis est intendere aliquod bonum; objectum vero Pœnitentiae est fugere malum: sed excellentius est prosequi bonum, quam fugere malum: ergo excellentius est opus religionis, et alterius virtutis, quam opus Pœnitentiae.

Sed qui non videt hoc argumentum eodem defectu laborare, et in ejus Authorem, quas habet vires retorquere? Quia nulla est virtutum moralium, excepta Pœnitentia, cuius non sit prosequi primario bonum

Comparatio
cum
virtuti-
bus mo-
ralibus
pertinen-
bus ad
volunta-
tem.

Aliquo-
rum ju-
dicium.

Discuti-
tur.

primario intentum; vel ergo ex hoc capite omnes illi præferri debent absolute, et simpliciter: vel ex illo neutiquam probatur excellentia absoluta Religionis supra Pœnitentiam, ut intenditur. Et ratio militat in oppositum: tum quia Pœnitentia non est pura fuga mali, qua malum Dei est; hoc enim modo pertinet ad Charitatem, et est actus omnino secundarius impotens tribuere speciem, ut constat ex supra dictis; sed est fuga mali ad instar compensationis, imo est ipsius compensatio, et positiva satisfactio, quæ subinde tendit contra damnum ex peccato illatum, ipsum debellando, et ut fieri potest destruendo; quod non tam est fugere, et cedere, quam aggredi, et impetrare ipsam offensam in Deo moraliter existentem, media sui contritione; et ex hoc capite pertinet ad justitiam, et sub illa continetur. Justitiae autem actus non est fuga, sed redditio debiti alieni. Tum etiam, quia hoc pacto expellere damnum divinum attentatum, licet non executum, melius, et absolute perfectius est, quam frenare passiones, aut eas compescere sub moderamine rationis, ut pote quod est bonum humanum: sieut melius est compensare injuriam Regi factam, quam moderari prudentiæ fræno temperantiae, aut alterius passionis appetitum: quocirca justitia in omnium sententia melior est temperantia, et qualibet alia virtute morali, unicam si excipias Religionem, de qua est præsens disceptatio, facta collatione cum Pœnitentia. Et quia jaeta fundamenta ad præferendam Religionem supra Pœnitentiam, ut vidimus, vel plurimum, vel nihil probant,

6. Idecirco tenendum esse censemus cum Arauxo Pœnitentiam præcellere perfectione Religionem, atque ideo inter virtutes morales utriusque appetitus, sive rationalis, sive sensitivæ primatum tenere. Quod etiam docuerunt Suarez tom. 1, de religione tract. 2, lib. 3, cap. ult. num. 17. Aversa in præsenti quæst. 2, sect. 18, diximus: *inter virtutes morales utriusque appetitus*, ut excluderemus Prudentiam, de qua statim, post expeditam hanc decisionem. Ad eujus probationem missum facimus motivum justitiae, splendens in utraque virtute, quasi debitum Pœnitentiae sit strictius debito Religionis, ad quod reurrit Aversa, ut unam alteri præferri evineat. In quo non satis fidimus; nam ut bene observat Prado, perfectio justitiae non sumitur ex debito, sed ex ejus solutione.

Quid enim refert, strictissimum mihi esse debitum solvendi, si non solverim? hoc sane ostendit majorem obligationem, sed non elevat satisfactionem, aut debiti solutionem ad majorem perfectionem. Et ex hac parte, quidquid sit de strictiori jure, conveniunt Pœnitentia, et Religio, cum quælibet sit pars potentialis justitiae, et utraque deficiat, non ratione debiti, sed ratione inæqualitatis cum eo, quod Deo debetur vel ratione offensæ, vel ratione supremæ excellentiæ. Unde hoc discursu prætermisso, fundamentum sumitur ex D. Thoma quæst. præced. art. 3 ad 4, ubi docet, quod licet Pœnitentia sit directe species justitiae, comprehendit tamen quodammodo ea, quæ pertinent ad omnes virtutes. Nam quatenus est justitia quædam hominis ad Deum, participat ea, quæ sunt virtutum Theologalium, habentium Deum pro objecto. In quantum vero est virtus moralis participat aliiquid Prudentiæ, quæ est virtutum omnium directiva, et insuper habet id, quod temperantiae, et fortitudinis est, ut ibi explicat S. Doctor: Ex his vero prærogativis licet aliquæ convenientiæ Religioni, omnes tamen simul sumptas soli Pœnitentiae adaptavit D. Thomas: ergo juxta mentem S. Doctoris præferenda est etiam Religioni.

Confirmatur primo: nam quæ in inferioribus sunt dispersa, in superioribus sunt unita: sed perfectiones omnium virtutum Moralium, sub quibus certum est Religionem comprehendendi, quodammodo comprehenduntur, et participantur a Pœnitentia, ut diserte asseruit D. Thomas: Ergo Pœnitentia est superior nedum ad reliquas virtutes morales, sed etiam ad Religionem.

Confirmatur secundo. Quia non ob aliam rationem doceat Philosophi sensum communem præire in perfectione sensus externos, nisi quia est universalior illis eosque radicat: sed Pœnitentia est universalis ex parte materiae circa quam versatur, et ex parte rationis sub qua, siquidem expellit omnia peccata in quacunque materia, et sub universalissima ratione offensæ divinæ, quia offensa divina est, ut constat ex eodem D. Thoma eadem quæst. præcedenti art. 2 ad. 2. In quem sensum collimasse videtur D. Joan. Chrysostom. lib. 2 de Pœnit. eam vocans *Misericordia Malorum, Magistrum virtutem*, cuius magna sunt opera, quæ ibi exornat, et effert: ergo Pœnitentia est perfectior non solum virtutibus aliis moralibus, sed etiam Religione.

7. Secundo

Resolu-
tio prin-
cipalis
difficul-
tatis.
Arauxo.

Suarez.
Aversa.

7. Secundo probatur ratione a priori. Nam perfectio virtutis sumitur ab ejus actu primario, et quo iste fuerit perfectior, eo illa erit in perfectione sublimior: sed actus contritionis est perfectior cultu, seu adoratione Religionis: ergo et Pœnitentia excedit etiam Religionem. Cætera constant præter Minorum, quæ facile suaderi potest: nam actus Religionis non habet pro objecto immediato Deum, sed solum reverentiam illam passivam Deo exhibitam vel media recitatione v. g. vel genuflexione, aut alia veneratione interiori voluntatis respectu quorum se habet Deus ut finis cui, quo etiam modo se habet Deus respectu Pœnitentiae ut satisfacientis. In quo profecto nihil intrinsecum vel physice, vel moraliter Deo accrescit, sed extrinseca utrovis medio illi remanent. At vero actus contritionis impendit Deo bonum moraliter ipsi intrinsecum, quatenus avertit ab ipso injuriam simpliciter infinitam modo sibi possibili eam compensando; ulterius vero concurrit effective ad expellendum omne peccatum, ut dicebamus, et est principium reparationis omnium virtutem sub universalissima ratione, sub qua est incompossibilis cum quolibet peccato: quo circu se habet sicut principium universale in causando, quod abs dubio superat principia particularia, non utcumque, sed absolute, et simpliciter: anteponi ergo debet in perfectione virtus Pœnitentiae nedum aliis virtutibus memoratis, sed etiam et ipsi Religioni.

8. Sed contra hanc decisionem stare videtur D. Thomas 2, 2, quæst. 81, art. 6, ubi expresse affirmat virtutem Religionis esse preferendam inter alias virtutes morales: sed Pœnitentia est virtus moralis: ergo illi anteponi debet Religio quoad perfectionem.

Respondetur Majorem solum esse veram de illis virtutibus moralibus, de quibus ibi egerat D. Thomas, et cum quibus contulit Religionem. De Pœnitentia vero nec verbum ibi; sed reservavit de ea disserere usque ad hanc 3 partem ut initio hujus tractatus observavimus. Unde ex hac doctrina D. Thomæ neutiquam infertur intentum; quia cum excessu Religionis supra reliquas virtutes morales, componitur ipsam excedi a Pœnitentia. Et sane ita esse, ex doctrina illius articuli, qui allegatur, ni fallimur, haud obscure colligitur. Ratio enim S. Doctoris ad stabiliendum illum excessum, haec est: *Ea quæ sunt ad finem sortiuntur boni-*

tatem ex ordine, et propinquitate ad finem: sed Religio propinquius se habet ad Deum, qui est finis, quam reliquæ virtutes morales, ut patet: ergo Religio est illis perfectior. Qui discursus solum procedit de prædictis virtutibus recensitis quæstionibus antecedentibus, et Minor in illis tenet, non in Pœnitentia; quippe quæ propinquior est charitati, gratiæ, et ipsi ultimo fini, quam Religio, ut actum contritionis conferenti cum actu Religionis, erit manifestum. Unde resumendo Majorem D. Thomæ, sub alia Minoris satis clara, convincitur nostrum intentum. Nam ea, quæ sunt ad finem, sortiuntur bonitatem ex ordine, et propinquitate ad finem, et eo majorem, quo major fuerit propinquitas, ut diserte docet D. Thomas: sed pœnitentia propinquius se habet ad Deum ut ultimum finem, quam Religio, ut videtur perspicuum: ergo Pœnitentia perfectior est Religione.

Confirmatur ex solutione ad primum, ubi docet, quod virtus in voluntate consistit; quo circu licet deficiat a potestate, dum non deficiat a voluntate, non deficit a ratione virtutis, sed in hac voluntate manifeste excedit actus Pœnitentiae actum Religionis: ergo etiam virtus Pœnitentiae virtutem Religionis. Probatur Minor ex nuper dictis: nam ab æqualitate, quæ est medium justitiae, ut ibi docet Angelicus Doctor, æqualiter deficiunt Pœnitentia, et Religio; utraque enim est pars potentialis, declinans a perfecta justitia ratione inæqualitatis cum debito; alioqui vero Pœnitentia excedit ex parte voluntatis, ex qua offert compensationem, licet deficientem, pro offensa infinita; cum tamen ex Religione non extorqueat, aut extorquere valeat Deus a creatura, nisi cultum finitum, nedum ex parte rel, sed ex parte affectus; quandoquidem nullus titulus est Deo exigendi cultum infinitum a creatura finita: est tamen jus, et æquissimum postulandi satisfactionem infinitam pro offensa infinita, quam, si ipsi esset possibilis, offerre vellet pœnitens de peccato: ergo si juxta D. Thomam, laus et perfectio virtutis sumendæ sunt ex voluntate, licet deficiat potestas; laudabiliter profecto, et perfectior est voluntas pœnitentis voluntate Deum pure ex Religione colentis. Unde tantum abest Angelicum Præceptorem nobis adversari in illo testimonio, quod potius favet, et excessum prædictum confirmat.

Retor-
querat
objectio.

Alia
objectio.

9. Secundo objicitur : quia species infima non participat rationem superiorem, nisi medio gradu intermedio, ut patet ex subordinatione prædicamentali graduum superiorum, et inferiorum ; non enim gradus v. g. corporis descendit ad hominem, nisi medio gradu animalis, nec gradus qualitatis ad virtutes exempli causa, nisi medio conceptu generico intermedio *Habitus* : sed Pœnitentia est virtus contenta sub justitia, ut ejus pars : ergo nequit participare conceptum genericum virtutis, nisi media justitia : ergo cum in ratione justitiae non excedat justitiam legalem, aut commutativam, nec etiam excedere potest in ratione virtutis. Prima Consequentia liquet ex præmissis, secunda vero probatur, ex repugnantia, quæ includitur in eo, quod species inferior sit perfectior in ratione generica, et non gaudeat eadem perfectione in ratione differentiali; cum differentia sit perfectior genere. Implicabit ergo Pœnitentiam esse perfectiorem in ratione virtutis, et esse minus perfectam in ratione justitiae, atque ideo asserendum vel esse perfectiorem secundum hanc rationem vel non esse ita perfectam, ac justitia commutativa.

Dixit. Hæc objectio, quæ molesta, et salebrosa esse solet, manifestas patitur instantias ab omnibus dissolvendas, et ex hac parte redditur facilis. In primis tenet in Religione, ut non sit perfectior justitia commutativa, quod tamen unanimi consensu negatur : militat etiam in virtutibus intellectualibus, quæ in ratione virtutis deficiunt, et sunt minus perfectæ, quam morales, cum tamen in ratione habitus præmineant moralibus virtutes intellectuales. Urget denique in Charitate, ut non sit perfectior fide, quoniam illa continetur sub genere imperfectori, quam ista. De quo egimus.

Respondet ergo quoad præsens admittendo Majorem in gradibus per se subordinatis in recta linea prædicamentali ; sed negamus cum Arauxo Minorem : quia nec Pœnitentia, nec Religio continentur per se, et directe sub justitia legali, aut commutativa ; alioqui istæ virtutes prædicanter essentialiter de Pœnitentia, aut Religione, eaeque essent partes subjectivæ illarum, quod est falsum. Dicuntur ergo partes, non quia vere illis subjiciantur ; sed quia ad illas reducuntur ex ea parte, qua sunt ad alterum, et debitum alienum exsolvendum supponunt. Et hinc est bene cohærere sub hac præcisa consideratione,

qua ad alterum sunt, deficere, et imperfectas esse ; cum tamen excedant in ratione virtutum. Et ratio est, quia aliunde sumitur ratio virtutis perfectæ et ratio justitiae itidem perfectæ . Nam ad rationem perfectam virtutis sufficit, et requiritur medium rationis prudentia præscriptum, et quo istud excesserit in perfectione objectiva, eo virtus erit perfectior. In quo, ut constat ex dictis, præstat Pœnitentia, quam Religio, et justitia sive commutativa, sive legalis, aut alia virtutum moralium. Ad rationem vero perfectæ justitiae ultra medium rationis prædictum, requiritur etiam medium rei, hoc est, quod tantum exsolvatur creditori, quantum ipsi debetur juxta conditiones justitiae, aut Legalis, aut Distributivæ, aut Commutativæ : et quoties in hoc sit defectus per se, licet interveniat medium rationis, inducitur defectus in ipsa virtute, et evadit potentialis, nec continetur directe sub aliqua illarum specierum justitiae, sed tantum reductive, licet excedat, aut excedere possit in ratione virtutis. Et hoc modo se habent Pœnitentia, et Religio respectu illarum specierum justitiae stricte dictæ, quæ dividitur in Legalem, Commutativam, et Distributivam, sub quarum nulla directe continentur. Unde justitia stricte dicta prima divisione partiri debet in justitiam perfectam, et imperfectam ; sub prima continentur tres illæ celebres justitiae species ; sub imperfecta vero cunctæ aliae justitiae potentiales, quas suo loco enumeravimus, quin una sub alia directe continetur. Hinc nulla est prima Consequentia, si loquatur de justitia perfecta : quæ est membrum dividens excludens justitiam imperfectam ; non secus ac rationale, v. g. excludit irrationale, aut conceptus substantiæ conceptum accidentis. Ruit etiam secunda, cuius probationem infirmant exempla supra adducta nam : fides secundum rationem genericam, secundum quam est habitus, perfectior est Charitate, et sic de ceteris virtutibus intellectualibus, respectu moralium ; cum tamen in ratione virtutum quo pacto sunt in gradu inferiori, excedant virtutes intellectuales, - ut ex communi sententia supposuimus in arbo virtutum toties citata § 6, num. 37. Et ratio est eadem, quam nuper tradidimus ; nam aliunde sumitur ratio, aut major perfectio habitus, aliunde vero ratio, et perfectio virtutis, ut loco citato explicuimus.

10. Præterquam quod (et est major explicatio)

plicatio) hic non agimus logice de gradibus superioribus ut inclusis in inferioribus (quod nostræ considerationis non est) sed physice, et realiter : quam ob rem non asserimus speciem hujus, aut illarum virtutum constitui ex prædicto superiori generico, quod sit perfectius, et ex differentiali imperfectiori, quod est falsum, quia quælibet differentia in ratione contrahentis. et determinantis est perfectior suo genere, cum quo sit comparatio ; sicut omne determinabile est imperfectius omni principio determinante, et contrahente ; ibi enim exprimitur potentialitas, hic vero actualitas. De quo N. Complut. in sua Logica Cap. de Differentia. Afferimus ergo hanc virtutem Pœnitentiae physice acceptam, et quoad suam speciem adæquatam a parte rei existentem esse præstantiorem Religione, aut qualibet virtute morali ; licet qua ratione explicat physicam justitiae rationem, non exprimat tantam perfectionem, quanta importatur in justitia commutativa æqualiter satisfaciente debitu. Nec ob id negamus, aut negare cogimur. differentiam ultimo constituentem ipsam Pœnitentiam esse perfectiorem gradu generico ipsius Pœnitentiae; quin affirmamus, et supponimus. Quare comparatio non debet fieri inter gradum genericum, et specificum ejusdem virtutis, sed respectu alterius speciei, ad eum sane modum, quo hominem dicimus absolute, et simpliciter perfectiorem. Leone, Leonem vero secundum quid excedentem perfectionem hominis. Unde patet illam probationem, quia ab una in aliam considerationem divertit, nec servat comparisonem respectu ejusdem, inanem reddi quoad præsens : quia licet differentia sit perfectior genere, quod determinat, adhuc stat unam specifice virtutem ex genere, et differentia constitutam esse perfectiorem altera eodem modo accepta, a qua tamen secundum quid excedatur, et ita accedit in nostro casu.

11. Ad perfectam hujus articuli elucidationem, et Pœnitentiae excellentiam, solum superest eam cum Prudentia comparare, quæ etiam virtus moralis est. De quo nulla est mentio apud Authores allegatos; quia rem ut perspicuum supposuerunt; vel quia solum agere intendebant de virtutibus perficiens appetitum, sive rationalem, sive sensitivum, non vero de illis, quæ propriam sedem habent in intellectu, qualem esse Pœnitentiam nemo amabit. Sed quia non ita sistit in intellectu,

Salmant. Curs. theolog. tom. XIX.

ut non etiam se extendat ad rectificandum appetitum; ex quo capite obit rationem virtutis moralis, adhuc est inquirendi locus, utrum ex eo saltem capite excedi possit a Pœnitentia, vel etiam Pœnitentiam supereret in perfectione essentiali, et absoluta?

Dicendum est Pœnitentiam cedere Prudentiæ, eaque inferiorem esse absolute, et simpliciter. Ratio est, quia objectum Prudentiæ est abstractius, et universalius formaliter objecto Pœnitentiae : ergo et ipsa virtus Prudentiæ est formalior, actuallior, et universalior Pœnitentia. Consequentia constat, et Antecedens probatur : nam objectum Prudentiæ est bonum agibile, seu eligibile in omni materia, sicut et ipsa Prudentia est recta ratio agibilium sub universalis ratione ambiente, nedum hanc, aut illam virtutem, sed etiam omnes, imo ipsam Pœnitentiam, cuius objectum est aliquod particulare eligibile sub recta ratione, subindeque contentum sub communi ratione boni moralis regulabilis per Prudentiam. Unde non potest non hæc illam excedere in ratione virtutis moralis.

Confirmatur primo quia licet Prudentia Fulcitur. versetur circa idem objectum, circa quod versatur quælibet alia virtus moralis; diversimode tamen : quippe ad illam pertinet, quatenus est consiliabile, dirigibile, et imperabile; ad hanc vero, in quantum est acceptabile, appetibile, et prosequibile : ex quibus rationibus prior citra dubium est nobilior, sicut et actualior, altera vero inferior, et concretior. Pœnitentia autem est virtus moralis appetitiva : ergo debet respiscere ut superiorem Prudentiam non secus, ac alia virtus moralis, atque ideo ipsi cedere in perfectione essentiali. Non enim minus dependet a Prudentia ut accenseri debeat inter virtutes morales, quam reliquæ, et inde probat D. Thomas eam esse D. Thom. virtutem quatenus a Prudentia regulatur : pertinet autem (verba sunt ejus art. 1) ad rationem rectam, ut aliquis doleat, de quo dolendum est, et eo modo, et fine, quo dolendum est : quod quidem servatur in Pœnitentia, de qua nunc loquimur : nam pœnitens assumit moderatum dolorem de peccatis præteritis. Quæ moderatio est ipsius Prudentiæ sigillatio, et impressio mediis directione, et imperio, quibus etiam gubernat, et format cæteras virtutes morales, et est omnium illarum præstantissima. Unde

Confirmatur secundo : nam bonum vir-

tutis moralis reperitur in prudentia quasi per essentiam, et ut in primo principio totius moralitatis, ideoque non immerito dicitur initium, et caput omnium virtutum moralium, unde formam, et characterem virtutum sortiuntur: in Pönitentia vero,

et in aliis invenitur participative, quatenus conformantur rectae Prudentiae rationi, ejusque directionem sequuntur. Nulla ergo est ratio, quare Prudentia non präferri debeat pönitentiæ, sicut et reliquis, exceptis Theologicis.

QUÆSTIO LXXXVI

De effectu Pönitentiæ quoad mortalium peccatorum remissionem in sex articulos divisa.

Deinde considerandum est de effectu Pönitentiæ, et primo, etc.

ARTICULUS I.

Utrum per Pönitentiam omnia peccata removeantur?

Ad primum sic proceditur. Videtur quod per Pönitentiam non omnia peccata removeantur. Dicit enim Apostolus Hebr. 12, quod Esau non invenit Pönitentiæ locum, quamquam cum lacrymis inquisisset eam, gloss. id est, non inventum locum venie et benedictionis per Pönitentiam. Et 2 Mach. 9, dicitur de Antiocho, Orabat scelestus Deum, a quo non erat misericordiam consequatur. Non ergo videtur quod per Pönitentiam omnia peccata tollantur.

Præterea, Aug. dicit in lib. de Sermone Domini in monte, quod tanta labes est illius peccati, scilicet cum post agnitionem Dei per gratiam Christi, oppugnat aliquis fraternalitatem, et adversus ipsam gratiam, invidiæ facibus agitatur, ut deprecandi humilitatem subire non possit, etiam si peccatum suum mala conscientia agnosceret, et annuntiare cogatur: Non ergo omne peccatum potest per Pönitentiam tolli.

Præterea, Dominus dicit Matth. 12: Qui dixerit contra Spiritum Sanctum verbum, non remittetur ei neque in hoc sæculo neque in futuro. Non ergo omne peccatum remitti potest per Pönitentiam.

Sed contra est, quod dicitur Ezech. 18: omnium iniquitatum ejus, quas operatus est, non recordabor.

Respondeo dicendum, quod hoc quod aliquod peccatum per pönitentiam tolli non possit, potest contingere dupliciter. Uno modo, quia aliquis de peccato pönitente non posset: alio modo, quia Pönitentia non posset delere peccatum. Primo quidem modo non possunt per Pönitentiam deleri peccata dæmonum et etiam hominum dænatorum: quia affectus eorum sunt confirmati in malo: ita quod non potest eis displicere peccatum in quantum est culpa, sed solum displicet eis pena, quam patiuntur. Ratione cuius aliquam Pönitentiam, sed infructuosam habent: secundum illud Sap. 5: Pönitentiam agentes, et præ angustia spiritus gementes. Unde talis Pönitentia non est cum spe venie, sed cum desperatione. Tale autem non potest esse aliquod peccatum hominis viatoris: cuius liberum arbitrium flexible est ad bonum et malum. Unde dicere quod aliquod peccatum sit in hac vita, de quo quis pönitente non possit, erroneum est. Primo quidem, qui per hoc tolleretur libertas arbitrii. Secundo, quia per hoc derogaretur virtuti gratiae, per quam moveri potest cor eujuscumque peccatoris ad pönitendum secundum illud Proverb. 21: Cor regis in manu Dei: et quocumque voluerit, vertet illud. Quod autem secundo modo non possit per veram Pönitentiam aliquod peccatum remitti, est etiam erroneum. Primo quidem, quia repugnat divina misericordia: de qua dicitur Joel. 2, quod benignus et misericors est, et patiens, et multæ

misericordia, et præstabilis super malitia. Vinceretur enim quodammodo Deus ab homine, si homo peccatum vellet deleri, quod Deus delere non vellet. Secundo, quia hoc derogaret virtuti passionis Christi, per quam Pönitentia operatur, sicut et extera Sacraenta, cum scriptum sit primæ Joan. 2, ipse est proprietas pro peccatis nostris, non solum nostris, sed etiam tolius mundi. Unde simpliciter dicendum est, quod omne peccatum in hac vita per Pönitentiam veram deleri potest.

Ad primum ergo dicendum, quod Esau non vere pönituit. Quod patet ex hoc quod dixit, venient dies luctus patris mei, et occidam Jacob fratrem meum. Similiter etiam nec Antiochus vere pönituit: dolebat enim de culpa præterita, non propter offensam Dei, sed propter infringitatem corporalem, quam patiebatur.

Ad secundum dicendum, quod illud verbum Aug. sic intelligendum est: Tanta est labes illius peccati, ut deprecandi humilitatem subire non possit, scilicet de facili: secundum quod dicitur illud non posse sanari, qui non potest de facile sanari. Potest tamen hoc fieri per divinæ gratiæ virtutem, quæ etiam interdum in profundum maris convertit, ut dicitur in Psalmo.

Ad tertium dicendum, quod illud verbum vel blasphemia contra Spiritum sanctum est finitæ impenitentia: ut Aug. dicit in lib. de verbis Domini. Quæ penitus irremissibilis est quia post finem hujus vite non est remissio peccatorum. Vel si intelligatur per blasphemiam Spiritus Sancti peccatum, quod fit ex certa malitia, vel etiam ipsa blasphemia Spiritus sancti, dicitur non remitti: scilicet de facili: quia tale peccatum non habet in se causam excusationis. Vel quia pro tali peccato puniri aliquis et in hoc seculo et in futuro, ut in seunda parte expositum est.

Conclusio: Nullum est peccatum, quod in hac vita deleri non possit media Pönitentia, et oppositum asserere est erroneum.

ARTICULUS II.

Utrum sine Pönitentia peccatum remitti possit?

Ad secundum sic proceditur. Videtur quod sine Pönitentia peccatum remitti possit. Non enim est minor virtus Dei circa adultos quam circa pueros. Sed pueris peccata dimitti sine Pönitentia. Ergo etiam et adulis.

Præterea, Deus virtutem suam Sacramentis non alligavit. Sed Pönitentia est quoddam Sacramentum. Ergo virtute divina possunt peccata sine Pönitentia dimitti.

Præterea, major est misericordia Dei, quam misericordia hominis. Sed homo interdum remittit offensam suam homini etiam non Pönitenti. Unde et ipse Dominus mandat Matth. 5: Dilige inimicos vestros, benefacite his qui oderunt vos. Ergo multo magis Deus dimittit offensam suam hominibus non Pönitentibus.

Sed contra est, quod Dominus dicit Hier. 18: Si Pönitentiam

niteniam egerit gens illa a malo quod fecit, agam et ego Poenitentiam super malo quod cogitavi ut facerem ei. Et sic e contrario videtur, quod si homo Poenitentiam non agat, quod Deum ei non remittat offensam.

Respondeo dicendum, quod impossibile est peccatum actualis mortale sine Poenitentia remitti, loquendo de Poenitentia, quae est virtus. Cum enim peccatum sit Dei offensa, eo modo Deus peccatum remittit, quo remittit offensam in se commissam. Offensa autem directe opponitur gratiae: Ex hoc enim dicitur aliquis alteri esse offensus, quod repellit eum a gratia sua. Sicut autem habitum est in secunda parte hoc interest inter gratiam Dei, et gratiam hominis, quod gratia hominis non causat, sed praesupponit bonitatem veram vel apparentem in homine grato: sed gratia Dei causat bonitatem in homine grato: eo quod bona voluntas Dei, quae in nomine gratiae intelligitur, est causa omnis boni creati. Unde potest contingere quod homo remittat offensam, qua offensus est alicui, absque aliqua immutatione voluntatis ejus: non autem contingere potest, quod Deus remittat offensam alicui absque immutatione voluntatis ejus. Offensa autem peccati mortalium procedit ex hoc quod voluntas hominis est aversa a Deo per conversionem ad aliquod bonum commutabile. Unde requiritur ad remissionem divina offensa, quod voluntas hominis sic immutetur, ut convertatur ad Deum cum detestatione conversionis predictae et proposito emenda, quod pertinet ad rationem poenitentiae, secundum quod est virtus. Et ideo impossibile est quod peccatum alicui remittatur sine Poenitentia, secundum quod est virtus. Sacramentum autem poenitentiae (sicut supra dictum est) perficitur per officium Sacerdotis ligantia, et solventis: sine quo potest Deus peccatum remittere sicut remisit Christus mulieri adulterae, ut legitur Joan. 8 et peccatri, ut legitur Luc. 7. Quibus tamen non remisit peccata sine virtute poenitentiae: nam sicut Greg. dicit in Homil. per gratiam traxit intus, scilicet ad poenitentiam, quam per misericordiam, suscepit foris.

Ad primum ergo dicendum, quod in pueris non est nisi peccatum originale, quod non consistit in actuali deordinatione voluntatis, sed in quadam habituali deordinatione naturae: ut in secunda parte habitum est. Et ideo remittitur eis peccatum cum habituali immutatione per infusionem gratiae et virtutum: non autem cum actuali. Sed adulto, in quo sunt actua iusta peccata, quae consistunt in deordinatione actuali voluntatis, non remittuntur peccata etiam in baptismio sine actuali immutatione voluntatis: quod fit per Poenitentiam.

Ad secundum dicendum, quod ratio illa procedit de poenitentia, secundum quod est Sacramentum.

Ad tertium dicendum, quod misericordia Dei est majoris virtutis, quam misericordia hominis: in hoc quod immutat voluntatem hominis ad poenitendum, quod misericordia hominis facere non potest.

Conclusio: Per se loquendo ad remissionem peccati requiritur immutatio voluntatis, qua convertatur ad Deum cum detestatione peccati.

ARTICULUS III.

Utrum possit per Poenitentiam unum peccatum sine alio remitti?

Ad tertiam sic proceditur. Videtur quod possit per poenitentiam unum peccatum sine alio remitti. Dicitur enim Amosa 4: Plui super unam civitatem et super alteram civitatem non plui: pars una compluta est, et pars super quam non plui, aruit. Quod exponens Gregorius super Ezech. dicit: Cum ille qui proximum odi, ab aliis vitiis se corrigit, una eademque civitas ex parte compluit, et ex parte arida manet: quia sunt qui cum quedam via rescant, alii graviter perdurant. Ergo potest unum peccatum per Poenitentiam dimitti sine alio.

Præterea. Amb. dicit super Beati immaculati in via: Prima consolatio est, quia non obliviscitur misereri Deus. Secunda per punitionem, ubi etsi iles desit, pena satisfacit, et relevat. Potest ergo aliquis relevari aliquo peccato, manente peccato infidelitatis.

Præterea, corum quae non necesse est esse simul unum

potest auferri sine alio. Sed peccata (ut in secunda parte habitum est) non sunt connexa, et ita unum eorum potest esse sine alio. Ergo etiam unum eorum potest remitti sine alio per Poenitentiam.

Præterea, Peccata sunt debita quae nobis relaxari petimus, cum dicimus in oratione Dominica: Dimitte nobis debita nostra, etc. sed homo quandoque dimittit unum debitum sine alio. Ergo etiam Deus per Poenitentiam dimittit unum peccatum sine alio.

Præterea, Per dilectionem Dei relaxantur hominibus peccata: secundum illud Hierem. 31, in Charitate perpetua dilexi te, ideo attraxi te miserans. Sed nihil prohibet, quin Deus diligat hominem quantum ad unum, et sit ei offensus quantum ad aliud. Sic ut peccatorum diligit quantum ad naturam: odit autem quantum ad culpam. Ergo videtur possibile quod Deus per Poenitentiam remittat unum peccatum sine alio.

Sed contra est, quod Aug. dicit in lib. de Poenitentia. Sunt plures quos poenitent peccasse, sed non omnino, servantes in se quedam in quibus delectentur non animadverentes Dominum simul mutum et surdum a dæmonio liberasse, per hoc docens non nunquam nisi de omnibus sanari.

Respondeo dicendum, quod impossibile est per Poenitentiam unum peccatum sine alio remitti. Primo quidem, quia peccatum remittitur in quantum tollitur Dei offensa per gratiam. Unde in secunda parte habitum est quod nullum peccatum potest remitti sine gratia. Omne autem peccatum mortale contrariatur gratiae, et excludit eam. Unde impossibile est quod unum peccatum sine alio remittatur. Secundo, quia (sicut ostensum est) peccatum mortale non potest sine vera Poenitentia remitti: ad quam pertinet deserere peccatum, in quantum est contra Deum. Quod quidem est commune omnibus peccatis mortalibus. Ubi autem est eadem ratio, et idem effectus. Unde non potest esse vere poenitens, qui de uno peccato poenitet, et non de alio. Si enim displiceret ei illud peccatum, quia est contra Deum super omnia dilectum (quod requiritur ad rationem verae Poenitentiae) sequeretur quod de omnibus peccatis poenitent. Unde sequitur, quod impossibile sit unum peccatum per Poenitentiam remitti sine alio. Tertio, quia hoc esset contra perfectionem misericordiae Dei, cuius perfecta sunt opera, ut dicitur Deuter. 32. Unde cuius misericordiarum, totaliter miseretur. Et hoc est quod Aug. dicit in lib. de Poenitentia: Quædam impietas infidelitatis est, ab illo, qui justus et justitia est, dimidiam sperare veniam.

Ad primum ergo dicendum, quod illud verbum Gregor. non est intelligentum quantum ad remissionem culpa, sed quantum ad cessationem ab actu: quia interdum ille qui plurima peccata consuevit committere, deserit unum, non tam alind. Quod quidem fit auxilio divino, quod tamen non pertingit usque ad remissionem culpa.

Ad secundum dicendum, quod in verbo illo Ambr. fides non potest accipi, quia creditur in Christum: quia ut Aug. dicit super illud Joan. 15: Si non venissem, et locutus eis non fuisset, peccatum non haberent, scilicet infidelitatis. Hoc enim est peccatum, quo tenentur cuncta peccata. Sed accipitur fides pro conscientia: quia interdum per poenas, quas quis patienter sustinet, consequitur remissionem peccati, cuius conscientiam non habet.

Ad tertium dicendum, quod peccata quamvis non sint connexa, quantum ad conversionem ad bonam commutabile: sunt tamen connexa quantum ad aversionem a bono incommutabilis: in qua convenient omnia peccata mortalia. Et ex hac parte habent rationem offensæ, quam oportet per Poenitentiam tolli.

Ad quartum dicendum, quod debitum exteriorum rei (puta pecunie) non contrariatur amicitiae, ex qua debitum remittitur: et ideo potest unum dimitti sine alio. Sed debitum culpæ contrariatur amicitiae, et ideo una culpa vel offensa non remittetur sine altera. Ridiculum enim videatur: quod etiam ab homine aliquis veniam peteret de una offensa, et non de alia.

Ad quintum dicendum, quod dilectio qua Deus diligit homines naturam, non ordinatur ad bonum gloriae, a quo impeditur homo per quolibet peccatum mortale. Sed dilectio gratiae: per quam fit remissio peccati mortalis, ordinat hominem ad vitam æternam: secundum illud Roman. 6: Gratia Dei, vita æterna. Unde non est similis ratio.

Conclusio: Impossibile est per Poenitentiam unum peccatum sine alio remitti.

ARTICULUS IV.

Utrum remissa culpa per Pœnitentiam, remaneat reatus pœnae?

Ad quartum sic proceditur. Videtur quod remissa culpa per pœnitentiam, non remaneat reatus pœnae. Remota enim causa, removetur effectus. Sed culpa est causa reatus pœnae: ideo enim est aliquis dignus pœna, quia culpam commisit. Ergo remissa culpa, non potest remanere reatus pœnae.

Præterea, sicut Apostolus dicit Rom. 5: Donum Christi est efficacius quam peccatum. Sed peccando homo simul incurrit culpam et pœnam reatum. Ergo multo magis per donum gratiae simul remittitur culpa, et tollitur pœna reatus.

Præterea, Remissio peccatorum fit in Pœnitentia per virtutem passionis: secundum illud Rom. 3: Quem proposuit Deus propitiatorem, per fidem in sanguine ipsius, propter remissionem præcedentium delictorum. Sed passio Christi est sufficiens satisfactoria pro omnibus peccatis, non habitum est. Non ergo post remissionem culpa remanet aliquis reatus pœnae.

Sed contra est quod 2 Reg. 12 dicitur, quod cum David pœnitens dixisset ad Nathan: Peccavi Domino, dixit Nathan ad illum, Dominus quoque transiit peccatum tuum, non morieris: veruntamen filius qui natus est tibi, morte morietur. Quod fuit in pœnam præcedentium peccati: ut ibidem dicitur: ergo remissa culpa, remanet reatus alioquin us pœnae.

Respondeo dicendum, quod (sicut in secunda parte habitum est) in peccato mortali sunt duo: scilicet aversio ab incommutabili bono, et conversio ad commutabilem bonum inordinata. Ex parte ergo conversionis ab incommutabili bono consequitur peccatum mortale reatus pœnae æternæ: ut qui contra aeternum bonum peccavit, in aeternum puniatur. Ex parte etiam conversionis ad bonum commutabile, in quantum, est inordinata, consequitur peccatum mortale reatus alioquin pœna, quia inordinatio culpa non reducitur ad ordinem justitiae nisi per pœnam. Justum est enim, ut qui voluntati sue plus induxit, quam debuit contra voluntatem suam aliquid patiatur: sic enim erit æquitas. Unde Apoca. 18 dicitur: Quantum glorificavit se, et in deliciis fuit, tantum dare illi tormentum et luctum. Quia tamen conversio ad bonum commutabile est finita, non habet ex hac parte peccatum quod debeatur ei pœna æterna. Unde si sit inordinata conversio ad bonum commutabile sine aversione a Deo (sicut est in peccatis venialibus) non debetur peccato pœna æterna, sed temporalis. Quando igitur per gratiam remittitur culpa, tollitur aversio animæ a Deo, in quantum per gratiam animæ Deo conjungit: unde et per consequens simul tollitur reatus pœnae æternæ, potest tamen remanere reatus alioquin pœna temporalis.

Ad primum ergo dicendum, quod culpa mortalis utrumque habet, et aversionem a Deo, et conversionem ad bonum creatum. Sed (sicut in secunda parte habitum est) aversio a Deo, est ibi sicut formale, conversio autem ad bonum creatum, est ibi sicut simile. Remoto autem formaliter tollitur species humana. Et ideo ex hoc ipso dicitur culpa mortalis remitti, quod per gratiam tollitur aversio mentis a Deo simul cum reatu pœnae æternæ. Remanet tamen illud quod est materia, scilicet inordinata conversio ad bonum creatum pro qua debetur reatus pœnae temporalis.

Ad secundum dicendum, quod (sicut in secunda parte habitum est) ad gratiam pertinet operari in hominé, iustificando ipsum a peccato, et cooperari homini ad recte operandum. Remissio igitur culpe et reatus pœnae æternæ, pertinet ad gratiam operantem, sed remissio reatus pœnas temporalis pertinet ad gratiam cooperantem: in quantum scilicet homo cum auxilio divinas gratias patienter pœnas tolerando, absolvitur etiam a reatu pœnae temporalis. Sicut igitur prius est effectus gratias operantis, quam gratias cooperantis, ita etiam prius est remissio culpe et pœnae æternæ, quam plena absolutione a pœna temporali: utrumque enim est gratia, sed primum a gratia sola, secundum ex gratia et libero arbitrio.

Ad tertium dicendum, quod passio Christi de se sufficientis est ad tollendum omnem reatum pœnae, non solum æternæ, sed etiam temporalis: et secundum modum quo homo participat virtutem passionis Christi, percipit etiam absolutionem a reatu pœnae. In baptismo autem

homo participat totaliter virtutem passionis Christi (utpote per aquam et Spiritum Christo commortuus peccato, et in eo regeneratus a novam vitam) et ideo in baptismo homo consequitur remissionem reatus totius pœnae, i.e. pœnitentia vero consequitur virtutem passionis Christi, secundum modum proprietatum actuum, qui sunt materia pœnitentiae, sicut aqua baptismi, ut supra dictum est, et ideo non statim per primum actum pœnitentiae quo remittitur culpa, solvitur, reatus totius pœnae, sed completis omnibus pœnitentiae actibus.

Conclusio: Solum remanet reatus pœnae temporalis.

ARTICULUS V.

Utrum remissa culpa mortali, tollantur omnes reliquiae peccati?

Ad quintum sic proceditur. Videtur quod remissa culpa mortali, tollantur omnia reliquia peccati. Dicit enim August. in lib. de Pœnitentia: Nunquam Dominus aliquem sanavit, quem omnino non liberavit: totum enim hominem sanavit in Sabbato: quia et corpus ab infirmitate, et animam ab omni contagione. Sed reliquia peccati pertinent ad infirmitatem peccati. Ergo non videtur possibile quod remissa culpa, remanent reliquia peccati.

Præterea, secundum Dionysi. 4, cap. de Div. non bonum est efficacius quam malum: quia malum non agit nisi virtute boni. Sed homo peccando, simil totum infectionem peccati incurrit. Ergo multo magis pœnitendo liberatur etiam ab omnibus peccati reliquiis.

Præterea. Opus Dei efficacius est, quam opus hominis. Sed per exercitium humanorum operum ad bonum, tolluntur reliquia peccati contraria. Ergo multo magis tolluntur per remissionem culpa, quæ est opus Dei.

Sed contra est, quod Mar. 8 legitur, quod cæci illuminatus a Domino, primo restitutus est ad imperfectum visum (unde ait: Video homines velut arbores ambulantes) deinde restitutus est perfecte, ita ut videret clare omnia. Illuminatio autem cæci, significat liberationem peccatoris. Post primam ergo remissionem culpa, quæ peccator restitutus ad visum spiritualem, adhuc remanent in eo aliquæ reliquia peccati præteriti.

Respondeo dicendum, quod peccatum mortale ex parte conversionis inordinata ad bonum commutabile, quandom dispositionem causat in anima, vel etiam habitum, si actus frequenter iteretur. Sicut autem dictum est, culpa peccati mortalitatis remittitur, in quantum tollitur per gratiam aversio mentis a Deo. Subiacto autem eo quod est ex parte aversionis, nihilominus remanere potest id quod est ex parte conversionis inordinata, cum hanc contingat esse sine illa: sicut prius dictum est. Et ideo nihil prohibet quin remissa culpa, remanent dispositioes ex præcedentibus actibus causatae: quæ dicuntur peccati reliquia. Remanent tamen debilitas et diminuta: ita quod homini non dominentur. Et hoc magis per modum dispositionum, quam per modum habituum: sicut etiam remanet fomes post baptismum.

Ad primum ergo dicendum, quod Deus totum hominem perficie curat. Sed quandoque subito: sicut Sororum Petri statim restitutus perfectæ sanitati, ita ut surgens ministraret illis, ut legitur Luc. 4: Quandoque autem successive: sicut dictum est de cæco illuminato. Matth. 8. Et ita etiam spiritualiter quandoque tanta commotione convertit eum hominis, ut subito perfecte sequatur sanitatem spiritualem, non solum remissa culpa, sed sublatim omnibus peccati reliquiis, ut patet de Magdalena, Luc. 7. Quandoque autem prius remittit culpm per gratiam operantem, et postea per gratiam cooperantem successive tollit peccati reliquias.

Ad secundum dicendum, quod peccatum etiam quandoque statim inducit debilem dispositionem, utpote per unum actum causatam. Quandoque autem fortioriem, causatam per multis actus.

Ad tertium dicendum, quod uno actu humano non tolluntur omnes reliquia peccati: quia ut dicitur in Prædictamentis, parvus ad meliores exercitationes deductus, ad modicum aliiquid proficit, ut melior sit. Multiplicato autem exercitio, ad hoc pervenit, ut sit bonus virtute acquisitus. Hoc autem multo efficacius facit divina gratia uno, sive pluribus actibus.

Conclusio: Manent reliquia peccati, sed debilitatæ, ac diminutæ.

ARTICULUS VI.

ARTICULUS VI.

Utrum remissio culpæ sit effectus Pœnitentia?

Ad sextum sic proceditur. Videtur quod remissio culpæ non sit effectus pœnitentiae, secundum quod est virtus. Dicitur enim Pœnitentia virtus secundum quod est principium humani actus. Sed humanus actus non operatur ad remissionem culpæ, qui est effectus gratiæ operantis. Ergo remissio culpæ non est effectus Pœnitentiae secundum quod est virtus.

Præterea, quædam aliae virtutes sunt excellentiores pœnitentiae. Sed remissio culpæ non dicitur effectus alienus alterius virtutis. Ergo etiam non est effectus pœnitentiae secundum quod est virtus.

Præterea, remissio culpæ non est nisi ex virtute passionis Christi, secundum illud Heb.: Sine sanguinis effusione non fit remissio. Sed Pœnitentia, in quantum est Sacramentum, operatur in virtute passionis Christi, sicut et cetera Sacraenta, ut ex supra dictis patet. Ergo remissio culpæ non est effectus pœnitentiae in quantum est virtus, sed in quantum est Sacramentum.

Sed contra illud est, quod proprie causa aliquajus, sine quo esse non potest: omnis enim effectus dependet a sua causa. Sed remissio culpæ potest esse a Deo sine pœnitentiae Sacramento, non autem sine pœnitentia secundum quod est virtus: ut supra dictum est, unde et ante Sacraenta novæ legis pœnitentibus Deus peccata remittet. Ergo remissio culpæ est precipue effectus pœnitentiae secundum quod est virtus.

Respondeo dicendum, quod pœnitentia est virtus, secundum quod est principium quorundam actuum humanae. Actus tamen humani, qui sunt ex parte peccatoris, materialiter se habent in Sacramento pœnitentiae. Omne autem Sacramento producit effectum suum non solum virtute formæ, sed etiam virtute materiae: ex utroque enim est unum Sacramentum, ut supra habitum est. Unde sicut remissio culpæ fit in baptismō, non solum virtute formæ, sed etiam virtute materiae, scilicet aquæ: principalius tamen virtute formæ, et ipsa aqua virtutem recipit: ita etiam et remissio culpæ est effectus pœnitentiae, principalius quidem ex virtute clavium, quas habent ministri, ex quorum parte accipitur id quod est formale in hoc Sacramento (ut supra dictum est). Secundario autem ex vi actuū pœnitentis, pertinendum ad virtutem pœnitentiae: tamen prout hi actus aliquatenus ordinantur ad claves Ecclesiæ. Et sic patet, quod remissio culpæ est effectus pœnitentiae, secundum quod est virtus, principalius tamen, secundum quod est sacramentum.

Ad primum ergo dicendum, quod effectus gratiæ operantis est justificatio impiorum: ut in secunda parte dictum est. In qua, ut ibidem dictum est, non solum est gratiæ infusio et remissio culpæ, sed etiam motus liberi arbitrii in Deum, qui est actus fidei formatæ, et motus liberi arbitrii in peccatum, qui est actus pœnitentiae. Hi tamen actus humani sunt ibi, ut effectus gratiæ operantis, simul producti cum remissione culpæ. Unde remissio culpæ non fit sine actu pœnitentiae virtutis, licet sit effectus gratiæ operantis.

Ad secundum dicendum, quod in justificatione impiorum non solum est actus pœnitentiae, sed etiam actus fidei: ut dictum est: et ideo remissio culpæ non ponitur effectus solum pœnitentiae virtutis: sed principalius fidei, et charitatis.

Ad tertium dicendum, quod ad passionem Christi ordinatur actus pœnitentiae virtutis, et per fidem, et per ordinem ad claves Ecclesiæ. Et ideo utroque modo causat remissionem culpæ virtute passionis Christi.

Ad id autem quod in contrarium objicitur, dicendum est, quod actus pœnitentiae virtutis habet, quod sine eo non posse fieri remissio culpæ, in quantum est inseparabilis effectus gratiæ, per quam principaliter culpa remittitur, quæ etiam operatur in omnibus Sacramentis. Et ideo per hoc non potest concindi nisi quod gratia est principalior causa remissionis culpæ, quam pœnitentiae Sacramentum. Scindendum tamen quod etiam in veteri lege, et in lege naturæ erat aliquatenus Sacramentum pœnitentiae: ut supra dictum est.

Conclusio: Remissio culpæ est effectus Pœnitentiae, tam ut virtus, quam ut Sacramentum est.

Expositis natura, et causis Pœnitentiae virtutis, jure pergit D. Thomas investigare ejus effectus, non quidem formales, quippe qui ab ea ex parte recti non distinguntur; sed illos, qui ipsi ut principio activo respondent; inter quos quia primum locum retinent peccata mortalia, in quorum medietatem ipsa fuit principalius instituta; idcirco totam hanc quæstionem insumit S. Doctor in examinando qualiter circa ea, et illis annexa se habeat Pœnitentia, acturus quæstione sequenti, quæ est octagesima septima, de remissione peccatorum veniam, quæ etiam suo modo est effectus Pœnitentiae, ut ex ibi dicendis, et jam a nobis tract. de Justificat. expensis, est manifestum. Porro quia non aliter effectus procedit a virtute, quam media causalitate, et hic est proprius locus examinandi prædictos effectus, quod fieri nequit absque notitia influxus hujus virtutis; præmittere oportebit aliqua dubia ei deservientia, quæ supra tetigimus, et in hunc locum remissa sunt. Primum est, an virtus Pœnitentiae sit proxima, et adæquata ratio eliciendi actum contritionis? vel concedi debeat voluntati virtus partialis proxima, quæ ipsi ex propriis viribus competit, et media proxime, et immediate influat in prædictum actum? Secundum erit; Utrum Pœnitentia effective concurrat ad destructionem peccati? et an prædictus influxus sit physicus, vel tantum moralis? et ab his expediti devenimus ad alia, de quibus in præsenti D. Thomas. Ut vero sub ejusdem disputationis filo ea comprehendantur, sequentem titulum præfigimus.

DISPUTATIO VI

De influxu, et effectibus Pœnitentiae substantiatione virtutis.

In hac disputatione supponenda sunt quæ disputationibus superioribus reliquias expensa, tam circa naturam, et essentiam hujus virtutis, quam circa actum contritionis, proprium, et immediatum ipsius actum: quocirca in præsenti tam illam, quam istum esse entitative, et ut sic dicamus, quoad substantiam supernaturales, quin aliquod prædicatum, quod revera naturale sit in ordine physico, in illa, aut in isto reperiatur, statuendum est. Quo sic in communis constituto, est

DUBIUM I.

An Pœnitentia sit tota adæquata ratio proxima eliciendi contritionem?

1. Hæc quæstio sub his terminis non invenitur ab Authoribus excitata, sed eam aliunde determinatam supponunt, sive qui affirmativam sententiam defendunt, sive qui partiale concursum voluntati tribuant ad actus supernaturales. Omnes quippe occasione solemnis difficultatis, quæ propriam sedem tenet tract. de Visione Dei, ad quam lumen gloriae necessarium omnino ducunt communiter Theologi, ibi disserere assueverunt: *An lumen gloriae sit tota ratio proxima agendi visionem Beatificam; necne?* Et quam partem ibi elegerint eam in aliis materiis prosequuntur, et merito supponunt. Quod et nos præstare in præsenti possemus, si ad rem ipsam foret aspiciendum, si quidem principia ibi assumpta, et firmata disp. 5, dub. 2, et latius expensa tract. de necessitate gratiae, nec non de gratia sufficienti, et efficaci, imo et quæ fere per totum nostrum hunc cursum, dispersa, et quoties occasio ferebat, expensa reperientur, satis manifestant nostram mentem; quod etiam testantur, quæ supra diximus in hoc eodem tractatu, dum negavimus actum contritionis posse viribus naturæ nec quoad substantiam produci, ubi principia jecimus huic instituto deservientia. Quia tamen sub propriis vocibus a recentioribus expressis non invenitur in toto hoc opere, aliquorum consilio, imo et jussu; eam formalius decidere statuimus; non quia speremus aliquam in hac parte accretionem facere doctissimis D. Thomæ discipulis, qui in ea enodanda felicissime insudarunt, et solidissime veram sententiam statuerunt, ac propugnarunt; ita ut vix aliquid novi, aut contrarii opponendum, aut ab illis expensis addendum occurrat, vel necessarium sit pro oppositæ sententiae expugnatione. Sed vero ut aliorum votis conniveamus, et ne sub his terminis in hoc cursu prædicta quæstio desideretur, eam sub verbis propriis hujus materiae decidendam suscipimus. Porro, quæ dixerimus de actu contritionis respectu Pœnitentiae, et voluntatis, applicari debent omni alii actui quoad substantiam, seu entitatem supernaturali, nec non ejus principio, sive libero, sive necessario. Ut ex nunc excludamus aliquos actus solum quoad modum supernaturales, qui proinde

non postulant principium adæquate supernaturale, sed quasi mixtum ex utroque, eo modo quo ipse actus non est undeque supernaturalis. Quocirca in capite ipsius dubii supposuimus actum contritionis esse totaliter supernaturalem, ut probatum reliquimus, nec non virtutem ipsam Pœnitentiae esse per se infusam, atque ideo entitative supernaturalem.

2. Quia tamen catholici cum catholicis decertamus, statuendum est principium, in quo contra hæreticos convenire debemus: nimur sub gratia De vere nos pœnitere, vere Deum diligere pœnitentia, et dilectione supernaturalibus, et sic de reliquis actionibus, ad quarum exercitium indigemus gratia Dei; hoc enim principio sublati, necesse est labi in hæreticorum dementiam, et se ipsum hominem, velut inanimem reputare, atque ideo omnem gratiam sive excitantem, sive cooperantem respuere, et abjicere. Quod sane est manifestum delirium, et ipsa experientia refutatum. Hoc vero commune, et fide sanctum principium diu ante Concilium Tridentinum edoctum accipimus ab omnibus Sanctis Patribus, quos superfuum est recensere. Sufficiat audire D. Gregorium lib. 33, D. Gregorius Moral. cap. 20, alias 25: *Bonum (inquit) quod agimus, et Dei est, et nostrum. Dei per prævenientem gratiam, nostrum per obsequientem voluntatem. Si enim Dei non est, unde gratias in æternum agimus. Rursus si nostrum non est, unde nobis retribui præmia speramus. Quia ergo non immerito gratias agimus, scimus, quod ejus munere prævenimur. Et rursus, quia non immerito retributionem querimus, scimus, quod sub sequente libero arbitrio, bona elegimus, quæ ageremus.* Ita ergo adstruere debemus opera nostra bona supernaturalia, quod non negemus nostram voluntatem; nec hanc ita possimus, aut debemus asserere, quod negemus gratiam Dei nobiscum operantem: atque ideo ut catholicum dogma tenendum nos cum Dei gratia bene agere, bene penitire, bene Deum diligere, atque ideo in his, et similibus operationibus bene vivere vita supernaturali, et libere ad eas nos ipsos mouere.

Sed hinc oritur discordia, et in hoc ipso stat lapis offensionis, nam ad hanc veritatem servandam exigi videtur concursus immediatus voluntatis, et gratiae: si enim sola voluntas concurrat proxime, ad quid opus est gratia? Si autem sola gratia influit immediate, et non voluntas evanescit hu-

Notanda
pro
hujus
dubii
introduc-
tione.

Suppo-
sitio n-
cessari
pre-
mittend

gor.

Caput
difical-
tatis.

jus

Auct. **jus activitas, et totus influxus est gratiæ.** Utrumque ergo tenendum est, et quod influat gratia, et quod concurrat voluntas juxta illud Augustini de Peccat. meritis, et remiss. cap. 5: *Nec ideo tamen de hac re solis votis agendum est, ut non subinferatur ad bene vivendum nostræ efficacia voluntatis: Adjutor enim noster Deus dicitur. Neque adjuvari potest, nisi qui sponte conatur: quia non sicut in lapidibus insensatis, aut sicut in eis, in quorum natura rationem, voluntatemque non condit, salutem nostram Deus operatur in nobis.* Sed hoc opus, hic labor est. Unde et duas ex diametro oppositæ insurgunt sententiae. Prima, quæ docet gratiam et voluntatem se habere ut duas causas partiales, partialitate causæ, non vero partialitate effectus: hoc est, totum actum v. g. contritionis procedere a gratia, et totum etiam a voluntate; sed sub diversa ratione; nam a Pœnitentia, seu gratia proedit sub ea ratione, sub qua est supernaturalis; a voluntate vero, quatenus est vitalis, et liber. Qui conceptus ex parte actus adunantur absque distinctione in eadem indivisibili entitate, et tota partialitas, et divisio se tenet ex parte causarum ad illam concurrentium. Et ideo dicuntur, et sunt, plures causæ partiales partialitate causæ, sed non partialitate effectus, qui indivisibilis cum sit, totus cuilibet earum respondet, licet non totaliter.

Sent. 3. Altera sententia constanter affirmat ineptam esse illam partialium causarum divisionem ad eam veritatem tuendam, sed quam optime, imo et melius, ac rationabilius salvari asserendo ex gratia, et voluntate illi subjecta unicam et indivisibilem causam constitui, unicumque dumtaxat influxum exhiberi, qui totus sit gratiæ, et totus etiam voluntatis, hujus ut principii remoti, illius ut virtutis proximæ, vi cuius hominem v. g. non pœnitent proxime ex propria virtute naturali, sed ex auxilio et virtute Pœnitentiæ supernaturalis, quibus proxime constituitur potens adæquate ad pœnitendum, et absque illis solum erat remote potens. Ad eum sane modum, quo ignis non calefacit per actionem aliquam, quæ immediate prodeat a substantia ignis tanquam ab agendi ratione proxima; sed tota, et adæquata ratio proxima agendi, seu calefaciendi est calor, cuius actio est propria ipsius ignis ut principaliter agentis per calorem, et ipsius caloris ut virtutis omnino proximæ, et adæquatæ. Unde (persistendo in hoc eodem exemplo) sicut in

naturalibus juxta veram philosophiam hic supponemus, naturaliter et omni procul dubio salvatur ignem urere, agere, et calefacere, per hoc quod calor sit tota ratio agendi naturaliter; et non est necessarium comminisci eam distinctionem partialium causarum, aut diversos influxus affigere; sed unum, et eundem indivisibilem, qui unico illi principio ex proximo et radicali constituto respondeat: haud dissimiliter in ordine supernaturali, ut verum omnino sit, et cum omni proprietate salvetur hominem penitente, diligere, aut alios virtutum supernaturalium actus exercere; non requiritur ea partialium causarum distinctio, nec consequenter partitus illarum influxus. Sed eademmet contrito (idem dicitur de aliis actibus) correspondet voluntati, et Pœnitentiæ: huic ut rationi proximæ agendi ex parte actus primi adæquata; illi vero ut principio radicali, non aliter operanti nisi per virtutem proximam, sicut anima non agit nisi per intellectum, et voluntatem. Quod est aliud exemplum, quo se explicat hæc sententia; non enim solus intellectus intelligit, nec sola voluntas amat; sed unum et alterum præstat ipsa anima per intellectum, et voluntatem, ut per rationes agendi omnino proximas, et adæquatas, ut est constans, et perpetua doctrina Aristotelis, et nobiliorum Philosophorum.

Nec aliquid magis horrendum, monstruosumve docetur in hac sententia; sed quod in naturalibus tenet vera philosophia, in supernaturalibus statuere contendit, proportione debita, ista Theologia. Et hinc exemplo ejusdem animæ gradum facit ad explicandam tum vitalitatem, tum etiam libertatem in operationibus supernaturalibus, uti explicantur vel ab ipsis philosophis naturalibus respectu operationum pure naturalium, respectu quarum propriam, et naturalem libertatem nos exercere indubitatum est: quin anima se ipsa immediate ut agendi ratio proxima actionem eliciat; sed unica, et adæquata ratio proxima est voluntas naturaliter sequens directionem intellectus. Sic ergo explicatis capitalibus his sententiis, superest videre, quænam illarum tenenda sit.

§ I

Vera D. Thomæ, et discipulorum sententia eligitur, et probatur.

4. Dicendum est Pœnitentiam esse ra- Conclu-
sio.

tionem proximam, et adæquatam voluntati ad eliciendum actum contritionis, subindeque ipsi voluntati non esse virtutem partiale, et inadæquatam respectu illius. Utraque pars hujus assertionis supponitur in praesenti a discipulis D. Thomæ, ex a se ipsis efficaciter probata tract. de Visione Dei, et aliis tractatibus, et in eodem sensu in quo ibi docent lumen gloriae esse rationem proximam totalem agendi visionem beatificam, et charitatem, dilectionem Dei super omnia, consimiliter sive Pœnitentiam, sive quamlibet aliam virtutem supernaturalem se habere affirmant respectu proprii actus entitative supernaturalis; qui in hoc discrimen agnoscant, et merito, utpote eisdem omnino principiis, et illationibus unum, et alterum fulcitur.

Primum fundamen-

Primum assertionis fundamentum sumitur ex SS. Patribus, et reducitur ad hanc formam. Nam in operibus entitative supernaturalibus, ad quæ gratia indigemus, non admittunt, quin imo repellunt, ac rejiciunt partitionem, aut divisionem, ut aliquid partim tribuatur gratiæ, aliquid libero arbitrio, sed totum gratiæ et totum libero arbitrio deferunt : sed actus contritionis est opus entitative supernaturalis : ergo non partim tribuendum est gratiæ, et partim libero arbitrio; sed totum gratiæ, et totum libero arbitrio : non ergo est partialis influxus gratiæ, et partialis itidem voluntatis influxus. Hæc secunda Consequentia constat ex prima : quia influxus non est nisi ad dandum esse effectui; nec iste aliter illi correspondet, aut commensuratur, nisi juxta qualitatem et modum influxus : ergo si totus effectus correspondet causæ influenti; hujus influxus nequit esse partialis : et e converso si influxus est partialis, nequit totum effectum producere; et si totum effectum non producit, nequit totus effectus tribui influxui partiali, ut constat in duobus portantibus eundem lapidem, qui effectus non totus cuilibet portantium respondet. Prima vero Consequentia sequitur ex præmissis. Minor supponitur, et suadetur Major ex SS. PP.

D. Au-
gust.

Sit omnium Coriphæus D. Augustinus, lib. de dono persev. cap. 6, ubi ait : *Tutiores igitur vivimus, si totum Deo damus, non autem nos illi ex parte, et nobis ex parte committimus, et cap. 13 ejusdem libri inquit : Hoc nobis expedit, et credere et docere : hoc est pius, hoc est verum, ut sit humili, et submissa confessio, et detur totum Deo. Lib. de Prædest. Sanctorum cap. 2,*

sic loquitur : *Numquid metuendum est, ne Deus totum facere non possit, et ideo homo sibi primas ejus vindicat, ac dat partes, ut novissimas ab illo accipere mereatur?* Ergo rejicit D. Augustinus disertissime influxus illos partiales gratiæ, et voluntatis. Patet Consequentia : nam intendit S. Doctor totum quod est ex nobis refundi in Deum : sed si darentur illi concursus partiales, totum non referendum foret in Deum ; quando quidem influxus partialis voluntatis non refundetur in gratiam ; sicut nec vice versa, influxus gratiæ non refundetur in voluntatem : ut ergo totum refundi possit in gratiam, et consequenter in Deum, ablegandi sunt ex mente D. Augustini influxus illi partiales. Eo vel maxime : quoniam influxus specialiter non proveniens a gratia, non est, cur tribuatur specialiter Deo, ut de se constare videtur : et influxus ille partialis voluntatis non proveniret a gratia, sed est ab ipsam voluntate ex acceptis per creationem. Cum ergo doceat D. Augustinus totum, quo in illis operibus vivimus, Deo esse deferendum, manifeste exclusit concursum partiale voluntatis, quin ex innatis viribus procedat.

Ad hæc. Juxta D. Augustinum ita asserendus est influxus gratiæ, et voluntatis, quod non sit in partes dividendus, sed totum revocandum est in eis gratiam, ex cuius parte stat primatus influendi : sed positis partialibus influxibus, necessarium est admittere partialitatem, nec totum refunditur in gratiam, nec hæc obtinet primatum agendi, ut ex se constat, et ex dicendis liquidius constabit : ergo ut salvetur mens D. Augustini, non debet sustineri partialis influxus voluntatis diversus ab influxu gratiæ.

5. Sequitur D. Hieronymus super illud p. Hieremieæ 18 : *Sicut lutum in manu figuli, inquiens : Nec statim totum erit hominis, quod eveniet, sed ejus gratiæ, qui cuncta largitus est.* Sed non largitus est concursum partiale voluntatis ex viribus naturæ operantis, quippe qui ex a Deo acceptis per creationem procedit. Ergo iste concursus non est effectus gratiæ subindeque relegatus fuit a D. Hieronymo.

Ad hæc. Ut totum quod eveniet, non sit hominis, sed gratiæ, confugit D. Hieronymus ad ipsam gratiam, ut ostendunt clare ejus verba : sed concursus partialis voluntatis condistinctus a concursu gratiæ non est effectus ejusdem gratiæ : alias esset

esset illo posterior, quod non admittent oppositum docentes : ergo ibi non totum refertur in Deum, et in ejus gratiam. Patet Consequentia : quia proxime, et immediate non tribuitur gratiae, quod proxime, et immediate ab ea non procedit, ut est per se notum : sed concursus partialis, quem adstruunt voluntatis, non procedit immediate a gratia, sed est condistinctus ab illa, licet comitetur ejus influxum : ergo concursus ille non refunditur proxime, et immediate in gratiam, consequenterque non totum quod ibi est hominis operantis est gratiae Dei, contra D. Hieronymum.

Succedit D. Chrysostomus ad Corinth. 2, cap. 3, super illa verba : *Non quod sufficienes sumus, etc.*, ubi ita loquitur : *Quasi dicat planius : Non ita dicebam : fiduciam habemus, ut parlim sit nostrum, partim sit Dei, sed totum illi tribuo, acceptumque fero.* Idem docet hom. 4, super Epist. 2 ad Thessalon. et hom. 15 in Acta Apost. et alibi saepe. Similia reperies passim apud SS. PP. quos omnes adducere in testes esset in immensum abire. Audiamus interim D. Bernardum de libero arbitrio ita disserentem tract. de Gratia, et libero arbitrio. *Non partim gratia, partim liberum arbitrium*, in quibus est eadem energia cum verbis D. Chrysostomi modo relatis, et maxime notanda. Non enim inquiunt : *partem gratia, et partem liberum arbitrium*, quasi pars uni, et pars alteri conveniret (hoc enim non curarunt SS. PP. prosternere, utpote manifeste falsum, eo quod in operatione voluntatis indivisibili non est partem uni, et partem alteri tribuere), sed semper insistebant in eo, quod non partim gratia, et partim liberum arbitrium operaretur, quasi ex parte una se haberet voluntas operando ex propriis, et a natura inditis, et ex alia se haberet gratia, hoc enim sonat *partim una, et partim altera* : sed quod voluntas non operatur nisi sub gratia, cum gratia, et per gratiam ut per virtutem proportionatam. Unde prosequitur D. Bernardus : *Sed totum singula opere individuo peragunt, totum quidem hoc (liberum arbitrium) et totum illa (voluntas) sed ut totum in hac (scilicet voluntate) ita totum ex illa* (videlicet gratia) quia totum, quod est in voluntate, dum elicit contritionem, est ex gratia. Non ergo juxta mentem D. Bernardi, et aliorum Patrum est in voluntate ad opera supernaturalia concursus partialis, ex viribus propriis, utpote qui non est, nec esse potest imme-

diate ex ipsa gratia, sed ex libero arbitrio simul cum gratia se habente. Et constat manifeste exemplo duorum simul portantium lapidem : quia licet effectus ab utroque pendeat concursus tamen unius non est ex alio, licet sit cum alio.

6. His, et similibus testimoniosis apud Junio-
SS. PP. familiaribus, et passim obviis ponso. varie occurrunt juniores, et pro omnibus Ripalda tom. 1, de ente supernaturali Ripalda. lib. 2, disp. 30, sect. 24, n. 418 et sequentibus. Prima solutio est velle SS. PP. totum salutis opus, quoad omnes suas partes, a prima usque ad novissimam, ab initio in finem, ab effectu, et desiderio fidei ad operis executionem, a primo gradu usque ad omne ipsius augmentum, non viribus solius arbitrii, sed viribus etiam gratiae tribuendum. Ita fere ad verbum allegatus Author : idque praeципue intendisse D. Augustinum, ex eo ostendit, quod agebat cum Semipelagianis; qui ut constat ex eodem S. Doctore, componebant cum Deo, et partem, eamque potiorem, et primam, sibi assumebant; et partem sed posteriorem, et secundam, Deo tribuebant. Contra quos recte procedit S. Doctor in illis verbis; sed minime tangit, aut excludit concursum partiale voluntatis ad actum salutarem, utpote qui a gratia secundum se totum procedit, et consequenter tribuendus est Deo.

Hæc tamen expositio nulla est, utpote Confutatur. in verbis solum consistens. Et ratio est : quia mens D. Augustini non solum est, quod ex tota operationum serie a prima usque ad ultimam, nulla sit quæ non referatur in Dei gratiam, ut innueri videtur responsio; sed etiam ex qualibet in particulari operatione salutari nihil in ea sit, quod totum non referatur in gratiam, quippe ratio est omnium, ac unius, *hoc enim* (inquit Augustinus) *nobis expedit et credere, et docere : hoc est pius, hoc est verum, ut sit humilis, et submissa confessio, et totum detur Deo*, utique in quolibet opere salutari : sed hoc non salvatur in opposita doctrina : ergo ea ut adversa D. Augustino, et aliis SS. PP. repellenda est. Prokatur Minor : nam juxta opinionem adversam, in opere supernaturali sicut dantur duo concursus ex parte voluntatis, et ex parte gratiae, ita inveniuntur duo conceptus, alter qui respondeat partiali influxui voluntatis, et alter qui est proprius gratiae, nimurum in Pœnitentia, et est pœnitere supernaturaliter et sic de

reliquis actibus. Pœnitere autem non correspondet gratiæ, sed voluntati, cuius est retractare actum; pœnitere vero supernaturaliter est proprius effectus gratiæ: ergo in hac operatione non est unde totum tributatur Deo. Patet Consequentia: quia quod non est a gratia, non tribuitur specialiter Deo, sed nec concursus partialis voluntatis, nec id quod illi prout a voluntate, respondet, potest esse effectus gratiæ; sicut nec influxus gratiæ, nec id quod gratiæ prout a voluntate diversæ respondet, est effectus voluntatis, alioqui enim non essent causæ partiales, aut partialiter influerent: ergo non est unde, aut quomodo influxus ille partialis voluntatis, et quod ipsi prout tali respondet, Deo specialiter referri debeat.

Si autem dicatur, quod Pœnitentia præstat proxime pœnitere, et etiam supernaturalitatem; habemus intentum: quia jam Pœnitentia esset proxima, et adæquata ratio pœnitentiæ supernaturalis; si quidem uterque conceptus proveniret proxime a Pœnitentia, et a voluntate ut per ipsam operante, eo prorsus modo quo intellectio provenit immediate ab intellectu ut virtute adæquata, et proxima intelligendi, et ab anima ut a principio per intellectum intelligente et non se ipsa ut quo eliciente proxime intellectionem.

Urgentior impugnatio.

7. Nec elevatur difficultas, quin potius augetur illa doctrina D. Augustini. Verum quidem est S. Doctorem eo loci agere cum Semipelagianis, cum Deo componentibus, et partem illi dantibus, partem vero sibi tribuentibus, et quidem primam, et priorem. Sed unde hoc? nisi quia speciale concursum tribuebant voluntati, qui non esset ex gratia proxime, et immediate, ex quo fiebat consequens in assensu fidei, hoc quod est credere esse voluntatis (idem dico de aliis operationibus supernaturalibus) et non gratiæ, hoc vero quod ibi splendebat supernaturalitatis non a voluntate, sed a gratia prodibat. Patet hoc ex ipso D. Augustino ibi ita dicente: *Nolens ergo his tam claris testimonii repugnare, et tamen volens a se ipso sibi esse, quod credit homo, quasi componat, etc.* Ubi credere tribuebant homini, et subtrahebant a gratia, et componebant cum Deo nedum ex parte effectus, verum etiam ex parte influxus: sed etiam Adversarii componunt cum Deo; si non ex parte effectus, ex parte concursus. In quo profecto inconsequenter procedunt, cum ex uno aliud inferri videatur necessarium. Et si velint, illos inter-

rogemus: concursus ille partialis distinctus a concursu gratiæ, quem tribuunt voluntati, vel conductit ad salutem, et ordinem supernaturalem? vel non? Si non conductit, impertinenter, et omnino superflue ponitur. Si vero conductat? Rursus, vel illemet concursus prout tributus voluntati, et distinctus ab alio influxu partiali proprio gratiæ, est effectus ejusdem gratiæ, vel non? si hoc dicatur, jam componunt cum Deo, et aliquid ita est proprium voluntatis, quod specialiter non sit Dei, subindeque non debet ex hac parte Deo referri specialiter titulo ultra communem causæ universalis. Si est effectus ejusdem gratiæ, prout est concursus partialis voluntatis? Ergo jam non est ita concursus unicæ voluntati proprius, sed etiam ejusdem gratiæ. Ad quid ergo concursus partialis ita distinctus, et ita appropriatus uni, et non alteri, si in ipsummet concursum partiale voluntatis etiam influit gratia? Profecto, vel illa distinctio est inutilis, et solum servit ad obscurandam veritatem: vel si semel est vera, aliquid ibi est reperire, quod non referatur specialiter in Deum, in quodcumque latus ad hoc vitandum se vertant. Quo contra stat doctrina D. Augustini, et SS. PP. Quare illa distinctio, apud adversarios communis, de partialitate causæ generatim loquendo, sustinenda est; si secum afferat partialitatem effectus; secus vero si hanc non admittat. Et quia in præsenti controversia de actibus entitative supernaturalibus, utpote indivisibilibus, locum non habet; prorsus est rejicienda: quia effectus indivisibilis vel totus, vel nihil illius debet produci, et sic implicitorum est causam esse partiale, et totum effectum attingere: sicut implicaret assignare causam, quæ nihil efficeret in effectu. Qua observatione bene perpensa quam latius prosequi non est necessarium, ruit totum fundamentum illius sententiae, et ejus inconsequential monstratur.

8. Secunda ejusdem Authoris solutio est, Alio ideo in opere supernaturali totum deferri effugit Deo, quia licet sint distincti concursus partiales voluntatis et gratiæ; hujus influxus primatum tenet, et principalior est causalitas gratiæ, quam voluntatis. Cujus primatus duplē rationem assignat. Primo, quia causalitas gratiæ est ejusdem rationis cum opere supernaturali, cum eoque connectitur. Secundo quia gratia tribuit virtutem arbitrio, non vero arbitrium gratiæ, arbitrium elevatur a gratia, non vero gratia a libero

a libero arbitrio. Rursus : Deus sua gratia prævenit liberum arbitrium vocando, et excitando : liberum vero arbitrium non prævenit gratiam, nec excitat, aut vocat. Ita num. 119 allegatae sectionis.

Sed haec solutio eo melior est prædenti, quo clarius prodit, quid re ipsa doceant adversarii. Et omissis illis prærogativis gratiæ supra voluntatem, quas libenter concedimus cum aliis pluribus, sumamus primam disparitatis rationem, in qua est nervus differentiæ, ob quam totum opus supernaturale tribuitur Deo, et non voluntati, quia nimirum causalitas gratiæ est ejusdem rationis cum opere supernaturali, et cum eo connectitur; sed causalitas voluntatis non est causalitas gratiæ, cum sit ab ea partialiter diversa; ergo causalitas voluntatis non est ejusdem rationis cum opere supernaturali, nec cum eo connectitur. Syllogismus est recte dispositus, et legitime infert Consequentiam, suppositis præmissis, quarum Major ad verbum est prædicti Authoris, Minor etiam constat ex sententia, quam sequitur. Ex quo subinferatur, quod voluntas nequit adhuc partialiter proxime concurrere effective ad operationem entitative supernaturalem. Nam voluntas sua causalitate nequit attingere effective id quod non est ejusdem rationis cum ipso effectu, nec cum ipso connectitur: sed causalitas voluntatis non est ejusdem rationis cum effectu supernaturali, nec cum eo connectitur, ut est concessum: ergo nequit partialiter concurrere ad illum. Patet Consequentia: quia causa partialis partialiter debet esse ejusdem rationis cum effectu a se partialiter producto, et cum eo connecti debet; hoc quippe est de ratione Cujuscumque causæ effective.

Deinde insistamus eidem SS. PP. Doctrinæ, juxta quam totum negotium salutis deferendum est Deo, ut speciali authori, *hoc enim est pium, hoc est verum, ut sit humilis, et submissa confessio ut testatur Augustinus;* sed quod non est ejusdem rationis cum gratia, nec cum ea connectitur, non pertinet proxime, et immediate ad negotium salutis, ut est certum, et fide sanctum: ergo hoc non est Deo ut speciali Authori tribuendum. Sed concursus partialis voluntatis prout ab ipsa non est ejusdem rationis cum gratia, nec cum ea connectitur. Ergo non est referendus in Deum ut in specialem Authorem gratiæ.

Præterea, juxta D. Hieronymum ubi supra: *Ita libertas arbitrii servanda est, ut*

in omnibus excellat gratia Salvatoris: sed juxta illam expositionem non in omnibus excellit gratia Salvatoris: ergo expositi illa non attingit mentem SS. PP. nec salvat. Major est expressa S. Doctoris, et eam suo sensui adaptat Ripalda, sed inepte, ut patebit ex probatione Minoris. Tum quia in hoc quod est partialiter concurrere non est excessus, licet alter eorum sit præstantior in esse entis. Tum eo maxime; quia neuter alium determinat, aut prævenit immediate, sed simultaneæ se habent. Tum quia voluntatis concursus est ratio concursus gratiæ, et non e converso; quia enim homo vult, utitur gratia; non autem agit gratia, ut homo efficaciter velit pœnitere: et hanc causalem non negant adversarii, quin imo necessariam ducunt. Ubi est ergo primatus gratiæ in omnibus, ut intendit, etclare docet D. Hieronymus?

Demum: si Deus media sua gratia ita efficeret actum supernaturale quod pars ejus corresponderet gratiæ, et pars ejus voluntati, ut volebant Semipelagiani; abs dubio gratia non excelleret, sed foret pedissequa naturæ, ut in confesso est, et debet esse apud omnes utriusque sententiæ fautores: ergo admissis, et positis concursibus illis partialibus ex parte causarum, in modo efficiendi, et causandi, non excellit gratia voluntatem, quinimo hæc est superior illa, vel saltem æqualis in illo proximo utriusque partiali influxu. Patet Consequentia: nam idem excessus, qui in casu Antecedentis reperiretur in effectu ab utraque causa producto, invenitur in ipsis causis, et modo causandi, ut videtur perspicuum: Quomodo ergo voluntas totum specialiter referre poterit in Deum, a quo specialiter non habet, quod partialiter influat; quinimo ipsam facit suo concursu partiali, quod gratia influat, ipsam determinat, ipsam reddit suo partiali concursu voluntarium opus illud supernaturale, siquidem prius est esse voluntarium, quam esse supernaturale, et prius prioritate a quo vult voluntas gratiam operari, quam quod gratia operetur? Quia namque homo vult, gratia operatur; et gratia nequit velle efficaciter hominem hic et nunc operari, nisi præsupposito, aut præviso per scientiam medium partiali voluntati concursu.

9. Unde ruunt aliæ duæ rationes pro fulcienda expositione. Et sane bene docent adversarii gratiam largiri vires nostræ voluntati, gratiam prævenire, excitare,

Prose
qutur
impugna-
tio.

et vocare nostram voluntatem ad consensum. Hoc, inquam, recte docent, sed non recte explicant. Quid enim refert clamare gratiam conferre vires ad actus supernaturales, excitare, et vocare ad consensum naturale, si gratia indiget influxu partiali voluntatis? Hoc enim pacto tam indiget gratia voluntate, quam voluntas gratia, ut patet in impotente portare lapidem, qui socium vocat in auxilium pondus sustinendi, qui quidem supplet vires ad effectum, sed non addit vires impotenti, ut ipse cum illis viribus agat. Quando ergo docent SS. PP. gratiam largiri vires debili nostræ voluntati, sensus verus est, non quod gratia partim faciat effectum, et partim voluntas, ut ipsimet SS. PP. evidenter excludunt. Sed quod totum illum effectum, aut opus supernaturale, efficit voluntas per solas vires gratiæ superadditas, ideoque totum debet deferre gratiæ, et nihil sibi, et hoc modo in omnibus excellit gratia; aliter vero ægerime salvatur vera illa, et Catholica doctrina, nec quiescit intellectus intelligendo quomodo totum possit deferri Deo ut Authori speciali, si quidem quod voluntas ex se habet, non est a Deo ut a causa particulari. Dum tamen D. Augustinus de Gratia, et libero arbitrio cap. 5 clamet, et doceat: *ut de cœlo vocaretur, et tam magna, et efficacissima vocatione converteretur, gratia Dei erat sola.* Quod quidem si specialissime in D. Paulo splenduit, etiam tenet in quolibet bene operante in negotio salutis: in quolibet enim opere supernaturali splendere etiam debet gratia Dei, quia per solam gratiam operamur, et per solam gratiam habemus vires proximas, non per naturam. Unde lib. 1 Retractat. cap. 23, prope finem, explicans quod olim docuerat, nostrum esse credere, et Dei bene operari, inquit utrumque esse nostrum et etiam Dei, sed quomodo? audiamus Augustinum: *Utrumque ergo nostrum propter arbitrium voluntatis, et utrumque tamen datum est per spiritum fidei, et Charitatis.*

*Expenduntur
hujus ar-
gumenti
vires.*

10. Ex quibus verbis sic instauratur assertio, et expugnantur prædictæ expositiones. Nam juxta D. Augustinum: tam id quod est ex libero arbitrio, quam id quod est supernaturale, et proprium gratiæ, est nostrum: sed utrumque est datum specialiter a Deo: ergo utrumque est effectus gratiæ specialis, nihil ergo ibi est, quod specialius uni præ alia tribuatur ut virtuti proximæ.

Præterea. Per hoc quod operatio supernaturalis, qua supernaturalis, nostra sit juxta sensum Augustini; non probatur voluntatem nostram partialiter concurrere ad supernaturalitatem actus: hanc enim volunt Adversarii a sola gratia et non a voluntate ut a virtute proxima, procedere; atque ideo componitur actum supernaturalis, qua supernaturalem esse nostrum, quin nobis insit virtus agendi proxima distincta a gratia, et insita a natura, ad inducendam illam supernaturalitatem. Ergo vice versa stare quam optime poterit illud met opus esse etiam nostrum secundum aliam rationem, quin voluntas in illud exhibeat concursum partiale ex viribus naturæ. Patet Consequentia ex D. Augustino: ideo stat primum, quia est datum a Deo specialiter; sed etiam est datum specialiter alterum; ergo utrumque est datum, quin sit necessarius concursus partialis. Nam ideo datur homini gratia, ut per illam tamquam per vires proprias adæquatas, et omnino proximas operetur; non ut partim gratia, partim voluntas ex se ipsa proxime erumpat in operationem: hoc quippe non est totum esse nostrum, et totum gratiæ, nec totum tribuere Deo, sed partiri influentias: *Tutiores igitur vivimus, si totum Deo damus, non autem nos illi ex parte, et nobis ex parte committimus,* ut retulimus ex Augustino, cuius discipulus S. Prosper lib. de ingratis cap. 14, ita pro gratia cecinit: *Ut non his studiis adiutor promoveatur, non Doctor, neque discipulus; sed gratia sola efficit, inque graves adoleat plantaria fructus.*

11. Tertiam tandem, ac postremam expositionem testimoniis prædictis apponens laudatus Theologus, inquit, ideo totum dici esse Dei, quia et ipsum velle, et agere nostrum, quo Deo operanti cooperamur, Dei vere est per gratiam prævenientem, vi cuius partialis influxus nostræ voluntatis in ipsum refunditur. Et hanc præventionem gratiæ in voluntatem, non habet voluntas in velle, et agere voluntatis, et gratiæ divinae. Ita num. 121, ubi explicat pluribus testimoniis convenientiam prædictæ expositionis.

Sed nec hac explicatione elevatur pondus illorum testimoniorum in favorem nostræ sententiae. Et præterquam quod coincidit cum præcedenti jam refutata, ostenditur ejus insufficientia vel ex eo solum, quod gratiam excitantem non negarunt Semipelagiani, sed ea posita adhuc censebantur inimici

inimici gratiæ, et alia specialior extorquebatur ab illis : ergo ut salvetur Catholicus, et verus primatus gratiæ in opere supernaturali, in ipsomet opere assignanda est præcellentia, et non sufficit gratia excitans, aut præveniens. Consequentia constat, et Antecedens probatur ex Fausto lib. de Gratia, et humanæ mentis arbitrio cap. 10 et 19, cuius fuit haec propositio : *Deus postquam hominem excitat sua gratia, expectat ejus voluntatem, ut consentiat.* Et in hujus Consequentiæ eodem lib. 1, cap. 1 et 3, inquietabat : *Non est totum dandum Deo, et illius gratiæ : sed aliquid reservandum labori, et industriæ arbitrii.* Tum etiam : quia gratia excitans, et præveniens in hujus et sociorum sententia est indifferens, nec inducit determinate bonum usum, esto ad eum inclinet; unde quod voluntas velit, non est effectus determinate illius gratiæ, sed pendet unice ex ipso libero arbitrio, quo determinatur gratia ad consensum; non est ergo ex hoc capite, quare dicatur specialis effectus illius, et Deo referatur; cum id non habeat ex Deo sed ex innata libertate, ex qua gratiam illam indifferentem reddit determinatam, et efficacem. Unde potius est specialis effectus voluntatis, et in solidum sibi proprius, quam Dei; siquidem tradit (quia vult ex propriis), gratiam Dei ad consensum. Ex nullo ergo capite salvatur totum posse deferri Deo in opere supernaturali vel Pœnitentiæ, vel alterius virtutis; si semel admittuntur concursus illi partiales, quorum alter proveniat a voluntate proxime, et immediate, et alter a sola gratia. Atque ideo asserendum in prædictis operationibus gratiam et voluntatem non se habere ut causas partiales, diversos exercentes concursus, sed ut unam et eandem ex utroque constitutam; ex voluntate uti ex principio remoto, et potentiali; et ex gratia, seu virtute supernaturali ut ex principio proximo, seu ratione agendi adæquata, quibus proinde unius influxus debetur, ut supra explicuimus, et exemplis illustravimus. Et in vi hujus agit voluntas, dum dolet supernaturaliter de peccato; sed non agit ex virtute propria, et innata; sed ex viribus ipsius virtutis Pœnitentiæ; sicut homo, seu suppositum vere operatur, sed ratio operandi adæquata, non est nisi forma, qua constituitur suppositum: et persona divina vere agit operationes humanas, sed non nisi ratione humanitatis, a qua constituitur in ratione hominis. Quo ut credimus, exemplo non parum res illus-

tratur, et eo inferius utemur ad evacuandam difficultatem, qua opprimuntur Adversarii, et alias opprimendos autumant.

§ II

Mens D. Thomæ enucleatur.

12. Angelicum Præceptorem, quem ad plenum suæ sententiæ plausum desiderabat Ripalda sect. 19, in principio, pro concursibus partialibus stetisse contendit, et post allegata aliquia S. Doctoris testimonia, ita claudit sectionem illam : *Ex quibus reprehendes, quam levibus ducti testimoniis recentes discipuli D. Thomæ, habitum prædicaverint totam rationem agendi; cum nullibi ea, aut similis propositio apud D. Thomam, nec vetustiores Thomistas reperiatur; quantoque majora reliquerit ad nostram opinionem suffragia, propter quæ æquius, quam alii nostri Theologi veri D. Thomæ discipuli haberi, colique debeant.* Quapropter ut illorum gloriæ veri discipulatus D. Thomæ non invideamus; operæ pretium est in lucem eruere testimonia S. Doctoris quæ pro illa sententia allegat, et quæ nostræ favent, ut illis expensis, judicet cordatus Lector, quibus æquius debeat, haberi, et coli, ut veros D. Thomæ discipulos; et quod magis est, quænam harum sententiarum sit sustinenda; ea quippe laus est Angelici Præceptoris, ut pars, cui suffragium tulerit, ea semper fuerit veritati conformior, subindeque securior.

Probatur ergo ex D. Thoma non esse D. Thomas stat pro nobis.

locum in ejus doctrina his concursibus partialibus voluntatis, et gratiæ respectu actus quoad entitatem supernaturalis. Primo ex 1 p. quæst. 23, art. 5 in quam scientiam medium, quam ejus basim in partiali illo concurrendi modo consistentem repulit. Inquirit enim : *An præscientia meritorum sit causa prædestinationis?* et relata Pelagianorum sententia, ex Origene hausta, quod initium boni operis sit ex nobis pro priori ad gratiam, eaque expuncta, et amanda, devenit ad alteram, asserentem merita sequentia gratiam, eamque supponentia, esse rationem prædestinationis; quatenus ideo Deus dat gratiam alicui, quatenus præscivit illum bene prædicta gratia usurum. En scientiam medium brevissime, et verissime delineatam. *Sed isti* (prosequitur S. Doctor) *videtur distinxisse inter id quod est ex gratia, et id quod est ex libero arbitrio, quasi non possit*

esse idem ex utroque. Ecce depictam sententiam oppositam, juxta quam id quod procedit ex gratia, nequit provenire a libero arbitrio; seu ut formalius loquamur, sub ea ratione sub qua actus procedit a gratia, nequit proxime, et immediate provenire a libero arbitrio, nec e contra. Audiamus nunc judicium et sententiam D. Thomæ, et qualiter approbet, vel reprobet prædictam sententiam. *Manifestum est autem (inquit) quod id, quod est gratiæ, est prædestinationis effectus, et hoc non potest ponи ut ratio prædestinationis; cum hoc sub prædestinatione concludatur.* Quæ propositio est evidens, et obtinet vim Majoris ad formandum syllogismum, quo convincatur D. Thomam non fuisse ab illa sententia. Sumamus Minorem ejusdem: *Non est autem distinctum, quod est ex libero arbitrio, et ex prædestinatione.* Consequentia legitima est: *Ergo quod est ex libero arbitrio, non potest esse prædestinationis ratio.* In quo syllogismo, si præmissæ sunt veræ, Minor assumpta a D. Thoma, est diametraliter opposita sententiæ distinguenti id, quod est ex libero arbitrio, ab eo quod est ex prædestinatione, ut liquet. Non ergo stat D. Thomas pro concursu partiali liberi arbitrii, distincto partialiter a concursu gratiæ, ut intrepide affirmatur.

Evasio.

Nec effugient difficultatem, si dixerint in ipso actu contritionis v. g. non distinguere Adversarios id, quod est ex gratia, et ex voluntate; cum constanter affirment totum actum a gratia procedere, et totum a libero arbitrio, sed distinctio solum se tenet ex parte causalitatis, et influxus ipsarum causarum; quatenus enim, vel sub qua ratione, ab una procedit libere v. g. aut vitaliter, non producitur ab alia, sed sub diversa ratione partiali. Et hoc nec negat, nec impugnat, aut reprobat D. Thomas; nec certe poterat, nisi totum influxum deferendo gratiæ, nihil vitaliter voluntate agente; vel totum negando gratiæ, et tribuendo voluntati, quod esset subruere omnem illius actus supernaturallitatem.

Præcluditur
ex ipso
S. Doctor.

13. Hoc tamen effugium occlusit Doctor Angelicus probando Minorem a se assumptam, quod nimurum, non sit distinguendum inter id, quod est ex gratia, et ex libero arbitrio. Cujus probationis efficacia ut melius percipiatur, est observandum, hoc interesse discriminis inter hanc, et nostram sententiam, quod licet omnes Catholice fateamur totum actum superna-

turalem a gratia, et libero arbitrio procedere, ut supposuimus ad quæstionis limina; tamen Adversarii docent ita ab illis immediate oriri, quod nec voluntas est ratio proxima agendi gratiæ ad supernaturallitatem; nec vice versa, gratia est virtus proxima voluntati, ut eliciat vitaliter, aut libere actum supernaturale. Quod summatim est dicere effectum, seu actum supernaturale ab utraque virtute prodire immediate: non tamen prout ab una provenit, procedit ab alia; quia neutra est alteri ratio agendi illum actum, licet utraque immediate actum efficiat. In quo sane explicatur dependentia illius actus ab utraque virtute immediate, sed non explicatur subordinatio unius virtutis ad aliam in agendo, nec consequenter quod una sit alteri agendi ratio. Porro illud est, quod maxime Thomistis displicet, et D. Thomas diserte oppugnat, statuendo concursum illum prout a libero arbitrio etiam cadere sub prædestinatione et gratia, et ut proprium ejus effectum ab illa procedere, subindeque non esse locum illi distinctioni, non solum ex parte effectus, ut omnes concedunt; sed nec ex parte causæ; siquidem voluntas nihil ibi agit nisi sub viribus gratiæ, cui subordinatur, ut rationi adæquatæ agendi. Atque ideo constitui debet nedum subordinatio effectus ad causam, sed etiam causæ ad causam seu virtutis ad virtutem: vi cujus pro effectu gratiæ non solum debet assignari actus supernaturalis, sed etiam quod voluntas agat, et et ipsummet efficere voluntatis prout a voluntate est effectus gratiæ.

Hoc ita esse manifestissime convincit ratio D. Thomæ, quam immediate subtexuit dicens: *Non est autem distinctum quod est ex libero arbitrio, et ex prædestinatione: sicut nec est distinctum, quod est ex causa secunda, et causa prima. Divina enim providentia producit effectus per operationes causarum secundarum, ut supra dictum est. Unde et id quod est per liberum arbitrium, est ex prædestinatione.* In quo sane subjicit gratiæ nedum actum supernaturale, sed etiam ipsummet liberum arbitrium sub ratione agentis, quo medio Deus efficit ipsum actum. Actus ergo prædictus ut procedens a libero arbitrio est effectus ejusdem gratiæ, subindeque occluditur locus ex mente D. Thomæ illi partialitati, ac distinctioni influxuum; ita quod prout ab uno, non sit ab altera: in quo consistebat illud effugium.

Confirmatur

Merito
sperc-
nenda.

Confirmatur ex eodem D. Thoma contra Gentes cap. 70, ubi ut exponeret S. Doctor qualiter effectus naturales Deo, et particularibus agentibus vere attribuantur, tertium argumentum, in quo est tota adversariorum difficultas, proposuit sub his terminis: *Si Deus totum effectum naturalem producit, nihil relinquitur de effectu naturali agenti ad producendum: Non videatur igitur esse possibile, quod eosdem effectus producere dicatur, quos res naturales producent.* Et hoc ipsum torquent Adversarii in hac controversia: *Si gratia totum actum supernaturale sive ut vitalem, sive ut liberum efficit, nihil relinquitur aut vitalitatis, aut libertatis, aut supernaturalitatis a voluntate faciendum: Non igitur (infernunt) est possibile quod gratia totaliter illum actum efficiat, sed aliqua proxima in illum activitas est voluntati assignanda.* Quid igitur D. Thomas? Negavit Antecedens? neutiquam, sed illo concesso, illationem expedit animadvertingo, quod in quolibet agente est duo considerare, scilicet rem ipsam, quæ agit, et virtutem qua agit, sicut ignis calefacit per calorem. Virtus autem inferioris agentis dependet a virtute superioris agentis. Et hoc explicato, respondet ad argumentum, quod non sic idem effectus causæ naturali, et divinæ virtuti attribuitur, quasi partim a Deo, et partim a naturali agente fiat, sed totus ab utroque secundum alium modum. Quia doctrina manifeste diruitur adversariorum præcipuum, imo et unicum fundamentum: nam considerata re, quæ agit actum supernaturale, est voluntas; virtus vero qua agit, est gratia, non secus ac calor est ratio agendi proxima substantiæ ignis. Hinc actus supernaturalis totus respondet voluntati ut rei agenti, et si mavis, ut quod; totus vero gratiae tribuitur ut quo, vel ut virtuti, per quam solam voluntas agit, et hic est aliud modus agendi præscriptus a D. Thoma, non quod partim, seu partialiter, ab uno, et partialiter ab alio, ut evidenter constat ex textu.

14. Sed vero P. Ripalda num. 97 illius sectionis invehitur contra discipulos D. Thomæ hoc testimonium in propriæ sententiae suffragium adducentes, inquiens: *Miror hoc testimonium in rem præsentem adduci; cum S. Thomas ibidem manifestissime adstruat immediatam actionem agentis naturalis in effectus, in quos adjuvatur ad quam immedietonem solam evincendam tota nostra disputatio laborat.* Hactenus ille.

Sed expendamus testimonium, et cessabit admiratio. Etenim Angelicus Doctor agenti naturali non aliam tribuit actionem, quam quæ ipsi debetur ratione virtutis proximæ agendi, quæ est eidem ratio adæquata operandi, ut constat in ipso exemplo ignis calefacentis, quo utitur S. Doctor. Cum enim juxta D. Thomæ veram philosophiam substantia non sit immediata ratio agendi, sed hoc est proprium virtuti realiter superadditæ, de quo N. Complut. ad lib. Physic. et omnes alii discipuli D. Thomæ: idcirco ignis ad calefacendum v. g. et sic de aliis, non influit alia actione, quam propria caloris, et hæc ut quo est tota a calore, et ut quod est tota ab ipsa ignis substantia, quæ sicut sola habet esse ut quod, ita etiam sola operatur ut quo. Et ideo inquit S. Doctor, quod si consideretur res, quæ agit, est ignis; si vero attendatur ad id, quo agit, est calor. Et hanc philosophiam transtulit S. Doctor, et accipiunt discipuli ad veram, et solidam Theologiam, ut constat ex his quæ supra annotavimus in explicatione hujus sententiarum. Et in hoc tenet, et efficaciter concludit Consequentia discipulorum D. Thomæ, imo et ipsius S. Doctoris: nam voluntas, et quælibet alia potentia naturalis remotius, imo et impertinentius se habet ad res supernaturales, quam substantia, seu agens naturale ad operationes naturales: sed agens, vel substantia naturalis non elicit immediate operationem naturalem, nisi media virtute naturali, quæ ipsi est tota, et adæquata proxima agendi, et operandi ratio: ergo nec voluntas, aut alia potentia naturalis potest se exercere in operationem supernaturalem, quin illi communicetur virtus supernaturalis, quæ sit adæquata, et proxima agendi ratio. In quo discursu nihil apparet extra rem, sed quod satisclare rem elucidat, et ostendit. Unde universaliter statuit S. Doctor, quod *virtus inferioris agentis dependet a virtute superioris agentis, in quantum superius agens dat virtutem ipsam inferiori agenti, per quam agit.* Et discriben stat in eo, quod agens naturale eam recipit naturaliter, vel ex via generationis, vel proprio labore, et industria; agens vero supernaturaliter, dumtaxat ex gratia Dei, et supra omne debitum; alioqui gratia non esset gratia. Sed hoc neutiquam variat modum influendi ex vi unius, et ejusdem indivisibilis concursus, ut allata exempla declarant, et infra dicenda monstrabunt. Merito ergo Tho-

mista vel ex hoc solo testimonio respuere, possent concursus illos partiales ut alienos a doctrina, et mente D. Thomæ. Sed supersunt alia æque efficacia, quæ sparsim dabimus in disputationis progressu. Modo sufficiat unum, vel alterum subjungere.

Manifestatur ulterius mens D. Thomæ.

45. Probatur ergo tertio ex eodem Angelico Præceptore, juxta quem, quod *excedit naturæ facultatem, non potest esse neque naturale, neque per potentias naturales acquisitum, quia effectus non transcendent suum causam*: sed actus contritionis est supernaturalis: ergo nequit fieri per vires naturales. Major propositiō est D. Thomæ 2, 2, quæst. 23, art. 1 et videtur per se nota, quia effectus in eo, quod est effectus, non excedit suam causam principalem, utpote a qua recipit, et habet esse; et quia nemo dat, quod non habet, nec causa efficiens operatur, nisi in quantum continent vel formaliter, vel virtualiter, aut eminenter effectum; et ideo implicitorum est potentiam naturalem nullo illorum modorum continentem perfectionem supernaturalē, illam efficere principaliter. Minor supponitur, et probata est supra. Consequentia nequit negari, sed potest distingui ex doctrina illius sententie; nam adæquate, quo pacto excedit, nequit fieri per vires naturales; bene tamen inadæquate, quo pacto non excedit, quin commensuratur virtuti naturali vel ratione vitalitatis, vel ratione libertatis, vel utriusque simul. Sub qua distinctione, nulla est Consequentia.

Præoccupatur effugium.

Sed contra est ex eodem D. Thoma, tum art. 3 illius quæstionis, ubi docet quantitatē gratiæ, aut donorum supernaturalium non dependere *ex conditione naturæ, vel ex capacitate naturalis virtutis, sed solum ex voluntate spiritus sancti distribuentis sua dona prout vult*: sed actus Charitatis, seu contritionis est adæquate supernaturalis, et est donum Dei, et maxima ejus gratia supernaturalis: ergo juxta D. Thomam non pendet vel ex conditione naturæ, vel ex capacitate naturalis virtutis: et consequenter nec inadæquate ab ea potest fieri; alioqui enim inadæquate saltem penderit proxime, et immediate ex capacitate naturalis virtutis: siquidem effectus sub ea ratione sub qua procedit a sua causa, ab ea dependet juxta modum ab ipsa prodeundi. Tum etiam (et prosternitur evasio hujus testimonii), nam Præceptor Angelicus non solum dona habitualia exclusit a conditione, et capacitate virtutis naturalis, sed etiam influxum

quemlibet partiale et proximum virtutis naturalis. Et ratio est: quoniam talis influxus nequit non esse aliquis conatus virtutis naturalis in effectum supernaturalem, quo conatus vivat ipsa voluntas, et libere se moveat, ut patet, et ipsi Adversarii explicant, ne voluntas maneat inanimis, et velut mortua in actu supernaturali; sed juxta D. Thomam loco proxime allegato in solut. ad 1, omnis conatus voluntatis in actum supernaturalem est effectus gratiæ: nullus ergo influxus partialis illius in ipsam debet refundi ut in causam proximam, qui non sit prout a voluntate supernaturalis. Cætera constant, præter Minorem, quam docet D. Thomas per hæc verba: *Ad primum ergo dicendum, quod illa virtus, secundum quam sua dona Deus dat unicuique, est dispositio, vel præparatio præcedens, sive conatus gratiam accipientis. Sed hanc etiam dispositionem, vel conatum prævenit Spiritus sanctus movens mentem hominis vel plus, vel minus, secundum suam voluntatem.*

Ubi duo consideratione, et reflexione digna observamus: Primum est nullibi aptius occurrisse S. Doctoris occasionem suam mentem explicandi, et influxum illum inadæquatum, et partiale statuendi, quam in prædicto articulo, in quo inquisierat: *Utrum Charitas infundatur secundum capacitatem naturalem?* Et sane argumentum primo loco positum jure extorquebat, quod erat hujusmodi: *Dicitur enim Matth. 25, quod dedit unicuique secundum propriam virtutem: sed Charitatem nulla virtus præcedit in homine, nisi naturalis: Ergo secundum quantitatem virtutis infunditur homini Charitas a Deo.* Quem aptiorem locum propriam mentem expoundi, et activitatem illam partiale inventient adversarii? certe non appetat. Et tamen respondet D. Thomas ad allegata verba, docens conatum illum accipientis gratiam, quo ad illum se præparat, non esse virtutis naturalis, sed gratiæ. Quæ responsum cum sit negativa, quemlibet influxum naturalem amolitur; si namque influxus et naturalis, et supernaturalis reperirentur, quod argumentum intendebat; male subticuisset unum, explicato alio; nec argumento satisficeret. quinimo totum concedere tenebatur, utpote quo non negabatur Charitatem esse virtutem supernaturalem; sed hoc supposito intendebat eam infundi a Deo juxta conatum virium naturalium. Quod disertissime repulit

D. Thomas

D. Thomas in predictis verbis. Secundum, quod duximus observandum, est hanc doctrinam D. Thomæ a fortiori tenere in aliis operationibus supernaturalibus sublimioribus, in hoc ordine. Utpuia visione beatifica, amore itidem Beatorum, et cæteris similibus. Si enim ab operationibus, qua homo se præparat ad obtinendam primam gratiam sanctificantem, amolitus est D. Thomas influxum partialē, et omnem illius conatum reduxit in gratiam, ut in causam proximam, seu virtutem adæquatam agendi; meliori, ac potiori titulo idem asserendum est de operationibus sanctioribus supponentibus gratiam vel jam consummatam, vel admodum intensam, et perfectam.

16. Reliquum est percurrere, quæ prædictus Author D. Thomæ testimonia in sui suffragium vocaverit, ut his cum supra positis collatis, perspiciat Lector, cuinam partium adhibenda sit fides. Primum ergo, et potissimum testimonium sumit ex 1 parte quæst. 12, art. 5, ubi inquit Angelicus Doctor : *Cum virtus naturalis intellectus creati non sufficient ad Dei essentiam vindicandam, oporet, quod ex divina gratia, super accrescat ei virtus intelligendi. Et hoc augmentum virtutis est lumen.* Ubi (ut ponderat) non dixit D. Thomas virtutem naturalem intellectus creati nullam activitatem conferre in visionem essentiæ divinæ; sed supponens aliquam conferre, solum dixit eam sufficientem non esse, subindeque egere gratia divina. Nec hanc docuit esse totam rationem agendi, seu intelligendi, sed incrementum, et augmentum virtutis. Incrementum autem requit fieri, nisi additione virtutis supervenientis ad virtutem præcedentem, ut augmentum caloris, aut quantitatis, ad aliam caloris, et quantitatis partem.

Id quod clarius elucet in responsione ad 1 ubi docet *lumen gloriæ esse necessarium ad hoc quod intellectus fiat potens ad intelligendum.* Et ne suspicaremur totam activitatem esse luminis, addidit Angelicus Præceptor *Per modum quo potentia fit potentior per habitum : habitus autem reddit potentiorum potentiam superaddendo partem virtutis ad virtutem præexistente in potentia, quæ absque habitu erat debilior, et ad adventum habitus fit robustior, ac fortior.* Quo collimans in sequenti solut. docet confortari potentiam lumine gloriæ, ad modum quo lumen corporale necessarium est in visu exteriori, ut videre possit.

Salmant. Curs. theolog. tom. XIX.

Quæ omnia vel ægre, vel nimis improprie salvarentur ablata a potentia intellectiva, omni activitate proxima. Nam si quis asserat per calorem inhærentem aquæ, ejus virtutem augeri, eaque potentio redi, apertissime significaret aliquam vim activam caefaciendi aquæ inesse, et non qualecumque sed immediatam : ergo eo loquendo modo clarissime exposuit D. Thomas virtutem partialē intellectus ad Deum medio lumine gloriæ intuitive videndum.

Respondetur concedendo totum, quod in illo textu continetur, in quo nihil non penitus verum reperietur pro necessitate luminis gloriæ in intellectu creato ad vindendum Deum. Sed illationes, et ponderationes inde deductæ sunt frivola, et nullius fundamenti in littera D. Thomæ, ut eas percurrendo constabit; si ob oculos ponamus, quod paulo ante a S. Doctore audivimus, in quolibet scilicet agente esse duo considerare, nimirum et rem ipsam, quæ agit, et virtutem, qua agit, ut patet in igne per calorem agente. Quo supposito ex eodem D. Thoma, et non ex proprio cerebro commento, in intellectu elevato per lumen gloriæ ad vindendum Deum, res quæ intelligit, est anima cum intellectu, qui se habet ut potentia, et reverya intelligit, et videt Deum per modum potentiae, et anima per modum naturæ, seu principii substantialis : quapropter eadem indivisibilis actio Deum in se ipso immediate vindendi, seu intelligendi respondet illi triclini principio; animæ ut principio omnino radicali videndi Deum, intellectui ut potentiae vere, et realiter intelligenti, ac tantem lumini ut virtuti per quam anima, et intellectus intelligent, quin quoad hoc ponant in numero in ratione principii visionis beatæ; licet in esse rei quam plurimum differant, imo et ad diversos ordines pertineant. Non secus ac intra ordinem naturalem eadem calefactio indivisibilis respicit calorem ut rationem adæquatam, et proximam agendi, et formam ignis ut radicem omnino primam tum caloris, tum calefactionis, et clarius cernere licet in anima naturaliter intelligente. Et in hoc bellicare est nodum ut inquiunt, in scirpo querere.

17. Hinc concedimus non dixisse D. Thomam virtutem naturalem intellectus nullam activitatem conferre in visionem beatificam; sed eam esse totaliter deficiem ad proxime vindendum Deum ostendit.

Manifestantur debilia, et imperficiencia.

disse, vel ex eo solum, quod tota illa vis naturalis agendi est inferioris ordinis ad visionem beatam, atque ideo insufficiens. Quo nihil verius. *Unde oportet* (inquit D. Thomas) *quod aliqua dispositio supernaturalis ei superaddatur, ad hoc quod elevetur in tantam sublimitatem.* Quare sicut adhuc in sententia contrariorum, lumen gloriæ est tota ratio proxime disponendi intellectum, et tota itidem ratio ipsum elevandi ad Deum videndum, et nec partialiter ad hæc munia concurrit vis naturalis; alioquin dispositio naturalis partialiter, et immediate conduceret ad tam supernaturalem finem, quod et ipsi Adversarii abhorrent. Ita et ob eandem omnino rationem, ut inde bene probatum statuit D. Thomas lumen gloriæ esse totam, et adæquatam rationem proximam agendi. Quia non elevat, nec disponit intellectum, nisi per modum virtutis, et rationis agendi, qua suppleatur insufficientia intellectus tam in ratione subjecti proxime, ut sic dicamus, disponibilis, quam in ratione agentis: sed in ratione disponibilis, et elevabilis tota ratio est lumen gloriæ: ergo etiam in ratione proxime agentis. Unde persistendo in eodem exemplo, et illud premendo contra adversarios, sicut intellectus medio lumine gloriæ est, cui convenit esse proxime, et immediate dispositum, ita illi medio eodem lumine, etiam competit immediate Deum videre, intelligere, et cognoscere; atque ideo illamet visio oritur ab intellectu, sed medio lumine ut ratione agendi, et elevandi, ac disponendi simul, et toti illi principio ita elevato, ac deposito immediate tribuitur. In quo sensu lumen gloriæ verissime nuncupatur cremen-
tum, et augmentum virtutis. Qui enim gaudet virtute tantum intra unum ordinem, si altiore recipiat ad operandum intra alium superiorem, vere accipit augmentum: quin ex vi hujus oporteat illam vim activam, et inferiorem aliquo modo, aut partialiter attingere superiorem, ut patet in optime ad currendum expedito, cui si adderentur plumæ ad volandum abs dubio virium accretio, et augmentum ipsi fieret, quo robustior, et potentior absolute redderetur; quin tamen ad volandum proxime pedes concurrent.

Eviden-
tior de-
claratio.

Confirmatur, et explicatur hoc retor-
quendo in Adversarium, et Socios, illam ponderationem ipsis frequentissimam. Nam vel intendunt ex vi illorum verborum D. Thomæ *crementum, seu augmentum,* qui-

bus significatur elevatio et virtus luminis, intelligi debere virtutem partiale ejusdem rationis, sed quæ sit perfectior intra illum ordinem, vel dumtaxat virtutem diversi ordinis, et altioris rationis ad omnem virtutem naturalem? Si dicant primum, quod significare videtur exemplum illud aquæ calefactæ, quo usus fuit Ripalda, ut ex ipso supra vidimus; profecto desipiunt, et plusquam intendere possunt, evincere convincuntur. Nam virtus ejusdem rationis, licet perfectioris, cum virtute naturali intellectus, est, et esse debet etiam naturalis, et solum differet a præexistenti virtute penes perfectum, et imperfectum intra eamdem speciem, adinstar caloris remissi, et intensi. Hoc autem nequit Catholice a Catholico Theologo intendi: alioqui sola additione, cremento, aut augmento virium naturalium redderent possibilem visionem beatificam, quin necessaria esset vis supernaturalis luminis gloriæ. Quod plane est destruere necessitatem, et totum ordinem gratiæ. Si vero affirmetur, ut affirmari debet, secundum implicitorum est ante elevationem inesse vim naturalem adhuc partiale intellectui ad operandum supernaturaliter, ut patet in eodem exem-
plo aquæ, quæ quia elevatur ad recipien-
dum calorem, et medio calore calefacien-
dum, nulla virtus calefactiva ei concedi
debet ante calorem: et quia humanitas
Christi media unione hypostatica elevatur
ad ordinem hypostaticum, et hypostatica
operandum; nulla partialis vis hujus ordi-
nis præsupponi debet ante elevationem. Et
ratio est eadem, et satis clara: nam ordo
inferior nec partialiter continet superio-
rem, sed ita evehit ad illum, quod totaliter
ratio essendi, et agendi in superiori
ordine sit elevatio, aut forma illius ordi-
nis. Quia cum operari sequatur ad esse, et
ejus in omnibus conditiones observet, eo
quod unumquodque operatur secundum
quod est in actu idipsummet, quod opera-
tur; cum vis naturalis nullum esse super-
naturalē habeat nisi emendatum, et ac-
ceptum a gratia; consequens necessarium
est nullam etiam naturalem vim activam
adhuc partiale fore concedendam ad ope-
randum intra ordinem supernaturalem, sed
quod tota, et adæquata proveniat a virtute
elevante. Unde si accrescant, et augentur
vires; deserviunt quidem ad totaliter extra
proprium ordinem operandum per virtutem
hujus ordinis, non vero per eas, quæ
illi convenient intra proprium et natura-
lem

lem ordinem, que sicut insufficiens, ita et improportionatae sunt, adhuc posito lumine gloriæ : squidem adhuc eo posito, vis activa naturalis intellectus permanet intra ordinem naturæ, subindeque impotens ad attingendam operationem supernaturalem.

18. Sed instat Rípalda ubi supra : *Augmentum virtutis fieri non potest nisi additione partis virtutis in partem virtutis præcedentem, ut augmentum caloris, et quantitatis ad aliam caloris, et quantitatis partem, que præcedens major existat.* Sed D. Thomas asseruit fieri augmentum virtutis ad positionem luminis : ergo per additionem virtutis ad præcedentem virtutem ; atque ideo supponi debet virtus partialis, et deficiens, cui fieri debeat accretio.

Hac tamen instantia detegitur, quod supra intulimus, plus evinci, quam Catholice possit intendi. Si enim Major ut assumitur, tenet, manifeste probat lumen additum virtuti intellectus esse ordinis naturalis, et ejusdem rationis, licet perfectioris, cum virtute præexistenti naturali, et partiali, quam introducere conatur ille Author : sicut calor calori additus, et quantitas quantitatis unita ejusdem rationis sunt. Unde ex illa Majori sic universalis, et illis exemplis fulcita, posset etiam inferre fuisse de mente D. Thomæ, quod lumen gloriæ est quid naturale, et ejusdem rationis cum virtute naturali intellectus ; squidem docet S. Thomas per adventum luminis gloriæ fieri augmentum virtutis in intellectu : ergo si ut fiat augmentum in intellectu, debeat observari exemplum caloris, aut quantitatis ; liquido inferretur vel D. Thomam nihil probasse, vel simul evicisse lumen gloriæ non esse supernaturale. Quare si ut hac Consequentia nec in se nec ex mente D. Thomæ quoad præsens tenet, ita neque valet, quam inferunt pro partiali concursu intellectus. Dicitur ergo, et vere fit augmentum virtutis ad adventum luminis, qua nihil demittit activitatē intellectus in origine ad naturalem cognitionem rerum, imo et ipsius Dei ; gratia enim non destruit, sed perficit naturam. Sed tota ea activitate in suo robore permanente, advenit alla virtus superioris ordinis, per quam ut per virtutem prorsus adæquatam ipsemel intellectus Deum in se ipso compleetur ; et ad hanc tam claram cognitionem nullæ vires proxime activæ reperiuntur in natura aliqua, sive creata, sive creabilis, sed quælibet imaginetur, erit impotens, et deficiens.

Unde posito prædicto lumine, necessarium est quod fiat potentior, quod detur augmentum, quod reddatur intellectus robustior ; cum valeat per illud percipere clare, et intuitive, quod antea non poterat nisi in enigmate, et quoad an est, per effectus summe distantes, sed quid inde pro concursu partiali proximo ex mente D. Thomæ ? Ubi vel leviter indicat ? aut ex ejus principiis inibi statutis vel appartenenter deducitur ?

19. Hinc evanescunt aliæ ponderationes in confirmatione adductæ. Nam ultronei fatemur intellectum per illud lumen fieri potentem. Sed ex hoc statim infertur, quod ante lumen non erat potens : ex eo vero quod non erat potens, unde infertur, quod erat partialiter potens ? Latet profecto : quia qui est partialiter potens, aliquo modo, saltem partialiter, potens est, et absolute non dicitur impotens, sed respective ad totum, licet non ad aliquid. Unde debent concedere, qui ita arguunt, intra ordinem naturæ esse aliquas vires proximas naturales ad operandum partialiter intra ordinem gratiæ, et consequenter hanc non esse totaliter supra naturam, nec adæquate supernaturalem, sed dumtaxat partialiter. Ex quo plures aliæ Consequentiae minime deglutiendæ sponte fluunt, a quibus in praesenti abstinemus, et propriis sedibus reservamus, de quibus aliquas reperiet lector tract. de necessitate gratiæ, et qui plura voluerit, evolvat sapientissimum Magistrum Lemos in Panoplia gratiæ per quatuor tomos digesta.

Concedimus etiam cum eodem Angelico Aliæ in-
Præceptore medio lumine gloriæ intellectum conse-
fieri potentem ad videndum Deum per modum juxta in-
quo potentia fit potentior per habitum : quia tentio-
lumen gloriæ habitus est potentia intellec-
tivæ, sicut charitas se habet ad voluntatem. junioris.
Sed quia est habitus altioris ordinis supra
totum esse naturale, ita perficit intellectum per modum habitus, quod constituit
potentiam, et dat illi proximum posse, et
omnino adæquatum cum visione beatifica,
ad quam intellectus erat totaliter proxime
impotens ; et vi hujus redditur potentior,
ut supra dicebamus. In hoc vero non con-
venit lumen gloriæ cum habitibus natu-
ralibus, sive congenitis, sive acquisitis,
utpote qui solum præstant facultatem,
promptitudinem, et habilitatem operandi,
ideoque solum concurrunt ad modum, non
vero ad substantiam operationis, ut fu-
sius expendimus tract. de virtut. disp. 4;
dub. 1 et 2. Et hanc disconvenientiam ne-

Ostendi-
tur petere
impossi-
bilia.

gare non possunt Authores oppositi, nisi velint lumen gloriæ non esse magis necessarium ad visionem beatificam, quam necessarius sit habitus virtutis acquisitæ ad actum virtuosum. Quod est inopinabile; alioqui absolute posset intellectus clare, et intuitive Deum attingere absque lumine gloriæ, sicut potentia naturalis exercere valet actum virtutis naturalis absque habitu virtutis, ut contingit in primo actu, quo ipsa virtus acquiritur. Unde rursus fieret lumen gloriæ non esse simpliciter necessarium ad posse, sed dumtaxat ad prompte, et faciliter posse, et sic de reliquis habitibus supernaturalibus: quo destrueretur necessitas gratiæ supernaturalis contra Concilia, et SS. PP. pro ea clamantes.

Porro exemplum illud luminis corporalis adductum a D. Thoma, in quo tandem maxime fidunt, neutiquam illorum positioni favet: quia sicut objectum non immittit speciem nisi illuminatum per lucem, ita neque intellectus elicit visionem beatam, nisi medio lumine gloriæ. Ut enim in sententia S. Doctoris lumen corporale est instrumentum, seu ratio illuminandi, sicut calor est igni ratio agendi: sed calor est totalis, et adæquata ratio agendi respectu ignis: ergo etiam lux corporea ratio adæquata objecti, ut possit immittere species.

D.Thom.
Retor-
quetur
exem-
plum.

Major est D. Thomæ 1 p. quæst. 67, art. 3 ad 3, ubi ait: *Quod sicut calor agit ad formam ignis quasi instrumentaliter in virtute formæ substantialis: ita lumen agit quasi instrumentaliter in virtute corporum cœlestium ad producendas formas substantiales, et ad hoc quod facial colores visibiles in actu, in quantum est qualitas primi corporis sensibilis.* Unde retorquetur argumentum, et non tenet ponderatio contra nostram sententiam, sed recidit in ejus Authorem. Ex eo namque juxta D. Thomam, quod lux est qualitas primi corporis cœlestis, et participatur in inferioribus, lux est tota illuminandi ratio, et ante illam nulla est vis illuminandi nec medium, nec potentiam ut videat clare, et intuitive objecta. Sed lumen gloriæ ita se habet respectu intellectus juxta D. Thomam, ut constat, et adversarii concedunt. Ergo ante lumen gloriæ non est aliqua ratio proxima, et immediata Deum clare videndi, consequenterque contra D. Thomam asseritur in intellectu vis partialis Deum videndi ante lumen gloriæ. Et cum eadem sit ratio aliarum virtutum, et aciūm supernaturalium; de omnibus idem omnino judicium ferendum est.

20. Prolixius forte institimus in hoc testimonio D. Thomæ vindicando pro nostra et vera sententia, ut appareret manifestior ejus mens, quam citra omnem invidiam assequi conamur; non enim est discipuli ad propria sensa vel reluctantem Magistrum trahere, sed ejus doctrinam penitus rimari, et immobiliter sequi. Sed age, et videamus secundum testimonium, quod desumitur ex eadem 1 p. quæst. 62, art. 6, ubi ad finem corporis articuli habet D. Thomas, *naturam Angelicam secundum totam virtutem moveri atque ideo, Angelos, qui meliorem naturam habuerunt, etiam fortius, et efficacius ad Deum esse conversos.* Ergo (infert Ripalda) in Angelis virtus propria nature contulit immediate quidquam ad conversionem in Deum; alioqui nihil referret melior natura, ut fortius, et efficacius convertere oportet. frustra que ex majori efficacitate naturali colligeret intensionem, et efficaciam conversionis.

Respondeatur nullam esse illusionem; alias eodem modo posset inferri visiones beatificas hominum, et Angelorum fore diversæ speciei, utpote procedentes a diversis principiis essentialibus. Ex quo rursus fieret simile excessum reperiri in visionibus ipsis, quem constat esse in naturis: sed natura Angelica præstantior est natura humana: ergo etiam Angelorum beatitudo excederet beatitudinem aliorum hominum, imo et Christi Domini, quod est absurdum minime deglutendum, sed bene illatum, de quo egimus tract. de visione Dei disp. 5, dub. 3 per totum. Sed audiamus D. Thomam, in quam causam proximam revocet visionem beatificam, in naturam, vel in lumen? Hoc erit (ait S. Doctor in eadem 1 p. quæst. 12, art. 6), *per hoc quod intellectus unius habebit majorem virtutem, seu facultatem ad videndum Deum, quam alterius. Facultas autem videndi Deum non competit intellectui creato (sive Angelico, sive humano) secundum suam naturam, sed per lumen gloriarum, quod intellectum, in quadam Deiformitate constituit, ut ex superioribus patet. Unde intellectus plus participans de lumine gloriarum, perfectius Deum videbit.* Ex quo propositio contradictoria illi, quæ nobis ostenditur, evidenter deducitur, quod nimis virtus propria naturæ non quidquam conferat immediate ad conversionem in Deum. Quod etiam constat ex locis supra citatis ex 2, 2, ubi diserte affirmat D. Thomas majorem conatum conversionis et tenden-

tiæ in Deum esse ab Spiritu sancto, et supponere majorem ejus gratiam, a qua petit indispensabiliter procedere. nihil proxime per modum virtutis conferente natura. Et hæc doctrina tenet etiam in Angelis, in quibus major ille conatus non in eorum perfectiorem virtutem naturalem ut in proximam causam reducendus est; sed in majorem, et efficaciorum Charitatem, et Dei gratiam, quam illis Deus dispensasse juxta majorem naturæ perfectiōnem ibi constituit D. Thomas. Non quia perfectio naturæ proxime ad eum excessum conferat, sed quia congruebat fieri tam ex parte Dei, quam ex parte ipsorum Angelorum; qui naturæ perfectæ spirituæ cum sint, sunt etiam expertes illius rebellionis, et pugnæ partis inferioris ad superiorem, qua retardantur homines, ne toto impetu, et secundum ultimum potentiae ferantur in Deum: atque ideo sicut sunt nobilioris naturæ, ita oportuit eos intensioni gratia exornare, ut ordine supernaturali per gratiam se gererent in bene agendo commensurate ad modum agendi naturalem. Hinc vero sicut non sequitur immediate partialiter Angelos operari per suam substantiam, quamlibet perfectiōrem; sed totaliter, et adæquate per virtutem realiter superadditam; ita nec in ordine supernaturali agere proxime valent, nisi vel per lumen gloriæ, vel per virtutem supernaturalem juxta exigentiam, et diversitatem operationis.

21. Pergit ulterius urgendo asseruisse D. Thomam inibi sol. ad 2: *quod actus rationalis creaturæ sunt ab ipsa, sed natura immediate a Deo. Unde magis videtur, quod gratia detur secundum gradum naturæ, quam ex operibus.* Ergo (inquit) sicut natura est immediate a Deo, ita actus conversionis est immediate a natura, atque ideo secundum conatum, et perfectionem naturæ datur perfectio gratiæ.

Respondetur concedendo utramque Consequentiam, si loquatur de natura elevata per gratiam, et de conatu ipsius naturæ, qui sit effectus gratiæ. Secus vero si intelligatur (ut intelligi intendit) de natura, et conatu pure naturalibus; neuter enim proxime conductit ad actum supernaturalem, ut ipse D. Thomas nos docuit. Sensus ergo illius propositionis est, quod quia natura Angelica fluit immediate a Deo absque concursu aliquo alterius agentis. Secus vero ejus operatio; idcirco distribuit Deus Angelis gratiam eo perfec-

tiorem, quo erat perfectior natura. Et quia opera sunt effectus naturæ per gratiam, non fuerunt Deo ratio ipsis largiendi majorem gratiam, sicut quia illa eadem opera sunt effectus prædestinatio-nis, nequeunt esse ratio prædestina ionis, ut constat ex supradictis, nisi distingua-tur inter id quod procedit ex libero arbitrio, et ex gratia. Quod contradicit testi-monio S. Doctoris satis manifesto. Unde ex hac ponderatione potius sequitur oppo-situm ejus, quod intenditur. Quod forsan præsentiens ille Author suppressit illa ultima verba: *Quam ex operibus, in textu contenta, quibus ejus argumentatio elide-batur, et fundatur nostra sententia.*

Unde constat ad aliam confirmationem, adductam ex 2, 2, quæst. 24, art. 3 ad 3, ubi docet angelicam naturam ejus esse conditionis, quod totaliter feratur in omne id, in quod fertur, per oppositum ac na-tura humana. Quia doctrina veritatis plena neutiquam probari potest concursus par-tialis; quin imo debet excludi. Ex eo enim quod natura Angelica, sive per proprias vires intra ordinem naturæ, sive per vires gratiæ, semper operetur in quolibet ordine secundum ultimum potentiae, vel naturæ, vel gratiæ supernaturalis; qualiter deduci potest legitime concursus partialis naturæ in opera ejusdem gratiæ? cum potius deduci debeat, quod sicut totaliter se expli-cat natura in operationibus naturalibus, per proprias vires; ita et ob eandem ratio-nem se explicat per gratiam acceptam in ordine ad proprias operationes. Quod est prorsus veritati, et illi principio conso-num. Sed quid inde cum concursu par-tiali intento?

22. Objicit tertio aliud testimonium ex 1 sent. dist. 17, quæst. 2, art. 3, in cor-pore, ubi sic ait: *Homo est dominus sui actus. Unde potest agere secundum totam virtutem naturæ suæ, vel secundum partem, quod non contingit in illis, quæ agunt ex necessitate naturæ, semper enim agunt tota virtute sua. Quando ergo ita est, quod homo non habens Charitatem, ex tola virtute boni-tatis naturalis moveatur ad Charitatem, tunc unus actus disponit eum ultima dispositione ut Charitas sibi detur. Quando vero non secundum totam virtutem, sed secundum aliiquid ejus præparatur ad Charitatem. Tunc actus non est sicut dispositio ultima, sed remota, et per plures actus poterit per-venire ad dispositionem ultimam. Quibus manifeste supponit Angelicus Doctor ho-*

*Opponi-tur aliud
D. Thomæ testi-monium.*

minem agere immediate secundum virtutem activam naturalem. Unde mox subjunxit : *Similiter dico, quod quando actus Charitatis procedit ex tota virtute habentis, et quantum ad virtutem naturæ, et quantum ad virtutem habitus infusi, tunc unus unus actus disponit, et meretur augmentum Charitatis, ut statim fiat. Quando autem non secundum totam virtutem procedit, tunc est ut dispositio remota.* Ubi, ut vides in habente Charitatem infusam distinguit D. Thomas duplarem virtutem, alteram naturæ, alteram habitus infusi, et utramque requirit secundum totam suam activitatem operari, et non secundum partem, ut totum augmentum habitus mereatur. Ergo virtus naturæ distincta a virtute habitus infusi conatum, et concursum præstat in actu Charitatis simul cum habitu infuso. Hactenus ille.

Retor-
*que-
tur.*

Respondetur nihil minus ex hoc testimonio evinci, quam concursum partiale, in quo stabilendo ex mente D. Thomæ, laborant scriptores Societatis; quæ enim testimonia S. Doctoris congerunt, in illos retorquentur. Et quidem si superficie tenus illius verba venirent intelligenda, abs dubio possent convincere hominem ex propriis viribus, et toto naturæ conatu operantem posse se disponere non solum remote, sed etiam proxime ad obtinendam gratiam justificationis, ut sonare videtur illa hypothetica propositio : *Si homo non habens Charitatem ex tola virtute bonitatis naturalis sibi inditæ movetur ad Charitatem, tunc unus actus disponit eum ultima dispositione, ut Charitas sibi detur.* Quod quam alienum sit, non solum a mente D. Thomæ, sed et a quolibet alio viro Catholico, vel ipsi Adversarii fateri coguntur; nisi velint de mente D. Thomæ fuisse, quod viribus naturæ ex toto conatu operantis se valeat ultimo disponere homo ad recipiendam gratiam Dei contra doctrinam expresse suppositam in Concilio Tridentino sess. 6, can. 4 et ab Ecclesia perenniter edoctam. Quod non concedent. Non ergo ita superficialiter, ut verba sonare videntur, intelligendum est D. Thomas.

*Nota pro
legitima
intelli-
gentia
D. Thom.*

23. Ut ergo mens illius omni claritate pateat, debet supponi titulus articuli, sub quo inquiritur : *Utrum charitas augeatur quolibet actu?* Huic ut plene satisfaciat S. Doctor, considerat primo hominem sine Charitate, sed se ad illam disponentem, vel remissee, non ex totis viribus agendo, vel intense ex toto virium conatu ope-

rando. Rursus contemplatar eundem hominem gratia, et Charitate jam præditum, et exornatum, similiter operantem vel remisse, vel intense juxta dicta in prima consideratione. Cum hac tamen diligenter observanda differentia, quod opera antecedentia gratiam, et charitatem, ad easque vel proxime vel remote disponent, licet supernatura sint, et auxilia hujus ordinis supponant, ut patet in actibus fidei, spei, timoris servilis, et aliis designatis in Concilio, et a D. Thoma supra descriptis articul. 5 superioris quæstionis hujus à p. non tamen dicuntur opera ipsius gratiæ, sed naturæ. Secus vero opera illa, quæ consequuntur, et supponunt ipsam gratiam, et Charitatem habitualiter permanentes in anima; haec enim et sunt, et appellat D. Thomas operationes gratiæ. Ratio hujus differentiæ sumitur ex ipsorum operationum indole, et conditione propria. Nam quæ sunt primi generis non radicantur in gratia habituali, nec ab ea quoad essentiam oriri postulant, sed vel sunt, vel esse possunt, tempore antecedentes gratiæ infusionem, ideoque communiter nuncupantur sub nomine dispositionum antecedentium, quatenus ex natura sua ordinantur ad gratiam capessendam, eamque homini comparandam; quamvis ejus consortium nec etiam excludunt, unicum si excipias timorem servilem, juxta illud Apost. *Perfecta Charitas foras nullit timorem.* Oppositum opposita de causa convenit operationibus secundi generis utpote comitantibus, et exornantibus eandem gratiam, ab eaque ut a connaturali, et propria radice profluentibus; quocirca dicuntur dispositiones concomitantes. Unde non immerito primæ operationes tribuuntur naturæ hominis, ut sub auxilio, et gratia Dei transeuntibus, aut imperfectis, se præparantis ad gratiam habitualē; eo quod nullam naturam sui ordinis proprie dictam supponant in subjecto. Aliæ vero quia non solum supponunt naturam v. g. humanam, sed et aliam sublimiorem gratiam videlicet habitualē, quæ est participatio formalis naturæ divinæ; idcirco non tam sunt, et dicuntur naturæ, quam gratiæ elevantis naturam, eamque extrahentis admodum connaturalem, et permanentem supernaturaliter, et modo divino operandi.

Hac ergo differentia animadversa, quando docuit D. Thomas, *quod homo potest agere* *secundum totam virtutem suæ naturæ, vel secundum partem,* loquebatur de homine se p̄prparante

præparante ad gratiam nanciscendam, et hujusmodi præparatio tribuitur naturæ hominis ob rationem dictam; licet proxime, et immediate proveniat adæquate ab auxiliis supernaturalibus, a quibus etiam oritur immediate, et non a voluntate, quod remissa, vel intensa exeat operatio : *hanc etiū dispositionem* (inquit S. Doctor loco pro nobis citato ex 2, 2), *vel conatum prævenit Spiritus sanctus movens mentem hominis vel plus, vel minus, secundum suam voluntatem*. Qui sensus quam legitimus sit, constat ex eodem D. Thoma quæst. 27 de veritate art. 4 ad 12, ubi etiam affirmat, *quod anima agit disponendo ad gratiam virtute naturæ propriæ*, quatenus non est alia radix prima operandi in homine ante gratiam. Numquam enim sensit Angelicus Præceptor, nec sentire potuit, vel ipsis Adversariis concedentibus, solam animam sine gratia Dei ipsam comitante disponere, ac proxime ad gratiam præparare posse. Unde relinquitur manifestum numquam exclusisse auxilia proxima ad hujusmodi preparationem, per que operatur vel intense, vel remisse, *prout movetur plus, vel minus a Spiritu sancto secundum suam voluntatem*. Unde quod supponit D. Thomas est agere ut *quod* hominem, sed non ratione virtutis naturalis, ut infertur, sed ratione auxiliis aut remissioris, aut ferventioris juxta intensionem, vel remissionem eliciendæ operationis. Et hinc constat clare ad primam partem testimonii allegati. Observat tamen, et bene Godoy tom. 1 in 1 p. disp. 16, § 5, num. 159 verba illa D. Thomæ : *ex tota virtute bonitatis naturalis*, non fore accipienda subjective, sed objective, ut sensus sit, quod homo moveretur efficaciter ad Deum diligendum, omni alii bonitati illum præferendo, quod est ipsum supra omnia naturalia, imo et supernaturalia, diligere. Et in hoc sensu præcipitur : *Dilige Dominum Deum tuum ex toto corde*; non quidem ex tota intensione cordis, sed ex prælatione Dei supra omnia in corde, sive id fiat magna, aut minori intensione.

In secunda vero illius parte loquebatur de homine gratia jam prædicto, et in illius augmentum conante, de quo asserit dupliciter se habere; vel operando juxta intensionem habitus, vel infra eam; quia habitibus utimur quando, et quomodo volumus : et in hoc casu physice non augeatur habitus ipse, nec actus ille est ultima dispositio physica, sed tantum remota, ad

comparandam intensiorem gratiam; quam doctrinam latius expendimus tract. de Charitate disp. 5, dub. 4, ubi explicimus, qualiter actibus remissis augeatur Charitas. *Vel quando actus Charitatis procedit* (verba sunt D. Thomæ, in quibus est nervus difficultatis pro Adversariis) *ex tota virtute habentis, et quantum ad virtutem naturæ, et quantum ad virtutem habitus infusi*, tunc unus actus disponit, et mereatur augmentum Charitatis, ut statim fiat. In quo profecto licet distinguat virtutem habitus a virtute naturæ, non excludit gratiam auxiliantem a natura; sed solum contra ponit actum illum ut ferventiorum, quasi non procederet ab habitu, sed a natura elevata per auxilium : quo pacto actus supernaturales ut observavimus supra, oriuntur dicuntur a natura, et non a gratia. Et quia actus intensior, quia intensior non procedit a gratia, utpote remissiori, sed ab auxilio transeunti, quo tam natura, quam habitus gratiæ elevantur, et constituantur in actu omnino proximo ad efficiendum prædictum actum magis intensum, ut hoc explicaret D. Thomas, docuit aliam esse virtutem naturæ, utique ut elevatæ, ac virtutem habitus. Itaque sensus planus, et omnino verus est, actum intensiorem procedere ex duplice virtute supernaturali proxima, altera, quæ est permanens, et coincidit cum habitu Charitatis remisso; altera, quæ est transiens, et importat auxilium pro excessu, in qua non explicatur gratia habitualis, aut habitus supernaturalis sed tantummodo auxilium. Et quia operationes hujusmodi juxta præmissam observationem tribuuntur naturæ sub gratia auxiliante, non vero habitui Charitatis; idcirco statuit D. Thomas statim conferri gratiam intensiorem, quoties homo *quantum ad totam virtutem naturæ* (auxiliatæ, vel sub auxilio) *et quantum ad virtutem habitus* (sub eodem auxilio) operatur. Unde omnia consonant, et numquam elicetur ex mente D. Thomæ concursus ille partialis naturæ.

24. Ultimum testimonium adductum ab Adversariis depromitur ex lib. contra Gent. cap. 22, ubi docet D. Thomas : *Illud libere agimus, quod ex nobismet ipsis agimus, hoc vero est, quod ex voluntate agimus* : ergo requirit D. Thomas, quod actio supernaturalis, ut libera sit, ex nobis ipsis fiat, id est, ex virtute activa ipsius voluntatis : quæ enim ab extrinseco agimus, non libere, nec ex nobismet ipsis

Sensus
S. Docto-
ris.

agimus, cum ergo supernaturalitas sit ab extrinseco ut salvetur actum supernaturalem esse nobis liberum, aliqua virtus activa, et proxima voluntatis necessaria est.

Hoc tamen testimonium non favet, sed pungit adversarios docentes posse sola extrinseca Dei assistentia fieri ab homine actum supernaturale, vitalem, et liberum, quod non bene cohæret cum hoc testimonio. Ex quo infertur existentia indispensabilis habitus infusi, vel auxiliis intrinsece inhærentis in voluntate, ut possit erumpere in actum vitalem, et liberum. De quo infra in hoc eodem dubio. Unde non est, cur hic inutiliter immoremur: nam ad vitalitatem et libertatem ordinis supernaturalis, quales omnes agnoscimus in actibus supernaturalibus, sufficit principium proximum vitale, et liberum ordinis illius, et impertinens omnino est influxus naturalis, sive totalis, sive partialis. Recolantur, quæ supra diximus circa actum contritionis, et vires illum efficiendi, ubi plura Angelici Præceptoris testimonia expendimus, et vindicavimus, et illis suppositis clarissime patet mens D. Thomæ, et quam constanter in omnibus suis operibus semper restiterit influxibus illis partialibus, ut inimicis gratiæ supernaturalis.

Difculta in alio D. Thom. testimoniis.
25. Expedit tamen aliud testimonium extricare, quod alto silentio prætereunt. Authores oppositæ sententiæ, vel quia non legerunt, vel quia non observarunt. Habetur apud eundem D. Thomam 1, 2, quæst. 144, art. 3: *Opus (inquit) meritorium hominis dupliciter considerari potest, uno modo secundum quod procedit ex libero arbitrio: alio modo secundum quod procedit ex gratia Spiritus sancti. Si consideretur secundum substantiam operis, et secundum quod procedit ex libero arbitrio, sic non potest esse ibi condignitas propter maximam inæqualitatem. Sed est ibi congruitas propter quandam æqualitatem proportionis. Videtur enim congruum, ut homini operanti secundum suam virtutem, Deus recompensem secundum excellentiam suæ virtutis. Si autem loquamur de opere meritorio, secundum quod procedit ex gratia Spiritus Sancti, sic est meritorium vitæ æternæ ex condigno. Ubi, ut vides, in eodem opere meritorio distinguit S. Doctor duos respectus, et sub quo procedit a libero arbitrio, et sub quo dimanat, vel oriatur a gratia: et alteri vim meritoriam de condigno, alteri vero solam congruitatem merendi concedit. Hoc autem stare nequit*

absque diverso influxu ex parte gratiæ, et ex parte liberi arbitrii, ut patet. Nam si dumtaxat unus esset influxus, et per modum unius indivisibiliter in eundem actum disfluerent, liberum arbitrium, et gratia, ut clamant Thomistæ, non esset, unde salvari posset illa distinctio, nec subsistere posset statuta diversitas; siquidem ab eodem indivisibili principio nequit desumiri condignitas, et non condignitas, æqualitasve, et inæqualitas cum præmio; quam tamen concedit testimonium allegatum. Stat ergo ex mente D. Thomæ intentus concursus partialis liberi arbitrii, et gratiæ.

Sed nec hoc testimonium concludit intentum. Nam D. Thomas non segregavit concursum Spiritus sancti a concursu liberi arbitrii, ut est necessarium ad sustinendam illam sententiam; sed in eodem concursu assignavit diversas radices per ordinem ad quas diversam efficaciam acciperet, non exclusa gratia supernaturali. Quoniam actus contritionis v. g. per hoc quod procedat a libero arbitrio adhuc subjecto motioni, vel auxilio supernaturali, non est meritorius de condigno, ut patet in actibus fidei, et spei, et cæteris, præcedentibus gratiam, ad eamque antecedenter præparantibus; qui quamvis vere supernaturales sint, non tamen de condigno merentur vitam æternam; non ob aliam rationem nisi quia gratia habitualis est determinate necessaria ad eam de condigno promerendam, cum soli gratiæ competit esse semen gloriæ. Et sic verum est, quod si opus meritorium (quod utique supernaturale debet esse, et ita supponitur a D. Thoma) sumatur, secundum quod est a libero arbitrio adhuc supernaturaliter moto, non importat, nec explicat ex hoc capite vim meritoriam: alias quilibet actus supernaturalis absque interventu gratiæ habitualis foret meritorius de condigno, quod in via S. Doctoris esse falsum constat ex dictis tract. de Merito disp. 3, dub. 1, ubi statuimus adhuc de potentia absolute ejus necessitatem ad meritum de condigno. Quod adeo verum censuimus (et censemus) ut vel ipsi Christo denegaverimus vim supernaturaliter apud Deum promerendi sine actu charitatis, et consequenter sine gratia, tract. de Gratia Christi ad quæst. 7, hujus 3 p. stat ergo distinctio assignata a D. Thoma, quin ex vi illius concludatur adversariorum intentum de concursu partiali liberi arbitrii, et patet a simili

simili in operationibus Christi ut hominis, respectu quarum humanitas, et auxilia sunt tota ratio proxima agendi, nec aliis consequenter est influxus Verbi ab influxu humanitatis; cum tamen earum dignitas infinita promerendi, aut satisfaciendi non procedat ab humanitate, sed unice revo- catur in Verbum divinum. Quod etiam est cernere in naturalibus, ubi substantia ignis v. g. non influit partialiter immediate tamquam virtus proxima in calefactionem; sed una et eadem calefactio competit calori, et igni; quæ tamen ut procedit ab igne, et est ejus actio, disponit ad introductionem ignis, qua vi non gaudet ut actio caloris est, quo pacto procedit ab ipso calore secundum se, et ut gerente munus causæ principalis; sub prima vero consideratione respicit calorem ut est virtus ignis, cui ut causæ principali subordi- natur. De quo N. Complut. abbreviati de Generat. disp. 2, quæst. 1. Et quidem si hoc dumtaxat intenderent Adversarii (ut alicujus scrupulum detergamus) non ha- berent Thomistas, et quod magis est D. Thomam, reluctantates; sed esset quæstio de nomine. Sed revera sub his reduplicationibus, et expressionibus (quibus illi etiam ad se expediendum, et explicandum utuntur) aliud, et longe aliud, intendunt, distinguendo ex parte virtutum, et rationum sub qua agendi causam naturalem ex virtute naturali agentem, et immediate attingentem effectum supernaturalem. In quo nedum discipulis, sed et Magistro D. Thomæ adversantur, ut constat ex hacce- nus dictis, et magis constabit ex mox dic- cendis. Unde concludimus hanc partem cum eodem D. Thoma quæst. 1 de Vir- tut. art. 2 ad 19, ita asserente: *Quamcumque etiam dispositionem, vel præparationem, seu conatum liberi arbitrii præcedentem charitatem, prævenit Spiritus sanctus movens mentem hominis, vel plus, vel minus secundum suam voluntatem.*

§ III

Eadem assertio ratione fulcitur.

26. Pro fulcienda assertione non modica, nec inermia suppetunt rationum mo- mента, ex quibus clariora, et immediatoria seligemus, missis aliis apud alios D. Thomæ discipulos tract. de Visione Dei, videndis.

Prima ergo ratio non semel supra indi-

cata, reducitur ad sequentem formam. Vir- tus quæ proxime, et immediate non con- tinet effectum, nequit esse ratio illum proxime, et immediate producendi; sed voluntas creata non continet proxime et immediate actum contritionis per modum virtutis: ergo nequit per modum virtutis proximæ ad actum contritionis concurrere. Consequentia est legitima. Major videtur per se nota: quia causa non influit in effectum, nec illum producit, nisi quatenus continet vel formaliter, vel virtualiter effectum, cum sermo sit de causa efficienti. Minor vero probatur: quia actus contritionis est entitative, et quoad substantiam supernaturalis, ut probatum relinquimus, et in præsenti supponitur: sed quod est entitative, et quoad substantiam supernatu- rale non continetur in virtute entitative, et quoad substantiam naturali ut in virtute proxima: ergo actus contritionis non con- tinetur in voluntate ut in virtute proxima: atque ideo non potest esse ratio proxima illum efficiendi. Utraque Consequentia constat ex præmissis. Minor etiam liquet: nam quod est nedum entitative, sed quoad ordinem inferioris rationis, nequit per modum virtutis proximæ continere, quæ tam entitative, quam quoad ordinem altiora sunt; ut inductione patet, et vel ipsi termi- ni exprimunt: sed quod est entitative supernaturale nedum excedit vires natu- rales quoad substantiam, sed etiam est al- tioris ordinis ad illas: ergo quod est entitative, et quoad substantiam supernatu- rale, nequit proxime, et immediate in voluntate ut in virtute proxima contineri.

Confirmatur, et explicatur. Causa prin- cipalis debet esse ejusdem, vel superioris rationis cum effectu in ea ratione, in qua effectus producitur ab illa causa; in quo stat discrimen ab omnibus constitutum inter causam principalem, et instrumenta- lem: sed voluntas principalis causa est actus contritionis, et cujuslibet alterius actus ordinis supernaturalis: ergo ut sit ejus causa, debet esse ejusdem vel superio- ris rationis cum actu contritionis: sed potentia naturalis ex viribus propriis non est ejusdem, nec superioris rationis cum actu contritionis, aut quolibet alio super- naturali, cum contineatur intra ordinem naturalem longe inferiorem ad ordinem supernaturalem: ergo nequit ex viribus propriis elicere immediate actum contritionis per modum causæ principalis. Cæ- tera constant præter Minorem primi syllo-

Confir-
matio 1.

gismi, quam negat immerito Suarez. Nam voluntas medio actu contritionis vere se movet motu vitali, et ab intrinseco operatur libere, et meretur coram Deo præmium supernaturale : quæ attributa minime competunt causæ instrumentalí proprie, quippe quæ non nisi mota ab extrinseco, nec libere, et per propriam formam agit ; si ergo voluntas non esset causa principalis, sed proprium instrumentum ad eliciendos actus supernaturales, tolleretur ab ea vitalitas, libertas, et vis meritaria, quod est absurdum. Ne ergo hoc cogamur admittere, dicendum est voluntatem esse veram causam principalem, et non instrumentum proprie dictum actuum supernaturalium.

D. Tho-
mas.

Hæc Consequentia constat, supposita veritate Antecedentis, quod docet D. Thomas quæst. 24 de Verit. art. 1 ad 5, ubi explicat notiones proprii instrumenti, et causæ principalis, quæ improprie, et large est, et dicitur instrumentum Dei per hæc verba : *Instrumentum dupliciter dicitur. Uno modo proprie, quando scilicet aliquid ita ab altero movetur, quod non confertur ei a movente aliquod principium talis motus, sicut serra movetur a carpentario : et tale instrumentum non est particeps libertatis. Alio modo dicitur instrumentum magis communiter, quidquid est movens ab alio motum, sive sit in ipso principium sui motus, sive non : et sic ab instrumento non oportet quod omnino excludatur ratio libertatis : quia aliquid potest esse ab alio motum, quod tamen se ipsum movet, et ita est de mente humana, utique etiam respectu actuum supernaturalium, ad quos specialiter moveatur a Deo communicato prius principio illorum motuum mediis habitibus, et auxiliis illius ordinis, in quorum vi extrahitur a ratione instrumenti proprie dicti, et collocatur inter causas principales.*

Confirmatio 2.

Confirmatur, et explicatur ulterius prostermando evasions, quibus elidere conantur adversarii hoc fundamentum, in quo stat nervus nostræ sententiæ. Nam voluntas prout condistincta a Pœnitentia, et aliis donis supernaturalibus non continet actum contritionis, ut causa partialis proxima, nec sub ratione vitalis, aut liberis, nec sub ratione supernaturalis : ergo nequit ut ratio, seu virtus proxima agendi concurrere ad actum contritionis. Consequentia probatur facile ex Antecedenti, quia nulla causa efficiens concurrit principaliter ad actum, quem non continet vel formaliter, vel eminenter, ut patet in-

ductione, et negare non possunt adversarii, si consequenter loquantur; non enim ob aliam rationem exigunt concursum partialel habitus supernaturalis, nisi quia entitas naturalis voluntatis non continet supernaturalitatem actus. Et sane si hoc principium falleret, nulla ratione posset convinci, et falsitatis redargui, qui defendere conaretur voluntatem ex viribus naturæ independenter a viribus gratiæ, se ipsa immediate erumpere in omnes actus quamlibet supernaturales, ut consideranti fieri perspicuum. In quo non oportet amplius immorari. Nam causa partialis esto excludat, vel non postulet continentiam adæquatam totius effectus, petit tamen ipsum præhabere in actu, sub ea ratione, sub qua effectus ab ipsa procedit; eadem quippe ratio est de causa partiali ad effectum sub ratione partiali, ac est de causa totali ad effectum totalem, ut de se videtur constare, et in ipsa partitione a contrariis facta manifeste liquet, nam vitalitatem tribuunt voluntati, supernaturalitatem habitu.

Unde solum restat probandum illud primum Antecedens, quod videtur manifestum, quidquid adversarii contendant : nam actus contritionis adæquate est ordinis supernaturalis, et nullum prædicatum ordinis naturalis in eo reperitur, ut ipsi nobiscum debent supponere; alias cessabit litigium : quocirca sive vitalitas, sive libertas, sive quodlibet aliud illius actus attributum est ordinis supernaturalis : sed prædicatum supernaturale nec partialiter continetur in entitate naturali : ergo in voluntate prout condistincta a gratia supernaturali, non continetur partialiter ut in virtute proxima actus contritionis. Probatur hæc Minor ex dictis. Primo quia quod excedit, et est altioris ordinis, nequit actu præcontineri in eo, quod elevat, et est superioris ordinis : sed quodlibet prædicatum supernaturale, ut ipsum nomen indicat, est supra naturam, eamque elevat, et collocat in ordine superiori : ergo neutquam præcontinetur proxime in virtute, seu potentia naturali. Secundo probatur eadem Minor, quia implicat aliquid elevari ad id, quod actu in se continet, non utrumque, sed per modum virtutis proximæ : sed potentia naturalis voluntatis elevatur ad attingendum quodlibet prædicatum repertum in contritione : ergo nullum prædicatum repertum in contritione continetur ut in virtute proxima in

in voluntate ut est potentia naturalis. Consequentia est legitima. Major præterquam quod ex ipsis terminis liquet, patet in omni causa vere efficienti, sive instrumentali, sive principali, quarum nulla elevatur, aut elevabilis est ad altiorem ordinem per illud ipsum, quo constituitur in suo esse; siquidem elevatio est quid diversum ab applicatione; hæc quippe necessaria est cuilibet virtuti creatæ ex ratione communis per participationem, ut se erat in effectum; non enim ignis v. g. comburet stuppam, nisi prius ab aliquo ipsi applicetur. Elevatio autem extrahit ad altiorem ordinem, vi cuius homo potest, quod ante non poterat proxime attingere. Ut ergo quis elevetur, debet supponi proxime impotens ad id ad quod elevatur; alioqui enim elevaretur, et non elevaretur. Jam probatur Minor: quia voluntas elevari debet ad proxime attingendum quodlibet prædicatum supernaturale, et ad hoc indiget virtute proxima: Sed nullum prædicatum est in actu supernaturali, quod non sit supernaturale; ergo nullum prædicatum est in prædicto actu ad quod voluntas non indigat elevatione; atque ideo ad omne illius prædicatum constituitur proxime potens per elevationem.

27. Explicatur, et confirmatur præoccupando tacitam aliam evasionem. Tota ratio proxima elevandi potentiam naturalem ad actus supernaturales, est ipsi tota, et proxima ratio agendi eosdem actus: sed tota, et adæquata ratio proxima elevandi potentiam naturalem est gratia: ergo tota, et prima ratio agendi est illi gratia: non ergo relinquitur locus influxui naturali partiali voluntatis. Hæc secunda Consequentia constat ex prima; alioqui enim gratia esset, et non esset tota, et adæquata ratio proxima eliciendi actus supernaturales. Prima vero infertur ex præmissis, quarum Minor videtur clara, quia homo non elevatur per aliquid naturale, et ipsi debitum, atque ideo necessarium videtur asserere rationem adæquatam elevandi hominem ad ordinem supernaturalem proxime, et immediate provenire a gratia, ante quam homo, et ejus potentiae naturales sunt quidem elevabiles, sed non ex se important elevationem: unde solum devolvitur difficultas ad Majorem, quæ ut probetur.

Animadvertisendum est prius dupliciter hominem elevari posse; vel perfecte, et secundum totum suum esse naturale,

prout ambit tam ipsam animam, quam ejus potentias naturales: quo pacto debet concurrere gratia habitualis, quæ afficit eandem animam, cum virtutibus supernaturalibus, quæ resident in potentiis, easque rectificant ad supernaturaliter operandum: vel imperfecte, et quod potentias tantum, sive id fiat mediis habitibus virtutum, ut accedit in carentibus gratia, et fidem, ac spem habentibus, quales sunt catholici peccatis obnoxii, sive id contingat mediis auxiliis tantummodo transeuntibus. Est autem discriminem inter elevationem præstamat animæ ab ipsa gratia habituali, ad elevationem convenientem potentiis ex habitibus virtutum, vel mediis auxiliis, quod prima per se primo, immediate ordinatur ad dandum esse supernaturale animæ, nec aliud immediate et in genere causæ formalis præstat: secunda vero tendit ad præstandas vires potentiarum, quas adhuc posita gratia non haberent proxime, et immediate, nisi afficerentur potentiarum illis virtutibus. Et ratio est, quia cum gratia non destruat, sed perficiat naturam, non elevat subjectum, nisi juxta ipsius exigentiam. Et quia anima ordinatur per se primo ad esse, non vero ad immediate, et per modum virtutis proximæ operandum: hoc enim competit potentiarum, estque ipsis proprium, quocirca non tam sunt, ut sint, quam ut operentur; idcirco elevatio quæ fit media gratia habituali ita sistit in communicando esse supernaturale animæ, quod non præstat posse operari, nisi remote, mediate, et radicaliter in suo ordine supernaturali, quod anima ex se habet in ordine naturali. At vero elevatio facta mediis virtutibus, et auxiliis cum afficiat potentias operativas, per se primo ordinatur ad operandum datque proximum posse ad operationem supernaturalem; non enim intenditur in hoc ordine nisi portet operationem hujus ordinis, sicut potentia naturalis non intenditur in suo ordine nisi propter operationem naturalem.

28. Hinc, ni fallimur, perspicue demonstratur illa Major, cui probandæ deservit animadversio facta. Nam potentiarum naturales non indigent elevatione ut sint, sed ut operentur: ergo tota ratio eas elevandi est eisdem tota ratio agendi actum supernaturalem: sed nequit negari gratiam esse totam rationem eas elevandi proxime, et immediate: ergo nequit consequenter loquendo sustineri, quod gratia, qua afficiuntur immediate non præcludat locum

influxui partiali virtutis naturalis respectu actus, ad quem elevantur.

Ad hæc. Elevatio non est partialis, ita quod elevet partem virtutis, et partem non elevet, alias non esset elevatio totalis, seu tota ratio elevandi; sed ita elevat potentiam, quod nulla ejus vis activa non sit elevata ad operandum supernaturaliter: ergo sicut est tota, et adæquata ratio proxima elevandi potentiam naturalem; ita est ipsi tota ratio agendi; non enim elevat, nisi quatenus præstat virtutem, nec hanc communicat, nisi elevando juxta exigentiam potentiae, quæ non est intenta ut sit, sed ut operetur. Et patet in gratia habituali, quæ ob hanc eandem rationem non præstat virtutem supernaturalem, nisi ad radicaliter operandum: ideoque sicut est tota ratio elevandi per modum naturæ, ita est tota radicalis ratio agendi supernaturaliter. Quod si adversarii hæc exempla non admiserint, non ob id destituitur veritas: ad quam sufficit in sui suffragium adducere veram philosophiam, veramque theogiam a D. Thoma edoctam de distinctione potentiarum in utroque ordine a prima earum radice natura; quidquid alii oppositum sentiant: nec modicum erit veræ sententiæ emolumenatum, quod adversarii propriam tueri non possint, quin dogmata illa philosophica e medio tollant, et subvertant.

Aliud a ratione fundamen-
tum.

29. Secunda ratio, qua procedens illustratur, et oppositæ pœcipuum fundamentum diruitur, est hujusmodi. Nam potentia naturalis nec continet, nec consequenter influit adhuc partialiter in actum supernaturalem, nisi sub ratione vitalis, voluntarii, et liberi; has quippe rationes dumtaxat est in illo reperire, ob quas videatur necessarius influxus ille partialis, et illis extractis a concursu naturali voluntatis, aut potentiae naturalis, nec apparerent possent adversarii intentæ partialitati influendi insistere; cum evidentissimum sit ad supernaturalitatem actus nullam esse activitatem proximam in potentia naturali ex viribus propriis operando. Sed actus supernaturalis sub ratione vitalis, voluntarii, et liberi non procedit proxime, et immediate ut a ratione agendi a potentia naturali. Ergo potentia naturalis non est ratio proxima adhuc partialis agendi actum supernaturalem sub prædictis rationibus. Major et Consequentia non indigent probatione. Minor vero, ad quam tota devolvitur difficultas, accurate est probanda, et

quia ex tribus illis rationibus, seu formalitatibus recensitis, eadem esse videtur ratio, sive sit vitalitas sive voluntarietas, sive libertas; idcirco modo unam, modo aliam accipiemus.

Probatur ergo primo: nam actus supernaturalis sub ratione vitalis procedit immediate a virtute supernaturali tamquam a principio vitali proximo: ergo sub ratione vitalis non procedit proxime a virtute naturali. Patet Consequentia: nam juxta adversam sententiam sub ea ratione sub qua procedit a virtute supernaturali, nequit procedere proxime a potentia naturali, nec e contra. Antecedens vero est D. Thomæ 2, 2, quæst. 23, art. 2 ad 2, ubi docet ita se habere gratiam in ordine supernaturali erga animam quoad rationem vivendi in hoc ordine, sicut se habet anima circa corpus ad vitam naturalem: sed anima cum potentias ab ea dimanantibus est principium adæquatum, et totale vivendi naturaliter: ergo gratia cum virtutibus sibi annexis est totalis, et adæquata virtus, vivendi vita supernaturali. Major, a qua dependet Minor, et Consequentia, constat ex D. Thoma eam asserente. *Dicendum* (inquit) *quod Deus est vita effective, et animæ per charitatem, et corporis per animam: sed formaliter charitas est vita animæ, sicut, et anima corporis. Unde per hoc potest concludi, quod sicut anima immediate unitur corpori: ita charitas animæ.* Ex quo duo manifeste eliciuntur, et quod vitalitas actus sit supernaturalis, et quod procedit a gratia et charitate sub ratione vitalis; non enim vita supernaturalis charitatis se in aliud melius exerit, quam in actum charitatis sibi proprium, sicut vita naturalis animæ non aptius explicatur, quam in operationibus naturalibus. Et sicut nulla est operatio, quæ media potentia vitali procedat ab anima, quæ vitalis non sit; ita nullus est actus gratiæ, media charitate, quæ ejus vitalitatem supernaturalem non secum ferat.

Probatur secundo eadem Minor ex eodem principio destruendo motivum adversæ sententiæ. Nam quod charitas, et gratia proveniant effective a Deo, ut ab agente extrinseco respectu illarum, et animæ, non tollit, quominus esse possint, et revera sint principium intrinsecum vitale operationum snpernaturalium, dummodo intrinsece afficiant tum animam, tum ejus potentias naturales: sed gratia, et charitas intrinsece uniuntur animæ, et ejus

eius voluntati, quarum sunt accidentia, et formae : ergo quod a principio extrinseco proveniant effective, non obest, quominus sint principium vitale operationum supernaturalium, easque sub ratione vitalium eliciant. Major, in qua offendit opposita sententia patet, tum in anima rationali, quae ab extrinseco advenit corpori; quia tamen illi intrinsece unitur, et ipsum formaliter vivificat, et mediis potentis naturalibus vitaliter operatur. Tum etiam in Christo Domino, cuius persona est humanitati secundum se extrinseca; quia tamen intrinsece illi unita, operationes humanas vitaliter operabatur. Quis hoc neget, nisi negare velit satisfactionem, meritum, et redemptionem humanam per Christum? Non ergo provenire ab extrinseco officit principio vitali, dummodo intrinsecum sit subiecto per illud operanti.

30. Nec eliditur horum exemplorum energia recursu ad diversitatem unionum, tamquam in una quia substantiali, possit salvari principium vitae, non vero in alia, quia accidentalis. Hoc, inquam, effugium comminisci, erit omnino exrra rem : nam ad hoc ut actus procedat a principio intrinseco se movente, subindeque vitaliter, sufficit principium illud esse intrinsecum tum subiecto operanti, tum operationi, quidquid si de informatione, an sit substantialis, vel accidentalis : hoc enim praeceps probat, quod forma substantialis solum in genere causae formalis praestet vitam substantialiem, et accidentalis accidentalem; quod non negamus, quinimo constanter affirmamus impossibilem esse vitam supernaturalem substantialiter, quae sit creata, vel creabilis. Unde concessa illa dispari unione exemplorum cum re, quam versamus, in reliquo tenet paritas ad ducta.

Thom. Aliam disparitatem agnovevit D. Thomas quæst. 27 de Veritate artic. 3 ad 21, sed quæ imponit adversarios, et doctrinam traditam confirmat : *Dicendum, ait, quod anima alter se habet ad vitam naturalem, et ad vitam gratiæ : ad vitam enim gratiæ se habet, ut quod alio vivit, ad vitam vero naturæ, ut quo aliud vivit.* Et fuit dicere, quod sicut corpus vivit per animam ipsum constituentem in esse naturali, ideoque in esse naturali operatur per animam; ita anima constituitur, licet accidentaliter, per gratiam, qua etiam operatur supernaturaliter. Ex quo infertur nullam operationem prodire ab anima per gratiam, aut

media gratia, quae vitalis non sit vitalitate ipsius gratiae; atque ideo nullam operationem supernaturalem ab alio principio emendicare supernaturalitatem, et ab alio vitalitatem, sed utrumque conceptum praecontineri proxime in gratia, et ejus virtutibus a quibus sub utraque ratione procedit actus supernaturalis.

Tertio probatur eadem Minor. Quia tantum abest, gratiam praexigere concursum partiale voluntatis, ut actus supernaturalis evadat voluntarius; quod vice versa, ut contrito v. g. sit voluntaria, omnino necessaria sit virtus supernaturalis : ergo ex hoc etiam capite inanis, ac superflus est, imo et repugnans influxus partialis voluntatis, qui sit naturalis. Patet Consequens : nam implicitorum est diversa agentia sive totalia, sive partialia influere per diversas virtutes sub eadem prorsus ratione formalis proxima; quælibet enim virtus sicut adstruitur diversa, ita operatur, et agit sub diversa ratione formalis sibi propria, ut patet in utroque ordine sive naturæ, sive gratiæ : ergo si virtus supernaturalis influit in actum sub ratione voluntarii proxime, et immediate, sub hac eadem ratione non influit partialiter voluntas ut virtus proxima, Nam juxta adversarios sicut voluntas proxime non influit in actum sub ea ratione, sub qua provenit a gratia, ita neque gratia proxime concurrit in eundem actum sub ea ratione sub qua egreditur a voluntate, ideoque sunt duæ causæ in hac ratione partialies : et e converso si ad eandem rationem, et sub eadem expressione, pro qua exigitur concursus partialis voluntatis, concurrit proxime, et immediate gratia, manifeste eidetur, et falsus redditur concursus ille partialis, sive partialitas illa causarum ut influentium. Probatur ergo Antecedens ex D. Thoma quæst. unica de charitate art. 1, ubi docet actum supernaturalem non posse esse homini voluntarium, quin virtus supernaturalis intrinsece afficiat hominem, verba D. Thomæ sunt. *Actus igitur, qui excedit totam facultatem naturæ humanæ, non potest esse homini voluntarius, nisi superaddatur naturæ humanæ aliquid intrinsecum voluntatem perficiens, ut talis actus ab intrinseco proveniat.* Quod probaverat S. Doctor paulo superius ex eo quod accedit in naturalibus : nam motus, qui est ab extrinseco, non est naturalis, sed violentus, ut patet in lapide sursum projecto, vel deorsum descendente. Et ita af-

firms, et rectissime, accidere in motibus voluntariis, qui nisi sint a forma intrinsece inhærente, et afficiente subjectum, nequeunt ipsi ut voluntarii imputari. Unde concludit : *Si igitur actus charitatis in homine non ex aliquo habitu interiori procedat naturali potentia superaddito, sed ex motione Spiritus sancti, sequeretur alterum duorum, vel quod actus charitatis non sit voluntarius quod est impossibile, quia hoc ipsum diligere est quoddam velle: aut quod non excedat facultatem naturæ, quod est hæreticum.*

Applica-
tur D.
Thomæ
doctrina.

31. Qua doctrina totum ædificium oppositæ opinionis dissipari, nemo est, qui non videat : nam tota illorum structura in eo est, quod actus supernaturalis non est voluntarius ex gratia, sed ex ipsa voluntate ut causa propria, et unica nedum remota, sed omnino proxima, et particuliari : sed juxta D. Thomam, actus charitatis non est voluntarius, nisi ab habitu interiori, naturali potentia superaddito, a quo et non a naturali potentia, ut a virtute proxima egreditur : ergo actus charitatis ut voluntarius, et sub ratione voluntarii totaliter procedit a charitate ut a virtute proxima.

Rursus, juxta prædictam sententiam, etsi actus voluntatis proveniret a Deo extrinsece assistente voluntati, adhuc esset voluntarius, eo quod a voluntate acciperet rationem voluntarii, et simul esset supernaturalis, quatenus emendicaret ab illo supernaturalitatem, et hoc esse possibile docent adversarii. Sed juxta allegatam doctrinam actus excedens facultatem naturalem, nequit esse voluntarius, quin superaddatur voluntati aliquid intrinsecum ipsum perficiens : ergo ratio voluntarii in prædictis actibus non sumitur immediate, et proxime ut a virtute agendi ab ipsa voluntate, sed a virtute superaddita, et intrinsece afficiente eandem potentiam.

Ulterius. Ratio voluntarii, quæ sumitur a virtute naturali voluntatis, non excedit facultatem ipsius voluntatis : sed ratio voluntarii inventa in actu supernaturali excedit facultatem voluntatis, ne dicatur actum supernaturale non excedere facultatem naturalem, quod est hæreticum : ergo ratio voluntarii, quæ est in actu supernaturali, non provenit tanquam a virtute proxima a virtute naturali voluntatis. Et ratio omnium a priori est, quam adducit D. Thomas ibi : *Quia sicut impossibile, et prorsus implicitorum est actum esse*

naturalem, et non procedere a principio intrinseco naturali, eo quod natura sit principium, et causa motus, et quiescens ejus, in quo est, ut diffiniunt Philosophi : ita de ratione voluntarii est, quod sit a principio intrinseco cum cognitione, ut explicant Theologi : sed actus charitatis v. g. (idem dicitur de aliis) est voluntarius homini Deum diligenti; ergo debet procedere a principio homini intrinseco cum cognitione. Qui syllogismus est plane demonstrativus. Pergit ulterius : Sed principium illud intrinsecum, a quo immediate ut a ratione agendi procedit, non est virtus naturalis voluntatis; quod negant adversarii, sed probat D. Thomas ex eo, quod actus excedens totam facultatem naturæ humanæ, non potest esse homini voluntarius, nisi superaddatur naturæ humanae aliquid intrinsecum voluntatem perficiens, ut talis actus a principio intrinseco proveniat. Ergo excedit vires naturales voluntatis tam in ratione supernaturalis, quam in ratione voluntarii, ut in primo fundamento urgebamus : ergo a virtute charitatis recipit ex vi ejusdem influxus et esse voluntarium, et esse supernaturale. Patet utraque Consequentia : quia implicitorum est actum charitatis non esse voluntarium : sed habet esse voluntarium a charitate superaddita voluntati, non vero a voluntate ipsa ut a ratione agendi; alias non excederet vires voluntatis, quod constat esse hæreticum : ergo ab eademmet charitate intrinseca homini immediate habet esse supernaturale, et esse voluntarium, ut virtute ad ea munia deserviente. Ubi concursus partialis voluntatis per virtutem activam sibi propriam, et non acceptam ex gratia ? Ubi illa ratio vite inadæquatæ, et voluntarii, quæ immediate proveniat a voluntate, ut a ratione proxima agendi, et non a charitate ? Sane Doctor Angelicus non agnovit, nisi vel asserendo quod actus charitatis non procedat ab intrinseco, quod est implicitorum, ut ibi contra Magistrum docet; vel affirmando actum charitatis non excedere facultatem naturæ, quod est hæreticum. Nec similiter inveniunt discipuli utrumque scopulum devitare cupientes cum suo Magistro, qui docet actum charitatis excedere, non partem, sed totam facultatem naturæ, et in responsione ad 10, inquit : *Elevari animam per charitatem supra posse naturæ, ut perfectius ordinetur ad finem, quam habeat facultas naturæ.* Et in solut. ad ultimum concludit, quod charitas resuscitata

resuscilat spiritualiter mortuos formaliter, sed non effective, sicut nec anima Lazari, quæ formaliter Lazarum resuscitavit, in quantum per unionem ejus ad corpus Lazarus est resuscitatus. Quo exemplo superius dicta illustrantur.

32. *Huic tamen perspicue veritati duo possunt obstare ex adversariorum doctrina. Responderi ergo potest : 1º gratiam cum virtutibus supernaturalibus solum esse vitam animæ moraliter, quatenus reddit hominem Deo acceptum, et ejus opera meritoria præmii supernaturalis. Quod constat morale quid esse. Physice autem accepta non præstat vitalitatem, sed eam supponit in anima, et in ejus potentiis naturalibus, ad quas proinde recurrere opus est, ut influant partialiter saltem, vi cuius influxus actus supernaturales physice vitales sint; quidquid sit de vitalitate morali, quæ provenit a gratia. Qua distinctione enervantur primum fundamentum, et cuncta quæ pro eo expendimus.*

Sed hæc evasio paucis indiget, ut pros-
ternatur. Nam relictæ considerationes morali, quoad præsens, ut omnino extra rem, gratia habitualis physice sumpta est participatio formalis divinæ naturæ, et est prima radix videndi, et amandi Deum : ergo est participatio formalis vitæ divinæ, quæ in eo consistit, ut si ipsum Deus videat ac diligit : ergo communicata formaliter animæ, eam constituit formaliter viventem vita divina participata. Sicut quia anima rationalis in esse naturali participat vitam Dei, ad cuius imaginem, et similitudinem factus est homo; hoc ipso quod uniatur corpori, licet inanimi, ipsum constituit vivens, ut de Lazaro modo dicebat D. Thomas. Et eadem ratio est de virtutibus suo etiam modo participantibus illam vitalitatem, quæ per essentiam residet in Deo, vi cuius sicut Deus non vivit, ut ita dicamus active, nisi mediis operationibus intellectus, voluntatis ; similiter (cum infinita tamen distantia) non vivit supernaturaliter homo, nisi se effective movendo a principio intrinseco supernaturali. In quo non oportet amplius immorari, sed recoli debent, quæ diximus tract. de Gratia, ubi ejus essentiam, et proprietates enucleavimus contra Scotum. Quod vero tam gratia, quam virtutes a Deo proveniant, non obest eorum vitalitati supernaturali, ut causantur Authores illius sententiæ; quin potius est necessarium, ut sit vitalitas supernaturalis, quæ transcendit, et supergreditur

omnem facultatem naturæ. Audiamus D. Thomam quæst. 1 de Virtut. art. 2, asse- D. Thom-
rentem : *Sicut lumen naturale rationis est
radix, et principium virtutis acquisitæ : ita
ipsum lumen gratiæ, quod est participatio
divinæ naturæ in ipsa essentia animæ per
modum cuiusdam bonitatis existens, est
principium, et radix virtutis infusæ.*

33. Secundo potest occurri dicendo Alia
hactenus dicta recte probare de voluntate evasio.
secundum potentiam naturalem, quo pacto
verum est non posse partialiter concurrere
ad actum supernaturale. Cum quo ta-
men stat influere immediate ratione po-
tentiae obedientialis, quæ activa est, in
quo sensu nec Consequentia D. Thomæ,
nec aliae ex ea illatæ urgent, utpote quæ
solum expugnat concursum potentiae na-
turalis; sed non tangunt potentiam obe-
dientiale, quæ suo modo excedit natu-
rale, et subordinatur agenti supernaturali,
cum quo dumtaxat nata est concurrere ad
supernaturales effectus. Cui solutioni to-
tius causæ pondus, et robur inter alios
committit Ripalda tom. 1 de ente super-
naturali disput. 30, ubi per triginta sec-
tiones totus fuit in expendenda, et promovenda
activitate proxima, et immediata
potentiae obedientialis circa actus super-
naturalares.

Sed nec solutio, nec ejus principium Confuta-
elevare sufficiunt vim utriusque rationis.
Tum quia si attendamus ad Suarez pri-
mum illius potentiae obedientialis imme-
diata activæ inventorem, eam docet esse
communem omnibus creaturis, nec non
unam et eandem formaliter in omnibus
illis, ut ex ipso 3 p. disput. 31, sect. 6,
num. 12 constat, et observavit Godoy, de
Visione Dei disput. 16, § 3; et hoc posito
manifestum est non posse influere in ac-
tum supernaturalem, nec sub ratione vi-
talitatis, nec sub ratione voluntarii, aut liberi.
Et ratio est perspicua : quia prædicatum
commune, et ejusdem prorsus rationis in
omnibus creaturis, nequit influere adhuc
partialiter, nisi in illud prædicatum, quod
continet in actu : sed vitalitas non conti-
netur in actu in potentia obedientiali com-
muni rebus animatis, et inanimatis : ergo
nequit esse proxima ratio producenti vita-
litatem in homine. Probatur Minor : nam
potentia obedientialis ita communis, ut
ponitur, et ita uniformis, ut asseritur
transcendit inanimata, imo et ipsa cada-
vera in quibus ridiculum foret vitalitatem
communisci : ergo non continet vitam in

actu : unde qua ratione nequit producere supernatūlalitatem actus, eadem omnino est etiam impotens ad producendam partialiter vitalitatem. Tum etiam, quia potentia obedientialis ad hoc præcipue deservit, ut creatura possit assumi ut Dei instrumentum ad quodcumque, ipsius assistentia præstata, ut constat ex eodem Suarez ubi supr. num. 7 et 8, sive illud instrumentum animatum, sive inanimatum fuerit : ergo ejus influxus non est determinate vitalis : alias homo non concurrit ut proprium instrumentum ad actus supernaturales, ut supra vidimus ex D. Thoma : ergo superfluum, et inutile est ad illam configere pro concursu partiali vitalitatis.

Major
ejusdem
versio.

Et confirmatur hoc ipsum ex ejusdem doctrinalib. 6, de Gratia capit. 6, num. 16, ubi docet entitatem naturalem voluntatis de materiali se habere pro elicendo actu charitatis, et solum influere formaliter, sub ratione potentiae obedientialis : sed potentia obedientialis ejusdem rationis formalis est formaliter accepia in homine, ac in lapide, ut ipsem testatur : ergo non est major ratio, quare formaliter influat in vitalitatem actus supernaturalis in homine, quam influeret in lapide : atque idoneo si semel influit, influet quidem ratione entitatis materialis, cum qua identificatur; non vero qua formaliter potentia obedientialis est; si quidem solum importat vitalitatem ex parte illius entitatis, cui identificatur, non vero ex propria ratione potentiae obedientialis. Quocirca tandem devenitur in activitatem naturalem voluntatis, et hanc necesse est asserere in illa sententia partialiter agere in actum supernaturalis. Abeat ergo ut inutilis potentia illa obedientialis immediate activa, et videant qualiter potentia naturalis, quæ naturalis est, se exerceat valeat ut partialis virtus, in actum excedentem totam facultatem naturæ, ut arguebat D. Thomas, et primo fundamento refellimus, et iterum instau-

Expendi- ramus sequenti consideratione. Non enim alia ratione formale peccati excluditur a causalitate divina, nisi quia divinus influxus non continet, nec continere valet malitiam peccati; et ideo non continet, quia Deus influendo non avertit effectum a se ipso, nec excludere, aut removere potest subordinationem essentiale effectus a sua causa : peccatum vero pro formalis malitia excludit illam subordinationem, et importat voluntariam aversionem

a Deo, sed potentia naturalis non continet effectum supernaturalem, nec importat aliam subordinationem quam ad causas, et finem naturalem : non ergo potest suam activitatem naturalem ultra sphæram propriæ activitatis nec partialiter porrigeret; sed sistere debet intra ordinem naturalem; et tota activitas proxima ad actus supernaturales referri debet in gratiam, et virtutes supernaturales superadditas potentias, per quas homo vitaliter in hoc ordine operetur, non secus ac in ordine naturali operatur per virtutes naturales. Si namque divina virtus infinita cum sit, nequit sphæram sœ activitatis transigere; nulla potest esse ratio, ob quam virtus naturalis, et intra ordinem pure naturalem conclusa erumpere valeat in superioris ordinis exercitium.

34. His sat clare ostenditur inutilitas potentiae obedientialis ad intentum adversariorum. Sed est aliud caput (ne dicamus capita) unde illa repugnet, quæ in praesenti percurrere non vacat. Consuluntur quæ scripsimus tom. 2 de Incarnat. tractat. 21, disput. 23, dub. 5, § 2, ubi fuit proprius locus illam radicitus elevandi, et implicaciones ex illa ortas manifestandi. Licet enim concedenda sit ex communī Theologorum sententia autoritate D. Thomae fulcita in omnibus creaturis potentia obedientialis passiva, ut ea media in creaturis faciat Deus, quidquid contradictionem non implicat; et ultra hanc communem, et ad rationem entis creati consecutam passivam capacitatem, in anima rationali, et creaturis intellectualibus, quæ sunt elevabiles ad Deum in se ipso immediate contuendum, inveniatur alia specialior, et quæ in Angelis, et hominibus ejusdem rationis est, vi cuius eis competit essentialis commensuratio ad principaliter, vitaliter, et omnino voluntarie D. um in se ipso immediate attingendum. quod non competit aliis creaturis rationis exortibus; neutra tamen illarum est immediate activa, sed mediate, quatenus est capax recipiendi virtutem divinam, et meā tali virtute operandi. Porro hanc specialem potentiam obedientialem, radicaliter, seu mediate activam concessam in creaturis intellectualibus præ cunctis aliis, tam certum debet esse, quod longiori, et exaciōri disquisitione non egeat; alioqui tam potens esset equus, aut lapis ad bene operandum supernaturaliter, et ad Deum in se ipso videndum, quam sit homo,

homo, aut angelus; quod est absurdum, et ut dementissimum delirium abjicendum. Ita ergo concedenda sunt vires naturales vivendi intellectualiter in hoc ordine angelis, et hominibus, in quibus dumtaxat splendet Dei similitudo, specialiter, ut etiam sint elevabiles ad operandum, et vivendum vita intellectuali supernaturali, quæ quidem, quia supernaturalis est, tota ortum ducit ab origine supernaturali, sicut tota virtus naturalis non alium solum agnoscit, quam Authorem naturæ, ut supra nos docuit D. Thomas.

At vero potentia obedientialis immediate activa, licet partialiter ad omnes, et quoslibet effectus divinæ omnipotentiae, qualiter eam exponunt, et concedunt post Suarez ejus socii, prorsus implicatoria est, ut ostendimus loco citato; et ultra ibi dicta, vel ex eo solum respuenda esset, quod cum operari sequatur ad esse, et tale sit operari, quale fuerit esse, ut est principium naturale; contradictionem involvit determinatam formam quoad esse habere virtutem activam immediatam ad omnes effectus possibles, quos utpote infinitos sat sicut liquet non posse esse determinatos, nec quoad numerum, nec quoad speciem. Et est admiratione ita diuinum, ut omnem credulitatem excedat, quod virtus activa creata sit, quæ absque additione virtutis partialiter sit potens ad quemlibet effectum cuiusque ordinis vel existentis, vel possibilis, ipsumque partialiter contineat, ut necesse est praेcontinere ad partialiter influendum. Hoc, inquam, impossibile est, et omnem excedens rationem, quin affigatur ei potentiae ita amplæ, et ita activæ aliquis modus potentiae divinæ, vel ipsam omnipotentia, quam coadjutricem habet, nec magis extentiam, quam sit illa obedientialis, et activa potentia, ut ipsi docent. Et ratio est: quia virtus activa fundatur in actualitate, et actualitas importat perfectionem: sed impossibilis est virtus creata, quæ actualiter sit ejusdem perfectionis, et actualitatis adhuc partialiter cum omnibus effectibus possibilibus, sive ordinis supernaturalis, sive hypostatici, sive alterius, qui sit vere possibilis: ergo impossibilis est potentia obedientialis immediate, et partialiter activa, ita indeterminata, ita ampla, atque adeo protensa, ut possit concurrere active licet partialiter partialitatem causæ ad totum, et quemlibet producendum. Quæ est ratio

ait: *Cum propria ratio cuiuslibet rei sequatur naturam ipsius, nulli competit propria actio cuiuslibet rei, cui non competit illius natura, quod enim non habet humanam speciem, nec humanam actionem habere potest; et consequenter quod non habet esse illimitatum omnipotentiae, nequit propria virtute in omnes ejus effectus partialiter influere.*

35. Quæ impugnatio majorem efficaciam sumet si attendamus ad exemplum, quo se explicat Suarez ad quæst. 13 hujus 3 part. disput. 31, sect. 6, de calore, qui sicut ex se est virtus calefaciendi, ita entitas cuiuslibet rei per se ipsam est virtus quædam obedientialis activa ad agendum supernaturales effectus. Sed implicitorum est calorem proxime, et qua calor est, concurre ad effectus intra ordinem naturæ sine termino producendos; non ob aliam rationem, nisi quia est virtus determinata pro determinatis effectibus dumtaxat a natura destinata: ergo similiter dicendum est de potentia obedientiali activa, quæ necessario comitatur formam determinatam, ad eamque consequitur. Unde concluditur, quod quia virtus activa fundatur in entitate et actualitate; ubi non est, nec esse potest plenitudo essendi, seu quod idem est illimitatio quoad esse, et actualitatem; nequit ex consequenti rationabiliter admitti potentia activa ita ampla, et illimitata, ut absque virtute superaddita sit partialiter actu potens active concurrere ad omnes effectus supernaturales, imo et ad omne id quod cadit sub omnipotencia divina. Quid enim hoc esset nisi ponere virtutem partiale activam creatam æque extensam cum virtute omnipo-

Continuatur
idem.

Et augebitur difficultas, si animadver- tatur ex Joanne de Ripalda ubi supra disp. 30, sect. 19, n. 96, in opposita sententia tam Deum, quam voluntatem esse causam partiale effectus; non enim absurdum putant supremam, et infinitam causam esse causam partiale effectus creati, et ex illa et voluntate constari, ac integrari unam causam totalem. Quod ta- men rationi naturali adversatur, ut constat ex doctrina D. Thomæ 2, contra Gent. cap. 16, ubi ostendit S. Doctor Deum esse primum omnium rerum principium effec- tivum, in quod tandem referri debet, quid- quid sive in essendo, sive in operando, aut alio quovis modo perfectionem indu- cente reperiatur in creaturis; atque ideo

Ex D.
Thom.

relegandum, et procul abigendum ab ipso, quidquid imperfectionem, vel in substantia, vel in modo expresserit. Modum vero causæ partialis adhuc in ratione tantummodo cause, ut adversarii loquuntur, imperfectionem, ac defectum virtutis exprimere ex ipsa nominis significatione liquet, et suadet exemplum, quo rem explicitant adversarii duorum portantium simul eundem lapidem, de quibus inquit D. Thomas, *quod quandoque virtus congregatur ex diversis virtutibus in diversis agentibus inventis, sicut patet in multis trahentibus navem, omnes enim similiter trahunt. Et quia virtus cuiuslibet imperfecta est, et insufficiens ad istum effectum, ex diversis virtutibus congregatur una virtus omnium, quæ sufficiat ad trahendum navem.* Quorum verborum sensus planus est, causam partialem importare imperfectionem in ratione causæ partialis, eo quod non importat totam perfectionem, seu virtutem pro effectu desideratam: sed ex pluribus virtutibus congregatur una virtus omnium, ut accidit in nostro casu juxta oppositam sententiam. Nam ad actum supernaturale est necessaria vitalitas, et supernaturalitas, quarum prima ita est propria voluntatis, quod non sit a Deo media speciali gratia; secunda vero ita est a Deo, ut ab immediata causa, quod non oriatur a voluntate, ut subdita Deo. Quid ergo deficit ut ex pluribus virtutibus agendi inadæquatis congregate una totalis virtus agendi? Unde ergo elidi potest, quod in ratione agendi proxima, et immediata importetur defectus virtutis, siquidem quod splendet in una virtute inadæquata, et partiali non eluet in alia; sed quælibet in suo ordine sufficiens est partialis in ratione agendi; quod quid sit de eo quod aliqui earum convenit in esse entis? Non ergo tribui Deo potest ratio causæ partialis, quin adscribatur ei modus causandi imperfectus, utpote inadæquatus.

§ IV

Opposita sententia, et aliqua ejus fundamenta.

36. Virtutem Poenitentiæ non esse proximam totalem, et adæquatam agendi rationem ad actum contritionis, nec similiter quamlibet aliam virtutem supernaturalem ad proprium actum, est tam solemne apud Theologos Societatis, quam solemnis

est scientia media, tantopere illis opportuna visa pro extricandis questionibus gratiæ, et prædestinationis, et concilianda nostra libertate. Nec enim sat fuisset Antesignano in hac parte Molinæ scientiam medium docere, si non etiam medium virtutem nostræ voluntati, et medium gratiæ tribueret, ut illi scientiæ aliquid præluceret ex parte liberi arbitrii in prævisione consensus, quod præiret omnipotentiæ, ut ex hac prævisione sua deinceps Deus dispensaret auxilia. Quis enim aditus permaneret scientiæ esploranti consensum pro priori ad collationem auxilii, si consensus totaliter subderetur auxilio, et non aliter fieret a voluntate, nisi ut mota, et elevata per ipsummet auxilium? nullus sane. Unde consequenter, qui scientiæ mediæ fuerint addicti, et quos pro ea Jesuitæ adsciverint, pro hac partiali virtute accenseri debent, quorum longum Catalogum texuit Ripalda ubi supra sect. 2, num. 8. Immerito tamen Ferrarum, Ledesmam, Capreolum, Navarrete acerrimos, et vigilantissimos doctrinæ D. Thomæ custodes, ac discipulos in suas partes traducere, et adducere conatur; qua enim ratione hos in auxilium vocat, et vocare potest omnes discipulos, ut palam ostendere non foret arduum, si res non esset nota, tum ex se, tum ex modo loquendi omnibus discipulis D. Thomæ, imo et SS. PP. communi ut supra observavimus in limine ipsius quæstionis, et jam cito expendemus.

Primum ergo fundamentum hujus sententiæ sumunt ejus Authores ex illa parabola Evangelii Lucæ 10, ubi homo, qui incidit in Latrones descendens a Hierusalem in Hierico semivivus dicitur relictus ab ipsis latronibus; a quibus fuerat vulneratus, et spoliatus. Quia parabola explicatur juxta Patrum expositionem, maxime vero D. Augustini, peccator, cui post scelerata perpetrata, ad vitam supernaturalem iterum ineundam relictum fuit in libero arbitrio semiprincipium vitale operationis supernaturalis, quod explicatur illa phrasí, *semivivo relichto*, ut ex D. Augustino approbat D. Thomas in Catena ad illum locum, *quia habebat vitalem motum, scilicet liberum arbitrium vulneratum, et ad æternam vitam, quam prædixerat, redire non sufficiebat.* Ergo aliqua virtus, non tamen sufficiens, et consequenter partialis, remansit illi homini ad opera salutaria; alioquin enim non semivivus, sed penitus inanimus, et extinctus relictus fuisse.

Cui

*ad Co-
th. 16.* Cui testimonio accedit aliud, ex 1 ad Corinth, 15 : *Abundantius omnibus laboravi, non ego autem, sed gratia Dei mecum, quod decerpit Apostolus ex illo sapient. 9 : Mitte illam de cœlis sanctis tuis, ut tecum sis, et tecum labore. In quo clare ostenditur cooperatio immediata liberi arbitrii ex virtute propria, et innata; alias enim non cooperaretur gratiae: cooperatio enim manifestat distinctionem operantium, et virtutum, si proprie sumatur: nam qui adæquate operatur per aliud, neutquam potest dici cooperari. Et ita accepit D. August. de Gratia, et libero arbitrio cap. 5, dicens : *Ne ipsa voluntas sine gratia Dei putetur boni aliquid posse, continuo cum dixisset: gratia ejus in me vacua non fuit, sed plus illis omnibus laboravi, sub jungit. atque ait: Non ego autem sed gratia Dei mecum: id est non solus, sed gratia Dei mecum, ac per hoc nec gratia Dei sola, nec ipse solus, sed gratia Dei cum illo. Ex quo sic arguit Ripalda: Si non gratia sola, nec arbitrium solum: ergo sicut arbitrium solum non est adæquata causa, nec tota gratia erit adæquata, sed partialis, constituens cum arbitrio unum integrum, et adæquatum principium agendi. Et patet a simili: quia solus calor adhæret igni, ut ipsi adæquata calefaciendi ratio, vere calor dicitur calefacere: sed sola gratia non dicitur bene operari, sed simul cum arbitrio: ergo sola gratia non est adæquata ratio agendi, atque ideo arbitrium ex se aliquid præstat immediate in opus, quod substantia ignis non præstat in calorem.**

*ad Ber-
ndo.* Confirmatur ex D. Bernardo de libero arbitrio, ubi versans illamet Apostoli verba, ita exponit : *Non autem ego ait Apostolus, sed gratia Dei mecum, Potuit dicere per me: sed quia minus erat maluit dicere mecum, præsumens se non solum operis esse ministrum per effectum, sed operantis quodammodo socium per consensum. In quibus verbis non exclusit omnem humanæ voluntatis actionem, sed dumtaxat adæquatam, et reliquit cooperationem immediatam libero arbitrio cum gratia: hæc ergo non est tota, et adæquata ratio supernaturaliter operandi.*

*a ex
Gre-
or.* Confirmatur præterea ex D. Gregorio lib. 16, Moralium cap. 2, ubi prædictum concurrendi modum ex parte gratiae, et ex parte liberi arbitrii elucidans ait : *Quia se esse aliquid invenit cum gratia, adjunxit: sed gratia Dei mecum. Non enim diceret Mecum, si cum præveniente gratia sub-*

*sequens liberum arbitrium non haberet. Ut ergo se sine gratia nihil esse ostenderet, ait: Non ego: ut vero secum gratia operatum esse per liberum arbitrium demonstraret, adjunxit: sed gratia Dei mecum. Rurus lib. 18, Moral. cap. 12, eadem fere inculcans sic fatur: *Ex aspiratione gratiae, quia virtutum opera prolinus in ordine generantur, ut ex libero quoque arbitrio subsequatur actio, cui post hanc vitam retributio æterna respondeat, illico adjecit: et gratia Dei in me vacua non fuit. Ergo ex mente S. Gregorii in utroque testimonio, non soli gratiae, sed etiam libero arbitrio, utpote ex quo ut condistincto a gratia subsequitur actio propria, et partialis activitas adscribi debet.**

Tertium testimonium principale pro hac sententia desumitur ex Apostolo ad Philippenses 2, ubi hortatur fideles ad bona opera sub his verbis : *Cum timore et tremore vestram ipsorum salutem operamini. Deus enim, qui operatur in nobis velle, et perficere pro bona voluntate. Ex quo loco multipliciter, insurgunt, et urgere sibi videntur adversarii. Tum, quia si nullus suppeteret arbitrio influxus, sed adæquate totus esset gratiae; nulla hominibus esset ratio timendi, ac tremendi, proindeque inanis redderetur monitio Apostoli. Tum etiam, quoniam ab operationibus, quæ unice pendent a gratia, ut a causa totali, non est metuendum, cum ortum ducant a Deo, et nullum influxum in eas præstet arbitrium, præter recipere gratiam, quod est passive se habere: Ergo ut sit locus metui, et tremori, quibus consuluit Apostolus, oportet arbitrio specialem influxum attribui, de quo rationabiliter tremere, ac metuere homines possint, et debeant. Tum etiam (et est utriusque ratio) quia negligens in agendo esse non potest, nec aliqua desidia laborare, principium illud, quod immediate non influit in operationem, sed passive, ac remote se habet ad illam: sed liberum arbitrium se habet in adversa sententia passive, et remote ad actum supernaturalem: ergo non est ratio metuendi; ac tremendi de ejus socordia, et negligentia. E contra vero, si ei concursus partialis adscribatur, maxima, eaque fragilitati humanæ admodum consona, enitet ratio trepidandi, ne, deficiente cooperatione nostra deficiat et operatio gratiae, cui salus est alligata, vel cooperationem propriam superbiendo sibi arroget liberum arbitrium, quasi a Deo non receptam: et*

Continuatur
fundamen-
tum
ab autho-
ritate.

Ad Phi-
lipp. 2.

vi hujus indignus homo fiat, quod bonum incœptum Deus non perficiat. Quo respexit Augustinus de Gratia, et libero arbitrio cap. 9, inquiens : *Non enim quia dixit; Deus est, qui operatur in nobis velle et operari pro bona voluntate; et ideo liberum arbitrium abstulisse putandus est. Quod si ita esset non superius dixisset : Cum timore, et tremore vestram ipsorum salutem operamini. Quando enim jubentur ut operentur, liberum eorum convenientur arbitrium; sed ideo cum timore, et tremore, ne sibi tribuendo, qui bene operantur, de bonis tanquam suis extollantur operibus.* Si ergo cum jubentur bene operari, humanum convenientur arbitrium, jam non sola gratia, sed et ipsum liberum arbitrium ex se aliquid operatur; alioqui non esset, unde superbiendi occasio posset occurtere. Unde idemmet Augustinus quæstione 167, in Exodum ad illa verba : *Hæc sunt verba quæ dixit Dominus facere;* inquit : *Forte suppositum est, ut ex utroque accipiatur : nam et homines facere debent, cum ipsi jubeantur, et Deus facit cum facientem adjuvat secundum illud Apostoli : in timore et tremore vestram ipsorum salutem operamini.* Ergo uterque (inferunt) Deus, et homo facit; homo quidem quia præceptis convenientur, ut agat : Deus vero, quia auxilium parat, quod juvet : Ergo ex utroque integrum principium immediatum agendi coalescit.

37. Ex pluribus testimoniosis, quæ congerunt adversarii pro partiali influxu, selectiora, et urgentiora sunt, quæ produximus, et illorum pene verbis expendimus, ne aliquid dissimulare; et vel minimum quid roboris ipsorum illationibus nostris verbis detrahere videremur. Et quia ea, quæ omittimus, non alia gaudent energia, quam adducta, et ab eisdem enucleata, his recte explicatis, et in nostram partem reductis, facile cuiquam erit innumera alia apud Scripturam, et Patres similis tenoris passim obvia ab hac partialitate intenta vindicare, et tam sanam intelligentiam illis apponere, ut nullus nisi partium præjudicio præoccupatus dissentire valeat, Scripturam, et Patres longe ab ea partialitate distare. Et quidem ante omnia proxima, et immediata Consequentia, quæ ex allatis testimoniosis, vel simul et in unum collectis, vel divisim, et seorsim acceptis necessario infertur, et Catholice ab utriusque partis sectatoribus elicienda, et firmiter propugnanda est; consistit in eo, quod gratia non destruat liberum arbitrium, sed

fulcit, adjuvat, et corroborat, nec liberum arbitrium inimicus est gratiæ ad opera salutaria, sed eam exquirit, exoptat, imo et extorquet, ut ejus infirmitatem auferat, et sanum, ac vegetum reddat : quo circainitio disputationis innuimus una adversarios, et nos Catholice asserere hominem cum divina gratia agere, operari, et mereri per opera supernaturalia, ad quæ præveniente gratia excitamur, cooperante adjuvamur, operanteque fulcimur. Hoc sane qui negaret, non jam testimoniosis, sed poenis acerbissimis compescendus esset. Alia vero Consequentia, quas inferre contendunt hujus partis patroni, non sunt Consequentiae immediate, nec necessarie; sed ad summum probabiles, et quibus subesse falsum potest, ut ipsimet inferentes, et urgentes fateri tenentur, nisi velint propriæ sententiæ quid majus probabilitate deferre, quod non est credibile. Videamus ergo qua ratione, aut veritatis specie, ex eo quod tam liberum arbitrium, quam gratia simul operentur, ut nos docent expresse testimonia adducta (quæ ut sonant, et hanc veritatem demonstrant, absque ulla glossa, et interpretatione concedimus, et fore semper concedenda affirmamus) confici possit concursus partialis voluntatis, et gratiæ in actum undeque supernaturalem?

Vera ergo, et universalis solutio est Concedere totum, quod in illis testimoniosis edocemur sive ex Scriptura, sive ex Patribus ea exponentibus. Sed negamus Consequentias illatas, ut non contentas in illis, quinimo ab eis longe distantes. Non enim sequitur, ut ab hoc exordiamur exemplo : *Persona divina in Christo, et ejus humanitas concurrunt simul ad operationes humanas, et Theandricas : ergo per virtutes partiales.* Ubi Antecedens est verum, et Consequencia est nulla. Nec etiam tenet in eodem homine, in quo ad cognitionem naturalem nec sola anima, nec solus intellectus; sed una et alter sicut simul intelligunt, ita simul influunt; non tamen in anima est virtus partialis intelligendi, sed tota vis proxima, qua, per quam, et cum qua anima intelligit, est intellectus. Ex eo ergo quod Scriptura, et Patres doceant liberum arbitrium simul cum gratia agere; neutiquam ex vi formæ concluditur esse in libero arbitrio virtutem proximam ad agendum supernaturaliter. Sed sensus clarissimus, et omnino verus est, concurrens elevatum, et suffultum a gratia, a qua habet proxime operari,

Respon-
sio ab
omnia in
com-
muni.

In quo
utraque
sententia
conve-
niat, et
firmatur
allegatis
testimo-
niis.

operari, quod antea non poterat. Unde sicut sola gratia est adæquata ratio elevandi potentiam naturalem, ut non negant, nec negare possunt adversarii, ita est ipsi proxima, et adæquata ratio agendi in illo ordine, in quo per elevationem constituitur; et illo ut par est, concesso, nequit nisi inconsequenter negari secundum, ut supra urgebamus. Alioqui enim elevatio gratiæ solum deserviret ad constituendum hominem in ordine superiori, ut deservit scala ad ascendendum supra tectum, quin ipse homo in alto constitutus non ex viribus a gratia ibi receptis, sed ex sibi propriis in eo ordine operetur; sicut homo non sumit vires ab scala, sed quas habet imis nequit exercere in superiori loco, nisi prius media scala collocetur. Ubi est clarissimum, quod ille homo sic in altum elevatus non agit ex elevatione, sed ex viribus propriis naturalibus, et elevatio solum est conditio sine qua non. Cum ergo ex una parte doceant adversarii rationem *sub qua* agendi actum supernaturalem formaliter, qua supernaturalis est, non esse immediate a libero arbitrio, sed a gratia privative, et insolidum : ex alia vero velint ex viribus propriis concurrere immediate per modum virtutis ad illuminet actum supernaturale sub ratione vitalis; quod tamen exercere non valet absque gratia; plane convincitur solum elevari per gratiam ad hoc secundum munus, ad quod gratia solum per modum conditionis inservit, uti se habet scala, ut homo ex alto operetur. Porro id absurdissimum, et durissimum nobis videtur, ut pote quod est immiscere ordinem naturalem cum supernaturali, hunc deprimendo, et illi plus justo deferendo. Quocirca hæc propositione erit vera : *Homo ex viribus naturæ potest operari intra ordinem supernaturalem, et non ex motivo supernaturali, qua semel concessa, sequitur alia : Alicui operationi ut procedenti ex viribus naturalibus annexa est gratia supernaturalis, subindeque gratia non erit supra totum naturæ debitum, quod post SS. PP. pro inconvenienti minime devorando duxit D. Thomas ubi supra.*

Sensus ergo Sanctorum Patrum et, sacri textus est idem, quia nimirum ad actus supernaturales non sunt vires in libero arbitrio, opus illi est gratia supernaturalis media qua elevatus, et fulcitus homo erumpat in actus supernaturales non ex viribus naturalibus, quæ in quolibet statu sive

ante, sive post peccatum ab eo ordine defiebant : nunquam enim intra ordinem naturalem homini fuerunt vires proximæ adhuc partialis ad operandum supernaturaliter, sed semper indiguit gratia, qua fulcitur, et vires proximas acciperet. Eis vero semel acceptis, non sola gratia, sed liberum arbitrium agit; aliter tamen, et aliter : nam liberum arbitrium ut potentia, gratia vero ut virtus superior, qua potentia operatur. Non enim gratia intelligit, aut Charitas amat, aut Pœnitentia conteritur. Quis hoc dicat? vel unquam somniavit? Sed homo amat, et conteritur mediis voluntate, et Pœnitentia ; illa ut potentia remote se habente, hac ut virtute proxima, qua potentia illa remota constituitur proxime potens. Ubi cernere est diversum concurrendi modum : quoniam anima influit ut *quo per modum naturæ*, et primi principii radicalis; voluntas ut *quo per modum potentiae*; Pœnitentia ut *quo per modum virtutis*. Unde per hoc quod gratia sit tota proxima agendi ratio, nec tollitur ab anima, nec a libero arbitrio, quod etiam modo sibi debito concurrent per illam virtutem proximam. Quare fallunt omnes illæ Consequentiæ, ut bene observavit Godoy, arguendo a superiori ad inferius determinate; cum latius pateat influere, quam influere partialiter proxime : stat enim influxus, quin sit proximus, et salvator influxus proximus, quin sit partialis. Ex eo ergo, quod doceamus ab Scriptura, et Patribus liberum arbitrium influere cum gratia, male deducitur alium esse partialiter influxum gratiæ, et liberi arbitrii ; sed illemet, qui est gratiæ ut *quo proxime*, est etiam liberi arbitrii ut potentia ; et toti complexo ex potentia, et gratia respondet ut *quod proxime*, in eo sensu quo dicitur, *voluntas amat, intellectus intelligit*.

38. Sed descendamus ad singula testimonia, ut clarior solutio evadat. Ad primum ergo testimonium desumptum ex Lucæ 10 dicimus optime probare per peccatum non totaliter extingui liberum arbitrium, sed aliquas suppetere illi vires, licet infirmas, ad bene operandum moraliter; sed illæ insufficientes sunt ad restaurandam amissam gratiam, ut dicebat Augustinus, et omnes Catholici profitemur. Sed, negamus, quod illa virtus sit partialis, aut semiprincipium, ut ipsi loquuntur. Tum quia proprie loquendo, aliud est principium, aliud virtus principii. Ratio principii potentiae est, ratio virtutis illius prin-

Sensus prioris.

cippi est elevatio; eo quod principium elevatur ad agendum, et ex potentia, et virtute constituitur principium omnino proximum quin sit partialitas, sed quodlibet in suo genere est totum. Tum etiam: nam eo prætermisso, adhuc nulla est Consequentia, et summe distans ab Antecedenti, ut ipsos adversarios judices, ac testes vocamus in simili forma necne omnino dissimili materia. Qui vellet probare hominem claudum, aut pedibus impeditum posse partialiter volare, an bene argueret? *Homini claudio, post vulnera insunt vires ad utcumque deambulandum, et super terram reptandum: Ergo homo claudus volare potest virtute saltem partiali.* Quis hanc illationem non spernet, et vitiosissimam dicet? quandoquidem ad volatum non gradiendi vires, sed alæ desiderantur, quocirca impertinens omnino est, quod homini claudio aliquæ suppetant vires ad reptandum, vel utcumque deambulandum: sive enim vires illi integræ insint, sive non, interim atque plumis, et alis non donetur, et augeatur, nam infertur hominem propriis, et partialibus viribus volare posse, ut videtur manifestum, et nulla tergiversatione obscurandum. Cum ergo homo nec sanus, et integer, imo nec Angelus, unquam habuerit vires naturales ad operandum supernaturaliter, sed eas in omni statu a gratia necesse fuerit accipere; ex eo quod SS. PP. docuerint post peccati vulnera adhuc illi superesse liberum arbitrium, minime infertur ejus vires licet debiles posse partialiter agere intra ordinem supernaturalem; quasi potentiores sint vires infirmæ, quam robustæ. Ut ergo bona esset Consequentia ex illo Antecedenti catholico, et verissimo, oportebat probare, vel supponere ut indubitatum per vires proprias naturales ante peccatum posse hominem agere supernaturaliter; et hinc concederetur illatio, quod est etiam post peccatum ex vi ejusdem liberi arbitrii non illo exticti partialiter saltem posset agere supernaturaliter. Sed quia nec possunt supponere, nec etiam probare id quod vel supponendum, vel probandum erat; redditur illatio nulla, neutram ex illa Catholica doctrinæ parabolæ Evangelicæ deducenda.

Non est tamen prætereundum ex prædicta parabola, et SS. PP. expositioneendum efficaciter contra hæreticos probari existentiam liberi arbitrii post peccatum, quo extictum fuisse rebantur illi; sed etiam optime explicari statum peccatoris

Catholici post perditam gratiam sanctificantem, in quo ut definit Concilium Tridentinum sess. 6, can. 28, remanet fidei lumen utpote quod nisi peccato infidelitatis non extinguitur: hic namque semivivus relinquitur non solum quoad naturalia, ut est experientia ultra fidem notum; sed etiam in ordine supernaturali, in quo fides est primum principium, quo excitetur ad quærendum Deum, et ab eo gratiam uberiorem usque ad justificationem nascendum, juxta illud: *Accidentem ad Deum oportet credere, et sine fide impossibile est placere Deo.* Fides autem virtus supernaturalis est, et ejus assensus est supra totam facultatem naturalem, ut expresse docuit Augustinus, et ex illo statuimus tract. de Necessit. Gratiae disp. 3, dub. 3 per totum. Quamobrem licet peccatum sit mors animæ respectu finis supernaturalis, aliquid tamen vitæ supernaturalis initium, et quasi seminarium relinquit in peccatore fideli, ut merito dici possit semivivus relicitus post deprædationem, ac devastationem peccati, qua spoliatur gratia sanctificante, et donis, ac virtutibus eam comitantibus. Sed in hoc sensu nec etiam favet illi partiali influxui intento ab ista sententia. Recolantur quæ diximus tota disp. nuper citata, ubi plura inveniet Lector huic instituto satis affinia, et æque opportuna.

39. Hinc jam secundum testimonium non obest, imo nec favet huic sententiae, sed potius eam eliminat, et radicitus evellit: non enim Apostolus abundantius omnibus laboravit, nisi ex abundantiori gratia, cui proinde tota operis perfectio debetur, non libero arbitrio, utpote quod nihil propria virtute fuerat operatum, sed tota et adæquata virtus proxima erat a gratia. Et ideo ut refert D. Augustinus cap. 5 de Gratia, et libero arbitrio contra nos allegato, *idinnuit, sed gratia Dei sum, quod sum.* Atque ut ostenderet, et liberum arbitrium, mox addidit. *Et gratia ejus in me vacua non fuit, sed plus omnibus laboravi.* Hoc enim (prosequitur S. Doctor) liberum arbitrium hominis exhortatur, et in aliis quibus dicit: *Rogamus vos, ne in vacuum gratiam Dei suscipiatis.* Ut quid enim eos rogat, si gratiam sic suscepereunt, ut propriam perderent voluntatem. Statuit ergo liberum arbitrium, et ita illud servat in cooperando gratiae, ut totam rationem, seu virtutem agendi deferat ipsi gratiae, et auferat a libero arbitrio. Unde subjunxit immediate Augustinus verba in contrarium relata: *Ne ipsa*

*ipsa voluntas sine gratia Dei putetur boni aliquid posse, etc., quæ manifeste expugnant, ac prosterunt partialitatem intentam. Nam sive Apostolus, sive Augustinus toti fuerint in adscribendo gratiæ totam victoriæ contra peccatum, et totam actionem supernaturalem, ita ut salvetur nihil boni posse voluntatem nostram, quod non sit ex gratia Dei immediate, juxta illud *gratia Dei sum id quod sum*. Sed juxta oppositam sententiam aliquid boni potest voluntas, quod non sit ex gratia Dei, sed aliunde debet supponi. Ergo juxta prædictam sententiam non potest defendi, *nihil boni posse nostram voluntatem*, sed asseri debet, aliquid boni esse sub nostra potestate, quod non sit immediate, et proxime ab ejus gratia.*

Unde illa adversariorum illatio apposita illi testimonio est nulla, et contra D. Augustinum : quia licet non sit solum arbitrium, quod operatur, nec sola gratia, alias nihil ageret arbitrium ; non tamen gratia (ut ipsi inferunt) est virtus partialis, sed ex utroque coalescit unum principium omnino proximum operationis, et totum liberum arbitrium influit per gratiam ut per virtutem adæquatam, et tota gratia est ipsi libero arbitrio ratio proxima agendi. Ad hoc autem non requiritur virtus partialis in libero arbitrio, quæ sit naturalis, et ex viribus naturalibus erumpat in actum supernaturalem, in quo hærere videntur prædicti Authores, ut manifestum est in naturalibus, ubi corpus ante animam, et ejus informationem non habet vitalitem aliquam, qua vivere valeat; cum tamen adveniente anima, jam per illam vivit homo, et operatur vitaliter non solum vita spirituali, sed etiam corporea, mediis potentiis sensitivis ut experientia ipsa testatur. Quæ ergo repugnantia obrudi, aut comminisci potest in eo quod potentia naturalis in ordine ad supernatura sit potentia obedientialis passiva absque activitate proxima, et quod adveniente forma supernaturali illam intrinsecse afficiente, et constitutive, media illa operetur vitaliter tanquam per formam, seu virtutem proximam, et in hoc ordine adæquatam ? Profecto non appareat, quantumvis renitantur adversarii : illo quippe exemplo, ut supra jam innuimus cuncta illorum tela confringuntur.

Itaque libero arbitrio duplex adscribitur vita naturalis, una, quæ ipsi competit per ordinem ad animam cuius est proprietas, et ad operationes hujus ordinis, et respectu hujus est virtus proxima, totalis, et adæ-

quata vivendi. Alia vero vita supernaturalis non competit ipsi ex propriis, sed ex acceptis a gratia, et respectu hujus est in potentia passiva, qua fit capax recipiendi virtutem supernaturalem, et ea media operandi juxta mensuram virtutis receptæ. Et in hoc tenet exemplum corporis actuati per animam. Unde sicut corpus cooperatur in operationibus animæ, et vere agit vitaliter per ipsam animam, et ejus potentias, quin corpori tribuamus aliquam virtutem, quæ non proveniat ab anima ; haud dissimiliter liberum arbitrium cooperatur gratiæ, quin necesse sit specialem activitatem illi adscribere, quæ non sit a gratia. Et in eodem exemplo persistendo, sicut nec solum corpus agit, nec sola anima, sed complexum ex anima, et corpore, ita nec sola gratia, nec solum liberum arbitrium, sed utrumque simul, et per eandemmet virtutem, et actionem, et hoc significavit Augustinus dicens : *Non ergo autem, sed gratia Dei mecum, id est non solus, sed gratia Dei mecum, ac per hoc, nec gratia Dei sola, nec ipse solus, sed gratia Dei cum illo.*

40. Quod vero hæc sit mens D. Augustini, et non illa quam male deferunt ex illo argumento, patet evidenter ex eodem Augustini, et non illa quam male deferunt ex illo argumento, patet evidenter ex eodem Augustini. Doctore in eodem capite allegato, cuius initium est : *Cum dicit Deus : convertimini ad me, et convertar ad vos, unum horum videtur esse nostræ voluntatis, id est, ut convertamur ad Deum ; alterum vero ipsius gratiæ, id est, ut etiam ipse convertatur ad nos.* En clarissime, et expeditissime descrip- tam causalitatem partialem istius sententiae, quam nec ipsi adversarii clarius, et expeditius explicare possunt. In qua quidem sacri textus doctrina inquit S. Doctor possunt putare Pelagiani suam obtinere sententiam, qua dicunt gratiam Dei secundum merita nostra dari. Duo quippe adstrebant, unum, et ex alio illatum, et quod liberum arbitrium influebat ex propriis viribus, et quod gratia etiam suas partes agebat, in quo plane stat causalitas partialis. Inferebant vero inde, præcedere merita liberi arbitrii, subindeque naturalia pro assequenda gratia. Quæ tamen merita Catholice adversarii nostri penitus abhorrent, et procul a sua opinione amandare conantur, et merito, nè Pelagianos cineres accendisse videantur, et jam diu sepultam extra Ecclesiam sententiam exhument, et recidivam Ecclesiæ reddant. Augustinus vero utrumque caput amputare aggressus est, et non solum merita illa plane hære-

tica, et ab omnibus Catholicis reprobata, sed etiam influxum illum proprium liberi arbitrii intentum, et propugnatum convulsit, et pessum ire monstravit dicens post relatam Pelagii historiam: *Nec attendunt, qui hoc sentiunt, quia nisi donum Dei esset etiam ipsa ad Deum nostra conversio, non ei diceretur: Deus virtutum converte nos, et Deus tu conversus vivificabis nos.* Quibus verbis non tam merita, quam influxum illum proprium liberi arbitrii, et non ortum a gratia percusit, ut adscissa hac radice, inde pullulantia merita prorsus ablegaret. Hinc totum illud caput insumpsit in conciliando libero arbitrio cum gratia, ut simul, et indivulse operentur, non sola gratia, nec solum liberum arbitrium, sed totum quod est gratiae, est etiam liberi arbitrii. Unde subjunxit: *Ne ipsa voluntas sine gratia Dei operetur boni aliquid posse, continuo cum dixisset, gratia ejus in me vacua non fuit, sed plus omnibus laboravi, subjunxit, atque ait: Non ego autem, sed gratia Dei tecum, id est non solus, sed gratia Dei tecum.* Unde totum quod deferendum censuit libero arbitrio, supposuit, ac subjecit gratiae constituenti, et vires danti: et hoc pacto rescidit caput illud primum, quo dividebant influxum nostrae voluntatis, quasi nostrum, et non gratiae, ab influxu gratiae. ita illi proprio, ut non esset noster, sed solius Dei. Quo relinquitur perspicuum praedicta testimonia tam longe abesse, ut adversarii faveant pro suo influxu partiali, quod potius illum radicitus, et totaliter expugnant, ac prosternunt.

*Exemplum pro
Adversariis alla-
tum
militat
contra
illos.*

Unde liquet ineptum esse exemplum pro confirmatione adductum de calore: quamvis enim calor tota sit calefaciendi ratio respectu ignis; non tamen solus calor, sed etiam ignis calefacit, et calefactio tribuitur calori, et igni, huic ut principali agenti, cuius calor est virtus: illi vero, ut virtuti proximae, quae ut virtute totali agit ignis, sicut sol illuminat media luce. Quare ista exempla deseruiunt ad manifestandum evidentius falsitatem illius sententiae, et nostram reborandam, et confirmandam; quocirca regerenda sunt in illis utentes.

D. Bernardo eis non favet.

41. Ad confirmationem sumptam ex D. Bernardo eadem est solutio, imo est expressa nostrae sententiae confirmatio: quia, ut docet Mellifluus Doctor, noluit Apostolus dicere: *per me operatur gratia,* quo loquendi modo indicabat se esse ministrum, seu instrumentum, quod est mi-

nus; sed addidit, quod est majus, se cum gratia laborasse, ut ostenderet, se socium per consensum, quo cooperabatur cum gratia, a qua illi proveniebat tota virtus, et efficacia, nulla vero a se ipso ex propriis. Et ideo ante allegata verba premisserat: *Qui enim bono, quod opere complent, voluntate consentiunt, opus omnino, quod per eos Deus explicat, ipsis communicat.* Non autem se explicat Deus, ut Author gratiae per id quod ita procedit a libero arbitrio, quod sub ea expressione non procedit a gratia: ergo cum juxta D. Bernardum se explicet Deus, .. communicetque homini ut Author gratiae, quod ex voluntate consentiat: manifeste relinquitur ex ejus mente consensum voluntatis ut a voluntate esse effectum gratiae, ipsique fore tribuendum, ut salventur Apostoli verba: *Non ego, sed gratia Dei tecum.*

Ut vero id fiat adhuc evidenter, praeter verba, que supra retulimus, et clarissime expellunt partiales illos influxus, ut ibi ponderavimus, audiamus iterum D. Bernardum inibi paulo ante praedicta verba pro nobis relata. Inquit ergo ad illud Apostoli Corinth. 2: *Coadjutores enim Dei sumus, ibi itaque Deus homini benigne merita constituit, ubi per ipsum, et cum ipso boni quippiam operari dignanter instituit. Hinc coadjutores Dei, et cooperatores Spiritus sancti, promeritores regni nos esse presumimus, quod per consensum utique voluntarium divinæ voluntati conjungimur.* Non autem conjungimur divinæ voluntati per id, quod procedit a libero arbitrio, utpote naturale, et non elicium ex viribus gratiae: ergo si per consensum voluntarium conjungimur Deo, consensus voluntarius, ut voluntarius a gratia procedit; dicet etiam procedat a libero arbitrio, sed tamen ut subdito gratiae; atque ideo gratia est ipsi ratio eliciendi consensum ne dum ut supernaturalem, sed etiam ut voluntarium. Utraque Consequentia videtur legitima, et docetur a D. Bernardo in sequentibus immediate verbis: *Quid igitur? Hoc ergo totum liberi arbitrii opus, hoc solum ejus meritum, quod consentit? Est prorsus. Non equidem, quod vel ipse consensus, in quo omne meritum consistit, ab ipso (arbitrio) sit, cum nec cogilare (quod minus est, quam consentire) aliquid a nobis quasi ex nobis sufficientes simus. Verba non sunt mea, sed Apostoli, qui omne quod boni esse potest, id cogilare, et velle, et perficere pro bona voluntate, attribuit Deo non suo arbitrio.*

trio. Ubi est ergo partialis influxus non tributus gratiae, sed libero arbitrio? Ubi partitio, et divisio ex parte rationis proxime influendi? Nec Apostolus, nec D. Bernardus invenerunt. Sic ergo Deus (prosequitur D. Bernardus) tria haec (hoc est bonum cogitare, velle, perficere) operatur in nobis, primum profecto sine nobis, secundum nobiscum, tertium per nos facit; si quidem immittendo bonam cogitationem nos prævenit: immutando etiam malam voluntatem, sibi per consensum jungit; ministrando, et consensui facultatem, foris per apertum opus nostrum internus opifex innotescit. Nihil ergo est juxta hanc sanissimam, et sanctissimam Bernardi Theologiam in opere salutari, quod subtrahi debeat gratiae, et aliqua ex parte possit soli libero arbitrio deferri; quippe quod in ratione causæ subditur gratiae, ut constat ex ejus verbis pro nobis supra relatis, quæ paulo post ad nuper relata subjunxit.

42. Hinc obiter colligitur qualiter cooperamus Deo, et ejus gratiae coadjutores simus; immittit enim Deus nobis sanctam cogitationem, quatenus præstat auxilium primum ad actionem liberam, sed non deliberatam, quo primo afficiuntur ad bonum virtutis; et quia nulla præcessit in nobis consideratio, nullave ad prædictum auxilium, dispositio, idcirco asseruit S. Doctor eam sine nobis immitti; non quia nos eam sanctam cogitationem vitaliter, et etiam libere non eliciamus, ut aliqui perperam interpretantur; sed quia ad eam non movemur ex prævio proprio judicio, et propriæ voluntatis determinatione, subito dumtaxat ducti ex illa repentina luce deorsum immissa. Et haec est gratia operans juxta illud Augustini de Gratia, et libero arbitrio cap. 17, *ipse nempe Deus, ut velimus operatur incipiens: ut ergo velimus, sine nobis operatur.* Quod etiam docet D. Gregorius lib. 16. Moralium cap. 11: *Superna pietas prius agit in nobis aliquid sine nobis.* Et hanc gratiam vocat Bernardus prævenientem, et merito, ut de se liquet. Cooperatur vero nobiscum, et nos cum ipso (in quo consistit gratia cooperans), non solum quatenus nobis infundit gratiam sanctificantem, et virtutes, quibus expedimur, et potentes proxime redamur ad operandum, ad easque recipiendas ex propria voluntate, ac iudicio movemur sub gratia Dei; sed etiam quatenus aliud auxilium transiens nobis communicat, quo post acceptas gratiam, et virtutes indige-

mus ad actualiter bene operandum, nt ostendimus de Necessitate Gratiae disp. 5, dub. 6. Et in vi hujus illamet actio, quæ provenit a virtute supernaturali, ut a ratione proxime agendi adæquata, et a nostro libero arbitrio, ut potentia elevata, et constituta in actu, est cooperatio nostra cum Deo ut actualiter auxiliante, et ipse Deus ut auxilians adjuvat arbitrium permanenter elevatum, et cooperatur etiam nobiscum. Quod totum docuere D. D. Augustinus et Gregorius ubi nuper: ille dicens: *Cum autem volumus, et sic volumus, ut faciamus, nobiscum cooperatur: hic vero addens: ut subsequentे quoque nostro libero arbitrio, bonum quod jam appetimus, agat nobiscum, et brevissime complexus fuit Mellifluus Doctor in illis verbis: Secundum nobiscum, et ex illis statuit D. Thomas, 1, 2, quæst. 111. De quo èt nos cum ipso egimus tract. nuper citato dub. 7 omnino videndo.*

43. Unde perspicue apparent ad statuendum gratiam operantem, et cooperantem ineptum penitus esse reversum, ad concursus partiales, quorum non solum non meminere SS. PP. verum, et illis fortiter restiterunt subordinando nedum actum supernaturale, sed etiam liberum arbitrium ejus causam gratiae supernaturali tam plene, et tam plane, ut non appareat ratio, qua id negari possit, nisi vel totaliter, vel si niste eos interpretando. De quo accuratius loco citato de gratia, et toto illo tractatu. Nec urget illa Consequentia Ripaldæ, quod cooperatio postulet distinctionem operantium, et virtutum: nam homo instructus gratia, et virtutibus importat diversam virtutem ab auxilio, quod se tenet ex parte Dei, ut subjiciat ipsi creaturam, et cooperatur Deo anxiante, et Deus ut auxilians cooperatur libero arbitrio ex virtute supernaturali operanti. Præterquam quod Angelicus Doctor articulo proxime citato in ipsam gratia habiuali, et virtutibus annexis distinguit munera gratiae operantis, et cooperantis, cuius legitimum sensum loco citato explicuimus: neque enim cuncta hic repetere expedit.

Quæ omnia clarissime confirmant duo testimonia D. Gregorii in ultima confirmatione posita; adeo enim expressa sunt pro assistentia gratiae ex parte liberi arbitrii, ut mirum sit, vel apparenter ex adversis allegari. Quid enim clarius ad nihil proxime deferendum libero arbitrio, qnqd sit ei propria, et naturalis agendi virtus, quam

Concensus Dei
partialis a
mente Patrum.

Clara pro
nobis. D.
Gregorii
sententia

dicere : *Ut ergo sine gratia nihil esse ostenderet, ait : Non ego ? Sed prefecto hoc nobis ob oculos posuit D. Gregorius docens nullam esse homini virtutem sine gratia. Eam itaque gratiam agnovit, et statuit, quae nihil ostendat esse liberum arbitrium, sed totum sit gratia, liberi autem arbitrii non nisi ratione gratiae. Partialis vero concursus dividit, et partitur, aliquid tribuens libero arbitrio, et aliquid gratiae. Ergo diametraliter, et contradictorie opponuntur doctrinæ D. Gregorii, sicut contradictorie opponuntur aliquid, et nihil. Non ergo ex illo infertur partialis concursus, sed contradictiorum illius, quod est negasse partiale confluxum, et totalem, et adæquatam virtutem proximam soli gratiae adscribendam.*

Tertium
testimo-
nium
explica-
tur, et
regeritur
in con-
trarios.

44. Ultimum testimonium ex Apostolo etiam retorquendum est in adversam sententiam. Tum quia, ut exponit D. Thomas ad predicta verba lect. 3 prope finem, monet Apostolus fideles, ut agant fideliter : *Secundo humiliter ibi, cum metu, et tremore, superbus enim non timet, sed humiliis.* 1 Corinth. 10 : *Qui se existimat stare, videat, ne cadat.* Proverb. 28 : *Beatus homo, qui semper est pavidus.* Psal. : *Servite Domino in timore et exultate ei cum tremore.* Ad hoc autem suadendum necessarium omnino est tollere radicem elationis. Hæc vero nutritur, et promovetur ex eo, quod aliquid sibi homo tribuat, aut tribuere possit, quod non sit ex gratia, et liberalitate divina, ut est perpetua Apostoli, Augustini, et SS. Patrum doctrina. Sed in opposita sententia non totum tribuitur gratiae, sed aliquid defertur libero arbitrio, et distribuuntur officia, ut sub alia ratione influat gratia, sub alia vero voluntas. Non ergo ex illo Apostoli testimonio colligi potest illa distributio concursuum partialium, sed dumtaxat ille, qui foveat humilitatem et procul abigat elationis motivum, totam virtutem proximam gratiae attribuendo. Tum etiam ad hominem contra adversarios : quia licet concedant influxum partiale voluntati ; tota tamen perfectio actus supernaturalis non accipitur, aut mensuratur penes influxum partiale voluntatis ; sed penes influxum gratiae ; ne cogantur admirtere cum æquali gratia elici posse ex viribus naturæ perfectiorem actum, quod est ipsis, et omnibus aliis Theologis absurdum, et in fide minus tutum. Rursus, concursus ille partialis gratiae non est debitus libero arbitrio in eorum sententia, nec intensior

redditur ex concursu partiali potentiae naturalis ; sed totum refundunt in gratiam : non ergo conductit ex hoc capite influxus partialis magis, quam influxus totalis, ad hoc ut quis juxta monitum Apostoli cum timore, et tremore operetur propriam salutem ; alias vero esse potest elevationis fomentum, ut quis in se ipso, et non in Domino glorietur de bono usu gratiae media cooperatione propria, et non immediate a Deo gratuita concessa. Nullus ergo est titulus inferendi ex praedicto testimonio influxum partiale liberis arbitriis.

Quinimo vel ex hoc solum loco relegari debet, ut constat ex eodem Apostolo ibi immediate adjungente : *Deus est enim, qui immediate operatur in vobis, et velle, et perficere pro bona voluntate,* quasi diceret : Operamini cum tremore, et timore vestram salutem, ne vos Deus sua gratia ut superbos spoliet, et auxilio deserat : quia non vos, sed ille operatur in vobis velle bonum, et ipsum perficere, pro sua, non pro vestra, bona voluntate. Qui est legitimus sensus a D. Thoma illi testimonio delatus per hæc verba : *Confirmat fiduciam, et excludit quatuor falsas existimationes.* Unam hominum creditum, quod homo per liberum arbitrium potest salvari absque divino auxilio (quod partialiter saltem, haud facile discerni potest, an concedant adversarii, vel concedere teneantur) contra hoc dicit : *Deus est enim, etc.* Joann. 12 : *Pater in me manens ipse facit opera, etc.* 15 : *Sine me nihil potestis facere* (in adversariorum sensu aliquid possumus facere). Alii omnino negant liberum arbitrium, dicentes, quod homo necessitatibus a fato, vel a providentia divina, et hoc excludit, cum dicit : *In vobis; quia interius per instinctum movet voluntatem ab bene operandum.* Isai. 26 : *Omnia opera nostra operatus es in nobis.* Tertia Pelagianorum, sicut et primi, dicentium electiones in nobis, sed prosecutions operum in Deo, quia velle est a nobis, sed perficere est a Deo (a quo sensu non facile expeditur dicens : a nobis esse volitionem, et a gratia supernaturalitatem, quae est ejus perfectio). Et excludit dicens, et velle, et perficere Rom. 9 : *Non est volentis, scilicet velle, sine auxilio Dei, nec currentis, scilicet currere; sed miserentis est Dei.* Quarla quod Deus facit omne bonum in nobis, et hoc per merita nostra (per partiale influxum nostrum dicunt illi). Hoc excludit cum dicit : *Pro bona voluntate, scilicet sua, non meritis nostris; quia ante gratiam Dei nihil boni meriti est in nobis.* Quo nihil

Apot-
lus

D.The

nihil

nihil clarus pro retorquendo in oppositam sententiam illo testimonio; ex quo ita cum D. Thoma explicato, et expenso constat extortas esse adjunctas probationes, et nullius prorsus roboris ad intentum, ut fiet perspicuum illas percurrente.

45. Ad primam ergo dicimus, quod licet nostræ voluntati non sit influxus partialis in actus supernaturales; quia tamen totus influxus gratiæ, etiam est liberi arbitrii, ut agentis per gratiam, ut per virtutem proximam; quilibet timere potest, et operari debet cum tremore juxta monitum

Apostoli. Tum quia non discernit, nec discernere potest inter actus naturales, et supernaturales, ita ut certo sciat se operari ex viribus gratiæ; alioqui devenire posset in certam cognitionem suæ justitiæ, quod reprobatur Concilium Tridentinum. Tum etiam (et provenit ex assignata radice) quoniam nondum scit, aut scire valet propriam operationem prodire undeque omni circumstantia necessaria ornatam, ut nulla ex parte vitetur, quo possit Deo esse accepta. Tum denique, quia adhuc posita gratia, et virtutibus supernaturalibus se tenentibus ex parte actus primi, et potentiam proximam constituentibus, indiget homo specialiori gratia efficaci, quam sibi non deberi pro qualibet operatione, ipsa lux gratiæ hominem docet. Cum enim a Deo sit, et esse debeat initium boni operis, ab eoque proveniat, et velle, et perficere, non ex merito, sed ex pura gratia, quis non intra se ipsum clamabit, et dicet: *Humiliamini sub potenti manu Dei, a quo est omne bonum?* Id quod ipsis adversariis familiare debet esse, nisi velint a se ipsis esse, quod boni sint per initium saltem boni operis ex virtute propria, quod est superbiæ, et elationis fomentum. Unde patet ineptum esse concursum partiale ad intentum.

46. Secunda probatio etiam est imbecillis: quia si a concursu totali gratiæ non est metuendum, ut obtruditur; nec etiam a concursu partiali suffulto alio concursu partiali gratiæ, maxime cum nihil naturale splendeat in actu, sed totus sit etiam a gratia, licet non sub omni ratione. Non ergo refert influxus naturalis arbitrii, si nec intensio, nec perfectio actus desumitur ab illo, sed totus provenit a gratia (quod ipsi docent) ut homo cum timore operetur. Quod enim homo ex parte voluntatis sit piger, vel deses, dummodo utcumque cum gratia operetur, nec minuit meritum,

nec supernaturalitatem actus; alioqui major confectus naturalis cum æquali influxu gratiæ augeret perfectionem, et efficaciam meritoriam illius; quod recusant vehementer adversarii, et merito; sed an satis consequenter, alii judicent? Nulla ergo majori difficultate nos premunt, qua et ipsi non æque pugnantur.

46. Dicimus ergo probationem illam esse in se falsam, et falsum insuper supponere: quia licet virtus supernaturalis sit tota ratio agendi proxima, non est tamen causa totalis; hæc enim importat non solum virtutem, sed etiam potentiam ipsam, in qua est virtus, et quæ operatur, et agit media virtute, imo et ipsam animam; potentia enim est, quæ agit, virtus autem est potentiae ratio agendi, ut clare explicuit D. Thomas supra allegatus, dicens animam esse id, quo corpus vivit naturaliter; ipsam vero vivere ut quod supernaturaliter ratione gratiæ, quæ in hoc ordine est ipsi vivendi ratio, sicut anima in ordine naturali se habet ad corpus. Et ita contingit in libero arbitrio relato ad animam, et ad gratiam. Sicut ergo totalis, et unica intelligendi causa, nec est sola anima, nec solus intellectus, sed illa, et iste coeunt ad integrandum, ac constituendum unum indivisibile principium intellectionis naturalis, eodem prorsus modo asserimus in præsenti. Unde patet falsum esse suppositum illius probationis: quoniam (ut ab eodem exemplo non recedamus) sicut anima se habet passive ad recipiendum intellectum, quia subjectum illius est; non tamen ibi sistit, sed cum ipso active concurrit ad intellectionem, eo quod illum ideo recipit, ut eo medio intelligere proxime possit: haud aliter potentia, quia est subjectum immediatum virtutis supernaturalis proxime operativæ, se habet passive ad eam recipiendam, et semel recepta media illa operatur modo sibi proprio vel intelligendo, vel amando supernaturaliter: intellectio namque, aut contritio, aut quælibet alia operatio hujus ordinis non oritur a virtute sola, nec a potentia sola, sed ab ista ut actuata, et perfecta per illam tanquam per principium quo, seu rationem agendi proximam.

Quod velint, nolint, concedere tenentur adversarii, si sibimet constantes esse velint; nam totus (inquit) actus supernaturalis est a libero arbitrio; et tamen non procedit a libero arbitrio, ut a ratione proxima agendi supernaturalitatem; alio-

Adversariorum æquival-
tatio.

Exem-
plum.

qui superflueret virtus supernaturalis : ergo necessarium est illis asserere, quod ita procedat a libero arbitrio, ut ratio formalis proxima per modum virtutis ad supernaturalitatem sit sola virtus supernaturalis. Unde quod ipsi docent de hac expressione, et inconsequenter negant de aliis ; id ipsum docent Thomistae de omni formalitate actus supernaturalis, eo quod nulla sit, quæ ad hunc ordinem non pertineat. Male ergo supponunt, et Thomistis adscribunt, liberum arbitrium mere passive se habere ad actum supernaturalem : oppositum enim constantissime tenent.

Eversio
ultimæ.

47. Ad ultimam probationem constat ex dictis. Addimus vero ab iisdem adversariis solvendam fore. Nam salus, de qua est monitum Apostoli, non est naturalis, sed supernaturalis : sed ad actum supernaturalem ut supernaturalem reduplicative non est virtus proxima in libero arbitrio, sed tota provenit a gratia ; alioqui ex naturali virtute elicere posset homo actum supernaturalem qua supernaturalem : quod renunt concedere, et merito : ergo ipsorum etiam refert explicare, qualiter homini sit tenendum in negotio salutis ad quam per liberum arbitrium non habet virtutem proximam, nec illa, qua gaudet, potest, vel augere, vel minuere supernaturalitatem actus, ut ipsi docent. Alias vero tenentur occurrere elationis, ac superbiæ motivo imminenti ex influxu partiali intellectus ; ex quo aliquid sibi arrogare possunt contra intentionem Apostoli, et SS. PP. Majori ergo ictu se ipsos illa probatione ferriunt, quam conficiant Thomistas, quibus in promptu est solutio. Nam concessa, vel premissa Majori illius probationis, neganda est Minor : quia licet ad recipiendum gratiam se habeat passive liberum arbitrium, ea tamen recepta, non passive, sed efficienter operatur cum illa, ex viribus ab ipsa receptis, non vero ex naturalibus ; alias opportunis, sed ad hunc finem proxime non conducentibus.

Quam
patiantur
adver-
sarii de-
cep-
tio-
nem.

In quo sane vehementer impingunt adversæ opinionis patroni, dum existimant non posse hominem operari in ordine supernaturali per vires acceptas, quin simul se exerat in ordine naturali per vires proprias ; quod nullum fundamentum habet in Scriptura, Patribus, aut vera Theologia, et ideo eorum argumenta hinc posita nullum facessunt negotium nostræ sententiæ Authoribus ; omnia quippe illa ista sensibili demonstratione supra jam insi-

nuata enervantur. Demus hominem viribus ad perniciissime currendum præditum ; cui si addantur, et alæ, volare etiam poterit. Quo in casu inepte quis contendere vel non posse volare, vel volando nihil agere, quin simul cursum exerceret, cuius oppositum avium volatus evidenter demonstrat. Claudicaret etiam discursus, et inutilis redderetur, si ex eo quod homo in illo eventu passive se haberet ad recipendas, et sustinendas plumas, inferre quis vellet, nihil omnino illum hominem volando agere post alas aliunde susceptas. Eadem prorsus ratio, et urgentior militat in nostro casu , idem omnino clamant Scriptura, et Patres de nostro libero arbitrio per gratiam elevato, quod non destruitur per gratiam, sed conservatur, et augetur ad operandum in alio ordine, in quo non poterat nisi mediis alis, et plumis divinae gratiae. Id ipsum sapientissime testatur D. Augustinus, et inculcat toto illo libro de Gratia, et libero arbitrio, præcipue vero cap. illo 9 in contrarium allegato : quapropter concludit illud testimonium, quod in sui suffragium Ripalda vocavit sub his verbis : *Quando enim jubentur, ut operentur, liberum eorum convenitur arbitrium ; sed ideo cum timore, et tremore, ne sibi tribuendo, qui bene operantur, de bonis tanquam suis extollantur operibus.*

§ V.

Secundum hujus sententiæ fundamentum ex Concilio Tridentino.

48. Ripalda ubi supra sect. 5 validissimum, et penitus irrefragabile sibi visus est argumentum desumere ex Concilio Tridentino sess. 6, cap. 5, ubi docet hominem libere assentiendo gratiae excitanti, atque adjuvantि, eique cooperando disponi ab obtinendam justificationis gratiam : *Ita ut tangente Deo cor hominis per Spiritus sancti illuminationem neque homo ipse nihil omnino agat, inspirationem illam recipiens, quippe qui illam, et abjecere potest ; neque tamen sine gratia Dei movere se ad justitiam coram illo libera sua voluntate possit.* Unde in regulis fidei canone 4 decepto ex illo cap. 5, ita definit : *Si quis proprie dixerit liberum hominis arbitrium a Deo motum, et excitatum, nihil cooperari, assentiendo Deo excitanti, atque vocanti, quoad obtinendam justificationis gratiam, se disponat, ac præparet, nec posset dissentire se velit,*

velit, sed veluti inanime quoddam nihil omnino agere, mereque passive se habere, anathema sit. Ex qua doctrina Concilii quatuor decerpit propositiones quadruplici argumento inservientes. Prima fuit : *Voluntas naturalis cooperatur gratiæ adjuvantii Dei.* Sed non potest cooperari gratiæ adjuvantii Dei principium quod immediate nihil operetur : ergo voluntas naturalis nequit cooperari gratiæ adjuvantii Dei, quin immediate aliquid operetur. Probat Minorem : nam ex eo quod lux est adæquata ratio illuminandi, et calor proxima, et totalis virtus calefaciendi; nec aer cooperatur luci ad illuminandum, aut ignis calori ad calefaciendum, sed se habent una, et altera substantia ut mera subjecta illarum qualitatum.

Secunda propositio est : *Cor hominis a Deo tangitur, excitatur, atque moveatur per Spiritus sancti illuminationem.* Sed quod non agit proxime, et immediate sed ad summum radicaliter, nequit excitari, tangi, et moveri per illuminationem : ergo quin voluntas ex se proxime, et immediate aliquid operetur in actu supernaturali, nequit excitari, tangi, et moveri a Deo.

Tertia propositio est hujusmodi : *Ita excitatur, tangitur et moveatur a Deo, ut falsum sit, quod homo ipse nihil omnino agat.* Ergo aliquid aliquo modo agit, ut distinctus a gratia excitante, et tangentie. Patet Consequentia : nam si homo ex se, et ut distinctus a gratia, nihil in actum confert immediate, sed sola virtute gratiæ ageret immediate; non aliquid consensus, sed totum consensum operaretur : non ergo aliquid ageret, utpote quod contra ponitur ad agere totum : atque ideo ut salventur verba Concilii, non totum, sed aliquid partiale, ex parte influxus, et virtus, voluntate concedendum est.

Postremo expendit, et urget illam propositionem. *Hominis arbitrium a Deo non est, et excitatum non se habet mere passive.* Sed in opposita sententia liberum arbitrium ad recipiendam gratiam se habet mere passive; et accepta gratia non habet actionem propriam, et immediatam, sed quæ datur est tota gratiæ : ergo supposita gratiæ mere passive se habet liberum arbitrium.

Confirmatur, et explicatur. Quia sacrum Concilium eo loci agebat contra Lutherum, et Calvinum, eosque damnavit : sed Lutherus, et Calvinus non negabant arbitrium agere mediate, et remote per gra-

tiam, quin docebant : ergo ideo anathemate fuerunt perculsi, quia totam activitatem proximam deferebant gratiæ, et virtutem partialem e medio tollebant. Probatur Minor : quia illi hæretici concedebant virtutem supernaturalem in libero subjectari arbitrio, hocque mediate agere per illam : ergo non negabant arbitrio activitatem remotam; quandoquidem agere remote non aliud sonat, quam agere mediate. Et consequenter si solum arbitrio competeteret agere mediate non de negarent illi agere remote : tota ergo ratio illos hæreticos eliminandi fuit negasse libero arbitrio virtutem, et activitatem immediatam, non totalem alioqui gratiæ non dedissent locum : ergo partiale.

49. Confirmatur et explicatur ulterius sub hac forma. Concilium Tridentinum suo decreto sancivit sententiam diametraliter oppositam Luthero, et Calvino, ut omnino veram, et Catholice tenendam ; quod non potest negari. At sententia contradictione opposita Luthero et Calvino non est, quæ gratiam constituit totam, et adæquatam virtutem immediatam agendi, et arbitrio negat activitatem partialem; sed illa, quæ partitur, ac dividit inter influxum proximum gratiæ, et liberi arbitrii. Ergo hanc, et non illam sectari posse est juxta mentem Concilii. Consequentia est evidens; et Minorem, ad quam tota devolvitur difficultas, multis suadere conatur Ripalda, ex quibus (inquit) luce clarius constat ipsissimam esse societatis doctrinam, quæ Calvino displicet in Catholicis; e contra vero, quam sectantur Thomistæ, illi maxime arridere. Quod constat ex eodemmet Calvino lib. 2 Institut. ad illa verba Joann. 15 : *Sine me nihil potestis facere : ubi sic contra Catholicos invehitur ; Papistæ hanc sententiam non extenuant modo, sed enervant, imo potius elidunt.* Etsi enim verbo tenus fatentur, nos sine Christo nihil posse; aliquid tamen facultatis suppetere nobis somniant, quod per se quidem non sufficiat, sed Dei gratia adjutum cooperetur. *Nec enim hominem ita exinaniri sustinent, quin aliquid ex se conferat.* Verumtamen clara Christi verba eludere, non ita promptum est. Tale est Papistarum commentum; nos sine Christo nihil posse; ab eo tamen adjutos habere aliquid ex nobis præter gratiam. Christus vero contra pronuntiat, nos nihil posse ex nobis. Palmes, inquit, nullum fructum affert a semetipso : ergo non tantum cooperantis suæ gratiæ auxilium

Alia.

Calvinus.

hic commendat, sed nos penitus privat omni virtute, nisi quam suppeditat ipse nobis. Ergo hæc particula sine me, sic resolvi debet, nonnisi ex me. Hactenus Calvinus clare inventus contra concursus partiales gratiæ, et liberi arbitrii; et non minus illectus a sententia negante omnem virtutem proximam, sed totam, et adæquatam refudentem in gratiam. Hanc ergo, et non illam damnavit Tridentinum, dum Calvinum inussit, et ut hæreticum profligavit.

Idque manifestius adhuc ostendi contendit, si animadvertisatur, placuisse Tridentino, quod displicebat Calvino in hac parte. Sed Calvino displicebant in Catholicorum doctrina sequentes propositiones: Aliiquid facultatis suppetit nobis, quod per se quidem non sufficiat, sed Dei gratia adjutum cooperetur. Item: homo aliiquid ex se confert. Similiter: A Deo adjuti habemus aliiquid ex nobis præter ejus gratiam. Ergo has approbavit, et sancivit Concilium, utpote quæ displicebant Calvino. Aliunde vero, cum Thomistæ doceant nos omni penitus carere virtute proxima ad actum supernaturalem, nequit non illis esse grata hæc propositio: *Nos penitus privat omni virtute, nisi quam ipsi suppeditat nobis.* Sed hæc propositio ita placuit Calvino, ut illam pertinaciter tenuerit, et ut deductam ex illa parabola vitis, et palmitum a Christo inducta asseruerit. Ergo hanc reprobavit, imo et suggillavit sacra Synodus: consequenterque una cum Calvino damnata videtur Thomistarum doctrina, et simul opposita sancita, et suffulta.

50. Alia plura in hunc finem congesit laudatus Theologus ex Camerario, Ruardo, Stapletonio, Becano, Bellarmino, quos in testes vocat circa mentem Calvini, quasi semper, et ubique negaverit arbitrium esse causam partiale laboris, sed totum influxum gratiæ adscriperit. Quo posito invictè conficitur eandem esse sententiam Calvini, et Thomistarum, vel saltem non longe unam ab alia distare; cum tamen quæ docet partiales concursus, illi hæretico, et aliis non melioris subsellii semper infesta, et invisa fuerit, ab eisque toto cœlo aufugerit. Et cum alias constet, quo conatu obstiterit Concilium Calvini assertis; eaque profligare curaverit; consequens esse videatur vel quod cum Calvino sententiam Thomistarum perculserit, ac sepelierit; vel quod ut non ita conformem nostro libero arbitrio, et veræ doctrinæ saltem indirecte

excluserit, ac reprobaverit, vel denique oppositam ut omnino tutam, et hæreticorum conatibus minime faventem amplecti debere.

Hoc est Herculeum illud argumentum, cui ut omnino irrefragabile (arguentis iudicio) innitur ista sententia, cuique infringendo unica divinæ gratiæ clava insistunt semper discipuli D. Thomæ, propriam, et Catholicam sententiam ab ea nota, qua inuritur, vindicando; quod abunde, et clarissime præstitere Alvarez de Auxiliis, et lib. 2 Responsion. cap. 4, s. Magister a S. Thoma in quest. 19, disp. 3, art. 5. Godoy 1 p. q. 12, eisque suppetias ivimus tract. de Gratia efficaci. Quoad præsens vero ita illi occurrere curabimus, ut manifestum reddamus omnes illius vires evanescere, et ab hoc ultimo, in quo magna vis constituitur incipiendo, quod videlicet Calvinus Papistis adscribit, quasi unanimiter omnes doceant libero arbitrio suppetere aliquas partiales vires easque immediatas; ut arguens proponit, nihil faciendum est, quippe non insolitum, nec novum est hæreticis vel falsa attribuere, vel vera falsis ita commiscere, ut inter ea quæ ipsi, vel alii docent, discernere haud facile sit. Quod experti, et omni fide majores testes jam diu in eis deprehendisse liquido constat ex D. Hieronymo tom. 2, epist. ad Pammach. et Oceanum de erroribus Origenis, et sectatorum ita scribente: *Sic verba temperant, sic ordinem vertunt, et ambigua quaque concinnant, ut et nostram. et adversariorum confessionem teneant, ut aliter hæreticus, aliter catholicus audiat,* et ut rem explicaret S. Doctor, exemplo rem illustrat: *Credimus (vox est hæreticorum) resurrectionem corporum. Hoc (inquit Hieronymus) si bene dicatur, pura confessio est. Sed quia corpora sunt cælestia, et terrestria, et aer iste, et aura tenuis juxta natum suum corpora nominantur, corpus ponunt, non carnem.* (et hac fallacia negantes veram resurrectionem, hæretici erant, et catholici videbantur) *ut orthodoxus corpus audiens, carnem putet, hæreticus Spiritum recognoscat.* Constat etiam ex D. Augustin. lib. 2, contra literas Petiliani cap. 77, ubi sic contra illum invehitur: *Hoc est, quod paulo ante dixi, pelle te ovina contagi velle, ut si fieri potest, prius te ovis mordentem sentiat, quam præsentiat venientem. Nonne ista est charitatis laus, quæ vestram calumniam solet lucidissima charitate convincere? An ideo arma nostra ista non erant, quia vos*

Not. Nota. vos ea præoccupare conamini? Prorsus hæc jacula viva sunt undecumque jacentur: agnoscantur, quos perimant. Si à vobis missa fuerunt, in vobis hærebunt, si a nobis mittuntur, in vos retorquentur. Idem observavit S. Doctor in Pelagio, et Cœlestio lib. de Gratia Christi cap. 37, et pluries capitibus anterioribus ejusdem libri. Quo præmuniti consilio nihil miramur in Calvino, quod Papistis detulerit eam partiam agendi virtutem proximam in argumento intentam. Sed est reflexione dignum, an Papistarum nomine intellexerit etiam Thomistas, utpote qui vere catholici, et Papistæ ab omnibus censemur? Et si hoc ita est, ut non renuent concedere authores hujus sententiae; jam palam mentitum esse convincitur, adscribendo omnibus Catholicis, quod omnes Catholici non ferunt, nec ferendum censem. Nulla ergo fide dignus fuit, nec est Calvinus, dum talia scripsit; nisi velit arguens Papistarum nomine dumtaxat intelligendos venire defensores (non admodum vel antiquos, vel multos, vel notos Calvino) illius virtutis partialis, et influxus itidem partialis inter gratiam, et liberum arbitrium: quod est imaginabile, et nulla ratione nec leviter insinuandum.

51. Et ex hac parte jam dehiscit argumentum, et non est cur tantum deferatur dictis, et imputatis a Calvino: ideoque liberamur ab onere ejus imposturæ occurrendi. Sed ne videamur huic illationi, quam non possunt negare adversarii, dumtaxat insistere, adeamus testem minime suspectum, doctissimum Bellarminum, qui lib. 6 de Gratia et libero arbitrio cap. 9, §: *Hac igitur ita loquitur, Calvinus, et Kemnitius duo docent. Primo voluntatem nostram nihil omnino boni spiritualis, et salutaris, efficere posse sine auxilio gratiæ Dei. Atque in hac re recte sentiunt, sed non recte contrariam sententiam Catholicis attribuunt. Scribit enim Calvinus lib. 2 de Institut. cap. 2, § 27, et Kemnitius in examine Concilii Tridentini sess. 6, communem Scholasticorum sententiam esse ante gratiam præcedere in homine quædam bona desideria, quamvis debilia. Sed hæc non Scholastico-rum, sed Cassiani, et Fausti sententia fuit, S. Thomas, et S. Bonaventura, Gregorius Ariminensis, Joannes Capreolus, et alii Doc-tores Scholastici repudiant, ac refellunt. Quo testimonio possunt in tota illa illationum structura, quæ in ultima parte argumenti congesta fuit ab argente, et*

nitebatur, ut solido fundamento in verbis relatis Calvini, quasi vera essent, et ad aliquid solide fulciendum deservire possent. Constat autem ejus insigne mendacium in adscribendo viris Catholicis sententiam illam propriam Fausti, et Cassiani. Quoniam ea sententia non fuit Prosternitur Papistarum, sed Semipelagianorum: atque adeo ultima argumenti confirmatio retorquenda est in adversarios. Nam Concilium Tridentinum suo decreto non solum sancivit sententiam oppositam Calvino, et Lutheru, sed etiam Pelagio, et Semipelagianis: sed sententia quam refert Calvinus, et attribuit Papistis, non est Papistarum, sed Semipelagianorum: ergo hanc proscripsit suo decreto Concilium. Sumamus nunc propositionem ipsiusmet Joannis de Ripalda sub eisdem verbis, sub quibus eam diserte affirmavit num. 22, illius sect. 5, post elicitas propositiones ex Calvino, Papistis imputatas, *Quibus (inquit) luce clarius continetur ipsissima Societatis doctrina: ergo doctrina ipsissima Societatis est, ante gratiam præcedere in homine quædam bona desideria, quamvis debilia: sed hæc juxta suum Bellarminum (neutiquam Thomistam) fuit sententia Cassiani, et Fausti: ergo male intulit propriam sententiam videri definitam anteriori Tridentini decreto, nisi etiam inferat sententiam Cassiani, et Fausti videri ab Ecclesia definitam anteriori Tridentini decreto. Quare ultima argumenti confirmatione ut prorsus inutilis ad intentum adversariorum ex illa parte, qua fidem habet Calvino, omittenda est. Quod si aliquis ex nostris animadvertisset, forsitan ita laborasset in subtiliter apponendis, et ex cogitandis expositionibus pro Calvini verbis, quæ nullam legitimam accipiunt, nisi traditam a Bellarmino in hac materia verissimmo.*

Ab hac ergo imputatione (quæ juxta Bellarminum non Thomistas, sed illis adversos, comprehendit) claritate, et veritate expediti, redeamus ad caput argumenti irrefragabilis, cuius clariori enodationi proœmmittere oportet Pelagium, Lutherum, et Calvinum, diversis viis in diversos errores incidisse. Pelagius enim adhæsit adeo libero arbitrio, ut vel totaliter gratiam excluderit, vel solum ad melius esse necessarium duxerit. De quo egimus disp. prœmiali ad tract. de Gratia, ubi ejus originem, status, et progressus ex probatissimis Theologis, et illorum principe Augustino descripsimus. Lutherus vero, et

*Errata
Pelagii,
et Cal-
vini in
uno ali-
quo con-
venien-
tia.*

Lemos.

Calvinus, de quibus etiam ibi tractationem habuimus, peccato originali liberum arbitrium extinctum fuisse asseruerunt, ut constat ex Bellarmino loco nuper citato, et refert Pater Lemos tom. 4, Planops gratiae tract. 4, cap. 17. Unde communis causa fuit Pelagio, et asseclis, Lutheru, et Calvinu, negasse gratiam prævenientem, et excitantem : Pelagio quidem, et sequacibus, quia natura præibat ante gratiam ad opera salutaria, quocirca non indigebat præveniri, aut excitari per gratiam; quin immo gratia erat pedissequa a natura præventa, et veluti excitata. Lutheru vero, et Calvinu, quatenus extincto penitus libero arbitrio post peccatum originale, consequens etiam erat superfluam fore excitationem, aut præventionem superioris auxilii, ut prorsus inutilis.

Conveniebant insuper in asserendo gratiam efficacem Dei, qua facit, ut faciamus, tollere libertatem, et quia Pelagius experiebatur liberum arbitrium, assumpsit illius partes : et intulit. Datur liberum arbitrium : ergo non datur gratia adjuvans, et operans, seu faciens, ut faciamus. Quia vero Lutheru, et Calvinus in eo erant, quod fuisset extinctum liberum arbitrium, ne dum ad opera salutaria, sed etiam ad civilia, ut ex Lutheru refert Bellarminus ubi supra ; ita se haberunt ex parte gratiae, ut penitus autumarent libertatem illa extingui. Unde ut observavit Lemos, ex duplici titulo amoverent ab homine liberum arbitrium, et ob peccatum originale omnibus commune; et ob efficaciam gratiae, quæ non adjuvabat, neque adjuvare poterat, quin rapiebat per modum naturæ voluntatem humanam, adeo ut si alias libertate gauderet, vel ex hoc solo titulo illam amitteret.

52. Hæc inter illos stante convenientia discrimen fuit inter Lutheru, et Calvinum, quod ille omnem actionem, omnemve conatum ablegavit ab homine, sed velut lapidem aut inanime aliud corpus reliquit; unde et asseruit hominem mere passive ad suos motus, uti se habet lapis, dum ab extrinseco movetur, se habere : quocirca unica, et petitus adæquata illorum causa effectiva erat motio divinae gratiae, quæ in nobis totaliter sine nobis operatur. Ut enim inquit Concilium Senonense, nimis scrupulose se gessit : nam ut vitaret Pelagium, nihil prorsus libero arbitrio detulit, et incidit in Scyllam cupiens vitare Carybdim.

Calvinus vero aliquam activitatem vo-

luntati concessit, ideoque non mere passive, sed active concurrere ad proprios motus affirmavit; sed ita determinate, ut non aliam vim ipsi adscriberet, quam quæ est in equo a sessore moto, et directo. Pro hac vero motione ita determinata, et impellente humanam voluntatem, primo admissit gratiam excitantem, non quæ ab Ecclesia, et Patribus statuitur sed quæ consistit in actu indelibero, cui homo, quia liber non est, non potest resistere. Hinc negabat gratiam moraliter excitantem, seu proponentem objectum cum indifferentia. Abstulit etiam gratiam cooperantem, cui cooperaretur arbitrium subsequendo. Denique asseruit, quod adhuc permissa, et præmissa indifferentia rationis ex parte objecti ab intellectu propositi; tam efficax erat motio divina, ut ea posita raperetur homo, spontanee tamen, sed non libere, ad rem propositam. Quod fuit concedere nostris actibus voluntarietatem, ab illis amanda libertate.

53. His prælibatis ex allegatis Authoribus, quos non latuit Hæreticorum doctrina, quam ex professo referunt, et impugnant, satis clare, et expedite deve niemus in mentem Concilii Tridentini, sive in capite allegato ex sess. 6, sive in canone 4, ex illo capite collecto. In capite ergo quinto illius sessionis declarat sancta Synodus exordium nostræ justificationis sumendum primo esse in adultis a præveniente Dei gratia, seu vocatione; in quo jam a Pelagianis in nostra voluntate illud constituantibus, recessisse patet. Ut vero exponeret, quæ, et qualis esset ista vocatio, subjunxit non ex præexistentibus meritis eam procedere, aut dispensari, sed ex mera Dei gratia, et liberalitate, ut qui a Deo per peccata aversi erant, per ejus excitantem, et adjuvantem gratiam ad convertendum se ad sui ipsorum justificationem eidem gratiæ libere assentiendo, et cooperando disponantur. Ubi contra prafatos errores ex parte hominis statuit libertatem, sed excitatam, præventam, et adjutam divina gratia, cui cooperando, et assentiendo libere, homo disponitur ad sui ipsius obtinendam justificationem. Cum autem conversio non sit unica voluntatis actio, qua voluntas se movet ad Deum, quæque se disponit proxime ad obtinendam remissionem; sicut gratia excitans hominem est prior quam operatio, ad quam excitat; consimiliter gratia adjuvans, et præveniens debet esse prior ipsa conversione, quæ proinde

Discor-
dia inter
Luthe-
rum, et
Calvi-
num.Inten-
et se-
tent
Cor.
Tri

proinde est effectus gratiæ, tum excitantis, tum prævenientis, tum adjuvantis. Et ex hoc ipso est etiam cooperatio liberi arbitrii; non ex viribus naturæ, et propriis, quæ non suppetunt ad actum sublimem, et totum ordinem naturæ transcendentem; sed ex viribus suppeditatis ab ipsa gratia, sive ex vi ejusdem auxilii, sive plurium, quod in præsenti non refert, et suo in loco relinquitur explicatum. Non ergo erravit Calvinus in eo, quod nullas vires proximas agnoverit in libero arbitrio ad actum supernaturalem, ut recte asseruit Bellarminus ubi supra; nec de hoc punto actum fuit in Concilio; quin potius videtur suppositum.

Tota ergo controversia contra Calvinum fuit in eo, quod per illam gratiam excitantem, quam admittebat, et indeliberatam asserebat, ita absorbebat rationis judicium nedum ad illum primum actum indeliberatum, sed ad reliquos, ut ad eos ex proprio judicio certe supernaturali, non moveretur homo; sed raptus illo superiori impulsu, ut corpora inferiora rapiuntur a primo mobili, ferebatur in operationem, ad instar equi calcaribus ad cursum perciti. Hinc etiam abrogavit, et de me: io abstulit libertatem, utpote quæ subsistere nequit absque indifferenti rationis judicio: exclusit etiam gratiam adjuvantem, et cooperantem, utpote que debet supponere gratiam excitantem moraliter, et moraliter attrahentem medio judicio, et deliberatione propria. Unde in radice ultimum excidium libertati intulit, dum solam illam indeliberatam, et impetuam excitationem physicam adstrinxit. Quo contra sacrum Concilium virus illud theriaca lenire intendens, semper ac loquitur de voluntatis conversione, aut consensu, duo assignat ex parte Dei, et alia duo ex parte voluntatis: ex parte quidem Dei gratiam excitantem moraliter, et simul moventem, seu adjuvantem, et prævenientem: ex parte vero voluntatis assensum, respectu excitantis, et cooperationem respectu adjuvantis. Sicut enim eodemmet actu gratiæ excitanti ex ipsamet gratia assentimur; non enim absque gratia dabis est assensus salutaris, et ut oportet ad mysteria supernaturalia, ut pluribus ostendimus tract. de necessitate gratiæ: ita eodemmet actu cooperamur gratiæ adjuvanti, et nobis cooperanti, quin in hoc processu aliquid virium naturalium immediate splendeat, non solum in actu, seu effectu, ut omnes concedunt; sed nec in

influendo ex parte voluntatis: sed gratia excitat voluntatem, gratia suppeditat vires, mediis quibus, erumpit in consensum, gratia adjuvat, et cooperatur cum ipsa voluntate.

54. Et ut rem uberioris Concilium expo- Doctrina,
et Me-
thodus
Concil.
neret, subjunxit verba illa, in quibus suam contineri positionem contendunt adversarii: *Ita ut tangente Deo cor hominis per Spiritus sancti illuminationem, neque homo ipse nihil omnino agat inspirationem illam recipiens, quippe qui illam abjecere potest.* In quibus Lutheru contradicit, et sensus est planissimus: quia enim docuerat sive exordium, sive progressum, sive consummationem justificationis esse effectum gratiæ, sub qua arbitrium incipit, prosequitur, et perficit assentiendo, et cooperandi illi, videri aliquibus forsan posse indemne mansisse Lutherum, nec ejus veneno pharmacum fuisse exhibitum, sed quod voluntas passive tantum se haberet.

Hoc ut vitaret Concilium adjunxit in excitatione illa, seu illuminatione, qua cor hominis tangitur, non passive hominem se habere, sed aliquid agere inspirationem illam recipiendo (non quidem quatenus recipit; hoc enim implicitorum est: sed quatenus illi assentitur,) et quia excitatio illa, seu illuminatio solum moraliter allicit, et cum indifferentia objicit bonum prosequendum, ideo illam abjecere potest. In quo jura libertatis servantur, et cursus passivus Lutheranus prosternitur, et assensus, seu consensus liber evadit; ad libertatem quippe non requiritur, nisi quod voluntas ita consentiat, quod non consentire possit. Semel autem atque illuminatio cum indifferentia proponat objec- tum, ut proponere evidentissimum est; cum non allicit, nisi moraliter; plane conficitur posse voluntatem illam inspirationem abjecere. Nihil ergo detrahitur ejus libertati, quidquid alii ex hoc loco inferant, de quo alias.

Porro, quia prætextu hujus libertatis adhuc obrepere posset pravus sensus, quasi aliquid detraheretur gratiæ in illo consensu libero, et tribueretur libero arbitrio, consultissime omnia prævidens, et præcavens Concilium addidit sequentia verba: *Neque tamen sine gratia Dei movere se ad justitiam coram illo libera sua voluntate possit.* Hoc est, sine gratia adjuvante, et dante posse proximum supernaturale non potest se homo libere movere ad assentendum illi excitationi, et motioni supradictæ,

Idem.

quamque abjecere posse sancitum est. Hinc pergit Concilium ostendere, qualiter optimo cohærent nostra libertas. et gratia, quin aliquid detrahatur Dei gratiae, et plus aliquid justo deferatur libertati nostrae, quæ ut olim dicebat D. Augustinus, *eo liberior, quo Deo subiectior. Unde (inquit) in sacris litteris cum dicitur: Convertimini ad me, et ego convertar ad vos, libertatis nostræ admonemur.* Quod fieri jam docuerunt per gratiam excitantem, et illuminantem, per quam nos invitat ad suam gratiam libere acceptandam, et per eamdem nobis offert in gratia progressum, si assentiamur. *Cum autem respondemus: converte nos, Domine, ad te et convertemur, Dei nos gratia præveniri confitemur.* Sed qua gratia? utique adjuvante: nam ut gratiae excitanti, et illuminanti debitum præstamus obsequium, adjuvari, et præveniri a Deo necesse est, ut contra Pelagium jam deciderat Concilium.

Colligitur Concilium in illo capite: en doctrinam ita faventem libero arbitrio, ut semper servaverit primatum gratiae, adeo ut nihil virtutis reperiatur voluerit in nostra voluntate ad opera salutaria, quod non subjecerit, ac summiserit gratiae excitanti, adjuvanti, et cooperanti. Unde ergo colligitur illa partialitas, et divisio, qua voluntas partim ex propriis, gratia partim ex Deo influere debeant? Quodve signum invenies vel tenuissimum in Concilio, ut ex illo inferas voluntatem cum virtute gratiae passive se habere ad consensum, aut libertatem in consentiendo amittere? Quando quidem oppositum statuisse est manifestum, adhuc præeunte, et vires ipsa gratia suppeditante, tum media excitatione, et illuminatione, tum media gratia operante, et cooperante, sub qua ipsam voluntatem operari, et cooperari docet.

Quem etiam ordinem servasse in regulis fidei liquido constat: nam primo in canone contra Pelagianos, et eorum reliquias; ut fide sanctum decrevit nulla opera, sive per vires naturæ facta, sive per legis doctrinam, absque Dei gratia ad salutem valere. Hanc vero gratiam ita necessariam esse duxit, ac statuit in secundo canone, ut nec ægre, nec difficulter, sed absolute non posse absque illa definierit. Et sane hie locus erat vires arbitrii explicandi, tam opportunus, ut illo melior, aut aptior in toto Concilio non occurrerit. Non autem illarum meminit, non activi-

tatem aliquam partiale arguit; sed eam, quam Pelagiani, et semipelagiani diminutam, initialem, et semi virtutem appellabant, et comminiscabantur, omnino reputit, statuendo liberum arbitrium neutiquam posse opera salutaria absque gratia, non qualicumque, sed quæ det posse ipsi libero arbitrio, alias nec ægre, nec difficulter potenti, atque ideo absolute impotenti. Non est ergo ad mentem Concilii aliquas vires proximas voluntati arrogare ad opera salutaria: alioqui enim ex toto non obstisset doctrinae illi aliquas vires arbitrio concessionem, licet debilissimas; quin approbasset, et subticendo fulcivisset. Quod incredibile est; et ideo in Canone 3 adhuc agens contra Pelagium, et sectatores, statuit ad credendum, sperandum, diligendum, et poenitendum, sicut oportet ad salutem, gratiam prævenientem, et adjuvantem, quæ supponit excitantem, et præstat vires, sub quibus voluntas sperat, diligit, ac poenitentiam agit, ut constat ex dictis. Porro ex his ordine prædicto a Concilio præstitis, nihil est, quod non faveat Thomistis, et est plurimum, quod non solum noceat, sed et excidium, ac ruinam minetur illi influxui naturali voluntatis ab adversariis concesso, et pro viribus propugnato, ut meditanti immediate dicta erit pervium, et altius prosequi non vacat, sed eat lector ad tractatum de ubi Gratia propriam sedem habet.

56. Accedimus jam cum eodem Concilio ad Canonem 4 ex quo vires sumunt <sup>Den
int
amps.</sup> Adversarii, nec suo judicio imbecilles. Frustra tamen; si quidem sacra Synodus nec sibi ipsi est contraria, nec aliquid immutavit, aut correxit in regulis fidei, quod non tradiderit in præcedentibus capitibus. In illo ergo Canone jam non cum Pelagianis sed cum Lutheranis, et Calvinistis sermonem habuit. Et quia hi ita concedebant gratiam, quod nec libertatem, nec activitatem ullam sive proximam, sive remotam asserere volebant non solum ad opera supernaturalia, sed nec etiam ad actus naturales, ut constat ex supra dictis ex Bellarmine; idcirco eorum errores eliminare satagens, ordine quodam eos anathemate inussit. Primo ergo loco statuit excitationem, et motionem requisitas, ut homo se ad gratiam justificationis disponat. Et quia has non bene intelligebant, nec Lutherus, nec Calvinus, ideoque negabant cooperationem, quasi sola gratia, et non voluntas sub gratia, et ratione gratiae operaretur; idcirco statuit

statuit secundo loco voluntatem nostram sic excitatam, et motam a gratia libere cooperari assentiendo Deo excitanti, et vocanti, unde consequens erat, quod possit dissentire, utique illi gratiae excitanti, et vocanti, penes quam dumtaxat est consensus, vel dissensus. Quia vero ulterius Lutherus affirmabat voluntatem nostram in his motibus nihil omnino agere, sed mere passive, et ut inanime quoddam se habere; tandem statuit praedictam voluntatem sub praedicta gratia operantem non se habere mere passive, aut veluti inanime quoddam; sed aliquid omnino agere: non quidem ex propriis, quod jam contra Pelagium erat definitum; sed ex viribus acceptis ab ipsa gratia, sub qua, et ratione enjus proxime se disponebat ad justificationem, non vero ex viribus naturalibus, ut statuerat in canonibus antecedentibus.

Ubi observari volumus non negasse Tridentinum voluntatem passive se habere ad gratiam, sed tantum *mere passive*, quasi nihil aliud ageret, nisi recipere gratiam; postea ipsa gratia se sola efficaret, uti se habet canalis ad effluendam aquam; quod fuit commentum Lutheri. Statuit vero aliquid agere, ut contra ponitur *mere passive*, sed ad hoc salvandum non requiritur activitas proxima, vel totalis, vel partialis; sed sufficit quaelibet activitas, qua excludatur *mere passive*, et velut inanime quoddam se habere: et ideo hac posita vere salvatur mens, et formalis sensus Concilii. Constat autem sola activitate radicali, exclusa, et negata proxima, excludi voluntatem mere passive, et velut inanime quoddam se habere: ergo haec est ex mente Concilii asserenda, et non alia supposita ejus doctrina contra Pelagianos constituta de impossibilitate virium naturalium ad opera salutaria. Cætera constare videntur, et Minor subsumpta liquet in anima rationali, et in qualibet alia forma substantialiter vitali, quæ non *mere passive*, nec *velut inanime quoddam*, se habet ad operationes vitales, quin alium influxum *ut quo*, quam radicalem exhibeat. Constat etiam in persona completa, et terminante naturam, quæ est ipsi tota, et adæquata ratio agendi, mediis potentiis proximis, quin persona verbi gratia humana mere passive, aut velut inanime quoddam se habeat ad operationes humanas; aliter namque Christus Dominus mere passive, et ut inanimis se habuisset in operibus humanis; quod dici non potest.

57. Supposita ergo, et ita enucleata Diluitur prima objectio de sumpta ex verbis Tridentini.
mente Concilii Tridentini, quam pro nobis esse manifestum videtur, absque ullo negotio occurritur argumento, et explicantur propositiones objectæ ex ipso Concilio decerpæ. Ad primum ergo negamus Majorem, quia ista propositio: *Voluntas naturalis cooperatur gratiæ adjuvantî Dei*, non continetur, aut elicetur ex Concilio: sed solum docet, quod voluntas *excitata, vocata, mota, et adjuta* a Deo cooperatur. Hoc autem modo jam non est voluntas naturalis, sed supernaturalizata, et elevata; quo pacto redditur potens, et valet ad operandum supernaturaliter ex viribus acceptis, sed non ex propriis. Ea tamen in hoc sensu concessa, Minor etiam est falsa, nam ut voluntas elevata cooperetur Deo, non requiritur, ut agat ex virtute propria immediate, sed sufficit agere, ut excitatam, adjutam, et donatam a Deo virtute supernaturali, sub qua, et cum qua voluntas se disponit ad gratiam justificationis, ut contra Calvinum negantem cooperacionem nostræ voluntatis definivit Tridentinum. Videatur Bellarminus loco supra allegato, ubi ipsum refutat. Ad probacionem Minoris negantur illa exempla, et in adversam sententiam retorquentur: nam subjectum proprium, et consequenter radicaliter activum lucis est corpus diaphanum; quapropter ad illuminandum, non tantum concurrit lux, sed et aer diaphanus, et ex hoc capite aer nequit non cooperari cum luce ad illuminandum, et illuminatio non tantum luci, sed etiam aeri tribui debet. Id quod clarius adhuc tenet in igne medio calore, ut virtute sibi propria calefacienti. Esto tamen ita esset in illis exemplis, non teneret Consequentia. Et ratio disparitatis ex supra dictis sumenda est. Quod tam lux, quam calor forent accidentia communia aeri, et igni; ideoque ita essent ratio agendi proxima respectu illuminationis, et calefactionis, quod eorum subjecta non deservirent, nisi ad sustinendum per modum subjecti praedicta accidentia: quocirca illorum operationes non subjectis, sed ipsis attribui deberent. At vero anima, intellectus, et voluntas, ita sunt subjecta vel ut proprius loquamur, ita constituunt unum, et adæquatum subjectum operationum supernaturalium, quod insit illis vis radicaliter activa proxime elevabilis mediis donis supernaturalibus ad supernaturaliter operandum. Vi cuius operatio solum tribuitur.

gratiae, ut virtuti, seu rationi intelligendi; anima vero absolute: non enim in ulla sententia gratia intelligit, diligit, aut poenitet, sed est ratio proxima, et immediata, quare anima per intellectum illa intelligat, per voluntatem, illa diligat, et poeniteat. Quapropter sicut anima vere cooperatur cum intellectu ad intelligendum, in naturalibus naturaliter, quin in hoc ordine polleat virtute immediata agendi, sed sit ei realiter superaddita: ita et ob eandem rationem idem dicendum est de ipsa, et ejus potentias excitatis, ac suffultis gratia ad operandum supernaturaliter. Nec est disparitas nisi in eo, quod intellectus radicatur in anima, secus vero gratia: quod tam longe abest, ut officiat, quod potius est necessarium ad salvandam elevacionem, et superioritatem ordinis gratiae supra totum ordinem naturae.

Satis fit
secundum.

Ad secundum concessa Majori, vel negatur Minor, vel claritatis gratia distinguitur: *Quod non agit immediate, ullo modo, transeat Minor*: quod non agit immediata ratione virtutis propriae, sed ratione virtutis aliunde acceptae, negatur Minor, et Consequentia. In quo discursu est insignis aequivocatio, ne dicamus fallaciam. Tum quia proxime, et immediate agere non coincidit nec convertitur cum eo quod est agere ex propria virtute; sed salvatur per hoc, quod virtus sit intrinseca agenti, ut media illa erumpat in operationem; quod vero aliunde proveniat, dummodo contineatur intra commensurationem essentialis agentis, sicut non extrahit ipsum agens a sibi essentialibus, ita non obest, quoniam immediate agat. Quare virtutem esse propriam, vel appropriatam, per accidens se habet ad hoc, quod agens operetur immediate; alioqui enim verbum divinum ut subsistens in humanitate non operaretur immediata actiones humanas, eodem prorsus, imo et nobiliori modo, quam ceteri alii homines, quorum personalitates sunt propriae, et non appropriatae. Tum etiam, quia ratio agendi ut *quo*, seu per modum virtutis non tollit immediationem, ut patet in unione intercedente inter materiam, et formam, quam adversarii communiter agnoscunt; quin inde arguant materiam immediate formam non recipere, vel formam non se ipsa praestare immediata actualitatem materiae. Idem liquet in inhaerentia accidentium. Et quod ista exempla demonstrant in sua linea, proportione debita splendet in ratione agendi per mo-

dum virtutis respectu potentiae. Et sane quis dubitat, aut negare audebit personam divinam immediate humanam assumpsisse naturam eamque se ipsa proxime, et immediate terminasse? cum tamen unio hypostatica in doctrina Adversariorum interponatur ut vinculum extreborum, quin ob si tri predictae unioni, quae in ratione unionis est omniom maxima juxta D. Thomam, et communem Theologorum doctrinam. Sicut ergo vinculum unioni deserviens non tollit immediatam unionem, haud dissimiliter virtus actioni inserviens non opponitur immediationi potentiae, et agentis; sed ea posita, adhuc voluntas ut potentia immediata agit, ratione virtutis. Tum ultra (et detegitur aequivocationis causa) nam ideo excitatur, tangitur et movetur hominis cor, quia non suppetebat illi virtus, et ad hoc excitatur, tangitur, et movetur, ut agat, et operetur media illa excitatione, elevatione, et motione: sicut non ad aliud cæcus illuminatur, nisi ut videat per lumen denuo receptum. Unde apparet manifestissime argumenti debilitas, et ineptitudo. Qualiter namque ex eo quod cæcus videat nequeat ex propriis viribus, inferri poterit, dum illuminatur, non posse proxime videre, aut non excitari, non tangi, non inclinari ad immediata videndum? Neutquam sane, quia non illuminatur, non excitatur, nec tangitur, ut videat, et videare possit ex ipsa cæcitate propria, in qua erat; sed ut ea exuta, superinduatur alia virtute ex alto proveniente, qua possit proxime, et erumpat in operationem videndi; quod cæcus non valebat. Non ergo excitatur supernaturaliter homo, tangitur, aut elevatur ad agendum ex propriis, ex quo capite contrahit impotentiam; sed ex divina gratia, qua omnia possumus immediate, melius ac fortius, quam cæcus possit videre lumine admoto, et ab ab alio accepto.

58. Ad tertiam eodem modo respondeatur, excitari quidem hominem ad aliquid agendum, sed non ex propria virtute, quæ de se semper est impotens, et contineatur in ordine naturali; quocirca excitatur, tangitur, et movetur ad agendum, et operandum ex virtute accepta; cum ea quippe excitatione, tactu, et motione descendit a Deo virtus proxima, qua possit, et agere debeat: *Ipsa*, enim (ut inquietabat Augustinus de Gratia et libero arbitrio cap. 14), *facit, ut lex impleatur, ut natura liberetur, ne peccatum dominetur*, sicut lumen cæco donatum

donatum videndi secum portat facultatem. Unde in eodem capite explicat S. Doctor, quia iter Deus excitet corda hominum, inquietus: *Liberum quidem hominis arbitrium pulsatur, ubi dicitur: Hodie si vocem ejus audieritis, nolite obdurare corda vestra. Sed nisi posset Deus duritiam cordis auferre, non diceret per Prophetam: Auferam ab eis cor lapideum, et dabo eis cor carneum.* In quo' vero hæc cordium transmutatio consistat, an in sola additione virtutis partialis, vel in eo, quod totalis sit virtus cordi adveniens, explicat subdens: *Quod non ideo dictum pulemus, ut carnaliter vivant, qui debent spiritualiter vivere (in nostro casu dicemus, ut naturaliter vivant, qui supernaturaliter debent vivere). Sed quia lapis sine sensu est, cui comparatum est cor durum; cui nisi carni sentienti cor intelligens debuit comparari? Sic enim hoc dicitur per Ezech. Prophetam, et dabo eis inquit, cor aliud, et spiritum novum dabo eis, et evellam cor lapideum.* Quibus phrasibus totam virtutem agendi, et attingendi supernaturalia, denuo advenire caliganti, et cœcumenti nostræ infirmitati, quin ad hoc a iquid prosit virtus naturalis, explicat, et urget contra adversarios, quibuscum disserebat. Unde concludit: *Numquid ergo possumus, nisi absurdissime dicere bonum meritum bonæ voluntatis (quæ quidem partialis erat) in homine præcessisse, ut avelletur ab eo cor lapideum: quandoquidem cor lapideum non significat nisi durissimam voluntatem. Ubi enim jam præcedit bona voluntas, jam non est cor utique lapideum.* Ecce quomodo juxta D. Augustinum homo pulsatur, excitatur, movetur, et adjuvatur a Deo, non ut partialiter ipse se emolliat, et a se ipso ex propria virtute duritiem saltem partialiter evellat; sed ut per virtutem acceptam cor aliud, et spiritum novum subinduat, quo supernaturaliter, et ut filius Dei operetur.

Ex quibus constat ad ultimam propositionem, siquidem nec appareret militat contra nostram sententiam, juxta quam, imo et juxta fidem catholicam fatendum est hominem se habere passive ad recipienda dona supernaturalia, quæ Deus in nobis, sine nobis operantibus multoties operatur. Semel autem recepta gratia, cum illa, et ratione ipsius, elicit homo actus supernaturales, non secus ac cæcus illuminatus videt colores, quos cæcus videre nequebat. Unde ergo se habet mere passive; quia gratia est ipsi tota ratio

agendi? Etiam potentia visiva est homini cæco tota videndi ratio, et ea accepta semel, jam non se habet mere passive ad visionem. Et ideo nihil probat. Si recurratur ad alias causas, seu discrimina: hoc diruere pertinet ad alia argumenta infra adducenda, et examinanda. Unde relinquuntur manifestum ex Concilio Trident. nihil suffragii obvenire isti sententiae; quinimo ex ejus doctrina bene intellecta manet convulsa.

59. Ad primam confirmationem etiam Eliduntur confirmatio-
nem.

liliquet, quo sensu (plane hæretico) Lutherus, et Calvinus concedebant gratiae actualitatem et libero auferere arbitrio; et quo sensu concedatur a Thomistis, ut inde haud obscurum, sed clarissimum sit, toto cœlo, unam sententiam ab alia distare. Quod autem conveniat inter Thomistas, et Calvinum totam, et adæquatam agendi rationem proximam agendi actus supernaturales esse gratiam, verum est; sed in hoc non erravit Calvinus, nec hæretici ideo hæretici sunt, quia hoc verum dogma amplectantur; ideoque non vitio tribuendum Catholicis in his, et similibus veritatibus cum illis convenire; alioquin quia illi sentiunt hominem esse rationalem, et totum esse majus sua parte, non possent, nec deberent id etiam sentire Catholici, quod est ridiculum. Thomistarum ergo sententia media, eaque regia ut solet, incedit via nec ad dexteram, nec ad sinistram declinando. Docet contra Pelagium nullas esse vires proximas in libero arbitrio, aut potentias naturalibus ad actus supernaturales; sed eas exoptat a gratia per Christum, non qualicumque, ut aliqui perperam, et sinistre volunt; sed entitative supernaturali. Statuit contra Lutherum, et Calvinum hanc gratiam ita supernaturalem, non destruere liberum arbitrium, sed perficere, et elevare ad agendum in superiori ordine. Concedit gratiam moraliter excitantem, negat ratiocinentem contra Calvinum, et omnia alia amplectitur, et propugnat, quæ supra memoravimus ex Concilio. Unde potius est nostra sententia ipsa sententia Concilii, ut rem consideranti constabit.

Ad ultimam confirmationem jam fuit responsum in principio solutionis hujus argumenti et ex ibi dictis constat teste Bellarmino, nullam fuisse Calvini fidem in ea sententia alleganda. Recolantur ibi hujus occasione expensa.

Nota.

§ IV

Duo Adversariorum argumenta.

Primum
pro
cadem
sententia
argumen-
tum.

60. Arguitur deinde ratione a priori qua manifestus redditur concursus immediatus rationalis naturae in actum supernaturalem, ut illi arbitrantur. Nam cum partiali concursu naturae rationalis potest componi, quod actus sit supernaturalis : ergo concursus partialis, et immediatus naturae rationalis non repugnat actui supernaturali. Consequentia constat, et Antecedens probatur : quoniam ex ipso quod actus sit absolute, et simpliciter supra omnes vires naturales necnon supra omnium virium naturalium exigentiam, est supernaturalis, ut constat ex terminis : sed per hoc quod natura rationalis exhibeat immediatum, et partiale concursum ad actum supernaturale, non impeditur, quod actus sit supra omnes vires, et supra totius naturae exigentiam : non ergo tollitur, quod absolute supernaturalis existat. Major, et Consequentia constat. Minor vero probatur : nam eo ipso quod habitus ex una parte sit necessarius ad actum; ex alia vero sit indebitus naturae, et supra omnem ejus exigentiam, sufficienter salvatur ejus supernaturalitas; nam quod est supra omnem exigentiam naturae, nequit non elevari supra ipsam naturam, atque ideo in ordine supernaturali constitui. Sed virtus v. g. charitatis necessaria est ad actum charitatis; alias vero superat totam naturae exigentiam. Ergo vere est supernaturalis : et consequenter actus, cui est necessarius habitus, etiam est supernaturalis ob eandem prorsus rationem.

Confirmatio 1.

Confirmatur primo vis hujus rationis : nam ut actus sit supernaturalis, non requiritur omnia principia ejus proxima esse supernaturalia : ergo cum supernaturate actus optime componitur aliquod ejus principium esse naturale. Consequentia constat, et Antecedens probatur : nam eo ipso, quod aliquod principium immediatum actus sit indebitum, et super totam exigentiam naturae. actus absolute, et simpliciter est indebitus, et supra omnem naturae exigentiam : sed actus absolute, et simpliciter est indebitus, et superans exigentiam totius naturae est supernaturalis : ergo ut actus sit supernaturalis, sufficit aliquod ejus principium esse indebitum, et supra exigentiam naturae rationalis.

Confirmatur secundo, et explicatur magis praedicta ratio. Quia non est minus de ratione potentiae passivae exigere potentiam determinate activam, a qua reducatur in actum, quam sit de ratione potentiae activae praicontinere effectum : sed intra ordinem naturae datur potentia obedientialis passiva absque exigentia determinata concursus supernaturalis : ergo intra eundem ordinem naturalem dabitur etiam potentia activa actus supernaturalis, quae nec exigat, nec praicontineat effectum supernaturale. Patet Consequentia ex premissis; quia sicut potentia obedientialis nequit nisi ab agente supernaturali in actum reduci, ita actus supernaturalis non potest elici nisi a principio supernaturali ; aliunde vero potentia obedientialis non exigit determinate agens supernaturale, cum ipsa sit subjective naturalis : ergo similiter potentia activa partialis non exigit principium supernaturale, licet in actum reduci nequeat absque concursu principii supernaturalis. Eo vel maxime : quoniam causa partialis eo ipso quod partialis sit, non petit praicontinere totum effectum : ergo cum actus sit, et supponatur supernaturalis : non est unde affirmari possit, quod praicontineatur in virtute activa naturali ; sed sufficit connotare principium proximum supernaturale, cuius consortio indiget ad efficiendum actum supernaturale.

61. Ad hoc argumentum constabat sufficienter ex dictis in prima ratione, quam pro assertione formavimus. Sed tamen respondetur in hoc discursu plura inter se pugnantia complicari, quae evolvere oportet, ut appareat non esse rationem a priori, imo nec a posteriori, qua aliquid verum possit concludi. Concluderet sane, si supponeretur actum illum ita elicimus, et productum, partim esse naturale, et partim esse supernaturale : hac quippe facta partitione, ex parte effectus, illico acquiesceret intellectus, imo et cogeretur ad eam etiam concedendam in principiis : quia cum unumquodque operetur, secundum quod in actu vel formali, vel eminentiali est, id ipsum quod facit (nemo enim dat, aut clare queit, quod in se aliquo ex his modis non continet) : eo ipso quod actus esset mixtus, aut compositus ex duplice illo conceptu, oporteret assignare similem mixtionem, aut compositionem ex parte principii proximi. Quod quidem principia naturalia lumine naturali nota, et vera

vera philosophia demonstrant. Sed quia suppositio contraria est communis utriusque sententiae, ut observavimus in limine ipsius questionis, implicatorum omnino apparet actum entitative, et adæquate supernaturalem, qualis est contritio, immediate oriri adhuc partialiter a virtute naturali, in qua nec partialiter continetur (qua enim ratione ab ipsa immediate egreditur, in ipsa continetur); alias non magis egredetur, quam oleum ex puto aquæ naturaliter egredi potest; et cum ipsa virtus sit naturalis, contineret, et non contineret actum illum supernaturalem. Contineret, ut supponitur, et probatur, quia ab illa proxime egreditur. Non vero continet adhuc partialiter, quia prædictus actus adæquate est supernaturalis: non ergo continetur partialiter in virtute illa naturali, quæ nullo modo est supernaturalis, sicut vice versa actus nullo modo est in se ipso naturalis. Unde egredetur, et non egredetur; egredetur certe, ut asseritur; non vero egredetur, quia ibi non continetur proxime, ut manifeste probatur: quia inintelligibile est oriri aliquid ab aliquo, ubi non est prius, aut præcontinetur. Si hæc intellectui non præoccupato implicationes manifestæ non sunt; non est implicatio clarior in ulla disputatione quærenda.

Ad formam ergo argumenti negandum est Antecedens, et ad ejus probationem conceditur Major, sed negatur Minor; hujus probatio importat aliam æque manifestam implicationem: quandoquidem supponitur habitus supernaturalis necessarius ad actum v. g. contritionis, quod verum est ob proportionem servari debitam inter actum, et habitum se immediate respicientes, et ob speciem, quam habitus sortitur per ordinem ad actum. Aliunde vero exiguntur concursus partialis naturalis, qui eo ipso quod naturalis adstruatur, nequit immediate nedum efficere, sed nec respicere actum supernaturalem. Quia enim ratione habitus supernaturalis, quia supernaturalis est, adstruitur vel ab ipsis adversariis necessarius pro actu supernaturali, a quo alioqui mutuari non posset speciem; si quidem habitus supernaturalis non specificatur, nisi ab actu ejusdem ordinis: eadem prorsus ratione influxus naturalis voluntatis nequit se exigere ad actum, qui non sit naturalis, qualis non supponitur esse actus, de quo loquimur. De quo plura, et omnino pro præsenti difficultate

videnda, diximus tract. de Necessitate gratiæ, ubi statuimus nullo naturali assensu posse hominem credere, vel, ut oportet, attingere mysteria supernaturalia.

Nec omitti debet alia implicatio importata in illa ratione a priori adversariorum; quam ut detegamus, ex ipsorum consensu, prælibare oportet actum supernaturalem per se, et essentialiter petere utrumque partialeum influxum, tum gratiæ, tum animæ, et voluntatis, seu virium naturalium. Quo posito, ut ab omnibus supponi debet (alias uterque influxus non esset necessarius, sed illorum alterutro, vel solius gratiæ, vel solius animæ, aut voluntatis elici posset actus contritionis, aut charitatis, consequenterque vel haberemus intentum, si eliceretur a sola gratia; vel incideretur in hæresim, si proveniret a sola natura.) Hoc, inquam, ita posito, degititur alia contradictonis non minus clara. Nam concursus ille supernaturalis ita divisus, et partialis esset debitus, et non esset debitus naturæ, consequenterque esset, et non esset supernaturalis. Non esset debitus, ut supponitur: fore vero debitum nature concursum illum supernaturalem, probatur. Nam ea ratione, qua actus est debitus naturæ, est ipsi debitum principium, seu influxus ad actum requisitus: sed actus charitatis, aut Pœnitentiae non semel est debitus homini, ut quando præcepto urgetur ad pœnitendum, vel exercendum actum alium supernaturalem: ergo etiam est debitus concursus supernaturalis partialis.

Ad hæc; causa partialis, quæ tenetur erumpere in effectum, necessario postulat concursum alterius causæ necessarie ad positionem effectus, ut constat in duobus lapidem portantibus; quorum alter alterius auxilium postulat, ut teneatur ad agendum; alioqui enim non facile appetet, qualiter obligari posset ad portandum lapidem. Sed voluntas ut partialis virtus tenetur ad actus virtutum supernaturalium. Ergo necessario postulat influxum alterum compartialeum indispensabiliter necessarium ad prædictos actus, consequenterque concursus ille supernaturalis esset simul debitus, et indebitus naturæ rationali ut partialiter activæ: nisi maluerint numquam hominem teneri ad operandum ex viribus naturæ, vel se exerendum in actus supernaturales.

62. Hinc ad confirmationem primam respondetur, negando Antecedens, si lo-

Multiplex implicatio in proposito arguento.

Respon-sio ad 1 Confirmationem.

quatur de principiis proximis, et immediate elicivis, præcipue vero non subordinatis; sed ex æquo concurrentibus, uti duo idem pondus sustinentibus se habent, et ut se explicant adversarii in illis partialibus influxibus. Et ratio est sæpe tradita: quoniam eo ipso quod actus sit supernaturalis, et postulet ut sui adæquatum principium prædictos influxus, debet esse ejusdem ordinis cum illis, illaque debent esse inter se connexa ad productionem actus. Nihil autem naturale est connexum cum supernaturali, nec idem ordo est naturalis, et supernaturalis. Unde ille actus ut de pingitur esset supernaturalis per ordinem ad concursum indebitum; esset vero partialiter naturalis, imo et totaliter, quatenus deberetur naturæ saltem partialiter ratione virtutis partialis. Et quia huic virtuti naturali partiali esset etiam debitus alter concursus partialis ad actum adæquatum necessarius ut nuper ostendimus, de primo ad ultimum infertur prædictum concursum etiam esse naturalem; quod enim est debitum virtuti naturali, naturale est, neutiquam vero ordinis supernaturalis: sicut e converso, quod fundat debitum supernaturalis, nequit non contineri intra ordinem supernaturalis. Hinc emergit nova impugnatio adversæ doctrinæ. Nam quod fundat debitum termini supernaturalis, est etiam supernaturale; sed activitas partialis voluntatis ad actum supernaturalis fundat exigentiam termini supernaturalis: ergo prædicta activitas est supernaturalis, et perperam a contrariis ponitur naturalis. Cætera constant præter Minorem, quæ facile suadetur: sive enim illa activitas partialis consideretur per ordinem ad actum eliciendum, sive per ordinem ad alium concursum partiale nec essarium omnino pro existentia actus; ex quolibet capite, et ex utroque simul eluet supernaturalitas illa, quæ dicitur naturalis, fundat exigentiam termini supernaturalis, subindeque non naturalis, sed supernaturalis est, et esse debet. Inconsequenter ergo, et minus recte adstruitur in hac sententia partialis influxus, qui sit voluntatis, ut potentiae naturalis.

Ad secundam confirmationem, quæ directe militat contra immediatam solutionem, respondetur negando paritatem, quam esse nullam ipsi adversarii fateri tententur, nisi velint eodem confidere argumento activitatem adæquatam voluntatis, quæ sit naturalis, quo destruetur activitas

partialis, et inadæquata. quam tantopere conantur inducere. Et ratio est perspicua: quoniam si a potentia obedientiali passiva, quæ datur, et negari non potest, tenet argumentum ad potentiam naturalem activam, ut illi intendunt; cum concursus obedientialis passivus, non sit partialis, nec consequenter potentia ipsa partialis sit, sed totalis in ratione potentiae passivæ, ut patet: consequens erit ut potentia activa naturalis inde illata ipsorum judicio, debeat esse etiam totalis, et non partialis. Et si hic non probatur, ut non probari est manifestum; nec etiam illud deducitur. Ratio ergo disparitatis est manifesta: quia potentia obedientialis passiva solum importat subjectionem creaturæ ad Deum, ut ea media fiat quidquid non importat contradictionem, quocirca non petit determinatam aliquam formam, qua compleri postulet, sed dieit tantummodo meram non repugnantiam ad recipiendum quod Deus voluerit. Ad hoc autem non requiritur continentia in actu alicujus effectus præ alio, sed sufficit, et exigitur pura capacitas, et potentialitas excludens actu qualibet actualitatem ex illis, ad quas est in potentia. Quod sane imperfectionis est, et ideo commune omni creaturæ, qua creatura est, et subjici debet suo creatori. Et hac autem potentia obedientiali ita, ut sic loquamur, informi, et ampla, nullum fit argumentum ad potentiam activam, quæ fundatur in continentia actuali effectus a se producendi, et sequitur ad determinatam formam, et quo excesserit in perfectione, eo perfectior erit ejus activitas, ut constat inductione. Et quia nulla forma naturalis est, aut esse potest, adeo elevata, quod transcendat usque ad ordinem supernaturalis, ut in confessio est apud omnes; idcirco nulla esse potest activitas proxima naturalis, quæ attingere valeat actum supernaturalis. Qua etiam ratione supra in hoc eodem dubio rejecimus ut implicatoriam potentiam illam obedientialem activam a Suario excogitatum, et adinvicem, ita amplam, ut absque additione virtutis possit cum Deo concurrere ad omnem, et quemlibet effectum supernaturalis. Quod implicitorum esse censem ali Theologi a nobis relati loco ibi citato ex tractatu de Potentia animæ Christi. Quapropter argumentum ex hac potentia obedientiali hoc modo accepta efformatum nullum est.

Si autem illud restringere velint ad potentiam illam obedientialem specialiorem, quam

quam reperiri in creaturis intellectualibus præ aliis specialiter, supra statuimus, ratione cuius sunt elevabiles ad videndum Deum in se ipso immediate, eoque fruendum; quod aliis repugnat; nec etiam tenet argumentum. Tum quia illa potentia obedientialis etiam est passiva. Tum quia ea-tenus est radicaliter activa, quatenus est potentia naturæ intellectualis elevabilis ad attingendum Deum media virtute supernaturali, quæ sicut est tota, et adæquata ratio ipsam elevandi; etiam est ipsi tota, et adæquata ratio proxima agendi in ordine supernaturali, ut ibi expendimus, et infra prosequemur opportunius. Ad additamen-tum addimus et nos concedere, quod causa partialis non debeat præcontinere totum effectum, sed partem illius, quam efficit, aut efficere potest Sed in nostro casu totus effectus est supernaturalis, ut etiam arguens fatetur ultroneus, et a principio supponitur; causa autem naturalis nec totaliter, ut omnes concedimus, conti-net effectum supernaturalem, nec etiam partialiter, ut legitime probatur ex vi ejusdem rationis, ut consideranti constabat.

Secun-dum gumen-tum. 63. Sed contra hanc solutionem, et doctrinam hactenus traditam urgetur, et instatur (et sit secundum argumentum). Quoniam stat influxus naturalis animæ rationalis, qui sit immediatus, quamvis actus sit supernaturalis: ruit ergo tam solutio, quam doctrina hactenus expensa. Consequentia constat, et Antecedens probatur in actibus fidei informis, quos haud dubium est esse supernaturales: sed ad prædictos actus concurrit anima suo con-cursu partiali, et naturali: ergo talis con-cursus optime cohæret cum actus supernatu-ralite. Probatur Minor, quoniam in prædicta hypothesi, quod fides sit infor-mis, anima non habet vires influendi in assensu fidei ex gratia sanctificante, utpote qua nudatus, et spoliatus invenitur peccator: nec etiam ab alia forma intrinsece inhærente in anima, quippe quæ hactenus non est audita, et eadem facilitate qua posset intrudi, posset etiam rejici, sed graviori fundamento. Nec tandem eas recipit ab ipso habitu fidei, cuius proprium, et immediatum subjectum est intellectus, anima vero solum est subjectum *quod*, mediatum, et remotum, cui subinde ad-veniunt supernaturales vires ex assistentia mediata fidei infusæ: relinquitur ergo so-lum ex viribus sibi propriis, et naturalibus

concurrere animam ad assensus supernatu-rales fidei informis.

Occasione hujus instantiæ plura discus-sit Illustrissimus Godoy de visione Dei disp. 16, § 6, num. 181, et post varias hinc, inde exagitatas, et expensas opinio-nes, solutioni communi non tandem quiescens, novum et singularem arripuit viam docens animam elevari ad eos assen-sus eliciendos qualitate ab intrinseco per-manenti, et per modum radicis, adæquata cum habitu fidei, et spei. Si autem inqui-sieris, in quo consistat hæc qualitas ani-mam immediate afficiens, et in quo diffe-rat a gratia habituali, cum supernaturalis sit? Respondeat esse quidem gratiam, sed non sanctificantem, quia non est radix videndi Deum clare, sed dumtaxat obs-cure, et determinate per fidem; ideoque tantum deservit ad elevandam animam, ut credere, et sperare possit in absentia gratiæ sanctificantis. Porro ejus necessitas ex ipso argumento colligitur, et ratione suadetur. Quoniam habitus fidei, et spei solum important vitalitatem proximam: principium vero proximum vitale debet procedere a principio intrinseco radicali, quod etiam sit vitale per modum radicis: ergo cum habitus illi procedere nequeant ab anima utpote potentia pure naturali; alias incideretur in eandemmet sententiam, quæ impugnatur; consequenter asserenda videtur qualitas illa adæquata per modum radicis cum fide, et spe, tamdiuque in sub-jecto duret, quandiu persistere contigerit in statu peccati; et eo per gratiam perfec-tiorem, et sanctificantem excluso, excludi-tur et illa qualitas.

Si vero rursus opponas quod ad adven-tum gratiæ sanctificantis, neutra illarum virtutum excluditur, quinimo utraque per-ficitur, et de informi transit ad esse for-matam, et vivam: si autem destrueretur qualitas illarum radix, destruerentur qua-litas ex consequenti virtutes in ea radi-catae, sicut destructa gratia per pecca-tum, omnes virtutes supernaturales in ea fundatae evanescunt, juxta illud Philo-sophi cap. de Individuo: *Destructis nobis destruuntur omnia, quæ sunt in nobis;* con sequenterque cum gratia sanctificante advenirent nova fides, et nova spes, quælibet earum viva, et formata. Quod est contra D. Thomam diserte asserentem eandem fidem esse formatam, et infor-mem, non solum quoad speciem, sed etiam numero, ut constat ex 2, 2,

Singula-
ris
discendi
modus.
Godoy.

quæst. 4, art. 4 et refragatur communis doctrinæ Theologorum in hanc veritatem unanimiter conspirantium.

Si, inquam, hoc opponere volueris, respondet nūm. 185, negando sequelam : quia quando effectus dependet a duobus principiis secundum conceptum utique communem, variato altero illorum principio, et allo illius loco subintrante, non idcirco variatur effectus, sed idem permanet quoad substantiam. Fides autem, et spes radicantur in gratia sanctificante, et in hac qualitate permanenti secundum conceptum utriusque communem, ad eum sane modum, quo potentiae sensitivæ hominis radicantur in anima, non quatenus rationali, sed ut est eminenter sensitiva, quo pacto importat gradum communem homini, et brutis, in quibus ejusdem rationis sunt potentiae sensitivæ. Quapropter variata, aut exclusa gratia sanctificante, non idcirco variantur, aut excluduntur Fides, et Spes, sed permanent adhaerentes alteri radici denuo supervenienti.

64. Qua doctrina absque ullo labore, sed summa facilitate, et claritate, enervatur argumentum, ut consideranti constabit.

Quia tamen eam censemus insufficientem, et adversam doctrinæ D. Thomæ, quidquid sit de ejus probabilitate, quam satis magnam ei conciliare poterat ipsius Author, illi refragari cogimur. Porro ejus insufficiencia ostenditur. Nam quidquid sit de actibus fidei, et spei informium, indubium est quamplices alios actus supernaturales reperiri ad quos elicendos non occurrit aliqua illarum virtutum, sed solum auxilia supernaturalia transeuntia; vel quia penitus antecedunt fidem, et ad ipsam disponunt, ut de excitatione divinæ gratiæ, qua fidem ex auditu concipimus, docet Tridentinum sess. 6, cap. 6 et de quibusdam illustrationibus, quas *inchoationes fidei conceptionibus similes* vocavit August. lib. 1, ad Simplician. quæst. 2, neconon de judicio regulante piam affectionem, et consequenter præviō ad fidem docent communiter Theologi, vel quia licet fidem supponant, omnino independenter ab illa fiunt. Hos ergo omnes, et alios his similes esse supernaturales, quoad entitatem et substantiam, vel saltem quod hoc eis non repugnet, certum etiam apud nos est, et ut credimus apud alios. In his vero viget argumenti difficultas : nam eorum vitalitas non provenit a gratia sanctificante, nec etiam ab illa forma denuo adinventa,

utpote quæ adæquatur per modum radicis solis fidei, et spei, quas illi actus præcedunt : vel ergo provenit ab anima partia liter concurrente, ut intendunt adversarii; vel si hoc displicet assignanda est ratio, quare sint vitales vitalitate physica supernaturali, quin sit recursus ad illam radicem. Et quod huic difficultati dictum fuerit; applicari debet actibus informibus, fidei, et spei, et quidem rationabilibus, nam isti procedunt ab habitibus intrinsece, et habitualiter permanentibus; illi vero ab auxiliis citio transeuntibus.

Confirmatur et explicatur supponendo tam nostram sententiam, quam oppositam procedere universaliter in omni, et quolibet actu supernaturali entitative, quin aliquis in particulari excipi debeat, ut sit, vel non sit virtus supernaturalis tota ratio agendi. Quo supposito, constat doctrina illa particulari non sufficienter vires argumenti confringi, utpote quo i semper urget in actibus peccatoris elicitis mediis auxiliis transeuntibus : et tamen pro illis non assignatur forma, quæ afficiat naturam rationalem immediate : ergo inutilis, et insufficiens est, ad sartam tecumque servandam doctrinam universalem Thomistarum recursus ad inauditam formam pro actibus fidei informis. Probatur Minor : nam ea forma debet esse proportionata, et commensurata auxiliis, et actibus, quibus eliciendis inservit, ut constat; sed auxilia, et actus quibus inservit, sunt ex natura sua, et ab intrinseco transeuntia : ergo etiam prædicta forma deberet esse ab intrinseco facile transiens. Quod tamen non posse admitti (nec concedit, quin impugnat Godoy paulo superius num. 168) ostendimus tract. de justificat. disp. 2, dub. 6, § 9.

65. Ostendamus jam eam doctrinam non tantum deserere doctrinam D. Thomæ, sed et illi manifeste adversari. Etenim S. Doctor 2, 2, quæst. 4, art. 4, inquirens : *Utrum fides informis possit esse formata, et e converso?* refert aliquorum sententiam dicentium, alium esse habitum fidei formatæ, et informis, et quod adveniente fide formatæ, tollebatur fides informis; et post fidem formatam peccante homine, succedebat fides informis a Deo infusa. Quorum positionem refellit S. Doctor per hæc verba : *Sed hoc non videtur conveniens, quod gratia adveniens homini, aliquod Dei donum excludat, nec etiam, quod aliquod Dei donum homini infundatur propter peccatum*

Alia in pugnati

Excluditur, et
impugnatur.

Concilium
Tridentinum.

D. Au-
gust.

Osten-
ditur
contra-
rius
D. Thom

calum mortale. Ex qua doctrina D. Thomæ clare colligitur oppositio illius sententiae. Nam juxta S. Doctorem gratia adveniens homini non excludit aliquod Dei donum: non enim Deus est sibi ipsi contrarius, et ejus gratia non destruit, sed perficit tum naturam, tum et dona ipsi naturæ libera-liter communicata; sed forma illa esset Dei donum, non minus, quam fides, et spes, quarum esset radix, et patet a simili gratiæ sanctificantis relatæ ad virtutes: ergo sicut gratia sanctificans, non excludit fidem, et spem, nec etiam debet excludere earum radicem. Unde consequentius dicetur, quod per adventum gratiæ sanctificantis, sicut non excluditur fides, aut spes, ita non excludetur illa forma. Hoc tamen posito, restabat explicare, qualiter gratia sanctificans, quæ est participatio formalis divinæ naturæ, non secum ferret virtutes Theologales sibi proprias, quibus saliret in vitam æternam mediis cogitatione, et amore Charitatis.

spon-
sio.
Respondebitur rationem esse, quia illa forma solum petit radicare fidem, et spem informes, seu ut subsunt determinate statu peccati mortalis, quo deposito, sicut evanescit peccatum, ita et illa forma recedit ad præsentiam gratiæ perfectioris, et sanctificantis.

fota-
ur.
Domi-
nus.
Sed hoc nihil est, et refellitur ex eodem D. Thoma, quæst. 14 de veritate, quæ est de Fide art. 7, ubi contra assérentes habitum fidei informis expelli per habitum fidei formatæ ita arguit: *Nihil expellitur nisi per suum oppositum. Si igitur per habitum fidei expellitur habitus fidei informis, cum non opponatur ei, nisi ratione informitatis, oportebit ipsam informitatem esse de essentia fidei informis, et sic erit per essentiam suam malus habitus, nec poterit esse donum Dei.* Quod argumentum vel nullius est roboris, vel a fortiori tenet in forma illa adæquata cum virtute informi. Non enim posset per gratiam sanctificantem destrui, nisi quatenus ipsi contraria: sed non potest esse contraria nisi ratione informitatis: ergo ratione informitatis destruetur: sed informitas est illi essentialis, utpote quæ nec est, nec esse potest absque peccato mortali, et solum deseruit ad radicandum habitus informes: ergo essentialiter esset malus habitus atque ideo nullatenus donum Dei. Explicatur hoc; forma illa aliter se haberet ad informitatem, quam se habeant fides, et spes: nam fidei, et spei est accidentialis omnino informitas, utpote

quæ adest, et abest absque subjecti corruptione: formæ vero illi non adest, nec abest absque sui destructione; quinimo ita alligatur peccato, quod illo posito ponitur, et ablato aufertur. Sed juxta D. Thomam si hoc competenter habitui fidei, esset illi essentialis informitas, et non esset donum Dei; sed habitus per essentiam malus: ergo formæ illi est essentialis informitas, consequenterque non est donum Dei, sed habitus per essentiam malus.

Confirmatur, et explicatur ulterius ex eodem D. Thoma 2, 2, quæst. 19, ubi docet duo, et quod se habet servilitas ad timorem, sicut informitas ad fidem; et quod si servilitas esset de ratione timoris, oportaret, quod timor servilis simpliciter esset malus, idem abs dubio dicturus, si informitas esset de ratione fidei: sed informitas est de ratione illius formæ, utpote quæ esse nequit absque peccato: ergo illa forma non est donum Dei, sed est malus habitus. Vel si ita non est; nec etiam est, eur destruatur ad præsentiam gratiæ sanctificantis, sed illi coexistere, et potest, et debet. Quo posito non est quare non radicare possit fidem, et spem, sicut antea; vel otiosa, et superflua manebit in subjecto, uti de habitu informi deduxit D. Thomas, casu quo esset distinctus ab habitu formato.

Confirmatur denique ex eodem D. Thoma loco citato ex quæst. 4, solut. ad 1, quia quando imperfectio est de ratione imperfecti, tum oportet, quod adveniente perfectione, imperfectum excludatur. Et ita contingit in fide in præsentia visionis. Sed prædicta forma cum informitate excluditur ad adventum gratiæ, ut ille affirmat. Ergo imperfectum, non utcunque sed peccaminosum, est de ratione illius formæ; atque ideo non debet inter dona Dei computare ex mente D. Thomæ.

06. Ex alio etiam capite opponitur doctrina illa doctrinæ D. Thomæ. Nam admissa illa forma, et supposita ejus fine radicandi, et conservandi fidem informem in absentia gratiæ sanctificantis statim, imo in ipsomet instanti peccati mortalis, in quo est non esse gratiæ habitualis sanctificantis, esset prædicta forma, ne in aliqua vel brevissima duratione salvaretur fides sine radice aliqua supernaturali ex parte subjecti, consequenterque in eodem instanti, in quo homo peccat, infunderetur ipsi a Deo forma prædicta. Consequens est falsum, et absurdum. Ergo falsum, et absurdum est communisci adeo singularem formam eu-

Alia im-
pugna-
tio.

Alia.

Evertitur
ille
dicendi
modus
alio
motivo

pernaturalem, quæ iufundi petat in actuali commissione peccati mortalis. Major est vera juxta illam doctrinam, imo et est propositio necessaria in illa sententia, in qua necessarium est ad conservationem fidei in homine peccante, adstruere formam, quæ solum cum pccato existat, et cum peccato excludatur, et eam profecto supernaturalem; alias nihil diceretur. Minor vero (quam negat Godoy, non pro inconvenienti, sed necessarium dicens quod continetur in Majori hujus discursus, ut constat ex num. 187, ideoque, concedit sequelam), non melius probatur, quam ex D. Thoma loco citato de verit. in eodem art. 7, ubi pro absurdo, et inconvenienti reputat, quod homini actualiter peccanti infundi debeat habitus fidei informis, per hæc verba: *Nec est probabile, quod dicunt, quod tunc iterum donum fidei informis ei infundatur.* Et tradit rationem satis claram, et efficacem: *quia sic ex hoc ipso, quod aliquis peccat, disponeretur ad recipiendum aliquod donum a Deo, a quo averitur peccando, et cui fit injurius, et invitus.* Incredibile autem est, nec ullo rationabili fundamento, vel ab authoritate, vel a ratione fulciendum, teneri Deum in hac providentia, ad dispensandam suam gratiam illi, a quo offenditur, et in eodemmet instanti, in quo gravis injurya ipsi irrogatur. Illud vero quod ostenditur de conservatione fidei informis, nullum est; quia fides informis naturaliter conservari potest non deficiente proprio, et immediato subjecto, quod non deficere manifestum est cum sit in intellectu. Aliunde vero fides quoad substantiam non est de numero illarum virtutum, quæ induisse gratiam comitentur, nec etiam destruitur a peccato, nisi infidelitatis: semel ergo atque fuerit infusa non indiget speciali radice ex parte animæ ad sui conservationem, sed quandoque existit cum gratia, sed viva, et formata ab eadem gratia; quandoque vero cum peccato, sed ob ejus consortium mortua, et informis. Quæ fuit doctrina D. Thomæ in solut. ad 8 ejusdem articuli, ubi ait, *quod fides formata tollitur fornicatione, et aliis peccatis mortalibus, excepto peccato infidelitatis, non quantum ad substantiam habitus, sed quantum ad formam tantum.*

Ultima ejusdem impugnationis. 67. Tandem refeliitur illa forma ex duplice capite, pluribus aliis omissionis, quæ nec lubet, nec vacat proseQUI, et expendere. Tum, quia repugnat donum entita-

tive supernaturale, cui repugnet conjungi cum gratia, et amicitia Dei authoris supernaturalis, ut ex terminis constare videtur, et ostendi potest inductione utriusque ordinis sive naturalis, sive supernaturalis; quippe nullus est effectus naturalis, cui repugnet in Deum, ut in authorem naturæ collimare; et multo melius, et urgentius in ordine supernaturali. Et ratio est: quia causa efficiens et finalis mutuo sibi correspondent, nec latius patet in Deo, ratio causæ efficientis, quam finalis: atque ideo quod a Deo ut ab speciali authore efficienter producitur, non est unde ei repugnet ipsum Deum ut causam finalem respicere: sed formæ illi repugnat Deum ut causam finalem attingere; siquidem ei repugnat conjungi cum gratia et Charitate: ergo repugnat illi, quod sit donum supernaturale. Tum, etiam, quia implicitorius est conceptus forma is adhuc inadæquatus naturæ divinæ participatus, cui essentiale sit commercium cum peccato, et existentia cum illo: sed forma illa saltem inadæquate participaret conceptum formalem naturæ divinæ: ergo implicitorum est omnino ita illam alligare peccato, ut sine illo nec infundi, nec existere possit. Consequens constat. Major videtur per se nota, est quippe natura divina summa, et infinita sanctitas, cui ex omni capite, et ex quolibet predicato sanctitatis competit excludere, vel saltem non importare peccati consortium. Minor vero suadetur: quia forma illa formaliter participaret conceptum naturæ divinæ prout intellectualis, obiretque in ordine supernaturali munus naturæ; alioqui non posset radicare fidem, et spem adhuc informes: ergo esset participatio formalis naturæ divinæ. Ex quo rursus sequeretur, ea fieri hominem consortem naturæ divinæ, utpote quod esset ejus effectus formalis immediatus, sicut est effectus gratiae sanctificantis constituere hominem Deo acceptum, et sanctum. Alias vero annexeretur essentialiter cum statu peccati, sine quo nec esset, nec infundetur a Deo: ergo esset, et non esset participatio formalis naturæ divinæ.

Nec valet respondere suppositionem peccati esse accidentalem tali formæ, ipsamque solum intendi per modum radicis respectu fidei informis, quin respiciat informitatem. Nam contra est: tum quia negari non potest in praedicta forma importari vel connexionem, vel connotationem determinatam cum statu peccati; siquidem

siquidem non potest absolvī ab ejus consortio, et coexistentia: hoc autem ad intentum sufficit; ut patet a simili in hac eadem materia. Quia eo ipso quod aliquid sit vel connexive, vel connotative determinate supernaturale, per legitimam Consequentiam inferunt Godoy, et communiter Theologi, esse absolute, et simpliciter supernaturale; ideoque juxta ejus, et veram sententiam, quod est entitative naturale, nequit determinate connotare aliquid supernaturale, aut connexionem cum illo ordine importare. Tum etiam: quia si fides informis, aut timor servilis absolvī non possent, vel ab informitate, vel a servilitate, nec etiam esse possent donum Dei, sed necessario computarentur inter habitus pravos, ut constat ex discursu, et legitimā illatione D. Thomae, sed forma illa de facto habet, quod competeteret fidei, aut timori non denudabili ab informitate, vel servilitate: ergo nequit esse donum Dei, nec consequenter forma supernaturalis. Minor constat: nam quod competeteret fidei in illo casu solum esset non posse ab informitate denudari, ideoque infert D. Thomas fore informitatem de intrinseca ratione illius: sed illa forma non est denudabilis ab informitate, siquidem nec infundi, nec esse potest absque consortio cum peccato, ut supponitur: ergo de facto illi competit, quod si competeteret fidei juxta D. Thomam, esset habitus pravus.

68. Nec iterum proderit recursus ad materiale peccati, quod est connexum cum formalī, quin obsit, quod illud sit a Deo tanquam a vera causa efficienti: hoc vero dumtaxat a creatura, inquam ut in primam omnino illius causam, et nullatenus in Deum, revocari debet. Non, in quam, proderit, si forte hoc exemplo elidere quis conetur discursum factum. Nam Deus non concurrit ad materiale peccati materialiter sumptum ut causa specialis; sed ut causa universalis, cuius est permettere defectus causarum particularium, sive physicos, sive morales, quin ipsi imputari, aut attribui debeant ex vi hujus. Si vero concurreret, ut causa specialis, et specialissima, non posset attingere materiale, quin ex vi illius concursus attingeret etiam formale. Et hac ratione tam D. Thomas, quam ejus discipuli constanter affirmant, nec Angelum in primo instanti, nec hominem in primo omnino actu posse peccare; quia moventur specialiter a Deo, cui non posset non imputari peccatum, si

Angelus in primo instanti deficeret, vel homo in primo omnino actu indeliberato non recte procederet. Constat autem ad praetinentiam formam se habere Deum ut causam specialem, utpote quæ infunditur, et infundi petit a solo Deo. Ergo vel debet esse talis, quod absolvī posset ab informitate peccati; vel si ab hoc denudari nequit, non potest non esse forma repugnans, et contradictionem implicans. Quia etiam ratione Angelicus Praeceptor cum omnibus discipulis docet prorsus implicare Deum se ipso immediate efficere in intellectu creato errorem, sive actualem, sive habitualem, ut cum ipsis statuimus tract. de Fide, disp. 2, dub. 2, quia nimirum in eo eventu operaretur ut causa particularis illius erroris, subindeque in ipsum foret refundendus.

69. Relicta ergo illa solutione, quæ hujus formæ existentiæ innitebatur, simul respondendum est principali replicæ, et diruendum motivum adstruendi prædictam formam, unum quippe ex alio pendet. Ad instantiam ergo supra factam negandum est primum Antecedens. Et ad ejus probationem negatur iterum Minor, ad cuius probationem constat ex dictis tract. de justificatione disp. 2, dub. 6, § 9, n. 234, ubi huic eidem difficultati ex alio motivo oecurrimus. In præsenti vero falso supponitur animam per modum virtutis proximæ, et ut quo præstare influxum in assensum fidei, aut alios actus supernaturales; quo circa superflue, et inutiliter disquiritur, et annumerantur principia, unde illi proveniat virtus influendi. Quamvis namque anima influat immediate ut quod, et per modum subsistentis in omnes ejus operationes, sive naturales, sive supernaturales; ad nullam vero illarum concurrit ut quo per modum virtutis proxime agendi, et operandi; cum esse nequeat substantia aliqua creata in hoc sensu immediate operativa, ut supponimus ex vera philosophia a N. Complutensibus, et omnibus aliis D. Thomæ discipulis tradita ex Philosopho, et Angelico Praeceptore. Si autem ad actus naturales non influit anima ut quo proxime, per modum virtutis, nequit esse ratio, quæ compellat ad id non etiam asserendum de actibus supernaturalibus.

Unde solum potest esse difficultas in explicando, qualiter stet vitalitas supernaturalis in potentia intellectiva ratione virtutis supernaturalis, quin supponitur radix intrinseca illius in anima; cum tamen in

Vita ordinis naturalis et ejus conditiones.

ordine naturali non sit potentia vitalis, quæ actu non radicetur in forma viventis. Quo motivo ductus Godoy, formam illam jam repudiatam excogitavit, quasi eodem prorsus modo in hac parte de utroque ordine foret theologizandum. Quod tamen longe abest. Nam esse naturale, cum sit primum, et nullum alium rerum ordinem supponens, est veluti fundamentum, et quasi sustentaculum omnium aliarum perfectionum accidentalium sive ordinis naturæ, sive ordinis gratiæ. Et ideo citra miraculum nullum est accidens naturale, quod non insit proprio subjecto, vel communi, juxta conditionem accidentis. Porro potentiae vitales quia proprietates sunt ipsius viventis, numquam separantur a forma viventis, a qua per dimanationem oriuntur; quocirca non est invenire actum naturalem vitalem, qui non procedat immediate ut a ratione proxima, intelligendi v. g. ab intellectu, et mediate, ac radicaliter a natura, et sic de reliquis. Quod adeo verum est, ut juxta meliorem, ac saniorem philosophiam, potentiae et actus vitales in ratione vitalium separari nequeant a principio radicali viventi; sed eo ipso quod disjungerentur ab illis, amitterent vitalitatem, ita ut intellectus, aut intellectio lapidi v. g. unita non explicarent majorem vitalitatem, quam calor, aut calefactio ligno affixa; et inde oritur per nullam potentiam fieri posse, ut Petrus exempli causa, intelligat, et vivat per intellectum Pauli, aut e contra: hacque ratione ducti Theologi, maxime Thomistæ, et alii plures merito affirmant, animam Christi Domini adhuc inspecta divina omnipotencia omnino a legibus absoluta, intelligere non potuisse intellectione increata, ut fuse ostendimus tract. de scientia Christi, disp. 1, dub. 3, et sententia affirmans aliqua inuritur censura de quo ibi.

Vita ordinis supernaturalis perfecta.

70. Ordo vero supernaturalis cum sit accidentalis, et deserbiat ad evehendas, seu elevandas vires inferiores, quæ impotentest, et omnino insufficienes sunt, nisi fulciantur, et roborentur virtute hujus ordinis, non observat, nec observare petit eam correspondentiam, quam ostendimus in naturalibus; sed potest perfectius, aut imperfectius communicari ad hunc sensum, quod interdum elevetur nedum anima per gratiam sanctificantem, sed etiam ejus potentiae, mediis virtutibus, et donis ipsam utpote proprietatibus comitantibus. Et haec est perfectior elevatio, quæ quoad speciem

haberi potest communiter loquendo, in statu viæ, in quo peregrinamur a Domino; licet possit esse, et sœpe sit intensor, aut remissior, juxta beneplacitum divinum distribuens sua dona, prout vult. Et in hoc casu non tantum principia proxima sunt supernaturalia, sed etiam illorum radix intrinseca, et intrinsece afficiens animam, et absque difficultate percipitur, qualiter actus sit supernaturalis, et vitalis in hoc eodem ordine: procedit enim ab anima elevata per gratiam intrinsecam, et a potentias naturalibus constitutis in actu supernaturali per virtutem propriam hujus ordinis, et accommodatam indigentiae cuiuslibet potentiae, ita ut in intellectu sit lumen, ad assentiendum, et cognoscendum, in voluntate virtus ad diligendum, et desiderandum. Quod ratione, et exemplis satis perspicuis jam supra elucidatum relinquimus cum D. Thoma.

Quia tamen in hoc eodem ordine sunt aliquæ operationes non adeo perfectæ, quod gratiæ sanctificantis consortium necessario exoptent, licet illud non positive excludant; uti de dono Prophetiæ, interpretatione sermonum, et aliis pluribus excitationibus, et motibus voluntaris, et de assensu fidei, et inclinatione spei, nobiscum affirmare tenentur adversarii. Idcirco pro his, et similibus actibus non designanda est ex parte animæ radix aliqua, vel naturalis, ut patet, alias natura esset radix gratiæ; vel supernaturalis, utpote quæ solum exigitur pro operationibus in hoc ordine perfectis quibus est divorsum cum peccato, quæque attingentiam ultimi finis supernaturalis, et ejus rectitudinem in subjecto supponunt. Quales esse actus virtutum mortalium saltem per se loquendo, et ex natura rei constat ex dictis in arbore virtutum agendo de virtutibus infusis, et est perpetua doctrina D. Thomæ. Cæteri namque actus, sicut non sunt actus virtutis proprie dictæ, ut de fide informi expresse affirmat D. Thomas loco citato de veritate; ita non supponunt exercite gratiam sanctificantem. In hoc ergo casu non elevari debet immediate ipsa anima, sed tantummodo potentia illa elicitura actum v. g. fidei, qua in actu constituta lumina fidei ejus assensus evadit supernaturalis, et vitalis in eodem ordine; quin aliquid debeat refundi in animam, ut in rationem agendi proximam. Et ratio a priori, et clarissima sumitur ex dupli capite. Tum, quia anima, ut jam tetigimus, et est semper

Vita ordinis supernaturalis imperfecta.

per ob oculos habendum, non agit in ullo ordine proxime, nisi per potentiam, quæ ejus virtus proxima, et adæquata est; et ideo neque intelligit, nisi mediante intellectu, nec diligit, nisi per voluntatem. Tum etiam nam quod actus sit supernaturalis, vel naturalis, non regulandum est penes principium radicale, sed penes proximum, et immediatum, a quo actus et speciem, et perfectionem vindicat cum subordinatione ad terminum, seu objectum attingendum. Et ita videmus in naturalibus, operationem esse de linea accidentis, et eo perfectiorem, quo principium proximum fuerit intensius, aut perfectius; cum tamen principium radicale, quia substantia est, invariabile sit, nec suscipiat magis, et minus. Cum ergo intellectus elevetur lumine fidei eoque constituatur in actu omnino proximo ad assensum; non est necessaria, alia elevatio immediate facta animæ, ut ipsa medio intellectu illuminato erumpat in actum fidei, et sic de reliquis: nec est unde aliquid naturale oporteat proxime concurrere ad prædictum actum, in quo nihil naturale est, refutentur adversarii.

71. Sed replicabis adhuc. Actus ille fidei est vitalis: non vitalitate gratiæ, quam non supponit: ergo vitalitate animæ, quam prærequirit. Patet Consequentia: quoniam vitalitas adæquate dividitur in naturalem quæ provenit ab anima, et supernaturalem, quæ fundatur in gratia. Minor etiam constat; quoniam gratia non confert vitalitatem actui, quem non radicat, sicut anima non vivit per actum, ad quem ut radix non supponitur: sed gratia non supponitur ad actum fidei informis, nec illum radicat: ergo prædictus actus nequit esse vitalis vitalitate gratiæ. Major primi syllogismi est etiam perspicua: nam licet fides absque gratia sit mortua peccato, quatenus non habet Deum ut ultimum finem moralem, sed bonum proprium a Deo aversum, in quo ultimo sistit tota peccatoris intentio; negari tamen non potest, hominem dum assentitur mysteriis fidei, vere vivere absolute vita physica per illum assensum. Quis hoc neget? Certe in hoc dissentire perinde esset, ac asserere hominem ipsum actu intelligentem nec actu vivere, nec intelligere intellectione illa, qua intelligit et vivit; quod esset irridendum. De hac ergo vita quæ non est viva per gratiam, sed est et dicitur in illo sensu mortua, intellecta illa propositione majori, procedit

argumentum. Quod quidem convincere videtur, supposita veritate Minoris, quam negare non possumus; ne reincidamus vel in sententiam, asserentem permanentiam gratiae habitualis cum peccato, quod repugnat: vel in aliam a Godoy excogitataam, et jam convulsam. Rursus vero urgeri, et explicari potest sub hac forma. Non minus principium proximum vitale petit consoritum principii radicalis, quam actus vitalis postulet conjunctionem cum principio proximo vitali: Sed repugnat actus vere, et exercite vitalis, cui non conveniat conjunctio exercita, cum principio proximo vitali: ergo etiam repugnat principium proximum vitale, non exercite conjunctum cum radice illius vitalitatis proximæ. Sed radix illius vitalitatis proximæ non est gratia sanctificans, aut alia forma supernaturalis. Ergo debet esse natura rationalis ratione vitalitatis propriæ: vel si hæc non est, nec fides illa est vitalis, nec consequenter ejus assensus. Quod ne devoretur, deveniendum est, vel in formam supernaturalem distinctam a gratia, vel in naturam rationalem; alioqui salvaretur principium proximum vitale, absque radice vitalitatis, quod etiam est falsum. Nullum ergo est caput vitandi aliquod illorum inconvenientium, nisi asserendo naturam rationalem proxime, et immediate concurrere cum habitu fidei informis ad assensum supernaturalem.

Respondetur ad priorem partem objec- Fit satis
tionis concedendo Majorem, et Minorem, primæ
et negando Consequentiam: quia licet ac- objectio-
tus supernaturalis fidei informis, non sup- nis parti,
ponat gratiam sanctificantem, a qua de
facto oriatur, est tamen in eodem ordine
cum illa, et ab ea sumitur ut a dispositione
remota initium nostra justificationis pro-
venientis a gratia habituali. Et ex hoc ca-
pite sibi vindicat vitalitatem supernatura-
lem illam pure, ut ita dicamus, physicam,
quam intendit argumentum, quin ex vi hu-
jus petat radicari exercite, et immediate
in gratia sanctificante. Et ratio est, quia
dispositio remota eo ipso quod remota
est, non supponit formam, ad quam
disponit, et aptat, et viam parat ad eam
obtinendam; vel voluntarie; ut accidit
in præsenti, vel naturaliter, ut contin-
git in formis naturalibus. Cujus opposi-
tum opposita de causa convenit dispo-
sitionibus concomitantibus, quibus com-
petit radicari in forma ab eaque provenire.
Atque ideo illam supponere. Unde in or-

dine supernaturali duplex modus vitalitatis est distinguendus; alter perfectus, qui provenit a prima forma dante esse supernaturale immediate animæ per se ipsum, et simul a potentibus virtutibus ipsam formam comitantibus; vi cuius fit perfecta renovatio interior totius hominis, et omnium ejus vitium, ut late explicuimus tract. de Justificatione disp. 1. Et hoc est proprium gratiæ habitualis, quæ ideo in hoc ordine est, et vere habet munus naturæ elevantis, et constituentis animam rationalem vere consortem cum Deo in natura divina, licet cum distantia infinita. Quocirca virtutes illæ, quas diximus supra esse omnes morales; et eorum actus, semper sunt perfecte vitales in hoc ordine, ut non negat, sed supponit argumentum. Alter vitalitatis modus est in hoc ordine imperfectus, et divagatur per virtutes, et auxilia transeunter deservientia actibus supernaturalibus, quibus ex sua specie non repugnat existere cum peccato lethali, de quorum numero sunt actus Fidei, et Spei. Qui quidem sicut non petunt supponere gratiam sanctificantem, ita ex consequenti non requirunt vitalitatem propriam illius; nec similiter postulant animam immediate elevatam, et constitutam in esse supernaturali per aliquam formam. Solum ergo est necessarium, ut ipsa sit capax se disponendi juxta propriam conditionem, et modum operandi paulatim, et de imperfecto, ad perfectum progrediendo. Quod sane fit mediis actibus fidei, Spei, timoris, etc., quos ex Tridentino memoravimus. Porro ad id sufficere potentiam obedientiam animæ, constat ex illa propositione D. Augustini, posse habere fidem naturæ est hominum, eo quod potentia obedientialis naturaliter convenit homini; habere autem gratia est fidellum. Quam usurpat D. Thom. 1, 2, quæst. 113, art. 10: quia naturaliter anima est gratiæ capax, eo enim ipso quod facta est ad imaginem Dei, capax est Dei, per gratiam, ut Augustinus dicit. Hanc vero capaciatem proxime activam non esse sed immediate passivam ad recipiendam supernaturalem virtutem, media qua operetur, satis supra ostendimus, etclare ultra ibi dicta docuit Augustinus ad Psal. 32, super illa verba: Verbo Domini Cœli firmati sunt, et spiritu ejus omnis virtus eorum, ubi non dicitur aliqua virtus, sed quod omnis virtus Spiritu ejus firmata sit, et ideo infert Augustinus: Ibi non habuerunt aliquid ex se, et tanquam supple-

mentum a Domino perceperunt: Spiritu enim oris ejus non pars, sed omnis virtus eorum.

72. En quam merito concessimus actum illum fidei informis esse vitalem in sensu explicato, vitalitate scilicet priore Physica, et in ordine supernaturali imperfecta. Concessimus etiam Minorem, eo quod hæc vitalitas non fundatur in gratia sanctificante, sed in eam remote collimat, et ad eam disponit. Sed negavimus Consequentiā, nempe quod fundetur in natura, ut activa est, vel activitatē proximam explicat in actum fidei, quod non probatur ex præmissis: anima enim licet naturaliter habeat potentiam obedientiam ad recipiendam gratiam, non tamen virtutem ad eam comparandam, nam habere gratiam est fidellum ut inquebat Augustinus. Unde ad illos actus informes concurrit anima ut quod, et intellectus per modum potentiarum, et lumen fidei, ut totalis virtus; Spiritu enim oris ejus non pars, sed omnis virtus eorum, teste eodem August.

Hinc ad secundam partem objectionis, qua prima urgebatur, constat negandam esse Majorem, cuius falsitas constat, tum in dono prophetæ, et aliis auxiliis dispensatis ad actus supernaturales, pro quibus non supponitur indispensabiliter gratia sanctificans; cum tamen impossibilis sit actus supernaturalis absque principio intrinseco, vel saltem extrinseco supernaturali, ut etiam docent adversarii. Tum etiam, quoniam illa Major ad summum tenet in virtutibus illis, quibus repugnat existere cum peccato gravi, qualem esse charitatem est plusquam certum, et id competere Pœnitentiæ relinquimus determinatum; quidquid sit de aliis. Tum denique, quia actus est essentialiter egressus a principio, et ideo implicitorius est actus supernaturalis, qui egressus non sit a principio supernaturali. Principium vero est quid permanens, et non petit ex genere suo actualiter semper egredi a principio radicali, maxime quando est imperfectum, et disponit ad formam perfectam, ut constat ex dictis. Deficiente autem et fallente Majori, ruit totus discursus, et nullæ sunt illationes illi annexæ.

§ VII

Reliqua ejusdem sententiarum argumenta dissolvuntur.

73. Arguitur tertio, et instatur contra solutionem,

Elidit
postea
par
object
nis

D. Au-
gust.

D. Thom.

Terti
arg.
mentu

solutionem, et doctrinam hactenus traditas, urgendo principium illud per se notum, quo viventia a non viventibus distinguuntur, quodque in nostra sententia vix, aut ægerrime salvari videtur. Nam ad rationem principii vitalis non sufficit esse intrinsecum agenti, ipsique inhærere; sed insuper desideratur, quod ab extrinseco dimanet, aut proveniat. Sed virtus supernaturalis licet intrinseca sit animæ, eique inhæret ut subiecto *Quod*; media potentia ut subiecto *Quo* (in hoc enim non dissentiant Authores alterius sententiae); non tamen dimanat ab extrinseco; sed penitus provenit a principio extrinseco, et extrinseco agente. Ergo virtus supernaturalis non est unde possit subire munus principii vitalis. Consequentia sequitur ex præmissis. Minor est certissima, etenim sive gratia sanctificans, sive virtutes, et dona, sive quælibet alia auxilia hujus ordinis, hoc ipso quod supernaturalia sint, procedunt ab agente supernaturali; et consequenter totaliter ab extrinseco; nulla eorum inventa, aut assignabili radice in natura, a qua originem ducere, aut pullulare possint. Major, in qua est totius difficultatis nodus, sequentibus probationibus efficaciter suaderi videtur. Primo, nam per hoc, quod forma sit intrinseca subiecto, non evincitur eam esse vitalem, ut patet in calore, qui non solum est intrinsecus igni, sed etiam aquæ calefactæ; cum tamen respectu hujus sit forma violenta, et respectu ignis proprietas naturalis: quo ira calefactio nec respectu ignis, nec respectu aquæ est actio vitalis. Secundo, quia non ob aliam rationem species immisæ ab objecto non sunt vitales, nisi quia licet intrinsece inhærent potentiae, ab extrinseco tamen illi convenientiunt. Tertio (et est ratio a priori) nam virtutem esse intrinsecam agenti per illam est quid commune per se loquendo cuilibet agenti, ut inductione constat. Ergo ultra hanc conditionem communem omni virtuti, ad vitalitatem requiritur aliquid specialius: non est autem aliud, quam quod non debet nec operatio, nec virus vitalitiati serviens ab extrinseco movere; cum sit de ratione vitæ se ab intrinseco movere: ergo ad rationem principii vitalis necessarium omnino est, ut non proveniat ab extrinseco principio.

Nec refert si cum communii Thomistarum doctrina fiat satis huic argumento, recursu ad gratiam sanctificantem, a qua

Salmant. Curs. theolog. tom. XLV.

ut a radice diminant virtutes supernaturales; quocirca illarum actus non procedunt ab extrinseco, sed a principio intrinseco radicali, et proximo vitæ supernaturalis; quantumvis anima virtute propria nullam vitalitatem, aut influxum proximum exhibeat pro elicendo actu supernaturali: et hoc modo salvatur, quod principium non solum sit intrinsecum animæ, et voluntati, sed etiam quod intrinsece se moveat per illud, ut est necessarium ad salvandam conditionem vivendi.

Nam contra insurgunt, et urgent adversarii. Tum quia quod gratia radicet virtutes solum probat gratiam cum virtutibus agere, non vero quod ipsa anima vere agat, diligat, aut peniteat; cum totus influxus procedat a gratia et virtutibus, nullus vero ab anima. Quid ergo refert (inquiet) gratiam, et virtutes influere, si anima non influit, sed mere passive, et obedientialiter se habet, ad gratiam, et virtutes influentes? Tum etiam, quia licet in concreto, anima denominetur agens ab actione in ipsa recepta; hoc tamen non est vere agere, sed dumtaxat sustentare actionem, seu substerni virtuti actionem elicienti, uti se habet aqua ad calorem. Constat autem aquam non calefacere vere, et proprie, sed tantum denominative, et impropre, quippe cui violentus est calor, et consequenter ejus operatio; ergo similiter quantumvis gratia existens in anima mediis virtutibus ab ea profluentibus influat in actus supernaturales; non idcirco anima vere aget, et vivet per ejus operationes, sed dumtaxat denominabitur agens ad instar aquæ calefacentis. Tum denique, quoniam si anima non radicaret intellectum, et voluntatem ut sunt potentiae vitales in ordine naturali, neutquam per illas vive-ret, quod maxime verum est in doctrina Thomistarum paulo superius relata: sed anima non radicat, aut gratiam, aut virtutes supernaturales, ut in confessio est apud omnes: ergo anima nequit vivere per operationes a gratia, et virtutibus totaliter prodeuntibus. Ut ergo vivat supernaturaliter operando, necessarius omnino est immediatus, et partialis influxus ipsius animæ; quo posito absque ulla difficultate percipitur eam cum gratia supernaturaliter vivere; sed eo negato, et toto influxu in gratiam reducto vix intelligitur, qualiter non se habeat mere passive in operibus supernaturalibus.

Et ut id magis appareat, ponamus (in-

Impu-
gnatur.

Urgetur
impug-
natio.

quit Ripalda sect. 13, n. 58), præcedere in anima gratiam sanctificantem supernaturalem, quæ est radix remota totius supernaturalitatis. Quo posito, habitus, aut alia qualitas naturalis non potest esse principium proximum supernaturalitatis non ob aliud, nisi quia habitus naturalis non continet supernaturalitatem : sed anima etsi sit radicaliter vitalis respectu actuum naturalium, non continet virtutes supernaturales, nec eas radicat : ergo sicut in casu posito habitus naturalis nullatenus influit in actus supernaturales, sed pure passive, imo, et concomitanter se habet; haud dissimiliter tota vitalitas animæ, si non influit immediate partialiter in actum supernaturalem, se habebit passive ad actus supernaturales, subindeque per illos neutquam vivere poterit.

Rege-
ti-
tur ar-
gu-
men-
tum
in Ad-
ver-
sari-
os.

74. Hoc argumentum, qua potuimus diligentia pressimus, ne aliquid dissimilare, aut viribus illius derogare videaremur : et tamen facile illi occurritur ex supradictis, et tota ejus efficacia retunditur, et intorquetur contra adversarios, reassumendo principium illud uni, et alteri parti communi sub hac forma. De ratione vitæ est procedere a principio intrinseco se movente, nam vivere est agere, et se movere ab intrinseco : sed de ratione vitæ naturalis est procedere a principiis intrinsecis naturalibus, quibus vivens naturaliter se moveat, et agat : ergo de ratione vitæ supernaturalis est similiter procedere a principiis intrinsecis hujus ordinis, quibus supernaturaliter se moveat, et agat vivens. Sed vita, qua homo vivit eliciendo actum supernaturalem vel charitatis, vel visionis beatæ vel Pœnitentiae etc. est vita supernaturalis, ut ipsi adversarij docent, et ab initio supposuimus : ergo ad hanc vitam supernaturalem sartam, tecumque servandam, ut oportet, necessarium omnino est omnia ejus principia intrinseca, et immédiata esse supernatura: non ergo exigitur ad supernaturaliter vivendum influxus naturalis, quin repugnat. Patet utraque Consequentia ratione, et paritate vitæ naturalis, in qua maxime urgent suas probationes adversarii. Tunc ultra : non est contra rationem vita naturalis, quod ejus principia efficienter proveniant a principio, seu agente extrinseco, quin imo id est omnino necessarium salvare, et statuere in omni, et qualibet vita creata, ut creata sit; sed cum hoc cohædere debet, principia ab extrinseco agente

producta esse vitalia intra ordinem naturæ, ut per se patet in anima rationali, ejus intellectu, et voluntate respectu corporis, in humanitate verbi hypostatice ipsi unita efficienter a tota Trinitate, ut supra tetigimus : ergo nec etiam erit contra rationem vitæ supernaturalis, quod ejus principia proxima efficienter a Deo proveniant; quinimo erit omnino necessarium, dummodo illa principia sint intrinseca viventi supernaturali. Quod fuit argumentum Angelici Præceptoris, et tam necessarium, ut juxta ipsius mentem aliter non possit salvari, nec vitalitas, nec libertas actus supernaturalis, ut supra nos docuit, et expendimus.

Major primi syllogismi *Adversariorum Eventi argu-
mentu-*

absolute, et ut assumitur, est evidenter falsa, si loquatur de omni et quolibet principio vitali, ut constat in anima rationali respectu corporis, a quo oriri nequit, in humanitate respectu verbi, in vita mortuo restituta, et aliis sexcentis. Si vero determinate fiat sermo de principio proximo per modum potentiarum, et proprietatum, vera erit absolute, et juxta communem providentiam, juxta quam in ordine naturali potentiae dimanant ab anima, et virtutes supernaturales a gratia animam intrinseca afficiente. Sed in hoc sensu non favet adversariis in quorum sententia illa radicatio non est pure resultantia, aut dimanatio proprietatum ab essentia, sed est actio stricta, et rigorosa, media qua essentia concurrit ut agens extrinsecum ad producendas passiones; unde nullam vim facere possunt in ea radicatione, aut emanatione ipsi exosa, ut constat ex iis, quæ docent, N. Complut. lib. 2 Physic. disp. 10, N. Cor. pluri.

Accedit alius inconsequentialis defec-
tus latens in illo principio, ut ab illis in-
telligitur ; solemnis quippe apud illos sententia est actum, et potentias vitales posse alteri, quam proprio subjecto communicari de potentia absoluta. Juxta quæ prin-
cipia ipsis in aliis materiis obvia, illa Major non est propositio necessaria, ne subinde vera; cum stare possit ne dum principium proximum, sed et actus vitalis, intellectio v. g. posita in lapide, quæ à principio intrinseco non procedat, sed totaliter ab extrinseco. Non ergo in illorum sententia est contra rationem principii, aut actus vitalis procedere a principio extrinseco, saltem de potentia absoluta ; consequenterque

consequenterque ad impugnandam nostram sententiam assumunt principium illis ipsis, sicut et nobis falsum, quod proinde negamus.

76. Ut vero ejus probationibus, quæ eodem laborant defectu, occurramus, supponimus cum eisdem adversariis rationem formalem vitæ non salvari præcise in hoc, quod actus, aut forma utcumque intrinseca subiecto sit, alioqui durities ipsa lapidi intrinseca foret vitalis, quod est ridiculum. Sed requiritur ut illa virtus ita sit illi intrinseca, quod per eam se moveat ad agendum, ut causa principalis; officium quippe vitæ non est aliud, quam se ab intrinseco, idest per formam intrinsecam se movere, juxta varias vitæ conditiones, majoris, aut minoris perfectionis, quas non refert expendere, sed pertinet ad lib. de Anima, ubi videri possunt N. Complut. Quoad præsens vero clarissime explicatur ex dictis. Nam eo ipso quod anima, seu creatura intellectualis ad Dei similitudinem, et imaginem fuerit efformata, intra commensurationem sibi essentiali habet posse elevari ad vivendum Deum, et operandum supernaturaliter juxta id quod ex D. Augustino, et D. Thoma supra retulimus. Cum vero in hac providentia, ut fide sanctum haberit debet, de facto ita fuisse elevatam, et evectam media promissione gratiæ, et auxiliorum supernaturalium ex meritis Christi Redemptoris; consequens necessario est, duplarem sibi vindicare vivendi modum, et naturalem, mediis virtutibus omnino naturalibus, et supernaturali mediis superioribus auxiliis divinæ gratiæ. Porro hæc vel antecedunt hominis justificacionem: et hoc modo non supponunt aliam radicem in animam, quam potentiam obedientiale, ut supra dicebamus. Vel illam supponunt; et hoc pacto supponunt gratiam sanctificantem, et virtutes morales infusas, nec non dona supernaturalia. Stat vero discrimen nulla tergiversatione elidendum ab Authoribus oppositæ sententiæ, inter utrumque vivendi modum, quod ad primum solum concurrunt, sive proxime, sive remote principia omnino naturalia; ad secundum vero, ob rationem oppositam solum debent concurre præximo vires supernaturales, et anima ratione potentias obedientiales passivæ, vi cuius postulat posse vivere supernaturaliter: non quidem ratione virtutis naturalis, qua naturaliter fuit aucta, et donata, sed ratione auxilii supernaturalis, quod posito, et a Deo intrin-

sece recepto, illo se movet supernaturaliter, ex proprietate, et vigore, quo naturaliter se movet per vires naturales. Hoc enim consequitur ex illo principio, quod anima sit capax vivendi naturaliter per vires ab Authore naturæ receptas, et supernaturaliter mediis viribus a supernaturali agente dispensatis, ratione duplicitis potentiarum, et naturalis, et supernaturalis. Nec est major difficultas, aut majus mysterium in uno, quam in alio. Et hæc est solutio inter arguendum proposita, quam non impugnant instantiæ contra eam oppositæ, ut jam videmus.

Ad primum ergo exemplum de calore, Elidetur sine gulæ probatio-
verum est, quod est intrinsecus igni, et proprietas illius; sed quia ignis per illum non se movet, aut determinat ad agendum, ut causa particularis, sed actus, et applicatus ab extrinseco agente; nec calefactio est intrinseca igni sed passo, idcirco non est principium vitale. Aliud namque est Prima. posse agere in externam materiam, seu in aliam; aliud vero se ipsum intra se ipsum agere, et movere ad agendum: et ad vitalitatem non sufficit primum, sed requiritur indispensabiliter secundum, in nostro vero casu per principium supernaturale a Deo animæ infusum se movet anima ad agendum intra commensurationem essentialiæ; et consequenter ad vivendum juxtam auxilii supernaturalis, quin ibi splendeant vires naturales, sed solum gratiæ cum potentia obedientiali; qua sola est anima capax recipiendi auxilia, et eis ut virtutibus operandi.

76. Ad secundum exemplum de speciebus multi multa docent, quæ non vacat, nec libet examinare, de quo Magister Ferre tractat. 3 de Visione Dei quæst. 6, § 14, N. Complut. Breviter respondetur ex N. Complut, ad lib. de Anima, disp. 20, speciem ut immissam ab objecto extrinseco, quod solum convenit speciebus sensuum exterorum, non explicare ex hoc respectu vitalitatem. Quod non aliud possunt probare oppositum opinantes, et libenter fatemur. Cæterum de speciebus, quæ vel ministerio sensuum internorum, vel intellectus agentis comparantur non apparent ratio, quare non sint vitales suo modo, scilicet per modum determinationis, et complementi, utpote quæ efficiuntur per actiones vitales, et ab intrinseco petunt fecundare, ac completere potentiam cognoscitivam, et non aliam; cui obeundo munera natura sunt destinata, et instituta. Et

ex hoc sibi intrinseca, et essentiali con-
nexione cum vitalitate, non est cur qua-
lem qualis vitalitatem eis non deferamus,
sicut ex connexionie essentiali cum super-
naturalitate optime infertur concendi debere
supernaturalitatem rei connexae; ut conce-
dere tenetur Ferre ex adverso militans. Id
quod etiam in speciebus supernaturalibus
objecta naturalia representantibus adhuc
elucet; haec quippe supernaturalitatem a
Deo infundente, et non ab objecto naturali
desumunt, ut suo loco statuimus de spe-
ciebus Christi Domini. Et ex eodem capite
vindicare sibi possunt praedicatum vitali-
tatis; non quidem quod exerceant per or-
dinem ad Deum; hoc enim non solum in
speciebus, sed in gratia, et aliis virtutibus
repugnat; sed quod accipiunt a Deo ut ab
agente extrinseco, ut illud exerceant res-
pectu actus, cui deserviunt intrinsece, ad
instar formae intrinsecæ complentis, et
determinantis. Et quia earum vitalitas est
hujuscemodi; non est necessarium, quod
actus vitalis in specie ut in subjecto quo
recipiatur; sed in potentia nuda conno-
stante tamen speciem, et ipsius informatio-
nem: uti de accidentibus in persona
Christi existentibus solet dici, nimis ea
non afficere immediatè personam verbi,
sed dumtaxat humanitatem, ut termina-
tam personalitate increata. Hinc ad ter-
tiam probationem constat.

Defen-
ditur
data ar-
gumento
solutio,
occurri-
tur ejus
impuga-
tionibus

77. Ad impugnationes autem contra solu-
tionem ibi traditam, et supra in hac ea-
dein solutione expensam, quæ verissima
est, respondetur omnes illas procedere ex
falsa imaginatione Adversiorum, quasi
sola virtus supernaturalis agat, non vero
anima, sed sit veluti canalis, ut aqua de-
fluat. Radix deceptionis est, quod non dis-
tinguit inter rationem agendi, et causam
agentem: causa namque agens non est
virtus, sed anima, et ejus potentiae; ratio
autem agendi proxima ipsis animæ, et ejus
potentia est virtus supernaturalis, uti ad
agendum naturaliter se etiam habet virtus
naturalis. Et solum stat differentia, quod
virtus naturalis est ab authore naturæ, et
convenit naturaliter; virtus vero super-
naturalis est ab agente supernaturali, sed
dispensatur juxta beneplacitum ipsius.
Præterquam quod aliud est, animam, et
ejus potentias se habere passive ad reci-
piendum dona supernaturalia, quod liben-
ter fatemur, et fatentur adversarii, aliud
vero, et longissime a veritate alienum,
ipsam animam, et ejus potentias post vir-

tutes acceptas se cum illis passive se habere
ad operationes elicitas media virtute. Hoc,
inquam, nulla ratione probatur; sed ex
dictis necessaria consecutione infertur op-
positum; siquidem anima ex se habet posse
vivere naturaliter, et supernaturaliter;
naturaliter per vires acceptas ex vi creatio-
nis; supernaturaliter per vires supernatu-
rales superadditas, quas recipere potest, et
recipit ut agat et supernaturaliter vivat,
non ut passive, et inaniter se habet ut
antea; alioqui nihil proficeret illi suppedi-
tasse vires supernaturales. Hoc ita clarum
est, ut mirum sit in eo viros doctos im-
pingere. Recolantur supra dicta de aliis ad
volandum additis, de corpore aliter ante
animæ informationem, quam postea ad vi-
tam se habente, quippe ad recipiendam
animam passive, et nullo modo active se
habet; ea tamen recepta agit, et vivit non
solum anima, sed etiam corpus, vivit, et
operator, ut ejus operationes corporeæ de-
monstrant. Quid ergo ardui, aut chymerae
impossibilis obtrudi potest in eo, quod
anima in ordine ad vivendum supernatu-
raliter pure passive, seu obedientialiter se
habeat ante elevationem; et quod elevata
per gratiam modo explicato, totaliter, et
adæquate vivat in hoc ordine per ipsam
gratiam, quin inde possit inferri aliquid
ex virtute naturali agere proxime, et im-
mediate, ne pure passive se habeat, et ut
inanime quoddam? Qui enim hoc modo
arguit, pariter etiam inferet corpus anima
informatum et actuatum ad vivendum,
nullatenus vivere, consequenterque ejus
operationes solius esse animæ, non vero
corporis; atque ideo nec Petrum videre,
audire, currere, aut ambulare, sed solam
animam. Quod est minus philosophicum;
et Christo Domino applicatum ratione per-
sonalitatis divinæ, penitus absurdum.
Unde patet ad primam impugnationem

78. Ut vero ejus, et sequentium æqui-
vocationem detegamus observandum est Obse-
D.Th. art.
ex D. Thoma quest. 3, de Potentia, art.
8, quod si forma substantialis non est in
se absolute, et simpliciter; est tamen ratio
essendi toti, ideoque non est terminus *Qui*
generationis, nec principium *Quod*, sed
dumtaxat terminus *Quo* formalis illius, et
principium *quo* agendi: ita virtus, sive
naturalis, sive supernaturalis, non est quæ
agit, est ratio agendi alteri, ut albedo non
disgregat visum, sed est ratio formalis dis-
gregandi corpori albo. Quare actio non est
virtutis nisi ut *Quo*, agentis vero per illam,
seu

seu ratione illius est ut *Quod*. Et ex sinistra horum terminorum intelligentia, qua tribuitur virtuti, quod est proprium agentis, et e converso, procedunt impugnaciones adversariorum, et ipsis videtur perspicuum quod discipulis D. Thomae hanc distinctionem a S. Doctore st̄epius edocitis, falsitati appetat patenter obnoxium.

Unde ad secundam negandum est Antecedens, quia sicut corpus actuatum anima vere vivit, et persona Verbi humilitati unita vere operatur actiones humanas; licet anima respectu corporis, et humanitas respectu verbi, sint proxime, et adæquate rationes agendi, quælibet in suo ordine: ita similiter anima elevata, et constituta in actu per virtutem supernaturalem vere in hoc ordine agit dum agit ex gratia; siquidem causa principaliter agens est ipsa anima, gratia vero solum est ratio proxima agendi: quocirca operatio est animæ ut *quod*, gratiæ vero solum ut *quo*. Ad probationem in contrarium respondemus non tenere exemplum illud caloris respectu aquæ: eo quod calor est contra inclinationem aquæ, et nulla est coaptatio in aqua ad calorem, sed potius violentia, et renitentia. Unde aqua solum exercet munus subjecti respectu illius qualitatis, et tota calefactio tribuitur calori, aquæ vero solum denominative. Cujus contrarium ipsem arguens tenetur fateri in eodem calore respectu ignis; hic quippe vere calefacit per ipsummet calorem, ut per virtutem sibi adæquatam, quin se ipsa immediate substantia ignis actionem eliciat, ut constat ex dictis supra. Cum ergo gratia contineatur intra commensurationem essentialē animæ, ut est imago Dei, et ista ex se ipsa sit capax vivendi in utroque ordine jam explicato media virtute cuilibet illius ordinis correspondentē; fit inde ut elevata per gratiam vivat in hoc ordine naturali ex principiis naturalibus; quare virtus naturalis illius perinde ibi est, ac si non esset ad proxime operandum in ordine supernaturali.

Ad tertiam probationem, conceditur Antecedens, et negatur Consequentia. Et ratio disparitatis est perspicua ex dictis: quoniam illa radicatio naturalis est necessaria ad vitam naturalem; si enim intellectus v. g. non ortum duceret ab anima ut a sui radice; anima non haberet munus radicis respectu illius, unde solum passive se haberet tum ad potentiam, tum ad ejus operationem. Et hoc ideo, quia forma na-

turaliter vivere potens, ab intrinseco debet habere, quod se moveri possit, in ordine naturali: ut autem id ab intrinseco habeat, necessarium est ab ea profluere, ac dimanare potentias vitales; alioqui non esset unde secum afferret posse vivere, nec differret ab inanimatis, ut consideranti erit obvium. Hoc autem non esse necessarium, imo et repugnare in ordine supernaturali, vel ipsimet arguentes debent agnoscere; nisi velint ordinem supernaturalem pullulare ab ordine naturali, in eoque radicari ut in principio immediato quod est falsum: nam ordo supernaturalis qua talis, est supra omnem exigentiam naturæ; atque ideo non potest oriiri aliquid hujus ordinis a principiis naturalibus. Aliter namque anima se habere debet ad sibi debita, quam ad omne debitum superantia. Et ideo concessso illi munere radicis respectu potentiae naturalis, neutiquam concedendum est ad supernaturalia omnino indebita. Nec ob id non vivet vere in ordine supernaturali, ut supra explicatum relinquimus.

Et quidem ad contrariorum intentum necessarium illis videtur probare Deum Authorem naturæ dum taxat vitam producere posse, subindeque solum esse possibilem vitam naturalem. Interim tamen atque id non probent (nec probare poterunt cum sit improbabile) semper insistimus, et insistemus, in eo quod datur vita supernaturalis distincta a naturali, et quod haec est vita participabilis a Deo, non subesse substantiali quod repugnat, sed subesse accidentalii, et quod de facto participatur medio lumine gloriae, juxta illud Joann. *Hæc est vita æterna ut cognoscant te verum Deum.* Et in præsenti statu media gratia, et aliis virtutibus, ac auxiliis supernaturalibus, multo sublimius, ac perfectius participari possit a vita naturali: atque ideo illis receptis modo explicato, vivit anima vita vere supernaturali, quin vita naturalis proxime aliquid ad eam conferat effective. Nec ideo in hac supernaturali, et accidentalii vita negamus eam radicationem, quam in vita naturali concedunt Authores oppositæ sententiae, et nos ut indubitatam supponimus. Nam a gratia sanctificante pullulant virtutes, et dona supernaturalia, ut a prima radice hujus ordinis, et ex hoc capite currit paritas. Quod vero charitas, aut alia virtus supernaturalis nequeat esse homini ratio totalis vivendi supernaturaliter, quia non radicatur in natura, non est unde probetur. Unde illo

Retin-
dor ad-
versario-
rum
inten-
tio.

concesso, et supposito, nentiquam ex illo, vel ex alio capite colligitur, ant colligi potest secundum.

^{Ultimae impugnationis satisfit.} 79. Ultima impugnatio, qua rem confessisse fuit ratus ejus Author, penitus nostram sententiam fulcit, et oppositam destruit: nam si posita ex una parte in anima gratia sanctificante, et ex alia accepto habitu pure naturali eadem anima, recte ut efficaciter colligitur habitum esse non posse principium proximum supernaturalitatis provenientis a gratia, eo quod habitus naturalis non continet supernaturalitatem, ut ipse arguit et bene: eadem prorsus consecutio infertur vitam naturalem animæ, quia non continet vitam supernaturalem, nequit quam posse proxime concurrere efficienter ad actum supernaturalem. Si defectus continentiae est idem, quare non etiam erit idem impossibilitatis modus ex una radice proveniens? Id sane suo argumento conficit, quod intendimus; nihil vero minus suasit, quam conabatur. Et est ratio disparitatis; nam habitus naturalis ex una parte non continet supernaturalitatem; ex alia vero pure concomitanter se habet ad ipsam sicut esse citharenum ad theologum; et sic nihil mirum, quod habitus naturalis, nec proxime, nec remote concurrat ad supernaturalitatem gratiae, vel actus a gratia producti. Cæterum anima ratione potentiae obedientialis, non se habet per accidens, sed valde per se, ut primum principium operationis ab ipsa proditura vel ratione virtutis naturalis, vel ratione auxilii supernaturalis: omnium quippe est communis radix exigens pro actu naturali virtutem naturalem, et supernaturalem pro supernaturali, quorum prima intra proprium ordinem gaudet, et ibi sistit; secunda vero indiget ex Dei beneficio, quo aucta, et donata operatur ratione virtutis acceptæ, et non virtutis propriæ; alioqui enim non penitus indigeret elevatione, sed partim, et divisive. Quod ex sacra Scriptura, Concilio, Patribus, et rationibus plane efficacibus manet reprobatum.

^{Replica.} 80. Adhuc tamen objici, et urgeri potest insistendo eidem principio. Nulla potentia indiget virtute superaddita, nisi ad id, quod superat ejus vires, et activitatem proximam: sed operationes supernaturales sive intellectus, sive voluntatis non superant adæquate virtutem proximam potentiae naturalis: ergo pro illis non indiget praedicta potentia virtute adæquate supernaturali, quæ sit illi ratio unica proxima agendi.

Consequentia est legitima, Major est per se nota, et Minor suadetur: nam in qualibet operatione supernaturali splendet conceptus genericus intellectionis v. g. et idem dicitur de volitione, et conceptus specificus talis intellectionis, utputa supernaturalis: sed excessus non stat in conceptu generico intellectionis, sed solum in conceptu specifico talis intellectionis: v. g. supernaturalis: ergo operatio supernaturalis non excedit adæquate virtutem proximam potentiae naturalis. Probatur Minor: quoniam intellectus ex praedicatis sibi essentialibus est intellectivus et similiter voluntas ex eodem principio est appetitiva, et volitiva: ergo ex praedicatis sibi essentialibus vindicant ut actus proprios, et omnino proportionatos conceptus intellectionis et volitionis, utpote a quibus mutuatur speciem. Eo vel maxime: nam ad praedictos conceptus solum indiget intellectus determinatione ex parte objecti, utpote quæ solum deservit ad hoc ut intellectio, quæ correspondet intellectui, sit hujus potius, quam, alterius speciei, aut in hoc, vel illo ordine collocetur: ipse vero intellectus, qua intellectus est, importat vim proxime intellectivam, subindeque activam, alioqui enim indigeret non solum specie se tenente ex parte objecti, sed etiam virtute se tenente ex parte potentiae ad utrumque intelligendum, quod hactenus fuit inauditum, et clarius elucet in voluntate, quam Philosophus, et D. Thomas docent non esse potentiam passivam, sed pure activam; cum tamen potentias cognoscitives prius pati ab objecto media specie, quam agere affirmant? Ad hæc. Ratio sub qua intellectus intelligit est sub ratione intellectionis; sub hac quippe dumtaxat ratione attingit objecta, et circa illa versatur: sed in hac consideratione, qualibet intellectio est ipsi proportionata (et eadem ratio est de voluntate, et qualibet alia potentia naturali respectu proprii actus sub eadem ratione communi accepti), ergo non indiget virtute superaddita ad actum intelligendi sub ista consideratione. Probatur Minor quia intellectio, qua intellectio est, non est supernaturalis, nec supernaturalitatem explicat, alioquin nulla esset intellectio, quæ non esset supernaturalis: ergo ad intellectionem, qua intellectio est, non exigitur virtus supernaturalis, sed dumtaxat ad ejus rationem differentialem ratione cuius explicat supernaturalitatem; subindeque in consortio virtutis supernaturalis adhuc est locus partiali influxui intellectus

ex viribus sibi propriis, et essentialibus. Idem ex eodem principio confici potest argumentum de conceptu vitalitatis generico quem constat esse indifferente ad vitalitatem supernaturalem, et naturalem, atque ideo ex se nec importare, nec exprimere determinate supernaturalitatem.

81. Respondetur hoc argumento, si efficax esset, multa, eaque manifeste falsa probari posse, ut fiet perspicuum, si ejus formam aliis materiis applicemus : etenim cuncta dona supernaturalia secundum conceptum communem qualitatis sibi proprium, et genericum, non explicant supernaturalitatem, alioqui nulla esset qualitas naturalis : ergo poterit quaelibet qualitas supernaturalis sub conceptu qualitatis produci a potentia naturali, esto fieri nequeat sub conceptu supernaturalitatis. Patet Consequenter eodem prorsus argumento. Et consequenter posset producere gratiam sanctificantem, lumen gloriae, et cuncta alia dona supernaturalia. Imo posset etiam homo producere intellectionem angelicam, qua intellectio est; et quod magis falsitatem ostendit, eodem argumento conficeretur calorem sensibilem efficere principaliiter posse gratiam sanctificantem, lumen gloriae, et alia supernaturalia dona concursu illo partiali praestito in communem et genericam rationem illam qualitatis, in qua calor generice convenit cum qualitatibus illis sub illa ratione non importantibus supernaturalitatem.

Fallit etiam argumentum ex alio capite contra vera principia philosophica, juxta quae praedicata quo sunt superiora, et universaliora, eo postulant causas superiores, et universaliores, queis competit producere omnia praedicata inferiora illis : quo circa juxta doctrinam D. Thomae nulla causa particularis product effectum sub ratione universalis, vel genericis, vel specifica, ita ut haec sit illi ratio sub qua. Et tradit rationem S. Doct. quæst. 3, de Potentia art. 7, quia quanto aliqua causa est allior, tanto est communior, et efficacior, et quanto est efficacior, tanto profundius ingreditur in effectum, et de remotiori potentia ipsum reducit in actum. In qualibet enim re naturali invenimus, quod est ens, et quod est res naturalis, et quod est talis, vel talis naturæ. Quorum primum est commune omnibus entibus, secundum omnibus rebus naturalibus, tertium in una specie, et quartum si addamus accidentia, est proprium huius individuo. Hoc ergo individuum agendo

non potest constituere aliud in simili specie, nisi prout est instrumentum illius causæ, quæ respicit totam speciem, et ulterius totum esse naturæ inferioris. Si enim ratio sub qua intellectus ageret, esset ratio illa generica intellectionis, abs dubio hominis esset virtus intelligendi, vel si mavis efficiendi omnes intellections quoad speciem sive naturales, sive supernaturales, utpote quæ continerentur sub illa communi, et genera ratione, ut supra inferebamus. Et consequenter non indigeret virtute superaddita ad intellections supernaturales. Unde paulo inferius subdit S. Doctor applicando in particulari doctrinam a se traditam. *Sic ergo si consideremus supposita agentia, quodlibet agens particulare est immediatum ad suum effectum.* Et ita se habet anima, et potentia naturalis ad actus supernaturales. *Si autem consideremus virtutem qua fit actio, sic virtus superioris causæ erit immediator effectui, quam virtus inferioris.* Quo nihil clarius ad ostendendum virtutem supernaturalem, qua intellectus, et voluntas a Deo elevantur ad actus supernaturales, esse immediatores virtute naturali, cui solum detulit D. Thomas esse immediatam effectui per modum agentis, seu ut communiter loquimur, per modum potentiae, et ut quod : immediationem vero propriam rationis proximæ agendi virtuti superiori.

82. Ad formam ergo argumenti concessa Expenditur amplius responsio.

Majori, neganda est Minor, et ad ejus probationem iterum neganda est Minor : quoniam conceptus genericus intellectionis, vel sumitur pure logice in tota sua abstractione generica ; et sub hac consideratione nimium excedit vires potentiae particularis, et in vi hujus postulat causam, quæ sit supra rationem illam genericam, ut constat ex premissa doctrina D. Thomæ. Unde licet non explicet supernaturalitatem, explicat tamen conceptum superiorem ad esse naturale, et supernaturale ; sub qua ratione non est producibilis ab aliqua causa, aut potentia naturali, imo neque ab ullo agente creato ; alioqui enim agens naturale esset supra ordinem naturalem, et supernaturalem, quod est manifeste implicitorum. Vel conceptus ille genericus intellectionis sumitur physice, et contracte ad rationem differentialem supernaturalitatis, cum qua est realiter idem. Et hoc modo ipsimet adversarii supponunt splendere ibi supernaturalitatem, et nullum re vera esse praedictum illius v. g. intellectionis, quæ non

sit supernaturale. Constat autem virtutem naturalem non posse producere actum supernaturale, ut supernaturalem: non est ergo caput unde possit influxus ille partialis naturalis sustineri; non quidem ex parte rationis quæ, seu effectu producto, qui est supernaturalis: nec etiam ex parte rationis sub qua generica, ad quam confugiunt, ut probatum relinquimus: ergo ex nullo capite

Nec hujus oppositum suadetur ultima illius probatione: quia intellectus, aut alia potentia activa extrahi potest ab alterutro horum ordinum naturalis, et supernaturalis; subindeque si est essentialiter intellectivus, non nisi vel in ordine naturali, per vires proprias, vel in ordine supernaturali per vires alienas id habere potest. Ad cuius pleniorum intelligentiam recolenda sunt quæ diximus tract. de Visione Dei disp. 4. § 3, n. 14, ubi explicimus qualiter se habeant respectu intellectus munera potentiae naturalis, et obedientialis. Cum enim ejus specificativum sit ens in tota sua latitudine, sub quo nedum entia naturalia, sed etiam supernaturalia, et ipse Deus comprehenduntur, ejus essentia consistit in eo quod sit coaptatio essentialis, et radicalis ad communem rationem entis finito modo attingibilis; ex qua commensurazione habet petere vires naturales ad intelligentum objecta naturalia, et potentiam obedientiale ad percipienda objecta supernaturalia media elevatione luminis supernaturalis. Unde ratio potentiae naturalis, et conceptus potentiae obedientialis sunt duo modi, quilibet eorum inadæquatus, ejusdem essentiae, medius quibus se exerit, aut exerere potest in operationem, quin aliquo illorum extrahatur a propria sphæra, et ad aliam distrahatur. Quæ est legitima, et adæquata ratio, huic instituto non parum deserviens, ob quam nec intellectus, nec voluntas (in qua militat eadem doctrina) amittant rationem causæ principalis respectu actuum supernaturalium, quantumvis eleventur, vel elevari postulent mediis auxiliis supernaturalibus. Semper enim elevantur ad aliquid contentum intra commensurationem essentialiem potentiae; cuius oppositum contingit, et contingere necesse est in quolibet instrumento proprio tali.

83. Unde constat ad id, quourgebatur objectio: quoniam intellectus non solum indiget specie, qua determinatur ex parte objecti, sed etiam virtute proportionata ad

ea utendum. Et ideo si species sit supernaturalis, aut modo supernaturali repreäsentans, addenda est illi virtus supernaturalis, quæ se teneat ex parte potentiae; et eam in actu proximo constitutat ad intelligendum; nam alias nulla esse posset cognitio illius objecti. Et hæc est ratio exigendi lumen gloriæ pro visione beatifica, quin sufficiat essentiam divinam gerere munus speciei, ut loco citato de Visione Dei disp. 4, fuse ostendimus contra Vasquez. Si vero cognitio fuerit naturalis, consequenter tam species, quam lumen debent ad eundem ordinem pertinere, atque ideo numquam absque virtute naturali, quæ se teneat ex parte potentiae, erumpit intellectus in cognitionem. Ex quo nihil sequitur contra nostram sententiam, quod adversæ subsidio esse possit.

Ad secundum, quo eadem premebatur objectio, etiam liquet: quamvis enim intellectio, qua intellectio est, non explicit supernaturalitatem; explicat tamen conceptum superiorum et universaliorum contrahibilem per esse naturale, et supernaturalę, veluti per differentias inferiores. Et huic conceptui ita universalis non respondet ex parte intellectus activitas proxima; hæc enim debet esse, vel determinate naturalis, vel determinate supernaturalis, inter quas a parte rei non datur medium. Unde solum correspondet illi coaptatio, et commensuratio essentialis potentiae, quæ proxime activa non est, sed tantum radicaliter, ut constat ex nuper dictis, et ex latius discussis ubi supra. Quæ doctrina applicata vitalitati, utpote quæ subit easdem acceptiones, et præcisiones satis manifestat nullius esse roboris, quod indicat argumentum de vitalitate: et sic omnia consonant.

Idque fiet magis perspicuum, si animadvertisatur conceptus genericos, et ita universales, ac præcisos, ut assumit arguens, non esse producibles in rerum natura, nisi cum gradibus specificis, et individuibus realiter indistinctis, subindeque ex vi ejusdem virtutis vel naturalis, vel supernaturalis. Cum ergo sit communis suppositio utriusque sententiae Authoribus, nullum esse prædicatum in actu supernaturali, nec genericum, nec specificum, quod supernaturalē non sit; inutiliter recurront ad influxum, qui nec naturalis, nec supernaturalis sit ex suo genere, sed ab utroque præscindit; hic quippe solum deservire posset ad conceptum ita præsum,

sum, ut nec naturalis, nec supernaturalis esset; quod est destruere acceptatam suppositionem. Aliunde vero quia potentialis, et universalis est in prædicando non importat actualitatem, et activitatem, ad agendum proxime necessarias: eo quod unumquodque operatur secundum quod est in actu, et non secundum quod est in potentia. Non est vero medium inter hoc quod est esse in actu naturali, vel supernaturali: ergo nec datur influxus, qui determinate non sit vel naturalis, vel supernaturalis.

84. Nec refert si ex adversariorum doctrina, dicatur influxum illum partiale voluntati, aut intellectui competere ratione potentiae obedientialis. Potentia autem obedientialis nec est naturalis, alioqui non distingueretur a potentia naturali, nec etiam supernaturalis, alias non posset consequi ad prædicata naturalia creaturæ, nec realiter identificaretur cum potentia naturali: ergo ejus influxus non est determinate, vel naturalis, vel supernaturalis: subindeque non inconvenit, aut repugnat attingere posse conceptum communem intellectionis, qui nec naturalis, nec supernaturalis est.

Non, inquam, refert ista responsio, ad quam configunt Ripalda, et Herice, ut specie tenuis non immiscere videantur concursus partiale immediatum naturæ, et gratiæ, cui resistunt innumera SS. PP. testimonia. Tum quia falsum est potentiam obedientialem esse immediate activam, ut constat ex supradictis. Tum etiam, quia prædicta potentia entitative est naturalis, utpote consequens naturam rationali sub esse naturali, cum quo est identificata realiter. Tum etiam, quia quod determinate non est supernaturale, continetur necessario sub esse naturali, sed potentia obedientialis non est determinate, et subjective supernaturalis, alioqui non posset produci ab Authore solius naturæ, sed exigere ad sui productionem concursum agentis supernaturalis: ex quo rursus fluit, vel quod in puris naturalibus non daretur ea potentia in creatura rationali; vel quod esset impossibilis status naturæ puræ, quorum quodlibet est falsum, et contra communem sententiam Theologorum. Tum denique, nam ut supra arguimus, conceptus genericus vitalitatis, et intellectionis, sicut præscindit a naturali, et supernaturali, ita postulat virtutem adeo eminentem, ut ejus ratio sub qua sit supe-

rior, et communis uni, et alteri rationi; quod repugnat causæ particulari, cuius ratio sub qua producendi, seu agendi debet esse particularis, ut demonstrat argumentum D. Thomæ. Potentia autem obedientialis subjicitur influxui agentis supernaturalis: atque ideo, esto esset activa, ejus ratio sub qua non posset esse ita universalis, ut sub se comprehendere utrumque ordinem tam naturalem, quam supernaturalem.

85. Sed contra hanc doctrinam instatur, et arguitur quinto, quia nulla est repugnantia in eo, quod Deus immediate influat in entitatem peccati, qua entitas est, et hoc munus explicat; quin influat in deformitatem illius: ergo nulla etiam est ratio, quare voluntas non influat in actum supernaturalem sub ratione vitalis, vel qua vitalis est, quin influat in actum supernaturalem, qua supernaturalis est. Antecedens est certum ex communi Theologorum sententia, et Consequentia probatur destruendo fundamentum nostræ sententiae. Eo quippe non posset attingere vitalitatem actus supernaturalis, quia hujusmodi vitalitas reperitur identificata cum ejus supernaturalitate: sed haec ratio minime obstat, supposita veritate Antecedentis: ergo eadem ratione, qua Antecedens est verum, est etiam Consequens ex illo illatum. Probatur Minor, quia non minus identificatur deformitas peccati cum entitate ejusdem peccati, quam vitalitas cum supernaturalitate ejusdem actus, maxime in veriori sententia, quam sequi sumus tract. de Peccatis, disp. 6, dub. 6, quod formale peccati consistat in positivo: sed quod formale peccati identificetur cum entitate peccati adeo intime, ut solum penes implicitum, et explicitum distinguantur, obici non est, ad hoc ut Deus attingat entitatem illam qua entitas est; quin illo, aut alio concursu positivo attingere valeat deformitatem positivam qua deformitas est: ergo quod vitalitas actus supernaturalis identificetur cum supernaturalitate ejusdem, minime obstat, quominus intellectus attingere possit vitalitatem visionis, quin attingere valeat ejus supernaturalitatem. Et ratio a priori utriusque est: quia nulla virtus suo influxu potest attingeret, quod est extra sphæram propriæ activitatis, et hoc principium tenet tam respectu Dei, quam respectu creaturæ: quocirca Deus ^{oīs} ut Author naturæ ita sistit influendo in hoc ordine, quod non attingit, aut attin-

Quintum
Adversa-
riorum
argu-
mentum.

gere valet ex vi hujus opera supernatura-
lia : sed supernaturalitas operationis est
supra sphæram activitatis vitalis potentia
naturalis : ergo eam nullatenus attingere
potest ex vi influxus naturalis partialis.
Aliunde vero quælibet causa potest produ-
cere in effectu rationem contentam intra
sphæram propriæ virtutis, ut constat in
Deo, tam ut attingente rationem entis re-
pertam in peccato, quam ut Authore na-
turæ, quo pacto attingit, quidquid non
fuerit supernaturalis in effectu. Quod enim
sit identificatum cum alio, de materiali
est, et per accidens se habet. Ergo cum
vitalis actus supernaturalis non sit extra
sphæram vitalitatis intellectus, ut potentia
naturalis est; poterit sane, non obstante
identitate cum supernaturalitate, illam
partialiter efficere, et proprio influxu cau-
sare.

Diluitur. Hoc argumentum profecto validissime premeret, et rem nostro judicio conficeret, si ex parte actus supernaturalis assigna-
rent adversarii aliquod prædicatum, quod re ipsa naturale esset, ut supra non semel tetigimus. Sed quia constanter affirmant, et nobiscum supponunt, nullum esse præ-
dicatum naturale in prædictis actibus su-
pernaturalibus, de quibus est quæstio; sed
quodlibet eorum esse supernaturalis, viri-
bus destituitur; et quas habet, in eo uten-
tes jam supra retorsimus. Ideo quippe Deus producit entitatem peccati non attin-
gendo malitiam formalem positivam; quia causalitas omnipotentia versatur circa ens
sub ratione universalissima entis præcise,
quo pacto non explicatur deformitas aliqua,
aut tendentia contra Deum, sed dumtaxat
habitudo ad existentiam; quidquid sit de
aliis expressionibus ibi repertis circa objec-
tum rationi dissonum, quæ non sumuntur
per ordinem ad existentiam, nec illam ex-
plicant, sed supponunt, de quo uberrime
loco citato. Sed actus supernaturalis nec
explicat, nec imbibit aliquid naturale.
Ergo non est unde possit proxime attingi
influxu aliquo naturali. Quod non explicet,
docent ipsi Adversarii. Quod non imbibat,
est perspicuum; quia ordo naturalis cum
sit inferior debet quidem præsupponi ut
substractum elevabile ad ordinem superna-
turalem, nequit tamen ipsum transcendere,
et in illo imbibi, et implicari, quod est
proprium superioris, ut patet in ratione
entis, quæ quia communissima est, impli-
catur in omnibus inferioribus. Quid ergo
attingit concursus naturalis in actu super-

naturali, si nihil in eo est naturale? Et
certe si nihil entitatis reperiaretur in pec-
cato, nullatenus ipsum Deus suo influxu
efficeret; et quod de facto in eo sensu
catholico peccatum suo influxu quoad en-
titatem, producat, provenit quidem ex eo
quod vera entitas in peccato reperiatur;
quidquid sit de identificatione cum aliis
formalitatibus experimentibus deformatam,
et conversionem positivam ad objectum
rationi dissonum. Hæ namque non tollunt
entitatem peccati, sicut supernaturalitas
actus prorsus amandat quamlibet naturali-
tatem. Et ideo ibi locus remanet influxui
Dei in illam entitatem modo dicto; hic
vero omnino præcluditur influxui naturali
ob defectum prædicati naturalis. Quo satis,
superque argumento satisfiebat: sed videa-
mus ejus formam.

86. Ad quam concessio Antecedenti, ne-
gatur Consequentia. Et ad ejus probationem
negatur Major, eujus falsitas in ipsa pro-
batione ostenditur; quantumvis enim iden-
tificetur malitia positiva peccati cum ejus
entitate, attingi potest entitas, quin attin-
gatur malitia, eo quod illa intra, hæc extra
activitatem divinam continetur. Et quia ibi
invenitur entitas, et invenitur positiva de-
formitas; nihil mirum intervenire duplum
influxum explicatum: in nostro autem
casu est quidem vitalitas, sed supernatura-
lis, neutiquam vero naturalis: quapropter
influxus naturalis est prorsus impossibilis;
quippe qui attingere nequit vitalitatem in
communi, neque vitalitatem supernatura-
lem, ut sæpius inculcavimus. Ergo cum in
eo non reperiatur, nisi conceptus genericus
vitalitatis, superans vitalitatem naturalem,
et conceptus supernaturalitatis. qui etiam
excedit vires naturales; ratio ipsa compellit
in hoc casu negare influxum partiale, con-
cesso in primo influxu Dei circa entitatem
peccati.

Quod ultra sæpius dicta, urgeri, et ex-
plicari potest in ipsa gratia sanctificante,
quæ in adversariorum sententia, est adæ-
quate supernaturalis, et totaliter producitur
ab Authore supernaturali, et idem dicemus
de unione hypostatica, et cæteris donis su-
pernaturalibus, ad quorum nullum nec par-
tialiter concurreat Deus author naturæ for-
maliter sumptus. Quod non credimus
adversarios negatueros, nisi velint negare
Deum ut Authorem supernaturalem, se
solo, et absque concursu suimet, ut Au-
thoris naturæ non posse aliquam entitatem
supernaturalem producere. Sed est omnino
falsum,

Eadem
dilectio
tas ma-
dissip-
tur.

falsum, imo et absurdum; alioqui unio hypostatica, lumen gloriæ, et gratia sanctificans, et cætera hujusmodi supra natura-
lia dona non essent unde quaque supernatura-
lia, et omnino propria Dei Authoris supernatura-
lis. Supposito ergo illo principio, ni fallimur, evidenter eorum argumen-
tatio instatur sub hac forma. Quamvis ratio-
nes propriæ entis, et qualitatibus, ex genere suo
non explicit supernaturalitatem, sed per-
tentia, et qualitates naturales divagentur;
illæ tamen portiones, ut ita dicamus, entis
et qualitatibus, quæ contrahuntur ad gratiam,
et reliqua dona supernaturalia, nullatenus
profluunt, aut profluere possunt adhuc par-
tialiter, a Deo ut authore naturali; sed
unice, et adæquate produci postulant ab
eodem ut Authore supernaturali. Cujus alia
nequit esse, aut vera excogitari ratio, nisi
quia conceptus prædicti in gratia, et reliquis
donis supernaturalibus re ipsa sunt: vel si
hæc non est adæquata ratio; assignetur
alia, quæ penitus latet. Et interim ac os-
tendatur, insistimus inquirendo: an hic
valeat præcisio illa formalitatum, vel dis-
tinctio rationis *Quæ et sub qua*, ita ut ra-
tione entitatis, et qualitatibus ab Authore na-
turæ, sub ratione vero supernaturalitatis,
ab Authore gratiæ, debeat produci gratia?
Minime gentium. Sed totus, et adæquatus
influxus est ab Authore supernaturali, nullo
expectato concurso ab Authore naturæ for-
maliter, ut Author naturæ est, et prout
differt a se ipso, ut est Author gratiæ. Con-
stat autem, et adversarii ipsi concedunt,
portionem illam entitatis, vitalitatis etc.,
repertam in actu supernaturali esse super-
naturalem: ergo nulla vera ratio adstrui
potest influxus proximus partialis potentiae
naturalis in illam. Militat enim utroque
eadem omnino ratio, ut rem meditanti
constabit,

87. Sed dices in promptu esse dispari-
tatem, et satis manifestam. Nam neque
gratia, nec alia supernaturalia dona petunt
producere ab Authore naturæ, ut supponi-
tur: actus vero supernaturalis petit pro-
cedere, ut a principio intrinseco a poten-
tia vitali: et ex hoc capite necessarius
omnino est influxus partialis potentiae na-
aturalis: cum tamen sit superfluous in Au-
thore naturali ad productionem effectus
supernaturalis.

88. Hæc tamen evasio procedit ex non
penetrata illationis vi: quo circa instaurare
oportet productam instantiam, et ejus effi-
ciam reddere manifestam. Ponamus ergo

ex una parte Deum ut Authorem naturæ
formalissime, et ipsummet ut Authorem
supernaturalem reduplicative: ex alia
vero constituamus potentiam naturalem
v. g. voluntatem, et virtutem supernatu-
ralem ipsam elevantem, in quo non potest
esse dissidium. Quo posito, sic arguitur.
Tam essentialis est effectui supernaturali
creato procedere a Deo, ut ab agente su-
pernaturali, quam essentialis, et intrinsecus
sit actui vitali provenire a principio
vitali, cum neuter sit denudabilis ab ea
intima, et intranea dependentia; et solum
est differentia quoad modum, quia nimi-
rum actus vitalis importat dependentiam a
principio intrinseco, et conjuncto, secus
vero effectus supernaturalis a Deo, qui se
habet ut principium extrinsecum pure ef-
fectivum. Sed effectus supernaturalis ita
petit procedere a Deo ut Authore super-
naturali, quod non admittat, quin exclu-
dat concursum immediatum Authoris na-
turalis. Ergo actus vitalis supernaturalis
ita petit procedere a principio intrinseco
supernaturali, quod excludat consortium
influxus naturalis a potentia naturali. Pa-
tet. Consequentia ex præmissis, nulla
quippe versatur differentia inter Antece-
dens, et Consequens, quæ non sit volun-
taria, et petitio principii, nisi in eo quod
actus vitalis supernaturalis petit principium
intrinsecum, et intrinsecus afficiens
potentiam naturalem, quod tamen non
præexigit per ordinem ad Deum. Hæc
tamen discriminis ratio non minuit vim
nostræ impugnationis, ut eam perpendenti
erit obvium.

Hinc jam illa ratio a priori, qua fulcie-
bantur probationes argumenti, retorquetur
in adversariorum sententiam, sub eadem
forma, sed cum majori efficacia: quia
nulla virtus influxu sibi proprio potest at-
tingere effectum contentum extra sphærām
suā activitatis, et hoc principium tenet
sive in creatis, sive in divinis: sed vita-
litas actus supernaturalis excedit vires po-
tentiae naturalis, si quidem est etiam su-
pernaturalis, ut supponitur ab adversariis:
ergo nequit proxime et immediate attingi
per vires naturales potentia ut naturalis.
Et hoc modo recte procedit illa ratio a
priori: fallit vero in opposita sententia in
Minori in qua supponunt vitalitatem actus
supernaturalis esse proportionatam virtuti
naturali, quod est falsum, et prorsus alienum
ab eo, quod in ipsa sententia supponi-
tur, nullum scilicet esse ibi prædicatum

quod non sit supernaturale; ex quo evi-
denter infertur nullum illius prædicatum
esse proxime proportionatum virtuti natu-
rali.

Sextum
argu-
mentum.

89. Arguitur sexto arguento communis,
sed non contemnendo, ut inquit Ripalda
sect. 15. Voluntati inest proxima, et im-
mediata libertas ad actum v. g. charitatis,
aut contritionis: sed non stat libertas
proxima ad actum, quin stet etiam activi-
tas proxima ad ipsum: ergo semel posita
immediata libertate voluntatis ad actum
supernaturalem, negari non debet activitas
proxima illius. Consequentia constat. Ma-
jorem ut fide sanctam supponit contra hæ-
reticos hujus temporis. Et probat Minore
quia, libertas proxima, et immediata
ad actum supernaturalem, est proxima, et
immediata activitas ad ipsum actum cum
indifferentia ad eum non agendum. Et ra-
tio est: nam potentia libera est essentialiter
activa, et domina sui actus, quem
proinde potest pro nutu elicere, vel non
elicere: ergo potentia proxime, et imme-
diata libera, est potentia proxime et im-
mediate activa cum indifferentia, seu do-
minio ad agendum, et non agendum. Hoc
autem non competit habitui supernatu-
rali: ergo habitus supernaturalis non est
principium proxime, et immediate liberum.
Probat hanc Minorem: quoniam ha-
bitus charitatis, aut Pœnitentiae non est
indifferens ad agendum, vel non agendum,
qui imo est determinatus ad operandum;
non enim deservit charitas, nisi ad dilec-
tionem, nec Pœnitentia nisi pro contri-
ctione. Rursus: principio libero, seu indif-
ferenti correspondet tum ipsum agere, tum
et non agere: sed virtuti supernaturali
non tribuitur, nec correspondet non agere,
sed hoc defertur potentiae: ergo virtus su-
pernaturalis non est principium liberum,
seu indifferens. Cætera constant præter
Minorem, quæ etiam videtur perspicua:
nam charitati non adscribitur omissio ac-
tus charitatis, nec Pœnitentiae omissio con-
tritionis; alioqui instantे præcepto chari-
tatis ipsi imputaretur peccatum. Deinde:
voluntas non solum est libera libertate
contradictionis, sed libertate contrarieta-
tis, ratione cuius non solum est proxime
potens agere, et non agere, sed etiam po-
tentia ita unum agere, quod etiam valeat
efficere contrarium: sed virtus supernatu-
ralis non habet hanc indifferentiam; non
enim charitate possumus Deum od.o ha-
bere, aut Pœnitentia impœnitentiam com-

mittere: ergo virtus supernaturalis non
est principium proximum libertatis, sed
sola voluntas. Tandem suadetur, et expli-
catur illa eadem Minor. Nam principium
determinatum ad unum extremum contra-
dictionis, nequit esse indifferens aliqua in-
differentia vel contrarietas, vel contra-
dictionis, ut ex terminis liquet: sed virtus
supernaturalis est determinata ad unum
extremum contradictionis, quod est agere:
ergo non est indifferens illa indifferentia,
vel contrarietas vel contradictionis: non
ergo est principium proximum, et imme-
diatum libertatis, quæ reperitur in actu
supernaturali.

Hoc argumentum plus videtur probare,
quam intendant Authores hujus sententiae,
in qua versamur. Contenditur quippe eo
solum illud principium esse liberum pro-
xime, et immediate, cui soli competit posse
non agere: *ut enim mihi* (verba sunt Autho-
ris sœpe in hac difficultate laudati ubi supra
num. 71 in fine) *tanquam causæ tribuatur*
non agere, tribuenda est mihi potestas pro-
xima agendi, et ealenus mihi imputatur non
agere, quatenus potui agere, et non egi: et
quia virtuti supernaturali, nequit imputari
non agere, sed solum voluntati, idcirco
voluntati conferri debet aliquod proximum
posse. Illam vero propositionem esse fal-
sam, et ex illa quid amplius colligi, quam
intendi possit ab adversariis, colligitur ex
sequentibus ilationibus sub illa contentis:
Ut alicui tanquam causæ tribuatur non
agere, tribuenda est potestas proxima agendi:
sed in omni sententia voluntati tanquam
causæ adæqualæ tribuitur non agere actum
supernaturalem (non enim hoc tribuitur ha-
bitui supernaturali, alias concurreret ad pec-
catum omissionis). *Ergo voluntati tanquam*
causæ adæqualæ tribuenda est potestas agendi
actum supernaturalem Quod tamen est fal-
sum adhuc in sententia contraria. Similiter:
Non agere est voluntatis, ut potentia natu-
ralis est (ab hac enim procedit omissio actus
supernaturalis, et non ab habitu charitatis)
ergo potestas agendi proxima, et adæquala
est etiam voluntatis sub ratione potentia natu-
ralis. Rursus: *cui nullo modo causæ in-*
fluenti tribuitur non agere, nullo modo tribui
potest, et posse agere (nam ut inquit, *ut*
alicui tanquam causæ tribuatur non agere,
tribuenda est potestas proxima agendi, et
consequenter cui non tribuitur non agere,
non est necessaria potestas agendi) seu vir-
tuti supernaturali non imputatur omissio
proprietii actus, seu quod idem est, illum non
agere:

Re-i-
tur fi-
cou i-
op-
neis.

agere : ergo virtuti supernaturali nullatenus competit posse agere. Quorum ex illo principio consequentiam absurditas satis manifestat falsitatem illius propositionis. Et clare etiam apparet in sententia contraria, juxta quam ad actum supernaturalem debet proxime concurrere, tam virtus naturalis, quam supernaturalis; cum tamen ad non agendum sola potentia naturalis sufficiat; nisi etiam velint ad omissionem concurrere proxime, tam voluntatem, quam habitum Chariatis, quod non est credibile. Ergo adhuc in eorum sententia indifferentia ad posse agere, et non agere non se tenet ex parte virtutis proximae supernaturalis; sed hoc quod est posse agere pertinet ad Charitatem saltem partialiter, et posse non agere est solus voluntatis. Idem etiam certatur in virtutibus naturalibus, sive moralibus, sive intellectualibus, quibus non tribuitur, vel actus contrarius, vel omissionis proprii actus, ut videtur est in scientia, Fortitudine, et aliis. Et ratio omnium est: quoniam indifferentia propria virtutis non est ad posse agere, et non agere; haec quippe est indifferentia potentiae universalis ambientis extrema contradictionis, et contrarietas. Virtus autem per modum virtutis importat determinationem quoad speciem, seu specificationem actus, consequenterque excludit a se libertatem, et indifferentiam contrarietas: siquidem nulla virtus sive naturalis, sive supernaturalis est potentiae ratio agendi actum oppositum; non enim scientia est ratio intellectui errandi, aut justitia voluntati, injustum faciendi, ut constat. Non enim determinat virtus potentiam naturalem, quoad exercitium actus, ut experientia ipsa constat, quia habitibus utimur, quando, et quomodo volumus; sed quod praestat potentiae, est posse agere ex illa virtute, et quoties ea uti voluerit, non poterit non in actu illius virtutis proprium erumpere, Chariatis. v. g. aut Poenitentiæ; relinquendo in ipsa potentia indifferentiam ad non agendum, vel ad agendum contrarie, non utendo ipsa virtute.

Ex quo liquet, ex duplice munere libertatis, quorum primum est positivum, posse videlicet agere, alterum vero, quasi negativum, posse scilicet non agere; primum praestari a virtute supernaturali, cuius actus ita est nostri, ut magis sit Dei, et ejus gratiae; ut qui gloriantur, in Domino, et non in se ipso gloriantur: ad hoc quippe descendit a Deo, ut Deo totum deferatur,

et simul tribuat potentiae vires, quibus proxime operari valeat. Secundum vero quod est negativum, vel etiam contrarium, est solius potentiae. Unde in virtute supernaturali non major querenda est indifferencia, et libertas, quam quod sit potentiae agendi proxima ratio cum pleno dominio supra actum. Hoc autem plenissime in suo ordine gaudet per hoc, quod ex ipsa virtute posset in actu exire; et pro suo libito virtute uti, vel non uti, ut constat, et quidquid aliud excogitur, est inutile.

90. Quo supposito respondetur ad argumentum concedendo Majorem, et distinguendo Minorem. Non stat libertas proxima ad actu, quin simul stet potestas proxima, vel ex propriis, vel ex viribus gratiae, concedo Minorem: ex viribus propriis semper, nego Minorem, et Consequentiam. Quam distinctionem non infringunt probationes Minoris. Ad primam dicimus potentiam proxime, et immediate liberam esse etiam proxime, et immediate activam; sed sicut ad actu supernaturalis proxima, et immediata ratio agendi est virtus supernaturalis: ita ad libertatem exercendam respectu ejusdem actus, quod est munus positivum libertatis, virtus supernaturalis se habet ut ratio formalis: ex eadem quippe indivisibili radice proxima oritur, et activitas, et libertas quoad munus influendi, et utramque rationem praestat potentiae habitus supernaturalis. Unde et concedimus dominium activum omnino proximum quoad munus utendi positivum oriiri immediate a Charitate, et qualibet alia virtute respectu proprii actus: facultas vero non utendi, seu quod idem est, non agendi, quod est officium negativum, non est ab habitu, sed a potentia, quæ defectibilis est, et ex se potest non agere, supposita indifferentia obiecti, quam in via nullus habitus supernaturalis per se loquendo tollere supponendum est. Nec enim omnia ubique sunt disputanda, sed ex alibi dictis, aut dicendis supponenda.

Ad alteram probationem Minoris concedimus habitus supernaturales esse determinatos quoad specificationem actus, quod est dicere non posse concurrere active, nisi ad proprium actu. Non vero sunt determinati quoad exercitium; quia ut est commune proloquium, habitibus utimur quando volumus: quocirca liberum est voluntati uti, vel non uti habitu infuso ad operandum. In hoc autem usu, seu appli-

Diruitur
argu-
mentum.

catione Charitatis, non intervenit (ut aliqui comminiscuntur) aliquis actus naturalis proxime, et immediate, qua voluntas habitum applicet; sed eodem omnino actu, quo diligit v. g. vult se diligere, uti, et applicare ad dilectionem, ut supra explicuimus, et petit conditio actuum spirituallium, qui supra se ipso reflectunt, ut est perpetua D. Thome doctrina. Quod totum liquet in virtutibus naturalibus, ut supra dicebamus, in quibus similis determinatio invenitur: et ideo ad eorum usum ipsam et virtutes concurrunt immediate; ad non usum vero sola potentia. Sed nec in illis, nec in istis vel minimum detrimentum libertas patitur, quoniam indifferentia competit voluntati per ordinem ad objectum propositum: quod ut prosequatur, indiget virtute juxta conditionem objecti: si vero renuat, et prosequi non vult, labitur in omissionem, ad quam sola potentia sufficit.

Cæteræ probatio[n]es eli-
duntur.

91. Hinc constat ad tertiam probationem: quoniam indifferentia penes agere, et non agere est propria potentiae, cui convenit utrumque libertatis extremum; non vero virtutis, cui solum est determinare quoad specificationem potentiam, eamque proxime complere, et actuare, ut proxime possit erumpere in actum supernaturalem. Et quia non determinat nisi quoad speciem actus, idcirco relinquit in potentia facultatem expeditam, et indifferentem quoad exercitium; subindeque ipsum non agere, seu omittere actum supernaturalem non est virtutis, sed potentiae; esto ut imputetur omissione, debeat connotari virtus supernaturalis, vel ut oblata, et preparata, vel ut actu existens, vel tandem, ut Voluntarie exclusa. De quo alibi pluries in tomis præcedentibus, et in præsenti non admittunt referunt.

Ad quartam probationem concessis præmissis, distinguendum est Consequens. Non est principium proximum libertatis quoad minus influendi positivum, nego Consequentiam; quoad munus negativum non influendi, concedo Consequentiam. Sed hoc non impedit libertatem actus positivi Charitatis, aut Pœnitentiae, qui ita procedit a voluntate media virtute aut Charitatis, aut Pœnitentiae, ut possit non procedere non solum ab ipsa voluntate, sed neque a Pœnitentia, ut eveniret, si voluntas Pœnitentia non uti vellet, vel omitendo contritionem tantum, vel contrarium actum elicendo. Porro usus iste

voluntatis (ut præoccupemus tacitam objectionem, quam non semel inculcant adversarii) non est aliquis actus distinctus ab ipso actu virtutis; neque non usus est etiam aliis actus nolitionis expressæ; sed dumtaxat ipsa omissio; vel negatio actus, causata ex aliquo alio præcedenti, qui est causa; vel occasio omissionis, juxta alibi suo proprio loco radicibus explicata. Est quippe proprium actuum intellectus, et voluntatis quia spirituales, et elevati sunt supra conditiones materie, supra se ipsos reflectere, et inde voluntas eodemmet actu, quo diligit, vult se diligere, et eodem etiam quo conteritur, vult conterere, et se applicare ad contritionem. Et eodem proportionali modo se habet erga omissionem, eo in sensu, in quo omissio est exercitium potestatis non agendi.

Ultima probatio ex parte utriusque præmissæ patitur difficultatem. In primis Major nutat ex eo quod principium determinatum ad unum extremum contradictionis potest esse indifferentis objective, et effective, quatenus concernit actum objective indifferentem, illumque producit, vel producere facit, uti se habet in nostra sententia, auxilium ab intrinseco efficax, et in opinione contrafaria gratia congrua regula p[er] scientiam medianam. Esto ergo adstrueretur virtus determinata ad unum extremum contradictionis, quod supponeret indifferentiam in actu, cui deserviret; non idcirco deficeret in actu libertas, nec in virtute ipsa potestas proxima efficiendi actum liberum. Sed prætermissa illa Majori absolute, Minor etiam est falsa: quia virtus supernaturalis v. g. Pœnitentia, solum est determinata quoad speciem actus, non vero quoad exercitium, ut constat ex dictis; unde solum præstat voluntati posse agere determinate hunc actum; non autem conferit ipsum infallibiliter, et indeficienter efficere; quippe quod est proprium munus auxillii efficacis omnino distincti, et realiter superadditi virtuti creatæ. Cum ergo voluntas sit primum movens quoad exercitium, et applicans virtutes ad proprias operationes ex directione intellectus juxta Prudentiae regulas præscribentes, quid in quolibet instanti attentis hinc inde occurribus, faciendum sit, inde provenit virtuti non esse annexum actuale exercitium proprii actus, sed expectat applicationem, et usum voluntatis in sensu explicato.

92. Sed contraria totitis solutionis doctrinam insurgit Ripalda primo: quia voluntati

tati repugnat potestas immediata non agendi constituens libertatem agendi, quin ei conveniat potestas immediata agendi: ergo si voluntati convenit potestas immediata non agendi, quæ constitutæ potentiam agendi; voluntati utique convenire debet potestas proxima agendi. Probatur Antecedens: potestas immediata non agendi est potestas cohibendi, seu retinendi actionem: sed cui est potestas proxima cohibendi actionem, est potestas proxima, et immediata eliciendi actionem: ergo si inest voluntati potestas proxima non agendi, est etiam illi proxima, et immediata potestas agendi. Hac quippe ratione (inquit) probant communiter Philosophi contra Durandum Deum immediate influere in effectus causarum creatarum, quia ratione perfectissimi dominii, potest impedire quamlibet actionem causarum secundarum, etiam postquam existentes sunt.

Secundo. Quamvis homo possit ab intrinseco agere, quin ab intrinseco non agere non possit, ut constat in actionibus voluntariis omnino necessariis, quæ ab intrinseco sunt; non tamen ab intrinseco potest homo non agere, quin a se etiam proxime possit agere; sed juxta traditam solutionem ab intrinseco, et a se potest voluntas non agere actum v. g. Pœnitentia: Ergo ab intrinseco, et a se habet proximam potestatem Pœnitentiam agendi. Major constat, quoniam si non agere ab intrinseco, et a se non supponeret virtutem proximam agendi a se, actionis defectus non tribueretur homini; sed esset pure ab extrinseco ex absentia superioris virtutis, et influxus. Nec proderit recursus ad actum naturalem, qui sit, et esse debeat causa omissionis. Nam contra instat, possibilem esse puram omissionem actus supernaturalis per potestatem non agendi propriam libertatis contradictionis: et hac posita, et sibi probata sententia, perstat in suo robore impugnatio præfacta.

Tertio. Nam virtus immediate activa constituens libertatem ad actus supernaturales debet esse determinativa actionis, potius, quam non actionis: sed habitus non est determinativus actionis potius, quam non actionis: Ergo solus habitus non est virtus activa proxima constituens libertatem proximam ad actum supernaturalem. Majorem probat, tum quia alias viribus naturalibus voluntatis tribueretur

determinatio; tum quia determinatio actionis est exercitium virtutis activæ potius, quam non activæ. Minorem etiam suadet: tum quia solus habitus non est liber, tum quia habitus dependet ab arbitrio naturali in determinando actionem, ut constat ex doctrina D. Thomæ in 2, dist. 25, quæst. unica art. 1 ad 3, ubi docet, quod determinatio actionis, et finis in libero arbitrio constituitur.

Claudit tamen, et confirmat præfatas Quarta. impugnationes hoc discursu. Voluntati ut distinctæ a gratia non est libra existentia habitus, utpote in quem nullum præstat influxum nisi passivum: posito vero habitu, actio supernaturalis non est libera voluntati ut distinctæ ab habitu, quippe quæ procedit ab habitu tamquam a virtute adæquata; et voluntas illam cohibere non potest absque immediata activitate. Aliunde vero illamet actio non est libera libertate habitus, utpote quæ ipsi repugnat. Ubi est ergo ista voluntatis libertas in actu supernaturalem.

93. Has tamen impugnationes facile erit dissipare, ac diruere, si recolantur, quæ observavimus ad caput solutionis argumenti principalis. Ad primam ex ibi dictis distinguendum est Antecedens: Voluntati repugnat potestas immediata non agendi actum supernaturalem, quin illi conveniat potestas proxima agendi cunctemque actum, vel a se, vel à gratia, concedo Antecedens:

^{prima} objectio. a se determinate, nego Antecedens. Nam ut voluntas possit libere elicere actum supernaturalem, non alia datur, nec est possibilis virtus, quam supernaturalis, a qua habet posse omnino proximum, et adæquatum: et quia hæc virtus non tollit indifferenticiam activam potentiae, quæ potest non agere, vel omittendo, vel eliciendo contrarium actum; ideo non obest, quin prodest libertati actus, ad quem dat posse. Nec etiam est necessarium, quod illi conveniat ex eadem radice facultas proxima ad agendum supernaturaliter, ac facultas proxima non agendi: hoc enim nulli innititur fundamento; cum illa provenire debeat ex gratia, saltem partialiter, in opposita sententia; hæc vero conveniat ipsi potentiae ex viribus naturæ. Et ulterius constat, quoniam ad amandum constituitur potens per charitatem, ad non amandum contrarie, seu odio habendum constitui nequit per Charitatem, cui nihil magis contrarium, quam odium Dei, et proximi. Rursus in omni sententia ad dilectionem prædic-

tam debet concurrere potentia obedientialis animæ; cum tamen ad ejus omissionem, vel actum odii contrarium in qualibet etiam sententia sufficiat potentia naturalis. Non ergo ab eadem forma sumit voluntas posse non agere supernaturaliter proxime, a qua accipit posse proxime, et adæquate agere. Ad Antecedentis probationem concedimus Majorem, et negamus Minorem juxta nuper dicta, quia potestas proxima cohibendi actionem supernaturalem cum sit naturalis, non est potestas proxima eliciendi actum supernaturalem, adhuc in sententia contraria, in qua per suam activitatem partiale potest voluntas impedire actum supernaturalem; quem tamen sola virtute partiali efficere nequit; sed debet expectare aliam virtutem supernaturalem partiale, ut reddatur absolute, et proxime potens. Una ergo et eadem est potentia, quæ unum et alterum potest, sed diversimode, et non ratione ejusdem. Quod afferatur in exemplum contra sententiam Durandi, etiam est a veritate alienum; cuius signum est, quod si per impossibile Deus operaretur ex necessitate naturæ, et non libere; adhuc operaretur (et non posset non aliter se gerere quoad hoc munus influendi) immediate immediatione virtutis, et suppositi cum quolibet agente creato. Influxus quippe iste exigitur necessario ex parte effectus creati, quia est ens per participationem, ex parte vero Dei, quia est ens per essentiam, et intime præsens, vel minimæ entitati cuilibet per essentiam, præsentiam, et potentiam. Et hæc est vera ratio, qua impugnatur Durandi sententia, non vero illa, quæ objicitur.

Diluitur secunda. Ad secundam respondetur, vel multum, vel nihil probare: qua enim ratione ex plena potestate ad non agendum voluntatis probavit, intenditur virtus partialis naturalis ejusdem voluntatis, ex vi formæ probari debet virtus totalis, ut supra dicebamus; quinimo major videbatur ratio (si illatio esset legitima) ad secundum, quam ad primum ob majorem proportionem totius ad totum, quam totius ad partem. Cum vero improbabilis sit ex illo principio virtus totalis proxima voluntatis, ut est potentia naturalis, ad actum supernaturalem; nec etiam ex illo recte deducitur virtus partialis ejusdem. Dicimus ergo, quod licet ad posse non agere ab intrinseco quid amplius desideretur, quam ad posse ab intrinseco agere; nam ad primum requiriuntur indifferencia ex parte objecti, quæ si deficiat,

non erit potestas ad non agendum, ut accidit in visione, et amore beatorum, et in aliis actibus ab intrinseco necessariis. Non tamen ex vi hujus requiritur major virtus ad unum, quam ad alterum, ut videre est in actibus omnino indeliberatis, et motibus primo primis, qui non ideo non sunt liberi, eo quod deficiat virtus activa voluntatis, nec etiam visio, aut amor Beatorum necessarius est, quia non sit virtus adæquata, et completa in illis ad Deum libere intuendum, et diligendum, si sub indifferencia illis proponeretur prosequendus. Ex eo ergo, quod ut voluntas possit non agere, necessaria sit indifferencia objectiva, neutiquam deducitur virtus partialis ad actus supernaturales; sed hæc aliunde probanda erat arguenti. Unde ad formam negatur Major quoad secundam partem, et ad ejus probationem dicimus æquissime imputari voluntati omissionem actus supernaturalis, quem viribus gratiæ solius efficere poterat, et ex se ipsa, et prava voluntate naturali non elicuit. Porro ad hanc omissionem ita certum est prærequiri actum naturalem ex natura rei, et juxta communem providentiam, ut fere communi Theo'ogorum calculo probetur. Et solum est difficultas, an de potentia absoluta oppositum valeat contingere.

Sed quid cum potentia absoluta ad nostram quæstionem de facto, et juxta rerum naturas, et causarum influxus proprios? Revocabitur ad miraculum, quod de potentia absoluta possit voluntas partialiter proxime concurrere active ad actum supernaturalem, sicut in casu omissionis puræ docent ejus Authores? Ita esto; et habebimus de facto ita non esse. Sed inde progressitur ad impossibile ducendum illud miraculum, sicut impossibile omnino rati semper fuimus puram omissionem absque ullo actu, qui sit ejus causa, vel occasio, de quo fuse tract. de Peccatis disp 5, dub. 1 et 2. Sed vero opposita sententia admissa, non adhuc conficitur virtus partialis, nam voluntas est adæquate proxime potens ad actum supernaturalem per virtutem acceptam, et cum indifferencia attingentem objectum; et voluntas eadem est proxime potens ex se ipsa, non elicere actum; quocirca omissione est ipsius exercitium sub extremo negativo libertatis contradictionis, sicut actus est exercitium positivum alterius extremi; et pro diversitate munerum immediate dividuntur exercitia, quin opus sit immiscere influxum

fluxum naturalem cum supernaturali.
 94. Tertia objectio clarius adhuc quam præcedentes in illa utentes regerenda est, et clarius etiam demonstrat veritatem nostræ assertionis. Etenim virtus immediate activa constituens libertatem ad actus supernaturales, debet esse determinativa actionis potius, quam non actionis, ut assumitur in Majori : sed voluntas ex viribus naturalibus non est determinativa actionis supernaturalis, alioqui tribueretur voluntati determinare gratiam, ipsamque præcedere, quod reputatur inconveniens in ipsam objectione, et revera est : ergo virtus naturalis voluntatis non est virtus immediate activa constituens libertatem ad actus supernaturales. Hæc Consequentia liquido infertur ex præmissis, contentis in objectione. Unde latet profecto qua Consequentia in eadem objectione ad probationem Minoris velit voluntati refundere determinationem actus supernaturalis, quam in probatione Majoris excluderat. Concessa ergo Majori, neganda est Minor, quoniam habitus *ut quo* est determinativus propriæ actionis, quam voluntas determinat per modum potentiae sub judicio rationis indifferenti : non enim alia actione se applicat, et determinat voluntas ad exercitium virtutis quam actu ipso virtutis : et sicut virtus est voluntati ratio agendi ipsum actum, ita est ratio ipsi se effective determinandi, supposito semper ut supponi debet, judicio indifferenti, et imperio pratico intellectus. Ad primam probationem Minoris negatur habitum non esse *ut quo* liberum, quatenus est ratio voluntati se exerendi in actum supernaturalis, non solum expediens, et facilitatem tribuens, sed etiam et conferens totam vim proximam agendi, cum nulla voluntati vis insit ad actus supernaturales. Et in eodem sensu, in quo est principium *quo* agendi, est etiam principium libertatis actualis.

Ad secundam probationem mirum est, D. Thomam in suffragium adducere, et eo ejus testimonio uti. Nam ibi S. Doctor contraposuit causas naturales liberis, et modum agendi, quem servat Deus diversum in illis, et ipsis : nam causis naturalibus non solum dat virtutem, sed et præstipuit finem tam in communis, quam in particulari : causis vero liberis relinquit determinare sibi et actionem, et actionis finem particularem. Quod verum, et Catholicum est. Verba D. Thomæ sunt : *Deus operatur in omnibus, ita tamen quod*

Salmant. Curs. theolog. tom. XIX.

in unoquoque secundum ejus conditionem. Unde in rebus naturalibus operatur, sicut ministrans virtutem agendi, et sicut ministrans naturam ad tales actiones. In libero autem arbitrio hoc modo agit, ut virtutem agendi sibi ministret (utique naturalem, et adæquatam ad actus naturales, et supernaturalem adæquatam ad actus supernaturales, ne magis in uno, quam in alio ordine deficiat) et ipso operante liberum arbitrium agat. Sed tamen determinatio actionis, et finis, *ia* potestate liberi arbitrii constituitur. Unde remaneat sibi dominium sui actus, licet non ita, sicut primo agenti. Quod loci non meminit S. Doctor, nec opus erat meminisse actionum supernaturalium, sed dumtaxat oportebat statuere doctrinam generalem, qua liberum arbitrium in communi constitueretur, prout diversum a causis pure naturalibus, et modo proprio illarum in agendo. Hinc vero quod legitime deducitur, est liberum arbitrium se movere posse ad actus pure naturales ex principiis naturalibus, qua facultate non gaudent causæ pure naturales; ad actus vero supernaturales non aliter se movere posse, quam principiis pure supernaturalibus, ob eandem omnino rationem. Sed hoc oppugnat, et prosternit adversam sententiam.

Ultimæ tandem impugnationis, quo claudit intentum, propositiones lubricæ sunt, et non satis veritati obnoxiae, ut eas expendendo constabit. Nam prima, in qua enuntiatur non esse liberam voluntati existentiam habitus supernaturalis, concedi non debet, sed abjici : eo quod ad recipiendum tum gratiam, tum alia dona supernaturalia libere se disponat homo sub auxiliis ejusdem gratiæ : quocirca et libere abjicitur peccando; et libere recipitur se ad gratiam disponendo: quin ad hoc necessarium sit influxum effectivum voluntatis in gratiam adstruere, ut satis liquet ex supra dictis in hoc tract. et locis in eo allegatis de justificatione. Secunda proposicio eodem claudicat pede : nam esto, homini non esset libera existentia gratiæ ut patet in pueris ante usum rationis, et in auxilio efficaci omnino primo ad primum actum (quidquid sit de posterioribus, ne hoc præpediamur); semel tamen positis, vel gratia, vel auxilio, adhuc operatio subsequens est in nostra potestate, et est nobis libera, ut constat ex dictis tract. de gratia efficaci : ad hoc enim dispensantur, et infunduntur a Deo, ut sub illis media

Ultimæ
satisfit.

illustratione supernaturali libere moveamur in Deum, et bonum supernaturale. Tertia etiam propositio fallit : nam sicut habitus est liber ut *quo*, et per modum virtutis, ita et operatio est libera per ordinem ad voluntatem sub ratione potentiae, et per ordinem ad virtutem supernaturalem, nt a principio proximo, a quo immediate ortum ducit. Ex propositionibus autem minime probatis, nihil verum potest concludi. Quamobrem omnes illae impugnations intactam, et indemne relinquunt solutionis doctrinam.

Replica
difficilior.

95. Objici tamen potest, et difficilius, quam hactenus contra eam. Nam actus v. g. Pœnitentiae ita oritur a Pœnitentia, ut ab illa proxime, et immediate habeat, quod sit actus virtutis : sed quod ita oriat, ut possit non esse, non habet a Pœnitentia : ergo esto actus Pœnitentiae, ut est actus virtutis, ab ea procedat, ut tamen liber est, non oritur a Pœnitentia, subindeque ortum immediatum debet trahere a voluntate. Hæc secunda Consequentia constat ex prima, siquidem non est illi unde libertatem hauriat, nisi vel a Pœnitentia, vel a voluntate. Prima vero ex præmissis, quoniam de ratione actus liberi, ut liberi est, quod ita sit, ut possit non esse, vel ita fiat ut possit non fieri a potentia libera, et consequenter si actus Pœnitentiae a Pœnitentia non habet, quod possit non esse, non habet esse liberum per ordinem ad Pœnitentiam. Unde solum restat probanda Minor, quæ sic suadetur : nam ab eo principio accipit actus Pœnitentiae posse non esse, cui convenit proxime, et immediate posse non agere; sed soli voluntati immediate convenient posse non agere actum Pœnitentiae, non vero virtuti; alias illi tribueretur omissione Pœnitentiae, quod est falsum : ergo a voluntate immediate, et a Pœnitentia sumit actus Pœnitentiae, quod possit non esse.

Confirmat.

Confirmatur, et explicatur : nam actus contritionis ita procedit a voluntate, ut posse omnino proximum a Pœnitentia recipiente, quod etiam procedit ab ipsam voluntate ut potente non elicere actum contritionis; sed quamvis voluntas sumat a Pœnitentia posse proximum ad contritionem, quod ex se non habet; ab ea tamen non recipit posse non pœnitere, utpote quod a se habet : ergo actus contritionis licet procedat a Pœnitentia, ut possit esse, non tamen accipit a Pœnitentia immediate, quod possit non esse. Major

constat; alias libet non esset actus Pœnitentiae. Minor etiam constat, quia virtus supernaturalis non præstat potentiae, nisi id, quo indiget, ut videtur manifestum : sed voluntas solum indiget virtute supernaturali, ut ei tribuat potestatem omnino proximam ad actum supernaturalem, quam ex se non habet : ergo hanc solam sibi vindicat voluntas a Pœnitentia. Hinc probatur Consequentia : quia coiustibet formalitatis repartæ in actu debet assignari aliqua causa proxima, et immediata, ut videtur perspicuum : sed in actu contritionis v. g. invenitur posse non esse, et hoc est prædicatum sibi intrinsecum : ergo aliqua ejus immediata, et proxima causa assignanda est : non est autem Pœnitentia, utpote quæ solum dat posse actui : ergo debet esse voluntas, a qua dumtaxat provenit posse non esse actus contritionis.

Reger
tur dif
cultas

96. Hæc replica, quæ subtilis est, si aliquid probat, simul evincit potentiam naturalem, qua naturalis est, seu ex propriis viribus influere proxime in entitatem actus ut supernaturalis est, quod æque punxit adversarios docentes in actum supernaturalem quatenus supernaturalem nullum influxum exhibere vires naturales, sed sub hac consideratione totum influxum esse gratiæ. Porro id ita evinci fit manifestum : ex eo quippe contendit voluntatem proxime influere in actum liberum, quia virtus solum præstat actui posse esse; posse vero non esse non confertur a virtute, sed a voluntate, cui soli competit posse non agere : sed virtus supernaturalis qua talis solum dat esse supernaturale actui, non vero tribuit posse non esse supernaturale illi actui, hoc enim solum competit potentiae : ergo eadem ratione, qua influere contenditur in actum liberum, qua liberum, debet influere etiam proxime, et ex propriis in actum ipsum qua supernaturalem, subindeque jam influxus naturalis non sistet non in attingentia actus ut vitalis, et liberi formaliter; sed etiam pertinet usque ad ejus supernaturalitatem, non identice, aut materialiter sumptum, sed etiam formaliter, ut explicat munus supernaturalitatis. In quo satis detrahatur influxui gratiæ, et extolleretur supra debitum naturæ.

Respondetur ergo ad objectionem ne-gando suppositum Majoris ; eo enim ipso quod actus Pœnitentiae procedat ab ipsa ut actus virtutis, procedit ex electione, et consequenter libere, libertate propria vir-tutis.

Respon-sio ad
replicam.

tutis. **Libertas autem per modum virtutis,** ut constat ex supra dictis, consistit in eo quod præstet potentia facultatem, et sit illi ratio proxima eliciendi operationem retinendo potentiam ad non esse illius, vel per omissionem, vel per actum contrarium. Ubi autem remanet in voluntate facultas prædicta, ita actus contritionis procedit a Pœnitentia, ut a principio *Quo*, et ut a ratione formalis, ut non procedere potuerit. Si enim voluntas non vellet se per Pœnitentiam ad contritionem applicare, non esset actus contritionis, utpote qui non, nisi a Pœnitentia effici valet. Quare dum procedit a Pœnitentia ut a principio *Quo*, ita procedit, ut potuerit non procedere, aut non processisse: consequenterque libere procedit, nedium a voluntate, sed etiam ab ipsa virtute: aliter tamen, et aliter a potentia ut subdita gratiae danti virtutem ad agendum; a gratia vero ut connotante in ipsam voluntate indifferetiam ad oppositum vel contradictorie, vel etiam contrarie. Unde nulla formalitas est, aut reale prædicatum in actu, quod non ipsi conveniat medio influxu virtutis, siquidem ipsum posse non esse, aut fuisse, in quo est tota vis objectionis, procedit a virtute Pœnitentia, a qua ita procedit, ut potuerit non procedere. Unde male supponitur in Majori posse actum contritionis procedere a Pœnitentia, quatenus actus virtutis est, et quod non procedat ex vi hujus libere, cum sit implicatio in odjecto.

97. Minor est falsa et ad ejus probationem distinguenda est Major: *Ab eodem principio sumit actus posse non esse, cui competit posse non agere, vel per modum virtutis, vel per modum potentiae, concedo Majorem; per modum potentiae præcise, nego Majorem.* Distinguitur etiam Minor: *Voluntati immediate convenit posse non agere, per modum potentiae, concedo Minorem; per modum virtutis, nego Minorem, et cum ea Consequentiam.* Nec ideo infertur omissionem virtuti, et non potentiae delatam iri, ut obtendebatur: nam omissione non tribuitur, nisi potenti et non facienti ex virtute; hoc autem non convenit nisi animæ, et voluntati, quæ dicitur, et est potens facere per gratiam; gratia vero est ratio, ut possit, sicut albedo est ratio disgregandi visum respectu parietis, sed ipsa se sola non disgregat: et anima est ratio corpori vegetandi, sed ipsa non vegetat. Et in hoc stat paralogisatio Au-

thorum oppositæ sententiae: arbitrantur enim, et intendunt idem virtuti totali tribuendum esse, quod tribui debet potentiae, quasi eadem sit ratio potentiae, et virtutis; cum tamen longe aliter se habere debeat, et amplior, ac universalior sit ratio potentiae, quam ratio virtutis, vi cujus agere, et non agere potentiae, et animæ tribuitur; ratio tamen agendi, seu qua anima agit est virtus: quapropter omissione non tribui potest virtuti; secus vero animæ, et potentiae, cujus est exercitium negativum pro libertate contradictionis.

Hinc constat ad confirmationem, et ad Eversio
confirmationis. ejus formam respondetur concedendo Major, et negando Minorem. Ad cujus probationem concessa iterum Majori, distinguenda est Minor: *solum indiget virtute supernaturali, ut ei tribuat potestatem proximam, utcumque, nego Minorem;* per modum virtutis solum determinantis quoad speciem, non vero quoad exercitium actus, concedo Minorem, et nego Consequentiam. Actus quippe virtutis cum libet ab intrinseco sit, petit a suis principiis proximis ita procedere, quod procedere non possit: et hinc supponere petit in potentia expeditedam potestatem ad oppositum, et in virtute supernaturali solam determinationem quoad speciem actus, non vero quoad exercitium, ut supra dicebamus. Et hoc modo voluntas indiget virtute supernaturali; non ut intenditur, quasi ita determinet, quod non relinquat facultatem, et indifferetiam in illa. Ex quo non infertur aliquam esse formalitatem in actu, que proxime, et immediate non efficiatur a charitate, seu virtute supernaturali: si quidem ita procedit ab illa, ut possit non procedere, ut jam ostendimus.

98. Ultimum (et magni apud sepe allegatum Theologum momenti), argumentum proponitur sub hac forma. Species naturalis impressa efficit immediate cognitionem supernaturalem: ergo et potentia naturalis efficere etiam potest actum supernaturalem. Consequētia constat, quoniam eadem est unius, et alterius ratio. Et Antedens probatur in speciebus deservientibus ad assensum fidei, quæ naturales sunt, et ut naturales influunt ad assentendum mysteriis revelatis. Non apparet autem, nec facile explicari potest, qualiter elevari possunt ad repræsentandum mysteria supernaturalia, non quidem medio habitu fidei, nec media aliqua qualitate supernaturali: ergo solum concurrunt virtute sibi

propria, et naturali. Consequens constat, et probatur Minor : tum quia si habitus fidei elevare posset species naturales; elicere etiam posset assensum fidei in absentia specierum. Consequens est falsum : ergo et illud ex quo sequitur. Probat ille Majorem : quia virtus adæquata causæ remota eodem modo operatur, sive causa remota sit præsens, sive sit absens, ut patet in accidentibus naturalibus eo modo agentibus in præsentia, et absentia causæ; calor enim eodem modo calefacit in absentia ignis, ac in ejus consortio : ergo si habitus fidei est virtus proxima, qua elevantur species, ut proxime influant in actum supernaturalem, ipsum efficere poterit absque specierum consortio. Tum etiam : quia qualitas alia supernaturalis addita pro illo elevandi munere, vel esset species, vel apparet conficta solum ad eludendam vim argumenti : ergo non est admittenda. Probat Antecedens : nam qualitas illa supernaturalis, vel supplet concursum objectivum, quem præstare non possent species naturales, et hoc pacto jam gerit munus speciei : vel ad nihil deservit, cum illæ species maneant in sibi propria, et naturali repræsentatione, nihil quoad hoc inferente illa virtute.

Confirmat.

Confirmatur. Plura sunt entia naturalia, quæ immediate, et ratione sui concurrunt ad effectum supernaturalem : ergo non est contra rationem entis naturalis concurrere effective immediate ad effectum supernaturale. Antecedens suadetur, tum in assensu Theologico ad quem non semel conveniunt præmissæ, quarum altera sit naturalis, altera vero supernaturalis. Tum in habitibus naturalibus, quibus acquiritur facilitas ad exercendum actus supernaturales; vel quia ex frequentatione actuum supernaturalium consurgit promptitudo naturalis; vel quia ipse habitus naturalis similiter præstat promptitudinem, quæ deserviat ad actus utriusque ordinis Quocirca entitates naturales formalem concursum exhibent, quo maxime foveantur effectus supernaturales, utputa species naturales determinando, habitus naturales facilitando, assensus Theologicus inducendo voluntatem, ut in affectus supernaturales erumpat : non est ergo ratio, quare non etiam possint effective proxime influere saltem partialiter in eosdem actus. Et cum eadem sit ratio de uno, ac de aliis, semel posito concursu naturali immediato ad aliquem supernaturalem actum, ut po-

nendum esse monstrant adducta exempla, idem de omnibus dicendum est.

99. De materia hujus argumenti specialiter egimus tract. de Necessitate Gratiae disput. 3, dub. 3 § 5, quo mittere possemus lectorem. Sed quia ibi, et aliis tractibus sancita, et hoc concernentia supponebant hanc difficultatem de partialitate influxum causæ naturalis, et supernaturalis devictam, et a discipulis D. Thomæ, imo et ab ipso S. Doctore radicitus evulsam, oportet hic ut in proprio loco vires argumenti discutere, ut ibi dicta robur accipient, et ex hic dicendis veritas clarius eniteat.

Respondetur ergo negando Antecedens, et ad ejus probationem non sat erit dicere cum Suarez in hac 3 p. disput. 19, sect. 3, assensum fidei non fieri mediis speciebus naturalibus, sed supernaturalibus, et habitui proportionatis. Tum quia ejus sententia communiter deseritur non solum ab extraneis, sed etiam a domesticis. Tum etiam : quia argumentum non urget solum in speciebus deservientibus fidei, sed etiam in dono prophetiæ, et aliis quam pluribus illustrationibus supernaturalibus, in quibus difficile est recurrere ad novam specierum infusionem, cum sæpe objecta sint naturalia. Tum tertio : quoniam illæ species vel infunduntur cum ipso habitu; et hoc non; alias infantibus in Baptismo infunderent simul cum fide species omnium reaum, quas illustratione fidei decursu temporis essent percepturi, et cum alii plus, alii minus de mysteriis, et rebus fidei decursu vitae percipiunt, non eis infunderent æqualiter species. Quod est contra illum statum in quo supponuntur æquales. Aliunde vero non esset. quare in illo statu illis speciebus uti non possent, et non consequenter ante usum rationis naturalis assentiri actualiter mysteriis fidei, quod est minus probabile. Vel solum infunduntur, quoties assensus habendus esset a fideli. Et hoc nulla ratione probatur, cum supposito habitu fidei, et apprehensione naturali terminorum, opus non sit nova specierum infusione ad præstandum assensum Deo revelanti, maxime quoties objectum est in se ipso naturale : qualia non pauca referuntur in Scriptura, quæ fide credenda sunt, et naturaliter sunt repræsentabilia. Non ergo est necessarium novas pro his cedere species quoad entitatem supernaturales; atque falsum est statuere universaliter novam specierum supernaturalium

Pr o
luti
arg
men
dice
mon
ex S.
rez I-
citt

pernaturalium infusionem; quoties ex fide assentientum fuerit revelatis in Scriptura.

100. Relicta ergo ut insufficienti hac doctrina, concedendum est species naturales deservire posse cognitioni supernaturali, tum fidei, tum prophetiae, et aliis de quibus eadem potest esse dubitandi ratio. In quo non est insuperabilis difficultas, ut obtenditur, sed facilime explicatur ex doctrina D. Thomae 2, 2, quæstion. 173, artic. 2, ubi exponens qualiter mens prophetæ quandoque illustretur a Deo sola infusione luminis prophetici absque additione specierum, inquit: *Sicut enim ex diversa ordinatione earundem litterarum, accipiuntur diversi intellectus, ita etiam secundum diversam dispositionemphantasmatum resultant in intellectu diversæ species intelligibiles.* Hanc vero specierum coordinationem non fieri virtute naturali alicujus agentis creati, sed virtute supernaturali docet in illo articulo, et in solutione ad 1 ejusdem articuli: *Quia sicut dictum est, quandoque in prophetica revelatione divinitus ordinantur species imaginariæ perceptæ a sensu, secundum congruentiam ad veritatem revelandam.* Et hæc est elevatio specierum, quæ deservit cognitioni supernaturali, nimirum earum collatio, et coordinatio supernaturaliter facta, vi cuius earum repræsentatio jam non est naturalis, quatenus novo ordine, et novo itidem modo repræsentat objecta juxta exigentiam veritatis revelandæ. Quam doctrinam accepit D. Thomas a suo Magistro Augustino lib. 9 de Trinit. cap. 2, ubi disserit: *Habet animus nonnullam speciei notæ similitudinem, quæ quidem similitudo intelligibilis in revelatione prophetica, quandoque immediate a Deo imprimitur, quandoque a formis imaginatis resultat, secundum adjutorium prophetici luminis.*

Ex qua utriusque S. Doctoris sententia manifestum fit, quod arguenti explicatu videbatur arduum, et simul convellitur aliquorum discipulorum D. Thomæ intelligentia, circa elevationem specierum naturalium: arbitrantur quippe solum elevari species quoad munus influendi effective, in cognitionem supernaturalem; non vero quoad munus formaliter repræsentandi, quod illis convenient in genere causæ formalis. In quo, inquiunt, non est elevatio supernaturalis, sed semper species repræsentat objectum naturale, et modo naturali: quocirca elevatio solum cadit supra concursum effectivum speciei, ad

quem est necessaria. Ita Ferre tom. 1, in 1 p. tract. 3, quæst. 6, § 15.

101. Hæc inquam interpretatio est aliena a mente utriusque S. Doctoris. Et quod attinet ad mentem D. Thomæ liquet, ut satis manifestat exemplum illud litterarum, sicut enim ex diversa illarum collatione diversa consurgit significatio, ita ex distincta coordinatione specierum diversa species intelligibilis resultat. Ubi formalis sensus non est de influxu effectivo posteriori, et subsecuto in specie a¹ ejusdem repræsentationem: sed de diversa repræsentatione formalis, quæ sola variat speciem in ratione speciei, et hanc docet S. Doctor in ratione repræsentandi esse diversam, et non tantum in ratione efficiendi. Constat autem id ex solut. ad 3, ubi clarissime ex diversa coordinatione diversam repræsentationem elicit S. Doctor per hæc verba: *Dicendum, quod quas- cumque formas imaginatas, naturali virtute potest homo formare absolute considerando; non tamen ut sint ordinatae ad repræsentandas intelligibiles veritates, quæ hominis intellectum excedunt; sed ad hoc (videlicet, ut repræsentent) necessarium est auxilium supernaturalis luminis.* Constituit ergo D. Thomas diversitatem in illa formalis repræsentatione, quidquid sit de concursu effectivo, de quo nec verbum vel levissime, et a longe. Non minus perspicue locutus fuit Augustinus docens quandoque similitudines immediate infundi a Deo, quandoque vero eas resultare a formis imaginatis secundum adjutorium prophetici luminis. Quorum verborum sensus detorqueri non potest ad species pure naturales, ut intendit prædictus Magister, nec etiam ad solam efficientiam supernaturalem earum respectu cognitionis prophetice; sed ante illum debet coordinari in ratione repræsentandi, ut obire possint munus efficiendi.

Nec ponderis est, quod speciei repræsentatio sit formalis, et consequenter invariabilis, ut obtenditur. Hoc enim solum probat repræsentationem prædictam, incomplexe, et solitarie sumptam semper esse eandem, quod libenter concedimus, nec negat D. Thomas. Si vero accipiatur complete, et quoad ordinationem diversimode exercet suum munus, sicut littera eadem est (ut exemplo utamur D. Thomæ) in quacumque dictione; diversimode tamen sonat, diversumque sensum expliqat vel anteposita, vel interposita, vel

Ferre
circa id
opinio.

Impu-
gnatur.

D.Thom.

Evertitur
motivum
opposi-
tum.

postposita, ut constat experientia. Et hoc modo docet D. Thom. discurrendum esse de speciebus naturalibus in ordine ad repræsentationem supernaturalem. In quo sensu verius, et conformius menti D. Thomæ se gessit Magister Ildefonsus Michaël (quem refert, et non bene impugnat Magister Ferre) docens species naturales modo supernaturali elevatas deseruire cognitioni supernaturali.

Objectio. 102. Objicitur tamen in oppositum, tum quia species fidei assensui inservientes semper repræsentant propria hujus objecta connotative ad res materiales et naturales: ergo numquam exuntur modo sibi proprio, et connaturali repræsentandi. Tum nam species nequeunt repræsentare objecta modo supernaturali, quin intrinsece, et essentialiter varientur: at credendum non est intrinsece, et essentialiter variari media accidentaliter elevatione Fidei, cui accidentaliter inserviunt: ergo non est illis adscribenda repræsentatio naturalis quoad modum; sed solum concedi debet elevatio quoad influxum effectivum, ut accidit in qua baptismatis, quæ naturaliter abluedo corpus elevatur in Sacramento abstergendam maculam peccati, quæ est in anima.

Satisfactio. Hoc tamen motivum facile dispellitur ex doctrina D. Thomæ. Ad primam ejus partem dicimus non denudari species a sua naturali repræsentatione, in assensu fidei; sed superindui alio superiori modo supernaturali ex diversa illarum collatione, seu ordinatione, ratione cujus inservire possunt actui illi nobilissimo immediate; cum tamen ex se, et juxta repræsentationem propriam dumtaxat remote, et mediate conducere possent. Ad secundum dicas variari species illas quoad modum prædictum, quem docent uterque Præceptor SS. Augustinus, et Thomas resultare ex diversa illarum ordinatione, medio auxilio luminis supernaturalis. Porro modus iste essentialis est speciei, ut deseruent cognitioni supernaturali et convenit ipsi accidentaliter, si consideretur sub esse tantum naturali, et prout repræsentat res naturales modo naturali.

Legitima argumenti solutio. 103. Negato ergo primo Antecedenti argumenti supra facti, negandum est etiam Antecedens, quo intendebatur probari, et ad hujus insertam probationem contentam in illo dilemmate dicendum est ordinacionem illam fieri ab habitu ipso fidei simul cum auxilio supernaturali ad assensum

fidei requisito, ut de cognitione prophetica expresse affirmat D. Thomas. Vel enim prædictæ species post primum assensum fidei permanent habitualiter ordinatae, ut iterum quoties oportuerit idem assensus præstetur, vel quoties eliciendus est assensus, denuo coordinari debeant: utro enim horum modorum rem quis explicare voluerit, semper salvabitur ab ipso habitu, et auxilio annexo fieri elevationem, vel semel in primo fidei assensu, vel toties, quoties opus fuerit in assensum prorumpere. Si autem inquiras, quænam pars determinate tenenda sit? Respondetur nihil ad præsens referre decisionem unius partis præ alia, cum earum alterutra determinata veritas subsistere possit. Arbitramur tamen distinctione opus esse: nam si sermo fit de rebus communiter ad res fidei pertinentibus, sicut a ratione habitus fidei manet homo habitualiter determinatus ex parte potentiarum; ita post primum, aut aliquos ejus assensus species illæ permanent etiam quasi habitualiter coordinatae ad determinandum ex parte objecti, quin opus sit denuo eas ordinare ad credenda mysteria fidei communia, vel alias jam credita; sed solum indigebunt applicatione repræsentationis, quasi habitualis relictæ ex actu, vel actibus antecedentibus. Si vero sit locutio de aliis mysteriis vel non alias creditis, vel magis specialibus, quæ proinde specialiori indigent repræsentatione, recurrendum erit ad omnino novam specierum ordinationem pro assensu elicendo. In quo non est cur amplius immoremur.

Ad confirmationem principalis argumenti, negandum est Antecedens, quod nullo illorum exemplorum suadetur. Non quidem primo: quoniam assensus Theologicus (si semel est entitative, et quoad substantiam supernaturalis, ut de ipso habitu Theologiae non desunt, qui affirment adhuc intra scholam D. Thomæ) non procedit immediate a præmissa ut pure naturali, sed elevata ab aliqua præmissa supernaturali, ipsique inferendo subordinata. Ex quo nihil contra nos, et negatur suppositum illius probationis. Si vero teneatur, nec assensum Theologicum, nec ejus habitum esse supernaturales, nisi ad summum radicaliter, ex ea parte qua petunt supponere fidem, a qua sumant principia ad inferendas conclusiones (quod est probabilius, et communius, intra scholam D. Thomæ), nihil convincitur illo exemplo.

Incide-
tis qua-
tionis
resolu-
tio.

Fit sati-
confirma-
tio.

plo, quia cum conclusio sequatur debiliorum partem, præmissa naturalis infert conclusionem naturalem, et influxus supernaturalis alterius præmissæ impeditur, et quasi retardatur ab inducenda supernaturalitate, in assensm, quem alias inferre poterat. Quod amplius examinare non vacat, sed videri poterunt discipuli D. Thomæ in proemialibus Theologiæ ad quæstionem I primæ partis.

Nec etiam urget secundum exemplum desumptum ab habitibus naturalibus : qnam enim facilitatem præstant, solum conductit proxime ad eliciendos actus naturales ; ad supernaturales vero dumtaxat remote, et indirecte per modum removentis prohibens : quo enim quis magis se exercet in actibus naturalibus virtutis, eo est minus indispositus negative ; quatenus non tot sunt illi impedimenta positivæ gratiæ, quot fuissent, si loco illorum actuum peccata perpetrasset. Non tamen illis disponitur positive ad gratiam supernaturalem. Quod vero subjungitur ex repetitione qnasi eis facilitas naturalis acquiri posset, etiam est falsum, et supra in hoc eodem tract. Disp. 5, num. 191, ex D. Thoma reprobatum : nam actus supernaturales nec habitum naturale acquirunt, nec facilitatem præstant itidem naturale ; sed solum disponunt subjectum ad augmentum habitus supernaturalis, vel intensivum, vel extensivum juxta eorum conditionem. De quo suis locis

104. Ex quibus omnibus duo constare videntur, et quod nullum est caput unde ista sententia fulcitur, quod in ipsam non retrorquetur, ut hactenus visum est : atque ideo eam debilibus niti fundamentis, sive ab autoritate, sive a ratione sumantur. Et quod illa celebris distinctio de partialitate causæ, cum totalitate effectus, quæ excogitata fuit ad hanc sententiam utcumque fundandam, penitus corruit, nec est admittenda, nisi simul ex parte effectus similis divisio accipiatur. Cum enim causa in esse causæ constituatur per virtutem productivam effectus, implicitorum est, virtutem esse partiale, et tamen totum effectum producere; alioqui enim esset, et non esset partialis, esset quidem ut supponitur, vel dicitur : non esset vero, quia habet virtutem ad totum effectum. Unde uno concesso, inconsequenter alterum legitime illarum negatur, ut ostendi potest exemplo materiae et formæ, quæ quia in diverso genere causæ concurrunt, et neu-

tra totum compositum continent, non possunt dici causæ partiales partialitate causæ, quin simul etiam sint partiales partialitate effectus : quocirca esse materiale est proprius effectus materiae, esse vero formale correspondet ut proprius effectus formæ. Ubi adnotare oportet, id ipsum re ipsa docere fautores hujus sententie, quamvis vocibus negare videantur. Ita enim docent actum v. g. contritionis a gratia procedere, quod ut vitalis, et liber ita est a libero arbitrio, quod non sit a gratia, ut vero est supernaturalis, ita est a gratia, quod sub hac ratione nec sit, nec esse possit a libero arbitrio. Gum vero esse *vitale*, esse *liberum*, et esse *supernaturale*, sint prædicta intrinseca actui, et non pure denominations ; necessarium est ipsis, ut consequenter loquantur assignare in actu v. g. contritionis prædicta libero arbitrio convenientia ; et illa, quæ re ipsa gratiæ adscribuntur ; ut proprius effectus unius, et non alterius esse debeant. Ita enim Deus media sua gratia producit supernaturalitatem in actu immediate, quod nequeat producere ejus vitalitatem, et libertatem, et e converso. Ita etiam liberum arbitrium efficit vitalitatem, et libertatem ejusdemmet actus, quod reipsa nullatenus efficere valeat supernaturalitatem. Unde consequens est tam fieri actum illum vitalem, quia homo vult, quam quia Deus vult ; utrique enim æque tribui debet ut causæ partiali eadem conversio : tam impotens namque est Deus ad efficiendum, quod est de libero arbitrio, quam hoc sit impotens efficiendi quod est ex Deo in prædicta sententia. Quocirca devolare oportet illud inconveniens, quod deglutire absurdum habuit D. Augustinus in Enchryridio cap. 32, ad illa verba Apostoli Rom. 9 : *Non est volentis, nec currentis, sed miserentis* : Ubi licet in dissimili causa, sed non absimili materia ita arguebat, et urgebat suos adversarios : *Si propterea dictum est, non volentis, nec currentis, sed miserentis est Dei, tanquam dicetur : Non sufficit sola voluntas hominis, si non sit etiam misericordia Dei, non ergo sufficit sola misericordia Dei, si non sit etiam voluntas hominis : ac per hoc si recte dictum est, non volentis hominis, sed miserentis Dei est, quia id voluntas hominis sola non implet ; eur non e contrario recte dicitur, non miserentis est Dei, sed volentis est hominis, quia id misericordia Dei sola non implet ?* Quæ consequentia necessaria in

Nota ad
versario
rum in
conse
quentiam.

D. Au
gust.

hac sententia concursus partialis voluntatis, et gratiae, si quidem neutra est causa totalis effectus totalitate causae, sed partialis, ut se habent portantes pondus, ad quod sustinendum neuter illorum sufficit.

Idem. Quam vero ingens absurdum hoc sit, docet Augustinus paulo inferius subjungens : *Porro si nullus Christianus dicere audebit, non miserentis est Dei, sed volentis est hominis, ne Apostolo apertissime contradicat. Restat, ut propterea recte dictum intelligatur, non volentis, nec concurrentis sed miserentis est Dei, ut totum Deo detur, qui hominis voluntatem bonam, et preparat adjuvandam, et adjuvat preparatam.* Ergo ex mente, ac sententia D. Augustini in hac materia locum non habet distinctio illa de partialitate causarum quarum quælibet proxime sit insufficiens ; sed tota, et adæquata sufficientia proxime a Deo est, et non a voluntate adhuc partialiter. Alioqui inevitabile est illud inconveniens, quod tanti fuit apud D. Augustinum de quo egimus supra disp. 4, dub. 3, num. 69, ubi plura hoc concernentia occurunt. Concludamus ergo hanc controversiam verbis ejusdem D. Augustini lib. de Prædest. Sanct. cap. 11, ubi radicem hujus sententiae evulsit, et convulsit motivum eam tuendi dicens : *Sed cum dicitur (inquit) si credideris salvis eris, unum eorum exigetur, alterum offertur. Quod exigitur, in hominis, quod offertur in Dei est potestate.* Hæc illi contra quos disputabat Augustinus. Authores vero, quibuscum agimus, non absimiliter dicent : offertur gratia, sed exigitur influxus proprius liberi arbitrii, qui in ejus potestate sit, et ideo dividendus est influxus gratiae ab influxu liberi arbitrii, et concedenda est virtus naturalis proxima pro libero arbitrio, et virtus immediata supernaturalis pro gratia, ut totus actus utrique partialiter respondeat. Quid ad hæc Augustinus? Illos, et istos unico ictu percusit. *Cur non (ait) ultrumque Dei est, et quod jubet, et quod offertur?* Rogatur enim, ut det quod jubet. Rogant credentes, ut sibi augeatur fides. Rogant pro non creditibus, ut eis donetur fides. Et ut eos magis premeret, instat alia paritate contra eandem sententiam : *Sic autem dicitur, si credideris, salvis eris, quemadmodum dicitur : si spiritu facta carnis mortificaveritis, vivebis. Nam et hic ex duobus unum exigitur, alterum offertur. Si Spiritu, inquit, facta carnis mortificaveritis, vivebis. Ut ergo facta carnis mortificemus exigitur : ut aulem*

vivamus, offertur. Num igitur placet, ut facta carnis mortificare non donum Dei esse dicamus, neque id donum Dei esse fateamur ; quoniam exigi audivimus a nobis præmio vita si hoc fecerimus, oblato? Absit, ut hoc placeat participibus, et defensoribus gratiæ. Absit ergo, ut discipulis utriusque S. Doctoris placeat divisio illa partialium causarum in hac materia, juxta quam necesse est asserere mortificationem pœnitentiæ, contritionem, et similis actus prout a nobis non esse donum aut effectum ejus gratiæ. Utrumque enim est donum Dei, et sub gratia cadit, et quod exigitur a nobis ex parte liberi arbitrii, et quod offertur a Deo, quare pro eo quod jubetur, et pro eo quod offertur, rogandus est Deus, ut det quod jubet, et non neget, quod offert.

DUBIUM II.

Utrum virtus pœnitentiæ concurrat effective ad destructionem peccati?

105. Explicato concursu effectivo, qui communis est Pœnitentiæ cum aliis virtutibus supernaturalibus, respectu proprii actus, recto ordine descendimus ad sibi peculiarem, et proprium prout ab illis distinctæ. Et quia proprius finis hujus virtutis est destruere peccatum, ut constat ex supradictis, oportet examinare, in quo genere causæ concurrat ad ejus destructionem. Præcipua vero difficultas reducitur ad genus causæ efficientis, de qua proinde titulus specialiter meminit. Cui occasio nemit dedit Angelicus Praceptor art. 2 hujus quæstionis in sol. ad 3, dum docuit, d. m. quod qualibet virtus specialis formaliter expellit habitum vitii oppositi, sicut albedo expellit nigredinem ab eodem subjecto : sed Pœnitentia expellit omne peccatum effective, in quantum operatur ad destructionem peccati, prout est remissibile ex divina gratia, homine cooperante. Ubi manifeste adscribit S. Doctor virtuti Pœnitentiæ causalitatem effectivam, et quia hæc est duplex, moralis, et physica, idcirco tota difficultas devolvitur ad examinandum. An intelligi debeat de causalitate tantum physica, vel solum de moralis, aut de utraque simul. In quo non una est Authorum sententia, tam inter discipulos D. Thomæ, quam apud alios.

Ante omnia vero supponendum est acutum contritionis non expellerè peccatum formaliter, seu in genere causæ formalis, sed

Supponend:

sed dispositio dumtaxat. Quæ suppositio, quoad primam sui partem est communis apud Theologos contra Vasquez singulariter docentem actum contritionis esse formam formaliter sanctificantem, ut constat ex dictis tract. de Justificat. disp. 2. Ubi prædictam suppositionem statuimus, et Vasquezii fundamenta diruimus.

Secunda vero pars etiam liquet tum ex Concilio Tridentino sess. 14, cap. 4, docente *contritionis motum præparare ad remissionem peccatorum, si conjunctus sit cum fiducia divinæ misericordiæ*. Tum etiam ex iis, quæ diximus eodem tract. disp. 3, dub. 5, in quo asseruimus actus charitatis, et contritionis, quibus ultimo præparatur homo ad justificationem, inter physicas dispositiones annumerari debere, contra aliquos asserentes dumtaxat moraliter ad eam disponere. Hoc ergo supposito, devemus ad decisionem difficultatis propositæ.

§ I.

Sententia D. Thomas pro conclusione statuitur.

Conclu-
sio.Arauxo.
Joan. a
S. Tho-
ma.
Gonet.
Prado
Curiel.
Montesi-
nus.

Ratio.

106. Dicendum est virtutem Pœnitentiæ concurrendem ad expulsionem peccati in genere causæ efficientis moralis, non vero physicæ absolute, et immediate. Hanc assertionem docent magis communiter d. scipuli D. Thomæ, ut videre est apud Arauxo in præsenti art. 2, dub. 2, Joan. a S. Thoma, art. 2. Goneto disp. 3, art. 4. Martinez de Prado de Pœnit. quæst. 86, dub. 9. Eamque ut propriam D. Thomæ elegimus tract. de Justificat. disp. 3, dub. 4, § 5, et tract. de virt. disp. 3, dub. 3, § 4, et alibi suffragantur Curiel 12, quæst. 112, art. 2, dub. 2, ad ultimum. Montesin. ibi quæst. 113, disp. 34, q. 4, § 6.

Ut vero ejus probatio clarius, et efficacior appareat, recolenda sunt, quæ supra diximus in hoc eodem tract. disp. 5, dub. 4, § 6 et 7, ubi explicuimus, qualiter actu contritionis ratio satisfactionis conveniat tam intra, quam extra Sacramentum. Et ea doctrina supposita, formatur conclusionis ratio sub hac forma: Quoties aliqua virtus elicit actum morali er incompossibilem cum aliquo termino, effective moraliter concurrit ad expulsionem talis termini: sed virtus Pœnitentiæ elicit actum contritionis, quæ est incompossibilis moraliter cum peccato: ergo virtus Pœnitentiæ

concurrit in genere causæ efficientis moralis ad expulsionem peccati. Consequentia constat. Major videtur perspicua: nam sicut qui producit formam physice incompossibilem cum alia forma expellit efficienter physice prædictam formam; ita et ob eandem rationem theologizandum est de principio inducente efficienter formam moraliter incompossibilem cum termino, aut forma, vel quasi forma. Minor etiam constat, tum quia actus contritionis non est componibilis cum peccato mortali. Tum quia est satisfactio ex justitia saltem imperfecta pro illo, ut loco nuper citato explicuimus. Tum denique, quoniam actus contritionis procedit a Pœnitentiæ supponente gratiam habitualem in anima, pro aliquo priori. Ut etiam ubi asseruimus, et uberiori prosecuti sumus locis paulo superius allegatis ex tract. de Justificatione.

Confirmatur, et explicatur hoc ipsum: nam satisfactio in ratione satisfactionis pertinet ad genus causæ moralis, quia respicit peccatum, seu injuriam compensandam, quæ est quid morale: sed virtus Pœnitentiæ elicit contritionem sub ratione compensationis et satisfactionis pro offensa Deo irrogata: ergo virtus Pœnitentiæ concurrit in genere causæ efficientis moralis ad exclusionem peccati. Major præter quam quod ex illi inserta probatione liquet, etiam constat ex eo, quod satisfactio in ratione satisfactionis se habet in ordine ad extingendum debitum ex injurya contractum, sicut meritum, vel demeritum ad reddendum debitum præmium, vel supplicium: sed influentia meriti ad præmium, et demeriti ad supplicium est moralis, ut ex omnium sententia supponi debet: ergo etiam satisfactio in ratione satisfactionis petit moraliter influere in compensationem offensæ. Minor vero primi syllogismi etiam constat: quia cum Pœnitentia sit justitia hominis ad Deum, media qua reducitur ad æqualitatem proportionalem inæqualitas inducta per peccatum, ut supra relinquisimus late explicatum; contritio, quæ est ejus actus primarius, et qua Deus homini parcitur pro offensa, nequit non subire rationem aliqualis satisfactionis.

107. Confirmatur, et explicatur secundo præoccupando aliquorum effugium. Quoniam eo potissime satisfactionis ratio foret contitioni deneganda, quia oritur a gratia, ut a principio efficienti, et consequente supponit ablatam maculam peccati, pro qua posset satisfacere: sed hæc ratio non pro-

Confirm-
mat.

Alia.

bat actum contritionis non esse satisfactio-
nem : ergo nec etiam probat virtutem
Poenitentiae non influere moraliter in ex-
clusionem peccati. Major constat ex ipsa-
met adversariorum doctrina. Minor vero
probatur : 1º quia peccatum non exigit sa-
tisfactionem ex ea parte qua est malum
hominis, ipsumque deturpat ; qua ratione
importat maculam, et privationem volun-
tariam nitoris gratiae ; sed ex illa parte,
qua irrogat injuriam Deo, et inducit rea-
tum poenae æternæ, et temporalis : sed in-
ter ablationem maculae media gratiae infu-
sione, et ablationem offensæ media
compensatione, mediat contritio, utclare
docuisse D. Thomam manifestum est ex
supradictis locis citatis : ergo quamvis
contritio supponat pro aliquo priori infu-
sam gratiam, et maculam detersam non
ideo excludi debet a ratione satisfactionis.
Secundo probatur eadem Minor : nam esto
contritio sicut supponit gratiam, et abster-
sam maculam, supponeret etiam ex parte
Dei remissam offensam, ut intenditur in
opposita sententia, adhuc obiret rationem
satisfactionis circa reatum poenæ tempora-
lis remanentis, quem citra dubium præce-
dit contritio : ergo semper salvaretur vir-
tutem Poenitentiae concurrere efficienter ad
expulsionem peccati, ut est a creatura
compensabili. Probatur hoc : nam juxta
eam sententiam ratio injuriæ, et offensæ
non esset compensabilis media satisfactione
creaturæ, si quidem ita est conjuncta infu-
sioni gratiae remissio offensæ, ut ex vi
formalissimæ infusionis gratiae remitteretur
offensa ex parte Dei : sed ad gratiam non
concurrit, nec concurrere posset homo
meritorie; ergo nec ad oblationem offensæ,
et consequenter ratio offensæ non esset
compensabilis a creatura, nec satisfactio-
nem jure posset ab illa extorquere Deus,
sicut nec postulat meritum ad obtinendum
gratiam. Cum vero maneret reatus poenæ
temporalis, hanc dumtaxat intenderet com-
pensare Poenitentia, et hujus respectu obi-
ret rationem justitiae, et satisfactionis, in
quo sensu accipi potest D. Thomas
quæst. 28, de Verit. art. 8 ad 2, ubi in
secunda solutione argumenti ita inquit :
Vel potest dici, quod contritio ad remissio-
nem culpa quoad reatum pœnæ temporalis
se habet per modum causæ efficientis : sed
quantum ad maculam, et reatum pœnæ
æternæ se habet solum per modum dispositio-
nis. Non quia S. Doctor non sentiat pro
ipsa offensa Dei non fieri satisfactionem

media Poenitentia, ut manifestant testimo-
nia locis citatis allegata. Sed quia, esto ita
non esset, adhuc salvaretur efficientia mor-
alis Poenitentiae respectu peccati sub ea
ratione sub qua esset compensabile : et
solum exigeretur pro eo compensatio in
eo casu quoad reatum poenæ temporalis.

Confirmatur tandem ad hominem contra Alter:
Suarez : Nam ut ipse concedit, actus qui
est expressa voluntas compensandi, effec-
tive concurrit ad expellendum peccatum,
eo quod imperat actum doloris, et detesta-
tionis : sed actus contritionis est expressa,
et exercita voluntas compensandi, et est
ipsem dolor, et detestatio compensans :
ergo potiori titulo, quam voluntas illa
antecedens, debet concurrere efficienter ad
expellendum peccatum.

108. Quod vero Poenitentia non concur-
rat ad prædictam expulsionem in genere
causæ efficientis physicæ, et immediate
(quæ est secunda assertionis pars), osten-
ditur primo, quia nullum agens effective
physice expellit formam aliquam, quin ef-
fective physice producat in subjecto formam
aliam physicæ incompossibilem cum forma
expellenda : sed virtus Poenitentiae media
contritione non producit, nec producere
valet formam aliquam physicam physicæ
incompossibilem cum peccato : ergo non
expellit physicæ peccatum. Consequentia
infertur ex præmissis. Major constat in-
ductione omnium agentium naturalium, imo et ipsius authoris supernaturalis. Mi-
nor vero probatur : quia virtus Poenitentiae
media contritione non producit gratiam
sanctificantem in anima, nec aliam formam
positivam incompossibilem cum peccato,
quæ non est assignabilis : ergo virtus Poen-
itentiae non producit efficienter physicæ
formam physicæ incompossibilem cum pec-
cato. Ratio a priori hujus probationis est :
quia nullum agens inquantum agens in-
tendit per se primo carentiam, seu expul-
sionem ; si quidem operatur secundum
quod est in actu ; quocirca non est dabilis
corruptio, quam non comitetur generatio :
terminus vero generationis est forma, quæ
tribuit speciem nedum effectui, sed etiam
ipsi generationi, seu productioni.

Alia
assertio
nis par
ostend
tur.

Secundo probatur eadem assertionis pars :
quia peccatum solum potest physicæ effi-
cienter destrui media Poenitentia, vel ratione
peccati actualis non retractati, sed moraliter
perseverantis, vel ratione maculae ha-
bitualis, vel ratione offensæ, aut injuriæ
Deo irrogatæ : sed nullo ex his modis po-
test

test destrui physice efficienter a Pœnitentia media contritione, aut aliquo ejus actu : ergo peccatum non expellitur physice efficienter in prædicto sensu a Pœnitentia. Probatur Minor quoad singulas partes : in primis peccatum actuale jam præcessit, et solum moraliter perseverat : quare eodem modo, quo est, dumtaxat potest destrui, non vero modo, quo non est : nam quod non est non potest destrui : sed peccatum actuale supponitur non esse physice; ergo non nequit physice destrui media contritione. Nec etiam quoad rationem maculæ, quia hæc est in anima, et actus Pœnitentiæ in voluntate; voluntas autem non agit effective physice in animam. Præterquam quod macula jam supponitur expulsa pro aliquo priori ad Pœnitentiam, et contritionem, ut dicebamus, media infusione gratiæ, quam contritio efficere nequit, ut est actus virtutis. Tandem offensæ ratio nequit expelli nisi moraliter, cum non alium esse habeat præter esse morale. Præsertim, quia nulla potentia fieri valet Deum ex concursu, seu influxu creaturæ aliqua affi forma physica denuo addita, ut indemnis, et illibata servetur summa ejus immutabilitas; nec apparet, qualiter influxus nostræ voluntatis physice expellere possit injuriam divinam, moraliter juxta prudentum æstimationem existentem in Deo.

109. Sed contra primam assertionis partem, et ejus probationes objicies æque probare habitum, et actum charitatis expellere peccatum in genere causæ efficientis moralis : hoc autem est falsum, et contra D. Thomam in illa solutione ad 3, in qua Pœnitentiæ soli detulit vim efficienter expellendi peccatum : ergo tam assertio quoad illam partem, quam ejus fundamentum sunt falsitati obnoxia. Assumptum Majoris probatur. Nam habitus charitatis pro illo eodem priori, quo disponitur homo ad remissionem peccatorum, elicit actum dilectionis Dei super omnia, qui est prorsus cum peccato incompossibilis, imo est radix totias incompossibilitatis cum peccato; cum attingat Deum sub ratione ultimi finis; quod reliquarum virtutum actus non habent, nisi ex influxu charitatis : alias prædictus actus est etiam satisfactorius, et æque potens movere divinam voluntatem ad destructionem peccati : ergo etiam æque a Pœnitentia concurrit effective ad destructionem peccati efficientia morali. Præsertim cum actus charitatis in Deum sit prior actu contritionis, ut constat ex D. Thoma in

hac quæst. art. 6, ubi docet motum liberi arbitrii in Deum præcedere naturaliter motum liberi arbitrii in peccatum, ideoque primum actum esse rationem, et causam secundi.

Respondetur tamen negando illationem Solvitur. Majoris, et ad ejus probationem concedimus totum, quod in ea continetur, de compostibilitate actus charitatis cum peccato, de præcedentia, et causalitate prædicti actus ad actum contritionis; sed negamus Consequentiam. Et ratio differentia sumitur ex supra non semel ostensis, et enucleatis : nulla quippe virtus ex proprio, et intrinseco motivo intendit satisfacere pro peccatis, nisi Pœnitentia, quæ sola est justitia hominis ad Deum, et collimat in reconciliationem divinae amicitiae, media destructione peccati, et aliquali pro ipso satisfactione. Charitas vero quamvis detestetur peccatum, sitque cum ipso incompossibilis, non id præstat ex motivo prædicto, sed ex alio universaliori bonitatis divinæ in se ipsa, quam summe diligere intendit. Unde actus charitatis ex sua specie, et motivo intrinseco non est satisfactorius, ut explicuimus supra exemplo Angelorum, in quibus splenduit ferventissima charitas ejusdem rationis cum nostra etiam ante illorum beatitudinem ; nulla tamen in illis fuit, aut esse potuit satisfactio. Quare ut actus charitatis satisfactorius evadat, debet imperari ab ipsa Pœnitentia in nobis, vel a justitia commutativa, ut in Christo, qui ut nostri fidejussor tenebatur ad satisfaciendum. (Quo simul occurrimus tacite objectioni.) Unde licet actus charitatis moveat Deum ad depонendam offensam, et condonandam injuriam ; si tamen non interveniret actus Pœnitentiæ imperantis, non remitteretur per modum compensationis, et aliquali justitia ex parte hominis, licet deficiente, modo supra explicato. Atque ideo non expellit peccatum effective. Quam solutionem, et disparitatis rationem hausimus ex D. Thoma in 4, dist. 14, quæst. 2, art. 4 ad D.Thom. 2 ita asserente : *Nec quælibet virtus habet actum ordinalum ad prædictam æqualitatem inter Deum, et hominem restituendam, ut dictum est. Et ideo oportet, quod quælibet virtus peccata remittat. Hoc enim Pœnitentiæ convenit, non in quantum est virtus simplificiter, sed in quantum est virtus quædam.*

110. Nec refert, si iterum objicias : Causa efficiens moralis nequit per se primo, et immediate terminari ad parentiam, seu non esse, non secus ac causa efficiens phy-

Alia
objectione.

sica, eo quod unumquodque operatur, secundum quod est in actu : sed hac ratione diximus Pœnitentiam non posse concurrere efficienter immediate ad destructionem peccati in ordine physico : ergo eadem ratione dicendum est nec etiam moraliter effective destruere peccatum. Vel si hoc semel asseritur, quin obstet illud principium; pariter non oferit ad hoc ut voluntas physice efficienter excludere valeat peccatum.

Dispellitur.

Non, inquam, refert hæc objectio. Et disparitas est, quia remissio peccati in ordine morali est maximum bonum utpote quod includit reconciliationem hominiscum Deo, et acceptationem divinam, vi cuius deponitur injuria ex parte Dei offensi per peccatum, et ideo queit creatura sub divina gratia conari ad destructionem prædictæ offensæ in genere causæ efficientis moralis media sui contritione, et conversione ad Deum. In quo profecto non intendit per se primo carentiam, aut privationem aliquam, sed potius ablationem privationis, et carentiæ, quam inducit peccatum sub utraque ratione, et maculæ, et offensæ : nam ut constat ex dictis tract. de Justificatione disp. 1, dub. 1, peccatum habituale ex parte recti est privatio gratiæ, et solum ex parte connotati, et obliqui importat actum, ut causam, a qua privatio illa redditur voluntaria, et ut disserimus tract. de Incarnat. disp. 1, dub. 2, sub ratione offensæ etiam importat privationem moralem juris divini, seu ipsius Dei sub ratione ultimi finis, quam subtrahit Deo, et collocat in creatura. Quapropter in ordine morali remissio peccati, seu non esse illius licet explicetur terminis negativis, potius importat carentiam carentiæ, seu privationem privationis, quod est quid positivum, quam puram negationem, ideoque nihil mirum in ejus destructionem collimare virtutem Pœnitentiæ media satisfactione contritionis.

At vero ad concursum physicum in genere causæ efficientis directe, et immediate, qui sit absolute, et simpliciter talis, requiritur quod physice efficiatur aliqua forma, qua expellatur contraria, et inducatur ejus carentia. Non enim apparet qualiter agens physice efficiat ratione formæ, quin ex parte effectus splendeat aliquid physice causatum medio prædicto influxu, ut inductione, et ratione constat : quocirca in remissione qualitatum, quæ est species alterationis, condistincta ab earum intentione, non assignant Philoso-

phi non esse majoris intentionis præcise, quo pacto est negatio, et terminare nequit influxum positivum immediatum, et directum ; sed assignant modum positivum determinatum, vel qualitatibus contrariae, vel ipsis, quæ remitti dicitur, ex quo sequatur non esse modi intensioris alterius oppositæ. Cum vero influxus physicus virtutis Pœnitentiæ potissime, ac primario explicetur in contritione, qua se homo disponit ad remissionem, et compensacionem peccati; et hoc sive ex parte maculæ, sive ex parte offensæ consistat in privatione : aliunde vero supponatur infusa gratia tam ad prædictam virtutem, quam ad ejus actum; relinquitur neutiquam proprie influere posse nisi in remissionem offensæ, quam pro priori aliquo præcedit, et in reatum pœnæ temporalis permaneutis adhuc obtenta remissione, consequenterque ejus influxum non posse non esse moralem.

111. Sed instabis, et dices adhuc : Ad salvandam efficientiam physicam virtutis Pœnitentiæ in peccatum sufficit influxus in actum contritionis : sed hujusmodi influxus est physicus : ergo virtus Pœnitentiæ physice influit in destructionem peccati. Cætera constant præter Majorem, quæ sic probatur : nam eo ipso quod influat effective in actum contritionis, destruit effective eodem concursu, quidquid opponitur, et est incompossibile cum actu contritionis ; sed peccatum est incompossibile cum actu contritionis : ergo ex vi ejusdem influxus physici, quo elutitur actus contritionis, destruitur physice peccatum. Præserim cum actus contritionis non sit dumtaxat dispositio moralis, sed etiam physica gratiæ, ad eamque ultimate physice hominem præparat : atque ideo ex vi ejusdem influxus effectivi debent excludi, quæ ipsi contritioni repugnant.

Respondetur ad objectionem negando Majorem cuius falsitas constat ex eo ; nam hoc quod est Pœnitentiam physice efficere proprium actum, est prædicatum ipsi commune cum aliis virtutibus, in quo proinde non magis explicatur destrutio peccati, quam in aliis. Pœnitentiæ enim non competit destruere vel physicæ, vel moraliter peccatum ex ratione sibi, et aliis communis, ut paulo ante nos docuit D. Thomas : sed ex ea parte, qua effective exhibet compensationem pro peccato, in quo non est reperire, nisi privationem voluntariam gratiæ, et offensam irrogatam Deo,

ad

Satisficio.

ad quam tollendam nequit concurrere nisi moraliter; cum satisfactio sit ordinis moralis, et non nisi moraliter compensanda. Porro ad hujusmodi compensationem hoc modo exhibendam, verum est desiderari, ac præsupponi debere influxum physicum voluntatis in actum: sed aliud est iste influxus, aliud modus causandi competens influxui: primum est quid physicum, secundum est quid morale, ut constat in re non a modum dissimili. Nam aliud est ad meritum vitæ æternæ prærequiri influxum physicum voluntatis, ac gratiæ, per ordinem ad quas est quid physicum actus meritorius; aliud vero, quod actus meritorius influat physice in præmium, vel modus concurrendi sit physicus. Et licet primum sit omnino verum, secus vero secundum, nec iste ex illo deducitur. Stat ergo Pœnitentiam influere physice in actum contritionis, et quod actus contritionis solum influat moraliter in exclusionem peccati, Unde constat ad probationes inducetas negatæ propositionis, et ad primam dicas Pœnitentiam ex vi illius influxus solum destruere effective, quod non supponit destructum in peccato; hoc vero solum est ratio offensæ in sensu explicato, et reatus pœnæ temporalis; non vero ratio maculæ, quam delere pertinet ad gratiam, et non ad actum contritionis consecutum ad infusionem gratiæ. Ad secundam respondetur ita esse, quod sit dispositio physica; sed hæc dispositio physica respectu gratiæ, solum influit moraliter in offensam, ut clare docet D. Thomas in 4, dist. 14, quæst. 2, art. 1, quæstiunc. 1, in corpore omnino videndum.

§ II.

*Diversæ sententiaz referuntur,
et refelluntur.*

Prima intentia 112. Conveniunt Theologi in eo, quod pœnitentia omnia peccata deleantur; sed circa modum ea excludendi non est unus eo um sensus, sed in varios abeunt dicendi modos, quorum præcipui sunt duo. Primus fuit Scoti in 4, dist. 14, quæst. 2, artic. 2, docentis Pœnitentiam medio proprio actu disponere tantummodo ad remissionem peccatorum, absque ullo alio influxu effectivo. Qui dicendi modus deinde arrisit Vasquio ad art. 2 hujus quæst. dub. unico, ubi solum habitui adscribit influxum, actui vero tribuit dumtaxat vim

disponendi, imo et justificandi. In quo nec vere, nec consequenter processit: quoniam effectus formalis formæ sanctificantis non deferriri debet ejus dispositioni; atque ideo si actus contritionis est dispositio ad formam justificantem, nequit esse forma formaliter justificans. De quo tract. de Jus-
tificat. Quod idem docuerat 1, 2, disp. 111, cap. 7, et tenet Suarez in præsenti disp. 8, sect. 3, et insinuasse visus est Ferrara 4, contra Gentes cap. 72, § istis præmissis, prope finem commentarii illius capit. Pro qua sententia

Arguitur primo: nam actus Pœnitentiae tantum concurrit dispositio ad infusionem gratiæ sanctificantis: ergo eodem, et non alio concursu, influit in remissionem peccati. Antecedens constat ex Concilio Tridentino sess. 6, cap. 6, ubi actibus pœnitentis tantum defertur causalitas dispositiva in gratiam, et expresse etiam docet D. Thomas innumeris in locis passim obviis. Consequenta vero probatur, si quidem in eodem genere causæ, in quo causa influit ad introductionem formæ, concurrit ad exclusionem oppositæ, ut inductione constat: ergo si actus contritionis solum concurrit dispositio ad introductionem gratiæ sanctificantis; in eodem, et non alio concurrit etiam ad exclusionem peccati oppositi.

Respondetur ad argumentum, conce-
dendo Antecedens, et negando Consequen-
tiam, quam non evincit probatio, quæ
solum tenet respectu formæ excludendæ
prout se tenet ex parte subjecti, et oppo-
nitur subjective formæ introducendæ; non
autem est vera, loquendo de termino ex-
trinseco, illato, et connotato a forma ex-
pellenda: hic enim, si etiam auferri debet,
ut denuo forma introducatur, admittere
potest diversum influxum. Quod patet ad-
huc in humanis, ubi ad reconciliationem
amicitiae ob damnum illatum non sufficit
offendenti apponere actum benevolentiaæ,
qui alias posset amicitiam vel tueri, vel
denuo stabilire, vi cuius excluderet actum
oppositum inimicitiaæ; sed insuper deside-
ratur concursus effectivus, quo damnum
illatum restituat, vel honorem deferendo,
vel rem ablatam suo domino vindicando.
Cum ergo in peccato ultra deformitatem,
seu malitiam se tenentem ex parte pecca-
toris sit etiam injuria se tenens ex parte
Dei, quæ est terminus extrinsecus, et con-
notatus a peccato, et ipsi extrinsecus;
hinc fit ex vi illorum actuum, quibus se
homo ad Dei præparat gratiam, excludi-

Primum
argu-
mentum.

Concil.
Trid.

Solutio.

quidquid ipsi contradicit ex parte deformitatis, et malitia se tenentis ex parte hominis peccantis; quin alias influxus ex vi hujus desideretur. Atque ideo sicut ad infusionem gratiae solum dispositivum concurrit, ita et ad omnes effectus formales, vel quasi formales ipsius, mediis quibus excluduntur oppositi. Ceterum quia ratio injuriæ est extrinsecæ homini, et intrinseca Deo, ad hujus expulsionem necessarius est influxus effectivus, qui directe versetur contra injuriam per modum compensacionis, et satisfactionis. Quocirca tam Concilium Tridentinum, quam D. Thomas et alii Theologi ultra motum liberi arbitrii in Deum, medio quo convertitur homo ad ultimum finem sibi præstitutum, et consequenter excludit aversionem ab alio ultimo fine, requirunt in justificatione motum liberi arbitrii in peccatum, quod quidem necessarium non fuit nec in Angelis, nec in Christo, nec in aliis nulla labe peccati gravis infectis.

*Urgens
replica
ex D.
Thoma.*

113. Sed contra hanc solutionem, quæ est, et esse debet communis discipulis D. Thomæ, quamlibet sententiam tueantur, militare videtur alia ejusdem S. Doctoris supra in hoc eodem dubio relata ex quest. 28 de veritate articul. 8 ad 2, ubi in prima solutione adscribit contritioni, quod concurrat efficienter ad expellendum peccatum, quatenus continet Sacramentum in voto. In secunda vero, quam subjunxit immediate affirmat ad remissionem maculae, et reatus poenæ æternæ se habere solum per modum dispositionis, ad reatum vero poenæ temporalis per modum causæ efficientis. Verba hujus solutionis secundæ, quæ præferenda videtur, dedimus supra num. 110. In neutra vero consonat D. Thomas doctrinæ traditæ: nam in prima totam vim effectivam detulit Sacramento in voto, quasi sine illo nulla suppeteret contritionis vis effectiva: in secunda vero, quam agnovit, fuit respectu poenæ temporalis, amanda pro rorsus, quam deferimus respectu offendæ. Ergo vel sibi met est adversus Angelicus Praeceptor in hac 3 p. et alibi plures; quod non est dicendum: vel nos ipsi adversamur, quod videtur verius.

*Respon-
sio ex
Arauxo.*

Nec refert, si cum Arauxo respondeas, particulam *solum* qua usus fuit D. Thomas, et excludi videtur quilibet aliis concursus effectivus, non excludere a concitantibus, sed supponere, et includere: subindeque quamvis D. Thomas dumtaxat

concursum dispositivum expresserit pro contritione; non idcirco ablegavit concursum moralem effectivum annexum illi primo.

Nam contra est: quoniam illa explicatio distinctionis exclusivæ, quam veram esse absolute, et ex terminis nemo ibi inficias, quoad præsens non bene applicatur. Et ratio est: quia prædicta expositio solum tenet in per se comitantibus, et expresse non exclusis; ut si diceres: *Homo tanquam rationalis*, non inde bene inferretur: ergo homo non est risibilis, et quod in ipsamet rationalitate includitur radix risibilitatis comitantis rationabilitatem. Ceterum non habet locum hic sensus, quoties alterum prædicatum excluditur ab uno, et attribuitur alteri, ut si assereret: *Homo tanquam rationalis, et non est discursivus*. in qua locutione nequit quam adscribi deberet homini discursus, si vera esset illa propositio cum dictione exclusiva. Constat autem Angelicum Praeceptorum ita distribuisse influxus in contritione, quod pure dispositivum detulit ipsi tum ad gratiam, tum ad remissionem poenæ æternæ annexam infusione ejusdem gratiae; influxum vero effectivum illi adscripsit respectu solius poenæ temporalis, et consequenter manifeste exclusit circa poenam æternam; alioqui enim futilis, et pro rorsus nulla fuisset distributio illa, ut est perspicuum: ad utrumque enim concurret dispositivum, et efficienter contritio respectu poenæ æternæ. Quare illa expositio præterquam quod est omnino voluntaria, ut dissona menti D. Thomæ rejicienda, et repellenda est.

114. Nec hujus impugnationis robur elevatur dicendo, tum S. Doctorem eatenus negasse contritioni concursum effectivum respectu poenæ æternæ, quatenus haec sequitur ex malitia actus peccaminosi; sed illum asseruit respectu ejusdem poenæ æternæ, quatenus haec consequitur ad offenditam divinam. Quod est assereret prædictæ poenæ reatum consequi ad malitiam, et ortumducere etiam ab offensa; et ex primo capite concessit illi D. Thomas concursum dumtaxat dispositivum, quem exerceat circa gratiam ut excludentem maculam: ex secundo vero adstruxit etiam effectum, quo viget respectu offendæ. Tum dictionem illam exclusivam *solum*, quæ usus fuit Doctor Angelicus, cadere supra totum copulatum, seu complexum; non tamen respectu unius partis filius. Unde sensus

*Non
tisca*

*Alliorum
respon-
siones*

sensus est, respectu expulsionis maculæ, et simul reatus poenæ æternæ, Pœnitentia non concurrit effective, sed dispositive in genere causæ materialis. Cum quo tamen stat concursus effectivus ratione solius offendæ ut excludendæ.

Nisi maluerit, cui neutrum horum arri-
serit, D. Thomam in predicta solutione ad 3 hujus articuli, correxisse sententiam in illa quæstione de veritate edoctam, cui proinde standum non est.

Non [inquam] ulla harum responsionum infringitur vis factæ impugnationis. Non enim potuit D. Thomas vel interrogatus clarius respondisse contritionem ad expulsionem maculæ, et reatum poenæ æternæ solum dispositive se habere; et dumtaxat ad exclusionem reatus poenæ temporalis efficienter concurrere. Ubi clare distinxit inter partes totius complexi, et determinate negavit de una, quod alteri concessit: non est ergo locus distinctioni illi de toto complexo, et de ejus parte, quasi quod toti negaverit, illud parti concesserit: adhuc enim opus erat asseruisse absolute ad exclusionem peccati se habere contritionem pure dispositive; et inde descendenter ad partes, vel quasi partes ipsius peccati distinguendo unam ab alia, et concedendo alicui, quod non conveniebat toti. Quo contra se gessisse Angelicum Doctorem manifestum est: nam primo distinxit peccatum, quoad maculam, et reatum poenæ æternæ, et respectu hujus partis concessit influxum pure dispositivum: deinde meminit reatus poenæ temporalis, cui ut excludendo media contritione assignavit concursus effectivum Pœnitentiæ. Non est ergo fundamentum in littera D. Thomæ ad illam secundam glossam, sed ut voluntaria rejicienda est.

Et eadem perspicuitate repellitur prima. Nam reatus poenæ æternæ non fundatur indifferenter, et quasi promiscue in malitia, et in offensa; sed determinate respicit alterutrum illarum, a qua ortum ducere debeat. Si ergo nitatur malitiæ peccati, quidquid sit de offensa, non aliud concursum attribuit S. Doctor contritioni respectu poenæ æternæ excludendæ, quam respectu maculæ, quem docet esse dispositivum, et reduci debet ad genus causæ materialis. Si vero sequatur ad offensam; idemmet influxus, quo contrito expellit offensam, ex consequenti porrigi debet ad excludendum reatum poenæ æternæ, consequenterque vel ad utrumque, vel ad neutrum se

habere debet per modum causæ efficientis. Praeterquam quod, sive unum, sive alterum sustinendum sit, et quodlibet eorum eligatur, propositio negativa D. Thomæ semper est falsa, et contra S. Doctorem diserte asserentem quantum ad maculam, et reatum poenæ æternæ contritionem se habere solum per modum dispositionis. Nam juxta quamlibet earum verum est ad reatum poenæ æternæ non se habere solum dispositive, sed etiam efficienter nostram pœnitentiæ, quod est contradictorium propositionis D. Thomæ.

115. Illa ergo solutione in sua probabilitate relicta, vera intelligentia S. Doctoris aliunde petenda est. Ut vero eam perspicue tradamus, supponenda est ipsius doctrina ex 1, 2, quæst. 87, articul. 4, ubi affirmat, quod ex parte aversionis respondet peccato pœnae damni, quæ est infinita: est enim amissio infiniti boni, scilicet Dei: ex parte vero inordinata conversionis respondet ei pœna sensus, quæ est finita. Et ratio est clara: nam pœna æterna nihil aliud est ex parte recti, quam privatio visionis beatificæ, quam pœnam damni communiter appellamus. Unde sicut visio beatifica radicatur in gratia, quæ est semen gloriæ, ita ejus privatio ortum ducit ex parentia, seu privatione gratiæ proveniente ex aversione a Deo. Quare pœna æterna, seu damni directe oritur ex macula peccati avertentis hominem a Deo ut suo ultimo fine supernaturali. Non vero correspondet offendæ prout se tenet ex parte Dei, ut etiam est expressa doctrina ejusdem S. Doctoris in 4, dist. 46, quæst. 1, artic. 3 ad 6, ubi asserit, quod pœna proprie loquendo correspondet peccato secundum inordinationem, seu malitiæ, quæ in ipso peccato invenitur; non vero secundum dignitatem ejus, in quem peccatur. Et quia offensa formalis non est malitia moralis, quam supponit, sed quædam lœsio, et injuria irrogata personæ offendæ, ad cuius reparationem non ordinatur per se primo pœna: sed satisfactio, et restitutio: idecirco in doctrina D. Thomæ nec pœna temporalis, nec æterna per se primo, et formaliter debetur offendæ, sed una, et altera exigunt pro malitia, et deordinatione actus, sicut satisfactio, et restitutio exiguntur pro offensa. De quo tract. de Peccatis disp. 17, dub. 3 et 4. Ubi hanc doctrinam fusius prosecuti sumus.

Ex ea vero haud obscure depromittur vera intelligentia predicti testimonii. Quia cum locutio D. Thomæ semper fuerit præ-

Legitima
intelli-
gentia
D.Thom.

cisiva, et valde formalis pro materiæ, de qua agebat, exigentia, cum distinxisset in peccato maculam, seu malitiam ex parte conversionis, et aversionis, necnon injuriam ex parte Dei et cuique eorum munerum proprium terminum destinaverit, ut modo ex ipso audivimus. Hinc in prædicto testimonio in contrarium allegato, merito asseruit contritionem se habere solum dispositive ad excludendum reatum pœnæ æternæ, consecutum ex macula, seu malitia peccati, ad quam amovendam hoc solum modo se habere eandem contritionem constans est S. Doctoris, et discipulorum sententia; quidquid sit de ejus influxu ad auferendam, et compensandam offensam, quod explicare non fuit necessarium ad intentum argumenti, et illius articuli, cui titulus erat: *An in impii justificatione motus liberi arbitrii gratiæ infusionem præcedat?* Porro in ejus corpore statuit D. Thomas gratiam non expellere peccatum effective per aliquam actionem medium, quæ procedat a gratia, utpote ex quo sequeretur peccatum, et gratiam simul existere pro aliquo instanti. Et ad hoc vitandum docuit solum illud expellere in genere causæ formalis, et motus liberi arbitrii anteire in genere causæ materialis. Ultra quam præcedentiam intendebat argumentum aliam in genere causæ efficientis respectu maculæ peccati, et pœnæ æternæ ipsi annexæ, quasi actus contritionis non posset effective procedere a gratia, quam præcedebat in prædicto genere materialis causæ dispositivæ ex parte hominis. Et hoc negavit D. Thomas, et dixit respectu maculæ et pœnæ æternæ solum se habere contritionem per modum dispositionis physicæ, non vero efficienter juxta sensum articuli. Quod verissimum est, et libenter concedimus cum Angelico Præceptore: si quidem ut constat ex nuper observatis ex eodem D. Thoma, ad hoc non exigitur ulla satisfactio, nec restitutio; sed solum correspondet pœna luenda, et temporalis, et æterna juxta distributionem ibi factam. Cum hoc tamen bene cohæret eandem contritionem sumptam in esse dispositionis, ut sic dicamus moralis compensantis, ac satisfacientis concurrere efficienter moraliter ad exclusionem prædictæ offensæ, quatenus eam eliciendo effective offertur Deo satisfactio possibilis homini, ut docuit in hac 3 p. et alibi sepe; quin opus sit recurrere ad retractationem ad quam tandem refugit Arauxo. Et ita omnia conso-

nant. Quod vero hæc sit mens D. Thomæ liqueat ex ipso articulo, neconon ex solutione ad 5, ex argumentis *sed contra*, ubi docet, quod dispositio non facit aliquid formaliter, aut effective, sed materialiter tantum, in quantum per dispositionem materia efficitur congrua ad receptionem formæ. Et sic contritio facit ad gratiæ infusionem in eo qui culpam *habet*. Ubi clare loquitur de gratia prout se tenet ex parte hominis se disponentis, et de culpa, ut est illius privatio; non vero meminit offensæ, et satisfactionis pro illa, utpote non idoneis ad solutionem argumenti.

416. Sed dices. Si ita res esset, non vere docuisset D. Thomas se habere contritionem efficienter ad remissionem pœnæ temporalis. Consequens non debet admitti, utpote contra D. Thomam: ergo nec solutio tradita, ut de ejus mente admittenda est. Probatur Major. Nam poena temporalis, sed reatus at illam sequitur ad malitiam peccati, non minus quam reatus pœnæ æternæ: sed quia pœna æterna, seu reatus ad illam sequitur ad militiam, nequit ad illam efficienter concurrere contritio per modum satisfactionis: ergo idem dicere debuit Angelicus Præceptor de poena temporali, seu ejus reatu. Quod tamen constat esse falsum.

Respondetur negando Majorem, quam non evincit probatio inducta, quia licet pœna temporalis, seu sensus sequatur ad inordinatam conversionem, sicut pœna damni ad aversionem a Deo, et in hoc sit convenientia; est tamen disparitas inter modum, quo una, et altera excludi petit: nam prima penitus non remittitur cum peccato, sed post adeptam justificationem, et obtentam gratiam adhuc remanet reatus ad luendam pœnam correspondentem deordinationi affectus circa res sensibiles juxta illud: *Quantum glorificavit se, tantum date illi tormentum.* Apocalys. 18. Quocirca in præsenti, vel in futurum tantum supplicii sustinendum est, quanta fuit inordinata peccati usura, sive hoc fiat vel media nuda sustinentia pœnæ, ut accidit in Purgatorio, vel media satisfactione pœnali. Ob quam rationem loco supra allegato de Peccatis observavimus multoties satisficeri offensæ per pœnam vel hujus reatum non semel satisfactione in hac vita purgari. Et ex hoc capite, cum contritio præcedat non solum natura, sed etiam tempore remissionem pœnæ temporalis, jure optimo potuit asserere D. Thomas contritionem efficienter se habere ad remissionem pœnæ temporalis.

Et

Et re vera ita est : quia media contritionis pœna voluntarie assumpta nedum exhibetur Deo satisfactio pro offensa; sed etiam pro pœnæ temporalis reatu permanente. Cæterum reatus pœnæ æternæ tam intimus est peccato quoad incurri, et etiam excludi, ut in eodem signo, in quo est peccatum, vel incursum, vel exclusum, adesse debeat. Cum vero malitia peccati in sententia D. Thomæ satis manifesta excludi debeat proprio i ad actum contritionis media infusione gratiæ ; sicut hanc solum præcedit in genere causæ materiais, non vero efficientis : ita et remissionem prædictæ pœnæ anteit dum taxat ex parte subjecti, seu quod idem est, in genere cause materialis dispositivæ. Ideoque optime cohæret concursus effectivus contritionis in pœnam temporalem ; cum tamen illi repugnet idem concursus in gratiam, et in reatus illius exclusionem.

Argu-
men-
tum 2

117. Secundo arguitur ex eodem D. Thoma, et evertitur solutio tradita : nam justificatio impii, et remissio culpæ sunt effectus solius gratiæ operantis ; sed ad effectum gratiæ operantis solus Deus concurrit effective : ergo ad remissionem peccati solus Deus concurrit effective, subindeque actus Pœnitentiæ ad summum se habere poterit dispositive. Utraque Consequentia constat. Majore est doctrina D. Thomæ 1, 2, quæst. 111, art. 2, nec non in hac 3 p. quæst. 86, art. 4 ad 2. Minor etiam constat ex eodem S. Doctore loco immediate citato ex hac 3 p. ubi expresse affirmat remissionem culpæ, et reatus pœnæ æternæ esse effectum solius Dei, et ejus gratiæ ut operantis ; remissionem vero pœnæ temporalis pertinere ad gratiam cooperantem cum libero arbitrio : ergo juxta D. Thomam actus Pœnitentiæ non concurrit effective, sed tantum dispositive ad remissionem peccati ; si quidem ejus efficientia solum tendit ad extinguendum reatum pœnæ temporalis, remanentem post infusam gratiam, et exclusum peccatum

vitor. Respondetur ad argumentum ex dictis dub. præcedenti, et loco ibi citato ex tract. de Gratia, ubi explicuimus ex Angelico Præceptore propria munera gratiæ operantis, et cooperantis, quæ recolenda sunt. Gratia ergo operans usurpatur dupliciter a S. Doctore; vel proprie, et hoc modo importat auxilia transeuntia subito moventia hominem ad operationem liberam, sed non deliberatam, utpote ex præcedenti judicio non oram. Vel non ita proprie, et stricte, sed magis late, quatenus dicit gratiam ha-

bitualem, et virtutes, ac dona eam inse-quentia, et comitantia, prout descendunt a Deo, et ex ejus parte se tenent : quo pacto convertunt Deum, ut ita dicamus ad creaturam, sed ex vi hujus creatura non intellegitur conversa in Deum : quippe quæ non convertitur in creatorem actualiter absque proprio actu dilectionis Dei, et motum contra peccatum, ut expresse affirmat Angelicus Præceptor locis in contrarium allegatis, et alibi sæpe. In quo nullus ejus discipulus hærere poterit, si vere discipulus est. Ex quibus hanc secundam acceptionem elegit D. Thomas accipiendo gratiam operantem pro gratia habituali, ut se tenet ex parte Dei, et peccatum prout se tenet ex parte hominis, et importat maculam, et aversionem ab ipso Deo. In quo sensu docet a sola gratia profici remissionem peccati ad quam proinde nequit homo concurrere effective, sed tantum dispositive, libere eam acceptando, et ad ejus receptionem se præparando. Quod verissimum est, et illud sæpe cum S. Doctore asseruimus. Quia tamen adhuc peccatum se tenet ex parte Dei, cui irrogavit injuriam, ad hanc amovendam exigitur motus pœnitentis in ipsum, vi cuius ipsamet gratia, quæ sub relata consideratione dicebatur operans, est, et vere dicetur cooperans cum ipso libero arbitrio operante, et etiam cooperante; idcirco adhuc posita prima illa remissione peccati inadæquata, suppetit locus influxui Pœnitentiæ effectivo contra injuriam se tenentem *ex parte* Dei ; licet sit solum dispositivus, et quasi materialis ad primam, et quasi partiale remissionem.

118. Porro id ita accipiendum, et intellegendum esse, vel ipsem arguens fateri tenetur, nisi velit etiam repellere ab actu contritionis rationem dispositionis in justificationem. Nam ad gratiam operantem stricte sumptam, et prout movet ad actum indeliberatum absque præcedenti judicio rationis, nulla ex parte hominis præcedit dispositio, alias daretur processus in infinitum, quod est vitandum : ergo si loqueretur D. Thomas de gratia operante sub hac stricta acceptance, non solum exclusisset concursum effectivum Pœnitentiæ, sed etiam dispositivum : quando quidem in ejus sententia actus Pœnitentiæ non procedit a solo auxilio transeunte, sed etiam a gratia sanctificante, ut modo supponimus, et supponi debet ab omnibus, qui, ut par est, salvare conantur in Pœnitentia veram

justitiae rationem contra injustitiam peccati. Quod tamen ægre, aut vix sustineri potest, si actus contritionis ortum duceret a solo auxilio, et non a gratia : in quo eventu praedictus actus ut antecedens gratiam, nec meritorius, nec satisfactorius esse posset, ut suo loco ponderavimus, et evicimus. Cum ergo D. Thomas statuerit ad illam gratiam operantem dispositive se habere actum Pœnitentiae, eaque excludi peccatum, prout est malum hominis, et importat maculam, seu malitiam aversionis ; manifestum nobis videtur sermonem habuisse de ipsa gratia sanctificante sub ratione *operantis*, et convertentis Deum ad creaturas, quo pacto excludit peccatum, ut malum hominis est.

Fulcitur
ulterius.

Id quod adhuc redditur certius ex eo quoniam per gratiam operantem in prima acceptione, seu quod in idem recidit, per solum auxilium transiens non excluditur peccatum sub aliqua sui consideratione : sed D. Thomas fuit locutus de gratia operante excludente peccatum, ut se tenet ex parte hominis : ergo D. Thomas sermonem habuit de ipsa gratia justificante sub ratione operantis, et non de solo auxilio. Et ne discursui dumtaxat mentem S.

D.Thom.

Doctoris linquere videamus ipsum adeamus dicentem infra questione 86, articul. 6, ad 1, quod est hujusmodi : *Dicitur enim Pœnitentia virtus secundum quod est principium humani actus : sed humanus actus non operatur ad remissionem culpæ, quæ est effectus gratiæ operantis : ergo remissio culpæ non est effectus Pœnitentia secundum quod est virtus.* Inquit itaque : *Dicendum quod effectus gratiæ operantis est justificatio impii, ut in secunda parte dictum est, in qua, ut ibidem dictum est, non solum est gratia infusio, et remissio culpæ, sed etiam motus liberi arbitrii in Deum, qui est actus fidei formatæ, et motus liberi arbitrii in peccatum, qui est actus Pœnitentia.* Hi autem actus humani sunt ibi ut effectus gratiæ operantis simul producti cum remissione culpæ. Unde remissio culpæ non fit sine actu Pœnitentia virtutis, licet sit effectus gratiæ operantis, illius videlicet, quæ immediate operatur justificationem, quale non est auxilium transiens, sed ipsa gratia sanctificans, a qua illi actus formati procedunt.

Argu-
men-
tum 3. 119. Arguitur tertio ex Vazquez : Ideo Pœnitentia non tantum dispositive, sed etiam effective expelleret peccatum, quia est virtus generalis, oppositionem forma-

lem habens cum imponitentia ipsi formulariter opposita. Sed hæc ratio est nulla. Ergo nulla est ratio asserendi concursum illius effectivum contra peccatum. Major est doctrina D. Thomæ in illa solutione ad 3, quæ fuit occasio excitandi præsens dubium. Minor etiam constat in charitate, quæ est virtus æque universalis, et incompossibilis cum omni, et quolibet peccato mortali; sed tamen non confert influxum effectivum pro illorum exclusione : ergo quod Pœnitentia sit virtus opposita omnibus peccatis, neutquam probat effectivum ipsius concursum pro illorum destructione.

Ad hoc argumentum constat ex supra Dilu. in hoc eodem dubio num. 112 expensis. Unde constat distinguendam esse Majorem : *quia est virtus generaliter peccato opposita, utcumque,* nego Majorem : per modum compensationis, et satisfactionis concedo Majorem, et concessa ac negata Minor sub eadem distinctione, nulla est Consequentia : actus quippe charitatis non est satisfactorius pro peccatis, nec in illorum destructionem collimat ex sua specie, licet cum illis sit incompossibilis. Sed ex hac incompossibilitate non intulit D. Thomas, nec sustinent ejus discipuli, concursum effectivum Pœnitentiae, sed ex radice praedicta, quæ diversa est, et soli Pœnitentiae congruit, aliis vero virtutibus ex ejus imperio. Unde constat defecisse Vazquez in attingenda S. Doctoris mente.

120. Secunda sententia per aliud extrellum praecedenti opposita docet virtutem Pœnitentiae concurrere ad expulsioneum peccati in genere cause efficientis physicæ. Ita D. Bonavent. in 4, dist. 14, art. 2, quæst. 7, Durandus ibidem quæst. 2, ubi etiam Soto quæst. 2, art. 1, et dist. 15, quæst. 1, art. 6, quos sequitur Nuno in præsenti dub. 2, concl. 3. Pro ea etiam referuntur Andreas Vega lib. 8, super Concil. Trident. cap. 9, quatenus docet Pœnitentiam esse causam efficientem infusionis gratiæ, Thomas Stapleton lib. de Justificatione cap. 2, asserens cooperacionem liberi arbitrii ad justificationem reduci debere ad genus causæ efficientis, sicut reducuntur omnes aliæ dispositiones, et instrumentales causæ, juxta quam sententiam etiam actus charitatis debet inter causas efficienter expellentes peccatum annumerari. Joseph. Angles quæst. 2, de Contritione art. 8, concl. 1, et aliqui alii discipuli D. Thomæ præter jam relatios, quos

Secun
dum
opini
asse
tion
contra

D. B.
nav
Dur
Soto
Nug
Veg
Staple
nus
Anglic

Motiu-
nos allegat Martinez de Prado in præsenti
quæst. 86, dub. 9.

Potissimum hujus sententiae fundamen-
tum quoad discipulos D. Thomæ sumitur
ex testimonio supra allegato in limine
hujus quæstionis, ubi tam absolute, quam
diserte affirmat D. Thomas virtutem Pœ-
nitentiæ præ omnibus aliis expellere ef-
fective omne peccatum. Ex quo loquendi
modo sic absoluto conficit Nuno discur-
sum, quo intentum concludi videtur. Nam
quoties D. Thomas absolute, et sine limi-
tatione loquitur de efficientia, intelligi
debet in ordine physico : sed D. Thomas
absolute, et absque restrictione asserit
Pœnitentiam effective concurrere ad des-
truenda omnia peccata : ergo asserita effi-
cientia debet ad ordinem physicum reduci
ex mente D. Thomæ. Cætera constant,
præter Majorem, quæ facile suadetur tum
ex se, quoniam efficientia moralis non est
absoluta efficientia, sed secundum quid ;
potius enim tantum ad movendam, et in-
clinandam voluntatem alterius, ut influat
in effectum, quam in effectum ipsum, ut
patet in gloria meritis nostris moraliter
obtinenda. Tum etiam ex ipsa doctrina
D. Thomæ, in qua si verum est Sacra-
menta efficienter ad gratiam concurrere,
intelligitur de efficientia physica, ut est
perpetua Doctoris, et discipulorum intelli-
gentia. Si sermo etiam fuerit de humani-
tate Christi respectu miraculorum, et
humanæ salutis, etiam intelligitur de vero
concursu in genere causæ efficientis phy-
sicæ. Ergo similiter, dum asserit S. Doc-
tor Pœnitentiam effective destruere omne
peccatum ; intelligendus profecto erit de
destructione, et efficientia in ordine phy-
sico, non vero de sola morali.

Hic tamen discursus, quo moti videntur
aliqui S. Doctoris discipuli ad hanc par-
tem, ut de ipsis mente tuendam, non tam
urgens nobis videtur, ut illi existimant.
Nam Major intelligenda est juxta qualita-
tem materiæ, de qua agitur. Et quia in
materia Sacramentorum, et humanitatis
Christi (ut exempla illa convellamus) ma-
teria ipsa postulat efficientiam physicam,
ut suis locis ponderavimus (alias nihil
fere docuisse D. Thomas, nec Concilio-
rum doctrinis se conformasset), idcirco
tenendum esse asseruimus, et asserimus
tum Sacraenta, tum humanitatem Christi
efficienter physice concurrere, ad induendos
proprios effectus : et consequenter ad hanc
doctrinam supponimus etiam contritionem

ipsam, ut partem Sacramenti in hoc eo-
dem genere influere ad gratiam Sacra-
menti, et ad destructionem peccati. Sed
hinc retorquemus pro nobis argumentum.
Etenim quid amplius concedi debet Pœni-
tentiae ad expulsionem peccati, quatenus
actu est pars Sacramenti, et simul cum
ipso influit, quam ei deferatur, aut deferri
debeat ab illo sejunctæ, ut solum implicat
Sacramenti ipsius votum : sed ut pars Sa-
cramenti influit physice instrumentaliter
in gratiam remissivam peccati, subinde-
que in ejus remissionem : ergo sejuncta,
et separata a Sacramento non influit phy-
sice neque in gratiam, nec in peccati des-
tructionem. Major præter quam quod ex
se ipsa patere videtur, constat ex eodem
D. Thoma infra quæst. 86, art. 6. Ubi ^{D. Thom.} investigatis : *An remissio culpæ sit effectus Pœnitentia?* respondet in corpore articuli,
quod remissio culpæ est effectus Pœnitentia,
principalius, secundum quod est Sa-
cramentum, secundario autem, et minus
principaliter secundum quod est virtus.
Quod e contrario accideret, si ut virtus
physice causaret remissionem culpæ : hoc
enim pacto concurreret per modum virtutis
principalis, et non instrumentalis, in
ordine physico : sed principalior, et nobilior
est influxus principalis pro instrumen-
tali : ergo principalius influeret in remis-
sionem culpæ sub ratione virtutis, quam
ut est pars Sacramenti : quod est in se fal-
sum, è contra mentem D. Thomæ.

121. In predicto ergo testimonio ma- ^{Mens D.}
nifeste loquitur S. Doctor de efficientia ^{Thomæ.}
moralis : inquit enim Pœnitentiam expel-
lere omne peccatum effective, *in quantum*
cooperatur ad destructionem peccati, prout
est remissibile *ex divina gratia*, *homine*
cooperante. Ubi duplex influxus necessario
est distinguendus ; et qui exercetur medio
actu ipsius Pœnitentiæ, qui profecto phy-
sicus est, et physice exhibetur a virtute :
et qui exercetur circa ipsum peccatum
prout est ex eadem gratia remissibile ; qui
quidem nequit non esse moralis, et mora-
liter attingens exclusionem peccati. Ex eo
namque quod hominem sui divina gratia
vere peniteat peccati, et qualem qualem
propriam offerat compensationem pro illo ;
movetur Deus ad plenam ejus remissio-
nem elargiendam ; sicut ex eo quod homo
sub eadem gratia bene operetur, meretur
a Deo sibi præmium. Unde sicut in hoc
exemplo duplex intervenit influxus, alter
physicus respectu actus meritorii, alter

vero moralis erga præmium consequendum, quorum primus præsupponitur ad secundum; haud dissimiliter in nostro casu. Juxta quam doctrinam distinguendæ, et explicandæ sunt propositiones prædicti discursus, ut intelligi debeant de efficientia physica per ordinem ad contritionem; per ordinem vero ad offensam, quæ sola indiget satisfactione, exponantur de efficientia morali, præsupponente physicam explicatam.

Nota.

Est tamen observatione dignum juxta hanc sententiam, quam indubie remur esse D. Thomæ, concedendum esse influxum physicum effectivum Pœnitentiae non solum in actum contritionis, sed etiam in exclusionem omnium illorum actuum prævororum, quibus contritio ipsa opponatur, et se tenet ex parte pœnitentis; hi quippe excluduntur efficienter physice ex vi ejusdem influxus contritionis. Et ratio est philosophica: nam qui efficienter introducit formam, efficienter ex consequenti expellit sive formam, sive dispositiones oppositas, generatio quippe unius formæ est activa corruptio, et destructio alterius: sed virtus Pœnitentiae effective producit contritionem: ergo effective physice expellit actus pravos, ac peccata minosos oppositos contritioni. Et in hoc sensu immediate, et indirecte expelluntur per Pœnitentiam actus inducentes, ac disponentes proxime ad peccatum; licet in peccatum ipsum immediate se exercere non valeat, nisi modo explicato. Quia observatione ad concordiam reduci possunt Thomistæ ex adverso allegati, quasi in hoc dumtaxat sensu fuerint locuti, quod Pœnitentia immediate, indirecte, et veluti removens prohibens influere debeat ad amovenda peccata arcendo actus contritioni adversos. Et hunc sensum expresse asseruerunt Joan. a S. Thoma, et Prado supra allegati, nec credimus negaturos reliquos discipulos D. Thomæ.

Replica.

122. Sed dices, juxta hunc sensum nihil speciale tribuitur Pœnitentiae quod non sit reperire in aliis virtutibus: si quidem quolibet illarum actu arcentur etiam effective alii oppositi ob eandem omnino rationem: ergo in eo sensu vel omnes concurrent effective ad destructionem physicam peccati; vel nec etiam Pœnitentiae convenit influxus physicus in genere causæ efficientis.

Solutio.

Respondetur disparitatem esse; quod aliarum virtutum actus solum adversan-

tur vitiis, aut peccatis specialiter intra cuiuslibet determinatam materiam, utputa actus temperantiae intemperantiae dumtaxat, et sic de reliquis: quapropter quilibet virtus suum peculiare vitium asumit debellandum, ac destruendum effective per appositionem actus contrarii, cum quo exercet oppositionem formalem; si quidem actus cum actu, et habitus cum habitu formaliter opponuntur: sed hæc oppositio, quæ in hoc sensu est formalis, respectu principii est effectiva. At vero virtus Pœnitentiae mediis propriis actibus non hoc, aut illud sed omnia impedita gratiæ destruere conatur efficiendo actus excludentes peccata actualia, et pravos alios actus ad peccatum inducentia. Et ex hoc capite concurrit effective mediate, et in directe ad excludenda omnia peccata, vel ilia compensando, si fuerint commissa, vel ea impediendo si non fuerint perpetrata.

Si vero quid amplius in sua sententia intenderint allegati discipuli D. Thomæ, illis ut a mente D. Thome alienis refragamur.

123. Secundo arguitur pro hac sententia impugnando rationem nostræ. Eo quippe actus contritionis non influeret in genere causæ efficientis physice in remissionem peccati, quia nullam formam physice produceret, media qua expelli posset peccatum, et hoc erat necessarium ad salvandum rationem veræ causæ physice efficientis: sed hoc secundum est falsum: ergo ex eo quod Pœnitentia non efficiat formam physice expellentem peccatum non infertur eam non influere physice in ejus destructionem. Probatur Minor quoad secundam partem: nam sunt plures formæ, quæ licet in subjecto nullum effectum, aut dispositionem producant, agunt nihilominus physice in expulsionem sui contrarii: ergo falsum est ad destructionem physicam in genere causæ efficientis opus esse effectu, seu dispositione physice introducta, qua opposita expelli debeat. Consequens constat, et Antecedens probat Magister Soto exemplo caloris, qui cum sit forma activa, expellit a subjecto, in quo recipitur, frigiditatem; quippe non solum calor ignis destruit efficienter frigiditatem ligni, sed etiam calor introductus in ipso ligno amovet, et expellit efficienter frigiditatem ipsius ligni; in quo stat differentia qualitatis activæ, a non activa; albedo enim solum in genere causæ formalis expellit nigredinem, quia activa

A. g.
men-
tum :

non

non est. Hujusmodi vero non esse contritionem videtur manifestum, cum sit actio vitalis, vitaliter a peccato recedens : porro vitaliter recedere a peccato est physice illud expellere : ergo actus contritionis physice efficienter expellit peccatum.

Dicitur. Ad hoc argumentum constat ex dictis negandam esse Minorem, cuius veritatem non evincit probatio inducta : quia nulliforma quantumlibet activa in eo subjecto, aut subjecti parte, in qua est, effective expellit contrarium; quin prius, et immediatus, efficiat aliquid positivum, ratione cuius expelli debeat. Nec tam facile, ac dicitur, intelligitur, qualiter detur actio positiva a principio prodiens activo, cui ex parte effectus non respondeat forma, vel effectus positivus, sed tantummodo privatio, seu expulsio contrarii, ad quam primum terminetur. Quocirca docuit Cajetanus 1 p. quæst. 2. art. 3, § *An unum oppositorum excludat reliquum? Quantacumque virtus sit agens non excludere effective oppositum, nisi in quantum est incompossibilis effectui excludendo medio effectu participatio.* Unde falsum est calorem ligni expellere per propriam actionem frigiditatem existentem in eadem parte subjecti : alioquin enim calor ut duo v. g. vel se ipsum posset intendere, vel se ipso, et per propriam actionem excluderet frigiditatem ut quatuor, et sic de reliquis gradibus, usque dum omnem frigiditatem a ligno expulisset, quod est contra manifestam experientiam, et contra rationem philosophicam, quoniam *a proportione minoris inæqualitatis non datur actio.*

Aliud. Esto tamen ita esset in calore respectu frigiditatis, non ideo illa philosophia foret debite contritioni applicanda. Et ratio disparatis est : quoniam qualitates naturales eo ipso quod activæ illæ sint invicem agunt, et reagunt ratione intentionis, et virtutis activæ, qua invicem colluctantur usque ad interemptionem unius, et victoriæ alterius, vi cuius diversos intentionis modos, et amittere, et restaurare possunt, maxime si radicem propriam in subjecto habeant, ut patet in humiditate, et frigideitate naturalibus, ad quas aqua se reducit obstante corpori violenter illi impresso. At vero contritio non ita pugnat cum peccato, sed vel minima, dummodo vera contritio sit, omne peccatum sive actuale, sive habituale ablegat, et arcet a poenitente. Unde ad summum fieri posset comparatio inter contritionem, et alios actus in peccatum trahentes, de quibus jam dictum est,

mediate, et indirecte a vera contritione impediri. Et in hoc sensu permissa Majori argumenti, neganda, vel explicanda est Minor. Et ad ejus probationem, dicas contritionem esse quidem actum vitalem, vitaliter productum, et itidem etiam vitaliter attingentem suum objectum, quod commune est omni actui virtuoso : sed quia nullum alium effectum physicum, et immediatum præstat præter redditum subiectum vere poenitens, et active offerre quam qualem satisfactionem pro offensa, quam detestatur; idcirco in genere causæ formalis physicæ concurrit ad primum, et in genere causæ efficientis moralis ad secundum.

124. Tertio arguitur. Peccatum actuale efficienter physice excludit gratiam ab anima : ergo contritio eodem etiam modo expellit peccatum. Antecedens constat ex doctrina D. Thomæ 2, 2, quæst. 24, art. 10, ubi docet peccato mortali totaliter corrumpi charitatem, et gratiam tam effective, quam meritorie, in qua influxum physicum, et moralē effectivum adscripsit actu peccaminoso. Consequentia vero probatur : quia non pejoris conditionis, nec minus efficax est contritio ad destructiōnem peccati, quam actus peccaminosus ad corrumpendam, et arcendam ab anima gratiam : ergo si actus peccaminosus ne dum moraliter, sed etiam physice expellit sanctitatem animæ, pari ratione actus contritionis potens etiam erit eidem animæ vitam restituere, subindeque mortem peccato inductam effective physice propulsare, ac destruere.

Dicitur. Respondetur, concessu Antecedenti negando Consequentiam, cuius nullitatem negare non potest ipse arguens, nisi velit viribus etiam naturæ posse restituī gratiam, et peccatum destrui, sicut incurritur peccatum, et arcetur ab anima sanctitas medio actu naturali peccaminoso. Sicut ergo stat actu pure naturali corrumpi gratiam, que tamen reparari debet actu supernaturali adeo nobili, qualis est contritio; ita cohæret physice expelli gratiam per peccatum, et hoc physice effective non destruī per contritionem. Et ratio sumitur ex diverso modo causandi prædictorum actuum : nam actus peccaminosus, seu peccatum actuale ex ipsa tendentia in objectum prohibitum constituit suum ultimum finem in alio præter Deum, quem ex consequenti postponit creaturæ, et se subtrahit voluntarie a subjectione divina, cui

adstringebatur; ex quo consequitur in anima privatio voluntaria gratiae ipsam sanctificantis, et Deo subjicientis: quocirca inducit effectum ne lum moraliter, sed etiam physice incompossibilem cum gratia, et sic mirum non est physice efficienter expellere gratiam. At vero contritio neque attingit effective gratiam extra Sacramentum (in quo sensu loquimur) sed eam priori supponit a solo Deo infusam, ideoque supponit pro eodem priori ablatam privationem ipsius gratiae peccato inductam; nec etiam attingit offensam, nisi per modum satisfactionis, et compensationis; atque ideo non appetet, nec facile explicari potest respectu cuius exerceat, aut exercere valeat causalitatem physicam ex illis, quae in peccato concurrunt; sed ipsa intransitive in ordine physico veluti actuat potentiam, et animam reddit contritam. Sed quia actus vitalis est, vitaliter offert Deo satisfactionem, seu est ipsa vitalis, et voluntaria satisfactione contra offensam, quae sola satisfactione indiget, ut dicebamus cum D. Thoma.

4. Argumentum.

125. Sed contra instatur, et arguitur quarto. Qui efficienter producit ultimam dispositionem ad aliquam formam, efficienter excludit formam oppositam, nec non dispositio est illius formae: sed virtus Poenitentiae in genere causae efficiens physicæ producit contritionem, quae est ultima dispositio ad gratiam: ergo in eodem genere causæ expellit tum peccatum gratiae oppositum, tum dispositiones illius. Minor et Consequentia constant. Major vero probatur: nam eodem influxu, quo introducitur ultima dispositio producitur forma, et expellitur contraria; siquidem corruptio formæ præexistentis licet sit distincta mutatione a generatione, non tamen est nova, et diversa actio, sed ex vi ejusdem actionis generatur forma, et excluditur adversa.

Dissol-
vitur.

Respondetur ad argumentum, vel negando absolute Majorem, vel illam claritatis gratia distinguendo: qui producit ultimam dispositionem antecedentem, et non supponentem formam, permitto Majorem: concomitantem, et supponentem formam pro aliquo priori, nego Majorem, et concessa Minori, neganda est Consequentia. Ratio distinctionis est, nam ut in plurimum ita est, quod ad positionem ultimæ dispositionis antecedentis resultat forma generanda ex vi illius actionis, qua ponitur ultima dispositio, ut in generatione naturali contingere docent N. Com-

plut. lib. de generat. disp. 1; non tamen est universaliter verum, ut constat in anima rationali, quæ non fit, aut fieri valet per actionem agentis naturalis creati; sed solum tenet in formis materialibus immersis in materia, a qua absolvitur anima nostra. Et ideo non concessimus, sub permisimus Majorem. Si vero dispositio sit concomitans, sive ut inquit D. Thomas, necessitans, oppositum asserendum est, præsertim si illa ultima dispositio sit actus vitalis vitaliter ortum ducens ab ipsa forma, quem esse actum contritionis constat ex supra dictis. Et quidem ita rem in presenti esse liquet ex eo: nam alias homo sicut principaliter producit actum contritionis, producere etiam posset, imo et deberet, gratiam sanctificantem in seipso, atque ideo seipsum sanctificaret, et justum redideret, quod non debet admitti. Ex eo ergo quod homo ex viribus gratiae sanctificantis, et illa suffultus erumpat in actum contritionis, non sequitur vel quod gratiam physicæ efficiat, vel quod peccatum ipsi oppositum physicæ expellat; quia jam illud supponit pro aliquo priori physicæ expulsum, quoad rationem maculæ, et privationis physicæ. Nec etiam sequitur (præoccupamus instantiam animæ rationalis) saltem producere posse gratiam quoad unionem, seu informationem subjecti; quod sufficit ut homo absolute sit causa totius complexi: quia gratia nedium quoad entitatem, sed etiam quoad informationem est effectus solius Dei ut Authoris specialis; non enim producitur, nisi ut unita subjecto, ex quo educitur, subindeque ab eodem Deo habet esse, et uniri animæ rationali, ut constat ex dictis tract. de Gratia disp. 8, dub. 1, et est communis Theologorum doctrina.

Nec refert, si objeceris, hoc solum tenere de informatione, seu receptione quoad essentialia, quo pacto solum respicit Deum ut agentem, et potentiam obedientiale, qua mediante informat subjectum; non vero de informatione naturali, ad quam exiguntur actus proprii ipsius subjecti. Quamvis ergo homo non sit causa totius illius complexi quoad essentialia ipsius; potest tamen efficienter physicæ concurrere ad illud idem quoad connaturalia, consequenterque producere gratiam quoad informationem naturalem, et expulsionem peccati inde consequam.

Sed hoc nihil est, et facile evanescit, si diruit animadvertisatur, receptionem, seu informationem

tionem quoad essentialia ex parte recti non differre ab informatione connaturali, sed ex parte connotati, et obliqui dumtaxat : eadem quippe informatio, et receptio, seu informatio ut præscindens a dispositionibus. sive ut eas non connotans, dicitur, et est receptio quoad essentialia : et eadem metu infert pro posteriori actus poenitentis est informatio, et receptio connaturalis. Quapropter, quia essentialia præintelliguntur ad connaturalia, idcirco receptio connaturalis supponit pro aliquo priori seipsam, ut essentialiem, subindeque gratiam infusam, et unitam, atque ideo non est locus, ut poenitens, vel agens creatum possit producere gratiam ut unitam quoad rectum, et substantiam unionis, quantumvis producat efficienter, et vitaliter prædictos actus disponentes, et aptantes subjectum, quod est producere unionem ex parte obliqui, et connotati. Unde nec quoad entitatem, nec quoad unionem producit gratiam physicæ, et consequenter nec expellit peccatum, seu privationem gratiæ.

126. Sed contra principalem solutionem (quæ in substantia est eadem cum ea, quam eidem argumento tradidimus tom. 3, tract. 12 de Virtutibus, disp. 3, dub. 3, num. 58), multis insurgit Martinez de Prado in præsenti quæst. 86, dub. 10, § 4, a num. 22, et deinceps. *Primo* itaque objicit eam opponi D. Thomæ lib. 5, Metaphys. lect. 2, colum. 2, ubi S. Doctor universaliter approbat principium illud :

Qui efficienter producit ultimam dispositiōnēm, producit efficienter ipsam formam, quocirca de utraque dispositione, sive antecedenti, sive concomitante verificari debet. *Secundo*, quia omnis præparatio ad gratiam est ab auxilio ipsius gratiæ, ut constat ex doctrina D. Thomæ 1, 2, quæst. 109, art. 6, et quæst. 112, art. 2, ad 2, et quæst. 113, art. 7, et solum stat discrimen in eo quod dispositio antecedens gratiam sanctificantem est imperfecta et informis, subsequens vero, et comitans est

perfecta, et formata. Tertiō : quia homo non est minus causa vitalis principalis, et consequenter efficiens contritionis prævenientis, seu per modum dispositionis ultimæ antecedentis, quam sit causa principalis contritionis concomitantis, seu consequentis; ergo vel nulla, vel utraque est a Deo, et libero arbitrio. *Quarto* : nam falso asseritur, quod dispositio concomitans est omnino posterior gratia, cum sit ea prior in genere causæ materialis, et

dispositionis : ergo per modum dispositionis concomitantis, et conjunctam habentis gratiam est a Deo, et libero arbitrio.

His a se ipso productis toto num. 28, pergit num. 29, eam radicitus convellere, ut ipse existimat ex Curiel. 1, 2, quæst. 113, artic. 8, dub. unico, § 2, vers. *sed hæc solutio*. Nam licet in naturalibus illa duo dispositionum genera admitti debeant respectu formæ substantialis, secus vero respectu gratiæ sanctificantis : eo quod nullus actus ante instans justificationis secum afferit infallibiliter gratiam, aut ad eam proxime disponit extra Sacramentum. Eo vel maxime : quoniam in naturalibus ad ultimam dispositionem duratione præcedentem formam, infallibiliter sequitur ipsa forma, et ultima dispositio comitans eandem formam. Quod secus accidit respectu gratiæ, si quidem dispositio hujusmodi oportet esse actus vel charitatis, vel contritionis, vel uterque : et neuter eorum sequitur infallibiliter ad actus præcedentes infusionem gratiæ. Quapropter D. Thom. Angelicus Doctor 1, 2, quæst. 112, art. 2, ad 1, duplum gratiæ assignans dispositionem, et antecedentem, et comitantem, hanc docet gratiæ coexistere in eodem instanti, et meritoriam esse, illam vero ut pote imperfectam absque sanctitate persistere, ad quam tamen remote disponit. Id quod haud obscure colligitur ex Tridentino sess. 14, cap. 4. Ergo (concludit) frustra excogitatur alia ultima præveniens, et non concomitans.

127. Sed hæc nullius sunt momenti. *Observanda ad diluenda objecta.* Concessimus ergo ibi, et sæpius statuimus in hoc tractatu, ac in præsenti supposui mus ex dictis tract. de Justificatione, nullam esse dispositionem antecedentem, quæ omnino ultima sit respectu gratiæ sanctificantis, eamque infallibiliter extra Sacramentum secum ferat; hoc enim superat activitatem cuiuslibet auxiliū facile transuntis; sed quolibet posito, quod gratiam antecedat, potest gratia non infundi, et justificatio suspendi : atque ideo nullus actus est, qui præcedat hoc modo gratiam, et eam sibi reddit debitam vel physicæ ob connexionem physicam, vel moraliter moralitate fundante strictum debitum. Docuimus insuper, et modo affirmamus, Deum non solum producere, et infundere gratiam, sed etiam efficere mediante ipsa gratia actus contritionis, et charitatis sub ratione dispositionis physicæ ad gratiam consecutæ : qui dat, et producit formam, dat

etiam, et simul efficit consequentia ad ipsam formam. Quia tamen predictae dispositiones ita consequuntur gratiam, quod etiam sunt actus vitales liberi arbitrii, idcirco ab eo etiam procedunt, non nudo, sed ut ornato, et affecto ipsa gratia, et auxiliis ad praedictos actus idoneis ut constat ex toto praecedenti dubio. Idque adeo verum apud nos est, ut nec discipuli D. Thomæ mereatur nomen huic non assentiens veritati. Unde duplex efficientia subordinata concurrit ad praedictos actus, et Dei authoris specialis tum gratiæ, tum actuū illorum, et liberi arbitrii suffulti gratia; taliter tamen, quod influxus Dei, quia universalior, subjicit sibi et gratiam, et dispositiones; influxus vero liberi arbitrii sistit in actibus ipsis, et ibi compleetur, quin transire possit ad gratiam, quam supponit pro priori aliquo productam a solo Deo, et animæ infusam, quoad essentialia infusionis, ut tetigimus in hac nostra solutione, et latius prosecuti sumus ut in proprio loco tract. de Justificatione.

*Fit satis
prima
objectio-
ni.*

128. Ex his ergo ita in praesenti, et locis allegatis constitutis, facile apparet nihil obesse, quæ in contrarium objecta sunt. Ad primum, quod est majoris ponderis, respondeatur D. Thomam loco ibi citato ex 5 Metaphys. solum docuisse causam dispositio operantem ex parte materiae remotæ non proprie dici causam efficiētem; si vero effecerit dispositionem ultimam, ad quam sequitur forma, magis proprie appellanda erit causa D.Thom. efficiens. Verba D. Thomæ sunt : *Disponens autem, quod non inducit ultimam formam perfectivam; sed tantummodo præparat materiam ad formam; sicut ille, qui dolat ligna, et lapides, dicitur domum facere. Et hoc non proprie dicitur efficiens domus, nisi in potentia. Magis tamen proprie erit efficiens, si inducat ultimam dispositionem, ad quam sequitur de necessitate forma; sicut homo general hominem, non causans intellectum (animam intellige), qui est ab extrinseco. Ubi clarissime loquitur S. Doctor de dispositionibus antecedentibus vel remote, vel proxime. Et in hoc sensu concedimus cum D. Thoma producentem ultimam dispositionem antecedentem producere efficiēter formam, vel saltem eam unire proprio subjecto; et ita evenit in agentibus naturalibus respectu formarum vel substantialium, vel artificialium. Cæterum quando forma introducenda nec habet, nec expectat ultimam*

dispositionem antecedentem, sed postulat dumtaxat dispositiones remotas sui ordinis (qualem esse gratiam sanctificantem nec negavimus, nec inficiari debemus, sed ultronei asserimus cum eodem Magistro Prado, et discipulis D. Thomæ) haec doctrina non habet locum, sed est de subiecto non supponente, subindeque præsenti argumento ex hac parte minime applicanda, quia negabitur suppositum. Nec D. Thomas oppositum alicubi statuit. Ex quo capite jam habemus hominem medio actu aliquo antecedente gratiam sanctificantem, neutquam posse sibi reddere debitam, nec consequenter physice efficere, aut peccatum expellere; si quidem nullam ultimam dispositionem antecedentem ad gratiam agnoscimus; sed qualibet data, adhuc gratia potest non infundi, et justificatio suspendi, ut loco relato asseruimus.

Tota ergo difficultas devolvi debet ad dispositionem ultimam consequentem formam, et ab illa prodeuntem. In quo sensu affirmamus eandemmet contritionem procedere a Deo, et a libero arbitrio non seorsim, sed ut moto, et applicato a Deo, et subdito ejus gratiæ, cuius est proprius effectus magis, quam liberi arbitrii; quæ est doctrina D. Thomæ sæpe inculcata ex 1, 2, quæst. 112. art. 2 et quæst. 28 de Verit. art. 8 ad 3, ubi ait, *quod contritio est a libero arbitrio, et a gratia. Secundum quod procedit a libero arbitrio (ut subdito gratiæ) est dispositio ad gratiam simul existens cum gratia, sicut dispositio, quæ est necessitas, sicut est cum forma: sed secundum quod est a gratia comparatur ut actus secundus ad gratiam. Juxta quam doctrinam necesse est asserere producentem ultimam dispositionem ad gratiam, non propria virtute, sed ex virtute ejusdem gratiæ prius productæ ab ipso Deo, non posse efficiēter producere praedictam gratiam. Quare in hoc genere dispositionum licet sit verum producentem formam producere etiam ultimam dispositionem, nec non efficiētem ultimam dispositionem propria virtute, et non alteri subordinatum, efficere etiam posse, imo et debere simul efficere ipsam formam pro priori ad dispositionem; non tamen est absolute verum producentem utcumque ultimam dispositionem, posse etiam producere ipsam formam. Et in hoc sensu negavimus illud principium, et distinximus. In quo sane nullus est secessus a doctrina D. Thomæ, quin imo ut de ipsius mente*

mente fateri tenentur omnes ejus discipuli, quot quot asseruerint cum S. Doctore actus ultimo disponentes ad gratiam, ab eadem, ut a principio effectivo disfluere.

Hinc ad secundum concedimus, quamlibet præparationem ad gratiam, sive proximam, sive remotam, ab ipsa gratia, et libero arbitrio procedere cum subordinatione explicata, et cum illo discrimine sancto in illis locis, nimirum, vel a gratia auxiliante, si fuerit dispositio remota, vel a gratia etiam sanctificante, si sit dispositio omnino proxima. Sed quid inde? Latet profecto.

129. Ad tertium etiam fatemur hominem esse causam principalem vitalem utriusque actus, sive antecedentis, sive consequentis gratiam sanctificantem; atque ideo unum, et alterum esse a Deo, et a libero arbitrio; diversimode tamen: nam dispositionis antecedentis, quæ remote se habet ad gratiam habitualē solum est causa mediis auxiliis vel transiuntibus, vel mediis virtutibus informibus non excludentibus peccatum, licet viam parent ad illud expellendum. Ex quo nihil contra nos, aut contra veritatem assertam; quia qui solum producit dispositionem remotam, non ratione sui, sed ratione motionis superioris, non ex eo potest producere formam, utpote quæ non ex eo potest producere formam, utpote quæ non infallibiliter sequitur ex dispositione remota, ut etiam patet in naturalibus. Imo nec qui producit dispositionem ultimam consequentem formam, eo quod non agit nisi virtute ipsius formæ pro priori productæ ut explicatum est.

Quartum nihil probat, et falso nobis obtrudit asserere dispositionem ultimam esse omnino posteriorem gratia, quod nec somniavimus. Nam licet gratia sit absolute, et simpliciter prior actu contritionis, quatenus illum antecedit in genere causæ efficientis formalis, et finalis; est tamen ipso posterior in genere causæ materialis dispositivæ, seu quatenus se tenet ex parte liberi arbitrii, quod aptat, ac præparat ad libere acceptandam gratiam. Et in vi hujus præcedentiæ, et consequentiæ, et producitur a gratia, et simul efficitur a libero arbitrio, ut sæpe dictum relinquimus in hoc tractatu, et suis locis. Unde docet D. Thomas 1, 2, quæst. 112, artic. 2: *Quod ipse motus liberi arbitrii, quo quis præparatur ad donum gratiæ suscipiendum, est actus liberi arbitrii motus a Deo.* Et quan-

tum ad hoc, dicitur homo se præparare, secundum illud Proverb. 16: *Hominis est præparare animum, et est principaliter a Deo movente liberum arbitrium.*

Nec aptiora, aut robustiora sunt, quæ opposuit ex Curiele. Nec enim loco illo ex tract. de Virtutibus, nec alibi nostri cursus statuisse meminimus dari dispositionem omnino ultimam, ex iis, quas dicimus tempore præcedentes, pro obtinenda, et assequenda gratia sanctificante; quinimo et ibi, et hic ubique nostrorum operum semper asseruimus, et statuendum censemus quamlibet dispositionem antecedentem in prædicto sensu pro gratia assequenda esse remotam, et fallibilem. Et quoad hoc extra rem adducitur Curiel. Discriminamur tamen ab eo, et aliquibus aliis D. Thomæ discipulis in eo, quod asserant actus charitatis, et contritionis, non ex natura rei sed ex lege, et ordinatione (liberis Deo), annexos esse gratiæ, ab eaque efficienter physice non procedere. Cujus oppositum ut verius, menti D. Thom. conformius, et Concilio Tridentino consonantius semper rati sumus, et statuimus tract. de Justificat. disp. 3, nec semel indicavimus in decursu totius operis. Hoc tamen hic, et loco citato de virtutibus posito, et supposito, non exinde colligitur hominem ex viribus ipsius gratiæ sanctificantis et aliorum se ultimo præparantem ad ipsam gratiam, aut ipsam physice efficere, aut peccatum oppositum physice expellere, ut ostensum est in utraque, vel ut verius dicamus, in una et eadem solutione, sive quæ impugnatur ex tract. de Virt. sive quæ tradita supra fuit. Nec aliquid oppositum doctrinæ D. Thom. inde consequitur, ut constat.

DUBIUM III.

Utrum Pœnitentia insit virtus omnia peccata expellendi?

130. Præsens, et sequentia dubia non tam ad hanc quæstionem 85, quam ad sequentem quæst. 86 attinent. Et quia sub eadem disputatione effectus Pœnitentiae cum ejus causalitate conjunximus, idcirco attexenda sunt præcedenti difficultati, quæ circa effectus Pœnitentiae discussione indigent. Inter quæ primum locum tenet excita difficultas. Dum vero virtutem Pœnitentiae contra omnia peccata examinandam proponimus, non solum eam cum ipsis pec-

Conne-
xio
occurren-
tum diffi-
cultum.

catis conferimus, sed etiam et ipsa peccata inter se. Quocirca discutiendum etiam est : *An unum peccatum sit absque alio remissibile?* Et ob connexionem doctrinæ opus

etiam erit disquirere; *sint ne aliqua peccata in hac providentia irremissibilia?* et utrum *in alia saltem providentia reperiri possit peccatum essentialiter irremissibile?* Haec quippe omnia necessaria videntur ad tituli propositi plenam expeditionem, et suo ordine digesta, ac decisa non modico subsidio invicem erunt pro veritate perfecte asse- quenda. Porro in epigraphe apposito supponitur ex jam discussis in hoc tractatu per Pœnitentiam peccata deleri, et solum in- vestigatur, an verum id esse debeat de ali- quibus dumtaxat; vel protrahenda sit resolutio ad omnia delicta, quantum est ex vi ipsius virtutis; quidquid sit, an ex aliis capitibus sit specialis ratio pro istis, ac pro illis? quod pertinet ad subinserta dubiola jam indicata.

§ I.

Assertio prima ad dubii expeditionem.

Conclu-
sio 1.

Funda-
mentum.

Hie-
rem. 3.
Eze-
chiel. 18.

131. Dicendum est primo Pœnitentiæ virtute omnia peccata deleri posse, subindeque eam esse medicinam universalem contra omnia. Hanc assertionem docent Theolo- gli ut certam, et omnino consonam doctrinæ fidei, quidquid sit de opposita cen- sura, qua inuritur, et videri potest apud Arauxo, Martinez de Prado, et alios. De- duciturque efficacissime ex innumeris sa- cræ paginæ testimoniorum, in quibus vere pœnitentibus promittitur delictorum venia absque limitatione ulla. Quod tamen non fieret si homo media Pœnitentiæ virtute omnia peccata a se excutere non posset : quippe esset fallax universalis, et illimitata promissio remissionis, si media Pœnitentiæ aliquod, vel aliqua peccata remitti non possent : asserendum ergo est huic virtuti inesse vim, omnia expellendi peccata. Assumptum constat ex illo Hierem. 3 : *Con-*

vertimini filii revertentes et sanabo aversiones vestras. Ezech. 18 : *Si impius egerit pœni-*
tentiam ab omnibus peccatis suis vita vivet. Et cap. 33 : *Vivo ego, dicit Dominus, nolo mortem impii, sed ut convertatur impius a via sua, et vivat.* Horum, et similium testimoniorum plenæ sunt utriusque pa- ginæ testamenti, in quibus edocemur vera Pœnitentia cuncta peccata deleri, et mor- tem æternam pro ipsis debitam, infallibili-

ter vitari. Unde D. Thom. art. 1 *hujus* ^{D. Tho-} mas. quæst. 86, cui respondet præsens decisio, erroneum esse sancivit, dicere aliquod peccatum esse in hac vita, de quo hominem nequiret pœnitere. Quod etiam haud obscure colligitur ex Concilio Lateranensi sub Innocentio III, cap. *Firmiter* de summa Trinitat. et Fide Catholica, necon ex Trident. sess. 6, cap. 14, ubi absolute, et indefinite decernitur hominem a gratia excisum iterum reparari posse per Pœnitentiam juxta illud Joan. 2 : *Quorum remi-*
seritis peccata remittuntur eis. Et Matth. 19 : *Non dico tibi septies, sed usque septua-*
gies septies. Ubi hanc virtutem non solum attribui Sacramento Pœnitentiæ, sed etiam ipsi virtuti cum voto Sacramenti docent Catholicæ contra hæreticos nostri temporis, quorum in hac parte caput fuit Lutherus. De quo videri possunt Roffensis in confutatione articulorum Lutheri, Bellarm. lib. de Pœnit., et alii controversiarum.

132. Deinde probatur ratione Theologica. Si media Pœnitentia omnia peccata dele- ri non possent, vel id proveniret ex defectu ipsius virtutis; vel ex lege divina statuente semel lapsum ab statu gratiæ iterum ad ipsam non revocari; vel ex parte ipsius hominis; vel tandem ex conditione ipsius peccati. Sed ex nullo capite id provenit. Ergo nullum est caput, unde negari possit virtute Pœnitentiæ omnia peccata deleri. Consequentia constat. Major continet omnia principia ad eam efficaciam excluden- dam. Minor vero quoad singulas ejus partes probanda est, et suadetur quoad primam ex supra dictis : nam virtus Pœnitentiæ una cum sit, sub eadem indivisibili ratione detestatur omnia peccata, quia nimis sunt offensa Dei, in qua ratione convenienter peccata gravia : ergo sub eadem ratione, qua est potens excludere aliquod peccatum, est etiam potens cuncta alia excludere, atque ideo quod non omnia delectat, non provenit ex defectu ipsius virtutis. Sicut quia charitas indivisibiliter attingit bonitatem divinam; incompossibilis est cum omni, et quolibet peccato mortali. Et ratio est prorsus eadem : nam actus contritionis est detestatio peccati, non utcumque, sed proper Deum summe dilectum, atque ideo supponit ut sui radicem necessariam, ejus dilectionem super omnia diligibilia, et amabilia, ut supra ostendimus : qua ergo ratione vel minima charitas peccati gravis non admittit consortium, sed sive unum, sive multa sint, omnia expellit : etiam vir- tus

Concil.
Lateran.
Conc.
Trid.

Joan. 3.
Matth.
19.

.Thom. Quoad secundam vero partem constat ex discursu D. Thomæ in compendio Theologie cap. 145, ubi illud motivum refellens, inquit : *Si quis autem peccata irremissibilia esse, non propter divinam impotentiam, sed quia hoc habet divina justitia; ut qui cadit a gratia, ulterius non reveratur ad ipsam. Hoc patet esse falsum; non enim hoc habet ordo divinæ justitiæ, quod quando aliquis est in via, sibi detur, quod pertinet ad terminum viæ. Immobiliter autem se habere vel in bono, vel in malo pertinet ad terminum viæ; immobilitas enim, et quies est terminus motus. Tota autem præsens vita est actus viæ; quod demonstrat mutabilitas hominis, et quantum ad corpus, et quantum ad animam. Non igitur hoc habet divina justitia, ut homo post peccatum immobiliter maneat in eo.*

dem. Quod confirmat S. Doctor in præsenti art. 1, ex repugnancia cum divina misericordia, el. 2. de qua dicitur Joel 2 : *quod benignus, et misericors est, et patiens, et multæ misericordia, et præstabilis super malitia.* Vinceretur autem quodammodo Deus ab homine si homo detestaretur ex corde peccatum, quod Deus non vellet remittere. Non est ergo ex lege justitiæ, quod Pœnitentia peccata destrui non possint. Quinimo ex illa, quæ per Christum facta est, habemus oppositum in. 2. juxta illud Joan. 2 : *Si quis peccaverit (et est absoluta locutio) advocatum habemus apud Patrem Jesum Christum et ipse est propitiatio pro peccatis nostris; non pro nostris autem tantum, sed etiam pro totius mundi.*

133. Nec etiam provenit ex parte ipsius hominis (quæ est tertia pars probanda) quoniam homo dum est in via, nondum est obstinatus, et obfirmatus in malo, sed gaudet libero arbitrio flexibili et vertibili in bonum honestum, quod est conformius naturæ rationali, ut rationalis est; ideoque non tantum ei potest placere peccatum, quod non etiam displicere valeat; alioqui constituendus esset in statu desperandi salutem æternam, quod minime devorandum est, utpote quod necessario inferret homini fatalem quandam necessitatem, ipsumque incapacem redderet gratiæ supernaturalis, meriti, et aliarum operationum supernaturalium ad vitam æternam conducentium, contra illud Proverb. 21 : *Cor Regis in manu Domini, quocumque voluerit, vertet illud.* In quo sane multum derogaretur Dei voluntati, qua vult omnes homines salvos salvos fieri, et in cognitionem veritatis venire 2 ad Timoth.

Quod ergo peccata abstergi nequeant vera Pœnitentia, provenire nequit ex parte hominis viatoris, cui ratione sui status non debet aptari, quod est proprium dæmonum, et damnatorum.

Hinc probatur ultima pars prædicti discursus. Quia nullum est peccatum ita grave, quod non relinquat in voluntate facultatem se excutiendi ab illo, vel superet Dei gratiam promissam se ad Deum convertenti ex toto corde, ut constat ex illo Isai 55 : *Derelinquat impius viam suam, et vir iniquus cogitationes suas, et revertatur ad Dominum, et miserebitur ejus, et ad Deum nostrum, quoniam nullus est ad ignoscendum.* Cui consonat illa Chrysostomi verba epist. 5 ad Theodorum

D. Chrysostomachum lapsum : *Talis mihi erede, talis est erga homines pietas Dei : numquam spernit pœnitentiam, si ei sincere, et simpliciter offeratur. Etiam si ad summum, quis perverniat malorum, et inde tamen velii reverti ad virtutis viam, suscipit libenter, et amplectitur, et facil omnia, quatenus ad priorem revocet statum.* Nec dissimilia sunt, quæ scripsit D. Cyril. in Gatech. 2 : *Non dixeris ; gravia patravi scelera, idque non semel, sed frequentissime. Numquid, condemnabit? Audi, quid dicit Psaltes : Quam magna multitudo bonitatis tuæ Domine! Non superant vulnera tua summi illius medici experientiam, fidelem modo teipsum præbeas.*

D. Cyril.

*Atque ideo non est delictum ita enorme, ut Pœnitentia pharmaco curari non possit. Et cum eadem ratio sit unius, ac plurium, immo et innumerorum, firmiter asserendum est omnia peccata Pœnitentia duce esse remissibilia. Unde D. August. ad illud Psal. 76 : *In profundum maris convertit, sic ait : Convertit eos, qui in profundo hujus sæculi jacent demersi pondere peccatorum. Intelligitur hoc dixisse Dominum nostrum, quod sua misericordia converteretur etiam in profundum maris ad eos liberandos, qui sunt desperatissimi peccatores.* Quod tamen esse non posset, si peccati, aut peccatorum gravitas viam remissionis occluderet, et Dei gratiæ terminum figeret.*

D. August.

134. Quare non audiendus, sed amandandus est Armacanus lib. 9 de quæst. Armenorum cap. 27, nonnulla asserens esse hominum viatorum peccata, quibus ex lege divina occlusa est via remissionis, non secus ac illorum delicta, qui sunt in termino damnationis. Idque asserit deduci ex aliquibus sacrae Scripturæ testimonis, in quibus haud obscure significari videtur ejus assertum. Nam Hebræor. 12, de Esau dicitur, quod non invenit pœnitentia locum,

Absurda Arma- cani sentia.

Ad Hebr. 12.

2. Ma-
chab. 6.
quamvis cum lacrymis quæsisset eam, de
Antiocho vero 2 Machabæor. 6, asseritur:
Orabat scelestus Deum, a quo non erat misericordiam consecuturus. Quod etiam de
peccato idolatriæ comminatum invenitur
Ezech. 14, contra habitatores Damasci sub

Ezech.
14.
illis verbis: *Si bestias induxero super terram, ut vastem eam et tres viri isti (Noe, Daniel, et Job) si fuerint in ea, vivo ego, dicit Dominus Deus, quia nec filios, nec filias liberabunt.* Eadem comminationem prosequitur sacer textus in eodem loco, et omnino huic similem passim offendet contra peccatores, qui Prophetarum libros sedulo evolverit. Et in novo testamento ex primuntur aliqua peccata quæ in hoc sæculo, et in futuro dicuntur irremissibilia, ut de peccato in spiritum sanctum Marth. 12, et de peccato ad mortem Joan. 5 sue Canonice.

Refelli-
tur
omnino,
et expli-
cantur
Scriptu-
rae testi-
monia.
Porro testimonia hæc insufficientia sunt ad intentum, et longe aliam intelligentiam important: nam duo priora de Esau, et Antiocho ad litteram loquentia explicat D. Thom. solut. ad 1, quod neutrum eorum vere penituerit, et ideo nihil mirum illis non profuisse ad obtinendam veniam. Et quidem de Esau constat ex his, quæ subjunxit: *Venient dies luctus patris mei, et occidam Jacob fratrem meum.* Non est autem vera Pœnitentia illi, cui in animo est, dum actu pœnitit, occidere fratrem suum. De Antiocho etiam liquet ex eo, quod *dolebat de culpa præterita, non propter offendam Dei, sed propter infirmitatem corporalem, quam patiebatur.* Alia vero testimonia, et innumera alia omnino similia, vel forte urgentiora, quæ passim in Scriptura inveniuntur, duplicum, ut observat Arauxo in præsenti dub. 1 sibi vindicat expositionem. Vel enim comminantur pœnam irremissibilem: et hoc pacto intelligi debent, aut pure comminatore ex vi voluntatis antecedentis, juxta quam non infallibiliter sequitur eventus, ut constat in subversione civitatis Ninivæ, quæ non executa est, civibus Pœnitentiam agentibus. Aut intelliguntur de pura pœna temporali, quam nullus post peccatum evadit vel in hac vita, vel in purgatorio. Vel si intelligenda sint de ipsa culpa; ideo dicuntur peccata irremissibilia, quia non de facili hominem illorum pœnitit: et hac phrasi explicatur non impossibilitas absoluta remissionis, sed difficultas illius, sicut (inquit D. Thom. sol. ad 2) dicitur *illud non posse sanari, quod non potest de facili sanari.* Non quia

deficiat medicina Pœnitentia, sed quia difficile homini est ea uti. Unde semel atque illa adhibetur, quod fieri potest divina intercedente gratia, nullum peccatum censendum est irremissibile respectu veræ Pœnitentia.

Objecti
contra
præmis
sum fun
damen-
tum.

135. Sed dices contra discursum supra factum nullo ex illis capitibus peccatum dici irremissible, ut bene probatum est, sed ex alio longe diverso, et ibi suppresso, nimurum ex denegatione auxiliorum sufficientium. Constat autem hæc pluribus negari. Ergo in praedicto sensu non omnia peccata auferri possunt per Pœnitentiam. Minor probari potest plurius textibus sacrae Scripturæ, in quibus edocemur multoties denegasse Deum auxilia ad bene agendum oportuna, ut de aliquibus Isai. 6 dicitur: *Excœca cor populi hujus, et aures ejus agrava, et oculos ejus clade, ne forte videat oculis suis, et auribus suis audiatur, et corde suo intelligatur, et convertatur, et sanem eum.* De aliis vero asseritur Joan. 12, quod *propterea non poterant credere, et Ecclesiast. 7: Nemo potest corrigerem, quem ille despexerit.* Hierem. 51: *Curavimus Babylonem, et non est sanata, derelinquamus eam, ac tandem de plurimis scriptum est 2 Corinth. 4: Deus hujus sæculi exactavit mentes infidelium.* Hoc autem fieri non posset, si cunctis auxilia sufficientia fuissent dispensata, et distributa, utpote quibus videre possent, et se convertere. Ergo cum hoc ipsis negatum clare asservatur, dicendum est non omnes auxilia sufficientia recepisse ad conversionem, subindeque nec Pœnitentia illorum peccata deleri potuisse.

Isaiæ 6
Joan. 12
Eccle-
siaст. 7
Hierem.
51.

2. ad
Cor. 4.

Hæc objectio tangit gravissimam difficultatem, jam discussam tract. de Gratia efficaci disp. 6, dub. 3 per totum. Sed quoad præsens ab scopo divertit: quoniam aliud est: Utrum Deus ex sua voluntate semper justa, et nobis occulta, ut inquietabat D. August. peccatoribus suam gratiam, et veram Pœnitentiam deneget? aliud vero, An ea semel concessa, sufficiat ad expellenda omnia peccata? Primum non disputamus, sed supponimus decisum loco immediate citato, ubi consulenda est resolutio. Secunda vero difficultas de hoc non curat, sed solum investigat vires hujus virtutis contra omnia peccata; quidquid sit, an de facto omnibus conferantur auxilia pro ea sufficientia, vel non. Quia tamen indirecte attingere potest præsentem controversiam.

136. Respondeatur ex dictis loco citato, nec

nec etiam ex hoc capite esse peccatum absolute irremissibile in hac vita ob rationem supra tactam de vertibilitate liberi arbitrii in bonum post perpetratum malum, et promissione venie homini facta, si ad Deum ex toto corde se convertat. Porro ad hanc conversionem homini possibilem in statu viae non unicum auxilium, sed plura concurrere, alia proxima, et immediata, alia vero remotiora apprime tamen conducentia supponendum est. Quis enim neget auxilia proxima assentendi mystériis nostrae Redemptionis esse fidei illustrationem, qua in eorum notitiam devniatur? Et quia tot hominum millia inveniuntur, qui ea carent; idcirco omnes hi permanent inculpabiliter in sua infidelitate, subindeque non peccant contra fidem, sed sunt infideles negative juxta doctrinam D. Thomae 2,2, quæst. 10, art. 1, et communem Theologorum. Sed hoc est peculiare respectu fidei, quia ut docet Apostolus, *fides ex auditu, auditus autem per verbum Christi; aut quomodo credent ei,*

^{d. Rom. 10.} quem non audierunt? Rom. 10; quare non obligat ejus præceptum per se loquendo usque dum sufficienter proponatur exteriorius, vel Deus interne supplet defectum prædicantis. Et in hoc sensu concedimus non omnibus re ipsa semper conferri auxilia proxime sufficientia ad quemlibet actum supernaturale, et videtur expressum D. Augustini super epist. ad Rom. 9, ubi loquens de Pharaone inquit: *Non ergo hoc illi imputatur, quod tunc non obtemperavit, quandoque obdurato corde, obtemperare non poterat; sed quia talem se præbuit, quod obdurateatur.* Hæc tamen impotentia non tollit aut efficaciam Pœnitentiae, aut ejus absolutam possibilitatem.

^{i. Au-} Si vero fiat sermo de auxiliis remote sufficientibus ad salutem, asseruimus loco citato et modo affirmamus, nullum esse hominem, cui ea omnino negentur, sed omnibus, et cuilibet viatorum aliqua dispensari, et re ipsa distribui, ut minimum in primo instanti usus rationis, in quo omnes absque ulla exceptione urget præceptum dilectionis Dei, in quo subinde Deus illuminat omnem hominem venientem in hunc mundum, ut habetur Joan. 1. Cui auxilio si non apposuerit impedimentum, uberiora consequenter recipiet, quibus alia peccata vitare possit, et præcepta virtutum exercere. Sin vero minus ipse se voluntarie indisponet, et quo plura et majora impedimenta præbuerit, eo magis sea a gratia consequenda,

quantum est de se, elongabit; donec perveniat in illum statum, in quo ut inquietabat Augustinus nuper allegatus, *talem se præbeat, quod obduretur*, qui est status obdurationis, excaecationis, et obstinationis in malo, a quo divelli haud facile poterit, ex vi communis gratiae, et auxiliarum ipsi correspondentium. Et hujus conditionis sunt illi omnes, quorum fit mentio in illis textibus ex sacra pagina decerpitis.

137. Porro illorum peccata non impossibilis sunt dimitti, si homines ipsi locum darent veræ Pœnitentiae; sed quia viam ad illam occluserunt, et obdurati sunt: idcirco illis negatur gratia verae Pœnitentiae: non quia impossibilis; sed quia difficilis recipi in illo statu, in quo liberum eorum arbitrium ita peccato adhæsisse videtur, ut non splendeat in eo nisi malitia, quamvis non penitus absorpta permaneat inclinatio ad bonum; alias non different a damnatis, quod non debet dici de puris viatoribus. Unum et alterum egregie conjunxit, et exposuit D. Anselmus de concordia gratiae, et liberi arbitrii cap. 3 dicens: *Quod autem quidam experimento existimant probare, nihil valere liberum arbitrium: quia multi immenso conatu nituntur ut bene vivant: et quadam, ut aiunt, impossibilitate obstante, nihil proficiunt, aut post profectum irrecuperabiliter deficiunt: non destruunt, quod rationabiliter monstratum est, liberum scilicet arbitrium cum gratia valere. Ut autem intentes non proficiant, aut post profectum deficiant, non impossibilitate, sed aliquando gravi, aliquando facile superabili difficultate fieri existimo.* Sæpius namque asserere solemus impossibile nobis esse, quod sine difficultate perficere non valemus. Et in hoc sensu docuit S. Augustinus vel non posse homines intelligere, vel cum intellexerint, non posse adimplere. Et alia similia, quæ impossibilitatem bene operandi manifestare videntur; cum tamen solum difficultatem majorem, quæ fundet moralem impossibilitatem, contineant, ut exponit Angelicus Præceptor in præsenti solut. ad 2. Unde idem D. August. serm. de verbis Domini, ut ostenderet prædictam impotentiam in ducentem illam impossibilitatem non semel a se edoc̄tam ortum duxisse ex defectu liberi arbitrii se voluntarie indisponentis, non vero ex defectu auxiliarum sufficientium, dicebat: *Cum vult, non potest, quia quando potuit, non voluit: ideo per malum velle, perdidit bonum posse auxiliarum scilicet proxime sufficientium, in sensu ex-*

Addita-
mentum.

D. An-
selm.

D. Thom.

plicato et latius expenso loco citato de Gratia. Sed ex hoc nihil contra virtutem et efficaciam Pœnitentiae.

§ II.

Altera assertio de irremissibilitate unius peccati sine alio.

Secunda
Conclusio.

Suarez.
Valencia.

Granados.

Probatio
ex
Concil.
Trident.
et Ro-
mano.

138. Dicendum est secundo unum peccatum mortale sine alio remitti non posse. Hanc assertionem ut communem Theologorum, et fide sanctam docent Suarez disp. 10, sect. 4, Valencia quæst. 3, punct. 3. Granados de Pœnit. Controv. 7, tract. 3, disp. 7, et merito : tradita enim est in Concilio Trident. sess. 6, cap. 7, ubi docet justificationem consecutam ad præparacionem, quam descripsérat cap. 6, immediate antecedenti, mediis actibus pœnitentis, non esse solam peccatorum remissionem, sed et sanctificationem, et renovationem interioris hominis per voluntariam suscepctionem gratiæ, et donorum, vi cuius homo, ex injusto fit justus, et ex inimico amicus, ut sit hæres secundum spem vitæ æternæ Quæ doctrina non sustinet peccatum aliquod irremissum in homine justificato. Unde canone 29 illius sessionis definitur eum, qui post Baptismum lapsus est posse per Dei gratiam resurgere : hanc vero gratiam veram Pœnitentiam comitari constat ex canone sequenti et totius illius sessionis doctrina. Unde in Concilio Romano, ut referitur in cap. *Fratres nostros* 8 de Pœnit. dist. 5, sic dicitur : *Falsam autem Pœnitentiam esse constat, cum spretis pluribus, de uno solo Pœnitentia agitur, aut cum sic agitur de uno, ut non discedatur ab alio. Unde scriptum est Jacob. 2, Qui totam legem observaverit, offendat autem in uno, factus est omnium reus.*

Prima
ratio ex
D.Thom.

Eandem veritatem statuit D. Thomas in hac quæst. art. 3, eamque triplici fulcivit ratione. Prima est hujusmodi : nullum peccatum remittitur, nisi in quantum tollitur Dei offensa per gratiam : sed gratia est incompossibilis cum aliqua Dei offensa : Ergo nullum peccatum est remissibile per divinam gratiam permanentia aliqua Dei offensa. Patet Consequentia, nam alias aliquod peccatum remitteretur per gratiam, quin tolleretur divina offensa contra id, quod asserit Major, quam supponit D. Thom. ex art. præcedenti, ubi eam evicerat S. Doctor dicens, quod cum peccatum sit Dei offensa, eo modo Deus peccatum remittit, quo remittit

offensam in se commissam. Offensa autem directe opponitur gratiæ, ex hoc enim dicitur aliquis alteri esse offensus, qua repellit eum a gratia sua : nullum ergo peccatum aliter est remissibile, quam per Dei gratiam directe oppositam offensæ. Minor vero probatur tum ex eodem D. Thom. in hoc eodem discursu : quia gratia Dei causat in homine grato bonitatem, qua redditur Deo gratus, bonus, et justus; quod secus accidit in creaturis, ubi supponi debet bonitas in objecto : est vero impossibile hominem esse Deo gratum, et acceptum, si fuerit ipsi inimicus et ab eo aversus per peccatum. Tum etiam (et re ipsa coincidit), nam hac ratione tract. de justificat. disp. 2, statuimus per aliqua dubia incompossibilitatem gratiæ cum peccato ; et dub. 6, asseruimus nec de potentia Dei absoluta fieri posse justificationem peccatoris, nisi per donum intrinsecum, quod sit gratia sanctificans. Non quia sola gratia prædicta opponatur cum peccato ; cum hoc etiam competat actibus Charitatis, visioni beatificæ, et contritioni; sed quia hi, et alii actus necessariam important connexionem cum prædicta gratia, ab eaque essentialiter postulant oriri ut a sui principio.

139. Cui rationi, suppositis iis, quæ loco Objecto citato fusius expendimus, solum potest objici eam recte probare, si sumatur gratia adæquate, et prout se extendens ad omnia delicta; quo pacto nullum grave peccatum permittit gratia, sed vel omnia, vel nullum excludit. Si autem gratia Dei sumatur respective, et inadæquate, nullum est inconveniens asserere aliquod peccatum dimitti, alio irremisso manente. Quæ fuit evasio Joan. de Medina Cod. de Pœnitentia tract. 1, quæst. 12, in 2 quæstionis parte. Et reddit rationem : quia contritione, aut Pœnitentia potest quis dolere de uno peccato, et tota intentione contra illud inveni, quin ita abhorreat alia, vel quia non ita gravia, et sibi exosa, vel quia non detestatur illud peccatum ex ratione generica peccati, sed ex ratione specifica, et differentiali, ex qua non importat convenientiam cum aliis. Id quod magis credibile reddi contendit exemplo peccatorum venialium, quæ in ratione detestabilium, et remissibilium non habent connexionem; sed æque bene cohæret unum absque alio ab homine detestari, subindeque ipsi remitti, non ob aliud, quam quia dolor applicari uni, et non alteri potest. Similiter ergo in peccatis mortalibus, quæ diverse gravitatis, et offensæ

Joan.
Medi.

offensæ sunt, poterit esse contritio de aliquibus, vel unico tantummodo, quin opus sit formaliter, aut virtualiter ad omnia simul Pœnitentiam se extendere. Quapropter discursus D. Thomæ inefficaciæ arguitur.

Dicitur. Respondetur tamen rationem D. Thomæ optimam esse, et illam gratiæ divisionem excludere : nam vel minima gratia habitualis, aut tenuis contritio, dummodo vera et essentialis contritio sit, excludere pertinet omnia peccata mortalia. Et ratio est : quia contritio, qua contritio est, non detestatur peccata, nisi ob Deum summe dilectum, quem considerat offensum, et injuria affectum; unde per se primo tendit contra offensam convertendo totum hominem, et ejus vires in Deum, a quo avertebatur peccato. Quapropter non stat unum peccatum contritione deleri, quin saltem implicite cuncta alia expellantur. Non enim cohæret destrui rationem communem peccati gravis, quin etiam indirecte alia omnia expellantur : quia licet peccata (ut inquit S. Doctor. sol. ad 3), non sint connexa quantum ad conversionem ad bonum commutabile; sunt tamen conexa quantum ad aversionem a bono immutabili, in qua convenient omnia peccata mortalia, et ex hac parte habent rationem offensæ, quam oportet per pœnitentiam tolli, vel respectu omnium; vel nullum dimitetur. Nec ideo negamus posse hominem dolere de uno, et non de aliis. Cæterum iste dolor nec erit contritionis, nec sufficiet ad consequendam remissionem illius, de quo solo dolet. Et rationem tradit S. Doctor. sol. ad 4 : quia debitum culpæ contrariatur amicitia Dei, et ideo una culpa, vel offensa non remittitur sine altera, ridiculum enim videretur, quod etiam ab homine aliquis veniam peteret de una offensa, et non de alia. Unde dolor ille unius, et non aliorum peccatorum deserviet quidem ad desistendum ab eo peccato actuali, non vero ad ejus remissionem : at quam magis requiri docet S. Doctor sol. ad 4 explicans autoritate D. Gregorii, quæ objectioni favere videbatur : Verbum (inquit) D. Gregorii non est intelligendum quantum ad remissionem culpæ, sed quantum ad cessationem ab actu : quia interdum ille, qui plura peccata consuevit committere, deserit unum, non tamen aliud : quod quidem fit auxilio divino ; quod tamen non pertingit usque ad remissionem culpæ. Nec etiam urget exemplum peccatorum venia-

rium; nam ut inquit S. Doctor infra quæst. 87, art. 4 : *Exigitur ad remissionem peccati mortalis perfectior pœnitentia, ut scilicet homo actualiter (saltem implicite, et indirecte) peccatum mortale commissum detestetur, quantum in ipso est : sed hoc non requiritur ad remissionem venialium peccatorum.* Et ideo in solutione ad 1 docet ad Pœnitentiam de mortalibus requiri, quod homo proponat abstinere ab omnibus, et singulis, sed ad Pœnitentiam de venialibus hoc non desideratur : quia nec important aversionem a Deo, nec excludunt ejus amicitiam, sed solum retardant affectionem hominis, ne prompte feratur in Deum, et ex hac parte, si non minuant Charitatem ejus tamen fervori, et expeditioni adversantur. Quia vero potest homo circa unam materiam intensius se gerere, quam erga aliam; idcirco potest aliqua venialia vitare, et aliqua etiam detestari; quin possit, et obstringatur ad omnia simul utpote impossibile in hac mortali vita, absqne speciali gratia. Quæ doctrina amplius elucidabitur ex secunda ratione D. Thomæ, qua discursus illius Theologi convelletur.

140. Secunda ergo S. Doctoris ratio in articuli antecedentis decisione fundata proponitur sub hac forma : quoniam peccatum mortale non dimittitur absque vera Pœnitentia : sed nequit dari vera Pœnitentia unius peccati sine alio : ergo nequit remitti unum peccatum sine alio. Consecutio est legitima. Majorem ostenderat S. Doctor art. præc. nam ad veram remissionem peccati opus homini est, quod ejus voluntas sic immutetur, ut convertatur ad Deum cum detestatione conversionis ad creaturam, et proposito emendæ; quod pertinet ad rationem Pœnitentiae secundum quod est virtus. Minorem probat Angelicus Præceptor : quia sub eadem indivisibili ratione sub qua excluditur aliquod peccatum grave, debent excludi omnia : ergo nequit esse dolor aut detestatio unius peccati, quin sit cunctorum displicentia, et dolor, subindeque Pœnitentiae. Antecedens constat, tum ex discursu ipsius D. Thomæ ; cui enim displicet peccatum, quia est contra Deum summe dilectum, ex hoc ipso omnia alia, quæ suniliter contra Deum sunt, displicere debent : quocirca vere pœnitens esse non potest, quem unius, et non alterius pœnitet. Tum etiam quia nequit idemnet homo esse conversus in Deum tamquam in ultimum finem, et ab

Alia
ratio ex
D.Thom.

illo simul aversus : sed ad remissionem alicujus peccati requiritur conversio hominis in Deum ut ultimum finem : ergo non stat unum peccatum remitti, quin alia etiam remittantur. Major est fere communis sententia, quam late discussimus in tract. de ult. fine. Minor etiam liquet : quia stante aversione hominis a Deo tamquam ab ultimo fine, non stat remissio peccati, quod præcipue consistit in prædicta aversione; sublata namque illa aversione non remanet peccatum in ratione gravis, et offensæ Dei, ut constat in peccatis venialibus, in quibus homo convertitur ad bonum commutabile, quin inter peccata gravia accenseri debeant ex defectu aversionis a Deo ut ab ultimo fine : ergo ut homini remitti possit aliquod peccatum mortale, opus est conversione ejusdem hominis in ipsum Deum, qua excludatur aversio ab eodem tamquam ab ultimo fine creaturæ rationalis : et ea conversione posita, nullum remanet peccatum grave. Quocirca optimo, ac omnino maturo iudicio Pius V et Gregorius XIII inter alias plures propositionem 37 Michaelis Baii proscripterunt, qua docebat per contritionem charitate perfectam non remitti peccatum, quasi stare posset vera conversio ad Deum cum aversione ab ipso Deo; cum tamen scriptum sit Psal. 50 : *Cor contritum, et humiliatum Deus non despicies.*

Objectio
vim
rationis
eva-
cuans.

141. Huic tamen discursui opponi potest principium illud, cui innititur, non esse undequaque solidum. Stat enim omnia peccata detestari a Pœnitentia sub una, et eadem indivisibili ratione offensæ divinæ, et quod non omnes offensæ simul attingantur, et detestentur : ergo ex principio illo D. Thomæ non recte probatur unum peccatum sine alio non posse dimitti. Consequentia constat, et Antecedens probatur in scientiis, quarum ratio sub qua est omnino indivisibilis, et tamen intra eamdem scientiam, v. g. Metaphysicam potest destruiri notitia circa unam conclusionem, quin destruatur circa aliam, ut constat experientia. Imo et cum evidenter unius queit stare error alterius. Ergo quamlibet indivisibiles sit in Pœnitentia ratio formalis detestandi peccata, poterit esse detestatio, et consequenter remissio unius, quin ex vi hujus convincatur alia etiam detestari, ac remitti debere.

Everti-
tur. Hæc tamen objectio non infirmat, sed roborat rationem D. Thomæ, ex cujus doc-
trina 2, 2, quæst. 5, art. 3, solvitur, et

retrorquetur in favorem præsentis assertio-
nis. Nam licet ratio sub qua cujuslibet scientiæ sit omnino indivisibilis ad hunc sensum, quod non est aliqua demonstratio in illa scientia, quæ non attingatur sub eadem formali ratione *sub qua*, aliæ demonstations pertinent ad eandam scientiam ; quapropter sicut scientia est formaliter una, ita et ejus ratio sub qua est, et esse debet formaliter, et indivisibiliter eadem. Attamen admittit quælibet scientia latitudinem, et extensionem materialem ex parte diversorum mediorum pro diversis conclusionibus, ratione cujus ita attingitur unum medium pro una conclusione, quod ex vi hujus medii proxime, et immediate alia non possit attingi. Ideoque stat ignorantia, imo et error unius, cum evidenter, ac demonstratione alterius. Quocirca sic adstruenda est indivisibilitas formalis ex parte rationis *sub qua*, quod etiam admittere, et concedere necesse sit divisibilitatem et latitudinem materialem, ut constat ex doctrina D. Thomæ loco immediato, *D.Thomæ ubi eam tradit in solut. ad 3 : Dicendum (inquit) quod in diversis conclusionibus unius scientiæ, sunt diversa media, per quæ probantur, quorum unum potest cognosci sine alio. Et ideo homo potest scire quasdam conclusiones unius scientiæ, ignotis aliis.* At vero ratio formalis aversionis, cui iniuitur offensæ ratio, est formaliter, et indivisibiliter omnino eadem absque latitudine illa materiali quæ reperitur in scientiis : atque ideo non stat unam excludi, et remanere alteram ; sicut componi nequit Deum haberi ut ultimum finem naturæ rationalis ab eodem homine, a quo simul est aversus tamquam ab ultimo fine. Unde sicut non stat (ut exemplum exemplo retundamus) hominem dissentiri uni fidei articulo, quin amittat fidem circa omnia, ut est doctrina D. Thom. ubi nuper; haud dissimiliter non cohæret detestari unum peccatum, quin omnia alia ibi intelligantur inclusa, si prædicta detestatio sit vera Pœnitentia, quæ inducere beat veram remissionem. Et rationem tradit Sanct. Doctor, quia species habitus dependet ex formali ratione objecti, qua sublata species habitus remanere non potest : sed quia objectum fidei est prima veritas in dicendo non stat dissensus unius mysterii revelati, quin excludatur assensus quilibet fidei Theologicæ circa alia mysteria : ergo quia objectum Pœnitentiæ est offensa divina sub ratione offensæ divinæ absolute, non cohæret

cohæret detestatio unius absque detestatione omnium. Et ideo sicut ratio primæ veritatis revelantis, esto attingat plurima, eaque diversa mysteria, est tam formaliter, quam materialiter eadem, nec patitur inexcludi aliquam latitudinem; consimiliter dicendum, et asserendum est de peccatis ut destruendis sub ratione offensæ divinæ per Pœnitentiam. Quare licet in fieri, et quoad conversionem peccata non sint conexa; bene tamen ex parte aversionis, et quoad excludi.

142. Tertia ratio D. Thom. sumitur ex parte divinæ misericordiæ, cuius opera non sunt dimidiata, et imperfecta, sed absolutissima, et nulla ex parte deficiens: quocirca ab ea non est expectanda dimidiata remissio; ideo D. August. a D. Thoma allegatus lib. de vera et falsa Pœnitentia cap. 9, inquiebat: *Quædam impietas infidelitatis est, ab illo qui justus, et justitia est, dimidiam spectare veniam.* Unde sequens conficitur argumentum: Quod est contra perfectionem divinæ misericordiæ, censendum est impossibile: sed est contra perfectionem divinæ misericordiæ remittere unum peccatum sine alio: ergo impossibile est. Minor probatur, tum quia remissio unius peccati, et non aliorum est remissio imperfecta, non secum afferens gratiam, et amicitiam divinam, quæ stare non possunt cum aliquo peccato mortali. Tum etiam, quia si apud homines ridiculum videtur petere ab homine veniam de una offensa, et non de alia, ut inquit D. Thomas; multo magis respectu Dei, cuius misericordia superexaltat judicium. Tum denique: quia illa remissio utpote non extrahens hominem ab statu peccati, foret ipsi inutilis, et contra finem media Pœnitentia intentum, cum tamen *dilectio gratiæ, per quam fit remissio peccati mortalis ordinet hominem ad vitam æternam.* Ut est perspicuum, et docet S. Doctor sol. ad 5.

Porro ut hæc ratio D. Thomæ vires exerat, supponendum est hominem vere pœnitere de peccatis prout sunt offensæ Dei, et hoc modo, suppositis etiam rationibus præcedentibus, recte concludit: quia divinæ misericordiæ non est consenteum, quinimo repugnans, homini facienti totum, quod est in se ex viribus divinæ gratiæ, denegare ubiorem gratiam juxta exigentiam dispositionis, et præparationis. Sed homo, quem pœnitit omnium peccatorum, quia sunt offensæ Dei,

Salmant. Ours. theolog. tom. XIX.

facit totum quod est in se ex viribus divinæ gratiæ, qua accipit contritionem. Ergo foret contra Dei misericordiam illi denegare remissionis gratiam, Imo esset Deus sibimet contrarius, et veluti illusorius homini, quem vocaret ad contritionem, imo et conterere faceret; cum tamen dimittere nollet omnia delicta, sed unicum, aut aliqua dumtaxat; quocirca argueretur non serio velle ejus Pœnitentiam, quam fine proprio reconciliationis destitueret.

§ III

Protrahitur eadem assertio ad potentiam Dei.

Superest tamen difficultatem propositam examinare per ordinem ad potentiam Dei absolutam. In quo est major disceptandi ratio, nec unum est Authorem. Sed pro veritatis explicatione

143. Dicendum est tertio nec de potentia absoluta unum peccatum absque alii remitti posse, atque ideo per Pœnitentiam vel nullum, vel omnia condonanda sunt. Hæc est D. Thomæ et discipulorum (unico D. Thom. excepto Magistro Nuno) sententia, quam ex extraneis amplectuntur Ricardus in 4, dist. 1, art. 6, q. 3. Vasquez in Comment. hujus articuli, et 12, disp. 207, cap. 2, et 5. Valencia disp. 7, q. 3, punct. 3. Montesinos tom. 2, in 1, 2, disp. 37, dub. 1. Becanus cap. 31, q. 6. Montesinos disp. 33, q. 6, § 4, n. 226. Ante cujus probatōrem supponendum est peccatum habitualē, de quo est præcipua controversia, sive personale, sive originale illud sit, per nullam potentiam dimitti posse absque mutatione intrinseca peccatoris. Cum enim Præsupponenda. quodlibet eorum consistat in privatione gratiæ sive originalis, sive habitualis, ut ostendimus tract. de Justificatione disp. 1, dub. 1 et privatio intrinseca auferri nequeat absque forma opposita, palam conficitur fieri non posse peccati remissionem, quin fiat transitus hominis de non esse sub gratia ad esse sub illa, quod necessario importat mutationem. Ideoque disp. 2 ejusdem tractatus dub. 5, statuimus peccatum hominis elevati ad finem supernaturalem deleri non posse absque prædicta gratia, postquam dub. 5 antecedenti ostenderamus necessariam omnino esse mutationem intrinsecam peccatoris ad obtinendam remissionem. Quæ doctrina adhuc

Tertia
Conclusio.

Ricard.
Vazquez.
Valencia.
Lorca.
Becanus.
Montesinos.

Præsupponenda.

gratiæ sive originalis, sive habitualis, ut ostendimus tract. de Justificatione disp. 1, dub. 1 et privatio intrinseca auferri nequeat absque forma opposita, palam conficitur fieri non posse peccati remissionem, quin fiat transitus hominis de non esse sub gratia ad esse sub illa, quod necessario importat mutationem. Ideoque disp. 2 ejusdem tractatus dub. 5, statuimus peccatum hominis elevati ad finem supernaturalem deleri non posse absque prædicta gratia, postquam dub. 5 antecedenti ostenderamus necessariam omnino esse mutationem intrinsecam peccatoris ad obtinendam remissionem. Quæ doctrina adhuc

tenet, casu quo homo de potentia Dei absoluta justificaretur absque ullo actu proprio, ut divinitus fieri posse docuimus ibi disp. 3, dub. 2. Et ratio est: quoniam in eo eventu justificaretur homo vel per unionem hypostaticam, secum afferentem sanctitatem personalem prorsus incompossibiliter cum quolibet vel levissimo peccato; vel per gratiam habitualē divinitus homini infusam absque illa ipsius actuali dispositione, ut supponitur: utro enim modo id fieret, interveniret mutatio intrinseca peccatoris, et elevatio per formam, vel quasi formam supernaturalem. Et dumtaxat erit differentia in eo, quod stante dispositione propria ipsius peccatoris intercedit duplex mutatio, et quae provenit ab actibus a se elicitis, et quam causat ipsa gratia. In alio vero casu unica dumtaxat mutatio concedenda foret, ea nimisrum quam induceret forma ipsa sanctificans. Quocirca in praesenti amandari debet modus ille remissionis per puram condonationem extrinsecam a pluribus extra scholam D. Thomae excogitatus, in quo illius fautores maximam vim facere possent. Et si quid difficultatis pro eo occurrerit, recurrentum est ad citata loca, tibi ut in propria sede discussum, et elucidatum reperierit lector.

Fundamentum assertio-
nis:

Soto.

144. Quibus principiis in praesenti stuppositis, probatur assertio rationibus D. Thomae in praesenti, quibus tam efficaciter suadetur intentum, ut in merito assuererit Magister Soto in 4, dist. 15; quæst. 1, art. 3, § Conclusionem, majorem implicacionem contradictionis (si major esse potest) esse in eo, quod Deus uniuersum peccatum sine alio remittat, quam sit in eo, quod peccatum sine gratia diluat. Impossibile quippe est hominem absolviri a Deo a peccatis, sive originali sive actualibus, quin ipsum hominem ad se revocet, et gratum, ac justum constituant. Sed prorsus impossibile est hominem in Deum conversum, justum, et ipsi gratum, intrinsecè constitutum, cum eo quod sit aliquo gravi peccato a Deo aversus, ipsi intrinsecè infensus, et injurius: ergo impossibile omnino est homini aliquod peccatum remitti per gratiam intrinsecam, aliis permanentibus irremissis. Major constat, quia peccatum remitti homini a Deo, nihil aliud est, quam quod sit in Deum ultimo conversus, ipsi acceptus, et gratus habitualiter. Minor etiam liquet: quia quilibet peccato lethali redditur homo Deo injurius, infensus, ipsi

inimicus, et invitus. Non ergo stare poterit illa potentia hominem esse Deo acceptum, et gratum, et simul culpe, vel culpis lethali bus obnoxium et eaurum fœditate conspureatum.

Quæ est prima D. Thomæ ratio, et confirmari, ac explicari potest. Nam Apostolo teste ad Rom. 8: *Nihil damnationis est isti, quæ sunt in Christo Iesu, ad quæ verba inquit D. Thomas: Proponit beneficium, quod gratia confert concludens ex promissis: Gratia Dei per Jesum Christum liberavit me de corpore mortis hujus, in quo existit nostra Redemptio: ergo nunc, ex quo sumus per gratiam liberati, nihil damnationis est residuum, quia et tollitur damnatio quantum ad culpam, et quantum ad paenam.* Quæ Consequentia necessaria est, et conccludit inspecta qualibet providentia. Si quidem homo liberatus per gratiam habet ius ad vitam aeternam; homo vero adstrictus aliquo gravi delicto est destinatus aeterno supplicio; in uno nihil esse debet damnationis, in altero vero nullum esse potest ius ad gloriam juxta illud Jacobi 2: *Quicumque totam legem servaverit, offendat autem in uno, id est, in una virtute, factus est omnium reus, omnium scilicet præceptorum, quia illas ibi inutilia reddit.* Vel omnium præceptorum (inquit S. Doctor) quia pro uno, ac si pro omnibus, peribit. Sed implicant unum et eundem hominem pro eodem instanti tam oppositis subesse prædicatis: ergo impletorium est homini aliqua peccata, et non omnia per veram poenitentiam dimitti: esset enim habere, et non habere Dei gratiam, esse illi acceptum, et gratum, et non esse gratum a Deo acceptum. Quæ major nequit explicari contradicatio.

145. Nec refert si dicas, hanc contradictionem solum esse in hac providentia, et inspectis principiis a Deo revelatis: non tamen tenere inspecta altiori potentia ab his legibus absoluta, juxa quam nulla est repugnativa in eo, quod homo pluribus debitibus obstrictus absolvatur ab uno, ab aliis non absolutus.

Sed hoc nihil est, et manet ex dictis § præcedentibus convulsum. Nam amicitia Dei consistit in indivisibili, qualitumvis possit pluribus titulis violari; quod nec disputamus, nec ad rem est, quandoquidem errare, ut inquit Philosophus, multipliciter contingit; sed scopuli attingere stat unicó dumtaxat modo. Qualvis ergo plura requirantur ad ineundam cum Deo amicitiam,

Contra
mat
Ad Re
8.
D. Ti
mas

Fuga

Præcid
tur.

tiam, et ex hoc capite multa sint capita deficiendi, nunquam tamen pervenietur ad iterum ineundam discussam amicitiam cum Deo, nisi omnia impedimenta diruantur, et expellantur, et vel unum si deficiat, deficere necesse est remissionem omnium; aversio quippe a Deo tanquam ab ultimo fine, in qua fundatur Dei offensa, et nititur ejus inimicitia cum homine, non est auferribilis, nisi simul omnia delicta detestentur. Nam ut bene animadvertis Angelicus Præceptor, oppositum discurrendi modum præcavens, et repellens, aliud est peccati remissio, aliud est peccati cessatio; et major ad illam, quam ad istam requiritur gratia: nam ut homo casset a peccatis, sufficit gratia, quæ sit auxilians; ut vero ei illa peccata remittantur, exigitur gratia sanctificans totum hominem; et cum hac gratia in nulla providentia, quantumvis a legibus absoluta, cohæret peccatum, ut est perpetua S. Doctoris sententia, de qua uberiori loco citato de Justificatione. Quare omnia argumenta, quæ excogitari possunt ab adversariis, ad summum probare poterunt ex divina illa gratia ut ab ipsis proposita consequi hominem cessationem a peccatis, non vero remissionem, de qua agimus. Porro non esse eandem rationem de debitis exterioribus, ac de peccatis, liquet ex D. Thom. art. 3 ad 4 in quo præcedit simile argumentum dicens: *quod debitum exterioris rei* (puta pecuniae) *non contrariatur amicitia, ex qua debitum remittitur: et ideo potest unum dimitti sine alio.* Sed debitum culpæ contrariatur amicitia, et ideo una culpa, vel offensa non remittitur sine altera.

*jectio
narii.* 146. Sed dices ex Suario hoc solum probare de homine elevato ad finem supernaturalem, qui eo ipso nequit non esse vel in peccato, vel in Dei gratia, et amicitia. Qæterum si homo in alio rerum ordine, in quo non esset hujusmodi elevatio, collocaretur, non esset illi recursus ad gratiam, utpote non promissam, nec consequenter debitam. In quo sane eventu peccatum non consisteret in privatione voluntaria gratiae, quæ penitus ignoraretur. Ergo in illo statu nulla esset ratio, quare non posset unum peccatum absque alio deleri. Patet Consequentia: quia tota, et adæquata ratio D. Thomæ in id tandem reducitur, quod peccatum importet privationem gratiae, et amicitiae divinae, quæ est incompossibilis cum eadem gratia: sed in prædicta hypothesi vere possibili, ut de

statu purorum docent communiter Theologi, peccatum non consistet in prædicta privatione: ergo in prædicta hypothesi æque bene posset salvari remissio unius culpæ absque aliarum vel omnium ablitione.

Sed nec ista objectio officit assertionis ^{Retandini.} veritati, et ejus fundamento. Quia peccatum in quocumque perpetretur statu, importat offensam Dei, et est aversio ab ipso tanquam ab ultimo fine; hoc enim non provenit ab statibus; sed est intrinsecum ipsi Deo esse ultimum finem creaturæ rationalis, et huic esse subjecere, et subordinare illi ut sui primo principio, et fini omnino ultimo absolute, et simpliciter. Ex quo sequitur ut dicebamus, quilibet peccato gravi induci aversionem a Deo tanquam ab ultimo fine absolute, et simpliciter tali; licet concedi debeat possibilem esse ignorantiam ejusdem ut finis supernaturalis expresse, eamque futuram in statu purorum libenter asserimus, imo et vigere in pluribus Barbaris sub hac providentia nihil minus, quam de Deo authore supernaturali vel audientibus, vel cogitantibus non renuimus, vi cujus permanent infideles negative juxta doctrinam D. Thomæ, et Theologorum supra allegatam. Cæterum hæc ignorantia sicut non tollit aversionem prædictam a peccato, nec etiam aufert, quod ipso peccato importetur recessus a Deo secundum quod in se ipso est, atque ideo ex modo recedendi et affectu peccandi postponatur Deus re ipsa author supernaturalis, saltem implicite, et interpretative, licet expresse, ac formaliter solum offendatur, et derelinquatur ut Author naturalis. Unde provenit damnum illatum ut resarcitur, indigere gratia supernaturali ejusdem Dei, ut sit perfecta hominis conversio, Qua ducti ratione, et aliis late expensis traet. de Justificat. disp. 2, dub. 7; statuimus peccatum grave status purorum neo de potentia absoluta posse deleri absque mutatione intrinsecâ supernaturali, non qualicumque, sed quæ proveniret a gratia sanctificante.

Eamque esse mentem D. Thomæ, præter ibi dicta constare videtur ex quæst. 28^a de Veritate art. 2, ubi universaliter docuit, semel atque homo exciderit peccato a statu naturæ, quin amittat gratiam nondum habitam, reparari aliter non posse, quam per ipsammet gratiam sanctificantem. Sed in quocumque statu homo graviter deliquerit, decidet ab statu naturæ sive

Funda-
tur res-
ponsio in
D. Thom.

integræ, sive pure naturalis, et contrahet corruptionis statum. Ergo in omni, et quolibet statu peccaverit, indiget ad reparationem gratia sanante, et sanctificante. Cætera constant præter Majorem, quæ est expressa S. Doctoris solut. ad 4 et 5. Ubi admittens, cum aliquibus sui temporis, Adamum in sua conditione non accepisse gratiam, subindeque quod peccando ab illa non excidisset; ex hoc tamen ipso quod peccaverit intra ordinem naturalem, et ab ejus recto dictamine deviarit, affirmat reparari non posse absque gratia. Verba D. Thomæ sunt : *Sed tamen si a solo statu naturæ decidisset; nihilominus tamen ad expiationem infinitæ offensæ donum divinæ gratiæ requireretur.* Hoc autem donum esse gratiam supernaturalem, non utcumque, sed sanctificantem constat ex toto articulo; hanc enim necessariam duxerat S. Doctor supposita elevatione hominis ad finem supernaturalem, et hanc eandem docet prorsus opportunam, etiam si a solo statu naturæ peccato labatur homo, propter infinitatem offensæ divinæ, quæ numquam non debet Deo irrogari, in quocumque statu fingatur homo graviter delinquens. Ex qua doctrina penitus evanescit effugium Suarri, siquidem discursus D. Thomæ est universalis, et ambit quemlibet hominis statum, in quo peccet. Unde in nullo remitti potest peccatum aliquod, quin omnia condonentur.

Allia
objectio-
nis
dilatio-

147. Sed esto ita esse posset, quod in statu naturæ puræ non indigeret homo gratia sanctificante, ad destructionem peccati, nec hujus essentia in illius privatione consistenter; non inde excluderetur necessitas gratiæ illius ordinis, quæ superare deberet exigentiam peccatoris : non enim est remissibile peccatum nisi per gratiam : quare huic soli gratiae competenter instaurare amicitiam qualemcumque illius status. Quod sane nec præstaret, nec præstare posset, quin excluderet omnia peccata illius ordinis. Et ratio est eadem debite applicata : quia sicut in praesenti providentia, ut excludatur aversio peccati, opus est conversione in Deum ut finem supernaturalem, et detestatione ejusdem peccati propter Deum summe dilectum absolute; haud secus in illo statu naturæ puræ, sed peccato depravatae in hoc, aut illo individuo peccatore, ut reintegretur, et reduceretur ad pristinum statum; opus omnino esset gratia naturali, qua converteretur homo ad suum finem ultimum naturale,

ex quo moveretur ad detestanda percata. Unde si aliquod illorum indetestatum, et consequenter irremissum maneret, non posset in pristinum statum naturæ puræ revocari, sed pertineret ad alium naturæ jam lapsæ, et non reparatae. Oporteret igitur adhuc in permissa, et gratis concessa hypothesi vel omnia, vel nullum simul dimitti gratia naturali illius status; alioquin enim nec reduceretur ad statum naturæ puræ, nec haberet Deum eius Authorem ut finem ultimum illius status. Quod dici non debet. Eo præsertim, quia non desunt graves discipuli D. Thomæ, quibus arrideat peccatum illius status sola gratia naturali expulsumiri; cum tamen nullus sit præter Nunno, qui censeat de potentia absoluta unum peccatum sine alio posse deleri. Quod signum est ex uno ad aliud non bene deduci argumentum.

§ IV

Excluditur peccatum ab intrinseco irremissibile.

148. Dicendum est quarto, implicare ^{Qua} contradictionem dari peccatum quod sit ^{Conc} ^{sio} essentialiter irremissibile. Hanc conclusio- ^{ment.} nem statuimus contra Lugo in præ. disp. 1, sect. 1, n. 3, qui licet catholice teneat nullum de facto posse esse peccatum, quod per Pœnitentiam non possit auferri; asserit tamen n. 4, non repugnare in alia rerum serie fieri peccata, quibus per essentiam suam conveniat irremissibilitas esse. Assertionem vero nostram non tam docent (quia forte in mentem de ea dubitare non venit) quam supponunt communiter Theologi, ut testatur Prado in præsenti, et merito : est enim consecutarium primæ assertionis, et eidem rationibus probatur. Cum enim virtus Pœnitentiae non sit ligata præsenti providentiae, aut ejus legibus, sed quoad sua essentialia permanserit in lege naturali scripta, et gratiæ, eadem etiam foret in quacumque alia providentia possibili; cum essentiae rerum sint invariabiles : sed virtus Pœnitentiae ex suis prædicatis essentialibus gaudet virtute expellendi, ac destruendi quolibet peccatum mortale : ergo nullum est, aut esse potest in aliquo providentia, quod Pœnitentia virtute destrui non valeat. Major constat ex illi inserta probatione. Minor etiam constat : quia nullum est aut esse potest peccatum mortale, quod non possit

possit deleri gratia sanctificante, et actu charitatis : sed virtus Pœnitentiae essentia iter supponit gratiam sanctificantem, et actum Charitatis, ut constat ex diffinitione contritionis, quæ est dolor de peccatis propter Deum summe dilectum ; et ex hac radice habet destruere peccatum : ergo in quacumque hypothesi, in qua collocetur vera virtus Pœnitentiae, poterit excludere peccatum sibi oppositum.

Deinde probatur : nam peccatum essentialiter irremissibile est peccatum indestructibile per Dei gratiam : sed implicat peccatum indestructibile per Dei gratiam : ergo implicat peccatum essentialiter irremissibile. Consequentia constat. Major etiam liquere videtur : nam peccatum, quod destrui potest per Dei gratiam, non est essentialiter irremissibile, cum destrui possit, et respectu gratiæ coincidit remittere peccatum, et illudmet destruere, quia non destruit, nisi remittendo, nec remittit, nisi destruendo : atque ideo peccatum essentialiter irremissibile esse debet peccatum essentialiter indestructibile per Dei gratiam. Minor vero probatur; quia implicitorum est adstruere Dei virtutem vinci posse ab aliquo creato, et derogat omnipotentiae divinæ, quod valeat superari a peccatore : sed Dei gratia secum affert vires omnipotentiae divinæ, et major est Dei bonitas, quam esse possit malitia humana : ergo implicitorum est adstruere peccatum aliquod, quod sit in aliqua rerum serie indestructibile per gratiam divinam.

Confirmatur, et explicatur ratione D. Thomæ in hoc primo articulo : nam quod peccatum sit essentialiter irremissibile, vel proveniret ex defectu virium in gratia, vel ex resistantia liberi arbitrii, vel ex natura ipsius peccati; sed ex nullo horum capitum id habere posset : ergo nullatenus potest esse peccatum illud irremissibile. Non quidem proveniret ex prima radice, alias refunderetur defectus in Dei gratiam, quod est absurdissimum : nec etiam ex secundo capite, juxta textum allegatum a D. Thoma Proverb. 21 : *Cor Regis in manu Domini quicumque voluerit, vertet illud, et alibi, Omnia quæcumque voluit fecit.* Unde D. Augustinus Enchyrid. cap. 98 : *Quis ita desipiat, ut dicat Deum malas hominum voluntates, quales voluerit, quando voluerit, ubi voluerit, non posse in bonum converti?* Nec tandem oriri potest ex natura ipsius peccati, utpote quod haberet causas suæ destructionis; nimirum gratiam, et liberum

arbitrium flexibile, et vertibile in contrarium ipsius peccati. Quod autem habet causas sue destructionis, non est essentialiter indestructibile, nec consequenter irremissibile; sicut e converso, quod importat causam productivam, eamque supponit essentialiter, nequit non dici, et esse essentialiter factibile. Cum ergo nullum sit excogitabile peccatum, quod non resipiat liberum arbitrium ut vertibile in partem oppositam media potentissima Dei gratia, nullum in aliqua rerum serie adstruendum est peccatum, quod non sit essentialiter remissibile.

149. Nec interest, si dicatur, peccatum illud ideo dici essentialiter irremissibile quia nequit media Pœnitentia remitti; non vero quia non possit absoluta Dei gratia auferri. Quare irremissibilitas illius solum est respectiva per ordinem ad Pœnitentiam, non vero absoluta, per ordinem ad divinam gratiam.

Non, inquam, refert, si hoc asseratur. Tum quia quod est auferibile per ordinem ad aliquam causam, licet sit inauferibile per ordinem ad aliam, non est essentialiter inauferibile; sicut quod est possibile per ordinem ad unam causam, est essentialiter possibile, licet non sit possibile per ordinem ad aliam causam: quocirca hæreticum esset dicere resurrectionem non esse possibilem, eo quod sit impossibilis respectu agentis naturalis. Sed peccatum illud esset remissibile per ordinem ad Dei gratiam. Ergo non esset essentialiter irremissibile. Aliunde vero etiam esset detestabile per ordinem ad liberum arbitrium; siquidem foret peccatum hominis viatoris, qui dum viator est, gaudet libero arbitrio flexibili in alterutram contradictionis, et contrarietas partem: ergo non minus esset remissibile, quam cætera alia peccata hujus providentiae; haec enim ex hoc duplice dumtaxat capite remissibilia sunt. Tum etiam: quia peccatum esse irremissibile respectu Pœnitentiae, non est, aut esse potest aliud, quam quod Pœnitentia nequeat influere active in destructionem maculæ prout se tenet ex parte animæ: sed in hoc sensu nullum est peccatum remissibile per Pœnitentiam: ergo vel nihil singulare inveniretur in illo peccato irremissibili essentialiter; vel omnia sunt æque irremissibilia, quod non est absolute dicendum. Major patet: quia Pœnitentia supponere debet ablatam maculam media infusione gratiæ; prius enim Deus ad nos

se convertit, quam convertamur ad ipsum; ut constat ex supra dictis, atque ideo antequam media Pœnitentia liberum arbitrium moveatur contra peccatum, supponit pro aliquo priori detersam maculam: sed detersa macula per infusionem gratiæ, non est, unde negari possit pro posteriori influxus Pœnitentiæ, ut patet in actibus charitatis, et aliarum virtutum pro posteriori ad communicationem gratiæ in illo instanti eliciti: ergo si semel, ut asseritur, est remissibile media gratia, male negatur non esse etiam remissibile per Pœnitentiam, nec est caput, unde id negetur, nisi quia nequeat influere in destructionem maculæ. Quod tamen non esse necessarium constat in aliis peccatis, quæ juxta fidem sunt remissibilia, quantumvis Pœnitentia non pertingat ad expulsionem maculæ, ut satis constat ex dictis dub...

Peccatum irre-missibile ex Lugo. *Potuisset enim (inquit Lugo) Deus saltem de potentia absoluta nolle remittere peccatum homini etiam pœnitenti, et potuisset hoc suum decretum alicui revelari, ita ut obligaretur homo ad illud credendum. Quo casu si homo culpabiliter nollet credere illi revelationi sufficienter propositæ peccaret graviter contra fidem: et illud quidem peccatum ex suis principiis intrinsecis esset irremissibile per Pœnitentiam. Nam si posset esse falsa revelatio Dei de non remittendo ullo peccato homini pœnitenti; si enim remitteretur, falsum esset, quod numquam esset remittendum. Cum ergo essentialiter repugnet ponit illud peccatum, et subsequi ejus remissionem; fatendum est illud peccatum per sua prædicata intrinseca tale esse, ut nulla pœnitentia posita posset auferri. Hactenus ille Theologus.*

Refelli-tur. *Hic tamen discursus solidus non est, nec intentum evincit, ut illum expendendo fiet obvium. Et in primis supposita doctrina D. Thomæ jam explicata ex quæst. 86, art. 6, ubi docet motum liberi arbitrii in peccatum supponere gratiam infusam, et dilectionem Dei super omnia: quod est asserere actum Pœnitentiæ supponere gratiam, implicitorum est Deum vere pœnitenti non velle remittere peccatum ob connexionem essentialiem inter infusionem gratiæ, et remissionem peccati. Quare vel dicendum erit gratiam posse de potentia absoluta non esse incompossible cum peccato, quod est falsissimum, et fere contra omnes Theologos*

melioris notæ; vel negandum est de potentia absoluta posse Deum homini veræ pœnitenti denegare peccati remissionem; quippe quod esset homini justo denegare justitiam, et homini grato peccati ingratitudinem simul deferre. Unde non est admittendum in Deo illud decretum, sed ut commentitium, et implicitorum amandandum. Quo supposito ruunt omnia super illud fundamentum constructa.

151. Ne tamen alligari videamus huic impugnatur amplius sententiae, et aliam omnino deserrere propter vim argumenti, respondetur admittendo casum de potentia absoluta Dei, quoad omnes ejus partes, hoc est, quod posset Deus denegare remissionem homini vere pœnitenti; quod hoc decretum non remittendi potuisset revelare; et quod teneretur homo ad credendum, et assentiendum revelationi sibi factæ. Ex quo tamen non inferri peccatum esse ab intrinseco irremissibile, manifeste probatur. Nam quod est ab intrinseco, et essentialiter irremissibile, non indiget decreto denegante remissionem; sicut quod est ab intrinseco impossibile, non indiget decreto decernente impossibilitatem: sed peccatum illud esset irremissibile ratione decreti: ergo peccatum illud non esset ab intrinseco, et essentialiter irremissibile. Major constat ex inserta probatione, quæ ntitur solido fundamento: nam decreta divina non admittuntur aut conceduntur a Theologis circa possibilitem, vel impossibilitatem intrinsecam, et essentialiem; sed dumtaxat circa existentiam, vel non existentiam possibilium; ideoque pertinent ad scientiam visionis, et non ad scientiam simplicis intelligentiæ. Minor etiam liquet, quoniam peccatum illud solum esset irremissibile ex suppositione decreti de non largienda remissione vere pœnitenti; quod decretum, si non esset in Deo, nullum esset caput peccatum illud irremissibile dicensi.

Ad hæc: quod potest esse, et non esse remissibile, non est ab intrinseco, et essentialiter irremissibile, ut est per se notum; sed peccatum illud potest esse, et non esse remissibile: ergo peccatum illud non esset ab intrinseco et essentialiter irremissibile. Probatur Minor: nam prædictum peccatum non stante præcepto, non minus quam reliqua peccata remissibile foret, et solum est irremissibile stante præcepto: sed præceptum potuit esse, et non esse in Deo, siquidem liberrime, et nulla

Continuatur
impugna-
tio.

nulla necessitate cogente, statutum est : ergo prædictum peccatum potuit esse et non esse remissibile. Eo vel maxime. Nam decreta Dei cum versentur circa existentiam, vel non existentiam rerum, non invertunt, aut immutant prædicata intrinseca, et essentialia : sed peccatum illud essentialiter et præscindendo a decreto fore remissibile : ergo ex vi decreti non redditur essentialiter irremissibile, sed ad summum accidentaliter, et facta aliqua suppositione. Et constat a simili operis meritorii in homine justo, cui licet possibile sit denegare gloriam per modum coronæ, et quovis alio modo ; non ideo opera hominis justi, in charitatem facta sunt ab intrinseco indigna præmio ; sed solum per accidens, et facta suppositione Deo libera : ergo similiter positio illius decreti non arguit peccatum illud fore ab intrinseco irremissibile; quinimo infert, et supponit illius remissibilitatem essentialiem, et hac supposita solum per accidens ex voluntate libera Dei fit irremissibile. Unde patet ex principiis a Lugone constitutis non posse fieri collectionem illam a se intentam.

152. Et ad probationem illius dicimus abs dubio graviter delictorum hominem non assentientem, nec credentem revelationi Dei sufficienter propositæ : sed sicut huic dissensiui accidentale est decretum de non remittendo peccato post veram pœnitentiam (non enim essentialie est dissensiui in rebus fidei, quod non possit remitti, ut constat in hæreticis, qui salvari possunt) ; ita et accidentale est illi peccato quod non remittatur, ideoque manet essentialiter remissibile, quamvis unquam remittendum sit ob decretum Dei de non remissione. Contra quod non urget ulterior probatio, sed est merus paralogysmus : quia licet si remitteretur peccatum illud, redderetur falsa divina revelatio ; ex eo vero quod possit remitti, non infertur, quod possit reddi falsa, ut patet in scientia Dei, quæ falli non potest, quamvis res scitæ a Deo aliter in se ipsis se habere possint. Et quidem si aliter ac sciuntur a Deo, evenirent, abs dubio falleretur scientia Dei ; cum tamen ex eo quod aliter fieri possint, non deducatur eam posse falli, quippe arguitur ab una de sensu composito ad aliam de sensu diviso, qui tam notissime est vitiosus arguendi modus, ut majori non indigat expugnatione. Sufficiet D. Thomam auscultasse 1 p. qnaest. 14, art. 13, sol. ad 3, ubi inquit : *Hæc propositio : Omne*

scilum a Deo necessarium est esse (idem dicit de omni revelato, utpote quod est scitum) consuevit distingui, quod potest esse de re, vel de dicto. Si intelligatur de re, est divisa. et falsa. Et est sensus : Omnis res, quam Deus scit est necessaria. Vel potest intelligi de dicto, et sic est composita, et vera, et est sensus : *Hoc scitum a Deo esse est necessarium, necessitate carente supra copulam, non vero supra rem, seu eventum copulae unitam, in quo stat infallibilitas consequentiæ eum fallibilitate consequentis in se ipso.* Quare concedimus repugnare peccatum illud remitti stante decreto de ejus irremissibilitate ; sed hinc non potest concludi peccatum illud esse essentialiter irremissibile, ut demonstratur adducto exemplo D. Thomæ, et alius sexcentis in materia de auxiliis, sive ex se efficacibus, sive scientia media regulatis, et directis ; utrobique enim offendit, et deficit illa argumentatio, ut rem consideranti erit perspicuum, et apposite admonuit D. Augustinus lib. de Natura, et Gratia cap. 7, nescio quem libri Authorem laudans, quod bene distinxerit, aliud esse querere, an possit aliquid esse, quod ad solam possibilitem pertinet ; aliud utrum ne sit ? Hanc (inquit S. Doctor) distinctionem veram esse nemo ambigit ; consequens enim est, ut quod esse potuerit : non est autem consequens, ut quod esse potest, etiam sit. Nam potest quidem homo ex Dei gratia esse sine peccato : sed non ideo probatur, quod sit : Potest peccatum esse remissibile ex eadem Dei gratia ; sed non ideo concluditur, quod de facto remittatur, maxime supposito decreto non remissionis. Nec etiam vice versa confici potest : *Non est homo sine peccato, ergo non potest esse ex Dei gratia* ; nec similiter *Non remittetur peccatum vere pœnitenti ob suppositionem decreti : ergo peccatum illud non potest remitti*, seu (quod idem est) *ab intrinseco est irremissibile*. Alia quippe ratio est, et esse debet de potentia consequenti, seu in sensu composito, alia vero, et longe diversa, de potentia antecedenti, seu in sensu diviso : quocirca stat impotentia consequens cum potentia antecedenti, sicut componitur non posse aliquid fieri in sensu composito, quod tamen possumus in sensu diviso.

D. Au-
gust.

§ V.

Alia ejusdem Cardinalis Lugo sententia de peccato nondum commisso, vel dum actu committitur.

Quinta
conclu-
sio.

Thomis-
tae.
Suarez.
Oviedo.
Ripalda.

Ratio ex
D.Thom.

153. Hinc ultimo dicendum, et statuendum est implicare contradictionem peccatum remitti in eodem instanti, in quo committitur, vel etiam antequam committatur. Hanc etiam assertionem statuimus contra eundem ubi supra disp. 7, sect. 8, num. 426, ubi docet non repugnare in ordine ad potentiam Dei absolutam Deum condonare peccatum in ipso met instanti in quo fit, vel diu antequam sit committendum. Assertionem tamen nostram tuentur non solum discipuli D. Thomæ, sed etiam Suarez lib. 7 de Gratia cap. 21, eam dicens per se notam, Oviedo 1, 2, tract. 8, controvers. 4, punct. 6, asserens rem nullam invenire in Lugo discursu, et Ripalda lib. 6, de Ente supernaturali disp. 132, sect. 29, docens Joannem de Lugo assertorem hujus condonationis non fuisse consequentem. Unde mirum non est D. Thomæ discipulis ejus sententiam non arrisisse, quæ adeo displi- cuit Domesticis. Et quidquid sit de illorum censuris, prima assertionis pars docetur a D. Thoma in hac 3 p. quæst. 68, art. 4, ubi ex eo statuit Sacramentum Baptismi actuali peccatori non esse impertiendum, quia *nulus habens voluntatem peccandi simul potest a peccato mundari, quia hoc esset ponere contradictoria esse simul*. Et hæc est unica et adæquata ratio eam sententiam refellendi. Quoniam duo contradic- toria nec de potentia absoluta possunt esse simul : sed hominem peccare, et simul pro eodem instanti non peccare implicat duo contradictoria : ergo de potentia ab- soluta simul esse non potest hominem jus- tificari in eodem signo, vel instanti, et hominem in illo eodem signo, et instanti peccare. Minor, et Consequentia eadem probatione suadetur. Nam esse actualiter hominem a Deo aversum tanquam ab ultimo fine, et esse in illum conversum ut in ultimum finem non minus implicat, quam accessus ad aliquem terminum, et recessus directus ab eodem termino : sed sensibiliter demonstratur implicare contradic- tionem simul et semel accedere idem mobile ad terminum, et ab eodem rece- dere : ergo implicitorum erit hominem

simul peccare, et non peccare. Qui enim peccat, se avertit a Deo ut ab ultimo fine; qui autem non peccat actualiter non se avertit ab ultimo fine, imo si justificatur, actualitur accedit ad ipsum ultimum fi- nem : esset ergo simul peccans, et non peccans, simul justus, et non justus, sim- ul accedens ad Deum, et simul ab ipso recedens. Ubi apparet in illa positione non unicam, sed duplarem, eamque satis mani- festam coacervari implicationem. Nam primo peccaret, et non peccaret homo in illo instanti, peccaret quidem, ut docetur : non vero peccaret quia justificaretur in illo instanti, et opus justificationis non est peccatum. Insuper esset justus et injustus, conversus, et aversus, amicus et non ami- cus imo et inimicus ejusdem Dei offensi, et non offensi pro eodem instanti. Et sane tot aggeruntur, et agglomerantur contradic- tiones, quot termini in illo instanti ap- plicari possunt peccatori in ordine ad Deum, et Deo attribui per ordinem ad crea- turas, quod prolixum, imo et inutile foret percurrere.

154. Nec levaminis erit recursus ad con- donationem illam intrinsecam, quæ est veluti basis hujus sententiae. Nam quid- quid sit de eo quod se tenet ex parte Dei condonantis, et præscindendo ab eo quod cedat juri extorquendi satisfactionem et imputandi homini debitum culpæ, de quo infra, adhuc ex parte ipsius hominis viget contradicatio. Et ut magis appareat, inquiramus ab ipso hujus sententiae primo Authore. An ex vi illius remissionis factæ dum actu peccat, maneat homo justus absque alia retractatione, et condonatione? Cui interrogacioni respondet num. 127, manere quidem, veluti si post peccatum commissum, illud Deus condonaret. Et hac ejus posita responsione, manifestissime patet in eodem instanti, in quo homo pec- cat, et actualiter se avertit a Deo (hoc enim est graviter peccare, se a Deo aver- tere) esse peccatorem, ut supponitur, et etiam non esse, media condonatione, quæ fieret in illo instanti. utpote qua post illud instans permanet justus, et Deo acceptus : esset ergo in eodemmet instanti homo idem coram Deo justus, et non justus, ab illo aversus, et in ipsum conversus, pecca- tor, et non peccator : quin referat, sed potius contradictionem inferat. illa condona- tio extrinseca ex parte Dei. Hæc enim cum se teneat ex parte Dei et solum sit cessio propriae juris, non impedit aversionem ac- tualem

Præ-
dicta
effugia

tualem peccati, quinimo eam admittit; aliunde vero illa aversio non imputatur homini, sed remaneret, et tunc esset Deo acceptus, quasi peccatum præcessisset, et post factum condonasset. Quæ ergo major implicatio ex parte peccatoris, quidquid foret de condonatione extrinseca, nihil referente ad eam amovendam?

Confirmatur, et explicatur ad hominem ex doctrina ejusdem Authoris: quia enim accidere solet in humanis offensum cedere juri suo exigendi satisfactionem pro offensa, autumat Deum etiam ita se gerere posse circa hominem actualiter peccantem, atque ideo simul condonari et committi posse peccatum: sed hæc ratio non probat, nec tollit contradictionem propositam: ergo non stat committi, et condonari peccatum simul, quin deglutiatur contradictione prædicta. Probatur Minor: quia quantumvis homo offensus juri proprio cedere velit, dum tamen offendens non desistat ab offensa actualiter irroganda, non desinit ejus peccatum, ut liquet: aliunde vero stat simul condonatio peccati: ergo stat simul offendere, et non offendere eundem hominem, quin obsit, sed prosit ad contradictionem, quod homo cedat juri suo; et qua parte provenit quod non offendatur, nec delinquens offendat. Ideoque consultius D. Thomas asseruit possibile non esse mundari hominem, et actualiter peccare, esset enim ponere duo contradictiones simul. Et in præsenti art. sol. ad 4 docuit, ridiculum videri etiam ab homine veniam petere de una offensa, et non de alia. Quod sane magis ridiculum foret in nostro casu.

155. Secunda assertionis pars eodem argumento suadetur. Non enim minus implicitorum est peccatum dimitti antequam committatur, quam dum actu committitur. Sequeretur enim esse peccatum, et non esse peccatum. Nam peccatum dimissum jam non est peccatum; sed in hypothesi facta peccatum dum committeretur, jam esset prædonatum, et remissum: esset ergo, et non esset peccatum. Sequela Majoris constat: nam condonatio peccati est destructio ipsius peccati, sicut solutio debiti est illius extinctio; non enim minus remissio culpæ, seu non esse peccati est effectus proprius condonationis, quam solutio debiti extinctio illius: sed implicat debitum esse extinctum, et esse debitum: ergo implicat peccatum esse dimissum, et esse peccatum.

Ad hæc. Peccatum essentialiter, et in qualibet providentia est mors animæ: sed implicat esse mortem exclusam, et esse mortem, alioqui enim esset, et non esset mors: ergo implicat mortem peccati esse exclusam media condonatione, et quod ad sit peccatum jam dimissum: esset quippe et non esset dimissum, esset peccatum, et non esset peccatum. Sicut quia mors est privatio vitæ, implicitorum est mortem esse exclusam, et mortem esse, et quia tenebra est privatio lucis, omnino repugnat vel quod tenebra excludatur; antequam sit parentia lucis aut saltem debitum illius; vel quod semel exclusa tenebra, iterum tenebra exclusa tenebra sit. Si ergo peccatum posset dimitti ante sui commissionem, dum committeretur esset peccatum, ut docetur, et non esset peccatum, quia jam esset dimissum.

Deinde probatur conclusio, et simul convellitur motivum oppositæ positionis. Nam per hoc quod diu ante commissum peccatum possit Deus cedere juri sibi obuenturo ex peccato, non intelligitur remittere peccatum: sed condonatione illa extrinseca in alia providentia possibili apud adversarium, solum cederet Deus juri, quod acquirere poterat ex peccato futuro: ergo anticipata illa condonatione non intelligeretur remittere peccatum. Probatur Major primo: ut remittatur peccatum, opus est illud condonare non solum ut se tenet ex parte Dei, sed etiam ut se tenet ex parte hominis, estque malum ipsius, quo pacto est vere, et proprie peccatum: sed in illo casu solum remitteret Deus, quod se teneret ex parte ipsius Dei; non vero toleret aversionem, et conversionem se tenentes ex parte hominis, ut constat: ergo in prædicta hypothesi non remitteret peccatum; sed tantummodo sequelam, seu effectum peccati ut tenentem ex parte Dei. Remitteretur ergo peccatum, ut docetur, et non remitteretur, ut ostendi clare videatur. Secundo probatur Major ex alio capite. Nam Deus in illa hypothesi non intelligebatur offensus per peccatum, siquidem condonatio illa seu cessio juris antecedebat peccatum: sed ante offensam non est jus fundatum in offensa: ergo renunciatione illa, quæ dicitur juris proprii, nihil exercite Deus condonabat. Patet Consequentia: quia non stat cessio exercita juris, quod nondum est, dum est cessio illius: sed ante offensam exercitam contra Deum non est jus exercitum in

Ratio
evertens
oppositi
um fun
damen
tum.

Deo ratione offensæ : ergo nihil renuntiatione illa Deus actu remitteret. Esset ergo condonatio, ut asseritur, et non esset condonatio defectu juris non acquisiti, dum illa fieret. Qui enim non intelligitur offensus, quid remittit, aut condonat quandoquidem nullum adhuc passus est detrimentum in ullo ordine sive intentionis, sive executionis ? Aliunde vero, si peccatum dum actu committitur, jam est diu ante remissum, quomodo est peccatum ? quomodo offensa Dei, qua Deus non est offensus, nec offendi potuit, supposita condonatione facta ? Esset ergo offensa, quia esset peccatum ; non esset offensa, quia jam esset condonata. Unde sicut implicitorum est rem esse, antequam sit, et aliquid illi attribui, vel negari, priusquam habeat esse in quo fundantur omnia alia attributa, quia nullius en tis nullæ sunt qualitates ; ita implicatoria est exercita condonatio offensæ antequam fiat, et exercebit itidem remissio peccati ex parte hominis, priusquam peccatum re ipsa committatur.

Continetur
impugnatio.

156. Confirmatur, et explicatur exemplo medicinæ, quæ quidem præservare potest ab infirmitate imminente; neutiquam vero actu sanare morbum non existentem ; esset enim manifesta implicatio, ut pote quæ sanaret, ut dicebatur ; non vero sanaret, aut mederetur, ob defectum languoris medendi. Sed remissio est medicina, quæ medetur morbo peccati. Ergo licet possit, et debeat concedi præservatio peccati non existentis, non tamen vera illius, quod non existit, remissio. Porro ad hanc præservationem inepit recurritur ad providentiam extraordinariam de potentia Dei absoluta, cum eam agnoscent Theologi in B. Virgine ab originali culpa præservata ; et suo etiam modo splendeat in Christo Domino respectu humani generis, cui prævidit Sacra menta, quibus mundari possent peccatores a peccatis antea commissis, et præcavere, ac vitare futura, ut accidit in Pœnitentia sub utraque sui ratione et virtutis, et sacramenti. Quæ est doctrina D. Thomæ in 3, dist, 19, quæst. 1, art. 1, quæstiunc. 2 ad 3. Ubi cum sibi objecisset : *Peccatum non potest deleri, antequam fiat, quia tunc numquam fieret : sed multa peccata facta sunt post Christi passionem : ergo non omnia peccata delevit.* Respondet per hæc verba : *Passio Christi quantum ad sufficientiam potest delere peccata, etiam antequam fiant. Sed sufficientia deletionis*

non est, nisi postquam aliquis a peccato commisso avertitur. Sicut medicina sufficiens ad sanandum paratur interdum, antequam aliquis infirmetur. Sed non sanatur per ipsam actu, nisi postquam infirmus fuerit.

Et ratio omnium est : quia sicut nihil potest fieri, quin etiam sit, eo quod fieri terminatur ad esse ; ita nihil potest in se destrui, quin in se ipso sit, cum destructio tendat in non esse ejus, quod est : sed remissio peccati est ejus destructio : ergo implicitorum est remittere peccatum in se ipso, antequam peccatum in se ipso existat, vel in effectu ex ipso relicto. Quare solum poterit impediri in suis causis, eas præservando a lapsu, vel oppositam inclinationem immittendo, vel alio modo se tenente ex parte causarum, vi cujus non existat peccatum. Quod vero peccatum aliquando existat, et quod ante sui existentiam sit dimissum, nihil aliud est, quam dicere peccatum non esse peccatum, ut arguebamus ; dimitti, et non dimitti ; esse, et non esse offensam ; et alia innumera devorare, quæ falsa sunt, et plures agglomerant absurditatem se invicem complicantes, et implicantes, quia ex impossibili sequitur quodlibet. Videatur D. Thomas in hac 3 p. quæst 49, art. 1. Ubi ad remissionem peccati futuri solum agnovit præservationem insinuatam in causa quatenus scilicet ex meritis Christi disposita sunt Sacra menta, velut apothecæ universales, in quibus esset remedium sufficiens omnium peccatorum etiam futurorum. Non quia remitti aut deberent, aut possent, antequam eomitterentur : hoc enim ut manifeste implicitorum supposuit impossibile S. Doctor, ut constat ex propositione argumenti, quæ erat hujusmodi : *Nullus potest liberari a peccato quod nondum commisit :* quam concedit D. Thomas et pergit ostendere qualiter Christus nos liberaverit a peccatis futuris, videlicet præparando communia remedia, ea que de se sufficientia et ad peccata præcavenda in posterum, et quæ fuerint admissa, effacie ac extirpanda. In quo quidem discursu licet fiat sermo de passione Christi, et in præsenti providentia ; ratio tamen concedendi illam Majorem est essentialis, et tenet in qualibet alia excoigitibili : nulla quippe potentia fieri valet hominem non ligatum absolvit ; vel destrui nullum habentem esse.

Motiv
dict
con
mun

§ VI.

Referuntur Sententia^e oppositæ.

157. Contra primam nostrarum assertio-
num nulla est Catholicorum sententia; sunt
tamen non panea Acatholicorum deliria,
quæ longum esset ad unguem referre, et
refellere, imo et alienum a nostro instituto,
Quocirca quam citissime ea pertingemus
mittendo lectorem ad Controversarios, qui-
bus incumbit ad amussim id pertractare,
Primus ergo, quem sciamus, qui impegerit
in hac parte, fuit Cicero lib. 3 Academ.
ut refert Lactantius lib. 6, instit. cap. 24.
Inquiebat enim, quod si liceret iis qui
in via erravissent, sic viam deviam seculis,
corrigere errorem pœnitendo, felicior esset
emendatio temeritatis. Quem errorem Cel-
sum tenuisse testatur Origines lib. 3 con-
tra Gelsum, ipsum postea secuti sunt Lu-
therus, Calvinus, et alii sectarii, contra
quos agit Bellarm. lib 2 de Pœnit. cap.
12. Nec defuerunt alii vetustiores, qui
asserent post Baptismum non esse Pœni-
tentiae locum, inter quos præcelluere hæ-
retici illi, qui dieti sunt Cathari, et Catha-
phrigæ, quorum jam supra meminimus, ut
videre est apud S. Epiphan. hæres. 59, D.
Hieronym. contra Jovinian. S. August. de
Hæresib. D. Cyprian. epist. 52. His success-
sore aliis non penitus Pœnitentiam ablegan-
tes, sed eam, quæ sæpius inculcarentur;
autumabant enim semel peccantem, licet
gravissime, semel etiam pœnitere posse.
Quod se iterum in idem, vel aliud crimen
relaberetur, jam ocludebatur via remissio-
nis, nec locus resipiscentiae manebat. Alii
vero regulariter ad communia delicta Pœ-
nitentiam admittebant, eamque sufficien-
tem pro eorum extirpatione autumabant,
secus vero si criminis fuissent gravissima
ut Apostasia a fide, vel ejus negatio in cru-
ciatibus, quorum proinde quantumvis homini-
nem pœnitenteret, nulla expectanda erat venia.
Qui errores fuerunt Novati, et Novatianorum,
ut supra vidimus ex S. Ambrosio
prope initium hujus tractatus. De illis ege-
runt Euseb. lib. 9 Historia Ecclesiast. cap.
35. Ruffinus cap. 33. Nicephor. lib. 6,
cap. 3, et videri potest Alfonsus de Castro
lib. 12 contra Hæres. cum Cardinali Bar-
ronio tom. 2, Annal. ad ann. 254. Ex Ca-
tholicis unus fuit Armacanus supra relatus,
qui probabile censuit aliqua esse peccata
irremissibilia per Pœnitentiam, ductus ali-

quibus sacrae Scripturæ textibus sinistre
intellectis. Sed quia eorum, et aliorum si-
milium veram intelligentiam ibi ex D.
Thoma subjecimus, idcirco supersedendum
in hac parte duximus.

Arguitur tamen primo ex illo Matth. 12, 1. Argu-
34: Omne peccatum, et blasphemia non remit-
mentum.
tetur hominibus. Spiritus autem blasphemia
Matth. 12.
non remittetur. Et quicumque dixerit verbum
contra filium hominis remittetur ei. Qui au-
tem dixerit contra Spiritum sanctum, non
remittetur ei, nee in hoc sæculo, nec in futuro.
Ex quo testimonio sumitur argumentum.
Quoniam peccata in Spiritum sanctum sunt
irremissibilia in hac vita, et in futura; sed
peccata irremissibilia nequent virtute Pœ-
nitentiae expelli: ergo aliqua sunt peccata
virtute Pœnitentiae inexplicabilia. Major cons-
tat ex testimonio allegato. Nam spiritus
blasphemie est unum ex peccatis contra
Spiritum sanctum, ut docet D. Thomas 2,
2, quæst. 14, et de hoc expresse affirmatur
irremissibile esse in hac vita. Et eadem ra-
tio est de aliis peccatis, quæ ob sui specia-
lem rationem fieri, et esse contra Spiritum
sanctum dicuntur.

158. Nec refert, si cum Lorea 2, 2, Aliquo-
quæst. 14, art. 3 ex Chrysostomo, An-
selmo et Cajetano ad prædictum Matth.
locum, dicas, inibi fieri propheticam præ-
nuntiationem Judæis de eo quod illis even-
turum erat, scilicet nec in hoc sæculo, nec
in futuro fore salutem obtenturos, et reipsa
ita evenit: sua enim culpa pœnitere nolue-
runt, justo Dei judicio gratia auxiliis effi-
caciis pro salute necessariis destituti sunt.
Juxta quam intelligentiam censem prædictus
Author Salvatoris sententiam coarctari de-
bere ad illa tempora, circumstantias, et in-
dividua, in quibus, et cum quibus Christus
determinate loquebatur: non vero intelligi
debet absolute, et universaliter quoad alias
personas. Quocirca sententia non fuit illo-
rum peccatum esse irremissibile, sed quod
es remittendum non foret.

Hæc tamen limitatio licet veritatem sen-
tentiae salvet, ex toto non arridet: nam esto
ita sit, quod Christus loquebatur de Judæis
ipsum, et ejus doctrinam calumniantibus,
sub illis tamen omnes alias personas com-
prehendebat, et cum omnibus locutum
fuisse constat ex Marci 3, ver. 28: Amen
dico vobis, quoniam omnia dimittentur filiis
hominum peccata, et blasphemia, quibus
blasphemaverint. Qui autem blasphemaverit
in Spiritum sanctum, non habebit remissio-
nenem in æternum. Ubi blasphemiam in sanc-

Non
approba-
tur.

Marc. 3.

tos remissibilem docet : blasphemiam vero in solum Spiritum sanctum nemini remittendam prædicat. Nec voces illæ *Omnia et filii hominum*, congrue admittunt illam limitationem ad solos Judæos tunc adstantes.

D. Basilius quæst. 273, ex a se ipso brevius disputationis, relata premens verba

ait : *Ex ea, quæ tunc facta est blasphemia a Pharisæis, ob quos eliam hoc judicium prolatum est, manifestum est quod etiam nunc ille blasphemus est in Spiritum sanctum, qui actiones, et fructus sancti Spiritus contrario deserit, id quod plerique facimus; probum quidem, sæpe vanæ gloriæ cupidum appellantes.* Quare D. Augustinus, Athanasius, Hieronymus, Hilarius, et alii SS. PP. communiter illa verba non restringunt ad solos Judæos. sed cum his, et sub his ceteros quosque contineri existimant. Unde D. Thomas 2, 2, quæst. 14, art. 1, dixit : *Nec hoc Dominus dicit Judæis, quasi ipsi peccarent in Spiritum sanctum; nondum enim erant finaliter impœnitentes. Sed admonuit eos, ne taliter loquentes ad hoc pervenirent, quod in Spiritum sanctum peccarent.* Quo innuit locutionem illam non tam esse sententiam, quam præmonitionem, aut præcautionem, ut futura, eaque majora peccata vitarent, ne in ultimam perditionem venirent, et inde tandem inciderent in peccatum contra Spiritum sanctum non remittendum nec in præsenti, nec in futuro sæculo, ut explicatur erat in art. 3 sequenti.

Aptior exposicio.

159. Variis ergo expositionibus Sanctorum Patrum pie, ac reverenter susceptis germanior, et Theologo Scholastico aptior illius testimonii explicatio est, sub illo verbo *Quicumque* intelligi omnes homines sive præsentes, sive futuros, et sub illa distributione *Omne peccatum comprehendi omnes sex species peccatorum, quas contra Spiritum sanctum ex D. Augustino conmemorat D. Thomas ubi supra art. 2, et non solum blasphemiam stricte acceptam, et ut est distinctæ speciei ab aliis. Quæ omnia peccata irremissibilia sunt, si conjugantur impœnitentiæ finali; secus vero ab ea reparata.* Quare in sententia D. Augustini, et D. Thomæ verba supra relata ex utroque Evangelista in toto rigore, et ut litteram teraliter sonant, dumtaxat veniunt intelligentia de impœnitentiæ finali, quæ antonomastice dicitur peccatum in Spiritum sanctum, eo quod nec hic, nec in futurum remittetur, ideoque absolute dicitur irremissibile : reliqua vero, si seorsim accipiuntur, remissibilia sunt media vera Pœnitentia. Unde ad

formam argumenti explicata Majori, negatur Minor : nam quod aliquid sit non ita facile auferibile, non obest quominus auferri possit, ut constat in infirmitate corporali, quæ non semel dicitur incurabilis, quamvis arte medicinæ valeat superari.

Nec refert, si opponas hanc expositionem palam adversari verbis ipsius textus juxta qnem soli peccato in Spiritum sanctum tribuitur irremissibilitas; secus vero reliquis, quantalibet, et quæcumque illa sint : sed juxta traditam explicationem quodlibet aliud peccatum esset eo pacto irremissibile, quandoquidem nullum peccatum finali impœnitentia associatum unquam remittetur : ergo nihil speciale juxta præmissam glossam tribuitur peccatis in Spiritum sanctum quoad irremissibilitatem. Ex quo ulterius fieret, vel omnia vel nullum speciale peccatum esse contra Spiritum sanctum; quod tamen non solum aliis sanctis Patribus, sed et ipsi D. Thomæ dissonare, ac contradicere, ac contradicere perspicuum est.

160. Non, inquam, momenti est, quod ita replices. Nam concessis præmissis neganda est Consequentia : quia peccatis in Spiritum sanctum prout talibus inest specialis difficultas, ut remittantur. Pro cuius intelligentia observari debet ex Angelico Præceptore ubi supra art. 1, peccatum in Spiritum sanctum vel sumi pro blasphemia in ipsum speciali, ut quando aliquid directe contra ipsum concipitur, et profertur interius, vel etiam exterius. Et hoc modo non est, nisi unicum peccatum in specie, nec possunt esse plura specie. Et in hoc sensu acceperunt verba supra relata ex Evangelistis Athanasius, Hilarius, Hieronymus, Ambrosius, et Chrysostomus, illa ad litteram intelligentes de blasphemia proprie et stricte dicta, ut est peccatum speciale ab aliis distinctum. Vel accipitur blasphemia in Spiritum sanctum latius ut quando peccat quis contra bonum appropriatum Spiritui sancto. Et ex hoc capite multiplicantur peccata in Spiritum sanctum, et ponuntur sex illorum species, vel quasi species, et accipi, ac distingui debent secundum remotionem, vel contemptum eorum, quibus arceri potest homo a peccato. Talia sunt peccata desperationis, præsumptionis, impugnatio veritatis cognitæ conductentis ad salutem, invidentia fraternali gratiæ, impœnitentia ut importat speciale propositum non pœnitendi tempore debito, et opponitur directe præcepto hujus

hujus virtutis, de quo supra; ac tandem obstinatio, qua homo firmat suum propositum in eo, quod peccato adhæreat, ut constat ex art. 2, prædictæ quæst.

Hæc ergo peccata ideo præ cæteris dicuntur irremissibilia, non quia absolute irremissibilia sunt; sed quia quantum est de se merentur, ut non remittantur, nec quoad culpam, nec quoad poenam. Quod illam quidem, in quantum excludunt ea, per quæ fit remissio peccatorum; sicut alius morbus diciatur incurabilis, per quem tollitur id, per quod morbus potest curari puta cum morbus tollit virtutem naturæ, vel inducit fastidium cibi, et medicinæ. Quoad hanc vero, quatenus qui peccat ex ignorantia, vel infirmitate, mitigorem poenam meretur; qui vero ex certa malitia abjiciendo per contemptum id, quo retrahi posset a peccato, non habet excusationis causam, ideoque temporaliter puniri debet, ut evenisse constat filiis Israël, quorum viginti tria millia una die occisa esse dicuntur. Et hujus conditionis sunt peccata illa, quæ contra Spiritum sanctum memorata sunt, ut explicat S. Doctor art. 2. Quod tamen per se loquendo non convenit aliis peccatis, unde licet tam ista, quam illa sint absolute virtute Pœnitentiæ remissibilia, ut statuimus in conclusione; alia tamen præ aliis facilius, et ratione majoris, vel minoris facilitatis dicuntur remissibilia, vel irremissibilia.

Sumpto vero peccato in Spiritum sanctum pro impenitentia finali, quo pacto illud accepere D. August. et D. Thomas, absolute est, et dicitur illud peccatum irremissibile sive in hoc, sive in futuro seculo. Ex quo patet omnino ad litteram salvari verba illa Christi Domini. Cæterum in hoc sensu quodlibet peccatum mortale, sub quo, et in quo homo e vita decesserit sicut est vera impenitentia finalis, ita etiam dicitur peccatum in Spiritum sanctum, cui appropriatur esse principium justificationis, et remissionis ratione gratiæ, et donorum ex amore Dei nobis obvenientium. Unde sicut impenitentia finalis in prædicto sensu non est peccatum speciale, sed circumstantia generalis cuiuslibet peccati, ut non semel affirmat D. Thomas ibi, ita et esse in eodem sensu contra Spiritum sanctum non constituit novam speciem peccati, sed complet, ac terminat malitiam peccatoris; cum sit terminus viæ ejus, non secus ac vice versa perseverantia in gratia justorum est termi-

nus illorum gratiæ, qua redduntur indefectibiles in æternum. Hinc ad formam objectionis constat qualiter concessis et explicatis præmissis, neganda est Consequentia: quoniam adhuc stat differentia peccatorum quod facilius, aut difficilis posse remitti, licet absolute nullum sit irremissibile virtute Pœnitentiæ. Constat etiam ad confirmationem dari aliqua peccata, quæ in via specialiter sunt contra Spiritum sanctum; licet quodlibet peccatum si perveniat ad terminum finalis impenitentiæ, sit etiam peccatum in Spiritum sanctum, et omnino irremissibile, immo et per accidens peccatum etiam veniale juxta prædictum sensum irremissibilitatem omnino inducit: quia cum non sit remissibile absque peccato mortali, cui adjungitur; hoc irremissibile redditio ratione impenitentiæ finalis, ex consequenti etiam item competit peccatis venialibus. Quæ est doctrina D. Thomæ quæst. 5, de D. Thom. Malo art. 2, ad 8, ubi ait: *Peccatum veniale in eo, qui decedit cum mortali, quia numquam remittitur, æterna pœna punitur propter gratiæ parentiam.*

161. Ex qua doctrina solvendum erit aliud argumentum simile præcedenti de sumptum ex epist. Canon. Joan. cap. 5, ubi distinguitur inter peccatum, quod non est ad mortem, pro quo orare permittitur cum spe veniae obtinendæ; et peccatum, quod est ad mortem, pro cuius venia non debemus orare: *Qui scilicet fratrem suum pescare peccatum non ad mortem; petat, et dabitur ei vita peccanti non ad mortem. Est peccatum ad mortem, non pro illo dico. ut roget quis.* Ex quo sequi videtur aliquid esse peccatum in hac vita irremissibile: si namque remissibilis foret, pro illo posset quis orare, nec esset ad mortem: sed est ad mortem, et prohibetur quis orare pro eo: ergo quia irremissibilis est.

Hoc, inquam, argumentum ex dictis Diluitur. solvendum est. Nam ut inquit D. Thomas D. Thom. q. 3, de Malo art. 15, ad 3: *Peccatum ad mortem potest intelligi, quo aliquis usque ad mortem perseverat. Et sic pro tali non est orandum, quia suffragia non prosunt damnatis, qui sine penitentia decedunt.* Et juxta hunc sensum peccatum ad mortem est ipsa impenitentia finalis omnino irremissibilis, et extrahitur ab objecto virtutis Pœnitentiæ, subindeque ab ejus activitate. *Si autem intelligatur (prosequitur D. Thomas) peccatum ad mortem, id est, quod ex malitia committitur (et pertinet ad illa quæ ac-*

^{1. Joan.}
cad. 5.

^{Secundum ar-}
^{gumentum.}

censuimus inter peccata contra Spiritum sanctum) sic non prohibetur, quin aliquis pro eo oret, sed non quicumque: quia non quicumque est tanti meriti, ut orando ei gratiam impetrare possit, quia sanatio talium est quasi miraculosa: sicut si dicetur, pro suscitate mortui non dico ut oret quis pro eo, idest quicumque, sed aliquis magni meriti apud Deum. Quam distinctio nem observans S. Doctor et expositorem agens in commentariis ad illam Epistolam Joann. inquit: *Peccatum ad mortem dicitur dupliciter: generaliter, et specialiter. Generaliter sic quodlibet peccatum mortale dicitur peccatum ad mortem. Specialiter dupliciter: vel quo impugnatur gratia fraternalis, et quando adversus gratiam, qua reconciliatus est, invidis fauibus agitur, vel quo agnita veritas impugnatur, vel ipsa finalis impenitentia. Et hoc dupliciter, vel propositorum non penitendi finaliter, vel protractione peccati usque ad mortem inclusive. Primo modo est peccatum generale, secundo et tertio modo est peccatum speciale. Quam expositionem etiam esse D. Augustini, Gregorii, Gelasii, Paciani, Bedae, Lyrani, docet Cornelius a Lapide comment. in Epist. primam Joan. ubi usque ad duodecim expositiones refert, et eodem fere vergere affirmat. Unde non sequitur peccatum aliquod in statu viæ est absolute remissibile.*

Cornelius a Lapide.

Sententia contraria secunda assertio.

Aliqui apud Gratianum.

Scotus. Okam. Gabriel. Adrian. Molina. Compl. Suarez. Coninch. Granados. Ripalda. Lugo.

162. Contrâ secundam conclusionem refert Gratian. cap. sceleratione 32 de Pœnit. dist. 13, fuisse quosdam, qui autu-maverint pluribus irrelatum peccatis utius, et non omnium pœnitere, et veniam obtinere posse. Sed horum judicium, et positio ut aduersa veritati fidei a Theologis refutantur, nec est aliquod grave pro ictis fundamentum, sed solum quedam testimonia scripturae præve intellecta, et pejus exposita, quæ facile ex dictis conciliantur, et legitime a sacris expositoriis conciliantur. Unde solum supèrest referenda illa sententia, quæ procedit contra eandem assertione, ut extenditur ad potentiam Dei absolutam.

Secunda ergo sententia docet de potentia Dei absoluta non implicare per contritionem unum peccatum sine alio dimitti. Pro quia referuntur Scotus in 4, dist. 14, q. 1. Okam ibidem q. 9. Gabriel quæst. 1, art. 1. Adrian. in 4, quæst. 4, de Pœnit. Medina Complut. Codice de Pœnit. q. 12, art. 1, quibus extra scholam D. Thomæ subscripti Suarez in Comment.

ad art. 3 hujus quæstionis, et disp. 10, Avers. sect. 1. Goninch. disp. 2, dub. 11. Granados controvers. 7 de Pœnit. tract. 3, disp. 7, num. 8. Ripalda de ente supernaturali, lib. 6, disp. ultima sect. 28. Lugo disp. 7, sect. 8 et disp. 8, sect. 2. Aversa quæst. 2, sect. 9, quatenus docet posse de potentia absoluta fieri remissionem negativam, et inadæquatam unius peccati sine alio. Ex discipulis D. Thomæ solum offendimus Magistrum Nuno ad art. 3, notab. 2, et dub. unicò, hunc parti faventem.

Qui omnes, et alii plures ex societate, apud quos est fere communis, etsi convenient in sententia, longe tamen differunt in ejus fundamento. Nam (ut a Nuno incepitur) hic discipulus D. Thomæ ex eo duicitur in eam partem, quia existimavit peccatum habituale esse quandam maculam positivam animam immediate sufficientem, quæ augeatur, aut decrescat ad multiplicationem, vel diminutionem peccatorum. Nulla autem contradicton est in eo, quod Deus, aut tollat, aut impediat ejus intentionem, quin eradicet, aut evellat peccatum quod entitatem: nulla ergo est implicatio, quod inspecta Dei absoluta potentia unum peccatum possit absque alio remitti.

Hoc tamen argumentum nullius esse roboris, constat ex dictis tract. de Peccatis disp. 16, dub. 2, ubi expendimus fundamenta: ob quæ peccatum originale esse non possit in anima aliquid positivum, nec non ex tract. de Justificat. disp. 1, dub. 1, ubi asserimus peccatum personale habituale consistere in privatione voluntaria gratiae sanctificantis. Et ex utrobique dissertis satis liquet falsitas hujus sententiae, a qua proinde ulterius oppugnanda supersedere in praesenti congruum est.

Addimus tamen quoad rem, quam versamus, non satis illo arguento probari oppositum nostræ, et communis sententiae. Esto enim, peccatum in illa qualitate, entitate, aut aliquo hujusmodi positivo consistenter, supererat probandum illud ex pluribus peccatis conflatum vel contritum non connecti essentialiter quoad expelli, necon posse esse veram contritionem unius peccati sine alterius detestatione. Quorum neutrum Nugus probat, aut probare potest: plura quippe sunt entia positiva ita essentialiter connexa, ut unum absque alio destrui non possit, ut de relatione, posito fundamento, et termino docent sanciores Metaphysici, et de existentia, et

Aver.
Nug.

Motu
vum
Nug.

Dispelli
tur.

et essentia tenet vera D. Thomæ, et discipulorum sententia. Similiter implicitorum est veram Pœnitentiam adstruere, et non omnia peccata simul abhorrere, ac detestari, ut constat ex ratione D. Thomæ : qua demonstratur unam offensam, neutiquam absque alia deleri posse.

Rursus : vel id fieri posset a solo Deo vel etiam ab ipsa creatura media propria Pœnitentia, in quo stat præcipua difficultas præsens. Si fieret a solo ipso Deo, profecto Deus, qui eruerat illam entitatem positivam intensione, aut modo illo ex uno peccato inducere : et ex natura rei petitio potest, peccatum actuale conservaret se solo, et miraculose entitatem eritam, et permanentem; et sic foret causa conservativa peccati remanentis, licet esset alterius destructiva. Quod est absurdum, et derogans sanctitati divinæ. Si autem fieret a Deo simul cum creatura pœnitentiam agente superest exponere in doctrina D. Thomæ, qualiter cohæreat peccatum non posse remitti sine gratia, hancque nullam admittere Dei offensam, et quod sit gratia, et permaneat offensa. *Si enim (inquit S. Doctor art. 3), displiceret illud peccatum, quia est contra Deum super omnia dilectum (quod requiritur ad rationem veræ pœnitentiae) sequeretur, quod de omnibus peccatis pœniteret. Unde sequitur quod impossibile sit unum peccatum per Pœnitentiam remitti sine alio; nisi simul asseratur pœnitentiæ illam esse, et simul non esse veram. Unde manet enervatum argumentum oppositum, ejus minor est falsa, et implicationibus supra dictis obnoxia.*

163. Scotus vero, et sequaces ideo tenuerunt unum peccatum absque alio dimitti posse, quia censem post peccatum actuale nihil intrinsecum remanere in peccatore, nisi reatum, et condignitatem ad pœnam, cui exolvendæ obstrictus manet homo, donee absolvatur vel a Deo solo vel etiam ab eis ministro. In qua sententia, non est cuius morem, ut pote quæ jam exæplosa relinquuntur ex dictis in hoc tractatu, dum egimus de absolutionis sensu, et effectu, nec non ex tractatu de Justificatione, ubi cum communione Theologorum doctrina, supponimus post peccatum actuale, ultra reatum ad pœnam aliquid remanere in homine, vi cuius Deo infensus, injurius, et inimicus reddatur.

164. Suarez autem etsi conveniat cum discipulis D. Thomæ in eo, quod peccatum habituale sit privatio gratiæ, seu confor-

mitatis ad rectam rationem; arbitratur tamen illam privationem transire posse in puram negationem per parentiam debiti habendi gratiam, et eo debito non stante, parentia gratiæ non esset privatio, ut patet, sed mera negatio. Porro contingere posse, ut homini peccanti non esset privatio gratiæ, explicat, et expendit tripliciter. Primo exemplo peccati Originalis (ad cuius instar meditatur habituale proprium, seu personale) circa quod pacisci potuit Deus a principio cum Adamo, ut non transfundetur nisi usque ad tertiam generationem; qua transacta, jam non deberetur homini gratia, nec subinde ejus parentia esset privatio. Secundo id probat in statu purorum, ubi nec gratia, nec ejus promissio esset; nulla ergo id esset privatio gratiæ sed eaque posset homo in pristinum reduci statum absque illa. Tertio, si homini conferretur gratia usque in diem determinatum, puta mensem, vel annum, post quem, vel quos illam sine peccato amitteret : quod in casto peccata post futura minime inducerent privationem gratiæ, ut pote quæ jam foret indebita. Ita ex eodem in præsenti disp. 9, sect. 4, refert Arauxo ad hanc quæst. dub. 4.

Sed profecto haec omnes combinationes in pluribus deficit. eo tendunt ut peccati mortalis essentiam non in privatione gratiæ consistere ostendant, ideoque a præsenti instituto alienæ sunt, et alio remittende. Omnes tamen in sua radice convulsimus loco citato ex tract. de Justificatione, ubi ostendimus nec ne potentia absoluta posse hominem justificari absque sui mutatione intrinseca, idque verum esse ostendimus non solum in præsenti elevatione statu, sed et in quocumque alio, etiam naturæ puræ, ut constat ex disp. 2, dub. 7, ubi etiam statutum pro prædicta mutatione necessariam omnino esse gratiam formaliter sanctificante. Quia doctrina ibi probata, et hic supposita, manifeste elidunt viræ hujus sententiæ ex hac parte.

Direkte ergo adversatur nostræ sententiæ laudatus Doctor disp. 10, sect. 1, num. 8, § : *Quid sentiendum de Potentia absolute. Ubi primo docet per solam attritionem posse unum peccatum sine alio remitti. Quod tamen esse falsum constat ex dictis, et latè discussis loco nuper allegato, quo eat lector pro veritatis elucidatione. Secundo affirmat stante vera contritione, posse absoluta potentia unum peccatum remitti, quin alia dimittantur. Et tradit*

*Aliæ
Suare
assertio
nes con
vulsæ.*

Specia-
lius
Sua-
ri
motivum.

rationem : Quia remittere peccatum pertinet ad causalitatem contritionis, quæ est dispositiva, et non omnino physica, sed moralis : sed non implicat contritionem acceptari a Deo ut dispositionem moralem, ad aliquid, vel aliqua peccata, et non ad omnia : ergo non implicat media contritione unum peccatum sine aliis a Deo remitti.

Everti-
tur.

165. Hoc tamen fundamentum ruinosum esse, et in tribus fallere ostenditur. Fallit itaque primo in eo quod docet contritionem non esse dispositionem physicam, sed moralem ad obtainendam gratiam. Cuius oppositum firmatum relinquimus tract. de Justificat. disp. 3, dub. 5, in quo etiam tractatu stabilimus ejus necessariam connexionem cum gratia sanctificante, quam esse de mente D. Thomæ constat ex supra dictis in hoc eodem tractatu, ad art. 6, quæstionis præcedentis ubi S. Doctor affirmat actum contritionis non esse, qui non procedat ex amore Dei super omnia. Hinc secundo ruere fit manifestum : quia licet materia contritionis sit generalis; ratio tamen sub qua eam omnem materiam ita diffusam attingit, est prorsus indivisibilis tam formaliter, quam materialiter, ut jam ostendimus, et est doctrina D. Thomæ in hac 3, p. quæst. 85, art. 1, ad 3, et fere inculcatur in quolibet articulo harum quæstionum. Unde falt, et penitus convellitur tertio ad hominem contra ipsummet Suarez, in illamet sect. § : *Quid dicendum, etc.* Qui ut argumentis Medinæ Complutensis occurret, ita scripsit : *Necesse non est contritionem omnem ex parte materialis objecti expresse recogniti esse de omnibus peccatis*, a quo nullus discedit; sed est communissima, et verissima sententia nostræ fragilitati accommodo et experientia ipsa, ac divino oraculo comprobata. *Delicta quis intelligit? ab occulis meis munda me Domine. Psal. 18.* Addit tamen immediate : *Necesse autem est ut ex vi formalis motivi, atque adeo implicitè, seu virtualiter quilibet contrito sit de omnibus peccatis mortalibus.* Sed implicat contradictionem virtutem aliquam exu proprio, et formalis motivo; alioqui essentia virtutis variaretur : ergo implicat contradictionem dari contritionem de uno peccato, quin virtualiter, et implicitè sit de omnibus. Sed stante contritione de omnibus, non stat remissio unius, et non omnium, nec acceptatio pro uno, et non pro reliquis cum ex parte Dei sub una gratia remittantur : ergo nulla est potentia, qua fieri va-

leat unum peccatum sine alio remitti.

Nec elevatur contradicatio per hoc, quod causalitas contritionis circa remissionem sit dispositiva. Tum quia ut constat ex dictis, etiam est moraliter effectiva, et destructiva offendæ, qua offensa divina est; et hac ratione extincta non remanet, aut remanere potest aliqua offendæ ratio; aliter namque non versaretur contra offendam sub ratione indivisibili offendæ, ut liquet. Tum etiam, quoniam adhuc illud munus disponendi infallibiliter ad remissionem, in quo vim facit Suarez, est indivisible, et vel ad omnium, vel nullius remissionem conducere debet; tum quia fundatur in gratia impossibili cum quolibet peccato; tum quia sub eadem ratione disponit contritio ad unum, ac ad plura; quapropter vel sufficit ad omnia, vel ad nullum, et semel atque ad unum acceptetur a Deo, acceptari ex consequenti intelligitur ad reliqua.

Nec rursus vitatur ex eo, quod pro graviori peccato graviorem posset Deus extorquere poenam, et intensiorem itidem exigere contritionem; quod tandem ille obtendit, et non negamus. Sed inde quid fieret? quod nullum peccatum remitteretur, aut remitti posset absque poena illa, et contritione ita intensis, et a Deo taxatis, et non esset dabilis vera alia contritio praeter a Deo determinatam in tanta intensione. Si enim alia remissior esset possibilis, et dispensaretur, quæ ejusdem rationis esset cum hac nostra contritione; quantumvis minima, et remissa ea sit, remittet nedum unum, sed plura, et innumera peccata, contritio quippe ex sua specie, non vero ratione intensionis, excludit peccatum, sicut de gratia docet D. Thomas, cui subscribunt communiter Theologi. Cum ergo sub illa hypothesi adhuc conservarent essentialia prædicta contritionis, et gratiæ, quæ modo in hac providentia reperiuntur, fieret inde qualibet vel minima contritione omnia deleri posse, et debere, siquidem reperiretur ibi vel formalis, vel virtualis omnium illorum detestatio; ob quam rationem autumat, et bene, Suarez de facto vel omnia, vel nullum peccatum per contritionem deleri.

Quartæ, et quintæ assertionibus solum adversari vidimus Lugo cuius fundamenta diruta sunt inter proponendum, ideoque supersedendum duximus ab eis iterum enucleandis.

Nota.

§ VII.

*Consecaria deducta ex præmissis
assertionibus.*

166. Ex dictis perspicua manet necessitas Pœnitentiæ virtutis supra etiam declarata. Tatis quippe est, ut ea omnia purgantur, aut purgari possint peccata, et sine illa per se loquendo, et juxta communem providentiam nullum grave peccatum dimittatur. Unde infertur, quandiu homo est in hac mortali vita semper esse locum Pœnitentiæ, si quidem quodlibet illius peccatum est remissi ille unica excepta impœnitentia finali, qua clauditur vitae periodus: ideoque merito asseruit D. Thomas erroneum esse dicere non posse hominem dum vixerit, poenitere. Quod et communiter sancti Patres attestantur, ut Cyprianus lib. ad Demetrian. inquiens: *Quando istinc ex ecessum fuerit, nullus jam pœnitentiæ locus: in isto adhuc mundo manenti pœnitentia nulla sera est, patet ad indulgentiam Dei aditus.* Chrysostomus epist. 5: *Tanta (ait) est Dei benignitas, et erga nos amor, numquam aversuntur pœnitentiam sincere factam: si quis ad malitiæ fines olim penetraril, illinc eum ad veritatis viam redire conatur, et recipit redeuntem.* Et alii passim. Unde Concilium Lateranense cap. Firmiter statuendum decrevit: *Si post susceptionem Baptismi quisquam prolapsus fuerit in peccatum, per veram Pœnitentiæ semper reparari potest.* Idque frequentissime inculcant sacrae litteræ maxime vero Prophetarum libri, ut Ezech. 18 et 33. Isai. 1 et 55. Jerem. 3 et 18. Joel. 2. Zachar. 1.

167. Infertur deinde eandem esse rationem de pœna æterna, cuius remissio est etiam effectus proprius Pœnitentiæ. Cum enim comitetur, et consequatur peccatum, ex vi ejusdem influxus, quo illud Pœnitentia excludit, aut excludere valet, ex consequenti expellit pœna æterna reatum: nam ut testatur Apost. Rom. 8: *Nihil damnationis est iis, qui sunt in Christo Jesu;* esset vero aliquid damnationis, si ablato peccato, maneret reatus pœnam Iuendi sempiternam. Et licet Concilium Trident. sess. 5, can. 5, ea verba soli Baptismo ascribat, ea tamen extendunt Theologi ad hominem a peccato liberum et gratiam media pœnitentia assecutum ex mente ejusdem Concilii sess. 6, cap. 14, ubi docet una cum culpa pœnam æternam remitti.

Salmant. Curs. theolog. tom. XIX.

Et hinc constat, minime sustinendam esse illorum Theologorum sententiam, qui olim (nec desunt modo) docuere abstera peccati macula, adhuc remanere debitum pœnae non tantum temporalis, sed et æternæ, de quo supra disp. 2. Et ratio sumitur ex supra dictis: nam reatus æternæ pœnae consequitur peccatum ex parte aversionis, et recessus a Deo, quia justum est, ut qui contra æternum bonum peccavit, supplicium patiatur æternum; atque ideo sub.ata aversione media Pœnitentiæ conversione, consequens esse debet auferri etiam debere reatum ad prædictum supplicium. Idque supposuisse videtur D. Thomas in hac quest. 86, in qua enumera effectus Pœnitentiæ, quoad mortalium remissionem, non meminit pœnae damni, sed inclusit in ipsa remissione peccati.

168. Infertur præterea idem suo modo Remissio dicendum etiam esse de pœna temporalis, tempora- quod videlicet remittatur media Pœnitentia. Diximus suo modo, ut significaretur esse differentiam inter pœnam temporalem, et æternam: hujus quippe nihil remanet, sed totus ejus reatus aboletur dimissa culpa; quod secus accidit in debito pœnae temporalis, utpote quæ non extinguitur totaliter, sed illa dumtaxat, quæ respondeat conversioni ad bonum commutabile, eamque adæquet juxta illud Apocalyps. 18: *Quantum glorificavit se, et in deliciis fuit, tantum date illi tormentorum, et luctuum.* Estque doctrina Concilii Trident. sess. 14, cap. 8, ubi eam proponit fidelibus credendum sub his verbis, : *Sancta Synodus declarat falsum omnino esse, et a verbo Dei alienum culpam a Domino numquam remitti, quin universa etiam pœna condonetur.* Perspicua enim et illustria in sacris litteris exempla reperiuntur, quibus præter divinam traditionem hic error quam manifestissime revincitur. Quibus commendavit necessitatem satisfactionis, in quam hæretici Lutherani, et Calvinistæ, ut penitus inutilis, ac superfluam vehementer irrumpebant, et stomachabantur, indeque ad negligandum Purgatorium pervenerunt. Quorum errores jam proscripsérat sacrum Concilium sess. 6, can. 30, sub anathemate dicens: *Si quis post acceptam justificationis gratiam, culibet peccatori pœnitentia ita culpam remitti, et reatum pœna æternæ deleri dixerit, ut nullus remaneat reatus pœnae temporalis exolvendæ, vel in hoc sæculo, vel in futuro in Purgatorio, antequam ad regnum calorum aditus patere possit, anathema sit.*

*Remissio
pœnae*

*Apocal.
18.*

*Concil.
Trid.*

Idem.

Animad-
versio. Quæ doctrina non ita intelligi debet, ut necessarium, et indispensabile omnino sit semper, ac homo justificatur aliquid reatus poenæ temporalis maneat postea exolendum. Hoc enim non determinat Concilium, nec oportuit statuere: quia cum remissio poenæ temporalis proveniat ex majori, vel minori intentione, subindeque efficacia contritionis, quo detestatio ut opposita conversioni ad bonum commutabile major fuerit, eo minus relinquet reatus ad poenam, et si ex toto adaequat, totaliter reatum extinguet. Sed quia id raro accidit; et ut in plurimum remanet obligatio luendi poenam temporalem post remissam culpam. Cujus oppositum docebant haeretici universaliter negantes residuum aliquid temporaliter luendum: et contra eos processit Concilium sub anathemate feriens illorum doctrinam universalem.

Efficacia
poenitentiae
in
Sacramento. 169. Similiter consectaria hujus doctrinæ applicanda est Pœnitentiae nedum sub ratione virtutis, sed etiam quatenus est Sacramentum; utroque enim modo remittere potest modo explicato poenam temporalem; sed principalius, et efficacius sub ratione Sacramenti, quam sub ratione virtutis. Ratio D. Thomæ est plane convincens: quoniam influxus totius compositi principalius illi convenit ratione formæ, a qua in actu constituitur, quam ratione materiae, ut constat in naturalibus. Sed Pœnitentia ut est Sacramentum est conpositum ex materia et forma, influens in extinctionem poenæ temporalis. Ergo principalius debet influere ratione formæ, quam ratione materiae. Constat autem actus virtutis Pœnitentiae se tenere ex parte materiae, ut supra ostensum est: ergo praedictus influxus principalius convenit Sacramento ratione formæ absolutionis, quam ratione actuum pœnitentis. Ideoque plus poenæ temporalis condonatur homini contritione disposito intra Sacramentum quam cum ejusdem voto.

Incidens
dificul-
tas
non
levis. Tota difficultas hujus conjectarii stat in eo conciliando cum Antecedenti, et redenda ratione, quare ablata exigentia poenæ æternæ ex vi remissionis culpæ, non etiam remittitur debitum poenæ temporalis. Tum quia reatus poenæ æternæ quid majus est reatu poenæ temporalis: ergo si Pœnitentia excludere valet debitum poenæ æternæ, potiori titulo excludet debitum poenæ temporalis. Tum etiam, quoniam ablata causa, aufertur effectus; sed tota macula peccati supponitur abstersa media Pœnitentia, ita quod nihil illius remaneat nec aliquid dam-

nationis est reperire in homine justificato: consequens ergo est ut simul extingui debeat obligatio ad poenam temporalem. Eo vel maxime, quia inexplicabile est, quid sit illa obligatio? ubi remaneat, et quomodo sit effectus peccati jam extincti?

Aqua difficultate ut se expedirent Theologi in variis abidere dicendi modos. Aliqui in solam Dei voluntatem reducere videntur, ut Richardus de S. Victore tract. de Potest. ligandi cap. 4. Scotus vero in 4, dist. 22, q. 1, § *De secundo articulo*, ideo, inquit non penitus extingui debitum poenæ temporalis, quia intervenit commutatio quædam poenæ æternæ in temporalem, quoties vel contritione, vel Sacramento fit remissio peccati, et suppositione hujus commutationis, nequit non permanere reatus ad prædictam poenam, ut materiam subrogatam loco alterius. Cui doctrinæ subscrivit Durandus in 4, dist. 17, quæst. 3, docens poenam peccati simpliciter, et absolute non totaliter remitti per contritionem, sed illam æternam et longe alterius rationis in temporaneam commutari accidente divina ordinatione, rectissime ita disponente. Unde provenit graviori peccato graviorem designari poenam temporaliter luendam.

Ex recentioribus ita etiam docent Suarez disp. 10, sect. 3, a num. 14. Coninch. disp. 2, dub. 12, concl. 3. Lugo disp. 8, sect. 2, a n. 55 et disp. 24, sect. 1, ubi addit eam commutationem in tantam, vel tantam poenam temporaneam non haberi ex natura, et exigentia gratiæ concessæ in justificatione, sed ex libera voluntate Dei, et juxta ordinem divinæ Sapientiæ, attentis circumstantiis hie, et nunc occurrentibus, tum ex parte hominis, tum ex parte Sacramenti, et ex aliis capitibus. Quibus tandem consentit Aversa quæst. 3 sect. 11, concl. 3, dicens eatenus verificari eam fieri commutationem, quatenus poena illa, quæ absque remissione culpæ fuissest æterna, ea posita, reducta est temporalis.

170. Hæc tamen doctrina, nec ut a veteribus posita, nec ut a recentioribus expensa veritatis scopum attingit, sed deficit in utraque illius parte, et qua docet intervenire commutationem, et qua assert poena taxationem in unicam et solam Dei voluntatem libertam iri redactam. Quapropter ab ea recedunt discipuli D. Thomæ, Cajetanus in praesenti sol. ad 1. Nuno, Arauxo, ibidem. Soto de nature Nugnus et gratia lib. 3, cap. 6 et in 4, dist. 15, Cajetanus
Nuno
Arauxo
Soto
Non
satis
ciunt
Cajetanus
Nuno
Arauxo
Soto

quæst.

desma
riel.
onra-
dus.
quez.
Tho-
uas.

Prima
solu-
tions
pars.

quæst. 1, art. 4. Martinus de Ledesma 1, p. quarti quæst. 27, art. 4, dub. unic. Curiel 1, 2, quæst. 87, dub. 4. Conradus ibidem art. 4, et ex extraneis Vasquez 3, p. q. 94, art. 1, dub. 2. Quibus omnibus præluxit D. Thomas in præsenti art. 4, et in 2, dist. 42, q. 2, art. 2 ad 5. Et ratiō primi sumitur ex supra dictis disp. 2, agendo de Absolutione, quæ est præcipua Pœnitentia sub ratione Sacramenti pars. Nam proprie loquendo commutatio non est vera absolutio, cum sit solius materiæ variatio, remanente, ac vigente semper obligatione, licet circa diversam materiam: sed dum medio Sacramento homo justificatur, vere absolvitur a vinculis peccatorum, et a reatu pœnae æternæ: ergo non intervenit proprie loquendo commutatio. Major præterquam quod videtur perspicua, constat in potestate commutandi vota, quæ diversa est a potestate ea dispensandi, irritandi, aut annullandi, in quarum prima non tollitur vere obligatio voti, sed transfertur ad aliam materiam, secus vero in secunda; ideoque in primo casu potest quis violare votum, quo manet abstrictus; nequit vero in illo dispensatus, utpote minime ejus vinculo ligatus, et sic de reliquis. Minor etiam constat ex dictis loco citato, et ex eo quod potestas concessa ministris Ecclesiæ est potestas vere absolvendi, et ligandi, atque ideo absolutio Sacramentalis non commutatio, sed vera absolutio est ab obligatione peccato inducta subindeque vera remissio, et relaxatio pœnae ipsi debitate.

Quæ ratio etiam probat de justificatione extra Sacramentum: hac quippe vere remittitur peccatum cum voto Sacramenti: Ergo vere etiam relaxatur pœna æterna peccato debita, non minus ac si fieret in Sacramento. Cum enim Deus idem sit causa principalis remissionis sive intra, sive extra Sacramentum; quoad hoc eadem ratio est de una ac de altera, licet quoad gratiæ intensionem, et alias effectus non modica sit differentia.

Dispicet aliunde illa doctrina: quia commutatio proprie loquendo semper cadit supra materiam alias liberam, et solum redditur necessaria, seu obligatoria ratione commutationis, ut constat in humanis: sed peccanti mortaliter non est materia libera pena luenda temporaliter, sed est necessaria necessitate orta ex visceribus ipsius peccati: Ergo nequit esse commutationis materia; unde taliter absolvitur a

pœna æterna peccator, quod remaneat debitum contractum ex peccato luendi pœnam temporalem. Idque sonare videtur testimonium illud Apocalyps. 18 et illud Deuter. 25: *Pro mensura peccati, erit et plagarum modus.* Minor vero probatur: quoniam peccato non solum debetur pœna æterna ex illa parte, qua est contra Deum, sed etiam pœna temporalis ex eo capite, quo est contra rectam rationem, et objec- tum illi dissonum prosequitur, ut constat ex saepe dictis, et paulo post expendemus ex D. Thoma. Quare non est locus in ejus remissione sive medio Sacramento, sive media sola contritione cum ejusdem voto commutationi preproprie dictæ.

171. Si autem fiat sermo de commutatione impropria, quatenus denotat permanentiam debiti ad pœnam temporalem, abrogato alio ad pœnam æternam, non renui- mus asserere intervenire commutationem in remissione peccati; sed (*quia cum pluribus loquendum, ut tenet commune proloquium*) ea voce aliquando usi sumus tum in hoc tract. tum tract. de Peccatis disp. 17, dub. 1 et quod magis est, eam ipsam usurpatam invenimus apud D. Thomam opuscul. 6, in expositione orationis Dominicæ in quinta petitione, ubi ut explicaret insignem confessionis fractum, adhuc post dimissam media contritione culpam, inquit, *quod Deus in contritione dimittit culpam, et pœna æterna commutatur in temporalem,* (quatenus solum obligatur homo ad istam, et non ad illam) *sed nihilominus manet adhuc obligatus ad pœnam temporalem.* Unde si decederet sine confessione, non contempta tamen, sed præventa, iret ad Purgatorium, cuius pœna, ut dixit Augustinus, est ma- xima. Unde quando semel confitetur quis, dimittitur ei aliquid de pœna hujusmodi, et similiter quando iterum confitetur, et posset totiens confiteri, quod tota sibi dimitteretur. Quæ ultima verba bene observanda satis commendant beneficium Confessionis Sa- cramentalis, ad eamque non sero, nec se- gniter iterandam alliciunt.

172. Quod vero hujuscemodi pœnam tem- poralem taxare non sit nudum opus divinæ voluntatis (quæ est secunda pars illius asserti) sed suam habeat radicem in peccato, vi cuius major pro uno, quam pro alio et debetur, et impenditur pœna; ideoque in- tervenire necesse sit divinam justitiam pro debitis pœnam decernentem, ostenditur primo ex D. Thoma 1, 2, quæst. 87, hac ratione plane demonstrante reatum pœnæ

Quo
sensu
possit
eorum
sententia
explicari.

Nota.

Pars
secunda
resolu-
tionis.

D.Thom.

temporalis ortum ex ipso peccato : Actus enim peccati facit hominem reum pœnæ, in quantum transgreditur ordinem divinæ justitiae, ad quem non reddit, nisi per quandam recompensationem pœnæ, quæ ad æqualitatem justitiae reducit, ut qui plus voluntati suæ indulxit, quam debuit, contra mandatum Dei agens, secundum ordinem divinæ justitiae, aliquid contra illud quod vellet, spontaneus, vel invitus patiatur. Quo enim melius ratio justitiae servari potest quam ad æquallitatem inæqualitatem rectificando? Sed homo in prosecutione objecti prohibiti induxit inæqualitatem propriæ voluntatis habendas laxando, eique plus justo indulgendo postposita voluntate divina prohibente, et pœnas comminante; ergo ut amissa æqualitas reintegretur, necessarium est voluntatem se ipsam deprimere vel pœnas voluntarias assumendo vel a Deo inflictas sustinendo. Est ergo opus justitiae divinæ statuere pœnam adhuc remissa culpa, luendam, ut quod magis voluntati propriæ indultum est contra rectam rationem, sustentia pœnae compensetur. Et ratione hujus homo dicitur destinatus, et ordinatus ad pœnam temporalem temporaliter sustinendam. Ideoque loco infra allegando ex tract. de Peccatis statuimus reatum justitiae prout se tenet ex parte Dei, importare ipsum actum incrementum Dei ut denominantem hominem reum ex justitia ad pœnam temporalem : prout vero se tenet ex parte hominis non aliud esse, quam denominationem extrinsecam efficientem hominem, ad eum sane modum, quo esse visum se habet ad videntem, et esse prædestinatum, seu præordinatum ad prædestinantem, et præordinantem juxta doctrinam D. Thom. 4, p. q. 23.

Impugnantur
Juniores.

173. Secundo impugnatur ille dicendi modus ut a Recentioribus expensus. Nam ultra voluntatem divinam ad statuendum pœnam aliqua assignari debet ratio ex parte peccatoris, qua exigat hanc pœnam præ alia, maiorem, vel minorem; non enim omnes æqualem reatum habent, nec æquali pœna plecuntur. Sed si totum hoc negotium refunderetur in liberam Dei voluntatem : nulla esset assignabiliis ratio, quare unus præ alio magis torqueatur, vel majori obstringeretur reatu luendi pœnas a Deo statutas. Ergo ne hoc dicatur, ut dici non debet, asserendum est reatum ad pœnam non unice refundi in liberam Dei voluntatem : sed ex parte hominis subesse adhuc post peractam justificationem aliquam causam, seu radicem, ex qua ortum ducat

illa obligatio. Consequentia constat. Minor etiam liquet ex Authoribus illius positionis, juxta quam nulla alia causa inventur, nisi sola Dei libera voluntas statuens, ac decernens hominem adhuc justificatum manere obstrictum aliquo onere luendi pœnam temporalem, sive ratione permutationis liberæ, sive etiam liberæ itidem voluntatis divinæ, ita præscribentis juxta ordinem suæ sapientie : quocumque enim modo se explicit in hac parte, nihil ex parte hominis justificati designant, quod ex justitia exigat inflictionem pœnæ, nisi illam liberam commutationem, quæ omnino extrinseca est, et liberam Dei ordinationem, quibus non stantibus, nullus stare reatus in homine post adeptam gratiam. Eo vel maxime, quod in homine post adeptam justificationem solum remanet peccasse : sed hominem peccasse non est ratio ex parte hominis ad illi infligendam pœnam, si semel supponitur in Dei gratia : Ergo unica ratio plectendi hominem justificatum est libera Dei voluntas, non vero aliquid ex parte hominis se tenens per modum radicis, et causæ illius obligationis. Probatur haec Minor in ipsis beatis, in quibus ita manet aliquando peccasse, ut nec per divinam potentiam ea cicatrice quantumvis sanata per impeccabilitatem adeptam in illo statu erui valeant. Major primi Syllogismi etiam constat, quia sicut pœna actu applicata supponit culpam ; ita taxatio, ac determinatio pœnae nequit cadere, nisi supra culpam, vel residuo culpæ, et quo magis hujus vel illius remanserit, eo major, vel minor esse debet inflictio pœnæ. Quocirca si tota fuerit sic ablata, ut nihil illius sit residuum nec in se, nec in suo effectu, nullus jam relinquitur pœnae locus, ut patet in animabus perfecte, et adamussim purgatis, quæ illico in cælum volant. Id quod in meritis, et præmio evidenter cernere licet. Hoc enī non distribuitur, non suppositis meritis; ideoque depositam sibi esse coronam justitiae, sibi reddendam a justo iudice testabatur Apostolus.

174. Refellitur tandem ex doctrina D. Thomæ 4, contra Gentes cap. 72, ubi redit rationem, quare in justificatione medio Baptismo obtenta non solum culpa, sed etiam reatus ad pœnam, et omnes reiquiae peccati evellantur, et abstergantur; secus vero in justificatione, quæ fieri solet media Pœnitentia, sive extra, sive intra sacramentum. *Quia conjunctio nostri ad Christum in Baptismo* (inquit S. Doctor) *non est secundum*

Prose-
q. iur
impun-
gatio.

D. Thom.

cundum operationem nostram, quasi ab interiori, quia nulla res se ipsam generat; sed a Christo qui nos regeneravit in spem vivam: ideoque remissio peccatorum in Baptismo fit secundum potestatem ipsius Christi nos sibi conjungentis perfecte, et integre, ut non solum impuritas peccati tollatur; sed etiam solvatur penitus omnis pœnæ reatus. Unde Concilium Tridentinum sess. 5, in decreto de Peccato originali can. 5, statuit in renatis nihil damnationis manere, quo morari possint ab ingressu regni cœlorum; quamvis fomes, seu concup scentia, quæ peccatum non est, sed a peccato oritur, et in peccatum inclinat, ad agonem relicta sit. In justificatione vero penitentiali, quia medicinalis est, ut supra disp. 4, hujus tract. expendimus. Christo conjungimur secundum operationem nostram divina gratia suffulam, et informatam. Unde provenit, non semper totaliter nec omnes æqualiter remissionis effectum percipere. Et ratio est: quia potest esse conversio hominis in Deo ita vehemens, ut perfecte remissionem peccati inducat, non solum quantum ad purgationem culpæ, sed etiam quantum ad remissionem totius pœnæ: in quo proinde nullus reatus permaneat: Sed quia hoc non semper contingit, quandoque, et ut in plurimum, amota culpa, et æternæ pœnæ soluto reatu, remanet obligatio ad aliquam pœnam temporalem, ut justitia Dei salvetur, secundum quam culpa ordinatur per pœnam. Ubi, ut vides, explicantur, quæ supra dicebamus ex sententia, ac mente Concilii; et simul docemur reatum non ex sola Dei voluntate libera procedere, exclusa exigentia ex parte peccatoris, ut prædicti Recentiores significare videntur; sed potius tenendum esse taxationem pœnæ esse opus divinæ justitiæ supponens in homine peccatore adhuc post adeptam justitiam obligationem, seu quod idem est, reatum ad pœnam temporaliter luendam, qui sit major, vel minor juxta maiorem, vel minorem conversionis efficaciam. Non ergo juxta D. Thomam, et rei veritatem bene assignatur pro reatu voluntas libera Dei, exclusa, ac non præsupposita obligatione ex parte creaturæ ratione peccati etiam dimissi. Ideo namque taxatur pœna, quia supponit reatum, et non ideo est reatus, quia Deus libere statuit, ac decernit pœnam. Per hoc patet (concludit D. Thomas 3, contra Gentes cap. 158), quod postquam homo per gratiam remissionem peccati consecutus est, et ad

statum gratiæ reductus, remanet obligatus ex Dei justitia ad aliquam pœnam pro peccato commisso.

175. Hac ergo via reatum explicandi Legitima relictæ ut insufficienti, et a veritate aliena, explicatio non aliam arripiemus, quam hic stractam reatus ad pœnam temporalem. Thoma art. 4, et a nobis tract. de Peccatis disp. 17, dub. 1, num. 16, expensam. Juxta quam dicendum est prædictum reatum ad pœnam temporalem non esse inæqualitatem quandam ex peccato relictam, ut interpretari videtur Sylvius; nec Falsi Sylvius. etiam perversam inordinationem, aut pravam dispositionem, aut habitum, qui causentur per actus intensos peccati, vel Contempson. ipsorum frequentationem, ut putavit Gon. tempson in præs. dissert. unic. cap. 1, § secundus Panitentia effectus, ad finem. Nec etiam est delectatio aliqua ex objecto illicto percepta, quæ re ipsa distinctione sit ab actu peccati, ut voluit Gonet in præsenti. Hæc enim omnia adstruendi nullum fundamentum est in D. Thoma. Est ergo reatus ad pœnam temporalem conversio ipsa peccaminosa ad bonum commutabile, quæ licet præteriorit physice, permanet moraliter post remissam culpam, et exclusam aversionem a Deo tamquam ab ultimo fine. Unde reatus non est aliquid physicum, sed dumtaxat moralis obligatio hominis, qua tandiu obstringitur, quandiu non retractata fuerit conversio ad bonum commutabile. Et ex hac conversione non retractata sufficienter, seu ad æqualitatem perfectam, consurgit jus in Deo exigendi ab homine pœnam temporalem, quoad perfectam exsolutionem. Quam resolutionem licet non eisdem verbis, re tamen ipsa amplectuntur discipuli D. Thomæ supra allegati, nec mirum cum videatur expressa S. Doctoris in hoc art. 4.

176. Ut vero eam sanciret Angelicus Nota. Praeceptor, observavit in peccato mortali reperiri aversionem a Deo tamquam ab ultimo fine, ex quo capite debetur peccato pœna æterna, et conversionem ad bonum commutabile, cui solum debetur pœna temporalis, si præcisive sumatur, ut supra non semel innuimus: conversio enim ad bonum commutabile, in quantum hujusmodi non est peccatum mortale, nisi quatenus fundat et secum trahit aversionem a Deo, ut patet in peccatis venialibus, in quibus invenitur conversio ad bonum temporale; quia tamen ibi non importatur aversio a Deo, ut ab ultimo fine, idcirco illa conversio non evadit peccaminosa.

Moti-
vum.

Quo supposito satis expedite suaderi potest intentum. Nam conversioni in bonum commutabile non conjunctæ cum aversione a Deo, sed potius segregatæ, ac sejunctæ non debetur poena æterna, sed temporalis ut suadet exemplum peccatorum venialium, quo hanc propositionem fulsit D. Thomas : sed post adeptam justificationem media Poenitentia sive ut Sacramento, sive ut virtute, remanet moraliter conversio ad bonum commutabile, non vero aversio : ergo remanet radix extorquendi ab homine poenam temporalem : atque ideo ex vi predictæ exigentie manet homo reus, et obligatus ad predictam poenam. Utraque Consequentia sequitur ex præmissis. Major est perspicua, et probatur Minor : tandiu enim intelligitur permanere moraliter conversio ad bonum temporale, quandiu non est retractata, et exclusa perfecte per oppositam conversionem ad bonum honestum, quæ secum ferat aversionem a bono temporali : sed adhuc obtenta justificatione, non intelligitur exclusa perfecte conversio ad bonum commutabile : ergo intelligitur moraliter permanere. Probatur hæc Minor : quia sicut justificatio non excludit omnia peccata venialia, ita per se, et ut in plurimum non excludit conversionem ad bonum temporale, in qua peccatum veniale, et mortale conveniunt; sed ad hoc requiritur perfectissima, et vehementissima contritio, quam communiter justificatos non elicere manifestum est : ergo per se loquendo et ut in plurimum ex vi justificationis non potest intelligi perfecte, et adæquate exclusa conversio voluntatis ad bonum temporale; ad hoc quippe necessarium esse talem, ac tantam fuisse conversionem, seu displicantiam peccati, quod exclusisset affectum quemlibet ad bonum temporale, et penitus extirparet complacentiam in illo habitam, quod raro accidit, quantumvis homo supponatur in gratia.

Aliud
moti-
vum.

177. Secundo probatur ex eodem D. Thoma occurrendo simul rationi dubitandi, in qua vim faciebant hæretici ad sententiam ab Ecclesia proscriptam propugnandam, et insistunt alii ad diruendam opinionem D. Thomæ. Ideo namque reatus ad poenam temporalem non consisteret in prædicta conversione moraliter permanenti, quia si supponitur ablata macula peccati et nihil damnationis est in anima justificata ; qua ratione nullus remanet reatus ad poenam æternam ; eadem prorsus ra-

tione excludendus videtur reatus poenæ temporalis, qui se teneat ex parte homini antecedenter ad determinationem liberam divinæ voluntatis, ut illi discurrunt. Hanc autem ratiocinationem esse nullam, et quam optime stare totam maculam esse abstersam, et nihilominus permanere aliquid luendum, et purgandum poena temporali vel in hac vita, vel in Purgatorio, probatur tum ex D. Thom. in hoc eodem art. 4, sol. ad 4, ubi proposito eodem ipso argumento, sic respondet : *Dicendum quod culpa mortalis utrumque habet, et aversiōnen a Deo et conversionem ad bonum creatūrum : sed (sicut in 2 p. habitum est) aversio a Deo est ibi sicut formale, conversio autem ad bonum creatūrum est ibi sicut materiale. Remoto autem formalī ejuscumque D. Thom. rei, tollitur species, sicut remoto rationali tollitur species humana. Et ideo ex hoc ipso dicitur culpa mortalis remitti, quia per gratiam tollitur aversio mentis a Deo simul cum reatu poenæ æternæ. Remanet tamen illud quod est materiale, scilicet inordinata conversio ad bonum creatūrum, pro qua debetur reatus poenæ temporalis.* Ubi manifeste docet cum ablatione, ac remissione totius culpæ mortalis, manere inordinatam conversionem ad bonum temporale, non quidem physice, ut est per se notum, tum quia supponitur præterita, tum quia exclusa fuit per conversionem ad Deum, vi cuius conversio ad bonum commutabile jam non fundat, nec secum trahit, quinimo expellit, aversionem. Solum ergo remanet moraliter, quatenus per solam conversionem justificationis utcumque, non sufficienter retractatur conversio ad bonum creatum ; et quod non retractatur nec formaliter, nec virtualiter, permanere moraliter necesse et quoad obligationem.

Tum etiam ratione, quia non inconvenit, imo non semel accedit, actum habentem duplum respectum permanere quoad unum, et deficere quoad aliud : sed actus peccaminosus fundat imo importat respectum ad bonum temporale, quod prosequitur, et ad aversionem a Deo, quem posthabet : ergo potest retractari, ac deficere quoad aversionem, vel quatenus illam fundat, media justificatione ; et non retractari quoad tendentiam in bonum temporale, sed moraliter permanere. Major, ad quam devolvitur difficultas, probatur, et illustratur exemplis satis frequentibus apud contrarios in hac parte : nam primo, casu quo legislator aliquid sub gravissima poena prohibuerit,

prohibuerit, potest vel dispensatione, vel usu pena illa mitigari, et abrogata lege, quoad unam partem, permanere quoad aliam, ut docet Lugo in praesenti disp. 7, sect. 5, num. 47. In quo eventu voluntas legislatoris censetur manere moraliter quoad vim qua lex modo gaudet; non vero ut primo obligare voluit. Secundo in eo qui pravo fine rem cum muliere habendi, promisit aliquam pecuniae summam, vel quid ejusmodi; si obtento fine, et peccato commisso, resipuerit ad gratiam, ut potest, adhuc remanet obligatio exsolvendi pecuniam promissam ob illicitam copulam; quin ab ea obligatione denominetur homo ille actualiter peccator, licet reus sit solvendae pecuniae, ut etiam tenet idemmet Lugo sect. sequenti. Quæ etiam est doctrina Ripaldæ lib. 6, de ente supernaturali disp. ult. sect. 25. Quæ non ideo retulimus, ut illis exemplis indigeamus, sed ut constet non bene ab hac doctrina D. Thomæ recessisse Lugonem quia sibi difficultis visa est, ut affirmat disp. 8, sect. 2, n. 46. In qua sane non major est difficultas, quam in exemplis ex ipso relatatis, et ab ipso approbatis. Non enim aliquid docuit D. Thomas, nisi quod illamet conversio aversiva a Deo potest retractari, et de facto retractatur media pœnitentia quatenus fundat aversionem, et reatum poenæ æternæ; quæ tamen non adæquate expellitur, quatenus dicit conversionem ad bonum commutabile secundum se.

Cujus rei alia duo suppetunt exempla sati perspicua, primum in yoto, quo aliquis adstringitur ad duo facienda v. g. eleemosynam, et jejuniū, et alterutro horum substantialiter observato, mutato, vel impossibili redditio, extinguitur obligatio quoad illam partem, sed viget quoad aliam. Secundum est D. Thomæ in 4, dist. 14, quæst. 2, art. 1, quæst. 2, de eo qui aliquem offendit violando amicitiae leges, et simul aliquid auferendo: hic enim potest amico reconciliari quin solvat justitia debitum, quo in casu est et erit reus debiti ex justitia, et simul amicus. Et sicut hæc duo (verba sunt D. Thomæ) in offensa quandoque dividuntur, ita etiam in recompensatione separantur; sicut quando pena per violentiam offendenti infertur, si recompensatio quantum ad justitiam, sed non quantum ad amicitiam; similiter quando offendens offensum verbis placat, nondum re substracta restituta, si recompensatio amicitiae, sed non justitiae. Porro ita se habere hominem ad Deum media pœnitentia

quod scilicet consequatur amicitiae reintegrationem cum ipso, et simul obnoxius maneat poenæ luendæ, quod est esse reum, declarat S. Doctor subjungens: *peccator ergo per effectum peccati amicitiam Dei violavit, et per inobedientiam divinæ legis honorem debitum Deo substraxit et ex primo amittit gratiam, et incurrit offensam: ex secundo meretur pœnam ut ab eo, qui per inobedientiam substraxit, subtrahatur per pœnam, et hoc pœna meritum (quod est quid morale) reatus dicitur.* Et ideo per pœnitentiam, qua homo se Deo supponit peccata præterita delesiendo cum emendationis proposito, remittitur quidem peccatum quantum ad offensam; sed non oportet, quod remittatur, quantum ad totum reatum, nisi pœna jam soluta: et sic per Pœnitentiam non simul cum culpæ dimissione totus otiam reatus dimittitur

178. Cui doctrinæ non obseruit, si opposueris: tum quod per Pœnitentiam non solum retractatur aversio a Deo, sed etiam conversio ad bonum commutabile; sed quia retractatur aversio, nullus remanet post justificationem reatus poenæ æternæ; ergo si retractatur conversio ad bonum commutabile, nullus remanet reatus poenæ temporalis. Cætera constant præter Majorem, que facile suadetur; nam per Pœnitentiam dolet homo de peccato sub ea ratione, sub qua habet rationem culpæ: sed habet rationem culpæ sub utraque ratione et conversionis, et aversionis: ergo sub utraque ratione retractatur, atque ideo sub nulla ratione moraliter permanet. Tum etiam: quia aversio a Deo fundatur in conversione inordinata ad creaturam; ideo enim homo se avertit a Deo, quia contra Dei voluntatem se convertit ad creaturam: ergo non stat permanere conversionem ad creaturam, quin simul permaneat aversio a Deo; vel e contra hac non permanente, nec etiam illa. Tum denique, nam conversio illa permanens constitueret peccatum veniale, utpote quæ convenit cum ipso peccato veniali, ut testatur D. Thomas; ex quo rursus fieret et peccatum mortale transire in veniale, et aliquid culpæ remanere post justificationem, quæ pertineat ad peccatum remissum, quorum quodlibet est absurdum minime sustinendum. Illatio videtur constare: nam conversio inordinata ad bonum temporale, quæ non importet aversionem a Deo tanquam ab ultimo fine, est ita propria peccati venialis, ut eo ipso, ac illa intelligatur, intelligitur etiam peccatum veniale; sed illa conversio quæ permanere dicitur,

Objectio-
nes.

est conversio inordinata ad bonum tempore, et non importat aversionem a Deo ut ab ultimo fine, ut asseritur: ergo constituit peccatum veniale, non quod de novo committatur, sed in quod transit peccatum mortale remissum.

Observ.
pro
respon-
sione.

179. Hæc, inquam, objectiones non obsunt, quin imo conducunt ad majorem veritatem elucidationem. Pro qua est animadvertisendum in qualibet peccatoris justificatione media poenitentia, sive intra, sive extra Sacramentum, esse dolorem; ac detestationem peccati, subindeque ejus retractationem non solum quoad aversionem a Deo, sed etiam quoad conversionem ad bonum commutabile: utraque enim ratione constituitur peccatum mortale, ut constat ex D. Thoma in hoc articulo, et locis in eo allegatis ex 1, 2, atque ideo utraque ejus ratio retractari debet per Pœnitentiam. Quo fit non solum remitti reatum pœnae æternæ consecutum ad aversionem, sed etiam aliquid reatus pœnae temporalis, qui consequitur ad conversionem in bonum temporale. Cæterum stat differentia, quod reatus primus totaliter evellitur infusa gratia, quia nihil damnationis est in justificatis, ut fides docet; secundo vero non amovetur totaliter, ut supra dicebamus, sed ex parte manet, ut supponere videntur Concilium Trident. D. Thomas, et Theologi statuentes non totam pœnam temporalem remitti in justificatione; quia nimur non semper adæquatur detestatio conversioni inordinatae, ita ut nullatenus maneat adhæsio voluntatis ad bonum illud vehementissima inordinatione prosecutum; ad hoc enim opus est vehementissima contritione, vel quæ sit tanta quanta fuit inordinata conversio. Sed ita retractatur prædicta conversio, ut ulteriorem exoptet retractationem, et jure postulet luendam pœnam temporalem vel voluntarie assumptam in hac vita, vel infligendam in Purgatorio. Sicut enim ad comprehensionem non sufficit attingentia totius objecti; sed requiritur ut sit tanta, quanta est attingibilitas, et dum ad hanc non pervenitur, semper est adhuc magis attingibile; haud secus ad retractationem prædictæ conversionis non sufficit quælibet detestatio illius, sed requiritur quod sit tanta, quanta fuit conversio inordinata. Et quia hæc ut in plurimum deficit, semper remanet aliquid præteritæ inordinationis detestandum, et retractandum.

Ubi est agnoscere, insistendo eidem

exemplo, quod sicut attingere objectum comprehensive importat necessario perfectionem majorem præ cognitione pure quiditativa, et non quæ sufficit ad primum, sufficit ad secundum: ita in præsenti ad retractandum adæquate peccatum non solum ut importat, ac fundat aversionem, sed etiam ut affert adhæsionem inordinatae ad bonum commutabile, necessaria omnino est major gratia, major dispositio, necno major voluntatis conatus, quam præcise ad illud retractandum sub ea ratione, sub qua inducit aversionem. Sicut major gratia est, quæ excludit omnia mortalia et venialia usque ad unum, quam quæ solum expellit mortalia, ad quod vel minima sufficit. Et quia non semper ac justificatur homo, fit media contritione omnium perfectissima, vel quæ adæquet conversionem ad bonum commutabile in sensu explicato; ideo relinquitur moraliter irrettractata inordinata voluntas absque ullo peccato, sed cum onere supplendi defectum illum negativum media pena assumpta, vel infligenda.

180. Unde verus, ac legitimus D. Thomæ sensus esse non potest, quod conversio ad bonum temporale non sit retractata; hoc enim falsum est; sed quod non sufficienter, et omnino adæquate retractetur ex vi justificationis, ut requiritur: et ex hac parte manet moraliter conversio illa voluntaria, et fundat exigentiam uberioris doloris, ac detestationis, ut omnino debitum peccati extinguatur, et patet exemplo comprehensionis, quo ut credimus, legitimus sensus illustratur, et objections, quæ hinc inde emergere videbantur, diruuntur.

Ad primam illarum, quæ apposita sunt, respondemus concedendo Majorem et Minorēm, et negando Consequentiam. Et ad probationem inductam, quatenus militare potest contra præmissam observationem, dicimus, in justificatione retractari quidem peccatum sub utraque ratione, subindeque aliquid pœnae temporalis etiam dimitti. Sed quia sub ratione conversionis ad bonum commutabile, quo pacto non explicat malitiam peccati mortalis, non sufficienter, et adæquate retractatur; idcirco remanet obligatio ad pœnam, et ex hac parte moraliter irrettractata est: ita enim homo detestatur conversionem ut annexam aversioni, quod non penitus dicitur a bono temporali, cui inordinate adhæsit et quia inordinatio fuit major, quam sit detestatio, idcirco excessus ille luendus et purgandus relinquitur. Unde constat ad secundam: quia licet

Mens
Thom

Respon-
deatur
prima
objec-
tioni

Solutio
secunda

licet aversio a Deo fundetur in conversione ab bonum commutabile; non ex eo quod retractet homo conversionem ut fundante in aversionem intelligitur illam adæquate retractare: illud enim fit media qualibet contritione vel omnium, si ita loqui fas est, minima: hoc vero fieri debet med a intensiori, penitiori, et efficaciori, qua tantum sibi displiceat, tantumdemque sibi gustus, et delectationis dema, quantum sibi indulsit in illa conversione, et hæc dispositio non semper adest in qualibet justificatione, aut Pœnitentia, sed opus est singularissima, et non ita communi, ut fieri solet.

Tertia etiam est nulla: quia conversio illa, quam dicimus permanere, non est voluntaria, nisi voluntate illa præterita; quæ ideo permanet moraliter, quia non intelligitur adæquate retractata; unde ne que est peccatum veniale, utpote quo petit diversam voluntatem ab illa, et hæc non adest; nec peccatum mortale transit in veniale, cum hoc non de novo fiat. Est ergo obligatio orta ex peccato non sufficienter exhausta, aut persoluta usque ad positionem poenæ exactæ juxta quantitatem inordinationis præteritæ. Et quia ex hac inordinatione sublata est aversio media conversione hominis ad Deum, et infusione gratiæ sanctificantis; idcirco dicitur permanere conversio ad bonum commutabile ratione adhæsionis voluntatis ad illud non sufficienter exclusæ, qualiter accidere solet in peccatis venialibus; non vero quia conversio prædicta peccatum veniale sit aut ex vi hujus esse possit, ut comminisci sibi videbatur objiciens.

181. Nec etiam Oberit, si hanc explicationem insufficiente insimules. Nam aversio a Deo tanquam ab ultimo fine nequit per pœnitentiam detestari, ut petit: et tamen ita per illam destruitur sive quoad essentiam, sive quoad ejus reatum, ut nihil omnino illius permaneat, nec physice, nec moraliter: ergo vel idem dicendum est de illa conversione, quod scilicet non permaneat moraliter; vel si hoc non, nulla etiam erit ratio, ob quam post justificationem non alius reatus permaneat illius aversio nis, subindeque poenæ æternæ. Majorem probabis ex eo, quod ut sæpe docet D. Thomas, aversio illa est infinita, et fundat debitum poenæ æternæ, quæ solum est possibilis: ergo nequit per actum finitum, quæ est actus Pœnitentiae, sufficienter, et adæquate retractari, sed semper erit

locus majori, et minori retractationi. Non, inquam, obest hæc objectio. Nam aversio adæquate expellitur per quamlibet contritionem, quæ vere contrito sit: semel autem exclusa substantialiter aversione per conversionem oppositam, nihil remanet in quo fundetur debitum ad poenam æternam, sicut sublata e medio qualitate, nullus remanet locus ejus intensioni. Unde absolute neganda est Major, quamvis non ideo inficias eamus posse, et consultissimum esse, eam magis, ac magis semper abhorrire, ac detestari. Ad probationem Majoris dicas infinitatem illam tributam a D. Thoma se tenere ex parte termini a quo, atque ideo esse extrinsecam, sicut extrinseca etiam est visioni beatæ infinitas essentiaæ divinae. Quia ergo conversio ad Deum aliam infinitatem, quam extrinsecam, et terminativam habet, idcirco aversio illi opposita nequit importare infinitatem intrinsecam, sed est finita, et limitata, licet terminus a quo infinitus sit. De quo agimus tract. de Peccatis disp. 7, dub. 2, et disp. 17, dub. 4, ubi hæc difficultas propriam sedem habet.

§ VII.

Appendix ultimi præcedentis consecrarii.

182. Sed emergit alia difficultas circa doctrinam superioris consecrarii: An scilicet, fieri valeat de potentia Dei absoluta, ut alicui remittatur peccatum quoad culpam quin ei condonetur etiam reatus ad poenam æternam; sed maneat homo Dei amicus per gratiam, et simul æternis cruciatibus obnoxius? In cuius decisione ron parum dissident Authores, quorum placita refert Martines de Prado in præs. dub. 7, §. 2, et relictis aliis ibi videndis, Suarez disp. 10, sect. 2, cui subscriptum Coninch. disput. 2, dub. 13. Bonacini, tom. 4, disp. 5, quæst. 6, sect. 1, punct. 4. Candidus disp. 24, art. 33, dub. 12, duo docet: Primum, si sermo sit de poena damni quam de facto patiuntur damnati, quo pacto importat perversam eorum voluntatem in malo obstinatam, nec non consummatam inimicitiam cum Deo, neutiquam posse hominem justificatum, reum manere æterni supplicii sed eo ipso quod adeptus fuerit culpæ absolutionem, manet expeditus et deobligatus a poena æterna. Si vero fuerit locutio non de hac poena æterna, quam fides docet; sed de poena æterna in communi, quomodo

Dubium
incidens.

Prima
senten-
tia.

Suarez.
Coninch.
Bona-
cina.

Candid.

præscinditur ab illa perversa voluntate, et ipsam comitantibus, et solum importatur inflictio pœnæ ex parte Dei, ut supremus dominus est creaturæ. In hoc, inquam, sensu affirmat secundo non repugnare hominem justificatum in æternum puniri. Tum quia potest Deus utendo supremo dominio hominem justum, sive peccaverit, sive numquam deliquerit, æterna beatitudine in æternum privare, imo et quolibet vehementi dolori, aut suppicio eum adigere. Tum quia mala culpæ, et pœnae sunt duo mala creaturæ rationalis, et satis diversæ rationis inter se: et non appareat ratio quare unum non possit absque alio permanere, quantumvis per se loquendo connexa sint, et unum alterum supponere videatur.

Alia sententia Lugo. Lugo disp. 8, sect. 2, num. 70, absque distinctione ulla tenet, dimissa culpa, remanere posse de potentia absoluta reatum pœnæ æternæ, qualem de facto patiuntur damnati. Et si rationem ab eo quæras ea est Nam in pœnam peccati venialis solet Deus de facto negare homini auxilium efficax ad resistendum gravi tentationi, prævidens consensurum in illam. Cur ergo non similiter posset Deus de potentia absoluta remissa culpa mortali, punire hominem pœna æterna qualem, et quantam patiuntur damnati? Huic etiam homini posset denegare auxilium sufficiens, quo posset resistere gravissimæ tentationi blasphemandi contra Deum ita acriter ipsum puniente. Quo in casu laberetur abs dubio in eadem fere peccata, in quæ erumpunt damnati, et licet ob ea non puniretur, quia non essent hominis viatoris; esset tamen ob illa inimicus Dei, exosus, et illi infensus, et simul obstinatus in malo. Esset ergo in omnibus similis damnatis, qui in hac providentia illis cruciatibus sunt addicti. Imo (addit) de facto fortasse Deus aliquando remissa culpa mortali, negat adhuc alicui auxilia uberiora, vel efficacia ad resistendum tentationi alicui gravi propter peccatum præteritum. Cui sententia tam mordicus adhæsit, ut eam inculcat disp. 24, sect. 1 et de Incarn. disp. 5, sect. 7, n. 157 et disp. 26, sect. 3, ubi idem sustinet non solum quando fit remissio per condonationem extrinsecam, verum et quando in ea infunditur gratia sanctificans.

Ripalda. Quam etiam sententiam ita ample, et absolute acceptam amplexitetur Ripalda lib. 4, de ente supernaturali disp. 91, sect. 5, n. 41, et probat primo ab exemplo culpæ

venialis, quam potest Deus condonare, quin remittat pœnam temporalem ei correspondentem. Secundo ex eo quod in humanis accidit, ubi remissa multoties injuria, non remittitur pœna ex justitia debita, sed remanet a judice infligenda. Tertio (et aptiori) quoniam culpa duplex inducitur obligatio, alia odii, et inimicitiae divinæ; alia vindictæ, et pœnae sustinendæ, quarum altera ab alia separabilis est; ideoque amota culpa, non ideo amoveri censenda est pœnae obligatio, utpote quæ diversas conditions exigit ad sui permanentiam, quas non postulat culpa. Poterit ergo Deus homini culpam dimittere, quin ex eo ipso compellatur relaxare debitum æternæ pœnae.

183. Neutra tamen harum sententiarum prout a suis Authoribus proposita veritatis scopum attigit. Quare asserendum est non posse adhuc inspecta Dei absoluta potentia remitti homini peccatum, quin simul condonetur reatus pœnae æternæ. Quam assercionem ut propriam D. Thomæ amplectuntur ejus discipuli, Soto in 4, dist. 15, q. 1, art. 2, licet in oppositam etiam inclinet, Capreolus in 1, dist. 17, quest. 1, Coquettius lib. 1, de Gratia disp. 3, cap. 2, concl. 2, Aversa q. 3, de Pœnitent. sect. 10, concl. 2, Sarra 1, 2, quæst. 413, art. 2, dub. 4, Montesinos 4, 2, disp. 33, quæst. 7, § 2, Labat, de Pœnit. disp. 1, dub. 5, § 2, Prado ubi supra. Et ex extraneis Vasquez, de Pœnit. disp. 88, art. 1, dub. unice. Turrian. de Pœnit. disp. 12, dub. 2, Oviedo 1, 2, tract. 9, controv. 6, punct. 4, pro se referens Scotum, Gabrielem, et Medinam.

Probatur primo ratione D. Tpoma in 4, dist. 17, quæst. 2, art. 3, quæstiune. 1, ad 4. Pœna, quæ inseparabiliter est annexa Dei offendæ, nequit per ullam potentiam inveniri cum remissione ipsius offendæ: sed reatui pœnae æternæ est inseparabiliter annexa Dei offensa: ergo nequit per ullam potentiam inveniri cum remissione ipsius offendæ. Consequentia est legitima, Major præterqua quod est D. Thomæ loco citato, videtur per se nota ex ipsis terminis; nam sicut offensa est inconjungibilis cum non esse offendæ, seu, quod idem est, cum remissione ejusdem; ita pœna cui est inseparabiliter annexa offensa, nequit subsistere cum remissione ipsius offendæ. Minor etiam constat ex eodem D. Thoma ibi: nam pœnae infernali inseparabiliter est annexa separatio a Deo tanquam ab ultimo fine creaturæ rationalis: sed ratio offendæ consequitur

Vera sententia.

Soto.
Capreolus.
Coquettius.
Aversa.
Sarri.
Montesinos.
Labat.
Prado.
Vazquez.
Turrianus.
Oviedo.

Ratio ex
D.Thom.

consequitur infallibiliter ad aversionem a Deo tamquam ab ultimo fine creature rationalis; ex eo quippe quod homo se averterat a Deo tamquam ab ultimo fine, Deum graviter offendit: ergo reatu poenae aeternae inseparabiliter est conjuncta Dei offensa.

184. Respondebitur forsan reatu poenae aeternae inseparabiliter quidem conjungi Dei offensam, quae aliquando fuerit; non vero quae inseparabiliter sit, aut esse debeat cum ipso reatu. Quod erit dicere ad luentiam praedictam poenam, et incurrendum ejus reatum sufficere hominem aliquando peccasse, quantumvis peccatum illud supponatur quoad culpam seu maculam remissionem.

Sed haec responsio facile prosternitur manifestando contradictionem in illa implicitam. Quia culpa non remittitur nisi per gratiam; *cum enim* (inquit D. Thom. in hac quest. 86, art. 2), *peccatum sit Dei offensa, eo modo Deus peccatum remittit, quo remittit offensam in se commissam, et offensa autem directe opponitur gratiae*, et ideo implicitorum est hominem esse in Dei gratia, et simul obnoxium reatu poenae aeternae: ergo ut praedictus reatus salvetur non sufficit hominem aliquando peccasse, sed requiritur, quod ejus peccatum non sit dimissum. Consequentia patet, quia reatus ille non consurgit ex peccato, quod aliquando fuit praecise, alioqui reperiretur in anima D. Petri, et aliorum Beatorum, qui aliquando lapsi fuerunt; sed provenit ex peccato non remisso per Dei gratiam. Antecedens vero, in quo est difficultas, probatur: quia ut statuimus in tract. de Gratia, disp. 4, duh. 2, concl. 1, et 3, gratia ex praedicationis intrinsecis absque ullo alio favore extrinseco, constituit hominem filium Dei adoptivum cum jure ad gloriam, juxta illud Pauli ad Rom. 8, et ad Galat. 4: *Si autem filius et heres per Deum, et alibi si Filius, et heredes.* A quo quidem jure inseparabilis omnino est condignitas ad beatitudinem, cuius semen est gratia, utpote formalis participatio divinae naturae. Reatus autem ad poenam aeternam fundat condignitatem ad parentiam, et privationem ejusdem gloriae, utpote in qua consistit poena aeterna damni. Sed implicat idem subjectum pro eodem tempore esse dignum aeterna gloria, et simul dignum aeterna poena, simul fundare jus ad aeternam beatitudinem, et habere etiam jus ad illius negationem, et perpetuum exilium. Ergo implicitorum est esse in gratia post re-

missam culpam, et simul adstringi reatu ad poenam aeternam.

185. Confirmatur, et explicatur: quia offensa fundatur in aversione a Deo tamquam ab ultimo fine, et implicat dari aversionem praedictam, quin detur gravis Del offensa; vel alterutram absque alia permanere; alioqui vel daretur aversio absque offensa, vel salvaretur offensa Dei sine aversione ab ipso, quorum quodlibet est a veritate alienum. Sed reatus ab poenam aeternam tam intime conjungitur cum aversione, quam offensa cum eadem aversione. Ergo non minus implicitorum est permanere reatum praedictum absque peccato, quam quod permaneat offensa gravis Del absque aversione ab ipso. Cetera constant praeter Minorem, quae facile suadetur: nam reatus ille non est aliud, quam condignitas ad poenam imbibita intrinseca in ipsa aversione, sicut vice versa jus ad gloriam nihil aliud est quam intrinseca condignitas gratiae sanctificantis, qua fundat jus hereditarium ad beatitudinem: sed condignitas ad poenam aeternam intrinseca, et essentialis est aversioni a Deo; alioqui posset aliquando honestari, et desineret esse peccatum, quod est falsissimum, et minime sustinendum; ergo tam intimus est reatus ille aversioni, quam sit offensa.

Confirmatur, et explicatur secundo ex eodem D. Thoma in praesenti art. 4, ad 1: *Ex hoc ipso dicitur culpa mortalis remitti, quia per gratiam tollitur aversio mentis a Deo simul cum reatu poenae aeternae*; sed in hypothesi facta esset vera remissio peccati: ergo non posset non infundi gratia, et reatus praedictus proscindi. Quocirca idemmet Angelicus Doctor in solut. ad 2, ejusdem articuli docet remissionem culpae, et reatus ad aeternam poenam pertinere ad eamdem omnino gratiam operantem; secus vero condonatio reatus poenae temporalis, utpote quae est effectus gratiae cooperantis. Quod est dicere non esse donum, aut beneficium distinctum infundere gratiam, et remittere praedictum reatum, sed unum in alio includi: ex eo enim atque semel Deus hominem ad suam gratiam admittat, sicut ei jus ad gloriam largitur, ita excludit debitum illa parenti, et in hac debiti exclusione amovetur reatus poenae perpetuae. Esto tamen diversum foret beneficium, ut nonnulli volunt, ita unum annexetur alteri, quod inseparabilia sint, sicut inseparabilis est infusio gratiae a remissione divinae offendae: *nullus enim potest esse simul dignus* Idem.

Alia
impu-
gnatio.

Majus
respon-
sionis
evercio
ex
D.Thom.

D. Tho-
mas.

vita æterna, et morte æterna, ut inquit S. Doct. 2, 2, q. 24, art. 12, in argumento sed contra. Quod consonat cum doctrina articuli, in quo statuit S. Doctor non minus peccatum opponi gratiae, quam tenebras lumini. Constat autem nulla potentia fieri posse ut sole illuminante, sint tenebrae, vel quod peccatum componatur cum gratia; nulla ergo potentia fieri valet, ut simul sit homo dignus gloria media gratia, et poena æterna medio illius reatu.

Refelli-
tur
Suerii
opinio.

186. Unde facile est prosternere sententias supra reatas, et illarum fundamenta convellere. Nam quod primus Suarez docebat, non solum debet esse verum de poena damni, quæ de facto datur, et importat perversam illam voluntatem obstinatam in malo; sed etiam de poena in communi, quo pacto importat aversionem perpetuam a Deo, et privationem visionis beatificæ. Quia remisso peccato, media infusione gratiae, implicatorum est hominem non esse dignum gloria, seu visione beatifica: sed homo intrinsece dignus gloria nequit esse simul condignus carentia gloriæ: ergo nequit esse reus poenæ damni: si quidem hoc ipsum est illum esse dignum carendi gloria: esset quippe simul dignus, et in lignis eodem præmio, exigeret, et non exigeret poenam æternam. Quam implicationem non diruit inserta probatio: nam ea concessa, negatur Consequentia: non enim minus repugnat divinæ bonitati non diligere hominem sua gratia exornatum, quam divinæ veritatis falsum approbare, aut proferre; utrobique enim splendet objectiva ratio cognitionis, et amoris increati. Quocirca semel atque homo acceptetur ad Dei gratiam, est intrinsece dignus benevolentia, et amore divino, subinde longe abest a reatu poenæ æternæ. In casu autem denegationis glorie in perpetuum, quod esse possibile supremo dominio Dei nemo ambigit, operaretur Deus supra exigentiam rerum, et condignitatem intrinsecam provenientem a gratia ut statuimus loco cit. de Gratia concl. 2. sed non ideo hominem ita exulum habere posset indignum gloriæ, quin potius dignum, et bene meritum eam obtinendi. Sicut e converso hominem peccatis obnoxium et poena æterna dignum, in perpetuum sublevare posset a luenda poena; in quo casu esset condignitas ad cruciatum, quin re ipsa cruciatus ipsi homini obveniret ob extrinsecam Dei ordinationem. Defecit ergo Suarez a veritatis

scopo in eo, quod non distinxit inter condignitatem, seu exigentiam intrinsecam poenæ, et ejus actualem inflictionem, sed pro eodem unam et alteram reputavit. Cum tamen longe diversum sit jus ad aliquam rem, et ejus possessio: quocirca stante jure, seu exigentia, per accidens, ab extrinseco, seu superiori aliter disponente potest consecutio impediri, sive debitum sit præmium, sive supplicium. Et hoc modo se haberet Deus in illo casu, quo hominem justum a patria in æternum exulet: non enim illi dignitatem intrinsecam, et exigentiam gloriæ auferret, interim atque gratia ipsum non spoliaret, ut non spoliare supponitur; quantumvis impedit præmii consecutionem titulo supremi dominii. Et cum hac intrinseca condignitate non stat ullo modo reatus, seu condignitas ad poenam æternam, quamvis eam pati ex Dei dispositione contingat. Concesso ergo illo Antecedenti, non sequitur intentum; si quidem reatus ad poenam non est ipsa pena inficta aut infligenda, sed quid præcedens cum exigentia, et hanc exigentiam permanere cum gratia implicitorum est.

Evertitur
secun-
dum.

Ad secundam probationem concedimus esse illa duo mala, et culpæ, et poenæ realter separabilia, et ita de facto separantur in homine viatore. Cæterum malum culpæ, et exigentia poenæ æternæ non duo, sed unum malum est coalescens ex utroque conceptu, quorum unus altero completur, ita ut primus intelligi nequeat, quin radicit secundum, nec secundus subsistat nisi ut complens primum. Et nefiat vis in verbo, admittimus libenter ita duo esse mala, seu duos ejus leui inadæquatos conceptus, ut unus ab altero inseparabiliter remaneat, ad eum sane modum, quo ratio offendæ est inseparabilis ab aversione a Deo tanquam ab ultimo fine. Et hoc sufficit ad veritatem decisionis, quidquid sit de hoc vel illo loquendi modo; in quo non est vis constituta, dum constat de re. Dummodo ergo inseparabilitas prædicta salvetur; parum, imo nihil referre censendum est vel plura mala, vel unum dumtaxat concedere; pura quippe sunt realiter diversa, quæ tamen nulla potentia sejungi possunt; sed ad positionem unius ponit, vel auferri alterum necesse sit, de quo innumera suppetunt exempla, et omnium clarissimum est offensa passiva realiter se tenens ex parte Dei in prudentiam aestimatione, quæ est realiter a privatione gratiae diversa; cum tamen unam sine

sine altera non sit adhuc divinitus reperire.

187. Hinc quanti haberi debeant secundae sententiae fundamenta, manifestum redditur, quidquid sit de ejus probabilitate, quam aliis mittimus judicandam. Porro primum ejus motivum vel probat de facto peccatum quoad culpam remitti, irremissum manente reatu poenae aeternae, quod est inopinabile supposita doctrina Concilii Tridentini supra allegata, vel nihil omnino evincent. Si enim ex eo quod de facto in poenam peccati venialis denegetur a D-o auxilium efficax ad resistendum gravi temptationi, recte colligitur posse culpam absque reatu dimitti; cum hoc re ipsa in hac providentia contingat, ut supponitur; pari etiam ratione discurrere quis poterit in eadem providentia fieri etiam posse, ut culpa gravis dimitatur, adhuc permanente reatu ad poenam aeternam. Unde vel destruitur status praesentis difficultatis quae procedit de potentia absoluta, et supponit aliter fieri de potentia ordinaria: vel si quae est disparitatis ratio, cur in hac providentia aliter fieri debeat, assignanda erit ab ipso argumenti Authore, ethae eadem inserviet sui argumenti solutioni. Et quidem peccata venialia de potentia ordinaria existere gratiae certissimum, et fide sanctum est, cum tamen non admodum sit probabile de potentia absoluta posse peccatum mortale coexistere gratiae. Qualiter ergo inferre potuit Lugo posse de potentia absoluta condonari culpam peccati gravis, quin condonetur reatus poena aeternae illi connexus, ex eo quod de potentia ordinaria in poenam peccati venialis denegetur auxilium efficax ad vincendam gravem temptationem. Latet profecto haec connexio cui inniti debebat illatio, ut esset legitima.

Rursus. Ut illatio teneret utcumque, sumendum erat argumentum a peccato veniali remisso, quoad culpam, non vero de peccato veniali irremisso. Sed in eo sensu retorquetur argumentum: nam peccatum veniale remissum non sibi vindicat, aut vendicare potest eam poenam sed solum permanet luenda poena sensus. Unde quando docent Theologi in poenam peccati venialis denegari posse auxilia efficacia pro superanda gravi temptatione, intelligi debent de peccato veniali irremisso, seu non retractato; non vero de illo, quod retractatum, et remissum est, de quo idem dicitur ac de peccato gravi remisso; neutri enim debetur alia poena, quam poena sensus. ut quantum propriae voluntati homo peccando indulxit, tantum ei infligatur poena, ac

doloris. Sed in casu questionis supponitur peccatum grave remissum quoad culpam: non ergo remanere potest reatus, nisi ad poenam sensus temporaliter luendam, ut constat ex ipso exemplo peccati venialis quoad culpam remissi.

188. Nec sustinendam credimus probatrationem appositam de negatione auxilii sufficientis, qua posita nec posset homo vincere tentationes insurgentes blasphemandi contra Deum, nec etiam vitare gravissima damnatorum peccata. Nam aliud est, quod in poenam peccati nondum remissi infligere possit Deus quamlibet vel acerbissimam poenam, quod nemo it inficias: aliud vero quod in poenam peccati remissi, ex justitia possit Deus aeternis cruciatibus hominem adigere, quod est falsum, et nulla ratione probabile. Semel enim atque ad suam gratiam hominem peccatorem admisserit, sicut iste transit de esse peccati ad non esse illius, et de non esse justum Dei, ad esse et amicum justum et amicum, ita acquirit novum jus ad gloriam, et extinguitur jus alterum, quo obstringebatur ad penam. Quare operaretur Deus contra justitiam poenam illi infligendo, quem sua gratia immunem a poena reddiderat. Ut enim inquit D. Thom. in '4, dist. 46, quæst. 1, art. 2. *Luto non est magis debitum, quod ex eo formentur vasa nobilia, quam ignobilia.* Et ex hoc capite quidquid Deus in creatura fecerit, et cui parti eam addixerit, justum est ex parte Dei, et nulla est ratio conquerendi ex parte creaturæ. *Sed cum ex luto formatum est vas nobile,* (uti fieri constat, dum ex peccatore redditur homo sanctus, et amicus Dei), *nobilitati illius vasis est debitum, ut ad usus convenientes deputetur.* Similiter quod Deus talem creaturam producat, quallem voluerit, indifferens est ad rationem justitiae. *Sed quod aliqua creatura producta ei attribuatur, quod illi naturæ competit, hoc ad ejus justitiam pertinet, et contrarium ejus justitiae repugnaret.* Cum ergo homini illi fuisset remissum peccatum, et infusa gratia, qua jus sibi esset in gloriam, non posset Deus juste illi infligere iam poenam, usque in aeternum, nec similiter ipsi imputare peccata ob inculpabilem defectum auxiliorum sufficientium. Sed si quid esset defectus, reduci deberet in parentiam auxiliorum sufficientium, imo et in ipsum Deum, a quo dumtaxat esset non observare præcepta, temptationibus succumbere et nihil boni moralis agere, ut pote qui inculpabiliter negaret homini justo

Valde
falsa ostenditur.

auxilia sufficientia necessaria. Unde falsum est, et non nisi divinando proferri dignum, de facto remissa culpa mortali in poenam peccati remissi, denegare Deum auxilia uberiora ad bene operandum. Si enim remissum est peccatum quoad culpam, eo ipso condonata intelliguntur, quæ culpam ipsam comitantur, excepta pena sensus, quæ purganda relinquitur, ut ordo justitiae servetur juxta supra dicta.

189. Motiva vero, quæ pro eadem sententia, concessit Ripalda eadem fere sunt cum præcedentibus, et facillime dispelluntur. *Ad primum* conceditur Antecedens, et negatur Consquentia, cuius disparitatem assignare tenetur ipsem arguens, siquidem de facto remissa culpa veniali, non semper dimittitur omnis poena sensus pro eo debita, sed aliquid luendum, et purgandum relinquitur; cum tamen nihil reatus poenæ æternæ maneat post condonationem culpæ gravis. Alia ergo debet esse ratio poenæ æternæ, ac temporalis, quæ constat ex dictis.

Secundum etiam probat de facto remitti debitum pœnæ æternæ homini justificato, si quidem in humanis remissa injuria, adhuc superest sustinendum supplicium. Ratio ergo disparitatis ab omnibus tradenda est, et omnium optima assignatur a D. Thoma art. 3, hujus quæst. ad 4, quia debitum exterioris rei ut puta pecuniæ, vel etiam supplicii non contrariatur amicitia humanæ, nec ista tribuit jus non solvendi debitum vel amico, vel homo communi; ob quod sumi debet vindicta a malefactoribus; ideoque post initam cum offenso amicitiam, adhuc superest luenda pœna, vel solvenda pecunia. Unde idemmet S. Doctor supra quæst. 69, art. 2, ad 3, inquit: *quod in pœnis, quæ judicio humano inferuntur, non solum attenditur, qua pœna sit homo dignus quoad Deum, sed etiam in quo sit obligatus quoad homines, qui laesi, et scandalizati sunt per petratum alicus. Et ideo licet homicida per Baptismum liberetur a reatu pœnae quoad Deum, remanet tamen obligatus adhuc quoad homines, quos justum est adficari de pœna, sicut scandalizati sunt de culpa.* At vero amicitia divina importat mutuam redamnationem ex parte Dei, et creaturæ, et huic præstat jus in visionem beatificam, seu gloriam sempiternam; cum quo jure non stat, quinimo implicat reatus poenæ æternæ, in quo includitur exigentia carendi in perpetuum gloria, ut ostensum est.

Convel-
luntur
alia
motivas.

D. Thor-
mas.

Ad tertium constat ex dictis: nam remissio culpæ, et poenæ æternæ sicut est effectus ejusdem gratiæ operantis, ita est idem indivisibile beneficium. Esto tamen esset diversum non idcirco separari possent, sed sibimet Deus necessitatem imponeret unum simul cum altero elargiendi, et consequenter vel neutrum, vel utrumque deberet impendere, ut constat exemplo maculæ, et offendæ jam adducto.

190. Convenit ergo inter relatos Authores, et discipulos D. Thomæ in eo, quod possit Deus utendo supremo dominio creaturam quamlibet perfectissimam in perpetuum a sua gloria excludere citra ullam ejus injuriam; nullum quippe jus creatum est, quod prævaleat, aut prævalere possit juri supremi dominii Dei, ratione cujus pro libito potest qualibet creatura uti, eam in nihil redigere, vel quaqua versum inverttere. Et consequenter loquendo etiam asserimus posse similiter vel innocentissimum quemque æternis addicere cruciatus, si præscindatur, ut præscinditur a legibus in hac providentia constitutis, et in Scriptura revelatis: siquidem supra potentiam naturalem inest euilibet creaturæ potentia obedientialis, qua subditur Deo, ut ubi, quando, et quomodo voluerit de creatura ad nutum disponat. Cæterum facta suppositione, de infusione gratiæ, et remissione culpæ, sicut non est auferibilis condignitas, et excellentia gratiæ, gratia non destructa; ita nequit Deus facere, ut anima gratia ornata non sit digna gloria, consequenterque indigna pœna æterna. Gasu autem quo innocentus Deus poenam æternam infligeret, non ideo discurrendum est de illo, ac de cæteris damnatis, ut affirmabat Lugo: sed vice versa, sicut traditur de animabus Purgatorii, quæ ita cruciantur, ut non peccant, imo nec peccare possint. Et solum staret differentia in eo, quod illi animæ nulla inesset spes flagella evadendi, quia perpetua. Et ratio congruentior appetit ex eo, quod supposita ejus innocentia ad Dei providentiam expectaret conferre auxilia ad tolerantiam tormentorum necessaria: ne si absque culpa deficeret, omissiones refunderentur in Deum tamquam in speciem causam illius creaturæ. In nullo quippe statu collocari aut imaginari debet creatura rationalis, in quo ejus defectus morales refundi debent in Deum ut speciem illorum authorem: refunderentur autem casu, quo animæ illi ex una parte gratæ, ex alia vero acerbissime afflictæ

Quid
possi
Deus
agere
supradomini

afflictæ Deus denegaret omnia auxilia sufficientia ad fideliter sustinendum necessaria absque ulla sua culpa. Quare vel dicendum in illo statu non posse peccare ob defectum auxiliorum sufficientium; vel si peccaret, non in ipsam, sed in Deum qui illi esset causa peccandi, totum negotium foret reducendum. Quod est impossibile. Est ergo rationabilius eam in illa hypothesi perpetuo Purgatorio absque culpa extitaram dicere, quam assere peccatum et simul spoliandam omnibus auxiliis sufficientibus; quod est contradictionibus plenum, et minus consonum Dei sanctitati, ac providentiae, ex qua impossibilia nec jubet, nec jubere potest, sed jubendo monet, et facere quod possis, et petere quod non possis, et adjuvat, ut possis, ut fides docet.

191. Pro coronide hujus disputationis inquirendum erat; an saltem de potentia absoluta possit obtineri peccatorum remissio absque formalis, et expressa Pœnitentia? sed hujus difficultatis decisio constat ex supra dictis, necon ex tractatu de justificatione disp. 3, dub. 2, ubi eam ex professo discussimus, et asseruimus illa inspecta potentia, non esse necessarium aliquem peccatoris actum pro nanciscenda justificatione, sed sufficere gratiae infusionem absque ulla prævia, aut comitante dispositione. Et quia gratia sanctificante pullulant virtutes supernaturales adinstar proprietatum illius, in eaque tamquam in radice continentur, (inter quas post virtutes Theologicas non infimum locum tenet Pœnitentia, de quo supra ad finem superioris disputationis;) idcirco distinguenda est formalis Pœnitentia in actualem, et habitualem, et asserendum absque illarum ulla posse fieri justificationem. Absque actuali quidem, ut statuimus loco citato de justificatione; absque habituali vero, quatenus de potentia absoluta potest homini infundi sola gratia, quin infundantur virtutes illi annexæ; hoc enim ex nullo capite repugnat: quia licet virtutes aliquæ essentialiter dependant à gratia; non est tamen ratio asserendi gratiam essentialiter pendere ab infusione virtutum: quia prius in quantum prius non dependet a posteriori: sed gratia ita est prius virtutibus, quod solum pendet ab illis a dispositionibus, uti a proprietatibus dependet essentia. Ergo cum potentia absoluta Dei non ligetur ad dispositiones subjecti, nulla est ratio negandi posse infundi gratiam homini peccatori absque ulla pœ-

nitentia formalis, sive actuali sive habituali. Si vero Pœnitentia sumatur communius pro formalis, aut virtuali, seu in radice ex se proxima, qualem esse diximus gratiam sanctificantem; dicendum est fieri non posse predictam remissionem absque Pœnitentia saltem virtuali, aut æquivalenti, qualis est ipsa gratia sanctificans, ut constat ex dictis in eodem tractatu de justificatione disp. 2, dub 2, §. 4. Ubi asseruimus implicare contradictionem destrui peccatum habituale ab-que infusione gratiae sanctificantis.

192. Poterat etiam sciscitari: An post nactam justificationem maneat in eodem homine haec ut vitiosi præcedentibus actibus comparati? Vel simul cum peccato disappearant? Cui difficultati p' ei è satisfecimus tract. de peccatis disp. 1, per aliqua dubia, ubi explicimus, quænam sit contrarietas inter virtutes, et via qualiterque ista cum illis cohærent. Quocirca ab ea in præsenti supersedemus, ut deveniamus ab quæst. sequentem. Sed prius adnotandum, quod in articulo hujus quæstionis quinto agit D. Thomas de reliquis peccatorum, remanentibus post adeptam gratiam, et remissam culpam. Circa quem nihil se offert discussione dignum sed sufficit ipsa littera textus. Et quia in solutione ad 1 docuit Sanctus Doctor Deum totum hominem perfecte curare, quandoque subito, ut constat de Socru D. Petri Lucæ 4. quandoque successive, ut de cæco illuminato dicitur Marc. 8. Quod applicat medicinæ spirituali in qua multoties, (et est frequentius) media sua gratia paulatim graditur, et de imperfecto pervenit ad perfectum, ideoque non solum remanet reatus pœnæ temporalis, sed etiam permanent reliquiæ peccati expurgandaæ. Aliquando vero tanta gratiae copia movet hominis voluntatem, ut instantaneæ, ac subito perfectam nanciscatur sanitatem spiritualem, ut patet de Maria Magdalena Luc. 7,

Hæsisse tamen videtur Suarez in comment. ad predictum articulum circa veritatem illius solutionis: nam eis fere certum sit, et magna cum probabilitate assertum non solum peccata, sed et pœnæ reatum fuisse Magdalenæ dimissum, ut suadere videntur circumstantiae ibi relatae, et non parum fulcitur ex illis verbis: *Remissa sunt ei peccata mulla, quia dilexit nullum, Vade in pace.* Non est tamen ita certum, et undeque exploratum, ablatos fuisse habitus pravos, pravaque phantasmata, et alias dis-

Anterior
dubii
decisio.

Suarii
dubitatio.

positions, nec ita clare colligitur ex illo loco, sed pie credendum relinquitur.

Dispellitur. Hunc tamen scrupulum procul abigendum demonstrat Martinez de Prado in præs. dub. 8, post D. Thomam referens D. Joan-dub. Chrysost. pluribus in locis, S. Ephrem Syrum. D. Gregorium, D. Augustinum, Petrum Cellensem, Vincentium Ferrerium, et alios ita docentes, et inferentes ex prædictis verbis perfectissimum transitum ab statu peccati ad perfectissimam, et uberrimam sanctitatem, qua major nulli præter Virginem, et Apostolos fuit concessa, imo et Apostolis ipsis, quodammodo eam prætulere D. Thomas, et D. Vincentius Ferre. Quod fieri non posset, si non ab omni peccati rubigine fuisset purgata, et omnis prava dispositio non esset depulsa: quo circa inter alios egregie commendat, et explicat ejus eximiam transmutationem Mellifluus Doctor serm. 3, in Cantica, *Non tibi (inquietus) ille locus vilis, aut despicabilis videatur, ubi sancta peccatrix peccata deposita, induit sanctitatem, Ibi Ethiopissa mutavit pellem, et in novum restituta candorem, jam tunc fiducialiter veraciterque respondebat exprobrantibus sibi verbum, nigra sum sed formosa filia Hierusalem. Miraris quanam in arte potuerit, vel quibus obtinuerit meritis? Paucis accipe. Flevit amare, et de intimitis visceribus longa suspiria trahens, salutaribus intra se succisa singultibus felis humores evomuit.* Quo enim vehementior est charitatis ardor, eo celerius consumit nedum peccata, sed et peccatorum reliquias, ac pravas inclinationes. Constat autem vehementissimum fuisse Charitatis ardorem, quo flagravit peccatrix illa, ut testantur Christi

Patrum sententia de insigni D. Magdalene renovatione.

D. Bernard.

verba: *Quoniam dilexit multum.* Ergo ne-dum extioxit peccatorum flammam, sed et usque ad cineres ipsos absupsit, nec vesti-gio illorum permanente, ita ut jam non ip-a, sed altera videretur, uti scribit sanctus Laurentius Justinianus in festo ejusdem Magdalena: *Accessit namque ad medicum erga, et recessit sana; erat quippe ipsa. sed altera: per essentiam ipsa, et per gratiam altera: in melius illam reformavit gratia, quam natura condiderat.* Ideoque S. Petrus Chrysolog. transmutationem illam baptismō comparavit serm. 93. ubi ita ait: *In pec-cetricis caput purgandis criminibus refluebat, ut suo fonte mulier in novum baptisma suorum dilueret illuvium peccatorum.* Bene ergo intulit D. Thomas non tam ut pie cre-dendum, sed absolute dimissa illi fuisse non so um peccata, sed etiam et omnem pœnæ reatum, et peccatorum reliquias. Unde ut ob-servat Nuno ad hunc articulū, qui ne-garet peccatorum remissionem illi factam, foret hæreticus, utpote contradicens Evan-gelio, et verba formalia Salvatoris inania reddens. Esse vero temerarium, imo et er-roneum, aut errori proximum affirmare non fuisse illi condonatum quemlibet pœnæ rea-tum, ut pote adversum sacrorum Doctorum, et omnium fidelium communī sensu. Qua etiam censura inuri posset, qui doceret ali-quas peccatorum reliquias purgandas remansi-se; quippe quod nullum fundamen-tum habet in Evangelio, aut SS. Patribus, quin potius oppositum satis testantur illorum verba, et modus absolutus loquendi absque ulla discretione inter pœnæ reatum, et peccatorum reliquias.

S. Lau-rentius Justinianus.

D. Tho-mas.

QUÆSTIO LXXXVII

De Remissione venialium peccatorum in quatuor articulos divisa.

Deinde considerandum est de remissione venialium peccatorum, et circa hoc querun-tur quatuor.

ARTICULUS 1.

Utrum peccatum veniale possit remitti sine Pœnitentia?

Ad primum sic proceditur. Videtur, quod veniale peccatum possit remitti sine pœnitentia. Pertinet enim, ut supra dictum est, ad rationem veræ pœnitentiae, quod

non solum homo doleat de peccato præterito, sed etiam prouocat cavere de futuro. Sed sine tali proposito peccata venialia dimittuntur, cum certum sit, quod homo sine peccatis venialibus præsentem vitam ducere non po-test. Ergo peccata venialia possunt remitti sine Pœnitentia.

Præterea. Pœnitentia non est sine actuali displicientia peccatorum. Sed peccata venialia possunt dimitti sine di- plenitudo ac-uali eorum, sicut patet in eo qui dor-miens occideretur propter Christum. Statim enim evolare, quod non contingit manentibus peccatis venialibus: erno peccata venialia possunt remitti sine pœnitentia.

Præterea. Peccata venialia opponuntur servori charitatis, ut in secunda parte dictum est. Sed unum oppositorum tollitur

tollitor per aliud. Ergo per servorem charitatis, quem contingit esse sine actuali dispensentia peccati venialis, sit remissio peccatorum veniam.

Sed contra est, quod Augustinus dicit in libro de penitentia, que quotidie agitur in Ecclesia pro peccatis venialibus: Que frusta esset, si sine penitentia peccata venalia possent dimitti. Videtur ergo, quod peccata venalia non possint sine penitentia dimitti.

Respondeo dicendum, quod remissio culpæ (sicut dictum est) sit per conjunctionem hominis ad Deum, a quo aliquid separat culpa. S. d' hæc separatio perfecte quidem si per peccatum morale, mens a Deo omnino avertitur, ut postea contra charitatem agens: per peccatum autem veniale retardat ut affectus hominis, ne prompte in Deum feratur. Et ideo otrorumque peccatum per penitentiam quidem remittitur, quia per utrumque deordinatur voluntas homini: per immoderatam conversionem ad bonum creatum. Sicut enim peccatum mortale remitti non potest, quandiu voluntas peccato adhaeret, ita etiam nec peccatum veniale: quia manente causa manet effectus. Exigitur autem ad remissionem peccati mortalium perfectior penitentia, ut scilicet homo actualiter peccatum mortale commissum detestetur quantum in ipso est: ut scilicet diligenter adhucat ab memorandum singulari peccata mortalia, ut singula detestetur. Sed hoc non requiritur ad remissionem venialium peccatorum. Non tamen sufficit habitualis displicentia qua habetur per habitum charitatis, vel penitentiae virtutis: quia sic caritas non compatitur peccatum veniale, quod patet esse falsum. Unde sequitur quod requiratur quadam virtualis displicentia: puta cum aliquis hoc modo fertur secundum affectum in Deum et res divinas, ut quidquid sibi occurret quod eum ab hoc moto retardaret, displiceret ei, et doleret se hæc commisere, etiam si actu de illo non cogitare. Quod tamen non sufficit ad remissionem peccata mortalis, nisi quantum ad peccata oblitera, post diligenter inquisitionem.

Ad primum ergo dicendum, quod homo in gratia constitutus, potest vitare omnia peccata mortalia et singula: potest etiam vitare singula peccata venialia, sed non omnia: ut patet ex his, quæ in secunda parte dicta sunt. Et ideo penitentia de peccatis mortalibus requirit, quod homo proponat abstinere ab omnibus et singulis peccatis mortalibus, sed ad penitentiam peccatorum venialium requiritur quod homo proponat abstinere a singulis, non tamen ab omnibus: quia hoc infirmitas hujus vitæ non patitur. Debet tamen habere propossum se preparandi ad peccata venialia minuenda, alioquin esset ei periculum deficiendi, cum deseretur appetitus proficiendi seu tollendi impedimenta spiritualis profectus, quæ sunt peccata venialia.

Ad secundum dicendum, quod passio pro Christo suscepta (scilicet supra dictum est) obtinet vim baptismi, et ideo purgat ab omni culpa et veniali et mortali, nisi actualiter voluntatem peccato invenerit inherenter.

Ad tertium dicendum, quod servus charitatis virtualiter implicat displicantiam venialium peccatorum, ut supra dictum est.

Prima conclusio: Nullum peccatum nec mortale, nec veniale potest remitti, quandiu peccatoris voluntas illi adhaeret.

Secunda conclusio: Non sufficit ad abolendam peccata venialia habitualis displicantia medius habitus charitatis, et Pœnitentiæ.

Tertia conclusio: Requiritur, et sufficit displicantia vel formalis Pœnitentiæ, vel virtutis charitatis.

1. In hac quæstione pergit D. Thomas explicare effectum Pœnitentiæ ex parte peccatorum venialium, quorum extinctioni (licet minus principaliter) inservire perspicuum est inter Catholicos; quidquid sit de modo, quo ille expellat, in quo non modicum variant Theologi. Porro quæ hoc spectare videbantur, elucidata manent. tract. de Justificat. disp. 2, dub. 8, et

Salmant. Curs. theolog. tom. XIX.

tract. de Sacramentis disp. 10, dub. 2. Ubi data opera sermonem instituimus de remissione venialium, et quam mutationem requirat, diversis assertionibus explicuimus. Quocirca in præsenti ab excitandis difficultatibus ibi decisio, abstinentia, solum litteram D. Thomæ considerabimus, et appingemus consonantiam doctrinæ traditæ in præsenti a S. Doctore, cum ea quam ibi expendimus, et latius prosecuti sumus.

2. Quæ autem sit differentia essentialis peccati mortalis a veniali, declaratum est tract. de Peccatis disp. 19, dub. 4; et quam maculam veniale relinquat in anima, exposuimus loco citato de Justificat. Conveniunt igitur quoad sui remissionem peccata mortalia et venialia in eo, quod petunt mutationem intrinsecam voluntatis, qua transferatur de malo in bonum. Quod docet prima hujus articuli assertio, et ex communi, ac fere certa Theologorum sententia statuimus ubi nuper 2, quin opus sit in ea ulterius stabilienda diutius immorari. Hæc autem voluntatis mutatio debet esse talis quod possit eam avertere, et reipsa avertat ab objecto illicite, seu inordinate prosecuto. Quod enim obliquum est, et a rectitudine declinavit, nequit ad rectitudinem deduci, nisi deposita obliquitate, ut sensibiliter monstratur experientia. Sed peccatum veniale importat deordinationem et obliquitatem a rectitudine rationis, alioqui peccatum non esset. Ergo nequit voluntas ab eo averti, nisi inclinetur in partem oppositam, a qua declinavit. Avertitur autem media remissione. Ergo ad eam necessaria omnino est inclinatio voluntatis, quæ sit opposita inclinationi ad malum: aliter namque tam obliqua, ac deordinata maneret voluntas post remissionem, ac erat ante illam, et sic peccatum esset, et non esset remissum. Quæ est ratio D. Thom. in 4, dist. 16, quæst. 2, art. 1, quæstiunc. 1. Cum ergo constet ad hanc obliquitatem, seu deordinationem, non sufficere habitus infusos charitatis, et Pœnitentiæ; alias existens in gratia nec peccaret venialiter, nec gratia veniales defectus admitteret, quod est a veritate, et fide alienum; *Septies enim cadit justus*, Proverb. 24, relinquitur manifestum non sufficere ad destruenda peccata venialia solos habitus charitatis, et Pœnitentiæ, ut affirmat secunda conclusio, quam firmavimus loco citato de Justificat. § 2, num. 307. Qua certitudine idem dicitur circa peccata venialia emissive.

Pro remissione venialium requiritur mutationem intrinsecam.

Per quam formam fiat eorum remissio.

cendum est de gratia habituali, et quovis alio dono intrinseco se habente per modum habitus; nullum quippe est in hac vita, quod se solo ab intrinseco possit compescere voluntatem, eamque retrahere a leviter peccandi miseria, nisi recurratur ad providentiam Dei extrinsecam, vel ad aliquid aliud, quo peccatum leve vitari, aut excludi possit, ut constat in dono Confirmationis, in quo clarius urgere posset motivum oppositum asserendi. Quod adeo verum est, ut nec in Purgatorio deleantur venialia quoad culpam per ipsam gratiam consummatam habitualem, juxta expressam doctrinam D. Thomae quæst. 7, de Malo art. 11 ad 9, ubi distinguens reatum poenæ a culpa, seu macula, ad hanc excludendam, excludit etiam ut insufficientia dona præcise habitualia, et aliam radicem assignat pro solutione poenæ, quam pro remissione culpæ, dicens: *quod remissio peccati venialis in Purgatorio quantum ad pœnam est ex parte Purgatorii, quia homo patiendo exolvit, quod debet. Et ita cessat reatus. Sed quantum ad culpam non remittitur per pœnam, nec secundum quod actu sustinetur, quia non est meritoria, neque secundum quod recognoscitur. Non enim esset motus charitatis, quod aliquis detestatur peccatum veniale propter pœnam, sed magis esset motus timoris servilis, vel naturalis.* Quare poena nec ut actu tolerata, nec recognitata sufficit excludere maculam peccati venialis juxta mentem D. Thomæ, et omnium ejus discipulorum. *Remittitur ergo in Purgatorio veniale quantum ad culpam virtute gratiæ, non solum secundum quod est in habitu, quia sic compatitur peccatum veniale sed prout exit in actu charitatis detestantis peccatum veniale.*

D.Thom.

Per quos actus deleantur venialia.

3. Et hæc est tertia hujus articuli assertio. Cujus ratio est: quia forma destruens culpam adhuc veniale debet esse incompossibilis cum eademmet culpa, ut de se patet; non enim eam destruere posset, si cum ea incompossibilis non esset: sed tam actus formalis Pœnitentiae quam actus charitatis sunt incompossibiles cum peccato veniali: ergo illorum alterutro potest peccatum veniale remitti. Cætera præter Minorem constant, et hæc suadetur: quia actus formalis, et expressus Pœnitentiae est vera contritio: sed contritio alicujus peccati est incompossibilis cum eodem peccato: ergo actus formalis Pœnitentiae circa peccatum veniale est incompossibilis cum ipso peccato veniali. Idem constat de

actu charitatis: nam actus, in quo est virtualis, sed efficax detestatio peccati, est incompossibilis cum ipso peccato, cuius est efficax detestatio: sed in actu charitatis est virtualis, et efficax detestatio peccati venialis: ergo prædictus actus est incompossibilis cum peccato veniali. Probatur Minor, in qua est difficultas: quia peccatum veniale, hæc non avertat, retardat tamen, et impedit, ne voluntas totis viribus, et conatu feratur in Deum: sed per actum charitatis ita afficitur homo ad Deum, ut ipsi penitus displiceret, quidquid ei occurret, quod ipsum retardare posset, et de eo doloret, si memorie occurret: ergo in prædicto actu charitatis invenitur virtualis, et implicita venialis displicantia. Cum enim effectus peccati venialis sit retardare hominem, ne accedat ad Deum ob adhæsionem ad bona temporalia; et hic effectus tollatur medio actu charitatis, quo intimius conjungitur anima Deo; fit consequens non posse non auferri peccatum veniale, cuius virtualis fuerit displicantia.

4. Nec inde inferas (surgentem réplicam præoccupamus) quilibet actu charitatis, aut contritionis omnia venialia deleri posse, sicut quilibet eorum omnia lethalia extirpantur. Ratio enim differentia est, tum quia ut docet Angelicus Præceptor sol. ad 1, homo potest, et tenetur omnia et singula peccata mortalia detestari; non tamen tenetur, nec potest vitare omnia venialia; quapropter non est necessarium quilibet actu vel Pœnitentiae, vel charitatis auferri omnia venialia, sed dumtaxat illa, quorum fuerit formalis, aut virtualis displicantia. Tum etiam, quia juxta eundem Præceptorem Angelicum quæst. 7, de Malo art. 11 ad exclusionem venialium oportet, *quod tollatur impedimentum per aliquem fortem impulsum, repugnantem impedimento, quod erat oppositum ex obice venialis, ex quo mansit voluntas temporalibus adhærens.* Constat autem non quemlibet actum charitatis, aut Pœnitentiae esse ita vehementem, ac fortem, ut penitus avellat a voluntate omnem, et quamlibet inclinationem, aut adhæsionem ad bona temporalia. Non ergo quilibet actus sufficit ad ea penitus extirpanda. Sed necessarius omnino est actus ferventissimus, qualis fuisse in Magdalena supra diximus, vel alium similis intentionis, cui non convenit elici ex viribus communibus gratiæ. Qui sane quoties datur expelit omnia venialia; siquidem horum remissio non est, unde impietàetur,

D.Thom.

impediatur, nisi quatenus mens vel formaliter, vel virtualiter actu adhæret bono creato absque subordinatione actuali ad ultimum finem : per actum vero vel charitatis, vel Pœnitentiae ferventissimum eradicari potest quælibet aut formalis, aut virtualis adhæsio ad bonum creatum : possunt ergo omnia peccata venialia aboliri. Atque ita docent communiter discipuli D. Thomæ, quos dedimus loco citato.

5. Si autem inquiras, an peccatum veniale remitti possit quoad culpam, quin etiam remittatur quoad pœnam illi debitam? Respondetur affirmare, tum ex D. Thoma art. 3, hujus quæstionis ad 3, ubi ait, quod non semper ac remittitur culpa venialis, remittitur ejus pœna : *quia sic qui esset immunis a peccato mortali, aspersus aqua benedicta statim evolaret.* Quare ablata culpa, quandoque major, quandoque minor suppetit luenda pœna juxta majorem, vel minorem displicentiæ fervorem. Tum etiam, quia in Purgatorio non semel dimissa culpa in hac vita, luitur pœna. Præterquam quod in ipsomet instanti separationis animæ a corpore elicitor actus ferventissimus charitatis, vel etiam Pœnitentiae, quo omnia venialia quoad culpam delentur, ut est rationi conformius, et verior sententia docet; cum tamen non in eodem instanti solvatur pœna, sed diutius in illo loco contingat animas immorari juxta ordinatiōnēm divinæ justitiae. Unde D. Thomas quæstione citata de Malo art. 11 ad 17, ait quod remissio culpæ non fit per pœnam, sed per usum gratiæ, quæ est effectus misericordiæ. Quod signum evidens est non ex vi eiusdem actus, quo aboletur culpa, amoveri etiam et pœnam pro culpa debitam, et constat a simili peccati mortali, de quo supra. Et colligitur non leviter ex Concilio Trident. sess. 14, cap. 5, cap. 8, et Canon. 42, quatenus universaliter docet non totam pœnam simul cum culpa remitti. Sub qua universalitate venialia comprehendendi concors est Theologorum sententia, ut testatur Prado uoi supra § 2.

Ablata
culpa
veniali
manere
cautus ad
pœnam.

D.Thom.

Council.
Trid.

Assertio.
D.Thom.

Paludan.
Ledesma
Soto
Cajeta-
nus.

Assertionem itaque tertiam hujus articuli absolute sumptam, et præscindentem à modo remitteni venialia intra Sacra- menta, quam statuimus loco citato de Jus tificat. § 3, docent communiter discipuli D. Thomæ, ibi relati, et plures alii Palud. in 4, dist. 16, q. 1, art. 2, concil. 2, n. 26. Petrus Soto lect. 18. Martin de Ledesma, 1, p. Quarti, q. 28, art. 1, dub. 10. Cajet.

in præs. art. 2, § Ad horum evidentiam. Arauxo. Nunno art. 1. Aráxo art. 2, dub. 1. Ex Prado. extraneis Ricardus, Argentina, Vasquez, Torres, Layman, Becan, Pesantius, Lorca, quos et alios refert, ac sequitur Martinez de Prado ubi supra § 6. Quocirca prædicta assertio non tam opinio, quam vera, et fere certa sententia communis Theologorum calculo comprobata censenda est, eamque absolute certam profert Suarez sect. 3, n. 8, et solum invenimus, qui ei expresse refragentur, Alensem 4, p. q. 15, memb. 4. Durandum in 4, dist. 16, quæst. 2, n. 9, quorum fundamenta diruimus loco citato. Ex quo constat quam certum sit extra Sacramentum nullius venialis fieri remissionem per actum alterius virtutis, quam charitatis, aut Pœnitentie, seu quod idem est, per formalem, aut virtualem Pœnitentiæ, inclusum in ipso formalis actu charitatis. Unumquodque enim tollitur per suum oppositum vel formaliter, vel virtualliter ut docet D. Thomas art. 2, et est per se notum : sed solus actus vel charitatis, vel Pœnitentiae est oppositus aut formaliter, aut virtualiter peccato veniali : ergo dumtaxat alterutro horum actuum destrui potest peccatum veniale. Et si enim peccata venialia ex parte objecti plurima sint, et contra plures, imo omnes virtutes exerceri valeant, et ex hoc capite, per eas videantur destruenda ; ex parte tamen effectus retardandi animam, ne prompte, ac ferride feratur in Deum ipsum anteponendo, ac super omnia diligendo actualiter, omnia impediunt charitatem, et eundem effectum præstant : ex hoc capite ad solam charitatem, et Pœnitentiam illi annexam pertinet specialiter adversari culpis venialibus.

Arauxo.
Prado.
Suarez.

Remissio
venia-
lium
extra Sa-
cramen-
tum.

7. Est tamen difficultati obnoxium, an idem dicendum sit de remissione venialium intra Sacra menta? Et ratio dubitandi sumitur ex ipsa Sacramentorum novæ legis institutione, ex qua constat in illis conferri gratiam ex opere operato, et peccatorum, non solum lethalium, sed etiam illorum, quæ venialia sunt remissionem fieri, ut de Baptismo docet Concilium Tridentinum in decreto peccati originalis, sess. 5, canon. 5, in quo statuit, non solum peccatum originale, sed et totum id, quod veram, et propriam peccati rationem habet, per gratiam, quæ in Baptismate ex meritis Christi confertur, aboleri. Similiter de Eucharistia sess. 13, cap. 2, sanctivit antidotum esse, quo libremur a culpis

Dubium
circum
eorum
remis-
sionem
in Sacra-
mento.

Cone.
Trid.

D. Ambros. quotidianis, et a peccatis mortalibus præservemur : quocirca D. Ambrosius lib. de Sacramentis inquit, *quod iste panis quotidiana sumitur in remedium quotidiana infirmitatis*, et Angelicus Præceptor in hac D. Tho mas. 3, p. quæst. 79, art. 4, docuit ex ipsomet Sacramento, et ex ipsa re Sacramenti venialium remissionem haberet. Idem de Confessione asseruit sancta Synodus sess. 14, cap. 5, de Extrema unctione eadem sess. in fine cap. 2, et sic de reliquis. Ex qua Catholica doctrina consequi necesse est dari venialium remissionem ex opere operato ipsius Sacramenti, et non tantum ex opere operantis. Esto ergo ita sit quod pro eorum destructione extra Sacramentum necessaria sit omnino poenitentia aut formalis; aut virtualis explicata; intra Sacramentum vero neutra illarum exigetur, sed sūfi iet gratia ejusdem Sacramenti, quin oportreat, aut debeamns recurrere ad actus speciales; aut Pœnitentiæ.

8. Hac tamen difficultate sic in communi proposita premuntur quotquot asserunt (et sunt plurimi, et ferè omnes) non remitti peccata venialia vel per gratiam solam, vel per donum aliquod, quod se habeat per modum habitus, sive sit gratia Sacramentalis, sive quid hujusmodi, cum quolibet quippe eorum componibile est peccatum veniale. Unde necessarium omnino est recrusum fieri ad aliquem actum, quo deordinatio retardans in peccato veniali auferatur. Unde tenentur fateri veritatem Catholicam de remissione venialium ex opere operato mediis Sacramentis, et insuper assignare actum aliquem, quo exicitur fervor charitatis, ut expeditior voluntas feratur in Deum. Et hoc ita constituto, alhuc superanda restat difficultas, tum quia actus ille quicumque sit, se tenet ex parte operantis, et sic jam non est opus operatum; tum quia si non est actus charitatis, aut Pœnitentiæ non est incompossibilis cum tempore charitatis: tempore enim non tollitur nisi per expressam ipsius detestationem, vel per fervorem immediate adversum. Oportet ergo recurrere ad aliquam extensionem ipsius charitatis, quæ non sit habitualis, alias rediret argumentum. Est autem inexplicabilis extensio charitatis, quæ non sit habitualis, nisi per ordinem ad aliquem actum ejusdem Charitatis, aut detestationem expressam Pœnitentiæ, qua obex gratiæ, et charitatis amoveatur, ut expeditius feratur in Deum: ergo de primo ad ultimum deveniendum

est in assertam veritatem; vel intacta relinquitur proposita difficultas.

9. Respondet ergo assertionem tertiam hujus articuli tenere non solum extra sed etiam intra ipsa Sacramenta, quin aduersetur doctrinæ Conciliorum. Unde asserendum est nec intra nec extra Sacramenta venialia remitti posse, nisi media Pœnitentia aut formalis, aut virtuali in sensu explicato. Ad cujus elucidationem prælibare oportet, Sacramenta solum efficienter, et ut instrumenta Dei concurrere ad causandam gratiam, et remittendam peccata. Causa autem formalis sive sanctitatis, sive justificationis, aut remissionis non sunt Sacramenta, sed gratia per illa causata, ut expresse affirmat Tridentinum Concil. sess. 6, cap. 7 et docent contra haereticos omnes Catholici. Unde eatenus Sacramenta dicuntur *sanctificare, peccata remittere, etc.* quatenus ut istrumenta divinæ virtutis efficiunt formam incompossibilem cum peccato, et interius renovant hominis voluntatem, ut deposito veteri homine assurgat in novam vitam mediis gratia, et virtutibus efficienter ab ipsis productis. Dicuntur vero hoc efficere ex opere operato, non quia in adultis excluant proprios actus, quibus præparetur anima ad recipientum effectum proprium Sacramentorum; sed quia ultra mensuram propriæ dispositionis semper aliquid plus gratiæ conferunt homini, quod non prestaretur absque Sacramento, de quo fusius egimus tract. de Sacramentis in genere, ubi est proprius locus hunc excessum accuratius expponendi.

10. Porro res Sacramenti, seu opus operatum illius dicitur omne illud quod fit medio auxilio collato ex vi Sacramenti, quod a ipsis sine illo non daretur, sive illud sit gratia; sive modus, aut majoris intentionis, aut qui dicitur Sacramentalis, proprius cuiuslibet Sacramenti; sive etiam sit ipsa hominis operatio, quæ quidem est opus operantis, ut liquet, et simul est opus operatum ratione auxilii collati in vi Sacramenti, quod quidem auxilium aliter non esset conferendum, non interveniente receptione actuali ipsius Sacramenti. Quæ videtur expressa doctrina D. Thomæ loq. T. Tho mas. supra citato ex quæst. 79, hujus 3, p. per hæc verba: *Res autem hujus Sacramenti (Eucharistie) est charitas non solum quantum ad habitum (quo pacto importat entitatem gratiæ modum intentionis, et modum Sacramentalem, et quidquid pertinet ad*

Dubium
expeditum.

Concil.
Trident.

Confir-
matur et
explicat-
lution.

*ad eam ex parte actus primi) sed etiam quantum ad actum, qui excitatur in hoc Sacramento, per quod peccata venialia solvuntur. Unde manifestum est, quod virtute hujus Sacramenti remittuntur peccata venialia. Sentit ergo D. Thomas rem effectam per Sacramentum non solum esse habitum, sed etiam ipsam actualem operationem, ad quam confertur auxilium ex virtute Sacraimenti : atque ideo sicut in omni sententia per Sacraenta non remittuntur peccata mortalia, nisi effective, et mediate, sed gratia est forma quæ immediate tribuit hunc formalem effectum ; haud dissimiliter nec etiam remittuntur venialia immediate, sed mediante ipsa gratia se explicante in actum disiplentiae vel formalis, vel saltem virtualis, ut luculentius se explicat S. Doctor sol. ad 4, dicens : *Quod peccata venialia, etsi non contrariantur charitati quantum ad habitum ; contrariantur tamen ei quantum ad fervorem actus qui excitatur per hoc Sacramentum, ratione cuius peccata venialia tolluntur.* Uni clarissimum est loqui D. Thomam de remissione facta intra Sacramentum, et hanc docet non fieri nisi per actum ferventiorum charitatis, ad quem ex opere operato existat Sacramentum medio operacioni auxilio, Sacramento (non vero ipsi operanti) debito. Et vi hujus ipsam operationem hominis est res Sacramenti, ut ait S. Doctor.*

*Robora-
tor
mplus.*

Thom

11. Qua doctrina facile explicatur, quod in hac parte videbatur arduum. Sacraenta enim eo modo remittunt venialia quo causant formam incompossibilem cum illis : sed causant formam incompossibilem cum venialibus efficienter producentio auxilia excitantia ad fervorem charitatis : ergo solum concurrunt efficienter, non vero formaliter ad illa destruenda. Quod vero formaliter, et immediate se habet, est actus charitatis, vel formalis dolor : ergo formaliter et immediate vel solo actu charitatis, vel formaliter. Pénitentia a ihuc intra Sacraenta remittuntur. Quod consequens non nostrum, sed D. Thom. est in praesenti art. 3, ubi inquit, triplice ratione peccata venialia dimitti, quarum prima, et propria Sacramentorum est, *in quantum in eis infunditur gratia, quia per infusionem gratia tolluntur peccata venialia, ut supra dictum est (art. praecedenti.)* Et hoc modo per Eucharistiam, et extremam Unctionem et universaliter per omnia Sacraenta novæ legis, in quibus

confertur gratia, peccata venialia remittuntur. Quæ autem aut qualis sit ea gratiae infusio, explicuerat articulo antecedenti, dicens : *Quia tamen in habitibus usum liberi arbitrii, in quibus solis possunt esse venialia peccata, non contingit esse infusionem gratia sine actuali motu liberi arbitrii in Deum, et in peccatum (qui sunt effectus ipsius gratiae, ut constat ex supra dictis ad art. 6, quæst. 85), ideo quandocumque gratia infunditur de novo, peccata venialia remittuntur, per motus videlicet illos charitatis in Deum, seu detestationis in peccatum.* In qua sententia perpetuum fuisse D. Thom. constat ex quæst. 7, de Malo art. 14, ubi in terminis hoc explicans ait : *Sunt quidem quædam, quæ causant remissionem peccati venialis, in quantum inclinant voluntatem ad serventem charitatis actum secundum tria prædicta (ratione videlicet, instinctu superiori, quod est auxilium, et propensione habitus gratiae, et charitatis) Et sic per Sacraenta novæ legis venialia peccata remittuntur.* Semper ergo recurrit D. Thomas pro remissione venialium intra Sacraenta ad actum fervidum charitatis, quin ullam discretionem quoad hoc inter Sacraenta faciat. Quare quoad explicatius tradidit S. Doctor de Eucharistia, proportione servata applicandum est aliis Sacraentis, quæ ordinantur ad augendam gratiam, et sunt Sacraenta vivorum. Quomodo autem Baptismo, et Pénitentiae deferendum sit, mox subjungemus.

*Occurri-
tur ob-
jectioni.*

D. Thom.

12. Quod autem Sacraenta vivorum æqualiter se habeant ad omnia venialia, ut aliquis posset objicere, non obest, quominus non omnia semper, sed aliqua præ aliis, dimittantur, ut tradit ipse D. Thomas quæst. et art. 11, citatis de Malo, inquiens, *quod quamvis hujusmodi æqualiter se habeant ad omnia peccata venialia ; tamen fervor ab eis excitatus non æqualiter semper se habet ad omnia : sed quandoque respicit aliqua in speciali, et contra ea efficacius operatur.* Et si in generali respiciat ea, potest contingere, quod non habet eundem effectum in omnibus : eo quod affectus hominis aliquando habitualiter est inclinatus ad aliqua peccata venialia committenda : ita scilicet, quod si in memoria haberentur, non displicerent : vel forte si opportunitas adesset, committerentur. Ubi licet loquitur S. Doctor de Sacramentalibus, ratio tamen tradita sua proportione tenet de Sacraentis, in quibus non quilibet charitatis fervor ab ipsis excitatus sufficit

ad omnia venialia abstergenda, ob firmorem adhæsionem voluntatis ad aliqua. Unde raro contingit homines in hac mortali vita viventes ab hujusmodi affectibus liberos esse, ut subjungit D. Thomas, et si etiam contingat quandoque ad horam ab omni culpa veniali per hujusmodi media, hominem immunem fieri, sed non ab omni pœna, nisi ubi tantus fuerit charitatis fervor, quod sufficerit ad totius pœnæ remissionem.

Objectio ex D.Thom. Nec refert si objicias D. Thomam ne-dum assignasse actum charitatis, aut Poenitentiae ad remittenda venialia, sed etiam actum quo *homo afficiatur ad res divinas*, ut constat ex hoc eodem articulo. Sed hic actus est diversus ab actibus charitatis, et Poenitentiae, et pertinet ad religionem, vel alias virtutes. Ergo juxta D. Thomam quolibet actu alterius virtutis possunt remitti peccata venialia, et non est necessarium recurrere ad actus vel charitatis, vel Poenitentiae.

Displacet aliquorum responsio. Propter hanc propositionem D. Thomæ aliqui ejus discipuli ut Joan. a S. Thoma, Nuno, et Gonetus in ea sunt sententia, quasi ea sit expressa S. Doctoris. Falluntur tamen manifeste; nam ille actus est proprie, et formaliter actus charitatis, si quidem est actus, quo homo fertur affective in Deum et in res divinas, ut expresse affirmat S. Doctor: sed actus quo quis afficitur ad Deum et res divinas est actus charitatis: Ergo dum D. Thomas ita asseruit, expresse locutus fuit de actu charitatis talis conditionis, quo displiceret homini, quidquid ex adverso impedit, aut retardaret, ne expeditissime ita feratur in Deum. Et hæc est virtualis displicentia venialium, quæ requiritur ad eorum extinctionem, ut fiet perspicuum consideranti textum D. Thomæ.

Legitima explicatio. Concedimus ergo omnia Sacraenta novæ legis ex opere operato inducere venialium vel aliquorum, vel omnium in sensu dicto a D. Thoma, remissionem; sed hanc formaliter, et immediate non praestant ipsa Sacraenta, sed tribuit gratia ut explicata, et expedita vel actu charitatis ferventis, vel Poenitentia formali illorum. Et quovis modo se habeat, excludere potest peccata venialia juxta majorem vel minorem charitatis extensionem et fervorem ad plura, vel pauciora eorum submovenda.

13. Qualiter vero id fieri valeat in Sacramentis mortuorum, maxime dum sola

attritione instructus homo ad Poenitentiam, vel ad Baptismum accedit, explicazione indiget. Cum enim attritio nec secundum se, nec conjuncta gratiæ Sacramentali incompossibilis sit cum peccatis venialibus, ut expendimus loco citato contra aliquos oppositum asserentes, haud facile appetat, qualiter Sacramentum cum sola attritione susceptum excludere valeat peccata venialia? Et si semel excludere statuatur, jam fallit D. Thomæ doctrina, quod solo charitatis fervore remitti debeant peccata venialia, vel sola itidem contritione. Implicat vero attritionem fieri contritionem, ut est perspicuum in doctrina D. Thom. alias non semper inducit actualem charitatis fervorem, quia non semper ac recipitur Sacramentum cum attritione erumpit homo in actum ferventiores, imo nec remissum, et expressum charitatis. Vel ergo non semper dimittuntur venialia per Poenitentiam, vel ad eorum remissionem non est necessarius actus charitatis, aut formalis Poenitentiae.

Nec elevatur difficultas dicendo attritionem præteritam virtualiter contineri in gratia producta per Sacramentum, et quia attritio illa dum in se ipsa erat, fuerat expressa venialium detestatio, idecirco in gratia denuo producta est virtualis detestatio illorum, vi cuius per ipsum Sacramentum remitti dicuntur, necnon per attritionem Sacramentalem virtualiter permanentem.

Augmentum difficultatis. Non (inquam) satisfacere videtur hæc responsio. Tum, quia si hoc ita esset, idem posset affirmari de reliquis Sacramentis, in quibus virtualiter etiam permanent actus præcedentes, ut causa permanet in effectu, sive causa sit dispositiva, sive pars essentialis; et idem etiam dicendum esset de Baptismo, de quo tamen docuit D. Thomas loco infra allegando, non semper venialia dimittere in adultis ob adhæsionem voluntatis ad illa. Tum etiam, quia eadem ratione posset dici ex vi gratiæ Sacramentalis illa saltem venialia remitti, quæ specialiter cuilibet Sacramentorum adversantur. Cum enim ex vi prædictæ gratiæ debeantur homini auxilia ad propria illius Sacramenti obeunda munera, ex consequenti debita etiam erunt ad amovenda impedimenta contra rectam celebrationem Sacramentorum et contra fructum ex illis percipiendum. Tum denique et maxime. Nam juxta hanc doctrinam forma qua expelluntur peccata venialia est aliquid permanens ad instar habitus, imo est ipse

ipse habitus gratiæ, quod est contra D. Thomam, qui sive in hac 3, p. sive alibi saepe, ubi materiam tetigit, non agnovit pro eorum destructione, nisi vel actum Charitatis, vel Pœnitentiam formalem. Quod enim connotet actus precedentes nihil refert: quia nullus habitus est, qui non etiam connotet actus præcedentes, quibus homo se disponit ad infusionem habitus, et illius receptionem carnaturali-
Thom. em. Unde D. Thomas in præsenti art. 2, ad 1, inquit: *Quod etiam remissio venialium est effectus gratiæ, per actum scilicet, quem de novo elicit* (ubi excludit vel insufficientes judicat actus prætoritos, seu antecedentes) *non autem per aliud habituale de novo animæ infusum, quibus ultimis verbis excluditur etiam gratia Sacramentalis, et quidquid habituale de novo obtentum assignari potest ad prædictum effectum, ut fuso ostendimus loco saepe allegato de justificatione.*

14. Hac tamen difficultate non obstante, cui facile erat occurrere ex ibi dictis a n. 332 ob specialem rationem, quam ibi ostendimus militare in attritione præ omnibus aliis actibus; hæc enim sola importat expressam detestationem peccati, ut supponitur, et insuper ut pars Sacramenti elevatur ad producendam gratiam remissivam peccati mortalis in Pœnitentia, quod non convenit aliis actibus, quicunque illi sint. Respondetur ex D. Thoma per se loquendo attributum intra Sacramentum sive Baptismi, sive Pœnitentiae consequi remissionem non solum mortalium sed etiam venialium juxta majorem, aut minorem fervorem excitatum in Sacramento, et per Sacramentum. Quare nulla est ratio excipiendi Sacra-
Thom. menta mortuorum a prædicta causalitate in venialia; ut colligitur ex S. Doctore in præs. art. 2, Ubi cum probasset non semper infundi de novo gratiam, quoties remittuntur venialia; asserit tamen semper ac acquiritur de novo gratia per Sacramentum remitti aliqua venialia, non quidem immediate per Sacramentum, aut per gratiam sive habitualem, sive Sacramentalem, sed medio motu creaturæ in Deum, et in peccatum. Verba D. Thomæ sunt: *Quia tam in habentibus usum liberi arbitrii in quibus solis possunt esse venialia peccata, non contingit esse infusionem gratiæ sine actuali motu liberi arbitrii in Deum, et in peccatum, ideo quandocumque de novo gratia infunditur, peccata venialia remittuntur.* Ubi peccatorum remissio non tribuitur a

D. Thoma dispositionibus antecedentibus justificationem, sed illis, quæ ipsam justificationem per se loquendo consequuntur, et comitantur, quales sunt actus Charitatis, et Pœnitentiæ, qui per se loquendo in ipso justificationis momento eliciuntur, juxta ea, quæ supra quæst. præced, statuerat.

Si vero contigerit aliquando post elicitationem attritionem cum Sacramento, et justificationem adeptam, non erumpere hominem in actum illum Charitatis in Deum, aut formalis Pœnitentiæ, sed unum, et alterum vel oblivione, vel tempore, vel alia causa omittere, in quo stabat difficultatis nervus, dicendum erit in illo eventu actualiter venialia non expelli ob defectum formæ incompossibilis; esse tamen in promptu, ut illico ac eruperit in actum omissum, excludantur. Et ratio est: quoniam effectus formalis alicujus formæ nequit salvare absque ipsa forma: sed remissio venialium est effectus formalis aut actus Charitatis, aut Pœnitentiæ, sive intra, sive extra Sacramenta ut constat ex verbis allegatis D. Thomæ: ergo nequit intelligi illorum remissio, non expresso, et formaliter existente vel utroque, vel altero illorum actu. Quia tamen in ipsa gratia tunc recepta est proxima, expedita, ac omnino carnaturalis facultas se in proprium actum exerendi, idcirco est veluti ultimo dispositus homo ad obtainendam illorum veniam, quam primum eruperit in prædictum actum.

15. Deinde suadetur eadem resolutio occurrendo motivo opposito, et rationem redendo hujus doctrinæ. Ideo namque hoc non ita esset, quia derogaret efficacia Sacramentorum, quæ ex opere operato inducent proprios effectus sanctificationis, et remissionis: sed hoc non obstat, quominus aliquando, et per accidens ob indispositionem subjecti recipientis, vel penitus exulantur fructu, ut in Sacramento informi; vel non tales, ac tantum fructum inducent, qualem, ac quantum inducerent, stante majori dispositione subjecti, ut patet in tepidis, ac nimis frigide, vel indevote ad Sacramenta accedentibus, qui licet sint in gratia, non tamen uberes Sacramentorum fructus ob propriam indispositionem percipiunt: ergo non est contra Sacramentorum aut dignitatem, aut efficaciam, quod per accidens, et ob defectum alicujus requisiti ex parte recipientis, non sortiantur illum effectum, qui ipsis alias ex opere operato debebatur. Discursus videtur legitimus, cujus prima proposito videtur perspicua, et minor ultra

Firmatur
amplius
tradita
doctrina.

probationes illi insertas, suadetur. Tum quia Sacraenta se ipsis immediate non sanctificant, sed mediante gratia, subindeque non inducunt formalem remissionem, nisi quatenus efficiunt gratiam, qua ornatus homo erumpat in actus proprios amicitiae divinæ. Tum etiam (et est ratio praecedentis) quia Sacraenta solum inclinant ex parte actus primi, et quoad sufficientiam ex parte ipsorum ad effectus sibi proprios, ultra quod exigitur ex parte subjecti quod se expedit ab obicibus retardantibus charitatem, ne in prædictos actus erumpat. Tum deinde: quia licet aliqua Sacraenta sint per se primo instituta ad augendam gratiam, alia vero ad eam primo introducendam: per accidens tamen invertitur ordo, et augetur per accidens in illo Sacramento, in quo primo efficienda erat, ut quando Baptismus et Pœnitentia recipiuntur in gratia, quia præcessit contritus; et e contra non semel per accidens in Sacramentis vivorum contingit infundi primam gratiam, quin præexistens alia præcedat, cuius exempla sunt obvia.

Tum denique, quia æqua vis est in Raptismo ad excludenda venialia, quam in Pœnitentia; imo major est quoad hoc virtus in Baptismo quam in Pœnitentia; siquidem in illo ex vi suæ institutionis fit totalis culparum remissio etiam quoad peccata temporalem; in hoc vero solum remittitur culpa et pœna æterna, manente ut in plurimum reatu poena temporalis, ut dictum relinquitur. Eo tamen non obstante non est necessarium semper dimitti actualiter ex vi baptismatis peccata venialia, quamvis fuerit remissum originale cum lethalibus: ergo non est contra institutionem Pœnitentiae quod aliquando remissis mortalibus, non condonentur etiam actu aliqua venialia. Consequenter constat a paritate, et Minor

D.Thom. probatur ex D. Thoma in præs. art. 3, ad 2, ubi inquit, *quod potest impediti remissio quantum ad aliqua peccata venialia, quibus mens actualiter inhæret, sicut et per fictionem interdum impeditur effectus Baptismi.* Impediti autem effectum Baptismi quoad sola venialia, remissis originali, et mortalibus, constat ex eodem S. Doctore in 4, dist. 4, quæst. 2, art. 1, quæstiunc. 1, ad 3 ubi id luculentius explicat per haec verba: *Discendum quod quantum est de se, Baptismus, ut dictum est, tollit omnem culpam originalem, et actualem, non solum mortalem, sed veniale; quæ quamvis non contrarietur gratia simpliciter, contrariatur lamen gratiæ*

baptismali, quæ debet esse perfecta ratione novitatis vitæ; sed potest impediti effectus ejus ex parte recipientis, si sit indispositus per fictionem. Sed cum fictio sit peccatum mortale est peccatum simpliciter, ita facil factum simpliciter, et totaliter effectum Baptismi impedit quantum ad remissionem culpæ. Sed peccatum veniale, quod in actu, vel in proposito est, facit factum secundum quid, et est secundum quid peccatum, ut dispositio ad peccatum; et ideo impedit effectum Baptismi, non simpliciter, sed quantum ad remissionem illius venialis. Ubi quo vides ex D. Thoma, et quod Baptismus adulorum, in quibus solis possunt esse peccata venialia, non semper ea actu dimitti, et quod dispositio sufficiens ad consequendam remissionem mortalium, subindeque graviam baptismalem, non sufficit ad expiationem venialium; sed major devotio, aut fervor requiritur ex parte suscipientis, ut obtineat veniam culparum levium, et gravium (et hoc in Baptismo de se ordinato ad omnem sive culpam sive pœnam abolendam) quam ut mortalium dumtaxat nanciscatur absolutionem. Non ergo convenit, aut in aliquo derogatur virtuti Pœnitentiae Sacramenti, quod sit aliquando informis quoad sola venialia, ut de Baptismo affirmat D. Thomas. Idque maxime verum esse debet dum sola instructus attritione contra mortalia homo suscipit absolutionem, quin erumpat in illo instanti in actum charitatis, ut per accidens contingere omnes supponimus. Tunc enim recipiet gratiam remissionis mortalium, non vero venialium ob defectum extensionis aut formalis, aut virtualis ad ipsa. Hæc namque aut formalis, aut virtualis venialium detestatio exercite, et actualiter non habetur nisi medio actu formalis aut charitatis, aut contritionis. In gratia vero producta solum continetur in actu primo. Et quia actus primus non inducit suum effectum in actu secundo, nisi medio exercitio seu applicatione in actu secundo: idcirco quoties attritione cum Sacramento homo præparatur ad recipiendam gratiam, et res ipsa recipit, si non erumpit in actum charitatis, aut Pœnitentiae, ut non erumpere supponitur in ratione dubitandi; non recipit venialium absolutionem, sed remanet Sacramento quoad venialia informe, ut de Baptismo nos docuit D. Thomas. Sed quia per se loquendo semper contingit, ut homo erumpat in actum liberi arbitrii erga Deum, et peccatum, ut etiam statuit ipse Angelicus Praeceptor; ideo per se loquendo

quendo sive per Pœnitentiam, sive per Baptismum, sicut per reliqua Sacra menta (et potiore jure) remittuntur venialia ex opere operato in sensu explicato; quamvis per accidens, suspenso illo actu liberi arbitrii in Deum, et peccatum oppositum contingat ob rationem assignatam.

46. Sed dices, hinc fieri plus ad venialium, quam ad mortalium nanciscendam veniam desiderari. Consequens est falsum, imo et absurdum: ergo falsum etiam est non aliter fieri expiationem venialium, quam actu Charitatis fervidæ, aut formalis pœnitentiæ. Probatur Major, quia non idem motus, qui sufficit ad consequendam gratiam post peccatum mortale, sufficit ad remissionem venialis, ut patet in attrito, cui si non erumpat in actum Charitatis in ipso justificationis momento, aut immediate ad illud, infunditur gratia, et non remittitur peccatum veniale. Minoris falsitas etiam liquet: quia absurdum est proculpis, quæ facillime committuntur, in quasque velut aqua per clivum dilabimur, remedium adeo sublime, et arduum statuere, quale est in actum ferventem Charitatis, et contritionis erumpere.

Respondetur negando sequelam. Tum quia ad remissionem peccatorum mortalium semper exigitur gratiæ infusio, quam tamen non infundi, imo nec augeri physice videbimus art. seq. cum D. Thoma pro remissione venialium. Tum etiam, quia ut docet S. Doctor in hoc 1. art. ad remissionem peccati mortalis exigitur perfectior pœnitentia, *ut scilicet homo actualiter peccatum mortale commissum detestetur, quantum in ipso est: ut scilicet diligentiam adhibeat ad memoranda singula peccata mortalia, ut singula detestetur*, quorum memoriam habuerit post adhibitam sufficientem inquisitionem: utque tandem a singulis abstinerre firmiter proponat. Quæ tamen non requiruntur ad expiationem venialium; sed sufficit vel formalis, vel virtualis, ac confusa illorum detestatio, qua homo ita afficiatur formaliter in Deum secundum affectum; ut quidquid occurreret, quod ab eo motu retardaret, illud statim avelleret, et abjeceret; et quo iste affectus fuerit ferventior, et universalior, eo plura venialia excludet. Nec oppositum suadet probatio: nam aliud est, plus gratiæ, ac dispositionis requiri ad tam mortalia, quam venialia simul destruenda, quam ad sola mortalium absque venialibus: aliud vero, quod ad sola venialia requiratur major gratia,

quam ad mortalia seorsim a venialibus accepta. Primum concordamus, et sequitur ex dictis, quandoquidem ad pœdictam remissionem requiritur et infusio gratiæ, et ejusdemmet gratiæ explicatio in detestationem venialium: idque satis demonstrat ipsemet effectus; siquidem perfectius quid est (saltem extensive) liberare hominem a mortalibus, et venialibus simul, quam a mortalibus dumtaxat; quocirca sanctior, ac justior est cæteris paribus immunis a peccatis mortalibus, et venialibus, quam qui solum caret mortalibus. Secundum vero negamus juxta dicenda ad articulum sequentem: nam ad remissionem venialium non desideratur aut infusio, aut augmentum physicum gratiæ.

17. Objicies secundo. Si homo justus ex solo attritionis motivo manifestet in confessione sola peccata venialia, vere absolvitur: sed non stat vere absolvit, quin simul ei peccata confessa dimittantur: ergo homini justo sola venialia confitenti ex motivo solius attritionis virtute confessio nis remittuntur peccata. Sed non ratione actus Charitatis, quem supponitur non elicere: ergo ratione solius attritionis cum Sacramento non immediate auferri peccata venialia, sed opus esse ulteriori actu vel Charitatis, vel Pœnitentiæ.

Respondetur ad objectionem admisso Diluitur. primo Syllogismo in sensu explicando, negando Minorem subsumptam: quia in homine justo nullus est actus morali ter bonus, qui non sit meritorius vitæ æternæ, subindeque informatus gratia, et charitate, ut tract. de Mato disp. 4; dub 5, accurate expendimus. Constat autem attritionem in illo casu admissam esse actum moraliter bonum ordinis supernaturalis, subindeque meritorium vitæ æternæ. Quis hoc neget, nisi cui exosus fuerit usus Pœnitentiæ pro solis venialibus? Unde quod illi sufficit ut sit Deo acceptus, et meritorius præmii essentialis; sufficiet abs dubio, ut excludat etiam venialia, quæ apposuit pro materia sufficienti Sacramenti, vi cuius augetur gratia, et se explicat in actum detestationis illorum, vel per actum majoris Charitatis in Deum, quem ex vi augmenti gratiæ in promptu est elicere; vel per ipsammet attritionem magis perfectam, quæ est virtualiter contritio. Nam ut affirmat D. Thomas, in habente gratiam nulla est attritio, quæ non etiam sit contritio, saltem virtualiter et quia imperatur a Charitate, et quia participat modum quemdam elevationis, quasi

habitualis, ab eademmet gratia, et Charitate, quibus cunjungitur, quo nequit non in Charitatis finem collimare. Unde stat latum discrimen attritionis secundum sibi propria, quo pacto de illa supra loquebamur, a se ipsa ut subditur Charitati; ratione cuius in secunda consideratione potest expellere peccata venialia ob incompossibilitatem cum illis: quod tamen nequit praestare vel secundum se, vel conjuncta Sacramento, secluso influxu gratiae in ipsomet instanti justificationis.

*Præoccupatur
objectio.*

Nec inde inferas, hac etiam ratione quolibet aliarum virtutum actu similiter posse venialia dimitti; siquidem nullus est, qui simile imperium, et consimilem non etiam a Charitate accipiat elevationis modum: ergo si qua est ratio hoc tribuendi attritioni ita elevatae, æque militare debet in aliis virtutem acibus simili gaudentibus elevatione.

Non, inquam, inde id inferatur: quia nullus illorum est aut formalis, aut virtualis pœnitentia, ut patet; cum tamen attrito illo modo accepta pœnitentia sit, et proxime accedat ad contritionem formalem, si jam non est vera contritio, quæ est dolor peccati propter Deum summe dilectum, in quem collimare necesse est attritionem hominis justi; licet formale, et expressius motivum sit inferius, sed non sistitur in eo. Quare D. Augustinus semper pro pœnitentia decertans ad obtainendam remissionem epist. 43, inquiebat: *Nec quemquam putes ab errore ad veritatem, vel a quocumque seu magno, seu parvo peccato ad correctionem sine pœnitentia posse transire.* Quo satis ostendit nullum actum alterius virtutis, qui formalis, vel saltem virtualis Pœnitentia non sit, sufficere ad exienda vel ipsa peccata levia, vel etiam docet Angelicus Præceptor.

D. Au-
gust.

Replica.

17. Sed instabis: Peccata venialia relinquent in anima suam qualem qualem maculam, seu nitoris parentiam habitualem: sed macula habitualis non aufertur formaliter, nisi per formam, vel quasi formam habitualem, ut constat a simili tum in peccato mortali, tum in quolibet alio genere privationum; nulla quippe illarum expellitur formaliter, et immediate, nisi per appositionem formae formaliter oppositæ: ergo peccata venialia debent auferri per aliquid habituale, quo formaliter illorum macula expellatur.

Dissolvi-
tur.

Respondetur hac objectione potius firmari, quam impeti doctrinam ex D. Thoma

traditam: quia S. Doctor nusquam, et nunquam excludit gratiam sanctificantem, nec eam solam requirit, sed ut explicatam, ut se exerentem in actum Charitatis, quo tempore, et nitoris parentia expungatur. Quocirca art. 2, sol. ad 1, inquit, quod *etiam remissio venialium est effectus gratiae, per actum scilicet, quem de novo elicit, non autem per aliquid habituale (solitarie, ac seorsim) de novo animæ infusum.* Unde forma, vel quasi forma formaliter venialia excludens, non tam est ipse actus, quam gratia ut erumpens in actum. Et ratio est: quia peccatum veniale inducit temorem, seu parentiam fervoris in Charitate, qua propter ipsam Charitas denuo assurgens in feryorem est, qua formaliter parentia illa nitoris excluditur. Vel si mavis, per ipsum actum ut conpotantem expeditionem habitus fit talis condonatio: alterutro quippe horum modorum explicitur, sufficienter declaratur, quod intenditur, sed magis arridet primus, utpote formalius explicans formam habitualem formaliter incompossibilem cum macula habituali peccati venialis: secundum vero docet Prado in præsentि, in quo non est momenti dissidium. Semper enim recurri debet ad actum, ut omnino necessarium pro illorum destructione: nam ut inquiebat D. Augustinus lib. homiliar. homil. 50: *Quamvis singula non lethali vulnere ferire sentiantur; tamen omnia simul congregata, velut scabies, nostrum decus ita exterminant, ut ab illius sponsi speciosi præ filiis hominum castissimis amplexibus separant, nisi medicamento quotidiana pœnitentia disecentur.* In quo detrimenta ex venialibus nobis obvenientia satis declarat. Quid enim pejus, quam ab sponsi amplexibus vel levibus culpis separari? Sed illico apposuit Pœnitentia remedium, ac subiungit: *Quod si falsum est, unde quotidie lundimus pectora?* quod nos quoque Antistites ad altare assistentes cum omnibus facimus. Unde etiam orantes dicimus: *Dimitte nobis debita nostra?* Non enim ea dimitti precamur, quæ in Baptismo dimissa sunt, et nisi dimissa credimus, de fide dubitamus. Sed utique de quotidiani peccatis hoc dicimus, pro quibus etiam sacrificia elemosynarum, jejuniorum et ipsarum orationum, ac supplicationum quisque pro suis viribus, offerre non cessat. Quæ omnia opera vel Pœnitentiae sunt, vel a Pœnitentia imperantur, et quo majori Charitate fiunt, eo facilius et uberior remissionem operantur.

D. Au-
gust.

49. Unde audiendus non est Scotus in 4, dist. 21, quæst. 1, lit. E asserens remissionem venialium nihil aliud esse, quam solutionem pœnae temporalis debitæ. Ad hanc enim exolvendam nullus illorum actuum, quos annumerat Augustinus necessarius esset, cum tamen vel omnes, vel plures eorum idoneos, et apprime opportunos esse doceamus a D. Augustino. Nec magis audiri debet in eo, quod ibi docet § Si iste modus, per quemlibet virtutis actum magis Deo acceptum, quam disdiscuerit peccatum veniale remitti posse. Unde affirmat non solum per actum disdiscuentia, sed et per omnem actum meritorium remitti venialia, et tenet Gabriel in 4, dist. 16, quæst. 5, art. 2, concl. 4, Delgadillo de Pœnit. cap. 7, dub. 1, et aliqui Scotistæ. Hi enim non solum D. Thomæ, sed et D. Augustino manifeste refragantur. Vel enim opus meritorium imperatur a Pœnitentia, et in proprium finem dirigitur, vel non? Si asseratur primum; jam opus illud meritorium ita imperatum est acius Pœnitentia virtutis, sicut actus charitate imperatus formaliter est actus charitatis, et materialiter tantum alterius virtutis, ut diceamus de attritione, quæ non tam est attritio, et sic de reliquis. Et ita in hunc sensu verum est quolibet actu virtutis satisfieri pro peccato, illudque excludi posse. Si vero affirmetur secundum, ut affirmant illi Theologi, falsum est illorum assertum, quia opus meritorium qua meritorium nullam importat oppositionem cum peccatis venialibus; sed optime cohæret quem esse pronum ad venialia in qualibet materia perpetranda, et de facto ita exequi, et quod aliunde opera meritoria exerceat. Non est ergo unde quolibet opus bonum seorsim acceptum valeat ad excludenda venialia, quin intercedat actus Pœnitentia vel formalis, vel virtualis in sensu explicato.

20. Qua etiam ratione amandandus venit Joannes de Medina Cod. de Pœnitent. tract. 1, quæst. 1. *Oppositum*, asserens nullatenus esse necessariam pœnitentiam aliquam de venialibus, utpote quod nec necessitate præcepti, nec necessitate finis obtinendi convincitur necessarium. Hæc enim hujus Authoris positio, præcedenti Scotistarum affinis, ex diametro pugnat cum Augustino supra relato, nec non innumeris aliis suæ doctrinæ locis, maxime vero ad Psal. 58, ubi ita inquit: *Iniquitas omnis, parva, magnave sit, puniatur necesse*

*est, aut ab ipso homine pœnitente, aut a Deo vindicante. Nam et quem pœnitet, punit se ipsum. Ergo fratres puniamus nostra peccata, si querimus misericordiam Dei, Non potest Deus misereri omnium operantium iniquitatem, quasi blandiens peccatis, aut non eradicans peccata. Prorsus aut punis, aut punit. Vis, non puniat? Puni tu. Nam et illud fecisti, quod impunitum esse non possit. Quo nihil clarus, aut efficacius pro necessitate venialia etiam detestandi, et pœnitentiae remedio eis apponendo. Et Psal. 50, ad illa verba: Ecce enim veritatem dilexisti, id est (ait) impunita peccata eorum, etiam quibus ignoscis, non reliquisti. Veritatem dilexisti, sic misericordiam prærogasti, ut servares et veritatem. Ignoscis, confitenti ignoscis, sed se ipsum punienti. Ita servatur misericordia, et veritas; misericordia, quia homo liberatur; veritas, quia peccatum punitur. Ratio S. Doctoris est: quia peccatum, quocumque illud sit, quia est contra rectam rationem, et vel avertit, vel retardat a Deo, puniendum est; si enim non esset puniendum, peccatum non esset, ut docet expositione ad Psal. 44, sed nequit puniri, nisi vel detestatione voluntarie assumpta, vel pœna a Deo inficta et ab homine sponte suscepta, in qua acceptatione stat peccatorum retractatio; Ergo quovis modo peccatum puniatur, vel a Deo, vel ab ipso homine, recurrendum necessario est ad lamenta Pœnitentia. Unde D. Gregorius lib. 4. Moral. cap. 21. D. Gre-
gor. ad illa verba Job. cap. 3. *Occupel eum ea-*
ligo, inquit: *Nullum peccatum Dominus inul-*
tum relaxat: aut enim nos flendo insequi-
mur, aut ipse judicando reservat. Et D. D. Thom.
Thom. in 4, dist. 21, q. 4, art. 2, quæst. 3,
docet, quod *culpa non potest ordinari, nisi per pœnam*, quia Deus nihil inordinatum relinquit: ideo numquam culpam sine pœna dimittit: Ideoque in præsenti configit S. Doctor ad Pœnitentiam formalem, et virtualem, ut venialia expiari valeant. Et sane locutiones universalissimæ, quibus in hac parte abundat sacer textus, exceptionem venialium non admittunt, sed omnia sive venialia, sive graviora includunt; ac comprehendunt. Ezech. 18. *Convertimini*, Ezech. 13. *et agile Pœnitentiam ab omnibus iniquitatibus vestris*. Act. 3, v. 19: *Pœnitemini igitur, et convertimini, ut deleantur peccata vestra*. Quocirca omnes alii Theologi cum D. Thoma in præsenti necessariam esse docunt aut formalem, aut virtualem Pœnitentiam, licet in hac virtuali Pœnitentia*

assignanda satis dissideant, de quo loco citato de justificat. et magis constabit ex annotandis ad articulos sequentes. in quibus eadem materiam prosequitur D. Thomas.

ARTICULUS II.

Utrum ad remissionem venialium peccatorum requiratur gratiae infusio?

Ad secundum sic proceditur. Videtur, quod ad remissionem venialium peccatorum requiratur gratiae infusio. Effectus enim non est sine propria causa. Sed propria causa remissionis peccatorum est gratia: non enim ex meritis propriis peccata hominis remittuntur. Unde dicitur Ephes. 2: Deus qui dixit est in misericordia propernitam Charitatem suam qua dilexit nos, et cum e-ssemus mortui peccatis, convivificavit nos in Christo, cuius gratia saluti estis. Ergo peccata venialia non remittuntur sine gratiae infusione.

Præterea. Peccata venialia non remittuntur sine Poenitentia. Sed in Poenitentia infunditur gratia, sicut et in aliis Sacramentis novæ legis. Ergo peccata venialia non remittuntur sine gratiae infusione.

Præterea. Peccatum veniale maculam quandam animæ infert. Sed macula non auferitur nisi per gratiam, quæ est spiritualis animæ decor. Ergo videtur, quod peccata venialia non dimittuntur sine gratiae infusione.

Sed contra est, quod peccatum veniale adveniens, non tollit gratiam, neque etiam diminuit eam, ut in secunda parte habitum est. Ergo pari ratione ad hoc, quod peccatum veniale remittatur, non requiritur novæ gratiae infusio.

Respondeo dicendum, quod unumquodque tollitur per summum oppositum: Peccatum autem veniale non contrariatur habituali gratia vel Charitati: sed retardat actum eius, in quantum nimis inhaeret homo bono erato, licet non contra Deum: ut in secunda parte habitum est. Et ideo ad hoc quod peccatum veniale tollatur, non requiritur quod infundatur aliqua habitualis gratia: sed sufficit aliquis motus gratiae vel Charitatis ad ejus remissionem. Quia tamen in habitibus usum liberi arbitrii, in quibus solis possunt esse venialia peccata non contingit esse infusionem gratiae sine actuali motu liberi arbitrii in Deum, et in peccatum; ideo quandoenamque de novo gratia infunditur, peccata venialia remittuntur.

Ad primum ergo dicendum, quod etiam remissio peccatorum venialium est effectus gratiae, per actum scilicet quem de novo elicit; non autem per aliquid habituale de novo animæ infusum.

Ad secundum dicendum, quod peccatum veniale nonquam remittitur sine aliquo actu penitentiae virtutis, explicito scilicet vel implicito: ut supra dictum est. Potest tamen remitti peccatum veniale sine Poenitentiae Sacramento, quod in absolutione Sacerdotis formulariter perficitur: ut supra dictum est. Et ideo non sequitur, quod ad remissionem venialis peccati requiriatur gratiae infusio: quia licet sit in quolibet Sacramento, non tamen est in quilibet actu virtutis.

Ad tertium dicendum, quod sicut in corpore contingit esse maculam duplicitate: uno modo per privationem ejus, quod requiritur ad decorum, puta debiti coloris, aut debitæ proportionis membrorum: alio modo per supererundationem aliquius iugendiarum decorum: puta lutæ aut pulveris; ita etiam animæ inducitur macula, uno modo per privationem decoris gratiae per peccatum mortale: alio modo per inclinationem affectus inordinatum ad aliquod temporale. Et hoc sit p-r peccatum veniale. Et ideo ad tollendam maculam peccati mortalium requiriatur infusio gratiae: sed ad tollendam maculam venialis peccati, requiriatur aliquis actus procedens ex gratia, per quam removetur inordinata adhæsio ad reum temporalem.

Conclusio est negativa.

COMMENTARIUS.

Ordo doctrine. 1. Doctrina hujus articuli confirmatio est eorum, que dicta sunt ad art. præcedentem.

Dum enim unumquodque auferri debeat per suum oppositum, ut hic statuit D. Thomas et venialia peccata non opponantur Charitati, et gratiae, sed eorum actibus, et fervori; consequens necessarium est, illa non expiari, nisi vel per actus ferventiores Charitatis, aut actum contritionis, quorum quolibet expeditur Charitas a tempore inducito per peccatum veniale; et inde fit etiam consequens non semper ac remittuntur venialia, novam gratiam infundi debere, sive quoad entitatem, sive quoad modum majoris intentionis, vel augmenti. Quæ est assertio directe intenta in hoc articulo; ut post Cajet. observarunt Nuno, et Candidus apud Prado dub. 2, et Vazquez art. 2, contra Suarez in Comment. hujus articuli. Itaque sensus ejus est, quod nova gratia infundi non debeat, quia unumquodque tollitur per suum contrarium, et nova gratia habitualis non est contraria venialibus, atque ideo non debet infundi ad illorum remissionem. Cujus oppositum cernitur in peccatis lethalibus, ad quæ proinde expienda necessaria est infusio gratiae habitualis. Et quia haec ratio etiam excludit argumentum ejusdem gratiae, utpote non etiam oppositum; idcirco ex consequenti negavit S. Doctor necessitatem augendi gratiam pro expulsione venialium. Quam expositionem observari docet Soto in 4. dist. 15, quæst. 2, art. 2, eamque esse ad mentem D. Thomæ constat ex eodem in 5. dist. 16, quæst. 2, art. 2, ubi ait: *Quod per veniale homo gratiæ non amittit: et ideo non oportet, quod ad hoc quod remittatur veniale, gratia aliqua infundatur de novo; sed sufficit, quod gratia, quæ jam habetur, in actum prodeat, quia ipsum veniale non tollebat habitum; sed solummodo impeditabat virtutis actum.* Constat vero hunc discursum D. Thomæ etiam probare non esse necessarium augmentum ejusdem gratiae, siquidem peccata venialia non excludunt augmentum Charitatis, nec etiam eam diminuunt; alias enim eam quandoque totaliter tollerent, ut arguit S. Doctor ubi nuper solut. ad 2 De utroque ergo loquitur S. Doctor, licet principalius excludere intendat novi habitus infusione.

2. Sed hinc insurgit difficultas. Quoniam juxta D. Thomam peccata venialia non delentur nisi per actum Charitatis ferventioris, vel etiam Poenitentie: sed quolibet actu ferventiori Charitatis se disponit homo ad consequendum majus ipsius Charitatis incrementum: Ergo non stat necessarium esse

Resol.
tio
D. Tho
Cajet.
nus.
Nugni.
Candi.
dus.
Prado
Vasque

Soto.

Difficul-
tas in
dicto D.
Thoma.

esse actum Charitatis, aut Poenitentiae pro illorum remissione, et non etiam simul augeri habitum ipsum Charitatis. Vel ergo semper ac fiat illorum remissio, augebitur gratia, vel neuter illorum actuum est necessarius; quorum quodlibet est falsum, et contra D. Thom.

Hæc tamen difficultas æque urget contra quem ibet actum supernaturalem, utpote quo disponitur homo ad augmentum virtutis propriæ illius actus. Cum tamen constans sit apud Theologos aliquem actum esse necessarium pro venialium expulsione, et non sufficere, saltem extra Sacra menta, donum præcise habituale. Respondetur ergo actum illum ferventiore non debere esse talen per ordinem ad habitum a quo elicetur, ita ut si actus est intensus ut quatuor, habitus debeat esse intensus ut tres; hoc enim modo falsum est actum Charitatis debere esse intensiorem, seu ferventior em nec usquam docuit D. Thomas. Exigitur ergo indispensabiliter, quod sit ferventior actu illo peccaminoso, qui expelli, ac retractari debet, quamvis absolute sit remissior habitu infuso; eo namque ipso quod actus Charitatis excludere valeat inordinatum adhæsionem voluntatis ad rem temporalem, in qua stat peccatum veniale, sive alias sit intensior, sive remissior habitu, est incompossibilis cum illa, subindeque habet quod requiritur ad hoc ut dicatur excludere, ac remittere peccatum veniale. Juxta quem sensum explicatis præmissis Syllogismi, neganda est utraque Consequen tia; quia nullus habitus sive acquisitus, sive infusus augetur physice actibus remissioribus tam formaliter, quam virtualiter ipso habitu: sed semper ut actu physice augeatur habitus, requiritur excessus ex parte actus vel ratione auxilii supernaturalis præsuppositi, vel ratione motionis potentiae superioris in naturalibus, quam esse intellectum agentem respectu virtutum intellectualium, et possibilem respectu moralium statuimus tract. de virt. disp. 4.

3. Sed adhuc non quiescit animus, et emergit gravior difficultas. Nam ut constat ex concilio Tridentino sess. 6. c. 16, et est communis Theologorum doctrina, quodlibet opus bonum ex gratia factum est meritorium vitæ æternæ; sed non stat meritum vitæ æternæ, quin etiam sit meritum gratiae, quæ est semen gloriae: Ergo non stat actum remissum hominis justi non etiam mereri augmentum gratiae, et gloriae: atque ideo quolibet charitatis actu quilibet

remisso augebitur charitas. Male ergo ex D. Thoma est assertum in expiatione venialium, si semel pro ea exigitur aliquis charitatis actus, qui nequit non esse meritorius.

A qua difficultate facile se expedit Suarez disp. 11, sect. n. 28, cui subscrubunt Vazquez 1, 2, disp. 120. Lugo disp. 9, sect. 1. Aversa q. 4, sect. 4, et Angles quæst. de Poenit. art. 5, diff. 1, dicendo, quod quamvis peccati venialis expulsio non exigit novum augmentum gratiae; semper tamen comitatur ejus remissionem augmentum aliquod gratiae, non ut exactum pro remissione, sed ut consecutum ratione actus: etsi adeo tenuis, ac remissus hominis ex gratia operantis, qui non statim assequatur ut præmium majus augmentum gratiae.

Hanc tamen sententiam D. Thomæ adversam ultronei fatentur ipsimet Suarez, et Vasquez, ille num. 27, illius sect. iste et rejiciunt. 28, disputationis allegatae. Nec mirum, cum S. Doctor 2, 2, quæst. 24, art. 6, diserte doceat non quolibet actu Charitatis Charitatem augeri, sed quilibet actus Charitatis disponit ad Charitatis augmentum, in quantum ex uno actu Charitatis homo redditur promptior iterum ad agendum secundum Charitatem, et habilitate crescente homo prorumpit in actum ferventiore dilectionis, quo usque conetur ad Charitatis profectum et tunc Charitas augetur in actu. Falsum ergo est juxta mentem D. Thomæ physice Charitatem augeri quolibet remisso Charitatis actu, quidquid sit, an illud augmentum sit requisitum pro remissione venialium, vel sit aliunde exactum ex conditionibus illius actus. Quare alia via incedere oportet ad propositam superandam difficultatem.

4. Duplex excogita fuit a discipulis S. Doctoris, et primam asserentem quolibet actu remisso augeri gratiam in esse grauiæ, seu juris, et acceptationis ad gloriam; non vero physice, et in esse quaiatatis, arripuerunt Soto in 4, dist. 15, quæst. 2. art. 2, & Nihilominus, et Martinus de Ledesma 1, p. quarti, quæst. 28, art. 2, quos deinceps secuti sunt Nunno q. 87, art. 2. Alvarez disp. 60, de Auxiliis, Candid. disp. 24, art. 37 et 38, dub. 4 et 5. Granados controv. 3, de Charit. trac. 3, disp. 10. Arauxo 2, 2, q. 24, art. 6, dub. 4. Serra ibi dub. unico. Juxta quam sententiam facillime extricatur difficultas. Nam concessa ut par est doctrina Concilii, quæ etiam est D. Thomæ, quolibet actu

Aliorum responso.
Suarez.
Vazquez.
Lugo.
Aversa.
Angles.

Est contra D. Thomam et rejiciuntur.

Prima, ac legitima ad repli cam responso.

Soto.

Ledesma.
Nugnus.
Alvarez.
Candid.
Granados.
Arauxo.
Serra.

remisso acceptatur homo ad majorem gratiam, et gloriam, ad easque habet jus morale, seu meritorum; quia tamen a proportione minoris aequalitatis non datur actio, ut est principium Aristotelicum, non augetur physice illa gratia quolibet actu remisso, licet meritorio; atque ideo aucta moraliter, et quoad ius permanet remissa physice, usque dum ponatur actus intensus, qui respondeat actibus illis precedentibus remissis. Qui tamen numquam ponetur nisi in ipsomet instanti separacionis animae, aut glorificationis. Quod significasse visus est D. Thomae loco supra citato solut. ad 1, quod erat omnino idem cum difficultate proposita, ubi ita respondet: *Ad primum ergo dicendum, quod quilibet actus Charitatis meretur vitam aeternam; non quidem statim exhibendam, sed suo tempore.* In quo non est difficultas, sed est dogma Catholicum. Similiter etiam quilibet actus Charitatis meretur Charitatis augmentum; non tamen statim augetur, sed quando aliquis conatur ad hujusmodi augmentum. Quod per se loquendo non fit, nisi in ipsomet glorificationis instanti: toto namque decursu vitae, si actus sit intensior habitu, illico tribuitur augmentum ipsi debitum, et actibus remissis non est praemium quod respondeat. Unde ne remunerata maneat merita remissa (quod est absurdum minime devorandum) contumeliam recurrere ad instans glorificationis, in quo erumpat homo in virtute precedentium in actum ferventissimum illis correspondentem, quo augeatur Charitas physice juxta illorum exigentiam. Et quia haec via tritior, ac securior, neconon principiis sanctae doctrinae de remuneratione honorum operum conformior, eam selegimus, et prosecuti sumus tract. de Charit. disp. 5, dub. 4, per totum, quo eat lector pro majori hujus rei elucidatione.

Alia solutio.

5. Secunda, et satis probabilis aliquidrum discipulorum D. Thomae sententia est actibus remissis nullatenus augeri gratiam nec physice, ut omnes concedimus, nec etiam moraliter seu quoad ius. Et cum urgentur doctrina illa Concilii, et D. Thomae, inquit mereri quidem hominem justum quolibet actu quantumvis remisso, non aliud, aut novum praemium, sed illudmet quod aliis actibus erat debitum: quod circa ex actibus remissis non augetur praemium, sed multiplicantur tituli Idem praemium acquirendi, et quo plures fuerint actus remissi, eo plures erunt tituli con-

ferendi illudmet praemium. Pro qua sententia refert Prado in præs. dub. 2, § 2. Durandum, Paludanum, Banez, Joan. a S. Thoma, Sylvium, Illustrissimum Godoy in lectura nondum prælo commissa, et alios. Quorum fundamenta proposulmus, et diruimus loco nuper allegato ex tract. de Charitate, ubi agere necesse fuit de ejus augmento, et ad eum locum Lectorem remittimus.

ARTICULUS III.

Utrum venialia peccata remittantur per aspersionem aquæ benedictæ, et cetera hujusmodi?

Ad tertium sic proceditur Videtur quod venialia peccata non remittantur per aspersionem aquæ benedictæ, et episcopalem benedictionem et alia hujusmodi. Peccata enim venialia non remittuntur sine penitentia, ut dictum est. Sed Penitentia per se sufficit ad remissionem venialium peccatorum. Ergo ista nihil operatur ad hujusmodi remissionem.

Præterea. Quodlibet istorum eandem relationem habet ad unum peccatum veniale, et ad omnia. Si ergo per aliquod istorum remittitur aliquod peccatum veniale, sequitur quod pari ratione remittantur omnia. Et ita per unam tuncionem pectoris, vel per unam aspersionem aquæ benedictæ, redetur homo immuni ab omnibus venialibus, quod videtur inconveniens.

Præterea. Peccata venialia inducunt reatum alienum poenæ, licet temporalis: dicitur enim 1, Corin. 3, de eo, qui superreditat lignum, focum, et stipulam, quod salvis erit, sic tamen quasi per ignem. Sed hujusmodi, per quod dicitur peccatum veniale dimitti, vel nullam, vel minimam poenam in se habent. Ergo non sufficiunt ad plenam remissionem venialium peccatorum.

Sed contra est, quod August. dicit in lib. de penit. quod pro levibus peccatis pectora nostra tundimus, et dicimus: *Dimitte nobis debita nostra.* Et ita videtur, quod tuncio pectoris, et oratio Dominicana, causent remissionem venialium peccatorum. Et eadem ratio videtur esse de aliis.

Respondeo dicendum, quod (sic ut dictum est) ad remissionem venalium peccatorum non requiritur nova gratia infusio: sed sufficit aliquis actus procedens ex gratia, quo aliquis detestetur peccatum veniale vel explicite vel saitem implicite: sicut cum aliquis ferventer moyetur in Deum: Et ideo tripli ratione aliqua causant remissionem venialium peccatorum, uno modo in quantum in eis infunditur gratia: quia per infusionem gratiae tolluntur venialia peccata, ut supra dictum est. Et hoc modo per Eucharistiam et Extremam Unctionem, et universaliter per omnia Sacraenta nova legis, in quibus confertur gratia, peccata venialia remittuntur. Secundo, in quantum sunt cum aliquo motu detestations peccatorum. Et hoc modo confessio generalis, tuncio pectoris, et oratio Dominicana operantur ad remissionem venialium peccatorum: nam in oratione Dominicana petimus: *Dimitte nobis debita nostra.* Tertio modo, in quantum sunt cum aliquo motu reverentie in Deum, et ad res divinas: Et hoc modo beneficio Episcopalis, aspersio aquæ benedictæ, quilibet Sacramentalis, unctio, gratio in Ecclesia dedicata, et si aliqua alia sint hujusmodi, operantur ad remissionem venialium peccatorum.

Ad primum ergo dicendum, quod omnia ista causant remissionem peccatorum venialium, in quantum inclinant animam ad motum penitentie: qui est detestatio peccatorum, vel implicite vel explicite.

Ad secundum dicendum quod omnia ista quantum est de se, operantur ad remissionem omium peccatorum venialium. Potest tamen impediiri remissio quantum ad aliqua peccata venialia, quibus mens actualiter inharet, sicut et per fictionem interdum impeditur effectus baptismi.

Ad tertium dicendum, quod per praedicta tolluntur quidem peccata venialia quantum ad culpam, tum virtute alieius satisfactionis, tum etiam virtute charitatis, ejus motus per praedicta excitatur. Non autem per quodlibet praedictorum

predictorum semper tollitur totus reatus peccati : quia sic qui esset omnino inmunis a peccato mortali, aspersus a ipsa benedicta, statim evolaret. Sed reatus peccati remittitur per predicta secundum modum fervoris in Deum, qui per predicta excitatur, quandoque magis, quandoque autem minus.

Conclusio affirmat.

Disputationem integrum de numero Sacramentalium, de eorum efficientia, et modo causandi instituimus, et appendix ad tract. de Sacramentis in genere, quae est ultima illius tractatus, et in ordine decima. Quocirca ab ea in praesenti supercedendum est, ne jam actum agere videamur, præcipue vero quia nihil occurrit in littera articuli, quod ibi non fuerit expensum, et accurate explicatum. Illud solum animadvertisimus sapientissimum Magistrum Prado in doctrina D. Thomæ versatissimum, et oculatissimum ex mente S. Doctoris tradidisse in presenti dub. 4, quod respondeat huic articulo, eandemmet sententiam de causalitate ex opere operato Sacramentalium, quam ibi fulcire ex D. Thoma conati sumus.

ARTICULUS IV.

Utrum veniale peccatum possit remitti sine mortali?

Ad quartum sic proceditur. Videatur quod veniale peccatum possit remitti sine mortali. Quia super illud Joan. 8 : Qui sine peccato est vestrum, primus in illam lapidem mittat. Dicit quædam gl. quod omnes illi erant in peccato mortali : venialis enim eis dimittetur per ceremonias. Ergo veniale peccatum potest remitti sine mortali.

Præterea. Ad remissionem peccati venialis non requiritur gratiæ infusio, requiritur autem ad remissionem mortalium. Ergo veniale peccatum, potest remitti sine mortali.

Præterea. Plus distat peccatum veniale a mortalibus, quam ab alio veniali. Sed unum veniale potest dimitti sine alio : ut dictum est. Ergo veniale potest dimitti sine mortali.

Sed contra est, quod dicitur Matthæi 5 : Amen dico tibi, non exies inde (scilicet ex carcere, in quem intruditur homo pro peccato mortali) donec reddas novissimum quadrantem, per quem significatur veniale peccatum. Ergo veniale peccatum non remittitur sine mortali.

Respondeo dicendum quod (sicut supra dictum est) remissio cuiuscumque auctoritatis non remittitur nisi per virtutem gratiæ : quia ut Apostolus dicit Roman. 4 : Ad gratiam Dei pertinet, quod Deus alicui non imputet peccatum : quod gl. ibi exponit de veniali. Ille autem qui est in peccato mortali, caret gratia Dei. Unde nullum veniale sibi remittitur.

Ad primum ergo dicendum, quod venialis ibi dicuntur irregularitates sive immunditia, quas contrabebant secundum legem.

Ad secundum dicendum, quod licet ad remissionem peccati venialis non requiratur nova infusio habitualis gratiæ : requiritur tamen aliquis gratiæ actus, qui non potest esse in eo qui subjetetur peccato mortali.

Ad tertium dicendum, quod peccatum veniale non excusat omnem actum gratiæ, per quem possunt omnia peccata venialis dimitti. Sed peccatum mortale excludit totaliter habitum gratiæ sine quo nullum peccatum mortale vel veniale remittitur. Et ideo non est similis ratio.

Conclusio negat.

Doctrina hujus articuli satis consonat sacris litteris, in quibus iniquorum opera Deo non placere significatur : prius enim respicit Deus personam quam ejus operationes, juxta illud Genes. 4 : *Respxit Deus ad Abel, et ad munera ejus; ad Cain vero et ad munera ejus non respexit.*

Fundamentum ab auctoritate, et ratione. Genes. 4.

Si enim persona non est Deo accepta, quinimo infensa, et invisa, ejus operationes non habent unde valorem accipiunt ; it ipsi acceptæ reddantur. Unde est illud Ecclesiastici 34, vers. 23 : *Dona iniquorum non probat Altissimus, nec respicit in oblationes iniquorum, nec in multitudo sacrificiorum, eorum propitiabitur peccatis.*

Eccles. 34.

Cum ergo remissio cujuscumque culpæ, ut hic inquit D. Thomas, numquam fiat absque Dei gratia, et hac destituitur existens in peccato mortali ; consequens est existenti in peccato mortali fieri non posse remissionem alicuius venialis, atque ideo non posse veniale peccatum alicui remitti, quin etiam remittantur omnia mortalia. Id quod fiet magis perspicuum, si animadvertisatur, quod sicut peccatum mortale secum importat privationem gratiæ sanctificantis, imo in hoc ejus essentia consistit, ut suo loco ostendimus ; ita peccatum veniale inducit tempore, et caretiam fervoris in charitate, ratione adhæsionis voluntariae ad bona temporalia. Unde sicut ad remissionem mortalium requiritur infusio gratiæ sanctificantis, ita ad expianda venialia opus erit fervore ejusdemmet charitatis, qui est oppositus, et incompossibilis cum peccato veniali. Fervor autem aut charitatis, aut gratiæ nequit nisi restituta gratia : ergo si existens in peccato mortali necessario est gratia destitutus, non est unde possit esse immediate capax fervoris gratiæ, et consequenter nequit ei fieri remissio venialis peccati absque mortali. Quæ fuit explicatio D. Thomæ in 4, dist. 16, quæst. 2, art. 1, quæstiunc. 3 : *Quia remoto priori, removetur posterius, nec posterius restituuntur, nisi priori restituto. Fervor autem charitatis, cui veniale opponitur, est posterior ipsa charitate. Unde quandiu charitas non restituitur, nec fervor charitatis reparari potest.*

2. In quam sententiam utpote verissimam abierte communiter Theologi, unico excepto Durando in 4, dist. 16, quæst. 2, num. 9, qui contendit ejus oppositum esse probabilius. Adstipulantur Durando Scotistæ cum suo Magistro locis infra referendis. Fundamenta Durandi sunt. Primo :

Contraria Durandi Sententia, et motiva.

nam ad dimissionem venialium non requiritur restitutio gratiae, sed sufficit reordinatio voluntatis per debitam displicentiam ejus, quod indebite placuit, et solutio poenae finitae : sed unum et alterum fieri valet ab homine existente in peccato mortali : Ergo huic homini fieri valet remissio venialium absque remissione mortalium. Secundo : quia si puer exists in originali præveniat ad statum, in quo peccato venialiter, quin deliquerit mortaliter, et statim decedat e vita, aut punietur in inferno poena infinita, vel poena temporali, et finita? Primum non potest dici, quia peccato veniali non debetur poena infinita; haec enim taxata est ex divina justitia pro peccato mortali : Ergo necessarium est asserere secundum; quo posito jam dimitetur ibi peccatum veniale soluta poena temporali debita, absque concursu gratiae : Ergo etiam in hac vita poterit similiter solvi, ac remitti peccatum veniale, quin exuat puer peccato originali, in quo illud commisit. Tertio. Per opera extra charitatem facta meretur homo saltem de congruo aliquod bonum temporale : sed remissio peccati venialis est aliquod bonum temporale : Ergo eam ut minimum de congruo poterit mereri homo extra charitatem et Dei gratiam. Quarto, et est ratio præcedentium. Nam licet absque gratia nequeat Deus acceptare hominem ad vitam æternam, et dona omnino ei proportionata : bene tamen ad dona temporalia, et temporaliter remunerabilia, qualis est expiatio peccati venialis, cui solum debetur luctuosa poena temporalis. Quæ motiva, inquit, solum procedunt in statu viæ, securus vero in termino, in quo ratione status nullum peccatum veniale est remissibile nec quoad culpam, nec similiter quoad culpam, nec similiter quoad poenam. Et hac limitatione accessit ex parte ad D. Thomam, et recessit ab Scoto, ut infra videbimus.

Primum
motivum
eliditur.

Hæc tamen fundamenta facile diruuntur, et vindicatur sententia D. Thomæ. Primum dicit S. Doctor quæst. 7, de malo art. 10, ad 6, docens, quod peccatum postquam transil actu, potest manere reali, quem non tollit quælibet mutatio voluntatis, sed solum illa quam Charitas operatur, et constat in peccato mortali. Et ratio est, quia quodlibet peccatum ultra deordinationem ad objectum dissonum inducit offendens Dei vel gravem, vel levem juxta alibi suis propriis locis stabilita. Offensa

autem divina opponitur ejus gratiae, vel ejus fervori, atque ideo absque gratia, vel fervore gratiae nulla earum remitti potest, ut constat ex art. 2, quæstionis præcedentis.

Secundum est penitus arundineum, et minime solidum, ut constat ex S. Doctore 1, 2, quæst. 89, art. 6, ubi solidissime probavit implicare contradictionem peccatum originale conjungi in puer cum solis peccatis venialibus : quia dum primo pervenit ad usum rationis, tenetur se convertere ad Deum ut ultimum finem : quod si faciat, excutiet a se peccatum originale, et in Dei gratia constituetur. Sin minus, peccabit mortaliter ob transgressionem illius gravissimæ obligationis, et sic numquam coniungetur peccatum veniale cum solo originali. De quo accuratius egimus tract. de Peccatis disp. 20, dub. 2, ubi hanc discussimus difficultatem. Quamobrem cessat illa interrogatio ut de subiecto non supponente. Ea tamen utecumque admissa, dicendum est peccatum illud veniale commissum ab illo puer in æternum iri punitum ratione status, in quo nulla est flexibilitas liberi arbitrii ad bonum ratione obstinationis, ut concedit D. Thom. in 2, dist. 42, q. 1, art. 5, ad 7, dicens, *Quod si ponatur per impossibile, tunc talis puniretur pœna sensibili in inferno, et pœna illa esset æterna.* Quod etiam concedit Durandus in peccatis venialibus damnatorum. Sed inde nullum fit argumentum ad venialia hujus status, in quo est flexibilitas liberi arbitrii sub Dei gratia ad bonum ratione consonum cum detestatione oppositi. Stat ergo in inferno nullum veniale dimitti, sed omnia perpetuo puniri per accidentis ratione status illius : et in hac vita absque Dei gratia habituali se exerente in prædictos actus nullum deleri. Quare falsus est Nuno in præs. dub. 4, asserendo probabilius sibi esse peccata venialia in inferno non nisi poena temporali esse punienda, et oppositum esse contra divinam justitiam. Nam ut inquit D. Thomas quæst. 7, de Malo art. 10, ad 5, quod peccatum veniale in æternum puniatur, non est propter majoritatem, (et si velis, condignitatem) culpæ ipsius venialis, sed propter indelebilitem, quæ provenit ex adjuncto statu : perpetuitas namque poenæ consequitur perpetuitatem culpæ, quæ provenit ex carentia gratiae : quia culpa non potest remitti, nisi per gratiam, ut statuerat S. Doctor quæst. 5, de Malo art. 4, ad 10.

Diritti
secun-
dum.

D. Tho-
mas.

Nota
contra
Nugum.

3. Tertium etiam fallit, quia hic non loquimur de qualibet bono temporali, sed de culpa remittenda, et hujus condonatio est quid spirituale et maxime cedens in utilitatem, ac perfectionem animæ. Quare nequit homo absolvî a poena temporaliter luenda, quin supponatur a culpa absolutus, ut docet D. Thomas in 4, dist. 15, q. 4, art. 3, quæstiunc. 5, dicens : *Cum nullus liberetur a pœna, nisi absolutus a culpa, quia effectus non diminuitur; nec tollitur, nisi diminuta; vel ablata causa, ideo per opera extra charitatem facta quæ neque culpam tollere, nec diminuere possunt, pœna inferni* (et eadem est ratio de pena temporali) *militari non potest.* Praeterquam quod meritum de congruo proprie tale supponit gratiam in subiecto respectu ejus apud quem quis de congruo meretur, quo circa fundat aliquod juris genus in præmium, licet illud non sit æquale, ut statuimus tract. de merito disp. 2, dub. unico, ubi meriti de congruo, et de condigno conditiones examinavimus. Opus autem extra charitatem factum habet quidem rationem dispositionis physicæ, sed remotæ, si sit opus supernaturale; nentiquam vero accedit ad rationem meriti de congruo propriæ, sed metaphorico dumtaxat, et improprie. Ideoque nullum sibi vendicat præmium adhuc temporale, quod vere præmium sit. Unde negato supposito, omnia corrunt.

Ad quartum dicimus opera in peccato facta non acceptari a Deo ut remuneranda, aliquo vero præmio aut æterno aut temporali, eo quod non sunt opera amici, sed inimici: nam, ut inquit D. Gregorius lib. 22. Moral. cap. 42 : *Ex dantis corde id quod datur, accipitur, idcirco non Abel ex muneribus, sed ex Abel munera oblata placuerunt: quia ab onnipotente Deo munus ex manu non accipitur, quod corde obligato in malitia profertur.* Et quidem ut quæstione præcedent art. 3, ad 4, inquietabat D. Thomas circa ipsa peccata mortalia, quod esset ridiculum adhuc in humanis petere remissionem unius, et non alterius offendæ; multo magis risu dignus existimari posset, qui nihil curando de gravibus culpis, totus esset in expungendis, ac purgandis venialibus, quarum remissio nihil confert non remissis mortalibus. Esto tamen, ita esset, quod aliquando Deus opera injusti acceptaret ad aliquod præmium temporale, ut intenditur; non illico fieret consequens debere esse ad remissionem

intentam venialium; cum alia, et pœne innumera sint bona temporalia intra ordinem naturæ, ad quæ utpote sensibiliora pronior est hominius voluntas. Unde ergo debet restringi illa acceptatio ad intentam remissionem neutiquam sensibilem homini, cui fieret illud beneficium. Hoc sane divinum est, proinde nulla certa ratione probabile.

4. Absolutior se gessit Scotus in 4, dist. 21, quæst. 1, §. In ista quæstione, docens ex una parte sola solutione pœnæ peccata venialia dimitti, ut jam supra tetigimus; ex alia vero asserens non esse inconveniens pœnam venialis habere terminum in inferno. Cui subscribens Gabriel in 4, dist. 16, q. 5, art. 4, dixit hanc opinionem esse clementiorem, et probabiliorem; quod et asseruit Villalobos in summa tract. 1, diffic. 17, et novissime Delgadillo de Poenit. cap. 7, dub. 2, num. 10 et toto dub. 5. Cujus ratio est : quia si Dei inimico conceditur auxilium supernaturale ad eliciendos actus supernaturales fidei, spei, attritionis, imo et contritionis; nulla esse potest ratio, quare non etiam concedatur auxilium ad actum de se ordinatum ad expellendum veniale affectum, subindeque ad consequendam illius remissionem. Addit vero n. 17, forte veram esse sententiam docentium remissionem venialis non esse opus gratiæ, sed naturæ, vel justitiæ. Juxta quam facilius salvatur fieri posse remissionem venialium absque mortalium condonatione. Præmisérat autem dub. 4, ejusdem capituli n. 15, peccatum veniale, et mortale non differre ex natura rei, solum ex divina misericordia.

Hanc tamen sententiam rejiciunt communiter Theologi, et ut novissime defendit a prædicto Scoti discipulo, improbatibilem judicat Vasquez 1, 2, disp. 442, cap. 1. Gregorius Martinez 1, 2, q. 88, dub. 2, concl. 1, dicit temerariam, Martinez de Prado in præs. dub. 5, intolerabilem appellat, nosque ipsi tract. de Peccatis disp. 19, dub. 1, num. 4; eam rejecimus ut minus consonam Pontificum decretis Pii V et Gregorii XIII, a quibus inter alias proscripta fuit vigesima prima propositio Michaelis Baii, quæ erat hujusmodi : *Nullum est peccatum ex natura sua veniale.* Quæ propositio vera esset, si peccatum veniale ex natura sua non distingueretur a mortali; si quidem nullum ex natura sua esset veniale; consequenterque ex natura sua quodlibet peccatum esset

Scoti senten-
tia.Gabriel.
Villalo-
bos.
Delga-
dillos.Impro-
batur ut
valde
absurda.
Vazquez.
Martinez
Prado.

mortale; non enim datur medium inter veniale, et mortale. Cui si addideris illam aliam propositionem ejusdem Authoris, quod *remissio peccati venialis non est opus gratiae, sed naturae*, palam conficietur remissionem peccati ex natura sua mortalibus non esse opus gratiae, sed solius naturae. Unde rursus fiet remissionem peccati ex natura sua gravis non esse effectum gratiae Dei, sed revocari posse in vires naturales contra expressam definitionem Concilii Trident. sess. 6, de Justificat. can. 1, ubi similis doctrina sub his verbis caveretur: *Si quis dixerit hominem suis operibus, quæ vel per humanæ naturæ, vel per legis doctrinam fiant, absque divina per Jesum Christum gratia posse justificari coram Deo, anathema sit.* Quare Magister Prado censuit hujus Authoris in hac parte doctrinam esse intolerabilem, utpote qua enervantur decreta, et argumenta Conciliorum et Patrum in favorem gratiae contra ejus inimicos, plus justo fautores liberi arbitrii.

5. Nec momenti est ejus ratiocinatio: ex eo enim quod Deus conferat homini in justo auxilia supernatura ad aliquos actus hujus ordinis, consulti quidem suæ providentiae, et nostræ indulget necessitatì, ut ex parte sua non deficiendo, possimus sub illis auxiliis nos utcumque, remote ad gratiam et remissionem præparare, ac disponere. Interim tamen atque non accedit justificatio, sicut non est locus intensioni gratiae, aut ejus fervori, ita nequit intelligi venialium remissio. Licet enim venialia nec quoad fieri, neque quoad excludi dependant a mortalibus, si absolute loquamur: facta tamen suppositione accidentalí illorum existentiæ, non possunt remitti, quin prius ipsa excludantur media infusione gratiae sanctificantis: et hac semel infusa, expeditur subjectum, ut se exerat in actus aut charitatis, aut Poenitentiæ contra venialia: supponitur quippe homo privatus nedum fervore, sed et entitate ipsius gratiae, et nequit erumpere in fervorem, quin prius accipiat entitatem. Ut patet in naturalibus, ubi aer tenebrosus nequit illuminare, quin prius luce perfundatur, et tenebris purgetur, et lignum nequit erui gradus aliquo humiditatis, quin accipiat calorem inducentem siccitatem. Nec obest actus illös esse supernaturales, consequenterque moraliter bonos, et mali-
tiae expertes. Nam hoc quidem regit, sed non sufficit, nisi simul subjectum eliciens sit Deo gratum, et acceptum; non

D. G
goi

enim habet aliquid viriditalis ramus boni operis, si non manet in radice charitatis, ut docet Gregor. hom. 27, in evangelia: *quocirca nec per modum meriti, nec per modum satisfactionis potest conducere ad abstergendam maculam, et compansendam illam qualemcumque offensam peccatorum venialium.*

Unde fallit sententia Scotti ut ab ipso primo edocta in eo quod docet in inferno esse terminum præfixum pœnæ pro venialibus, et in eo quod affirmat in hac vita quin remittantur mortalib, deleri posse venialia. Cujus oppositum quoad utramque partem constat ex doctrina Patrum, et ratione D. Thomæ jam explicata. Unde nec clementior, nec probabilior censi debet ejus opinio, ut asserebat Gabriel, utpote quæ adversatur justitiae divinae ex illa parte, qua docet esse terminum præfixum remissioni in illo statu, in quo nulla est redemptio, et consequenter nulla remissio. Recedit etiam a Patrum sententiis ex eo capite, quo affirmat non esse opus gratia Dei pro diluendis ejus offensis. Ac tandem contradicit recte rationi, quo probatur fervorem charitatis quo privant venialia, restituì non posse non restituta ipsa charitate quoad substantiam.

6. Superest tamen endonda difficultas Remissi-
venia-
lium in
Purgato-
rio.
de remissione venialium in Purgatorio, ubi non est locus aut merito, aut satisfactioni proprie talibus. In qua difficultate supponi debet ut omnino certum hominem e vita migrare posse cum peccatis venialibus, non solum quoad reatum pœnæ temporalis ibi purgandæ, sed etiam quoad culpam, seu maculam, et offensam. Ratio suppositionis est clara: quia peccatum veniale quoad omnes illas rationes est compatibile cum intensa gratia, et cum perfecta contritione omnium delictorum gravium, quin ex vi hujus detestetur homo aliqua, vel pluria venialia, quibus officiatur ad bona temporalia. Sed si homo decederet in hac dispositione, abs dubio migraret ex hac vita cum peccatis venialibus, solitus quoad culpam saltem a mortalibus. Ergo cum hoc possibile sit, possibile etiam erit secum deferre hominem peccata venialia, in Purgatorio quoad culpam diluenda. Unde D. Thomas quæst. 7, de Malo art. 14, ubi hanc versavit difficultatem, inquit: *Quandoque contingit, quod aliqui in ipsis actibus peccatorum venialium, vel in proposito venialiter peccandi, occupantur somno, vel aliqua passione auferente usum rationis, et præveniuntur*

præveniuntur morte, antequam possint habere usum rationis. Quibus manifestum est, quod in hac vita peccata venialia non dimittuntur; et tamen propterea non impediuntur perpetuo a vita æterna, ad quam nullo modo pervenient, nisi omnino immunes ab omni culpa effecti. Et ideo oportet dicere, quod venialia remittuntur eis post hanc vitam, etiam quantum ad culpam.

7. Quare audiendi non sunt Alensis in 4, p. q. 12, memb. 4, art. 8. Major in 4, dist. 21, quæst. 3, et si qui sunt alii, docentes neutiquam contingere posse, ut quis cum venialibus decedat, ratione gratiæ finalis in fine vitæ homini collatæ, quæ quia perfectior, superat concupiscentiam, et omnes vires animæ perfecte subjicit rationi; ideoque non admitti aliquod peccatum veniale in illo ultimo instanti. Casu tamen, quod venialia usque ad illud perseverent, in ipsomet instanti continuativo hujus vitæ cum futura, quod est instans utriusque vitæ, remittenda erunt juxta doctrinam sanctorum Augustini, et Gregorii asserentium non esse sperandam culpæ remissionem in alia vita, in qua non est tempus merendi.

Hi inquam, audiri non debent, sed eorum opinionem frivolam dicit D. Thomas in 4, dist. 21, quæst. 1, art. 3, et in se, et in sua causa. In se quidem, quia dictis Sanctorum et Evangelii adversatur, cuius dicta non possunt exponi de remissione venialium quantum ad pœnam, quia sic tam gravia, quam levia in futuro dimittuntur. Gregorius autem leves culpas tantum post hanc vitam remitti perhibet: *Quantum ad causam autem frivola appareat.* Tum quia defectus corporalis qualis est in ultimo vitæ, non auferit concupiscentiæ corruptionem, vel eam quantum ad radicem diminuit, sed solum quoad actum, ut accidit illis, qui graviter infirmantur, in quibus est concupiscentia, se absque actu. Tum etiam, quia defectus ille non sedat potentias animæ, aut eas gratiae specialiter subjicit: siquidem potentiarum subjectio ad gratiam fit per obedientiam inferiorum virium ad superiorum juxta præscriptum divinæ legis, cui omnes vires conformari debent. Quod tamen in illo statu non est, ubi deficiunt actus utrarumque virium. Tum deinde: quia alia est tranquillitas positiva, alia negativa, quæ coincidit cum carentia pugnæ. Prima postulat insignem gratiam, et subjectionem passionum insurgentium; secunda vero importat nudam

carentiam actus, qualem reperire est in dormientibus, quin propterea somnus dicitur domare passiones. Et haec secunda est, quam solam illa sententia probare potest, non vero primam, quandoquidem gratia illa finalis ejusdem rationis est cum præcedenti, et solum importat continuationem usque ad illud instans. Continuatio autem ejusdem gratiæ non sufficit ad tolleanda venialia, imo nec ejus augmentum habituale, ut constat ex supra dictis. Unde sive augeretur, sive continuetur; inepte assignatur causa remissionis venialium. Tum denique, et est ratio præcedentium: nam dato ita frænare, ac compescere concupiscentias; adhuc non sufficeret ad excludendum affectum venialium, sed dum taxat ad vitandum, ne alia committerentur; nam affectus peccati venialis non tollitur nisi per actum, quo voluntas erumpat in ejus detestationem aut formalem, aut virtualem. Præterquam quod non occurritur exemplo dormientis in gratia cum aliquo peccato veniali qui in ipso somno morte corripiatur, absque ullo actu aut contritionis, aut detestationis. Quare post D. Thomam prædictam sententiam refellunt omnes alii Theologi, ex quibus Suarez. Vasquez. Vazquez.

8. Nec est minus frivolum, quin absurdius, quod addit Alensis 4, p. q. 12, memb. 4, art. 8, esse gravem contemptum, et mortale peccatum, quod quis in morte sit affectus ad peccatum veniale. Unde casu, quo quis dormiens decedat cum veniali, cuius nec in speciali, nec in generali ipsum non pœnituit, ratione contemptus illud veniale factum est lethale, ut etiam affirmat ibi q. 15, memb. 3, art. 3 z. 2.

Quod impugnans D. Thomas ubi supra inquit: *Non potest dici, ut dicunt, quod si non pœnituit actu, vel proposito generali, vel speciali, quod sit versum in mortale, propter hoc quod veniale sit mortale, dum placet: quia non quælibet placentia veniales facit peccatum mortale, alias omne veniale esset mortale quia quodlibet veniale placet, cum sit voluntarium.* Unde non quælibet complacentia in peccato sufficit ad inducendam culpam mortalem, sed illa dum taxat, quæ importat deordinationem contra ultimum finem, ratione cujus utimur fruendis, et fruimur utendis assumendo media pro fine ultimo, et e contra, ut est

Absur-
dior sen-
tentia.

Impu-
gnata a
D.Thom.

doctrina Theologorum tradita a D. Augustino lib. de Doctrina Christiana cap. 3. Nec similiter quaelibet advertentia ad peccatum veniale absque ejus detestatione importat contemptum gravem Dei, alioqui in nullo peccato veniali desiceret talis contemptus; sed ulterius requiritur ut sit contemptus vel formalis, vel interpretatus ipsius Dei, quod præferatur creatura creatori, et in ea constituantur exercite ratio ultimi finis. Quod non contingit in eo qui sciens, et volens dormitum sit in peccato veniali. Imo contingere potest (inquit D. Thomas) ut post commissum veniale nihil actualiter cogitet de peccato illo aut tenendo, aut dimittendo, sed alio distractus cogitat forte quod triangulus habet tres angulos æquales duobus rectis, et in hac cogitatione obdormiat, et moriatur, in quo eventu nec levissimum est vestigium aliquujus contemptus, ob quem peccatum illud de se veniale verti possit in morale. Unde patet (concludit D. Thomas) quod hæc opinio omnino irrationalis est. Quapropter necessarium est asserere aliqua venialia solvi quoad culpam in Purgatorio, ne dicatur irremissa manere, et quod perpetuo impedimento sint introitus in regnum cælorum, in quod nihil intrare potest, coinqutum.

Veta
D. Thom.
sententia
de modo,
quo
venialia
exclu-
dantur
quantum
ad
culpam
in Pur-
gatorio.

9. Qua veritate supposita, superest explicare, qualiter id fieri potest, cum ibi non sit ratio meriti, aut satisfactionis, quarum alterutra tantummodo fieri debet remissio. Id præstitit D. Thomas quæst. 7, de Malo art. 11. Et ideo oportet dicere quod venialia dimittuntur eis post hanc vitam quantum ad culpam, eo modo quo remilluntur in hac vita commissa. Ubi recurrat ad actum charitatis, in quo se explicat gratia pro illis excludendis. Ut vero occurreret rationis dubitandi quod ibi jam non sit locus merito, aut satisfactioni, subdidit: Quia tamen post hanc vitam non est status merendi, ille dilectionis motus in eis tollit quidem impedimentum venialis culpæ, non tamen meretur absolutionem, vel diminutionem pœnæ sicut in hac vita. Quod est dicere, per prædictum actum nihil hominem mereri ob ipsam rationem dubitandi, quia videlicet cessavit status viæ, subindeque meriti; et ideo prædictus actus solum se habet per modum removentis physice prohibens in illo statu, ut expresse affirmat sol. ad 1 et 2, respectu culpæ, quæ est impedimentum, toto pœnæ reatu solvendo permanente; cum tamen si illemet actus

fieret, aut factus fuisset in statu viæ, non solum amovisset impedimentum culpæ in eitorie, sed et satisfactorie consecutus etiam fuisset vel diminutionem, vel totalem remissionem pœnæ, si fuisset intensus. Unde apparet alia differentia, quam tangit S. Doctor ad 5. Nam remissio peccati venialis in via adepta conductit per se ad augmentum gratiæ, et gloriæ saltem moraliter suo tempore conferendæ, ut constat ex dictis art. præc. At vero remissio peccati venialis ibi facta non facit ad majorem profectum spiritualis boni, nisi solum per accidens, scilicet quantum ad remotionem impedimenti. Et quia impedimentum est incompossibile cum ipso removente, idcirco ille actus dicitur excludere maculam venialem per modum formæ, vel quasi formæ incompossibilis, et totus reatus pœnæ exolvendus, et purgandus manet igne Purgatorii. Quæ est sententia communis non solum apud discipulos D. Thomæ, sed etiam apud alios, ut videre est in Vasquez art. 1, dub. 2, a num. 10. Vasquez
Coninch. disp. 2, dub. 27. Lugo disp. 9, Coninch. Lugo.
Suzarez sect. 2, num. 36, licet dissentire videatur Suzarez disp. 11, sect. 4, num. 14. Sed solum est differentia quoad modum loquendi, quæ non multum refert: sive enim hoc, sive illo modo explicitur, nullus est qui non doceat necessarium esse actum charitatis, quo voluntas se extricet, et expedit ab illo obice peccati venialis, in quo vim semper posuit D. Thomas; ideoque constanter asseruit in illo statu se habere actum prædictum ut removens prohibens. Et art. 2, hujus quæst. sol. ad 3, maculam peccati venialis non aliter explicuit, aut explicandam censuit, quam per inductionem aliquujus impedientis decorum, puta luti, aut pulveris, quod impedimentum tollitur per illum actum, ut tollitur umbra per motionem corporis interpositi. Et hunc sensum quia expressum D. Thomæ, et propriorem aliis tenendum censemus. Unde si alicui S. Doctor aliquod genus meriti accidentalis animabus Purgatorii detulit ad remissionem venialium, ut attribuisse constat in 4, dist. 21, q. 1, art. 3 ad 4, intelligendus est de merito improprie, et secundum quid, quatenus importat assecutionem rei, quæ intenditur, non vero, quatenus est motus tendentis in finem media alterius voluntate, quem allucere curat quo pacto importat statum viæ, ut explicuimus tract. de Merito disp. 4, dub. 4.

objec- 10. Sed objicies. Ille actus charitatis, ad quem recursus est cum D. Thoma, vel eliceretur in ipsomet separationis momento, vel decursu temporis, quo anima detinetur in Purgatorio. Neutrum est dicendum: ergo falsum est assertum D. Thomae. Probatur Minor quoad secundam partem: quia toto illo tempore non unicum, sed plures charitatis actus potest elicere anima, et non est major ratio, quare unus praे alii hunc tribuat effectum. Et si recurratur ad illorum omnium collectionem, rejicitur eadem facilitate, qua dicitur; tum quia unus sufficit ad omnia venialia simul expellenda; tum quia non est major omnium ratio, quam unius tantummodo. Unde suadetur prima Minoris pars: quia non est etiam ratio, quare in illo solo instanti tenetur elicere prædictum actum, et non in aliis.

Sunt, qui hac objectione moti doceant elici unicum actum ante instans separationis animæ a corpore, quo omnia venialia quoad culpam deleantur, quod satis probabile dicit D. Thomas in corpore illius articuli undecimi, in iis, qui cum usu rationis ex hac vita recesserunt, *Non enim est probabile* (inquit S. Doctor) *quod aliquis in charitate existens, et cognoscens sibi mortem imminere, non moveatur motu charitatis, et in Deum, et contra omnia peccata, quæ fecit, etiam venialia.* Sed quia hac solutione non occurrit rationi factæ de insomino morte correpto et ultra hoc talis actus pertinet ad statum viæ ante separationem animæ, rejicitur illa solutio ut minus doctrinalis. Qua etiam ratione amandatur, qui dixerit in vi præcedentium meritorum erumpere hominem in actum ferventissimum, contra omnia venialia. Hoc enim esset dicere non remitti in Purgatorio, sed in hac vita, ad quam pertinet ille actus. Præterquam quod illa meritorum coacervatio in illo instanti deserviret quidem ad erumpendum in actum ferventissimum quo augeatur gratia in ordine ad gloriam non solum moraliter, sed etiam physice, ut supra explicuimus: non tamen importat speciale repugnantiam in illo instanti, cum peccatis venialibus, quam non habuissest decursu vitæ dum primo eliciebantur divisim: ergo hac via non satis occurrit objectioni factæ, qua extorquetur actus, quo in ipso Purgatorio post animæ separationem deleantur venialia.

11. Quapropter his, et aliis similibus dicendi modis prætermisis, Magister Soto

in 4, dist. 15, q. 2, art. 2, § *Hoc tamen, vero similius dicendum fuit ratus, quod per actum Charitatis, et patientia continua- tum illo tempore, quo veniale punitur, remittitur culpa: nam est actus Deo placens, et ad remissionem accommodatissimus.* Quo indicasse videtur tandem protrahi remissionem culpæ venialis, quandiu veniale punitur in Purgatorio quoad pœnam. Quod tamen non satis consonat D. Thomæ quæst. et art. citatis de Malo, ubi solut. ad 9, distinguit S. Doctor remissionem venialis quoad culpam, et quoad pœnam, et de illa docet remitti per actum charitatis in illis verbis. *Remittitur ergo in Purgatorio veniale quantum ad culpam virtute gratiae, pro ut erit in actum charitatis delestans veniale peccatum.* Et de hac ipsa culpa affirmat, quod non remittitur per pœnam, nec secundum quod actu sustinetur, quia non est meritoria, neque secundum quod recognoscitur. De hac vero, scilicet pœna, affirmat, quod remittatur in Purgatorio quantum est ex parte Purgatorii, quia homo patiente exolvit, quod debet. Nam ergo ex mente D. Thomæ tamdiu protrahitur remissio culpæ, quandiu durat sustinentia pœnae. Et ratio suadet: quia vel ille actus ut primo elicitus sufficit ad excludendam maculam veniale, manente reatu ad poenam, vel non? si sufficiat: ergo tunc primo deletur macula, et solum remanet luenda poena media sustinentia Purgatorii. Si non sufficiat, nec etiam continuatus valebit, cum sit ejusdem prorsus rationis. Præterquam quod pœna paulatim solvit, ac diminuitur; culpa vero cum sit indivisibilis instantaneæ debet averti: non ergo per actum charitatis ut continuatum toto tempore, quo veniale punitur, debet remitti, sed instantaneæ.

12. Hac ergo solutione omissa, vel ad sequentem redacta, respondeatur ad objectionem cum aliis discipulis D. Thomæ in ipsomet ingressu Purgatorii, seu quod idem est, in ipsomet momento separationis animæ a corpore, in quo verum est dicere, *nunc non est in corpore, et immediate antea erat*, elici actum charitatis, et detestationis omnium venialium, vel si mavis etiam Pœnitentiæ, et contritionis, quo omnia quoad maculam repelluntur, et solus remanet totus poenæ reatus deinceps purgandus, et exolvendus. Et ratio est: quoniam anima statim ac egressa a corpore, cognoscit suum statum; ac detestationem omnium impedientium, ac retar-

Non
approba-
tur.

liquo-
rum
pon-
sio.

Thom.

Non
ridet.

spon-
det
suo.

Legitima
ad objec-
tionem
respon-
sio.

dantium a Dei fruptione, quam ratione charitatis ardentissime exoptat. Aliunde vero non est deinceps obtentura plus gratiae, et charitatis, cum evidenter sciat se esse in termino. Ergo si aliquando eruptura est in prædictum actum, maxime in illo instanti, in quo primo incipit experiri obstaculum peccatorum venialium, ne Deo immediate fruatur. Quem discursum approbasse videtur D. Thomas articulo sœpe citato de Malo contra se ita objiciens decimum sextum argumentum : *Quando est aliquid magnum bonum, quod differtur, et magnum malum, quod imminet, excitatur intensus desiderium ad consequendum bonum, et evadendum malum. Sed animæ separatz, quæ est Purgatorio obnoxia, imminet magnum malum, scilicet acerba Purgatorii pœna, et differtur a maximo bono sperato, scilicet a vita æterna. Ergo statim excitatur in ea fervens desiderium. Cum itaque S. Doctor ita contra se objecisset ad probandum in Purgatorio non remitti venialia ita respondebat : Ac decimum sextum dicendum est quod illa ratio non concludit quod peccatum veniale in Purgatorio non remittatur (et quoad hoc male adducitur) sed quod statim ibi remittatur, et hoc satis videtur probabile.* Et quoad hoc tenet discursus ille.

Replica. Sed dices : si actus ille valet ad abluendam maculam, similiter valebit ad remissionem pœnæ, cum utriusque eadem sit ratio : hoc autem est falsum ; alioquin citissime imo instantanee, redderetur anima immunis ab omni pœna Purgatorii ; ergo non est ratio asserendi predictos actus sufficere ad expulsionem maculae.

Ditutio. Respondebat distinguendo Majorem : si valet per modum meriti, concedo Majorem, et per modum removentis prohibens, et incompossibiliter physice se habentis, nego Majorem, et sub eadem Minoris distinc-

tione neganda est Consequentia. Ratio distinctionis sumitur ex verbis supra allegatis ex D. Thoma art. 11, in fine corporis articuli : *quia tamen post hanc vitam non est status merendi, ille dilectionis motus in eis tollit quidem impedimentum venialis culpæ; non tamen meretur absolutionem, vel diminutionem pœnæ, sicut in hac vita.* Ex quo constat prædictum actum ut removens prohibens avellere maculam, et cum ea esse incompossibilem physice, moraliter, ob retractationem prioris voluntatis, quam secum importat. Hanc vero oppositionem non exercet circa pœnam, quæ ibi non tollitur exercitio gratia; et ideo sufficit ad abstergendam maculam, et non valet eximere a luenda pœna. Cujus oppositum haberet, ut supra dicebamus, ille met actus, si exerceceretur in statu viæ, in quo et dilueret maculam, et minueret, vel totaliter amovere posset reatum pœnæ. Ideoque ipsem D. Thomas solutione ad 2, docet in illo statu neutiquam esse posse immutationem essentialem voluntatis, scilicet quantum ad finem, vel quantum ad charitatem, vel gratiam, ob defecatum meriti, satisfactionis, aut demeriti ; *potest tamen esse aliqua accidentalis immutatio per remotionem impedimenti : nam removens prohibens est movens per accidens, ut dicitur in octavo Physicor.* Porro reatum pœnæ temporalis cohærere cum gratia, et intentissimis charitatis actibus illius status, subindeque illis non excludi posse, constat in reatu pœnæ temporalis pro peccatis gravibus in hac vita remissis, et eadem est ratio de pœna debita peccatis venialibus quoad pœnam, non vero quoad culpam ; hæc enim protinus ac eliciuntur actus charitatis, excluditur, ut constat ex dictis.

Idem.

QUÆSTIO LXXXVIII

De reditu peccatorum per Pœnitentiam dimissoriuum in quatuor articulos divisa.

Deinde considerandum est de reditu peccatorum per Pœnitentiam dimissorum.

ARTICULUS I.

Utrum peccata dimissa redeant per sequens peccatum?

Ad primum sic proceditur. Videtur, quod peccata dimissa redeant per sequens peccatum. Dicit enim Au-

gustinus in libro de Baptismo : Redire dimissa peccata, ubi fraterna charitas non est, apertissime Dominus in Evangelio docet in illo servo, a quo dimissum debitum Dominus repetit, eo quod ille conservo suo debitum nollet dimittere. Sed fraterna charitas tollitur per quodlibet peccatum mortale. Ergo per quodlibet sequens mortale peccatum, redeant peccata prius per pœnitentiam dimissa.

Præterea. Super ilud Lucæ 11 : Revertar in domum meam unde exivi, dicit Beda : Timendum est iste versiculos,

Siculus, non exponendus, ne culpa, quam in nobis extinctum credebas, per incuriam nos vacantes opprimat. Hoc autem non esset nisi rediret. Ergo culpa per pœnitentiam dimissa redit.

Præterea. Ezech. 18 : Dominus dicit : Si averterit se justus a iustitia sua et fecerit iniqualitatem, omnes iustitiae ejus, quas fecerat, non recordabuntur. Sed inter alias iustitas quas fecit, etiam præcedens pœnitentiam continetur, cum supra dictum sit pœnitentiam esse partem iustitiae. Ergo postquam pœnitentes peccat, non imputatur ei præcedens pœnitentia, per quam consecutus est veniam peccatorum. Redeunt ergo illa peccata.

Præterea. Peccata præterita per gratiam teguntur, ut patet per Apostolum Roman. 4, inducentem illud Psalmista 31 : Beati quorum remissae sunt iniqualitates, et quorum tecta sunt peccata. Sed per peccatum mortale sequens gratia tollitur. Ergo peccata quæ fuerant prius commissa, remanent detecta. Et ita videtur quod redeant.

Sed contra est, quod Apostolus dicit Roman. 11 : Sine pœnitentia sunt dona et vocatio Dei. Sed peccata pœnitentis sunt dimissa per donum Dei. Ergo per peccatum sequens non redeunt dimissa peccata, quasi Deus de domo remissionis pœnitentia.

Præterea. Augustinus dicit in lib. responsionum Prosperi : Qui recedit a Christo, et alienus a gratia, finit hanc vitam, quid nisi in perditionem vadit? Sed non in id, quod remissum est, recedit, nec pro originali peccato damnabitur.

Respondeo dicendo, quod sicut supra dictum est in peccato mortali sunt duo, scilicet aversio a Deo, et conversio ad bonum creatum. Quidquid autem est ex parte aversionis in peccato mortali, secundum se consideratum est commune omnibus peccatis mortalibus : quia per quodlibet peccatum mortale homo avertitur a Deo. Unde et per consequens macula, quæ est per privationem gratiæ, et reatus pœnæ æternæ, communia sunt omnibus peccatis mortalibus. Et secundum hoc intelligitur id quod dicitur Jacob. 3 : Qui offendit in uno, factus est omnium reus. Sed ex parte conversionis, peccata mortalia sunt diversa, et interdum contraria. Unde manifestum est, quod ex parte conversionis, peccatum mortale sequens non facit redire peccata mortalia prius aboluta : alioquin sequeretur, quod homo per peccatum prodigalitatis reduceretur in habitum vel dispositionem avaritiae prius abolutæ. Et sic contrarium esset causa sui contrarii : quod est impossibile. Sed considerando in peccatis mortalibus id, quod est ex parte aversionis absolute, per peccatum mortale sequens redit illud quod fuerat in prioribus peccatis ante dimissionem, in quantum per peccatum mortale sequens, homo privatur gratia, et si reus pœna æternæ, sicut et prius erat. Verum quia aversio in peccato mortali, ex conversione quodammodo causatur, recipiunt ea quæ sunt ex parte aversionis quodammodo diversitatem per comparationem ad diversas conversiones sicut ad diversas causas : ita quod sit alia aversio, et alia macula, et aliis reatus, prout consurxit ex alio actu peccati mortalis. Et hoc modo in quæstionem vertitur, utrum macula et reatus pœna æternæ secundum quod causabantur ex actibus peccatorum prius dimissorum, redeant per peccatum mortale sequens. Quibusdam igitur visum est, quod simpliciter etiam hoc modo redeant. Sed hoc non potest esse : quia opus Dei per opus hominis irritari non potest. Remissio autem peccatorum priorum, fuit opus divinae misericordiae. Unde non potest irritari per sequens peccatum hominis, secundum illud Roman. 3 : Nunquid incredulitas illorum fidem Dei evanescavit : Et ideo alii ponentes peccata redire, dixerunt, quod Deus non remittit peccata pœnitenti postmodum peccatum, secundum præscientiam, sed solum secundum præsentem iustitiam ; præscit enim se pro his peccatis eum æternaliter puniatur, et lamen per gratiam facit eum præsentialiter justum. Sed nec hoc stare potest : quia si causa absolute ponatur, et effectus ponitur absolute. Si igitur non absolute fieret per gratiam, et gratiæ Sacramenta, peccatorum remissio, sed cum quadam conditione in futurum dependent, sequeretur quod gratia et gratiæ Sacramenta, non essent sufficiens causa remissionis peccatorum. Quod est erroneum : utpote derogans gratiæ Dei. Et ideo nullo modo potest esse, quod macula et reatus præcedentium peccatorum, redeant secundum quod ex talibus actibus causabantur. Contingit autem, quod sequens actus peccati, virtualiter continet reatum prioris peccati, in quantum, scilicet, aliquis homo secundo peccans, ex hoc ipso videtur gravius peccare quam prius peccaverat : secundum illud Roman. 2 : Secundum duri-

tiam tuam, et impenitentis cor thesaurizas tibi iram in die iræ, et hoc, scilicet, solo, quod contemnitur Dei bonitas quæ ad pœnitentiam expectat. Multo autem magis contemnitur Dei bonitas, si post remissionem prioris peccati, secundo peccatum iteretur : i quanto maius est beneficium peccatum remittere, quam peccatorum sestinere. Sic igitur per peccatum sequens pœnitentium, redit quodammodo reatus peccatorum prius dimissorum, non inquantum causabatur ex illis peccatis prius dimissis, sed inquantum causabatur ex peccato ultimo perpetrato, quod aggravatur ex peccatis prioribus. Et hoc non est peccata dimissa redire simpliciter, sed redire secundum quid, inquantum scilicet virtualiter in peccato sequenti continetur.

Ad primum ergo dicendum quod illud verbum Augustini, videtur esse intelligentium de redditu peccatorum, quantum ad reatum pœnæ aeternæ in se consideratum : quia scilicet post pœnitentiam peccans, incurrit reatum pœnæ aeternæ, sicut et prius, non tamen omnino propter eandem rationem. Unde Augustini, in lib. de responsionibus Prosperi, cum dixisset, quod non id quod remissum est reddit, nec pro originali peccato damnabitur : subdit, qui tamen propter po-trema crimina ea morte afflicterat, que ei propter illa quæ remissa sunt, debebatur : quia scilicet incurrit mortem aeternam, quam meruerat per peccata prætorita.

Ad secundum dicendum, quod in illis verbis non intendit dicere Beda, quod culpa prius dimissa hominem opprimat per redditum reatus præteriti : sed per iterationem actus.

Ad tertium dicendum, quod per sequens peccatum, iustitiae priores obliuioni traduntur, inquantum erant meritoria vita aeterna : non tamen inquantum erant imputativa peccati. Unde si aliquis peccet mortaliter, postquam restituit debitum, noui efficiunt reus, quasi debitum non reddidisset. Et multo minus traditur obliuioni pœnitentia prius acta, quantum ad remissionem culpe, cum remissio culpe magis sit opus Dei, quam hominis.

Ad quartum dicendum, quod gratia simpliciter tollit maculam et reatum pœna æternæ. Tegit autem actus peccati præteritos, ne scilicet propter eos Deus hominem gratia privet, et reum habeat pœna æternæ. Et quod gratia semel fecit, perpetuo manet.

Conclusio : Peccata semel dimissa absolute, et simpliciter non redeunt per subsequens peccatum; bene tamen secundum quid.

ELUCIDATIO ARTICULI.

1. Hanc considerationem absolvit S. Doctor quatuor articulis deservientibus ad perfectam explicationem quæstionum præcedentium. Cum enim relinquaret ostensum remissionem peccatorum sive gravium, sive levium esse effectum Pœnitentia, ad undeque plenam hujus rei tractationem explicanda supererat hujuscemodi remissionis efficacia, ita ut peccata semel remissa penitus extinguerentur, et abolerentur, quin aliquatenus forent recidiva, aut regerminarent : vel adhuc semel facta remissione, aut absolute, aut aliquomodo redire possent. Quod examinandum, ac decidendum in hac quæstione suscepit D. Thomas. Et quia ad Pœnitentiam etiam pertinet reparare gratiam, et virtutes, quæstiōne sequenti reservavit agere de reparatione virtutum, et meritorum, quæ peccatis fuerant interclusa. Quibus expletis absolutissimam ex omni capite reliquit S. Doctor materiam virtutis Pœnitentia. Quod reliquum erat Nota.

de illius partibus in particulari, quæ illi competunt sub ratione Sacramenti simili-
ter expleturus, si morte non præveniretur. Ad eorum vero, quæ hic docet, elucidatio-
nem, novam deobligamur aperire disputa-
tionem, tum quia non admodum ardua,
aut controversa inter catholicos: tum quia,
quæ difficultatem ingerere possent circa
reviviscentiam meritorum decisa manent
tract. de Merito, ubi specialem disputatio-
nem, quæ fuit ultima illius tractatus, in
eo insumpsumus: circa reviviscentiam
vero, ut sic loquamur, peccatorum vix est
inter catholicos controversia, quæ sit mo-
menti. Inquirit ergo quatuor D. Thomas.

Presup-
ponen-
dum cum
D. Thom.

2. Primum omnium ob oculos habenda
est articuli doctrina, ubi docet S. Doctor,
quod licet omnia peccata gravia convenient
ex parte aversionis; hæc tamē aversio
variatur, et multiplicatur juxta diversita-
tem conversionum, ex quibus causatur;
quocirca alia est formaliter aversio inducta
per homicidium, quam quæ inducitur per
adulterium, etc. eo quod privatio non solum
respicit formam, qua privat, sed etiam
causam ipsius. Juxta quam doctrinam tract.
de justificat. statuimus peccata habitualia
specie distingui, quantumvis omnia conve-
niant in eo, quod sint privatio voluntaria
gratiæ, in eaque peccati habitualis essen-
tiam consistere dixerimus. Verum quippe
vero consonat, et illa doctrina præsenti ro-
boratur, et stabilitur.

Falsa
Vazquii
suspicio.

Circa resolutionem vero articuli totus fuit
Vazquez in referendo, expendendo, et enu-
cleando varia Patrum testimonia ex adverso
specie tenus militantia, et post illa hinc
inde librata dub. unico super hunc art. num.
41. 2 Ad Patrum, tandem sententiam tulit
sequentibus verbis: *Ad Patrum testimonia,*
si verum fateor, suspicor in ea illos fuisse
sententia, quam et secutus est Præpositus.

Præpo-
nit
Senten-
tia
propria,
rejecta a
D.Thom.

Quæ suspicio si vera esset, resolutio D.
Thom. foret contra Sanctos Patres, eosque
impugnasset D. Thomas in 4. dist. 22.
quæst. 1, Ubi explicat S. Doctor aduersam
sententiam dicens: *Quidam simpliciter hoc*
concesserunt in omni, qui patitur recidivum.
Nec fuit intentio eorum dicere, quod actus ille
peccati idem numero revocaretur, vel eadem
numero macula, quæ prius ablata fuerat per
Pœnitentiam: quid quod omnino in nihilum
decidit, idem numero resumi non potest. Sed
ita quod sicut per peccata commissa aliquis im-
pediebat ante peractam pœnitentiam de eis,
ne gratiam a Deo recipere: ita eidem impe-

peccatum mortale, quo recidivat. Sic enim di-
citur peccatum mortale quantum ad culpam
manere, in quantum ex actu, qui jam præte-
riit, impeditur aliquis a gratiæ receptione, si
cui a quodam obstaculo posito inter Deum, et
animam, remitti autem quoad culpam, quando
ratione actuum præteriorum aliquis, gratia
non privatur. A qua sententia fuisse Præ-
positivum, quam D. Bonaventura ibidem
allegavit et sub titulo Magni clerici celebra-
vit; constat; quippe qui asserebat, quod li-
cet non per quodlibet generatim peccatum
homo esset recidivus, ut alii contendebant;
bene tamen per quatuor illa genera com-
prehensa in hoc disticho:

Fratres odit, Apostata fit, spernitque fatéri,
Pœnituisse piget, pristina culpa redit.

Qua relata sententia, eam impugnat uni-
versaliter D. Thomas, subjungens: *Sed hæc*
opinio non potest stare: quia ad causandum
tenebras utrumque duorum per se sufficit
scilicet indispositio recipientis, et interpositio
obstaculi. Unde si tenebras debeat amoveri,
oportet, et indispositionem tolli, et obstaculum
moveri. Et ita Pœnitentia, quæ tenebras
peccatorum tollebat, non solum removebat indis-
positionem, sed etiam removebat obstaculum
præcedentis. Non quidem ita, quod actus ille
non præcesserit; sed quod non haberet vim
impediendi gratiam actus præcedens. Quæ quidem
vis prædicto actui restitui non potest, nisi
iteretur, quod est impossibile. Et ideo non po-
test dici quod prædicto modo peccata quoad
maculam redeunt. Ubi satis clare S. Doctor
omni peccato remisso denegavit vim, qua
potiebatur ante remissionem, ad impedien-
dam gratiam, sed hoc opus esset docet, ut
illudmet peccatum numero, quod est impossi-
ble. Quæ ratio non solum probat contra illos,
qui universaliter illum tuebantur senten-
tiam sed etiam contra Præpositivum mag-
num illum Clericum asserentem odio
fraterno, apostasia a fide, confessionis con-
temptu, et retractatione Pœnitentiae dum-
taxat pristinam culpam redire. Quare si
sententia Præpositivi, ut suspicabatur Vaz-
quez, eadem fuisse cum Patrum sententia;
liquido inferendum esset sententiam D.
Thomæ e diametro pugnare cum sententia
nedum Præpositivi, sed et Sanctorum Pa-
trum. Quod si forsitan Vazquez non dispi-
cebit, aliis displicebit et S. Doctori ummo
studio sententias Patrum revolventi, persi-
crutanti, et enucleanti, displicebit et veri-
tati, juxta quam nullus Sanctorum Patrum
oppositum docuit; sed si aliquando in eam
partem

Refell-
dus
Vazquez
axens
contra
D.Thom.

partem inclinasse videantur, eos ad sanum sensum reduxit S. Doctor tum ibi, tum in hoc 1 art. in solutionibus argumentorum, ubi exponit Augustinum et Bedam clarius loquentes pro adversa opinione.

Conclu-
sio.
D.Thom.

Urgens
illius
fundamen-
tum.

Alia
ratio.

3. Porro D. Augustinum stare pro sententia D. Thomae perspicuum fit ex testimonio allegato a D. Thoma ex lib. Responsionum Prosperi ad objectiones Gallicorum cap. 2, ubi docuit S. Docto neutiquam hominem damnandum propter originale semel dimisum, sed solum ob alia deinceps commissa, ob quæ meretur infernum, sed longe alio diverso titulo: Unde Gelasius Papa cap. Si illic 23, quæst. 4, inquiebat: *Divina clementia dimissa peccata in ultiōnem alterius redire non patitur*, et Benedictus XII Extravaganti inter cunctas statuit, *absurdum esse, ut quis peccata per Pænitentiam dimissa rursus debeat confiteri, et ut debitor liberalis adhuc maneat ad solvendum obligatus*. Si autem ita redirent, ut illa sententia docebat, abs dubio teneretur homo illa Sacramento absolvenda, et iterum remittenda exponere. Quod ut absurdum reprobavit Pontifex. Maneat ergo sententiam D. Thomæ esse ipsam Sanctorum Patrum, ac Pontificum doctrinam et Præpositivum in hac parte illorum mentem nec calluisse, nec attigisse. Et ratio est evidens pro doctrina D. Thomæ: nam quod est tam physice, quam moraliter extinctum, nequit esse recidivm, quin physice, vel moraliter revirescat ad proprium effectum, ut videtur per se notum; sed peccatum remissum fuit extinctum tam physice, quam moraliter: ergo nequit revirescere ad proprium effectum. Minor probatur, quia peccatum semel remisum non manet in se ut constat, nec in abominatione divina utpote que non componitur cum remissione, et gratia Dei; alias supponitur retractatus, et involuntarius redditus per ipsam retractationem; ergo non manet physice, aut moraliter, sed utroque modo fuit extinctum: atque ideo nequit denuo recrudescere, quin iteretur, et aliud numero distinctum committatur; quod est admittere novum peccatum, sed non quod jam commissum, et deletum redeat.

4. Deinde probatur ratione articuli, qua penitus illa sententia diruitur. Eatenus peccata redirent per subsequens peccatum, quatenus vel absolute non essent remissa, vel remitterentur sub conditione non reincidendi, vel saltem vitandi illa quatuor capita a Præpositivo assignata: sed quodlibet

horum est falsum: ergo nullatenus dici possunt absolute peccata redire. Consequentia constat, Major continet omnes modos, quibus defendi posset illa sententia. Minor vero ostenditur quoad singulas ejus partes. Nam in primis justificatio impii est opus Dei absolutum et minime impedibile per subsequens peccatum: quodcirca Rom. 8, dicitur nihil damnationis remanere in justificatis per Christum, et Concilium Tridentinum sess. 6, cap. 6, docuit remissionem peccatorum importare sanctificationem, et renovationem interioris hominis per voluntariam susceptionem gratiæ, et donorum: ergo sicut hæc renovatio est absoluta, ita et remissio peccati. Inde probatur secunda Minoris pars: nam justificatio conditionata ratione præscientiæ divinæ de lapsu futuro est prorsus inanis, et nullo fundamento suadetur: siquidem talis est effectus, qualis ejus causa: absolutio autem a peccato sive intra, sive extra Sacramentum nullam conditionem in futurum expectat, sed absolute, et absque ulla limitatione dispensatur a Deo vel se ipso solo, vel mediante ministro, ut constat ex dictis de absolutione Sacramenti, cuius effectus nequit esse suspensus: ergo neque remissio est dependens a præscientia divina de lapsu futuro. Unde erroneum esset dicere Dei gratiam non inducere nisi remissionem conditionatam, seu quæ expectaret evenitum futurum, a cuius positione penderet.

5. Unde pessum it illa limitatio Præpositivi ad illa quatuor peccatorum genera, contra quæ militat eadem ratio et ut inquit D. Thomas loco supra citato ex 4, sent. hæc opinio minus habet de ratione, quam prima, quia non magis potest assignare causam, quare per hæc peccala redeant peccata dimissa, quam per alia; cum etiam alia contingat quandoque esse graviora: nisi quod ex Authoritatibus, et quibusdam rationibus frivilis inducebantur ad dicendum, quod per hæc peccala redirent peccata dimissa, et videbatur eis absurdum, quod per omne peccatum sequens præcedentia redirent. Quod tamen esse falsum constat, tum quia nulla est ratio, cur magis sub ratione vitandi hæc peccata priora remittantur, quam sub ratione vitandi alia; siquidem nullum est peccatum, quod non contrarietur gratiæ. Tum etiam quia ut dictum est, sive gratia per Christum, sive ejus passio, sive Sacra menta sunt causa sufficiens ad remissionem culpæ, quin ad hunc præstandum effectum indigeant aliqua limitatione, et conditione,

Nota.

Absur-
dissima
Præpo-
sitivi
senten-
tia ex
multis
capiti-
bus.

dummodo subjectum supponatur hic et nunc dispositum. Nullum ergo est fundamentum limitandi adeo efficacem et universalem influxum ad hanc, vel illam conditionem pendentem in futurum. Unde sicut omni ratione destitueretur, et protinus esset amandandus, qui doceret medio Baptismate originale non dimitti, nisi supposita conditione in posterum non peccandi, ideoque homine post Baptisma peccante, originale redire quoad culpam et reatum penitentiae; haud dissimiliter audiri non debent, qui coarctant remissionem peccatorum actualium ad subintelligendam conditionem vel in posterum non peccandi, vel saltem in illa quatuor peccatorum genera non reincidendi.

Præterquam quod absurdum, imo et ridiculum est asserere lapsum in heresim manifestam ob quam homo ut hereticus puniendus erat, si resipiscat, et incidat in avaritiam, aut luxuriam, illico coinquinari peccato remisso infidelitatis contrarie, et fidem amittere.

Eo vel maxime: quia ut arguit D. Thomas ubi supra in 4. sent. Contrarium non reducit suum contrarium, quinimo expellit: contingit autem post peccatum avaritiae remissum committi aliud prodigalitatis: Ergo per peccatum prodigalitatis non consurgit iterum peccatum avaritiae. Simile argumentum fieri valet de furto et homicidio. Quis enim credit post factam restitutionem, et ablatam maculam furti, si forte contingat homicidium perpetrare, illico regerminare maculam furti jam extinctam; hoc sane frivolum est, et nimis irrationale, nisi ita dicens maluerit peccata non vere dimitti, sed obtugi, et occultari, quod est hereticum.

Insistens Vazquez in favorem Præpositi. D. Ambrosii. 6. Sed adhuc instat Vazquez inquiens num. 44: *Numquam suum quiescere animum et sibi semper videri Patres oppositæ fuisse sententiaz.* Nam D. Ambrosius in cap. 4, super Epistol. ad Ephesios docet: *Si enim Deus per filium suum servorum suorum misertus est, quanto magis servi ipsi invicem sui debent misereri, et donare si alter in alterum peccet: hæc præcepta ejus sunt, qui misertus est. Qui in his contemptus fuerit, sine dubio revocabit sententiam, quam dederat.* Et ita evenit, sicut ait Dominus in Evangelio de eo, qui accipiens a Domino misericordiam, in conservum suum implus deprehensus est. Quod magis explicans D. Augustinus serm. 15, de verbis Domini inquit: *Ille debitorem habet fratrem, in quem frater peccavit. Vult*

ergo Christus, ut condonemus injuriam, qua nobis constituitur debitor frater; alioquin exigit a nobis debita antiqua, non eodem modo sicut Rex ille. Et lib. 1, de Baptismo contra Donatistas cap. 12, disertus confirmat: *Nam redire dimissa peccata (inquiens) ubi fraterna Charitas non est, apertissime docet in Evangelio de illo servo etc.* Ergo ex mente D. Augustini peccata præterita, et dimissa, redeunt,

Nec ibi loquitur, ut aliqui autumant, ex hereticorum, quibuscum disputabat, mente sed ex propria sententia, ut constat ex lib. 3, de Baptismo cap. 12, ubi se remittit ad a se dicta in libro 1, allegato, dicens: *Quid mihi videatur, in alio jam volumine scripsi, sed etiam hic breviter commemoro: si sit illic remissio debitorum per Baptismi sanctitatem, rursus debita redeunt per heresim, aut schismatis obstinationem.*

Si iterum respondeatur ad hæc et similia Patrum testimonia redire quidem peccata dimissa, non absolute, et in se ipsis, sed secundum quid ratione ingratitudinis sequentis peccati, quod aggravatur aliquo modo ratione spretæ remissionis aliorum. Nescio (inquit Vazquez num. 14, §. Possem) an potius hoc sit Scholasticorum inventum, ad fugiendum sanctorum dicta, quam secundum ipsorum proprium sensum, et mentem.

7. Verum enim vero in hoc ipsum Scholasticorum inventum concidisse Vazquez constat ex eodem dubio num. 75, ubi pro illorum stat sententia, postposita sibi certa mente Augustini, ut affirmat num. 47, §. *Et mihi, et aliorum Patrum ex adverso militantium.* Quod sane minime probamus, quia nec Scholastici plurius haberent, quam SS. Patres, nec cuncti Scholastici a mente SS. Patrum aberrare valent. Sed quidquid sit de hoc, certe ejus suspicionem semel, et iterum in eodem dubio inculcatam nullam fuisse, manifestum redditur ex sequenti reflexione. Eadem quippe ratione, qua peccata dimissa redirent, rediret etiam peccatum originale, ut contendebant Donatistæ, ideo asserentes reiterationem Baptismi post redditum ad Ecclesiam, quantumvis alias fuisset homo baptizatus, ut constat ex ipso D. Augustino in contrarium allegato. Sed juxta expressam D. Augustini sententiam allegatam in lib. Responsionum D. Prosp. peccatum originale non reddit post peccata commissa, nec ob illud damnabitur homo sed dumtaxat propter alia deinceps commissa: Ergo non est de mente D. August. quod peccata deleta iterum eadem

Vazquez inconsequentia, et minor reverentia erga Patres.

Refellitur.

eadem redeant quoad maculam et reatum pœnæ æternæ. Consequentia est legitima. Major constat ex doctrina ipsa Donatistarum asserentium baptizatum in parte Donati iterum baptismio abluendum esse, dum ea parte relicta, accederet ad Ecclesiam; contra quam hæresim acerrime pugnavit, et triumphavit Augustinus, ut vidimus et expendimus supra in hoc eodem tract. disp. 2, §. 3, quæ recolenda sunt. Minor vero etiam liquet ex ipsis Prosperi verbis, quo melius non calluit mentem Augustini Vazquius, qui cap. 2, ita inquit: *Sed relapsus post Baptismum ad infidelitatem, et impios mores, qui negat originali peccato esse purgatum, tam falsa opinatur, quam qui eundem asserit non aeterna morte esse damnandum. Qui enim recedit a Christo, et alienus a gratia finit hanc vitam, quid nisi in perditionem cadit. Sed non in quod remissum est, cecidit, nec in originali peccato damnabitur: qui tamen propter postrema crimina, ea morte afficietur, quæ eis quæ remissa sunt, debebatur.* Unde constat veritas illius Minoris, quam etiam suadet illud Chrysostomi hom. 40, ad populum: *Non est sicut homo Deus, qui expobret præterita, hoc est, jam condonata.*

8. Respondeatur ergo ad testimonium D. Ambrosii, inibi exhortari fideles, ut remittant sibi debita a fratribus, si sibi propria remitti volunt. Quod si non fecerint, revocabit Dominus sententiam, sed non propter peccata jam remissa, sed propter alia noviter facta, quod est peccatum iterari, et novam sententiam avocare, non vero datam in remissione præterita annullare, ut enim habetur Rom. 3: *Numquid incredulitas eorum fidem Dei evacuabit? Absit;* id est, ut glossat D. Thomas ibi lect. 1: *Propter peccatum ejus non mutatur justitia Dei, ad quam pertinet, ut sermones suos impleret: vel, ut paulo inferius exponit, quia peccatum hominis divinam fidelitatem non excludit, qua remissionem absolutam, et omnino independentem a peccato futuro homini vere pœnitenti promittit: quapropter recidivum peccatum mutat sententiam antiquam, inducendo novam, sed non facit ut antiqua scelera recrudescant in culpam, aut reatum pœnæ æternæ.*

Ad primum testimonium D. Augustini ex serm. 15, de verbis Domini respondeatur illa verba non reperiri in impressione Lugdunensi, aut Parisiensi, quas consulere potuimus, sed hæc dumtaxat: *Nam si non dimiseris, revocabo te, et quidquid dimiseram, replicabo tibi, quæ habentur prope fi-*

nem illius capitis. In quibus tamen, teste codem Vasquez, facile agnoscitur non loqui de redditu peccatorum; sed quod ob illud peccatum non remittendi permettit Deus hominem labi in alia peccata prioribus similia, ob quæ puniri debeat: nam de peccatis dimissis expresse affirmat idem S. Doctor serm. 12, de verbis Domini oppositum sub illis verbis: *Dedit ergo credentibus remissionem peccatorum: noluit cum eis et de præteritis charilatis rationem habere,* quia solum attendit ad præsentia, seu in posterum facta.

9. Ad secundum testimonium ex lib. contra Donatistas de Baptismo constat ex dictis supra. Docebant enim peccata remissa per Baptismum in parte Donatistarum illico redire, et ideo iterandum esse idem Baptisma, dum ille deposito Schismate veniebat ad Ecclesiam. Quem sensum utope hæreticum nusquam S. Doctor retinuit, quinimo totis viribus expposit, et iterationem Baptismi eliminandam semper censuit. Et si quando id expressit, solum fuit disputationis ergo ex concessis a Donatistis, ipsosmet redarguens. Sensus ergo proprius D. Augustini fuit, quem exposuit in solut, ad 1 hujus articuli Doctor Angelicus de redditu peccatorum, non eorumdem numero; sed diversorum. Qui enim post D. Thomas. adeptam remissionem iterum labitur vel in eadem, vel in alia crimina, non minus meretur pœnam, quam si alias numquam pœcasset; sed hoc non provenit absolute nisi ex ipsosmet peccatis denuo factis, sed non propter omnino eandem præteriorum rationem, ut inquit S. Doctor. Unde mirum est Vasquez aut non vidiisse, aut non considerasse illamet testimonia D. Augustini a fidelissimo Discipulo D. Thoma allegata, et exposita ex ipsosmet Augustini mente, ut videre est in predicta solut. ad 1. Qua etiam ratione expendit S. Doctor aliud exemplum adversarii familiare de servo manumisso, et se iterum in servitum redigenti, qui non fit servus ratione primi tituli, a quo fuit absolutus, sed ratione alterius denuo consurgentis. Verba D. Thomæ in 1, dist. 22, q. 4, art. 4, ad 4, hæc sunt: *Dicendum quod quamvis aliquis manumisssus reducatur in eandem servitum, de qua liberatus fuerat; non tamen fit ex eadem causa servus, ex qua primo fuerat; sed ex alia, scilicet offensa post manumissionem commissa. Et similiter, qui recidivat, reducitur in servitum peccati, non tamen ut sit servus peccati ex actibus peccatorum, ex qui-*

bus prius erat liberatus, sed exactu istius peccati sequentis. Quare omnes illae propositiones, sive D. Augustini, sive alterius ex SS. PP. distingui in forma possunt : Releunt peccata ex parte poenae aeternae, quae eadem semper est objective, conceditur : ex parte ejusdem causae, aut tituli, negatur : hoc enim nusquam, et numquam a SS. PP. fuit concessum. Nec hoc est Scholasticorum inventum ad effugienda Sanctorum testimonia, sed ipsorum mens satis perspicua.

Objectio.

10. Nec refert si objicias. In aliquo casu potest redire poena aeterna peccati remitti : ergo et ipsa culpa. Patet Consequentia, quia poena aeterna non datur nisi pro culpa, consequenterque illius reatus nequit redire, quin redeat et ipsa culpa. Antecedens vero constat in eo, cui remissum est peccatum mortale, remanente reatu ad poenam temporalem, ut communiter accidit ; hic enim si incidat in peccatum mortale, in quo moriatur, antequam solveret illam poenam peccati remitti, quae remanserat, tenetur illam luere ; non in Purgatorio, ad quod non descendit : ergo in inferno, in quem traditur. Sed poena infernalis pro peccato debita est aeterna, quia in inferno nulla est redemptio : ergo jam illa poena, quae erat temporalis post remissionem, redit in aeternam post commissum aliud peccatum.

Insufficiens responsio.

Sunt qui respondeant in illo casu per accidentem illam poenam temporalem reddi aeternam, ad modum quo poena debita pro peccato veniali est temporalis per se, et ratione status, ac per accidentem fit aeterna in homine descendente cum peccatis mortaliibus, et venialibus.

Hæc tamen solutio ipsomet exemplo, quo fulciri videtur, dispellitur. Nam peccatum veniale, quod ratione status, ac per accidentem in aeternum punitur, perseverat quoad culpam, et quia culpa per accidentem est irremissibilis, ex consequenti poena illi debita numquam finietur. Peccatum vero supponitur remissum quoad culpam, et solum remanet purus reatus temporalis absque radice permanenti, in qua fundetur : ergo contra justitiam erit in aeternum luere, quod temporaliter tantum exolvendum erat. Quæ est impugnatio D. Thomæ loco nuper citato ex 4, sent. inquietis : *Sed hoc non videtur simile : quia veniale ideo in inferno aeternaliter puniatur, quia semper manet, cum non sit ibi aliquid, quod culpam delere possit.* Sed poena ex hoc ipso quod solvit, expiat, atque ideo si est temporalis, nequit non temporaliter expiari.

Melius ergo respondet idem S. Doctor, quod poena, cuius est aliquis debitor post culpam remissam, in inferno punietur temporaliter. Nec propter hoc sequitur, quod sit in inferno redemptio, quia poena quæ solvit, non redimitur. Nec est inconveniens, quod quantum ad aliquid accidentale poena inferni minuatur usque ad diem judicii, sicut etiam augetur. Sicut enim in Beatis admittunt Theologi successionem quoad gloriam accidentalem, haud secus in damnatis admitti potest aliqua accidentalis mutatio in tormentis, vi cuius subire possunt illorum aut diminutionem, aut augmentum.

Solut
ex
D.Tho

11. Nec etiam refert, si iterum objicias. Sicut per Pœnitentiam expiantur peccata, ita per peccatum destruuntur merita praecedentia ; sed merita, et gratia ita destruuntur per peccata, ut his dimissis reviviscant merita et gratia : ergo etiam destructis meritis, et gratia per peccatum, redibunt alia peccata.

Alia
objectio

Nec proderit respondere, merita destrui physice, sed permanere moraliter ; quod secus accidit in peccatis, quæ utroque modo destruuntur. Nam contra est, quod hæc solutio petit principium, et est voluntaria : quippe nulla hujus reddi potest ratio, quæ spontanea non sit ; tum etiam, quia etiam peccata remanent aut remanere possunt in abominatione divina, quod est permanere moraliter, siquidem semper manet apud Deum ipsum offendisse, et Deum offendisse hoc aut illo peccato malum moraliter est : ergo numquam ita remittuntur, aut destruuntur peccata, quod non maneat in abominatione divina : atque ideo post obtentam veniam, per novum peccatum consurgit ex parte Dei major abominatio, qualis est ipsum offendisse, et ipsum actu offendere.

Non, inquam, Oberit ita objicere propter ingentem disparitatem, quæ intervenit inter Antecedens, et Consequens : nam merita per peccatum mortificantur, quatenus impediunt ab eo jure, quo gaudebant assequendi finem ultimum, non tamen penitus extinguuntur apud Deum : Unde sublato impedimento peccati interpositi media Pœnitentia, iterum reviviscunt, et vires exerunt ad consecutionem præmii. At vero peccata penitus remissione abalentur sive apud Deum, sive apud hominem, qui peccavit, ideoque semel dimissa numquam absolute redeunt. Quam disparitatem non esse voluntariam, aut petitio nem principii, ut opponebatur, constat ex Scriptura,

Satis
factio.

Ad ebr. 6. Scriptura, quæ loquens de operibus bonis ad Hebr. 6, sic inquit : *Confidimus autem de vobis dilectissimi meliora, et viciniora salutis, tametsi ita loquimur : Non enim injus-
tus est Deus, ut obliscatur operis vestri et dilectionis, quam ostendistis in nomine ipsius, qui ministrasti sanctis, et ministratis.* Ubi asseritur non obliisci Deum operis ex charitate factis, quasi injustus esset, si ita non faceret; unde sequitur bonum opus in Charitate factum consequi suum fructum amoto per Pœnitentiam impedimento peccati juxta illud Joel 2. *Reddam vobis annos, quos comedil locusta, ubi Glossa : Non faciam perire ubertatem, quam cum perturbatione animi perdidistis.* At vero cum de peccatis fit sermo, longe aliud docet, et aliter loquitur, ut Ezech. 18 : *Si impius egerit pœnitentiam, omnium iniquitatum ejus, quas operatus est, non recordabor.* Nahum. 1 : *Consummationem ipse faciet, non consurget duplex tribulatio, et alia hu-
jusmodi alibi saepè; quibus edocemur peccata penitus extingui media infusione gratiæ, et remissione per Pœnitentiam.* Unde sequitur beneficium remissionis semel factum esse irrevocabile, juxta illud Röm. 4:11: *sine Pœnitentia sunt dona, et vocalio Dei, atque ideo peccatum remissum numquam absolute redire.*

Optima ratio ex D. Thoma. 12. Cui doctrinæ innixus. D. Thomas loco supra citato ex 4, sent. prædictam dispariatem penitus callens objectioni positæ occurrit distinguendo in operibus bonis id quod illis competit ex ordine ad Deum, in cuius gloriam cedunt, et quod ipsis convenient in ordine ad operantem. Et ex primo capite numquam deficiunt, sed solum ex parte operantis per peccatum se impeditis ab illorum fructu, unde remoto illo obice per Pœnitentiam, illico reviviscent ad præmium. At vero peccatum tam in se, quam in ordine ad operantem per remissionem penitus subruit, et extinguitur. Verba S. Doctoris sunt : *Dicendum quod peccatum mortale non mortificabat merita præcedentia quin inde essent viva, unde in gloriam electorum cedebant; sed mortificabant solum, quantum ad illum cuius erant, qui impiediebatur a consecratione effectus ipsorum : et ideo remoto impedimento, in sua efficacia remanent quoad istum. Sed peccatum non solum mortificatur quoad peccantem, etiam in se.* Et ratio S. Doctoris est efficacissima, quam etiam tradit, sed compendiosius in hoc eodem art. 1, in quo versamus : *Remissio enim peccatorum est*

principaliter opus Dei, sed mortificatio meritorum præcedentium est opus hominis. Homo autem sua actione non potest evacuare simpliciter opus Dei ; quamvis possit impedire, ne sibi prospicit : Et ideo homo per peccatum sequens non potest remissionem præcedentium peccatorum annullare ; potest autem sua actione evacuare, quod per ipsum factum est. El ideo potest mortificationem præcedentium meritorum per merita sequentia penitus annullare, præcipue gratia adjutus. Quo nihil clarissus, aut manifestius ad ostendendam reviviscentiam meritorum, quam Theologi servare conantur, et procul abigendum redditum peccatorum alias dimissorum, post subsequens peccatum, quidquid in oppositum reluctetur. Ripalda lib. 4, de ente supernat. disp. 91, sect. 4. Ubi non agnoscit disparitatis rationem, nisi quæ ab Authoritate sumitur. Quod est, evidenter falsum, sicut evidens est ex terminis hominem absolute non posse evacuare, et irritum reddere opus Dei, quantumvis illi apponere tentet impedimentum ; alias hominis operatio, et potentia essent supra operationem, et omnipotentiam Dei ; quod non potest sustineri, nisi subjiciendo, ac submittendo totam virtutem infinitam Dei, virtuti finitæ et emendicatae liberi arbitrii creati. Quo quid falsius, et absurdius?

Ripalda refelli- tur.

Unde ad formam objectionis bene interponendum respondetur, et ad primam probationem in oppositum constat ex dictis, qualiter non sit voluntaria, nec patet principium disparitas assignata. Ad secundum etiam liquet qualiter peccata non permaneant in abominatione divina, quando dimissa sunt : eo namque ipso, quod Deus hominem peccatorem admittat, ad suam gratiam, cum eoque ineat discussam amicitiam, deponit odium peccati, ejusque obliiscitur quasi numquam fuisset. Et ad probationem oppositam dicimus. Deum offendisse solum esse malum per ordinem ad illud tempus, in quo commissum fuit peccatum ; non vero absolute, ut liquet in beatis, in quibus est Deum aliquando offendisse, quin ex vi hujus inferatur aliquod malum de præsenti, quod in illis sit. Nec enim plus peccati est in eo, quod quis aliquando peccaverit, quam in eo quod peccaturus sit : sed prædicere Petrum ter negaturum non fuit malum, aut ex parte Dei, aut ex parte D. Petri, usque dum adveniret peccatum ipsum : ergo nec quod quis aliquando peccaverit,

13. Insistes tamen ad infringendam dis- Replica.

Eze-
chiel. 18.

paritatem ex ipsam scriptura, unde illam desumimus. Nam Ezech. 18, de peccatore post receptam gratiam habetur : *Si autem averterit se justus a justitia sua, et fecerit iniqüitatem secundum omnes abominationes, quas operari solet impius, numquid vivet?* Omnes justitiae ejus, quas fecerat, non recordabuntur. Et infra : *Numquid via mea non est æqua, et non magis viæ vestræ pravae sunt?* Cum enim se averterit justus a justitia sua, et fecerit iniqüitatem, morietur in eis, in injustitia, quam operatus est, morietur. Ergo juxta Sacram Scripturam, non magis reviviscunt merita, quam redeant peccata, sed eodem modo de illis, ac de istis theologizandum est; alias non esset æqua via Domini, nec bene carperentur Israelitæ, et conquereretur Deus, quod dixissent : *Non est æqua via Domini.* Nulla est ergo ratio disparitatis assignatae.

Dissolvi-
tur.

Sed nec hæc instantia officit, quinimo solutam, et präoccupatam reperies apud D. Thomam super ad Hebræos 6, lect. 3, ubi inquit : *Dicendum est, quod homo qui cedit post gratiam, dupliciter potest se habere.* Uno modo, quod in malo perseveret. Et tunc Deus omnes justitias ejus obliviscitur. Alio modo, quod pænitent, et tunc bonorum präcedentium recordatur, quia repulantur sibi ad meritum. Unde dicit Glossa, quod mortificata reviviscunt. Verba ergo illa in contrarium allegata ex sacro textu expresse loquuntur de moriente in peccatis suis, quorum justitias obliviscetur Deus in morte, in qua etiam dicitur homo animam suam vivificatur, si se averterit ab impietate sua, quam operatus est, et fecerit judicium, et justitiam. Et redditur ratio : *Idcirco unumquemque juxta vias suas judicabo Domus Israel, ait Dominus Deus.* Cum quo tamen stat, quod si post lapsum resipiscat, et adipiscatur gratiam, reviviscant präcedentia merita, quæ sopita, et impedita manebant, secus vero peccata post amissam gratiam, utpote quæ fuerunt penitus extincta. Unde semper subsistit ratio disparitatis assignata a D. Thoma.

Implicita
peccata
semel
dimissa
redire
per sub-
sequens
pecca-
tum.

14. Si autem inquiras : an saltem de potentia absoluta fieri valeat ut semel dimissa peccata quoad culpam, et pœnam, iterum redire possint quoad easdem manculam, et pœnam æternam? Respondetur breviter cum Soto, Nunno, Prado, et aliis discipulis D. Thomæ, quibus refragatur Vasquez in præsenti dub. unico num. 75, implicare contradictionem. Et ratio est : quia cum peccata non sint a Deo, sed a

causa deficienti, Deus sua absoluta potentia nequit se solo facere, ut peccata redant; alioqui enim foret causa reditus illorum, sicut est causa resurrectionis mortuorum, et justificationis impiorum; quia se solo facit ut corpus mortuum redeat ad vitam, et anima peccato infecta perveniat ad gratiam. Neque etiam homo propriis viribus potest illorum redditum inducere, quia licet valeat eadem specie peccata committere; non tamen, quod illam numerò jam commissâ, et deleta iterum redeant; nam ad præteritum non datur potentia, et res semel destructa viribus naturæ recuperari non potest, ut est communis Philosophorum doctrina; alias resurrectio mortuorum non esset opus miraculosum. Nec iterum Deus cum ipso homine hoc efficere valet, quandoquidem nec in Deo est virtus, quæ possit huic muneri deservire; nam peccatum sicut non fit nisi deficiendo, ita non potest redire nisi cum defectu, qui non potest tribui Deo; neque homo ex conjunctione ad Deum habet vim deficiendi, quinimo e converso, bene, et fortiter agendi. Non ergo est caput, unde fieri possit, ut peccata jam deleta redire valeant quoad culpam et pœnam æternam adhuc inspecta Dei absoluta potentia.

Nec refert, si cum Scoto, Valencia, Granados, et aliis extra Scholam D. Thomæ dicas posse Deum peccatum dimissum punire acerbissima pœna, quasi non esset deletum. Quod verum est; sed, ut recte vidit Soto in 4, dist. 16, quæst. 1, art. 1 § sed forsan, Consequentia (quæ intenditur) est nulla. Tum quia hoc non est redire peccatum. Tum quia illud supplicium non esset pœna, sed tormentum voluntarie a Deo indictum ratione supremi dominii: pœna enim sub ratione pœnæ includit necessario culpam, quæ fundet reatum ad illam; exclusa autem culpa non remanet reatus ad pœnam æternam, ut supra dicebamus; atque ideo quodlibet supplicium infligatur a Deo, erit quidem tormentum voluntarie indictum a Deo, sed nullo modo obibit rationem pœnæ propriæ dictæ. Unde ex eo quod Deus cuiilibet creaturæ infligere valeat quod maluerit tormentum, et in perpetuum in inferno detrudere; non bene inferunt prädicti theologi posse peccata rediviva esse; cum hoc sit in potestate Dei, quin peccata redire valeant. Unde stat veritas Antecedentis cum falsitate Consequentis.

Aliquo-
rum
objec-
torum
disponi-
tur.

15. Secunda pars principalis assertionis, in qua asseritur quodammodo, et secundum quid peccata redire per subsequens peccatum, constat quia tunc censemur peccatum semel dimissum redire secundum quid, quando sequens peccatum intuitu illius remissionis factae fit gravius: sed ex peccato remisso sequens peccatum fit gravius: ergo per sequens peccatum quodammodo, et secundum quid redit peccatum remissum. Minorem probat D. Thomas ex eo, quod multo magis contemnitur Dei bonitas, si percepta remissione unius, vel multorum peccatorum, iterum idem, vel alia peccata committantur, quam dum primum primo fuit commissum; et sicut maius beneficium est peccatum remittere, quam peccatorem sustinere, ita gravius est post remissionem delinquere, quam absolute primo peccare: virtualiter enim contemnit beneficium, qui post beneficium acceptum iterum incidit in causam, ob quam opus illi est iterato beneficio. Sed hujus intelligentia pendet ex articulo sequenti.

ARTICULUS II.

Utrum peccata dimissa redeant per ingratitudinem, quæ specialiter est secundum odium fraternalm, apostasiam a fide, contemptum Confessionis, et dolorem de Pœnitentia habita?

Ad secundum sic proceditur. Videtur, quod peccata dimissa non redeant per ingratitudinem, quæ specialiter est secundum quatuor genera peccatorum, scilicet secundum odium fraternalm, apostasiam a fide, contemptum confessionis, et dolorem de Pœnitentia habita, secundum quod quidam metrice dixerunt:

*Fratres odit, apostata sit, spernitque fateri.
Pœnituisse piget, pristina culpa redit.*

Tanto enim est major ingratitudo, quanto gravius est peccatum, quod quis contra Deum commitit post beneficium remissionis peccatorum. Sed quædam alia peccata sunt his graviore: sicut blasphemia contra Deum, et peccatum in Spiritum sanctum. Ergo videtur quod peccata dimissa non redeant magis secundum ingratitudinem commissam, secundum hæc peccata, quam secundum alia.

Præterea. Rabanus dicit: Nequam servum tradidit Deus tortoribus, quodvisque redderet universum debitum, quia non solum peccata, quæ post baptismum homo egit, reputabantur ei ad penam, sed et originalia, quæ in baptismo sunt ei dimissa. Sed etiam peccata venialia inter debita computantur, pro quibus dicimus: Dimitte nobis debita nostra. Ergo ipsa etiam redeant per ingratitudinem. Et pari ratione videtur, quod per peccata venialia redeant peccata prius dimissa, et non solum per peccata predicta.

Præterea. Tanto est major ingratitudo, quanto post majus beneficium acceptum aliquis peccat. Sed beneficium Dei est etiam ipsa innocentia, quæ peccatum visitamus: dicit enim August. in 2 Confess. Gratia tua deponit quæcumque peccata non feci. Majus autem donum est innocentia, quam etiam remissio omnium peccatorum. Ergo non minus est ingratus Deo qui primo peccat post innocentiam, quam qui peccat post Pœnitentiam. Et ita videtur, quod per ingratitudinem, quæ sit secundum peccata predicta, non maxime redeant peccata dimissa.

Sed contra est, quod Greg. dicit 18 Moral: Ex dictis Evangelicis constat, quia si quod in nos delinquitur ex corde non dimittimus, et illud rursus exigitur, quod nobis jam per Pœnitentiam dimissum fuisse gaudebamus. Et ita propter odium fraternalm specialiter peccata dimissa redeant secundum ingratitudinem. Et eadem ratio videtur de aliis.

Respondeo dicendum quod (sicut supra dictum est) peccata dimissa, per Pœnitentiam redire dicuntur, in quantum reuersa eorum ratione ingratitudinis, virtualiter continetur in peccato sequenti. Ingratitudo autem potest committi duplicitate: uno modo ex eo quod aliquid fit contra beneficium. Et hoc modo per omne peccatum mortale quo Deum offendit, redditur homo ingratus Deo, qui percata remisit. Et sic per quodlibet peccatum mortale sequens, rediret peccata prius dimissa, ratione ingratitudinis. Alio modo committitur ingratisudo non solum faciendo contra ipsam b-neficium, sed etiam faciendo contra formam beneficii praesertim. Quæ quidem forma si attendatur ex parte beneficiorum, est remissio debitorum. Unde contra hanc formam facit, qui fratri petenti veniam non remittit: sed odium tenet. Si autem attendatur ex parte pœnitentis, qui recipit hoc beneficium, invenitur ex parte ejus duplex motus liberi arbitrii. Quorum prius est motus liberi arbitrii in Deum, qui est actus fidei formatus. Et contra hoc facit homo apostatacūt a fide. Secundus autem est motus liberi arbitrii in peccatum, qui est actus Pœnitentie. Ad quem primo pertinet (ut supra dictum est) quod homo detestetur peccata præterita, et contra hoc facit ille, qui dolet se poenituisse. Secundo pertinet ad actum Pœnitentie, ut pœnitens proponat se subiungere clavibus Ecclesiae per confessionem: secundum illud Psalm. 31: *Dixi confitebor adversum me injuriam meam Domino, et tu remisiisti impietatem peccati mei.* Et contra hoc facit ille, qui contemnit confiteri secundum quod proposuerat. Et ideo dicitur quod specialiter ingratitudo horum peccatorum, facit redire peccata prius dimissa.

Ad primum ergo dicendum, quod hoc non dicitur specialiter de istis peccatis, quia sint cæteris graviora: sed quia directius opponuntur beneficio remissionis peccatorum.

Ad secundum dicendum, quod etiam peccata venialia et ipsum originale redeant modo predicto, sicut et peccata mortalia, in quantum contemnitur Dei beneficium, quo hæc peccata sunt remissa. Non tamen per peccatum veniale aliquis incurrit in ingratitudinem: quia homo peccando venialiter, non facit contra Deum, sed præter ipsum. Et ideo per peccata venialia, nullo modo peccata dimissa redeant.

Ad tertium dicendum: quod beneficium aliquod habet pensari duplicitate. Uno modo ex quantitate ipsius beneficii. Et secundum hoc innocentia est maius Dei beneficium quam Pœnitentia, quæ dicitur secunda tabula post naufragium. Alio modo potest pensari beneficium ex parte recipientis, qui minus est dignus, et sic magis fit sibi gratia, unde et ipse magis est ingratus, si contemnat, cui major sit gratia. Et hoc modo beneficium remissionis culpa est maius, in quantum præstatur totaliter indigno, et ideo ex hoc sequitur major ingratitudo.

Prima Conclusio: Ratione ingratitudinis redeant peccata dimissa post Pœnitentiam in quolibet peccato mortali.

Secunda Conclusio: Speciali tamen ratione committitur ingratitudo in illis quatuor peccatorum speciebus.

Tertia Conclusio: In sol. ad 2. Per peccata venialia non incurritur ingratitudo, prout ingratitudo opponitur formæ beneficii, secus vero prout opponitur ipsis beneficio.

Articuli, et conclusionum elucidatio

1. In hoc articulo totus fuit D. Thomas in explicanda, et ad sanum sensum redigenda sententia illa, quam data opera in 4, sent. loco supra allegato rejecerat.

Et quia alii dixerant omnia peccata re-

Ordo
doctrinæ
ma.

cidiva esse post Pœnitentiam; Præpositus vero solum redditum agnoscet in quatuor illis speciebus supra memoratis, et duorum meminit ipsem titulus articuli; Idecirco S. Doctor affirmat ratione ingratitudinis prout importat repugnantiam suscepto beneficio, omnia peccata secundum quid redire, quatenus virtualiter in peccato posteriori continentur ratione contemptus praesertim beneficii. In quo stat legitimus et verus sensus illius sententiae non bene explicata a suis defensoribus, et est prima assertio contenta in prima parte corporis articuli in illis verbis: *Et hoc modo per omne peccatum mortale, quo Deum offendit, redditur homo ingratus Deo, qui peccata remisit. Et sic per qualibet peccatum mortale sequens redeunt peccata prius dimissa ratione ingratitudinis.* Quæ locutio est universalis, et exakte expponit, quod illa sententia absolutius, et absque limitatione docuerat, non coarctando peccatorum redditum ad ingratitudinem.

In secunda vero articuli parte concedit Præpositivo specialius redire dimissa peccata ob quatuor illa genera peccatorum, non (ut ille docebat) absolute, sed ratione specialioris ingratitudinis, quæ contra formam beneficii in illis splendet, et hoc explicatur in secunda conclusione, ut articulum evolventi, et consideranti constabit, quin opus sit in hoc immorari.

2. Tertia conclusio inservit ad tollendam apparentem contrarietatem, quæ prima facie invenitur in solutione ad secundum, in qua primo asserit D. Thomas, quod *etiam peccata venialia, et ipsum originale redeunt modo prædicto, sicut et peccata mortalia, deinde vero in fine docet quod per peccata venialia nullo modo peccata dimissa redeunt,* quod contradicere videtur primæ propositioni. Sed revera non contradicit: nam per peccatum veniale incurritur ingratitudo communis omni, et cuilibet peccato juxta qualitatem materie gravis, aut levis. At vero non contrahitur ingratitudo illa specialis, quæ specialius viget contra formam beneficii in illis quatuor speciebus infidelitatis, odii fraterni, contemptus confessio- nis, et doloris de Pœnitentia; et in hoc sensu vere affirmavit S. Doctor nulla peccata dimissa redire: eo quod peccatum veniale non sit contra Deum, et consequenter nec contra formam beneficii, siquidem venialia non opponuntur gratiæ sanctificanti, quæ est principium quasi proximum remissionis medio proprio actu Charitatis, ut supra expositum fuit.

3. Sed contra doctrinam articuli quatenus applicat illam specialem ingratitudinem illis dumtaxat quatuor generibus peccatorum, militare videtur difficultas minime omitti digna. Nam plura alia sunt peccata, in quibus est eadem ratio contrahendi specialem ingratitudinem: Ergo male eam applicat D. Thomas enumeratis illis quatuor generibus. Consequentia liquet, et Antecedens probatur primo, quia peccatum desperationis, aut odii Dei non minus opponitur motui liberi arbitrii, quo homo tenetur tendere in Deum, quam ipsi opponatur peccatum infidelitatis, seu apostasie, sed ob hanc rationem peccatum infidelitatis inducit specialem ingratitudinem: Ergo a ratione idem faciet peccatum desperationis, aut odii Dei. Minor et Consequentia patet, et Major est perspicua: siquidem spes est virtus Theologica immediate attingens Deum, non minus quam Fides, aut Charitas: Ergo peccatum desperationis illi directe, et immediate oppositum adversatur directe motui liberi arbitrii tendentis in Deum.

Quæ etiam ratione (et sit Secunda probatio) item colligitur de odio Dei, utpote immediate opposito actui Charitatis, cuius est obex: Ergo si dolor præterita Pœnitentia continet specialem ingratitudinem, vel ex eo tantummodo, quod contrariatur motui Pœnitentia tendentis in Deum, pari et trigentiori ratione idem asserendum est de actu odii adversantis Charitati. Tertio probatur idem Antecedens: quia non ob aliam rationem est specialis ingratitudo non remittere offensam fratri veniam postulanti, nisi quia qui non remittit injuriā sibi factā, indignus est, ut sibi remittatur: sed qui est avarus in pauperes, indignus etiam est misericordia alterius, vel quod Deus ipsi misereatur: Ergo in peccato contra misericordiam inclinatur specialis ingratitudo, non secus ac in a D. Thoma annumeratis. Quarto probatur idem assumptum ex solutione ad 1, ubi docet D. Thomas non eo peccata inducere specialem ingratitudinem, quia graviora sunt: sed quia directius opponuntur beneficio remissionis peccatorum, quod non competit blasphemiae. Sed blasphemus profert verba injuriosa contra Deum: Ergo blasphemus redditur indignus beneficio redemptionis: consequenterque contrahit peccatum specialis ingratitudinis. Patet utraque Consequentia: nam qui profert verba injuriosa contra alterum, indignus fit ejus remissione, et directe contra illud

illud beneficium operatur: Ergo si blasphemus profert verba injuriosa contra Deum, directe operatur contra beneficium remissionis, eoque se indignum reddit, atque ideo insufficienter, ac diminute assignavit S. Doctor species peccatorum, ob quas dumtaxat incurritur specialis ingratitudo.

4. Hoc tamen argumentum cum suis probationibus non infringit doctrinam prout a D. Thoma applicatam, sed servat indemnum. Nam semel ostento in quolibet peccato mortali virtualiter contineri ingratitudinem contra beneficium remissionis acceptum, ut probaverat in secunda parte primi articuli, et rursus statuit in hoc secundo; accinxit se S. Doctor ad explicantum, qualiter ultra illam rationem omni peccato communem, specialius vigeat ingratitudo in illis quatuor membris, in quibus specialiter agitur contra formam beneficii, quae est remissio peccatorum ex parte Dei. Hoc autem fieri ostendit directe impediendo vel motum liberi arbitrii in Deum per fidem formatam, vel motum liberi arbitrii in peccatum, etc. In quo quidem discursu sic in generali reducit ad quatuor peccatorum genera, in quibus clare elucet illud impedimentum directum, quod non tamen non restringit, quin ad hæc capita alia possint reduci, in quibus eadem, vel similiis ratio militare valeat, ut bene observavit Nuno in praesenti. Quo supposito.

5. Ad argumentum negandum est Antecedens, quia nullum est peccatum, in quo vigeat specialis ingratitudo, quod non sit ex quatuor enumeratis vel ad aliquod illorum reduci non debeat. Et ad primam probationem in contrarium respondetur admittendo quod sive desperatio, sive odium Dei incluant illammet ingratitudinem specialis. Sed hoc ideo est, quia desperatio secum affert finalem impenitentiam in affectu peccantis, subindeque confessionis contemptum; qui enim desperat, abs dubio spernit confessionem, quæ secum affert, et spem remedii, et propositum resiliendi a peccato nondum præterito, sed etiam futuro: et unum, et alterum desperatione abjicitur. Odium vero formale Dei opponitur motui liberi arbitrii in ipsum Deum sive per fidem formatam sive per spem, aut quamlibet aliam virtutem: quocirca in radice omnia exterminat, et fidei formationem directe impedit, et ex hoc capite potest reduci indirecte ad peccatum infelitatis; non quia infelitas proprietas sit, sed quia directe opponitur fidei formationi, quæ est per Charis-

tatem, et Charitas directe ac formaliter adversatur odio. Unde constat ad utramque probationem, quarum præmissæ distinguendæ, et explicandæ sunt in sensu prædicto.

Ad tertiam respondetur avarum in pauperes directe adversari misericordiae eaque fieri indignum; tamen desicere in actibus misericordiae non ita specialiter opponitur motui liberi arbitrii in Deum, vel in peccatum, sicut non velle remittere injurias. Et quia contra formam beneficii non pecatur directe ex parte recipientis, nisi quantum directe, et magis specialiter adversatur motui liberi arbitrii vel in Deum, vel in peccatum; ut hic docet D. Thomas, idcirco immisericors non ita specialiter incurrit ingratitudinem, sicut non remittens alterius offensas. Aliud quippe est quod facere misericordiam multum conductat ad misericordiam consequendam, quod concedimus; aliud vero quod non facere misericordiam tam directe opponatur remissione, sicut non remittere offensam, quod negamus: quia cum hoc quod est non facere alteri misericordiam illi subveniendo, stat moveri voluntatem vel in Deum, vel in peccatum proprium, quin iste motus illi directe aduersetur. Quare immisericors incurret quidem ingratitudinem, sed non specialem.

Nisi mavis admittere ingratitudinem in illo casu reductive pertinentem ad odium fraternum ob defectum misericordiae in illum, cui non subvenit, cum potest, et forte tenetur. Quod sapit naturam odii, et ex hoc capite non alteri misereri reduci potest ad prædictum caput.

Ad quartam probationem dicendum cum D. Thoma peccata quo graviora, eo indignius constituere subjectum beneficio remissionis, utpote que graviorem maculam inducunt; sed non ex hoc incurritur specialis ingratitudo, ut constat in peccato Idolatriæ, et aliis gravissimis. Quare ad eam specialiter contrahendam non debet attendi ad gravitatem delicti ex sua specie, sed ad modum quo tendit contra formam beneficii remissionis, quæ fundatur in benevolentia benefactoris, et ab ea oritur. Hoc autem modo per blasphemiam non incurritur specialis ingratitudo, quia ibi non proceditur contra beneficium remissionis sub forma remissionis, ut in aliis enumeratis, in quibus clarissime agitur contra ipsam remissionem vel eam fratri negando, vel eam sibimet spernendo per Apostolam.

Tertia.

siam, aut pér contemptum Confessionis, et despectum Pöenitentiae habitæ. Quod tamen non ita elucet in aliis.

Nota pro
dubio in-
cidenti.

6. In solutione ad 3, docet D. Thomas innocentiam esse majus Dei donum, quam Pöenitentia. Cujus occasione excitatur dubium apud interpres, quodnam eorum donorum präferendum sit? Resolutio D. Thomæ, et discipulorum continetur sub statim apponendis conclusionibus, et limitationibus. Ad quarum meliorem intelligentiam observari debet aliam esse considerationem boni, a consideratione beneficii, aut doni: nam bonum sub ratione boni importat perfectionem, absolute; Beneficium vero, seu donum sub ratione beneficii, aut doni explicat respectum penes recipientem, in cuius commodum cedit. Similiter innocens, et pönitens possunt invicem dupliciter conferri, vel absolute, secundum quod in se habent gratiæ, et virtutis; vel proportionaliter.

Quo supposito, absolute loquendo de innocentia, ac pönitenti, ille est simpliciter melior, cui est major gratia, ut expresse affirmat D. Thomas 1, p. q. 20, art. 4, ad 4, nam sive sint innocentes (inquit S. Doctor) sive pönitentes, illi sunt meliores, et magis dilecti, qui plus habent de gratia. Hac enim constituit homo objectum congruum divinæ dilectionis, et quo majori ornatur gratia, eo plus participat bonitatem divinam, qua melior absolute redditur. Et quia contingens est pönitentem excedere in gratia innocentem et e converso; idcirco absolute loquendo ille dicendus erit melior, qui plus habuerit gratiæ, et donorum supernaturalium, sive fuerit innocens, sive media Pöenitentia ad illam gratiam evectus.

7. Accéptis vero innocentia, et Pöenitentia sub ratione boni, ita quod bonum innocentiae absolute conferatur cum bono Pöenitentiae ex genere suo, et præscindendo a quolibet alio respectu; similiter tenendum est præstantius esse bonum innocentiae bono Pöenitentiae. Quod etiam docuit D. Thomas loco nuper citato ex 1, p. et 2, 2, quæst. 106, art. 2: Absolute enim melius est numquam cecidisse, quam post lapsum ad pristinum statum se revocasse. Unde est illud D. Cypriani epist. 3: *Primum felicitatis genus est non delinquere; secundum vero delicta cognoscere, et retractare.* Ratio etiam est: nam id quod est pér se absolute est melius, ac præstantius eo, quod est per accidens. Sed innocentia est

præstantissimum bonum pér se intentum ab Authore gratiæ, ac veluti ex primaria ejus intentione ortum ducens, ut constat in justitia originali. Pöenitentia vero est bonum occasionatum, et quasi ex secundaria intentione gratiæ. Ergo præstantius bonum est bonum innocentiae, præ bono Pöenitentiae. Et constat in naturalibus, ubi humanæ vitæ melius est fuisse sospitem, ac bene valentem, quam post morbum amissam salutem recuperasse. Unde docuit D. Thomas loco citato ex 2, 2, innocentem teneri ad majores gratiarum actiones, quia majus donum ei datur a Deo, et magis continuatum, cæteris paribus absolute loquendo. Et in hoc sensu absoluto docuit etiam in præsenti sol. ad 3, beneficium innocentiae esse majus Dei beneficium quam Pöenitentia, quæ dicitur secunda tabula post naufragium. Quare considerata quantitate boni innocentiae in se, et absolute, abs dubio stat prærogativa illius supra bonum Pöenitentiae.

8. Nec refert, si dixeris: unio hypostatica est bonum occasionatum: et tamen est majus bonum, quam innocentia, et justitia originalis: ergo ex eo quod bonum Pöenitentiae sit occasionatum, non infertur Pöenitentiam esse inferiorem in ratione beneficii, aut boni absolute sumpti beneficio innocentiae. Major constat ex doctrina D. Thomæ, et apud Theologos frequentiori, quod si Adamus non peccaret, Christus non veniret; consequenterque non esset unio hypostatica, nec similiter beneficium redemptiōnis, peccato non præcedente.

Non, inquam, refert, nam concessis præmissis, nulla est Consequentia: quia illa propositio ut a nobis posita procedit, quando cetera sunt paria, non vero si imparia sint, ut in præsenti: quia licet unio hypostatica sit bonum utcumque ex peccato occasionem sumens; est tamen altioris ordinis ad totum ordinem gratiæ puræ creature communicabilis, et ex hoc capite incomparabiliter excedit quamlibet gratiam creatam, et creabilem, sive hominum, sive angelorum. Et ratione hujus excellentiæ hominum redemptio non fuit, nec esse potuit finis, cuius gratia unionis hypostaticæ, aut meritorum Christi, sed dumtaxat finis effectus, qui dicitur finis cui. Cujus oppositum contingit in Pöenitentia; hujus quippe finis proximus, et immediatus est satisfacere pro peccatis, eaque detestari, ac destruere, ut explicatum relinquimus supra agendo de objecto Pöenitentiae. Quocirca cæteris paribus majus ac præstantius bonum

Comparatio
inter in-
nocen-
tiam, et
Pöenitentia-
m in
ratione
boni
absolute.
D.Thom.

D.Thom.

D. Cy-
priani.

Objecti-

Solutio.

Hugo
Victor.
Au-
gust.

num est absolute loquendo beneficium in-
nocentia, quam bonum Pœnitentiæ: Si
enim (inquebat Hugo Victorinus lib. 2, de
Sacram. part. 14, cap. 4), magnum est ali-
quando surgere, majus certe est numquam
cedidisse: si bonum est sanatum esse, melius
est numquam fuisse corruptum. Ideoq; D.
Augustinus lib. 2. Confess. cap. 7, utrum-
que monet ad Deum diligendum teneri et
innocentem, et pœnitentem, sed illum præ
isto, dicens: Et ideo te tantumdem imo vero
amplius diligit, quia per quem me videt tan-
tis peccatorum meorum languoribus exui, per
eum se videt tantis peccatorum languoribus
non implicari. Tam enim est effectus gra-
tiæ numquam labi, quam post lapsum ad
vitam assurgere juxta illud ejusdem Au-
gustini: Gratia tuæ depulo quæcumque pec-
cata non feci.

Alia
jectio.
uc. 15.

9. Nec iterum refert, si rursus opponas
illud Lucæ 15: Dico vobis, quod majus gau-
dium erit in celo super uno peccatore Pœni-
tentiæ agente, quam super nonaginta novem
justis, qui non indigent Pœnitentia. Sed in
celo non est majus gaudium nisi de ma-
jori bono: ergo apud Deum præstat bonum
Pœnitentiæ, quam innocentia bonum.

Gre-
gor.

Nam respondet D. Thomas loco citato ex
1, p. ideo dici Deum magis gaudere de
Pœnitentiæ agente, non quia Pœnitentia
sit majus bonum absolute, quam innocentia,
sed quia plerunque pœnitentes cautores,
humiliores, et ferventiores resurgent. Et con-
firmsat exemplo, quo usus fuit D. Gregorius
hom. 34, in Evangelia, ubi ait: quod dux
in prælio eum militem plus diligit, qui post
fugam conversus fortius hostem premit,
quam qui numquam fugit, nec unquam for-
titer fecit. Alia solutio, quam subjunxit
immediate S. Doctor, pertinet ad considera-
tionem sequentem.

Compa-
ratio-
ne
ben-
eficii.

10. Si vero fiat sermo de innocentia, et
Pœnitentia sub ratione beneficii, quo pacto
non tam attenduntur secundum se, quam
per ordinem ad subjecta, cui conferuntur,
et cujus cedunt utilitati; dicendum est
Pœnitentiæ excedere innocentiam, eaque
præstantiorum esse. Quæ etiam est doctrina
D. Thomæ loco nuper citato ex 1, p. ubi
immediate subtexuit: vel alia ratione (est
majus gaudium in celo) quia æquale donum
gratia plus est comparatum pœnitenti, qui
meruit parum, quam innocentia, qui non me-
ruit. Sicut centum marchæ majus donum est,
si dentur pauperi, quam si dentur regi.
Quam rationem, et exemplum iterum usur-
pat S. Doctor, 2, 2, quæst. 106, art. 2.

Nam illa dicitur major gratia formaliter, quæ magis datur gratis, ut ipsum gratia nomen sonare videtur: sed positis duobus hominibus altero peccatore, et altero innocentia, æquali gratia quoad entitatem præventis, magis gratis datur peccatori, quam innocentia: ergo major gratia datur peccatori, quam innocentia. Probatur Minor: quia peccatori debetur poena, quam tamen innocens non meretur; peccatori fit remissio nedum culpæ, sed etiam offendæ, cum tamen innocens expers sit aut culpæ, aut pœnæ remittendæ: ergo major gratia splendet in collatione gratia pœnitenti, quam in ejus dispensatione innocentia.

Ad hæc. Remissio peccati est suo modo beneficium infinitum, ea parte qua importat condonationem offendæ infinitæ, quo circa tract. de Merito asseruimus ob prædictum excessum nec de potentia absoluta posse puram creaturam alteri de condigno mereri primam gratiam ut remissivam peccati; esto valeat primam gratiam secundum se. Quod satis declarat excessum beneficii in collatione gratia peccatori pœnitenti supra beneficium innocentis. Et ideo concludit D. Thomas, licet illud domum, quod datur innocentia, sit absolute consideratum majus; tamen donum, quod datur pœnitenti, est majus in comparatione ad ipsum, sicut etiam parvum donum pauperi datum, est ei majus, quam diviti magnum.

11. Unde tandem infertur, quod proportionaliter loquendo inter innocentem ac pœnitentem (quæ est ultima comparatio) remissior gratia huic collata est majus beneficium quam gratia intensior data innocentia. Tum, quia ut nuper audivimus a D. Thoma, exiguum donum pauperi, et summe egeno oblatum majus illi impedit beneficium, quam diviti, aut non adeo agenti afferat satis magnum. Tum etiam, quia eadem ratio est, loquendo, ut loquimur, in sensu proportionali benefactoris ad pauperem, cui subvenire intendit, ac de paupere ad proximum, vel oblatione ad Deum facta. Constat oblationem pauperis, licet exiguum pluris haberi, majusque donum efficere, quam divitum munera licet ingentiora, ut constat ex illo Lucæ 21, num. 3: Vere dico vobis, quod vidua hæc pauper plus quam omnes misit; cum tameñ non nisi duo æra minuta in gazophylacium misisset. Ergo consimiliter majus fit beneficium pauperi pœnitenti collatione remissoris gratia, quam innocentia non ita egeno, elargitione intensiori. Quo enim

Idem.

Ultima
compara-
tio.

Luc. 21.

ex deteriori statu resurgit ratione beneficij impensi, eo magis accrescit, et augetur ipsum beneficium in ratione beneficij: ac proinde ex hac parte magis tenetur ad gratiarum actiones penitentis, quam innocens, licet hic absolute magis bonum accepterit. Unde Rom. 5, inquit Apostolus:

Ad Rom. 5. *Commendat autem charitatem suam Deus in nobis, quoniam si cum adhuc peccatores essemus, secundum tempus Christus pro nobis mortuus est.* Ad quae verba ita scripsit D.

D.Thom. Thoma lect. 2: *Inmenses latenter quandam divinæ charitatis assignat, quæ quidem ostenditur tum ex ipso facto, quia scilicet dedit filium suum ut moreretur pro nobis, tum ex parte conditionis nostræ, quia hoc non fecit provocatus nostris meritis, cum adhuc peccatores essemus. Ex quo capite in immensem crescit beneficium peccatoribus factum. Quapropter recte concludit S. Doctor in præsoluta ad 3, cuius occasione excitatum est dubium: Et hoc modo beneficium remissionis culpæ est magus, in quantum præstatur totaliter indigno; et ideo ex hoc sequitur major ingratitudo.*

Objec. 12. Sed contra haec tenus dicta objicies discursum D. Thomæ esse illegitimum, et fallere quoad præsens. Nam respectu Dei non stat excessus innocentiae in ratione boni, quin etiam illo eodem gaudeat supra Pœnitentiam in ratione beneficij: ergo primo concessio, male negat D. Thomas secundum. Consequentia patet, et Antecedens probatur: quia nec voluntas, nec gratia Dei supponunt bonitatem in rebus, sed eam efficiunt, et ipsam bonitatem, ac gratiam dignas personas constituunt: ergo constat magus esse bonum innocentiae bono Pœnitentiæ, et quod non fiat magus beneficium innocentiae quam Pœnitentiæ. Patet hæc Consequentia: quia non stante aliqua majori condignitate ex parte extremorum, ut in ordine ad gratiam non stat in innocentia, prius Pœnitente, nullummet donum quod absolute, et in se non est magus, est etiam respectu personæ, neamque magis dignam constituit; siquidem non constituitur digna, nisi ratione doni percepti, quod supponitur absolute magus. Et ideo qui majorem habet gratiam apud Deum, dignior, et melior apud ipsum est, ut cum ipso D. Thoma in prima conclusione statuimus. Ergo quod est in se magus bonum, eam prærogativam servat respectu personæ illud peripientis, et subindeque idem retinet sub ratione beneficij quo pacto non supponit, sed constituit perso-

nam dignam. Quod enim (ut exemplum D. Thoma retorqueamus) eadem pecunia data pauperi sit magus beneficium se ipsa erogata diviti, provenit ex inæqualitate personarum; quippe dives præ ego dignior, ac excellentior est, atque ideo non id quod est pauperi beneficium, et satis ingens, est etiam donum respectu divitis. Ergo e converso, si tota, et adæquata dignitatis ratio provenit ex ipso beneficio, et a bono, cui fiet magus bonum, fiet et magus beneficium.

Respondetur negando assumptum objectionis, et ejus primam probationem. Nam sicut in omni prudentium estimatione plus gratiae magusque beneficium in humano impenderetur homini vel ad triemes, vel ad mortem damnato, si non solum honoraretur apud Regem, sed etiam liberaretur a supplicio sibi imminenti; quam si alter nullatenus reus eodem afficeretur honore: eo quod in estimatione morali pluris haberetur primum, quam secundum: haud dissimiliter apud Deum idemmet bonum uni et alteri ex dictis concessum est magus beneficium uni, quam alteri. Et hic est discursus, et quidem legitimus D. Thomæ; nam ratio beneficij non sistit in ipsa entitate boni communicata absolute, sed connotat statum, et indigentiam recipientis, et quo ea fuerit major, eo augetur beneficium in ratione beneficij. Ad probationem in contrarium concedimus illud principium, quod etiam est D. Thomæ, quia voluntas Dei ad extra est effectiva illiusmet boni, quod amat, eoque constituit personam objectum congruum sum dilectionis in utroque ordine sive naturali, sive supernaturali. Et quia possibilibus nihil re ipsa communicat, idcirco ea nulla dilectione prosecutur, ut suo loco ostendimus. Sed negatur Consequentia, cuius probatio non urget, quia licet neuter, aut innocens, aut penitens, habeat condignitatem positivam ad Dei gratiam, vel ullam, illius exigentiam intrinsecam adhuc remotam; negari tamen non potest, cum peccator supra innocentem habeat impedimentum positivum ratione status peccati, ratione cuius non solum est indignus gratia negative, sed etiam est dignus positive odio, et poena æterna, aliove condigno supplicio, quo innocens non est dignus: atque ideo plus improprietatis, et difficultatis est in uno, quam in altero; sicut plura impedimenta debent abjici, et superari ad justificandum impium, quam

ad sanctificandum innocentem. Quocirca nequit non splendere major favor ex parte Dei circa penitentem, et ubi est major graia ex parte dantis (inquit D. Thomas) ibi requiritur major gratiarum action ex parte recipientis, ut constat in paupere, qui prae divite tenetur ad majorem gratiarum actionem ob maius beneficium sibi impensum. Quod fuit exemplum S. Doctoris, et non bene in contrarium retorquetur: quia res certissima est, et ipso experimento comperta maius beneficium impendi pauperi, magisque gratum ipsum reddi, quam divitem, si eadem summa illis expendatur, vel etiam minor pauperi erogetur; quidquid sit, unde uni proveniat paupertas, et alteri affluentia, quod est extra rem.

ARTICULUS III.

Utrum per ingratitudinem peccati sequentis consurgat tantus reatus, quantum fuerit peccatorum prius dimissa?

Ad tertium sic proceditur. Videtur, quod per ingratitudinem peccati sequentis consurgat reatus quantum fuerat peccatorum prius dimissorum. Quia secundum magnitudinem peccati est magnitudo beneficij, quo peccatum remittitur, et per consequens magnitudo ingratitudinis, quia hoc beneficium continebitur. Sed secundum quantitatem ingratitudinis, est quantitas reatus consequentis. Ergo tantus est reatus, qui coorsurget ex ingratitudine sequentis peccati, quantum fuit reatus omnium praecedentium peccatorum.

Præterea. Magis peccat qui Deum offendit, quam qui offendit hominem. Sed servus manumissus ab aliquo domino, reditur in eandem servitutem, a qua prius fuit liberatus, vel etiam in graviori. Ergo multo magis ille, qui contra Deum peccat post liberationem a peccato reditur in tantum reatum poenæ quantum primo habuerat.

Præterea. Matth. 18 dicitur, quod iratus Dominus tradidit eum (cui replicantur peccata dimissa, propter ingratitudinem) tortoribus quoadasque redderet universum debitum. Sed hoc non esset nisi consergeret ex ingratitudine tantus reatus, quantum fuit omnium præteritum peccatorum. Ergo æqualis reatus per ingratitudinem redit.

Sed contra est, quod dicitur Deuteronom. 25: Pro mensura peccati erit et plagarum modus. Ex quo patet, quod ex parvo peccato non consurgit magnus reatus. Sed quandoque peccatum mortale sequens, est multo minus qualibet peccatorum prius dimissorum. Non ergo ex peccato sequenti redit tantus reatus, quantum fuit peccatorum prius dimissorum.

Respondeo dicendum, quod quidam dixerunt, quod ex peccato sequenti propter ingratitude consurgit tantus reatus, quantum fuit reatus peccatorum prius dimissorum super reatum proximum hujus peccati. Sed hoc non est necessarium: quia sicut supra dictum est, reatus praecedentium peccatorum non fedit per peccatum sequens, inquantum sequebatur ex actibus præteriorum peccatorum, sed inquantum consequitur, acutum sequens peccati. Et ideo oportet, quod quantitas reatus redeuntis sit secundum gravitatem peccati subsequens. Potest autem contingere, quod gravitas peccati subsequens adæquetur gravitati omnium peccatorum praecedentium. Sed hoc non semper est necesse, sive loquamur de gravitate ejus, quam habet ex sua specie (cum quandoque peccatum sequens sit fornicatio simplex, peccata vero præterita fuerint adulteria vel homicidia seu sacrilegia) sive etiam loquamur de gravitate, quam habet ex ingratitudine annexa. Non enim oportet, quod quantitas ingratitudinis sit absolute æqualis quantitatibus beneficij suscepti, cuius quantum attendor, secundum quantitatem peccatorum prius dimissorum: contingit enim quod contra idem beneficium, unus est multum ingratus vel secundum intensionem

contemptus beneficij, vel secundum gravitatem cuius contra beneficiorum commissæ, aius autem parum, vel quia minus contemnit, vel quia minus contra beneficorem agit. Sed proportionaliter quantitas ingratitudinis adæquatur quantitatibus beneficij: supposito enim æquali contemptu beneficij, vel offense beneficioris, tanto erit gravitas ingratitudinis, quanto beneficium fuit magis. Unde manifestum est, quod non est necesse, quod propter ingratitudinem, semper per peccatum sequens, redeat tantus reatus, quantum fuit praecedentium peccatorum: sed necesse est quod proportionaliter quanto peccata prius dimissa fuerint plura et majora, tanto redeat major reatus per qualemque sequens mortale peccatum.

Ad primum ergo dicendum, quod beneficium remissione culpa respicit quantitatem absolutam secundum quantitatem peccatorum prius dimissorum. Sed peccatum ingratitudinis non respicit quantitatem absolutam secundum quantitatem beneficij, sed secundum quantitatem contemptus vel offense, a ut dictum est. Et ideo ratio non sequitur.

Ad secundum dicendum, quod etiam servus manus missus posse reducitur in pristinam servitutem pro qualunque ingratitudine: sed pro aliqua gravi.

Ad tertium dicendum, quod illi cui peccata dimissa replicantur propter subsequentem ingratitudinem, reddit universum debitum, in quantum quantitas peccatorum praecedentium proportionaliter invenitur in ingratitudine subsequenti, non autem absolute, ut dictum est.

Prima conclusio negat, de quantitate absoluta.

Secunda Conclusio. Quo plura fuerunt peccata dimissa, eo proportionabiliter est major ingratitudo sequentis peccati.

4. Ratio primæ conclusionis est clara:

Quia quantitas peccati redeuntis est secundum quantitatem peccati sequentis; nam peccata praecedentia non redeunt, per peccatum sequens, quatenus sequebantur ab actus ipsos peccaminosos præteritos, sed in quantum consequitur ob peccatum ipsum denuo commissum; sed constat manifeste peccatum sequens denuo commissum non semper esse æqualis gravitatis cum peccatis præcedentibus. Ergo non tantus illi debetur reatus, quantum deberetur peccatis præteritis, si non fuissent remissa. Cujus oppositum docebat illa sententia, quam refellit S. Doctor, inquit, enim, quod si peccatis præteritis debebatur reatus ut octo, et peccatum sequens foret gravitatis v. g. ut sex, non solum consurgebat reatus ut sex, sed etiam addebat reatus ut octo, et ita debebat huic peccato reatus ut quatuordecim, octo ratione praecedentium, et sex ratione præsentis.

Secunda conclusio, etiam est perspicua: quia ingratitude crescit ad multiplicationem peccatorum: Ergo quo plura fuerint peccata præterita, eo erit major ingratitude præsentis peccati, non majoritate, ut ita dicamus, arithmeticæ, seu mathematica partis ad partem, ut constat ex prima conclusione: Ergo majoritate saltem geometrica, seu proportionali. In quo non est cur immoremur, omnia quippe ex ipsa littera constant.

Ratio secundæ.

ARTICULUS IV.

Utrum ingratitudo, ratione cuius sequens peccatum facit redire peccata prius dimissa, sit speciale peccatum?

Ad quartum sic proceditur. Videtur, quod ingratitudo, ratione cuius sequens peccatum facit redire peccata prius dimissa, sit speciale peccatum. Retributio enim gratiarum pertinet ad contra passum, quod requiritur in justitia : ut patet per Philosophum 5 Ethic. sed justitia est specialis virtus. Ergo ingratitudo est speciale peccatum.

Præterea, Tullius in 2 Rhetor. ponit quod gratia est specialis virtus. Sed ingratitudo opponitur gratiae. Ergo ingratitudo est speciale peccatum.

Præterea Specialis effectus a speciali causa procedit. Sed ingratitudo habet speciale effectum, scilicet quod, facit aliquatenus redire peccata prius dimissa. Ergo ingratitudo est speciale peccatum.

Sed contra. Illud quod consequitur omnia peccata, non est mortale peccatum. Sed per quodcumque peccatum mortale aliquis efficitur Deo ingratus : ut ex premissis patet. Ergo ingratitudo non est speciale peccatum.

Respondeo dicendum, quod ingratitudo peccantis quandoque est speciale peccatum : quandoque autem non, sed est circumstantia generaliter consequens omne peccatum mortale, quod contra Deum committitur. Peccatum enim speciem recipit ex intentione peccantis; unde ut Philosoph. dicit 5 Ethic. Ille qui mænachatur, ut furetur, magis est fur, quam mænachus. Si igitur aliquis peccator in contemptum Dei et suscepti beneficii aliquod peccatum committat, illud peccatum trahitur ad speciem ingratitudinis. Et hoc modo ingratitudo peccantis, est speciale peccatum. Si vero aliquis intendens aliquod peccatum committere (puta homicidium, aut adulterium) non retrahatur ab hoc propter hoc quod pertinet ad Dei contemptum, ingratitudo non erit speciale peccatum : sed trahetur ad speciem alterius peccati; sicut

circumstantia quædam. Ut autem August. dicit in libro natura et gratia, non omne peccatum est ex contemptu, et tamen in omni peccato Deus contemnit in suis præceptis. Unde manifestum est, quod ingratitudo peccantis quandoque est speciale peccatum, sed non semper. Et per hoc patet responsio ad objecta. Nam primæ rationes concludunt quod ingratitudo secundum se sit quædam species peccati. Ultima autem ratio concludit, quod ingratitudo secundum quod invenitur in omni peccato, non sit speciale peccatum.

Assertio Prima. Ingratitudo quandoque est speciale peccatum, quandoque non.

Assertio Secunda. Tunc ingratitudo est speciale peccatum, quando peccator in contemptum Dei, et beneficiorum accepti ex intentione operatur.

Assertio Tertia. Est vero circumstantia generalis omnis peccati, quoties peccans aliud per se intendit ex quo consequitur contemptus Dei, et beneficiorum accepti.

Omnia constant ex littera articuli, et quæ ad materiam ingratitudinis spectant, venanda sunt ex 2, 2, quæst. 107., ubi sub quatuor articulis comprehendit D. Thomas, quæ ad plenam hujus vitii notitiam desiderari poterant, adjunctis illis, quæ quæst. 106 de Gratitudine disseruerat S. Doctor : contraria enim quoad cognosci mutuo se juvant, licet a subiecto mutuo se expellant; quoniam alia est ratio rei quoad esse, et cognosci.

QUÆSTIO LXXXIX

In quæstione ista egit D. Thomas de recuperatione virtutum per Pœnitentiam.

Quo perficit tractatum de virtute Pœnitentiae. Circa quam quæstionem nihil se offert discussione dignum. Cum enim virtutes profluant physice a gratia, sicut proprietates ab essentia, ut ex professo statuimus tract. 14. de Gratia disp. 4. dub. 6. restituta gratia per Pœnitentiam, ut restitui compertum relinquitur, planum est simul etiam restitu virtutes. Et quia contingit quandoque majorem gratiam, quandoque minorem, quam quæ fuit amissa per peccatum, per novam Pœnitentiam acquiri quoad esse physicum, seu (quod idem est), majorem, aut minorem intensionis modum; idcirco idem proportione debita dicendum erit de virtutibus, quod nimis pullulant a gratia eo intensores, aut remissiores, quo intensor, aut remissior ipsa restauretur. In quo non appareat posse esse dissidium. Quia tamen hic etiam agitur de reviviscentia meritorum, quæ est celeberrima, ac difficillima controversia, ei extircandæ insulare opportunum videbatur,

eam libenter discutiendam arriperemus; si non fuse et accurate decisam relinquemus tract. de Merito, disp. 5, dub. unico, ubi discussimus ex professo, *An, et quomodo merita per peccatum mortificata, per Pœnitentiam, et justificationem sequentem reviviscant?* et relatis Authorum placitis, quæ satis varia sunt, conformiorem veritati, et doctrinæ D. Thom. sententiam elegimus, quo eat lector pro tota præsenti quæstione : frequenter enim in ultimis hujus cursus tractatibus occurrit dubia, quæ in anterioribus decisa, ac digesta, reliquimus: quæ proinde non expedite repetere, sed lectorem ad propria loca remittere. Et quia nimis augetur hoc volumen; oportet modo in hac ejus prima parte gradum sistere; cetera, quæ desiderari possunt, reservando pro secunda hujus Tractatus parte, quam prosequemur inhærendo, ut hactenus observavimus, menti, litteræ, et ordini Angelici Præceptoris nostri D. Thomæ.

FINIS

INDEX ALPHABETICUS

RERUM ET VERBORUM

QUÆ IN HOC TOMO CONTINENTUR

In quo D. disputationem. N. numerum marginalem. Q. quæstionem.

A. articulum. C. commentarium et P. paginam designant.

A.

ABSENS. Nequit inter absentes fieri confessio licita. Disp. 3, a num. 200, pag. 231. Nec valida. Ibi. num. 204, cum seq. p. 233.

ABSOLUTIO. Est forma Sacramenti Pœnitentiae, disp. 1, num. 59, p. 31. Potest esse actus mere naturalis, disp. 1, num. 195, p. 93. Verba absolutionis non sunt deprecativa, sed indicativa, disp. 3, num. 20, p. 150. Eadem absolutione absolvunt Christus, et ejus minister. Ibi. num. 27, pag. 152. Quomodo absolutione comparetur ad Deum et ad Sacerdotem, disp. 3, num. 60, p. 164. Proprius effectus absolutionis est remissio peccati. Ibi. num. 64, p. 166. Quomodo verificantur verba absolutionis, cum peccatum non remittitur, sed perseverat. Ibi. num. 81, p. 174, et quando supponitur jam remissum. Ibid. num. 86, p. 177. Absolutio Sacramentalia non est mera. cesso juris exigendi satisfactionem, disp. 3, num. 88, p. 178. Varii sensus verborum absolutionis, disp. 3, a num. 106, p. 188. Legitimus prædictus formæ sensus. Ibi. num. 113, p. 190. Qua ratione absolutio Sacerdotis praecedat absolutionem Dei, disp. 3, num. 129, p. 198. Verba non essentialia, sed utilia in absolutione, disp. 3, num. 133, p. 199. Invocatione sanctissimæ Trinitatis non est de essentia absolutionis, disp. 3, num. 135, p. 200. An, et quale peccatum sit illa omittere, ibi. num. 139, p. 203. Quid dicendum de particula. *Ego.* Ibi. num. 141, Ibid. Quid de particula *Te.* Ibi. num. 142, p. 204. Major difficultas circa illa verba, *A peccatis tuis.* Ibi. num. 143, Ibid. et 155, p. 205. An explicite prolatæ influant in effectum Sacramenti, disp. 3, num. 169, p. 211. Grayis obligatio profundi prædicta verba in forma absolutionis, disp. 3, num. 175, p. 219.

An possit impendi absolutio sub conditione, disp. 3, a num. 177, p. 220. Conditione de præterito. Ibi. num. 179, p. 222. Conditione de præsenti. Ibi. num. 180, Ibid. Major difficultas circa conditionem de futuro, disp. 3, num. 183, p. 224. Magna differentia inter absolutionem Sacramentalem, et absolutionem a censuris, disp. 3, num. 185, Ibid. Quid si ex ignorantia apponatur conditio de futuro, cum intentione ad tempus præsens, disp. 3, num. 194, p. 227. An valida sit absolutio di-

mida, et partialis ex intentione ministri. Ibi. num. 195, p. 228.

De absolutione per epistolam, et inter absentes, latissime disp. 3, a num. 200, p. 231. Quæstio est longe diversa ab ea, quæ occurrit circa moribundum non exhibentem signa doloris. Ibi. num. 202, p. 232. Qui nullum signum dedit doloris, aut desiderii absolutonis, nequit absolvvi, licet Christiane vixerit. Ibi. num. 207. Quanta præsentia vel indistinctia debeat esse inter pœnitentem, et ministrum, disp. 3, num. 223, p. 243.

An simul a pluribus ministris possit absolutio conferri, disp. 3, num. 224, p. 243. Impositio manuum Sacerdotis non requiritur ad absolvendum. Quæst. 84, art. 4, in Comment. p. 245. Plure materiales ministrorum absolutiones possunt esse una formaliter absolutio. Quæst. 84, art. 10, in Comment. num. 24, p. 348.

Absolutio a peccatis reservatis conceditur in articulo mortis; secus in solo periculo, disp. 5, num. 299, p. 501. Per absolutionem Sacramentalem non commutatur poena aeterna in temporalem, sed vere relaxatur, et tollitur, disp. 5, num. 164 p. 488.

ACTIO. ACTUS. Actus humani quo sensu dicantur materia, et forma in aliquibus Sacramentis, disp. 1, num. 42, p. 23. Qui actus arceantur a constitendo essentiam Sacramenti Pœnitentiae, disp. 1, num. 58, p. 30. Actus necessarii ad veram Pœnitentiam, disp. 1, num. 63, p. 32.

Actus supernaturalis nequit ex ullo fine esse peccaminosus, disp. 1, num. 139, p. 67. Radix varietatis in actibus humanis, disp. 1, num. 180, p. 86. An hio actus, *Volo honeste;* aut *Volo Deo in omnibus placere,* excedat vires liberi arbitrii, disp. 4, num. 129, p. 320. Impossibile est eundem actum esse aequaliter, et formaliter amorem, et odium, disp. 5, num. 10, p. 374.

Actus primarius virtutis Pœnitentiae non est conditionatus, sed absolutus, et efficax. Ibi. num. 24, p. 383. In quo consistat actus principalis hujus virtutis, disp. 5, num. 43, p. 396. Qui actus in virtutibus dicantur propriæ reflexi, disp. 5, num. 48, p. 399. Quomodo idem actus possit esse uero duabus, vel pluribus virtutibus, disp. 5, num. 104, p. 440. Non semper in actibus secundariis servatur eadem ratio sub qua pertinens ad actus pri-

marios potentiarum, et habituum, disp. 5, num. 137, p. 465.

Unde colligatur actum aliquem virtutis esse supernaturale, disp. 5, a num. 185, p. 506. Actus supernaturales nullum generant habitum. Ibi. num. 191, p. 511. Actus proprius virtutis Pœnitentiae imperatur per se a charitate. Ibi. num. 198, p. 516. Per actus supernaturales, licet repeatantur, non generatur ullus habitus naturalis, disp. 5, num. 215, p. 531. An inter actus charitatis, et Pœnitentiae detur connexio, disp. 5, num. 275, p. 582.

An hic actus, *Nunc nolo pœnitere* sit semper peccaminosus, disp. 5, num. 285, p. 589. Est obligatio per se, et ex vi præceptorum divinorum eliciendi non semel actus fidei, spei, et charitatis, disp. 5, num. 324, p. 620. Qui actus ad justificationem concurrant, et quia ratione. Quæst. 85, art. 5, in Comment. num. 3 et 4, p. 650.

In actibus supernaturalibus non pars Deo, et pars creature attribui debent, sed totus actus Deo, et eis gratiae, disp. 6, num. 4, et seq. p. 663. Actus supernaturalis non solum in ratione supernaturalis, sed etiam in ratione vitalis, voluntarii, et liberi debet procedere immediate a supernaturali virtute, disp. 6, a num. 29, p. 684. Aliqui actus supernaturales supponunt gratiam habitualis, alii eam non exposunt. Ibi. num. 65, p. 714. In actu supernaturali nullus conceptus est naturalis, disp. 6, num. 80, p. 726. Quo sensu requiratur major virtus ad posse non agere, quam ad agendum. Ibi. num. 87, p. 731. An actus virtutis supernaturalis habeat a virtute posse non esse. Ibi. num. 90, p. 733. Quomodo actus disponentes ultimo ad justificationem subsequantur, et precedant gratiam justificantem, disp. 6, num. 131, p. 762.

AMOR. Ad amorem naturalem Dei super omnia non datur habitus, disp. 5, num. 204, p. 521. Per amorem charitatis non fit satis speciali Pœnitentiae præcepto, disp. 5, num. 312, p. 610. Aptior est proadimplendo Pœnitentiae præceptum attritio cum Sacramento, quam sola Dei dilectio per charitatem. Ibi. num. 316, p. 614. Ad amorem charitatis obligatur homo per se non semel in vita, disp. 5, num. 324, p. 620.

ANGELUS. Non est subjectum capax virtutis Pœnitentiae. Quæst. 85, art. 4, in Comment. num. 8, p. 646. Angeli receperunt minorem, aut majorem gratiam juxta inæqualem eorum in naturalibus perfectionem; et quo sensu, disp. 6, num. 21, p. 677.

ANIMA. Anima vere agit per gratiam, et habitus supernaturales, disp. 6, dub. 1 per totum, et specialiter num. 72, p. 720.

APPETITUS. Quomodo in appetitu sensitivo sint, aut non, aliquæ virtutes. Quæst. 85, art. 1, in Comment. num. 2, p. 364. Sub qua ratione sit subjectum virtutis. Ibi. num. 3, p. 365. An in eo resideat Pœnitentia. Quæst. 85, art. 4, in Comment. num. 5, p. 642.

ATTRITIO. Sufficiens, et requisita ad fructum Sacramenti Pœnitentiae debet esse supernaturalis, disp. 1, num. 146, p. 70. An etiam requiratur ad valorem Sacramenti. Ibi. a num. 159, latissime, p. 76. Attritio supernaturalis alia, absoluta, et efficax, alia, destituta his conditionibus, disp. 1, num. 204, p. 94.

Attritio absoluta, et efficax superat vires naturales arbitrii, disp. 4, num. 63, p. 283. Vide *Contritio*. Attritio aliqua entitative naturalis, disp. 4, num. 83, p. 295.

Potest dari attritio de uno peccato, sine extensione ad aliud, disp. 4, num. 134, p. 321. Et non repugnat, talem attritionem limitatam esse opus specialis auxilii Dei. Ibi. num. 135, p. 324. Possibilis est attritio supernaturalis, quæ non se extendat ad omnia peccata, etiam si cognoscantur, Ibi. num. 137, p. 325. Attritio cum Sacramento aequivalat contritioni in ordine ad præceptum, disp. 5, num. 231, p. 547. An, et quo sensu attritio sit melior contritione, disp. 5, num. 246, p. 561. Per attritionem Sacramento conjunctam fit, satis pœnitendi præcepto, disp. 5, num. 266, p. 575.

Attritio cum Sacramento sufficit in articulo mortis, sicut in decursu vita, quo sit necessaria contritio, disp. 5, num. 301, p. 602. Attritio, quæ in omnium sententia debet sufficere ad valorem Sacramenti Pœnitentiae. Ibi. num. 304, p. 604. Sententia docens attritionem cum Sacramento sufficere in omni eventu, et his suppositis non teneri hominem ad contritionem etiam in articulo mortis, est certa moraliter, et excludens omne, rationabile dubium, num. 308, et sequentibus, p. 608. Ad retractandum efficaciter actum peccaminosum præteritum sufficit attritio cum Sacramento. Ibi. num. 310, p. 609.

Actus attritionis non procedit a virtute Pœnitentiae, sed a timore servili. Ibi. num. 315, p. 613. Quo pacto attritio sit vera Pœnitentia, et cuncta Sacramento satisficiat pro contritione. Ibi. num. 316, p. 614. An per sotam attritionem sine Sacramento fiat satis præcepto pœnitendi, disp. 5, num. 329, p. 625. An attritio cum Sacramento sufficiat ad remissionem venialium. In Comment. ad art. 1, quæst. 87, num. 17, p. 809.

AUGUSTINUS. Celebris D. Augustini sententia de influxu Baptismi ficti suscepti, latissime explicatur, et defenditur contra Vasquez, disp. 2, a num. 12, p. 102.

AUXILIUM. Agere per auxilium est minus perfectum, quam agere per habitum, disp. 5, num. 194, p. 514. Quo sensu omnibus adultis conferant auxilia sufficientia ad salutem, disp. 6, num. 129, p. 1761. Nequit Deus, nulla facta suppositione negare homini auxilia sufficientia ad vitandum peccatum, disp. 6, num. 184, p. 795.

B.

BAPTISMUS. Vide PECCATUM. Nullo modo remittit peccata post se commissa, disp. 1, num. 14, p. 11. Quo sensu dicatur Pœnitentia, disp. 1, num. 45, p. 24. Baptismus ficti, aut sine fructu susceptus, si fictio recedat, causat vere gratiam regenerativam, et remissionem peccati originalis, disp. 2, num. 13, p. 102. Peccata ante Baptismum commissa in nullo eventu pertinent ad Sacramentum Pœnitentiae, disp. 2, num. 25, p. 107. Per quam virtutem influat sublata fictio, baptismus ficti receptus, disp. 2, num. 30, p. 110. In qua duratione compleatur, et influat Baptismus, disp. 2, num. 89, p. 136. Baptismus B. Virtutis asseritur, et explicatur, disp. 4, num.

165, p. 339. Quare Baptismus auferat reatus omnis poenitentia, secus Pœnitentia, disp. 6, num. 168, p. 785. Quomodo in Baptismo remittantur peccata venialia. In Comment. ad art. 1, quæst. 87, num. 15, p. 809.

BENEFICIUM. An Pœnitentia sit majus beneficium, quam innocentia. In Comment. ad art. 2, quæst. 88, num. 10, p. 835.

C.

CAUSA. Potest esse una specie, et numero, licet ex pluribus constituantur, disp. 1, num. 122, p. 60. Mutua inter causas prioritas asseritur, disp. 2, num. 33, p. 111. Facile declaratur, disp. 5, num. 162, p. 486. Ubis admittenda partialitas causarum ad unum effectum, disp. 6, num. 6, p. 665. Differentia inter causam principalem, et instrumentalem quantum ad virtutem agendi, disp. 6, num. 26, p. 681. Causa partialis est in modo causandi imperfecta, disp. 6, num. 35, p. 689. Implicat causam esse partiale, et causare totum effectum, disp. 6, num. 98, p. 739.

CERTITUDO. Qualis requiratur, et sufficiat pro adimplitione præceptorum supernaturalium, disp. 5, num. 231, p. 347. Certitudo moralis, quam homo habet de sua justificatione, dum recipit Sacramentum Pœnitentiae cum attritione, disp. 5, num. 307, p. 606. Sententia docens attritionem cum Sacramento ita sufficere, quod nec in articulo mortis tenetur homo ad contritionem, est certa moraliter, ibi. num. 308, p. 608.

CHARITAS. Ex præcepto charitatis obligatur peccator ad pœnitendum, disp. 5, num. 251, p. 566. Cur præceptum charitatis obliget in primo instanti usus rationis, et non sic in aliis, disp. 5, num. 272, p. 579. Præceptum charitatis urget non semel in vita, disp. 5, num. 274, p. 581. Quomodo soleat concurrere præceptum charitatis, et præceptum Pœnitentiae, ibi. num. 295, p. 597. An supposita remissione peccatorum facta per solum actum charitatis, teneatur homo ad actum Pœnitentiae, disp. 5, num. 312, p. 610. Intra quod tempus instat obligatio amoris charitatis, disp. 5, num. 328, p. 624. Quare actus charitatis non sit satisfactorius pro peccato sicut actus Pœnitentiae, ibid. num 316, p. 614. Fervor charitatis requisitus ad remissionem peccatorum venialium. In Comment. ad art. 1, quæst. 87, num. 3 et 4, p. 802. An, et quomodo augeatur charitas per actus remissos. In Comment. ad art. 2, quæst. 87, num. 4, p. 813.

CHRISTUS. Solus Christus Dominus est institutor Pœnitentiae, et aliorum Sacramentorum, disp. 4, a num. 142, p. 327. An per se ipsum Sacramentum Pœnitentiae ministraverit. Ibi. num. 146, p. 329. Christus prius prædicavit Baptismum, quam Pœnitentiam, disp. 4, num. 162, p. 338. Christus non est baptizatus baptismu a se instituto, sed baptismu Joannis. Ibi. num. 163, p. 339. An alios per se ipsos baptizaverit. Ibi. Virtutes in Christo sunt ejusdem rationis cum nostris quoad speciem, disp. 5, num. 151, p. 477. Cur in Christo, et nobis sit religio ejusdem rationis ad exhibendum debitum cultum, et non sit eadem justitia ad solvendum satisfac-

tionem. Ibi. num. 153, p. 478. In Christo non fuit virtus Pœnitentiæ, quæst. 85, art. 4. In Comment. num. 8, p. 646.

COMMUTATIO. Pœna æterna non commutatur in temporalem, disp. 6, num. 172, p. 787. Commutatio improprie dicta. Ibi. num. 174, p. 778.

CONCRETA. Concreta accidentalia unum significant, et pro alio supponuntur, disp. 1, num. 134, p. 65.

CONDITIO. Quæ possint occurreræ in administratione Sacramentorum, disp. 3, a num. 177, p. 220. Conditiæ de futuro impedit eorum valorem, disp. 3, num. 186, p. 224. Vide Absolutio.

CONFESSIO. Licitum, et utile est peccata semel confessa, et dimissa iterum confiteri, disp. 2, num. 42, p. 116. An peccata erronee apprehensa sint materia Confessionis, disp. 2, num. 92, p. 138. Non licet peccata gravia prius non confessa dimidiate confiteri, disp. 3, num. 199, p. 230. An Confessio fieri possit inter absentes, disp. 3, a num. 201, p. 231. Confessio sic facta non solum est illicita, sed etiam invalida in omni eventu. Ibi. num. 204, et seq. p. 233. Sententia Clementis VIII, et frivola aliquorum explicationes. Ibi. num. 207, p. 234. An Confessio peccatorum fuerit in veteri lege, disp. 4, num. 154, p. 335.

CONSCIENTIA. Qualiter dictamen conscientiae erronee obliget, disp. 2, a num. 92, p. 138.

CONSILIIUM. Quid agendum in occurso tentationum, et in memoria præcedentium peccatorum, quæst. 84, art. 9, in Comment. num. 6, p. 344. An expediæ crebra peccatorum detestatio cum eorum cogitatione. Ibi. num. 7, p. 344. Quæ præcise sunt consilii, non proponuntur sub gravi comminatione, disp. 5, num. 319, p. 616.

CONSTITUTIVUM. Non est generaliter constitutivum rei id, quo sublatu ejus essentia destruitur, disp. 1, a num. 65, p. 33.

CONTINENTIA. Quare excludatur a ratione virtutis, disp. 5, num. 26, p. 384.

CONTRITIO. Est pars essentialis Sacramenti Pœnitentiae, disp. 1, num. 91, p. 46. Sed qua ratione, num. 94, et sequentibus, p. 47. Qualiter contritio interior significetur per exteriorem, et possint esse ad invicem causa, disp. 1, num. 99, p. 49. Eadem vires requiruntur ad contritionem, quæ ad amorem Dei super omnia, disp. 1, num. 153, p. 73. Notabilis differentia inter contritionem ante Baptismum, et contritionem post Baptismum, disp. 2, num. 29, p. 109. Connexio inter contritionem, et gratiam justificantem, disp. 4, num. 38, p. 270. Specialis sententia Molinæ de viribus naturæ ad actum contritionis, disp. 4, num. 62, p. 282. Vires naturales non sufficiunt ad eliciendum absolutum actum contritionis secundum substantiam acceptum. Ibi. num. 63 et 89, p. 283 et 298. Quæ essentialiter complectatur vera contritio, disp. 4, num. 75, p. 290. Contritio nunquam est informis, Ibi. num. 81, p. 294.

Contritio, cuiuscumque ordinis sit, semper habet sibi conjunctum amorem Dei super omnia, disp. 4, num. 93, p. 301. In quo sensu contritio coincidat cum actu charitatis, et non exposcat diversam virtutem. Ibi. num. 100, p. 305. Notabilis differentia inter contritionem, et amorem Dei. Ibi. num. 103, p. 306.

Nulla est contritio, neque esse potest, quae non sit supernaturalis. disp. 4, num. 106, p. 307. Contritio non est purum odium, et fuga, sed magis actus prosecutionis circa aliquid bonum, disp. 5, num. 10, p. 374. Nequit esse vera contritio de peccatis alienis, sed solum de propriis, disp. 5, num. 66, p. 412. Quomodo contritio procedens, et dependens a gratia possit concurrere ad delendum offendam Dei, disp. 5, a num. 157, p. 482, et num. 165, p. 489.

Actus contritionis nequit fieri per solum auxilium, sed dependet essentialiter a gratia sanctificante, disp. 5, num. 166, p. 490. Quomodo contritio in Sacramento concurrat ad efficiendum gratiam, si ab ea procedit. Ibi. num. 176, p. 499. Contritio est, et fuit in omni statu sub præcepto, disp. 5, num. 230, p. 546. Quomodo suppleri possit per attritionem cum Sacramento. Ibi. num. 230, ibid.

Comparatio contritionis. cum attritione, cum ēt sine Sacramento, disp. 5, num. 246, p. 561. Contritio solet esse debita ex multis motivis, et præceptis, disp. 5, num. 253, p. 567. An contritionis omission ex multis motivis præcepta sit unum peccatum, vel plura, disp. 5, num. 255, p. 568. An satisfiat præcepto contritionis, si fiat ex motivo non Pœnitentiæ, sed aliarum virtutum, num. 258, p. 570.

Non obligatur homo ad eliciendum contritionem statim, ac peccat, disp. 5, num. 269, p. 577. Supposito Sacramento Pœnitentiæ cum sola attritione cognita, non requiritur contritio in ullo eventu, nec etiam in articulo mortis, disp. 5, num. 308, p. 608. Contritio secundum præsentem providentiam includit votum Pœnitentiæ : et cessante obligatione recipiendi hoc Sacramentum, cessat obligatio eliciendi contritionem. Ibi. num. 310, p. 608.

Præceptum contritionis obligat ad illam non diu differendam, disp. 5, num. 317, p. 615. Contritio expellit peccatum, non formaliter, sed dispositive, disp. 6, num. 108, p. 746. Quomodo licet oriatur a gratia sanctificante, tendat ad destruendum peccatum per modum satisfactionis. Ibi. num. 110, p. 747. Contritio concurrevit ad expellendum peccatum, non physice, sed moraliter. Ibi. num. 111, ibid. Contritio in vi satisfactionis aliter se habet ad reatum poenæ æternæ, et ad reatum poenæ temporalis, disp. 6, num. 119, p. 754. Non contritio interior, sed exterior est proprie pars Sacramenti Pœnitentiæ, disp. 1, num. 102, p. 51.

CONVERSIO. Homo lapsus nequit per solas naturales vires se efficaciter convertere in Deum ut ultimum finem naturalem. Disp. 4, num. 89, p. 298. Vide *Contritio*. Supposita elevatione hominis ad supernaturalem ordinem, non potest homo lapsus se convertere ad Deum ut naturalem finem, quin convertatur etiam ad finem supernaturalem, disp. 4, num. 95, p. 302. Conversio ad bonum commutabile solet post justificationem manere, disp. 6, num. 171, p. 787. Quo modo delectatur ultimo illa inordinata conversio. Ibi. num. 173, ibid.

CORRECTIO. Ad quid obligat præceptum correctionis fraterræ, disp. 5, num. 342, p. 635.

CRUX. An crucis signum sit necessarium ad perficiendum Sacra menta. Quæst. 84, Art 4, in Comment. num. 8, p. 246.

D.

DEUS. Implicitorum est Deum complacere in peccato, ut est materia compensationis per Pœnitentiam, disp. 5, num. 42, p. 895. Omnis gravis offensa Dei est injuria contra ipsum, disp. 5, num. 115, p. 449. Possibilis est vera ratio justitiae inter Deum, et hominem. Ibi. num. 116, p. 450. Quid in praesenti statu posset Deus a pœnitente in compensationem injuria sibi factæ, disp. 5, num. 267, p. 576. Cur Deus non obliget hominem ad statim satisfaciendum pro injuria sibi irrogata, ut contingit in humanis? disp. 5, num. 333, p. 628. Deus facit creaturam agere. Quæst. 85, art. 5, in Comment. num. 1, p. 649.

Deo, et ejus gratia attribuendus est totus actus supernaturalis, disp. 6, num. 7, p. 666. Deus nequit esse causa partialis, disp. 6, num. 35, p. 689, 690. Quidquid est a Deo efficienter specialiter respicit Deum ut causam finalem. Ibi. num. 62, p. 711. Nequit specialiter concurrere ad materialia peccati, nec ad ullum errorem. Ibi. num. 62, p. 713. Diversitas, qua Deus concurrit cum causis liberis, et cum necessariis, disp. 6, num. 88, p. 731.

Deus hominem justificatum nequit punire poena æterna inferni, disp. 6, num. 181, p. 793. Nequit in poenam peccati remissi negare homini auxilia sufficientia ad vitandum peccatum. Ibi. num. 182, ibid. Si Deus homini sine antecedente hujus culpa negaret auxilia sufficientia ad vitandum peccatum; vel homo non peccaret, vel peccatum refunderetur in Deum, Ibi. num. 183, p. 794. An magis obliget innocentem, quam pœnitentem. In Comment. ad art. 2, quæst. 88, num. 6 et 7, p. 834. Cui impenda majus beneficium, Ibi. num. 12, p. 836.

DIFFINITIO. Quomodo diffinienda concreta accidentalia, et Sacra menta. disp. 1, num. 123, p. 60.

DISPENSATIO. Differentia inter dispensationem, et commutationem, disp. 6, n. 164, p. 783.

DISPOSITIO. Duo genera dispositionum ad gratiam, disp. 6, num. 66, p. 715. Non datur ultima dispositio antecedens, ad quam gratia sanctificans infallibiliter sequatur, disp. 6, num. 121, p. 755.

DOLOR. Unde oriatur necessitas doloris ad Sacramentum Pœnitentiæ, disp. 1, num. 63, et num. 140, p. 67. Dolor supernaturalis necessarius ad fructum Sacramenti Pœnitentiæ, disp. 1, num. 143, p. 69. An ad distinctas Confessiones ejusdem peccati, requiratur novus, et distinctus dolor. Quæst. 84, art. 10, in Comment. num. 9, p. 351.

DONUM. Propria ratio donorum Spiritus sancti, disp. 5, num. 108, p. 444.

DUBIUM. In dubio de periculo mortis obligat præceptum Pœnitentiæ. disp. 5, num. 298, p. 600.

E.

ECCLESIA. In Ecclesia datur potestas ad remittendum peccata, disp. 1, num. 6, p. 7.

Magis deferendum est Ecclesiæ, quam plurimum Patrum auctoritatib; disp. 3, num. 22, p. 151. Quid Ecclesia possit, aut non in his, quæ sunt juris divini, disp. 5, num. 271, p. 578.

EFFECTUS. Effectus quo communior, eo petit causam universaliorem, et perfectiorem, disp. 6, num. 76, p. 723.

AQUIPOLENTIA. Admittenda est in verbis, quæ sunt forma Sacramentorum, disp. 3, num. 156, p. 211.

ERROR. Error Novati, et Novatianorum circa Pœnitentiam. Quæst. 84, art. 10, in Comment. p. 349.

EUCHARISTIA. Quomodo hec Sacramentum remittat peccata venialia. In Comment. ad art. 1, quæst. 87, num. 10, p. 808.

EXCOMMUNICATIO. Ad imponendum, et tollendum excommunicationem non requiratur determinata forma, disp. 3, num. 186, p. 225.

EXTREMA IUNCTIO. Radix, ut hoc Sacramentum perficiatur verbis deprecativis: quod in aliis non contingit, disp. 3, num. 41, p. 157, et num. 46, p. 158. Infantes, et perpetuo amentes non sunt capaces Extremæ-Uncionis, disp. 3, num. 102, p. 186.

F.

FESTA. Non datur specialis obligatio ponendi in diebus festis, disp. 5, num. 282, p. 587.

FICTIO. Quæ solet inveniri, in Sacramentis; in quo consistat, disp. 2, num. 46, p. 118. et num. 91, p. 187. Notabilis differentia inter peccatum fictionis, et alia peccata cum ea simul concurrentia, disp. 2, num. Ibi. An Sacramentum Pœnitentiaæ fictæ receptum influat recedente fictione, disp. 3, a num. 78, p. 172.

FIDES. Fides promovet lumen rationis in actibus propriis naturalibus, disp. 4, num. 51, p. 276. An Deo dicenti possit quis assentiri Deo assensu fidei entitative naturalis, disp. 4, num. 132, p. 332. An, et quomodo puer pervenienti ad usum rationis teneat ad assensum fidei, disp. 5, num. 273, p. 581. Fides est aliqua vita supernaturalis in homine peccatoris, disp. 6, num. 38, p. 693. An in peccatoribus detur aliqua forma radicalis, ut elicant actum fidei, disp. 6, num. 59, p. 709. Cur informitas non sit essentialis fidei informi, disp. 6, num. 60, p. 710. Cognitio fidei theologica fit per species naturales. Ibi. num. 92, et seq. p. 734. Quare sit impossibilis assensus fidei theologicae ad unum mysterium cum dissensu circa aliquid, disp. 6, num. 134, p. 763.

FINIS. Impossibilis est aversio, et convercio respectu ejusdem ultimi finis, disp. 6, num. 133, p. 763.

FORMA. Due formæ distinguendæ in Sacramento Pœnitentiaæ, disp. 1, num. 131, p. 64. Forma Sacramenti Pœnitentiaæ, disp. 3, a num. 1, p. 142. In Sacramentis forma necessaria debet adhiberi verbis excepto matrimonio. Ibi. num. 5, p. 144. Quo sensu qui producit ultimam dispositionem ad formam, producat formam disp. 6, num. 119, p. 754.

G.

GRATIA. Quomodo differant gratia baptismi, et gratia Pœnitentiaæ, licet utraque det primum esse supernaturale, disp. 1, num. 46, p. 24. Quæ illarum sit perfectior. Ibi. num. 47, p. 25. Quæ debeat dici excellens gratia inter Sacramentales, disp. 1, num. 48, p. 26. Licit gratia Sacramentalis Pœnitentiaæ aliquando non remittat peccatum, semper tamen est remissiva illius et ex se remittit, disp. 3, num. 94, p. 181. Gratia necessaria ad contritionem, et attritionem secundum substantiam consideratas, disp. 4, num. 62, p. 282. Distinctio inter gratiam communiter dictam, et gratiam sanctificantem. Ibi. num. 82, p. 294. Necesitas gratiae supernaturalis ad aliqua opera entitative naturalia in homine lapsi, disp. 4, a num. 98, p. 304. Necesitas gratiae excitantis, et adjuvantis disp. 4, num. 119, p. 314. Unde proveniat, quod gratia sanctificans de se permanens facile desperatur, quæst. 84, art. 10, in Comment. num. 10, p. 349. Cur reipugnet primam gratiam sanctificantem cadere sub merito, disp. 5, num. 161, p. 486. Gratiae receptione fieri potest dupliciter, nempe essentialiter, et connaturaliter, Ibi. num. 16, p. 487. Non datur præceptum conservandi gratiam distinctum ab aliis præceptis, disp. 5, num. 231 p. 547. Quæ gratia necessaria ad resistendum gravi tentationi, disp. 5, num. 346, p. 639.

Gratiae, et liberi arbitrii concursus, disp. 6, num. 1, cum sequent, p. 662. Primum gratiae auxilium, seu gratia operans, disp. 6, num. 42, p. 697. Gratia respectu operationis supernaturalis est ratio totalis proxima agendi, sed non est causa totalis, disp. 6, num. 46, p. 699. Ad quos virtutum actus requiratur gratia habitualis, disp. 6, num. 65, p. 714. Quallem gratiam admittabant Semipelagiani, disp. 6, num. 103, p. 744. Gratia operans alia actualis, et alia habitualis, disp. 6, num. 112, p. 749. An possit dari ultima dispositio antecedens respectu gratiae sanctificantis, disp. 6, num. 121, p. 755. Impossibile est remitti peccatum mortale in quocumque statu commissum, absque infusione gratiae sanctificantis, disp. 6, num. 139, p. 766. An gratia justificans possit conjungi cum reatu ad peccatum aeternam, disp. 6, num. 176, p. 789. Non requiritur gratiae infusio, vel augmentum ad remissionem peccatorum venialium. In comment. ad art. 2, quæst. 87, num. 1, p. 812. Gratiae augmentum per actus remissos. Ibi. num. 4, p. 813.

H.

HABITUS. Non est qualitas composita ex habitibus partialibus, disp. 5, num. 69, p. 414. Habitus supernaturales dant posse absolute ad actus sibi correspondentes: quod non praestant habitus naturales, disp. 5, num. 193, p. 513. Differentia inter modum agendi per habitum, et modum agendi per auxilium, Ibi. num. 194, p. 514. Pro quibus actibus ponantur habitus, et pro quibus non, disp. 5, num. 204, p. 521. Plures habitus laudabiles, qui deficiunt a vera ratione virtutis. Ibi.

num. 214, p. 530. Quo pacto habitus supernaturales sint proxima, et adaequata, ratio eliciendi proprias operationes, disp. 6, a num. 4, latissime p. 663. An habitus, et actus theologiae sint supernaturales, disp. 6, num. 97, p. 739.

HÆRESIS. Hæretici. Hæretorum inconstantia circa Sacramentum Pœnitentiæ, disp. 1, num. 11, p. 10. Hæretorum odium in Pœnitentiæ Sacramentum, et virtutem, disp. 5, num. 11, p. 375. Hæretorum ars miscere vera falsis, ut fallant, disp. 6, num. 50, p. 702.

HOMO. Repugnat purum hominem satisfacere ad æqualitatem pro offensa peccati gravis, disp. 5, num. 132, p. 462. An pro peccatis venialibus. Ibi. num. 134, p. 464.

I.

IMPERFECTIO. Quæ dicantur imperfectiones in vita spirituali, et an pertineant ad objectum virtutis Pœnitentiæ, disp. 5, num. 82, p. 423.

IMPOENITENTIA. Impenitentia, ut impletat determinationem non pœnitendi, est speciale peccatum in Spiritum sanctum, disp. 5, num. 225, et seq. p. 541. Alia impenitentia negativa, quæ non est speciale peccatum, nec circumstantia moralis, Ibi. num. 225, p. 542. Impenitentia finalis quare dicatur peccatum in Spiritum sanctum, disp. 6, num. 159, p. 780.

INGRATITUDO. Reperitur quædam ingratitudo in omni peccato gravi commiso post Pœnitentiæ. In Comment. ad art. 2, quæst. 88, num. 1, p. 831. Specialis Ingratitudo in quibusdam peccatis. Ibi. num. 4, p. 833.

INNOCENTIA. An in statu innocentia fuerit Pœnitentiæ virtus, quæst. 85, art. 4, in Comment. num. 10, p. 648.

An innocentia sit melior, quam Pœnitentia. In Comment. ad art. 2, quæst. 88, num. 6, et seq. p. 834.

INSTRUMENTUM. Instrumenta divinæ virtutis possunt esse materialiter plura, et formaliter unum. Quæst. 84, art. 10, in Comment. num. 24, p. 358.

INTELLECTUS. In intellectu creato distinguendæ sunt ratio potentiarum naturalis, et ratio potentiarum obedientialis, et conceptus essentiarum ab ultra ratione præscindens, disp. 6, num. 77, pp. 724. Intellectus non efficit immediate conceptum intellectus repertum in visione beatifica Ibi. num. 102, p. 742.

JUS. Modi, quibus jus divinum dicatur servari illæsum, disp. 5, num. 141, p. 468.

JUSTITIA. JUSTIFICATIO. Quare aliquæ virtutes cadant a ratione perfectæ justitiae. Quæst. 85, art. 3, in Comment. num. 2, p. 469. An in humanis dentur plures justitia commutativa species diversæ disp. 5, a num. 93, p. 432. Non repugnat vera justitia ratio inter Deum, et hominem, disp. 5, num. 116, p. 450. Justitia, et omnes ejus species resident in voluntate. Ibi. num. 123, p. 454. Justitia commutativa exposcit æqualitatem quantitativam, et rigorosam, disp. 5, num. 138, p. 466. Justitia vindicativa non comprehendit sub se Pœnitentiæ, disp. 5, num. 142, p. 469. Propriæ rationes justitiae vindicativæ. Ibi.

num. 143, p. 470. Modus, et ordo justificatio-nis adulterorum, disp. 5, num. 162, p. 486. Justificatio impii includit duas mutationes realiter distinctas. Ibi. num. 163, p. 487. Licit fiat dependenter a satisfactione, absolute fit gratis. Ibi. num. 167, p. 492. Actus concurren-tes ad justificationem, et eorum ordo. Quæst. 85, art. 5, in Comment. num. 2, p. 650.

L.

LEX. Tempore legis naturæ, et legis scriptæ erat aliquod Pœnitentiæ Sacramentum, disp. 4, num. 143, p. 328. An etiam confessio peccatorum fuerit in usu, disp. 4, num. 154, p. 335. Quando cessavit lex vetus, disp. 4, num. 159, p. 337. In lege veteri fuerunt aliqua sacrificia in satisfactionem peccatorum, disp. 5, num. 105, p. 442.

LIBERUM ARBITRIUM. Liberum arbitrium in homine lapso est impotens ad plures actus entitativos naturales, disp. 4, num. 128, et ibi plura, p. 319. Arbitrii libertas ad bonum, et malum. Quæst. 84, art. 10, num. 10, p. 649. Liberum arbitrium non habet ullum influxum immediatum, partiale in actus supernaturales, et salutares, disp. 6, dub. 1, per totum, p. 662. Non concurrit ut instrumentum propriæ, sed ut causa principalius ad supernaturales operationes. Ibi. num. 26, p. 681. Quam libertatem habeant virtutes in propriis operationibus, disp. 6, num. 83, p. 728. Libertas actuuum supernaturalem, qua distributione revocatur in principia, disp. 6, num. 85, p. 729.

LUMEN. Lumen gloriae est tota et adaequata ratio immediata agendi visionem beatificam, disp. 6, num. 47, p. 673. Lumen corporale est ratio, ut objecta immittant species. Ibi. num. 19, p. 675.

M.

MACULA. Quomodo sublata macula peccati, maneat reatus ad pœnam temporalem, disp. 6, num. 163, p. 783. Quid sit macula peccati venialis, et per quid formaliter excludatur. In Comment. ad art. 1, quæst. 87, num. 18, p. 810.

MANUS. Non requiritur ad Sacramentum Pœnitentiæ manuum impositio, quæst. 84, art. 4, in Comment. num. 1, p. 244. Quia de causa aliqua Sacraenta illam exposcant. Ibi. num. 5, p. 245. Contrarii errores circa manuum impositionem in Sacramento Pœnitentiæ. Ibi. num. 6, p. 246.

MARIA. Virgo Maria potuit suscipere, et suscepit Sacramentum Baptismi, non autem Sacraenta Pœnitentiæ, disp. 4, num. 164, p. 339. B. Virgo habuit, et habet virtutem Pœnitentiæ, q. 85, art. 4, Comment. num. 9, et 10, p. 647.

MARTYRIUM. An faciat ex attrito contritum, sicut contingit in Baptismo, et Pœnitentiæ, disp. 4, a num. 27, p. 265. Actus martyrii est elicitive a fortitudine, sed debet esse imperative a charitate. Ibi. num. 29, p. 266.

MATERIA. Multiplex materia acceptio. disp. 2, num. 87, p. 413. Materia necessaria ad valorem Sacramenti Pœnitentiæ, disp. 2,

num. 38, p. 114. Eadem materia remota potest deseruire pluribus numero Sacramentis, secus vero eadem materia proxima. Ibid. num. 43, p. 117. Ad valorem Sacramentorum non sufficit materia apprehensa, sed debet adesse vera materia a Christo instituta, disp. 2, num. 94, p. 187. et disp. 3, num. 134, p. 199.

MATRIMONIUM. Matrimonii Sacramentum potest confici dependenter a conditione de futuro, secus alia Sacraenta, disp. 3, num. 188, p. 225. Notabilis differentia inter actus requisitos ad essentiam Pœnitentiæ, et requisitos ad essentiam matrimonii, disp. 1, num. 174, p. 83. et disp. 3, num. 3, p. 143.

MERITUM. Differentia inter merita mortificata, et Sacramentum Pœnitentiæ informe, disp. 3, num. 79, p. 173. Quare merita mortificata per peccatum redeant per sequentem Pœnitentiam, et peccata exclusa per gratiam non redeant per peccatum subsequens, in Comment. ad art. 1, quest. 88, num. 10, p. 828.

MODUS. Aliquando pertinet ad rei substantiam, et speciem. disp. 5, num. 240, p. 555.

MORS. MORTIFICATUM. In articulo mortis urget præceptum amoris charitatis in Deum, disp. 5, num. 272, p. 579. In articulo, aut periculo mortis, obligat periculo mortis obligat per se præceptum Pœnitentiæ, disp. 5, num. 293, p. 596. Quid importet periculum, aut articulus mortis. Ibi. num. 297, ibid. An moribundus suscepit Sacramento cum attritione teneatur adhuc ad contritionem. Ibi. num. 300, p. 601.

N.

NATURA et NATURALE. Ratio naturalis dictat dolendum, et pœnitendum pro peccatis, disp. 4, num. 45, p. 273. In lege naturali non erat determinatus exterior modus Pœnitentiæ. Ibi. num. 47, p. 274. Quomodo naturalis ratio se extendat ad attingendum indirecte supernaturalia. Ibi. num. 48, p. 275. et num. 51, p. 276. Quantum adhibeat ex consilio fidei. Ibi. num. 53, ibid. Intra ordinem naturalia impossibilis est virtus Pœnitentiæ, et vera contritio, disp. 5, num. 216, p. 533. *Naturale* quibus modis dicatur, disp. 5, num. 235, p. 550. Quod est naturale, nequit ullam coniunctionem habere cum ordine supernaturali, disp. 6, num. 62, p. 711.

NECESSITAS et NECESSARIUM. Plures modi, quibus aliquid potest dici necessarium ad salutem, disp. 4, a num. 1, p. 250. Neces-sitas medii, et necessitas præcepti, disp. 5, num. 217, p. 534. Necessarium necessitate medii est etiam necessarium necessitate præcepti, disp. 5, num. 219, p. 536. Quæ debeat occurtere necessitas, ut instet obligatio præcepti affirmativi, disp. 5, num. 228, p. 539.

O.

OBJECTUM. Objectum formale, et primarium virtutis Pœnitentiæ, disp. 5, num. 39, p. 392. et fusius num. 78, p. 421.

OBLIGATIO. Duplex urgere potest in præ-

ceptis, alia per se, alia per accidens, et notwithstanding inter eas disserimen. disp. 3, num. 265, p. 574. Quando, et qua ratione instet obligatio in præceptis affirmativis, disp. 5, num. 324, p. 620. Potest homo obligari ad eliciendum aliquos actus, quin determinetur materialiter tempus eos eliciendi, disp. 5, num. 325, p. 621.

ODIUM. An odium mali sit æquivalenter amor boni oppositi, disp. 5, num. 9, p. 374, Odium peccati alia ratione peccati alia ratione pertinet ad charitatem, alia ad Pœnitentiam, disp. 5, a num. 46, p. 397. An in odio peccati possit, aut debeat dari medium rationis, disp. 5, num. 59, p. 408.

OFFENSA. Diversitas inter modos, quibus Deus, et homines remittunt offensas, disp. 1, num. 91, p. 46. In omni offensa Dei includitur ratio injuriæ, et injustitiae, disp. 5, num. 115, p. 449. Remissio offensæ media satisfactione fit gratis, et absolute non ex justitia, disp. 5, num. 168, p. 493. Duplex acceptio offensæ Dei, Ibi. num. 171, p. 495. Offensa Dei Auctoris, et finis naturalis nequit per solas vires naturales auferri, disp. 5, num. 201, p. 518.

OMISSIO. Omissio Pœnitentiæ quomodo voluntaria, et peccaminosa, disp. 5, num. 227, p. 543. Aliquando non est peccatum velle non pœnitire, disp. 5, num. 288, p. 591. An sit possibilis pura omissione libera, disp. 6, num. 88, p. 731.

OPINIO. Usus opinionum probabilium in applicatione Sacramentorum, disp. 3, num. 176, p. 220.

ORNATUS. Qui ab aliquibus asseritur tanquam dispositio ad gratiam Sacramentalem, refellitur. disp. 1, num. 108, p. 53.

P.

PARS. PARTIALITAS. Partes Sacramenti Pœnitentiæ. Vide *Pœnitentia, et Materia, et Forma*. Pars tantum integralis Sacramenti supponit non solum ejus essentiam, sed etiam primarium illius effectum, disp. 3, num. 149, p. 208. Quæ dicantur partes integrales, quæ subiectivæ, quæ potentiales, disp. 5, num. 125, p. 541. Partialitas ex parte causæ admittuntur, ubi datur partialitas ex parte affectus; secus ubi hæc non adest disp. 6, num. 6, p. 665. Partialitas Dei, et voluntatis creatæ in actus supernaturales refellitur. Ibi. num. 98, p. 739.

PECCATUM. Peccata ante baptismum commissa non sunt materia Sacramenti Pœnitentiæ, sed Pœnitentiæ virtutis, disp. 2, num. 4, p. 99. Peccata venialia. Vide, *Venialia*. Peccata dubia, an, et quomodo debeant esse materia confessionis, disp. 2, num. 44, p. 117. Peccata commissa a baptizato ante ultimum instans, terminativum baptismi, non sunt materia Sacramenti Pœnitentiæ, disp. 2, num. 48, p. 119. Peccata non vere commissa, sed existimata non sunt materia Sacramenti Pœnitentiæ, bene, autem Pœnitentiæ virtutis, disp. 2, num. 96, p. 140. Peccata quo sensu dicantur vincula, disp. 3, num. 20, p. 150. An ejusdem peccati possit fieri major, et major remissio, disp. 3, num. 99, p. 184. Peccare, et de peccato pœnitire non

est solius naturæ, sed suppositi, disp. 4, num. 32, p. 267.

Repugnat quod Deus ut ultimus finis naturalis diligatur super omnia a peccatore, disp. 4, num. 91, p. 300. An peccator habeat potestatem antecedentem ad diligendum super omnia Deum ultimum finem naturalem. Ibi. num. 99, p. 304. Nullum peccatum grave est, aut esse remissibile in aliquo statu absque gratia sanctificante, disp. 4, num. 106, p. 307. Ad quid teneatur homo, quando ejus memoriae repræsentantur antecedentia peccata. Quæst. 84, art. 9, in Comment. num. 4, p. 343.

Nullum est peccatum adeo grave, quod durante vita non possit remitti. In eadem quæst. art. 10. In Comment. num. 5, p. 350. Peccatum nullo modo amat, licet ametur Pœnitentia cum eo connexa, disp. 5, num. 16, p. 378. Quomodo peccatum transierit, et maneat, disp. 5, a num. 22, p. 382. Plures rationes communes, et speciales in peccato gravi considerandæ, disp. 5, num. 23, p. 382.

Peccata aliena non sunt materia, nec obiectum Pœnitentia, disp. 5, num. 65, p. 411. Omne peccatum grave est vera contra Deum injustitia, et fundat debitum satisfaciendi, disp. 5, num. 1, 8 et seq., p. 373. An committantur plura peccata omittendo actum a pluribus virtutibus imperatum, disp. 5, num. 255, p. 568. Non quoties occurruunt memoriae peccata, tenetur homo de eis penitere, disp. 5, num. 282, p. 587. et num. 310, p. 608. An in peccatore detur aliqua forma animæ immediate inhærens pro eliciendis actibus fidei, spei, et similes, disp. 6, num. 58, p. 708.

Quomodo peccatum expellatur per virtutem Pœnitentiae, disp. 6, num. 109, p. 747 et 111, p. 748. Peccatum expellit physice gratiam: sed non expellitur physice per contritionem, disp. 6, num. 118, p. 753. Omnia peccata deleri possunt per Pœnitentiam, disp. 6, num. 124, p. 757. Non potest unum peccatum mortale sine alio remitti, disp. 6, num. 431, p. 762. Oppositum contingit in venialibus, et quare. Ibi. num. 132, p. 763. Impossibile est remitti peccatum mortale absque intrinsecæ peccatoris mutatione. Ibi. num. 129, p. 765. et remitti unum mortale sine aliis. Ibi. num. 138, p. 766. Peccatum mortale commissum in statu pure naturæ non posset remitti absque infusione gratiæ sanctificantis. Ibi. num. 139, p. 767.

Implicat contradictionem dari aliquod peccatum irremissibile, disp. 6, num. 141, p. 768. Implicat etiam peccatum remitti, cum committitur, et antequam fiat, disp. 6, num. 147, p. 772. Peccata in Spiritum sanctum, et quare ita vocentur, disp. 6, num. 154, p. 776. Quod dicatur peccatum ad mortem. Ibi. num. 155, ibid. An peccatum possit remitti absque omni Pœnitentia, disp. 6, num. 185, p. 795.

Datur distinctio ex natura rei inter peccatum mortale, et veniale. In Comment. ad art. 4, quæst. 87, num. 4, p. 817. Quomodo peccata mortalia convenient, et differant ex parte aversionis. In Comment. ad art. 1, q. 88, num. 2, p. 824. Peccata dimissa per Pœnitentiam non redeunt absolute per subsequens peccatum. Ibi. num. 3, p. 825. Contrarium implicat contradictionem. Ibi. num. 14, p. 830. Possunt tamen aliquo modo redire secundum quid. Ibi. num. 15, p. 831. et art. 2, a num. 1, p. 832.

POENA: Comminatio gravis poenæ denotat gravitatem præcepti, disp. 5, num. 320, p. 616. Cur sublata pena eterna per Pœnitentiam, non auferatur semper pena temporalis, disp. 6, num. 163, p. 783. Taxatio poenæ temporalis non est mere voluntaria, sed fundatur in peccato, ibi. num. 166, p. 785. Proportio inter poenam et culpam. Ibi. num. 167, p. 785.

POENITENTIA: Etymologia nominis *Pœnitentia*, et quid significet, in Procœm. num. 1, p. 1. Absurda Lutheranorum expositi. Ibi. num. 2, p. 2. Veræ Pœnitentiae laudes. Ibi. num. 5, p. 4.

Non omnis Pœnitentia est Sacramentum Pœnitentiae, disp. 1, num. 2, p. 6. Datur in Ecclesiæ verum Pœnitentiae Sacramentum, disp. 1, num. 12, p. 10. Differentia inter pœnitentiam ante baptismum, et post baptismum, disp. 1, num. 20, p. 13. Quam differant Sacramentum Baptismi et Sacramentum Pœnitentiae, disp. 1, num. 30, p. 17.

In quo consistat materia, et forma Sacramenti Pœnitentiae disp. 1, num. 59, p. 31. Actus poenitentis necessarii ad veram Pœnitentiam, disp. 1, num. 63, p. 32. In Pœnitentiae Sacramento tam forma, quam materia causant gratiam, sed magis principaliter forma, disp. 1, num. 79, p. 40. Contritio est pars essentialis Sacramenti Pœnitentiae, disp. 1, a num. 90, p. 45. An contritio interna, an externa? ibi num. 102, p. 51. Quomodo in Sacramento Pœnitentiae distinguendum inter Sacramento tantum, et rem tantum Sacramenti, et rem, ac Sacramento simul in Sacramento Pœnitentiae est contritio interior, disp. 1, num. 108, p. 53.

Qualiter eadem Pœnitentiae pars possit dici essentialis, et integralis, disp. 1, num. 114, p. 57. Multiplex partium compositio in Sacramento Pœnitentiae disp. 1, num. 116, p. 58. In Sacramento Pœnitentiae non datur nisi unica absolutionis forma Ibi. num. 117, p. 58. Qua ratione satisfactio pertinet ad hoc Sacramentum, disp. 1, num. 118, p. 59. Sacramento Pœnitentiae est unum in specie, et potest esse numerice unum, disp. 1, num. 122, p. 60.

Difinitio Sacramenti Pœnitentiae quasi physice sumpti, disp. 1, num. 124, p. 61. Difinitio metaphysica hujus Sacramenti. Ibi. num. 126, p. 62. Aliæ difinitiones refelluntur, a num. 127, ibid. Duæ formæ, et duæ significationes distinguendæ in Sacramento Pœnitentiae, disp. 1, num. 131, p. 64. Pro quo supponat vox Sacramenti Pœnitentiae, et quid significet. Ibi. num. 136, p. 65.

Dolor aliquis de peccatis est omnino necessarius in Pœnitentia, disp. 1, num. 140, p. 67. An sufficiat, quod peccator doleat de eo, quod non dolet. num. 141, p. 67. Requiritur ad fructum Sacramenti Pœnitentiae, quod dolor sit supernaturalis, num. 143, p. 69. et num. 157, p. 75. An etiam ad valorem Sacramenti, disp. 1, num. 159, cum sequentibus, p. 76. An possit Sacramento Pœnitentiae esse validum, et sine effectu remittendi peccatum, disp. 1, num. 122, p. 92. Sacramento Pœnitentiae informe, disp. 1, num. 207, p. 93. et disp. 3, num. 78, p. 172.

Materia remota Sacramenti Pœnitentiae, disp. 2, num. 4, p. 99. Non est peccatum originale nec actualia ante baptismum com-

missa. *Ibid.* num. 5, et sequentibus p. 99. Pœnitentia influxus non se extendit ad talia peccata ahduc indirecte. *Ibid.* num. 32, p. 110. Quæ peccata dicantur materia necessaria Sacramenti Pœnitentiae ex parte ipsius Sacramenti. disp. 2, num. 37, p. 113. Materia libera. *Ibid.* num. 38, p. 114. Materia sufficiens. num. 40, p. 115. Peccata commissa a baptizato, dum baptizatur, an sint materia hujus Sacramenti. disp. 2, num. 48, p. 119. Quid de peccatis commissis in instanti terminativo baptismi. disp. 2, num. 54, p. 121, et num. 78, p. 130. Quid de ipso peccato formalis fictionis, sive susceptionis sacrilegæ, disp. 2, num. 82, p. 132. Quid de venialibus cum fitione concurrentibus. *Ibid.* Quid de peccatis falso, aut erronee apprehensionis. disp. 2, num. 93, p. 138.

Forma Sacramenti Pœnitentiae, disp. 3, a num. 1, p. 142. Expositum necessarium verba, nec aliter adest. *Ibid.* num. 2, 142. Et non quælibet verba, sed verba determinata. disp. 3, num. 7, p. 145. Convenientia prædicatorum verborum. *Ibid.* num. 19, p. 146. Cùr non requiratur similis determinatio in liberacione a censuris. *Ibid.* num. 16, p. 148. Quo sensu forma hujus Sacramenti dicatur oratio, aut deprecationis, disp. 3, num. 25, p. 152.

An licet variare aliquid in forma hujus Sacramenti. disp. 3, num. 49, p. 152. An teneat Sacramentum, si detur variatio in forma. *Ibid.* num. 51, p. 160.

In Sacramento Pœnitentiae fit remissio peccatorum non solum quantum ad reatum, sed etiam quantum ad culpam. disp. 3, a num. 63, p. 165. Peccatorum remissio est effectus proprius absolutionis Sacramentalis. *Ibid.* numero 64, p. 166.

Sacramentum Pœnitentiae non potest celebrari dependenter a conditione de futuro. disp. 3, num. 182, p. 223. Qui ritus, et ceremonia, licet laudabiles, possint absque peccato in hoc Sacramento omitti. quæst. 84, art. 4, in Comment. Quæcum ordinem habeat ad alia Sacraenta. *Ibid.* num. 4, p. 245.

Sacramentum Pœnitentiae non est absolutum sive nulla facta suppositione, necessarium ad salutem. disp. 4, num. 3, p. 252. Est necessarium in re, vel in voto ad delendum peccata gravia post Baptismum commissa. disp. 4, num. 3, p. 252. Secus ad remissionem venialium. *Ibid.* num. 6, p. 253. In quo consistat votum Sacramenti Pœnitentiae, disp. 4, a num. 9, p. 254. Licet melius sit formale, et explicitum, sufficit tamen virtuale, et implicitum. *Ibid.* num. 13, p. 256, et num. 36, p. 269.

Est etiam Sacramentum Pœnitentiae necessarium necessitate præcepti divini, disp. 4, num. 22, p. 262. Plura commoda ex Sacramento Pœnitentiae licet necessario, et difficulti. *Ibid.* num. 24, p. 263. An fuerit Pœnitentia in lege veteri, disp. 4, a num. 43, p. 272. Ratio naturalis dictat penitendum pro peccatis. *Ibid.* num. 45, p. 273.

Sacramentum Pœnitentiae non est inditum a natura, sed aliquando, et ab aliquo institutum. disp. 4, num. 139, p. 326. Christus Dominus hoc Sacramentum instituit. disp. 4, num. 140, p. 327. Fuit aliquod Pœnitentiae Sacramentum in lege naturæ, et in lege scripta. disp. 4, num. 143, p. 328. Christus post suam Resurrectionem instituit Sacra-

mentum Pœnitentiae. *Ibid.* num. 148, p. 331. Rationes congruentiae, ut non prius fuerit institutum. *Ibid.* num. 153, p. 334.

Quo sensu Pœnitentia debeat durare usque ad finem vitæ, et esse continua. quæst. 84, art. 9, in Comment. num. 2, p. 342. An homo debeat pœnitere, quoties illius memoriae occurunt peccata præterita. *Ibid.* num. 4, p. 343. Quam continua debeat esse de peccatis Pœnitentia *Ibid.* num. 8, p. 345. Sacramentum Pœnitentiae est plures iterabile. quæst. 84, art. 10, in comment. num. 6, p. 350. Non solum ubi adest novum peccatum, sed etiam circa idem peccatum sæpius alias confessum. *Ibid.* num. 7, p. 351. Quid si sit idem dolor? *Ibid.* num. 8, p. 351.

Multiplex Pœnitentiae usurpatio. Alia privata, alia publica. quæst. 84, art. 10, in Comment. num. 12, p. 353. Pœnitentia publica alia solemnis, et alia non solemnis. *Ibid.* num. 13, p. 353. Pœnitentia publica solemnis non poterat iterari. *Ibid.* num. 15, p. 354.

An possint pluræ ministri simul concurre ad idem numero Pœnitentiae Sacramentum. quæst. 84, art. 10, in Comment. a num. 16, p. 354. An eo casu supposito, essent plura Sacraenta. *Ibid.* num. 18, p. 355. An sit possibile, quod absolutio unius a pluribus sacerdotibus sit licta. *Ibid.* num. 27, p. 359.

In quibus convenient, et in quibus differant Pœnitentia Sacramentum, et Pœnitentia virtus. quæst. 85, in explicatione tituli. num. 2, p. 362. An virtus Pœnitentiae sit in appetitu. *Ibid.* num. 4, p. 363. Actus primarius virtutis Pœnitentiae, ex D. Thoma. *Ibid.* art. 2, in Comment. num. 2 p 366. Virtus Pœnitentiae non est pars subjectiva justitiae, sed solum potentialis. *Ibid.* art. 3, in Comment. num. 2, p. 369. Habet confinium ad plures, et excellentes virtutes. *Ibid.* num. 5, p. 370.

Pœnitentiae convenit esse vere, et proprie virtutem. disp. 5, num. 1, p. 371. Actus ejus primarius, et specialis illius honestas, et difficultas. *Ibid.* num. 6, p. 372. Ex eo quod ametur Pœnitentia, non sequitur amari peccatum, quod est illius materia. disp. 5, num. 13, p. 376. Qua ratione Pœnitentia tendat in non esse peccati, eum impossibile sit non esse, aut fuisse ex suppositione, quod fuerit. disp. 5, a num. 19, p. 379. An actus Pœnitentiae sit conditionatus, an efficax, et absolitus. *Ibid.* num. 24, p. 383.

Pœnitentia est specialis virtus. *Ibid.* num. 33, p. 389. sub qua speciali ratione resipiat objectum. *Ibid.* num. 34, p. 390. Quod sit objectum formale, et primarium hujus virtutis disp. 5, num. 89, p. 392. Actus proprius, et principalis Pœnitentiae, *Ibid.* num. 43, p. 396. Pœnitentia est specialis virtutis habitat. *Ibid.* num. 49, p. 400. Pœnitentia est virtus moralis. disp. 5, num. 58, p. 407. An habeat in proprio actu modum, et medium rationis. *Ibid.* num. 60, p. 409. Non ordinatar per se primo ad dolorem sensibilem, sed ad spiritualem. *Ibid.* num. 62, p. 410.

Virtus Pœnitentiae non versatur circa peccata aliena, sed erga propria subjecti. disp. 5, num. 63, p. 411. Objectum quod, et ratio sub qua virtutis Pœnitentiae. disp. 5, num. 78, p. 420. An peccata venialia pertineant ad objectum Pœnitentiae. *Ibid.* num. 79, p. 421. An etiam imperfectiones. *Ibid.* num. 82, p. 423.

Virtus Pœnitentiaæ est essentialiter, et adæquate diversa a virtute Religionis. disp. 5, num. 83, p. 424. Distinguitur etiam essentialiter a timore filiali. Ibid. num. 108, p. 444. Qua ratione timor influat in actum Pœnitentiaæ. Ibid. num. 110, p. 445. Virtus Pœnitentiaæ est pars justitiae. disp. 5, num. 112, p. 446. Licet hec virtus sit species justitiae, ambit aliquo modo omnes virtutes, et qua ratione. disp. 5, num. 126, p. 457. Pœnitentia est pars potentialis justitiae commutativa. disp. 5, num. 128, p. 459. An pro venialibus satisfaciat ad æqualitatem. Ibid. num. 134, p. 464. Quare Pœnitentia non sit perfecta justitia in ordine ad venialia. disp. 5, num. 135, p. 465. Pœnitentia est virtus essentialiter distincta a justitia commutativa. disp. 5, num. 138, p. 466. Plures differentiae inter Pœnitentiam, et justitiam vindicativam. Ibid. num. 142, p. 469. An Pœnitentia reducatur ad justitiam vindicativam. Ibid. num. 144, p. 471.

Datur virtus Pœnitentiaæ, per se infusa, et supernaturalis. disp. 5, num. 183, p. 504. Actus Pœnitentiaæ christianaæ est determinate supernaturalis. disp. 5, num. 185, p. 506. Nequit fieri per solas vires naturæ, etiam supposita gratia. Ibid. num. 197, p. 516. Virtus Pœnitentiaæ est specialiter gratiæ annexa. Ibid. num. 198, p. 516. Potest dari, et datur Pœnitentia naturalis. disp. 5, num. 200, p. 517.

Datur speciale præceptum Pœnitentiaæ. disp. 5, num. 218, p. 535. Et est juris divini naturalis. disp. 5, num. 233, p. 549. Ad quod præceptum Decalogi reducatur. Ibid. num. 250, p. 565. Tenetur homo ad pœnitendum ex præcepto charitatis, disp. 5, num. 251, p. 566. Et ex misericordia. Ibid. num. 252, p. 567. Qualiter eadem contritio sit a multis virtutibus, et ex pluribus motibus. disp. 5, num. 254, p. 568. An fiat satis præcepto contritionis, elicendo eam ex motivo aliarum virtutum distinctarum a Pœnitentia. Ibid. num. 248, p. 570, et num. 260, p. 572. Implicator est, quod urgente præcepto Pœnitentiaæ, fiat solus actus charitatis. Ibid. num. 262, p. 573.

Pœnitens satisfacit pœnitendi præcepto non solum per contritionem, sed etiam per attritionem cum Sacramento. disp. 5, num. 266, p. 575. Nemo tenetur ad statim pœnitendum, ubi peccatum commiserit. disp. 5, num. 269, p. 577. Neque ad statim confitendum. Ibid. num. 270, p. 578. Magna inconvenientia, quæ consequuntur contrariam positionem. Ibid. num. 278, p. 584. Hoc pœnitendi præceptum non obligat magis religiosos, et Ecclesiasticos, quam sacerdotes. disp. 5, num. 281, p. 586.

Nec obligat specialiter in diebus festis, et solemnioribus. Ibid. num. 282, p. 587. Nec quoties peccata occurront memoriae. Ibid. num. 283, p. 588. Quid censendum de hoc actu, *Nunc nolo penitire*. disp. 5, num. 285, p. 589, et num. 288, p. 591. Quando obligat per se præceptum Pœnitentiaæ, in periculo mortis. disp. 5, num. 297, p. 599. An qui in articulo mortis habuit attritionem cum Sacramento, teneatur adhuc elicere contritionem. Ibid. num. 300, p. 600. Si peccata remissa fuerint per solum amorem charitatis, adhuc homo teneatur ad actum Pœnitentiaæ. disp. 5, num. 312, p. 610. Præceptum Pœnitentiaæ obligat ad non diu differendum contritionem. Ibid. num. 317, p. 615. Summum eorum periculum, qui usque ad mortem differunt Pœnitentiam. disp. 5,

num. 320, p. 616. Intra quod tempus instet obligatio pœnitendi. Ibid. num. 329, p. 625. Non ei fit satis per solam attritionem. Ibid. casus, in quibus præceptum Pœnitentiaæ obligat per accidens, seu ratione, alterius. disp. 5, num. 344, cum seq. p. 637.

Subjectum proprium, et immediatum Pœnitentiaæ, quæst. 84, art. 4, in Comment. num. 3, p. 641. Voluntas. Ibid., num. 4, p. 642. An etiam appetitus sensitivus. Ibid. num. 5, p. 642. Virtus Pœnitentiaæ non fuit in Christo, nec in Angelis. Ibid. num. 8, p. 646. Fuit in B. Virgine. Ibid. num. 9, p. 647. Est in beatis. Ibid. num. 10, p. 648. Fuit etiam in statu innocentiaæ. Ibid. num. 10, p. 648.

Quanta sit virtutis Pœnitentiaæ perfectio comparative ad alias virtutes. Quæst. 85, art. 6, in Comment. a num. 3, p. 652. Actus primarius Pœnitentiaæ non est fugere. Ibid. num. 5, p. 653. Pœnitentia est perfectior absolute, quam religio. Ibid. num. 6, p. 654.

Virtus Pœnitentiaæ est tota adæquata, et immediata ratio agendi actum contritionis, disp. 6, num. 4, p. 663. Concurrit ad expulsionem peccati in genere causæ efficientis, disp. 6, num. 109, p. 747. Non tamen physice, sed moraliter. Ibid. num. 111, p. 748. Cur disponat physice, et efficiat solum moraliter, disp. 6, num. 115, p. 751.

Opposito, quam virtus Pœnitentiaæ cum omnibus peccatis habet, præ aliis virtutibus, disp. 6, num. 116, p. 752. Virtute Pœnitentiaæ possunt deleri omnia peccata sine exceptione, disp. 6, num. 124, p. 757. Datur Pœnitentiaæ locus pro tota vita præsenti, disp. 6, num. 160, p. 780. Per Pœnitentiam remittitur pena æterna pro peccato debita. Ibid. num. 161, p. 781. Potest etiam remitti pena temporalis, licet non semper remittatur. Ibid. num. 162, p. 782. Plus remittitur per Pœnitentiaæ Sacramentum, quam per Pœnitentiaæ virtutem. Ibid. num. 163, p. 783.

Differentia Sacramenti Pœnitentiaæ a baptismi in auferendo reatum penæ temporali, disp. 6, num. 168, p. 785. Utrum absque omni Pœnitentia possit remitti peccatum, disp. 6, num. 185, p. 795. Quomodo Sacramentum Pœnitentiaæ remittat peccata venialia, in Comment. ad art. 1, quæst. 87, a num. 14, p. 807. Debetur pro venialibus Pœnitentia. Ibid. num. 20, p. 811. Peccata dimissa per Pœnitentiam non redeunt per subsequens peccatum. In Comment. ad art. 1. Quæst. 88, num. 3, p. 825. Ingrediatio reperita in omni peccato gravi commissio post Pœnitentiam. Ibid. art. 2, a num. 1, p. 831. An Pœnitentia sit majus donum, et beneficium, quam innocentia. Ibid. a num. 6, p. 834. In Beatis conservatur virtus Pœnitentiaæ. Quæst. 85, art. 4, in Comment. num. 10, p. 648.

PERSEVERANTIA. Summum periculum est diu perseverare in peccato, disp. 5, num. 320, p. 616. An sit novum peccatum contra præceptum Pœnitentiaæ? Ibid.

PIETAS. Est virtus diversa ab illa, per quam filius satisfacit patri pro irrogatis illi injuriis. disp. 5, num. 97, p. 436. Quare pietatis virtus non sit cum proprietate justitia, disp. 5, num. 154, p. 479.

POTENTIA. Potentia obedientialis immediata ad opera supernaturalia repugnat, disp.

6, num. 33, et seq. p. 687. Potentiae obediens, passivæ infinita amplitudo, disp. 6, num. 57, p. 707. An potentia obediens, sit supernaturalis, disp. 6, num. 79, p. 726. Potentiae naturales non concurrunt immediate ad gradus genericos repertos in operibus supernaturalibus. Ibi. num. 102, p. 742.

POTESTAS. Datur in Ecclesia potestas remittendi peccata, disp. 1, num. 6, p. 7. Differentia inter potestatem absolvendi, et potestatem sanandi infirmos, concessa Apostolis, disp. 3, num. 35, p. 454. Potestas clavium explicatur, et defenditur contra absurdas aliquorū interpretationes disp. 3, num. 68, p. 168.

PRÆCEPTUM. Modus, quo præcepta divina sunt infidelibus proponenda, disp. 1, num. 37, p. 21. Præceptum contritionis, et confessionis est affirmativum, et non obligat pro semper, disp. 5, num. 21, p. 381. Datur speciale præceptum Pœnitentiae, disp. 5, num. 218, p. 535. Media necessaria ad salutem cadunt sub præcepto. Ibi. num. 219, p. 536. Præceptum imperans actum unius virtutis imperat mediate, et indirecte alios aliarum virtutum actus, a quibus ille dependet, disp. 5, num. 221, p. 537. Quid requiratur ex parte intensionis ad implendum præcepta. Ibi. num. 222, p. 538.

Præcepto contritionis satisfit per attritionem cum Sacramento, disp. 5, num. 230, p. 546. An detur præceptum conservandi gratiam, disp. 5, num. 231, p. 547. Præceptum Pœnitentiae est juris divini naturalis, disp. 5, num. 233, p. 549. Quo sensu, præcepta naturalia sint variabilia, et dispensabilia. Ibi. num. 246, p. 560. Præceptum Pœnitentiae reducitur ad primum præceptum Decalogi, disp. 5, num. 250, p. 565. Obligatio alia attenditur per se, alia per accidentem, et inter eas notabilis differentia. Ibi. num. 265, p. 574.

Præcepta affirmativa non obligant pro semper, sive ad statim agendum, disp. 5, num. 269, p. 577. Dupliciter assignari potest tempus determinatum pro aliquo præcepti observatione disp. 5, num. 274. Quando instet obligatio præcepti pœnitendi, disp. 5, num. 281, p. 586. Vide *Pœnitentia*, et num. 296, p. 590. Licit in multis præceptis, affirmativis non determinetur tempus, obligant tamen per se in tempore urgentis necessitatis. Ibi. num. 296, p. 598. Præceptum Pœnitentiae urget, etiam si peccata supponantur remissa per solum amorem charitatis, disp. 5, num. 312, p. 610. Præceptum Pœnitentiae obligat aliquando in vita ad non diu differendam contritionem, Ibi. num. 317, p. 615.

Præcepta affirmativa communiter imbibunt aliquid de negativis, disp. 5, num. 318, p. 615. Obligant non solum in extrema necessitate, sed etiam in aliis, disp. 5, num. 323, p. 619. Intra quod tempus. Ibi. num. 328, p. 624. In quo convenienter, et in quo differant præcepta pœnitendi, et restituendi, disp. 5, num. 337, p. 632. Præceptum correctionis fraternæ. Ibi. num. 342, et sequent. p. 635.

PRINCIPIUM. An de ratione principii vitalis sit esse ab intrinseco, dis. 6, num. 69, p. 717.

PROPOSITIO. Aliqua propositiones merito condemnatae, a sede Apostolica, disp. 5, num. 324, p. 621, et num. 330, p. 626.

PUER. Qua ratione perveniens ad usum *Salmant. Curs. theolog. tom. XIX.*

rationis teneatur ad actus fidei, et charitatis, disp. 5, num. 272, et seq. p. 579.

PURGATORIUM. In Purgatorio remittuntur aliqua peccata venialia non tantum quoad poenam, sed etiam quoad culpam. In Comment. ad art. 4, quæst. 87, num. 6, et seq. p. 818.

R.

REATUS. Differentia inter reatum poenæ æternæ, et reatum poenæ temporalis quantum ad expelli per contritionem, disp. 6, num. 110, p. 747. Cur sublatio reatu ad poenam æternam, manere soleat ad temporalem, disp. 6, num. 163, p. 783. Radix reatus ad poenam temporalem, qui post justificationem solet manere. Ibi. num. 170, p. 786. An reatus poenæ æternæ possit conjungi cum gratia sanctificante. Ibi. num. 174, p. 788.

REGULARES. Præceptum naturale pœnitendi non magis obligat religiosos, et ecclesiasticos, quam sæculares, disp. 5, num. 281, p. 586.

RELIGIO. Virtus religionis distinguitur essentialiter a virtute Pœnitentiae, disp. 5, num. 83, p. 424. Propria virtutis religionis officia. Ibi. num. 90, p. 429. Religio tam in nobis, quam in Christo tendit cum inæqualitate, et deficit a proprietate justitiae, disp. 5, num. 154, p. 479. Comparatio inter virtutem religionis, et virtutem Pœnitentiae quantum ad perfectionem, quæst. 85, art. 6, in Comment. num. 6, p. 654.

RELIQUIÆ. Quæ dicantur peccatorum reliquæ, disp. 6, num. 184, p. 795.

REMISSIO. Vide *Peccatum*. Nequit unum peccatum mortale remitti sine alio, disp. 6, num. 131, p. 762. Oppositum implicat contradictionem. Ibi. num. 136, p. 765. Impossibile est peccatum irremissible. Ibi. num. 141, p. 768. Repugnat peccatum remitti, dum committitur, et antequam fiat. Ibi. num. 147, p. 772.

RESTITUTIO. Quam cito, et continuo urgeat obligatio restituendi, disp. 5, num. 332, p. 627. Ubi non urgeat, sed possit aliquantulum protracti. Ibi. num. 335, p. 630.

S.

SACERDOS. An idem pœnitens possit absolveri a multis simul sacerdotibus. Quæst. 84, art. 10, in Comment. num. 16, p. 354. An Sacerdos, qui conscient peccati mortalitatis celebrat non præmissa Pœnitentia, committat duo peccata, disp. 5, num. 344, p. 637.

SACRAMENTUM. Radix distinctionis inter Sacra menta, disp. 1, num. 26, et seq. p. 16. Quid elementi nomine importetur in Sacra mentis, disp. 1, num. 41, p. 22. Quæ datur gratia excellens in Sacra mentis, disp. 1, num. 52, p. 28. Licit totum Sacramentum causet gratiam, principalius tamen per formam, quam per materiam, disp. 1, num. 79, p. 40. In Sacra mentis non dantur partiales causalitates, et significaciones, sed una, disp. 1, num. 86, p. 43.

Distinguendum in Sacra mentis, quod est Sacramentum tantum, et quod est res Sacra-

menti tantum, et quod est res, et Sacramentum simul, disp. 1, num. 93, p. 46. Quæ variatio in formis Sacramentorum impedit eorum valorem, disp. 3, num. 52, p. 160. Significatio Sacramentorum sicut et causalitas in fieri, et in facto esse, disp. 3, num. 131, p. 199. Nullum Sacramentum, nec etiam matrimonium potest confici dependenter a conditione de futuro, disp. 3, num. 190, p. 226.

Quæ presentia, sive indistincta sit necessaria inter materiam, et ministrum Sacramentorum, disp. 3, num. 222, p. 242. In quibus Sacramenta adhibeant ministri manuum impositionem, quæst. 84, art. 4, in Comment. num. 3, p. 245. In quibus Sacramentis communicetur copiosus gratia. Ibi num. 5, p. 245. An fuerint Sacraenta ante legem gratiae, disp. 4, a num. 43, p. 272. Quomodo Sacraenta remittant peccata venialia, in Comment. ad art. 1, quæst. 87, a num. 7, p. 803.

SATISFACTIO. Non est pars essentialis, sed tantum integralis Sacramenti Pœnitentiae, disp. 1, num. 115, p. 57. Quo sensu possit dici pars essentialis, num. 115, in fine, ibid. Qua ratione pertineat ad prædictum Sacramentum, num. 118, p. 59. An causet gratiam ex opere operato. Ibi. num. 120, p. 60. Quare possit unius pro alio satisfacere, non autem penitenter, disp. 5, num. 73, p. 417. Satisfactio, quam peccator Deo offert, est opus justitiae, disp. 5, num. 19, p. 379. Satisfactio, cui incumbit Pœnitentia, non est principaliter pro malitia peccati, sed pro offensa passiva Dei, disp. 5, num. 146, p. 472. Duplex satisfactio, alia amicabilis, alia violenta, disp. 5, num. 244, p. 559. Quomodo satisfactio extinguit debitum ex injuria contractum, disp. 6, num. 109, p. 747.

SCRIPTURA. In Scriptura solent multum difficulta vocari impossibilia, disp. 6, num. 128, p. 760.

SEMIPELAGIANI. Quæ gratia apud Semipelagianos, disp. 6, num. 103, p. 743.

SPECIES. An species cognitioni deservientes sint vitales, disp. 6, num. 71, p. 719. Species concurrentes ad supernaturalem cognitionem possunt esse naturales. Ibi. num. 94, p. 737. An species naturales possint elevari in munere praesentandi. Ibi. num. 95, p. 738.

SPIRITUS. Dantur specialia peccata in Spiritum sanctum, et quæ dicantur, disp. 6, num. 153, et seq. p. 776.

STATUS. Sacramentum Pœnitentiae alligatur præsenti statui, secus Pœnitentiae virtutis, disp. 2, num. 10, p. 101. Quid supra virtutis essentiam addat status virtutis, disp. 5, num. 200, p. 517.

SUBJECTUM. Proprium, et immediatum subjectum Pœnitentiae. Quæst. 85, art. 4. In Comment. num. 3, p. 641.

T.

TEMPUS. Dupliciter potest tempus determinatum assignari pro alicuius præcepti observatione, disp. 5, num. 274, p. 584. Intra quod tempus instet obligatio præceptorum de actibus virtutum supernaturalium, disp. 5, a num. 328, p. 624.

TENTATIO. An urgente gravi tentatione teneamur ad actum Pœnitentiae, disp. 5, num.

345, p. 638. Quæ gratia necessaria pro gravis tentationis victoria. Ibi. num. 346, p. 639.

TIMOR. Distinatio doni timoris a virtute religionis, disp. 5, num. 90, p. 429. et a virtute Pœnitentiae, disp. 5, num. 108, p. 444. Quomodo timor concurrat ad actum Pœnitentiae. Ibi. num. 110, p. 445.

TRISTITIA. Quomodo cohærent in Pœnitentia tristitia, et gaudium, quæst. 84, art. 9, in Comment. num. 10, p. 346.

V.

VENIALIA. Peccata venialia sunt per se sola, et independenter a mortalibus materia sufficiens Sacramenti Pœnitentiae, disp. 2, num. 40, p. 115. An pertineat ad objectum virtutis Pœnitentiae, disp. 5, num. 79, p. 421. Pro peccatis venialibus potest homo satisfacere ad æqualitatem, disp. 5, num. 134, p. 464. In venialibus potest fieri remissio unius, et non aliorum, disp. 6, num. 192, p. 762. An pro venialis pena possit infligi negatio auxilii efficacis ad vincendum gravem tentationem, disp. 6, num. 181, p. 792. Per quam formam expelluntur peccata venialia, in Comment. ad art. 1, quæst. 87, num. 2, p. 801. Per quos actus. Ibi. num. 3 et 4, p. 802. Ablata macula venialium solet relinquere eorum reatus ad poenam. Ibi. num. 5, p. 803. Extra Sacraenta non expelluntur venialia absque formalis, vel virtuali actu Pœnitentiae. Ibi. num. 6, p. 803. Quomodo remittantur intra Sacraamentum. Ibi. a num. 7, p. 803. Quomodo per Sacraenta vivorum. Ibi. num. 10, p. 804. Quomodo per Sacraenta mortuorum. Ibi. num. 13, et seq. p. 806. Quid sit macula peccati venialis, et forma illam expellens. Ibi. num. 18, p. 810. Pro venialibus debita est Pœnitentia. Ibi. num. 20, p. 811. Ad remissionem venialium non requiritur gratiae infusio, vel augmentum. In Comment. ad art. 2, quæst. 87, num. 1, p. 812. Venialia nequeunt remitti, nisi remittant peccatum mortale. In Comment. ad art. 4, quæst. 87, num. 1, p. 815. Peccata venialia damnatorum puniuntur poena æterna. Ibi. num. 2, p. 816. Remissio peccatorum venialium in Purgatorio. Ibi. a num. 6, p. 818. Quomodo ibi excludantur quantum ad culpam. Ibi. num. 9, p. 820.

VERBUM. Verba determinata pro forma Sacramenti Pœnitentiae, disp. 3, num. 9, p. 146. Si verba ad absolendum sunt determinata, cur non ad ligandum? Ibi. num. 19, p. 149. Non oportet verba absolutio esse deprecativa, sed magis indicativa, disp. 3, num. 23, p. 151. Formæ Sacramentorum significant modo indicativo, et non deprecativo, excepta extrema-unctione, et ratio disparitatis, disp. 3, num. 39, p. 156. Verba absolutio Sacramentalis qualiter explicanda, disp. 3, a num. 106, p. 187. Quæ verba sint de essentia absolutio Sacramentalis, disp. 3, num. 132, p. 260.

VERECUNDIA. Non est virtus, et quare, disp. 5, num. 25, p. 384. Differentia inter verecundiam, et Pœnitentiam in respicendo turpe factum. Ibi. num. 28, p. 384, et num. 30, p. 387. Non datur habitus verecundiae. Ibi. num. 32, p. 388.

VIRGINITAS. Est specialis virtus, et dis-

tinguitur a religione, disp. 5, num. 89, p. 429.

VIRTUS. In quo conveniat virtus Pœnitentiæ cum Sacramento Pœnitentiæ, et in quo differat. Quæst. 85, in explicatione tituli, num. 2, p. 362. An habitus, vel saltem actus virtutis Pœnitentiæ sit in appetitu sensitivo. Quæst. 85, art. 1, in Comment. num. 3, p. 365. Pœnitentiæ virtus non est rigorosa justitia, sed pars potentialis justitiae. Quæst. 85, art. 3, in Comment. num. 2, pag. 369. Quo sensu virtus diffiniatur esse dispositio perfecti, cum non semper supponat subjectum perfectum, disp. 5, num. 3, p. 371. Fieri potest, quod actus virtutis supponat aliquid ex parte subjecti, quod tamen ejusdem virtutis habitus non supponit, disp. 5, num. 13, p. 376. Sunt aliquæ virtutes, quæ ex parte vel subjecti, vel actus supponunt aliquam imperfectionem. Ibi. num. 14, p. 377. In quo sensu omnes virtutes morales acquisitæ sint necessario connexæ, disp. 5, num. 29, p. 386. Datur specialis virtus, quæ dicitur Pœnitentia, disp. 5, num. 33, p. 389. Quid sit virtus theologicæ, quid moralis. Ibi. num. 58, p. 407. Virtutum intensio in quo consistat, disp. 5, num. 69, p. 414. Unde oriatur multiplicitas, et distinctio virtutum tam naturalium, quam supernaturalium, disp. 5, num. 87, p. 427. Non est contra generalem rationem virtutis, quod ejus actus supponat aliquem defectum ex parte subjecti, disp. 5, num. 100, p. 437. Distinctio inter virtutes, et dona Spiritus sancti. Ibi. num. 108, p. 444. Omnes virtutes morales reducuntur ad aliquam ex Cardinalibus, disp. 5, num. 123, p. 454. Partes integrales, subjectivæ, et potentiales virtutum. Ibi. num. 125, p. 456. Radix, ut aliquæ virtutes nequeant esse in aliquibus subjectis, cum possint esse in aliis, disp. 5, num. 150, p. 476. Respectu hominum omnis virtus per se infusa est supernaturalis, disp. 5, num. 181, p. 503. Sed in Angelis dantur virtutes naturales per se infusæ. Et ratio differentiæ. Ibi. Datur virtus Pœnitentiæ per se infusæ, et supernaturalis. Ibi. num. 183, p. 504. Propria ratio virtutum per se infusarum, seu supernaturalium, disp. 5, a num. 190, p. 510. Virtutes imperantur a charitate, sed specialiter Pœnitentia, disp. 5, num. 198, p. 516. Datur Pœnitentia naturalis, sed non est virtus. Ibi. num. 200, p. 517. Omnis virtus supponit ex parte voluntatis rectum finem, disp. 5, num. 203, p. 520. Omni virtuti naturali correspondet virtus supernaturalis, sed non e converso, disp. 5, num. 213, p. 529. Ubi præcipiuntur virtutum actus, comprehenduntur eorum propria motiva. Ibi. num. 221, p. 537. Mutua inter virtutes dependentia in eliciendo suos actus. Ibi. num. 238, p. 553. Per unius virtutis actum non adimpletur præceptum alterius. Ibi. num. 259, p. 570. Una virtus non attingit formaliter objectum alterius, nec pro illa supplere potest, disp. 5,

num. 313, p. 611. Quomodo una virtus pertineat ad diversas potentias. Quæst. 85, art. 4. In Comment. num. 6, p. 644.


Comparatio inter virtutes quantum ad perfectionem. Quæst. 85, art. 6, in Comment. per totum, et præcipue, num. 9, p. 656. Omnis virtus supernaturalis est tota adæquata, et immediata ratio agendi actum supernaturalem sibi correspondentem, disp. 6, num. 4, p. 663. Ratio voluntarii in actu supernaturali reperta nequit esse proxima nisi a supernaturali virtute elevante voluntatem, disp. 6, num. 31, p. 686. Qui virtutum actus supponant, aut non gratiam habitualem. Ibi. num. 66, p. 715. Quomodo virtutes concurrant ad libertatem suarum operationum, licet non sint principium eas omittendi aut eliciendi actus contrarios, disp. 6, num. 82, p. 727. Quomodo virtus determinata ad unum extreum contradictionis possit efficere actum liberum. Ibi. num. 85, p. 729.


VITA, VITALE. Actus supernaturalis sub ratione vitalis petit procedere a principio supernaturali, disp. 6, num. 30, p. 685. Radix et principia, ut homo vivat per supernaturales operationes. Ibi. num. 32, p. 687. Vita supernaturalis ad instar naturalis, num. 39, p. 694. Per totum. Quomodo vitalitas fidei salvetur absque forma animam informante, disp. 6, num. 64, p. 714. Duo vivendi modi in ordine supernaturali. Ibi. num. 66, p. 715. An species cognitioni servientes sint vitales. Ibi. num. 71, p. 719. In tota præsenti vita datur locus Pœnitentiæ, disp. 6, num. 160, p. 780.


VOLUNTAS. An in voluntate dari queant affectus conditionati, disp. 5, num. 20, p. 381. Justitia, et omnes ejus species, et partes resident in voluntate, disp. 5, num. 123, p. 454. Voluntas non eget habitu ad amorem naturalem Dei super omnia, disp. 5, num. 204, p. 521. Voluntas satisfaciendi Deo pro peccato non est actus Pœnitentiæ, disp. 5, num. 137, p. 465. Voluntas est subjectum Pœnitentiæ, et sub qua ratione. Quæst. 85, art. 4, in Comment. num. 2 et 3, p. 641, et 642. Voluntas creata non influit immediate adhuc partialiter in actus supernaturales, disp. 6, num. 4, et sequentibus late, p. 663. Voluntas non continet actum supernaturalem sub ratione vitalis, nec sub ratione voluntarii. Ibi. num. 29, p. 684. Ut voluntas possit omittere libere actum charitatis, non requiritur, quod illum possit immediate elicere, disp. 6, num. 86, p. 730. Voluntas eodem actu vult absolute, et vult se velle. Ibi. num. 88, p. 731.


VOTUM. Votum Sacramenti Pœnitentiæ, disp. 4, num. 3, p. 252. Non requiritur formale, et implicitum. Ibi. num. 13, p. 256, sufficit pro voto Baptismi, quod si virtuale, et implicitum. Ibi. num. 16, p. 258. An cum virtuali voto cohaereat formale, disp. 4, num. 20, p. 260. Quomodo se habeat votum ad virtutem numero 89, p. 298.

FINIS









S - cursus theo-
• 19 # 1097

THE INSTITUTE OF MEDIAEVAL STUDIES
10 ELMLEY PLACE
TORONTO 5; CANADA.

1097.

